

BEATI  
ALBERTI  
MAGNI,  
RATISBONENSIS EPISCOPI,  
ORDINIS PRÆDICATORVM,  
COMMENTARII IN IV. LIB. SENTENTIARVM.

Recogniti per R. A. P. F. PETRVM IAMMY, sacrae Theologiae Doctorem, Conuentus  
Gratianopolitani, eiusdem Ordinis,

*Delalibera*

NUNC PRIMUM IN LUCEM PRODEUNT.

*Professa*

Operum Tomus Decimus - Sextus.

*de la casa*

*de Mex<sup>co</sup>*



LVGDVNI,

Sumptibus

CLAVDII PROST.  
PETRI & CLAVDII RIGAÛD, Frat.  
HIERONYMI DELAGARDE.  
IOAN. ANT. HÜGVETAN.

*Via Mercat  
toria;*

M. DC. LI.


CVM PRIVILEGIO REGIS.



A. 30023

7121 G95

*Handwritten notes:*  
1860  
1861







# INDEX

## Distinctionum & Articulorum, in quar- tum Librum Sententiarum.

### DISTINCTIO I.

- Art. 1. **V**trum Sacramentum sit  
necessarium. 3
2. **V**trum sint septem Sa-  
cramenta, vel etiam  
plura, & an Sacramen-  
tum substantialem or-  
dinem habeat ad veniale. 4
3. Quæritur de ordine Sacramentorum. 7
4. Quæ sit differentia int r gratiam donorum  
& virtutum, & eam quæ confertur in Sacra-  
mentis. ibid.
5. Quæritur de definitionibus Sacramenti. 9
6. Vtrum in Sacramentis signum sit res aliqua. 11
7. Vtrum ea quæ significandi gratia tantum  
instituta sunt, sint solum signa, & non Sa-  
cramenta. ibid.
8. Vtrum offerre sacrificia carnalia sit bonum  
in genere, & an fuerit iuris naturalis, & an  
iustificabant. 12
9. Vtrum veniale virtute Sacramentorum ve-  
teris legis remittebatur. 14
10. Quare in noua lege non est aliquid curans  
irregularitatem sicuti in veteri. ibid.
11. Vtrum oblationes & sacrificia debuerint  
esse ante legem, & vtrum tunc omnes tene-  
bantur cognoscere rationes figuræ in qua  
positi erant. ibid.
12. Quis sit effectus cineris virulæ rufæ, &  
aquæ quæ fiebat per commixtionem eius. 15
13. Vtrum triplex causa institutionis Sacra-  
mentorum à Magistro sit bene assignata. 16
14. Vtrum in omni Sacramento sint duo, scili-  
cet verba & res. 17
15. Vtrum Sacramenta veteris legis dederunt  
salutem sicuti Sacramenta nouæ legis. ibid.
16. Vtrum testamentorum fuit grauius. 18
17. Vtrum circumcisio à Dam. sit bene defi-  
nita. ibid.
18. Vtrum circumcisio etiam impresserit cha-  
racterem. 19

*D. Alb. Mag. in 4. lib. Sent.*

19. Vtrum circumcisio iustificabat. 20
20. Quid dicatur sinus Abrahæ, & an paruuli  
decedentes sint in aliqua pœna. 21
21. Quare fœminæ non circumcidebantur.  
ibid.
22. Vtrum omnes tenebantur ad circumcisio-  
nem. 23
23. Vtrum tres causæ tactæ à Magistro sint  
bene assignatæ. ibid.

### DISTINCTIO II.

- Art. 1. **V**trum contra omnes pœnas debeant  
ordinari Sacramenta, & quæ sit eo-  
rum diuisio. 24
2. Quare non fuerunt Sacramenta instituta  
mox post hominis lapsum. 26
3. Vtrum baptismus Ioannis contulit gratiam. 27
4. Vtrum baptismus Ioannis erat in pœniten-  
tiam, & non in remissionem peccatorum. 28
5. Quare baptismus dicitur esse baptismus  
Ioannis. ibid.
6. Vtrum baptismus Ioannis erat Sacramen-  
tum. 29
7. Vtrum baptizati à Ioanne fuerint rebapti-  
zandi. 30

### DISTINCTIO III.

- Art. 1. **V**trum definitiones baptismi sint  
bene assignatæ. 31
2. Vtrum sit aliqua forma baptismi, & de  
singulis verbis positis in forma baptismi. 35
3. Quando baptismus est institutus. 39
4. Vtrum aqua sit conueniens materia baptis-  
mi. ibid.
5. Vtrum in baptismo necessaria sit trina im-  
mersio, aut vna sufficiat. 41
6. Vtrum adueniente baptismo cessauit cir-  
cumcisio. 42
7. Vtrum baptismus aperuit cælum. 43

**DIST**



# Index Distinct. & Articulorum.

## DISTINCTIO IV.

- Art. 1. **V**trum paruulis qui recipiunt rem  
& Sacramentum sit æqualis ef-  
fectus baptismi. 45
2. Quid sit fictio. 46
3. Vtrum fictio possit impedire baptismum. 47
4. Qualiter redeat effectus cessante fictione. ibid.
5. Vtrum verum sit illud dictum Apostoli:  
Quotquot baptizati estis, Christum indui-  
stis. 48
6. Vtrum baptismus sanguinis, & pœnitentia  
suppleat vicem baptismi qui fit in aqua. 50
7. Vtrum latro in cruce fuit martyr, & bapti-  
zatus baptismo sanguinis. 51
8. Vtrum paruuli qui in vtero matris moriun-  
tur, vel nati sine baptismo decedunt,  
æterno supplicio vel sensibili pœna pu-  
niantur, aut pœna damni tantum. 52
9. Vtrum sit orandum pro paruulis. 53
10. Vtrum vnus & æqualis sit effectus baptis-  
mi in omnibus baptizatis. 54
11. Vtrum pœnalitas cui per peccatum addi-  
ti sumus, per baptismum non tollatur. ibid.
12. Vtrum fictè baptizato res præcedat Sa-  
cramentum, & vtrum non recedente fictio-  
ne sit vere signum. 55
13. Vtrum paruulis in baptismo datur gra-  
tia, & vtrum habeant virtutes. 56

## DISTINCTIO V.

- Art. 1. **V**trum ille qui debet baptizare, de-  
bet habere ordinem iurisdictionis, & an debeat esse iustus. 58
2. Vtrum ebriosus, homicida, adulter possunt  
baptizare. 59
3. Vtrum hæreticus & schismaticus possunt  
baptizare. 60
4. Quæ sit potestas quam Dominus sibi reti-  
nuit, & quid ministris dedit, & quam po-  
tuit dare & non dedit. 61
5. Vtrum Ioannes nouit Christum, & quid  
de eo nouit. 62
6. Vtrum Christus homo habuit potestatem  
dimittendi peccata. 63

## DISTINCTIO VI.

- Art. 1. **V**trum quilibet potest esse minister  
Ecclesiæ. 66
2. Vtrum hæreticus potest baptizare. ibid.
3. Vtrum character est in aliquo genere, & in  
quo genere, & si in genere qualitaris, in  
qua specie. 67
4. Vtrum definitiones characteris sint bene  
assignate. 69
5. Quæ & quot sunt Sacramenta imprimen-  
tia characterem. 72

6. Vtrum à tribus Sacramentis imprimen-  
tis characterem character impressus sit  
vnus, & si plures, quis eorum est plures. 74
7. Quomodo se habeat character Sacramen-  
tum Christi ad characterem bestia. 75
8. Quis sit effectus characteris. ibid.
9. Quæ gratia est sanctificatio in vtero, &  
quando datur, & quantum valet, & an ta-  
lis esset baptizandus si nunc nasceretur. 76
10. Vtrum aliquis inuitus, amens, dormiens  
potest baptizari. 78
11. Vtrum aliquis potest iocando vel mimice  
baptizari. ibid.
12. Vtrum electis baptizandis debeant sem-  
per seruari duo tempora. 79
13. Vtrum venientes ad baptismum, fidem de-  
bent profiteri, & an illa professio sit votum. 80
14. Vtrum paruulus ad ætatem veniens, tene-  
tur ad ea quæ pro ipso vouerint patrini, &  
an patrini obligati sint tanquam fideiusso-  
res fidei eorum, & quo sensu patrini dicant  
paruulo, Credo. 81
15. Quare cathecizantur paruuli, & ad quid  
valet cathecismus. 82

## DISTINCTIO VII.

- Art. 1. **V**trum Sacramentum confirmatio-  
nis sit necessarium. 83
2. Vtrum sit aliqua materia determinata con-  
firmationis, & quæ sit illa. 84
3. Vtrum materia Sacramenti confirmationis  
sit chrisma. 86
4. Vtrum non ordinatus potest confirmare,  
& an ordinatus non Episcopus. 88
5. Vtrum Sacramentum confirmationis con-  
ferat gratiam, & an sit gratiarum faciens, & an  
sit gratia distincta à gratia baptismi, an con-  
firmatio tantum. 89
6. An Sacramentum confirmationis debeat  
dici maius Sacramentum aliis. 93
7. Vtrum detur confirmatio in digniori parte  
corporis. 94
8. An Sacramentum confirmationis debeat  
dari vtrique sexui, & in qua ætate conferri,  
& qualiter sint præsentandi ad confirma-  
tionem, & an ieiuni sint confirmandi. ibid.
9. Vtrum confirmatio imprimat characterem. 95

## DISTINCTIO VIII.

- Art. 1. **V**trum Eucharistia sit Sacramen-  
tum maioris gratiæ quam bap-  
tismus. 97
2. Quare Eucharistia & baptismus magis ha-  
bent figuras quam alia Sacramenta. 98
3. Quæ sit causa cur hoc Sacramentum viati-  
cum dicatur. 100
4. An Sacramenta Christianorum sint ante  
omnia Sacramenta Iudæorum. ibid.
5. Vtrum Sacramentum Eucharistiæ sit debito  
& congruo tempore institutum à Christo. 101
6. Vtrum ista sit debita forma, Hoc est enim  
corpus meum. 103
7. Quæritur



## in Lib. IV. Sententiarum.

7. Quæritur de forma quæ dicitur super vinum, & de singulis verbis in ea positis. 107
8. Vtrum forma quæ dicitur super panem, expectat formam quæ dicitur super vinum. 110
9. Vtrum sacramentum Eucharistiæ sit frequentandum siue celebrandum post cœnam, sicut Christus ipsum instituit. 111
10. Vtrum hoc sacramentum post prandium celebretur, & quæ comestio siue portio arceat à perceptione sacramenti. 113
11. Vtrum Eucharistia sit etiam sacramentum an non. 115
12. Quid sit sacramentum, quid res, & quid sacramentum & quid res simul. 116
13. Vtrum sacramentum sit vnum vel plura. ibid.

### DISTINCTIO IX.

- Art. 1. **V**trum sint duo distincti modi manducandi sacramentum, vnus sacramentalis, alijs spiritualis. 119
2. Vtrum sit aliquis modus spiritualis sumendi Eucharistiæ, & quid sit in tali modo vnde dicitur manducatio. 121
  3. Quare tantum sint duo modi manducandi prædicti & penes quid differant. 122
  4. Qualis vnio requiratur, vt aliquis manducet corpus Christi, siue spiritualiter, siue corporaliter. ibid.
  5. Vtrum corpus Christi sumptum transeat in ventrem, & quandiu maneat. 123
  6. Vtrum antiqui Patres aliquo modo comederunt sacramentaliter. 124
  7. Vtrum mali accedentes aliquid accipiant corporis Christi, & quomodo maneat in ipsis corpus Christi. 125
  8. Vtrum mali percipiant corpus Christi. 127
  9. Vtrum malus plus peccet communicando, quam alio genere peccati. 129
  10. Vtrum pollutio nocturna impediat à communione. 140
  11. Vtrum aliqua fœditas corporalis, vt menstruum, vel huiusmodi impediat à perceptione corporis Christi. 133
  12. Vtrum indignè sumens corpus Christi id efficiat, vt malum fiat quod accipit. ibid
  13. Vtrum Sacerdos petat, vt Christus qui nunc sub specie panis accipitur, manifesta visione accipiat. 134

### DISTINCTIO X.

- Art. 1. **V**trum corpus Christi vere sit in altari, aut solum sicut signatum in signo. 136
2. Vtrum verum sit quod dicit Magister, Non hoc corpus, quod videris, comesturi estis. 238
  3. Vtrum hoc verum sit quod dicit Magister, Ipsum quidem, & non ipsum corpus quod videbatur, manducabatur. 140
  4. Vtrum sacramentum Eucharistiæ bene dicatur componi ex visibilibus elementorum, & carne Christi. ibid.
  5. Vtrum cato sit sacramentum carnis, & sanguis sacramentum sanguinis. 141

6. Vtrum communicantes sumunt Dominum suum, & an corpus Christi quotidie formetur. 142
7. Vtrum virtus verborum consecrationis sit virtus creata vel increata, & quando datur illa virtus, vtrum in principio, medio, vel fine verborum. 144
8. Vtrum maioris potentia sit facere de pane corpus Christi, quam de nihilo facere aliquid. 146
9. Vtrum oporteat quærere naturæ ordinem in Christi corpore. 147
10. Vtrum in sacramento Eucharistiæ potest dici creari corpus Christi per Spiritum sanctum, & vtrum per Spiritum fiat transsubstantiatio. ibid

### DISTINCTIO XI.

- Art. 1. **V**trum in sacramento corporis Christi sit aliqua conuersio siue transmutatio. 148
2. Qualis sit huiusmodi transmutatio siue conuersio. 150
  3. An illa transmutatio fiat subito vel successiue. 152
  4. Quomodo hæc transmutatio se habeat ad operationem naturæ, creationis, & mirabilium siue miraculorum. 154
  5. Vtrum mutatio quæ est in sacramento Eucharistiæ, sit similis mutationi quæ dicitur augmentum, & an adiuncta sit loci mutatio. 156
  6. Vtrum istæ locutiones sint concedendæ, panis potest esse corpus Christi, panis mutatur in corpus Christi, corpus Christi fuit panis, panis erit corpus Christi. 247
  7. Vtrum panis in consecratione annihiletur, aut in præiacentem materiam redigatur. 159
  8. Vtrum in sacramento Eucharistiæ cum corpore Christi maneat substantia panis & vini. 161
  9. Vtrum in hora immolationis aperiantur cæli, & ad quid cæli sunt aperti. 172

### DISTINCTIO XII.

- Art. 1. **Q**uare Christus sub alia specie quam propria dedit corpus suum. 163
2. Vtrum in sacramento Eucharistiæ necessaria sit duplex species. 165
  3. Vtrum bene dicat Magister, quod vinum operatur in sanguine. 166
  4. Vtrum sub vtraque specie sumatur totus Christus. 167
  5. Vtrum bene dicatur quod non debet dici, iterari sacramentum. ibid.
  6. Quare hoc sacramentum datur sub specie panis & vini. 168
  7. Vtrum sacramentum debet dari sub specie panis & de frumento, & an grana alia possunt admisceri. 170
  8. Vtrum debeat fieri confectio in azymo vel fermentato. 172

2 3 9. Vtrum



# Index Distinct. & Articulourm.

9. Vtrum aqua debeat admisceri vino, & quantum aquæ, & qualiter peccent qui omit-  
tant. 173
10. Vtrum species sacramentales aliis liquo-  
ribus admixtæ corrumpantur, an maneant  
saluæ. 175
11. Vtrum aqua & vinum quæ miscentur in  
calice, possunt separari. 177
12. Vtrum calix potest esse aqua sola, aut vi-  
num solum, aut mixtum ex utroque. 178
13. Quale corpus Christus dedit discipulis  
suis, an mortale & passibile, vel immortale  
& impassibile. 178
14. Quid de corpore Christi esset factum si  
ab aliquo discipulorum fuisset consecra-  
tum in triduo, aut seruatum in pixide,  
& an anima existens in limbo etiam potuit  
esse in corpore consecrato. 179
15. Vtrum Christus in cæna in propria per-  
sona sumpsit corpus suum. 181
16. Vtrum in sacramento Eucharistiæ maneant  
accidentia sine subiecto. 182

## DISTINCTIO XIII.

- Art. 1. **V**trum possibile sit aliquid frangi in  
sacramento. 188
2. Vtrum fractio prædicta sit in corpore Chri-  
sti, aut in formis tantum. 189
  3. Vtrum quando Christus ostendit se disci-  
pulis in via in specie peregrini, fecit actum  
simulatorium siue illusorium. 190
  4. Vtrum consecratione facta maneant omnia  
accidentia, & etiam soliditas mathematica  
secundum esse reale. 191
  5. Vtrum fractione facta maneat vnum sacra-  
mentum, & an plures efficiantur ibi for-  
mæ. 192
  6. Vtrum opinio illa sit vera quæ dicit corpus  
Christi essentialiter frangi & diuidi, & ta-  
men integrum & incorruptibile manere.  
ibid.
  7. Vtrum confessio Berengarij, qui confessus  
est coram Papa panem & vinum quæ in al-  
tari ponuntur, post consecrationem non so-  
lum sacramentum, sed etiam verum corpus  
Christi esse, sit vera. 193
  8. Vtrum opinio illorum sit vera, qui dicunt,  
quod in sacramento nulla fractio vel par-  
titio sit, quæ non sit in substantia ac in  
sacramento. 195
  9. Vtrum potest dici, quod accidentia post  
consecrationem maneant in ære. ibid.
  10. Quomodo totum corpus Christi sub tan-  
tilla forma contineatur in sacramento.  
ibid.
  11. Vtrum quisque fidelium communicans  
accepit totum Christum, vel partem suam,  
& an totus Christus sit in qualibet parte  
hostiæ. 198
  12. Vtrum quando manducatur Christus per  
partes in sacramento, ipse maneat integer  
tотus in cælo, & integer totus in corde tuo.  
199
  13. Vtrum vbi pars corporis est, ibi sit &  
totum secundum Hilarium, & quale sit il-  
lud vbi, quando dicitur, vbi est princeps,

- ibi Rex. 200
14. Quid significant partes hostiæ quæ dini-  
duntur à sacerdote celebrante. 202
15. Vtrum communio & fractio hostiæ sint  
signum eiusdem, vel diuerforum, & quid  
significet qualibet. 204
16. Vtrum aliquis existens in peccato mortali  
potest accedere ad communionem, & acci-  
pere corpus Christi. ibid.
17. Vtrum Sacerdos debet repellere aliquem  
in mortali peccato existentem. 205
18. Vtrum habenti peccatum mortale liceat  
videre corpus Christi & quomodo. 206
19. An ille qui aliter celebrat quam institu-  
tum est à Christo, peccet mortaliter. ibid.
20. Vtrum Sacerdos debet dare illi qui est in  
peccato mortali, & petit sibi dari sacra-  
mentum, & an tali possit dari hostia non conse-  
crata. 207
21. An communicaturus teneatur primo di-  
mittere debitoribus. ibid.
22. Vtrum Magister bene dicat, quod spiritua-  
liter manducat qui innocentiam ad altare  
portat. 208
23. Vtrum Christus immolatur in omni sacri-  
ficio. 209
24. Vtrum Christus quotidie immolatur in  
sacramento. ibid.
25. Vtrum sacramentum Eucharistiæ valeat  
contra venialia peccata. 210
26. Vtrum sacramentum Eucharistiæ congruo  
tempore sit institutum à Christo post cæ-  
nam. 212
27. Vtrum quotidie sit communicandum.  
213
28. Vtrum ter in anno sit communicandum.  
214
29. Vtrum malus Sacerdos etiam conficiat.  
218
30. Vtrum præfatus ab Ecclesia etiam potest  
conficere. 219
31. Vtrum missa boni Sacerdotis sit melior  
quam missa mali Sacerdotis. 221
32. Quare specialiter prohibetur à canonibus  
quod missa, vel sacramentum non recipia-  
tur ab hæreticis, simoniacis, schismaticis,  
siue notoriis fornicariis. 221
33. Vtrum corpus Christi verum sit melius  
corpore Christi mystico. ibid.
34. Vtrum bene dicatur missa, quia celestis  
missus est ad consecrandum vel viuifican-  
dum. 222
35. Quomodo intelligendum sit illud Grego-  
rij, Maledicam benedictionibus vestris. 223
36. Quare dulcedo sacramenti non sentitur à  
sumentibus. ibid.
37. Vtrum Sacerdos extra altare, & sine sacris  
vestibus potest celebrare. ibid.
38. Vtrum mus, vel aliud animal brutum po-  
test sumere Christi corpus in ore, vel in  
ventre. ibid.
39. Quis sit hæreticus & vnde dicatur. 225

## DISTINCTIO XIV.

- Art. 1. **V**trum sacramentum pœnitentiæ  
bene ordinetur quantum in or-  
dine



# in Lib. I V. Sententiarum.

- dine sacramentorum. 228
2. Vtrum pœnitentia sit secunda tabula post naufragium. 229
  3. Vtrum pœnitentia sit virtus. ibid.
  4. Vtrum pœnitentia sit virtus generalis vel specialis. 232
  5. Vtrum pœnitentia sit in vno genere vel in pluribus. 234
  6. Vtrum pœnitentia sit iustitia. 235
  7. Vtrum pœnitentia sit charitas. 236
  8. In qua vi animæ est pœnitentia. 237
  9. Vtrum pœnitentia sit prior aliis virtutibus. 238
  10. Qualiter pœnitentia timore concipiatur. 239.
  11. Quare pœnitentia non concipiatur amore, fide, vel alia virtute. ibid.
  12. Vtrum definitio pœnitentiæ sit bene assignata ab Amb. ibid.
  13. Vtrum verè pœnitens possit cadere, & de cætero damnabiliter peccare. 242
  14. An aliquis lauari possit per pœnitentiam ad munditiam. 243
  15. An illis qui iterant peccata, prosint priora lamenta. ibid.
  16. Vtrum ille qui commissa plangit, tamen non deferens, pœnæ grauiori se subiicit. 244
  17. Vtrum velle non peccare, aut cessare à peccato sit vera pœnitentia. ibid.
  18. Vtrum peccata deleantur per pœnitentiam secundum quod est virtus vel sacramentum, & an habeat duos actus, plangere & odire. ibid.
  19. Vtrum eleemosyna auferat culpam, & peccatorem mundum facit. 245
  20. Vtrum omnia ante acta bona per pœnitentiam sequentem viuificentur. 247
  21. Vtrum omnia mortificata possunt viuificari. 248
  22. Vtrum opera mortificata quoad omnia quæ sunt in ipsis, viuificentur. 249
  23. Per quid iustificentur opera mortificata. 250
  24. Quomodo & secundum quem modum dicitur vita, quando dicitur, quod opera mortificata sunt viua. ibid.
  25. Vtrum tertia definitio pœnitentiæ sit bene assignata. 251
  26. An peccator semper debet dolere, & de dolore gaudere. 252
  27. Qui dicantur perfecti, & quæ est pœnitentia perfectorum. 254
  28. Quot sint modi pœnitentiæ. 255
  29. Vtrum sæpius iterata pœnitentia semper de criminibus datur venia toties quoties. ibid.
  30. Vtrum resurgens per pœnitentiam à peccato, resurgat in maiori charitate quam prius habuit. 257
  31. Vtrum sit aliquod summum malum ad quod possit quis deuenire. 259
  32. An mali possunt venire ad virtutem per pœnitentiam. 260
  33. Vtrum ad primum statum sit reditus per pœnitentiam. 262
  34. Vtrum Dauid debuit puniri propter populi numerationem. 263

## DISTINCTIO XV.

- Art. 1. Vtrum de vno peccato potest agi pœnitentia, alio peccato in delectatione retento. 264
2. An pro vno peccato potest consurgere duplex tribulatio. 266
  3. Vtrum pœnæ quæ commutant in bonum, & iunguntur in satisfactione, sint iustæ an non. ibid.
  4. Vtrum quinque modi quibus flagella contingunt, sint bene assignati. 267
  5. Vtrum Deus puniendo peccata seruet mensuram debitam. 270
  6. An per sententiam iudicis priuetur sententia sacerdotis. ibid.
  7. Vtrum propter leuem culpam, vti in sabato colligere ligna, debuit infligi mors. ibid.
  8. Vtrum sine fide aliqua pœna sit satisfactoria. ibid.
  9. Vtrum satisfaciens in peccato mortali satisfecerit. 271
  10. Vtrum satisfaciens indigeat gratia gratum faciente vt satisfaciat. 273
  11. Vtrum oporteat quemlibet satisfacere qui deliquit. 274
  12. Vtrum definitio satisfactionis sit bona. ibid.
  13. Quomodo differt opus satisfactionis ab aliis operibus pœnitentiæ. 276
  14. Vtrum eleemosyna sit in genere virtutis. ibid.
  15. Vtrum eleemosyna sit bene definita. 278
  16. Vtrum eleemosyna sit de præcepto vel consilio, & si de præcepto, sub quo. 379
  17. Vtrum eleemosyna sit pars satisfactionis. 280
  18. Qualiter eleemosyna distinguitur ab aliis partibus satisfactionis. 281
  19. Vtrum eleemosyna magis constet in voluntate interiori vel exteriori. ibid.
  20. Vtrum eleemosyna possit esse sine compassione, & an compassio sit ei substantialis. 282
  21. Vtrum sepultura sit eleemosyna, vel species eleemosynæ. ibid.
  22. Vtrum docere sit eleemosyna spiritualis. 284
  23. An eleemosynæ spirituales corporalibus sint meliores. ibid.
  24. Ex quo potest vel debet fieri eleemosyna. 285.
  25. Vtrum vxor de bonis mariti sui aut econtra, an monachus, aut filius, an famulus aut famula possint dare panem dominorum suorum. 287
  26. Vtrum daturus eleemosynam, debet ordinatè incipere. 288
  27. Vtrum verum est illud, Qui diligunt iniquitatem, odiunt animam suam. 289
  28. Vtrum immundis nihil est mundum. 289
  29. Vtrum verum sit quod nihil prodest orare, ieiunare, & alia bona facere, nisi mens reuocetur à peccato. ibid.
  30. Vtrum satisfactio extra charitatem sit iteranda redeunte charitate. 290
  31. Vtrum bonum mortuum factum extra charitatem, vnquam potest reuiuiscere. 291
  32. Vtrum bona opera facta per aliquem extra charitatē, diminuunt incendiū inferni. 292
  33. An Deus potest sanare de vno peccato, & non de alio. 293
  34. Vtrum



# Index Distinct. & Articulorum,

34. Vtrum omnes quos Christus sanauit in corpore sanauit etiam, & in anima. 294
35. Vtrum repugnet iustitiæ ab ea sperare mediam veniam. ibid.
36. Vtrum aliqua sint lachrymæ mentis, & ad damna temporis sint plus flenda quam tempora. ibid.
37. Vtrum hoc dictum Magistri : Cum ergo pœnites cur facis quæ male fecisti, bene valeat. 296
38. Vtrum duo modi falsæ pœnitentiæ sint bene assignati. ibid.
39. Vtrum sit aliqua vera pœnitentia. 297
40. Vtrum perfecta pœnitentia cogat peccatorem omnia libenter sustinere. 298
41. Vtrum possit dici quod aliquis nequiuerrimè mendare peccatum. ibid.
42. Restitutio quid sit. ibid.
43. Quid est quod debeat restitui, & qualiter est restituendum. 300
44. Cui debeat fieri restitutio. 301
45. Qualiter habent se opera restitutionis ad opera pœnitentiæ. ibid

## DISTINCTIO XVI.

- Art. 1. **V**trum Sacramentum pœnitentiæ sit vnum. 304
2. Vtrum Sacramentum pœnitentiæ habeat partes, & quæ sint illæ partes. 306
  3. Vtrum pœnitentia prædicetur de omnibus partibus suis simul in summa an sigillatim. 307
  4. Vtrum sicut Deum tribus modis offendimus, scilicet corde, ore & opere, ita tres partes pœnitentiæ respondent istis tribus modis offendendi. ibid.
  5. Vtrum tribus differentiis peccati quæ sunt cor, factum, & consuetudo cor respondeant tres partes pœnitentiæ. 308
  6. Quid sit contritio in genere. 310
  7. Quid sit contritio propria definitione. 312
  8. Quæ sit differentia inter compunctionem, attritionem & contritionem. 315
  9. Cuius partis animæ est contritio. 317
  10. Vtrum contritio semper eodem modo fuerit in nouo, & veteri testamento. ibid.
  11. Quid sit primum mouens ad contritionem. 318
  12. Vtrum confessio sit in Sacramento, & obliget omnes. ibid.
  13. Vtrum confessio sit de iure naturali vel positiuo. 321
  14. Quam differenter confessio fuit in lege naturali, veteri & noua. 323
  15. Vtrum confessio sit actus virtutis vel tantum Sacramenti. ibid.
  16. Vtrum definitiones pœnitentiæ sint bene datæ. 324
  17. Vtrum aliquis & quis articulus fidei moueat ad confessionem. 328
  18. Cui attributo innititur confessio. ibid.
  19. Vtrum sufficiat per Ioannem facta institutio ad satisfactionem. 329
  20. Vtrum satisfactio sit in præcepto. ibid.
  21. Vtrum idem sit satisfacere, & dignos fructus pœnitentiæ facere, & qui sint fructus

- digni pœnitentiæ. 331
22. Vtrum circumstantiæ aggrauent peccatum. 332
23. Vtrum circumstantiæ aggrauent peccatum relinquitendo actum in eadem specie. 333.
24. Vtrum pœnitens teneretur confiteri omnia peccata sua, & circumstantias suas. 334
25. Vtrum pœnitens teneretur reuoluere circumstantias in contritione & satisfactione. 335
26. Quæ & quot sunt circumstantiæ aggrauentes peccatum. 336
27. Quæ circumstantiarum vitium magis aggrauant. 339
28. Vtrum pœnitens debeat se ponere omnino in iudicio, & potestate Sacerdotis nihil sui iuris sibi reseruans, & an teneatur ingredi religionem si Sacerdos pœnitenti inungat. 341
29. Vtrum contritio potest intendi. 342
30. Vtrum per aliquid & penes quid attenditur contritionis intensio. 344
31. Quanta debeat esse contritio. 345
32. Vtrum contritio debeat esse de omnibus peccatis. 346
33. Vtrum contritio possit esse brevis & finita. 347
34. Quanta debet esse quantitas contritionis respectu voluntatis peccandi vel non peccandi. 348
35. Vtrum sit aliquis status ultra quem non intenditur neque crescat contritio. 349
36. Vtrum oporteat confessionem esse integram. 350
37. Vtrum hypocrisis sit bene definita. 352
38. Vtrum hypocrisis sit speciale peccatum, an generale coniunctum aliis. 353
39. In quibus operibus frequentius apparet hypocrisis, & in quo actu sit peior. 354
40. Quomodo hypocrisis se habeat ad inanem gloriam. ibid.
41. Vtrum hypocrisis semper sit peccatum mortale, vel veniale. 355
42. Vtrum bonæ conscientie confortatio requiritur in eo qui debet communicare. ibid.
43. Vtrum ludi sint peccatum mortale, & qui sint & qui non sint. 356
44. Vtrum digni fructus virtutum dicantur digni fructus pœnitentiæ. 357
45. Vtrum pœnitentiæ quæ non imponuntur pro qualitate criminis secundum auctoritates canonum debeant dici falsæ pœnitentiæ. 358
46. Vtrum militia, negotiatio publica, vectigalia, pedagia sint licita vel illicita. 359
47. Vtrum bene diuidantur principia à Magistro. 361
48. Vtrum pœnitentia sit ante baptismum. 362
49. Vtrum pœnitentia sit fundamentum, & qualiter sit fundamentum. 363
50. Quæ sunt ista quæ sunt in isto fundamento pœnitentiæ, & an pœnitentia quæ est fundamentum sit virtus vel Sacramentum. 369
51. Vtrum idem sit fundamentum rerum sperandarum



## in Lib. IV. Sententiarum.

- randarum Christianæ religionis, & præmij æterni. 366
52. Vtrum fides præcedat pœnitentiam. ibid.
53. Vtrum omne peccatum exprimat in decalogo. 367
54. Vtrum bonorum sit pœnitentia, & vtrum boni & humiles de venialibus debent agere pœnitentiam. ibid.
55. Vtrum aliquis non habens debitum, possit dicere orationem Dominicam. 368

### DISTINCTIO XVII.

- Art. 1. **V**trum in sola contritione peccatum dimittatur. 370
2. Vtrum votum debet pro operatione reputari. 373
3. Vtrum sufficiat confiteri soli Deo. 374
4. Vtrum per gemitum pœnitentiæ ante oris confessionem dimittatur peccatum. ibid.
5. Vtrum omnes teneamur ad oris confessionem. ibid.
6. Vtrum confessio necessario debet fieri in charitate. ibid.
7. Vtrum sicut anima est vita corporis, ita Deus est vita animæ. 376
8. Vtrum in pœnitente confessio præcedat iustificationem. 377
9. Quid sit iustificatio impij. ibid.
10. Quæ sunt illa quatuor quæ requiruntur ad iustificationem impij. 379
11. Quis sit ordo eorum quæ requiruntur ad iustificationem impij. 381
12. An iustificatio impij est naturalis vel miraculosa. 383
13. Cuius attributi sit iustificatio impij. 384
14. Vtrum iustificatio impij sit effectus iustitiæ vel misericordiæ. ibid.
15. Quid sit motum ad iustificationem impij. 385
16. Quomodo habeant se adinuicem dilectio, prædestinatio, vocatio, electio, iustificatio & magnificatio. ibid.
17. Quid sit sanatio mentis. 387
18. Vtrum renouatio mentis fiat per virtutes & per gratiam. ibid.
19. Vtrum sanitas mentis siue renouatio imaginis sint eadem an differant. 388
20. Vtrum sanitas mentis fiat per gratiam præuenientem. ibid.
21. Vtrum sanitas mentis fiat per gratiam sacramenti. 389
22. An prædicta sanitas fiat subito vel successiue. ibid.
23. Sanatio & renouatio in quo differant. 390
24. Vtrum confessio liberet animam à morte. ibid.
25. Vtrum modi purgationis à peccato secundum Magistrum sint bene distincti. 391
26. Vtrum pœnitens debet soli sacerdoti innotescere in sua confessione. 392
27. Vtrum teneamur confiteri in conspectu populi. ibid.
28. Quare dicatur aliquid peccatum veniale. 393
29. Vtrum desperatio veniat ex contemptu, vel ex timore. ibid.

*D. Alb. Mag. in 4. lib. Sent.*

30. Vtrum verum sit quod dicit Magister, Nullus debito grauioris pœnæ accepit veniam. 393
31. Vtrum confessio sit virtus. 394
32. An oporteat confiteri homini. 395
33. Vtrum verum sit hoc dictum Magistri dicentis, Lauant lachrymæ debitum, quod voce pudor est confiteri. 396
34. Vtrum recognoscens peccata sua potest proximo mala cogitare. 398
35. Vtrum aliquis potest confiteri suo confesso. ibid.
36. Qualis debeat esse confessio. ibid.
37. An temporalibus pœnis mutantur æterna supplicia. 402
38. Vtrum aliquis possit agere pœnitentiam nescientibus aliis, & seipsum aliquis possit excommunicare. ibid.
39. Vtrum soli Sacerdoti sit confitendum, & an valeat confessio facta cuilibet alteri. 404
40. Vtrum Sacerdoti proprio sit confitendum, & an valeat confessio facta cuilibet alteri Sacerdoti. 406
41. Vtrum plures possint esse proprii Sacerdotes. 409
42. Vtrum posito quod vnus proprius Sacerdos habeat plures coadiutores, facta confessione vni, teneatur confessus alteri confiteri si ille præcipiat. 410
43. Vtrum aliquis ex privilegio potest audire eos qui sunt alterius subditi. 413
44. Vtrum aliquis privilegiato confessus teneatur etiam confiteri proprio Sacerdoti. 414
45. Vtrum aliquid utilitatis consequatur si quis confiteatur privilegiato. 414
46. Vtrum definitiones scandalij sint bonæ. ib.
47. Vtrum scandalum bene diuidatur in actiuum & passiuum. 417
48. Vtrum scandalum sit speciale peccatum distinctum ab aliis peccatis. ibid.
49. Vtrum scandalum semper sit mortale peccatum. 418
50. Vtrum scandalizare aliquo modo conueniat bonis. 419
51. Quorum sit scandalizari. 420
52. Quæ sunt illa quæ dimittenda sunt propter scandalum. ibid.
53. Vtrum indulgentia concipiatur in contritione vel confessione. 421
54. Vtrum per signa siue scripta possit fieri confessio, & an per interpretem. 422
55. Vtrum peccata aliquando dimittantur in contritione, aliquando in confessione. ibid.
56. Vtrum sola iustitia vtatur Deus, vel etiam misericordia in condemnatione. 423
57. Vtrum semper necessarium sit confiteri suo Sacerdoti. ibid.
58. Vtrum aliquis possit confiteri suo socio, & ad quid valeat illa confessio. 425
59. Vtrum confessio facta Laico socio sit sacramentum. ibid.
60. Qualis Sacerdos est quærendus, & quæ sint conditiones Sacerdotis confitentis. 426
61. Vtrum volenti confiteri, sed morte præueniente votum reputatur pro facto. ibid.
62. Vtrum diuersa sollicitudo sit habenda penes pœnitentes. ibid.
63. Vtrum



# Index Distinct. & Articulorum,

63. Vtrum excommunicatus ab Ecclesia, & non à Deo sit vitandus. 427  
 64. Vtrum teneamur ad confitenda venialia peccata, & an iteranda sit confessio eorum quæ dicta sunt. ibid.  
 65. Vtrum superbia sit fons aliorum malorum. 429

## DISTINCTIO XVIII.

- Art. 1. **V**trum in Ecclesia sunt aliquæ clau-  
 es necessariae. ibid.  
 2. An definitio clauis à Magistro data sit bona. 431  
 4. Quot sunt clauis. 432  
 3. Vtrum scientia discernendi inter lepram & lepram, sit clauis Ecclesiæ. 434  
 5. Quæritur de secunda clauis, quæ est ligandi & soluendi potestas, & an sit communicabilis. 435  
 6. Vtrum hæreticus habens ordinem, etiam habeat clauem. ibid.  
 7. Vtrum Sacerdos valeat absoluerè à culpa, & à reatu pænæ æternæ. 436  
 8. Vtrum peccatum debeat, & possit dici renebra. 438  
 9. Vtrum fiat absolutio à debito æternæ pænæ per absolutionem à Sacerdote facta. 440  
 10. Vtrum verbum Dei dimittat peccata. ibid.  
 11. Quæ & qualis sit potestas Sacerdotum super peccatis dimittendis. 441  
 12. Vtrum charitas Ecclesiæ dimittat peccata. 443  
 13. Vtrum Sacerdos Euangelicus differat à Sacerdote legali. 444  
 14. Vtrum Sacerdos legalis habuerit etiam clauis. ibid.  
 15. Vtrum dictum illud saluatoris sit verum, Quodcumque ligaueris super terram. 446  
 16. Vtrum definitio excommunicationis data à Magistro sit bona. 447  
 17. Quot modis fiat excommunicatio. ibid.  
 18. In quem ferenda est excommunicatio. 448  
 19. Vtrum quilibet qui habet clauis, possit excommunicare. 439  
 20. Qualiter ferenda sit excommunicatio. 450  
 21. Vtrum participare cum excommunicato sit peccatum mortale. ibid.  
 22. Vtrum macula, caligo, fomes, & alia quæ sunt in peccatore, possunt dici esse à Deo. 452

## DISTINCTIO XIX.

- Art. 1. **V**trum Christus habuit clauis. 453  
 2. Vtrum clauis æquè sit ad claudendum quam aperiendum. ibid.  
 3. Quomodo clauis se habeat ad ordinem. ibid.  
 4. Vtrum ostiarij habeant clauis. 454  
 5. Vtrum reges iniuncti habeant clauis. ibid.  
 6. Vtrum congregatio habeat clauis. 455  
 7. Vtrum abbatissæ & priorissæ habeant clauis. 456  
 8. Vtrum per clauem iurisdictionis valet aliquis plus vna vice ante absolutionem à priori excommunicari, & an absolutus ab vna sit etiam absolutus ab alia. ibid.  
 9. Vtrum Sacerdos potest vti clauis iurisdic-

- tionis aduersus maiorem, æqualem, vel minorem se. 457  
 10. Vtrum aliquis clauis iurisdictionis potest vti in subditos alienos. 458  
 11. Vtrum Christus possit absoluerè nolentem. ibid.  
 12. Vtrum boni & mali habentes iurisdictionem, habeant etiam clauem. 459  
 13. Vtrum boni & mali æquè rectè & dignè habeant potestatem clauium. 461  
 14. Vtrum Moyse & Aaron fuerint Sacerdotes, & quam differenter. ibid.  
 15. Vtrum Cayphas bene dicitur prophetasse. ibid.  
 16. Vtrum hæretici, vel mali Prælati Christiani conferant benedictionem. 462  
 17. Vtrum fraterna correctio sit bene definita à Magistro. 463  
 18. Vtrum ille qui debet corrigere, debeat esse irreprehensibilis. 464  
 19. Vtrum omnes teneamur ad fraternam correctionem. 465  
 20. Vtrum correctio fraterna sit omnium in omnes. ibid.  
 21. Vtrum in correctione fraterna seruandus sit aliquis ordo. 466  
 22. Quomodo differant correctio fraterna & correctio iudicis. 467  
 23. Vtrum Deus iustè liberauit meretricem, non inuento qui proiiceret primum lapidem. ibid.  
 24. Vtrum in lege veteri per ceremonialia dimittebantur venialia. ibid.  
 25. Vtrum omnis qui ligat alios, sit iustus. 468

## DISTINCTIO XX.

- Art. 1. **V**trum in fine vitæ dari potest pœnitentia. 469  
 2. Vtrum sanus pœnitens potest conicere de certitudine charitatis, an odio, vel amore dignus sit. 470  
 3. Vtrum Deus seram pœnitentiam exaudiat. ibid.  
 4. Vtrum sero pœnitens habeat libertatem arbitrij. ibid.  
 5. Quid sit ignis purgatorij, an corporeus vel spiritalis. ibid.  
 6. In quo loco sit purgatorium. 472  
 7. Vtrum ignis purgatorius sit æternus vel temporalis. ibid.  
 8. Vtrum pœna purgatorij excellit omnem pœnam quam quis passus est, aut pati potest in hac vita. ibid.  
 9. Vtrum horrendum sit incidere in manus Dei. 475  
 10. Vtrum veniale peccatum possit mutari in mortale peccatum. ibid.  
 11. Vtrum si peccator semper viueret, semper peccaret. ibid.  
 12. Vtrum qui iniunctam pœnitentiam non perfecit, tenebitur illam in purgatorio perficere. 476  
 13. Vtrum latro statim vt conuersus fuit, paradysum ingredi meruit. 477  
 14. Vtrum mensura temporis satis apertè prefigitur pœnitentibus. ibid.  
 15. Vtrum



## in Lib.IV.Sententiarum.

15. Vtrum notificari debeat confitenti quantum oporteat facere secundum canonem, non tamen iniungi. 478
16. Indulgentia siue relaxatio quæ sit. ibid.
17. An relaxatio etiam habeat effectum, & an valeat. 479
18. Vtrum indulgentia valeat existenti in peccato mortali, & an valeat æqualiter seculari & religioso, & an sit vtriusque necessaria, & an valeat existentibus in inferno & purgatorio. 481
19. Vtrum indulgentia æqualiter valeat dari & facienti hoc quod Ecclesia requirit, & habenti voluntatem faciendi, sed non facienti propter defectum facultatis. 483
20. Vtrum Papa existens in peccato mortali, possit dare indulgentias, & an etiam ei qui sit in peccato mortali. ibid.
21. Vtrum Christus possit dare indulgentias. ibid.
22. Vtrum Sacerdos simplex possit conferre indulgentias, & an vnus Laicus potest alteri dare suas indulgentias. 484

### DISTINCTIO XXI.

- Art.1. **V**trum sint aliqua venialia quæ dimittantur post hanc vitam. 486
2. Vtrum sint aliqui qui ædificant lignum, fœnum, stipulam, & quid talia significant. 487.
  3. Vtrum lignum, fœnum, stipula ædificentur super fundamentum. ibid.
  4. Vtrum ignis purgatorius sit, vel non sit post mortem. 488
  5. Quare inferni nominantur pluralibus nominibus. 490
  6. Quid intelligitur per ædificantes aurum, lapides pretiosos, &c. 491
  7. Vtrum existentes in purgatorio purgentur voluntariè vel inuoluntariè. ibid.
  8. Vtrum in damnatis veniale puniatur æternaliter. 492
  9. Vtrum animæ puniantur per demones. 493
  10. Vtrum error iste Græcorum venit approbandus, qui dicunt nullum ante diem iudicii intrare cælum vel infernum, sed in medijs locis conuersari. ibid.
  11. Vtrum in contritione aliquis tenetur recolligere peccata sua vt valeat. 496
  12. Vtrum piæ mentes debent ibi cognoscere culpam, vbi culpa non est. 497

### DISTINCTIO XXII.

- Art.1. **V**trum peccata dimissa redeant per quodlibet reciduum. 499
2. Vtrum peccatum veniale etiam redeat per ingratitude sicuti alia. 502
  3. Vtrum originale peccatum etiam redeat per ingratitude. 502
  4. Vtrum ille cui plura dimissa sunt, magis tenetur ad gratiarum actiones quam ille qui seruauit innocentiam. ibid.
  5. Vtrum hoc sacramentum habeat tria sicuti cætera. ibid.

*D. Alb. Mag. in 4. lib. Sent.*

6. Quid in dicto sacramento sit res, & quid signum, & quid res tantum. 504
7. Vtrum in sacramento pœnitentiæ signum sit vnum vel plura. 505
8. Vtrum sacramentum pœnitentiæ sit vnum vel plura. ibid.
9. Qualiter sacramentum pœnitentiæ sit vnum. 506
10. Vtrum sacramentum pœnitentiæ indiguit institutione. ibid.
11. Vtrum sacramentum pœnitentiæ sit institutum ante statum peccati. ibid.
12. Vtrum sacramentum pœnitentiæ fuit institutum in lege naturæ. 507
14. Qualiter sacramentum pœnitentiæ fuit institutum tempore legis Mosæ. ibid.
14. Qualiter institutum est sacramentum pœnitentiæ tempore legis Euangelicæ. 508

### DISTINCTIO XXIII.

- Art.1. **V**trum extrema vnctio sit necessaria. 509
2. Vtrum vnctio extrema sit bene definita. 510
  3. Vtrum oleum consecratum ab Episcopo sit materia sacramenti extremæ vnctionis. 511
  4. Quæ sit forma huius sacramenti. 513
  5. Vtrum sacramentum extremæ vnctionis bene ordinatur inter alia sacramenta. 515
  6. Vtrum oporteat eum esse Episcopum qui consecrat oleum, quod est materia extremæ vnctionis. 516
  7. Vtrum sit aliqua principalis vnctio, & an illa sit quæ sit in baptismo, confirmatione, vel extrema vnctione. 517
  8. Vtrum Reges debeant inungi in scapulis oleo, an chrismate, & non in capite. ibid.
  9. Vtrum solum infirmi sint perceptibiles huius sacramenti. ibid.
  10. In qua ætate infirmus perceptibilis est sacramento extremæ vnctionis. 508
  11. Vtrum in omni ægritudine aliquis sit perceptibilis huius sacramenti. ibid.
  12. Quare furiosi & amentes, & alij similibus infirmitatibus laborantes prohibentur à perceptione huius sacramenti. 519
  13. Vtrum sacramentum extremæ vnctionis ab Apostolis, aut à Christo est institutum. 520
  14. Vtrum sacramentum extremæ vnctionis bene dicatur à Magistro duplici de causa institutum. ibid.
  15. Vtrum infirmus percipiens hoc sacramentum in aliquo loco determinato sit inungendus. 521
  16. In quibus partibus corporis infirmus sit inungendus. 522
  17. Vtrum extrema vnctio sit vnum, vel plura sacramenta. ibid.
  18. Vtrum si Sacerdos inungens vngendo moriatur, alius inungens debet incipere à nouo. 523
  19. Vtrum in sacramento extremæ vnctionis sit aliquid, quod est sacramentum tantum, & aliquid quod est sacramentum & res, & aliquid quod res tantum, & an imprimat characterem. ibid.

ē 2      20. Vtrum



# Index Distinct. & Articulourm.

20. Vtrum extrema vnctio possit iterari. 525  
21. Vtrum in morbis chronicis debet, & possit  
semper iterari extrema vnctio. ibid.

## DISTINCTIO XXIII.

- Art. 1. **V**trum Sacramentum ordinis bene  
sequatur Sacramentum extre-  
mæ vnctionis. 526  
2. Quare istud Sacramentum præ cæteris di-  
uiditur in partes. 527  
3. Qua diuisione diuiditur hoc Sacramentum  
ordinis. 528  
4. Vtrum Sacramentum sit vnum vel plura.  
ibid.  
5. Quæ sit ordinum sufficientia. 529  
6. Vtrum sint septem ordines propter septi-  
formem gratiam. 530  
7. Quæ requiruntur ad hoc quod aliquis  
possit suscipere ordines. 532  
8. Quæ scientia requiritur ad promotionem  
ordinum. ibid.  
9. Quæ vita requiratur ad hoc, quod aliquis  
sit idoneus. 533  
10. Quantum peccatum committit promo-  
uens non idoneum, & an necessitate aliqua  
talis potest excusari. 534  
11. Vtrum non idoneè promotus in quolibet  
actu officij sui peccet mortaliter. 535  
12. Qualiter illius peccati remedia possunt  
acquiri. 536  
13. Vtrum corona sit ordo, vel tantum dispo-  
sitio ad ordinem. ibid.  
14. Vtrum tonsura in veteri lege figurabatur  
in Nazaræis. 537  
15. Vtrum clerici habeant ius hæreditatis in-  
ter parentes suos vel non. ibid.  
16. Vtrum ordo ostiariorum sit primus, & ha-  
beat aliquem actum. 538  
17. Vtrum ordo ostiariorum imprimat chara-  
cterem. 539  
18. Vtrum in Sacramento istius ordinis sit ali-  
qua specialis forma. 540  
19. Vtrum ordo lectoratus sit bene ordinatus  
inter ordines. 541  
20. Quæritur de differentia lectoratus & psal-  
mistatus. 542  
21. Quis sit actus ordinis lectoratus. ibid.  
22. Quid sit actus exorcistarum. 544  
23. Vtrum ordo exorcistarum colligat duos  
precedentes secundum naturam totius  
potestatiui. ibid.  
24. Vtrum acolitus sit ordo. 545  
25. Quando acolitis imprimatur character. 546  
26. Quis sit actus diaconi ad quem imprimi-  
tur character. 547  
27. Vtrum ordo subdiaconatus præcellat om-  
nes alios ordines. 547  
28. Quare isti tres ordines dicuntur sacri.  
548.  
29. Quis sit actus principalis ordinis diaco-  
natus. 549  
30. Vtrum tam diaconus quam alij priores  
præexigant alia Sacramenta. 550  
31. Vtrum vestis sacra exigatur ad hoc vt fiat  
actus ordinum. 551

32. Vtrum Sacerdotium conferatur consecra-  
tione, vel merito sanctitatis. 552  
33. Vtrum Sacerdotium veteris legis & nouæ  
sit idem Sacerdotium. ibid.  
34. Qualiter character Sacerdotij vniat sibi  
characterem ordinum præcedentium. 553  
35. Vtrum tres actus Sacerdotij positi à Ma-  
gistro, sint sufficienter assignati. ibid.  
36. Vtrum canones bene appellent duos sa-  
cros ordines. ibid.  
37. Vtrum ordo bene definiatur in litera à  
Magistro. 554  
38. Quid sit in Sacramento ordinis pro mate-  
ria & forma. 555  
39. Vtrum Episcopatus, & alia quæ Magister  
enumerat, sint ordines. 556  
40. Quando & qualiter prædicta conferan-  
tur. 557

## DISTINCTIO XXV.

- Art. 1. **V**trum hæretici ab Ecclesia præcissi  
possunt conferre ordines. 560  
2. Quid sit simonia. 561  
3. Vtrum simonia sit hæresis. 562  
4. Vtrum inferior cum superiore potest com-  
mittere simoniam. ibid.  
5. Quibus modis committatur simonia. 563  
6. Quare venditores spiritualium dicuntur  
simoniaci, cum tamen non sequantur Si-  
monem, sed potius Giezi. 565  
7. Vtrum canones bene disposuerunt de ara-  
te ordinandorum, cum tamen non serue-  
tur. 566

## DISTINCTIO XXVI.

- Art. 1. **Q**uare matrimonium sit institutum.  
567  
2. Vtrum Adam doluerit in ablatione costæ.  
ibid.  
3. De qua parte costæ Eva sit formata, vtrum  
de ossè, vel carne. 568  
4. Vtrum Adam propheticè dixit, Hoc nuno  
os ex ossibus meis, & caro de carne mea.  
569  
5. Vtrum matrimonium potest institui pluri-  
bus vicibus. 570  
6. Vtrum in paradiso fuissent nuptiæ & ma-  
trimonium. 570  
7. Vtrum in paradiso fuisset conceptus sine  
ardore libidinis. 571  
8. Vtrum matrimonium sit remedium contra  
morbum concupiscentiæ. 572  
9. Vtrum concupiscentia sit mortalis, & cum  
concupiscentia inhæreat coitui, an sit sem-  
per mortalis. 573  
10. Vtrum propria institutio matrimonij ha-  
buit præceptum. 574  
11. Vtrum actus matrimonialis habet indul-  
gentiam & præmium. 576  
12. Vtrum permissio in Nouo Testamento sit  
de bonis moralibus. 577  
13. Vtrum opinio hæreticorum dicentium  
coitum cum vxore esse peccatum, sit tole-  
randa. 578  
14. Vtrum



## in Lib. IV. Sententiarum.

14. Vtrum Magister bene determinet rem Sacramenti matrimonij, & quæ sit illa res, & an matrimonium sit Sacramentum, & à quo trahat virtutem sui effectus. 580  
15. Vtrum matrimonium ante carnalem copulam sit perfectum. 583

### DISTINCTIO XXVII.

- Art. 1. **V**trum matrimonium bene nominetur duobus modis, scilicet matrimonium & nuptiæ. 584  
2. Vtrum definitiones matrimonij sint bene assignatæ. 585  
3. Vtrum alter coniugum sine altero potest continere. 587  
4. Vtrum mutuus consensus per verba, vel signa expressus sit causa matrimonij. 588  
5. Vtrum talis consensus semper efficiat matrimonium. 590  
6. Quare in hoc Sacramento potius quam in alio requiritur consensus. 591  
7. Vtrum coniugium dicatur consistere in vnione animorum vel corporum. 592  
8. Vtrum & quando est necesse reddere debitum. 593  
9. Vtrum vir potest uxorem suam dimittere. 595  
10. Vtrum vir post introitum religionis & votum continentiae emissum potest redire ad uxorem, & an vxor teneatur eum recipere. ibid.  
11. Vtrum impotentia coeundi, vel aliud impedimentum potest dirimere matrimonium. 596  
12. Vtrum definitio sponsalium sit bene assignata à Magistro. 598  
13. Quorum sint sponsalia. ibid.  
14. Quis sit effectus sponsalium. 601  
15. Quibus modis sponsalia contrahantur. 602  
16. Quibus modis sponsalia dirimuntur. 605  
17. Vtrum dicantur sponsalia à sponsa de futuro vel de presenti, & an à solemnitate nuptiarum. 609  
18. Vtrum in sponsalibus debet esse terminus ad solemnizandum matrimonium. 610  
19. Vtrum definitio bigamiæ sit bene assignata. 611  
20. Quot modis sit bigamia. 612  
21. Vtrum bigamiæ adiungatur irregularitas. 616  
22. Vtrum bigamia admittat dispensationem. 518

### DISTINCTIO XXVIII.

- Art. 1. **V**trum iuramentum cum spofalibus faciat matrimonium. 620  
2. Vtrum accedente copula carnali sponsio de futuro faciat matrimonium. 621  
3. Quæ pœnitentia venit iniungenda ei qui exprimit verba consensus, & non intendit: & ita decipit eam cum qua videtur contrahere. 622  
4. Vtrum filiafamilias potest inuitis parenti  
*D. Alb. Mag. in 4. lib. Sent.*

- bus tradi marito suo. 623  
5. Vtrum consensus qui fit in occulto, sanciat matrimonium, vel solum ille qui fit in publico. 624  
6. Vtrum consensus fit in carnalem copulâ. 625  
7. Vtrum vir sit dominus suæ vxoris. 626

### DISTINCTIO XXIX.

- Art. 1. **Q**uomodo definitur vis siue coactio. 628  
2. Quomodo diuidatur coactio. 629  
3. Vtrum metus cadat in constantem virum, & quis sit vir constans. 632  
4. Vtrum vis euacuat matrimonij consensum. 633  
5. Vtrum metus in eo qui vim patitur, aliquid relinquat peccatum. ibid.

### DISTINCTIO XXX.

- Art. 1. **Q**uid sit error. 635  
2. Vtrum error ex sui natura euacuet & impediatur matrimonium. 636  
3. Quid sit error personæ. ibid.  
4. Vtrum erroris diuisio quam ponit Magister in litera, sit bene assignata. 637  
5. Vtrum Lia coniugens se Iacob quando consenserat in Rachel, mortaliter peccauerit, & adulterum commiserit. 638  
6. Vtrum aliquis adorans diabolum peccet mortaliter. ibid.  
7. Vtrum suscipiens hæreticum peccet mortaliter. ibid.  
8. Vtrum erat verum matrimonium inter Ioseph & gloriosam Dei genitricem Virginem. 639  
9. Vtrum Sacramentum matrimonij inter Mariam & Ioseph fuit perfectum, & an iuste Ioseph voluit Mariam dimittere. 641  
10. Vtrum bonum matrimonij istius fuit bonum prolis. 642  
11. Vtrum votum castitatis beatæ Virginis contrariebatur consensui matrimoniali. 643  
12. Vtrum inter beatam Virginem, & Ioseph fuit indiuiduitas vitæ. ibid.  
13. Vtrum matrimonium potest fieri pluribus de causis. 645

### DISTINCTIO XXXI.

- Art. 1. **I**n quo genere boni sit matrimonium. ibid.  
2. Vtrum bona matrimonij sint in eodem genere cum matrimonio, aut sint in genere boni honesti. 646  
3. Quod bonorum matrimonij sit præstantius. 647  
4. Vtrum ista bona conueniant matrimonio in quantum est remedium. 648  
5. Vtrum hæc bona matrimonij habeat omne matrimonium. ibid.  
6. Vtrum ista bona conueniant matrimonio in quantum initiato rato vel consummato. 649  
7. Vtrum



# Index Distinct. & Articulorum,

7. Vtrum bonum nuptiale sit tripartitum. 649
8. Vtrum fides secundum quod est bonum matrimonij, bene definiatur. 650
9. Quis sit actus fidei. ibid.
10. Vtrum matrimonium operetur bonitatem prolis vel substantiam matrimonij. 651
11. Quid sit diuortium. 652
12. Qui sint qui possunt denuntiare causas diuortij. ibid.
13. Vtrum & quando potest matrimonium accusari. 654
14. Vtrum matrimonium imprimat characterem. 656
15. An conseruatio continentiae sit de confirmantibus matrimonium, & essentiam eius. 656
16. Vtrum matrimonium habeat bona matrimonij. 657
17. Vtrum inter illos est matrimonium qui causa libidinis exercendae copulantur. ibid.
18. Quae poenitentia debetur illis qui venena sterilitatis procurant. 658
19. Vtrum actus reddendi debitum sit meritorius. 659
20. Vtrum ardentior amator suae vxoris potius comparatur adultero quam fornicatori. 660
21. Quando coitus est bonus. 661
22. Vtrum praegnantibus sit reddendum debitum. 663
23. Vtrum sit mortale peccatum tempore orationum statuto petere debitum. 665
24. Vtrum in coniuge propria potest esse vsus contra naturam, & an coeuntem contra vsus debitum conringit peccare moraliter. ibid.
25. Vtrum coitus procedens vltra necessitatem sit mortale peccatum. 666
26. Quae sint illa quae Apostolus secundum veniam concessit. 667
27. Vtrum omnis coitus sit vitium vel peccatum, & vnde habet illud peccatum vel vitium. 668
28. Vtrum cognoscens vxorem suam aliquo casu sit repellendus ab Ecclesia. 669
29. Vtrum coniuges matrimonialiter coniuncti sint inter se aequales. 679

## DISTINCTIO XXXII.

- Art. 1. **V**trum semper & aequaliter contingit reddere debitum. 672
2. Vtrum soluere debitum sit de perfectione sanctitatis matrimonij. ibid.
  3. Vtrum debitum debet solui non exigenti. 673
  4. Vtrum vir potest vouere non reddere debitum sine consensu vxoris. 673
  5. Vtrum alter coniungum potest abstinere a reddendo debito, vt vacet orationi. ibid.
  6. Vtrum si mulier aliquid vouerit viro consentiente, ipsa teneatur ad obseruationem viro postmodum repugnante. 674
  7. Vtrum mulier quae permittente viro vouerit continentiam, viro postea prohibente

- teneatur reddere debitum. ibid.
8. Vtrum in matrimonio debitum semper sit reddendum. 675
  9. Vtrum liceat in matrimonio in temporibus nominatis in litera coniuges conuenire. 676
  10. Vtrum in qualibet hora dictorum festorum semper sit abstinendum. ibid.
  11. Vtrum quando vacandum est orationi, possit aliquis reddere debitum. 677
  12. Vtrum alter coniugum soluens debitum eodem die edere carnes agni possit, & an etiam exigens possit accipere corpus Domini, & an eodem die quando acceptum est corpus Domini, possit reddere debitum. 678

## DISTINCTIO XXXIII.

- Art. 1. **V**trum matrimonium sit naturale vel de iure gentium. 682
2. Vtrum habere plures vxores sit naturale. 683
  3. Vtrum vnā mulierem habere plures viros sit contra naturam. 685
  4. Vtrum ante legem gratiae solum libidinosi fuerint bigami. 686
  5. Vtrum aliquando licuit habere concubinam. ibid.
  6. Qualiter bonum Sacramenti in coniugiis antiquorum saluabatur. 687
  7. Vtrum vnquam licuerit alicui viro habere plures vxores. ibid.
  8. Vtrum concubitus Loth cum suis filiabus licuit. 688
  9. Vtrum immoderatus vsus nostri temporis fere imitetur turpitudinem fornicationis temporis antiquorum. 689
  10. Vtrum difficilius fuerit continere temporibus antiquis quam his temporibus. ibid.
  11. Vtrum sub diuersis legibus eodem modo excusabantur qui habebant plures vxores. ibid.
  12. Vtrum concubitus moderatus possit abesse a libidine. 690
  13. Vtrum gula sit bene definita. ibid.
  14. Vtrum gula sit peccatum carnale. 692
  15. Vtrum gula sit circa delectabile gustui. ibid.
  16. Vtrum omnis motus gulae sit peccatum, & an semper gula sit peccatum mortale, & an sit magis peccatum quam luxuria. 693
  17. Vtrum gula sit vitium capitale. 694
  18. Vtrum quinque species gulae à Gregorio sint bene assignatae. 695
  19. Vtrum filiae gulae sint bene assignatae. 696
  20. Vtrum bene sentiant sancti qui dicunt bonum esse omnes homines esse virgines. 698
  21. Vtrum concubinae Patriarcharum ancillae fuerint vel vxores. ibid.
  22. Vtrum patres antiqui habentes vxores, & ancillas, seruabant fidem thori. 699
  23. Libellus repudij cuiusmodi fuit, & quid scribatur in ipso. ibid.
  24. Quare



## in Lib. IV. Sententiarum.

24. Quare libellus repudij fuit permissus, 700  
 25. Vtrum dimittens uxorem per libellum repudij, & repudiata poterant saluari. 701  
 26. Vtrum aliquæ uxores dicuntur, & quæ sint illæ. 702

### DISTINCTIO XXXIV.

- Art. 1. **Q**uid sit legitimitas personarum contrahentium, & à qua lege dicantur legitimi. 704  
 2. Quid sit numerus eorum qui matrimonium impediunt. 705  
 3. Quare hoc solum Sacramentum habet impedimenta. 706  
 4. Vtrum frigiditas sit impedimentum matrimonij. 707  
 5. Vtrum mulier volens separari à viro propter impotentiam, debet iurare septima manu amicorum quod non sit cognita à marito. 706  
 6. Vtrum separatione facta propter impotentiam, & postea compertum est per iustum iudicium non fuisse impotentiam si contraxerint cum aliis, an debeant separari. 708  
 7. Vtrum si vir cui imputatur impotentia, afferit se reddidisse debitum, mulier vero negat, an sit standum assertioni viri. 709  
 8. Vtrum malefici impedimento aliquis potest impediri à potentia coeundi. ibid.  
 9. Vtrum maleficium sit excludendum per maleficium. 710  
 10. Vtrum maleficiati debeant separari. 711  
 11. Vtrum furia impediat matrimonium. ibid.  
 12. Vtrum ille qui cognouit vnam sororem, potest aliam ducere in uxorem. 712  
 13. Vtrum aliquis potest dimittere uxorem quantulacunque causa, dempta sola fornicatione. 713

### DISTINCTIO XXXV.

- Art. 1. **V**trum ius vtriusque in separatione est æquale. 713  
 2. Vtrum viri mulieres suas adulteras debent accusare ad Sacerdotes. ibid.  
 3. Vtrum adulteri teneantur se dimittere & separari, vel an possint simul habitare. 715  
 4. Vtrum vir qui fornicationis expers fornicariam dimiserit, potest alij copulari. 716  
 5. Vtrum vir potest fornicariam dimittere, & alteri copulari, sicuti falso imponitur Ambrosio qui hoc senserit. 717  
 6. Vtrum vir teneatur dimittere adulteram. 718  
 7. Qualiter debeat fieri adulterij accusatio. 719  
 8. Quando admittitur maritus ad accusationem uxoris adulteræ, & an potest fieri per sodomiam, & an de hæresi, & reliquis casibus. ibid.  
 9. Vtrum effectus separationis sit præcisio à thoro. 720

10. Vtrum septem casibus non debet nec potest fieri accusatio ad separationem thori, & qui sint illi septem casus. 721  
 11. Vtrum post latam sententiam de separatione teneatur vir recipere adulteram si ipse adulterauerit. 723  
 12. Vtrum mulier adultera teneatur viro reuocanti eam reconciliari post sententiam de separatione thori etiam si noluerit. ibid.  
 13. Vtrum mulier adultera post sententiam adulterij potest repellere virum ab accusatione. 724  
 14. Vtrum vir adulteratus occultè sine peccato potest agere ad separationem thori contra mulierem adulteram manifestè. ibid.  
 15. Vtrum mulier post reconciliationem amittit ius petendi debitum. 725  
 16. Vtrum adultera valeat duci in coniugio. 726

### DISTINCTIO XXXVI.

- Art. 1. **Q**uid sit conditio impediens matrimonium. 727  
 2. Vtrum seruitus impediat matrimonium. 728  
 3. Vtrum impediat ex iure naturali vel positivo. ibid.  
 4. Vtrum seruus vnius potest contrahere cum ancilla alterius. 730  
 5. Vtrum vir potest se dare in seruum alteri sine consensu uxoris, & absolui per hoc à redditione debiti. 731  
 6. Vtrum masculi ante xiv annos, & puellæ ante xii. annum inire possint matrimonium. 732

### DISTINCTIO XXXVII.

- Art. 1. **V**trum ordo impediat matrimonium 734  
 2. Vtrum ordo sit impedimentum matrimonij temporale, locale, particulare, vniuersale vbiq; & semper. 736  
 3. Vtrum omnis ordo facer impediat matrimonium. ibid.  
 4. Vtrum habes uxorem, si uxore consentiente sit ordinatus, ipsa vxor teneatur intrare religionem. 737  
 5. Vtrum ordinatus, uxore reclamante teneatur reddere debitum non obstante ordine. 738  
 6. Vtrum clerici orientales reclamantibus vxoribus possunt ordinari. ibid.  
 7. Vtrum uxores orientalium consentientes ordinationi suorum maritorum teneantur continere post mortem eorum. 739  
 8. Vtrum verum sit, quod in aliquibus ordinibus potest contrahi matrimonium nisi habitus religionis obfit. ibid.  
 9. Vtrum aliquis talium teneatur ducere virginem. ibid.  
 10. Vtrum aliquis talium potest ducere viduam aut repudiatam. ibid.  
 11. Vtrum impedimentum sit alicuius, & quantæ virtutis. 740



# Index Distinct. & Articulorum.

12. Quot & quæ sint crimina matrimonium impediencia. ibid.
13. Vtrum in tribus casibus qui polluit aliquam per adulterium, post mortem uxoris potest eam ducere in matrimonium. 740
14. Vtrum liceat maritis uxores adulteras interficere. ibid.

## DISTINCTIO XXXVIII.

Art. 1. **V**trum definitiones voti sint bene assignatæ. 743

1. Vtrum votum est eorum quæ sint sub consilio. 744
3. Qui sunt qui possunt vouere, & an Monachus, an vxor, & an filij siue cæteri de familia. 745
4. Vtrum votum reddere sit necessitatis. 746
5. Vtrum votum sit magis obligatorium quam iuramentum. 747
6. Vtrum votum habeat vim suæ obligationis. ibid.
7. Vtrum votum dicatur de voto, secundum vnâ rationem. 749
8. Vtrum transgressio voti communis facit speciale peccatum. ibid.
9. Quare aliquod votum dicatur commune, aliquod singulare. 750
10. Vtrum votum commune recipiat dispensationem. 751
11. Vtrum diuisio voti singularis in priuatum & solemne sit bona. 752
12. Vtrum votum priuatum æqualis sit obligationis cum solenni. 753
13. Quis sit modus solennizandi votum. ibid.
14. Vtrum omne votum perpetuum potest solennizari. 754
15. Vtrum votum priuatum continentie impedit matrimonium. ibid.
16. Vtrum omne votum recipiat dispensationem. 755
17. A quo voto potest fieri dispensatio. 756
18. Vtrum cum omnibus potest dispensari. 757
19. Vtrum votum conditionale debeat impleri simpliciter. 758
20. Quæritur de voto interpretatiuo, an aliquis intrans religionem, & manens ultra tempus probationis, sit professus, & an sit compellendus, vt maneat & profiteatur. 759
21. Vtrum adulterium homicidio, & aliis peccatis sit grauius. 760
22. Quid faciendum sit mulieribus quæ putant maritos suos mortuos esse. 761
23. Vtrum redeunte marito alter potest manere cum ea quam putat uxorem propter scandalum. 761

## DISTINCTIO XXXIX.

Art. 1. **V**trum dispar cultus faciat personam illegitimam. 762

1. Quare hoc potius conueniat fidei quam alteri virtuti. ibid.

3. Vtrum fides ratione alicuius articuli facit personam legitimam. 763

4. Vtrum si quis ducat hæreticam baptizata, quæ nolit dimittere hæresim, debeat eam dimittere. 763

5. Vtrum dispar cultus matrimonio superueniens dissoluat matrimonium. 765

6. Vtrum aliquis in paganismo habens plures uxores, si conuertatur cum omnibus illis, omnes vel vna, & quæ sit vxor eius. 766

7. Vtrum propter infidelitatem potest vxor dimitti. 767

8. Vtrum propter mortale peccatum alter coniugum potest alterum dimittere. ibid.

9. Vtrum vnus coniugum fidelis potest alium dimittere ante mortem alterius. 769

10. Vtrum inter infideles sit verum matrimonium. 770

## DISTINCTIO XL.

Art. 1. **Q**uid sit consanguinitas. 771

2. **V**nde dicatur consanguinitas. 772

3. Quid sit linea consanguinitatis. ibid.

4. Quæ sit lineæ diuisio. 773

5. Quid sit gradus. ibid.

6. Vtrum sint tres modi computandi gradus, & quis sit inter illos prior. 775

7. Vnde habeat Ecclesia audaciam prohibendi à matrimonio secundum istos gradus. 777

## DISTINCTIO XLI.

Art. 1. **V**trum affinitas sit. 778

2. Vtrum definitio affinitatis sit bene assignata. 779

3. Quot sint genera affinitatis. 780

4. Quomodo computantur gradus affinitatis. ibid.

5. Vtrum in æqualibus gradibus prohibetur & admittitur affinitas sicut consanguinitas. ibid.

6. Vtrum affinitas maneat post mortem illius gratia cuius est contracta. 782

7. Vtrum definitio publicæ iustitiæ sit bene data à Magistro. ibid.

8. Vtrum propinquitas hæc habeat aliquos gradus, & an sint illi gradus. 783

9. Quid iuris est de hac propinquitate. ibid.

10. Vtrum & qui filij sint legitimi. 785

11. Quis sit modus legitimandi. ibid.

12. Ad quid valeat legitimatio. 786

## DISTINCTIO XLII.

Art. 1. **V**trum sit aliqua spiritualis cognatio. 787

2. Quid sit spiritualis cognatio siue proximitas. ibid.

3. Vtrum spiritualis proximitas impediât matrimonium. 789

4. Quot sint species cognationis spiritualis. ibid.

5. Quibus



## in Lib.IV. Sententiarum.

5. Quibus Sacramentis contrahatur ista cognatio spiritualis 792
6. Quæ commatres, & qui compadres possunt contrahere. 793
7. Quid sit adoptio. 793
8. Quot sunt species adoptionis. 794
9. Qui possunt adoptari. 795
10. Vtrum quilibet potest adoptari. ibid.
11. Quis sit effectus adoptionis. ibid.
12. Quæ & quot sint species adoptionis. 797
13. Quid sit cognatio legalis. 797
14. Qualiter impediatur matrimonium. ibid.
14. Vtrum geniti ante compaternitatem, vel post, sint illegitimi, vel solum in compaternitate. 798
16. Quot debent esse in pueri susceptione, & an non baptizatus potest suscipere baptizatum, & si confirmatus confirmatum. 799
17. Vtrum secundæ nuptiæ sint Sacramentum. 801
18. Vtrum matrimonium contra interdictum Ecclesiæ contractum sit separandum. ibid.

### DISTINCTIO XLIII.

- Art. 1. **V**trum resurrectio mortuorum quandoque erit futura. 803
2. Quid sit resurrectio. 807
  3. Vtrum resurrectio sit naturalis vel miraculosa. 808
  4. Vtrum causa resurrectionis erit vox tubæ. ibid.
  5. Vtrum Christus sit causa nostræ resurrectionis. 812
  6. Vtrum vox tubæ erit vnius, aut plurium Angelorum. 813
  7. Vtrum scibile sit tempus aduentus Domini. 814
  8. Quota hora erit iudicium. 815
  9. Quare citatio non præcedit iudicium. 816
  10. Qualiter conscientia dicuntur libri. ibid.
  11. Vtrum omnia peccata, vel quædam tantum contineantur in libris illis. ibid.
  12. Vtrum propria, & aliena peccata parentur omnibus. 817
  13. Vtrum ex apertione illorum librorum erit aliquis cruciatus vel consolatio. 817
  14. Vtrum iudicium extremum fiat in momento. 818
  15. Vtrum sit possibile omnia mala in momento accusari. 819
  16. Vtrum totum iudicium futurum sit in momento. ibid.
  17. Vtrum electis adsit memoria & recordatio peccatorum. 820
  18. Vtrum illa scientia est practica, vel speculatiua, quam habent electi de suis peccatis. 821
  19. Qualiter dictum iudicium procedat per depositionem vnius testis. ibid.
  20. Vtrum peccata electorum debent in iudicio propalari. 822
  21. Vtrum aliqui super mansuri sint viui & vestiendi immortalitate. 823
  22. Vtrum resurrectio sit à morte, vel à cineribus. 824
  23. Vtrum idem sit terminus resurrectionis à quo in bonis & malis. 825

24. Vtrum mali resurgent in mutilatione membrorum. 826
25. Vtrum dolores causati ex inæqualitate humorum manebunt. 827
26. Vtrum resurrectio Christi in omnibus resurgentibus appareat, cum sit causa nostræ resurrectionis. ibid.

### DISTINCTIO XLIV.

- Art. 1. **V**trum resurgentibus sit statuta vna vel diuersa. 829
2. Vtrum corpus gloriosum potest esse in minori loco, quam sit vel exigit. 830
  3. Vtrum corpus gloriosum cum alio corpore non glorioso possit esse in eodem loco. 831
  4. Vtrum duo corpora gloriosa possint esse in eodem loco. 833
  5. Quid sit veritas humanæ naturæ. 834
  6. Vtrum vna veritas humanæ naturæ sit in omnibus hominibus. 835
  7. Vtrum aliquid de nutrimento vertatur in humanam naturam. ibid.
  8. Quot sunt modi resolutionis: & in quo resurget costa, an in Adam vel in Eva, & quomodo resurgent qui vescuntur humana carne. 837
  9. Vtrum homo resurget idem numero quoad materiam, ita quod materia cuiuslibet membri redeat. 838
  10. Vtrum omnes capilli & ungues redeant in resurrectionem, & an veritas humanæ naturæ sit accidens. 839
  11. Vtrum resurget idem homo qui mortuus fuit. ibid.
  12. Vtrum latrones mutilati integro corpore resurgent. 840
  13. Vtrum post resurrectionem mortuorum, sanctorum corpora sint impassibilia. ibid.
  14. Quomodo corpora sanctorum dicantur impassibilia. 742
  15. Vtrum omnia corpora gloriosa sint æqualiter impassibilia. 843
  16. Vtrum sit idem vitio carere, deformitate & corruptione. ibid.
  17. Vtrum agilitas conueniat corporibus gloriosis. ibid.
  18. Quid sit dos agilitatis. 845
  19. A quo causatur dos agilitatis. ibid.
  20. Vtrum agilitas vno modo sit in omnibus Sanctis. 846
  21. Vtrum corpora gloriosa mouebuntur. ibid.
  22. Vtrum motus corporum gloriosorum erit in tempore vel in nunc temporis. 847
  23. Vtrum corpori glorioso conueniat subtilitas. ibid.
  24. Vtrum talis subtilitas sit eadem cum spiritualitate. 848
  25. Vnde causatur hæc subtilitas. 849
  26. Vtrum æqualis sit hæc dos omnibus corporibus gloriosis. 850
  27. Vtrum luminositas possit conuenire corpori humano. ibid.
  28. Quid sit luminositas in corporibus humanis, & an interiora membra lucebunt. 851
  29. Quanta sit luminositas gloriosorum corporum. 852
  30. Vnde



# Index Distinct. & Articulorum.

30. Vnde causetur illa illuminositas in corporibus gloriosis. ibid.
31. Vtrum corpora gloriosa erunt æqualiter lucida. 853
32. Vtrum conuenienter in corporibus gloriosis sint quatuor dotes. 854
33. Vtrum in damnatis maneant defectus naturales. ibid.
34. Vtrum corpora damnatorum ardeant, & non comburantur. 855
35. Vtrum anima patiatur in corpore vel à corpore. 856
36. Quare non potest attribui corporibus damnatorum alius modus passionis. 857
37. Vtrum ignis corporeus cruciat demones. 858
38. Vtrum ignis sit corporeus. 859
39. Vtrum ignis corporeus sit vel esse possit, vt non destruat. 860
40. Vtrum idem sit damnatis ignem videre, & in igne cruciari. 861
41. Vtrum anima sit effigiata vt corpus. 862
42. Vtrum spiritus sint in locis non corporalibus. ibid.
43. Vtrum verum sit quod animæ priuentur sensibus. ibid.
44. Vtrum fœtus abortiui & monstra resurgent, & an tales habebunt dotes. 864
45. Vtrum sint quinque receptacula animarum postquam separantur à corpore. ibid.

## DISTINCTIO XLV.

- Art. 1. **V**trum suffragia quæ facit vnus, alteri valeant. 866
2. Vtrum suffragia valeant defunctis. 867
  3. An suffragia valeant decedentibus in mortali peccato. 868
  4. Vtrum suffragia valeant his qui sunt in purgatorio. 870
  5. Vtrum suffragia profuerunt patribus in limbo. ibid.
  6. Vtrum profint suffragia pueris baptizatis. ibid.
  7. Vtrum suffragia profint sanctis in patria. 871.
  8. Quæ suffragia magis valeant. ibid.
  9. Qui sint illi per quos debent fieri suffragia. ibid.
  10. Vtrum peccent illi qui pompas exequiarum faciunt. 872
  11. Vtrum potior sit conditio diuitis quam pauperis, & an melius sit facere suffragia communia quam specialia. 883
  12. Vtrum Sancti audiant preces supplicantium. 875

## DISTINCTIO XLVI.

- Art. 1. **V**trum diuisio quam supponit Magister, scilicet quod aliqui sint valde boni, & aliqui valde mali, sit bona. 877
2. Quot sint opiniones de suffragiis respectu damnatorum. 830
  3. Vtrum in omni opere Domini sit misericordia & veritas. 882

4. Vtrum aliqua sit vita æterna. 882  
Quid sit vita æterna. ibid.
6. Vtrum vita æterna conueniat ratione essentia vel ratione potentia spiritibus beatis. 883
7. Vtrum damnati viuunt vita æterna. ibid.
8. Quid sit mors æterna. 884

## DISTINCTIO XLVII.

- Art. 1. **V**trum sententia iudicis in extremo iudicio sit vocalis vel mentalis. 885
1. Vtrum Sancti aliqui iudicabunt cum Domino. 885
  3. Quis erit modus iudicandi sanctorum. ibid.
  4. Vtrum alij Sancti habebunt se alio & alio modo. 887
  5. Vtrum in iudicio erunt quatuor ordines iudicandorum. 888
  6. Vtrum ignis qui præcedit iudicium, sit eiusdem speciei cum igne elementali. 890
  7. Quis erit effectus ignis conflagrationis in mundo. ibid.
  8. Quis erit effectus ignis conflagrationis in hominibus. 891
  9. Quo abibit ignis conflagrationis. 892
  10. Vtrum ignis conflagrationis aliquid molestia inferat bonis. ibid.
  11. Vtrum præcedit iudicium ignis conflagrationis vel sequitur. ibid.

## DISTINCTIO XLVIII.

- Art. 1. **V**trum Christus iudicabit in forma hominis. 893
2. Vtrum diuinitas sine gaudio videri possit. ibid.
  3. Vtrum omnes tam boni quam mali videbunt formam gloriæ humanitatis Christi. 895
  4. Vtrum visio Dei in patria debeat dici vita æterna. ibid.
  5. Vtrum Christus in forma serui iudicans videbitur à bonis & malis. ibid.
  6. Vtrum sit aliquis locus, in quo sit Deus iudicaturus mundum. 897
  7. Vtrum in iudicio extremo Sol & Luna eclisim patientur. 898
  8. Vtrum lux solis erit maior post iudicium quam fuit ante. ibid.
  9. Vtrum tunc erunt vices diei & noctis. ibid.
  10. Vtrum Sol & Luna præstabunt beatis lucem. ibid.
  11. Vtrum infernus sit in superficie terræ. ibid.
  12. Vtrum aliquid aëris sit in inferno. 899

## DISTINCTIO XLIX.

- Art. 1. **Q**uid sit mansio. 900
2. Vtrum omnes beati habeant distinctas mansiones. 901
  3. Quomodo & vbi distinguantur mansiones. 902
  4. Quid



## in Lib. I V. Sententiarum.

- |  |  |
|--|--|
| <p>4. Quid sit claritas animæ. 902<br/>         5. Quid sit videre per speciem. ibid.<br/>         6. Vtrum beatitudo sit bene definita à Philosopho. 904<br/>         7. Vtrum omnes velint esse beati. 907<br/>         8. Vtrum vnus beatorum cognoscit aliud quod non cognoscit alter. 908<br/>         9. Vtrum gaudium ab Augustino sit bene definitum. 909<br/>         10. Vtrum in omnibus beatis sit par gaudium. 910<br/>         11. Vtrum beatitudo sanctorum erit maior post iudicium quam ante iudicium. 911<br/>         12. Vtrum anima iterum appetat vniri corpori. ibid.</p> | <p>2. Vtrum dæmones peccent apud inferos. ibid.<br/>         3. Vtrum damnati possunt velle aliquid bonum. 914<br/>         4. Vtrum apud inferos erunt perpetuæ &amp; exteriores tenebræ. 915<br/>         5. Vtrum damnati erunt penitus extra Deum. 916<br/>         6. Vtrum damnari odiunt Deum. ibid.<br/>         7. Vtrum mali habent notitiam eorum quæ hic fiunt. 917<br/>         8. Vtrum boni habent notitiam eorum quæ hic fiunt. ibid.<br/>         9. Quomodo intelligatur diuitem in inferno habuisse linguam. 918<br/>         10. Vtrum boni &amp; mali videbunt se inuicem. 919<br/>         11. Vtrum beati vident omnia quæ aguntur in creaturis. 920<br/>         12. Vtrum corpus gloriosum sensus habeat, &amp; qui dicuntur pedes &amp; caput. 920</p> |
|--|--|

### DISTINCTIO L.

Art. I. **V**trum peccent damnati in inferno. 913







## PRIVILEGE DV ROY.



NOUS par la grace de Dieu, Roy de France & de Navarre, à Nos Amez & feaux Conseillers, les Gens tenans nos Couts de Parlements, Maistres des Requestes ordinaires de Nostre Hostel, Baillifs, Seneschaux, Preuosts, leurs Lieutenants, & à tous autres de nos Iusticiers & Officiers qu'il appartiendra, Salut : Nostre cher & bien Amé JEAN-ANTOINE HUGVETAN, le fils, Marchand Libraire à Lyon, Nous a fait remonstrer qu'il desireroit imprimer les *Oeuvres d'Albert le Grand*, ce qu'il ne peut faire sans grand frais, desquels il craindroit d'estre frustré s'il n'auoit Nos lettres sur ce necessaires, lesquelles il nous a tres-humblement suppliés de luy accorder. A CES CAUSES, Nous auons permis & permettrons par ces presentes, à l'Exposant d'imprimer ou faire imprimer, vendre & debiter en tous les lieux de nostre obeissance ledit liure, en vn ou plusieurs Volumes, en telles marques, en tel Caractaire, & autant de fois qu'il vondra, durant vingt ans entiers & accomplis, à compter du iour que chaque Volume sera acheué d'imprimer pour la premiere fois : & faisons tres-expresses deffences à toutes personnes de quelle qualité & condition qu'elles soyent de l'imprimer, faire imprimer, vendre ny debiter en aucun lieu de nostre obeyssance sous pretexte d'augmentation, correction, changement de tiltre, fausses marques ou autrement, en quelque sorte & maniere que ce soit, sans le consentement de l'Exposant ou de ceux qui auront droit de luy, à peine de quinze liures d'amande, payables par chacun des Contreuenans, & applicables vn tiers à Nous, vn tiers à l'Hostel Dieu de Paris, & l'autre tiers audit Exposant, de confiscation des Exemplaires contrefaits, & de tous depens dommages & interets, à cōdition qu'il sera mis deux Exemplaires dudit Liure en nostre Bibliothèque publique, & vn à celle de nostre tres-cher & Feal le Sieur Segulier Cheualier, Chancelier de France, auant que l'exposer en vente à peine de nullités des presentes. Du contenu desquelles Nous voulons que vous fassiez iouir plainement & paisiblement l'Exposant, ou ceux qui auront son droit, empeschant qu'il ne leur soit donné aucun empeschement, Voulons aussi qu'en mettant au commencement ou à la fin de chaque Volume dudit Liure, vn Extraict des presentes, elles soient tenuës pour dûment signifiées, & que foy y soit adioustée & aux copies, collationnées par l'un de nos Amez & feaux Conseillers & Secretaires, comme à l'Original. Mandons au premier Nostre Huissier ou Sergent sur ce requis, de faire pour l'exécution d'icelles, tous exploits necessaires sans demander autre permission, CAR TEL EST NOSTRE PLAISIR, nonobstant Clameur de Haro, Chartre Normandie, & autres lettres à ce contraires. Donné à Paris le neuvième iour Nouembre l'an de grace mil six cens quarante-quatre, & de nostre Regne le second.

*Signé par le Roy en son Conseil.*

CONRART.

*Ledit Huguetan a associé au susdit Privilege Claude Prost, Pierre & Claude Rigaud Freres, & Hierosme de la Garde, pour en iouyr avec luy durant le temps porté par iceluy, conformément à leur Scrit du 7. Fevrier 1644.*

Acheué d'imprimer pour la premiere fois le 15. Iuin 1650.

D. ALBERTI





D. ALBERTI MAGNI,  
RATISBONENSIS EPISCOPI,  
ORDINIS PRÆDicatorVM,  
COMMENTARII

I N

QVARTVM LIBRVM SENTENTIARVM.

P R O L O G V S.



**S**APIENTIA ædificauit sibi domum, ex-  
cidit columnas septem. Prouerb. 9. *In isto*  
*verbo prapostero ordine narrantur materia*  
*huius libri, & diuisio. Domus enim sapien-*  
*tia nos sumus, quos ædificat ad perpetuam*  
*inhabitationem per corporum resurrectionem,*  
*de qua domo dicit Psalm. Domine dilexi de-* Psalm. 25.  
*corem domus tua, & locum habitationis gloria tua. Decor enim*  
*domus tua sunt dotes corporis, quas habebimus in resurrectione.*  
*Et ideo etiam sapientia dicitur ista ædificare sapienter, & exem-*  
*plariter, & effectiue. Sapienter, ut ipsa coniunctione limi im-*  
*mortalitatis cum spiritali parte qua ad imaginem est, admira-*  
*bilis decor resultet sapientia. Exemplariter autem: quia ipse re-* Philip. 3.  
*formabit corpus humilitatis nostra, configuratum corpori clari-*  
*tatis sua. Effectiue vero: quia sicut dicit Gloss. 1. Corinth. 5. Chri-*  
*sti resurrectio causa efficiens est nostra resurrectionis. Et in hac*  
*parte agit magister à 43. distinct. usque in finem.*

*Sed tunc queritur, Quare prapostero ordine hæ partes acci-*  
*piuntur isto verbo? Et ad hoc dicendum, quod duplex est res huius*  
*sacramenti, scilicet contenta significata & causata, qua est gra-*  
*tia sacramenti: & determinatur cum quolibet sacramento in*  
*eadem parte. Et est quadam res non causata ab aliquo vno sa-*  
*cramento, sed potius in omnibus secundum aliqua qua sunt in*



eo figurata & significata: & est gloria resurgentium: & hac intentio est per omne sacramentum. Et quia intentio prior est in medico ante opus: ideo Salomon in verbo prædicto præposuit id quod intenditur. In ordine autem executionis id quod intenditur, ultimo acquiritur: & ideo post omnia ponitur à Magistro.

In secunda parte illius sermonis accipitur prima pars libri per hoc quod dicit [excidit columnas septem] Columna enim est cui innititur domus, sicut Ecclesia vititur sacramento: & etiam reficiens ruinam domus, sicut Ecclesia refulcitur gratia sacramentali. Septem ergo columnæ sunt septem gratiæ sacramentales, quæ cum ipsis sacramentis determinantur. Excisæ autem sunt: quia in ipso Christo diligenter præparatæ. Et de illis agit Magister in primo. Et diuiditur illa pars in duas, in quarum prima Magister agit de sacramento nouæ legis & veteris. Et hæc pars tota continetur in prima distinctione. In secunda autem agit de sacramento nouæ legis: & hæc incipit in secunda ibi [Iam ad sacramenta nouæ legis accedamus] Istam autem distinctionem primam diuidit Magister in quatuor, sicut patet cuilibet in litera, scilicet quid sit sacramentum, Quare institutum, In quibus consistat & conficiatur, Et quæ sit differentia inter sacramentum veteris & nouæ legis. Et patet etiam ubi ista incipiunt in litera.





# EPILOGVS BREVIS SVpra DICTORVM.

His tractatis quæ ad doctrinam rerum pertinent, quibus fruendum est, & quibus vtendum, & quæ fruuntur & vtuntur, ad doctrinam signorum accedamus.

## LIBRI QVARTI SENTENTIARVM, PETRI LOMBARDI, DISTINCTIO PRIMA.

**S**AMARITANVS enim vulnerato appropians, curationi eius sacramentorum alligamenta adhibuit: quia contra originalis peccati & actualis vulnera sacramentorum remedia Deus instituit: de quibus quatuor primo considerata occurrunt, Quid sit sacramentum, Quare institutum, In quibus consistat & conficiatur, Et quæ sit distantia inter sacramenta veteris & nouæ legis.

### AATICVLVS PRIMVS.

*An sacramentum sit necessarium?*

**I**ncidunt autem quæstiones ante litteram quatuor, scilicet an sacramentum sit, & de differentia gratiæ sacramentalis ad gratiam quæ est in virtutibus & donis. Tertio, quot numero sint sacramenta. Quarto, de ordine ipsorum adinuicem.

Ad primum autem horum proceditur sic: Nihil superfluum est in natura: ergo multo minus in gratia: sed per virtutes & dona sufficienter curatur homo à peccato, & adiuuatur ad bonum: ergo superflua sunt sacramenta: ergo non sunt, quia superfluum non est in gratia. Prima constat. Media probatur ex hoc quod quodlibet peccatum expellitur per sibi optatam virtutem, & quælibet virtus ordinatur in bonum sui actus.

2 Item, Non est de ordine sapientiæ quodd  
*D. Alb. Mag. in Lib. 4. Sentent.*

fortius iuuetur ab infirmiori: corporalia autem elementa in quibus omne sacramentum consistit, infirmiora sunt anima hominis & inferiora: ergo videtur, quodd sacramentum esse non debeat.

3 Item, Aut debilior ostenditur artifex aut instrumentum suum, qui quandoque curauit vno instrumento morbum aliquem, & postea eger duobus: sed quandoque curauit Deus fide sola morbum, vt habebimus in sequenti distinctione, modo autem curat fide & sacramentis: ergo vel ipse vel fides debilior est, quod cum falsum sit, videtur quodd non sit necessarium sacramentum.

4 Item, Philosophus in 16. animalium. Si non tangit, non agit, & non sequitur alteratio: sed elementum corporale in quo omne sacramentum confertur, vt habebimus in littera, animam non tangit: ergo in ipsam non agit, & non sequitur alteratio sanitatis in anima: ergo sacramentum est inutile. Sed si forte tu dicas, quodd hæc ratio non valet nisi de his quæ sunt causa salutis, &

A 2 non



## 4 D. Alb. Mag. Ord. Præd Comment.

non de his quæ sunt signa : quia spirituale bene significatur corporalibus : licet illa ratio probat, quod non posset curari in ipso. Contra : Dicit Magister Hugo in 8. parte libri de sacramentis, quod illa sacramenta quæ sunt signa tantum, non sunt sacramenta nisi in quantum significant illa quæ sunt causa gratiæ : si ergo necessarium sit causans, necessarium erit signans : sed necessarium est causans, ut probatum est : ergo necessarium erit signans : & sic omnino necessarium erit sacramentum, ut videtur.

Item, Sacramentum videtur esse ritus idolatriæ, & quasi imitatur in eis athletas Gentilium : quia dicit Apostolus Galat. 4. Quomodo conuersi estis nunc ad infirma & egena elementa, quibus denuo seruire vultis ?

*Sed contra.*

**SED CONTRA :** In medicina corporum non est idem modus regendi sanum, & curandi infirmum : ergo nec in medicina spirituali idem modus erit. Constat autem, quod per virtutes & dona regitur sanus : quia si homo non peccasset, ipse haberet virtutes & dona : ergo non per illa debet curari, sed per alia : & hæc sunt sacramenta : ergo sacramenta sunt necessaria.

*Solutio.*

**SOLUTIO.** Dicendum, quod sacramenta sunt, & necessaria sunt ad salutem, sine quibus à tempore morbi nulla fuit salus.

**AD PRIMUM** ergo dicendum, quod per virtutes & dona quantum est de se, non substantialiter curatur morbus. Duo enim sunt quæ exiguntur in medicina curante morbum : ut per contrarietatem morbum expellat, & hoc solum habent virtutes & dona : & ut leniendo dolorem quasi vngendo & fouendo naturam animæ sanet, & hoc per se habent sacramenta, in quibus vngit sanguis Christi & operatur. Et hæc solutio est vera. Aliter dicunt quidam, quod multa medicamina ad idem non superfluum : quia citius sanitas per multa quam per pauca acquiritur. Sed licet hoc verum sit : non tamen virtutes & dona sunt substantialiter ordinata contra morbum peccati : quia etiam haberentur si non esset peccatum : & ideo quod sanant eum quandoque, hoc est per accidens, scilicet quia inveniunt eum in subiecto. Vel dicatur ad hæc verius : & tunc soluitur totum, quod est solutio morbi à parte nostra : & hæc fit per gratiam quæ est in virtutibus & donis, per quæ nos meremur sanitatem mentis, per peccatum perditam. Et solutio alia est per virtutem Passionis Christi, sine qua nullum meritum nostrum aliquid valet, sicut habitum est in tertio lib. & hæc solutio morbi fit in sacramentis, in quibus Christi Passio operatur.

**AD ALIUD** dubium dicendum, quod de ordine sapientiæ est, ut per humilitatem resurgat superbus. Et nisi natura superior se iniuste superiori se opposuisset, non inferiori subleuaretur : sed quia opposuit se & subiecit seipsam, ideo ordinatissimum fuit ut per inferiorem se resurgeret.

**AD ALIUD** dicendum, quod nunquam fides sine sacramento legis nouæ salutem operata est : sed tantum intererat, quod sanabat antiquitus sacramentum in fide expectantium, & modo in opere exercitantium. Alij dicunt aliter, scilicet quod valuit quandoque fides se sola ad iustificationem, hoc fuit per se : quod autem modo non sola facit, hoc est per accidens, scilicet gratia

status : & non est ex hoc infirmior : sicut præceptum sufficit alicui ad salutem sine voto consiliorum : si autem votum superuenerit, non sufficit : & tamen propter hoc non est debilius obedientia in præceptis quam primum fuit : sed hoc est propter alium statum fidelis.

**AD ALIUD** dicendum, quod sacramentum tangit : & ideo sequitur alteratio in anima : tangit enim in quantum est signum & causa. In sacramento enim non est visibile elementum tantum : sed sanctificatio coniuncta, cuius virtus per fidem pertingit in anima : & ideo alterat & sanat eam. Et hoc infra magis patebit in litera, cum quaeratur, Quid sit sacramentum?

**AD ALIUD** dicendum, quod in sacramentis nullus est ritus athletarum idolatriæ : quia illi conuertebant se ad elementa, credendo eis inesse numen ex natura sua. Et ideo diuersimode : quia quidam virtutes naturales in elementis, & elementa Deos putabant : & cuilibet actui naturæ constituerunt proprium Deum, sicut dixit Varro : & stellas Deos vocabant. Alij dicebant animam mundi diffusam in toto orbe, & præcipue animam quæ est virtus intelligentiæ quam ponebant in decimo ordine, qui est sub sphaera lunæ. Et ideo dicit Apostolus : Quomodo conuersi estis ad infirma (quoad primum) & egena elementa, quoad secundum : quia nec virtutem habent ex se, ut dii dicantur : nec animæ sunt in eis, ut sic dicantur egeni. Sed nostra elementa sunt virtuosa & ditia : virtuosa, quia Passio Christi operatur in eis : ditia vero, quia continent gratiam quam figurant : & ideo salubre est conuerti ad ipsa.

Galat. 4.

### ARTICVLVS II.

*An sint septem sacramenta, vel plura : & an sacramentum substantialem ordinem habeat, ad venialem ?*

**S**ecundo quaeritur de numero sacramentorum. Videtur enim, quod non sit nisi vnum solum necessarium : quia baptisimus delet totum morbum, delet enim quicquid inuenit : hoc autem est totus morbus : ergo non est necessaria medicina amplior, ut videtur.

2 Item, In Eucharistia tota gratiæ plenitudo continetur, & ipse gratiæ auctor : ergo videtur, quod sola Eucharistia sufficiat.

3 **ITEM**, Videtur, quod non debeant esse nisi duo : quia non sunt nisi duæ species morbi, scilicet naturale peccatum, de quo dicit Psalm. Ecce enim in iniquitatibus conceptus sum, &c. Et personale de quo dicit idem : Tibi soli peccaui, & malum coram te feci. Ergo videtur, quod non debent esse nisi duæ species medicinæ : ergo non debent esse sacramenta, nisi baptisimus, & poenitentia.

Psal. 50.

4 Item, Dicit Hieron. quod secunda tabula post naufragium est poenitentia : naufragium autem illud est periculum fractæ nauis gratiæ baptismalis : ergo ante hoc non fuit nauis saluans nisi baptisimus à periculo amissæ innocentiae primæ in Adam : ergo non nisi duo sacramenta sunt necessaria.

**VIDETUR** autem, quod sint tria. Sacramentum enim instituitur propter morbum : morbus



bus autem non habet remedium nisi duobus modis, scilicet quia turpitudine quæ curari non potest, excipitur honestate aliqua & excusatur: & quia medela contra morbum ponitur. Primum autem sufficienter fit per matrimonium: secundum per baptismum & poenitentiam. Ergo non videntur esse necessaria nisi tria sacramenta.

3 Item, Tres vires sunt in homine læso, scilicet rationalis, concupiscibilis, & irascibilis: ergo tribus triplex tantum apponenda est medicina: ergo non erunt nisi tria sacramenta, ut videtur.

VIDETUR iterum, quod debeant esse quatuor: quia omne sacramentum debet esse sacramentum Ecclesiæ: ergo debet in manu ministrorum esse: ergo necessarium est ad hoc sacramentum quod constituat ministrum: & hoc est ordo. Et insuper triplex est morbus, scilicet duplicis culpæ, naturalis, & personalis, & poenæ quæ relinquitur ex utroque.

2 Item, Tres sunt status sub ministris Ecclesiæ, scilicet intrantes, viuentes, & exeuntes: ad ministrum autem consummandum exigitur ordo: sed intrantes accipiunt baptismum: viuentes, quia vita hæc polluta est, indigent poenitentia: sed exeuntes vnctione extrema: ergo non sunt necessaria sacramenta nisi ista quatuor, ut videtur.

AD HVC videtur, quod debent esse quinque: cura enim animæ est ad similitudinem curæ corporalis: in corpore autem cura multiplicatur secundum species morbi, & secundum nocumenta quæ intulit morbus: ut deperditionem curat sapiens medicus per restauratiua humiditatis, debilitatem autem per confortantia, & morbum per expulsiua morbi. Cum igitur sint in anima tres species morbi, scilicet naturalis, actualis mortalis, & actualis venialis: & duo damna illata, scilicet deperditio & consumptio naturalis boni in simplicitate animæ vel spiritualitate, & debilitas standi vel resurgendi: videtur, quod contra ista quinque tantum debent ordinari quinque sacramenta.

AD HVC videntur debere esse sex: quodlibet enim genus morbi suam poenam habet, & damnum adiunctum: cum ergo sit triplex culpa (ut dictum est) erit triplex poena illi coniuncta. Cum igitur sacramentum sit inuentum, ut excludatur totus morbus in culpa & poena: videtur, quod tria debent esse contra culpam, & tria contra poenam. Item, Creationi debet respondere secundum numerum recreatio: creatio autem fuit in sex diebus: ergo in sex sacramentis tota consistere debet salus recreationis.

QUOD AVTEM debeant esse plura sacramenta quam septem, videtur ex hoc quod sacramentum est causa & signum gratiæ: sed aqua benedicta causat, & signat gratiam: ergo est sacramentum. Eadem obiectio est de benedictione pontificali, in qua remittuntur venialia: ergo est sacramentum.

2 Item, Obicitur fortius. In veteribus sacramentis fuit materia aqua in aspersione. Item oleum in multis sacrificiis. Item fuerunt ibi carnes & sanguis in sacrificiis. Cum ergo illa sacramenta sint signa nostrorum sacramentorum, videtur quod alia debemus habere, in quibus materiale elementum sit caro & sanguis: & hæc non habemus: ergo sumus minuti in sacramentis.

VLTERIUS ad intelligentiam quæstionis  
D. Alb. Mag. in Lib. 4. Sentent.

quæritur, Vtrum aliquod sacramentum substantialiter ordinem habeat contra veniale: Videtur, quod sic: quia est morbus: ergo recipit medicinam: ergo summe sapiens medicus parauit eam: ergo aliquod sacramentum substantialiter ordinatur contra veniale.

2 Item, Dicit Iacobus, Oratio fidei saluabit infirmum, & alleuiabit eum Dominus: & si in peccatis sit, dimittentur ei: hæc autem non sunt nisi venialia quæ adhæserunt ei, ut videtur: ergo illud est ordinandum contra venialia. Et hoc concedunt quidam.

SED CONTRA. Venialia sunt in tota vita: sed contra. ergo in tota vita debet habere remedium, & non in morte tantum: vel insufficiens est medicus.

2 Item, Eadem ratione dicitur Eucharistia valere contra venialia, sicut vnctio extrema.

3 Item, Quod curat maius, curat & minus: ergo poenitentia valet contra veniale & mortale.

4 Item, Infra in tractatu de poenitentia Magister specialem facit tractatum de confessione & satisfactione venialium: ergo videtur, quod hæc sit contra veniale ordinata, sicut & vnctio extrema.

5 Item, Si aliqua res curatur æqualiter à pluribus causis diuisis, nulla illarum erit substantialiter ordinata contra id: sed veniale à pluribus sacramentis diuisim curatur: ergo à nullo sicut substantiali medicina contra se ordinata.

SOLVITIO. Sine præiudicio hoc vltimum videtur mihi esse concedendum, quod nullum sacramentum secundum se ordinatur contra veniale. Diuisio autem sacramenti multipliciter accipitur à Magistris, sicut patebit infra in principio secundæ distinctionis. Sed mihi videtur hic, quod si vera deberet tradi diuisio, quod oporteret eam sumi penes multiplicationem eorum quæ substantialia sunt sacramento: hæc autem sunt causa, & signum. Vnde penes diuisionem causæ dabimus vnam, & penes diuisionem signi dabimus alteram. Supponitur igitur id quod infra probandum est in quarto articulo quæstionis, quod omnis gratia sacramentalis ordinatur contra morbum peccati. Item supponitur, quod omne sacramentum Ecclesiæ confert gratiam aliquam contra morbum, sicut est matrimonium. Tunc dico, quod morbus est, aut secundum culpam, aut secundum poenam relictam quidem ex culpa, licet etiam ordinantem ad culpam, sicut est pronitas concupiscentiæ. Culpam autem est duplex, scilicet originalis, & personalis mortalis. Pronitas autem peccandi duplex scilicet secundum hoc quod pronitas est, quia sic inducit pugnam: vel secundum effectum quem inducit ex frequentia inclinationis in malum: & hæc est duplex tantum, scilicet deperditio spiritualis boni in anima, ita quod indigeat restauratione, & inhabilitas membrorum organicorum, ad hoc quod moueantur ab anima in bonum, & inhabilitas animæ ad mouendum: & hæc est quædam reliquia peccati inducens langorem in anima mouente, & corpore moto ad bonum per omnem eundem modum sicut videmus incendium innaturalis caloris facere in corpore: hoc enim consumit humidum quod est radix vitæ, & stolidam facit membra, & virtutes membrorum affixas debilitat, & aufert à membris flexibilitatem, & à virtutibus facilitatem mouendi. Pronitas autem quæ facit pugnam, iterum habet duas considerationes: secundum



## 6 D. Alb. Mag. Ord. Præd. Comment.

cundum id quod corrupta tantum : vel secundum id quod corrupta & infecta in delectationibus, secundum concupiscentiam quæ est in generatiua.

Dicimus ergo, quod remedia multiplicantur secundum ista vulnera. Mo. bus enim peccati aut est naturalis : & sic contra eum substantialiter est baptismus per gratiam contentam & causatam. Aut est personalis mortalis, & tunc habet duplex remedium, scilicet ex parte clauium Ecclesiæ, facientium per meritum Christi taxabilem & proportionatam pœnam, & ideo est ordo qui ad hoc datur, vt sit potestas ligandi atque soluendi in Ecclesiâ : aut commutandi æternam pœnam in temporalem per totius culpæ remissionem, & ad hoc est pœnitentia. Morbus autem concupiscentiæ secundum quod inducit pugnam ex corruptione communi, contra se remedium habet confirmationem : secundum autem quod suffocat ex corruptione simul & infectione, contra se oppositum remedium habet matrimonium. Effectus autem vel potius defectus relictus ex continuitate pugnandi, is quidem qui est deperditio boni spiritualis in anima quod erat quasi humidum & fomentum siue radix vitæ, contra se remedium habet Eucharistiam, quæ restaurat deperditum per cibum saginatiuum spiritualem. Reliquiæ autem quasi immobilitantes membra, & virtutes animæ mouentes, contra se habent vnctionem extremam : & ideo etiam illa datur exeuntibus in remedium animæ & corporis : & si non tollit febrem à corpore, tamen alleuiat membra ab isto contrarietatis habitu malo & dispositione, prout est impedimentum superuestitionis gloriæ in resurrectione : & similiter facit in anima, quia vtrumque infirmatur ab altero. Hanc puto esse diuisionem propriam sacramenti.

x. Petr. 2.

Vel sic : Malum mouens aut est in se, aut in altero. Si in altero, tunc non habet remedium nisi repressiuum : & ad hoc datur ordo : quia potestas est ad vindictam malorum, laudem vero bonorum, vt quietam ac tranquillam vitam agamus. Si in se, tunc vt prius, vel secundum culpam, vel secundum pœnam quæ ordinat in culpam : & habebuntur sex alia.

Vel sic : Sacramentum est contra defectum qui est ex peccato : aut ergo contra communem defectum Ecclesiæ, aut contra defectum personæ. Si primo modo iste defectus est ex mortalitate quæ diminuit membra Ecclesiæ, & perimitur : aut ergo erit mortalitas corporalis, & contra hanc datur matrimonium quantum ad principale suum bonum prolis : aut spiritualis mors, & contra hanc datur ordo in spirituali generatione verbi, & per exhibitionem sacramenti, & dispensationem. Si autem est contra defectum personæ : aut est à malo, aut contra difficultatem quæ est ad bonum. Si primo modo : aut à malo naturali, & tunc est baptismus : aut à malo personali, & tunc est pœnitentia. Si autem est contra difficultatem quæ est in bonum : aut per modum confortantis in pugna, & sic est confirmatio : aut per modum restaurantis deperditum, & sic est Eucharistia : aut per modum sanantis inflicta occulta, & sic est vnctio extrema.

Et aliis modis potest diuidi penes signum : nunc autem dabimus diuisionem secundum quod sacramentum configurat nos capiti Christo. Sunt au-

tem in Christo patiente & resurgente omnia : quia passio sua operatur in omnibus sacramentis. Dicamus igitur, quod Christus patiendū pro nobis pugnavit fortiter, ipse sacerdos & hostia obtulit semetipsum, sponsus Ecclesiæ per mortem & sanguinem, & surrexit oleo gratiæ delibatus. Pœnitentia ergo trahit vim à Christo patiente & configurat nos ei, ordo à Christo offerente, & Eucharistia à Christo hostia, matrimonium à Christo sponsante Ecclesiā sibi in sanguinis artha, sicut dicitur Exod. 4. Sponsus sanguinum tu mihi es : & ideo etiam quia ibi extensus brachia in amoris summi amplexus, quando animam pro ea posuit : & tertio, quia sicut de latere primi Adæ dormientis fabricata est Eva : ita de latere morientis & mortui Christi fabricata est Ecclesiā, quando duo ex latere eius principalia sacramenta profluxerunt, scilicet sanguis redemptionis, & aqua expiationis. Per vnctionem autem configuramur Christo resurgenti : quia datur exeunti in figura delibationis gloriæ futuræ, quando rota abscinditur mortalitas ab electis. Infra autem in principio secundæ distinctionis ad hæc reuertemur, & opponemus ad opiniones Magistrorum de numero sacramentorum.

AD PRIMVM ergo dicendum, quod licet baptismus deleat quicquid inuenit : non tamen ordinatur substantialiter contra omne genus morbi : & ideo de virtute sua non delet nisi culpam originalem, & reatum sibi annexum. Sed quia Deus non curat in parte, sed in toto : ideo Deus curans in baptismo, curat totum quod inuenit. Sacramenta autem inuenta sunt ad hoc vt ex substantiali ordine contra peccatum deleant ipsum, & defectus qui sunt ex Christo.

AD ALIVD dicendum, quod licet in Eucharistia contineatur Auctor omnis gratiæ : non tamē continetur ibi vt causans omnes gratias, sed tantum vt cibus spiritualis causans vnam : & ideo alia sunt necessaria.

AD ALIVD dicendum, quod vulnus peccati aliud est ab ipso peccato : & sacramenta non sunt tantum contra peccata, sed etiam contra vulnus, vt patet in diuisione supra posita.

AD ALIVD dicendum, quod Hieron. non loquitur de tabulis euadendi periculum pœnæ vel vulnerum, sed tantum de his quæ euadunt culpam.

AD ALIVD dicendum, quod illa ratio bene procederet si medicina non poneretur nisi contra culpam : sed hoc non est verum, vt iam patuit.

AD ALIVD dicendum, quod licet tantum sint tres vires ordinatæ ad opus : tamen plures sunt corruptæ quam tres : & dato quod non essent nisi tres corruptæ, non relinqueretur, quod deberent esse tantum tria sacramenta : quia licet tres sint corruptæ, tamen plures modi quam tres sunt corruptionis eatum.

AD ALIVD dicendum, quod pœna quæ est tertius morbus, exigit plures medicinas, eo quod pluribus modis variatur.

AD ALIVD dicendum, quod non accipiuntur sacramenta secundum numerum statuum Ecclesiæ : quia medius status qui est viventium permanentium in hac vita, indiget pluribus remediis propter multos modos corruptionis.

AD ALIVD dicendum, quod nullum sacramentum



mentum ordinatur contra veniale substantialiter: sed oratio, & alia multa, ut aqua benedicta, tunc pectoris propter multipliciter illius peccati: sed plures sunt defectus quam illi qui enumerantur: & non est omnino simile de cura corporis: quia anima in quadam parte est corrupta & infecta, & in quadam parte est incendium contra bonum naturae pugnans: & penes huiusmodi sumitur confirmatio, & matrimonium, quae necessaria sunt praeter quinque enumerata.

AD ALIUD quod videtur probare, quod sint sex, dicendum quod penes illam divisionem non accipitur numerus sacramentorum: quia hoc concedimus, quod penes veniale nullum accipitur sacramentum, nec penes poenitentiam eius: & ideo illa ratio non procedit.

AD ILLUD quod obiicitur, quod plura quam septem esse debeant, dicendum quod non debent esse plura: quia aqua benedicta & benedictio & huiusmodi non iustificat ex opere operato, sed potius ex opere operante. Item non habent specialem formam verborum in qua fiant. Item non sunt ad hoc instituta. Et haec tria exiguntur in omni sacramento, scilicet ut ex opere operato iustificet, & ex institutione significet, & ex sanctificatione verbi conferat invisibilem gratiam, ut dicit Magister Hugo.

AD ALIUD dicendum, quod caro & sanguis non possunt esse materia in nostris sacramentis: quia nec in sacramentis veteris legis significabant sacramentum secundum rem nostri sacramenti, ut nunc habemus ea in re, scilicet in Eucharistia. Et per hoc patet fere solutio ad sequens: quia concedimus, quod veniale non habet unum sacramentum substantialiter contra se ordinatum.

AD PRIMUM autem dicendum, quod habet medicinam, sed non per se, non propter sui multipliciter & quia non est morbus per se: sed in quantum est dispositio ad mortale peccatum.

AD ALIUD dicendum, quod hoc est de bene esse quod cadit sub poenitentia, & non de esse, ut infra patebit.

### ARTICVLVS III.

*Queritur de ordine sacramentorum.*

**T**ertio queritur de ordine sacramentorum. Videtur autem, quod primum debeat esse ordo: quia in ipso imprimitur character excellentiae: ergo instituitur in gradu altiori quam alia: ergo dignius & prius. Item, Ordo habet omnia in dispensatione: ergo videtur, quod ipsum sit prius aliis. Item, habet potestatem ad actum excellentissimum, qui est consecrare corpus Domini: & quod habet actum excellentiorem, est primum: ergo ipsum est primum sacramentum.

Sed videtur, quod poenitentia: quia ab ipsa incipit Dominus praedicare: ordo autem operis respondet ordini doctrinae: ergo est poenitentia primo suscipienda. Item, Augustinus dicit, & infra ponitur in litera, quod nullus novam vitam inchoare potest, nisi poeniteat eum veteris vitae: ergo poenitentia est prior. Item, si quis adultus ad baptismum venerit, non recipit rem sacramenti sine poenitentia, quia fictus est: ergo ipsa exigi-

tur ante baptismum: ergo & ante alia sacramenta.

Sed adhuc videtur, quod Eucharistia sit prior: quia illud à Sanctis vocatur sacramentum sacramentorum: ergo dignissimum est: ergo praecedit omnia alia. Item, ipsum continet Auctorem omnis gratiae: sed Auctor gratiae est ante gratiam quamlibet vniuersalem & particularem: ergo ipsum est ante omnia sacramenta: quia omnia alia imprimunt gratias spirituales.

Videtur autem, quod matrimonium: quia illud ante omnia in paradiso institutum est, ut dicit Magister infra.

Per Magistrum autem probatur, quod baptismus sit primus, quia ipse primo agit de illo: & probat quod est fundamentum omnium sacramentorum.

Solutio. Ordinanda sunt sacramenta secundum ordinem defectuum contra quos ordinantur, inter quos prius est originalis culpa, & hanc tollit baptismus. Et consequens est pronitas ad malum, quam non tollit baptismus, sed diminuit: & ideo contra hanc ordinatur confirmatio. Ex pugna autem pronitatis, & quasi ex calore concupiscentiae oritur deperditio bonorum spiritualium: & ideo contra hanc ordinatur tertio loco Eucharistia. Est autem prolapsus concupiscentiae in actuali peccato, contra quod ordinatur poenitentia. Reliquiae autem debilitatis semper innascuntur, contra quas ordinatur extrema unctio. Ordo autem & matrimonium sunt ordinata contra defectum communem: & ordo est ante matrimonium: quia secundum digniorem generationem est, ut patuit ex divisione. Et hunc ordinem tenet Magister.

AD OMNIA autem obiecta est una responsio, scilicet quod non probant ordinem simpliciter: se quoad hoc quod procedit ratio: sed hic penes illud ordo non consideratur à Magistro: quia nullum illorum est finis sacramenti nisi id quod iam dictum est, scilicet id quod efficit in morbo contra quem ordinatur.

### ARTICVLVS IV.

*Qua sit differentia inter gratiam donorum & virtutum, & eam qua confertur in sacramentis?*

**Q**uarto queritur, Quae sit differentia inter gratiam virtutum & donorum, & illam quae est in sacramentis? Videtur autem, quod in sacramentis non datur nisi gratia gratis data. Aut enim sacramentum recipitur à ficto, aut à non ficto. Si à ficto, ille nullam recipit gratiam. Si à non ficto. Contra: Ille habet iam accedens gratiam gratum facientem: sed nihil est in potentia ad id quod iam habet: ergo non potest eam ulterius recipere: ergo aut nihil recipit, aut recipit gratiam gratis datam. Si forte dicas, quod recipit augmentum gratiae. Contra: Si hoc est substantiale sacramento quod confert augmentum gratiae: cum semper sit gratia augmentanda, videbitur, quod semper sint sacramenta iteranda: sed hoc est falsum, quia principaliora non iterantur: ergo non sunt ad augmentum gratiae.

Item videtur, quod in omnibus sacramentis non conferatur nisi una gratia. Probatio: Una enim



## 8 D. Alb Mag. Ord. Præd. Comment.

enim est gratia . cuius actus est vnus : sed actus vnus est remittere peccatum : cum ergo omne sacramentum sit ad hoc, videtur quod omnis gratia sacramentalis sit vna.

*Quæstio-  
cula.*

PRÆTEREA, In quo differt à gratia quæ est in donis & virtutibus? Videtur, quod in nullo: quia vtraque gratum facit habentem, & opus eius gratum reddit: ergo non differt. Si dicas, quod gratia sacramentalis est contra peccatum: virtutum autem & donorum in bonum. Contra: In natura idem mouens numero est à termino & in terminum: ergo & in spiritualibus idem est mouens à malo & in bonum. Item, Idem & vnus motus non habet nisi vnā formā mouentem: à malo autem in bonum est idem & vnus motus: ergo mouet in eo gratia vna. Item, Gregor. dicit, quod dona data sunt in adiutorium contra peccati defectum: ergo distinctio nulla.

Si fortè dicas, quod eadem est gratia quæ confertur in his & in illis. Contra: Gratia in virtutibus & donis habet connexionem, ita quod qui habet vnā, habet alias: sic autem non est in sacramentis, quia habens vnum sacramentum, non habet omnia alia.

2 Item, Nullo existente præcepto siue peccato, adhuc erunt virtutes & dona & gratia quæ est in eis: sed non sic est de sacramentis: ergo differens est gratia.

*Solutio.*

SOLVITIO. Bene concedo, quod differt gratia sacramentalis ab illa quæ est in virtutibus & donis, duobus illis modis quibus probatum est, scilicet, quia habita vna sacramentali, non habentur aliæ necessario: & quia non existente peccato, non essent sacramenta. Et adhuc duobus aliis modis, scilicet, quia sunt contra defectum qui est ordinans in peccatum, vel contra ipsum peccatum: & quia in ipsis operatur passio Christi specialiter: quorum nullum per se couenit gratiæ virtutum & donorum.

DICENDUM ergo ad primum, quod habita gratia virtutum non per se habetur gratia sacramentorum: quia virtutes ordinantur ad actus

meritorios, sed sacramenta contra defectum peccati: & ideo licet non fictus habeat gratiam virtutum: non tamen oportet quin benè possit esse in potentia recipiendi gratiam sacramentalem: & hæc est sibi gratia prima, si ante non habuit: vel augmentum gratiæ, si ante habuit gratiam. Hoc autem quod augmentat gratiam ipsum sacramentum, non couenit ei per se: sed in quantum aliam gratiam, non eādem primum inuenit in subiecto. Et per hoc patet solutio ad primum.

AD ALIUD dicendum, quod supponitur vna falsa, quod actus gratiæ sacramentalis sit vnus: li- *Ad qua-  
stioncu-  
lam.*  
cet enim genere sit vnus qui est gratum facere: tamen specialiter differt, vt patuit supra in diuisione: quia vna gratia per se tollit originale, & alia actuale, & sic de aliis.

AD ALIUD dicendum, quod differt à donis & virtutibus in hoc quod dona & virtutes dicunt perfectiones potentiarum ad actum: sacramentalis autem gratia dicit perfectionem contra morbum peccati: motus autem à malo ad bonum quandoque est vnus, & quandoque duo: quando enim per se intenditur bonum, tunc est motus in illud, & ille per consequens recedit à contrario, & tunc est motus vnus: sed quando sunt gratiæ non in motu consideratæ, sed vt habitus perficientes, tunc non oportet, quod sint contra malum per se: quia virtutes & dona non sunt contra malum per se, sed potius habitus perficientes potentias ad actus: sed sacramenta non, imo medentur vulneribus peccati per se.

AD ALIUD patet solutio per idem. Ad dictum Gregor. dicendum, quod adiutorium ipse non vocat per modum medicinæ, nec defectum talem notat qui est ex peccato & inclinans in id: sed vocat defectum pœnam, sicut est ignorantia faciendorum, & debilitas operabilium. Sed sacramentum est medicina contra defectum inclinantem in malum vniuersaliter: & ideo nullum sacramentum vel gratia sacramentalis determinatum est speciali potentia animæ, sicut dona & virtutes.

### *Quid sit sacramentum?*



SACRAMENTUM est sacre rei signum. Dicitur tamen sacramentum etiam sacrum secretum, sicut sacramentum diuinitatis: vt sacramentum sit sacrum signans, & sacrum signatum: sed nunc agitur de sacramento secundum quod est signum. Item sacramentum est inuisibilis gratiæ visibilis forma. Signum vero est res præter speciem quam ingerit sensibus, aliquid aliud ex se faciens in cognitionem venire. Signorum vero alia sunt naturalia, vt fumus significans ignem, alia data. Et eorum quæ data sunt, quædam sunt sacramenta, quædam non. Omne enim sacramentum est signum, sed non è conuerso. Sacramentum eius rei similitudinem gerit, cuius signum est. Si enim sacramenta non haberent similitudinem rerum quarum sacramenta sunt, proprie sacramenta non dicerentur. Sacramentum enim proprie dicitur quod ita signum est gratiæ Dei, & inuisibilis gratiæ forma, vt ipsius imaginem gerat & causa existat. Non ergo significandi tantum gratia sacramenta instituta sunt, sed etiam sanctificandi. Quæ  
enim



enim significandi gratia tantum instituta sunt, solum signa sunt, & non sacramenta: sicut fuerunt sacrificia carnalia, & obseruantiae cerimoniales veteris legis, quæ nunquam poterant iustos facere offerentes: quia ut ait Apostolus, Sanguis hircorum & taurorum & cinis vitulæ aspersus, inquinatos sanctificabat ad emundationem carnis, non animæ. Nam iniquatio illa erat contactus mortui. Vnde Augustinus: Nihil aliud intelligo iniquationem quam lex mundat, nisi contactum mortui hominis: quem qui tetigerat, immundus erat septem diebus, sed purificabatur secundum legem die tertio & septimo, & ita mundus erat ut iam intraret in templum. Mundabant etiam interdum à corporali lepra illa legalia. Sed nunquam ex operibus legis aliquis iustificatus est, ut ait Apostolus, etiam si in fide & in charitate fierent. Quare? quia imposuit ea Deus in seruitutem, non in iustificationem, & ut figura futuri essent: volens sibi ipsi potius offerri ea quam idolis. Illa ergo signa erant: sed tamen & sacramenta: licet minus proprie in Scripturis sæpe vocantur: quia signa erant rei sacræ quam utique non præstabant. Illa autem Apostolus opera legis dicit, quæ tantum significandi gratia, vel in onus instituta sunt.

Leuit. 6.  
Hebr. 9.

Rom. 3.

## ARTICVLVS V.

### Queritur de diffinitionibus sacramenti.

**D**Einde queritur de his quæ dicuntur in litera: & queritur primo de hoc quod dicitur ibi [Sacramentum est sacræ rei signum] Et ut melius intelligatur questio, congregentur omnes simul diffinitiones sacramenti. Et prima est ista, Sacramentum est sacræ rei signum. Secunda ponitur infra in litera [sacramentum est inuisibilis gratiæ visibilis forma, cuius similitudinē gerat, & causa existat. August. sic diffinit, Sacramentum est, in quo sub tegumento visibilium rerum diuina virtus secretius operatur salutem. Hugo sic, Sacramentum est corporale vel materiale elementum oculis extrinsecus suppositum, ex similitudine repræsentans, ex institutione significans, & ex sanctificatione inuisibilem gratiam conferens.

Obiicitur autem contra primam: quia serpens in palo erectus Num. 21. fuit sacræ rei signum. Item, crux, tabernaculum, templum: omnia enim hæc sunt signa sacrarum rerum: & tamen non sunt sacramenta veteris legis vel nouæ: omne autem sacramentum vel est veteris legis vel nouæ: ergo videtur, quod diffinitio sit ibi plusquam diffinitum: ergo mala est.

2 Item, Hugo dicit, quod sacramentum perficitur in tribus, scilicet verbis, rebus, & factis: verbis, ut orationes: rebus, ut oleum, aqua, chrisma, & huiusmodi: factis, ut genuflectiones, benedictiones, & huiusmodi: ergo videtur, quod secundum hanc diffinitionem multo plura sint sacramenta quam illa quæ enumerantur.

3 Item, Vita bona est sacræ rei signum & causa, quia vitæ æternæ: ergo videtur esse sacramentum, quod falsum est.

Uterius obiicitur de secunda. Cum enim dicitur visibilis forma, non videtur omni sacramentum conuenire: quia in quibusdam non est visibile, sicut in confessione potius est audibile quā visibile.

2 Item, Character baptismalis (ut infra dicitur) est sacramentum, & tamen non est visibile: ergo videtur, quod non sit generale, quod dicit de forma visibili.

**P**RÆTEREA queritur, Qualiter accipitur ibi forma? Aut enim est extra, aut intra. Si extra, tunc est exemplaris. Sed contra: Exemplaris est iuxta quam aliud fit ad formam eandem: sed nullus demergitur ut sicut fit in baptismo, vel alio sacramento: ita & ipse faciat baptizando, vel aliud sacramentum perficiendo: ergo non est ibi taliter sumpta forma. Si autem est forma intra. Contra: Illa semper consistit in verbis, sicut August. dicit infra, Accedat verbum ad elementum, & fit sacramentum: ergo non deberet dici visibilis, sed audibilis. Præterea, Loquendo secundum hoc est falsa: quia sacramentum non est sua forma, sicut nec sua materia: sed est illud quod est ex utrisque compositum. Si autem dicas, quod forma dicitur quasi foris manens, sicut dicitur forma quarta species quantitatis: hoc nihil esse videtur: quia illa forma non videtur esse nisi alicuius quantitatis: est enim illa forma idem quod figura, ratione differens tantum: sacramentum autem nullius est figuræ: ergo nec alicuius talis formæ.

Quæstio. 1.

3 Item, Obiicitur de hoc quod dicitur, Cuius similitudinē gerat. Similitudo enim (ut dicit Boëtius) est rerum numero differentiū eadem qualitas: non autem eadem qualitas est spiritualium & corporalium: cum ergo elementum sit materiale & corporale ipsum sacramentum, non potest habere eandem qualitatem cum anima interius: ergo nec habet similitudinem.

**U**LTERIUS queritur, Cuiusmodi causa existit? Aut enim efficiens, aut formalis, aut materialis, aut finalis. Patet autem, quod non efficiens: quia nihil est causa efficiens gratiæ nisi solus Deus, ut dicit Beatus Bernard. sacramentum autem non est Deus. Item non formalis: quia tunc esset sacramentum aliquod intraneum quod daret esse gratiæ, quod non potest esse. Item corporale non

Quæst. 2.



non potest esse forma spiritualis : ergo sacramentum quod est semper corporale , non est forma gratiæ interioris. Similiter videtur non esse materialis : quia nec est materia in qua sit gratia, nec ex qua. Quod non in qua, hoc patet : quia nihil est materia in qua, nisi quod est subiectum gratiæ proprium : hoc autem nunquam est corporale, sed anima vel substantia rationalis alia. Quod autem non ex qua, hoc iterum patet : quia gratia non habet talem materiam, cum sit forma simplex. Similiter non est finalis : gratia enim non potest esse propter sacramentum, sed potius è conuerso : ergo nullo modo videtur esse causa.

2 Si autem tu dicas, vt supra suppositum est, quod est causa disponens in subiecto : hoc non videtur : quia causa disponens debet attingere subiectum quod disponit : sacramentum autem non attingit animam in esse sacramentali, sed corpus tantum : ergo videtur, quod non sit causa disponens.

3 Item, Dispositio aut est vltima necessitas, aut est citra vltimam. Si autem est vltima : ergo talis forma nunquam est sine illa quod non est verum : quia gratia & salus (vt dicitur infra) non sunt alligatæ sacramentis. Si autem citra vltimam : ergo non est necessaria : sed potest contingere vt sacramentum suscipiatur ab aliquo non ficto, & non recipiatur gratia, vt videtur : ergo nullo modo est causa.

4 Si autem dicas vt fere omnes antiqui dixerunt, quod sacramentum est causa sicut vas : dicitur enim sacramentum continere gratiam, vt pyxis medicinam : hoc nihil videtur : quia pyxis nulla causa medicinæ vel salutis est : ergo sacramentum secundum hoc non haberet aliquam causalitatem respectu gratiæ.

Vltius obicitur de tertia quæ est Augustini : non enim videtur esse proprium sacramento, quod tegat, sed potius quod aperiat, cum debeat ostendere gratiam. Præterea, Quod hic dicitur diuina virtus, non videtur conuenire sacramento : quia sacramentum per se debet habere causalitatem : quia aliter male diffiniretur per rationem causæ.

Obicitur etiam de quarta quæ est Hugonis : non enim videtur differentia inter repræsentare, & significare : ergo videtur, quod superfluat vnum illorum.

*Solutio.*

SOLUTIO. Istæ quatuor diffinitiones dantur de sacramento, ita quod prima est de sacramento in genere, sequentes autem tres sunt datæ de sacramento nouæ legis. Et prima considerat ea quæ sunt proprietas materiæ & formæ ipsius sacramenti : ex materia enim habet signum esse, ex forma autem habet quod sit causa. Secunda autem considerat efficienter operans in omni sacramento. Sed quarta colligit omnia materialiter & formaliter existentia in sacramento : sicut corporale elementum est in sacramento materia, & huic coniuncta est proprietas naturalis qua aptitudinem habet repræsentandi gratiam : sicut refrigerium aquæ repræsentat refrigerium gratiæ ab incendio fomitis, & humidum aquæ vim abluuiam gratiæ ad deponendas sordes spirituales in anima. Quod autem hæc repræsentatio actualiter ducat in gratiam, habet ex institutione diuina : sed ex sanctificatione formæ verborum habet conferre gratiam inuisibilem. Et sic patet solutio eius quod poterat quæri, Penes quid sumantur istæ diffinitiones, cum vnius rei vnica sit diffinitio?

DICATUR ergo ad primum, quod in diffinitione sacramenti sacra res & signum sumuntur in coarctata significatione, scilicet vt dicatur res sacra, quæ ordinata est vt medicina contra morbum : & signum dicatur, quod ponit similitudinem ad illam ex institutione diuina : & tunc diffinitio illa non conuenit nisi sacramento veteris legis vel nouæ. Si tamen velit aliquis dicere, quod sacramentum diffinitur pro quacunque re sacra, siue actiue siue passiue dicatur sacramentum, non peccabit quia hoc videtur velle Magister in litera per diuisiones sacra rei, & per diuisiones signi quas subiicit. Sed tamen quia signum non est signatum, debet proprie loquendo differentia esse inter sacramentum quod signum dicitur, & sacramentum quæ dicitur esse signata : serpens autem, crux, & huiusmodi, non sunt instituta ad significandum huiusmodi sacramentum : sed potius ad fugandum dæmones, & ostendendam passionem in typo aliquo, vel ad ostendendam dispositionem Dei, sicut tabernaculum faciebat.

AD ALIUD dicendum, quod Magister Hugo loquitur ibi de quocunque sacramento quod pertinet ad cultum, & non pro illa propria ratione accipit ibi sacramentum.

AD ALIUD dicendum, quod vita bona est gratiæ causa & salutis : sed non ostendit ea in signo similitudinis, sed potius in signo quod est vt meritum est causa præmij : & de tali signo non intelligitur, quando signum ponitur in diffinitione sacramenti. Vel dicatur, quod non habet bona vita significare salutem ex institutione, sed potius ex se. Vel iterum potest dici, quod bona vita ex opere operante operatur salutem, & non ex opere operato : sacramentum autem ex opere operato : & sic patet, quod bona vita non est sacramentum.

AD ID quod subiicitur de secunda, dicendum quod visibile extenso nomine ponitur in diffinitione pro sensibili, eo quod visus generalior sensus est quoad obiecta & dignior.

AD ALIUD dicendum, quod character baptismalis accipitur vt res & vt signum : secundum quod accipitur vt res, sic non est sacramentum : secundum autem quod accipitur vt signum, sic est sacramentum : & tunc licet sit in se inuisibilis, tamen relatus ad actionem exteriorem ipse est visibilis : ipse enim secundum se non est sacramentum, sed potius vt reductus in tinctionem exteriorem.

AD ALIUD dicendum, quod forma dicitur hic foris manens & transsumitur : quia sicut per figuræ conuenientiam configuratur res rei, ita per similitudinis conuenientiam configuratur actio exteriori actioni interiori in sacramento : & ideo non procedit obiectio, quia transumpto modo sumitur ibi forma.

AD ALIUD dicendum, quod similitudo sumitur ibi secundum proportionalitatem : est enim secundum Boët. in 2. arithmetica, similitudo rerum differentium eadem quantitas, & proportio est similitudo habitudinis inter duo, sed proportionalitas est similitudo proportionum inter quatuor. Et tunc dicemus, quod sumenda est proprietas elementi exterioris ad effectum quem habet in corpore in parte vna, & proprietas gratiæ per effectum quem habet in anima in parte alia : & ponenda est allegorice vel metaphorice

*Ad quam  
stuncu-  
lam.*



phorice similitudo inter illas duas proportiones. Sicut se habet elementum in vi refrigeratiua & ablutiua ad corpus: ita gratia ad animam secundum metaphoram. Et tunc cessat obiectio.

AD ALIVD dicendum, quod causa est sacramentum ut disponens in subiecto, & est dispositio quæ est necessitas quantum est de se: non tamen sequitur, quod semper operetur, sed sequitur quod quantum est de se semper operetur: si enim ille fictus est, tunc ponit obicem. Ad id autem quod contra obiicit, dicendum quod attingit per similitudinem proportionabilitatis, & virtutem ex sanctificatione, ut dicit Augustinus infra dist. 3. Unde est hæc vis in aqua ut corpus tangat, & cor abluat, nisi ex verbi inuocatione.

AD ALIVD dicendum, quod non sequitur, quod sit salus alligata sacramento: quia dicit Magister Hugo, In illis quidem est, sed non ex illis ut causa efficiente: & ita intelligitur, quod non alligauit. Si autem queritur, Ad quam causam reducitur illa dispositio, dicendum ad materiam: quia quicquid est ante formam de dispositionibus materiæ, totum subiicitur formæ cum ipsa materia, sicut patet in scuto quando dealbatur, asser enim cum albedine subiicitur auro quod postea superducitur albedini vel scuto albo.

AD ID autem quod obiicitur de vase, dicendum quod bene dicebant antiqui: sed ipsi accipiebant vasa medicinalia, quæ habebant vim disponendi ad sanitatem, sicut vasa de tamarisco vinum disponunt ad salutem contra epatis infirmitates. Vel dixerunt vasa operantia ad medicinam, sicut clyster, & embrotum, & huiusmodi: & tunc obiectum non habet locum.

AD ALIVD dicendum, quod Augustinus vocat ibi rectum id quod non per se videtur, videtur tamen in similitudine, & hoc quod dicit Dionysius in Ecclesiastica hierarch. c. 1. Non possibile nostro animo ad immaterialem cælestium hierarchiarum ascendere imitationem & contemplationem nisi ea quæ secundum ipsum est materiali manu ductione utatur: visibiles quidem formas inuisibilis pulchritudinis imaginationes arbitrans. Sensibiles suauitates figuras inuisibilis distributionis.

AD ALIVD dicendum, quod diuina virtus in sacramentis effectiue operatur: & ideo non tollitur quin in sacramento remaneat causalitas dispositionis. Et hoc est quod dicit Hugo in. 8. parte libri sacramentorum sic: Non ad hoc sunt instituta sacramenta ut ex eis esset quod in eis esset: sed ut peritiam suam medicus ostenderet, in illo remedium præparauit, à quo occasionem morbi languidus accepit.

AD ID quod obiicitur contra vltimam, dicendum quod repræsentare & significare differunt, sicut aptitudo per naturam, & complementum per artem: aqua enim de aptitudine naturali habet significare refrigerium fomitis & loturam culpæ: sed ut hoc actu faciat, oportet institutionem adesse: sicut materia aliqua aptitudinem habet ad aliquid, & completur per opus artificis.

#### ARTICVLVS VI.

*An in sacramentis signum sit res aliqua?*

DEinde queritur de hoc quod dicit ibi [Signum vero est res quæ præter speciem quam inge-

rit sensibus, &c.] In primo enim libro diuidit Magister tractatum sacre Scripturæ, qui est de rebus & signis: ergo videtur, quod signum non sit res.

2. Item, Videtur, quod falsum dicat in hoc quod dicit, ex se: quia sacramentum non facit ex se, sed ex institutione, ut videtur.

SOLVITIO. Magister accipit hic signum prout cadit sub intentione rei: quia, sicut dictum est in primo libro, quando diuiditur tractatus in res & signa, diuisio illa potius est per diuersos modos rei quam per diuersas res, & tantum valet sicut absolutum & relatum ad aliud significandum.

AD ALIVD dicendum, quod signum facit ex se, hoc est, ex se signo, siue formaliter accepto: hoc enim facit res ex se, quod facit ex sua forma, & quod cadit in sua diffinitione. Et hoc non repugnat suæ institutioni: quia signum à Deo & præcipue sacramentale, formam accipit ab institutione, licet aptitudinem habeat à natura, ut prius dictum est.

#### ARTICVLVS VII.

*An ea quæ significandi gratia tantum instituta sunt, sint solum signa & non sacramenta.*

DEinde queritur de hoc quod dicit [Quæ igitur significandi tantum gratia instituta sunt solum signa sunt, & non sacramenta, &c.] Contra hoc videtur esse quod supra dixit, quod sacramentum est inuisibilis gratia visibilis forma: illa autem quæ tantum signa erant, fuerunt talia, ut agnus paschalis, & alia quædam: ergo fuerunt sacramenta.

2. Item, Ipse infra diuidit sacramentum in sacramentum veteris & nouæ legis: ergo illa sunt sacramenta sicut & ista.

PRÆTEREA, Ipse vocat ea hic sacrificia carnalia, & obseruantias ceremoniales: & hoc non videtur, dicit enim Apostolus Rom. 4. Lex quidem sancta, & mandatum sanctum & iustum & bonum: ergo non erat carnale. Si dicas, quod carnale erat carnaliter intelligentibus. Contra: quia intelligens suo intellectu nihil potest mutare de re: res enim in se est hoc quod est, non ex comparatione intellectus mei vel alterius. Præterea, Secundum eandem rationem poterit etiam noua lex carnalis esse: quia aliqui carnaliter intelligebant, & adhuc intelligunt, sicut dicit Christus Ioan. 6. Spiritus est qui viuificat: caro autem non prodest quicquam.

PRÆTEREA, Quare vocantur ceremoniales? non enim potest dici, quod dicuntur ceremonialia à carie quæ est putredo ligni, quia immunda erant: hoc enim habeo pro inconuenienti, quod aliqui de causa immunda præceperit Deus. Item, Nihil immundum pertinet ad cultum Dei: sacrificia autem illa pertinebant ad cultum Dei: ergo illa sacrificia nihil habebant immundum. Præterea, Sæpe dicitur de sacrificio quod erat in odorem suauissimum Domino: ergo nihil erat ibi de carie. Si autem dicas, quod dicuntur ceremonialia à cera, videtur quod hoc non sit verum: quia cera non dicit aliquid pertinens ad cultum diuinum.

SOLVITIO. Dicendum quod Magister determinat sacramentum secundum suum maximum posse:



posse: & hoc non est nisi in sacramento nouæ legis, quod est causa & signum: & ideo illa quæ tantum signa fuerunt dicit non esse sacramenta: quia etiam in veritate illa non fuerunt sacramenta, nisi ideo quia nostra sacramenta significabant: & hoc infra probabitur per auctoritatem. Per hoc etiam patet solutio ad sequens: quia infra sumit generalius sacramentum quam hic.

AD ALIVD dicendum, quod carnalia erant propter carnalem ritum, & propter carnaliter seruientium statum: offerebantur enim tunc sacrificia de rebus carnalibus, quæ significabant res quæ sunt sacrificia spiritualia, de quibus dicit Psalm. Sacrificium Deo spiritus contribulatus: cor contritum & humiliatum Deus non despiciet. Et tunc erat status carnalium, & si aliqui spiritualia offerebant, illi pertinebant ad nouum testamentum.

AD ALIVD dicendum, quod lex dicitur sancta, ratione moralium, & ratione figuræ: quia non sanctificat nisi per fidem Mediatoris.

AD ALIVD dicendum, quod cerimonialia dicuntur, ut mihi videtur, eo quod pertinebant ad cultum diuinum. Vnde Tullius in fine primæ rhetoricæ dicit, quod religio est, quæ cuidam naturæ quam superiorem vocant, curam cerimoniarum affert. Et est compositum à munia quod est obsequium vel cultus, & Cere quæ est dea frugum: quia forte illa primo colebatur: & à suo cultu ad diuinum cultum est transumptum.

## ARTICVLVS VIII.

*An offerre sacrificia carnalia sit bonum in genere, & an fuit iuxta naturalis, & an iustificabant?*

DEinde quæritur de hoc quod dicit ibi [Quæ nunquam poterant iustos facere offerentes] Et quærentur tria, quorum primum est, Vtrum offerre talia fuit bonum in genere? Secundo, Vtrum fuit iuris naturalis? Tertio, Vtrum iustificabant?

AD PRIMVM proceditur sic: Bonum in genere est bonum secundum principium subiectum moris, & hoc est actus voluntarius sicut debita materia, ut pascere esurientem, vestire nudum: ergo similiter erit offerre cui offerendum est: ergo videtur, quod si informaretur charitate, quod erit meritorium: creaturam autem offerre Deo, est offerre cui offerendum est: ergo hoc informatum charitate poterat esse meritorium vitæ æternæ.

2 Item, Nihil est in specie quod non sit in genere: sacrificia offerre est in specie virtutis latitiæ: ergo est in genere boni: ergo est bonum in genere, ut videtur.

SED CONTRA: Occidere pecus ut comburatur, omnino videtur inutile. Psalm. 49. Nunquid manducabo carnes taurorum, aut sanguinem hircorum potabo? immola Deo sacrificium laudis, &c. Ergo videtur, quod sacrificia offerre nunquam fuit de genere bonorum.

AD SECVNDVM proceditur sic: Oblatio sacrificiorum in lege naturali incepit, & in lege Moyfi fuit: ergo videtur, quod natura inclinauerit ad hoc: ergo est de iure naturali.

2 Item, Omnes tenebantur agnoscere liberatorem futurum per naturæ inclinationem: sed illum ostendebant sacrificia: ergo natura inclinabat ad sacrificiorum oblationem.

SED CONTRA: Quicquid est de iure naturali, permanet & permanet in lege noua: sacrificiorum oblatio non permanet: ergo non fuit vnquam de lege naturali.

2 Item, Quod naturale est, idem est apud omnes: constat autem, quod non omnes offerebant sacrificia: ergo videtur, quod non erat naturale.

AD TERTIVM proceditur sic: Dicit Beda, quod sacrificia suo tempore conferebant vitam æternam: nihil autem confert vitam æternam nisi quod iustificat: ergo sacrificia illa iustificabant.

Item, Quicquid præcipit Deus ad faciendum, ipse vult fieri: & dico ad faciendum, propter præceptum factum Abrahamæ, non ad faciendum, sed ad probandum: sacrificia præcepit Deus ad faciendum: ergo illa voluit fieri. Inde sic: Quicquid Deus vult fieri, si fiat ex charitate, meritorium est: sacrificia voluit fieri Deus: ergo si fiebant ex charitate, erant meritoria: ergo iustificabant. Si dicas, quod hoc meritum est ex virtute charitatis, & non operis: hoc nihil est: quia omne meritum est virtute charitatis, & non operis. Item, Moralia etiam non iustificabant, nisi cum charitate fierent: ergo hæc non est ratio.

3 Si forte tu dicas, quod habebant hoc ex eo ipso quod significabant nostra sacramenta. Contra: Circumscribamus significationem, & remaneat præceptum de offerendis sacrificiis: tunc præcipit ea Deus ad faciendum, & tunc eadem ratio quæ primum.

4 Item, In secunda parte distinctionis in tractatu de circuncisione dicit Gregorius, Quod apud nos valet aqua baptismi, hoc egit apud veteres circuncisio, vel virtus sacrificiorum: ergo illa sacrificia habebant virtutem absoluedi à culpa: & hæc non absoluitur sine gratia: ergo conferebant gratiam, ut videtur.

SED CONTRA: Differentia est inter illa sacramenta & nouæ legis, quod illa non sunt vasa continentia gratiam, nostra autem sunt. Quod autem non est gratia in se, & non continet eam, non iustificat: ergo sacrificia illa non iustificabant.

2 Item, Si iustificabant, quæritur, Ad quem effectum iustificabant? constat, quod non ad collationem gratiæ: quia hoc negat Apostolus, & habetur in litera. Sed quod nec ad dimissionem pœnæ, sic probatur: quia pœna connexa est culpæ: ergo videtur, quod nullo modo iustificabant.

3 Item, Isa. 1. Holocausta arietum & adipem pinguium nolui. Gloss. dicit, nunquam.

4 Item, Ephes. 5. super illud, Obtulit semetipsum pro nobis in odorem suauitatis, dicit Gloss. quod sacrificia alia non fuerunt in odorem suauitatis, nisi in quantum fuerunt figura illius: ergo de se nihil conferebant, ut videtur.

5 Item, Ierem. 7. Non sum locutus patribus vestris, & non præcepi eis de verbo holocaustorum: ergo nunquam voluit illa.

6 Item, Ezech. 20. Dedi eis præcepta non bona, & iudicia in quibus non viuent: ergo non iustificabant, quia aliter vitam contulissent.

7 Item, Hesichius dicit, quod grata non habebat, & loquitur de sacrificiis.

8 Item, Augustinus in libro de ciuitate Dei. Non placet Deo sacrificium occisi pecoris, sed contriti



contriti cordis: ergo videtur, quod non iustificabant.

SED ADHUC duo aut tria videntur esse contra hoc valde probabilia. Vnum est quod in Canone de sacrosancta hostia dicitur, postquam consecrata est, Supra quæ respicere digneris, & accepta habere, sicut accepta habere dignatus es sacrificium iusti tui Abel, & patriarchæ tui Abraham: & quod tibi obtulit summus sacerdos tuus Melchisedech: ergo videtur illud gratum fuisse: ergo iustificabant.

2 Item, Exod. 20. In eadem parte sacrificia coniunguntur cum moralibus: huius autem ratio non videtur esse alia, nisi quia iustificabant sicut illa.

3 Item, Hoc accipitur à traditione Hebræorum, qui dicunt non differre moralia à sacrificiis, nisi quod moralia audiuit populus per se à Domino, vnde dicitur ibi, quod cunctus populus audiuit voces: sed sacrificia non audiuit populus, sed audiuit Moyses tantum: & ideo sacrificia receperunt per ministrum, moralia autem (vt dicunt quidam Hebræi) à Domino: ergo sacrificia iustificabant, sicut & moralia ipsa.

*Solutio.*

SOLUTIO. Dicendum ad primum, quod in genere bonum est offerre cui offerendum est: sed bonum in genere recipit determinationem circumstantiarum pro diuersitate actus: & ideo determinatio circa hoc bonum, præcipue per rationem determinatur ad statum, & ad tempus: tempus autem fuit, quando morbus fuit & tempus significationis medicinæ: & status fuit status in peccato. Et quoad hoc determinatur sacrificium. Et quia modo non est ita determinabile sacrificium tale: ideo modo perniciosum est tale sacrificium. Licet enim offerre cui offerendum est sit bonum in genere: non tamen determinatio oblatis, vt capra, vel ouis, respicit bonum in genere secundum determinationem quæ accipitur per cognitionem significationis.

AD ALIVD dicendum, quod illo tempore bene trahebatur ad speciem: sed hoc non erat virtute materiæ quæ est capra, vel ouis, sed potius ratione actus qui est oblatio. Et bene conceditur ab omnibus, quod ille actus charitate informatus erat meritorius: quia ille est opus operans, non opus operatum.

AD ID quod obicitur in contrarium, dicendum quod non erat inutile vt occideretur pecus hoc modo quo occidebatur: non enim cremabatur vt absorberetur ab igne, sed potius vt proprietate ignis spiritualitas & calor deuotionis ostenderetur circa sacrificium spiritus contribulati.

AD ID quod secundo quæritur, dicendum quod sacrificium in genere bene est de iure naturali: bene enim dicitur hoc ratio hominis, quod liberatio sua debebat præsignari: sed non dictabat, quod hoc modo, vel illo, sed hanc determinationem addidit ratio conferens & inquirens, quomodo verum sacrificium melius possit præsignari.

AD ALIVD dicendum, quod omnes tenebantur agnoscere suam liberationem, non explicitè, sed implicite: sicut etiam se habebant circa articulos.

AD EA autem quæ in contrarium dicuntur, patet solutio: quia non sunt de iure naturali de-

*D. Alb. Mag. in Lib. 4. Sentent.*

terminata: & ideo nec manent, nec eadem sunt apud omnes.

AD ALIVD dicendum, quod triplex est status, scilicet ante idololatriam & legem scriptam, & sub idololatria & lege scripta, & sub gratia promissa & expectata in vtraque lege & naturali & Mosaica. Ante legem & idololatriam placebant sacrificia in figura futuræ oblationis quæ facta est per Christum: sub lege autem displicebant simpliciter, quia tunc erant oblata idolis: sed placebant secundum quid, scilicet vt sibi potius quam idolis offerretur. Sub gratia autem omnino displicent: quia nec tempus, nec status sub gratia permittunt ea determinari.

AD ID quod tertio quæritur, dicendum quod Magistri bene dicunt, quod est opus operans, & hoc est actus qui pro tempore bonus erat, & hoc poterat informari charitate: & est opus operatum, vt hircus immolatus, & hoc nihil contulit quod intus adiuuaret supra meritum actus. Vnde dictum Bedæ intelligitur de primo modo, & non secundo.

AD ALIVD dicendum, quod signa voluntatis fuerunt de talibus, & non beneplacitum quod dicit quietam voluntatem in bono: signa autem voluntatis vt præceptum & consilium bene erant ad faciendum, sed pro tempore & statu, ratione iam dicta.

AD ALIVD dicendum, quod si circumscribatur signum futuræ liberationis, & sit præceptum de ipsis, adhuc erunt meritoria quoad actus operantes: sed licet circumscribatur significatio in hoc modo vel illo, necesse est vt præsignetur status liberationis aliquo modo quicumque sit ille: & tunc adhuc circumscripto signo futuri, dico quod remanet meritum in opere operante virtute præcepti: sed non dicitur ratio ea esse sic offerenda.

AD ALIVD dicendum, quod virtus sacrificij refertur ibi ad futurum, & non ad opus operatum præsens. Et hoc patet ex hoc quod dicit Augustinus, quod nunquam sine fide Mediatoris salutem habuit à paruulo recenter nato vsque ad senem decrepitum. Ea autem quæ in contrarium obiciuntur, bene concedo.

AD ALIVD dicendum, quod id quod est in Canone intelligitur, vt collatio status ad statum, veritatis ad figuram. Vnde sic intelligitur, Vt sicut illud placuit in statu significationis & figuræ: ita placeat istud in statu veritatis & liberationis: non tamen tantum, sed multo amplius: quia etiam per illud, prout determinatum est, nemo habebat rationem placendi nisi per istud: sed bene verum est, quod semper placuit Deo oblatio in genere, quando illud quod Dei erat, sibi offerebatur: sicut etiam modo placet, licet non placeat idem modus qui tunc fuit.

AD ALIVD dicendum, quod cum moralibus coniunguntur, non quod pertinerent in specie ad moralia: sed quia actus in genere moralis erat in ceremonialibus: actum enim in genere dictabat natura, sicut & actum moralium: sed species oblationis diuersificatur pro loco & tempore, vt dictum est.

AD ALIVD dicendum, quod duplex est de hoc traditio Hebræorum, vt dicit Rabi Moyses Ægyptius in secunda collatione libri sui quem vocat ducem neutrorum: sapientiores enim Iudæi, vt ipse Rabi Moyses, & Rabi Iosua, & Rabi

B

Heliazar



Deut. 6. Heliazar dicunt, quod audire populi nihil aliud fuit, quam populari ratione in illud cognoscendum posse: & ideo illi dicunt, quod populus non audiuit nisi vnum mandatum, quod omni homini etiam rudi statim dicat conscientia & ratio: & hoc est primum, scilicet illud. Audi Israël, Deus tuus vnus est, & non erunt tibi dii alij præter me. Alia autem nouem audiuerunt sapientes qui illustrationem reuelationis amplius parati erant recipere: quia hoc dicat ratio etiam naturalis, licet non adeo perspicaciter vt primum. Alia autem omnia non audiuit nisi solus Moyfes: quia ille cognoscebat etiam illa per illuminationem Dei, quæ nullus de alijs ratione poterat inuestigare. Alij autem dicunt, quod totus populus audiuit 10. mandata: quia illa dicat homini ius naturale, & omnes erant capaces illorum: sed non audiuerunt sacrificia: quia illa non sunt de iure naturali nisi in genere, ratione cuius etiam moralibus coniunguntur: sed determinata oportuit esse per Prophetam qui amplius cultum Dei pro statu & tempore intellexit.

### ARTICVLVS IX.

*An veniale virtute sacramentorum veteris legis remittebatur?*

**D**Einde quæritur de hoc quod dicit ibi [Nihil aliud intelligo iniquationem quam lex mundat, &c.] Et quærentur hic duo: quorum primum est, Vtrum veniale virtute illorum sacramentorum remittebatur? Secundum, Quare in noua lege non est aliquid curans irregularitates sicut in veteri.

Ad primum proceditur sic. Infra distinct. 19. Quare ergo dicit Augustinus, quod venialia semper per sacrificia & ceremonias remittebantur: ergo videtur, quod remittebant saltem aliqua peccata.

2. Item, Maiorem habet conformitatem cum gratia quod est non causa sed signum, quam id quod nec causa nec signum est: sed quædam quæ nec causa nec signum sunt, quia non sunt sacramenta, vt aqua benedicta, & benedictio pontificalis, remittunt veniale: ergo multo magis illa quæ signum erant & non causa: talia autem erant sacrificia veteris legis: ergo remittebant veniale.

*Sed contra.*

**SED CONTRA:** Nunquam à Deo peccatum dimittitur sine gratia: nullam autem virtute propria gratiam illa sacramenta contulerunt: ergo virtute propria nunquam peccatum aliquod curauerunt: quod videtur esse concedendum, nisi per accidens, scilicet per opus operans, præcipue quia hoc expresse dicunt Sancti & Apostolus ad Hebræos.

**AD PRIMUM** ergo dicendum, quod veniale sumitur æquiuoce: quia in lege veniale fuit, quod morte temporali non puniebatur, sed puniebatur per exitum extra castra, vel expiationem, vel alio modo: & de hoc loquitur Augustinus, & non de illo quod ex genere suo est veniale dignum.

**AD ALIUD** dicendum, quod illud argumentum non habet necessitatem, nisi probaretur primo, quod aliquid secundum substantialem effe-

ctum vt sacramentum contra veniale esset ordinatum: nos autem hoc non confitemur, vt supra patuit.

### ARTICVLVS X.

*Quare in noua lege non est aliquid curans irregularitatem sicut in veteri?*

**A**D secundum obiicitur sic: Perfectior est lex noua quam vetus: ergo sacramenta nouæ legis quam veteris. Cum ergo illa expiauerunt irregularitates, videtur, quod etiam ista hoc facere debeant, & multo amplius.

**PRÆTEREA** quæritur, Quare irregularitas maxime impedit ab hoc sacramento quod est ordo, & non ab alijs? nullus enim est irregularis ad baptismum, vel ad Eucharistiam, dummodo velit se præparare, nec ad penitentiam, & sic de alijs. *Quæstio- cula.*

**SOLVTIO.** Dicendum, quod hoc ipsum indicat maximam Noui Testamenti dignitatem & altitudinem. Quia enim in Veteri Testamento non erat nisi vmbra sacerdotij & actus sacerdotalis: ideo de leni paratur ibi remedium, per quod homo congruus illi actui efficitur. Quia vero hic est verus actus oblationis Christi & verum sacerdotium: ideo difficulter expiatur, & quandoque non potest expiari irregularitas. *Solutio.*

**AD ALIUD** dicendum, quod ordo collocat hominem in duplici statu, scilicet sponsi & sponsæ: desponsatur enim tota Ecclesia in Prælo Deo, & Deus in Prælo coniungitur populo: & ideo medius est inter Deum & populum, & habet locum vtriusque, & ideo in quantum est sponsa habet anulum fidei & charitatis, & significatur quod non sit diuisus, sicut & Ecclesia indiuisa in corde & corpore significauit, & iungitur Deo: & quo ad hoc inidoneitatem & irregularitatem inducit bigamia. Quia vero ipse communionem totius populi facit in loco Dei qui communem facit populum: ideo irregularitatem inducit communicatio in excommunicatione. Ratione vero spiritualitatis & cultus qui statum præterit, inidoneitatem facit effusio sanguinis. Et quod hæc non tolluntur, non est defectus legis nouæ: quia non sunt peccata, nisi forte per accidens, sed potius inidoneitas quarundam personarum ad actum excellentis dignitatis & significationis sponsæ & sponsi. *Ad qua- siuncu- lam.*

### ARTICVLVS XI.

*An oblationes & sacrificia debuerunt esse ante legem: & vtrum tunc omnes tenebantur cognoscere rationes figura in qua posita erant?*

**D**Einde quæritur de hoc quod dicitur ibi [Quia imposuit ea Deus in seruitutem, &c.] Secundum hoc enim videtur, quod non debuerunt esse ante legem, quod non est verum, cum Abel obtulerit, & Abraham, & alij quidam Patriarchæ.

**PRÆTEREA** ratione secundæ causæ qua dicit, quod posita sint in figura, quæritur, Vtrum qui- *Quæstio- cula.* liber



libet tenebatur cognoscere rationem illius figuræ, an non? Videtur, quod sic: quia aliter inutilis fuisset oblatio, vel nociua alicui figura: ille enim crederet, quod esset per se Deo accepta: ergo videtur, quod omnes tenebantur agnoscere figuræ rationem.

2 Item, Omnis homo tenebatur agnoscere venturam necessariam liberationem futuram: ergo illam tenebatur præsignare: sicut etiam nos modo corde credimus ad iustitiam, ore autem confitemur ad salutem: cum ergo præsignatio sit per sacrificia, ipse tenebatur scire ratione sacrificiorum.

*Sed contra.*

SED CONTRA: Determinatam non habebant rationem relationem ad passionem Christi quæ in illis significabatur, quod hoc diceret ratio sine reuelatione: ergo nisi reuelaretur, videtur quod nullus tenebatur illam significationem scire.

2 Item, Alius modus erat possibilis, ut dicit Augustinus. Detur ergo, quod alius fuisset: ergo tunc illa sacrificia non figurassent Passionem Christi: ergo non tenebantur scire quod ista figurabant ea, scilicet quæ futura erant in Novo Testamento. 3 Item, Vltimus videtur ex hoc sequi, quod non tenebantur ad sacrificia: quia spirituales cognouerunt se premi onere, & illa Deo non placere: ergo videtur, quod poterant desistere à sacrificiis quando volebant, quod falsum est: ergo præcepta erant eis ad faciendum, & non tantum pro figura imposita, ut hic dicit Magister.

*Solutio.*

SOLUTIO. Dicendum, quod secundum supra dicta triplex est status. Ante legem enim bene puto, quod simpliciter placebant Deo, in quantum cultus significabatur in illis & figura futuræ liberationis: & hoc modo obrulerunt Patriarchæ. Sed postquam populus didicit in Ægypto offerre idolis, non placuit Deo talis ritus, nisi secundum quid, scilicet ut sibi potius quam idolis offerretur.

*Ad qua-  
stionem  
lam.*

AD ALIUD dicendum ut supra, quod omnes tenebantur, sed non explicite, sed hoc modo ut intenderent illas offerre in significatione & ritu maiori qui futuram reuelationem intelligebant.

AD ID quod contra obiicitur: ad primum quidem patet solutio. Ad secundum autem dicendum, quod modus liberationis significabatur in genere, scilicet quod oportuit ipsum esse in modo satisfaciendi, ita ut offerretur ex parte nostra cor contritum & humiliatum: & quicumque modus

fuisset, semper illud exigebatur ex parte nostra: & sic semper remanet modus liberationis ex parte nostra in futurum significandus per sacrificia.

## ARTICVLVS XII.

*Quis est effectus cineris vitule rufæ & aqua quæ fiebat per commixtionem eius?*

DEINDE quæritur de hoc quod dicit [illa autem Apostolus opera legis dicit, &c.] Specialiter dubitatur de cineribus vitule rufæ de qua fiebat aqua asperfusionis per totum annum, sicut legitur Num. 19. Videtur, quod duo contraria fecerit aqua illa: quia sacerdotem immolantem immundabat, & præcipiebatur ei ut maneret extra castra, & immundus esset usque ad vespeream: populum autem aspersum emundabat, & vasa tabernaculi, & ipsum tabernaculum, & librum, & omnia alia quæ per aquam aspergebantur. Si enim dicatur, quod hoc fuit ideo, quia tetigit morticinum immolando: non videtur: quia etiam aspersus sanguine morticino tangebatur, & tamen mundabatur: ergo videtur, quod sacerdos immolans mundior ex hoc fieri deberet.

SOLUTIO. Hic est duplex solutio bona, & alia sunt truxæ. Augustinus enim dicit, quod cinis vitule qui est reliquiæ ignis, significat peccata iam infrigidata à concupiscentia, & combusta ab igne contritionis: sanguis autem est sanguis redemptionis Christi: aqua autem commixta, populi unio cum Christo, vel fons lacrymarum: & ex his conficitur asperio munda. Sed sacerdos immundus est: quia nunquam ita aspergimur quin immunditia nobis adhæreat venialium: ideo extra castra puræ societatis manebimus usque ad vespeream, ut tunc lustrati purgatorio, puri ingrediamur in sortem & habitationem Sanctorum: & hæc est optima solutio. Aliam dant Magistri, quod sacerdos immolans significat sacerdotem nostrum celebrantem & fumentem corpus Christi: quod licet sanctissimum sit: tamen quia nos inidoneos reputare debemus respectu eius, ideo quando celebramus, lauamus manus, & reputamus nos extra castra Sanctorum usque ad vespeream mortis. Et per hoc patet solutio ad contrarium.

## De causa institutionis sacramentorum.

**T**RIPlici autem de causa sacramenta instituta sunt: propter humiliationem, & eruditionem, & exercitationem. Propter humiliationem quidem, ut dum homo insensibilibus rebus quæ natura infra ipsum sunt, ex præcepto Creatoris se reuerendo subiicit, ex hac humilitate & obedientia Deo magis placeat, & apud eum mereatur, cuius imperio salutem quærit in inferioribus se, etsi non ab illis, sed per illa à Deo. Propter eruditionem etiam instituta sunt, ut per id quod foris in specie visibili cernitur, ad inuisibilem virtutem quæ intus est, cognoscendam mens erudiatur. Homo enim qui ante peccatum sine medio Deum videbat, per peccatum



# 16 D. Alb. Mag Ord. Præd. Comment.

caturum adeo habuit, ut nequaquam diuina queat capere: nisi humanis exercitatus. Propter exercitationem similiter instituta sunt: quia cum homo otiosus esse non possit, proponitur ei utilis & salubris exercitatio in sacramentis, qua vanam & noxiam declinet occupationem: non enim facile capitur à tentatore, qui bono vacat exercitio.

In epistola ad Rusticum.

Vnde Hieron. monet, Semper aliquid boni operis facito, ut te occupatum diabolus inueniat.

## ARTICVLVS XIII.

*An triplex causa institutionis sacramentorum à Magistro sit bene assignata?*

**D**Einde queritur de secunda parte illius partis, ubi dicit [Triplici autem ex causa sacramenta instituta sunt, &c.] Queritur enim de istis causis. Videtur enim, quod nullæ sint: quia contra ordinem rectum est hominem humiliari sub eo quod infra ipsum est: elementum autem corporale est infra dignitatem hominis: ergo contra rectum ordinem est hominem humiliari usque ab hoc quod querat salutem in elemento corporali.

Item non iuuatur ad surgendum qui amplius deprimatur quam ceciderat: ergo videtur, quod nulla sit causa quam querit primo.

Similiter secunda causa nulla esse videtur: quia quāto aliqua eruditio est apertior, tāto erudit efficacius: ergo aliud quod aperte ostenderet & conferret gratiam, magis erudiret & conferret ad gratiam, quam sacramentum quod ostendit nobis in elemento corporali.

2 Item, Si eruditio illa est, est secundū aliquam rationem vel viam rationis: nulla autem via rationis inuestigat gratiam in eo quod non est causa gratiæ, sed potius à Deo expectat qui est auctor omnis gratiæ: ergo videtur, quod nulla sit eruditio in sacramento.

2 Itē obicitur de tertia causa quæ est exercitatio. Vnicus enim actus nō potest dici exercitiū: cū igitur potiora sacramēta non accipiātur nisi semel, non sunt instituta ad exercitium, ut videtur.

Quæstio-  
cula.

2 Item, Virtutes vidētur dari magis ad exercitium: quia actus illarū iteratur per totam vitam, & non actus sacramentorum ergo videtur, quod nulla harum causarum rationabilis sit.

ITEM queritur, Penes quid accipiatur numerus harum causarum?

Solutio.

SOLVTIO. Dicendum ad hoc vltimum primo, quod in sacramento sunt tria, scilicet materia, ratio signi, & ratio cauſandi. Et penes materiam quæ inferior est accipitur causa prima. Penes rationē

autem signi accipitur secunda: quia signum aliud facit venire in notitiam rei præter speciem quam ingerit sensibus. Penes rationem autem cauſandi accipitur tertia: quia cauſat gratiam cuius actus iteratur in exercitio vitæ.

AD PRIMVM ergo dicendum, quod humiliatio existentis in peccato alia est ab humiliatione naturæ secundum se considerata. Dico ergo, quod quia homo humiliando seipsum deiecerat: ideo conueniens fuit, ut humiliaretur sub hoc quod infra ipsum fuit, propter Deum: ut tanto humilior descenderet sub eo quod infra ipsum fuit per naturam, quanto ipse superbior se erexerat in id quod supra ipsum fuit, concupiscendo Dei æqualitatem.

AD ALIVD dicendum, quod si humiliaretur sub elemento propter elementum, tunc illa ratio procederet: sed ipse humiliatur sub elemento propter Deum: & ideo illa humilitate resurgit.

AD ALIVD dicendum, quod eruditio est ex nobis propriis, ut dicit Dionysius: quia noster intellectus non accipit diuina nisi materialibus velata: & ideo licet in se sit obscurior quam ipsa veritas, tamen nobis magis congruit: sicut etiam in philosophia sæpe facilius est doctrina ex ignorantioribus simpliciter, notioribus autem quoad nos, quam e contra.

AD ALIVD dicendum, quod illa eruditio est per viam rationis quæ contemplatur exigentiam peccati nostri: quia per rationem congrui, peccantem oportet manduci per connaturalia: sed, ut dicit Dionysius, ut per similitudines corporaliū surgat ad incognita: & per ea quæ modo didicit, discat spiritualia quæ non nouit. Licet enim ratio querat salutem in elementis corporalibus: non tamen querit ex ipsis, ut supra notatum est in auctoritate Magistri Hugonis.

AD ID quod obicitur de tertia causa, dicendum quod exercitium non refertur hic ad actum sacramenti, sed ad actum gratiæ sacramentalis, qui frequenter est iterandus.

AD ALIVD dicendum, quod exercitium non est in virtutis actu, sed est alterius rationis: quia non est ordinatum ita directe contra peccatum sicut actus gratiæ sacramentalis.

## De triplici genere exercitationis.

**D**VNT autem exercitationum tres species: vna ad ædificationem animæ pertinet, alia ad corporis fomentum, alia ad vtriusque subuersionem. Cum igitur absque sacramentis (quibus non alligauit potentiam suam) Deus homini gratiam donare posset, prædictis de causis sacramenta instituit. Duo autem sunt in quibus sacramentum consistit, scilicet verba, & res. Verba ut inuocatio Trinitatis. Res ut aqua, oleum, & huiusmodi.

ARTICV



## ARTICVLVS XV.

*An in omni sacramento sunt duo, scilicet verba, & res.*

**D**Einde quæritur de tertia parte huius distinctionis ibi [Duo autem sunt in quibus sacramenta consistunt, &c.] Hoc enim non videtur esse generale in omnibus: quia in matrimonio consensus facit matrimonium, etiam si desint verba: ergo videtur, quod non omne sacramentum consistit in verbis.

2 Item, In contritione dolor contriti cum gratia delet peccatum: & non sunt ibi verba.

3 Item, Obiicitur de altera parte, de qua dicit, quod res est in sacramento. Est enim quædam res sacramenti chrisma: & hæc res non fuit in Veteri Testamento. Et quæritur, Quare, cum fuerit ibi oleum, & vinum, & panis, & aqua, quæ sunt res aliorum sacramentorum?

*Solutio.*

**SOLVTIO.** Dicendum, quod verba sunt in omni sacramento in quantum est sacramentum

Ecclesiæ. Matrimonium enim multipliciter consideratur, scilicet in quantum est officium naturæ, & in quantum est bonum Ecclesiæ: & quoad hoc potest sufficienter effici per consensum in maritalem copulam: sed tertio modo est in remedium, & sic ponitur sub clauibus Ecclesiæ: & est in dispensatione ministrorum, & quoad hoc habet formam in facie Ecclesiæ expressam, & accipit benedictionem Ecclesiæ, & efficitur Ecclesiæ non quidem sacramentum secundum se, sed sacramentum Ecclesiæ, ut sit medicina ex vi clauium ipsius Ecclesiæ.

**AD ALIUD** dicendum, quod verba sunt in poenitentia, secundum quod ipsa in tribus suis partibus est vnum sacramentum, & hæc sunt verba quæ dicit sacerdos, quando ligando ad satisfactionem absoluit.

**AD ID** quod obiicitur contra aliam partem, dicendum, quod in confirmatione datur Spiritus sanctus ad robur: & ideo etiam non nisi ab illo datur, qui est in altiori gradu Ecclesiæ: & ideo in statu imperfectionis non conueniebat esse suam materiam propriam.

*De differentia sacramentorum veterum & nouorum.*

**E**



**AM** videre restat differentiam sacramentorum veterum & nouorum: & sacramenta vocamus quæ antiquitus res sacras signabant, ut sacrificia, & oblationes, & huiusmodi.

*Super  
titulum  
Psalm. 73.*

Eorum autem differentiam breuiter August. assignat, dicens: quia illa promittebant tantum & significabant, hæc autem dant salutem.

## ARTICVLVS XV.

*Utrum sacramenta veteris legis dederunt salutem, sicuti sacramenta noua legis?*

**D**Einde quæritur de quarta parte, quæ diuiditur in duas partes, in quarum prima determinat differentiam sacramentorum Noui & Veteris Testamenti in genere. In secunda autem tangit excipiendo de circumsione: quia illa non videtur cadere sub dicta differentia. Prima incipit ibi [Iam videre restat distantiam, &c.] Secunda ibi incipit [Fuit tamen inter alia sacramentum quoddam, &c.]

Incidit autem quæstio de primo quod dicit de differentia prima: videtur enim quod illa dederunt salutem sicut & ista: quia ita dicit Apostolus Gala. 6. Qui fecerit ea, viuet in illis. Non autem loquitur de vita corporali: ergo de spirituali: ergo dabant vitam spiritualem: ergo salutem per consequens.

2 Item, Magister Hugo. de sancto vic. in lib. de sacramentis parte 8. Ex quo homo lapsus est in peccatum, continuo Deus sacramenta adhibuit, alia ante legem, alia sub lege, alia sub gratia, differentia quidem in specie, sed vnum habentia effectum. Effectus autem nouorum sacramentorum est conferre salutem: ergo & illorum quæ fuerunt ante legem, & in lege: ergo omnia curabant, & dabant salutem.

3 Item, 1. Cor. 10. Nolo enim vos ignorare  
*D. Alb. Mag. in Lib. 4. Sentent.*

fratres, quoniam patres nostri omnes sub nube fuerunt, & omnes mare transierunt, & omnes in Moyse baptizati sunt in nube & in mari, & omnes eandem escam spiritualem manducauerunt, & eundem potum spiritualem biberunt: bibebant autem de spirituali, consequente eos, petra: Petra autem erat Christus. Ergo videtur, quod idem effecerunt eis sua sacramenta quod nobis nostra.

4 Item, Augustinus. Idem valuit manna edentibus quod corpus Christi sumentibus: ergo eundem habuit effectum.

5 Item, Sapient. 16. Paratum panem de celo præstitisti illis sine labore, habentem in se omne delectamentum, & omnem saporis suauitatem. Hoc autem non potuit esse nisi contineret totum spirituale bonum gratiæ, sicut & nostrum: ergo videtur, quod idem faciebant illa quod nostra.

Sed contra: Hebr. 9. Quæ non possunt iuxta conscientiam emundare.

2 Item, Hebr. 7. Lex neminem duxit ad perfectum.

3 Item si data esset lex quæ posset iustificare, vere per legem esset iustitia.

**SOLVTIO.** Dicendum, quod lex non iustificabat quoad sacramentalia, sed promittebat salutem. Et assignatur multiplex differentia: tamen tres tangit Magister Hugo hic: quarum prima est, quod nostra sacramenta sunt signa gratiæ: sed illa sacramenta non immediate sunt signa gratiæ, sed nostrorum sacramentorum. Secunda est: quia nostra sacramenta sunt signa & causæ: illa autem

B 3 sunt



sunt signa tantum. Tertia : quia illa promittunt quod non continent : ista autem dant quod continent. Alij assignant differentiam ex parte impleti, per Augustinum qui dicit, quod differentia breuissima legis & Euangelij est timor & amor.

DICENDUM ergo ad primum, quod Apostolus ibi loquitur de decalogo, & non de sacramentalibus : tamen nec decalogus de se conferebat gratiam, sicut Nouum Testamentum. Et ad hoc intelligendum, sciendum est quod legis latio vetus, tota fuit in timore in igne & fumo & terribilibus : sed noua, tota in benignitate & gratia : & ipse etiam Mediator gratiam sanctificationis pro omnibus attulit & dedit.

AD ALIUD dicendum, quod magister Hugo hoc intelligit de effectu signi, non de effectu causalitatis : quia scilicet idem omnia ista significabant.

AD ALIUD dicendum, quod non biberunt sacramentaliter patres, sed in spiritu, sicut dicit Christus Ioan. 8. Abraham pater vester exultauit ut videret diem meum, vidit, & gauisus est : & ideo non procedit argumentum : quia illud erat potius virtus deuotionis, quam virtus alicuius sacramenti.

AD ALIUD dicendum, quod idem valuit in genere, & spiritualiter : sed non in specie, & sacramentaliter. Nos enim dupliciter sumus, scilicet spiritualiter, & sacramentaliter : ipsi autem spiritualiter, & in typo tantum : & hoc non habebant de ratione status, sed potius ex priuilegio quodam, in quantum pertinebant per charitatem ad Nouum Testamentum.

AD ALIUD dicendum, quod hoc fuit in typo & spiritu, & non in veritate & sacramento.

## ARTICVLVS XVI.

*Vtrum Testamentorum fuit grauius?*

SED ad hæc incidit quæstio, quod illorum sit grauius? Videtur autem, quod Nouum : quia magis est difficile relinquere omnia quæ sunt in Nouo, quam subiicere omnia quæ sunt in Veteri. Item, Christus multa addidit veteribus Matth. 5. Quod autem habet tantum & amplius, illud est grauius : ergo Nouum est grauius quam Vetus. Item, Vetus cohibet manum, & non animum : Nouum autem manum, & animum : magis autem est difficile cohibere & manū & animum, quam manum solam : ergo Nouum Testamentum est grauius.

SED CONTRA : Dicitur act. 15 : Hoc est onus quod nec nos nec patres nostri portare potuimus : ergo grauius est quam Nouum. Item, Matth. 11 : Venite ad me omnes qui laboratis, & onerati estis : & ego reficiam vos. Tollite iugum meum super vos, & discite à me quia mitis sum & humilis corde : & inuenietis requiem animabus vestris. Iugum enim meum suauis est, & onus meum leue. Econtra igitur videtur, quod sint æqualiter leuia & graua.

SOLVTIO. Omnia huiusmodi argumenta leue est determinare : quia sicut vadunt auctoritates & rationes, ita innuunt quandam distinctionem. Sciendum ergo, quod Nouum & Vetus possunt considerari, ut typus, & veritas : & sic est vnum in alio. Si autem considerentur quoad materiam præceptorum & motuum ad implendum, tunc Verus est multo grauius : quia plura habet præcepta, & timor mouet ad implendum ea. Si autem considerentur quoad perfectionem status eorum quæ præcipiuntur, sic Nouum est magis difficile. Et per hoc iam patet solutio ad omnia,

## De Circuncisione.

**F** VIT tamen inter illa sacramenta sacramentum quoddam, scilicet circuncisionis, idem conferens remedium contra peccatum, quod nunc baptismus præstat. Vnde Aug. Ex quo instituta est circuncisio in populo Dei, quæ erat tunc signaculum iustitiæ fidei, ad purgationem valebat magnis & paruulis originalis veterisque peccati : sic baptismus ex illo valere cœpit ad inuolutionem hominis, ex quo institutus est. Item Beda : Idem salutiferæ curationis auxilium circuncisio in lege contra originalis peccati vulnus agebat, quod baptismus agere reuelatæ gratiæ tempore consuevit, excepto quod regni celestis ianuam nondum intrare poterant : tamen in sinu Abraham post mortem requie beata consolati, supernæ pacis ingressum spe felici expectabant. His aperte traditur per circuncisionem : ex quo instituta fuit, remissionem peccati originalis & actualis paruulis & maioribus à Deo præstitam, sicut nunc per baptismum datur.

## ARTICVLVS XVII.

*An Circuncisio à Damasceno sit benè definita.*

**F** VIT tamen inter illa, &c. ] Hic incipit Magister agere de circuncisione : & tangit quinque

circa ipsam, quorum primum est de eius effectu. Secundum de suscipientibus ibi [Quæritur autem de vitis] tertium de institutione ibi [Dicendum in quo instituta fuerit] quartum de ritu eius ibi [Fiebat autem octaua die, &c.] Septimum & vltimum est de quibusdam quæstionibus dubiis circa ritum ibi [Si vero quæritur.

Inci

Ad Valerium lib. 2. de nuptiis & concupisc. c. 11. in fine. Super illud Luc. 2. Et post quam impleri sunt.



Incidit ergo hic primo quæstio, Quid sit circuncisio: diffinit enim eam sic Ioan. Damasc. Circuncisio signum erat determinans Israël à Gentibus cum quibus conuersabatur. Sed contra hanc diffinitionem multipliciter opponitur. Primo sic: Sicut patuit prius ex dictis Hugonis, veteris legis sacramenta dicuntur sacramenta in comparatione ad sacramenta nouæ legis quæ significant: ergo videtur, quod in comparatione ad illa deberent diffiniri: & hoc non fit de circuncisione.

Si forte dicas, quod aliud est de circuncisione: quia illa effecit quod figurabat. Contra: Ita dicit Damasc. ibidem, Circuncisio typus erat baptismatis: typus autem diffiniendus est in comparatione ad id cuius est typus. Item parum infra. Veritate apparente inutilis est typus & umbra. Quare superfluum est circuncidi, & contrarium sancto baptismati. Ex hoc habetur idem quod prius.

3 Vltius obicitur de hoc quod dicit, determinans Israël à Gentibus, &c. Aut enim loquitur de distinctione conuersationis: aut de distinctione loci quoad habitationem. Si de conuersationis distinctione: Contra: Lex erat data ad hoc, sicut dicit Psalm. 147. Non fecit taliter omni nationi, & iudicia sua non manifestauit eis. Ergo videtur, quod non ad hoc dabatur circuncisio. Si de habitationis distinctione loquitur: tunc videtur, quod postea habitantes in pace in terra promissionis non debent circuncidi: quia tunc non erant permixti aliis Gentibus quod friuolum est: ergo nullo modo determinat.

4 Item, Omnis distinctio datur per signum manifestum: circuncisio est determinatio quædam: ergo deberet fieri in fronte, vel in alio loco manifeste, ut videtur.

5 Item, Cū duo sint in sacramento: sanctificare, & signare: sanctificare, est principaliter: ergo per illud magis est diffinienda circuncisio, quam per determinationem quæ competit signo. Si vero dicas, quod non sanctificat de se, sed virtute fidei. Contra: Ita dicit Hugo, Circuncisionis sacramentum semini Abraham sanctificando & signando datum est: ergo circuncisio data est ad sanctificandum: & sic principaliter per actum sanctificationis deberet diffiniri.

*Solutio.* SOLVITIO. Dicendum, quod principalis actus circuncisionis est remedium peccati originalis, & sanctificatio quædam temporis, scilicet qualis per circuncisionem tunc temporis poterat præstari.

AD HOC autem quod obicitur de Damasc. dicendum quod non diffinit eam in comparatione ad baptismum: quia ipsa in lege effectum quendam gratiæ habuit in remedium contra originale: & talis effectus semper est principalis in sacramento: licet tamen aliter esset etiam typus baptismatis.

AD ALIUD dicendum, quod intelligitur principaliter determinatio conuersationis ex gratia circuncisionis, & per consequens etiam determinatio habitationis: & ideo ipse Damasc. dicit, quod 40. annis quibus fuerunt in deserto, non circuncidebantur: quia tunc aliis gentibus non erant permixti: & in hoc tantum tangit causam secundariam: quia causa vera erat, quod sub nube fuerunt, & oportebat eos moueri ad motum nubis, & non potuissent vulnera sanari si

circuncisi fuissent. Et ad hoc quod contra hoc obicitur, dicendum quod lex dabatur ad conuersationem, ut regula morum & operum, sed circuncisio ut signum & mitigatiuum concupiscentiæ mouentis ad conuersationem malam.

AD ALIUD dicendum, quod duo fuerunt in circuncisione: quia ibi erat signum, & remedium originalis: & ex utroque coniunctum oportuit ei determinare locum, scilicet in loco propagationis originalis, ut infra dicit Magister: in fronte autem, vel alio loco non significasset per hunc modum.

AD ALIUD dicendum, quod sanctificatio non conuenit circuncisioni nisi indirecte, ut patet iam in sequenti quæstione: & ideo non explicite ponitur in diffinitione, sed implicite in hoc quod dicitur, determinans, innuitur.

## ARTICVLVS XVIII.

*An circuncisio etiam impresserit characterem?*

DEinde quæritur de hoc quod dicit ibi [Circuncisio in populo Dei quæ erat tunc signaculum iustitiæ fidei] Ex hoc enim videtur, quod circuncisio impresserit characterem: quia character idem est quod signaculum.

2 Item, Adhuc sunt aliæ rationes: quia non iterari & imprimere characterem concomitantur se in omnibus sacramentis, sicut probatur per inductionem: circuncisio autem non iterabatur: ergo characterem imprimebat.

3 Item, Distinctio interior debet respondere distinctioni exteriori, cuius exterior est causa: cum ergo circuncisio sit distinctio exterior, videtur ei debere respondere distinctio aliqua interior.

4 Item, Illud sacramentum efficit quod figurat: ponamus autem, quod aliquis fictus acceperit, constat quod recedente fictione ei valere incipit: ergo oportet, quod ponatur ei aliquid in quo manet sacramentum, sicut facimus in baptismo: hoc autem non potest esse nisi character: ergo impressit characterem, ut videtur.

SED CONTRA: Perfectissima sacramenta *Sed contra.* imprimunt characterem: sed circuncisio est sacramentum imperfectum, sicut patet, quia mutatum est in baptismum: ergo characterem non impressit.

3 Item, Detur quod impresserit characterem alicui, & ille postea sit baptizatus, constat quod iterum reciperet characterem: ergo haberet duos: & cum uterque sit fidei, quia baptismus (ut dicit Augustinus) est sacramentum fidei, & circuncisio (ut dicit Apostolus) signaculum fidei: ergo erunt in vno homine duo characteres eiusdem speciei, quod esse non potest: ergo non impressit characterem.

3 Item, Character est configurans Trinitati: & hoc conuenit tam masculis quam fœminis: circuncisio autem solis maribus: ergo circuncisio characterem non impressit.

SOLVITIO. Dicendum, quod circuncisio *Solutio.* characterem non impressit: quia character est configuratio spiritualis trinitatis creatæ quæ est in imagine ad Trinitatem increatam.

AD PRIMUM ergo dicendum, quod erat signaculum



signaculum corporale, & non spirituale: ita scilicet quod in ipsa significatur diminutio concupiscentiæ à parte corporis, præter hoc quod imprimeret signum in anima.

AD ALIUD dicendum, quod illa propositio vera est de sacramentis nouæ legis, quæ nullo modo possunt iterari: sed non est vera de illis quæ non iterantur super eandem materiam, licet iterentur super aliam ut pœnitentia, & vinctio, & matrimonium, & Eucharistia: sed circumcisio non iterabatur, eo quod significabat id quod non est iterandum, scilicet baptismum. Vel melius dicatur, quod non iterabatur: quia erat contra morbum originalis peccati, qui non iteratur, & non propter impressionem characteris.

AD ALIUD dicendum, quod non sequitur, quod distinctio exterior sit frustra, nisi sit data ad hoc ut causa ad effectum: & hoc falsum est: quia habet actum alium respectu cuius non est frustra, sed utilis.

AD ID quod fictione recedente incipit valere circumcisio, dicendum quod non ideo est, quod gratia velut in vase in characterem aliquo contineretur: sed potius ideo, quia Spiritus sanctus obstaculum non inuenit qui gratiam influit, & id quod corporaliter fieri debuit, est expletum: & ideo illud non tenetur reuocare: sicut & in aliis corporalibus actionibus, ad quas aliquis tenetur, si peragit illas fictus, non oportet iterum facere. Si enim voui pauperibus dare centum libras, si do eas in mortali existens, & postea pœniteo, non iniungitur mihi ut iterum dem: quia licet datio transeat, tamen damnum manet, & tamen illud postea secundum approbationem potest mihi valere. Ita dico etiam de circumcissione: quia fuit etiam signum corporale, si aliquis profelytus eam fictus accepit, non oportebat ut non fictus iterum circumcideretur. Si forte obiiciatur, quod aliquis circumciscus dignoscibilis est à non circumciso à visu Angeli vel spiritualis oculi: & hoc non potest esse nisi signum aliquod sit in anima, sicut etiam per characterem dignoscitur anima baptizati ab anima non baptizati. Dicendum, quod illa nota non est character: quia sic etiam nota mortalis peccati character esset: sed tantum character dicitur, quando est configuratio imaginis ad Trinitatem increatam, & hoc non est in circumcissione.

## ARTICVLVS XIX.

*An circumcisio iustificabat?*

**D**Einde quæritur de hoc quod dicit ibi [Ad purgationem valebat magnis & paruulis originalis veterisque peccati, &c.] Ex hoc enim accipitur, quod iustificabat: quod etiam videtur alia ratione: quia ad minus contra morbum in quem necessarium erat incidere, non ex voluntate, sed ex natura corrupta, oportuit habere medicinam, præcipue propter paruulos quorum innumerales aliter fuissent damnati: hæc autem medicina non fuit nisi circumcisio: ergo circumcisio valuit contra originale peccatum, ut videtur.

3 Item, Circumcisio non erat ex lege, sed ex patribus, & dabatur in signum iustitiæ Abraham iusto: aliis autem in causam iustificationis, ut

dicitur hic in litera: ergo valebat contra originale peccatum.

4 Item, Nihil dimittit peccatum nisi conferat gratiam: sed circumcisio, ut patet in litera, dimittebat peccatum: ergo conferebat gratiam.

SED CONTRA: Morbus nunquam intermissus est: ergo si circumcisio fuit substantialiter contra morbum instituta, circumcisio etiam intermittere non debuit: sed intermissa fuit 40. annis: ergo videtur quod cum tunc aliud remedium non fuit institutum, quod non fuit substantialis medicina contra morbum.

2 Item, Morbus vniuersalis est in maribus & fœminis: ergo & medicina si substantialiter est ordinata contra morbum, vniuersalis esse debuit: sed non fuit data nisi maribus: ergo non fuit vniuersalis.

3 Item, In sacramento sunt duo, scilicet signum, & causa: & causalitas non se extendit extra ultra rationem signi: ergo quodlibet sacramentum tantum causat de gratia quantum signat de ipsa: circumcisio autem nihil conferebat, sed auferebat: ergo non causabat alicuius boni collationem, sed tantum mali ablationem.

4 Item, In malo duo sunt: culpa scilicet, & pœna: culpa autem si aufertur, in toto aufertur: sed circumcisio non aufert nisi partem: ergo non significat ablationem culpæ quæ in toto aufertur: ergo nec causat eam, cum causalitas nō se extendat extra rationem significandi: ergo videtur, quod circumcisio non causabat nisi illius pœnæ dimissionem, quæ in parte, & non in toto dimittitur: & hæc est pronitas concupiscentiæ, & non reatus carentiæ visionis: ergo non causabat nisi diminutionem fomitis, ut videtur.

SOLVTIO. Dicendum, quod peccatum dimittebatur in circumcissione: sed circumcisio à posteriori operabatur peccati dimissionem. Verbi gratia, in peccato sunt tria sibi connexa, scilicet culpa, & carentia visionis Dei, & incensio fomitis: & si aliquid debeat directe delere peccatum, oportet quod primam causalitatem habeat ad deletionem culpæ: & quia alia duo connexa sunt illi, ideo remittitur posterius pœna carentiæ visionis in toto, & incensio fomitis in parte. Et sic operatur baptismus: quia potentia gratiæ lauat sordes culpæ primo, & posterius etiam cadunt pœnæ adiunctæ. Sed circumcisio, sicut probat vltima obiectio, causalitatem ponit contra fomitis incensionem, & ideo incipit delere peccatum à posteriori: remittit enim incensionem fomitis: & quia illa non potest diminui, nisi cesset reatus in toto, ideo ille in toto dimittitur: quia vero ille connexus est culpæ, ideo etiam culpa dimittitur. Et hoc est quod quidam de antiquis scripserunt, quod circumcisio de se operatur diminutionem pœnæ: sed virtus fidei in ipsa operabatur remissionem culpæ: & sic intelliguntur rationes primæ quæ probant, quod fuit remedium originale.

AD ID autem quod contra obiicitur, dicendum quod fuit ordinata quidem contra morbum, sed non substantialiter: & ideo aliqua de causa (quæ supra dicta est) poterat intermittere.

AD ALIUD dicendum, quod licet morbus vniuersalis esset: tamen propagatio est in vno, & in altero passiuè tantum: & ideo in illo remedium debuit poni. Et hoc infra magis patebit.



AD ALIVD bene concedo, scilicet quod circuncisio à parte posteriori & non directe delere incepit peccatum.

ARTICVLVS XX.

*Quid dicatur sinus Abrahæ: & an paruuli decedentes sint in aliqua miseria?*

**D**Einde quæritur de hoc quod dicit ibi [Tamen in sinu Abrahæ post mortem requie] Quid enim hic dicitur sinus Abrahæ? Si forte dicas secundum Hier. quod sinus Abrahæ vocatur requies bonorum patrum: hoc non videtur, quia requies illa est in cælo in quo non fuerunt patres ante aduentum Christi. 2 Item, Si dicas secundum aliquos, quod sinus dicitur protectio ab interiori & exteriori miseria: iterum non videtur conuenire: cum miseria non tollatur, nisi per suum contrarium, quod est beatitudo: & patres tunc beati non fuerunt, cum visione Dei non perfruerentur. 3 Præterea, Si diceret quod dicitur protectio non vi igne, & non lædi verme conscientia: hoc iterum non videtur conuenire: quia etiam pueri ante baptismum decedentes (ut creditur) non cremantur igne, nec roduntur verme conscientia: cum nullum secum ferant delictum proprium, de quo solo est vermis: ergo videtur, quod non posset hoc modo dici hic sinus. 4 Præterea, Videtur, quod sinus iste non fuerit in inferno: quia Luc. 16. dicitur, quod eleuans oculos diues cum esset in tormentis, vidit Abraham à longe, & Lazarum in sinu eius: ergo sinus erat longe supra infernum: ergo non in inferno. Sed contra hoc est quod Christus in morte descendit ad limbum: & hoc fuit descendere ad infernum: ergo limbus iste & sinus est in inferno.

Sed contra.

Questiuncula.

ITEM quæritur, Quare dicitur sinus Abrahæ

potius quam Adam, vel Abel, vel alterius: cum ab Adam omnes multiplicati descenderunt, & ab Abel inceperit Ecclesia, ut dicit August.

SOLVITIO. Dicendum, quod sinus dicitur proprie & communiter. Communiter est requies beatorum patrum, ut dicit Glossa Luc. 16. Proprie autem dicitur locus in ora inferni sequestratus ad habitationem electorum, quia ante Christi aduentum mortui, spe felici redemptionis pretium expectabant. Vnde etiam limbus vocatur. Limbus ora est vestimenti, sicut locus ille in ora fuit inferni. Et per hoc patet solutio ad primum.

AD SECUNDVM dicendum, quod protectio dicitur à puniente actualiter, & ideo vocatur miseria: non enim vocatur hic protectio omnis indigentia: quia hoc non fuit nisi per beatitudinem.

AD ALIVD dicendum, quod miseria est in pueris, scilicet desperatio visionis Dei: & ideo non ab omni miseria proteguntur: tamen bene concedo, quod pueri non habent ignem nec vermem.

AD ALIVD dicendum, quod iste locus est in ora inferni superior, & longe ab inferno damnatorum, loco, & differentia mansionis: quia secundum spatium loci infernus longe est subter, & secundum differentiam habitationis in inferno est pœna affligens æterna, & caligo densa, & vermis conscientia: quorum nihil fuit in limbo patrum, quia aliquam lucem habuerunt propter fidem & spem quam habebant.

AD VLTIMVM dicendum, quod dicitur sinus Abrahæ propter tria: quorum vnum est, quod ipse obediuit exire ab idololatriis & patria: & ideo ut esset pater in patria meruit. Secundum est, quia ipse benedictionem benedicti seminis primus accepit. Tertium est, quia Pater est credentium in circuncisione, & credentium in præputio: & in utroque semen habuit per Ismaël & Isaac.

Ad quasiunculam.

*De viris qui fuerunt ante circuncisionem, & de fœminis quæ fuerunt ante & post.*



**Q**UÆRITVR etiam de viris qui fuerunt ante circuncisionem, & de fœminis quæ fuerunt ante & post, quod remedium contra peccatum habuerint? Quidam dicunt sacrificia & oblationes eis valuisse ad remissionem peccati. Sed melius est dicere, illos qui de Abraham prodierunt, per circuncisionem iustificatos: mulieres vero per fidem & operationem bonam, vel suam si adultæ erant, vel parentum si paruulæ. Eos vero qui fuerunt ante circuncisionem, paruulos in fide parentum, parentes vero per virtutem sacrificiorum, scilicet quam intelligebant spiritualiter in illis sacrificiis, iustificatos. Vnde Gregor. Quod apud nos valet aqua baptismi, hoc egit apud veteres vel pro paruulis sola fides, vel pro maioribus virtus sacrificij, vel pro his qui ex Abrahæ stirpe prodierunt, mysterium circuncisionis.

Gregor. l. 4. moral. c. 2. de confessione. di. 4. cap. Quod apud.

ARTICVLVS XXI.

*Quare fœminæ non circuncidebantur?*

**D**Einde quæritur de hoc quod dicitur [Quæritur autem de viris qui fuerunt ante circun-

cisionem, & de fœminis, &c.] Et est dubium, Quare fœminæ non circunciderentur, cum haberent originale, sicut & mares?

2 Item, Quare circuncisio in maribus fiebat circularis, & non abscissio cuiusdam portionis.

3 Item,



3 Item, Quare fiebat in membro generationis potius quam in alio loco?

4 Item, Cum Genes. 17. dicatur, Circumcides carnem præputij vestri, videtur quod hoc nunquam fuit impletum: quia dicit Ambrosius, quod caro præputij dicitur caro illa virge, quæ est ante cartilagineos nervos: & illa non abscindebatur, sed pellicula.

5 Item, Si ad temperamentum æstus concupiscentiæ fiebat illa abscissio: tunc videtur, quod debuit fieri incisura in carne: quia in illa magis viget sensus & delectatio quam in pelle.

6 Item, Nihil est quod quidam videntur dicere, quare mulieres non circumcidebantur: quia scilicet id in quo damnatur libido in mulieribus sit intus: quia in viris non abscinditur id in quo damnatur libido: hoc enim ut dicunt physici sermones non est pellicula, sed caro in capite virge: pellicula autem in muliere ita poterat abscidi sicut in viro.

*Solutio.*

**SOLUTIO.** Dicendum, quod mulieribus non fiebat tribus de causis: quarum una est: quia natura nostra non est corrupta in muliere, quia in illa non fuit tota, sed potius in Adam: & ideo in filiis similibus illi conueniens fuit poni remediū. Secunda causa est, quod vir principalis est in generatione, & in semine viri est virtus formativa, & semen mulieris est sicut materia formata & patiens: & ideo dicunt etiam Doctores, quod si Adam non peccasset, sed mulier sola: non transfu-

sum fuisset in nos originale quoad culpam, sed quoad pœnam: quæ vocatur passibilitas naturæ, non vitium: & ideo congruebat iterum in Adam poni characterem obedientiæ mandato circumcisionis. Tertia causa est, ut ostenderetur imperfectio sacramenti, & aliud generalius & melius expectaretur: & puto quod hæc causa melior est.

**AD ALIUD** dicendum, quod circularis fiebat: ut notaretur circulus peccati: quia illud (ut dicit Apostolus) primo fuit in persona in primis parentibus, & deinde serpens quasi cancer corripit naturam in ipsis, & ex illa naturam in paruulis, & corrupta natura in paruulis, corrumpit personam paruulorum: & sic concluditur circulus à persona in personam. Vel sic: quia anima corripit carnem in parentibus, & caro carnem seminatam in paruulis, & caro animam infusam in eisdem: & sic iterum concluditur circulus maledictionis primæ.

**AD ALIUD** dicendum, ut Magister dicit in litera: quia inobedientia primo percepta est eo quod concupiscentia loco illo corrupta sit & infecta.

**AD ALIUD** dicendum, quod illa abscissio est periculosa, & contra bonum proles in matrimonio: sed incisio fit in pellicula operiente carnem illam, ut notetur, quod eadem caro debet refrigerari ab æstu libidinis.

**AD ALIUD** dicendum, quod mulieres non circumcidebantur ratione superius dicta.

### *De institutione & causa circumcisionis.*

Gen. 17.



**H**IC dicendum est, in quo instituta fuerit circumcisio, & quare, & cur mutata per baptismum. Abraham primus mandatum circumcisionis habuit ad probationem obedientiæ: nec ei soli præcepta fuit circumcisio, sed semini eius, id est, omnibus Hebræis: quæ

Ios. 5.

fiebat secundum legem octaua die lapideo cultro in carne præputij. Data autem fuit circumcisio pluribus de causis, scilicet ut per obedientiam mandati Abraham placeret Deo, cui per præuaricationem

Gen. 22.

Adam displicuerat. Data etiam fuit in signum magnæ fidei Abraham, qui credidit se habiturum filium in quo fieret benedictio omnium. Deinde, ut hoc signo à cæteris nationibus discernetur populus ille. In carne vero præputij ideo iussa est fieri circumcisio, quia in remedium instituta est originalis peccati, quod à parentibus trahimus per concupiscentiam carnis, quæ in parte illa magis damnatur: & quia in parte illa culpam inobedientiæ primus homo sensit, decuit ut ibi signum obedientiæ acciperet.

### *Quare die Octauo, & petrimo cultro.*

Gen. 14.  
& Ios. 5.  
& habetur 25.  
q. 1. §.  
His ita.



**F**IEBAT autem octaua die, & petrimo cultro: quia & in resurrectione communi & octaua ætate futura, per petram Christum omnis ab electis abscindetur corruptio: & per Christi resurrectionem octaua die factam, circumcidetur à peccatis anima cuiusque in eum credentis. Duæ ergo res sunt illius sacramenti.

*Quare*



*Quare in baptismum mutata sit circumcisio?*

**I**D E O autem mutata est circumcisio per baptismum: quia sacramentum baptismi communius est & perfectius: quia pleniori gratia accumulatum. Ibi enim peccata solum dimittebantur, sed nec gratia ad bene operandum adiutrix, nec virtutum possessio vel augmentum ibi præstabatur, ut in baptismo: ubi non tantummodo abolentur peccata, sed etiam gratia adiutrix confertur, & virtutes augentur. Vnde aqua refectionis vel regenerationis dicitur, quia aridos <sup>Psal. 21.</sup> fecundat, etiam fructificantes ampliori vbertate donat. Quia quantuncunque per fidem & charitatem ante habitam aliquis iustus ad baptismum accedit, vberiore ibi recipit gratiam: sed non ita in circumcissione. Vnde Abraham per fidem iam iustificato signaculum tantum fuit, nihil ei intus contulit.

*De paruulis defunctis ante diem octauum.*

**S**I vero quæritur de paruulis qui ante diem octauum moriebantur, antequam fiebat circumcisio ex lege, vtrum saluentur vel non? Idem potest responderi quod sentitur de paruulis ante baptismum defunctis, quos perire constat. Vnde Beda. Qui nunc per Euangelium suum terribiliter & salubriter <sup>Super 2. Luc.</sup> clamat, Nisi quis renatus fuerit ex aqua & Spiritu sancto, non intrabit in regnum Dei: ipse dudum clamabat per suam legem, Masculus cuius præputij caro circumcisa non fuerit, anima illa peribit de populo suo, quia pactum meum irritum fecit. Forte tamen sub lege, ingruente necessitate mortis, ante octauum circumcidebant sine peccato filios, sicut modo fit in Ecclesia de baptismo. <sup>Gen. 17.</sup>

## ARTICVLVS XXII.

*An omnes tenebantur ad circumcissionem?*

**D**Einde quæritur de hoc quod dicitur [Hic dicendum, in quo instituta fuerit circumcisio] Videtur enim, quod omnes tenebantur ad circumcissionem: quia in omnibus damnabatur libido. Item Genes. 17. dicitur, Tam vernaculus, quam emptitijs: & nullus excipitur: ergo generatio Rachelis obligatur ad hoc, & generatio Esau. Sed contra hoc est quod dicit Gloss. Ambros. Rom. 5. Non possumus dicere ad circumcissionem teneri nationum populos, nisi fuerint in domo Patriarcharum nutriti, vel pretio empti. Et breuiter quæritur, Qui obligabantur mandato circumcissionis, & qui non & qua ratione obligabantur?

Solutio.

**S**OLVTIO. Dicendum, quod ratio circumcissionis fuit diminutio concupiscentiæ in his qui pertinebant ad semen benedictum & promissum: pertinebant autem dupliciter, scilicet in hæreditate percipienda, & ut per quos semen descenderet: & ideo nulli alij obligabantur, ut dicit Ambrosius, nisi illi

tantum: familia autem obligabatur quamdiu relatione habuerat per dominos suos ad hæreditatis obsequium & usum, id est, quamdiu erant in domo eius qui verus erat hæres: & ideo Ismael & Esau & alij, quando separabantur à iure hæreditatis, & spe repromissi seminis, statim cessante in eis causa circumcissionis, absoluebantur à circumcissionis mandato, & amplius non tenebantur. Et per hoc patet solutio ad totum.

## ARTICVLVS XXIII.

*An tres causæ circumcissionis tactæ à Magistro sint benè assignatæ.*

**D**Einde quæritur de hoc quod dicit ibi [Data autem fuit circumcisio pluribus de causis, &c.] Tres enim causas tangit hic, scilicet probationem obedientiæ Abraham, & signum magnæ fidei Abraham, & discretionem populi de quo Christus nasci voluit. His tribus adduntur duæ in Gloss. Rom. 5. scilicet ut castitatem mentis & corporis indicaret, & ut figura esset baptismatis. Et quæritur, Penes quid sumuntur causæ istæ?

Item



Item queritur de prima: quia Adam tentatus est in re vna indifferenti: Abraham autem in duabus: vna sacrificiali, vt ita dicam, & alia sacramentali, & vtraque valde pœnali. Et queritur, Quare hoc?

Item de secunda: quia signum & signatum debent habere aliquam similitudinem: sed circumcisio nullam videtur habere similitudinem.

Item contra tertiam: quia circumcisio figura est baptismi: & baptismus nullum distinguit, sed omnes vnit: ergo nec circumcisio aliquem debuit distinguere.

Item contra quartam: quia genus humanum aliis virtutibus defecerat, sicut & castitate: ergo videtur, quod signum ad illas valens debuit recipere, sicut & ad castitatem accepit. Item, Signum erat fidei, vt dicit secunda causa: ergo potius accipiebatur ad fidem indicandam, quam ad indicandam castitatem.

Item contra quintam: quia non videtur habere similitudinem cum baptismo, nec in materia, nec in forma: ergo non fuit signum eius.

*Solutio.*

**SOLVTIO.** Ad primum dicendum, quod ista causa quædam sunt sumptæ à parte suscipientis eam primo: & quædam ex ratione circumcissionis. Ex parte suscipientis tripliciter, secundum quod tria exiguntur ad consequendum semen promissum. Vnum ex parte vitæ quod facit dignum per modum congruitatis, & hoc est obedientia. Alterum ex parte rei promissæ, & hoc exigit fidem: & ista sunt duæ primæ. Terrium est ex parte idoneitatis ad carnalem descensum benedicti seminis: & hoc est castitas, & hæc est causa quarta. Ex ratione autem circumcissionis duæ sumuntur quia ex parte illa qua signum est, sumitur materia: vt ille populus caractere carnali esset distinctus, & hæc est tertia. Ex parte au-

tem effectus sumitur quinta: quia per effectum significabat baptismum.

**DICENDVM** ergo ad primum, quod Adam tentabatur pro modo sui status, in eo in quo obedientia magna commendabilis erat: & non nisi vno, quia non indiguit multis adhuc, sed tantum vt experimentum acciperet suæ obedientiæ, indifferenti. Sed Abraham tentabatur, vt homo indigens liberatione & liberatore: & ideo in rebus difficilibus: & liberatoris indigentiam præsignabant tentatio de immolatione filij, liberationis autem tentatio de circumcissione.

**AD ALIVD** dicendum, quod circumcisio est signum fidei, non quantum ad quemlibet articulum, sed vt dicit August. quia credidit se habiturum filium in quo fieret benedictio omnium: & quoad hoc per locum generationis ponit similitudinem ad rem creditam.

**AD ALIVD** dicendum, quod est figura baptismi, sicut imperfectum eius quod est perfectum, & sicut particulare eius quod est vniuersale: & ideo distinguit, licet baptismus nihil distinguat.

**AD ALIVD** dicendum, quod licet in aliis defecerat genus humanum: tamen quoad generationem seminis exigebatur præcipue reparatio in fide vt curaretur, & castitate vt congruenter reciperetur.

**AD VLTIMVM** dicendum, quod conuenientiam habet in effectu cum baptismo, & quoad hoc figurat ipsum. Alia quæ querenda sunt, Magister bene determinat in litera, præter hoc solum, quod Hebræi tradunt, quod non nisi principales circumcisiones lapideis culttris factæ sunt, scilicet filij Moyfi cum educi debebat populus filiorum Israël in colle præputiorum in terram promissionis: quia hoc significabat statum resurrectionis, quando per petram Christum omnis ab electis circumcideretur corruptio.

*Iosue,*

## DISTINCTIO II.

### *De sacramentis nouæ legis.*

**A** M ad sacramenta nouæ legis accedamus: quæ sunt baptismus, Confirmatio, Panis benedictio, id est, Eucharistia, Pœnitentia, Vnctio extrema, Ordo, Coniugium. Quorum alia remedium contra peccatum præbent, & gratiam adiutricem conferunt, vt baptismus: alia in remedium tantum sunt, vt coniugium: alia gratia & virtute nos fulciunt, vt Eucharistia & ordo.

#### ARTICVLVS I.

*An contra omnes penas debent ordinari sacramenta, & quæ sit eorum diuisio?*

**I** Am ad sacramenta nouæ legis accedamus, &c.] Hic incipit tractatus in speciali, & diuiditur

in septem secundum septem sacramenta: & satis patent loca inceptionis vniuscuiusque partis. Tractatus iste qui est de baptismo, diuiditur in duas partes, in quarum prima Magister agit de baptismo Christi: & hæc incipit in sequenti distinctione, scilicet tertia ibi [Post hæc videndum est, quid sit baptismus, &c.] Hæc distinctio iterato diuiditur

*Non tenetur hic Magister.*



diuiditur in duas partes, in quarum prima tangit breuiter numerum sacramentorum & tempus in-ceptionis & institutionis. In secunda autem ponit tractatum breuiem de baptismo Ioannis *ibi* [nunc vero de baptisimi sacramento videamus, & cetera.

Circa primum nota, quod præter diuisiones quas supra posuimus secundum diuisionem signi & causæ, alij quidem faciunt alias diuisiones. Et ideo obiciamus sic: Supra suppositum est ex li-tera, quod sacramentum sit ordinatum contra peccatum: quia hoc probauit Lucas per parabola vulnerati qui incidit in latrones: sed cum sint quidam defectus in quos incidit homo ex peccato, videtur, quod contra illos sacramenta habere debeamus. Sunt autem quatuor, ut dicunt Gregor. & Beda, scilicet ignorantia agendorum, infirmitas faciendorum, concupiscentia noxio-rum, & malitia contra bona. Nos autem nullum habemus sacramentum contra ignorantiam, & nullum contra malitiam in quantum huiusmodi.

2 Item, Etiam in operibus misericordiæ est septenarius contra defectus quos incidimus. Vnus quidem septenarius ex parte corporis, qui nota- tur in versu

*Visto, poto, cibo, tectum do, colligo, condo.*

Sex enim in verbis hic exprimuntur: sed primum accipitur in duplici significatione: in visitatione infirmorum, & pro visitatione captiuorum. Si forte tu dicas, quod isti defectus sunt corporales, & contra eos non ordinatur gratia sacramentalis: tunc est quæstio de septem spiritualibus qui no- rantur alio versu.

*Instrue, castiga, solare, remitte, fer, ora.*

Hæc etiam sex verbis exprimuntur: sed castigare sumitur in redargutionem publice delinquentium, & admonitionem occultam delinquentium. Sic vero isti omnes spirituales videntur. Ergo vide- tur, quod debeamus habere remedia contra illos, aut diminutus erit numerus sacramentorum.

*Solutio.*

SOLUTIO. Hic assignabimus conuenien- tias Doctorum, & sunt tres. Quidam enim volunt accipere numerum sacramentorum penes nume- rum virtutum: ut baptismus sit sacramentum fidei: extrema unctio spei, quia ille qui vngitur, sperat statum resurrectionis: Eucharistia autem sit sacramentum charitatis: confirmatio autem fortitudinis, propter pugnam ad quam ille con- firmatur: poenitentia autem iustitiæ, propter sa- tisfactionem: & ordo prudentiæ, propter clau- scientiæ quæ conferuntur ordinato: & matri- monium temperantiæ eo quod libido in illo sa- cramento honestate excipitur nuptiarum. Alij volunt ordinare contra septem capitalia vitia sic: ut baptismus sit contra superbiam, eo quod ho- mo se ibi humiliat sub communiore elemento: contra inuidiam autem Eucharistia, quia inuidia contrariatur charitati, propter hoc quod inuidia

dolet, de quo charitas gaudet: contra acediam confirmatio, qua homo confirmatur, ut sit fortis in spiritualibus laboribus, in quibus tristatur quis, & sic dicitur acediosus: contra iram extrema unctio, quia ira prouenit ex timore cuius mitiga- tiuum est oleum: contra auaritiā est ordo, quia leuitæ solo Deo contenti, partem inter fratres suos non habebant, sicut & clerici quando coronam vel primam tonsuram accipiunt, dicunt per os Episcopi, Dominus pars hereditatis meæ, &c. Contra gulam operatur poenitentia per afflictio- nem carnis & abstinentiam: & contra luxuriam matrimonium, concupiscentiam turpem excipien- do honestate nuptiarum. Alij volunt accipere se- cundum status contemplantium & actiuorum in Ecclesia sic: Status actiuorum, est ingredientium, & pugnantium, & vulnera sanantium, habens su- pra se ducem & auxilium, unde milites cadentes restituantur, & sunt egredientes emeriti. Status autem contemplantium est in gustu di- uinorum. Dicunt ergo, quod baptismus est in- trantium, procedentium ad pugnam est confir- matio, sed sanantium sua vulnera est poeniten- tia, & loco ducis est ordo siue ordinatus, exeuntes & emeriti vnguntur, & numerus eorum restitui- tur per matrimonium: sed contemplatiuorum gustantium est Eucharistia, vel etiam actiuorum intrantium propter hoc quod est viaticum.

DICIMVS ergo ad primum, quod illæ poenæ peccati quæ non directe ordinantur in peccatum, sed potius sunt promotiue in bonum, non habent contra se sacramenta ordinata, sicut fames, sitis, & huiusmodi. Et per hoc patet solutio ad secun- dum numerum defectuum. Aliæ autem poenæ spi- rituales quæ sunt effectus: aut habent aliunde medicinam magis substantialem eis, ut ignorantia faciendorum cui prouideretur per doctrinam: aut reducuntur ad has contra quas sunt sacramenta, sicut infirmitas faciendorum curatur in confirma- tione, concupiscentia autem præcipue in matri- monio: malitia autem non dicit specialem de- fectum, sed inclinabilitatem in malum, & illa curatur non in vno sed in pluribus sacramentis, eo quod ipsa est generalis defectus facilius incli- nabilis in malum quam in bonum. Et per hoc patet solutio ad id quod obicitur de prima diui- sione poenarum siue defectuum.

AD VLTIMUM dicendum, quod isti de- fectus omnes præter vnum reducuntur ad poeni- tentiam: quia omnes illi consistunt in peccato actuali alterius hominis, qui est proximus nobis per naturam: ille autem est defectus ignorantie, qui substantialiorem causam habet, tam per do- ctrinam exteriorem quam per sacramentum: & ideo penes illos non multiplicantur gratiæ sacra- mentales, sed potius modi virtutis misericordiæ, quos nos habere possumus, subueniendo aliis qui nostri indigent.

*Quare mox post hominis casum non fuerint instituta?*

**S**I vero quæritur, Quare non fuerint hæc sacramenta instituta B  
mox post hominis lapsum, cum in his sit iustitia & salus? Di- Hugo  
cimus non ante aduentum Christi qui gratiam attulit, gratiæ sacra- li. i. par-  
menta fuisse danda: quæ ex ipsius morte & passione virtutem sortita te 2. c. 8.

D. Alber. Mag. in Lib. 4. Sentent.

B

sunt.



sunt. Christus autem venire noluit, antequam homo de lege naturali & scripta conuinceretur, quod neutra iuuari posset.

*Quod sacramentum coniugij fuit ante peccatum.*

**C** **GEN. 3.** **E** VIT tamen coniugium ante peccatum institutum: non vti-  
que propter remedium, sed ad sacramentum, & ad officium:  
post peccatum vero fuit ad remedium contra carnalis concupiscentiæ  
corruptelam: de quo suo loco tractabimus.

ARTICVLVS II.

*Quare non fuerunt sacramenta instituta  
mox post hominis lapsum?*

**D** E inde quæritur de hoc quod dicit *ibi* [Si  
vero quæritur, Quare non fuerunt hæc sa-  
cramenta instituta mox post hominis lapsum,  
&c.] Videtur, quod statim debebant esse: quia fa-  
cilis curatur morbus à principio quam in fine:  
ergo sapiens medicus magis à principio adhibere  
debeuit medicinam.

2 Item, Non valet solutio quæ ponitur in  
litera, quod homo debuit conuinci de lege natu-  
rali & scripta: quia morbus diu continuatus in  
subiecto, vertitur in soporem, ut dicit Bernardus.  
primo ad Eugenium Papam: ergo videtur, quod  
quanto diutius expectauit, tanto minus homo  
morbum suum recognouit: & sic nulla est causa  
quæ assignatur in litera.

3 Item, Hugo dicit, quod quam cito est mor-  
bus, tam cito est tempus medicinæ: sed morbus  
fuit à principio ex quo Adam peccauit: ergo ex  
tunc fuit tempus exhibendi sacramenta in me-  
dicinam.

4 Item, Nulla videtur causa quam tangit,  
quod sacramenta habentia vim à Passione Chri-  
sti, non debebant ante Christi aduentum institui:  
quia etiam antiqui virtute Passionis in fide ven-  
turi saluati sunt, ut habitum est in tertio lib.  
dist. 35. ergo eodem modo Passio tradenda, licet  
non expleta in opere, potuit operari in sacramen-  
tis veteris legis & legis naturalis.

*Quæstio-  
nula.*

**V** LTERIVS quæritur, Quare quædam sacra-  
menta patres habuerunt in lege naturæ, & Moy-  
si, sicut & nos: quædam autem secundum partem,  
& non secundum totum: quædam autem in fi-  
gura tantum: & quædam nec in toto, nec in par-  
te, nec in aliqua figura determinata? Verbi gratia  
matrimonium in toto habebant: penitentiam  
in parte, quia conterebantur sicut & nos, sed non  
confitebantur sicut & nos: sed ordinem & Eu-  
charistiam habebant in figura: confirmationem  
& extremam unctionem in nullo videntur ha-  
buisse: non enim potest dici, quod in tribus vn-  
ctionibus David significetur triplex unctio, sed  
potius nulla: quia non ungebatur unctio le-  
uitarum, nec unctio pugnantium, nec unctio  
morientium vel infirmorum: ergo patet quod  
nullam istorum figurabat. Præterea, Illæ vn-  
ctiones David singulares erant: sed istarum  
duarum, scilicet confirmatio, & extrema unctio  
sunt vniuersales: ergo non significabantur in

illa, nec in alia aliqua regali vnctione, ut videtur.

**I** T E M quæritur de hoc quod dicunt quidam  
hic, quod non tantum matrimonium sit institu-  
tum ante peccatum, sicut Magister dicit in litera  
in hoc verbo, cum dixit, Quacunque die comede-  
ritis ex eo, morte moriemini: quod exponunt  
quidam Sancti de morte penitentia. Videtur  
enim non esse conueniens: quia penitentia est  
directa medicina actualis peccati: ergo ante pec-  
catum non debuit institui. Item, Si hoc intel-  
lexerit Dominus ut ibi institueret homini casuro  
tempus penitentia, ne totus periret, sicut Angelus  
semel cecidit, & damnatus est: quare non dixit  
aperte, si comederitis dabo vobis spatium peni-  
tentia in alio loco quam in isto: qui locus erit  
luctus, & mortis, & laboris?

**GEN. 2.**

**S** O L V T I O. Dicendum, quod à principio  
morbi fuit tempus medicinæ, vel in signando, vel  
in causando: erat enim aliter de morbo mentis,  
& de morbo corporis: quia oportet hominem  
præcognoscere quod ægrotet, & destitutionem  
auxilij quod credit habere ex se: & oportet eum  
cognoscere potentiam medici, & modum medici-  
næ. Et hoc ideo est: quia cura mentis dependet  
à consensu nostro & deuotione: sed non est ita  
de corporis morbo: & ideo morbus mentis lon-  
gam ante præexigit moram: non enim cognos-  
citur per experimentum, cum sit in delectabilibus  
dulcibus concupiscentiæ, sed potius inuestiga-  
tur ratione, diuina illuminatione eam ad hoc  
elevantem. Et per hoc patet solutio ad tria prima.

**Solutio.**

**A** D A L I V D dicendum, quod sacramenta  
Christi non habebant vim ante Passionem: sed  
Passio vim habuit in fide: & hæc non est vis sa-  
cramentorum nouæ legis. Vis enim istorum sa-  
cramentorum est in continendo, & dando sta-  
tim: sed illis patribus totum promittebatur in  
futurum: & ideo non poterant esse ante Passio-  
nem actu pretium redemptionis solventem.

**A** D A L I V D dicendum, quod ego non dico,  
quod totum effectum matrimonij secundum quod  
est sacramentum, habuerunt ante passionem anti-  
qui: quia ego puto, quod confert gratiam, scili-  
cet sacramentum ordinatum sub clauibus Ec-  
clesiæ, & in fide naturarum vnitarum duarum in  
Christo celebratum. Sed verum est hoc, quod in-  
tegritatem suorum bonorum habuit antiquitus.  
Et tunc dicemus, quod hoc contingit propter ge-  
neraliter illius defectus materialis, qui corpo-  
rali actu reparatur. In aliis autem agit actus gra-  
tiæ spiritualis contra defectum: & tunc aut est  
sacramentum plenissimæ gratiæ quoad statum,  
aut non. Et si est plenissimæ gratiæ quoad statum:  
tunc illud nullo modo habuerunt, sicut in confir-  
matione,



matione, quæ dat Spiritum sanctum ad robur: & extrema unctio, in qua significatur plena puritas corporis & animæ per amotionem omnium impediendum gloriam vtriusque partis hominis. Dico autem plenissimæ gratiæ quoad statum: quia quædam sunt gratiæ plenæ quoad statum, ut duo dicta sacramenta: quædam autem quoad effectum, sicut baptisimus: quædam autem quoad dignitatem rei contentæ & significatæ, ut Eucharistia: & quædam quoad gradum prælationis, ut ordo. Et per hoc patet solutio fere ad totum præter ultimum. Pœnitentiam enim antiqui ex parte habebant, & in parte non habebant, propter peccatum personale contra quod ordinatur pœnitentia. Et necessa-

rium est, quod quælibet persona per se satisfaciatur interius & exterius si potest. Sed quia vim clauis non habebant, & pœnitentia in confessione se præsentat clauibus, non habebant confessionem nisi in figura: alia autem sacramenta habebant in figura.

Ad ultimum dicendum, quod pœnitentia: aut non fuit instituta in statu innocentie: aut si hoc inuenitur, & tunc fuit ut medicina purgatiua, & tunc non aperte significari debuit: ne ex præscientia casus desperatio angeret eos qui nondum adhuc peccauerunt: quia si Deus prædixisset aperte, cœcepissent æstimationem aliquam sui status futuri: & hoc impossibile esse monstratur in secundo.

Ad quod  
est. 2.

### De baptismo.

**N**UNC vero de baptismi sacramento videamus, quod inter nouæ gratiæ sacramenta primum est. Baptismus igitur Christi Ioannes suo baptismo prænuntiavit: qui primus baptizasse legitur, sed in aqua, non in spiritu, sicut ipse ait, Ego baptizo vos in aqua, id est, in pœnitentiam. Sola enim corpora abluebat, à peccatis vero non mundabat. Baptismus Ioannis erat in pœnitentiam non in remissionem: baptismus vero Christi in remissionem. Quia Ioannes baptizans homines, ad pœnitentiam vocabat: & quos baptizabat, pœnitere docebat secundum illud, Veniebant ad Ioannem in Iordanem, confitentes peccata sua. Sed in baptismo Ioannis non dabatur peccatorum remissio, quæ data est in Christi baptismo.

D  
De ba-  
ptismo.  
Ioannis.  
Matth.  
3. &  
Mar. 1.

Ian. 1.

Mar. 3.  
Mar. 1.  
Luc. 3.

### ARTICVLVS III.

#### An baptismus Ioannis contulit gratiam?

**D**Einde quæritur de hoc quod dicit [Nunc vero de baptismi sacramento videamus] Ibi enim tangit de baptismo Ioannis determinans de ipso quatuor per ordinem in litera, scilicet utrum habuit effectum: & quare dicitur baptismus Ioannis: & an sit sacramentum: & utrum rebaptizandi erant qui baptizabantur ab ipso?

Incidit autem quæstio circa primum, Utrum baptismus Ioannis contulit gratiam vel non? Videtur autem, quod non, Quicquid enim erat ante passionem à qua omnia sacramenta trahunt virtutem, hoc non conferebat gratiam, ut habitum est in præcedenti capitulo: sed baptismus Ioannis fuit ante passionem: ergo non conferebat gratiam.

2 Item, Ita est in charitate, quod id quod introducit eam, non dat charitatem vel gratiam gratum facientem, ut timor seruilis: ergo naturaliter id quod est introductio baptismatis, non debet dare gratiam baptismatis: hoc autem est baptismus Ioannis: ergo non conferebat gratiam.

3 Item, Si contulisset gratiam, eadem ratione impressisset characterem: ergo postea baptizati baptismis Christi habuissent duos characteres, quod est impossibile.

Sed con-  
tra.

SED CONTRA: Cessante umbra debuit statim  
D. Alb. Mag. in Lib. 4. Sentent.

gratia venire: sed lex & Prophetæ fuerunt usque ad Ioannem: ergo in baptismo Ioannis gratia debuit venire: ergo contulit gratiam.

2 Item, Constat, quod non erat sacramentum veteris legis: ergo nouæ: ergo effecit quod figurabat: ergo contulit gratiam.

3 Item, Baptismus Ioannis vicinior erat baptismis Christi quam circuncisio: quia medium erat inter baptismum Christi & circuncisionem: ergo videtur, quod plenior gratiam contulit quam circuncisio: sed circuncisio aliquo modo contulit gratiam, ut prius habitum est: ergo multo magis baptismus Ioannis.

4 Item, Missus erat Ioannes ut pararet Domino plebem perfectam: sed perfecta plebs esse non poterat nisi suus baptismus conferret gratiam: ergo gratiam conferebat.

5 Item, Baptismus Ioannis est post legem: ergo aliud addit supra legis sacramenta: sed illa significabant gratiam: cum ergo proximum vicinior sit post agnitionem curatio, videtur quod baptismus Ioannis curauerit.

SOLUTIO. Dicendum, quod baptismus Ioannis nullam contulit gratiam, sicut communiter dicunt omnes sancti.

Solutio.

AD ID autem quod obiicitur, dicendum quod umbra non cessauit ante passionem, sicut dicitur in sequenti distinctione: sed declinare incepit in baptismo Ioannis: & ideo dicitur, quod lex & Prophetæ fuerunt usque ad Ioannem: sicut dicitur cessare febris quando est in declinatione, & cessare umbra quando est in declinatione.

C 2

AD



AD ALIUD dicendum, quod non proprie erat sacramentum, ut infra patebit: sed erat medium inter sacramenta nouæ legis & veteris, & ideo conueniebat cum vtrisque: cum illis in non conferendo gratiam, cum istis autem in actu & materia.

AD ALIUD dicendum, quod erat vicinior baptismo Christi quoad quid, & remotior quoad quid quam circuncisio: quoad actum enim & materiam erat vicinior, sed quoad effectum erat remotior: & ideo non ponitur medium nisi in ratione significandi non causandi.

AD ALIUD dicendum, quod perfectio quam fecit Ioannes erat perfectio doctrinæ non gratiæ. Vnde dicitur Ioannis 1. Non erat ille lux, sed ut testimonium perhiberet de lumine. Testimonium autem ex parte doctrinæ, & non ex parte gratiæ.

AD VLTIMUM dicendum, quod erat post signationem circuncisionis: & non sequitur si addidit rationem signi, quod addidit causalitatem, quia signo ad signum eiusdem est expressius: & illam expressionem addidit: & ideo non sequitur, quod contulit gratiam.

### ARTICVLVS IIII.

*An baptismus Ioannis erat in pœnitentiam, & non in remissionem peccatorum?*

**D**Einde queritur de hoc quod dicit [Baptismus Ioannis erat in pœnitentiam, & non in remissionem, &c.] Videtur, quod potius pœnitentiam fuerit in baptismum, quam è conuerso: quia prius docuit pœnitere, & postea baptizabat: ergo potius pœnitentia erat in baptismum, quam è conuerso.

2. Item, Videtur fuisse baptismus in baptismum: quia habuit ordinem ad baptismum Christi: ergo erat in baptismum, & non in pœnitentiam.

3. Item, Si fuit in pœnitentiam, tunc videtur, quod fuit occasio erroris: quia baptismus non exigit gemitum & planctum: ergo si baptismus Ioannis erat in pœnitentiam, hoc videtur esse doctrina in signo quod baptismus gemitum & planctum requirat: ergo fuit erroris occasio, ut videtur.

**SOLVTIO.** Dicendum, quod baptismus Ioannis dicitur in pœnitentiam quæ præexigebatur, ne baptismus Christi baptizandos à se fictos inueniret: & ideo pœnitentia sequebatur baptismum Ioannis ordine intentionis, licet forte tempore præcederet.

AD ALIUD dicendum, quod non dicitur baptismus in baptismum nisi determinetur: quia aliter pro eodem baptismo acciperetur, & tunc idem esset: sed quia immediate ordinabat ad pœnitentiam quæ remouit obicem fictionis ad baptismum Christi, ideo dicitur in pœnitentiam.

AD ALIUD dicendum, quod baptismus Christi non exigit gemitum & planctum exterior: sed tamen, ut dicit Augustinus, omnis qui voluntatis suæ est arbitrer constitutus, nouam vitam inchoare non potest, nisi pœniteat eum veteris vitæ: & ideo exigit gemitum & planctum interior, ne ficti inueniantur qui sunt baptizandi.

### *Quid utilitatis habebat baptismus Ioannis.*

**Matt. 21.** **A**D quid ergo utilis erat baptismus Ioannis? Quia homines vsu baptizandi præparabat ad baptismum Christi. Sed queritur, Quare dictus est baptismus Ioannis: sicut veritas dicit, Baptismus Ioannis unde est? Quia ibi Ioannis operatio tantum visibilis erat, exterius lauantis, non inuisibilis gratia Dei interius operantis. Sed tamen & illa Ioannis operatio à Deo erat: & baptismus ille à Deo erat non ab homine tantum: sed hominis dictus est, quia nihil ibi gerebatur quod non ageret homo. Si vero queritur, an sacramentum fuerit? satis potest concedi ex eo sensu, quo legalia signa dicuntur sacramenta. Significabat enim baptismus Ioannis rem sacram, scilicet baptismum Christi qui non tantum est pœnitentiæ, sed & remissionis peccatorum.

### ARTICVLVS V.

*Quare dicitur baptismus Ioannis?*

**D**Einde queritur de hoc quod dicit ibi [Sed queritur, Quare dicitur baptismus Ioannis &c.] Videtur enim, quod eadē ratione dicatur baptismus Pauli: quoniam baptizauit & Paulus.

2. Item, Hoc videtur accipi ab eo quod dicitur 1. corinth. 1. Ego quidem sum Pauli, ego autem Apollo, ego vero Cephæ: ergo gloriabatur

in baptizatis: ergo cuiuslibet baptismus suus dicebatur.

3. Item, Dicitur Euangelium Pauli quod Paulus prædicabat, & Petri quod prædicabat Petrus: ergo à simili dicitur baptismus Pauli quod baptizabat Paulus, ut videtur.

4. Item, Si forte dicas, quia discipuli baptizabant in nomine Christi: & baptismus, ut dicit August. in eius nomine datur: ergo videtur, quod non est baptismus Ioannis dicendus, sed Christi: quia ipse baptizabat (ut dicitur) in nomine



*Solutio.* mine venturi, & venturus erat Christus.  
**SOLVITIO.** Dicendum, quod baptizatus Ioannis, dicitur: quia nihil erat in eo nisi operatio Ioannis, ut dicit August. in litera: sed sic non erat in baptismo discipulorum, in quo principalis operatio tota fuit Christi, scilicet interior operatio vel baptizatio. Cum enim duæ sint operationes in baptismo, exterior, & interior: interior est principalior, & exterior varia: & ideo baptizatus illius dicitur qui operatur principaliori operatione. Quia autem hoc deficit in baptismo Ioannis, ideo non dicitur nisi baptizatus Ioannis.

**AD PRIMVM** ergo dicendum, quod illa contentio reprehensibilis fuit, & corrigebatur ab Apostolo: unde dicebat, Diuisus est Christus: aut nunquid Paulus crucifixus est pro vobis? Quasi diceret, Vos vestra contentione dimittitis Christum, tanquam baptizatus diuidatur secundum merita baptizatorum: quod non est verum, cum Christus crucifixus in omni baptistarum baptismo baptizet.

**AD ALIVD** dicendum, quod non est simile de Euangelio & baptismo: quia illud non habet ex re operata virtutem immediate à passione Christi: sed sæpe impeditur & promouetur verbum prædicationis ex meritis bonis vel malis prædicantiū: ideo actus ille dicitur exercentis eum in ministerio: non autem sic dicitur in baptizando.

**AD ALIVD** dicendum, quod Ioannes non baptizabat in nomine Christi tanquam in forma baptizantis: sed potius tanquam in nomine eius in quod dirigebat baptizatos à se. Apostoli autem baptizabant in nomine Christi vel Trinitatis tanquam in forma baptizantis. Si vero tu obiicias,

quod hoc est contra literam in qua dicitur, quod hæc erat forma sua: quia baptizabat in nomine venturi. Repondeo, quod non erat forma in qua esset inuocatio ad sanctificationem baptismi, sed potius forma, id est, modus in baptizando: quia scilicet venturum nominabat, & populum ut in eum crederet monebat: tamen nulla ex hoc sanctificatio baptismi ab illo alij conferebatur.

## ARTICVLVS VI.

*An baptizatus Ioannis fuerit sacramentum?*

**D** E inde quæritur de hoc quod dicit ibi [ Si vero quæritur an sacramentum fuerit &c. ] Videtur enim fuisse sacramentum: quia fuit sacræ rei signum: ergo fuit sacramentum. Sed contra hoc videtur esse, quod ad omne sacramentum exigitur institutio diuina. Baptizatus autem Ioannis non erat institutus à Deo: ergo non erat sacramentum.

**SOLVITIO.** Ad hoc leue est respondere secundum prædicta. Dicendum enim, quod est potius continuatio nouorum sacramentorum ad vetera: sed tamen propter similitudinem cum sacramentis in ratione significandi, accipit nomen sacramenti.

**AD ID** autem quod contra obiicitur, potest dici quod non erat sine institutione diuina: ita enim dicitur Ioan. 1. Qui me misit baptizare in aqua: ille mihi dixit, Super quem videris Spiritum descendentem & manentem, hic est qui baptizat.

## De forma baptismi Ioannis, & de baptizatis ab eo.

**H** I c considerandum est, si baptizati à Ioanne iterum baptizati sunt baptismo Christi, & qua forma verborum vsus sit Ioannes. Illi qui baptizati sunt à Ioanne nescientes Spiritum sanctum esse, ac spem ponentes in illius baptismo, postea baptizati sunt baptismo Christi. Baptizatus autem Ioannis in nomine venturi tradebatur. Vnde Hieron. super Ioëlem. Qui dicit se in Christum credere, & non credit in Spiritum sanctum, nondum habet claros oculos. Vnde baptizati à Ioanne in nomine venturi, id est, Domini Iesu, quia dixerunt, Sed neque si Spiritus sanctus est audiuius, iterum baptizabantur, imo verum baptisma accipiebant. Illi vero qui spem non posuerunt in baptismo Ioannis, & Patrem & Filium & Spiritum sanctum credebant, non baptizati fuerunt: sed impositione manuum ab Apostolis super eos facta, Spiritum sanctum receperunt. Alij vero qui non ita credebant, baptizati sunt baptismo Christi, ut prædictum est. Vnde Hiero. Qui Spiritum sanctum nesciebant, cum baptismum à Ioanne acceperunt, iterum baptizati sunt baptismo Christi, ut prædictum est, ne quis ex Iudæis vel Gentibus putaret aquam sine Spiritu sancto ad salutem posse sufficere. De hoc etiam Ambro. in primo libro de Spiritu sancto. Quidam negauerunt se scire Spiritum sanctum, cum baptizatos se dicerent baptismo Ioannis, qui in aduenientis Iesu, non in suo baptizauit nomine. Isti ergo quia nec in Christi nomine, neque cum fide Spiritus sancti baptizati fue-

*D. Alb. Mag. in Lib. 4. Sentent.*

C 3 rant,

F

Act. 19.

Ad cap. 2.

Hic non tenetur Magister

Act. 8.

In ep. de vnus vxoris viro

Act. 19. cap. 3.



rant, non potuerunt accipere baptisimi sacramentum: baptizati sunt ergo in nomine Christi, nec iteratum est in his baptisma, sed innouatum.

# ARTICVLVS VII.

*An baptizati à Ioanne fuerint rebaptizandi?*

**D**Einde quæritur de hoc quod dicit ibi [ Hic considerandum est si baptizati à Ioanne iterum baptizandi fuerunt &c. ] Videtur enim, quod Ioannes aliquos baptizabat, qui non erant baptizandi: quia dicitur in litera, quod si aliquis baptizabatur à Ioanne, spem non ponens in suo baptismo, sed fidem habens Trinitatis, quod ille non rebaptizabatur: ergo non omnes erant iterum baptizandi.

2 Item, Act. 8. dicitur, quod orauerunt pro conuersis in Samaria, vt acciperent Spiritum sanctum: nondum enim in quenquam illorum venerat: sed tantum baptizati erant in nomine Domini Iesu: tunc imposuerunt manus super illos: & acceperunt Spiritum sanctum. Ergo videtur, quod per manus impositionem tantum supplebatur quod illis defuit, & non iterum baptizandi erant.

3 Item, Ponamus, quod aliquis baptizatus sit tatum baptismo Ioannis, & habeat fidem totius Trinitatis: nunquid audemus dicere, quod ille baptizatus sit propter fidem quam habet? Videtur, quod non: quia tunc nihil esset forma verborum expressa, quæ exigitur in baptismo: ergo videtur, quod tales fuerunt baptizandi.

4. Item, Nullus baptismus confert gratiam in quo non potest haberi spes gratiæ, sicut habetur spes in sacramento: ergo nihil est dictum, vt videtur, quod spem non ponentes in suo baptismo consequebantur in eo gratiam, spem autem ponentes non consequuntur.

5 Item, Licet infra dicatur, quod verbum

quod facit baptismum esse sacramentum, sit inuocatio Trinitatis: non quia dicitur, sed quia creditur: tamen oportet exprimi tres personas, siue credatur, siue non: ergo videtur, quod nostra spes vel fides non confert baptismo formam sanctificationis aliquam: ergo siue posuerunt spem, siue non, erant semper baptizandi qui baptisma-te Ioannis fuerunt baptizati.

**SOLVTIO.** Super illa quæstione inducere nituntur quidam opiniones, tanquam liceat aliqui opinari, quod sine forma sacramenti possit esse sacramentum à nostra fide, vel à nostra spe. Vnde dicendum, quod absque dubio nunquam in baptismo Ioannis gratia conferebatur, vt dicunt omnes Sancti communiter: sicut etiam ipse dixit Ioann. 1. Ego baptizo vos in aqua &c.

**A D I D** ergo quod dicitur in litera, sic potest responderi, quod baptizatus à Ioanne non spem ponens, & ex hoc ipso aliud baptisma querens, vt discipulorum Christi post passionem, non baptizabatur.

**A D** hoc autem quod obiicitur de Actibus, nihil cogit: quia ibi loquitur de hoc quod est confirmationis, non baptismatis. Confirmatio autem supplet defectum baptismatis, vt videtur innuere August. non in esse sacramenti, quia baptismus est perfectum sacramentum: sed potius in eo, quod baptismus diminuit fomitem, & non extinguit: sed confirmatio amplius debilitat eundem. Et hoc patet in Actibus. 19. vbi inueniuntur baptizati à Ioanne non habentes notitiam Spiritus sancti in auditu formæ baptismi: & ideo illi baptizati fuerunt.

**A D A L I V D** autem ego bene concedo, quod fides & spes non dant esse baptismi: sed tantum remouent fictionem, vt baptismus possit consequi effectum iustificationis in nobis.

## DISTINCTIO III.

*Quid sit baptismus?*

**P**OST hæc videndum est quid sit baptismus, & quæ sit forma & quando institutus, & causa institutionis. Baptismus dicitur, intinctio, id est, ablutio corporis exterior, facta sub forma verborum præscripta. Si enim ablutio fiat sine verbo, non est ibi sacramentum: sed accedente verbo ad elementum, fit sacramentum: non utique ipsum elementum fit sacramentum, sed ablutio facta in elemento. Vnde Augustinus: Verbo baptisma consecratur: detrahe verbum, & quid est aqua, nisi aqua? accedit verbum ad elementum, & fit sacramentum. Vnde est hæc tanta virtus aquæ, vt corpus tangat & cor abluat, nisi faciente verbo, non quia dicitur, sed quia creditur? Nam & in ipso verbo aliud est sonus transiens, aliud est virtus intus manens. In duobus ergo consistit

Super  
Ioan.  
tract. 80



stit sacramentum baptismi, scilicet in verbo, & elemento. Ergo etsi alia desint quæ ad decorem sacramenti instituta sunt, non ideo minus est verum sacramentum & sanctum, si verbum sit ibi & elementum. Nam & in hoc sacramento & in aliis quædam solent fieri ad decorem & honestatem sacramenti, quædam ad substantiam & causam sacramenti pertinentia. De substantia huius sacramenti sunt verbum & elementum, cætera ad solennitatem eius pertinent.



DIVISIO TEXTVS.



OST hæc videndum est quid sit baptismus. Hic aggreditur Magister de baptismo. Et diuiditur in tres partes iste tractatus, in quarum prima agit de substantialibus baptismi.

In secunda autem agit de baptismo ex parte suscipientis: & hæc incipit in sequenti distinctione scilicet quarta *ibi* [Hic dicendum aliquos suscipere sacramentum, &c.] In tertia agit de baptismo ex parte dantis siue baptizantis: & hæc incipit in secunda distinctione *ibi* [Post hæc sciendum est sacramentum baptismi & à bonis & à malis ministris dari, &c.] In prima harum quinque determinantur circa baptismum: quorum primum est, quid sit baptismus, & quæ forma eius: quia hæc pertinent ad idem: quia penes formam datur diffinitio. Secundo agit de institutione *ibi* [De institutione baptismi quando cœpit, &c.] Tertio agit de materia *ibi* [Celebratur autem hoc sacramentum tantum in aqua, &c.] In quarta agit de modo immersionis, quæ est actus baptismi *ibi* [De immersione vero si quæritur, quomodo fieri debeat, &c.] In quinta & vltima agitur de cessatione circumcisionis, adueniente baptismo *ibi* [Solet etiam quæri si circumcisio amittit, &c.] Prima harum diuiditur in tres, in quarum prima agitur, quid sit baptismus in re & diffinitione. In secunda de forma baptismi quæ est, & quæ fuit quandoque *ibi* [Sed quod est illud verbum] In secunda facit quasdam quæstiones circa formam *ibi* [Hic quæritur an baptismus esset verus, &c.] Ex his patet sententia & ex sequenti disputatione.

ARTICVLVS I.

An diffinitiones baptismatis sunt bene assignate?

Incidit autem primo hic dubium, quid sit baptismus? Et in litera ponitur ista diffinitio, baptismus est intinctio in aqua facta, verbo vitæ sanctificata. Dionys. autem in Ecclesiastica hierarchia cap. 2. Baptismus est principium sanctissimorum mandatorum sacræ actionis, ad aliorum diuinorum eloquiorum & sacrarum actionum susceptiuam opportunitatem formans animales nostros habitus, ad supercælestis quietis anagogen nostrum iter faciens, & sacræ ac diuinissimæ nostræ regenerationis traditio. Aliam iterum dat Damasc. in lib. quarto. cap. 1. Baptismus est per quod primi-

tias Spiritus sancti accipimus, & principium alterius vitæ sit nobis, regeneratio, & sigillum, & custodia, & illuminatio.

ET QUÆRITVR primo, Cum vnus rei vnicum sit esse, penes quid accipiantur tres baptismatis diffinitiones?

ITEM OBIICITVR contra primam: quæritur enim, Quid secundum illam diffinitionem dicatur baptismus, aut aqua, aut tinctio, aut character, aut gratia? Videtur autem, quod aqua: quia cum omne sacramentum sit ex similitudine significans, & sua causalitas non extendatur extra virtutem signi: videtur, quod in illo tota substantia sacramenti sit, in quo est tota ratio significandi: hæc autem tota est in proprietate aquæ, quæ abluit, nitere facit, refrigerat, viuificat etiam propter naturam perspicui quæ est in ipsa per conuenientiam cum cælo: ergo videtur, quod ipsa sit sacramentum: ergo in recto debuit cadere in sacramenti diffinitione, & non in obliquo. Sed contra hoc videtur esse, quod aqua non manet in baptismo: sed baptismus semper manet: ergo aqua non est baptismus.

Si forte dicatur, sicut Augustinus in litera videtur velle, quod tinctio ipsa est baptismus. Contra hoc est eadem obiectio: quia tinctio transit postquam facta est tinctio: ergo cum baptismus maneat, non videtur quod tinctio sit baptismus.

2. Item, Tinctio non videtur esse de omni baptismo: ergo non substantialiter ponitur in diffinitione. Quod autem non sit de omni, videtur: quia est baptismus sanguinis, & pœnitentiæ: quibus non conuenit baptismi tinctio in aqua: ergo tinctio non dicitur baptismus nisi accidentaliter: ergo non deberet diffiniri per tinctionem.

Item, Cum dicitur, Baptismus est tinctio, &c. Forma propria deberet exprimi in Baptismo: verbum enim vitæ est verbum prædicationis, & omnium aliorum sacramentorum: ergo sicut male diffiniret hominem, diffiniens materialiter sic, Homo est quod componitur ex corpore & sensu: ita male videtur diffiniri, cum dicitur, Baptismus est tinctio, &c. Quia verbum vitæ conuenit multis, & non soli baptismo.

Si forte dicatur, quod character sit baptismus. Contra: Illi nullo modo conuenit diffinitio sacramenti: quia non est visibilis forma inuisibilis gratiæ: ergo ipse baptismus non dicitur.

Præterea, Videtur, quod gratia debeat dici baptismus: quia vnunquodque denominatur ab vltimo & optimo sui: gratia autem est vltimum & optimum baptismi: ergo ipsa denominat baptismum: & baptismus habet diffiniri per eam, ut videtur. Sed contra hoc videtur: quia gratia est effectus baptismi: effectus autem & causa non sunt idem in substantia: ergo gratia non est sacramentum.



tum. Item, In sequenti diffinitione dicit, quod quidam suscipiunt sacramentum, & non rem sacramenti: ergo sacramentum secundum substantiam potest esse sine gratia: ergo gratia non est sacramentum.

Obiicitur autem de secunda diffinitione: quia baptismus non dicitur esse principium mandatorum sacræ actionis: præcedunt enim ipsum confessiones, & abrenuntiationes: continentur enim ibi fidem, & abrenuntiant diabolo & pompis eius ante baptismum.

2 Si forte dicas, quod hoc faciunt patrini: hoc nihil est: quia si adultus foret, oporteret ipsum facere per seipsum. Præterea, Ipsi patrini faciunt hoc in persona paruuli. Vnde dicit Dionys. in Ecclesiastica hierarch. cap. vltim. Neque enim hic, scilicet pater ait sic: Ego pro puero abrenuntiationes & sacras confessiones facio: sed quia puer abrenuntiat, hoc est, confiteor puerum credere in sensum sacrum venientem nostris diuinis anagogis, abrenuntiare quidem vniuersaliter contrariis, confiteri autem & cooperari diuinas confessiones. Ergo videtur, quod hæc puer faciat, qui non est capax præcepti: & tamen capax est baptismatis, ut dictum est: ergo non debuit per hoc diffiniri, quod sit principium mandatorum.

3 Item, Obiicitur de secunda parte: animales enim habitus formare, non videtur conuenire baptismi: sed cum animal, ut dicit Augustinus in Gloss. i. Tim. 3. dicatur dupliciter: vita, & sensu, videtur animalem vitam formare virtus temperantiæ, & animalem sensum videtur formare fides, & non baptismus.

4 Item, De tertia parte obiicitur: quia ad supercælestis conuersationis anagogen magis facit nostrum iter contemplatio, quam baptismus: ergo non deberet poni in baptismi diffinitione.

De tertia diffinitione baptismi etiam obiicitur: Si aliquis sanctificatus iam accedit ad baptismum ut Cornelius centurio, & alij multi: ille non accipit ibi primitias Spiritus sancti.

2 Præterea, Homo in natura habet sigillum quo configuratur Trinitati in imagine: ergo non accipit hoc in baptismi, ut videtur.

3 Præterea, Quare ponit ibi Dama. tot clausulas in diffinitione? illuminatio enim magis pertinet ad virtutes intelligibiles, ut fidem, scientiam, intellectum, sapientiam, prudentiam, & huiusmodi, quam ad baptismum pertineat, ut videtur.

*Solutio  
Ad  
quest. 1.*

Solutio. Dicendum ad primum, quod illa diffinitio quæ est August. & ponitur in littera per alia verba, colligit essentialia baptismi in materia & forma: quia tinctio in aqua secundum quod est ex parte tincti, non tingentis, est materia baptismi: sed forma in verbo vitæ. Secunda autem datur de baptismi, secundum quod est fundamentum omnium aliorum sacramentorum, sine quo non contingit intrare ostium Ecclesiæ: & hoc patebit in explanatione ipsius. Tertia autem quæ est Dama. datur per effectus generales baptismi: & hoc etiam infra patebit.

*Ad  
quest. 2.*

Ad ALIVD ergo quod queritur, Quid dicitur baptismus secundum diffinitionem? iam possumus dupliciter respondere, scilicet vel quod dicatur baptismus tinctio in aqua cum coniunctione ad characterem quem imprimit, & sic videtur velle Augustinus in littera, vel quod dicatur

è conuerso baptismus character, secundum quod est à tinctione tali, & non absolute. Si primo modo dicimus, tunc respondemus ad argumentum dicendo, quod licet in aqua inueniantur huiusmodi proprietates: tamen illas non exercet in actu, nisi secundum quod est tingens: & ideo ipsa non est sacramentum, nisi hoc modo considerata, & tunc est materialis: ipsa autem tinctio dicit constitutum ex ipsa & verbo sanctificante.

Ad ALIVD dicendum, quod manent aqua & tinctio non in se, sed secundum coniunctionem ad characterem manentem, & ideo non simpliciter transeunt.

Ad ALIVD dicendum, quod baptismus sanguinis & flaminis nõ absolute dicuntur baptismus, sed secundum quid tantum, scilicet in quantum supplent vicem baptismi: ubi articulus necessitatis, & non contemptus religionis sacramentum excludit.

Ad ALIVD dicendum, quod verbum vitæ est vno modo in sacramentis, scilicet inuocatione Trinitatis, exceptis Eucharistia, & vñctione extrema, & pœnitentia, & matrimonio: in tribus enim inuocatio est Trinitatis. Sed hoc ideo est: quia non est ita de Deo, sicut de formis creatis: in formis enim creatis nullæ duæ æque speciales se habent vno modo ad suum formatum: sed Deus vno modo se habet ad omne quod est, & non omnia vno modo se habent ad ipsum: & ideo verbum vitæ quod est in aliis, scilicet inuocatio Trinitatis est etiam in baptismi: sed verum est, quod aptatur baptismi per actum baptizandi & intentionem specialem. Vel possumus dicere, quod vita est primus actus spiritus, & viuere est primum esse viuentibus: & quia in baptismi datur primum esse vitæ spiritualis, cum ipsum sit fundamentum totius vitæ, competit verbum vitæ spiritualiter baptismi magis quam aliis. Quod autem hoc verum sit, patet per Dionys. in Ecclesiastica hierar. cap. 2. ubi dicit sic: Si esse diuinitus est diuina generatio, nequaquam aliquando quid nouerit à Deo traditorum, neque quidem quid operatus sit, qui neque subsistere diuinitus habuit. Et intendit dicere, quod sicut in naturis id quod non est, neque intelligit, neque operatur: sic etiam in diuinis qui non est primo per baptismum, non potest operari, nec bene intelligere.

Ad ID quod obiicitur contra hoc, quod character dicatur baptismus. Dicendum, quod propriissime, meo iudicio, character baptismus dicitur. Et ad obiectum dicendum, quod visibilis est, non in se, sed in comparatione ad tinctionem à qua imprimitur, vel in qua imprimitur à Deo, quod magis proprie dicitur.

Ad ALIVD dicendum, quod gratia nullo modo potest dici sacramentum. Et ad obiectum dicendum, quod ab illo ultimo est denominatio quod est perfectio rei intranea suæ essentiæ: gratia autem nihil est de essentia sacramenti, sed est effectus eius.

Ad ID quod queritur de secunda diffinitione, dicendum quod illam melius possumus intelligere per verba alterius translationis, quæ dicit sic: Queritur quod est principium venerabilissimorum præceptorum sacræ operationis, quod ad aliarum sanctarum locutionum & sanctificationum susceptionem format nostros animales habitus, & ad supercælestis situs sursum actionem nos conducit, quod sanctam & diuinissimam



mam nostram regenerationem tradit. Ex hoc etiam patet, quod ipse vult, quod baptisimus sit principium præceptorum, id est, quia pro nobis fieri præcipitur: quia per ipsum ingredimur in ianuam Ecclesiæ: & ordinat nos ad tria, scilicet ad esse per regenerationem, & hoc tangit ultimo: & ad operari, & hoc tangit secundo, quia ordinat animales sensus ad spiritualia in operibus & verbis secundum actiuam: & reordinat nos ad superiora ut quiescamus in eis tanquam in fine nostrarum actionum in contemplatiua: & hoc est quod intendit. Dicendum ergo ad primum, quod omnes illæ confessiones & sacræ actiones contrahunt virtutem à baptismo, prout est in voluntate: vult enim Augustinus, quod omne præcedens baptismum & sequens virtute baptismi operatur: & ita ipsum secundum naturam est primum, licet secundum tempus sequatur. Et quod hoc verum sit, accipitur à verbis ipsius in fine primi de nuptiis & concupiscentia, ubi sic dicit: Sic accipiendum quod ait Apostolus, Christus dilexit Ecclesiam: ut verbo sanctificationis omnia prorsus mala hominum regeneratorum mundentur atque sanentur: non solum peccata quæ omnia nunc remittuntur in baptismo, sed etiam quæ posterius humana ignorantia vel infirmitate contrahuntur: non ut baptisma quoties peccatur, toties iteretur: sed quia ipso quod in eo datur sit, ut non solum antea, verum etiam postea quorumlibet peccatorum venia fidelibus impetretur: quid enim prodesset, vel ante baptismum pœnitentia, nisi baptismus sequeretur: vel post, nisi baptismus præcederet? Quasi diceret, nihil. Et ex hoc patet propositum.

AD ALIVD dicendum, quod puer non est capax præcepti nisi secundum habitum & ordinem ad præcepta: & hoc modo etiam baptisimus est principium operationis præceptorum.

AD ALIVD dicendum, quod animalitas sumitur hic large pro habituali obedientia concupiscentiæ: format autem hic sensum baptisimus

conferendo generalem gratiam spiritualis vitæ, quæ incipit in ipso debilitando fomitem vniuersaliter.

AD ALIVD dicendum, quod per rem significatam & non contentam ducit ad anagogen supercælestis quietis: hæc autem res nitor est & fulgor futuræ resurrectionis, quando lauabimur ab omni corruptela, sorde, & macula: unde aliter ducit quam contemplatiua: quia contemplatiua ducit per confessionem & studium, sacramentum autem per similitudinem quam habet cum æternis.

AD ID autem quod obiicitur de tertia diffinitione, dicendum prout iam patuit, quod etiam si primitiæ Spiritus ante baptismum dentur: illud tamen est in virtute baptismi in proposito existentis habitu, sicut in Cornelio: vel actu, sicut in aliis qui sciunt & credunt articulos explicite.

AD ALIVD dicendum, quod homo in natura habet sigillum similitudinis quoad imaginem, sed non quoad characterem configurantem in habitu tali, sicut dat baptisimus: & ideo obiectio non procedit.

AD VLTIMUM dicendum, quod hæc quinque ponuntur in diffinitione baptismi, secundum quod quinque modis baptisimus operatur contra originale: originale enim dicit pronitatem ad omne malum causa carentiæ iustitiæ debitæ: carentiam autem iustitiæ sequitur dissimilitudo nostri ad Deum, & reatus ad mortem: pronitatem autem ad malum sequitur inconsideratus casus, ut excæcatio qua excæcatur per affectum boni commutabilis. Contra culpam ergo dat primitias Spiritus, contra reatum mortis dat principium vitæ per regenerationem, & contra dissimilitudinem dat signaculum vel sigillum, contra præcipitum casus dat custodiam, & contra cæcitatem ex parte nostri dat illuminationem: & sic patet quare has quinque clausulas ponit in diffinitione.

### De forma baptismi.

**S**ED quod est illud verbum quo accedente ad elementum, fit sacramentum? Veritas te docet, quæ huius sacramenti formam tradens, ait discipulis, Ite docete omnes gentes, baptizantes eos in nomine Patris & Filij & Spiritus sancti. Matth. ultim.

Inuocatio igitur Trinitatis verbum dicitur quo baptisma consecratur: & hæc est forma verborum sub qua traditur baptisimus. Vnde Bonifacio Episcopo Zacharias Papa ait, Firmissime præceptum est in synodo Angelorum, ut quicumque sine inuocatione Trinitatis merfus fuisset, quod sacramentum regenerationis non haberet: quod omnino verum est, quod si merfus in fontem baptismi quis fuerit sine inuocatione Trinitatis perfectus Christianus non est, nisi in nomine Patris & Filij & Spiritus sancti fuerit baptizatus. Legitur tamen in Actibus Apostolorum, Apostolos baptizasse in nomine Christi: sed in hoc nomine, ut exponit Ambrosius tota Trinitas intelligitur. Intelligitur enim cum Christum dicis, & Pater à quo vnctus est, & ipse qui vnctus est, & Spiritus sanctus per quem vnctus est. Vnde Nicolaus Papa ad consulta Bul- De conf. dist. 4. cap. in synodo. Act. 8. & 10. De conf. dist. 4. gatorum,



garorum , A quodam Iudæo multos baptizatos asseritis , & quid inde agendum sit consulitis. Hi profecto si in nomine sanctæ Trinitatis , vel in nomine Christi , sicut in Actibus Apostolorum legimus, baptizentur, baptizati sunt : vnum enim idemque est, vt exponit Ambrosius.

Act. 8.  
& 10.

*Si in nomine Patris tantum vel Spiritus sancti possit  
tradi baptismus ?*

**C** I c quæritur , An baptismus esset verus si diceretur in nomine Patris tantum , vel Spiritus sancti tantum , vt cum dicitur in nomine Christi ? Ambros. videtur dicere , quòd si fide mysterium Trinitatis teneatur & vna persona tantum nominetur , plenum est sacramentum : & è conuerso si tres nominentur , & non recte de aliquo illorum sentiatur, vacuum fieri mysterium Trinitatis. Ait enim sic , Vbi non est plenum baptismi sacramentum, nec principium , nec species aliqua baptismi æstimatur. Plenum autem est si Patrem & Filium & Spiritum sanctum fatearis. Si vnum neges , totum subrues : & si vnum in sermone comprehendas , vel Patrem vel Filium vel Spiritum sanctum, fide autem nec Patrem nec Filium nec Spiritum sanctum abneges , plenum est fidei sacramentum. Ita etiam licet Patrem & Filium & Spiritum sanctum dicas , & Patris & Filij & Spiritus sancti minuas potestatem, vacuum est omne mysterium. Cum enim dicitur in nomine Christi, per vnitatem nominis impletum est mysterium : nec à Christi baptismate spiritus separatur, quia Christus baptizauit in Spiritu.

In lib. de  
Spiritu  
sancto  
cap. 3.

*Questio Ambrosij.*

**D** V N c consideremus , vtrum sicut in Christi nomine legimus baptismi plenum esse sacramentum , ita etiam Spiritu sancto tantum nuncupato nihil desit ad mysterij plenitudinem. Rationem sequamur : qui vnum dixerit , Trinitatem signauit. Si Christum dicas , & Patrem à quo vnctus est Filius , & ipsum qui vnctus est , scilicet Filium & Spiritum sanctum quo vnctus est , designasti. Scriptum est enim hunc esse Iesum à Nazareth , quem vnxit Deus Spiritu sancto. Et si Patrem dicas , Filium eius & Spiritum oris eius pariter indicas , si tamen id etiam corde comprehendas. Et si Spiritum sanctum dicas, Deum Patrem à quo procedit , & Filium eius cuius est Spiritus , nuncupasti. Vnde vt rationi copuletur auctoritas , Dominus dicit : Vos autem baptizabimini in Spiritu sancto: ex quo indicat nos recte posse baptizari in Spiritu sancto.

Act. 10.

Act. 1.  
Ioan. 1.  
Matt. 3.

*Perstringit præmissorum intelligentiam cum determinatione  
cuiusdam dicti.*

**E** X his aperte intellexisti in nomine Christi verum baptisma tradi : vnde nihilominus insinuari videtur, verum baptisma tradi posse in nomine Patris tantum , vel Spiritus sancti tantum : si tamen ille qui baptizat, fidem Trinitatis teneat : quæ Trinitas in quolibet horum nominum intelligitur. Si autem aliquis peruerse



peruerſe credens, & errore inducere intendens, vnum de tribus tantum nuncupet, non complet myſterium. Quòd vero ait nominatis tribus vacuum eſſe myſterium, ſi baptizans minuat poteſtatem Patris vel Filij vel Spiritus ſancti, id eſt, ſi male ſentiat de potentia alicuius horum, non credens vnam potentiam trium: intelligendum eſt hoc ſuper eum qui non intendit nec credit baptizare: qui non tantum caret fide, ſed etiam intentionem baptizandi non habet. Qui vero baptizat in nomine Chriſti, baptizat in nomine Trinitatis, quæ ibi intelligitur. Tutius eſt tamen tres perſonas ibi nominare, vt dicatur in nomine Patris & Filij & Spiritus ſancti: non in nominibus, ſed in nomine, id eſt, in inuocatione, vel in confeſſione Patris & Filij & Spiritus ſancti. Inuocatur enim ibi tota Trinitas, vt inuiſibiliter ibi operetur per ſe, ſicut extra viſibiliter per miniſterium. Si autem dicatur in nominibus, non eſt ibi ſacramentum, quia non ſeruatur forma baptiſmi.

## ARTICVLVS II.

*An ſit aliqua forma baptiſmi, & de ſingulis verbis poſitis in forma baptiſmi.*

*Quæſti- gula 1.* **D**Einde quæritur de hoc quod dicit ibi [ Sed quod eſt illud verbum quo accedente ad elementum, ſit ſacramentum] Incidit enim hic quæſtio de forma baptiſmi: & quæritur cum dicitur, Ego baptizo te in nomine Patris & Filij & Spiritus ſancti, vtrum pronomen ego ſit de eſſentia formæ? Videtur quod ſic: quia intentio baptizantis exigitur. Hæc autem non exprimitur niſi per demonſtrationem intendentis, & non ſit demonſtratio niſi per pronomen ego: ergo pronomen eſt de forma.

2 Item, Baptizare conuenit miniſtro Eccleſiæ: ergo videtur, quòd miniſtrans exprimi debet: ergo cum non exprimitur niſi pronomine, ideo videtur ipſum eſſe de forma.

*Sed contra.* **S**ED CONTRA hoc videtur eſſe regula Grammaticorum dicentium, quòd in verbis primæ & ſecundæ perſonæ certus & determinatus intelligitur nominatiuus: ergo non eſt neceſſarium quòd apponatur.

*Quæſt. 2.* **I**TEM quæritur vltcrius, Vtrum verbum baptizo ſit de forma? Videtur quòd non: quia plus eſt exprimere factò quam verbo: ergo cum ſit ibi expreſſio factò, non oportet quòd verbo dicatur.

2 Item, Cum Chriſtus dicit, Ite baptizantes eos in nomine Patris & Filij & Spiritus ſancti. Matth. vltim. videtur iniungere exercitium, & non præcipue expreſſionem actus: ergo virtute illius baptismationis non importatur quòd ſit de forma, nec virtute alterius poteſt haberi: ergo non eſt de forma.

3 Item, Ipſe dixit, Ite, docete, baptizantes: ſed cum doceret, non oportuit dicere ante, Ego doceo vos, ſed tantum actum exercendo expleuerunt mandatum: ergo à ſimili etiam actum baptiſmi exercendo, expleuerunt mandatum baptiſmi.

4 Item, In aliis benediſtionibus & ſignacu-

lis, vt eſt benediſtio panis, non exprimitur ante actus benediſtionis: ergo etiam hoc non exigitur in actu baptizandi.

5 Item, Exod. 13. Quid clamas ad me? dicit Gloſſ. quòd deſiderio cordis clamabat: ergo videtur, quòd ſufficit intendere, & non exprimere.

6 Item, Aqua eſt de ſubſtantia baptiſmi: & tamen non exigitur, quòd ſermone exprimat, vt ſic dicatur, Ego baptizo te in aqua: ergo videtur, quòd nec exigitur expreſſio actus baptiſmi.

7 Item, Cum Chriſtus ſit qui vere & interiorius baptizet, videtur, quòd melius exprimat, dicendo, Baptizet te Chriſtus, &c. quam ego baptizo te.

8 Item, Gæci & Dalmatæ ita baptizant, Baptizetur ſeruus Chriſti in nomine, &c. Si forte dicas, quòd non ſunt baptizati. Contra: Beatus Nicolaus & alij ſancti ita ſunt baptizati, vt dicitur. Item, Dominus Gregor. Papa ſuper hoc conſultus, de conſilio reſpondit, quòd non rebaptizarentur illi qui ſunt ſub Eccleſia Romana in Dalmatia, ſed cauere ne amplius fieret: ergo videtur, quòd hoc ſufficit ad formam: quia aliter rebaptizandi eſſent.

Si autem tu dicas, quòd propter intentionem exigitur expreſſio actus. Contra: Secundum hoc melius diceretur, Ego intendo te baptizare, &c.

*Sed contra.* **S**ED CONTRA: Hoc ſacramentum eſt ſacramentum neceſſitatis ad quòd exigitur intentio actus quòd facit Eccleſia: ergo ad hoc vt excludatur omnis error, exigitur expreſſio actus per verbum primæ perſonæ & præſentis temporis indicatiui modi.

*Quæſt. 3.* **V**LTERIVS quæritur, Quid dicat hoc quod dicit, in nomine? aut enim ſupponit eſſentiam, aut perſonam. Si ſupponit eſſentiam: ergo videtur, quòd eſſentia poſſit poni loco eius, vt dicatur, Ego baptizo te in eſſentia Patris & Filij & Spiritus ſancti Si autem ſupponit perſonam, tunc videtur, quòd debeat poni in plurali, vt dicatur, in nominibus Patris, &c.

*Quæſt. 4.* **V**LTERIVS quæritur, Vtrum poſſint poni alia nomina idem ſignificantia loco iſtorum? Et videtur



videtur quod sic : quia dicit August. quod eodem modo dicitur Filius Verbum, & Filius : & eodem Spiritus sanctus donum, & amor, quo Spiritus sanctus : ergo videtur, quod possit baptismus sic fieri, Ego baptizo te in nomine Patris & Verbi & Amoris vel Doni.

2 Item cum genitor & genitus, idem sint quod pater & filius, videtur quod possit fieri baptismus sic dicendo, Ego baptizo te in nomine genitoris & geniti & doni procedentis.

3 Item, Cum Pater & Filius & Spiritus sanctus vna indiuisibili operatione operentur in baptismo, & ad operandum ordinent potentia, sapientia, & bonitas, videtur melius dici, baptizo te in potentia sapientia & bonitate, quam in nomine Patris & Filij & Spiritus sancti.

*Quæst. 5.* ITEM quæritur de hoc quod dicitur à Luca, quod Apostoli baptizauerunt in nomine Christi. Dicit enim Apostolus ad Ephes. Vnus Dominus, vna fides, vnum baptisma. Constat autem, quod illud vnum est quod vnitatem formæ vnum est, sicut quælibet res est vna : ergo videtur, quod cum Christi baptismus est vnus, vnā semper debuit habere formam : sed constat, quod si Apostoli baptizauerunt in nomine Christi, non eandem habuerunt formam quam nos habemus : ergo non fuit vnum baptisma : ergo baptismus Ecclesiæ non est vnus, & ita errat fides quoad hunc articulum, qui est vnum baptisma, quod est impossibile : ergo Apostoli male baptizauerunt in nomine Christi.

2 Item, Vnde fuerunt Apostoli tantæ audaciæ, quod mutauerunt formam à Christo traditam, cum in baptismo nulla sit institutio habens valorem nisi diuina ?

*Quæst. 6.* ITEM, Nunquid in alio nomine idem poterat fieri vt in nomine Iesu ? Videtur, quod sic : quia Iesus & Christus nominat eandem personam : ergo quod poterat fieri in vno, poterat etiam fieri in alio.

*Sed contra.* SED CONTRA. In hoc nomine, Iesus, non ita exprimitur fides Trinitatis : quia Iesus interpretatur saluator, quod nomen sua vi non sonat nisi potentiam deitatis sine distinctione personæ : ergo non poterat fieri in illo.

*Quæst. 7.* ITEM quæritur à simili, Vtrum Papa modo posset idem instituere si vellet ? Videtur autem, quod sic : quia ipse est Vicarius Christi in terris : si ergo Apostoli fecerunt hoc, & ipse similiter videtur hoc posse.

*Sed contra.* SED CONTRA. In sacramentis operatur tantum institutio diuina : Papa autem non est Deus : ergo non potest instituere illud.

2 Item, Aqua in sacramento inferior est quam forma, quia ipsa est vt materia : & constat, quod Papa non possit mutare materiam : ergo multo minus potest mutare formam.

*Quæst. 8.* VLTERRIVS quæritur, Vtrum in nomine vnus personæ possit fieri baptismus ? Et videtur, quod sic : quia ita dicitur in litera. Item, Relatiua posita se ponunt, & vnum intelligitur in alio : ergo videtur, quod sufficit nominare vnum.

*Sed contra.* IN CONTRARIUM est, quod non est forma in baptismo nisi inuocatio Trinitatis : Trinitas autem non est persona vna : ergo inuocatio Trinitatis non est inuocatio personæ vnus.

*Quæst. 9.* ITEM quæritur, Vtrum in nomine Trinitatis possit baptizari, vt dicatur sic, Ego baptizo te

in nomine Trinitatis ? Videtur, quod sic : quia tunc nulla personarum dimittitur, quæ non inuocetur super baptismum : ergo verus erit baptismus.

2 Item, In litera dicitur, dummodo fides sit integra, sufficit vnum nominare : ergo multo magis sufficit si ipsa Trinitas nominetur.

VLTERRIVS quæritur de appositione, Vtrum licet aliquid apponere, vt dicatur baptizo te in nomine Patris & Filij & Spiritus sancti & sanctæ Mariæ, vel aliud, vel plura huiusmodi ? Et videtur, quod sic : quia hoc facit ad maiorem deuotionem, & tamen non tollit formam.

*Sed contra.* SED CONTRA : Secundum hoc dicam, In nomine Patris maioris, Filij minoris, & Spiritus sancti coæui vtriusque. Videtur, quod esset baptismus, cum nihil dimissum sit de forma.

VLTERRIVS quæritur de transpositione sic, Baptizo te in nomine Filij & Spiritus sancti & Patris. Et videtur, quia personæ sunt æquales : ergo videtur, quod non differt quæ earum sit prior in oratione vel posterior.

*Sed contra.* SED CONTRA : Secundum hoc non seruatur ordo naturæ quem Augustinus ponit in diuinis.

2 Item, Secundum hoc possemus dicere, Baptizo te in nomine Filij secundi, & Patris primi, & Spiritus sancti tertij : in qua forma per ordinem distinctionum ordinatum exprimitur Sabeliana hæresis.

VLTERRIVS quæritur de corruptione, vt dicatur in nomine patriæ & filiabus & spiritibus sanctibus, vtrum sit baptismus ? Et videtur quod sic : quia alias illi qui non possunt proferre propter linguæ balbutiem & imperitiā, omnes male baptizarent : & secundum hoc multi paruuli damnarentur, & multi essent baptizandi.

*Sed contra.* SED CONTRA : Declinatio quædam est in principio, sicut & in fine : ergo si licet corrumpere in fine, licet etiam corrumpere in principio, quod nullus dicit : quia non est baptismus, si dicatur, Baptizo te in nomine atriæ & ilij, &c.

SOLUTIO. Dico sine præiudicio, quod aliud est de forma secundum statutum Ecclesiæ, & aliud secundum institutionem diuinam. Secundum statutum Ecclesiæ existens de forma, si violatur & seruetur institutio diuina, peccat baptizans & Ecclesia potest seueriter agere in ipsum : sed baptizatus non est rebaptizandus. Et hoc modo dicunt quidam, quod pronomen ego est de forma : quod tamen non puto, sed puto, quod potest dimitti si vult aliquis, sine magna culpa : sed dico, quod securius est apponere. Sed quoad institutionem Ecclesiæ dicunt multi, quod verbum baptizo est de forma : ita vt reprehendatur tanquam pro criminali qui hoc dimiserit. Sed ego puto verius, quod est de forma secundum necessitatem, ita quod si dimittitur, non sit baptizatus qui baptizatur : sed iudicio omnium inuocatio Trinitatis est etiam de forma secundum institutionem diuinam. Secundum hanc igitur meam opinionem quæ plurimum est & celebrior hodie, responderi potest ad primum, quod intentio magis exprimitur in actu & pronuntiatione verbi : & hoc ideo, quia non exigitur intentio personæ quam determinat, sed potius Ecclesiæ in cuius persona ille baptizat : & per hoc patet solutio ad sequens.



Ad qua-  
stionem  
lam 2.

AD ID quod quaeritur de verbo, baptizo, sine praedicio aliorum dico, quod est de forma necessitatis baptismi, & sine quo baptismus non est, nisi occurrat casus propter quem aliter ad tempus sit faciendum, sicut Apostoli fecerunt.

AD ID quod contra obiicitur, dicendum quod non exprimitur ipso facto intentio baptismi: quia ille modus tinctionis etiam in aliis lauacris est, praecipue cum infra dicatur, quod infans semel vel ter possit immergi, & oportet exprimere verbo significante Ecclesiae regenerationis actum, ut mihi videtur.

AD ALIVD dicendum, quod Christus iniunxit eis exercitium cum determinatione modi, & utrunque intellexit in hoc quod dixit, baptizantes eos in nomine, &c. Et hoc ideo: quia istud est sacramentum necessitatis, & ideo exigitur summa cautela circa ipsum.

AD ALIVD dicendum, quod non est simile de doctrina: quia illa potest esse praeter intentionem, nec est de necessariis ad salutem: & ideo non exigitur ibi expressio talis.

AD ALIVD dicendum, quod ille benedictiones sunt orationes, in quibus non est magna vis intentionis.

AD ALIVD dicendum, quod non est simile quia in oratione quae est pius affectus in Deum directus, non respicitur principaliter nisi cor. In sacramentis autem inuisibili specie operatur virtus diuina: & ideo exprimitur intentio circa illud.

AD ALIVD dicendum, quod non est simile de aqua: quia intentio non refertur ad aquam, sed ad actum, & ideo in actu debet exprimi.

AD ALIVD dicendum, quod licet Christus operetur interius: tamen sua operatio non est nisi operatione ministri praesistente, & ideo illa requirit intentionis expressionem.

AD ALIA quae obiiciuntur de ritu Graecorum, puto quod corrigendi essent si acquiescerent. De illis autem qui baptizati sunt, potest esse quod primo tradita fuit eis haec forma, propter hoc quod putabant in baptismo nihil fieri nisi operationem hominis: & ideo sicut Apostoli baptizauerunt in nomine Christi: ita & consilio Spiritus sancti tradiderunt eis, ut actus ad Christum referretur, vel impersonaliter ad Christum & Ecclesiam: & hoc ad tempus: & ideo peccant observantes ritum istum, sicut etiam peccaremus si nos in nomine Christi baptizaremus. Vel dicatur, quod cum dicitur, baptizetur seruus Christi, &c. praestelligitur expressio vel intellectus verbi primae personae, & quoad hoc tolerari potuit ad tempus, propter scandalum, & ex imperio Spiritus sancti inspirante Ecclesiam. Tamen Papa in hoc dubius fuit: quia de illis qui sunt in Dalmatia primo respondit, quod rebaptizarentur, & postea permisit, & ut caveretur in posterum praecipit: quosdam autem fratres in ordine nostro existentes, tres ad minus in urbe Romana rebaptizari praecipit.

AD ALIVD dicendum, quod non bene dicitur, ego intendo te baptizare: quia ex hoc non posset inferri, quod ego baptizarem secundum actum, vel quod ille baptizatus esset secundum actum: quia multa intendimus quae non facimus: & ideo expresse conuenienter fieri non potuit nisi in enuntiatione actus baptismi.

AD ALIVD dicendum, quod ly nomine dicit D. Alb. Mag. in Lib. 4. Sentent.

essentiam notam se reddentem in effectu gratiae quam operantur indifferenter tres personae: & ideo cessat obiectio, quia licet supponat essentiam, tamen supponit eam sub alio modo significandi: & ideo loco eius supponi non potest.

AD ALIVD dicendum, quod nulla nomina possunt poni loco istorum: quia tantum exprimit personas, ut sunt in se perfectae & distinctae ab inuicem, ut probatum est in primo lib.

AD ALIVD quod contra obiicitur, dicendum, quod verbum & filius differunt eadem ratione quae est relatio, sed non eadem ratione nominis: quia verbum ut verbum non nominat personam in se perfectam, sed potius verbum ut in diuinis: & similiter donum, & amor: & ideo non possunt poni loco illorum.

AD ALIVD dicendum, quod genitor & genitus dicuntur relatiua, quae secundum intellectum sunt ab actu generandi: Deus autem Pater, & Filius dicuntur personas distinctas: unde omnis pater generat, sed non conuertitur: & similiter omnis filius genitus est, sed non conuertitur: & ideo pater, quod differentis significationis sunt illa nomina & ista.

AD ALIVD dicendum, quod potentia, sapientia, voluntas siue bonitas, licet nominent ea quae exiguntur ad operandum: tamen non nominant nisi unitatem essentiae eo quod haec in singulis personis sunt: sed forma baptismi secundum fidei confessionem distinctam, debet nominare unitatem essentiae & tres personas: & ideo illa nomina non conueniunt.

AD ALIVD dicendum, quod tria concurrant ad hoc quod Apostoli baptizarent in nomine Christi, quorum vnum est significatio nominis quae implicite exprimit Trinitatem. Secundum autem fuit necessitas: quia odiosum fuit illud nomen salutare, in quo oportet omnem hominem saluari: & ideo ut videntes Spiritum sanctum visibiliter descendere ad inuocationem huius nominis, & sic amabile & reuerendum nomen ostenderetur, voluit Spiritus sanctus ut in illo nomine baptizarentur ad tempus, donec notum & venerabile fieret. Tertium est institutio diuina per instinctum & reuelationem Spiritus sancti, quae licet non legatur, tamen puto quod Apostoli nunquam praesumpserunt, nisi Spiritus sanctus hoc fieri iussisset.

AD ALIVD dicendum, quod saluata est unitas formae implicite: quia in nomine Christi intelligitur vnus Pater, vnus Filius, & vnus qui est Spiritus sanctus.

AD ALIVD patet solutio per ante dicta.

AD ALIVD dicendum, quod hoc nomen, IESVS, non ita conueniens erat: quia non ita exprimit Trinitatem: tamen nolo contradicere quin eisdem causis concurrentibus hoc fieri posset in alio nomine sicut in isto.

AD ALIVD dicendum, quod Papa non potest sicut nec Apostoli potuerunt, nisi per reuelationem Spiritus sancti, & magnam Ecclesiae necessitatem.

AD ID quod quaeritur de nomine vnus personae, dicendum quod non potest fieri, nec vnquam factum est: & quod dicit Ambrosius sic intelligitur: Qui vnum dicit exprimendo in fide Trinitatis, quae sit in confessione etiam aliorum. Vel dicatur

D melius,

Ad qu. 4.

Ad qua-  
stionem  
lam 5.

Ad qua-  
stionem  
lam 6.

Ad qu. 7.

Ad qu. 8.

Ad qua-  
stionem  
lam 3.



melius, quod loquitur in eodem casu in quo Apostoli in nomine Christi baptizauerunt: tunc enim fieri posset illis tribus concurrentibus, & aliter est absolute falsum quod dicitur in litera.

AD ALIVD dicendum, quod licet relatiua se ponant per intellectum, tamen non sunt sic forma baptismi, sed potius expressa in voce: non enim sufficit cogitare vel intelligere, sed oportet exprimere voce.

Ad quæst. 9. AD ALIVD dicendum, quod Trinitas non nominat personas nomine proprio: & ideo non est forma: quia in nominibus propriis sunt articuli fidei & forma baptismi.

Ad quæst. 10. AD ID quod quæritur ulterius de appositione, dicendum quod peccat apponens. Si autem apponit quod non sonat corruptionem formæ, non est rebaptizandus. Et per hoc patet solutio ad sequens: quia illa appositio in nomine patris maioris, &c. sonat formæ corruptionem: & ideo non puto illum baptizare qui sic baptizat.

Ad quæst. 11. AD ALIVD dicendum, quod peccat qui transponit: tamen puto esse baptismum, si nihil amplius fiat nisi transpositio: si autem apponat quod sonat formæ corruptionem, tunc puto quod non est baptismus, ut in nomine patris primi. Ad id quod contra obiicitur, dicendum quod ordo naturæ etiā nominibus transpositis saluatur in intentionibus nominum: quia Pater semper dicitur qui non ab alio, à quo alius: Filius qui ab alio, à quo alius: & Spiritus sanctus qui ab aliis, à quo nullus.

Ad quæst. 12. AD ID quod quæritur ulterius de corruptione, dicendum cum Doctoribus quod si propter

linguæ impedimentum vel ignorantiam loquelæ corrumpit in fine, non officit baptismus. Si autem ex hoc intendat deridere & inducere errorem, tunc significat se non intendere quod facit Ecclesia, & tunc non baptizat. Ad id quod quæritur de corruptione in principio, communiter dicitur & verum est (ut dicunt Grammatici) quod declinatio in fine dictionis non variat nisi significatum, & non significatum: & ideo corruptio illa non aufert formam baptismi: declinatio autem in principio dictionis variat significatum, & ideo corruptio in principio dictionis tollit baptismi formam.

SI ADHUC quæritur, Quare dicatur hæc forma inuocatio Trinitatis, cum inuocatio habeat fieri in modo deprecationis: forma autem baptismi exprimitur in modo indicationis per modum enuntiationis de præsentibus. Et ad hoc dicendum, quod est quædam deprecatio habens vim indicationis, ut quidam Prophetæ quando prophetare, desiderabant quod prophetabant, sicut Isa. 64. Utinam dirumperes cælos & descenderes. Ita etiam è conuerso sunt quædam enuntiationes, quæ habent vim inuocationum: quia quod enuntiatue proferitur, hoc est ideo quia intentionis expressio in eis exigitur, & sic est enuntiatio in sacramentis, & est sensus, baptizo te, &c. id est ego baptizo te exterius inuocans Patrem, &c. ut interius te baptizet.

SI AVTEM quæritur, Quare ita non dicitur, Inuoco te: Dicendum, quod hoc fit ut non ponatur sub dubio aliquo quin Spiritus sanctus interius baptizet. Et per hoc patet solutio ad totum.

### De institutione baptismi.

IOAN. 3. MATTH. VLTIM. LUC. 10. MATTH. 10. **D**E institutione baptismi quando cœpit, variæ sunt æstimationes. Alij dicunt tunc esse institutum, cum Nicodemus ait, Nisi quis renatus fuerit ex aqua & Spiritu sancto, &c. Alij dicunt institutionem baptismi factam, cum Apostolis dixit, Ite, docete omnes gentes, baptizantes eos in nomine Patris & Filij & Spiritus sancti. Sed hoc dixit eis post resurrectionem, præcipiens eis de vocatione Gentium, quos ante passionem binos miserat ad prædicandum in Iudæa, & ad baptizandum, dicens, In viam Gentium ne abieritis. Iam ergo institutus erat baptismus: quia baptizabant simul & prædicabant.

### De forma in qua baptizauerunt Apostoli ante passionem Christi.

MAT. 3. **S**I vero quæritur, In qua forma tunc baptizauerunt Apostoli: Sane dici potest, in nomine Trinitatis, scilicet in ea forma in qua postea baptizauerunt Gentes: quæ ante passionem potest intelligi fuisse tradita, licet non sit scriptum. Non ergo tunc illam formam Christus prius tradidit, cum ad Euangelizandum Gentibus misit: sed quam ante tradiderat mittens eos in Iudæam, post iteravit cum ad Gentes misit. Commodius ergo dicitur institutio facta, quando Christus à Ioanne baptizatus est in Iordane, quod dispensauit.



fauit, non quia mundari voluit cum sine peccato fuerit, sed quia contactu mundæ carnis suæ vim regeneratiuam contulit aquis, vt qui postea immergeretur inuocato nomine Trinitatis, à peccatis purgaretur. Tunc ergo inuocato nomine Trinitatis institutus est baptismus Christi: in quo Trinitatis cuius mysterium ibi innotuit, interius hominem baptizat.

De consecr.  
di. 4.  
Nunquā  
aqua.

### ARTICVLVS III.

*Quando baptismus est institutus?*

**D**Einde queritur de hoc quod dicit ibi [De institutione baptismi quando cœpit, &c.] Videtur enim, quod baptismus debuit institui à principio: quia magis valet efficax medicina in principio, quam in fine morbi. Si dicas, quod trahit efficaciam à passione Christi, & ideo ante passionem non debuit institui: videtur hoc nihil esse: quia in fide venturi profuit passio illis qui fuerunt ante Christi incarnationem: ergo & baptismus potuit prodesse.

*Quaest.* PRÆTEREA, Ista varietas quam Magister tangit in litera, habet reduci ad aliquam concordiam, quæ igitur est illa?

*Solutio.* SOLVTIO. Dicendum, quod baptismus non debuit incipere ante Christi passionem: & huius causa est: quia baptismus est sacramentum pleni effectus, & plenæ curæ: cura autem morbi plenaria non fuit nisi post passionem & resurrectionem Christi: quia tunc reatus originalis in toto cessauit, & ianua cæli aperta fuit quoad beatitudinis perceptionem.

AD PRIMUM ergo dicendum, quod non habuerunt plenam liberationem qui fuerunt ante Christi incarnationem, sed tantum pro se quilibet satisfecit: sed reatus naturæ mansit vsque ad Christum quoad descensum ad limbum, & ianuæ clausuram.

*Ad quaest.* AD ALIUD dicendum, quod baptismus multipliciter institutus est, scilicet officialiter, &

causaliter, & quoad effectum salutis. Officialiter Mat. 10. quando misit Apostolos baptizare in eadē forma in qua nunc baptismus fit, vt dicit in litera præcipiens eis ibi, In viam Gentium ne abirent, & in ciuitates Samaritanorum ne intrarent. Causaliter autem quatuor modis, scilicet materialiter Matth. 3. quando tactu suæ mundissimæ carnis vim regeneratiuam contulit aquis in baptismo, scilicet quo baptizatus est: in quo tamen baptismo res Trinitatis fuit, licet non sub forma verborum præscripta: quia Pater in voce, Filius in carne aquam tangente, Spiritus sanctus in columba. Quia etiam aqua materia non est nisi verbo vitæ sanctificata, nisi quis vocet materiam omnino indispositam: habet enim se materia tripliciter ad baptismum, scilicet vt materia tantum: & sic aqua à principio creationis est materia, cum Spiritus Domini ferebatur super aquas, vt dicit Chrysost. Habet etiam se vt materia disposita: vt postquam Dominus tactu suæ mundissimæ carnis vim regeneratiuam aquis contulit. Habet etiam se vt materia informata, quando est sub inuocatione Trinitatis. Secundum causam autem formalem institutus est baptismus Matth. vltim. baptizantes eos in nomine Patris, &c. Et quoad causam finalem Ioan. 3. Nisi quis renatus fuerit ex aqua & Spiritu sancto, non intrabit in regnum celorum. Efficienter autem & significatiue quoad causam operantem in baptismo, Ioan. 19. institutus est, vbi aqua fluxit & sanguis de latere Christi, ad ostendendum quod de latere Christi habet efficaciam salutis. Sed quoad effectum salutis, institutus est Matth. vltim. vbi dicit, Qui crediderit & baptizatus fuerit, saluus erit.

*Quare in aqua tantum fiat?*

**C**ELEBRATUR autem hoc sacramentum tantum in aqua, non in alio liquore, vt ait Christus, Nisi quis renatus, &c. Ideoque Ioan. 3. vniformiter id fieri in aqua præcipitur, vt intelligatur quod sicut aqua fordes corporis ac vestes abluat: ita baptismus maculas animæ, fordesque vitiorum emundando abstergit. Vel ideo, vt nullum inopia excusaret: quod posset fieri, si in vino vel oleo fieret: & vt communis materia baptizandi inueniretur apud omnes: quod aqua signauit quæ de latere Christi manauit, sicut sanguis alterius sacramenti signum fuit. Non ergo in alio liquore potest consecrari baptismus nisi in aqua.

### ARTICVLVS IIII.

*An conueniens materia baptismi sit aqua?*

**D**Einde queritur de hoc quod dicit ibi [Celebratur autem hoc sacramentum in aqua] D. Alb. Mag. in Lib. 4. Sentent.

Videtur autem, quod materia conueniens non sit aqua: baptismus enim vt supra habitum est, principium est nouæ vitæ: sed principium vitæ non est in gratia baptismi, nisi significetur in proprietate materiæ sacramenti: quia sacramentum nullius rei causa est cuius non est signum: causa autem vitæ



in elementis non est humidum cum frigido, sed potius humidum cum calido: cum ergo aqua sit frigida & humida, & oleum vel vinum calidum & humidum, videtur potius materia debere esse oleum vel vinum quam aqua.

2 Item, Gratia in sacramento habet aliquid simile lumini, sicut characterem: & aliquid simile sananti, quia gratia sanat peccatum: & reficit etiam gratia sacramentalis, ut dicit Magister infra distinctione sequenti, quod iam sanctificatos vberiori gratia reficit: cum igitur oleum (ut dicit) luceat & sanat, & reficiat, videtur conueniens materia baptismi esse oleum.

*Sed contra.*

SED CONTRA est, quod status recreationis per conformitatem debet respondere statui creationis: in creatione autem maioris mundi anima vna prima apparuit in aquis, super quas ferrebatur: ergo in recreatione minoris mundi debet anima incipere viuere in aquis, super quas Spiritus ferebatur.

2 Item, Non habet virtutem generandi nisi quod tactum est mundissima carne Saluatoris: hoc autem elementum est aqua: ergo sola aqua est materia, & non aliud.

3 Item, Chrysostomus in homilia 26. super Ioan. Aqua assumpta est in baptismo, genitrix eius qui gignitur fœtus: quod matrix fœtui, hoc fidei aqua: in aqua enim plasmatur, & figuratur.

4 Item, Ibidem. Primum quidem dicebatur, educat aqua reptilia animarum viuentium: ex quo autem ascendit à Iordanis riuus dominator non adhuc reptilia animarum viuentium, sed animas rationales & spiritiferas aqua reddit.

5 Item, Ambrosius super epistolam ad Rom. Ideo vniiformiter baptismus in aqua fieri præcipitur, ut intelligatur quod sicut aqua sordes corporis ac vestes abluir, ita baptismus maculas animæ sordesque vitiorum emundando abstergit.

*Quæstion- cula vltima.*

SED tunc fiunt quæstiones multæ à latere. In qua aqua potest fieri baptismus, utrum in simplici, vel in cõposita? Si tantum in simplici, tunc in mari non posset: quia immixtum habet terrestre combustum, propter quod est salsum. Item in brodio non fieret, nec in ceruisia tenui, nec in medone, nec in aliis aquis mixtis. Item nulla aqua pluuialis, nec aliqua aqua apud nos: ergo in nulla aqua apud nos fieret baptismus, ut videtur. Quod autem omnis aqua apud nos sit mixta, probatur per hoc quod congelatur frigido, & hoc non fieret nisi esset permixta, ut dicit Alexander Philosophus.

*Solutio.*

SOLUTIO. Dicendum quod sola aqua est materia baptismi: cuius plurimæ sunt causæ, sed sex sufficient, quarum tres inueniuntur in litera, quarum prima sumitur ex proprietatibus aquæ: quia habet vim refrigerandi per frigidum, & ablutiuam

fordinum per humidum: & ideo significat gratiam abluentem maculas culpæ, & refrigerantem incendium quod est in æstu fomitis & concupiscentiæ: & isti sunt principales & primi effectus baptismi. Secunda sumitur ex leuitate habendi: quia nulli inopum prohibetur aqua, & hoc competit sacramento generalis necessitatis. Tertia sumitur ex communitate inueniendi: quia in omni parte mundi prope inuenitur ubi homines habitant, & hoc iterum competit sacramento generaliter necessario. Quarta etiam innuitur in litera: quia aqua non vinum vel oleum fluxit de latere Saluatoris. Quinta & sexta inducuntur in auctoritatibus Chrysost. in obiectionibus, scilicet quia spiritus viuificans primo super aquas apparuit: & quia Saluator in Iordanis riuus hoc elementum tetigit, dans ei virtutem ut spiritiferas animas facere possit.

AD PRIMUM ergo dicendum, quod baptismus est principium vitæ nouæ: sed ille non est primus eius effectus, sed potius ablutio maculæ, & refrigerium fomitis, & per consequens gratia in virtutibus facit in anima nouam vitam. Et non oportet, quod sacramentum habeat similitudinem ad omne illud quod quocunque modo causat, sed ad id quod causat substantialiter & primo, secundum quod ordinatur contra defectum peccati.

AD ALIUD dicendum, quod illuminatio- nis quædam proprietas relucet in aqua quantum ad naturam perspicui, & hoc sufficit ad significandum characterem: oleum autem magis ponit similitudinem ad sanitatem pœnæ, & ideo assumitur pro parte materiæ in chrismate, ubi fit unctio contra fomitis pœnam ne labatur in præceptis, & in oleo infirmorum: sanitas autem baptismi perficitur potius per ablutio- nem culpæ.

AD ID quod quæritur de diuersitatibus aquarum, dico generaliter, quod si est commixtio tollens speciem elementi, & trahens ad speciem aliam, in illa aqua non potest fieri baptismus, sicut est brodium pinguium vel aliorum quod infrigidatum congelatur. Et constat similiter, quod ceruisia & vrina & lixiuia quædam quæ multam habet admixtionem acutorum corporum, & aquæ quas faciunt Alchimistæ ad mutanda metalla. Est autem quædam mixtio non remouens proprietates aquæ, quin ipsa remaneat in impetu refrigerandi, & virtute abluendi, abluendi, inquam, non dissoluendi corpus, sicut faciunt aquæ acutæ, ut vrina, & lixiuia quædam: & in talibus potest fieri baptismus, & non impedit: unde in mari, pluuiis, aquis turbidis, & aliis huiusmodi potest fieri baptismus. Et etiam si esset brodium non remotum à specie elementi, ex eo quod coctum est, in eo bene crederem posse fieri baptismum.

*Ad quæstionem vltimam.*

### *De immersione quoties fieri debeat.*

Leandro  
Episc.  
Epistola  
41.



DE immersione vero si quæritur, quomodo fieri debeat, præcise respondemus, vel semel, vel ter, pro vario more Ecclesiæ. Vnde Gregor. De trina immersione baptismi nil verius responderi potest, quam quod vosipsi sensistis: quia in vna fide nihil officit Ecclesiæ sanctæ consuetudo diuersa. Quia enim



enim in tribus subsistentiis vna substantia est, reprehensibile esse nullatenus potest infantem in baptismo ter vel semel immergere: quia & in tribus mersionibus personarum trinitas, & in vna potest diuinitatis singularitas designari. Nos vero qui tertio immergimus, etiam triduanæ sepulturæ sacramentum signamus. Secundum hoc licet non modo ter, sed etiam semel immergere. Ibi tamen duntaxat immergere semel licet, vbi consuetudo Ecclesiæ talis existit. Siquis vero id facere incipiat vbi consuetudo talis non est, vel semel tantum mergendum asserat, reprehensibilem se constituit. Vnde Haym. In suo sensu abundabat Cyprianus, cum semel mergebat in baptismo parvulos: qui quod intelligebat, studiose implebat bonis operibus abundando, licet in hoc nescius delinqueret: sed quia bonis operibus abundabat, postea correptus à Deo abundauit altiori sensu, ter illos mergendo. Ecce habemus, quia deliquit qui semel mersit. Sed hoc ideo, quia aliter se habebat consuetudo illius Ecclesiæ: vel quia vnā tantum faciendam mersionem asserbat. De trina mersione Augustinus ait: Postquam nos credere promissimus, tertio capita nostra in sacro fonte dimersimus: qui ordo baptizandi duplici mysterij significatione celebratur. Recte enim tertio immerfi estis, qui accepistis baptismum in nomine Trinitatis. Recte tertio immerfi: quia accepistis baptismum in nomine Christi, qui die tertia resurrexit à mortuis. Illa enim tertio repetita immersio, typum Dominicæ exprimit sepulturæ. Constat ergo baptizandos tertio debere immergi: & tamen si semel tantum immergantur, verum baptisma accipiunt. Et qui semel immergit tantum, non peccat nisi consuetudo Ecclesiæ obsistat, vel hoc modo tantum debere fieri asserat.

Super illud ad Rom. 41. Vnusquisque in sensu suo abundat.

Habetur de conf. dist. 4. c. Postquā.

# ARTICVLVS V.

*Utrum in baptismo necessaria sit trina immersio, aut vna sufficiat?*

**D**Einde quæritur de hoc quod dicit [De immersione si quæritur, &c.] Videtur enim semel esse immergendum tantum: quia per verbum exprimitur trinitas personarum: cum ergo etiam vnitas debet exprimi essentia, videtur quod illa exprimenda sit in factis: ergo per modum immersionis: ergo semel immergendum est, & reuelandum, vt significetur vnitas essentia.

2 Item, Per immersionem configuramur sepulturæ: sed Christus semel sepultus est & resurrexit: ergo semel immergendum est, & releuandum.

3 Item, Hoc videtur dicere Chrysost. super Ioannem homil. 11. sic: Sicut in quodam sepulchro in aqua submergentibus nobis capita, vetus homo sepelitur, & submersus deorsum occultatur totus omnino: deinde respicientibus nobis ex aqua nouus ascendit. Rursus. Sicut enim facile baptizari & respicere: ita facile Deo sepelire hominem veterem, & monstrare nouum. Hoc autem totum potest fieri immersione vna. Ergo superflua sunt alia, vt videtur.

Sed contra.

SED CONTRA: Chrysost. ibidem, Triplex fit immersio, vt discas quoniam virtus Patris & D. Alb. Mag. in Lib. 4. Sentent.

Filij & Spiritus sancti omnia hæc implet.

2 Item, Damasc. lib. 4. cap. 1. Quoniam typus mortis Christi baptisma, per tres immersiones tres dies sepulturæ significantur.

3 Item, Dionysius in lib. de Ecclesiastica hierar. in theoria baptismi. cap. 2. Sacra baptizandorum symbolica doctrina mystice docet tribus in aqua dimersionibus & eleuationibus diuinam triduo totidemque noctibus in sepultura IESU vitæ datoris imitari mortem, quantum possibile viris diuina imitatio. Ad hoc etiam Magister in litera plurima adducit.

SED TUNC quæritur ratione Ecclesiarum semel tantum immergentium.

Quæstion. 1.

2 Item, Quædam Ecclesiæ non immergunt, sed semel vel bis aqua perfundunt: ergo videtur, quod non sit baptismus qui sic exhibetur.

3 Item, Quidam sacerdotes diuidunt inuocationem Trinitatis secundum numerum immersionum: quia in prima immersione dicunt, in nomine Patris, & in secunda in nomine Filij, & in tertia in nomine Spiritus sancti.

Et quæritur secundum illos si decedat baptizandus in prima immersione facta ante secundam, vtrum sit baptizatus? Et videtur, quod non: quia non est inuocatio Trinitatis completa: ergo non est ibi forma.

Item, Sepulturæ Christi non est configuratus: ergo non mortuus peccato: ergo videtur, quod talis non sit baptizatus.

D 3

SOLVTIO.



*Solutio.*

**SOLVITIO.** Dicendum ad hoc, quod inter omnes consuetudines magis rationabilis est consuetudo Ecclesiæ Romanæ, quæ ter immergit: quia in illa consuetudine actus conformatur formæ sepulturæ & effectui baptismi: quia sicut dicit Augustinus, vna sua morte nos Christus à duplici morte absoluit, scilicet culpe, & pœnæ æternæ: vel animæ, & corporis: quia licet corpus moriatur, tamen in morte detineri non potest. Si tamen semel tantum immergatur, puto corrigendum esse baptizantem: sed infans nullo modo rebaptizandus est: quia plenum habet baptismi sacramentum.

**AD PRIMVM** ergo dicendum, quod actus debet respondere formæ: quia in forma exprimitur vnitas essentiæ per hoc quod dicitur in nomine, & in figura respondet huic vnitati vnitas baptismi, & trinitati trina immersio debet respondere.

**AD ALIVD** dicendum, quod non tantum configurari debemus sepulturæ, sed etiam modo sepulturæ, vt habitum est in auctoritatibus inductis.

**AD ALIVD** dicendum, quod vt patet in sequentibus, Chrysost. non intendit, quod semel

tantum sit immergendum, sed quod sit immergendum absolute, & postea docet formam immersionis.

**AD ID** quod quæritur, Vtrum diuidenda sit forma secundum tres immersiones? Dico quod non, sed continue pronuntianda est propter periculum infantum. Si tamen aliquis diuidat, & infans moriatur, Patre nominato, & vna immersione facta, dico quod baptizatus est: quia supplet tunc summus sacerdos quod minister explere non potuit: & ideo puto esse dicendum, si nominato vno, sacerdos moriatur, quod ille puer est baptizatus propter supplementum summi sacerdotis.

**AD ALIVD** dicendum, quod perfundens aqua totum corpus, vel quando potior pars, id est, caput immergitur & tingitur aquis, baptizatur: sed non videtur mihi esse laudabilis consuetudo, sed immergendi consuetudo laudabilior est.

Quod autem quidam quæunt, vtrum in balneo fiat baptismus, vel aqua calida vel thermis? Constat, quod sic: quin imo si sacerdotes facerent fieri aquam calidam, melius esset, quia quandoque ita penetrantur frigore aquæ paruuli, quod contrahunt mortales infirmitates & moriuntur.

*Ad qua-  
stionem  
1.**Quæst. 1.  
Solutio.*

### *Quando circumcisio amisit vim suam?*

**K**  
Ioan. 19.  
vbidicit,  
Consum-  
matum  
est.



**SOLUTIO** etiam quæri, Si circumcisio amisit statim vim suam ab institutione baptismi? Ad quod dicimus in Christi morte terminata esse legalia omnia. Ex tunc ergo circumcisio perdidit vim suam, ita quod postea non profecerit, sed potius obfuit obseruatoribus suis. Sed vsque ad oblationem veræ hostiæ potuit prodesse. Si enim ante passionem legalia finem habuissent, non ea imminente vetus pascha cum discipulis manducasset.

### *De causa institutionis.*

**CAUSA** vero institutionis baptismi, est innouatio mentis: vt homo qui per peccatum vetus fuerat, per gratiam baptismi renouetur: quod fit depositione vitiorum, & collatione virtutum. Sic enim fit quisque nouus homo, cum abolitis peccatis ornatur virtutibus. Abolitio peccatorum pellit fœditatem: appositio virtutum affert decorem: & hæc est res huius sacramenti, scilicet interior munditia.

### ARTICVLVS VI.

*An adueniente baptismo cessauerit circumcisio?*

**D**Einde quæritur de hoc quod dicit ultimo ibi [Soler quæri si circumcisio amisit statim &c.] Videtur enim, quod adueniente veritate, debuit cessare umbra: ergo adueniente baptismo, statim cessauit circumcisio, & alia legalia: ergo vi-

detur, quod extunc mortua & mortifera fuerunt.

2 Item, Agnus typicus ad verum est terminatus in cœna, quia figura eius fuit: ergo similiter cum circumcisio fuerit figura baptismi, statim vt apparuit baptismus, debuit irrita esse circumcisio & cessare.

3 Item, Superfluum est seruari minus perfectum, cum perfectum habet statum: ergo cum baptismus magis perfectus quam circumcisio habuit statum, superfluum fuit manere circumcisionem quæ minus fuit perfecta.

4 Item,



4 Item, Res quam fecit circuncisio, fiebat per baptismum: ergo permansit inutiliter.

*Quaest. 1.* AD HVC autem redit quaestio, Quare alia legalia post passionem non permittebantur ab Apostolis exerceri in fidelibus conuersis, sed circuncisionem permiserunt permanere ad tempus aliquod post passionem?

*Quaest. 2.* ITEM, Quare Apostolus circuncidit Timotheum Act. 15. & non circuncidit Titum Galat. 2.

*Quaest. 3.* ITEM quaeritur, Vtrum peccauit circuncidendo Timotheum, cum ipse reprehenderit Petrum, quod cogebar Gentes iudaizare, & dixerit, Si circuncidamini, Christus vobis nihil proderit.

*Solutio.* SOLVITIO. Dicendum, quod veritate veniente, cessauit umbra: sed veritas venit duobus modis, scilicet quoad ostensionem Filij in carne, & tunc non statim debuerunt cessare: venit etiam quoad operationem salutis, & hoc factum est in passione, & tunc legalia mortua fuerunt in se, licet non statim mortifera obseruantibus. Vnde adhuc vltius distinguendum est, quod aliud est esse mortuum, & aliud est esse mortiferum. Mortuum est, quod ex se non confert salutem: mortiferum est, quod facienti fert mortem aeternam, & hoc fecerunt legalia, postquam diuulgatum est Euangelium, & exiuit sonus Apostolorum in omnem terram. Et hoc iterum fit duobus modis, scilicet per auditum praedicationis, & per decursum temporis: per auditum praedicationis, sicut apud illos qui audiuerunt Apostolos: per decursum temporis, sicut apud nos est modo, etiam si non audiuissemus praedicationem verbi Dei: quia non esset rationabile, quod Deus populo proiecto & statu veteris legis, curam mundi reliquisset ita diu.

Psal. 18.

DICENDVM ergo ad primum, quod Christus ante passionem (vt vult Magister Hugo) ritum baptismi familiari suo Nicodemo vt consilium reuelauit. Vnde ante passionem non fuit baptismus nisi consilium: qui tamen omnibus eum accipientibus valuit in medicinam, & ideo quia

fuit in consilium, cum eo efficax cucurrit circuncisio. Sed post passionem soluto pretio vniuersalitatatis, fuit in praecceptum, praecipue post tempus resurrectionis postquam dictum est, docete omnes gentes baptizantes eos, &c. & tunc circuncisio mortua est, sed cum honore ad tumulum deferenda: sed spem ponentibus in ea non omnibus fuit mortifera, nisi quibus determinatum est tempus passionis vel auditu praedicationis, vel consideratione status temporis: illis enim si spem posuerunt, fuit mortifera: qui autem spem non ponebant, sed ex dispensatione Apostolorum propter scandalum Iudaeorum, & ne vt sacrilega videretur abiicienda, ad tempus in ritu permanserunt, non fuit mortifera, sed mortua.

Mat. 28.

AD ALIVD dicendum, quod duo erant ante passionem ad idem non eodem modo: vnum in consilium vt inchoandum, & aliud in praecceptum vt terminandum.

AD ALIVD dicendum, quod illa ratio tenet ex quo determinata & praecpta est perfectio baptismatis, & ante non.

AD ALIVD dicendum, quod secundum quosdam eadem ratio est de omnibus legalibus: secundum alios tamen praecipue circuncisio quoad tempus cucurrit, quia illa solum erat in remedium originalis: & secundum illos non est simile de agno & de circuncisione.

Ad quaest. 1.

AD ALIVD dicendum, quod Apostolus circuncidit Timotheum, dictis de causis, quia non spem ponens in circuncisione, sed potius quia filius fuit mulieris Iudaeae, patre gentili, & praeficere eum volebat Iudaeis habitantibus in illis locis: gentilem autem Titum non circuncidit, quia Gentibus in Dalmatia habitantibus praeficiebatur.

Ad quaest. 2.

AD ALIVD dicendum, quod reprehendit Petrum, quia suum factum fuit coram infirmis, qui credebant spem esse ponendam in legalibus, qualis non fuit Timotheus.

Ad quaest. 3.

AD ALIVD dicendum, quod Galathis iam erat praedicatum de Christo, & receperant, & postea auersi sunt ad fidem circuncisionis, & ideo erat eis mortifera.

*Quaeritur, An baptismus aperuit caelum, quod non aperuit circuncisio?*



I quaeritur, Vtrum baptismus aperuit caelum, quod non aperuit circuncisio? Dicimus, quia nec baptismus, nec circuncisio regni nobis aditum aperuit, sed hostia Saluatoris: quae si tempore circuncisionis oblata fuisset, illius temporis homines regnum intrassent. Res ergo huius sacramenti iustificatio est.

## ARTICVLVS VII.

*An baptismus aperuit caelum?*

DEINDE quaeritur de hoc quod dicit ibi [ Sed quaeritur, Vtrum baptismus aperuit caelum, &c. ] Et quaeruntur hic duo, scilicet quid caelum aperuit? Supra enim distinctione 1. dixit Beda, Fuit tamen illa, &c. Et excipit dicens, Excepto quod ianuam regni caelestis non aperuit. Ergo si illa exceptio bona quae distinguit inter effectum

circuncisionis & baptismi, videtur quod baptismus ianuam regni caelestis aperuerit.

2 Item, Matth. 3. super illud, Vox de caelo audita est, &c. dicit Gloss. Flammam vibrantem quae viam paradisi prohibuit, aqua baptismi extinxit.

Item, Luc. 3. super illud, Baptizato Iesu & orante, apertum est caelum, dicit Gloss. Beda, Dum aquas Iordanis Saluator subiit, nobis ianuam caeli pandit: dum caro innoxia frigentibus aquis tangitur, opposita nobis quondam romphaea extinguitur.

D 4

4 Item,



4 Item, Marc. 1. Et statim ascendens de aqua, &c. dicit Beda, quod virtute baptismatis aperitur cæli.

SI AVTEM hoc concedatur, contrarium hic dicitur in litera. Item, Coloss. 1. Pacificata sunt cælestia & terrestria. Ibi Augustinus in originali sic dicit, Qua hora sanguis redemptionis Christi de latere eius pendentis exiit, dimissum est peccatum Adæ, & tunc patuit introitus in regnum cælorum. Sed videtur iterum hoc per hoc quod dixit latroni Luc. 23. Amen dico tibi, hodie mecum eris in paradiso.

Sed contra.

SED CONTRA videtur quod in resurrectione: quia ita dicitur in oratione paschali, Deus qui hodierna die per vnigenitum tuum æternitatis nobis aditum deuicta morte reuerasti, &c. Item videtur, quod ascensio: quia tunc ascendit pendens iter ante eos vt prædixerat Prophetia.

VITERIVS quæritur de secundo, quid *Quæstio.* vocetur hic ianua? sed hoc supra determinatum est. *cul.*

SOLVITIO. Dicendum, quod omnia hæc *Solutio.* quodammodo aperuerunt differenter: quia baptismus quoad solutionem reatus impediens & culpæ ex parte nostra: passio autem quoad solutionem pretij quod statutum erat soluendum ex decreto Patris: resurrectio autem quoad adeptio- nem gloriæ in capite, quæ arrha est adipiscendæ gloriæ in membris: sed ascensio quoad ingressum in cælum, quæ determinat locum congruum beatitudini. Et per hoc patet solutio ad totum.

AD ALIUD quod vterius quæritur, Quid *Ad qua-* vocetur ianua? dicendum, quod repagulum rea- *siunc-* tus ex parte nostra, & statutum debitum ex parte *lam.* statuti decreti Dei. Alij tamen aliter dicunt, sed non est vis.



## DISTINCTIO IV.

*Quod alij suscipiunt sacramentum & rem, alij sacramentum & non rem, alij rem & non sacramentum.*

A  
De ba-  
ptismo  
per com-  
paratio-  
nem ad  
recipien-  
tes.



Lib. de  
baptis-  
paruul.  
2.

In ench.  
c. 43.

IC dicendum est aliquos suscipere sacramentum & rem sacramenti, aliquos sacramentum & non rem, aliquos rem & non sacramentum. Sacramentum & rem simul suscipiunt omnes paruuli, qui in baptismo ab originali mundantur peccato: quamuis quidam diffiteantur illis qui perituri sunt paruulis in baptismo dimitti peccata, innitentes illi verbo Augustini. Sacramenta in solis electis efficiunt quod figurant: non intelligentes illud ita esse accipiendum, quia cum in aliis efficiunt sacramenta remissionem, non hoc eis faciunt ad salutem, sed solis electis. Nam quod omnibus paruulis in baptismo remittatur peccatum per baptismum, Augustinus euidenter dicit: A paruulo, inquit, recen- ter nato vsque ad decrepitum senem, sicut nullus prohibetur à baptis- mo, ita nullus est qui non peccato moriatur in baptismo: sed paruuli tantum originali, maiores vero etiam omnibus quæ male viuendo addiderunt ad illud quod nascendo traxerunt, nisi enormitas vitæ im- pediat, id est, fictio. Adulti quoque qui cum fide baptizantur, sacra- mentum & rem suscipiunt.



### DIVISIO TEXTVS.



IC dicendum est aliquos suscipere sacramentum ] Hic agitur de baptis- mo ex parte suscipientis. Et ponitur hic quæstio triformis, & subiungun- tur dubia orta ex illis. Prima pars quæstionis est de illis qui suscipiunt rem & sacramentum. Se-

cunda est de his qui suscipiunt sacramentum & non rem *ibi* [ Qui vero sine fide accedunt ] Tertia est de his qui suscipiunt rem & non sacramentum *ibi* [ Sunt & alij vt supra posuimus, &c. ] Quæstio- nes autem ex his consequentes sunt quatuor, qua- rum prima est, Quid suscipiunt iam iusti ad ba- ptismum accedentes? quam tractat *ibi* [ Solet quæri de illis qui iam sanctificati, &c. ] Secunda est, cur pœnalitas non tollitur in baptismo, sicut omnis culpa *ibi* [ Cum vero in baptismo peccatum de- leatur



leatur & satisfactio exterior, &c.] Tertia est, Cuius rei sit baptismus, &c.] Ultima est, Quid paruuli accipiant in baptismo, vtrum gratiam tantum, vel virtutem tantum, vel vtrumque: ibi [Soler autem quæri, si paruulus in baptismo, &c.] Et hæc omnia prolixè determinantur & bene in litera: & ideo quæstiones hic sunt succinctæ.

# ARTICVLVS I.

*An in paruulis qui recipiunt rem & sacramentum, sit æqualis effectus baptismi?*

**Q**UÆRITUR tamen primo circa primam partem quæstionis, Vtrum in paruulis qui recipiunt rem & sacramentum, sit effectus baptismi æqualis? Et videtur quod sic: quia dicit Philosophus, Causa vna eodem modo se habens, facit vnum: sed baptismus est causa vna, & eodem modo se habens: ergo facit vnum.

2 Item, Vna passio Christi operatur in baptismo, siue suscipiatur ab hoc, siue ab illo: ergo videtur, quod æqualiter.

3 Item, Fides aliena operatur in omnibus paruulis ad iustificationem: ergo videtur, quod æqualiter.

*Sed contra.* SED CONTRA hoc videtur esse, quod secundum naturalia Angeli gratuita etiam differenter acceperint, vt dicit Magister in 2. huius vo-

luminis: ergo videtur, quod similiter & paruuli: ergo non receperunt æqualem gratiam.

2 Item, Nos videmus cum adoleſcunt, quod non æqualiter dispositi sunt ad actus. Cum ergo actus sint ex habitibus, videtur quod nec habitus æqualiter acceperunt.

3 Item, Quidam accipiunt gratiam finaliter in baptismo: alij autem non, vt præſciti: ergo videtur, quod inæqualis sit effectus baptismi in omnibus paruulis.

**SOLVITIO.** Dicendum, quod æqualis est effectus baptismi in omnibus paruulis, vt probant primæ obiectiones: sed non sic se habet in adultis, vt infra probabitur.

**AD PRIMUM** autem quod contra obiicitur, dicendum quod non est simile de Angelis: quia illi multorum iudicio secundū differentiam ordinum differunt specie, sed paruuli sunt in specie vna: nec hominibus datur quantitas gratiæ, secundum proportionem naturalium, sed potius secundum modum præparationis, & hic æqualis est cum paruulis, quia non habent præparationem nisi ex merito Christi, & illa æqualiter exhibetur omnibus.

**AD ALIUD** dicendum, quod differens vsus est, non ex difformitate habitus, sed potius ex difformitate liberi arbitrij.

**AD ALIUD** dicendum, quod finalem habere gratiam, vel secundum præsentem iustitiam non dicunt gratiæ quantitatem, sed qualitatem: & ideo in illo argumento mutatur quid in quale.

## De fide accedentibus.

**Q**UI vero sine fide vel fide accedunt, sacramentum, non rem suscipiunt. Vnde Hieron. Sunt lauacra gentilium, hæreticorum: sed non lauant ad salutem. In Ecclesia etiam qui non plena fide accipiunt baptismum, non spiritum, sed aquam suscipiunt. August. etiam ait, Iudæis omnibus communia erant sacramenta, sed non communis omnibus erat gratia, quæ est virtus sacramentorum: ita & nunc communis est baptismus omnibus baptizatis, sed non virtus baptismi, id est, ipsa gratia: Item, Omnis qui iam suæ voluntatis arbiter constitutus est, cum accedit ad sacramentum fidelium, nisi pœniteat eum veteris vitæ, nouam non potest inchoare. Ab hac pœnitentia, cum baptizantur, soli paruuli immunes sunt. His aliisque testimoniis aperte ostenditur, adultis sine fide & pœnitentia vera in baptismo non conferri gratiam remissionis: quia nec paruulis sine fide aliena, qui propriam habere nequeunt, datur in baptismo remissio. Siquis ergo fide accedit non habens veram cordis contritionem, sacramentum sine re accipit. Videtur tamen August. dicere, quod etiam fide accedenti, qui etiam habet odium fraternum, in ipso momento quo baptizatur, omnia condonentur peccata, & post baptismum mox redeant. Sed non hoc asserendo dicit: imo hanc opinionem & præmissam sententiam conferendo: ait enim sic, His qui fide corde baptizantur, aut peccata nullatenus dimittuntur: quia Spiritus sanctus disciplinæ effugiet fictum: aut in ipso temporis puncto per vim sacramenti dimissa, iterum per fictionem replicantur: vt etiam illud verum sit,

Ad c. 16. Ezech.

Lib. de pœnit. medicinali, c. 2. & ponitur de conse. dist. 4. c. Omnis qui.

Lib. 1. de baptis. contra Donatistas, c. 12. De conse. dist. 4. c. Quo modo Deus.



Gal. 3.  
Sap. 1.Mar. 19.  
Luc. 18.In initio  
cap. 12.  
De cōse.  
dist. 4. c.  
Osten-  
ditur il-  
los.

fit, Quotquot in Christo baptizati estis, &c. & illud, Spiritus sanctus disciplinæ effugiet fictum: ut induat eum Christum sanctitas baptismi, & exuat eum Christum pernicies fictionis. Nam redire dimissa peccata ubi fraterna charitas non est, aperte Dominus docet etiam in illo seruo, à quo Dominus dimissum debitum petiit, quia ille conseruo dimittere noluit. Sic non impeditur baptismi gratia quo minus omnia peccata dimittantur, etiamsi fraternum odium in eius cui dimittuntur, animo perseverat. Soluitur enim hesternus dies, & quicquid superest: & soluitur etiam ipsa hora momentumque ante baptismum, & in baptismo. Deinceps autem continuo reus incipit esse non solum consequentium, sed etiam præteritorum dierum, horarum, momentorum, redeuntibus omnibus quæ dimissa sunt. Hoc autem ut prædiximus, non sub assertionem dixit: quod ostenditur ex eo quod ait in eodem libro sic, Si ad baptismum fictus accedit, dimissa sunt ei peccata, aut non sunt dimissa: eligant quod voluerint. Ecce aperte cernis, si tamen attendis, id dixisse Augustinum non asserendo, sed quærendo, & aliorum opinionem referendo. Idem enim ait, Tunc valere incipit ad salutem baptismus, cum illa fictio veraci confessione recesserit: quæ corde in malitia perseverante, peccatorum ablutionem non sinebat fieri. Non ergo fictæ accedenti peccata dimittuntur.

## ARTICVLVS II.

*Quid sit fictio?*

**D**Einde quæritur de secundo quod tangit *ibi* [Qui vero sine fide vel fictæ accedunt, &c.] Et hic quærentur tria, quorum primum est, Quid sit fictio? Secundo, Qualiter impedit baptismum? Tertio, Qualiter redit effectus baptismi cessante fictione?

**AD PRIMUM** proceditur sic: Fictus est (ut dicit Augustinus) qui non credit, vel indeuotus accedit, vel qui aliter celebrat sacramentum quam institutum est, vel qui contemnit suscipere: qui autem non credit, ille non se subiicit sacramento: ergo videtur, quod ille non suscipit.

**2** Item, Baptismus est sacramentum fidei: ergo videtur, quod contrarium fidei sit contrarium sacramento: sed discredentia est contraria fidei: ergo contrariatur sacramento: ergo nihil suscipit qui non credit.

**3** Item, Cum multi sint articuli fidei, potest aliquis non credere vnum, & credere alium: ut non credens resurrectionem, potest credere baptismum: & quæritur, Vtrum ille suscipiat baptismum? Et videtur, quod sic: quia iste intendit suscipere quod exhibet Ecclesia: ergo videtur, quod suscipiet illud.

Sed con-  
tra.

**SED CONTRA:** Sapient. 1. Spiritus sanctus disciplinæ effugiet fictum: ergo Spiritus sanctus nihil operatur in baptismo: ergo nihil suscipit.

Quæsti-  
cula 1.

**VLTERIVS** quæritur de secundo modo, qui dicitur indeuotio. Deuotio enim est quidam feruor animi in compunctione peccatorum, vel amore charitatis, ut dicit Ambro-

sus super epistolam ad Roman. sed multi sunt qui non ita accedunt ad baptismum: ergo videtur, quod multi sunt qui non habent affectum mortalis peccati, qui tamen ficti sunt: & hoc nullus dicit.

**VLTERIVS** quæritur de tertio modo ficto: qui enim aliter celebrat, non seruat formam sacramenti: ergo non recipit sacramentum: & in contrarium eius dicitur in litera.

**2** Item, Qui contemnit suscipere, non videtur proprie dici fictus, sed aperte malus: quia fictus simulat ad minus.

**VLTERIVS** quæritur de numero harum fictionum.

**SOLVITIO.** Ad hoc vltimum primum respon-  
deo, quod quadruplex fictio colligitur à dictis Augustin. tamen triplex fictio ponitur præcipue in suscipiente sacramentum Eucharistiæ, sed per simile etiam est in suscipiente baptismum: & illa est aut ex parte dantis sacramentum, aut ex parte suscipientis. Vel aliter & melius, aut ex parte ritus siue actus sacramenti, aut ex parte operis operati quod facit Ecclesia. Si primo modo, tunc est qui aliter suscipit quam Ecclesia exercet ritum, & hoc intelligo de eo qui deridet ritum Ecclesiæ, & tamen intendit accipere quod facit Ecclesia, licet derideat: ille enim percipit sacramentum. Si autem ex parte operis operati: tunc aut est secundum rationem, & tunc non est non credens: aut secundum concupiscibilem, & tunc est indeuotus: aut ex parte irascibilis, & tunc est contemnens.

**AD PRIMUM** ergo dicendum, quod est non credens, volens tamen suscipere id ipsum secundum quod videt facere Ecclesiam: & ille est de quo loquitur Magister in litera, quod suscipit sacramentum quoad characteris impressionem: si autem auerteret eum infidelitas ut noller suscipere



re nec susciperet, tunc non esset dubium, quod nihil susciperet.

AD ALIVD dicendum, quod baptismus est sacramentum fidei quoad hoc quod est fundamentum sacramentorum, sicut fides ædificij spiritualis in vita. Sed quod contrariatur fidei dum modo intendat suscipere quod facit Ecclesia, non contrariatur nisi gratiæ sacramentali, & non characteri: & ideo suscipitur character.

AD ALIVD dicendum, quod incredulitas omnium articulorum impedit rem sacramenti, & si omnes simul discredat, & tamen velit suscipere id secundum quod nihil credit facere Ecclesiam, ipse suscipit characterem.

AD ID quod quæritur de secunda fictione, dicendum quod indeuotus hic dicitur à priuatione habitus deuotionis, & hoc est quando est in statu & effectu mortalis peccati: quia talis non recipit nisi characterem.

AD ALIVD dicendum, quod qui aliter celebrat, si non seruat formam, nihil exhibet: sed hic principaliter accipitur ex parte susipientis, qui scilicet suscepit aliter quam Ecclesiæ ritus sit, suscipit enim pro quadam abusione, tamen hoc ipsum abusuum intendit suscipere, propter efficaciam sacramenti dicitur recipere characterem.

AD ALIVD dicendum, quod est contemptus abiiciens opus, & est contemptus vilipendens tanquam vile, quod tamen facere intendit. Et primus quidem nihil suscipit, quia sacramento se non subdit: secundus autem suscipit characterem.

### ARTICVLVS III.

*An fictio possit impedire baptismum?*

Secundo quæritur, Qualiter impedit baptismum? Videtur enim, quod non possit impedire: fortius enim non impeditur à minus forti: gratia autem sacramentalis fortior est fictione, & omni peccato: ergo videtur, quod impedire non debeat, nec possit.

2 Præterea, Si peccatum impedit: tunc etiam peccatum originale in paruulis videtur impedire posse: & hoc non est verum.

3 Item, Peccata quædam venialia sunt in adultis non baptizatis. Ponamus ergo, quod adultus aliquis nimis diligens uxorem, vel paruulos, & plus quam Deum, & tamen baptizetur: constat quod ille amorem illum in baptismo non amittat, nec deponat: ergo peccatum manet: ergo videtur esse fictus: quia Deus aut nihil, aut totum indulget.

Solutio. Dicendum, quod fictio impedit ex eo quod ponit obicem Spiritui sancto per dissensum actuale voluntatis ad effectum sacramenti: vult enim aliquid quod non potest stare cum gratia sacramentali.

AD PRIMUM ergo dicendum, quod peccatum de se est debile, sed cum voluntate retinente gratiæ efficitur forte ad impediendum gratiam: quia qui creauit te sine te, non iustificabit te sine te: non enim vult malitiam Deus, ut dicit Damasc. nec compellit virtutem, quia iam forderet laus boni, si etiam contra voluntatem daretur.

AD ALIVD dicendum, quod in paruulis

non est voluntas renitens, quin potius est ibi præparatio meriti Christi contra peccatum alienum, ut prius dictum est.

AD ALIVD dicendum, quod nihil prohibet propter adhaerentiam venialis veniale peccatum manere: quia hoc non facit fictionem: quia nec in eadem parte est cum gratia, nec etiam gratiæ contrariatur: & ideo tota venia habetur, & tota sanctitas etiam non habita remissione venialis.

### ARTICVLVS IV.

*Qualiter redeat effectus baptismi cessante fictione?*

Tertio quæritur, Qualiter redit effectus baptismi cessante fictione? Quia videtur, quod non redeat: opera enim mortua non viuificantur: opera autem in mortali peccato facta, sunt mortua: ergo non viuificantur: baptismus autem huiusmodi est in mortali peccato factus: ergo non redit baptismi effectus, sed iterum debet baptizari.

2 Si dicas, quod in ficto imprimitur character, & gratia illius non debet baptizari. Videtur, quod non imprimitur: quia Spiritus disciplinæ effugiet fictum: ergo non imprimit ei quicquam: ergo nec characterem.

3 Præterea, Character est lumen spirituale, ut infra habebitur, & lumen spirituale non potest stare cum spirituali tenebra: peccatum autem ut dicit Damasc. est tenebra spiritualis: ergo videtur, quod ficto character imprimi non possit.

4 Item, Gratia sacramentalis est effecta à sacramento baptismi: sed quando non est, non efficitur: ergo non efficitur quin iste fictus baptizatur. Similiter videtur, quod nec postea efficitur: quando enim non est causa, tunc nihil efficit causa: postea autem non est baptismus, quia iam transiit: ergo non efficit postea: ergo non efficitur vnquam à baptismo gratia illa: ergo non redit.

5 Item, Non redit quod nunquam affuit: sed isti ficti nunquam affuit gratia: ergo non redit ei postea cessante fictione.

6 Item, Ponamus, quod iste fictus inter baptismum suum, & ante penitentiam, multa committat peccata, & postea peniteat de fictione: aut illa peccata remittuntur sine gemitu exteriori & planctu, aut non? Si sic: ergo peccatum actuale commissum post baptismum remittitur sine exteriori satisfactione, quod non dicitur à Doctoribus. Si non remittitur: ergo gratia baptismi non delet quicquid inuenit.

7 Præterea, Causa debet esse coniuncta effectui: sed gratia delens peccatum est effectus baptismatis: ergo debet esse coniuncta cum ipso: & hoc non est in talibus: ergo videtur, quod necesse sit iterum baptizari. Si forte dicatur, quod manet character, & ille est causa gratiæ in talibus: istud non videtur esse verum, quia character æqualiter est in bonis & in malis: ergo non est magis causa boni quam mali: quia causa per se boni non potest esse cum malo, sicut nec bonum: & causa mali per se & formaliter, non potest esse cum bono, sicut nec malum.

Solutio. Dicendum ad primum, quod fictus recipit characterem: & aliter est de opere hominis, & aliter de opere Dei: opus enim hominis



nis potest per hominem esse mortuum & mortificatum. & hoc est quod procedit à libero arbitrio: opus autem Dei non potest esse mortuum, & hoc est sacramentum, in quo, sicut infra distin. 13. habebitur, diuina virtus sub tegumento visibilium specierum in baptismo salutem operatur: & ideo non tenet ista obiectio de sacramentis. Sed fides ponit obicem siue repagulum gratiæ ne in eo fiat.

AD ALIVD dicendum, quod Spiritus sanctus in quantum sanctus, effugiet fictum, quia non operatur in eo sanctitatem, sed non in quantum est spiritus operans in sacramentis.

AD ALIVD dicendum, quod character lumen est spirituale ex parte imaginis creatæ distinguens fidelem ab infideli secundum fidei statum, ut infra dicemus in quæstione de characterē, distin. 6. sed illud lumen non habet contrarietatem ad peccatum, sicut nec lumen fidei informis: nec hoc ideo dicitur, quod sit fides informis, sed est splendor quidam procedens à characterē increato in imaginem creatam, ad distinctionem baptizati à non baptizato: & ideo potest saluari cum peccato.

AD ALIVD dicendum, quod baptismus manet in ficto per mansionem characteris, qui vocatur proprie sacramentum: & ideo non habens obstaculum operatur gratiam, eo modo quo ipsum

est causa, scilicet disponens, & Deus tunc efficit gratiam in isto: unde hæc fuit falsa, quod baptismus transit, quia mansit ut est character.

AD ALIVD dicendum, quod effectus non dicitur redire: sed dicitur in litera. quod baptismus ex eo tempore incipit valere, quod recedit fictio. Si tamen redire dicatur, tunc dicendum est, quod prius affuit in causa disponente, licet non in se.

AD ALIVD dicendum, quod virtute baptismatis non delentur in isto nisi quæ usque ad horam baptismi commiserit: sed virtute penitentiae delentur sequentia: & ideo pro istis debet recipere penitentiam exteriorē. Et quod dicitur, quod baptismus delet quicquid inuenit, bene exponitur ab August. in litera: quia deletur ibi externus dies, & ipsa hora ante baptismum, sed non ea quæ sunt post, sed potius virtute contritionis & penitentiae: quia non potest dimidia venia à Deo accipi: ut homo habeat gratiam simul, & culpam: & simul habitet in eo Deus, & diabolus.

AD VLTIMUM dicendum, quod baptismus ut est causa gratiæ, manet in characterē. Et quod obiicitur de mansionē causæ, dicendum quod hoc est verum de causa formali: sed baptismus est causa disponens tantum, quæ tamen necessario inducit effectum, nisi à contraria voluntate impediatur.

*Quomodo intelligatur illud, Quotquot in Christo baptizati estis Christum induistis?*

Gal. 3.



Rom. 6. i.  
Ephes. 4.

Lib. 5.  
de bapt.  
contra  
Donatistas.  
c. 24.

VERITUR ergo quomodo illud accipiatur, Quotquot in Christo baptizati estis, Christum induistis? Potest dici, quod qui in Christo, id est, in Christi conformitate baptizantur, scilicet ut moriantur vetustati peccati, sicut Christus vetustati pænæ: induunt Christum, quem per gratiam in habitatem habent. Potest & aliter solui. Duobus enim modis Christum induere dicimur, vel assumptione sacramenti, vel rei perceptione. Unde Augustinus. Induunt homines Christum aliquando usque ad sacramenti perceptionem, aliquando usque ad vitæ sanctificationem: atque illud primum bonis & malis potest esse commune, hoc autem est proprium bonorum & piorum. Omnes ergo qui in Christi nomine baptizantur, Christum induunt, vel secundum sacramenti perceptionem, vel secundum vitæ sanctificationem.

ARTICVLVS V.

*An verum sit illud dictum Apostoli,  
Quotquot baptizati estis, Christum induistis?*

Ephes. 4.

DEinde quæritur de hoc quod dicit ibi [Quæritur ergo quomodo illud accipiatur, &c.] Christus enim non habetur ut indumentum nisi per habitum virtutis: ergo videtur, quod tales accipiunt habitum virtutis. Item non induitur Christus nisi per nouum hominem, sicut videtur dicere Apostolus dicens, Induite nouum hominem, qui secundum Deum creatus est in iustitia &

sanctitate veritatis. Fictus autem non innouatur. Ergo non induit Christum.

2 Item, Secundum ea quæ dicit in litera, tunc character est sacramentum: ergo est inuisibilis gratiæ visibilis forma: & hoc patet esse falsum, quia character non est sensibilis, neque visibilis. Si dicas, quod videtur à glorificatis & beatis: hoc nihil est: quia secundum hoc etiam gratia est visibilis, quia videtur ab eis.

3 Si dicas, quod in alio videtur, hoc est, in tinctione facta in aqua: hoc nihil videtur esse: si enim aliquid in alio videtur, illo non existente in quo videtur, id quod videbatur in ipso, non videbitur: sed character non nisi in tinctione videtur: ergo



ergo non existente tinctione, nullo modo videbitur: sed cessante tinctione non est tinctio: ergo tunc nulla est in isto visibilis forma: ergo nullum sacramentum.

*Solutio.*

**SOLVITIO.** Dicendum, quod licet character secundum nomen sit in prædicamento relationis, sicut signum distinguens: tamen secundum id quod est, est habitus cuiusdam luminis illustrantis imaginem per modum dispositionis non omnino sufficienter ad salutem: & ille dicitur hic habitus, quo habetur sacramentum, & in eo secundum quid induitur Christus, & non simpliciter: & ideo etiam litera non dicit, quod simpliciter induunt Christum, sed cum hac determinatione,

vsque ad sacramenti susceptionem. Per hoc patet solutio ad sequens: quia Apostolus loquitur de simpliciter induentibus Christum.

**AD ALIUD** dicendum, quod character est sacramentum, & est visibilis in tinctione.

**AD HOC** quod obiicitur contra, dicendum quod licet tinctionis actus exercitus transeat, tamen secundum suscepisse non transit, sicut quando de præterito ex præteritione sua non præterit: & ad illam tinctionem refertur visibilitas characteris: quia illa tinctio visibilis fuit in exercitio sui, & reliquit cognoscibilitatem characteris in ipsa sic peracta.

*De illis qui suscipiunt rem, & non sacramentum.*



**SUNT** & alij, supra posuimus, qui suscipiunt rem, & non sacramentum. Qui enim effundunt sanguinem pro nomine Iesu, etsi non sacramentum, rem tamen accipiunt.

Vnde Augustinus. Quicumque non percepto regenerationis lauacro pro confessione Christi moriuntur, tantum eis valet ad dimittenda peccata, quantum si abluerent sacro fonte baptismi. Audistis quod passio pro Christi nomine suscepta, supplet vicem baptismi. Nec tantum passio vicem baptismi implet, sed etiam fides & contritio, vbi necessitas excludit sacramentum: sicut aperte docet Augustinus dicens baptismi vicem aliquando implere passionem. De latrone illo cui non baptizato dictum est, Hodie mecum eris in paradiso, Beatus Cyprianus in libro 4. de baptismo non leue documentum assumit. Quod etiam atque etiam ego considerans, inuenio, non tantum passionem pro nomine Christi id quod baptismo deerat posse supplere, sed etiam fidem conuersionemque cordis, si forte ad celebrandum mysterium baptismi in angustiis temporum succurri non potest. Neque enim ille latro pro nomine Christi crucifixus, est, sed pro meritis facinorum suorum: nec quia credidit passus est, sed dum patitur credit. Quantum ergo fides valeat, sine visibilis baptismi sacramento, quod Apostolus ait, Corde creditur ad iustitiam, ore autem confessio fit ad salutem: in illo latrone declaratum est: sed tunc impletur inuisibiliter, cum mysterium baptismi, non contemptus religionis, sed articulus necessitatis excludit. Et baptismus quidem potest esse vbi conuersio cordis defuerit: conuersio autem cordis potest quidem inesse non percepto baptismo, sed contempto baptismo non potest: nec villo modo dicenda est conuersio cordis ad Deum, cum Dei sacramentum contemnitur. Ecce hic habes non solum passionem, sed etiam fidem & contritionem conferre remissionem, vbi non contemnitur sacramentum: vt in latrone illo ostenditur, qui non per passionem, sed per fidem saluatus est sine baptismo. Sed dicunt quidam hoc retractasse Augustinum. Retractauit quidem exemplum, sed non sententiam. Ait enim in 4. lib. Cum dicerem vicem baptismi posse habere passionem, non satis idoneum posui illius latronis exemplum: quia vtrum non fuerit baptizatus, incertum est. Constat ergo baptismo aliquos iustificari & saluari. Vnde de Valentinia-

Lib. 13.  
de Trin.  
cap. 7.

Lib. 4.  
de bapt.  
contra  
Donatistas  
c. 22.  
De conf.  
dist. 4. c.  
Baptismi  
vicem.  
Luc. 24.

Rom. 1.

Lib. ret.  
cap. 18.

Lib. de  
obitu  
Valentini-  
niani.

*D. Alb. Mag. in Lib. 4. Sentent.*

E

no.



no. Ventrem meum doleo, vt prophetico vtar eloquio: quia quem regeneraturus eram, amisi: veruntamen gratiam quam ille poposcit, non amisit.

## ARTICVLVS VI.

*An baptismus sanguinis & pœnitentia  
suppleat vicem baptismi qui fit  
in aqua?*

**D**Einde quæritur de tertia parte primæ quæstionis *ibi* [Sunt & alij vt supra posuimus, &c.] Et ibi quærentur distincti modi baptismatum, quos tangit Magister: quia si baptismus sanguinis supplet totum baptismum, tunc videtur, quod imprimat characterem. Et eadem obiectio est de baptismo pœnitentiæ: sed hoc non faciunt: ergo sunt imperfectioris effectus quam baptismus aquæ.

2 Sed contra hoc videtur esse quod dicit Damasc. quod baptismus sanguinis est valde bonus, eo quod secundis sordibus non coinquinatur.

3 Item, Pœnitentia in iam adulto exigitur ante baptismum aquæ, & tamen tenetur ad baptismum: ergo videtur, quod non potest supplere locum ipsius.

4 Præterea, Si supplerent ista locum baptismatis, oporteret quod aliquid haberent simile illi: & quid est illud? Si dicatur, quod gratia remittens peccatum: hoc nihil est: quia secundum hoc quælibet virtus suppleret locum baptismi: nihil autem aliud inuenitur in quo assimilentur, vt videtur: ergo non suppleant locum baptismi.

5 Item, Ioan. Damasc. non ponit tantum tria genera baptismatum, sed nouem, scilicet baptismum diluuij quo baptizatus est mundus, & baptismum maris rubri, de quo dicit Apostolus. Patres nostri omnes sub nube fuerunt, & omnes in mare rubrum transierunt, & omnes in Moyse baptizati sunt & in nube & in mari. Tertius est baptismus lustrationis in Veteri Testamento. Quartus, baptismus Ioannis. Quintus, baptismus quo Dominus baptizatus est. Sextus, baptismus Christi quo nos baptizamur. Septimus, baptismus in Spiritu sancto & igne, de quo dixit Dominus discipulis, Vos autem baptizabimini in Spiritu sancto & igne, non post multos hos dies. Octauus, baptismus pœnitentiæ. Nonus, baptismus sanguinis. Quare igitur Magister tangit hic tantum tria genera baptismatum?

**Solutio.** SOLVTIO. Dicendum, quod Magister non tangit hic baptismata nisi similia baptismi nostro in effectu principali, qui est remissio peccati: & illa non sunt nisi duo, scilicet pœnitentia, vbi articulus necessitatis, non contemptus religionis sacramentum excludit: & effusio sanguinis, vbi etiam aqua baptismi, impediens tyranno, haberi non potest.

AD ID ergo quod primo obiicitur, dicendum, quod non imprimunt characterem, quia character est pars sacramenti: sed effectum totum suppleant, sed ea quæ sunt de sacramento non exhibent: & ita intelliguntur auctoritates inductæ in litera.

AD ALIVD dicendum, quod baptismus sanguinis in hoc melior est, quod non inquinatur

secundis sordibus, & quia adducit meritum aureolæ, & quia radit falce acerbatis venialium adhærentiam: quorū nullum necessario facit baptismus aquæ: sed non in hoc quod imprimit characterem, quia ille deberet inuocationi trinæ benedictionis in elemento aquæ.

AD ALIVD dicendum, quod illa pœnitentia non exigitur propter baptismi imperfectionem, sed potius vt tollatur fictio ab eo qui vult baptizari ne ponat obicem Spiritui sancto.

AD ALIVD dicendum, quod resumenda est quædam auctoritas August. supra notata, per quam probat, quod quicquid ante & post baptismum culparum remittitur, totum fit virtute baptismi: & ideo pœnitentia non supplet vicem baptismi, nisi in quantum baptismus est in proposito: & similiter martyrium, & hoc est quod dicit in litera, vbi sacramentum articulus necessitatis, non contemptus religionis excludit. Et per illud propositum non tantum efficitur simile, sed idem operans differenter: quia in baptismo aquæ per se, in baptismo autem pœnitentiæ & sanguinis operatur in proposito, in quantum est in ipso qui moritur præuentus necessitate mortis naturalis vel martyrij.

AD DIVISIONEM Ioannis Damasc. dicendum quod Magister non ponit hic nisi illa quæ accedunt ad similitudinem baptismi ex parte causalitatis: & illa non sunt nisi duo directe, & vnum quod accedit ad ipsum, in quantum est diminutiuum pœnæ quæ est infirmitas & pronitas concupiscentiæ, quod est baptismus in igne & Spiritu sancto, quando sublata est ab Apostolis infirmitas & carnalitas: sed Magister non tangit hoc, quia hoc potius est confirmationis quam baptismus.

SI AVTEM quæritur de sufficientia diuisionis Damasc. dicendum quod octo genera baptismatum sumuntur secundum accessum propinquiorem vel remotiorem ad nouum, quod est baptisma verum. Possunt autem accedere aut à parte signi, aut à parte causæ: quia verum baptisma est signum & causa. Si est ex parte signi: aut illud signum est respectu aquæ tantum, & est baptismus diluuij: aut respectu aquæ & Spiritus & sic est baptismus maris rubri, propter columnam ignis & nubis quæ Spiritum significat: unde etiam dicit Apostolus, quod in nube & in mari baptizati sunt: aut ex parte aquæ & Spiritus & passionis operantis in sacramento baptismatis, & sic signum fuit baptisma lustrationis in veteri lege, in quo fuit aqua & cinis per ignem hostiæ quoad spiritum, & sanguis immixtus propter figuram passionis. Aut accedit ex parte aquæ, spiritus, passionis, & actus: & sic est baptismus Ioannis, in quo fuit forma in nomine venturi, præsignans Spiritum, & patientem, & aquam, & actum immersionis. Aut poterat ponere signum ad formam & virtutem regeneratiuam ex parte materiæ, & sic signum fuit baptisma quo baptizatus est Dominus, vbi Trinitas apparuit in figura formæ, & vis regeneratiua collata est aquis.

Nec

1. Cor.  
10.

Quæstio.  
culæ.  
Solutio.

1. Cor.  
10.



Nec plura sunt in vero baptismo ex parte signi nisi aqua, passio, Spiritus operans, & actus, & vis regenerans, & forma: & ideo non sunt plura genera accedentia ad ipsum in ratione significandi. In ratione autem cauſandi est accessus vel ex parte diminutionis pœnæ, & sic accedit baptismus in Spiritu sancto & igni, quo baptizati sunt Apostoli in die Pentecostes: aut ex parte remissionis culpæ, & sic accedit baptismus pœnitentiæ & sanguinis: & hæc omnia iterum colligit verum baptismus: quia remittit culpam totam, & partem pœnæ infirmitatis & pronitatis. Alibi autem de hoc plura quæſita inueniuntur, quæ hic ponere non oportuit.

ARTICVLVS VII.

*An latro in cruce fuit martyr, & baptizatus baptismo sanguinis?*

**D**Einde quæritur de hoc quod dicitur ibi [De latrone illo cui non baptizato dictum est, &c.] Videtur enim, quod iste latro fuit martyr, & sic baptizatus sit baptismo sanguinis, non contritionis & fidei in pœnitentia. Dicit enim sic Hier. Christus de cruce latronem in paradysum intulit: & ne quis aliquando seram putaret conuersionem, fecit homicidij pœnam martyrium.

2 Item, Actus martyrij est pœna mortis illata in charitate Christi: sic autem patiebatur latro: ergo fuit martyr.

3 Item, Innocentes reputantur martyres propter actum sine voluntate: ergo multo magis latro martyr reputabitur, qui & actum habuit & voluntatem.

**SED CONTRA** hoc est, quod communiter *Sed contra* dicitur, quod causa facit martyrem non pœna: *tra.* latro autem causam mortis martyris non habuit, sed latronis.

2 Item, Petrus, Si tanquam malefactores patimini, quam gloriam habebitis? Quasi diceret, Nullam. Ergo videtur, quod martyr non fuerit.

**SOLVTIO.** Dicendum, quod in rei veritate martyr non fuit: & quod dicit Hieron. primo est intelligendum quoad effectum quendam martyrij, scilicet quoad deleitionem reatus culpæ: quia pœna temporalis informata charitate & fidei confessione deleuit sibi pœnam illam, quam iam pati debuit pro culpis suis: non tamen conulit cumulum gloriæ in aureola quam habet martyr.

**AD ALIUD** dicendum, quod actus martyrij est vnus in latrone & martyre: sed ille non facit martyrem, vt patet in obiciendo.

**AD ALIUD** dicendum, quod ip infantibus cum actu fuit causa: quia in eis quærebatur Christus, & causa facit totam rationem martyrij, licet non facit totam gloriam martyris: quia charitas patientis & deuotio faciunt ad cumulum gloriæ patientis.

*Quæ videntur obuiare predictis.*

**I**S autem videtur obuiare quod Dominus dicit, Nisi quis **E**renatus fuerit ex aqua & Spiritu sancto, non potest intrare in <sup>Ioan. 3.</sup> regnum cælorum: quod si generaliter verum est, non videntur esse vera superius posita. Sed illud intelligendum est de illis qui possunt & contemnunt baptizari. Vel ita intelligendum est, Nisi quis renatus fuerit ex aqua & Spiritu sancto, id est, ex ea regeneratione quæ fit per aquam & Spiritum sanctum, non saluabitur. Illa autem regeneratio fit non tantum per baptismum, sed etiam per pœnitentiam & sanguinem. Vnde auctoritas dicit ideo Apostolum pluraliter dixisse <sup>Gloss. super epistolam ad Hebr. 6.</sup> fundamentum baptismatum, quia est baptismus in aqua, in sanguine, in pœnitentia. Hoc autem non ideo dicit, quod sacramentum baptismi fiat non nisi in aqua: sed quia ipsius virtus, id est, sanctificatio datur non modo per aquam, sed per sanguinem vel pœnitentiam interius. Ratio etiam id suadet. Si enim non valentibus credere paruulis sufficit baptismus, multo magis sufficit fides adultis volentibus, sed non valentibus baptizari. Vnde August. Quæris quid sit maius, fides <sup>De vni-co baptismo.</sup> an aqua? non dubito quin respondeas fides. Si ergo quod minus est sanctificare potest, nonne quod maius est, id est, fides? de qua Christus ait, Qui crediderit in me, etiamsi mortuus fuerit, viuet. Sed <sup>Ioan. 11.</sup> dicunt aliqui nullum adultum in Christum credere vel charitatem habere sine baptismo, nisi sanguinem fundat pro Domino, subdita introductes testimonia. Augustinus ait, Ex illo tempore quo saluator dixit, Nisi quis renatus fuerit, &c. absque sacramento baptismi, præter eos qui

*D. Alb. Mag. in Lib.4. Sentent.*

**E 2 in**



In Ec-  
clesiasti-  
cis dog-  
matibus  
cap. 44.

Super  
Leuit.  
q. 88.

Act. 10.

Act. 8.

Lib. de  
fide ad  
Petrum,  
& habe-  
tur de  
confe.  
dist. 4.  
cap. Fir-  
missime.

Epist. 23.  
ad Boni-  
facium.

in Ecclesia sanguinem fundunt aliquis vitam æternam accipere non po-  
test. Item, Nullum cathecumenum quamuis in bonis operibus defun-  
ctum, vitam æternam habere credimus, excepto martyrio, vbi tota  
sacramenta baptismi complentur. Item, Baptizatis iter tantum salutis  
esse credimus. Sed quod in his minus dixit, in aliis capitulis supra po-  
sitis suppleuit. Et ideo hæc sic intelligenda sunt, vt illi soli habentes  
tempus baptizandi excipiantur. Si enim aliquis habens fidem & chari-  
tatem voluerit baptizari, & non valet necessitate præuentus, supplet  
omnipotentis benignitas quod sacramento defuerat. Dum enim sol-  
uere potest, nisi soluat, tenetur: sed cum iam non potest & tamen  
vult, non imputat ei Deus qui suam potentiam sacramentis non alli-  
gavit. Quod vero inuisibilis sanctificatio sine visibili sacramento qui-  
busdam insit, aperte August. tradit super Leuitic. dicens inuisibilem  
sanctificationem quibusdam affuisse & profuisse sine visibilibus sacra-  
mentis. Visibilem vero sanctificationem quæ fit sacramento visibili  
sine inuisibili, posse adesse, non posse prodesse: nec tamen visibile  
sacramentum ideo contemnendum est, quia contemptor eius inuisi-  
biliter sanctificari non potest. Hinc Cornelius & qui cum eo erant,  
iam Spiritu sanctificati baptizati sunt. Nec superflua iudicanda est san-  
ctificatio visibilis, quia inuisibilis præcessit. Sine visibili ergo inuisibi-  
lis sanctificatio esse potest & prodesse: visibilis autem quæ fit sacra-  
mento tenus, sine inuisibili prodesse non potest, cum illa sit omnis  
illius utilitas. Simoni mago visibilis baptismus non profuit, quia in-  
uisibilis non affuit: sed quibus inuisibilis affuit, profuit: nec tantum  
valet fides aliena paruulo, quantum propria adulto. Paruulis enim  
non sufficit fides Ecclesiæ sine sacramento: quia si absque baptismo  
fuerint defuncti, etiam cum deferuntur ad baptismum, damnabuntur,  
sicut multis sanctorum auctoritatibus comprobatur. Ad quod hoc  
vnum sufficiat. Augustinus, Firmissime tene paruulos qui vel in vte-  
ris matrum viuere incipiunt & ibi moriuntur, vel de matribus nati  
sine sacramento baptismi de hoc seculo transeunt, æterno supplicio  
puniendo: quia etsi propriæ actionis peccata non habuerunt, ori-  
ginale tamen peccatum traxerunt carnali concupiscentiæ conceptione.  
Et sicut paruuli qui sine baptismo moriuntur, infidelium ascribuntur  
numero: ita qui baptizantur, fideles dicuntur: qui à fidelium consortio  
non separantur, cum orat Ecclesia pro fidelibus defunctis. Fideles ergo  
sunt non propter virtutem, sed fidei sacramentum. Vnde August. Paruu-  
lum etsi nondum fides illa quæ etiam in credentium voluntate con-  
sistit, iam tamen fidei ipsius sacramentum, id est, baptismus, fidelem  
facit: sicut credere respondetur, ita etiam fidelis vocatur, non rem ipsam  
mente annuendo, sed ipsius rei percipiendo sacramentum.

## ARTICVLVS VIII.

*Virum paruuli in qui in utero matris mo-  
riuntur, vel nati sine baptismo disce-  
dunt, æterno supplicio, vel sensibili  
puniantur, aut pœna damni tantum?*

**D**Einde quæritur de hoc quod dicitur ibi  
[ Firmissime tene paruulos, &c. ] Ex his

verbis videtur innui, quod paruuli sensibilibus  
pœnis patiuntur: quia non vocatur supplicium  
nisi pœna sensibilis. Hoc etiam alia ratione vi-  
detur: omnis enim peccati deformitas corrigi-  
tur per pœnam à iustitia iudicis: quia aliter pec-  
catum remaneret inordinatum in natura: sed fœ-  
ditas peccati sentitur in corpore paruulorum, &  
in anima, quia caro resperfa est concupiscentia  
quæ paruulum facit concupiscibilem, & adultum  
concu



concupiscentem, ut dicit August. ergo videtur, quod sensibili poena debeat puniri.

3 Item, Ignis purgabit mundum propter infectionem peccati: & si mundus in elementis haberet sensum, sensibiliter puniretur: ergo videtur, quod multo magis corpora infantum infecta peccato, igne debent puniri, & etiam animæ.

Sed contra.

SED CONTRA: Peccatum quod omnino præter voluntatem propriam contractum est, & quod necesse fuit incidere, nec evitari poterat, maximam meretur innocentiam: tale autem est peccatum paruulorum: ergo maximam meretur innocentiam: ergo non debet sensibili poena puniri.

2 Item, Inuoluntarium per ignorantiam facti & per violentiam inuincibilem, meretur innocentiam, cum tamen in illo aliquo modo non volens sit faciens: sed in originali est inuoluntarium & impotentia, & nulla concomitantia cum actu: ergo debet multo plus excusari: ergo non debet aliqua poena sensibili puniri.

3 Item, Augustinus dicit, quod magis volunt sic esse quam non esse: constat autem quod illi qui sensibilibus poenis æternaliter damnati sunt, optant mortem, & mors fugit ab eis: ergo videtur, quod sensibiles poenas non patiuntur.

Solutio.

QVOD CONCEDIMVS dicentes, quod non patiuntur nisi poenam damni. Distinxerunt enim antiqui & bene inter poenam damni, & poenam sensus, dicentes quod poena damni est in ablatione alicuius, quod debetur nobis per ordinem naturæ, sicut est carentia visionis Dei, & carentia felicitatis æternæ: poena autem sensus est, qua sentitur dolor contrarius ex aliquo afflictivo, ut visio ignis, vel constructio frigoris, vel huiusmodi, quales poenæ erunt in inferno.

AD PRIMUM ergo dicendum, quod Augustinus improprie loquitur, vocans supplicium poenam damni.

AD ALIUD dicendum, quod malum illud in corpore punitur per necessitatem & amaritu-

dinem mortis & incinerationem, & non per poenam sequentem, nisi adsit reatus poenalis, non naturalis tantum.

AD ALIUD dicendum, quod ignis ille cremabit rubiginem actualis peccati inficientis elementa: quia paradysus in quo factum est originale, mundatus fuit per eiectionem peccatorum.

SED ADHVC obiicitur. Constat enim, quod sciunt sibi ablatum esse regnum æternum propter peccatum originale: aut ergo dolent de amissione, aut non dolent. Si non dolent, ergo videtur, quod stulti sunt & in malitia obstinati. Si dolent: ergo actualem habent poenam.

2 Item, Aut vermis remordet eos, aut non. Si non: ergo non remurmurant contra omne peccatum. Si sic: cum ergo corrosio vermis sit quædam actualis poena, videntur puniri sensibiliter & actualiter.

Et ad hoc dicendum, quod sciunt se priuatos esse regno, sed sine culpa propria & ideo excusant se intrinsecus, & vellent habere regnum: sed illa voluntas non inducit angorem propter causam amissionis: eo quod non est propria, sed aliena cum excusatione sufficienti.

AD ALIUD dicendum, quod vermis nunquam remordet de hoc quod non est ex propria culpa factum, sed potius ex culpa aliena cum seueritate decreti Dei: & ideo illa obiectio fundatur super falsum.

## ARTICVLVS IX.

*An orandum sit pro paruulis?*

DEINDE quæritur de hoc quod dicit ibi [A fidelium consortio non separantur, cum orat Ecclesia pro fidelibus, &c.] Talibus enim videtur fieri iniuria, quando oratur pro eis: quia tenetur, quod illi immediate euolant. Et ad hoc dicendum, quod orationes sunt laudes pro securis, & suffragia pro his quos remanserunt in via.

### *Quid profit baptismus his qui cum fide accedunt?*

**S**OLET etiam quæri de illis qui iam sanctificati spiritu cum fide & charitate ad baptismum accedunt: quid eis conferat baptismus? Nihil enim eis videtur præstare, cum per fidem & contritionem iam remissis peccatis iustificati sunt. Ad quod sane dici potest, eos quidem per fidem & contritionem iustificatos, id est, à macula peccati purgatos, & à debito æternæ poenæ absolutos: tamen adhuc teneri satisfactione temporali, qua poenitentes ligantur in Ecclesia. Cum autem baptismum percipiunt, & à peccatis si quæ interim post conuersionem contraxerunt, mundantur, & ab exteriori satisfactione absoluuntur: & adiutrix gratia omnisque virtus in eo augetur, ut vere nouus homo tunc dici possit. Fomes quoque peccati in eo amplius debilitatur. Ideo Hieron. dicit, quod fides quæ fideles facit, in aquis baptismi datur vel nutritur: quia non habenti aliquando ibi datur, & iam habenti ut plenius habeat datur: sic & de aliis intelligendum est. Qui ergo mundus accedit, ibi fit mundior, & omni habenti ibi amplius datur. Quia

Mat. 23.



vero omnis exterior satisfactio ibi relaxetur, Ambros. ostendit super illum locum, Sine pœnitentia sunt dona Dei & vocatio, dicens: Rom. II. Gratia Dei in baptismo non requirit gemitum vel planctum, vel ali- quod opus: sed & omnia gratis condonat. Quod quidem de exteriori gemitu vel planctu accipiendum est. Nam sine interiori ne- mo adultus renouatur: sed exteriores satisfactiones & afflictiones, sci- licher sordes pœnitentium ibi dimittuntur. Multum ergo confert ba- ptismus etiam iam per fidem iustificato: quia accedens ad baptismum, Gen. 8. quasi ramus à columba portatur in arcam: qui ante intus erat iudicio Dei, sed tunc etiam iudicio Ecclesiæ intus est. Cum vero in ba- ptismo peccatum deleatur, & satisfactio exterior non imputetur: quæritur cur pœnalitas cui pro peccato addicti sumus, non tollatur? Hoc ideo tradunt fieri Sancti: quia si à pœna homines per baptismum liberarentur, ipsam putarent baptismi pretium, non æternum regnum. Ideo soluto reatu peccati temporalis pœna tamen manet: vt illa vita studiosius quærat, quæ erit à pœnis omnibus aliena. Ideo etiam manet, vt sit fideli & certandi materia, & vincendi occasio: qui non vinceret si non pugnaret, nec pugnaret si in baptismo fieret im- mortalis.

## ARTICVLVS X.

*An vnus & æqualis sit effectus baptismi in omnibus baptizatis?*

**D**Einde quæritur de hoc quod dicit ibi [Solet de illis quæri qui iam sanctificati, &c.] Et de sanctificatione quidem in vniuerso posset hic quæri, sed disputatum est in 2. dist. 3. & late per- secutum. Videtur autem hic vnus esse effectus in omnibus accedentibus ad baptismum: vnus enim causæ vno modo causantis actus est vnus: ba- ptismus autem est vna causa vno modo cau- sans in omnibus baptizatis: ergo effectus est vnus.

2. Item, Omnes in merito passionis Christi iustificantur: sed hoc vno modo se habet ad omnes: ergo æqualē omnes in baptismo gratiā recipiunt.

3. Item, Si dicas, quod in baptismo exigitur præparatio: sed præparatio non est nisi vt non inueniat obstaculum: quia aliter paruuli non recipe- rent gratiam in baptismo: ergo videtur, quod par- uulus & adultus in baptismo æqualem gratiam recipiunt, & quilibet adultus non fictus cum quo- libet non ficto.

AD HOC dicunt quidam, quod triplex est actus gratiæ baptismalis, scilicet deletio vniuer- salis culpæ, & diminutio pœnæ, & ordo virtutum in meritis. Et quoad primos actus datur gratia æqualiter in omnibus, sed non quoad tertium.

*Sed con- tra.* SED CONTRA hoc videtur esse, quia vni remittuntur centum & alij decem peccata: quia inæqualiter peccauerunt: ergo videtur, quod actus remissionis culpæ non sit æqualis in baptismo.

*Solutio.* SOLUTIO. Dicendum, quod solutio ista bo- na est: & ad primum dicendum, quod licet baptis- mus sit causa vna, tamen non eodem modo se ha- bent accedentes ad baptismum tanquam ad cau- sam illam: & ideo fit differens effectus quoad me-

ritum: sicut etiam ignis causa vna est incendij, ta- men inæqualiter incendit ligna viridia & arida.

AD ALIUD eodem modo est respondendum: quia passio Christi non causat gratiam in nobis nisi continuata nobis: continuatur autem per fidem & deuotionem, & hæc differentiam magnam ha- bent ex parte nostra.

AD ALIUD dicendum, quod non tantum est præparatio in vitatione obstaculi: licet enim illa sufficiat quoad operationem baptismi, tamen mul- tum operatur ad cumulum meriti quantitas con- tritionis & deuotionis, vt dictum est.

AD ID quod obiicitur contra solutionē, dicen- dum, Quod in vno delet plura & in alio paucio- ra, hoc est per accidens, quia in subiecto inuenit plura vel pauciora: sed est idem quoad efficaciam suam de vno & de mille.

## ARTICVLVS XI.

*An pœnalitas cui per peccatum addicti sumus, per baptismum non tollatur?*

**D**Einde quæritur de hoc quod dicit ibi [Quæ- ritur cur pœnalitas cui pro peccato addicti sumus, &c.] Videtur enim, quod causa illa nulla est quam tangit Magister: quia sicut exercitium pugnæ valet ad diminutionem peccati, ita iucun- ditas iustitiæ valet ad augmentum meriti, & hoc est melius bonum quam diminutio debiti pro peccato.

2. Item, Alia causa nulla videtur esse, ne ho- mines spem beatitudinis ponerent in baptismo: quia si omnis pœnalitas tolleretur, tunc etiam tol- leretur ignominia, & sic scirent bene quod in alio esset beatitudinis spes ponenda.

3. Item, Videtur quod deleatur pœna con- cupiscentiæ, vel quod redeat originale: posita enim causa



causa sufficienti & efficienti ponitur effectus : sed infectio carnis per pœnalitatem, & non culpam (pœnalitatem dico concupiscentiam) tota causa est quod anima fœdatur originali culpa, quando infunditur: ergo si eadem causa manet in corpore post baptismum, redibit idem effectus : ergo inficietur originali culpa, sicut prius. Si dicas, quod tunc habet gratiam repugnantem formæ: & ideo inficere non potest. Contra : Tollatur gratia sicut tollitur per sequens actualem: ergo tunc cum peccato actuali redibit originale. Ne ergo hoc fiat videtur, quod debuit tolli ad minus tota pœna concupiscentiæ. Si forte hoc concedatur. Contra: Habens originale debet baptizari, vel non deletur in ipso originale : sed nullus iterato baptizandus est: ergo nullus recipit originale postquam semel eo caruit.

*Solutio.*

**S O L V T I O.** Præter causas hic assignatas consueverunt Doctores ponere 7. alias, quarum prima est ut homo humilietur. Vnde Iob 6. Sagittæ Domini in me sunt, quarum indignatio ebibit spiritum meum, id est, superbiam. Secunda, ut huiusmodi timor incutiatur. Iob 6. Timores Domini militant contra me. Tertia est, ut detur exemplum non peccandi ex vestigio plagarum antiquarum. Zach. 13. Adam exemplum meum ab adolescentia mea. Quarta est, ut homo seipsum recognoscat. Isa. 28. Tantummodo sola vexatio dabit intellectum auditui. Quinta stimulatio eunti ad Dominum. Michæ 2. Surgite, & ite, quia non habebitis hic requiem. Sexta, amicitiae ostensio. Hebr. 12. Flagellat autem omnem filium quem recipit. Osæ 11. In funiculis Adam traham eos in vinculis charitatis. Septima, virtutum exercitatio. Iudicum 3. Hæ sunt gentes quas dereliquit Dominus: ut erudiret in eis filios Israël. Alias causas causat Magister in litera, ut patet.

**A D P R I M U M** ergo dicendum, quod homini punito & facto superbo per dispositionem ad peccatum: nihil est melius & cautius quam causa humiliationis: quia si non haberet unde humiliaretur, tunc esset dispositus ad malum: sic ut oportet post lapsum primum nunquam crederet, quod caderet per appetitum sublimium, sicut primo cecidit. Vnde aliud potest esse melius in se, & tamen non esse melius homini sic disposito.

**A D A L I U D** dicendum, quod non potest tolli tota pœnalitas in hac vita, nec iste potest esse effectus sacramenti, sed potius est effectus gloriæ: sed Magister assignat quandam causam quare noluit Deus ut esset effectus gratiæ sacramentalis.

**A D A L I U D** dicendum, quod fomes manens in carne, non manet in eadem vi in qua erat prius: quia non manet in vi infectionis animæ cuius ipse est subiectum. Sed verum est quod ab ipso descindi potest semen quod inficiet animam quæ sibi vnienda creabitur. Et hoc ideo: quia debilitatus est fomes quoad hanc animam, & non quoad aliâ, per passionem Domini & sacramentum: & hoc bene contingit: quia cum granum excutitur à palea ad idem granum non producit paleam, sed ad aliud. Similiter cum præputiatus est circuncisus, non potest amplius esse præputiatus, sed bene generat præputiatum. Et si quæritur causa huius, dico quod hoc est, quia fomes virtutem inficiendi animam trahit à sententia Domini, & à culpa: & ideo non potest inficere nisi ubi est in ratione originis primæ: in isto autem qui purgatus est, non est in ratione originis primæ: quia non est in ratione seminali Adæ infecta: & ideo illum amplius non inficit, sed alium in quo est in ratione originis primæ, scilicet in omni patre qui ut generat, est Adam respectu sui geniti.

*Cuius rei baptismus qui datur iam iusto, sit sacramentum?*



**S**I quæritur, Cuius rei baptismus ille sit sacramentum, qui datur iam iusto. Dicimus sacramentum esse & rei quæ præcessit, id est, remissionis ante per fidem datæ, & remissionis temporalis pœnæ siue peccati si habetur quod interim committitur, & novitatis ac omnis gratiæ ibi præstitæ. Omnis etenim rei signum est, cuius causa est. Nec mireris rem aliquando præcedere sacramentum, cum aliquando etiam longe post sequatur: ut in illis qui fide accedunt: quibus, cum postea pœnituerint, incipiet baptismus prodesse: in quibus fuit baptismus sacramentum huius sanctificationis, quam pœnitendo habent. Sed si nunquam pœniterent, nec à figmento recederent: cuius rei sacramentum esset baptismus ab illis susceptus? Potest dici, rei quæ ibi fieret (alias foret) si non eorum enormitas impediret.

## ARTICVLVS XII.

*An in fide baptizato res præcedat sacramentum, & utrum non recedente fide sit vere signum?*

**D**Einde quæritur de hoc quod dicit ibi [Nec mireris rem aliquando præcedere, &c.] Vi-

detur enim, quod solutio Magistri hic non sufficiat: quia ponamus, quod fideio nunquam recedat, tunc non videtur esse signum, nec causa: ergo non est sacramentum.

2. Item, Omne signum est alicuius signum: ergo oportet illud ponere vel in futuro, vel in præsentem, vel in præterito: ergo si nullo horum modorum ponitur, videtur, quod non sit signum.

**S O L V T I O.** Dicendum, quod est signum gratiæ *Solutio.*



tiæ quæ causat quantum est de se: sicut sol sēper causat splendorem quantum est de se, licet oppositione nubis impediatur: & per hoc patet solutio ad primum.

AD ALIVD dicendum, quod ponitur effe-

ctus quoad ordinem causæ ad causatum: & hic nihil est inconueniens: quia multa futura sunt in ordine causarum, quæ nunquam euenient: & ideo etiam signum rei quæ futura est secundum quid, id est, in ordine causæ.

*Si paruulis datur in baptismo gratia qua possunt in maiori etate proficere.*

**S**OLET etiam quæri, Si paruulis in baptismo datur gratia, qua cum tempus habuerint vtendi libero arbitrio, possint bene velle & currere. De adultis enim qui digne recipiunt sacramentum, non ambigitur quin gratiam operantem & cooperantem perceperint: quæ in vacuum eis cecidit, si per liberum arbitrium post mortaliter deliquerint: qui merito peccati gratiam appositam perdunt. Vnde dicuntur contumeliam Spiritui sancto facere, & ipsum à se fugare. De paruulis vero qui nondum ratione vtuntur, quæstio est, An in baptismo receperint gratiam, qua ad maiorem venientes ætatem possint velle & operari bonum? Videtur, quod non receperint: quia gratia illa charitas est, & fides quæ voluntatem præparat & adiuuat. Sed quis dixerit eos accepisse fidem & charitatem? Si vero gratiam non receperint, qua bene operari possunt cum fuerint adulti, non ergo sufficit eis in hoc statu gratia in baptismo data, nec per illam possunt modo boni esse, nisi alia addatur: quæ si non additur, non est ex eorum culpa, quia iustificati sunt à peccato. Quidam putant gratiam operantem & cooperantem cunctis paruulis in baptismo dari in munere, non in vsu: vt cum ad maiorem venerint ætatem, ex munere fortiantur vsum, nisi per liberum arbitrium vsum muneris extinguant peccando: & ita ex culpa eorum est, non ex defectu gratiæ quod mali fiunt: qui ex Dei munere valentes habere vsum bonum, per liberum arbitrium renuerunt, & vsum prauum elegerunt.

### ARTICVLVS XIII.

*An paruulis in baptismo datur gratia, & utrum habeant virtutes.*

**D**Einde quæritur de vltimo capitulo huius distinctionis ibi [Solet etiam quæri, &c.] Videtur enim, quod habeant virtutes: quia virtus est bona qualitas mentis qua recte viuitur, qua nemo male vtitur, quam Deus operatur in nobis sine nobis: ergo habent virtutes.

2 Item, Constat, quod innascitur in eis habitus malus peccati: ergo minus posset iam sacramentum Redemptoris quam peccatum Adæ, si non causaretur in eis habitus generaliter iustificans: ergo habitus virtutum.

3 Item, Potentia animæ semper respicit determinatum obiectum, siue procedat in illud, siue non: ergo perficitur habitu determinato: hoc autem est virtus: ergo paruuli habent virtutes, & recipiunt eas in baptismo.

*Sed contra.*

SED CONTRA hoc est, quod dicit Glossa

Ioannis super id, Nam pro bono quis audet mori, &c. Ibi enim distinguit Glossa inter bonum & iustum: quia bonus est innocentia vitæ, vt paruuli: iusti autem exercitio virtutum: ergo paruuli non habent virtutes.

2 Item, Si paruuli habent virtutes, & qui habet vnā, habet omnes: tunc habent fidem & spem, quod Aug. notat, quia dicit, Non habent fidem nisi secundum quod baptismus est fidei sacramentum.

**SOLVTIO.** Dicendum, quod leue est hic *Solutio.* determinare prolixitatem, quam quidam ponunt hic magnam. Et Magister optime soluit in litera, scilicet quod habent virtutes in munere, & non habent eas in vsu: & hoc non contingit propter imperfectionem virtutum, sed potius propter imperfectionem liberi arbitrij quod est subiectum virtutum: vnde in primo argumento vis est in eo quod dicitur, qua recte viuitur: si enim intelligatur qua recte viuitur in habitu, verum est: quia vt dicit Aug. in lib. de bono coniugali, habitus est quo quis aliquid agit, cum tempus sit: & ita paruulus habet apud se vnde potest bene viuere: vt dist.



dicit Dion. In sensu veniens, id est, in usu lib. arbitr.

AD ALIUD dicendum, quod habent virtutes in munere habitus, ut dicit Magister. Et per hoc etiam patet solutio ad sequens.

AD ID quod contra obiicitur, dicendum quod nihil videretur: quia dicit Gloss. iustum in exercitio

virtutum, & exercitium dicit actum: sed paruuli dicuntur iusti ab habitu.

AD ALIUD dicendum, quod fidem habent in habitu: & sacramentum baptismi pro tanto dicitur esse sacramentum fidei, quia dat fidem in habitu, licet non in actu.



## DISTINCTIO V.

*Quod baptismus aque sanctus est à bono & à malo datus bono vel malo.*



OST hęc sciendum est sacramentum baptismi à bonis & à malis ministris dari, sicut à bonis & à malis sumitur. Nec melior est baptismus qui per meliorem datur, nec minus bonus qui per minus bonum datur, nec malus qui per malum datur, nec maius munus datur in baptismo dato à bono, nec minus in baptismo dato à malo, sed æquale: quia non est munus hominis, sed Dei: quod totum subditis declaratur testimoniis. August. ait, Baptismus talis est qualis ille in cuius potestate datur, non qualis est ille per cuius ministerium datur. Item, Prius fieri potest ut aliqui verum habeant baptismum, & non habeant veram fidem. Item, Si inter bonos ministros cum sit alius alio melior, non est melior baptismus qui per meliorem datur: nullo modo malus est qui etiam per malum datur, quia idem baptismus datur: & ideo per ministros dispares Dei munus est æquale, quia non illorum, sed eius est. Idem, Cum baptizat malus, illud quod datum est, vnum est, non impar propter impares ministros, sed par & æquale propter hoc, Hic est qui baptizat. Item, Ego dico & nos dicimus omnes, quia iustos oportet esse per quos baptizatur: iustos oportet esse tanti iudicis ministros. Sint ministri iusti si volunt: si autem noluerint esse iusti qui sedent in cathedra Moyse, securum me facit Magister meus, scilicet Christus, de quo Spiritus sanctus dicit, Hic est qui baptizat. Item, Quos baptizauit Iudas, Christus baptizauit. Siquos ergo baptizauit ebriosus, homicida, adulter: si Christi erat baptismus, Christus baptizauit. Non timeo adulterum, nec ebriosum, nec homicidam: quia columbam attendo per quam mihi dicitur, Hic est qui baptizat. Item, Homicida dedit baptismum Christi: quod sacramentum tam sanctum est, ut nec homicida ministrante polluat. Item, Si in hæresi quacunque vel schismate quisquam in nomine Patris & Filij & Spiritus sancti baptismi sacramentum acceperit, integrum sacramentum accepit: sed salutem quæ virtus est sacramenti, non habebit si extra Ecclesiam catholicam ipsum sacramentum habuerit. Debet ergo ad Ecclesiam redire: non ut sacramentum baptismi iterum accipiat, quod nemo debet in aliquo repetere: sed ut in societate Catholica vitam accipiat. Baptismus enim extra Ecclesiam nequit

Super  
Ioan.  
tract. 5.  
& ha-  
betur de  
confe.  
dist. 4.


Ioan. 1.

Mar. 23.


Ioan. 1.



nequit prodesse. Ibi enim cuique prodesse potest baptismus, ubi potest prodesse eleemosyna, scilicet in Ecclesia. Item, Isidorus, Romanus Pontifex non hominem iudicat qui baptizat: sed spiritum Dei ministrare gratiam baptismi, licet paganus sit qui baptizat. In his perspicue cernis baptismum verum bonis & malis dari, & à bonis & à malis: & ipsum tamen æque sanctum esse, & munus eius æquale in bonis siue à bonis, siue à malis baptizentur.



## DIVISIO TEXTVS.

 Ost hæc sciendum est sacramentum baptismi in hac distinctione tertia quærit Magister, si quis possit baptizare: quia bonus & malus æqualiter: secundo quod potestas auctoritatis manet apud Deum: potestas autem ministerij apud homines est *ibi* [Quia ministerium tantum habent, &c.] Tertio determinat quæ sit potestas quam potuit dare & non dedit *ibi* [Hic quæritur quæ sit illa potestas, &c.]

## ARTICVLVS I.

*An ille qui debet baptizare, debet habere ordinem & iurisdictionem & esse iustus?*

**I**ncidit autem hic quæstio circa principium, quis debeat baptizare: & quærentur tria, scilicet utrum oportet habere ordinem & iurisdictionem ad hoc quod baptizet? Secundo, Vtrum oportet habere vitam bonam? Tertio de quibusdam casibus qui eueniunt quandoque circa baptizatos.

**A**D PRIMVM obicitur sic: Baptismus Ecclesiæ sacramentum est: ergo consistit in dispensatione ministrorum: ministri autem sunt habentes ordinem & iurisdictionem: ergo videtur, quod non debet nec potest baptizare, nisi habens utrumque.

2 Item, Isidorus, Constat baptismum solis sacerdotibus esse traditum eiusque ministerium: nec ipsis diaconibus esse permissum: ergo videtur, quod non debet nec potest baptizare, nisi sacerdos habens iurisdictionem.

3 Item, Inter sacramenta vnum est quod est sacramentum sacramentorum, & hoc est ordo: ergo qui hunc non habet, non habet potestatem baptizandi: cum baptizare sit dispensare maximum sacramentum.

4 Item, Ordo Ecclesiæ est sicut ordo corporis: sed in corpore non descendit nutrimentum ab ore ad quodlibet membrum, sed ad stomachum, & ab illo per venas ordinate ad epar, & cor, & alia membra per consequens: ergo similiter debet esse in corpore mystico: ergo si non seruetur ordo ille, non consequitur baptizatus gratiam: ergo videtur, quod non debet baptizare, nisi qui in gradu ab Ecclesia constitutus est.

*Sed contra.*

**S**ED CONTRA: Vetula baptizat & baptizatum est: ergo non exigitur quod dictum est.

**S**ED VLTERRIVS quæritur de secundo: *Quæstio 1.* dicit enim August. & habetur in litera, quod iustos oportet esse baptizantes: iustos oportet esse tanti iudicis ministros: ergo videtur vnum duorum sequi: aut quod iniusti non baptizant, aut si baptizant, quod peccant mortaliter baptizando.

2 Item, In baptismo est actus hominis & actus Dei: actus autem hominis nunquam est gratus nisi ille sit in gratia qui facit eum: ergo cum iste peccator intingit, ingratum est Deo opus suum: quia intinctio est opus hominis: ergo aut nihil confertur puero vel baptizato, aut baptizans peccat mortaliter: quia super alterum aut super utrumque necesse est cadere offensam ingratitudinis diuinæ.

3 Item, Nos videmus in corpore nostro, quod membrum aridum quamuis officiale ex forma & figura, tantum propter defectum spiritus in eo non deriuatur ab eo vita & sensus ad alia: sed potius si est de principalibus, omnia alia membra moriuntur: sed dispensantes sacramenta sunt Ecclesiæ membra, per quæ transfunditur vita gratiæ & sensus intelligentiæ Dei in totam Ecclesiam: ergo ipsis arefcentibus in vita, omnia alia membra corrumpuntur: ergo necesse est quod ministri sint boni.

4 Item, Quando Christus determinauit ministros, ipse determinauit eos per signa sanctitatis, sicut habetur Marc. ultimo, & Hebr. 2. Contestante Deo signis, & portentis, & variis virtutibus, & Spiritus sancti distributionibus secundum suam voluntatem. Sed non licet transgredi determinationem Christi. Ergo necesse est adhuc esse tales ut non possint dispensare sacramenta.

5 Item, Malach. 2. Maledicam benedictionibus vestris. Et ibidem Glossa Ierem. Quidquid à vobis benedicatur, à me maledicatur. Ergo videtur etiam, quod periculosum sit tales permittere baptizare.

**S**ED CONTRA: In litera habetur quod baptizauit Iudas, & baptizatum est. *Sed contra.*

2 Item siue sit ebriosus siue homicida, &c. quod semper baptizatum est si baptizat.

**V**LTERIVS quæritur hic de sacerdote *Quæstio 2.* simoniaci qui vendit sacramenta, & non vult baptizare nisi pretio conductus, utrum in tali casu debet permitti? Videtur, quod non: quia non sunt facienda mala ut eueniant bona: sed emens efficitur simoniacus, sicut & vendens: ergo videtur, quod talis potius debet mori sine baptismo. Si forte dicas, quod in illo casu alius potest baptizare. Contra: Ponamus, quod non sit alius nisi sacerdos, & adultus baptizandus: tunc videtur, quod potius debet mori quam sic baptizari.

2 Item, Ponamus quod nullus habeat aquam nisi sacerdos, & Pater pueri videat puerum periclitari:



clitari: aut emet, & tunc committit simoniam: aut non, & tunc permittit puerum perire cum possit adiuuare: videtur autem, quod debeat permittit perire: quia nullus debet se committere discrimini etiam per veniale ut alius euitet mortem æternam: ergo multo minus propter liberationem pueri debet se committere discrimini simoniæ.

*Solutio.* SOLVITIO. Dicendum ad primum, quod verus minister quoad Dominum & Ecclesiam est habens ordinem & iurisdictionem & vitam: tempore autem necessitatis est quælibet etiam verula, nec sexum virilem, nec ordinem, nec iurisdictionem, nec vitam habens.

AD ID quod contra obiicitur, dicendum quod illæ rationes non probant, nisi qualis debet esse minister: sed in isto sacramento aliquid reformat peccatum, scilicet necessitas: & ideo largissima pietas Dei, quæ neminem vult perire: sicut prouidit communem materiam quæ ab omnibus potest haberi, & ubique inueniri: ita etiam voluit ut tempore necessitatis quilibet alium posset immergere.

DICENDUM tamen ad primum, quod dispensatio duobus modis est, scilicet quoad officium, & sic verum dicit ratio illa: & quoad abundantiam misericordiæ Dei & necessitatem sacramenti, & sic non tenet.

AD ALIUD dicendum, quod Isidorus istius auctoritatis excipit tempus necessitatis, dicens, nisi tempore necessitatis in quo omnibus permittitur.

AD ALIUD dicendum, quod laicus baptizans vel verula, baptizat, & non habet potestatem baptizandi ex ordine. Est enim potestas ex ordine, & de illa procedit obiectio: est etiam potestas ex necessitate salutis, & hæc immediate in quemlibet descendit à Deo qui potestatem suam sacramento ordinis non alligauit.

AD ALIUD dicendum, quod illa similitudo Apostoli corporis mystici ad naturale, non attenditur nisi in ordine officiorum, & non in descensu gratiæ: quia gratiam quilibet immediate habet à Deo: & ideo etiam actus ministerij salutis, necessitate cogente, quilibet à Deo suscipit.

*Ad quaestiones simoniam 1.* AD ID quod ulterius quæritur in parte siue distinctione, respondendum est, quod & tempora oportet distinguere: quantum enim ex parte baptismi æqualis est baptismus siue à bono siue à malo detur: sed ex parte baptizantis, si est in mortali peccato, dico quod aut illud peccatum est notorium, aut occultum. Si notorium, aut est in loco necessitatis, ut scilicet non sit alius baptizans, & sic periculum: tunc dico, quod cum timore propter necessitatem baptizans non efficitur reus, sed benefacit. Si autem non est tempus necessitatis: tunc scandalizat, & usurpat actum sacramenti indignus, & puto, quod peccat mortaliter vel grauiter. Si autem est occultum, aut timetur scandalum si non baptizat: & est tempus necessitatis, vel non necessitatis: aut non timetur ex hoc scandalum ad hoc si non baptizat. Si autem timetur scandalum præsumptionis peccati contra famam eius, & est tempus necessitatis, potest baptizare sine peccato. Item si non est tempus necessitatis, & timetur scandalum, puto quod adhuc cum timore potest baptizare. Si autem nullum

timetur scandalum, nec tempus est necessitatis, puto quod grauiter peccat præsumens baptizare: & per hoc satis patet solutio ad duo prima.

AD ALIUD dicendum, quod non est simile de membris officialibus in corpore nostro, & de gratia sacramentali: quia nostra membra dant & præparant interiori præparatione nutrimentum sibi inuicem: sed in Ecclesia minister non operatur nisi exterius: & ab ipso non est gratia, sed immediate à Deo: & ideo sine corruptione transit gratia ad animam per ministerium hominis quod est tantum exterius.

AD ALIUD dicendum, quod Christus non tam determinat ministrum quoad idoneitatem quam etiam secundum optimum statum ministrorum: tamen quia Iudam non repulit, innuebat tolerandos etiam quandoque fore ministros malos.

AD ALIUD dicendum, quod pronomen notat discretionem, scilicet maledicam benedictionibus vestris, scilicet quia ita sunt vestre, quod non sunt meæ: tales autem benedictiones non sunt sacramenta, quia illa sunt benedictiones diuinæ.

AD GLOSSAM Hieron. dicendum eodem modo, quod cum dicitur, Quicquid à vobis benedicitur, notat discretionem in pronome.

AD ID quod ulterius quæritur de casibus, sunt qui diuersimode respondent: quidam enim concedunt obiecta sicut concludunt. Sed mihi videtur, quod non sunt concedenda: eo quod quærens baptismum non emit aquam, nec actum baptizandi emit: sed tempore necessitatis potest redimere vexationem sui iuris, & per se si baptizandus est, sicut dicit primus casus: & pro paruulo, si filium vel alium habet quem velit baptizari. Et tunc non fiunt mala ut eueniant bona, nec committitur simonia ex parte quærentis baptismum, nec etiam committit se discrimini pro salute alterius. Et per hoc patet solutio ad totum.

*Ad quaestiones simoniam 2.*

## ARTICVLVS II.

*Utrum ebriosus, homicida, adulter possunt baptizare?*

DEinde quæritur de hoc quod dicitur ibi [ Si quos ergo baptizauit, baptizauit homicida, ebriosus, & adulter ] Ebriosus enim dicit oppilationem discretionis: & si non habetur discretio, non habetur intentio, sed perversitas in actu baptizandi: non habita autem intentione & actu debito, non est baptismus: ergo ebriosus baptizare non potest, ut videtur.

IVXTA hoc quæritur, Cum aliquis est ita ebriosus ut ligata sit lingua, & non amissus sit usus rationis & discretionis, utrum possit baptizare? Si sic: tunc non prolata forma verborum ab eo qui gnatus est latini eloquij potest esse baptismus, quod videtur esse falsum, quia forma est de substantia sacramenti. Si non: hoc videtur falsum: quia ponamus, quod sit tempus necessitatis, & nullo modo adsit qui possit baptizare, nisi talis, & ille non amisit discretionem per vinum: ergo dicat ei conscientia quia debet isti subuenire:

*Quaestio 1.*



subuenire : ergo si non facit , peccat mortaliter : ergo esset perplexus , quod est contra Doctores qui dicunt neminem esse perplexum.

*Solutio.*

**SOLVITIO.** Dicendum ad primum , quod aliud est de ebrio & ebrioso : ebriosus enim non semper est ebrius : & ideo quando sobrius est , habens tamen peccatum ebrietatis , potest baptizare non resistente peccato : & in tali casu loquitur August. Ebrius autem in quo suffocata est ratio , non videtur posse baptizare.

**AD ALIUM** casum dicendum , quod si non esset alius , tunc talis debet baptizare : quia etsi ebrietas talis percutiat nervos inordinato motu linguæ , tamen potest formare dictiones cum studio : & quia discretionem habet , ad hoc studere potest & debet : sed si nullam posset exprimere formam , secus esset : sed tantum effectum non valet habere talis ebrietas quæ non ligat rationem.

#### ARTICVLVS IV.

*An hæreticus & schismaticus possunt baptizare?*

**D**Einde quæritur de hoc quod dicit ibi [ Si in hæresi quacunque vel schismate , &c. ] Contra enim hoc est , quod qui non credit , non videtur posse intendere : ergo hæreticus non baptizat , cum intentio exigatur ad sacramentum.

2 Item , In ultim. Matc. primo præmittitur fides , & sequitur baptismus , cum dicitur , Qui crediderit & baptizatus fuerit , &c. ergo fides necessaria est ad sacramentum : ergo hæreticus non potest baptizare.

3 Si dicas , quod hoc verum est ex parte Ecclesiæ vel baptizati , sed non ex parte baptizantis : hoc nihil est : quia ibi etiam præmittitur de baptizante : cum præceperat prædicari Euangelium , postea subiungit , baptizantes eos , &c. ergo ex parte baptizantis exigatur fides.

4 Item , Baptismus dicitur sacramentum : ergo videtur , quod fides exigatur ad sacramentum illud. Item , Confessio fidei requiritur etiam à

baptizante cum baptizat , vt seruetur debita solennitas baptismi , sicut patet in interrogationibus patrinorum : ergo videtur , quod etiam ipse debet habere fidem : ergo hæreticus non baptizat.

**CONTRARIUM** autem huius probatur *Sed contra.* multipliciter in sequenti distinctione.

**SOLVITIO.** Dicendum , quod hæreticus baptizans in forma hæretica , non baptizat : & secundum hunc intellectum dixit Cyprianus martyr non baptizare hæreticos : sed hæreticus baptizans in forma Ecclesiæ , etiam cum intentione baptizat in forma fidei & fide Ecclesiæ : & ideo baptizatum est quod sic baptizat. Et August. in libro contra Donatum , de hoc dat conueniens exemplum : quia sicut Iacob semen benedictum non tantum genuit per vterum liberarum , sed etiam per vterum ancillarum : ita Christus non tantum regenerat ministerio fidelium , sed etiam ministerio infidelium : eo quod actus suus est , non hominis : & in hoc ostenditur efficacia sacramenti.

**DICENDUM** igitur ad primum , quod qui non habet fidem , potest intendere facere quod facit Ecclesia , licet non intendat effectum baptismi inducere : talis autem intentio actus quam facit Ecclesia , sufficit sacramento baptismi.

**AD ALIUD** dicendum , quod illa fides quæ exigitur ad baptismum , est fides Ecclesiæ , & non baptizantis.

**AD ID** quod contra obiicitur , dicendum quod prædicare Euangelium non præcedit baptismum tanquam necessarium , sed tanquam expediens , in quo docemur , qualiter baptisma seruabitur : & ideo facit ad bene esse , & non ad esse sacramenti.

**AD ALIUD** dicendum , quod hoc totum est de bene esse , & non de esse , quod sacramentum dicitur esse sacramentum fidei non dantis , sed suscipientis : etsi ille etiam infidelis est , & tamen in forma Ecclesiæ suscipit sacramentum , dicitur fidei quæ deberet esse , non quæ sit , sicut Magister dicit supra de ficto permanente in fictione usque ad finem vitæ.

#### *De potestate baptismi & ministerio.*

**B** **VI**A ministerium tantum habent , non potestatem baptismi : potestatem enim sibi retinuit : quod nouit Ioannes cum vidit columbam descendantem super Christum. Vnde August. Quid nouerat Ioannes Baptista ? Dominium. Quid non nouerat ? potestatem Domini baptismi in nullum hominem à Domino transiuram , sed ministerium plane transiurum. Potestatem à Domino in neminem , sed ministerium in bonos & malos. Non exhorreat columba ministerium malorum : respiciat potestatem Domini. Quid facit tibi minister malus , vbi bonus est Dominus ? Neque qui plantat neque qui rigat est aliquid , sed qui incrementum dat Deus. Si superbus fuerit minister , cum diabolo computatur : sed non contaminatur donum Christi : quod per illum fluit , purum est. Per lapideum canalem transit aqua ad areolas : in canali lapideo nil generatur , sed hortus fructus plurimos affert. Habent ergo non modo boni , sed etiam mali

*Tract. 5.  
sup. c. 1.  
Ioan.*

*1. Cor. 1.*



mali ministerium baptizandi, sed neuter potestatem baptismi. Ministerium enim dedit Christus seruis, sed potestatem sibi retinuit, quam si vellent poterat seruis dare, ut seruus daret baptismum suum tanquam vice sua. Et potestatem suam constituere poterat in aliquo vel in aliquibus seruis suis, ut tanta vis esset in baptismo serui, quanta est in baptismo Domini: sed noluit, ne seruus in seruo spem poneret. Baptizat seruus ut minister, baptizat Dominus tanquam potestatem habens: quam si daret seruis, ut scilicet ipsorum esset quod Domini erat, tot essent baptismi quot serui: ut sicut dictus est baptismus Ioannis, sic diceretur baptismus Petri, vel Pauli. Quod ne fieret retinuit sibi Dominus potestatem baptismi, seruis autem ministerium dedit. Si ergo seruus dicit se baptizare, recte dicit: sed tanquam minister baptizat, & ideo non differt, siue bonus siue malus baptizet. Inde etiam nemo dicit, baptismus meus: cum tamen dicat Euangelium meum, prudentia mea, licet sint hæc à Deo in quibus differentia est. Alius enim alio melius operatur in euangelizando, & alius alio prudentior est. Alius autem alio magis minusve baptizatus siue ab inferiori siue à maiori baptizetur, dici non potest.

ARTICVLVS IV.

*Quæ est potestas quam Dominus sibi retinuit, & quam ministris dedit, & quam potuit dare & non dedit?*

**D**Einde quæritur de hoc quod dicitur ibi [Quia ministerium tantum habent, non potestatem baptizandi] Quæritur hic quæ potestas est quam Dominus sibi retinuit, & quam ministris dedit, & quam potuit dare & non dedit? Videtur enim, quod potuit dare potestatem cooperationis ad emundationem interiorem: ut sicut cooperatur Domino exterius, quod ita secum mundaret interius: primo quia hoc dicit Magister in litera sequentis capituli.

Secundo: quia dedit homini potestatem expellendi dæmones: sed minus est expellere effectum quam causam: cum igitur peccatum sit effectus dæmonis, ipse potuit hoc conferre homini ut expelleret peccatum.

3 Item, Dignior est creatura quæ est substantia quam illa quæ est accidens, & inter substantias dignissima est rationalis: sed gratia est accidens, & homo est substantia rationalis: ergo homo dignior est quam gratia: gratiæ autem contulit Deus potestatem expellendi peccatum: ergo multo magis potuit hoc conferre homini vel animæ rationali.

4 Item, Ioan. 1. super illud, Hic est qui baptizat, dicit Glossa, id est, à peccatis mundat. Item, Ibidem August. dicit quod Ioannes didicit à Christo, quod potestatem mundandi à peccatis potuit dare ministris, & non dedit: hoc autem est per potestatem remittendi peccatum, & cooperationis ad munditiam interiorem: ergo hanc potuit dare.

5 Item, Obicitur communiter, quod dedit herbis & verbis & lapidibus quibusdam potestatem curandi morbos spirituales.

*D. Alb. Mag. in Lib. 4. Sentent.*

**SED CONTRA** hoc videtur esse quod dicit August. quod maius est de impio facere pium, quam creare cælum & terram: sed potestatem creandi cælum & terram non potuit dare, ut dicunt: ergo nec potestatem faciendi de impio pium.

2 Item, Non fit impius pius nisi aliqua creatura de nihilo creata, scilicet gratia: cum igitur actus omnipotentis sit creare, ut in principio 2. probatum est, non potuit hoc conuenire alicui creaturæ: ergo non potuit communicare potestatem illam.

3 Item, Esto quod dederit homini potestatem illam: ergo potest exire in actum mundandi: ergo potest mundare peccatorem velit nolit peccator, quod esset inordinatum: ergo non potuit illam potestatem conferre homini.

4 Item, Si dicas, quod Deus potuit conferre, sed nullus ministrorum potuit recipere: hoc nihil est, quia hic quæritur de potestate quam potuit dare & minister recipere, sed non dedit eam Deus.

**SOLVTIO.** Doctores distinguunt hic multipliciter potestatis, scilicet auctoritatis, inuocationis, excellentiæ, ministerij, & cooperationis. Auctoritatis qua Deus ut prima causa iustificationis in baptismo, & sine qua nulla alia potestas aliquid potest: & hanc (ut dicunt) non potuit ita alij communicare: sicut non potest alij communicare, quod sit Deus: & hoc habetur in litera. Potestas autem inuocationis est, ut daret nomini alicuius hominis potestatem, ut ad inuocationem sui nominis efficeretur sanctificatio, & effectus baptismi: sicut fit ad inuocationem Trinitatis, sicut etiam fit quandoque ad inuocationem nominis Christi: & hanc (ut dicunt) potuit conferre, sed noluit: & hoc sapienter ne spes salutis & adiutorij poneretur in homine, & sic paulatim pro Deo coleretur, vel coli inciperet. Potestas autem excellentiæ dupliciter à diuersis exponitur. Communis expositio est, ut scilicet

**F** secundum



secundum merita & gradus baptizantium esset excellentior, vel minus excellens effectus baptismi: ut melior esset à meliore vel maiore in Ecclesia datus: & hanc iterum (ut dicunt) potuit dare, sed noluit ne tot essent baptismi quot baptizantes: quia vnum debuit esse baptisma, sicut vna passio quæ operatur in ipso, & vnum originale peccatum quod substantialiter curatur in ipso. Alij quidem pauci aliter exponunt potestatem excellentiæ, scilicet quod sit excellentiæ in actu, ut scilicet sine ritu baptismi ille posset absolueret à peccato, quasi sine clauē regnum aperire: & hanc dicunt soli Christo esse collatam. Et prima expositio melior & communior est. Hanc autem non dedit nisi Christo qui est Deus & homo: ut non sint plura capita Ecclesiæ, sicut Ecclesia tantum vna est. Potestas autem ministerij est ut committatur dispensationi ritus exterior baptismi: & hanc Deus omnibus Ecclesiæ ministris contulit. Potestas autem cooperationis est illa quam Magister tangit in litera, scilicet ut homo haberet ministerium intus curandi vel cooperandi Deo, sicut habet exterius: & hanc potuit secundum Magistrum conferre, sed noluit ne spes salutis crederetur in alio esse, vel ab alio dependere quam à Deo: & ne gratia putaretur dependere ab actu hominis, si Deus opus hominis ad conferendum gratiam requireret. Potestatem igitur auctoritatis nec potuit conferre, nec contulit: potestatem autem ministerij exterioris in quo cooperatur minister Deo, potuit conferre & contulit. Potestatem autem inuocationis excellentiæ & cooperationis interioris potuit conferre, sed non contulit prædictis de causis. Secundum hanc distinctionem,

AD OBIECTA dicendum, quod prima obiecta videntur probare, quod potuit conferre homini ut iustificaret: & hoc non est verum: sed potuit conferre ut operatione aliqua potestatis spiritualis disponderet ad iustificationem, sicut sacramentum operatur disponendo. Vnde dicendum ad primum, quod Magister in litera intelligit de cooperatione dispositionis.

AD ALIVD dicendum, quod dæmonem expellere ab infestatione corporis, minus est quam expellere peccatum: quia solus Deus peccatum dimittit per hoc quod solus Deus creat gratiam, qua formaliter dimittuntur peccata.

AD ALIVD dicendum, quod tales rationes nihil valent: quia dignitas gratiæ & creaturæ rationalis est æquiuoca. Dignitas enim rationalis creaturæ est inter substantias, quia ipsa beatificabilis est, & in hoc præfertur gratiæ. Dignitas autem gratiæ est dignitas formæ per contrarietatem expellentis peccatum, & gra-

tia in hoc præfertur homini, quia homo vel rationalis creatura talis forma esse non potest.

AD ALIVD dicendum, quod hoc intelligitur de potestate dispositionis ad emundationem, & non de potestate dandi vel creandi gratiam.

AD ALIVD dicendum, quod nihil est simile de curatione corporum, & animarum: quia lapides & herbe ex virtutibus consequentibus contrarietates complexionis suas habent ad causas morborum corporalium: sed nullam potest homo habere talem comparisonem ad causam morbi spiritualis: verba autem non curant nisi per inuocationem.

AD ALIVD quod in contrarium obiicitur, dicendum, quod omnia illa non probant nisi de potestate effectiua iustificationis & viuificationis & non dispositiua. Et bene conceditur, quod illam dare non potuit, nec Christo homini, nec alij, nec etiam potestatem creandi: & ratio huius expedita est in tertio huius voluminis distinctione 34.

## ARTICVLVS V.

*An Ioannes nouit Christum, & quid de eo nouit?*

DEinde quæritur de hoc quod dicit *ibi* [Quid nouit Ioannes, & quid non nouit, &c.] Dicit enim Aug. quod nouit eum esse agnum tollentem peccata mundi: sed non nouit, quod potestatem baptizandi esset sibi reterenturus & non aliis daturus. Hieron. autem & Chrysost. contrarium huic dicunt, scilicet quod non nouit eum esse Christum in mundo natum, & per mortem suam esse redempturum mundum. Ergo contrarietas videtur esse inter eos.

SOLVTIO. Dicendum, quod vtrumque *Solutio.* verum est: quia est notitia Christi simplex, & est notitia eius in hac vel in illa forma qua venit ad Ioannem. Sciuit ergo ipsum esse natum & mundum redempturum: sed nesciuit, quod iste homo qui venit ad eum inter alios fuit Christus antequam vidit columbam descendantem: sicut dixerat ei Deus in eremo: & tunc dixit, Rabbi, ego à te debeo baptizari & tu venis ad me? Et huius causam assignat Chrysost. in commento, dicens quod in iuuentute nouerat eum: sed longo tempore conuersatus in eremo amiserat imaginationem faciei: & ideo non cognouit eum sub forma venientis ad se, & cognouit eum talem natum esse in mundo.

*Quæ fuit potestas baptismi quam potuit Christus dare seruis?*

**C**IC quæritur, Quæ sit potestas baptismi quam Christus sibi retinuit, & potuit dare seruis? Hæc est, ut plurimi volunt, potestas dimittendi peccata in baptismo: sed potestas dimittendi peccata quæ in Deo est, Deus est: ideo alij dicunt hanc potestatem non potuisse dare alicui seruorum: quia nulli potuit dare ut esset quod ipse est, vel ut haberet essentiam quam ipse habet, cui hoc

est



est esse quod posse. Dicunt enim, Si hanc potentiam alicui dare potuit, potuit ei dare creaturas creare: quia non est hoc maioris potentiae quam illud. Ad quod dici potest, quia potuit eis dare potentiam dimittendi peccata, non tamen ipsam eandem qua ipse potens est, sed potentiam creatam qua seruus posset dimittere peccata: non tamen ut author remissionis, sed ut minister: nec tamen sine Deo authore: ut sicut in ministerio habet exterius sanctificare, ita in ministerio haberet interius mundare: & sicut illud facit Deo authore, qui cum eo & in eo operatur illud exterius, ita interius mundaret Deo authore, qui eius verbo velut quodam ministerio vteretur. Ita etiam posset Deus per aliquem creare aliqua, non per eum tanquam authorem, sed ministrum cum quo & in quo operaretur: sicut in bonis operibus nostris ipse operatur & nos: nec ipse tantum, nec nos tantum, sed ipse nobiscum & in nobis: & tamen in illis agendis ministri eius sumus, non authores. Ita ergo potuit dare seruo potestatem dimittendi peccata in baptismo, id est, ut in mundatione interiori seruus cum Domino operaretur: non seruus sine Domino, nec Dominus sine seruo: sed Dominus cum seruo, & in seruo: sicut in exteriori ministerio Dominus operatur cum seruo, & in seruo. Vnde & Dominus dicitur sanctificare, & seruus: sed Dominus inuisibili gratia, seruus visibili sacramento. Vnde August. super Leuit. Dominus ait, Ego Dominus qui sanctifico. Et de Moyse etiam dictum est, Et sanctificabis eum. Sed Moyse sanctificat visibilibus sacramentis per ministerium: Dominus autem inuisibili gratia per Spiritum, ubi est totus fructus visibilium sacramentorum. Sine hac sanctificatione visibilia sacramenta nil profunt. Siquis hoc melius aperire poterit, non inuideo.

Hic non  
teneatur  
Magister.

Cap. 84.  
Leuit. 21.

Exod. 19.

# ARTICVLVS VI.

*An Christus homo habuit potestatem dimittendi peccata?*

**D**Einde quæritur de hoc quod dicit ibi [Ita ergo potuit dare, &c.] Videtur ergo, quod Christus homo habuit potestatem dimittendi peccata: quia Mar. 9. dicitur, Ut autem sciatis quia Filius hominis habet potestatem in terra dimittendi peccata. Filius enim hominis est Christus secundum humanam naturam. Ergo videtur, quod etiam alij homini potest conferre.

2 Item, In tertio libro supra distin. 8. habitum est, quod Christus secundum humanam naturam est redemptor: sed redimere non potuit nisi peccatum dimitteretur: ergo videtur, quod ipse secundum hanc naturam peccata dimittere potuit. Item, Plus est redimere quam creare, ut dicit August. Si ergo potuit redimere secundum humanam naturam, potuit etiam secundum eam creare gratiam qua iustificatur homo.

Sed contra.

**S**ED CONTRA: Dicit Bern. quod gratia non est ab homine Christo, sed solum à Deo: ergo non

potuit habere potestatem mundandi animam: sed sæpe supra probatum est, quod creare est actus infinitæ potentiae, & solius omnipotentiae diuinæ: Christus autem secundum hominem non fuit susceptibilis illius potestatis, quod iustificaret animas interius.

**S**OLVTIO. Quasi omnes dicunt, quod Christus secundum hominem non fuit susceptibilis illius potestatis.

**A**D ID ergo quod contra obiicitur, dicendum quod Filius hominis probare ibi voluit suam deitatem: & ideo hoc conuenit Filio hominis in quantum Deus est.

**A**D ALIUD dicendum, quod redemptor est Deus, & homini attribuitur baptismus: quia in humana natura pertulit passiones, quibus pro nobis satisfecit.

**S**I AVTEM quæritur quæ fuit potestas quæ dedit ei Pater præ aliis? Dicendum secundum Doctores, quod illa fuit potestas excellentiæ ad actum, scilicet ut solueret sine officio clauium tanquam Dominus vniuersæ Ecclesiæ. Christus enim non legitur recepisse ordinem, sed dedisse: nec habuisse potestatem ad mensuram, sed ad omnia: & hæc potestas excellentiæ data est Christo. quæ aliis in virtute clauium & ordinis & limitata est & tradita.

Solutio.

Quæstio.  
culæ.  
Solutio.





## DISTINCTIO VI.

*Quibus liceat baptizare?*

**A**  
*Quibus  
 est col-  
 lata po-  
 testas  
 bapti-  
 zandi.*  
 Libro de  
 officiis:  
 & habe-  
 tur de  
 conf.  
 dist. 4. c.  
 Constat.  
 De conf.  
 dist. 4. c.  
 Mulier.



In ho-  
 mil. 36.  
 & habe-  
 tur de  
 conf.  
 dist. 4. c.  
 Siue.  
 Ad quæ-  
 stiones  
 Orisij  
 & habe-  
 tur de  
 conf.  
 dist. 4. c.  
 Quamvis.

Num. 19.

De uni-  
 co ba-  
 ptismo.

V N C quibus liceat baptizare addamus. De hoc Isidorus ait, Constat baptismum solis sacerdotibus esse traditum, eiusque ministerium nec ipsis diaconibus implere est licium absque Episcopo vel presbytero, nisi his procul absentibus, ultima languoris cogat necessitas: quod etiam laicis fidelibus permittitur. Ex concilio Charthaginensi quinto: Item, Mulier quamvis sancta, baptizare non præsumat, nisi necessitate cogente. De illis vero qui ab hæreticis baptizantur, vtrum rebaptizandi sint quæri solet. Ad quod breuiter dicimus, quia quicumque sit qui baptizet, si seruetur forma à Christo tradita, verum baptismum dat: & ideo qui illum sumit non debet rebaptizari. Vnde Beda, Siue hæreticus, siue schismaticus, siue facinorosus quisque in confessione sanctæ Trinitatis baptizet, non valet ille qui baptizatus est à bonis Catholicis rebaptizari, ne confessio & Trinitatis inuocatio videatur annullari. Item, Augu. Quamvis vnum sit baptisma & hæreticorum, scilicet eorum qui in nomine Patris & Filij & Spiritus sancti baptizant, & Ecclesiæ Catholicæ: qui tamen foris Ecclesiam baptizantur, non sumunt ad salutem baptismum, sed ad perniciem: habentes formam sacramenti, virtutem autem eius abnegantes, & ideo Ecclesia non eos rebaptizat, quia in nomine Trinitatis baptizati sunt: & ipsa est forma sacramenti. Item, Rebaptizare hæreticum qui hæc sanctificationis signa perceperit, omnino peccatum est: Catholicum vero, immanissimum scelus est. Ex his aperte colligitur, quod qui etiam ab hæreticis baptizati sunt, seruato charactere Christi rebaptizandi non sunt: sed tantum impositione manus reconciliandi, vt Spiritum sanctum accipiant, & in signum detestationis hæreticorum. Sunt tamen nonnulli Doctorum, vt Cyprianus, & alij quidam, qui dicere videntur ab hæreticis non posse tradi baptismum: & eos esse rebaptizandos cum veniunt ad Ecclesiam, qui ab illis dicuntur baptizati. Sed hoc de illis verum est qui extra formam Ecclesiæ baptizare præsumunt. Cyprianus tamen ibi à veritate deuiasse videtur: qui ait de hæretico, Quomodo sanctificare aquam potest, cum ipse immundus est, & apud quem Spiritus sanctus non est? cum Dominus dicat in lege, Quæcunque tetigerit immundus, immunda erunt: quis potest dare quod ipse non habet? Hoc ergo ex ignorantia eum dixisse Aug. innuit dicens, Martyrem Cyprianum gloriosum qui apud hæreticos vel schismaticos datum baptismum nolebat cognoscere, dum eos nimis detestaretur, tanta eius merita vsque ad triumphum martyrij secuta sunt, vt ex charitatis qua excelebat luce, obumbratio illa fugaretur, & si quid purgandum erat, passionis falce



falce tolleretur. Nec nos qui baptismi veritatem & hæreticorum iniquitatem agnoscimus, ideo Cypriano meliores sumus: sicut nec Petro, quia Gentes iudaizare non cogimus.

*Hieronimus super Epistolam ad Romanos.*

**H**oc etiam sciendum est, quod licet ter immergatur propter mysterium Trinitatis, tamen vnum baptisma reputatur. Illud etiam ignorandum non est, quod in materno vtero nullus baptizari potest, etiamsi mater baptizetur. Vnde Isidorus, Qui in maternis vteris sunt, baptizari non possunt: quia qui natus adhuc secundum Adam non est, secundum Christum non potest renasci: neque regeneratio in eum dici potest, quem generatio non præcessit. Item, Aug. Non potest quisquam renasci antequam natus sit. Si vero opponitur de Ieremia & de Ioanne Baptista, qui ab vtero sanctificati leguntur: quod etiam de Iacob quidam putant. Dicimus, si sanctificatio ibi accipitur interior emundatio, in miraculis diuinæ potentiae esse habendum, vt Aug. ait, ambigue super hoc loquens. Si vsque adeo, inquit, in illo puero acceleratus est vsus rationis & voluntatis, vt intra materna viscera iam posset agnoscere & credere, quod in aliis paruulis expectat ætas vt possint, in miraculis habendum esse diuinæ potentiae, non ad humanæ trahendum exemplum naturæ. Nam quando voluit Deus, etiam iumentum locutum est. Idem de Ieremia legitur, Priusquam exires de ventre sanctifiaui te. Illa tamen sanctificatio qua efficimur templum Dei, non nisi renatorum est. Nisi enim quis renatus fuerit ex aqua & Spiritu sancto, non potest intrare in regnum Dei. Nemo autem renascitur, nisi prius nascatur. Vnde illa sanctificatio potest secundum prædestinationem accipi. Ecce videtur dubitanter loqui, qui etiam in eodem dicit, Non dictum est quia credidit infans in vtero, sed exultauit: nec Elizabeth dicit, Exultauit in fide, sed Exultauit in vtero meo. Et potuit esse hæc sanctificatio, tantæ rei à maiori cognoscendæ indicium, non à paruulo cognitæ. Absque assertionem de hac sanctificatione loquitur, non diffiniens qualiter intelligenda sit illa sanctificatio: an sit signum futuræ rei, an veritas iustificationis per Spiritum factæ. Sed melius est vt dicamus illos præter communem legem in vteris iustificatos, & gratia præuentos: dimissis omnibus peccatis, quod etiam multis Sanctorum testimoniis edocetur.

*Si baptismus sit verbis corrupte prolatis.*


**Q**UÆRI etiam solet, Si corrupte proferantur verba illa, an baptismus sit? De hoc Zacharias Bonifacio scribit, Retulerunt mihi nuntij tui, quòd fuerit sacerdos in eadem provincia, qui Latinam linguam penitus ignorabat: & dum baptizaret, nescius Latini eloquij, infringens linguam diceret, Baptizo te in nomine patria & Filia & Spiritus sancta: & propter

*D. Alb. Mag. in Lib. 4. Sentent.* • F 3 hoc

*De conf. dist. 4. c. Retulerunt.*



hoc considerasti rebaptizare. Sed si ille qui baptizauit non errorem inducens vel hæresim, sed pro sola ignorantia Romanæ locutionis, infringendo linguam baptizans dixisset: non possumus consentire ut denuo baptizetur.



## DIVISIO TEXTVS.

**N**UNC quibus liceat baptizare addamus, &c.] In hac vltima parte de baptismo agit ex parte baptizantis. Et diuitur hæc distinctio in duas partes, in quarum prima tangit quinque quæstiones circa baptizantes & baptizandos. In secunda autem parte agit de sacramentalibus *ibi* [Porro cuncti ad baptismum venientes, &c.] In prima harum (vt dictum est) quinque sunt quæstiones, scilicet de potestate baptizantium. Secunda est, Vtrum in matris utero habitum gratiæ baptismalis aliquis consequatur *ibi* [Hoc etiã sciendum, quod in materno utero, &c.] Tertia est de corruptione verborum ex ignorantia linguæ *ibi* [Quæri etiam solet, si corrupte, &c.] Quarta est de hoc quod dubitatur, an sit baptismus *ibi* [Præterea sciendum, quod illi de quibus nulla existunt indicia, &c.] Quinta de iocose baptizatis *ibi* [Solet etiam quæri de illo qui iocans, &c.] Etiam *ibi* adiunguntur aliqua de intentione baptizantium, & de tempore baptismi.

## ARTICVLVS I.

*An quilibet potest esse minister Ecclesiæ?*

**I**ncidit autem dubium circa primam partem, Vtrum minister baptismi sit quilibet, sicut in litera dici videtur. Videtur autem, quod non: quia baptismus est sacramentum Ecclesiæ: sed sacramenta Ecclesiæ committuntur dispensationi ministrorum Ecclesiæ: ergo & baptismus. Cum igitur ministri Ecclesiæ non sint nisi Prælari, videtur quod non habeant potestatem baptizandi nisi soli Prælati.

2 Item, Inter sacramenta est vnum quod est sacramentum sacramentorum, scilicet ordinis: ergo videtur, quod administratio omnium aliorum pertinet ad ordinatum: non ergo ad quemlibet, vt videtur in litera dici.

3 Item, Matth. In fine non misit Christus nisi Apostolos & discipulos ad baptizandum: ergo videtur, quod non habent potestatem baptizandi nisi successores illorum: hi autem sunt Prælati: ergo videtur, quod non debeat baptizare nisi Prælatus.

4 Item, Non est potestas nisi à Deo, vt dicitur Rom. 13. quæ autem à Deo sunt, ordinata sunt: ergo videtur, quod sub ordine illo cadit baptismi potestas: nullus autem actus ordinatus ex potestate aliqua committitur omnibus indifferenter: ergo nec actus baptizandi: ergo non quilibet potest baptizare, vt videtur.

Rom. 12.

5 Item, Apostolus dicit, quod sicut in vno corpore multa membra habemus, omnia autem

corporis membra, cum sint multa non eundem actum habent: ita multi vnum corpus sumus in Christo: ergo sicut est in corpore naturali, ita debet esse in corpore mystico: sed in corpore naturali in vno membro digeritur nutrimentum & transmittitur ad alia, quod non immediate datur singulis: ergo similiter debet esse in corpore mystico: ergo determinati erunt ministri per quos detur baptismus & gratia baptismalis, & non quilibet erit baptizans, vt videtur.

SED CONTRA hoc est quod dicitur in litera. Sed contra.

2 Item quia baptismus est sacramentum necessitatis: & si quibuldam committeretur, cum illi non possint esse proximi omnibus, multos contingeret periclitari, quod esset contra Dei misericordiam, & prouidentiam Ecclesiæ: ergo potestas baptizandi debebat omnibus committi.

SOLVTIO. Dicendum, quod est potestas & commissio potestatis. Debita potestas est in eo qui habet potestatem ex ordine, & auctoritate siue iurisdictione ex auctoritate, & idoneitate ex vite merito: & talis solus est digne & vere minister: ille autem qui habet ordinem & iurisdictionem & non vitam vere quidem minister est, sed non idonee vel digne: & hoc modo procedunt rationes primo inductæ. Sed propter necessitatem huius sacramenti & modum culpæ contra quam est, accipit illud sacramentum administrationem à quocunque: & necessitas est à generalitate periculi, sicut dictum est in obiciendo, sed modus culpæ est originalis pro quo satisfecit Christus quoad se, & sufficit fides aliena vt valeat baptizatis illa satisfactio. Hæc autem fides potest esse protestata in actu cuiuscunque: & ideo tempore necessitatis quilibet potest baptizare. Solutio.

DICENDVM ergo ad primum, secundum, tertium, & quartum, quod hoc verum est quoad ordinem ex iurisdictione & idoneitate: sed aliud reformat pactum in baptismo, vt dictum est.

AD ALIUD dicendum, quod gratia quæ est nutrimentum corporis mystici, quoad vitam spirituales, immediate à Deo datur cuilibet membro & ideo quoad hoc non est simile. Sed est quædam utilitas in gratiis exterioribus quæ sunt ad bene esse, vt prophetia, scientia, & huiusmodi: & quoad illas est simile inter corpus mysticum & naturale: & talis gratia est ordo potestatis & iurisdictionis. Et ideo in talibus gratiis vnum membrum mystici corporis recipit ab alio.

## ARTICVLVS II.

*An hæreticus potest baptizare?*

**D**Einde quæritur de hoc quod dicitur *ibi* [De illis vero qui ab hæreticis baptizati, &c.] Videtur enim, quod hæreticus non possit baptizare. Dicit enim Psalm. Passer inuenit sibi domum, & turtur nidum ubi reponat pullos suos. Ergo extra domum non est repositio pullorum: constat

Psalm. 83.



constat autem, quod hæreticus est extra domum: ergo non reponit pullos Ecclesiæ: ergo non baptizat.

2 Item, Levit. 15. Quicquid tetigerit immundus, immundum erit. Et hæc auctoritas inducitur in litera: ergo videtur, quod non baptizat.

3 Item, Apoc. 21. Vidit Ioannes Ierusalem terrestrem descendentem à cælesti: ergo qui à cælesti non descendit, non est de terrestri Ierusalem, id est, de Ecclesia militante: ergo videtur, quod cum Ecclesia malignantium hæreticorum non descendat secundum ordinem à cælesti, quod nihil conferat in terrestri.

4 Item, Stomachus vel epar eiectum extra corpus hominis, in nullo actu potest subseruire membris remanentibus: sed hæreticus est sicut membrum eiectum extra corpus: ergo in nullo subseruit corpori mystico: ergo non potest conferre characterem baptismalem.

5 Item, Dionysius loquens de characterе sacramentali, dicit quod datur accipienti à hierarcha: hierarcha constitutus est in sacro ordine in Ecclesia, & talis non est hæreticus: ergo videtur, quod ipse sacramentalem characterem conferre non possit.

PRÆTEREA, ad Ecclesiæ generationem exigitur Ecclesiæ vterus: non est autem idem vterus Ecclesiæ, & vterus conuenticulorum hæreticorum: ergo videtur, quod qui in conuenticulis hæreticorum sacramenta suscipiunt, non accipiunt characterem.

*Sed contra.* SED CONTRA hoc est quicquid dicitur in litera præter auctoritates Cypriani.

2 Item, Ioanni dictum est, ut habitum est in præmissis, quod hic est qui baptizat: ergo à quocunque dicatur forma verborum præscripta in debita materia, semper Deus baptizans est intrinsecus: ergo imprimitur character: quia constat, quod gratia non confertur in baptismo quem confert hæreticus qui scitur esse præcisus, si baptizatur adultus qui nouit eum esse extra Ecclesiam.

*Solutio.* SOLUTIO. Dicendum, quod quicunque baptizat intendens & seruans formam Ecclesiæ, siue sit hæreticus, siue non, ipse confert characterem baptismalem, ad minus, sicut supra habitum est de induentibus Christum vsque ad sacramenti susceptionem.

AD PRIMUM autem quod contra obiicitur, dicendum quod nidus Ecclesiæ est forma sacramentorum: & non sunt hæreticorum nidi illi: & ideo cum in eis reponunt suos pullos, reponunt non extra Ecclesiam, sed in ea: etsi postea conculcantur à diabolo, hoc non est propter imperfectionem sacramentorum, sed potius propter perniciem fictionis.

AD ALIUD dicendum, quod hoc intelligitur de tactu qui est similis tactui physico: ut si in tactu imitetur tactum secundum quantitatem tangentis, hoc est quod hæreticus tangat ad imitationem hæresis: sic enim verum est, quod ipse immundus erit qui tangitur: sed quando hæreticus tangit in forma sacramentorum Ecclesiæ, assimilatur tactus iste sicut leproso habenti manus inuolutas in panno candido mundissimo, & ideo immundare non potest.

AD ALIUD dicendum, quod licet ritus hæ-

retis & conuentio ab Ecclesia triumphanti non descendit: tamen usurpat hoc quod ab Ecclesia triumphante descendit, quando usurpat Ecclesiæ sacramenta.

AD ALIUD dicendum, quod non est simile: quia hæreticus non in toto est extra Ecclesiam: quia usurpat actum membri interioris & ministerium, quando accipit formam sacramentorum Ecclesiæ: unde non in omnibus est simile de dependentia membrorum spiritualium adinuicem, & de dependentia membrorum corporalium adinuicem, ut dictum est in anteriori questione.

AD ALIUD dicendum, quod Dionysius loquitur de ministro secundum ordinem potestatis, auctoritatem administrationis, & idoneitatem ad actum: & ille est qui completum habet ministerium ad salutem suam: & non intelligitur, quod aliter non possit imprimi character.

AD ALIUD respondet Augustinus, quod Donatus non generat per hoc quod est extra, sed per hoc quod est intus, quando seruat formam Ecclesiæ conferendo sacramenta: & ideo non sequitur, quod ipse sit intus, sed potius quod ipse sit extra, & generet per hoc quod est intus.

AD ALIUD dicendum, quod Ecclesia secundum Augustinum semen benedictum suscipit ex semine viri sui Christi: & hoc quandoque per vterum proprium, ut Rachel, & Lia: & quandoque per vterum ancillæ, ut in ancillis Rachel & Lia, quæ pepererunt super genua earum: per quas significantur hæretici vrentes forma Ecclesiæ in conferendis sacramentis. Quandoque autem in vtero proprio perit semen, sicut Esau reprobatus est: quandoque in vtero ancillæ sicut Ismael reprobatus est: per quos significantur falsi Christiani & hæretici in forma hæresis & non Ecclesiæ baptizantes. Et per hoc patet solutio ad totum.

### ARTICVLVS III.

*An character est in aliquo genere, & in quo genere: etsi in genere qualitatibus, in qua specie?*

DEINDE queritur de hoc quod dicitur ibi [Seruato characterе Christi, &c.] Gratia enim illius inducenda est hic questio de characterе baptismali. Et quia scientia de characterе faciliore est si de eo hic disputetur in genere, scilicet confirmationis, & ordinis, & ideo faciemus de characterе disputationem generalem. Queratur igitur de characterе tribus viis, scilicet in se, & ex parte effectus, & ex parte suscipientis: quoniam ex parte dantis idem est querere de dante characterem, & de dante sacramentum, & hoc iam habitum est. De characterе autem in se querantur quinque, scilicet in quo genere sit, & quid sit diffinitive, & quæ & quot sacramenta imprimant characterem, & quarto de numero & ordine characterum, & quinto de comparatione sacramentorum Christi ad characterem bestiarum.

AD PRIMUM proceditur sic: Fere ab omnibus dicitur, quod character spiritualis sit qualitas. Obiiciatur ergo sic: Nihil est in genere quod non sit in aliqua eius specierum, character



est in genere qualitatis : ergo est in aliqua species : aut ergo est habitus & dispositio , aut naturalis potentia vel impotentia , aut passio vel passibilis qualitas aut forma vel circa hoc aliquid constans figura : & omnes hæc species opinionem habuerunt circa materiam istam. Videtur autem , quod non sit habitus vel dispositio : quia dicit August. in lib. de bono coniugali , quod habitus est quo quis aliquid agit cum tempus sit : ergo omnis habitus est ad actum aliquem potentia in qua est : character autem non est ad actum potentia , sed ad distinctionem vel consignationem vel utrunque : ergo videtur , quod non sit habitus vel dispositio.

2 Item , Habitus animæ est naturalis , aut infusus , aut acquisitus. Naturalis ut habitus visus in potentia visiva : infusus autem vel acquisitus diuidi consuevit in scientiam & virtutem : character autem nec est scientia , nec virtus : cum igitur non sit habitus naturalis , non erit habitus , ut videtur.

*Sed contra.*

SED CONTRA hoc videtur esse quod dicit Philosophus , quod tria sunt in anima , scilicet passionem , potentiam , & habitum : constat autem , quod character non est passio : ergo si est in anima , est habitus , ut videtur.

VIDETUR autem , quod etiam non sit naturalis potentia vel impotentia. Naturalis enim potentia vel impotentia causatur à naturalibus causis : sicut quidam dicunt , quod naturalis potentia causatur à victoria formæ super materiam , & naturalis impotentia ab imperfectione victoria eiusdem : sicut durum naturalem potentiam habet ad non secari , & molle eiusdem impotentiam. Constat autem , quod à tali causa non causatur character : ergo non est naturalis potentia vel impotentia , licet hoc quidam dixerunt.

2 Item , Naturales potentia consequuntur naturam : character autem non consequitur naturam : ergo non est in specie potentia naturalis.

VIDETUR etiam non esse in passione vel passibili qualitate : quoniam hæc secundum Philosophum aut est infusa in animam sensibilem sicut sunt obiecta sensuum , aut illata in sensu vel sensibili anima , ut delectatio & tristitia : constat autem quod character circa animam intellectualem est : ergo non est passio vel passibilis qualitas , licet hoc etiam quidam dixerint.

2 ITEM, Videtur quod non sit forma vel circa hoc aliquid constans figura : quia illa secundum Philosophum non est in spiritualibus , sed in quantis : figura enim est superficies una vel pluribus lineis contenta siue terminata : nihil autem talium conuenit spirituali naturæ : ergo nec character in specie illa est , ut videtur , cum sit tantum in spirituali natura.

Propter hoc quidam dixerunt , quod etiam in spirituali natura est spiritualis quantitas , & secundum illam attenditur character. Sed hoc ridiculum videtur multis rationibus , quarum una est : spiritualis quantitas virtutis attenditur penes intensionem virtutis ad actum : hæc autem intensio non mutat genus : ergo quantitas virtutis non dicit aliquid in quo saluetur ratio figure : quia illa non saluetur sine quantitate continua.

2 Item , Omnis figura attenditur penes vlti-

mum ad hoc terminatum : virtus autem licet diffiniatur per vltimum potentia , non tamen diffinitur per vltimi terminationem : ergo videtur , quod quantitas virtutis non potest habere rationem figure , & sic non est character figuralis vel forma circa hoc aliquid constans.

3 Item , Si virtus terminetur in vltimo , non est ille terminus ambiens substantiam virtutis intra , sed potius vltimum in quod potest ex parte obiecti in quod agit virtus , sicut virtus Herculis potest in triginta quos vincit : figura autem est terminus ambiens substantiam terminati claudendo intra se : ergo etsi virtus terminus potentia dicatur , ille terminus æquiuoce dictus est ad terminum figure : ergo character si est in quantitate virtutis , non tamen est de ratione figure.

4 Item , Virtus est terminus potentia terminatus ad vltimum : figura autem secundum rationem figure est terminus terminans vltimum : ergo terminus in ratione figure & in ratione virtutis dicitur æquiuoce : & ita solutio illa nulla est quam quidam posuerunt , & quam fere omnes sunt secuti.

Ideo quidam alij accipientes verbum Philosophi quod dicit in prædicamentis , Fortassis autem & alij apparebunt qualitatis modi , dicunt quod character est qualitas extra quatuor species qualitatis : quia Aristot. innuit , quod alia sunt species qualitatis. Sed quod hoc nihil sit , facile probatur : licet enim omnis forma prædicet quale , non tamen omnis forma est in prædicamento qualitatis secundum rem , sed forma realiter ens in prædicamento qualitaris non excedit quatuor species ipsius : ergo pater , quod nihil est quod isti dicunt : quia si realiter esset qualitas , oportere quod esset in aliqua specie qualitatis.

Videtur autem esse in relatione : ad aliquid enim sunt , quorum hoc ipsum esse quod sunt , ad aliud sunt : sed characteris sicut & signaculi vel signi hoc ipsum esse quod est , ad aliud est : ergo est in prædicamento relationis , & non qualitatis , ut videtur.

SED QVIA hoc ab omnibus bene intelligentibus conceditur , queratur , Vtrum esse relationi fundetur super aliquid aliud vel non ? Videtur autem , quod fundetur in aliqua alia natura : quia dicit Augustinus , quod omne relationum est etiam aliquid aliud præter relationum , ut pater est substantia in qua est relatio. Si ergo character est relationum , videtur etiam esse aliquid aliud præter relationem in quo fundetur relatio.

2 Item , Character ut dicunt Magistri , consignat nos Trinitati increatae per quandam assimilationem : similitudo autem est rerum differentium eadem qualitas : ergo videtur , quod fundetur in aliqua qualitate quæcunque sit illa.

SOLUTIO. Dicendum videtur sine præiudicio , quod character secundum esse quod importat , non dicit ens in prædicamento relationis , sicut paternitas. Est enim duplex relationum , scilicet ipsum quod ad aliud est & dicitur , ut pater : & accidens quod absolute & in abstractione significat , ut paternitas , & hoc dicit modum dispositionis quo relationum dicitur ad aliquid : ita character est etiam ad aliquid , & characterizatum.

AD



Ad hoc autem quod ultimo quaeritur, oportet primo respondere, scilicet utrum fundetur supra potentias imaginis nudas ex ipsa susceptione baptismatis, vel habeat à materia qualitatem subiectam. Dicendum, quod utrumque dicitur à diuersis: sed tamen probabilius videtur, quod habeat à materia qualitatem subiectam in qua fundetur, & hanc puto esse habitum quendam luminis spiritualis, quod se habet ad modum habilitatis ad fidem & ad gratiam per lucem & calorem spirituales, ut lux habiliter ad fidem & calor ad mores.

Et secundum hanc responsionem oportet primo obiectis respondere, dicendo, quod character fundatur in habitu sicut similitudo in qualitate: sed habitus duplex est, scilicet perfectus & distinctus, & imperfectus & indistinctus: primus est sicut habitus determinatus ad hanc materiam, & ille diuiditur in scientiam & virtutem: & de illo verum est quod dicit Augustinus, quod habitus est quo quis aliquid agit cum tempus est. Imperfectus autem & confusus & indistinctus est praecedens illum, & habilitans ad illum. Et huius simile possumus videre in oculo, in quo in pupilla & humido crystallino est quoddam perspicuum cum luce sibi connaturale & inseparabile, & tamen non sufficit per se ad videndum distincte nisi adueniat spiritus ex anima determinatus ad colores: ita etiam intellectui est connaturale lumen confusum ad quod examinat audita & accepta secundum Philosophum, & tamen illud non sufficit ad distincte intelligendum hoc vel illud. Ita possumus dicere, quod est quodammodo lumen indistinctum inseparabiliter infusum baptizatis, in quo lucet assimilatio quaedam ad Trinitatem increatam, licet non sit sufficiens sine fide: & hoc lumen est in quo fundatur character, & est in genere gratiae gratis datae. Et hoc attendunt, ut puto, qui characterem posuerunt in specie habitus & in genere qualitatis: unde illa quae obiciuntur contra alias qualitates, videntur esse concedenda. Et quod quidam dixerunt de figura intellectuali, aut non intelligo, aut non est verum quod dixerunt. Et per hoc patet solutio ad omnia quaerita de hoc articulo.

#### ARTICVLVS IV.

*An definitiones characteris sint bene assignatae?*

Secundo quaeritur, Quid sit character diffinitive? Dicunt autem quidam beatum Dionysium in Ecclesiastica hierarchia cap. 2. ita diffinire: Character est signum sanctum communionis fidei & sacrae ordinationis datum accedenti à hierarcha. Licet autem ita dicant: tamen in nulla Dionysij translatione inuenitur haec diffinitio, nec per verba, nec per sensum: & hoc scit bene quicumque literam Dionysij inspicit. Ibi enim unde trahere voluerunt illa verba, dicit sic secundum veterem translationem, ostendens quid significet, quod ordinandus venit ad summum sacerdotem, id est, ad Episcopum, &c. Eum vero, scilicet ordinandum, sic accedentem, scilicet ad Episcopum suum hierarcham, diuina beatitudo in suam participationem recipit, & proprio lumine

tanquam quodam ipsi signo tradit, diuinum perficiens & communicantem diuinorum partes & sacrae ordinationis: quorum est symbolum sacrum à summo sacerdote donatum signaculum, & sacerdotum salutaris descriptio, in saluatis eum commemorans & memoriis sacris. Ut autem intelligantur verba quae obscura sunt, sic sunt exponenda. Eum vero, scilicet ordinandum sic accedentem in acceptione ordinum ad hierarcham, suscipit ad partes potestatis diuina beatitudo, id est, Deus, & hoc significatur in hoc quod partem suae potestatis dat hierarcha, id est, Episcopus, quando suscipit eum: & proprio lumine, id est, de proprio lumine tradit ei: tanquam quodam signo, id est, in quodam signo, quia in sacramento suscepto: diuinum perficiens, hoc est, quod scilicet lumen perficiens eum diuinum, id est, ut sit diuinus in potestate ad minus, id est, habet potestatis diuinæ partem: & communicantem diuinorum partes, id est, perficit ipsum ut communicet partes, id est, in parte diuinorum quoad potestatem sacrae ordinationis, id est, perficit eum ut sit communitas sacrae ordinationis, id est, in sacra ordinatione: quia Graeci non habent ablatium: quorum est symbolum, id est, quorum, scilicet diuinæ perfectionis & communionis diuinorum partis, & communionis ordinationis symbolum, id est, signum à summo sacerdote donatum, id est, id quod datum est à summo sacerdote: quia sacramentum ab Episcopo datum, est signum quod detur ei diuina potestas & gratia à Deo. Et subiungit, quid sit illud quod datum est ab Episcopo, hoc est scilicet signaculum, id est, quod signat eum pontifex, manus imponendo, & radendo, & huiusmodi: & descriptio sacerdotum, id est, quod describit eum sacerdotem faciendo per ordinem: commemorans eum si bene usus fuerit potestate in saluatis & sacris memoriis. Si autem haec (ut puto) est Dionysij intentio, patet quod illa diffinitio non est sua, & nunquam alibi reperitur: & ideo non sumo eam ut à sancto, & sicut à Doctoribus approbatam.

Dant autem quidam & aliam, hanc scilicet, Character est distinctio à characterē aeterno impressa animae rationali secundum imaginem, consignans trinitatem creatam Trinitati creanti & recreanti, & distinguens à non consignatis secundum statum fidei.

Obicitur autem multipliciter de istis *Quaest. 1.* diffinitionibus Magistrorum: Contra primam sic, Character est signum sanctum: omne autem signum est naturale, vel ad placitum: constat autem, quod character non est signum ad placitum: quia tunc non esset idem apud omnes, & variaretur ad voluntatem: ergo est naturale: omne autem signum naturale similitudinem habet aliquam cum signato, ut fumus cum igne habet conuenientiam: ergo videtur, quod character aliquam habet conuenientiam cum characterē increato. Et quaeritur, Quae sit illa? Videtur autem, quod nulla sit: quia homo habet conuenientiam per characterem: ergo videtur, quod character sit dispositio inuenta in utroque extremorum, scilicet in homine signato, & characterē increato cui consignatur: sicut si duo sunt similes in albedine, albedo est dispositio inuenta in utroque: & hoc falsum est hic: quia Filius Dei non habet characterem, ut infra probabitur.

ITEM



*Quæst. 1.* ITEM. Signorum aliud est principium prænotificum futurorum: sicut signa quæ habent diuinares in astris & aliis, & medici in ægitudinibus. Aliud est rememoratiuum præteritorum, ut anulus fidei datus sponsæ à sponso, & monile continentis thori, & huiusmodi. Aliud est determinatum in præsentem, sicut substantia præsens significatur accidentibus quæ cadunt in sensum. Quærat ergo, Si character sit signum, cuiusmodi signum sit? Non enim videtur esse signum nisi gratiæ: & hanc non necessario significat, nec in præsentem, nec in futuro, nec in præterito, sicut in ficto qui moritur in fictione: ergo videtur, quod character non sit signum gratiæ.

2 Item, Si est signum, non erit nisi signum sacramentale: signum autem sacramentale est inuisibilis gratiæ visibilis forma vel sensibilis ad minus: ergo videtur, quod character sensibilis quædam forma sit, cuius contrarium habitum est in præcedenti quæstione, & iterum postea habetur, quando probabitur quod character non imprimitur nisi in anima rationali.

3 Item, Secundum Magistrum Hugonem in lib. de sacramentis, signum accipitur in proprietatibus corporalis elementi: character autem neque est corporale elementum in sacramento, nec proprietas eius: ergo character non est signum, ut videtur. Item, Si est signum sacramentale: aut est vetus, aut nouum. Constat autem, quod non est vetus: quia nihil loquitur lex vetus de characterem spirituali, licet loquatur de circumcisione ut carnali characterem dato carnali populo, ut supra habitum est in tractatu de circumcisione: ergo erit signum nouæ legis.

*Sed contra.* SED CONTRA: Non necessario efficit quod figurat, ut patet in fictis: ergo nec est signum veteris legis nec nouæ: ergo nec est signum sacramentale.

*Quæst. 3.* VLTERRIVS quæritur de hoc quod dicit, Communionis fidei. Videtur enim hoc non esse verum: quia fictus non credens recipit characterem baptismalem: & tamen non communicat fidem. Præterea, Communio fidei potest esse quoad participationem articulorum, vel fidelium, vel habitus fidei: & videtur non posse esse pluribus modis. Constat autem, quod non necessario facit communicare fidelibus, ut patet in adultis ab hæreticis scienter baptizatis, qui fidelibus non communicant. Item, Non est communicatio quoad articulos: quia fictus discredens articulos, recipit characterem, dum se offert non contradicens ad id quod facit Ecclesia, licet hoc ipsum nihil credat esse vel valere. Item videtur, quod non communicat habitum fidei: quia infidelis potest esse, ut iam dictum est: & tamen suscipit characterem: ergo videtur, quod non sit signum communicationis fidei.

*Quæst. 4.* ITEM quare plus diffinitur per signum communicationis fidei, quam alterius virtutis? Videtur enim, quod dispositio sit ad omnem virtutem & signum. Tria enim sunt in sacramento, scilicet signum tantum, ut tinctio facta in aqua: & res & signum, quod est character: & res tantum, quod est gratia cum omnibus virtutibus. Si ergo est signum rei sacramenti, & res sacramenti est plenitudo virtutis & non fidei: tunc videtur character esse signum omnis virtutis, & non si-

gnum fidei: ergo male diffinitur per hoc quod sit signum fidei.

VLTERRIVS quæritur de hoc quod dicit, *Quæst. 5.* Et sacre ordinationis. Hoc enim non videtur conuenire nisi characteri ordinis: ergo per illud male diffinitur character in genere, secundum quod est in confirmatione & baptismo & ordine in communi.

PRÆTEREA, Character ordinis & confirmationis non videtur esse signum fidei: sed character confirmationis videtur esse signum fortitudinis ad pugnandum, & character ordinis videtur esse signum potestatis ad spirituales actus, ut est conficere Eucharistiam, ligare, & soluere: ergo iterum male diffinitur per signum fidei & sacre ordinationis.

VLTERRIVS quæritur de hoc quod dicit, *Quæst. 6.* Datum accedenti à hierarcha. Videtur enim hoc esse falsum: si enim rusticus baptizat, characterem recipit baptizatus: ergo non oportet ut detur à hierarcha, ut videtur. Præterea, Si dicas, quod hierarcha dicit debitum ministerium: iterum falsum est: quia hierarcha est summus sacerdos siue Pontifex: & debitus minister baptismatis non est, sed etiam simplex sacerdos, ut dicitur in littera in hac distinctione: ergo non oportet accedere ad hierarcham, ut videtur.

VLTERRIVS quæritur de secunda diffinitione: & primo de hoc quod dicit, Character est distinctio. Si enim est distinctio, & signum distinctiui aliter distinguit baptizatum à non baptizato: aut ergo Ecclesiæ militanti, aut triumphanti, aut Deo: sed non Ecclesiæ militanti, quia illa non distinguit nec discernit per signa inuisibilia, cum iudicet secundum faciem, & non secundum ea quæ sunt in corde: nec etiam distinguit quoad Ecclesiam triumphantem, quia illa non indiget, cum sufficientem distinctionem accipiat baptizatus à non baptizato in contemplatione Verbi: item quoad Deum non oportet, quia Deus non cognoscit per signa, sed per seipsum scit omnia.

VLTERRIVS quæritur de hoc quod dicit, *Quæst. 8.* A characterem æterno impressa. Character enim est Filius ut habetur Hebr. 1. Qui cum sit splendor gloriæ & figura substantiæ eius. In alia littera, & character substantiæ eius: ergo videtur, quod Filius Dei imprimat characterem.

2 Item ad idem, Similitudo Patris est Filius: cum igitur character creatus sit assimilans, videtur quod congruenter imprimatur à Filio.

3 Item, Sacramentum baptismi est sacramentum regenerationis, quo efficiuntur filij gratiæ: sed filiaro gratiæ habet similitudinem aliquam cum generatione æterna: ergo videtur, quod character regenerationis à Filio ut æterno characterem imprimatur.

SED CONTRA: Per inuocationem Trinitatis in elemento imprimitur character: ergo impressio non magis pertinet ad Patrem quam ad Filium, nec è conuerso, sed ad totam Trinitatem.

2 PRÆTEREA, Si propter sacramentum regenerationis Filio debetur impressio characteris in baptismo: ergo etiam propter sacramentum spiritualis potestatis Patri debetur impressio characteris in ordine, quod falsum est, quia per rationem congruentiæ omnis impressio characteris erit appropriata vni personæ.

3 Item,



3 Item, Plus debetur Patri quam Filio, quia Patris est generare: ergo etiam characterem spiritualis regenerationis imprimere: ergo non imprimitur à characterē aeterno, ut videtur.

*Quaest. 9.* ULTERIUS quaeritur de hoc quod dicit, Impressa animae rationali secundum imaginem. Nihil enim numero vnum imprimitur diuersis subiectis numero: sed character est vnum aliquid numero: ergo non potest imprimi tribus potentiis imaginis, nisi multiplicetur secundum numerum.

2 Item, Sicut se habet signum praecedens in sacramento, & res sequens: ita se debet habere medium quod est signum & res simul: sed signum perfectae ablutionis totius animae, & res sequens perfecte curat & perficit totam animam secundum omnes potentias: ergo etiam medium quod est signum, debet imprimi secundum omnes potentias, & non secundum potentias imaginis tantum: medium autem est character: ergo secundum omnes potentias debet imprimi character in anima.

3 Item, Eiusdem est dispositio & habitus: sed habitus est res sacramenti sequens: cum igitur ille habitus sit in tota anima, videtur etiam quod dispositio quae est character, secundum totam animam debeat inesse.

3 Praeterea, Videtur si character imprimitur in imagine (ut dicit secunda diffinitio) quod non sit lux tantum: quia voluntas quae est praecipua pars imaginis, non perficitur luce, sed potius amore: ergo videtur, quod character in se supponat diuersos habitus & diuersarum rationum.

*Quaest. 10.* ULTERIUS quaeritur de hoc quod dicit secunda diffinitio, Consignans trinitatem creatam Trinitati creati & recreanti. Non enim consignat nisi faciat imitari: non autem imitatur nisi per gratiam gratum facientem: ergo videtur, quod character sit gratia gratum faciens.

2 Item, Vno habitu non sunt consignabilia plura, nisi sint vnius rationis: sed potentiae imaginis non sunt vnius rationis: ergo non sunt consignabiles vno habitu.

3 Item, Ex parte Trinitatis increatae non est appropriatum vnum: ergo videtur, quod si character est lumen quoddam, quod non consignat Trinitati increatae, sed tantum vni personae in Trinitate.

*Quaest. 11.* ULTERIUS quaeritur de hoc quod dicit, Distinguens à non consignatis secundum statum fidei. Videtur enim, quod characteris subtilius sit distinguere quam signare: quia character, ut dicit saepe Damasc. idem est quod distinctiuum: ergo character est distinctio: ergo videtur, quod in diffinitione prius debuit poni vltima particula quam penultima.

2 PRÆTEREA, Quare dicit, Secundum statum fidei, potius quam secundum fidem? prior enim est distinctio secundum fidem, quam secundum fidei statum.

*Solutio.* SOLVITIO. Sine praedicio videtur mihi secunda melior quam prima: neutra tamen habet robur auctoritatis, nisi quantum facit usus Magistrorum: quia de characterē in sensu quo Magistri disputant, de eo parum inuenitur in dictis Sanctorum.

*Ad quaest. 1.* SVSTINENDO igitur primam diffinitionem, dicendum est ad primum, quod character est

signum naturale gratiae quae est effectus sacramenti. Ad obiectum autem contra, dicendum quod duplex est similitudo, scilicet duorum in tertio, & sic oportet quod vna qualitas in qua fundatur similitudo, sit in vtroque: quandoque autem similitudo est inter aliqua, ita quod vnum dicit rationem similitudinis alterius ad alterum, sicut imago quae dicit rationem similitudinis huius statuae ad Herculem: & tunc non oportet, quod idem sit in vtroque similitum, sed quod vnum sit exemplar, & aliud imitetur ipsum: & sic est similis character: quia dicit assimilationis rationem animae ad Deum.

AD ALIUD dicendum, quod est signum demonstratiuum & causatiuum gratiae in praesenti quantum est de se, & quod non demonstrat, hoc est per accidens, scilicet quia inuenit obicem in subiecto resistentem.

AD ALIUD dicendum, quod licet character non sit visibilis vel sensibilis in se: est tamen visibilis in relatione ad tinctionem in qua imprimitur, sicut supra in quaestione de sacramentis dictum est.

AD ALIUD dicendum, quod character non fundatur in elemento corporali, sicut in subiecto, sed sicut in causa inducente ipsum: & hoc sufficit ad hoc ut sit signum sacramentale nouae legis.

AD HOC autem quod contra obiicitur, solutum est.

AD ID autem quod vltius quaeritur, dicendum quod est signum communionis fidei secundum fidei statum, ut dicit secunda diffinitio: & bene potest esse, quod aliquis non participet habitum secundum communionem fidelium, vel articulorum fidei, & tamen secundum statum, quia ille participatur etiam secundum fidei sacramentum. Vnde patet solutio ad totum.

AD ALIUD dicendum, quod aliae virtutes non distinguunt quae sunt in affectu, sed fides sola quae est in intellectu: & ideo distinctio accipitur solum secundum statum fidei, licet sit dispositio ad omnes virtutes. Vel dicatur & melius, quod status fidei distinguit characterem sacramentorum: quia fides est fundamentum spiritualis aedificij, & penes primam distinctionem ipsius primo accipitur distinctio totius vitae.

AD ILUD quod vltius quaeritur, dicendum quod illa diffinitio quoad illud membrum tangit characterem excellentiae, qui est in ordine: & quia character excellentiae est, ideo aliquid speciale habet in diffinitione.

AD ALIUD dicendum, quod character confirmationis non est fortitudinis nisi in relatione ad fidem: quia scilicet sine rubore praedicat fidem, etiam sine timore confitetur eam coram regibus & principibus. Ita etiam character ordinis non est spiritualis potestatis, nisi propter fidem propagandam, & multiplicandam, & confitendam: & ideo semper respicit statum fidei. Qualiter autem differenter respiciat, infra dicetur in quaestione de numero characterum & ordine.

AD ID quod vltius quaeritur, dicendum quod in illa diffinitione debitus minister ex potestate & auctoritate & idoneitate determinatur. Quod autem aliter datur, hoc contingit ideo, quia est sacramentum necessitatis, sicut in principio huius distinctionis dictum est.

AD ID quod vltius quaeritur, dicendum quod



quod secunda diffinitio melior est quam prima: quia tangit proprium actum qui est consignare, & secundarium qui est distinguere, & causam efficientem quæ est character increatus, & materiam quæ est ex parte subiecti proprii, quia imprimitur secundum mentem in anima rationali: & causam finalem, quia propter statum fidei. Dicitur ergo ad primum, quod distinguit in se, & non oportet quod alij distinguantur, licet in ipsa anima indelebilem notam decoris relinquit, quæ in beatis est ratio gloriandi in aliqua assimilatione sui ad Trinitatem, & in damnatis convictio & testimonium iustæ condemnationis: & ideo non est otiosus.

*Ad qua-  
siuncu-  
lam 8.*

AD ID quod ulterius quæritur, dicendum quod bene conceditur hoc quod primo probatur: quia licet communi opere personarum imprimatur character à tribus personis: tamen per congruentiam & appropriationem debetur Filio, cuius plures causæ tactæ sunt in opponendo. Vna etiam est: quia character (ut supra dictum est) est lux quædam per attributionem sapientiæ genitæ quæ est Filius.

AD ID autem quod contra obiicitur, dicendum quod inuocatio operatur ibi communiter in personis: sed tamen appropriatum opus est Filij, & hoc fere in omnibus operibus sæpe est diuinis.

AD ALIUD dicendum, quod licet in confirmatione & ordine sint fortitudo & potestas: tamen referuntur ad statum fidei: & fides dicit quid cognitionis, & ideo Filio appropriatur.

AD ALIUD dicendum, quod licet Patris sit generare: proprie tamen regenerare magis per congruentiam est Filij: quia regeneratio non fit sine missione & redemptione: & horum utrumque conuenit Filio, & neutrum Patri: & ideo illa ratio ex falsis procedit.

*Ad qua-  
siuncu-  
lam 9.*

AD ID quod ulterius quæritur de hoc quod dicit, Impressa animæ rationali secundum imaginem, dicendum quod per hoc tangitur immediatum subiectum characteris: imago autem licet sit in tribus potentiis, tamen principaliter est in potentia cognoscendi. Vnde Augustinus dicit, quod homo habet imaginem in potentia cognoscendi, & similitudinem in potentia diligendi. Vnde imago principaliter est secundum memoriam & intellectum: & hæc duo sequitur voluntas. Similiter perfectio cognitionis est in actu secundum intellectum, & non secundum memoriam, & ideo character, meo iudicio, est impressus secundum intellectum, scilicet secundum quod intellectus est formatus ex memoria & eliciens voluntatem, & ita ut in subiecto est in intellectu, tamen ordinem habet ad memoriam & voluntatem.

AD ALIUD dicendum, quod character est dispositio ad gratiam in qua sunt omnes virtutes: sed tamen in genere magis conuenit cum fide: & hoc non est inconueniens: quia sicut sæpe in corporalibus est dispositionibus, ita & spiritualibus: sicut calor est dispositio ad totum ignem quoad omnes proprietates ignis, & tamen in genere non conuenit nisi cum ardore: & similiter est in spiritualibus: sicut enim dictum est supra, licet character essentialiter sit lux quædam, tamen habet etiam calorem.

AD ALIUD dicendum, quod hæc propo-

sitio, cuius est dispositio est habitus, potest intelligi tribus modis: & duobus modis vera est, tertio modo falsa est. Potest enim sic intelligi, cuius est dispositio, id est, cuius essentia est dispositio est habitus, id est, habitus qui fit ex illa dispositione, est eiusdem essentia: & tunc est vera de dispositione ex qua generatur habitus, ut scientia facile mobilis & difficile mobilis, postquam confortatur, sunt eiusdem essentia, & differunt in accidente. Alio modo potest intelligi, id est, cuius subiecti est dispositio, eiusdem est habitus: & tunc iterum vera est: quia in eodem subiecto inducitur habitus. Tertio modo potest intelligi, cuius, id est, partis subiecti est dispositio, illius est habitus: & tunc non semper vera est: quia dispositio frequenter est in parte una, & habitus non totus inducitur in parte illa: & hoc ideo contingit, quia illa dispositio non ex æquo respicit habitum quoad omnes partes sui, sicut character respicit fidem secundum conuenientiam in genere, & non alias virtutes nisi per consequens: quia una non datur sine alia, quando cum gratia infunditur.

AD ALIUD patet solutio per ante dicta.

AD ID quod ulterius quæritur, dicendum quod est consignatio in nota indelebili, quæ est imperfecta & gratia gratis data: & hanc facit character: sed consignatio in actu imitationis, verum est quod ponit obiecto: quia illam non facit nisi virtus formata.

*Ad qua-  
siuncu-  
lam 10.*

AD ALIUD dicendum, quod licet potentia imaginis non sint eiusdem rationis: tamen extremæ ordinantur ad mediam, & è conuerso: & ideo in illo possunt consignari.

AD ALIUD dicendum, quod ex æquo per characterem non consignatur homo Trinitati quoad ea quæ distincte sunt personarum proprie: sed character licet essentialiter sit lux consignans Filio: tamen virtute in se habet duo, scilicet potestatem in fide vel pugna vel gradu, & bonitatem in hoc quod est dispositio ad gratiam: & per hæc duo respicit personam Patris & Filij & Spiritus sancti.

AD ID quod ulterius quæritur, dicendum quod character principaliter consignat, & per consequens distinguit: & cum nominatur character, accipit nomen ab actu notiori non principali, sicut sæpe nomina imponuntur ab eo quod notius est apud nos.

*Ad qua-  
siuncu-  
lam 11.*

AD ALIUD dicendum, quod character non distinguit fidem, nec aliquid in fide, sed dicit distinctionem status fidei secundum quod fides est incipientium vel proficientium vel perfectorum impletionem, & ideo potius dicitur secundum statum fidei quam secundum fidem simpliciter.

## ARTICVLVS V.

*Quæ & quot sunt sacramenta imprimen-  
tia characterem?*

Tertio quæritur, Quæ & quot sacramenta quæ imprimunt characterem? Videtur autem, quod omnia, quia sicut aliqua nota baptizatus distinguitur à non baptizato: ita aliquo communicans à non communicante, & coniugatus à non coniugato, &c. ergo videtur, quod character imprimatur in quolibet.



2 Item, Si baptismus propter dignitatem imprimit characterem, cum dignissimum sacramentum sit, ut dicit Ambrosius. sacramentum Eucharistiae, ipsum debet imprimere characterem, ut videtur.

3 Item, Si Christi inuocatio in quibusdam sacramentis imprimit characterem in inuocatione Trinitatis, eo quod prius habitum sit, quod character creatus imprimitur à characterem increato, videtur quod ubi sumitur totus Christus, quod ibi maxime imprimatur characterem: in Eucharistia autem sumitur totus Christus: ergo maxime ibi imprimit characterem.

4 Item, Sacramenta in quibus imprimitur character, habent suas vñctiones, scilicet baptismus, confirmatio, & ordo: ergo cum sit quantum quod similiter consistit principaliter in vñctione, sicut vñctio extrema, debet etiam illud imprimere characterem.

5 Item, Character respicit statum fidei: status autem fidei diuersificatur secundum legem naturae & Moysi & gratiae, sicut significatur in his qui praebant & sequebantur Dominum, clamantes, Osanna in excelsis. Ergo videtur, quod & aliquid in legibus illis imprimebat. Fuit autem circumcisio in legibus illis testimonium magnae fidei Abraham, ut dicitur in Glossa. Rom. 5. Ergo videtur, quod circumcisio imprimebat characterem. Si forte dicatur, sicut supra in tractatu de circumcissione solutum est, quod circumcisio habuit characterem corporalem, non spirituale. Contra hoc est quod dicit Orig. quod circumcisio non tantum corporalis, sed & spiritualis erat, & spiritualiter intelligebatur à Iudaeis. Praeterea, videtur, quod omne sacramentum imprimat characterem: quia quod potest quod maius est, potest & id quod minus est: gratia autem maius est quam character: cum ergo omne sacramentum det gratiam: etiam videtur per locum à minori, quod etiam imprimat characterem. Item, Sacramentum est sufficiens ad agendum, cum possit quod plus est, ut iam probatum est: & anima est receptibilis siue sit ficta, siue non: quia fictus bene recipit characterem: ergo omne sacramentum imprimit characterem, ut videtur.

Quaestio-  
cula.

VLTERIVS quaeritur iuxta hoc, Quae sit causa, quod in baptismo aquae & confirmatione & ordine dicitur imprimi character? Aut enim causa huius est materia specialis, aut inuocatio Trinitatis, aut gratia, aut Passio Christi operantis in istis sacramentis, aut intentio dantium sacramenta, aut fides Ecclesiae: non enim plura inuenimus operari in sacramentis. Si dicatur, quod materia specialis est causa, non videtur: quia materia diuersificatur in tribus sacramentis, nec habetur in ordine materia aliqua quae sit de necessitate sacramenti, nisi tantum ordinatus: ergo videtur, quod ista operatio non sit ex materia. Si autem dicatur, quod in baptismo haec operatio sequitur materiam, videtur falsum: quia eadem materia est in baptismo Christi & in baptismo Ioannis, & tamen in baptismo Ioannis non imprimebatur character.

Si autem dicatur, quod haec operatio sit inuocatio Trinitatis, videtur sequi duplex inconueniens, scilicet quod si inuocatio Trinitatis fiat in aliis sacramentis, quod etiam in eis imprimitur character. Aliud est, quod illi qui baptizabantur

D. Alber. Mag. in Lib. 4. Sentent.

in primitiua Ecclesia in nomine Christi, non habebant characterem.

Et si etiam tu dicas, quod in Christi nomine intelligitur Trinitas. Contra: Idem est baptizare in nomine Christi, & in nomine venturi, quia venturus erat Christus: si ergo ad inuocationem Christi imprimebatur character: ergo etiam imprimebatur character ad inuocationem nominis venturi: quod falsum est: quia sic in Ioannis Baptismo character fuisset impressus. Si forte tu dicas, quod in baptismo Ioannis Baptista character imprimebatur. Contra hoc est, quod illi baptizabantur iterato ab Apostolis: ergo non habebant characterem: quia aliter fuisset facta iniuria characteri sacramenti. Praeterea, Si vnum characterem accepisset à Ioanne, & alium ab Apostolis, & ad idem, id est, ad initium status fidei: alter superflueret, quod est inconueniens: ergo inuocatio Trinitatis non imprimit characterem.

Si autem tu dicas, quod hoc facit Passio Christi operans in sacramento. Videtur, quod tunc magis baptismus sanguinis imprimit characterem: quia in illo maior est expressio Passionis: & ille est melior, eo quod secundis sordibus non inquinatur: & de hoc habitum est supra. Praeterea, Passio Christi in omnibus sacramentis operatur: ergo in omnibus imprimit characterem, quod non dicitur ab aliquo Doctorum.

Si autem dicas, quod hoc facit intentio: videtur falsum esse: quia intentio ut hic habetur in litera, exigitur ad omne sacramentum: ergo in quolibet imprimeret characterem. Si autem fides Ecclesiae operatur. Contra: Fides Ecclesiae non sufficit nisi in baptismo, & tantum paruulis, non adultis: ergo nullus recipiet characterem nisi in baptismo, & tantum paruuli, non adulti, quod falsum est: ergo videtur, quod super nihil fundatur illa disputatio de impressione characteris.

VLTERIVS quaeritur iuxta hoc, An virtutes impriment characterem? Videtur, quod sic: quia impriment quasdam notas consignantes nos Deo: & haec est ratio characteris: ergo impriment characterem.

Quaestio-  
cula 1.

2 Item, Magis distinctiua est virtus quam sacramentum, quia sacramentum non distinguit bonum à malo: ergo videtur, quod cum distinguere sit primus actus characteris, vel consignare, ut habitum est, quod virtus magis imprimat characterem quam sacramentum.

SOLVTIO. Dicendum, quod tantum tria sacramenta quae statum fidei respiciunt, impriment characterem, secundum triplicem distinctionem quam faciunt inter fideles qui sunt de familia regis caelestis, ut infra patebit, cum de numero characterum disputabitur.

DICENDUM ergo ad primum, quod aliud est discerni recipientem aliquod sacramentum à non recipiente illud, & aliud habere notam indelebilem ad hoc: notam autem indelebilem non imprimit nisi triplex sacramentum. Et si tu obiecias, quod coniugatum impossibile est non fuisse coniugatum, & ita nota est indelebilis. Dicendum, quod illa ratio sophistica est: quia illud non est per notam indelebilem vel perpetuam in subiecto: sed potius est dictum de praeterito verum, & ideo necessarium, & ideo quamuis res mutetur, dictum tamen non mutatur: sed tria sacramenta in re

G perpetuam



perpetuam notam relinquunt: & ideo illa est character: alia autem sacramenta nihil perpetuum in re relinquunt.

AD ALIVD dicendum, quod non est de dignitate sacramenti, quod imprimat characterem, sed potius ex inuocatione Trinitatis ad statum distinctionis fidei, siue statum distinctum in fide, ut infra dicitur: & ideo illa obiectio nihil facit.

AD ALIVD dicendum, quod licet character increatus imprimat creatum: non tamen in quocunque sacramento, sed in eo in quo est inuocatio Trinitatis secundum statum fidei. Eucharistia autem non respicit statum fidei, sed potius charitatem, unde etiam sacramentum charitatis vocatur.

AD ALIVD dicendum, quod in lege naturæ & Moyfi non fuit status fidei explicitæ, sicut in noua: omnia autem sacramenta imprimantia characterem, imprimunt ipsum secundum statum fidei explicitæ non implicitæ. Et ratio quare circumcisio non imprimebat characterem, supra expedita est in questione de circumcissione: non enim erat nisi figura characteris baptismalis, sicut spirituale intelligitur in corporali signo.

AD ID autem quod obiicitur de dicto Origenis, dicendum quod ipse intelligit, quod virtutem circumcissionis intelligebant quidam esse spirituales, non quod characterem imprimeret spirituales, sicut Abraham, & alij, qui in lege intelligebant sacramenta Christi futura.

AD ALIVD dicendum, quod ista propositio, quod potest maius potest minus, non est vera nisi de his in quibus una potestas est ordinata ad maius & minus: & ideo non est ibi locus à minori: quia posset sacramentum etiam minus, si ad hoc esset ordinatum. Alij soluunt aliter, dicentes quod licet character aliquid minus sit quam gratia in valore ad salutem: tamen quoad hoc est maius, quia est indelebilis, cum gratia sit delebilis: sed prima solutio valet magis.

AD ALIVD dicendum, quod non quodlibet sacramentum est sufficiens ad operandum characterem, cum ad hoc non sit ordinatum, ut iam dictum est.

AD ID quod ulterius queritur, dicendum quod causa impressionis characteris non est ex materia, sed ex inuocatione Trinitatis, non simpliciter, sed in sacramento quod ponit personam in statu fidei speciali: sicut est fides genita, defensa, & propaganda in alios, vel nutrienda in aliis.

AD ID autem quod obiicitur in contrarium, dicendum quod in aliis sacramentis licet esset inuocatio Trinitatis: non tamen ponunt illa in speciali statu fidei: & ideo inuocatio Trinitatis etiam si esset in eis ut forma sacramenti, quod tamen non est verum, non adhuc operaretur characterem.

AD ALIVD dicendum, quod in nomine Christi sicut supra patuit in explanatione Ambrosij, intelligitur Trinitas, & iterum hoc fuit ex dispensatione ad tempus, ut dictum est supra. Unde tum propter iussu Dei, tum propter hoc quod in nomine illo saluabatur inuocatio Trinitatis quæ in eo intelligitur implicate: in illo, & non in Ioannis baptismo, in primitiua Ecclesia imprimebatur character.

Ad hoc autem quod obiicitur de nomine

venturi, dicendum quod licet idem fuerit in re baptizate in nomine Christi, & in nomine venturi: non tamen idem erat in modo significandi: quia venturus non habebat eundem modum significandi, sicut habet hoc nomen, Christus: & ideo in argumento de Ioannis baptismo incidit locus sophisticus accidentis.

AD ID quod ulterius queritur, an virtutes imprimant characterem? Dicendum, quod non: quia virtus quicquid operatur in subiecto est delectabile & non perpetuum: sed de ratione characteris est quod sit perpetuus. Et si obiicitur de dicto in præterito, iam supra patuit, qualiter est soluendum.

AD ALIVD dicendum, quod licet distinguant inter fideles: tamen hæc distinctio non est secundum specialem statum fidei, sed potius secundum ordinem ad mores: distinctio autem characteris est secundum statum fidei specialem. Et per hoc patet solutio ad totum.

## ARTICVLVS VI.

*An in tribus sacramentis imprimantibus characterem, character impressus sit unus, & si quis eorum est plures?*

Quarto queritur de numero & ordine characterum. Iam enim ostensus est numerus per hoc quod non nisi tria sacramenta imprimant characterem. Videtur autem idem esse character in omnibus sacramentis: quia eadem est fides genita, roborata, & potens propagari ad alterum: ergo & idem character fidei, ut videtur: sed primus est baptismalis, secundus confirmationis, tertius ordinis: ergo videtur, quod unus sit character in tribus secundum substantiam.

PRÆTEREA queritur de ordine. Baptismalis enim est primus: quia si non habet quis baptismalem, & recipit ordinem, non reputatur ordinatus, sed iterato ordinatur post baptismum: ergo videtur, quod cum character confirmationis sit medius, quod etiam necessario debet haberi ante characterem ordinis: & ex hoc sequitur, quod non confirmatus non possit ordinari: & hoc non tenet Ecclesia.

SOLVTIO. Multi multipliciter accipiunt numerum characterum: sed probabilior acceptio videtur penes numerum distinctionis in statu fidei: sicut in familia David legimus tres fuisse distinctiones, quarum prima fuit generalis, scilicet populi Dei à non populo: quia David erat rex super populum Dei, sicut dicitur in Psalm. 77. Sustulit eum de gregibus ouium, de post fœtantes accepit eum: pascere Iacob seruum suum, & Israël hæreditatem suam. Alia autem distinctio fuit fortium David, de qua loquitur 2. Reg. penult. qui defendebant cultum & populum, viriliter pugnando: in quibus notatur distinctio characteris confirmationis. Ibidem etiam legitur, quod quidam distincti erant in Prælatos, & sacerdotes, & scribas, & huiusmodi: & in illis significatur character excellentiæ in ordine. Est igitur status fidei duplex, scilicet primus, quando datur fides ut distinguantur fideles in sortem populi Dei: & hoc per characterem baptismalem. Secundus, quando in

*Ad questionem 2.*

*Questiōcula.*

*Solutio.*



in tyrones confirmantur, ut fides in eis stet & defendatur: & hoc est character confirmationis. Tertius autem ut propagentur: & hoc est ordinis: & non sunt plures status: & ideo non sunt plures characteres. Aliter potest dici, quod Christus imprimens characterem sapientia est docens fidem, pugnans fortiter pro fide, & sacerdos ostendens sacrificium fidei: & penes hæc tria imprimit sanctæ fidei characterem. In quantum est sapientia docens diuinam veritatem, quæ est in articulis fidei, imprimit characterem baptismi: in quantum autem pugnavit ut staret fides in nobis, imprimit characterem confirmationis: in quantum autem ut sacerdos obtulit sacrificium fidei, imprimit characterem ordinis. Sed prima acceptio melior est.

DICENDUM ergo ad id quod primo obiicitur contra, quod characteres differunt in essentia: sed fides non differt nisi per accidens: & hoc est ideo, quia character non est idem quod fides: sed distinctio accepta est penes statum fidei: status autem fidei est diversus: & ideo character est diversus: argumentum autem procedit ac si characteris diversitas penes fidei diversitatem accipiat.

AD ALIUD dicendum, quod duplex est ordo, scilicet necessitatis, & congruentiæ: character autem baptismalis ad alia sacramenta habet ordinem necessitatis & fundamenti: sed character confirmationis non habet ordinem necessarium ad characterem ordinis, sed congruentiæ tantum. Et si obiicitur de matrimonio quod est etiam in non baptizatis: dicendum quod hoc non est tantum sacramentum Ecclesiæ, sed etiam officium naturæ: tamen secundum quod est sacramentum, non habet perfectam indissolubilitatem nisi secundum quod fundatur in baptismo & fide. Aliter enim aliquo casu cogente solui potest: ut si alter coniugum nolit cohabitare nisi in continentiam Creatoris, ut infra dicitur: & per hoc patet solutio ad totum.

## ARTICVLVS VII.

*Quomodo se habet character sacramentorum Christi ad characterem bestie?*

Quinto quæritur de comparatione characteris sacramentorum Christi ad characterem bestie, de quo character legitur Apoc. 13. Ne quis posset vendere, aut emere, nisi habeat characterem nominis bestie. Quæritur autem, Vtrum isti characteres fundentur in eodem. Viderur autem, quod sic: quia contraria nata sunt fieri circa idem: character autem Christi & bestie sunt contrarii: ergo nati sunt fieri circa idem.

SED CONTRA: Contraria non sunt simul actu in eodem: ponamus autem aliquem baptizatum peccare mortaliter, constat quod ipse per peccatum non amittit characterem Christi: ergo tunc simul habentur actu in eodem character Christi & bestie siue diaboli, quod impossibile est si sunt contrarii, ut videtur.

VLTERIUS quæritur iuxta hoc, Quæ sit causa perpetuitatis characteris Christi, & non bestie. Viderur, quod non causa efficiens: quia Deus qui imprimit characterem, in-

fundit etiam virtutem: & tamen virtus non est perpetua.

2 Item, Non videtur, quod causa perpetuitatis sit non iteratio sacramenti: quia potius est contrario est, scilicet quod perpetuitas characteris est causa quare non iteratur sacramentum: ergo videtur, quod nulla sit causa nisi subiectum. Sed tunc character bestie erit perpetuus, sicut character Christi, cum in eodem sint sicut in subiecto.

SOLVITIO. Dicendum, quod character bestie peccatum est mortale: & non est character secundum plenam rationem characteris, nisi quod efficitur indelebile: & tunc nec adhuc habet plenam rationem characteris, quia non configurat creaturam Trinitati, sed potius facit eam dissimilem: unde æquiuoce dicitur character.

AD PRIMUM autem dicendum, quod character Christi & bestie non sunt directe contraria, nec omnino sunt secundum idem: sed peccatum est secundum liberum arbitrium, & character secundum intellectum qui est pars imaginis: & quia non sunt contrarii, possunt simul esse.

AD ID quod ulterius quæritur, Quæ sit causa perpetuitatis? dicendum quod causa indelebitatis est virtus inuocationis in sacramento fidei secundum subiectum perpetuum: ad hoc enim consequitur quod ipsum sacramentum aliquid perpetuum operetur, quod aut sit dispositio ad melius bonum perpetuum, aut testimonium iustæ condemnationis si virtus sacramenti abiiciatur. Alia autem sacramenta quæ dant gratiam sine characterem, non habent talem inuocationem, nec relationem ad fidei statum: & ideo delebilis est totus effectus eorum: & ideo iterantur. Et per hoc patet solutio ad totum.

## ARTICVLVS VIII.

*Quis est effectus characteris?*

Deinde quæritur de effectu characteris. Viderur autem ex præhabitis, quod gratia sit effectus: quia signum in sacramento nouæ legis est causa: sed character est signum gratiæ, ut habitum est: ergo est etiam gratiæ causa.

2 Item, Character est medium inter primum quod est signum tantum, & ultimum quod est res tantum: cum igitur ultimum sit in ratione effectus tantum, & primum in ratione signi tantum: medium erit in ratione effectus & causæ: ergo medium quod est character, est causa ultimi quod est res tantum, scilicet gratiæ.

SED CONTRA hoc obiicitur per diffinitionem causæ: quia causa est (ut dicit Boëtius) cuius esse sequitur aliquid ex necessitate: sed esse characteris non ex necessitate sequitur gratia, ut patet in ficto: ergo videtur, quod non sit causa gratiæ.

Sed quia de hoc iam infinita dicta sunt & hic & supra ubi agebatur de fictione, dicendum quod character est causa gratiæ hoc modo quo signum sacramentale est causa, scilicet disponens in subiecto, ut supra in diffinitione sacramenti habitum est.

Ad ultimum autem dicendum, quod est causa quantum est de se: & sic sequitur gratia: sed impeditur per accidens ex parte fictionis.



## ARTICVLVS IX.

*Quæ gratia est sanctificatio in utero, & quando datur, & quantum valet: & an talis esset baptizandus si nunc nasceretur?*

**D**Einde quærendum est de charactere ex parte suscipientis: & de hoc infra determinabitur in hac eadem distinctione, & ideo vsque illuc differatur. Et quærat de hoc quod dicit *ibi* [Illud ignorandum quoque non est, quod in materno utero nullus baptizari poterit] Non enim est disputatio de sanctificatis in utero, scilicet de Ioanne & Ieremia: de quo etiã disputata sunt plura in primo lib. dist. 1. Quærat ergo, quæ gratia sit sanctificatio in utero, & quando datur, & quantum valet? & hæc quæstio pertinet ad Ieremiam & Ioannem: quia de Beata Virgine supra habitum est: & utrum baptizari deberet paruulus, si modo aliquis in utero sanctificatus nasceretur?

Videtur autem, quod gratia sanctificationis in utero non sit gratia baptismalis: quia illa non potest dari, ut dicit Isido. in litera, non nato secundum Adam: in utero autem existens non est natus secundum Adam: ergo ipse gratiam sacramentalem suscipere non potest.

2 Item, Totum tempus conceptus deputatum est maledictioni primæ in Psalm. 50. ubi dicitur Ecce enim in iniquitatibus conceptus sum: & in peccatis concepit me mater mea. Ergo videtur, quod tempus conceptus repugnet sanctificationi: ergo videtur, quod nullus potest in utero sanctificari.

3 Item, Quicquid trahitur à massa corruptionis, est infectum corruptione prima, si per causam feminalem fuit in illa, ut dicit Augustinus: ergo in tempore conceptionis videtur, quod non sit sanctificatum ubi infectionis est totum tempus: tempus autem conceptionis est tempus tractus carnis pueri à carne parentum: contrahit autem continue aut substantiam aut nutrimentum de carne parentum infecta: ergo videtur, quod iterum non possit sanctificari: ergo nullus potest sanctificari in utero.

*Sed contra.*

**S**ED CONTRA hoc sunt multæ Glossæ. Super illud Luc. 1. Ecce enim ut facta est vox salutationis tuæ in auribus meis: dicit Gloss. In ipso momento quo vox intrat ad aures corporis, spiritus intrat cor audientis: & non solum matrem, sed etiam sobolem amore aduenientis accendit. Ergo videtur, quod sanctificatus fuit puer: quia aliter non fuisset accensus amore charitatis.

2 Item, Ibidem alia Gloss. super illud, Exultavit in gaudio infans in utero meo, dicit sic: Prior Ioannes exultavit, quia prior sensit gratiam: & sicut illa Mariæ, sic iste aduentum Domini sensit. Non autem potuit sentire nisi per excellentem gratiam sanctificationis: ergo videtur, quod sanctificatus fuit.

Item, Ibidem alia Gloss. dicit sic, Non prius est repleta Spiritu sancto mater quam Filius. Ergo patet, quod fuit plenus Spiritu sancto: & hoc non potest esse sine sanctificatione: ergo fuit sanctificatus in utero.

*Quæstionula 2.*

**S**ED TUNC quæritur ulterius, Quando datur? Videtur autem, quod ante animationem, per

illud Ierem. 1. Priusquam te formarem in utero noui te, & antequam exires de ventre sanctificaui te: formatur autem puerperium, ut dicit Augustinus super Exod. quando animatur embrio in utero: si ergo fuit natus in utero per gratiam ante formationem, ipse fuit sanctificatus ante animationem.

2 Hoc etiam videtur per quandam Glossam super Luc. 1. quæ dicit, Nondum erat illi spiritus vitæ, & iam erat spiritus gratiæ: spiritus autem vitæ est anima: ergo ante animationem fuit sanctificatus.

3 Hoc etiam videtur per rationem: quia causa infectionis est materia in utero: cum igitur prior sit Deus ad miserendum quam ad condemnandum, videtur quod sanctificatio animam præcedere debuit.

4 Item, Sapiens medicus curat causam morbi à radice: sed Deus sapientissimus est: ergo videtur, quod ipse inceperit curam morbi originalis à radice: radix autem in corpore est ante animam: ergo videtur, quod ibi incepit sanctificationem.

**S**ED CONTRA. Sanctificatio non est nisi per gratiam: gratiæ autem gratum facientis quæ est in virtutibus nihil est susceptibile nisi rationalis spiritus: ergo ante spiritum rationalem non potuit esse sanctificatio aliqua: ergo non fuit sanctificatus ante animationem.

*Sed contra.*

**V**LTERIVS quæritur, Quantum valet illa gratia sanctificationis in utero? Videtur enim minus valere quam gratia baptismalis: quia baptismus imprimit charactere: sed gratia sanctificationis in utero non imprimit: ergo videtur, quod minus valeat.

*Quæst. 3.*

2 Item baptismus operatur virtute passionis Christi, & diuina, & fidei Ecclesiæ: sed gratia sanctificationis in utero non operatur nisi virtute diuina tantum: ergo videtur, quod minorem relinquat effectum, quam gratia baptismalis.

**S**ED CONTRA hoc videtur iterum esse: quia vigor singularis priuilegij semper transcendit beneficium commune: beneficium autem commune est gratia baptismalis: & gratia sanctificationis in utero non operatur nisi tantum virtute diuina: ergo videtur, quod gratia sanctificationis in utero transcendat gratiam baptismalem.

*Sed contra.*

**V**LTERIVS quæritur quarto, Si baptizandus esset aliquis, si hoc modo nunc nasceretur? Videtur autem, quod non: quia efficacior est virtus diuina quam virtus sacramenti: sed in sanctificatis in utero est virtus diuina operans: ergo non debet adhiberi sacramentum.

*Quæstionula 4.*

2 Item, In natura nihil fit frustra: ergo minus in operibus diuinis: sed frustra esset, si essent duæ operationes ad vnum habitum inducendum, cum per vnā sufficienter haberetur: ergo cum sufficiens habeatur gratia per sanctificationem in utero, videtur quod frustra baptizaretur.

3 Item, Non iteratur sacramentum ne fiat iniuria: ergo sacramentum non debet conferri ne fiat iniuria operationi diuinæ in sanctificatione in utero.

**S**ED CONTRA est, quod si aliquis sanctus accedat ad baptismum, sicut Cornelius: nihilominus tamen necesse habet baptizari, sicut supra habitum est de his qui sancti veniunt ad baptismum: ergo à simili videtur, quod etiam si in utero sit sanctificatus, baptizari adhuc teneatur.

*Sed contra.*

2 Item, Constat, quod charactere non habet: ergo tenetur eū suscipere: & non potest nisi per baptismum:



ptissimum: ergo tenetur baptizari. Et hæc sufficiat ad præsens: quia plura de hoc quæsitæ sunt supra in distinctione tertia.

*Solutio.* SOLVITIO. Dicendum, quod gratia sanctificationis in vtero circa tres personas habuit locum, quæ spirituales ordinem Spiritus sancti habebant ad illam sanctitatem in vtero, de qua dicitur Matth. 1. Quod enim in ea natum est, de Spiritu sancto est. Et Luc. 1. Quod enim ex te nascetur sanctum, vocabitur Filius Dei. Et hic ordo super tertium expositus est.

*Dist. 3. a. 8.* Ad primum ergo quod in contrarium obiicitur, dicendum quod natus secundum Adam est aliquis duobus modis, scilicet natiuitate in vtero quando formatum est puerperium, & natiuitate ex vtero quando procedit in lucem. Et de prima natiuitate verum est generaliter, quod dicit Isidorus propter sententiam Domini: quia omnes tenet lege concupiscentiæ conceptos, sicut dicitur Ephes. 2. Omnes nascimur filij iræ. Sed de secunda non tenet nisi de renatis per sacramentum, & non per beneficium spirituale sanctificationis.

AD ALIVD dicendum, quod hæc est falsa, quod totum tempus conceptus deputatur maledictioni: quia sic à singulis momentis acciperet maledictiones diuersas, aut vnā traheret successiue: sed tantum vnum momentum maledictionis est, scilicet in quo inditur anima.

AD ALIVD dicendum, quod licet embrio per totum tempus conceptionis trahat nutrimentum à matre corrupta, vel à parentibus corruptis: tamen trahit non causam nouæ corruptionis: quia nutrimentum non efficitur nouum corpus quod animetur, sed vnitur corpori iam factò & animato, & ideo non habet causam corruptionis nisi in illo.

*Ad quaest. 2.* AD ID quod vltius quæritur, Quando datur illa gratia? Dicendum, quod post animationem: in lumbis enim Adæ vel Abrahæ vel aliorum etiam in carne parentum, vel ante conceptum, non potest aliquis sanctificari: & hoc totum super tertium ostensum est: & causa dicta est ibidem.

*In 3. dist. 3. a. 4.* AD ID ergo quod contra obiicitur, dicendum quod notitia qua nouit Ieremiam ante sanctificationem fuit notitia prædestinationis: & ideo subiungit de sanctificatione præsentis iustitiæ, quando dicit, Antequam exires de ventre sanctificaui te.

AD ALIVD dicendum, quod Glossa sic intelligitur, Nondum erat ei spiritus vitæ, id est, liber anhelitus quo ipse nutritur & fouetur separatus à matre: sed tamen ei erat spiritus qui est causa vitæ. Et probatur per dictum Angeli qui ad Beatam Virginem dixit, Hic mensis est sextus illi quæ vocatur sterilis: nullus autem conceptus est quin mense sexto sit formatus, præcipue in

terris calidis, sicut est terra vltimarina, in quibus etiam quandoque septimus mensis statim partui deputatur.

AD ALIVD dicendum, quod pronior est ad miserandum: sed tamen non facit quod non potest fieri. Omnis autem forma ad hoc quod sit determinata, quærit subiectum proprium: & ideo non dat gratiam antequam sit subiectum in quo possit recipi gratia & virtus: & hoc non est corpus. Præterea, spiritualis medicina à spiritu ad corpus secundum rationem congruitatis debet deriuari. Si autem obiiciat aliquis, quod potuit Deus causam infectionis amouere à corpore: & tunc anima non inficeretur cum infunditur. Dicendum, quod potuit Deus facere: sed non decuit iustitiam: quia omnes in peccatis concipiendos condemnauit. Præterea, ille qui sic conciperetur, non esset sanctificatus ex hoc, sed esset in statu innocentie primæ: & hoc non esset decor iustitiæ, sed esset deformitas, quod vnus indigeret redemptore & alter non.

AD ALIVD dicendum, quod cura morbi culpæ non potest incipere in corpore: quia in corpore vt in subiecto non est culpa aliqua, sed pœna tantum: & illa in parte remanet post baptismum, sed non inficit post baptismum propter gratiam redemptionis, & propter characterem baptismalem, sicut dictum est super secundum in tractatu de peccato originali: & ideo congruissimo modo incipit medicina ab anima.

AD ID quod vltius quæritur, dicendum est, quod hæc gratia simpliciter maior est quam gratia baptizati: quia plus debilitat fomitem, sicut notatum est super tertium: sed gratia baptismalis secundum quid est maior: quia imprimit characterem, & secundum hoc est maior. Et sic patet solutio ad omnia obiecta contra istum articulum.

AD ALIVD quod vltius quæritur, dicendum quod si nasceretur infans in vtero cum gratia sanctificationis, ipse deberet baptizari propter præceptum Domini, & propter characterem, sicut Ieremias fuit circumcissus, & Ioannes, & Beata Virgo, vt puto, fuerunt baptizati.

AD ID autem quod contra obiicitur, dicendum quod diuina operatio sufficientissima est ad hoc quod operetur: sed non operatur characterem baptismalem, nec solutionem præcepti sui: & ideo licet gratiam dederit, tamen restat adhuc necessitas baptizandi. Per hoc etiam patet solutio ad sequens.

AD TERTIVM dicendum, quod nemo est adeo plenus gratia quin possit fieri plenior: & ideo ibi recipit gratiam pleniorē & characterem: & ideo diuinæ operationi non fit iniuria: sed si baptizaretur ad idem habendum quod habitum est per diuinam operationem, tunc teneret obiectio facta.

Leo papa.

**P**RÆTEREA sciendum est, quod illi de quibus nulla extant indicia inter propinquos vel domesticos vel vicinos à quibus baptizati fuisse doceantur, agendum est vt renascantur ne pereant: in quibus quod non ostenditur gestum, ratio non finit vt videatur iteratum. Conferendum eis videtur, quod collatum esse nescitur: quia non temeritas interuenit præsumptionis, vbi est diligentia pietatis.

D. Alb. Mag. in Lib. 4. Sentent.

G 3

ARTICV

D  
De conf.  
dist. 4. c.  
Si nulla.



## ARTICVLVS X.

*An aliquis inuitus, amens, dormiens, potest baptizari?*

**D**Einde quæritur de hoc quod dicitur ibi [Sciendum est, quod illi de quibus nulla exant indicia, &c.] Et quæritur iuxta hoc, Vtrum si aliquis sit mutus, vel dormiens, vel inuitus & reclamans: tamen posset baptizari? Videtur, quod sic: quia motus liberi arbitrij non exigitur ad baptismum, cum paruuli non habeant vsum liberi arbitrij, in quibus tamen operatur virtus baptismi.

2 Item, Pro peccato alieno videtur sufficere fides aliena, id est, Ecclesiæ: originale autem peccatum alienum est: ergo videtur, quod illi sufficiat fides Ecclesiæ quæ æqualiter offertur inuitis & surdis & mutis & dormientibus & amentibus: sicut paruulis: ergo videtur, quod consequitur characterem & gratiam baptismalem.

*Solutio.*

*SOLVTIO.* Dicendum, quod aliter est in

inuitis, & aliter in aliis. Distinguit enim Papa inter inuitum, & inuitum. Est enim inuitus non credens, tamen operationi Ecclesiæ non reclamando se subiiciens, vt hoc ipsum consequatur quod credit facere Ecclesiam: & hic consequitur characterem. Est etiam inuitus aperte reclamans, & non subiiciens se operationi Ecclesiæ: & hic nihil consequitur, etiam si millesies immergeretur. De amentibus autem puto, quod baptizandi sunt, præcipue si filij sunt Christianorum: & etiam si alij baptizentur, puto, quod recipiant characterem & virtutem baptismi, si sint amentes à natura. Si autem dum ratione vtuntur, reclamauerint, puto, quod nihil consequuntur, si baptizantur in amentia. De dormientibus idem dico, quod si baptizantur, & reclamauerint in vigilia, non consequuntur quicquam: si autem annuerint, vel interrogati non reclamauerint: puto, quod baptizati consequuntur characterem ad minus, & etiam gratiam si compuncti fuerint ante somnum: sed non est faciendum nisi in extrema necessitate periculi.

*De illo qui pro ludo immergitur.*

Lib. de baptismo, & habetur de cons. dist. 4. Soler etiam quæri.

**E** **S**OLET etiam quæri de illo qui iocans, sicut mimus, commemoratione tamen Trinitatis immergitur, vtrum baptizatus sit? Hoc autem Augustinus non diffinit ita inquit, Si totum ludicre & mimice & ioculariter ageretur, vtrum approbandus esset baptismus qui sic daretur, diuinum iudicium per alicuius reuelationis miraculum oratione implorandum esse censerem. Videtur tamen sapientibus non fuisse baptismus: vt cum aliqui balneum vel in flumen merguntur in nomine Trinitatis, non est tamen baptismus, quia non intentione baptizandi illud geritur. Nam in hoc & in aliis sacramentis sicut forma est seruanda, ita & intentio illud celebrandi est habenda. Illud etiam te non moueat, quod quidam non ea fide paruulos ad baptismum ferunt, vt per spiritum ad vitam regenerentur æternam: sed eos putant hoc remedio temporalem accipere sanitatem: non enim propterea illi regenerantur, quia nec ab illis hac intentione offeruntur.

## ARTICVLVS XI.

*An aliquis potest iocando vel mimice baptizari?*

**D**Einde quæritur de hoc quod dicit ibi [Soler etiam quæri de illo qui iocans sicut mimus, &c.] Videtur enim, quod non sit baptismus: quia sicut statim dicitur in litera, intentio exigitur in hoc, & in aliis sacramentis: mimice autem immergens iocari & non baptizare intendit: ergo ille nihil confert. Sed contrarium videtur quod aliud consequitur: quia August. super hoc dubitat.

Item, Videtur quod intentio nihil operatur ad sacramentum: quia dicit Augustinus, quod baptizat ebriosus, & baptizatum est: ebriosus autem non potest intendere: quia sicut notatum est super secundum, intentio est voluntas

cum fine, vel ratio determinans finem: & ebriosus vsum rationis non habet: ergo intentio in sacramento nihil operatur.

2 Item, In Euangelio non fit mentio de intentione, cum dicitur in fine Matth. Ite, baptizantes eos, &c. non autem dicitur, Intendite baptizare.

3 Item, Ex parte suscipientis non exigitur intentio suscipiendi: ergo videtur, quod nec ex parte dantis intentio dandi.

4 Item, Omnes exponimur per hoc periculo, quia nescimus, vtrum sacerdos intendat aut non. Et videtur, quod ex odio multos potest negligere non intendendo: ergo videtur, quod cum baptismus sit sacramentum necessitatis, quod intentio esse non debeat.

5 Item, De hæretico habitum est supra quod baptizat: & tamen ipse non intendit facere quod facit Ecclesia. Quod autem opus hæretici imprimat



mat characterem, dicit Ambros. in lib. de lib. arbit. de baptismo paruulorum sic, Characterem multi lupi infigunt: qui videntur esse intus, veruntamen ad illud ouile quod vnum est ex omnibus, non pertinere morum suorum fructibus cognoscuntur.

6 Item, Ibidem. Dominicus character cum ouis errans liberata ab errore, ad Christianam veritatem redit, agnoscitur, non improbat.

7 Etiam in litera supra expresse habitum est. Ergo non intendens baptizat, vt videtur: ergo non exigitur intentio, sicut dicitur in litera: & ita mimice baptizatus, baptizatus est, etsi totum fuerit mimicum, vt videtur.

*Solutio.*

SOLVTIO. Dicendum, quod intentio ex parte dantis exigitur ad baptismum: sed non intentio consecrandi aliquid, sed tantum faciendi quod facit Ecclesia: & hoc exprimitur per verbum baptizandi, cum dicitur, Ego te baptizo, vt supra dictum est in questione de forma baptismi. Vnde si iocularie cum intentione faciendi quod facit Ecclesia super non baptizatum non reclamantem ante, vel tunc, proferatur, baptizatum est: & tunc

non totum est mimicum: quia intentio in verbo primæ personæ expressa, mimica non fuit. Si autem mimicum est, & ille reclamaret, tunc nihil ille consequitur.

AD ILLUD quod contra obiicitur, dicendum quod aliud est baptizare ebriosum, quam ebrium: ebrius enim in actu non habet usum rationis, sed ebriosus non necessario est ebrius.

AD ALIUD dicendum, quod intentio significatur in actu baptizandi expresse: quia præter intentionem non est ordinata actio à sapiente.

AD ALIUD dicendum, quod ex parte suscipientis ponitur intentio ad factum Ecclesiæ, quando non reclamando se submittit: & talis intentio sufficit.

AD ALIUD dicendum, quod ex hoc non exponitur periculo: quia exprimitur generalis intentio in verbo baptizandi: & illa expressio sufficit ad intentionem Ecclesiæ, scilicet ad faciendum quod facit Ecclesia: licet non credat hoc aliquid valere: talis autem intentio sufficit, vt iam dictum est. Et per hoc patet solutio ad totum.

*Quod duo tempora erant in quibus baptizabantur homines.*

**A**GNOSCENDUM est etiam in baptizandis electis duo tempora esse seruanda, id est, Pascha & Pentecosten, vt in sabbato Paschæ vel Pentecostes baptismi sacramentum celebretur. Qui vero necessitate mortis vel periculi vrgentur, omni tempore debent baptizari.

Leo Papa. De conse. dist. 4. c. Duo tempora.

ARTICVLVS XII.

*An in electis baptizandis debent seruari duo tempora, scilicet Pascha & Pentecosten?*

**D**Einde quæritur de hoc quod dicitur ibi [In baptizandis electis] Quæ sit ratio illorum duorum temporum: quia videtur, quod in Epiphania deberet esse baptismus: quia tunc baptizatus est Dominus, & vim regenerationis contulit aquis. Matth. 3. & Luc. 3.

2 Item, Tunc aperti sunt super eum cæli, sicut baptismus cælos aperit: ergo tunc magis est secundum congruentiam tempus baptizandi.

3 Item, In die natiuitatis videtur esse tempus: quia baptismus habet similitudinem cum regeneratione spirituali: ergo ordinatur ad natiuitatem magis quam ad resurrectionem, vt videtur.

4 Præterea, Cum sit sacramentum necessitatis quod differre est periculum, videtur semper esse tempus baptizandi.

*Solutio.*

SOLVTIO. Tempus necessitatis est semper, quando nascuntur paruuli: sed tempus congruentiæ est bis in anno, vt tangitur in litera: quia per baptismum consignamur morti & resurrectioni, vt dicit Apostolus Rom. 6. Quoniam sepelimur cum illo per baptismum in morte, &c. & ter immergimur propter triduanam sepulturam: & nudi extrahimur propter testimonium resurrectionis.

Hoc est quod dicit, consepulti erimus cum ipso per baptismum in morte, & quomodo surrexit Christus à mortuis per gloriam Patris, ita & nos in nouitate vitæ ambulemus. In Pentecoste autem: quia Spiritus sanctus operatur in baptismo, qui tunc missus celebratur.

AD ID ergo quod contra obiicitur, dicendum quod vis regeneratiua est imperfecta ad regenerandum, quam contulit Dominus tactu suæ mundissimæ carnis frigentibus vndis, vt dicit Beda, & reducit ad actum per veritatem Passionis & inuocationem Trinitatis: & ideo in Passione aqua cum sanguine de latere Christi exiuit, vt intelligatur sanguis in aqua operans.

AD ALIUD dicendum, quod cælum tunc apertum fuit ad exitum gratiæ: sed ad introitum in gloriam apertum fuit in Passione & Resurrectione, & quoad locum in Ascensione, sicut supra determinatum est.

AD ALIUD dicendum, quod vt dicit Petrus Gregorij discipulus, in benedictione cerei paschalis, nihil nobis nasci profuit, nisi redimi profuisset: & ideo spiritualis regeneratio magis pertinet ad resurrectionem, quam ad natiuitatem: quia in resurrectione Christus

deposuit vetustam pœnalitatem, sicut homo deponit vetustatem peccati.

\*\*\*



## ARTICVLVS XIII.

*An venientes ad baptismum, fidem debent  
profiteri, & an illa professio  
sit votum?*

**D**Einde quæritur de hoc quod ibi dicitur [Porro cuncti ad baptismum venientes, fidem profiteri debent] Ex hoc enim videtur esse votum sponsio, quæ fit in baptismo: quia votum est spontanea promissio melioris boni, deliberatione & obligatione firmata: sed constat, quod peccans contra votum, peccat dupliciter vno pec-

cato, quia actum illicitum committit, & quia contra votum facit: ergo videtur, quod omnis baptizatus peccando post baptismum, dupliciter peccat: ergo baptizatus condemnationem suam deterioriorem facit.

**SOLVTIO.** Dicendum, quod non est votum nisi valde generaliter & improprie sumendo: quia votum est conceptio melioris conditionis boni & promissio, deliberata obligatione firmata: non autem dicitur melius bonum nisi consilij, non præcepti: baptizandus autem non promittit nisi bonum præcepti, ad quod tantum obligatus est: & ideo non est votum proprie, & sic patet solutio ad totum. *Solutio.*

*De responsione patrinorum.*

**P**ORRO cuncti ad baptismum venientes, fidem suam profiteri debent, & exponere quid petendum venerint ad Ecclesiam. Vnde etiam à baptizando quæritur, Quid venisti ad Ecclesiam petere. Qui si adultus est, pro se respondet, Fidem, id est, sacramentum fidei, & doctrinam. Ita etiam per singula interrogatus, respondet se credere in Patrem & Filium & Spiritum sanctum. Si autem paruulus est, non valens credere vel loqui, alius pro eo respondet. Vnde Isidorus, Paruuli alio profitente baptizantur, qui adhuc loqui vel credere nesciunt: sicut etiam pro ægris, mutis, vel surdis alius profitetur dum baptizantur: sic & de poenitentibus agendum est. Si vero pro eo qui respondere potest, alius respondeat, non itidem valet: sicut dictum est, Ætatem habet, pro se loquatur. Si vero quæritur, ex quo sensu pro paruulo dicatur, Credo, vel Fidem peto. Dicimus de sacramento fidei id esse intelligendum, quod respondetur petere cum defertur ad Ecclesiam, & habere fidem cum baptizatur, ut sit sensus cum dicitur, Fidem peto, id est, sacramentum fidei præsto sum recipere: Credo, id est, sacramentum fidei suscipio: quod est, hic paruulus præsto est sacramentum fidei accipere. Vnde Augustinus, Nihil est aliud credere quam fidem habere: & ideo cum respondetur credere paruulus, qui fidei nondum effectum habet, respondetur fidem habere propter fidei sacramentum, & conuertere se ad Deum propter conuersionis (alias fidei) sacramentum. Sed adhuc quæritur, ex quo sensu pro paruulo respondeatur, Credo in Deum Patrem, & in Iesum Christum, & Spiritum sanctum. Nunquid de sacramento fidei, an de fide mentis ibi agitur? Si de sacramento, cur nominatim distinguuntur personæ? Si vero de fidei affectu, quomodo verum est cum ea paruulus careat? An illud facturum paruulus spondetur cum creuerit, sicut & omnibus pompis diaboli spondetur abrenuntiare: quod si non seruauerit factus adultus, tenebitur ipse, vel sponsor? Sane etiam dici potest ibi sponderi pro paruulo, quod ad maiorem ætatem si venerit, & pompis diaboli renuntiabit, & sanam fidem tenebit, cuius tunc sacramentum recipit. Hac autem sponsione paruulus pro quo fit, tenebitur, non sponsor: si tamen ut cautio impleatur, quantum in se est, operam dederit, quia exigitur à patrino, ut sit diligens circa eum, pro quo spondit, sollicitudo. De hoc Augustinus: Certissimam emisistis cautionem, qua renuntiare pompis diaboli spondidistis.

Lib. 2. de  
officiis  
cap. 24.  
De consue.  
dist. 4. c.  
Paruuli.

Ioan. 19.

Epist. ad  
Bonifac.  
23. De  
consec.  
dist. 4. c.  
Nihil est  
aliud.



ARTICVLVS XIV.

*An paruulus ad aetatem veniens, tenetur ad ea quae pro ipso vouerint patrini, & an patrini obligati sunt tanquam fideiussores fidei eorum, & quo sensu patrini dicant, Credo?*

**D**Einde quaeritur de hoc quod dicitur ibi [ Si autem paruulus est non valens loqui vel credere, &c. ] Vtrum paruulus ad aetatem veniens, obligatur ad ea quae pro eo sponderunt patrini? Videtur autem, quod sic: quia dicit Dionysius quod sensus verborum quae dicunt patrini est, quod puer ille in sensum veniens, tenebit sacras confessiones, quae ibi sponderunt: ergo obligatur, ut videtur ad hoc.

2 Item, Maius est quod homo sit ordinatus ad bonum, quam ad malum: sed ad malum ligati sumus alterius transgressione: ergo etiam ad bonum obligari possumus alterius obligatione & confessione: ergo pueri obligantur per verba patrinorum, ut videtur.

*Sed contra.* **S**ED CONTRA: Si aliquis vouet filium suum religioni ante annos discretionis, filius ad annos discretionis veniens, non est obligatus: ergo à simili non obligatur per responsa patrinorum.

*Quaestio.* **V**LTERIVS quaeritur, Vtrum patrini obligati sunt quasi fideiussores fidei eorum? Videtur autem quod sic: quia ita dicit Augustinus in quodam sermone, Vos autem omnes tam viros quam mulieres qui filios in baptismo suscipitis, moneo, ut vos cognoscatis fideiussores apud Dominum extitisse: moneo ergo eos ut semper castitatem custodiant, iustitiam diligant, charitatem ament, ante omnia symbolum & Dominicam orationem discant: & vos ipsi tenete, & illis quos suscepistis, ostendite. Ergo videtur, quod obligantur.

2 Item, Ambrosius. Longe plus debemus diligere filios quos sacro fonte leuauimus, quam quos genuimus: constat autem, quod nos obligamur prouidere pueris carnalibus bona: ergo multo

magis spiritualibus: ergo tenemur tanquam fideiussores pro eis.

*Quaestio.* **V**LTERIVS quaeritur, Ex quo sensu patrinus pro paruulo dicit, Credo? aut enim loquitur in persona sui: aut in persona paruuli. Si in persona sui: hoc nihil est: quia sacerdos quaerendo fidem, nominat paruulum, & quaerit de paruulo. Si autem loquitur in persona paruuli: tunc videtur falsum dicere, quia paruulus non credit.

*Solutio.* **S**OLVITIO. Dicendum videtur, quod paruulus obligatur ad fidem, & ad mores qui continentur ex susceptione baptismi.

**A**D ID autem quod contra obiicitur, dicendum quod nihil est simile: quia in baptismo non promittitur aliud pro paruulo, ad quod ex naturali lege non tenetur: sed in voto est ultra hoc spontanea obligatio: & ideo hoc non potest alius facere pro alio. Vnde paruulus in baptismo non facit nec accipit nouam obligationem: sed potius emolumentum accipit ex confessione fidei alienae, quae sibi debet fieri propria.

*Ad qu. 1.* **A**D ID quod vterius quaeritur, dicendum quod patrini obligantur ad diligentiam, si alias non instruuntur: sed quia in solenni Ecclesia cantatur, Pater noster, & Credo in Deum, & mores praedicantur, & ostenduntur in exemplis bonorum modo: idcirco non adhibetur tanta sollicitudo, sicut in primitiua Ecclesia, quando paruuli inter fideles nutriebantur: & hoc intendit auctoritas Augustini.

**A**D ID quod obiicitur de Ambrosio. dicendum quod secundum quid magis debemus diligere spirituales filios, sed carnales simpliciter: magis autem dico secundum quid, in quantum spiritualis filiatio nobilior est, quam carnalis: simpliciter tamen magis obligamur filiis carnalibus: & in ordine diligendorum carnales spiritualibus praeponuntur, ut supra in tertio notatum est.

*Ad qu. 2.* **A**D ID quod vterius quaeritur de sensu verborum, dicendum quod cum dicitur, Credo vel abrenuntio, in persona paruuli dicitur: & tantum valet ibi Credo, quantum sacramentum fidei paratus sum suscipere, cum non habeam obicem contrariae voluntatis & dissensus: & ad huiusmodi credere non exigitur usus liberi arbitrij. Vnde ex hoc potest patere solutio ad obiectum in contrarium.

*De catechismo & exorcismo.*

**I**LLA autem interrogatio & responsio fidei fit in catechismo, cui additur exorcismus. Ante baptismum enim fit catechismus & exorcismus: post catechismum sequitur exorcismus, ut ab eo qui iam fide instructus est, aduersaria virtus pellatur. Exorcismus de Graeco dicitur in Latinum adiuratio: catechismus, instructio. Cathecizare est instruere, ut de symbolo ac rudimentis fidei. Exorcizare est adiurare: ut Exi ab eo spiritus immunde. Symbolum est signum vel collatio. Signum, quia eo fideles ab infidelibus discernuntur. Collatio, quia ibi totius fidei sufficientia & integritas est collata. Catechismus & exorcismus neophytorum sunt: magisque sacramentalia quam sacramenta dici debent. Neophytus nouitius interpretatur vel rudis: & dicitur neophytus nuper ad fidem conuersus, vel in disciplina religiosa



De institutione  
clericorum, &  
habetur de cōse.  
dist. 4.  
c. Ante baptis-  
mum.  
Lib. de symbo-  
lo.

religiosæ conuersationis rudis. Hæc ergo præcedunt baptismum : non quod sine istis non possit esse baptismus verus , sed vt baptizandus de fide instruatur , & sciat cui debitor fiat deinceps , & vt diaboli potestas in eo minuatur. Vnde Rabanus , Ante baptismum , catechizandi debet in homine præuenire officium clericorum : vt fidei catechumenus accipiat rudimentum , & sciat cui debitor fiat deinceps. Item August. Paruuli exufflantur & exorcizantur , vt ab eis pellatur potestas diaboli , ne iam contendat eos subuere , ne baptismum consequantur. Non ergo ab infantibus creatura Dei exufflatur vel exorcizatur, sed diabolus, vt recedat ab homine.

## ARTICVLVS XV.

*Quare catechizantur paruuli, & ad quid valet catechismus?*

**D**Einde quæritur de hoc quod dicitur ibi [Illa autem interrogatio & responsio fit in catechismo, cui additur exorcismus] Quæritur enim, Quare catechizatur paruulus, cum adhuc non sit susceptiuus disciplinæ? videtur enim deuolare Ecclesia.

Quæstio-  
cula 1.

**I**TEM quæritur, Ad quid valet exorcismus? aut enim expellit dæmonem ab obsidione paruuli corporali, aut spiritali. Si corporali: tunc non deberet fieri nisi in corporaliter obsessis & furiosis ex oppressione dæmonis: & hoc non fit. Si autem fit ad expellendum spiritaliter à paruulo: aut habet effectum, aut non. Si habet effectum: ergo exorcizatus non baptizatus potest saluari, & in statu esse saluandorum: quod falsum & hæreticum est. Si autem non habet effectum: tunc pro nullo & ridiculose fit.

Sunt autem quidam, qui ad hoc dicunt, quod habet effectum non in se, sed in baptismo, vt scilicet baptismus consequatur effectum pleniorum. Sed hoc nihil mihi videtur: hoc enim esse non potest nisi confortando baptismum, vel disponendo subiectum vt magis fiat habile ad gratiam percipiendam. Si primo modo: hoc est impossibile: quia quod non est, non potest conferri: baptizatus autem adhuc non est, quando exorcizatur paruulus. Nec secundo modo esse videtur: quia non potest disponere subiectum, nisi aut ex parte pœnæ, aut ex parte culpæ. Non ex parte pœnæ: quia illa connexa est culpæ: & non debilitatur, nisi culpa debilitata. Nec ex parte culpæ: quia illa aut tota dimittitur, aut tota manet: constat autem, quod non tota dimittitur in exorcismo: ergo tota manet: ergo subiectum ante exorcismum & postea æqualiter se habet: ergo in nullo disponitur ab exorcismo.

Quæstio-  
cula 2.

**V**LTERIVS quæritur hic de his quæ fiunt in exorcismo & catechismo, quæ & quot sint,

& secundum quem ordinem, & quando fiant?

**S**OLVTIO. Dicendum ad primum, quod duplex est vis dæmonis, scilicet interior, & exterior: vnde per exorcismum puto, quod debilitatur vis dæmonis exterior, & non interior: sicut probat obiectio. Vis autem dæmonis exterior est qua commouet fomitem in adulto, ne consequatur baptismum: & in paruulo ponit actiones mortis ante baptismum: & contra hanc vim exteriorem puto valere exorcismum. Et per hoc patet solutio ad primo quæsitam: quia baptismus operatur contra vim interiorem, & exorcismus contra vim exteriorem quæ est in fomite.

**A**D HOC autem quod vltius quæritur de numero & ordine eorum quæ exiguntur in baptismo: dicendum quod secundum diuersas Ecclesiæ consuetudines variantur in numero & in ordine. Sed vt frequentius, primo exufflatur: vt vis dæmonis exterior pellatur. Secundum, quod signum crucis fit ei in pectore & in fronte: vt diabolus se cognoscat pelli ab eo, tam in occulto cordis, quam in aperto confessionis. Tercio accipit sal in ore: vt sapor sapientiæ præparetur, & fœtor fomitis restringatur. Deinde fit linitio narium & aurium cum sputo: vt discretionem fidei habeat, & gratiæ, quæ per saliuam à capite descendente significatur, & sensus eius quoad doctrinam in auditu fidei, & discretionem fidei signata in naribus, aperiantur Christo. Deinde fit vnctio in pectore propter cor Deo præparandum, & in scapulis propter onera Domini cum inuocatione Trinitatis, sine cuius adiutorio nihil facere possumus. Post baptismum autem fit vnctio chrismatis in vertice: vt aperiat mens impuibilis Deo: ita quod mente contempletur æterna: quæ per chrisma significatur confectum ex oleo lucente & balsamo conseruante à putredine. Deinde fit vestitio de vestimento candido in signum innocentie, quæ accipitur in baptismo, & gloriæ quæ accipitur in resurrectione. Tandem accensus cereus in manu ponitur, vt sit lucerna pedibus eius verbum Dei, & lumen pedibus suis contra tenebras spirituales. Et hæc de baptismo dicta sufficiant.





# DISTINCTIO VII.

## De confirmatione.



VNC de sacramento confirmationis addendum est: A de cuius virtute quæri solet. Forma enim aperta est, scilicet verba quæ dicit Episcopus cum baptizatos in frontibus sacro signat chrismate. Sacramentum hoc ab aliis perfici non potest, nisi à summis sacerdotibus: nec tempore Apostolorum ab aliis quam ab ipsis Apostolis legitur peractum: nec ab aliis quam ab illis qui locum eorum tenent, perfici potest aut debet. Nam si aliter præsumptum fuerit, irritum habetur & vacuum, nec inter Ecclesiastica reputabitur sacramenta. Licet autem præbyteris baptizatos tangere in pectore, sed non chrismate signare in fronte. Virtus autem huius sacramenti est donatio Spiritus sancti ad robur: qui in baptismo datur ad remissionem. Vnde Rabanus, A summo sacerdote per impositionem manus paracletus traditur baptizato: vt roboretur per Spiritum sanctum ad prædicandum aliis illud, quod ipse baptismo consecutus est. Item, Omnes fideles per manus impositionem Episcoporum post baptismum accipere debent Spiritum sanctum, vt pleni Christiani inueniantur.

De cōse.  
dist. 4.  
Presbyteri.

Rabanus  
de instit.  
cler.  
De cōse.  
dist. 5.  
c. Nouissim.  
Vrbani  
Papa.  
De cōse.  
dist. 5.



## DIVISIO TEXTVS.



Vnc de sacramento confirmationis, &c.] Hic secundo loco Magister tangit de sacramento confirmationis, de quo determinat tria, scilicet ministrum in principio capituli istius: secundo vbi etiam innuit formam & materiam & effectum *ibi* [Virtus autem huius sacramenti est donatio.] tertio loco tangit causam non iterationis, & suscipientem *ibi* [Hoc sacramentum à ieiunis debet tradi, & ieiunis.]

## ARTICVLVS I.

*An sacramentum confirmationis sit necessarium?*

Incidit autem hic quæstio ante literam, An sacramentum hoc, sit necessarium ad salutem, vel tantum ad bene esse institutum? Videtur autem, quod sit necessarium: quia sine quo non est homo plenus Christianus, hoc est necessarium ad vitam Christianam: sed sine confirmatione non est homo plenus Christianus: ergo est necessaria ad Christianam vitam. Prima patet per se. Secunda scribitur supra vbi dicit Rabanus,

Post baptismum accipere debent Spiritum sanctum, vt pleni Christiani inueniantur. Inde vltorius. Sine Christiana vita non est salus: ergo sine confirmatione non est salus. Si forte tu dicas, quod fere omnes dicunt, quod duplex est plenitudo, scilicet sufficientiæ, & copię: siue plenitudo gratiæ, & plenitudo roboris eius: & dictum Rabani intelligitur de secunda plenitudine. Contra: Secundum hoc idem posset dici de consiliis & operationibus supererogationis: quia sine illis non est plenitudo copię: ergo videtur, quod confirmatio spectat ad plenitudinem necessitatis & sufficientiæ.

2 Item, Hugo de sancto Victor. dicit, Quid prodest si per baptismum erigeris, nisi per confirmationem ad standum confirmeris? Quasi diceret, nihil. Ergo videtur, quod baptismus non prodest sine confirmatione ad salutem: ergo confirmatio necessaria est ad salutem.

3 Item, Sine expulsionem morbi non est salus: quia semper remanet timor, & causa periculi manente morbo: sed omne sacramentum (vt supra dictum est) ordinatum est contra morbum peccati: ergo videtur, quod causa periculi non perfecte expellitur, nisi percipiatur gratia sacramenti: ergo oportet, quod percipiatur gratia confirmationis.

4 Item, Cum duæ sint partes iustitiæ, scilicet declinare à malo, & facere bonum: illa pars quæ est facere bonum, substantialius operatur ad salutem, quam illa quæ est declinare à malo: quia vt dicit auctoritas, vitatio peccati non meretur palmam,



palnam, sed euitat pœnam: ergo à simili cum gratia baptismalis sit ablutiua peccati, & sic est ordinata ad malum expellendum: quia gratia confirmationis habet ordinem ad bonum: videtur, quod substantialius operetur ad salutem gratia confirmationis, quam gratia baptismalis. Cum igitur sine baptismo non sit salus: nec sine confirmatione salus erit in via.

*Sed contra.*

**SED CONTRA:** Si confirmatio necessaria est ad salutem: ergo qui moritur baptizatus ante confirmationem etiam qui non est fideus, condemnatur: quod hæreticum est dicere.

2. Item, Supra habitum est, quod in baptismo confertur gratia & plenitudo virtutum: habens autem gratiam & virtutem, habet omnia necessaria ad salutem: ergo ad salutem non necessarium indiget confirmatione.

*Solutio.*

**SOLUTIO.** Dicendum, quod necessitas est multiplex, sicut determinatur à Philosopho 5. metaphysicæ. Est enim necessitas absoluta: & hac necessitate non est necessaria confirmatio ad salutem. Est iterum necessitas conditionis, scilicet finis alicuius: ut si debeat homo manere in vita, necesse habet comedere. Ita potest dici, quod necessaria est confirmatio ad salutem: si debeat fides robuste & sine pauore defendi in impugnationibus hostis: licet enim alias ex gratia in baptismo percepta habeat unde stet: non tamen hoc habet ex gratia specialiter ordinata ad robur contra debilitatem quæ est ex fomite deprimente, ut infra patebit: & si debeat hoc robur haberi, necessarium est confirmari.

**DICATUR** ergo ad primum, quod ista solutio Magistrorum legitima est de plenitudine sufficientiæ & copiæ: siue plenitudine ad esse, & plenitudine roboris. Ad hoc quod contra obiicitur, dicendum quod aliter est in gratiis ordinatis ad meritum quales sunt in virtutibus & donis & beatitudinibus, ut supra dictum est: & aliter in gratia sacramentali quæ ordinatur contra defectum ex peccato prouenientem. Quia illa dant plenitudinem copiæ mutantem statum personæ: sicut alius est status seruantis consilia, & alius est status seruantis præcepta tantum. Sed illa quæ sunt in sacramentis, expellunt peccatum in quocunque statu, vel defectum ex peccato prouenientem: & ideo sine illis non est plenitudo simpliciter ordinata ad salutem vel ordinans. Vnde gratia sacramentalis magis pertinet ad plenitudinem salutis Christianæ, quam gratia perfectionis in consiliis & supererogationibus.

**AD ALIUD** dicendum, quod dictum Hugonis dupliciter potest intelligi: vno modo ut loquatur in casu ubi contemptus religionis excludit sacramentum: quia contemnere sacramentum est condemnabile, quamuis in se non sit necessarium. Alio modo potest dici, quod non dicit hoc: quia ex hoc sequitur condemnatio, sed quia ut frequenter sequitur ex debilitate cadendi in pugna spirituali.

**AD ALIUD** dicendum, quod morbus dupliciter expellitur per gratiam sacramenti: vno modo quoad culpam, & sic expellitur in baptismo quoad originalem culpam, & in pœnitentia quoad ad culpam actuale: & ex hac expulsionem habetur sufficientia salutis. Alio modo expellitur quoad pœnam inclinantem in culpam, & quoad hoc expellitur in confirmatione, & sacramento

altaris, & extrema unctione: & ex hoc habetur sufficientia roboris ad pugnandum contra hostes spirituales.

**AD ALIUD** dicendum, quod baptismus non consistit in sola ablutione sordium: sed circa corpus ponitur nitor & venustas ex ablutione, quæ significat nitorem animæ in gratia posita in ea & virtutibus. Licet etiam confirmatio sonet ordinem in bonum: tamen gratia confirmationis principaliter dicit robur ex ablutione dispositionis contrariæ audaciæ spirituali quæ est in confessione nominis Christi, ut infra patebit. Et ideo ex neutra parte simile est. Præterea, Obiectio falsum præsupponit: quia declinare à malo dicitur dupliciter, scilicet non facere malum negatione simplici: & hæc non est pars iustitiæ, sed euitat pœnam. Alio modo declinare à malo dicit nolle facere malum, id est, velle non facere malum: & hæc ponit actum voluntatis interioris tendentis à malo, qui est actus interior in habente gratiam: & hæc est proprie pars iustitiæ generalis: & quoad illum meretur palmam: & cum hoc habet similitudinem baptismus qui consistit in ablutione & positione, & etiam confirmatio quæ aufert morbum & ponit robur ex gratia data simpliciter ad standum in pugna. Obiectio autem supposebat, quod primo modo declinare dictum esset pars iustitiæ, & haberet similitudinem cum baptismo.

## ARTICVLVS II.

*An sit aliqua materia determinata confirmationis, & quæ est illa?*

**D**Einde quæritur de hoc quod dicit ibi [Forma enim aperta est. &c.] Hæc enim verba dicit Episcopus cum confirmat, Confirmo te signo crucis, & confirmo te chrismate salutis in nomine Patris & Filij & Spiritus sancti, Amen. Quidam autem habent hunc usum, Confirmo te signo crucis, & confirmo te chrismate salutis, &c. Sed primus modus generalior est.

Quærentur autem multa circa hanc formam. Primo quia Apostoli nulla forma vfi videntur esse in actibus, sed simplici manuum impositione confirmabant. Act. 8. Tunc imponebant manus super illos: & accipiebant Spiritum sanctum. Et videns Simon quia per impositionem manuum daretur Spiritus sanctus.

2. Item, In Euangelio, Venientibus ad Iesum paruulis, imposuit illis manus. Et non legitur, quod signauerit eos signo sanctæ crucis, vel confirmauerit chrismate salutis.

3. Hoc etiam videtur ratio postulare: quia in confirmatione datur Spiritus ad robur: & ideo datur ab illo qui excellentiorem gradum tenet in Ecclesia: ergo videtur, quod Spiritus ab illo traduci significatur in confirmandum: ergo non deberet retorqueri ad aliud: retorquetur autem ad aliud quando dicitur, Confirmo te, &c. non ergo debet dici, ut videtur.

4. Præterea, Si sacramentum non habet institutionem nisi diuinam, ut supra determinatum est, & omnes Doctores hætenus dixerunt: & Apostoli & Dominus confirmauerunt, non videntes aliqua forma: videtur quod nec Ecclesia uti debeat aliqua forma.

5. Item,



5 Item, Nusquam legitur in canone de institutione huius formæ confirmationis, qua vtuntur nostri temporis Episcopi: ergo videtur, quod sit ad bene esse appositum ab Ecclesia, & non sit de forma.

Sed contra.

SED CONTRA: Dicit Hugo de sancto Viatore, quod sacramentum est corporale & visibile elementum ex institutione significans, ex similitudine repræsentans, & ex sanctificatione inuisibilem gratiam conferens. Corporale autem elementum (vt supra habitum est) nihil est sine verbo ad elementum accedente: ergo in confirmatione oportet haberi verba quæ sunt forma sacramenti, quæcunque illa sint.

2 Præterea, In præhabita diffinitione dicit Hugo, quod corporale elementum confert gratiā ex sanctificatione: sed sanctificatio non est nisi per verba inuocationis diuinæ: ergo in hoc sacramento exiguntur verba inuocationis diuinæ, quæ est forma sacramenti.

3 Item, Supra habitum est, quod Deus non contulit ministris interius mundandi vel operandi potestatem, sed tantum exterius, ne spes poneretur in homine: ergo confirmatio consistit in interiori mundatione infectionis fomitis, trahentis in debilitatem & noxiam verecundiam confessionis fidei: sed Deus non contulit illam ministris: ergo non debet significari hæc gratia descendere à ministro, vt ante videbatur probari, sed potius à Deo per opus sacramenti: hoc autem fieri non potest nisi mediante forma verborum inuocationis Dei quæ operatur: ergo exigitur forma verborum.

Quæstion-  
cula 1.

VLTERIVS hic quæritur de ipsis verbis quæ sunt de forma: & quæritur de hoc quod dicitur, Consigno te signo crucis, &c. videtur enim, quod hoc superflue ponatur: quia signatur in baptismo cruce & in pectore & in scapulis & in vertice.

2 Præterea, In verbo quod est de forma sacramenti proprius actus ministri exprimi debet, sicut cum dicitur, Baptizo te in nomine Patris, &c. sed proprius actus ministri in hoc sacramento non est signare, sed potius confirmare: ergo videtur, quod non debet minister in forma huius sacramenti vti verbo signandi.

Quæstion-  
cula 2.

PRÆTEREA quæritur, Quare in confirmatione potius fit mentio de cruce, quam de glorificatione & resurrectione, vt dicatur consignari cruce?

2 Item, Vnius sacramenti non est nisi vnicus actus sacramentalis: confirmatio est sacramentum vnum: ergo vnicum actum sacramentalem habet: ergo in forma duplex actus non debet exprimi: ergo non debet dici, confirmo & consigno, quia hæc duo verba duos actus exprimunt.

Quæst. 3.

ITEM quæritur de hoc quod dicitur, Confirmo te chrismate salutis, quare potius dicit salutis, quam gratiæ vel vitæ æternæ? Et videtur, quod debeat dici, gratiæ: quia salus quæ dicit euersionem periculi non est nisi ex collata gratia: ergo gratia secundum intellectum est ante salutem: ergo immediatior est collatio gratiæ actui sacramenti quam salus: cum ergo actus sacramenti per terminum immediatum debeat determinari, videtur quod deberet dici, chrismate gratiæ, & non salutis.

2 Item, In forma baptismatis nulla fit mentio de materia, vel fine, vel efficiente effectum sacra-

D. Alb. Mag. in Lib. 4. Sentent.

menti: sed simpliciter dicitur, baptizo te in nomine, &c. ergo videtur, quod nec hic aliqua mentio fiet de materia, & efficiente: ergo non debet dici, chrismate salutis: sed simpliciter, confirmo te in nomine Patris, &c.

Præterea, omnes quæstiones quæ factæ sunt in tractatu de baptismo circa limitationes, additiones, diminutiones, & corruptiones, habent hic fieri: & eodem modo soluantur vt ibi.

SOLVITIO. Dicendum, quod hoc sacramentum est contra debilitatem ex fomite surgentem, ex eo quod non totus purgatur in baptismo, sed remanet debilitatus ad exercitium pugnæ: maior autem difficultas est in confessione nominis Christi & signi redemptionis, hoc modo quo confitendus est ore & opere procedentibus ex corde, sicut dicitur Rom. 10. Quia si confitearis ore Christum Dominum Iesum, & in corde tuo credideris, saluus eris. Hanc etiam confessionem non sustinet dæmon: sed surgit contra scandala: & ideo ad hunc actum necessaria est confirmatio.

DICENDVM ergo ad primum, quod meo iudicio nunquam fuit celebrata confirmatio sine forma verborum ab Apostolis: Christus autem qui habebat & potestatem auctoritatis in quantum Deus, & potestatem excellentiæ in quantum homo vnitus Deo, poterat conferre vt voluit: quia ipse non tenebat locum ministri, sed capitis in Ecclesia. Sed, vt puto, Apostoli nunquam confirmabant sine forma verborum præscripta: licet hoc quidam dixerint & quæsiuerint rationem, quare ipsi sine forma verborum & materia determinata, nostri autem Pontifices cum forma verborum & materia chrismatis.

VNDÉ ad argumenta dicendum, quod licet hoc non legatur: tamen instituta est forma à Domino, Apostolis tradita, sicut & baptismi: potest tamen dici, quod confirmatio duplex: quædam est ad standum in bono vniuersaliter, & hæc fit ab alio quocunque, præcipue tamen à maioribus qui tenent locum maioris sanctitatis & vitæ meritorum per orationem: & hæc confirmatione utebantur Apostoli sæpius confirmantes eundem. Alia confirmatio quæ imprimat characterem sacramentalem ad expulsionem timiditatis ex fomite provenientis, nunquam ab Apostolis facta est sine verbis & materia determinata: propter quod habemus capitulum speciale in Dionysio in Ecclesiastica hierarchia, qui cum Apostolis fuit, de perficiendis in myro, & in ipso offerendis: & loquitur de sanctificatione chrismatis.

AD ID ergo quod obiicitur contra per rationem, dicendum quod gratia sacramentalis non descendit ex vitæ merito, nec à ministro, vt probatum est: sed ex opere sacramenti, & ideo ad opus in materia cum verbis est retorquenda.

AD SEQUENTIA duo patet solutio per ante dicta.

AD ID quod vltius quæritur de verbis formæ, dicendum quod altissimum in vita Christiana confessio fidei est: & hoc sic probatur, Licet enim amor sit altus: tamen innititur cognitioni fidei, & spes similiter: quia dicit August. Non amatur, nisi creditum, vel cognitum: nec etiam speratur, nisi quod aliquo modo est præsumptum & creditum. Difficile autem, quod est in cardinalibus, licet sit difficile potentiæ operantis, tamen ratio probat & suadet illud: hoc autem est

H

difficile

Solutio.

Ad quæ-  
stionem  
1.



difficile intus, & extra: & primo intus, quia abnegatur propria ratio: extra, quia hoc principaliter quaesitum est ab hostibus visibilibus & inuisibilibus: primo autem, quia fides est prima, & non innititur alij: ideo respectu huius actus principaliter operatur confirmationis gratia: oportet igitur haberi duplicem actum in confirmando: unum qui sit initiatiuus & demonstratiuus, ad quem est confirmatio principaliter: & alterum qui exprimat propriam operationem confirmationis sacramenti: & ideo præmittitur per modum insinuationis, Consigno te signo crucis: & subsequitur, Confirmo: & primum est propter difficile interius, ad quod ordinatur confirmatio: & aliud propter difficile extra, ad quod confirmat ad standum.

DICENDUM ergo ad primum, quod consignatio in baptismo est sacramentalis, & non sacramenti: & est ad expellendam vim hostis in fomite, ne impediatur consecutionem baptismi: & ut meditetur de Deo baptizatus, & cogitet, & portet iugum Dei in scapulis, ut supra dictum est de sacramentalibus baptismi: sed hic fit confirmatio quasi insinuativa vexilli, sub quo actus sacramenti confirmationis est exercendus.

Ad qua-  
stionem  
lam 2.

AD ALIUD dicendum, quod in incarnatione & sepultura & resurrectione non fuit pugna Christi, sed tantum in cruce: nos autem ascribimur vexillo crucis suæ per confirmationem: & ideo fit mentio de cruce tantum, & non de aliis. Hoc est quod dicit Apostolus 1. Corinth. 1. Nos prædicamus Christum crucifixum, Iudæis quidem scandalum, Gentibus autem stultitiam, &c. ipsis autem vocatis Iudæis atque Græcis Christum Dei virtutem & Dei sapientiam. Vnde maxime fuit hoc à Iudæis impugnatum, & à Gentibus: & ideo confirmationis actus proprie est respectu illius. Secunda difficultas est eiusdem in pugna spiritali: quia demon ibi prædam amisit, quoad debiti solutionem, & satisfactionis impletionem: & ideo nos maxime impedit illi conformari, cum hoc sit tollere crucem, & sequi Salvatorem: & ideo fit mentio de cruce præcipue.

AD ALIUD patet solutio per ante dicta: quia primus actus per primum verbum importatus est: insinuat etiam finis ad quem est confirmationis actus, & necessitatis huius vera causa est dicta. Et per hoc patet solutio ad sequens, quare necessarium est hic duplex verbum.

Ad qua-  
stionem  
lam 3.

AD ALIUD dicendum, quod ut patet ex habitis superius quaestionibus de gratia sacramentorum, omnis gratia sacramentalis est contra periculum: sed specialem ordinem habet confirmatio: quia est contra periculum intra, & contra periculum extra: intra, quia tollit debilitatem & veredundiam noxiam confitendi Christum ex fomite provenientem. Extra autem, quia confortat ad standum coram regibus & principibus & demonibus: & ideo dicitur potius salutis, quam gratiæ: quia salus est ibi substantialiter quæ dicit evasione periculi.

AD RATIONEM autem dicendum, quod licet hoc sit per gratiam, tamen non fit per gratiam ut gratiam, id est, quæ facit gratum habentem, & opus eius gratum reddit: sed potius per gratiam ut saluantem interius, & saluantem extra à terroribus timiditatis.

AD ALIUD dicendum, quod in baptismo

est ordo contra generalem morbum in elemento vniuersali, ad quod non oportet habere insinuationem aliquam, quia non habet difficultatem ex parte suscipientis: sed in confirmatione necessaria est insinuat, ut dictum est. Et quia sacramentum insinuat præcipue in similitudine inuenta, non in proprietate elementi materialis: ideo oportuit in forma huius sacramenti fieri mentionem de materia: quia secundum Magistrum Hugonem sacramentum ex similitudine repræsentat. Et per hoc patet solutio ad omnia quaesita.

## ARTICVLVS III.

*An materia sacramenti confirmationis sit chrisma?*

DEinde quaeritur de hoc quod dicit ibi [Sacro signat chrismate, &c.] Et quaeritur de materia huius sacramenti: & videtur, quod materia huius sacramenti non debet esse chrisma: quia ad morbum generalem exigitur medicina quæ generaliter potest haberi: ergo videtur, quod chrisma non debet esse materia.

2. Præterea, In baptismo quod est sacramentum ordinatum contra culpam originalem, materia est elementum simplex: videtur ergo, quod in confirmatione quæ ordinatur contra debilitatem ex fomite originalis consequentem, debeat etiam esse materia simplex elementi.

ITEM, Quare in hoc sacramento potius quam in aliis est liquor commixtus materiæ? Videtur, quod non debeat esse: quia vnicus est effectus sacramenti: ergo vnica materia debet demonstrari: ergo in vnico liquore.

VLTERIVS quaeritur, Quare potius sumuntur hi liquores, scilicet oleum, & balsamum, quam alij? Videtur enim, quod magis assumi deberet vinum: quia hoc bonæ spei reddit hominem, ut dicit Philosophus 4. Ethicorum: & audaces fortes facit, ut habetur Esdra 4. Cum igitur confirmatio sit ad pugnandum, videtur quod vinum tantum debeat assumi.

2. Item, De pane dicitur, Et panis cor hominis confirmat: ergo panis est propria materia confirmationis, ut videtur.

3. Item, Oleum quod supernaturat, magis videtur significare misericordiam & charitatem, quam corroborationem: ergo non est propria materia confirmationis, ut videtur.

4. Item, De balsamo obicitur: quia sicut dicit Hugo, significat odorem bonæ famæ: famæ autem potius in alio est quam in eo qui famosus est, sicut & honor: cum ergo materia sacramenti debeat habere signum in suscipiente sacramentum, & non in alio, videtur, quod balsamum nihil operetur ad materiam huius sacramenti.

VLTERIVS quaeritur si oleum & balsamum non consecrata, possunt esse materia huius sacramenti? Et videtur, quod non: quia determinato tempore anni consecratur chrisma: & alio non possunt uti Episcopi in confirmando.

SED CONTRA videtur: quia materia baptismi elementum est non consecratum: ergo videtur, quod similiter materia huius sic debet esse.

2. Item, In Eucharistia panis & vinum non necessario

Sed con-  
tra.



necessario prius benedicuntur, sed vna est forma consecrans & transsubstantians: ergo videtur, quod in isto sacramento debeant liquores isti non consecrati esse materia sacramenti.

*Solutio.*

**SOLUTIO.** Dicendum, quod hoc sacramentum sicut est contra morbum specialem, ita aliquid speciale habet in forma & in materia: & ideo parum valent huiusmodi argumenta: hoc est in illo vel illo sacramento: ergo & in alio debet esse: in isto autem speciale est, quod est confirmatiuum & operatiuum: & ideo tres causas propter quas principaliter instituta sunt sacramenta, istud sacramentum sibi principaliter vendicat: quia ex materia & forma est ad eruditionem in quantum est insinuatium, ut prius dictum est: & iterum exercitio actus confert gratiam, & ex corporali elemento humiliat hominem ut in inferioribus se propter Deum & à Deo quaerant salutem.

**DICENDUM** ergo ad primum, quod substantialiter considerando neque necessitas sacramenti, neque generalitas causa sunt, quare habeat hanc materiam vel illam: sed illud habet pro materia in quo expresse inveniuntur signa sensibilia, rem sacramenti significantia & confirmantia, sicut patet supra ex definitione sacramenti: & ideo in sacramento baptismi aqua est sacramentum: quia est ablutiua sordium, faciens nitere abluta, & elementum super quo apparuit spiritus vitae in creatione mundi & in quo primo apparuerunt animantia, & anima viuens & mobilis: per has proprietates habet convenientiam cum re baptismi, in qua homo primo regeneratur ad vitam spirituales, & datur sibi esse per Spiritum sanctum: & ideo non valet prima ratio, si confirmatio est contra morbum generalem, quod debeat habere pro materia elementum generale: quia hoc non est causa materiae sacramenti, ut dictum est: sed habet chrisma pro materia: quia illud inter alios liquores expressiorem ponit insinuationem per signa ad rem confirmationis intelligendam. Per hoc etiam patet solutio ad sequens: haec enim sunt argumenta quorundam, & ponunt non causam ut causam.

*Ad quaest. 1.*

**AD ALIUD** dicendum, quod licet res sacramenti sit vna prima: haec tamen est multiplex virtute & potentia, secundum ea ad quae expedit hominem, sicut est pugna spiritualis, & confessio fidei in aperto sine tremore, & huiusmodi: & ideo in vno elemento non poterat representari quoad haec omnia, sicut iam dictum est de forma, quod verbum duplex habet, scilicet confirmatio, & confignatio.

*Ad qu. 2.*

**AD ALIUD** dicendum, quod istud sacramentum habet hos duos liquores speciales, ut dicunt fere omnes sequentes Hugonem de sancto Victore, scilicet oleum conscientiae propter gratiam, & balsamum bonae famae: & verum est quod dicunt si bene intelligatur: oleum enim in conscientia facit tria, praecipue oliuarum, quia aliud oleum non potest esse materia: hoc enim oleum lucet, vngit, & pascit: & lux eius refertur ad similitudinem characteris qui lumen quoddam est, sicut in anterioribus probatum est, vinctura autem refertur ad lenimentum doloris fomitis, cuius vulnus intulit timorem, & facit trepidare ubi non est timor: & ideo pugiles in agonibus olimpiarum antiquitus vnebantur, ut ab aduersario te-

*D. Alb. Mag. in Lib. 4. Sentent.*

neri non possent: pascit autem non per comestitionem, sed per subinjectionem in substantiam, & ministrando ei fomentum humoris, ne deficiat in laboribus, & rigescat in pugna. Ex natura autem arboris habet virorem in aestate & hyeme: & significat constantiam in prosperis & aduersis. Balsamum autem, ut dicit Moyses Aegyptius, non nascitur nisi in oculo solis qui significat Christum, qui venit vinctus nobis princeps & dux belli: ex quo nos Christiani dicimur, quia similiter sumus vincti. Et conseruat balsamum à putredine ea quae balsamo inunguntur, & habet similitudinem contra putredinem fomitis trahentem in pusillanimitatem & timorem Christiani nominis in persecutione. Patet igitur, quod hi duo liquores simul coniuncti ponunt maiorem convenientiam ad rem huius sacramenti quam alij.

**AD ID** quod obiicitur de vino, dicendum quod vinum non sanat, nec ex robore confert audaciam: sed potius ex malitia & infirmitate, quia eleuat spiritus & sanguinem ad superiora, & oppilat vias discretionis ne discernatur periculum in quod praecipitat: & ideo nullam convenientiam habet cum re sacramenti quae ex robore collato confirmat.

**AD ALIUD** dicendum, quod panis confirmat ad permanendum in esse & vita, sed non ad pugnandum ex robore quod ministrat: & ideo huic confirmationi respondet unitas corporis mystici in charitate capitis & membrorum, ad quod confertur gratia in sacramento Eucharistiae: & ideo panis est ibi sacramentum, & non hic.

**AD ALIUD** dicendum, quod licet oleum quoad proprietatem supernationis similitudinem habeat cum misericordia: tamen quoad alia habet similitudinem cum re confirmationis, ut dictum est: tamen etiam haec proprietas potest reduci ad similitudinem rei, eo quod consummatus non minus deprimitur & terroribus.

**AD ALIUD** dicendum, quod Hugo tangit causam per accidens & ex consequenti: sed principalis est illa quae supra dicta est: forma enim per accidens operatur ad actum huius sacramenti, ut scilicet sciatur quia non ex obstinatione & temeritate vel superbia sit intrepidus, sed ex robore Spiritus: hoc enim non scitur nisi per opinionem bonam quae habetur de ipso.

**AD ALIUD** dicendum, quod oleum & balsamum non consecrata, non sunt nec esse possunt materia huius sacramenti: sicut enim est in virtutibus politicis, sic est etiam differentia in sacramentis. In virtutibus autem politicis sic est, quod quaedam non sunt perfectae virtutes nisi delectationem habeant in actu, ut dicit Philosophus, Signum oportet accipere habitum non facientem in actu delectationem. Et illae non consistunt simpliciter circa difficillimum, sed circa difficillimum suae materiae. Quaedam autem sunt tales, quod sufficit in actibus earum, si non contristantur ad rationis deductionem vel turbationem: & illae consistunt in difficillimo suae materiae & in difficillimo simpliciter. Ita est etiam in sacramentis, quod actus rei sacramentalis, id est, ad quem gratia sacramentalis est ordinata, est in maxima difficultate: & ideo exigitur in materia insinuante illum actum amplior preparatio quam in materia alterius sacramenti: & ita est hic confessio

*Ad qu. 3.*

H 2

fidei



fidei intrepida, triplicem rationem habens difficultatis, ut supra dictum est, propter quod oportet materiam esse consecratam etiam ab eo qui tenet maiorem locum in Ecclesia: ut gratia abundans significetur. Et ex ista determinatione resultat intellectus distinctionis materiae quam dederunt antiqui, scilicet quod alter est de materia confirmationis, & aliter de materia baptismi: quia non tota aqua fluminis vel vasis est materia baptismi, sed tantum illa quæ adhæret per contactum baptizato, & non habet vim regenerationis nisi contingens baptizatum: sed totum chrisma consecratum est materia confirmationis: quia totum ad hoc præparatum est: & non oportet nisi quod accedat forma, & est perfectum sacramentum. Et ex hoc patet solutio ad ea quæ obijciuntur in contrarium: quia non est simile de hoc sacramento, & de aliis.

## ARTICVLVS IV.

*An non ordinatus potest confirmare, & an ordinatus non Episcopus?*

**D**Einde quæritur de hoc quod dicit *ibi* [Sacramentum hoc ab aliis non potest perfici nisi à summis Sacerdotibus, &c.] Et est hic quæstio de ministro huius sacramenti, & esset diuersificanda: aut deberet esse bonus, aut posset esse malus: & utrum hæreticus vel non? Sed hæc disputata sunt in tractatu de baptismo. Sed hic quæremus duo: primo, utrum non ordinatus possit confirmare? Secundo, utrum ordinatus, non Episcopus possit?

**AD PRIMVM** obiicitur sic: Ponamus, quod aliquis sit in necessitate, & desideret sacramentum, & non possit habere ordinatum vel Episcopum, videtur melius esse quod accipiat à laico, quam quod decedat sine sacramento: præcipue cum non sit plenus Christianus qui hoc sacramentum non habeat.

2 Item, In necessitate baptizat laicus, & baptizatum est: & audit confessiones, & ille absoluitur à peccatis: ergo videtur, quod in necessitate etiam aliquis possit confirmare.

3 Item, Quandoque est abundantior gratia in laico quam in Prælato: si ergo robur gratiæ debet transfundi à gratia abundanti, videtur quod quandoque melius transfundatur à laico quam à Prælato vel Episcopo.

4 Item, In naturis est sic, quod ubi res est per essentiam & præsentiam, ibi operatur effectum, & non ibi ubi non est, sed deberet esse: sed cum ordo gratiæ non contrarietur ordini naturæ, videtur, quod in gratia similiter sit: ergo ubi actu est abundans gratia, citius transfundit gratiam, quam ubi non est sed esse debet: sæpius autem est in laico abundans gratia, & non in Episcopo: ergo quandoque à laico potest fieri confirmatio melius quam ab Episcopo.

*Quæstionula 2.*

**ITEM**, Ponamus, quod aliquis gerat se pro Episcopo, non est autem Episcopus, sicut faciunt illi qui se dicunt Armenos: & aliquis veniat ad eum probabiliter putans eum esse Episcopum, & recipiat ab eo confirmationem: quæritur, utrum sit confirmatus? Videtur quod sic: quia qui probabiliter credit se esse baptizatum, reputabitur

baptizatus: & si decedat, euolat, nisi impediatur eum peccatum actuale.

2 Similiter, Si aliquis illi quem putat esse suum sacerdotem, confiteatur, & ille ordinem non habet, confessus reputatur: ergo videtur, quod & ille confirmatus sit.

**SED CONTRA**: Ecclesia postea scito quod *Sed contra* ille Episcopus non erat, confirmat eum iterum: quod non faceret si confirmatus esset, quia non est sacramento facienda iniuria: ergo non est prius confirmatus.

**VLTERIVS** quæritur de secundo, si sacerdos simplex potest confirmare? Et videtur quod sic: quia Gregorius permittit hoc propter scandalum, ut habetur in litera: si autem esset de veritate vitæ & doctrinæ, quod hoc sacramentum ab Episcopo conferretur, pro nullo scandalo fuisset permittum: videtur ergo, quod si sacerdos simplex confirmet, confirmatum est.

2 Item, Simplex sacerdos vngit chrismate, & in eminentiori loco quam sit frons, quia in vertice: ergo videtur, quod nec in materia, nec in loco sit repugnantia, quod simplex sacerdos confirmare non possit.

3 Item, Si solus Episcopus confirmare potest: aut hoc est ex ordine, aut ex iurisdictione. Si ex ordine: ergo sacerdos potest: quia Episcopus nullum habet ordinem quem non habeat sacerdos simplex. Si autem ex iurisdictione: ergo electus ante consecrationem hoc potest: quia electus totam habet iurisdictionem etiam antequam habeat ordinem.

**SOLVTIO**. Dicendum, quod solus Episcopus potest hoc sacramentum conferre: & ratio huius est res & actus huius sacramenti: res enim est spiritus collatus ad robur: & ideo conueniens est quoad signum sacramentale, quod à plenitudine descendat: actus autem excellentissimus est, ut prius dictum est: & quoad hunc etiam oportet habere ministrum excellentiorem.

**DICENDVM** ergo ad primum, quod non est melius quod accipiat à laico: quia desideranti sacramentum nihil deperit de virtute sacramenti, licet characterem non habeat: sed de baptismo secus est, ut patet ex supra dictis: quia baptismus non requirit actum liberi arbitrii, quia aliter non daretur paruulis: & est sacramentum necessitatis.

**AD ALIVD** dicendum, quod simplici necessitate baptismus est sacramentum necessitatis: sic autem non est de confirmatione.

**AD ALIVD** dicendum, quod est gratia personæ ordinata ad meritum vitæ, & est gratia ministri Ecclesiæ ordinata ad potestatem clauium & operationes sacramentorum: & de prima verum est quod obiicitur, & non de secunda: à secunda autem descendit gratia secundum ordinem in sacramentis.

**AD ALIVD** dicendum, quod in ministro Ecclesiæ gratia est præsens secundum actum, licet non sit gratia personalis ad vitæ meritum ordinata, ut iam patuit.

**AD ALIVD** dicendum, quod ille non est confirmatus, nec habet characterem confirmationis: & nihil valet obiectio de sacramentis necessitatis de isto, ut sæpius iam dictum est.

**AD ALIVD** quod circa secundum quæritur, dicendum quod simplex sacerdos confirmare non potest:

*Ad quæstionulam 2.*



potest : & non est hoc propter locum vel materiam, sed propter signum ad rem sacramenti, quod non conferatur in eo in cuius clauibus est gratia contracta & diminuta, sicut in principio huius solutionis dictum est.

AD ALIUD quod obiicitur de Gregorio, dicendum quod illa nunquam permisit ut esset confirmatio quæ collata fuit à simplici sacerdote: sed propter scandalum abusum & ignorantiam non correxit. Vel dicatur, quod erat benedictio quædam data confirmandis, sicut panis benedictus datur quibusdam loco Eucharistiæ: & hoc permisit ad tempus Gregorius.

AD ALIUD dicendum, quod nec ex ordine tantum, nec ex iurisdictione tantum id potest Episcopus: sed ex ordine simul & iurisdictione: hoc enim annexum est officio Episcopali, sicut & consecratio Ecclesiarum, & ordinatio clericorum, & velatio virginum, & huiusmodi: & sic obiectio non valet.

## ARTICVLVS V.

*An sacramentum confirmationis conferat gratiam, & an illa gratia sit gratum faciens, & distincta à gratia baptismi?*

DEinde quæritur de hoc quod dicit ibi [Virtus huius sacramenti est donum Spiritus sancti ad robur, &c.] Et quærentur tria. Primum est, an hoc sacramentum conferat gratiam? secundum est, si conferat, an illa sit gratis data vel gratum faciens? Tertium est, an illa sit specialis, an eadem cum gratia baptismali?

AD PRIMVM proceditur sic: In naturis sic est, quod id quod est in actu aliquo, quandiu est illum habens, non est in potentia ad illum, eo modo quo habet illum: baptizatus autem non fictus est in actu habens gratiam: ergo quandiu habet eam, non est in potentia ad eam secundum quod habet eam: ergo videtur, quod per confirmationem & sequentia sacramenta nulla conferatur gratia: ergo illud sacramentum aut non confert gratiam, aut non semper confert eam.

2 Item, Supra in tractatu de baptismo distinctione quarta habitum est, quod illi qui sancti accedunt ad baptismum non recipiant ibi gratiam quam prius habuerunt, & quod in talibus res præcedit sacramentum: ergo videtur, quod nec in hoc sacramento ille qui habet gratiam, aliquam gratiam recipiat.

3 Item, Gratia non consideratur nisi in duplici ratione, scilicet in se, & in virtutibus: in se secundum quod informat animam, & reddit eam gratam: in virtutibus autem secundum quod perficit potentias animæ, & elicit actus: sed quoad utrunque confertur plenitudo gratiæ in baptismo, ut sæpius habitum est: ergo non aliquid est de gratia quod recipiatur in confirmatione, ut videtur.

4 Item, Non potest intelligi, quod idem subiectum quoad eandem partem sui susceptibile sit duorum accidentium eiusdem speciei: gratia autem gratificans est eiusdem speciei: ergo duæ non sunt in eodem secundum idem: anima autem secundum suam essentiam suscipit gratiam in

D. Alb. Mag. in Lib. 4. Sentent.

baptismo: ergo manente illa, ipsa non est susceptibilis gratiæ in confirmatione: ergo non confert aliquam gratiam, ut videtur.

5 Item, Confirmationem recipit fictus, aut non fictus. Si fictus: constat, quod gratiam non accipit: quia dicitur Sapient. 1. Spiritus sanctus disciplinæ effugiet fictum. Si autem recipit eam non fictus, tunc habet gratiam ante confirmationem: nihil autem recipit id quod iam habet: ergo non recipit gratiam: ergo nulla gratia recipitur in confirmatione. Si forte dicas, quod ille qui amisit gratiam baptismalem, & non fictus venit ad confirmationem, recipit in ea gratiam. Contra: Ille recipit gratiam virtute poenitentiae, & non ex virtute confirmationis: hoc autem patet, quia tenetur confiteri, & satisfactio iniungitur ei exterior: quod non fit accedenti ad baptismum, eo quod baptismus non exigit gemitum vel planctum exteriorem: ergo si accedens ad confirmationem, non ex virtute confirmationis recipit gratiam: ergo nulla gratia recipitur in confirmatione, ut videtur.

SED CONTRA: Sacramentum nouæ legis Sed contra. omnis rei causa est cuius est signum, ut supra determinatum est in textu: sed confirmatio est signum gratiæ, quia ad robur datur: ergo est causa eius: ergo confert gratiam.

3 Ad idem auctoritates in textu adductæ.

3 Præterea, Vnctio exterior attestatur vnctioni interiori: vnctio autem interior non fit nisi per gratiam: ergo confert gratiam.

QVÆRITVR ulterius, Vtrum illa gratia sit gratum faciens, vel non? Videtur autem, quod sic: quia sacramenta data sunt in adiutorium contra peccatum: sed gratia ordinata contra peccatum est gratum faciens: ergo confirmatio & alia sacramenta conferunt gratiam gratum facientem.

2 Item, Confirmatio sonat in robur spiritus: robur autem spiritus non est nisi per gratiam gratum facientem: ergo confirmatio confert gratiam gratum facientem.

3 Item, In litera dicitur, quod spiritus cum omni plenitudine gratiæ in hoc sacramento datur: hoc autem non fit nisi per gratiam gratum facientem: ergo, &c. & quia hoc omnes concedunt,

OBJICITVR in contrarium sic: Sicut se Sed contra. habet esse naturale ad bene esse naturale: ita se habet esse spirituale ad bene esse spirituale: sed esse naturale sic se habet ad bene esse naturale, quod potest esse sine illo: ergo & esse spirituale potest esse sine bene esse spirituali. Esse autem & esse robustum habent se sicut esse & bene esse: ergo esse spirituale potest esse sine esse robusto: esse autem robustum est per confirmationem: ergo sine confirmatione potest esse spirituale: omne autem sine quo potest esse salus, est de gratiis superadditis & gratis datis: ergo gratia data in confirmatione est gratis data, vel de gratis datis, & non gratum facientibus.

2 Item, Quicquid est quod non directe contrariatur peccato, illud est de gratiis gratis datis & non gratum facientibus: sed gratia data in confirmatione non directe contrariatur peccato: ergo ipsa est de gratiis gratis datis, non gratum facientibus. Probatio primæ: gratia contrariatur culpæ: vnde Glossa super Apostolum dicit,

H 3 quod



quod gratia est reconciliatio ad Deum: & gratia quæ in virtutibus est, contrariatur actibus peccatorum, & spiritualibus peccatis. Minor autem probatur ex eo quod gratia data in confirmatione, datur nullam habenti culpam: ergo videtur, quod non ordinetur contra culpam: ergo non est de gratiis gratum facientibus, ut prius conclusum est.

3 Item, Gratia data ad expellendum infirmitatem corporalem, est gratis data non gratum faciens, sicut habetur 1. Corinth. 12. ubi gratia curationum numeratur inter gratias gratis datas, non gratum facientes: ergo etiam illa quæ expellit peccatum non culpam spirituale, est de gratis datis non gratum facientibus: talis autem est gratia confirmationis: ergo non est gratum faciens, sed gratis data.

*Quæst. 2.* QVÆRITUR ulterius tertio quod est magis difficile, Vtrum sit distincta gratia confirmationis à gratia baptismi, vel tantum confirmatio illius? Videtur autem quod sit tantum confirmatio eius vel confortatio. Sic est in robore corporali, quod fundatur in virtute naturali, quod nihil est aliud quam valor & confortatio illius ex quibuscunque causis proveniat: ergo similiter se habet in robore spirituali, quod nihil aliud est quam confortatio virtutis spiritualis: virtus autem spiritualis datur in baptismo, & robur in confirmatione: ergo videtur, quod confirmatio nihil aliud sit quam valor & confortatio virtutis datæ in baptismo.

2 Item, Medicinæ operatio est sicut naturæ ministra, & natura confortata per medicinam operatur per se: ergo similiter est in spiritualibus: sacramentum autem est sicut medicina: ergo operatio sua est circa esse spirituale sicut ministra: ergo operatio sacramenti præstantis robur, erit circa materiam virtutis & gratiæ præexistentis, & non distincta per se.

3 Præterea, Simplex à simplici cum sit eiusdem rationis, non distinguitur in aliquo, sicut punctus à puncto: sed si esset diversarum rationum, distingueretur, ut punctus ab unitate: cum igitur gratia baptismalis simplex sit, siue consideretur in se, siue in virtutibus, non distinguetur à gratia data in confirmatione quæ est in se considerata vel in virtutibus.

4 Item, Confirmatio videtur etiam hoc sonare: non enim confirmatur nisi quod iam est: cum igitur in ordine sacramentorum nihil sit ante confirmationem nisi baptismus: videtur, quod gratia confirmationis sit confirmatio gratiæ baptismalis.

5 Item, Si distinguitur gratia à gratia, hoc erit penes causam vel subiectum vel actum gratiæ. Ex parte autem causæ efficientis non est distinctio aliqua: quia illa est Deus auctor omnis gratiæ. Similiter nec ex parte subiecti: quia illud est anima, & secundum eandem partem inest animæ gratia baptismalis & gratia confirmationis.

6 Item, Nec ex parte actus: quia in baptismo confertur gratia fortitudinis ad robur spirituale, sicut & aliæ virtutes, sicut in confirmatione. Ergo videtur quod nullam habeat distinctionem ab illa: & ita videtur quod non sit aliud nisi eiusdem generis habitus, positis circa istum & unitus illi.

7 Ulterius videtur, quod superfluat omnino: in naturali enim virtute sic est, quod ex eisdem

generatur, nutritur, & confortatur: ergo etiam spiritualis virtus quæ datur in baptismo in se habet unde confortetur sine omni alio sacramento addito: ergo superflue additur sacramentum confirmationis.

8 Item, Virtus politica ex eodem generatur, & confortatur, quia ex actibus: ergo & virtus infusa: ergo virtus data in baptismo confortatur ex se, vel actibus suis, & non alio sacramento.

S I F O R T E tu dicas, quod eam augeat gratia confirmationis: tunc quæritur, qualiter sit de illo augmento? Dicit enim Philosophus, Si simplex simplici addas, nihil maius efficies: sed gratia simplex est: ergo si addatur simplici gratiæ præcedenti, nihil erit inde maius: ergo nec augmentum.

2 Præterea, Ex hoc sequeretur, quod non poneretur nisi circa gratiam baptismalem: quia augmentum existentis magnitudinis additamentum est: ergo etiam gratia confirmationis esset additamentum præexistentis magnitudinis gratiæ baptismalis.

3 Si autem tu dicas, quod augeat eam per modum separationis intensiōis contrariæ: tunc est quæstio, Qualis sit intensio: aut enim per modum à contrario separationis, sicut albius est quod est nigro impermixtius secundum Philosophum: aut penes accessum ad terminum aliquem, siue ad veram nominis impositionem: quod enim est in termino, non intenditur. Si dicas, quod intenditur primo modo: hoc nihil est: quia per minimam gratiam separatur totum contrarium quod est peccatum: ergo minima gratia esset sicut maxima: quod falsum est. Si autem secundo modo, tunc quæro, Quomodo hoc fiat? Si enim omnino nihil habeat de contrario, tunc videtur esse in vera nominis impositione, & in termino suæ puritatis: ergo videtur, quod non debeat intendi.

4 Præterea, Accidens quod non dependet à subiecto, nec ab actibus subiecti, nec à principiis subiecti, nullam causam suæ intensiōis in subiecto potest habere: tale autem accidens est gratia: ergo videtur, quod nulla talium causarum intenditur per actum sacramenti.

5 Si tu dicas, quod intenditur per actum sacramenti. Contra: Idem actus debet esse intendens & generans secundum speciem, ut patet in virtute politica: sed actus baptismi generat gratiam: ergo si aliquis intenderet eam, deberet esse eiusdem speciei, quod falsum est.

6 Præterea, Ut dimittatur hæc disputatio, quæ per accidens hic inducitur, intendatur quocunque modo id fieri potest: intensio enim non ponitur nisi circa prius existens in baptismo, & non distinguitur ab illo: ergo videtur, quod gratia confirmationis non distinguitur à gratia baptismali, sed ponatur circa illam.

7 Item, Videtur hoc ex actu ad quem ordinatur gratia confirmationis, scilicet confessione fidei intrepida: iste enim actus elicitur à fide, & imperatur à charitate secundum quod charitas est generalis motor virtutum, ut supra in tertio dictum est: fides autem & charitas datæ sunt in baptismo: ergo videtur, quod nihil datur in confirmatione, nisi forte aliqua melioratio & expeditio gratiæ datæ in baptismo.

S E D C O N T R A: Sicut se habet signum in sacramento ad signum, ita se habet effectus ad effectum: sed signum in confirmatione in nullo dependet



dependet à signo in baptismo: ergo nec effectus ab effectu.

2 Item, Supra habitum est, quod gratia sacramentalis non sunt sic unitæ, ut habita una, habeantur omnes, sicut in virtutibus infusis: ergo gratia confirmationis in nullo dependet ad gratiam baptismalem.

3 Item, Characteres confirmationis & baptismi distincti sunt: nec vnus est confirmatio alterius: ergo & res.

4 Item, Quando confirmatur aliquis, non petitur confirmari baptismus, sed homo baptizatus: ergo videtur, quod gratia confirmationis non refertur ad baptismum, sed ad hominem.

5 Item, Si indigeret baptismus confirmatione, iam esset in se debilis: quod est inconueniens dicere, cum sit necessarium & fortissimum sacramentum: ergo confirmatio non refertur ad baptismum, sed ad hominem baptizatum, qui multas rationes debilitatis habet, etiam postquam baptizatus est.

*Solutio.*

**Solutio.** Dicendum, quod sicut supra patuit in disputatione de communione sacramentorum, ubi distinguitur gratia sacramentalis à gratia in virtutibus & donis: vna gratia sacramentalis non dependet ab alia: nec habita una, habetur alia: sed sunt diuisæ. Vnde ad id quod primo quaeritur, dicendum, quod hoc sacramentum confert gratiam ordinatam contra debilitatem relictam ex infirmitate fomitis deprimentis.

**Ad primum** ergo dicendum, quod baptismus non est in potentia ad gratiam baptismalem, sed ad aliam gratiam alterius speciei potest esse in potentia: sicut actu album potest esse in potentia dulce: & taliter dicimus specie differre gratiam confirmationis à gratia baptismali.

**Ad aliud** dicendum, quod Magister loquitur ibi de gratia baptismali contra culpam originalem ordinata: & hæc non datur in contritione nisi in quantum baptismum habet in voto, ut supra dictum est: & ideo est eadem cum illa, quare non potest eam recipere postea. Sic autem se non habet gratia baptismalis & confirmationis, ut infra patebit, sed differentes sunt secundum speciem.

**Ad aliud** dicendum, quod gratia baptismalis & confirmationis in quibusdam conueniunt, & in quibusdam differunt, & ex parte differentie trahuntur ad species specialissimas. Conueniunt autem in hoc quod gratum faciunt subiectum & opus gratum, & quod sunt in anima & virtutibus ut expedites virtutes prout vna virtus & gratia expedit aliam: sicut etiam vna potentia animæ aliam expedit: ut sensus intellectum, & huiusmodi: sed differunt differentiis vltimis, scilicet in quantum sunt curatiuæ morbi huius vel illius, ut supra in distinctione sacramentorum est ostensum. Vnde cum gratia confirmationis curet morbum quem non curat baptismus, patet quod est alia gratia specie ab illa. Quod autem ita sit, supponitur hoc ex præhabitis in distinctione & sufficientia sacramentorum.

**Ad aliud** dicendum, quod non fictus recipiens confirmationem, recipit in ea gratiam quam prius non habuit: non quoad gratificationem sui, vel operis sui: quia hoc prius habuit: quia in hoc etiam non differt gratia confirmationis à gratia baptismali: sed quoad actum curationis

morbi qui prius non fuit curatus: & hæc cura (ut supra dictum est) expulsio est debilitatis relictæ ex fomite retrahentis ab audaci fidei confessione.

**Ad aliud** dicendum, quod bene conceditur hoc quod gratia secundum actum illum qui est gratum facere, habetur virtute contritionis: sed gratuitus vna ratione, potest esse gratus etiam alia ratione, & quoad illam aliam rationem recipit gratiam in confirmatione, ut iam patuit.

**Ad id** quod secundo quaeritur, dicendum quod gratia data in confirmatione est gratum faciens, sicut probant primæ rationes. *Ad quaestiones lam 1.*

**Ad id** quod contra obiicitur, dicendum quod sicut est in anima, sic est etiam in gratia: & sicut est in potentiis animæ, ita est in virtutibus, & cæteris gratiis spiritualibus: sed anima (ut dicit Philosophus in secundo de anima) est actus totius, & dans esse toti corpori: & partes animæ quæ sunt potentia, dant esse partibus corporis. Vnde ipse dicit, quod si oculus esset animal, visus esset anima eius: & oculus cæcus æquiuoce dicitur oculus, sicut animal mortuum æquiuoce dicitur animal. Vnde patet, quod sicut est esse primum ab anima in natura animalis in toto, ita est esse primum in partibus à partibus animæ. Et ita proportionaliter loquendo est in esse spirituali quod est à gratia, quæ dat spirituale esse animæ: & partes eius dant partibus animæ: & virtutes quidem dant esse spirituale potentiis quoad opera, gratia autem sacramentalis dat quoad contrarij expulsionem: vnde patet, quod ad esse aliquo modo pertinet.

**Ad id** autem quod obiicitur, quod non ordinatur hæc gratia contra culpam: dicendum, quod ordinatur contra culpam, sed non immediate: ordinatur enim contra poenam quæ est impeditiua boni, & incitatiua mali: & hoc habet similitudinem quandam cum culpa, ut dicit Augustinus, sicut filia cum matre: & de hoc multa in secundo tractatu de originali peccato notata sunt: & per hoc patet solutio ad quaestiones contra secundum.

**Ad ea** quæ quaerita sunt contra tertium, dicendum quod gratia hæc distincta est à gratia sacramentali quæ est in baptismo, & semper est differens ab illa: sicut vna virtus differt ab alia in specie, licet omnes vniantur in gratia infusa: sed hic est maior differentia quoad hoc quod gratia sacramentalis non omnes simul infunduntur. *Ad quaestiones lam 2.*

**Ad id** autem quod primo obiicitur, dicendum quod ratio illa procedit tantum in his in quibus robor & roboratum ponuntur circa idem, & eiusdem rationis virtutem: sed hoc non est hic: quia nullus roboratur in confirmatione gratia baptismi: sed homo baptizatus, sicut patet per obiectiones factas in contrarium, quæ valde bonæ sunt, & illuminantes ad solutionem.

**Ad aliud** dicendum, quod gratia baptismi non se habet ad gratiam confirmationis ut natura ad medicinam: & ideo illa obiectio non valet, nec aliquid probat.

**Ad aliud** dicendum, quod simplex à simplici duobus modis potest differre, scilicet per naturam siue rationem: sicut vnitas & punctus: & positione siue respectu ad subiectum si habeat positiones: ut punctus initians à puncto terminante & continuante in medio. Et duas has differentias est inuenire in his duabus gratiis, scilicet baptismi,



& confirmationis, quæ sunt diuersarum rationum, ut habitum est: & etiam per ordinem ad subiectum differunt in effectu: quia vna substantialiter ordinata est contra culpam originalis peccati, altera autem contra pusillanimitatem relictam ex fomite, etiam post baptismum ad actus excellentis difficultatis: sicut est actus confessionis fidei, in quo triplex inuenitur difficultas, ut superius dictum est: & ideo patet, quod ratio illa sophistica fuit.

AD ALIUD dicendum, quod quoad illum actum qui est gratificare in genere, non distinguitur: sed quoad gratificare secundum specialem gratitudinis rationem: quia illæ speciales rationes multiplicari possunt: eo quod nihil prohibet gratum secundum vnā rationem, effici adhuc gratum secundum rationem aliam. Similiter licet fides eliciens actus confessionis fidei detur in baptismo, & fortitudo expediens in hoc quod non trepidet ad terrores: tamen nihil prohibet quin posset recipi gratia euacuans timorem ex fomite relictum: quia illum non euacuat fortitudo donum per modum medicinæ, nec etiam fortitudo virtus.

AD ALIUD dicendum, quod nec superfluit, nec est confirmatio gratiæ baptismalis: illa enim confirmatur ex aliis causis: quoad radicationem enim in subiecto confirmatur ex usu, ex quo ad augmentum confertur secundum congruitatem ex merito actuum, & secundum causam efficientem à Deo: & per hoc patet solutio ex magna parte ad disputationem posterius inductam.

AD ID autem quod queritur de modo augmenti, est quidem alibi dictum super tertium & primum: sed quia hic est tactum, potest dici quod gratia est sicut lux quædam quæ in anima est ex continua influentia lucis diuinæ: sicut videtur dicere Psalm. ubi dicit, Signatum est super nos lumen vultus tui Domine, &c. Et augmentum eius ego non intelligo posse esse nisi trium modorum vno: & omnes illi modi habent diuersas circa se opiniones. Cancellarius enim Philippus dicebat, quod augebatur additione similis gratiæ, quam creando vnit, & vniendo cum præcedenti creat auctor gratiarum Deus: & hæc omnibus opinionibus mihi rationabilior & probabilior videtur. Alij autem dixerunt, quod quoad feruorem crescit, sed non in se: & hæc

opinio à paucis tenetur, eo quod minor gratia quandoque magis ferueat in deuotione quam maior. Terra opinio est, quod Deus nihil addit, sed multiplicat gratiam in se, sicut multiplicauit quinque panes: & hæc opinio omnibus esset probabilior, si bene esset probatum, quod aliquid sine omni additione essentia extrinsecæ, & sine conuersione in ipsum esset multiplicabile aliter quam per extensionem: quia non est ratum, quod Deus multiplicando quinque panes ibi materiam sub forma panum non creauerit, vel materiam elementorum ad panes non conuerterit: & ideo illa opinio non placet: & bene teneret si bene probata esset ad intellectum. Sed hoc nihil est ad propositum: quia non ponimus, quod gratia confirmationis augeat gratiam baptismi: sed potius vnitæ in actu gratificandi in genere, differunt in speciali modo gratificationis, & in speciali effectu contra morbum originalis peccati, & etiam in expeditione ad actum confessionis fidei, ut patet ex prædictis.

AD ID quod obiicitur de confessione fidei quam elicit fides, dicendum quod Antifiodorus super solutione talium argumentorum bonam inuenit solutionem, scilicet quod actus dicitur esse gratiæ vel virtutis multis modis, scilicet elicitiue, sicut actus proprius elicitor ex habitu: & sic confessio actus fidei est virtutis quæ est fides. Dicitur etiam actus alicuius qui imperat ut fiat, & sic omnis actus virtutis potest esse charitatis quæ imperat eum ut fiat. Dicitur etiam esse expeditius alicuius: & sic iterum cum quælibet virtus expedit alteram, remouendo aliquod impedimentum ipsius, hoc modo actus vnius virtutis attribuitur alij: & hoc modo confessio fidei ut fidei, est fidei: ut propter Deum, est charitatis: ut autem sine timore & verecundia fiat, potest esse fortitudinis quoad magnanimitatem: & quoad remotionem morbi fomitis debilitantis, sic est istius, scilicet confirmationis sacramenti: & hoc est quod multi dicunt, & non multi considerant subtiliter, quod gratia sacramentalis sanat, & gratia virtutum ordinat ad meritum: quia sacramenti gratia remouet dispositionem morbi per se, & per consequens ordinat ad actum: gratia autem virtutis ordinat ad actum per se & primo, in quo consistit meritum. Et per hoc patet solutio ad omnia quæ sita.

Ad quæ  
stionem  
lam 3.

Melchisedes.

B  
De cōse.  
dist. 5. c.  
De his  
vero.



SITOTE vtrunque esse magnum sacramentum, sed vnum maiori veneratione tenendum, sicut à maioribus datur. Ecce maius dicit sacramentum confirmationis: sed forte non ob maiorem virtutem & utilitatem quam conferat, sed quia à dignioribus datur, & in digniori parte corporis fit, scilicet in fronte, vel forte quia maius augmentum virtutum præstat: licet baptismus plus ad remissionem valeat. Quod videtur innuere Rabanus dicens, in unctione baptismi Spiritum sanctum descendere ad habitationem Deo consecrandam: in hac vero eiusdem septiformem gratiam cum omni plenitudine sanctitatis & virtutis venire in hominem.



minem. Hoc sacramentum iantum à ieiunis accipi, & ieiunis tradi debet, sicut & baptismus, nisi aliter cogat necessitas. Nec debet iterari, sicut nec baptismus, vel ordo. Nulli enim sacramento facienda est iniuria: quod fieri putatur, quando non iterandum iteratur. Sed utrum aliqua vel nulla iterari possint, quæstio est. Nam de baptismo & ordine quod non debeant iterari, aperte August. dicit. Vtrumque sacramentum est, & quadam consecratione datur: illud quidem cum baptizatur, illud vero cum ordinatur. Ideoque in Ecclesia Catholica vtrumque non licet iterari, quia neutri facienda est iniuria: quod indubitanter etiam de confirmatione tenendum est. De aliis vero utrum iterari valeant vel debeant, postea differemus.

Lib. cō-  
tra epist.  
Parme-  
niani 2.  
cap. 12.

# ARTICVLVS VI.

*An sacramentum confirmationis debeat dici maius sacramentum aliis?*

**D**Einde quæritur de hoc quod dicit ibi [Scitote vtrumque esse sacramentum magnum, sed vnum maiori honoratione tenendum, sicut à maioribus datur, &c.] Videtur enim hoc falsum: quia si dicatur maius ratione eius quod continet, tunc Eucharistia est maius omnibus. Si autem ratione eius quod efficit, tunc videtur baptismus esse maius. Si autem aliquis ad hoc velit dicere, sicut Magister videtur soluere in litera, quod dicitur maius: quia à maioribus datur: adhuc non videtur esse verum: quia etiam à maioribus ordo datur, quia similiter ab Episcopis tantum: nec tamen maius dicitur sacramentum.

2. Præterea, Dans se habet ad sacramentum ut causa efficiens & ministrans: causa autem efficiens nihil est de re, sed tota est extra causatum: ergo ab illo non est quantitas rei: ergo ab illa non dicitur maior vel minor ex eo quod à maiore vel minore efficitur vel ministratur: ergo solutio Magistri non videtur esse conueniens.

3. Item, Contra auctoritatem Rabani in litera videtur esse illa solutio: qui dicit, quod in vñctione baptismi Spiritus descendit ad habitandum, sed in vñctione confirmationis datur septiformis Spiritus cum omni plenitudine sanctitatis & virtutis: ergo videtur, quod ratione rei effectæ dicatur hoc sacramentum maius.

*Quæstio-  
cula.* **V**LTERIVS etiam quæritur de auctoritate Rabani iam tacta: videtur enim septiformis Spiritus dari in baptismo: quia ibi dantur septem dona: & omnis virtus, quia qui habet vnam, habet omnes: ergo videtur, quod hoc specialiter confirmationi non conueniat.

*Solutio.* **S**OLVITIO. Dicendum, quod vnum sacramentum dicitur maius altero quinque modis secundum distinctionem antiquorum quæ bona est: quorum vnus est res ipsa: & sic baptismus dicitur maius, quia gratia in baptismo remittit culpam & pœnam exteriorem, & non exigit gemitum vel planctum. Alio modo ratione eius quod continet, quod est res & sacramentum: & sic dicunt Eucharistiam maiorem inter sacramenta. Tertio modo ratione gradus in quo collocatur ex potestate characteris: & sic dicunt ordinem esse maiorem. Quarto modo ratione significato-

rum respectu rei non contentæ, sed signatæ tantum: & sic dicunt matrimonium esse maius inter sacramenta, quia significat vñionem naturarum in Christo, & vñionem fidelis animæ cum Deo. Quinto & vltimo modo dicitur maius sacramentum, quod à maiore ministro datur: & sic confirmatio est maior inter sacramenta.

**D**ICENDVM ergo ad id quod contra obicitur, quod licet ordo à maioribus datur: tamen illa maioritas non attestatur robori gratiæ ad actum, sicut in confirmatione cuius gratia expedit ad actum maximæ difficultatis: ibi enim attestatio maioritatis est in potestate, & non in robore ordinati.

**A**D ALIVD dicendum, quod quædam causa efficiens omnino est extrinseca: sicut illa quæ suam proprietatem vel speciem non agit in effectu, ut causa efficiens æquiuoce: & de illa tenet obiectio. Quædam autem alia est causa efficiens, quæ speciem suam & proprietatem ponit in dante: & hæc assimilatur illi sacramento: quia per maiorem ministrum intelligitur, non quidem gratia maior, sed ad maius in robore spiritus esse collata: & ideo maioritatem ministri sequitur etiam quædam maioritas sacramenti.

**A**D ID quod vltius quæritur de auctoritate Rabani, dicendum quod secundum Philosophum differt dicere secundum omne, & secundum vnumquodque: omne enim respicit vniuersalitatem naturæ & speciei, vnumquodque autem numerum indiuiduorum & materiæ, sicut habere tres angulos æquales duobus rectis sequitur triangulum rectilineum per omnem triangulum, & tamen non per se sequitur eum secundum vnumquemque triangulum. Ita possumus dicere, quod in baptismo datur secundum omnem speciem virtutis gratia: & tamen non secundum vnumquodque quod est gratiæ, sed in omnibus sacramentis simul datur quod secundum vnumquodque. Sed secundum hoc etiam de confirmatione potest obici: quia ibi non datur secundum vnumquodque: quædam enim in aliis sacramentis dantur, quæ non dantur in confirmatione. Et ideo dicendum, quod Rabanus vim facit in omni plenitudine: quia est plenitudo copiæ ut dictum est supra: & de hac loquitur Rabanus. Et est etiam plenitudo sufficientiæ quæ datur in baptismo: & de hac non loquitur Rabanus. Per hoc etiam patet solutio ad vltimum: quia licet septiformis Spiritus datur in baptismo, non tamen datur per plenitudinem copiæ.

Adquæst.  
cō ad 3.



## ARTICVLVS VII.

*An detur confirmatio in digniori parte corporis, scilicet in fronte?*

**D**Einde quæritur de hoc quod dicitur ibi [Et in digniori parte corporis sicut in fronte, &c.] Hoc enim videtur falsum: quia vertex dignior videtur quam frons, cum sit sedes rationis, & frons quasi sedes sensuum, ut dicunt Philosophi, quoddam ab interiori parte capitis sensus descendunt, & à posteriori motus.

2 Hoc autem etiam videtur per illud Ierem. 4. Filij Memphis constuprauerunt te usque ad verticem. Et dicit ibi Gloss. Hieron. usque ad fidei euacuationem, quæ sedem habet in vertice in quo est ratio.

3 Præterea, Ex hoc videtur, quoddam simplex sacerdos possit confirmare: quia vngit in loco digniori quam sit frons, scilicet in vertice: ergo & in fronte potest vngere.

4 Item, Cum confessio fidei sit in lingua in qua est vis moriua ad interpretandum, & confirmatio ordinat ad interpretandam fidei confessionem, videtur quod confirmatio sit facienda super linguam, & non super frontem.

5 Item, Si cor & firmum, totum est firmatum. Vnde Salomon. Omni custodia serua cor tuum: quoniam ex ipso vita procedit. Ergo videtur, quoddam confirmatio sicut in radice firmitatis signanda sit in corde, & non in fronte.

*Solutio.*

**Solutio.** Quia sicut dicit Gloss. quædam super Apocal. 7. sedes verecundiæ est in fronte: unde ad tollendam malam verecundiam, & ad confirmandum ponitur signum crucis in fronte, quasi in aperto, ut pro honore illud in aperto portet, etiam cum fugatur.

**AD PRIMVM** ergo dicendum, quoddam ratio nihil facit ad propositum: quia licet confirmationem fidei dicat ratio: tamen apertum signum non est in loco rationis: quia ille locus non est in omnibus in patulo, sed potius frons: nec confirmatio datur ad fidei confessionem quamcunque, sed apertam, postposito rubore & verecundia.

**AD ALIVD** dicendum, quoddam fides in intellectu est: sed tamen signum confirmationis est in loco ad quem respiciunt homines: & hic est frons: & ideo ibi etiam sedes est verecundiæ quoad signum ruboris.

**AD ALIVD** dicendum, quoddam non est confirmatio ut expedite loquatur, quod pertinet ad expeditionem linguæ, sed ut aperte sine verecundia.

**AD ALIVD** dicendum, quoddam illud argumentum procedit ac si confirmatio conferat gratiam cor custodiendi: & hoc non est verum: sed potius confert gratiam expellentem timorem & verecundiam nominis Christi, quorum

sedes quoad hominum manifestationem est in fronte. Et per

hoc patet solutio ad totum.

\*\*\*

## ARTICVLVS VIII.

*An sacramentum confirmationis debeat vtrique sexui, & in qua ætate conferri, & qualiter confirmandus debeat presentari?*

**D**Einde quæritur de hoc quod dicit ibi [Hoc sacramentum tantum à ieiunis accipi, & ieiunis debet tradi, &c.] Et quærentur hic tria. Primum, Vtrum vtrique sexui sit conferendum hoc sacramentum? Secundo, In qua ætate? Tercio, Qualiter confirmandus debet presentari à suis patrinis?

**AD PRIMVM** obicitur sic: In tabernaculo Dei non scribebantur nisi mares ad ministrandum: ergo etiam non debent confirmari (ut veritas respondeat umbræ) nisi mares.

2 Item, Expediti ad pugnam Genes. 14. cum Abraham: & viri bellatores, de quibus habetur Num. 2. fere per totum & Iosue: & fortissimi, ut dicitur 2. Regum penultimo, non erant nisi mares. Ergo videtur, quoddam ad pugnam Domini non debent confirmari nisi mares, & non feminae propter molliem sexum.

**SED CONTRA** hoc est quod dicit Apostolus ad Galat. 3. quoddam in Christo non est seruus, neque liber, neque masculus, neque femina, sed noua creatura. Ergo feminae confirmandæ sunt sicut mares.

Item, 2. Machab. 7. dicitur de matre septem fratrum, Supra modum autem mater mirabilis, & bonorum memoria digna, quæ percutentes septem filios sub vnius diei articulo bono animo ferebat, propter spem quam in Deo habebat, singulos illorum hortabatur voce patriæ fortiter, repleta sapientia: & feminae cogitationi masculinum animum inferens, &c. Ergo etiam feminis dandum est sacramentum confirmationis. Sed quia hoc non cadit in dubium, leue est de hoc disputare.

**SECUNDO** quæritur, In qua ætate sit conferenda confirmatio? Videtur autem, quoddam tantum in adolescentia: quia pugna non indicitur nisi robustis, & in lege non computabantur nisi à 20. annis & supra, qui possent ad bella procedere. Ergo & pugna spiritualis intelligentibus & robustis est indicenda.

2 Præterea, Fides aliena non operatur nisi in sacramento baptismi: ergo in aliis operatur fides propria: non est autem propria ante ætatem adultam: ergo videtur, quoddam expectanda sit ætas adulta.

3 Item, Stultus videretur qui armaret puerum: quia potius opprimeret quam institueret ad bellum: ergo videtur, quoddam similiter sit in pugna spirituali.

4 Item, Iudicum 8. dixit Ieroboam Nephthi primogenito suo, quoddam surgeret & irruerit in Zebæ & Salmana principes Madian & interficeret eos. Et sequitur, Qui non eduxit gladium: timebat enim, quia adhuc puer erat. Ergo videtur, quoddam puerorum ætas non est ad pugnam spiritualem apta. Cum ergo confirmatio detur ad pugnam spiritualem, non debet dari paruulis vel pueris.

*Quæstio-  
cula 2.*



pueris. Si forte tu dicas, quod aliter est in pugna spirituali, & aliter in pugna corporali: quia pugna spiritualis indicitur paruulis, sed non corporalis. Contra: Pugna spiritualis plura exigit quam corporalis: quia intellectum exigit altitiarum demonis, sicut dicit Apostolus 2. Corinth. 2. Non ignoramus cogitationes eius. Exigitur etiam specialis virtus. Vnde Psalm. 44. Accingere gladio tuo super femur tuum potentissime. Ergo videtur, quod si corporalis non indicitur pueris, quod multo fortius spiritualis non indicetur eis.

*Quaest. 3.* ULTERIVS quaeritur tertio, Qualiter praesentandi sunt: & videtur, quod per seipsos accedere debeant: non enim exigitur anadochus nisi ubi sunt confessiones pro alio faciendae: sed hic confitetur pro seipso, sicut dicitur Ioan. 6. Aetatem habet, per se loquatur. Ergo videtur, quod per seipsum debeat praesentari.

2 Item videtur, quod mulier nullum possit praesentare: quia in ipsa ostenditur fragilitas sexus, & ita impotens est statuere alium: ergo alium statuendum in pugna ipsa non debet praesentare, ut videtur.

*Quaest. 4.* I T E M quaeritur de ratione ordinariorum antiquorum, in quibus inuenitur, quod anadochus representans alium, debet eum inter manus tenere, & pedem eius super pedem suum ponere, & nomen eius Episcopo exprimere, & postea ligare locum signatum chrismate: talis enim vsus modo raro vel nunquam obseruatur. Item, In ordinario antiquo inuenitur, quod oratio praemittenda est de septem donis Spiritus sancti super confirmandos, & iterum postea alia subiunguntur, cum mittuntur armati ad pugnam spiritualem: & quaeritur ratio huius.

*Quaest. 5.* P R A E T E R E A quaeritur de hoc quod dicit quidam Papa, quod mulier representet mulierem, & vir virum. Ex hoc videtur, quod de dispari sexu se non possint representare.

*Quaest. 6.* I T E M quaeritur de hoc quod dicit hic, a ieiunis & ieiunis conferatur: quare hoc enim modo non obseruatur? Ergo videtur, quod aliter celebretur hoc sacramentum quam debeat, aut quod omnino nihil fiat.

*Solutio.* S O L V T I O. Dicendum ad primum, quod istud sacramentum conferendum est viris & mulieribus aequaliter: quia vtrisque bellum indicitur. Ephes. ultimo, Non est nobis colluctatio aduersus carnem & sanguinem, sed aduersus spirituales nequitias in caelestibus. Ad omnia autem obiecta in oppositum, dicendum quod tenent illae obiectioes de illis qui emollium habent animum, & arma Dei abiiciunt, quibus tamen conferenda sunt, ut sint in testimonium iustioris condemnationis eorum. Et hac ratione masculi antiquitus ducebantur ad bellum: tamen in pugna contra Sisaram Iahel deiecit hostem, & Iudith Holofernem, & Esther precibus vicit Aman: & primae mulieri in typo gloriosae Virginis dictum est, Et ipsa conteret caput tuum. Et per hoc patet solutio ad omnia quaesita quae sunt de hac materia.

*Ad quaest. 2.* A D I D quod secundo quaeritur, dicendum quod vtrumque potest fieri: sed melius & tutius est, quod prius confirmetur: neque tamen tunc indicitur eis pugna: quia tunc non intelligunt tentationes, & aetas immatura est ad fortes motus concupiscentiae: sed praeparantur, & dantur eis arma ut habeant unde pugnare possint cum tempus

fit: & bonum est esse paratum. Hoc autem significatur Genes. 14. ubi dicitur, quod illi qui seruierunt, 14. anno rebellauerunt: quia in illo anno incipiunt stimuli concupiscentiae, eo quod per Philosophum in 2. septemnario distillare incipit semen, & incipiunt aperiri viae concupiscentiae. Et per hoc patet solutio ad totum quod obicitur, non enim armatur ut pugnet, sed dantur ei ut habeat praeparata cum opus sit. Et hoc significatum est in Dauid, impensas templi parante Salomoni.

Ad tertium quaesitum dicendum, quod nullus seipsum praesentare potest: quia confirmandus debet consignari, tanquam non habens virtutem propriam ad standum: sed statuendus est ab alio, & ideo ab alio praesentandus est.

A D P R I M V M ergo dicendum, quod hoc non fit ut pro eo confiteatur, sed ut significet eum aliena virtute, scilicet Christi, indigere ad hoc ut possit stare in pugna.

A D A L I V D patet solutio per ante dicta: quia mulier est habens animum emollium, & cedens in omni pugna spirituali: & haec repellitur ab exercitu Domini, ut habetur Num. 10.

A D A L I V D dicendum, quod ratio ordinariorum illorum optima est: & expriment modum Apostolorum & Patrum: quia enim confirmandus quaerit virtutem corroboratiuam, ideo significatur non posse stare per se, sed in vestigiis alicuius confirmati quem imitetur in pugna: & ideo non confirmatus nullum debet praesentare quantum est de ratione convenientiae sacramentalis: & si praesumpserit, non est quidem irritum sacramentum, sed tamen ipse peccat & corripendus est. Et quia contrahitur ibi confinitas spiritualis, mulier non debet tenere maritum, nec e conuerso: nec homo filium, sororem, vel fratrem, quia sufficit ad amicitiam conciliandam inter tales vinculum carnale.

A D A L I V D dicendum, quod ille Papa dixit hoc propter periculum sequens euitandum: quia quandoque vir praesentabat mulierem, & postea contraxit cum ea, quod non potest fieri: & ideo voluit ut mulier praesentaret mulierem, & vir virum: ne fieret impedimentum in matrimonio.

A D A L I V D dicendum, quod hoc dicitur propter sacramenti reuerentiam, si tamen aliter fiat propter carentiam Episcoporum non nocet: melius enim est confirmari post prandium cum potest haberi Episcopus, quam quod recedente Episcopo non possit confirmari.

## ARTICVLVS IX.

*An confirmatio imprimat characterem?*

D E inde quaeritur de hoc quod dicit ibi [Nulli enim sacramento facienda est iniuria, &c.] Hoc enim communiter dicitur, quod fit propter characterem quem imprimit. Videtur autem, quod non imprimat: pugna enim spiritualis aequaliter indicebatur illis qui fuerunt in naturali lege, & in lege Moysi, sicut illis qui sunt in Nouo Testamento: & tamen illi non habebant confirmationem & characterem spiritualem: ergo videtur, quod



quod nec in Nouo Testamento distinguendi sunt pugnantibus per characterem.

2 Præterea, Quid est quod non est iterandum sacramentum? Aut enim hoc ideo fit, quia sacramentum: aut quia est sacramentum nouæ legis: aut quia imprimitur characterem: aut quia immobilem confert effectum. Et videtur, quod nullo horum modorum. Si enim quia sacramentum, non iteraretur: tunc nullum sacramentum posset iterari, quod falsum est in penitentia & extrema unctione, ut habebitur infra. Si autem quia est sacramentum nouæ legis: iterum instantia est in extrema unctione: quia illa non fuit in Veteri Testamento, nisi in typo & in figura, Nec quia imprimitur characterem: quia per hoc circumcisio quæ non imprimebat characterem, potuisset iterata fuisse, quod falsum est. Nec etiam ideo quia effectus sacramenti sit immobilis: quia effectus sacramenti est gratia, & hæc sepe perditur: ergo videtur, quod nulla causa sit, quare non debeat iterari.

3 Item, Videtur, quod necessarium sit iterari: dicit enim Augustinus, & ponitur infra in tractatu de extrema unctione, Si morbus non potest impediri ne redeat, medicina quare debet prohiberi? Ergo cum pusillanimitas & timiditas frequenter redeant super aliquem, videtur quod frequens sit ei necessaria confirmatio, & ita debet iterari.

Quæstio-  
cula.

VLTERIVS quæritur, Quem ordinem habeat character confirmationis ad characterem ordinis & baptismi? Et videtur, quod fundamenti: quia non debet ordinari nisi baptizatus: ergo videtur, quod si non habeat characterem confirmationis, quod inhabilis sit suscipere characterem ordinis: ergo si ordinetur non confirmatus, non est ordinatus.

Solutio.

SOLUTIO. Dicendum, ad primum, quod præcipue tria sacramenta non sunt iteranda, scilicet baptismus, confirmatio, & ordo: quia imprimunt effectum perpetuum & characterem: & illis fieret iniuria si iterarentur: quia aut duo characteres idem specie erunt, quod non potest esse: aut alterum sacramentum nihil conferret, & hoc esset

inutile & iniuriosum si sacramentum celebraretur. Alia autem sacramenta, ut dicitur in littera, non iterantur super eandem materiam, licet iterentur circa eosdem homines illa sacramenta suscipientes.

AD OBIECTVM contra, dicendum, quod antiqui pugnam habebant grauiorem vel adeo grauiorem, quam nos: & tamen non habebant sacramentum, quia tempus sacramenti non fuit: sed habebant fortitudinem Domini & virtutis, quibus stare potuerunt: nec characterem habere potuerunt: quia adhuc non erat dux belli nobiscum in acie, cui per characterem conscriberentur: & hoc supra expeditum est in communi sacramentorum quæstione, quare sacramenta cum Christo inceperunt.

AD ALIVD dicendum, quod duo concurrunt coniunctim non diuisim ad hoc quod sacramentum non iteretur, scilicet impressio characteris: & hæc est causa quare illa tria sacramenta, Baptismus, confirmatio & ordo, non iterantur: & unitas peccati contra quod ordinatur sacramentum, sicut originale, non est nisi vnum, & non inficit nisi semel & non plus: & hoc probatum est in secundo, ubi quæsitum est si originale redeat post baptismum ab infectione carnis, sicut fecit in animæ infusione. Et hæc est causa, quare circumcisio non iterabatur, & hæc causa concurret cum prima, & maxime in baptismo, sed non in aliis duobus sacramenti.

AD ALIVD dicendum, quod licet debilitas redeat, & fomes resumatur vires per iterationem peccati, ut dicit Augustinus: tamen character cum gratia recuperata sufficit ad expulsionem illius: & ideo non debet iterari sacramentum, ne videatur minus sufficiens esse collatum.

AD ID quod vltius quæritur, dicendum *Ad quæst.* quod habet ordinem convenientiæ ad characterem ordinis, & non necessitatis. Et quod dicitur, quod non debet ordinari nisi confirmatus, importat debitum congruentiæ: quia firmus esse debet, qui aliis debet sacramenta dispensare: sed tamen quia non dependet effectus sacramentorum à virtute ministri, potest esse non confirmatus.



## DISTINCTIO VIII.

### De sacramento altaris & Eucharistia.



OST sacramentum baptismi & confirmationis sequitur Eucharistia sacramentum. Per baptismum mundamur, per Eucharistiam in bono consummatur. Baptismus æstus vitiorum extinguit, Eucharistia spiritualiter reficit. Vnde excellenter Eucharistia dicitur, id est, bona gratia: quia in hoc sacramento non modo est augmentum virtutis & gratiæ, sed ille totus sumitur, qui est fons & origo omnis gratiæ. Cuius figura præcessit, quando  
manna



Exod. 16. manna pluit Deus Patribus in deserto, qui quotidiano celi pascebantur alimento. Vnde, Panem Angelorum manducauit homo. Sed tunc qui panem illum manducauerunt, mortui sunt. Iste vero panis viuus qui de cælo descendit, vitam mundo tribuit. Manna illud de cælo, hoc super cælum. Illud scaturiebat in diem alterum reseruatum, hoc ab omni corruptione alienum. Quicumque religiose gustauerit, corruptionem non videbit. Illud datum fuit antiquis post transitum maris Rubri, vbi submersis Ægyptiis liberati sunt Hebræi. Ita hoc cæleste manna, non nisi renatis præstari debet. Panis ille corporalis populum antiquum ad terram promissionis per desertum eduxit. Hæc esca cælestis fideles huius seculi per desertum transeuntes in cælum subuehit. Vnde recte viaticum appellatur: quia in via nos reficiens, vsque in patriam deducit. Sicut ergo in mari Rubro figura baptismi præcessit, ita in manna significatio Dominici corporis. Hæc duo sacramenta Ioan. 19. demonstrata sunt, vbi de latere Christi sanguis & aqua profluxerunt: quia Christus per sanguinem redemptionis, & aquam ablutionis nos redimere venit à diabolo & à peccato: sicut Israëlitas per sanguinem agni paschalis ab exterminatore, & per aquam maris Rubri ab Ægyptiis liberauit. Huius etiam sacramenti ritum Melchisedech ostendit, Lib. 4. de sacra- mentis. cap. 3. vbi panem & vinum Abrahæ obtulit. Vnde, vt ait Ambros. intelligi datur anteriora esse sacramenta Christianorum, quam Iudæorum.

ARTICVLVS I.

*An Eucharistia sit sacramentum maioris gratiæ quam baptismus?*

POST sacramentum baptismi, &c.] Hic agit Magister per ordinem de tertio sacramento, quod est Eucharistia. Et diuiditur tractatus de Eucharistia secundum eum generaliter in duas partes, in quarum prima præmittit Magister quædam præbula, scilicet de vtilitate, & figuris. In secunda autem diuidit tractatum, & pertractat partes. Hoc autem incipit in secundo cap. ibi [Hic autem alia consideranda occurrunt] tangit autem in primo cap. primo vtilitatem, vbi dicit [per baptismum mundamur, &c.] Et videtur falsum: quia secundum eum videtur baptismus minoris esse gratiæ quam Eucharistia: mundare enim non dicit nisi mali remotionem: confirmari autem in bono dicit firmam boni adaptionem, & hæc adeptio est per se bona: remotio autem mali est priuatio: ergo minoris gratiæ sacramentalis est baptismus quam Eucharistia, quod Magister negauit in præcedenti distinctione.

2 Præterea, Confirmare in bono, videtur esse actus confirmationis, vt prius habitum est: ergo hic non debet poni effectus Eucharistiæ.

3 Similiter obicitur de illo effectu: Eucharistia spiritualiter reficit: hic autem est actus omnis gratiæ: vnde videtur, quod non sit speciale huius sacramenti.

4 Præterea, probatur ex hoc quod habetur Iob 1. quod ibant filij Iob, & faciebant conuiuia per singulos: quod exponit Gregorius de refectione donorum & virtutum.

D. Alb. Mag. in Lib. 4. Sentent.

4 Item per illud Isa. 4. Panem nostrum comedemus, & vestimentis nostris operiemur: quod est verbum 7. mulierum apprehendentium virum vnum: & Gloss. ibidem exponit de 7 donis.

6 Item, Matth. 6. Panem nostrum quotidianum da nobis hodie. Exponit Gloss. de pane verbi, & de pane gratiæ.

7 Item, Luc. 4. Non in solo pane viuit homo, sed in omni verbo quod procedit de ore Dei. Ergo per omnia hæc videtur, quod nullo modo resectio spiritualis sit effectus proprius huius sacramenti.

SOLVITIO. Dicendum, quod Magistri nostri assignant plurimas vtilitates huius sacramenti. Prima autem est principalis & propria, scilicet vt sicut homo per esum pomi vetri perdidit vitam, ita recuperet per esum ligni vitæ spiritualis: & hæc pro tanto dicitur propria. Quia homo multipliciter cecidit à vita, scilicet per culpam originale, & actuale, & per vulnus concupiscentiæ lebilantis, & per deperditionem spiritualium in oierate & bonitate, & huiusmodi, quæ quasi humor quidam vegetat & infundunt animam. Contra culpam autem sunt baptismus & poenitentia: & contra debilitatem concupiscentiæ est confirmatio. Ad restaurandum autem spirituale robur deperditum, est cibus spiritualis Eucharistia. Et huius probatio subtilior est supra habita in distinctione sacramentorum. Secunda & quasi propinqua illi, vt sit nutrimentum hominis spirituale. Vnde panem Angelorum manducauit homo. Super quod dicit August. Vt manducaret homo panem Angelorum, creator Angelorum factus est homo. Sapient. 16. Paratum panem de cælo præstitisti sine labore, habentem in se omne delectamentum & omnem sapo-



ris suauitatem. Tertia est, vt vniat membra corporis Christo capiti per charitatem: aliter enim est in hoc cibo, & in aliis: quia alij eibi conuertuntur in cibatum: hic autem cibus conuertit cibatum ad se, & vnit sibi membra cibata: & huius ratio infra dicitur. Vnde Ioan. 6. Qui manducat meam carnem & bibit meum sanguinem, in me manet & ego in eo. Et Augustino dictum est, Crede, & manducabis me: nec tu me mutabis in te, sed tu mutaberis in me. Quarta est non adeo propria & substantialis sacramento, sed consequitur ad ipsum, scilicet vt augeatur meritum fidei quæ in hoc sacramento supra omnia exaltatur, eo quod ratio hic sine fide nihil potest: & hoc tangit Magister infra distinctione 10. vbi dicit, quare sub alia specie corpus suum dedit. Quinta est spei subleuatio. Vnde Matth. in fine. Ecce ego vobiscum sum omnibus diebus vsque ad consummationem seculi. Sexta est dilatio charitatis: quia est in memoriam redemptionis & liberationis nostræ. Matth. 26. & 1. Corinth. 11. Hoc facite in meam commemorationem. Et ibidem. Quotiescunque manducabitis panem hunc, & calicem Domini bibetis, mortem Domini annuntiabitis donec veniat. Septima est diminutio venialium, licet non propter venialia sit principaliter institutum, vt supra probatum est. Et ideo Matth. 6. post, Panem nostrum quotidianum da nobis hodie, statim sequitur, Dimitte nobis debita nostra.

Potest ergo dici ad primum, quod si remotio à malo & adeptio boni essent termini eiusdem motus, & terminus à quo causaret baptismus, & terminus ad quem causaret Eucharistia: tunc procederet obiectio. Sed hoc non est verum: quinimo baptismus remouet malum, & inducit bonum. Et confirmatio in tali bono non est terminus baptismi: sed potius in alio bono gratiæ quod confert Eucharistia, sicut prius ostensum est: quia sacramentales gratiæ non simul habentur.

AD ALIUD dicendum, quod confirmatio in bono est duplex, scilicet ex Spiritu sancto dato ad robur pugne, & hic effectus est confirmationis. Est etiam confirmatio in bono ad restitutionem virtutis deperditæ per inobedientiam, & hæc confirmatio habet fieri per cibum spiritualem, & est effectus Eucharistiæ.

AD ALIA omnia est vera solutio, scilicet quod est refectio spiritualis cum signo & causa cibi, & refectio ista non est nisi Eucharistia. Est etiam refectio per continentiam virtutis ne decedat, & augmentum eius sine ratione in signo causa, & hæc competit verbo Dei & gratiæ. Et de hac loquuntur auctoritates inductæ.

## ARTICVLVS II.

### De quatuor figuris Eucharistiæ.

**D**Einde quæritur de hoc quod dicit [Cuius figura præcessit, quando manna pluit Deus Patribus in deserto, &c.] Hic enim tangit Magister quadruplicem figuram huius sacramenti, scilicet manna, & sanguinem Christi à latere eius profluentem Ioan. 19. & sanguinem agni paschalis qui liberabat ab exterminatore Exod. 18. & oblationem melchisedech Genes. 14.

*Quæst. 1.* **Q**UÆRITUR autem de istis figuris. Primo

quidem, quare baptismus & Eucharistia habent figuras se manifestantes, potius quam alia sacramenta. Viderur enim, quod alia debent habere sicut & ista: quia dicit Magister Hugo, quod statim vt fuit morbus, conueniebat significari per medicinam: ergo omne sacramentum in figuris præsignari debuit.

Quod autem non statim debuerunt exhiberi sacramenta, satis est supra probatum, & ideo de hoc non est hic disputandum.

Præterea, Cum sint multæ aliæ figuræ huius sacramenti, præcipue illæ de quibus fit mentio in canone, sicut oblatio Abel & Abrahæ qua obtulit filium, quare Magister non facit mentionem de illis sicut de istis tribus?

**I**TEM videtur, quod manna non sit figura Eucharistiæ: quia manna habebat omnem saporem: sed Eucharistia non confert nisi gratiam saporis vnus: quia non nisi vnā: ergo non est figura proportionata figurato. Si autem dicas, quod Eucharistia omnem gratiam confert, ex hoc videtur quod sacramenta alia & ceteræ virtutes essent superflua, quod est inconueniens: ergo non confert nisi gratiam vnā.

2 Præterea, Panis in quo sumitur Dominus noster Iesus Christus, panis est oblationis & oblatio Deo: ille autem non offerebatur Deo: ergo videtur, quod non significat istum.

**V**LTERIVS videtur, quod nec sanguis fluens de latere Domini sit signum huius sacramenti: quia nihil est signum sui ipsius secundum quod signum accipitur in diffinitione sacramenti: sed idem sanguis qui profluxit de latere Christi, accipitur in sacramento: ergo non est signum illius, sed potius signum in sacramento.

2 Item, Alia est ratio sanguinis fluentis & effusi, & alia sanguinis potus: sanguis enim fluens & effusus effectum habet redemptionis & non potus, sanguis autem in sacramento effectus est potus: ergo videtur, quod sanguis effusus non significet sacramentum Eucharistiæ.

3 Præterea, In Eucharistia non accipitur sanguis fluens de corpore, sed potius in corpore contentus: sed in passione effundebatur sanguis de corpore: ergo videtur, quod nihil habeat simile quo posset Eucharistiæ sanguinem significare nisi per identitatem, scilicet quia idem est, & hoc iam supra probatum est esse impossibile.

**V**LTERIVS quæritur de tertia figura quam inducit, scilicet de sanguine agni paschalis quo linebantur postes filiorum Israël, vt liberarentur ab Angelo exterminatore: videtur enim, quod ille non habebat similitudinem aliquam cum sanguine Christi prout sumitur in Eucharistia: quia ille specialiter liberauit ab Angelo occidente primogenita Ægyptiorum, per quæ significatur originale peccatum à quo liberat passio operans in baptismo, & non in Eucharistia: ergo & ille sanguis similitudinem ponit ad sanguinem in baptismo operantem, & non ad sanguinem prout datur in potum spiritualem in Eucharistia.

2 Item, Ille fuit sanguis educationis de Ægypto: Eucharistia autem non educit de Ægypto, sed baptismus: ergo significat sanguinem operantem in baptismo.

**V**LTERIVS quæritur de quarta figura quam inducit, scilicet oblatione Melchisedech: in illa enim fuit oblatio facta Abrahæ, non Deo, sicut patet



patet Genes. 14. ubi dicitur, quod obtulit ei panem & vinum, scilicet Abraham, dicens, Benedictus Abraham Deo excelsio, quo protegente hostes in manibus tuis sunt. In Eucharistia autem sumitur panis oblatus Deo. Ergo videtur, quod non habeat hanc figuram.

*Quaest. 3.* PRÆTEREA quaeritur, cum forma sit in Eucharistia sicut res & species & situs, & habemus figuram penes rem & speciem & situm: quare non praecessit aliquid quod significaret quoad formam? Videtur enim quod debuit esse figura penes formam: quia in baptismo Ioannis quaedam figura praecessit formam baptismatis Christi: ergo etiam debuit praecedere in isto.

*Quaest. 4.* ULTIMO quaeritur, Penes quid sumitur numerus harum quatuor figurarum?

*Solutio.* SOLVITIO. Dicendum ad primum, quod quatuor sunt sacramenta quae praecipue sunt Noui Testamenti, scilicet baptismus, confirmatio, Eucharistia, & extrema unctio. Alia tria etiam sunt Noui testamenti, scilicet quia in Nouo habuerunt effectus plenitudinem: licet aliquo modo praecesserint in Veteri. Inter quatuor autem quae sunt Noui Testamenti, sunt duo quae ita sunt Noui, quod nec figuram aliquam expressam ibi habere poterant. Vnum quidem propter Veteris Testamenti imperfectionem, ut confirmatio, in qua Spiritus datur ad robur: & ideo figuram habere non debuit in Veteri Testamento ubi fuit imperfectio status secundum spiritum. Aliud autem propter statum originalis peccati, cuius pondere ante Christi Passionem omnes trahebantur ad limbum: & ideo non potuit esse figura extremae unctionis, quae tollit reliquias peccati ad hoc quod euolet statim ad gloriam. Sed baptismus & Eucharistia sunt sacramenta, quorum vnum est directe contra originale, contra quod etiam remedium fuit in Veteri Testamento, scilicet circumcisio, & habuit multas figuras. Aliud autem in quo nobis coniungitur liberator ille qui operatur in omnibus sacramentis: & ideo etiam conueniebat praecedere figuras illius: & hoc est Eucharistia. Poenitentia autem est contra defectum actualis peccati, qui singulariter est cuiusunque hominis in quacunque lege: & matrimonium ad materiale fidelium multiplicationem, quae etiam semper fuit necessaria: & ideo semper fuerunt illa sacramenta, licet non adeo plena gratiae sicut sub Christo. Ordo autem habet potestatem spiritualem quae in umbra fuit in Veteri, & in veritate in Nouo. Et sic patet qualis differentia est in sacramentis in communi.

*Ad qu. 2.* AD ALIUD dicendum, quod licet aliae sint figurae Passionis Christi, vel effectus huius sacramenti, sicut oblatio quae repraesentat Passionem Christi secundum naturam humanam in cruce, & sacrificium Abel quod repraesentat oblationem qua se Christus obtulit in cruce: tamen ista quatuor specialiter exprimunt non Passionem Christi, sed rem vel speciem sacramentalem, secundum quod sub sacramento accipitur res, vel species refertur ad rem sacramenti. Et hoc satis patet in manna, & oblatione Melchisedech. Sed quod sanguis agni Aegyptiaci vel paschalis non accipitur simpliciter, sed in usu fidelium, patet ex hoc quod liniuntur postes liberatorum sanguine: & hoc modo Christus passus coniungitur fidelibus, non prout pendit in cruce, sed prout

*D. Alb. Mag. in Lib. 4. Sentent.*

accipitur in sacramento, & linit postes intellectus & affectus. Sanguis etiam effluens de latere Christi, per hoc quod fuit cum aqua fluens quae significat populum, habet relationem ad sanguinem in sacramento, ubi aqua coniungitur populum significans. Nulla autem aliarum figurarum sic exprimit speciem sacramenti, vel rem secundum quod est sub sacramento: & ideo de illis non facit mentionem Magister, sed canon Missae, eo quod non tantum ponit substantialia sacramento, sed etiam exprimit ea quae facta sunt circa Christum in Passione, ut dicit Innocentius, sicut patena lapidem sepulchri significat, extensio manuum sacerdotis extensionem Christi in cruce. Et ideo etiam facit mentionem de figuris quibusdam significantibus Christi Passionem, secundum quod repraesentabatur in cruce, & non sub sacramento.

AD ALIUD dicendum, quod licet effectus huius sacramenti proprius non sit nisi gratia una, & vnus substantialis actus: tamen id quod in hoc sacramento est res & sacramentum, est totus & perfectus Christus, qui plenus est gratia, de cuius plenitudine omnes accepimus gratiam pro gratia. Et hanc diuersitatem expressit manna in diuersitate saporis.

AD ALIUD dicendum, quod manna fuit panis oblatus homini a Deo, & oblatus Deo ab homine: quod patet in vna aurea, quae plena manate fuit in arca testamenti posita coram Domino: & ita est in sacramento Eucharistiae, in quantum Deus rem sacramenti offert in edulium, & nos ei in pretium recompensationis delictorum.

AD ID quod ulterius quaeritur, dicendum quod nihil prohibet, quod idem in diuersis dispositionibus acceptum, sit signum & figura sui ipsius, non prout est idem, sed potius prout sumitur coniunctum speciebus diuersis: & ita est de sanguine fluente de latere Christi: per hoc ipsum enim quod aquae coniungebatur, habebat expressionem sui, prout populum sibi vnit in sacramento in quo aqua coniungitur vino in sanguinem transferendum. Vel dicatur melius, quod duo sunt in sacramento, scilicet confectio & vsus: in vsu autem vnit sibi hominem, in confectioe autem efficitur praesentialiter sub sacramento. Dicatur igitur, quod sanguis Christi iunctus aquae fluenti de latere Christi, habet similitudinem cum vsu in quo vnit sibi populum, licet identitatem habeat cum sanguine qui est in sacramenti confectioe.

AD ALIUD dicendum, quod sanguis secundum quod est in potum, est sanguis fluens ad nos. Licet autem in sacramento non sit sine corpore: hoc tamen non est de virtute sacramenti, sed potius de virtute indissolubilitatis sanguinis a corpore glorioso: unde sacramentaliter accipitur ut fluens, licet contentus sit in corpore per vnionem ad corpus.

AD ALIUD dicendum, quod ut praedictum est, quod sanguis in sacramento in corpore continetur, hoc non est virtute sacramenti, sed potius de natura corporis gloriosi, in quo vnum ab alio non potest separari.

AD ID quod ulterius quaeritur de tertia figura, dicendum quod in veritate illa figura secundum diuersa exprimit duo sacramenta: quia in baptismo sunt tria, scilicet liberatio a daemone, & tinctio in aqua, & remissio peccati. Et primum

I 2 horum



horum facit Passio Christi, & hoc exprimitur per liberationem ab Angelo exterminatore. Secundum autem exprimebatur per transitum maris Rubri. Et tertium per submersionem Ægyptiorum: quia aliter etiam figura Eucharistiæ præcederet figuram baptismi, quod reputo inconueniens: sed non est inconueniens, quod figura Passionis præcedat quæ in omnibus sacramentis operatur: sed tamen usus sanguinis & carniū agni usum rei sacramentalis Eucharistiæ exprimit.

AD ALIVD dicendum, quod sanguis per hoc quod eduxit, figurat Passionem in baptismo operantem: sed usus carniū & sanguinis in quantum confortabat & præparabat ad exitum de Ægypto ad patriam, figura fuit viatici in Eucharistia.

AD ID quod vltius quæritur de quarta figura, dicendum quod secundum præhabita, in Eucharistia est oblatio facta nobis à Deo, & Deo à nobis: & vtrumque exprimit Melchisedech: primum in offerendo Abrahæ post interfectionem regum per quos peccata significantur: secundum autem per hoc quod benedixit Deo excelso.

Ad qu. 3. AD ALIVD dicendum, quod in forma huius sacramenti verbum increatum operatur in verbo creato, & non opere ministri sicut in aliis sacramentis: & ideo verba à Sacerdote proferuntur in persona Christi, quod non fit in aliis. Et propter hanc maximam perfectionem non potuit præfigurari forma.

Ad qu. 4. AD ALIVD dicendum, quod quatuor figuræ diuiduntur ita, quod duæ referuntur ad rem quæ est res & sacramentum, & duæ ad speciem sacramenti in materia. Potest autem species in materia absolute accipi, aut secundum comparisonem ad effectum sacramenti quem significat per species: aut potest accipi in materia in comparisonem ad effectum & ritum sacramenti. Si primo modo: tunc præfiguratur in manna, quod per speciem panis figurabat materiam, per saporem effectum. Si secundo modo: tunc figurabatur in oblatione Melchisedech: quia ibi fuit utraque species, scilicet vinum & panis, & effectus confortationis cum ritu oblationis & benedictionis. Si autem refertur figura ad rem quæ est sacramentum & res: hæc iterum est duplex, scilicet prout est in usu fidelium tantum, vel prout vnit nos capiti Christo per effectum spiritualis amoris. Et primo modo significatur in comestione agni paschalis, secundo modo in fluxu de latere Christi, vbi vnitus fuit sanguis cum aqua quæ vnionem populi cum capite Christo significat, vt dicit Gelasius Papa.

### ARTICVLVS III.

*Quæ sit causa, quare hoc sacramentum viaticum dicatur?*

DEinde quæritur de hoc quod dicitur *ibi* [vnde recte viaticum appellatur] Supra enim dedit ei aliud nomen, scilicet Eucharistiam. Et quæritur ratio horum nominum. Et dicendum, quod viaticum dicitur tribus de causis, scilicet quia viatorum est ad viam præparatio, vt dicitur in litera,

Vnde 3. Reg. 19. Surge, comede, grandis enim tibi restat via: dictum est Eliæ: & comedit, & bibit, & ambulauit in fortitudine cibi illius vsque ad montem Dei Horeb. Secunda ratio est: quia non est sacramentum hoc nisi in via. Et ideo in quadam Collecta dicit Gregor. Præsta vt quod nunc in specie rerum gerimus, veritate capiamus. Et Dionysius in Ecclesiastica hierarchia cap. 3. Arbitramur Iesu participationis ipsam diuinissimam Eucharistiæ assumptionem esse imaginem. Tertia causa est: quia est memoriale quoddam viæ Domini transeuntis ad Passionem pro nobis. Exod. 12. Est enim phasæ, id est, transitus Domini. Et Dionysius. Diuinissima vnus & eiusdem panis & vini & calicis communio & pacifica traditio similem conuersationem eis diuinam tanquam similiter edentibus promulgat, & dignissimam cœnam & principale symbolum perfectionis in memoriam sacram ducit. Eucharistia autem dicitur tribus de causis. Vna est: quia continet illum qui est arca & fons omnis gratiæ. Ioan. 1. Plenum gratiæ & veritatis. Secunda est diuersitas utilitatis quam facit sacramentum: & de hoc in prima quæstione supra habitum est. Tertia est: quia principalis gratiæ, id est, amoris est sacramentum in hoc quia vnit nos capiti Christo, sicut charitas vnitiua est.

### ARTICVLVS IV.

*An sacramenta Christianorum sint anteriora sacramentis Iudeorum.*

DEinde quæritur de hoc quod dicit Ambrosius *ibi* [Intelligi datur anteriora esse sacramenta, &c.] Aut enim hoc intelligitur quoad speciem, aut quoad rem: quia non sunt plura in sacramento. Si quoad speciem, istud non videtur verum: quia sacrificia quædam etiam erant in naturali lege facienda ad dimissionem originalis peccati, vt dicit Gregorius, vt supra habitum est in principio huius libri. Si autem quoad rem, tunc plane falsum est: quia res sacramentorum nouæ legis non fuit nisi post aduentum Christi.

PRÆTEREA quæritur, Quale sic specialiter fuit in isto, quod istud antiquius dicitur etiam sacramentis veteris legis, potius quam alia? *Quæst.*

SOLVTIO. Dicendum, quod intelligitur quoad speciem & ritum huius sacramenti: quia vtramque speciem & ritum oblationis & usum sacramenti exhibuit in figura Melchisedech ante circumcisionem in naturali lege, antequam instituerentur sacramenta veteris legis. *Solutio.*

AD OBJECTVM autem contra, dicendum quod illa sacrificia non fuerunt sacramenta, nec figuræ veteris legis, sed potius figuræ Passionis Christi & mortificationis carnis pœnitentium, vt dicit quædam Glossa super Leuiticum.

AD ALIVD dicendum, quod illud sacramentum specialem habet dignitatem suæ rei quæ est Christus perfectus in deitate &

humanitate, quam perfectionem non habent sacramenta alia.

\* \*



*De institutione sacramenti.*

**I**c etiam alia consideranda occurrunt quatuor, scilicet sacra-  
mentum, institutio, forma, & res. Sacramentum Dominus  
instituit, quando post typicum agnum corpus & sanguinem  
suum discipulis in cœna porrexit. Vnde Eusebius Emisenus, Quia <sup>Mat. 26.</sup>  
corpus assumptum ablaturus erat ab oculis, & illaturus sideribus, ne- <sup>De cōse.</sup>  
cesse erat ut die cœnæ sacramentum nobis corporis & sanguinis con- <sup>dist. 2.</sup>  
secraret: ut coleretur iugiter per mysterium quod semel offerebatur <sup>c. Quia</sup>  
in pretium. <sup>corpus.</sup>

*DIVISIO TEXTVS.*

**I**c etiam alia consideranda occurrunt  
quatuor, &c. ] Hæc pars diuiditur per  
Magistrum in tres partes, in quarum  
prima agitur de substantialibus sacra-  
mento, quæ ante omnia consideranda sunt. In se-  
cunda agit de sacramento ex parte suscipientis,  
quæ incipit in dist. 11. *ibi* [ Et sicut sunt duæ  
res istius sacramenti ] In tertia autem agit de sa-  
cramento ex parte celebrantis, *ibi* scilicet dist. 14.  
[ Post hæc quæritur si gerit sacerdos, &c. ] Residua  
autem pars illius distinctionis à Magistro diuidi-  
tur in quatuor partes, in quarum prima agit de  
institutione, in secunda de forma *ibi* [ Forma vero,  
&c. ] In tertia quid sit res & sacramentum *ibi*  
[ Nunc quid *ibi* sacramentum sit ] In quarta vero  
tangit quod primo enumerat, scilicet sacramen-  
tum quod refertur ad species materiales huius  
sacramenti, quæ sunt species panis & vini *ibi*  
[ Porro illa species visibilis est sacramentum,  
& cætera.

*ARTICVLVS V.*

*An sacramentum Eucharistia sit debito  
& congruo tempore institutum  
à Christo?*

**I**ncidit autem quæstio circa primum, scilicet  
de institutione: videtur enim, quod à tempore  
morbi competit medicina: & ita à principio mun-  
di debuit institutum fuisse.

2 Item, Ad vitam deperditam per esum ligni  
vetiti non erat reditus nisi per esum ligni vitæ:  
ergo si mortem pellere cogitauit, sicut & fecit,  
omnibus à tempore primi casus Adæ debuit edu-  
lium ligni vitæ præstitisse: hoc autem est in Eu-  
charistia: ergo extunc debuit instituisse.

3 Item, Via viatoribus semper indicebatur  
à principio seculi: ergo viaticum non debuit  
negari: sed viaticum est corpus Christi in sa-  
cramento: ergo à principio debuit esse hoc sa-  
cramentum.

*Sed con-* **S**ED CONTRA videtur, quod post Passio-  
*tra.* nem & Resurrectionem debuit institui: quia  
baptismus est ianua vitæ, & generatio vitæ spi-

*D. Alb. Mag. in Lib.4. Sentent.*

ritualis: nullus autem nutritur nisi prius viuat  
& generetur: ergo institutio baptismi debuit præ-  
cedere institutionem Eucharistiæ: baptismus au-  
tem post Resurrectionem formaliter institutus est,  
ut habitum est: ergo etiam Eucharistia multo  
magis.

2 Item, Sicut se habet perceptio Eucharistiæ  
ad perceptionem baptismi: ita se habet institutio  
Eucharistiæ ad institutionem baptismi: sed non  
percipitur Eucharistia nisi à baptizatis: ergo nec  
institui debuit Eucharistia nisi instituto baptismo,  
ut videtur.

**I**TEM videtur quod nec à principio mundi  
nec post Resurrectionem debuit institui, sed potius  
in initio filiorum Israël in terra promissionis: quia  
hoc in litera dicitur, quod post agnum typicum  
dedit corpus suum, ut per hoc significaret legalia  
cessasse, & Noui Testamenti sacramenta incipere:  
cum ergo expressior figura Eucharistiæ fuerit  
manna, vel oblatio Melchisedech, ut supra habi-  
tum est, in cessatione illorum hoc sacramentum  
debuit institui, & non post cœnam agni typici, ut  
videtur.

**S**OLVITIO. Dicendum ad id quod primo *Solutio.*  
obiicitur, quod tales obiectiones optime tene-  
rent, si morbus & medicina essent corporalia: quia  
in illis & natura supponitur operans per necessi-  
tatem, & hanc iuvat medicina, & nisi cito inuer,  
ex corruptione principiorum per morbum suc-  
cumbit natura. Sed, sicut à principio huius quarti  
dictum est, secus est in morbo spirituali: quia in  
illo natura non agit per necessitatem, sed per vo-  
luntatem: ad voluntatem autem præexigitur co-  
gitatio, & ideo oportuit præsignari morbum &  
medicinam multis signis & figuris, ut dicit Ma-  
gister Hugo, ut postea gratia curaret quam iuua-  
ret voluntas: & ideo remedium sacramenti nouæ  
legis non statim conueniebat dari.

**A**D ALIUD dicendum, quod verum est,  
quod non erat reditus nisi per esum ligni vitæ:  
sed infra habebitur, quod duplex est modus eden-  
di, scilicet spiritualis, & ille semper fuit in fide  
credentium. Vnde Augustinus, Vt quid paras den-  
tem & ventrem? crede, & manducaſti. Et per il-  
lum fuit reditus quoad satisfactionem, licet non  
quoad pretij susceptionem. Alius est sacramen-  
talis, & illum non semper conueniebat esse, ut  
prius habitum est.

**A**D ALIUD dicendum, quod viatoribus eo  
quod via spiritualis est, sufficebat esus viatici  
spiritualis.



AD ALIUD dicendum, quod aliud est in isto sacramento, & aliud in baptismo: baptis- mus enim figura est Passionis, & sepulture, & resurrectionis: Passionis in subuersione peccati, sepulture in absconsione & mersione triplici sub aqua, & Resurrectionis in nitore abluti: & ideo ille formaliter institui non potuit, nisi post omnia hæc: sed Eucharistia est commemoratio Passionis tantum, & ideo immediate ante Passionem debuit institui: licet usus Eucharistiæ non detur nisi baptizato. Et ideo nihil habet similitudinis usus horum sacramentorum & institutio.

AD ALIUD dicendum, quod non est verum, quod sicut se habet perceptio, &c. Et huius ratio iam

assignata est: & ideo proportio illa nihil valet.

AD ALIUD dicendum, quod illæ figuræ licet sint expressiores quoad species materiales, vt prius dictum est, quæ sunt signa tantum: non tamen magis conveniebat post istud quam post illa institui. Aliter etiam potest dici, quod illa fuerunt signa, non sacramenta: & ideo species quæ in eis præfigurabatur, non debuit cessare, sed potius incipere ritus illius speciei: sed sacramenta legalia cessare debuerunt, vt supra in quaestione de legalibus habitum est. Et ideo post illud tanquam terminandum, debet institui Eucharistia, non post illa quæ per speciem in genere considerata non terminata sunt, sed adhuc frequentantur.

### De forma.

**C**ORMA vero est quam ipse ibidem edidit dicens, Hoc est corpus meum: & post, Hic est sanguis meus. Cum enim hæc verba proferuntur, conuersio fit panis & vini in substantiam corporis & sanguinis Christi: reliqua ad laudem Dei dicuntur. Vnde Ambros. Sermone Christi hoc conficitur sacramentum, quia sermo Christi creaturam mutat: & sic ex pane fit corpus Christi, & vinum cum aqua in calicem missum fit sanguis consecratione verbi celestis. Consecratio quibus fit verbis? attende quæ sunt verba. Accipite & comedite ex eo omnes: Hoc est corpus meum. Et iterum, Accipite & bibite ex hoc omnes: Hic est sanguis meus. Per reliqua omnia quæ dicuntur, laus Deo refertur: oratio præmittitur pro populo, pro regibus. Item, August. Credendum est, quod in illis verbis Christi sacramenta conficiantur: reliqua omnia nihil aliud sunt quam laudes, vel obsecrationes fidelium & petitiones. Ecce quæ sit institutio & forma huius sacramenti. Vbi consideratione dignum est, quare illud sacramentum post cœnam dedit discipulis. Dominus igitur Iesus ad inuisibilia paternæ maiestatis migraturus, celebrato cum discipulis typico pascha, quoddam memoriale eis commendare volens, sub specie panis & vini: corpus & sanguinem suum ita eis tradidit, vt ostenderet legis veteris sacramenta, inter quæ præcipuum erat agni paschalis sacrificium, in morte sua terminari, ac legis nouæ sacramenta substitui: in quibus excellit mysterium Eucharistiæ. Ideo etiam post alia dedit, vt hoc vnum arctius memoriæ discipulorum infingeretur, & ab Ecclesia deinceps frequentaretur. Sed non exinde disciplinam sanxit in posterum, vt post alios cibos sumatur: sed potius à ieiunis sumi oportet, sicut Apostolus docet, vt singulari reuerentia diiudicetur, id est, discernatur ab aliis cibis, quod Dominus Apostolis disponendum reliquit. Vnde Augustinus. Apparet, cum primo acceperunt discipuli Eucharistiam, non eos accepisse ieiunos: non ideo tamen calumniandum est vniuersæ Ecclesiæ, quod à ieiunis sumitur semper. Placuit enim Spiritui sancto, vt in honore tanti sacramenti, prius in os Christiani Dominicum corpus intraret, quam alij cibi: ideo vbique mos iste seruatur. Non enim quia post cibos dedit Dominus, ideo pransi vel cœnati illud accipere debent, vt illi faciebant quos Apostolus redarguit. Nam saluator, quomodo

Mat. 26.

Lib 4. de  
sacra-  
mentis  
cap. 4.

De cōse.  
dist. 2.  
Vtrum  
sub fi.

1. Cor. 11.

Ad Ia-  
nuarium  
epist. 118.  
De cōse.  
dist. 2. c.  
Liquido  
apparet.

1. Cor. 11.



quomodo vehementius commendaret mysterij illius altitudinem, ultimum hoc voluit infigere cordibus & memoriae discipulorum, à quibus ad Passionem digressurus erat. Quo autem ordine deinceps sumeretur, Apostolis per quos Ecclesias dispositurus erat, reservavit docendum.

ARTICVLVS VI.

*An ista sit debita forma, Hoc est enim corpus meum?*

**D**Einde quæritur de hoc quod dicitur in secunda parte *ibi* [Forma vero est quam ibidem edidit dicens, Hoc est corpus meum, &c.] Obiicitur enim multipliciter contra hanc formam sic: Forma sacramenti est faciens formaliter sacramentum, sicut dicit August. Accedat verbum ad elementum, & fit sacramentum: sicut patet in baptismo in quo nihil facit forma, nisi ex parte accipientis exerceatur baptisimus: ergo similiter hic cum dicitur, Hoc est corpus meum, non habebit effectum nisi cum exercetur in materia debita sacramento: ergo hæc oratio, Hoc est corpus meum, in cœna nihil significauit circa corpus Christi in cælo: & non potest dicere, Hoc est corpus meum, nisi demonstrato corpore in cælo, quod falsum est: ergo non debuit forma tradi per verbum est, sed potius per verbum notans transitum vnius ad aliud & mutationem.

2 Item, Aliud est significare aliquid factum esse, & aliud præcipere in suum usum, & aliud facere. Cum autem dicitur, Hoc est corpus meum, significatur corpus Christi esse, vel factum esse. Et cum additur, Accipite & comedite ex hoc omnes: præcipitur usus existentis. Ergo illa forma nihil importat de sacramenti consecratione. Cum igitur forma sacramenti sit faciens & conficiens sacramentum, hæc non videtur esse forma sacramenti.

3 Item, Non contingit vti vocibus nisi duobus modis, scilicet materialiter & significative, siue vt ipsa vox est signum & res: signum secundum quod dico, homo est animal rationale: res siue materialiter, secundum quod dico, homo est duarum syllabarum & trium literarum & aspirationis. Ergo & hac voce, Hoc est corpus meum, non contingit vti pluribus modis. Constat autem, quod non accipitur hic materialiter: ergo significative: ergo demonstratur corpus Christi iam factum, & non quod ipsa vt forma faciat ipsum.

4 Item, Demonstratio siue sit ad sensum, siue ad intellectum, semper est ad significandum id quod est: ergo & hic, cum dicitur, Hoc est corpus meum, significatur corpus Christi esse, & non fieri.

**I**TEM obiicitur de prima particula quæ est pronomen, hoc: ex quo enim est pronomen, aut est demonstratiuum, aut relatiuum: quia aliter intellectus eius esset cassus & vanus: non autem relatiuum, cum non ferat relationem alicuius suppositi antecedentis in relatione: ergo est demonstratiuum: aut ergo demonstrat substantiam panis, aut corporis Christi sub accidentibus quæ viden-

tur vel intelliguntur. Si substantiam panis: ergo sensus est, panis demonstratus est corpus Christi; & hoc falsum est: ergo & illa locutio falsa est. Si substantiam corporis Christi: ergo nihil aliud est dictum, Hoc est corpus meum, quam corpus meum est corpus meum: & hæc semper est vera, & nunquam faciens translationem alicuius. Ergo illa forma non refertur ad sacramentum, sed ad significandum corpus Christi semper sine conuersione aliqua in corpus Christi.

2 Item, Hæc est falsa, quod panis erit corpus Christi. Probatio. Quæcunque propositio est vera de futuro, erit aliquod tempus in quo præsentialiter est vera: nunquam autem erit tempus in quo hæc est vera, panis est corpus Christi: ergo hæc nunquam est vera, panis erit corpus Christi. Causa autem falsitatis est discohærentia prædicari cum subiecto quod notatur cohærere in futuro: ergo cum vicinior cohærentia notetur per verbum præsentis temporis: illa est multo magis falsa quæ est, panis est corpus Christi: ergo & hæc. Hoc est corpus Christi, siue corpus meum, cum nihil demonstratur per ly hoc nisi substantia panis ante transubstantiationem.

3 Item, aut est demonstratio ad sensum, aut ad intellectum. Si ad sensum: cum igitur oculis nihil subiiciatur nisi species panis & substantia panis, per accidens videtur, quod sensus sit, panis demonstratus est corpus meum, & hæc est falsa. Si autem demonstratio est ad intellectum: hoc iterum videtur non posse esse: quia tunc oporteret, quod ad minus demonstratiuum cum re intellecta, esset similis speciei, sicut cum dicitur, hæc herba crescit in horto meo: sed nihil similis speciei est in pane cum corpore Christi: ergo non potest esse demonstratio ad intellectum.

4 Item, Nunquam esset hæc vera, hæc herba crescit in horto meo, nisi herbe ratio vniuocè conueniret rei demonstratæ & intellectæ: sed nihil hic vniuocè est in pane & corpore Christi: ergo non potest esse demonstratio ad intellectum.

5 Item, Dupliciter, vt dicunt Sophistæ, contingit significari demonstrationem & negationem & quædam alia, scilicet vt conceptam, sicut significatur in pronomine hoc. Ergo cum dicitur, Hoc est corpus meum, significatur vt exercita: ergo vult cadere super accidentia sensibilia, siue sint eiusdem in numero, siue in specie, sicut distinguitur personalis demonstratio à simplici demonstratione. Constat autem, quod vtroque modo locutio est falsa: ergo simpliciter falsa est, Hoc est corpus meum, demonstrato pane.

6 Si forte rudicas, sicut quidam dixerunt, quod pronomen est hic pars orationis, & sua demonstratio non est separanda ab oratione, ideo demonstrator hic quod est ibi in termino finali orationis. Contra: Sicut se habet totum ad totum, ita pars ad partem: ergo si totum factum est in termino finali orationis, pars facta est cum profertur pronomen demonstratiuum hoc.



7 Item, In aliis orationibus non demonstrat pronomen id quod futurum est post orationem in qua ponitur, sed potius rem præexistentem: ergo similiter & hic: ergo videtur, quod demonstratio cadat super substantiam panis sub talibus accidentibus.

8 Item, Prius est secundum intellectum accipere rem demonstratam quam de ipsa aliquid affirmare vel negare: ergo cum dicitur, Hoc est corpus meum, prius secundum intellectum accipitur res consecrationis subiecta sensui demonstrata, quam de ipsa dicatur esse corpus Christi: ergo non videtur demonstratio pronominis dependere à sequenti parte orationis, ut dicit illa solutio.

9 Si forte tu dicas, ut quidam alij dixerunt, quod demonstratio refertur non ad signum, sed ad signatum, secundum quod videtur Gloss. dicere super illud Matth. 27. Hoc est corpus meum, dicens, quod sub specie panis videtur: ergo secundum hoc iam in prolatione pronominis corpus Christi fuit sub specie panis: ergo non virtute orationis efficeretur sub specie panis, quod falsum est, & contra dictum August. in quo dicit, Accedat verbum ad elementum, & fit sacramentum.

10 Et ideo alij iterum dicunt, quod demonstrat signatum in termino finali transsubstantiationis. Sed contra hoc etiam obicitur, quod terminus substantialis vel accidentaliter supponens, verbo præsentis temporis restringitur ad supponendum vel copulandum pro tempore præsentis: in hac autem oratione pronomen supponit, verbo præsentis temporis non ampliato, nec confusum tempus significanti: ergo supponit pro præsentis tantum: præsens autem non est nisi substantia supposita quæ fuit ante prolationem orationis, & hæc est substantia panis: ergo non supponit nisi pro illa: & tunc locutio est falsa, ut prius probatum, est.

11 Item, Vnde habet hoc pronomen quod in hac locutione demonstrat rem sub finali termino potius quam in alia, cum nihil in hac ponatur quod in alia non ponitur.

Quæstio-  
cula 2.

V L T E R I V S quæritur de hoc verbo, Est: est enim significat rem in præsentis: hoc autem non admittit veritas locutionis: quia panis non est corpus Christi.

2 Item, In aliis sacramentis ponitur verbum significans actum ministri & Dei, ut baptizo: quia Deus baptizat interius, & exterius minister: ergo similiter debet fieri in hoc sacramento: sed hoc verbum, est, nullum actum ministri vel Dei importat: ergo non debet esse de forma.

3 Item, Actus verbi in aliis sacramentis aliquo modo dicit actum proprium materiæ: sicut baptizo dicit actum abluendi, qui est actus aquæ proprius: & inungo dicit actum unguendi, qui est proprius actus chrisimatis & olei infirmorum: ergo videtur, quod etiam in hoc sacramento actus importari debeat, qui sit proprius materiæ panis & vini, sicut nutritio, vel cibo: & ita deberet dicere, Nutritio vos corpore meo: & non, Hoc est corpus meum.

4 Item, Sacramentum novæ legis ex sua forma efficit quod figurat: ergo videtur, quod deberet poni in forma verbum denotans hanc efficientiam: & hoc non facit verbum substantivum: ergo male ponitur in forma.

5 Item, In operibus creationis, ubi nullum fieri est medium inter creantem & opus, tamen videtur verbo fieri: ergo videtur, quod similiter & hic uti debeamus.

6 Item, Panis est transiens in corpus Christi: ergo male dicitur, quod sit corpus Christi: quia sic non significatur transitus panis.

7 Item, Verbum substantivum notans inhærentiam prædicati cum subiecto, supponit subiectum cum forma & materia: sicut cum dicitur, homo est animal, vel homo est albus: ergo similiter facit hic: ergo panis qui est in forma & materia manens est corpus Christi, quod hæreticum & falsissimum est: ergo videtur, quod ly est male ponatur de forma.

V L T E R I V S quæritur de hac particula, Corpus: videtur enim, quod convenientius diceret, caro: quia cum loquitur Ioan. 6. de cibo huius sacramenti, ponit carnem, dicens, Caro mea vere est cibus, &c.

Quæstio-  
cula 3.

2 Item, Corpus ut organizatum nullum est aptum comestioni, sicut nec omnes partes eius: sed caro sola apta est, vel aptior cunctis aliis membris similibus & dissimilibus: ergo videtur, quod carnem & non corpus debuit ponere.

3 Item, Panis est corpus simile in toto & in partibus, quod homogeneous vocatur: quia quælibet pars panis est panis, & quælibet pars vini est vinum: ergo videtur, quod sit signum cibi homogenei: ergo carnis, & non totius corporis organici: ergo debuit poni caro, non corpus.

4 Item, Vinum ex vi sacramenti non convertitur nisi in sanguinem, qui est homogeneous: ergo eadem ratione panis non convertitur ex vi sacramenti nisi in carnem, quæ est pars homogenei.

V L T E R I V S quæritur, Quare dicit, Meum? Videtur enim convenientius dixisse, corpus Christi: quia si propter reuerentiam nominis etiam voluit Deus ut ad tempus baptizatus fieret in nomine Christi: ergo etiam propter maiorem dignitatem huius sacramenti debuit hic poni nomen istud.

Quæstio-  
cula 4.

2 Item, Maioris efficaciam est forma in hoc sacramento quam in aliis: quia hic corpus inanimatum & non gloriosum, convertitur in corpus animatum & gloriosum unitum diuinitati: ergo hic maior effectus deberet attribui dignissimo nomini, scilicet Iesu Christo: ergo deberet dixisse, Hoc est corpus Iesu Christi, ut videtur.

V L T E R I V S quæritur de his quæ adduntur in Evangelio, de hoc scilicet, Accipite & comedite, utrum sit de forma? Videtur, quod sic: quia illa referuntur ad usum sacramenti: hoc autem quod dicit, Hoc est corpus meum, tantum ad transsubstantiationis insinuationem: ergo videtur, quod æque vel magis, accipite & comedite, sint de substantia formæ: sicut hoc quod dicitur, Hoc est corpus meum.

Quæstio 5.

2 Item, Actus notans exercitium & usum baptizandi est de forma in baptismo, cum dicitur, Baptizo te, &c. ergo similiter illa verba quæ notant usum huius sacramenti, de forma esse debent, ut videtur.

V L T E R I V S quæritur de mutatione, additione, & diminutione, & corruptione: sicut in quæstione de forma baptismi, & confirmationis.

Quæstio 6.

SOLUTIO.



**SOLVITIO.** Dicendum, quod hæc est forma, Hoc est corpus meum, meo iudicio, & non plus. Ad solutionem autem eorum quæ obiecta sunt, notandum quod illa oratio in triplici vi habet considerari: habet enim unam, secundum quod est vox significatiua rei: & ex hoc modo facit signum de re aliqua demonstrata. Item, habet vim, secundum quod est forma sacramenti ab institutione diuina: & secundum hoc est conuersiua panis in corpus Christi, & facit transitum siue panis transubstantiationem. Tertiam habet vim, secundum quod in ea operatur Verbum increatum, in cuius persona profertur à sacerdote: quia quasi recitatiue à sacerdote dicta, refertur ad Verbum increatum, secundum quod ipsum in voce istius orationis operatur. Et hoc modo dixerunt de antiquioribus Theologis, quod vox habet referri ad rem, & res indiuisibiliter & indiuisibili vi operatur cum coniuncto sibi Verbo increato: & non est separare partem à parte, sicut in alia constructione: & licet habeat signare in quantum est vox creata: non tamen habet operationem sacramentalem in quantum huiusmodi, sed in quantum indiuisibiliter operatur in ea Verbum increatum signatum, ad quod reduci habet oratio ista vnde est, scilicet corpus Christi: licet pluribus vocibus exprimat secundum modum suppositi & appositioni & compositionis.

**AD PRIMUM** ergo dicendum, quod ille triplex vsus formæ, secundum quod hæc verba accipiuntur cum significatione, institutione, & operatione Verbi increati, non est nisi in sacramento: licet argumentatio illa procedat ac si vsus huius orationis nihil habeat ab institutione & operatione Verbi increati: & hoc non est verum.

**AD ALIUD** dicendum, quod etiam illa obiectio supponit falsum, scilicet quod oratio non sit nisi insinuatua facti, & non faciens transiitionem ex institutione & operatione Verbi increati, in cuius persona verba illa proferuntur. Quare autem Verbum notans transitum vel mutationem, non ponitur in oratione illa, infra ut poterimus determinabimus.

**AD ALIUD** dicendum, quod hoc est verum de vocibus ad solum usum significandi institutis, sed non de vocibus quæ sunt formæ sacramentorum, in quibus institutio facit voces esse operatiuas gratiæ inuisibilis.

**AD ALIUD** dicendum eodem modo, quod pronomen habet vires tres, secundum quod tota oratio: & illæ argumentationes quæ fiunt à communi vsu loquendi, ad orationes quæ sunt formæ sacramentorum, nihil valent.

**AD ID** quod obiicitur de prima parte orationis, quod est demonstratiuum pronomen, sine præiudicio recitabo tres opiniones Magistrorum primo, & postea tangam quod melius mihi videtur. Prima opinio est eorum qui dicunt, quod ly hoc facit demonstrationem ad sensum, & quod illa cadit super substantiam panis, non simpliciter, sed prout est substantiatus in corpus Christi: & hi dicunt, quod demonstrat contentum panis, prout est terminus transubstantiationis. Et si obiicitur, quod panis transubstantiatus in corpus Christi, non est panis, sed corpus Christi. Dicunt, quod hoc est verum: sed non simpliciter est corpus Christi, sed prout finis est conuersionis sacramentalis. Qualiter autem illa argumenta soluant,

patebit posterius: quia una solutio est omnium illorum secundum has omnes opiniones. Alij dicunt, quod est ibi demonstratio ad intellectum, & cadit demonstratio super accidentia specierum panis & vini prout sunt species sacramentales, & non prout simpliciter species: & ideo sensus est, Signatum sacramentaliter in speciebus panis & vini est corpus Christi. Et isti dicunt, quod talis demonstratio simpliciter non exigit identitatem in specie inter rem demonstratam & intellectam, sed tantum conuenientiam quæ est inter signum & signatum sacramentaliter. Et sic soluunt argumenta in contrarium obiecta.

Sed contra utramque istarum solutionum & opinionum, videtur obiici. Contra primam quidem: quia impossibile est in se, vel ut terminum demonstrari, quod non est ante demonstrationem: corpus autem Christi nec in se, nec in altari, nec ut terminus conuersionis, est ante demonstrationem: ergo neutro modo potest demonstrari. Contra secundam autem videtur obiici: quia sacramentaliter demonstratur id quod actu est sub sacramento, demonstratione cadente super species sacramentales: sed corpus Christi non est contentum sub speciebus illis, demonstratione cadente super species illas: ergo non contingit ipsum sacramentaliter demonstrari.

Et ideo videtur mihi tertia via esse probabilior, quod dicatur, quod ly hoc est demonstratiuum simul & operatiuum siue conuersiuum: & hoc habet in quantum est pars formæ sacramentalis, ab institutione, & cum Verbo increato: & ideo non diuisim habet, sed potius voces referuntur ad res significatas in vocibus illis, & ad Verbum increatum simpliciter: & ita in virtute vnus indiuisibilis operantis, operatur oratio illa quæ est forma sacramenti, & operando demonstrat, & demonstrando operatur: sicut dicitur de creatione & infusione animæ.

**AD ID** ergo quod primo obiicitur, dicendum quod demonstrat corpus Christi sub accidentibus, & faciendo ipsum esse ibi demonstrat: & ideo plus est dictum, Hoc est corpus meum, quam corpus meum est corpus meum: quia sensus est. Hoc est corpus meum, id est, contentum sub speciebus est corpus meum, & virtute huius orationis ibi factum est ex substantia panis.

**AD ALIUD** dicendum, quod verum est hanc esse falsam, quod panis est corpus Christi: & non est simile nisi nos diceremus, quod hoc verbum, est, non notaret nisi compositionis inhærentiam cum præfenti tempore consignificato. Nos autem dicimus, quod ab institutione & coniunctione ad Verbum increatum, est conuersiuum sicut tota oratio: & ideo non notat inhærentiam hic, sed conuersionem & existentiam corporis Christi sub speciebus eius quod conuertitur in ipsum.

**AD ALIUD** dicendum, quod siue dicatur ad sensum demonstratio, siue ad intellectum, semper diminute dicitur: sed si dicatur ad intellectum esse cum vi conuersiua demonstranti ad intellectum, tunc erit probabilius: & tamen non sequitur inconueniens quod concludit obiectio. Sunt tamen qui dicunt ad sensum esse demonstrationem, eo modo quo res sacramenti sensibilis dicitur sub speciebus sacramentalibus.

**AD ALIUD** dicendum, quod cum dicitur, hæc



hæc herba crescit in horto meo, non est nisi pars illius demonstrationis: quia ista est tantum ostensiva, illa autem factiva primo, & per consequens ostensiva.

AD ALIVD dicendum, quod demonstratio significatur hic ut exercita: sed tamen hæc non est tota virtus eius, nec est prima: sed potius illa quam habet in quantum est forma sacramenti, & hæc est operatiua eius quod demonstratur, & postea demonstrat. Vnde sicut licet anima infundendo creatur, & creando infunditur, tamen creatio secundum intellectum præcedit infusionem: ita hic licet demonstratio pronominis simul faciat demonstrari & demonstrare, tamen virtus operatiua secundum intellectum præcedit demonstrationem in forma sacramenti: & ideo tales argumentationes nihil valent.

AD ALIVD dicendum, quod verum est, quod oratio non est diuidenda: & hoc est propter operatiuam virtutem quam non habet ex constructione vel ordine vel coniunctione partium, sed potius ex institutione diuina, secundum quod vox ad sensum refertur, & in sensu verbi Verbum increatum operatur. Et ideo obiectio facta in contrarium nihil valet: quia hoc verum est de oratione quæ non est nisi significatiua: quia constructio illius dependet à modo significandi & significatione partium.

AD ALIVD dicendum, quod hoc ideo continet, quia aliæ orationes non operantur suum significatum, sed insinuant tantum: & ideo nihil est simile.

AD ALIVD dicendum, quod hoc verum est de demonstratione quæ tantum est ostensiva rei, & non factiva virtute orationis in qua ipsa est: hæc autem demonstratio cum virtute aliorum verborum facit id quod demonstratur sub accidentibus, & demonstrando facit ipsum.

AD ALIVD dicendum, quod bene assentiendum est Glossæ, dummodo intelligatur, scilicet quod id quod videtur sub speciebus illis, virtute orationis cum demonstratione est ibi factum. Et patet ex prædictis, quod id quod contra obiicitur, non valet, nisi daremus hoc quod demonstratio est significatiua tantum demonstrati, & non operatiua.

AD ALIVD dicendum, quod verum est, quod ly hoc supponit verbo præsentis temporis, & supponit id quod actu est: sed hoc demonstrando ibi efficitur, & efficiendo ibi demonstratur: & ideo non supponit substantiam panis, sed potius corpus Christi: & nihil est dictum, quod ly hoc faciat ibi partem, sicut prius dictum est: quia hoc habet tota oratio indiuisibiliter relata ad signatum, & ab institutione: & ideo nihil est de termino finali vel termino initiali: quia totum operatur ad illum indiuisibilem effectum ut vnum indiuisibile.

AD ALIVD dicendum, quod in hac relatione habet pronomen quod non habet in alia, propter hoc quod est forma sacramenti operatiua per institutionem diuinam.

Ad qua-  
stionem  
2.

AD ID quod ulterius quæritur, dicendum quod sicut dictum est de pronomine demonstratiuo, quod non est tantum demonstratiuum, sed etiam operatiuum: ita dicendum est de verbo est, quod non tantum notat coherentiam: sed est operatiuum & conuersiuum, ut dictum est: & vna &

simplex virtus operans est in omnibus illis verbis, in quantum referuntur ad unitatem institutionis, & Verbi increati operantis in verbis istis: & ideo sicut hic admittitur id in quod conuersus est panis in corpus Christi, ita admittitur hic, Hoc est corpus Christi: cum simul fiat conuersio & signatio præsentis corporis Christi, & virtute eiusdem orationis.

AD ALIVD dicendum, quod secus est in isto, & aliis sacramentis: quia in aliis aliquid operatur minister ad minus in materia, ut tinctionem quæ fit in aqua facit minister: sed hic nec super materiam exteriorem quæ est panis & vinum, nec interior in effectu gratiæ, potest esse opus nisi diuinum: & ideo non potuit hic esse actus ministri significatus in forma.

AD ALIVD dicendum, quod in aliis sacramentis consecratur & conficitur sacramentum cum recipitur, ut baptismus cum baptismus recipitur, & confirmatio cum aliquis recipit confirmationem, & sic de aliis. In hoc autem sacramento non est sic: sed conuersio est ante receptionem sacramenti: & non potuit poni verbum congruentem notans actum materiæ, quia iste est in usu sacramenti post consecrationem: & hoc tetigit Dominus, quando dixit, Accipite & comedite, & cætera.

AD ALIVD dicendum, quod verbum notans motum vel mutationem, non competit in hoc sacramento: quia omnis motus & mutatio supponunt materiam communem vtrique terminorum motus & mutationis super quam fit: sed hic nihil talium est: quia panis non est materia de qua fit corpus Christi, ita quod conuertatur aliqua noua materia in corpus Christi, quæ ante non fuit sub forma corporis Christi: quia hoc sine augmento esse non posset: sed hic fit transsubstantiatio totius compositi panis ex forma & materia, in substantiam præexistentem corporis Christi, sine aliqua mutatione media, & sine intervallo temporis: & ideo competentius ponitur ibi verbum est cum potentia transsubstantiandi, quam aliud verbum notans motum vel mutationem.

AD ALIVD dicendum, quod in operibus creationis est ad minus substantia de nouo facta, quæ ante non erat, licet non sit proprie motus vel mutatio: sed hic nulla substantia perit, nec aliquid nouum corpori Christi aduenit: sed transsubstantiatio est huiusmodi in hoc virtute verborum: & ideo non possunt hic proprie verba motum significantia poni in forma.

AD ALIVD dicendum, quod obiectio hæc procederet, si verbum esset tantum notans inhaerentiam prædicati cum subiecto: dictum est autem iam sæpius, quod ipsum cum hoc, & per intellectum ante hoc, est conuersiuum, hoc modo quod transsubstantiatio totius panis in totum corpus Christi dici potest conuersio: & ideo obiectio nihil valet.

AD ID quod ulterius quæritur de tertia particula quæ est corpus, dicendum quod sacramentum maximæ perfectionis non conueniebat esse partis: & ideo non poterat esse de carne forma, sed de toto corpore. Et hoc quod dicit Dominus in Euangelio Ioan. 6. dicitur per synecdochen, & intelligitur de toto: ponitur tamen ibi caro mea vere: quia à minori per hoc ostenditur de toto: si enim

Ad qua-  
stionem  
3.



si enim caro quæ est defectibilior pars viuificat, multo magis spiritus & totus Christus.

AD ALIVD dicendum, quod illa obiectio sophistice procedit: hoc enim quod proponit, est verum de cibo qui conuertitur ad nos, non de eo ad quem nos conuertimur: sed de cibo isto verum est, quod ad se nos conuertit, vt supra dictum est: & ideo melius ponitur ibi corpus in dissimilitudine partium quam caro: quia non in ratione vnius gratiæ vnit nos sibi in vfu: sed in isto operatur vsum spiritualis oculi, in altero vero vsum spiritualis scilicet pedis, & sic de aliis.

AD ALIVD dicendum, quod licet panis sit corpus homogeneum: non tamen colligitur ex grano vno, sed ex diuersis: & hac similitudine sumitur in sacramento, vt dicitur in litera: & hoc modo magis ponit conuenientiam ad corpus dissimile in partibus, quam ad corpus simile.

AD ALIVD dicendum, quod hoc quod vinum sacramentaliter non conuertitur nisi in sanguinem, non est propter homogeneitatem materiæ, sed propter rationem vsus: quia datur in potum spiritualem, & effectum redemptionis: tamen in quantum fidelibus diuersis datur, colligitur vinum ex diuersis granis vitiæ. Sed de corpore non est sic: quia illud datur in figura corporis Christi mystici vniti capiti Christo: & hoc corpus habet diuersitatem vsus in gratiis membrorum: & huic operationi magis conuenit corpus dissimile, quam simile.

Ad qua-  
stionem  
lam 4.

AD ALIVD dicendum, quod vltius quæritur de quarta particula, quæ est meum, quod melius ponitur ibi meum, quam Christi: quia illa verba quasi in persona Christi recitantur à sacerdote. Si autem poneretur ibi Christi: tunc videretur ad aliam personam ordinari: & sic alia persona significaretur operari in verbis istis: & hoc offensum iam est non esse conueniens: quia Verbum increatum conuenienter operatur in verbo creato, vt habitum est.

AD ALIVD dicendum, quod in baptismo aliud est: quia ibi operatur minister, & inuocat Deum: & illa inuocatio ad nomen Christi propter aliquam causam reducebatur: sed in hoc sacramento non operatur nisi Verbum Filius in verbo creato, quod ad hoc instituit: & ideo debet istud verbum pronuntiari tanquam suæ propriæ personæ, & non de ipso vt de altero fieri locutio: quod fieret, si poneretur ibi Christi, propter hoc quod personam aliam quam loquentis, vel in cuius persona sacerdos pronuntiat, nomen significaret.

Ad qua-  
stionem  
lam 5.

AD ID quod vltius quæritur, dicendum quod accipite & comedite pertinet ad vsum sacramenti, & non ad confectionem: & ideo puto, quod non est de forma: hoc autem quod dicitur, Hoc est corpus meum, non est tantum insinuationum, sed operatiuum sacramenti, vt dictum est.

AD ALIVD dicendum, quod ille actus quem significat verbum baptizo, non tantum dicit exercitium, sed etiam fieri baptismatis. Hic autem non sic est: quia confectio istius sacramenti est ante perceptionem, vt dictum est.

Ad qua-  
stionem  
lam 6.

AD ALIVD quod vltimo quæritur, dicatur sicut in præhabitis.

Ex hoc patet falsitas cuiusdam opinionis, & solutio cuiusdam quæstionis antiquorum, qui

propter hoc nescierunt distinguere inter vsum & confectionem sacramenti: dixerunt enim, quod Deus ipse aliis verbis secretis confecit corpus suum, & postea his verbis, Hoc est corpus meum, dedit virtutem conficiendi: hoc enim non est rationabile: sed quod etiam tunc illa verba fuerunt non tantum significatiua corporis Domini, sed operatiua.

Si autem quæritur de ly enim quod in Romanis libris dicitur & in antiquis libris Patrum inuenitur, vtrum sit de forma? Dicendum est, quod tutum est apponere: tamen in Euangelio non inuenitur, & magis tangit causam vsus qui importatur in verbo accipiendi & comedendi, quam sit de substantia formæ.

Quæstio-  
cula.

## ARTICVLVS VII.

*Quæritur de forma quæ dicitur super vinum, & de singulis verbis in ea positis?*

DEinde quæritur de hoc quod dicit ibi [Accipite & bibite ex hoc omnes, &c.] Quæritur enim de forma quæ dicitur super vinum. Et quærentur duo, scilicet de verbis in ea positis, & de comparatione ipsius ad formam quæ dicitur super panem. Videtur enim, quod non sit forma illa quam frequentat Ecclesia, scilicet hæc, Hic est enim calix sanguinis mei noui & æterni testamenti, mysterium fidei, qui pro vobis & pro multis effundetur in remissionem peccatorum. Hoc enim totum ponit Ecclesia: & constat, quod in nullo Euangelistarum inuenitur. Cum ergo sacramentum non habeat formam nisi institutam à Deo, videtur hoc non esse de forma: quod patet currenti per singula Euangelia. In Marth. 6. habetur sic, Bibite ex hoc omnes, Hic est sanguis meus Noui Testamenti, qui pro multis effundetur in remissionem peccatorum. In Marc. 14. sic, Et accepto calice gratias agens dedit illis: & biberunt ex eo omnes: & ait illis, Hic est sanguis meus Noui Testamenti, qui pro multis effundetur. Lucæ 22. sic, Hic est calix Noui Testamenti, qui pro vobis effundetur. Patet ergo, quod in nullo est Euangelistarum.

2 Præterea, videtur, quod præsumptio fuerit ponere quod Dominus non apposuit: ergo videtur, quod etiam peccant in tanto sacramento hanc formam tenentes.

3 Item, videtur, quod id quod apponitur nullam habeat virtutem transsubstantiandi. Hanc enim virtutem non habent verba nisi in quantum sunt Verbi increati statuentis ea, vt infra dist. 9. habebitur in litera Ambrosii. quod sermo Christi creaturam mutat. Ergo videtur, quod non sint de forma ea quæ apposuit homo, & à Deo non inueniuntur instituta.

4 Item, Hieron. dicit, Non credatur mihi si dixero aliquid quod per nouum vel per vetus testamentum probare non possum. Quod autem in forma sit mysterium fidei, & æterni testamenti, nec per nouum nec per vetus testamentum potest probari: ergo non est credendum esse de forma, præcipue tanti sacramenti, quod totum supra hominem est.

VLTERRIVS videtur, quod non conuenienter ponitur

Quæstio-  
cula 1.



ponitur ibi, Calix sanguinis. Ea enim quæ sunt de forma vel materia, sunt de essentia sacramenti: calix autem vas, sacramenti nec est forma nec materia: ergo non est de essentia sacramenti: ergo non debet poni in forma.

2 Item, Si dicas, quod per transumptionem ponitur calix in forma: ex hoc videtur sequi multiplex inconueniens. Primum quidem: quia transumptus intellectus præsupponit sibi alium in quo fundatur qui est proprius: quia prius oportet considerare proprietates rei per quas fit transumptio, antequam intellectus ad aliud transferatur: ergo simplex nesciens aliquid transferre vel translationes facere, periculose potest se habere in ipso: cum ergo in sacramento isto præcipue debeat cauere periculum erroris, eo quod ratio minime potest se iuuare in eo, videtur quod in eo nihil debeat poni translatiue. Secundo: quia omnis transumptus intellectus: ex eo quod sibi præsupponit alium, consistit in quadam intellectu multiplicitate: sed multiplicitas intellectuum causa est euagationis: cum ergo in hoc sacramento ad quod toto conatu vix fide attingit homo, necessarium sit homini ut totum se in se recolligat, & non euagetur, videtur quod nihil in eo debeat dici per translationem. Tertio videtur: quia translatio fit ab vno ad aliud: ergo aut fit translatio ad corpus, vel ad sanguinem. Si ad corpus: ergo virtute illorum verborum efficitur ibi corpus: & hoc nemo dicit: quia licet sit in calice corpus, tamen non est ibi ex vi sacramenti, sed ex vi connexionis quam habet cum sanguine. Si autem ad sanguinem fit translatio: tunc non potest fieri translatio, nisi ex proprietate illa qua bibitur de calice. Et tunc sensus erit, calix sanguinis, &c. id est, potus sanguinis, &c. ergo similiter dixisse debuerat de corpore, Hic est cibus corporis mei: & hoc non dixit: ergo non hic videtur vsus tali modo translationis.

3 Præterea, Si ponitur pro contento, ut quidam dixerunt: tunc non deberet in constructione esse modus diuersitatis ex transumptione quam notant obliqui: quia inter contentum & sanguinem nulla est diuersitas, ut videtur.

*Quæstio-  
cula 2.* VLTERRIVS quæritur de hoc quod dicit, Sanguinis mei: cum enim principale quod efficit forma, sit sanguis, videtur ibi poni debere in recto, & non in obliquo.

2 Hoc etiam videtur ex forma corporis: quia ibi dicitur, Hoc est enim corpus meum. Ergo & deberet dici, Hic est enim sanguis meus.

3 Item, Ibi dicit Magister in litera esse factum: & duo Euangelistæ, scilicet Matth. & Marc. ergo videtur, quod in recto deberet importari.

4 Item, Cum obliqui sint transiui, & notantes diuersitatem, videtur esse diuersitas inter rem sacramenti & sanguinem: cum autem ibi nulla sit diuersitas, videtur sanguis male poni in obliquo.

*Quæstio-  
cula 3.* VLTERRIVS quæritur de hoc quod dicit, Noui & æterni Testamenti: nouum enim est, ut dicit quidam Philosophus, quod quantum ad sui initium est propinquum: sed res istius sacramenti est æterna, quia Filius Dei: ergo non est noua.

2 Præterea, Aut nouum est quoad rem, aut quoad ritum. Si quoad rem: hoc falsum est: quia secundum hoc non esset æternum. Si quoad ri-

tum: ergo falsum est quod dixit supra Ambrosius, quod sacramenta nostra anteriora sunt quam sacramenta Iudæorum: & hoc dicitur gratia huius sacramenti, cuius ritus præcessit in Melchisedech Genes. 14.

3 Item, Nouum & æternum sunt opposita: quia nouum est, quod quantum ad sui initium est propinquum, & æternum quod caret initio: cum ergo dicitur Noui & æterni Testamenti, opposita videntur poni circa idem.

4 Item, Testamentum non videtur esse sanguinis, sed potius mandatorum: unde etiam tabulæ continentis mandata, tabulæ testamenti dicuntur: ergo videtur, quod non debuit dici Noui & æterni testamenti.

VLTERRIVS quæritur de hoc quod dicit ibi, *Quæstio-  
cula 4.* Mysterium fidei: mysterium enim fidei in omnibus est sacramentis, ut patet ex diffinitione sacramenti quæ supra ex verbis Augusti. in principio libri posita est in notula, quod sacramentum est, quando sub visibili specie diuina virtus salutem secretius operatur: mysterium autem tantum valet quantum secretum: ergo in quolibet sacramento est mysterium fidei, & non tantum in isto: ergo non debet specialiter poni in isto.

2 Item, Istud sacramentum specialiter dicitur esse sacramentum charitatis. Vnde Chrysost. dicit, quod dare carnem suam ad manducandum intimi amoris fuit indicium: sacramentum autem baptismi præcipue dicitur sacramentum fidei: ergo magis videtur competere illi quod sit sacramentum fidei, & isti quod sit sacramentum charitatis vel mysterium: ergo male ponitur in forma mysterium fidei.

VLTERRIVS quæritur de hoc quod dicit, *Quæstio-  
cula 5.* Qui pro vobis & pro multis effundetur: effusio enim potationi contrariatur, ut videtur: ergo non debet poni in sacramento calicis quem iuxta corpus potamus in communicatione sanguinis.

ITEM quæritur, Quare indistincte ponit, Pro vobis & pro multis effundetur: vna enim est ratio effusionis pro omnibus: ergo non est distinctio quoad Apostolos & alios quantum ad causam effusionis.

2 Item, Omnibus valuit sanguis ad redemptionem quoad sufficientiam: ergo non debet dici, Pro multis, sed pro omnibus.

3 Item, Virtus vniuscuiusque determinatur ad maximum: cum igitur maxima sit virtus sanguinis Christi effusi, debuit determinari ad maximum effectum: ergo melius dici videbatur, pro omnibus, quam pro multis.

4 Præterea, videtur hæc pars non esse de forma: quia non dicit quasi essentiale sacramenti, sed potius sacramenti effectum in nobis: ergo videtur, quod in forma non debuit poni.

VLTERRIVS quæritur de hoc quod dicit, In remissionem peccatorum: hoc enim dicit finem totius Passionis & Redemptionis ex parte liberationis à malo: ergo non magis debet poni in forma sanguinis, quam in forma corporis. *Quæstio-  
cula 7.*

2 Præterea, Lucæ 22. apponitur formæ corporis, quod tradetur pro vobis: & non dicitur esse de forma quæ dicitur super panem: ergo etiam licet hic addatur, Qui pro vobis & pro multis effundetur in remissionem peccatorum, non tamen debet dici esse de essentia formæ.

SOLVTIO. Dicendum ad primum, quod *Solutio.  
licet*



licet in Euangelio vno non inueniatur & in loco vno forma ista quam tenet Ecclesia: tamen per partes ex magna parte inuenitur. Et præterea tradita inuenitur ab Apostolis qui acceperunt eam à Domino. Quod enim dicitur, Hic est calix mei sanguinis, accipitur à Luca. Et similiter quod dicitur, Noui testamenti, accipitur à tribus, scilicet Matth. Marc. & Luc. Quod autem additur, Aeterni, ex traditione Domini habetur: & similiter illud, Mysterium fidei. Dicit enim Apostolus 1. Corinth. 10. Ego enim accepi à Domino quod & tradidi vobis. Quod autem Ecclesia ab Apostolis traditum acceperit, dicit Inno. 3. sic, Romana Ecclesia istud integra semper fide seruauit, quod ab ipsis Apostolis qui eam præsentialiter sacris instituere doctrinis, & Ecclesiastici ritus regulam docuerunt, accepit: ab ipsis enim Apostolis Petro & Paulo, quos & viuos Doctores habuit & defunctos custodes, hunc ritum sacrificij accepit, quem hæcenus inuiolabili cultu seruauit. Et hoc est quod communiter dicitur à Magistris, quod licet non sit scripta simul hæc forma: tamen intelligitur à Deo Apostolis tradita. Et per hoc patet solutio ad tria prima.

**AD ID** quod obiicitur de Hieronymo, dicendum quod ipse non intendit, quod omnia vera per verba sint scripta in nouo testamento vel veteri: sed sicut dicit Augustinus, Omnis veritas sacræ Scripturæ concordat, quæ sacræ Scripturæ non contradicit. Istud autem satis consonum est sacræ Scripturæ, quod hoc frequentet Ecclesia, quod Christus tradidit: & trahitur de illo verbo 1. Corinth. 11. Ergo enim accepi à Domino quod & tradidi vobis. Vbi loquitur de ritu huius sacramenti. Et de illo, Imitatores mei estote sicut ego Christi.

**AD ALIUD** quod vltius quæritur, dicendum quod calix ponitur ibi transumptiue, & transfertur ad passionem: sicut dixit duobus fratribus filiis Zebedæi, Potestis bibere calicem quem ego bibiturus sum? Et tantum valet calix sanguinis, quantum sacramentum passionis sanguinis, quod in vsu fidelium per participationem calicis frequentatur.

**AD ID** autem quod contra obiicitur, est dicendum quod dupliciter aliqua sunt de essentia, scilicet ut ingredientia rei constitutionem: sicut corpus & sanguis Christi sunt de essentia rei quæ est sacramentum in Eucharistia: quædam autem sunt illis essentialiter coniuncta, ita quod sine his non potest esse res: & hoc modo calix est de essentia ex parte nostra: quia in memoriam fit passionis cum sumitur hoc sacramentum. 1. Corinth. 11. Quotiescunque manducabitis panem hunc, & calicem Domini biberitis, mortem Domini annuntiabitis donec veniat. Et ideo calix in hoc sensu adiungitur formæ sacramenti, & est de forma.

**AD ALIUD** dicendum, quod sollicitudo præcipua deuotionis & fidei debet esse in hoc sacramento: & ideo mentio calicis fit, ut passio ad memoriam reuocetur: & ideo si aliquis errat in significato primo, non excusatur: quia sollicitudo debet inducere collationem: & ideo necessaria ad sacramentum propter alicuius negligentiam omittenda non erant.

**AD ALIUD** dicendum, quod licet multiplicitas intellectuum sit causa cuiusdam discursus rationis ab vno in aliud: tamen sollicitudo & deu-

*D. Alb. Mag. in Lib. 4. Sentent.*

tio quæ celebrantibus indicitur, continet eum: & ideo non est ibi periculum, nisi quoad culpabiliter negligentes: sed propter hoc nihil debuit omit- ti necessarium sacramento.

**AD ALIUD** dicendum, quod iam dictum est, ad quid transfertur ibi calix ad passionem: quia consuetus erat Dominus calicem vocare passionem suam. Matth. 26. Pater mi si non potest hic, calix transire nisi bibam illum, fiat voluntas tua. Et passio præcipue est, quæ recolitur in sacramento, sicut prius dictum est.

**AD ID** autem quod quæritur, Quare cum corpore non ponitur in canone commemoratio passionis, sicut cum sanguine, cum in quibusdam Euangelistis adiungatur etiam corpori, Hoc est corpus meum, quod pro vobis tradetur: non tamen dicitur, Hic est calix corporis mei? Dicendum, quod in rei veritate potius calicis magis respondet passioni secundum effusionem sanguinis, quam secundum vulnerationem corporis: & hoc etiam patet ex vsu loquendi in Prophetis. Vnde Isa. 51. vbi consolatur Ecclesiam post tormenta martyrum dicit, Ecce tuli de manu tua calicem foporis: fundam calicem indignationis meæ, non adiciam ut bibas illum ultra, & ponam illum in manu illorum qui te humiliauerunt. Et in multis aliis locis. Et hoc ideo fit: quia calix inebriat per potum, & ita facit passio per angustiam: & ideo conuenientius adiungitur calix potabili, scilicet sanguini, quam esibili quod est corpus.

**AD ALIUD** dicendum, quod calix transumptiue refertur ad passionem sanguinis, & sanguis relatus ad passionem, habet aliquam diuersitatem rationis ad sanguinem ministratum in potum in sacramento: & illa importatur per obliquum.

**AD ID** quod vltius quæritur de sanguine, *Ad qu. 2.* dicendum quod ratio illa dicta est, quare ponitur in obliquo: licet enim efficitur sanguis vi sacramenti, & non calix: tamen ad hoc quod posset effici in sacramento sanguis, oportuit primo effundi in passionem: & ideo in ratione primi operantis non ad sanguinem in sacramento, sed ad celebrationem sacramenti secundum se, melius dicitur calix sanguinis quam sanguis calicis.

**AD ALIUD** quod obiicitur de Magistro in litera, dicendum quod Magister in pluribus sacramentis non expresse determinat formam: sicut non facit in confirmatione, & in pœnitentia, & in extrema vnctione, & in ordine: & ita nec facit hic: quia Magistri intentio est tradere notitiam eorum in quibus consistit sacramentum materialiter: & ideo dicit, quod forma est de sanguine, ante quam determinet formam: quia formam supponit Magister esse notam ex frequentatione Ecclesiæ.

**AD ID** autem quod contra obiicitur per Euangelistam, dicendum quod Euangelistæ non intenderunt tradere formam sacramenti scribendo Euangelium, sed simplicem notitiam tradere historię quoad vera ibi dicta & res gestas: & ideo non est efficax probatio illa.

**AD ALIUD** dicendum, quod transitio obliqui non importat hic diuersitatem sanguinis & rei sacramenti, se potius diuersam rationem sanguinis prout refertur ad passionem quæ contulit possibilitatem celebrationis sacramenti, & sanguinis prout est in sacramento ministratus ad

K vsum



usum fidelium, ut prius dictum est: & quia utriusque debuit fieri mentio in forma, melius fuit ponere obliquum quam rectum: in corpore autem non est similis ratio, ut dictum est.

*Ad qua-  
stionem  
lam 3.* AD ID quod ulterius quaeritur de hoc quod dicitur, noui & æterni testamenti, dicendum quod nouum dicitur, quod ad usum rei sacramentalis sub talibus speciebus est.

AD ID autem quod obiicitur de ratione eius quod est nouum, dicendum quod Filius Dei æternus est: sed Filius Dei non est in calice ex vi sacramenti, sed ex connexionione corporis & animæ cum deitate & sanguine: & ideo adhuc aliquid remanet, quo usus sanguinis sit sub sacramento nouus.

AD ALIUD dicendum, quod iam patet ad quid refertur nouitas: ritus autem tantum in speciebus sine re præcessit in oblatione Melchisedech: & quoad hoc dicit Ambrosius, antiquiora esse sacramenta nostra quam Iudæorum.

AD ALIUD dicendum, quod opposita nihil prohibet esse circa idem vel poni, dummodo non ponantur circa idem secundum idem: quod enim dicitur nouum, dicit quoad usum rei sub sacramento: quod dicitur æternum, dicit quoad personam, ut quidam dicunt: aut quoad prædestinationem tantæ gratiæ quam Ecclesiæ ab æterno debuit Deus: & hoc probabilius est. Aut quoad utrumque: & tunc nulla restat obiectio.

*Ad qua-  
stionem  
lam 4.* AD ID quod ulterius quaeritur, Quare ponitur mysterium fidei? Dicendum, quod licet in omnibus sacramentis sit aliquid fidei: tamen in isto, per modum conuersionis & sumptionis, & accidentia quæ manent sine subiectio aliquo, totum est fidei: quia nihil in eo potest ratio. Quod autem baptismus est fidei, non est ideo quod plus sit ibi agens fides & minus ratio: sed quia confert primum statum fidelitatis. Vnde sicut fides quodammodo est ianua virtutum: ita baptismus est ianua sacramentorum. Istud autem sacramentum ab alio dicitur mysterium fidei, & ab alio sacramentum charitatis: mysterium fidei eo dicitur quod totum est fidei, ut dictum est: sed charitatis propter similitudinem effectus, & signum maximæ charitatis quæ se dedit nobis. Dico autem similitudinem effectus: quia sicut charitas vnit membra, ita illud sacramentum conuertit & vnit membra capiti. Et per hoc patet solutio ad omnia quæ quaesita sunt circa istam partem.

*Ad qua-  
stionem  
lam 5.* AD ID quod ulterius quaeritur de hoc quod dicitur, Qui pro vobis & pro, &c. Dicendum, quod licet vna sit ratio effusionis & sumptionis in omnibus: tamen effusio in qua sanguis separatus est à corpore, operata est ad sacramenti celebrationem: sacramentum enim non facit nisi sanguinem: sed quia quod ita separatus efficere possit id quod non est separatus, hoc facit effusio, & ideo mentionem effusionis oportuit esse in forma sanguinis.

*Ad qu. 6.* AD ALIUD dicendum, quod sacerdos in loco illo commemoratur ut offerens: & ideo repræsentat duplicem personam, scilicet Christi offerentis, & quoad hoc non indiget oblatione pro se: & repræsentat personam propriam, & sic indiget ut pro sua populi indigentia offerat: quia, sicut dicit Apostolus, & ipse circumdatus est infirmitate: & ideo ut notetur illa indigentia,

voluit Dominus indigentiam Apostolorum in forma exprimi, qui primi sacerdotes erant, & ritum sacramenti aliis tradiderunt.

AD ALIUD dicendum, quod licet sufficienter valeat omnibus, non tamen efficienter: & ideo non dixit, pro omnibus, sed pro multis.

AD ALIUD dicendum, quod istud sacramentum non operatur salutem sine alio cooperante: & hoc est fides & deuotio quæ nobis effectum coniungit: & quia cooperans deficit in quibusdam, ideo ad omnes non potuit determinari: sed secundum maximum suum effectum est pro multis effundi.

AD ALIUD dicendum, quod quidam antiquorum dixerunt propter illam obiectionem, quod non esset de essentia formæ: sed tamen peccaret qui omitteret. Sed alij quidam modernorum probabiliter videntur sentire, quod sit de forma sicut finis: & ratio coniuncta formæ facit perfectionem rei.

AD ID quod ulterius ultimo quaeritur, dicendum quod meo iudicio etiam illud est de forma, in remissionem peccatorum. Et hæc utilitas sanguinis spiritualiter commemoratur in Psalm. 29, ubi dicitur, Quæ utilitas in sanguine meo dum descendero in corruptionem: Et hoc ideo est: quia sicut anima videtur esse pretium redemptionis oblata Patri, ita tota passio est in extorsione violenta sanguinis: passio autem satisfecit pro nobis, & ideo passio præcipue in sanguinis effusione in quo est vita corporis, secundum naturam significatur: & ideo remissio peccatorum magis retorquetur ad sanguinem, quam ad corporis passionem.

AD VLTIMUM patet solutio per idem.

## ARTICVLVS VIII.

*An forma quæ dicitur super panem expectat formam quæ dicitur super vinum?*

Secundo quaeritur de operatione formæ sanguinis, ad formam quæ dicitur supra panem: & hoc propter antiquos qui dixerunt, quod istæ formæ se expectant in operando.

Obiicitur autem sic: Istud sacramentum est sacramentum summæ & simplicis veritatis: ergo nihil debet ostendi in sacramento quod non aliquo modo sit in re sacramenti: cum autem dicitur super panem, Hoc est corpus meum, ostenditur ibi esse corpus sine sanguine, eo quod ex vi sacramenti non est ibi nisi corpus: cum igitur corpus non sit sine sanguine, falsum ostenditur ibi in sacramento veritatis, nisi efficacia verborum corporis expectet efficaciam verborum sanguinis: ergo se inuicem istæ duæ formæ in operando expectant.

2 Item, Sicut se habet res ad rem in sacramento, ita habere se debet forma ad formam: sed res corporis simul est cum re sanguinis, & è conuerso: ergo forma corporis simul operatur cum forma sanguinis, & è conuerso: ergo se inuicem in operando expectant: quia constat, quod non simul sunt in prolatione.

2 Item, Si forma corporis operatur sine forma



ma sanguinis, aut operatur corpus sine sanguine, aut cū sanguine. Si sine sanguine: ergo operatur re imperfectam, & operatur corpus Christi quale non est: quia constat, quod est cum sanguine. Si autem operatur corpus Christi cum sanguine: ergo ex vi sacramenti est ibi sanguis: ergo superfluit forma postea dicta supra sanguinem: quod est iterum inconueniens: quia si natura non abundat in superfluis nec deficit in necessariis, multo minus facit hoc gratia.

4 Item, Infra hac eadem distinctione ostendetur, quod sacramentum istud vnum est: vnus autem vnicum est esse: ergo & vnica forma sacramentalis: quia forma dat esse: ergo vnica forma operatur super panem & super calicem: vnus autem formæ actus indiuisus est: ergo non operatur diuisim super panem & super calicem: ergo simul: non ergo opus vnus præcedit opus alterius.

*Sed contra.* SED CVM dicitur, Hoc est corpus meum: aut corpus est ibi ex vi orationis factum & demonstratum, vt supra dictum est, aut non. Si non: ergo locutio est falsa: non enim dicitur, Hoc erit corpus meum: sed, Hoc est. Si sic: ergo efficacia huius orationis non expectat aliam orationem in efficiendo.

2 Item, Secundum totum vsum Ecclesiæ & vtilitatem eleuatur corpus postquam dicta sunt ista verba, Hoc est corpus meum, & tunc adoratur à fidelibus. Aut ergo est ibi, aut non. Si sic, habeo propositum: quia adhuc non est dicta forma super calicem. Si non: ergo ministri Ecclesiæ faciunt adorari latria id quod non est Deus, & sic cogunt populum idololatrare, quod absurdum est dicere de Ecclesia.

3 Item, Quæ esset causa huius dependentiæ, quod vna dependeret ab alia: non enim diuisio Christi, quia Christus semper est perfectus: nec dependentia signati, quia vnus orationis significatio absoluta est, sicut & alterius: nec institutio, quia Christus sicut diuisim corpus & sanguinem suum dedit Apostolis, ita diuisim instituit: ergo nulla potest esse causa dependentiæ: ergo patet, quod vna non expectat aliam.

*Solutio.* SOLUTIO. Dicendum quod istæ orationes diuisim explent suos effectus, & vna non expectat aliam.

AD PRIMVM ergo dicendum, quod vt supra dictum est, oratio ista, Hoc est corpus meum, est in triplici vi: vnā enim habet ab institutione, & aliam secundum hoc quod profertur in persona Verbi æterni quod in ea operatur, & tertiam habet secundum quod est in ea veritas signi: & quoad primas verum est, quod non extendat se operando nisi super corpus, & non super sanguinem. Tertia autem extendit se ad significandum corpus perfectum, non ex vi sacramenti, sed sub sacramento contentum: & ideo ostendit veritatem & corpus sicut est.

AD ALIUD dicendum, quod hæc est falsa, quod sicut se habet res ad rem, ita forma ad formam: licet enim forma in sacramento sit effectiua rei, nō oportet tamen formam dependere à forma. Et ita dicunt aliqui. Melius tamen potest concedi proportio præmissa in argumento: & potest dici, quod aliud est sanguinem esse simpliciter, & aliud sanguinem esse ex vi sacramenti sub sacramento. Sic autem potest esse absque eo quod est corpus ex vi sacramenti esse sub sacramento: & licet sanguinem

D. Alb. Mag. in Lib. 4. Sentent.

simpliciter esse sine corpore sit impossibile: tamen sanguinem ex vi sacramenti esse sub sacramento, potest esse absque eo quod esset corpus ex vi sacramenti sub sacramento: & hoc modo proprie accipitur res sacramenti vt sacramenti: & sic patet, quod sicut res non dependet à re, ita nec forma à forma.

AD ALIUD dicendum, quod sacramentaliter operatur corpus perfectum cum sanguine, vt dictum est: sed illud sanguinem in illo vsu fidelium qui est potus redemptionis, non operatur forma dicta super panem, sed dicta super calicem. Et ideo non valet illa obiectio: quia licet perfectum corpus sit sub specie panis: tamen non est secundum quod congruit vtrique vsui fidelium, scilicet cibi & potus. Et ideo communiter dicitur à Doctoribus, quod sanguis est ibi non ex vi sacramenti, sed ex connexione naturali sanguinis & corporis: quia corpus perfectum & viuum sanguinem habet in epate, & venis, & aliis partibus corporis quæ debent infundi sanguine. Instantia autem ad argumentum est de anima: quia aut operatur corpus & animam, aut non. Si non: ergo imperfectum, & sic non est. Si sic: ergo panis conuertitur in animam, quod est impossibile. Et de diuinitate est eadem obiectio.

AD ALIUD dicendum, quod istud sacramentum non est vnum ab vnitatem specierum vel formæ verborum, sed potius ab vnitatem eius quod est ibi res & sacramentum, & ab vnitatem eius quod est ibi res tantum, vt infra probabitur. Et ideo ad argumentum dicendum, quod forma dat esse hoc modo quo est forma: & ideo forma panis dat esse quoad continentiam corporis, & forma vini dat esse quoad continentiam sanguinis. Quia autem Christus est res & sacramentum in hoc sacramento, & ipse vere est vnus: ideo sacramentum est vnum. De hoc tamen infra erit disputatio quia magnam habet difficultatem, & diligenti indiget discussione.

## ARTICVLVS IX.

*An sacramentum hoc sit frequentandum post cœnam sicuti Christus ipsum instituit.*

DEinde quæritur de hoc quod dicit ibi [Vbi consideratione dignum est, quia sacramentum post cœnam, &c.] Videtur enim ex hoc quod etiam celebrandum sit & frequendum post cœnam: plus enim est instruere facto, quam verbo: cum igitur ipse verbo & opere post cœnam istud instituerit: videtur etiam, quod post cœnam sit celebrandum.

2 Item, Magis valet instructio Magistri, quam discipuli: ergo etiam si Apostoli statuerunt contrarium, videtur eis non esse obediendum, sed potius Domino: & ita post cœnam est sumendum, vt videtur.

3 Item, Quanto minor est indigentia cibi ex parte corporis, cum sumitur cibus spiritualis, tanto magis signatur cibus spiritualis sumptus non summi ad indigentiam corporis, sed animæ: sed facta refectio corporis, minor est indigentia corporis quam non facta: ergo si facta refectio sumatur

K 2 corpus



corpus Christi, ex ipso significatur, quod non propter corpus, sed propter animam sumitur: constat autem, quod hoc modo sumendum sit, scilicet propter animam, & non propter corpus: ergo magis congruit ut sumatur post prandium, quam ante.

4 Præterea, videtur, quod nihil prohibeat post prandium sumi: non enim quod in os intrat, coinquinat animam, ut dicit Dominus Matth. 15. Nihil autem impedit à perceptione huius sacramenti, nisi peccatum: ergo videtur, quod post prandium celebrari & accipi possit.

Sed contra.

SED CONTRA: Augustinus in littera dicit, quod propter tanti sacramenti honorem, prius in os Christiani Dominicum corpus debet intrare, quam alij cibi. Ergo ante prandium sumendum est & celebrandum.

2 Item, 1. Cor. 11. Conuenientibus vobis in vnum, iam non est Dominicam cenam manducare. Vnusquisque enim suam cenam præsumit ad manducandum. Ergo Apostolus ponit hoc pro ratione, quod non est manducandum corpus Christi: quia præsumpta est propria cena ad manducandum: ergo post cibum sumi non debet, ut videtur.

3 Item, Istud sacramentum ex parte suscipientis summam exigit deuotionem: summa autem deuotio maximam exigit sensum & rationis sobrietatem: sobrietas summa exigit ieiunium: ergo ieiuno stomacho sumendum est corpus Christi.

Quæstio-  
nula.

VLTERIVS quæritur hic de causis quas Magister tangit in littera, quod Christus corpus suum dedit post cenam. Prima enim non videtur valere, scilicet ut vltimum legalium quod est typicus agnus, terminetur ad Passionem quæ in sacramento isto recolitur: si enim duo secundum successionem sibi continuanda sunt, vltimum prioris debet esse cum primo posterioris: constat autem, quod primum sacramentum Noui Testamenti non est Eucharistia, sed potius baptismus: ergo videtur, quod debuit continuari ad baptismum.

2 Item, Sicut terminanda erat manducatio agni typici ad esum agni veri, sic terminanda fuit circumcisio ad baptismum: ergo eadem ratione debuit post cenam vltimo circumcidere, & postea baptizare Apostolos, sicut dedit eis agnum typicum & postea verum.

Secunda causa etiam non videtur valere, scilicet ut arctius discipulorum memoriæ commendaret: id enim quod maxime necessarium est, maxime memoriæ commendandum est: baptismus autem & poenitentia maxime sunt necessaria: ergo maxime memoriæ commendanda: ergo & illa & non Eucharistia post cenam vltimo debebant institui.

2 Item etiam, Secundum Philosophos id quod primo occurrit memoriæ antequam alij motus facti sunt in ipsa, magis profundatur in memoria & magis tenetur: si igitur illud memoriæ commendandum erat, ut dicitur in littera, videtur eo ipso quod ante alia dandum erat discipulis, & non vltimo.

Solutio.

SOLUTIO. Dicendum, quod in veritate, sicut probat Magister in littera, aliter est de institutione huius sacramenti, & aliter de frequentatione fidelium: institutioni enim conueniebat ut post cenam immediate ante Passionem institue-

retur: frequentationi autem, ut in reuerentiam & diiudicationem tanti cibi & sobrietatem deuotionis ante prandium percipiatur & celebretur: sicut enim dicit Apostolus 1. Cor. 11. Qui manducat & bibit indigne, iudicium sibi manducat & bibit, non diiudicans corpus Domini. Vnde ille cibibus diiudicandus est, ut dicitur in littera, & discernendus ab aliis cibis: & ad hoc exigitur vigor & sobrietas rationis: ratio autem post prandium propter fumos ad cerebrum eleuatos à loco digestionis oppilatur, & minus potens efficitur in discernendo, & impeditur deuotio: & etiam vix potest esse quod non subrepat aliqua delectatio ad minus venialis in cibo, ex qua etiam efficitur homo minus idoneus: & ideo salubriter institutum fuerat, ut ante prandium frequentaretur. Causæ autem quare Dominus non tantum post prandium, sed etiam post cenam instituit, sufficienter tanguntur in littera.

AD PRIMUM ergo dicimus, quod Dominus non innuit per hoc, quod post cenam frequentaretur: sed in littera habetur quibus de causis post cenam instituit, ut deinceps ante prandium frequentaretur.

AD ALIUD dicendum, quod hoc est verum in illis ubi separatæ sunt instructio Magistri & discipuli: sed si Magister in discipulo statuit, ut primæ operationi Magistri quam per se facit secundum intentionem non contrarietur, tunc obediendum est discipulo sicut Magistro.

AD ALIUD dicendum, quod saturitas contrariatur sumptioni Eucharistiæ ex incongruitate & inconformitate: cum autem etiam ante prandium fides supponat non ad nos conuertendum corpus Christi, sed nos ad ipsum, satis euidens est quod nunquam sumitur propter indigentiam corporalem.

AD ALIUD dicendum, quod maxima præparatio exigitur ad hoc sacramentum: & ideo oportet non tantum abstinere ab illicitis, sed etiam à licitis tanto sacramento non congruentibus: & hoc attendens Ecclesia statuit, ut fideles ieiuni ad sacramentum accedant: & ideo peccat pransus accipiens, non quidem prandendo, sed quia contra rationabilem Ecclesiæ prohibitionem accipit pransus tantum sacramentum.

AD ID quod vltius quæritur de causis datis in littera, dicendum quod optimæ sunt: & una sumitur ex parte ordinis veritatis ad umbram: alia autem ex parte ingratitudinis dilectionis in signo Passionis & Eucharistiæ nobis exhibitæ: de illa enim dilectione qua passus est pro nobis, & seipsum in cibum pro nobis dedit, obliuisci est damnabilis ingratitudinis.

Ad quæ-  
stionem  
lam.

AD PRIMUM ergo quod contra obiicitur, dicendum quod licet baptismus sit primum sacramentum ex parte sui effectus in nobis: non tamen est primus ex parte operantis in sacramentis omnibus: operans enim in sacramentis omnibus est Passio Christi & passus Christus: hoc autem, ut prius dictum est, recolitur in hoc sacramento specialiter.

AD ALIUD dicendum, quod baptismus habet rem, quæ est nouitas vitæ spiritualis: & hæc exemplariter ostensa est in Resurrectione: & ideo magis conueniebat institui formaliter post Resurrectionem, quam immediate ante Passio-

nem;



nem : & de hoc satis quæsitum est in tractatu de baptismo.

AD ID autem quod obiicitur contra secundam causam, dicendum quod licet baptismus sit necessarius propter hoc quod est sacramentum spiritualis vitæ, & ianua sacramentorum, tamen non est frequentandus : quia datur contra originale quod tantum vnum est, & semel inficit animam : & ideo non oportuit esse memoriam illius. Sed in hoc sacramento exigitur frequentia, eo quod dicit Bernard. in epistola ad Chartusien. quod est memoriale amici nostri abeuntis pro nobis ad Passionem : cuius nunquam debemus esse immemores.

AD VLTIMUM dicendum, quod notum est quod prima magis profundatur in memoria ad retinendum, sed ad frequentandum super quæ redeat semper animus, commemorantur vltima : quia illa sunt quasi eminentia in mente quæ se memoriæ & meditationi per se citius offerunt : sicut in simili possumus videre, quod docet Tullius fortiores allegationes Rhetorum ponendas esse in fine : ut illæ eminentius aliis formis, quæ sunt in anima iudicis, magis se præsentent meditationi & rationi iudicis.

## ARTICVLVS X.

*An hoc sacramentum post prandium celebretur, & quæ comestio siue potatio arceant à perceptione sacramenti?*

SED adhuc vltius quæritur, Vtrum post prandium possit celebrari hoc sacramentum : Videtur autem, quod non : quia dicit Apostolus 1. Corinth. 11. Iam non est Dominicam cœnam manducare. Vnusquisque enim suam cœnam præsumit ad manducandum. Aliud autem non est manducare, & aliud non debet manducari : quod enim non est manducare, non contingit manducare : & hoc ideo, quia non conficitur, vel quia non est præsto ad manducandum : ergo videtur, quod non conficitur post prandium.

*Sed contra.* SED CONTRA hoc est : quia ad sacramentum non exigitur nisi forma & materia, & ex parte conficientis ordo & intentio : ergo istis suppositis videtur, quod sacramentum conficiatur : ergo post prandium & ante prandium conficitur, ut videtur.

*Quæstion- cula 1.* VLTIERVS quæritur, Quæ comestio arceat à perceptione corporis & sanguinis Domini? Dicunt enim medici, quod quædam sunt medicina & non cibus, & quædam cibus & non medicina, quædam autem cibus & medicina simul : quærat ergo si aliquis sumeret ea quæ sunt medicina & non cibus, quæ potius exhauriunt corpus quam conuertantur in corpus, vtrum ille possit sumere corpus Domini? Et videtur quod sic : quia non sumpsit cibus : & nihil aliud impediabat eum : ergo ex talibus non impeditur, ut videtur.

2 Item, Talia, ut dicunt, non solvunt ieiunium : ergo non impediunt celebrationem vel communionem.

*Sed contra.* SED CONTRA : Ex talibus bene prouocantur fumi & vapores ad cerebrum : ergo impediunt rationem à discretionem & iudicio debito

D. Alber. Mag. in Lib. 4. Sentent.

huic cibo : ergo videtur, quod impediunt à celebratione & communionem.

VLTIERVS quæritur de potantibus aquam, *Quæst. 2.* vtrum ipsi à celebratione & communionem arceantur? Videtur quod non : quia simpliciter aqua non nutrit : ergo ieiunium non soluit, nec impedit celebrationem.

2 Item, Hoc dicunt quidam Doctores iuris in suis apparatus, quod non impediunt à celebrationem potus aquæ.

SED CONTRA : Licet aqua in quantum *Sed contra.* huiusmodi non nutriat : tamen per actum humidi vehiculum est cibi : aut ergo vehit cibum commixta cibo, aut non. Si non commixta : ergo aqua pura fluere & reflueret ad membra, & super illam cibus, quod falsum est & absurdum : ergo vehit cibum commixta ei : commixta autem cibo conuertitur ad membra & corpus substantialiter : ergo aqua nutrit : ergo soluit ieiunium, & impedit à celebratione & communionem, ut videtur.

SOLVTIO. Sine præiudicio sententiæ *Solutio.* maiorum dicendum videtur mihi ad primum, quod si aliquis habens ordinem & intentionem seruando formam & materiam huius sacramenti, conficit post prandium quod confectum est : sed peccat mortaliter veniens contra Ecclesiæ Catholice & Apostolicæ institutionem.

AD ID autem quod contra obiicitur, dicendum videtur, quod Apostolus dicit ibi, non est, id est, non debet : & non in eo sensu quod non esset si conficeretur.

AD ID autem quod vltius quæritur, dicendum quod meo iudicio omnis cibus quem communiter & vsualiter cibum vocamus, hoc est, qui transit in ventrem, & si non conuertatur ad corpus, impedit celebrationem.

AD ID quod contra obiicitur, dicendum quod non est tantum institutum propter refectionem, quia resectio nullum malum est : sed etiam propter corporis virium & animæ turbationem, quæ tanti sacramenti perceptioni non congruit : corpus autem & vires animæ magis quandoque turbantur in eo quod est medicina & non cibus, quam in eo quod est cibus : & ideo post susceptionem talium non est celebrandum sacramentum : infirmi tamen quibus non est lex posita, possunt in hora necessitatis sumere, siue post prandium, siue ante prandium.

AD ALIUD dicendum, quod aliud est de ieiunio : quia hoc fit ad corporis afflictionem : & ideo turbatio sensuum ieiunio non contrariatur. & ideo conceditur à quibusdam, quod talia ieiunium non soluant.

AD ID quod vltius quæritur de potu aquæ, *Ad quæstion- cula 2.* dicendum mihi videtur, quod non est celebrandum post aquæ potum : quia materialiter etiam conuertitur in cibum, & multiplicat fumos ad caput.

AD ID autem quod contra obiicitur, dicendum quod simplex aqua manens simplex, non nutrit : sed per calorem digestiui commiscetur cibo qui est in stomacho : & tunc nutrit, sicut ostendunt opera rusticorum qui miscent eam fimo quando volunt irrigare plantas : & tunc, sicut Philosophus dicit, incipit sic immixta esse nutrimento. Et quod in plantis fit extra per artificium, in homine fit intra per naturam melius commiscentem.

AD ALIUD dicendum, quod aliud est ieiunium



ieiunium simplex, aliud ieiunium solita reputatione Ecclesiæ: aqua enim absque dubio soluit ieiunium simplex: sed quia iuuamentum eius est modicum, ideo ab Ecclesiâ non solui ieiunium ex potu aquæ reputatur.

AD ALIUD dicendum, quod Iurisperiti non habent loqui de hoc, sed potius Physicus vel Medicus: sed Theologus hoc accipiens à Medico habet determinare, utrum conficiendum sit post potum aquæ vel non.

### De sacramento & re.

**D** VNC quid ibi sacramentum sit, & quid res, videamus. Sacramentum est inuisibilis gratiæ visibilis forma. Forma ergo panis & vini quæ ibi videtur, est sacramentum, id est, signum sacræ rei: quia præter speciem quam ingerit sensibus, aliquid aliud facit in cognitionem venire. Tenent ergo species vocabula rerum quæ ante fuerunt, scilicet panis & vini. Huius autem sacramenti gemina est res: una scilicet contenta & significata, altera significata & non contenta. Res contenta & significata est caro Christi, quam de Virgine traxit, & sanguis quem pro nobis fudit. Res autem significata & non contenta est vnitas Ecclesiæ in prædestinatis, vocatis, iustificatis, & glorificatis. Hæc est duplex caro Christi, & sanguis. Vnde Hieronymus, Dupliciter, inquit, intelligitur caro Christi & sanguis eius: vel illa quæ crucifixa est & sepulta, & sanguis qui militis lancea effusus est: vel illa spiritualis ac diuina, de qua ipse ait, Caro mea vere est cibus, & sanguis meus vere est potus. Et, Nisi manducaueritis carnem meam, & biberitis meum sanguinem, non habebitis vitam in vobis. Sunt ergo hic tria distinguenda. Vnum, quod tantum est sacramentum: alterum, quod est sacramentum & res: & tertium, quod est res & non sacramentum. Sacramentum & non res est species visibilis panis & vini. Sacramentum & res, caro Christi propria & sanguis. Res & non sacramentum, mystica eius caro. Porro illa species visibilis, sacramentum est geminæ rei: quia vtramque rem significat, & vtriusque rei similitudinem gerit expressam. Nam sicut panis præ cæteris cibis corpus reficit & sustentat, & vinum hominem lætificat atque inebriat: sic caro Christi interiorem hominem plus cæteris gratiis spiritualiter reficit & saginat. Vnde, Calix meus inebrians quam præclarus est. Habet etiam similitudinem cum re mystica, quæ est vnitas fidelium: quia sicut ex multis granis conficitur vnus panis, & ex pluribus acinis vinum in vinum confluit: sic ex multis fidelium personis vnitas Ecclesiastica constat. Vnde Apostolus, Vnus panis, & vnum corpus multi sumus, &c. Vnde Augustinus, Vnus panis & vnum corpus Ecclesia dicitur, pro eo quod sicut vnus panis ex multis granis, & vnum corpus ex multis membris componitur: sic Ecclesia ex multis fidelibus charitate copulante connectitur. Hoc mysterium pacis & unitatis nostræ Christus in sua mensa consecrauit: qui accipit hoc mysterium unitatis, & non tenet vinculum pacis, non accipit hoc mysterium pro se, sed contra se. Cuius etiam sacramentum est corpus Christi proprium de Virgine sumptum: quia ut corpus Christi ex multis membris purissimis & immaculatis constat: ita societas Ecclesiastica ex multis personis à criminali macula liberis consistit. In cuius rei typo facta est arca Domini de lignis Sethim, quæ sunt impuribilia, & albæ spinæ similia.

Aug. de  
ciu. Dei.  
10. c. 5.

Cōmen-  
tario ad  
1. cap.  
epist. ad  
Ephes.  
Ioan. 6.

Psalm. 22.

1. Cor. 10.

De sa-  
cramen-  
tis fide-  
lium.

De cōse-  
dist. 2.  
c. Quia  
passus.  
Eph. 4.



ARTICVLVS XI.

*An Eucharistia sit etiam sacramentum  
an non?*

**D**Einde quæritur de hoc quod dicit *ibi* [Nunc quid *ibi* sit sacramentum] Hic incidunt tria quærenda, quorum primum est, An sit sacramentum: quia hoc Magister supponit. Secundum, quid sit *ibi* sacramentum & quid res, & quid sacramentum & res? & hoc tangit in litera. Tertium est consequens ad hoc, scilicet utrum sit sacramentum vnum, vel plura?

Ad primum proceditur sic: Omne sacramentum efficit quod figurat: sacramentum in Eucharistia non efficit quod figurat: ergo id quod est signum vel sacramentum tantum (ut dicit in litera) non est sacramentum nouæ legis ad minus. Prima supponitur ex habitis supra in principio libri. Secunda autem probatur ex hoc quod species panis & vini, quæ sunt signa, nihil efficiunt: ergo videtur, quod sequatur conclusio.

2 Si forte dicas, quod efficere est agere, & actio non debetur materiæ, sed formæ: species autem panis & vini materialia sunt in sacramento: & ideo non debetur eis actio, sed formæ sacramenti. Contra: In baptismo & confirmatione video, quod ad minus materia habet actum corporalem in quo spiritalis actus sacramenti intelligitur: aqua enim sordes lauat, in quo accipitur ablutio peccatorum: & chrisma propter balsamum impuribile reddit id quod se perungitur, in quo intelligitur constantia confirmati: species autem panis & vini cum sint accidentia, nullam habent similitudinem cum actu nutriendi spiritaliter, quia accidens non nutrit: ergo videtur, quod nullo modo sit sacramentum tantum.

*Quæstio-  
cula.* VLTERRIVS quæritur de corpore Christi vero, Vtrum ipsum sit sacramentum? Et videtur, quod nullo modo sit sacramentum: quia non est visibile vel sensibile: cum igitur sacramentum sit visibile & corporale elementum, extrinsecus oculis suppositum, &c. videtur non esse sacramentum.

2 Præterea, Sacramentum nouæ legis efficit quod figurat: corpus Christi verum non videtur efficere quod figurat: ergo corpus Christi verum non est sacramentum nouæ legis. Prima patet ex habitis sæpius. Maior probatur ex hoc quod effectus non est ante efficiens: sed corpus Christi mysticum & vnitas eius fuit ante corpus Christi verum: ergo non est effectus eius, ut videtur.

3 Præterea, In aliis sacramentis efficitur aliquid in nobis: ergo & in isto: sed corpus Christi mysticum non est aliquid in fidelibus, sed potius Christi fideles: ergo non est effectus sacramenti, sed potius res, ut videtur. Si autem dicas, quod res est signata, non causata, nec contenta (ut quidam dicunt, & sicut videtur dici in litera) tunc sequitur, quod respectu illius non debet determinari Eucharistia esse sacramentum nouæ legis: quia veteris legis sacramenta bene habebant res signatas non contentas, sicut & nouæ legis sacramenta.

*Solutio.* SOLVTIO. Absque ambiguitate dicendum, quod Eucharistia non tantum sacramentum est, sed etiam sacramentum sacramentorum, ut consequenter probabitur.

AD PRIMVM autem dicendum, quod in veritate, sicut dicit Magister in litera, & Hugo de sancto Victore, in hoc sacramento tria sunt, quorum primum est sacramentum in ratione signi tantum, scilicet species panis & vini. Secundum est sacramentum & res, & signum & causa tertij, & hoc est corpus Christi verum. Tertium est res tantum, & est virtus secundi, & signatum primi & secundi, & hoc est vnitas corporis mystici.

AD ID ergo quod obiicitur, quod species nihil efficit, dicendum quod non oportet, quod species materialis sit effectiua, sed significatiua, secundum quod dicit solutio posita in obiectione.

AD ID quod obiicitur contra solutionem hanc, dicendum quod est accipere speciem dupliciter, scilicet secundum id quod est, & in cōparatione & relatione ad id quod continet, & cuius fuit ut subiecti. Si primo modo: tunc verum est, quod est accidens, & non nutrit. Sed si secundo modo: tunc continet cibum spiritualement, ad cuius actum ponit signum per hoc quod est accides proprium panis corporalis & naturalis, in quo fuit ut in subiecto ante conuersionem: & ideo secundū quosdam adhuc retinet post conuersionē aliquem actum panis: de quo tamen infra manifesta erit quæstio. Et hoc modo ponit similitudinem ad refectionem spiritualement, quæ nos vnit corpori Christi mystico.

AD ID quod vltterius quæritur de corpore Christi vero, dicendum quod est sacramentum & res, & est causa & signum vnitatis corporis Christi mystici, & signatum & effectum primi, ut panis & vini cum forma transsubstantiante.

AD ID autem quod contra obiicitur, dicendum quod effectus sacramenti huius non est corpus mysticum (& obiectiones illæ proueniunt ex mala intelligentia literæ) sed potius vnitas corporis mystici. Vnitas autem illa efficitur multis modis, scilicet per spiritum vnientem, & per effectū virtutum compingentium & connectentium & vnientium, sicut tangit Apostolus Ephes. 3. Et hoc modo vnitas corporis Christi mystici præcedit corpus Christi verum. Sed alia est vnitas ex gratia sacramentali secundum quam hoc sacramentum conuertit ad se, & vnit sibi quodlibet cibatum in isto sacramento: in hoc enim quod vnit quodlibet sibi, vnit omnes adinuicem: quia quæcunque vniuntur vni & eidem, inter se etiam vniuntur: & hoc modo vnitas est effectus corporis Christi veri, & sequitur ipsum sicut effectus suam causam. Per hoc etiam patet solutio ad vltimum, quod est efficere corpus Christi mysticum dupliciter: scilicet materialiter, & sic non est effectus alicuius sacramenti nisi forte matrimonij. Et est efficere vnitatem corporis quoad gratiam spiritualement ratione cibi ad se conuertentis: & hoc modo efficitur à sacramento vnitas corporis Christi mystici, & dicit gratiam contentam in fidelibus sumentibus corpus

Christi verum, & non  
iplos fideles.

\* \*



## ARTICVLVS XII.

*Quid sit sacramentum, quid res, &  
quid sacramentum & res  
simul?*

Secundo quæritur, Quid sit hic sacramentum, & quid res tantum? Videtur autem, quod species visibiles panis & vini non possunt esse sacramentum tantum: id enim quod est sacramentum tantum, expressionem signi habet ad id quod est sacramentum & res, & ad id quod est res tantum: sed species panis & vini non videntur habere talem rationem signi: ergo non sunt sacramentum. Prima constat ex prius habitis. Secunda probatur ex hoc quod panis & vinum sunt corpora homogenia: talia autem non habent similitudinem cum heterogenio, sed potius oppositionem quandam: ergo non significabunt istud.

2 Præterea, Cum maior sit similitudo naturalis ad naturale, quam artificialis ad naturale, videtur quod id quod est signum corporis Christi veri quod est corpus naturale, debuit esse naturale corpus, & non artificiale: ergo videtur, quod non debet esse species panis cocti & vini expressi.

3 Item, Dicit Hugo de sancto Victore, Cum vnum sit sacramentum, tria sibi discreta proponuntur, species scilicet visibilis, & virtus corporis, & virtus animæ spiritualis: & primum est signum secundi: secundum autem causa tertij: tertium autem effectus secundi, & signatum primi. Ergo videtur, quod primum habeat rationem significandi & respectu secundi, & respectu tertii. Cum ergo conuenientissima debeant esse signa Noui Testamenti, & signa veritatis, videtur quod magis signum debuit poni in heterogenio: quia heterogenium exprimit compositionem organorum in corpore vero, & vnitatem diuersorum fidelium in corpore mystico, quorum neutrum videtur esse in corpore homogenio.

*Solutio.*

SOLVTIO. Dicendum per auctoritatem Damasceni qui dicit, quod quia hominibus moris erat aqua lauari, & oleo vngi, coniunxit oleo & elementis Spiritus sancti gratiam, ut efficeretur sacramentum spiritualiter lauans & spiritualiter vngens. Et quia hominibus moris erat uti pane in cibo, & vino in potu, fecit de his corpus & sanguinem suum vnitum deitati, & ministravit in cibum spiritualem. Et ideo in aliis non adeo vniuersaliter & conuenienter inueniretur ratio significandi cibum spiritualem.

AD ID autem quod obiicitur primo, supra etiam obiectum & solutum est in quæstione de forma corporis Christi. Et dicendum, quod duo sunt in pane, scilicet ratio cibi, & materia ex qua fit ratio cibi: una est magis in homogenio quam in heterogenio: & quia corpus Christi cibus est vniuersaliter & simpliciter, quoad hoc magis conuenit homogenium quam heterogenium. Si autem materialiter consideretur: tunc conficitur ex multis granis discretis, & quoad hoc habet similitudinem cum operatione organorum corporis Christi veri, & cum aggregatione fidelium. Et quia vtrumque significari oportet in materia Eucharistiæ, propter hoc oportuit habere vtrumque

quodammodo, scilicet heterogenium in materia panis, & homogenium in esse panis confecti, propter vnam in toto Christo rationem cibandi: & eadem ratio est de vino.

AD HOC autem quod obiicitur de artificiali, dicendum quod Christus passus & passione nobis excoctus significatur in Eucharistia. In passione autem fuit opus hominis, & quoad hoc habet similitudinem opus artis, quod est opus voluntatis hominis in quo panis se habet ut patiens: & hanc expositionem tangit Magister Hugo de sancto Victore in quadam Epistola ad Bernardum de epistola paschali: & ideo Christus dicitur azymus synceritatis, eo quod est excoctus in innocentia passionis. Et per hoc patet solutio & responsio ad totum.

## ARTICVLVS XIII.

*An sacramentum sit vnum vel  
plura?*

Tertio quæritur, Vtrum sit vnum sacramentum vel plura: & hoc est difficilius. Et obiicitur sic: Dicitur in collecta beati Greg. Purificent nos quæsumus Domine sacramenta quæ summissimus. Ergo sunt plura sacramenta.

2 Item, Perficiant in nobis quæsumus Domine tua sacramenta quod continent. Cum ergo non loquatur nisi de sacramento Eucharistiæ, videtur quod sint plura sacramenta.

2 Item, In auctoritate Hugonis supra posita quæ dicit, quod tria discreta in hoc sacramento proponuntur: tria autem discreta sunt plura: ergo hoc sacramentum est plura sacramenta, ut videtur.

4 Item, Esse signum est ad alterum: ergo si multiplex est signum, multiplex erit sacramentum: & si multa signa, multa erunt signata: sed hic duo sunt signa, scilicet species panis, & species vini: & corpus Christi mysticum, & corpus Christi verum sunt plura signata: ergo plura sacramenta. Si dicas, quod vnum horum sacramentorum ordinatur ad alterum. Contra: Species panis non ordinatur ad speciem vini, licet hæc ambo ordinentur ad corpus & sanguinem Christi: sed species panis & vini sunt plura signa, & corpus Christi verum & mysticum sunt plura signata: ergo plura sacramenta. Si dicas, quod corpus Christi verum & sanguis non sunt diuersa, sed vnum: & ideo non respondent eis plura, sed vnum, & ab illo vno signato est sacramentum vnum, sicut fere ab omnibus dicitur. Contra: Aliud est sanguinem esse simpliciter, & aliud est virtute sacramenti sanguinem Christi haberi in altari: & similiter est de corpore: sed cum fit confectio corporis Christi, virtute sacramenti non habetur sanguis, ut patet ex supra disputatis: & cum conficitur sanguis, virtute formæ sacramentalis non habetur corpus: ergo verum corpus & verus sanguis, licet vnita sint naturaliter, tamen sacramentaliter diuisa sunt: & hoc modo sunt signata speciei panis, & speciei vini: ergo hoc modo sunt plura signata, & secundum virtutem sacramentalis formæ diuisa: ergo plura erunt signa sacramentaliter: ergo plura sacramenta, ut prius.

5 Item, Nihil videtur esse quod dicitur communiter,



munitur, quod ab unitate ultimi signati sit sacramentum vnum: non enim aliqua ratio vnionis respectu præcedentium est vltima, vt videtur: quia prima præcedunt ipsum, & ideo etiam si prius sunt plura, & cum ipso sunt plura: & si ante sunt vnum, etiam cum illo sunt vnum.

6 Item, Causa vniuersalis & particularis confluunt in vnum effectum vltimum, sicut patet, cum dicitur quod homo generat hominem ex materia & sol: sol enim est causa vniuersalis generationis, non huius hominis tantum, & homo causa particularis generationis hominis huius, non vniuersalis generationis: & tamen propter illud vnum quod efficiunt, non efficiuntur homo & sol causa vna, sed remanent plures causæ: ergo videtur, quod ab unitate vltimi effectus non efficiantur præcedentia illum effectum vnum, sed remanent plura.

7 Item, Vnum (vt dicit Philosophus) sequi esse: & à quo est esse, & ab eo est vnum: quia à forma est vtrumque: igitur vbi plura sunt dantia esse, plures sunt unitates, & plura vna, vt ita liceat loqui: sed in hoc sacramento sunt plura esse, quia plures formæ: ergo plura vna: ergo plura sacramenta, vt videtur.

8 Item, Quæ nec genere nec specie conueniunt, illa sunt plura simpliciter: signa quæ sunt in hoc sacramento, nec specie nec genere conueniunt: ergo sunt simpliciter plura. Prima patet per se. Secunda probatur ex hoc quod species panis visibiles sunt signa corporis veri, vinum etiam signum est corporis mystici: & hæc signa nec sunt in eodem genere proximo, nec in eadem specie: ergo simpliciter plura. Item, Signata etiam plura sunt. Probatio. Id quod est simpliciter vnum, non est idem ei quod est vnum secundum quid, scilicet aggregatione tantum: sed corpus Christi verum est simpliciter & naturali unitate vnum, Corpus autem Christi mysticum est vnum secundum quid & aggregatione tantum: ergo non sunt idem. Cum ergo nec vnitas sit in signis, nec vnitas in signatis, videtur sacramentum istud simpliciter esse plura, & non vnum.

9 Item, Ex duobus perfectis in eodem genere existentibus non fit vnum: sed Christus perfectus est sub ratione panis, & perfectus sub forma vini: ergo vtroque perfectus: ergo non fit vnum ex eo quod est ibi & ibi: ergo plura remanent sacramenta.

10 Item, Nos videmus, quod vnitas signati in impositione nominum quæ sunt signa rerum, non facit idem nomen, nec diuersitas facit diuersitatem: quia Marcus, Tullius, Cicero, sunt diuersa nomina & idem significant: & albus, alba, album, sunt idem nomen, & diuersa significant: ergo à simili idem erit in sacramentis: quia vnitas signati non facit unitatem signorum, nec diuersitas diuersitatem: ergo videtur iterum, quod nihil sit dictum, quod licet hic sint species diuersæ & signa diuersa, quod tamen hæc sint vnum sacramentum propter unitatem signati.

*Sed contra.* Si propter hoc dicatur, quod ista sunt plura sacramenta. Contra: Supra probatum est, quod sacramenta nouæ legis non sunt nisi septem: sed si istud est plura, erunt plura quam septem: ergo istud non est nisi vnum.

1 Item, Vnum sacramentum est, quod est

vnus gratiæ effectuum: sed vnicam gratiam efficit hoc sacramentum, quia unitatem corporis Christi: ergo est vnicum sacramentum, & non plura.

3 Item, Ambrosius dicit, quod sacramentum simplex est: simplex autem non est plura: ergo istud sacramentum est vnum, & non multa.

*Solutio.* Distinctio quorundam præcedentium nos Doctorum fuit, quod est aliquid simpliciter vnum, sicut id quod vnus est formæ & vnus materiæ & vnus effectus, vt baptizmus: & est aliud simpliciter multa: vt duo vel tria sacramenta quæ habent differentes formas & materias & effectus. Est autem medium horum vnum multipliciter, quod multis materiis & formis efficit vnum effectum: & ad hoc reducerunt istud sacramentum. Sed hæc distinctio non placet, pro tanto quia vnus effectus non efficitur à duabus causis æque proximis, nisi altera sit imperfecta: & cum gratia non sit imperfectior quam natura, etiam in gratia mihi videtur absurdum dici, quod vnus omnino effectus à duabus causis æque proximis efficiatur. Et ideo videtur dicendum sine præiudicio, quod istud sacramentum est simpliciter vnum, sicut & alia: sed tamen propter modum gratiæ quam efficit, sunt in ipso materialiter plura. Et ratio huius lucidius patebit in soluendo obiectiones.

DICENDUM ergo ad prima tria, quod respiciunt ea quæ materialia sunt in sacramento. Et ideo dicunt sacramenta, pluralem numerum connumerando: non tamen dicunt plura sacramenta, significando pluralem numerum vt conceptum, vel duo, vel tria sacramenta, signando pluralem numerum in distinctione exercita. Si autem obiicitur, quod Magister Hugo dicit tria in hoc sacramento esse, & ita discretionem exercitam significare, dicendum quod ipse significat eam oblique. Vnde dicit, quod cum sit vnum sacramentum, tria sunt in eodem discreta: & ideo discreta referuntur ad materiam sacramenti, quæ tamen terminantur vna forma: sicut etiam distinctio membrorum corporis terminatur unitate formæ totius, & corpus ab illa est simpliciter vnum: habet tamen in se plura membra materialiter.

AD ALIUD dicendum, quod in veritate esse signi est non ad aliud, sed ad idem: alio tamen modo refertur signum speciei panis & speciei vini, & tamen vnica relatione, quod tamen mirabile videtur: sed bene concedo si plura pluribus relationibus referrentur ad idem vel diuersa, quod erunt simpliciter plura. Idem autem ad quod refertur, est vnitas corporis, sed non eodem modo: quia species panis habet relationem conuenientiam ad vnionem ad caput, vt membra ad caput colligantur, sicut etiam panis conficitur ex multis granis: species autem vini ad gratiam redemptionis quæ vnit per descensum à capite: vt quasi relatio nostri ad caput in pane significatur, & relatio sui ad nos per redemptionem sanguinis ministrati significaretur in sanguine: & sine his duobus non est perfecta vnio. Et hoc notatur cum dicit, Qui manducat meam carnem & bibit meum sanguinem, in me manet, & ego in eo Ioan. 6. Vna autem relatione referuntur istæ species: quia illa relatio est relatio signi: sicut autem dicit Augustinus in lib. de doctrina Christiana,



na, Signorum autem alia sunt naturalia, & alia ad placitum, & alia ab institutione diuina. Et verum est, quod quantum est ex similitudine naturali non est relatio vna in specie panis & vini, quia similitudo illa respondet diuerso modo unitati perfectæ: sed ab institutione quæ principalis causa est in sacramentis, quare significant & causant, habent relationem vnā: quia ab institutione sunt instituta ad idem significandum diuersimode. Et per hoc patet solutio fere ad omnia obiecta: & hæc est radix totius veritatis in hoc articulo quæstionis.

AD ALIVD dicendum, quod sacramentaliter non sunt omnino diuisa corpus Christi, & sanguis: quia sunt ad idem efficiendum, scilicet corporis mystici vnionem, licet diuersimode, vt dictum est.

AD ALIVD dicendum, quod prima non omnino sunt diuersa: quoniam in vno sunt quatuor ab institutione quæ principaliter prima est: sed notum est, quod si in nullo antecedentium vnirentur, tunc non possent vniri in vltimo.

AD ALIVD dicendum, quod non est simile de causa particulari & vniuersali: quia illæ in nullo vniantur per substantiam, sed tantum in effectu, qui posterior est vtrique causarum: sed hæc institutio præcedit omnia, & vnit ea in vno.

AD ALIVD dicendum, quod non sunt simpliciter plures formæ in hoc sacramento: & ideo sicut alia est forma partis, & forma totius: ita alia est forma totius & alia forma partis sacramenti: vtrique enim formarum relata ad unitatem institutionis, simul confert esse completum sacramento: sed quando diuisim accipiuntur, sunt materiales, & non conferunt esse completum sacramento secundum quod est sacramentum, licet conferant completum Christum, vt iam inferius patebit. Et ideo relata ad unitatem institutionis qua Christus intendit vnum instituere sacramentum, non conferunt nisi vnum esse & unitatem vnius sacramenti.

AD ALIVD dicendum, quod est accipere id quod facit genus sacramenti & speciem, & est ac-

cipere id quod facit genus naturæ vel speciem: & de genere naturæ procedit obiectio, sed de faciente esse signi secundum quod est sacramentum non procedit: quia sic sunt in eodem tantum genere & specie, sed etiam numero, vt dictum est prius. Similiter signata non sunt in eodem modo unitatis naturæ, sed tantum in esse sacramenti vnum ordinatum est ad alterum, sicut signum & causa ad effectum signatum & causatum.

AD ALIVD dicendum sine præiudicio, quod duplex est perfectio, scilicet Christi, & sacramenti secundum quod venit in vsum fidelium, & perficit & signat perfectam unitatem corporis mystici. Primo modo verum est, quod Christus perfectus est sub vtraque specie, scilicet panis, & vini: sed secundo modo videtur mihi falsum: quia non perfecte causatur & signatur vsum fidelium & unitas corporis mystici, nisi duplici signo, vt prius dictum est: & ideo virtute sacramenti oportet haberi vtrumque: & hæc unita in vna institutione & vno signo, licet modi unitatis sint diuersi, vt prius dictum est.

AD ALIVD dicendum, quod non est simile de nominibus, & signis institutis à Deo ad gratias sacramentales significandas: quia licet quandoque idem sit cui imponuntur plura nomina, non tamen instituens imponit ab eodem: quia cum nomen significet substantiam cum qualitate, ad qualitatem respicit instituens, & hoc quoad Grammaticum sufficit, si habeat etiam modum diuersum ad diuersam institutionem: & ideo plura nomina à talibus modis qualitatibus imposita, possunt esse eiusdem: & quia etiam vna qualitas & modus est in diuersis, fit vna institutio ad diuersa significata per idem nomen in consignatis variatum, sicut albus alba album. Sed non fit sic in institutione signi sacramentalis: ibi enim respicitur perfecta significatio vnius gratiæ, licet diuersus sit modus participandi eam: & ideo est vna institutio super omnia illa quæ valent exprimere vim illius gratiæ: & omnia illa vniantur in institutione illa: & per hoc patet solutio ad omnia.

## DISTINCTIO IX.

### De duobus modis manducandi.


De verbis Domini, & habetur de cōse. dist. 2. c. Quid est Christum.



**E**T sicut duæ sunt res illius sacramenti, ita etiam duo modi manducandi. Vnus sacramentalis, scilicet quo boni & mali edunt: alter spiritualis, quo soli boni manducant. Vnde Augustinus. Quid est Christum manducare? Non est hoc solum in sacramento corpus eius accipere: multi enim indigne accipiunt: sed in ipso manere, & habere ipsum in se manentem. Spiritualiter enim manducat, qui in unitate Christi & Ecclesiæ quam sacramentum significat,



significat, manet. Nam qui discordat à Christo, nec carnem Christi manducat, nec sanguinem bibit: etsi tantæ rei sacramentum ad iudicium sui quotidie accipiat. Spiritualem manducationem August. <sup>Tr. 25. super Ioan-nem.</sup> distinguens à sacramentali, ait, Vt quid paras ventrem & dentem? crede, & manducaſti. Credere enim in eum, hoc est comedere panem & vinum. Qui credit in eum, manducat eum. Item, Quo- <sup>Tr. 26. Ioan. 6.</sup> modo manducandus est Christus? Quomodo ipse dicit, Qui manducat carnem meam & bibit sanguinem meum, in me manet & ego in eo. Si in me manet & ego in eo, tunc bibit: qui vero in me non manet, nec ego in illo: & si accipit sacramentum, acquirit magnum tormentum. Item, Nulli ambigendum est tunc quemquam <sup>De remedio poenitentia. De cõse. dist. 2. c. Quo-modo.</sup> corporis & sanguinis Domini participem fieri, quando Christi membrum efficitur: nec alienari ab illius panis calicisque consortio, etiam si antequam illum panem edat & calicem bibat, de hoc seculo in vnitatem corporis Christi constitutus abscedat: quia illius sacramenti beneficio non priuatur, quando ille habere hoc quod illud sacramentum signat inuenitur. In illo enim sacramento corpus & sanguinem suum nobis commendauit, quod & fecit nos ipsos. Nam & nos corpus ipsius facti sumus. Item, Qui discordat à Christo non manducat carnem eius, nec sanguinem bibit: etsi tantæ rei sacramentum ad iudicium sibi quotidie accipit. <sup>De sacramentis fidelium.</sup>



DIVISIO TEXTVS.

**E**T sicut sunt duæ res illius sacramenti] Peractis his quæ pertinent ad substantiam sacramenti huius, tangit de ipso in ista parte secundum comparationem ad celebrantem vel conficientem *ibi* [Post hæc quæritur, si quod gerit sacerdos, proprie sacrificium dicatur] In ista autem parte tangit de sacramento ex parte suscipientis. Et diuiditur in duas partes, in quarum prima tangit duos modos sumendi, & opiniones & errores qui circumstant illos modos. In secunda tangit modum conuersionis, & quædam consequentia modum transubstantiationis illius, sicut de accidentibus, & fractione, & huiusmodi: & hæc incipit *ibi* [Si autem quæritur, qualis sit illa conuersio, &c.] Prima harum diuiditur in duas, in quarum prima continet primum capitulum huius nouæ distinctionis, & tangit duos modos manducandi. In secunda autem ratione auctoritatum inductarum tangit errores qui sunt circa hanc materiam: & hæc incipit *ibi* [Hæc verba & alia huiusmodi de spiritali manducatione] In hoc ergo capitulo probat esse duos modos manducandi, scilicet sacramentalem, & spiritualem. Et de his modis possunt in communem tria quæri. Primum est de distinctione horum modorum. Secundum est de illo modo præcipue qui dicitur spiritalis. Tertium de numero eorum.

ARTICVLVS I.

*An sint duo modi sumendi Eucharistiam, scilicet sacramentalis, & spiritalis, & quomodo distinguantur?*

**A**D primum obiicitur sic: Videtur enim, quod isti modi non sunt distincti ex parte sacramenti, sed ex parte nostra: in baptismo enim semper est acceptio spiritalis effectus, nisi sit fictio impediens. Et ideo baptisimus de se operatur salutem: ergo similiter cum Eucharistia sit sacramentum nouæ legis, semper operatur gratiam spiritualem: ergo sacramentalem in ipso non est distinguere à spiritali.

2 Item, Rex terrenus non est minus potens ubi est per seipsum, quam ubi est per ministerium, sed magis: ergo similiter est de Rege cælesti: sed Christus per seipsum est in sacramento Eucharistia in tribus substantiis & vnitatem personæ, in aliis autem sacramentis tantum virtute Passionis operatur: si ergo susceptio aliorum sacramentorum quantum est de se semper est spiritalis, multo magis erit semper spiritalis susceptio Eucharistia: & sic nulla est distinctio, nisi intelligatur à parte nostra.

3 Item, Operatio sacramenti distinguitur ab operatione virtutis & gratia: quia in sacramentis in elemento corporali diuina virtus secretius operatur salutem: ergo nisi præcedat operatio alicuius elementi corporalis, non contingit venire ad effectum spiritualem: ergo videtur, quod spiritalis modus sumendi nunquam distinguatur à sacramentali.

4 Item, In baptismo licet fictus accedat: non tamen dicimus, quod nihil accipiat de spiritu: quia



quia accipit characterem : ergo multo magis ita erit in sacramento Eucharistia : ergo qui manducat sacramentaliter , manducat spiritualiter : & ita manducatio sacramentalis non distinguitur à spirituali : & sic iterum ibi videtur à parte nostra euacuari distinctio.

5 Item , In litera habetur ab Augustino , Vt quid paras dentem & ventrem? crede , & manducasti. Ergo iste cibus non transit in corpus. Ergo non est elementi corporalis. Cum igitur in omnibus fumentibus sit aliquis cibus , oportet quod sit in omnibus spiritualis : ergo spiritualiter sumere nunquam separatur à sacramentali sumptione : ergo nulla est distinctio.

6 Item , Si est aliquis modus sumendi sacramentaliter tantum , hoc erit ratione alicuius quod fit in sacramento : aut igitur ratione accidentium , & tunc etiam verius sumeret sacramentaliter qui sumeret accidentia : aut ratione veritatis corporis Christi sumpti , & tunc aut veritas corporis transit in ventrem , aut in mentem : non in ventrem , quia hoc negatur in litera : ergo in mentem : ergo menti vnitur , vel mens vnitur corpori Christi , & hoc est spiritualiter sumere : ergo sumens sacramentaliter , sumit spiritualiter , vt videtur : & sic nihil valet distinctio.

7 Si forte dicatur , sicut quidam hoc euadunt , quod spiritualiter sumere est Christo spiritualiter vniri , & in Christo manere. Contra : Vniri Christo non est actus sacramenti : ergo vniri Christo non est sumere sacramentum spiritualiter. Probatio primæ est : quia ante institutionem huius sacramenti vniebantur fideles Christo & corpori mystico. Item , Charitas Dei & proximi vnit Deo & proximo : non tamen omnis habens charitatem sumit rem sacramentalem spiritualiter : ergo videtur , quod ista solutio non est vera. Item , Licet gratia sit res sacramenti spiritualis , non tamen quæcunque gratia , sed illa quæ propriè operatur in sacramentis : effectus autem proprius alicuius rei nunquam habetur , illa re non habita : ergo nunquam habetur effectus sacramenti huius proprius nisi ipso sacramento percepto.

*Solutio.*

SOLUTIO. Dicendum videtur sine præiudicio , quod isti modi distincti sunt quandoque , & quandoque coniuncti. Distincti sunt quando fit perceptio veri corporis Christi sine effectui gratiæ interioris , sed potius nocumēti spiritualis , sicut dicitur in litera in secunda parte distinctionis , quod qui indignus accipit hoc sacramentum , acquirit sibi magnum tormentum. Et iterum , quod bonum malum est , dum male sumitur bonum : & talis modus sacramentalis sumptionis diuisus est à spirituali. Econtra quidam sunt per memoriam vel habitudinem passionis Christi & sacrificij spiritualis se vnientes Christo capiti , & illi sumunt spiritualiter , & non sacramentaliter.

DICENDUM ergo videtur ad primum , quod ista distinctio non est tantum à parte nostra , sed etiam à parte sacramenti : quia sacramentum duplicem habet rem contentam : vnam ex vi consecrationis , quæ est corpus Christi verum quod conficitur extra nos. Aliam habet rem contentam , sicut causa continet in se virtute causatum : & illa est gratia ex parte nostra : & sic non est in aliis sacramentis quæ non habent rem contentam , nisi sicut in nobis causatam : & ideo in illis non est

distinctio duplicis modi sicut in isto. Tamen hoc videtur concedendum , quod licet habeat duplicem rem , vt dictum est , quod tamen non impeditur ab altera illarum quam causare debet in nobis , nisi ex parte nostra.

AD ALIUD dicendum , quod Christus per seipsum in triplici substantia est res contenta in Eucharistia virtute consecrationis , & non est ex suo defectu , quod non inducitur vltior res spiritualis , sed potius ex defectu nostro : sed tamen quia vna harum rerum non dicit aliquid in nobis , nec efficitur in nobis , sed extra nos virtute consecrationis in sacramento , alia autem in spiritu nostro spiritualiter efficitur : ideo discretionis ratio est ex parte rei huius sacramenti aliquo modo , vt dictum est.

AD ALIUD dicendum , quod sine dubio illud argumentum plus habet de probabilitate , quam alia : tamen sine præiudicio dici potest , quod illa obiectio teneret bene in aliis sacramentis , & præcipuè in illis quæ imprimunt characterem : licet enim aliquid suppleat locum sacramenti , tamen aliquis effectus adeo proprius est sacramento , quod non efficitur nisi à sacramento : sed in Eucharistia modus sumendi sacramentalis totus refertur ad spiritualem , & est propter illum : & ideo spiritualis etiam per se operari potest eandem gratiam , licet præsentia Christi in sacramento aliquam ferat delectationem quam non habet in se spiritualis modus manducandi.

AD ALIUD dicendum , quod secus est in baptismo , & in isto : quia baptismus specialem & principalem ordinem habet contra originale quod est ab alio contractum , & ponit hominem in statu fidei qui status est circa fidem informem & formatam , sicut dictum est supra in questione de characterem : & ideo factus recipit characterem apud se manentem. In isto autem recipit verum corpus Christi : eo quod istud non causatur in suscipiente , sed extra : & ideo inidoneitas suscipientis illud non potest impedire.

AD ALIUD dicendum , quod Augustinus loquitur ibi de incorporatione & vnione per incorporationem , & non de præsentia veritatis corporis Christi : tamen postea erit quæstio de hoc suo loco. Vnde puto esse concedendum , quod verum corpus Christi transit in omnem locum , in quem transeunt species , manente specie panis & vini.

AD ALIUD dicendum , quod sacramentalis modus sumendi dicitur ratione præsentia veritatis corporis Christi in sacramento , & bene concedo , quod non transit in mentem : quia Christus homo non illabatur menti : & quod obicitur de transitu in ventrem , iam solutum est.

AD ALIA dicendum , quod spiritualiter sumere est Christo vniri per spirituales effectus huius sacramenti : & hunc quidem non habuit sacramentum antequam esset sacramentum , sed vnio qua vniebantur fideles , fuit vnio charitatis & fidei : postquam tamen sacramentum est , potest per meditationem & deuotionem in anima fieri res sacramentalis , quam Christus operatur spiritualiter coniunctus , eo quod gratiam suam (vt dictum est in principio huius libri) non alligauit sacramentis. Alij dicunt aliter , & forte melius , quod scilicet res sacramenti & vnio dupliciter fit , scilicet gratia sacramentali ; & hanc non habet nisi digne sumens



mens sacramentum : & sic etiam fieri potest in aliquo supplente vim sacramenti , sicut martyrium & poenitentia suppleant vicem baptismi quandoque : & hoc modo rem huius sacramenti suscipiunt fideles per deuotionem & amorem capitis & membrorum . Et per hoc patet etiam solutio ad sequens, & ad vltimum.

## ARTICVLVS II.

*An sit aliquis modus spiritualis sumendi Eucharistiam , & quid sit in tali modo unde dicitur manducatio ?*

**S**ecundo quaeritur praecipue de illo modo qui dicitur spiritualis . Iste enim nullus esse videtur : licet enim dicatur à Sanctis & Magistris, quòd aliqua suppleant locum alicuius sacramenti quantum ad aliquid : non tamen conceditur, quòd sacramentum istud in illis percipitur : baptismum enim nullus percipit in poenitentia , nec in martyrio : ergo videtur, quòd res huius sacramenti similiter nunquam percipitur , nisi per actum sacramenti , licet aliquid loco eius percipi possit.

2 Item , Licet poenitentia suppleat locum baptismi : non tamen possum dicere, quòd poenitens baptizatus est . Cum igitur proprius actus huius sacramenti quod est panis vitae, sit manducari spiritualiter , sicut baptismi baptizari , videtur quòd propter nullam deuotionem debet concedi, quòd aliquis manducet spiritualiter : cum tamen dicatur contrarium in secundo cap. huius distinctionis.

3 Item , Per corporalia venit ad spiritualia in rebus sacramentalibus : ergo vbi non praecessit corporale , nunquam est inuenire spirituale proprium istius sacramenti, vt videtur.

4 Item , Spiritualis modus manducandi , aut operatur omnino idem quod sacramentalis , aut minus operatur . Si omnino idem : cum ergo nobilius sit vno aliquid facere quam duobus, videtur , quòd spiritualis modus sit superuacuis . Si autem operatur minus aliquid quam ille : ergo non est modus sacramenti , sed alicuius quod supplet vicem eius.

*Quaestio-  
nia.*

**P**RAETEREA quaeritur vltius , Quid sit in spirituali modo manducationis , ratione cuius dicatur manducatio ? Videtur autem , quòd nihil : quia in manducatione corporali sunt quatuor, scilicet cibi diuisio , & traectio cibi in locum digestionis , & digestio , & vnio siue incorporatio : nihil autem horum fit in spirituali manducatione Christi : Christus enim non diuiditur , nec transit ad locum digestionis , nec digeritur , nec incorporatur , sed potius nos sibi incorporat : ergo videtur , quòd spiritualis manducatio non est susceptio corporis Christi.

2 Item , Manducatio spiritualis, aut fit qualibet deuotione , aut quolibet actu charitatis , aut quibusdam actibus spiritualibus . Si dicatur, quòd qualibet deuotione fiat , & quolibet actu charitatis : tunc sequitur , quòd haec manducatio fuit ab initio mundi , & fuit antequam esset sacramentum : quod non potest esse : quia cum modus percipiendi rem sacramenti sit post sacramentum , non potuit esse modus percipiendi Eucharistiam

*D. Alber. Mag. in Lib. 4. Sentent.*

spiritualiter , nisi post sacramentum Eucharistiae . Si autem est aliquis spiritualis actus & modus deuotionis & charitatis , quaeratur quis sit actus ille ? Et si dicatur, quòd hoc est charitate offerentis pro nobis pretium mundi in caput Christum & in membra , videtur quòd hoc ab initio fuit mundi : ergo perceptio corporis Christi spiritualis fuit ab initio mundi , quod videtur absurdum.

**S**OLVTIO. Hic multi multa dixerunt : sed videtur mihi sine praedidio dicendum, quòd triplex est modus spiritualis manducationis : vnus est communis, scilicet participatio effectus sacramenti in genere , & non ex eadem causa, vt participatio incorporationis corporis Christi mystici & capitis Christi non ex sacramento , sed ex fide & charitate capitis & membrorum . Et hoc modo ab initio fidelium percipiebatur , & percipitur . Secundo modo magis proprie, scilicet gustus dulcedinis gratiae communionis corporis per meditationem & deuotionem eorum quorum signum est Eucharistia . Et hoc modo etiam percipitur gratia sacramentalis , non ex eadem causa sacramenti , sed ex alia , quia videlicet habet vim eius . Et hoc modo non percipiebatur spiritualiter ante sacramentum , nisi alicui esset reuelatus ritus & significatio sacramenti . Tertio propriissime , scilicet perceptio gratiae communionis corporis mystici , & ex propria causa sacramentali . Et haec manducatio spiritualis nunquam separatur à sacramentali : quia hoc modo spirituale accipitur in sacramento , sicut in vase medicina, & causatum in causa.

**D**ICENDVM ergo ad primum , quòd bene concedendum videtur , quòd in talibus non est perceptio rei sacramentalis proprie loquendo, sed communiter . Et hoc modo videtur esse dicendum ad secundum.

**A**D TERTIVM dicendum, quòd si spirituale accipitur spirituale sacramenti vt sacramenti , tunc videtur mihi , quòd procedit obiectio . Si autem communiter vel secundo modo, tunc patet, quòd non valet.

**A**D ALIVD dicendum , quòd non omnino operatur idem , vt iam patuit : & ideo non sine causa sumitur sacramentum, sed potius cum maxima vtilitate.

**A**D ID quod vltius quaeritur , dicendum quòd illa quae sunt in spirituali manducatione, aliquo modo sunt similia illis quae sunt in manducatione corporali , sed non omnino : quotiescunque enim duo vniuntur , ita quòd alterum debet mutari ad reliquum : tunc potentius mutat ad se id quod est debilius . Vnde cum cibus iste sit potentioris virtutis, quam ipsum manducantes , iste cibus manducantes mutat ad se , sicut dictum est Augustino : Non tu me mutabis in te sicut cibus carnis tuae , sed tu mutaberis in me . Alia etiam ratio huius est : quia si mutaretur ad nos cibus iste , nihil nobis proderet : quia nos nihil sumus nisi per ipsum : & ideo secundum ordinem gratiae oportuit vt nos mutaremur in eum . Vnde diuisio quae est in manducatione corporali , non est nisi referatur ad species : de quo tamen infra distinctione 12. erit tractatus . Sed masticatio aliquid habet simile : sicut enim crebro redeunt dentes super id quod masticatur , ita meditatio frequenti actu discretionis huius cibi & memoria

*L. Passiois*



Passionis operatur aliquid in spirituali manducatione. Traiectio autem cibi ad locum digestionis, non habet propriam similitudinem: sed digestio, quæ secundum Philosophum est completio à naturali & proprio calore ex contrariantibus passionibus, refertur ad nos: quia nos quasi digerimur charitate, & complemur: & separatur in nobis impurum à puro: & tunc sequitur unio ut uniamur cibo quem sumimus.

Sed contra obiicitur: quia videtur alicui ex hoc quod frequenter debet masticari cibus iste, cum hic videatur esse periculum propter rimas dentium in quibus potest aliquid de speciebus adhære. Solutio. Ad hoc dicendum, quod non oportet propter hoc frequentius masticari, sed potius frangi habet per linguam, & deglutiri: sed tamen ex hoc quod masticabiles sunt species, si non esset periculum, satis veniret in memoriam Passionis & charitatis Christi qua dilexit nos cum semetipsum dedit pro nobis.

AD VLTIMUM patet solutio per distinctionem in principio solutionis positam.

## ARTICVLVS II.

*Quare tantum duo sunt modi manducandi prædicti, & penes quid differant?*

**T**ertio quæritur de numero horum duorum. Videtur enim, quod plures sunt quam duo. In sacramento enim sunt tria, scilicet vnum quod est sacramentum tantum, alterum quod est res & sacramentum, & tertium quod est res tantum: ergo his tribus videntur respondere tres modi manducandi: ergo sunt tres, & non duo.

2 Item, Indigne sumens est duobus modis, scilicet nec fidem habens nec charitatem: & habens fidem informem, sed non charitatem: ergo videtur, quod utrique responderet modus spiritualis: constat autem, quod non sumunt tales spiritualiter: ergo duo sunt modi sacramentales.

3 Item, Istud dicitur sacramentum charitatis: ergo videtur, quod ad minus spiritualis modus debeat esse distinctus secundum status charitatis: sunt autem tres status charitatis, scilicet incipiens, proficiens, & perfectus: ergo spiritualis modus sumendi videtur debere distingui penes hæc tria.

4 Item, In aliis sacramentis non distinguitur nisi duplex modus sumendi penes fictum, & non fictum: ergo nec in isto debet fieri distinctio nisi penes hoc, ut videtur: ergo non debet distingui sic, sacramentaliter, & spiritualiter: sed quidam sumunt ficti, quidam non ficti.

*Solutio.*

**SOLVTIO.** Dicendum, quod duo sunt modi distincti à Sanctis, ut habetur in litera, & sumuntur penes duplicem rem sacramenti, quarum vnā continet ex vi consecrationis, & alteram in nobis causat ex eo quod confert gratiam sicut alia sacramenta nouæ legis: & ideo patet penes quid sumuntur numerus horum modorum.

AD PRIMVM ergo dicendum, quod penes id quod est sacramentum tantum, nullus sumitur modus: quia hic non habet rationem cibi, sed potius est in vsu ostensionis & significationis cibi quem continet.

AD ALIVD dicendum, quod meo iudicio

non habens fidem informem, nec sacramentaliter nec spiritualiter manducat, nisi in potentia: tamen de hoc erit quæstio infra. Et ideo cum nullo motu fidei à speciebus ad rem moueatur, videtur quod non manducat sacramentaliter, & tamen manducat sacramentum: vel ut omnis cauillatio præueniatur, dicatur quod sumere siue manducare sacramentaliter dicitur duobus modis. Primo modo ita quod ly sacramentaliter dicat modum cibi: & sic manducare sacramentaliter est manducare sacramentum: & hoc modo non quæritur hic de modo manducandi. Secundo modo potest dicere modum manducantis siue sumentis: & hoc modo non sumit sacramentaliter infidelis, qui nullo motu fidei mouetur. Meo autem iudicio ad hoc quod manducet spiritualiter siue sumat, oportet ut modum dicat ex parte sumentis.

AD ALIVD dicendum, quod ista distinctio est penes modos sumendi aliquo modo corpus Christi in genere: non tamen negatur quin multi sint modi particulares quibus vnus gratiam percipit maiorem, alter minorem, secundum quod diuersimode parati accedunt.

AD ALIVD dicendum, quod solutio illius iam habita est in præmissis: quia in isto sacramento vna est res extra, & alia intra animam: & ideo ratio distinctionis oritur ex his quæ sunt in sacramento, & patuit supra, quod sic non est in aliis sacramentis.

## ARTICVLVS IV.

*Qualis unio requiratur ut aliquis manducet corpus Christi siue spiritualiter siue sacramentaliter?*

**D**einde quæritur de hoc quod dicit *ibi* [Spiritualiter enim manducat, qui in unitate Christi & Ecclesiæ quam sacramentum significat, manet, &c.] Et quæritur, Cuiusmodi unio exigatur ad hoc quod aliquis manducet corpus Christi siue spiritualiter, siue sacramentaliter? est enim unio secundum contactum corporum, & secundum conuenientiam naturæ Christi & hominis, & secundum conformitatem gratiæ fidei informis, & tandem iterum secundum conformitatem charitatis. Si autem prima sufficit ad sacramentaliter manducandum, tunc mus cuius corpus vnitur speciebus, manducaret sacramentaliter, quod infra negabitur in litera. Si autem exigatur insuper unio naturalis, id est, conuenientia secundum naturam quæ possit vniri & intelligere, videtur quod quilibet etiam infidelis sumat sacramentaliter corpus Christi: quod non videtur, cum sic conuerteretur in derisum à Iudæis & Paganis.

2 Præterea, In aliis sacramentis qui nihil credit, & protestatur se nihil credere, nec velle recipere quod recipiant fideles, nihil omnino percipit: ergo multo magis hoc tenet in isto in quo debetur totum fidei: ergo videtur, quod nihil credens quamuis habeat naturam ordinatam ad fidem, nihil percipiat, nec sacramentaliter, nec spiritualiter. Si autem sufficit habere fidem informem: tunc sequuntur supra habita inconuenientia, scilicet quod ab initio mundi sumebatur corpus Christi. Præterea videtur, quod habere Christum



stum in se manentem non sit effectus sacramenti, sed virtutis : ita enim dicit de diligente se Ioan. 14. Pater meus diligit eum, & ad eum veniemus, & mansionem apud eum faciemus. Ergo in ipso manere non est spiritualiter manducare, ut videtur.

*Solutio.* SOLVITIO. Dicendum, quod si stricte sumatur spiritualis manducatio secundum distinctionem supra positam, tunc manere in Christo est in eo manere per charitatem & deuotionem prouenientem ex communicatione corporis Christi secundum actum vel secundum propositum & desiderium.

ET SECUNDUM hoc dicendum ad primum, quod ad sacramentalem manducationem plus exigitur quam unio corporis ad species sacramentales, & plus quam unio vel conformitas naturæ potentis intelligere significationem specierum : & puto, quod exigitur fides informis, sicut probat obiectio : tamen non nego quin sit ibi corpus Christi verum, quandiu manent species, & tamen ille non sumit vel manducat : quia sumere & manducare dicunt unionem & incorporationem manducantis ad cibum qui sumitur : & hoc nullo modo fit in infideli.

AD ID autem quod contra obiicitur, dicendum quod licet antiqui crediderunt in venturum & incarnandum : non tamen proprie loquendo spiritualiter acceperunt : quia accipere dicit refectionem desiderij & propositi communicandi, quod non habuerunt antiqui, cum adhuc sacramentum non esset.

## ARTICVLVS V.

*An corpus Christi sumptum transeat in ventrem, & quandiu maneat ?*

**D**Einde quæritur de hoc quod dicit ibi [ Ut quid paras dentem, & ventrem ? Crede, & manducasti, &c. ] Ex hoc enim videtur, quod iste cibus transit in ventrem : quod etiam videtur ex hoc quod habetur Matth. 23. Omne quod in os intrat, in ventrem vadit, & in secessum emittitur : quod indignum est & nefas cogitare de corpore Christi.

2 Item, Sicut se habet cibus corporalis ad corpus, ita se habet cibus spiritualis ad spiritum : sed cibus corporalis intrando in corpus, reficit ipsum : ergo cibus spiritualis intrando spiritum, reficit ipsum, & ita non intrat in ventrem.

3 Item, Quod intrat ventrem, vadit ad officia ventris, quæ sunt digerere, & transmutare : sic autem non fit circa corpus Christi : ergo corpus Christi non intrat in ventrem.

*Sed contra.* SED CONTRA hoc videntur esse auctoritates & rationes. Dicit enim Clemens Papa, & ponitur in decretis in tractatu de consecratione sic, Qui residua corporis Domini quæ in sacramento relicta sunt consumunt, non statim ad percipiendos communes cibos conueniant, nec putent sanctæ portioni misceri cibum qui digestus per secessum emittitur. Non autem esset ratio quare præciperet ad tempus abstinere, nisi in ventrem traieceretur hostia : ergo vadit in ventrem.

2 Item, Ibidem Clemens, Si mane Dominica

*D. Alb. Mag. in Lib. 4. Sentent.*

portio editur, usque ad sextam ieiunent ministri qui eam acceperunt : si in tertia vel quarta hora acceperint, ieiunent usque ad vesperam, ut sacramenta sanctificatione custodiantur sancta. Et ex hoc accipitur idem quod prius.

3 Item, Ibidem Beda, si quis per voracitatem vel ebrietatem Eucharistiam euomuerit, quadraginta diebus pœniteat, clerici, vel monachi, diaconi, vel presbyteri, septuaginta. Hoc item sine ratione diceretur, si non transiret in ventrem.

4 Item, Hugo de sancto Victor, quandiu corporalis sensus afficitur, corporalis præsentia non aufertur. Species autem in qua afficitur sensus corporalis visibiliter, per os transit in ventrem : & sic si sit vomitus, quandoque hostia vel pars eius inuenitur, & sic iste cibus transit in ventrem.

5 Item, Aut transit in ventrem, aut in mentem. Si in ventrem, habetur propositum. Si in mentem. Contra : Nihil illabatur animæ nisi Deus Trinitas : corpus Christi non est Deus Trinitas : ergo non transit in animam : ergo videtur, quod nihil restat nisi quod transeat in ventrem.

IVXTA hoc ulterius quæritur, Quandiu manet corpus Christi ? Dixerunt enim quidam, quod statim ab ore euolat : sed si hoc verum esset, cum corpus Christi non sit sub forma panis nisi ex consecratione, si aliquis remoueret hostiam ab ore, non esset ibi corpus Christi : & hoc non dicitur à Magistris. Item, Hugo vult, quod tandiu manet præsentia corporalis, quandiu afficitur sensus : sed sensus afficitur in re vomica : ergo in illa est præsentia corporalis. Vtrum autem animam nutriat, vel non, infra erit quæstio.

*Solutio.* SOLVITIO. Sine præiudicio distinguendum mihi videtur in hac quæstione : dupliciter enim aliquid in ventrem transire dicitur, & dupliciter dicitur transire in mentem : dicitur enim aliquid transire in ventrem, transiens ad actum organorum ventris : ut scilicet digeratur in stomacho, & per meseraicas venas trahatur ad epas, & ibi formetur in sanguinem, & in membris distribuatur, & assimilatur, & uniatur : & hoc modo corpus Christi non transit in ventrem : iste enim transitus est cibi corporalis, deperdita corporis restaurantis. Dicitur etiam transire in ventrem : quia transit in ipsum, ut qualemcunque suæ continentie locum : & sic videtur mihi corpus transire in ventrem : quia non video rationabiliter qualiter corpus Christi non transit ad omnem locum, ad quem transeunt species panis & vini, sub quibus secundum veritatem rei continetur totus Christus. Eodem modo videtur etiam dicendum, quod dupliciter aliquid transit in mentem, scilicet quod per substantiam illabatur : & sic solus Deus Trinitas transit in mentem. Alio modo dicitur transire in mentem, cuius effectus venit in mentem per informationem perficiendo mentem ipsam : & hoc modo corpus Christi transit in mentem operando in mente gratiam sacramentalem. Et per hoc patet solutio ad omnia obiecta : quia prima pars obiectionum procedit de primo transitu in ventrem, qui non competit corpori Christi. Secunda autem pars procedit de secundo transitu : & hoc modo transit in ventrem, ut mihi videtur. Et hoc dico sine præiudicio : quia quidam Magistri dicunt oppositum.



fitum. Vnde propter reuerentiam sacramenti in-  
iungitur pœnitentia per incuriam vomentibus  
Eucharistiam. Et præcipitur, vt post communio-  
nem aliquantulum ieiunent, ne videantur com-  
miscere cibum sacramentalem corporali.

*Ad qua-  
stionem  
lam.*

AD ID quod vltius quæritur, dicendum  
quod Hugo dicit, Quandiu sensus afficitur, præ-  
sentia corporalis non aufertur, id est, quandiu  
valent discerni species, tandiu est ibi Christus.  
Tamen quidam aliter dixerunt: sed eorum ratio  
non est probabilis.

## ARTICVLVS VI.

*An antiqui Patres aliquo modo comederint  
sacramentaliter?*

**D**Einde quæritur de hoc quod dicit *ibi* [Quia  
illius sacramenti beneficio non priuatur,  
quando ille habere, &c.] Quæritur enim hic,  
Vtrum antiqui Patres comederint sacramen-  
taliter aliquo modo. Videtur autem quod sic:  
quia dicit Augustinus in litera, Crede, & man-  
ducasti. Sed illi crediderunt: quia, vt idem Au-  
gustinus dicit, eadem fides fuit & est antiquo-  
rum & modernorum: tempora autem variata  
sunt, fides immutata permansit. Ergo manduca-  
uerunt.

2 Item, 1. Corinth. 11. Omnes eandem escam  
spiritualem manducauerunt, & omnes eundem  
potum spiritualem biberunt: bibebant autem  
de spiritali consequente eos petra. Ergo ad mi-  
nus spiritaliter intellexerunt.

3 Item, Glossa ibidem, Quia visibile spiri-  
tualiter intellexerunt, spiritaliter esurierunt,  
spiritaliter gustauerunt, vt spiritaliter satiaren-  
tur. Ergo videtur, quod comederunt in sacra-  
mento, quod tamen spiritaliter intellexe-  
runt.

4 Item, Apostolus, 1. Corinth. 10. dicit, quod  
omnes in Moyse baptizati sunt, & in nube, & in  
mari, &c. Eodem modo & in spiritali esca,  
& potu spiritaliter manducauerunt Eucharis-  
tiam, & corpori & sanguini Christi commu-  
nicauerunt.

5 Item, Ad manducare sacramentaliter non  
exigitur nisi præsentia signi, quod præter speciem  
quam ingerit sensibus, facit aliud in notitiam  
venire: & quod hoc intelligatur, antiqui Patres  
tale signum habuerunt duplex, scilicet carnes  
agni, & manna: ergo videtur, quod cum in-  
tellexerint, vt dicit Gloss. præhabita, quod  
ipsi sacramentaliter & spiritaliter manducaue-  
runt.

*Sed con-  
tra.*

SED CONTRA: Nihil in sacramento su-  
mitur nisi quod est in sacramento contentum:  
sed Christus in sacramentis illorum non fuit  
contentus: ergo non sumebatur in sacramento.  
Si dicas, quod contentus fuit, vt signatum in  
signo, & non vt causatum in causa? Contra.  
Res signata & non causata non percipitur in sa-  
cramento: Christus erat signatus, & non con-  
tentus in sacramentis antiquorum: ergo non  
percipiebatur in sacramentis eorum. Item pro-  
batur ex hoc quod baptismus significat ablutio-  
nem ab omni pœna per gloriam in Resurrectio-  
ne; & tamen non percipitur hoc in baptis-

mo: & sic de aliis sacramentis veteris & nouæ  
legis.

SOLVTIO. Sine præiudicio videtur mihi *solutio.*  
non recedendum à superiori sententia, quod  
proprie loquendo Patres antiqui nec sacramen-  
taliter nec spiritaliter manducauerunt: & hoc  
præcipue propter rationem supra dictam: quæ  
est, quod modus percipiendi quamcunque rem,  
sequitur existentiam rei illius in se, & non  
præcedit eam: cum igitur constet illud sacra-  
mentum non fuisse, nisi ex quo Christus de-  
dit discipulis corpus suum: videtur mihi, quod  
ante hoc nullus comedit nec sacramentaliter  
nec spiritaliter, proprie loquendo, nisi spiri-  
tualiter manducare sumatur large, vt supra deter-  
minatum est.

AD ID ergo quod primo obiicitur, dicen-  
dum quod si Augustinus proprie loquitur, non  
intelligit de fide secundum quemcunque mo-  
tum, sed secundum illum quo mouetur à signo  
memorato vel actualiter percepto ad signatum  
& contentum cum proposito & desiderio gustan-  
di secundum rem incorporandi se rei contentæ:  
& hoc non conuenit nisi post sacramenti huius  
existentiam.

AD ALIUD dicendum, quod Apostolus  
vocat spiritualem gustum, spirituales sensus in  
Scripturis, & potum sapientiæ in quo intelle-  
xerunt futurum.

AD ALIUD dicendum, quod Glossa illa  
loquitur de sacramento non continente rem:  
sicut æquiuoce dicitur sacramentum, vt in prin-  
cipio huius libri habitum est. Vnde non fuit  
ibi gustus rei præsentis in signo continente, vel  
proposito, sed in fide sola: & hoc meo iudicio non  
sufficit proprie loquendo.

AD ALIUD dicendum, quod nec bapti-  
zati sunt proprie loquendo: sed dicit eos bap-  
tizatos: quia in figura baptismi aliquid de effi-  
cacia futuri baptismi intellexerunt, & per de-  
uotionem remissionem peccatorum percepe-  
runt, & non ex virtute sacramenti. Et simi-  
liter concedendum videtur, quod manduca-  
uerunt, id est, in typo Eucharistiæ futurum sa-  
cramentum intellexerunt, & ex deuotione ca-  
piti Christo & membris vniti sunt: sed hoc  
non sufficit: quia in Nouo Testamento in per-  
cipientibus sacramentum illam vnionem fa-  
cit sacramentum ex vi rei contentæ (alias ope-  
ratæ) & non tantum ex deuotione percipien-  
tium.

AD ALIUD dicendum, quod hoc verum  
est, quod ad manducare sacramentaliter suffi-  
cit præsentia signi cum fide dirigente in signa-  
tum: sed hoc signum est significans & causans  
& continens: talia autem signa non  
fuerunt in Veteri Testamento &  
ideo non perceperunt sacra-  
mentum proprie  
loquendo.

\* \*



*De errore quorundam qui dicunt à bonis tantum corpus Christi sumi.*

**H**ÆC verba & alia huiusmodi, ubi de spirituali manducatione agitur, quidam obtuso corde legentes, erroris caligine involuti sunt adeo ut præsumpserint dicere corpus & sanguinem Christi à bonis tantum sumi & non à malis. Sed indubitanter tenendum est, à bonis sumi, non modo sacramentaliter, sed & spiritualiter: à malis vero tantum sacramentaliter, id est, sub sacramento, scilicet sub specie visibili carnem Christi de Virgine sumptam, & sanguinem pro nobis fustum sumi: sed non mysticam, quæ tantum bonorum est. Quod subditis probatur testimoniis. Gregor. Est quidem in peccatoribus & indigne fumentibus vera Christi caro, & verus sanguis: sed essentia, non salubri efficientia. Item, August. Multi indigne accipiunt corpus Domini, de quibus Apostolus ait, Qui manducat & bibit calicem Domini indigne, iudicium sibi manducat & bibit. Per quod docemur quam sit cauendum male accipere bonum. Ecce enim factum est malum, dum male accipitur bonum, sicut econtra, Apostolo factum est bonum, cum bene accipitur malum, scilicet dum stimulus Satanæ patienter portatur. Ergo & mala prosunt bonis, sicut angelus Satanæ Paulo, & sancta obsunt malis: bonis sunt ad salutem, malis ad iudicium. Vnde qui manducat & bibit indigne, iudicium sibi manducat & bibit: non quia res illa mala est, sed quia malus male accipit quod bonum est. Idem, Indigne quis sumens corpus Christi, non efficit ut quia malus est, malum sit quod accipit: vel quia non ad salutem accipit, nil accipiat. Corpus enim & sanguis Domini nihilominus erat in illis, quibus ait Apostolus, Qui manducat indigne, &c. His aliisque pluribus aperte ostenditur, quod etiam à malis verum corpus Christi & sanguis sumitur, sed sacramentaliter, non spiritualiter.

## ARTICVLVS VII.

*An mali accedentes, aliquid accipiant corporis Christi, & quomodo maneat in ipsis corpus Christi?*

**D**Einde quæritur de hoc quod dicit ibi [Hæc verba & alia huiusmodi, & cætera.] Tangit enim Magister duos errores, quorum primum determinat in hac distinctione, reliquum autem in sequenti, quæ incipit ibi [Sunt iterum alij præcedentium insaniam excedentes. Primus est, quod mali non recipiunt corpus Christi: & hunc destruit in litera, & soluit auctoritates præstantes occasionem errandi, sicut patet in litera.

Utiliter autem quærentur hic quinque: quorum primum est, An mali aliquid accipiant accedentes ad corpus Christi? & hæc est quæstio literæ. Secundum, Vtrum recipiant ad suam damnationem, vel sine peccato? Tertium, Vtrum mali recipientes Eucharistiam plus peccent sumendo corpus Domini, quam alio peccato peccando.

*D. Alb. Mag. in Lib. 4. Sentent.*

Quartum, Vtrum pollutus nocturna pollutione, vel dormiens cum propria vxore, possit percipere corpus Christi? Quintum & vltimum, Vtrum fæditas corporalis, ut menstruum vel fluxus seminis, impediatur à perceptione corporis Christi, sicut quidam dicere videntur.

**A**D PRIMVM autem horum obiicitur sic: Maior est disconuenientia Christi ad peccatum, quam ad corpus: sed non transit in corpus, ut habitum est supra: ergo non transit in animam peccatricem: ergo nihil percipit in sacramento: quia statim euolat, ut dicunt quidam.

2 Item, Sapient. 1. Spiritus sanctus disciplinæ effugiet fictum: non est autem minoris sanctitatis Christus quam Spiritus sanctus: ergo etiam Christus effugiet eum: ergo malus nihil percipit de Christo in sacramento.

3 Item, Sapient. 1. In maleuolam animam non introibit sapientia, nec habitabit in corpore subdito peccato. Ergo nec in corpore nec in anima peccatoris remanet Christus: ergo discedit ab utroque: ergo nihil percipit quando accedit.

L 3

4 Item,

B  
De cõse.  
dist. 2.  
c. Quia  
passus.

In lib. 4.  
dialogo-  
rum.

Tr. 26.  
super  
Ioan-  
nem.  
1. Cor. 11.

Tra. 6.  
super  
Ioan.

1. Cor. 11.



4 Item, Res huius sacramenti excedit rem aliorum sacramentorum, ut dicitur in litera, quia hic totus Christus sumitur & in aliis sacramentis percipitur secundum effectum gratiæ: ergo minus videtur, quod res aliorum sacramentorum discedant à peccatore, quam res huius sacramenti: & discedunt, quia nihil de re aliorum sacramentorum percipit: ergo & ab isto discedit: ergo nihil percipitur à malis nisi tantum species exterior.

5 Item, Indecens & nocivum non est opus sapientis: sed indecens est sapientem esse in loco non competenti sibi: ergo & nocivum si præsentia sua nocet & non prodest: si ergo hoc non facit sapiens, multo minus facit hoc sapientissimus Dominus Iesus Christus: sed indecentissimus locus est peccator, & iterum præsentia sua noceret ei qui percipit: ergo videtur, quod subtrahit se, & non percipitur à peccatore.

6 Item, Quod datum est ad peccati deletionem, non debet augere peccatum: perceptio autem Christi in sacramento ad deletionem peccati inuenta est: ergo non augebit: augeter autem si maneret: ergo videtur, quod Christus in speciebus non manet quando percipiuntur à peccatore.

7 Item, Minor est disconuenientia Christi ad creaturam irrationalem quam ipse creauit, quam ad peccatorem: sed non dicimus, quod brutum percipiat ipsum in sacramento: ergo multo minus percipit ipsum in sacramento peccator.

*Psal. 49.* 8 Item, Psalm. Peccatori autem dixit Deus, Quare tu enarras iustitias meas, & assumis testamentum meum per os tuum? Sed minor est laus Christi quam ipse Christus. Si ergo aufert laudem suam ab ore peccatoris, multo magis aufert seipsum.

9 Item, Eccli. 16. dicitur, quod qui contra præceptum Domini die non debita, vel quantitate non debita, collegit manna, quod computruit & scaturiuit vermibus: ergo multo magis hoc erit verum de sacramento Eucharistiæ, quod incomparabiliter maioris sanctitatis est: ergo accipiens indigne, nihil accipit: sicut accipiens putridum manna vel scatens vermibus, non accipiebat manna. Verum istæ rationes & con similes occasionauerunt errorem qui inducitur in litera, & auctoritates quas Magister apponit & exponit.

*Sed contra.* SED CONTRA: Dicit Hugo, quod quando sensus corporalis afficitur, præsentia corporalis non tollitur: sed in ore peccatoris sensus corporalis afficitur manentibus speciebus: ergo non tollitur præsentia corporalis.

2 Item, Si peccatum percipientis fugit Deus, tunc multo magis peccatum fugit conficientis & consecrantis: ergo secundum hoc mali sacerdotes non possent conficere corpus Christi, quod est falsum.

3 Item, Cum nemo sciat, utrum odio vel amore dignus sit: nemo sciret secundum hoc, utrum perciperet sacramentum vel non: & sic generaretur maxima dubitatio circa id quod præcipuum est in fide, quod stultum est dicere.

4 Item, Quæ esset ratio, quod recederet peccatum enim percipientis non incidit in Christum, & non est alia causa: ergo non

euolat à speciebus, ut quidam minus caute dixerunt quando que.

SOLUTIO. Absque omni ambiguitate tenendum & sentiendum est, quod mali accipiunt in sacramento verum corpus Christi, quod de Virgine traxit, & quod in cruce pependit, & non euolat nisi quando de speciebus panis & vini nihil amplius manet, sed quando totum transiit in alium humorem quod erat in speciebus, scilicet color, sapor, quantitas, & sic de aliis: tunc enim sensus speciebus afficit definit, & tunc præsentia corporalis definit, ut dicit Hugo.

AD PRIMUM ergo dicendum, quod Christus non transit à corpore percipientis, sed non transit in corpus. Aliud enim est à corpore, & aliud in corpus transire: & bene concedo, quod non transit in animam per gratiam, tamen habetur præsentia sui in sacramento: quamdiu species sacramentales sunt in corpore percipientis.

AD ALIUD dicendum, quod Christus effugit fictum quoad inhabitationem per gratiam, & ita intelligitur illud verbum: sed propter efficaciam sacramenti non effugit sacramentum in quocunque sit loco, quia sacramentum semper retinet propriam sanctitatem, & immunditia loci in quo est sacramentum, non abolet eam.

AD ALIUD dicendum, quod hoc etiam intelligitur per inhabitantem gratiam, & non de recessu Christi à speciebus sacramenti.

AD ALIUD dicendum, quod res huius sacramenti rem aliorum excedit: tamen non est simile: quia locus rei sacramentorum aliorum est anima suscipientis: & ideo non fit res in anima habente contrarietatem ad rem aliorum sacramentorum: sed locus rei huius sacramenti, non est in anima, sed potius species sacramentales: & ideo illis formis manentibus, ubique sint, est in eis Christus. Habet tamen hoc sacramentum etiam aliam rem, ut supra dictum est: & hæc non est in peccatore, quia illa est gratia.

AD ALIUD dicendum, quod illud non est indecens nec nocivum nisi per accidens: indecens non est: quia iam ostensum est, quod locus Christi non est anima peccatoris, sed species sanctissimorum symbolorum in quibus percipitur Christus: quod autem species sit in hoc loco vel in illo, fit ab ordinatione usus sacramenti, qui præsto est omnibus. Et in hoc consideratur magna benignitas Domini, communiter sacramentum suum omnibus concedentis ad usum. Quod autem nocet, hoc est per accidens, in quantum sibi aliquis præstat causam nocenti: sicut etiam est de cibo corporali, qui sumitur ad utilitatem: si autem sumpto cibo sumat aliquid quod non permittit cibum digeri vel emitti, putrescit cibus, & læditur corpus.

AD ALIUD dicendum, quod sacramentum de se semper valet contra peccatum: & si nocet, hoc est ex causa suscipientis, ut iam dictum est.

AD ALIUD dicendum, quod secundum aliquid est maior conuenientia in illa proportionem, secundum aliquid est minor. Si enim comparatur natura ad naturam, maior est conuenientia hominis peccatoris cum Deo & sacramentis, quam bruti: quia brutum in signis sacramentalibus nihil suscipit seu percipit, nec intelligit: sed homo etiam peccator ad minus ratione mouetur & fide ex signo in signatum. Si autem attenditur in id



inidoneitas quæ est ex parte peccati, tunc maior est disconuenientia: sed hoc non impedit, quia non attingit ad Christum cuius locus proprius est non anima suscipientis in peccato, sed potius species sacramentales: sed bene impedit effectum gratiæ, quia locus gratiæ est anima, quæ peccato informata non est susceptibilis gratiæ.

AD ALIUD dicendum, quod non est simile de laude & corpore Christi in sacramento: quia cum laus sit præconium virtutis alicuius, aliquid est nostrum: actus enim præconij elicitur à libero arbitrio: & ex parte illa potest esse sceda in ore peccatoris: sed de sacramento nihil est nostrum, sed totum est virtutis diuinæ: & ideo à nullo tollitur, sed in omnibus in communi datur vsus: ipsi autem videant qualiter vtantur.

AD VLTIMUM dicendum, quod manna non continebat Christum: vnde putrefactio mannatis significat nocumentum quod nos facimus nobis, Eucharistiam indigne percipiendo, & non significat corruptionem Christi.

### ARTICVLVS VIII.

*An mali percipiant corpus Christi?*

Secundo queritur, An mali corpus Christi percipiant ad suam damnationem? Videtur autem, quod non: ponamus enim, quod aliquis sit in peccato mortali, & ignoret illud, hoc enim possibile est. Inde sic procedo: Ignorans morbum minus dispositus est ad sanitatem, quam sciens morbum suum: ergo à quo non prohibetur ignorans, ab eodẽ multo magis non prohibetur sciens: sed ignoranter in peccato mortali existens, non prohibetur: ergo nec scienter existens in peccato à corpore Christi prohiberi debet.

2 Item, Gloss. super Rom. 2. Grauiissime peccas, quia ignoras. Ergo ignorantia potius facit ad peccati aggrauationem, quam ad medicinam: ergo iterum à quo non arceatur ignorans, non debet arceri sciens.

3 Item, Dato etiam, quod ignorantia excuset à tanto, & non à toto, sicut ab omnibus dicitur, & scientia aggrauet: non se habebunt scientia & ignorantia ad peccatum, nisi sicut circumstantiæ: ergo per ipsas non distabit peccatum à peccato in infinitum, sicut differunt veniale & mortale. Si ergo in aliquo casu ignorans non arceatur à communione, in eodem peccato non debet prohiberi sciens, vt videtur.

4 Item alia via videtur concludi idem: quia quanto aliquis plus infirmatur, tanto magis opus habet medicina, & propter infirmitatem corporis à medicina non arceatur: ergo cum similiter sit de medicina spiritali, magis ægrotus in peccato præcipue debet vti medicina: ergo præcipue debet vti communione in qua continetur similis medicina.

5 Item, Augustinus facit diuisionem bonorũ, scilicet in summa, quibus recte viuitur, & quibus nemo male vtitur: & in media sine quibus recte viui non potest, quibus tamen male vti potest: & in infima, sine quibus recte viui potest, quibus tamen bene vti potest. Et exemplum primi dat virtutes, secundi vires animæ rationalis, tertij autem species quorumlibet corporum. Cum corpus Christi non possit esse nisi de primis bo-

eo quod quod ipsum non est inferius aliquo bono creator, videtur quod corpore Christi nullus male vti potest: ergo nec peccator: quo autem quis bene vtitur, eo non peccat: ergo peccator non peccat, sumendo corpus Christi.

6 Item, Maior est diuinitas Christi, quam corpus eius vel humanitas ipsius: sed à deitatis accessu non prohibetur, sed potius monetur ad hoc: nec etiam ipsa deitas se subtrahit ei, imo continetur eum, & in eo est, vt prius, essentialiter, præsentialiter, & potentialiter: ergo videtur, quod multo minus arcendus sit à communione corporis & sanguinis Christi.

7 Item, Si propter peccatum aliquis arceatur à communione, tunc videtur sequi, quod nullo modo homo permittendus sit communicare: quia sicut dicitur Eccl. 9. Nemo scit, an odio vel amore dignus sit. Ergo dubitat: dubius autem non se debet committere discrimini: ergo non debet communicare, quod nullus dicit: ergo nec peccator aliquis est à communione arcendus.

8 Item ad idem obiicitur alio modo sic: Qui indigne accedit, indignus accedit, & non conuertitur: ergo indignum accedere sequitur ad indigne accedere: in talibus autem accidens quod sequitur ad antecedens, sequitur ad consequens, præcipue in accidentibus indiuiduis: sicut si homo est albus, animal est album: ergo si accedens indigne, peccat mortaliter: & indignus accedens, peccat mortaliter: sed hoc est falsum: quia secundum hoc ignoranter accedens in peccato mortali, peccat mortaliter: ergo & hoc falsum, quod indigne accedens peccat mortaliter.

9 Item, Album & non apparens verius participat albedinem, quam apparens album & non existens: credens autem se in mortali peccato esse, non autem existens: & existens in peccato, nec tamen credens se esse: habent se sicut in veritate album non apparens, & apparens album non autem existens: ergo cum verius sit in peccato existens & non credens, quam credens & non existens, & cum existens & non credens non arceatur: videtur quod credens & non existens non arceatur: & sic nullus accedendo fit indignus: & sic nullus arcendus esset, vt videtur.

SED CONTRA: Qui indigne accedit, in dignus accedit, sed non conuertitur: ergo cum opposito antecedentis verificatur consequens: ergo aliquis accedit indignus, & non indigne: hoc autem non potest esse nisi non habens conscientiam peccati, & tamen existens in peccato: ergo talis non est arcendus à communione, cum tamen indigne accedens arcendus sit.

2 Item, Peccaret grauius, qui corpus Christi proiiceret in lutum: ergo cum vilius lutum sit spirituale quam corporale, multo magis peccat proiciens in latrinam spirituales quam corporales: latrina autem spiritualis est peccator non poenitens: ergo talis peccat sumendo Eucharistiam.

3 Item, Existens in peccato mortali scienter, & non poenitens, etiam prohibetur à contractu altaris: ergo multo magis arcendus est à communione corporis & sanguinis Domini.

4 Item, Ioan. 13. de Iuda dicitur, quod erat in proposito peccandi, & post buccellam introiuit in eum Satan: ergo communio auxit in eo peccatum: ergo non debet communicare.



5 Item, Luc. 12. laudatur Publicanus, quia no-  
lebat oculos ad cælum leuare: ergo multo magis  
laudaretur si non communicaret: quia in infini-  
tum maioris dignitatis est corpus Christi quam  
cælum: & tamen ille Publicanus fuit pœnitens:  
ergo multo magis se debet abstrahere peccator  
non pœnitens à communione.

Quæstio-  
cula.

Iuxta hoc ulterius quæritur de eo cuius pec-  
catum est occultum, & non habet gratiam vt pro-  
ponat dimittere, vtrum in Pascha debeat com-  
municare? Videtur, quod sic: quia cum præcep-  
tum sit omnibus fidelibus communicare, tunc  
etiam facere confessionem tenetur & communi-  
care iste, & scandalizat Ecclesiam si non commu-  
nicat: tenetur autem non scandalizare: ergo tene-  
tur communicare, vt videtur.

2 Item, Si non communicat, per hoc prodi-  
tur peccatum suum, & efficitur infamis. Dicit  
autem Hieronym. quod crudelis est qui famam  
negligit: ergo cum non possit retinere famam  
nisi communicando, videtur quod debeat com-  
municare.

3 Item, Habens peccatum non notorium po-  
test prædicare si sit necesse, & alios quosdam spi-  
rituales actus facere: ergo à simili videtur etiam,  
quod communicare.

Sed con-  
tra.

SED CONTRA: Peccatum Iudæ fuit no-  
torium, & tamen dicitur, quod post buccellam  
introiuit in eam Satanas: ergo communicans  
in peccato occulto peccat mortaliter, vt vi-  
detur.

2 Item, 1. Corinth. 11. Non potestis mensæ  
Domini esse participes & mensæ dæmoniorum.  
Peccator autem occultus particeps est mensæ  
dæmoniorum. Ergo non debet participare men-  
sæ Domini.

Solutio.

SOLUTIO. Dicendum, quod existens in pec-  
cato mortali & scienter, non debet communicare  
aliqua ratione, etiam si per excommunicationem  
cogeretur: quia indignus est & indigne accedit,  
vt Iudas: & hoc satis confirmatur ex duobus  
verbis 1. Corinth. 11. vbi in vno loco dicit, Qui  
enim manducat & bibit indigne, iudicium sibi  
manducat & bibit. Et in alio loco dicit, Reus  
erit corporis & sanguinis Domini. Et Gloss. di-  
stinguit ibi triplicem indignitatem, scilicet quod  
indignus est qui non credit: aut qui aliter cele-  
brat sacramentaliter, quam institutum sit: aut qui  
indeuotus accedit. Et accipitur numerus harum  
indignitatum sic, Duo sunt quæ faciunt dignum,  
& tertium est effectus, vtriusque. Primum est fi-  
des, quæ est fundamentum ædificij spiritualis: &  
à priuatione huius sumitur indignitas prima.  
Secundum est charitas operosa & implens legem.  
Rom. 13. Plenitudo legis est dilectio. Et ab huius  
priuatione sumitur indignitas tertia, quæ est  
cum aliquis indeuotus accedit: indeuotio enim  
ponit hic remorsum conscientie ex peccato exi-  
stente vel credito in conscientia cum proposito  
non recedendi à peccato illo. Tertium quod est  
effectus vtriusque, est vnio & consensus cum cor-  
pore Christi mystico: qui enim communicat,  
communis est, & à communione capitis accipit  
refectionem: & à priuatione huius sumitur se-  
cunda indignitas, quæ est in schismaticis, qui non  
seruant ritum statutum in sacramentis celebran-  
dis à Domino & ab Ecclesia. His habitis.

DICENDUM ad primum, quod ignorantia

duplex est, vt dictum est in secundo huius volu-  
minis distinct. 22. vniuersalis, & particularis: siue  
iuris, & facti. Ignorantia autem particularis ex-  
cusat à toto, & talis est in eo qui sentit, quod pec-  
cauit recogitando annos suos in amaritudine ani-  
mæ suæ, & aliquid remansit oblitum, quod ta-  
men forte si recoleret non dimitteret: obiectio  
autem procedit de ignorantia iuris, & ideo non  
valet. Vel dicatur melius, quod licet ignorans  
existens in peccato minus sit dispositus ad sani-  
tatem, magis tamen idoneus est ad actum com-  
municandi, propterea quod non contemnit,  
sed credens se esse contemnit: & ideo eo ipso effi-  
citur indignus.

AD ALIUD dicendum, quod grauissime,  
id est, periculosissime peccat ignorans: quia non  
quærit medicum: sed tamen contemptus non est  
par, quia in ignorante nullus est, sed in opinante  
magnus contemptus est.

AD ALIUD dicendum, quod scientia &  
ignorantia secundum se considerata, non faciunt  
istam differentiam peccatorum: sed potius con-  
temptus adiunctus scientiæ, qui est nouum genus  
peccati: & ideo non attribuitur hoc scientiæ nisi  
per accidens.

AD ALIUD dicendum, quod etiam illud  
in simili falsum est: quia tanta potest esse vis mor-  
bi, quod non datur medicina purgatiua, sed tan-  
tum præseruatur ab omnibus natura nociuis, &  
confortatur ad pugnam morbi sustinendam: & ita  
fit peccatori: consulitur enim peccatori, quod ab-  
stineat ab omnibus peccatis, vel saltem quibusdā,  
& faciat interim quicquid boni potest, vt Deus  
cor suum illustret. Adhuc autem etiam si sic esset  
de morbo corporali, non tamen oporteret, quod  
sic omnino esset de morbo spirituali: quia non  
omnino se habet medicina ad morbum spiritua-  
lem, sicut se habet ad morbum corporalem: & hoc  
quidem à principio libri determinatum est: quia  
spiritualis operatur tantum voluntate, corpora-  
lis autem necessitate cum natura. Et ideo acci-  
piendo corporalem medicinam, si bona est, & re-  
cte data, non incidit in aliud genus morbi: sed  
accipiendo spiritualement medicinam, cum libera sit  
voluntas, & contemnere possit per indeuotionem  
præparationis, in nouum genus peccati potest in-  
cidere: & sibi efficitur malum quod in se est  
bonum, vt dicit Augustinus in litera eiusdem  
cap.

AD ALIUD dicendum, quod licet corpus  
Christi sit maius bonum omni bono creato, præ-  
cipue secundum quod est in sacramento, quia ibi  
est per corpus & animam & deitatem: non tamen  
oportet, quod eodem modo se habeat ad actum  
liberi arbitrij ordinandum, sicut facit virtus. Vnde  
quod virtus dicitur summum bonum, hoc non  
est intelligendum simpliciter, sed secundum com-  
parationem ad actus bonæ vitæ in his quæ bona  
participatiue dicuntur: quod etiā dicitur, quo recte  
viuitur, & nemo male vritur, hoc non est ex hoc  
quod sit summum bonum sed ex hoc quod infor-  
mando ordinat & perficit liberum arbitrium in  
bonum: & hoc modo non informat liberum  
arbitrium Christus perceptus in sacramento, &  
ideo vsus boni nobis potest esse malus: & hoc  
non impedit quin sit maius bonum quam  
virtus.

AD ALIUD dicendum, quod diuinitas  
Christi



Christi maior est humanitate Christi, sed non est contemptus aliquis respectu continentiae & praesentiae deitatis in nobis, sed potius est de poena imperfectionis naturae creatae indigentis Creatore ut eam contineat & conseruet: sed respectu humanitatis ordinamur per voluntatem quae libertatem habet, & ideo contemnere potest.

AD ALIVD dicendum, quod hoc non sequitur: quia cum dicitur, Nemo scit, utrum odio vel amore dignus sit: hoc intelligitur de scientia recta quae est infallibilis per deuotionem. Cum autem dicitur credens se esse in peccato mortali & non existens, sumitur credens pro eo qui habet aliqua signa & aliquam rationem qua timet se esse in peccato: & ideo patet, quod non sequitur, quod propter hoc omnis homo arcendus sit à communione.

AD ALIVD dicendum, quod cum convenientia sit inter antecedens & consequens, & postea accidens participatum ab antecedente infertur de consequente, non oportet, quod consequens participet illud nisi pro tanto quo participatur ab antecedente: ut cum dicitur, si homo est albus, animal est album, non sequitur, quod animal sit album in ambitu suae communitatis & praedicationis, sed animal quod est homo albus. Ita etiam hic est cum dicitur, Qui indigne accedit, indignus accedit: & postea infertur, indigne accedens peccat mortaliter: ergo & accedens indignus: non oportet, quod hoc verum sit generaliter, sed pro eo indigno tantum, qui indigne accedendo fuit indignus. Vnde cum postea infertur conclusio, quod non generaliter sit verum consequens: ergo nec antecedens: patet, quod nihil valet argumentatio: & tale argumentum, indignus indigne accedendo factus indignus peccat mortaliter: ergo similiter indignus peccat mortaliter: incidit fallacia siue peccatum secundum locum sophisticum consequentis.

AD VLTIMUM dicendum, quod hoc bene sequeretur si aliud peccatum nouae indignitatis non causaretur ex hoc quod accedit cum credulitate peccati: sicut non causatur albedo aliqua ex apparentia albedinis. Patet autem ex superius habitis, quod nouum peccatum causatur: & ideo non valet argumentatio illa.

AD ID quod vltius quaeritur, dicendum quod habens remorsum conscientiae cum proposito non dimittendi peccatum, nullo modo debet sumere Eucharistiam.

AD ID autem quod primo obiicitur in contrarium, dicendum, quod non communicare cum tali proposito, est de veritate vitae quae propter scandalum non est dimittenda. Si autem obiicitur, quod ipse in tali statu est perplexus: dicendum, quod hoc non est verum: quia alias facere potest, quod euadat peccatum, scilicet dolendo de peccato cum proposito emendandi: si enim fecerit quod in se est, Deus infundet sibi gratiam, & tunc potest communicare.

AD ALIVD dicendum, quod ipse non per hoc se prodit: quia multae sunt causae quibus differtur communio, vel etiam quibus aliquis se subtrahit à communione, scilicet immunditia corporalis, humilitas, & multae aliae causae. Si autem obiicitur. Ponamus, quod Praelatus praecipiat, quod omnes communicent. Dico, quod tale

praecipium nullum est: quia est illicitum aperte: sed praecipere potest ut omnes se praeparent ad communionem: & tunc bene concedendum esse videtur, quod ille qui se non praeparauerit, peccatum omissionis incurrit.

AD ALIVD dicendum, quod non est simile de aliis actibus, & de actu communionis: alij enim actus sunt super membra Christi quae indigent diuersis quae pro tempore possunt suppleri ab his qui non sunt idonei. In communione autem percipitur ipse Dominus, & ideo maxima idoneitas requiritur, & ideo non idoneus peccat communicando, ut dictum est.

## ARTICVLVS IX.

*An malus plus peccet communicando, quam alio genere peccati?*

**T**ertio quaeritur, Vtrum malus plus peccet communicando, quam peccando alio genere peccati? Videtur autem, quod sic: quia quanto minor est contemptus, tanto minus est peccatum: sed in aliis peccatis quibusdam non contemnitur Deus in se, communicando autem in se contemnitur: ergo magis peccat indigne communicando, quam fornicando, vel alio genere peccati peccando.

2 Item, Scienter peccat qui indigne communicat, & praeter tentationem, & concupiscentiam: haec autem aggrauant peccatum: alius autem peccat quandoque quidem scienter, sed tentatus per concupiscentiam: ergo magis peccat communicando, quam alio genere peccati peccando.

3 Item, Apostolus comparat hoc grauissimo peccato 1. Cor. 11. Qui manducat indigne, reus erit corporis & sanguinis Domini. Ergo videtur, quod sit grauissimum.

4 Item, Hebr. 10. Irritam quis faciens legem Moyse, absque vlla miseratione duobus vel tribus testibus moritur: quanto magis putatis deteriora mereri supplicia, qui Filius Dei conculcauerit, & sanguinem testamenti pollutum duxerit, in quo sanctificatus est? Ergo deteriora supplicia meretur pollute communicans: ergo grauissimum est peccatum, ut videtur.

5 Item, Constat, quod grauius peccaret qui corpus Christi in immundum lutum proliceret, quam qui fornicatur vel auaritiam committit: cum igitur turpius sit latrina spiritualis, quam corporalis, grauius peccat in latrinam spiritualement recipiens corpus Christi, quam proiciens in latrinam corporalem: sed quod est maius maiore, est maius minore: ergo grauius peccat pollute communicans, quam aliquo alio peccato, ut videtur.

SED CONTRA: Si duo sunt, quorum Sed con- vnum facit appropinquare Deo, alterum autem tra. remouet à Deo: & comparantur ad duo alia, quorum vtrumque remouet: magis remouet duo, quam vnum. In communione autem quae fit ab indigno, ipsa communio non separat à Deo, sed adiungit, contemptus autem separat. In fornicatione autem vel alio peccato corporis, vtrumque separat & actus & contemptus: ergo magis separat à Deo, quam communio indigni. Sed maius peccatum est quod magis separat à Deo. Ergo aliud



aliud peccatum est maius, quam communio indigni. Si forte dicas, quod non oportet: quia illud vnum quod facit distare in vno, facit longiorem distantiam, quam duo in alio. Contra: Id quod facit distantiam in communione indigni non est nisi contemptus: contemptus autem est etiam in alio peccato: ergo contemptus est in vtroque communi: ergo remoto communi in vtroque, quodcunque magis facit distare, illud similiter etiam appposito contemptu ad vtrumque, magis facit distare à Deo: sed remoto contemptu plus distare facit aliud peccatum: ergo & similiter magis distare facit à Deo, & sic habetur propositum.

2 Item, Ponamus, quod aliquis communice indigne, intendens per se per hoc non omnino alienari à Deo, sed propinquior fieri Deo: tunc videtur, quod ille non tantum peccet, quantum ille qui fornicatur, vel aliud crimen committit.

3 Item, Aliquis casus potest esse, quod etiam aliquis peccator potest accipere in manus corpus Domini, vt si inueniat illud in luto, & non sit alius qui subleuet: ergo videtur, quod etiam aliquis casus potest esse, in quo communicans non peccet, vel non tantum peccet sicut alio peccato peccans.

4 Item, Quod per se est malum, magis fugiendum est, quam quod per accidens est malum: fornicari autem & cætera peccata quæ sunt contra decalogum, per se mala sunt: communicare autem per se bonum est, per accidens autem malum: ergo aliud peccatum magis est fugiendum, quam communio ab indigno.

5 Item, Quod in se malum est, magis fugiendum est, quam quod alicui est malum, & non in se: fornicari autem & cætera talia vitia in se mala sunt & facienti, communio autem non est in se mala, sed facienti: ergo fornicatio magis est fugienda, quam communio, vt videtur: ergo aliqua peccata sunt maiora, quam istud.

6 Item, Quod nunquam & nulli bonum est, sed semper & omnibus malum, maius est malum, quam quod quandoque & alicui est malum, & non semper, nec omnibus: sic autem se habent fornicatio, & cætera ad communionem: ergo illa sunt maiora peccata, quam istud.

*Solutio.* SOLVTIO. Dicendum videtur ad hoc, quod quoad aliquid communicans indigne plus peccat, & quoad aliquid alio peccato peccans plus peccat: quoad contemptum enim videtur mihi plus peccare indigne communicans, sed non quoad actum, & alias circumstantias, ex quibus causatur turpitudine peccatorum.

DICENDUM ergo ad primum, quod cum dicitur, Vbi minor est contemptus, ibi minus est peccatum, quod hoc non est verum simpliciter, sed quoad aliquid tantum, scilicet radicem peccati quæ contemptus est: quoad alia enim potest esse maius peccatum quod est ex minori contemptu. Eadem vero solutio fere est ad omnia: quia id iterum quod obiicitur secundo, non tenet nisi quoad hoc quod tentatus vel non tentatus peccat.

AD ALIVD dicendum, quod Apostolus dicit, reum esse corporis & sanguinis indigne communicantem, eo quod reatum sanguinis in-

currat, non tamen quod habeat reatum occidentis Christum: sed in hoc similis est occisori: quia vterque fit reus ex sanguine Christi.

AD ALIVD dicendum, quod hoc non intelligitur de indigne communicantibus, sed potius de abutentibus gratia baptismi: quia putabant, quod cum aliquis rediret ad peccatum, quod iterum eum baptizari oporteret: & hoc redundaret in pollutionem, id est, in infirmitatem sanguinis Christi, tanquam sacramenti in quo sanguis Christi operatur & lauat interius, nisi esset tantæ virtutis quod faceret solubilia per penitentiam etiam peccata sequentia: & ita exponitur in Glossa. Si autem generaliter extendatur ad indigne communicantem, tunc dicendum, quod indigne communicans meretur deteriora supplicia, in quantum peccat contra maiorem gratiam ex contemptu, quam ille qui legem transgrediebatur: non tamen simpliciter oportet, quod mereatur deteriora.

AD ALIVD dicendum, quod cum dicitur, Latrina spiritualis peior est, quam corporalis: locutio est metaphorica, & intelligitur non esse maioris sceleris corporalis: sed in quantum peccata sunt contra maius bonum, etiam adimunt bonum melius, quam sceleris corporalis: vnde remanet maior munditia exterior in corpore peccatoris, quam in latrina corporali: & ideo plus peccaret corpus Christi in latrinam proiciens, quam indigne communicans: quia maiorem contumeliam & contemptum faceret Christo. Et ideo dicit Magister in sententiis, quod ex tropicis non valet argumentatio.

Idem autem modus respondendi est ad ea quæ obiiciuntur in oppositum: bene enim concedo, quod vnum quandoque plus elongare potest, quam duo vel tria. Et quod obiicitur, quod contemptus sit communis vtrique. Dicendum, quod non est idem contemptus, sed maior, & minor, & diuersus in specie: quia contemptus specificatur secundum id quod contemnitur, & secundum rationem contemnendi.

AD ALIVD dicendum, quod sciens se esse in peccato, non potest bene communicare: quia intentio est peruersa & stulta: sicut dictum est super secundum, distinct. 38. de eo qui intendit furari, vt det alicui, vt per hoc eam reuocet à meretricio vel adulterio.

AD ALIVD dicendum, quod non est simile: quia tunc reuerentia & necessitas subleuandi excusat & cogit fieri: sed in communicando non est necessitas aliqua, nec reuerentia aliqua ibi exhibetur Christo, sed potius irreuerentia & contemptus.

AD ALIVD dicendum, quod non tenet nisi quoad hoc, & non simpliciter: & ideo non valet in aliis argumentatio.

## ARTICVLVS X.

*An pollutio nocturna impediat à communione?*

Quarto quæritur, Vtrum pollutio nocturna impediat à communione? Videtur autem, quod sic: In decreto enim distinct. 6. dicit Gregorius in epistola ad Anglorum Episcopum August.



August. Si ex turpi cogitatione vigilantis nascitur in mente dormientis, patet omnino reatus suus: videat enim à qua radice inquinatio illa processit: quia quod cogitauit sciens, hoc pertulit nesciens. Et propter talem pollutionem sacro mysterio abstinere oportet eo die. Ex hoc accipitur, quod pollutio impedit à communione.

2 Item, Isidorus in primo sententiarum, Qui nocturna illusione polluitur, quamuis extra memoriam turpium etiam cogitationum sese sentiat inquinatum: tamen hoc ut tentaretur culpæ suæ tribuat, & suam immunditiam statim fletibus stringat. Constat autem, quod non est simul de- flenda culpa, & statim communicandum: ergo videtur, quod abstinere debet à communione, ut videtur.

3 Item, Leuit. 15. Qui patitur fluxum seminis, immundus erit. Constat autem, quod fluxus seminis minus est in potestate hominis, quam pollutio nocturna. Ergo multo magis pollutus est immundus: ergo impedit à communione, ut videtur.

4 Item infra in eodem, 7. De quo egreditur semen coitus, lauabit aqua omne corpus suum, & immundus erit vsque ad vespeream. Constat autem, quod minoris sanctitatis erant sacramenta veteris legis nouæ. Si ergo impediatur à perceptione sacramenti veteris testamenti quam multo magis impedit à perceptione sacramentorum noui testamenti.

5 Item, Deut. 23. præcepit Dominus, quod egredientes ad subleuationem naturæ, ferant fossorium in balteo, & suffodiant, eo quod Dominus transeat per castra, ut castra sint munda. Et dicit ibi Gloss. quod amat Deus corporalem munditiam. Si ergo illa immunditia impedit decorem transitus Domini, multo magis à perceptione corporis & sanguinis Domini.

6 Item, Minus videtur quod corporalis immunditia impediatur ab introitu tabernaculi quod minus sanctum est, quam à communione corporis & sanguinis Domini: sed impediatur antiquitus: ergo hæc etiam impedit modo.

7 Item, 2. Reg. 6. dicitur, quod cum calcitrarent boues qui trahebant arcam Domini, quod extendit manum suam Oza ut teneret arcam, & percussit Dominus Ozam: & redditur ratio in Gloss. & à Magistris, quod illa nocte dormierat cum uxore sua. Cum igitur hoc meritorie facere potuerit, pollutio autem nunquam fiat meritorie, videtur quod multo magis impediatur pollutio communionem eius quod per arcam significatur, scilicet corporis & sanguinis Domini.

8 Item dicit Gregorius, quod tempore concubitus matrimonialis Spiritus sanctus non tetigit corda Prophetarum, propter inconuenientiam actus in quo totus homo caro efficitur, ad spirituale actum: ergo cum multo maior sit communio quam prophetia, videtur quod illa delectatio quæ est in egressu seminis, impediatur à communione.

9 Item, Unio per spiritum & amorem ad Christum, & descensus secundum carnem per delectationem sunt contraria: ergo non debent esse simul: sed in pollutione est descensus secundum carnem per ultimam delectationem, in communionem autem est eleuatio intellectus per fidem, & unio spiritus per charitatem: ergo ista duo non sese compatiuntur: ergo videtur, quod dimittenda sit communio propter pollutionem.

tenda sit communio propter pollutionem.

SED CONTRA: Dicit Gregorius ad Aug. Anglorum Episcopum, & ponitur in decreto dist. 6. Et quidem cum ex naturæ superfluitate vel infirmitate euenerit, tunc omnino non erit timenda pollutio: quia hanc animus nesciens pertulisse magis dolendus est quam fecisse. Ergo non semper impedit pollutio à communione.

2 Item, Gregorius ibidem, Cum ultra modum appetitus gulæ in sumendis alimentis capitur, atque idcirco humorum receptacula grauantur, habet quidem exinde animus aliquem reatum, non tamen vsque ad prohibitionem percipiendi sacri mysterij vel missarum solennia celebrandi. Ex hoc patet, quod quandoque etiam procedit ex aliqua culpa crapulæ, quæ non impedit à sacra communione.

3 Item, Nihil impedit à sacra communione nisi fictio, quia Spiritus sanctus disciplinæ effugiet fictum: ergo in sacramentis non fugit nisi fictum, ut dicitur Sapient. 1. Venialia autem non faciunt fictum: ergo etiam si detur, quod ex aliqua cogitatione turpi præcedenti quæ mortalis non fuit, pollutus sit: non tamen sequitur, quod non possit communicare.

4 Item, Si venialia impedirent, nullus esset qui communicare posset: quia 1. Ioan. 3. dicitur, Si dixerimus, quod peccatum non habemus, ipsi nos seducimus, & veritas in nobis non est. Cum igitur pollutio procedit ex veniali cogitatione, non impedit à communione.

5 Item, Dicit Gregorius, quod spiritualia peccata maioris sunt ponderis, licet carnalia sint maioris infamiae: venialia autem spiritualia non impediunt à communione: ergo nec carnalia: ergo pollutio non impedit, cum non sit peccatum, aut sit minimum: quia non est præsentis loci diffinire, utrum sit peccatum, an non?

6 Item, Aliquis vadit cubitum munitus signo sanctæ crucis cum orationis deuotione, & sic de aliis: tamen accidit sibi pollutio: cum ergo nullus peccet dormiens, ille non habet unde impediatur à communione: ergo potest communicare, ut videtur.

IVXTA hoc ulterius queritur, Quandiu debet abstinere? Dicitur Leuit. 15. quod immundus erat vsque ad vespeream. Inter vespeream autem & mane non sunt nisi 12. horæ æquales: ergo videtur, quod post 12. horas possit communicare: & tamen hoc non seruatur, quia abstinere per diem & noctem.

SOLVITIO. Dicendum cum beato Gregorio, quod pollutio multis de causis accidit, de quibus alibi tractandum est, scilicet ex infirmitate naturæ in retinendo vel conuertendo ad membra: & hoc modo nullum est peccatum, nec peccati signum. Fit etiam ex illusione diabolica, & tunc est negligentiae signum, scilicet quod homo non satis deuotus iuit dormitum. Quandoque etiam est ex nimia repletionem, præcipue ciborum qui venerea prouocant, sicut calidorum & humidorum simul: quia calidum mouet, & humidum ministrat materiam: & tunc distinguendum mihi videtur in accidentibus ingurgitati: aut enim hoc accidit famelice ex surreptione: aut accidit, quia parauit laute cibos, & consuevit epulari splendide. Et primo modo pollutio sequens non indicat nisi negligentiam ex surreptione crapulæ: secundo modo indicat

Sed contra.  
Greg.  
resp. ad  
11. inter-  
rogatio-  
nes Au-  
gustini  
Cathua-  
riensis  
Anglia  
Episcopi.

Quæstio-  
cula.

Solutio.



cat peccatum. Alio modo fit pollutio peccatum ex cogitatione, scilicet quando aliquis cogitat de aliqua singulariter, & postea somniat se coire cum eadem: & tunc est signum fixæ cogitationis præcedentis in turpi. Quandoque autem fit ex conjunctione plurium causarum simul, ut ex cogitatione, & crapula: & tunc significat utraque. Quandoque ex cogitatione, & illusionem: & tunc est signum peccati propter quod meruit illud. Quandoque autem simul ex crapula, cogitatione, & illusionem: & tunc duo præcedentia causa sunt meritoria tertij, & hoc totum ostenditur in pollutione sequenti, sicut oritur causa occulta in effectu sequenti manifesto. Et iterum distinguendum in modo pollutionis, quod Gregorius meminit in præinducta Epistola, ubi dicit, quod ex crapula veniens non impedit communionem, dummodo corpus in pollutione turpi delectatione non concutatur. Ex hoc enim accipitur, quod quidam polluuntur cum imaginatione & delectatione turpibus: alij autem per solam feminis emissionem: secundum Philosophum autem in his qui delectantur ulterius, distinguendum est: quia quandoque est ex ventosis cibariis, & in delectatione potius emittitur spuma ventosa quam humor nutriti. His ergo ita distinctis, puto cum Gregorio ita dicendum, quod in primo & secundo casu non impedit à communione: sed si humiliter propter sceleratam dimittit, laudandus est: in tertio autem modo si est ex surreptione & cibariis magis ventosis, ut legumina sunt, non puto impediri: sed in quarto modo & deinceps quinto & sexto puto esse abstinendum à communione, propter dubium morosæ delectationis in cogitatu præcedenti. Quam autem ad quartam distinctionem quam ponit Gregorius, videtur dicendum quod in paucis & raro accidit sine imaginatione turpi pollutio: & hoc satis planum est omni inspicienti secundum librum de somno & vigilia Philosophi: quia vult, quod quedam somnia sunt signa, quedam autem causam habent in corpore. Unde & etiam modus & causa ægritudinis cognoscuntur in somnis: causa autem illa cum sit mouens, & actus actiuorum sunt in patiente prædisposito, ut dicit Philosophus in 2. de anima, & hoc secundum potestatem patientis, & non secundum potestatem agentis, sunt istæ causæ in anima sensibili quæ colligationem habet cum organis in quibus est causa mouens ad coitum, & materia per modum imaginum pertinentium ad coitum: & ideo illa imaginatio fit quandoque in somnis sine culpa præcedenti. Et ideo quod Gregorius dicit eam esse ex culpa præcedenti, vel cogitatione, puto intelligendum esse per modum signi: signum autem est delectatio sequens, quod in vigilia talia meditatus sit: unde non videtur mihi, quod concussio semper impediat à communione. His autem habitis respondendum est ab obiecta.

AD PRIMVM ergo dicendum, quod Gregorius loquitur de pollutione proveniente ex quarta causa, vel deinceps, sicut satis manifestum est in auctoritate ipsa.

AD ALIVD dicendum, quod Isido. non ligat ad abstinendum: quia bonarum mentium est ibi culpam agnoscere, ubi culpa non est.

AD ALIVD dicendum, quod talia in Veteri Testamento sicut ibidem in Glossa Gregorij, & Gloss. Hesichij probatur, signatiue dicta sunt: ideo

exponitur hoc ibidem de verbosis, qui semper mendacij vel detractionis vel adulationis reatu polluunt lectum in quo quiescunt.

AD ALIVD dicendum, quod lex illa intelligitur de viro qui fornicario concubitu commixtus mulieri est, & ideo in eodem capitulo statim adiungitur, Mulier cum qua coierit, lauabitur aqua, & immunda erit usque ad vespem, id est, usque ad mortem pœnitebit.

AD ALIVD dicendum, quod Deus amat munditiam etiam corporalem: sed tamen omnia illa etiam figuratiue intelliguntur: quia Deus corporali immunditia non inquinatur, sicut dicitur Sapient. 8. Quia propter munditiam suam, nihil inquinatum incurrat in illam sapientiam. Licet ergo amet munditiam corporalem, secundum quod attestatur munditiæ spiritus, & dilectioni pulchritudinis spiritualis: non tamen propter immunditias quibus necessario subiaceamus, ipse nos reprobatur, vel arceret à sacramentorum perceptione.

AD ALIVD dicendum, quod omnia illa erant figuratiua, & ostendentia quoniam mundum spiritualiter eum esse oportere qui communicat Sanctis.

AD ALIVD dicendum, quod forte Oza ex libidine cognouerat suam uxorem, secundum illos qui ponunt hoc pro causa: tamen ego puto sensum literalem esse, quod ipse cum esset de Leuitis quibus præcipiebatur arca portari propriis humeris, permisit quod committerebatur periculo vecturæ bouum recalcitrantium, & ideo merito interfecus fuit.

AD ALIVD dicendum, quod actus prophetalis cum actu coitus habet aliquam deformitatem: sed tamen matrimonium illum habet. Ita etiam bene conceditur hoc quod est quadam inconsonantia ex qua simul actu non debet esse, sed secundum tempus successiue vnum post aliud esse quandoque: non enim puto, quod aliter prohibet.

AD ALIVD dicendum, quod non probatur nisi quandam inconuenientiam: & laudandus est qui ad tempus abstinet à communione, sed tamen ex hoc non arceretur, ut puto, & sic Gregorius videtur dicere.

AD ID quod ulterius queritur, Quamdiu sit abstinendum? Puto diu esse per horas 24. in quibus reuolutio tota completur, excepto paruo quod sol interim retro cessit. Dies enim naturalis est reuolutio æquinoctialis cum tanta parte quanta oritur cum actu eclipticæ: quem motum 24. horarum naturali motu sol occidendo signa præscribit. Hic autem arcus est 70. minuta, & 8. secundæ fere. Huius autem talem dicunt quidam rationem: quia in illo tempore fit omnis ortus & occasus imaginum & stellarum cali, super corpus ad reordinandum: quia licet cælum non habeat vim supra liberum arbitrium, habet tamen vim supra corpus ad immutandum & continendum: & hoc innuit Dominus Leuit. 15. ubi dicit, Mulier quæ redeunte mense fluxum sanguinis, &c. Fluit enim sanguis quando non potest digeri: non digeritur autem diminuto calore: calor autem minuitur decrecente lumine in luna.

Adhuc autem est vnus casus querendus, scilicet licet ponamus, quod aliquis veniat ad locum celebrationis, & probabiliter dicet ei conscientia, quod



quod sacerdos in malo statu est, & peccabit mortaliter celebrando, & ipse pollutus in nocte sit sine conscientia causæ mortalis, utrum pro eo celebrare debeat? Et ad hoc diuersimode respondetur. Quidam enim sentiunt, quod non: quia etiam venialiter peccare non debet ad hoc quod alius viter mortale. Mihi autem videtur, quod ego in tali casu celebrarem, præhabita tamen confessione vel compunctione si sacerdos deesset, alia tamen oratione cum deuotione præhabita.

## ARTICVLVS XI.

*An aliqua fœditas corporalis, ut menstruum vel huiusmodi, impediat à perceptione corporis Christi?*

**Q**uinto quæritur, Vtrum aliqua fœditas corporalis, ut menstruum, vel huiusmodi, impediat à perceptione corporis Christi? Videtur autem quod sic. Leuit. 15. Mulier quæ redeunte mense patitur fluxum sanguinis, septem diebus separabitur: omnis qui tetigerit eam, immundus erit vsque ad vespem, &c. Quia multa tangit ibi de immunditiis menstruatæ. Ergo videtur, quod multo magis impediat à perceptione corporis Christi, cuius est maior sanctitas, quam tabernaculi veteris, vel hominis tangentis eam.

2 Item, Maior est fœditas menstrui quam pollutionis nocturnæ: ergo multo magis debet impedire communionem, quam nocturna pollutio: nocturna autem pollutio quandoque impedit, ut habitum est: ergo & menstruorum fluxus.

*Sed contra.*

**SED CONTRA:** Fluxus iste est ex infirmitate vel superfluitate humorum: neutrum autem horum peccatum est: ergo videtur, quod nec menstruorum immunditia impediat à communionem.

2 Item Gregorius, Mulier dum ex consuetudine menstruum patitur, prohiberi Ecclesiam intrare non debet: quia non potest ei naturæ superfluitas in culpam cedere: sanctæque communionis mysterium percipere prohiberi non potest in illis diebus: si autem ex veneratione magna percipere mysterium non præsumit, laudanda est: sed si percipit, non est iudicanda: honarum quippe mentium est ibi culpam agnoscere ubi culpa non est. Ex hoc manifeste accipitur, quod non est impediens à communionem fluxus menstruorum.

**AD HOC** volunt quidam dicere, quod quædam fluunt continuo, & in illis fluxus est ex infirmitate: quædam autem interpolatim, & illæ curabiles sunt, & debent expectare de communionem vsque post fluxum, primæ autem non: & huius causam reddunt: & Augustinus videtur dicere, quod accessus ad menstruatam non sit prohibitus in figu-

ram alicuius futuri: sed etiam in se præceptum morale est, quod non fiat concubitus cum menstruatâ. Vnde dicunt, quod menstruum dicit immunditiam impediens à communionem. August. autem verba sunt super Leuit. 18. super illud, Ad mulierem quæ patitur menstruum, non accedas, &c. dicit enim ibi Gloss. sic, Hoc cum superius satis sufficienter prohibuisset, quid sibi vult quod etiam hic hoc eisdem præceptis voluit adiungere? An forte ne in superioribus quod dictum est, figurate accipiendum putaretur, etiam hic positum est, ubi talia prohibita sunt quæ etiam tempore Noui Testamenti, remota ymbrarum veterum observatione, sine dubio custodienda sunt. Sine præiudicio autem videtur mihi dicendum, quod nunquam prohibenda est mulier à communionem propter menstruum, sicut dicit Gregorius: eo quod sit indicium superfluitatis, vel infirmitatis, & non culpæ.

**AD ID** quod primo obiicitur, dicendum est quod in veritate figuratiue dicebatur de immunditiis menstruatæ quantum ad ingressum tabernaculi, sicut ibidem in Gloss. exponitur: & ideo illa argumenta non cogunt.

**AD ALIUD** autem quod obiicitur de Aug. dicendum quod accedere ad menstruatam est mortale: quia accessus ordinatur ad conceptum: & si tunc mulier concipit, concipit prolem corruptam, ut elephantiam, vel leprosam, ut dicit Gloss. super Ezech. 18. super illud, Ad mulierem menstruatam non accesserit. Et quoad hoc morale est: sed hoc nunquam fuit morale, quod esset immunda per septem dies, & lauaretur aqua, & esset extra castra, & huiusmodi, quæ determinantur Leuit. 15.

## ARTICVLVS XII.

*An indigne sumens corpus Christi id efficiat, ut malum fiat quod accipit?*

**D**einde quæritur de hoc quod dicit ibi [Ecce enim factum est malum, dum male accipitur bonum, &c.] Statim enim contrarium dicit in fine eiusdem capituli, Indigne quis sumens corpus Christi non efficit ut quia malus est, malum sit quod accipit.

**SOLVTIO.** Dicendum, quod malum ex se dicitur multipliciter, scilicet formaliter, & sic intelligitur secunda auctoritas: quia sic corpus Christi non potest esse malum, sed semper est bonum. Dicitur etiam malum effectiue: & hoc dupliciter, scilicet ut causa per se, vel ut causa per accidens: & neutro istorum modorum corpus Christi dicitur malum: quia nec est causa mali per se, nec per accidens. Secundo modo dicitur malum occasio mali, sicut lux præsens dicitur occasio læsionis infirmi oculi: & ita corpus Christi est bonum, & occasio est mali ei qui indignè sumit.

*Solutio.*

## *De intelligentia quorundam verborum ambiguum.*

**S**ECUNDUM hos duos modos sumendi, intelligentia quorundam verborum ambigue dictorum distinguenda est. Ait enim August. Bonus accipit sacramentum & rem sacramenti, malus vero

*D. Alb. Mag. in Lib. 4. Sentent.*

**M**

**sacra**

*In gl. 1. Cor. 2. Quotiescumque.*



sacramentum & non rem. Sacramentum hic dicit corpus Christi proprium, de Virgine natum: Rem vero, spiritualement Christi carnem. Bonus ergo utramque Christi carnem accipit. Malus vero tantum sacramentum, id est, corpus Christi sub sacramento, & non rem spiritualement Item, Non manducans manducat, & manducans non manducat: quia non manducans sacramentaliter, aliquando manducat spiritualiter, & è conuerso. Et qui manducant spiritualiter, veritatem carnis & sanguinis dicuntur sumere: quia ipsam efficientiam habent, id est, remissionem peccatorum: pro qua videtur orari, cum dicitur, Perficiant in nobis Domine quæsumus tua sacramenta quod continent: ut quod nunc specie gerimus, rerum veritate capiamus. Rerum veritatem dicit ipsam efficientiam. Quasi dicat, Per hæc sacramenta præsta: ut sicut sacramentaliter carnem Christi sumimus, ita spiritualiter sumamus. Vel petit sacerdos, ut Christus qui nunc vere sub specie panis & vini sumitur, manifesta visione, sicut in essentia diuinitatis est, quandoque accipiat. Constat ergo à bonis & malis sumi corpus Christi: sed à bonis ad salutem, à malis ad perniciem.

In Com-  
plenda  
Missæ.

Greg. in  
homil.  
Pascha-  
li.

## ARTICVLVS XIII.

*An sacerdos petat ut Christus qui nunc  
sub specie panis accipitur, manifesta  
visione accipiat?*

**D**Einde quæritur de hoc quod dicit ibi [Petit ut Christus qui nunc sub specie panis & vini sumitur, manifesta visione, &c.] Hoc iterum videtur falsum: quia sacramentum non habebit rem in futuro: eo quod in futuro non indigemus viatico: quia tunc non erimus in via, sed in patria: ergo videtur, quod nihil sit dictum: quia tunc capietur manifesta visione, sicut capitur modo sub specie sacramenti.

2 Item, Frui Deo per speciem in aperta visione non est actus sacramenti vel succedens sacramento, sed potius actus beatitudinis succedens virtuti vini vel pluribus, ut determinatur in prima distinct. primi libri huius voluminis: ergo videtur, quod in precibus Ecclesiæ inconuenienter hæc duo coniungantur, ut sicut nunc per speciem sacramenti, ita quandoque per speciem diuinitatis aperta visione capiamus.

3 Item, Nunc capimus eum per gustum corporis & sanguinis eius: tunc autem ita non capiemus, sed per contemplationem & fruitionem: ergo videatur, quod nulla sit oratio.

Sed con-  
tra.

**SED CONTRA:** In ecclesiastica hierarchia cap. 3. dicit Dionysius, quod Iesu diuinæ participationis symbolum est Eucharistiæ sanctissimæ assumptio. Constat autem quod intelli-

git diuinam participationem illam quæ est per fructum in gloria. Ergo videtur succedere manducationi & sumptioni sacramentali.

**SOLVTIO.** Dicendum, quod sacramentum hoc sicut & alia, habet duplicem rem: vnā quæ est contenta & significata, & illam consequitur in præsentī, & hæc est propria sacramento: & de istis rebus sacramentorum sæpius dictum est supra. Aliam habet significatam & non contentam: & quia sacramentum est causa rei quam continet, Et illam rem non continet, consequens est quod etiam non causet eam: sicut res baptismi est fulgor gloriæ in resurrectione, & ita de aliis. Ita potest dici hic, quod participatio per fructum diuinitatis in aperta visione est res significata, & non causata, nec contenta in hoc sacramento, hoc modo quo significatur fructus dulcedinis gloriæ in gustu Dei per fructum: & gustum dulcedinis spiritualis in sacramento in quo est Christus auctor gratiæ: & ita intelligit Dionysius.

**AD PRIMVM** ergo quod obicitur, dicendum quod non est opus tunc viatico, sed est gustus felicitatis ut finis, qui significatur in gustu viatici: sicut ea quæ sunt patriæ, significantur sæpius per ea quæ sunt viæ.

**AD ALIVD** dicendum, quod est actus sacramenti ut significantis, sed non est actus sacramenti ut causantis eum: sicut etiam plena gloria in dotibus animæ & corporis dicitur esse res baptismi: & super hoc fundatur intentio orantis.

Solutio.





## DISTINCTIO X.

*De hæresi aliorum qui dicunt corpus Christi non esse in altari nisi in signo.*

**S**UNT item alij præcedentium insaniam transcenden-  
tes, qui Dei virtutem iuxta modum naturalium rerum  
metientes, audacius ac periculosius veritari contradi-  
cunt: asserentes in altari non esse corpus Christi vel  
sanguinem, nec substantiam panis vel vini in substan-  
tiam carnis & sanguinis conuertere: sed ita Christum dixisse, Hoc est  
corpus meum: sicut Apostolus dixit, Petra autem erat Christus. Di-  
cunt enim ibi esse corpus Christi tantum in sacramento, id est, in  
signo, & tantum in signo manducari à nobis. Qui errandi occasio-  
nem sumunt à verbis veritatis, unde prima hæresis facta est in disci-  
pulis Christi. Cum enim diceret, Nisi quis manducauerit carnem  
meam & biberit sanguinem meum, non habebit vitam æternam:  
illi non intelligentes dixerunt, Durus est hic sermo: quis potest eum  
audire? & abierunt retro. Illis discedentibus instruxit duodecim qui  
remanerant. Spiritus est, inquit, qui viuificat, caro nihil prodest:  
verba quæ locutus sum vobis, spiritus & vita sunt. Intellexisti spiri-  
tualiter? spiritus & vita sunt. Intellexisti carnaliter? etiam sic spiritus  
& vita sunt, sed tibi non sunt. Spiritualiter intellige quæ locutus  
sum. Non hoc corpus quod videtis manducaturi estis, & bibituri  
illum sanguinem quem fufuri qui me crucifigent. Sacramentum ali-  
quod vobis commendauit: spiritualiter intellectum viuificabit vos: ca-  
ro autem non prodest quicquam. Sunt etiam & alia illorum insanix  
fomite ministrantia. Ait enim August. Donec seculum finiatur, Loc. cit.  
fursum est Dominus: sed tamen etiam hic nobiscum est veritas Do-  
minus. Corpus enim in quo resurrexit, in vno loco esse oportet:  
veritas autem eius vbique diffusa est. Item, Vna persona est Deus Aug. ad  
& homo: vbique per id quod est Deus, in cælo per id quod ho-  
mo est Christus. Dicit etiam, Pauperes semper habetis vobiscum, Darda-  
num  
ep. 17.  
Mat. 26.  
me autem non semper habebitis. His aliisque vtuntur præfati hæretici  
in assertionem sui erroris.



### DIVISIO TEXTVS.

**S**unt & alij præcedentium insa-  
niam, &c. ] In præhabitis exclusit  
Magister errorem quorundam di-  
centium corpus Christi non sumi  
à malis: qui fuit error minoris  
inconuenientix. Hic autem tangit errorem ma-  
ioris inconuenientix, eorum scilicet qui negant

*D. Alb. Mag. in Lib. 4. Sentent.*

corpus Christi esse in altari. Contra istud primo  
inducens quasdam auctoritates Canonis & Pa-  
trum, ex quibus habuit ortum: & secundo eas-  
dem soluens & determinans *ibi* [ Ex eadem ratio-  
ne omnia recipienda sunt ] Tertio ponit sophi-  
sticas rationes quibus isti decipiebantur, & soluit,  
auctoritatibus improbens dictum eorum *ibi*  
[ Satis responsum est hæreticis obiectionibus, &c. ]  
Et hoc est quod dicit vsque ad sequentem par-  
tem, in qua tangit de modo conuersionis. Et per  
hoc patet sententia: & si quid minus est, per dis-  
putationem manifestabitur.

M 2 ARTI



## ARTICVLVS I.

*An corpus Christi vere sit in altari, aut  
solum sicuti signatum in signo?*

**S**It ergo hæc prima quæstio de errore quem  
nititur Magister in litera elidere, scilicet an  
corpus Christi sit in altari, vel non? Videtur  
enim multis rationibus, quod non sit: quicquid  
enim est immutabile, nihil abiiciens, & nihil reci-  
piens, hoc non sit in aliquo loco per conuersio-  
nem alicuius in ipsum: corpus Christi glorio-  
sum est immutabile, nihil abiiciens, & nihil reci-  
piens: ergo non sit in aliquo loco per conuersio-  
nem alicuius in ipsum. Maior patet per se: & si  
aliquis dubitat, probatur sic, Omnis mutatio fit  
per alicuius abiectionem, & alicuius aduentum:  
ergo à destructione consequentis, quod nihil abi-  
cit, aut nihil accipit, hoc est immutabile omnino.  
Si autem nihil suscipit, videtur sequi necessario,  
quod nihil conuertitur in ipsum.

2 Item, Omne quod loco circumscribitur,  
non sit in alio loco nisi prius recedat à loco in  
quo est: corpus Christi loco circumscribitur: ergo  
non sit in alio loco, quam in cælo nisi prius  
recedat à loco cæli empyrei in quo est: non au-  
tem recedit ut Sancti omnes dicunt: ergo non sit  
in loco alio: ergo nec in altari: ergo non est in  
altari, ut dicit illa opinio.

3 Item, Secundum modum loquendi, maioris  
dignitatis & simplicitatis sunt spiritus quam cor-  
pora: nullus autem spiritus creatus potest simul  
esse in diuersis locis: ergo multo minus potest  
corpus simul in diuersis locis esse: corpus au-  
tem Christi est in cælo manens: ergo non in  
altari.

4 Item, De Deo hæc est falsa, Deus est alibi  
quam ubi ipse est, cum tamen Deus sit vbique:  
ergo multo magis falsa est de his quæ loco diffi-  
niantur & circumscribuntur: corpus autem Chri-  
sti loco circumscribitur: ergo est in loco  
determinato, & non est alibi quam ubi est:  
ergo non est alibi quam in cælo, quia ibi est: ergo  
non est in altari.

5 Item, Si daretur, quod posset esse alibi,  
& hoc simul & semel, videretur ex hoc sequi, quod  
posset esse vbique: & hoc duabus rationibus,  
quarum vna est: quia, sicut alibi dicitur, si duo  
corpora possent esse simul in vno loco, eadem ra-  
tione & infinita: ita videtur sequi hic, quod cir-  
cumscriptio loci non magis repugnat ad esse si-  
mul in pluribus locis quam ad esse vbique: si er-  
go potest esse in pluribus locis, potest etiam esse  
vbique. Secunda ratio est: quia datur, quod con-  
secratur vbique, & in omni loco est ubi conse-  
cratur: ergo erit tunc vbique. Hoc autem si forte  
non videatur alicui inconueniens, ostendatur esse  
inconueniens sic. August. dicit, quod soli Deo  
proprium est esse vbique: corpus autem Christi  
non est Deus, sicut nec anima Christi Deus est,  
licet homo Deus sit: & sic corpori Christi  
non conuenit esse vbique: ergo videtur non esse  
in altari.

6 Item, Videtur, quod non sit intelligibile  
corpus Christi esse in altari: loco enim circun-  
scribitur, cui assignatur principium, medium, &

terminus secundum diuersitates loci: constat au-  
tem, quod id quod nunquam est extra terminos  
contentos, qui sunt termini locati intra, nunquam  
est extra terminos continentes qui sunt locus  
corporis: corpus autem Christi nunquam est ex-  
tra terminos contentos in cælo empyreo, qui  
sunt dimensiones sui: ergo nunquam est extra  
terminos loci continents: non autem potest esse  
in altari nisi sit extra terminos continentes sci-  
licet loci: ergo nunquam est in altari, ut vi-  
detur.

7 Si forte dicas, sicut fere omnes dicunt,  
quod corpus Christi tria habet, & per illa tria  
se habet ad locum. Est enim corpus dimensio-  
nem habens, & per hoc habet quod loco circun-  
scribitur. Est idem gloriosum, & per hoc habet  
quod potest esse cum alio corpore in eodem loco.  
Item est vnitum diuinitati, & ex hoc habet quod  
potest esse in pluribus locis simul. Sed illud vi-  
detur non posse stare. Primo quidem: quia cor-  
pus Christi antequam esset gloriosum, secundum  
hoc, non potuit esse cum alio corpore in eodem  
loco, quod est erroneum: quia ipse in cæna  
corpus suum dedit antequam glorificaretur:  
vnde illa distinctio nihil videtur valere ad pro-  
positum.

8 Præterea, Aliud est quærere, Quid Deus  
possit facere: & aliud, Quid in rebus possit fieri,  
ut dicit Augustinus. Quod enim quantum mo-  
ueatur localiter in nunc siue in instanti, Deus  
potest facere: & tamen Deus non potest facere  
quin accipiat necessario primum & vltimum:  
ergo necessario fit successio in motu ipsius, &  
motus in instanti non potest ei conuenire. A simili,  
licet corpus illud sit vnitum diuinitati: tamen  
hæc vnio non tollit ab eo dimensionem circun-  
scripibilem: sed illa remanente, videtur impos-  
sibile esse, quod simul sit in diuersis locis.

9 Item, Quæ est necessitas, quod Christus sit  
in altari cum corpore & anima: videtur enim  
gloriosius operari posse, ubi aliquis non est præ-  
sentialiter, quam ubi est: ergo Christo etiam  
gloriosius esset facere gratiam huius sacramenti,  
ubi non esset præsentialis, quam ubi esset præsens:  
ergo videtur, quod cum ipse semper faciat melius,  
quod ipse non sit in altari.

10 Item, Supra in principio libri tactæ sunt  
causæ quibus instituta sunt sacramenta, & vna est  
ibi posita, quæ est causa humilitatis, ut scilicet in  
hoc homo humilietur, quod quærit salutem in  
inferioribus se. Si autem Christus dicatur esse  
in altari, nihil est in hoc sacramento inferius  
homine: ergo perit causa institutionis, &  
fructus sacramenti: ergo melius est ponere  
Christum non esse in altari, quam esse, ut  
videtur.

Si hoc conceditur, erit expresse contra fi-  
dem, sicut dicitur in litera.

2 Item, Esset contra gratiam: dicitur enim in  
Deuter. 32. quod Dei perfecta sunt opera: si ergo  
perfecta sunt opera creationis, multo magis per-  
fecta esse debent opera gratiæ & recreationis in  
sacramentis: hæc autem gratia præcipue est ut  
nos coniungamur Deo, & ipse coniungatur nobis:  
ergo in aliquo sacramento debet ista coniunctio  
esse completa: ergo in aliquo sacramento nobis  
corporaliter debuit coniungi.

3 Item, In donis gratiæ gratum facientis quæ  
est



quæ est gratuita virtus Spiritus sancti, essentialiter potentialiter & præsentialiter & per inhabitantem gratiam coniungitur & illabitur nobis. Cum ergo adhuc sit alia pars gratiæ gratum facientis in sacramentis, per illam debet coniungi his vnde trahit effectum: ille autem est Christus passus in corpore & anima, à quo omne sacramentum habet vim: ergo ipse idem in aliquo sacramento in corpore & anima nobis debet coniungi, vt videtur.

4 Item, Hebr. 2. Quia pueri communicauerunt carni & sanguini, & ipse similiter participauit eisdem, vt esset conformis nobis in natura: sed ex eisdem secundum naturam generatur natura & cibatur: ergo videtur, quod etiam in sua natura conformi nobis debuit esse noster cibus.

5 Item, Nos omnibus modis indigebamus sibi conformari: ergo oportuit hoc fieri per aliquid incorporans nos ei: hoc autem esse non potuit nisi ipse: ergo oportuit, quod per ipsum incorporeretur ei: ergo necesse fuit, quod corpus suum in aliquo daret nobis: in nullo autem ita conuenienter datur sicut in edulio: ergo in edulio debuit nobis dari, vt videtur.

*Solutio.* Solutio. Absque omni ambiguitate tenendum est, quod Christus corporaliter est in altari: & quod hæresis sit id quod recitat Magister in litera, scilicet quod Christus non sit in altari nisi sicut signatum in signo.

AD OBIECTVM autem primum contra hoc, dicendum quod ab/que dubio corpus Christi modo est immutabile nihil suscipiens nihilque abiiciens, quia est gloriosum: tamen non sequitur hoc quod pro consequenti, quasi adhuc ulterius inferatur, quod non efficiatur alicubi per conuersionem alicuius in ipsum: aliter enim est de conuersione in aliud secundum totam essentiam: & aliter est de conuersione in aliud secundum partes: partes autem voco partes essentielles quæ sunt materia & forma: & hoc verum est, quod nihil secundum materiam conuertitur in aliud, nisi cuius materia recipitur ab alio, & non forma, quia forma abiicitur. Sed hic non est ita: quia tota essentia panis non annihilata, nec manens substantia panis transit in totum corpus Christi secundum materiam & formam: & ideo necesse est eodem modo manere nihil recipiendo, & tamen effici ibi vbi sit talis transsubstantiatio. Ad probationem autem dicendum, quod est mutatio quæ fit à motore imperfecto, cui non tota materia mobilis obedit, vt in ipsa inducatur id quod intendit: sicut est mutatio naturalis: & de illa tener probatio. Est etiam mutatio mouentis virtute infinita, cui tota essentia quæ est composita ex materia & forma, obedit in conuersione in id quod intendit, & talis est in sacramento.

AD ALIVD quod obiicitur de loco, dicendum videtur, quod hoc verum est de his quæ non habent comparisonem ad locum, nisi vno modo, vt sunt ea quæ tantum diffinitive vel circumscriptione sunt in loco. Sed de corpore Christi non est sic: quia habet duplicem comparisonem ad locum: vnam per se vbi est in propria forma, vt vbi circumscribitur loco, & assignatur ei primum & medium & vltimum in partibus loci, & vbi est primum, hic non est vltimum. Aliam etiam habet comparisonem ad locum per aliud in quo ipse est totus in toto: sicut est forma hostiæ: quia

*D. Alb. Mag. in Lib. 4. Sentent.*

ipse in tota hostia est totus, & in qualibet parte totus: & non est ei assignare primum & medium & vltimum secundum partes loci ipsius hostiæ: & hoc plenius habebitur infra. Vnde si Christus efficeretur in loco aliquo circumscriptione, tunc bene concederetur, quod recederet à loco in quo erat circumscriptione: sed ad hoc quod alibi efficiatur in loco aliter quam est hic, non oportet, quod recedat vel moueatur in isto in quo est circumscriptione.

AD ALIVD dicendum, quod loci diuersitas, id est, quod diuersimode potest esse in locis diuersis, non conuenit spiritui in quantum spiritus, eo quod neque corpori in quantum corpus: sed conuenit Christo in quantum in se & ad alios, eisdem viuens operatur: secundum se autem est in loco circumscriptione: ad alios autem comparatus quos vnit sibi, oportet quod apud eos sit in ratione & forma cibi qui vnit per modum nutrimenti. Obiectio autem illa procedit, ac si ista attribuantur corpori per hoc quod est corpus.

AD ALIVD dicendum, quod licet de Deo qui vbilibet est, ista sit falsa, Deus est alibi quam vbi est: eo quod ipse sit vbique, & in se per ly alibi importatur diuersitas loci ad vbique, & ideo falsa est: tamen hæc est vera, Deus est aliter in lapide & in Sanctis & in se, & aliter in templo & aliter in foro, ita quod modus alteritatis retorquetur ad effectus. Ita etiam bene concedendum esse videtur, quod hæc sit falsa, quod corpus Christi sit alibi quam vbi est: quia ibi notatur alteritas vel aliteras loci ad vbi: in quo simpliciter est sine distinctione modi essendi vbi circumscriptione vel sacramentaliter: & ideo ad illa sequuntur contradictione opposita: quia cum ipse sit vbi est, & ipse sit alibi quam vbi est, oportet quod in omni loco in quo est, etiam non esset, sed in alio. Sed tamen hæc est vera de corpore Christi, Corpus Christi est alibi quam vbi est circumscriptione: quia est in sacramento in quo non est circumscriptione, sed essentialiter in toto totus, & in qualibet parte totus.

AD ALIVD dicendum, quod si derur Christum posse esse hic circumscriptione, & in multis aliis locis sacramentaliter: ex hoc non sequitur, quod possit esse vbilibet: & hoc patet, quia cum dicitur, Deus est vbique, sensus est, Deus continet omnem locum & omnem loci particulam, & influit ei virtutem qua locatum continere possit: hoc autem neutro modo se Christus habet ad locum: quia circumscriptione existens in loco, non est ipse in qualibet particula loci totus. Similiter sacramentaliter existens in loco, licet sit in qualibet parte formæ totus: non tamen illa forma per quam Christus est in loco, tota est in qualibet parte loci. Et Christus in altari, vt puto, non habet comparisonem ad locum nisi mediante forma sacramenti: & sic patet, quod non sequitur ex hoc ipsum esse vbique secundum quod Deo proprium est esse vbique. Præterea non in omnibus locis & partibus loci consecrari potest corpus Christi, vel etiam consecratum haberi: & ideo iterum ei non conuenit esse vbique: tamen hæc secunda ratio non probat corpus Christi vbique posse esse per se, sed per accidens. Prima vero probat per se vbique esse: quod ei non conuenit, sed conuenit ei posse esse in pluribus locis.

AD ALIVD dicendum, quod in veritate



quicquid terminans intra, tangit locantis corporis terminatos extra, illud mensuratur quantitate interiori & exteriori: & si non habeat aliam comparisonem ad locum, quam illam qua quantitate interiori conuertitur, sic quantitate exteriori non potest esse in diuersis locis simul, sed successiue tantum: & hoc ideo, quia dimensiones locantis quæ hic sunt, non possunt esse simul & semel alibi. Sed in corpore Christi non est ita, eo quod diuersis modis se habeat ad locum, vt præhabitu est: & ideo potest esse in diuersis locis.

AD ALIVD dicendum, quod ad hoc quod corpus Christi possit esse cibus nos ad se conuertens, oportet quod sit diuinitati vnitum: & cum gratia illius conueniat ei esse in pluribus locis vbi sunt membra cibanda vel cibata, dixerunt quidam, quod in quantum diuinum est corpus habet quod possit esse in locis pluribus: & bene concedo, quod bene habet hoc: non in quantum est gloriosum, sed potius in quantum est cibus.

Hieron.  
in Epist.  
ad Ephesios.  
Caro spiri-  
tualis  
atque  
diuina.  
De conf.  
dist. 2. c.  
Dupli-  
ter.

AD ALIVD quod contra hoc obiicitur, dicendum videtur, quod licet diuinitas vnita non tollit quantitatem: tamen ab ipsa vnione confertur ei potentia quam non habuit, scilicet potentia cibandi spiritualiter: & per consequens confertur ei, quod possit esse vbi cibanda membra sunt in diuersis locis: & ideo non est simile de quanto moto, cui non confertur noua potentia ultra diuisibilitatem quantitatis: quia necesse est in loco motus sui primum pertransire minus se aut æquale, quam pertransire maius se, vt probatur in 9. Physicorum ante finem.

AD ALIVD dicendum, quod est necessitas magna: quia licet Christus absens possit dare gratiam: tamen gratia illa non haberet omnimodum complementum: eo quod ipsa non est ipse, & totum quod ipse est ipsa gratia: & ideo vt operetur in nobis se toto, necesse est se totum nobis dare in sacramento.

AD ALIVD dicendum, quod adhuc saluatur causa institutionis in sacramento, scilicet humilitas ratione specierum panis & vini post conuersionem, & ratione substantiæ panis & vini ante conuersionem: & ideo hoc non impedit.

## ARTICVLVS II.

*An verum sit quod dicit Magister, Non hoc corpus quod videtis, comesturi estis.*

**D**Einde quæritur de hoc quod dicit ibi [Non hoc corpus quod videtis, comesturi estis, &c.] Hoc enim expresse falsum est: quia idem corpus comederunt & eundem sanguinem biberunt. Si forte tu dicas, quod Magister videtur in litera soluere, vt non hoc corpus, &c. id est, non sub eadem specie qua crucifigetur, comedetis. Contra: Secundum hoc etiam in forma Eucharistiæ, cum dicitur, Hoc est corpus meum, possemus dicere, Non hoc est corpus meum: quia non est ibi sub specie corporis, sed sub specie panis.

2 Item, Pronomen significat substantiam & demonstrat eam: ergo cum substantialiter sint idem corpus, videtur, quod non debeat dicere, Non hoc est corpus quod videtis, &c. sed potius sic, Hoc quidem corpus, sed non sub tali specie ministratum.

3 Præterea, Quid est hoc quod dicit, Caro non prodest quicquam? Si enim caro non prodest quicquam, tunc nihil quod sit in respectu sacramenti, prodest quicquam. Probatio. Virtute sacramenti nihil conuertitur ibi in spiritum increatum vel creatum: ergo de spiritu nihil est ibi virtute sacramenti, sed tantum caro & corpus: ergo si illa non prodest quicquam, videtur quod sacramentum non prosit quicquam.

4 Item per hoc quod dixit, Intellexistis spiritualiter, spiritus & vita sunt: videtur minime: quia Dominus instruxit discipulos, quod secundum intellectum spiritualem intelligant de mysterio sacramenti: & hoc est contra veritatem, quia Christus nobis corporaliter & essentialiter datur in sacramento, & non spiritualiter tantum.

5 Item, Modus spiritualis manducationis est sine præsentia sacramenti: ergo intelligendo spiritualiter, si referatur ad modum manducandi, de quo instruit ibi Dominus Apostolos, videtur quod non intelligatur quicquam de ritu sacramenti, quod falsum est: & ideo nulla vel imperfecta videtur esse expositio Augustini.

**SOLVTIO.** Dicendum ad hoc quod August. optime exponit in litera: & quia hæretici non intellexerunt expositionem, ideo fomitem erroris in verbis illis acceperunt.

**DICENDVM** ergo ad primum, quod comedere dicitur duobus modis: primo modo carnaliter secundum quod ponit virtutem fortiolem in comedente conuerrente ad se cibum: & in tali comestione cibus diuiditur & patitur, & à se ad cibatum conuertitur: & istum intellectum acceperunt discipuli qui abierunt retro: & facti sunt hæretici & hæresiarchæ aliorum hæreticorum qui adhuc sunt, per doctrinam, vel per imitationem: & sic intelligit August. Non hoc corpus quod videtis, comesturi estis: & sic demonstratiuum pronomen demonstrat substantiam. Alio modo dicitur comedere, ita quod sit cibus spiritualis spiritualiter reficiens, & cuius virtute cibus conuertitur ad cibum spiritualiter per vnionem, & non corporaliter per identitatem: & hoc modo intelligit Dionysius & Augustinus: & hoc vocat spiritum & vitam: & Augustinus vocat spiritualem intellectum, id est, intellectum cibi spiritualis spiritualiter reficientis. Vnde Magister in litera sequentis capituli minus dicit: quoniam virtute verborum contineatur, relinquens legentibus materiam inquisitionis. Per hoc ergo patet solutio ad hoc quod obiicitur de forma, cum dicitur, Hoc est corpus meum.

AD ALIVD dicendum, quod pronomen substantiam significat: sed cum dicit August. quod non hoc corpus quod videtis, &c. non intelligit ipse, quod non essent manducaturi idem numero: sed potius, quod illud idem numero non essent manducaturi secundum intellectum corporalis manducationis, sicut ipsi intellexerunt: sed quod idem numero comesturi essent sacramentaliter.

AD ALIVD dicendum, quod totum ad eundem intellectum refertur: quia si caro Saluatoris ad nos conuerteretur (sicut ipsi credebant) & diuideretur dentibus, non proderet nobis quicquam: quia sic non vniret nos meliori quam nos sumus: sed potius ipsa deficeret in nobis, & periret: & ideo dicit Augustinus exponendo, & bene, quod intellectus carnalis non prodest



dest quicquam, sed etiam nocet plurimum.

AD ALIUD dicendum, quod illud quod dicit Augustinus, Intellexistis spiritualiter, spiritus & vita sunt: non excludit sacramentalem come-

stionem, sed potius supponit eam: sed excludit in comestione sacramentali carnalis comestionis intellectum, ut iam dictum est. Et per hoc etiam patet solutio ad ultimum.

*Determinatio premissorum.*

**Q**UAE ex eadem ratione omnia accipienda sunt: non enim B  
verbis his negatur verum corpus Christi à fidelibus sumi, vel  
in altari esse: sed his veritas Apostolos, & in eis nos instruit; Ioan. 6.  
quod ipsius corpus non per partes discerptum, ut putauerunt illi disci-  
puli qui retro ierunt, sed integrum: nec visibiliter in forma humana,  
sed inuisibiliter sub forma panis & vini corpus & sanguinem nobis tra-  
deret. Quem sensum August. confirmat, dicens, Ipsum quidem, &  
non ipsum corpus quod videbatur, manducatur: ipsum quidem inuisi-  
biliter, non ipsum visibiliter. Item. Etsi necesse est illud visibiliter ce-  
lebrari, necesse est tamen inuisibiliter intelligi. Ita etiam intelligen-  
dum est corpus Christi esse in vno loco, scilicet visibiliter in forma  
humana: veritas tamen eius, id est, diuinitas vbique est: veritas etiam  
eius, id est, verum corpus in omni altari est vbicunque celebratur.  
Sic etiam illud intelligendum est, Pauperes semper habetis vobiscum, Mat. 16.  
me autem non semper habebitis, secundum corporalem praesentiam  
scilicet qua cum eis conuersabatur. Similiter per id quod homo est,  
in caelo est, scilicet visibiliter: inuisibiliter autem est in altari, quia  
non in forma humana apparet, sed forma panis & vini operitur. Vnde  
& inuisibilis caro eius dicitur, quae vere est in altari: sed quia in spe-  
cie sua non apparet, inuisibilis dicitur. Ait enim Augustinus, Hoc  
est quod dicimus, quod modis omnibus approbare contendimus, sa-  
crificium Ecclesiae duobus confici, duobus constare: visibili elemen-  
torum specie, & inuisibili Domini nostri Iesu Christi carne & sangui-  
ne: sacramento, & re sacramenti, id est, corpore Christi: sicut &  
Christi persona constat & conficitur ex Deo & homine, cum Christus  
sit verus Deus & homo: quia omnis res illarum rerum naturam &  
veritatem in se continet, ex quibus conficitur. Conficitur autem sa-  
crificium Ecclesiae duobus: sacramento, & re sacramenti, id est, cor-  
pore Christi. Est ergo sacramentum, & res sacramenti, idem corpus  
Christi. Ecce inuisibilem dixit carnem Christi, quia forma panis operata  
sumitur & tractatur. Idemque corpus Christi dixit esse sacramentum  
& rem: ex quo confirmatur quod supra diximus. Deinde addit quod  
magis mouet lectorem, Caro, inquit, eius est, quam sub forma  
panis opertam, in sacramento accipimus: & sanguis eius, quem sub  
vini specie ac sapore potamus. Caro videlicet carnis, & sanguis sacra-  
mentum est sanguinis: carne & sanguine, utroque inuisibili, intelli-  
gibili, & spirituali significatur corpus Christi visibile & palpabile, ple-  
num gratia & diuina maiestate.

In ep. ad  
Hire-  
num.  
De conf.  
dist. 1. c.  
Non  
hoc.

In lib.  
senten-  
tiarum  
Prospe-  
ri.  
De conf.  
dist. 1. c.  
Hoc est.



## ARTICVLVS III.

*An hoc verum sit quod dicit Magister,  
Ipsam quidem, & non ipsum corpus  
quod videbatur, man-  
ducatur?*

**D**Einde quæritur de hoc quod dicit in sequenti capitulo [Ipsam quidem, & non ipsum corpus quod videtur, manducatur, &c.] Secundum enim hanc literam duo contradictoria videntur poni circa idem, cum ly ipsum in singulari demonstrat corpus, scilicet quod manducabatur, & non manducabatur: hoc autem videtur inconueniens: quia contradictio est oppositio cuius non est medium secundum se: & necesse secundum alteram esse falsam, & alteram veram. Si dicas, quod non sunt contradictoria: quia respectu diuersarum formarum non est inconueniens idem numero corpus manducari & non manducari: videtur, quod hoc nihil sit: quia quædam formæ & actus & passionibus conueniunt absolute secundum substantiam rei cuius sunt: quædam autem sunt relatiuæ. Verbi gratia, albedo est forma absoluta, & inest albo, siue comparatur ad aliud, siue non: similitudo autem est forma respectiua: ergo non inest nisi secundum comparisonem ad aliud: & in his quæ conueniunt absolute, semper insunt, & respectu omnium insunt: de sic autem conuenientibus est comestio corporis: ergo si corporis est ut sit comestum vel comedatur, conuenit ei & in forma panis & in forma humana, ut comedatur, & nunquam conuenit ei non comedi.

2 Item, Philosophus in 1. de generatione & corruptione, capitulo de augmento, vult quod nihil nutrit nisi secundum id quod est substantia, & augec secundum id quod est substantia quanta: si ergo corpus Christi verissime nutrit & verius quam cibus carnalis, ipsum per substantiam comeditur: quod autem secundum substantiam comeditur, simpliciter comeditur: ergo de ipso non contingit vere dici, quod vno modo comedatur, & alio non: & sic iterum nihil est quod dicitur in litera.

3 Item, Gustus secundum quod est sensus alimenti etiam quidam tactus est, ut dicit Philosophus: ergo non accipit speciem nisi cum tactu substantiæ quæ disponitur specie illa: ergo nihil est dictum, quod secundum vnam formam comedatur aliquid, & secundum aliam non: quia nihil comeditur nisi secundum suam substantiam.

*Solutio.*

**SOLVTIO.** Dicendum, quod in veritate August. accipit hic comestionem pro comestione sacramentali, in qua sunt duo, scilicet diuisio specierum per masticationem & fractionem, & incorporatio cibantis quæ fit in cibo, scilicet capiti Christo. Et vult Aug. quod coniunctim vtrumque simul non potest referri ad corpus quod videbatur à discipulis in propria forma: & sic verificatur quod dicit, non ipsum visibiliter: sed vtrumque verificatur in eo in quo est inuisibiliter, scilicet in quo non videtur in forma propria: quia ibi fractio & diuisio referuntur ad speciem panis, & incorporatio ad virtutem corporis: & hoc est quod dicit ipsum manducare inuisibiliter.

**AD ID** ergo quod contra obicitur, dicens, quod licet comedere cadat super corpus Christi absolute acceptum: tamen secundum quod plura importat ly comedere, quæ non conueniunt corpori gratia vnus quod est in ipso, sed gratia diuersorum: sicut diuisio & fractio ex parte vna, & vnio siue incorporatio ex parte alia: sic bene potest ei attribui comedi secundum vnum modum, & non comedi secundum alium modum: quia non tota ratio comestionis sacramentalis est in corpore secundum substantiam corporis: sed quiddam quod est de ratione comestionis, est citra speciem panis & vini: ideo non contradicunt: sed si vtrumque respiceret corporis substantiam absolute, tunc videretur concedendum, quod omnibus modis comederetur.

**AD ALIUD** dicendum, quod corpus quidem nutrit nos secundum substantiam, & non secundum accidentia: secundum substantiam dico vnitam diuinitati: sed illud nutrimentum est secundum alterum tantum quod est in ratione comestionis, & non secundum id quod est masticatio & diuisio & fractio quædam cibi: & secundum hoc bene conceditur, quod corpus Christi existens in forma humana nutrit, licet non sic exhibeatur in sacramento, quod actus masticationis sit super speciem humanam.

**AD ALIUD** dicendum, quod non est ita in hoc sacramento: quia accidentia habent hic virtutem quandam substantiæ in hoc quod sunt sine subiecto, & nutriunt corpora, & corrumpuntur, & conuertuntur: & de hoc infra erit quæstio: & ideo cum hic sit alimentum in solum accidentibus, non spirituale, sed corporale, sufficit gustui tactus accidentium tantum.

## ARTICVLVS IV.

*An sacramentum Eucharistia bene dicatur componi ex visibili elementorum specie, & carne Christi?*

**D**Einde quæritur de hoc quod dicitur ibi [Hoc est quod dicimus, quod modis omnibus approbare contendimus, &c.] Videtur, quod nulla sit hæc confectio siue compositio quam Magister tangit in litera, scilicet quod sacramentum componatur ex visibili elementorum specie & Domini nostri Iesu Christi carne, sacramento videlicet, & re sacramenti: res enim sacramenti est effectus sacramenti: sed ex causa & effectu nunquam fit aliquid, præcipue ex causa efficiente & suo effectu: sed semper secundum essentiam differunt: ergo non fit vnum sacramentum ex visibili elementorum specie, & Domini nostri Iesu Christi carne.

2 Item, Vnum est in ratione signi, & alterum in ratione signati: ergo differant, & opponuntur relatiue: ex correlatiuis autem & oppositis non fit vnum: ergo non conficitur aliquid vnum ex his duobus: ergo nec sacramentum vnum: & sic iterum nihil est quod dicit Augustinus in litera.

3 Item, Illa quæ enuntiant sacramentum ut partes essentielles, sunt ut forma & materia, sicut supra in omnibus aliis sacramentis ostensum est: sed visibilis elementorum species & Domini nostri



stri Iesu Christi caro, non se habent adinuicem  
ut forma & materia: ergo non constituunt sacra-  
mentum: ergo nihil videtur dicere August.

*Solutio.* SOLVITIO. Ad hoc videtur dicendum, quod  
non intendit hic August. determinare partes es-  
senciales sacramenti quod tantum est sacramen-  
tum: sed potius dicere ea quae exiguntur ad veri-  
tatem & sacramenti perfectionem, secundum quod  
est effectuum veritatis corporis Christi mystici  
quod est Ecclesia: species autem visibiles operan-  
tur illam per modum signandi, ut dicit Magister  
in sequenti distinctione: quia sicut vnus panis  
fit ex multis granis depuratis, & vinum confluit  
ex multis uis: sic congregatur Ecclesia ex multis  
fidelibus catholice depuratis. Corpus autem Chri-  
sti verum efficit illam per modum causae talis,  
qualis causa est sacramentum. Hoc modo sacra-  
mentum ut est causa & signum gratiae, conficitur  
ex his duobus, ut ab vno habeat rationem signi-  
ficandi, ab altero autem rationem causandi.

AD PRIMUM ergo dicendum, quod licet  
vnum sit causa alterius hoc modo quo sacra-  
mentum est causa: nihil tamen prohibet quin ambo  
habeant ordinem aliquem ad tertium, & in illo  
ordine vniantur: sicut etiam est in baptismo vbi  
character causatur à tinctione exteriori, & cum  
tinctione exteriori est sacramentum gratiae interioris  
tingentis & mundantis.

AD ALIUD dicendum, quod illo modo  
quo opponuntur, non vniantur: sed potius illo  
modo quo ordinantur ad tertium, ut dictum est;  
& est exemplum in patre & filio qui opponuntur  
relatiue in diuinis & humanis: tamen possunt esse  
vniti respectu tertij quod aliquo modo est ab  
ambobus.

AD ALIUD dicendum, quod non confici-  
tur sacramentum his duobus ut partibus essentia-  
libus, quae sunt forma & materia: sed potius mo-  
do praedicto.

## ARTICVLVS V.

*An caro sit sacramentum carnis, & sanguis  
sacramentum sanguinis?*

DEinde quaeritur de hoc quod dicit Augusti-  
nus ibi [Caro videlicet carnis, & sanguis sa-  
cramentum est, &c.] Secundum enim quod dicitur  
in litera, videtur idem esse sacramentum sui-  
ipsius. Quod autem hoc sit magnum inconue-  
niens, patet ex hoc si ita dicatur, quia caro carnis,  
& sanguis sanguinis: cum enim sacramentum sit  
signum & causa, erit idem signum & causa sui-  
ipsius. Quod autem hoc sit magnum inconue-  
niens, patet ex hoc si ista diuidantur. Cum enim  
omne signum in eo quod signum, notius sit signa-  
to. Si idem est signum sui ipsius, idem erit no-  
tius seipso, & minus notum seipso, quod est im-  
possibile.

2 Item, Cum causa sit ante causatum, si idem  
causa sui ipsius est, idem erit prius & posterius  
seipso: quod est impossibile. Si autem tu dicas, ut  
Magister in litera videtur dicere & soluere per  
metonymiam, quod continens ponatur pro con-  
tento in vniuersorum sermonum, & signatum pro  
signo, ut sit sensus: caro est sacramentum carnis,  
id est, panis species, quae dicitur caro, eo quod con-

tinet & signat carnem, est sacramentum carnis vel  
corporis Christi: & eodem modo de sanguine.  
Si inquam sic dicas, non videtur posse stare quod  
dicitur, scilicet quod utroque, scilicet sanguine  
& carne inuisibili, & intelligibili, & spirituali  
significatur corpus Christi visibile, passibile, ple-  
num gratia & diuina maiestate: caro enim signans,  
quae secundum istam expositionem est species pa-  
nis continens carnem, non est inuisibilis, &  
intelligibilis, & spiritualis: sed potius visibilis, &  
sensibilis, & corporalis, cum habeat omnia acci-  
dentia corporis, licet non habeat corporis prioris  
substantiam.

Si forte iterum ad hoc respondeatur, ut dicit  
Magister in litera, quod species panis quae cor-  
pus Christi continet, non simpliciter dicitur in-  
uisibilis: sed quia caro Christi in ea non videtur  
in propria specie, sed intelligitur in ea sicut  
signatum in signo, & spiritualiter, id est, in  
ratione cibi spiritualis tegitur in eo. Si, inquam,  
sic dicas, videtur adhuc nihil esse quod dicit: quia  
dicitur in litera, quod per illud signatur corpus  
visibile, & palpabile, ut videtur dici ab om-  
nibus.

Ad hoc iterum obiicit Magister in litera, quod  
debet dici visibile, & palpabile: non hic, sed  
potius vbi in sua forma apparet, scilicet in  
caelo.

Sed hoc nihil videtur esse: quia dicit Gregor.  
quod omne visibile & palpabile, corporale est:  
corpus autem Christi non est corporale: ergo  
nec visibile est, nec palpabile.

AD HOC dicendum videtur, quod Magister *Solutio.*  
bene exponit, licet difficilis sit expositio: sed haec  
disputando est declarata. Et ad vltimum tantum  
restat soluere, quod visibile & palpabile dicatur  
duobus modis, scilicet secundum potestatem sen-  
tientis, & secundum potestatem sensibilis: sicut  
innuit Aristor. in 2. de anima, vbi dicit excellen-  
tia esse insensibilia: sicut lux in rota solis dicitur  
visibilis secundum potestatem sui, sed non sen-  
tientis. Et quod dicit Gregor. Omne quod est  
sensibile, est corporale, intelligitur de sensibili se-  
cundum potestatem sentientis: quia ille sensus est  
per organum, quod habet armoniam proportio-  
natam ad hoc sensibile vel illud: & talia sensibi-  
lia sunt composita & corporalia. Quae autem sunt  
sensibilia in se, non oportet esse corporalia: unde  
puto bene corpora gloriosa esse sensibilia de se:  
sed quod non immutant sensum nostrum, hoc  
est ex imperfectione sensuum corporalium, qui  
non possunt apprehendere lumen tantae subtilita-  
tis: de hoc tamen plenius erit sermo in tractatu de  
resurrectione.

AD HVC autem videtur falsum esse quod di-  
ctum est, quod omne sensibile secundum potesta-  
tem nostri sensus, corporale est: & secundum  
quosdam est instantia de luce, secundum omnes  
autem de stellis quas videmus. Ad hoc tamen  
puto esse dicendum, quod intelligitur de sen-  
sibili quod est tantum obiectum sensus, & non  
actus & complementum obiecti secundum  
quod agit in sensum visus: sicut est color in sensu  
visus, cuius actus est lumen & lux: in aliis autem  
sensibus non est instantia: stellae autem videntur  
sub eo quod est actus lucidi & diaphani: & ideo  
non oportet ut sint corporales.



*Quæ sit intelligentia præmissorum.*

**C** T T E N D E his diligenter, quia tropo quodam utitur hic August. quo solent res significantes, rerum sortiri vocabula quas significant. Hic enim visibilis species panis vocatur nomine carnis, & visibilis species panis vocatur nomine carnis, & visibilis species vini nomine sanguinis. Inuisibilis vero & intelligibilis dicitur caro Christi: quia secundum illam speciem non videtur caro, sed intelligitur: ita & sanguis. Caro ergo inuisibilis dicitur esse sacramentum carnis visibilis: quia species panis, secundum quam illa non videtur caro, est sacramentum carnis visibilis, quia in carne inuisibili, id est, specie secundum quam caro Christi non videtur, caro significatur corpus Christi, quod est visibile & palpabile ubi in sua forma apparet. Ita & de sanguine accipi debet. Quem sensum confirmat August. aperiens qualiter prædicta intelligenda sint, quia obscure dixerat, consequenter dicens ita panem vocari corpus Christi, cum vere sit sacramentum corporis Christi quod in cruce positum est: sicut ipsa immolatio quæ fit manibus sacerdotis, vocatur Christi Passio, non rei veritate, sed significandi mysterio: & sicut sacramentum fidei dicitur fides. Satis responsum est hæreticis, & obiectionibus eorum qui negant verum corpus Christi in altari esse, & panem in corpus, vel vinum in sanguinem, mystica consecratione conuerti, dicentes, Quis audeat manducare Dominum suum? Quis etiam audeat dicere, quotidie formari corpus Christi de materia vel substantia, quæ non fuit caro Virginis?

De cõse.  
dist. 2.  
Hoc est  
quod di-  
cimus.  
parag.  
Sicut  
ergo.

#### ARTICVLVS VI.

*An communicantes sumant Dominum suum, & an corpus Christi quotidie formetur?*

**D** E inde quæritur de rationibus hæreticorum quas proponit Magister in fine sequentis capituli: & primo de illa quam ponit [Quis audeat manducare Dominum suum, &c.] Videtur enim bene moueri: aut enim illa manducatio est per conuersionem corporis Christi ad nos, vel per conuersionem nostri ad corpus Christi. Si primo modo: tunc Christus atteritur dentibus, & digeritur, & assimilatur nobis, & vnitur membris, ut alius cibus: quod est valde inconueniens: quia sic nihil prodesset nobis, sicut nec nos nobis prodesse possumus. Si autem est secundo modo: tunc oportet, quod nos ei vniamur: quicquid autem vnitur alteri, necesse est quod remoueat a specie & a substantia propria: si ergo nos vniamur Christo, necesse est quod nos recedamus a specie naturali & substantia naturali, qua nos sumus: hoc autem est falsum: ergo nec Christum manducamus, ut videtur.

2 Item, Id quod conuertit ad se alterum est manducans: & id quod est conuersum, est mandu-

catum: sed corpus Christi nos ad se conuertit: & non è conuerso: ergo videtur, quod corpus Christi magis manducat nos, quam è conuerso nos ipsum: hoc autem nullus audeat dicere: ergo procedere ratio videtur.

3 Item, Si Christus vere esset in altari, quis auderet nisi præsumptuosus & temerarius accedere: cum Moyse Exod. 3. & Iosue 5. dixerit, Ne appropinques huc, sed solue calceamentum de pedibus tuis: locus enim in quo stas, terra sancta est. Ergo multo magis si corpus Christi esset in altari, non esset appropinquantum ad ipsum, sed procul recedendum. Item, Luc. 15. laudatur Publicanus, quia nolebat oculos leuare: multo magis laudaretur, si nollet corpus Christi attingere: & adhuc plus, si nollet comedere: ergo etiam quilibet alius laudandus est, qui comedere non præsumat Dominum suum: cum igitur omnibus Christi fidelibus præcipiatur, ut præparati accipiant corpus Christi, videtur non esse in altari nisi sicut signatum in signo.

**U** L T E R I V S quæritur de secunda ratione quam inducit, Quis etiam audeat dicere quotidie, &c. Videtur enim ista ratio habere efficaciam, propter multa inconuenientia quæ videntur sequi si detur oppositum: aut enim panis conuertitur in corpus Christi, aut non. Si sic: tunc videtur procedere ratio, scilicet quod de aliqua materia



teria formatur corpus Christi, de qua ante non erat: aut ergo in toto, aut in parte. Si in toto: ergo generatur: ergo quotidie de nouo generatur, quod falsum est. Si in parte: tunc videtur necesse, quod aliqua pars in eo restauratur, vel quod plures habeat partes quam aliud corpus: quorum vtrumque est hæresis. Si autem dicas, quod non conuertitur in corpus Christi materia panis: hoc primo est contra ea quæ dicuntur in litera. Secundo autem, quod cum non conuertatur in aliud aliquid, vel non maneat in propria essentia, videtur necesse esse quod annihiletur.

Et si hoc datur, hoc quidem in litera improbat: infra in sequenti distinctione. Secundo etiam quia aliquid de materia vniuersali cedit in non ens: & sic iam diuturna frequentatione multum esset diminuta materia: quod est inconueniens: quia oporteret, quod omnia contraherentur in locum minorem quam fuerunt propter annihilationem partium materiæ, quarum locum oporteret repleri, quia vacuum esse non potest.

2. Præterea, Inconueniens est ponere, quod Deus in sacramentis omnis pietatis & gratiæ aliquid annihilat: cum ipse nunquam sit causa destructionis, sed creationis & gubernationis & perfectionis omnis rei: ergo videtur, quod conuenientissimum sit quod dicit hæc hæresis, scilicet quod non sit in altari nisi sicut signatum in signo. Infra autem ubi disputabitur de tribus opinionibus in sequenti distinctione, ponentur rationes contra annihilationem substantiæ panis: sed hoc modo soluantur istæ: quia opinio in litera & supra satis improbat est.

VIDETUR igitur dicendum ad primum, quod argumentatio hæretici nihil habet virtutis: eo quod aliter est in cibo spirituali, & aliter in corporali: spiritualis enim cibus sumitur ut nos ei incorporemur: & huius ratio supra assignata est in distinctione præcedenti: quia spirituale immutabile est, & ad aliud conuerti non potest: sed nos ad ipsum per vitæ conformitatem possumus conuerti: nec sequitur propter hoc, quod ipse magis comedit nos, quā nos eum: quia hoc inferitur ac si sit comestio corporalis, quod non est verum, sed potius est comestio spiritualis in sacramento. Ad aliud dicendum, quod non recedimus à specie naturali, propter hoc quod spiritualia quæ sunt gratiæ non destruunt naturam in aliquo, sed potius perficiunt: unde ambo illa sophismata procedunt ac si esset comestio corporalis & transmutatio in substantia corporali: & hoc non est verum.

AD ALIUD dicendum, quod si condignitas

accipiendi quæritur, nemo est dignus: nec aliquis adeo præsumptuosus est, quod confidentia propriæ virtutis accedat: sed licet non simus digni, tamen necessitatem accipiendi habemus, & confidentiam ex benignitate Dei, cum dixit, Accipite & comedite ex hoc omnes.

AD ID autem quod obiicitur de Moyse & Publicano, dicendum quod humilitas illorum commendatur in recognitione humilitatis propriæ: sed fatuitas eorum reprobatetur, si adeo fuissent fatui, quod non accessissent vocante eos Domino, præcipue cum sine ipso non sit salus: & ignorantia huius distinctionis quæ est inter dignitatem propriam, & necessitatem nostræ salutis ex accessu ad Christum, facit hæreticos errare.

AD ID quod obiicitur pro secunda ratione hæreticorum, grauius est soluere: tamen videtur ut ad primum, quod argumentum non valet: quia non ponimus, quod corpus Christi formetur de pane ut de materia: sed potius est transsubstantiatio totius in totum corpus, præter hoc quod corpus Christi aliquid nouum in se suscipiat.

AD HOC quod obiicitur de annihilatione, dicendum quod licet quidam antiquorum hoc concesserint: non tamen approbatum est hoc à celebriori opinione modernorum: non enim annihilatur quod in aliud præexistens conuertitur, sicut tota substantia panis conuertitur in corpus Christi, ut infra habet ostendi.

SED QVIA quidam licet pauci dicunt, quod annihilatur, quod tamen ego non puto esse verum: si aliquis vult sustinere opinionem illorum, potest respondere ad primum argumentum contra hoc factum, quod non ex hoc sequitur cælum vel mundum restringi, si aliquid in nihilum redit de materia: quia materia (ut dicunt quidam) de se multiplex est, & in multiplicatione sui in se restituit semper seipsam in opere propagationis.

AD ALIUD dicendum, quod Deus non est causa destructionis propter solam destructionem: quia illa esset operatio stulti, vel maligni: maligni enim est semper destruere id quod est utile, stulti autem est destruere opus suum: sed nihil prohibet, quod aliquid destruat, ut aliud melius construatur: & sic est hic ubi substantia panis propter hoc destruitur, ne inhæreat ibi hominis opinio, sed transeat ab accidentibus in veram substantiam cibi spiritualis: & hoc non est pietati contrarium. Hæc autem responsio est non secundum me, sed secundum alios: quia ego non puto, quod annihiletur aliquid de hoc, & infra ponam rationes.

*Auctoritatibus probat verum corpus Christi esse in altari, & in id panem conuerti.*

**H**ÆC & his similia obiiciunt illi, in diuino mysterio legem naturæ sectantes: quorum perfidiam subdita conuincunt testimonia. Ait enim veritas, Accipite: Hoc est corpus meum. Item Ambrosius, Si tantum valuit sermo Eliæ ut ignem de cælo deponeret, non valebit tantum sermo Christi, ut substantias mutet? De totius mundi operibus legitur, quia ipse dixit, & facta sunt, &c. Ser-

Mat. 26.  
Lib. de  
his qui  
mysteriis  
initiantur.  
cap. 9  
Genes. 1.  
mo



mo igitur, id est, Filius, qui potuit ex nihilo facere quod non erat, non potest ea quæ sunt, in id mutare quod non erant? Non enim minus est creare, quam mutare novas naturas rerum. Item, Si ordinem quærimus viro mixta scæmina generare consueuerat: liquet ergo, quod præter naturæ ordinem virgo generauit: & hoc quod conficimus corpus ex Virgine est. Quid ergo hic quæris naturæ ordinem in Christi corpore, cum præter naturam sit ipse partus ex Virgine? Item, Ante benedictionem alia species nominatur, post consecrationem corpus significatur: ante consecrationem aliud dicitur, post consecrationem sanguis nuncupatur. Tu dicis, Amen, id est, verum est. Quod sermo sonat, affectus sentiat. Item August. In specie panis & vini quam videmus, res inuisibiles, id est, carnem & sanguinem, honoramus: nec similiter pendimus has duas species, sicut ante consecrationem pendebamus, cum fideliter fateamur ante consecrationem panem esse & vinum, quod natura formauit: post consecrationem vero carnem Christi & sanguinem, quod benedictio consecrauit. Item Ambros. Panis est in altari vsitatus, ante verba sacra, vbi accessit consecratio, de pane fit Christi caro. Quomodo autem potest quod panis est, esse corpus Christi? Consecratione, quæ fit sermone Christi. Item, Si tanta vis est in sermone Domini, vt incipiant esse quæ non erant: quanto magis operatorius est, vt sint quæ erant, & in aliud commutentur? Et sic quod erat panis ante consecrationem, iam corpus Christi est post consecrationem: quia sermo Christi creaturam mutat: & sic ex pane fit corpus Christi, & vinum cum aqua in calicem missum fit sanguis consecratione verbi cælestis. Item August. Sicut per Spiritum sanctum vera Christi caro sine coitu creatur: ita per eundem ex substantia panis & vini idem corpus Christi & sanguis consecratur. Corpus Christi & veritas est, & figura. Veritas, dum corpus Christi & sanguis virtute Spiritus sancti ex panis vinique substantia efficitur. Figura vero est id quod exterius sentitur. Item Eusebius Emisenus, Inuisibilis sacerdos visibiles creaturas in substantiam corporis & sanguinis sui, verbo suo, secreta potestate commutat. Ex his aliisque pluribus constat verum corpus Christi & sanguinem in altari esse, imo integrum Christum ibi sub vtraque specie: & substantiam panis in corpus, vinique substantiam in sanguinem conuerti.

Ibidem.

Ibidem.

In lib. sententiarum Prosperi.

In lib. 4. de sacramentis. cap. 4.

In serm. quodam de verbis Euang.

De consecr. dist. 2. c. Quia corpus.

## ARTICVLVS VII.

*An virtus verborum consecrationis sit virtus creata, vel increata? Et quando datur illa virtus, vtrum in principio, medio, vel fine verborum?*

**D**Einde quæritur de hoc quod dicit ibi [ Si tantum valuit sermo Eliæ vt ignem de cælo &c. ] Hic est quæstio difficillima de ista virtute verborum, quando infundatur verbis hæc virtus? & antequam hoc perfecte possit sciri, oportet quærere, Vtrum illa virtus sit creata, vel in creata? Videtur enim quod creata: virtus enim increata sine medio operatur: hæc autem virtus multiplex

habet medium, quia sacerdotis prolationem, & substantiam panis & vini, & multa alia quæ in altari proponuntur: ergo videtur, quod ipsa sit creata.

2 Item, Virtus creati est creata: oratio prolata à sacerdote omnino creata est: ergo virtus eius est creata: sed nullius nisi orationis virtus operatur in sacramento: ergo virtus creata est quæ operatur in sacramento.

3 Item, Forma est quæ operatur in omnibus, quia omnis actio & omnis operatio est à forma: sed forma cuiuslibet sacramenti est creata: ergo forma istius. Constat autem, quod virtus agendi in omnibus sequitur essentiam & substantiam rei: ergo virtus istius formæ sequitur essentiam huius formæ: ergo ipsa est creata, sicut & forma.



**SED CONTRA** hoc videtur esse multiplex ratio, scilicet quia minor est distantia carnis gloriosæ Virginis à carne Saluatoris: & tamen caro Virginis in carnem Saluatoris conuerti non potuit, nisi virtute increata: ergo nec substantia panis in carnem Saluatoris conuertitur, nisi virtute increata, vt videtur.

2 Item, Philosophus dicit in 3. de anima, quod agens in omnibus nobilius est patiente, & faciens facto: sed illa virtus quæcunque est, facit de pane corpus Christi: ergo ipsa nobilior est facto: ergo aliquid creatum nobilius est corpore Christi, quod absurdissimum reputabit fidelis homo.

3 Item, Si illa virtus creata est, aut datur orationi scriptæ, vel prolatae. Si scriptæ: ergo in confectioe Eucharistiæ non oporteret nisi habere librum, nihil dicendo, & sic fieret transsubstantiatio, quod hæreticum est: relinquitur ergo quod debetur orationi prolatae: sed nulla virtus radicata in aliqua essentia, extenditur ultra essentiam illam, ita quod sit essentia illa non existente: ergo videtur, quod quando oratio prolata deficit, quod deficit etiam virtus illa: ergo est parua existentia & debilis esse, vt videtur: talia autem non possunt in id quod est perpetuum: ergo non potest in conuersionem alicuius in corpus Christi quod perpetuum est & sine fine durans.

**Quæstio-  
cula.** **VLTERIVS** etiam quærat, scilicet si creata est, quando datur orationi prolatae: Cum enim oratio illa sit quantitas discreta in qua est ordo partium, ita quod sonus vnus est post aliam, tam in literis quam in syllabis, quam etiam in dictionibus: & non sit aliquid continuans inter ista, eo quod oratio sit quantitas discreta: videtur, quod successiue infundatur per successionem prolationis elementorum, literarum, & non infundatur simlu.

Si tu dices (vt quidam dixerunt) quod datur in termino finali orationis. Contra: Quicquid de oratione dictum est, hoc de oratione amplius sumi non potest, secundum Philosophum: in termino ergo finali aut intelligis vltimam partem orationis prolatae, aut terminum ad quem terminatur tota oratio prolata. Si primo modo: tunc residuum orationis ante prolatae nihil accipit de virtute, cum nihil sit de illa oratione, eo quod dictum sit & amplius sumi non possit: constat autem, quod non proferebatur nisi propter virtutem: cum ergo nullam habeat secundum hoc, inutiliter profertur in sacramento. Si secundo modo. Contra: In termino ad quem terminatur orationis prolatio, nihil est de oratione illa: quia quod dictum est, amplius sumi non potest: quod autem nihil est, nullam habet virtutem: ergo illa oratio in termino illo nullam accipit virtutem: cum ergo proferatur propter virtutem, incassum profertur.

Si propter hoc dicatur ei virtus successiue infundi. Contra: Aut ergo unicuique parti orationis prolatae datur tota, aut cuilibet parti pars sua. Si primo modo: cum igitur natura non abundet in superfluis, nec deficiat in necessariis, & multo magis hoc obseruetur in gratia: videtur, quod prima parte prolata quæcunque illa sit, incassum proferantur aliæ partes, quod falsum est: non ergo unicuique parti datur tota virtus. Si autem cuilibet parti datur pars sua: ergo illa virtus operatur successiue supra materiam sacramenti: ergo in

prolatione primæ partis orationis aliquid de pane conuertitur in corpus Christi, & aliquid remanet non conuersum quod conuertitur in secunda parte: & hac absurditate nulla maior esse potest.

Si forte dicas, quod illud argumentum etiam non valet: quia dato, quod infundatur etiam successiue, prima pars orationis non conuertit, sed disponit, & sic omnes vsque ad vltimam quæ conuertit, sicut fit in generatione naturali, vbi alterationes præcedunt substantialis formæ transmutationem. Si, inquam, dicas sic: hoc absurdissimum est duabus rationibus: quarum vna est, quia ista virtus non est alteratiua panis, sed transsubstantiatiua: & ideo quælibet pars virtutis transsubstantiat. Secunda est: quia in omnibus alteratis substantia alterata aliter se habet in accidentibus quando est iuxta transmutationem, quam quando primo incipit disponi: nos autem videmus, quod substantia panis in forma & accidentibus, vno modo se habet in principio & in fine orationis. Præterea, Virtus creata quæ successiua est, sicut exigit terminum à quo primo fit transmutatio: ita exigit terminum ad quem, qui primo fuit in potentia in eo quod transmutatur, & postea in actu: hæc autem virtus non habet huiusmodi terminum ad quem, sicut patet cuilibet fidei: ergo non est creata, & successiua.

**Solutio.** **SOLVTIO.** Dicendum videtur mihi, quod secretum Dei sibi sit committendum: sed tamen quia hæresis importuna est nostro tempore, sine præiudicio conabor respondere de his quæ tantum cum veritate fidei quæ rationem excedit, apponi deberent, eo quod plus virtutis habet verbum Dei quam nos intelligere possumus. Videtur ergo hic melius dicendum, quod virtus huius orationis sit creata in quantum in ea est virtus increata: sicut supra etiam diximus, quod in verbo creato operatur verbum increatum: & hoc est quod dicitur in litera per auctoritatem Eusebij in fine capituli inductam, scilicet quod inuisibilis sacerdos visibiles creaturas in substantia corporis & sanguinis sui secreta potestate commutat. Idem etiam inducitur auctoritate Ambrosij ante hæc parum inducta, scilicet quod sicut per Spiritum sanctum vera caro Christi sine coitu creatur in conceptione Christi: ita per eundem ex substantia panis & vini idem corpus Christi consecratur. Efficacia huius virtutis est ex hoc quod coniuncta est virtuti increatae in ea operanti. Vnde dicimus hoc modo, quod creata est & coniuncta increatae virtuti in ipsa.

**Ad id** ergo quod primo obiicitur, dicendum videtur, quod minor distantia nihil operatur ad hoc quod facilius sit transmutatio: quia eorundem in specie non est transmutatio adinuicem, cum transmutatio non sit de actu in actum, sed potius de potentia in actum. Si autem obiicias quod dicit Philosophus, quod habentium symbolum facilius sit transmutatio, dicendum quod illud symbolum non est secundum convenientiam in specie, sed secundum convenientiam in dispositionibus materiæ: sicut facilius transmutatur in aliquid id quod non habet contrarium nisi secundum contrarietatem vnā, vt aer in ignem, quam quod habet contrarium in contrarietatibus duabus, vt aqua in ignem: vnde id argumentum non concludit.



AD ALIUD dicendum, quod illa propositio Philosophi etiam confirmatur ab Augustino. & intelligitur sic, quod ubi agens ex tota virtute sua & sola producit effectum, quod ibi honorabilius est faciens quam factum. Sed ut supra probatum est per auctoritates sanctorum Eusebii & Ambrosii, in ista oratione operatur virtus diuina, & illa virtus creata quæ influitur in ipsam à diuina virtute: & ideo non oportet, quod virtus creata sit nobilior corpore Christi. Vel dicatur subtilior, quod cum duo proponuntur virtuti illi quæ creata est, scilicet substantia panis, & corpus Christi, quod operatio Christi non extendit se nisi super substantiam panis: quia corpus Christi non fit: sed panis transsubstantiatur in corpus Christi, vno modo manens ut fuit ante: & ideo non sequitur, quod virtus illa nobilior sit corpore Christi. Prima autem solutio licet non ita soluat ad propositum, sicut secunda, tamen intelligibilior est.

AD ALIUD dicendum, quod hæc virtus non datur orationi scriptæ, sicut bene probatur in obiciendo: sed datur orationi prolata: sed hoc non est verum, quod virtus eius deficiat ipsa deficiente: virtus enim orationis radicatur in significatione orationis prolata: & significatio non deficit, ut probat Augustinus de verbo mentis, quod non deficit cum prolatione motus vocis: sed hæc virtus significata per orationem remanet in effectu. Et tamen etiam argumentum non valet: quia non oportet, quod si aliquid efficitur ab aliquo, quod efficiens sit tantæ permanentiæ ut effectus: & est instantia in causis efficientibus, quibus destructis, non propter hoc destruitur effectus.

Ad qua-  
stionem.

AD ID autem quod ulterius quæritur, magis est difficile bene respondere: sine præiudicio tamen dicendum videtur, quod illa ratio referenda est ad signatum, & signatum ad rem: res autem incomplexa est & virtus eius indiuisibilis & vna: & ideo nihil est quærere, Vtrum pars eius post partem vel tota simul infunditur? Qualiter autem hoc sit intelligendum, sic patere potest: Cum dicitur, Hoc est corpus meum, in hac oratione est subiectum, & prædicatum, & compositio vtriusque resoluitur ad signatum: ergo erit signatum huius orationis hoc demonstratum corpus Christi esse. Si ulterius hoc reducat in esse totum, hoc non est nisi corpus Christi sine compositione & completionem: & ex parte illius vna est res illius orationis: & inquantum sic respicit unitatem rei sine compositione & completionem, est sua virtus vna sine compositione & completionem. Et ideo non videtur esse dicendum, quod syllabatum vel literatim vel secundum ordinem prolationis dictionum infundatur: sed eum dicta est, in termino finali totam virtutem habet.

Saluio.

AD ID autem quod contra obiicitur, dicendum, quod intelligendo terminum ad quem prolatio orationis terminatur intra, siue ille terminus compositus sit, siue simplex: quia de hoc nulla est mihi vis, dummodo accipiatur terminus orationis ultra quem nihil est de oratione, & in quo tota est prolata.

AD HOC autem quod obiicitur, quod in termino orationis dictum est & amplius non potest sumi, dicendum quod hoc verum esset si ora-

tio hic tantum secundum rationem prolationis acciperetur: sed (ut dictum est) ad signatum refertur, & significatio orationis non transit oratione transeunte: aliud enim est tempus in quo profertur omnino, & aliud pro quo profertur, sicut cum dicitur, Ego dormio, impossibile est hanc orationem verificari pro tempore in quo profertur: ita dico hic, quod significatio orationis est indiuisibilis res ad quam refertur tota oratio pro tempore finiente prolationem, & tunc habet virtutem quæ est in ea virtute suæ significationis: & sic patet, quod prima pars non profertur incassum, quia sine ipsa ut est ordinata ad ultimam non expleret ultima significationem totius orationis: & per hoc patet solutio ad omnia obiecta præter ultimum.

AD QVOD dici potest, quod hoc verum est de virtute creata cuius actus proportionatus est materiæ in quam agit quantum ad vtrumque terminum transmutationis: sicut est virtus naturalis. Sic autem non oportet, quod sit hic: quia alter terminorum non subiaceret virtuti: eo quod ille manet in vno modo semper: & ideo ista virtus non habet nisi terminum à quo in quem operetur. Fuerunt tamen quidam qui dicebant, quod nulla virtus creata in transmutatione substantiali operatur, nisi quoad terminum à quo: quia ponebant hic, quod naturalis virtus quæ est in materia non daret formam specificam specialem, sed tantum disponderet materiam, & postea forma daretur à datore formatum, scilicet intelligentia prima vel aliqua secundarum: & secundum illos non valet argumentum: quia procederet ex falsis. Sed ego puto, quod illa opinio falsa est: & ideo primam solutionem puto & iudico esse verioris & melioris.

## ARTICVLVS VIII.

*An maioris potentia sit facere de pane corpus Christi, quam de nullo facere aliquid?*

DEinde quæritur de hoc quod dicit ibi [Sermo Christi qui ex nihilo potuit facere quod non erat, &c.] Videtur enim, quod nihil dicat hic Ambrosius. Cum enim ex nihilo sit aliquid: licet infinita sit distantia, id est, nullam habeat hic proportionem termini mutationis: tamen nihil est reluctans operationi diuinæ ex parte materiæ, ex qua est transmutatio in aliquid. Cum autem corpus Christi sit de pane, reluctantur forma panis & natura corporis Christi: quia corruptibile grossum, inanimatum, & artificiale non habet conuenientiam cum spiritali, incorporali, glorioso, animato, diuino: reluctantium autem magis est difficilis transmutatio, quam non reluctantium: ergo magis est de pane facere corpus Christi, quam de nihilo facere aliquid.

2 Item, Augustinus dicit, quod magis est de impio facere pium, quam creare cælum & terram: sed cum in infinitum maius sit de pane facere corpus Christi, quam de impio facere pium: in infinitum erit maioris potentia de pane facere corpus Christi, quam ex nihilo facere subsistere creaturas: ergo nihil est quod dicit Ambrosius in litera.

3 Item,



3 Item, Hoc videtur ex hoc quod primum, scilicet ex nihilo facere aliquid, non adeo repugnat rationi sicut secundum: unde multi Philosophorum deprehenderunt primum, nullus autem secundum: ergo videtur, quod maioris potentiae sit facere secundum quam primum.

*Solutio.* SOLVITIO. Dicendum ad hoc, quod ista duo opera virtutis diuinæ dupliciter possunt considerari. Vno modo secundum distantiam extremorum: & sic nulli dubium est, quin plus distet non ens ab ente quolibet, quam ens ab ente: & hoc modo creare aliquid ex nihilo maioris potentiae est, quam quodlibet ens vertere in quodlibet aliud. Alio modo possunt considerari extrema mutationis, non secundum se & secundum distantiam sui adinuicem, sed secundum dispositiones quibus disponuntur ad motum: & sic verum est, quod nihil contrariatur Deo ex parte nihili in creatione, sed aliquid potest reniti conuersioni alicuius in aliquid: & sic procedunt rationes inductae: & per hoc patet solutio ad totum.

### ARTICVLVS IX.

*An oporteat querere naturam ordinem in Christi corpore?*

**D**Einde queritur de hoc quod dicit *ibi* [Quid ergo queris naturae ordinem in Christi corpore, &c.] Ex hoc enim videtur, quod non licet querere hic rationem, & sic peccant illi qui querunt in disputatione de istis.

2. Ad hoc etiam facit, quod non queritur ratio in his quae sunt contraria principiis rationis, quibus ratio accipit scientiam: rationis autem principium est accidens in subiecto esse, & sine ipso esse non posse, corpus locatum & locum esse aequalia secundum dimensiones, corpus vnum in aliud sine corruptione substantialiter conuerti non posse, transmutationem substantialem sine agentibus & patientibus siue physice fieri non posse, & huiusmodi: quae omnino contrario modo se habent in isto sacramento: ergo videtur, quod sit contra rationis principium: ergo non est querenda in eo ratio.

*Sed contra.* SED CONTRA hoc est communis omnium & Sanctorum & Magistrorum disputatio.

2 Item, Petrus in prima canonica dicit, Parati omni poscenti vos reddere rationem de ea quae in vobis est fide & spe: ergo etiam abundans ratio debet esse apud nos de his quae credimus: ergo ratio est inuestiganda.

3 Item, Nullum verum vero est contrarium: ergo omne verum cum quolibet vero saluatur: si ergo quae credimus de sacramento, sunt vera, per nullum verum improbantur vel destruuntur: ergo possumus sustinere disputationem quae fit contra sacramentum, ne improbetur veritas.

*Solutio.* SOLVITIO. Dicendum, quod absque dubio in hoc sacramento & in omnibus aliis articulis fidei multa sunt supra rationem, & nihil est in eis contra rationem: quia iam Deus esset sibi contrarius, si nobis rationem dedisset, & in sacramentis contra dictamen rationis ageret: supra rationem ergo sunt multa in sacramentis, ut im-

*D. Alber. Mag. in Lib. 4. Sentent.*

pleatur illud Psalm. 138. Mirabilis facta est scientia tua, &c.

AD ILLUD ergo quod obiicitur ex litera primo, dicendum quod res dupliciter considerantur, scilicet secundum causas suas proximas, & dispositiones, & proprietates, & virtutes: sicut sunt materia & forma, calidum & frigidum, & huiusmodi: & ratio progrediens ex illis & effectibus illorum saepe & multum deficit à diuinis. Considerantur etiam ex relatione ad causam primam, & sic ipsa res & omnia quae sunt rei, habent se in ratione obedientiae ad causam primam: & sic in eis quicquid vult causa prima quae magis influit quam aliqua secundarum: & hoc modo procedit ratio in operibus diuinis & miraculis, & aliis quae sunt supra naturam. Ratio ergo quae negatur querenda esse in litera, est ratio primo modo procedens, & non ratio procedens ex principiis secundo modo acceptis.

AD ALIUD dicendum, quod omnia illa principia secundum relationem ad causam primam se habent ut obedientia: & ideo ratio non supponit ea nisi secundum transmutationem physicam. Cum autem queritur de transmutatione diuina, procedit ratio ex altioribus principiis: his quidem non contrariis, sed istis ventibus potius ad libitum: quia se habent ad illa sicut obedientia.

### ARTICVLVS X.

*An in sacramento Eucharistiae potest dici creari corpus Christi per Spiritum sanctum? & utrum per Spiritum fiat transsubstantiatio?*

**D**Einde queritur de hoc quod dicit *ibi* [Sicut per Spiritum sanctum vera caro, &c.] Hoc enim dupliciter videtur inconueniens. Primo quidem: quia creatur id quod fit de nihilo: Christus autem quoad carnis substantiam non est factus de nihilo, sed ex purissimis sanguinibus gloriosae Virginis: ergo vera caro Christi per Spiritum sanctum non est creata.

2. Secundo autem quod magis est ad propositum: quia per Spiritum non videtur esse transsubstantiatio in sacramento, sed potius virtute verborum: quia aliter ad nihil esset utilis forma sacramenti.

3. Si forte dicatur, quod oportet in verbo esse diuinam virtutem qua operetur, sicut etiam in aliis sacramentis: tunc videtur adhuc, quod inconuenienter attribuitur Spiritui sancto: sed potius Filio erit hoc attribuendum, quod Verbum increatum symbolum habet ad hoc cum verbo creato: unde virtus Verbi increati operantis est in verbo creato: non ergo hoc attribuendum est Spiritui sancto.

SED CONTRA: Idem eodem modo se habens, non est referendum nisi ad vnā causam operantem: caro Christi in sacramento eadem est quam traxit de Virgine, & eodem modo se habens in substantialibus: ergo referenda est in sacramento ad eandem causam operantem, ad quam refertur in Virgine: sed in Virgine attribuitur Spiritui sancto: ergo etiam in sacramento, sicut expresse dicit August. in litera.

N 2 SOLVITIO.



Solutio.

**SOLVTIO.** Dicendum ad primum, quod multa de hoc dicta sunt super tertium: quantum autem pertinet ad præsentem tractatum, dicendum quod creare dicitur multipliciter, scilicet ex parte creantis: & sic creatio est actus diuinus non subiaccens tempori: & hoc modo dicitur corpus Christi creatum. Alio modo dicitur creatio secundum quod est eius quod secundum suam rationem non fundatur in aliquo priori se, sed omnia alia fundantur in ipso: quia illud necesse est fieri ex nihilo si fit: & hoc modo dicit Philosophus, quod prima rerum creaturarum est esse, & non est ante ipsum creatum aliud. Et dicit ibi Commentator, quod ens fit per creationem: bonum autem & verum per informationem: quia habent se ad ens, sicut ad fundamentum in quo fundantur. Tertio modo dicitur creari id quod secundum esse non est ex aliquo, licet secundum intentionem habeat aliquid prius se: & sic dicitur mundus & cælum creata esse de nihilo.

AD ALIUD dicendum, quod in veritate

operatio corporis Christi in sacramento principaliter attribuitur Verbo increato, id est, appropriate, sicut supra in questione de forma sacramenti dictum est: tamen secundum aliquid quod est in sacramento, Spiritui sancto appropriatur, scilicet quoad amorem vnitiuum corporis mystici, & quoad hoc intelligitur verbum August. in litera.

AD OBIECTVM aliud, dicendum quod in vtero caro Christi fiebat secundum esse carnis quæ non fuit ante: & illa operatio propter attributionem gratiæ & bonitatis appropriate conuenit Spiritui sancto. In sacramento autem non fit sic: quia non fit caro quæ non fuit ante: sed potius illa eadem quæ est, & fuit ante. Vnde operatio transsubstantiationis non extendit se nisi super substantiam panis & vini: & hoc fit verbo creato in quo operatur Verbum increatum: & ideo non est idem modus operandi: & hoc est quod dicit Eusebius in vltima auctoritate in hoc capitulo inducta ibi, Inuisibilis sacerdos visibiles creaturas, &c.

## DISTINCTIO XI.

### *De modo conuersionis.*

**A** I autem queritur, Qualis sit illa conuersio: an formalis, an substantialis, vel alterius generis? diffinire non sufficio. Formalem tamen non esse cognosco: quia species rerum quæ ante fuerant, remanent, & sapor, & pondus. Quibusdam esse videtur substantialis, dicentibus sic substantiam conuertere in substantiam, vt hæc essentialiter fiat illa: cui sensui præmissæ auctoritates consentire videntur.

### DIVISIO TEXTVS.



**S** I autem quæris, Qualis sit illa. &c. ] Hic incipit Magister agere de modo conuersionis: & diuiditur in tres partes, in quarum prima tangit conuersionem ex parte actus transsubstantiationis, & ex parte terminorum. In secunda autem tangit modum conuersionis ex parte formarum remanentium: & hæc incipit in distinctione 11. *ibi* [Sub alia etiam specie tribus de causis, &c. ] Et ibidem tangit de materia huius sacramenti. In tertia autem tangit actus sacramentales: vt fractio, partitio, & comestio, super quid sint? vtrum super formam remanentem, vel super aliud aliquid in sacramento? & hoc tangit in distinctione 12. *ibi* [Soleat etiam quæri de fractione & partitione, &c. ] Circa primum autem in residuo huius distinctionis facit Magister in litera questionem: & ad solutionem

huius tres opiniones inducit, aliquas probans, & aliam improbens per auctoritates. Quæstio autem est hæc, Vtrum illa conuersio sit formalis, aut substantialis? & determinat, quod non est formalis: quia forma remanet, transmutatum autem secundum formam non remanet. Et postea soluendo inducit tres opiniones, quæ patent in litera, & ex disputatione patebit intentio capituli: quia omnes tres opiniones in vno capitulo inducuntur.

### ARTICVLVS I.

*An in sacramento corporis Christi sit aliqua conuersio siue transmutatio?*

**Q** Væramus ergo circa principium capituli quatuor: scilicet an sit in hoc sacramento aliqua conuersio? Secundo, Cuiusmodi conuersio, vel transmutatio? Tertio, Vtrum illa transmutatio sit in tempore vel subito? Quarto & vltimo



ultimo quæritur, Qualiter se habeat ad transmutationem creationis, & operationem naturæ, & operationem illam qua fiunt miracula? & ibidem determinabitur, Vtrum sit mirabilis, vel miraculosa?

Ad primum horum sic proceditur: In omni transmutatione necesse est accipere subiectum, & duo extrema inter quæ sit transmutatio: subiectum autem est quod est idem sub utroque extremorum, licet differant secundum formam & esse: in sacramento autem non est accipere sic: ergo non est aliqua transmutatio in sacramento. Probatur autem prima per dicta omnium Philosophorum. Cum enim transmutatio sit via ad esse, oportet eam esse in aliquo sicut in subiecto. Similiter cum transmutatur, fit renouatio situs, vel esse, vel formæ alicuius accidentalis: & oportet esse duo extrema, vnum à quo, & alterum ad quod sit transmutatio. Secunda autem probatur per hoc quod nihil additur corpori Christi: nec aliquid secundum materiam est sub forma corporis Christi post consecrationem, quod ante modo fuit.

2 Item, Si est transmutatio: aut est secundum totum, aut secundum partem. Si secundum totum, ita quod totum manens totum ad alium transfertur situm, tunc erit loci mutatio, quod est falsum. Si autem secundum partem: aut essentialem, & tunc erit generatio, vel corruptio: aut accidentalem, & tunc erit alteratio, vel augmentatio, vel diminutio. Constat autem, quod nihil horum est. Ergo patet, quod nulla transmutatio est in sacramento.

3 Si forte tu dicas, quod illæ rationes non tenent hic, sed tantum in mutatione naturali: hæc autem mutatio est mirabilis. Contra: In omnibus mirabilibus mutationibus video, quod est potentia obedientiæ quæ postea terminata est sub actu mirabiliter inducto, & manet sub illo. Licet enim cæcus non possit videre, cum collata sit ei potentia, terminata illa & completa, manet sub visu restituto per miraculum. Ergo videtur, quod etiam hic aliquid panis in quo fundatur potentia obedientiæ conuersionis in corpus Christi, maneat sub actu corporis Christi: nihil autem manet, ut dicunt Sancti: ergo non est hic aliqua conuersio, vel transmutatio, ut videtur.

4 Item, Boetius in libro de duabus naturis in persona Christi, dicit, quod omnis transmutatio est secundum aliquid commune. Cum ergo Auctor dicat hoc tractando materiam fidei, videtur quod teneat hoc etiam hic in sacramentis quæ fide accipiuntur: ergo si esset transsubstantiatio hic, oporteret aliquid vnum numero & substantia prius esse sub forma panis & vini, & postea sub forma corporis Christi.

5 Item, Idem eodem modo manens nullo modo mutatur: ergo à destructione consequentis, si mutatur aliquid idem & vnum, non manet eodem modo: diuersus autem modus non attenditur nisi penes diuersitatem formæ panis, & postea sub forma corporis Christi: ergo aliquid idem & vnum est primo sub forma panis, & postea sub forma corporis Christi: sed hoc falsum est, ut dicitur ab omnibus, & in litera probatur esse falsum per dicta Sanctorum: ergo nihil immutatur in sacramento: ergo nulla est in eo transmutatio, ut videtur.

*D. Alb. Mag. in Lib. 4. Sentent.*

6 Si forte tu dicas, quod aliter est in operibus naturæ: quia Deus operando, non quærit materiam supra quam operetur: sicut creatio est actus diuinus non quærens materiam nec supponens, & ita potest facere transmutationem quæ non fundetur in aliquo transmutato. Si, inquam, sic dicas, illud videtur absurdum, & contra fidem, triplici ratione. Primo quidem: quia creatio est ex nihilo: sed transsubstantiatio est de pane & vino, unde præsupponit sibi ens de quo fit, sed non creatio. Secundo: quia transsubstantiatio quæ est in sacramento, est alicuius, & non potest dici, quod nullius: transsubstantiatio autem quæ est alicuius, aut est illius ut ad quod, aut illius ut in quo & à quo: non autem est hic ut ad quod: quia sic non diceretur transsubstantiatio panis, sed potius corporis Christi: ergo diceretur alicuius ut in quo, & sic haberetur propositum: & si est ibi transmutatio aliqua, videtur quod manet ibi aliquid commune, quod prius improbatum est: ergo non est transmutatio aliqua. Tertio vero: quia non quæritur, in rebus quid Deus possit facere, sed quid in rebus possit fieri, ut dicit August. in quarto super Genes. ad literam: sed nec intellectus capit, nec natura sustinet, quod transmutatio sit à tota substantia rei, id est, à forma & materia: quia potius esset annihilatio, quam transmutatio: ergo non est in sacramento aliqua transmutatio, ut videtur: quia si esset, à tota substantia rei esset.

*Solutio.* Solvitur. Dicendum hic videtur sine præiudicio melioris sententiæ, quod in sacramento isto est transmutatio, quæ proprie transsubstantiatio vocatur: eo quod est à tota substantia rei in totam substantiam rei alterius, hoc est, à tota substantia panis & vini in totam substantiam corporis & sanguinis Iesu Christi quantum ad formam substantialem & materiam, & definit totum compositum panis & vini quantum ad substantialia, & est ibi totus Christus quoad materiam. Vtrum autem panis annihiletur, vel non: erit postea quæstio in hoc eodem capitulo, ubi disputabitur secunda opinio.

Dicendum ergo ad primum, quod in veritate in omni transmutatione necesse est habere duo extrema, sed non est necesse in omni transmutatione haberi subiectum. Et est instantia in creatione: cuius ratio est: quia non est vere transmutatio: transmutatio enim dicit fieri ipsius rei, & exitum eius de potentia ad actum. Cum autem res est in actu illo, tunc non est sub forma à qua est transmutatio, nec est sub illa ad quam est nisi in potentia tantum, & est ipsa transmutatio actus quidam imperfectus & permixtus potentiæ, & ideo tale fieri non est sine motu, & motus non potest esse nisi in eo quod mouetur, propter quod oportet aliquid subiacere tali transmutationi. Est autem transmutatio quæ non est motus, sed mutatio sola. Et hæc est duplex, scilicet ab agente physico: & sic est generatio simplex absolute considerata, & sic iterum indiget subiecto, eo quod agens physice non agit, nisi subiecta sibi materia aliqua in quam agat. Est etiam agens primum infinitæ virtutis, cuius transmutatio est sine motu & indiuisibilis, eo quod nihil est ibi nisi existentia huius ex illo, & post esse suum substantiale: & ideo non oportet ibi subiacere materiam aliquam: unde meo iudicio illa transmutatio non



habet nisi terminos, & non subiectum commune quod est tertium in mutatione Physica.

AD ALIUD dicendum, quod bene conceditur, quod nulla transmutatio quæ à Philosophis ponitur, est hic: quia nec ipsi posuerunt omnes: sed illas tantum in quibus est exitus de potentia ad actum, qui actus prius est in potentia mutari quam mutatum esse.

AD ALIUD quod obiicitur de operibus miraculorum, dicendum quod miracula sunt ad restaurandum defectiones naturæ, ut quando cæci illuminantur, & huiusmodi. Et ideo necesse est in eis esse potentiam naturalem perfectam, per actum inductum miraculose: quia si natura posset inducere sic actum, non alium induceret quam eundem: sed opus huius sacramenti totum est gratiæ ad nutrimentum spiritus, & ideo nihil corporeæ potentiæ potest in eo manere: sed in ipso accipimus spiritum cui sumus vniendi, non quidem mutatum in se vel in alio, quia sic non esset perfectus, sed eodem modo manentem.

AD ALIUD dicendum, quod Boetius loquitur contra Nestorium & Eutychetem hæreticos, ponentes quod substantia diuina in vniione naturarum in Christo conuersa fuerit in humanam, sicut aqua in vinum conuertitur. Et hoc improbat ipse per illa principia, quod non transmutantur adinuicem, nisi quorum est materia vna communicabilis vtrique: & non vult dicere, quod nulla transmutatio diuina sit, quæ non supponat materiam aliquam quæ sit subiectum transmutationis. Vnde illud non contradicit isti, quod licet sit in materia diuina fidei, non tamen quantum ad eundem modum articuli vel mutationis.

AD ALIUD dicendum, quod bene conceditur, quod panis non eodem modo se habet: sed est non eodem modo se habere quoad totam substantiam & formam, & non habere se eodem modo quoad partem substantialem vel accidentalem. Dico igitur, quod non eodem modo se habet in tota substantia: quia transmutatur à tota substantia: Christus autem eodem modo se habet tunc, & ante, & post, eo quod nihil additur ei nec aliquid aduenit.

AD VLTIMUM est magis difficile respondere: quia hoc est contra totum quod hactenus suppositum est in solutione: dici tamen potest, quod licet transsubstantiatio præsupponat sibi ens ex quo fit: non tamen præsupponit sibi, ut materiam quæ vna sit in actu eius à quo & in quo fit transsubstantiatio: quia sic non esset transsubstantiatio à tota substantia, sed à forma substantiali tantum: & ideo nihil remanet: quia sicut actui creationis in quantum actio, nihil subiicitur ut subiectum, ita etiam isti transsubstantiationi nihil subiicitur ut subiectum: sed verum est, quod dissimile est in termino à quo: quia ibi non præsupponitur ens, sed nihil, sed hic præsupponitur ens.

AD ALIUD dicendum, quod in veritate transmutatio est alicuius non in quo, sed ut à quo, vnde denominat id à quo est: quia illud transmutatur, & illud est ens, & non cedit in non ens, licet sit mutatio à tota substantia. Ad hoc autem quod contra hoc obiicitur, dicendum quod panis formæ accidentales manent, & non forma substantialis, & quoad hanc est ibi transmutatio. Si

autem aliquis obiiciat, quod species transmutationum magis distinguuntur penes terminum ad quem, quam à quo, ut generatio, & corruptio, & huiusmodi: ergo & ista debet distinguere penes terminum ad quem. Dicendum, quod non sequitur: quia illæ transmutationes sunt via in actu à quo specificantur, & inducunt illum, & actus ille est in potentia exeunte ad actum purum potentiæ non permixtum. Sed hic non est ita: quia non puto tutum esse concedere, quod hæc transmutatio aliquo modo attingat corpus Christi: vnde non fundatur nisi in altero terminorum secundum quod dicit mutationem. Tamen quidam sunt qui dicunt duos esse terminos huius mutationis, ut mutatio est à tota substantia existente, in totam substantiam existentem: de hoc autem infra inquireretur.

AD VLTIMUM dicendum, quod August. loquitur ibi de institutione operum naturæ, scilicet qualiter aqua est super cælos, & huiusmodi: in quibus quidam ignorantes volunt euadere, quod essent potentiæ Dei attribuenda: & in illo casu est verum quod dicit: quia cum creauit mundum, non disposuit partes mundi secundum potestatem suam, sed potius secundum exigentiam vniuscuiusque naturæ, secundum quod hæc conseruatur ab illa, & iuuat ad mundi propagationem: hic autem totius cursus operis mirabilis est: & ideo non valet hic dictum illud, sicut nec in aliis miraculis.

## ARTICVLVS II.

*Qualis est huiusmodi transmutatio vel conuersio?*

Secundo queritur, Cuiusmodi mutatio vel conuersio sit ista quæ est in sacramento? Videtur enim, quod non sit à tota substantia. Si enim sit mutatio à tota substantia, non manebit postea actus illius substantiæ proprius: ergo à destructione concedentis, si maneat actus substantiæ proprius, non est mutatio à tota substantia: sed manet actus substantiæ qui est reficere: ergo manet substantia vel aliquid substantiæ: & sic non est mutatio à tota substantia.

2 Item, Damasc. dicit, quod sicut ex duplici sumus substantia, scilicet anima & carne: ita duplex est cibus, substantiæ enim panis coniunxit diuinitatem ut faceret nobis edulium: ergo videtur, quod substantia panis manet.

3 Item, In aliis sacramentis sicut in baptismo, confirmatione, &c. manet substantia materiæ: ergo videtur, quod etiam hic manere debeat: cum ergo substantia panis sit materia, materia debet ibi manere, & non est mutatio ab ipsa, ut videtur.

4 Item, Fundamento non manente, nihil eorum quæ sunt superædificata, manent: accidens autem ædificatur quoad esse super substantiam, sicut super fundamentum: ergo substantia non manente, nec accidens illius substantiæ manet: sed manet accidens: ergo manet substantia illius accidentis, ut videtur.

5 Item, Communiter dicitur, quod accidentalis forma manet, ideo quia aliter non duceret in rationem cibi: & hoc est contra rationem sacramenti,



menti, de cuius ratione est quod sit sensibile signū aliud faciens venire in notitiam. Constat autem, quod licet accidens faciat ad cognitionem eius quod quid est: tamen vnunquodque verius cognoscitur forma substantiali, quam accidentali: ergo ratio & cognitio cibi quæ in sacramento accipienda est, verius & melius accipitur per formam substantialem, quam accidentalem: ergo magis debet manere forma substantialis, quam accidentalis. Item, Omne quod mutatur, est aliter se habens quam prius: sed quod causatur à tota substantia, non habet se aliter post mutationem, quia annihilatum est: ergo non debet esse transmutatio à tota substantia, vt videtur.

6 Item, Non videtur esse intelligibile, quod aliquid mutetur à tota substantia: quod enim mutatur, hoc aliter se habet quam prius: quod autem aliter se habet quam prius, aliud est nunc quam prius fuit: ergo oportet, quod maneat aliquid eius nunc vt prius: non igitur est mutatio à tota substantia, vt videtur.

7 Præterea, Detur, quod mutetur aliquid à tota substantia ipsius: ergo nihil manet: nec enim forma, nec materia: cuius autem nihil manet, nihil illius in aliquid conuertitur: substantiæ autem panis si mutatio est à tota substantia, nihil manet: ergo nihil eius conuertitur in aliud: ergo substantia panis non conuertitur in corpus Christi, quod est contra omnes, quia nulla est hic transsubstantiatio nisi panis & vini in corpus Christi, vt videtur omnibus.

8 Item, Aliud est hoc esse hoc, & aliud est hoc transmutari in hoc, & aliud est hoc esse post hoc. Cum igitur dicitur panis transmutari in corpus Christi, oportet quod secundum vnum illorum sensuum dicatur, scilicet quod panis sit corpus Christi sine transmutatione, & hoc est falsum: quia panis & corpus Christi disparata sunt, & vnum remouetur ab altero, vt homo & asinus. Aut quod mutatur in illud: & cum omne quod transmutatur, prius sit in fieri quam in facto esse, oporteret quod quandoque panis fieret corpus Christi, quod est falsum, quia sic corpus Christi esset in potentia & in exitu de potentia ad actum, & inciperet esse de nouo, omne enim quod exit de potentia ad actum, est nouum & generatum vel simpliciter vel secundum aliquid sui. Et hæc omnia fides circa corpus Christi abhorret. Si autem tertio modo dicatur, quod idem sit transmutari in hoc quod est hoc esse post illud. Contra: Non est intelligibile, quod de pane post panem fiat corpus Christi sine mutatione media: ergo videtur, quod non sit ille sensus.

9 Præterea, Si sic panis erit corpus Christi, tunc quandoque verum erit dicere, panis est corpus Christi: quicquid enim erit in futuro verum, in aliquo præsentī verificabitur: nunquam autem verum erit dicere, panis est corpus Christi: ergo hæc nunquam fuit vera, panis erit corpus Christi.

10 Præterea, Cum dicitur, hoc sit hoc, quid supponit ly hoc? Si panem, tunc panis erit corpus Christi, quod iam improbatum est: si aliud, tunc aliud quam panis conuertitur in corpus Christi, quod falsum est.

*Solutio.*

SOLVTIO. Dicendum sine præiudicio, quod in materia ista & in materia de Trinitate non sunt sufficientia verba quæ exprimant modum

diuinæ operationis: sed balbutiendo in quantum possumus, excelsa Dei resonamus: vnde puto, quod verius ista transmutatio vocatur transsubstantiatio, sicut etiam quidam antiquorum dixerunt: & modus eius est quod sit à tota substantia panis quoad formam, & quoad materiam, ita scilicet, quod de toto composito quoad essentielles partes nihil maneat.

AD PRIMVM ergo dicendum, quod non oportet, quod actus proprius substantiæ non maneat, non manente substantia: actus enim substantiæ est mediantibus viribus & potentiis: potentiæ autem sunt proprietates quæ non sunt de esse primo, sed secundo: & ideo in ista transsubstantiatione manet actus cibandi & reficiendi in potentiis, fundatus in his quæ immediate consequuntur compositionem panis, quæ sunt sapor, & quantitas, & huiusmodi: sed si illa non manerent, tunc verum esset, quod actus proprius panis etiam non maneret. Si autem obiciatur per auctoritatem qua dicit Damascen. quod destructa substantia non manet eius actus proprius, videtur dicendum quod ipse intelligit de destructione in toto quoad essentialia & potentias consequentes substantiam: talis autem destructio non est hic, & ideo mutatione facta à tota substantia, adhuc manet actus substantiæ.

AD ALIUD dicendum, quod dictum Damascen. intelligitur quoad formas & accidentia panis, quibus Deus Dominicum coniunxit corpus: ergo non quoad substantiam panis manentem.

AD ALIUD dicendum, quod non est hic simile & in aliis sacramentis: quia in aliis sacramentis actus diuinus non est supra materiam, quæ oculis subiicitur, sed potius super animam suscipientis sacramentum, & illam transmutat alterando ad gratiam: in isto autem sacramento propter rem contentam in sacramento extra suscipientem, de qua dictum est supra, actus diuinus est supra materiam quæ oculis subiicitur in sacramento. Et ideo illa transsubstantiatur.

AD ALIUD dicendum, quod substantia fundat accidens quoad esse: sed duplex est vsus accidentis. Vnus est in materia: & in hoc necesse est, quod fundetur in substantia. Alter est ad opus diuinum ostendendum: & in hoc non est necesse, quod fundetur in substantia, sed sufficit sibi continentia virtutis diuinæ cuius opus demonstrat, vt signum ostendit signatum: & sic est hic: vnde non oportet, quod subiecto sublato non maneat accidens: de hoc tamen infra quæretur in sequenti distinctione cap. vlt.

AD ALIUD dicendum, quod forma substantialis proprie est vnius secundum esse, & diuersorum specie non est forma substantialis vna, & ideo non facit innotescere nisi illud cuius est forma proprie: & ideo si forma substantialis maneret, duceret in panis substantiam, & non in substantiam corporis Christi, & sic esset occasio erroris. Sed de accidentali forma non est sic: quia accidens est proprium plurium, & potest ducere in ipsum cuius ipsum est proprium, præcipue consignificando proprietates diuersas, sicut illa est, quod ex multis granis colligitur panis, & corpus Christi verum de multis guttis sanguinis & multis membris, mysticum autem de multis fidelibus, & sic de aliis quæ in parte sua tacta sunt.



Et ideo accidens verius ducit in rationem cibi, quam alterius modi ens, siue fuerit forma accidentalis, siue forma substantialis: & ideo manet ad vsum sacramenti.

AD ALIUD dicendum, quod hic dicitur aliquid mutari, ita quod mutari sit idem quod à tota substantia transsubstantiari, & in tali mutatione non est necesse, quod aliquid vnum habeat se diuersimode, sed tantum quod ipsum secundum se totum conuertatur in aliud totum: sed ratio illa est de mutatione physica, & tales plures solutæ sunt in præcedenti articulo questionis.

AD ALIUD dicendum, quod medius intellectus est hic, scilicet quod conuertitur in illud: sed non sequitur, quod sit in potentia in illo: quia, sicut prius dictum est, ista transsubstantiatio non habet fieri proprie dicta, nec habet ad hoc subiectum commune vtrique terminorum, sed est simplex conuersio totius in totum.

AD ALIUD dicendum, quod cum dicitur, panis sit corpus Christi, in sensu in quo ista recipitur, demonstratur substantia panis quæ oculis subiicitur sub accidentibus sensibilibus: & non sequitur id quod vltius infertur: quia fieri est hic transsubstantiari à tota substantia. Et bene concedo, quod hæc non est vera, panis erit corpus Christi: & de hoc infra est questio in hoc eodem cap. nec sequitur, quod aliquando sit verum dicere, quod panis est corpus Christi: ideo quia illud fieri dicitur à tota substantia transmutari, & tunc nec panis manet, nec aliquid de substantia panis, gratia cuius verificetur ista, panis est corpus Christi.

### ARTICVLVS III.

*Vtrum illa transmutatio fiat subito siue successiue?*

**T**ertio queritur, Vtrum illa transmutatio fiat successiue vel subito? Videtur autem, quod successiue: quia virtus transsubstantiandi est verbum, non secundum quod est in prolatione: sed in prolatione est successiue: ergo operatur transsubstantiationem successiue.

2 Item, Verbum cum dictum est, non est: nihil autem operatur cum non est: ergo verbum non operatur, cum dictum est: ergo operatur prout est in actu dicendi: sed in actu dicendi est successiue: ergo transsubstantiationem operatur successiue.

3 Item, Quicquid habet totum, præcipue discretum, hoc habet à partibus: hæc autem oratio, Hoc est corpus meum, est quoddam totum quantitatis distinctæ, vel distincta quantitas: ergo virtutem operandi habet à partibus: partes autem sibi succedunt: ergo operatur successiue, vt videtur.

*Sed contra*

SED CONTRA hoc est, quod omne quod transmutatur in aliud successiue, prius est in medio, quam in extremo: medium autem neutrum extremorum est: ergo aliquando est, quando nec panis, nec corpus Christi est: quod falsum est, quia sic transsubstantiationi aliquid subiiceretur, quod iamdudum improbatum est.

2 Item, Omne quod mutatur successiue, disponitur dispositionibus contrariis formæ à qua

mutatur, sicut aer, quando fit ignis, accipit dispositiones ignis quæ contrariantur formæ aeris: sed in ista transsubstantiatione manent omnia accidentia panis: ergo non disponitur contrariis dispositionibus formæ panis: ergo non mutatur successiue.

3 Item, Supra habitum est, quod virtus Verbi increati operatur in verbo creato, vt est habitum in litera, quod inuisibilis sacerdos & Spiritus sanctus in verbo creato operantur: horum autem operatio non est successiua, sed subita.

AD HOC autem dico, quod queritur de instanti conuersionis, in quo vltimo est panis, & in quo primo est corpus Christi? Aut enim hoc est vnum instans, aut diuersa. Si vnum. Contra: Instanti in quo vltimo est panis, verum est dicere, quod est panis: & sequitur à disparatis, quod ipsum non est corpus Christi: sed in quo primo est corpus Christi, sequitur quod verum est dicere, quod ipsum est corpus Christi. Si ergo illa sunt idem instans, in eodem instanti est illud corpus Christi, & non est corpus Christi: ergo contradictoria sunt simul vera respectu eiusdem instantis: ergo contradictio non est oppositio cuius non est medium secundum se, quod est contra philosophiam Arist. Si autem sunt diuersa instantia, & inter quolibet duo est tempus: ergo tempus est post instans, in quo vltimo est panis, & ante instans in quo primo est corpus Christi: ergo in toto illo tempore intermedio, nec est panis, nec corpus Christi, quod falsum est.

AD HOC autem quidam volunt dicere, quod in veritate motus mensuratur tempore, & finis motus sine tempore: vnde finis motus est motum esse, finis fieri factum esse: & ideo factum esse corporis Christi, mensuratur instanti: sed vltimum esse panis, cum hoc sit mutari, mensuratur tempore: tempus autem bene continuatur ad motum esse, ita quod nihil intercedit medium: & ideo dicunt, quod vltimo est panis in tempore, sed nunc primo corpus Christi in nunc. Ad hanc rationem confirmandam etiam alia potest induci ratio: quia cum ex aere fit ignis, desiccatio aeris est cum motu: factum autem esse ignis, est terminus motus, & sine motu: ergo mensuratur diuersis. Et similiter est transmutatio panis cum motu: sed factum esse corporis Christi sine motu est: & ideo vnum mensuratur tempore, & aliud nunc ad quod continuatur tempus illud. Tertia ratio confirmans illud idem est hæc: quia in continuo permanente habente positionem in partibus, sunt duo termini in actu, scilicet primus punctus, & vltimus: & non est recipere actu penultimum punctum, vel eum qui sequitur primum: quia illi non sunt nisi in potentia, & vbicunque designetur quantitas lineæ, ibi inter duo puncta erit linea, licet non possit signari nisi in puncto: ergo similiter erit in successiuo continuo, quod est accipere nunc ad quod continuatur tempus vt ad terminum, & illud est in termino transsubstantiationis, in quo scilicet primo est corpus Christi: non tamen est accipere penultimum ante hoc, sed potius totum tempus vsque ad illud nunc, in quo toto definit panis, & hoc tempus continuatur ad nunc, & hoc non est inconueniens. Sic ergo dixerunt quidam, & bene esset dictum, vt videtur, de mutatione physica: sed ad propositum nihil valet, quod sic probatur. Supra iam probatum est, quod

*Quest.*

D. Tho.  
mas hic  
q. 1. a. 3.  
quest. 2.  
ad 2.



quod non est ibi mutatio quæ sit fieri successive: sola autem talis mutatio mensuratur tempore, & non alia diuina quæ est in sacramento: ergo esset panis in ultimo instanti sine motu: ergo sicut verum est dicere in toto tempore & in quolibet instanti quod est post illud in quo primo fuit corpus Christi, quod ipsum est corpus Christi: ita verum est in quolibet instanti quod est ante ipsum, quod ipsum est panis. Et sic sequitur primum inconueniens. Item, Esse mensuratur nunc, sicut mutatio tempore: sed in toto illo tempore non est nisi esse panis, & non mutatio aliqua: ergo in quolibet nunc verificatur, quod est panis.

Ideo fuerunt alij qui dixerunt, quod in veritate panis est, & corpus Christi in vno instanti: sed tamen non sequitur contradictoria esse simul vera: quia non sunt secundum idem in instanti illo: quia instans illud est principium futuri, & sic in ipso est corpus Christi: & est finis præteriti, & sic in ipso est substantia panis. Quod autem hoc non sit verum, nec possit stare, sic probatur. Quod instans est principium futuri, & finis præteriti, hoc non facit ipsum instans esse diuisibile: sicut nec punctum quod accipitur ut finis vnius partis lineæ, & ut principium alterius. In illo ergo indiuisibili secundum esse: aut hoc quod est in altari, est sub forma panis, aut sub forma corporis Christi, aut sub vtraque, aut sub neutra. Si sub forma panis: ergo nihil eius est quod sit sub forma corporis Christi. Probatio. Detur enim, quod aliquid eius sit in quo sit sub forma corporis Christi, sequitur tunc, quod instans sit diuisibile, quod falsum est. Si ergo nihil eius est in quo sit forma corporis Christi, non erunt in eodem instanti forma panis & forma corporis Christi, & sic illa posicio est falsa. Si autem sub forma corporis Christi, per eundem modum sequitur, quod nihil sit illius instantis in quo sit sub forma panis, & sic redeundum iterum quod in eodem instanti nihil sit sub forma panis & corporis Christi. Si autem sub vtraque parte est in eodem instanti: ergo in vno indiuisibili secundum esse accepto, possum dicere, quod est panis, & est corpus Christi: ergo in illo est verum dicere, quod panis est corpus Christi, & è conuerso, quod falsum est: ergo in illo instanti non est sub vtraque forma: ergo sub neutra, & hoc iterum falsum est: quia sic quandoque nec esset panis, nec corpus Christi, & materia quandoque esset sub nulla forma: quæ omnia impossibilia sunt.

Ideo iterum sunt alij qui dicere præsumunt, quod in veritate in vno indiuisibili est panis & corpus Christi: sed in vno indiuisibili bene concedunt esse prius & posterius, dicentes quod est prius & posterius tempore, & hæc non sunt in vno indiuisibili: & est prius & posterius natura, & hæc bene sunt in vno indiuisibili: vnde prius natura panis est, & posterius natura corpus Christi. Hoc autem confirmant duabus rationibus, quarum vna est à simili: sint enim duæ lineæ sibi per longitudinem coniunctæ eodem spatio, constat quod illæ contingunt se in puncto vno: & punctus ille refertur ad vtrumque secundum prius & posterius natura. A simili dicunt hic: quia duo esse sunt, scilicet esse panis, & esse corporis Christi, quæ se contingunt in vno indiuisibili temporis, in quo vnum cedit non alij, sed in alterum sine omni mutatio-

ne media: & secundum prius natura est ibi esse panis, & secundum posterius est ibi esse corporis Christi. Alia ratio est: quia, sicut probatum est supra, in hoc sacramento nulla est mutatio, sed mutatum esse potius: & tamen sequitur necessario mutari: ergo præcedit mutatum esse, non tempore, sed natura solum.

Sed quod iterum hoc nihil sit, videtur posse probari sic, Coniunctis duabus lineis in puncto, punctus scilicet spatij super quem coniunguntur, in veritate non efficitur propter hoc actu in continuo, sed tantum in potentia. Probatio. Coniunctis enim sic lineis, linea quidem consequetur, & contingeret lineam: sed quod punctus punctum sequatur, hoc est per accidens, quia non habet hoc nisi in quantum est terminus lineæ. Si ergo conueniunt ista in puncto per accidens, patet quod non signant per hoc aliquem punctum in continuo, qui per se sit tanquam locus in quo se contingunt. Præterea, Talem contactum non est possibile esse nisi in lineis mathematicis secundum Philosophum, qui dicit quod recto in quantum recto multa accidunt, ut tangere æneam spheram in puncto: non tamen tangit hoc separatum rectum: nos autem quærimus hic mensuram: sed esse naturæ panis est in ultimo, & corporis Christi in primo: vnde non videtur facere ad propositum. Item, Licet mutari præcedat in quibusdam mutatum esse tempore, & in quibusdam natura tantum: tamen impossibile est intelligere, quod vna sit mensura vtriusque: ergo videtur, quod etiam hoc non sit simile. Item, Mensuræ differunt secundum mensurata: ergo esse panis mensuratur mensura congrua sibi: cum igitur sit corpus mutabile, mensurabitur tempore, vel nunc temporis: corpus autem Christi in esse suo cum sit immutabile, non mensurabitur tempore, vel nunc temporis: corpus ergo Christi in esse suo cum sit immutabile, non habebit eiusdem rationis mensuram: ergo mensurabitur nunc æui, vel æuo: constat autem, quod illa non sunt idem: ergo nec in eodem nunc est esse panis, & esse corporis Christi, nec etiam eiusdem speciei in mensura, ut videtur. Item, Sine mutatione panis non transit panis in corpus Christi, sed mutatione eius corpus Christi incipit esse hic: sed non est eadem mensura mutari, & non mutari: ergo ista non sunt in ratione vnius nunc, nec in ratione vnius mensuræ. Et hoc concedebat qui me docuit.

Sed hoc iterum non videtur verum: quia dicit Philosophus in penultima propositione causarum, quod inter esse cuius est substantia & actio in momento æternitatis, & esse cuius substantia & actio est in momento temporis, est medium, & est res cuius substantia est in momento æternitatis, & actio eius in momento temporis. Licet ergo corpus Christi immutabile sit quoad substantiam & accidentia: tamen mutabile est quoad locum siue mobile: constat enim, quod incipit esse hic: ergo hoc ipsum quod nunc est hic, & ante non fuit hic, aliquo mensuratur: & constat, quod non nunc æui vel æternitatis, quia illa sunt mensuræ eodem modo se habentium: relinquitur ergo, quod mensuratur nunc temporis. Et sic redit difficultas primæ opinionis.

Ideo sunt alij magis profundantes sermonem, & dicentes, quod in tempore non omnino est, sicut in continuo habente positionem in suis partibus.



tibus: & sequuntur in hoc Auicennam & Auerroem: quorum vnus in lib. de sufficientia, Auerroes autem super vlt. cap. quarti physicorum dicit, quod in continuo quocunque habente positionem est accipere duo indiuisibilia, quæ actu sunt in continuo, licet non sint separata secundum esse, vt in linea est accipere duo puncta, & in superficie duas lineas: sed de tempore non est accipere nisi vnum nunc, quod est tota essentia siue substantia temporis, licet non sit temporis esse: quia esse temporis est continuitas prioris & posterioris in ipso nunc. Vnde dicunt, quod accipiendo tempus in sua natura, non est accipere duo nunc, sed vnum solum. Si autem accipiat prout est mensura motus, quem excellit tempus, sic possunt duo signari nunc, & inter illa est tempus, sicut in motu esse primum post quod est motus, & esse vltimum, hoc est accipiendo nunc prout est mensurans secundum esse primum & secundum esse vltimum. Et hoc modo dicunt, quod bene contingit signare duo nunc se consequentia, quando illa non sunt in eodem: sicut dicunt in linea non esse nisi vnum punctum in quo linea terminatur actu, & penultimum non est accipere: si autem diuidatur linea, tunc erunt duo se consequentia in duabus lineis: sic dicunt hic, quod in mensura eiusdem motus est accipere vnum nunc in quo terminatur motus, & non est accipere penultimum illius motus propter motus indiuisibilitatem: si tamen aliquis motus terminetur ad proximum nunc, tunc significatur in comparatione ad illum, & tunc erunt duo nunc in comparatione duorum terminorum duorum motuum, inter quæ non est tempus medium. Sed in vno motu dicunt hoc esse impossibile, sicut in vno motu ante terminum motus non est nisi tempus vsque ad terminum motus illius. Dicunt igitur isti sic, quod in duobus nunc est vltimo panis & primo corpus Christi: & hæc duo sequuntur & non est incertum tempus medium: quia illud Philosophi accipitur de nunc signatis respectu eiusdem motus, & non de nunc signatis respectu duorum esse inter quæ nihil continuat. Sed hoc mirum videtur esse: quæcunque enim ordinantur adinuicem secundum præcedere & subsequi, necesse est quod in aliquo se contingant. Si igitur esse panis in quiete mensuratur vno nunc, & esse corporis Christi alio, oportet necessario aliquid continuans inter illa ponere, in quo vnum transit in alterum, ille enim transitus non est esse panis, nec esse corporis Christi, vt videtur.

*Solutio.*

**SOLVTIO.** Puto, quod nulli harum opinionum præiudicandum sit. Ego autem magis puto vltimam esse eligendam, & fere concordat cum illa quæ est antepenultima: quia illæ duæ probabiliores sunt.

**AD ID** autem quod contra hanc vltimam obiicitur, dicendum quod in veritate non est tertium in quo contingant, siue quo sit ille transitus, eo quod non sit hic transitus per modum motus de potentia ad actum, sed potius esse post esse, & actus post actum, & transitus non est nisi secundum rationem terminorum, & non secundum rationem medij quod est substantia motus vel mutationis: & tunc non discordat à penultima, nisi in hoc quod illa dicit secundum nunc esse æui: & multi dixerunt, quod vnum est nunc æui & temporis, & secundum hoc soluendum est ad

obiectum quod contra factum est, quia Christum esse hic non dicit motum nec motus terminum, & ideo proprie non mensuratur nunc temporis, sed nunc æui, scilicet quia non est coniunctio prioris & posterioris in successione motus: sed si habet prius & posterius, hoc erit in ordine naturæ. Pro aliis opinionibus respondeat quilibet pro libito, qui eligit aliquam earum.

**AD ID** autem quod primo quæritur, Vtrum transsubstantiatio sit subita, vel in tempore? Dicendum, quod absque dubio subita est: quia multæ derisiones sequerentur, si successiua esse poneretur.

**AD ID** autem quod contra obiicitur, per ea quæ dicta sunt in quæstione de forma sacramenti, & in quæstione de virtute verborum, faciliter patet solutio. Et dicendum ad primum, quod illa oratio non accipitur in vi orationis tantum, sed etiam in vi institutionis quæ simplex & vna est, & secundum quod refertur ad signatum & per illud ad Verbum increatum quod operatur in ea: & ideo licet successiue proferatur, non tamen successiue operatur.

**AD ALIUD** dicendum, quod nihil operatur cum omnino non est: sed cum hæc oratio referatur ab Verbum increatum, & ad institutionem, secundum virtutem operandi manet, licet transeat secundum actum prolationis, sicut dicit August. super Ioan. quod vox transit, & verbum remanet etiam post prolationem.

**AD VLTIMUM** dicendum, quod illud discretum quod est oratio quæ est forma sacramenti, licet discretas habeat partes, tamen refertur ad alia quæ non sunt discreta, scilicet ad signatum, & institutionem, & Verbum, & virtute illorum operatur secundum quod illa sunt in oratione prolata: & ideo non valet illa obiectio quæ procedit ac si illa oratio in prolatione operaretur. Et per hoc patet solutio ad totum.

#### ARTICVLVS IV.

*Quomodo hæc transmutatio se habeat ad operationem naturæ, & mirabilium siue miraculorum?*

**Q**uarto quæritur, Qualiter hæc transmutatio se habeat ad operationem naturæ, & mirabilium siue miraculorum? Videtur autem, quod ipsa aliquid habeat de natura. Potentia enim obedientiæ est in omni creatura ad voluntatem Creatoris. Potentia autem aliquid addit super essentiam. Ergo dispositio aliqua inest creaturæ quæ hoc possit fieri. Licet ergo ex parte agentis non sit per naturam, tamen ex parte conuersorum, scilicet panis & vini aliquid videtur habere de natura.

2 Item, Augustinus super Genes. vult, quod Deus tam rationes naturalium quam mirabilium indidit operibus creationis: ratio autem est ordinans ad formam aliquam: cum igitur ratio huius conuersionis fuerit in operibus sex dierum, est in materia corporum conuersorum aliqua ratio quare hoc possit fieri: ergo aliquid habet de natura.

3 Item, Aut est secundum naturam, aut contra naturam. Si contra naturam, cum Deus natu-

ram



ram rationabiliter instituit: ergo veniendo contra naturam, venit contra suum institutum: ergo venit contra ordinem suae sapientiae & iustitiae: ergo venit contra seipsum, quod absurdum est. Si autem secundum naturam, tunc habetur propositum, quod aliquid habet de natura.

Quaestio-  
nula.

VLTERIUS quaeritur, Qualiter se habet ad miracula? Actus enim miraculorum potentia inest subiecto circa quod fit: quod patet cum caecus illuminatur. Visus enim potentia inest homini etiam per naturam: sed diuino opere potentia restituitur corrupto organo. Et similiter de illo quod minus videtur, potentia pariendi inest virgini, & partus inest ei potentialiter: nunquid ergo potest dici similiter, quod panis potentia sit corpus Christi? & videtur quod sic per similia inducta.

2 Item, Quicquid actu fit aliquid, prius potentia fuit illud: panis autem transsubstantiatur in corpus Christi: ergo prius potentia fuit illud: sed quicquid potentia est aliquid, secundum eandem potentiam manentem in subiecto subiicitur illi: panis autem potentia est corpus Christi: ergo secundum subiectum est potentia subiectiua formae corporis Christi: ergo materia panis manet in corpore Christi, quod absurdum est, & negatur in litera. Probatio prima: quia cum aer fit ignis, subiectum eiusdem potentiae quod est materia aeris, manet in igne. Et similiter est de omnibus tam naturalibus, quam mirabilibus. Secunda autem supponitur ab aduersario.

Solutio.

SOLUTIO. Vt mihi videtur, non oportet hic multum immorari: quia ego concedo, quod illa transsubstantiatio non est naturalis nec miraculosa, sed mirabilis: quia miraculum est quod fit praeter spem, & hoc est arduum insolitum: istud autem non fit praeter spem, imo fit cum spei certitudine: quia certificatur spes ex verbis Domini: & ideo etiam non est insolitum, eo quod vi verbi Domini habetur usus & cursus illius operationis, sicut vi naturae certificatur & frequentatur cursus naturae: relinquitur ergo, quod sit opus mirabile, eo quod nos cognoscendo & operando, non possumus in illud, cum tamen speremus illud solitum nobis ex vi sermonis Domini.

AD ID ergo quod primo quaeritur, dicendum videtur, quod nihil omnino habet de natura nec ex parte materiae, nec ex parte agentis, quia materia est panis & vinum, agens autem verbum.

AD ID autem quod obiicitur de potentia obedientiae, dicendum quod potentia obedientiae nihil addit super rei substantiam: cuius probatio est: quia si aliquid addit, cum res & sub-

stantia rei secundum naturam sit prior illo, potest abstrahi per intellectum substantia rei ab illo addito: abstrahatur ergo: tunc potentia obedientiae non erit in re illa: ergo non potest fieri de ea quod Creator vult, quod est haeresis: igitur relinquitur, quod res substantialiter sit potentia, quicquid vult Creator. Vnde prima obiectio procedit ex falsis.

AD ALIUD dicendum, quod rationes illae prout ad miraculum referuntur (vt dicit Augustinus) non sunt in re quod sic fiat, sed vt de quo possit fieri: non enim habuit prima conditio vt de costa fieret mulier, sed potius vt de ea fieri posset. Vnde ratio ista non ponit aliquam dispositionem super rei substantiam, sed ordinem tantum ad voluntatem Creatoris.

AD ALIUD dicendum, quod illa diuisio non est sufficiens: quaedam enim nec secundum naturam sunt, nec contra naturam sunt, sed supra naturam, scilicet omnia in quae natura non potest nisi obediendo: & tale est illud, & alia miracula.

AD ID quod vltius quaeritur, iam patet solutio per illa quae ante dicta sunt.

Ad qua-  
siuncu-  
lam.

AD ID autem quod obiicitur primo, dicendum quod hoc non est nisi in quibusdam miraculis, & differenter: quia si potentia ad actum miraculi datur subiecto, tunc actus manet subiecto coniunctus per potentiam datam. Si autem manet in subiecto opposita dispositio ad actum, subiectum est sub actu sicut potentia indisposita, & ideo est tunc miraculosus actus, vt in partu virginis manente virgine: hic autem nec subiectum manet, nec dispositio aliqua, sed est mutatio a tota substantia subiecti, vt prius est habitum: & ideo illud est mirabile supra omnia mirabilia.

AD ALIUD dicendum, quod haec propositio est falsa, quicquid fit aliquid quocunque modo, prius potentia fuit illud: dicit enim Commentator super 9. metaphysicam, quod nihil est potentia in aliquo proprie loquendo nisi quod vno motore educitur de illo, vt haec faba in semine fabae, quia mouente calore solis, educitur de illo, & ideo in semine est potentia, non in terra. Et verum est, quod ipse loquitur de potentia propinqua: sed hoc etiam de remota falsum est: quia in natura non est aliquid de potentia materiali, quod non habeat aliquam potentiam vniam in natura agentem & complementem & educentem illam potentiam materialem ad actum: & hoc non est ita: quia nec substantia manet, nec aliquid: & ideo falsum est quod proponit.

*Augustinus in libro sententiarum Prosperi.*

C

**S**I vero quaeris modum quo id fieri possit? breuiter respondeo, Mysterium fidei credi salubriter potest, inuestigari salubriter non potest. Quod ergo corpus Christi, panis mutatione in id, non augmentatur, nec sanguis ex vini conuersione: eius voluntati & potentiae ascribatur, qui idem corpus de Virgine eduxit. Sit ergo substantia illa ista sine eius augmento. Nec tamen concedunt quidam, quod substantia panis aliquando sit caro



caro Christi, etsi fiat caro Christi: sicut farina facta est panis, & aqua facta est vinum, nec tamen dicitur, farina est panis, & aqua est vinum. Alij vero concedunt, illud quod erat panis vel vinum, post consecrationem esse corpus & sanguinem: non tamen sequitur, panis est caro Christi, vel vinum est sanguis: quia substantia panis vel vini postquam facta est caro Christi vel sanguis, non est substantia panis vel vini, sed caro & sanguis. Ideo distinguendum videtur, cum dicitur, substantia panis, vel id quod erat panis, modo est corpus Christi. Manens enim panis non est corpus Christi: sed mutata in id quod facta est, est corpus Christi. Nec dicimus substantiam panis vel vini materiam esse corporis vel sanguinis Domini: quia non de ea ut de materia, formatur corpus: sed ipsa formatur in illud, & efficitur illud. Vnde Augustinus. Corpus Christi dici-  
 mus illud, quod ex fructibus terræ acceptum, & prece mystica  
 consecratum sumimus in memoriam Dominicæ passionis. Quod  
 cum per manus hominis ad illam visibilem speciem perducatur,  
 non sanctificatur ut sit tam dignum sacramentum, nisi operante inui-  
 sibiliter Spiritu Dei.

Lib. 3. de  
 Trin.  
 cap. 4.

## ARTICVLVS V.

*An mutatio quæ est in sacramento Eucharistia, sit similis mutationi quæ dicitur augmentum, & an adiuncta sit ei loci mutatio?*

**D**Einde quæritur de hoc quod dicitur ibi [Quod ergo corpus Christi, panis mutatione, &c.] Videtur enim ex hoc quod ista mutatio non sit similis mutationi quæ est augmentum: quod est contra Damascen. qui dicit, quod est similis.

2 Sed hoc iterum videtur falsum per hoc quod dicit Philosophus, quod augmentum est præexistentis magnitudinis additamentum: magnitudini autem Christi non est additio aliqua: ergo non habet similitudinem cum augmento.

3 Præterea, Philosophus dicit, quod ubi est augmentum, augetur totum secundum formam, licet non totum secundum materiam: & hoc iterum non conuenit hic: quia Christus in forma non augetur.

4 Item, Vbi est augmentum corporis, oportet quod illud quod auget sit potentia caro quanta, ut dicit Philosophus: panis non est potentia caro quanta Christi: ergo non auget: non ergo ista transsubstantiatio habet similitudinem cum augmento, sicut Damasc. dicit. Si forte tu dicas, sicut etiam videtur velle Damasc. quod non est similis in omnibus augmentatio, sed in hoc tantum quod augmentatum est ita quod augens conuertatur in id quod ante existit secundum formam & speciem, quia in corpus conuertitur auctum quod prius erat: & ita hic panis conuertitur in id quod prius erat secundum formam & esse, quia in corpus Christi. Si, inquam, sic dicas. Contra: Nutrimtum etiam conuertitur in præexistens, & non est potentia nisi substantia nutriti, & non potentia quanta: augmentum autem quod con-

uertitur in præexistens est potentia caro, & quanta: ergo magis illa transsubstantiatio assimilat nutritionem quam augmentum, ut videtur: & ideo male assimilat eam augmento Ioann. Damascen.

**V**LTERIVS quæritur, Vtrum loci mutatio sit adiuncta huic transsubstantiationi? Videtur enim, quod sic: omni enim augmento est adiuncta quædam loci mutatio secundum quod mutatio loci dicitur in maiori loco esse quam prius: sed ista transmutatio similis est augmento, ut dicit Damascen. ergo ei adiuncta est loci mutatio.

Quæstio  
 cula.

2 Item, Loci mutatio accedit illi quod est ubi non erat prius: ex transsubstantiatione autem fit corpus Christi ubi non erat prius: ergo transsubstantiationi adiuncta est loci mutatio.

3 Item, Quod non est essentialiter ubique, si debet essentialiter esse ubi non erat prius, necesse est quod veniat illuc per motum qui est loci mutatio: corpus autem Christi non est ubique essentialiter: ergo si debeat esse in loco ubi non erat prius, necesse est, quod veniat illuc per motum qui est loci mutatio.

**S**ED CONTRA hoc est quod dicit Damasc. ibi non esse loci mutatione. *Sed contra.*

2 Item, Quicquid mouendo mutat locum, accedendo ad locum ubi non erat prius, recedit à loco ubi erat prius: sed corpus Christi non recedit à loco in quo erat prius: ergo nec mouetur localiter ad locum ubi prius non erat. Prima patet per se. Secunda supponitur à fide & litera: quia non recedit à cælo, quando est in altari: ergo nec per hoc quod est in vno altari, minus est in alio.

**S**OLVTIO. Dicendum videtur sine præiudicio, quod non satis congrue potest assimilari ista transsubstantiatio alicui motui vel transmutationi quæ est secundum naturam: sustinendo tamen quod dicit Damasc. dici potest, quod in augmento est quod auget, & quod augetur: ex parte au-  
 tem

Solutio.



tem augmentis est corruptio secundum substantiam augmentis, quia necesse est, quod formam propriam amittat & assimilatur ei quod auget. Unde ex parte illa nulla est similitudo. Ex parte autem augmentati sunt multa: secundum terminos motus est quantitas imperfecta, & perfecta, & iterum ex parte illa non est similitudo. Et etiam est ibi quod ad se conuerso dat formam & speciem prius existentem, & quoad illud solum est similitudo, ut dicit Damasc. Et per hoc patet solutio ad tria prima.

AD ALIVD dicendum, quod nutrimentum restituit deperditum & sanat indigentiam, & ideo nutrimento non poterat congrue comparari: augmentum autem est ad perfectionem corporis secundum quantitatem debitam, & illi comparatur secundum aliquid: tamen puto, quod illa auctoritas Damascen. non sit extendenda: quia tutius est dicere, quod nulli motui vel mutationi assimilatur.

AD ILVD autem quod ulterius queritur, Si habeat loci mutationem adiunctam? Dicendum, quod nullo modo.

AD PRIMVM autem obiectum contra, dicendum quod non est hic augmentum, licet sit aliquid simile augmento quoad aliquid.

AD ALIVD dicendum, quod hoc non sufficit ad loci mutationem, quod aliquid sit ubi non erat prius: sed oportet cum hoc quod etiam recedat a loco in quo erat prius: & hoc non est hic, sicut patet in obiecto facto in contrarium.

AD ALIVD dicendum, quod licet corpus Christi non essentialiter sit ubique: est tamen in pluribus locis essentialiter, sicut supra ostensum est: obiecto autem facta non valet, nisi de eo quod essentialiter non potest esse nisi in loco vno. Quare autem sit causa huius, requirendum est, ubi ostendebatur, quod corpus Christi pluribus modis comparatur ad locum.

## ARTICVLVS VI.

*An istae locutiones sint concedenda, Panis potest esse corpus Christi, panis mutatur in corpus Christi, corpus Christi fuit panis, panis erit corpus Christi?*

DEinde queritur de hoc quod dicit ibi [Alij vero concedunt, &c.] Hae quaestio utilis est, Quae locutiones sunt concedendae in huiusmodi transmutationis sermone, & quae non? Subiiciantur autem exempla de quatuor modis loquendi qui extrahuntur in litera: & primo de locutionibus cum verbo copulante potentiam cum recto apponente, ut panis potest esse corpus Christi. Secundo cum verbis notantibus motum vel mutationem cum recto vel obliquo, ut cum dicitur, panis fit corpus Christi, vel panis mutatur in corpus Christi. Tertio de his quae fiunt cum praepositione, ut cum dicitur, de pane fit corpus Christi. Quarto & ultimo de his in quibus sunt verba substantiua secundum differentiam temporis quae sunt praeteritum & futurum.

Quaest. I. QVÆRATUR ergo primo de hac, panis potest esse corpus Christi. Videtur quod sit vera: quia ita dicit Ambrosius. Quod est panis, D. Alb. Mag. in Lib.4. Sentent.

nis, ex consecratione potest esse corpus Christi.

2 Item, Panis mutatur in corpus Christi: quicquid autem in aliquid mutatur, potest esse illud: ergo panis potest esse corpus Christi.

3 Item, Hae in litera saepius scribuntur.

SED CONTRA: Duplex est potentia, scilicet materialis, & actiua: constat autem, quod potentia actiua panis non potest esse corpus Christi: quia potentia est in pane quae possit panem facere corpus Christi: ergo relinquitur, quod sit potentia passiva. Sed contra: Nulla est potentia passiva quae per aliquam actiuam compleri non possit in natura: ergo si potentia passiva ad corpus Christi est in pane, aliqua actiua naturalis complebit eam, quod falsum est.

2 Item, Appetitus potentiae materialis terminatur in actu illius potentiae, quando habet eum: nullus autem appetitus est substantiae panis ad formam substantialem Christi, cum materia panis non possit natura consequi talem: ergo potentia materialis non est in pane ad corpus Christi: ergo haec est falsa, panis potest esse corpus Christi.

SECUNDO queritur de hac, panis fit corpus Christi, vel panis mutatur in corpus Christi. Videtur autem, quod prima sit vera: quia saepius ponitur in litera ab Ambrosio & Augustino.

2 Item Damasc. Christus fecit ea, scilicet panem & vinum, corpus suum & sanguinem: sed quod Christus fecit, hoc quandoque fiebat: ergo tunc verum erat dicere, panis fit corpus Christi.

3 Item Damasc. Interrogas causam, qualiter panis fit corpus Christi? respondeo ego tibi, quod Spiritus sanctus superuenit, & facit hoc. Ex hoc accipitur primo in quaestione, quod panis fit corpus Christi: & iterum secundo in responsione quae supponit hoc quod est quaesitum.

SED CONTRA: Quod fit, nisi fieri in infinitum sit, quandoque terminatur ad factum esse: ergo quandoque verum est dicere, corpus Christi factum est de pane, quod falsum est, quia factum est de purissimis sanguinibus gloriose Virginis, ut dicitur in litera.

2 Item, Quod fit, quando factum est, illud est quod est factum: sed panis fit corpus Christi: ergo cum corpus Christi factum est, possumus dicere, quod panis est corpus Christi, & hoc est falsum.

2 Item, Quod fit ab alio, dispositiones recipit ab eo transmutantes substantiam vel formas accidentales: ergo si panis fit, prius disponitur ad transmutationem: & hoc iam ante negatum est in quaestione de transmutatione ista.

4 Item, Fieri vult habere subiectum ut naturam quae maneat in utroque terminorum transmutationis: hoc autem hic non esse supra probatum est.

Contra secundam autem locutionem iam prius obiectum est ubi quaesitum erat, utrum aliqua mutatio sit in sacramento isto.

TERTIO queritur de hac, de pane fit corpus Christi. Videtur autem esse concedenda ex hoc quod saepius scribitur in litera a diuersis Sanctis.

SED CONTRA: Quicquid fit de alio, aut est nouum, aut aliquod nouum fit circa ipsum: tra.

O sed



sed corpus Christi nec est nouum, nec aliquid nouum fit circa ipsum: ergo corpus Christi non fit de aliquo: ergo non fit de pane.

2. Præterea, Si vera esset, sequeretur supra habitum inconueniens: quia quod fit de aliquo, ipso facto, de illo verum est dicere, quod ipsum est factum de illo: ergo de corpore Christi factum de pane verum est dicere, corpus Christi factum est de pane, quod falsum est, cum non sit factum nisi de sanguine gloriosæ Virginis.

*Quæst. 4.* QUARTO quæritur de hac, corpus Christi fuit panis, vel panis erit corpus Christi. Videtur enim, quod sint veræ: quia dicit Ambrosius, Quod erat panis ante consecrationem, est iam corpus Christi post consecrationem.

2. Item, Augustinus in libro sententiarum Prosperi, Fideliter fatemur panem esse & vinum ante consecrationem quod natura formauit, post consecrationem vero carnem Christi & sanguinem quod benedictio consecrauit.

*Lib. 3. cap. 4.* 3. Item Augustinus in lib. de Trinitate, Corpus Christi dicimus illud, quod ex fructibus terræ acceptum, & prece mystica consecratum fumimus in memoriam Dominicæ passionis. Et est in litera. Ergo videtur, quod non tantum cum præterito & futuro sit, sed etiam cum præsentem verum sit dicere, panis est corpus Christi.

*Sed contra.* SED CONTRA hoc obiicitur. Cum dicitur, quod fuit panis, est corpus Christi, &c. ly quod est relatiuum identitatis: ergo vult habere eandem substantiam in antecedente & consequente: siue autem illa sit forma, siue materia, siue compositum, semper locutio est falsa: ergo omnes illæ sunt simpliciter falsæ.

*Solutio.* SOLUTIO. Sine præiudicio hic videtur dicendum, quod illæ de quibus primo quæritur, omnes falsæ sunt, præcipue absolute, propter illam propositionem, quod cuius est potentia eius etiam est actus: unde si esset potentia naturæ, esset etiam actus naturæ. Et ideo pro regula ab antiquis Doctoribus ponebatur in hac scientia, quod locutiones de transubstantiatione cum hoc verbo potest, & recto sequenti, omnes sunt falsæ: & si inueniuntur à Sanctis, non sunt extendendæ, sed glossandæ.

DICENDUM ergo ad primum, quod Ambrosius non dicit simpliciter, panis potest esse corpus Christi, sed potest esse consecratione diuina: & hoc est idem, quod potest potestate operante in sacramento: & hoc verum est: quia propter determinationem copulat ly potest, non potentiam materiale vel actiuam panis, sed potius diuinam cuius est uti creatura ad libitum.

AD ALIUD dicendum, quod non sequitur, si panis mutetur in corpus Christi quod possit esse corpus Christi: actus enim non infert potentiam, nisi quando actus sequens est eiusdem cuius est potentia præcedens: & hoc non est hic verum: sicut etiam non sequitur, Virgo peperit, ergo Virgo potuit parere sine determinatione: sed si determinetur sic, Virgo potuit parere potentia diuina, vel huiusmodi, tunc sequitur, quia tunc potentia & actus reuertuntur ad idem.

AD ALIUD patet solutio per ante dicta.

*Ad qu. 2.* AD ID quod secundo quæritur dicendum,

quod prima falsa est, hæc scilicet, panis fit corpus Christi: quia fieri copulat factionem circa aliquod subiectum, & dicit aliquid nouum: & neutrum horum competit transubstantiationi. Si autem inuenitur in auctoritate in litera, & in Damasc. soluendum est, ita quod fieri dicat transubstantiari, & rectus mutetur in obliquum, ut sit sensus, panis fit corpus Christi, id est, panis transubstantiatur in corpus Christi, quod facit Spiritus sanctus, secundum quod genus faciendi copulat quemcunque modum faciendi, & non physicam tantum actionem. Et per hoc patet solutio ad primum.

AD SECUNDUM autem videtur dicendum, quod concedi debet, quia ly mutatur in sacra Scriptura multiplicem copulat mutationem: sunt autem plures mutationes in sacra Scriptura non habentes subiectum: & tunc præcipue concedenda est, quando obliquus determinat verbum post, ut dicatur, panis mutatur in corpus Christi, & tunc mutatur dicit mutationem quæ est transubstantiatio.

AD ID quod tertio quæritur, videtur mihi *Ad qu. 3.* sine præiudicio loquendo, quod plures rationes habet quare non esse esset concedenda: sed propterea quod non habemus verba quibus mysteria Dei proferamus, hæc à Sanctis multoties inuenitur & à Doctoribus concessa sub illo sensu, quod ly de præpositio non notat materiam, ut cum dicitur, de ferro fit cultellus: nec potestatem, ut cum dicitur, Filius Virginis est de Spiritu sancto: sed potius notat tantum ordinem termini à quo est transubstantiatio, ut cum dicitur, de mane fit meridies. Et quod verbum fieri non copulat fieri, sed potius mutationem diuinam talem quæ hic competit, id est, cui nihil subiicitur, quæ est à tota rei substantia in totam substantiam alterius rei sine mutatione illius. Et per hoc patet solutio ad totum, quod contra illas locutiones quæritur. Et idem iudicium est de illa, ex pane fit corpus Christi: sed si diceretur, à pane fit corpus Christi falsa esset: quia dicit causam efficientem.

AD ID igitur quod quarto quæritur, dicendum *Ad qu. 4.* quod absque dubio omnes illæ absolute falsæ sunt propter hanc regulam, quicquid est verum de præterito, fuit ad hoc præsens in quo verificabatur: unde si corpus Christi fuit panis, necesse est ad hoc præsens fuisse, in quo verum fuit dicere, corpus Christi est panis: & quicquid erit verum in futuro, necesse est ad hoc præsens fore in quo verum est dicere, panis est corpus Christi: quorum utrumque falsum est. Unde tales locutiones absolute sunt falsæ & negandæ.

AD ID autem quod obiicitur, dicendum quod relatiuum non refert ibi substantiam eandem, sed potius diuersas sub eisdem accidentibus, efficientibus quidem primam & continentibus, continentibus autem secundam & non efficientibus. Unde cum dicitur, id quod est panis ante consecrationem, est corpus Christi post consecrationem, sensus est, sub illo sub quo erat panis ante consecrationem, est corpus Christi post consecrationem: sicut paulo ante dixit Magister quod in talibus locutionibus vtuntur Sancti tropo, quo solent res significantes rerum sortiri vocabula quas significant. Et hic tropus à Donato dicitur metonymia. Et per hoc patet solutio ad totum.

*Asserunt*



*Afferunt quidam dictum panem transire in corpus Christi.*

**Q**UIDAM vero sic dicunt conuersionem illam esse intelligendam, ut sub illis accidentibus sub quibus erat prius substantia panis & vini, post consecrationem sit substantia corporis & sanguinis, sic tamen, ut non eis afficiatur: & sic asserunt dictum panem transire in corpus Christi: quia ubi erat panis, nunc est corpus Christi. Quod si est, quid ergo fit de substantia panis & vini? Illi dicunt vel in præiacentem materiam resolui, vel in nihilum redigi. Alij vero putauerunt ibi substantiam panis & vini remanere, & ibidem corpus Christi esse & sanguinem: & hac ratione dici illam substantiam fieri istam: quia ubi est hæc, est & illa: quod mirum est: & ipsam substantiam panis & vini dicunt esse sacramentum. Sed quod non sit ibi substantia, nisi corpus Christi & sanguis, ex prædictis & subditis aperte ostenditur. Ait enim Ambrosius. Panem istum quem sumimus in mysterio, illum intelligo utique, qui manu sancti Spiritus formatus est in utero Virginis, & igne passionis decoctus in ara crucis. Panis enim Angelorum factus est cibus hominum. Vnde veritas ait, Ego sum panis viuus qui de cælo descendi. Et iterum, Panis quem ego dabo, caro mea est pro mundi vita. Ex his namque duabus sententiis aperte datur intelligi, quia panis ille & iste, non duo, sed vnus panis, & vna caro proculdubio vnum efficitur corpus. Illud vere, illud sane, quod sumptum est de Virgine, quod resurrexit, & in cælum ascendit. Item Gregor. Quis fidelium habere dubium possit, in ipsa immolationis hora ad sacerdotis vocem cælos aperiri, in illo Christi mysterio Angelorum choros adesse, summa & ima sociari, vnum quid ex inuisibilibus atque visibilibus fieri? Idem, Eodem momento & in cælum rapitur ministerio Angelorum consociandum corpori Christi, & ante oculos sacerdotis in altari videtur. Sicut diuinitas verbi totum implet mundum, ita multis locis illud corpus consecratur. Nec sunt tamen multa corpora Christi, sed vnum corpus & vnus sanguis. Ideoque siue plus siue minus quis inde percipiat, omnes æqualiter corpus Christi integerrime sumunt. Post consecrationem ergo non est ibi substantia panis vel vini, licet species remaneant. Est enim ibi species panis & vini, sicut & sapor. Vnde aliud videtur, aliud intelligitur.

De sacramentis, & habetur de cōse. c. Omnia quæ. Ioan. 6.

#### ARTICVLVS VII.

*An panis in consecratione annihiletur, aut in præiacentem materiam redigatur?*

**D**Einde quæritur de hoc quod dicitur ibi [Quidam vero sic dicunt conuersionem illam, &c.] Hæc enim quæstio est valde utilis de collatione harum trium opinionum, quas Magister tangit in litera. Quia vero de vna illarum omnes præcedentes quæstiones sunt, scilicet quod

*D. Alber. Mag. in Lib. 4. Sentent.*

panis non manet, neque annihilatur, sed fit transubstantiatio à tota substantia panis in totam substantiam Christi: ideo de hac nihil amplius dicemus: sed de secunda & tertia faciemus quæstionem. Quia vero secunda dicit panem aut annihilari, aut in præiacentem materiam conuerti, ideo quærat de illa. Et videtur, quod sit verissima ista, & minus habens difficultatis, sic: In huius sacramenti transubstantiatione id quod modo est panis, iam non erit panis, nec simpliciter, nec aliquid illius panis remanebit: quicquid autem nec simpliciter manet, nec aliquid eius, aut annihilatur, aut in præiacentem materiam



teriam conuertitur. In aliis transmutationibus naturalibus hoc possumus videre, scilicet cum ex aere fit ignis: si enim nihil aeris maneret in igne, nec in aliquo alio corpore, esset ipsa mutatio idem quod annihilatio aeris. Sed nihil panis manet in se, vel in corpore Christi. Ergo videtur, quod transsubstantiatio sit idem quod panis annihilatio.

2 Item, Quicquid ibi est terminus mutationis à quo, quod in nulla ratione causæ se habet ad id in quod est transmutatio, non saluatur in se, nec in illo in quod transmutatur: panis autem sic se habet ad corpus Christi: ergo nec in se saluatur, nec in corpore Christi: ergo aut annihilatur, aut conuertitur in aliud.

3 Item, Idem est nihil quod non ens absolute: sed transsubstantiatione facta, hæc est falsa, panis iste est ens: ergo eius contradictoria est vera, panis iste non est ens: ergo & ista, panis iste est non ens: quia negatiua de infinito prædicato, æquipollet affirmatiuæ etiam de prædicato infinito: ergo panis est nihil: & hoc fit per transsubstantiationem: ergo per transsubstantiationem annihilatur.

4 Item, Generatio succedens corruptioni non tollit corruptionem præcedentem: ergo etiam existentia corporis Christi in altari postquam non fuit, non tollit defitionem panis præcedentem: ergo videtur, quod panis desinat esse: ergo annihilatur.

5 Item, Cum dicitur, de nihilo fit aliquid, ibi præpositio non notat nisi ordinem: & similiter cum dicitur, de pane fit corpus Christi: ergo de re panis nihil manet in succedenti pani, & non manet in alio: ergo annihilatur.

6 Item, Vni cuiusque substantiæ est aliquis actus proprius: ergo non existente illo actu nihil existit de substantia: sed proprius actus panis qui est reficere corpus, non manet: ergo nec substantia: substantia autem non manens, nec secundum formam, nec secundum materiam, nec secundum compositum, annihilatur: ergo substantia panis annihilatur.

7 Item, Omnis res cadit in nihilum, cuius esse non conseruatur: sed esse panis hic non conseruatur: ergo substantia panis cedit in nihilum.

8 Item, Ponamus quod vniuersum sic conuertatur ut panis, vniuersum nec in se, nec in Christo est aliquid vel Christus: ergo vniuersum est annihilatum: ergo à simili etiam panis est annihilatus.

9 Item, In omni transmutato in quo aliquid manet, est productio alicuius: sed in hac transmutatione nihil noui producit, ut supra probatum est sæpius: ergo nihil manet de transmutato: ergo nihil de pane: ergo annihilatur.

sed contra.

SED CONTRA hoc obiicitur: quia Deus non est causa destructionis alicuius naturæ: ergo præcipue in sacramento pietatis maximæ non destruit creaturam aliquam: ergo non annihilabit panem, sed continebit eum in esse.

2 Item, Quicquid conuertitur in aliquid, eo ipso impossibile est conuerti in nihilum, quia nihil & aliquid ad modum contradictionis opponuntur: substantia vero panis conuertitur in aliquid, quia in corpus Christi: ergo impossibile est eam conuerti in nihilum: ergo non annihilatur.

SOLUTIO. Dicendum videtur, quod substantia panis non annihilatur: & tamen nec in se manet, nec in aliquo sui in Christo. Hæc autem opinio videtur esse consona verbis Sanctorum: unde quamuis sit minus intelligibilis, tamen eligenda mihi videtur propter sanctos Patres, quorum inspirata reuelatio præiudicat argumentis quæ possunt fieri contra hanc materiam.

DICENDUM igitur ad primum, quod non sequitur: si id quod modo est panis, nec simpliciter, nec secundum aliquid sui maneat, quod annihiletur. Et est fere vna responsio ad omnia, scilicet quod res mutatae manent secundum exigentiam suæ mutationis: in mutatione enim quæ est de subiecto ad subiectum, manet subiectum, & non accidens: manet autem subiectum secundum materiam & formam & totum compositum ex illis: in mutatione autem quæ est de non subiecto ad subiectum, vel de subiecto ad non subiectum, sicut est generatio, & corruptio, manet materia, sed non forma substantialis vel accidentalis. Sed in ista mutatione quæ est de tota natura & substantia subiecti in totam substantiam alterius subiecti, manet quidem accidens, sed nihil de substantialibus: sed est aliud secundum quod est corpus Christi factum per transsubstantiationem, & ideo non est conuersum in nihilum.

AD ALIUD dicendum, quod non est simile de aliis transmutationibus ad istam: quia aliarum transmutationes sunt à tota substantia, sed manente ad minus materia: hic autem est mutatio à tota substantia in totam substantiam alterius.

AD ALIUD dicendum, quod illud non sequitur, quod in nulla ratione causæ se habet, &c. quod in nihil conuertatur: hoc enim verum est in his quæ faciunt transmutationem & sunt imperfecta ad augendum: Dominus autem hic transmutauit, & ideo ipse sine aliqua causa conuertit vnum in aliud per seipsum: & ideo non annihilatur.

AD ALIUD dicendum, quod panis non est ens post transmutationem, sicut ignis non est ens post corruptionem: & non sequitur, quod sit annihilatus, quia est in aliud conuersus: unde ad diminutionem procedit illa ratio: deberet enim addi, non est ens & non est in aliud conuersus: ergo est nihil, vel est non ens.

AD ALIUD dicendum, quod sicut generatio sequens non tollit corruptionem præcedentem: ita nec aduentus corporis Christi in altari, tollit transsubstantiationem panis: sed non infert defitionem in esse, quoniam non est idem transsubstantiari & definire esse.

AD ALIUD dicendum, quod licet præpositio de non notet nisi ordinem, non tamen infert annihilationem: quia illius est causa, quia conuersio est à tota substantia in totum corpus Christi: & ideo quia est à tota substantia, non potest dicere materiam: & quia est in totam, non potest esse annihilatio.

AD ALIUD dicendum, quod actus proprius substantiæ panis non manet, quia nec substantia panis: sed non sequitur, quod sit annihilata, eo quod est in aliud conuersa, & illius actus inuenitur, qui est reficere mentem.

AD ALIUD dicendum, quod hoc est verum de re cuius esse in nullo conseruatur, nec in aliquid transmu-



transmutatur: & ideo diminute proponitur, quando dicitur, res cedit in nihilum cuius esse non conseruatur: hoc enim est falsum in omni transmutatione substantiali: unde patet, quod hoc argumentum non valet.

AD ALIVD dicendum, quod facta tali positione non sequitur vniuersum annihilatum esse, eadem de causa quæ dicta est, scilicet quia est in aliud conuersum: & ideo non sequitur, non manet in se nec in aliquo sui: ergo est annihilatum: sed sequitur: ergo est annihilatum, vel tota substantia conuersa est in aliud.

AD ALIVD dicendum, quod hoc non sequitur nisi de illis transmutationibus quæ non sunt à tota substantia, sicut sapius supra dictum est: quod enim mutatur à tota substantia in totam substantiam alterius præexistentem, non annihilatur, nec manet, nec aliquid nouum in tali mutatione producitur.

### ARTICVLVS VIII.

*An in sacramento Eucharistia cum corpore Christi maneat substantia panis & vini?*

Secundo queritur de tertia opinione quam tangit ibi [Alij vero putant substantiam panis & vini remanere, &c.] Illa vero opinio probabilior videtur inter omnes: quia de natura & ratione corporis dictum est, cum sit gloriosum, quod potest esse cum quolibet alio corpore, & in eodem loco: ergo etiam cum pane potest esse sub eisdem accidentibus, & sub eodem loco: cum ergo maneat effectus panis qui est cibare corporaliter, videtur quod nihil probabilius possit dici, quam quod corpus Christi sit cum pane & in eodem loco.

2 Item, Non est intelligibile qualiter accidens secundum esse acceptum sit sine subiecto: constat autem, quod ibi est accidens secundum esse, quia videtur album & rotundum, & tangitur durum: ergo illud accidens erit in aliquo sicut in subiecto: non autem in corpore Christi: ergo in substantia panis: oportet ergo substantiam panis manere.

3 Item, Ex hoc minor occasio derisionis sequeretur infidelibus, cum ipsi non credant hoc sacramentum, propterea quod vident & tangunt substantiam aliquam, quæ non est corpus Christi, quia nutrit corpus materiale: ergo videtur, quod hoc probabilius dicatur, quam aliquod aliud.

4 Præterea, Forma accidentalis non diuiditur nisi per accidens: sed constat, quod ibi aliquid diuiditur: ergo illud diuisum per se non potest esse forma accidentalis tantum: ergo aliqua substantia cui innititur: ergo videtur, quod ibi maneat substantia panis.

5 Item, Si destruitur substantia panis, aliquid erit eam destruens: aut ergo corpus Christi, aut Deus, aut aliquid agens in contrarium. Non corpus Christi: quia hoc non venit ad destruendum, cum possit esse in eodem loco. Similiter non destruit eam Deus: quia Deus conseruator rerum est, & non destructor. Ita videtur, quod per nihil agens in contrarium destruat: quia tunc non manerent accidentia: panis enim non ratione substantiæ pateretur à contrario, sed ratione formarum: quia substantiæ nihil est contrarium.

*D. Alb. Mag. in Lib. 4. Sentent.*

Ergo cum nihil destruat substantiam panis, videtur quod ipsa substantia panis maneat.

SED CONTRA Si substantia panis maneat: tunc falsus est sermo Domini, dicens, Hoc est corpus meum: quia tunc substantia panis per sua accidentia oculis subiecta demonstratur per pronomen.

2 Præterea, In litera plures auctoritates inducuntur ad hoc quod nulla substantia est ibi, nisi tantum substantia corporis Domini: ergo non est ibi substantia panis.

3 Item, Si dicitur ibi manere substantia panis: ergo efficientia ipsum accidentia ducunt intellectum in substantiam panis: ergo non ducunt in corpus Christi inuisibile: ergo non habent ibi rationem signi quæ exigitur in sacramento, quod est inconueniens: ergo oportet dicere, quod hæc opinio sit falsa.

SOLVTIO. Dicendum, quod ista opinio his rationibus multis & fere omnibus falsa videtur, sicut & secunda: tamen cum prima sit fere omnium & totius Ecclesiæ: secunda habet adhuc aliquos defensores: tertia autem, vt puto, nullum.

DICENDVM ergo ad primum, quod non manet substantia panis. Ad primum autem quod est contra hoc, dicendum quod licet corpus gloriosum & præcipue corpus Domini possit esse cum pane in eodem loco: tamen ratio sacramenti, non ratio loci repugnat, & huius causa tacta est in opponendo in contrarium: quia accidens non duceret nisi in substantiam propriam, & sic caderet à ratione signandi. Si autem obiicitur similiter de alijs sacramentis, in quorum materijs substantia manet, supra quidem mota est quæstio, & solutio quædam data, in qua concordant plures Doctores. Sed tamen potest dici sine præiudicio, quod in alijs sacramentis ratio signandi sumitur à proprio actu substantiæ quæ est materia sacramenti: sicut in aqua baptismi est actus ablucendi, & in chrismate actus ungendi, &c. Vnde cum talis actus non sit sine substantia, oportuit manere substantiam in alijs. Hic autem ratio signandi non sumitur ab illo actu, sed potius à formis panis accidentalibus: & ideo non oportuit manere substantiam.

AD ALIVD dicendum, quod hoc non est intelligibile, qualiter accidens secundum esse maneat ad vsum naturæ: sed ad vsum ostensionis operis Dei bene est intelligibile: quia sic continetur in esse à Deo operante opus illud, non in virtute subiecti: & hoc in sequenti distinctione discutietur.

AD ALIVD dicendum, quod occasio derisionis tollitur per hoc quod aut formæ illæ habent actus quosdam panis in sacramento, & in corpus transeundo, aut substantia redit post destinationem formarum, vt quidam dicunt. Cum ergo hoc exigit essentia sacramenti, & præclusa sit satis impietas, non oportuit manere substantiam panis.

AD ALIVD dicendum, quod illa obiectio procedit ac si ipsa substantia per se diuidatur: & hoc falsum est: sed potius cum sola substantia esset indiuisibilis, vt dicit Philosophus, sed quanta diuidi potest, bene conceditur, quod quantitas manet, ratione cuius aliæ formæ situales, vt albedo, & sapor, diuiduntur.

AD VLTIMUM dicendum, quod illa obiectio



icatio supponit, quod substantia panis destruat  
per annihilationem: & hoc probatum est non  
esse verum in disputatione præcedentis opinio-  
nis.

## ARTICVLVS IX.

*An hora immolationis aperiantur cali, & ad  
quid cali sunt aperti?*

**D**Einde quæritur de hoc quod dicit *ibi* [ Quis  
fidelium habere dubium possit in ipsa im-  
molationis hora, &c. ] Et quæritur *ibi*, Ad quid  
oportet calos esse apertos? Sicut enim supra ha-  
bitum est, corpus Christi incipit esse in altari sine  
motu locali: ergo non est necesse ad hoc calos  
aperiri, quod veniat in altare.

Item, Posito etiam quod locali motu ve-  
niet, non oporteret calos aperiri: quia transeun-  
do per calos, cum calis esset in eodem loco.

*Quæst. 1.* **P**RÆTEREA quæritur, Quid sit summa &  
ima sociari? Non enim panis qui imus est, sociat-  
ur corpori Christi, sed transubstantiatur in illud,  
cum societas non sit nisi inter diuersa coniun-  
cta, aut secundum locum, aut secundum effe-  
ctum.

*Quæst. 2.* **V**LTERIVS quæritur, Quæ sunt illa inui-  
sibilia ex quibus fit vnum quid: visibilia enim sunt  
in substantia panis & vini, inuisibilia corpus  
Christi & sanguis: & constat, quod ex his non fit  
vnum quid: ergo videtur male dicere.

*Quæst. 3.* **V**LTERIVS iterum quæritur, Quid sit illud  
rapi in cælum, vt consocietur corpori Christi:  
quod enim rapitur, mutat locum: ergo videtur,  
quod non maneat in altari. Præterea quæ necessi-  
tas est, quod rapitur in cælum consociandum, cum  
in altari ipso sit veritas corporis Domini nostri  
Iesu Christi.

*Solutio.* **S**OLVTIO. Dicendum, quod cali dicun-  
tur hic aperiri quoad præsentiam virtutis cælestis  
operantis in sacramento: & hoc est nobis calos  
aperiri: sicut frequenter accipitur in sacra Scriptu-  
ra, quando aliquid cæleste ostenditur, sicut Ezech.  
1. & Matth. 3. Per hoc etiam patet solutio ad se-  
cundum.

*Ad qu. 1.* **A**D ALIVD dicendum, quod vniri dicun-  
tur species visibiles: & corporis mystici membra:  
& hoc vt sint vnum sacramentum cum corpore  
Domini: & cuiusmodi vnum sint, hoc superius de-  
terminatum est. Quoad membra autem est specia-  
lis effectus vnionis membrorum ad caput. Et per  
hoc patet solutio ad sequens: quia visibilia sunt  
species, & inuisibilia sunt corpus & sanguis, ex  
quibus fit vnum in esse relationis in sacra-  
mento.

*Ad qu. 2.* **A**D ALIVD dicendum, quod raptus com-  
petit membris secundum effectum specialem vnio-  
nis ad gloriam corporis Christi, secundum quam  
apparet in cælo. Et ideo licet in altari sit essen-  
tialiter, tamen Ecclesia non quærit ad ipsum ra-  
pi per vnionem secundum quod est in altari, sed  
potius pro vt est in cælo. Et de hac distinctione  
dicta sufficiant ad præsens.

## DISTINCTIO XII.

*Quare sub alia specie.*

Grego-  
rius in  
homil.  
paschali.  
De cons.  
c. Sub  
figura.



**A**LIA autem specie tribus de causis carnem & fan-  
guinem tradidit Christus, & deinceps sumendum in-  
stituit: vt fides scilicet haberet meritum quæ est de  
his quæ non videntur, quia fides non habet meritum  
vbi humana ratio præbet experimentum. Et ideo etiam,  
ne abhorreret animus, quod cerneret oculus, quia non habemus in  
vfu carnem crudam comedere & sanguinem bibere. Quia ergo Christum  
vorare dentibus fas non est, in mysterio carnem & sanguinem nobis  
commendauit. Et etiam ideo, ne ab incredulis religioni Christianæ  
insultaretur. Vnde Augustinus: Nihil rationabilius quam vt sanguinis  
similitudinem sumamus: vt & ita veritas non desit, & ridiculum nullum  
fiat à Paganis, quod cruorem occisi hominis bibamus. Ne ergo hoc  
fieret, & ne veluti quidam horror esset cruoris, in similitudinem acci-  
pimus sacramentum. Ex præmissis iam liquet, quare sub alia specie, &  
quare sub ista hoc sacramentum Dominus celebrauerit, & celebrari à no-  
bis instituerit.

DIVISIO





DIVISIO TEXTVS.



**S**ub alia autem specie tribus, &c.] In hac distinctione incipit pars illa in qua agitur de transubstantiatione ex parte eorum quæ transmutantur, scilicet substantiæ panis & vini. Et diuiditur pars illa in tres partes, in quarum prima tangit causas quare sub alia specie, quam sub propria dedit corpus suum. In secunda autem tangit quale corpus dedit *ibi* [Corpus vero tale dedit, quale tunc habuit] In tertia vero tangit modum remanendi qui accidentibus comperit *ibi* [Si autem quæritur de accidentibus] In prima parte tanguntur vltius tria, in quorum primo tangit, quare sub alia specie dedit corpus suum. In secundo tangit causas, quare sub duplici specie *ibi* [Quare sub duplici specie sumitur] In tertia autem tangit de aqua admixta *ibi* [Aqua vero admiscenda est.

ARTICVLVS I.

*Quare Christus sub alia specie quam propria dedit corpus?*

**I**N primo quæritur de causis quas tangit Magister in litera. Et primo de prima quæritur, Quare sub alia specie dedit corpus suum? ut fides haberet meritum: quia, ut dicit Gregor. Fides non habet meritum, &c. Si enim hæc causa vera est, sequitur quod quodlibet aliud sacramentum sub alia specie debeat contineri, quam sub illa in qua saluatur sua essentialis veritas: sed hoc est falsum: ergo ratio illa non valet.

2 Præterea, Tunc peccarent omnes illi qui rationem assignare quærent de credendis: quia tollunt meritum fidei, ut videtur.

3 Præterea, In quolibet irrationali posset dici, quod esset credendum, & non esset quærenda ratio: quia si ratio quæretur, euacuatur meritum fidei.

4 Præterea, Videtur quod sub eadem specie debuit tradi corpus: sub eadem enim specie magis excitaret deuotionem: deuotio autem est summè necessaria ad meritum fidei: ergo videtur, quod sub eadem specie tradi debuit.

5 Item, Minus elongatum est signum continens veritatem à veritate, quam signum non continens & signans tantum: signum sacramenti nouæ legis continet veritatem & signat eam, signum autem Veteris Testamenti signat, & non causat: ergo minus debet elongari nouum, quam vetus: sed signum sacramenti veteris legis erat in eadem specie cum Eucharistia, quia erat corpus & caro agni Paschalis: ergo multo fortius in nouo debet esse in eadem specie: ergo non debuit tradi sub alia specie.

6 Item, Forma & species principium sunt intelligendi res, & distinctiones formarum sunt ad distinctiones intellectuum qui habentur de rebus: ergo determinata res in natura sua & forma sua non intelligitur nisi ex propria specie formæ:

cum igitur formæ sacramentales sint ad intellectum veri corporis Christi, & non sint duplices: ergo hoc sacramentum non debuit tradi sub duplici specie, ut videtur.

**V**LTERIVS quæritur de secunda causa quam tangit in litera, dicens quod si sub propria forma dedisset, animus hominis abhorreret: quia horror est homini carnem crudam comedere, & sanguinem bibere. Et hoc nihil esse videtur: quia supposita fide, videtur quod nihil horrotis, sed plurimum deuotionis ex hoc innasceretur.

2 Item, Satis scitur à fidelibus, quod non incorporatur nobis ille cibus, sed nos ei: ergo nihil ad sumptionem operaretur vel deoperaretur cruditas carnis: sed potius attenditur utilitas nostra.

**V**LTERIVS quæritur de tertia quæ est ut irridendi occasio tollatur infidelibus qui dicunt nos cruorem occisi hominis bibere: quia videntes infideles, quod ille sanguis nobis foret potus, potius ædificarentur, quam irriderent.

2 Præterea, Nos videmus, quod sancti aliquando pro confessione fidei orauerunt, quod Dominus in propria specie se ostenderet, sicut legitur de beato Gregor. Papa, quod ad firmandam plebis fidem, orationibus suis formam accepit digiti versi in carnem cruentā: quare si esset sub propria specie, non ordinaretur ad fidei irrisiōem, sed potius ad eius ædificationem.

**I**NXTA hoc vltius quæritur, Si contingat, quod Dominus ostendat se in propria forma hominis, vel carnis cruentæ, vel membri alicuius, utrum sit sumendum vel non? Videtur autem ex litera, quod non: quia in secunda causa dicit, quod horror est carnem cruentam manducare.

2 Item, Christum vorare dentibus dicit fas non esse: ergo videtur, quod non esset sumendum.

**S**ED CONTRA: Illa ostensio, & subtractio accidentium panis non fit nisi ad augmentandam deuotionem: quanto autem deuotio magis augetur, tanto dignius sumitur: ergo quanto apertius ostenditur, tanto dignius sumitur: ergo etiam tunc magis erit sumendum, quam alia vice.

**S**OLVTIO. Dicendum, quod causæ quas tangit Magister in litera, bonæ sunt. Et prima est accepta ex verbis Gregor. Secunda ex verbis Hieronymi. Tertia vero ex verbis beati Augustini. Posset tamen reddi hæc causa quæ videtur cogens, quod quædam sunt in sacramento considerata ad ipsum secundum essentiam, quædam autem considerata ad vsum ipsius, scilicet quod datur in cibum spiritualem fidelium. Et in prima consideratione tanguntur causæ dictæ in litera. Sed in secunda consideratione oportet in sacramento esse fractionem, masticationem, & rationem cibi generalis. Prima autem duo nullo modo possunt cadere in formam corporis Christi propriam: quia illud corpus cum sit impassibile & gloriosum, non est diuisibile vel frangibile in forma aliena. Secundum tertium vero quod est vsum rei in ratione cibi & potus generalium, oportuit quod haberet formam cibi generalis, & illa est forma panis: & formam potus generalis, & illa est vini species. Tamen de hoc infra quæretur, quare spiritualiter dedit sub his formis potius quam sub aliis.



AD PRIMVM ergo dicendum, quòd secus est in aliis sacramentis: quia in illis non continetur auctor omnis gratiæ, sed in isto continetur, & ideo in ipso præcipue altissimo debuit fides collocari.

AD ALIVD dicendum, quòd duplex est ratio de fide: prima scilicet quæ extrahitur à principiis fidei: & hæc ædificat fidem, quia supponit fidei principium, & supponens fidei principium, non dubitat de credito. Secunda vero procedit non supponendo fidei principium, sed ex rationibus physicis: & hæc frequenter nititur fidem euertere, & meritum fidei extinguere: & de hac intelligitur dictum Gregor. & ideo dicit, cui humana ratio præbet experimentum, non divina.

AD ALIVD dicendum, quòd est irrationabile, quod nullam habet veri rectitudinem, & hoc non est credendum: & qui credit, fatuus est: sed est aliquid in quod non potest ratio, habens tamen argumentum veritatis, quia illud dixit Dominus qui non potest mentiri, & sæpe dicta eius intelligere non sufficimus: & illud oportet credi, eo quod dictis Domini falsum subesse non potest.

AD ALIVD dicendum, quòd forte ad tempus excitaret naturalis species maiorem deuotionem quam species panis, sed non semper: præcipua tamen causa est, quia ea quæ exiguntur ad vsum sacramenti, non possent esse in propria forma: sed saluantur bene in forma alia quæ est corporis corruptibilis.

AD ALIVD dicendum, quòd species rei & species sacramenti in nullo sacramento possunt esse idem: quia res sacramenti invisibilis est, species autem sacramenti debet esse sensibilis. Et ad argumentum dicendum, quòd in veteri testamento fuit caro figura non eiusdem speciei cum carne Christi, sed potius caro animalium quorundam oblatoium. Et huius causa supra dicta est: quia non figurabat tantum sacram rem, sed etiam Christi Passionem, & oblationem quam Patri obtulit in cruce. Vnde sacramenta veteris legis & nouæ non distinguuntur per hoc quod est signare, sed potius per id quod est causare. Vnde per hoc sunt sacramenta nouæ legis viciniora veritati, quia continent eam, quod non fecerunt sacramenta veteris legis. Si autem volumus dicere, quòd expressiora sunt in significando, tunc dicendum, quòd species panis expressius est signum cibi spiritualis mystici corporis, quam caro: quia nec cibus generalis est, nec etiam colligitur ex diuersis sicut panis: sed tamen caro expressius est signum passionis, & oblationis in cruce. Ad quod nota, quòd sacramenta veteris legis signabant tantum sacramenta nouæ legis. Sacramenta vero nouæ legis signant non solum ipsum sacramentum, sed etiam cum hoc effectum sacramenti in nobis. Ad hunc autem effectum signandum expressius signum est species panis, quam species carnis.

AD ALIVD dicendum, quòd aliter intelligitur res secundum propriam naturam rei, & aliter in effectu spirituali. Primo modo intelligitur res ex propriis principiis speciei. Secundo autem modo necesse est, quòd intelligatur per symbolum corporalium imaginum: &

hoc modo fit intellectus spiritualium in sacramentis.

AD ID quod vltius quæritur de secunda causa, dicendum quod est horror qui nascitur ex deuotione & reuerentia: & est horror qui nascitur ex abominatione. Primo modo esset horror in sumptione sacramenti: nullus enim præsumeret cruentam carnem Christi sumere, quando in propria specie præsentaretur. Et ita intelligitur in litera.

AD ALIVD dicendum, quòd licet sciatur à fidelibus, quòd nobis non incorporatur, sed nos ei: tamen etiam accessum & contactum formidaret homo ex reuerentia. Præterea, quod potissimum est in sacramento, ratio signi non saluaretur ibi, vt prædictum est, nec ea quæ pertinent ad vsum sacramenti.

AD ID quod vltius quæritur de tertia causa, dicendum quod infideles videntes cruentam carnem Christi dentibus diuidi, & sanguinem assumi per potum, non ædificarentur ad fidem: quia diuidi & assumi sunt corporalium: & ideo tunc putaretur Christum & corporalem esse, & effectum sacramenti putarent esse præstigiū vel incantationem.

AD ALIVD dicendum, quòd quandoque Sancti orauerunt in casu propter ostensionem effectus sacramenti: sed tamen in assumptione sacramenti orauerunt, vt iterum esset sub forma panis: & ita fecit beatus Gregorius cum matrona, quæ ipsum panem sacræ oblationis obrulerat, & de sacramenti efficacia dubitabat: & hoc cum reuelaretur beato Gregorio, orabat, vt Deus ostenderet sacramenti effectum: & iterum postea orauit, vt rediret species panis, & dedit eadem matronæ sumendum.

AD ID autem quod vltimo quæritur, Vtrum sic esset sumendum, si in propria forma carnis vel sanguinis appareret: Dicendum sine præiudicio, quòd aut omnibus apparet sub forma propria, aut aliquibus. Si aliquibus, puto quòd sit sumendum: si vero omnibus, tunc non est sumendum, sed pro reliquiis reservandum. Si autem tunc quærat, Vtrum sacerdos, cui hoc accidit, missam sine communionem celebrare debeat? Dicendum, quòd si præ deuotionis feruore potest, debet aliam missam celebrare, & in illa communicare. Et si in illa idem contingat: tunc potest aliam celebrare, donec communicet in persona Ecclesiæ. Si autem ex indeuotione impeditur, vel ex hoc quod sæpius sine intermissione hoc sibi contingit, tunc potest non celebrare: & ipsa communio quam in persona Ecclesiæ debuit facere, intelligitur in spirituali sumptione per feruorem excitatum ex hoc quod corpus Christi in propria forma

omnibus apparet,

& cætera.

\* \*



*Quare sub duplici specie?*



**S**ED quare sub duplici specie sumitur, cum sub alterutra <sup>F</sup> totus sit Christus? Ut ostenderetur totam humanam naturam assumpsisse, ut totam redimeret. Panis enim ad carnem refertur, vinum ad animam: quia vinum operatur sanguinem in quo sedes animæ à physicis esse dicitur. Ideo ergo in duabus speciebus celebratur, ut animæ & carnis susceptio in Christo, & vtriusque liberatio in nobis significetur. Valet enim, ut Ambrosius ait, ad tuitionem corporis & animæ quod percipimus, quia caro Christi pro salute corporis, sanguis vero pro anima nostra offertur, sicut præfiguravit Moyses: Caro, inquit, pro corpore vestro offertur, sanguis pro anima: sed tamen sub vtraque specie sumitur quod ad vtramque valet, quia sub vtraque sumitur ipse totus Christus. Sed si in altera tantum sumeretur, ad alterius tantum, id est, animæ vel corporis, non vtriusque pariter tuitionem valere significaretur. Sub vtraque specie tamen totus sumitur Christus: nec plus sub vtraque, nec minus sub altera tantum sumitur. Eadem enim ratio est, ut ait Hilarius, in corpore Christi, quæ in manna præcessit. De quo dicitur, Qui plus collegerat, non habuit amplius: nec qui minus parauerat, habuit minus. Et licet sub vtraque specie sumatur totus Christus, tamen non fit conuersio panis nisi in carnem, nec vini nisi in sanguinem. Nec debent dici duo sacramenta, sed vnum: quia vtraque specie idem sumitur. Neque debet iterari sacramentum: quia benedictio non repetitur super speciem eandem. Neque aliæ substantiæ in sacrificium veritatis offerri debent: quia de aliis non potest consecrari corpus Christi vel sanguis.

*Comen-  
tario ad  
11. cap.  
epist. ad  
Hebr.*

*De cōse.  
dist. 2.  
cap. Vbi  
pars est.*

*Exod. 16.*

ARTICVLVS II.

*An in sacramento Eucharistia necessaria sit duplex species?*

**D**Einde quæritur de secunda parte huius capituli, scilicet de hoc quod dicit ibi [Sed quare sub duplici specie, &c.] Videtur enim non esse necessaria duplex species: vnum enim non terminatur ad duo, sed ad vnum tantum. Agnus autem paschalis quem comedit Christus cum discipulis Matth. 25. non fuit nisi vnus. Ergo ad duas res non terminatur: ergo nec ad duas species sacramentales, ut videtur.

2 Si autem tu dicas, quod multa fuerunt in comestione agni paschalis, sicut azyma, & lactucæ agrestes, & carnes agni: & illis aliquid debuit respondere ex parte sacramenti: tunc multo plura: quia ad minus tria deberent esse materiæ huius sacramenti: & hoc non est verum. Item, Agnus non terminatur ad azymum, sicut ad rem quæ est eiusdem speciei cum ipso: nec lactuca agrestis ad vinum, quia non habet conformitatem: ergo illa responsio nulla est. Præterea, Illa non fuerunt de veritate sacramenti, sed potius signabant præparationem eorum qui comedere debebant

agnum paschalem: ergo etiam in veritate noui testamenti illis nihil debuit respondere: ergo non propter illa plures species debebant esse in materia huius sacramenti.

3 Item, Nullum aliorum sacramentorum habet duplicem speciem pro materia: ergo nec istud debuit tradi in duplici specie.

4 Si autem dicas, sicut dicitur in litera, quod quia duplices sumus, scilicet corporales, & spirituales: ideo corpus offertur pro corpore, & sanguis pro anima: hoc nihil esse videtur: quia eadem ratione quodlibet sacramentum esset tradendum in duplici specie, cum nos qui suscipimus, duplices sumus, & quærimus in eo duplicem profectum, scilicet animæ, & corporis.

5 Item, Totus Christus in sanguine & anima & corpore continetur sub altera illarum specierum: ergo videtur, quod superfluum est in sacramento offerre aliam.

**SOLVTIO.** Ad hoc puto esse dicendum, quod multis de causis quarum quædam in litera tanguntur, quædam autem à Magistris, istud sacramentum in duplici specie traditum est. Vna est quæ tangitur in litera: quia offertur pro corpore, & anima. Alia causa est, ut dicunt quidam, quod sacramentum illud non est tantum sacramentum effectus spiritualis, sed etiam memoriale. Vnde per

*Solutio.*



per speciem panis qui cor hominis confirmat, facit vnionem charitatis, vt vnionem corporis mystici. Sed per speciem vini pinguium est memoriale ebrietatis amoris Christi, quando in sanguine passionis pro nobis se obtulit, quasi oblitus suis ipsius pro dilectione nostra. Aliam causam iterum tangunt alij: quia non tantum est sacramentum passionis, sed etiam incarnationis. Incarnationem ergo significat species panis: quia corpus eius quasi ex guttis sanguinis commixtum & coagulatum & formatum est in panem fidelium: per speciem autem sanguinis significat passionis sanguinem fufum. Aliam tangunt quidam, quod hoc scilicet factum est in signum duplicis modi sumendi: quidam enim sumunt cum difficultate pœnitentiæ, quasi panem doloris, & panem lacrymarum pro peccatis præteritis: & illi quasi masticant diu, & glutunt tandem. Alij autem cum facilitate deuotionis, sperantes fruitionem æternam in patria, quæ hic significatur in sacramento: & illi quasi bibunt & inebriantur ab ebrietate domus Dei, & torrente voluptatis potantur. Adhuc alij dicunt, quod sit hoc in signum duplicis effectus, scilicet vnionis corporis mystici per carnem, & redemptionis per sanguinem. Primum ergo significatur in specie panis qui conformando sibi & caput vnit & membra: secundum autem in specie vini.

Probabiles autem sunt omnes illæ causæ: sed vna omnibus aliis melior, vt videtur, hæc scilicet quia inter vnita sibi oportet coniunctionem & virtutem vnientem esse: cum igitur nos per hoc sacramentum vniamur Christo capiti, oportet aliquid esse in sacramento quo significetur nostra ad eum coniunctio, & aliquid quo significetur virtus vnians. Sed vnio non potest significari in pane, quia non est corpus immiscibile, manens in propria specie: & ideo oportet esse substantiam liquidam, cui alia vniretur insipida: sed iterum potuit esse, quod nostra insipiditas per illam debuerit redire ad saporem. Vnde vt significaretur vnio Christi per naturam, assumitur species vini. Quia pueri communicauerunt carni & sanguini Domini: & ipse similiter participauit eisdem, vt dicitur Hebr. 2. Vt autem signetur vnio nostra per gratiam ad ipsum, apponitur aqua vt nostra insipiditas suo sapore reuersa intelligatur ad saporem, & absorpta, sicut illa aqua absorbetur à vino. Vt autem significetur virtus vnians, assumitur species panis qui cor hominis confirmat, & per consequens ligat membra cum capite. Tamen quando omnes illæ rationes adunantur, efficitur ex omnibus vna habens vigorem.

Dico ergo ad primum, quod vnum in quo sunt duo, bene terminari potest ad duo illi respondentia. In agno autem fuit quidem carnis esus & sanguinis oblatio, & linitio postium & superliminarium: & ideo duo succedunt: vnum respondens esui carnis, & alterum respondens potui sanguinis.

Ad aliud dicendum, quod bene conceditur, quod illis nihil responderet in substantialibus sacramento isti, sed potius in circumstantis sumentium: sicut est quod azymi significant puritatem synceritatem & veritatem, & lactucæ agrestes amaritudinem pœnitentiæ pro commissis.

Ad aliud dicendum, quod alia sacramenta non sic habent significare modum vnionis, qui

in duobus expletur, sicut istud, & ideo non sunt tradita in duplici specie.

Ad aliud dicendum, quod non est hæc sola causa, quia duplices sumus: sed cum hoc quia Christus corporaliter & spiritualiter per se coniungitur nobis: in aliis autem non coniungitur nobis, nisi vno modo, scilicet spiritualiter per gratiam: & ideo cum hic sit vtraque coniunctio, scilicet corporis, & animæ, ideo oportuit esse duplicem speciem in sacramento materia.

Ad vltimum dicendum, quod licet totus Christus sit sub vtraque specie: tamen totus est de vi sacramento: cum igitur plurima sit ostensa utilitas in causis dictis, oportuit quod ex vi sacramento sub vtraque specie in sacramento haberetur.

### ARTICVLVS III.

*An bene dicat Magister, quod vinum operatur sanguinem in quo sedes anima à Physicis dicitur?*

Deinde queritur de hoc quod dicit in littera *ibi* [Quia vinum operatur sanguinem, &c.] Hoc enim falsum videtur secundum Physicos, quos tamen inducit in littera pro testibus. Aut enim anima comparatur ad corpus vt actus, siue forma, vel perfectio: aut comparatur ad ipsum vt motor & principium operum. Si primo modo: tunc non potest esse quod dicit: quia sic est in toto tota, vt dicit Augustinus. Si enim aliquid esset de corpore, in quo non esset tota, oporteret quod aliquid esset de materia non perfectum à forma: omnis autem formæ substantialis hoc proprium est, quod sit in toto tota, sicut lapideitas in lapide, & igneitas in igne, & sic de aliis. Si forte tu dicas, quod hoc non est verum nisi de totis homogeniis, & non de heterogeniis: quia humanitas est in toto, & non in partibus: hoc non obstat, quia aliud est dicere in toto totam esse, & aliud in partibus totam esse. Et primum competit omni formæ substantiali: secundum autem non, sed tantum competit animæ: quia dicit Augustinus quod est in qualibet parte corporis tota. Videtur autem, quod hoc modo non habeat sedem in sanguine, sed in toto. Item, Sanguis non est pars hominis, vel alterius animalis, nisi potentia tantum: ergo non est pars animata nisi potentia tantum: sed magis est sedes animæ in eo quod actu animatum est, quam in eo quod potentia solum: ergo sedes animæ, eo quod actu animati est, magis est in corde vel in cerebro, quam in sanguine.

Si autem comparatur anima ad corpus, vt motor & principium operum: adhuc est falsa, & magis quam prius: motus enim naturales, vt dicunt Physici, procedunt ab epate, & vitales à corde, animales autem à cerebro: ergo sedet in his membris, quando mouet, & non in sanguine. Præterea, Physici dicunt, quod sedes animæ est in corde, & non in sanguine: ergo videtur falsum dicere in littera.

Solutio. Dicendum, quod in veritate maior est auctoritas Moyli & Domini, quam sit omnium Physicorum: ideo absque dubio sedes animæ est in sanguine. Hoc autem intelligendum est



est tribus modis: quibus sine contradictione verificatur. Vno modo: quia sedes dicit primam firmitatis permanentiam animæ in corpore: & tunc motus animales fundantur in vitalibus, & vitales fundantur in naturalibus: naturales autem, cum sint generare, augere, & alimento vti, duobus prioribus subministrat nutritiua: & ideo fundantur in illa: & sic per consequens omnes in nutritiua. Nutritiua autem non locat alias immobiliter in corpore, nisi per alimentum, quia ex illo suscipitur augmentum, & semen generationis, & generantur ex evaporatione ipsius spiritus in corde vitales & pulsatiles, & ulterius spiritus animales in capite. Constat autem, quod ultimum nutrimentum quod est inter venas, est sanguis in habentibus sanguinem, vel similis humor in non habentibus: ergo nutritiua fundatur in sanguine, & per consequens aliæ. Secundo modo intelligitur id quod sedes animæ sit in sanguine, tanquam in eo quod potentia est totum corpus in quo est anima. Hoc autem non est caro, neque os: & ideo cum ipsa sit tota in toto, hoc videtur magis ei appropriari ratione sanguinis quam alterius partis. Tertio modo potest id intelligi propter cor, in quo secundum Aristot. in lib. de animalibus: primo generatur sanguis, & præcipue operatio vitæ ab anima procedens in corpore per sanguinem ibi generatum. Sed tamen Galenus contradicit: & est illa contradictio reducenda ad concordiam alibi: quia ad præsentem tractatum non pertinet.

PER DICTA autem patet solutio ad totum: quia nec intelligitur prout anima comparatur ad corpus, vt forma: nec prout comparatur, vt motor ad ipsum: sed potius prout permanet in ipso per sanguinis operationem.

#### ARTICVLVS IV.

*An sub vtraque specie sumatur totus Christus?*

**D**Einde quæritur de hoc quod dicit *ibi* [ Sed tamen sub vtraque sumitur totus Christus, &c. ] Ex hoc enim videtur sequi, quod aliquid conuertatur in deitatem: cum enim totus Christus sit ibi, & non nisi virtute sacramenti, videtur quod aliquid de materia transit in corpus, & aliquid in animam, & aliquid in deitatem.

2 Item, Hoc videtur accipi ex hoc quod prius habitum est in litera, scilicet quod idem panis est in sacramento qui de cælo descendit. Constat autem, vt dicit Ambr. quod caro Christi de cælo non descendit: ergo necesse est, quod virtute alicuius in sacramento existentis transsubstantiati in deitatem sit ibidem deitas.

3 Item, Hoc videtur per rationem: quia iste cibus ad hoc conficitur quod sit cibus spiritalis: cibus autem spiritalis non potest esse nisi in veritate deitatis: ergo videtur, quod specialiter feratur intentio consecrantis ad hoc quod sit ibi deitas: sed illud causatur in sacramento super quod fertur intentio Ecclesiæ, vel ministri in persona Ecclesiæ: ergo videtur, quod deitas causetur in sacramento. Si autem hoc concedatur, sequitur absurditas maxima: quia deitas aliquo modo habebit causam, quod absurdissimum est. Quod autem

hoc sequatur, patet ex hoc, quod sacramentum est causa omnis rei quam continet.

4 Item, Sequitur quod sit aliqua mutatio in qua nihil commune est ei à quo mutatur, & in quod: quia deitati nulla est communitas, nec generis primi, nec proximi, nec materiæ: hoc autem est impossibile: ergo nihil mutatur in deitatem.

5 Item, Deitas sicut non incipit esse, ita non est aliquis locus vbi incipiat esse: sed res sacramenti in altari incipit esse: ergo deitas non est res sacramenti.

**SOLVTIO.** Absque omni dubio dicendum, *Solutio.* quod nihil conuertitur in deitatem: sed cum sint tria corporis Christi propria, scilicet quod ipsum sit mixtum ex humoribus in se continens eisdem: & essentialis & naturalis pars compositi hominis siue hypostasis, cuius naturalis perfectio est anima rationalis: & quod vnium deitati in singularitate personæ. Dico quod in transsubstantiatione panis in copus Christi est sanguis Christi in corpore, non virtute sacramenti, sed virtute connexionis ex qua est corpus: & anima Christi virtute compositionis hypostasis: & diuinitas Christi virtute vnionis factæ in singularitate personæ diuinæ. Similiter quando vinum transsubstantiatur in sanguinem, est ibi corpus sicut connexum & continens suum sanguinem per naturam: & anima sicut perfectio corporis: & deitas virtute vnionis factæ in corpore secundum personæ diuinæ singularitatem.

**AD PRIMVM** ergo dicendum, quod totus Christus est ibi virtute sacramenti, sicut aliquid dicitur virtute alicuius fieri, quod operatur vnum cui coniuncta sunt alia: & non sic quod virtus sacramenti extendat se immediate in omnia illa, quæ in sacramento esse dicuntur.

**AD ILVD** dicendum, quod panis iste descendit de cælo ratione personæ, & non naturæ humanæ: & eadem persona est in sacramento: licet virtus sacramenti non immediate se extendat super personam: & aliud non potest haberi de illa auctoritate.

**AD ALIVD** dicendum, quod est intentio quæ est finis operis, & intentio quæ est finis eius quod efficit sacramentum: intentio quæ est finis operis, non proprie vocatur intentio, sed terminus operis: & illa in Ecclesia non est vt virtute sacramenti sit in altari totus Christus, ita quod virtus sacramenti totum operetur quod est in ipso: sed intentio Ecclesiæ est vt sit in virtute sacramenti corpus, vel sanguis: virtute autem mixtionis vel vnionis naturalis ad animam, vel vnionis gratiæ ad deitatem, sint ibi cætera quæ sunt in persona Christi. Et per hoc patet solutio ad totum.

#### ARTICVLVS V.

*An bene dicatur, quod hoc sacramentum non debet iterari?*

**D**Einde quæritur de hoc quod dicitur *ibi* [ Neque debet iterari sacramentum, &c. ] Hoc enim videtur falsum per hoc quod dicit Dominus Matth. 26. & Apostolus 1. Corinth. 11. Quotiescunque



cunque sumitis in meam commemorationem. Ergo multoties iteratur.

2 Si forte dicas, quod non est idem, hoc falsum videtur. Aut enim idemitas sacramenti attenditur penes materiam, aut penes formam, aut penes contentum. Non penes materiam, vel formam: quia utrumque habet pluralitatem in sacramento.

3 Præterea, In litera hic dicitur, quod sacramentum dicitur vnum & idem: quia sub utraque specie vnum & idem sumitur: ergo idemitas est penes contentum: contentum autem frequentatum est idem: ergo sacramentum idem repetitur, ut videtur.

4 Item, Si res sacramenti baptismi quæ est res & sacramentum baptismi, repeteretur, sacramentum diceretur iterari: ergo à simili cum isto sacramento res quæ est simul res & sacramentum iteraretur frequenter, sacramentum iterari videtur: ergo non est verum quod dicitur in litera.

*Solutio.*

**SOLUTIO.** Dicendum quod infra Magister tangit de iteratione sacramentorum in fine tractatus de poenitentia: sed quantum pertinet ad tractatum istum, dicendum quod sacramentum multis de causis dicitur iterari, vel non iterari. Vno modo: quia causa non iteratur, ut in baptismo, quia ibi causa est originale. quod non iteratur, ad cuius deletionem ordinatur baptismus. Alio modo: quia id quod est res sacramenti non iteratur, eo quod semel acceptum totum consequitur effectum, qui est in se, nisi sit impedimentum ex parte fictionis: & hoc etiam non impedit characterem, nisi ex parte subiecti susceptibilis eius

quod efficere habet character: & ideo recedente fictione operatur character gratiam propter quam operandam impressus fuerat. Alio modo dicitur non iterari sacramentum non quia sæpius sumatur, sed quia forma sua super eadem numero non iteratur: & ita dicitur hic: quia si hæc iteraretur, significaretur forma semel prolata non esse efficax.

**AD ID** ergo quod primo obiicitur, dicendum quod multoties sumitur idem: sed non repetitur forma super eandem speciem sumptam semel: & hoc modo non repetitur.

**AD ALIUD** dicendum, quod sacramentum idem est specie & numero ex parte rei contentæ: sed ratione eius non negatur hic iteratio sacramenti: sed non est idem numero ex parte materiæ & accidentium quæ sunt signa in sacramento, & ratione illorum cum non super idem repetitur forma, negatur hoc sacramentum iterari.

**AD ALIUD** dicendum, quod hic dicitur vnum ab una relatione specierum corporis & vini ad contentum cum ipsis, & non ratione contenti absolute considerati. Et ideo multiplicatis talibus signis materialiter multiplicatur repetitio sacramenti materialiter, licet specie sint signa eadem semper, & in omni consecratione.

**AD ALIUD** dicendum, quod alio modo dicitur non iterari baptismus, & alio modo istud sacramentum, ut iam habitum est: istud enim sacramentum ab vno homine, & sæpius celebratur, & sæpius suscipitur: illud autem non. Unde alio modo dicitur non iterari illud, & alio modo istud. Sequitur deinde, &c.

### *Quare aqua admisceatur?*

**C** **Q**UA vero admiscenda est vino: quia aqua populum signat qui per Christi passionem redemptus est. Calix ergo Dominicus iuxta canonum præceptum, aqua & vino mixtus debet offerri: quia videmus in aqua populum intelligi, in vino ostendi sanguinem Christi. Cum ergo in calice vino aqua misceatur, Christo populus adunatur, & credentium plebs ei quem credit copulatur: quæ copulatio aquæ & vini sic miscetur in calice Christi, ut mixtio illa non possit separari. Nam si vinum quis tantum offerat, sanguis Christi incipit esse sine nobis.

*Apoc.  
17.*

### ARTICVLVS VII.

#### *Quare hoc sacramentum datur sub specie panis & vini?*

**D**Einde quæritur de hoc quod dicitur *ibi* [Aqua vero admiscenda est &c.] Et sunt hic quinque quærenda. Cum enim supra habitum sit quare dedit corpus suum sub alia specie, & iterum quare dedit sub duplici specie, restat nunc primo quærendum, Quare sub specie panis & vini? Secundo, Quare sub specie panis de frumento & non alterius grani. Tertio, An debeat confici in azymo vel fermentato propter Græcorum controuersiam. Quarto de admixtione aquæ. Quinto & ultimo de admixtione specierum manen-

tium cum aliis corporibus: ut si gutta sanguinis funderetur in dolio, vel alio liquore, quandiu maneat ibi corpus Christi, vel utrum conuertatur in illud, vel non?

Ad primum autem horum obiicitur sic: In multis figuris præfiguratum est istud sacramentum, sicut habitum est in principio huius tractatus: eadem ergo ratione qua eligitur species vnius figuræ, eadem ratione fuit eligenda alia: manna autem fuit in specie panis, & agnus paschalis in specie carnis: ergo magis debuit eligi species carnis quæ magis conuenit, quam species mannatis quæ minus conuenit, ex quo inter figuratas eligenda fuit materia.

2 Item, Crescente tempore creuit etiam manifestatio veritatis in figuris & signis, ut dicit magister Hugo: sed in naturali lege præsignabatur in



in specie panis tempore Abrahæ, & iterum postea ante legem acceptam in mannate: ergo præcipue in Nouo Testamento debuit addi materia, quæ haberet signum maioris convenientiæ: ergo non debuit dari in forma panis.

3 Item, Caro cum carne magis conuenit, quam panis cum carne: quia maior est conuenientia eorum quæ sunt eiusdem generis, quàm eorum quæ sunt diuersorum generum: ergo conuenientius fuisset traditum in materia carnis, quam in materia panis, vt videtur.

4 Item, Conuenientius est nutrimentum homini bene disposito caro, quam panis, & præcipue aliqua caro: ergo videtur, quod in illa specie tradi debeat.

5 Item, Nec generale nutrimentum est panis, quia multæ sunt gentes quæ pane non vtuntur: similiter autem & infantes: cum igitur materia sacramenti debeat esse generalis, videtur quod non debuit tradi in specie panis.

6 Item, Alimentum quod præparat natura omni homini nato, conuenit omni animali, vt lac, & habet in se triplicem substantiam, vt dicunt medici, scilicet butyram, casealem, & ceream: ergo cum illud nutrimentum naturalissimum & conuenientissimum sit, videtur quod debuit tradi in materia lactis, vel casei, vel butyri.

7 Item, Cum ipsum habeat in se omnem saporis suauitatem, vt dicitur Sapient. 16. videtur quod non debeat esse in specie vnius cibi, sed multorum.

8 Item, De mannate legitur, quod erat in sapore panis oleacei: ergo aliquid de pinguedine deberet apponi in materia Eucharistiæ: non ergo materia debet esse tantum panis, & vinum.

Eodem modo obiicitur de vino. Generalis enim potus est aqua omnibus communis: ergo videtur, quod illa debeat esse materia sacramenti.

2 Item, Cum sanguis fluxit cum aqua de latere Christi, videtur quod sanguis & aqua deberet esse materia, & non vinum.

3 Præterea, Istud sacramentum datur ad curationem peccati, & datur infirmis in via adhuc existentibus: infirmis autem non datur vinum: ergo non debet esse materia sacramenti.

*Solutio.* SOLVITIO. Dicendum, quod multæ causæ conuenientiæ assignantur à Magistris, quare debet confici ex pane & vino istud sacramentum: & illas causas non omnes tangemus in soluendo obiecta, vt vitetur prolixitas. Sed intelligendum, quod vna sola est cogens, scilicet quia Dominus in tali materia illud dedit, & frequentandum instituit: quod si in alia dedisset & instituisset, in alia fieret, & non in ista.

DICENDUM ergo ad primum, quod quoad multa quæ sunt in hoc sacramento, præfigurabatur in diuersis figuris: & hæc diuisio prius est habita: sed hoc non facit ad hoc quod secundum illas sit materia sed potius institutio, vt dictum est. Non autem institutionis potuit esse maior conuenientia quæ est istius materiæ, quam alterius: & illa conuenientia præcipue attenditur in tribus, quorum vnum est cibi illius confectio: quia scilicet ex multis granis deputatis est panis, & ex multis vuis confluit vinum: & ex hoc fit conuenientia corporis veri ad corpus mysticum. Cor-

*D. Alb. Mag. in Lib. 4. Sentent.*

pus enim verum componitur ex multis membris similibus & dissimilibus, purissimis: & sanguis Christi effluxit de multis membris Christi. Corpus autem mysticum componitur ex multis fidelibus purissimis: & sanguis significat redemptionem animarum à diuersis periculis, & non ab vno: & hæc est causa præcipua. Secunda causa conuenientiæ: quia panis generalior est cibus, qui infirmis & sanis datur: & licet vinum non detur in aliqua infirmitate: tamen ex effectu habet significationis conuenientiam, quia lætificat cor, & secundum Philosophum facit bonæ spei hominem, & datur confortatis iam infirmis: & similiter sacramentum lætificat, & bonæ spei facit: quia enim seipsum tam benigne communicat, speramus quod omnia dabit: & datur secundum August. confortatis bona conscientia qui iam de infirmitate conualuerunt. Tertia fuit: quia ille cibus inter eos qui præparantur ab homine, mundior est, & mundior potus vinum: & ideo iterum habet conuenientiam ad maximæ munditiæ sacramentum.

AD HOC quod postea obiicitur, dicendum quod incrementum signorum non attenditur in hoc quod signa sunt in alia & alia materia: quod patet, quia aqua maris rubri & lustrationis fuit signum baptismi, & tamen baptismus est in aqua: sed attenditur in hoc quod signa magis coniungantur rei, & sic factum est in Nouo Testamento.

AD ALIUD dicendum, quod licet caro cum carne in genere magis conueniat: tamen accipiendo proportionem signi ad signatum prout caro hic sumitur signata, minus conuenit: quia hic significata est in diuersitate membrorum, nervorum, & musculorum, tamen omnia assimilata sunt in vnum gratiæ candorem & saporem: & ideo ex parte signi quod est panis, oportuit talem esse compositionem, vt prius etiam habitum est.

AD ALIUD dicendum, quod licet non omnes gentes vtantur pane: tamen generalior cibus est bene dispositis hominibus: quia caro inflamat, vt dicunt medici, sed non panis cum moderamine sumptus. Præterea, Non est hæc causa, sed potius maior conuenientia cum re contenta sub sacramento, vt dictum est.

AD ALIUD dicendum, quod natura hoc nutrimentum præparat non confortatis, sed imbecillibus ex ætate: sed istud sacramentum, vt dicit August. non datur nisi confortatis bona conscientia: & ideo non debuit confici in illa materia.

AD ALIUD dicendum, quod diuersitas saporis refertur ad diuersitatem gratiæ in contento: quia continet eum qui theca est omnium gratiarum: & huic sufficienter respondet diuersitas granorum, ex quibus conficitur panis. Vel dicatur melius, quod licet diuersitas gratiarum sit in hoc sacramento: tamen illæ gratiæ tendunt ad vnum, scilicet summum bonum: sapores autem diuersorum ciborum non tendunt ad vnum, sed ad diuersa: & ideo diuersi cibi non sunt materia huius sacramenti, sed potius vnus cibus qui colligitur ex diuersis in vnum saporem tendentibus.

AD ALIUD dicendum, quod sapor olei in mannate erat imperfectionis: quia in te nihil fuit,

P sed



sed præfigurabatur tantum : sed modo datur sacramentum perfectum : & ideo pinguedo olei tota ex parte rei comprehenditur : & ideo istud sacramentum sui perfectione condimento non indiget.

AD ID quod vltius obiicitur de vino , dicendum quod confortatorum accipientium sanguinem bonum melior est potus vinum , & non aqua : & ideo cum talibus detur istud sacramentum, conuenientior materia est vinum.

AD ALIUD dicendum, quod aqua distincta, & tamen secundum locum coniuncta, effluxit de latere Christi : vt signaretur non esse materia, sed tantum materiæ sanguinis esse vnienda.

AD VLTIMUM, quod in veritate hoc sacramentum non datur infirmis , adhuc morbo peccati subiacentibus , sed potius bona conscientia confortatis : & ideo illa obiectio supponit falsum.

## ARTICVLVS VII.

*An sacramentum debet dari sub specie panis & de frumento : & an alia grana possunt admisceri ?*

Secundo quæritur, Quare datur sub specie panis de frumento, & vini ? Videtur, quod alterius grani panis esse debuit : quia sicut in baptismo positum est elementum commune, vt nullum inopia excusaret : ita etiam in isto debuit esse, vt nullus excusaretur propter inopiam.

2 Item, Dominus panes dedit turbæ : & illi erant hordeacei : cum igitur Ecclesia se capiti conformare debeat, videtur, quod in hordeaceis panibus confici debeat sacramentum.

3 Item, Sumitur hoc sacramentum in memoriam Dominicæ passionis : huic autem memoriæ magis conuenit granum hispidum & durum, quam delicatum : ergo magis debuit confici in hordeo quod hispidum est & durum granum, quam in frumento quod delicatum est.

4 Si forte dicatur, quod hoc fecit ideo, quia se Dominus comparauit grano frumenti, dicens, Nisi granum frumenti cadens in terram mortuum fuerit, &c. hoc nihil esse videtur : quia Dominus ibi dixit, qui de morte ipsius fructus exurgerent in Ecclesia, & non quid deberet fieri circa celebrationem sacramenti huius.

5 Item, Ibi attendit Dominus similitudinem seminationis grani : in sacramento autem de grano fit panis, & non seminatur ad fructum : ergo videtur, quod nihil faciant ad propositum.

6 Si forte dicas, quod ex isto conuenientius fit nutrimentum. Contra : Medici dicunt, quod de pane fit cito caro, & non diu adhæret illa membris, sed consumitur de facili : cum igitur illud nutrimentum debeat manere in vitam æternam, videtur, quod nullam habeat conuenientiam.

7 Item, Viatoribus non profunt mollia, quia illa resoluuntur in sudores, & euaporant per calorem ex motu excitatum, & consumuntur : sed dura quæ forti calore non conuertuntur, nec de facili consumuntur : cum igitur istud sacramentum sit viatorum, videtur, quod in tali materia dari debuit : hoc autem non est frumentum, sed po-

tius siligo, vel aliud durius granum : ergo videtur, quod debuit dari sacramentum in pane siligineo.

8 Item, Si in materia frumenti dari debuit, videtur quod in specie amidi conficiendum fuit : & de illa dicitur à medicis, quod generatur caro tenax, & diu adhærens membris.

VLTIVS quæritur de admixtione aliorum granorum. Ponamus enim, quod in quadam terra nihil inueniatur frumenti, sed tantum spelta, sicut est in multis terris. Et quærat, Vtrum de grano speltæ possit confectio fieri ? Videtur, quod non : quia Dominus se tantum grano frumenti comparauit : ergo de nullo alio confici potest.

2 Item, Dominus in pane frumenti primo corpus suum consecrauit : ergo de nullo alio ab aliquo sacerdote consecrari poterit.

3 Item, Aqua sicut tactu carnis Christi virtutem regeneratiuam accepit, & non potest fieri in aliquo alio liquore baptismus : ita videtur, quod panis de frumento tactu Domini virtutem accepit, ita quod non possit fieri alio grano nisi de illo : ergo videtur, quod non possit fieri de spelta.

4 Si forte tu dicas, quod spelta & frumentum sunt vnius speciei : hoc aperte falsum est : quia nec spelta sunt eiusdem figuræ, nec grana eandem terram habent connaturalem : cum igitur figura licet non sit species substantialis, tamen ostendit speciem ex parte quantitatis : quia videmus, quod eorundem speciei eadem est figura secundum speciem, videtur, quod grana ista non sint eiusdem speciei.

5 Item, Dicitur quæstio deuoluta est ad sedem Apostolicam, & ibi iudicatum est, quod spelta esset speciei hordei : de hordeo autem confici non potest : ergo nec de spelta.

SED CONTRA : Grana speltæ vix discernibilia sunt à granis frumenti similitudine grani & colore : ergo sunt eiusdem speciei, vel propinquarum specierum : ergo potest confici de vno sicut de alio.

2 Item, Ab omnibus dicitur, quod ideo voluit Dominus corpus suum tradi in frumento, quia delicatior & conuenientior est panis illius grani quam alterius : sed panis de spelta adeo delicatus & conueniens vel plus est quam de frumento : ergo ita debet confici in spelta sicut in frumento.

VLTIVS quæritur de admixtione aliorum granorum cum pane de frumento, vtrum ex tali mixto possit fieri confectio. Verbi gratia, pono quod ad modium frumenti ponitur dimidius modius hordei vel siliginis, & fiat inde panis, vtrum ex tali pane fieri posset consecratio ? Videtur quod sic : quia siccorum admixtio non tollit speciem, sicut patet : quia si granum hordei ponatur in sacco frumenti, remanet semper granum hordei : ergo etiam de illa parte quæ de frumento est, ad minus videtur posse fieri confectio.

2 Item, Detur etiam quod admisceatur, erit in tali mixtura abundans frumentum : ergo aliquid transit in frumentum : ergo de toto erit frumentum : & ita erit inde confectio sicut de pane de frumento.

SED CONTRA : Ad visum patet, quod color frumentini panis remittitur, quando tertia vel quarta

Quæstio-  
cula 1.

Sed con-  
tra.

Quæstio-  
cula 2.

Sed con-  
tra.



quarta pars est filiginis : ergo videtur , quòd etiam species corrumpantur : sed non potest fieri consecratio nisi de frumento : ergo etiam ex tali pane mixto nulla fiet consecratio.

2 Item , Philosophus dicit , quòd mixtio dicitur miscibilium alteratorum vno : ergo miscibilia alterantur à sua specie : ergo in tali mixtura non manet panis frumenti in specie sua , sed alteratur : ergo cum non fiat confectio nisi de frumento , videtur quòd ex tali pane nulla fiet corporis & sanguinis confectio.

3 Item , Corpus Domini nihil habet in se alienum sibi : ergo etiam nihil in figura debet fieri alienum à specie frumenti : ergo videtur , quòd etiam si parum adiungatur de alio grano , destruat ratio conuenientiae.

Quaestio-  
cula 3.

SIMILITER obiicitur , Si de pane corrupto possit fieri confectio ? Videtur quòd non : quia nihil corruptum habet similitudinem cum corpore Domini : ergo non debet fieri signum : sed ex parte materiae sumitur signum sacramenti : ergo ex parte materiae sacramenti nihil debet sumi corruptum.

2 Item , Corruptus homo non est homo : ergo corruptus panis non est panis : & non debet fieri nisi de pane frumenti : ergo non debet fieri de pane corrupto.

Sed con-  
tra.

SED CONTRA : Nos videmus hostias diutissime seruari à quibusdam intantum quòd etiam si panis in maiore quantitate ita diu seruaretur , corrumpeteretur totus : & tamen de his hostiis conficiunt : ergo videtur , quòd corruptio non impedit confactionem.

Quaestio-  
cula 4.

SIMILITER quaeritur ex parte vini , Vtrum de agresta possit fieri confectio ? Videtur autem , quòd sic quia est de vua : & de vuae specie non generantur diuersa specie : ergo agresta erit eiusdem speciei cum vino : ergo sicut de vino ita de agresta potest confici , vt videtur.

2 Similiter obiicitur de aceto : quia dicit Philosophus , quòd acetum non est vinum , nec potest redire ad vinum propter corruptionem in eo factam : ergo videtur , quòd de aceto non possit fieri confectio.

Solutio.

SOLUTIO. Dicendum ad primum , quòd non nisi de pane frumentino in genere suo potest fieri confectio : & causae sunt , quia melius & nobilius nutrimentum praestat illud granum : & praecipue quia Dominus se illi grano comparauit.

AD PRIMUM ergo quòd contra hoc obiicitur , dicendum quòd non est simile de baptismo & Eucharistia : quia baptismus est sacramentum necessitatis , sed non Eucharistia , & ideo baptismus in generali materia nobis dari debuit , sed istud in materia quae maiorem habet conuenientiam cum re signata.

AD ALIUD dicendum , quòd illi panes quos Dominus dedit , signabant libros legis veteris , & non Eucharistiam : & illi habent durum corticem in litera , & dulcedinem in spirituali intelligentia intus : vnde ex illis panibus nihil probatur.

AD ALIUD dicendum , quòd passio Domini non debet praesentari in panis sapore , quia passus Christus optimi saporis fuit : sed potius in modo praeparationis panis , vt dicit Hugo in quadam epistola ad Bernardum , quòd panis ille coctus est igne passionis in cruce , formatus autem

D. Alb. Mag. in Lib. 4. Sentent.

manibus sapientiae in Virginis utero : & ideo non procedit illa obiectio.

AD ALIUD dicendum , quòd Dominus vtrumque attendit in grano , scilicet confactionem , & in casu in terram mortem : sed materia Eucharistiae habet vim à Christo , qui se illi grano & non alij comparauit.

AD ALIUD dicendum , quòd ipsa ostensio comparationis sui ad granum hoc & non aliud , ostendit causam institutionis , quae postea facta est , cum corpus suum in hoc pane dedit , & non in alio.

AD ALIUD dicendum , quòd istud sacramentum causa amoris & perfectionis est delictorum in spiritualibus deliciis : & ideo licet caro cito consumatur , tamen si custodiatur quemadmodum oportet , non consumitur : & hoc competit spirituali cibo , qui secum non compatitur concupiscentiae calorem ex peccato mortali procedentem : & etiam in signum huius manna reueruatum computruit.

AD ALIUD dicendum , quòd distinguendum est de via corporali , & de via spirituali : corporalis enim calore ex motu excitato resoluit mollia , sed in via spirituali ex deuotione confortatur & non resoluitur spiritus : & ideo non est simile.

AD ALIUD dicendum , quòd amidum non habet similitudinem cum corpore : quia aliquid est dispositum in eo ad putrefactionem , vnde efficitur viscosum & tenax : & in illo confici non debuit. Praeterea , Incautum esset conficere in illo propter humorum liquefactionem.

AD ID quòd vterius quaeritur de admixtione aliorum granorum , & praecipue de spelta , dicendum , quòd absque dubio frumentum genus est , & non species grani : & habet sub se triticum , & speltam : vnde spelta frumentum est , & de ipsa potest confici corpus Domini , sicut de tritico : & hoc nulli dubium est consideranti granum cum grano , & panem cum pane : & per hoc patet solutio ad primum.

Ad qua-  
stionem  
1.

AD ALIUD dicendum , quòd Dominus constituit in specie tritici dando inde virtutem grani in omni specie frumenti : & hoc ideo quia in terra illa est frumentum secundum speciem tritici.

AD ALIUD dicendum , quòd non est simile de aqua & pane : quia baptismus est sacramentum necessitatis , & aqua est elementum generale : & sic non est de tritico & Eucharistia , vt prius dictum est.

AD ALIUD dicendum , quòd spelta & triticum non sunt vnius speciei , sed vnius generis proximi quòd est frumentum : & sunt vicinae valde species , & ideo parum distant in spicarum formatione , sed quasi nihil distant in forma granorum & calore , & sapore panis.

AD ALIUD dicendum , quòd non puto curiam ita determinasse : & si ita determinauit , hoc fuit ex ignorantia grani materiae speltae.

AD ID quòd vterius quaeritur de mixtura , leue est soluere : dicendum enim , quòd si est mixtura non fit confectio : quia omnis mixtura proprie dicta soluit species mixtorum : si autem sit quaedam parua appositio , ita quòd totum appositum absumatur à tritico , tunc potest fieri confectio : absumptio autem illa notari potest in hoc quòd

Ad qua-  
stionem  
2.



idem maneat omnino color, sapor, odor, & huiusmodi: ac si totum sit frumentum.

AD PRIMVM ergo quod de hoc obiicitur, dicendum quod granorum dum manent integra, nulla est permixtio; sed Philosophus dicit, quod subtilia & humida permiscibilia sunt: & ideo grana farinata etiam infusa in pasta permiscerentur: unde nihil valet illa obiectio.

ITEM ad aliud dicendum, quod mixtura non semper est secundum æqualitatem quantitatis, sed secundum proportionem virtutum quæ sunt in ipsis mixtis: unde cum virtus filiginis potest alterare frumentum extra speciem panis frumenti, tunc non fit confectio.

*Ad qua-  
stionem  
3.*

AD ID quod ulterius quæritur de pane corrupto, dicendum quod si corruptus est à specie panis, non habet fieri confectio: si autem tantum est dispositus ad corruptionem, tunc potest fieri: sed peccant conficientes nisi cogeret eos magna necessitas. Corruptio autem ista perpendi habet in odore, sapore, & colore, & solutione continuitatis: quia si omnia ista sunt mutata, non potest in eo confici: sed si salua sunt signa, licet dispositus sit ad corruptionem, & non corruptus, potest in eo confici: & per hoc patet solutio ad totum quod obiicitur contra hoc.

AD ID quod ulterius obiicitur de vino, dicendum quod ex agresta non potest fieri confectio sanguinis: quia adhuc non habet vini speciem.

AD OBIECTVM autem contra dicendum, quod non est verum, quod ex eodem procedunt illud quod habet dispositionem ad speciem, & id quod habet speciem completam: quia & ex eodem ligno procedit aqueum in folio, & acidum magis in succo fructus: & ideo non valet quod obiicitur.

AD VLTIMVM dicendum, quod sicut vult Philosophus in metaphysica, acetum non est vinum, nec potest fieri vinum: & ideo de aceto non potest fieri confectio: sed de vino acido potest, quia hoc non est acetum, licet non sit tutum etiam de acido conficere propter reuerentiam sacramenti.

## ARTICVLVS VIII.

*An debeat fieri confectio in azymo, vel fermentato?*

**T**ertio quæritur, An debeat fieri consecratio in azymo, vel fermentato? Videtur quod in azymo: conficiendum enim est in tali materia panis, in quali Dominus corpus suum tradidit: tradidit autem in azymo: ergo in azymo est consecrandum. Prima probatur per se. Secunda autem probatur ex tempore: quia dies Paschæ Iudæorum fuit 17. dies mensis primi Parasceue: & in nocte præcedenti tradidit corpus suum: in nocte autem præcedenti occidebatur pascha, & non erat fermentatum in domibus Iudæorum. Exodi & Leuit. 23. & Num. 28. Ergo ipse tradidit in azymo. Ex hoc sic habetur propositum: præcipue autem patet hoc Exod. 12. vbi dicitur, quod 17. die non erat fermentatum in domibus Iudæorum. Item hoc videtur ex omnibus Euangelistis: dicitur enim Matth. 26. Prima die azymorum ac-

cesserunt discipuli ad Iesum dicentes, Vbi vis paremus comedere tibi pascha? Marc. autem 14. dicitur, Prima die azymorum, quando pascha immolabatur, accesserunt discipuli, &c. Luc. 22. Venit autem dies azymorum in quo necesse erat occidi pascha, Ioan. 18. Adducunt ergo Iesum ad Pilatum in prætorium: erat autem mane: ipsi vero non introierunt in prætorium ne contaminarentur, sed ut manducarent pascha. Hoc autem fuit in Parasceue quæ fuit 17. dies mensis lunaris quo vtuntur Iudæi, & præcedenti nocte dederat corpus. Ergo 14. die ad vesperum. Nihil autem fermentatum erat tunc in domibus Iudæorum, ut probatur Exod. 12. Leuit. 23. Num. 28. Ergo dedit corpus suum in azymo: & ideo nos ita debemus facere.

2 Item, Iesus venit non legem soluere, sed adimplere, Matth. 5. ergo ipse ritum Paschæ non soluit, sed adimpleuit: ritus autem fuit comedere in azymo: ergo ipse corpus suum tradidit in azymo.

3 Item, Vetus pascha comedebatur in azymis: cum igitur nouum pascha continetur ad vetus, statim in eodem genere panis inchoauit nouum: ergo in azymis dedit, & ita à nobis obseruari voluit.

4 Item constat, quod in veteri lege mysticam significationem habuit azyma cum quo agnus paschalis comedebatur: non significabat autem nisi sinceritatem & veritatem ab omni corruptione alienam. Cum igitur illa maior fuit in nouo pascha, quam in veteri, magis in azymis debet celebrari nouum quam vetus.

5 Item, 1. Corinth. 5. Itaque epulemur non in fermento veteri, nec in fermento malitiæ & nequitiae, sed in azymis sinceritatis & veritatis. Ergo hæc signatio necesse est ut in aliquo representetur ut in signo ex parte sacramenti: non autem potest representari nisi in azymo: ergo conficiendum est in azymo, & non in fermentato.

6 Item, Principale sacramentum apud veteres fuit pascha. Si ergo ritum illius peruertisset Dominus, probabile esset, quod qui minora eo obiecerunt, & illud obiecissent, dummodo secum in domibus comederunt: ergo videtur, quod in azymo tradiderit, eo quod nunquam talium aliquid ei obiectum est.

7 Item, Alia huius sacramenti obseruauit, scilicet agnum assum comedendo, & de nocte Luc. 22. Ergo etiam azymos obseruauit: quia non est ratio quare vnum mutauerit, & non aliud.

SED CONTRA Ioan. 13. dicitur, Accepit Iesus panes, &c. & in græco habetur ἀρτος, & hoc sonat panem fermentatum: ergo videtur, quod in fermentato tradidit corpus suum.

2 Item, Ioan. 13. Ante diem festum Paschæ sciens Iesus quia venit hora eius, &c. Ergo cœna fuit ante festum Paschæ: sed tunc Iudæi utebantur fermentato: ergo tradidit in fermentato.

3 Item, Cum Domini immolatio oblatione agni representaretur, debuit Dominus offerri tempore oblationis agni: sed antequam offerretur, ipse pascha cum discipulis manducauerat: ergo ipse debitam horam paschæ veteris præuenit: sed tunc erat fermentatum in domibus Iudæorum: ergo ipse dedit in fermentato, quod ipse in domibus Iudæorum inuenit.

4 Item,



4 Item, Nos videmus, quod in aliis sacramentis quibusdam ritum illius gentis mutauerit, & mutari voluit ne iudaizare videremur: sicut in obseruatione sabbati, & circumcisione, & in aliis: ergo precipue debuit fieri hæc mutatio in principali, in quo maxima spes ponebatur: hoc autem fuit sacramentum paschæ: ergo ritum illius videtur mutasse: cum igitur ante traderetur in azymis, modo videtur tradi debere in fermentato.

5 Item, Legalium obseruantia est in toto noua: ergo precipue in obseruatione principalis sacramenti: principale autem sacramentum fuit sacramentum paschæ: ergo illud in toto mutari debuit: ergo & in obseruatione azymorum.

6 Item, In hoc sacramento quatuor sunt principaliter obseruanda, scilicet assatio agni, linitio postium de sanguine, lactucæ agrestes, & azymi: videtur autem, quod tria de istis cessauerunt: ergo & quartum cessare debuit, ut videtur.

7 Item, Leo Papa dicit, quod propter insultationem Iudæorum antiquitus tota Ecclesia statuit confici in fermentato, ne iudaizare videremur: cum igitur hæc fuit consuetudo Patrum, videtur, quod & nobis sit obseruanda.

*solutio.* SOLVITIO. Dicendum, quod confici potest in utroque, scilicet in azymo & fermentato de potestate verborum: sed de congruentia & iure & sine peccato non potest confici, nisi in azymo: & ideo Græci peccant erga congruentiam sacramenti, & contra ius in consecrando: sed dicentes, quod non possit confici in azymo, nesciunt quid dicunt: sicut in pluribus alijs: quia modo non est verum quod dicit Apostolus, quod Græci sapientiam quærunt, sed potius sapientiam & studium amiserunt: & ideo stultis assertionibus detinentur.

AD PRIMVM ergo dicendum, quod apte ponitur indifferenter apud Græcos pro azymo & fermentato: & ideo in Veteri Testamento frequenter inuenitur, Panes azymos: & ideo nomen non sonat nisi panes, licet vsus loquendi excipiat in verbo panes fermentatos, quia illo vtuntur plures.

AD ALIVD dicendum, quod ante festum dicitur ante primam diem Paschæ, quæ sicut habetur Leuit. 17. fuit. 17. dies lunaris mensis primi: sed sicut patet ex alijs Euangelistis Dominus ante, non diu, sed præcedenti nocte tradidit corpus suum, & comedit pascha: & tunc erat 14. dies ad vespem: & tunc præceptum sub pœna mortis erat: ut non esset fermentatum in domibus Iudæorum, Exo. 13. & ideo nihil probat illud.

AD ALIVD dicendum, quod Dominus non eodem tempore immolabatur, quo agnus immolabatur: quia sic crucifixus fuisset die 14. ad vespem in nocte: quod patet esse falsum: sed potius conuenienter immolabatur, ut significaret post vetus nouum incipere, & ad suam passionem vmbra Veteris Testamenti terminari.

AD ALIVD dicendum, quod in his quæ non habent significationem suam nisi ex parte sui, Dominus finem imposuit: sicut agnum non immolamus, &c. huiusmodi. Sed illa quæ significat quod semper est faciendum, non mutauit sicut azyma, sicut expresse habetur ex verbis Apostoli 1. Cor. 6.

D. Alber. Mag. in Lib. 4. Sentent.

AD ALIVD dicendum, quod non obseruamus illud ut legale, sed potius, ut competens sacramento nouæ legis: sicut etiam vtimur aqua in baptismo, licet ipsi vsi fuerint aqua lustrationis.

AD ALIVD dicendum, quod sicut iam dictum est, illud non accipitur ut legale, quod etiam ante legem in oblatione Melchisedech Gen. 14. figuratum fuit, & Genes. 18. ubi Sara fecit panes subcineritios azymos: sed potius ut nouum accipitur congruens significato sacramenti.

AD VLTIMVM dicendum quod hoc factum fuit ex dispensatione ad tempus: Sicut etiam baptismus in nomine Christi: cessante autem irrisione Iudæorum, & cum prævaleret in virtutibus Ecclesia & viribus, resumpsit vsus primæ institutionis sacramenti. Proteriores autem tales ritus temporalis dispensationis retinuerunt. Sicut enim narrat Leo Papa, primo cōficebatur in azymo: deinde ex causa prius dicta in fermentato: tertio iterum in azymo: & tunc in contrarium Græci litigare inceperunt.

## ARTICVLVS X.

*An aqua debeat admisceri vino, & quantum aqua, & qualiter peccent qui omittunt?*

Quarto quæritur de admixtione aquæ: videtur enim, quod admisceri non debeat: quia aquæ se Dominus non comparat: cum igitur illa comparatio det congruitatem ad esse materiam frumento & vino, videtur quod aqua nullam habeat ad sacramentum congruitatem.

2 Item, Aqua insipidum est elementum: dicitur autem Sapient. 16. quod illud sacramentum habet omne delectamentum, & omnis saporis suauitatem: ergo aqua non habet congruitatem ad ipsum.

3 Item, Aqua materia est alterius sacramenti, scilicet baptismi: cum igitur duorum sacramentorum non possit esse materia vna, sicut patet in singulis alijs, videtur quod aqua nec materia nec pars materiæ esse debeat in sacramento Eucharistiæ.

4 Si forte tu dicas, quod aqua significat populum vniendum Christo, sicut aqua vnitur vino. Contra: Pani non adiungitur aliquid, & tamen significat corpus mysticum: ergo nec vino debuit aliquid adiungi, ut videtur.

5 Item, Vinum, ut habetur ex litera, confluit ex diuersis vuis: per quam vnum diuersitatem habet significare diuersitatem fidelium: cum igitur habeat in se vnum per quod potest representare fideles siue populum, non oportet quod hoc fiat per aliud elementum admixtum: ergo superfluum est apponere aquam.

6 Item, Quæ est causa quod pani non fit adiunctio alterius materiæ, sed vino fit? & videtur, quod nulla, quia sub vtraque est totus Christus, ut supra habitum est: si ergo in vna parte non fit adiunctio, videtur etiam, quod in alia parte fieri non debeat.

VLTERRIVS quæritur de quantitate aquæ *Quæst. 1.* adiunctæ: cum enim vinum calidum sit vehementer



menter actiuum, videtur parum vini ponendum in multum aquæ: ergo videtur, quod possit adiungi ultra medietatem.

2 Item quando vinum rubeum est, multum aquæ infunditur modico vino: cum igitur color sit dominantis, videbitur adhuc vinum dominari in mixtura: ergo videtur, quod ultra tres vel quatuor partes possit adiungi de aqua.

*Quæst. 2.* **VLTERIVS** quæritur de speciebus aquæ vel assumendæ vel adiungendæ: quia quædā sunt aquæ acutæ, vt lixiuia, & colatiua metallorū: de quibus agūt Alchimici: & ceruisia tenuis, & ptisana, & huiusmodi sunt aquæ quædam. Et quæritur, Vtrum huiusmodi infusis, adhuc fiat consecratio? Et videtur quod sic: quia talis aqua vocatur aqua, &c. ergo videtur, quod cum ipsa fiat confectio.

*Sed contra.* **SED CONTRA** obiicitur primo de aquæ infusione: constat enim, quod aqua simul cum sanguine fluxit de latere Domini: ergo etiam in sacramento non est separanda à sanguine.

2 Item, Sanguis iste lauat, sicut dicitur Ioan. 1. Ecce agnus Dei, &c. Et Apoc. 7. Lauerunt stolas suas, & dalbauerunt eas in sanguine agni. Ergo cum sanguine debet esse elementum ablutiuum: hoc autem est aqua: ergo cum sanguine debet effundi aqua.

3 Item, Aqua populi sunt & gentes, vt dicitur Apoc. 18. Populi autem & gentes redempti sunt sanguine. Ergo à sanguine redemptionis non debet separari aqua: ergo aqua quæ signat gentes, non debet separari à calice.

4 Item, Leuit. 16. Moyses aspergens populum miscuit aquam sanguini: cum igitur hoc præcesserit in signo, idem debet sequi in veritate sacramenti nouæ legis: ergo aqua calici est admiscenda.

*Quæst. 3.* **SED TVNC** quæritur, Qualiter peccent qui omittunt? Et videtur, quod mortaliter: quia ipsi peccant contra statutum vniuersalis Ecclesiæ: tale autem statutum omnes obligat: ergo peccant mortaliter veniendo contra hoc. Item, Illi non ostendunt in signo redemptionem sanguinis ad populum pertinere: cum igitur hoc omnimode sit ostendendum, videtur quod ille grauiter peccet, qui non facit.

2 Item, 1. Corinth. 11. dicitur, quod indigne accipit sacramentum qui aliter celebrat sacramentum quam statutum est: sed non apponens aquam, aliter celebrat quam institutum est: ergo indigne accipit: sed nihil facit hominem indignum sacramento nisi mortale peccatum: ergo ille peccat mortaliter non apponendo aquam.

**VLTERIVS** videtur, quod in parua quantitate sit aqua admiscenda: dicitur enim in litera, quod aqua est absorbenda à vino: hoc autem non fit si vis actionis aquæ aliquam habet proportionem ad vim actiuam in vino: ergo ita parum oportet esse, quod nullam habeat proportionem ad vim actiuam vini: ergo non potest esse tertia vel sexta, vel notabilis ad sensum pars proportionalis.

2 Item, Ex quo non apponitur nisi in signum & vna gutta illa significat omnem populum, sicut totum mare: videtur quod stultum sit apponere multum.

**VLTERIVS** obiicitur de speciebus aquarum: constat enim, quod quando operatur ars cum natura, scilicet per virtutes actiuas & passiuas in

natura, dat speciem licet debilem, & non diu manentem, quia aliter nulla essent opera alchimicorum: sed quædam aquæ fiunt operante arte per actiuas & passiuas qualitates in natura, vt superius enumerantur: ergo in illis est aliqua species immixtionis: ergo cum propria aqua admiscenda sit, videtur quod tales aquæ non sunt admiscendæ.

**SOLVITIO.** Dicendum, quod absque dubio *Solutio.* aqua calici debet admisceri: puto etiam in parua quantitate: quia in parua quantitate nullum periculum est, sed in magna posset esse periculum, vt probant vltimo inductæ obiectiones.

**DICENDVM** ergo ad primum, quod aqua cum admiscetur sanguini, non admiscetur vt materia, sed potius vt signum populi coniungendi redemptori in opere redemptionis, & absorbenda à vino: vnde non est mixtio proprie loquendo, sed transmutatio aquæ in vinum, sicut videtur velle Philosophus primo perigeneseos, quod non est mixtio si gutta aquæ. 10. amphotis vini infundatur: vnde bene conceditur, quod aqua nec materia est, nec materiæ pars, sed transit in vinum, & saporosa facta per vinum retinet tantum relationem signi ad populum vnitum in eodem spiritu redemptori in opere redemptionis.

**AD ALIVD** dicendum, quod aqua ideo adiungitur, quia insipidus est populus, vt ex ipsa coniunctione accipiat simul & vini speciem & saporem: sicut populus saporem spiritus & gratiæ non habet nisi à Christo.

**AD ALIVD** dicendum, quod aqua non est materia huius sacramenti, nec pars materiæ: quia in confectioe non manet in sua specie, sicut aliæ materiæ sacramentorum: sed potius transit in vini speciem & saporem vnde illa obiectio supponit falsum.

**AD ALIVD** dicendum, quod adiunctio fit vino, & non pani, propter tres causas: quarum vna est ex parte materiæ, & altera ex parte signi signatis sacramentū: tertia ex parte finis sacramenti. Prima ex parte materiæ sumpta est: quia panis est siccum elementum sacramenti & grossum: & tali non est aliquid admiscibile facile, quod assumatur ab ipso, & trahatur ad suam speciem & saporem: sed vinum humidum est habens calorem acutum diuidentem, & ex vtraque parte aliquid facile permiscetur sibi ad suam speciem & saporem, & ideo conuenientius est vt fiat admixtio in vino, quam in pane. Alia causa est: quia corpus Christi in prima oblatione cum pependit in cruce non fuit adiunctum alicui alij, sed sanguis profluxit à latere cum aqua: & ideo congrue illi aqua adiungitur. Tertia causa est: quia sanguis significat redemptionem, vt supra habitum est, quæ tota suscepta est propter populum: sed non sic est de corpore, & ideo conuenientius sit permixtio aquæ significantis populum cum vino, quam cum pane.

**AD ALIVD** dicendum, quod corpus ex parte suæ compositionis est ex heterogeniis siue dissimilibus: sed sanguis homogenius est & similis in omnibus partibus: & ideo magis habet in se vnde significet diuersitatem membrorum corporis, quam sanguis: & ideo additur elementum diuersum vino: nec hoc sufficit, quod fluit ex diuersis vuis: quia fluens est vnius naturæ, & diuersitas vuarum non remanet in vino, sicut manet diuersitas membrorum in corpore.



AD ALIUD patet solutio per ante dicta.

*Ad qu. 1.* AD ID quod ulterius quæritur, dicendum quod minima quantitas sensibilis sufficit, ut dictum est: sed magna est in periculo: quia si per admixtionem aquæ vinum corrumpitur à specie sua, non erit consecratum: & hoc non est de facili saporabile: quia etiam aqua in vase super vinum posita, ita quod os vasis aquæ sit versum super os inferioris vasis & in vino, contrahit vini saporrem & colorem: & tamen manet aqua: sicut fit cum aqua in vase stricti oris & longi ponitur in situla plena vini: & ideo non consentio illis qui dicunt, quod potest poni medietas, vel tertia, vel quarta: sed videtur mihi ponenda in parua valde quantitate, præcipue si vinum est valde debile.

AD ID autem quod contra obiicitur, dicendum quod sapor non plene indicat speciem nec virtutem vini in mixto: quia non est vinum, nec est aqua, sed medium inter vtrumque.

AD ALIUD dicendum, quod color adhuc minus indicat: quia cum aqua aliquem colorem actu non habeat, de facili recipit omnem colorem ex modico valde immutante: præcipue cum etiam sine vini admixtione recipit colorem vini & saporem, modo supra dicto, si vas aquæ operi & stricti oris in situla vel in dolio vini immittatur.

*Ad qu. 2.* AD ID quod ulterius quæritur de speciebus aquæ affundendæ, dicendum quod viua aqua dicitur quæ facit aquæ operationem & actum: sicut illa quæ est in impetu purificandi & refrigerandi. Vnde species aquæ de quibus dictum est, corruptæ sunt ad aliam speciem, ex quo non faciunt operationem, licet in eis abundet elementum aquæ: & huius ratio etiam dicta est in questione de materia baptismi.

*Ad qu. 3.* AD ID autem quod postea quæritur, Quantum peccet qui omittit apponere aquam? Dicendum, quod sine aqua bene fit consecratio: eo quod aqua nec sit materia sacramenti, nec pars materiæ, ut dictum est: & ideo dicendum est de causa omissionis: illa enim potest esse hæresis, aut contemptus, aut negligentia: & primis duobus modis est peccatum mortale contra ritum sacramenti ordinatum ad hæresim vel scissuram. Tertio modo distinguendum mihi videtur in causa negligentia, scilicet quod hæc vel est derentio, vel occupatio circa vana, vel circa illicita. Si primo modo non peccat mortaliter: sed corripendus est graviter, ne circa hoc de cætero negligens inueniatur. Si secundo modo, aut hoc est ex cura vanorum & temporalium quæ pertractat, aut ex inopinata sustrepione: & primo quidem modo graviter peccat: & si mihi contingeret, facerem emendam tanquam pro peccato mortali. Secundo autem modo orandum est pro ipso: quia non peccavit mortaliter: sed indiget adiutorio contra tentatorem. Tertio autem modo quando scilicet fit ex occupatione circa illicita, non est dubium quin peccet mortaliter.

AD ID autem quod videtur probare, quod semper peccet mortaliter, dicendum quod appositio aquæ non est de principalibus sacramenti, sed de adiunctis ad ampliorem significationem.

AD ALIUD dicendum, quod non celebrat aliter quam institutum est: quia nec formam mutat, nec materiam, licet aliquid omittat de

non principali. Et per hoc patet solutio ad omnia obiecta.

## ARTICVLVS X.

*An species sacramentales aliis liquoribus admixta, corrumpantur an maneat salua?*

QVINTO quæritur quæstio difficillima harum specierum quando aliis liquoribus admiscetur. Videtur enim, quod nunquam corrumpantur per admixtionem aliquam: corpus enim gloriosum diuinum non est admiscibile corpori non glorioso: post consecrationem autem est corpus gloriosum & diuinum: ergo non admiscetur alicui.

2 Si forte tu dicas, quod species admiscetur & corrumpuntur, & corpus euolat in cælum: hoc videtur non esse intelligibile: quia habet Philosophus primo de generatione, ubi distinguit quæ miscibilia sunt, & quæ non, quod accidentia nec sibi nec aliis sunt miscibilia: constat autem, quod non remanent ibi nisi pura accidentia: ergo non admiscetur aliis corporibus vel accidentibus.

3 Item, Generatio & corruptio fiunt duobus modis, scilicet simpliciter, & secundum quid: constat autem quod vtrique est substantiæ: vna quoad acceptionem vel amissionem formæ substantialis: alia secundum acceptionem vel amissionem formæ accidentalis: ergo neutra erit accidentis secundum se: ergo videtur, quod cum hæc sint accidentia, secundum se nunquam resoluantur in aliquid aliud.

4 Item, Vnumquodque quod corrumpitur, secundum suum esse corrumpitur: sed accidentis esse est inesse, ut dicit Philosophus: ergo non corrumpuntur nisi secundum inesse: & sic non corrumpuntur hic, & non possunt alio modo corrumpi: ergo simpliciter non corrumpuntur: sed manent incorruptibilia: & sic species panis & vini semper manent.

5 Item, Aristotel. circa finem primi physico- rum dicit, quod contraria nec patiuntur nec agunt adinuicem sine materia subiecta: sed quæ non agunt nec patiuntur adinuicem, nunquam se corrumpunt: ergo accidentia hoc modo accepta, nec se corrumpunt adinuicem, nec corrumpuntur ab aliis: sed hoc modo accipiuntur in sacramento post consecrationem factam: ergo nec à seipsis nec ab aliis vnquam corrumpuntur.

6 Præterea, Putrefactio quæ est in hostia diu reseruata post consecrationem, constat quod non primo refertur ad corpus diuinum gloriosum: ergo necesse est, quod referatur ad aliquid primo corruptum: constat autem quod hoc non est accidens: quia hoc secundum esse dependet ad aliud primum, si non est ibi aliquid pro substantia: ergo putrefactio quæ ibi apparet, ad nullum primo putrefactibile potest reduci, quod non capit intellectus hominis.

7 Si forte tu velis dicere, secundum quod quidam scripserunt & dixerunt, quod post consecrationem peracto officio sacramenti redit substantia prima, scilicet sub specie panis & vini, & per illam substantiam permiscetur alijs corporibus



bus & putrefit & corrumpitur: Contra: Ille reditus aut est quia substantia sub accidentibus sit seruata: aut quia creatur de nouo sub accidentibus. Si primo modo: hoc non esse potest: quia sicut supra habitum est, illa conuertitur in corpus Christi, & postea non dimittitur ei aliquid. Si secundo modo: hoc iterum falsum est: quia quandiu discerni possunt species manentes, tandiu iudicatur esse corpus Christi: ergo sub illis accidentibus nunquam causatur alia substantia. Præterea, Cum incipit putrefieri, constat quod adhuc manent species: ergo corpus Christi est adhuc sub illis, & non alia substantia. Præterea, Non diceretur hic vere esse corpus Christi si accidentia illa ducerent in aliam speciem, quam in corpus Christi: cum igitur verum est dicere hoc esse corpus Christi accidentibus manentibus, constat quod sub illis accidentibus nunquam alia substantia quam corpus Christi erit.

Et ita videtur nihil esse dictum, quod redeat alia substantia: & ideo fuerunt alij dicentes, quod accidentia illa in permixtione & corruptione conuertuntur in substantiam, & ut substantiæ corrumpuntur & permiscuntur. Sed quod hoc nihil sit, de facili probatur sic: Accidentia illa nec sunt vnus generis nec vnus sensus, sed quoddam est quantitas, quoddam qualitas, & quoddam est gustus, & quoddam visus: ergo si conuertuntur in substantiam, non conuertuntur in substantiā vnus generis & vnus sensus, sed transeunt in diuersas substantias etiā genere & sensu, & hoc nihil est dictum. Si autē dicatur, quod transeunt in substantiā eiusdem generis: tunc quæritur, quæ sit huiusmodi conuersio qua diuersa genera transeunt in vnum genere & numero. Item, Cum plura sint accidentia, videtur quod plures sint substantiæ constitutæ ex illis: & hoc non est verum. Item, Philosophus dicit, quod ex accidente non fit substantia: ergo accidentia illa non conuertuntur in substantiam.

Ideo iterum fuerunt alij qui dixerunt, quod solum vnum illorum accidentium conuerteretur in substantiam, scilicet quantitas, & alia afficerent illam substantiam, sicut prius fecerunt substantiam panis & vini. Sed hoc ridiculum est: quia ex quantitate non fit substantia, ut dicit Philosophus. Præterea, Cum illa substantia sit quanta, vnde venit quantitas illa, si ita tota transubstantiata est in subiectum: oportet enim quod ex sola quantitate fiat quantitas & substantia: & hoc non est verum: ergo patet, quod illud nihil est dictum, & non intelligibile.

*Solutio.*

**SOLUTIO.** Dicendum mihi videtur sine præiudicio aliorum, quod accidentia per se miscuntur & corrumpuntur, vel in transitu ad aliud subiectum, vel in corruptione in non esse. Ad hoc autem intelligendum videntur mihi duo consideranda. Vnum est, quod nos ideo dicimus formam substantialem & accidentalem vnā numero non posse esse in duobus subiectis successiue: quia ipsa non est secundum se, sed semper habet esse in subiecto: & quando non est in illo, tunc simpliciter non est: quia si ipsa extra subiectum esset & non in subiecto, nos diceremus, quod sicut vnum & idem mobile transfertur de loco ad locum, ita vnā & eadem formā transferretur de subiecto ad subiectum. Aliud est, quod ideo accidens apud naturam nec agit nec patitur ab alio sine subiecto: quia non est sine subiecto: & ideo

subiectum non confert ipsi virtutem agendi, vel patiendi, sed potius sustinet ipsum tantum: & ideo subiectum neutri est contrarium: sed si esset secundum se sine subiecto, absque dubio propria virtute ageret & pateretur: cum igitur secundum opinionem celebriorem & magis catholicam formæ illæ maneat sine subiecto, dico quod per se possunt agere & pati admixtionem & putrefactionem, & per se in aliud subiectum transferri: sed ex illo in quod transferuntur, non possunt transferri in tertium: quia quod absque subiecto esse potuerunt, habuerunt ex hoc quod fuerunt in mysterio sacramenti per modum signatum, & hoc modo non sunt in tertio vel quarto vel deinceps subiecto in quod transferuntur à secundo. Huius autem ratio infra supra vltimum capitulum huius distinctionis explicabitur. His habitis facile est respondere obiectionibus.

**DICENDUM** ergo ad primum, quod corpus gloriosum diuinum, nec miscetur, nec corrumpitur: sed species in se manentes ex mixtione vel corruptione in aliud transeunt: & tunc non est ibi corpus Christi.

**AD ALIUD** dicendum, quod Philosophus non considerat nisi accidentia quorum esse est inesse: & non illa quæ sunt secundum esse potentia diuina ad mysterium sacramenti.

**AD ALIUD** dicendum, quod generatio physica siue sit simpliciter, siue secundum quid, semper est substantiæ, ut dictum est: hic autem est alia mutatio, eo quod accidens hic manet sine subiecto potestate diuina ad vsum sacramenti fidei & Ecclesiæ.

**AD ALIUD** dicendum, quod hoc intelligitur de accidente quod totum dependet secundum esse ad subiectum in quo est: talia autem accidentia non sunt hic, sed potius ex potestate diuina sustentata sunt sine substantia, ideo ut compleatur significatio sacramenti fidei & Ecclesiæ.

**AD ALIUD** patet solutio per ante dicta: quia hoc non est ideo ut materia communis det eis virtutem qua agant adinuicem & patiantur, sed potius quia non agant nisi sint: & non sunt nisi quia sunt in materia vtriusque in communi in potentia: vnde si sine materia essent calidum & frigidum, tunc sine materia repugnarent adinuicem, & alterum corrumpere reliquum.

**AD ALIUD** dicendum, quod sine præiudicio loquendo putrefactio est in quantitate hostiæ primo: quia hæc est ante saporem & colorem, ut infra probabitur: & est in ea alio corruptente, scilicet qualitatibus aëris actiuis, vel alterius corporis: vel ex eo quod illæ qualitates quæ sunt in hostia, actus contrarios habent, & resoluunt eam.

**AD QBIECTVM** autem dicendum, quod in physica putrefactione tenet hoc: quia in illis accidens dependet à subiecto, & non hic. Si autem obiciatur, quod illa putrefactio sit physica, dico quod ipsa quidem physica est, sed non est physice existentis, sed potius virtute diuina. Sed adhuc tunc obicitur, quod virtus diuina conseruans est potentior omni corruptente: & sic non deberent species illæ corrumpi. Ad hoc dicendum videtur, quod virtus diuina non conseruat & continet nisi ad actum sacramenti: & ideo conseruatio eius non impedit corruptionem earum secundum esse naturale quod habent in se.

**AD**



AD ID autem quod obiicitur contra opinio-  
nes inductas, videtur esse concedendum: sed tamen  
in rebus difficilibus nulli præiudicandum esse vi-  
detur, nisi soli errori, ubi ille apertus cognoscitur:  
quia quædam subsunt fidei quæ ratione penetrari  
non possunt: & Deus potest facere plusquam pos-  
sumus intelligere: quia non erit impossibile apud  
Deum omne verbum.

ARTICVLVS XI.

*An aqua & vinum quæ miscentur in ca-  
lice possunt separari?*

**D**Einde quæritur de hoc quod dicit *ibi* [Quæ  
copulatio sit aquæ & vini, sicut miscetur in  
calice Christi, vt mixtio illa non possit separari,  
&c.] Hoc enim falsum videtur: quia dicit Philoso-  
phus, quod mixta separari possunt.

2. Præterea, Si vinum habeat aquam mixtam,  
vt dicunt alchimici, contingit eam separari mul-  
tis quidem modis, quibus extrahitur substantia à  
substantia in qua est, & vnus modus sufficiat gra-  
tia exempli: cum enim simile attrahit simile, &  
porosum præcipue trahat humidum: si in vinum  
mixtum mittatur iuncus decorticatus siccus ex  
similitudine naturæ, quia crescit in aqua, attrahit  
simile, & ex porositate trahit humidum: ergo ex  
porositate & similitudine aquæ naturæ trahit  
humidum aqueum relinquendo vinum: ergo hoc  
modo separabitur aqua admixta: ergo separabilis  
est: & hoc est contra literam. Item, Contra ritum

Ecclesiæ & fidem: quia Ecclesia ordinat & di-  
cit, quod aqua absumitur à vino, ita quod tran-  
seat in speciem vini & saporem, sicut prius di-  
ctum est.

3. Si forte tu dicas, quod non est separata  
aqua per hunc modum: sed est vinum quod con-  
trahit iuncus siue scirpus. Contra: Probetur vi-  
ni fortitudo & sapor ante immisionem scirpi  
siue iunci, & post extractionem: & inuenietur  
post fortius & saporosius, quam ante: hæc au-  
tem intensio saporis & fortitudinis non potest  
esse nisi ex remotione contrarij, quod est humi-  
dum aquæ: ergo iuncus extrahit aquam, vt vi-  
detur: ergo falsum dicit in litera. Alia autem pos-  
sent poni quibus hoc docetur fieri: sed quia  
hoc naturale & magis apparens est, illud suf-  
ficiat.

**SOLVTIO.** Dicendum, quod iuncus sub-  
stantiam aquæ non trahit ex omni humido, siue  
sit mixtum, siue purum: sed quanto est plus  
mixtum, tanto plus trahit, quia plus inuenit: &  
quanto purius, tanto trahit minus, quia minus in-  
uenit: vnde non separatur eadem aqua infusa: sed  
potius substantia aquæ in vino quæ actu vinū est,  
ex qualitatibus aquæ in iunco existentibus cōuer-  
titur ad naturam aquæ & trahitur. Vinum enim,  
vt ait Philosophus in 4. meteororum, est species  
aquæ: & sunt in eo partes debiliores, citius quam  
aliæ ad naturam aquæ transmutabiles: & illas at-  
trahendo alterat iuncus vel scirpus: & ideo non  
est separatio, sed potius corruptio quarundam  
partium vini magis debilium: & per hoc patet  
solutio ad totum.

*Iulius Papa.*



**S**I vero quæritur, An irritum sit quod geritur, si aqua præ-  
termittatur? Audi quod sequitur in eodem canone: Non  
potest, inquit, calix Domini esse aqua sola aut vinum solum  
nisi vtrumque misceatur. Item Cyprianus, Calix Domini  
non est aqua sola, aut vinum solum, nisi vtrumque misceatur: sicut  
nec corpus Domini potest esse farina sola, nec aqua sola, nisi vtrum-  
que fuerit adunatum, & panis vnius compage solidatum. Siquis ta-  
men non intendens introducere hæresim, obliuione vel ignorantia  
aquam prætermiserit, non videtur esse irritum sacramentum: sed ille  
grauiter est corripiendus. Nam & Græcorum Ecclesia non apponere  
aquam dicitur. Quod etiam ex dictis Cypriani videtur posse colligi:  
ait enim, Siquis de antecessoribus nostris vel ignoranter vel simpli-  
citer non hoc seruauerit, quod nos Dominus facere & exemplo &  
magisterio docuit, potest simplicitati eius indulgentia Domini venia  
concedi. Nobis vero non potest ignosci, qui nunc à Domino in-  
structi sumus vt calicem Domini cum vino mixtum, secundum quod  
Dominus obtulit, offeramus. Ex hoc videtur, quod siquis simpli-  
citer vel ignoranter vinum offerat sine aqua, sacramentum conficiat.  
Aqua vero nullatenus sine vino potest offerri in sacrificio, nec panis  
nisi de frumento, nec granum frumenti nisi redactum fuerit in pa-  
nem: quia Christus & panem se dicit, & grano frumenti se com-  
parat.

De cōse.  
dist. 1.  
cap. Non  
debes.  
De cōse.  
dist. 2.  
c. Sicut  
in sancti-  
ficatio-  
ne.

De cōse.  
dist. 1.  
cap. Et  
Scriptu-  
ra.

Ioan. 6.  
Ioan. 13.



parat. Quod ergo supra dictum est non posse vinum solum offerri, determinari oportet: recipit enim exceptionem. Non potest, nisi simpliciter vel ignoranter fiat: vel, non potest, id est, non debet. Quibusdam tamen videtur hoc generaliter verum. Colligitur etiam ex prædictis, quod Christus vinum aqua mixtum dedit discipulis. Corpus vero tale dedit, quale tunc habuit, id est, mortale & passibile. Nunc vero sumitur à nobis immortale & impassibile: nec tamen maiorem habet efficientiam. Eucharistia quoque intincta non debet dari populo pro supplemento communionis: quia non legitur Christus alicui discipulorum præbuisse panem intinctum nisi Iudæ. Tunc vero non accepit Iudas corpus Christi, sed tantum panem: corpus vero & sanguinem Christi ante cum aliis discipulis perciperat.

De cōse.  
dist. 2.  
c. Cum  
omne.

## ARTICVLVS XII.

*An calix possit esse aqua sola, aut vinum solum, aut mixtum ex utroque?*

**D**Einde quæritur de hoc quod dicit [Quod ergo supra dictum est non posse vinum solum, &c.] Videtur enim expositio nihil valere, cum dicit [Nisi simpliciter fiat, vel ignoranter] Quia simplicitas vel ignorantia sunt dispositiones consecrantis, & non de esse sacramenti: ergo non faciunt ad hoc quod fiat consecratio, vel non fiat, sed potius quod meritorie vel non meritorie fiat.

Solutio.

**SOLVTIO.** Dicendum, quod posse hoc non est posse sacramenti: sed potius posse iuris ex ordinatione Ecclesiæ & congruentia sacramenti, ut supra dictum est: & per hoc patet solutio.

## ARTICVLVS VIII.

*Quale corpus Christus dedit discipulis suis, an mortale & passibile, vel immortale & impassibile?*

**D**Einde quæritur de hoc quod dicit *ibi* [Corpus vero tale dedit, quale tunc habuit, &c.] Circa hoc ante literam videntur tria esse quærenda: quorum primum est, Quale corpus dedit discipulis, utrum scilicet mortale & passibile, vel immortale & impassibile? Secundum, Et quid esset si seruatum fuisset in pyxide vsque in triduum, vel celebratum fuisset in triduo, vel de nouo confectum? Tertium, Vtrum ipse sumpsit corpus suum, quando illud dedit discipulis suis, an non?

**AD PRIMUM** obiicitur sic in litera: & 1. Cor. 11. sunt eadem verba in Glossa, quod ipse dedit corpus quale tunc habuit: tunc autem habuit passibile: ergo dedit corpus suum passibile.

2. Item, Innocent. in lib. de sacramentis, Tale Dominus dedit corpus discipulis, quale tunc habuit: constat autem, quod habuit passibile: ergo passibile tradidit.

3. Item, Veritatis non est fingere: sed Chri-

stus est veritas: ergo Christi non est fingere: sed fingere est alterius modi exhibere quam est: ergo Christus se in sacramento alterius modi non exhibuit quam fuit: sed fuit passibilis: ergo passibile & mortale corpus dedit discipulis.

4. Item, Hoc accipitur ex modo loquendi, cum dicit, Hoc est corpus meum, quod pro vobis tradetur: tradendum enim corpus in futuro esse non poterat nisi mortale, quia aliter traditio non intulisset ei passionem: cum ergo idem porrexerit discipulis, videtur quod fuerit sub eadem dispositione: ergo passibile præbuit.

5. Item, Detur, quod dedit impassibile: ergo fuit impassibile, & in cruce fuit passibile: ergo fuit simul passibile, & non passibile: sed impassibile & non passibile aut æquipollent, aut vnum sequitur ad aliud: ergo simul fuit passibile, & non passibile: sed si fuit non passibile: ergo non fuit passibile: quia negatiua de prædicato finito, & affirmatiua de prædicato infinito æquipollent: ergo simul fuit passibile, & non fuit passibile in eodem tempore: ergo contradictoria verificantur de eodem in eodem tempore, quod est impossibile.

6. Si forte tu dicas, quod hoc non sequitur: quia respectu diuersorum accipiuntur, scilicet respectu formæ sacramenti secundum quam est impassibile, & respectu formæ naturalis propriæ secundum quam est passibile. Item respectu sumentium sacramentum est impassibile, & respectu lanceæ & crucis passibile. Si, inquam, sic dicas. Contra: Passibile & impassibile sunt qualitates absolutæ fluentes à naturali potentia vel impotentia patiendi: ergo siue comparentur ad aliud siue non, semper sunt vno modo: constat autem, quod Christus tunc non habuit naturalem impotentiam patiendi, id est, qua non pateretur accedente lætuo inferente passionem: ergo à nulla comparatione potuit esse vel fieri impassibile, non alterata in eo natura passibili: constat autem, quod sacramentum in eo non alterauit naturam: ergo dedit corpus suum passibile, & nullo modo impassibile.

**SED CONTRA** hoc obiicitur, Matth. 17. <sup>sed est</sup> super illud transfiguratus est ante eos, Gloss. illud corpus quod habuit per naturam dedit discipulis in cæna non mortale, non corruptibile. Hoc expresse dicit: quia dedit incorruptibile, cum tamen haberet passibile.

2. Item,



2 Item; Leuit. 11. super illud, Si fuerit oblatio de sanguine, &c. dicit Glossa, Carnem suam ante passionem esui non aptam, esui aptam fecit. Constat autem, quod passibilis non esset esui apta: ergo fecit eam impassibilem.

3 Item, Hugo de sancto Vict. Tenebat se in manibus, tenens erat mortalis, tentum immortale: sed hoc erat corpus quod dedit discipulis: ergo corpus dedit immortale & impassibile. Item, Hugo, Ego absque praeiudicio veritatis magis ad hoc accedo, ut illud impassibile & immortale quantum pertinet ad sanctificationem sacramenti tradidisse dicitur: si enim hoc esse potuit, quod ipse seipsum manibus gestaret, & corpus suum sine corruptione sui edendum distribuit: & tamen qui dedit & qui dabatur, & qui portabat & qui portabatur, idem esset: quid mirum si dicatur, quod ipse in eo quod dabatur, erat immortalis, & in eo quod dabatur mortalis fuit, non duo, sed vnus.

4 Item, Passibile patitur accedente laesio: si ergo ipse dedit illud passibile, patiebatur accedente laesio: attritio autem dentium laesio est: ergo patiebatur & occidebatur masticatione discipulorum, quod falsum est: ergo non dedit corpus suum passibile & mortale, ut videtur.

*Solutio.* SOLVITIO. Dicendum, quod circa hanc questionem ambae partes habent suos defensores: & illi qui sequuntur Hugonem de sancto Vict. dicunt, quod Dominus ante resurrectionem suam, vsum quatuor dotium corporis assumpsit, quauis non assumpsit habitum: actum enim siue vsum subtilitatis assumpsit, quando ex utero matris clausis pudoris repagulis exiuit: vim autem agilitatis, quando sicco vestigio super vndas ambulauit: claritatis autem, quando resplenduit facies eius in monte Thabor, quando transfiguratus est ante discipulos: sed actum impassibilitatis in cena, quando corpus suum discipulis dedit, non passibile secundum actum, licet habitu esset passibile: quia (sicut dictum est) ipse non assumpsit habitum dotium, sed tantum actum: & haec est sententia Magistri Hugonis de sancto Victo. & tunc patet solutio ad omnia primo obiecta, praeter duo, scilicet quod obiicitur de fictione: & verificatione contradictoriorum simul de eodem.

AD PRIMUM ergo illorum dicendum, quod non erit fictio (ut dicit Augustinus) nisi quando ordinatur ad deceptionem: unde etiam dicitur Lucae vltim. quod finxit se longius ire, nec reputatur fictio nisi bona: ut dicit August. quia non ordinatur ad decipere, sed potius ad instructionem: unde sicut ipse ostendit discipulis claritatem, ne de morte sua nimis tristarentur & turbarentur: ita in cena propter instructionem resurrectionis ostendit eis impassibilitatem, & in aliis iocis actus aliarum dotium.

AD ALIUD dicendum, quod non erat ibi aliqua oppositio contradictionis: quia aequiuoce summitur passibile, & impassibile: mortale, & immortale: passibile enim & mortale sumuntur secundum habitum, sed immortale & impassibile secundum actum: ut idem sit impassibile & immortale, quia non patiens, & non moriens in distributione sacramenti. Hoc autem qui dicere voluerit, potest, & habet unde respondeat obiectis. Ego autem magis assentio alteri opinioni quam Magister tangit in litera, & Glossa 1. Corinth. 11. &

Innocentius in libro de sacramentis, scilicet quod passibile dedit corpus suum: & ideo etiam in memoriam passionis frequentatur sacramentum ab Ecclesia.

Ad hoc autem quod primo obiicitur, dicendum quod Glossa sic intelligitur, scilicet quod dedit immortale & impassibile, id est, non passum, & non mortuum in sacramento vel sacramenti susceptione: & huius non est causa quod fuit impassibile, sed causa in solutione patebit.

AD ALIUD dicendum, quod illa Glossa Leuitici non intelligitur de impassibilitate, sed potius quia corpus in figura & forma humana non est esui aptum, ideo tradidit illud sub forma panis sub qua est esui aptum.

AD ALIUD dicendum, quod illa fuit opinio Hugonis quam non tenemur sequi, nisi velimus. Si tamen velimus sustinere quod dicunt, dicemus, quod ipse refert hoc ad id quod non patiebatur secundum actum sub sacramento: sed causam huius non determinat: & ego non credo, quod haec fuit causa quod impassibilitatem assumpsit, quia nulla ad hoc cogit necessitas, ut iam infra patebit.

AD ALIUD dicendum, quod illa propositio verissima est, qua dicitur, passibile patitur accedente laesio: sed in sacramento nullum accessit sibi laesio: quia sicut habebimus in sequenti distinctione a Magistro determinatum, masticatio & diuisio non referuntur ad corpus Christi, sed ad formas tantum siue species accidentales: hoc tamen puto fuisse quod coegit eos qui diuersa sunt opinati a Magistro hic, quod dederit corpus suum impassibile: unde cum hoc, sicut iam patuit, nihil omnino cogar, patet quod non est ratio quare dicatur corpus suum impassibile tradidisse.

#### ARTICVLVS XIV.

*Quid de corpore Christi esset factum, si ab aliquo discipulorum fuisset consecratum in triduo, aut seruatum in pyxide? & an anima existens in limbo etiam potuerit esse in corpore consecrato.*

Secundo quaeritur, Quid esset de corpore illo factum, si ab aliquo discipulorum fuisset seruatum per triduum, vel ab aliquo eorum de nouo confectum vel consecratum? Cum enim vnum & idem numero esset corpus quod pependit in cruce, & quod seruabatur in pyxide: videtur, quod quodcumque acciderit ei in cruce, totum hoc acciderit ei in pyxide: sed in cruce vulnerabatur, lanceabatur, irridebatur, potabatur aceto: ergo & in pyxide fiebat ei quodlibet istorum: & hoc plane falsum est: quia crucifixio & huiusmodi ad visus hominum fuerunt, & nihil talium videbatur in pyxide fieri circa corpus.

2 Si autem tu dicas, quod in pyxide non crucifigebatur, tunc videtur quod contradictoria verificantur de eodem in tempore vno & eodem: in cruce enim occidebatur, & non in pyxide, & in eodem tempore ipsum erat idem existens: ergo vnum & idem existens vno tempore crucifigebatur & non crucifigebatur, siue moriebatur & non moriebatur, quod non capit intellectus.

2 Item,



2 Item, Aut moriebatur in pyxide, aut non moriebatur: sed non moriebatur: ergo idem homo eodem tempore erat mortuus & vivus, quod nec fides admittit, nec intellectus capit. Si moriebatur aut eodem genere mortis quo extra pyxidem moriebatur, aut non. Si non; ergo duobus generibus mortis moriebatur Christus, quod iterum abhorret Scriptura. Si eodem, sed extra moriebatur crucifixione: ergo & in pyxide moriebatur crucifixione: sed moriens crucifixione crucifigitur: ergo Christus in pyxide crucifigebatur, & eadem ratione lanceabatur, &c.

*Sed contra.*

**SED CONTRA:** Christus non nisi in vno loco crucifigebatur, scilicet in Golgotha: pyxis autem non fuit in Golgotha: ergo in pyxide non crucifigebatur.

2 Item, Licet corpus Christi & anima ex vnione ad deitatem quæ vbique est, possit esse in pluribus locis: tamen actus Iudæorum & Gentilium non poterat esse nisi vbi erant Gentiles & Iudæi, qui tantum fuerunt in vno loco: sed illi non erant in pyxide: ergo nec actus eorum: sed actus eorum sunt crucifixio, lanceatio, clauatio, & huiusmodi: ergo ista non facta in pyxide, sed tantum in cruce.

*Quæst. 1.*

**ITEM** ulterius quæritur hic, Si confectum fuisset in triduo, vtrum esset perfectum sacramentum, an non? Videtur, quod non: supra enim habitum est, quod ex vi consecrationis panis non conuertitur nisi in corpus, & vinum in sanguinem, & ex vnione est ibi tam anima quam deitas: ergo non existente vnione animæ ad corpus, non erat ibi anima: ergo non conficitur nisi corpus mortuum: sed corpus mortuum & sanguis mortuus non esset sacramentum perfectum: ergo in triduo non fuisset sacramentum perfectum, vt videtur.

2 Item, non viuum non viuificat: sed corpus Christi viuificat: ergo non potuit confici non viuum: sed triduo si confectum fuisset, fuisset non viuum: ergo in triduo non potuit confici, vt videtur.

*Quæst. 2.*

**SITVNC** quæritur, Vtrum Christus poterat præcipere animæ existenti in limbo vt esset in corpore consecrato? Videtur, quod sic: quia ipse est omnipotens, & potestatem habet ponendi animam suam, & iterum sumendi eam: ergo videtur etiam, quod hoc potuit facere.

2 Item, Ex hoc nullum generatur præiudicium redemptionis: quia anima simul & semel potest esse in diuersis locis: & ita existens in corpore sub sacramento, non recederet propter hoc à limbo lucens redimendis ab inferno: ergo videtur, quod hoc fecisset Christus, si in triduo fuisset consecratum.

3 Item, Modo totus est in cælis, & totus in multis altaribus simul & semel: ergo tota similiter anima potuit esse in limbo separata à sepulto corpore, & tota anima in corpore sub forma sacramenti confecto, & nullum videtur esse inconueniens.

*Sed contra.*

**SED CONTRA:** Hac positione facta idem corpus numero esset in forma sacramenti, & in sepulchro: & in forma sacramenti esset animatum & viuum, in sepulchro autem inanimatum & mortuum: ergo idem corpus numero & in eodem tempore esset animatum & non animatum, & viuum & mortuum: quod est inconueniens,

& absurdum, & etiam contra fidem.

**SOLVTIO.** Dicendum videtur cum antiquis *Solutio.* in hac quæstione, qui dicunt, quod quædam nomina, verba, & participia, dicunt passionem naturalem vel communes ad naturales & violentas, & hæc possunt copulari corpori existenti in pyxide si seruatum fuisset per triduum, sicut patitur, dolet, moritur, sentit dolores, sentit passionem, & huiusmodi. Quædam autem dicunt passionem violentam ipsa voce, sicut vulneratur, verberatur, crucifigitur, & huiusmodi, & hæc non possunt copulari corpori nisi vbi est sub propria forma, sicut fuit in caluarie loco siue in Golgotha, quod idem est. Causa autem huius est: quia talia dicunt passionem, non secundum quod est passionati, sed secundum quod est illatio & effectus actionis: & cum actus crucifigentium non fuerit nisi in loco crucifigendi, non possunt talia fieri circa Christum nisi secundum formam qua inter crucifigentes apparuit, & in loco crucifixionis. Alia autem dicunt passionem, secundum quod est tantum in patiente: & cum patiens fuerit idem in cruce & in pyxide, ideo illa copulantur ei vtrouque. Vnde antiqui determinabant hanc quæstionem per duos versus sic dicentes.

*Pyxide seruatum poterit copulare dolorem  
Innatum: sed non illatus conuenit illi.*

**SECUNDVM** hoc ergo videtur dicendum ad primum, quod licet idem sit corpus in cruce, & in pyxide: tamen sub alia & alia forma: & verum est, quod quicquid accidit ei in cruce, accidit ei in pyxide, quod dicit ipsius passionis quantitatem & substantiam ex parte patientis: sed vulnerari, & huiusmodi, præter passionis substantiam dicunt comparisonem ad agentem extra: & ideo non oportet, quod accidant ei. Et est in argumento locus sophisticus figure dictionis ex commutatione eius quod dicit quid passionis, in id quod dicit passionem qualem, scilicet ad actionem agentis comparatam.

**AD ALIUD** dicendum, quod contradictio de eodem non verificatur: quia hæc est vera, quod corpus Christi crucifigebatur: & hæc est falsa, corpus Christi non crucifigebatur: sed hæc est duplex, corpus Christi crucifigebatur in pyxide, ex eo quod ly in pyxide potest determinare corpus Christi mediante participio subintellecto, scilicet ens, sub hoc sensu, corpus Christi ens in pyxide crucifigebatur, & sic est vera. Vel potest determinare ly crucifigebatur, & sic est falsa. Similiter & hæc est duplex, corpus Christi in pyxide non crucifigebatur, vt patet per se ex distinctione præcedenti. Et ista, corpus Christi crucifigebatur in pyxide, & corpus Christi non crucifigebatur, non sunt contradictoria, nisi secundum quod determinatio refertur ad idem in vna & in alia: & hoc non est inconueniens, quod hoc modo non crucifigebatur in pyxide, quia ex hoc non sequitur, quod non crucifigebatur: & est ibi fallacia secundum quid ad simpliciter.

**AD ALIUD** dicendum, quod in pyxide moriebatur, & eodem genere mortis quo extra, sed hæc mors in pyxide non inferebatur ei, sed in cruce. Et ideo non sequitur, moriebatur in pyxide eodem genere mortis: ergo crucifigebatur: quia crucifigi non tantum dicit idem genus mortis, sed etiam illationem illius secundum quod est ab agente, & gratia illius non conuenit ei in pyxide, sed gratia



gratia eius quod tantum fuit ex parte patientis & hæc solutio dicit idem genus mortis.

*Ad qu. 1.* A D I D quod ulterius quæritur, sine præiudicio videtur mihi, posito quod conficeretur in triduo, quod corpus Christi esset in sacramento sine anima: nec puto verum esse quod quidam dicunt, scilicet quod suspensa esset forma sacramenti in triduo, sed potius puto, quod si sacramentum consecratum esset in triduo, quod habuisset effectum.

A D I D autem quod contra obiicitur, dicendum quod perfectum sacramentum dicitur tribus modis. Vno modo à perfectione materiæ & formæ sacramenti: sicut omnis res in esse perfecta est perfectione illorum duorum in compositione, dummodo illa res non sit simplex, sed composita ex materia & forma. Secundo modo dicitur sacramentum perfectum: quia perfecte facit actum ad quem institutum est. Et his duobus fuisset illud sacramentum perfectum in triduo. Tertio dicitur sacramentum perfectum à numero eorum quæ sacramentum continet, & hoc modo improprie. Et hoc modo verum est, quod non tot substantias contineret in triduo, quot continet extra triduum, quia non continet animam.

A D ALIUD dicendum, quod corpus Christi non est viuificatum à vita naturali, cuius causa est anima, sed à vita quæ est deitas: & illam vitam haberet unitam sibi in triduo, & gratia illius viuificaret, & ideo etiam Christus morte sua deitatis virtute viuificauit mortuos, ut dicit Augustinus.

*Ad qu. 2.* A D I D quod ulterius quæritur, Vtrum Christus potuit facere animam suam intrare suum corpus sub sacramento, & non in sepulchro? Dicendum, quod aliud est posse facere, & aliud posse fieri, & de suo posse, & fieri, alibi dictum est, scilicet in fine primi libri. Sed puto dicendum, quod non potuit illud fieri: quia sic sequeretur, quod idem esset animatum & inanimatum quod est inconueniens.

A D PRIMVM autem quod contra obiicitur, dicendum quod potest omnia: non tamen omnia possunt fieri simul propter oppositionem vel consecutionem impossibilitatis.

A D ALIUD dicendum, quod hæc non est causa, quod possit esse in pluribus simul: sed potius illa, quod idem corpus numero in vno & eodem tempore non potest esse animatum in vno loco, & inanimatum in alio loco: quia si hoc esset, vbique esset inanimatum: & si est hic animatum, vbique est animatum: & ideo non potest esse, quod anima sit in corpore in sacramento, & non in sepulchro. Aliter autem dicunt quidam: & qui volunt sequi illos, possunt: sed hic opiniones omnium prosequi esset dispendiosum.

## ARTICVLVS XV.

*An Christus in cæna in propria persona sumpserit corpus suum?*

Tertio quæritur, An Christus in propria persona sumpsit suum corpus in cæna, quando illud dedit discipulis? Et videtur, quod sic: quia Matth. 26. super illud, Accipite & comedite ex hoc omnes, dicit Chrysost. Bibite ex eo, ut disci-

*D. Alber. Mag. in Lib. 4. Sentent.*

puli videntes non dicerent, Quid sanguinem bibo? Ut enim non turbarentur, sicut turbati fuerunt multi qui abierunt retro, primus ipse sanguinem suum bibit.

2 Item Ruth 3. super illud, Cum comedisset & bibisset, dicit Gloss. Comedit Christus & bibit, cum in cæna corpus & sanguinem suum tradidit discipulis.

3 Item, Quia pueri communicauerunt carni & sanguini, & ipse similiter participauit eisdem, ut per mortem destrueret eum qui habebat mortis imperium Hebr. 2.

4 Item, Leuit. 8. super illud, Cumque de sanguine, &c. Gloss. Primo sacerdos, postea alij eius sanguine vnguntur: quia in cæna primo Christus sanguinem suum accepit, deinde discipulis tradidit.

5 Item, Gloss. ibidem, sanguinem suum bibit, & aliis bibere dedit, cum intelligibilem sanguinem super altare, id est, suum corpus fudit.

6 Item, Hæc videtur esse sententia antiquorum, qui fecerunt versus de solutione huius quæstionis dicentes.

*Rex sedet in cæna, turba cinctus duodena:*

*Se tenet in manibus, se cibis ipse cibis.*

7 Item, Videmus hoc, quod ipse circumcisisus est, & postea baptismum succedentem circumcisioni suscepit: ergo à simili cum communicauerit agno typico, ipse etiam communicauit carni & sanguini suo succedenti agno typico.

8 Item, Sacramenta inceperunt à Christo, & ab ipso tanquã à capite fluxerunt in Ecclesiam: ergo primo in Christo esse debuerunt, deinde in Ecclesia: cum igitur communio sit sacramentum Ecclesiæ præcipuum, communio debuit ab ipso incipere.

9 Item, Cum dicitur in Psalm. 132. Ecce quam bonum, &c. Et subiungitur, Sicut vnguentum in capite quod descendit in barbam, &c. ergo à capite descendit unctio sacramentalis in barbam, id est, in Apostolos, ut exponunt Sancti, & à barba in oram vestimenti, id est, in minimos de Ecclesia. Ergo inunctio præcipui sacramenti, id est, communicatio, videtur primo incepisse ab ipso, deinde in Apostolos deriuata fuisse.

SED CONTRA: In natura nihil est vanum & frustra: ergo minus in operibus Christi: sed esset, si communicasset: ergo non communicauit. Probatio assumptæ. Illud sacramentum restaurat deperditum in viribus spiritualibus, perficiendo maiorem unionem membrorum cum capite: sed Christus nihil perdidit, nec magis vniri potuit quam vnitus fuit: ergo in ipso ad nullum finem fuisset communio si communicasset: ergo frustra & in vanum: quia dicit Philosophus, quod frustra vel vanum est, quod est ad aliquem finem, & non includit illum.

2 Item, Sanguis causat redemptionem in his à quibus sumitur: sed Christus non erat redimendus, sed potius redemptor: ergo non debuit communicare sanguini. Item, non est eiusdem propinare suum sanguinem & bibere: sed Christus fuit ut pincerna sanguinis: ergo non bibit ipsum.

3 Item, Videtur esse occasio hæresis, scilicet quod etiam ipse sicut alij ibi indigeret effusione sui



sui sanguinis, cum eum sumeret sicut alij: Christus autem in omnibus intendit ædificare fidem: ergo non debuit suum sanguinem sumere.

*Solutio.*

**SOLUTIO.** Sine præiudicio quorundam aliter dicentium, videtur mihi tutius esse, quod dicamus hoc quod sancti Patres expresse tradiderunt, scilicet quod Christus sanguinem suum accepit, & suum corpus. Et fateor me deficere in soluendo dicta eorum: sed mihi videtur, quod hoc expresse intendunt dicere.

**AD PRIMUM** quod contra obiicitur, dici potest, quod est finis in se, & finis in alio: communio autem corporis & sanguinis Christi finem non habuit in se, sed in alio: & illum tangit prima auctoritas Chrysostomi, scilicet ne alij horrerent qui ante horruerant Ioan. 6. dicentes, Durus est hic sermo, quis potest eum audire: & relicto eo abierunt retro. Alia autem causa est ut significaret,

quod sicut gratia redemptionis ab ipso deriuatur ad membra, ita etiam ritus & institutio observationis, & ideo communicauit.

**AD ALIUD** dicendum, quod communio in Christo non causat redemptionem, sed potius fuit ut forma & exemplar ritus obseruandi, & sine horrore communicandi de cætero. Hæc etiam fuit vna causatum supra positum, qua etiam ipse sub speciebus cibi & potus generaliter tradidit corpus suum & sanguinem.

**AD ALIUD** dicendum, quod hæc non fuit occasio hæresis: quia iam per doctrinam & miraculum & testimonium Patris de cælo factum, & transfigurationem didicerant, quod nullo horum indigeret, sed testabat solum informatio ad ritum Ecclesiæ per exemplum acceptum à Christo. Vnde Apostolus I. Cor. 11. Ego enim accepi à Domino quod & tradidi vobis.

### *Ubi illa accidentia fundentur.*

**E** I autem quæritur de accidentibus quæ remanent, id est, de speciebus & sapore & pondere, in quo subiecto fundentur? potius mihi videtur fatendum existere sine subiecto, quam esse in subiecto: quia ibi non est substantia, nisi corporis & sanguinis Dominici, quæ non afficitur illis accidentibus. Non enim corpus Christi talem habet in se formam, sed qualis in iudicio apparebit. Remanent ergo illa accidentia per se subsistentia ad mysterij ritum, ad gustus fideique suffragium: quibus corpus Christi habens formam & naturam suam tegitur.

### ARTICVLVS XVI.

*An in sacramento Eucharistiæ maneat accidentia sine subiecto?*

**D** Einde quæritur de hoc quod dicit ibi [ Si autem quæritur de accidentibus quæ remanent, &c. ] Hæc est quæstio grauissima de accidentibus, quia dicit accidentia hic esse sine subiecto. Et contra hoc obiicitur multipliciter: eo quod tota philosophia videatur esse contra. Primo sic: Esse non potest separari ab ente, quia sequeretur contradictio, scilicet ens quod est, non esse: sed accidens est ens quoddam: ergo suum esse non est separabile ab illo: sed suum esse, ut dicit Philosophus, est inesse: ergo inesse non est actu ab ipso separabile: sed si inest, non inest nisi subiecto: ergo actu non potest separari à subiecto: & ita non erit hic sine subiecto.

2 Si forte tu dicas, quod Deus potest facere etiam plus quam possumus intelligere: nos autem possumus intelligere accidens sine subiecto: ergo Deus potest hoc facere. Contra: Non quæritur quid Deus possit facere, sed quid in creatura possit fieri: sed iam ostensum est, quod esse alicuius entis non potest separari ab ipso, quin sequitur contradictio si separaretur secundum actum: ergo hoc non potest fieri in accidente.

3 Item, In ordinatione sapientiæ diuinæ est, quod accidens non est nisi in subiecto: sed contra

ordinationem sapientiæ non potest facere Deus, ut dicit Augustinus, & Anselmus: quia faceret contra seipsum: ergo videtur non posse facere, quod accidens sit sine subiecto.

4 Item, Si accidens causatur à principiis substantiæ in esse, ita continetur ab eisdem in esse: sed vnumquodque naturaliter deficit, cum separatur à principiis causantibus & continentibus ipsum: ergo accidens deficit cum separatur à substantia, & principiis eiusdem: ergo si in sacramento accidens separatur à subiecto, accidens non manet: sed manet sicut iudicat visus: ergo non est sine subiecto.

5 Item, 1. Corin. 11. super illud, Alius quidem esurit, alius autem ebrius est, dicit Glossa, quod in magna quantitate consecrabant, & comedebant. Sed constat, quod accidentia non inebriarent vel reficerent aliquem: ergo videtur, quod accidentia ibi non maneat sine subiecto.

6 Item, Magis constant ea quæ sunt in diuersis generibus, quam ea quæ sunt in eodem genere: sed corpus & spiritus sunt in eodem genere: sed corpus & spiritus sunt in diuersis: ergo magis distant accidens & per se ens siue substantia, quam corpus & spiritus: sed corpus non potest fieri spiritus, ut dicit Augustinus, & probat Boëtius in libro de duabus naturis in vna persona Christi in fine: ergo accidens multo minus potest fieri ens per se: ergo non potest esse sine subiecto.

7 Item, Aspectui humano ibi apparet non tantum



tantum accidens, sed album, rotundum, denominatum & informatum ab accidente: aut igitur sic est in sacramento sicut apparet, aut non. Si sic est: ergo est ibi aliquid denominatum & informatum, & nihil nisi substantia & subiectum: ergo accidens non est sine subiecto. Si non: ergo aliter est in sacramento veritatis, quam apparet extra aspectum hominis, & sic est phantasia vel prestigiū, quod absurdum est dicere & credere de sacramento veritatis & Ecclesiæ.

8 Item, Diffinitio non separatur à diffinito, eo quod diffinitio dicit esse diffiniti: cum igitur accidens diffiniatur per inesse, videtur quod inesse non potest separari ab accidente actu: quia de illa separatione queritur hic.

9 Item, Philosophus in primo lib. physicom contra Parmenidem loquens dicit, Si animal & bipes quæ diffiniunt hominem, sunt accidens, & homo erit accidens: & sic accideret etiam, quod homo esset accidens alij: ergo à simili si diffiniens accidens est tantum in alio esse, & nunquam per se esse, erit & ipsum accidens diffinitum tantum in alio, & nunquam per se: sed inesse est diffinitivum accidentis, & nunquam habet esse nisi in alio: ergo accidens nunquam est nisi in alio sit. Probatio assumpti. Dicit Philosophus, quod accidens est quod cum sit in alio, non est in eo velut pars quædam, & impossibile est esse sine eo in quo est: ergo patet propositum.

10 Item, Damasc. videtur velle dicere, quod substantia panis manet, & etiam substantia vini, in quibus fundantur accidentia, & sic nunquam sunt per se: quia ipse dicit, quod sicut eramus compositi ex duplici substantia, scilicet corpore & anima: ita fecit cibum duplicem coniungendo pani & vino deitatem in spiritualem cibum: sed pani & vino non adiungitur deitas nisi remaneant ibi substantiæ panis & vini: ergo accidentia sunt in illis, non sine subiecto, ut dicitur in litera.

11 Item, Dicit Philosophus, quod quanta fuerit superficies, tantum album esse dices: sed nos videmus ibi tantum album: ergo quantitas albi alicuius superficiæ quantitate diffinitur: ergo est ibi superficies: sed sicut se habet album ad superficiem in dependentia secundum esse, ita etiam se habet superficies ad substantiam: ergo sicut album non est sine superficie, ita superficies non est sine corpore & substantia, in qua sit.

12 Item, Non erit ens per accidens nisi sit ens per se: sed in sacramento, ut dicitur in litera, non est aliquod ens per se: ergo non erit ibi ens per accidens: sed est ibi ens per accidens, ut probat visus: ergo necesse est ut subternatur ei ens per se, quod est substantia: ergo accidens non erit ibi sine subiecto, ut videtur.

13 Si forte tu dicas, quod accidens mutatur in substantiam, hoc probatur esse impossibile multis modis. Et primo quidem: quia dicit Philosophus, quod ex accidente impossibile est fieri substantiam. Alio modo: quia si ex accidente fit substantia: aut substantia in qua est accidens quod videtur in sacramento, aut alia substantia. Si substantia in qua est. Contra: Accidens quod est in substantia, causatur à substantia in qua est: si ergo est causa existendi substantiæ in qua est: ergo accidens causa est causæ quæ causat ipsum, quod non est, intelligibile: & Augustinus negat.

*D. Alb. Mag. in Lib.4. Sentent.*

hoc in primo de Trinitate: quia causatum non est causa causæ ut sit, sed potius è conuerso. Si autem conuerratur in aliam substantiam quam sit illa in qua est: queratur, quæ sit illa, & non erit assignare. Et præterea tunc restat eadem questio de istis accidentibus quæ adhuc manent sine substantia: quoniam non sunt in substantia in quam conuertuntur. Item, Ridiculosum videtur esse: quia nihil conuertitur in aliud eodem modo manens quo prius erat: sed nos videmus accidentia in sacramento eodem modo manere, ut prius erant: ergo in substantiam non conuertuntur accidentia. Item, Si conuerrantur in substantiam, in quam substantiam conuertuntur? Cum enim in supra dictis patet, quod non sunt nisi duæ substantiæ, scilicet panis & vini, & corporis Christi, in alteram harum conuertuntur. Constat autem quod non conuertuntur in substantiam panis & vini: quia illæ substantiæ non manent, sed in corpus & sanguinem Christi transsubstantiantur: ergo relinquitur quod conuertuntur in substantiam corporis Christi: & hoc absurdum est: quia corpus Christi gloriosum, nec album, nec rotundum est, nec saporem panis nec vini habet.

14 Item, Quibus differunt species, eisdem differunt differentiæ: sed substantia & accidens sunt duæ species entis, vel genera, quia de hoc non est vis: ergo quibus differunt substantia & accidens, eisdem differunt differentiæ ipsorum: sed substantia & accidens differunt per se, & per esse in alio: ergo & differentiæ eorum: ergo esse in alio non potest esse per se, ut videtur, cum non sit substantia, & hoc est impossibile, ut iam probatum est: ergo accidens non potest separari à subiecto.

HOC ETIAM alia via multipliciter probari potest, scilicet per operationem accidentium: duo enim enim sunt in calore, scilicet essentia caloris, & operatio, scilicet calefacere: constat autem, quod calefaciendi operatio non conuenit calori per se sine subiecto existenti: quod probatur per hoc quod dicit Philosophus, quod non agunt ad se inuicem nisi communicantia secundum naturam. Et hoc idem Boëtius dicit in lib. de duabus naturis in vna persona Christi. Cum igitur operatio accidentium expresse inueniatur in sacramento, videtur quod ibi accidentia non sint sine subiecto.

2 Item, Ad hoc quod color agat in visum, oportet quod sit actus lucidi, & lux incorporata in ipso quæ abstrahit ipsum: sed si non sit corpus in quo sit color, non erit lux incorporata abstrahens colorem: ergo non erit color visibilis: sed in sacramento est color visibilis: ergo est ibi corpus cui lux abstrahens ipsum incorporatur: ergo non est sine subiecto ibi.

3 Item, Dicit Philosophus in primo de anima, quod recto in quantum rectum est, multa accidunt, ut tangere æneam spheram in puncto: sed tamen nunquam tanget hoc separatum rectum: ergo ad hoc quod accidens habeat operationem quæ per se ei conuenit, oportet quod sit in subiecto: sed accidentia in sacramento habent operationem propriam siue conuenientem proprie: non ergo sunt ibi sine subiecto.

4 Item, Dicit Philosophus, quod sensus sit susceptivus specierum sensibilium materia præ-



sente : ergo si materia non est præsens , nec suscipit eas , nec illæ agent in sensum : sed species agunt in sensum : ergo sunt in aliqua materia , ut videtur.

5 Item , Sensus proprie differunt : quia quidam apprehendunt de longe , quidam nihil nisi speciem in materia , ut visus de longe , tactus autem speciem in materia accipit , & gustus secundum quod est quidam tactus : sed quod est in sacramento , immutat & gustum & tactum : ergo est ibi species in materia.

6 Item , Dicit Philosophus , quod tactus non nisi corporum est : ergo quod tangitur in sacramento , est corpus : non ergo est accidens sine subiecto.

7 Item , In hoc distinguuntur sensus apprehensui de foris & deintus , quod interiores accipiunt species sine materia , de foris autem non nisi materia præsentem : ergo quicquid accipitur à sensu qui est vis apprehensiva de foris , est species in materia : ergo cum accipiat id quod in sacramento apparet , ipsum erit species in materia existens : non ergo est ibi accidens sine materia.

TERTIA via obiicitur adhuc per putrefactionem ipsarum specierum ad ea quæ generantur ex putrefactione earum specierum : constat enim quia putrefactis illis quæ apparent in sacramento quæcunque etiam illa sint , generantur inde vermes : vermis autem ex accidente puro materialiter generari non potest : ergo oportet aliquam substantiam ibi ponere , quæ putrefacta conuertatur in vermem.

2 Item , Putrefactio corruptio est , constat autem , quod generatio & corruptio fiunt à causis contrariis : ergo non generatur nec corrumpitur , nisi secundum suam mutationem susceptibile est contrariorum : hoc autem proprium est solius substantiæ , ut dicit Philosophus in prædicamentis : ergo accidentis non est generari & corrumpi , ut videtur.

3 Item , In lib. de sex principiis dicit Porretanus de forma accidentali , quod forma est compositioni contingens , simplici & inuariabili essentia consistens : constat autem , quod hoc quod est inuariabile , nec putrefit , nec corrumpitur : ergo si accidentia sunt ibi sine subiecto , accidentia nec putrescunt nec corrumpuntur : quod est contra visum , quia nos videmus ea corrumpi : ergo non sunt ibi sine subiecto.

4 Si forte tu dicas , quod Deus corrumpit ea : hoc ridiculosum est : quia Deus est causa existentia rerum : & si destruit , quod construit , secundum Apostolum Galat. 2. præuicatore se constituit. Ergo Deus non est causa : sed potius hoc accidit ex subiecto in quo sunt , ut videtur.

*Sed contra.*

SED CONTRA hæc omnia disputatur sic. Accidens denominat substantiam in qua est : sed accidentia non denominant corpus Christi , quia corpus Christi non est album , vel rotundum : nec substantiam panis , quia illa transsubstantiata est in corpus Christi : ergo non denominant aliquam substantiam : ergo sunt ibi sine subiecto , ut videtur.

2 Item , In decreto dist. prima de consecratione omnia verba Ambrosij dicunt , quod sunt ibi sine subiecto. Item , Hoc dicitur hic in litera. Ergo ita est.

3 Item , Nos videmus , quod in hoc sacramento omnia quæ sunt in eo , accipiunt statum altiorum : transit enim corpus inanimatum in animatum , & non gloriosum in gloriosum , & non diuinum in diuinum : ergo & accidentia altiorum statum debent accipere : non autem altiorum accipiunt nisi secundum quod sunt sine subiecto : ergo in sacramento sunt sine subiecto.

4 Item , Accidentia manent , ut ducant in aliud sicut signa sacramentalia : sed si manet propria substantia accidentium , non ducunt nisi in illam substantiam subiecti : ergo non ducunt in refectionem spiritualem corporis Christi , & sic euanesceret usus signorum in sacramento : cum igitur hoc sit inconueniens , oportet quod in sacramento sint sine subiecto.

5 Item , Nos videmus , quod ea quæ sunt supra rationem , sicut articuli fidei , non possunt probari nisi per aliud quod est supra rationem , sicut articuli probati sunt per operationem miraculorum. Cum igitur multa in hoc sacramento quod & dicitur sacramentum fidei , sint supra rationem , videtur quod congruentia exigit , quod aliquid sit in ipso subiectum sensui , quod sit supra rationem : hoc autem non potest esse nisi quod accidentia sensibilia sint ibi sine subiecto : ergo accidentia debuerunt in hoc sacramento sine subiecto remanere.

6 Item , Non videtur esse impedimentum ex parte operationis specierum accidentalium in sensu : quia si alicui conuenit aliquid per se , etiam separatim conuenit illi , sicut triangulo habere tres angulos æquales duobus rectis , &c. sed immutatio sensuum conuenit sensibilibus per se : ergo etiam sensibilibus separatim conuenit : ergo licet sint sine subiecto , tamen immutant sensum , & agunt in ipsum.

7 Item , Sensus , ut dicit Commentator super lib. de anima , secundum esse spirituale suscipit sensibilia : sed separata magis sunt secundum esse spirituale , quam quando sunt in materia & subiecto : ergo magis susceptius est sensus sensibilibus separatorum , quam eorum quæ sunt in materia : ergo non est impedimentum quin illæ formæ sentiri possint , licet sint separatæ à subiecto.

8 Item , Ponamus , quod maneat forma in speculo , etiam non præsentem obiecto , & appposito aspiciente , adhuc videbitur forma illa : & tamen non est in materia : ergo forma sine materia bene potest sensum immutare.

9 Item , Quod in tertia via obiicitur , videtur nullum præstare impedimentum : sicut enim iam habitum est , quod alicui per se conuenit , semper ei conuenit : formæ autem illæ per se corruptibiles sunt : ergo etiam ipsæ existentes sine subiecto corruptibiles erunt.

10 Item , Omni aspicienti patet ad sensum , quod corrumpuntur : & probo , quod non per miraculum : quia dicunt Anselmus & Chrysost. quod ea quæ miraculose fiunt , fiunt sola diuina voluntate : constat autem , quod voluntas diuina quæ eas produxit , non corrumpit eas : ergo per naturam corrumpuntur : ergo corruptio accidit eis separatim , sicut coniunctis in materia.

11 Item , Supra satis probatum est , quod subiectum commune contrariorum , non confert eis



eis principium agendi & virtutem, sed tantum sustinet: ergo si sustineretur sine subiecto, pugnant contraria, & destruerent se mutuo: ergo formæ illæ manentes sine subiecto, naturaliter possunt destitui & corrumpi, sicut quando sunt in subiecto.

12 Item, Superinfundatur vinum diuidens species illas: constat, quod diuisio corrumpit: ergo corrumpi possunt species illæ: & idem sequitur de diuisione panis: sed constat, quod speciebus illis non manentibus, non manet ibi corpus Christi: ergo species corrumpuntur naturaliter, & tunc non est ibi corpus Christi.

13 Si forte tu dicas, quod in infinitum diuisibilis est species panis & species vini, eo quod species sunt homogeniorum: illud stultum est: quia diuidi in infinitum non est passio nisi continui, & non panis, vel carnis, vel vini: ergo tantum potest diuidi species vini quod non erit species vini, & species panis quod non erit species panis: ergo etiam naturaliter potest corrumpi, licet per se existat.

*Solutio.* SOLVITIO. Dicendum, quod accidentia manent ibi sine subiecto, sicut probant vltimæ rationes: & de hoc consueverunt à Magistris quatuor rationes assignari: quarum prima est, vt, scilicet non existente ibi substantia quæ proprium est subiectum illarum specierum, humana mens ad aliam spirituales escam rapiatur ex accidentium significatione, in corporalibus spiritualia intelligens, sicut & in aliis sacramentis. Vnde Ambr. In isto sacramento quod est corpus non est corporalis esca, sed spiritualis. Secunda ratio, vt ostendatur totum esse fidei quod in sacramento est, & nihil naturæ. Vnde Hugo de sancto Victo. Diuina sapientia carnem Christi sub corporalis edulij specie velauit, & sic sumendam proposuit, vt sensus foueretur in vno, & fides in alio. Tertia ratio est assuefactio hominum ad credendum supernaturalia, cum videant oculis suis accidentia quæ nullum subiectum afficiunt, vt dicit hic Magister in litera. Quarta ratio est ordinatio completa eorum quæ sunt in sacramento, & hæc tacta fuit in obiciendo: quia cum omnia inferiora huius sacramenti altiorem statum accipiant, conueniens fuit vt etiam signa accidentalia qualitatibus acciperent statum altiorem in hoc quod sine subiecto ibi ad obsequium sacramenti remanerent. Et his habitis respondendum est obiectis per ordinem, tenendo quidem fidem, sed Philosophiam non sequentes nisi quantum possumus salua fide.

DICENDUM ergo videtur ad primum, quod illa accidentia duplicia sunt, scilicet qualitates sensibiles quæ sunt obiecta propriorum sensuum: & quantitas, & figura, quæ sunt obiecta sensus communis: & non ex æquo se habent ad subiectum: sed secundum ordinem naturæ quantitas proximior est subiecto, quam qualitas. Item, Inter qualitates illæ quæ sunt obiecta tactus, causæ sunt aliarum, & immediate sequuntur complexionem qualitatibus tactus, vt qualitates gustus, quia ille est quidam tactus: & quia saporis signa sunt odores, ideo odor proximior est subiecto, quam color. Et per hunc modum dicendum videtur, quod continens colorem est quantitas, & causans ipsum complexio qualitatibus tactus: vnde non causatur ibi nec continetur virtute diuina solum, sed etiam per naturam, vt iam dictum est. Et idem dicen-

*D. Alb. Mag. in Lib. 4. Sentent.*

dum videtur de odore & sapore. Sed obiecta tactus continentur quidem quantitate: sed secundum causam non possunt causari ab aliis qualitatibus. Figura etiam cum sit qualitas circa quantitatem dicta, vt dicit Philosophus, est in quantitate vt in subiecto: eo quod ipsa est terminatiua quantitatis, sicut ex definitione eius accipitur in primo Euclid. vbi dicitur, quod figura est superficies vna vel pluribus lineis contenta. Sed de quantitate non videtur mihi, quod secundum naturam possit esse sine subiecto nisi virtute diuina contineatur: licet enim quantitas sit ante corpus naturale, non tamen est ante compositum ex partibus substantiæ quæ sunt forma & materia, quale compositum considerat Metaphysicus: eo quod probatur in libro de substantia orbis, quod materia primo susceptibilis est formæ substantialis, eo quod illa sola finit eam: & ideo etiam non diuiditur forma substantialis diuisione subiecti: quia non est maior in maiori parte subiecti, & minor in minori: omnis autem forma quæ suscipitur à subiecto secundum ordinem naturæ post quantitatem, diuiditur per accidens, & maior est in maiore, & minor in minori. Vnde dico, quod quantitas est forma, & non materiæ, sed compositi ex materia & forma. Sed quod materia & forma sint partes substantiæ, quod est ens primum, quod separatum à quantitate & motu considerat primus Philosophus, hoc iam alias satis plane probatum est à Philosophis. Sed tamen quia quidam in illa questione huic contradixerunt, ideo hic posita sunt ista. Ad objectionem autem dicendum, quod esse nunquam separatur ab ente: sed esse est actus entis, & actus essentia: vnde si essentiam secundum se accipimus, secundum intellectum adhuc essentia est. Et ita dico hic, quod quantitas est esse essentia, & non esse quantitatis alicuius quod ipsa informet, vt subiectum in quo est: & hoc contingit virtute diuina hoc operante ad congruentiam sacramenti.

AD ALIUD dicendum, quod bene potest fieri id quod iam dictum est: quia sicut habitum est, esse quod habet accidens in subiecto, est quasi esse entis compositi: sed esse quo essentia est id quod est, intelligitur in accidente secundum se: & de hoc non intelligit Philosophus, quod eius esse est inesse, sed potius hoc constituitur ex principiis suæ essentia & suæ quidditatis: sicut ipse Philosophus dicit, quod si quis cubitali magnitudine posita, dixerit id quod positum est, quantum esse, quid dicit, & quantum significat, & hoc non est separabile ab ipso, ita quod ipsum remaneat: sed id quod habet in subiecto, separabile est potestate Creatoris.

AD ALIUD dicendum, quod ex ordinatione sapientia diuina est, quod accidens non sit sine subiecto secundum causas seminales naturales quas prius conditor inseruit, vt dicit August. sed præter has causas etiam Dominus inseruit primis creatis potestatem obedientia ad id quod Creator veller ad fidei demonstrationem: sed in hoc sibi non contrariatur, si vtrique pro tempore explicat prout voluerit, vt dicit Augustinus.

AD ALIUD dicendum, quod accidens nec tantum causatur à principiis substantia in esse, nec tantum continetur ab eisdem, sed à virtute diuina: vnde etiam secundum esse subtracta substantia subiecti,



subiecti, potest teneri, eo quod virtus diuina non dependet ad subiectum continens & causans, sed potius è conuerso, cum sicut iam paruit, non secundum omne esse causatur accidens à principiis subiecti, quia secundum esse suæ essentia: sine diffinitiuum, non dependet à principiis sui subiecti, sed potius ab his quæ ingrediuntur ipsius diffinitionem.

Vide D.  
Th. hic  
dist. 2.  
q. 1. a. 1.  
ad 4.

AD ALIVD dicendum, quòd hic diuersimodè respondetur, & ego nulli præiudico: quidam enim dicunt, quòd in transitu illarum specierum in alia redit substantia prima illarum specierum. Quidam autem alij dicunt, quòd sicut species sunt ibi sine subiecto quasi in actu substantia:, ita in nutriendo habent actum substantia:. Et vtrunque potest satis congrue dici.

AD ALIVD dicendum, quòd accidens hic non mutatur in substantiam: & hoc supponit obiectio, & ideo non valet.

AD ALIVD dicendum, quòd in omnibus accidentibus saluatur satis informatio præterquàm in quantitate, vt patet ex prædictis, sed in quantitate non potest meo iudicio dici proprie quantum per denominationem, nisi hoc modo quo prima denominant seipsa, sicut vnitas seipsa est vna. Et August. in lib. de Trinit. dicit, quòd albedo seipsa est alba: licet Philosophus in alio sensu videatur negare hoc: cum enim denominare sit formæ accidentalis, & non substantialis, vt habetur ex principio prædicamentorum: & quantitas sit prima forma accidentalis, ipsa erit prima denominans: & cum ipsa sit loco subiecti aliarum specierum quæ ibi apparent, erit ipsa denominata ab aliis, & denominans seipsam: & ideo quantum quod videtur ibi, est quantitas ipsa, vt mihi videtur.

AD ALIVD dicendum, quòd verum est, quòd diffinitio non separatur à diffinito: sed duplex est diffinitio accidentis, scilicet secundum esse quòd habet in subiecto: & sic dantur illæ diffinitiones quæ continentur in topicis, scilicet quòd accidens est quòd contingit eidè inesse, & non inesse: & istæ conueniunt accidenti secundum suum nomen: quia accidens est dictum quasi ad aliud cadens. Sed secundum essentiam accidentis dantur aliæ diffinitiones ex genere & differentia accidentis, secundum quòd accidens est absolute intellectum in sua essentia: & illa diffinitio non separatur ab ipso, ita quòd ipsum remaneat, vt dictum est: obiectio autem procedit ac si accidens non habeat esse diffinitiuum nisi in subiecto, & hoc non est verum.

PER IDEM etiam patet solutio ad sequens: quia animal & bipes sunt de diffinitione hominis & aliter inesse est de diffinitione accidentis: quia animal & bipes constituunt essentiam hominis, sed inesse non dat essentiam accidenti, sed tantum esse quòd habet in subiecto, & illo abstracto adhuc remanet essentia accidentis, aliquo contenti ad vsum sacramenti.

AD ALIVD dicendum, quòd hoc soluendum est, vt Magister supra dixit, per tropum quo solent signantes & continentes rerum sortiri vocabula quæ signantur & continentur: & hic tropus est metonymia dictus à Donato. Vnde ponit ibi Damasc. panem pro specie panis.

AD ALIVD dicendum, quòd illa proportionatio hic non valet: quia sicut se habet album

ad superficiem, ita superficies ad subiectum: quia superficies hic continetur virtute diuina ad vsum sacramenti, eo quòd superficies in hoc conuenit cum natura subiecti, quòd ipsa est subiectum qualitarum quæ per eam insunt subiecto: vnde superficies & quantitati quæ secundum aliquid conuenit cum subiecto, scilicet in suscipiendo qualitates quasdam, datur ad vsum sacramenti in toto cum subiecto conuenire, scilicet quantum ad eius per se existere sine subiecto.

AD ALIVD dicendum, quòd hæc propositio, non erit ens per accidens nisi sit ens per se, non sic intelligitur, quòd essentia accidentis non sit nisi sit essentia subiecti in quo fundetur: quia hoc falsum est, cum expresse dicat Auicenna, quòd accidens est cuius esse est absolute intellectus, & est dependens ad subiectum: sed intelligitur, quòd omne per accidens reducitur ad aliquid per se, quòd est ante illud, & hoc verum est: & hoc modo nihil valet ad propositum concludendum.

AD ALIVD dicendum, quòd bene concedo hoc quòd absurdum est dicere, quòd accidens mutatur in substantiam. Vnde ea quæ contra hoc obiecta sunt, videntur esse concedenda.

AD ALIVD dicendum, quòd scilicet vltimum est in prima via obiciendi, quòd accidens & substantia non differunt tantum in modis essendi per se & in alio, sed etiam in suis essentis: vnde licet post transubstantiationem substantia: quæ est materia sacramenti, sit accidens subiecti sine subiecto per se: adhuc tamen differt à substantia propria essentia accidentalis naturæ per se, scilicet quòd ipsam in natura sua est accidens.

AD HOC autem quòd obicitur per secundam viam, dicendum, quòd hoc nihil valet: quia Philosophus non dicit nisi de operatione illa in qua transmutatur vnum in aliud quæ abiicit à subiecto, & non de quacunque operatione: quia Philosophus non considerat accidens nisi causatum & contentum in esse à subiecto: eo quòd ipse per rationem à principiis naturalibus rei sumptâ, aliud investigare non potest: ideo dicit, quòd non agit sine subiecto: sed vbi continetur virtute superiori ad opus diuinum in sacramento demonstrandum, nihil prohibet etiam remanere suam operationem.

AD ALIVD dicendum, quòd sicut Philosophus dicit, Pithagoras appellauit colorem epiphanium, eo quòd apparet in superficie: vnde lux intelligitur incorporari, quando facit colorem actu immutatum visus. Et quòd dicit Philosophus in lib. de sensu & sensato, quòd color est extremitas perspicui in corpore determinato, intelligitur sic, quòd ad determinatum corpus sit reflectio lucis: ideo extremitas perspicui lucidi ibi magis lucet, & ideo magis facit colorem actu in extremitate quam alibi: & ideo etiam, quia lux non tantum ibi abstrahit colorem, sed reflectit ad visum: & ad omnia illa sufficit superficies quantitatis dum per se maneat, & ideo nihil impedit hoc quin accidentia immutent visum.

AD ALIVD dicendum, quòd Philosophus in primo de generatione & corruptione dicit, quòd etiam tactus est metaphysicus: & ideo quòd separatum rectum non tangit æneam sphaeram, hoc est ideo, quia ænea sphaera est corpus naturale, & habet



habet esse in materia ex parte æris in quo est : & rectum non inquantum rectum est : sed si esset in natura rectum inquantum rectum , ita tangeret, sicut tangit rectum ligneum vel cupreum: illa autem accidentia sunt, & ideo agere possunt.

AD ALIVD dicendum , quod præsentem materiam suscipit , hoc ideo est , quia suscipit speciem existentem in materia: sed si esset sine materia, sine materia susciperet eam : unde hoc accidit sensui, quod non suscipit speciem nisi præsentem materiam, & nihilominus susciperet eam, si esset sensibile sine materia.

AD ALIVD & sequens est una solutio per ea quæ ante dicta sunt, scilicet quod est ibi tactus physicus quoad qualitates immutantes tactum, & metaphysicus quoad quantitatem : & quod non est ibi substantia, hoc non impedit tactum : quia substantia secundum quod substantia nullo sensu sensibilis est: & quod exigitur in aliis, hoc est ideo, quia tangibilia non habent esse sine subiecto sicut hic.

AD VLTIMUM patet solutio per ea quæ ante dicta sunt in solutione præcedentis immediate argumenti.

AD ID quod obiicitur per tertiam viam, gravius est soluere : dicendum tamen mihi videtur, quod illæ species putrescunt illo modo quo supra in questione propria de hoc determinatum est in 15. quæst. huius distinctionis. Et bene mihi videtur, quod vermes vel alia quædam possunt ge-

nerari ex putrefactione altero duorum modorum, scilicet quod aut substantia redeat, & illa sit materia ex putrefactione generati: aut si non redit: quia tunc ex mutua actione & passione illarum specierum in circumstantia corpora, aliquid de circumstantibus corporibus abiiciatur, & ex corruptione illa materialiter vermes generantur. Quidam autem dicunt, quod nihil unquam generatur ex tali putrefactione : sed hoc est contra hoc quod frequenter videmus, præcipue si in magna quantitate consecraremus.

AD ALIVD dicendum mihi videtur, quod sicut quantitas in hoc convenit cum substantia, quod ipsa est subiectum quorundam accidentium, ita etiam convenit cum proprietate substantiæ, quod ipsa secundum sui mutationem recipit contraria: non tamen est substantia: quia hoc non convenit ei per se & primo, sed per accidens, scilicet per substantiam tenentem eam in esse: & hic est ex eo quod virtute diuina loco subiecti in esse continetur, & ideo naturaliter corrumpuntur corruptione contrarij.

AD ALIVD dicendum , quod Porretanus absque dubio ibi loquitur de forma accidentali, & loquitur de illa secundum quod ipsa est essentia abstracta ab hoc & ab illo, & non secundum quod habet esse in natura per subiectum continens, vel per diuinam virtutem ad usum sacramenti: & ideo non est in tali esse corruptibilis.

AD ALIA obiecta de plano mihi videtur esse concedendum.




## DISTINCTIO XIII.

### *Defractione & partibus.*



**S**OLET etiam quæri de fractione & partitione quæ ibi videtur fieri, utrum vera sit? Et si ibi vera fractio est, cuius rei sit, vel in qua re fiat? Cunque non sit ibi alia substantia quam Christi, si in aliqua substantia est illa fractio, in corpore Christi videtur esse. Sed econtra cum ipsum corpus incorruptibile sit (quia immortale & impassibile) in ipso non posse esse videtur. Nam & Christus redarguit carnalem sensum discipulorum, qui putabant carnem Christi sicut aliam in partes diuidendam, & moribus dilacerandam. Ideo quibusdam placet, quod non sit ibi fractio sicut videtur: sed dicitur frangi, quia videtur frangi. Quibus obiicitur quod ait Ambrosius. Nihil falsi putandum est in sacrificio veritatis: vel sicut fit in magorum prestigiis, ubi delusione quadam falluntur oculi, ut videant esse quod non est. Ad hoc illi dicunt, Non fallit nos visus, nec fallitur: quod esset, si crederetur ita frangi, ut videtur. Nec illusio est: quia ad utilitatem fidei, non ad deceptionem ita fit, sicut & Christus ostendit duobus discipulis in via in specie peregrini: nec in eo tamen talis forma erat, sed oculi eorum tenebantur ne eum agnoscerent. Ioan. 6. Luc. vi.





## DIVISIO TEXTVS.



Olet etiam quæri de fractione, &c.] Hæc distinctio diuiditur in duas partes, in quarum prima Magister primo mouet quæstionem, quid frangatur in sacramento, & soluit secundum quatuor opiniones. In secunda autem tangit partium significationem *ibi* [Quid autem partes illæ significant] Adhuc prima diuiditur in quatuor secundum quatuor opiniones in litera tactas. Et secunda incipit *ibi* [Alij vero dicunt] Tertia *ibi* [Alij tradunt corpus Christi] Quarta *ibi* [Sed quia corpus Christi incorruptibile] In prima autem quatuor continentur. Primo enim ponit rationem ad hoc quod corpus frangatur. Secundo rationem ad oppositum. Tertio elicit quorundam circa hoc opinionem falsam. Quarto obicit contra illam. Et hæc plane patent in litera.

## ARTICVLVS I.

*An possibile sit aliquid frangi in sacramento?*

Sed incidit hic quæstio, Vtrum possibile sit sibi aliquid frangi? Et videtur, quod non: quicquid enim non est actu secundum se, hoc non frangitur: sed accidens non est actu secundum se: ergo non frangitur secundum se: necesse est ergo, quod corpus Christi frangatur in se: sed hoc est impossibile: ergo nihil ibi frangitur.

2 Item, Fractio sonat diuisionem violentam: violenta autem diuisio nequaquam est nisi in substantia: sed nulla substantia est ibi frangibilis: ergo non est ibi fractio nisi secundum phantasmam.

3 Item, Quantitas diuisibilis quidem est, sed non est diuisibilis nisi in alio fundata: hæc autem non est in alio fundata: ergo non est diuisibilis.

4 Item, Quantitatem non est accipere nisi dupliciter, scilicet secundum se, & secundum esse: secundum se autem accepta non est nisi in anima, scilicet in imaginatione vel intellectu: sed secundum esse est in rebus naturalibus: aut igitur fractio conuenit ei secundum quod est in abstractione & in anima, aut secundum quod est in esse. Constat, quod non primo modo: quia secundum quod est in anima non est quantitas, sed intentio quantitatis quæ in anima non est nisi per esse spirituale, & sic non est diuisibilis: ergo si frangitur, fractio conuenit ei per esse quod habet in rebus naturalibus: sed in sacramento non est in aliqua re naturali: ergo ei non conuenit ibi fractio.

5 Item, Generatio omnis per prius conuenit substantiæ, & alia non habent generationem nisi per hoc quod sunt substantiæ, vel in substantia: ergo & corruptio omnis prius erit substantiæ, & alia non corrumpuntur nisi in quantum sunt substantiæ vel in substantia: sed fractio est corru-

prio quædam: ergo est substantiæ, vel alicuius quod est in substantia: sed nulla substantia est ibi corruptibilis, nec aliquod ens in substantia: ergo non est ibi simpliciter fractio, sed apparentia fractionis.

6 Item, In omni diuisione quantitatis in qua vera diuisio est, pars subiecti mensuratur parte vna quantitatis, & alia pars alia: ergo si hæc vera diuisio quantitatis est, vna pars subiecti alicuius mensuratur parte vna, & alia pars alia: sed hoc non est verum: ergo non est hæc vera diuisio vel fractio quantitatis: ergo phantastica, vt dicit prima opinio in litera dicta.

7 Item, Vt dicit Philosophus in primo cæli & mundi. Continuum diuiditur in infinitum: hoc autem cum sit passio continui secundum quod continuum, non conuenit corpori physico secundum quod huiusmodi: ergo panis non erit diuisibile in infinitum. Inde procedo sic: Quicquid diuiditur diuisione corrumpente speciem, non diuiditur diuisione quantitatis continuæ tantum, sed diuisione corporis physici vel artificiat: sacramentum autem cum frangitur, sic diuiditur: ergo non diuiditur diuisione quantitatis continuæ tantum, sed diuisione corporis physici vel artificiat. Prima probata est. Secunda sic probatur. Multiplicentur enim fractiones: constat autem, quod quandoque ibi erunt non species panis: ergo constat propositum: sed nullum corpus physicum vel artificiale ibi frangitur: ergo non est ibi vera fractio, sed visa tantum.

8 Item, Non videtur esse aliqua causa quam Magister assignat contra hanc opinionem ex verbis Ambrosij, scilicet quod nihil falsi debeat esse in sacramento veritatis, sicut in magorum præstigiis. Primo: quia sicut dicitur in litera, quod visa fractio ad rem non refertur, & ideo nihil ibi decipit vel decipitur. Secundo: quia dicit Aristot. quod abstrahentium non est mendacium, eo quod abstractionem ad rem non referunt: ergo nec hic apparentis diuisionis erit mendacium, eo quod ad rem non referatur.

9 Item, Fractione facta videntur ibi esse plura: & tamen constat, quod ibi non est nisi vnum, scilicet Christus: ergo videtur, vt non est, & tamen non dicimus esse præstigium vel falsitatem: ergo à simili etiam si dicatur ibi visa fractio esse & tamen non existens, non propter hoc erit ibi falsitas vel præstigium.

10 Item, Accidentia videntur in aliquo esse, & tamen in nullo sunt, vt prius habitum est: si ergo propter hoc non dicitur falsitas esse in sacramento, nec propter ista debet aliqua falsitas dici in sacramento.

SED CONTRA: Dicit Aristot. primo physicorum, quod si sola substantia est, ipsa est indiuisibilis: ergo substantia non primo diuisibilis est, sed quantitas: sed in sacramento est quantitas per se, vt prius ostensum est: ergo aliquid ibi diuiditur per se & proprie: fractio autem quædam diuisio est: ergo aliquid ibi frangitur per se & proprie.

2 Item, Cuiuscunque est accipere partes secundum se, illud secundum se est frangibile: sed partes quantitatis continuæ accipiuntur in sacramento secundum se: ergo videtur, quod sit frangibile secundum se.

3 Item, In textu Euangelij dicitur, quod accepit

Sed contra.



cepit panem, & benedixit, & fregit, & dixit, Hoc est corpus meum. Ergo verissime fractum est: ergo & verissima fuit fractio.

4 Item, Quod secundum pluralitatem partium refertur ad plura signanda, necesse est plures habere partes, si verum signum esse debeat: sic autem refertur sacramentum secundum suas partes ad viuos, & eos qui in purgatorio, & beatos: ergo necesse est quod in veritate plures habeat partes: constat autem, quod non est in vno sacramento plures accipere partes, nisi per fractionem: ergo necesse est verissimam ibi esse fractionem.

5 Item, Præstigia sunt quæ non in re, sed in oculis sunt tantum intuentium: si ergo hæc fractio non est in re, sed tantum in oculis intuentium tantum, tunc præstigium erit, & non sacramentum: hoc autem inconueniens est: ergo nulla fractio ibi est, nisi in re aliqua.

6 Item, Mathematicus si accipiat diuisionem secundum actum, nunquam potest eam ad rem non referre: ergo similiter erit in sacramento: sed in sacramento non accipitur fractio vel diuisio imaginatiua vel intellecta tantum, sed secundum actum: ergo refertur ad rem: ergo aliquid ibi frangitur realiter & in veritate.

7 Item, Quicquid sit de diuisione, fractio sonat violentiam: sed violentia non fit nisi in rebus: ergo fractio non fit nisi in rebus: ergo fractio non fit nisi secundum rem: non ergo solum est visa in sacramento, sed in veritate existens.

8 Item, Si non esset nisi visa fractio, ad fractionem non oporteret esse nisi actum animæ, & non corporis: sed in sacramento necesse est adhiberi actum corporalem, scilicet descriptionem per impulsus digitorum vel vnguium: ergo non est fractio solum imaginaria, sed realis & in veritate.

*Solutio.*

SOLVTIO. Dicendum, quod in veritate realis est fractio in sacramento, sicut dicit vltima opinio quæ sola liquide veritatem fidei tenet.

AD PRIMVM autem quod obiicitur dicendum, quod accidens quod est quantitas, est ibi secundum se: secundum se autem esse, est esse sine subiecto, vt prius dictum est, hoc est, non secundum esse naturale, sed virtute diuina continente species ad vsum sacramenti & fidei. Vnde cum sic virtute diuina teneatur, frangi secundum se & diuidi potest.

AD ALIVD dicendum, quod per accidens fit hoc quod nulla diuisio violenta fit nisi in substantia, scilicet quia quantitas non est secundum esse naturale nisi in substantia: nihilo minus tamen si esset secundum se, diuideretur: in sacramento autem est secundum se, vt habitum est, & ideo ibi frangi potest & violenter diuidi.

AD ALIVD similiter dicendum, quod aliter est hic, & aliter in naturalibus est: quia hic operatur virtus diuina secundum exigentiam significationis sacramenti, & ideo continet hic quantitatem sine subiecto.

AD ALIVD dicendum, quod quantitas aliter accipitur secundum quod est accidens rei naturalis in cuius diffinitione cadit materia sensibilis, & aliter secundum quod virtute diuina refertur ad vsum sacramenti. Et primo quidem modo procedit obiectio inducta, secundo autem modo non.

AD ALIVD dicendum, quod diuisio hæc est corruptio quædam: & bene concedo hoc quod naturaliter corrumpitur forma panis accidentalis: & hoc qualiter fiat, in præcedenti distinctione habitum est & determinatum.

AD ALIVD dicendum, quod hoc verum est vbi quantitas manet secundum esse naturale: iam autem habitum est, quod in sacramento est sine subiecto.

AD ALIVD dicendum, quod bene videtur mihi concedendum esse, quod tantum posset multiplicari diuisio, quod corrumpentur species panis accidentales quæ manent ibi: & ideo non est omnino fractio mathematicæ quantitatis quæ fit ibi, nec etiam naturalis proprie, sed eius cui conuenit fractio naturalis propter hoc quod virtute diuina continetur in esse.

AD ALIVD quod obiicitur contra causam quam Magister assignat, quare non valeat opinio ex verbis Ambrosij, dicendum quod optime obiicitur: quia opinio nulla est. Ad id autem quod obiicitur, dicendum quod impossibile est eam diuisionem quæ actu fit, ad rem non referre: quia diuisio nulla est nisi in re actuali: & ideo illi nihil dicunt. Ad hoc quod obiicitur de mathematicis, dicendum quod non est simile: quia in mathematicis passio probata conuenit quanto secundum se, licet non conueniat huic quanto vel illi: hic autem consideratur diuisio non vt conuenit quanto secundum se, sed potius huic secundum quod est aliquid hoc.

AD ALIVD dicendum, quod in veritate ibi sunt plura & plures partes, sed non plura sacramenta: quia numerus ille non ponitur circa formam sacramenti, sed potius circa species sacramentales.

AD ALIVD dicendum, quod accidentia videntur esse, & sensus particularis non est de substantia quæ subest accidentibus nisi per accidens: hic autem intellectus sacramenti cogit vt accipiantur sine subiecto. Vnde falsum est, quod ibi videantur in subiecto: sensus enim non est nisi de accidentibus: & intellectus accipit ea sine subiecto propter exigentiam sacramenti.

## ARTICVLVS II.

*An fractio prædicta sit in corpore Christi, aut in formis tantum?*

DEinde queritur de hoc quod dicit ibi [Sed contra, cum ipsum corpus incorruptibile sit, &c.] Videtur enim hoc nihil impedire fractionem: quia comestio magis corrumpit quam fractio: & tamen conceditur, quod corpus Christi comedatur: ergo etiam concedi debet, quod corpus Christi frangitur.

2 Item, De quocunque probatur species, & genus: sed quicquid comeditur, attritu dentium masticando frangitur: ergo si corpus Christi comeditur, corpus Christi frangitur.

3 Item, Hoc sacramentum est memoriale passionis: sed in passione veraciter fuit corpus Christi diuisum clavis & lancea: ergo fractum: ergo sacramentum non expresse representabit, nisi etiam in sacramento sic diuidatur: ergo fractio verissime est in corpore Christi.

4 Item,



4 Item, Alia quædam videmus impossibilia secundum naturam esse in sacramento: sicut vnum numero circumscriptionem corpus esse in diuersis locis, & accedens esse sine subiecto, corpus inanimatum grossum transsubstantiari in corpus animatum diuinum gloriosum, quæro ergo, Quare illa esse in sacramento conceduntur: sed non quod est incorruptibile simul frangatur.

*Solutio.*

**SOLVTIO.** Dicendum, quod absque dubio fractio non est in corpore Christi, sed potius in formis tantum.

**AD PRIMVM** autem dicendum, quod comestio multa importat, scilicet diuisionem cibi per dentes, & traiectionem in corpus, & digestionem, & incorporationem, siue vnionem. Et tamen passiuè conceditur, quod corpus Christi comeditur ratione illius quod est traicere in corpus, quia verum corpus Christi traicitur sub speciebus sacramenti in corpus nostrum: sed diuisio per dentes refertur ad speciem: digestio autem non est ibi: quia non cedit in secessum, & vnio siue incorporatio spiritualis passiuè conuenit comedenti, ut supra ostensum est, & ita patet quod comestio non ponit fractionem.

**AD ALIVD** patet solutio, quod comestio non est species fractionis ratione traiectionis in corpus, sed ratione attritionis per dentes, & illa non refertur ad corpus Christi.

**AD ALIVD** dicendum, quod passio representatur in sacramento secundum quod est effectiua redemptionis & solutiua pretij: & hoc patet ex ipso actu immolationis in quo offerimus sacramentum quod Christus pro nobis in ara crucis obtulit: non autem representantur particulares pænæ inflictæ, & ideo non esset conueniens diuidi corpus Christi.

**AD ALIVD** dicendum, quod contraria simul, vel ex quibus directe sequuntur opposita per affirmationem & negationem, nunquam ponuntur esse simul: quia hoc fieri non potest. Cum autem dicitur, quod est simul in pluribus locis, hoc dicitur ratione consecrationis quæ fit in pluribus locis, & ex hoc non sequitur aliquod oppositum illi: & sic de aliis inductis. Sed si concederetur frangi, cum frangi sit corrumpi quoddam, oporteret per locum à specie concedere, quod corrumpere: & per hoc quod est incorruptibile, haberet quod non corrumpitur: ergo simul corrumpere, & non corrumpere: quod est simul opposita per affirmationem & negationem esse vera, quod fieri non potest.

### ARTICVLVS III.

*An quando Christus ostendit se discipulis in via in specie peregrini, fecerit actum simulatorium siue illusorium?*

**D**Einde quæritur de hoc quod inducunt isti pro exemplo ibi [Sicut & Christus ostendit se duobus discipulis in via specie peregrini, &c.]

Videtur enim illusio fuisse: quod enim non est de essentia rei, non facit rem esse veram vel falsam in substantia sua: sed intentum ab agente non est de substantia actus vel facti sui, quia finis non est de re: ergo nec falsam facit rem, nec veram: ergo quod hoc fecit ad fidei vtilitatem, non fecit non simulatorium actum.

2 Item, Simulatio non perficitur in vno tantum, sed in duobus, scilicet vno ostendente quod non est, & in alio intelligente quantum est de ostensione simulationis: Euangelium autem expresse dicit quod finxit se longius ire, & discipuli putabant eum hoc velle: ergo fuit ibi perfecta illusio.

3 Item, Nihil agnoscitur sub specie quæ nullo modo est in ipso nisi per præstigium vel infirmitatem oculi intuentis: ergo quod non præstigiöse nec ab oculo infirmo videtur, sub propria videtur specie: sed oculi discipulorum non fuerunt infirmi, nec præstigiöse ligati: ergo species quam viderunt in Deo fuit species peregrini: sed constat, quod secundum veritatem peregrinus non fuit: ergo simulata ab ipso fuit species peregrini, & sic fuit ibi verissima illusio.

**SOLVTIO.** Dicendum, quod nulla illusio fuit ibi. Vnde dicendum est exemplum esse bonum: sed tamen id esse falsum ad quod confirmandum inducitur ab illa opinione.

**AD PRIMVM** autem dicendum, quod intentio facit non simulatorium agentem: sed duplex est intentum, scilicet in opere, & intantum per opus: intentum in opere fuit ostendere eis per similitudinem qualis fuit tunc in mentibus discipulorum, & quoad hoc verissime & non similitudinarie egit: quia nullus alius actus ita hoc demonstrat: intentum autem per opus non fuit in opere, sed consequens ipsum, scilicet confirmatio fidei discipulorum quoad articulum resurrectionis, & hoc est extra opus, & non facit opus verum, vel simulatorium, sed potius primum: sicut etiam nos non dicimus simulare Ezechielem, quando fecit perfodi domum, & latenter se exportari: quia in illo tempore demonstrauit, quod ita fugere haberent de domibus suis transmigrandi.

**AD ALIVD** dicendum, quod simulatio est etiam in vno in comparatione ad alterum: sed ita non fuit hic, sed potius instructio per actum quem propter discipulos exercuit: quia facilius est instructio quæ fit similitudine parabolarum & operum.

**AD ALIVD** dicendum, quod oculi discipulorum in veritate tenebantur, & tenens erat dubietas resurrectionis. Vnde Christus se eis in propria specie obiecit: & tamen propter impotentiam oculi non glorificati, non viderunt eum sub lumine gloriosi corporis, sed potius sub specie coloris: & dubietas resurrectionis fecit æstimare peregrinum, eo quod viderunt eum venientem de loco adorationis, scilicet Ierusalem. Vnde patet nullam ibi fuisse simulationem.

*Aliorum*



*Aliorum opinio.*

**A**LII vero dicunt, quod sicut ibi species panis est, & non est ibi res cuius vel in qua sit illa species: ita est ibi fractio quæ non fit in aliqua re, quia nihil ibi frangitur: quod mirabiliter Dei potentia fieri dicunt, ut ibi fiat fractio, ubi nihil frangitur.

ARTICVLVS III.

*An consecratione facta maneant omnia accidentia, & etiam soliditas mathematica secundum esse reale?*

**D**Einde quæritur de secunda opinione quæ incipit *ibi* [ Alij vero dicunt, quod est ibi species, & non est ibi res cuius vel in qua sit illa species, &c. ] Videtur enim falsum esse quod inducunt pro exemplo, scilicet quod sit ibi species, & non res aliqua cuius species sit illa: constat enim satis ex prius habitis, quod non intelligitur de specie substantiali, quia illa non manet post consecrationem, sed de accidentali quæ manet: aut ergo ibi manet quodlibet accidentale, vel aliquod. Si quodlibet: ergo etiam soliditas mathematica: ergo manet ibi corpus: ergo post consecrationem est ibi corpus illud quod est species: constat autem quod corpus Christi verum non est species illa, nec aliqua pars illarum specierum: ergo corpus Christi verum non est corpus illud quod manet in numero specierum: ergo post consecrationem manet aliquod corpus quod non est corpus Christi in sacramento altaris, quod in præcedenti distinctione negatum est in litera.

2 Item, Corpus quodcumque inuenitur sine aliquo, non est idem illi sine quo inuenitur: sed corpus quod est trina dimensio, in sacramento inuenitur sine corpore quod est panis ante consecrationem: ergo non est idem illi: ergo in sacramento sunt tria corpora, scilicet corpus panis, & corpus dimensionale, & corpus Christi: & hoc nemo dicit.

3 Item, Philosophus in 4. metaphysicæ in Boetij translatione obiiciens contra Platonem reliquit pro inconuenienti corpus mathematicum diuersum à naturali, & corpus naturale esse in eodem loco: ergo & hic hoc erit inconueniens: sed si manet ibi corpus mathematicum, & corpus naturale, duo corpora quorum vnum est mathematicum & alterum est naturale, sunt in eodem loco, quod inconueniens dicit esse Philosophus: ergo non est ibi corpus tale.

4 Item, Impossibile est eandem numero lineas esse duorum corporum: sed corpus transiens quod panis est, & corpus manens quod est mathematica soliditas, sunt duo corpora: ergo non eandem numero lineas erunt corporum illorum: constat autem, quod aliquæ lineas fuerunt quibus mensurabatur panis: ergo iam erunt in sacramento tria corpora quanta, scilicet panis, & id quod quantum videtur & rotundum post consecrationem, & corpus Christi: & hoc erit mirum ad quid sint ibi. Si propter hoc dicatur, quod species non

omnes manent in sacramento, hoc erit irrationabile, cum eadem ratio sit de vna specie accidentali manente & de alia. Præterea, Supra ostensum est, quod præcipue manet ibi quantitas ut fundamentum aliarum specierum: sed non est ratio quare longitudo maneat, & non latitudo, & profundum: ergo videtur, quod tota soliditas mathematica maneat. Item, Euclides in principio geometriæ dicit, quod corpus mathematicum est, quod longitudinem latitudinem & profunditatem habet: hoc autem videmus habere ipsam speciem manentem: ergo manet corpus mathematicum, & ita redit idem quod prius.

**SOLUTIO.** Dicendum, quod sicut in præcedenti opinione, ita & in ista exemplum verissimum est: sed tamen opinio per exemplum confirmata falsa est: & bene concedo, quod omnes species accidentales manent, & etiam soliditas mathematica manet ibi secundum esse reale, non in anima tantum secundum quod habet esse in abstractione.

**AD PRIMUM** ergo dicendum, quod ego non reputo inconueniens, quod post consecrationem in sacramento sint duo, quorum vtrumque sit corpus: sed tamen non proprie dicuntur duo corpora: quia corpus non per vnam rationem dicitur de naturali & mathematico, ut quidam dicunt. Sed tamen videtur mihi dicendum si proprie velimus loqui, quod sunt duo corpora, scilicet naturale, & mathematicum: quorum vnum per se & substantialiter corpus est: alterum autem non per se, sed per denominationem & mensuram ab illo, scilicet naturali: & talia duo corpora nihil prohibet esse in sacramento, & hoc non est negatum supra, sed quod non sunt ibi duo corpora naturalia constantia ex materia & forma quæ sunt partes physici corporis.

**AD ALIUD** dicendum, quod illa propositio est falsa, nisi intelligatur aliud esse quod est essentia alia, & alia: alia enim est essentia substantialis, & alia accidentis, si tamen accidens est essentia aliqua. Vnde si accidens maneret corrupto subiecto, denominaretur quantitas mathematica ab illo: sicut dicimus, quod videmus in altari & est figura alba, non erit hoc album à primo albo diuersum quod fuit panis, nisi sit alia essentia, sed subiecto est idem. Dicit enim Philosophus, quod vnum per accidens dicitur tripliciter, scilicet sicut accidens & subiectum, ut album, & hoc quocumque demonstrato, &c. sed verum est quod quæcumque per naturam separantur, illa sunt diuersa substantialiter: sed virtus diuina ad usum operans sacramenti, facit in sacramento quod est supra naturam, ut sæpius dictum est.

**AD ALIUD** dicendum, quod meo iudicio, duo corpora siue naturalia, siue mathematicalia, siue



sive quorum vnum est naturale & alterum mathematicum, dummodo duæ sint ibi quantitates, non possunt esse in eodem loco per naturam. Vnde dico sine præiudicio, quod corpus quidem est in veritate in sacramento, sed non sicut in loco, sed in signo: sed hoc infra patebit melius in hac eadem distinctione, in explanatione quartæ opinionis. Et ideo obiectio quæ supponebat quod ibi erant duo corpora ut in loco, supponebat falsum, & procedit ex falsis. Si autem obiciatur, quod ubicunque est corpus aliquod contentum in alio corpore per veritatem suæ naturæ & quantitatis, ibi est sicut in loco: dico quod hoc falsum est: sed hoc expediri sine longa disputatione non potest quam statim infra ponemus, Domino concedente.

AD ALIUD dicendum, quod sicut patuit prius, eadem numero lineæ fuerunt panis ut subiecti, quæ manent in formis sacramentalibus essentialiter: & ideo nunquam fuerunt ibi tria corpora, nec tria quorum quodlibet est corpus subiectum diuisum ab alio.

## ARTICVLVS V.

*An fractione facta maneat vnum sacramentum, sed plures sint ibi formæ?*

Sed adhuc quæritur de ista opinione quæ tangitur in litera ibi [Ita est ibi fractio quæ non fit in aliqua re, &c.] Videtur enim esse vera: ita enim videmus, quod in corpore quod potentia est duo, si diuidatur, fit actu duo & esse essentialiter prædicatur de ipso sicut duo secundum esse: ut linea actu diuisa est duæ lineæ, & duæ longitudines, & duæ quantitates: cuius igitur essentialiter principium secundum esse manet vnum, illud manet indiuisum: sed de speciebus essentialiter prædicatur sacramentum, & illud diuisione facta manet vnum: ergo diuisio illa non fuit in speciebus, nec in corpore Christi: ergo non est ibi diuisum.

Quod autem essentialiter prædicetur de iis speciebus, ex hoc accipitur, quod vnum cadit in diffinitione alterius, ut patuit in principio huius libri in litera. Item, Quod manet vnum sacramentum secundum actum, hoc patet ex suppositione omnium: quia per omnia quæ sunt in canone, non intendunt conficere nisi vnum sacramentum.

VLTERIVS quæritur, In quo differt hæc opinio à præcedenti? videtur autem, quod in nullo: quia præcedens dixit, quod videtur ibi fractio quæ non est, cum nihil frangatur: hæc autem videtur penitus secundum rem dicere idem: ergo videtur aut falsum dicere, vel superflua esse: quoniam vnum bis vel pro duobus refert.

AD HOC dicendum, quod vnum remanet sacramentum, & forma efficitur plures formæ per diuisionem. Proposito autem illa quæ inducta est, quod inferiori diuiso secundum esse, multiplicatur id quod de ipso prædicatur: intelligitur de iis quæ absolute insunt inferiori: sed si respectiue insunt, non est necessarium: ut si diuidatur album, erunt duo alba, sed tamen non duæ similitudines alborum ad tertium album, sed potius vna similitudo: quia relatio non accipit unitatem vel multitudinem ab eo in quo est, proprie in eo quod relatio est, sed potius ab eo ad quod est: & hoc patet ex diffinitione relatiuorum quæ secundum Philosophum sunt quæcunque hoc ipsum quod sunt, aliorum dicuntur. Vnde etiam relatio plus est ratio quam ens vel essentia: sed tamen habet aliquid entis vel aliquid essentiae. Ratio autem sacramenti in relatione est: & ideo trahit unitatem ab eo cuius est sicut rei interioris significatæ & causatæ.

AD ALIUD dicendum, quod hæc opinio differt à præhabita: quia illa ponebat, quod diuisio in veritate est in sacramento secundum quod est actus diuidentis, & non secundum quod est actus rei diuisæ: sed præcedens non dixit in sacramento esse diuisionem nisi secundum quod diuisio est apparens ad sensum, sed non existens in veritate rei.

*Aliorum opinio.*

**C**LI tradunt corpus Christi essentialiter frangi, & diuidi: & tamen integrum, & incorruptibile existere: quod se colligere asserunt ex confessione Berengarij qui confessus est coram Nicolao Papa & pluribus Episcopis, panem & vinum quæ in altari ponuntur, post consecrationem non solum sacramentum, sed etiam verum corpus & sanguinem Christi esse: & sensualiter non solum sub sacramento, sed in veritate manibus sacerdotum tractari & frangi, & fidelium dentibus atteri.

## ARTICVLVS VI.

*An opinio illa sit vera qua dicit corpus Christi essentialiter frangi, & diuidi: & tamen integrum, & incorruptibile manere?*

DEINDE quæritur de tertia opinione quam tangit ibi: [Alij tradunt corpus Christi es-

essentialiter] Hoc enim videtur competere sacramento: quia isti dicunt, quod cum omnia præcedentia in hoc sacramento sint supra naturam, aliquid etiam in fractione supra naturam esse debet: sed hoc esse non potest, nisi in hoc quod non frangibile frangatur, & tamen integrum maneat: ergo stabit opinio istorum. Quod autem in omnibus præcedentibus sit aliquid supra naturam, patet in conuerso, & in conuersione, & accidentium



tium mansione sine subiecto, & iterum in continentia ipsius sub tam paruis speciebus.

2 Item, In sacramento isto corpus inanimatum materiale aliquo modo contemperat se virtute verborum corpori animato, diuino, & glorioso: ergo etiam & è contrario aliquo modo debet corpus diuinum contemperari non glorioso corpori materiali: non autem potest sibi conformari, nisi frangatur: ergo videtur essentialiter frangi.

3 Item, Consuevit dici, quod in hoc sacramento se Dominus ostendit omnipotentem, qui hoc fecit quod ratio humana intelligere non potest, cum hoc precipue facere debeat in fractione in qua corpus aptatur partibus Ecclesiæ quæ sunt in gloria, vel mundo, vel inferno, id est, purgatorio: videtur quod maxime in hoc debeat aliquid facere supra intellectum: ergo frangitur corpus, & tamen manet indiuisum.

4 Item, Gregorius dicit, quod fides non habet meritum cui ratio humana præbet experimentum: ergo etiam in fractione aliquid esse conuenit quod remotum est ab humana ratione: sed quod frangantur species non est alienum à ratione: ergo debet frangi corpus, ut videtur.

*Sed contra.* SED CONTRA: Christus integer & totus pro singulis est oblatus: diuisio autem refertur ad partes Ecclesiæ: cum igitur pro singulis partibus totus sit oblatus, totus Christus debet manere in singulis partibus: ergo non debet frangi.

2 Item, Contradictoria simul verificari non possunt: sed corpus Christi frangi simul & non frangi sunt contradictoria & secundum idem: ergo simul verificari non possunt: ergo opinio est falsa.

*Solutio.* SOLVITIO. Dicendum, quod hæc opinio falsa est & non ponenda: quia, sicut rationibus probatum est, nec fidei congruit, nec cum ratione.

AD PRIMUM igitur dicendum, quod licet aliqua sint supra naturam: non tamen oportet, quod illud, quia sacramento non conuenit: quædam enim operantur ad esse sacramenti, quædam ad usum: & illa quæ sunt ad esse sacramenti, sunt supra naturam: quæ autem ad usum, non oportet esse supra naturam: & fractio ordinatur ad usum sacramenti, non ad esse, cuius signum est quod fractio fit propter triformes partes Ecclesiæ pro quibus sacramentum istud offertur, & non sicut aliquid quod operetur vel pertineat ad esse sacramenti.

AD ALIUD dicendum, quod hoc non oportet: quia corpus materiale inanimatum non assumitur, nisi ut per transubstantiationem fiat ibi corpus diuinum gloriosum: & ideo panis transubstantiatur in corpus Christi gloriosum, ut supra dictum est in questione de transubstantiatione: non enim corpus Christi transubstantiatur in panem, sed è conuerso.

AD ALIUD dicendum, quod non omnino signum est omnipotentiae facere ea quæ sunt supra rationem, sed in talibus quæ necessaria sunt salutis, & expediunt Ecclesiæ: aliter sequeretur, quod melius operaretur Deus faciendo contrarium ordini naturæ, quam operando secundum naturam.

AD ALIUD dicendum, quod fides non habet meritum.

*D. Alb. Mag. in Lib. 4. Sentent.*

bet experimentum humanæ rationis: sed hoc intelligitur ita quod non rationi innititur, sed veritati: ratio autem obsequitur fidei: unde in corde fidelis ratio innititur fidei, & non fides rationi: & sic intelligitur dictum Gregorij.

## ARTICVLVS VII.

*An confessio Berengarij qui confessus est coram Papa panem & vinum qui in altari ponuntur, post consecrationem non solum sacramentum, sed etiam verum corpus Christi esse, &c. sit vera?*

DEinde quæritur de confessione Berengarij dicit [ Sed in veritate manibus sacerdotum tractari & frangi, & fidelium, &c. ] Si enim hæc confessio fuit recepta à Papa Nicolao, & pluribus Episcopis, tunc videtur temerarium esse si aliquis aliter sentiat: dicit autem hic Magister aliter sentiendum esse: ergo est temerarius.

2 Item, Quicquid per sedem Apostolicam in diuersis partibus mundi publicari præcipitur ut fidele, illud pro fide tenendum est: sed confessio ista imperio Nicolai Papæ publicata est: sic ergo pro fide tenenda est. Quod autem ita sit accipitur ex decreto de consec. dist. 2. ubi sic dicitur, Hanc confessionem suæ fidei de corpore & sanguine Domini nostri Iesu Christi à Berengario Romæ coram 115. Episcopis factam misit Papa Nicolaus per vrbes Italiæ, Germaniæ, Galliæ, & ad quæcunque loca fama prauitatis eius peruenire ante potuit.

3 Item, Ibi dicitur, quod post confessionem scriptam in hæc verba iurauit dicens, Iurans per sanctam homouision Trinitatem & per hæc sacrosancta Euangelia eos qui contra hanc fidem venerit cum dogmatibus & sectatoribus suis æterno anathemate dignos esse pronuntio. Ex hoc accipitur, quod concilium excommunicandos decreuit qui aliquid aliud sentirent quam professus est Berengarius. Et videtur, quod tota fere Doctorum vniuersitas quæ quartam tenet opinionem incidit in excommunicationem.

4 Item, In principio suæ confessionis dicit Berengarius, Consentio autem sanctæ Romanæ Ecclesiæ & Apostoliæ sedi: & ore & corde confiteor de sacramentis Dominicæ mensæ eandem fidem me tenere quam Dominus & venerabilis Papa Nicolaus, & hæc sancta synodus auctoritate Euangelica & Apostolica tenendam tradidit, mihi que firmavit. Ex omnibus his videtur, quod Magistri male faciunt condemnando hanc opinionem.

*Solutio.* SOLVITIO. Dicendum, quod opinio quæ solutio. tertia ponitur, non est sana, nec tenenda.

AD HOC quod obiicitur de confessione Berengarij, dicendum quod ad aliud inducta fuit confessio illa in concilio coram Nicolao Papa, & ad aliud inducitur hic: in concilio enim inducitur eo quod ipse dicebat, quod corpus Christi non vere esset in altari post consecrationem: sed tantum in sacramento, hoc est, in signo, & non in veritate: & ideo ad hoc quod exprimeret quod in veritate ibi esset, coactus est ad hunc modum expressionis. Quod autem ita sit, patet ex confessione Berengarij ubi sic dicit, Anathematizo omnem

R

nem



nem hæresim, præcipue eam de qua hætenus infamatus sum: quæ astruere conabatur panem & vinum quæ in altari ponuntur, post consecrationem solummodo sacramentum, & non verum corpus & sanguinem Domini nostri Iesu Christi esse. Vnde Papa ad talem modum expressionis compulit, qui ostendit quod omnibus modis quocunque modo factis, tentis, retentis, & repositis formis, post consecrationem semper continent verum corpus siue sub dentibus siue sub manibus: & hoc quidem est verum. Vnde hoc etiam conceditur, quod corpus Christi verum atteritur dentibus fidelium in sacramento: sed hoc simpliciter sine determinatione concedendum non est

hic. Cum enim dicitur quod corpus Christi verum atteritur dentibus fidelium in sacramento, non veritas continentia corporis Christi, sed attritio refertur ad formas continentes: & hoc intellexit Papa & concilium: quia hoc directe fuit contrarium hæresi suæ quam prius habuerat.

AD ID ergo quod primo obiicitur, dicendum quod non est confessio præcepta dilari nisi gratia eius quod in veritate sub speciebus corpus Christi post consecrationem continetur.

AD ALIUD dicendum, quod non iuravit nisi de veritate corporis Christi contenti sub sacramento. Et eodem modo dicendum est ad omnia quæ de confessione sua obiiciuntur.

*Sententia probabilior.*

**D**E quia corpus Christi incorruptibile, fane dici potest fractio illa & partitio non in substantia corporis, sed in ipsa forma panis sacramentaliter fieri: ut vera fractio & partitio sit ibi, quæ fit non in substantia corporis, sed in sacramento, id est, in specie. Ne autem mireris vel insultes si accidentia videantur frangi, cum ibi sint sine subiecto, licet quidam asserant ea fundari in aëre. Est ibi vera fractio & partitio, quæ fit in pane, id est, in forma panis. Vnde Apostolus ait, Panis quem frangimus: quia forma panis ibi frangitur, & in partes diuiditur. Christus vero integer manet, & totus est in singulis. Vnde Augustinus. Quando Christus manducatur, vita manducatur. Sed quis audeat manducare Dominum suum? & tamen veritas inuitans nos ad manducandum ait, Qui manducat me, viuet propter me. Nec occiditur Christus ut manducetur, sed mortuos viuificat: quando manducatur, reficit, non deficit: viuit manducatus, quia surrexit occisus: nec quando manducamus, partes de illo facimus: & quidem in sacramento sic fit. Item, Norunt fideles quomodo manducent carnem Christi: vnusquisque accipit partem suam. Vnde & ipsa gratia partes vocantur. Per partes manducatur, & manet integer totus: per partes manducatur in sacramento, & manet integer totus in cælo, manet integer totus in corde tuo. Ideo ista dicuntur sacramenta, quia in eis aliud videtur, & aliud intelligitur: videtur panis & calix, quod & oculi renuntiant: quod autem fides instruenda postulat, panis est corpus Christi, calix est sanguis. Ex his datur intelligi, quod fractio & partes quæ ibi videntur fieri, in sacramento fiunt, id est, in specie visibili. Ideoque illa Berengarij verba ita distinguenda sunt, ut sensualiter non modo in sacramento, sed in veritate dicatur corpus Christi tractari manibus sacerdotum: frangi vero & atteri dentibus, vere quidem, sed in sacramento tantum. Vera ergo est ibi attritio & partitio: sed in singulis partibus totus est Christus. Vnde Hieronym. Singuli accipiunt Christum Dominum, & in singulis portionibus totus est: nec per singulos minuitur, sed integrum se præbet singulis. Item Hilarius, Vbi pars est corporis, ibi est & totum.

1. Cor. 4.

In sermone  
de verbis  
Euang.

Ioan. 6.

De cõse.  
dist. 2.

In sermone  
quodã,  
& habetur  
de cõse.  
dist. 1. c.  
Singuli  
accipiunt,



ARTICVLVS VIII.

*An opinio illorum sit vera qui dicunt,  
quod in sacramento nulla fractio  
vel partitio sit, qua non sit  
in substantia, ac in  
sacramento?*

**D**Einde quæritur de opinione quarta quæ dicit, quod est ibi vera fractio & partitio quæ sit non in substantia, sed in sacramento. Videtur enim hoc esse falsum quia si aliquod vnum conuenit pluribus, ita quod est in aliis ab vno quod est causa eius in omnibus, non existente illo, non erit illud in aliquo aliorum: sed fractio non est in accidentibus, nisi causetur à substantia fracta: ergo substantia fracta non existente, non erit fractio in aliquo accidentium. Probatio maioris est: quia cum ignis sit causa calidi in omnibus, nullo existente igne, nullum erit calidum: & si primum mouens est causa motus in omnibus, non existente primo, non mouebit nec mouebitur aliquod aliorum mouentium. Probatio secundæ innuitur in litera, scilicet quod fractio per prius conueniat substantiæ.

2 Item, Omnis forma quantum est de se, vnit & continet id cuius est forma: si igitur fiat pluralitas secundum esse, hoc erit à materia: ergo oportet, quod aliqua secundum esse sint ibi diuersa & multiplicata: ergo in pluribus partibus erit fracta materia.

*Solutio.* SOLVTIO. Dicendum ad primum, quod licet aliqui dicant, quod diuisio & fractio etiam per prius conueniunt substantiæ, & per posterius quanto: ego tamen hoc, quia non intelligo, non dico: quia dicit Philosophus, quod si vnum tantum est quod est substantia, ipsum est indiuisibile: & ideo quia fractionis & diuisionis non est prima causa materia vel substantia, sed potius quantitas: ideo procedere non videtur prima ratio.

AD ID autem quod ex litera videtur innui probatio huius, videtur dicendum, quod hoc innuit in litera: non quia primo fractio conueniat substantiæ, sed quia accidentia non est accipere nisi in substantia: & quia non conuenit eis fractio nisi secundum esse acceptis, ideo innuit in litera, quod nihil secundum naturam frangatur, nisi in substantia: tamen in veritate si quis proprie dicere veller quid est quod frangitur, diceret quod substantia quanta per se: sed quia accidens in sacramento habet esse præter substantiam, ideo per se conuenit ei frangi sine substantia.

AD ALIUD dicendum, quod forma de se vnit id cuius est forma: sed diuisio conuenit ei per accidens, id est, secundum suum esse: hoc autem esse est duplex: secundum naturam in materia, & secundum vsum sacramenti per se, vt sæpius dictum est supra.

ARTICVLVS IX.

*An potest dici, quod accidentia post consecrationem mancant in aëre?*

**D**Einde quæritur de hoc quod dicit ibi [Licet quidam asserant ea fundari in aëre, &c.] Vid. Alb. Mag. in Lib. 4. Sentent.

detur hæc opinio esse concedenda: quia dum aliquid sit consonum fidei, quanto magis appropinquat rationi, tanto magis est concedendum: sed magis appropinquat rationi ea esse in aëre, quam sine subiecto: ergo magis est concedendum.

2 Item, Non excluditur per hoc veritas sacramenti: quia totum corpus Christi ibi in qualibet parte continetur: ergo hoc aliquis potest opinari.

SED CONTRA: Aër est elementum humidum, spirituale, interminatum: ergo quod fundatur in eo fluit, & non tenet in eo figuras: ergo formæ si fundantur in aëre, figuras nullas retinent: & hoc est falsum ad sensum: ergo non fundantur in aëre.

2 Item, Dicit Philosophus, quod accidentia conferunt ad cognitionem eius quod quid est, hoc est, substantiæ: ergo accidens ducit in cognitionem subiecti: ergo formæ illæ ducerent in cognitionem aëris, si essent in aëre fundatæ: sed simul & semel vnum eodem modo se habens non ducit in cognitionem diuersorum: ergo accidentia illa non ducerent in cognitionem corporis Christi: ergo frustra essent in sacramento, quod est inconueniens: ergo non fundantur in aëre.

SOLVTIO. Dicendum, quod non fundantur in aëre, vt patet duabus vltimis rationibus. *Solutio.*

AD PRIMUM autem dicendum, quod neutrum multum vicinum est rationi, scilicet quod sint ibi accidentia sine subiecto, vel quod fundentur in aëre: sed tamen quia hoc magis est secundum congruentiam sacramenti, quod sint sine subiecto, ideo hoc conceditur, & alterum non.

AD ALIUD dicendum, quod veritas sacramenti per hoc non excluderetur: & ideo non reputantur hæretici qui hoc dicebant: sed congruentia sacramenti, & eorum quæ sunt in sacramento, per hoc excluderetur: & ideo non conceditur.

ARTICVLVS X.

*Quomodo totum corpus Christi sub tantilla forma contineatur in sacramento?*

**D**Einde quæritur de hoc quod dicit ibi [Christus vero integer manet, & totus est in singulis, &c.] Est enim gravis quæstio, Qualiter corpus Christi totum sub tantilla forma contineatur? Videtur enim, quod hoc sit impossibile: dicit enim Philosophus, quod locus & locatum sunt æqualia secundum quantitatem: sed locatum est corpus Christi, locans autem species quæ apparet: ergo sunt æqualia per quantitatem, quod falsum est, cum corpus Christi est tricubitum forte vel parum minus, locans autem vix habet latitudinem digiti vnus.

2 Item, Euclides in 11. geometriæ dicit, quod corpus est quod longitudinem, latitudinem, & profunditatem habet: ergo quod continet ipsum, necesse est, quod contineat ipsum secundum longitudinem, latitudinem, & profunditatem: sed non est intelligibile, qualiter maius contineatur à minori secundum omnem dimensionem, cum forma illa minor sit in omni dimensione, quam verum corpus Christi quod pependit in

R 2 cruce:



cruce : ergo videtur , quod non possit illud continere.

3 Item , Particulæ corporis & loci , vt dicit Philosophus ad vnum communem terminum copulantur : ergo vbicunque est accipere particulas corporis , ad easdem necesse est particulas corporis loci copulari , & è conuerso : sed secundum duos & amplius cubitos est accipere particulas corporis Domini , quod pependit in cruce : ergo in tantum extendentur particulæ loci : ergo & formæ continentis , quod videmus esse falsum , quia vix excedit forma quantitatem vnguis.

4 Item , Sacramentum , vt dixerunt antiqui , continet res suas vt vasa medicinalia medicinas : sed vas amplioris est extensionis , quam res ipsa quæ est in vase : ergo & forma sacramentalis amplioris extensionis est , quam corpus Christi : & hoc videmus esse falsum : ergo species sacramentalis non continet totum Christum.

5 Item tota die cõcluditur & supponitur in demonstratiuis , quod maius non æquatur minori : sed continens & contentum si proprie sumantur , æquantur : ergo sunt æqualia : sed forma continet , & corpus Christi continetur : ergo sunt æqualia. Inde sic. Species est digitalis , & corpus Christi est bicubitale : ergo digitale & bicubitale sunt æqualia : sed bicubitale est maius digitali : igitur maius æquatur minori , quod etiam impossibile est.

6 Item , Si linea egrediatur de centro locati ad superficiem loci , & alia de centro loci ad superficiem locati , illæ lineæ erunt æquales. Probatio huius est : quia non differunt nisi per punctum : & hoc non addit longitudinem aliquam. Educatur ergo linea de centro corporis Christi ad superficiem corporis Christi secundum quancunque dimensionem , & alia educatur de centro speciei ad superficiem eiusdem : illæ ergo erunt æquales , quod ad sensum est falsum.

7 Item , Æqualia sunt , vt dicitur in primo Euclid. quæ sibi supposita seinuicem non excedunt : sed corpus Christi non excedit quantitatem speciei , nec è conuerso : ergo sunt æqualia : sed corpus Christi est 7. pedum , esto quod sit tantum : ergo quantitas illarum specierum est 7. pedum , quod est etiam contra sensum.

8 Item , Sicut totum continens impletur à contento , sic continens & contentum sunt eiusdem figuræ : sed tota forma illa impletur à corpore Christi : ergo forma & corpus Christi sunt eiusdem figuræ : sed forma illa est rotunda : ergo etiam corpus Christi est rotundum , quod falsum est , cum habeat faciem , & manus , & pedes , positione differentes.

9 Item , Cum aliquid per totam quantitatem & substantiam continetur in alio , erit in determinata parte caput , & in alia pedes : quæratur ergo , vbi in forma illa sit caput , & vbi pedes ? Si dicas , supra : ergo si quis diuidat infra non erunt sub illo nisi pedes , quod falsum est. Si autem dicas , infra : tunc habebis caput reuersatum : & hoc est ridiculum.

Si quis propter hoc velit dicere , quod corpus Christi non est in speciebus illis , sicut locatum in loco , sed potius sicut signatum in signo : videtur esse hæresis Berengarij supra condemnata : ergo non est ita dicendum.

Quæst. 2. PRÆTEREA quæritur , Vtrum signatum se-

cundum veritatem totius quantitatis continetur à signo , vel non continetur , sed signatur tantum : Si primo modo : tunc redibit eadem quæstio. Si secundo modo : tunc incidit hæresis Berengarij , qui dixit Christum non secundum veritatem , sed secundum signationem contineri in sacramento.

Ad hoc quidam volunt dicere , quod corpus Christi gloriosum est modo in loco non per modum corporis grossi , sed per modum corporis spiritualis : & vt melius intelligatur , ponunt simile in corpore spirituali quod dicunt esse lucem , quæ situaliter quidem dilatatur per mundum , & tamen tota posset esse in vno puncto. Et hoc quidem dictum est eorum , quod ego si bene intelligo , sic intelligo esse dictum , quod corporis habentis quantitatem dimensionem duplices sunt partes : ita quod quædam habeant partem iuxta partem : & hoc exigit locum sibi æqualem. Aliud est quod habet se indifferenter ad hoc , quod habeat partem iuxta partem , & quod habeat partem sub parte : & ideo indifferenter potest esse in loco partis , & totius , & loco indiuisibili propter sui spiritualitatem. Et hoc quidem ego confinxi ad intelligendum dicta quorundam modernorum : quia constat , quod nulli antiquorum concordant. Potest igitur dici secundum eos , quod corpus Christi maximæ simplicitatis est inter corpora : & ideo indifferenter se habet ad hoc quod habeat partem iuxta partem , & partem sub parte , & ideo potest esse in loco minori sua statura , & etiam indiuisibili.

Sed quod hoc figmentum stare non possit , sic probatur : quia figura est terminatio quantitatis secundum quendam modum eminentiæ & depressionis in corporibus naturalibus : sicut alia est figura hominis , & alia asini : figura igitur illa autem est terminatio quanti quod habet partem iuxta partem , aut partem sub parte , aut quantum ad vtrumque. Si primo modo , habeo propositum : quia dicit Philosophus in prima Philosophia , quod omne corpus naturale habet figuram propriam , sine qua non est ipsum in specie sua : & idem dicit Commentator super 2. de anima. Aut igitur Christi corpus retinet figuram suam vnā , aut non ? Si sic : ergo sub speciebus habet partem iuxta partem , & tunc redit prima quæstio. Si non : ergo Christus est ibi sine figura nasi , & oculorum , & oris , & non existente figura , non sunt etiam ipsa membra : ergo erit ibi sine membris , sicut truncus , & neque sicut truncus , quia etiam figura trunci destruitur ibi. Si autem figura est terminatio quæti secundum quod habet partem sub parte. Contra : Habens partem sub parte , omnes partes habet in vna vel habere potest , & tunc illa est indiuisibilis per sensum : ergo idem videtur esse capax figuræ totius , & partis : figura autem nasi tendit in conum & intus est triangularis : & figura trunci est rotunda & circularis : ergo in eodem indiuisibili secundum sensum erit circularis figura , & pyramidalis intus triangularis : quod si intelligibile est , mirum est.

Item , Quædam partes hominis sunt quæ de sua natura sunt concauæ , vt nasus , pectus , & huiusmodi : illæ igitur in illo indiuisibili aut sunt manentes concauæ , aut compressæ sub parte vna. Si primo modo : ergo pars erit iuxta partem & in indiuisibili , & non sub parte. Si secundo modo : ergo corpus gloriosum comprimitur , & destruitur eius figura , & per consequens natura , vt prius dictum



Etum est. Si tertio modo dicatur se habere corpus gloriosum, idem sequitur impossibile.

Præterea, Quando dicitur pars esse sub parte: aut intelligitur quod sub præpositio notat situm & positionem vnius sub alia tantum, aut continentiam. Si primo modo: ergo tantum crescit in augmentum subtrus propter partium quantitarum aggregationem, quantum diminuitur in latum, vel in longum: & sic non valebit ad propositum: quia forma illa non continebit ipsum secundum illum situm quem notat sub præpositio. Si notet continentiam: ergo totum vel omnes partes possunt esse in vna: quod iterum mirum est si aliquis intelligit.

Si forte dicas, quod esse partem sub parte notat partium indifferentiam quoad locum, & non quoad aliud. Contra: Locus datur quanto in eo quod quantum est finibile siue terminale extra: ergo quæcunque differentiam habent in tali quantitate, differunt secundum situm necessario: sic autem differunt totum & pars: ergo locus eorum habebit differentiam.

Si forte dicas, quod hæc omnia vera sunt de corpore quod obstat alteri, & hoc est grossum & materiale: tale autem non est corpus spirituale quod est sicut lux. Contra: Istæ rationes non supponunt nisi corporis quantitatem: ergo indifferenter concludunt in quocunque corpore quantitatem habente. Item, Accipiamus aliquod corporum celestium, cuius substantia sit quod sit corpus rotundum, habens diametrum centum cubitorum: quæro, si hac manente figura potest esse in loco indiuisibili quoad sensum? Si sic: ergo figura secundum esse accepta centum cubitorum in diametro & trecentorum in circumferentia, sine sui corruptione potest esse in eo quod est indiuisibile secundum sensum: & hoc est dicere, quod cælum potest esse localiter in vno grano milij: quod qui dicit, non oportet quod aliquid absurdum neget. Si secundo modo: tunc rationes prius habitæ tenent etiam in corporibus spiritualibus: sed quia nobis de hac mirabili opinione restat grandis disputatio in fine de resurrectione, modo quæ dicta sunt, sufficiant.

*Solutio.*

SOLVENDO autem dicimus ad quæstionem, quod Christus tripliciter comparatur ad res creatas: comparatur enim vt Deus, & sic tripliciter est in rebus. Vno modo qui conuenit Patri & Spiritui sancto, quo est in omnibus essentialiter, præsentialiter, & potentialiter. Alio modo idem conuenit Patri & Spiritui sancto, quo est in sanctis per inhabitantem gratiam. Tertio modo discreto à Patre & Spiritu sancto, quo est in natura humana per vnionem. Secundo modo comparatur ad res alias per assumptam carnem, secundum quod natus est de Virgine, & pependit in cruce & sic est in loco per circumscriptionem. Tertio modo, secundum quod ipse plenus gratia in deitate & humanitate existens, supermundana ratione est res sacramentalis, & cibus spiritualis Ecclesiæ, & sic est in sacramento. Vnde sicut panis non secundum partem & partem est in illa & alia ratione cibi, sed eadem ratio cibi est in toto & in qualibet parte cibi: ita ipse, vt signarum respondeat signo, non est in vna parte aliter quam in alia, sed vno modo essentialiter in toto: & si in partes diuidatur, erit in qualibet parte. Et similiter de vino in quo est vna ratio significandi to-

*D. Alb. Mag. in Lib. 4. Sentent.*

tum in toto, & in qualibet parte: & ideo licet diuidatur vinum, erit totus qui fuit sub tota specie vini, & totus sub qualibet parte: & ideo nullæ rationes in hoc sacramento recipiendæ sunt, quæ non sunt secundum operationem sacramenti ad esse, vel vsum. Vnde sicut supermundana ratione operatur virtus diuina ad esse sacramenti in transsubstantiatione & mensura accidentium sine subiecto: ita etiam committitur se toti & parti secundum congruentiam signati ad signum: & ideo omnino nihil valent rationes quæ fuerunt de comparatione locati ad locum: quia licet sit ibi Christus quantus in veritate quantitatis & substantiæ, non tamen secundum leges loci & locati, sed secundum leges signati in sacramento & signi continentis id quod significat secundum proprietatem sacramentorum nouæ legis, quam istud sacramentum plenissime habet inter omnia nouæ legis sacramenta.

DICENDUM ergo ad primum, quod supponitur falsum obiciendo: quia forma illa non habet se ad corpus Christi sicut locus ad locatum, sed potius sicut signum continens ad signatum secundum veritatem contentum, non quidem secundum leges loci, sed secundum leges signi: & ideo etiam si frangatur, in qualibet parte totum erit, quod non esset si esset in eo sicut in loco.

AD ALIUD dicendum, quod corpus Christi habet omnes tres dimensiones cum figura propria, & sine aliqua contractione, & ideo verissime corpus est: sed non comparatur ad formam illam sicut ad locum vel æquale cui commensuratur, sed potius, vt dictum est, vt signatum ad signum.

AD ALIUD dicendum, vt dictum est, quod non habent se sicut locus & locatum adinuicem.

AD ALIUD dicendum, quod non intellexerunt antiqui, quod sacramenta essent quædam vasa in quantum locus est vas, sed in quantum vas habet se quodammodo ad actum medicinæ & medici: dicimus enim, quod medicus sanat, & medicina & clyster & embutum: sed medicus effectiue, & medicina sicut virtus coniuncta naturæ, & clyster est sicut instrumentum ponens medicinam in locum debitum: & ita se habent in curatione animæ Deus, & gratia, & sacramentum: vnde nihil valet obiectio inducta.

AD ALIUD dicendum, quod minus non æquatur maiori: hoc enim demonstratum est: sed non est hic comparatio quanti ad quantum secundum legem & principium quantitatis, sed potius secundum rationem cibi comparatur ad coniunctum: & quia illa ratio vna est in toto & in parte, ideo vna ratione comparatur ad totum & partem, vt dictum est.

AD ALIUD dicendum, quod secundum rationem sacramenti nulla potest egredi linea de centro formæ rotundæ quæ in altari apparet, nec figurabile est centrum eius: quia sic iam attendetur secundum principia & leges quantitatis, & iam diximus, quod sic non est ibi commensuratio corporis Christi ad sacramentum: & ideo illa obiectio nihil valet.

AD ALIUD dicendum, quod æqualitatis duplex est, scilicet secundum quantitatem molis, & secundum quantitatem virtutis: secundum quantitatem molis non attenditur æqualitas inter

R 3 signum



signum & signatum, sed secundum quantitatem virtutis: ut scilicet cum ibi illud contineatur signatum, quod illud continet & signum, & est hoc in toto & parte æqualiter, ratione supra dicta, qua diximus, quod vna est ratio cibi in toto & in parte.

AD ALIUD dicendum, quod non sequitur, si totum continens impleatur à contento, quod sit eiusdem figuræ nisi contentum sit in continente sicut locatum in loco: hoc autem non est hic, ut sæpius dictum est. Eodem modo respondeo ad sequens: quia hoc non est verum nisi de illis quæ ita sunt in aliis, quod pars vna est in parte vna continentis, & alia in alia: in sacramento Eucharistiæ non sic est: sed vna est comparatio contenti ad totum & ad partem propter vnâ rationem significandi cibum spiritualem in toto & in parte.

AD ID quod obiicitur contra rationem inductam, dicendum quod si quis diceret corpus Christi non secundum veritatem substantiæ & quantitatis esse in sacramento, sed tantum sicut signatum remotum per substantiam à signo, ille esset de hæresi Berengarij: sed nos non sic dicimus, sed potius dicimus ipsum signatum esse in signo substantialiter in tota sua quantitate: & ideo nihil commune cum hæresi, Domino concedente, habebimus.

Ad qua-  
stionem  
lam.

AD ALIUD dicendum, quod quædam sunt in loco secundum veritatem substantiæ & quantitatis, & secundum leges loci & locati: quædam autem sunt in loco secundum veritatem substantiæ & non quantitatis, nec secundum legem loci: & quædam quasi medio modo sunt in aliquo, non ut in loco, per veritatem substantiæ & quantitatis, & non secundum leges loci, sed secundum legem illius in quo sunt vel esse dicuntur. Primo modo sunt in loco ea quæ circumscribuntur in loco. Secundo modo sunt in loco ea quæ diffiniuntur in loco, ut spiritus creati. Tertio modo corpus Christi est in sacramento, non secundum legem loci, sed secundum legem signi signantis cibum spiritualem æqualiter in toto & in parte: & ideo patet solutio illius obiectionis.

AD ALIUD quod obiicitur de opinione inducta, sine præiudicio respondeat qui voluerit: quia ego nunquam potui intelligere, quod lux esset corpus, vel quod corpus haberet partem sub parte, vel quod duo corpora possent esse in eodem loco. Et ideo quod non intelligo, defendere non præsumo: sed nostra opinio est quæ dicta est: & infra de resurrectione apparebit quid sentiam de corporibus gloriosis.

## ARTICVLVS XI.

*An quisque fidelium communicans accipiat totum Christum vel partem suam, & an totus Christus est in qualibet parte hostiæ?*

**D**Einde quæritur de hoc quod dicit ibi [Nunc fideles quomodo manducant carnem Christi: unusquisque accipit partem suam] Sed contra: Unusquisque accipit totum Christum: non ergo unusquisque accipit partem suam. Si forte dicas, quod pars refertur ad diuisionem

hostiæ continentis, & non ad Christum contentum, videtur falsum: quæro enim, Vnde hoc quod totus Christus sit sub qualibet parte: quæcunque enim sic se habent adinuicem, quod vnum secundum esse non dependet ad alterum, multiplicato vno, alterum non est de necessitate sub qualibet partium per multitudinem acceptarum: sic autem se habent adinuicem corpus Christi & figura illa quæ hostia appellatur: ergo multiplicatis partibus hostiæ, non necessario erit Christus sub qualibet illarum.

2. Item, In naturis videmus formas multiplices: quædam enim sic sunt in materia, quod materia diuisa diuiditur forma, ut lapidis forma & aliorum homogeniorum: quædam etiam sunt ita quod diuisa materia non necessario forma manet in qualibet parte, ut anima sensibilis in corpore multæ diuersitatis in compositione partium, ut in leone, vel asino: quædam autem sic, quod nec alicuius corporis est proprius actus, cum ipsa per operationem non sit affixa, sed potius operatio sua est pura & à materia denudata, & similiter essentia, sicut anima rationalis secundum intellectum: & illa, ut dicunt Philosophi, nec est corpus, nec est virtus in corpore: & corpore diuiso non manet in singulis, nec multiplicatur in illis: sed ad similitudinem huius videtur se habere corpus Christi ad species sacramentales: ergo videtur, quod illis diuisis non sub singulis debeat esse totus Christus.

PRÆTEREA quærat, Vnde contingit hoc, quod sub qualibet parte sit totus Christus quando frangitur hostia? Videtur enim, quod non debeat contingere: Christus enim non habetur in hostia nisi virtute consecrationis vnus: virtute ergo consecrationis vnus habebitur semel Christus, & virtute duarum bis, & sic deinceps: sed in omnibus partibus hostiæ non est nisi vna consecratio: ergo non debet haberi nisi sub toto, & non sub hac parte hic, & sub illa ibi.

Si forte hoc aliquis astruere velit per exempla, & ponat exemplum in speculo in quo integre resultat forma vna, & fracto resultant plures formæ: videtur, quod hoc nihil sit: quia in vno speculo conuexo vel plano resultat forma vna propter reflectionem quæ fit ad vnum: sed in pluribus fractis non potest fieri reflectio ad vnum: quia diuiditur radius in termino vitri, & sic reuertitur ad centrum continui: hoc autem non est in hostia, vnde nulla videtur esse similitudo.

Item, Quidam ponunt simile in anima sensuali quorundam animalium habentium corpora rugosa aut anulosa & æqualia in compositione & complexionem per totum vel fere æqualia, quibus diuisis manet anima sensibilis per sensum & motum in omnibus partibus truncatis: & hoc iterum non videtur habere similitudinem: quia ibi non est vna numero anima in vtraque parte truncata, sed duæ factæ per diuisionem ab vna, quæ propter similitudinem complexionis fit duæ: hic autem vnus numero Christus manet in singulis partibus hostiæ: vnde nihil simile videtur.

Si forte dicas, quod nihil prohibet vnum numero esse in diuersis locis. Vnde dicit Augustinus, quod anima est in diuersis locis, quia in corde & in cerebro tota & in aliis partibus. Et forte aliquis vellet dicere, quod sic est, & in aliis spiritualibus substantiis. Videtur, quod hoc nihil sit ad propositum:

Quæstio-  
cula.



propositum : quia etiam si dicamus , quod sic sit in spiritualibus substantiis , quod tamen non est verum : non tamen propter hoc sequeretur , quod sic sit in corpore Christi vero : quia hoc verissime corpus est , & non spiritus. Præterea de spiritualibus substantiis creatis , hoc est falsum : quia , ut dicit , Damasc. diffiniuntur in loco : & ut idem Damasc. dicit , diffiniri loco est hic & non alibi esse : cuicumque autem convenit esse in pluribus locis simul , huic convenit hic & alibi esse : ergo non diffinitur in loco , quod negat Damasc.

Si autem propter hoc aliquis dicat , quod hoc convenit corpori diuino secundum quod medium est inter Deum qui ubique est , & creaturam quæ in vno loco est , ut dictum est. Vnde corpus creatum Deo unitum est in pluribus locis , ubi consecratur & in quas partes hostia diuiditur : videtur hoc esse falsum : proprietas enim medij semper comitatur medium , quandiu medium est : cum igitur corpus Christi sit semper medium inter Deum increatum , & creaturam , si tamen medium est , semper erit in pluribus locis : siue ergo consecratur in pluribus locis siue non , & siue hostia diuidatur siue non , semper erit in pluribus locis , quod falsum est & hæreticum : ergo ratio nulla quæ tamen fere ab omnibus solet assignari.

*Solutio.*

**SOLVTIO.** Sine præiudicio videtur mihi dicendum , quod causa quare totus Christus est sub qualibet parte , cum hostia diuiditur , hæc est : quia ratio significandi totum cibum spiritualem , æqualiter est in toto corpore , & in parte : & ideo cum hostia est vna , erit vnum significans vnum cibum spiritualem : & cum est plura , erunt significantia omnia cibum eundem : & ideo cum in hoc sacramento præcipue quod principale est inter sacramenta nouæ legis , continentia sequatur rationem significandi , cum vnum est significans , vnum erit continens in se cibum signatum : & cum plura sunt signantia , plura erunt continentia cibum eundem totum & integrum : & hæc est causa , quare hostia diuisa , in qualibet parte sub qualibet manet totus Christus , cibus animæ spiritualis.

Ad hoc ergo quod primo obiicitur , dicendum , quod secundum esse dependent à se inuicem forma & materia : & in talibus procedit obiectio : sed secundum contineri dependent à se signum in sacramento & signatum prout accipitur sacramentum nouæ legis : & ideo multiplicato signo , necesse est rem signatam esse sub quolibet illorum.

**AD ALIUD** dicendum , quod obiectio illa procedit secundum granum formæ magis & minus separatæ : sed in signo sacramentali non est sic : non enim dicimus , Christum esse in sacramento sicut animam in corpore , & sicut intellectum in corpore : licet quoad hoc quod in tota forma est totus Christus & in qualibet parte totus , habeat similitudinem quandam cum esse animæ rationalis in corpore : quæ secundum Augustinum in toto est tota , & in qualibet parte tota.

*Quæstio-  
cula.*

**AD ALIUD** dicendum , quod sicut iam dictum est , virtute significationis talis , & non virtute significationis simpliciter , hoc contingit , scilicet quod sacramentum hoc illius causa est secundum esse quod signat , & continet illud : consecratio autem non est causa nisi remota ,

scilicet quod sit sub hostia , siue diuisa siue indiuisa.

**AD ALIUD** dicendum , quod significatio in genere non est causa huius : sed potius significatio specialis , & præcipue huius sacramenti , quod antonomastice est sacramentum nouæ legis , ut dictum est.

**AD HOC** quod dicitur de exëplis , dicendū quod illa exempla sunt in parte similia , & non in toto , sicut bene probant obiectiones : diuina enim non habent similia perfecta in rebus corporalibus. Vnde Hilarius , Si qua nos exempla ad diuina afferimus , nemo ea putet perfectionis formam in se continere : & tamen bona sunt similia , eo modo quo id quod est in parte , repræsentat id quod est in toto.

**AD ID** quod obiicitur de August. dicendum quod dupliciter contingit aliquid esse in alio , ut in loco scilicet proprie , & improprie : proprie ut circumscriptum vel diffinitum est in loco : & hoc simul non potest esse in pluribus locis : improprie autem quod in alio est sicut in materia quæ habet similitudinem cum loco secundum Isidorum propter capacitatem : & sic intelligitur dictum Augustini : quia anima est in corpore sicut in eo quod aliquam habet similitudinem cum loco : quod tamen proprie est materia sua & subiectum. Vnde sicut nulla pars materiæ est quæ non perficiatur à forma : ita nulla pars corporis est in qua essentialiter non sit anima : non tamen proprie est in pluribus locis. De hoc autem quod dicitur , quod habeat hoc corpus Christi , in quantum medium est inter pure creatum , & pure increatum , dicendum videtur quod falsum est : sicut probant in contrarium factæ rationes.

## ARTICVLVS XII.

*An vere dicatur , Christus per partes manducatur in sacramento , & manet integer totus in calice , manet integer totus in corde tuo ?*

**D**Einde quæritur de hoc quod dicit ibi [ Per partes manducatur in sacramento , & manet integer totus in calice , & totus in corde tuo , &c. ] Secundum hoc enim videtur esse in pluribus locis simul & semel , quod videtur stare non posse : nihil enim est cuius substantiæ aliquid inueniatur extra terminum substantiæ suæ : sed locus est terminus substantiæ & entis : sicut enim tempus est mensura esse , ita locus entis siue eius quod est : sed in hoc loco est terminus Christi in quo est : igitur nihil sui extra illum locum inuenitur , ut videtur.

2 Item , Philosophus dicit , quæcunque diuiduntur loco , diuiduntur etiam subiecto : sed constat quod Christus à se subiecto non disungitur : ergo etiam loco non diuiditur : ergo non est simul in pluribus locis : quia quæcunque in pluribus locis sunt , loco diuisa sunt.

3 Item sit , quod Christus in hoc altari sit in loco qui est palmi propter speciem hostiæ quæ tanta est & non maior , & in alio altari sit ad vnum cubitum , in calice autem sit secundum propriam staturam corporis septem pedum. Inde procedo sic. Quæcunque vni & eidem sunt æqualia :



lia ipsa inter se sunt æqualia: sed hæc tria loca vni & eidem sunt æqualia, quia vni & eidem corpori Christi: ergo hæc tria inter se sunt æqualia, quod absurdum est: ergo videtur, quod non sit verum quod primo supponebatur, scilicet quod sit in pluribus altaribus & in cælo.

Quæstio-  
cula 1.

ITEM quæritur, Vtrum Christus sit in pluribus locis? posset enim aliquis dicere, quod esse in sacramento non est esse in loco, vt prius dictum est, sed sacramentum est in pluribus locis: & ex hoc non sequitur, quod Christus sit in pluribus locis. Contra: Quicquid est in omni loco in quo consecratur, si loca suæ consecrationis sunt plura, ipsum erit in pluribus locis: sed corpus Christi est in omni loco in quo consecratur, & loca suæ consecrationis sunt plura: ergo est in pluribus locis.

Quæst. 2.

VLTERIVS quæritur hic, Qualiter hæc tria specialiter enumerentur in litera, quod manducatur in sacramento, & manet totus integer in mente, & totus in cælo? Aut enim corporaliter est in mente, aut non. Si non: tunc æquiuoce dicitur esse in mente, & in cælo, & in sacramento: quia in sacramento est & in cælo corporaliter, in mente autem spiritualiter tantum: ergo videtur, quod non debet enumerari cum duobus aliis modis. Si autem dicitur ens corporaliter in mente: ergo aliquid præter Deum Trinitatem illabatur substantialiter menti: quod est contra Augustinum qui dicit, quod nihil illabatur substantialiter menti præter Deum Trinitatem.

Quæst. 3.

VLTERIVS autem adhuc videtur, quod corporaliter debeat illabi menti: quia dicitur, quod ille cibus est cibus animæ: sed constat, quod cibus illabatur illi quod cibatur: ergo corpus Christi illabatur animæ. Item Augustinus, Vt quid paras dentem & ventrem? crede, & manducaſti: ergo videtur, quod non transit in ventrem, sed in animam: ergo animæ substantialiter illabatur. Sed quia de hoc multum supra inquisitum est, sufficiat hoc quod dictum est.

Solutio.

SOLVTIO. Dicendum ad primum, quod esse in loco dicitur dupliciter, scilicet per se, & per accidens. Per se non credo, quod aliquid creatum in pluribus locis possit esse simul. Hoc tamen dico sine præiudicio sententiæ aliorum. Per se autem in loco esse dico, quod loco circumscribitur: & hoc modo corpus Christi non est nisi in vno loco, hoc est, in cælo empyreo in potioribus bonis Patris collocatum. Per accidens autem dicitur esse in loco, quod gratia alterius in quo ipsum essentialiter est, est in loco: sicut anima est in loco, & corpus Christi est in loco in Ecclesia vel in altari, quia species sacramenti in quo ipsum essentialiter est, in loco est per se: aliquod enim accidens nihil prohibet esse in loco per se, sicut vult Philosophus: quia in mathematicis etiam datur locus: cum tamen corpora mathematica sint accidentia. Patet ergo, quod obiectio non valet: quia cum sic dicitur, quod nihil est cuius substantiæ aliquid inueniatur extra terminum proprium: intelligitur hoc de termino intra, sicut est superficies locati: vel termino extra, sicut est locus eorum quæ per se sunt in loco: & sic necessitatem habet propositio. Sed non intelligitur de his quæ per accidens sunt in loco: quia si detur per impossibile, quod corpus hominis sit in pluribus locis, sequitur necessario quod anima esset in pluribus

locis per accidens: & ita dicendum est hic gratia specierum sacramenti: & hoc non est inconueniens, quod illæ sint in pluribus locis per se, quia illæ numero plures species sunt.

AD ALIVD dicendum, quod dictum Philosophi intelligitur de his quæ diuiduntur siue distinguuntur loco per se, & non de his quæ diuiduntur loco per accidens.

AD ALIVD dicendum, quod sicut patuit ex præhabitis, æquiuoce dicitur esse Christus in loco, in cælo, & in sacramento: quia in cælo per se, & in sacramento per accidens: æqualitas autem est eorum in quibus est quantitas vna vel vniuoce: vnde obiectio illa non valet. Præterea habitum est, quod inter species sacramenti & corpus contentum non potest attendi æqualitas, nisi tantum quantitas secundum virtutem, & adhuc per relationem, vt quantum id significat, tantum istud significetur: & hac ratione iterum patet, quod hæc obiectio non procedit.

AD ALIVD dicendum, quod Christus per se non est nisi in loco vno: per accidens autem est in pluribus locis, vt dictum est: & hoc non est inconueniens: sic enim per accidens est in omni loco in quo consecratur, & tamen essentialiter & secundum veritatem est ibi: sicut anima si corpus esset in pluribus locis per se, per accidens esset in pluribus locis: & tamen secundum veritatem & substantiam esset in illis. Quod enim in loco est per se, secundum leges loci est in loco: & hoc satis supra ostensum est, quod non conuenit corpori Christi in sacramento.

Ad quæ-  
stionem  
lam 1.

AD ALIVD dicendum, quod modi dicendi aliquid esse in loco bene possunt distingui, etiam si sint æquiuoci: & ita distinguuntur hic: Christus enim dicitur tripliciter esse in rebus, sicut supra dictum est. Quod autem est in mente, hoc habet commune Patri & Spiritui sancto, sed non hoc quod est in sacramento: nec hoc quod est in cælo empyreo, quia hoc intelligitur circumscripitiue gratia corporis quod ibi circumscribitur. Ad id autem quod obiicitur, quod nihil illabatur menti præter Deum Trinitatem, dicendum quod Christus quoad corpus substantialiter non implet mentem, sed potius quoad diuinitatem vnitam corpori.

Ad quæ-  
stionem  
lam 2.

AD ID autem quod contra obiicitur, dicendum quod dicitur cibus mentis: quia per effectum gratiæ implet mentem. Qualiter autem transeat in ventrem, & qualiter non, superius late est disputatum.

Ad quæ-  
stionem  
lam 3.

### ARTICVLVS XIII.

*An vbi pars corporis est, ibi sit & totum  
secundum Hilarium: & quale sit illud  
vbi quando dicitur, Vbi est  
princeps ibi rex.*

DEinde quæritur de dicto Hilarij ibi [Vbi pars est corporis, est & totum, &c.] Hoc enim impossibile videtur: quia bene sequitur in toto integro, vbi est totum, ibi est pars, cum totum positum in esse ponit partem: sed Hilarius dat nobis conuersam huius: coniungantur ergo istæ duæ sic: vbi pars est, ibi est totum: & vbi est totum, ibi est pars: ergo vbi est pars aliqua vna, ibi est pars qualibet:



quælibet : ergo vbi est pes, ibi est manus, & oculus, & auris : ergo omnia membra confusa sunt in loco vno.

2 Item, Vbi est pars, ibi est totum : ergo vbi est pes, ibi est totum : ergo & caput : ergo vbi est pes, ibi est caput : ergo corpus inordinatissimum est & indecorum, quia membra non habent distantiam quæ facit elegantiam corporis.

3 Item, Vbi est pars, ibi est totum : ergo, vt prius, se caput habet ad pedes : ergo est reuersatum : & talia infinita sequuntur ex dicto Hilarij, vt videtur : ergo videtur esse falsum.

4 Item, In quo distinguere non est totum & partem, in illo non potest dici : vbi est pars, ibi est totum : sed in speciebus illis non est distinguere partem & totum : ergo non est dicere : vbi est pars, & totum. Probatum autem prima harum per hoc quod omnia quæ per se sunt in loco, distinguuntur in loco secundum principium, medium, & finem. Secunda autem probatur per hoc quod in nulla parte illius hostiæ est dicere, quod ibi sit manus, vel pes, vt patet ex præhabitis : ergo videtur simpliciter falsum esse quod dicit Hilarius.

*Quæstio-  
cula.*

VLTERIVS quæritur, Cuiusmodi vbi significatur cum dicitur : vbi est pars, ibi est totum : vbi enim (sicut dicit Philosophus) est circumscrip- tio corporis à loci circumscriptione procedens : & si tale vbi signatur : hoc videbitur esse impos- sibile : quia sicut sapius habitum est, locus & lo- catus sunt æqualia : vnde locus partis, & pars æqualia sunt : & si totum esset in eodem loco, oporteret, quod totum & pars essent æqualia : & hoc est contra primum principium, omne totum est maius sua parte.

*Solutio.*

SOLUTIO. Dicendum, quod Hilarius meo iudicio intendit dicere, quod Christus aliter sit in sacramento, & aliter in loco per se : quia vbi est in loco per se, ibi assignatur ei distinctio partium in loco : sed vbi est vt in sacramento, ibi non assigna-

tur ei huiusmodi distinctio : & hoc intendit dicere Hilarius quando dicit, vbi est pars, ibi est totum : quia vbique est in forma : si enim frangitur, vbi- que est quælibet pars, & vbique est totum in omnibus partibus : & hoc modo est improprie verum, quod vbi est caput, ibi est pes, quia non de quacunque parte formæ acceptæ. Sed non se- quitur quod inferatur vltius, quod membra sint confusa in loco vno : quia non sunt ibi sicut in loco nisi per accidens, vt prius dictum est, per hoc scilicet, quod forma illa vel pars eius est in loco.

AD ALIVD dicendum, quod non sequitur, quod sit corpus inordinatum : quia cum dicitur : vbi est pes, ibi est caput : intelligitur, quod vbi vt in sacramento signante & continente est pes, ibi est caput : & hoc non est inconueniens : quia nec pes ibi continetur & signatur vt pes, nec caput vt caput, sed vtrumque vt cibus spiritualis : & ex hoc nulla sequitur confusio vel inordinatio cor- poris : sed sequeretur si membra ibi distingue- rentur sicut in loco per se. Per idem patet solutio ad sequens.

AD ALIVD dicendum, quod in corpore Christi secundum se distingui possunt membra : sed in comparatione ad formas signantes non possunt distingui : quia per quamlibet partem formæ totum corpus cum omnibus partibus si- gnatur & continetur. Sed Hilarius loquitur hic, quod vbi est pars, ibi est totum : vt exprimat il- lam distinctionem per comparisonem ad for- mam signantem & continentem.

AD ID quod vltius quæritur, dicendum quod vbi dicitur per accidens, & per se. Per acci- dens : sicut dicimus, quod vbi est corpus, ibi est anima, cum tamen anima non habeat vbi per se. Per se autem sicut dicimus, ibi est corpus circun- scriptum : & Hilarius consignare intendit hic vbi per accidens : quia vbi pars est vt in sacramento, ibi est totum, vt præhabitu est.

*Ad qua-  
stionem.*

### *Quid illa partes significant.*



VID autem partes illæ significant, Sergius Papa tradit, in- E  
quiens, Triforme est corpus Christi. Pars oblata, in cali- De cōse.  
cem missa, corpus Christi quod iam surrexit, monstrat: dist. 2.  
pars comesta, ambulanti adhuc super terram : pars in altari vsque cap. Tri-  
ad finem missæ remanens, corpus iacens in sepulchro significat : forme.  
vsque in finem seculi corpora sanctorum in sepulchris erunt. Et sicut  
partes illæ mysticam tenent significationem, ita etiam & fractio, pas-  
sionis Christi & mortis est repræsentatio : vnde ipse ait, Hoc facite  
in meam commemorationem, id est, in memoriam Passionis & mor- Matt. 16.  
tis meæ. Nam, vt ait Ambrosius. Quia in morte Christi liberati su- Luc. 22.  
mus, huius in edendo & bibendo carnem & sanguinem, memores  
esse debemus. Sed caueat quisque ne indigne percipiat, quia iudicium  
sibi manducat. Non enim est iste panis qui vadit in corpus, sed panis  
vitæ æternæ, qui animæ nostræ substantiam fulcit. Sic ergo viuere, vt  
quotidie merearis accipere, nec accedas indignus. Indignus est, qui  
aliter celebrat mysterium quam Christus tradidit, vel qui habens  
mortale

*De cōse.  
dist. 2.  
c. Non  
iste.*



mortale peccatum accedit. Ergo etsi sint peccata quotidiana, ut non sint mortifera, antequam accedas dimitte debitoribus tuis. Si dimittis, dimittetur tibi: & sic securus accede. Panis enim salutaris est, non venenum. Si ita accedis, spiritualiter manducas. Spiritualiter enim manducat, qui innocentiam ad altare portat.

## ARTICVLVS XIV.

*Quid significant partes, in quas hostia diuiditur à sacerdote celebrante?*

**Q**uid autem partes illæ significant, &c.] Hic incipit secunda pars huius distinctionis in qua agitur de harum partium significatione: & dicuntur tria hic in capitulo isto, scilicet quid partes illæ significant: & hoc in principio capituli. Secundo, quid significet fractio per quam partes illæ diuiduntur, quia passionem Domini ibi [ & sicut partes illæ, &c. ] Tertio tangit, qui digne & qui indigne participant ibi [ Sed caueat quisque ne, &c. ] Sententia primi notatur in duobus verbis.

*Hostia diuiditur in partes: tincta beatos*

*Plene, sicca notat viuos, seruata sepultos.*

Sed incidit quæstio, Cum multiplex sit Ecclesiæ diuisio: prima quia quidam sunt de Ecclesia solo numero, quidam autem numero & merito: & Christus obtulit se pro vtrisque: videtur ergo, quod aliqua partitio corporis Christi debeat esse correspondens illis.

2 Item, Alia trimembris diuisio Ecclesiæ intelligitur per Noe, Daniel, & Iob, Ezech. 14. quæ est in prælatis, & continentibus, & coniugatis: ergo debet fieri aliqua diuisio respondens illi diuisioni.

3 Item videtur, quod nulla debet esse pars pro beatis: quia illi non in specie, sed in rerum veritate iam capiunt sacramentum: sed partitio non fit nisi in specie: ergo nulla partitio debet fieri pro beatis in specie ipsa, ut videtur.

4 Item, Beati non indigent oblatione redemptionis: quia iam saluati sunt: cum igitur hoc sacrificium fiat ad redemptionem à peccatis, videtur quod nihil in ipso fieri debeat pro beatis.

5 Item, Si non esset peccatum, Christus non esset mortuus & oblatus in cruce: sed consecratio sacramenti fit in memoriam Dominicæ mortis: ut dicit Apostolus 1. Corinth. 11. ergo pro his qui non indigent amplius de effectu mortis, non debet aliquid fieri in sacramento: tales autem sunt beati: ergo nihil pro eis fieri debet in sacramento.

6 Vltius videtur, quod idem sit offerre pro his qui sunt in sepulchro, & pro beatis: illi enim qui quoad animam sunt beati, quoad corpus sunt in sepulchro: & videtur, quod sic non differant quantum ad personas, sed quantum ad partes solum.

7 Si forte tu dicas, quod illi qui sunt in sepulchro, sunt illi qui sunt in purgatorio: tunc male dicit litera generaliter loquens de his qui sunt in sepulchro.

*Quæst. I.* Vltius quæritur de hoc quod dicitur in litera, quod pars oblata in calicem missa, cor-

pus Christi quod iam resurrexit, significat. Videtur enim, quod hoc sit inconueniens: quia calix significat passionem: corpus autem quod iam resurrexit, extractum est extra passionem: ergo pars immissa calici non significat congrue partem quæ iam resurrexit.

PRÆTEREA quæritur, Quæ sit pars illa quæ iam resurrexit? certum enim à Sanctis non habemus quod aliquis iam in corpore cū Christo sit beatus: de his enim qui cum Christo surrexerunt, & de beata Virgine quidā sic & quidam aliter sentiunt: ergo illa pars quæ immittitur calici, non significat nisi Christum: sed hoc videtur inconueniens: quia Christus pro se non obtulit sacrificium: ergo nec modo pro Christo offerri debet: ergo nulla pars debet offerri pro his qui iam surrexerunt, ut videtur.

VLTIVS videtur, quod comestio non debet significare ambulantes adhuc supra terram: quia comestio significat incorporationem: ergo magis vnitis Christo & incorporatis magis conuenit illud: sed magis vniti Christo & incorporati sunt illi qui sunt in gloria: ergo illi magis signari habent per partem comestam: & contrarium huius dicitur in litera.

2 Item, Supra dictum est, quod non est ita in isto cibo sicut in alio: quia iste cibus conuertit ad se cibatum, quod non faciunt cibi alij, sed potius conuertuntur ad cibatum: ergo pars comesta maxime significat eam partem, quæ maxime ad Christum est conuersa: hæc autem est pars vnita sibi per gloriam: ergo eos qui sunt in gloria significare debet, & non ambulantes super terram.

VLTIVS videtur, quod ea quæ remanet in altari, non debeat significare eos qui iacent in sepulchris: in fine enim missæ illa pars quæ manet, sumitur per comestionem: sed comestio significat ambulantes super terram: ergo etiam signatur per hoc quod illi qui iacent in sepulchris, in fine resurgent & ambulabunt super terram: quod falsum est, cum tunc obuiam Christo rapiuntur in nubibus in aera, & sic semper cum Domino futuri sunt, ut dicit Apostolus 1. Thessalo. 4.

VLTIVS videtur, quod iste vsus fractionis qui hic scribitur, non generaliter observatur ab Ecclesia: quia in religionibus pluribus, scilicet Prædicatorum, Minorum, & Cisterciensium, & multis Ecclesiis secularibus nihil relinquitur in fine missæ: ergo videtur, quod nulla pars in sacramento illorum significet iacentes in sepulchris: & sic non est generale quod dicitur hic.

Si forte dicatur, quod loquitur Sergius Papa secundum consuetudinem primitiue Ecclesiæ, in qua subdiaconus & diaconus reliquias sacræ partitionis in fine missæ post communionem remanentes consumebant: hoc nihil est: quia hoc non fiebat in hostia per tria diuisa: nec hoc fiebat omni die: sed tempore communionis populi: nec tunc semper,



semper, sed quando aliquid mansit de reliquiis: hic autem Papa generaliter loquitur de partium significatione.

*Solutio.*

**SOLVITIO.** Dicendum videtur, quod Papa loquitur hic de congruentissima significatione fractionis & partium: & non de quacunque significatione minus congrua: & loquitur tantum secundum ritum qui in Ecclesia Romana consuevit observari pro tempore. Vniuersaliter enim corpus Christi in tria diuiditur, licet non vniuersaliter vna partium vsque in finem missæ observetur: quia propter periculum partium decidentium de sacramento, à quibusdam ambæ partes simul sumuntur, & deinde etiam pars in calicem missa: & hoc non ut contrarium significare velint quam Papa dicit, sed potius periculum cauere, idem signari intelligentes, quod ille fideliter expressit.

**DICENDUM** ergo ad primum, quod omnis pars aliquo modo significat incorporatos Christo qui soli communicant: quia (ut dicit Ambrosius) spiritualiter communicat, qui innocentiam secum ad altare portat: cum autem illi qui solo numero de Ecclesia sunt, spiritualiter non communicent, per nullam partem significantur: licet pro eis in redemptionem & expiationem offeratur: non enim omnes illi de partibus corporis sunt vel significantur, pro quibus offertur, sed illi qui sunt in corpore mystico per partes sacramenti veri corporis significantur.

**AD ALIVD** dicendum, quod illa diuisio non est prima quæ significatur in Ezech. 14. per Noe, Daniel, & Iob: sed potius est diuisio vnius partis, scilicet illius quæ ambulat super terram: & ideo illa præsupponit istam: quia corporis Christi mystici alia pars est in gloria, & alia expectat securam in sepulchro, & tertia pugnat in merito: & illa quæ pugnat in merito, triformis est, sicut significatur in Ezechiele.

**AD ALIVD** dicendum, quod partes non significant virtutem passionis, sed potius partes corporis Christi quæ sibi spiritualiter vnitæ sunt: & ideo regnantes in gloria, cum præcipue vniti sint Christo, debent in sacramenti partibus significari. Alia etiam ratio huius est: quia hoc sacramentum non fit pro impetranda venia, sed etiam ut laudes per ipsum Deo reddantur pro liberatione iam facta: & hoc modo possunt fieri pro beatis significationes in partitione sacramenti.

**AD ALIVD** dicendum, quod Christus non esset mortuus, si non esset peccatum: non tamen sequitur, quod liberatus non habens peccatum non debeat habere memoriam mortis liberantis ut gratias agat, & laudet redemptorem: & hoc significatur in fractione corporis Christi.

**AD ALIVD** dicendum, quod non est idem offerre pro beatis & pro illis qui sunt in sepulchro: quia cum triplex sit resurrectio: sicut infra 43. distinctione ostenditur, scilicet resurrectio à culpa per gratiam, quæ fit hic: & resurrectio animæ à pœna, quæ fit per gloriam: & resurrectio corporis à putredine & corruptione, quæ fit in futuro: intelliguntur hic iam resurrexisse, qui media resurrectione resurrexerunt: in sepulchro autem iacere, qui adhuc torquentur in purgatorio quod vsque in finem mundi durabit. Per hoc patet solutio ad sequens.

**AD HOC** autem quod obiicitur, quod generaliter videtur intelligere iacentes in sepulchro,

dicendum quod ideo loquitur generaliter: quia talis vicissitudo morientium & purgandorum & euolantium vsque ad finem mundi durabit: unde illi qui sunt in purgatorio iacent, quia neutram stolam adhuc adepti sunt: illi autem qui iam beati sunt in anima, iam stant aliquantulum in resurrectione, quia à culpa & etiam à pœna in anima resurrexerunt.

**AD ALIVD** dicendum, quod non attenditur in hoc sacramento, quod calix significat passionem: sed cum duplex sit Eucharistiæ perceptio: vna est cum labore masticationis: & alia sine labore, sed cum suauitate potus habet sapientiam: hic sumitur in specie sacramenti quasi sub cortice alieno quem masticari oportet: in futuro autem sumitur in gustu sapientiæ salutaris sine resistantia, ut potus, & hoc significatur per partem in calicem missam. Vnde nihil prohibet vno multa significari secundum diuersas proprietates: ut si calix per se significet passionem, in quantum tamen habet potum, significat statum in gloria.

**AD ALIVD** dicendum, quod illa pars quæ iam resurrexit, est illa quæ adepta est stolam animæ, ut patet ex prædictis, vel stolam corporis & animæ, si aliqui sunt qui cum Domino iam sunt in patria: quod ego credo quidem esse verissimum de beata Virgine, & aliis qui cum Domino resurrexerunt.

**AD ALIVD** dicendum, quod pars comesta significat ambulantes super terram, non ex ea proprietate qua comestio est incorporatio, sed ex illa qua comestio est restauratio deperditi & confirmatio debilitati per famem: spiritualis enim gratiæ feruor per calorem concupiscentiæ deperditur, & homo spiritualis debilitatur: propter quod indutus est vsus comedendi: & ideo nihil valet obiectio facta de vnione & incorporatione.

**AD ALIVD** dicendum, quod illa quæ remanet iacens, congruissime significat iacentes in sepulchro: & ideo relinquitur iacens super pateram, quæ significat pressuram lapidis claudentis sepulchrum: & ideo significat pœnam quæ sequitur mortem in purgatorio. Alij enim non sunt in sepulchro Domini nisi qui ad locum purgandorum bonorum descendunt. Quod autem in fine comeditur, non fit ad hoc ut significetur, quod iterum debent ambulare super terram, sed quod per oblationem puniti in purgatorio accipiunt confortationem sicut per cibum: & non oportet, quod omnes proprietates in significando aliquid secundum rem mysticam attendantur: quia & hæc eadem res habet multas proprietates, & potest multa significare secundum modum in sacra Scriptura.

**AD ALIVD** dicendum, quod non oportet, quod iste vsus generaliter observetur: quia non omnium est cautela qua sciant sibi cauere ne aliquid decadat de sacramenti partitione: sed bene puto, quod quando solennes primo celebrant, ut Papa, vel aliqui qui loco capitum generalium sunt in Ecclesia, quod tunc debet observari: ut per personas quæ generaliter præsident Ecclesiæ, totus status partium Ecclesiæ significetur.

**AD HOC** autem quod ultimo obiicitur, bene concedo quod hoc non intellexit Sergius Papa, talem significationem partibus attribuendo.



## ARTICVLVS XV.

*An communio & fractio hostiæ sint signum eiusdem vel diuersorum : & quid significet qualibet ?*

**D**Einde quæritur de hoc quod dicitur *ibi* [ Et sicut partes illæ mysticam habent significationem : ita etiam & fractio ] Videtur enim non hoc, sed aliud dici signari à beato Dionysio in lib. de ecclesiastica hierarchia cap. de theoria sanctæ synaxeos ita dicente, Diuinissima autem & vnus & eiusdem panis communio & pacifica traditio similem conuersationem eis diuinam tanquam similiter edentibus promulgat, & ad diuinissimam cœnam & principale symbolum perfectorum in memoriam sacram ducit. Ergo videtur, quod non significet passionem vt hic : quia beatus Dionysius inter signata communionis, nullam fecit mentionem de passione.

2 Item, In cælesti hierarchia cap. primo dicit, quod Iesu diuinæ participationis imago, est diuinissimæ Eucharistiæ assumptio : ergo cum hæc participatio sit futura in beatitudine, non videtur quod hoc signum dici debeat passionis.

3 Si forte tu dicas, quod fractio significat aliud quam communio : quoniam fractio significat passionem : communio autem communionem, & cœnam Domini, & alia quæ dicit Dion. Contra hoc videtur esse, quod fractio non refertur ad corpus, vt prius dictum est, sed ad speciem in sacramento : ergo non debet significare panem in quo corpus Christi frangebatur, sed aliquid aliud.

*Solutio.*

**SOLVTIO.** Dicendum sicut tactum est, quod communio ipsa alterius signum est, & alterius ipsa fractio : quia fractio sufficit ad communionem : vnde dicitur Luc. 22. Fregit, & dedit discipulis suis. Vnde fractio significat passionem, communio autem vnionem charitatis ad proximum & ad Deum : vnde August. dicit in lib. sententiarum Prosperi, Dum frangitur hostia, dum sanguis de calice in ora fidelium funditur, quid aliud quam Dominici corporis in cruce immolatio eiusque sanguinis effusio de latere designatur ?

**DICENDVM** ergo, quod illa verba Dion. dicunt signata communionis, quam communionem per gratiam vnionis efficit sacramentum : hæc autem communio consistit in conuersatione simili ad Christum cui incorporantur, & memoriam cœnæ in qua incorporantur & confortantur, & memoriam communionis charitatis Christi in quam primi perfecte congregati & vniti sunt, & adhuc congregatur & vnitur Ecclesia.

**AD ID** autem quod obiicitur de cælesti hierarchia, dicendum quod ipse *ibi* loquitur de signato communionis secundum rationem anagogicam : & hoc verum est, quia significat per hanc perceptionem in sacramento, perceptionem rerum in veritate futuram in beatitudine : sed hoc non importatur in fractione proprie loquendo.

**AD VLTIMVM** autem dicendum, quod licet fractio non sit in corpore Christi, eo quod illud frangi non potest, repræsentat tamen fractio in specie illud quod fuit in corpore Christi : & hoc non est inconueniens : quia etiam tunc mortale

& passibile fractum est, quale nunc non est : & illa fractio per aliquid quod est circa corpus, designatur.

## ARTICVLVS XVI.

*An aliquis existens in peccato mortali, potest accedere ad communionem, & accipere corpus Christi ?*

**D**Einde quæritur de hoc quod dicitur *ibi* [ Sed caueat quisque ne indigne percipiat ] Infra enim statim dicit, quod indignus est, qui habens mortale peccatum accedit. Vnde quærentur hic tria, quorum primum est, an aliquis potest accedere cum peccato mortali existens ? Secundo, Vtrum sacerdos potest repellere aliquem in peccato mortali existentem ? Tertio, An habens mortale peccatum, potest videre corpus Christi ?

**AD PRIMVM** proceditur sic : Ambrosius dicit, Si desit fides & charitas, iudicium sibi manducat & bibit : sed ei qui est in mortali peccato, deest fides & charitas : ergo iudicium sibi manducat & bibit.

2 Item Augustinus, Sicut Iudas cui buccellam tradidit Christus, non malum accipiendo, sed bonum male accipiendo, locum præbuit diabolo : sic indigne quis sumens corpus Christi, non efficit, vt quia malus est, malum sit : aut quia non ad salutem accipit, nihil accipiat. Ex his accipitur, quod talis non accipit ad salutem, sed accipiendo locum dat diabolo : ergo non debet accipere.

3 Item, Minus videtur quod ingerens se sanctis officiis, & induens se sacramentis vestibus, vel prædicans indignus, peccet mortaliter, quam si indignus accipiat corpus Domini : sed ille qui prædicat indignus, vel induitur sacris vestibus, vel suscipit ordines indignus, peccat mortaliter, vt dicunt Magistri : ergo multo magis & iste.

**SED CONTRA :** Ecclæ. 9. dicitur, Nemo scit vtrum odio vel amore dignus sit : ergo nemo scit an habeat charitatem an non : ergo omnes dubitant, vtrum habeant charitatem : ergo omnes dubitant, vtrum sint digni, an indigni : ergo etiam dubitant per consequens, vtrum mortaliter peccent accipiendo, vel non : sed regula est in sacra Scriptura, quod qui facit de quo dubitat vtrum sit mortale peccatum an non, peccat mortaliter : ergo omnis homo accedens ad corpus Domini, peccat mortaliter, quod est valde horribile dicere.

2 Item, Dignus dicitur vita æterna, qui facit aliquid vnde iuste debetur ei vita æterna : ergo digne accedit ad corpus Christi, qui facit aliquid vnde iuste debetur ei corpus Domini : ergo aliquo humano opere ponderari potest corpus Domini : quod falsissimum est, quia dignius est toto mundo & infinitis mundis si essent : ergo nullus accedit dignus : ergo omnis homo accedens peccat mortaliter.

**SOLVTIO.** Dicendum, quod dignus aliquis dicitur dupliciter, scilicet per æquiualentiam : & hoc modo nullus est dignus vita æterna, nec etiam corpore Domini. Secundo modo dicitur dignus per æstimationem : & hoc dupliciter adhuc, scilicet æstimatione rei, & sic nullus dignus est : vel æstimatio



æstimatione æstimantis per bonitatem suam propter valorem nostrum ex parte nostrorum operum: sicut dicitur ad Titum 3. Non ex operibus iustitiæ quæ fecimus nos, sed secundum suam misericordiam saluos nos fecit: & sic sumus digni vita æterna, & digni communione corporis & sanguinis Domini: quia dignos nos æstimat, quando sumus sine mortali peccato secundum nostram conscientiam: indigni autem quando conscientia accusante sumus in mortali peccato.

AD PRIMUM ergo quod obiicitur contra hoc, dicendum quod nemo scit vtrum sit dignus scientia certa: sed scientia præsumptionis multi sciunt: & hoc sufficit: quia delicta nullus intelligit. Vnde etiam Augustinus dicit, quod peccatum de quo quis non recordatur, & tamen paratus est confiteri & satisfacere, si recoleret: aut Deus misericorditer indulget, aut vt pius pater reuelat. Et ideo talis dignus reputatur.

AD ALIUD patet solutio per distinctionem prius positam.

## ARTICVLVS XVII.

*An sacerdos debeat repellere aliquem in mortali peccato existentem?*

**D**Einde quæritur, An sacerdos debet repellere aliquem in mortali peccato existentem? Videtur autem quod non: quia dicit August. in libro de Trinit. 4. Non prohibeat dispensator pingues terræ mensam Domini manducare, sed ex ætorem moneat timere. Pingues autem terræ, sicut dicit Glossa super illud Psalm. Manducauerunt & adorauerunt omnes pingues terræ, sunt peccatores indigni: ergo tales à sacerdote qui dispensator est, non sunt prohibendi.

2 Item, In decreto causa 2. quæst. 1. exponitur ab Augustino illud, Si peccauerit in te frater tuus, &c. Dicit ibi Augustinus, in te, id est, te solo sciente. Si ergo peccauerit in te: & vis eum coram hominibus arguere, non es corrector hominis, sed proditor criminis. Ergo à simili si sacerdos sciat solus hunc esse indignum, si repellit ipsum à communione, non est corrector, sed proditor: ergo non debet eum repellere.

3 Item, Ex hoc accideret maximum scandalum: quia sacerdos malus cuilibet posset hoc modo imponere maculam, & repellere à communione: cum igitur hoc non debeat fieri, videtur quod sacerdos nullum debeat repellere.

4 Item, Dominus non repulit Iudam, licet moneret eum vt caueret sibi: ergo cum sua actio, nostra est instructio, sacerdos non debet repellere aliquem, vt videtur.

5 Item, Sacerdos non est Dominus sacramentorum, sed dispensator: sed sacramenta sunt concessa ad vsum subditorum: ergo videtur, quod cum unicuique sit dandum quod suum est, quod ipse nulli digno vel indigno debet denegare: ergo nullum debet repellere.

*Sed contra.* SED CONTRA: Furioso non est dandus gladius in tempore furie, quia seipsum interficeret: ergo cum peior sit interfectio in anima, non est dandum alicui quantumcunque petat, vnde

*D. Alber. Mag. in Lib. 4. Sentent.*

seipsum interficeret in anima: sed indigne accipiens corpus Domini, interficit seipsum, accipiendo: ergo non est dandum à sacerdote: ergo est repellendus.

2 Item, Aristoteles in 5. ethicorum dicit, quod iustum legale minus valet, quam iustum per naturam: quia iustum per naturam considerat quid, cui, quando reddendum: sed legale dicit semper esse reddendum quod suum est. Vnde legale præcipit reddi alteri quod suum est quando-cunque petit: iustum autem per se non reddit, nisi quando ad vtilitatem prouenire potest: & ideo habens depositum, non reddit petenti, vicinis latronibus qui spoliarent: ergo videtur à simili & hic, licet lex diuina præcipiat, quod sacramenta sint danda omnibus, tamen iustus sacerdos non debet dare nisi det ad salutem: sed indignus non sumit ad salutem: ergo sibi dari non debet: & ideo repellendus.

3 Item, Lex diuina etiam præcipit vt non fiat. Matth. 7. Nolite sanctum dare canibus, & margaritas nolite proicere ante porcos: canes autem & porci sunt peccatores: ergo talibus non est dandum: ergo repellendi sunt.

4 Item, Quod tibi non vis fieri, nunquam facias alicui, Tobie 4. sed sacerdos si esset indignus, deberet nolle sibi dari corpus Domini: ergo non debet dare alteri: ergo repellere debet indignum.

5 Item, Proiciens corpus Domini in latrinam vel in lutum, peccat mortaliter: sed peccator luto vilior est: ergo dans peccatori magis peccat, quam proiciens in lutum: ergo peccator est repellendus.

6 Item Ciprianus Episcopus ita scripsit Ebraico Episcopo: Pro dilectione tua consulendum me existimasti, frater charissime, quid videatur mihi de histrione & mago illo qui apud nos constitutus, adhuc in artis suæ dedecore perseverat, & magister & doctor, non erudiendorum, sed perdidendorum puerorum, id quod male didicit, ceteris quoque insinuat: an talibus sacra communio cum ceteris Christianis debeat dari, aut nobiscum debeant communicare? puto nec maiestati diuinæ, nec Evangelicæ disciplinæ congruere, vt pudor & honor Ecclesiæ tam turpi & infami contagione fœdetur. Ergo à simili aliqui repellendi esse videntur.

7 Item ex concilio Carthaginensi, Scenicis atque histrionibus, ceterisque huiusmodi personis, vel apostatis, conuersis vel reuersis ad Deum, gratia vel reconciliatio non negetur. Ergo à contrario sensu, si non reuertuntur, neque conuertuntur tales ad Deum, reconciliatio debet eis negari: ergo debent repelli.

*Solutio.* SOLUTIO. Dicendum, quod peccator duplex est, scilicet notorius, & occultus: occultus non debet repelli, notorius autem perseverans in peccato debet repelli. Est autem notorius duplex, scilicet per conuictionem testium in iudicio, sicut adulter conuictus & non pœnitens: & notorius per turpe officium vel artem vel contubernium quod exercet, sicut vsurarij & publicani per exercitium & officium publicum: & per artem histrio, & magus: & per contubernium turpe, sicut meretrix: tales enim repellendi sunt nisi pœnitentia publica prius prioribus actibus renuntiantes satisfaciant. Alij autem non sunt repellendi,

S ne



ne prodantur, & ne populus scandalizetur qui ignorat peccata eorum.

AD PRIMVM ergo dicendum, quod non est simile de peccatore, & furioso; quia furiosus non videt periculum suum, & ideo nihil habet retrahens ab interfectione sui, quando habet gladium: sed peccator vsum habet rationis, & videt suum periculum, & potest retrahi si vult.

AD ALIVD dicendum, quod per se iustum cauet proximo de periculo ex parte alterius, sed de periculo malæ voluntatis non cauet: & ideo vir iustus restituit alteri quod suum est, etiam quando scit, quod male expendit, licet non daret quando est inter latrones qui possunt auferre: & ita se habet sacerdos iustus ad peccatorem postulante corpus Domini.

AD ALIVD dicendum, quod lex diuina præcipit, quod sacerdos non det, & sacerdos non dat, sed ille rapit de manibus eius: præcipue cum sacerdos non sit nisi dispensator. Vel dicatur, quod vis est in eo quod dicit, Nolite, id est, non velitis: etsi quandoque aliud oporteat fieri propter necessitatem scandali: sicut dicitur Iacobi ultimo, Ante omnia fratres charissimi nolite iurare: tamen quandoque iurare necesse est propter malitiam incredulitatis.

AD ALIVD dicendum, quod hæc est falsa, quod sacerdos deberet velle in casu, quod sibi non daretur: imo deberet velle, quod si daretur, sed non deberet velle se accipere sibi daretur: quia dare iustum est, accipere autem iniustum.

AD ALIVD dicendum, quod non est simile: quia latrina & lutum impossibilitatem habent munditiæ ad recipiendum corpus Domini: sed non sic peccator qui in momento potest conteri & effici dignus: & ideo non debet negare: quia posset nocere multum si subtraheret peccatori pœnitenti, & peccator potest conuerti in momento.

AD ALIVD & vltimum patet solutio per distinctionem in fine istius solutionis positam.

### ARTICVLVS XVIII.

*An habenti peccatum mortale liceat videre corpus Christi & quomodo?*

**T**ertio quæritur, Vtrum liceat videre corpus Christi habenti mortale peccatum? Videtur enim, quod non: quia Luc. 17. laudatur publicanus qui nolebat oculos ad cælum leuare: ergo multo minus peccator est dignus videre corpus Domini, quod melius & dignius est cælo.

2 Item, 2. Paralip. vltim. dixit Manasses, Non sum dignus videre altitudinem cæli propter multitudinem meæ iniquitatis: ergo multo minus peccator dignus erit videre corpus Domini.

3 Item, 1. Reg. 6. Bethsamitæ percussi sunt, quia viderunt arcam Domini, quæ tantum figura fuit corporis Domini: ergo multo magis peccator percutietur, indigne respiciens corpus Dominicum.

4 Item, 2. Reg. 6. Oza percussus est, eo quod extendit manum vt teneret arcam, cum tamen calcitrassent boues trahentes illam. Ex hoc videtur, quod etiam si periclitaretur per casum vel ali-

quid aliud corpus Domini, quod peccatori non liceret tangere, nec videre.

**S**ED CONTRA: Sæpe videmus, quod ostensio boni prouocat ad bonum: ergo videtur, quod non debeant prohiberi videre peccatores. Sed contra.

2 Item videmus, quod vniuersalis vsus Ecclesiæ habet, quod facta consecratione, eleuatur hostia, à populo videnda & adoranda: cum tamen constat probabiliter celebranti, quod multi existentes in mortalibus peccatis assistant in Ecclesia: constat autem, quod vniuersalis Ecclesia nihil agit periculosum: non ergo periculosum est videre, sed salubre, vt videtur.

**S**OLVTIO. Dicendum videtur, quod videri potest, & debet: sed non multiplicari respectus propter humilitatem: sed potius viso corpore percutiendo pectus in pœnitentia recogitet, quod non sit dignus, quod in conspectu & visu frequentati remaneat tantæ sanctitatis. Solutio.

**D**ICENDVM igitur ad auctoritates duas quæ primo inducuntur, quod laudatur humilitas in illis: & illa laudatur in isto in hoc quod respectum non multiplicat: sed tamen propter admonitionem mortis Christi quæ petras scindit, & ex illis suscitatur filios Abraham, bonum est videre memoriale mortis. Vnde non est simile de cælo, eo quod tale non est memoriale eius, quod tam efficaciter conuertit peccatores.

AD ALIVD dicendum, quod Bethsamitæ percussi sunt qui nudam arcam viderunt, quam videre non debuerunt nisi inuolutam, sicut dicitur Num. 4. vnde etiam in litera innuitur, quod curiositate multi potius respiciebant arcam, quam vocarent sacerdotes qui inuoluerent eam. Hic autem corpus Domini inuolutum est specie panis & vini: & ideo videri potest.

AD ALIVD dicendum, quod vt communiter dicitur, Oza percussus est propter duo: vnum, quia pollutus in nocte cum vxore, præsumpsit in mane propior accedere ad currum, & tenere eum volens propior inter cæteros accedere, debuit se digne præparare: vel quando noluit se præparare, debuit alium propius dimittere accedere, qui dignior esset. Alia causa erat: quia cum esset Leuita, debuit portare arcam propriis humeris, sed ipse permisit eam boues trahere, & ideo percussus est.

### ARTICVLVS XIX.

*An ille qui aliter celebrat quam institutum est à Christo, peccet mortaliter?*

**D**einde quæritur de hoc quod dicit ibi [Indignus est qui aliter celebrat mysterium quam Christus tradidit, &c.] Quæritur enim, Quis sit ille? potest enim multipliciter aliter celebrari, aut ex parte materiæ, aut ex parte formæ. Ex parte materiæ: sicut Græci qui conficiunt in fermentato, cum Dominus consecrauit in azymo: vel qui non miscet vino aquam. Videtur ergo, quod omnis talis peccat mortaliter: vel dicatur, quis sit ille qui aliter celebrat.

**S**OLVTIO. Dicendum, quod omnia illa consideranda sunt circa materiam & formam, & modum missæ & canonis: quæ supra determinata sunt Solutio.



sunt: & aliter celebrans ex contemptu, peccat mortaliter, & adeo indignus est, quod gradus sui periculo debet subiacere. Cum quosdam errores contra celebrationem sacramenti Iulius Papa tangat scribens (& ponitur in decreto de consecratione distin. 2. capi. Cum omne crimen) sic dicens: Audiuimus quosdam schismatica ambitione detentos, contra diuinos ordines & Apostolicas institutiones, lac pro vino in diuinis sacrificiis dedicare: alios quoque intinctam Eucharistiam populis pro complemento communionis porrigere: quosdam etiam expressum vinum in sacramento Dominici calicis offerre: alios vero pannum lineum multo intinctum per totum annum referuare, & in tempore sacrificij partem eius aqua lauare, & sic offerre: quod quam sit Euangelicæ atque Apostolicæ doctrinæ contrarium, & consuetudini Ecclesiasticæ aduersum, non difficile ab ipso fonte veritatis probabitur, à quo ordinata ipsa sacramentorum mysteria processerunt. Quintus error est in celebrandi & sumendi modo, vt parum infra dicitur. Vnde Gelas. Papa: Comperimus, quod quidam sumpta tantummodo corporis sacri portione, à calice sacri cruoris abstineant: qui procul dubio (quoniam nescio qua superstitione docentur altringi) aut integra sacramenta percipiant, aut ab integris arceantur: quia diuisio vnius eiusdemque mysterij sine grandi sacrilegio non potest provenire. Alius error tangitur in concilio Tolitano. 12. Relatum est nobis quosdam de sacerdotibus non tot vicibus communionis sanctæ gratiam sumere, quot sacrificia in vno die videntur offerre: sed si in vno die plurima offerant sacrificia, omnibus se oblationibus à communione suspendunt: & in sola tantum extremi sacrificij oblatione communionis sanctæ gratiam sumunt, &c. Quare ita certum est, quod hi qui sacrificantes non edunt, rei sunt Dominici sacramenti. Quicunque ergo sacerdotum deinceps diuini altaris sacrificium oblaturus accesserit, & se à communione suspenderit, ab ipsa qua se indecenter priuauit gratia communionis, anno vno repulsum se nouerit. Nam quale erit sacrificium cui nec ipse sacrificans particeps esse dignoscitur? Alij etiam sunt modi infiniti: sed isti modi sufficiant quia à sanctis Patribus modo sunt tacti.

## ARTICVLVS XX.

*An existenti in peccato mortali debeat sacerdos dare hostiam consecratam, vel non consecratam?*

**D**Einde quæritur de hoc quod dicit statim post [Qui cum mortali peccato accedens, &c.] Videtur enim cum sacerdos sit medicus, & sacramentum medicina, quod sacerdos tali quantuncunque desideranti dare non debet: ergo repellere debet eum: quod supra improbatum est.

*Quæst. 1.* **I**N X T A hoc vltius quæritur, Vtrum tali melius sit dare hostiam non consecratam: Videtur, quod sic: quia sic cauetur ei ne sibi noceat indigna sacramenti communicatio.

2 Item, Per hoc remouetur scandalum: quia populus forte scandalizari posset de hoc quod non communicat.

*D. Alb. Mag. in Lib. 4. Sentent.*

**S E D C O N T R A:** 2. Mach. 6. Nolebat Eleazarus simulare etiam propter vitæ amorem: ergo videtur, quod nec hic simulandum est.

2 Item, Hoc sacramentum est sacramentum veritatis: ergo repugnat omni falsitati: ergo nihil in eo est per falsitatem agendum: sed esset falsitas quædam simulatio talis: ergo non est dandum.

*Quæst. 2.* **V L T E R I V S** quæritur, Si sacerdos per se non petentibus talibus possit dare panem benedictum, & non Eucharistiam? Videtur autem, quod non, habitis rationibus.

2 Præterea, Potest in momento compungi: & si compungitur, nocet ei sacerdos subtrahendo cibum salutarem: ergo non debet facere.

3 Item, Nihil prodest per hoc peccatori, quia ille credit se communicare: ergo ita contemnit non communicans, sicut communicans: ergo non debet ei dare nisi hostiam. Item, Dominus dedit Iudæ Eucharistiam: ergo & dispensator eius debet dare malis.

*Solutio.* **S O L V T I O.** Dicendum ad primum, quod non omnino simile est de medico & sacerdote: quia sacerdos adiuuat voluntatem hominis quæ libera est ad hoc quod faciat quod in se est: & tunc Deus non negat gratiam: sed medicus adiuuat naturam quæ subiacet necessitati, & quandoque adiuuari non potest, nec redire potest quando vult: & ideo sacerdos dat quod ille vult, vt sic à morte & verecundia retrahatur voluntas, & conuertatur ad Dominum: medicus autem non, quia nociuis non adiuuatur natura, sed potius impeditur.

*Quæst. 1.* **A D A L I V D** quod iuxta hoc quæritur, dicendum quod tali petenti potest dari hostia non consecrata seorsum quidem posita, non corpori Domini intermixta: tamen non sæpe debet fieri, vt puto, vt magis de peccato suo territus citius reuertatur.

**A D H O C** quod contra obiicitur, dicendum quod non est simile de Eleazaro: quia ille rogabatur simulare se comedere illicitum, quod nullus simulare debet: hic autem simulatur licitum, quod etiam præceptum est fieri.

**A D A L I V D** dicendum, quod non est falsitas, sed potius cautela mali quod posset ex scandalo multorum esse: nec etiam est simulatio in sacramenti consecratione, sed potius in similitudine vsus sacramenti.

*Quæst. 2.* **A D I D** quod vltius quæritur, dicendum quod nullo modo debet hoc sacerdos ex seipso facere, sicut probatum est: sed si rogatur, aliquando acquiescere potest, & non sæpe, sicut diximus.

## ARTICVLVS XXI.

*Quare communicaturus specialiter iubetur dimittere debitoribus suis?*

**D**Einde quæritur de hoc quod dicit ibi [Antequam accedas, dimitte debitoribus tuis, &c.] Quare specialiter facit mentionem de isto peccato in communicando: omne enim peccatum facit indignum si est mortale, vt ante dixi: ergo mentionem generaliter facere deberet de omnibus vt dimitteretur ei.



AD HOC videtur dicendum, quod sacrificium quo Christus obtulit seipsum, præcipue fuit propter amorem fraternum. Vnde Hebr. 2. Quia pueri communicauerunt carni & sanguini, & ipse similiter participauit eisdem: ut per mortem destrueret eum qui habebat mortis imperium, id est, diabolum, & liberaret eos qui timore mortis per totam vitam obnoxij erant seruituti. Et ideo peccatum odij fratrum maxime contrariatur communioni. 1. Cor. 11. Primum quidem, id est, præcipuum malum, audio scissuras esse inter vos.

## ARTICVLVS XXII.

*An magister bene dicat, quod spiritualiter manducat qui innocentiam ad altare portat?*

**D**Einde quæritur de hoc quod dici ibi [Spiritualiter manducat, qui innocentiam ad altare portat &c.] Secundum hoc enim videtur, quod pauci manducant spiritualiter: quia pauci sunt innocentes, qui non peccauerunt.

**SOLVTIO.** Dicendum quod intelligitur de innocentia quantum ad immunitatem culpæ mortalis, & non de innocentia baptismi: homo enim per penitentiam potest esse immunis à culpa: & sic sumitur innocentia à beato Gregorio in quadam quadagesimali Collecta: Deus innocentia restitutor & amator, quem nosse viuere, & cui seruire regnare est, &c.

*Si illud sit sacrificium, etsi sæpius immoletur Christus?*

**P**OST hæc quæritur, Si quod gerit sacerdos, proprie dicatur sacrificium vel immolatio: & si Christus quotidie immoletur, vel semel tantum immolatus sit? Ad hoc breuiter dici potest, illud quod offertur & consecratur à sacerdote vocari sacrificium & oblationem: quia memoria est & representatio veri sacrificij & sanctæ immolationis factæ in ara crucis. Et semel Christus mortuus in cruce est, ibique immolatus est in semetipso. Quotidie autem immolatur in sacramento, quia in sacramento recordatio fit illius quod factum est semel. Vnde August. Certum habemus quia Christus resurgens ex mortuis iam non moritur. &c. tamen ne obliuiscamur quod semel factum est, in memoria nostra omni anno fit, scilicet quoties pascha celebratur. Nunquid toties Christus occiditur? sed tantum anniuersaria recordatio repræsentat quod olim factum est: & sic nos facit moueri tanquam videamus Dominum in cruce. Item semel immolatus Christus in semetipso, & tamen quotidie immolatur in sacramento. Quod sic intelligendum, quia in manifestatione corporis & distinctione membrorum semel tantum in cruce pependit, offerens se Deo patri hostiam redemptionis efficacem, eorum scilicet quos prædestinauit. Item Ambrosius, In Christo semel oblata est hostia ad salutem potens: quid ergo nos? Nonne per singulos dies offerimus? Et si quotidie offeramus, ad recordationem eius mortis fit: & vna est hostia, non multæ. Quomodo vna, & non multæ? quia semel immolatus est Christus. Hoc autem sacrificium exemplum est illius: id ipsum, & semper id ipsum offertur: proinde hoc idem est sacrificium, alioquin diceretur, quoniam in multis locis offertur, multi sunt Christi: non, sed vnus vbique est Christus: & hic plenus existens, & illic plenus: sicut quod vbique offertur, vnum est corpus, ita & vnum sacrificium. Christus hostiam obtulit: ipsam offerimus & nunc: sed quod nos agimus, recordatio est sacrificij. Nec causa suæ infirmitatis repetitur, quia perficit hominem: sed nostræ, quia quotidie peccamus. Ex his colligitur esse sacrificium & dici, quod agitur in altari: & Christum semel oblatum & quotidie offerri: sed aliter tunc,

Hebr. 7.

Super  
Psal. 26.  
& habetur  
de conse.  
dist. 2. c.  
Semel.

August.  
in lib.  
sententiarum  
prosperi.  
& habetur  
de consec.  
dist. 2. c.  
Semel  
immolatus.  
Super  
Epistolam  
ad Hebræos.  
& allegatur  
de consec.  
dist. 2. c.  
In Christo.



tunc, aliter nunc. Et etiam quæ sit virtus huius sacramenti ostenditur: remissio scilicet peccatorum venialium, & perfectio virtutis.



DIVISIO TEXTVS.

**P**OST hæc quæritur, Si quod gerit sacerdos, proprie dicatur sacrificium? Hæc est vltima pars huius tractatus de Eucharistia, in qua agitur de ipsa ex parte consecrantis eam: & hoc est ex parte causæ efficientis vel quasi efficientis: & diuiditur in duas partes, in quarum prima agitur de actu sacerdotis quem facit in consecrando. In secunda agitur de his quæ hoc sacramentum requirit in consecrando, sicut ordinem, & vitam, & intentionem: & incipit *ibi* [Solet autem quæri, Vtrum prauis sacerdotibus] Adhuc autem prima habet quæstiones quatuor, quarum ramen duæ simul tanguntur & determinantur in libro, scilicet quo nomine vocetur actus sacerdotis, & vtrum Christus semel vel sæpius immoletur: & de solutione harum est capitulum primum. Secunda quæstio est de institutione huius sacramenti: & de hoc est capitulum secundum, quod *ibi* incipit [Institutum est enim hoc sacramentum, &c.] Tertia quæstio est, vtrum quotidie vel raro celebrandum & communicandum sit: & de hoc est tertium capitulum quod incipit *ibi* [Si autem quærat, vtrum quotidie communicandum sit, &c.]

ARTICVLVS XXIII.

*An Christus immolatur in omni sacrificio?*

**I**ncidit autem quæstio circa primum. Viderur, quod non dicatur Christus quotidie sacrificari & immolari propter representationem præteritorum: eadem enim ratio est de crucifixione & morte, quæ est de sacrificio & immolatione: ergo si dicatur immolari, quia sit representatio immolationis factæ, dicetur crucifigi & tradi, quia sit representatio crucifixionis & occisionis factæ: quod falsum est.

2 Item, Non sequitur, istius occisio representatur: ergo iste occiditur: ergo nec hic sequi videtur, immolatio vel sacrificium representatur: ergo immolatur vel occiditur.

3 Item videtur, quod fieri hoc non debeat: quia hoc quod est occasio hæresis, ab Ecclesia fieri non debet: sed representatio mortis significat mortalem, cum tamen dicat Apostolus, quia Christus resurrexit à mortuis, iam non moritur: ergo fieri non debet.

4 Item, In sacramento nulli facienda est iniuria: sed Christus semel oblatus, hominum peccata tulit sufficienter, prout dicit Apostolus: ergo iniuria fit ei si tota die offertur pro peccatis.

*Quæstio.* VLTERRIVS quæritur, Quare dicatur immolatio vel sacrificium? Ad hoc dicendum, quod Christus omni die verissime immolatur, cum sacrificium offertur Deo patri: immolatio enim dicitur

*D. Alb. Mag. in Lib. 4. Sentent.*

actum oblationis ex parte rei oblatae, & sacrificium dicit eundem actum ex parte effectus: vnde cum ex parte rei oblatae semper maneat oblatio pro nobis oblata & offerenda, semper immolamus & semper sacrificamus. Non est autem ita de crucifixione: hæc enim dicit non actum rei oblatae, sed potius actum iniquum Iudæorum vel passionem, prout est ab eis illata: sic autem non fuit iteranda: & ideo non est simile. Et per hoc patet solutio ad primum.

AD ALIVD dicendum, quod immolatio nostra non tantum est representatio, sed immolatio vera, id est, rei immolatae oblatio per manus sacerdotum: vnde duo dicit, scilicet rem occisam, & oblationem: quia immolatio proprie est oblatio occisi ad cultum Dei: & quoad oblationem non est representatio tantum, sed verus actus offerendi. Sic autem non est de occisione & crucifixione.

AD ALIVD dicendum, quod non est hic occasio hæresis: sed esset si notaretur iterati occisio: & hoc dictum est quia non notatur.

AD ALIVD dicendum, quod non fit iniuria: quia eadem res semper offertur, & sub vno effectu: sed si quæreretur alia res ad occisionem & redemptionem, tunc morti Christi fieret iniuria.

AD VLTIMUM dicendum, quod nomen ipsum quod est immolatio, dicitur ab instrumentis, vbi occidebatur pecus quod offerebatur: occidebatur enim super magnum lapidem ad modum molaris rotundum, & partes occisi super eum ponebantur: & loco illius modo vtimur altari: sed secundum significationem propriam sonati actum oblationis ex parte rei oblatae & occisæ: sacrificatio autem dicit eundem ex parte effectus.

ARTICVLVS XXIV.

*An Christus quotidie immoletur in sacramento?*

**D**Einde quæritur de hoc quod dicitur *ibi* [Quotidie autem immolatur in sacramento, &c.] Instantia enim huius videtur esse in Parasceue: quia tunc non consecratur.

VLTERRIVS quæritur, Quare illo die non consecratur? *Quæstio.*

VLTERRIVS adhuc quæritur, Quare sanguis à die cænæ vsque in diem Parasceues non referuatur, sicut corpus? *Quæstio.*

SOLVTIO. Dicendum, quod quotidie immolatur, licet non quotidie conficiatur: quia etiam in Parasceue immolatio fit absque consecratione.

AD ALIVD dicendum, quod instituit Ecclesia, quia illo die Christus vere seipsum obrulit in cruce: & ideo noluit Ecclesia vt immolaretur in sacramento, vt populus circa veram oblationem, ablata sacramentali quæ sub velamine est, magis afficeretur.

AD ALIVD dicendum, quod nulla causa est quam

*Ad quæstionem.*

*Quæstio.*

*Quæstio.*

*Solutio.*

*Ad quæstionem.*

*Ad quæstionem.*



quam quidam dicunt, quod hostiæ consecrata in-  
tinctione vinum in Parasceue conuertatur in  
sanguinem: quia secundum hoc alicui sacerdoti  
intingenti corpus Christi in vino, & postea su-  
menti utrumque, scilicet corpus & vinum, iterum  
eodem die liceret celebrare: quod falsum est, cum  
sit pransus. Item vinum non fit sacramentum  
nisi accedente verbo: si autem verum esset quod  
isti dicunt, efficeretur sacramentum sine forma  
sacramenti. Vnde dicendum, quod sanguis non  
reseruatur propter periculum effusionis, quia  
effundi posset: & iterum quia non potest reponi  
de vase in vas nisi aliquid adhæreat vasi de hu-  
more: & ideo Ecclesia statuit non reseruand-  
um esse.

Deinde notandum est circa hoc quod dicit  
[Quoties pascha celebratur] quod pascha dicitur  
multipliciter. Quandoque enim dicitur panes  
azymi, qui tunc comedebantur. Ioan. 18. Non  
introierunt in prætorium vt non contaminaren-  
tur, sed manducarent pascha. Item dicitur Chri-  
stus immolatus. 1. Corinth. 5. Etenim pascha no-  
strum immolatus est Christus. Item agnus pas-  
chalis qui tunc comedebatur. Matth. 26. Vbi vis  
paremus tibi comedere pascha? Item tempus illud  
quando celebratur. Ioan. 13. Ante diem festum  
paschæ, &c. Item cæna quam comedebant in ves-  
pera. Matth. 26. Scitis quia post biduum pascha  
fiet. Vnde versus:

*Est azymum pascha, Iesus, agnus, vespera,  
cæna.*

Deinde notandum est super hoc [Nonne per  
singulos dies offerimus, &c.] Innocentius enim di-  
cit, quod quinque de causis hæc sit immolatio.  
Prima, quia quotidie peccamus: & ideo oportet  
paratam esse medicinam: & hæc tangitur in litera.  
Secunda est, vt lignum vitæ semper sit in medio  
paradisi. Tertia, vt nobis vniatur Christus sacra-  
mentaliter, & nos ei spiritualiter. Et hanc tangit  
Hilarius in 8. de Trinitate sic dicens, Cor gradum  
quendam atque ordinem consummandæ veritatis  
exposuit, nisi vt ille in Patre per naturam diuini-  
tatis, nos econtra in eo per per corporalem na-  
tiuitatem eius: & ille rursus in nobis per sacra-  
mentorum mysterium crederetur: ac si perfecta  
mediatoris vnitas doceret, vt nobis in se manen-  
tibus ipse maneret in Patre, & in Patre manens  
maneret in nobis: & ita ad vnitatem perficiendam  
cum qua in eo naturaliter per natiuitatem inest,  
nos quoque natura in eo inessemus, ipso Christo  
naturaliter in nobis permanente. Quod autem in  
nobis naturaliter hæc vnitas sit, ipse ita testatus  
est dicens, Qui manducat meam carnem & bi-  
bit meum sanguinem, in me manet & ego in eo.  
Quarta causa est vt habeamus memoriam passio-  
nis: & hæc tangitur 1. Corinth. 11. Hoc facite in  
meam commemorationem. Quinta est, vt Iudæi  
conuersi agno veto loco typici vrantur, quem  
esurient, sicut dicit Psalm. Conuertentur ad  
vesperam, & famem patientur vt canes, & cir-  
cuibunt ciuitatem.

Psalm. 58.

## ARTICVLVS XXV.

*An sacramentum Eucharistia valeat con-  
tra venialia peccata?*

**D**einde quæritur de hoc quod dicit ibi [Nec  
causa infirmitatis repetitur, &c.] Ex hoc

enim quod hic dicitur, videtur quod hoc sacra-  
mentum valeat contra venialia: videtur autem,  
quod etiam contra mortalia valeat: quia dicitur  
in Collecta beati Gregorij quæ pro viuis & mor-  
tuis in communi dicitur. Sit ablutio scelerum, sit  
fortitudo fragilium, sit contra mundi pericula fir-  
mamentum, sit viuorum atque mortuorum fide-  
lium remissio omnium delictorum. Ex prima  
parte accipitur, quod valet contra mortalia: quia  
scelera non nisi mortalia dicuntur. Ex parte vero  
ultima accipitur quod æqualiter valet contra ve-  
nialia & contra mortalia.

2 Item, Supra habitum est in eodem capitu-  
lo, quod est representatio mortis Christi & obla-  
tionis: sed illa fuit contra mortalia & venialia:  
ergo hoc sacramentum contra vtrique peccato-  
rum genera ordinatur.

3 Item, De consecratione distinct. 2. Iulius  
Papa dicit, Cum omne crimen atque peccatum  
oblatis Deo sacrificiis deleatur, quid de cætero pro  
delictorum expiatione Domino dabitur, quando  
in ipsa sacrificij oblatione erratur? Ergo videtur,  
quod istud sacrificium valeat ad omnis delicti  
expiationem.

4 Item, Istud vocatur sacramentum sacra-  
mentorum, & maximum sacramentum: ergo  
maiores habet effectum quam alia quæ non  
sunt tam digna sacramenta: sed baptismus &  
pœnitentia valent contra mortale: ergo multo  
magis & istud.

5 Item, Actus hominis gratia informatus,  
minus valet quam actus Christi, qui plenus est  
gratia: sed actus hominis gratia informatus suf-  
ficit delere mortale, sicut patet in dolore pœni-  
tentia: ergo multo magis actus Christi: & ille  
representatur in communione: ergo valet contra  
mortalia.

SED CONTRA videtur, quod non valet  
contra venialia: sacramentum enim valet ad ef-  
fectum suum proprium inducendum: sed non est  
eius proprius effectus deletio venialium: ergo  
non inducit illum. Probatio minoris. Quicquid  
est contra quod multa ordinantur, nullum eorum  
erit proprium destructiuum illius, nisi omnia illa  
sint vnum in ratione, vel vnum reducat ad  
aliud: sed contra veniale multa ordinantur, sicut  
aqua benedicta, benedictio pontificalis, & huius-  
modi: & non habent omnia hæc vnā ratio-  
nem, nec reducitur vnum ad aliud: ergo nul-  
lum eorum est proprium destructiuum peccati  
venialis.

2 Item, Sit quod aliquis accedat cum duo-  
bus vel tribus venialibus: aut valet ad omnium  
remissionem, aut non. Et non potest dici, quod  
non valeat ad omnium remissionem, quia eadem  
est ratio de vno & de alio: ergo si valet ad re-  
missionem vnus, valet ad remissionem omnium.  
Si autem hoc detur: tunc aliquis in hac vita po-  
test viuere sine peccatis, quod est contra Augu-  
st. dicentem, quod hoc non potest fieri, & est scriptum  
supra in 3. distinct. 2.

3 Item, Cum purgatio talis sit effectus huius  
sacramenti: & omnia talia remedia frequenter  
debeant iterari: videtur, quod secundum hoc  
vno die deberet pluries communicari, vel plures  
missæ celebrari, quod falsum est.

ITEM quod non valet contra mortale, sic  
videtur probari: quia aut accedit cum mortali,  
aut



aut non. Si sic: ergo iudicium sibi manducat & bibit. Si non: ergo non remittitur sibi mortale. Item, In cœna Christi valuit omnibus præter eum qui accessit cum mortali, scilicet Iudam, de quo dicitur Ioan. 13. quod post buccellam introiuit in eum Satanas: ergo similiter fit adhuc: ergo non remittitur mortale peccatum in perceptione huius sacramenti.

*Solutio.* SOLUTIO. Sicut supra dictum est in questione de distinctione sacramentorum, Eucharistia nec contra mortale nec contra veniale ordinatur, sicut ad proprium effectum, sed potius contra debilitatem quæ procedit ex deperditione spiritualitatis: quæ deperditio spiritualitatis contingit tam ex originali quam actuali peccato. Sed quod hic dicit Ambros. & Magister in fine capituli concludit, intelligitur de effectu consequenti, & communi huic sacramento & aliis quibusdam remediis peccati: cum enim per spirituale cibum restituitur robur spiritus, tunc excludit venialium frequentiam: & ex feruore deuotionis deletur veniale quod inest, & etiam reatus pœnæ peccati mortalis, quod per pœnitentiam factum est veniale. Et hoc modo intelliguntur verba sanctorum inducta.

AD PRIMUM ergo dicendum, quod ablutio est scelerum, quantum ad reliquias remanentes, & debitum pœnæ.

AD ALIUD dicendum, quod hoc modo quo dictum est, valet contra omne peccatum, sed proprie restaurat robur spiritus deperditi ex peccato & pœna peccati.

AD ALIUD dicendum, quod mors Christi multa habuit, quæ non habet in se, nisi per representationem sacramentum: habuit enim positionem animæ secundum veritatem, & pœnam pro omnibus satisfaciendam sufficienter, licet non efficienter: & hoc non habet in se sacramentum per veritatem: quia Christus modo non moritur, nec pœnam passionis patitur: & ideo non sequitur, quod sacramentum sicut passio valeat contra omne peccatum, sed quod representatur in ipso re-

missio omnis peccati sufficienter, non efficienter.

AD ALIUD dicendum, quod multis modis sicut etiam supra tactum est, & de confirmatione habitum est, dicitur vnum sacramentum maius alio: quia vel à maiori datur: vel maioris gratiæ collatum: vel quia dignior est res contenta: vel dignioris rei non contentæ significatiuum. Et primo quidem modo confirmatio, secundo baptis- mus, tertio Eucharistia, & quarto matrimonium dignius dicitur: & ideo non sequitur si maius est in genere, quod maiorem gratiam conferat contra peccatum, quod est esse maius secundum quendam modum maioritatis sacramentorum. Et est ibi fallacia consequentis.

AD ALIUD dicendum, quod actus Dei qui est dolor satisfactiuus pro peccatis nostris, non est per veritatem in sacramento, sed per representationem solum: & ideo illa obiectio non valet.

AD ID quod obicitur, quod non valet contra venialia, bene videtur esse concedendum per eum modum quo procedit prima obiectio. Sed secunda non valet: quia ex consequenti delet venialia: & ideo si aliquis consequitur remissionem venialium omnium, quod bene credo quod sæpe contingit: tamen verbum Augustini & Ioannis Euangelistæ manet verum: quia non diu potest manere in tali statu, manente concupiscentia in carne.

AD ALIUD dicendum, quod etiam si valeat contra venialia, non sequitur, quod frequenter debeat iterari quia cum sit sacramentum dignissimum quantum ad rem contentam, exigit magnam præparationem ante faciendam, quæ non potest sæpe fieri: tamen commendatur propter hoc omni die communicans, vt dicitur in litera, dummodo digne communique: quæ dignitas causatur ex præparatione præcedenti.

AD ALIUD dicendum, quod non est accedendum cum mortali peccato: sed tamen contra mortale valet, non ex parte culpæ, sed pœnæ, vt dictum est. Et per hoc etiam patet solutio ad totum.

### *De causa institutionis.*

**I**NSTITVTVM est enim hoc sacramentum duabus de causis. In augmentum virtutis, scilicet charitatis, & in medicinam quotidianæ infirmitatis. Vnde Ambros. Si quoties effunditur sanguis Christi, in remissionem peccatorum effunditur, debeo semper accipere, qui semper pecco: debeo semper habere medicinam. Item Augustinus. Iteratur quotidie hæc oblatio, licet Christus semel sit passus: quia quotidie peccamus, peccatis, sine quibus mortalis infirmitas viuere non potest. Et quia quotidie labimur, quotidie Christus mystice immolatur pro nobis. Dedit enim nobis hoc sacramentum salutis, vt quia nos quotidie peccamus, & ille iam mori non potest, per hoc sacramentum remissionem consequamur. Quotidie comeditur ipse & bibitur in veritate, sed integer & viuus manet. Item, Mysterium fidei dicitur: quia credere debes, quod ibi salus nostra consistat. Si autem quærat, Vtrum quotidie communicandum sit? Audi quid inde tradit Augusti. Quotidie, inquit,



sticis do-  
gmati-  
bus. c. 53.

Fabia-  
nus Pa-  
pa.  
De cōse.  
dist. 2.  
c. Sinon.

accipere Eucharistiam, nec laudo, nec vitupero: omnibus tamen Dominicis diebus communicandum hortor. Si tamen mens in affectu peccandi est, grauari magis dico Eucharistiæ perceptione, quam purificari. Et licet quis peccato mordeatur, si peccandi tamen de cætero non habeat voluntatem, & satisfaciat lacrymis & orationibus, accedat securus: sed hoc de illo dico, quem mortalia peccata non grauant. Si non frequentius, saltem ter in anno homines communificent, nisi forte quis criminalibus impediatur: in Pascha scilicet, & Pentecoste, & in Natali. Omnes ergo communificent, qui noluerint carere ecclesiasticis liminibus.

## ARTICVLVS XXVI.

*An sacramentum Eucharistiæ congruo tempore sit institutum à Christo post cœnam?*

**D**Einde quæritur de hoc quod tertio quæritur, & tangitur ibi [Institutum est enim hoc sacramentum duabus de causis, &c.] Cum enim alia sacramenta sæpius instituta sint, sicut baptis- mus cum dictum est, Nisi quis renatus fuerit ex aqua, &c. Ioan. 3. & in baptismo Saluatoris, ut supra determinatum est in quæstionibus de baptismo Saluatoris, & istud sacramentum sit sacramentum sacramentorum, videtur & istud sæpius debere esse institutum.

2 Item, Baptismus institutus est post passionem quantum ad formam: Eucharistiæ vero effectus est incorporatio qua fideles incorporantur Christo, quæ fit per inuolutionem, cuius exemplum est resurrectio: ergo etiam deberet institutum esse post resurrectionem.

3 Item, Innocentius, sicut supra notauimus, vnā causam ponit Eucharistiæ, ut lignum vitæ sit in medio paradisi: lignum autem vitæ panis Angelorum est, & hoc est per gloriam beatitudinis quæ post resurrectionem est ostensa: ergo videtur, quod post resurrectionem debuit institutum fuisse.

4 Vltius videtur, quod ante cœnam institui debuit: agnus enim paschalis sumi non debuit ab agno, sed potius ab his qui redimebantur per sanguinem agni: ergo videtur, quod Christus, qui verus agnus est, non debuit prius comedere agnum typicum, sed potius ante cœnam, vel sine cœna offerre seipsum. Item, cum Christus recepit circumcisionem, non statim ad circumcisionem continuauit baptismum, sed diu post. Cum igitur similiter se habeant adinuicem agnus typicus & verus, sicut circumcisio & baptismus, videtur quod non statim post agnum typicum debuit institui immolatio agni veri, sed diu post: & hoc non est factum.

Quæstio-  
nula.

Vltius quæritur de causa institutionis, quam Magister tangit in litera, scilicet quæ est augmentum virtutis: de alia enim causa quam tangit in litera, ante habitum est. Eiusdem enim est augere virtutem & conferre: sed baptismi est conferre virtutem: ergo & baptismi est augere: ergo hæc non est propria causa institutionis Eucharistiæ. Quod autem prima sit vera, patet

per virtutem consuetudinem quæ generatur ab actibus & augetur ab eisdem, & sic est de aliis rebus in natura.

2 Item, Supra in tractatu de baptismo dist. 4. dicitur, quod virtutes in baptismo augentur: ergo patet, quod non est proprius effectus Eucharistiæ.

3 Item, Supra in principio huius notulæ super hunc quartum sæpius probatum est, quod omne sacramentum est contra peccatum & contra vulnus peccati, & in hoc differt gratia sacramentalis à gratia quæ est in donis & virtutibus: ergo secundum hoc nullius sacramenti proprius effectus erit augere virtutem: ergo nec istius: ergo & ista causa quam tangit in litera, nulla esse videtur.

4 Si dicatur, quod non auget virtutes in genere, sed quandam auget virtutem, scilicet charitatem. Contra: Charitas augetur, gratia aucta per bona opera: quia dicit Augustinus, quod charitas datur ut nutriatur, & nutrita augeatur, & aucta perficiatur: cum autem hoc facere sit gratiæ & bonæ vitæ, non erit proprius effectus huius sacramenti. Item nihil augetur nisi per id quod unitum sibi simile est in specie, ut caro hominis per id quod fit caro hominis, & sic de aliis: sed supra probatum est, quod gratia sacramentalis & gratia virtutum non sunt vnus speciei: ergo vna non auget aliam: ergo falsum est quod dicitur in litera, ut videtur.

**SOLUTIO.** Dicendum videtur ad hoc, quod instituta est Eucharistia, ut hic dicitur, à Deo ad medicinam quotidianæ infirmitatis, quæ causatur ex deperdito robore abstinentia spiritualis cibi, ut sæpius dictum est, & non debuit institui nisi post cœnam ante passionem, quia non nisi à passione trahit effectum, & est representatio ipsius passionis: & ideo tanquam memoriale arctius memorie commendandum, vltimo institui debuit, ut infra in litera dicitur.

**AD ID** autem quod primo obiicitur, dicendum quod in baptismo multa fuerunt, & penes illa multa varias habuit institutiones, ut supra in quæstionibus de baptismo dictum est: sed non sic est in Eucharistia, quæ tota gratiæ est, & ideo non nisi prope ostensionem maximæ gratiæ debuit ostendi.

**AD ALIUD** dicendum, quod baptismus est sacramentum necessitatis ad quod multis modis oportuit assuefacere homines: & ideo ante Christum inducebatur à Ioanne, & postea à Christo multis modis instituebatur, & post resurrectionem



mem habuit complementum formæ: sed Eucharistia est representatio immolationis factæ in passione, & ideo non debuit post, sed ante institui: licet enim innouet, hoc est effectus eius consequens, & non proprius, ut habitum est.

AD ALIVD dicendum, quod lignum vitæ est panis Angelorum: tamen secundum quod sub sacramento accipitur, panis est sub cineribus coopertus, id est, exprobrationibus occidentium, & sputis, & flagellis, & etiam ideo frequentius iteratur figura crucis in consecratione, quod non fiet quando aperta rerum veritate accipitur.

AD ALIVD dicendum, quod Christus Nouum Testamentum in sacrificiis vtriusque continuauit Veteri, sumendo prius agnum paschalem, & postea dando suum corpus: & ideo debuit institui post cœnam, quod verum est: Christus ergo agnum paschalem sumpsit, & non fecit ut ostenderet se indigere liberatione, sed in omnibus tenendo legem, ostendit legem non esse prophanam, sicut idololatriam, & à Deo esse datam: & in veritatem Noui Testamenti esse conuertendam. Obiectio autem illa procedit ac si agnus à nullo comederetur, nisi hoc fine quod liberaretur per ipsum ab Angelo exterminatore.

AD ALIVD dicendum, quod ad baptismum multipliciter oportuit homines induci, tum quia est sacramentum necessitatis, tum quia est generale sacramentum, tum etiam quia est ianua sacramentorum: & bene & congrue isto introducto, omnia alia sunt introducta: & ideo oportuit diu post circumcisionem susceptam expectare: sed non sic est in Eucharistia: sed statim continuari debuit nouum ad verum, consummato veteri per passionem Christi.

AD ID autem quod vltius quæritur de causa quam tangit Magister in litera, dicendum quod sacramentum corporis Christi multipliciter potest ostendi, secundum quod ipsum multa in se habet. Potest enim attendi quantum ad suam rem principalem quam continet & causat ex parte suscipientis quantum in se est: & sic proprie est sacramentum nouæ legis, specialis gratiæ collatiuum, quæ est ordinata contra infirmitatem quotidianam, quæ est ex debilitate roboris spiritualis, ut dictum est. Potest & attendi non in quantum est sacramentum, sed in quantum est representatio eorum quæ facta sunt circa mortem Christi: & sic est sacramentum amoris, quia ibi IESVS circa nos maiorem amorem ostendit, & sic nostrum amorem ad se excitauit & emit. Vnde Bernardus. Supra omnia te mihi reddit amabilem bone IESV, calix quem bibisti opus redemptionis nostræ. Item Bern. Multum difficultatis assumpsit quo te multæ dilectionis debitorem constitueret, admoneretque ad gratiarum actiones difficultas redemptionis, quem minus deuorum effecerat facilitas conditionis. Et hoc modo loquitur Magister hic. Vnde hic non est proprius effectus sacramenti in quantum sacramentum est ex re operata in sacramento, sed potius in quantum est representatio passionis Christi, nostram sibi ementis charitatem. Post etiam considerari, in quantum habet eum pro re qui est causa & auctor omnis gratiæ, & de cuius plenitudine nos omnes accepimus

gratiam pro gratia: & sic non confert tantum augmentum charitatis, sed etiam omnium virtutum. Et per hoc patet solutio ad primum: quia nihil prohibet plures causas secundarias esse eiusdem effectus, licet vna sit per se secundum vnum modum causalitatis. Vnde baptismus dat augmentum virtutum, per hoc quod est maioris gratiæ principium: Eucharistia autem per hoc quod est excitatiuum ad maiorem deuotionem & amorem ex memoria passionis Christi. Per hoc etiam patet solutio ad secundum.

AD ALIVD dicendum, quod in veritate sacramentalis gratia differt à gratia virtutum & donorum, & non auget eam per essentialem unionem cum illa, sed potius per occasionem, scilicet quia excitat ad deuotionem, qua habita, confertur frequenter maior gratia in habitu, semper autem in actu.

AD ALIVD dicendum, quod augmentum charitatis per modum meriti multis attribui potest, omnibus videlicet quæ faciunt mereri: sed tamen essentialiter non augetur nisi à Deo per gratiæ appositionem vel assimilationem suæ bonitatis, sicut determinari habet in questione de augmento virtutum.

## ARTICVLVS XXVII.

*An quotidie sit communicandum?*

DEinde quæritur de hoc quod dicit ibi [Vtrum quotidie communicandum sit, &c.] Hæc est autem quarta quæstio in principio huius distinctionis tacta. Videtur enim Augustinus male dicere, Nec laudo, nec vituperō. Aut enim loquitur de malis, aut de bonis. Si de malis: tunc erit vituperabile. Si autem de bonis: tunc videtur esse laudabile: laudabile enim est bonum bene facere: & quanto sapius facit, tanto est laudabilior: sed optimum vel de optimis est dicere missas & communicare: ergo quanto sapius id facit aliquis, tanto magis est laudandus: ergo male dicit Augustinus.

2 Item; Stultus est ægrotus qui habet medicinam paratam, & non iterat eam toties quoties redit morbus: sed morbus venialium semper redit: ergo stultus est qui non sæpe sumit medicinam: ergo vituperabilis, quia omnis stultus in eo quod talis, vituperabilis est: ergo iterum male dicere videtur Augustinus.

3 Item, Sacrificium Deo offerre, semper fuit bonum, & erit bonum: ergo optimum sacrificium Deo offerre, est optimum: ergo sapiissime offerendum: ergo laudabile est, quod quotidie immoletur & accipiat Christus, quia ipse est optimum sacrificium.

4 Item, Manna quod pluit Deus de cælo, quotidie præterquam in die sabbati colligebatur: ergo videtur etiam, quod id quod significabat manna, omni die ante quietem perpetuam vitæ sit colligendum & edendum: hoc autem est corpus Christi: ergo laudabile est, quod quotidie fiat.

5 Item, In veteri lege iuge sacrificium significabat istud sacrificium: & illud quotidie bis fiebat: ergo videretur etiam, quod istud sapius iterandum sit: & quanto sapius, tanto melius.



Sed con-  
tra.

SED CONTRA: dicit Gregorius, quod bonarum mentium est ibi culpam agnoscere, ubi culpa non est: ergo multo magis bonæ mentis est suam agnoscere indignitatem: constat autem, quod nullus sufficienter dignus sit: ergo bonæ mentis est agnoscere se indignam, & remouere se à communione.

2 Item, In veteri lege non omnis populus intrabat sancta sanctorum, sed solus pontifex, & semel in anno, & cum multo vestium ornatu, & incenso, & sanguine: constat autem, quod fuerunt significationes istorum quæ modo geruntur: videtur ergo adhuc non omnibus, & non semper, sed quandoque ordinatis hominibus cum incenso orationum, & sanguine, scilicet memoria passionis esse communicandum: cum igitur ita non possunt præparari sæpe, non sæpe erit communicandum.

Solutio.

SOLUTIO. Dicendum, quod causa dicti Augustini procedunt verba obiectionum. Et hoc patet in decreto de consec. dist. 2. cap. Quotidie: ubi verba quæ hic deficiunt, suppleuntur sic. Si dixerit quispiam non quotidie accipiendam Eucharistiam, alius autem affirmat quotidie: faciat unusquisque quod secundum fidem suam pie credit esse faciendum. Nec enim litigauerunt inter se, aut quisquam eorum alteri se præposuit, Zachæus, & ille centurio, cum alter eorum gaudens in domum suam suscepit Dominum: alter dicit, ô Domine non sum dignus vt intres sub tectum meum: ambo Saluatorem honorificantes, quamuis non vno modo: ambo peccatis miseri, ambo misericordiam consecuti. Ad hoc valet, quod manna secundum propriam voluntatem in ore cuiusque sapiebat. Ex his accipitur, quod ratione diuersarum virtutum, scilicet humilitatis recognoscentis propriam infirmitatem, & charitatis cupientis se Deo coniungere, ambo sunt laudabiles. Discretio autem quæ auriga virtutum est, temperat vtraque: & medium semper laudabilius est extremis.

DICENDUM igitur ad primum, quod de bonis loquitur Augustinus: & licet sit idoneus, tamen sua reputatione non est satis idoneus: & quia in hoc honorat Deum recognoscendo excellentiam corporis sui cui nihil satis dignum est, conuertitur ei hoc ipsum in laudem & meritum.

AD ALIUD dicendum, quod stultus nec sacramentaliter, nec spiritualiter manducat. Vnde ipse abstinens sacramentaliter ad tempus propter humilitatem, non est stultus, quia spiritualiter non abstinere: & ideo non tenet illa obiectio.

AD ALIUD dicendum, quod multi actus in se boni sunt, & tamen propter nostram fragilitatem ad illos actus comparatam, nobis efficiuntur mali vel incauti, sicut iurare. Dicere enim verum bonum est, & aduocare resem Dei veritatem bonum est: tamen propter nostram scientiam quæ semper dubio permixta est, vitandum est nobis iurare: & ita dicendum videtur hic de communione: quia licet in se optima sit: tamen quia multæ sunt auersiones nostræ & inidoneitates, quandoque nobis tutum est abstinere propter humilitatem.

AD ALIUD dicendum, quod manna licet significaret futuram refectionem in corpore Christi: fuit tamen datum in vsum corporalis alimonie itinerantibus per desertum: & ideo

non erat periculum illud singulis diebus accipere: sed potius necessarium.

AD ALIUD dicendum, quod iuge sacrificium significabat futuram Christi passionem in quantum est passio, & non cibum spiritualem, qui est in Christo passo in quantum huiusmodi: & ideo totum incendebatur. Et quia hæc passio quotidie debet esse in igne cordis nostri, propter hoc quotidie offerebatur. Vnde Psalm. 140. Dirigatur oratio mea sicut incensum in conspectu tuo, &c.

## ARTICVLVS XXVIII.

*Ante in anno sit communicandum?*

DEinde quæritur de hoc quod dicit ibi [Si non frequentius, saltem ter in anno homines communicent, &c.] Hoc enim est decretum Fabiani Papæ, sicut dicitur ibi de consec. dist. 2. Videtur autem sæpius esse communicandum: quia dicit Ambr. sicut in litera habuimus, Si quoties effunditur sanguis Christi, in remissionem peccatorum effunditur, debeo semper accipere, qui semper pecco: debeo semper habere medicinam.

2 Item, Hilarius Episcopus, Si non sint tanta peccata vt excommunicetur quis, non debet se à medicina corporis Domini separare: ergo videtur, quod quotidie sit communicandum.

3 Item, Ex concilio Martini Papæ, Siquis intrat in Ecclesiam Dei, & sacras Scripturas audit, & pro luxuria sua auertit se à communione sacramenti, & in obseruandis mysteriis declinat constitutam regulam disciplinæ: istum talem proiciendum de Ecclesia Catholica esse decernimus, donec pœnitentiam agat, & ostendat fructum pœnitentiæ suæ: vt possit communione percepta indulgentiam promereri. Ergo videtur, quod sæpius communicandum sit.

4 Item, Hoc videtur à simili corporalis cibi, quem quotidie accipimus: cum ergo non in solo pane viuatur homo, sed magis in spirituali pane, videtur quod quotidie iste cibus sit accipendus.

5 Item, Super illud Matth. 6. Panem nostrum quotidianum, &c. dicit vna Gloss. Eucharistiam. Ergo ipsa est panis quotidianus: ergo quotidie sumendus: non igitur tantum tribus vicibus in anno.

VLTERIVS videtur, quod ad minus quatuor vicibus sit communicandum in anno. Dicit enim Sother Papa, In cœna Domini à quibusdam perceptio Eucharistiæ negligitur: quæ quoniam in eadem die ab omnibus fidelibus, (exceptis his quibus pro grauibz criminibus inhibuitur) percipienda sit, Ecclesiasticus vsus demonstrat: cum etiam pœnitentes eadem die ad percipiendam corporis & sanguinis Domini sacramenta reconciliantur. Ergo in cœna communicandum est ad minus.

2 Item, Dominus tunc instituit, & discipulos tunc communicauit: ergo cum sua actio, nostra sit instructio, videtur quod tota Ecclesia tunc debeat communicare.

3 Item, In religionibus quibusdam obseruatur tantum vt illa die nullus subditorum celebret, sed



sed omnes communicent de manu superioris, quemadmodum discipuli de manu Domini: ergo videtur, quod hic usus omnibus sit æmulandus.

*Quæst. 2.* **VLTERIVS** quæritur hic, Quæ pœna sit non communicantis secundum statuta canonum? Videtur, quod eiciendus sit extra Ecclesiam, eo quod dicitur Ioan. 6. Qui manducat meam carnem & bibit meum sanguinem, in me manet & ego in eo. Ergo à contrario sensu, qui non manducat, &c. non manet in Christo: in Christo autem manere est in corpore mystico manere: cum ergo ille talis à corpore mystico se abiciat, etiam ab Ecclesia abiciendus esse videtur.

2 Item, Hoc sacramentum nomen proprium habet à quo tota Ecclesia sibi comparticipat, scilicet communionem: ergo qui se priuat communionem, nihil debet habere de communitate vel de communicatione: ergo ab ipsa communicate & communicatione est præcidendus: ergo excommunicandus.

3 Item, Hoc videtur ex concilio Toletano, in decreto de consec. dist. 2. Hi qui intrant in Ecclesiâ Dei, & deprehenduntur nunquam communicare, admoneantur quod si non communicent, ad penitentiam accedant, id est, si excommunicati sunt, satisfaciant: si communicant, id est, si non excommunicati sunt, non semper abstineant: si non fecerint, abstineant, id est, excommunicentur.

4 In concilio Elibertino, omnis homo ante sacram communionem à propria debet abstinere vxore tribus aut quatuor aut sex diebus: nec inter Catholicos connumerabitur, qui in istis videlicet temporibus, Pascha, Pentecoste, & Natali Domini non communicauerit. Ex his videtur, quod non communicans sit excommunicandus.

*Quæst. 3.* **VLTERIVS** quæritur, Quare his tribus temporibus communicandum instituerunt Patres, potius quam aliis? quia cum hoc sacramentum non sit nisi memoriale passionis, videtur quod solum in die passionis sit communicandum fidelibus, & ad minus in Pascha.

2 Item, In Pentecoste nullo modo videtur: quia tunc tota carnalitas conuersa est ad spiritum: & subtrahebatur Apostolis à corde præsentia carnis ut locum haberet præsentia deitatis: ergo videtur, quod tunc non sit communicandum carni & sanguini Christi: quia sicut ipse dicit, Spiritus est qui viuificat, caro autem non prodest quicquam.

3 Item, In Veteri Testamento legitur in Exod. 13. quod si aliquis immundus fuit mense primo, quod celebraret Pascha mense secundo. Ergo videtur, quod etiam sancti Patres in Nouo Testamento remedium super hoc debeant providere, si aliquis his temporibus præparatus non esset, quod alio tempore communicaret.

4 Item, Leuit. 23. legitur, quod omnia ista tria festa celebrantur per octo dies, & singulis diebus fiebant sacrificia, & populus edebat coram Domino: ergo videtur, quod etiam sit faciendum in Nouo, & multo plus: quia Nouum Testamentum est octauarum, cum verus fuit hebdomadarum: ergo per octo dies in quolibet festo communicandum est, ut videtur.

5 Item, Cum duo istorum temporum habeant respondentiam in Veteri Testamento, scilicet

Pascha & Pentecoste, in quibus populus edebat colam Domino: quare tertium, scilicet Natale non habet correspondens aliquod: in ianuario enim non conuenit populus coram Domino, sed in septembri, & tunc nos non communicamus.

6 Item, Cum Patres statuerunt primum: ut in quolibet die dominico, & deinceps ut tribus vicibus per annum populus communicaret: qualiter modo statutum est, ut saltem semel in anno hoc fieret?

7 Item, Nunquid prohibendæ sunt matronæ habentes viros suos, & abstinentes se à coitu per vnam vel duas noctes & alias deuotæ, ne sæpius communicent?

8 Item, Viduæ & aliæ in castitate viuentes & appetentes communicare, nunquid sunt prohibendæ? Videtur, quod non: quia nihil quod auget gratiam & deuotionem & sui custodiam, est prohibendum: frequentia autem communionis omnia hæc facit in communicante: ergo non est prohibenda.

**SOLVTIO.** Dicendum videtur ad primum, *Solutio.* quod non loquitur solum de communionem sacramentali, sed magis de spirituali: hæc enim sæpius iteranda est, etiam eodem die: quia medicina est nostræ infirmitatis. Alia autem ordinanda est, ut cum sollemnitate & honore tanti sacramenti fiat.

**AD ALIVD** dicendum, quod Hilarius Papa loquitur de his qui abstinent semper. Illi enim male faciunt & contra canonum statuta. Per hoc idem patet solutio ad sequens: quia loquitur de his qui abstinent temporibus in quibus communicandum ordinat Ecclesia.

**AD ALIVD** dicendum, quod non est omnino simile de corporali cibo ad spirituale: quia corporalis non repugnat nostræ indignitati ex sua dignitate, sed semper indignior est comedente: panis autem spiritualis propter suam dignitatem quandoque repellit nos à se, quando scelerates vel peccata in nobis apparent. Item panis corporalis non supplet defectum nostrum, nisi materialiter sumatur: sed spiritualis supplet defectum nostrum, etiam si solum sacramentaliter sumatur.

**AD ALIVD** dicendum, quod Glossa illa in contrarium, loquitur sub distinctione, scilicet quod quotidianus debet esse quoad usum sacramentalis manducationis, vel spiritualis: & non quoad usum sacramentalis manducationis tantum.

**AD ALIVD** dicendum, quod in veritate satis consonum est operibus spiritualibus communicare in cœna: & bene puto, quod alias præparati, & tunc volentes communicare, non sunt prohibendi: sed tamen quia infirmitates hominum multæ sunt, & communicante vno vult alius communicare: quandoque differuntur vsque in diem Paschæ, ut duobus residuis diebus in ampliori custodia sua sint: quia populus male custodit se post communionem, & in expectando communionem custodit se melius. Vnde si aliqua est persona in qua hoc non timetur, puto ei concedendum esse, quod communicet in illo die: & sic fit apud religiosos, ut probatur in sequenti obiectione.

**AD ALIVD** quod vltius quæritur, Quæ sit pœna non communicantis? Dicendum, videtur, quod



quod absque dubio talis excommunicandus est post sufficientem admonitionem. Ego autem reputo signum alterius duorum peccatorum: scilicet quia aut obstinata malitia, quoniam nullo modo vult recedere à peccatis, aut hæresis. Vnde multum etiam meo iudicio delinquent Prælati, tales fouendo, cum illos præcipue excommunicare deberent: & hoc videtur velle Fabianus Papa cum dicit, quod omnes tribus his temporibus communicent, si noluerint ecclesiasticis carere limitibus.

AD HOC quod obiicitur in illo decreto, quod præcipit tribus diebus ab vxore abstinendum esse, &c. dicendum quod bene puto, quod sit sic faciendum: si tamen alter coniugum inueniatur debitum reddere coactus & non expetere: & hoc frequenter facere, eo quod alter non vult etiam illo tempore abstinere: ego communicare concederem illi qui reddit inuitus, & non alteri qui extorquet debitum, quando non est extorquendum: quia constat, quod etiam illo tempore reddere tenetur, si probabiliter timet de incontinentia alterius.

Ad qua-  
stionem  
3am.

AD HOC quod vltius quæritur de his specialibus temporibus, dicendum quod tria sunt in communione, scilicet manducatio spiritualis quæ viuificat, vt dicit Dominus, & corpus quod sumitur, & repræsentatio passionis. Et primum respondet tempori quoad aduentum Spiritus sancti in die Pentecostes. Secundum autem quoad Natale, quando corpus illud apparuit in mundo. Tertium autem quoad Pascha, quando passio celebrata fuit.

AD ID quod obiicitur de Pentecoste, dicendum quod carnalis præsentia quæ erat cum fidei debilitate, impediuit consolationem diuinam: sed talis non est in sacramento, sed potius quæ est cum fidei plenitudine: quia nihil in hoc sacramento operatur nisi fides: & ideo præcipue conuenit communio in tempore quo Spiritus sanctus est datus.

AD ALIUD dicendum, quod Patres Noui Testamenti, non attendunt immunditiam nisi peccati: vel quæ signum est peccati, vt pollutio, vel matrimonialis coitus ex vitio incontinentiæ pro-

cedens. Et quia hæ infirmitates cito corrigibiles sunt, non oportet alia tempora prouidere, nisi forte in diem alium, vel tertium: & hoc bene habet Ecclesiæ consuetudo: nec super hoc nouam oportuit facere constitutionem: vt beatus Greg. determinat de hac pollutione loquens, sicut supra etiam est notatum.

AD ALIUD dicendum, quod octo diebus sacrificia repetebantur propter memoriam resurrectionis, ad quam per sacrificium Christi venimus. Quod autem continue octo diebus epulabantur, non significat epulationem sacramentalem, sed potius spirituales manducationem, quæ non est intermittenda, sicut dicit Apostolus 1. Cor. 6. Epulemur in azymis synceritatis, & veritatis.

AD ALIUD dicendum, quod Scenopegia quæ fit mense septembri, non habet aliquid respondens in Nouo Testamento: quia significat iter per desertum, in quo accipiebatur lex vetus, quæ finienda erat in Nouo Testamento: sed Pascha & Pentecoste significant sacramenta nouæ legis, scilicet Passionem, & Spiritus sancti aduentum: & ideo ista habent tempora respondentia, illud autem non.

AD ALIUD dicendum, quod antiqui Patres fuerunt in aureo seculo respectu nostri temporis, scilicet quia adhuc nouitio feruore feruebat Ecclesia. Postea autem venerunt nouissimo tempore tempora periculosa, in quibus refriguit charitas multorum, & propter indignitatem populi constitutum fuit ter in anno. Sed quia prouisi sunt sensus hominis in malum ab adolescentia sua, ideo temporibus istis statutum est, vt semel generaliter communicet populus in anno: & vti nam adhuc digne communicaret.

AD ALIUD dicendum, quod mihi videtur, quod præparantes se ad communionem per abstinentiam à coitu vel coeuntes non debent prohiberi à frequenti communione, præcipue de mense in mensem secundum solemnitates maiores: quia iniuste arcentur qui digni sunt: & impie cum eis agitur, quando eis subtrahitur cibus salutaris, qui datus augeret eis gratiam quam acceperunt.

*Si hæretici & excommunicati hoc sacramentum conficiant.*

**H**OLET etiam quæri, Vtrum prauī sacerdotes sacramentum conficere queant? Ad quod dici potest, quod aliqui licet sint prauī consecrant vere, scilicet qui intus sunt nomine & sacramento, etsi non vita: quia non in merito consecrantis, sed in verbo efficitur Creatoris. Vnde August. Intra Catholicam Ecclesiam in mysterio corporis & sanguinis Domini, nihil à bono maius, nihil à malo minus perficitur sacerdote: quia non in merito consecrantis, sed in verbo perficitur Creatoris, & virtute Spiritus sancti. Credendum est enim, quod in verbis Christi sacramenta conficiantur. Sicut ipse est qui baptizat, ita ipse est qui per Spiritum sanctum suam efficit carnem & sanguinem. Item Gregor. Putant quidam communionem corporis minus esse sanctificatam, si illorum fiat officio, quorum vita eorum oculis videtur ignobilis. Heu, in quam,


Lib. de  
corpore  
Domini,  
& al-  
legatur  
3. q. 1.  
c. Intra  
Catholi-  
cam.



in quàm magnum laqueum incidunt : vt diuina & occulta mysteria plus ab aliis sanctificata posse fieri credant : cum vnus idemque Spiritus sanctus in tota Ecclesia inuisibiliter ea mysteria & operando sanctificet , & sanctificando benedicat. <sup>1. Cor. 12.</sup> Mysterium ideo dicitur , quòd secretam & reconditam habeat dispensationem. Sacrificium vero , quasi sacrum factum : quia prece mystica consecratur pro nobis in memoriam Dominicæ passionis. Sacramentum est in aliqua celebratione , cum res ita sit , vt aliquid significatæ rei accipiamus. <sup>Ibid. lib. 2. cym.</sup> Sacramenta sunt baptisma , chrisma , corpus Christi : quæ ideo sacramenta dicuntur , quia sub tegumento visibilium rerum diuina virtus secretius salutem eorundem sacramentorum operatur. Vnde à secretis virtutibus vel sacris sacramenta dicuntur. Panis & calicis sacramentum Græce Eucharistia dicitur , Latine bona gratia interpretatur : & quid melius corpore & sanguine Christi ? Siue ergo per bonos , siue per malos ministros intra Ecclesiam dispensetur , sacramentum tamen est , quia Spiritus sanctus viuificat : nec bonorum dispensatorum meritis ampliatur , nec malorum attenuatur. Hoc de corpore Domini , hoc & de baptismo & chrismo dicendum est & tenendum : quia virtus diuina secretius operatur in eis , & diuina solummodo est hæc virtus siue potestas non humanæ efficacix. <sup>Hic non tenetur Magister.</sup> Illi vero qui excommunicati sunt , vel de hæresi manifeste notati , non videntur hoc sacramentum posse conficere , licet sacerdotes sint : quia nemo dicit in ipsa consecratione , Offero , sed Offerimus , quasi ex persona Ecclesiæ. Et ideo cum alia sacramenta extra Ecclesiam possint celebrari , de hoc non videtur. <sup>In sermone de corpore Christi.</sup> Quod etiam Augustinus tradere videtur dicens , Recolite nomen , & aduertite veritatem. Missa enim dicitur , eo quod cælestis missus ad consecrandum viuificum corpus adueniat : iuxta dictum sacerdotis dicentis , Omnipotens Deus iube hæc perferri per manus sancti Angeli tui in sublime altare tuum , &c. Iccirco nisi Angelus venerit , missa nequaquam iure vocari porest. Nunquid enim si hoc mysterium hæreticus ausus fuerit usurpare , Angelum de cælis mittit Deus oblationem eius consecrare ? maxime cum eisdem per Prophetam comminatus sit , dicens : Maledicam benedictionibus vestris. Quod si benedictionibus eorum se asserit maledicturam veritas , quid erit de hostia ? Ergo dicemus illam posse benedici ab illo , quem scimus à Deo fore maledictum cum sua benedictione ? Si enim Deus maledixerit benedictionibus hæreticorum , & simoniacus benedixerit : quis eorum præualebit ? Nunquid benedictio maledicti ad nihilum poterit redigere verba verissima comminantis Dei ? Ex his colligitur , quòd hæreticus à Catholica Ecclesia præcisus , nequeat hoc sacramentum conficere : quia sancti Angeli qui huius mysterij celebrationi assistunt , tunc non adsunt quando hæreticus vel simoniacus hoc mysterium temerarie celebrare præsumit. Non enim dubitare licet , vbi corporis Domini & sanguinis mysteria geruntur , supernorum ciuium adesse conuentus. In huius autem mysterij expletione , sicut formam seruari , ita ordinem haberi , scilicet vt sit sacerdos , & intentionem adhiberi oportet vt illud facere intendat. Sed si non credit de illo mysterio sicut veritas



habet, nunquid potest intendere illud conficere? etsi non intendit, nunquid conficit? Aliqui dicunt, etiam non recte de illo mysterio sentientes posse intendere, non quidem illud conficere quod iam esset recte credere, sed id agere quod geritur ab aliis dum conficitur: & sic adhibetur intentio: & si intentio dicatur deesse conficiendi illud mysterium, tamen ex quo intendit ea dicere & agere quæ ab aliis geruntur, impletur mysterium. Illud etiam sane dici potest, quod à brutis animalibus corpus Christi non sumitur, etsi videatur. Quid ergo sumit mus, vel quid manducat? Deus nouit hoc. De hoc cælesti mysterio aliqua perstrinximus à Catholicis fideliter tenenda. Qui enim his contradicit, hæreticus iudicatur.



### DIVISIO TEXTVS.

**D**Einde transeundum est ad aliam partem distinctionis quæ incipit *ibi* [Solet etiam quæri, Vtrum prauis sacerdotes, &c.] In hac enim parte agitur de his quæ hoc sacramentum requirit in consecrante. Et habet tres partes, in quarum prima ostendit, quid requirit in vita, scilicet quod intra Ecclesiam. In secunda ostendit, quod requirit ordinem & intentionem, *ibi* [Huius autem mysterij expletionem, &c.] In tertia vero dicit, quid requiritur ex parte sumentis, scilicet quod sit rationalis. Et illis in fine par accidens adiungit, quid sit hæreticus, eo quod dixit in epologo, quod qui hic determinatis contradicit, est hæreticus: hæc autem incipit *ibi* [Illud etiam sane potest dici, &c.] Duo autem dicuntur in prima parte, in quarum secunda ostendit multis auctoritatibus & rationibus, quia qui non est intus, sed exclusus per schisma vel hæresim vel excommunicationem, non conficit communionem, id est, Eucharistiam. In prima autem ostendit, quod mali qui sunt intus non præcisi ab Ecclesia conficiunt, licet mali sint. Secunda incipit *ibi* [Illi vero qui excommunicati sunt.

### ARTICVLVS XXIX.

#### *An malus etiam sacerdos conficiat?*

**I**ncidit autem questio contra hoc quod intendit Magister in prima parte, scilicet vtrum malus conficiat? Deinde, Vtrum præcisi ab Ecclesia conficiat? Terrio, Vtrum missa boni melior sit, quam missa mali sacerdotis. Quarto, Quare specialiter prohibetur à canonibus, quod sacramenta non recipiantur ab hæreticis, simoniacis, & fornicariis manifestis?

**A**D PRIMVM obiicitur sic: Dominus Iesus Christus per se dedit conficiendi potestatem: & non omnibus, sed quibusdam: ergo illi qui non sunt successores illorum, conficiendi potestatem non habent: sed Apostolici viri tribus noscuntur, scilicet vita, scientia, & potestate: ergo deficientes in aliquo illorum, potestatem non habent conficiendi: sed mali deficiunt in vita: ergo non conficiunt.

2 Item, Quanto sublimior est actus, tanto requirit perfectiorem agentem: sed sublimissimus est actus conficiendi corpus Christi: ergo sublimissimum conuenit esse agentem: ergo illi tali non deficit sublimitas vitæ: si ergo hæc deficiat, videtur non conficere.

3 Item, Augustinus dicit, quod Christus remittit peccata per columbam, vel per columbæ membra: ergo multo magis conficit per Spiritum sanctum, vel columbæ membra: sed mali non sunt columbæ membra: ergo ipsi non conficiunt, vt videtur.

4 Item, Omnis potestas est ordinata, & ordinata à Deo descendit: ergo à Deo descendit in Ecclesiam, & per Ecclesiam ad singulos: sed mali non sunt de unitate Ecclesiæ: ergo non descendit ab ipso ad eos: ergo mali non conficiunt: cum in naturis sic est, quod membrum abscissum non habeat actum corporis, nec etiam membrum putridum. Cum igitur mali sint in Ecclesia sicut membrum putridum, videtur quod non habeant aliquem actum corporis mystici: sed consecrare corpus Christi & sanguinem Domini, sublimissimus est actus: ergo non habent potestatem consecrandi, vt videtur.

5 Item, Sapient. I. Spiritus sanctus disciplinæ effugiet fictum. Ergo multo magis effugiet aperte malum: sed sine Spiritus sancti operatione non consecratur corpus Domini: ergo mali non consecrant, vt videtur.

6 Item, Qui non potest quod minus est, non potest etiam quod maius est: sed malus nulli potest impetrare primam gratiam, quæ minor est quam totus Christus in plenitudine deitatis & humanitatis: ergo multo minus potest conficere sacramentum continens Christum in plenitudine.

**S**ED SI hoc secundum hæreticos concedatur, in contrarium sunt quæ primo adducuntur in litera. Sed contra.

2 Item, Ratio est contra sic: Quidam actus sunt diuini, ita quod etiam fiant per alias causas: quidam autem diuini tantum. Verbi gratia, actus naturæ à Deo sunt & à natura: creare autem, & gratiam dare, & resuscitare, non sunt nisi diuini: ergo illi communicari non possunt, licet homo orando aliquid circa eos promouendos valeat per ministerium operari: ergo in talibus actibus, nec bonus, nec malus, aliquid facit: ergo æqualiter fiunt per bonum & malum ministrum: sed tales sunt actus sacramentales, vt habetur in littera illa, vbi ex August. diffinitur sacramentum, dicendo



dicendo quod sacramentum sub quodam tegumento visibilium rerum diuina virtus secretius operatur salutem: ergo huiusmodi omnia æqualiter fiunt per bonos, & per malos ministros.

3 Item, Marth. 23. Quæcunque dixerint vobis, seruare & facite: secundum opera autem eorum nolite facere. Ergo potestatem etiam super bonos habent mali ligandi atque soluendi: sed in eodem ordine datur potestas ligandi & soluendi, & consecrandi Eucharistiam: ergo potestatem habent mali ad vtrumque.

4 Item, Donum Dei pure habens vim à passionem Christi, est gratia sacramentalis, & necessarium homini ad salutem: tale autem sub potestate hominis ponere esset periculum, quoniam vix inuenitur bonus: & qui creditur bonus, frequenter est malus: ergo omnes ab illo sacramenta percipiendo essent neglecti & damnati, quod maximum esset inconueniens: quia tunc homo omnino excusatus ignorantia, pro culpa alterius damnetur, quod est inconueniens: ergo oportet, quod & bonus & malus & qualiscunque minister inueniatur, det gratiam in sacramento.

*Solutio.* SOLVITIO. Absque omni dubitatione tenendum est, quod mali sacerdotes conficiunt, & alia dant sacramenta: & oppositum est error, & defenditur vt hæresis.

Vnde dicendum ad primum, quod non dedit eis Christus potestatem, vt necessario boni essent in vita: sed Christus volens non tantum dare ministros sacramentorum, sed etiam ostendere quis minister sit idoneus qui meritorie tractet sacramenta, elegit perfectos in vita, & contulit eis scientiam & potestatem: sed non est necessarium alios sic esse: sed verum est quod nisi sint tales, non sunt digni, sed ad perditionem animæ suæ tractant sacramenta.

AD ALIVD dicendum, quod actum illum qui est transsubstantiatio, non agit sacerdos, sed potius Verbum increatum in verbo creato, sicut supra in quæstione de forma huius sacramenti ostensum est: vnde si iste actus esset sacerdotis, tunc obiectio faceret aliquid ad propositum: sed non operatur ibi sacerdos nisi in ministerio tanquam proferens verba, vt dictum est.

AD ALIVD dicendum, quod columbæ membra dicuntur dupliciter, sicut etiam membra corporis. Sunt enim membra quibus explentur actus potentiarum animæ quæ sunt in corpore. Spiritus autem sanctus est motor totius mystici corporis, & mouet multipliciter, scilicet quantum ad potestatem in miraculis quibusdam, & quantum ad potestatem in sacramentis, & dispensationibus iurisdictionum, & quantum ad actum meriti. Et ille qui est membrum columbæ quantum ad actum miraculorum quem operatur Spiritus sanctus per ipsum, non est membrum nisi in quantum conformat se motori. Et ideo non sunt membra nisi quæ mouentur secundum gratiam ad opera meritoria. Vnde malus est membrum columbæ quantum ad potestatem dispensationis sacramentorum: sicut etiam idem potest esse membrum per quod expletur actus gratiæ gratis datæ per Spiritum, sicut miracula, vel doctrina, vel propheta.

AD ALIVD dicendum, quod omnis potestas descendit ordinate: sed duplex est coniunctio corporis ad caput, scilicet in vita, & potestate.

*D. Alb. Mag. in Lib. 4. Sentent.*

Et quantum ad vitam non descendit id quod mouet formaliter, in malos: quia contrarium eius est in subiecto, scilicet peccatum: sed quoad potestatem descendit, quia peccatum non contrariatur potestati, sed potius frequenter aggrauatur.

AD ALIVD dicendum, quod nec in naturis membra vno modo mouentur ab anima: quia quædam recipiunt sensum, & motum: quædam autem motum, & non sensum, & ossa, & huiusmodi. Et hoc modo sunt mali in corpore mystico in quos descendit robur potestatis ad sustinendum totam Ecclesiam: cum ramen ipsi non recipiant sensum gratiæ.

AD ALIVD dicendum, quod ibi vis est in eo quod dicit Spiritus sanctus disciplinæ: quia Spiritus in quantum sanctus, inspirat sanctitatem & disciplinam, id est, morum correctionem: & quoad huiusmodi actus effugiet aperte malum, sicut & fictum. Sed sunt alij actus Spiritus in quantum est spiritus, vt roborare in potestate miraculi, & huiusmodi actuum: & illi non habent impedimentum in malis: & ideo Spiritus omnia conuertens in obsequium suum, talibus frequenter confert potestatem ad opera sacramentorum.

AD ALIVD dicendum, quod illud quod non potest minus, non potest etiam maius: sed non est maius operari in ministerio ad actum sacramentalem, quam impetrare primam gratiam, sed potius multo minus: & ideo illa obiectio non procedit. Actus autem ille qui est transsubstantiatio, non est sacerdotis, sed Dei, vt dictum est.

### ARTICVLVS XXX.

*An præcisus ab Ecclesia etiam potest conficere?*

Secundo quæritur, Vtrum ab Ecclesia præcisus conficere possit? Videtur autem, quod non: quia dicit Augustinus, quod extra Ecclesiam non est locus veri sacrificij: sed præcisus pro hæresi vel simonia vel schismate, vel alias excommunicatus, extra Ecclesiam est: ergo non habet verum sacrificium.

2 Item, Ciprianus martyr, Sacramenta hæreticorum sunt sacrilega, & inania: ergo non conficiunt. Item Hieron. Panem pollutum comedunt hæretici: ergo panem sanctificationis videntur non habere: sed Eucharistia est panis sanctificationis: ergo hæretici non conficiunt, vt videtur.

3 Item, Sicut sacerdoti in ordine confertur potestas consecrandi, ita confertur ei potestas ligandi & soluendi: sed constat, quod præcisi non possunt ligare & soluere: ergo non possunt conficere.

4 Item, Ex concilio Laodicen. Non oportet hæreticorum benedictionem accipere: quoniam maledictiones sunt magis quam benedictiones: ergo videtur, quod benedicendo non possunt consecrare Eucharistiam.

5 Item, In concilio Martini Papæ, Non liceat clericis vel laicis ab hæreticis eulogias, id est, benedictiones accipere: quia maledictiones sunt magis quam benedictiones.

6 Item, Leo Papa, In Ecclesia Dei (quæ cor-

T 2 pus



pus Christi est) aliter nec rata sunt sacerdotia, nec vera sacrificia, nisi in proprietate suæ naturæ verus nos pontifex reconciliet.

7 Item, Leo Papa, Manifestum est, per crudelissimam & insanissimā vesaniam in Alexandria sede omnium cælestium sacramentorum lumen extinctum. Intercepta est sacrificij oblatio, defecit christi sanctificatio, & parricidalibus manibus impiorum omnia sese subtrahere mysteria.

Cap. 31. 8 Item, Gregorius in tertio dialogorum de Ermigildo rege, Liugildi filio, Superueniente paschalis festiuitatis die, intempestæ noctis silentio ad eum perfidus pater Arrianum Episcopum misit, ut ex eius manu sacrilegæ consecrationis communionem perciperet: atque per hoc ad patris gratiam redire mereretur. Sed vir Deo deditus, Arriano Episcopo ad se venienti exprobrauit, ut debuit, eiusque à se perfidiam dignis increpationibus repulit. Aliaque etiam multa ad hoc faciendā adducuntur in decreto 1. cau. q. 1. Ex his ergo omnibus videtur accipi, quod præcipue in isto sacramento præcisus ab Ecclesia non conficiunt.

9 Item, In Psalm. 83. Passer inuenit sibi domum, & tutum nidum, &c. ubi dicit Glossa, quod hæreticorum pulli conculcantur: quia extra Ecclesiam sunt: ergo videtur, quod sacrificium hoc non conficiunt.

Sed contra. SED CONTRA: Baptizat hæreticus, & baptizatum est: confirmat, & confirmatum est: ergo etiam conficit, & confectum est. Quod autem inductiones veræ sint, probatur 1. q. 1. per multa decreta.

2 Item, Virtuti verborum cum ordine & intentione conficiendi datur potestas: sed hæc omnia in hæretico & præciso possunt esse: ergo tales possunt conficere.

3 Item, Augustinus contra Ciprianum loquens, dicit quod ubicunque Ecclesiæ sacramenta sunt, ibi sunt & veneranda, siue intra Ecclesiam, siue extra Ecclesiam. Ergo si habeat ordinem & conficiat in forma Ecclesiæ, vera sunt sacramenta.

4 Item, Iacob recognouit esse suum semen per thorum, id est, per vterum ancillarum: & ancillæ significant hæreticos, ut dicit Augustinus contra Donatistas: semen autem sacramenta: ergo sacramenta etiam fiunt per præcisos.

5 Item, 1. cau. q. 1. Sacramentum in modum lucis ab immundis coinquinari non potest. Et alia multa sunt ibi de hoc. Ergo videtur, quod Magister hic falsum dicat in litera.

Solutio. SOLUTIO. Dicendum videtur, quod Magister non est sustinendus: quia communis sententia & veritas est, ut dicit Augustinus, quod omnia Dei sacramenta non requirunt in faciente nisi ordinem quo ipse minister est, & intentionem, ut infra patebit. In se autem non exigunt nisi materiam debitam, & formam propriam. Cum igitur hæc Eucharistia habeat etiam extra Ecclesiam, confici potest, licet hoc illi faciant ad suam damnationem. Et ideo etiam non videtur quibusdam Doctoribus consentiendum, qui hoc subtiliando inquirant, quare hæretici, vel schismatici, vel simoniaci, vel aperti fornicarii, non conficiant: quia simpliciter falsum est quod dicunt, ut infra quarto huius quæstionis articulo ostenderetur. Siquis

autem Magistrum sustinere voluerit, aliter dicere poterit, scilicet quod loquitur Magister de hæreticis, & extra Ecclesiam existentibus non tantum quantum ad reputationem Ecclesiæ quæ excommunicauit eos, sed etiam quantum ad modum & ritum celebrandi sacramenta: quia formam Ecclesiæ in celebrando sacramenta non tenent: & tunc verum est quod dicit Magister in litera.

DICENDUM ergo ad omnia decreta quæ pro illa parte inducta sunt, quia non profunt ad salutem suam, & aliorum, secundum quod duplex est res sacramenti. Vna quæ est res & sacramentum: & illam conferunt sicut in baptismo characterem, & in confirmatione, & ordine. Similiter & in Eucharistia corpus Christi verum sub speciebus visibilibus panis & vini. Alia est res quæ facit salutem formaliter, sicut gratia causatur in sacramentis: & illam conferre non possunt: quia Spiritus sanctus disciplinæ effugiet fictum. Et hæc solutio est communis. Alia autem solutio est prius tacta, quod loquuntur illa decreta Patrum de illis qui extra sunt quantum ad veram formam consecrandi, & quantum ad materiam: & tunc non est mirum si sacramenta non conficiunt, quia ordinem & formam non seruant. Ea autem quæ obiciuntur in contrarium, ego de plano concedo.

## ARTICVLVS XXXI.

*An missa boni sacerdotis sit melior quam missa mali sacerdotis?*

Tertio quæritur, Vtrum missa boni sacerdotis melior sit, quam mali: Videtur autem, quod non: quia dicit Augustinus, quod sacramenta nec à bonis meliora, nec à malis peiora fiunt: sed missa bona est ratione sacramenti Eucharistiæ: ergo videtur, quod non sit boni sacerdotis missa melior, quam mali.

2 Item, Quod in bonitate crescere non potest nec à bonitate deprauari, illud non fit à bono melius, nec à malo peius: sed tale est corpus Christi quod conficitur in missa: ergo.

3 Item, Secundum hoc spes poneretur in homine si ab vno melius fieret, quam ab alio. Dominus autem præcipit, quod hoc non fiat Ierem. 17. Ergo videtur, quod missa vnus sit sicut missa alterius.

Sed contra. SED CONTRA: Si duo bona fuerint æqualia, & vni apponatur bonum, alij nihil: meliora sunt duo, quam vnum: sed corpus Christi est quoddam bonum æquale, siue per bonum, siue per malum fiat: & huic in missa boni coniungitur bonitas personalis in orationibus, & deuotione, & huiusmodi: in missa autem mali nihil talium adiungitur: ergo missa boni sacerdotis melior est quam mali sacerdotis.

2 Item, Melius est quod cæteris paribus est fructuosius: sed id fructuosius est quod maioris deuotionis est excitatiuum, quam id quod minoris est, cæteris paribus: missa autem boni maiorem excitat deuotionem, quam mali: ergo est melior.

Solutio. SOLUTIO. Dicendum, quod missæ ratione substantialis quod in missa est, æquales sunt: sed ratione quod adiunctum est, & est opus hominis, in æqua



inæquales: & sic melior est missa boni, ut probant obiectiones. Neque vitupero libentius audientem bonum hominem quam malum: quia frequenter malus homo irreuerenter tractat corpus Domini, sic quod pallæ non sunt mundæ, nec attentus stat in altari: & hoc abominabile debet esse omni diligenti corpus Domini.

AD E A autem quæ primo obiiciuntur, dicendum quod hoc verum est ratione substantiæ sacramenti tantum: sed multa sunt adiuncta sacramento. Dixi autem cæteris paribus: quia obedientia posset cogere audire malum potius quam bonum: & tunc melius est audire malum quam bonum, quia obedientia melior est quam victima, & quam bonum personale. Et per hoc patet solutio ad omnia quæ sita.

## ARTICVLVS XXXII.

*Quare specialiter prohibetur à canonibus, quod missa vel sacramenta non recipiantur ab hæreticis, simoniacis, schismaticis, & notoriis fornicariis.*

Quarto quæritur, Quare specialiter prohibetur à canonibus, quod missa vel sacramenta non recipiantur ab hæreticis, simoniacis, schismaticis, & notoriis fornicariis? Et de hæreticis, & præcis, & simoniacis, satis habetur 1. q. 1. & 24. q. 3. De fornicariis autem multum habetur, ubi de vita & honestate clericorum. Cum igitur iura prohibeant, videntur homines peccare qui à talibus accipiunt Ecclesiastica sacramenta, vel missas audiunt.

2. Item, 2. Corinth. 5. Si is qui frater nominatur inter vos, est auarus, aut fornicator, aut idolis seruiens, cum huiusmodi nec cibum sumere. Ergo multo minus ab eo missam audire debemus, vel sacramenta percipere.

3. Item, Tales per hoc quod in dispensatione sacramentorum admittuntur, foueri in peccato videntur: ergo bonum & utile est, ut populus subtrahendo ostendat eis damnationem, ut citius resipiscant.

*Sed contra.* SED CONTRA: Multos scimus esse fornicarios per argumenta gradientia super terram, & etiam per lecti indistinctionem & cohabitationem: sed tamen ipsum actum non videmus, quia ipse coitus videri non potest: & dicunt nobis sacri pontifices, quod tales audire & non aspernari debemus. Et Dominus dicit, Quæcunque dixerint, facite. Ergo sacramenta à talibus debemus recipere, & missas eorum audire.

2. Item, Videmus quod tales frequenter sunt prælati & decani & plebani & archidiaconi & Episcopi & archiepiscopi & tales non desunt: ergo omnes tales essent fugiendi. Si forte dicas, quod Lucius Papa tertius distinguit inter fornicatorem notorium, & occultum: tunc quæstio est, Quid de hoc tenendum, & quid sentiendum sit?

*Solutio.* SOLUTIO. Dicendum, quod notorii in talibus vitiis existentes non sunt audiendi, si quidem notorium est per confessionem coram iudice factam, vel testium probationem: vel quod nulla tergiversatione possit celari quod sit hæreticus, vel schismaticus, vel simoniacus: cum ille ipso iure excommunicatus sit, nullus debet ab eo sacramen-

D. Alb. Mag. in Lib. 4. Sentent.

ta percipere: & si scienter percipit, mortaliter peccat. Quandiu autem hoc non est factum, & celatur ab Ecclesia, tunc audiri debet. De fornicariis autem eodem modo distinguendum est inter notorium, & occultum. Si autem sit famosum tantum in ore multorum debet sibi purgatio imponi, in qua si deficeret, pro conuicto habetur: & tunc non debet audiri: & hoc est de rigore iuris, ut cæteri terreantur: quia alias non esset malum tales audire. Antequam autem fiat notorium, debet talis audiri: & contumax reputatur, qui non audierit.

AD PRIMVM ergo dicendum, quod Apostolus loquitur ad terrorem, ut citius corrigantur: & ita etiam iura loquuntur. Et per hoc patet solutio ad omnia quæ sequuntur.

AD E A autem quæ in contrarium obiiciuntur, patet solutio: quia de quolibet, & præcipue de superioribus, præsumendum est bonum, nisi probatum sit contrarium.

AD ALIVD autem quod posset quæri, Cum multa sint mortalia peccata, quare iura magis loquuntur contra ista, quam alia? Dicendum quod isti peccant directe contra ipsum sacramentum: est enim hoc totum sacramentum fidei, & satisfactorium vnionis corporis mystici per charitatem Christi passi, & maximæ gratiæ, ita quod in se continet auctorem omnis gratiæ, in quo sunt omnes thesauri sapientiæ & scientiæ & gratiæ Dei absconditi: & consummationem maximæ spiritualitatis. Sed fidem operantem in sacramento violat hæreticus: charitatem autem & unitatem schismaticus: gratiam autem incomparabilem, vilem & sub pretio ponit simoniacus: & fornicator per carnalem immunditiam contrariatur spiritualitati sacramenti. Et ideo isti præcipue arcantur à celebratione.

Deinde notandum super illud, Nihil à bono maius, &c. Versus enim sunt in determinationem huius quæstionis sic:

*Vim sacramenti non mutat vita ministri.*

*Sicut deterius non fit pro deteriori:*

*Sic nec fit melius pro presbytero meliori.*

*Hoc sacramentum nunquam licet esse sinistrum:*

*Quamuis per prauum celebretur saepe ministrum.*

## ARTICVLVS XXXIII.

*An corpus Christi verum sit melius corpore Christi mystico?*

Deinde obiicitur de hoc quod dicit ibi [Et quid melius corpore & sanguine Christi, &c.] Ex hoc enim accipit, quod corpus Christi verum, melius est corpore Christi mystico.

2. Item, Causa semper est melior suo effectui: sed causa corporis mystici est corpus verum: ergo melius est illo.

3. Item, Pretium valens hoc & adhuc plus, melius est quam hoc demonstratum: sed corpus Christi verum, pretium est valens ad redemptionem totius corporis mystici, & adhuc plus, quia si infiniti mundi essent, omnes sufficienter redempti essent per sanguinem Christi: ergo ipsum melius est.

4. Item, Creator pure, infinite distat à creatura



tura pura : sed id quod est creatura, vnita Creatori, medium est inter hæc duo : ergo sicut est minus bonum Creatore, ita melius creatura : sed corpus Christi verum est vnitum Creatori, & corpus Christi mysticum non : ergo corpus Christi verum, melius est corpore Christi mystico.

*Sed contra.*

**SED CONTRA :** 1. Corinth. 10. Omnia in figura contingebant illis. Gloss. in bonis multo melius figuratur per figuram quam sit ipsa figura. Sed corpus Christi verum est figura corporis mystici. Ergo mysticum est melius.

2. Item, Augustinus dicit, quod totus Christus est membra cum capite : constat autem, quod membra cum capite sunt aliquid melius, quam caput solum : ergo corpus Christi mysticum est melius, quam corpus Christi verum.

*Solutio.*

**RESPONSIO.** Dicendum, quod corpus Christi verum, melius est corpore mystico, proprie loquendo : quia proprie loquendo corpus mysticum non dicit nisi membra adhaerentia capiti : & tunc fit comparatio inter membra & caput : & in illa comparatione non intelligitur caput in altero comparatorum.

**ET SECUNDUM** hoc dicendum ad primum, quod Gloss. Corinth. loquitur de his quæ sunt figura tantum : quorum scilicet totus usus est in significando, & non in communicando, sicut fuit agnus paschalis : & non intelligitur de his quæ sunt signa, & causa, & res.

**AD ALIUD** patet solutio per prædicta : quia licet totus Christus sit caput cum membris : tamen quando comparatio fit inter verum corpus quod est caput, & corpus mysticum quod est membra, non intelligitur caput includi cum membris. Aliter dicunt quidam distinguentes in corpore mystico, scilicet quod potest dicere membra tantum, vel caput cum membris. Si primo modo, dicunt melius esse corpus Christi verum quam mysticum : si secundo modo, tunc dicunt mysticum melius esse quam verum.

#### ARTICVLVS XXXIV.

*An bene dicatur missa, quia celestis missus est ad consecrandum vel viuificandum ?*

**D**Einde quæritur de hoc quod dicit ibi [Missa enim dicitur eo quod celestis missus ad consecrandum & viuificandum adueniat, &c.] Celestis missus Angelus est : ergo Angelus mittitur ad consecrandum & viuificandum : & hoc falsum est : quia supra probatum est, quod Verbum increatum consecrat & viuificat in verbo creato.

*Quæst. 1.*

**ITEM** quæritur, Quid viuificatur ibi. Videtur, quod nihil : quia corpus Christi ante viuabat, & species illæ nunquam viuunt, nec ante, nec post : & non sunt ibi plura in sacramento : ergo videtur, quod nihil ibi viuificetur. Si forte tu dicas, quod celestis missus non vocatur hic Angelus, sed potius Christus qui dicitur magni consilij Angelus Isa. 11. secundum translationem 70. Contrarium videtur ex litera statim, vbi sequitur, Iube hæc perferri per manus sancti Angeli tui in sublime altare tuum, &c. Cum enim nihil perferat seipsum, pater quod ibi non sumitur Angelus pro Christo.

**VLTERIVS** videtur falsum, quod dicunt, quod hæc sit ratio quare missa dicatur. Dicit enim Hugo de sancto Victor. Missa quasi transmissa dicitur, eo quod populus per ministerium sacerdotis qui mediatoris vice fungitur inter Deum & homines, preces, vota, & oblationes Deo transmittit.

2. Item Hugo, Ipsa etiam hostia sacra missa vocari potest : quia à Patre transmissa est nobis prius, vt scilicet nobiscum esset : postea à nobis Patri, vt apud Patrem pro nobis esset.

3. Item Hugo, Missa ab emittendo dicitur, vt quidam dicunt : quia vt sacerdos hostiam consecrare incipit, per manum diaconi & ostiarii, cathecumenos, & non communicantes foras Ecclesiam emittit.

**VLTERIVS** adhuc quæritur de hoc quod dicit, Iube hæc perferri in sublime altare tuum : aut enim demonstratur species, aut corpus Christi verum per ly hæc. Si primo modo : tunc nihil dicit : quia species non perferuntur, & non habent locum, vbi aperta rerum est veritas, sicut in patria : vnde inutiliter illuc perferuntur. Si secundo modo inutilis est petitio : quia corpus Christi verum, semper est in potioribus bonis Patris.

**VLTERIVS** quæritur adhuc, Quid sit sublime altare ?

**SOLVTIO.** Dicendum ad primum, quod celestis missus secundum Magistrum in litera dicitur Angelus creatus, qui propter reuerentiam tanti sacramenti aduenit & assistit altari. Vel potius dicendum, quod multitudo Angelorum : & secundum hoc gerundia illa, ad consecrandum & viuificandum, descendunt à verbo impersonali : & sensus est, vt consecretur & viuificetur. Si autem de Christo intelligitur : tunc non habet locum prima obiectio.

**AD ALIUD** dicendum, quod viuificatio refertur ad corpus Christi mysticum, vnitum vero vel intellectum in vero : & non refertur ad corpus verum, vel ad species.

**AD ALIUD** dicendum, quod multis rationibus missa dicitur : quarum tres Hugo in tribus auctoritatibus tangit, & quartam tangit Magister in litera, & aliæ plures inueniri possunt.

**AD ALIUD** dicendum, quod petitio illa tota refertur ad corpus mysticum intellectum in vero : vnde sensus est, Iube hæc, &c. id est, omnes fideles intellectos in hoc perferri, &c. vt scilicet socientur corpori vero in cælo secundum bona patriæ, sicut sociantur secundum gratiam viæ.

**AD ALIUD** dicendum, quod sublime altare dicitur hic eminentia Trinitatis, in qua omne sacrificium reponitur, quod ab Ecclesia offertur. Est enim altare superius, inferius, interius, exterius. Superius autem duplex, scilicet eminentia Trinitatis. Exod. 20. Non ascendes per gradus ad altare meum. Gloss. in Trinitate non facies gradus, secundum magis & minus distinctos. Item, Superius est Ecclesia triumphans. Psalm. Tunc imponent super altare tuum vitulos. Inferius iterum duplex est, scilicet Ecclesia militans. Exod. 20. Si altare lapideum feceris mihi, non ædificabis de sectis lapidibus. Item, Inferius est mensa templi. Psalm. 117. Constituite diem solemnem in condensis vsque ad cornu altaris. Est autem interius iterum duplex. Primum est cor mundum. Levit. 6.

Ignis



Ignis in altari meo semper ardebit. Gloss. id est, charitas in corde. Item, Interius altare, fides incarnationis. Exod. 20. Altare de terra facietis mihi, id est, fidem habebitis de incarnatione, non solum de deitate. Est etiam altare exterius & hoc duplex, scilicet ara crucis. Levit. 6. Super altare holocausti ponebatur sacrificium vespertinum. Item, Exterius, sacramenta Ecclesie, & precipue Eucharistia. Psalm. 83. Altaria tua Domine virtutum, rex meus, & Deus meus.

### ARTICVLVS XXXV.

*Quomodo intelligendum sit illud, Maledicam benedictionibus vestris?*

**D**Einde quæritur de hoc quod dicitur *ibi* in notula [Maledicam benedictionibus vestris] Cum enim benedictiones sacerdotum sint vel esse videantur sacramenta, videtur quod sint maledicta: quod est contra decretum. 1. quæstione 1. quia dicit, quod sacramenta immutari non possunt.

**Q**UÆSTIO. **V**LTERIVS quæritur etiam iuxta hoc de duobus sacerdotibus æqualiter malis, quorum vnus cum conscientia mortalis peccati celebrat, alter autem territus non celebrat, sed simulat se celebrare: quis eorum magis peccat? Et videtur, quod primus: quia ille contemnit, & quantum in se est, temeratur sacramentum.

**S**OLVITIO. Dicendum ad primum, quod si vis fiat in litera, nulla est obiectio. Hoc enim quod dicitur vestris, discretive sumitur: & nulla est tunc obiectio: quia sacramenta non sunt benedictiones sacerdotum, sed Dei: unde Num. 6. dicitur, Inuocabitis nomen meum super filios Israel: ego autem benedicam eis.

**A**D ALIVD dicendum, quod simulans plus peccat quia peccat in Deum, ponendo simulationes in sacramento suo: & in homines quos decipit, & adorare creaturam facit, id est, hostiam non consecratam: & in seipsum, quia ordo sibi datus est ad consecrandum. Alius autem peccat in seipsum.

### ARTICVLVS XXXVI.

*Quare dulcedo sacramenti non sentitur à summentibus?*

**D**Einde quæritur de hoc quod dicit *ibi* [Non enim dubitare licet, &c.] Hoc enim quod dicit hic, reuerentiam sacramenti ostendit quæ exprimitur Sapient. 16. Paratum panem de cælo præstitisti illis sine labore, habentem omne delectamentum, & omnem saporis suauitatem.

**Q**UÆSTIO. **S**ED TVNC quæritur, Quare dulcedo non sentitur? Si forte dicas, quod palatum non est bene dispositum in ipso gustante, videtur hoc nihil esse: quia optime disponunt palatum virtutes: & multi accedunt qui habent omnes virtutes: quia qui habet vnam, habet omnes: & tamen nihil sentiunt.

**S**OLVITIO. Ad hoc dicendum, quod panis iste voluntarius est, & sentitur ut vult ipse, & tenet suam dulcedinem nunc ne sentiat, ut amplius sit meritum in fine, & ut amplius sentiat

in futurum. Præterea, licet quis habeat virtutes, non tamen adhuc purgavit reliquias peccati, quæ impediunt gustum spirituale.

### ARTICVLVS XXXVII.

*An sacerdos extra altare & sine sacris vestibus potest celebrare?*

**D**Einde notandum est de hoc quod dicit [In huius autem mysterij expletionem, sicut formam seruari, ita ordinem haberi, &c.] Videtur autem hoc esse falsum: causa enim effectus est extrinsecus: ergo ab ipsa non contrahit res substantiam: ergo & sine ordine si quis dicat illa verba, perficiet corpus Domini.

**P**RÆTEREA, Supra sapius habitum est quod efficiens est hic Verbum increatum in verbo creato: ergo quicumque siue ordinatus, siue non ordinatus, proferat verba illa, ipse videtur conficere corpus Domini.

**S**ED SI hoc secundum hæreticos concedatur, Sed con-  
viderur tunc, quod pro nihilo detur ordo presbyteralis, quod est inconueniens.

**V**LTERIVS quæritur hic, Si sacerdos non in debito loco, id est, altari non consecrato, vel super terram ubi non est altare, & sine sacris vestibus possit celebrare? Videtur quod non: quia Ecclesia hoc modo instituit celebrandum: & Deus approbat factum Ecclesie: ergo Deus non permittit ut contra Ecclesie statutum conficiatur.

**2** Item, Hoc cederet in dedecus tanti sacramenti: & Deus non permittit hoc, ut videtur: quia tunc permetteret dedecus suo Filio accidere. Vltius notandum, quod omnia quæ dicta sunt in tractatu de baptismo de intentione & his quæ exiguntur ad sacramentum, habent hic locum.

**D**ICENDVM ergo ad primum, quod sine ordine non potest quis conficere. Omnis enim actus quærit proprium efficiens. Vnde non proprium efficiens in ministerio est ipse sacerdos, nisi habeat ordinem: & per hoc patet solutio ad primum.

**A**D ALIVD dicendum, quod efficiens operans est Verbum increatum cum verbo creato: sed ministrans est sacerdos: & hunc oportet appropriari per ordinem sacerdotalem.

**A**D ID quod vltius quæritur, dicendum *Ad quæst.* quod conficeretur sine vestibus sacris, & sine altari, & à non ieiuno: sed mortalissime peccaret conficiens, & degradandus esset, si inueniretur.

**A**D ALIVD dicendum, quod Ecclesia instituit hoc tanquam existens de solennitate sacramenti, & non ut de substantia.

**A**D ALIVD dicendum, quod non cedit hoc in dedecus Filij, quia dedecus habere non potest: sed permetteret hoc Deus, si permetteret, ut iustior appareret condemnatio facientis.

### ARTICVLVS XXXVIII.

*An mus vel aliud animal brutum potest sumere corpus Christi?*

**D**Einde quæritur de hoc quod dicit *ibi* [Illud etiam sane dici potest, quia à brutis animalibus,



libus, &c.] Videtur hoc esse falsum: quia supra probatum est, quod corpus Christi tandiu est ibi quandiu ibi illæ species incorruptæ apparent: sed in ore & in ventre muris apparet species panis: ergo videtur quod ibi sit corpus Christi: ergo mus sumit corpus Christi.

2 Item, Magis repugnat peccatum perceptioni Christi, quam natura muris: sed peccator accipit corpus Christi: ergo & mus, ut videtur.

*Quæstio-  
cula 1.*

VLTERIVS quæritur de pœna eius qui male custodiens corpus Domini, ita quod ex sua negligentia à muribus vel ab aliis animalibus comeditur.

ITEM de pœna effundentis sanguinem, & de pœna euomentis: & quid faciendum est quando tales casus contingunt?

*Solutio.*

SOLVITIO. De primo habita est supra longa quæstio: dicendum tamen est hic, quod sumere dicit vnionem vel potentiam ad illam, quæ non est in bruto: sed in peccatore in quo sensus ad rationem est ordinatus secundum quam ipse capax est spiritualis manducationis, quod non est mus. Bene tamen concedo, quod quandiu sunt ibi species discernibiles, tandiu est ibi corpus Domini: hoc enim quod dicitur in apparatu decretorum de consec. dist. 2. Qui bene non custodierit, &c. scilicet quod statim desinit sacramentum postquam à bruto tangitur, hæreticum est, & ridendum: sed dicendum modo prædicto.

AD ALIUD dicendum, quod peccatum non repugnat capacitati, sed idoneitati. Quod autem non est aliquis idoneus, non facit ut non sumat, sed potius ut ad salutem non sumat: sed si non est capax, nec spiritualiter nec sacramentaliter manducat: licet sub speciebus manducantis corpus Domini sit verum, quandiu species discernibiles apparent non ad alium humorem transmutatæ.

*Ad quæ-  
stionem  
1.*

AD ALIUD quod vltius quæritur, dicendum per decretum de consecratione distinctione secunda, Qui bene non custodierit sacrificium, & mus vel aliud aliquod animal illud comederit, quadraginta diebus pœniteat. Qui autem perdidit illud in Ecclesia: aut pars eius ceciderit, & non inuenta fuerit: triginta dies pœniteat.

AD HOC autem quod quæritur, Quid debeat fieri si effunditur: & qualiter effundens debet pœnitere? Dicendum, quod secundum quoddam decretum de consecratione distinctione secunda cuius sunt hæc verba: Si per negligentiam aliquid de sanguine stillauerit in terram, lingua lambetur: tabula radetur: si non fuerit tabula, ut non conculcetur locus radetur, & igne consumeretur: & cinis intra altare condatur: & sacerdos quadraginta dies pœniteat. Si super altare stillauerit calix, sorbeat minister stillam, & tribus diebus pœniteat. Si super linteam altaris, & ad aliud stilla peruenerit, quatuor diebus pœniteat. Si vsque ad tertium, nouem diebus pœniteat: si vsque ad quartum, viginti diebus pœniteat, & linteamina quæ tetigerit stilla tribus vicibus minister abluat calice supposito, & aqua ablutionis sumatur, & iuxta altare recondatur. Ecce responsio ex verbis Pij Papæ.

*Ad quæ-  
stionem  
1.*

AD ALIUD quod quæritur de euomente, respondendum est ex verbis Bedæ in suo pœnitentiali: qui sic dicit, Siquis per ebrietatem vel voracitatem Eucharistiam euomuerit, quadraginta dies pœniteat, si laicus est: clerici & monachi seu diaconi & presbyteri septuaginta diebus pœniteant: episcopi nonaginta. Si pro infirmitatis causa euomuerint, septem dies pœniteant.

*Ad quæ-  
stionem  
1.*

SI AVTEM quæritur, Quid sit faciendum quando accipit speciem carnis viuæ vel membri: Videtur mihi esse distinguendum, quod aut transfiguratur quoad visum omnium, aut quoad visum aliquorum tantum. Si quoad visum aliquorum tantum: tunc videtur esse sumendum. Si autem transfiguratur quoad visum omnium: tunc non videtur mihi esse sumendum, sed pro reliquiis habendum: & aliud consecrandum, & illud sumendum est à sacerdote: quia canon dicit, quod toties sacerdos communicare debet, quoties celebrat. Quod autem ita sit, patet in decreto de consecratione distinct. 2. ubi dicit Hieron. super Leuitic. De hac quidem hostia quæ in Christi commemoratione mirabiliter fit, edere licet: de illa vero quam Christus in ara crucis obtulit, secundum se edere nulli licet, hoc est, quando accipit speciem in qua pependit in cruce, id est, in specie cruentæ carnis, vel membri alicuius.

*Quæstio-  
Solutio.*

### *Quid faciat hæreticum & quid sit hæreticus.*

**N**E autem ignores quid faciat hæreticum, vel quid sit hæreticus: audi breuiter quid inde sancti Doctores tradant. Hilar. ait, Extiterunt plures qui cælestium verborum simplicitatem, non veritatis ipsius absolutionem susceperunt: aliter interpretantes quam dictorum virtus postularet. De intelligentia enim hæresis, non de scriptura est: & sensus, non sermo, fit crimen. Idem in 8. Intelligentiæ sensus in crimine est. Hieron. dicit, quod ex verbis inordinate prolatis incurritur hæresis. Augustinus diffiniens quid sit hæreticus, ait, Hæreticus est qui pro alicuius temporalis commodi, & maxime gloriæ principatusque sui gratia, falsas ac nouas opiniones gignit vel sequitur.



ARTICVLVS XXXIX.

*Hæreticus quis sit, & unde dicatur?*

**D**Einde videndum est de hoc quod dicit *ibi* [Ne autem ignores quid faciat hæreticum] Hæreticus enim potest venire à verbo Latino hæreo, es : vel à Græco hæresis, quod est electio. Si primo modo : tunc qui hæret sententiæ suæ defendendo eam, ille hæreticus est, si sententia illa est hæretica. Si secundo modo : tunc ille est hæreticus, qui electionem suam sequitur, & non sententiam Scripturarum & defendit illam. Videtur autem contrarietas inter Hilarium & Hieronymum in litera : quia Hilarius dicit, quod non

sermo sed sensus in crimine est. Hieronymus autem, quod ex verbis inordinate prolatis incurritur hæresis.

**S**ED SOLVTIO est, quod verba inordinate quandoque proferuntur sub alia significatione quam habent : eo quod proferens putat eam sanam facere intelligentiam. Et in hoc casu loquitur Hilarius : quia tunc quando ostenditur venenum latere in his, ille qui dixit, corrigat dictum suum : & in tali casu sufficit corrigere suum dictum, & retinere sensum. Si autem adhæreat modo significandi verborum, tunc sensus fuit hæreticus : & sic intelligitur dictum Hieronym. & præcipue in materia difficili, sicut de Trinitate & incarnatione. Et hæc de Eucharistia dicta sufficiant.



DISTINCTIO XIV.

*De pœnitentia.*



**P**OST hæc de pœnitentia agendum est. Pœnitentia a longe positæ à Deo necessaria est, vt appropinquent. Est enim vt ait Hieron. secunda tabula post naufragium : quia si quis vestem innocentie in baptismo perceptam peccando corruerit, pœnitentie remedio reparare potest. Prima tabula est baptismus, vbi deponitur vetus homo, & induitur nouus. Secunda, pœnitentia, qua post lapsum resurgimus, dum vetustas reuerfa repellitur, & nouitas perdita resumitur. Post baptismum prolapsi per pœnitentiam renouari valent, sed non per baptismum. Licet homini sæpius pœnitere, sed non baptizari. Baptismus tantum est sacramentum : sed pœnitentia dicitur & sacramentum, & virtus mentis. Est enim pœnitentia interior, & est pœnitentia exterior. Exterior, sacramentum est : interior, virtus mentis est : & vtraque causa salutis est iustificationis. Vtrum vero omnis exterior pœnitentia sit sacramentum, vel si non omnis, quæ hoc nomine censenda sit, consequenter inuestigabimus. A pœnitentia cœpit Ioannis prædicatio dicentis, Pœnitentiam agite, appropinquabit enim regnum cælorum. Quod autem præco docuit, illud post veritas prædicauit, exordium sumens sermonis à pœnitentia. Pœnitentia dicitur à puniendo, qua quis punit illicita quæ commisit. Pœnitentie virtus timore concipitur. Vnde Isa. A timore tuo Domine concepimus & peperimus spiritum salutis. Est enim pœnitentia, vt ait Ambros. mala præterita plangere, & plangenda iterum non committere. Item Gregor. Pœnitere est antea acta peccata deflere, & flenda non committere. Nam qui sic alia deplorat, vt alia tamen committat, adhuc pœnitentiam agere aut ignorat, aut dissimulat. Quid enim prodest si peccata luxuriæ quis defleat, & adhuc auaritiæ æstibus anhelet? His verbis quidam vehementius inhærentes, contendunt

Comment. ad 3. cap. Isa. & epist. de virginitate seruanda.

Matth. 3.

Isa. 26. Iuxta 70. In ferm. quadragesimali.



dunt vere pœnitentem ultra non posse peccare damnabiliter : & si gra-  
 uiter peccauerit , veram non præcessisse pœnitentiam. Quod etiam  
 aliis muniunt testimoniis. Ait enim Isidor. Irrisor est & non pœnitens,  
 qui adhuc agit quod pœnitet. Nec videtur Deum poscere subditus,  
 sed subsannare superbus. Canis reuersus ad vomitum , & pœnitens ad  
 peccatum. Multi lacrymas indefinenter fundunt , & peccare non de-  
 sinunt. Quosdam accipere lacrymas ad pœnitentiam cerno , & affe-  
 ctum pœnitentiæ non habere : quia inconstantia mentis nunc recor-  
 datione peccati lacrymas fundunt , nunc reuiuisciente vsu , ea quæ  
 fleuerunt iterando committunt. Isa. de peccatoribus dicit , Lauami-  
 ni , mundi estote. Lauatur & mundus est qui & præterita plangit , &  
 flenda iterum non committit. Lauatur , & non est mundus qui plan-  
 git quæ gessit , nec deserit , & post lacrymas ea quæ defleuerat repe-  
 tit. Item Augustinus. Inanis est pœnitentia , quam sequens culpa  
 coinquinat. Nihil profunt lamenta , si replicantur peccata. Nihil  
 valet veniam à malis poscere , & mala denuo iterare. Item Gregor.  
 Qui commissa plangit , nec tamen deserit , pœnæ grauiori se subiicit.  
 Item Ambros. Reperiuntur qui sæpius agendam pœnitentiam putant:  
 qui luxuriantur in Christo. Nam si vere in Christo pœnitentiam age-  
 rent , iterandam postea non putarent : quia sicut vnum baptisma , ita  
 est vna pœnitentia. His aliisque pluribus vtuntur in assertionem suæ  
 opinionis. Sed Ambrosius dicit , Hęc vera pœnitentia est , cessare à  
 peccato. Et iterum , Magni profectus est renuntiasse errori : imbutos  
 enim vitiis animos exuere atque emendare, virtutis est perfectæ & cœlestis  
 gratiæ : & ideo sane ita diffiniri potest. Pœnitentia est virtus qua com-  
 missa mala cum emendationis proposito plangimus & odimus , & plan-  
 genda vltius committere nolumus : quia pœnitentia vera est , in  
 animo dolere & odire vitia. Vnde illa verba præmissa. Pœnitere est  
 antea acta deflere , & flenda non committere : recte sic accipi possunt,  
 vt non ad diuersa tempora , sed ad idem referantur : vt scilicet tem-  
 pore quo deflet commissa mala , non committat voluntate vel opere  
 flenda : quod innuitur ex verbis consequentibus. Nam qui sic alia de-  
 plorat, &c. Hinc August. ait , Cauendum est nequis existimet nefan-  
 da illa crimina ( qualia qui agunt, regnum Dei non possidebunt ) quoti-  
 die perpetranda , & eleemosynis redimenda. In melius est enim vita  
 mutanda , & per eleemosynas de peccatis præteritis propitiandus est  
 Deus , non ad hoc emendus quodammodo , vt ea semper liceat im-  
 pune committere. Nemini enim dedit laxamentum peccandi , etsi mi-  
 serando deleat commissa peccata , si non satisfactio congrua negli-  
 gatur. Item Pius Papa , Nihil prodest homini ieiunare & orare , &  
 alia religionis opera agere , nisi mens ab iniquitate reuocetur. Qui  
 ergo à malis sic mentem reuocat , vt commissa plangat , & plangen-  
 da committere non velit , nec satisfacere negligit , vere pœnitet.  
 Nec ideo non est vera pœnitentia , quia forte post , non de propo-  
 sito , sed casu vel infirmitate peccabit. Ille autem irrisor est & non  
 pœnitens , qui sic commissa plangit , vt plangenda voluntate vel  
 opere committere non desinat. Ille etiam qui post lacrymas repetit  
 quæ fleuit , lauatur ad tempus : sed mundus non est , id est , illa  
 munditia

Lib. 1. de  
 summo  
 bono.  
 c. 16. &  
 habetur  
 de pœn.  
 dist. 3.  
 c. Irrisor.  
 2. Per. 2.

In lib.  
 solilo-  
 quiorū.  
 & habe-  
 tur de  
 pœn.  
 dist. 3.  
 c. Inanis.  
 De pœn.  
 dist. 3.  
 cap. Qui  
 cōmissa.  
 Super  
 epist. ad  
 Corint.  
 cap. 10.  
 tom. 1.

August.  
 super  
 octona-  
 riū, 22.

In Ench.  
 c. 70. in  
 tom. 3.

De pœn.  
 dist. 3.  
 c. Nihil  
 prodest.



munditia non est ei sufficiens ad salutem : quia est momentanea , non perseverans. Item illud , Inanis est pœnitentia quam sequens culpa coinquinat , sic intelligendum est. Inanis est , scilicet carens fructu illius pœnitentiæ quam sequens culpa inquinat. Illius enim fructus est vitatio gehennæ , & adeptio gloriæ. Mortificatur enim illa pœnitentia & alia antea acta bona per sequens peccatum , ut non fortiantur mercedem , quam meruerunt cum fierent , & quam haberent si peccatum non succederet. Sed & si de peccato succedenti pœnitentia agatur , & pœnitentia quæ præcessit , & alia antea acta bona reuiuiscunt : sed illa tantum , quæ ex charitate prodierunt. Illa enim sola viua sunt , quæ ex charitate fiunt. Ideoque si per sequentia peccata mortificantur , per subsequentem pœnitentiam reuiuiscere possunt. Quæ vero sine charitate fiunt , mortua & inania generantur : & ideo per pœnitentiam reuiuiscere non valent. Similiter intelligendum est illud , Nihil profunt lamenta , &c. Et illud , Nihil valet , &c. Si enim replicentur peccata , nihil valet ad salutem vel ad veniam in fine præcedens lamentum , quia nihil relinquitur de vitæ munditia : quia aut peccata dimissa redeunt , ut quibusdam placet , cum replicantur : vel si non redeunt , eis tamen deletis , propter ingratitudinem ita reus & immundus constituitur , cum adhuc in expiandis implicatur , ac si iam deleta redirent. De hoc tamen , scilicet an peccata redeant , post plenius agemus. Similiter nihil valet ad salutem obtinendam , vel ad munditiam vitæ habendam , veniam de malefactis poscere , & malefacta denuo iterare. Ita etiam intelligendum est illud quod idem August. alibi ait , Pœnitentia est quædam dolentis vindicta , semper puniens in se quod dolet commisisse. Et infra , Quotidie dolendum est de peccato , quod declarat ipsa dilectionis virtus. Pœnitere enim est pœnam tenere : ut semper puniat in se vliscendo , quod commisit peccando. Ille autem pœnam tenet , qui semper vindicat quod commisisse se dolet. Pœnitentia ergo est vindicta semper puniens in se quod dolet commisisse. Quid restat nobis , nisi dolere in vita ? ubi enim dolor finitur , deficit & pœnitentia. Si vero pœnitentia finitur , quid relinquitur de venia ? Tandiu gaudeat & speret de gratia , quandiu sustentatur à pœnitentia. Dicit enim Dominus , Vade , & amplius noli peccare. Non dixit , Ne pecces : sed ne voluntas peccandi in te oriatur. Quod quomodo seruabitur , nisi dolor in pœnitentia continue custodiatur ? Sed semper doleat , & de dolore gaudeat : & non sit satis quod doleat , sed ex fide doleat , & non semper doluisse doleat.

In lib. de  
vera &  
falsa  
pœni-  
tentia.  
cap. 8.

Ioan. 5.  
& 8.



DIVISIO TEXTVS.



Ost hæc de pœnitentia , &c. ] Totus tractatus huius sacramenti diuiditur in tres partes , in quarum prima agit de pœnitentia secundum se , scilicet prout non contrahitur ad hanc partem quæ est compunctio , vel ad illam quæ est confessio , vel

ad eam quæ est satisfactio. In secunda autem agitur de partibus eius , siue de ipsa prout in partibus consideratur : & incipit infra distinct. 16. *ibi* [ In perfectione autem pœnitentiæ sunt tria obseruanda ] Tertio autem agit de his quæ sunt signa sacramentalia in pœnitentia : & hæc pars incipit circa finem huius tractatus ante finem 22. distinctionis *ibi* [ Post prædicta restat inuestigare , quid in actione pœnitentiæ sit sacramentum , &c. ] Adhuc autem prima pars subdividitur in duas partes , in quarum prima dicit , quid sit pœnitentia re , &



re, & diffinitione : in secunda autem elidit quosdam errores circa pœnitentiam *ibi* [ His verbis quidam vehementius, &c. ] Adhuc autem in prima parte determinat tria: quorum primum est ordo huius sacramenti ad alia, & necessitas ad sanandum peccatum. Secundum est distinctio pœnitentiæ secundum quod ipsa cadit in diuersa genera, scilicet virtutis, gratiæ, passionis, sacramenti : & hæc incipit *ibi* [ Baptismus tantum sacramentum est: sed pœnitentia, &c. ] In tertia diffinit pœnitentiam per actum suum proprium *ibi* [ Est autem pœnitentia, ut ait Ambrosius, &c. ] Tangit autem primo necessitatem pœnitentiæ dicens, quod necessaria est longe positis à Deo, ut appropinquent: & tangit ordinem, cum dicit, quæ est secunda tabula post naufragium.

## ARTICVLVS I.

*An sacramentum pœnitentiæ bene ordinetur quantum in ordine sacramentorum?*

**S**ed circa hoc incidit duplex quæstio, scilicet de ordine huius sacramenti: & de hoc quod dicit [Secunda tabula post naufragium] Supra enim habitum est, quod nullus in baptismo adultus nouum hominem induit, nisi pœniteat eum veteris vitæ: ergo cum pœnitentia acceditur ab baptismo: ergo tractatus pœnitentiæ ante baptismum est ponendus.

2 Item, Matth. 3. dicitur, quod exhibant ad Ioannem confitentes peccata sua, & postea baptizabantur: ergo pœnitentia præcedit baptismum.

3 Item, Sine pœnitentia veniens ad baptismum, fictus reputatur, & est: ergo ad hoc quod tollatur obstaculum, oportet esse pœnitentem.

**I**TEM videtur, quod immediate post baptismum debuit agere de pœnitentia: quia est secunda tabula post naufragium, cum baptismus sit prima: ergo sicut secunda tabula immediate est post primam, sic pœnitentia debet esse immediate post baptismum.

2 Item, Est secunda tabula: ergo est secundum sacramentum: & hoc videtur sequi: quia, sicut supra habitum est, gratia sacramentalis soluit à peccato quod facit naufragium.

**I**TEM videtur, quod tractari debuit ante Eucharistiam: quia omnibus indicitur pœnitentia ante communionem.

2 Item, Agnus comedebatur cum lactucis agrestibus, Exod. 12. quod significat communicandum esse cum amaritudine pœnitentiæ. Ergo videtur, quod istud sacramentum præcedat sacramentum Eucharistiæ: cum tamen Magister è conuerso ordinauerit.

**Solutio.** **S**OLVTIO. Dicendum, quod Magister congruo ordine ordinat sacramenta: qui ordo supra assignatus est in principio notularum super hunc quartum librum: quantum autem pertinet ad hunc tractatum.

**D**ICENDVM ad primum, quod Magister ordinat sacramenta secundum ordinem morbi, contra quem ordinatur gratia cuiuscunque sacramenti: & quia primus morbus est morbus originalis, & pœnæ sequentes illum, propter hoc primo

oportuit poni sacramenta quæ sunt remedia contra illum cum suis sequelis. Est autem gratia baptismalis contra morbum illum secundum se: sed quia remanet concupiscentia debilitans in prælio, ideo datur gratia confirmationis: ex concupiscentiæ autem motu sequitur defectus virium ex deperditione roboris spiritualis, contra quod ordinatur gratia sacramenti Eucharistiæ. Quia autem post omnia hæc frequenter incidit actuale mortale, igitur quarto hoc loco agit de pœnitentia, quæ ordinatur contra id: posset tamen aliquo respectu ordinari pœnitentia ante Eucharistiam, ut alibi ostensum est. Patet igitur solutio ad primum: quia hoc est particulare & per accidens, scilicet quia adultus habet actuale: tamen originale per se est quod curatur baptismo, & pœnitentia non præexigitur quantum ad naturam peccati, contra quod per se est baptismus ordinatus: sed potius quia baptizatus, si adultus est, & peccauit, pœnitet, aliter esset fictus: sed quod non sit per se, patet, quia si per se esset, semper pœnitentia præcederet baptismum: & hoc non est verum, ut patet in parvulis.

**A**D ALIUD dicendum, quod baptizati à Ioanne, omnes erant adulti, & in peccatis actualibus existentes: & ideo oportuit eos pœnitentia præparari ad baptismum Christi: sed tamen non oportet propter hoc quin per se & secundum naturam gratiæ quam causat baptismus, præcedat pœnitentiam, ut dictum est.

**A**D ALIUD dicendum, quod in morbo sunt duo, scilicet culpa, & pœna: & numerando culpam cum culpa, tunc prima culpa est originalis, & secunda actualis: & contra primam est baptismus, & contra secundam pœnitentia. Cum autem non sit sacramentum tantum ordinatum contra culpam, sed etiam contra pœnam, non sequitur, quod sit secundum sacramentum: sicut non sequitur, actuale est secunda culpa in genere: ergo est secundus morbus: quia secundus morbus est ille qui procedit ex primo, nullo addito: & hic est concupiscentia & pronitas ad malum, quæ est ex fomite vel ipse fomes: naufragium autem per se non facit pœnam quæ iusta est, sed potius culpa: & ideo pœnitentia est secunda tabula, non tamen secundum sacramentum, nec secundo loco ordinandum.

**A**D ALIUD dicendum, quod gratia sacramentalis saluat à peccato, non tantum ex parte culpæ ex qua per se facit naufragium, sed etiam ex parte pœnæ, ut dictum est: & ideo illa ratio non procedit.

**A**D ALIUD dicendum, quod sicut generatum confortatur post generationem à natura, & deinceps nutritur: ita etiam est in sacramentis: quia primo datur sacramentum regenerationis quod dat esse gratiæ contra defectum primum: deinde confortatur ex gratia confirmationis, & tertio nutritur statim. Si autem aliquis obiiciat, quod confortatio sit per nutrimentum: ergo secundum hoc Eucharistia debet præcedere confirmationem: dicendum, quod hoc non valet: quia duplex est confortatio in natura. Vna est quæ est per remotionem dispositionum contrariarum: & hanc dat ipsum generans cum forma, vel statim post formam: quia aliter generatum non resisteret alterationibus sequentibus, sed statim corrumpereetur. Alia autem est per restorationem deperditi: & illa



illa fit per cibum. Dicendum igitur, quod prima confortatio est cui similis est confortatio, sicut sonat suum nomen: & gratia eius dubilitat concupiscentiam, & confirmat gratiam collatam in baptismo: sequens autem confortatio assimilatur Eucharistiae: & sic patet, quod sit ordo Magistrum.

AD ALIUD dicendum, quod hoc per accidens sic est, in quantum est peccatum actuale in comedentibus: sed tamen defectus contra quem generaliter in omnibus ordinatur Eucharistia, est ante actuale: & ideo Eucharistia est ante poenitentiam.

## ARTICVLVS II.

*An poenitentia sit secunda tabula post naufragium?*

Secundo queritur, Qualiter dicatur secunda tabula: Naufragium enim primo factum est per originale peccatum, & tabula saluans est baptismus: secundum autem naufragium est per actuale siue personale peccatum, & tabula saluans est poenitentia: queritur igitur, Vtrum sit tabula in quantum virtus est, vel in quantum est gratia, vel in quantum est sacramentum? in omnibus enim his generibus est, vt infra patebit. Si dicatur, In quantum virtus. Contra: Secunda virtus communicare debet alicui primae virtuti: non enim congrue dicitur, quod Petrus secundus est homo, si prior eo fuit asinus: ergo baptismus esset prima virtus: & hoc est falsum: ergo non in quantum virtus est secunda tabula. Si dicatur, quod est secunda in quantum gratia: videtur falsum: quia multae gratiae praecedunt, scilicet confirmationis, Eucharistiae, & baptismi. Eodem modo obiicitur si dicatur, In quantum est sacramentum: prius enim habitum est, quod non est secundum sacramentum: ergo videtur, quod nullo modo sit secunda tabula.

*Solutio.*

SOLUTIO. Dicendum, quod secunda tabula est, in quantum est sacramentum contra morbum, qui est culpa, ordinatum: quia, sicut prius dictum est, poena non facit naufragium in quantum huiusmodi: quia multae poenae promouent ad meritum: & ille qui meretur, non patitur naufragium: unde non est secundum sacramentum simpliciter, sed secundum contra culpam ordinatum: & per hoc patet solutio ad totum.

## ARTICVLVS III.

*An poenitentia est virtus?*

Deinde obiicitur de hoc quod dicit ibi [Poenitentia dicitur sacramentum, & virtus mentis, &c.] Et queruntur hic duo, scilicet an poenitentia sit virtus? Et vtrum sit virtus generalis, vel specialis, si virtus est?

Quod autem sit virtus, videtur ratione & auctoritate. Matth. 3. super illud, Poenitentiam agite: dicit Glossa, Prima virtus est per poenitentiam perimere veterem hominem.

2 Item, Ambros. Imbutos vitiis animos exuere atque emundare, virtutis est perfectae & caelestis. D. Alber. Mag. in Lib. 4. Sentent.

gratiae. Constat autem, quod exuere & emundare a peccatis, est poenitentiae. Ergo poenitentia est virtus. Item hoc dicitur in litera in pluribus locis.

3 Ratione autem probatur idem. Dicit enim Commentator super quintum ethicarum, quod omnis actus laudabilis, virtutis est actus: sed poenitere est actus laudabilis, & est actus poenitentiae: ergo poenitentia est virtus.

4 Item in quinto dicitur & in textu & in commento, quod iustitia legalis ideo est idem quod virtus in genere, quia praecepta legum sunt de actibus virtutum: ergo multo magis praecepta diuina erunt de actibus virtutum: sed poenitere est in praecepto: ergo est actus virtutis.

5 Item, Virtus & vitium sunt opposita: ergo mutuo se expellunt: dicit enim Philosophus, quod non expellitur contingens a contingente, sed oppositum a per se sibi opposito: nec fit contingens a contingente, sed ex opposito in situ. Ergo quod expellit peccatum, est virtus: poenitentia autem expellit peccatum.

7 Item, Quaedam sunt praecepta, quia bona: quaedam autem ideo bona, quia praecepta: poenitere igitur in altero horum generum erit: constat autem, quod non est ideo bonum, quia praeceptum: quia si non esset praeceptum, adhuc esset bonum poenitere: ergo est de per se bonis. Aut igitur est de pertinentibus ad intellectum, aut ad opus. Quod non de pertinentibus ad intellectum speculatiuum, hoc patet per se: ergo pertinet ad opus bonum in moribus: sed omne tale virtus est, vt elicitur ex litera Tullij in fine primae rhetoricarum: ergo poenitentia est virtus.

8 Item, Sicut dicit Philosophus, virtus bonum facit habentem, & opus eius bonum reddit: hoc autem facit poenitentia: ergo est virtus. Si forte dicas, quod poenitere non est opus, sed passio. Contra: Aut est passio tantum, aut ponit actum interiorem. Constat autem, quod non passio tantum: quia dicitur in litera statim infra, quod poenitentia est virtus, vel gratia, qua commissa mala cum emendationis proposito plangimus & odimus, & plangenda iterum committere nolumus: emendationis autem propositum est actus, & nolle iterum committere actum ponit, quia in hoc verbo nolo, non vis, manet voluntas actualis affirmata & supposita: ergo habetur propositum, quod opus bonum reddit: ergo est virtus.

SED CONTRA hoc obiicitur: & primo ex ipso nomine quod sonat passionem: est enim idem poenitentia quod poena tenta: nulla autem passio virtus est, vt ostenditur secundo ethicorum. Ergo poenitentia non est virtus.

*Sed contra.*

2 Item, Alia quaedam laudabilia quae circa mala sunt, patiundo aliquantulum, dicit Philosophus non esse virtutes, vt patet in fine 4. Ethicorum, vbi dicit, quod verecundia non est virtus, sed passio: licet laudabilis sit, & medium habeat.

3 Item in 2. videtur dicere, quod nemesis non est virtus: licet sit laudabilis, & habeat medium: ergo videtur, quod nec poenitentia, quae est dolor delicti perpetrati, proprie loquendo sit virtus.

4 Item, Virtutis actus licet sit circa passiones quandoque, vt circa materiam, nullo tamen modo

V do



do est cum passione operantis, nisi dicatur illa passio gaudium, quod est signum formæ iam habitæ: sed pœnitentia semper est passio, vel cum passione operantis: ergo pœnitentia non est virtus, ut videtur. Quod autem prima vera sit, scribitur quidem à quodam Philosopho: sed etiam probatur inducendo: quia castus siue temperatus continendo non patitur secundum delectantia in sensu sibi circumstantia, & sic de aliis: ergo propositum habeo. Item, Omnis virtus habitus est: ergo suus erit actus aliquis & non passio: patet igitur quod virtutis non est pati proprie. Item, Virtus est cum lætitia, vel sine tristitia ad minus: sed pœnitentia est dolor, vel cum dolore & tristitia semper: ergo non est virtus.

5 Item, Si est virtus: aut erit theologica, aut cardinalis: constat autem, quod non est theologica: quia omnes illæ habent Deum pro materia circa quam est actus, & finis propter quem: sed pœnitentia non habet Deum pro materia. Videtur etiam, quod nec cardinalis: quia non est aliqua de quatuor. Si dicas, quod est virtus reducta ad aliquam illatum: hoc falsum videtur: quia omnis reductio est penes aliquid commune: nulla autem virtus est, quæ cum cum pœnitentia commune aliquid videatur habere: cum virtus sit circa opus ordinatum in bonum, pœnitentia autem est quodammodo detestatio, & non bonum secundum quod bonum: ergo videtur, quod non sit virtus.

6 Item, August. dicit, quod virtus est bona qualitas mentis, qua recte viuitur, qua nemo male vitur, quam Deus operatur in nobis sine nobis: sed hæc omnia pœnitentiæ non conueniunt. Probatio: quia pœnitentia non recte viuitur: ergo pœnitentia non est virtus. Quod autem pœnitentia non recte viuatur, probatur sic: Omne quo recte viuitur, viuitur aliqua operis rectitudine: sed operis rectitudo non est pœnitentia, quia detestari malum non dicit determinate aliquod opus rectum, sed potius quandam dispositionem quæ præcedit omne opus rectum, quia nullum opus rectum est cum placentia mali: ergo videtur, quod non sit virtus.

7 Præterea, Communiter fere ab omnibus dicitur, quod qui habet vnam, habet omnes: ergo si pœnitentia est virtus, qui habet eam, habet omnes: sed paruuli & innocentes habent multas virtutes: ergo habent pœnitentiam, quod falsum est, dicitur enim 2. Paralip. vltim. His qui tibi non peccauerunt, non constituisti pœnitentiam.

8 Item, Christus habuit multas: ergo habuit pœnitentiam: & pœnitentia est dolor commissi criminis: ergo ex hoc sequeretur, quod crimen commississet, quod absurdum est.

6 Item, Omnes virtutes erunt aliquo modo in patria: pœnitentia nullo modo erit in patria: ergo non est virtus. Quod autem nullo modo futura est in patria, videtur quia nullo modo erit ibi dolor, & pœnitentia dolor est, vel cum multo dolore. Alia autem multa valde facile est hic ad vtramque partem obiecta adducere: sed hæc sufficiant.

*Solutio.*

SOLVITIO. Dicendum mihi videtur, quod virtus sumitur proprie, & communiter: proprie quidem à Philosopho in ethicis, & secundum hoc est habitus ordinans in bonum intellectualis vel moralis: intellectualis quidem quia doctrina & experiendo circa operabilia sumit generationem

suar naturæ vel sui ipsius ex parte illa qua materialis est: & voluntas est complens formam secundum quod dicit Philosophus, quod virtutes voluntates sunt simpliciter vel non sine voluntate, sicut fronesis, & prudentia, & huiusmodi, quæ sicut ipse Philosophus in 6. ethic. dicit, est idem quod recta ratio: & intelligitur de recta ratione eligibilis ad opus virtutis. Moralis autem circa passiones est, vel operationes: circa passiones quidem innatas, vel illatas: circa innatas quidem temperantia, illatas autem fortitudo. Iustitia vero circa operationes, in quibus nulla proprie est passio: propter quod ipsa iustitia dicitur commune bonum: quia & virtutes moderatiuæ delectationum vel tristitiarum sunt circa propria: medium autem sicut idem Philosophus dicit in 5. non habent ipsæ eodem modo: quoniam illa virtus quæ est circa passiones, proprie est medium duarum malitiarum, quarum vtrique est abundantia, & defectus differenter: sicut medium audaciæ quæ audendo abundat, timendo autem deficit: & timiditatis quæ timendo abundat, & audendo deficit: & hoc quidem medium est fortitudo: & ita est reperire in temperantia, & in aliis. Sed iustitia non semper est medium duarum malitiarum, nec duarum, quarum vtrique differt sicut abundantia, & defectus: quod facile ostenditur in iustitia directiua: quia si iniustitia abundat in decem, in quibus me decipit: ego iniuste deficio in decem: & medium erit ut tantum mihi restituatur, quantum ego deficio iniuste, & tu abundas iniuste: & malitia hic non est nisi ex parte decipientis vel fraudulentis: ex parte autem eius qui patitur iniuriam, non est malitia, sed pœna tantum. Similiter non nisi vnus habens hic qui plus habet quam deberet: & non nisi vnus deficio. Differt & aliter ratio medij: quia in duabus quæ sunt circa passiones, medium est quoad nos: & in iustitia est medium rei proprie: & ideo accipitur proportionalitate geometrica vel arithmetica, ut Philosophus dicit. Sed de his alias. Sic ergo propriissime loquendo de virtute, bene concedo, quod pœnitentia non est virtus. Aliter sumitur virtus qua recte viuitur, & extenso nomine: & hoc præcipue à Theologo qui multa quæ in genere passionum ab Ethico ponuntur, virtutes dicit: ut timorem dicit Gregorius virtutem, sicut & generaliter 7. dona: & gaudium dicit Ambrosius virtutem, sicut & generaliter 12. fructus enumeratos ad Galat. 5. Et spem dicit virtutem theologiam omnis theologus: & similiter charitatem, & alia quæ secundum ipsum nomen passionem sonare videntur: & secundum hoc virtus erit generalius diffinita: scilicet quod quicumque habitus perficit animam rationalem secundum actum ordinantem in bonum vel à malo, quod ille virtus dicatur: & sic pœnitentia est virtus, & timor, & gaudium, & huiusmodi, secundum dicta sanctorum. Hac tamen diuersitate virtutis inducti Doctores nostri, diuersas acceperunt opiniones, scilicet dicentibus Magistro Gulielmo Antisiodoren. & suis sequentibus, quod pœnitentia non sit virtus: aliis autem dicta Sanctorum venerantibus, & dicentibus, quod sit virtus: mihi autem & quibusdam aliis videtur, quod sit virtus. Oportet autem respondere ad vtramque partem obiectorum, ne deficiamus opinantibus



bus utrumque, quia nos quodammodo consentimus utrisque.

**DICIMVS** igitur ad primum & secundum, quod virtus sumitur ibi extenso nomine. Qualiter autem dicitur perfecta virtus, infra erit in quaestione.

**AD ALIVD** dicendum, quod hoc intelligitur de virtute generaliter accepta: secundum quod etiam quarundam passionum tractatus pertinet ad tractatum virtutum, ut verecundia, & timoris, & poenitentia, & huiusmodi. Vel fiat vis in actu laudabili: actus enim laudabilis determinatus est in bonum propter bonum finem: & talem actum non habet poenitentia quae est respectu mali.

**AD ALIVD** dicendum, quod non oportet, quod omne illud de quo est praecipuum legale, sit essentialis actus virtutis. Et est instantia: quia est praecipuum legis non ascendere turrim: cum tamen non sit actus essentialis alicuius virtutis: & in theologicis ire ad Ecclesiam, vel tribus vicibus per annum apparere in conspectu Domini. Et ideo distinguunt Magistri, quod duplex est actus virtutis, scilicet proprius, & communis. Proprius est essentialis, & ille est vnus solus: communis autem est ille qui secundario intenditur propter aliquid quod circa actum virtutis fit. Item distinguunt actus ut egrediuntur à virtute, dupliciter, scilicet elicitive, & imperative: elicitive, sicut quaelibet efficit suum actum: imperative autem, sicut vna bene efficit actum alterius, secundum quod ut imperans illi efficitur, & alia ut obediens illi: & sic verum est, quod omne praecipuum est circa actum virtutis primum vel consequentem, elicivum vel imperativum: sed ex hoc actu sic accepto non potest probari, quod aliquis habitus sit virtutis, si virtus proprie accipitur.

**AD ALIVD** dicendum, quod iterum medium illius rationis non probat poenitentiam esse virtutem, nisi generaliter sumpta virtute: quia ad rationem meriti sufficit in virtute, quod sit actus consequens vel imperatus ab aliqua virtute.

**AD ALIVD** dicendum, quod peccatum, duplex habet expulsivum, scilicet per modum contrarij: & sic quodlibet peccatum expellitur virtute sibi contraria: & hoc est expulsivum formale, & per se. Habet etiam expulsivum per modum efficientis: & hoc est duplex, scilicet, efficientis per se: & hoc est solus Deus, secundum quod ipse dicit Isa. 43. Ego sum qui deleo iniquitates tuas propter me. Et est expulsivum per modum meriti ex parte peccantis: & hoc est detestatio peccati, quae est actus poenitentiae, quia meretur peccatum abolere, cui non placet peccatum, sed detestatur ipsum: & illud expulsivum quod sic expellit, non propter hoc est virtus: sed esset virtus, si expelleret primo modo, scilicet ut contrarium: & hoc modo procedit obiectio. Quod autem ita sit, patet: quia ex terminis motus ostenditur, quid sit contrarium: sicut ex sano aegrum est, non ex albo: & ex albo nigrum, non ex tricubito: sic ex vitioso virtuosus, & non ex poenitente, nisi ibi ex notet ordinem esse, ut dictum est.

**AD ALIVD** dicendum, quod poenitere non est perfecte bonum per se: quia poenitere dicit

*D. Alb. Mag. in Lib. 4. Sentent.*

quoddam quod exigitur ad bonum per se: unde est sicut adiunctum bono per se: & ideo non sequitur proprie, quod sit actus virtutis proprie acceptae. Cum autem dicitur, quod bonum est per se, vel ex praecipuo, accipitur generaliter bonum per se, & non stricte, scilicet prout communiter se habet ad bonum honestum, & utile, ad illud & coniunctum illi: & cum dicitur, quod virtus est de per se bonis, accipitur pro honesto stricte accepto: quod diffinit Tullius dicens, quod honestum est quod sua vi nos trahit, & sua dignitate nos allicit.

**AD ALIVD** dicendum, quod cum dicitur, virtus bonum facit habentem, & opus illius bonum reddit, intelligitur de opere quod est per se bonum secundum rationem medij & finis: tale autem non est opus quod est tantum à malo recedens, ut dictum est. Et sic patet qualiter respondendum est pro parte vna: & haec forte est verior pars opinionum.

**PRO ALIA** parte, scilicet sustinendo, quod sit virtus, dicemus ad primum in contrarium obiectum, quod multa sunt, quae ipso nomine passionem sonant, ut misericordia, nemesis, & huiusmodi, quae tamen sunt habitus: & ideo quia nomen proprium ipsius habitus non habemus, nominamus ea nominibus passionum, propter aliquam similitudinem actus passionis & habitus: sicut in spe, gaudio, dilectione, &c. Et sic etiam poenitentia est nomen passionis quo nominatur habitus ille qui movet liberum arbitrium ad detestandum peccatum.

**AD ALIVD** dicendum, quod non est simile de verecundia, & poenitentia: quia verecundia non dicit proprie actum, sed passionem culpae consequentem: & ideo etiam verecundus, ut dicit Philosophus, non fugit turpe, quia turpe, sed quia secum habet conuicium vel exprobrationem: & ideo illa tantum passio est: sed poenitentia detestatur peccatum: non quia habet conuicium vel exprobrationem: sed peccatum perpetratum, quia turpe est & malum: & hoc est actus quidam simpliciter bonus: & ideo poenitentia virtus erit, & non verecundia.

**AD ALIVD** dicendum, quod actus virtutis non habet actum passionis extra quam est, quia hoc est impossibile: sed iam habitum est, quod falsum est, quod omnis virtus est circa passiones vel operationes optimorum operatiua: & etiam dicimus, quod poenitentia est circa opus quoddam, id est, detestari peccatum perpetratum: & est cum dolore adiuncto illi actui.

**AD ALIVD** dicendum, quod virtus habet delectationem quae est consequens actum virtutis, in quantum est virtus: sed quod non habeat aliquem dolorem circa materiam, vel circa contrarium, velut instrumentum, hoc non est verum: & poenitentia habet dolorem voluntarium, ut instrumentum, tamen habet gaudium consequens actum, ut infra habebitur ex verbis Augusti. Spiritus doleat, & de dolore gaudeat.

**AD ALIVD** dicendum, quod ut dictum est, Ethicus non considerat nisi stricte dictas virtutes: si tamen large sumatur cardinalis virtus, tunc reducetur ad aliquam cardinalium virtutum, ut habitus secundarius ad principalem: & secundum hoc reducitur ad partem iustitiae, secundum quod poenitentia est satisfactiva pro peccatis, Deo debitum



debitum honorem reddens, ut dicit Anselmus: & penes hoc patet, quid sit commune in actu penes quod sit reductio.

AD ALIUD dicendum, quod poenitentia recte viuitur: quia rectitudo est regula in bonum & à malo perpetrato secundum quod communiter accipitur: & ideo hic rectitudo est à malo. Obiectio autem non accipit rectum, nisi valde stricte acceptum, quod est in bonum tantum.

AD ALIUD dicendum, quod diuersi diuersimode respondent, & omnes bene: quia obiectio illa de multis fit. Quidam dicunt satis probabiliter, quod duplex est virtus, scilicet informans ad bonum, & reformans à malo: informans ad bonum perfecta & vera est virtus, ut charitas, & iustitia, & huiusmodi: sed reformans à malo dicitur virtus imperfecta. Et dicunt, quod hoc quod dicitur, Qui habet vnam, habet omnes, intelligitur de virtute perfecta informante ad bonum: & adhuc in illa non sequitur nisi de perfectionibus virtutum, quia fides non mansit secundum actum imperfectum in Christo, sed secundum actum sui generis qui est visio. De hoc autem multa supra sunt notata in tertio. Alij dicunt, quibus videtur consentiendum esse, quod licet qui habet vnam, habeat omnes: tamen non oportet, quod habeat secundum eosdem actus, sicut iam dictum est de fide quam non habuit Christus secundum quod videre per speculum in ænigmate, est actus fidei, sed habuit id quod perfectum est in virtute. Ita dicunt etiam de poenitentia, secundum quod est virtus, quod qui habet vnam, habet poenitentiam, & paruulus, & innocens, & Christus: sed non actum cui competit imperfectio, qui est detestatio peccati cum voluntate nunquam admittendi: actus enim qui est detestari peccatum commissum & dolere de commissio, imperfectionis est: & ideo secundum hunc actum non inest illis.

AD HOC autem quod obiicitur de paruulis, intelligendum est de poenitentia, secundum quod est virtus in genere passionis, & sacramenti: sic enim verum est, quod nullus poenitet, nisi qui peccauit.

AD ALIUD dicendum, quod iste actus, qui est detestatio peccati & voluntas non admittendi, completissimus est in patria: & hoc modo potest dici in futuro esse poenitentia, quæ omni modo erit sine passione: sicut dicit Gregor. quod læti meminimus quandoque vulnerum: non ex quibus tristemur, sed ex quibus medico gratias vberiores agamus.

#### ARTICVLVS IV.

*An poenitentia sit virtus generalis vel specialis?*

Secundo adhuc ad maiorem intellectum habitum, quæritur, Vtrum sit virtus generalis, vel specialis? Videtur autem, quod sit generalis: quia dicit August. quod poenitentia est res bona & perfecta, quæ omnes defectus reuocat ad perfectum: sed defectus sunt multiplices: ergo non reuocantur per vnam, sed per omnes virtutes oppositas: ergo poenitentia est omnis virtus: & sic erit idem quod virtus in genere.

2 Item, Aug. in lib. 5. Responsum, Alia est virtus quæ reuocat defectum irascibilis ad perfectum, & alia quæ defectum rationalis: sed poenitentia reuocat omnes: ergo poenitentia in irascibili est virtus aliqua, & aliqua in rationali: ergo est diuersæ virtutes: & sic erit idem, quod virtus in genere.

3 Item, Per actus cognoscuntur habitus, & actus per opposita sibi obiecta: ergo actus est generalis, cuius obiectum est generale: & actus est specialis, cuius obiectum est speciale: sed huic actui qui est poenitere, respondet obiectum generale, quia omne peccatum: ergo est generalis actus: ergo & habitus generalis: ergo & poenitentia est generalis virtus, & non specialis.

4 Si forte dicas, quod non respondet peccatum in genere, sed potius peccatum perpetratum, in quantum est perpetratum: hoc videtur falsum: quia peccatum perpetratum, in quantum est perpetratum, non potest non esse perpetratum, cum sit verbum de præterito: ergo frustra erit poenitentia de illo in quantum huiusmodi.

5 Item, Peccatum quod fecit aliquis non contrahitur per multiplicationem ad speciem vnam peccati, vel genus: sed contrahitur per comparisonem ad agentem tantum, scilicet respectu eius quod ille non fecit idem in genere vel specie: ergo per illam determinationem perpetratum non contrahitur peccatum ad speciem vel materiam, sed ex parte illa remanet adhuc generale: ergo actus suus erit generalis: ergo etiam generalis habitus: & sic sequitur idem quod prius. Item, quando dicitur, quod obiecti generalis est generalis actus, & obiecti specialis actus est specialis, non intelligitur nisi de generalitate & specialitate materiæ.

6 Item, Velle bonum & velle hoc vel illud bonum, differunt sicut species & genus: quia voluntas non determinatur nisi per volitum. Et sicut differunt bonum, & non bonum: ita velle hoc & velle hoc bonum. Ergo similiter etiam se habebunt & per eandem rationem detestari malum, & detestari hoc vel illud: sed poenitentia non est detestatio huius vel illius, sed generaliter mali perpetrati: ergo est virtus generalis, ut videtur.

7 Item, Cum peccatum priuatio quædam est, non specificabitur nisi per habitum: ergo priuatio quæ est habitus boni in genere, generalis est: ergo detestatio illius priuationis quæ non est contracta ad materiam vel speciem, detestatio generalis est: hæc autem est poenitentia in quantum est poenitentia: ergo poenitentia est virtus generalis.

SED CONTRA: Poenitentia detestatur malum, non quodlibet, sed existens in proprio subiecto: hoc autem non est generale: ergo poenitentia non est generalis virtus, sed specialis.

2 Item, Detestari peccatum quod inest, quia vitiatum, vel quia turpe, est actus determinatus & bonus & difficilis: sed circa difficile & bonum est virtus: ergo ad hoc ordinans erit virtus aliqua.

3 Item, Omne quod perficit liberum arbitrium per actum determinatum secundum bonum & difficile, est virtus specialis: sed poenitentia est huiusmodi: ergo est virtus specialis. Probatio mediæ. Detestari peccatum spe veniæ, actus est reducibilis essentialiter ad aliquam aliam virtutem, licet per imperium posset esse aliter: ergo iste



go iste talis erit specialis virtus quæ est pœnitentia.

*Solutio.*

**SOLVITIO.** Dicendum, quod generalis virtus dicitur dupliciter. Vno modo accipitur à Philosopho: alio modo à Sanctis. In 5. enim ethicorum dicitur, iustitia est legalis virtus generalis, differens à virtute in genere ratione tantum, non subiecto: quia virtus est secundum quod perficit animam: & iustitia vel iniustitia secundum quod consonat legi, vel non, in opere de quo est lex: hoc autem modo non potest dici pœnitentia virtus generalis, id est, idem quod virtus subiecto, & differens ratione: quia pœnitentiæ opus non est generale opus omnium virtutum prout opus eius accipitur proprie, scilicet detestatio peccati perpetrati propter spem veniæ & timorem gehennæ. Si autem communiter sumatur detestatio peccati vel dolor, secundum quod dicit Boëtius, quod virtus sese diligit aspernaturque contrarium: tunc quælibet virtus aspernatur & detestatur vitium sibi oppositum: & hoc modo detestatio generalis vitij vel peccati, erit actus virtutis in genere. Sed hoc non dicitur proprie pœnitentia: quia pœnitudo omnis est in actu perpetrato non voluntario, id est, cui contrariatur voluntas in eo quod factus est, ut habetur ex principio 2. ethicorum. Sed virtus in genere aspernatur omne vitium siue factum sit siue non. Generalis autem virtus specialiter à Sanctis vocatur iustitia quædam generalis, qua de impio fit iustus: quam dicunt quidam esse statum generaliter rectitudinis ad Deum, ad se, & ad proximum: & hoc iterum modo non est verum, quod pœnitentia sit virtus generalis. His modis quidam addunt tertium, scilicet quod generalis virtus est colligens alias virtutes integraliter, vel quasi integraliter, secundum quod Chrysostomus dicit, quod iustitia generalis est: quia est quasi vinea: & aliæ virtutes speciales sunt sicut vites. Hoc autem ego non sic intelligo: sed intelligo Chrysostomum loquentem de iustitia legali, quæ generalis est per dictum modum: tamen non est ut totum integrale ad virtutem: sed dicitur vinea propter ambitum communitatis suæ ad opera aliarum virtutum, secundum quod ad legis præceptum referuntur: & aliæ dicuntur vites, quia sunt particulares quasi in ratione iustitiæ legalis plantatæ. Sed aliquo modo in veritate dicitur virtus generalis secundum materiam, licet formam & rationem habeat specialem: sicut prudentia cuius obiectum est eligibile ad opus morale, non in vna materia, sed in omni ratione: tamen in speciali quadam ratione contrahitur prudentia in virtutem specialem. Hæc autem ratio à quibusdam vocatur ordo operis in circumstantiis & fine, secundum quod omnis virtus dicitur inspectrix medij aliquo modo, sed prudentia simpliciter. Et hoc modo per quandam similitudinem potest dici pœnitentia virtus generalis: quia habet actum qui non determinat sibi materiam hanc vel illam, sed potius recipit malum vel peccatum in omni materia sub ratione specialis, scilicet perpetrati, quod potest consequi veniam. Secundum hunc igitur modum dicemus, quod pœnitentia est virtus generalis generalitate materiæ circa quam est: habens tamen determinatam rationem existendi circa illam: & ideo est specialis dicta ab aliis virtutibus.

*D. Alb. Mag. in Lib. 4. Sentent.*

**DICENDUM** ergo ad primum, sicut supra, quod reuocans defectus duplex est, scilicet per modum formæ, & per modum quodammodo efficientis & operantis circa subiectum deficiens, ut à defectu remoueatur. Primum est generale. Secundum non oportet, quod sit generale, sed potest esse speciale.

**AD ALIUD** dicendum, quod Augustinus ibi loquitur de reuocantibus singulos defectus formaliter.

**AD ALIUD** dicendum, quod illa obiectio non probat, quod pœnitentia sit generalis nisi communitate materiæ circa quam est, quæ est quasi materia remota. Contrahitur autem illa & efficitur quasi materia propria, per rationem specialem quam pœnitentia ponit circa illam: & hoc est peccatum perpetratum, per dolorem potens habere veniam, ut dictum est.

**AD ALIUD** dicendum, quod perpetratum ponit necessitatem perpetrati: & secundum hoc non est de ipso pœnitentia purgans peccatum: sed ex hoc quod perpetratum adhuc inest quodammodo in subiecto, secundum quod dicit Magister in secundo supra, quod peccatum transit actu, & manet reatu: & non manet indissolubile in subiecto, sed potius solubile per pœnitentiam: & hoc modo pœnitentia est de peccato perpetrato, sed in quantum perpetratio est causa qua aliquo modo est in subiecto non solubile nisi per pœnitentiam.

**AD ALIUD** dicendum, quod est generale peccatum quoad materiam: sed tamen restringitur per hoc quod est perpetratum circa subiectum: unde ex hoc inest peccatum quod perpetratum est, & non inest quod non est perpetratum: & aliam specialitatem non querit pœnitentia: & cum illam specialitatem recipiat formaliter actus pœnitentiæ, non erit pœnitentia virtus generalis, sed specialis, sicut prudentia, ut prius dictum est.

**AD ALIUD** dicendum, quod verum est, quod voluntas determinatur per volitum: sed pœnitere non est determinare malum in quantum huiusmodi, sed potius secundum quod malum est in subiecto existens: & per hoc quod est perpetratum, potens habere veniam per dolorem: & sic efficitur voluntas specialis: & ideo non est simile quod pro simili adducitur in opposito.

**AD ALIUD** dicendum, quod peccatum dicit actum priuatiuum, & malitia dicit ipsam priuationem: & bene concedo, quod non specificatur nisi per oppositum: sed per oppositum specificatur dupliciter, scilicet per id quod est materia circa quam est, vel per rationem quam ponit circa materiam remotam, quæ quamuis alterius est, tamen per determinationem efficitur sua: sicut prudentia quæ circa materiam castitatis vel fortitudinis, ponit rationem specialem, & efficit eam per hoc sibi propriam: & ita specificatur etiam virtus ex parte subiecti, scilicet quæ inest, & per ipsum consequens perpetratum, in quantum per opus proprium priuatiuum est huius vel illius virtutis. Vel melius dicitur, quod pœnitentia non est de peccato in quantum est sola priuatio, sed in quantum est actus perpetratus cum priuatione: & sic licet ex parte priuationis non specificetur, nisi per oppositum, tamen ex parte actus specificari potest: & hoc modo



modo pœnitentia est de ipso sicut virtus specialis.

AD I A autem quæ obijciuntur in contrarium videtur esse concedendum.

## ARTICVLVS V.

*Vtrum pœnitentia sit in vno genere, vel in pluribus?*

**D**Einde quæritur de hoc quod dicit [Pœnitentia interior, & exterior, &c.] Ex hoc enim quod hic dicitur, & parum infra, videtur pœnitentia poni in multiplici genere: dicitur enim hic virtus & sacramentum. Item parum infra dicitur actus, cum dicit Ambrosius, quod pœnitentia est præterita mala flere vel plangere, & plangenda non committere. Parum autem infra etiam virtus, vel gratia; cum tamen gratia proprie loquendo non sit virtus. Item vltius in eadem distinctione dicitur dolor siue afflictio & amaritudo animæ. Ergo pœnitentia est in genere virtutis, & gratiæ, & actus qui est plangere, & passionis, scilicet doloris, & sacramenti: cum autem vna & eadem species non sit in diuersis generibus, videtur, quod istis modis non dicatur vniuoce, sed æquiuoce.

**I**TEM videtur, quod falsum dicat Magister in litera, cum dicit, quod exterior est sacramentum: quia sicut supra sæpius habitum est, in sacramento quoddam est quod est sacramentum tantum, & quoddam quod est res tantum, & quoddam quod est res & sacramentum: & hoc est interius semper & verissimum sacramentum: ergo in pœnitentia similiter est: ergo non est exterior tantum sacramentum. Item dicitur infra distinctione 22. & Magister dicit in litera, quod in pœnitentia quiddam est quod est res & sacramentum, & est interius: ergo videtur sibi contrarius ad hoc quod hic dicit.

*Quæstio-  
cula 1.*

**V**LTERIVS quæritur, Cum alia sint sacramenta tantum, vt baptismus, & confirmatio, & Eucharistia, & sic de aliis: quare istud est virtus & sacramentum, & gratia, & dolor, & actus quidam, sicut iam habitum est, quod in diuersis ponitur generibus?

*Quæst. 2.*

**I**TEM vltius quæritur, Vtrum pœnitentia secundum quod est virtus, sit res pœnitentiæ secundum quod est sacramentum? Et videtur quod sic: quia hoc est res sacramenti, quod causatur ab ipso: sed virtus pœnitentiæ causatur ab ipso sacramento pœnitentiæ: ergo est res eius. Probatio minoris. Omnis virtus datur vere accipienti sacramentum pœnitentiæ: ergo & ista: ergo est res eius.

**2** Item, Contra morbum secundum quod culpa est, ordinantur duo sacramenta, scilicet baptismus & pœnitentia: sed plenitudo virtutum est res vnius, scilicet baptismi: ergo & res alterius, vt videtur, quia peccatum quoque non expellitur nisi per virtutem.

*Sed con-  
tra.*

**S**ED CONTRA: Licet omnis virtus detur in baptismo, non tamen congrue dicitur, quod castitas sit effectus baptismi vel res: quia sicut causæ sunt propriæ, ita habent proprios effectus in quibus differunt ab aliis: sed baptismus & pœnitentia sunt diuersa sacramenta: ergo habent

proprius effectus: proprius autem effectus non potest esse virtus, quia iste effectus à multis causatur: ergo non est effectus sacramenti istius, vt videtur.

**2** Item, Nisi aliquis detestetur peccatum perpetratum, non recipit sacramentum pœnitentiæ, nec absolutionem vi clauium: cum ergo detestari sit virtutis pœnitentiæ, videtur quod ante pœnitentiam secundum quod sacramentum est, habeat pœnitentiam secundum quod est virtus: sed causa semper præcedit causatum secundum esse & rationem: ergo sacramentum pœnitentiæ non est causa pœnitentiæ virtutis, secundum quod huiusmodi, vt videtur.

**S**OLVTIO. Dicendum ad hoc, vt videtur, *Solutio.* quod pœnitentia non accipitur in vna significatione, secundum quod cadit in diuersis generibus supra dictis: sed cum in peccato multa sint, & pœnitentia sit contraria peccato, secundum diuersas rationes contrahendi peccata, cadit in diuersis generibus: est enim in peccato culpa, quæ est contraria gratiæ: & est ibi actus qui causat existentiam eius in subiecto, quia licet actus eius transeat, tamen remanet adhuc in subiecto peccatum, vt prius dictum est: & est iterum peccatum vulnus quoddam boni naturalis, & spoliatio gratuitorum: & idem est cum quadam delectatione in opere. Secundum igitur contrarietatem quam habet pœnitentia ad ipsum in eo quod est culpa quædam, sic pœnitentia est gratia, & ponitur in genere gratiæ: in eo autem quod est in subiecto manens ex perpetratione, sic contrarium eius est virtus, & ponitur in genere virtutis: peccatum autem secundum quod est quoddam vulnus animæ, sic habet medicinam quæ est sacramentum, & hoc modo cadit pœnitentia in genere sacramenti: & secundum quod est in opere delectabili, contrariatur actus qui est plangere siue dolere: & secundum quod est libido quædam vel ex libidine, contrariatur passio quæ est tristitia quæ pœnitentia dicitur.

Si autem aliquis dicat, quod istæ sunt differentiæ penes modos quosdam consideratæ, magis quam penes rem: cum ea quæ sunt in diuersis generibus, differunt secundum rem: & ita ista distinctio non sit competens. Dicendum, quod hæc distinctio est penes rem: quia in veritate pœnitentia quæ in toto, id est, quantum ad omnem modum & omnia quæ sunt in peccato, est dolor procedens ex habitu liberi arbitrij informati per gratiam, habens actum quendam destructiuum peccati, & manifestatus in signo, & ad intus vi clauium: vnde pœnitentia singulariter dicitur omnia illa, scilicet gratia, & habitus, & actus, & sacramentum, & dolor, & etiam id quod extra iungitur per clauis: & ideo æquiuoce cadit in diuersis generibus, licet in omnibus significationibus habeat analogiam ad vnum, quod est peccato contrariari quod est perpetratum.

**A**D ALIVD dicendum, quod Magister hic accipit exteriorem, secundum quod interiori attestatur: & sic patet, quod non valet obiectio. Vel potest dici, quod Magister hic loquitur de eo quod est sacramentum tantum: sed prima solutio est melior, prout probatur infra distinctione 22. cap. vltimo.

**A**D ALIVD dicendum, quod hoc sacramentum ordinatur contra peccatum personale, *Ad quæ-  
stionem  
lam 1.* inquantum



inquantum proprium est & personale: hoc autem consistit in actu voluntario vituperabili, eo quod est turpis: & ideo necessario habet remedium duplex contrarium, scilicet inquantum est actus, & inquantum est vulnus: & primo modo contrariatur ei virtus, secundo modo medicinæ sacramentum: & ideo pœnitentia quæ in toto contrariatur ei, est virtus & sacramentum diuersa consideratione. Alia autem sacramenta non sunt contra peccatum sic consideratum, sed potius sunt contra originale, quod non agitur, sed contrahitur: vel sunt contra pœnas peccati, vt supra probatur in quæstione de diuisione & sufficientia sacramentorum: & ideo quia illa non respiciunt actum voluntarium circa quem est virtus & vitium, ideo nullo modo habent rationem virtutis.

Ad quæ-  
stionem  
2.

AD ALIUD dicendum, quod res sacramenti pœnitentiæ non est proprie virtus pœnitentiæ, sicut patet per obiectionem contrariam, quæ bona est, & causam reddit, quare non sit res eius: quia duplex est res sacramenti, scilicet propria, & communis, siue coniuncta illi: propria quidem est gratia specialis curans illum morbum specialem contra quem institutum est sacramentum: & habita vna gratia sacramentali, non habetur propter hoc alia quæ proprie est virtus alterius sacramenti. Quia vero gratia nulla datur in parte, sed in toto, iam concomitatur illam gratiam omnis virtus: & ideo recipit omnem virtutem: & hic est effectus consequens: & hoc modo procedunt obiectiones probantes virtutem pœnitentiæ esse effectum sacramenti pœnitentiæ.

EA AUTEM quæ obiciuntur in contrarium, licet secundum argumentum parum valeat, concedo. Dico autem, parum valet: quia dictum est supra in quæstionibus de baptismo, quod sacramenta dupliciter comparantur ad vnum effectum inducendum, scilicet secundum quod sunt in proposito ad suscipiendum & secundum quod in re suscipiuntur: & sic nihil prohibet, quod veniens ad recipiendum pœnitentiæ sacramentum, habeat effectum pœnitentiæ, sicut veniens ad baptismum, quandoque habet effectum baptismi.

## ARTICVLVS VI.

*An pœnitentia sit iustitia?*

**D**Einde quæritur de hoc quod dicitur ibi [Pœnitentia dicitur à puniendo, &c.] Et quærentur tria, quorum primum est, Vtrum pœnitentia sit iustitia: sicut videtur innuere Magister in litera. Secundo, An sit charitas? Tertio, Si est virtus specialis, in qua animæ vi sit?

AD PRIMUM autem obicitur sic: Super illud Psalm. Sacrificate sacrificium iustitiæ: dicit Glossa, Quid iustius, quam vt suis quisque malis potius quam alienis irascatur, seque puniens per pœnitentiam & satisfactionem Deo offerat? Ergo iustitiæ species est pœnitentia, vel ipsa iustitia.

2 Item Isidorus, Tunc iudicium quilibet de se statuit, quando per dignam pœnitentiam sua praua facta condemnat: iudicium autem est iustitiæ executio: ergo videtur, quod pœnitentia est idem quod iustitia.

3 Item, Infra in litera dicitur, quod pœniten-

tia est virtus, vel gratia, qua commissa mala cum emendationis proposito plangimus & odimus. Emendationis autem propositum est iustitiæ directiue, vt videtur velle Philosophus. Ergo pœnitentia est iustitia, vel species eius.

4 Item, Per rationem videtur idem. Distinguit enim Aristot. in 5. ethicorum duas species iustitiæ: quarum vnā vocat distributiua, alteram vero directiuā: sed directiua est illa quæ tantum satisfacit læso quantum excessit lædendo, vel iniuriam inferendo: hoc autem præcipue facit pœnitentia: ergo pœnitentia est species iustitiæ, vt videtur.

5 Item, A canonibus vocatur iudex sacerdos in causa pœnitentiæ vt iniungat satisfactionem secundum modum delicti: ergo videtur, quod pœnitentia respiciat ordinatum à iudice & iudicatum: hoc autem ex iustitia profectum est, vt dicit Tullius: ergo iustitia quædam videtur esse pœnitentia.

6 Item hoc videtur ex Glossa 1. Corinth. 11. super illud, Si nosmetipsos iudicemus, non vti- que iudicemur. Dicit enim Aug. in hac Glossa, quod ascendat homo tribunal mentis suæ: testis autem sit conscientia, & carnifex timor Dei: constat autem, quod loquitur de iudicio pœnitentiali: ergo videtur, quod pœnitentia quædam iustitia sit, cuius executio est tale iudicium.

SED CONTRA: Iustitia specialis (vt dicit *Sed contra* Philosophus) proprie sumpta non est hominis ad seipsum, sed potius iustitia metaphorice dicta: sed pœnitentia est hominis ad seipsum: ergo pœnitentia non est iustitia.

2 Item, Dicit Philosophus, quod in iustitia est æqualitas quædam media inter damnum & lucrum: sed secundum æqualitatem damni non restituit damnum pœnitens, sed multo minus: ergo pœnitentia non est iustitia, vt videtur.

3 Item Gregor. Pœnitere est radicem peccatorum excidere, & eorum suggestionibus vltius aditum non indulgere: radices autem peccatorum non attendunt aliquod debitum proprie sumptum: sed omnis iustitia proprie sumpta est circa debitum aliquod: ergo pœnitentia non est iustitia proprie sumpta.

SOLVTIO. Dicendum, quod quæstio ista *Solutio* leuis est, & parum valet: potest enim pœnitentia considerari in habitu vel in actu. Si in habitu, est habitus distinctus per se mouens liberum arbitrium in peccati detestationem sub spe veniæ: & non est iustitia, nec proprie iustitiæ species, de qua prædicetur iustitia sicut genus de specie: sicut iustitia communis de iustitia distributiua, & de iustitia directiua. Si autem consideretur in actu qui est detestari: tunc potest actus suus imperatus esse à iustitia, secundum quod dicit August. quod pœnitentia est quædam dolens vindicta, puniens in se quod dolet commisisse. Et secundum quod dicit Anselmus, quod restituit pœnitens Deo honorem debitum: & huiusmodi verba dicunt Sancti frequenter: non tamen hunc actum elicit proprie iustitia, sed imperat tantum: & tunc rationem debiti assumit. Secundum autem quod in habitu consideratur, est habitus secundarius iuxta principalem sumptus qui est cardinalis iustitia: sicut etiam aliæ virtutes secundariæ sumuntur iuxta cardinales, quæ nec sunt cardinales, nec species cardinalium, vt magnanimitas, largitas, magni



magnificencia, mansuetudo, & huiusmodi, de quibus determinatur in 4. Ethicorum. Et per hoc patet responsio ad obiecta.

**DICENDUM** igitur ad primum, quod illa Glossa loquitur in illo sensu quo imperatium pœnitentiæ iustitia est: tamen est alius habitus eliciens actum illum: & hoc modo procedunt obiectiones ad patrem illam inducunt: unde patet solutio ad omnes.

**AD EA** autem quæ obiiciuntur in contrarium, dicendum quod iustitia proprie non est hominis ad se, nisi sicut dicit Philosophus, sit hominis ad se inquantum diuersa sunt in vno homine, sicut superiores vires & inferiores, & quodammodo iustum est inferiores famulari, & superiores imperare: & hæc iustitia non vocatur mathematica à Philosopho. Nec proprie iustitia est hominis ad suos, ut sunt sui: ut patris ad filium familias, vel serui ad dominum, vel viri ad uxorem: quia seruus & filius familias & uxor non habent suum nisi nomine domini & patris & mariti: & id proprie non redditur eis nisi in aliquo æquales sint, & nisi vnus in potestate alterius, sicut uxor & vir in matrimonio, & huiusmodi. Large tamen iustitia est inter istas personas quam iustitiam vocat Philosophus iustitiam directiuam. Sed iustitia proprie est inter eos qui iure suo sunt pares & æquales, ita quod suum vnus non est suum alterius: & hoc modo pœnitentia secundum quod actus eius imperatur à iustitia, est quædam paritas iuris inter Deum & hominem: ut Deus quidem sit damnificatus in suo, & homo superabundans & damnificans: pœnitentia autem est æqualitas, tantum restituens Deo, quantum damnificatus est & homo damnificatus.

**AD ALIUD** dicendum, quod est æqualitas rei, & æqualitas accepta ab eo qui damnificatus est, quæ est æqualitas reputationis. Et æquale rei restituere non possumus: sed æquale quod est reputationis, scilicet quia Deus non exigit plus à nobis, quam dat nobis ex dono gratiæ: sicut si deberem tibi centum, & dares mihi nonaginta nouem, & ego restituerem tibi vnum, iuste restituissim.

**AD ID** quod quæritur, de Gregorio, dicendum quod intelligitur de radicibus peccati perpetrati: & hoc potest fieri imperio iustitiæ, licet non semper ita fieri sit necessarium, ut dictum est.

## ARTICVLVS VII.

*An pœnitentia sit charitas vel alia virtus?*

**SECUNDO** quæritur, An sit charitas, vel alia virtus, vel aliqua species eius? Ad hoc enim quidam obiiciunt, licet parum habeat apparentiæ: sicut dicit August. super illud Psalm. 79. Incensa igni & suffossa, Glossa: Omne peccatum oritur ex amore male suadente, & etiam timor: ex amore enim fit, quod timet sibi. Ergo in opposito similiter erit, quod omne odium prouenit ex amore boni: ergo odium hoc propter peccatum perpetratum prouenit ex amore boni, & præcipue boni summi: & hic est charitas: ergo primum in pœnitentia est charitas. A principio autem motiuo debet trahi ad speciem ipse actus: quia illud informat actum, quod primo mouet potentiam: ergo

pœnitentia erit charitatis actus, ut videtur: ergo habitualis pœnitentia est charitas.

**2** Item, Amor boni vniuersaliter in concupiscibili est: sed ex illo procedit odium mali: ergo & odium mali est in concupiscibili: & prima perfectio concupiscibilis est charitas: ergo primus amor boni & odium mali sunt charitatis: & hæc sunt pœnitentiæ: ergo pœnitentia est charitas.

**SED CONTRA** videtur, quod sit patientia per id quod infra distinctione 16. habetur ex verbis Chrysostomi, Perfecta pœnitentia cogit peccatorem omnia libenter sustinere: sed sustinere est patientiæ: ergo pœnitentia est patientia.

**VLTERRIVS** videtur, quod sit temperantia: dicit enim Hilarius in lib. 2. de Trinitate cap. 12. Illa est perfecta compunctionis affectio, quæ omnes à se carnalium desideriorum affectus repellit.

**VLTERRIVS** videtur, quod sit prudentia Luc. 6. super illud, Beati qui nunc fletis, &c. Glossa, Ecce prudentia qua attenditur quam misera hæc terrena, & quam beata cælestia. Lugere autem est pœnitentiæ: ergo & pœnitentia est prudentia.

**SOLUTIO.** Ad hoc & omnia huiusmodi dicendum, quod pœnitentia non est charitas: sed aliud est esse actum virtutis alicuius naturaliter, siue per se elicitue, ut dicunt Magistri, eo quod talem actum per modum naturæ cuiusdam actiue elicit: sicut calidum elicit ex se calefacere. Et aliud etiam per imperium aliquod esse aliquem actum alicuius virtutis: & tunc actus ille habet aliquid de ratione virtutis imperantis. Et aliud est esse actum aliquem alicuius virtutis sicut promouentis & expedientis per adiutorium aliquod ad actum: quia sicut dicit beatus Greg. virtutes vocant se inuicem ad conuiuia & adiutoria. Omnes autem hic inducunt obiectiones non probant actum pœnitentiæ esse huius vel illius virtutis, nisi per modum adiutorij

**SED TAMEN** sciendum, quod duo prima argumenta nihil omnino valent. Quod enim primo obiicitur ibi, quod omnis timor ex amore est: hoc plane verum est: sed ille amor est habitualis placentia sui, qui dicitur esse radix vitij, non vitium aliquod in specie vel genere determinatum. Similiter cum dicitur, quod odium mali procedit ex amore boni, ille amor non est charitas vel alia virtus, sed habitualis placentia & boni naturalis, secundum quod generaliter sumitur propositio. Si autem particulariter sumatur, eo quod quandoque odium peccati ex charitate Dei est, quando oditur peccatum inquantum Deo dilecto est contrarium: tunc erit actus ille per imperium charitatis. Et forma arguendi non valet: quia procedit ex omnibus particularibus.

**AD ALIUD** dicendum, quod hæc est falsa, amor boni vniuersaliter est in concupiscibili: siue enim ly vniuersaliter determinet ly boni: ut sit sensus, amor boni vniuersaliter sumpti, est in concupiscibili: siue distributionem ponat circa ly amor, & determinet compositionem, falsa est propositio: particulare enim est bonum, quod amat ex concupiscibili, sicut sciunt omnes qui iam alibi didicerunt, quod concupiscibilis est sensibilis animæ pars. Similiter bonum est aliquid vniuersusque obiecti quod amat potentia: sicut & concupiscibilis amat suum bonum. Vnde per omnem modum



modum falsa est propositio. Si autem dicatur, quod bonum simpliciter amatur à concupiscibili, & ab aliis bonum sui & secundum quid, adhuc falsa est propositio, si consentimus, quod concupiscibilis est pars sensibilis animæ: sicut concorditer pronuntiant omnes auctoritates tam Sanctorum, quam Philosophorum. Si autem dicamus propositionem intelligi de concupiscibili humana quam dicunt quidam esse partem animæ rationalis: tunc nihil valet ad propositum: quia, sicut prius ostensum est, ille amor non vniuersaliter est charitas: & si sit quandoque charitas, tunc actus pœnitentiæ erit per imperium tantum charitatis, & non essentialiter. Et forma arguendi ex paribus non valet.

AD ALIUD dicendum, quod sustinere æquiuoce sumitur de patientia & pœnitentia: patientia enim est in periculis, & pressuris illatis per violentiam ab extrinseco: sed in pœnitentia est sustinentia doloris assumpta voluntarie: unde illa obiectio non valet.

AD ALIUD dicendum, quod illa obiectio non probat, nisi quod temperantia per modum aduenientis promouet pœnitentiam: & eodem modo procedit id quod ultimo inducitur de prudentia: & tales adaptationes Sanctorum, similitudines quasdam, & non proprietates considerant: & valde parum probant de proposito.

## ARTICVLVS VIII.

*In qua vi animæ est pœnitentia?*

**T**ertio quaeritur, In qua vi animæ sit pœnitentia? Videtur autem quod sit in synderesi. Si enim actus aliquis alicui semper conuenit, & alij non semper, magis essentialiter conuenit ei cuius est semper, quam cuius non est semper: sed synderesi semper conuenit detestari peccatum, non autem semper alicui alteri potentia animæ: ergo actus iste proprie est synderesis: ergo & habitus à quo elicitur: sed habitus ille est pœnitentia, ut dictum est: ergo pœnitentia est in synderesi.

**I**TEM videtur, quod sit rationis: quia super illud Psalm 41. Quare tristis es anima mea, &c. dicit ibi Glossa, Quia ibi consolatur ratio sensualitatem dicens, Adhuc confitebor ei, id est, agam pœnitentiam: sed cuius est agere pœnitentiam, in illo est pœnitentia ut in subiecto: sed rationis est agere pœnitentiam, ut iam probatum est: ergo in ratione est pœnitentia ut in subiecto.

**V**IDETUR autem, quod sit concupiscibilis: quia amor boni & odium mali oppositi sunt circa idem: sed amor boni est concupiscibilis, & odium mali oppositi, & odium peccati est pœnitentia: ergo pœnitentia est in concupiscibili.

**V**IDETUR autem iterum, quod sit in irascibili. Super illud enim Matth. 13. Simile est regnum celorum fermento quod acceptum mulier, &c. dicit Glossa, quod in rationali possidemus prudentiam, in concupiscibili desiderium virtutum, & in irascibili odium vitiorum: sed odire vitia pœnitere est: ergo pœnitentia est in irascibili.

**I**TEM videtur, quod sit in libero arbitrio. Eiusdem enim est peccare & pœnitentiam agere:

sed liberi arbitrij est peccare: ergo & pœnitentiam agere: ergo pœnitentia est in libero arbitrio.

**I**TEM videtur, quod sit in omnibus viribus simul. Est enim virtus in illa vi in qua est materia eius: sed materia pœnitentiæ circa quam, est peccatum: & diuersa peccata sunt in singulis viribus: ergo pœnitentia est in omnibus simul.

**S**ED ITERUM hoc videtur impossibile: quia non est possibile vnā & eandem numero formam in diuersis subiectis esse: sed pœnitentia est vna numero forma: ergo non est nisi in vno subiecto: sed omnes potentia simul, sunt diuersa subiecta: ergo pœnitentia non est in omnibus simul.

**S**OLUTIO. Dicendum, quod licet quidam dicant potentias animæ esse subiecta & virtutum & vitiorum, tamen hoc non est verum: & quod dicunt, non est dictum subtili ratione. Impossibile enim est, quod aliquid sit subiectum non habens proprietatem aliquam materiae: unde anima est subiectum omnium eorum quæ sunt in anima secundum id quod est, & non secundum id quo est: sed verum est, quod cum perficiatur anima habitibus & formis quæ sunt in ipsa, quodammodo perficitur quoad hanc potentiam, & quodammodo quoad aliam: & hoc modo forte volunt dicere, quod virtus sit in ista vel in illa potentia. Dico ergo sine præiudicio aliter dicentium, quod ille habitus qui est pœnitentia est in irascibili cum ratione participante aliquid rationis, secundum quod ad rationem ordinatur: & hoc videtur ex dicto Augusti, quod pœnitentia est vindicta puniens in se quod dolet commisisse. Item etiam ex hoc quod pœnitentia dicitur esse indignatio sui pro peccato perpetrato. Et iterum hoc prætendit ipsum nomen quod sonat in pœnæ tentionem, qua homo punit seipsum.

**A**D PRIMUM ergo quod obiicitur, dicendum quod synderesis non illo modo remurmurat peccato quo irascibilis: quia synderesis remurmurat peccato vniuersaliter, non perpetrato in quantum est in subiecto: sed irascibilis remurmurat sicut pœnitens remurmurat: quia hoc improprie dictum est: sed detestatur peccatum perpetratum secundum quod perpetratio causa est quod ipsum sit in subiecto & in particulari: & sic patet solutio ad primum.

**A**D ALIUD dicendum, quod ratio dicitur hic ut ordinatrix aliarum virium: & ideo attribuitur ei quod est virium aliarum ordinatrix.

**A**D ALIUD dicendum, quod in concupiscibili est amor boni generaliter, sicut etiam in præcedenti quaestione dictum est. Si tamen concedatur: tunc dicatur, quod odium vitij duplex est. Vnum quod est dissensus vitij in genere, & sequitur amorem virtutis in genere: & hic amor non est concupiscibilis proprie, sed appropriate, cum sit communiter omnium. Aliud etiam odium est speciale cum indignatione & in surrectione contra ipsum, in quantum est in subiecto: & hoc est pœnitentiæ & irascibilis, & hoc non opponitur amori virtutis vel boni in genere, sed in specie quo amat irascibilis sibi proprium obiectum.

**A**D ID autem quod sequitur, licet concedamus conclusionem: tamen sciendum, quod Glossa illa loquitur non de propriis potentiarum, sed de appropriatis potius: & de talibus hoc quod intelligere



gere potuimus scripsimus in conclusionibus nostris de anima in tractatu de potentiis motiuis.

AD ALIUD quod sequitur dicendum, quod non omne peccatum est in libero arbitrio, sicut in subiecto: nec in anima secundum liberum arbitrium: sed omne peccatum est in libero arbitrio sicut in causa causante & complente peccatum: ratio enim inchoat per determinationem quod ita fiat, sed voluntas complet. Deinde nota, quod quidam hoc concedunt, & vtuntur hac ratione: quia inferiores potentie sunt mouentes motus: unde si virtutes essent in illis, essent virtutes motus à ratione: & cum ipsæ sint gratiæ, oporteret, quod motum gratiæ perueniret motus naturæ ex parte rationis, vel liberi arbitrij, & hoc est inconueniens: ideo dicunt, quod nulla virtus est in inferioribus viribus. Et si hoc est verum quod dicunt: videtur tunc quod quicquid dicitur in fine primi ethicorum & à Damasc. & à Gregor. Niceno, & ab Auicenna, totum falsum est: & hoc reputo ego absurdum: & ideo dico, quod motus quo ratio ordinat & regit inferiores vires, æquiuocus est ad motum virtutis gratiæ informantis opus: & ideo si ille præueniret istam, non esset propter hoc prior nisi esset eiusdem rationis. Præterea, Non est inconueniens, quod ratio informata gratia præueniat concupiscibilem vel irascibilem informatam gratia: quia semper erit motus gratiæ primus.

AD VLTIMUM dicendum, quod non est in qualibet potentia pœnitentia, licet materia circa quam est, sit in omnibus vel possit esse: & hæc est ratio, quia non est in omnibus, secundum quod est de ipsa pœnitentia, sed tantum in irascibili: est enim irascibilis detestari peccatum perpetratum sub spe veniæ, & in quantum est sibi indignum peccatum & contemptibile: & hoc modo efficitur peccatum propria materia irascibilis: & hoc modo pœnitentia est de ipso.

## ARTICVLVS IX.

*An pœnitentia sit prior aliis virtutibus?*

DEinde quæritur de hoc quod dicitur ibi [Pœnitentiæ virtus timore concipitur, &c.] Et quærentur hic tria: primo de ordine ipsius ad alias virtutes, tam ex parte intellectus, quam ex parte affectus. Et secundo, Qualiter verum est quod dicit, quod concipitur timore? Tertio, Quare non dicitur, quod concipitur amore?

AD PRIMUM autem obiicitur per hoc quod habetur Matth. 3. in Glossa: Pœnitentiam agite, &c. vbi dicit Glossa: Prima virtus est per pœnitentiam perimere veterem hominem: ergo nulla virtus antecedit pœnitentiam.

2 Item, Pœnitentia est causa iustificationis: sed in iustificatione omnes virtutes infunduntur: ergo per consequens est causa omnis virtutis: ergo ipsa est prima inter omnes virtutes: quia causa prior est causato. Probatur autem prima per Hilarium 1. lib. de Trinit. vbi dicit sic: Sicut in baptismo omnia peccata remitti credimus, vel per martyrium nullum credimus peccatum imputari: ita pœnitentiæ compunctione fructuosa deleri fatemur peccatum: lacrymæ enim pœnitentium apud Deum pro baptismo reputantur. Item, Ber-

nardus dicit, quod prius extirpanda sunt vitia, quam inferantur virtutes: sed pœnitentia extirpat vitia: ergo ipsa est ante insertionem virtutum: ergo nulla virtus præcedit eam. Item Aug. Nullus nisi pœniteat eum veteris vitæ, nouam inchoare potest: sed abiectio veteris vitæ est ante inchoationem nouæ: ergo pœnitentia est ante inchoationem nouæ vitæ: inchoatio autem nouæ vitæ est per virtutes: ergo pœnitentia est ante alias virtutes.

3 Item, Hebr. 6. dicitur, Non rursum iacentes fundamentum pœnitentiæ ab operibus mortuis: sed fundamentum est primum: ergo pœnitentia est prima.

SED CONTRA: Vita est primus actus animæ <sup>sed con-</sup> in corpore, vel primus actus substantiæ: sed vita <sup>ita.</sup> in moralibus proportionaliter respondet vitæ in natura: ergo & in moralibus est primus actus vita: hic autem est actus fidei: ergo fides est prima virtus. Probatio quod fidei est actus, ad Rom. 1. & Hebr. 10. Iustus ex fide viuit.

2 Item, Primum purificans cor est prima virtus purgatoria: sed fides est primum cor purificans: ergo est prima virtus. Probatio mediæ. Act. 17. Fide purificans corda eorum.

3 Item, Beatus Gregor. & Beda dicunt, quod timor ex fide nascitur: ergo fides prior est timore: sed quod est prius priore est, prius posteriore: sed timor est prior pœnitentia, quia timore concipitur pœnitentia, vt dicitur in litera: ergo fides prior est pœnitentia: ergo pœnitentia non est prima virtus.

4 Item, In omni opere vel motu prius est dirigens quam exequens: prius enim est aperire oculos, quam ambulare: ergo prius est videre de quo dolendum est, quam dolere: hoc autem ostendit fides: ergo fides est ante pœnitentiam.

SOLVITIO. Dicendum, quod habitus virtutum omnes infunduntur simul tempore: tamen natura vnus habet ordinem ad alium secundum ordinem suorum actuum: quia actus sunt præuij habitibus. Vnde sine præiudicio quorundam modernorum aliter dicentium, dico cum antiquis, quod illa prioritate fides prima est, sed pœnitentia proxima est iustificationi, & timor Domini est est media virtus, & spes similiter. Hoc autem expresse videri potest ex ipso motu pœnitentis, de quo dicit Gregorius, quod inter spem & timorem fide stabilimur: necesse est enim accedentem ad Deum primo credere, quia est, & quia remunerator est bonorum, & retributor malorum. Ex isto autem conceptu habituali & actuali præhabito, consequitur timor pœnarum, & spes bonorum, & veniæ, vel bonorum per veniam: & ex isto dolor de peccatis spe veniæ ex consideratione pœnæ. Et hoc antiqui concorditer scribunt & dicunt: licet quidam moderni quadam deliberatione aliud dicere conentur.

DICENDUM ergo ad primum, quod prima virtus dicitur ibi proxima, non quæ secundum ordinem naturæ est prima. Vel dicatur melius, quod pœnitentia dicitur prima, non simpliciter prima virtutum, sed ex parte subiecti iustificabilis: quia ex parte illius prius est abiicere vitia, quam imbui virtutibus: & cum per pœnitentiam abiiciantur vitia, erit ipsa ex parte materiæ sui subiecti prima. Et hoc est primum generatione, & non formaliter: & non est primum natura nisi



nisi eo modo quo materia dicitur natura : & hoc est per posterius, ut vult Philosophus.

AD ALIVD dicendum, quod ex hoc quod est causa iustificationis, non probatur prior nisi modo dicto. Causa enim iustificationis est duplex, scilicet remouens contrarium, & est formalis causa : formalis autem causa iustificationis non est pœnitentia in eo quod huiusmodi, sed potius iustitia : sed est remouens contrarium ex parte materiæ. Per hoc etiam patet solutio ad dicta trium Doctorum, scilicet Hilarij, Bernardi, & Augustini.

AD ALIVD dicendum, quod fundamentum dicitur bonorum ex parte præparationis subiecti siue loci, ubi ædificandum est, & non sicut primum substantans quod est pars essentialis ædificij : quia sic fides est fundamentum. Et per hoc patet solutio ad totum.

## ARTICVLVS X.

*Qualiter pœnitentia timore concipitur?*

Secundo quæritur, Qualiter pœnitentia timore concipitur? Videtur autem quod non concipitur : quia omnes virtutes simul dantur per infusionem : ergo nulla concipitur per aliam, ut videtur.

*Quæstio-  
cula 1.* PRÆTEREA, Qualiter concipitur potius quam generatur?

*Quæstio-  
cula 2.* ULTERIVS quæritur, Si timore, concipitur, quo timore concipitur? Videtur autem, quod seruilis : quia ille prius est, & fugit pœnam : ergo inducit dolorem de merito vel reatu pœnæ : & hic est actus pœnitentiæ : ergo concipitur timore seruilis.

*Sed con-  
tra.* CONTRA : Conceptum est intra concipiens : ergo pœnitentia est intra timorem concipientem. sed pœnitentia est cum gratia : ergo timor est gratuitus, quo concipitur pœnitentia : sed seruilis timor non est gratuitus : ergo non concipitur timore seruilis, ut videtur, sed initiali.

*Solutio.* SOLVTIO. Dicendum, quod conceptum dicit intus captum, imperfectum : & ideo cum duo sint inter quæ mouetur pœnitens, ut dicit Gregor. scilicet spes, & timor : & duo sint in pœnitentia, scilicet dolor, & gratia informans, quam consequitur gaudium de dolore, ut infra habebitur. Ex parte spei magis se tenent gratia & gaudium quæ sunt perfectiua pœnitentiæ in quantum est meritoria : ex parte autem timoris magis se tenet dolor qui est materialis in pœnitentia, & secundum se imperfectus. Et hoc patet ex hoc quod contritio dolorem communem habet cum attritione : cum tamen attritio sit dolor informis de peccatis : & quia conceptum dicit intus captum imperfectum, & ex parte doloris tenet se ad timorem, dicitur magis, quod timore concipitur, quam spe vel alia virtute.

AD PRIMVM ergo dicendum, quod licet omnes simul tempore infundantur, tamen habent ordinem quandam secundum naturam actuum ipsarum virtutum, & etiam ex parte subiecti cui infunduntur, ut in præcedenti quæstione determinatum est.

AD ALIVD dicendum, quod generari ædificationem dicit perfecti : & secundum hoc pœnitentia reducitur etiam ad timorem ut ad effectum, ut in se claudit pœnitentiam.

AD ALIVD dicendum, quod vterque timor potest significari cum dicitur, Pœnitentiæ virtus timore concipitur. Per concipiens autem potest significari efficiens extra, & claudens in se pœnitentiam, non simpliciter, sed imperfectam : & hoc est quod est in dolore attritionis. Et sic non sequitur quod in contrarium obicitur : quia pœnitentia sic accepta est sicut puerperium informe, & ideo est sine gratia : & ideo generat eam & claudit in se timor seruilis. Si autem intelligatur per concipiens generans intra, & claudens pœnitentiam habentem formam gratiæ, sicut clauduntur puerperia formata : tunc concipiens erit timor initialis : & non valet primum argumentum, quia ostensio pœnæ non est causa pœnitentiæ in eo quod huiusmodi, sed doloris tantum.

*Ad quæ-  
stionem  
1.*

*Ad quæ-  
stionem  
2.*

## ARTICVLVS XI.

*Quare pœnitentia non concipitur amore, vel alia virtute?*

Tertio quæritur, Quare non concipitur amore vel alia virtute? Fide enim videtur concipi, quia fides est in intellectu, ut prius habitum est : ergo videtur ipsa esse concipiens.

2 Item, Amor est mater virtutum : & matris est concipere : ergo videtur, quod amore concipitur.

3 Item, Sicut supra habitum est, etiam timoris radix & causa est amor : ergo amor est primum concipiens & timorem & pœnitentiam.

4 Item, Conuertens ad Deum pœnitentia, quæ vete pœnitentia est, amor est, & primum est amor, ut habitum est : ergo est prima causa pœnitentiæ : ergo concipiens.

SOLVTIO. Dicendum, quod omnes illæ quæstiones leues sunt. Dicendum tamen, quod fides prima est in intellectu, & amor secundum ordinem ad bonum prima virtutum in affectu, & timor prima virtutum in affectu secundum recessum à malo. Et ita secundum diuersas considerationes nihil prohibet diuersas esse primas : sed tamen concipiens imperfectam pœnitentiam, & in se claudens, hoc est efficiens pœnitentiæ immediate coniunctum ei, & hoc non est nisi timor, ut prius ostensum est. Per primam autem distinctionem patet solutio obiectionum : quia super illam distinctionem procedunt omnes.

*Solutio.*

## ARTICVLVS XII.

*An definitio pœnitentiæ sit bene assignata ab Ambrosio?*

Deinde quæritur de hoc quod dicitur ibi [Est autem pœnitentia, ut dicit Ambrosius, præterita mala plangere, &c.] Obicitur enim contra hanc definitionem : quia sicut dicit Philosophus 6. topic. peccant qui ponunt in diffinitione habitus actum, ut genus : sed plangere præterita mala est

est



est actus : ergo non cadit in diffinitione pœnitentiæ quæ est habitus.

2 Item, Plangere dicit lamentum : non autem omnis pœnitens potest habere lamentum : ergo non est pœnitentiæ essentielle præterita mala plangere.

3 Si forte dicas, quod plangere dicit planctum cordis, non oculorum, vel sensus in carne. Videtur, quod adhuc non sit essentielle pœnitentiæ plangere : plangere enim siue sit interius, siue exterius, dicit actum elicitum de potentia informata gratia. Ad hoc autem ut eliciatur, exigitur tempus, ante quod ipse pœnitens est in gratia quæ infunditur in instanti. Ponamus ergo, quod gratiam habeat, & non eliciat actum plangendi, & sic moriatur : constat, quod saluabitur cum habeat gratiam : ergo habuit pœnitentiam valentem ad salutem sine planctu in actu : ergo non est essentielle pœnitentiæ plangere : ergo non sic debet diffiniri, Pœnitentia est præterita mala plangere.

4 Si dicas, quod plangere est necessarium pœnitenti propter dolorem qui supponitur in nomine pœnitentiæ : dolens enim non potest non plangere. Adhuc falsum esse videtur : quia aut infusio gratiæ præcedit dolorem illum, aut non. Si non : tunc dolor attritionis est, & non pœnitentiæ : ergo illum non sequitur plangere quod essentialiter diffinit pœnitentiam : & sic nihil esset quod dicit Ambrosius. Si præcedit eum gratia : tunc in instanti in quo infunditur gratia, simul infunduntur cum ea omnes virtutes : ergo & pœnitentia : & hanc infusionem sequitur dolor qui non potest esse nisi in tempore : & inter instans infusionis virtutum, & tempus doloris est tempus : ergo aliquod est tempus in quo est pœnitentia virtus, & non dolor, vel planctus : igitur non est essentielle pœnitentiæ dolere & plangere, ut videtur.

5 Si forte dicas, quod dolor attritionis sit dolor contritionis secundum opinionem eorum qui dicunt, quod naturalia sunt gratuita. Videtur adhuc hoc esse falsum : quia Matth. 3. super illud, Facite fructus dignos pœnitentiæ, &c. Gloss. Discretio est in pœnitentia quæ timorem Dei & metum pœnarum ante oculos ponit, recolens antiquæ turpitudinis. Sic dolor cordis in fletus erumpit : quia sine dolore nulla sunt vulnera, si vitalia membrorum non fuerint circummortua. Gratia est quod sentit, sentiens quærit sanitatem. Huc usque verba Gloss. Ergo gratia dat sentire, sicut dicitur in vltima parte Gloss. ergo gratia dolorem præcedit, sicut causa effectum : & ita habetur propositum.

ITEM obiicitur de hoc quod dicit, Præterita mala. Præterita enim mala non possunt non esse præterita : sed stultum est plangere quod non potest non esse : ergo omnis pœnitens est stultus.

2 Item, Per pœnitentiam efficitur peccator conformis diuinæ voluntati : ergo vult hoc quod Deus vult : sed vult præteritum factum esse : ergo & peccator vult præteritum factum esse : sed nemo sapiens plangit hoc quod vult fuisse : ergo pœnitens qui sapiens est, non plangit mala præterita, ut videtur.

3 Si forte dicas, quod licet respectu præteritorum necessariorum non sit voluntas absoluta, tamen est velleitas quæ est idem quod conditio-

nata voluntas, scilicet quod veller præterita mala non esse, si hoc esset possibile : ergo secundum hoc pœnitens simpliciter vult præterita mala facta esse, & sub conditione veller non esse : ergo simpliciter non plangit mala præterita : cum tamen Ambrosius supra innuat, quod mala præterita plangit.

VLTERIVS quæritur de hoc quod dicit, Mala &c. Aut enim plangit mala quæ sunt, aut mala quæ non sunt. Si mala quæ sunt, cum non sunt mala nisi quando insunt, videtur quod insunt : sed opposita non insunt simul : ergo cum mala insunt, virtutes non insunt, nec gratia : ergo cum plangit mala, non habet gratiam nec virtutes : ergo talis planctus non est planctus pœnitentiæ virtutis, & gratia informatus, quod falsum est. Si autem plangat mala quæ non sunt. Contra : Nullus dolet de eo quod non est, secundum quod non est : ergo nec plangit illud : ergo non plangit mala quæ non sunt.

VLTERIVS obiicitur de hoc quod dicit, Et plangenda iterum non committere. Per illam enim particulam expresse videtur, quod qui patitur recidivum, quod nunquam pœnituit : & hoc statim infra in hac eadem distinctione condemnatur pro hæresi.

2 Præterea videtur, quod hoc appositum non sit essentielle pœnitentiæ. Primo quidem per diffinitionem Ambrosij, quæ infra ponetur, Pœnitentia vera est dolor cordis & amaritudo animæ pro malis quæ quisque commisit. In hac enim totum esse pœnitentiæ explicatur : & tamen nihil tangitur de peccatis futuris.

3 Idem videtur per rationem. Pœnitentia enim respectu præteritorum est, ut accipitur ex principio 3. Ethic. non igitur diffinienda est respectu futurorum.

4 Item, Boëtius dicit esse locum à communiter accidentibus : pœnituit : ergo peccavit. Non autem est à communiter accidentibus : pœnituit : ergo cauebit futurum peccatum : ergo videtur, quod pœnitentia respiciat præteritum, & non futurum : ergo non est diffinienda pœnitentia per futurum.

5 Item, Pœnitentia differt à cautela : pœnitentia enim non est cautela, nec è conuerso. Cum igitur cautela sit respectu futuri, pœnitentia non erit eiusdem, ut videtur.

6 Item, Pœnitere non est pœnitentia : ergo diffinitio pœnitentiæ non est diffinitio eius quod est pœnitere : sed statim in litera dicitur, quod pœnitere est antea facta mala deflere, & flenda non committere : quod penitus idem est cum priori diffinitione : ergo videtur, quod peccet Magister in litera.

7 Item videtur, quod partes huius diffinitionis male ordinentur : quia Augustinus in lib. de ecclesiasticis dogmatibus diffinit eam sic : Pœnitentia vera est, pœnitenda non admittere & admissa deflere. Ergo quod erat respectu futuri, deberet esse prior pars in ordine diffinitionis : & id quod est respectu præteriti, deberet esse posterior.

VLTERIVS hic quæritur, Vtrum conueniat hæc diffinitio pœnitentiæ sacramento, vel pœnitentiæ virtuti ? Videtur autem, quod non sacramento : quia sacramento essentielle est esse signum & causam : nihil autem hic ponitur quod sit



sit causa & signum secundum quod huiusmodi: ergo non est data de poenitentia prout est sacramentum.

2. Item, Poenitentia sacramentum, ut infra 16. distinctione dicitur, habet partes, contritionem, & confessionem, & satisfactionem: & nihil ponitur quod respondeat confessioni & satisfactioni: ergo de sacramento poenitentiae data non est haec distinctio. Contra: Omnibus quibus iniungitur poenitentia à sacerdote, specialiter praecipitur ut plangent praeterita, & futura non committant: ergo videtur, quod illud quod ille dicit, de sacramento poenitentiae intelligatur.

*Solutio.*

**Solutio.** Dicendum, quod haec distinctio data est per effectum, & non est distinctio proprie loquendo, sed qualiscunque assignatio: est enim actus effectus habitus, eo quod habitus mouet liberum arbitrium naturae ad talem actum. Et tangit duo quae sunt poenitentiae secundum actum exercitae. Vnum quod est essentiale, & hoc est praeterita mala plangere: & alterum quod coexistit illi, ut id quod est essentiale, sit efficax: & hoc est plangenda non committere: & ideo quidam antiqui dixerunt, quod hoc est fundamentum ad primum, quia sine illo primum nihil valet.

**Ad primum** ergo dicendum, quod dictum Philosophi intelligitur de definitionibus datis per essentiam distincti: haec autem est data per proprium effectum. Et si obiicitur, quod causa prior est effectui, & ideo non est definienda causa per effectum. Dicendum, quod duplex est prioritas, scilicet quoad nos, & simpliciter: simpliciter quidem causa prior est effectui: quoad nos autem prior potest esse effectus, quam causa. Et sic data est distinctio, quae assignatio quaedam est ex prioribus quoad nos.

**Ad aliud** dicendum, quod plangere dicitur breuiter dolere actu vel habitu: & est essentialis actus poenitentiae, & ideo ponitur in eius definitione. Et bene concedendum est hoc quod inducitur per obiectionem factam secundum quod dolor semper supponitur in poenitente, cui semper essentialiter coniungitur dolere.

**Ad hoc** quod obiicitur in contrarium, dicendum quod natura dolere est ante infusionem gratiae, licet tempore simul sint dolere ex informatione gratiae, & gratiae infusio. Dico autem natura secundum quod natura dicitur materia: & hoc patet ex hoc quod dicunt Doctores, scilicet quod quatuor exiguntur ad iustificationem impii, scilicet motus liberi arbitrii in peccatum, & motus liberi arbitrii in Deum, & remissio culpae, & gratiae infusio. Motus autem liberi arbitrii in peccatum est detestatio cum dolore. Et sic patet quod cum hic definiatur poenitentia ex prioribus quoad nos, quod dolor natura praecedat gratiam, secundum quod natura materia est, ut prius notet prioritatem ex parte subiecti & materiae.

**Ad id** autem quod obiicitur contra hoc, dicendum quod falsum supponitur in obiectione: quia licet inter instans & instans sit tempus secundum Aristot. non tamen inter instans & tempus est tempus: sicut inter punctum & punctum est linea, non tamen inter punctum & lineam: & ita dico, quod inter instans infusionis gratiae, & tempus in quo meritorie dolet poenitens, nihil est medium.

**Ad id** autem quod obiicitur de Gloss. super D. Alb. Mag. in Lib. 4. Sentent.

Matth. dupliciter potest responderi. Vno quidem modo, quod loquitur Gloss. de gratia gratis data, quae est fides informis, quae ante oculos ponit poenas & caetera huiusmodi: & tunc nullam vim habet obiectio. Aliter potest dici, quod loquitur de gratia gratum faciente: & tunc dicendum, quod infusio gratiae praecedat dolorem, non tempore, sed natura: aliter tamen sumendo naturam quam prius, scilicet pro forma: unde infusio gratiae praecedat dolorem simpliciter, dolor autem infusionem gratiae quoad nos, & ex parte materiae.

**Ad hoc** quod ulterius obiicitur de hoc quod dicit, Praeterita mala &. Dicendum, quod plangens non est de peccatis prout sunt in perpetratione, sed potius prout perpetratio peccati aliquo modo antecedit (alias causat) peccata quoad existere in subiecto: sicut dicitur communiter, quod peccatum transit actu, & manet reatu: & hoc etiam in praecedentibus est notatum.

**Ad aliud** dicendum, quod non oportet semper voluntatem nostram conformare diuinæ voluntati in voluto: sed, sicut notauimus super finem primi, sufficit quandoque conformare voluntatem nostram voluntati diuinæ secundum causam efficientem: ut scilicet velimus hoc quod Deus vult nos velle: & hoc modo conformat poenitens.

**Ad aliud** dicendum, quod poenitens simpliciter vult non fecisse peccatum: licet enim respectu futuri sit contingens, & necessarium ex praeterito (Dico autem necessarium per accidens) tamen illud necessarium causatum est à nostra voluntate, & ideo non est necessarium nisi secundum quid: & de huiusmodi potest esse voluntas simpliciter ut sint, vel non sint.

**Ad id** quod ulterius quaeritur de hoc quod dicitur, Mala, &c. Dicendum, quod plangit mala quae simpliciter non sunt, sed sunt secundum quid, scilicet in recordatione, & secundum effectum qui est reatus poenae: & per hoc patet, quod nec stultus est sic plangens, nec contrarietatem ad gratiam habens.

**Ad id** quod ulterius quaeritur, dicendum quod hoc quod dicit, Plangenda non committere, refertur ad propositum, id est, quod habeat propositum de caetero non peccandi: & ideo hoc coexistit poenitentiae: quia sicut in aliis sacramentis semper aliquid exigit sacramentum quod remoueat fictionem, quam refugit Spiritus sanctus: & hoc ideo est apponendum in definitione quae est ex his quae sunt priora quoad nos, ut prius dictum est. Et per hoc patet solutio ad sequentia: quia non est essentiale, & tamen quoad effectum poenitentiae consequendum, ne sit poenitens fictus, necesse est ut coexistat poenitentiae in poenitente: & ideo apponitur à sanctis in notificatione poenitentiae.

**Ad aliud** dicendum, quod ista distinctio non est data per essentiam, sed potius per effectum, ut dictum est: infra enim ait idem esse poenitere, ubi notat essentiam.

**Ad aliud** dicendum, quod Augustinus respicit ordinem partium ex parte poenitentis: quia in illo prius est remouere obstaculum, & deinde poni poenitentiam. Ambros. autem ordinat partes secundum quod sunt magis essentielles poenitentiae.

**Ad aliud** dicendum, quod illa distinctio

*Ad qua-  
stionem  
lam.*



conuenit pœnitentiæ inquantum est virtus, & inquantum est sacramentum: est enim virtus mouens liberum arbitrium ad opus quod est flere peccatum, & eadem est sacramentum secundum quod causalitatem trahit à signo & à vi clauium: à signo, dico, aliquo exteriori, de quo inferius dist. 22. erit sermo. Si autem obiiciatur, quod diuersorum diuersum est esse, & diffinitio notat essentiam, & virtus & sacramentum sunt diuersa secundum esse. Dicendum, quod in hac obiectione multa falsa supponuntur. Primum est, quod nihil prohibet idem diuersificatum esse de esse diuersorum, sicut pœnitere in ratione actus, & in ratione actus manifestari in signis. Secundum est, quod illa diffinitio non dicit esse, vt habitum est. Tertium: quia pœnitentia virtus, & pœnitentia sacramentum non sunt diuersa subiecto, sed ratione solum, & esse quod consequitur rationem illam: quia virtus est, vt est mouens liberum arbitrium ad opus: sed sacramentum pœnitentia, prout coniungitur signis quibusdam significantibus & causantibus gratiam interiorem, quæ ordinatur contra actuale peccatum, Ex hoc patet solutio ad totum.

## ARTICVLVS XIII.

*An vere pœnitens possit cadere, & de cætero damnabiliter peccare?*

**D**Einde quæritur de illa parte, in qua Magister elidit errores qui sunt circa pœnitentiam: quæ diuiditur in duas partes, secundum duos errores qui fuerunt contra pœnitentiam. Primus est eorum qui dixerunt vere pœnitentem non posse cadere: & hic eliditur in residuo huius distinctionis. Secundus est eorum qui dicunt, quod aliquis manens in vno peccato, potest facere pœnitentiam de alio: & hic eliditur in sequenti distinctione quæ incipit *ibi* [Et sicut in prædictis auctoritatibus illorum error conuincitur] Prima pars subdiuiditur in tres partes, in quarum prima Magister ponit quasdam auctoritates ex quibus error primus videtur confirmari & probari. In secunda autem responder illis auctoritatibus inductis *ibi* [Illud autem quod Ambr. ait, Reprehenduntur.] In tertia confirmat solutionem suam per auctoritates *ibi* [Quod vero pœnitentia non tantum semel agatur] Subdiuisio autem harum partium, cuilibet per se patet in litera. Incidit autem quæstio primo de ipso errore: quia licet Magister sufficienter inducat auctoritates quibus probari videtur: tamen rationes etiam induci possunt, & sic. Fundamentum pœnitentiæ est de cætero nolle peccare vsque ad mortem: sed si non sit fundamentum, nullum est quod superædificatur ædificium: ergo si non continuet aliquis pœnitentiam vsque ad mortem, non fuit pœnitentia: si continuat, non cadit: ergo videtur, quod qui vere pœnitet, de cætero cadere non potest.

2 Item, Non dicitur pœnitentia ad pœnam habere, sed potius ad pœnam tenere: tenere autem dicit perseverantiam in pœna: si ergo non perseverat, pœnitentia non tenet pœnam: & si non tenet pœnam, non pœnitet: ergo à primo si non perseverat, non pœnitet: & hoc est id quod dicit in litera.

3 Item, Infinito peccato debetur pœnitentia infinita: ergo si sit finita, non fuit illius peccati iusta pœnitentia: sed vbi cadit, ibi pœnitentia finitur: ergo illius peccati quod mortale fuit, pœnitentiam non habuit: ergo si cadit, non vere pœnituit. Ex hoc videtur per oppositum, quod nunquam ille pœnitet nisi qui manet & non cadit. Et hic est error qui dicitur in litera.

4 Item, Hebr. 6. dicitur, quod est impossibile eos qui semel sunt illuminati, gustauerunt etiam donum Dei cælestis, virtutesque seculi veteri, & prolapsi sunt, rursus renouari ad pœnitentiam. Ergo non potest fieri pœnitentia iterata: ergo nec secunda: ergo necesse est continuari primam pœnitentiam, vel non erit pœnitentia.

**S**ED IN contrarium multa adducit Magister <sup>Sed contra.</sup> in litera: & in contrarium etiam est, quod pœnitentia vt prius habitum est, non respicit futurum vt sibi essentiale: ergo est sine illo, & sic etiam si in futurum peccauerit, vere pœnituit in præterito.

2 Item, Aliud est non peccare, & aliud proponere non peccare: & probatum est supra, quod pœnitentia respectu futuri non habet nisi propositum: & hoc est præsens. Cum igitur proponens non peccare, possit peccare in futurum, saluo proposito suo in præsentia, constat quod etiam vere pœnitens, salua veritate pœnitentiæ in præsentia, potest peccare.

**S**OLUTIO. Dicendum, quod hoc quod dicitur in litera, absque omni ambiguitate hæresis pessima est, & nullo modo tenenda: & Magister Catholicam fidem construit, destruendo hæresim illam. <sup>Solutio.</sup>

**A**D PRIMVM igitur quod obiectum est, dicendum quod fundamentum pœnitentiæ non est de cætero non peccare, sed non habere propositum peccandi, vt probat vltima obiectio in contrarium facta: & ideo procedit ex falsis.

**A**D ALIVD dicendum, quod non oportet esse illam retentionem pœnæ, nisi tantum in proposito.

**A**D ALIVD dicendum, quod pœnitentiam in veritate necesse est esse infinitam: sed duratione non potest esse infinita, quia ad plus in morte finitur: sed debet esse infinita ex parte voluntatis, scilicet quod pro nulla re vellet peccare vel peccasse: & ideo male procedit obiectio, quæ videtur supponere, quod infinita esse debeat duratione.

**A**D ALIVD dicendum, quod aliud est iterum renouari ad pœnitentiam, & aliud iterum pœnitere. Renouari enim ad pœnitentiam est baptizari in remissionem peccatorum ad pœnitentiam: & hoc est impossibile: sed pœnitere iterum, manente primo charactere baptismali, est possibile. Si autem aliquis obiiciat, quod baptismus est sacramentum ordinatum contra originale, & non iteratur eo quod perfectum est: & fit iniuria sacramento, si iteretur: ergo & pœnitentia non debet iterari, quæ ordinatur contra actuale, & curat ipsum perfecte. Dicendum, quod nihil simile tribus de causis: quarum prima est, quod baptismus immediate trahit vim suam à passione Christi, quia Deo patri completur satisfactio primi peccati in passione Christi tantum: & ideo sicut illa non iteratur, ita nec baptismus: sed pœnitentia supponit aliquid in nostra voluntate, quæ mutabilis & iterabilis



iterabilis est. Secunda est : quia baptismus imprimit characterem semper manentem : & ideo si secundus reciperetur baptismus , essent duo characteres eiusdem speciei , vel vnus nullum haberet effectum : quorum vtrumque est inconueniens : sed pœnitentia non imprimit aliquem characterem. Tertia est : quia licet Rabanus infra 22. dist. videatur dicere , quod originale redit : tamen sciendum est quod non redit , nec idem in specie , nec idem in numero : & auctoritati Rabani infra suo loco respondebitur : sed morbus contra quem ordinatur pœnitentia , iteratur , & ideo medicinam iterare necesse est.

#### ARTICVLVS XIV.

*An aliquis lauari possit per pœnitentiam usque ad munditiam?*

**D**Einde quæritur de hoc quod dicit ibi [Laui-  
mini, & mundi estote, &c.] Videtur enim,  
quod nullus per pœnitentiam lauari possit usque  
ad munditiam à culpa mortali sic. Infinitæ iniu-  
riæ infinita debet esse vindicta : sed Dei iniuria, vt  
dicit Augustinus est infinita : ergo etiam vindicta  
debet esse infinita : sed vindictam infinitam sibi  
homo facere non potest : ergo pœnitendo non  
potest vindicare peccata mortalia : & non re-  
mittitur culpa , nisi fuerit iuste peccatum vin-  
dicatum : ergo videtur , quod pœnitens nunquam  
emundetur à culpa.

2 Si forte dicas, quod misericordia Dei super-  
exaltat iudicium , & Dei misericordia tenet iusti-  
tiam. Contra : Semetipsum negare non potest : er-  
go non potest facere aliquid contra suam iusti-  
tiam : ergo exigit pœnam infinitam.

3 Item , Peccatum maius peccato irremedia-  
bili, est irremediabile sicut etiam illud : sed pecca-  
tum Angeli est irremediabile, & peccatum homi-  
nis est maius illo : ergo peccatum hominis est  
irremediabile, sicut Angeli : ergo nunquam laua-  
tur nec mundus est per pœnitentiam. Quod au-  
tem peccatum hominis sit maius peccato Angeli,  
videtur sic : Angelus Deo esse æqualis voluit , &  
homo similiter : sed homo est per naturam infe-  
rior Angelo : ergo minus habens æqualitatis di-  
uinæ : ergo magis superbus apperendo eam : ergo  
hominis peccatum ex maiori superbia proces-  
sit , quam Angeli : ergo est maius , & sic habetur  
propositum.

*Solutio.* SOLV TIO. Dicendum , quod per pœniten-  
tiam lauatur peccator , & mundus est, si volunta-  
tem habeat de cætero non peccandi.

A D HOC autem quod obiicitur de infinita  
iniuria, dicendum quod iniuria Dei ex parte obie-  
cti est infinita , quia contra infinitum bonum : sed  
ex parte radicis qua radicatur in peccante, non est  
infinita : quia neque ex infinita libidine, neque ex  
infinito contemptu processit, neque actus peccati  
secundum se infinitus fuit. Quando autem pon-  
deratur peccatum, principaliter attenditur ex par-  
te radicis quæ fundatur in peccante. Vnde Apo-  
stolus 1. ad Timoth. 1. Misericordiam consecutus  
sum , quia ignorans feci. Et Augustinus dicit,  
quod remediabile fuit peccatum Iudæorum occi-  
dentium Christum, per ignorantiam factum, licet  
esset contra infinitum bonum quod est vita Chri-  
sti. *D. Alb. Mag. in Lib. 4. Sentent.*

sti. Vnde bene potest ex illa parte recipere medi-  
cinam finitam , licet ex altera parte sit infinitum :  
& ibi habet remissum infinitum, quod est mise-  
ricordia Dei.

A D ALIUD dicendum , quod non propter  
hoc seipsum negat : quia iustitia est redditio pro  
meritis secundum formam & forum iudicii sta-  
tutum ad vtilitatem populi : & aliud forum est  
hic, & aliud in futuro : & ideo hic iustitia est pau-  
ca exigens propter obedientem voluntatem pœ-  
nitentis : in futuro autem exigit æterna propter  
voluntatem obstinaram.

A D ALIUD dicendum, quod peccatum homi-  
nis minus est, si attendatur ex parte peccantis, quam  
Angeli. Si autem attendatur ex parte obiecti,  
tunc est æquale illi. Processit enim peccatum An-  
geli ex adipe respectu peccati hominis : quia An-  
geli voluntas eleuata est in superbiam ex decore  
& nobilitate naturalium quam intra se habet :  
homo autem intra se nihil tale habuit vnde tan-  
tum superbiret , sed potius ab extrinsecus dece-  
ptus audiuit : & ideo superbia hominis non est  
maioris tumoris , sed inferioris , & infirmioris  
status iudicium sumit. Vnde patet , quod non  
valuit illa obiectio.

#### ARTICVLVS XV.

*An illis qui iterant peccata, prosint prio-  
ra lamenta?*

**D**Einde quæritur de hoc quod dicitur ibi  
[Nihil prosunt lamenta, si replicantur pec-  
cata, & cætera] Videtur enim hoc esse falsum.  
Lamenta enim prosunt ad remissionem præ-  
teritorum : & hoc est multum prodesse : igitur  
aliquid prosunt.

2 Item quæritur , Qua ratione dicuntur la-  
menta præterita non prodesse : quia impeditur sa-  
lus ex peccatis futuris : eadem ratione dicitur  
baptismus non prodesse , si aliquis post baptis-  
mum peccet : sed hoc est falsum : ergo & illud.

SOLV TIO. Dicendum, quod intelligitur de *Solutio.*  
his qui voluntate habituali replicant peccata , et si  
voluntate actuali plangent : & illi non habent  
fundamentum pœnitentiæ : & ideo pœnitentia  
eorum nulla est. Vel dicatur, sicut Magister dicit  
infra, quod nihil prosunt , non simpliciter, sed ad  
salutem consequendam.

A D ALIUD dicendum, quod non est simile  
de baptismo : quia licet homo fictus accedat ad  
baptismum , tamen recipit characterem , & sic  
aliquid prodest baptismus : sed pœnitentia non  
prodest fictæ accipienti. Secundum aliam respon-  
sionem quam Magister infra tenet in litera,  
dicendum quod non est simile de baptismo : quia  
baptismus est fundamentum sacramentorum , &  
adhuc cum homo peccat , prodest ad funda-  
mentum habendum : sed non sic est de  
pœnitentia : & ideo illa non prodesse

dicitur , quia nihil de ea re-  
linquitur per sequens  
peccatum.

\* \*  
\*



## ARTICVLVS XVI.

*An ille qui commissa plangit tamen non deferens, pœna grauiori se subiiciat?*

**D**Einde quæritur de hoc quod dicit *ibi* [Qui commissa plangit, nec tamen deferit, pœnæ grauiori se subiicit, &c.] Videtur enim hoc esse falsum: quia per pœnam primi planctus aliquid deleuit de pœna debita pro peccato: ergo subiicit se per planctum minori pœnæ: & sic falsum est quod dicit.

2 Item, Dolor de peccato, non est circumstantia aggrauans peccatum: ergo non facit peccatum grauiori pœna dignum.

3 Item, Opposita doloris & planctus aggrauant peccatum, scilicet impœnitentia & affectus peccandi: ergo dolor & planctus peccata diminuit & sic iterum falsum videtur quod dicitur in litera. Probatio primæ. Iob 15. Cucurrit aduersus Deum extento collo, & pingui ceruice armatus est.

*Solutio.*

**SOLVTIO.** Dicendum, quod loquitur de hypocritis qui plangunt quantum ad exteriorem hominem ut videantur: ideo grauius peccant, ut dicit Augustinus, quod simulata æquitas non est æquitas, sed duplex iniquitas. Sed melius videtur dicendum, quod loquitur de quibusdam quibus peccatum displicet simpliciter veniente ratione, & tamen dulcedine peccati victi ex parte sensuualitatis voluntatem habent adhuc in peccato: unde in illis aggrauatur pœna per accidens eo quod non vitant peccatum, & tamen aduertunt ipsum: & quia postea non retrahuntur, non excusantur à surreptione vel ignorantia, sed potius aduertendo peccatum: & cum non deferunt, grauius contemunt: & de talibus loquitur Gregor. ut videtur sonare verbum.

**AD OBIECTA** in contrarium, dicendum quod illa procedunt de eo qui etiam voluntate & actu retrahitur à peccatis: & de tali non loquitur Greg.

**AD ALIUD** dicendum, quod licet dolor non sit circumstantia aggrauans, tamen supponit in peccante circumstantiam aggrauantem, in quantum dolor non est vera desitio, eo quod sit malum cum actuali cogitatione pœnæ quæ debetur peccato.

**AD ALIUD** dicendum, quod oppositum doloris aggrauat: & ex hoc bene sequitur, quod dolor secundum se non aggrauat, sed diminuit: sed in quantum motus virtutis motiue animæ non causatur nisi ex aliquo contemptu comprehenso in anima ex parte potentiæ apprehensiuæ, supponit dolor contemptum actualem peccati & pœnæ quæ debetur eidem: & ex illa aggrauat peccatum: quia propter pœnam non dimittere peccatum maioris contemptus est, quam si pœna non aduerteretur.

## ARTICVLVS XXIII.

*An velle non peccare aut cessare à peccato sit vera pœnitentia?*

**D**Einde quæritur de hoc quod dicit in principio secundæ partis in solutione sua *ibi* [Sed Ambrosius dicit, Hæc vera pœnitentia est

cessare à peccato, &c.] Videtur enim hoc esse falsum: quia cessare à peccato pura est priuatio: & pœnitentiam agere est aliquid agere: ergo cessare à peccato non est vera pœnitentia.

2 Si forte dicas, quod cessare à peccato ponit actum interiorem animæ, licet priuet actum exteriorem, sicut dicunt Doctores de præceptis negatiuis. Unde sensus est, cessare à peccato, id est, velle non peccare. Adhuc falsum videtur quod dicunt: quia sicut supra habitum est, pœnitentia totam essentiam habet respectu præteriti peccati: voluntas autem non peccandi est respectu peccati futuri: ergo voluntas non peccandi non est vera pœnitentia: ergo nec cessare à peccato, ut videtur.

**SOLVTIO.** Dicendum, quod si fiat vis in verbo Ambrosij, optimum est verbum & subtile: quia non cessat à peccato, qui peccat: unde qui omittit, non cessat à peccato. Item qui transgreditur, non cessat à peccato. Est autem præceptum affirmatiuum ut pœniteamus: sicut Marci 1. & Matth 3. & licet hoc non obliget ad semper: tamen tunc obligat, quando homo peccauit, & de peccato recordatur: ergo si tunc non pœnitet, non cessat à peccato: quia non facit quod debet. Item, Præceptum negatiuum est, non peccare, non velle peccare, nec in præterito nec in futuro: & ex hoc obligatur omnis homo semper velle non peccasse, & ad velle non peccare: & si faciat contrarium, tunc non cessat à peccato. Pater igitur, quod cessare à peccato, importat pœnitere, & velle non peccasse, & velle non peccare: & hæc sunt quæ exiguntur in pœnitentia. Et per hoc patet solutio ad utrumque obiectorum.

## ARTICVLVS XVIII.

*An peccata deleantur per pœnitentiam secundum quod est virtus, vel sacramentum: & an habeat duos actus, scilicet plangere, & odire?*

**D**Einde quæritur de hoc quod dicit *ibi* [Pœnitentia est virtus, vel gratia, &c.] Et quia omnia quæ de ista de diffinitione erant, dicta sunt, præter duo, supra quæ sita in alia diffinitione: ideo quæritur hic, Vtrum peccata deleantur per pœnitentiam secundum quod est virtus, vel secundum quod est gratia, vel secundum quod est sacramentum? eo quod Magister dicit hic, quod est virtus, vel gratia: & supponitur, quod sit sacramentum. Videtur autem, quod secundum quod est gratia: quia gratia contrariatur culpæ: si igitur deletur culpa ab aliquo, oportet quod deletium sit gratia: sed à pœnitentia deletur culpa: ergo pœnitentia delet eam secundum quod est gratia.

2 Item, Si virtuti essentiale esset delere culpam: tunc omnis virtus deleret peccatum: sed ego video, quod hoc falsum est: quia habetur virtus politica quæ vere virtus est, & non delet peccatum: ergo non est virtutis, sed gratiæ, ut virtutis.

3 Item, Gratia existente in actu, & virtute in munere tantum, ut in paruulis, sit deletio peccati secundum quod culpa est: ergo videtur, quod essentiale sit gratiæ delere culpam: ergo si pœnitentia



tentia remittit culpam, hoc fit in quantum est gratia, & non in quantum est virtus, vel sacramentum. Si forte dicas, quod virtus æquiuoce dicitur de virtute infusa & politica: & ideo licet virtus politica non deleat, tamen virtus infusa delet peccata. Videtur hoc esse falsum: quia virtus diffinitur per actum proprium: actus autem proprius non est æquiuocus in virtute infusa, & acquisita.

4 Item, Cum sic dicitur virtus infusa, & virtus acquisita, non tangitur diuersitas nisi causæ efficientis: causa autem efficiens nihil est de essentia rei: ergo penes causam efficientem non accipit rationem æquiuocationis virtus infusa & acquisita: ergo si non est essenziale delere peccatum virtuti acquisitæ, non erit etiam naturale gratuitæ.

*sed contra.* SED CONTRA: Peccatum relinquitur ex actu, & impotentia operantis: ergo id quod remouet ipsum, debet esse in pœnitentia secundum quod est ordinata ad opus: hæc autem est virtus, & non gratia secundum quod huiusmodi: ergo videtur, quod delens sit virtus, & non gratia.

2 Item, Peccatum est voluntarium, vt dicit August. & si non sit voluntarium, non erit peccatum: ergo est in voluntate: ergo respicit potentiam animæ: sed gratia magis respicit essentiam animæ, quam potentiam: & virtus magis potentiam respicit, quam essentiam: ergo peccatum magis tollitur pœnitentia prout est virtus, quam prout est gratia.

VIDETUR AUTEM, quod peccatum tollatur pœnitentia prout ipsa est sacramentum: quia, sicut supra habitum est, gratia sacramentalis principaliter ordinatur contra defectum peccati: pœnitentia autem est sacramentum institutum contra morbum peccati actualis: ergo est causa illius: ergo tollit peccatum in quantum est sacramentum.

2 Item, Omne sacramentum nouæ legis est signum & causa gratiæ: ergo & istud: ergo in quantum sacramentum causat gratiam remittentem morbum peccati actualis.

*Quæst. 1.* ULTERIUS quæritur de hoc quod dicitur, Plangimus, & odimus: vnus enim vnus est actus proprius & essentialis: sed pœnitentia non est nisi vnum quid: ergo habet vnum actum: ergo alter superfluit.

ITEM quæritur, In quo differt plangere, & odire siue odio habere peccatum? Videtur, quod vtrumque sit respectu præteritorum: quia præmittitur in litera, Qua commissa mala plangimus & odimus: ergo videtur, quod alterum superfluit: quia commissa mala præterita sufficit plangere. Item, Gregorius dicit, quod odium est ira inueterata: & hoc non videtur conuenire de nouo pœnitenti, quia nondum iratus est de peccatis suis.

*Solutio.* SOLUTIO. Dicendum sine præiudicio ad primum, quod pœnitentia delet culpam in quantum est gratia. Vtrum autem aliqua differentia sit & quæ inter gratiam, & virtutem, in secundo libro huius voluminis notauimus: & ideo non oportet hic replicare. Sed tamen in peccato tria sunt, scilicet culpa quæ maculat ex priuatione boni gratuiti & viciatione naturalis, & actus qui inficit potentiam, vitium relinquendo in ipsa, & vulnus quod infligit. Et quantum ad primum

D. Alb. Mag. in Lib. 4. Sentent.

proprie tollitur gratia, quantum ad secundum virtutem, & quantum ad tertium sacramento: & tamen principaliter deletio peccati & culpæ gratiæ actus est: quia virtus in quantum virtus non habet hoc de se, sed potius secundum quod est gratia informata, & similiter secundum quod sacramentum non habet hoc nisi in quantum est causatiuum gratiæ.

DICATUR ergo ad primum, quod licet gratia essentialiter habeat contrarietatem ad culpam in eo quod huiusmodi: non tamen pertingit ad potentias à quibus etiam expellitur peccatum, nisi in quantum vnita est virtutibus: & ideo gratia, & virtutibus, & sacramento remittitur peccatum sufficienter.

AD ALIUD dicendum, quod sicut bene obiicitur in contrarium, virtus infusa, & acquisita studio nostro, differunt essentialiter & formaliter: & ideo quod conuenit vni, non oportet quod conueniat alteri.

AD ID autem quod obiicitur contra hoc, dicendum quod licet causa efficiens sit diuersa: tamen plus quam efficiens importatur in his verbis, virtus infusa, & virtus per medium humanum acquisita: cum enim dicitur infusa, intelligitur illa quæ radicatur in gratia: & cum dicitur acquisita, intelligitur illa quæ relicta est ex consuetudine, quasi coessentialis illi: sicut dicit Philosophus, quod quales sunt operationes, tales sunt & habitus: & ideo oportet, quod illæ virtutes differant essentialiter.

AD HOC quod obiicitur, quod virtus purgat peccatum, dicendum quod hoc facit virtus gratia informata, & non alia, sicut dictum est. Et per hoc patet solutio ad totum quod obiectum est de prima parte diffinitionis.

AD ID quod vltius quæritur, scilicet de *Ad quæstionem.* plangere, & odire, dicendum quod duo sunt essentialia peccato, & duo quæ coexistunt: & ideo tanguntur quatuor in hac diffinitione. Primum essentialiale est detestari peccatum commissum in quantum huiusmodi, sicut prius dictum est, & hoc notatur per plangere. Remansit autem radix illius peccati & reatus, & respectu eius est odium commissi criminis, & supponit hoc odium iram per zelum. Primum autem quod coexistit est propositum emendationis per confessionem & satisfactionem. Secundum est propositum vltra non committendi. Sic ergo quatuor sunt in pœnitentia. Vnum respectu actus commissi, secundum respectu radice: & tertium coexistit respectu præteriti, & quartum coexistit respectu futuri: quæ duo necessaria sunt, ne sit fictus ipse pœnitens. Et per hoc patet solutio ad duo vltima.

## ARTICVLVS XIX.

*An eleemosyna auferat culpam, & peccatorem mundum faciat?*

DEINDE quæritur de hoc quod dicitur *ibi* [Nec ad hoc emendus quodammodo vt ea semper liceat impune committere, &c.] Videtur enim hoc esse falsum per hoc quod dicitur Luc. 11. Veruntamen quod superest, date eleemosynam: & omnia munda erunt vobis. Ergo videtur, quod per eleemosynam habetur munditia generalis.

X 3

2 Item,



2 Item, 1. Timoth. 4. Pietas ad omnia valet, promissionem habens vitæ quæ nunc est, & futuræ. Si igitur ad omnia valet pietas, videtur quod valeat ad peccati abolitionem.

3 Si forte dicas, quod hoc intelligitur de pietate quæ est informata gratia gratum faciente. Contra: Ambros. ibidem in Gloss. Pietas quæ operatur bona, fratribus valet ad promerendum diuina: omnis enim summa Christianæ disciplinæ in pietate & misericordia est, quam aliquis sequens, si lubricum carnis patitur, sine dubio vapulabit, non tamen peribit. Sed lubricum carnis non patitur iustus. Ergo videtur, quod existens in mortali peccato, emat sibi eleemosynas impunitatem.

4 Item, Hoc videtur per illud quod habetur Dan. 4. vbi regi impio dixit Daniel, Rex consilium meum tibi placeat, & peccata tua eleemosynis redime, & iniquitates tuas misericordiis pauperum.

5 Videtur idem per rationem. Duæ enim sunt partes iustitiæ, scilicet declinare à malo, & facere bonum: & declinare à malo, vt communiter dicitur, vitat pœnam: ergo multo magis facere bonum: sed facit bonum etiam qui extra charitatem ex misericordia sustentat pauperes propter Deum: ergo vitat pœnam: sed non potest vitare pœnam, nisi eleemosyna auferat culpam: ergo videtur, quod valeant tales eleemosynæ ad culpæ dimissionem.

6 Item, Ambros. dicit, quod præcedit quidam in peccatoribus quo digni sunt iustificatione: sed quod præcedere potest, præcipuum in eis, est misericordia & pietas in pauperes: quia in illis, vt dicit idem Ambros. existit summa vitæ Christianæ: ergo videtur, quod hoc faciat dignum vt culpa remittatur.

7 Item August. in ench. Quibus profunt suffragia mortuorum, vel ad hoc profunt vt sit plena remissio, vel certe vt tolerabilior sit ipsa damnatio: ergo multo magis eleemosyna per seipsum facta, valet ad tolerabiliorem damnationem: sed non potest, nisi mortale à Deo solvatur: ergo videtur, quod valet ad quorundam peccatorum dimissionem.

8 Item, Ab omnibus supponitur, quod nulum bonum irremuneratum. Ponamus ergo, quod aliquis extra charitatem existens, faciat multa de genere bonorum, & eleemosynas, & non remuneretur hic: ergo remunerabitur in futuro: sed non potest remunerari quoad pœnæ dimissionem, existente culpa punienda, quia hoc esset contra Dei iustitiam: ergo videtur, quod dimittatur ei culpa: ergo sibi emit impunitatem. Si forte dicas, quod tales remunerat Deus hic: nihil est contrarium: quia potest non remunerare, et si remuneret: & falso & non impossibili posito, quod accidit, debet esse falsum & non impossibile: sed accidit, quod non remuneret aliquod bonum: & hoc est impossibile iusto Deo.

9 Item videtur, quod non sufficienter possit Deus hic remunerare: quia non est remuneratus aliquis, si accipit minus valens pro magis valenti: sed opus pietatis etiam informe, plus valet omni terreno lucro: ergo per nullum terrenum bonum sufficienter remuneratur: sed quicquid datur hic, est terrenum bonum: ergo non potest hic sufficienter remunerari. Quod autem opus informe

pietatis plus valeat omnibus terrenis bonis, patet: quia etiam vita ciuilis ponitur optima in vita, vel ad minus melior omni voluptate, & diuitiis, & honoribus: videtur ergo male dicere August. in litera.

SED CONTRA: Augustinus dicit, quod existens in peccato mortali, non est dignus pane quo vescitur: ergo videtur, quod nihil quod facit, potest sibi emere aliquid à Deo quantum ad dignum: ergo nec impunitatem.

2 Item, Equaliter displicet Deo impius & impietas eius, vt dicitur Sapient. 14. sed displicentis opus non potest Deo esse placens: ergo impius nihil potest facere, vt videtur, nisi prius fiat pius & iustus: hoc autem non potest fieri sine gratia gratum faciente: ergo sine gratia non potest facere aliquod opus, per quod aliquid apud Deum mereatur: ergo nec emere impunitatem.

SOLUTIO. Dicendum, quod bona facta extra charitatem, valent ad multa de quibus infra sequenti distinctione quaestio erit: sed hic non est dubium nisi de eleemosyna. Et ideo dicendum, quod eleemosyna valet ad gratiæ approximationem hic, & in futuro ad tolerabiliorem pœnam, vt hic dicitur: sed utroque modo per accidens. Vnus modus est: quia per hoc quod consuecit eleemosynis, retrahitur à peccatis, & ita pauciora committit peccata, quam si totus intenderet peccatis, & in peccato continuaret: & quia subtrahitur culpa quæ fieret si eleemosyna non esset, subtrahitur etiam pœna quæ culpam sequeretur. Alius modus est: quia qui pietati consuecit, incipit ei placere bonum, & per consequens libido mali & contemptus Dei remittitur in ipso, & ita non peccat ex tanta libidine vt alias, nec ex tanto contemptu: & ideo suum peccatum est minus quoad radicem peccandi, quam alterius cui opera pietatis non sunt: & ideo sequitur etiam minor pœna, & per consequens tolerabilior damnatio.

DICO ergo ad primum, quod illud Luc. 11. Date eleemosynam, &c. intelligitur accommode, hoc est, supra omnia alia bona fortunæ quæ habetis ad vsum vobis concessa, non propter hoc tota vita efficitur munda: sed sensus est, quod ex bonis fortunæ illicite retentis, non generatur eis peccati immunditia.

AD ALIUD dicendum, quod pietas ad omnia valet: sed non pietas informis, sed potius formata de qua ibi loquitur Apostolus.

AD ALIUD autem quod obiicitur per Gloss. Ambros. ibidem, dicendum quod lubricum carnis non significat ibi lubricum mortale, sed veniale quod continue oritur ex concupiscentia: & ille talis non peribit: quia licet veniale sit dispositio ad mortale, tamen continetur talis per opera pietatis in bono ne pereat.

AD ALIUD dicendum, quod Danielis intentio fuit, quod rex primo vitam corrigeret per pœnitentiam, & tunc valerent ei eleemosynæ ad peccati dimissionem ex parte debitæ pœnæ, quam minabatur ei visio quam viderat.

AD ALIUD dicendum, quod declinare à malo dicitur dupliciter, scilicet non facere malum secundum quod non dicit nisi negationem operis mali: & sic verum est, quod non euigat nisi pœnam, & non est pars iustitiæ proprie loquendo. Secundo dicitur declinare à malo, velle non facere



Lib. 3.  
dist. 23.  
& 10.

facere malum, & sic ponit actum interiorem, & meretur palmam, & est pars iustitiæ: sed facere bonum informe non est pars iustitiæ, sed dispositio ad ipsam, ut supra dictum est. Cum autem dicitur, quod non facere malum vitat pœnam, non intelligitur de ea quam quis meruit per peccatum præcedens, sed potius de ea quam incurreret, si malum faceret, quod non fecit: & hoc modo facere bonum in forme vitat pœnam: sed tunc non sequitur, quod propter ipsum aliquod dimittatur peccatum, cui pœna debetur vel pœna quæ debetur peccato perpetrato.

AD ALIUD dicendum, quod Ambrosius loquitur de merito & dignitate congrui, non condigni: minus enim incongruum est dare gratiam exercitatis in elemosynis, quam aliis qui elemosynis non intendunt.

AD ALIUD dicendum, quod sicut multi Doctorum dicunt, Augustinus vocat damnationem ibi incendium ignis purgatorii, & non inferni: omnes autem qui sunt ibi, habent charitatem & opera gratia informata. Vnde nihil tunc probatur de proposito per verbum Augustini. Si autem dicatur, quod intelligitur de his qui inferno sunt, tunc dicendum est, quod suffragia non profunt nisi per accidens, ut dictum est, & ita profunt opera quæ sunt extra charitatem.

AD ALIUD dicendum, quod nullum bonum est irremuneratum: sed non oportet, quod remuneretur præmio sibi non respondente, & incomparabiliter magis valente. Vnde dicimus, quod talia quæ non valent æternum præmium, in æternitate non remunerantur: sed & præcipua remuneratio est hic: quia per illa gratiæ viciniore efficiuntur: & hoc est spirituale præmium, & melius quam opera eorum. Hoc autem quod contra obijciendo dicitur, quod quicquid hic datur, est terrenum, falsum est: quia multa spiritualia dantur hic etiam his qui in peccato mortali sunt quandoque & præcipue his qui exercentur in elemosynis. Et per hoc patet solutio ad totum.

## ARTICULVS XX.

*An omnia ante acta bona per penitentiam sequentem viuificentur?*

**D**Einde quæritur de hoc quod dicitur ibi [Mortificatur enim illa penitentia, & alia ante acta bona, &c.] Gratia enim huius videntur esse hic inquirenda quinque, ut perfectius hæc littera intelligatur: quorum primum est, Vtrum omnia ante acta bona per penitentiam sequentem viuificentur? Secundo, Si non omnia, vtrum omnia mortificata? Tertio, Vtrum quoad omnia quæ in ipsis sunt, viuificentur, vel quoad aliqua. Quarto, Per quid viuificentur? Quinto, Quid ibi vocetur vita?

Videtur autem contra primum, quod omnia ante acta bona per sequentem penitentiam viuificentur, siue fuerint mortua, hoc est, in mortali peccato facta, siue fuerint mortificata, hoc est, in charitate facta, & per consequens peccatum mortificata. Et obijciunt sic: Dicit Adamantinus super Iosue. Sunt in Ecclesia credentes quidam & acquiescentes præceptis diuinis, erga seruos Dei

religiosi & officiosi, & ad ornatum Ecclesiæ vel ministerium Ecclesiæ satis prompti: sed in conuersatione propria obscenis vitiis inuoluti, nec omnino deponentes veterem hominem cum actibus suis, nihil adhibent emendationis morum vel inuolutionis. Istis ergo Christus Iesus salutem concedit: sed quandam insaniam notam non euadent. Ex his colligitur, quod bona facta in mortali peccato vel per se, vel per viuificationem sequentem facta, valent ad vitam æternam.

2 Item, Adamantinus ibidem, Iesus videns angustum in fide propositum, moderationem iustissimam seruat, ut salutem consequantur qui parum fidei habent: nec tamen summam regni vel libertatis accipiunt: quia fides eorum nullo operum nobilitatur accessu. Ex his colligitur idem quod prius.

3 Item, Leuit. 25. super illud, Si attenuatus frater tuus vendiderit possessiunculam suam, &c. dicit Glossa. quod possessiuncula est hæreditas vitæ æternæ, quæ venditur mortali peccato: & dicit Glossa. & textus, quod si redimere voluerit, fructus computabuntur ex die qua vendidit: sed fructus ex die qua vendidit, fuerunt post mortale peccatum: ergo & per consequentem penitentiam mortui computantur: ergo ea quæ fiunt in mortali peccato, computantur ad vitam: ergo viuificantur per sequentem penitentiam.

4 Item, Per rationem obijciunt sic: Si aliqua duo ordinantur ad vnum tertium, essentialius participabit illud tertium, quod ex duobus vicinior ordinatur ad ipsum: sed bonum naturæ & moris quod dicitur de genere bonorum, ordinatur ad bonum gratiæ quod dat vitam: ergo essentialius participabit vitam gratiæ, quod vicinior est: sed bonum moris vicinior est: igitur participabit vitam plus quàm bonum naturæ: sed bonum naturæ viuificatur: ergo bonum opus quod est de genere boni. Quod autem vicinior ordinetur ad gratiam, sic probatur: Dicit Ambrosius, quod præcedit quiddam in peccatoribus quo digni sunt iustificatione: & hoc non est nisi bonum quod dicitur de genere bonorum, siue bonum virtutis informis: ergo bonum illud dignum facit hominem, & non bonum naturæ ut consequatur vitam: ergo vitæ vicinior est: & hoc est quod intendimus probare.

5 Item, Supponamus modo opinionem eorum qui dicunt, quod naturalia fiunt gratuita, & procedo tunc sic. Quod melius & perfectius est in bonis informibus, magis natum est fieri gratuitum: sed actus virtutis moralis, ut probat Philosophus primo ethic. perfectior & melior est, quam habitus: ergo magis natus est fieri gratuitus, quam habitus: & habitus viuificatur, quia naturalia fiunt gratuita: ergo multo magis actus. Si dicas, quod hoc non potest esse, quia habitus manet & actus eius transit: hoc nihil est: quia simpliciter in operibus mortificatis transit actus, & tamen viuificari dicuntur per sequentem penitentiam.

6 Item, In naturis est multo maioris potentia viuificare mortificatum sicut occisum, quam quod nunquam habuit vitam, potuit tamen habere. Exemplum est, quod plus est viuificare interfectum, quam embrionem qui potuit viuere & nunquam vixit: sed qui potest quod plus est, potest & quod minus est, ut dicit Boëtius: ergo



si gratia potest viuificare mortificatum opus, potest & viuificare, quod nunquam vixit, potuit tamen viuere: sed potest illud, vt dicitur in litera: ergo & istud: sed opus quod nunquam vixit, potuit tamen viuere si affuisset gratia, est opus mortuum: ergo opera mortua per gratiam sequentem possunt viuificari.

*Sed contra.*

SED CONTRA hoc est quod dicitur in litera.

2 Item, Peccator non habet opus ordinatum ad vitam nisi per motum gratiæ: sed ipse non est in gratia: ergo nihil de potentia vitæ ab eo transit in opus: sed quod nullam habet potentiam vitæ, non est viuificabile: ergo tale opus viuificari non potest.

3 Item, In naturis à non viuo generatur non viuum, & non habens potentiam ad vitam, sicut patet in mineralibus: ergo & in moralibus similiter erit: sed peccator est non viuens: ergo opus quod generatur ab ipso, nec viuit, nec potentiam habet ad vitam: ergo per sequentem potentiam non potest viuificari.

*Solutio.*

SOLUTIO. Dicendum, quod in veritate sicut omnes confitentur, opera mortua viuificari non possunt, eo quod sicut vltima probauit obiectio, nulla potentia ad vitam transit in generatum à generante quod non viuit, nisi per accidens generetur in ipso, sicut vermis à putrefacto.

AD ID ergo quod obiicitur per Adamantinum, dicendum quod Adamantinus signum salutis in Ecclesia inter fideles, & in initionem quorundam sacramentorum vocat salutem: & talem consequuntur habentes fidem informem, qui per Gabaonitas significantur. Et quod ita sit, per Isidorum probatur Iosue 9. qui sic dicit in Gloss. ibidem: Gabaonitæ significant eos qui credunt, & erga seruos Dei deuotionem, vel Ecclesiæ cultum videntur habere: nihil tamen emendationis habent in moribus: tales tantummodo quidem signum salutis intra Ecclesiam proferunt: inter spirituales autem, id est, inter Sanctos Dei regnum æternū vel libertatem non cōsequuntur. Hæc sunt verba Isidori quasi Glossantia verba obscura Adamantini. Per hoc etiam patet solutio ad sequens. Vel possumus dicere, quod est salus in re, & salus in spe: prima beatorum, secunda autem itinerantium. Et hæc adhuc est duplex, scilicet informans fidem & spem: & hæc est Sanctorum: vel informis, & hæc est eorum qui obscenis actibus viuunt in Ecclesia, recte tamen credentes & opera de genere bonorum facientes. Et de hac vltima sola loquitur Adamantinus.

AD ALIUD dicendum, quod post peccatum & ante pœnitentiam nullus est vitæ fructus in homine, sed lex: & similiter Gloss. intelligitur de his quæ sunt post compunctionem, & ante satisfactionem exteriorem iniunctam à sacerdote: illa enim omnia debet attendere sacerdos, & computare in redemptionem hæreditatis æternæ. Vel aliter potest dici, quod intelligitur de bonis factis in mortali peccato: sed dupliciter aliquid computatur in sortem, scilicet vt est pars sortis, & sic intelligitur in Gloss. quia nihil est pars sortis nisi opus meritorium: vel vt impediens excrescentias vsurarum, & sic computantur opera meritoria in partem sortis, quia per illa detinetur homo ne ruat de peccato in peccatum, eo quod vsura præcedentis quasi est peccatum sequens: & per

illa bona etiam vicinatur gratiæ, vt dictum est in anteriori quæstione.

AD ALIUD dicendum, quod illa opinio quæ dicit, quod naturalia sunt gratuita, non intelligitur secundum fieri, quod essentialiter hæc fiant illa, quia hoc est impossibile, & quasi hæresis: sed dicit hæc fieri illa quia possunt coexistere illis, & cum illis aliquid boni afferre subiecto, sicut facilitatem operandi bene, & huiusmodi: & tunc virtus dicitur fieri gratuita, quia manet: sed actus nullo modo manet, nec habet potentiam ad vitam, sicut vltima obiectio probauit, & ideo viuificari non potest. Ad hoc autem quod dicit, quod actus mortificatus etiam non manet: dicendum, quod sicut infra habetur in hac quæstione, quod actus ille ad minus manet in corpore mystico, sed mortuus actus nullo modo: & ideo non est simile.

AD ALIUD dicendum, quod non est simile quod adducitur de naturis: quia interfectum corruptum est non solum in actu vitæ, sed etiam in potentia ad vitam: sed non sic est de mortificato in moralibus: quia solum est priuatum vita, & est in potentia ad vitam: & id quod non habet vitam in moribus, & procedit à non habenti vitam, non est simile embrioni qui procedit à viuo à quo accipit potentiam ad vitam. Et sic patet solutio ad totum.

## ARTICVLVS XXI.

*Vtrum omnia mortificata possunt viuificari?*

Secundo quæritur, Vtrum omnia mortificata possunt viuificari? Videtur autem quod non: est enim vita, vt dicit Philosophus, actus continens spiritus: ergo conseruabitur vita in viuo, principiis vitæ conseruatis: si autem causa per se conseruationis vitæ, est conseruatio principiorum vitæ in viuo, destructa vita, necessarium est principia vitæ vel aliquod principiorum destructum esse: oportet ergo in hoc opere mortificato destructa esse principia vitæ: sed destructis principiis vitæ, destruitur potentia ad vitam, & destructa potentia, non est illud viuificabile: ergo cum in mortificato destructa sit potentia vitæ, remanet mortuum opus non viuificabile: ergo non viuificatur.

2 Item, Quicquid potentia viuit, per modum illum quo potentia viuit, habet esse: sed opus mortificatum nullo modo habet esse tempore sequenti pœnitentiæ, & etiam tempore mortalis peccati quod est ante pœnitentiā: ergo nullo modo viuificatur. Probatio mediæ. Si opus illud est, non potest esse nisi in actu, vel habitu: sed constat, quod in actu non est: nec etiam in habitu, quia habitus virtutis cuius erat elicere illud opus, destructus est per peccatum mortale: ergo, & cætera.

3 Item, Ezech. 18. Si iustus auerterit se à iustitia sua, & fecerit peccatum, non erunt in memoria iustitiæ priores: ergo non recordabuntur ad iustificationem.

4 Item, Actus est accidens: ergo non est nisi quando inest: sed non inest tempore peccati: ergo non est: & quod non est, non viuificatur,



uificatur : ergo actus ille non iustificatur , vt videtur.

*Sed contra.* CONTRA hoc sunt auctoritates Sanctorum, quæ ponuntur in litera.

2 Item, Hieronym. super Galat. Si pœnituerint, redibunt ad vitam.

3 Item, August. Pœnitentia est res optima & perfecta, quæ omnes defectus reuocat ad perfectum : ergo etiam deficiens meritum per sequens peccatum : & non reuocat nisi viuificet : ergo viuificat opera mortificata.

4 Item, Non potest esse fortius peccatum quam meritum : sed si omnia interimerentur per peccatum, fortius esset peccatum : ergo non in toto interimitur opus meritorium : ergo aliquid in eo remanet de potentia ad vitam.

5 Item, Meritorio operi æternum præmium debetur : ergo si non debetur ei, iniuste agitur cum ipso : sed si occiditur, non habebit suum præmium : ergo in eo manet adhuc potentia ad vitam : sed quod habet potentiam ad vitam, potest viuificari : ergo, &c.

6 Item, Apoc. 3. Tene quod habes ne alius accipiat coronam tuam. Et hæc etiam corona debita est operibus præsentis iustitiæ : ergo ista perditæ, alius potest eam accipere : ergo remanent opera meritoria, etiam isto perdente : sed eadem ratione qua remanentia possunt dari alijs, possunt restitui & isti : ergo possunt viuificari per pœnitentiam sequentem.

*Solutio.* SOLVITIO. Dicendum, quod opera mortificata per sequentem pœnitentiam viuificantur : & vt hoc intelligi possit competentius, est sciendum, quod opus meritorium non accipit vitam ab operante, sed potius ab ipsa gratia : & dicitur viuere effectiue, quia dat vitam merenti & operanti. Gratia autem consideratur dupliciter, scilicet in quantum subiectum informat & actum, & sic ipsa est accidens, & non potest dare vitam : & in quantum est similitudo quædam bonitatis diuinæ & accepta Deo & omne id in quo est ipsa, & sic dat vitam, & est principaliter in acceptante, hoc est, in Deo respectu tamen operis & operantis. Et quia acceptio Dei quæ est respectu operis facti in charitate Dei, semper manet, ideo manet opus etiam post mortale peccatum, non simpliciter, sed prout respectu ipsius est acceptio diuina. Veruntamen influxus vitæ ab acceptione Dei & opere accepto impeditur propter mortale peccatum quod est in isto : ita scilicet, quod per illud opus acceptio Dei non influit illi vitam : sed reputatur alijs quodammodo, sicut dictum est 40. distinct. 1. lib. vbi ostensum est de hoc qualiter intelligitur illa auctoritas Apocal. Tene quod habes, &c.

*a. n. & 17.* PATEt igitur solutio ad primum : quia opus non destruitur secundum quod est sub acceptione diuina : quia semper illud opus acceptum est, & non est principium vitæ nisi sic consideratum : sed influxus vitæ impeditur per mortale peccatum : & ideo non est verum, quod in mortificato destruat potentia vitæ : quia non est mortificatum in se, sed potius quoad istum ne influat illi vitam, & remoto obstaculo influit sicut prius. Et quod opera ibi maneant, patet per illud Matth. 6. Thesaurizate vobis thesauros in cælo. Thesauri enim illi, sunt thesauri meritorum in scientia & approbatione diuina conscripti. Et per illud

2. Timoth. 1. Scio cui credidi, & certus sum quia potens est depositum meum seruare in illum diem iustus iudex.

AD ALIUD dicendum, quod opus per illum modum est, quo est principium vitæ, vt iam dictum est : quia in acceptione diuina nunquam destruitur : quia placuit Deo propter formam gratiæ quæ erat respectu illius operis : & ideo obiectio illa falsum supponit.

AD ALIUD dicendum, quod intentio Prophetæ est, quod non recordabuntur iustitiæ quoad iustum : sed tamen manent simpliciter sub recordatione, vt dictum est : & sic patet responsio ad totum.

AD ALIUD dicendum, quod hoc verum est, quod non manet vt est accidens, sed quoad illam rationem, vt iam dictum est.

## ARTICVLVS XXI.

*An opera mortificata quoad omnia quæ sunt in ipsis, viuificantur?*

TERTIO quæritur, Vtrum viuificentur quoad omnia quæ sunt in ipsis? Videtur enim, quod sic : quia August. dicit, quod pœnitentia est res optima & perfecta quæ omnes defectus reuocat ad perfectum : ergo quicquid deficit in bonis per peccatum, reducit ad vitæ fructum per pœnitentiam : ergo omnia viuificantur.

2 Item, Semper potentior est virtus, quam peccatum : sed peccatum extinguit omnes virtutes quando sequitur eas : ergo etiam pœnitentia viuificat omnes quando subsequitur peccatum.

3 Item, Roman. 6. Non sicut peccatum ita & bonum. Et hoc ideo : quia bonum secundum se est : & malum in respectu, & inutile, & pigrum : si ergo malum potuit occidere bonum, multo magis bonum potuit ea viuificare.

CONTRA : Virginitas est quidem de maximis bonis : & non viuificatur, nec redimitur, nec restituitur : quod patet per Hieron. in quadam epistola ad Eustochium virginem, qui dicit sic : Audenter loquar : cum omnia Deus possit, suscitare non potest virginem post ruinam.

2 Item, Apocal. 3. Tu nomen habes, quod viuas, & mortuus es : esto vigilans, & viuifica cætera quæ erant mortua. Ex hoc accipitur, quod aliquis mortuus habuit aliqua opera viua, & viua non viuificantur : ergo non omnia opera mortua vel mortificata indigent viuificatione.

*Solutio.* SOLVITIO. Dicendum, quod opera mortificata eo modo quo mortua fuerunt, omnia viuificantur per pœnitentiam sequentem, sicut innuitur in litera.

AD ID quod obiicitur de virginitate, sumatur in litera primo auctoritas Hieronymi, quæ totum contrarium dicit super Osee 2. vbi dicit sic, Vide quid sit inter Dei conuenientiam & hominum : homo enim uxorem accipit, de virgine mulierem facit, id est, non virginem siue corruptam : Deus etiam meretricibus copulatus, eas mutat in virgines. Hanc contrarietatem attendens Magister Hugo de sancto Victor. soluit dictum Hieronymi sic, Cecidit : non adiiciet vt resurgat virgo Israël. Amos 5. Quædam verba ambigua Hieronymus hic posuit dicens sic, Cum Deus omnia possit,



possit, de corrupta non potest facere non corruptam: tamen si de corruptione carnis hoc intelligatur, stultum est sic sentire: quia homo carnem suam vitare posset, Deus autem sanare non posset. Si autem de corruptione cordis intelligatur: hoc similiter stultum est dicere: quia homo peccare posset, Deus autem iustificare non posset, & tantum iustificare quantum iste peccare. Si autem idcirco illud non posse dicitur Deus, quia factum est: & quod factum est, non factum esse non potest: quia quod verum est, falsum esse non potest: & idcirco non potest, quia contra veritatem non potest: quia si contra veritatem posset, contra seipsum posset qui veritas est: pondus habet hoc dictum maius, quam si diceretur de alio quolibet quod factum est, & iam non factum esse non potest. Hæc sunt verba Hugonis. Pondus autem quare magis dicitur de illo quam alio præterito, est: quia descendisse mentem voluntarie super actualem & præsentem carnis delectationem, facit corruptionem virginis: & hoc præteritum inducit statum ignobilem in mente & corpore, quod non facit aliud peccatum. Patet igitur, quod secundum quod virginitas fuit meritoria, restituitur: quia penitentia restituit integritatem puritatis à peccato, sed non integritatem status secundum dignitatem.

AD ALIVD dicendum, quod Apoc. loquitur de Ecclesia in qua quidam vivebant, & quidam mortui erant, sed morituri exemplo aliorum: & ideo monet vigilare: & ideo nihil valet obiectio.

## ARTICVLVS XXIII.

*Per quid viuificantur opera mortificata?*

**Q**uarto quæritur, Per quid viuificantur? Et videtur, quod per iustitiam generalem. Eius est iustificare cuius est impurum facere purum: hoc est iustitiæ generalis: ergo etiam illud. Hoc etiam videtur per illud quod dicitur in Ezechiel. 18. Si autem impius fecerit iustitiam vita viuet, & non morietur: in iustitia sua quam operatus est, viuet.

VIDETVR, quod hoc sit fidei quia Roma. 1. Hebr. 10. & Habacuc. 2. dicitur, iustus autem ex fide sua viuit.

VIDETVR autem, quod sit charitatis effectus: dicit enim Augustinus, quod charitas est vita animæ.

ITEM videtur quod gratia: quia vita diuiditur in vitam naturæ, & vitam gratiæ, & vitam gloriæ: ergo vita erit à gratia: sed cuius est iustificare, eius est vita: ergo gratia viuificat opera mortua.

CONTRA hoc est quod dicitur in littera, quod hoc est penitentia: & hoc accipitur à verbis Bernardi in Canticis sermone 16. sic dicentis, Sensum ex integro recuperasse te scias, si tuam conscientiam sentis quadruplici compunctione morderi, pudore gemino, & gemino metu: nam vitam ad perficiendum septenarium triplex confessionis species attestatur. Et loquitur de miraculo Elisei qui penitentialiter oscitauit septies: ergo partes confessionis & compunctionis atte-

stantur vitæ & sensui restituitis: ergo de mortuis faciunt viuos.

SOLVTIO. Dicendum, quod vita est actus gratiæ proprie & primo, sicut etiam notatum inuenies super secundum: & non conuenit virtuti primo, sed potius per posterius: & ideo diuerso modo attribuitur diuersis virtutibus. Penitentia autem est sicut remouentis causam mortis à parte materiæ siue subiecti: quia ipsa est causa iustificationis prior ea ratione, non tempore, ut supra dictum est. Et hoc modo loquitur Magister, quando attribuit ei iustificationem operum mortuorum.

AD PRIMVM ergo dicendum, quod iustitia dicitur causa vitæ potius in operibus viuis, prout dicitur, quod opera ostendunt viuum: quia ipsa prima est ex parte termini ad quem est motus in iustificatione impij. Vnde iustitia non proprie dicitur causa vitæ, sed potius consequens vitam, & ostendens eam per rectitudinem actus: & sic iustus ex iustitia dicitur viuere, sed post viuere simpliciter.

AD ILVD quod probauit, quod iustitia est causa vitæ, dicendum quod iustitiæ non dicitur esse iustificare, sicut efficientis, sed potius sicut formæ ad quam mouetur ille qui iustificatur. Sed bene conceditur, quod eiusdem est iustificare, cuius est viuificare per modum efficientis.

AD ALIVD dicendum, quod dictum Ezech. intelligitur de vita gloriæ quæ datur bene operanti in operibus iustitiæ: nos autem loquimur hic de primo actu vitæ, qui restituitur à non esse in esse spirituale secundum gratiam, secundum quod dicit Philosophus, quod viuere in viuentibus est esse.

AD ALIVD dicendum, quod fidei attribuitur vita sicut vitam primo ostendenti, & aliquo modo facienti, non quidem per se, sed potius prout est informata gratia. Et huius exemplum est in luce: quæ manifestat cætera, & etiam viuificat, in quantum in ea est quædam virtus cælestis, quæ diffunditur in ipsa super inferiora. Ita etiam fides secundum quod est cognitio quædam, manifestat ea in quibus est vita, & in quantum est gratia quædam, causat & diffundit vitam eandem.

AD ALIVD dicendum, quod charitas Dei est ea quæ continuat vitam: non tamen oportet, quod sit prima causa eius: quia ad perfecte viuere, post fidem & spem non requiritur nisi charitas, quæ vnit per effectum primo fonti vitæ, scilicet Deo.

AD ALIVD dicendum, quod in principio primæ solutionis dictum est, qualiter viuere est penitentia. Et sic solutum est totum.

## ARTICVLVS XXIV.

*Quomodo & secundum quem modum dicitur vita, quando dicitur, quod opera mortificata sunt viua?*

**Q**uinto quæritur, Secundum quem modum dicitur vita, quando dicitur, quod opera mortua sunt viua? Videtur enim, quod dici non debeat. In nullo enim sic est, quod opera alicuius denominentur & disponantur sicut ipsum operans: ergo opera viui non dicuntur viua, ut videtur, nec etiam



etiam forma vitæ disposita siue informata. Item si album albefiat, albificatio ipsa non proprie alba dicitur, cum tamen albificatio sit propria operatio albi: ergo etiam opera viui non proprie dicuntur viua.

*Solutio.*

**SOLUTIO.** Dicendum, quod viuere dicitur multipliciter valde, sed reducitur ad duo, scilicet secundum esse, & secundum bene esse. Secundum esse dicitur proprie, & metaphorice. Proprie autem dupliciter, scilicet ut causa per se effectiua vitæ in viuo, dicatur vita & viuere, sicut anima, & sicut forma adherens viuo, id est, vitæ participantem ex eo quod est causa vitæ. Sic dicimus corpus viuere & viuum formaliter. Et hoc viuere distinguitur in secundo de anima & per suum signum in illa litera, ubi dicit Philosophus, Multipliciter autem ipso viuere dicto, & si vnum horum in sit solum, ipsam viuere dicimus, ut intellectus & sensus, motus & status secundum locum, aut morus secundum alimentum & detrimentum & augmentum est. Et contentum reducit ad quatuor modos, scilicet intelligere, sentire, moueri, & alimentum uti. Hæc autem sunt signa vitæ animæ, sicut effectus est signum suæ causæ: effectus, dico, proprius & essentialis, qui conuertitur cum causa. Vita autem metaphorice dicta est ad similitudinem huius, & hoc dicitur, scilicet ad similitudinem eius quod est causa vitæ: & hoc est quod dat esse viuo, & permanentiam, & speciem: & sic sumitur vita à Philosopho in octauo physicorum, ubi de motu cæli dicit, quod est quædam vita existentibus, vel ad similitudinem viui, quod tunc viuere dicimus, quando attingit perfectam operationem suam secundum suam speciem, quam habet à virtute cælesti, supra totam speciem influentem: sicut dicimus aquam viuum quæ est in impetu purificandi & infrigidandi, & adamantem viuum cum fortiter attrahit ferrum, & huiusmodi. Sed vita secundum bene esse distinguitur secundum bene esse in sensu, & secundum bene esse secundum rationem. Et secundum bene esse in sensu dicitur vita voluptatis, sicut dicit Aristoteles de Sardanapalo, quod vitam voluptuosam eligens, vitam pecudem elegit. Secundum autem bene esse rationis dicitur viuere secundum bonum rationis, quod est licitum & gratuitum. Et gratuitum duplex, scilicet gratiæ, & gloriæ. Dicendum igitur ad propositum, quod opera dicuntur viuificari vita dicta metaphorice: quia scilicet restituitur homini, quod faciunt in ipso quod faciunt optima opera: & hoc est dignum facere vita æterna. Quia sicut lapis dicitur viuus, quia facit optime propriam operationem, & mortuus qui non potest sic facere: sic opus viuum dicitur, quando potest perficere hoc quod optimum opus facit, & hoc est opus gratiæ, quod potest valere vitam æternam. Et per hoc etiam patet solutio ad obiecta.

## ARTICVLVS XXV.

*An tertia definitio pœnitentia sit bene assignata?*

**P**œnitentia est quædam dolentis vindicta, &c.] Hæc est tertia definitio de pœnitentia. Et videtur mala: quia, sicut Tullius dicit, Vindicatio est species iustitiæ naturalis: sed habitum est supra,

quod pœnitentia non est proprie iustitia naturalis: ergo videtur male dici vindicatio, &c.

2 Item, Tullius dicit, quod vindicatio vel vindicta est, per quam vis & iniuria & omnino omne quod obfuturum est, defendendo aut vlciscendo propulsatur: peccata autem quibus indignatur pœnitentia, nec vi nec iniuria alicuius sunt facta, sed propria voluntate potius: ergo videtur, quod vindicatio non sit de ipsis.

**ITEM** ulterius queritur de hoc quod dicit, *Quæst.* semper puniens in se, &c. Si enim semper punit, semper agit actus pœnitentiæ: sed non potest aliquis secundum vnam potentiam simul pluribus motibus moueri: ergo nunquam mouetur virtute alia. Si dicatur, quod intelligitur semper puniens in habitu, non in actu: videtur falsum esse per id quod dicit, quod ubi dolor finitur, finitur & pœnitentia: ergo videtur, quod semper actualiter teneatur dolere. Si dicas, quod nihil prohibet simul affectu dolere, & alio motu moueri secundum charitatem scilicet, aut aliam virtutem: hoc videtur contra Philosophum in libro de somno & vigilia, ubi dicitur, quod vna potentia animæ existente in actu, retrahitur alia: ergo multo magis vna & eadem si est in actu vno, retrahitur ab alio.

2 Item, Semper dolet & ubi dolor finitur, finitur & pœnitentia: ergo si charitate mouetur in Deum, & non doleat, videtur quod pœnitentia sit finita: & ubi deficit pœnitentia, ibi deficiat gratia, ut dicitur consequenter in litera: ergo qui mouetur charitatē, amittit gratiam, quod falsum est: ergo non semper est dolendum.

3 Item videtur, quod nocivum sit semper dolere: quia dicit Bernardus in Canticis sermone 11. Sic suadeo vobis amicis meis reflectere interdum pedem à molesta, & anxia recordatione viarum vestrarum, euadere in itinera planiora senioris memoriæ beneficiorum Dei: ut qui in vobis confundimini, ipsius intuitu respiretis. Ex hoc accipitur, quod non semper dolendum est de peccatis, sed quandoque exultandum in beneficiis Dei. Item infra parum ibidem. Est quidem necessarius dolor pro peccatis, sed si non sit continuus. Sane interpoletur lætiori recordatione benignitatis, ne forte præ tristitia induretur cor, & desperatione plus pereat. Ergo melius est interpolare dolorem, quam semper dolere: ergo qui vindicat in se peccatum, non semper debet pœnitendo in se vindicare quod dolet commisisse.

**SOLUTIO.** Dicimus ad primum, sicut prius *Solutio.* tactum est, quod pœnitentia induit quandoque rationem iustitiæ, quando iustitia est imperans actum pœnitentiæ: Et sic loquitur hic Augustinus de pœnitentia. Vnde non propter hoc habetur, quod sit species iustitiæ, eo modo quo dicitur species quæ ponitur sub assignato genere. Et est instantia in verbo Aristotelis in topicis, ubi dicit quod si quis bicubitali magnitudine posita dixerit, quod positum est quantitatem esse, quid est dicit, & quantitatem significat. Vbi patet, quod licet alia prædicamenta quandoque accipiant aliquam rationem substantiæ, non tamen proprie dicuntur species eius. Vnde illa forma arguendi non valet: ideo est fallacia accidentis, quod tale est argumentum: vindicatio est species iustitiæ: & pœnitentia est vindicatio quædam: igitur pœnitentia est species iustitiæ.



AD ALIUD dicendum, quod licet peccata cum voluntate hominis sint facta, tamen sunt iniuriæ & nociua, & sic vindicantur. Vnde ab alio habent quod sint voluntaria, & ab alio quod sint iniuriæ: quia voluntaria sunt in actu, prout in actu fit conuersio ad bonum commutabile: sed iniuriæ sunt Dei & hominis, inquantum spoliant gratuitis, & vulnerant in naturalibus: & hoc modo vindicta est in illis.

Ad qua-  
stionem  
lam.

AD ALIUD concedimus, quod spiritus creatus secundum eandem potentiam non mouetur pluribus motibus simul: & bene concedimus, quod quando mouetur alia virtute, non mouetur pœnitentia, si pœnitentia & illa virtus sint in eadem potentia animæ. Sed dictum Augustini intelligitur, quod sic semper doleat, quod nunquam aliquid contrarium dolori admittat. Moueri autem aliis virtutibus non est contrarium, sed conueniens: quia virtus virtuti consona est, & non contraria. Alij autem aliter dicunt: sed quia non intelligo, ideo non curo dicta eorum. Et per hoc patet solutio ad totum.

## ARTICVLVS XXVI.

*An peccator semper debet dolere, & de dolore gaudere?*

**S**ed semper doleat & de dolore gaudeat, &c.] Videtur enim non semper esse dolendum: quia sicut dicit Beda, Contraria contrariis curantur: & quod sanat oculum, non sanat calcaneum. Ergo si aliquod peccatum est cum dolore & tristitia, non est sanandum dolore, sed gaudio & delectatione: sed multa sunt talia, vt iracundia, acedia, inuidia, rancor, & huiusmodi: ergo illa dolore non sunt sananda: non ergo semper est dolendum.

2 Item, 2. Corinth. 2. Confirmetis in illo charitatem, ne forte abundantiori tristitia absorbeat.

3 Item, 2. Corinth. 7. Seculi autem tristitia mortem operatur. Ergo aliqua peccata sunt cum graui dolore & tristitia: ergo non sunt dolore & tristitia sananda: non ergo semper doleantur. Vtremus videtur impossibile quod dicit, de dolore gaudeat. Dolor enim per essentiam in aliquo existens, facit ipsum dolere: sed dolor per essentiam existit in dolente: ergo facit ipsum dolere: non igitur gaudere potest, vt videtur: quia dolor & gaudium sunt opposita.

5 Item, Dolor & gaudium sunt affectiones oppositæ: ergo de oppositis oriuntur: ergo non vnum est causa alterius: ergo non est gaudere de dolore.

6 Item, Eiusdem est gaudere, cuius est dolere: si ergo aliquis gaudet, simul gaudet & dolet: & eiusdem est gaudere & dolere: ergo secundum idem gaudet & dolet, vt videtur.

AD HOC quidam dicunt, quod gaudium est dulce & delectabile dolenti. Et hoc probant per Augustinum in primo confess. dicentem, Si prohiberet legere Didonem extinctam, doletem: quia non legerem quod doletem. Item in eodem lib. 4. de socio suo mortuo, Poscebam animam meam impatientem portari à me, & vbi eam ponerem non inueniebam, non in amcenis nemoribus, non

in ludis atque in cantibus, non in suaue olentibus locis, nec in conuiujs apparatis, neque in voluptate cubilis, non denique in libris atque carminibus quiescebat. Horreri erat ipsa lux: & quicquid non erat quod ille erat, improbum & odiosum erat præter gemitum & lacrymas. Nam in eis solum erat aliquantula requies: & ita solus fletus erat dulcis mihi, & successerat animo meo in delicijs amici. Ex his volunt habere, quod dolor etiam inordinatus potest esse materia & causa gaudij: & ita non valet obiectio prius inducta. Contra: Dulce & delectabile dilatat cor: ergo excitabit risum & gaudium: non ergo fletum & amaritudinem. Si ergo delectabilis erat fletus ex morte amici, iam non esset fletus & tristitia, quod falsum est: ergo redit idem quod prius.

Si dicas, quod dolet gaudens secundum quid, & dolet simpliciter: & hoc non est inconueniens, scilicet simpliciter inesse vnum contrarium, & aliud secundum quid. Contra: Qui pœnit, simpliciter gaudet, quia aliter non sufficeret gaudium suum: ergo videtur, quod gaudium suum non inest ei secundum quid.

2 Item, Differentia est inter dolorem voluntarium, & inuoluntarium: sed in omni voluntario dolore potest esse gaudium secundum quid, sicut in dolore de morte amici: ergo gaudet & delectatur in fletu: ergo cum voluntario dolore videtur esse gaudium simpliciter: sed in pœnitentia est dolor simpliciter voluntarius: ergo & gaudium simpliciter, vt videtur.

3 Item, Gaudium simpliciter adeptus est ex adeptione simpliciter desiderati: sed pœnitens simpliciter adeptus est desideratum, quando adipiscitur dolorem de peccatis: ergo & gaudium simpliciter generatur in ipso.

4 Item, Nihil differt ad generationem gaudij sui, quod quis simpliciter adipiscatur bonum, siue bonum sibi: sed pœnitens adeptus est bonum sibi: ergo simpliciter gaudet.

5 Item, Virtutis (vt dicit Boëtius) iucunda est possessio: sed pœnitentia virtus quædam est: ergo possessio eius est iucunda: sed maxime ab homine in actu possidetur, quando actu dolet: ergo tunc simpliciter iucundatur pœnitens, & gaudet.

6 Item, Galat. 5. super illo, Fructus autem spiritus sunt charitas, &c. dicit Ambrosius, Hæ virtutes fructus dicuntur: quia sincera & sancta delectatione suos delectant possessores.

**SOLUTIO.** Dicendum, quod vt dicit Augustinus, Gaudium est diffusio animi ex conceptione præsentis boni: sicut econtra tristitia est constructio animi ex conceptione præsentis mali, & timor mortis secundum fistolen siue constrictionem in fugam futuri & expectati mali. Spes autem protensio siue dilatio animi in expectatione boni futuri, siue hoc bonum sit simpliciter, siue vt nunc bonum, dummodo illud bonum sit vt bonum per se, & non vt desideratum propter aliud: quia tunc posset in se esse desideratum, non sicut vñ & secari desiderantur propter salutem, cum tamen in se nullus sit qui velit vñ vel secari: vnde etiam talia non simpliciter desiderantur, sed potius sustinentur propter aliquid quod desideratur simpliciter: & ideo propter hoc non contrariantur in talibus velle malum sustinere, & gaudere de hoc quod inducit malum quod sustinetur, sicut



sicut de sanitate. Eodem modo dico, quod nullus vult vel desiderat dolorem in quantum dolor est, sed vult eum potius in quantum est purgatiuus & inductiuius veniæ: & si gaudet de dolore, non gaudet in quantum dolor est, sed potius in quantum inductiuius est iustificationis & liberationis à peccato. Patet igitur, quod hoc modo non est contrarium gaudere & dolere: quia non referuntur ad idem.

DICENDUM ergo ad primum, quod dolor dupliciter consideratur, scilicet ex parte dolentis, & ex parte eiusdem de quo est dolor, ut mouente, & materia circa quam est, & sine: quia omnia ista in talibus incidunt in idem. Si primo modo: tunc consideratur tantum in genere: quia speciem non accipit aliquis nisi ex parte obiecti mouentis. Si autem secundo modo: tunc accipit speciem obiecti mouentis circa quod est dolor: & ex illa parte nihil prohibet dolorem esse contrarium dolori qui est specierum contrarium. Et sic dico, quod dolor qui est in pœnitentia inuidiæ, contrariatur dolori vel tristitiæ quæ est in ipsa inuidia. Dolere enim de prosperitate aliorum inuidiæ est: & dolere de hoc quod sic dolet, contrarius dolor est repugnans illi, & expellens eum. Et sic patet esse verum, quod contraria contrariis curantur. Hanc autem solutionem puto veriore inter omnes. Tamen communis opinio est, quod talia peccata non sunt sine delectatione aliqua, & respectu illius contrariatur eis dolor pœnitentiæ: qui enim tristatur de bono proximi, gaudet de bono proprio. Sed hæc solutio, meo iudicio, parum valet: quia licet inuidia radicem habeat in bono proprio, tamen speciem & substantiam accipit à tristitia boni proximi: & ideo in illa parte debet ei quæri contrarium medicamentum.

PER HOC patet solutio ad secundum & tertium.

AD ID quod vltius quæritur, dicendum quod illo modo quo prædictum est, non est contrarium habere gaudium & dolorem simul: quia non sunt de eodem, nec in eodem secundum idem. Quod non sunt de eodem, patet: quia dolor est de peccatis commissis, gaudium autem de dolore, ut dicitur in littera. Et quod non sunt in eodem secundum idem, patet: quia dolor est in affectu cum contactu sensus, aliquo modo præsentis peccati: sed gaudium est in affectu ex aliquo sensu effectus doloris, & non doloris ut dolor est ex sensu, sed in quantum inductiuius est puritatis quæ redditur per dolorem. Si autem obicitur, sicut

supra notatum est sæpius, quod nos huic opinioni assentimus, quod anima simul non mouetur pluribus motibus, motus autem plures & passionibus plures sunt doloris & gaudij, & nos concedimus quod ista simul stant in affectu, & ideo contrariamur nobis. Dicendum, quod nos non ponimus illa ex æquo esse in affectu, nec ut duos motus, sed ut vnum compositum. Et ut melius intelligatur notandum est, quod quædam est potentia intellectus simpliciter, quam Commentator super primum librum de anima vocat informationem quæ est de incompleto. Et quædam potentia est intellectus compositus siue ratio, quam vocat ibidem Commentator fidem. Accipiendo igitur vnum modum compositionis, qui est per modum compositionis vel ratiocinationis, eo quod dicit Isaac, quod ratio facit currere causam in causatum: dicimus, quod sicut est in conceptu, ita sequitur passio vel motus in affectu. Est autem in conceptu apprehensus dolor voluntarius inductiuius veniæ: ergo sequitur motus in affectu compositus, qui est gaudium de dolore, sic expurgante animam & emundante. Et ita patet, quod non sunt duo motus, sed vnus. Plura autem dicta sunt de hoc in notulis super tertium, vbi agitur de passione Christi.

AD ALIUD quod obicitur de Augustino, quod simpliciter tristabile dulce sit: dicendum quod falsum est: nec hoc intendit, sed voluntas manendi in luctu, est voluntas secundum quid, & hoc dupliciter, scilicet quia vincit contristans & excludit delectamenta, sicut fit in morte amicorum: & tunc non est requies in luctu nisi per accidens, scilicet quia alia requies non inuenitur, eo quod excluduntur consolatoria, vincente tristabili: vel quia ad hoc delectabile habet adiumentum, sicut habent historiæ & fabulæ, quæ licet sint tristitia simpliciter, tamen quia mira quædam præstunt, & homines ex cupiditate audiendi mira, intendunt eis, licet sint tristitia: & ideo talia sunt tristitia simpliciter, & delectabilia secundum quid.

AD HOC quod obicitur contra dictum illud, dicendum quod ego de plano concedo.

AD ID quod obicitur contra solutionem, quod vnum insit per se, alterum secundum quid, dicendum quod in veritate pœnitens dolet & gaudet, ut dictum est: & vtrumque potest concedi inesse simpliciter modo prædicto: quia dolor inest sensuualitati, gaudium vero inest rationi, nec de eodem, nec secundum idem. Nec est ibi aliquid inconueniens.

### *Determinatio intelligentiæ dictorum.*

**D**E pœnitentia perfectorum, vel ad salutem sufficienti intelligendum est quod supra dixit, scilicet, Pœnitentia est vindicta semper puniens quod commisit: & alia huiusmodi. Illud vero, Si pœnitentia finitur, nihil de venia relinquatur: dupliciter accipi potest. Si enim iuxta quorundam intelligentiam peccata dimissa redeunt, facile est intelligere nihil de venia relinqui: quia peccata dimissa iterum replicantur. Sicut enim ille qui ex seruitute in libertatem manumittitur, interim vere



liber est, & tamen propter offensam in seruitutem postea reuocatur: sic & pœnitenti peccata vere dimittuntur, & tamen propter offensam quæ replicatur, iterum redeunt. Si vero non redire dicantur, sane potest dici etiam sic nihil de venia relinqui: non quòd dimissa peccata iterum imputentur, sed quia propter ingratitudinem ita reus & immundus constituitur, ac si illa redirent.

## ARTICVLVS XXVII.

*Qui dicuntur perfecti, & quæ est pœnitentia perfectorum?*

**D**Einde obiicitur de hoc quod dicit *ibi* [De pœnitentia perfectorum, &c.] Perfecti enim sunt qui ex voto se ad perfectionem obligauerunt: & non tantum his conuenit semper in se pœnitere, sed etiam aliis: quia omnes debent habere propositum perseverandi in pœnitentia.

Solutio.

**SOLVTIO.** Dicendum, quòd perfecti vocantur hic illi qui secundum statum pœnitentiæ hic sunt perfecti, & illi sunt qui continuant pœ-

nitentiam vsque ad mortem. Est enim perfectio pœnitentiæ secundum esse, & secundum bene esse in consecutione finis. Secundum esse quatuor exiguntur ad perfectionem pœnitentiæ, scilicet reuocatio à malo, dolor de commissio, propositum non committendi, & diligentia satisfaciendi. Secundum bene esse quæ in consecutione finis est, quando actu continuatur vsque ad salutem post mortem: vnde Ambros. Sicut charitas alia est incipiens, alia proficiens, alia perfecta: sic pœnitentia aliqua incipientium est, aliqua proficientium, aliqua perfectorum. Et per hoc patet solutio ad obiectum: quia non loquitur hic de tali perfectione quæ est per votum, vel in signo habitus religionis.

*De solenni & unica pœnitentia.*

De pœn.  
dist. 3.  
c. Repe-  
riuntur.

Ad Ma-  
cedoniũ  
ep. 54.

Super  
Leuit.  
cap. 15.  
hor. 15.

**ILLUD** autem quod Ambros. ait, Reprehenduntur, &c. Et sicut vnum baptisma, ita & vna pœnitentia: non secundum generalem, sed secundum specialem morem Ecclesiæ de solenni pœnitentia dictum intelligitur, quæ apud quosdam semel celebrata non iteratur. Item illud aliud Ambrosij, Pœnitentia semel usurpata nec celebrata, & fructum prioris aufert, & vsum sequentis amittit: de solenni intelligitur. Solennis ergo pœnitentia, vt Ambros. in eodem ait, est quæ fit extra Ecclesiam in manifesto, in cinere, & cilicio: quæ pro grauioribus horrendisque ac manifestis delictis tantum imponitur: & illa non est iteranda pro reuerentia sacramenti, vt ne vilescat & contemptibilis fiat hominibus. Vnde August. Quamuis caute & salubriter prouisum sit, vt locus illius humillimæ pœnitentiæ semel in Ecclesia concedatur, ne medicina vilis vel minus utilis esset ægrotis: quæ tanto magis salubris est, quanto minus contemptibilis fuerit. Quis tamen audeat Deo dicere, Quare huic homini qui post pœnitentiam primam rursus se laqueis iniquitatis obstringit, adhuc iterum parcis? Origenes quoque de hac solenni pœnitentia, quæ pro grauioribus criminibus iniungitur, ait: Si nos aliqua culpa mortalis inuenerit, quæ non in crimine mortali, vel in blasphemia fidei, sed in sermonis vel in morum vitio consistat: hæc culpa semper reparari potest: nec interdicatur aliquando de huiusmodi pœnitentiam agere, sed non ita de grauioribus criminibus. In grauioribus enim criminibus semel tantum pœnitentiæ conceditur locus. Communia quæ frequenter incurrimus, semper pœnitentiam recipiunt, & semper redimuntur. Communia dicit venialia peccata, & forte mortalia quedam aliis minus grauiora.



grauia : quæ sicut sepe committuntur , ita frequenter per pœnitentiam redimuntur. Sed de grauioribus criminibus semel tantum agitur pœnitentia , scilicet solennis. Nam & de illis , si iterentur, iteratur pœnitentia , sed non solennis , quod tamen in quibusdam Ecclesiis non seruatur.

ARTICVLVS XXVIII.

*Quot sint modi pœnitentia ?*

**D**Einde quæritur de hoc quod dicit *ibi* [Solennis pœnitentia , vt Ambrosius, &c.] Notandum ergo, quod tres sunt modi pœnitentiæ, scilicet solennis, priuata, & publica. Solennis est quæ incohatur in principio quadragesimæ, quando pœnitens ponitur extra Ecclesiam. Hanc autem eiectionem pœnitentis debet facere Episcopus cum Presbyteris, qui modum culpæ nouerunt: & non est imponenda nisi pro crimine quod totam commouet urbem, vt 26. quæst. cap. ult. Presbyter inconsulto Episcopo. Hæc autem pœnitentia non est iteranda: quia est repræsentatio eiectionis Adæ de paradiso: introductio autem non est in paradysum nisi post mortem Christi ad minus, quod repræsentatur in Pascha. Vnde de prima dicitur, quod cum crebris suspiriis denuntiet eis Episcopus, quod sicut Adam pro peccatis suis eiectus est à paradiso, ita ipsi pro peccatis suis ab Ecclesia proiciuntur: post iubeat ministris, quod expellant eos, clero dicente, In sudore vultus tui vesceris pane tuo: vt videntes sanctam Ecclesiam pro suis facinoribus commotam, pœnitentiam non paruipendant: tamen debent mitti in Ecclesiam in cœna Domini: sed tunc cum aliis non communicabunt in Eucharistia, aut in osculo: & sic manebunt vsque ad octauas Paschæ, & tunc iterum exhibunt. Si autem pœnitent, bene poterunt habere introitum Ecclesiæ, secundum quod Episcopo videbitur expedire: quandoque autem vsque ad finem vitæ permanebunt. Si autem datur solennis reconciliatio, tantum fiat ab Episcopo vel Abbate vel sacerdote de mandato Episcopi, si non potest commodè fieri ab Episcopo, præcipue vero in articulo necessitatis: quia tunc à simplici sacerdote potest fieri vt 26. quæst. 6. cap. vltim. & penult. Item hæc solennis pœnitentia non est imponenda sacerdotibus, nec diaconibus, vt dicitur infra, Considerandum est nec etiam clerico, nisi prius deposito. Item, Qui suscipit talem pœnitentiam, interim dum agit eam, non debet contrahere matrimonium: si tamen contraxerit, contractum est & tenet.

Publica autem pœnitentia est quam aliquis publice facit in signis publicationis pœnitentiæ, licet non ita solennibus: & hæc etiam, vt dicunt quidam, non est iniungenda sacerdotibus, vt habetur 82. distinct. Presbyter: vbi dicitur, quod sacerdos non debet publice pœnitere inter laicos. Tamen contrarium videtur dici 28. distinct. Presbyter. Et soluitur: quia si est crimen occultum, non debet publice pœnitere. Si autem publicum, tanta potest esse enormitas delicti, quod potest publice pœnitere, & debet. Alio modo dicitur publica pœnitentia, scilicet

*D. Alber. Mag. in Lib.4. Sentent.*

quælibet, quæ fit in facie Ecclesiæ: sicut cum iniungitur peregrinatio per mundum cum baculo cubitali. Hanc autem, vt dicunt, potest quilibet sacerdos iniungere suo parrochiano: quia non inuenitur contrarium, nisi forte aliter sit de consuetudine illius Ecclesiæ. Priuata autem pœnitentia dicitur, quam quisque facit cum suo sacerdote, cui peccata sua confitetur, & recipit ab eo dignum modum satisfaciendi.

ARTICVLVS XXIX.

*An sæpius iterata pœnitentia semper de criminibus datur venia toties quoties.*

**D**Einde quæritur de hoc quod dicitur *ibi* [Aliqua culpa mortalis, &c.] Quædam enim est culpa mortalis quædam non mortalis vt veniale. Quædam mortalis, contra gratiam, vt fornicatio: quædam mortalis & contra gratiam & rationem, vt periurium: quædam autem mortalis & contra gratiam & contra rationem & contra naturam, vt sodomia: quædam autem digna est accusatione in iudicio: quædam blasphemia, quæ est impositio falsi criminis in Deum, vel quando attribuitur ei quod non conuenit, vel quando negatur Deo quod ei conuenit, vel communicatur alij quod ei solum conuenit.

Deinde videnda tertia pars illius partis quæ incipit *ibi* [Quod vero pœnitentia non semel tantum agatur] Inducit hic Magister plurimas auctoritates, quod sæpius iteratur pœnitentia, & semper de criminibus datur venia. Videtur autem falsum dicere: quia Amos 1. super illud, Super tribus sceleribus Damasci, &c. dicit Glossa Hieronymi: Ter indulgentiam Dominum posse dare signat, qui quarto eadem peccata admittentibus nec pœnitentiam nec indulgentiam daturum se denuntiat.

CONTRA videtur Matth. 18. Non dico tibi *Sed con-* Petre, Vsque septies, sed vsque ad septuagies *ita.* septies.

2 Item, Augustinus illud Ioan. 13. Et vos debetis alter alterius lauare pedes, &c. Cur Dominus pedes Petri lauisset, & hoc ipsum facere etiam docuisset, nisi quoniam sicut quotidiana est offensio, ita oportet quod quotidiana sit remissio.

3 Item, Bernardus super Cantica sermone 6. Maior est iniquitas mea, quam vt veniam merear, absit. Maior est pietas quam quæuis iniquitas. Sed impietas tanta est, quod iteratur sæpius: ergo maior pietas semper præsto est ad destruendum.

4 Item, Infinita est Dei misericordia: ergo non finitur numero aliquo iterationis peccatorum: ergo quantumcunque iterantur peccata, semper conceditur pœnitentia, si quærat.

ET HOC concedendum est.

*Soluitur.*



## 256 D. Alb. Mag. Ord. Præd. Comment.

AD PRIMUM dicendum, quod secundum Hieronymum, primum peccatum est cogitare. Secundum, consentire cogitationi. Tertium, cogitata operari. Quartum autem, finaliter non pœnitere. Et hoc planum est, quod non remittitur: quia vita in peccatis finitur. Et sicut dicit Da-

masenus, quod hominibus est mors, hoc est malis Angelis casus: quia sicut hominibus post mortem non datur locus pœnitentiæ, ita nec Angelis post casum. Et sic patet, quod per illud non probatur non posse iterari pœnitentiam,

*Auctoritatibus probat, quod non semel tantum, sed frequenter peccata dimittantur per pœnitentiam.*

**Q**UOD vero pœnitentia non semel tantum agatur, sed frequenter iteretur, & per eam frequenter iterum venia præstetur, pluribus Sanctorum testimoniis probatur. Ait enim August. scribens contra quosdam hæreticos qui peccantibus post baptismum semel tantum dicebant vtilem esse pœnitentiam, ita: Adhuc instant perfidi, qui sapiunt plusquam oportet: non sobrij, sed excedentes mensuram, dicunt: Etsi semel peccantibus post baptismum valeat pœnitentia, non tamen sæpe peccantibus proderit iterata: alioquin remissio ad peccandum esset incitatio. Dicunt enim, Quis non semper peccaret, si semper per pœnitentiam redire posset? Dicunt enim Dominum incitorem mali, si semper peccantibus subuenit: & ei peccata placere, quibus semper præsto est gratia. Errant autem. Constat enim multum ei peccata displicere, qui semper præsto est ea destruere: sed si ea amaret, non semper ea destrueret. Idem ad Macedonium, Intantum hominum iniquitas aliquando progreditur, vt, etiam post peractam pœnitentiam, & post altaris reconciliationem, vel similia vel grauiora committant: & tamen Deus facit etiam super tales oriri solem suum, nec minus tribuit quam ante tribuerat, largissima munera vitæ & salutis: & quamuis eis in Ecclesia locus ille pœnitentiæ non concedatur, Deus tamen super eos suæ patientiæ non obliuiscitur. Ex quorum numero si quis vobis dicat, dicite mihi vtrum aliquid profit ad vitam futuram, si in ista vita illecebrofissimæ voluptatis blandimenta contempsero, si me pœnitendo vehementius quam prius excruciauero, si vberius fleuero, si melius vixero, si pauperes largius sustentauero, si charitate ardentius flagrauero? quis vestrum ita desipit, vt huic homini dicat, Nihil tibi ista in posterum proderunt. Vade saltem huius vitæ suauitate frui. Auertat Deus tam inanem sacrilegamque dementiam. Item Ioan. Chrysostomus de reparatione lapsi, Talis ( mihi crede ) talis est erga homines pietas Dei: nunquam spernit pœnitentiam, si ei sincere & simpliciter offeratur, etiamsi ad summum quis perueniat malorum, & inde tamen velit reuerti ad virtutis viam: suscipit libenter & amplectitur, & facit omnia quatenus ad priorem reuocet statum. Quodque est adhuc præstantius & eminentius, etiamsi non potuerit quis explere omnem satisfaciendi ordinem, quantulamcunque tamen & quantumlibet breui tempore gestam non respuit pœnitentiam: suscipit etiam ipsam, nec patitur quamuis exiguæ conuersionis perdere mercedem. Exemplis etiam hoc idem astrui potest. Dauid enim per pœnitentiam, adulterij simul & homicidij veniam impetrauit: & grauius tamen postea deliquit in populi

Lib. de  
vera &  
falsapœ-  
nitentia.  
cap. 5.

Ad Ro-  
man. 12.

Epist. 54.

Matth. 5.

2. Reg. 11.  
Ambros.  
in Apo-  
logia  
Dauid.  
cap. 7.



puli enumeratione, quod populi multitudo prostrata ostendit. Illud autem mirabile est, quod Angelo ferienti plebem se obtulit dicens, Grex iste quid fecit? fiat manus tua in me, & in domum patris mei. <sup>1. Par. 11.</sup> Quo facto statim sacrificio dignus iudicatur, qui absolutione aestimabatur indignus. Nec mirum si tali sua oblatione pro populo, peccati sui adeptus est veniam: cum Moyses offerendo se pro plebis errore, peccata diluerit. His aliisque testimoniis pluribus euidenter ostenditur per pœnitentiam non semel tantum, sed sæpius nos a peccatis surgere, & veram pœnitentiam sæpius agi. Voluntarie enim peccantibus nobis (vt ait Apostolus) pro peccatis non relinquitur hostia secunda, <sup>Exod. 32.</sup> scilicet quia semel tantum Christum oportuit pati: nec relinquitur secundus baptismus. Relinquitur vero secunda pœnitentia, & tertia, & deinceps, vt Ioan. Chrysostomus super hunc locum ait: Sciendum, inquit, quod hic quidam exurgunt, horum verborum occasione pœnitentiam auferentes: quasi per pœnitentiam non valeat peccator post lapsum resurgere secundo, & tertio, & deinceps. Verum etiam in hoc pœnitentiam non excludit, nec propitiationem, quæ sæpe fit per pœnitentiam, sed secundum baptismum & hostiam. <sup>Hebr. 10.</sup> <sup>Rom. 6.</sup> <sup>Ad cap. 10. ad Hebr. homil. 10.</sup>

ARTICVLVS XXX.

*An resurgens per pœnitentiam à peccato, resurgat in maiori charitate quam prius habuit?*

**D**Einde quæritur de hoc quod dicit ibi [Nec minus tribuit quam ante tribuerat, &c.] Ex hoc videtur, quod quicumque resurgit per pœnitentiam, quod resurgat in æquali vel maiori, quam prius habuerit, charitate. Sed contra hoc videtur Num. 11. Egressi de sepulchris concupiscentiæ, venerunt in Haferoth. dicit Gloss. Hieronymi: Prudens lector attende, quod post consummatam in duodenario virtutem: quia superbiuit Israël in sepulchris concupiscentiæ, carnes Ægyptias desiderauit, & rursum fundamentum iacit, & atria, id est, vestibula virtutum ingreditur, ostendens nobis eos qui stant posse cadere, & qui ceciderunt posse resurgere. Haferoth enim atria interpretatur: sed vestibula virtutis dicuntur virtutis initia. Cum ergo prius habuerint consummatam virtutem, quæ per duodenarium numerum in Haferoth significatur, per casum in sepulchris concupiscentiæ reducti sunt ad initia. Ergo in minori virtute surrexit: non igitur in æquali, vel maiori, vt videtur.

2 Item, Ezech. 44. Sed & Leuitæ qui longe recesserunt à me in errore filiorum Israël, & errauerunt à me post idola sua, & portauerunt iniquitatem suam: erunt in sanctuario meo ædificati, & ianitores. Ergo casus deiecit eos in inferiora officia: & magis virtuosus debetur maius officium: ergo resurgent in minori virtute, vt videtur.

3 Item, Charitas minima potest resurgere post priorem lapsum: ergo non est necessarium, quod resurgat in maiori, vel æquali, quia prius potuit habere maiorem, minorem, vel æqualem.

D. Alb. Mag. in Lib.4. Sentent.

4 Item dicitur Matth. 25. quod dedit unicuique secundum propriam virtutem: sed virtus in resurgentibus non est vis boni naturalis, & potestas naturalis debilitatur per peccatum: ergo videtur, quod post lapsum minus datur ei quam ante: ergo resurget in minori: non ergo in maiori.

5 Item, Si resurgit in maiori, vel æquali: ergo quantumcunque enormia peccata commisit, non impediunt eum à tali resurrectione. Ponamus ergo vnum cecidisse per vnā fornicationem, & alium per multo maiora peccata: ergo illi resurgunt in æquali charitate & virtutibus, vt videtur. Ponatur ergo, quod æqualiter præparent se ad suscipiendam gratiam, & in omnibus sint æquales præter hæc duo solum, quod plus offendens habuit ante maiorem gratiam, & quod turpius cecidit: ergo videtur, quod nihil adiuvat istum ad habendum maiorem gratiam, nisi quod plus peccauit. Si dicas, Imo quia prius magis meruit ex maiori gratia. Contra: Ex hoc quod ex maiori gratia cecidit, fuit magis ingratus: & ex hoc quod fuit magis ingratus, magis peccauit: & ex hoc quod magis peccauit, minus consequi debuit: ergo à primo, quanto maiorem gratiam habuit, minus postea de virtutibus & gratia consequi debuit: ergo non resurgit in æquali vel maiori.

6 Item, Ponamus duos cadentes à gratia, vnum à maiori, alterum à minori: & illum qui cecidit à maiori, se multo minus præparasse ad suscipiendam gratiam, quam alium. Inde sic: Deus dat unicuique gratiam secundum propriam virtutem: & glossatur communiter, id est, conatum quo se præparat: sed ille qui cecidit à minori gratia, magis se præparauit quam ille qui cecidit à maiori: ergo maiorem gratiam recipit: ergo per consequens alius recipit minorem: non ergo surgit in æquali charitate & virtute.

7 Item, Amos 5. Vrbs de qua egrediebantur mille, &c. dicit Gloss. Vnitas habet sacramentum



vnus Dei : & esse in hoc vno est summa beatitudo quæ vnus & verus Deus est. Secunda in secundo, scilicet in decade. Tertia in tertio, scilicet in centenatio. Sicut enim denarius ex decem vnitatibus completur : sic centenarius decem decadibus, & millenarius decem centenariis, per quem quarta, id est, summa beatitudo significatur : de qua amissa si quis egerit pœnitentiam, de quarto, scilicet millenario vix redit ad tertium, scilicet centenarium : & si est in centenatio, vix redit ad secundum, scilicet denarium : ergo patet, quod Glossa vult, quod resurgat in minori : non ergo semper in æquali vel in maiori.

8 Item, Quid est in causa, quod in æquali vel in minori resurgat : in sanitate enim corporis amissa, videmus restitutionem sanitatis frequenter in minori robore corporis : ergo similiter & proportionaliter erit in amissa sanitate mentis : ergo resurgit in minori frequenter, vt videtur.

Sed con-  
tra.

CONTRA : Rom. 8. Scimus enim quoniam diligentibus Deum, &c. Gloss. Siqui etiam horum deuiant & exorbitant, & hoc ipsum facit eis Deus proficere in bonum. Qui autem proficit, acquirit maius quam prius habuit. Ergo per casum proficiendo resurgit in maioribus virtutibus quam prius.

2 Item, Rom. 5. Vbi superabundauit delictum, superabundauit & gratia. Sed non potest superabundare gratia nisi detur maior à Domino quam prius. Ergo post casum maior gratia datur, quam prius habebatur. Ergo cadens resurget in maiori charitate quam habuit, quando cecidit.

3 Item, Ioel. 2. Restituam vobis annos quos comedit locusta, &c. Vbi dicit Glossa, Non patiar perire vbertatem quam ante pro tribulationibus perdidistis : ergo restituit Dominus virtutem æqualem post lapsum virtuti quæ fuit ante lapsum, quia aliter aliquid deperisset.

4 Item, Lucæ 7. Plus diligit cui plus donauit. Sed cadenti cum resurgit plus donatur quam si nunquam cecidisset. Ergo plus diligit. Ergo in maiori charitate resurgit : quia maior charitas est quæ plus diligit, vt videtur.

5 Item, Matth. 8. Dimisit eam febris, & surrexit, & ministrabat eis. Gloss. Sanitas enim Domini imperio data, tota simul datur. Ergo multo fortius in sanitate spiritali : ergo sanitatem spiritualement totam simul dat : ergo totam restituit priorem : ergo ad minus resurget in æquali.

6 Item, Hugo de sanct. Victor. Ad hoc cadere permitti sunt vt ex ipso suo casu emendarentur, & meliores efficerentur. Sed non sunt meliores nisi sit in eis charitas maior quam prius. Ergo, &c. Si forte dicas, quod meliores resurgant quoad prudentiam, sed non quoad charitatem. Contra : Virtutes æquales sunt, & intensa vna, intenduntur omnes. Si ergo resurgunt magis prudentes : in qualibet ergo virtute præuia, resurgunt meliores.

7 Item, Per sequentem pœnitentiam reuiuiscunt merita priora : ergo omnia, aut quædam. Constat, quod omnia per disputationem prius habitam : & post additur aliquid propter conuersionem posteriorem : ergo semper posterius habet totum prius, & aliquid plus : ergo posterior charitas semper est maior : ergo resurgunt in maiori charitate.

8 Item, Leuit. 7. vbi immolatur holocaustum,

dicit Gloss. Æque placet Deo virtus iustorum, & digna pœnitentia peccatorum, quæ restituit in statum pristinum, delendo peccatum : sed non restitueret in gradum pristinum, nisi esset æqualis primæ : ergo, &c.

9 Item, Ezech. 18. Si impius egerit pœnitentiam ab omnibus iniquitatibus suis quas operatus est, omnium iniquitatum suarum non recordabor. Sed si nocerent iniquitates ad diminutionem gratiæ prius habitæ, Deus recordaretur iniquitatum : quia sensus est, Non recordabor ad puniendum pœna damni vel pœna sensus : ergo videtur, quod æqualis virtus cadentis surgenti restituitur : ergo resurget in æquali charitate ad minus.

10 Item, Luc. 15. Dico vobis, gaudium est, &c. Augustinus. Videtur magis esse iustificare impios, quam iustos creare & conseruare. Causa autem huius ab omnibus Doctoribus assignatur & ab August. quia in creatione nihil resistit operationi Dei : sed in iustificatione impij resistunt peccata : ergo etiam resurgenti peccatori peccata resistunt : ergo indiget maiori virtute ad resurgendum, quam si iustus permansisset. Constat autem, quod ei datur totum quo indiget ad resurgendum : ergo datur ei maior virtus, quam habuit antequam cecidit : ergo resurget in maiori virtute, quam prius.

11 Item, Deus sapiens & bonus optime disposuit de prædestinatis : sed optima dispositio est, vt tunc vocatur de hac vita, quando fuit in optimo statu vitæ : constat autem, quod multi prædestinati cadunt à iustitia, & iterum resurgunt, & tunc vocantur de hac vita : ergo vocantur in meliori statu in quo vnquam fuerunt ante casum : sed non potest status esse melior nisi resurgant in meliori charitate : ergo, &c. Et eadem est ratio de aliis cadentibus : ergo, &c.

SOLUTIO. Hanc quæstionem determinat *Solutio* Magister Hugo de sanct. Victor. in lib. de sacramentis sic dicens, Certum est, qui cadit resurgere potest : & non solum resurgere potest, sed etiam melior resurgere, quam fuit quando cecidit. Multi ceciderunt, & meliores etiam resurrexerunt, quam fuissent si non cecidissent. Non tamen vult Magister Hugo, quod hoc ita sit in omnibus. Vnde dicendum mihi videtur, quod potest resurgere melior, & peior, & æque bonus. Et horum signum facile est videre in resurgentibus, qui quandoque tepidiores & debiliores inueniuntur post quam ante. Secundum hæc dicta debet responderi ad obiecta secundo loco inducta.

AD PRIMVM sic, quod casus cooperatur in bonum per accidens, & non per se : & hoc bonum non semper maior est virtus, sed maior cautela standi, & maior deuotio in obsequio Dei : & ista possunt conuenire etiam minori virtuti : sicut minor charitas quandoque magis feruet, quam maior, sicut videmus in nouitijs & perfectis viris.

AD ALIVD dicendum, quod non notatur superabundare gratiam super præcedentem statum aliquem, sed potius supra posse peccati : & hoc nullus est : sicut enim omnia sub peccato conclusa erant, ita multo magis gratia liberans aperuit. Contingit tamen aliquando, quod abundat gratia, & in magnis peccatoribus plusquam in alijs. Sed hoc semper fieri non est necessarium.



AD ALIVD dicendum, quod hoc non intelligitur nisi quoad vivificationem præcedentium meritorum per pœnitentiam: non autem oportet, quod virtutes in eadem quantitate restituantur: & hoc ideo est, quia virtutes præhabitæ non manent post casum, licet opera remaneant in reputatione Dei, ut supra diximus: & cum virtutes essentielles maneat in beatitudine, non potest quantitas beatitudinis esse secundum virtutes præcedentes, sed potius secundum sequentes: sed opera prius facta ad meritum computantur: & hoc non augeat nisi præmium accidentale, non substantiale quod attenditur secundum quantitatem virtutum & charitatis in subiecto animæ, quæ omnes accipiunt quantitatem charitatis, & sic essentialiter in ipsam beatitudinem transibunt.

AD ALIVD dicendum, quod plus diligere dicitur in maius signum dilectionis, vel in maius debitum: sed non sequitur necessario, quod ille talis etiam habeat maiorem charitatem.

AD ALIVD dicendum, quod Dominus totam sanitatem mentis simul restituit quoad habitum omnium virtutum, quia hoc debetur iustificationi: sed non quoad quantitatem virtutum, quia hoc non debetur iustificationi, sed potius sequenti merito. Et ideo dicit Augustinus, quod charitas data meretur augeri, & aucta perfici, perfecta autem dicit, Cupio dissolui & esse cum Christo.

AD ALIVD dicendum, quod non oportet, quod meliores efficiantur nisi in modo custodiæ: & hoc ipsum non est necessarium: sed verum est, quod hæc est intentio permittentis casum, quod dicit Magister Hugo, & loquitur de signo intentionis, & non beneplaciti, quia frequenter aliter accidit.

AD ALIVD dicendum, quod non sequitur si sunt prudentiores, quod habeant maiorem prudentiam: quia nihil prohibet diuersis de causis minorem de essentia virtutem, esse magis in actu, quam maiorem, scilicet propter maiorem attentionem circa illam, vel maiorem consuetudinem operis, vel complexionem magis ad actum eius inclinantem, vel aliquid huiusmodi. Et ideo argumentatio illa non valet.

AD ALIVD dicendum, quod merita operum prius facta, per sequentem pœnitentiam reuiuiscunt secundum esse in reputatione meriti: sed non oportet, quod secundum eandem vim merendi, vel quantitatem præmij quam ante habebant.

AD ALIVD dicendum, quod aliud est pœnitentia quæ requiritur à nobis à Deo, & aliud digna pœnitentia: quia digna pœnitentia est quam peccator habet ex consideratione sui casus: & ille plus debet quam iustus, & plus facit: & sicut consuevit vulgariter dici, recuperat in syllabis quod amisit in temporibus. Vel dicatur, quod æque placet ad iustificationem, sed non quantum ad quantitatem charitatis & virtutum. Tamen prior solutio est secundum intentionem Glossæ.

AD ALIVD dicendum, quod Deus non recordatur impietatis pristinæ quoad illud cuius causa meritoria est impietas, hoc est, infliccio pœnæ: sed quod non habet resurgens tantas virtutes, quantas prius: hoc est ex modo resurgendi, scilicet quia tepidus ad gratiæ susceptionem se

præparauit, & non ex reservatione vel recordatione peccatorum. Si enim hoc esset ex peccatis, omnis homo in minori charitate resurgeret: & hoc non est verum.

AD ALIVD dicendum, quod charitas minima sufficit ad surgere: sed verum est, quod quando surgit, oportet quod sit in maiori quodam feruore: & hunc sufficit elicere minima charitas: & non ostendit surreptio maiorem habitum, sed potius magis posse in opere.

AD VLTIMUM dicendum, quod non puro hoc esse verum, quod omnis saluandus moriatur in optimo statu in quo fuit tempore vitæ suæ: licet hoc à magno iam audierim Doctore, qui volebat hoc probare per illud Prouerb. 4. Semita iusti est lux splendens, & crescens vsque in perfectum diem. Sed hoc non sic intelligitur: quod sic patet: quia in eo quod cadit non crescit, sed potius intercipitur lux iustitiæ præsentis. Vnde quantum est de se crescit: quia charitas aut proficit aut deficit: sed incrementum est impedimentum secundum eum qui iustus est. Et quod dicitur, quod Deus optime disponit de saluandis, dicendum quod hoc est verum quoad cautelam & occasionem intensioris feruoris: & ut dictum est, quod non resurgit in maiori charitate, est præter intentionem Dei ex tepiditate resurgentis.

AD EA vero quæ primo inducta sunt, quæ videntur probare, quod resurgat in minori charitate, dicendum quod omnes illæ auctoritates inductæ intelliguntur de minoritate dignitatis, & non de minoritate virtutis. Et alia soluere planum est. Huius autem exemplum est, quod Episcopus degradatus propter hæresim, conuersus redit quandoque ad maiorem virtutem, sed non ad gradum pristinæ dignitatis. Nec hoc est verum, quod ei qui habet maiorem virtutem, det Deus maiorem dignitatem: quia hoc impediunt notata in litera, scilicet irregularitas, & ut crimen pristinum magis timeatur, & ut aliis cauendi detur exemplum, & alia huiusmodi.

## ARTICVLVS XXXI.

*An sit aliquod summum malum?*

DEinde quæritur de hoc quod dicit ibi [Etiam si ad summum aliquis veniat malorum, &c.] Videtur, quod non sit aliquod summum malum: cum enim malum sit priuatio boni, non potest esse aliquid summum malum nisi quod vniuersaliter est bono priuatum: bonum autem cum non sit in genere, ut dicit Philosophus, conuertitur cum ente: ergo etiam est ente priuatum: sed priuatum ente non est: ergo summum malum non est.

2 Item, In his quæ per accessum & per recessum ab vno & ad vnum recipiunt intensionem, non est deuenire ad hoc summum: sed malum intenditur per recessum à bono: ergo non est in ipso deuenire ad aliquod summum: ergo non est aliquid summum malum. Probatio primæ. In quibus non ponitur terminus ad quem sed tantum à quo, infinitus est motus, eo quod motus non finitur nisi quando est in moto esse, & hoc est in termino ad quem: sed in comparationibus quæ sunt secundum recessum ab vno, & non secundum



cundum accessum ad aliquid, non ponitur terminus ad quem: ergo infinita est recessio secundum potestatem: sed omne summum ponit terminum: ergo in talibus nullum est summum.

3 Item, Si aliquid esset summum malum, illud esset contrarium summo bono: ergo tantum posset in malo, quantum summum bonum in bono: sed summum bonum potest constituere omne ens: ergo summum malum destrueret omne ens: sed hoc est falsum: patet ergo quod nihil est summum malum.

*Solutio.*

SOLVITIO. Dicendum, quod nihil est summe malum absolute: sed secundum actum est aliquid ita malum, quod nihil in actu peius: & hoc notat Magister hic & Ioannes Chrysostomus. Summum autem malum est duplex, scilicet simpliciter, & secundum statum. Simpliciter, ut dæmon quo non est aliquid peius. Secundum statum autem adhuc dupliciter, scilicet comparando statum ad statum: & sic summe mali sunt damnati. Vel comparando statum vnius personæ ad statum alterius personæ in statu vitæ, & sic dicimus obstinatos & impænitentes summe malos. Et de talibus loquitur hic Chrysostomus.

## ARTICVLVS XXXII.

*Can mali possunt reuerti ad virtutis viam per pænitentiam?*

**D**Einde quæritur de hoc quod dicitur ibi [Et inde cum velit reuerti ad virtutis viam, &c.] Videtur hoc esse falsum in damnatis dæmonibus & aninabus. Quod enim velint redire ad virtutis viam, videtur per hoc quod dicit Dionysius in libro de diuin. nom. c. 4. Dæmones, bonum & optimum concupiscunt, in quantum esse, viuere, & intelligere concupiscunt. Inde arguo sic: Cuicumque cõuenit bonum & optimum concupiscere, illi cõuenit concupiscere per se bonum: per se autem bonum virtus est & virtutis via: ergo concupiscunt illam: ergo Deus deberet eos suscipere ad pænitentiam secundum ea quæ hic dicuntur.

2 Item, Omne concupiscens esse & viuere cum sapientia & deliberatione, concupiscit illud optimo modo sibi possibili, quia aliter esset vanum desiderium, quod Philosophus reputat inconueniens in primo ethicorum: sed dæmones (ut dicit Dionysius) concupiscunt esse, viuere, & intelligere: ergo concupiscunt illud optimo modo qui potest esse secundum naturam: hoc autem est secundum gratiam & gloriam: ergo concupiscunt illud illis modis: sed secundum gratiam concupiscere non est sine virtutis via: ergo concupiscentia virtutis via est: ergo debent recipi ad pænitentiam.

Si dicatur, quod non possint fugere malum, & ita non possint redire ad virtutes siue pænitentiæ viam. Contra: Si non possint fugere malum: aut causa huius impænitentiæ erit extra eos: aut in eis. Si extra eos: tunc erit omnino violentia: ergo nullo modo culpabilis secundum Damasc. Gregor. Nazianzenum, & Philosophum: ergo non est eis imputabilis, sed potius violentiam inferenti: sed extrinsecus violentiam inferens, non potest esse nisi Deus: ergo Deus erit culpandus pro eo quod non possint ad bonum conuerti. Si autem est

causa intrinseca illius obstinationis, non videtur posse esse nisi duplex: vna scilicet quod non habent vim perceptiuam mali quod eis nocuum est, sicut videmus plantas non fugere læsionem, quia nocuum non percipiunt: aut quia cum percipiunt, fugere nolunt. Si primo modo dicas accidere. Contra: Omni ei cui natura dat vim perceptiuam nocuenti, dat etiam illi potestatem aliquam fugiendi illud. Hoc etiam patet in his quæ non mouentur processive, quæ tamen (ut dicit Philosophus) præsentia læsione constringuntur, & præsentia conuenienti dilatantur. Si ergo Angeli mali & animæ damnatæ habent vim perceptiuam læsui: ergo vel est insufficiens, vel dedit eis potestatem fugiendi. Item, Melior est natura rationalis quam irrationalis: sed natura irrationalis sensibilis nunquam destituitur aliqua potentia fugiendi malum: ergo nec natura rationalis: ergo hæc causa esse non potest. Videtur autem, quod nec secunda esse possit, scilicet quod sentiat, & non velit fugere. Omne enim quod voluntatem habet quam retrahere potest à malo hoc vel illo, potest remouere voluntatem vniuersaliter à malo: sed damnatus quantumcunque malum facit vel velit, potest non facere illud: ergo potest voluntatem vniuersaliter remouere à malo: & sic facit quantum in se est ad virtutem: ergo redit quantum in se est, ad virtutis viam. Item: Libertas à coactione (ut dicunt Sancti) naturalis est, & à nulla creatura rationali separatur: & hoc dignoscitur ex hoc quod nullum actum facit liberum arbitrium quod non possit dimittere eundem, & conuerti ad suum oppositum: ergo dæmones qui habent liberum arbitrium à coactione, nullum actum faciunt quem non possint dimittere, & facere suum oppositum: ergo si velint, possunt dimittere malum, & conuerti ad bonum quantum in se est: ergo possunt suscipere pænitentiam. Si forte dicas, quod Deus non dat eis gratiam, nec vult dare: hoc omnino falsum est, cum dicat Anselmus, quod ideo non habent, quia non accipiunt: non quia Deus non vult dare.

SOLVITIO. Dicendum, quod hic multi multa *Solutio.* opinantur quibus in nullo præiudicans, non recedo à mea opinione quæ notata est in tertio & secundo: & est hæc, quod causa obstinationis damnatorum in malo dupliciter potest assignari, scilicet vna per congruentiam, vera autem per modum illum quod Legislatores in ciuilibus pænas infligunt: ideo secundam ego causam ex talibus quæro, scilicet iusto iudicio Dei, quod colligitur ex tribus, scilicet natura damnati, determinatione status, & voluntate perpetua peccandi. Natura autem damnati, aut est dæmonis, aut hominis. Si dæmonis: tunc est malum suum contra deiformem intellectum esse, cuius non est perfici per speculum & ænigma, scilicet per ea quæ sunt creata in creatorem progredi, ut dicit Aug. & Bern. in quinto de consideratione his verbis, Sane scilicet ciues non egent, sed exules. Quod vidit ipse huius sententiæ auctor, qui cum diceret inuisibilia per visibilia conspici, signanter posuit à creatura mundi. Et vere quid opus scalis tenenti iam solium? Creatura cæli illa est, præsto habens per quod potius ista intueatur. Videt verbum, & in verbo facta per verbum. Nec opus habet ex his quæ facta sunt, factoris noticiam mendicare. Neque



que enim ut vel ipsa mouerit, ad ipsa descendit, quæ ibi illa videt, ubi longe melius sunt quam in seipsis. Vnde nec medium requirit ad ea corporis sensum: sensus ipsa sibi, seipsam sentiens. Optimum videndi genus, si nullius egueris, ad omne quod nosse libuerit, te contentus. Hucusque Bern. Dico igitur, quod talis intellectus statim est accipere finem, vel deflecti ab ipso voluntarie: & quia post finem nihil est, ideo talis intellectus habet aptitudinem standi in fine statim, vel recedendi ab ipso: qui recessus est casus voluntarius à summa nobilitate intellectus. Quam aptitudinem naturalem deiformis intellectus sequitur confirmatio in bono, vel obstinatio in malo, ex iustitia cum aliis circumstantiis concurrentibus ad idē. Vnde Augustinus in lib. de mirabilibus irremediabili vindicta sumus Angelus percussus est, cum peccans & mandatū sui conditoris homo transgrediens venialiter ad pœnitentiam postmodum reuocetur. Angelus ergo in summo honoris culmine constitutus, immutationem ad excellentiorem statum non habuit, nisi per cōtemplationem sui Creatoris confirmatus in eo statu permaneret, ubi conditus fuit: & ideo prolapso minime reuocari potuit, qui de sublimissimo sui ordinis statu proruit. Ex his patet, quod iustitia obstinationis aptitudinem sequitur naturæ ipsius peccantis. Si autem damnatus est homo, tunc habet per multa media ire ad Creatorem: & ideo cadens in medio, venialiter cadit, rediens ad viam: sed cadens in termino viæ, ubi non sunt plura media, irremediabiliter cadit, quia suum malum est tunc contra rationem, ut dicit Dion. quia cadit de vno in alium: & habet non scientiam intuitiuam de Creatore, sed potius discursiuam, ut dicit Dion. Vnde Augustinus in eodem lib. Homo ad hoc in terris positus, generandi officio destinatus, ciborum vsui deputatus, immutationem ciborum in sublimiorem & meliorem & spiritaliorem vitam sine morte reciperet, si persistisset: & ideo cum cecidit, non à summo cecidit gradu sui ordinis.

Secundum est determinatio status: iustum enim est quod omni quod natum est suscipere perfectionem aliquam, determinetur status & tempus & locus acquirendi illam, vel carendi illa, si corrue-rit: & quia intellectus deiformis discursu non indiget, ideo Angelo status ille qui momento vel hora conuersionis vel auersionis est deputatus: sed homini per totum tempus quo utitur sensibus & hauritea quæ sunt via ad Creatorem: & ideo confirmatus Angelus, vel obstinatus efficitur post conuersionem, & homo post mortem. Vnde Apoc. 12. dicitur, quod locus eorum amplius non est inuentus in celo. Et Psalm. 74. Cum accepero tempus, ego iustitias iudicabo.

Tertium est in malitia confirmatio & voluntas non redeundi: sed hoc sequitur ex primis duobus. Vnde Isidor. 1. lib. de summo bono. Vno superbiz lapsu, cum Deo per tumorem se committunt, & homo cecidit & diabolus: sed homo reuersus ad pœnitentiam, Deum superiorem se esse cognouit: diabolus vero non solum in hoc non contentus, quia Deo æqualem se æstimans cecidit: insuper etiam superiorem Deo se tunc dicit, secundum Apostoli dictum, qui ait: Aduersatur, & extollitur super omne quod dicitur Deus, aut quod colitur. Diabolus igitur iam non petit veniam, quia non compungitur ad pœniten-

tiam. Ex hoc accipitur quod dictum est ante, quod iustitia condemnationis sequitur talem statum Angeli & hominis. Augustinus dicit de fide ad Petrum sic: Pars Angelorum quæ à suo creatore Deo, quo solo bono beata fuit, voluntaria prorsus auersione discessit, æquitatis summæ initium ac iudicii suæ damnationis in ipsa auersione voluntatis inuenit: ut non esset aliud in opere iam puniri, quam illius beneficii dilectione destitui: quam Deus in æterno sic creato præcepit permanere supplicio, ut etiam ei ignem æternum præpararet, in quo illi præuicacatores Angeli, nec mala possunt voluntate carere, nec pœna: sed permanente in eis iniustæ auersionis malo, permaneat etiam iustæ retributionis damnatio æterna. Ex his videtur sequi vltterius, quod mala voluntas quæ est in damnatis, non est in eis peccatum. Tamen quia est eis in supplicium, & magis supplicium quam peccatum. Et ideo videtur quibusdam, quod non aggrauet pœnam damnationis eorum, nisi indirecte quoad vermem conscientie.

Sunt autem & aliæ congruentiæ à Sanctis positæ, & à Magistris collectæ septem, quare Angelus irremediabiliter statim cecidit. Prima est desperatio, quæ est Alcuini super Genes. sic dicentis, Cur diabolus tam infestus est hominum saluti? Respondeo, Propter odium in creatorem & inuidiam in hominem ex desperatione suæ salutis.

Alia: quia per se peccauit, non alterius suasu. Vnde Gregor. in moralibus, Apostata Angelus nulla spe vnquam veniæ, nulla conuersionis emendatione reuocatur: nec vnquam lumen pristini status recipit, quoniam hoc non suasu amisit. Sic illum quippe perpetrata cæcitas superbiz grauat, ut nunquam vltterius ad lucem pœnitentiæ per diuini respectus memoriam resurgat.

Tertia est: quia cum non sit assumptibilis, non congruit ei habere reparatorem. Vnde Anselm. in fine lib. Cur Deus homo, Diaboli reconciliationem impossibilem tunc etiam intelliges, si diligenter humanam consideres naturam: sicut enim homo non potuit reconciliari nisi per hominem Deum qui mori posset, per cuius iustitiam Deo restitueretur, quod peccatum hominis perdidit: ita angeli damnati non possunt saluari, nisi per Angelum Deum qui mori posset, & qui per suam iustitiam repararet, quod aliena peccata abstulerunt: & sicut homo per alium hominem qui non esset eiusdem generis, quamuis esset eiusdem naturæ, non debuit releuari: ita nullus Angelus per alium saluari potuit, quamuis omnes sint eiusdem naturæ: quoniam non sunt eiusdem generis, sicut homines: non enim sic sunt omnes Angeli de vno Angelo, quemadmodum omnes homines de vno homine.

Quarta est nulla infirmitas, nec grauans, nec deprimens. Vnde Isidor. de summo bono: Apostata Angeli ideo veniam non habent, quia carnalis infirmitatis nulla infirmitate grauati sunt ut peccent. Homines post peccatum iccirco reuertuntur ad veniam, propter quod ex lutea materia pondus traxerunt infirmitatis. Ideo propter infirmæ carnis conditionem reditus patet homini ad salutem: sicut etiā dicit Psalm. 102. Ipse scit figmentum nostrum. Memento Domine, quod terra sumus. Et iterum, Memorare quæ sit mea substantia.

Quinta



Quinta est perspicuitas intelligentiæ: sed hæc prius aliquantulum tacta est. Vnde Dionys. Malum Angeli est contra deiformem intellectum esse, malum animæ contra rationem, & malum corporis contra naturam.

Sexta est particularitas lapsus: quia non tota lapsa est Angelica natura: humana autem tota lapsa est. Vnde Augustinus in ench. Placuit vniuersitatis creatori & moderatori: ut quoniam non tota multitudo Angelorum Deum deserendo perierat, ea quæ perierat in propria perditione permaneret. At vero quia creatura rationalis quæ in hominibus erat, quoniam peccatis atque suppliciis tota perierat, ex parte reparari poterat.

Septima & vltima est impugnatio Dei, qui deberet influere gratiam conuersionis: & ideo non recipit influentiam. Vnde Augustinus super Gen. ad litteram. Quod putatur nunquam diabolus in veritate stetit, sed ab ipso suæ conditionis initio cecidisse, non sic accipiendum est: ut malus à bono Deo putetur creatus: alioquin non ab initio cecidisse putaretur: nec enim cecidit, si talis est factus: sed factus continuo se à luce veritatis auertit, superbia tumidus, & propriæ potestatis delectatione corruptus.

Omnibus causis his consideratis, dicendum quod prima quæ est quædam congruentia naturæ, causa est quodammodo secundæ, & secunda est quodammodo causa siue dispositio tertiæ: ex quibus conficitur iustitia confirmans eum in tali statu ut redire non possit, ut peccatum suum sit supplicium, quod fuit facienti peccatum, sicut diximus.

AD PRIMUM obiectum dicendum, quod bonum & optimum dupliciter possunt considerari siue accipi, scilicet in genere, vel extra genus. Extra genus bonum est absolute bonum, & optimum est absolute optimum, quod est vnum solum: & hoc non concupiscunt concupiscentia perfecta: licet habeant instinctum naturalem imperfectum ad hoc. Si autem accipitur bonum & optimum in genere, bonum scilicet naturale: tunc hoc adhuc dupliciter consideratur, scilicet absolute: & sic esse, viuere, & intelligere, sunt bona concupita à damnatis: aut respectiue, scilicet per comparisonem ad pœnam: & sic meo iudicio nihil prohibet ea non appeti, prout videlicet talia bona sunt sub pœnis. Et ideo dicit Dionys. In quantum sunt, bonum & optimum concupiscunt, non in quantum puniti sunt: & ideo patet, quod illa ratio nihil valet: quia Dionys. non loquitur de bono in genere boni vel virtutis, ut diximus: & si extenderetur ad hoc, est aliqua concupiscentia boni imperfecta: quæ non est in eis nisi in quantum sunt, & non simpliciter: quia simpliciter non habent voluntatem nisi quæ competit eis prout sunt sub pœnis & malitia.

AD ALIUD dicendum, quod ego nescio bene videre, quæ sit causa necessaria immobilitatis mali damnatorum, vel impotentia fugæ: sed tamen videtur mihi, quod causa sit partim intus, & partim extra. Intus sicut dispositio est aptitudo naturæ à qua cadunt, & determinatio status in cuius termino cadunt. Extra autem iustitia diuina confirmans in eo quod finaliter elegit damnatus voluntatem. Et quantum ad hoc vltimum non est dubium obstinationem voluntatis magis habere rationem supplicij, quam peccati.

AD ID quod obiicitur, quod si extra est, quod est violentia: dicendum, quod hoc esset verum, si tantum esset extra: sed dispositiue meritorie est intra.

AD ID quod obiicitur, quod si percipit pœnas, & non fugit, &c. dicendum, quod damnati percipiunt pœnas: & pœna percepta dupliciter consideratur, scilicet in quantum contraria est naturæ bonæ quam punit: & si ita tantum consideraretur ab eis, fugerent eam: quia, sicut prius dictum est, bonum concupiscunt, in quantum esse & viuere & intelligere concupiscunt. Et illi bono pœna est contraria, dicente Augustino, quod pœna non est malum, nisi quia contrariatur naturæ bonæ: sed quia appetitus & talis consideratio non est perfecta in ipsis, sed quasi in potentia, scilicet in radice naturæ tantum, ideo pœnam non considerant, nisi in quantum est iusta sequela culpæ. Et quia immobiliter volunt culpam, ideo non fugiunt pœnam: & ideo per accidens se habent ad non fugere pœnam, scilicet in quantum est culpæ colligata, quam non fugiunt, sed potius prosequuntur & appetunt.

AD HOC quod obiicitur, quod deterioris conditionis sunt quam pecora: dicendum, quod in pecoribus non est nisi instinctus naturæ, sed in dæmonibus instinctus malitiæ confirmata: & ideo non est comparatio: sed si secundum naturam hoc esset, quod non fugerent pœnam, tunc valeret obiectio.

AD ALIUD dicendum, quod malum semper vult dæmon: sed hoc malum vel illud non oportet eum velle: vnde in hoc notatur obstinatio, quod ex deliberatione semper vult malum: & non proprie cogitur, quia causa obstinationis non est extra tantum, ut dictum est. Sed si posset vniuersaliter auerti à malo, tunc sequeretur argumentum.

AD VLTIMUM dicendum, quod in veritate libertatem habet à coactione: quia non est coactus ad malum: quia tunc esset causa tantum extrinseca, sed est intrinseca, ut dictum est: & ideo nunquam sequitur istam partem, scilicet bonum: quia libertas infirmata est ad bonum & corrupta per habitum deliberatum ad malum trahentem.

### ARTICVLVS XXXIII.

*An ad primum statum sit reditus per pœnitentiam?*

**F**Acit omnia quatenus ad priorem statum reuocet, &c. ] Hoc non videtur verum: quia prior status est innocentia: & ad illum non est regressus per pœnitentiam. Si dicatur, quod reuocat ad priorem statum quantum ad immunitatem culpæ, sed non quantum ad dignitatem. Contra: Videmus, quod cum pœnitens refurgit, adhuc remanet in illo difficultas bene agendi: & hoc est ex reliquiis peccati, quas ante non habuit: ergo per pœnitentiam, priorem statum non omnino recipit.

2 Item, Prior status est, quod sit expeditus ab bene operandum secundum omne opus virtutis: & hoc non potest esse nisi ex habitu perfecto cuiuslibet virtutis: ergo hoc non est solius



## In Lib.4. Sentent. Distinct. XV. 263

folius pœnitentiæ, vt videtur Magister supponere in litera.

*Solutio.*

**SOLVITIO.** Dicendum ad hoc, quod pœnitentia in partibus suis habet restituere in pristinum statum, scilicet in contritione, confessione, & satisfactione: & præcipue quoad illam partem, quæ est satisfactio: quia illa supponit exercitium operis secundum quamlibet virtutem imperatam à pœnitentia: & sic cessat totum quod obiectum est.

### ARTICVLVS XXXIV.

*An David debuit puniri propter numerationem?*

**G**rauitate postea deliquit in populo, &c.] Videtur, quod non debuit puniri David ipsa enumeratione: quia plures fuerunt numerationes, & non sunt punitæ: vt Saul. 1.Re-

gum 10. & 2. Paralip.4. sub Ioram rege Iuda. & 3.Reg.4. sub Ieroboam.

2 Item cum David numerando peccauerit, & non populus, videtur iniustum, quod punitus est populus.

**SOLVITIO.** Alij ex præcepto Domini *Solutio.* numerauerunt, vt Moyses: alij autem propter expeditionem ad pugnam, vt Saul: sed David numerauit propter superbiam, & ideo peccauit.

**A D A L I V D** dicendum, quod ipse est punitus ad ostendendum habitudinem populi ad principem, sicut totus populus punitus est propter vnius peccatum, scilicet Achor Iosue 6. Vnde Augustinus, Ostenditur in ipsa pœna Achor, quantum sit bonum in populo ipsa vnitas, vt non in seipsis singula, sed in toto partes æstimentur. Vel dicatur & melius, quod in populo superbiuit: & ideo in ipso sicut in possessione punitus est: & sic pœna ipsa redundat in regem.



## DISTINCTIO XV.

*Quod pluribus irretitus peccatis, non potest pœnitere de vno vere nisi de omnibus pœniteat.*



**E**T sicut prædictis auctoritatibus illorum error conuincitur, qui pœnitentiam sæpius agendam non putant, & per eam à lapsu peccantes frequenter surgere diffidentur: ita eisdem illorum opinio eliditur, qui pluribus irretitus peccatis asserunt de vno vere pœnitere, eiusdemque veniam à Domino consequi posse sine alterius pœnitentia. Quod etiam auctoritatibus astruere conantur. Ait enim Propheta, Non iudicabit Deus bis in idipsum. Vel vt *Deut.22.* alij transfulerunt, Non consurget duplex tribulatio. Si ergo, inquiunt illi, aliquis sacerdoti fuerit confessus vnum de duobus vel pluribus peccatis, & de illo iniunctam sibi pœnitentiam à sacerdote satisfactionem expleuerit cæteris tacitis, non pro illo peccato amplius iudicandus est, de quo satisfecit ad arbitrium sacerdotis, qui vicem Christi in Ecclesia gerit. Ideoque si de eo iterum iudicetur, bis in idipsum iudicat Deus, & consurget duplex tribulatio. Sed de his oportet illud tantum intelligi, qui præsentibus suppliciis commutantur in bonum, & sic perseverant: super quos non consurget duplex tribulatio. Qui vero inter flagella duriores & deteriores fiunt, vt Pharaon, præsentibus æterna connectunt: vt temporale supplicium sit eis æternæ pœnæ initium. Vnde Augustinus, Ignis succensus est, &c. id est, vindicta Dei hic incipiet, & ardebit vsque ad extremam damnationem. Hoc contra illos notandum est, qui dicunt illud, scilicet, Non iudicabit Deus bis in idipsum: ad omnia pertinere

*Cóment.  
ad eum  
locum  
1. cap.  
Nahum  
Prophe-  
ta.*



Quia co-  
gitationis  
contra  
Dominum  
& in to-  
mo 6.  
Iob 1.  
2. Cor.  
12.  
Num. 12.  
Ioan. 9.  
Act. 12.  
Ier. 17.

tinere flagella : quia quidam hic flagellis emendantur , alij hic & in æternum puniuntur. Quinque enim modis flagella contingunt : vel ut iustis per patientiam merita augeantur , ut Iob : vel ad custodiam virtutum , ne superbia tentet , ut Paulo : vel ad corrigenda peccata , ut Mariæ lepra : vel ad gloriam Dei , ut de cæco nato : vel ad iudicium pœnæ , ut Herodi , quatenus hic videatur quid in inferno sequatur , secundum illud : Duplici contritione contere eos Domine. Illa ergo auctoritas Nahum non cogit nos sentire , omnia quæ temporaliter puniuntur , non ulterius à Deo punienda : nam & si super eundem locum Hieronym. dicat Ægyptios & Israëlitas à Deo temporaliter punitos , ne in æternum punirentur : non est tamen de omnibus generaliter intelligendum. Ait enim sic , Quod genus humanum diluuiio , Sodomitas igne , Ægyptios mari , & Israëlitas in eremo perdidit , scitote ideo temporaliter pro peccatis punisse , ne in æternum puniret : quia non iudicabit Deus bis in idipsum. Qui ergo puniti sunt , postea non punientur : alioquin mentitur Scriptura : quod nefas est dicere.

Gen. 17.  
Gen. 16.  
Exod. 14.  
Num. 11.



### DIVISIO TEXTVS.

**E**T sicut prædictis auctoritatibus ] Hic incipit pars illa in qua elidit errorem secundum , hunc scilicet quod de vno peccato possit pœnitentia agi , alio peccato in delectatione retento. Et diuiditur hæc pars in duas partes. In prima obiicit ex canone , & soluit. In secunda obiicit ex dictis Patrum , & soluit. Prima pars subdiuiditur in duas , scilicet in obiectionem , & solutionem. Secunda incipit *ibi* [ Sed de his oportet tantum intelligi ] In capitulo isto tria facit. Primo errorem recitat : deinde pro errore illo auctoritatem primo inducit : tertio format obiectionem ex sententia auctoritatis : & hæc patet in litera.

### ARTICVLVS I.

*An de vno peccato potest agi pœnitentia , alio peccato in delectatione retento ?*

**I**ncidit autem hic quæstio , An verum sit quod dicunt illi ? Videtur , quod sic : debita enim diuisim contracta , iuste diuisim solui possunt : peccata sunt debita diuisim contracta : ergo , &c. Quod autem peccata sunt debita , patet per id Luc. 7. Duo debitores erant cuidam sceneratori. Et Matth. 18. Dimisit ei vniuersum debitum. Item Matth. 6. Dimitte nobis debita nostra.

2 Item , & ethicorum vult Aristor. quod iustitia vno modo , licet non generaliter , idem sit quod contrapassio , & iustum idem quod contrapassum , sicut dicit Plato. Ponamus ergo , quod aliquis offenderit in decem , & in duobus contrapassus sit per sustentiam pœnæ : aut ergo Deus cui debet , illam satisfactionem exquirat , aut non. Si sic : ergo iniuste videtur procedere : quia à lege

non præcipitur , nisi qui forefecit , contrapatiatur. Si non : tunc habetur propositum.

3 Si forte dicas , quod iustitia Dei exigit adhuc satisfactionem , sed non iustitia humana : hoc nihil est : quia infinita est iustitia diuina , & semper misericordia superexaltat iudicium : cum igitur in tali casu nihil exigit iustitia humana , videtur multo minus , quod iustitia diuina aliquid exigat ulterius ab illo.

4 Item , Supra habitum est ex verbis August. in lib. de pœnitentia , quod constat ei multum peccata displicere , qui semper præsto est ea destruere : ergo & multo magis constabit hoc , si omnino destruat quo destitui possunt : sed hoc erit sigillatim destruendo : ergo videtur , quod sigillatim pœnitens destruat peccata.

5 Item , Si aliquis laborat duobus vel tribus morbis , qui diuersas habent causas & oppositas : medicus expellit periculosiorem morbum , alio dimisso , vel etiam confirmato in subiecto. Cum igitur similiter sit in morbis animæ , sicut in morbis corporis , ut dicunt Sancti , videtur posse agi pœnitentia de vno peccato , alio in delectatione existente.

6 Item , Nullus rex vel imperator iterum emendam exigeret ab aliquo , cui pro parte lationis à vicario suo , qui loco eius est , condigna pœnitentia imposita fuisset : sed constat , quod sacerdos est vicarius Dei in confessione , & secundum auditum veram imponit pœnitentiam de duobus , vel tribus , aliis tacitis : ergo imperator summus ulterius de his non requirit pœnitentiam.

7 Si dicatur , quod peccator non potest satisfacere nisi in charitate satisfaciatur : & quia non habet charitatem qui de vno pœnitet , & de alio non : ideo non potest satisfacere. Contra : Ecclæ. 9. Nemo scit vtrum amore vel odio dignus sit. Ergo nullus scit vtrum satisfaciatur , vel non. Ergo tota die quilibet debet iterare pœnitentiam suam , & desperare , quod satisfacere non possit : eo quod hoc sit penitus ignoratum , quod exigitur ad satisfactionem : hoc autem falsum est : ergo & hoc quod oportet aliquem satisfacere in charitate.

8 Item



8 Item Daniel. 4. Peccata tua eleemosynis redime. Constat autem, quod Daniel quando dedit hoc consilium, sciuit regem esse iniquum: ergo iniquus in peccato vno, potest facere penitentiam de alio.

9 Item, Luc. 16. Facite vobis amicos de mammona iniquitatis. Gloss. Diuitiarum iniquitates dicuntur: quia de iniquitatibus sunt collectae. Constat autem, quod de talibus non possit fieri eleemosyna quae faciat recipi in aeterna tabernacula, nisi retenta parte iniqui, de alia parte posset fieri eleemosyna & satisfactio: ergo manens in vno peccato potest satisfacere de alio.

10 Item, Peccata non habent huiusmodi colligationem, qualem habent virtutes, sed vnumquodque est diuisum ab alio: sed quaecunque sunt diuisa abinuicem, horum vnum potest destrui, alio non destructo: ergo vnum peccatum potest destrui, alio retento: sed peccatum destruitur tantum per satisfactionem: ergo de vno potest fieri satisfactio, alio retento in voluntate.

11 Item, De virtute politica non est sic, quod vna habita, omnia vitia excludantur: ergo videtur, quod hoc etiam non debeat esse virtutis theologiae, cum Deus salutem nostram desiderans, iuuat omnibus modis quibus homo iuari potest. Si dicas, quod de virtute politica est hoc, quod qui habet vnam, habet omnes, sicut dicit Isidorus, sicut notatum est super tertio, quod haec fuit sententia Stoicorum, & Aristot. in quarto ethic. cum dicit de magnanimitate & magnanimo. Magnanimus nihil prae agit secundum aliquod vitium. Si, inquam, sic dicas: nihil est hoc, & contra intentionem Philosophorum: quia non attribuunt hoc virtuti secundum suum esse quo perficit suum actum proprium & essentialem sibi, sed potius secundum maximum suum posse quod habet in subiecto. Et ideo virtus secundum suum esse potest inesse subiecto, saluato in eodem subiecto aliquo vitio quod non contrariatur illi virtuti: & sic habetur propositum, ut videtur.

Sed contra.

Sed quod error sit pessimus & anathematizatus, sic videtur. 2. Corinth. 6. dicit Apostolus: Quae conuentio Christi ad Belial? ergo nullam communicationem habet Christus ad cor in quo habitat diabolus: sed qui est in vno peccato mortali, est inhabitatio diaboli: ergo nullam communicationem habet cum eo Christus: sed nullam satisfactionem Christus accipit, nisi cum quo in gratia participat: ergo talem satisfactionem non accipit Christus, ut videtur.

2 Item, Apud homines durantibus inimiciis non accipitur satisfactio laedentis: sed qui est in peccato, adhuc agit inimicitias contra Deum: ergo non recipitur eius satisfactio.

3 Item, Matth. 5. Si offers munus tuum ad altare, &c. Sed constat, quod non est minor cura Deo, ut homo reconcilietur sibi, quam homini: ergo oportet prius in omnibus reconciliari Deo, & postea accipietur eius oblatio: sed oblationis genus quoddam est satisfactio digna: ergo oportet prius habere gratiam de omnibus peccatis, antequam satisfactio sit accepta: sed nullus voluntate permanens in vno, habet gratiam de omnibus: ergo voluntate permanens in vno, non potest satisfacere de alio.

2 Item, Qui est in peccato vno, ut dicit Aug. *Alb. Mag. in Lib. 4. Sentent.*

gustinus non est dignus nisi poena aeterna: ergo non est dignus, ut satisfactionis eius opus accipiat: & non satisfacit nisi opere Deo accepto: ergo qui est in vno peccato, non potest satisfacere de alio.

5 Item, Sine gratia non fit satisfactio: sed gratia complectitur omnes virtutes: ergo sine omnibus virtutibus simul non est satisfactio: sed opposita non sunt simul: ergo cum virtutibus non possunt esse vitia opposita: ergo qui habet gratiam, non habet aliquod peccatum: & nullus satisfacit nisi qui habet gratiam: ergo qui satisfacit, non habet aliquod peccatum: ergo a destructione consequentis, qui habet aliquod peccatum, non satisfacit.

6 Item, Non satisfacit qui non restituit Deo quod suum est: sed qui non restituit Deo animam quam abstulit, non restituit Deo quod suum est: ergo non satisfacit, qui animam non restituit: sed non restituitur anima, quamdiu manet voluntas peccati alicuius: ergo quamdiu aliquod peccatum est in voluntate, non potest fieri satisfactio.

7 Item, Sit ita, quod aliquis satisfaciat de vno peccato, alio in voluntate retento: aut iste diligit Cratorem sicut debet, aut non. Si non: tunc non satisfacit. Probatio. Luc. 7. Dimissa sunt ei peccata multa: quoniam dilexit multum. Si sic: ergo omne quod diligit, citra Deum diligit: sed citra Deum diligendo omne quod diligit, nihil mortali peccato diligit: ergo ille nihil mortaliter diligit: ergo nullum peccatum mortale manet in eius voluntate: & hoc est contra positum: ergo impossibile est de vno satisfacere, alio in delectatione retento.

Solutio. Dicendum, quod hoc est concedendum, quod hoc quod in principio capituli pro opinione ponitur, licet falsa, tanquam fidei contrarium est condemnandum. Et reducitur in contrarium illius articuli, Credo in Spiritum sanctum, scilicet sanctam Ecclesiam Catholicam. Vel contra illum, Remissionem peccatorum.

Ad primum autem dicendum, quod licet debita peccatorum sint diuisim contracta quantum ad conuersionem ad bonum commutabile, & quantum ad actum: tamen conueniunt in auersione ab vno bono increato: & quoad hoc habent rationem offensae & culpae: & ideo cum auersio illa maneat, alio quocunque peccato manente, non potest homo satisfacere de vno, alio retento. Et simile huius est in offensis hominum: quia lesio non potest satisfacere de lésione illa, perdurans in laedendo. Licet enim peccator Deum laedere non possit, tamen quantum est de se laedit.

Ad hoc quod probatur, quod peccata debita sunt, dicendum quod debita humana sunt duplicia. Quaedam enim sunt quae voluntarie creduntur debitori: & talibus nulla est adiuncta offensa: & hoc modo non dicuntur debita peccata. Quaedam sunt debita, quae oriuntur ex lésione alicuius iniusta, vel in persona, vel in bonis, vel in honore: & talibus est adiuncta offensa laesi: & ideo non potest sibi satisfieri, nisi offensa cesset: haec autem non cessat perdurante illo in aliquo modo lésionis: & talibus debitis assimilantur peccata. Et ideo patet, quod ratio illa non valet.

Ad aliud dicendum, quod licet secundum Platonem iustum sit idem quod contrapassum,

Z

sum,



sum, & hoc in quibusdam sit verum, sicut in directione iniuriæ illatæ: vbi inferens iniuriam contrahitur tantum, quantum intulit: tamen hoc iustum supponit cessationem à læsione generaliter: & à læsione spiritali non cessatur, quamdiu durat voluntas peccati alicuius.

AD ALIVD dicendum, quod iustitia hominum etiam bene exigit cessationem à læsione, ut iam paruit: sed alia debita quibus offensa eius cuius debitores sumus non est adiuncta, diuisim solui possunt. Et illis debitis in spiritalibus non sunt similia peccata, sed potius dona quæ donantur à Deo, ut lucremur in eis, sicut dicitur Matth. 25.

AD ALIVD dicendum, quod peccatum ætiale non destruitur in nobis sine nobis: quia, sicut dicit Augustinus. Qui creauit te sine te, non iustificabit te sine te. Non autem potest destrui nisi per gratiam, cui repugnat voluntas auersa à bono incommutabili: & cum illa maneat auersa etiam in vno solo peccato in delectatione retento, non potest deleri aliud peccatum: cum tamen Deus in se semper paratus sit destruere quotiescunque non est impedimentum ex parte nostra.

AD ALIVD concedimus, quod non est simile de morbis corporalibus & spiritalibus: quia morbi corporales non habent vnā causam: sed spirituales habent vnicam, quæ est voluntas, vel liberum arbitrium, quod quamdiu manet auersum, non est susceptibile medicinæ: & ideo nullus morbus spiritalis curatur in ipso.

AD ALIVD dicendum, quod sacerdos talem ad pœnitentiā non suscipit nisi deceptus: sed quod exhibetur à ministro decepto, bene reuocatur iustitia regis: ideo obiectio adducit non simile pro simili, vel falsum supponitur in illo, scilicet quod satisfactio vera sit, quam suscipit vicatio decepto.

AD ALIVD dicendum, quod licet homo non possit scire se habere charitatem scientia infallibili, potest tamen scire, scilicet scientia per signa probabilia accepta: & hoc sufficit, sicut sapius in hoc opere notatum est.

AD ALIVD dicendum, quod Daniel non intendit ut rex aliquis in aliquo peccato perduret, sed potius ut vitam mutet in melius, & tunc elemosynis redimet pœnam peccatorum quam præiudicat sibi debere propter peccatum.

AD ALIVD dicendum, quod illius verbi sententia non est, quod pecunia in parte retineatur, quæ ex iniquo est acquisita: sed potius supponit id quod est iuris positum & communis, quod primo restituatur ablatum: deinde de residuo quod iniquum dicitur, quia inique, id est, auare contra pauperes retentum est: pauperes ad amicos emanant, ut recipiant benefactores suos in æterna tabernacula: sicut infra in eadem distinctione habebitur in quæstione de elemosyna.

AD ALIVD dicendum, quod peccata non habent colligationem in aliquo ente positivo, quod sit sicut habitus, vel radix, vel aliquid huiusmodi: sed tamen habent conuenientiam in priuatione conuersionis ad bonum incommutabile: ex qua parte habent omnia rationem peccati & mali & culpæ offensionis. Et cum talis priuatio permaneat in eo qui perdurat in peccato, manet ira Dei super eum: & ideo non est perceptibilis gratiæ.

AD ALIVD dicendum, quod de hoc

diuersi diuersa sentiunt. Et quantum ad me pertinet, ego bene puto, quod vna politicarum habetur sine alia: licet non quoad omne posse quod potest habere in subiecto: & tunc dicendum, quod non est simile de politicis & infusis: quia infusæ intelliguntur virtutes formatæ, quæ sunt quasi quædam virtuales partes gratiæ gratum facientis: & ideo habent colligantiam in gratia, ita quod vna non habetur sine alia. Et ideo etiam nulla ibi est, quamdiu contrarium alicuius virtutis est in subiecto. Sed non est sic de politicis: quia illæ per consuetudinem & experimentum generationem sumunt, & consuetudines actuum diuersæ sunt: & ideo vna generatur in anima, alia non generata. Et per hoc patet solutio ad duo sequentia.

## ARTICVLVS II.

*An pro vno peccato potest consurgere duplex tribulatio?*

**D**Einde quæritur de illo quod dicitur [ Non consurget duplex tribulatio, &c. ] Videtur contrarium in Psalm. 108. vbi dicitur: Induantur sicut diploide confusione sua.

2 Item, Eccl. 11. Error & tenebræ peccatoribus concreata sunt.

3 Item, In Psalm. 148. Ignis, grando, nix, &c.

**SOLVTIO.** Dicendum, quod duplex tribulatio non consurget pro peccato quod simpliciter est vnum: sed quod est vnum subiecto, & plura deformitate: vel pro pluribus peccatis bene consurget duplex tribulatio: sicut cum peccati actus est vnus, est tamen ibi libido, & contemptus, & huiusmodi, quibus aliquid responderi in pœnis. Vnde dicendum ad primum, quod hoc non intelligitur ratione diuersarum pœnarum debitarum vni peccato, sed ratione duarum partium ipsius peccantis, quæ sunt corpus & anima: & sicut peccauit in corpore & anima, ita etiam punitur in vtroque.

AD ALIVD dicendum, quod hoc intelligitur ratione priuationis habitus dirigentis in bonis moribus. Error enim est in eligendo, & tenebræ in prouidendo quid agendum sit.

AD ALIVD dicendum, quod illæ pœnæ non respondent vni peccato simpliciter, sed pluribus, vel peccato quod vnum est subiecto, & multa deformitate.

## ARTICVLVS III.

*An pœna quæ commutatur in bonum, & iniunguntur in satisfactione, sint iustæ, an non?*

**D**Einde quæritur, de hoc quod dicitur [ Qui presentibus suppliciis commutantur in bonum, &c. ] Hic potest quæri, Vtrum pœnæ illæ excipiantur quæ commutantur in bonum, & iniunguntur in satisfactione, sint iustæ aut, non? Videtur, quod iustæ: quia Dominus punit peccantes his pœnis: & nullum punit Deus nisi iuste: ergo istæ pœnæ sunt iustæ.

2 Item, Iustum est quod iudex reddit pro meritis:



ritis: sed meritum culpæ nec potest esse nisi pœna ergo cum illa infligitur peccatori, iuste fit ei: ergo talis pœna est iusta.

*Sed contra.*

**SED CONTRA:** Mortali peccato debetur pœna æterna: ergo iniuste punitur, quando punitur pœna temporali.

2 Item, Si iuste punitur peccator pœna taxata, videtur iniustum, si taxata conuertatur in maiorem: sed hoc non est iniustum: ergo ista taxata non erat iusta. Probatio mediæ. Si non perficit pœnitens pœnitentiam iniunctam, punitur in purgatorio, quæ grauior est pœna.

*Solutio.*

**SOLUTIO.** Dicendum, quod illa pœna si discrete est taxata, iusta est: quia tunc æstimantur circumstantiæ peccatoris, scilicet deuotio, voluntas, & huiusmodi, & circumstantiæ fori Ecclesiæ militantis, quæ iuuat, & alia. Vnde concedendæ sunt conclusiones primo inductæ.

**AD ID** quod contra obiicitur, dicendum quod mortali secundum se debetur pœna æterna: sed mortali quod ex euentu sequentis compunctionis & confessionis factum est veniale, non debetur pœna æterna, sed temporalis.

**AD ALIUD** dicendum, quod per accidens efficitur pœna maior: scilicet propter hoc quod mutantur circumstantiæ pœnitentis, & circumstantiæ fori in quo pœnitet. Voluntaria enim pœna hic, efficitur necessaria ibi: & ideo minoris virtutis in purgando: & ideo oportet, quod intendatur, & aliæ circumstantiæ mutantur.

#### ARTICVLVS IV.

*An quinque modi quibus flagella contingunt, sunt bene assignati & distincti?*

**D**Einde enim quæritur de hoc quod dicitur [Quinque enim modis flagella contingunt] Videtur, quod primus modus nullus sit: quia ille non supponit peccatum in flagellato, cum dicat Hieronymus, Quicquid patimur, peccata nostra meruerunt.

2 Item, Rom. 8. super id, Diligentibus Deum omnia cooperantur in bonum: dicit Glossa: Mors & omnia mala ex merito originalis peccati procedunt: ergo sine peccato non est aliquis modus flagelli iusti, vt videtur.

3 Item, Iob 6. Vtinam appenderentur peccata mea, &c. Ergo quicquid mali sustinemus, pro peccatis nostris accidere manifestum est.

4 Item, Gregor. Nulla nocebit aduersitas, si nulla dominetur iniquitas.

5 Item, Augustinus, Iniustum est creaturam rationalem sine peccato puniri: sed Deus nihil facit iniuste: ergo nullum punit nisi pro peccato.

*Sed contra.*

**CONTRA:** Iob 16. Hæc passus sum absque vlla iniquitate, cum mundas ad Dominum habeo preces.

2 Item, Iob 19. Videte, quod non ex æquo iudicio Deus me afflixerit, & flagellis suis me cinxerit.

3 Item, Gregor. in Gloss. Iustus conditor tot verberibus in beato Iob non vitia illius curauit extinguere, sed merita augere.

4 Item, Ioan. 19. Nec hic peccauit, neque

*D. Alb. Mag. in Lib. 4. Sentent.*

parentes: sed vt manifestentur opera Dei in illo.

**VLTERIVS** obiicitur de secundo modo qui videtur, quod ille nullus sit: quia incitatio ad vitium non est custodia virtutis: prouocatio autem ad iram sine causa, est incitatio ad vitium: ergo non est bona custodia virtutum: sed prouocatur ad iram, qui sine merito flagellatur: ergo est mala custodia virtutum.

2 Si dicas, quod hoc est ne superbia tenter. Contra: Augustinus dicit, quod superbia post omnes virtutes sæuit. Ergo etiam post pœnitentiam in tribulatione: ergo non magis cauetur superbia per tribulationem, quam per alium modum.

**VLTERIVS** quæritur de tertio modo. Videtur enim non esse correctio peccati. Peccatum enim non corrigitur nisi gratia quæ sibi contraria est, vel virtute: sed pœna non est contraria peccato: ergo non corrigitur peccatum per pœnam.

2 Item, Pœna quæ corrigit peccatum: aut habet hoc in quantum est pœna, aut in quantum est voluntaria, aut in quantum est inflicta, aut quantum ad duo illorum, aut quantum ad omnia tria. Si primo modo: tunc in omnibus corrigit peccatum: & sic intelligitur etiam modus quintus. Si secundo modo: ergo vbi est maior voluntas, ibi erit maior correctio peccati: sed ad suauius opera virtutum, & orationum, & huiusmodi, maior & suauior est voluntas: ergo magis per illa corrigitur peccatum, vt videtur: ergo illud purgatiuum peccati male videtur præordinari à summa sapientia. Si quoad tertium, hoc iterum non potest stare: quia in dæmonibus & damnatis pœna est inflicta, & tamen non corrigit peccatum. Si dicas, quod quoad duo: aut hoc erit quia pœna voluntaria, aut quia pœna inflicta. Si primo modo: cum hoc non causetur ab eo quod est pœna, sed ab eo quod est voluntaria: videtur quod ea in quibus voluntas deuotior est, magis sit correctiua peccati: & illa sunt actus virtutum, & alia deuotionis opera, vt communiter dicitur ab omnibus.

**VLTERIVS** quæritur de quarto modo quem tangit: quia omnino videtur esse sine ratione: gloria enim Dei multis aliis modis sine hominum nocumento potest manifestari: ergo videtur, quod inutilis sit iste.

2 Item, Videtur esse quædam conformitas ad miracula dæmonis: quia sicut dicitur in vita beati Bartholomæi, dæmones prius lædebant, & postea cessantes à læsione, curantes videbantur: & ita videtur hic esse: ergo iste modus nullus videtur.

**SIMILITER** quæritur de quinto: quia dicit Augustinus in lib. de pœnitentia, Quicquid permisit Deus pati, scias esse flagellum correctionis: sed Herodes patiebatur: ergo sua passio fuit flagellum correctionis, vt videtur.

2 Item, Quandiu datur locus correctionis & pœnitentiæ, tandiu debet differri condemnationis initium: sed per totam hanc vitam datur hic locus pœnitentiæ: ergo non debet hic inchoari condemnatio: ergo nullus punitur ante initium vel gustum suæ condemnationis: & sic quintus modus nullus videtur esse.

**CONTRA** hoc est quod dicitur 2. Machab. 9.

*Sed contra.*



de Antiocho punito cum per pœnas humiliaretur, & oraret : Orabat autem scelestus Dominum, à quo non esset misericordiam consecuturus. Ergo pœna non valuit ei ad emendam delicti.

PRÆTEREA videtur, quòd tota illa diu-  
sio sit insufficiens : quia alia datur quæ contine-  
tur his verbis.

*Erudit, vertit, probat, & latum facit, arctat,  
Confortat, sariat, consummat, deinde coronat.*

Erudit. Ier. 9. Per omne flagellum erudiens Ieru-  
salem. Vertit, id est, conuertit. Psalm. 115. Multipli-  
catae sunt infirmitates eorum : postea acceleraue-  
runt. Probat. Eccli. 27. Vasa figuli probat fornax :  
homines vero iusta tentatio tribulationis. Latum  
facit. Iacob. 1. Omne gaudium existimate fratres,  
cum in varias tentationes incideritis. Arctat.  
Isa. 28. Sola vexatio dat intellectum. Confortat  
Iob 6. Soluat manum suam, & succidat me. Et  
hæc sit mihi consolatio, vt affligens me dolore,  
non parcat. Sariat, id est, fecundat. Exod. 1.  
Quanto magis Aegyptij opprimebant filios Israël,  
tanto magis crescebant. Consummat. Matth. 5.  
Beati qui persecutionem patiuntur propter iusti-  
tiam, &c. Coronat. 2. Corinth. 4. Id enim quod in  
præsenti est momentaneum & leue tribulationis  
nostræ, supra modum in sublimitate æternæ glo-  
riæ pondus operatur in nobis.

*Solutio.*

SOLUTIO. Dicendum ad primum, quòd  
peccatum est duplex : vt dicit August. scilicet natu-  
ræ, & personæ. Et sine peccato naturæ nullus  
patitur, nec etiam Christus, sicut notatum est in  
tertio, q. de passione Christi, sed sine peccato  
personæ multi puniti sunt, vt Christus, & Iob,  
& alij quidam : & sic intelliguntur auctoritates  
primo inductæ.

AD ID quod de secundo modo quæritur,  
dicendum quòd omnis tribulatio in quantum hu-  
miliat, valet ad custodiam virtutum : & licet hoc  
verum sit vniuersaliter, tamen est quædam species  
tribulationis quæ ostendit infirmitates hominis  
& vtilitates corporis, quæ specialem habet effica-  
ciam humiliationis, sicut fuit tribulatio beati  
Pauli, scilicet stimulus carnis.

AD HOC quod contra obiicitur, dicendum  
quòd tribulatio non est prouocatio nisi animi  
male dispositi, scilicet irati : sed hic loquitur Beda  
de animo tranquillo, & animo sapientis : de quo  
probauerunt Philosophi, quòd non cadit pertur-  
batio in sapientem : & ideo virtus quæ supponi-  
tur in tribulato, cauet perturbationem : sed mo-  
dus flagelli per se humiliatius est.

AD ALIUD dicendum, quòd licet super-  
bia post omnes virtutes sæuiat : tamen post illam  
sæuit minus quæ reducit hominem in actua-  
lem sui status cognitionem : & ideo concludit falsum  
quantum est de se.

AD ID quod obiicitur de tertio, dicendum quòd  
in peccato duo sunt, scilicet substantia peccati, &  
reatus consequens peccatum : & peccatum quoad  
substantiam sui non purgatur nisi per gratiam :  
sed reatus qui est debitum pœnæ, purgatur per  
pœnæ solutionem.

AD ALIUD dicendum, quòd pœna purgat  
peccatum in quantum voluntarie suscipitur pro  
peccato. Ad id quod contra obiicitur, dicendum  
quòd opera deuotionis plus quidem valent ad  
meritum vitæ æternæ : quia incendunt charitatem  
& feruorem : sed pœna voluntarie percepta, plus

valet ad meritum diminutionis pœnæ. Et hoc  
ideo : quia reatus pœnæ est per modum debitum  
iustitiæ : quæ à Philosopho dicitur directiua  
damni. Et huiusmodi iustitia exigit, vt tantum  
soluat, quantum deliquit : soluit autem cum luit  
pœnam : & ideo magis valet ad pœnæ solutio-  
nem sustinere voluntarie pœnam. Ratio autem  
inducta procedit, ac si idem sit meritum vitæ  
æternæ & diminutionis pœnæ, quod non est  
verum.

AD ID quod quarto quæritur, dicendum  
quòd ille modus rationem habet : quia per hoc  
quod punit & sariat, se conditorem naturæ esse  
ostendit, sicut ipse dicit Ierem. 18. Sicut lutum in  
manu figuli, sic vos in manu mea, dicit Dominus.  
Aliis autem modis non se ita ostenderet artificem  
luti naturæ nostræ.

AD ALIUD dicendum, quòd dæmones con-  
ferebant sanitatem aliquam : & læsio eorum fuit  
violenta : sed Dominus mouendo naturam per  
dispensationem infirmat quandoque : sed veram  
confert sanitatem, reductis humoribus ad æqua-  
litatem, vel reintegratis membris compositionis  
corporis. Vnde non est simile quod pro simili est  
inductum.

AD ID quod quinto quæritur, dicendum,  
quòd bene puto, quòd quantum est de intentione  
flagelli & flagellantis, non flagellatur aliquis hic  
nisi vt corrigatur : sed quod non corrigitur, præ-  
scitur à flagellante, & ideo dicitur pœnæ æternæ  
initium. Quod enim gustus sit pœnarum, hoc  
ipsum deberet facere ipsum resilire à peccato  
quantum est de natura pœnæ : vnde quòd non  
reueritur, hoc est de obstinatione flagellati : &  
tunc per accidens est quasi initium pœnæ æternæ.

ET PER hoc patet solutio eorum quæ obie-  
cta sunt : quia Augustinus loquitur secundum in-  
tentionem flagellantis & non flagellati. Et in eo-  
dem sensu procedit ratio. Beda autem loquitur  
in litera de flagello ex parte flagellati, quod  
in illo facit obstinationem, quæ est initium pœ-  
næ æternæ.

AD ID quod obiicitur de diuisione, dicen-  
dum quòd multæ causæ particulares assignari  
possunt flagelli : sed tamen sub his quinque vniuer-  
salibus incidunt : sicut patet in octo membris se-  
cundæ diuisionis. Eruditio enim reducit ad  
custodiam virtutum : conuersio autem ad cor-  
rectionem : probatio vero & lætificatio : confort-  
ratio & sanatio & coronatio omnes incidunt sub  
prima causa hic posita. Et duæ causæ hic posite  
non tanguntur in secunda diuisione : quia gene-  
raliores habet partes, quam secunda. Et potest  
accipi numerus causarum hic positarum sic. Fla-  
gellum fit aut ad promotionem boni, aut ad amo-  
tionem mali. Si primo modo : aut in Ecclesia, aut  
in persona. Si in Ecclesia, sic est ad gloriam Dei  
manifestandam, vt in cæco nato, Ioan. 19. Si in  
persona : aut est ad bonum quod non inest, sed  
debet induci per flagellum : aut ad bonum quod  
inest, & potest meliorari per flagellum : quia sicut  
dicit Poëta :

*Non nocet admissio subdere calcar equo.*

Si respectu eius quod non inest : sic est ad vitij  
correctionem, vt virtus introducat : quia dicit  
Boëtius, quòd prius extirpanda sunt vitia, vt in-  
ferantur virtutes. Si autem est respectu boni quod  
inest, sed potest emendari in melius : tunc vel est



ex parte subiecti: & tunc est radication maioris boni & conseruatio, & sic est virtutum custodia. Aut ex parte ipsius boni quod inest: & hoc non accipit meliorationem nisi secundum quantitatem: & tunc illa est causa quam vocat Augustinus merita. Si autem est respectu mali: aut hoc erit respectu mali amouendi: & sic est iterum ad correctionem vitiorum: quia nihil prohibet idem esse duorum vel amborum finium: vnius, tanquam eius quod est finis: alterius autem, tanquam eius quod est ad finem: & per flagellum primo est inferenda virtus: sed vt hoc fieri possit, necesse est vt extirpentur vitia. Aut est ad malum

indicandum, quod extirpari propter obstinationem flagellari non potest: & sic est ad initium poenae aeternae. Sunt autem versus de istis causis.

*Iob probat, inclinat Paulum, purgatque Mariam,*

*In caco sese manifestat, punit Herodem.*

Vel sic:

*Cur homo torquetur? ne fastus ei dominetur.*

*Cur homo torquetur? vt ei meritum cumuletur.*

*Cur homo torquetur? vt poenis culpa pietur.*

*Cur homo torquetur? vt Christum glorificetur.*

*Cur homo torquetur? vt dupliciter puniatur.*

*Qua sit intelligentia praemissorum.*

**A**TTENDE lector his verbis, & caue ne de omnibus generaliter intelligas: sed de his tantum qui inter ipsa flagella poenitentiam egerunt, credentes Deum Hebraeorum: quam, etsi breuem & momentaneam, tamen non respuit Deus.

Quod autem qui temporali flagello non corriguntur, post aeternaliter puniantur, ibidem ostendit, agens de fidei deprehensio in adulterio qui decollatur. Vbi ostendit leuia peccata breui & temporali supplicio purgari, magna vero diuturnis aeternisque suppliciis reseruari, ita inquit: Quærat hic aliquis, si fidelis deprehensus in adulterio decollatur, quid de eo postea fiat? Aut enim punietur, & falsum est quod dicitur, Non iudicabit Deus bis in idipsum: aut non punietur, & optandum est adulteris vt hic breui poena puniantur, vt frustrentur in cruciatus aeternos. Ad quod respondemus, Deum vt omnium rerum, ita suppliciorum quoque scire mensuras, & non praeueniri sententiam iudicis, nec illi in peccatorem exercendae dehinc poenae auferre potestatem: & magnum peccatum magnis diuturnisque lui cruciatibus. Siquis vero punitus sit temporaliter, vt ille qui Israëlitæ maledixerat, & qui in sabbato ligna collegerat, tales postea non puniri: quia culpa leuis presenti supplicio compensata sit: leuis enim culpa leui supplicio compensatur. His satis innuit Hieronymus graua peccata & hic puniri graui supplicio, & in futuro punienda aeternaliter, de quibus poenitentia non agitur inter flagella. Leuia vero quæ hic puniuntur, leui poena compensationem recipere: quod in bonis fieri non ambigimus, & in malis forte etiam fit ita. Satis iam apparet quod illi de Prophetia induxerunt, non facere pro eis qui dicunt, ei qui crimen sibi reseruat, de alio veniam præstari per poenitentiam. Alias quoque auctoritates inducunt. Ait enim Gregor. Pluit Dominus super vnam ciuitatem, & super alteram non pluit: & eandem ciuitatem ex parte compluit, & ex parte aridam reliquit. Cum ille qui proximum odit, ab aliis vitiis se corrigit, vna eademque ciuitas ex parte compluitur, & ex parte arida manet: quia sunt quidam qui cum quædam vitia rescent, in aliis grauiter perdurant. Item Ambros. Prima consolatio est, quia non obliuiscitur misereri Deus. Secunda, per punitionem: vbi etsi fides desit, poena satisfacit & releuat. Ratione quoque vtuntur dicentes, Siquis vnum peccatum

Hier. eodem cōment. ad 1. cap. Nahum

Leu. 24. Num. 15.

Super Ezech. 1. hom. 10. & habetur de consec. dist. 3. c. Pluit. Sup. Psal. 118. in principio serm. 18. & habetur de consec. dist. 3. c. Prima consolatio.



confitetur altero tacito, & satisfactionem à sacerdote iniunctam expleuerit: nunquid etsi peccatum tacitum conuersus fuerit confessus, pro utroque ei pœnitentia imponetur? Longe hoc videtur à ratione, & Ecclesiæ consuetudine: quæ pro eodem peccato, nisi reiteretur, nulli bis pœnitentiam imponit. Fuit ergo illa peccati condigna satisfactio, unde & peccatum deletum videtur.

## ARTICVLVS V.

*An Deus puniendo peccata seruet mensuram debitam?*

**D**Einde quæritur de hoc quod dicit *ibi* [Deum ut omnium rerum, ita suppliciorum quoque scire mensuras, &c.] Videtur enim, quod ipsemet Deus non seruet mensuras delictorum pœnæ: patet enim, quod delictum est temporale: sed pœna est æterna: ergo videtur, quod mensura non seruetur.

2. Item, Infra distinct. 20. dicitur, quod pœna etiam purgatorij excedit omne genus passionis, quod potest homo pati in hac vita: ergo multo magis pœna inferni: sed delectatio peccati non excedit omne genus delectationis huius vitæ: ergo acerbitas pœnæ secundum intensiorem excedit in quantitate delectationem peccati: ergo non sunt mensurata contra se pœna & culpa, ut videtur.

*Solutio.*

**SOLVTIO.** Dicendum, quod mensura pœnæ non proportionatur quantitati temporis, vel delectationis, sed potius quantitati radicis & contemptus & imperij voluntatis, ut dicunt Sancti. Verbi gratia, radix peccati contemptus est: & quantitas huius attenditur penes quantitatem æterni boni increati, quod contemnit: & hoc est bonum quoddam infinitum. Et ideo si finita pœna punitur, hoc erit ex Dei misericordia. Similiter actus peccati est temporalis: sed tamen cum homo voluntarie subdit se peccato, cum scientia eius quod est non posse resurgere per se, quantum est de se, eligit in peccato esse æternaliter: & per consequens & huic æternitati respondet pœna æterna. Et hoc est quod dicit Gregor. quod quia homo peccauit in suo æterno, ideo punitur in Dei æterno. Et per hoc patet solutio vtriusque obiecti.

## ARTICVLVS VI.

*An per sententiam sacerdotis præueniatur sententia iudicis?*

**D**Einde quæritur de hoc quod dicit *ibi* [Et non præueniri sententiam iudicis, &c.] Videmus enim, quod tota die præuenitur per pœnitentiam temporalem. Item, Ioan. 20. Quorum remisistis peccata, &c. Et Matth. 16. Quodcumque solueritis, &c. Constat autem, quod hoc totum intelligitur quoad pœnam: quia Deus per se absoluit à culpa: ego sententia iudicis præuenitur.

*Solutio.*

**SOLVTIO.** Dicendum, quod per sententiam sacerdotis non præuenitur sententia iudicis:

quia eadem est sententia iudicis & sacerdotis, si ordine clauium sacerdos pœnitentiam iniungit. Si autem ordinem clauium non seruat, tunc est sententia hominis, non Dei: & tunc iterum non præuenit eam, quia non recedit propter hoc sententia Dei à peccatore, qui volens decipitur à sacerdote. Vnde primæ auctoritates, & prima ratio loquuntur de sententia iudicis, ministerio sacerdotis inflicta. Et per hoc patet solutio.

## ARTICVLVS VII.

*An pro leui culpa, ut in sabbato colligere ligna, debuit infligi mors?*

**D**Einde quæritur de hoc quod dicit *ibi* [Et qui in sabbato ligna collegerat, &c.] Videtur enim velle, quod culpa huius Israëlitarum leuis fuerit: cum tamen lapidatus fuerit, & pro culpa leui mors non fuisset inflicta.

2. Item, Legitur ibidem, Educ blasphemum extra castra. Ergo blasphemauit: & blasphemia est peccatum in Spiritum sanctum: & hoc est peccatum quod non remittitur nec in hoc seculo, nec in futuro: cum tamen litera innuat, quod ille postea non fuerit punitus.

**SOLVTIO.** Dicendum, quod leuitas culpæ istius significata est ex specie peccati duplicis, scilicet collectionis lignorum in sabbato, & maledictionis qua maledixit non Deo, sed viro Israëlitarum: & de his tantum duobus peccatis loquitur.

**AD PRIMUM** autem dicendum, quod grauius tunc peccata puniebantur propter legis recentiam & rigorem, ut alij terrentur, & non propter grauitatem peccati.

**AD ALIUD** dicendum, quod sicut dicit Richard. de sancto Victor. aliud est spiritus blasphemiae, & aliud blasphemia: quia spiritus blasphemiae est, quando blasphemans non ignorantiam, sed malitiam spirat in blasphemando, sicut patet Matth. 12. & Luc. 11. ubi videbant signa indicantia spiritum Dei, & in Beelzebub dicebant ea fieri. Blasphemia autem fit quandoque ex ignorantia, vel prouocatione: & tunc non est peccatum in Spiritum sanctum: & tale fuit illius Israëlitarum, qui forte pœnituit inter ictus lapidum: & tunc merito patientiæ remissum est ei peccatum.

## ARTICVLVS VIII.

*An sine fide aliqua pœna sit satisfactoria?*

**A**lias quoque auctoritates, &c.] Hæc est secunda pars, & diuiditur in duas partes, in quarum prima ponit obiectiones, & in secunda solutionem



solutionem *ibi* [His responderi potest] Dubium autem incidit de hoc quod dicit in prima parte *ibi* [Secunda, per punitionem: ubi etsi fides desit, & cetera] Contra enim est illud Roman. 14. Omne quod non est ex fide, peccatum est. Et Hebr. 11. Sine fide impossibile est quemquam placere Deo. Fortassis & displicere necesse est: ergo videtur, quod sine fide poena non sit satisfactoria.

*Solutio.* SOLVITIO. Equiuocatio est in fide: quia fides est virtus qua creduntur inuisibilia propter primam veritatem: & de hac non loquitur hic. Fides iterum est credulitas quaedam rationis de aliquo apprehenso, secundum quod dicit Philosophus in 3. de anima, quod opinio iuuata rationibus fit fides: & sic consuevit dici, quod fides est alicuius opinati vel sciti: & sic loquitur hic Ambrosius. Vnde sensus est, Si fides, id est, conscientia delicti desit, quia delicta nemo intelligit: poena satisfacit, quia talia Deus aut pie patientia poenarum indulget, aut reuelat ad confitendum.

AD PRIMVM ergo dicendum, quod sensus auctoritatis Apostoli est, Omne quod non est ex fide, id est, contra fidem, peccatum est: quia qui facit contra conscientiam, edificat ad gehennam. Ad alia duo dicendum, quod loquitur de fide virtute.

## ARTICVLVS IX.

*An satisfaciens in peccato mortali satisfecerit?*

DEinde queritur de hoc quod dicit *ibi* [Longe hoc est à ratione, & Ecclesie consuetudine quæ pro eodem peccato, nisi reiteretur, nulli bis poenitentiam iniungit] Videtur enim, quod Ec-

clesia ei non iniungit aliam poenitentiam sicut & isti dicunt. Ponamus enim, quod sacerdos iniunxerit alicui, quod iret ultra mare, vel quod daret centum marcas argenti: & perficiat iter, vel det argentum in mortali peccato, Ecclesia ei non iniungit ut iterum hoc faciat: ergo ipse est absolutus: ergo expleuit poenitentiam: ergo non tenebatur hoc facere in charitate.

2 Item, Præcepta Dei non includunt gratiam, ut multi dicunt: quia non præcipitur nisi actus: ergo sacerdos non intendit, quod perficiat poenitentiam existens in charitate: si ergo non existens in charitate hoc impleat, videbitur esse absolutus.

*Solutio.* SOLVITIO. Credimus, quod si aliquis in peccato existens, soluat quod iniunctum est, non oportet, quod postquam poenituerit, iterum soluat: sed tamen oportet, quod conteratur, & confiteatur, & satisfaciat de eo quod non fecit iniunctum eo modo quo debuit. Non ergo proprie satisfecit, ut videtur: quia contritio & satisfactio respiciunt peccati dimissionem quantum ad essentiam, pro qua dimissione debet homo fieri gratus Deo: & ideo non possunt fieri sine charitate: sed differunt, quia contritio non solum fit in charitate, sed ex charitate, cum per eam deleatur culpa, ad cuius deletionem exigitur motus liberi arbitrij informatus gratia. Sed licet necesse sit, quod satisfactio sit in charitate, non tamen necesse est quod semper fiat ex charitate. Sed confessio, non respicit dimissionem peccati per se, sed solum dispositionem ad dimissionem culpæ, quia fit ministro Ecclesie, ut cognoscat quanta & quæ sit culpa, ut sic iniungat poenam debitam. Ideo in peccato existens potest soluere debitum, sed non satisfacere: quia solutio tantum respicit quantitatem debiti, sed satisfactio hanc respicit, & adhuc dicit ut fiat secundum voluntatem beneplaciti eius cui fit.

## *Quomodo accipienda sunt premissa.*

**H**is responderi potest sic, Illud Gregor. pluit Dominus, &c. C Non ad criminis veniam, sed ad operis prauis desertionem referendum est: ut ideo pars ciuitatis dicatur complui, quia ab actu & delectatione peccati cui ante seruiebat, modo cessat: non quod eius veniam habeat. Vocaturque pluuia illa talis continentia qua ab opere peccati reuocatur: quia ex fonte gratiæ Dei id cordi instillatur, ut vel sic paulatim ad poenitentiam veniat: vel eo minus à Deo puniatur qui diuturniori delectatione & actu peccati inaius sibi accumulasset tormentum. Si vero ad indulgentiam reatus pluuia referatur, Euangelicæ sententiæ contraire videbitur. Si enim propter immisericordiam qua quis proximo suo non miseretur, etiam quæ dimissa sunt, replicantur ad poenam: multo magis quæ nondum sunt dimissa propter odium fraternum ad poenam reservari probantur. Et si ille qui arbiter suæ voluntatis constitutus est, non potest inchoare nouam vitam, ut ait Augustinus, nisi poeniteat eum veteris vitæ: quomodo ad nouitatem indulgentiæ perueniet, qui odij vetustatem non deposuit? Illud etiam quod Ambrosius ait, Et si fides desit, poena satisfacit, &c. non de



fide intelligitur , qua creditur in Deum , sed de conscientia delicti. Deest enim fides , cum conscientia peccati non subest. Nam cum delicta omnia nemo intelligat , est aliquando in homine peccatum cuius non habet conscientiam. Vnde Apostolus , Nihil mihi conscius sum : sed non in hoc iustificatus sum. Cum ergo quis flagellatur pro peccato cuius non est conscius , si patienter fert pœnam & humiliter amplectitur , cogitans se forte peccatum habere quod non intelligit , & pro eo puniri à Deo , pœna illa satisfacit & releuat grauaturn. Ad hoc autem quod obiicitur de satisfactione illa , si satisfactio non fuit , iterum imponenda est. Si vero iterum imponenda non est , satisfactio fuit : & si satisfactio fuit , veniam impetrauit. Responderi potest satisfactionem ideo non fuisse , quia ille dignos fructus pœnitentiae non fecit. Est enim satisfactio pœnitentiae , vt ait Augustinus , peccatorum causas excidere , nec suggestionibus eorum aditum indulgere. Item , Sane qui scelerate viuunt , nec curant talem vitam moresque corrigere , & inter ipsa facinora sua eleemosynas frequentare non cessant : frustra ideo sibi blandiuntur , quia Dominus ait , Date eleemosynam : & ecce omnia munda sunt vobis. Hoc enim quam late pateat non intelligunt. Multa enim sunt genera eleemosynarum : quæ cum facimus , adiuuamur. Non solum qui dat esurienti cibum , sitienti potum , & huiusmodi : sed etiam qui dat veniam petenti , eleemosynam dat : & qui emendat verberare in quem potestas datur vel coercet aliqua disciplina , vel orat vt ei peccatum dimittatur , eleemosynam dat : quia misericordiam præstat. Multa enim bene præstantur inuitis , quando eorum consulitur vtilitati & non voluntati : sed ea maior est quæ ex corde dimittimus quod in nobis quisque peccauit. Minus enim magnum est erga eum esse beneuolum qui tibi nihil mali fecit. Illud multo grandius vt tuum etiam inimicum diligas , & ei qui tibi malum vult , & si potest facit , semper bonum velis faciasque quod possis. Quod ergo Dominus ait , Date eleemosynam : & omnia munda sunt vobis : itane intellecturi sumus , vt non credentibus in Christum munda sint omnia , si eleemosynas istas dederint ? Qui enim vult ordinate eleemosynam dare , à se debet primum incipere , & eam primum sibi dare. Est enim eleemosyna opus misericordiae : verissimeque dictum est , Miserere animæ tuæ placens Deo. Non ergo se fallant , qui per eleemosynas largissimas fructuum suorum vel pecuniæ impunitatem se emere æstimant , in peccatis permanentes : quæ ita diligunt , vt in eis optent versari. Qui vero diligit iniquitatem , odit animam suam : & qui odit animam suam , non est misericors ei , sed crudelis. Diligendo quippe eam secundum seculum , odit eam secundum Deum. Si ergo vult ei dare eleemosynam per quam fit munda , odiat eam secundum seculum , & diligit eam secundum Deum. Hac eleemosyna , quam sibi homo primitus debet , mundantur interiora. Ad quod hortans Christus ait , Mundate quæ intus sunt. Immundis enim nihil est mundum : sed polluta sunt eorum mens & conscientia , vt ait Apostolus. Immundi vero sunt omnes , quos non mundat fides , qua creditur in Christum : de qua scriptum est , Mundans fide corda eorum. Sed ne istas eleemosynas quæ fiunt de fructibus terræ ,

respueo



respuere Christus videretur. Hæc, inquit, oportuit facere, scilicet <sup>Mat. 23.</sup> iudicium, & charitatem Dei: & illa non omittere, id est, eleemosynas fructuum terrenorum. Ex his datur intelligi, quod in peccato mortali permanentes, etsi eleemosynas largas faciant, non tamen per eas satisfaciunt: quia inordinate agunt, dum à se non incipiunt. Nec proprie dicitur eleemosyna tale opus, dum sibiipsis crudeles existunt, non placentes Deo. Non ergo dicenda est illa peccati satisfactio, quam quis agit pro vno peccato, dum perdurat in altero. Quia nihil prodest ieiunare, & orare, & alia bona agere, nisi mens reuocetur à peccato, & si aliquando conuersus tacitum peccatum sacerdoti fuerit confessus, de utroque imponenda est ei satisfactio: quia de primo condigne non satisfecit.

# ARTICVLVS X.

*An satisfaciens indigeat gratia gratum faciente vt satisfaciat?*

**H**is responderi potest, &c. Hic incipit soluere: & diuiditur in tres partes, in quarum prima soluit secundum suam opinionem: in secunda autem secundum opinionem aliorum, in quibus tamen videtur fuisse. Tertio confirmat solutionem per auctoritates *ibi* [Satis arbitror, &c.] Et subdiuisio harum partium per se patet. Sed incidunt hic quæstiones vtilis & multæ. Et primo de hoc quod dicit *ibi* [Quia ex fonte gratiæ Dei id cordi instillatur] Videtur enim ex hoc quod gratia vel stilla gratiæ est in peccatore, adhuc in peccato existenti: & cum habens gratiam possit satisfacere, videtur, quod satisfaciens non indiget gratia gratum faciente ad hoc vt satisfaciat.

2 Item, Hoc videtur à simili, quod etiam sine gratia hoc possit: quia si quis satisfacere debet homini de læsione, & iniungatur ei exilium, vel ieiunium, vel aliquid tale: non requiritur vtrum in statu gratiæ persoluat pœnam, vel non, dummodo soluat eam: ergo videtur, quod similiter est satisfaciendum Deo.

3 Item, Restitutio est pars satisfactionis, & ipsa potest fieri etiam in statu peccati mortalis: ergo & satisfactio. Quod autem restitutio possit fieri in statu mortalis peccati, probatio Luc. 19. de Zachæo qui dicit: Siquid aliquem defraudauit, reddo quadruplum: ergo videtur habere propositum.

4 Item, Leuit. 25. Si attenuatus frater tuus, & vendiderit tibi possessiunculam, &c. Et sequitur, Si autem non habuerit proximum, & ipse pretium ad redimendum potuerit inuenire, computabitur fructus ab eo tempore quo vendidit. Sed secundum interlineares ibidem, possessiuncula est conuersatio, quæ venditur diabolo cum homo mortaliter peccat: & computabuntur fructus satisfactionis ab eo tempore quo vendidit, id est, ab eo tempore quo mortaliter peccauit: ergo satisfactio in mortali peccato, vel cum gratia gratis data tantum facta, valere videtur ad delezionem peccati.

*Sed contra.* SED CONTRA supra habitum est, quod opera mortua Deo non placent: & non contingit satisfacere nisi per opera Deo placentia: ergo non

contingit satisfacere per opera mortua: sed extra gratiam non fiunt nisi opera mortua: ergo extra gratiam nulla fiunt opera satisfactoria: ergo nulla satisfactio: ergo, &c.

2 Item, Satisfacere plus est quam mereri: quia mereri non dicit nisi opus dignum vita æterna, & satisfacere dicit hoc & solutionem debiti pœnæ: sed non contingit mereri quod minus est, sine gratia: ergo etiam non contingit satisfacere quod maius est sine gratia.

**SOLVTIO.** Hæc quæstio fere determinata <sup>Solutio.</sup> est, vbi quæsitum est de operibus extra charitatem factis, vtrum possint esse opera pœnitentiæ: & ideo hic supponitur quod *ibi* dictum est, scilicet quod opera pœnitentiæ, sicut & cætera opera in quibus quæritur placatio Dei, sint facta secundum voluntatem & acceptionem diuinam: acceptio autem Dei non est in nobis ex nobis, nec in opere nostro ex nobis, vel ex opere nostro, sed potius ex eo quod accepimus ab ipso: & hoc est gratum faciens: & ideo oportet talia opera esse facta in gratia gratum faciente.

**DICENDVM** ergo ad primum, quod cessatio ab actu peccati, ex timore seruili provenit qui est donum Spiritus sancti, & ideo dicitur instillatio à fonte gratiæ: & tamen timor seruilis non est gratia gratum faciens, sed dispositio quædam ad ipsam.

**AD ALIUD** dicendum, quod sine gratia non contingit satisfacere, & non est simile: quia dicitur 1. Reg. 16. Homo videt ea quæ sunt in facie, Deus autem intuetur cor: & ideo homini contingit satisfacere secundum faciem, sed non Deo, nisi cor satisfaciens sit reconciliatum Deo.

**AD ALIUD** dicendum, quod restitutio non est pars essentialis satisfactionis, sed præexigitur per modum fundamenti. Vnde cum restitutio est de his quæ fiunt homini, qui iudicat secundum faciem, non semper oportet, quod fiat in charitate. Aliter etiam potest dici, & est alia causa eiusdem, quod restitutio non fit nisi in ablatione rerum corporalium, & cum actus simpliciter corporalis sit, non spiritualis, non oportet talem actum fieri in charitate.

**AD VLTIMVM** dicendum, quod non intelligitur, quod fructus computetur ex tempore quo peccauit, sed potius sic à die quo vendidit, id est, quo ultimo in venditione fuit. Fuit autem ultimo in vendendo quando ultimo fuit in peccato, post quod tempus non fuit in peccato: quia tunc



tunc incipiebat conuerti: ita scilicet, quod præpositio, cum dicitur à die, notet terminum extra, non intra. Et tunc patet, quod non sequitur, quod possit satisfacere manens in mortali peccato.

## ARTICVLVS XI.

*An oporteat quemlibet satisfacere qui deliquit?*

**D**Einde quæritur de hoc quod dicit ibi [Est enim satisfactio pœnitentiæ, vt ait Augustinus, peccatorum causas excidere, &c.] Et quærentur hic tria, scilicet an conueniat satisfacere. Secundo de diffinitione satisfactionis hic posita. Tertio, qualiter opus satisfactionis differ ab aliis partibus pœnitentiæ, scilicet opere confessionis, & compunctionis. Ad primum sic proceditur: satisfacere mensuratur ad aliud ad quod terminatur satisfactio: quod patet: quia hic qui satisfacit læso, mensurat hoc quod facit ad quantitatem læsionis quam intulit, & similiter ille qui satisfacit damnificato. Et eodem modo qui satisfacit Creatori. Ergo satisfacere non est nisi æquale impendatur damno vel læsioni: sed nullus potest æquale impendere læsioni, & ingrati tudini Dei quam infert peccando: ergo nullus potest satisfacere.

2 Item, Magis tenetur satisfacere qui lædit maiestatem regis vel principis, quam qui lædit æqualem sibi: ergo in infinitum magis tenetur qui offendit infinite altiore maiestatem, quam sit regis vel principis: sed quilibet peccans mortaliter, offendit infinite altiore maiestatem, quam sit regis vel principis: ergo in infinitum tenetur: sed constat, quod non potest soluere infinitum: ergo non potest satisfacere.

3 Item, Isa. 64. Omnes iustitiæ nostræ sicut pannus menstruæ. Ergo non sunt satisfactoriæ: & non possumus aliter satisfacere nisi operibus iustitiæ: ergo cum illa non habeamus, videtur quod satisfacere non possumus.

4 Item, Si aliquis duas habet rationes debiti, scilicet quod sit seruus qui nihil potest possidere nisi nomine & iure domini, & ita contraxerit mutuum ab eodem, vel alio: si totum quod habet debet soluere pro vna debiti ratione, non potest aliud soluere debitum: sed sic est de quolibet homine: quia ipse ex conditione naturæ debet Deo quicquid est, & quicquid potest: ergo pro peccatis non habet quod reddat: sed omnis satisfaciens aliquid reddere debet: ergo nullum hominem contingit satisfacere pro peccatis.

*Sed contra.*

**SED CONTRA:** Osee 14. Omnem aufer iniquitatem, & accipe bonum: & reddemus vitulos labiorum nostrorum. Ergo contingit reddi: ergo satisfacere.

2 Item, Matth. 18. Patientiam habe in me, & omnia reddam tibi.

*Solutio.*

**SOLUTIO.** Dicendum, quod duplex est satisfactio, scilicet secundum æquale iuris, & secundum arbitrium eius cui facta est iniuria. De prima satisfactione non contingit satisfacere Deo ab aliqua creatura pura: sed de secunda contingit, quia contingit Deo soluere pro peccato quod exigit à nobis. Vnde Michæ 6. Quid dignum offeram Domino, &c. Et sequitur. Indi-

cabo tibi ô homo quid sit bonum, & quid, &c. Et per hoc patet solutio ad duas rationes primo inductas, quæ procedunt ac si satisfactio pro peccatis sit secundum æquale iuris quod mensurat inter damnum illatum, siue inter iniuriam patientis & agentis.

**AD ALIUD** dicendum, quod iustitiæ nostræ dupliciter considerantur, scilicet in comparatione ad nos, & in comparatione ad gratiam informantem quam habemus à Deo. Et primo modo humiliando dicit Isaias 64. quod vniuersæ iustitiæ nostræ sunt sicut pannus menstruæ: quia multi sunt defectus nostri. Secundo autem modo considerata opera nostra sunt Deo accepta.

**AD ALIUD** dicendum, quod licet totum debeamus quod sumus & possumus ratione conditionis, non tamen totum hoc exigit Deus à nobis quod debemus iure stricto: & ideo secundum suum arbitrium possumus satisfacere etiam de peccatis.

## ARTICVLVS XII.

*An diffinitio satisfactionis sit bona?*

**S**ecundo quæritur de diffinitione hic posita: & quæritur primo, quid dicatur hic causas excidere? Dicit enim August. quod peccatum non habet causam, & cuius non est causa, illius non contingit excidere causam: ergo nihil videtur esse quod dicitur in litera.

2 Item Dionysius, Peccatum est incausabile & inuoluntarium & infœcundum & pigrum. Et ex hoc sequitur idem quod prius.

3 Præterea, Si non fiat vis in hoc: sed dicatur, quod voluntas deficiens est causa peccati: videtur, quod adhuc nihil sit quod dicit: quia satisfacere est actus & opus satisfaciens: excisio autem voluntatis deficientis, non est opus satisfactionis, sed solius Dei, cuius est conuerrere voluntatem: ergo satisfacere non est causas peccatorum excidere.

4 Item, Causa peccati est quæ tenet peccatum in anima: ergo fortius est adhærens, quam peccatum ipsum: sed peccatum non soluitur nisi à Deo: ergo nec causa peccati: ergo hoc non est opus satisfaciens.

5 Item, Hæc causa quæ exciditur, est causa peccati: sed dicit Boëtius, quod causa est ad cuius esse sequitur aliud: ergo existente causa peccati in anima, existit peccatum in eadem: sed non contingit satisfacere eum qui est in peccato, vt prius habitum est: ergo non contingit satisfacere eum qui est in causa peccati: ergo satisfaciens non contingit excidere causas peccatorum.

6 Item, Causa ista peccatorum excidenda de qua loquitur diffinitio: aut est coniuncta, aut remota. Si coniuncta sit: tunc existente causa inest peccatum in anima, vt iam probatum est. Si remota: sed hoc est voluntas naturalis hominis, vel liberum arbitrium flexibile in malum: ergo contingit naturalem voluntatem excidere per opus satisfactionis, quod est omnino absurdum.

7 Præterea, Alia via disputandi videtur, quod male sit diffinitio tradita: quia satisfactio respicit læsionem, vel iniuriam alteri illatam: ergo debet diffiniri



diffiniri per comparisonem ad iniuriam illam restituendam per rigorem iuris vel arbitrium voluntatis eius cui illata est iniuria: sed hoc non fit hic, sed potius diffinitur secundum id quod facit pœnitens in satisfactione: ergo male diffinitur.

8 Præterea, Causa peccati in homine fomes est: & ille non exstinguitur in hac vita: ergo non contingit causas peccatorum excidere: sed contingit satisfacere, ut prius habitum est: ergo satisfacere non est causas peccatorum excidere.

Quæstio-  
cula 2.

VLTERIVS quæritur de altera parte diffinitionis quam ponit, cum dicit, Nec suggestionibus eorum aditum indulgere. Cum enim satisfactio sit pro peccato præterito: suggestionis autem aditus expectetur in futurum, videtur quod hoc secundum non sit de essentia satisfactionis: ergo male ponitur in diffinitione eius.

2 Item, Suggestio videtur esse idem quod causa peccati: ergo idem bis ponitur in diffinitione eadem.

3 Item, Ex hac ultima parte sequi videtur error qui condemnatus est in diffinitione præcedenti, scilicet quod ille qui suggestioni peccati dat aditum, non satisfacit: sed ille qui post pœnitentiam, incidit in peccatum, suggestioni peccati dat aditum: ergo non satisfacit: ergo non pœnitet: quia satisfactio est pars pœnitentiæ.

Quæstio-  
cula 2.

VLTERIVS quæritur quia Anselm. videtur dare aliam diffinitionem satisfactionis in lib. Cur Deus homo, sic dicens: Satisfacere Deo est debitum honorem impendere: ergo videtur, quod hic male diffiniatur.

2 Item, De diffinitione Anselmi obiicitur: quia non est conuertibilis: constat enim, quod innocens seruans mandata Dei, debitum honorem Deo impendat: & tamen non satisfacit: ergo non est bona diffinitio Anselm.

3 Præterea, In 4. ethic. dicitur, quod magnanimitatis est honorem sibi & aliis impendere: ergo hoc non est satisfactio.

4 Item, Primo ethic. dicitur, quod honor quæritur propter virtutem, & præcipue ab his qui noscunt virtutem eius quem honorant: ergo & impeditur in testimonium virtutis: sed satisfactio est recompensatio peccati: ergo videtur, quod male diffiniatur per impensionem honoris.

Solutio.

SOLVITIO. Dicendum, quod satisfactio tripliciter potest diffiniri, scilicet secundum substantiam, ut satisfactio sit damni vel iniuriæ illatæ recompensatio secundum iudicium & iuris ordinem, vel arbitrium eius cui iniuria est illata. Diffinitur etiam quandoque secundum quod est pars sacramenti pœnitentiæ, quod est medicina peccati actualis: & sic diffinitur per medicamentum vulneris quod facit in satisfaciente, & hæc est propria diffinitio ipsius in tractatu isto: & ideo sic diffinitur in litera. Sanatur enim vulnus per illud quod causæ peccatorum exciduntur, & non indulgetur ulterius aditus suggestioni: & ideo sic inducitur hic illa diffinitio. Tercio diffinitur in comparisonem ad finem: cum enim Deum nec lædere nec damnificare possumus, peccando ei honorem debitum subtrahimus: & hoc fine satisfacimus, ut debitus ei honor, & prius subtractus restitatur: & sic ab Ansel. diffinitur: & ex illa diffinitione

extrahitur quasi veritas totius huius quæstionis.

AD PRIMUM ergo dicendum, quod causa peccati dicitur collecta ex tribus, scilicet libidine incensa per peccati actum & consuetudinem, & reliquiis peccati præteriti, & occasionibus peccandi, ut sunt locus, societas, tempus, & huiusmodi. Voluntas enim affecta his tribus peccat, licet non necessario: quia cogi non potest, ut statim patebit infra in hac eadem solutione. Quod autem dicit Augustinus, quod peccatum non habet causam, intelligendum est, efficientem, quæ vniuoce vel æquiuoce agendo det ei essentiam in eo quod malum est, sicut videmus calidum cum calefacit, vniuoca actione dare suam essentiam secundum speciem eandem calefacto: & calidum cum arefacit, extrahendo humidum, æquiuoca actione inducit ariditatem, quæ est essentia quædam. Sed priuationes non habent essentias. Vnde nihil est causa efficiens cæcitat: quia cæcitas cum non sit essentia aliqua, à nullo recipit essentiam: & ita est de malo in eo quod malum, & de peccato in eo quod peccatum. Sed tamen actus peccati sub deformitate habet causam partim efficientem, & partim deficientem, sicut notatur supra secundum librum. Hæc autem causa coniuncta cum tribus dictis inclinatur ad bonum commutabile, & per consequens auertitur à Deo, & sic efficitur causa peccatorum. Per hoc patet solutio secundum.

AD ALIUD dicendum, quod solus Deus per auersionem à culpa, conuertit voluntatem: sed tamen adhuc manet ligata prænominatis tribus: & hæc soluuntur satisfactione per consuetudinem boni.

AD ALIUD dicendum, quod duplex est causa, scilicet quæ est per modum priuationis formæ: quia peccatum formalem causam non habet in quantum peccatum est: & hæc est auersio voluntatis ab incommutabili bono: & hanc excidit Deus. Sed causæ prædictæ quæ sunt per modum inclinantium, & quasi quædam infirmitates ex peccato relictæ, sunt pœnæ potius, & non causæ: & ideo illas potest homo excidere.

AD ALIUD dicendum, quod dictum Boëtij intelligitur de vera causa: sed peccatum non habet vere causam: sed sunt quædam inclinancia ad ipsum, & illa large dicuntur hic causa. Et per hoc patet solutio ad sequens.

AD ALIUD dicendum, quod non intelligitur de causa coniuncta & propria, sed potius de remota: & hæc est duplex, scilicet remotissima, & hæc est sola voluntas: & propinquior, & hæc est voluntas affecta & inclinata tribus quæ dicta sunt. Et ideo illa per contrariam consuetudinem boni, satisfactione sunt excidenda.

AD ALIUD dicendum, quod diffinitur hic satisfactio prout est pars medicinalis sacramenti pœnitentiæ: & ratio huius supra dicta est: sed modo quo procedit obiectio, diffinienda est à legibus, vel ethico, vel politico: hoc autem signum est, quod opus satisfactionis iniungitur per contrarium eius, per quod magis in peccatore fuit occasio peccati, ut lasciuo ieiunium, superbo oratio, & auaro eleemosyna: quia, sicut dicit Beda, non sanat oculum quod sanat calcaneum, nec è contra.

AD ALIUD dicendum, quod licet fomes non posset excidi in toto in hac vita, debilitari



ri tamen potest & sopiri: & hoc sufficit excisioni.

*Ad qua-  
stionem  
1.* AD ID quod ulterius quæritur de secunda parte diffinitionis, dicendum, quod licet peccatum sit futurum de quo est suggestio: tamen causa trahens ad ipsum est præsens in subiecto, & hoc respicit satisfactionem, ut dictum est. Vel dicatur melius, quod non indulgere aditum suggestioni refertur ad fundamentum satisfactionis: & hoc secundum propositum, ut scilicet non proponat ulterius consentire diabolo: & secundum hoc ponitur in diffinitione satisfactionis: quia, ut dicit Gregor. sicut omnia medicamenta nihil valent ad sanandum vulnus, quamdiu ferrum infixum fuerit, nisi extrahatur: ita omnia beneficia nihil proderunt, nisi ipsum peccatum relinquatur. Unde ita cadit in diffinitione satisfactionis sicut pœnitentiæ: quia sine ipso non potest esse satisfactio, licet non sit de substantia ipsius.

AD ALIUD dicendum, quod suggestio refertur ad dæmonem, sed causa peccati ad hominem, secundum tria trahentia quæ supra dicta sunt. Sicut enim dicit Augustinus in 12. de Tri. Peccatum quandoque est à carne, & quandoque ab homine: & sic patet, quod non est idem peccatum, & suggestio, & causa peccati.

AD ID quod obiicitur de Ansel. patet solutio, qualiter accipiat differetia diffinitionum.

*Ad qua-  
stionem  
2.* AD ID autem quod obiicitur contra diffinitionem Anselmi, dicendum quod debitum multiplex est, sed hinc distinguimus triplex. Debitum scilicet ex commisso: sicut debet accipiens dona Dei ut lucretur in eis, & reportet lucrum ex eis. Est etiam debitum ex dimisso, sicut debitor est, cui multum dimissum est: sicut dicitur Luc. 7. Dimissa sunt ei peccata multa, quoniam dilexit multum. Tertium est debitum ex peccato: & hoc quasi ex damno illato: & hoc est debitum quod tenetur pœnitens in satisfactione: & in tali significatione accipitur in diffinitione Ansel. & ideo non omnis seruans mandata, debitum in hac ratione impendit Deo.

AD ALIUD dicendum, quod magnanimitas hoc modo quo est simpliciter, magis quo virtus est digna, attendit honorem: sed restitutio iusta attendit honorem, quatenus restituit honoris perditionem per peccatum.

AD ALIUD dicendum, quod honor ab honorante debetur virtuti & virtuoso: & ideo à nobis debetur Deo: nihilo minus tamen habet etiam rationem satisfactionis ista honoris exhibitio, in quantum imperatur à iustitia, quæ est directiva damni siue iniuriæ illatæ, de qua loquitur Philosophus in 5. Eth. Et per hoc patet solutio ad totum.

### ARTICVLVS XIII.

*Quomodo differt opus satisfactionis ab aliis operibus pœnitentiæ?*

**T**ertio quæritur, Qualiter differt opus satisfactionis ab aliis operibus pœnitentiæ, scilicet confessionis, & compunctionis? Videtur enim, quod in nullo. Vnumquodque enim istorum trium satisfacit pro peccato: ergo vnumquodque horum trium est opus satisfactionis.

2 Item, August. & habetur infra in litera:

Multum satisfactionis obrulit qui erubescentiæ dominans, eorum quæ fecit, nihil nuntio Dei negauit. Ergo confessio non distinguitur à satisfactione, ut videtur.

*Solutio.* Dicendum, quod satisfactio non dicitur hic omne illud quod soluit culpam aliquo modo, vel pœnam debitam culpæ: sed illud tantum quod iniunctum est & taxatum vi clauium, & per arbitrium sacerdotis: illa enim pœna voluntaria est simpliciter, & ordinata secundum quantitatem delicti. Sed in contritione, & confessione, sunt pœnæ, scilicet dolor in contritione, & pudor in confessione, quæ sunt pœnæ ex natura corrupta inflictæ pro peccato, nec taxantur, nec limitantur secundum tempus certum, sed quanto maiores sunt, tanto est melius: dummodo discretum & rationabile sit obsequium. Ideo licet per eas expietur peccatum, tamen non proprie satisfactoriæ sunt secundum iudicium & arbitrium fori confessionis. Et ideo hæc pars quæ est satisfactio, distinguitur ab aliis. Præterea, Dolor in contrito, & pudor in confitente, non dicunt nisi pœnam intus: sed in satisfactione est extra in conspectu Ecclesiæ: & ideo totus homo tunc punitur, quia pœna interior manifestat se in exteriori. Et quia totus homo tunc habet pœnam, propter hoc (ut quidam dicunt) magis dicitur satisfactio. Sed prima solutio melior est: quia, sicut habitum est, satisfactio respicit iudicium arbitrii voluntatis diuinæ. Per hoc patet responsio ad primum.

AD ALIUD dicendum, quod beatus Augustinus large sumit satisfactionem pro omni pœna quæ portatur pro peccatis, siue sit iniuncta, siue non: sed satisfactio proprie sumpta, non pro tali pœna accipitur.



### EXPOSITIO TEXTVS.

**D**einde quæritur de hoc quod dicit ibi: Date eleemosynas: & ecce omnia munda sunt vobis, &c.] In hac enim parte est magna quæstio de eleemosyna, quam diuidemus in partes propter literam. Et hic quæremus sex articulos, scilicet in quo genere sit eleemosyna, quid sit, & utrum sit in præcepto vel in consilio? Vbi etiam determinabitur ad quod præceptum reducatur, & qualiter distinguitur ab aliis partibus satisfactionis: & utrum magis consistat in voluntate interiori, vel in dato exteriori, siue in quantitate dati exterioris. Et sexto, utrum eleemosyna possit esse sine compassione, vel compassio sit ei essentialis? Hæc enim sex quærantur de eleemosyna secundum se. Postea autem procedendo in litera quæremus de eleemosyna secundum tres alias considerationes, scilicet ex parte dantis, & dati, & eius cui danda est.

### ARTICVLVS XIV.

*An eleemosyna sit in genere virtutis?*

**Q**uæritur ergo primo de genere eleemosynæ, utrum sit in genere virtutis? Videtur enim quod sic: dicit enim Commentator super 4. Eth. quod proprium virtutis est, quod actus eius est laude dignus: & hoc trahitur de primo Ethic. ex textu: sed actus eleemosynæ laudabilis est: ergo est actus virtutis: ergo eleemosyna est alicuius actus virtutis.

2 Item,



2 Item, Consuevit dici ab omnibus, quod actus virtutis est super quem cadit præceptum diuinum. Et hoc ab auctoritate habetur in 5. ethic. ex textu, & in commento, vbi distinguitur inter iustum legale, & iustum virtutis iustitiæ specialis. Constat autem, quod præceptum est de danda eleemosyna: ergo est actus alicuius virtutis.

3 Item, Fere ab omnibus supponitur, quod illud quod est meritorium, est actus alicuius virtutis: sed constat, quod actus eleemosynæ est meritorius: ergo eleemosyna est actus alicuius virtutis.

4 Item, Id quod operatur ad vitij expulsionem, habet contrarietatem ad vitium: hoc autem facit eleemosyna, vt dicitur Luc. 11. ergo eleemosyna habet contrarietatem ad vitium, vel vitij actum: sed nihil habet contrarietatem huiusmodi, nisi virtus vel actus virtutis: ergo eleemosyna est actus alicuius virtutis.

*Sed contra.* SED CONTRA hoc obiicitur sic: Omne gratuitum bonum & virtutis, exemplarem habet in Deo virtutem: sed eleemosyna non habet: ergo eleemosyna non est opus alicuius virtutis. Probat autem prima ex hoc quod virtus perfectissimum bonum est: & hoc non est tollendum perfectissimo & summo bono. Secunda autem probatur ex hoc quod in quo non est passio, in eo non est compassio: & eleemosyna est cum compassione, sicut ostendit suum nomen: & hoc supponitur, & probatur supra. In Deo autem nec est passio, nec compassio.

2 Item, Tria sunt in anima, scilicet passiones, potentia, & habitus, vt dicit Philosophus. Virtus autem in genere habitus est, & non passionis: ergo quod est in genere passionis, non est virtus: sed compassio ex qua procedit actus per quem notatur eleemosyna, in genere est passionis, sicut ostendit suum nomen: ergo eleemosyna est actus istius passionis: ergo non est actus alicuius virtutis.

*Quæst.* SED TUNC vltius queritur de eleemosyna in specie, cuius dicitur esse virtutis? Et videtur, quod sit iustitiæ: quia Matth. 6. super illud, Cum facis eleemosynam, &c. dicit Gloss. interlinearis. Eleemosyna est pars iustitiæ.

2 Item, Omne satisfactorium reducit ad virtutem cuius est satisfacere: sed eleemosyna est satisfactoria, vt in litera dicitur: ergo reducit ad virtutem cuius est satisfacere: hæc autem est iustitiæ: ergo eleemosyna est actus iustitiæ.

SED CONTRA videtur, quod sit actus misericordiæ, quod elicitur ex suo nomine: quia dicitur ab elios, quod est misericordia, siue miseria: quia miseriam alienam facit suam. Hoc autem est misericordiæ: ergo eleemosyna est actus misericordiæ.

2 Item, Super illud Psalm. Tota die misereatur: dicit Glossa: Eleemosyna à misericordia incipit, & postea manum aperit: ergo mouens ad actum eleemosynæ est misericordia: non ergo est actus iustitiæ. Si dicas, quod est actus vtriusque: quia misericordia est pars iustitiæ: hoc non videtur: quia Matth. 5. beatitudo iustitiæ sequestratur à beatitudine misericordiæ. Dicit enim postea, Beati misericordes: & prius dicitur, Beati qui esuriunt & sitiunt, &c. Ergo sunt virtutes diuersæ: ergo quod est actus vnius, non est actus alterius.

VIDETUR autem alicui, quod sit actus pietatis: quia 1. ad Tim. 4. dicitur, quod pietas ad omnia valet. Et exponitur de eleemosyna. Cum igitur pietas nec sit misericordia, nec iustitiæ, videtur, quod eleemosyna, nec sit misericordia, nec iustitiæ actus.

Solutio. Dicendum, quod eleemosyna est actus virtutis, quæ est misericordia, vt puto: licet quidam aliter dicant, quorum non possum intelligere rationem.

AD PRIMAM ergo partem quæstionis respondendum videtur, quod primæ rationes verum concludunt: licet quædam quoad vim inferendi habeant calumniam: quia non est vniuersaliter verum, quod id quod habet laudem, sit opus virtutis: sed de hoc alius erit sermo.

AD ID autem quod contra obiicitur, dicendum quod virtutes diuersimode habent exemplar in Deo: est enim in virtute quoddam perfectum, & quoddam imperfectum, quod est virtutis in quantum est in natura imperfecta, & euacuabile est ab ipsa, quando natura imperfecta transit ad statum perfectionis: sicut patet in fide, in qua ipsa visio perfecta est, & modus visionis imperfectus, & secundum visionem habet exemplar, & non secundum speculum & ænigma. Ita dico hic, quod eleemosyna & misericordia ratione subuentionis misericordiæ, habent perfectionem: sed compassionem habent ex parte deficientis naturæ & passibilis quam perficiunt. Et ideo secundum subuentionis rationem habent exemplar, quia Deus præcipue misericordis subuenit, sed non ratione compassionis quæ perfectissimæ naturæ non conuenit. Et hoc est quod dixerunt antiqui Doctores nostri, quod misericordia in Deo sonat effectum, non affectum.

AD ALIUD dicendum, quod licet virtus non sit passio, sed habitus, est tamen virtus moralis circa passiones vel operationes, vt dicit Philosophus. Et ideo nihil prohibet actum virtutis esse in passione, licet primum motuum sit habitus. Et ita dicendum hic videtur, quod habitus quidam est qui mouet ad bene compatiendum: & vltius ad dandum ei cui compatimur, quæ datio est cum aliqua passione, licet non sit ex ipsa sicut ex primo mouente ad actum.

AD SECUNDAM partem quæstionis dicendum est, quod est opus misericordiæ: sed sicut nos ante in præcedenti distinctione notauimus, actus qui est vnius virtutis per se & proprie, quem vocant antiqui Magistri elicitum, potest esse alterius vt imperantis: & sic potest esse iustitiæ vel pietatis. Iustitiæ quidem erit, sicut dans dat de superfluo, considerando quod superflui potius est dispensator pauperum, quam dominus. Et considerando ex parte pauperis, quod licet sit pauper rebus, tamen habet vicem Christi in accipiendo, qui vniuersorum est Dominus: tunc enim dat vt dispensator pauperi, qui habet rationem patroni, in eo quod accipit vice Christi: sicut dicitur Mat. 25. Quod vni ex minimis meis fecistis, mihi fecistis. Pietatis autem induit rationem, quando aliquis dat motus ex hoc quod pauper est in eadem natura nobiscum, vel imagine diuina, sicut & nos: quia politica pietas est beneuolentia in eos qui natura coniuncti sunt, vt dicit Tullius. Pietas autem gratuita, est beneuolentia in eos qui eadem imagine diuina nobiscum insigniti sunt. Et per hoc patet solutio ad omnia quæstia.



## ARTICVLVS XV.

*An eleemosyna sit bene diffinita?*

**S**ecundo quæritur, Quid sit eleemosyna? Consuevit autem diffiniri eleemosyna à Magistris sic, Eleemosyna est opus in quo datur indigenti ex compassione propter Deum, Sed contra diffinitionem sic obiicitur, Nemo dat sibi ipsi: sed eleemosynam impendit aliquis sibi ipsi: ergo eleemosyna non est opus in quo datur indigenti. Probat autem prima ex ratione dandi. Secunda vero scribitur Eccli. 30. Miserere animæ tuæ placens Deo. Et à Gregor. Qui misereri vult proximo suo, à se trahat originem miserendi.

**I**TEM videtur, quod non semper eleemosyna sit opus. Quandoque enim non habet aliquis dare, & dat compassionem: ergo videtur, quod tunc nullum est ibi opus operatum: & hoc vocatur hic opus: ergo eleemosyna non est semper opus, ut videtur. Quod autem opus operatum intelligatur esse eleemosyna, patet ex communi usu loquentium, qui rem acceptam propter Deum & ex indigentia vocant eleemosynam.

**V**LTERIVS videtur, quod non semper procedat ex compassione. Dicitur enim 2. Corinth. 9. Hilarem datorem diligit Deus. Et loquitur de dantibus eleemosynas: ergo magis procedit ex hilaritate, quam ex compassione: ergo etiam magis per hilaritatem est diffinienda.

**2** Item, Ponatur, quod aliquis det quidem libenter sicut liberalis vel magnificus, & tamen non habeat compassionem. Constat, quod ille dat indigenti propter Deum: ergo eleemosynam dat: & tamen non procedit ex compassione: ergo compassio non est substantialis eleemosynæ: ergo non est per ipsam diffinienda.

**I**TEM obiicitur de hoc quod dicit, Indigenti: non enim semper datur indigentibus, sed etiam aliis: sicut patet in clericis, qui nihil indigentes, tamen eleemosynas accipere non cessant, & contendunt, quod illæ dationes eleemosynæ sunt: ergo videtur, quod eleemosyna non semper est datio quæ fit indigenti.

**V**LTERIVS obiicitur de hoc quod dicit, Propter Deum: finis enim non est essentialis causa rei: sed propter Deum, dicit finem: ergo non dicit causam essentialem: ergo non debet poni in diffinitione.

**2** Item, Sit quod aliquis det ex compassione naturali, probatur, quod datio illa sit eleemosyna: quia eleemosyna dicitur ab eleo quod est misereri, & mois aqua. quæ passionem vel compassionem significat ex parte accipientis, & ex parte dantis: totum autem quod est ex nomine isto, est in diffinitione ista, Eleemosyna est datio quæ fit indigenti ex compassione: ergo superfluit quod apponitur propter Deum.

*Solutio.*

**S**OLVTIO. Dicendum, quod eleemosyna bene diffinita est modo prædicto, secundum quod proprie accipitur. Et est diffinitio quæ inuenitur in scriptis doctorum Magistrorum qui præcesserunt nos in scientia ista. Dicitur enim eleemosyna communiter & proprie. Communiter vocatur quælibet subuentio miseri eleemosyna: & sic homo quando subuenit sibi, facit eleemo-

synam, & quando etiam subuenit alij quocunque modo. Sed proprie vocatur eleemosyna datio boni alicuius temporalis, vel spiritualis, quod impenditur proximo indigenti propter Deum, in quam proprie tendit compassio: quia compassio est quasi cum alio passio, sicut dicitur Eccli. 18. Misericordia hominis circa proximum suum.

**D**ICENDVM ergo ad primum, quod proprie homo non dat sibi, nec eleemosynam impendit sibi. Ad id autem quod inducitur ad probandum de Ecclesiastico, dicendum quod in illa auctoritate, & litera beati Gregorij, tangitur ordo effectuum misericordiæ: quia sicut charitas in effectu & affectu habet ordinem, ita etiam habet misericordia, ut scilicet non alij sic intendat ut se negligat: nihilominus tamen quia eleemosyna datio quædam est, quæ sibi proprie non fit: ideo eleemosyna proprie circa proximum fit, & non circa seipsum, licet in dando obseruandus sit ordo, quod homo præponere se debet proximo indigenti.

**A**D ALIVD dicendum, quod eleemosyna proprie opus est operatum, & non operans. Hoc patet ex quodam verbo quod scribitur à Philosopho in principio ethic. ubi distinguit artes, eo quod in quibusdam finis est opus, & in quibusdam operatio, sicut in musicis: in eleemosyna autem non laudatur datio propter dantem, sed potius datum: non enim præcipitur propter opus operans, sed potius propter opus operatum.

**A**D OBIECTVM autem contra hoc, dicendum quod ille qui vult dare, & non dat, non facit eleemosynam proprie: sed tamen habet meritum dantis eleemosynam propter completam eius voluntatem. Sicut dicitur 2. Corinth. 9. Si enim voluntas prompta est, secundum id quod habet, accepta est, non secundum id quod non habet.

**A**D HOC autem quod ulterius obiicitur contra id quod dicitur ex compassione, dicendum quod eleemosyna semper est ex compassione misericordiæ quæ mouet ad dandum: sed ex compassio sensibilis multum, & compassio voluntatis, scilicet velle non esse miserum, siue dissensus misericordiæ quam patitur pauper.

**A**D ID autem quod contra obiicitur, dicendum quod hilaritas hæc intelligitur quæ non aufert tristitiam danti per auaritiam dati: sunt enim auari in quibus tristitia alienandi datum, aufert compassionem: & sunt in quibus pugnat tristitia alienandi cum compassione, sed tamen vincit compassio: & sunt in quibus non sentitur tristitia propter compassionem: & isti sunt laudabilissimi, qui etiam gaudent dando: & de his loquitur Apostolus. Vnde hilaritas est bona conditio dantis: non tamen est de substantia eleemosynæ proprie.

**A**D ALIVD dicendum, quod opus liberalis vel magnifici non proprie est eleemosyna, licet discernant cui dandum, & quando, & quantum, ut dicitur 4. ethic. quia non attendunt nec mensurant datum secundum exigentiam & propter Deum: unde bene concedo, quod sic dans, non facit eleemosynam nisi materialiter loquendo.

**A**D ALIVD dicendum, quod eleemosyna clericis datur ut ministris pauperum, & dispensatoribus



totibus eleemosynarum: & ideo quod datur eis, per eos pauperibus mittitur: ipsi autem videant, quod fideliter dispenfent.

AD ALIVD dicendum, quod aliter est in moralibus actibus, & aliter in aliis: in aliis enim finis quandoque non est de essentia, sed in moralibus præcipue denominatio est à fine, & ideo est de essentia.

AD ALIVD dicendum, quod qui non dat propter Deum, non meretur, & ideo non dat eleemosynam proprie: quia eleemosyna est opus meritotum vitæ æternæ, si fit in charitate: aut vicinitatis ad gratiam, si fit in mortali peccato, sicut in hac eadem distinctione erit quæstio, quando ageretur, ad quid valent opera facta in mortali. Est tamen opus laudabile dare etiam ex compassione naturali, & significat naturam de facili inclinabilem in bonum.

## ARTICVLVS XVI.

*An eleemosyna sit de præcepto, vel consilio?  
& si de præcepto, sub quo?*

**T**ertio quæritur, Vtrum sit in præcepto, vel in consilio? & hic tria simul quæremus, scilicet vtrum sit in præcepto, & in quo præcepto, & qualiter obliget? Videtur autem, quod sit in præcepto. Luc. 11. Quod superest, date eleemosynam: & ecce omnia munda sunt vobis. Ibi Gloss. quod necessario victui & vestimento superest, date pauperibus, vel do consilium, & cetera. Ergo vult, quod superfluum dare sit præceptum.

2 Item, Matth. 6. Te autem faciente eleemosynam, nesciat sinistra tua, quid faciat dextera tua: dicit Gloss. Conscientiæ facienti eleemosynam pro præcepto adimplendo miscet se laudis appetitio. Ex hoc iterum accipitur, quod sit præceptum.

3 Item, Luc. 3. Qui habet duas tunicas, det non habenti. Gloss. de duabus tunicis diuidendis datur præceptum.

4 Item, Ambros. Pasce fame morientem: si non paueris, occidisti. Ergo est in præcepto.

5 Item, Omne hoc est in præcepto, sine quo non est salus: sed sine donatione eleemosynarum ei qui potest dare, non est salus: ergo dare ei qui potest dare, est in præcepto. Probatio mediæ. Gregor. Minus proximum amare conuincitur, qui cum eo in necessitate ea etiam quæ sunt necessaria, non partitur.

6 Item, Ioan. 3. Qui habuerit substantiam huius mundi, &c.

7 Item, Hoc accipitur ex Matth. 23. vbi Dominus pro ratione iustæ condemnationis iniquorum allegat, quod eleemosynas non dederunt: consilium autem non impletum, non damnatur: ergo si eleemosyna esset in consilio tantum, non propter retentionem eleemosynarum Dominus impios condemnaret, vt videtur.

8 Item, Isa. 58. Requirit Dominus hoc à populo dicens, Frange esurienti panem tuum, &c. Et subiungit, Tunc inuocabis, & Dominus exaudiet, & huiusmodi. Constat autem, quod si esset consilium tantum, non impediret exauditionem.

*D. Alb. Mag. in Lib. 4. Sentent.*

9 Item, Tob. 4. iniungit hoc Tobias filio suo tanquam necessarium ad salutem.

10 Item, Daniel. 4. hoc dicit Daniel necessarium ad regis penitentiam. Ergo est de necessariis ad salutem: ergo est in præcepto.

**S**ED CONTRA videtur, quod sit tantum in consilio. Luc. 3. Interrogauerunt eum turbæ, &c. vbi dicit Gloss. interlinearis, Ex verbis Ioannis terrore concussi, consilium quærunt: sed Ioannes respondit, quod eleemosynis intenderent: ergo respondit consulendo: ergo eleemosyna est consilium, vt videtur.

2 Item, Proprium iuste possidetur: ergo si retineatur, nulli fit iniuria: ergo nec pauperi: ergo nec tenetur aliquis dare pauperi ex præcepto: ergo, &c.

**V**LTERIVS quæritur, Si est in præcepto, sub quo præcepto incidat? Videtur autem quod sub negatiuo propter dictum Ambrosij supra inductum, Pasce fame morientem, &c. ergo reducitur ad præceptum quod est, Non occides: ergo negatiuum.

2 Item, Omnis illicita acceptio & retentio reducitur ad hoc præceptum, Non furaberis: sed non dare eleemosynam est illicita retentio: ergo reducitur ad illud: sed hoc est negatiuum ergo, &c.

**S**ED CONTRA hoc est quod cum dicitur, Sed contra. Honora patrem tuum, & matrem tuam. Dicit August. quod nomine parentum intelligitur hic generaliter proximus: & per honorem intelliguntur tria, scilicet reuerentia, & subuentio corporalis, & subuentio spiritualis. Sed eleemosyna est subuentio proximi, corporalis, vel spiritualis: ergo reducitur ad illud præceptum: & hoc est affirmatiuum: ergo reducitur ad præceptum affirmatiuum.

2 Item, Ab omnibus fere dicitur, quod præcepta negatiua obligant semper & ad semper: sed dare eleemosynam non obligat semper & ad semper, sed pro loco & tempore: ergo non reducitur ad præceptum negatiuum.

**S**ED TUNC quæritur, Qualiter obligat hoc præceptum? aut enim obligat tunc quando apparent signa, quod aliquis deueniet ad necessitatem extremam nisi subueniatur ei: aut tunc primo quando apparent signa extremæ necessitatis. Si primo modo: contra hoc videtur esse, quod in omnibus pauperibus apparent signa, quod non sufficiant sibi: sed hæc sunt deueniendi in extremam necessitatem: ergo omnibus pauperibus à quolibet aliquid habente ultra hoc quod sibi sufficit, est subueniendum: & si non fecerit, est omissio mortalis, quod graue est dicere. Si autem secundo modo: contra hoc est, quod homo non est in extrema necessitate, nisi quando non habet aliud quid faciat, si ille non subuenit: & hoc nunquam apparet alicui, quia semper est talis status probabilis, quod si ego non subuenio, tamen alius subueniet: ergo videtur, quod nunquam erit tempus illud in quo teneatur aliquis subuenire: & hoc est irrisorium dicere.

**S**OLVTIO. Dicendum, quod dare eleemosynam dupliciter consideratur, scilicet ex parte dantis, & accipientis. Ex parte dantis dupliciter, scilicet ratione superfluum, & ratione necessariorum. Si ex parte dantis ratione superfluum consideratur, tunc est præceptum: si autem ex

*Aa 2 parte*



parte dantis ratione necessariorum, tunc est consilium. Quæ autem sunt superflua, & quæ necessaria, hic breuiter dicimus: quia infra erit in quaestione, scilicet quod superflua sunt, quibus ablati adhuc potest conseruari domus & familia & exerceri negotium & officium licitum ipsius personæ: & hoc secundum æstimationem sapientis & boni viri. Necessarium autem est, quo ablato hæc commodè fieri non possunt. Similiter ex parte accipientis consideratur dupliciter. Aut enim apparent signa deueniendi in extremum defectum, nisi aliquid det, aut non. Si apparent, tunc præceptum est dare etiam de necessario. Dico autem necessarium, ut prius, non sine quo non est vita, sed sine quo commodè non potest manuteneri domus & exerceri officium congruum personæ. Si autem non apparent talia signa, tunc est consilium dare. Dicendum ergo ad primum in contrarium, quod illa auctoritas interlinearis de Luca, non probat, quod sit consilium, nisi in casu, & quædam eleemosyna, ut dictum est.

*Ad qua-  
siuncu-  
lam 1.*

AD ID autem quod ulterius quaeritur, Ad quod præceptum reducat? utrum ad affirmatiuum, vel ad negatiuum? Dicendum, quod in affirmatiuum, & secundum quod sit de superfluo, reducitur ad hoc præceptum, Non furtum facies. Et secundum quod accipitur ex parte indigentis in quo apparent signa indigentiae, reducitur ad hoc præceptum, Honora parentes: quia nihil prohibet idem secundum diuersa reduci ad præcepta diuersa.

AD ID autem quod obiicitur, quod si reducitur ad præceptum negatiuum, quod tunc est negatiuum: dicendum, quod hoc non sequitur: sicut hoc non valet, hoc reducitur ad genus substantiae: ergo est in genere substantiae: vel hoc reducitur ad genus quantitatis: ergo est quantitas. Nullum enim præceptum est adeo negatiuum, quod non habeat in se affirmatiuum actum, & quasdam affirmationes consequentes, sicut non furtum facies, habet in se velle non furari tanquam actum affirmatiuum, & velle possidere & accipere quodlibet quod suum est tanquam affirmationem consequentem: & quoad hanc consequentem affirmationem hoc præceptum de eleemosyna, reducitur ad non furandum: quia superfluum non est nostrum, & debemus velle quod pauper accipiat quod suum est. Ad id autem quod obiicitur de Ambrosio. Dicendum quod ipse loquitur interpretatiue, non proprie. Et est sensus, Si non paueris, occidisti, id est, per occasionem reputabitur tibi in culpam, licet non tantam, quanta esset si manu occideret: & hoc ideo, quia cum posset dando vitam prolongare, non fecit.

*Ad qua-  
siuncu-  
lam 2.*

AD ID autem quod ulterius quaeritur de modo obligationis: dicendum, quod obligat, cum apparent signa deueniendi in extremam necessitatem. Sed signa sunt duplicia, sicut dicitur in alia facultate: quædam enim sunt propria, quæ conuertuntur cum causa & immediata, ex quibus quandoque etiam arguit demonstrator: & illa non sunt expectanda, quia talia apparere non possunt de futura paupertate alicuius. Quædam autem signa sunt communia, quæ probabiliter arguunt talem paupertatem futuram, si non dederit aliquid: sicut quod video eum egere, & alios pigros esse ad dandum. Hæc enim sufficere

debent præcipue ad dandum de superfluo: tamen omnia quæ circa hæc signa essent dicenda, non puto scire quenquam, nisi quem vnctio docet de omnibus. Scio enim, quod quidam excusari volunt pauperes videntes, quod trutanni sunt, maiori quam patiuntur fingentes paupertatem: & illi audiant Ioannem Chrysost. dicentem sic super Ioan. in homilia 76. in parte morali ipsius homiliae, Qualiter non inconueniens nosmetipsos quidem ad mensam sedere ridentes & voluptates: alios autem per biuia transeuntes, audientes vlulantes, neque aduertentes ad vlulatum, sed ægre ferre, & deceptorem vocare. Quid dicis o homo, propter panem vnum quis decipit? Quidni inquis? Propter hoc ergo hæc tollenda est necessitas. Si vero non vis dare, neque conuicieris. Si non vis soluere naufragium, non impellas in baratrum.

## ARTICVLVS XVII.

*An eleemosyna sit pars satisfactionis?*

Quarto quaeritur, Qualiter distinguitur ab aliis partibus satisfactionis? Et ratione istius quaeruntur hic duo, quæ simul sunt determinanda, scilicet utrum sit pars satisfactionis: & si est, qualiter distinguitur ab aliis? Videtur autem, quod non: quia satisfactio respicit præcedens peccatum, nec tenetur satisfacere nisi qui peccauit: sed homo tenetur ad eleemosynam, etiam quando non peccauit: ergo eleemosyna non est essentialis pars satisfactionis. Prima probatur ex ratione & diffinitione satisfactionis, supra positae in littera. Secunda vero probatur ex prius habitis: quia eleemosyna fit de superfluo, & est in præcepto etiam ei qui non peccauit, & satisfacere non tenetur. Item, Matth. 17. super illud: Hoc genus dæmoniorum, &c. dicit Glossa Hieron. Per ieiunium sanatur pestis corporis, per orationem pestis mentis. Sed non sunt pestes sanandæ nisi mentis & corporis. Ergo videtur, quod eleemosyna non sanat aliquam pestem: sed quælibet pars satisfactionis debet sanare pestem aliquam: ergo eleemosyna non est pars satisfactionis.

2 Item, Illud non est pars essentialis alicuius, sine quo potest res esse secundum substantiam & effectum: sed contingit fieri satisfactionem de peccato, & satisfactionem esse sine eleemosyna: ergo eleemosyna non est substantialis pars satisfactionis. Prima patet per se. Secunda probatur in illis quibus in sola cordis contritione dimittitur peccatum & poena, sicut Mariæ Magdalene.

3 Item, Non est generalis pars, quæ in omni satisfactione esse non potest: sed eleemosyna in satisfactione pauperis esse non potest, quia nihil habet quod det: ergo non est pars satisfactionis.

SED CONTRA hoc est quod dicitur Tob. 12. *Sed cito- tra.* Bona est oratio cum ieiunio & eleemosyna: ubi dicit Glossa, quod oratio habet alas, ieiunium, & eleemosynam: ergo sicut avis eleuatur suis alis, ita oratio ieiunio & eleemosyna: ergo sine eleemosyna non valet.

SOLVTIO. Dicendum videtur mihi in hac *Solutio.* quaestione cum distinctione, scilicet quod eleemosyna



mosyna est de superfluo, & hæc non est essentialiter pars satisfactionis: sed præexigitur ad ipsam sicut fundamentum, & habet actum satisfactionis in alio, quia pauper quem respicit, orat pro eo, & satisfacit, & quandoque primam gratiam impetrat danti, si pauper cui datur, est in charitate. Est etiam eleemosyna, quæ est de necessario: & hæc est satisfactionis essentialis pars: & voco necessarium, non sine quo homo vivere non potest, quia hoc nullus debet sub ipsi subtrahere, sed potius id quod æstimatione sapientum conceditur ei habere ad domus dispensationem, & potest reparari per industriam negotiantis vel redditus quotidianos.

AD HOC autem quod primo obiicitur, dicendum quod qui sine peccato est, tenetur ad primum genus eleemosynæ, & non ad secundum.

AD ALIUD dicendum, quod est sanatiuum coniunctum, quod cum morbo coniungitur in subiecto: & hæc sanatiua tangit Glossa illa: quia oratio humiliat spiritum, & ieiunium attenuat corpus: unde illa duo sanant pestes ex parte peccantis. Sed oportet in super habere sanatiua ex parte occasionum peccandi: & hæc sunt principalia bona infirmitati concessa: & hæc communicando sanat eleemosyna pestes mentis & corporis: quia ambæ occasionantur ex illis.

AD ALIUD dicendum, quod in eleemosyna sunt duo, sicut infra patebit. Vnum est voluntas communicandi se, & sua pauperibus indigentibus Ecclesiæ: & ex parte illa omnino habet vim meriti, quando illa voluntas est per gratiam gratuitam facientem. Et aliud est datum ipsum: & hoc quandoque non habetur. Et dicendum, quod primum facit eleemosynam esse partem, quando perfectum est: & sine illa parte non est satisfactio. Et per hoc patet etiam solutio ad sequens: quia hanc eleemosynam omnis homo dare potest: & vocatur ab Apostolo Rom. 12. necessitatibus Sanctorum communicatio.

### ARTICVLVS XVIII.

*Qualiter eleemosyna distinguatur ab aliis partibus satisfactionis?*

DEinde quæritur secundo iuxta illud, qualiter eleemosyna distinguatur ab aliis partibus satisfactionis? Videtur autem, quod in nullo quantum ad satisfactionem: quia partes satisfactionis satisfaciunt per hoc quod sunt pœnales: ergo videtur, quod omnes tres in ratione pœnæ conueniant, & non distinguantur nisi materialiter.

2 Item, Super illud Luc. 3. Facite fructus dignos pœnitentiæ: dicit Gloss. Dare eleemosynam pars est pœnitentiæ. Et constat, quod non contritionis vel confessionis: ergo satisfactionis. Et iterum non sunt partes pœnitentiæ nisi ratione pœnæ: ergo videtur, quod istæ tres partes conueniunt in eo quod sunt pœnæ quædam.

SED CONTRA hoc, est, quod si non differrent nisi secundum rationem pœnæ, tunc non esset ratio quare hæc tria ponerentur partes satisfactionis, potius quam alia in quibus naturaliter est pœna: & hoc non est verum.

D. Alb. Mag. in Lib. 4. Sentent.

2 Item, Si vnū multiplicaretur, pœna quæ est in ipso, multiplicaretur: ergo vnū solū posset sufficere ad satisfactionem, si multoties fieri præciperetur.

AD HOC dicunt quidam, quod in toto homogenio omnes partes denominantur nomine totius: & quia satisfactio quasi totum homogeniū est ad partes, ideo quælibet earum satisfacit in ratione qua satisfactio est pars pœnitentiæ: & hoc est quædam pœna. Sed contra primo est, quod ista solutio nullo modo responderet rationibus inductis: unde ista solutio data, adhuc remanet quæstio. Item, quia ista solutio videtur falsum supponere: quia in toto homogenio partes non sunt nisi vnus nominis, quælibet enim pars ignis est ignis, & vocatur ignis: hic autem vna pars diuersum nomen habet ab alia: ergo videtur, quod non sunt partes totius homogenij.

SOLUTIO. Dicendum videtur ad hoc, quod illæ tres partes satisfactionis distinctæ sunt: licet conueniant in hoc communi, quod est esse pœnales: aliam enim rationem pœnæ habet pœna damni, & aliam pœna sensus: & sic eleemosyna in specie pœnæ differt ab aliis partibus satisfactionis. Item, Habet vnā rationem afflictionis puniens spiritum superbientem, & aliam id quod affligit corpus: & sic differt ab oratione ieiunium, etiam formaliter in specie afflictionis, licet in genere conueniant. Et per hoc patet solutio ad totum. Si autem obiicitur, quod vnum illorum sine alio potest satisfacere: quod non esset verum, si essent partes integrales: si autem sunt partes subiectiue, tunc omnes conuenire debent in ratione & specie. Dicendum, quod multa sunt genera partium: unde dicendum, quod istæ partes sunt per modum totius potentialis: & licet vna sola satisfacere possit, tamen aliæ sunt in proposito & virtute: & est ibi quod meritorium est de ipsis hoc modo quo in præcedenti articulo dictum est.

### ARTICVLVS XIX.

*An eleemosyna magis consistat in voluntate interiori, vel in dato exteriori?*

QVinto quæritur, Vtrum magis consistat in voluntate interiori, vel in dato exteriori? Et videtur, quod in voluntate interiori. Exteriora enim radicanter in interioribus, & ex illis habent laudem vel vituperium: cum igitur compassio sit interior, & datum exterius, datum laudatur secundum deuotionem & compassionem interiorem, & non per se: ergo illud est melius quod est interius, quam illud quod est exterius.

2 Item, Matth. 12. Bonus homo de bono thesauro cordis sui profert bonum: ergo boni prolati thesaurus & causa est in corde: sed causa semper melior est & dignior, quam effectus: ergo deuotio & compassio dantis, siue voluntas, melior est, quam sit ipsum datum.

3 Item, 2. Corinth. 8. Super illud: Hoc enim vobis vtile est, &c. dicit Gloss. Do vobis consilium, vt pauperibus eleemosynas deris: hoc enim vtile est vobis non solum facere, sed etiam velle, quod plus est, quam facere.

4 Item, Voluntas pro facto computatur, etiam si sit sine opere propter impotentiam: sed factum



sine voluntate nunquam est meritorium; ergo voluntas melior est quam factum: ergo etiam circa eleemosynam magis attenditur voluntas, quam datum.

5 Item, 2. Corinth. 8. Qui modicum non minorauit, &c. Gloss. Qui multum dat ut diues, & qui modicum ut pauper: si æqua voluntas, æqualem mercedem habebunt. Ergo videtur, quod nihil vel quasi nihil faciat ad rationem meriti datum ipsum.

6 Item, Luc. 21. vbi legitur de vidua paupercula, quæ misit duo minuta in gazophilacium, & Dominus laudauit eam, quod plus omnibus posuisset: quia alij de superfluo, & ista de necessario quod maiorem ostendit deuotionem in voluntate.

7 Item, Super illud, Qui seminant in lacrymis, dicit Gloss. Magna voluntas multum dedit, multum seminavit. In hac etiam voluntate illa vidua quæ duo minuta misit, non parum seminavit. Et ex hoc accipitur idem quod prius.

8 Item, Dicitur communiter, & est verbum August. quod Deus non attendit quantum, sed ex quanto detur. Ergo cum ex quanto sit idem quod ex quanta voluntate, videtur quod attenditur voluntas simpliciter, sed ad datum secundum quid tantum, scilicet secundum quod procedit ex voluntate.

9 Item, Paupertas laudatur in sacra Scriptura, & diuitiæ vituperantur: ergo videtur, quod in nullo melior debeat esse conditio diuitis, quam pauperis: sed si substantia meriti eleemosynæ magis attenderetur in dato, quam in voluntate, magis esset meritum in facultate diuitis, quam pauperis: ergo substantia meriti eleemosynæ magis est in voluntate, quam in dato.

*Sed contra.*

SED CONTRA: In suffragiis mortuorum citius liberatur pro quo plura fiunt, sicut dicitur ab omnibus, & infra probabitur: sed qui plura dat, pro illo plura fiunt, quam pro illo qui vult plura dare, & non habet: ergo videtur, quod citius diues liberatur, quam pauper, etiam si in aliis sint pares: & non liberatur nisi propter abundantius meritum: ergo videtur, quod in dato abundantius meritum sit, quam in voluntate.

2 Item, Iniuncta pœnitentia fit secundum proportionem peccati. Sint ergo duo æqualis voluntatis in pœnitentia, sed inæqualis peccati, sacerdos discretus plus peccanti plus iniungit eleemosynæ ad dandum, & minus peccanti minus iniungit: ergo dans maius, expiat magis peccatum cum æquali voluntate, quam dans minus: ergo est virtutis in merendo: ergo penes datum attenditur meritum.

*Solutio.*

SOLUTIO. Dicendum ad hoc sicut prius, quod est meritum per se, & meritum per accidens. Meritum per se est quod est ad acquirendum bonum gratiæ & gloriæ. Dico autem bonum gratiæ, sicut est gratiæ augmentum, & gratiæ perfectio: & non sicut est gratia prima, quia illa non datur pro merito, sed ex dono. Meritum autem per accidens est sicut diminutionis pœnæ, & meritum quod acquiritur alterius intercessionem, ad hoc quasi empti precibus vel donis eleemosynarum. Dicendum igitur, quod meritum per se attenditur penes deuotionem voluntatis, si perfecta est. Non est autem perfecta nisi sibi attestetur datum, & quantitas dati, si potest dare tantum. Meritum autem per accidens attenditur circa datum: quod tamen aliquo

modo procedit à voluntate informante ipsum. Hoc autem attestari videtur Gregor. qui dicit, Charitas magna operatur, si est: si vero operari desinit, non est charitas. Ex hac autem distinctione patet solutio ad omnia ea quæ primo inducuntur præter ultimum.

ET AD hoc dicendum, quod nihil prohibet meliorem esse conditionem diuitis quam pauperis in his quæ faciunt ad meritum per accidens, sicut diuitiæ, & huiusmodi. Et similiter est in felicitate & actu felicitatis ad quem quædam virtutes faciunt per se. Quædam autem bona, ut dicit Commentator super 1. ethicorum, operantur ad ipsum organice, ut diuitiæ, & potentiæ seculares, & nobilitates, & robur corporis, & huiusmodi: & eodem modo operatur meritum in dato: & non est inconueniens in tali casu meliorem esse conditionem diuitis, quam pauperis.

AD EA autem quæ obiciuntur in contrarium, patet solutio: quia in eo sensu procedunt, quo attenditur meritum per accidens, & meritum quod fit per alium per eleemosynam ad hoc inductum.

## ARTICVLVS XX.

*An eleemosyna potest esse sine compassione, vel compassio sit ei substantialis?*

Sexto quæritur, Vtrum eleemosyna possit esse sine compassione, vel compassio sit ei substantialis? Videtur autem, quod ei sit substantialis: quia miseratio non est nisi opus misericordiæ: sed opus miseracionis est eleemosyna, ut patet in nominis interpretatione & distinctione supra posita: ergo eleemosyna non est sine misericordia: sed misericordiæ substantialis est compassio, ut ex ipsa diffinitione patet: ergo eleemosynæ substantialis est compassio.

SED CONTRA: Multi sunt qui non compatiuntur misero, & tamen dant propter Deum: ergo non semper eleemosyna est ex compassione: ergo non est ei substantialis.

SOLUTIO. Dicendum, quod sicut de dolore pœnitentiæ dictum est supra, quod duplex est, scilicet sensibilis, & rationalis: ita etiam videtur dicendum de compassione: voluntas enim compatiendi, compassio spiritualis est, eo quod ex complexione aliquis passionem sensibilem vix sentire potest intuendo miseras proximi: & ex tali compassione semper procedit eleemosyna. Et per hoc patet solutio: quia argumentum factum in contrarium procedit de compassione sensibili.

## ARTICVLVS XXI.

*An sepultura sit eleemosyna, vel species eleemosynæ?*

Deinde quæritur de hoc quod dicitur ibi [Non solum qui dat esurienti cibum, & sitienti, &c.] Hic est tractanda quæstio de speciebus eleemosynæ, circa quam quæremus tria, scilicet de sufficientia eleemosynarum corporalium. Secundo de eleemosynis spiritualibus. Tertio de



de comparatione spiritualium ad corporales.

QVÆRITVR ergo, Vtrum sepultura sit eleemosyna? Videtur, quod sic: quia 1. & 2. Tob. laudatur, quod ex compassione procedit opus illud: ergo est eleemosyna.

2 Item, Hoc ab omnibus dicitur, quod eleemosynæ corporales sunt septem, quarum vna assignatur sepultura. Item, Eleemosyna subleuat defectum: defectus autem ad quem omnes ordinantur, est mors: ergo debet maxime subleuari: subleuamem autem est sepultura: ergo videtur, quod sit eleemosyna.

3 Item, Corpori quod resurget, aliquid debetur, quod non debetur corpori non resurgenti: sed corpus hominis resurget, & brutorum corpora non resurgent: ergo cum bruta inhumata abiiciantur, istud debet sepeliri ex compassione, ut videtur.

4 Item, Fidei signum reputatur, quod aliquis moriens eligat sepulturam in loco congregationis bonorum, & in locis sacris: ergo sepultura talis est laudabilis, & exhibetur deficienti: ergo est opus misericordiæ, ut videtur.

5 Item, Tituli leguntur positi in sepulchris patrum, ut Simon edificauit sepulchrum patris sui & fratrum, & laudatur: ergo videtur, quod mors non obstat quin ex compassione possint fieri bona circa mortuos: sed sepultura est præcipuum quod mortuo exhibetur: ergo est opus eleemosynæ, ut videtur.

SED CONTRA: Eleemosyna releuat indigentiam pauperis, vel deficientis, circa quæ fit: sed sepultura non prodest mortuo circa quem fit: ergo non est eleemosyna. Probatio mediæ. August. dicit, & infra habetur in litera: Pompa fune-  
*sed contra.* ris, agmina exequiarum, & sumptuosa diligentia sepulture, viuorum sunt qualiacunque solatia, non adiutoria mortuorum.

2 Item, Aristor. dicit, quod bonum & malum non amplius transmutant mortuum: ergo nec iuuant: sed eleemosyna semper iuuat eum cui fit.

QVÆRITVR etiam de aliis, scilicet de ciba-  
*Quæstio- cula.* tione? Videtur enim, quod cibus aliquis non requiritur propter defectum, sed propter delectationem: ergo qui dat illos, non videtur facere eleemosynam.

2 Obiicitur secundo de vestimentis, quæ quandoque quæruntur propter ornatum, ut videtur.

3 Præterea, sunt multi alij defectus corporales, circa quos ordinantur humana obsequia: ergo videtur, quod sint plura genera eleemosynarum. Verbi gratia, medicari, errantem ad viam reducere, cadentem subleuare, & huiusmodi multa quæ sunt circa homines: ergo opera eleemosynæ videntur insufficienter enumerari à sanctis.

SOLVTIO. Dicendum, quod eleemosyna (sicut supra habitum est) dicitur à misericordia facientis eam, & non necessario à miseria accipientis eam: quia sufficit, quod in accipiente sit opinata vel præsumpta miseria, quæ cor hominis sufficienter mouere debet ad subueniendum. Quod ergo obiicitur de sepultura, bene concedo, quod eleemosyna est quæ impenditur homini gratia corporis quod resurget, ut condatur honestius quam alia corpora non resurgentia, & remoueat ab horrore hominum.

AD ID autem quod contra obiicitur, di-

cendum quod releuat defectum quem incurrit homo gratia corporis. Ad dictum August. dicendum, quod ipse intendit, quod non prodest nisi his qui se in vita dignos fecerunt, ut eis prodesse possent: unde sicut suffragia relata ad præcedens meritum profunt vel obsunt, ita etiam sepultura. Unde Gregor. narrat, quod quidam iniqui in locis sacris sepulti, eiectioni sunt à demonibus.

AD ALIUD dicendum, quod Aristot. loquitur de bonis ciuilibus, & ad ciuilem felicitatem ordinatis: & verum est, quod illa non transmutant mortuum, sicut fortunæ pronepotum, & huiusmodi: sed sic non loquitur Ecclesia quæ credit, quod suffragia in eleemosynis profint mortuis qui Deo viuunt.

AD ID quod vltius quæritur de cibo, di-  
*Ad quæ- stionem lam.* cendum quod natura deficit quandoque in appetendo necessaria propter aliquam infirmitatem: & tunc oportet subuenire per delicata mouentia appetitum: & illa hoc modo secundum statum talem ordinantur contra miseriam.

AD ALIUD dicendum, quod vestis delicata dupliciter ex misericordia dari potest: vno quidem modo, quando debilitata complexio requirit mollem vestitum, impotens ad sustinendum necessarium: alio modo, quando licet pauper sit, tamen statum tenuit honorificum: & verendum est ei uti communibus: sicut legitur de beato Nicolao, quod dedit aurum virginibus & patri, quæ mendicare erubescerent prostibulo disponebantur.

AD ALIUD dicendum, quod multi sunt defectus secundarij: sed isti sunt principales, sicut medicina quæ reducitur ad visitationem infirmorum: & quia infirmus generaliter accipitur, & visitatio eius generaliter est omne adiutorium, potest dici etiam cadens infirmus, & visitatio subleuatio eiusdem.

SI AVTEM quæritur, Penes quid sumuntur  
*Quæstio- cula. Solutio.* huiusmodi defectus? Dicendum, quod subleuamem quod fit misero: aut fit ad defectum amouendum in se, aut non quidem ad amouendum, sed ad mitigandum, ne aliis generet horrorem. Si hoc vltimo modo fiat, est sepultura. Si primo modo: aut est contra defectum naturalem, aut accidentalem. Si contra naturalem: aut in defectu calidi & sicci, & tunc est cibare: aut frigidi & humidi & tunc est potare: hæc enim naturaliter appetimus: quia, sicut dicit Philosophus, ex eisdem generamur, & nutrimur: & quia constamus per generationem ex illis quatuor, propter hoc etiam appetimus ea ad conseruationem indiuidui. Si autem est in accidentibus: aut secundum defectum interiorum, aut exteriorum. Si primo modo: tunc est infirmitas quæ provenit ex corruptione complexionantium interiorum. Si secundo modo: aut est in his quæ impediunt amouendis, aut in expedientibus conferendis. Si primo modo: tunc est incarcerati subuentio & redemptio. Si secundo modo: tunc est de conseruantibus ab his quæ circumsistendo corpus per contrarias qualitates dissoluunt, & sic est vestis: aut de his quæ recreant per quietem post laborem, & sic est hospitium, in quo quiescit pauper qui transiit. Et per hoc patet solutio ad totum.



## ARTICVLVS XXII.

*De eleemosynis spiritualibus?*

**D**Einde quæritur de spiritualibus eleemosynis? Videtur enim, quod docere non sit eleemosyna: non enim ordinantur eleemosynæ contra naturam: sed natura omnes producit ignorantes: ergo videtur, quod contra ignorantiam nulla ordinetur eleemosyna.

2 Item, Si docere eleemosyna est, ut videtur dicere Magister in litera, videtur quod sapiens siue instructus obligetur ad illam: ergo pro tempore & loco teneretur subuenire: sed hoc est tempus ignorantie, scilicet quando ille ignorat & est præsens: ergo videtur, quod omnem talem teneretur docere instructus: ergo si non docet, peccat mortaliter, sicut si non dat cibum esurienti in tempore necessitatis: & hoc est graue dicere.

3 Item, Obicitur de hoc quod dicit, Dimittimus quod in nobis quisque peccauit, Hoc enim præceptum esse videtur in præcepto dilectionis inimicorum: ergo hic est actus charitatis: ergo misericordie: ergo non eleemosynæ: quia in litera innuit, quod eleemosynam dat qui misericordiam præstat. & sine misericordia non est eleemosyna.

4 Item, Consilium quod datur alicui, videtur quod reducat ad doctrinam ignorantis, quia omnis consilium quærens ignorat: ergo videtur, quod superflue ponitur inter opera eleemosynarum.

5 Item, Ista opera non videntur esse misericordie, sed potius charitatis in proximum per effectum tendentis: sicut enim dicitur 1. Corinth. 13. Charitas non quærit quæ sua sunt.

6 Item, Inter opera misericordie corporalia quædam sunt quæ iuuant post mortem: & cum anima maneat nobilior post mortem, quam corpus, videtur quod ad hoc debet esse opus spirituale quod fiat homini post mortem: ergo insufficienter enumerantur, ut videtur.

7 Item, Iustitiæ opus videtur remittere, sicut patet Matt. 6 & 18. ubi dicit, Si non dimittitis debitoribus vestris, nec Pater vester dimittet vobis peccata vestra.

*Solutio.*

**S**OLVTIO. Dicendum, quod in veritate sunt eleemosynæ spirituales septem, sicut dicitur communiter, contra defectum spiritus ordinatæ. Aut enim ille defectus est culpæ, aut pænæ. Si culpæ: aut in se solo, aut in te peccatur per illationem iniuriæ. Si in te peccatur, contra hoc ordinatur sustinere patienter & remittere: quia duo sunt in iniuria illata, scilicet culpa, & hæc exigit remissionem: & pænâ illata, & hæc exigit sustinentiam, ne per seipsum iudicet. Si autem est in se solo: aut est cum spe emendationis, aut sine spe tali. Si primo modo, tunc habet locum castigatio: si secundo modo, tunc habet locum oratio ad Deum, ut ipse suppleat quod deficit in auxilio humano. Si autem est defectus pænæ: aut est secundum intellectum, aut secundum affectum. Si est secundum affectum, sic est tristitia, vel metus qui ad idem ordinatur: & tunc indiget consolatione. Si autem secundum intellectum: aut secundum quod ipse est speculatiuus, & tunc

est ignorans, & indiget doctrina: aut secundum quod est practicus, & tunc deficit in scientia agendorum: cuius subuentio erit per consilium. Et sic patet, quod septem sunt eleemosynæ spirituales.

**A**D 1<sup>o</sup> ergo quod primo obiicitur, dicendum quod ignorantia non est natura hominis instituta, sed damnata: & ideo defectus est in homine.

**A**D 2<sup>o</sup> dicendum, quod licet generaliter ignorantia sit quidam defectus, est tamen ignorantia quædam, sicut eorum sine quibus non est salus, periculosa: & in talibus puto, quod instructus teneretur docere alios non doctos: & propter hoc ponuntur plebi sacerdotes, qui in talibus instruant: & ideo sapiens instructus præsumit probabiliter alios esse qui succurrant ex debito, etiamsi ipse non doceat: & ideo non peccat mortaliter, quia non instat tempus necessitatis.

**A**D 3<sup>o</sup> dicendum, quod nihil prohibet vnum opus esse plurium virtutum, secundum quod diuersi fines mouent in eo: unde bene concedo, quod remittere potest esse opus iustitiæ, & charitatis, & misericordie: sed misericordie erit proprie sicut elicientis, & aliarum ut imperantium: & hoc ideo fit quia ordinatur ad subleuationem miserie quæ est culpa in proximum: & tale opus elicit misericordiam ex compassione proximi procedens.

**A**D 4<sup>o</sup> dicendum, quod differunt doctrina & consilium: quia doctrina est de quolibet ignorato: præcipue tamen debet esse de his quæ ad salutem pertinent: ut quædam sacre scripturæ, & fidei articuli: sed consilium quæritur in dubiis agibilibus per nos, ut probatur 3. ethicorum.

**A**D 5<sup>o</sup> patet responsio per antedicta.

**A**D 6<sup>o</sup> dicendum, quod anima manet viuua post mortem: & ideo quædam de his quæ iuuant eam dum est in corpore, sufficiunt eam iuuare post mortem: non autem ita est de corpore: & ideo non oportet ad hoc opus spirituale esse quo specialiter iuuatur anima post mortem.

**A**D 7<sup>o</sup> dicendum, ut prius habitum est.

## ARTICVLVS XXIII.

*An eleemosynæ spirituales corporalibus sunt meliores?*

**T**ertio quæritur de comparatione corporaliū eleemosynarum ad spirituales? Videtur autem, quod spirituales sint meliores, per id quod infra parum ponitur in litera: sed ea maior est quæ ex corde dimittimus quod in nobis quisque peccauit.

2 Item, Nobilior est spiritus, quam corpus: ergo melior est subuentio spiritus, quam corporis: sed eleemosyna spiritualis subuenit spiritui, corporalis autem corpori: ergo melior est spiritualis corporali.

3 Item, Operationes differunt in suis essentiis: constat autem, quod spirituales meliores sint quam corporales, sicut melior est spiritus quam corpus:



corpus: sed eleemosynæ spirituales sunt operationes spirituales, corporales vero eleemosynæ sunt operationes corporales: ergo spirituales sunt meliores.

4 Item, Corpus non habet vitam, nec vitium, nec virtutem nisi per spiritum: ergo omnia illa per prius conueniunt spiritui: ergo & in operationibus non erit laus nisi per spiritum: sed vnumquodque magis est efficax in propriis, quam in alienis: ergo & spiritus magis erit efficax in spiritualibus, quam in corporalibus: ergo spirituales eleemosynæ sunt magis efficaces: ergo etiam magis bonæ.

5 Item, Eleemosynæ corporales differentiam habent bonitatis penes materias: meliorem enim eleemosynam facit dans aurum, quam argentum, si æque sunt abundantes in dandi facultate: cum igitur munera spiritualia meliora sint omnibus corporalibus, meliores esse videntur spirituales eleemosynæ, quam corporales.

*sed contra.* SED CONTRA: Eleemosynæ sunt ad subventionem indigentiarum: sed magis indiget homo in corpore, quam in anima: ergo meliores sunt illæ eleemosynæ. Probatio mediæ. Indigentia animæ per inquisitionem amoueri potest, & multis aliis modis, & non redit remota semel, vel non naturaliter redit: sed corporis indigentia continue affligit, & euitari non potest, & redit remota, ut fames.

2 Item, Quanto minus recompensatur danti eleemosynam in præsentia, tanto melior & fructuosior est eleemosyna: sed minus recompensatur in corporalibus, quam in spiritualibus: ergo fructuosior est eleemosyna in corporalibus, quam in spiritualibus. Probatio primæ est Matth. 6. ubi dicit de quærentibus mercedem laudis, quod receperunt mercedem suam. Et docet inuitare pauperes qui reddere non possunt. Probatio secundæ est, quod bona spiritualia communicata alijs, crescent in possidente.

3 Item, Corporales indigentia magis sentiuntur, quam spirituales: ergo magis desideratur supplementum defectus: & melior est eleemosyna, quæ magis est iuxta desiderium pauperis, quia magis consolatur: ergo melior est eleemosyna corporalis, quam spiritualis.

*Solutio.* SOLUTIO. Dicendum, quod eleemosyna corporalis plus habet de supplemento indigentia, sed spiritualis plus habet utilitatis & honestatis: simpliciter tamen eleemosyna in spiritualibus melior est, quam in corporalibus, sicut dicitur in littera. Et primæ rationes non concludunt nisi secundum quid, scilicet quod sit nobilior illa eleemosyna: sed non concludunt, quod magis requiratur: quia magis sentiuntur defectus corporales, quam spirituales.

AD EA autem quæ obijciuntur in contrarium, dicendum quod hoc non facit eleemosynam magis meritoriam quod est maioris indigentia, sed potius quod ex maiori affectu datur. Vel dicendum, quod non concluditur nisi secundum quid esse melior: si enim bene deberet fieri comparatio, deberet supponi in omnibus paritas, præterquam in hoc quod vna est spiritualis, & alia corporalis: & tunc plane patet, quod spiritualis esset melior.

AD ALIUD dicendum, quod licet hoc sit verum in docendo & consulendo: tamen non est

in aliis verum: & si sit quodammodo etiam verum in aliis: quia quanto aliquis sapius condonat iniuriam, tanto facilius potest hoc facere: non tamen propter hoc diminuitur meritum eleemosynæ: quia quod Dominus dicit de receptione mercedis, non intelligitur de mercede spirituali, sed corporali & transitoria, & non de augmento gratiæ, quod sæpe fit merito eleemosynæ.

AD VLTIMUM dicendum, quod sensus non facit magis meritorium, sed magis necessarium, secundum illud tempus in quo defectus sentitur. Nota autem, quod hæc genera eleemosynarum duobus versibus sunt comprehensa, quorum primus est hic:

*Visito, poto, cibo, redimo, rego, colligo, condo.*

*Instrue, castiga, solare, remitte, fer, ora.*

Et hi versus per omnia patent, nisi in hoc solo quod instruo in duplici significatione accipi debet, scilicet pro instructione docentis ignorantem, & pro instructione informantis ad consilium.

## ARTICVLVS XXIV.

*Ex quo potest vel debet fieri eleemosyna?*

DEinde quæritur de hoc quod dicitur ibi [Date eleemosynam: & ecce omnia munda sunt vobis, &c.] Est autem hic quæstio, Ex quo possit vel debeat fieri eleemosyna? Videtur autem, quod de omni eo quod habetur, & ex compassione impendi potest misero: quia ad dare non exigitur nisi facultas ex parte dantis: sed habens quocunque modo, habet facultatem ad dandum: ergo quocunque modo habens potest facere eleemosynam.

2 Item, Id quod superest, ex iustitia non potest retineri: & tamen inde potest fieri eleemosyna: ergo eleemosyna erit de illo quod habetur, licet iuste retineri non possit: & ex hoc sequitur, quod de usuris & aliis illicite acquisitis possit fieri eleemosyna: quod multi negant.

3 Item, De duobus malis minus malum eligendum est: sed magis malum est illicite acquirere, & immisericorditer retinere, quam illicite acquirere & misericorditer erogare: ergo secundum est suadendum, scilicet quod de illicite acquisitis fiat eleemosyna.

4 Item, De eo cuius aliquis dominus est, potest facere quod vult: sed usura secundum multos dominus est: ergo potest facere quod sibi placet: ergo & eleemosynam potest facere inde. Quod autem sit dominus usura, patet ex hoc quod multi dicunt in usura transire dominium.

SED CONTRA: Gregor. in decreto cau. 1. *sed contra.* quæst. 1. Non est putanda eleemosyna, si pauperibus dispensetur quod ex illicitis rebus acquiritur. Ergo de illicite acquisitis non potest fieri eleemosyna.

2 Item, Gregor. ibidem, Quicquid enim in Dei sacrificio ex scelere offertur, omnipotentis Dei non placat iracundiam, sed irritat.

3 Item, Ibidem tractans illud Salomonis Eccli. 34. Qui offert sacrificium de substantia pauperis, &c. sic dicit, Quantus autem dolor sit dolor patris perpendamus, si in eius conspectu filius victimetur: & hinc facile cognoscitur



tur quantus apud Deum dolor exasperetur, quando ei sacrificium ex rapina tribuitur.

4 Item, In decret. 14. q. 5. August. in homiliis, Forte aliquis cogitat, & dicit: Multi sunt Christiani avari, cupidi, non habeo peccatum si suum illis abstulero, & pauperibus dederò: unde enim illi nil boni agunt, mercedem habere potero: sed huiusmodi cogitatio ex diabolica calliditate suggeritur: nam si totum tribuat pauperibus quod abstulerat, addit potius peccatum, quam minuat. Aliæ etiam auctoritates multæ sunt ad hoc.

5 Sed rationi insistamus. Quod illicite accipit, reddere tenetur: ergo nihil est ei faciendum, unde efficiatur impotens ad soluendum: sed per dare alteri, siue pauperi, siue diuiti, efficitur impotens: ergo tenetur non dare alteri: ergo tenetur de hoc non facere eleemosynas.

6 Item, Sicut dicit Apostolus, Non sunt facienda mala ut inde veniant bona. Ergo nullus debet facere mala ut eueniant bona: sed illicite acquirere, est facere malum: & eleemosynam dare, est euenire bona: ergo eleemosyna non potest nec debet fieri de illicite acquisitis, &c.

7 Item, Fornicari cum aliqua Iudæa vel pagana ut conuertatur, est illicitum & peccatum mortale, & fieri non debet, eo quod in se peccatum est: ergo cum iniusta acquisitio non sit minus peccatum, quam fornicatio, non debet fieri illicita acquisitio ut eleemosyna ex hac detur.

*Quest. 1.* SED TVNC quæritur de casibus qui sunt circa hanc quæstionem. Ponamus ergo, quod aliquis habeat illicite acquisita per usuram vel rapinam: & videat aliquem in extrema necessitate positum, & non habeat aliud unde soluat ei à quo illicite tulit. Et quæritur, Vtrum tenetur dare pauperi, aut non? Videtur, quod sic: quia in tali necessitate omnia sunt communia: ergo si dat isti, videtur quod absoluitur ab alio.

2 Item, In tali casu posset violenter rapere ab alio, & dare isti: ergo & acquisitum illicite potest ei dare, ita quod non teneatur amplius soluere.

*Sed contra.* SED CONTRA: Non remittitur peccatum nisi restituatur ablatum: ille autem non restituit ablatum per hoc quod dat alij: ergo peccatum sibi non remittitur.

2 Item, Alij competit actio in istum, quandiu retinet suum: ergo cum tandiu retinere dicatur, quandiu non soluit, adhuc post talem dationem competit ei actio: ergo adhuc reddere tenetur: non ergo absoluitur à tali datione.

*Quest. 2.* VLTERRIS quæritur in eodem casu, si ille sit præsens cui debet, & neget licentiam dandi ei qui est in extrema necessitate, vtrum adhuc dare tenetur? Videtur, quod non: quia dat alienum inuito domino: & hoc est illicitum.

2 Item, De alieno (ut prius patuit) non potest fieri eleemosyna: sed hoc quod habet, est alienum: ergo nunquam potest dare illud, ipso cui debet inuito.

*Sed contra.* SED CONTRA: Dicit Amb. Pisce fame morientem, &c. sed iste potest piscere, & non facit: ergo occidit: ergo videtur, quod dare debeat tali egeno.

ITEM quæritur hic de aliis casibus, vtrum de aleato & pretio meretricij possit fieri eleemosyna? Videtur quod sic: quia in talibus non meretur ille recipere qui perdidit: ergo per dationem non efficitur impotens ad soluendum: ergo dari potest pauperibus.

CONTRA: Non offeres mercedem prostibuli: sed sacrificium quoddam est eleemosyna: ergo non debet fieri de illis. Item in Epistola Hier. increpantur sacerdotes Babylonis, qui dona meretricum accipiunt: ergo faciendum non est, hoc est eleemosyna.

2 Item, Illicito commercio nihil licite acquiritur: sed meretricium est illicitum commercium: ergo illo nihil licite acquiritur: ergo nec pretium: sed de illicite acquisito non potest fieri eleemosyna, ut patuit ex verbis Gregorij supra inductis: ergo nec de meretricio, nec de aleato.

SOLVITIO. Sicut dicunt illi qui probabiliter iura docuerunt, videtur mihi esse distinguendum in illicite acquisito: aut enim transfertur dominium, aut non transfertur. Transfertur ut in usura secundum quosdam: & de hoc supra in fine tertij notatum inuenies. Non transfertur, ut in rapina. Si transfertur: aut competit illi à quo accipit repetitio ex canone: aut non: competit, ut in usura: non competit, ut in meretricio & aleato, quia meretricator & aleator meretur amittere. Dico ergo, quod si est illicitum in quo transfertur dominium, & non competit repetitio, potest de eo fieri eleemosyna. Si autem est illicitum in quo non transfertur dominium, ut in furto, rapina, deposito: aut si transfertur, tamen competit illi repetitio, non potest fieri eleemosyna.

ET SECVNDVM hanc distinctionem respondeo ad primum dicens, quod est facultas ex abundantia rei quæ potest dari, & est facultas ex iure dandi. Prima non sufficit ad eleemosynam, sed secunda: & hanc non habet qui illicite acquirit, quod restituere tenetur.

AD ALIVD dicendum, quod non est simile: quia illud quod superest, licet retineri non debeat: tamen suum est & nulli tenetur illud: & ideo hoc dare potest: sed de illicite acquisito quod restituere tenetur, non est hoc modo.

AD ALIVD dicendum, quod licet in necessitate posito, qui aliter euadere non potest, minus malum sit eligendum: tamen ius neutrum determinat esse licitum, nec minus malum, nec maius, sed minus illicitum vnum, quam alterum: & ideo vtrumque est peccatum, licet duo sint maius malum, quam vnum.

AD ALIVD dicendum, quod si ita est dominus, quod alius non potest agere contra eum: nec ex eo quod sit translatus dominium, nec ex canone: tunc vere probat obiectio, & tunc conceditur. Sed si non est dominus ex quicquid iure canonis: tunc non valet: & sic est in usura: quia licet secundum quosdam dominium transferatur, tamen ex canone restituere tenetur.

AD EA vero quæ obiiciuntur in contrarium, dicendum quod omnia illa decreta loquuntur de illo illicite acquisito, quod aliquis restituere tenetur.

AD HOC quod obiicitur per rationem, dicendum ad primum, quod bene procedit de illicito, quod reddere aliquis tenetur.

AD ALIVD dicendum, quod ad hoc ut habeatur



tur unde detur eleemosyna, non est de turpi acquirendum, sicut dicit decretum cau. I. q. 1. & c. 14. q. 7. sed si turpiter acquisitum est, nihil prohibet quandoque in eleemosynas posse erogari, sicut iam dictum est.

AD ALIVD dicendum eodem modo, quod sic non est acquirendum: sed acquisitum sic, nihil prohibet bene dispensare: & in illa obiectione, decreto, & nobis videtur esse contrarius Eustacius super 5. ethicorum, qui dicit, quod licet lex præcipiat uxorem alterius non esse cognoscendam: tamen bonum est uxorem tyranni cognoscere, ut per eam mitigetur tyrannus ad ciues. Errat autem Eustacius in loco illo, vel ipse loquitur ethico- rum leges referendo.

Ad qu. 1. AD ALIVD dicendum, quod mihi videtur in tali casu, quod qui habet alienum, debet significare illi cui debet, si potest: & si non potest, dare debet egenti nomine illius, & absoluitur à debito: sicut etiam quidam antiqui Doctores ante nos dixerunt. Si autem significet, siue det licentiam, siue non, ipse tamen tenetur dare egenti, & absoluitur, ut puto, à debito simpliciter: ita quod nunquam plus solvere tenetur, nisi ille cui debet, in simili sit indigentia.

AD EA quæ obijciuntur, dicendum quod iste soluit: quia in tali casu ille alius, si haberet, & nollet dare, peccaret mortaliter: & ideo cum iste nomine illius dat, iste absoluitur: sicut si ego deberem tibi centum, sed tu deberes alij centum, & ego pro te solverem illi cui tu deberes, non teneor iterum solvere tibi.

AD ALIVD dicendum, quod alij in tali casu dummodo constiterit ei, quod ille in tali necessitate dederit, & nihil aliud ad dandum præter necessaria sua habuerit, non competit actio in istum: sed potius à debito simpliciter absolutus est per ius naturæ: quia ea quæ erant creditoris, facit esse debita pauperi in tali necessitate.

Ad qu. 2. AD ALIVD dicendum, quod negata licentia, adhuc debet dare propter necessitatem: quia multa bona (ut dicit Augustinus) præstantur inuitis: & ita etiam hoc inuito bene fit, quando de bonis eius sustentatur natura in proximo deficiens.

AD ALIVD dicendum, quod iste facit eleemosynam non de alieno, sed pauperi reddit quod suum est: & eleemosyna fit nomine illius cui debetur restitutio.

Ad qu. 3. AD HOC quod ulterius quæritur de meretrico & aleato, dicendum quod eleemosyna de talibus fieri potest, & præcipue de meretricio, sed non oblatio ad altare propter scandalum: & auctoritates inductæ loquuntur de sacrificio, non de eleemosyna.

AD ID quod obiicitur per rationem, dicendum quod in veritate illicito commercio acquiritur. Sed tamen illicite acquisitum dicitur dupliciter: vno modo communiter, scilicet quando actus est illicitus quo acquiritur: & hoc non semper prohibet quin de taliter acquisito possit fieri eleemosyna. Dicitur etiam illicite acquisitum, quando acquiritur cum iniusto damno proximi in rebus, quod proprium est avaritiæ, quæ secundum Aristotelem proprie dicitur iniustitia specialis: & tunc non potest mihi fieri eleemosyna: quia debetur alteri, aut ex eo quod non transfertur dominium,

aut ex eo quod competit ei actio à quo aufertur, auctoritate & iure canonis.

## ARTICVLVS XXV.

*An vxor de bonis mariti, aut econtra, an monachus, aut filiusfamilias, aut famulus possint dare eleemosynam?*

SED adhuc ulterius quæritur de casibus quibusdam, scilicet qui non supponunt illicite acquisitum, sed quasi in potestate alterius ens, ut vtrum vxor de bonis mariti facere possit eleemosynam? Videtur, quod sic: quia dicit August. quod ideo sumpta est de latere, ut sciat eam marito sociam non ancillam: ergo ipsa potestatem habet in bonis sicut vir: ergo dare ita potest sicut ille.

2 Item, Aristor. 5. ethicorum, ubi distinguit iustitiam æconomicam à proprie dicta, dicit quod magis est iustitia cum vxore, quam cum filio, vel seruo: constat autem, quod hoc dicit propter æqualitatem aliquam quæ est inter virum & vxorem: ergo ipsa cum sit æqualis, potest dare sicut vir.

3 Item, Charius bonum quod habet vir, scilicet corpus proprium, est in potestate & dominio mulieris: ergo magis alia: si igitur in illis est domina, ipsa potest distribuere pauperibus, ut videtur.

4 Item, Legitur in vita beatæ Lucie, quod ipsa occulte, sponso suo ignorante, patrimonium suum distraxit & vendidit & dedit pauperibus: & tamen laudatur: ergo videtur, quod hoc etiam laudabile sit in aliis.

SED CONTRA: Si duo sunt socij in mercationibus, neuter potest dare, altero non consentiente: cum igitur bona sint communia inter virum & vxorem, videtur quod ipsa nihil dare possit sine consensu mariti.

2 Item, De suo corpore nihil potest facere sine consensu viri, quod tamen magis videtur: ergo multo minus de rebus.

2 Item, Res dantur marito à patre vxoris, ut dos, & alia, propter onera matrimonij: ergo sine consensu suo non sunt illæ res alienandæ: ergo multo minus aliæ res, quæ sunt suæ, vel acquisitæ ab ipso.

3 Item, 1. Corinth. Vir caput est mulieris. Sed sine consensu capitis nihil potest agere membrum. Ergo nec sine consensu viri aliquid potest dare mulier, ut videtur.

VLTERIVS quæritur, Vtrum filiusfamilias vel filia possit dare aliquid? Videtur quod non: quia nihil habet in potestate: ergo nihil potest dare.

2 Item, Galat. 4. Quanto tempore hæres paruulus est, nihil differt à seruo, &c. Ergo nihil potest dare.

SED CONTRA: Ad eum pertinet hæreditas: ergo videtur, quod tanquam de suo aliquid possit dare.

VLTERIVS quæritur hic, Vtrum monachus vel monacha possit dare aliquid? Videtur, quod non: quia dicitur, quod monachus habens obolum, non valet obolum: sed qui nihil habet,



bet, nihil potest dare: ergo nihil potest dare monachus.

2 Item, Abrenuntiatio proprietatis, est de omni regula religionum: sed qui nihil habet proprium, nihil dare potest: ergo monachus non potest aliquid dare: ergo nec eleemosynam facere.

*Sed contra.* SED CONTRA: Sit, quod videat aliquem in necessitate constitutum: aut dat, aut non dat. Si dat, habeo propositum. Si non dat, cum possit dare ex rebus monasterij, ipse occidit, ut videtur dicere Ambrosius.

7 Item, Vnum bonum non præiudicat alteri: sed religio bona est, & dare eleemosynam est bonum: ergo religio non præiudicat dationi eleemosynarum: ergo videtur, quod ex religione magis tenetur dare, quam si non esset religiosus.

*Quæst. 3.* ULTERIUS quæritur de famulis & ancillis qui dant panem, & huiusmodi dominorum suorum, utrum hoc possint facere? Videtur, quod non: quia nihil est suum: ergo nihil de hoc dare possunt.

*Sed contra.* SED CONTRA: Dispensatio eorum relinquitur quibusdam de domo: sed dispensator potest facere eleemosynam sub spe ratihabitionis: ergo & servus, & ancilla.

*Solutio.* SOLUTIO. Dicendum cum distinctione multiplici. Primo sic: aut mulier habet res parafernales, aut non. Item, aut mulier est lucrosa sicut maritus, aut plus etiam quam maritus, aut non. Item, aut ex datione mulieris depauperatur maritus, aut non. Item, aut maritus expresse prohibet ei dare cum signo quod ita intendat in corde, aut non. Si mulier habet res parafernales, & est lucrosa, marito etiam prohibente, potest & debet dare eleemosynas, quæ non depauperant virum: & si prohibet, non tamen signo quod ita intendat, sed quia prohibendo, à superfluitate dandi eam vult retrahere: adhuc dico, quod debet dare cum conscientia illa quod placeat marito in corde, etiam quicquid dicat ore. Si autem non habet res parafernales, & est lucrosa: idem dico quod prius. Si autem habet res parafernales, & est non lucrosa: adhuc idem dicendum videtur. Si autem nec res habet parafernales, nec lucrosa est laboribus suis: tunc dicendum videtur, quod dare non debet sine consensu viri, nisi forte panem & vinum & cætera, quæ in quotidiano usus domus sunt: & hoc moderate ne matrimonium nimis onerosum faciat marito sua datione.

AD PRIMUM ergo dicendum, quod licet de latere sit sumpta, tamen regi debet à viro: & non est ei æqualis, nisi tantum in actu coniugali & debito: sicut infra, cum agitur de matrimonio, ostenderetur.

AD ALIUD dicendum, quod Aristot. non intendit, quod iustitia proprie dicta sit inter virum & mulierem, sed minus improprie quam inter dominum & servum: quia magis accedit ad æqualitatem, licet non omnino sit æqualis.

AD ALIUD dicendum, quod corpus viri tantum datum est mulieri: quia hoc est pertinens ad individuum vitæ consuetudinem sacramenti, secundum quod est ad bonum prolis, & in remedium concupiscentiæ: & ideo domina est illius. Sed non sic est de aliis bonis: & ideo illa remanent in dominio mariti, nisi per modum prædeterminatum in distinctione.

AD ALIUD dicendum, quod beata Lucia fuit tantum sponsa: nec fuit adhuc ratum vel consummatum matrimonium: & ideo licuit ei tutiorem partem castitatis eligere, & bona distrahere, quæ non ante cesserant in dominium sponsi.

AD EA autem quæ in contrarium obijciuntur, patet solutio per distinctionem.

AD ID quod quæritur de filiofamilias dicendum, quod nihil potest dare sine consensu parentum, nisi forte panem, & huiusmodi, quæ non inferunt sensibile damnum. *Ad quæstionem 1.*

AD ID quod in contrarium obijciuntur, dicendum quod licet hæres sit, tamen nondum dominus est: & ideo dare non potest.

AD ID autem quod quæritur de monacho, distinguendum conuenit. Aut sibi commissa est dispensatio aliqua, aut non. Si sic: tunc de illo debet & potest facere eleemosynam, sicut Abbas ipse nomine capituli. Si autem non habet dispensationem, aut ipse est in cœnobio, aut non. Si est in cœnobio: tunc non debet dare nisi de licentia, nisi videret aliquem in extrema necessitate positum, quia tunc etiam de altari recipere posset, & dare illi: nisi forte det sub spe ratihabitionis, Abbate quocunque non præsentem. Si autem est extra, ut in studio de licentia Abbatis: tunc potest facere eleemosynam: quia cum dantur ei expensæ, committitur ei dispensatio de his quæ dantur sibi.

AD HOC autem quod contra obijciuntur, dicendum quod licet nihil habeat in possessione, tamen ut dispensator aliquid habere potest in usu. Per hoc etiam patet solutio ad sequens: quia nulla religio abrenuntiat vsui: quia sine usu bonorum fortunæ non potest esse vita.

AD ALIUD dicendum, quod propositio illa falsa est: quia religio per hoc quod abrenuntiat proprio, facit id quod in se est bonum, malum illi.

AD ID quod quæritur de seruo & ancilla, *Ad quæstionem 2.* dico per se, quod nihil dare possunt de rebus dominorum suorum sine consensu eorum, nisi de pretio suo.

AD ID quod contra obijci videtur, dicendum quod non sunt dispensatores tanquam potestatem aliquam in re habentes, sed tanquam tractantes ea ad utilitatem dominorum suorum.

## ARTICVLVS XXVI.

*An daturus eleemosynam, debet ordinate incipere?*

DEinde quæritur de hoc quod dicitur ibi [Qui vult ordinate dare eleemosynam, à se debet incipere, &c.] Videtur enim ex hoc quod ordo sit in eleemosyna, sicut in charitate. Sed contra: Non est datum præceptum de diligendo se, quia natura ad hoc sufficit: cum igitur natura vnumquodque ordinet ad sibi subueniendum quantum potest, non oportet ad hoc induci admonitionem.

2 Item, Nulla miseria tantum mouet in alio, quantum in seipso: cum igitur eleemosyna detur ex misericordia, quæ est compassio miseriæ, videtur quod sensus propriæ miseriæ sufficit ad hoc sine doctrina exteriori.

3 Præterea,



3 Præterea, Videtur esse impossibile, quod homo det sibi eleemosynam: quia datur alicui qui non habet: ergo si homo dat sibi, ipse simul habet, & non habet, quod est impossibile.

*Quæstio-  
cula.* PRÆTEREA quæritur ulterius, Quare potius dicit hoc de eleemosyna spirituali, quam corporali? Dicit enim, Miserere animæ tuæ, &c. non corpori. Videtur enim quod de corpore simile deberet dicere quia sicut crudeles in animam, ita inveniuntur crudeles in corpus: sicut qui irrationabiliter se affligunt, & quandoque etiam se interficiunt.

*Solutio.* SOLVITIO. Dicendum, quod in veritate in largitione eleemosynarum attenditur ordo, secundum quod ipsa informata est charitate: charitatis enim ordo circa omnia ponitur, quæ informata sunt charitate: & de hoc plura dicta sunt super tertium in tractatu de charitate, distinctione 39.

AD PRIMUM autem dicendum, quod non habemus præceptum de eleemosyna corporali, quia in corporali miseria satis compatimur nobis: sed de spirituali: & hoc intelligitur in præcepto de danda eleemosyna proximo: sicut etiam præceptum de diligendo seipsum, intelligitur in præcepto dilectionis proximi, sicut dicit Augustinus.

AD ALIUD dicendum, quod miseria proximior est in nobis quam in alio, si sentitur ut miseria: & hoc modo non est nisi de miseria corporali. Spiritualis autem miseria, quæ verius miseria est, quam corporalis, non sentitur ut miseria, sed ut bonum nunc propter peccati dulcedinem: & ideo spiritualis eleemosyna quæ supplet defectum peccati præcipue, indiget ampliori admonitione, quam exterior.

AD ULTIMUM dicendum, quod spiritualia quodammodo sibi ipsi potest dare: quia in veritate spiritualia non habet, & sic proprie potest aliquis accipere: & potest aliquis facere unde sibi dentur, licet proprie dare non possit: & sic dicitur dare hoc modo quo dicitur dare qui facit ut detur.

## ARTICVLVS XXVII.

*An verum est illud, Qui diligit iniquitatem, odit animam suam?*

**D**Einde quæritur de hoc quod dicitur ibi [Qui diligit iniquitatem, odit animam suam, &c.] Videtur enim hoc esse falsum: quia Ephes. 5. Nemo vnquam carnem suam odio habuit: ergo multo minus animam quæ est melior pars hominis.

2 Præterea, Videtur hoc esse bonum, quod odit eam: quia dicitur Ioan. 12. Qui odit animam suam in hoc mundo, in vitam æternam custodit eam. Ergo non videtur crudelis in animam qui odit eam: ergo falsum videtur quod dicitur in litera.

*Solutio.* SOLVITIO. Dicendum, quod peccatum est æquiocationis in diligere, & odire: quia est dilectio affectus, & effectus: affectus dilectione nemo odit animam: & de illa loquitur Apostolus ad Ephes. Effectus autem dilectione non diligit animam, qui diligit iniquitatem: quia agit contra animam suam: & de hac loquitur Psalm.

AD SECUNDUM dicendum, quod æquiocatio est in anima: quia Christus in Ioanne vocat animam, animale vitam: quam odit, qui delicias fugit, & crucem amplectitur: & ille custodit eam, non in eo quod animal, sed secundum quod beatificabilis exuta animalitate in vitam æternam: hinc autem loquitur de anima secundum quod est spiritualis & principalis pars hominis in merendo vel demerendo.

## ARTICVLVS XXVIII.

*An immundus nihil sit mundum?*

**D**Einde quæritur de hoc quod dicit ibi [Immundus nihil est mundum, &c.] Hoc enim videtur falsum: quia peccatores corpus Christi sumunt: & tamen illud mundum est: & multis aliis sacramentis communicant.

2 Item, Creatura per hoc non efficitur immunda, quod ad usum eam habent peccatores: ergo videtur falsum dicere.

*Quæstio-  
cula.* ITEM quæritur, Vtrum sequatur, immundus nihil est mundum: ergo immundum quod sumunt? Et videtur quod sic: quia sicut patet Leuit. 13. inter mundum & immundum nihil est medium: si ergo non est mundum: videtur, quod sit immundum.

*Solutio.* SOLVITIO. Dicendum cum Apostolo, quod immundus nihil est mundum. Et intelligitur compositæ, non diuise, hoc est, immundus in quantum immundus nihil est mundum: quia munditiæ effectus à nullo fit in eis.

AD PRIMUM dicendum, quod corpus Christi non est in eis mundum, quia non facit in eis munditiæ effectum: tamen in se mundum est: sicut enim dicitur de sapientia diuina Sapient. 7. quod propter suam munditiam nihil inquinatum incurrat in illam: ita è conuerso de istis dici potest, quod propter suam immunditiam, nihil mundum per effectum incurrat in eos.

AD ALIUD patet solutio per dicta.

AD ALIUD dicendum, quod non sequitur, si eis non sit mundum, quod sit immundum: est enim duplex immunditia, scilicet in se, & quoad nos. Et illa quæ est rei in se, non habet medium: sed illa quæ est quoad nos, habet medium quoad nos. Sicut è contrario omnis homo mundus est in se, vel immundus: & tamen alicui rei non omnis homo mundus est mundus, sicut in panibus propositionis non omnis mundus in se, mundus fuit.

## ARTICVLVS XXIX.

*An verum sit, quod nihil prodest orare, ieiunare, & alia benefacere, nisi mens reuocetur à peccato?*

**D**Einde quæritur de hoc quod dicitur ibi [Nihil prodest ieiunare, & orare, & alia bona agere, nisi mens reuocetur à peccato, & cætera] Videtur enim si nihil profunt, quod non sint ista peccatoribus suadenda quod im-



pium esset dicere : igitur falsum videtur quod dicitur in litera.

2 Item, Ad Nabuchodonosor impium regem dixit Daniel, Peccata tua elemosynis redime: ergo profunt.

*Solutio.*

**SOLUTIO.** Supra dictum est quo modo profunt, scilicet ad viciniam gratiam consequendam: sed non profunt ad vitam æternam: & quia hæc supra disputata sunt, hic dimittam.

### ARTICVLVS XXX.

*An satisfactio extra charitatem, sit iteranda redeunte charitate?*

**D**Einde quæritur de hoc quod dicitur *ibi* [De utroque imponenda est satisfactio: quia de primo non satisfecit, &c.] Videtur enim hoc esse

durum. Ponamus enim, quod ipse primo accipiat à sacerdote, quod det centum, & persoluat in mortali peccato: ergo postea iterum debet dare centum. Eadem obiectio est de eundo ultra mare, & aliis quæ sine grauib. expensis & laboribus iterari non possunt.

**SOLUTIO.** Dicendum, quod sicut patet ex *Solutio.* præhabitis, in pœnitentia sunt duo, scilicet dolor cordis, & opus exterius. Interiora autem quia non sunt contritus, nihil valent. In exterioribus autem distinguendum est: quædam enim sunt exteriora, quæ per damnum & afflictionem manent in agente postquam facta sunt, sicut datio, & peregrinatio, & huiusmodi: quædam autem in toto transeunt, sicut oratio, & alia talia. Dico ergo, quod opera quæ aliquo modo manent, postea per gratiam reuiuiscunt: & illa non oportet iterari: sed alia iterari debent: & hoc supra notatum est in quæstione de operibus mortuis & mortificatis.

*Secundum quosdam fuit satisfactio.*

**D**U *Q*UIBVS DAM tamen videtur fuisse satisfactio, sed infructuosa, dum in peccato altero persistit: percipietur tamen fructus eius, incipietque proficere cum peccati alterius pœnituerit. Tunc enim utrumque dimittitur peccatum, & satisfactio præcedens viuificatur, quæ fuerat mortua: sicut baptismus illi qui fide accedit, tunc primitus valet, cum fictio à mente recedit per pœnitentiam. Et in huius opinionis munimentum auctoritates inducunt. Ait enim Augustinus. Pium est credere, & nostra fides expostulat, ut cum gratia Christi in homine destruxerit mala priora, etiam remuneret bona: & cum destruxerit quod suum non inuenit, diligit bonum quod in peccante plantauit. Item Hieronym. Si quando videris inter multa peccata quenquam facere aliqua iusta opera, non est tam iniustus Deus, ut propter multa mala obliuiscatur paucorum bonorum, sed faciet ea metere & in horrea congregare, quæ bona in terra seminavit. Sed hæc dicta intelligimus de illo, qui in charitate quodam tempore bona facit & bonus est, alio vero tempore malus est & multa peccata facit. Non ergo intelligendum est eum inter multa peccata, iusta opera fecisse, quasi simul eodemque tempore peccata fecerit & iusta opera: sed diuersis temporibus utraque fecisse. Nisi enim bonus foret quando bona fecit, non seminasse diceretur in terra bona. Destructis ergo malis post opera bona commissis, priora bona in charitate scilicet facta, quæ sequentia mala mortificauerant, pœnitentia de illis malis habita, viuificantur & remunerantur. Vnde Apostolus, Iacentes fundamentum pœnitentiæ ab operibus mortuis, opera mortua nominans priora bona significat, quæ per sequens peccatum erant mortua: quia hi peccando priora bona irrita fecerunt. Hæc sicut peccando irrita fiunt, ita per pœnitentiam reuiuiscunt, & ad meritum æternitatis prodesse incipiunt. Similiter & illud bonum amat Deus quod plantauit in peccante, in illo scilicet qui post illud bonum peccauit, non simul peccans & bonum operans exitit: quia talis hominis opus non diligeret Deus ad remunerationem.

Lib. de  
vera &  
falsa pœ-  
nit. c. 14.

Coment.  
ad illud  
Aggæi 1.  
Seminat  
fuit mul-  
ti, &c.

Hebr. 1.



mem. Potest etiam accipi de operibus bonis quæ ab aliquo fiunt dum malus est, & in peccato mortali persistit vel ad tempus, vel usque in finem, quæ dicuntur à Deo remunerari & non dari obliuioni, non quia proficiant ad vitam æternam obtinendam, sed ad tolerabilius extremi iudicii supplicium sentiendum: sicut de fide & cæteris quæ sine charitate habentur, Augustinus ait: Siquis non habens charitatem quæ pertinet ad unitatem spiritus & vinculum pacis quo Ecclesia connectitur, in aliquo schismate constitutus, ne Christum neget patitur tribulationes, famem, persecutionem, vel flammæ, vel bestias, vel ipsam crucem, timore gehennæ: nullo modo ista culpanda sunt, imo & hæc laudanda est patientia. Non enim dicere poterimus melius ei fuisse, ut Christum negando nihil horum pateretur, quæ passus est confitendo: sed æstimandum est fortasse tolerabilius ei esse futurum iudicium, quam si Christum negando nihil horum pateretur: ut illud quod ait Apostolus, Si tradidero corpus meum ita ut ardeam, charitatem autem non habuero, nihil mihi prodest: nihil enim prodesse intelligitur ad regnum obtinendum, nisi ad extremi iudicii tolerabilius subeundum supplicium. Et infra, Hæc propter charitatem dicta sunt, sine qua in nobis non potest esse vera pœnitentia: quoniam in bonis charitas Dei est quæ tolerat omnia.

Lib. de patientia c. 16.

1. Cor. 13.

1. Cor. 13.

*Perstringit dictorum summam, ut alia addat.*

**E**X his ostenditur bona quæ sine charitate fiunt, prodesse quidem ad tolerabiliorem pœnam sentiendam, sed non ad vitam obtinendam. Illa enim quæ in charitate quis facit, si postea prolapsus fuerit nec exurrexerit, non esse in memoria Dei, Ezechiel dicit, Si auerterit se iustus à iustitia & fecerit iniquitatem, nunquid viuet? omnes iustitiæ eius quas fecerat, non recordabuntur: in peccato suo morietur, & non erunt in memoria iustitiæ quas fecit. In cuius loci expositione Gregor. ait, Hoc nobis maxime considerandum est, quia cum mala committimus, sine causa ad memoriam transacta bona reuocamus, quoniam in perpetratione malorum nulla debet esse fiducia bonorum præteritorum. Intelligendum est hoc, ad vitam percipiendam bona præterita non dare fiduciam, etsi ad mitiorem pœnam, alioquin præmissæ auctoritati August. obuiaret. Et bona ergo sine charitate facta, & bona in charitate facta, quæ concomitatur mortalis culpa, quam non delet sequens pœnitentia, ad sensum mitioris pœnæ proficiunt, non ad vitæ fructum.

Hom. 11. sup. 1. Ezech.

ARTICVLVS XXXI.

*An bonum mortuum factum extra charitatem, potest vnquam reuiuiscere?*

**Q**uibusdam tamen videtur] Hic tangit opinionem quorundam, & soluit dupliciter, & recolligit ex solutione habita. Et diuiditur in tria: & patet per se inceptio cuiuslibet partis. Obiicitur autem de ipso errore prius. Videtur enim, quod ve-

*D. Alb. Mag. in Lib. 4. Sentent.*

rum dicunt isti: quia bonum potentius est in agendo, quam malum in destruendo: sed malum destruit bonum ante habitum, non coniunctum malo tantum, sed etiam bonum gratiæ per se habitum: ergo multo magis bonum sequens reuiuificat bonum habitum, quod non fuit coniunctum bono, sed extra charitatem fuit factum.

2 Item, Baptismus sublata fictione operatur salutem: ergo videtur, quod pœnitentia similiter debeat facere.

**SOLVTIO.** Hæc omnia supra in præcedenti

*solutio.*

B b 2

distin



distinctione satis late disputata colligi possunt. Dicendum ergo, quod illi errant, quia bonum mortuum non potest viuificari: eo quod nihil viuificatur eorum quæ moriuntur, nisi possibilitatem ad vitam contrahat ex coniunctione ad aliquid quod perpetuo viuit: sicut per charitatem coniunguntur bona vitæ æternæ, & corpus cum resurget coniungitur animæ: sed bonum extra charitatem factum, nulli talium coniungitur, & ideo nunquam potest reuiuiscere.

AD PRIMVM autem obiectum dicendum, quod non est ex defectu boni sequentis, quod non viuificatur, sed potius ex defectu præcedentis, quod non est viuificabile: quia impossibile est ad vitam, ut dictum est.

AD ALIUD dicendum, quod non est simile quod pro simili inducitur: quia baptismus imprimit characterem, ratione cuius manet in hominibus: sed pœnitentia nihil talium imprimit. Præterea, baptizatus immediate virtutem operandi accipit à passione Christi: sed opera pœnitentiæ partim sunt à nobis, & præcipue illa quæ sunt in attritione ante contritionem: de quibus Magister hic loquitur.

## ARTICVLVS XXXII.

*An bona opera facta extra charitatem diminuunt incendium inferni?*

DEinde quæritur de hoc quod dicitur *ibi* [Sed æstimandum est fortasse tolerabilius ei futurum iudicium, &c.] Videtur hoc esse falsum: in igne enim inferni tantum quisque ardet, quantum se combustibilem fecit per peccatum, ut dicit

Greg. sed illa bona peccatum non diminuunt: ergo tantum comburitur cum illis bonis, quantum sine illis. Si dicas, quod illa peccata diminuunt. Contra: Quicquid est natum aliquid diminuere, habet contrarietatem ad illud: hæc bona sic diminuunt peccatum: ergo habent contrarietatem ad peccatum, quod falsum est, cum secum saluetur in eodem subiecto.

2 Item, Quicquid diminit aliquid, intensum destruet illud, si ipsum est finitum: ergo si hæc bona diminuunt peccatum, multiplicata destruet ipsum, quod falsum est & hæreticum: ergo & hoc falsum, quod diminuunt incendium inferni.

SOLVTIO. Dicendum, quod non dimi- Solutio. nuunt directe, sed indirecte: sicut dicitur diminuere ignem, qui prohibet ligna imponi: bona enim de genere bonorum assuefaciunt ad bonum, & per consequens elongant à mali consuetudine & appetitu, & ita diminuunt peccatum, quod non fieret si illa bona non essent: & ita diminuendo causam incendij, diminuunt incendium.

AD EA autem quæ obiecta sunt, patet solutio: quia procedunt ac si directe diminuerent: & hoc non dicimus.

Deinde quæritur de hoc quod dicitur [Cum mala committimus, sine causa ad memoriam transacta bona reuocamus] Ex omnibus enim præhabitis disputationibus videtur hoc esse falsum: quia siue sint extra charitatem facta, siue in charitate, ostensum est, quod multum valent: ergo non sine causa ad memoriam reuocantur.

SOLVTIO. Dicendum, quod non intendit Solutio. simpliciter dicere sine causa, sed quoad hoc quod ex eis speretur vita æterna, si continuat in peccatis.

*Auctoritates alias inducit contra eos qui dicunt de vno peccato pœnitentiam agi, altero tacito.*

**F**ATIS arbitror illis esse responsum, qui asserunt de vno crimine pœnitentiam agi, & veniam præstari, alio in delectatione retento, vel vel per confessionem non exposito, qui non modo præmissis auctoritatibus confutantur, sed etiam subditis. Ait enim Augustinus. Sunt plures quos pœnitet peccasse, sed tamen omnino reseruantes sibi quædam in quibus delectentur, non animaduertentes Dominum simul mutum & surdum à demoneio liberasse: per hoc docet nos nunquam nisi de omnibus sanari. Si enim vellet peccata ex parte reseruari, habentem septem demonia perficere potuit, sex expulsis: expulit autem septem, ut omnia crimina simul eiicienda doceret. Legionem vero demonum ab alio eiiciens, nullum reliquit de omnibus, qui liberatum possideret: ostendens, quod etsi peccata sint mille, oportet de his omnibus pœnitere. Nunquam enim aliquem sanauit Dominus, quem non omnino liberauit. Totum enim hominem sanauit in sabbaro: quia & corpus ab omni infirmitate, & animam ab omni contagione: indicans pœnitentem oportere simul dolere de omni crimine. Scio enim Dominum inimicum omni criminoso. Quomodo ergo qui crimen

Lib. de  
vera &  
falsa pœ-  
nit. c. 9.  
Marci 7.

Luc. 8.  
Ioan. 8.  
Marci 5.



crimen referuat, de alio recipiet veniam? sine amore Dei consequeretur veniam, sine quo nemo vnquam inuenit gratiam. Hostis enim Dei est dum offendit perseveranter. Quædam enim impietas infidelitatis est, ab illo qui iustus & iustitia est, dimidiam sperare veniam. Iam enim sine vera pœnitentia inueniret gratiam. Pœnitentia enim vera ad baptismi puritatem conatur ducere. Recte enim pœnitens quicquid sordis post purificationem baptismi contraxit, oportet vt absoluat, saltem lacrymis mentis: sed satis durus est, cuius mentis dolorem oculi non declarant. Sed sciat se culpabiliter durum, qui deflet damna temporis, vel mortem amici, & dolorem peccati non ostendit in lacrymis. Quem ergo pœnitet, omnino pœniteat. Idem, Pœnitentes, si vere estis pœnitentes, & non estis irridentes, mutate vitam, reconciliamini Deo. Pœnitentiam agis, genua figis, & rides: subsannas Dei patientiam? Si pœnitentiam agis, pœnitet te: si non pœnitet te, non es pœnitens. Si ergo pœnitet, cur facis quæ male fecisti? Si fecisse pœnitet, noli facere: si adhuc facis, certe non es pœnitens. Item Innocent. secundus, Admonemus fratres nostros, ne falsis pœnitentiis laicorum animas decipi, & in infernum pertrahi patiantur. Falsam autem pœnitentiam esse constat, cum spretis pluribus, de vno solo pœnitentia agitur: vel cum sic agitur de vno, vt non discedatur ab alio.

Lib. eo-  
dē c. 10.

### ARTICVLVS XXXIII.

*An Deus potest sanare de vno peccato & non de alio?*

Satis arbitror, &c.] Hic incipit pars illa in qua solutionem confirmat per accidens. Et duo facit hic: inducit scilicet auctoritates suas expressas, & repetit quæ sit vera pœnitentia *ibi* [Ex præmissis perspicua, &c.] Incidit autem quæstio de hoc quod dicit *ibi* [Per hoc docet nos nunquam nisi de omnibus sanari] Quæritur enim, An Deus possit sanare de vno, & non de alio? Videtur autem, quod sic: quia Deo nihil est impossibile: ergo nec illud. Item, Medicus corporalis potest sanare de vno morbo, altero relicto: ergo multo magis Deus, qui potentior est medico corporali.

2 Item, Sanatio corporalis signum est sanationis spiritualis in miraculis Domini, vt patet in litera: sed in Marco legitur, quod cæcus quidam secundum quid visum recepit, qui scilicet vidit homines velut arbores ambulantes: ergo pro parte tempore illo secundum quid etiam & non simpliciter sanatus fuit in mente: ergo non tantum hoc Deus potest facere in corpore, sed etiam in mente.

3 Item, Sicut in opere creationis secundum opinionem plurimorum, scilicet Gregor. Ioannis, & aliorum Deus primo produxit materiam secundum suam substantiam, & postea distinxit eam & ornauit: ergo videtur, quod similiter possit facere in operibus recreationis, vt scilicet secundum aliquid faciat, & secundum aliquid infectum relinquat.

SED CONTRA: Quicquid Deus secundum

D. Alber. Mag. in Lib.4. Sentent.

suam bonitatem potest facere, potest ab eo aliquis sperare: sed dimidiam veniam nemo ab eo sperare debet, vt dicitur in litera: ergo dimidiam veniam, non videtur posse facere.

2 Item, Detur quod possit: inde sic, Si curat, per aliquod bonum curat, quod coniungit vitæ, & fugat mortem: sed cum omnibus talibus bonis datur Spiritus sanctus: ergo cum tali bono datur Spiritus sanctus: sed omnes tales inhabitat Spiritus sanctus, quibus talia bona impartitur: ergo Spiritus sanctus inhabitat talem: sed iterum propter peccatum est inhabitatio dæmonum: ergo idem homo est inhabitatio dæmonum, & Spiritus sancti per gratiam, quod est absurdum, & contra Apostolum dicentem, Quæ conuentio Christi ad Belial? Et quæ conuentio templo Dei cum idolo? 2. Cor. 6.

SOLUTIO. Dicendum, quod Deus hoc non potest: quia impotentia esset, & non potentia: sicut medicina quæ curat morbum dimidium, impotentia est.

AD PRIMUM ergo dicendum, quod nihil eorum quæ sunt potentia & nobilitatis, est Deo impossibile: sed non potest infirma, sicut currere, comedere, mentiri, imperfectus esse, & cætera huiusmodi.

AD ALIUD dicendum, quod ille torus sanatus fuit intus & extra: sed habitus visus non coadunatus, significabat fidem interius nondum confirmatam ex radicatione in subiecto & determinatione articulorum.

AD ALIUD dicendum, quod secus est in operibus creationis: quia in illis imperfectum non est imperfectum ex malitia sibi contraria: sed in recreatione nihil imperfectum est nisi ex malitia, Deo contraria, & bono gratia suæ.



## ARTICVLVS XXXIV.

*An omnes quos Christus sanauit in corpore,  
sanauit etiam & in anima?*

**D**Einde quæritur de hoc quod dicitur *ibi* [Nunquam Dominus aliquem sanauit, quem non omnino liberauit, &c.] Glossa super Ioan. 9. Quæritur, Quomodo sine fide istum illuminauit Christus. Ergo videtur, quod cæcum illum natum non in toto curauit: quia non nisi extra. Item alia Gloss. ibidem super illud, Quis es Domine vt credam, &c. Iam Dominus lauat faciem inuncti, iam cordis oculos illuminat: ergo videtur, quod ante non fuit illuminatus: ergo non tunc fuit illuminatus in corde, quando fuit illuminatus in corpore.

*Solutio.* **S**OLVTIO. Puto, quod vniuersaliter verum est quod dicitur hic in litera, quod scilicet Dominus omnes quos sanauit in corpore, & anima sanos reddidit. Tamen Gloss. super Ioan. aliter soluit dicens, quod intelligitur de his qui propter peccatum infirmabantur: quia in illis oportebat prius excludere causam, quam sanaretur morbus: & ideo remota causa, sanati sunt in anima: & remoto effectu, sanati sunt in corpore. Sed puto, quod illa Gloss. marginalis est, aut Victorini cuiusdam, cuius dicta non sunt magnæ auctoritatis.

**A**D ID ergo quod primo obiicitur, dicendum quod ille cæcus illuminatus fuit intra, & extra: sed recepit primo fidem indistinctam & implicitam, quæ postea, cognito Domino, distincta fuit.

**A**LIVD dicendum, quod illa Gloss. sic intelligitur, inunctum illuminat, id est, lumen fidei suæ determinat, & distinctum facit, vt distincte cognoscat, & credat ipsum in persona esse Filium Dei.

## ARTICVLVS XXXV.

*Vtrum à Deo possit dimidia sperari venia?*

**D**Einde quæritur de hoc quod dicit *ibi* [Quædam enim impietas infidelitatis est, ab illo qui iustus & iustitia est, dimidiam sperare veniam, &c.] Videtur enim hoc esse falsum: non enim repugnat iustitiæ humanæ secundum partem recipere satisfactionem: cum igitur iustitia humana exemplata sit à diuina, videtur quod nec diuinæ debeat repugnare.

**2** Item videtur, quod potius obuiaret hoc misericordiæ, quam iustitiæ: quia misericordiæ est relaxare peccata, & in toto, & in parte: ergo male dicere videtur cum dicit, qui iustus & iustitia est.

*Quæstio-  
cula.* **P**RÆTEREA, Quare dicit, iustus & iustitia? sufficeret enim dicere, iustus.

*Solutio.* **S**OLVTIO. Dicendum, quod iustitiæ humanæ repugnat recipere emendam, cum adhuc ille intendat multiplicare culpam: sed si non amplius offendit, tunc potest per partes satisfacere. Similiter autem est in iustitia diuina: qui enim de vno satisfacit, & in voluntate alterius perdurat, ita

culpam multiplicat: & ideo de nullo emenda suscipitur. Vel dicatur, vt supra in principio distinctionis notatum est, quod aliter est in iustitia humana, & aliter in diuina. Et hoc ideo quia homo videt ea quæ apparent, Deus autem intuetur cor: & ideo nisi cor habeat, non recipit satisfactionem: homo autem respicit ad opera exteriora, quæ diuisa sunt, & ideo de eis diuisam recipit satisfactionem.

**A**D ARGVMENTVM autem dicendum, quod licet humana iustitia exemplata sit à diuina: nihilominus tamen aliquid accidit ei in quantum est humana, quod non conuenit diuinæ: & hoc est quantum ad exteriorem hominem, & non ad interiorem.

**A**D ALIVD dicendum, quod misericordiæ est relaxare peccata gratis: sed remittere cum postulatione emendæ, iustitiæ est: & de tali venia loquitur hic.

**A**D ALIVD dicendum, quod dicit iustum & iustitiam ratione simplicis essentiae, & effectus in nobis: quia scilicet facit in nobis iustitiam generalem, quæ delet peccata cum emendationis proposito: sicut dicit Aristot. quod dicitur sapientia & iustitia in quantum nos replet sapientia & iustitia.

*Ad qua-  
stionem  
lam.*

## ARTICVLVS XXXVI.

*An & qua sint lacrymæ mentis? & an  
culpabiliter durus sit, qui lacrymis non  
ostendit dolorem peccati?*

**D**Einde quæritur de hoc quod dicit *ibi* [Oportet abluat saltem lacrymis mentis, &c.] Videtur enim, quod nullæ sint lacrymæ mentis: quia nihil est difficile menti secundum se, quia ipsa spiritualis est naturæ: ergo passioni non subiicitur: nullæ autem lacrymæ sunt sine passione: ergo nullæ sunt lacrymæ mentis. Quod autem pure spiritualis natura non sit subiecta passionibus, dicit Aristot. in ethic. lib. 6. quod tristitiæ & delectationes sunt generationes in sensibilem animam.

**2** Si dicas, quod lacrymæ mentis sunt lacrymæ voluntatis, quæ sunt in mente, id est, velle habere lacrymas, & velle plorare. Contra: Voluntas non veniens ad actum, imperfecta est: hæc autem non reputatur pro facto: ergo illa talis voluntas non sufficit: ergo nec lacrymæ mentis, vt videtur. Item, Velle plorare pro peccatis conuenit multis qui adhuc in peccato perdurant: ergo habent lacrymas mentis: ergo lauant sordes quas contraxerunt, quod falsum est: ergo quod & hic dicitur de lacrymis mentis.

**3** Item, Supra habitum est, quod pœnitens de dolore gaudere debet: constat autem, quod debet gaudere secundum mentem, & non secundum sensum & carnem: ergo debet secundum idem habere lacrymas & gaudium: & hoc quia dicitur, quod debet habere lacrymas mentis: ergo præcipitur ei, quod habeat contraria simul, scilicet dolorem & gaudium, & secundum idem, quod est impossibile: ergo præcipitur ei impossibile: quod est contra Hieronymum dicentem, Anathema sit qui dicit Deum impossibile præcepisse.



*Quaest. 1.* **VLTERIVS** quaeritur de hoc quod dicit [Sciat se culpabiliter durum qui deflet damna temporis, vel mortem amici: & dolorem peccati non ostendit in lacrymis] Videtur enim hoc esse falsum: quia signum maioris doloris non est fletus. Vnde constantissimos homines in maximis doloribus non videmus flere, sed potius mulieres flere videmus.

2. Item, Ponamus, quod ille qui plorat in morte amici, non possit flere pro peccatis, & tamen vellet posse: tunc ergo secundum istam litteram culpabiliter est durus.

*Sed contra.* **CONTRA:** Facit quod in se est: ergo Deus apponit ei gratiam: ergo non habet culpam: ergo non est durus culpabiliter, ut videtur.

*Quaest. 2.* **VLTERIVS** quaeritur, Cum multa alia signa doloris sunt, ut exilitas vocis, suspirium, & huiusmodi alia, quare de his non facit mentionem?

2. Praeterea, exilitas vocis infallibilis signum est doloris, quam fletus, ut dicunt sapientes in naturis: ergo magis de isto quam de illo debuit facere mentionem. Item, Id quod est signum doloris temperati, non significat dolorē summum in eo quod huiusmodi: fletus est signum doloris temperati: non ergo significat dolorem in summo. Media probatur ex hoc quod ut dicunt sapientes in naturis, dolor magnus magis est exiccatus humidi, quam resolutionis per lacrymas: ergo male posuit Magister hoc signum.

3. Item, Nos videmus saepe aliquos multum flere in confessionibus, & tamen non promptos esse ad opera satisfactionis: quosdam autem omnino nihil flere, & ad omnia esse paratos iniuncta pro peccatis: ergo patet, quod fletus est fallibile signum doloris: ergo si non flet, non propter hoc est culpabiliter durus. Item, Mulieres videmus generaliter flere magis quam viros, & tamen viros frequenter duriora sustinere pro peccatis: ergo, &c.

*Sed contra.* **SI** hoc concedatur: erit prius quidem contra litteram: secundo autem contra id quod dicitur Luc. 7. de Maria Magdalena, quod lacrymis rigauit, &c. Item contra hoc quod dicitur Matth. 26. quod egressus Petrus fleuit amare: & lauit crimina per fletum, ut dicit Ambrosius. Item Gregorius. Inter epulas lacrymas obtulit, & lacrymis maculas criminis lauit. Item Gregorius. Quæris, Quanam arte Magdalena curari potuit: fleuit amare, & de intimis suspicia trahens, salutaribus succensa singultibus, felleos humores euomuit. Item hoc videtur esse contra exemplum Domini, qui pro nobis fleuit. Hebr. 5. Qui in diebus carnis suæ, preces, supplicationesque ad eum posset illum saluum facere à morte cum clamore valido & lacrymis offerens, exauditus est pro sua reuerentia. Item Luc. 19. Fleuit super ciuitatem Ierusalem. Et Ioan. 11. super Lazarum. Et Psalm. 94. Ploremus coram Domino qui fecit nos. Item Isa. 38. Audiui orationem tuam, & vidi lacrymas tuas. Ergo videtur, quod lacrymæ exigantur in poenitentia.

*Solutio.* **SOLVITIO.** Dicendum sine præiudicio, quod lacrymæ mentis sunt completa voluntas ad flendum, si per accidens lacrymæ non impedirentur. Hoc autem accidens dico esse duplex, scilicet complexionis siccitatem, quia calor excitatus à dolore poenitentiae, tunc magis exiccatur cerebrum, quam resoluat in lacrymas. Item, Nimum dolorem excitatorem calorem consumentem humidum cere-

bri: sicut videmus in mundo exteriori, quod sic cus aer non pluit: & quando est humidus temperate, fortis calor solis humidum consumit, & iterum non pluit: & his duobus modis potest non flens magis dolere, quam ille qui multum plorat: & in talibus habentur lacrymæ mentis. Est etiam adhuc vnus modus non in natura fundatus, sed in constantia animi, scilicet quando homo continet se ne ploret, ut magis sit occultus coram Deo, & tunc iterum sufficiunt lacrymæ mentis coram sacerdote: sed ille quando solus est, dimittit habenas lacrymis, sicut fecit beatus Augustinus in sua conuersione: quia quando est solus, non habet restem nisi Deum, coram quo verecundatur de peccato. In aliis autem exiguntur lacrymæ corporales.

**AD ID** ergo quod primo obiicitur, dicendum, quod mens dupliciter consideratur, scilicet ut mens quæ est absoluta à corpore, nullius corporis existens actus, & ut natura mouens & regens passibilem naturam ex parte sensus, ubi est coniunctio ad corpus. Et primo quidem modo passio non pertinet ad ipsam, sed potius secundo, per redundantiam tamen ab inferiori natura sensibilis partis quæ passionibus per se subiicitur.

**AD ALIUD** dicendum, quod completa voluntas flendi reputatur pro ipsis lacrymis mentis: & quod hæc non habet effectum, per accidens impeditur, ut dictum est. Ad id contra obiicitur, dicendum quod est imperfecta voluntas ex imperfectione desiderij: & de hac verum est, quod non reputatur pro facto. Est etiam incompleta voluntas, non in quantum est voluntas, sed in quantum deest facultas implendi quod desiderat: & hæc pro facto reputatur.

**AD ALIUD** dicendum, quod in talibus est imperfecta voluntas ex imperfectione desiderij & appetitus, quia non sufficienter desiderant: & ideo illis non reputatur pro facto.

**AD ALIUD** dicendum, quod non est impossibile de dolore gaudere: quia dolor ibi est ut materia gaudij. & tunc non habet contrarietatem ad ipsum, sicut etiam supra notatum inuenies: sed gaudere & tristari simul de eodem & secundum idem, non potest contingere: & ideo nullum impossibile præcipitur poenitenti.

**AD ALIUD** dicendum, quod littera ibi loquitur de eo in quo lacrymæ rō impediuntur per accidens complexionis, vel constantiae, sed tantum ex imperfectione desiderij veniæ de peccatis: & de illo dicit verum. Et ad argumentum patet solutio per ante dicta. Ad aliud dicendum, quod mulieres absque dubio plura plorant, & de talibus loquitur littera illa.

**AD ALIUD** dicendum, quod ille qui plorat in morte amici, dupliciter potest esse dispositus in poenitendo: si enim sit maior dolor de peccatis, quam de morte temporali, tunc maior dolor exiccatur in eo humidum cerebri, quod non potest flere: & tunc ipse est maioris laudis, quam si fleret. Si autem sit minoris doloris: tunc signum est, quod minus doleat de re spirituali & de damno animæ, quam de re temporali & damno corporis: quia calor de re temporali suscitatus sufficiebat resolquere humidum cerebri in fletum: calor autem paruus de damno spirituali suscitatus, non sufficit mouere ipsum: sicut nos videmus, quod frigore existente in mundo maiori, etiam si sit aer temperate



rate humidus, non pluit, frigore constringente & impediēte resolutionem: & hoc modo loquitur in litera.

*Ad qua-  
stionem  
2.*

**A D I D** quod quæritur de aliis signis, quæ poni possent, dicendum quod illa signa non indicant vnum, sed dubie indicant duo vel plura: sicut exilitas vocis magis est signum infirmitatis spiritualium partium, quam doloris voluntarij qui est in pœnitentia: gemitus autem potest esse signum infirmitatis, vel tristitiæ, vel melancholiæ, quia melancholici multum gemunt: & ideo signa illa minus communia sunt: sed dolor vt frequenter indicatur lacrymis, nisi per accidens impediatur, vt dictum est: & ideo alia signa non ponit sicut lacrymas.

**A D A L I V D** dicendum, quod magnus dolor magnis lacrymis indicatur, nisi repugnet complexio, vt dictum est.

**A D A L I V D** dicendum, quod lacrymæ indicant dolorem: sed tamen confessor debet experiri, vt sit ille dolor contriti vel attriti: & signum quod de hoc melius habere potest, est quod experiat vt pœnitens libenter suscipiat pœnitentiam iniunctam: si enim libenter suscipiat, signum est contritionis: si non, attritionis non sufficientis iudicabitur signum fuisse: nec est hoc inconueniens, quod plura signa requirantur ad idem.

### ARTICVLVS XXXVII.

*An hoc dictum valeat, Si ergo pœnitet, cur facis quæ male fecisti?*

**D**Einde quæritur de hoc quod dicit *ibi* [Si ergo pœnitet, cur facis quæ male fecisti, &c.] Videtur enim hoc non valere: quia sæpe pœnitentia est de præterito, & non de futuro ratione dulcedinis adiunctæ futuro: ergo videtur, quod non sit verum quod dicit. Item, De eo de quo nullus est fructus, sed erubescencia, pœnitentia est, quando transiit: & tale est peccatum: ergo pœnitentia est de præterito, & non oportet, quod etiam sit de futuro: sicut enim dicit Philosophus, In talibus magis volumus agere, quam egisse: quia melius est delectari, quam quieuisse delectari.

*Solutio.*

**S O L V T I O.** Dicendum, quod Augustinus loquitur de his qui pœnitent de peccato in quantum est offensa Dei: & non in quantum est in eo delectatio verecunda quam volumus cum transiit: & ideo trahimur ad ipsam in præsentem & in futuro: & tunc planum est id quod dicit: quia qui pœnitet de peccato in quantum est offensa Dei, cauet futurum, quod etiam est offensa Dei: & per hoc patet solutio ad totum.

### ARTICVLVS XXXVIII.

*An duo modi falsæ pœnitentiæ à Magistro sint bene assignati?*

**D**Einde quæritur de hoc quod dicitur *ibi* [Ne pœnitentiis animas laicorum decipi, & in infernum protrahi patiantur, &c.] Duos enim ponit modos falsæ pœnitentiæ in litera, scilicet cum spretis pluribus, de vno solo agitur pœnitentia, vel cum de vno agitur, & non disceditur ab alio.

Videtur autem, quod hi duo modi sint vnus modus: quia ille qui non discedit ab alio, spernit illud: & idem est spernere plura quod non discedere ab eis per affectum & propositum vltius non committendi: ergo videtur, quod hi modi sint vnus modus solus.

**2** Item, Cum multi sint alij modi falsæ pœnitentiæ, scilicet cum non iniunguntur respondentia peccato, sed grauiora, vel leuiora, quare non tangit modos illos? Item quæritur: constat enim, quod hic vocat pœnitentias id quod iniungitur exterius à sacerdote in emendam delicti. Videtur autem, quod nullo tali decipiantur, & in infernum pertrahantur: quia ante iniunctam pœnitentiam operata est contritio peccati remissionem culpæ: & cui remissa est culpa, non pertrahitur in infernum: ergo falsum esse videtur quod dicit.

**3** Item, Hoc est de iure communi quod homo recognoscat quantitatem suæ offensæ in genere: ergo ignorantia illius nullum excusat: ergo cum teneantur illud scire omnes, videtur quod circa hoc non possint decipi.

**4** Item, Ex simili possunt intelligere, quod tales pœnitentiæ falsæ sint: quia non satisfaciunt homini, qui ita placant in vno, quod prouocant ad iram in altero: ergo possunt per se scire, quod nec Deo satisfaciunt, qui sic pœnitent de vno, quod peccent in altero: ergo circa hoc non decipiuntur, vt videtur.

**A D H O C** dicendum, quod falsam pœnitentiam vocat hic falsum modum pœnitendi, qui est de vno ita quod non de alio. *Solutio.*

**A D P R I M V M** autem dicendum, quod differunt illi duo modi: quia primus est cum agitur pœnitentia de vno, & non de alio, quod tamen in actu non iteratur. Secundus autem est cum agitur de vno, & iteratur aliud: & ille est falsior, quam primus. Et quod dicit, spretis pluribus, intelligitur spernere pro paruipendere peccatum, vt de eo pœnitentiam agat, quia non reputat tantum.

**A D A L I V D** dicendum, quod illa non semper est falsa pœnitentia, quando parum iniungitur, vel plus: quia hoc diuersis de causis potest & debet fieri: & ipse non agit hic nisi de pœnitentiis quæ semper falsæ sunt & damnabiles.

**A D A L I V D** dicendum, quod de de iure communi est, quod homo cognoscat peccatum: & hoc quidem facit omnis sacerdos se offerens: sed non est de communi iure, vt sic vel sic pœniteat, sed potius de speciali, circa quod diuersa sentiunt etiam sapientes: & ideo non tenetur illud scire, nisi alio docente addiscat: & ideo decipi potest circa hæc.

**A D A L I V D** dicendum, quod bene potest esse, quod conscientia dicat talem modum pœnitentiæ esse falsum: tamen propter peccati dulcedinem efficitur ignorans, non in intellectu speculatiuo, sed practico: & ideo tunc decipi potest: quia vult quasi decipi, sicut dicit Dominus Ezech. 13. Decipiebant populum meum, &c. & Ierem. 5. Prophetæ prophetabant mendacium: & sacerdotes plaudebant manibus. Propter quod præcipit Isa. 58. Clama, ne cesses: quasi tuba exalta vocem tuam, & annuntia populo meo scelera eorum.

*Repetit*



*Repetit de vera pœnitentia ut addat.*

**E**X præmissis perspicua fit notitia veræ pœnitentiæ vel satisfacti-  
 onis. Illa enim vera est pœnitentia, quæ peccatum  
 abolet: quod illa sola facit quæ scelus corrigit. Illa vero  
 scelus corrigit, quæ odium commissi criminis & commit-  
 tendi cum desiderio satisfaciendi affert. Iudas enim pœnituisse legitur  
 sine assentione veniæ, quia tali pœnitentia non correxit crimen. Vnde  
 Hieronym. Nihil Iudæ profuit egisse pœnitentiam, per quam scelus  
 corrigere non potuit. Sic quando frater peccat in fratrem, ut emen-  
 dare non valeat quod peccauit, potest ei dimitti: sin autem perma-  
 nent opera, frustra voce assumitur pœnitentia: hoc est quod de eo  
 dicit. Et oratio eius fiat in peccatum: ut non solum emendare nequi-  
 uerit proditiōis nefas, sed proprii homicidij scelus addiderit. Caue  
 qualiter intelligas illud, Ut emendare non valeat quod peccauit, &c.  
 Non enim emendatio hic intelligenda est rei demptæ compensatio,  
 sed delicti exprobratio & abominatio cum satisfactiōis desiderio. De-  
 mit enim iniuste quis alicui, quod restituere non valet, ut oculum,  
 vel vitam, & huiusmodi: & tamen si pœnituerit peccati, cum amore  
 condignæ satisfactiōis veniam habet. Nec ideo quisquam putet, qui  
 rem alienam iniuste abstulerit quam reddere potest, de illo peccato  
 pœnitere ac veniam consequi, nisi restituat ablatum. Quandiu enim  
 res propter quam peccatum est, non redditur si reddi potest, non agitur  
 pœnitentia, sed fingitur.

Mat. 27.

Com-  
ment. ad  
illud

Mat. 27.

Quid ad  
nos.

Pl. 108.

# ARTICVLVS XXXIX.

*An & quæ sit vera pœnitentia?*

**D**Einde quæritur, de hoc quod dicitur *ibi* [Illa  
 enim vera est pœnitentia quæ peccatum  
 abolet, &c.] Quæritur enim, quæ sit differentia  
 inter veram pœnitentiam, & dignam pœniten-  
 tiam? Videtur autem, quod nulla: quia idem ha-  
 bent oppositum: indigna enim pœnitentia est in-  
 sufficiens: ergo scelus non corrigit, nec pecca-  
 tum abolet: ergo non est vera: cum ergo vnum  
 habeant oppositum, videtur, quod ipsæ sint  
 vnum

2. Item, Cum verum dicatur multipliciter, quæ-  
 ritur, secundum quem modum sumatur hic ve-  
 rum, cum dicitur, vera pœnitentia. Si enim verum  
 dicatur indiuisio esse, & quod est: cum tale verum  
 sit à forma, videtur omnis pœnitentia esse vera:  
 quia omnis pœnitentia est pœnitentia à forma  
 pœnitentiæ, quæ quid erat esse significat: & hoc  
 non videtur velle circumstantialiter, quia videtur  
 verum restringere pœnitentiam: ergo aliqua pœ-  
 nitentia erit non vera, ut videtur.

*Solutio.* SOLVTIO. Ad primum dicendum, quod  
 digna & vera differunt: quia vera dicit pœniten-  
 tiam impermixtam contrariis pœnitentiæ: sicut  
 dicitur vere album, quod est aliis coloribus mediis  
 & contrariis impermixtum: & verum aurum, ali-  
 metallo viliori impermixtum. Dignam autem  
 dicit debitam pœnitentiæ quantitatem, ut scilicet

fit secundum quantitatem delicti ad arbitrium  
 sine dolo facta.

AD ID autem quod contra obiicitur, dicen-  
 dum quod argumentum non valet, habent vnum  
 oppositum: ergo sunt vnum & idem: & est fallacia  
 consequentis: & est instantia: quia inuoluntarium  
 per ignorantiam, & inuoluntarium per violen-  
 tiam, habet vnum oppositum quod est volunta-  
 rium: nec tamen propter hoc sunt idem. Et quod  
 dicit Philosophus, quod si vnum oppositorum est  
 multiplex, & reliquum, in pluribus est intelligen-  
 da propositio: & hæc solutio sumpta est in ethic.  
 in quinto lib. in tex. & in commento. Vel potest  
 melius dici, quod oppositum non dicitur vno  
 modo, prout opponitur illis duobus: indigna enim  
 potest dici ratione quantitatis, vel ratione essen-  
 tiæ: & primo modo opponitur dignæ: secundo  
 modo opponitur veræ.

AD ALIUD dicendum, quod verum dicit  
 hic impermixtum alieno viliori, ut dictum est:  
 sicut dicimus verum aurum & verum argentum:

& non sumitur ibi veritas in communi  
 prout est indiuisio esse, & quod est,

nisi sumatur esse purum & im-  
 permixtum. Et per hoc

patet solutio

ad totum.

\* \*

ARTICV



## ARTICVLVS XL.

*An perfecta pœnitentia cogit peccatorem omnia libenter sustinere?*

**D**Einde quæritur de hoc quod dicitur *ibi* [Perfecta pœnitentia cogit peccatorem omnia libenter sustinere] Hoc enim falsum videtur: quia non est necessarium, quod omnia libenter sustineat, nec omnia faciat, sed potius necessaria ad salutem solum. Si dixeris, quod accommodata est distributio, & distribuit pro necessariis ad salutem tantum. Videtur adhuc esse falsum quod dicit, quia in ore est confessio, in corde contritio, in opere tota humilitas: quia sola contritio frequenter operatur salutem: ergo videtur, quod cetera non exigantur.

2 Item, Scelus semper corripitur per pœnitentiam: nec tamen semper fuit oris confessio, & satisfactio iniuncta: ergo illa, ut videtur non exiguntur. Sed de hoc erit quæstio in sequenti distinctione: & ideo hic transeamus.

**D**ICENDVM ad primum, quod distributio est accommodata: & intelligitur de necessariis pœnitenti in tali vel tali crimine ad salutem.

**A**D ALIUD dicendum, quod sicut supra diximus in tractatu de baptismo, dupliciter aliquid operatur in alio, vel cum alio, scilicet virtute, & essentia. Et verum quidem est, quod essentialiter ista tria non semper requiruntur ad deletionem cuiuslibet peccati etiam singulariter accepti: unde contritio non in virtute sui sola delet peccatum, sed prout est cum voto confitendi & satisfaciendi: & tunc confessio & satisfactio sunt in virtute, & non essentia: & hoc sufficit quando sacramentum non contemptus religionis, sed articulus necessitatis excludit.

## ARTICVLVS XLI.

*An possit dici, quod aliquis nequiverit emendare peccatum?*

**D**Einde quæritur de hoc quod dicitur *ibi* [Ut non solum emendare nequiverit, &c.] Videtur enim hoc esse falsum: si enim emendare nequiverit, tunc non est ei imputandum: sed ei imputatur: ergo potuit emendare.

*Solutio.*

**S**OLVTIO. Dicendum, quod secundum communem modum loquendi dicitur non posse qui non potest in tali statu manens, licet simpliciter id possit: sicut dicimus, non possunt emendare delicta perdurantes in voluntate delinquendi. Et iste modus Iudæ attribuitur: quia pœnitentia ductus de prodicione, in voluntate delinquendi perduravit, scilicet se suspendendi.

## ARTICVLVS XLII.

*Quid sit restitutio?*

**D**Einde quæritur de hoc quod dicitur *ibi* [Nec ideo quisquam putet qui rem alienam iniuste abstulit, &c.] Quærentur hic de restitutione

quatuor, scilicet quid sit restitutio, & quid debeat restitui, cui debeat restitutio fieri, & quarto qualiter se habeat restitutio ad opera pœnitentiæ? Ad primum sic dicunt Iurisperiti, quod restitutio est ablata rei redditio vel recompensatio. Videtur autem, quod non conveniat: quia multa restituntur non ablata, sicut deposita, locata, & mutuata: ergo videtur, quod illa descriptio non valet.

2 Item, Contingit aliquid auferri quod non potest recompensari, sicut fama, quæ melior est omni temporali bono alio: ergo per illud non recompensatur: ergo non fit restitutio per illud.

3 Item, Virginitas violenter auferitur alicui puellæ: & illa non potest recompensari: & tamen contingit satisfacere de peccato: ergo videtur, quod non fit recompensatio rei ablata.

4 Item, Multi tenentur ad restitutionem qui non auferunt, sed iubent auferri, vel consilium dant de auferendo, vel aliquid huiusmodi faciunt: ergo videtur, quod non fit generaliter verum, quod restitutio sit ablata rei, &c.

**G**RATIA huius quæritur ulterius, Qui sunt qui restituere tenentur. Et dantur versus de hoc.

*Iussio, consilium, consensus, palpo, recursus, Participans, mutus, non obstant, non manifestans.*

Videtur autem de primo, quod non semper iussio faciat teneri ad restitutionem: quia est iussio non habentis iurisdictionem super eum cui iubet: & tunc non fit propter suam iussionem: ergo non tenetur restituere.

2 Item, Non exigitur plus in restitutione, quam illatum est in damno: sed damnum non intulit nisi vnus, scilicet rapiens: ergo ille solus tenetur restituere, & non iubens.

Obiicitur etiam de secundo quod est consilium: consulens enim factum, non directe operatur ad hoc quod fiat: ergo videtur, quod non directe facit: ergo etiam non directe tenetur ad restitutionem.

Obiicitur autem de tertio quod est consensus: omnes enim consentiunt, quod fiat aliquid quod volunt fieri, & gaudent de facto: si ergo consensus facit teneri ad restitutionem, videtur quod omnes qui volunt damnum alicuius, & gaudent de illato damno, tenentur ad restitutionem: quod graue esset dicere, quia non omnes tales possunt induci ad restitutionem.

2 Item, Philosophus quinto ethic. ubi loquitur de iustitia, videtur velle, quod non teneatur restituere, nisi qui habet plus quam debet: sed nec consulens nec consentiens propter hoc quod consentit vel consulit, habet plus quam debet: ergo videtur iniustum esse, quod cogatur ad restitutionem.

Obiicitur ulterius de palpone. Palpo enim est adulator: videtur autem, quod ille nihil operatur ad damnum inferendum: ergo videtur, quod damnum restituere non tenetur. Præterea, Si palpo tenetur, quid erit de clericis & religiosiis qui suadent principi terræ tales acceptiones quæ iniustæ sunt, vel non faciunt eum restituere, vel tacent? si enim palpo tenetur, etiam isti tenentur: & hoc illi non concedunt.

**V**LTERIVS quæritur de hoc quod dicitur recursus. Intelligitur enim de eo ad quem habent recursum illicite rapientes, sicut ad defensorum,



rem, vel conseruatorem, &c. & cum ille nihil recipiat de alieno, vt hic supponitur, sed pro affectu vel consanguinitate recurrentes ad se conseruat, videtur quod non teneretur restituere.

De participatione autem quæritur, vtrum ipsi in solidum teneantur? Et videtur, quod non, cum tantum partem recipiant.

Obiicitur etiam de muto: Mutus enim est, qui non reprehendit, nec reclamationem: sed multi sunt tales, maxime in rapina principum, etiam religiosi: ergo omnes illi tales ad restitutionem tenentur, quod difficile est dicere.

Vltius obiicitur de non obstante. Quia non omnes de facili restituerent, qui possent prohibere, & non prohibent. Item, Non tenentur prohibere: ergo videtur, quod non peccant si non prohibent.

Vltimum præcipue non verum videtur, scilicet non manifestans. Quandoque enim cum periculo corporis auferens manifestaretur: & tunc videtur, quod etiam teneatur non manifestare. Item, Fures sæpe sciuntur à sanctis viris: & non manifestantur: ergo videtur, quod hoc non faciat teneri ad restitutionem.

*Solutio.* Dicendum, quod restitutio satis bene diffinita est per illum modum, scilicet quod sit rei ablatae redditio vel recompensatio. Quia ablatum aut restituitur idem numero, & tunc redditur: aut in æqualitate, & tunc recompensatur.

AD ID autem quod primo obiicitur, dicendum quod restitutio non est nisi ablati: & illud etiam respicit redditio: quia non redditur quod habetur, sed quod aliquo modo erat amissum: & ideo nihil est quod obiicitur de locatis, & aliis huiusmodi.

AD ALIUD dicendum, quod hæc & talia soluantur in litera, scilicet quod intelligitur de rebus fortunæ quæ restitui possunt: quia si inanis est actio quam inopia debitoris excludit, multo magis inanis est actio quam excludit impossibilitas restitutionis. Vel potest dici, quod contingit restituere dupliciter, scilicet secundum rei ablatae valorem, vel secundum acceptionem eius cui ablatum est aliquid. Et licet primo modo quædam restitui non possant, contingit tamen ea secundo modo restitui: & hæc est restitutio ad arbitrium bonorum: & hoc fit quotiescunque facit debitor quicquid potest ad satisfaciendum læso: siue enim tunc læsus remittat, siue non, nihilominus est excusatus coram Deo ille qui abstulit.

*Ad qua-  
siuenc-  
lam.* AD ID quod vltius quæritur de numero eorum quæ operantur ad ablationem, & faciunt teneri ad restitutionem: dixerunt quidam, quod non omnia illa faciunt teneri, sed quinque de illis faciunt teneri simpliciter, & alia non nisi in quibusdam casibus. Et videtur mihi, quod illi dicant verum. Quinque autem quæ simpliciter teneri faciunt ad restitutionem, illa sunt, iussio, consensus, recursus, participans, non obstars cum obstars teneretur. Iussio autem facit teneri: quia principaliter agit, qui præcipit fieri: & in usum eius vel suorum cedit res ablata: aliter enim domini qui manibus propriis non auferunt, sed præcipiunt auferri, non tenerentur ad restitutionem. Et per hoc patet solutio ad primum quod de hoc obiicitur.

AD ALIUD dicendum, quod hæc est falsa, quod

damnum non intulit nisi vnus: imo multi & diuersi inferunt damnum, & ideo tenentur ad restitutionem: præcipue tamen cum res ablata cedit in usum præipientis: sed tamen etiam si non cederet, si propter suum imperium perditur res, ipse teneretur restituere.

AD ID quod obiicitur de secundo dicendum, quod non omnis consulens meo iudicio tenetur, sed ille solum qui efficax dat consilium, ita quod probabiliter suum consilium facit rem perdi.

AD ID quod contra obiicitur, dicendum quod ipse operatur directe suo modo: quia multa concurrunt ad vnum actum, sine quorum nullo fieret: sicut sunt consiliarij similes Achitophel, qui malos extorquendi modos & auferendi, volentes placere latronibus & tyrannis, inueniunt: & emissarij qui exequuntur quod illorum consilio dictatum est: & de illis intelligitur, quod tenentur restituere.

AD ALIUD dicendum, quod Aristot. valde large accipit habere plus. Plus enim dicitur habere qui quocunque modo extorsit rem alterius, non quod habeat in usu, sed quia iniuria perdidit alter: & hoc modo directum iustum facit eum recompensare damnum quod intulit.

AD ID quod dicitur de palpone, dicendum, quod non omnis palpo tenetur: sed qui laudando in actu auferendi incitat ad auferendum: dicens quod hoc sit signum strenuitatis, vel quod aliter non possit dominari, vel quod hoc iure communi sibi debeatur tanquam terræ domino, vel aliud huiusmodi.

AD ALIUD dicendum, quod, vt mihi videtur, siue clerici, siue religiosi, in hoc palpantes, tenentur ad restitutionem.

AD ID quod obiicitur de recursu, dicendum quod intelligitur de illo ad quem habetur recursus, sicut ad defensorem & conseruatorem & latronum & latrocinij: sicut sunt quidam hospites furum, & alij qui faciunt se defensores & aduocatos talium. Si autem propinquitate sanguinis quandoque tenetur, non credo, quod propter hoc ille teneatur ad restitutionem: vel si etiam teneatur, cum quæritur ad iudicium, ratione compassionis naturæ & spe pœnitentiæ credo, quod in tali casu meretur ille ad quem recurrit.

AD ID quod obiicitur vltius de muto, dicendum quod solus ille mutus iudicatur, qui ex officio tenetur reclamare, & non reclamationem: & etiam ille non credo, quod teneatur vniuersaliter ad restitutionem, sed potius tunc quando tacet consentiens & promouens ad hoc quod fiat. Sed verum est, quod si ex officio tenetur reclamare, & non reclamationem: si vult pœnitentiam agere, tenetur clamando cooperari læso vt satisfiat ei. Et per hoc patet solutio ad id quod contra hoc obiectum est.

AD ID quod obiicitur de non obstante, videtur dicendum, quod intelligitur de illo, qui ex officio obstars teneretur: sicut baro, vel princeps, qui tributa terræ cum recipit vt pacificet terram, si non obsters illicite auferentibus, ipse restituere teneretur.

DE VLTIMO dicendum quod non intelligitur de omni non manifestante, sed solum de illo qui celando particeps est lucris & criminis. Et ideo obiecta contra hoc non tenent.



## ARTICVLVS XLIII.

*Quid debeat restitui, & qualiter est restituendum?*

*Quæst. 1.* **S**ecundo quæritur quid debeat restitui? & hæc est quæstio difficilis: cum enim restitui debeat res ablata, contingit auferri famam, quandoque veritate, & quandoque mendacio: sicut si ponamus, quod aliquis diffamauit crimen alicuius, verum quidem, sed tamen occultum: si debeat restituere, videtur, quod peccet: quia si dicat, Hoc dixi falsum ut infamarem ipsum: ipse mentitur, quia verum dixit. Cum igitur omnis homo debeat vitare mendacium, videtur quod ille debeat vitare restitutionem. Si autem dicat sic: Ego quidem verum dixi, tamen intentione mala diffamandi, amplius infamabit: quia amplius creditur, quam prius: ergo magis lædet secundo, quam primo. Si dicas, quod non debet restitui fama. Contra: Id quod charius possidetur, inuitissime amittitur: fama autem charius possidetur, quam aurum, & argentum: ergo inuitissime amittitur: ergo videtur, quod maxime debet restitui. Item Hieronym. Crudelis est qui famam negligit: sed ille qui non exigit famæ restitutionem, famam negligit: ergo est crudelis: ergo videtur, quod etiam hæc iniuria non debet remitti sine re-compensatione: ergo quilibet tenetur exigere talis rei restitutionem: ergo aliquis tenetur soluere: constat autem, quod non nisi qui abstulit: ergo ille restituere tenetur.

*Quæst. 2.* **E**odem modo grauis casus est de eo qui impedit aliquem ut non consequatur hoc quod habiturus esset, nisi ille impediret, sicut præbendam, vel dignitatem, vel quascunque res spirituales, vel seculares, quia quoad hunc casum non differunt, utrum teneatur ad restitutionem si potest? Si dicas, quod sic. Contra: Isti nihil est ablatum: quia non auferitur nisi quod habetur, iste autem adhuc non habuit: ergo videtur, quod non tenetur.

**2** Item, Quomodo restituet si tenetur: si enim habet præbendam vel Ecclesiam, & impedit illum ne consequeretur, videtur quod tenetur recedere de sua, & illum inuestiri facere: & hoc graue est dicere, quia pauci vel nulli hoc facerent. Si autem dicas, quod non tenetur. Contra: Occasionem damni dat: ergo damnum fecisse interpretandus est: ergo tenetur ad restitutionem. Item, Si quærerem à te, utrum ille qui sic impedit proximum: peccauit, vel non? Et si diceret, quod peccauit. Quærat ergo ulterius, utrum in Deum tantum, vel in Deum & in proximum? Tu dices, quod in Deum & in proximum. Si autem iterum quærat, quo genere peccati peccauit in proximum? dices, quod damnificando proximum. Cum ergo omnis damnificans teneatur ad restitutionem, iste tenebitur.

*Quæst. 3.* **I**TEM quæritur de eo qui arando subuertit semina, qualiter tenetur ad restitutionem? Si enim dicas, quod tenetur soluere fructus futuros. Contra: Fructus multis de causis poterant impediri: ergo nondum certi habebantur: ergo ille non abstulit fructus: ergo non tenetur reddere. Si autem dicas, quod tantum semina. Contra: Tantum valet res, quantum vendi potest: sed ille pro agro, se-

minato plus vendendo acciperet, quam semina: ergo ille plus reddere tenetur.

**I**TEM quæritur, Utrum illæ leges Domini, quæ de restitutione tanguntur Exod. 5. scilicet, quod ouis reddatur in quadruplum, & bos in quintuplum, adhuc tenent vel non? Videtur, quod sic: quia de moribus sunt & necessariis ad salutem: ergo adhuc tenent. Probatio primæ est: quia restitutio est de necessariis ad salutem, & de moribus hominum.

**C**ONTRA: Hic in litera non dicitur plus, sed nisi quod restituatur ablatum: ergo videtur, quod ad plus non tenetur.

**2** Item, Nos videmus quod in iudicio non condemnatur ad plus, quam intulit in damno: ergo ad plus non tenetur.

**3** Item, Aristot. dicit, quod iustum est æquale, ut tantum reddat quantum intulit in damno: constat autem, quod si plus reddat, erit inæqualitas: cum igitur inæqualitas sit idem quod iniustitia, iniustum est si cogatur ad plus dandum, ut videtur.

**S**OLVTIO. Dicendum videtur, quod ad omne illud ablatum quod cum dolore amittitur, & cum delectatione & vtilitate vel honestate possidetur, sequitur tentio ad restitutionem ex parte auferentis illud, quocunque modo auferat: sicut multi modi habiti sunt in præcedenti articulo huius quæstionis.

**A**D ID autem quod primo quæritur, dico quod aliqui detractor tenetur ad restitutionem: sed duplex est fama, scilicet in re pertinente ad veram laudem, cuius oppositum est vere vituperium: & hæc est virtus & vita secundum virtutem, vel saltem sine vitio, quia nihil vere laude dignum est nisi virtutis actus. Est etiam fama in scientia, vel militia, & huiusmodi: in quibus non est laus nisi vana. Et primam tenetur restituere qui iniuste abstulit. Non autem iniuste auferit qui dicit ubi prodesse debet, scilicet Prælato, vel pluribus corripientibus: & si hoc non valet, denuntiat Ecclesiæ, ut confusione peccator resipiscat: ille enim talem famam non auferit, sed velamen malitiæ manifestat. Si autem intentione infamandi euomat mala, dico quod restituere tenetur, si tamen criminosa euomuerit.

**A**D HOC autem quod obiicitur, dico quod aliqui etsi verum sit quod dixit, ipse potest ire ad illos quibus dixit, & dicere quod intentione infamandi dixerit. Si autem quærat, utrum verum dixerit, vel non? Ad hoc non tenetur respondere, sed caute euadere sine mendacio, ut docet August. in lib. de mendacio. Et per hoc patet solutio ad secundum, & ad omnia quæ quærentur circa illud.

**A**D ALIUD dicendum, quod ille qui impedit alium: aut iuste impedit, scilicet quia scit eum indignum tali honore vel tali re, & tunc non tenetur: aut iniuste, & tunc dico, quod tenetur satisfacere, sed non tamen reddere, quia ille rem illam adhuc adeptus non erat: hæc autem satisfactio debet fieri secundum possibilitatem satisfaciendi, & arbitrium bonorum virorum. Ad hoc autem quod contra obiicitur, dicendum quod non dat occasionem damni rei quæ habetur, sed quam probabile fuit haberi, poterat tamen aliquo casu non haberi, quia sæpe contingunt infortunia non præuisa.

**A**D ALIUD dicendum, quod iste peccauit in



in proximum damnificando eum : sed non tantum , quantum si ipsa res quiete iam fuisset possessa : & ideo non ad tantum tenetur , sed iuxta arbitrium bonorum.

*Ad qu. 3.* AD ID quod ulterius queritur de tertio casu, dicendum quod soluere non est difficile: sed tenetur tantum, quantum ager seminatus pro tempore illo vendi consuevit : & hoc est plus & minus, secundum quod propinquius expectantur fructus, vel remotius à messe.

*Ad qu. 4.* AD HOC quod queritur de legibus Exod. 5. dicendum, quod hodie non tenent nisi ex noua constitutione sanciantur. Huiusmodi enim leges iudiciales erant habentes aliquid significationis de futuro : & quoad hoc quod erant iudiciales pro tempore & loco aggrauabant plus vel minus in terrorem vitij illius quod in populo vigeat, ut scilicet populum à tali vitio citius auerterent. Secundum autem quod aliquid habebant significationis de futuro, cum aliis cæremoniis in Nouo Testamento sunt impletæ & euacuata.

AD HOC autem quod obiicitur, quod sunt de moribus, dicendum quod de moribus quidem sunt : non tamen sunt morales proprie, prout moralia diuiduntur contra iudicialia: quia hoc modo moralia non sunt nisi illa præcepta quæ præcipiunt actus alicuius virtutis moralis : hoc autem non fit in illis, sed ad terrorem erat aggrauantium damnum, eo quod per auaritiam libenter rapiabant aliena, præcipue animalia, quæ in illo populo tunc temporis abundabant.

#### ARTICVLVS XLIV.

##### *Cui debet fieri restitutio?*

**T**ERTIO queritur, Cui debeat fieri restitutio? Ponamus enim, quod ille qui rem alienam habet, nesciat cuius fuit : tunc enim cum non scit cui debeat, videtur esse absolutus ab obligatione : quia omne quod aliquis debet, alicui debet.

*Quæst. 2.* ITEM Ponamus, quod aliquis sciat : sed est ita remotus, quod ad eum peruenire non potest sine magna difficultate: & queratur, quid tunc sit faciendum: vel si scit eum cui debet, nescit tamen ubi manet, vel non potest inueniri: Si enim tunc dat pauperibus, potest esse quod ille casu postea inueniatur. Cum ergo non sit illi restitutum, oportet quod secundo restitueret: & hoc esset iniustum : ergo seruare tenetur donec ille veniat, vel desperetur de eius aduentu. Et tunc queritur quando illud est? Potest esse, quod ille in longinquo loco faciat filios: & illis dicat, quod talis homo sibi teneatur, & quando desperatur de vita sua, postea apparebunt filij quibus debet restituere : & hoc modo nunquam desperabitur de aduentu suo, vel in se, vel in hæredibus suis.

*Quæst. 3.* ITEM, Ponamus, quod aliquis iniuste accepit in aliqua expeditione, & nesciat cui fecerit damnum specialiter. Si enim dat pauperibus, queritur quibus tenetur, & ad cuius arbitrium debet fieri recompensatio? Videtur enim, quod magis tenetur pauperibus illius terræ in qua damnum fecit, quam in alia in qua damnificans habitabat: quia forte aliquis pauperum terræ in qua in-

*D. Alb. Mag. in Lib. 4. Sentent.*

tulit damnum, ad paupertatem est deductus per eum, & ille debet habere recompensationem.

*Quæst. 4.* ITEM, Ponatur, quod aliquis de licentia alicuius Prælati iniuste vendiderit sibi res Ecclesiæ, quas Prælati dare non potest, queritur, cui debeat fieri restitutio? Si dicas, quod Ecclesiæ. Contra : Prælati tenet res Ecclesiæ : & ille concessit res isti, vel dedit : ergo non sunt ei ablata: non ergo debet ei fieri restitutio. Si autem non debet illi fieri restitutio, cum nullus alius habeat ius, videtur, quod nulli: quod absurdum est, cum res Ecclesiæ ab illo teneri non possunt.

*Quæst. 5.* ITEM, Ponamus, quod aliquis mutuauit pecuniam suam alicui gratis vsque ad certum diem nundinarum, & tunc non reddit, & ille impediatur à negotiatione sua licita : constat, quod damnificauit eum: ergo reddere tenetur: & queritur, in quo, & quantum?

*Solutio.* SOLVTIO. Hæc & huiusmodi magis considerari habent à Iurisperitis, quam à Theologis: & ideo sine præiudicio dico, quod rationale videtur.

*Ad qu. 1.* AD PRIMUM ergo dicendum, quod cum nescitur verus dominus, pauperes sunt hæredes: & ille non absoluitur ab obligatione, nisi det pauperibus.

*Ad qu. 2.* AD ALIUD dicendum, quod distinguendum est: aut enim tantum est debitum, quod viam merito subire debeat, aut non. Si sic: tunc mittere vel portare sibi tenetur, nisi speretur reditus illius cui damnum est illatum. Si autem parum est, & non speretur reditus, dico quod dandum est propinquis eius cum tali protestatione, quod dent vel recompensent illi principali si venerit. Si autem propinquos non habet, ego consulerem, quod daretur alicui cœnobio cum promissione tali per scriptum confirmata, quod si vnquam de hæredibus illius apparet, vel ipse, quod illud restitueret cœnobium, vel respondere teneretur.

*Ad qu. 3.* AD ALIUD bene concedo, quod ille qui est in expeditione, quod accepit, magis tenetur pauperibus illius terræ reddere in qua damnum fecit, quam in alia ubi habitat. Et etiam ad arbitrium Episcopi loci illius qui damnificatus est, debet fieri restitutio, scilicet ad opus commune villæ, vel pauperibus eiusdem villæ, vel alio modo prout Episcopo rationabiliter videbitur expedire.

*Ad qu. 4.* AD HOC quod queritur de illo qui habet res Ecclesiæ, dico quod restituere tenetur Ecclesiæ, ita ut deuoluatur ad Prælatus successorem : quia ille qui concessit, non meretur recipere. Et per hoc patet solutio ad totum.

#### ARTICVLVS XLV.

##### *Qualiter habent se opera restitutionis ad opera pœnitentiæ?*

**V**LTIMO queritur, Qualiter se habeant opera restitutionis ad opera pœnitentiæ? Videtur, quod sint de pœnitentiæ. Ipsa enim pœnitentiæ est remedium peccati actualis: cum igitur restitutio sit de emendatione cuiuslibet talis peccati, videtur esse pars satisfactionis : ergo etiam est pars pœnitentiæ.

C c



pœnitentiæ: quia quicquid est pars partis, est pars totius.

2 Item, In pœnitentia secundum quod est sacramentum, reconciliatur homo perfecte Deo & proximo: sed restituere est de recompensatione & reconciliatione ad proximum: igitur est pars pœnitentiæ, ut videtur.

*Sed contra  
172.*

SED CONTRA: Pœnitentia dicitur quasi pœnæ tenentia, & dolor ad hoc quod forefecit: sed ad restitutionem non exigitur talis dolor, sed qualitercunque siue dolens siue non dolens restituat, ipse deobligatur ab eo quod tenebatur restituere: ergo non est de pœnitentia sicut pars.

2 Item, Pœnitentia soluit à peccato: redditio autem soluit à debito retributionis proximi tantum, & non à peccato: ergo non est pars pœnitentiæ.

3 Item, Pœnitentiam oportet agere de proprio: sed restitutio semper est de alieno: ergo, &c.

4 Item, Si est pars pœnitentiæ, constat quod non est nisi pars partis, quæ est satisfactio, quæ est vel elemosyna, vel oratio, vel ieiunium, quia satisfactio non habet plures partes in genere: con-

stat autem, quod nulla est illarum: ergo non est pars pœnitentiæ.

SOLUTIO. Dicendum secundum antiquos, *solutio.* quod non est pars, sed præsupponitur in pœnitente, ut dispositio pœnitentis ne sit fictus: & hoc vocauerunt antiqui fundamentum: unde dixerunt, quod restitutio est fundamentum satisfactionis, & per consequens pœnitentiæ.

AD ID autem quod primo obiicitur, dicendum quod ipsa non est remedium cuiusdam peccati, vel delens peccatum, sed potius est dispositio præsupposita in eo in quo per pœnitentiam deletur peccatum.

AD ALIUD dicendum, quod restituens dupliciter reconciliatur proximo, scilicet in quantum tenetur ei de damno illato: & hoc modo reconciliatur restitutio, non pœnitentia proprie: vel in quantum deâdificatus est proximus per malum exemplum: & sic satisfactio bonis operibus reconciliatur, & pœnitentia per consequens. Et ita intelligitur, quod homo per pœnitentiam reconciliatur Deo & proximo: restitutio enim recipitur etiam à non pœnitente: sicut bene probant ea quæ obiecta sunt in contrarium.



## DISTINCTIO XVI.

*De tribus quæ in pœnitentia consideranda sunt.*

**A**N PERFECTIÖNE autem pœnitentiæ tria obseruanda sunt, scilicet compunctio cordis, confessio oris, satisfactio operis. Vnde Ioannes os aureum, Perfecta pœnitentia cogit peccatorem omnia libenter ferre: in corde eius contritio, in ore confessio, in opere tota humilitas. Hæc est fructifera pœnitentia, ut sicut tribus modis Deum offendimus, scilicet corde, ore, & opere: ita tribus modis satisfaciamus. Sunt enim tres peccati differentie, ut ait August. & in corde, & in facto, & in consuetudine, vel verbo, tanquam tres mortes. Vna quasi in domo, scilicet cum in corde consentitur libidini. Altera quasi prolata iam extra portam, cum in factum procedit libidini assensio. Tertia, cum malæ consuetudinis tanquam mole premitur animus, vel noxiæ defensionis clypeo armatur quasi in sepulchro iam fœtens. Hæc sunt tria genera mortuorum, quæ Deus legitur suscitasse. Huic ergo triplici remedio occurritur: contritione, confessione, satisfactione. Compunctio nobis commendatur ibi, Scindite corda vestra, & non vestimenta vestra. Confessio ibi, Iustus in principio sermonis accusator est sui. Veræ enim confitetur qui se accusat, qui execrando malum sibi imputat. Et ibi, Effundite coram illo corda vestra. Et iterum, Confitemini alterutrum peccata vestra. Satisfactio à Ioanne præcipitur ubi ait, Facite dignos fructus pœnitentiæ, scilicet ut secundum qualitatem & quantitatem culpæ,

*De sermone  
habito  
in monte.*

*Ioel. 2.  
Prou. 18.*


*Psal. 61.  
Iacob. 5.  
Matth. 3.  
Luc. 5.*



pæ, sit qualitas & quantitas pœnæ. Non enim par debet esse fructus <sup>Beda.</sup> boni operis eius qui nihil vel minus peccauit, & eius qui grauius cecidit. Ideo discretio pœnitenti valde necessaria est, vt illa gerat quæ tradit Augustinus dicens, Consideret qualitatem criminis, in loco, in <sup>De vera & falsa pœnit. cap. 14.</sup> tempore, in perseuerantia, in varietate personæ: & quali hoc fecerit tentatione, & in ipsius vitij multiplici executione. Oportet enim pœnitere fornicantem secundum excellentiam sui status, vel officij, vel secundum modum meretricis, & in modum operis sui: & qualiter turpitudinem egerit, si in loco sacrato, si in tempore orationi constituto, vt sunt festiuitates & tempora ieiunij. Consideret quantum perseuerauerit, & defleat quòd perseueranter peccauerit, & quanta vitus fuerit impugnatione. Sunt enim qui non solum non vincuntur, sed vltro se peccato offerunt: nec expectant tentationem, sed præueniunt voluptatem. Et pertractet secum, quam multiplici actione vitij delectabiliter peccauit. Omnis ista varietas confitenda est & deflenda, vt cum cognouerit quod peccatum est, cito inueniat Deum sibi propitium. In cognoscendo augmentum peccati, inueniat cuius atatis fuerit, cuius sapientiæ & ordinis. Immoretur in singulis istis, & sentiat modum criminis, purgans lacrymis omnem qualitatem vitij: defleat virtutem qua interim caruit. Dolendum est enim non solum quòd peccauit, sed quia se virtute priuauit. Defleat etiam quoniam <sup>Iacob. 2.</sup> offendens in vno, factus est omnium reus. Ingratus enim extitit, qui plenus virtutibus Deum omnino non timuit. In hoc enim quisque peccator fit culpabilior, quo est Deo acceptior. Ideo enim Adam plus <sup>Gen. 3.</sup> peccauit, quia omni bono abundauit. Alio etiam modo offendens in vno, factus est omnium reus: quia omnis virtus patitur detrimentum ab vno vitio. Ponat se omnino in iudicio & potestate sacerdotis, nihil sui reseruans sibi: vt omnia eo iubente paratus sit facere pro recipienda vita animæ, quæ faceret pro euitanda corporis morte: & hoc cum desiderio, quia vitam recuperat infinitam. Cum gaudio enim facere debet immortalis futurus, quæ faceret pro differenda morte moriturus: semper deprecetur Deum, offerat Deo mentem & cordis contritionem: deinde & quod potest det de possessione: & tunc si quid offerat, securus offerat. Respexit Dominus ad Abel, & ad munera eius. <sup>Genes. 4.</sup> Prius dicit Abel, quam ad munera eius. In iudicio ergo cordis conferenda est eleemosyna tribuentis. Nec considerandum est quantum, sed qua mente, qua affectione dat quod potest. Qui ergo sua peccata redimere vult temporalium oblatione, prius offerat mentem. Caueat etiam ne ductus verecundia, diuidat apud se confessionem, vt diuersa diuersis velit sacerdotibus manifestare. Quidam enim vni celant, quod alteri manifestandum conseruant: quod est se laudare, & ad hypocrisim tendere, & semper venia carere: ad quam per frustra putat peruenire. Caueat etiam ne prius ad Dominicum corpus accedat, quam confortetur bona conscientia, & doleat quòd nondum audeat sumere, quem <sup>August. ibidem cap. 15.</sup> multum desiderat cibum salutarem. Cohibeat etiam se à ludis, à spectaculis seculi, qui perfectam vult consequi remissionis gratiam. Isti sunt digni fructus pœnitentiæ, animam captiuam elaqueantes & in libertate seruantes. Et infra. Querat anima dignos fructus, etsi non



dignos pœnitentiæ. Sunt enim digni fructus virtutum, qui non sufficiunt pœnitentibus. Pœnitentia enim grauiore postulat, vt dolore & gemitibus mortuus impetret vitam. Ex his ostenditur qui sint digni fructus pœnitentiæ, quibus vera satisfactio expletur: & quod non omnes digni fructus sunt digni fructus pœnitentiæ: quod de illa pœnitentia intelligitur, quæ maiorum est criminum. Non enim sufficiunt grauius delinquentibus, quæ sufficiunt minus vel parum peccantibus.



## DIVISIO TEXTVS.



**I**N perfectione autem pœnitentiæ tria, &c. ] Hic incipit pars illa, quæ est de partibus pœnitentiæ. Et diuiditur in duas partes, in quarum prima traditur differentia ipsarum partium. In secunda autem quæritur, Vtrum vna sine alia peccati destructionem possit operari? & hæc incipit in sequenti distinctione. Adhuc prima subdiuitur in duas. In prima enim agit de partibus pœnitentiæ, quæ sint, & quot. In secunda autem agit de modis iuxta partes acceptis *ibi* [Prædictis vero adiciendum est, &c.] Ante litteram tria quærentur: quorum primum est, Vtrum hoc sacramentum sit vnum, & qua vnitate sit vnum & simplex? Secundo, An habeat partes, vel non, & cuiusmodi sint illæ partes? Tertio, Vtrum illæ partes ex æquo recipiant sigillatim pœnitentiæ rationem, aut pœnitentia prædicetur de omnibus in summa acceptis, & non sigillatim?

## ARTICVLVS I.

*An sacramentum pœnitentiæ sit vnum?*

**A**D primum sic obiicitur, Sacramenta Ecclesiæ non sunt nisi septem: hoc autem non contingeret, si pœnitentia esset plura sacramenta: ergo pœnitentia non est nisi vnum sacramentum.

2 Item, Causa per se cuius effectus est vnus, ipsa est vna secundum causalitatis illius rationem: sed effectus huius sacramenti est vnus, scilicet deletio peccati actualis: ergo pœnitentia quæ est causa deletionis sacramentalis, est vna. Minor per se patet: sed maior patet ex hoc quod in vna ratione causalitatis, non est nisi vna causa vnus effectus, vt probatum est secundo physicorum, & quinto metaphysicæ Arist. Item, Actus est vnus, scilicet flere commissæ cum emendationis proposito: ergo & pœnitentia est vna, vt videtur.

*Sed contra.*

**S**ED CONTRA: Nihil est vnum ad cuius perfectionem tria exiguntur: ad perfectionem autem pœnitentiæ exiguntur tria: ergo ipsa non est vna. Probatio primæ est in quinto primæ Philosophiæ, vbi sic dicit Philosophus, Substantia cuiuslibet est secundum semel, vt sex non bis tres sunt, sed semel, sex enim sunt semel sex. Minor autem scribitur in littera in principio huius distinctionis.

2 Item, Impossibile est habitum vnum agentem, nisi natura agat, esse principium actuum diuersorum specie separatorum: sed si pœnitentia est vna, erit habitus huiusmodi, sicut ex dictis in 13. dist. constat: ergo non potest esse principium diuersorum actuum specie separatorum: sed talium actuum est principium: ergo non est vna. Probatio quod talium actuum est principium: quia conteri, confiteri, orare, & ieiunare, & elemosynas dare, sunt actus diuersi specie, ad quos mouet pœnitentia: ergo ipsa non est ad vnum, vt videtur.

**Q**UÆRITUR vltius, Si vna est, cuiusmodi sit illud vnum? Ponuntur enim multi modi vnus ab Auctoribus diuersis, tam sanctis, quam Philosophis. Sancti autem sunt Bernard. in quinto de consideratione. Et Dionysius in lib. de diu. nom. cap. 3. & Boëtius in lib. de vnitæ & vno. Philosophi autem Aristot. in quinto Philosophiæ primæ, & Auicenna in sua metaphysica, & Algazel: & longum esset ponere omnium distinctiones: nec oportet, quia quidam non dicunt vnum simpliciter, sed secundum quid tantum. Quæritur ergo, an sit vnum forma? Et videtur, quod sic: omne enim quod vere vnum est, est vnum forma aliqua faciente ipsum vnum: sed hoc sacramentum est vere vnum: ergo est vnum forma.

2 Item, Vnum conuertitur cum ente: ergo vnde est esse, inde est vnum: sed esse est à forma: ergo & vnum.

**S**ED CONTRA: Forma huius sacramenti videtur non esse vna: quia alia est forma contritionis, alia confessionis, & alia satisfactionis: ergo videtur, quod non sit vna vnitate formæ. Si dicas, quod hæc est vnitas sacramenti quam non ponit aliquis Philosophorum: quia non fuit de consideratione eorum. Contra: Quæritur, quæ sit illa vnitas sacramenti? Videtur enim, quod sit formæ quam naturam vel constitutiuam vocat Bernardus: quia sacramentum habet formam & materiam: sed quæcunque habent formam & materiam, habent ea vt partes essentielles: sed in omnibus talibus vnies est ipsa forma: ergo ista vnitas est formæ: & tunc procedit supra posita ratio, scilicet cum non sit forma vna, quod sacramentum non sit vnum, vt videtur. Si dicas, quod sacramenti vnitas est vt vnietur in vno effectu: videtur iterum, quod non sit vnum. Quia effectus non est vnus: aut enim peccatum secundum culpam remittitur in contritione, aut non. Si sic: ergo confessio & satisfactio non operantur contra culpam: ergo non sunt ad eundem effectum cum contritione: ergo non sic vnietur. Si dicas, quod non remittitur in contritione. Contra: ergo non erit nisi attritio, & non contritio: & hoc non



non stat cum hypothesi: quia suppositum est, quod contritio fuerit, cum quæritur, utrum in contritione remittatur?

2 Item, Dionysius innuit, quod omnis multitudo reducitur ad aliquod vnum: quia multa partibus in vnum toto, & multa accidentibus in vnum subiecto, & multa numero aut virtutibus in vnum specie, & multa speciebus in vnum genere, & multa generibus siue processibus in vnum principio. Et idem omnino per alia verba dicit Philosophus quinto metaphysicæ in distinctione vnius. Quæritur ergo, Si hæc multa quæ sunt hic, sunt multa partibus: tunc debent reduci in vnum toto. Et quæritur, quæ sit forma vniens totum, & vix erit assignare.

*Solutio.*

SOLUTIO. Dicendum videtur, quod hoc sacramentum est vnum vnitatem sacramenti, sicut dictum est in obiciendo. Et ulterius concedendum videtur, quod est vnum vnitatem formæ sacramentalis: forma autem huius sacramenti non eodem modo accipitur ut in aliis, in quibus minister sacramenti qui agit actum verbis, dat formam pronuntiando verba: non enim ita accipitur materia & forma istius sacramenti, sicut Magister infra determinabit: non enim habet materiam exteriorem, nec formam extra pœnitentem: sed illud dicitur esse materia, vnde accipit rationem significandi, sicut est in baptismo, & in aliis: sed quia dolor manifestatus in signis quibusdam est illud, dico dolorem esse materiam, dolorem dico voluntarium manifestatum in signis exterioribus, per quæ signa significat rem quam causat: forma autem sacramenti illius est propria vnde habet virtutem sanctificandi, sicut in omnibus aliis sacramentis ex forma est sanctificatio. Vnde forma ipsius est informatio gratiæ, vel gratia informans hunc dolorem, in quantum sic informans. Et si obicitur, quod secundum hoc idem est forma & res sacramenti, quod in nullo contingit: quia secundum hoc idem esset faciens & effectum, causa & effectus, quæ omnino sunt impossibilia. Responderetur, quod eadem obiectio est de contritione quæ est informata gratia, & aliter non deleter peccatum, nec esset contritio: & tamen confert gratiam. Vnde dico, quod gratia non in genere, sed quædam est forma illa, scilicet quæ vim dat dolori, ut deletius fiat peccati: effectus autem eius proprius est peccati remissio: hæc autem forma in generali dolore accepta, scilicet quæ informat dolorem in contritione, confessione, & satisfactione, dico quod forma sit huius sacramenti, à qua sacramentum dicitur vnum. Siquis autem dicat, quod forma pœnitentiæ est verbum quod dicitur à sacerdote, quando absoluit, vel quod est signum aliquod: constat quod ipse non attendit quid facit forma in sacramento secundum August. & Hugonem de sancto Victor. quia illa est quæ accedens ad sacramentum, facit ipsum potens sanctificare: & hoc non facit in pœnitentia verbum quod dicit sacerdos, vel etiam signa, vel ipse dolor voluntarius, sed potius hoc quod dictum est, scilicet gratia informans dolorem illum, ut possit delere peccatum: & res eius est delictio peccati omnimoda in culpa & pœna. Dicendum ergo ad primum, quod hoc sacramentum est vnum.

AD ID ergo quod obicitur in contrarium, dicendum quod ad perfectionem alicuius aliquid

*D. Alber. Mag. in Lib. 4. Sentent.*

vel aliqua exigi dupliciter dicitur, scilicet tanquam ex quibus perficitur, & tanquam perfectio ipsa complens. Si autem dicitur tanquam ex quibus perficitur potestatiue vel vniuersaliter, falsa est propositio prima: quia ad omnis compositi perfectionem hoc modo plura exiguntur. Si vero dicitur tanquam perfectio vltima complens: tunc vera est: quia omnis actus vltimus complens secundum speciem, est vnus simpliciter: & sic intelligitur probatio quæ adducta est de quinto primæ Philosophiæ: & non habet hic locum: quia tria quæ exiguntur ad perfectionem pœnitentiæ, sunt partes potestatiue pœnitentiæ, ut infra patebit: & ipsa perficitur in illis ut totum potestatiuum perficitur ex suis partibus.

AD ALIUD dicendum, quod pœnitentia secundum quod est habitus mouens in detestationem peccati, virtus est, & non sacramentum, & hoc modo non habet partes: sed ut est sacramentum, est dolor informatus gratia in signis exterioribus manifestatus, & sic habet partes in quibus perficitur medicinalis dispositio contra morbum actualis peccati. Vel dicitur & forte melius, quod nihil prohibet secundarios actus esse plures, dummodo ordinentur ad finem vnum: & ita est de conteri, & confiteri, & satisfacere, quia omnes vnum habent finem, qui est plena destructio peccati actualis.

AD ID quod ulterius quæritur, Qua vnitatem vnitatem sit vnum? Dico, quod nihil est vere vnum, nisi sit vnum forma. Contingit autem accipere formam vltimam: & huic responderet materia propria. Et contingit accipere formam primam in genere: & illi responderet materia prima in genere illo: sicut est exemplum Aristot. de mineralibus: si enim accipiat forma auri, responderet ei materia, quia est ex sulphure subtili & adustibili, & argentum viuum clarum subtile bene commixta. Si autem accipiantur mineralia, secundum quod calido sicco siccabilia sunt, responderet eis materia quæ est aqua. Ita dico, quod si accipiat forma propria huius sacramenti, quæ est gratia operans destructionem peccati actualis, secundum quod huiusmodi, responderet ei materia quæ est dolor dispositiue operans ad destructionem illam: & hæc est vnitatem sacramenti ex sua forma sacramentali.

AD ID ergo quod contra obicitur dicendum, quod ista tria sunt partes pœnitentiæ, & vniuntur in forma totius, & in toto: quia in omnibus illis operatur dolor supra dictus: vnde non sequitur, quod ex hoc sint ibi plures formæ simpliciter: sicut non sequitur de homine ex hoc quod alia est forma pedis, & alia manus: vel de anima ex hoc quod alia est forma intellectus, & alia voluntatis, quæ sunt partes eius potestatiue.

AD ALIUD dicendum, quod multitudo partium istarum reducitur ad totum: quia dolor destruens peccatum quodammodo vnus est, & subiicitur ut totum contritioni, confessioni, & satisfactioni.

\* \*



## ARTICVLVS II.

*An istud sacramentum habeat partes, & quæ sint illæ partes?*

Secundo quæritur, Vtrum istud sacramentum habeat partes, vel non: & quæ sint partes illæ? Licet enim in parte hoc iam habitum sit, tamen subtilius est adhuc distinguendum. Videtur autem non habere partes: quia dicit Ambrosius, quod sacramentum omne simpliciter est: simpliciter autem est, quod non habet partes: ergo sacramentum istud non habet partes.

2 Item, Medicina quædam ordinatur contra morbum originale: & constat, quod non habet partes nisi formam & materiam, de quibus partibus non loquimur hic, quia illæ sunt in omni sacramento: cum igitur alia medicina sit contra morbum actualem, quæ pœnitentia dicitur, videtur quod partes habere non debeat, sicut nec illa.

3 Item, Vnius morbi vna videtur esse medicina per contrarium: sed actuale est vnus morbus: ergo vnicam debet habere medicinam per contrarium: non ergo diuersificatam in partibus.

4 Item, Si habet partes: aut hoc conuenit, quia per se non sufficit ad expulsionem peccati, aut ex alia causa. Si primo modo: tunc gratia informans dolorem esset imperfecta in actu suo, quod absurdum est: ergo videtur, quod hæc non sit causa quare partes habere debeat. Si secundo modo. Contra: Cuicunque natura dat partes ad determinatum actum pertinentes, ipsa dat illas propter perfectionem in agere. Probatio: quia aliter natura abundaret in superfluis: ergo multo minus hoc est in operibus gratiæ quæ ex maiori diligentia sunt ordinata: ergo totum est imperfectum sine illis in agere: & hoc habitum est pro inconuenienti: quia forma totius est gratia.

*Quæstionula.*

VLTERIVS quæritur hic, Cuiusmodi sunt partes illæ quæ sunt pœnitentiæ? omnes enim partes reducuntur ad integrales, vel subiectiuas: sicut partes totius in quantitate ad integram, & partes totius in modo ad vniuersalem siue subiectiuam. Aut igitur sunt integrales, aut subiectiuæ. Si integrales: ergo non accipiunt prædicationem totius, quod falsum est. Si autem subiectiuæ: ergo quæ est forma vnius essentialis, est forma alterius: ergo quæ est forma confessionis, ipsa est forma contritionis realis, quod falsum est.

2 Item, Si essent tales partes, oporteret quod ipsarum esset vnum nomen, & definitio vna, quod iterum falsum est. Si dicas, quod aliter est de partibus homogeniis & toto, & aliter de heterogeniis, sicut dicit Aristot. quinto primæ Philosophiæ, ubi distinguit modos totius: quia partes totius homogenij licet sint materiales: tamen quia prædicatur de eis totum, sequuntur naturam totius vniuersalis: vnde dicitur, omnis aqua est: & non dicitur, tota aqua, nisi per metaphoram. Partes autem in quibus positio facit differentiam, eo quod sunt heterogeniæ, sequuntur naturam totius integri: & ideo dicitur totus lectus, & non omnis lectus, vel omnis homo, ut distribuat pro

partibus integrantes: & sic licet sint istæ partes integrantes potestatem pœnitentiæ, tamen recipiunt prædicationem totius, propter homogenias esse partes illas. Contra: Omne totum homogenium habet partes non diuersas in forma partium, ut aqua, oleum, & cætera liquida: pœnitentia habet partes diuersas in forma partium: ergo non est totum homogenium ad illas.

SOLVITIO. Dicendum sine præiudicio multorum, hic multa & diuersa & pene aduersa dicentium, quod pœnitentia habet partes, & illæ partes sunt potestatiuæ. Pœnitentia enim est quoddam operans ad morbi actualis destructionem: morbus autem actualis est non tantum culpa, sed etiam reatus sequens culpam, & est difficultas ad bonum ex consuetudine & dispositionibus peccati generata. Reatus autem consequens triplex est: vnus enim est coniunctus culpæ, qui est debitum pœnæ æternæ: & illo soluto manet adhuc reatus & debitum pœnæ purgatoriæ non proportionatæ viribus pœnitentis. Solutio illo, iterum manet reatus & debitum pœnæ expiatoriæ arbitrariæ secundum culpæ modum, & vires pœnitentis. Solutio autem illo non manet reatus, sed potest adhuc manere difficultas bene agendi. Ad totum autem peccati morbum hunc delendum dico, quod requiruntur tria, scilicet contritio delens primum, confessio delens secundum, & satisfactio delens tertium: difficultas autem tollitur boni consuetudine in omnibus his. Et sic patet, quod potestas pœnitentiæ perficitur in his tribus, & sine his tribus non est perfecta.

AD ID autem quod primo obiicitur, dicendum quod de illa auctoritate dubitatur: quia in libro illo quæsitæ est, & non inuenta. Si autem concedatur, dicendum quod sacramentum dicitur simpliciter ratione effectus simplicis, & non ex eo quod non habet partes: hoc modo quo simpliciter dicitur vnum vnius: quia simpliciter dicitur multis modis, sicut de quatuor coëuis in alia summa, in quæstione de celo est dictum.

AD ALIVD dicendum, quod baptismus non habet huiusmodi partes potestatiuas, quia non ordinatur contra totum morbum originis, sed partem, scilicet culpam. Pœna autem concupiscentiæ manet ad exercitium in pugna. Pœnitentia autem ordinatur contra actuale morbum totum, secundum quod actualis est: vnde sicut ille in effectibus diuersificatur, ita variantur partes pœnitentiæ, secundum quod est sacramentum contra morbum illum ordinatum.

AD ALIVD dicendum, quod vnius morbi secundum quod est vnus, vna est medicina: sed sicut diuersificantur partes morbi, ita etiam variatur medicina ordinata contra ipsum, ut prius habitum est.

AD ALIVD dicendum, quod hoc non contingit ex imperfectione gratiæ, sed potius propter ordinem perfectionis: quia aliter ordinare non possent destrui sequelæ peccati in nobis: quia ita etiam posset obiici, quod dolor superfluous esset, eo quod gratia ad totum sufficeret: non enim datur sufficientia in natura vel gratia nisi secundum quod ordinarius fieri potest secundum congruentiam illius naturæ quæ perfici debet: sicut homini non datur vis ambulatiua sine pedibus. Ita morbo actuali non datur destructiuum sine actu nostro &



& diuersificatur ei destructiuum secundum diuersitatem morbi.

Ad qua-  
stionem  
lam.

AD ID quod ulterius queritur, iam patet responsio: quia dicimus esse partes potestatiuas: & si quis subtiliter consideret, sunt talis totius quod medium est inter homogenium & heterogenium. Nec hoc est absurdum ponere: quia Philosophus ponit hoc in lib. primae Philosophiae dicens, quod in totis in quibus diuersitatem transpositio secundum aliquid facit, & non facit secundum aliquid, recipiunt totum & omnis, sicut numerus: secundum enim quod numerus est multitudo numerata per vnum, dicitur omnis numerus: secundum autem quod numeratur binario aut ternario in quibus ordo facit diuersitatem, dicitur totus numerus: & ideo medium est inter totum homogenium & heterogenium. Et ita hic dicendum videtur: quia istae partes sunt quae quidem recipiunt praedicationem totius, secundum quod dolor informatus gratia agit in omnibus eis: sed secundum relationem ad effectum diuersitatem non recipiunt, scilicet nomen totius, sed potius omnis: quia sic nec tota poenitentia est in contritione, nec tota in confessione, nec tota in satisfactione: sed in omnibus simul. Et per hoc patet solutio ad omnia obiecta.

### ARTICVLVS III.

*An poenitentia praedicetur de omnibus partibus suis simul in summa, an sigillatim?*

Tertio queritur an poenitentia praedicetur de omnibus partibus illis simul in summa, an sigillatim? Videtur autem, quod tota saluatur in contritione: quia multos credimus saluari per solam contritionem, in quibus non contemptus religionis, sed articulus necessitatis confessionem excludit.

1 Item, Luc. 7. de Maria Magd. cuius signa contritionis scribuntur, non tamen confessio, nec satisfactio iniuncta.

3 Item, De Petro Matth. 26. cuius contritio significatur, non confessio, vel satisfactio. Et in sequenti dist. de hoc multae auctoritates inducuntur in litera. Ergo videtur, quod ista tria nec sunt partes integrales, nec essentiales, sed tantum secundum bene esse.

4 Item hoc videtur de satisfactione: quia saepe sufficit lamentum contritionis ad deletionem totius: ergo tunc non oportet iniungere satisfactionem pro peccato: & si iniungitur, fit hoc ad conseruandum in bono potius, quam ad deletionem peccati.

5 Item, Ponamus, quod aliquis contritus statim moriatur: constat, quod ipse saluabitur: ergo ad salutem non exigitur confessio & satisfactio.

6 Ex his rationibus videtur esse substantialior contritio, quam aliqua aliarum: quia contritio sine aliis quandoque fit & sufficit: aliae autem sine contritione nunquam.

Solutio.

SOLUTIO. Ad haec autem & omnia similia dicendum videtur, quod ista tria partes potestatiuae sunt poenitentiae, & omnes simul operantes in ipsa, & etiam successiue: omnes quidem simul,

secundum quod vna est in actu, & duae, vel vna in voto: sicut cum contritio est in actu, & confessio & satisfactio sunt in voto: & cum confessio est in actu, virtus contritionis est in ipsa, & satisfactio in voto: & cum satisfactio est in actu vis confessionis est in ea secundum quod est iniuncta pro peccatis, & vis contritionis quoad dolorem & peccati detestationem: & sic nunquam vna separatur ab altera, & separatur ab altera: & haec non repugnant. Et poenitentia perficitur in vna sine altera, & non perficitur in vna sine altera. Et haec iterum non habent repugnantiam. Et per hoc patet solutio ad primum.

AD ALIUD dicendum, quod aliter est in his in quibus ipse Dominus formam habuit sacerdotis absoluentis: quia praesentatio sufficebat apud eum qui nouit & morbum & morbi circumstantiam. Et satisfactio generalis intelligitur in hoc quod dixit, iam amplius noli peccare.

AD TERTIUM de Petro similiter est dicendum: tamen in his non excluditur votum confitendi, vel etiam actus confessionis: quia multa sunt facta quae non sunt scripta, ut dicitur in fine Ioan. vltim.

AD ALIUD dicendum, quod satisfactio ad minus requiritur in voto & lamento interiori: quia satisfactionis modus est multiplex, scilicet per poenam interiorem & exteriorem secundum quod etiam aliquid adiunctum confessioni reducitur ad satisfactionem, sicut erubescencia, & lamentum contritionis: & hoc modo etiam est satisfactio quaedam: quia, sicut diximus, in poenitentia est quodammodo sicut in numero, qui secundum aliquid est homogenium & secundum aliquid est heterogenium.

AD ALIUD dicendum, quod ille qui sic conteritur, habet in voto confessionem & satisfactionem.

AD ALIUD dicendum, quod illae partes possunt considerari in habitu, vel in actu: vel voto, & executione. Si primo modo: tunc poenitentiae est magis essentialis contritio, quam aliae. Si autem secundo modo: tunc omnes sunt substantiales, sed ordinate, ut dictum fuit prius, ubi assignatur qualiter vna est in alia.

### ARTICVLVS IV.

*An sicut Deum tribus modis offendimus, scilicet corde, ore, & opere: ita tres partes poenitentiae respondent istis tribus modis offendendi?*

DEinde queritur de his quae dicuntur in litera ibi [Haec est fructifera poenitentia, ut sicut tribus, &c.] Nihil enim videtur hoc dicere: quia ad peccatum quod fit in corde, tenemur conteri, confiteri, & satisfacere: ergo si cessent etiam alij duo modi peccandi, omnes partes poenitentiae concurrunt ad peccatum solius cordis: ergo tres partes poenitentiae non respondent his tribus modis peccandi. Eadem est obiectio de peccato solius oris, & de peccato solius operis.

2 Item, Poenitentia ordinatur ad expulsiorem actualis peccati secundum poenam & culpam: constat autem, quod culpa & poena sunt in solo peccato



peccato cordis: ergo tota pœnitentia ordinatur contra illud: ergo falsum est, quod sic accipiantur partes pœnitentiæ, quod penes tria instrumenta peccandi, tres sint partes pœnitentiæ. Si dicas, quod hic non intelligitur os carnis, sed potius os spiritus: sicut dicit Dominus, quod ea quæ procedunt ab ore, de corde exeunt, ut cogitationes malæ, furta, blasphemix: & hæc coinquinant hominem.

CONTRA: Os illud, aut est sensualitatis, aut delectationis secundum inferiorem partem rationis, aut cogitationis qua sibi homo interius loquitur de peccato faciendo. Et quocunque modo dicatur, superfluit quod dicitur peccatum cordis: quia idem erit dicere peccatum cordis, & oris.

3 Item, Tunc superfluit tertia pars in quibusdam peccatis, scilicet in peccato cordis & oris. Item secundum hoc non respondent ei partes pœnitentiæ: non enim dicimus, quod sicut est os interius quo peccamus, quod ita sufficit ore interiori confiteri, sed potius ore exteriori oportet fieri confessionem: ergo non est os interius de quo hic dicit, quod peccato oris per contrarium respondet confessio.

4 Vltius videtur, quod secundum istam assignationem non debet esse nisi una pars pœnitentiæ, scilicet contritio: quia in omni morbo sufficit occurrere causæ: amputata enim causa, præciditur morbus: sed motuum in homine est cor, os autem & manus mota tantum. Si igitur motuum erit bene se habens, ea quæ mouentur, necessario bene se habebunt: sed per contritionem bene se habet cor, ut dicitur in littera: ergo per contritionem alia bene se habebunt ex continentia: ergo superfluit confessio & satisfactio.

5 Item videtur maledicere, quod peccato oris respondeat confessio: quia peccatum oris supponit peccatum cordis sicut causam: ergo peccato oris respondet duo, scilicet contritio, & confessio. Eadem est obiectio de peccato operis: quia illud etiam supponit peccatum cordis: ergo illi respondebunt contritio & satisfactio sine confessione, ut videtur.

*Solutio.*

SOLUTIO. Quidam dixerunt, sicut in obiectioe dictum est, quod in omni peccato illa tria concurrunt, scilicet cor, os, & opus: & trahitur hoc ab Augustino 12. de Trinit. qui exponens illud verbum Domini Matth. 15. Quæ ab ore procedunt, de corde exeunt, &c. Ponit os interius, & redit ad hoc quod cor facit primam peccati conceptionem: sed quia os in duos usus congruit, scilicet locutionem, & comestionem: ideo perpetratio apud se peccati dicitur locutio cordis, & est actus interioris oris, secundum quod congruit in usum loquelæ. Item secundum quod congruit in usum comestionis in qua est delectatio & incorporatio cibi, respondet sibi interior delectatio peccati. Præter autem hæc duo est ipse peccati actus, qui est interius vel exterius. Et ita quidam dicere volebant, quod ad omne peccatum tres pœnitentiæ partes exiguntur. Sed ego iudico hoc non esse secundum intentionem huius litteræ. Vnde dico, quod partes pœnitentiæ dupliciter respondent peccato, scilicet ut medicina tantum, & sic omnes tres partes pœnitentiæ respondent omnibus peccatis: respondent etiam ut medicina simpliciter & habentes congruentiam in actu & in in-

strumento agendi, & sic contritio non respondet nisi peccato cordis, & confessio non nisi peccato oris, & satisfactio non nisi peccato operis: & hoc non est difficile intelligere cuilibet: & hic est intellectus Auctoris inductus in littera.

DICENDUM ergo ad primum, quod omnes partes exiguntur contra quamlibet peccati differentiam, ut medicina sunt, & hoc modo sunt partes pœnitentiæ: sed non oportet propter hoc quod omnes cum qualibet peccati differentia conveniant habere in actu & in instrumento agendi. Per idem patet solutio ad sequens.

AD ALIUD quod vltius quæritur de quorundam adaptatione, dicendum quod ab August. est, ut dictum est, sed non ad propositum secundum litteræ intentionem.

AD ALIUD autem quod contra obiicitur, dicendum quod cor quando omnia intus ponuntur, strictius sumitur: quia licet omnes illi tres actus sint cordis, tamen in concipiendo est in actu cordis, quod est prima causa motuum: & in loquendo intus vel delectando est cor, non ut cor, sed in officio oris, & ministrando actum interiorum est in officio manus.

AD ALIUD dicendum, quod non est simile omnino in peccati perpetratione, & medicina peccati: quia medicina est ab extra, perpetratio vero peccati ab intra: & ideo non eodem modo respondent ei secundum hanc adaptationem pœnitentiæ partes: & ideo oportet confessionem ab extra fieri: quia illa accipit medicinam à clauibus Ecclesiæ, quod fieri non potest nisi peccatum procedat in notitiam habentis claves: & ad hoc non sufficit os interius, sed exterius oportet adesse.

AD ALIUD dicendum, quod cor non potest se bene sufficienter habere, nisi per opus oris & manus: quia sicut dictum est, medicina peccati in culpa & pœna est à partibus pœnitentiæ: & pars medicinæ quæ est à clauibus, non accipitur nisi confessione qua peccatum procedit in notitiam habentis clauem: alia autem pars teahitur à consuetudine quæ facit bonum cordis habitum remouentem difficultatem bene operandi: & illa non potest esse in corde nisi per opus.

AD ALIUD dicendum, quod partes pœnitentiæ dupliciter respondent peccato, ut dictum est: & illa obiectio non procedit nisi uno modo: & tamen verum est quod concludit: quia confessio supponit contritionem, si vera est: & satisfactio supponit contritionem & confessionem: sed non sequitur, quod in peccato operis duo sufficiant, scilicet contritio & satisfactio, & in peccato oris alia duo, scilicet contritio & confessio. Et ratio huius iam supra dicta est.

## ARTICVLVS V.

*An tribus differentiis peccati quæ sunt cor, factum, & consuetudo, correspondent tres partes pœnitentiæ.*

DEINDE quæritur de hoc quod dicit ibi [Sunt enim tres peccati differentie, &c.] Hæc enim est



est alia adaptio istarum partium. Videtur autem hæc insufficiens: quia nihil est hic cui respondeat confessio proprie: omni enim facto responderet satisfactio.

2 Item, Videtur, quod hæc assignatio non conueniat omni peccato: quia multa peccata non producuntur in publicum, sed manent occulta: ergo illis nec confessio nec satisfactio respondebit ut videtur. Item multi peccant semel, & non trahunt in consuetudinem: & illis iterum non videtur hæc adaptatio conuenire. Si dicas, quod confessio responderet defensionem peccati, & satisfactio consuetudini: adhuc videtur non competere: quia multi sunt, qui peccatum suum nunquam defendunt: & tamen confiteri tenentur.

3 Item, Gregor. in Gloss. super Iob 3. aliter distinguit ibi, Quare non in vulua, &c. Est enim secundum eum peccatum in vulua, peccatum in corde: egressum ex vtero, in opere: exceptum genibus, in quibus blanditur ei fomentum blandiens per adulationem: & lactatum vberibus, nutritum per mali consuetudinem. Ergo videtur, quod quatuor secundum hoc debent esse modi satisfaciendi.

4 Item, Secundum genera morborum multiplicatur medicina diuersa: constat autem septem esse genera morborum capitalium in actuali peccato: ergo secundum hoc multiplicari debent partes medicina: sed medicina peccati actualis est pœnitentia: ergo septem debent esse partes pœnitentia, ut videtur, & non tres tantum. Si dicas, quod medicina ordinatur contra morbi radicem. Contra: quia secundum hoc non deberent esse nisi duæ partes vel vna; quia, ut dicit Augustinus, omne peccatum est, aut ex timore male humiliante, aut ex amore male inflammante. Et hæc est Gloss. super illud Psalm. Incensa igni. Adhuc reducit idem Augustinus illam radicem quæ est timor male humilians, ad illam quæ est amor male inflammans: ergo secundum hoc non debet esse nisi vna pars medicina, quæ ordinetur contra malum amorem.

*Quæstio.* I T E M, Si contra huiusmodi differentias peccatorum ordinantur partes pœnitentia, quæritur, quid ordinatur contra illas quas tangit Ioan. in 1. can. 2. Omne quod est in mundo, aut est concupiscentia carnis, &c. Contra nullum enim illorum ordinatur directe aliqua pars pœnitentia.

Item videtur quod Augustini insufficiens est adaptatio in litera: quia non adaptat nisi contra morbum occidentem vel mortificantem: morbus autem venialis non mortificat: ergo contra illum non ordinatur aliqua pars pœnitentia: quod est contra ea quæ infra in hac eadem distinctione dicuntur in litera, ubi facit Magister tractatum de confessione & satisfactione venialium.

*Solutio.* S O L V T I O. Dicendum, quod hæc adaptatio quam facit Augustinus etiam per congruentiam fit ad partes pœnitentia: & non fit prout ipsæ partes accipiuntur in ratione medicina tantum: sed differt hæc adaptatio à præcedenti: quia præcedens facta est per congruentiam substantia peccati & instrumenti eius, ad substantiam partium pœnitentia: ista autem fit per conformitatem proprietatis ad proprietatem, & potest sic fieri. Omne peccatum mortale communiter habet mortificationem vitæ spiritualis: cum hoc autem adiunguntur ei tria, scilicet duo in comparatione ad peccantem, & tertium in comparatione ad proxi-

mum. In comparatione autem ad peccantem duo sunt: zelatio turpitudinis ne reprehendatur, & hæc mala est: & iteratio vel defensio cum reprehenditur, & hæc significat duritiam cordis, vel voluntatis obstinationem in peccato. Tertium in comparatione ad proximum, est scandalum per malum exemplum. Et hæc significantur in tribus mortuis, ut patet in litera. Compunctio autem per hoc quod est dolor cordis occultus, ordinatur contra delectationem in occulto: & confessio contra malam manifestationem peccati, quia confitens per ministrum Ecclesiæ reconciliatur Ecclesiæ: satisfactio autem per assuetudinem boni contrariatur consuetudini malæ inducendo contrarium habitum, qui remouet difficultatem bene agendi.

A D P R I M V M ergo dicendum, quod ista adaptatio est per modum congruentia ad id quod frequentius est in peccato. Vel dicendum, quod duplex est peccati manifestatio, scilicet in præfenti coram hominibus, & in futuro iudicio, & tunc coram Deo & angelis: & verecundia confessionis abolet modo verecundiam quæ fieret in iudicio, si modo non manifestaretur.

A D A L I V D dicendum, quod omnis malus actus relinquit dispositionem debilem vel fortem inclinantem ad actum similem: & illa dispositio vocatur hic consuetudo.

A D H O C autem quod obiicitur de distinctione beati Gregorij, dicendum, quod illa sumitur penes ea quæ retinent hominem in peccato, & quandoque non sunt peccata eiusdem: sicut quando blanditur ei vitio adulationis, adulatio in alio est, scilicet in adulante. Lactatio autem idem est quod consuetudo, & egressus ex vtero idem quod manifestatio generaliter sumpta, & conceptio idem quod cordis occultum: & ideo quarto ablato, illa diuisio reuertitur ad istam sub alia metaphora signata.

A D A L I V D dicendum, quod partes pœnitentia non adaptantur capitalibus vitiis: quia cum pœnitentia sit in opere interiori, necesse est quod multiplicetur secundum operandi instrumenta, in quibus radicem morbi excidit: omnia autem capitalia possunt tribus instrumentis peccandi perpetrari: ideo unicuique capitali respondent omnes partes pœnitentia.

A D A L I V D dicendum, quod duplex est radix peccati, scilicet innata ex radice corrupta, & facta ex opere peccati: & contra primam non ordinantur partes pœnitentia, sed contra secundam. Vnde habitum est in præcedenti distinctione, quod satisfactio est causam peccati excidere, &c. Sed radices quas tangit Augustinus, sunt innatae à natura corrupta. Dico autem radices factas ex peccato, sicut culpam & pronitatem, quæ relinquuntur ex peccato actuali & inclinant ad sequens eiusdem speciei peccatum.

A D A L I V D dicendum, quod Ioan. non tangit radices peccati ex parte peccantis, sed potius ex parte obiecti mouentis ad peccandum: pœnitentia autem partes non ordinantur contra peccatum ex parte obiecti mouentis, sed potius ex parte peccantis, secundum hoc quod relictum est in ipso per opus actualis peccati interius vel exterius. Et per hoc patet solutio ad omne illud quod obiicitur de radicibus vitiorum.

A D V L T I M V M dicendum, quod veniale non est peccatum nisi secundum quid: & sua pœnitentia



nitentia est pœnitentia secundum quid, & non simpliciter: & ideo non aptantur ei partes pœnitentia.

## ARTICVLVS VI.

*Quid sit contritio in genere?*

**D**Einde quæritur de hoc quod dicitur *ibi* [Compunctio nobis commendatur, &c.] Et quærentur hic sex de compunctione: quorum primum est, Quid sit genere? Secundum, Quid sit propria diffinitione? Tertium, Quæ sit differentia inter contritionem, attritionem, & compunctionem? Quartum, Cuius partis animæ sit contritio? Quintum, Vtrum eodem modo fiat semper in Nouo & Veteri Testamento? Sextum, Quid moueat ad contritionem, vtrum fides, vel alia virtus? & si fides, ratione cuius articuli mouet ad ipsam?

**AD PRIMVM** obiicitur sic: Omnis dolor est in genere passionis: contritio est dolor quidam: ergo est in genere passionis. Prima patet de se. Secunda patet per illud August. supra habitum distinctione 9. Semper doleat, & de dolore gaudeat, &c.

2 Item, August. Si pœnites, pœna tenet te: constat autem, quod hoc maxime dicitur propter contritionem: ergo contritio est pœna tenens pœnitentem: sed omnis pœna est passio: ergo, & cætera.

3 Item, Contraria sunt in eodem genere: sed dolor & delectatio opponuntur contrarie: ergo sunt in eodem genere: sed delectatio est in genere quod est passio, vt dicit Philosophus: ergo & dolor, & per consequens contritio.

4 Item, Omne illud secundum quod aliquid alteratur proprie, est passio, vel passibilis qualitas: sed secundum dolorem fit alteratio hominis proprie: ergo est passio vel passibilis qualitas. Prima scribitur septimo Physicorum. Secunda autem patet per hoc quod Philosophus dicit 8. ethicorum, quod dolore & delectatione alteratio est habentium sensum. Cum igitur contritio sit dolor quidam, erit in genere passionis, &c.

5 Item, Si contritio contrariatur peccato, quantum ad aliquid habet contrarietatem ad ipsum: sunt autem in peccato duo, scilicet libido siue delectatio commutabilis boni, & auersio ab incommutabili bono: sed constat, quod non contrariatur ratione auersionis: ergo ratione delectationis in bono commutabili, quia contritio dolet de delectatione. Cum igitur delectatio sit passio, & dolor est passio, vt videtur.

6 Item, Supra distinctione 14. habitum est, quod pœnitentia est amaritudo animæ pro malo quod quisque commisit. Et hoc maxime competit ratione contritionis: ergo contritio est quædam amaritudo animæ: sed amaritudo animæ est passio: ergo & contritio, &c.

7 Item, Sicut se habet corpus ad passionem sibi illatam, ita spiritus ad passionem quæ sibi infertur: sed omne immutans corpus, passio quædam est corporis: ergo etiam omne immutans spiritum, passio quædam erit spiritus: dolor autem contritionis immutat spiritum: ergo est quædam passio spiritus.

8 Si dicas, vt quidam dicunt, quod in contritione dolor est materialis, & voluntas actualis est circa dolorem, & illa est actus & formalis pars contritionis: & ideo contritio non est in genere passionis nisi gratia eius quod est materiale in ipsa. Contra: Ita, misericordia, nemesis, non sunt sine voluntate: & tamen à Philosopho dicuntur esse passionis: ergo ex hoc quod voluntas sit circa aliquid, non facit ipsum non esse passionem.

9 Item, Ex hoc quod voluntas est circa aliquid, non variatur essentia ipsius: quia aliter oporteret dicere, quod quælibet res variatur in essentia quando est volita, & quando non est volita: constat autem, quod dolor siue tristitia secundum se passio est: ergo etiam siue sit circa eam voluntas, siue non, adhuc erit passio: sed contritio dolor est: ergo est in genere passionis.

10 Item, Omne illatum à quodam agente, passio est: sed omnis dolor est illatus à quodam agente: ergo est passio. Prima probatur ex diffinitione passionis. Secunda probatur ex hoc quod dolor est à contrario corruptente: & contrarium corruptens quoddam agens est aliud ab ipso quod corrumpitur.

**SED CONTRA:** Nulla passione meremur: *Sed contra* contritio est passio quædam: ergo contritione *tra* non meremur. Probatur autem prima & à communiter loquentibus, & ab eo quod meriti principium est in nobis, passionis autem principium est in alio. Secunda autem pro hypothese accipitur ab aduersario.

2 Item, Nihil cuius principium effectuum non est in nobis patientibus, cadit in præcepto: passionis principium effectuum non est in nobis patientibus: ergo non est in præcepto: sed contritio est in præcepto: ergo à destructione consequentis ipsa non est passio. Prima probatur: quia non præcipitur nisi opus cuius nos domini sumus & causa. Secunda patet per diffinitionem passionis.

3 Item, Nulla passio est virtus, vel pars virtutis: contritio est virtus, vel pars virtutis: ergo contritio non est passio. Prima probatur ex hoc quod habetur 2. ethicorum quod virtutes habitus sunt, non passionis. Secunda probatur per ante habita: quia dictum est, quod pœnitentia est virtus, & contritio est virtus, vel pars pœnitentia. Item, Nulla passio est optimorum operatiua: sed contritio est optimorum operatiua: ergo contritio non est passio. Probatio primæ est: quia non operatur optima nisi habitus, qui non est in genere passionis, vt dicit Philosophus. Secunda patet per hoc quod laudabile & remunerabile est opus contritionis.

4 Item, Nulla passio contrarietatem habet ad habitum aliquem: sed contritio habet contrarietatem ad habitum vitiorum: ergo contritio non est passio. Prima probatur ex hoc quod contraria sunt in eodem genere proximo. Secunda ex hoc quod nihil expellit aliud nisi contrarium: & contritio expellit omnes habitus vitiorum.

**SOLVTIO.** Sine præiudicio videtur mihi *solutio* distinguendum esse in contritione: aut enim est pœnitentia virtutis, aut pœnitentia sacramenti: & quæ sit differentia inter ista, ex superioribus satis patet. Si est pœnitentia virtutis: sic non est pars, sed actus quidam, ad quem mouet pœnitentia virtus, prout est detestans peccatum perpetratum



tum inquantum peccatum perpetratum est. Et quia hic actus punitivus sui est & vindicativus, non est sine poena: & tamen illa non dat ei essentiam formalem: quia poena se habet ad actum voluntatis, sicut factum ad faciens: & tunc dicitur contritio, non contriti passio, sed potius conterentis actus factivus poenae in contrito. Et licet idem sit conterens & contritum substantia, esse tamen non est idem, ut infra patebit. Si autem accipitur poenitentia ut sacramentum, tunc nihil prohibet passionem esse aliquid de essentia contritionis: quia poenitentia ordinatur contra peccatum, per poenam satisfaciens de peccato: & sic meo iudicio contritio est contriti passio voluntarie suscepta vel facta pro peccato. Secundum autem istas duas vias oportet respondere argumentis ad utramque partem inductis.

AD HOC ergo quod primo obiicitur, sustinentes quod contritio est virtutis poenitentiae motus quidam, dicimus quod dolor quidem est in genere passionis, sed contritio sic sumpta non est dolor, sed potius actus factivus doloris in contrito: & ideo contritio vel virtus est, si in habitu sumitur: vel actus, si in actu consideratur, & non est in genere passionis hoc modo sumpta.

AD ALIUD dicendum, quod Augustinus vocat dolorem prout est materia poenitentiae sacramenti, & non prout est virtus, vel virtutis.

AD ALIUD dicendum, quod Augustinus loquitur de signis poenitentiae hoc modo, prout significatur causa per effectum: poena enim est effectus poenitentiae & contritionis, ut iam patuit: & non intendit, quod poena essentialiter sit poenitentia, vel contritio.

AD ALIUD dicendum, quod contritio prout est contriti actus, vel habitus, non contrariatur delectationi, sed tantum prout est passio contriti: & dico habitum contritionem secundum id quod est, licet proprie nominet vel actum vel passionem: quia nomen verbale est, & potest ab activo & passivo descendere. Sed nos etiam nominamus habitum eodem nomine, ideo quia habitus quidam propria nomina non habent.

AD ALIUD dicendum, quod in veritate omne quod alterat, physice loquendo, est passio, vel passibilis qualitas: sed non dicimus accipientem habitus alteratum, sed potius perfectum: neque alteratum eum qui de habitu agit, nisi hoc sit aliud genus alterationis, ut dicit Philosophus in secundo de anima: sed nos non dicimus, quod contritio prout dicitur conterentis actus, sit alterans contritum, sed potius prout est passio contriti & subiecti: & hoc etiam tantum est in genere passionis: sed sic nec est virtus, nec actus virtutis, sed potius effectus eius in eo circa quod agit virtus poenitentiae siue contritionis, ut prius habitum est.

AD ALIUD dicendum, quod contritio & qualibet alia virtus, duplicem habet contrarietatem ad vitium & peccatum. Vnam in speciei suae essentia: sicut album contrariatur nigro, & sic una virtus duobus vitiis vel vni opponitur, quorum ipsa est medium. Aliam autem habet contrarietatem ad ipsum in suo toto in quo radicatur, quod est gratia gratum faciens, quae contrariatur peccato non in hac specie vel in illa, sed omni peccato, secundum quod est culpa & offensa Dei: & quoad hoc etiam una virtus non est sine

alia. Et secundum hunc modum virtute totius, & aliarum coniunctarum sibi in toto illo, vnam habet contrarietatem ad omne peccatum. Vtque istorum modorum contritio contrariatur peccato secundum se totum. Sed verum est, quod delectatio quae est ex peccati actu, contrarium habet dolorem qui est ex actu conterentis, sicut passionem contingit contrariari passioni.

AD ALIUD dicendum, quod poenitentia accipitur ibi in ratione sacramenti, in quo dolor materia est, ut prius dictum est.

AD ALIUD dicendum, quod bene conceditur, quod dolor immutans spiritum, passio est secundum quod huiusmodi: sed ille non est essentialis nisi sacramento, non virtuti, ut habitum est. Nec aliquis capiat hoc quod dico immutari spiritum, quia intelligo spiritum immutari, idem quod hominem secundum spiritum immutari: quia anima proprie loquendo & per se non movetur, sed potius per accidens.

AD ALIUD dicendum, quod illa solutio bona est, dummodo debite intelligatur: non enim sic intelligitur, quod dolor sit materialis, sicut pars materialis est essentialis, sed potius circa quam est voluntas conterentis, sicut circa effectum: & tunc patet, quod nihil est contritionis pars, secundum quod contritio est virtus: sed ego non reputo inconueniens, quod dolor sit essentialis poenitentiae, secundum quod est pars sacramenti, & manens in genere passionis. Et per hoc idem etiam patet solutio ad sequens: quia voluntas non variat volitum, sed potius est conuerso: sed contritio non nominat hoc, secundum quod descendit a verbo activo, sed potius conterentis habitum vel actum, ut dictum est.

AD ALIUD dicendum, quod etiam si de dolore loquamur non est illatus ab alio agente, sed potius eodem, non ut eodem sumpto: & qualiter hoc sit, infra quaeritur: sed hic sufficit, quod contritus ipsemet sibi infert dolorem: tamen concedo plane, quod dolor passio est, & etiam contritio, secundum quod est ex parte contriti, & non conterentis: sed hoc modo pars est sacramenti, & non virtutis, vel pars virtutis. Ad probationem dicendum, quod contrarium non facit dolorem, sed potius idem contrarie afficiens per voluntatem circa peccatum: quia primo voluit hoc cum fecit, modo autem detestatur & dolet. Et haec duo congrue respondent peccato ratione duorum quae sunt in ipso, scilicet libido siue dilectio boni commutabilis, & ratio offensa diuina.

AD ID autem quod in oppositum obiicitur, oportet iterum dicere, quod nos concessimus, quod dolore meremur, secundum quod est aliquid sacramenti, sicut materia in qua sacramentum perficitur: eo quod hoc sacramentum quaerat sibi materiam interiorem, sicut alia exteriorem: & causa iam supra dicta est. Dicendum igitur, quod passiones dupliciter considerantur, scilicet in comparatione ad agens, & in comparatione ad patiens. Et primo modo dupliciter considerantur: agens enim ipsas, aut est intra voluntarium & discretum, id est, volens & discernens in agendo: aut extra. Si intra: tunc illa passio potest esse meritoria, vel demeritoria: quia est voluntaria, exclusa violentia, & ignorantia: & sic est dolor in contritione. Si autem est extra: tunc nec est meritoria, nec demeritoria: & sic probatur, quod passionibus



passionibus non mereamur. Si autem consideratur ex parte suscipientis, adhuc dupliciter consideratur: aut enim secundum quod est tantum transmutans passum, aut prout bene vel male informatur à voluntate sustinendi honesta causa vel inhonesta. Si primo modo: tunc etiam verum est, quod passionibus non mereamur: & hoc est considerare passionem ut passionem. Si secundo modo: tunc passionibus contingit aliquem mereri vel demereri, secundum quod bene vel male per voluntatem informatur: sed non erit meritoria passio ex se, sed ex illo quod voluntas ponit circa eam.

AD ALIVD dicendum, quod prima per se loquendo vera est. Secunda autem generaliter proposita, falsa est, sed particulariter vera est. Et ratio huius patet ex præhabita distinctione.

AD ALIVD dicendum, quod passio quæ est dolor secundum quod est passio, non est contritio virtus, vel aliquid essentiae eius, sed est aliquid sacramenti.

AD ALIVD dicendum, quod non contrariatur vitio per hoc quod est hæc passio, sed potius per hoc quod est habitus, ut dictum est. Sed tamen ipsa passio expellit peccatum, sed operatione sacramenti, non virtutis.

## ARTICVLVS VII.

### *Quid sit contritio propria diffinitione?*

Secundo quæritur, Quid sit contritio propria diffinitione & essentia, siue quid est dicenda? Dicunt autem quidam, quod est dolor voluntarius pro peccatis semper puniens in se quod dolet commisisse. Sed contra: Sicut supra distict. 14. habitum est, ista est diffinitio quædam pœnitentiæ: ergo male aptatur parti pœnitentiæ.

2. Præterea, videtur non esse dolor: quia dicit Augustinus in libro de ciuit. Dei dolor ex carne, est dolor quædā ab eius passione dissensio: sicut animæ dolor, qui vocatur tristitia, est dissensio ab his rebus quæ nobis nolentibus acciderunt. Constat autem, quod peccata non acciderunt nobis nolentibus, præcipue actualia mortalia, contra quæ speculiter ordinatur contritio. Ergo videtur, quod non sit dolor de illis: & contritio est de illis: ergo contritio non est dolor, ut videtur.

3. Item videtur, quod nihil sit dictum, dolor voluntarius: aut enim hoc est dictum, quod voluntas doleat, aut quod voluntas sit de dolore quo aliud aliquid dolet, quam ipsa voluntas. Si primo modo. Contra: Nihil de quo est voluntas ut voliti afficientis voluntatem, dolet voluntas, sed potius gaudet in illius consecutione: sed hoc modo, sicut dicit aduersarius, de dolore est voluntas: ergo non dolet, sed gaudet in illius consecutione.

4. Item, Non videtur Philosophicum dictum esse, quod voluntas dolet: sic enim dicunt Damasc. Gregorius Nazianzenus, & Aristot. Omnis voluntas in ratione est: & si rationalis non est, voluntas non est. Dicit autem Aristot. in 7. Ethicorum, quod omnis delectatio est generatio vel motus in sensibilem animam: ergo nulla delectatio est in rationali: & voluntas est pars animæ rationalis: ergo nulla delectatio est in voluntate:

sed opposita habent fieri circa idem: ergo etiam nulla tristitia est in voluntate: sed dolor est tristitia, ut dicit Augustinus in auctoritate, sic quod ipsa dolore afficiatur, ut videtur.

5. Item, Nihil dolore potest affici secundum se, nisi quod habet contrarium secundum se: sed voluntas secundum se accepta prout est pars animæ rationalis, non habet contrarium secundum se: ergo dolore non afficitur secundum se.

Si autem dicitur dolor secundo modo voluntarius, scilicet quia est voluntas de dolore quo aliquid dolet extra voluntatem. Contra: Dolor qui est generaliter destructiuus peccati, est de omni peccato: dolor autem in sensibili anima acceptus, non est de omni peccato: ergo non est destructiuus peccati. Prima patet per se. Secunda autem probatur ex hoc quod multa peccata sunt quæ nullum habent obiectum vel delectationem in sensibili anima. Inde sic: Dolor contritionis est generalis, & generaliter destructiuus peccati: dolor autem prædicto modo dictus non est generalis, generaliter peccati destructiuus: ergo non est dolor contritionis: dictum autem erat, quod est dolor contritionis.

Uterius quæritur de hoc quod dicit ibi, Semper puniens. Constat autem, quod non loquitur de pœna secundum habitum, sed secundum actum: sed existente pœna secundum actum, non potest intente inesse alius actus: ergo non posset intente moueri vnquam alio actu: ergo non posset intente diligere, vel credere, vel aliud huiusmodi: quod magnum est inconueniens.

VLTERIVS quæritur de aliis compluribus diffinitionibus quæ inueniuntur. Isidorus enim sic diffinit, Contritio est compunctio & humilitas mentis cum lacrymis, veniens de recordatione peccati, & timore iudicii. Videtur autem, quod illa diffinitio sit insufficiens multis rationibus. Primo: quia humilitas est virtus diuisa à contritione siue sacramentum, siue virtus sit: ergo non debet cadere in diffinitione ipsius. Secundo autem: quia videtur compunctio siue contritio non esse mentis proprie, sed potius partis sensibilis: quia omnis dolor est in parte sensibili, sicut innuit Augustinus dicens, quod dolor est sensus eorum à quibus dissentit anima, ex carne ortorum.

2. Item, Philosophus dicit, quod dolor est sensus diuisionis continui: ergo videtur, quod non sit mentis proprie.

Si dicas, quod mens est faciens compunctionem: tunc quæro, Quid vocatur ibi mens? Constat enim, quod mens non dicit ibi aliquam partem sensibilis animæ: aut igitur dicit rationem, aut memoriam, aut voluntatem, aut aliquid aliud quod sit in parte rationalis animæ. Si rationem. Contra: Dolor dicitur esse voluntarius, sicut iam habitum est ex præcedenti diffinitione: ergo non dicit rationem, sed voluntatem. Si dicat memoriam, idem obiicitur. Si autem dicat voluntatem, hoc constat esse contra dicta Sanctorum & Philosophorum, qui nunquam mentem pro voluntate posuerunt.

3. Si dicas, quod ponitur pro superiori parte animæ, in qua sunt tres potentie animæ, scilicet memoria, intellectus, & voluntas. Contra: Conteri actus quidam est determinatus: ergo

egreditur



egreditur à potentia determinata : ergo non est mentis , secundum quod est communis illis tribus potentiis.

4 Præterea, Quid est quod dicit, Cum lacrymis : quia multi coneruntur sine lacrymis, sicut habitum est supra in præcedenti distinctione.

5 Item quæritur, Quare dicit, Veniens de recordatione peccati : recordatio enim peccati nata est inducere delectationem : cum igitur idem eodem modo se habens non sit causa contrariorum, videtur quod non debeat inducere dolorem.

6 Item, Timor iudicii est timor servilis : & ille non est in contritione : ergo contritio non venit ex timore iudicii, ut videtur.

*Quæst. 2.* I T E M aliam adhuc descriptionem ponunt quidam ex verbis Gregorij sic, Contritio est humilitas spiritus, annihilans peccatum inter spem & timorem. Cum autem multæ virtutes moveant ad contritionem, videtur quod non sit solum diffinienda per humilitatem, sed etiam per alias.

2 Item, Non potest esse essentialis prædicatione, quando dicitur, contritio est humilitas : aut igitur contritio est causa humilitatis, aut è conuerso. Si primo modo : hoc non videtur potius quam alterius virtutis : quia sic est causa iustitiæ, & temperantiæ, & aliarum virtutum, quæ in contritione infunduntur : ergo cum aliarum non dicitur esse causa, nec istius causa esse videtur. Si secundo modo. Contra : Fides & timor potius sunt causa : quia vna ostendit unde non superbiendum, & altera fugit in quantum ordinatur ad penam : ergo non debet dici contritio humilitatis, sed potius contritio fidei & timoris.

3 Quæritur etiam de hoc quod dicit Gregor. Peccatum annihilans. Quia super illud Iob. 3. Seruus liber à domino suo, dicit Gregor. quod à peccato non liberatur perfecte in hac vita qui commisit illud : ergo videtur, quod in hac vita peccatum annihilari non potest.

4 Item quæritur de hoc quod dicit, Inter spem & timorem. Fides enim prima virtutum est : ergo magis mouetur penitens inter fidem & timorem, quam inter spem & timorem.

5 Item, Spes non exurgit nisi ex meritis & ex gratia, sicut patet ex sua diffinitione : sed contritus in hoc præfenti nunc primo non habet merita : ergo nec spei actum potest habere : ergo non mouetur inter spem & timorem, ut videtur velle Gregor.

*Quæst. 3.* I N V E N I T U R etiam alia diffinitio in Glossa super Psalm. Miserere mei Deus : ubi sic dicitur, Contritio cordis est sacrificium in quo peccata solvuntur. Quæritur autem hic, Quare dicitur contritio cordis, cum sit generalis ?

2 Præterea quæritur de hoc quod dicit, Sacrificium. Hoc enim maxime videtur convenire illi parti penitentiae in qua homo se offert ministro Ecclesiæ, cui sacrificium debet offerre : sed hoc fit in confessione : ergo confessio magis est sacrificium quam contritio.

3 Quæritur etiam de hoc quod dicit ibi, In quo peccata solvuntur. Cum enim tota penitentia non sit nisi ad peccati solutionem, videtur quod aliæ duæ partes superfluant.

4 Item quæritur, Qualiter peccata solvuntur in contritione ? Si quoad culpam. Contra : Con-

*D. Alb. Mag. in Lib. 4. Sentent.*

tritio quædam pœna est contriti, aut quidam actus conterentis, ut patet ex præhabitis. Si est pœna contriti, cum pœna non contrarietur culpæ, non videtur debere soluere culpam. Si autem est actus conterentis, sic est actus virtutis alicuius, qui est informatus gratia : ergo ante actum illum fuit remissa culpa : ergo non remittitur per actum illum : ergo peccata non solvuntur quoad culpam in sacrificio contritionis. Si dicas, quod solvuntur quoad penam. Contra : Quoad penam etiam solvuntur in confessione & satisfactione : ergo non est proprium contritionis, & ita non debet poni tanquam differentia ultima in diffinitione ipsius.

I N V E N I T U R adhuc alia quæ est August. *Quæst. 4.* scilicet hæc, Contritio est dolor cum remissione peccati vel remittens peccatum : & ista habet objectionem eandem cum illa, & aliam propriam. Contritionis enim dolor : aut est finitus, aut infinitus. Si finitus : constat autem, quod culpa & peccatum sunt infinita : ergo finitum potest infinitum, quod est contra Philosophum. Si infinitus : constat autem, quod est contriti passio, vel actus conterentis, & præcipue est passio : ergo finiti erit passio infinita, quod iterum est contra Philosophum. Ergo videtur quod non sit dolor remittens peccatum.

2 Item constat, quod dolor ille à nobis est, & noster est : sed remissum peccati nunquam à nobis & nostrum est : ergo remissum peccati non est dolor. Prima patet ex hoc quod dolere non comperit nisi naturæ infirmæ sensibili qualis est nostra. Secunda patet per illud Isa. 43. Ego sum qui deleo iniquitates tuas propter me : & illud Augustini, Qui creavit te sine te, non iustificabit te sine te.

R E S P O N S I O. Dicendum, quod omnibus *solutio.* his descriptionibus satis bene describitur contritio : & in fine dicemus penes quid differunt. Licet enim prima detur de penitentia : tamen sibi maxime competit propter contritionem, sicut dixerunt quidam ante nos quibus nos in hoc consentimus : & per hoc patet solutio ad primum. Quia, sicut supra dictum est, licet penitentia tres habeat partes : tamen maxime esse suum saluatur in prima quæ est contritio, eo quod oportet illam secundum actum in omni penitentia esse : & aliæ quandoque non sunt, nisi in voluntate, siue in voto, vel proposito.

A D A L I V D dicendum, quod voluntas duplex est, vel potius dupliciter consideratur, scilicet ante actum, & post actum quantum ad id quod remanet de actu in agente, ut dispositio, vel habitus, vel reatus, vel macula, vel omnia hæc. Vnde licet peccatum non acciderit nobis volentibus voluntate antecedente actum : inest tamen nobis volentibus voluntate sequenti : & hoc sufficit ad excitandum dolorem hoc modo quo in præcedenti quæstionis articulo notatum est.

A D A L I V D dicendum, quod utroque modo dicitur dolor voluntarius : nec dicimus hoc ita esse soluendum, ut quidam scripserunt, scilicet quod voluntas duplex est : ut deliberans, & ut natura : & ut deliberans est, sic est de dolore, & dicitur dolor voluntarius : & ut natura est, sic dolet. Quia hoc omnino nihil est : quia voluntas ut natura dolet de contrariis naturæ, & gaudet de convenientibus eidem : & talia non sunt peccata

*D d vel*



vel gratia : quia peccatum non contrariatur naturæ indiuidui , licet bono naturæ contrarietur : quod qualiter fit, in secundo discussimus. Sed dicendum , quod voluntas deliberatiua est qua dolor est voluntarius , & quæ dolet , vno modo, secundum quod dicit beatus Bernardus, quod nihil punitur nisi voluntas : non enim est inconueniens voluntatem esse de dolore : & ideo dolor est ibi materia circa quam est voluntas : & ideo gaudium de afflictione voliti & dolor non secundum vnā rationem se habent ad voluntatem : & ideo non sunt contraria : quia iste dolor est factus à voluntate , & est dolor inquantum est punitiuus delicti , & voluntarius inquantum curatiuus & expulsiuus peccati : & hoc modo nihil prohibet idem dolere & gaudere de dolore illo inquantum est talis virtutis. Huius autem exemplum est in secto in apostemate : ex voluntate enim sibi facit dolorem , & gaudet in eo secundum quod curatiuus est apostematis. Contra hoc quidam obiciunt sic : quia secundum hoc dolor contritionis non est voluntarius per se, sed per accidens : & hoc reputant inconueniens. Ego autem reputo inconueniens , quod aliquis dolor per se exspectatur : cum omnis dolor sit malum pænæ , & nulla pænā inquantum huiusmodi sit desiderata. Per hoc patet solutio ad primum quod de hoc obicitur.

AD ALIVD dicendum, quod delectatio dicitur dupliciter, scilicet proprie, & improprie. Proprie loquendo secundum vsum nostrum, delectatio est passio sensibilis animæ proueniens ex coniunctione conuenientis sibi cum conueniente : & sic loquitur Philosophus de delectatione, reducens omnes delectationes ad sensum , & adhuc ad delectationem quæ est in tactu, quæ solum secundum eum & Auicennam simpliciter delectatio est. Sed nos magis extendimus delectationis nomen, scilicet pro gaudio & iucunditate qualibet facta ex coniunctione conuenientis cum conuenienti : & sic conuenit delectari animæ rationali, sicut dicit Psalm. 36. Delectare in Domino : & dabit tibi petitiones cordis tui. Et huic opposita tristitia siue dolor etiam potest esse in rationali.

AD ALIVD dicendum, quod simpliciter spirituale non habet contrarium in esse, sed prout ordinatur ad aliquid, potest habere contrarium ordini illi : & hoc modo anima rationalis habet contrarium peccatum, quia contrariatur coniunctioni & ordini ad Deum.

AD ALIVD dicendum, quod si dolor sit in sensu, est particularis : in contritione autem adhuc est vniuersalis : dupliciter enim attenditur, scilicet ex parte subiecti in quo fit, & ex parte efficientis cum quo etiam in ipsum influit forma quæ perficit efficientem. Si primo modo : tunc est particularis : & sic procedit obiectio. Si secundo modo : tunc est vniuersalis, sicut voluntas quæ est vniuersalis motor omnium eorum quæ sunt in regno animæ : & hoc modo gratia perficiens voluntatem, cum motu voluntatis fluit in ipsum, ratione cuius potest expellere peccatum.

AD ALIVD dicendum, quod meo iudicio semper puniens dicitur in habitu punientis, non in actu. Vel dicatur, quod punire semper contingit dupliciter, scilicet proprio actu contritionis, & sic non semper actu punit : vel actu tenente vel continente carnem ne ex ipsa oriatur peccatum,

& obuiante radici peccati : & hæc pænā fit in difficultate omnis virtutis : & sic potest pœnitere semper. Sed tamen prima solutio est magis ad propositum.

AD ID quod vltius obicitur de diffinitione Isidori, dicendum quod humilitas non ponitur ibi pro ipsa virtute humilitatis, sed potius pro humiliatione quæ idem est quod deiectio : & hoc est primum in contritione, scilicet quod deiecit mentem erectam contra præcipientem & præceptum in transgressionem quæ est peccatum : & ideo locutio debet exponi per causam : quia contritio dicitur esse humilitas non per essentiam, sed per causam, quia est causa illius : sicut dicitur, Dies est sol lucens super terram.

AD ALIVD dicendum, quod mens ibi sumitur meo iudicio pro toto interiori homine. Et ad hoc quod obicitur, quod conteri est actus spiritualis : dicendum quod conteri secundum essentiam est actus spiritualis : sed aliquid ipsius est vnius, & aliquid alterius est : est enim conteri, detestari peccatum dolendo de ipso : & ad hoc requiritur peccati consideratio in statu, in culpa, in tempore, & in aliis quæ August. dicit in litera : quæ consideratio rationis est & intellectus. Exigitur etiam notitia præteriti peccati, & hæc est memoria : & exigitur dissensus qui est voluntatis. Vnde licet vnus sit actus secundum se, tamen plura exigit & coexigit sibi, & ratione illorum habet etiam aliquid in aliis potentiis animæ. Et per hoc patet solutio ad totum quod obiectum est de mente.

AD ALIVD dicendum, quod lacrymæ sunt ibi voluntatis lacrymæ : & ratio huius patet ex dictis in præcedenti distinctione. Vel si quandoque sunt oculorum lacrymæ, illæ sunt ibi vt signum, & non vt essentia contritionis, vel aliquid essentiale ipsius : nec Sancti curant ita de propriis diffinitionibus in quibus nihil sit nisi essentiale : quia intendunt notificare rem de qua loquuntur : & hæc frequenter quoad nos melius innotescit per signa, quam per substantialia.

AD ALIVD dicendum, quod recordatio peccatorum dicit commune quoddam quod potest facere delectationem, vel dolorem : sed hic intelligitur recordatio peccatorum cum indignatione sui & detestatione peccati : & sic recordatio non est nata nisi facere tristitiam & dolorem.

AD ALIVD dicendum, quod timor iudicij dicitur dupliciter, scilicet qui principalem oculum habet ad iudicium : & ille causatur à fide informi : & viuunt in eo secundum Gregor. peccandi voluntas : & sequeretur opus si speraretur impunitas : & iste est seruilis, & non est in contritione, sed attritione. Est iterum timor iudicij potius iudicis quam iudicij, qui principalem oculum habet ad æterna, scilicet ad Deum qui est iudex, à quo propter dilectionem horret separari, & ex illa separatione incidere in pœnas iudicandorum : & ille est timor initialis, qui est in contritione. Dicit enim Gregor. Cum sic pænā timetur, quod facies iudicis non ametur, timor est ex timore, non ex amore : cum autem sic timetur, quod facies iudicis amatur, timor ex amore est, non ex timore : & hoc modo intelligitur timor iudicij in diffinitione Isidori.

AD ID quod vltius queritur de diffinitione Gregorij, dicendum quod humilitas hic sumitur



tur pro humiliatione, sicut dictum est: tamen humilitatis actus causatur ab actu contritionis, ut iam dictum est: & sic loquitur hic Gregorius: & sic vicinior est sibi humilitas quam alia virtus propter conformitatem in actu deiectionis in dolente & humiliato, qui ubique se deiecit.

AD ALIUD quod contra hoc videtur esse, quod contritio causet humiliationem: dicendum quod contritio quodammodo causat omnes alias, sicut supra distinct. 14. notatum est: sed tamen specialiter humilitatem in actu: quia deiectionis sui initium est reconciliationis divinæ, sicut superbia initium apostatandi à Deo, ut dicitur Eccli. 10.

AD HOC autem quod obiicitur de fide, quæ non superbiendum esse ostendit, & timore qui pœnam fugit: dicendum quod hæc duo sunt mouentia ad contritionem non proxime, sed quasi ante quæ nihil: vnum secundum intellectum, & alterum secundum affectum: sed humiliatio est proximum consequens contritionem, secundum quod per ipsam est accessus ad Deum: quia oportet se deicere ut subdatur præcepto & præcipienti. Aliæ autem virtutes causantur aliquo modo à contritione, secundum quod est terminus iustificationis, non tanquam coniunctæ actui contritionis secundum quod contritio.

AD ALIUD dicendum, quod peccatum annihilari potest tripliciter, scilicet secundum reatum culpæ, & secundum timorem ne surgat, siue secundum potentiam peccandi, & secundum certitudinem remissionis. Primo autem modo peccatum annihilatur in pœnitente: sed non secundo & tertio: quia quandiu vivit homo, potest peccare, & ideo timeret: & quandiu vivit, non habet certitudinem remissionis, quia sicut dicitur Eccli. 9. Nemo scit utrum amore vel odio dignus sit. Et hæc est servitus de qua dicit Gregor. quod non liberatur servus qui semel servivit peccato, dum vivit.

AD ALIUD dicendum, quod inter spem & timorem movetur pœnitens & contritus potius, quam inter fidem & timorem: quia fides non nisi ostendit, sed spes eleuat desiderium ad expectandum, & timor interius pungendo incitat ad peccati fugam: unde cum contritus eleuetur in æterna, & fugiat peccatum, potius movetur inter spem & timorem, quam inter fidem & spem, vel inter fidem & timorem.

AD ID quod obiicitur de illa diffinitione quæ ponitur super Psalm. Miserere mei Deus: dicendum quod metaphorica est, nec proprie diffinitio, sed quædam assignatio cuiusdam proprietatis contritionis, per quam similis est sacrificio: sunt enim duo in sacrificio, scilicet corporis animalis in igne assumptio, & in offerente purificatio: & his duobus assimilatur contritio: quia in igne cordis consumit bestiales mores qui sunt peccata, sicut dicit Psalm. 38. Concaluit cor meum intra me: & in meditatione, &c. Et remittitur in ea peccatum.

AD ID quod contra obiicitur, dicendum quod non in hoc sumitur similitudo, sed potius in sacrificij intentione.

AD ALIUD dicendum, quod peccatum dupliciter consideratur, scilicet in culpa sibi debita per se in quantum peccatum est, & in pœna quæ debetur ei ex euentu sequenti. Primo quidem

D. Alber. Mag. in Lib. 4. Sentent.

modo debetur ei pœna æterna. Secundo autem modo temporalis, eo quod contritio fuit de ipso & confessio: & quoad primum modum soluitur in contritione: & ideo dicitur ibi proprie solui. Sed quando dicitur, quod pœnitentia quoad omnes partes ordinatur contra peccatum, intelligitur peccatum in culpa, & pœna communiter sibi debita per se & ex euentu: quia contra illam quæ facta est venialis ex euentu, ordinatur confessio, & satisfactio, ut prius habitum est.

AD ALIUD dicendum, quod contritio siue sit passio, siue sit actus, destructiva est peccati, & etiam dolor, quia non est dolor secundum se, sed informatus gratia: & ideo potest expellere peccatum.

AD HOC autem quod obiicitur, quod si est actus virtutis, quod est consequens expulsiōem peccati: dicendum, quod verum est, quod est consequens secundum naturam, sed tamen simul est secundum tempus: & ideo operatur ad peccati expulsiōem.

AD HOC quod ulterius queritur de illa quæ videtur esse August. dicendum, quod dolor infinitus ratione formæ quæ virtutis est infinitæ, scilicet gratiæ, potest in infinitum: & ideo cessat obiectio quæ est de illo. Si autem aliquis dubitat, qualiter gratia sit virtutis infinitæ, querat in questionibus habitis de gratia super secundum librum distinctione 26. & inueniet ibi omnia quæ expediunt ad solutionem istius difficultatis.

Si autem queritur, Penes quæ attenditur diversitas harum diffinitionum? Dicendum, quod contritio consideratur dupliciter, scilicet quoad essentialia, quæ sunt dolor voluntarius, & punitiō sui, & obiectum proprium quod est peccatum: & secundum accidentalia quæ manifestant ipsam per modum signorum. Et primo quidem modo supra datur prima diffinitio. Accidentalibus autem variantur: aut enim sunt in actu, aut in comparatione ad causam excitantem ad conterendum, aut in comparatione ad effectum, aut in comparatione ad virtutes iuvantes in actu, quia una virtus iuvat aliam. Et primo modo per signum actus & per comparationem ad causam excitantem sumitur secunda quæ est Isidori, quæ causa est recordatio peccati, & timor iudicij. Tertia autem quæ est Gregor. sumitur per signum & effectum. Quarta autem per conformitatem ad figuram suam in Veteri Testamento. Quinta autem & ultima per instrumentum & effectum: quia dolor est quasi instrumentum contritionis, quo conterit peccatum.

Quæstio-  
cula.  
Solutio.

## ARTICVLVS VIII.

Quæ sit differentia inter compunctionem, attritionem, & contritionem?

Tertio queritur, Quæ sit differentia inter compunctionem, & attritionem, & contritionem? Videtur enim, quod compunctio & contritio sint penitus idem: quia super illud Psalm. 4. Quæ dicitis in cordibus vestris, & in cubilibus vestris compungimini: dicit Gloss. In cordibus vestris compungimini dolore pœnitentiæ, ut seipsam anima puniens compungat, ne in Dei iudicio damnata torqueatur: hæc autem omnia conueniunt

Dd 2



niunt contritioni: ergo videtur, quod compunctio & contritio sint idem.

*Sed contra.*

**SED CONTRA** hoc est quod ibidem dicit alia Glossa, Compungimini, id est, quasi quibusdam stimulis adhibitis excitare vos non pro dolore peccatorum, sed ad videndam lucem Christi, scilicet non pro iriguo inferiori, sed superiori, ut inuisibilem amore inardescatis. Cum igitur contritio nunquam sit nisi pro peccatis, compunctio autem non pro peccatis, contritio & compunctio non sunt idem.

2 Item videtur hoc ex ratione nominum: nihil enim compungitur, nisi quod habet sensum puncturæ, & non est totum ad annihilandum, sed potius incitare debet ad aliquid per sensum compunctionis: sed id quod conteritur, teritur in pulveres, & annihilatur: ergo contritio & compunctio non sunt idem.

*Questi-  
cula 1.*

**PRÆTEREA** quaeritur de attritione, Si sit idem cum contritione? Videtur autem quod sic: quia quicquid conteritur, atteritur, & è conuerso: ergo videtur, quod contritio & attritio, aut sint idem, aut sint conuertibilia. Si hoc dicas: contra hoc est, quod communiter dicitur, quod attritio est dolor sine gratia gratum faciente: contritio autem est dolor de peccato cum gratia gratum faciente: ergo ipsa non sunt idem.

*Questi-  
cula 2.*

**SED TUNC** quaeritur ulterius difficilis quaestio, Vtrum attritio possit fieri contritio? Et videtur quod sic: omne enim materiale ad formam aliquam, potest suscipere formam illam in eadem substantia manente: sed dolor de peccatis materialis est ad gratiam: ergo susceptibilis est illius in eadem substantia manente: sed secundum se est attritionis: ergo dolor attritionis est, vel fieri potest dolor contritionis: ergo & attritio contritio.

2 Item, Philosophus dicit in fine primi physicorum, quod vna est materia secundum substantiam & subiectum, secundum quod est sub priuatione & sub forma, licet esse non sit idem: ergo à simili vnus est dolor secundum se substantiam sub priuatione gratiæ, & gratia, licet secundum esse varietur: ergo attritio potest fieri contritio.

3 Item, Gratia dicitur informare dolorem: nihil autem informatur quod non est: ergo dolor ille est ante gratiam. Aut igitur est tunc attritionis, vel contritionis. Constat autem, quod non contritionis, cum non habeat gratiam gratum facientem quæ facit contritionem: ergo relinquitur, quod sit dolor attritionis. Ergo idem in substantia materiæ est in attritione & contritione: ergo fit contritionis dolor: & hoc est quod intendimus.

4 Item, Natura operatur via breuiori: & ideo non dat nouam materiam: quia vna materia quæ est vnus, potest etiam esse materia alterius, substantia materiæ manente eadem: sed dat nouam formam, quia non potest esse vna forma duorum specie. Cum igitur gratia ordinatior sit in operibus suis, quam natura, videtur quod etiam gratia expedit se paucioribus quo potest. Cum ergo via breuior sit informare dolorem inuentum, quam facere nouum & informare illum, videtur quod informet inuentum qui non est nisi dolor attritionis: ergo, &c.

5 Item, Tria sunt principia transmutationis,

licet tantum duo sint substantiæ existentis & generatæ: hoc autem non posset esse nisi idem principium materiale maneret sub priuatione & forma. Ergo similiter est in operibus gratiæ quibus iustificatur homo: quia alias oporteret ponere duo materialia, & sic essent quatuor principia: cum igitur idem sit subiectum priuationis & formæ, idem erit dolor ante formam gratiæ & post: ergo, &c.

**SED CONTRA** hoc est, quod quorum principia sunt diuersa, ipsa omnino sunt diuersa: sed principia doloris, attritionis, & contritionis sunt diuersa: ergo ipsa sunt diuersa. Prima patet per se. Secunda probatur ex hoc quod timor initialis & fides formata generant dolorem attritionis.

*Sed con-  
tra.*

2 Item, Secundum communem opinionem naturalia non fiunt gratuita: sed dolor attritionis est de naturalibus, quia naturalia dicuntur quæcunque sunt ante gratiam: ergo videtur, quod non fiat dolor contritionis.

3 Item, In naturis non est vna materia vnica corruptibilem & incorruptibilem, ut dicit Philosophus in 10. primæ Philosophiæ: sed constat, quod forma diuina magis distat à forma naturali, quam naturalis ab incorruptibili: ergo non est vna materia vniuersa ad formam diuinam, & formam naturalem: sed in contritione est forma diuina, in attritione autem naturalis: ergo non habent vnā materiam, ut videtur.

4 Item, Eorum quorum est materia vna (ut dicit Philosophus) est transmutatio adinuicem: sed contritionis & attritionis non est transmutatio adinuicem: ergo ipsarum non est vnus dolor materialis. Media probatur ex hoc, quod quorum est transmutatio adinuicem, vtrumque transmutatur in alterum: sed nullus dicit, quod contritio possit fieri attritio, licet è conuerso quidam quandoque concesserint fieri: ergo constat propositum.

**SOLUTIO.** Dicendum, quod meo iudicio vnus & idem dolor in substantia potest esse attritionis & contritionis: sicut etiam fides informis potest etiam fieri formata. Tamen pro vtraque parte sunt opinantes: sed quod dictum est, mihi probabilius videtur.

**AD ID** autem quod primo quaeritur de differentia contritionis, & compunctionis, dicendum quod licet vna pro altera sæpe vrantur Sancti: tamen differunt in duobus: quorum vnum est, quod compunctio est in plus, quam contritio: & ista differentia habetur ex collatione duarum Glossarum inductarum, scilicet quia compunctio est siue sit pro peccatis dolor pungens, siue sit pro incolatu miseræ. Alia autem differentia est ex nomine: quia compunctio proprie dicit dolorem poenitentiae, secundum quod pungit poenitentem: contritio autem dicit eundem, secundum quod annihilat peccatum iteratum super singulas differentias: sicut contritio in re contrita, quando ictus sit super singulas partes diuisas. Et per hoc patet solutio ad totum quod quaeritur de differentia compunctionis, & contritionis.

**AD ID** quod quaeritur de differentia contritionis & attritionis, dicendum quod differentia assignata in obiciendo bona est: & videtur mihi, quod dolor attritionis potest fieri dolor contritionis:

*Aliqui.*



tionis : quia attritio non ponit formam aliquam circa dolorem, sed tantum dicit carentiam formæ quæ est gratia : & hoc patet ex eo quod per priuationem diffinitur, cum dicitur quod attritio est dolor de peccato non informatus gratia.

AD ID autem quod contra obiicitur, dicendum quod duplicia sunt principia rei, scilicet intrantia essentiam ipsius, & constituentia ipsam, & principia facientia rem, & non ingredientia in essentiam ipsius. Et de primo modo dictis principiis verum est, quod quorum principia sunt diuersa, &c. sed non de principiis secundo modo dictis : & talia sunt ea per quæ probatur illa propositio in obiiciendo.

AD ALIUD dicendum, quod quicquid sit de illa opinione, bene puto quod naturalia non sunt gratuita : hic videtur dicendum, quod dolor attritionis non est de naturalibus, imo est donum Spiritus sancti : sicut & timor seruilis à quibusdam dicitur fieri initialis, & fides informis sit formata.

AD ALIUD dicendum, quod in naturis corruptibilium & incorruptibilium potest esse materia vna : licet non propria, sed prima : & quicquid sit de hoc, hic aliud est : quia vtrumque istorum est donum : sed vnum est diminutum donum, vt gratia gratis data : & aliud vt perfectum per gratiam gratum facientem.

AD ALIUD dicendum, quod non est verum secundum Philosophum, quod eorum quorum est materia vna, sit transmutatio adinuicem, ita quod vtrumque transmutetur in alterum : quia cum dicitur hoc fieri ex illo, ly ex quandoque notat simul ordinem & priuationem : & tunc non reuertitur, sicut ex puero fit senex, & ex mane fit dies : & ita est hic : ordo enim doloris in attritione est vt antecedentis ad contritionem : & ideo ex dolore attritionis fit dolor contritionis, sed non è conuerso. Siquis autem est de alia opinione, de leui potest soluere rationes prius inductas : & ideo supersedeo.

## ARTICVLVS IX.

*Cuius partis anima est contritio?*

**Q**uarto quæritur, Cuius partis animæ sit contritio? Videtur autem, quod voluntatis, quia dicitur esse dolor voluntarius.

2 Item, Dicit Bernhard. quod nihil peccat nisi voluntas : sed eiusdem est conteri, cuius est peccare : ergo solius voluntatis est conteri.

3 Item, Contritio est delictiva peccati mortalis : ergo oportet, quod sit in eodem cum peccato mortali : sed peccatum mortale est in libero arbitrio, vt dicit August. ergo videtur, quod contritio sit in libero arbitrio.

*Quæstio- cula.* SED QUÆRITUR tunc vterius, Cum contritio sit actus conterentis, vt supra habitum est, & passio contriti, cuius sit vt conterentis, & cuius vt contriti : & vtrum hæc idem sint, an diuersa? Videtur, quod actus ipse sit rationis : quia actus ille est peccati detestatio cum indignatione qua indignatur peccato & peccanti : sed conferre huiusmodi non est nisi rationis : ergo actus contritionis est rationis, vt videtur.

2 Item, Pœnitentia mouetur contra peccatum  
D. Alb. Mag. in Lib. 4. Sentent.

inquantum est perpetratum, & sic est ibi quædam collatio : conferre autem est solius rationis : ergo videtur, quod contritio sit solius rationis.

3 Item, In iudicio exteriori contritio latronum vel maleficorum duobus attribuitur vt agentibus, scilicet iudici per imperium, & bedello per executionem, siue lictori : ergo simile erit in iudicio interiori : dicit autem August. in lib. de pœnitentia, quod iudex est ratio : ergo contritio quæ est actus conterentis, potest esse rationis, vel carnificis qui est timor secundum beatum August.

Videtur autem, quod contritio passio sit omnis vis animæ : quia in qualibet vi quæ aliquantulum participat ratione, peccatum committitur vel potest committi : sed in quacunque est peccatum, in illa necessarium est conteri : ergo necesse est, quod in qualibet conteratur : ergo non erit passio vnius vis, sed omnium quocunque modo rationalium dictarum. Hoc autem quod posset obiici, vtrum eiusdem sit dolere & velle dolere, in præhabitis obiectum & solutum est.

*Solutio.* SOLVITIO. Dicendum, quod contritio præcipue est partis animæ quæ dicitur voluntas, sicut in quibusdam obiectis probatum est : licet quidam quandoque dixerunt, quod sit in irascibili, quia indignatur sibi : irascibilis enim non est indignari sibi, sed potius extrinseco nocenti : sed peccatum perpetratum inquantum perpetratum, proprie detestatur voluntas dissentiens ab eo.

AD ILIUD ergo quod obiicitur, quod contritio actio sit rationis : dicendum quod non, sed potius voluntatis rationalis : & ideo ordo & collatio sunt rationis discernentis quod detestandum est, sed tamen ipse dolor est voluntatis.

AD ALIUD dicendum, quod in multis ita est quod actus voluntatis propter hoc quod est ex ratione præordinante, est cuiusdam collati, licet non conferat, sicut diligere amicum propter amicum, & diligere parentem plus quam inimicum, & sic de aliis : vnde licet voluntas non conferat, tamen affectus eius quandoque cadit super collata : & ita est hic.

AD ALIUD dicendum, quod ratio non conterit nisi per modum discernentis, sicut nec iudex : sed voluntas exequitur per modum conterentis per diffensum & dolorem.

AD HOC quod obiicitur de contritione passionis, quod sit omnis vis animæ, dicendum quod hoc nihil prohibet : tamen non erit primo nisi voluntatis dissentientis peccato perpetrato : quia hoc quasi punitur in omnibus aliis, & participatur ab aliis, inquantum est motor earum : & per hoc patet solutio ad totum.

## ARTICVLVS X.

*An contritio semper eodem modo fuerit in Nouo & Veteri Testamento?*

**Q**uinto quæritur, Vtrum eodem modo semper fuerit in Nouo & Veteri Testamento? Videtur autem, quod sic : quia cuius causa vno & eodem modo se habet, & ipsum eodem modo se habet : sed actuale est causa contritionis : & eodem



eodem modo fuit in Nouo & Veteri Testamento; ergo & contritio fuit eodem modo.

2. Item, Contritio non ordinatur contra peccatum naturæ, sed potius personæ: & hæc semper diuisa fuerunt, & sunt, & erunt: ergo videtur, quod remedium actualis semper debuit esse per modum vnum: ergo vno modo fuit contritio in Nouo & Veteri Testamento.

3. Item Ioel, 2. dicitur, Conuertimini ad me. Et post, Scindite corda vestra, & cætera. Sed nihil aliud imponitur contrito & pœnitenti in Nouo Testamento: ergo videtur, quod eodem modo, & cætera.

*Sed contra.*

SED CONTRA: Aliæ duæ partes, scilicet confessio, & satisfactio, non erant eodem modo vt nunc: ergo nec contritio.

2. Item, Nihil ad perfectum adduxit lex, vt dicitur Hebr. 7. ergo non competebat ei sacramentum perfectionis: sed contritio prout obseruatur in Nouo Testamento, ducit ad perfectionem: ergo in Veteri Testamento debuit esse secundum typum, & minus, vt videtur.

*Solutio.*

SOLUTIO. Dicendum, quod contritio fuit in Veteri Testamento sicut in Nouo: sicut probant primæ rationes.

AD HOC autem quod contra obiicitur, dicendum quod aliud est de confessione & satisfactione, quia illa habebant fieri ministerio sacerdotum: vnde cum alij fuerint sacerdotes status illius, & alij status istius, non poterant illæ duæ partes esse eodem modo in Nouo & Veteri Testamento. Sed in contritione non respicitur nisi Deus qui peccata delet: & ideo illa semper eodem modo fuit semper & in lege naturæ, & Moyli, & gratiæ.

AD ALIUD dicendum, quod contritio licet in lege sit obseruata: non tamen est legis sicut moralia mandata, vt disputatum est supra tertium in fine: & ideo contritio potuit aliquid ducere ad perfectum in fide venturi. Et per hoc patet solutio ad totum.

## ARTICVLVS XI.

*Quid sit primum mouens ad contritionem?*

VLtimo quæritur, Quid mouet ad contritionem? Videtur autem, quod timor per diffinitionem contritionis ab Isidoro positam.

2. Item, Isa. 26. A timore tuo Domine concepimus, &c. parturitio autem hæc est in contritione: ergo videtur, quod à timore Domini concipitur: ergo timor primo mouet ad contritionem.

Sed contra videtur, quod fides primo moueat: quia pœnas peccato perpetrato debitas ostendit si les vt nociuas: ergo facit primo fugam & detestationem: & hoc est contritio: ergo contritio concipitur & causatur fide.

*Quæstio.*

ET QVIA de hoc satis supra in quæstione de pœnitentia habitum est, quæritur, in ratione cuius articuli moueat ad contritionem? Videtur autem, quod ratione huius, Et iterum venturus est cum gloria iudicare viuos & mortuos: quia articulus ille mouet ad dolorem de peccato in iudicio iudicandos: & ille timor vel dolor est con-

tritio: ergo fides mouet ad hoc quod aliquis conteratur.

Sed videtur, quod ille qui est, Remissionem peccatorum: quia in contritione peccata remittuntur: ergo ille articulus mouet ad contritionem.

RESPONSIO. Dicendum videtur, quod fides mouet ex parte intellectus, & timor & affectio amoris ex parte affectus: quia ex parte illa qua oculus est ad pœnam, mouet timor: ex parte autem illa qua est ad gloriam, mouet amor.

AD PRIMUM autem quod contra hoc est, dicendum quod timor mouet, sed non primo, sed proxime ex parte contriti secundum affectum. Per hoc etiam soluitur id quod obiicitur de Isidoro.

AD ID autem quod quæritur, Ratione cuius articuli? Dicendum, quod ratione illius qui est de iudicio, sicut habetur expresse in diffinitione Isidori supra dicta.

AD ID autem quod contra obiicitur, dicendum quod remissio peccatorum mouet ad hoc: sed tamen fides coniungit spem remittendi peccata: sed iudicij consideratio, quia incutit timorem, excitat ad contritionem: & per hoc patet solutio ad totum.

## ARTICVLVS XII.

*An confessio sit in præcepto & obliget omnes?*

DEinde quæritur de hoc quod dicit ibi [Confessio ibi, iustus in principio sermonis accusator sui est] Prou. 18. Quærantur hic de confessione septem. Primo, Vtrum confessio sit in præcepto, an non? Secundo, Vtrum sit de iure naturali, vel positio? Tertio, Qualiter fuit in naturali & veteri lege, & vtrum eodem modo vel diuerso? Quarto, Vtrum sit alicuius virtutis opus, vel tantum sacramenti: & si alicuius virtutis, quæ sit illa virtus? Quinto, Quid sit diffinitione, & essentia, vel esse? Sexto, Quis articulus fidei moueat ad confessionem? Septimo, Cui innitatur attributo in Deo, vtrum misericordiæ, vel sapientiæ, vel alij?

AD PRIMUM obiicitur sic: Quicquid est necessarium ad salutem, est in præcepto: confessio est necessaria ad salutem: ergo est in præcepto. Prima patet ex communi omnium diffinitione inter præceptum & consilium. Secunda probatur ex dicto Ambrosij qui dicit sic: Iustificari non potest quisquam, nisi peccatum confessus fuerit.

2. Item, Præceptum impletum dat ingressum ad vitam: sed non confitens non ingreditur ad vitam: ergo videtur, quod confessio sit in præcepto. Probatum prima per illud Matth. 19. Si vis ad vitam ingredi, serua mandata. Secunda supponitur communiter ab Ecclesia.

3. Item, Præcipitur pastoribus Ecclesiæ vt diligenter cognoscant vultum sui pecoris: sed non possunt cognoscere nisi sciant in quibus infirmatur, quia in parte illa indiget custodia, non in parte qua sanum est: ergo videtur quod ipsum pecus teneatur exponere causas agrotationum: hoc autem non contingit nisi per confessionem: ergo præcipitur eis, quod confiteantur: ergo confessio est in præcepto.

4. Item



4 Item, In corporali medicina præcipitur ægro vt exponat medico corporali in quot, & quibus, & vbi doleat: cum igitur morbus spiritualis periculosior sit quam corporis, multo magis debet præcipi ægro spirituali, quod exponat medico spirituali causas ægritudinum suarum.

Sed contra.

SED CONTRA: Si est in præcepto, tunc æqualiter obligat omnes: sed quidam à peccato mundati sunt, qui non leguntur esse confessi: ergo non videtur esse in præcepto. Probatio primæ est ex hoc quod communiter dicitur, quod ad præcepta omnes teneamur, sed non ad consilia. Secunda probatur ex hoc quod habetur Luc. 7. de Maria Magdalena, cui dimissa sunt peccata multa: non quia confessæ est, sed quia dilexit multum. Et de Petro qui negauit: nec tamen confessus fuisse legitur, sed fleuisse.

2 Item, Nihil exigitur ad vnius contrarij expulsiõnem, nisi alterius contrarij introductio in subiecto eodem: sed absque omni confessione per infusionem virtutum quæ fit in contritione, & iustitiam consuetudinali quæ fit in satisfactione, virtus cuiuslibet peccato contraria inducitur in subiecto: ergo videtur, quod hoc sufficit ad peccati expulsiõnem: ergo non est necessaria peccati confessio: ergo non est de præcepto.

3 Item, In peccato non sunt nisi duo, scilicet culpa, & pœna: quia etiam si dicatur ibi esse difficultas bene operandi, illa etiam est pœna quædam: sed culpa cum coniuncta sibi pœna æterna expellitur sufficienter per contritionem: pœna autem remanens, scilicet debitum pœnæ temporalis cum difficultate bene operandi, sufficienter expellitur per satisfactionem: ergo confessio ad nihil est necessaria: ergo non debet esse in præcepto.

4 Item, In naturis ad perfectionem rei in esse & posse non exigitur nisi inductio formæ in materia, & confortatio eiusdem in illa: ergo similiter est in esse spirituali: sufficienter autem inducitur forma gratiæ in anima per contritionem, & per satisfactionem sufficienter confortatur: ergo confessio omnino superfluit: ergo, &c.

5 Item, Si in præcepto est confessio & de necessariis ad salutem: tunc operatur ad peccati dimissionem per aliquem modum: aut igitur in pœna, aut in culpa. Si in culpa. Contra: Ante confessionem frequenter culpa dimissa est: ergo non operatur ad culpæ dimissionem. Si autem operatur ad deletionem pœnæ. Contra: Aut illa est pœna æterna, aut non. Si æterna. Contra: Illa est adiuncta culpæ, & cum culpa stante stat. & cum soluta soluitur: habitum autem est, quod culpa soluitur in contritione: ergo non operatur contra pœnam æternam confessio. Si autem est pœna temporalis. Contra: Nihil operatur contra aliud nisi per hoc quod est contrarium illi: confessio non habet contrarietatem ad pœnam temporaliter debitam peccato: ergo non expellit illam, vt videtur.

6 Item, Actus omnino corporalis non videtur expulsius peccati: sed confessio oris est actus omnino corporalis: ergo non est expulsius peccati.

Quæstio.

VLTERIVS hic quæritur, Si est in præcepto, cuiusmodi sit illud præceptum. Aut est enim cærimoniale, aut sacramentale, aut iudiciale, aut morale. Si cærimoniale pure: tunc videtur, quod

non debeat teneri in Nouo Testamento. Probatio. Quorumcunque totus vsus est in significando, cessant adueniente veritate quam significabant: cærimonialium totus vsus est in significando: ergo cessant in Nouo Testamento, in quo patefacta est veritas quam significabant. Prima probatur ex hoc quod nihil inutile est in operibus Ecclesiæ: & inutile esset, quod id quod tantum habet vsum in significando, teneretur veritate patefacta: quia melius quilibet instruitur per manifestationem veritatis, quam per typum & figuram. Secunda autem præscribitur à Magistro in 1. lib. distinct. 1.

Si autem dicatur esse sacramentale: aut de Nouo Testamento, aut de Veteri. Constat autem, quod non de Veteri, quia tunc cessasset in Nouo, sicut & alia Veteris Testamenti sacramenta. Si de Nouo Testamento. Contra: Nihil est in Nouo Testamento sacramentum, nisi per institutionem diuinam: confessio non legitur habuisse institutionem diuinam: ergo non est de sacramentis Noui Testamenti. Si autem dicatur iudiciale. Contra: Iudicialia secundum diuersitatem hominum & sectarum variantur: confessio autem non sic variatur: ergo non est de præcepto iudiciali. Si autem dicatur esse de moralibus: tunc quæritur, ad quod reducat: in verbo enim non consistunt nisi duo: vnum ad Deum, scilicet, Non assumes nomen Dei tui in vanum: & alterum ad proximum, Non loqueris contra proximum tuum falsum testimonium. Constat autem, quod ad primum non reducit, quia non est iuramentum: nec ad secundum, cum nihil ibi dicatur contra proximum: ergo videtur, quod in nullo cadat genere præceptorum, scilicet moralium.

Si forte dicatur, quod sit de præceptis Patrum. Contra: Nihil ens de præceptis Patrum, est pars sacramenti, vel sacramentum: confessio est de præceptis Patrum: ergo non est sacramentum, vel pars sacramenti. Prima per hoc probatur, quod omnia sacramenta cum suis essentialibus habent vim ab institutione diuina. Secunda autem supponitur ex hypothesi. Item, Præcepta Patrum recipiunt dispensationem, eo quod sint de non necessariis ad salutem: ergo si confessio est de præceptis Patrum, poterit fieri dispensatio, ita quod aliquis moriatur sine confessione: quod non fit in Ecclesia, nec posse fieri iudicatur.

Si forte tu dicas, quod hoc præceptum habet institutionem diuinam, vt cum Dominus dixit leprosis, Ite, ostendite vos sacerdotibus. Matth. 8. & Luc. 5. Contra: Illi sacerdotes erant legales, & non veri, quibus Dominus iussit vt se præsentarent leprosi: ergo ex hoc non habetur, quod confitendum sit modo quo confitentur fideles in Nouo Testamento. Item, Illi non sunt iussi confiteri, sed tantum ostendere se mundatos: ergo ex hoc non habetur, quod sit ore confitendum: ita quod singula peccata enarrentur, sicut fit in Nouo Testamento: ergo videtur adhuc haberi, quod non sit in præcepto.

Si forte tu dicas, quod propter pœnitentiam iniungendam oportet quod notus sit morbus: & ideo præceptum est confiteri, & hoc præceptum promulgatur Iacob. 5. vbi dicit, Confitemini alterutrum peccata vestra. Videtur, quod hoc nihil sit: quia pœnitentia non potest remittere peccata ex condigno, sed potius ex congruo secundum



arbitrium sacerdotis pensatis viribus & statu pœnitentis : & hoc modo in communi posset fieri satisfactio sufficiens etiam non cognitis peccatis : ergo videtur , quod non sit necessaria propter hoc.

Item , Quidam se obligant ad pœnitentiam perpetuam & maiorem quam secundum arbitrium sacerdotis suscipere cogerentur : ergo illi secundum hoc confiteri non tenerentur , quod falsum est : ergo videtur , quod non sit in præcepto aliquo confessio.

*Solutio.*

**SOLVITIO.** Respondeo sine præiudicio , quod in confessione tria sunt sese consequentia : quorum primum est peccati manifestatio cum detestatione & signo detestationis. Secundum est actuum peccati perpetrati enarratio , quod memoriam occurrat. Tertium autem sui accusatio in dando sibi culpam , & non excusando peccati actum per circumstantias. Et dicendum videtur , quod quoad hæc omnia tria est in præcepto : sed quoad primum est solum in præcepto diuino , & secundum & tertium determinando addidit & præcepit Ecclesia , primo in Apostolis , & postea in aliis successoribus Apostolorum : tamen secundum testimonium voluntatis diuinæ : testimonium enim voluntatis diuinæ in confessione actus peccati in specie habetur ex prima quæstione quam fecit primo peccanti , scilicet Adæ , quando quæsiuit , Adam ubi es ? non enim quæsiuit de loco , sed ut confiteretur simpliciter peccati actum. Testimonium autem voluntatis diuinæ super accusationem sui , & quod non excuset peccatum , habetur ex hoc quod condemnauit Adam & Euam se excusantes. Similiter in posteris habet signum enarrationis actuum in specie. Isa. 38. in cantico Ezechiae dicentis , Recogitabo tibi omnes annos meos in amaritudine animæ meæ. Signum accusationis habetur in Psalm. 140. ubi dicitur , Non inclines cor meum ad verba malitiæ ad excusandas excusationes in peccatis. Hæc igitur attendens Ecclesia , Spiritu sancto edocta , instituit quod omnis vtriusque sexus fidelis semel in anno confiteretur sua peccata : & quia instinctu Spiritus sancti factum est , ideo etiam præceptum Ecclesiæ in hoc reducitur ad præceptum diuinum.

**DICENDUM** igitur ad primum , quod licet non legatur confessio beati Petri & Mariæ Magdalene : tamen confessi sunt : quia multa facta sunt quæ non sunt scripta , sicut innuitur in fine Ioannis , sicut in sequentibus dicitur in litera à Magistro. Vel potest dici forte melius , quod propter duo fit confessio , scilicet ut pœnitens secundum præteritam suam conuersationem innotescat sacerdoti iniungenti pœnitentiam , & ut ex erubescencia mereatur. Cum autem Christus fuit verus sacerdos & Deus , neutrum fieri oportuit apud ipsum : quia ipse ut Deus vidit ea quæ erant in corde , & pœnitentes ad intuitum eius plus verecundabantur , quam ad auditum solius sacerdotis : & ideo illis pœnitentibus qui absoluti sunt ab ipso immediate , non oportuit enarrationem imponere peccatorum : sed apud vicarios Christi qui interiora non vident , & ad quorum intuitum corporeum homo non ita verecundatur , oportet esse auditum peccatorum , in confessione ex parte confitentis.

**AD ALIVD** dicendum , quod propter coherentiam alterius contrariorum in subiecto , multa

quandoque requiruntur ad remotionem alterius contrarij : & præcipue quando timetur de reditu , & quando causa tenens contrarium in subiecto latet expellentem : & sic est de peccato quod timetur redire : est etiam pronitas ex parte peccantis latens : & ideo multa exiguntur ad expulsionem peccati : sicut detestatio peccati , & contrariæ consuetudinis inductio per opera satisfactionis : sed si statim contrarium sine timore reditus posset expelli , & sciretur per quid optime expelleretur : tunc verum esset quod probat obiectio.

**AD ALIVD** dicendum , quod ( ut supra dictum est ) omnes istæ tres partes pœnitentiæ coniunctim operantur contra peccatum : sed non oportet , quod omnes adsint in actu , sed sufficit duas vel vnam esse in proposito , & aliam vel alias esse in actu. Si tamen concedatur quod dicitur : tunc dicendum est , quod pœna temporalis duplex est , scilicet non proportionata , & proportionata ex vi clauium : & non proportionata viribus pœnitentis debetur non confessio , quia in illo adhuc non est operata vis clauium , quæ , inquam , clauis vim habentes à passione Christi , maiorem partem pœnitentiæ siue pœnæ debitæ peccato per rationem condigni dimittunt : & ideo post confessionem per virtutem clauium efficitur taxabilis pœna & arbitraria , quæ secundum se non fuit taxabilis , eo quod fuit improporcionata viribus pœnitentis , sed respondens condignitati peccati : & ideo patet , quod confessio necessaria est ad peccati deletionem.

**AD ALIVD** dicendum , quod in naturis diuersimode est , ubi natura operatur , & ubi ars naturam iuuat : quod enim dicitur in obliendo , verum est , ubi sola natura operatur. Sed non est hoc simile ad opus gratiæ sacramentalis : quia sic non exigeretur minister sacramenti , qui medicus in Scriptura vocatur. Psalm. 87. Nunquid medici suscitabunt , & confitebuntur tibi. Sed potius illud opus ubi ars iuuat naturam , & in illo exigitur , quod artifex cognoscat morbum & causam & quantitatem & diuturnitatem morbi antequam possit iuuare ad morbi expulsionem : & ita est in opere pœnitentiæ : & ideo exigitur confessio ad peccati manifestationem : præcipue tamen illa de causa , quia confessio operatur ad pœnæ diminutionem : propter quod etiam satisfactio vocatur ab Augustino sic dicente : Multum satisfactionis obtulit , qui erubescentiæ dominans , nihil eorum quæ commisit , nuntio Dei abscondit.

**AD ALIVD** dicendum , quod ( ut iam habitum est ) per se operatur ad pœnæ deletionem , siue peccati secundum debitum pœnæ. Ad obiectum autem contra , dicendum est quod dupliciter contingit aliquid esse contrarium alij , scilicet in se , quando maxime distant in eodem genere , & mutuo se expellunt à susceptibili : & sic pœna non contrariatur pœnæ , nec confessio peccato in pœna. Est etiam contrarium , eo quod aliquo modo facit contrarium in effectu : & sic confessio facit contrarietatem ad peccatum , & soluit debitum pœnæ. In perpetracione enim peccati fuit inuerecundia Dei cuncta cernentis & Angelorum eius , & abiectio passionis Christi pro peccatis per contemptum qui est radix omnis peccati mortalis : & horum contraria confessio habet , quando homo erubescit ante vicarium Dei , & submittit se humiliter



liter clauibus habentibus vim ex Christi passione: & ideo operatur ad peccati expulsionem.

AD ALIUD dicendum, quod non est omnino corporalis actus: quia procedit à virtute mentis interiori: sicut etiam dare corporalem eleemosynam vim habet à virtute mentis quæ inclinat ad dandum. Si autem quæritur, Qualiter hoc possit esse? Dicendum, quod vis motoris est in motu & in mobili, siue moueat in modum naturæ, siue in modum voluntatis: sicut vis motoris in motu cæli, propter quod dicitur esse vita quædam omnibus deorsum existentibus. Ita etiam quia virtus & gratia mouent in modum naturæ, vis virtutis & gratiæ manet etiam in motibus & operibus corporalibus: & per illam vim operatur ad deletionem peccati, & augmentum meriti.

Ad qua-  
stionem  
lam.  
AD ID quod vltius quæritur, patet solutio per ea quæ dicta sunt in principio huius solutionis, quod est de præcepto diuino secundum quod est manifestatio quædam peccatorum: sed hæc manifestatio secundum progressum temporis habuit incrementum, sicut etiam alia operantia ad salutem: & ideo determinationem accepit ab Apostolis & ab Ecclesia: & adhuc potest recipere vltiorem quam habet, si videatur expedire.

AD HOC autem quod contra obiicitur, dicendum quod pœnitentia instituta est in paradiso secundum omnes partes eius: quia aliter non mortificaret peccato, & viuificaret iustitiæ: & dicunt quidam, quod in illo verbo, Quacunque die comederitis, morte moriemini: & à Christo in Nouo Testamento accepit innouationem. Matth. 3. & Luc. 3. Pœnitentiam agite: appropinquauit enim regnum cælorum. Constat autem, quod non intendebat de pœnitentia, nisi prout perficitur in partibus suis: & ideo intelligitur instituta confessione. De confessione tamen fit specialiter mentio Matth. 3. vbi dicitur, quod veniebant ad Ioannem confitentes peccata sua: & hoc idem intelligitur, quod faciebant suscipientes baptismum Christi, vt in secunda parte huius distinctionis dicit Magister. Ibi etiam intelligitur instituta, vt in obiectione dictum est, scilicet Lucæ 5. vbi Christus leprosis dixit vt se ostenderent sacerdotibus, & offerrent pro se munus quod constituit Moyles.

AD HOC autem quod contra obiicitur, dicendum quod est præceptum sacramentale diuersimode in lege naturæ, veteri, & noua, per Patres accipiens determinationem ex inspiratione Spiritus sancti: sed prout nunc seruatur, est præceptum sacramentale Noui Testamenti: & iam patuit vbi est institutum.

AD ALIUD dicendum, quod non est ita Patrum, quod totum Patres ediderint, sed potius quia Patres determinauerunt: & ideo non capit dispensationem ab homine puro.

AD ALIUD dicendum, quod sacerdotes illi & leprosi considerantur dupliciter, scilicet vt homines simplices in statu Veteris Testamenti Deo seruientes, antequam legalia essent mortificata per Christi passionem: & vt figura futurorum sunt leprosi quidem confitentium, & sacerdotes sacerdotum Noui Testamenti. Et primo quidem modo procedit obiectio: secundo autem modo significatur voluntas Christi esse de ostensione peccati significati per lepram, & de satisfactione per

munus significata: & hæc voluntas Christi exprimebatur per Apostolos in præcepto confessionis Iacob 5. vbi dicitur, Confitemini alterutrum peccata vestra.

AD ALIUD dicendum, quod oportet cognoscere morbum, vt prius dictum est: sed hoc non est principale propter quod confessio instituta est, sed potius propter operationem clauium quæ coniungit pœnitenti perfectionem: vnde quod ponit obiectio, secundarium est in causa confessionis: & tamen non sequitur id quod intendit probare, quia arbitrum oportet cognoscere de causa de qua est arbiter: vnde cum sacerdos non tantum inspiciat vires, sed causam sumendi debitam pœnam, oportet ipsum scire in quot & quibus offenderit.

AD VLTIMUM dicendum, quod etiam si se obliget ad perpetuam pœnitentiam, cui nulla maior vnquam iniungitur: tamen dictis de causis oportet omnium peccatorum facere confessionem.

### ARTICVLVS XIII.

*An confessio sit de iure naturali vel positio?*

Secundo quæritur, Vtrum sit de iure naturali, vel positio? Videtur autem esse de iure naturali: Adam enim vituperatur de hoc quod excusauit delictum cum debuisset humiliter confessus fuisse: ergo peccauit contra ius adhuc non scriptum, quia nullum erat scriptum vel positum: ergo relinquitur, quod peccauit contra ius naturale: ergo confessio est de iure naturali.

2 Item obiicitur de Cain, à quo quærit Dominus, quid fecit: & vituperatur, quia non humiliter recognouit & confessus fuit: ergo cum tunc non fuerit nisi ius naturale, videtur contra ius naturale peccasse.

3 Hoc etiam videtur per Glossam super illud, Adam vbi es? Genes. 3. vbi sic dicit Glossa, Verba increpantis & ad confessionem cogentis, non ignorantis. Si igitur coegit ad confessionem, ipse confiteri tenebatur: & constat, quod non ex iure positio tenebatur, quia tunc nullum erat: ergo tenebatur ex iure naturali: ergo confessio est de iure naturali.

4 Item, Super illud Genes. 3. Mulier quam dedisti mihi sociam, dedit mihi de ligno, & comedi: dicit Glossa. Non humiliter confitens, sed superbe se excusans, & in auctorem mulieris culpam retorquens. Ergo humilis confessio tunc fuit debita, quia aliter non vituperaretur de opposito: & inde vt prius.

5 Item, Super illud Psalm. Non declines cor meum in verba malitiæ, &c. dicit Glossa, Ad hoc pone ostium, vt non excusetur peccatum meum: quod summum vitium dominatur in hominibus: vnde tardius pœnitent. Constat autem, quod cæteris paribus plus & maius est peccare contra ius naturale, quam contra ius positum: cum igitur istud vitium sit summum, videtur esse contra ius naturale: ergo oppositum eius, scilicet humilis confessio delicti, est de iure naturali.

6 Item, Iob 31. Si abscondi quasi homo peccatum



peccatum meum, & celavi in sinu meo, iniquitatem meam. Constat autem, quod Iob fuit sub lege naturali: quare de lege naturali est confiteri peccatum.

7 Item, Ibidem Gregorius in Glossa, Vere humilis & mala cognoscit sua, & voce confessionis aperit. Cum igitur vera humilitas de peccatis sit de iure naturali, videtur quod voce confessionis aperire peccata, sit de iure naturali.

8 Item, Gregorius ibidem in alia Glossa, In sinu iniquitatem celare, est conscientiam peccati latibulis occultare, nec per confessionem detegere. Cum igitur Iob dicat hoc in statu iuris naturalis, videtur quod confessio sit de iure naturali, & oppositum cuius contra ius naturale.

9 Item, Constat, quod pœnitentia est de iure naturali: ergo partes ipsius, quia ipsa non est sine illis: sed una partium eius est confessio: ergo confessio est de iure naturali.

10 Item, Pœnitentia est quoddam totum, ut prius habitum est, quod habet plures partes ex ordine quodam ipsam constituentes: & in ordine illo prima est contritio quæ est de iure naturali, & ultima satisfactio quæ est de iure naturali: cum igitur confessio sit media, ipsa etiam est de iure naturali. Vel dicatur quare non.

*Sed contra.*

SI AUTEM hoc concedatur: contra obiicitur in hunc modum, Dicit Isidorus, quod ius naturale est idem apud omnes: confessio autem non fuit semper eadem apud omnes: ergo confessio non est de iure naturali. Media probatur ex hoc quod aliter est confessio in Nouo Testamento, & aliter fuit in Veteri.

2 Item, Philosophus in 5. ethicorum dicit, quod naturæ ius in omnibus est eodem modo: ut ignis in Perside & Græcia eandem vim habet comburendi. Et ex hoc arguitur sicut prius.

3 Item Tullius, Naturæ ius est quod non opinio genuit, sed in natura quædam vis inseruit. Constat autem, quod nulla in natura vis inseruit homini confiteri peccatum suum, sed potius docet occultare ne verecundetur ab homine: ergo confessio non est de iure naturali, ut videtur.

*Solutio.*

SOLUTIO. Respondeo sine præiudicio, quod ius naturale dupliciter dicitur, scilicet quod dicat natura hominis esse faciendum: & sic dicitur naturale ius stricte. Alio modo dicitur naturale, id quod constitutum est à natura naturante: & sic dicitur esse de iure naturali quicquid in Veteri vel Nouo Testamento continetur: & hoc ultimo modo potest confessio aliquo modo esse de iure naturali, sed non primo.

Ad hoc ergo quod primo obiicitur, per quod videtur probari, quod sit de iure naturali primo modo dicto: dicendum, quod Adam vituperatur de hoc quod peccatum non recognouit in se, & coram Deo, sed non de hoc quod non confitebatur homini: quia tunc nullus erat præter uxorem suam, quæ confessionem audire non poterat: & hæc recognitio peccati quæ est coram Deo, est de iure naturali. Et per hoc patet solutio ad sequens quod obiicitur de Cain.

AD ALIVD dicendum, quod confessio duplex est, scilicet recognitio peccati inter se & Deum, & manifestatio peccati per enartationem factam sacerdoti. Et de primo modo dicta confessione dicitur in Psalmo, Dixi, confitebor adversum me iniustitiam meam Domino: & tu re-

*Psalm. 31.*

misisti, &c. De secundo autem modo dicta dicitur Roman. 10. Ore confessio sit ad salutem. Et de primo modo dicta intelligitur Glossa inducta de Genes. & non de secundo modo dicta, quæ tantum est sacramentalis: nec ad illam tunc tenebantur omnes.

AD ALIVD dicendum, quod arguitur de excusatione peccati coram Deo, non coram homine, ut dictum est.

AD ALIVD dicendum, quod non dicitur illud summum vitium simpliciter ratione reatus vel deformitatis, sed quia est peccatum inter cætera pœnitentiæ magis contrarium: quia pœnitentia non est nisi in recognoscente, peccatum autem excusans non recognoscit: & est simile dictum Roman. 2. super illud, Ignoras quoniam benignitas Dei ad pœnitentiam te adducit? ubi dicit Glossa Ambrosii. Grauiissime peccas si ignoras: non ratione quantitatis peccati in reatu & deformitate, sed potius periculi: quia ignorans lapsum suum, non quærit remedium, & ideo manet in periculo.

AD ALIVD dicendum, quod non intelligit Iob de absconsione quæ est in confessione facta sacerdoti, sed potius de absconsione quam facit deprehensus in peccato, quando peccatum negat se fecisse, ut aliis iustus videatur. Et ista expositio trahitur de Glossa ibidem: & ideo illud non est ad propositum.

AD ALIVD dicendum, quod non sequitur, si vere humilis voce confessionis aperit peccatum, & si vera humilitas est de iure naturali, quod etiam confessio facta per vocem sit de iure naturali: quia confessio facta per vocem, non semper in omni statu consequitur vere humilem statum suum recognoscentem: unde hoc accidit vere humili in aliquo statu, non in omni: unde accidit ibi locus sophisticus accidentis.

AD ALIVD dicendum, quod Gregor. loquitur de eo qui deprehensus in peccato, se fecisse negat: vel mystice loquitur de tempore gratiæ in quo tenetur homo sacerdoti peccata sua confiteri.

AD ALIVD dicendum, quod pœnitentia dupliciter consideratur, scilicet secundum quod est in genere virtutis, & secundum quod est in genere sacramenti. Secundum quod est in genere virtutis, non habet partes, sed saluatur in contritione tantum, secundum quod contritio est conterentis actus: & satisfactio tunc erit species iustitiæ, & tunc non exigitur ad pœnitentiam confessio facta homini, sed sufficit illa quæ fit Deo in corde in peccati recognitione. Sed secundum quod est in genere sacramenti legis novæ vel veteris, non est de iure naturali, sicut nec alia quædam sacramenta: & sic habet partes istas tres, quæ sibi attribuantur.

AD ALIVD dicendum, quod non eodem modo sunt istæ tres partes pœnitentiæ: quia prima & ultima pars respiciunt peccatum in pœnitente secundum culpam, vel secundum pœnam. Sed confessio non respicit hoc nisi quod est in ministro Ecclesiæ, qui constituitur ad dispensationem sacramenti, & habet vim clauium: & ideo prima & ultima pars sunt iuris naturalis, sed non media, quæ non respicit nisi tantum ea quæ sunt sacramenti, & non virtutis pœnitentiæ, nisi forte quoad recognitionem peccati coram Deo. Sed hæc non



non est confessio prout nunc quærimus de confessione : & ideo non sequitur, si prima & vltima pars de iure naturali sit, quod & media : quia non eodem modo sunt partes eius.

#### ARTICVLVS XIV.

*Quam differenter confessio fuit in lege naturali, veteri, & noua?*

**T**ertio quæritur, Secundum quem differentem modum fuit in lege naturali, veteri, & noua? Videtur enim in lege naturali non fuisse: quia, sicut iam habitum est, non est confessio de iure naturali: sed tunc non obseruabantur nisi ea quæ erant de iure naturali: ergo confessio tunc non seruabatur.

2 Item non quæritur hic, Quid aliquis fecerit, sed id ad quod omnes tenebantur? Ergo etsi aliquis tunc confitebatur peccatum suum: dummodo tamen non omnes tenebantur ad confessionem, videtur quod non erat confessio in lege naturali.

3 Item, Cum non erat vsus clauium, non poterat esse id quod non habuit effectum nisi per clauis: sed in naturali lege non erat vsus clauium: ergo nec erat etiam confessio quæ non haberetur nisi per clauis.

*Sed contra.* **S**ED CONTRA: Quandoque est morbus, tempus est medicinæ: sed semper fuit morbus actualis peccati in lege naturali: ergo semper fuit confessio medicina: ergo in naturali lege necessaria fuit confessio, vt videtur. Similiter videtur, quod in lege Moyfi fuerit: quia Isa 43. dicitur, Natta siquid habes, vt iustificeris. Quasi diceret, Si non narras, non iustificaberis.

2 Item, Leuit. 16. dicitur, quod sacerdos imprecatur peccata totius multitudinis super caput hirci, & dimittet eum in desertum. Constat autem, quod imprecari non potest peccata quæ nesciuit: ergo oportebat vt sciret: sed non potuit scire nisi per confessionem: ergo tenebantur tunc confiteri sacerdoti.

3 Item Leuit. 13. de leprosis dicitur, quod ad arbitrium sacerdotis separabantur, & cognoscebat de lepra: sed lepra secundum Glossam ibidem significat peccatum: ergo sacerdos debet cognoscere de peccatis: non autem potest nisi per confessionem sibi manifestentur: ergo tenebantur tunc sacerdoti confiteri.

*Sed contra.* **S**ED CONTRA: Sicut supra habitum est, præcipua causa confessionis est propter beneficium clauium: sed non erant veræ clauis in Veteri Testamento: ergo nec vera confessio.

*Solutio.* **S**OLUTIO. Dicendum, quod in veritate peccati recognitio est in confessione, & cum hoc peccati manifestatio: & tertio peccatorum in specie & circumstantiarum enodatio siue expositio. Et confessio non erat in naturali lege nisi quantum ad peccati recognitionem inter se & Deum, vt dictum est. In lege autem Moyfi accessit peccati manifestatio aliqua, sed in genere, non in specie: in signo, non in verbo. Quia offerendo capram vel hædum, sciebatur quod peccauerant: sed quia hoc sacrificium erat pro quolibet peccato per ignorantiam facto, non erat manifestatio nisi in genere, & non in specie. In Nouo autem

Testamento exigitur enarratio specierum & aliarum circumstantiarum propter maiorem expressionem veritatis & apparitionem gratiæ.

**A**D PRIMUM ergo dicendum, quod recognitio peccati semper est de iure naturali: & quoad hoc solum erat confessio in lege naturæ.

**A**D ALIUD dicendum, quod omnes tenebantur ad huiusmodi peccati recognitionem, & quod non negarent si deprehenderentur, vt habitum est ex auctoritatibus Gregor. in præcedenti articulo quæstionis inductis.

**A**D ALIUD dicendum, quod verum est, quod tunc non erat vsus clauium: tamen tunc operabatur passio & faciebat pœnam proportionabilem, quæ alias improporcionabilis fuisset: sed operabatur in fide credentium implicite vel explicite.

**A**D ALIUD dicendum, quod in lege veteri aliqua fuit confessio, sed non vt modo est in specie & circumstantia, sed in genere: & de hoc intelligitur dictum Isaia.

**A**D ALIUD dicendum, quod sacerdos non confitebatur peccata multitudinis nisi in genere: & in genere intelligit ea per modum sacrificiorum, & non per enarrationem oris.

**A**D ALIUD dicendum, quod diuersitas lepratum non significabat tunc quid erat faciendum, sed quid nunc in tempore gratiæ: & ideo non concluditur, quod tunc peccata in specie & circumstantiis confiterentur.

#### ARTICVLVS XV.

*An confessio sit actus virtutis, vel tantum sacramenti?*

**Q**uarto quæritur, Vtrum sit actus alicuius virtutis, vel tantum sacramenti? Et si sit actus alicuius virtutis, quæ sit illa? Videtur autem, quod est virtutis pœnitentiæ: quia est ad detestationem peccati: & virtus pœnitentiæ detestatur peccatum: ergo confessio est virtutis pœnitentiæ, vt videtur.

2 Item, Actus diffiniuntur per opposita, id est, obiecta: ergo quorum est idem obiectum, sunt actus eiusdem virtutis: sed peccatum perpetratum est idem obiectum confessionis & pœnitentiæ: ergo confessio est actus pœnitentiæ virtutis.

3 Item, Quorum est idem finis, sunt eiusdem virtutis si est finis proximus: sed idem est finis pœnitentiæ & confessionis, scilicet destructio peccati: ergo sunt vnius virtutis: non autem sic sunt vnius, quod ambo sunt vnius tertiæ virtutis actus: ergo ipsa virtus est pœnitentia, & actus eius est confessio, vel vnus de actibus, vt videtur.

4 Item, Aliqua virtus elicit hunc actum quæcunque sit illa: constat autem, vt dicit Tullius, quod virtus mouet in modum naturæ: ergo de necessariis sibi nihil omittit: sed necessarium ad expulsionem peccati est confessio: ergo hunc motum non omittit: ergo videtur, quod sit motus virtutis pœnitentiæ ipsa confessio.

*Sed contra* videtur, quod sit motus virtutis quæ est veritas: quia super illud Psalm. 50. Ecce enim veritatem dilexisti, &c. dicit Glossa. Veritatem: quia



quia non in te culpam refero, sed veritatem profiteor quam diligis : constat autem, quod dicere veritatem est virtutis quæ est veritas: ergo confessio est virtutis quæ est veritas.

2 Item ibidem alia Glossa, Hic pœnitens, quia in confitendo dixit veritatem quam Deus supra sacrificia quærit, supplicat sibi subueniri. Ex hoc accipitur idem quod prius.

3 Item, Actus veritatis aliquis proprius est, prout est in dictis. Constat autem, quod nullus nisi dicere veritatem : sed hoc præcipue fit in confessione: de omnibus enim quæ de se dicit, sine teste creditur pœnitenti : ergo confessio est actus veritatis, ut videtur.

4 Item, Oppositum veritatis quæ est in confessione, non est idem in pœnitentia, scilicet mendacium confessionis : ergo confessio non est actus pœnitentiæ.

5 Item, Dictum confitentis generat credulitatem in auditore: constat autem, quod hoc non facit nisi prout est sub forma veri : ergo videtur, quod confessio sit sub forma veri: hæc autem forma veri quæ est in actu, emanat ab aliquo habitu: constat autem, quod non nisi à veritate : ergo videtur, quod sit actus veritatis.

SED CONTRA utrumque istorum dicitur, quod nullius sacramenti actus necessario est alicuius virtutis: confessio autem est actus sacramenti: ergo non est actus alicuius virtutis.

2 Item, Nullus actus æqualiter procedens à vitioso qui non habet virtutem infusam nec consuetudinem, est actus virtutis : confessio est huiusmodi actus: ergo non est actus virtutis alicuius. Prima patet per se. Secunda autem probatur ex hoc quod aliquis volens recedere à peccato, & etiam alij non consuevit verum dicere, sæpe confitetur in veritate de omnibus peccatis suis. Et constat, quod tunc non habet virtutes infusas, nec etiam habet consuetudinem quæ veritas vocatur, quia illa non innascitur nisi per consuetudinem : ergo constat propositum.

3 Item, Circa difficile & bonum est virtus: sed non est difficile verum dicere : ergo non est circa illud virtus aliqua: ergo non est alicuius virtutis quæ sit veritas. Probatio mediæ. Difficilius est dicere contra mentem, quam secundum mentem: sed mentis dicit contra mentem, verus autem secundum mentem : ergo verus minus laborat, quam mentis : ergo constat propositum.

*Solutio.* SOLVITIO. Respondeo, quod dupliciter dicitur actus aliquis bonus & laudabilis esse alicuius virtutis, scilicet ut imperantis, & ut elicientis. Ut imperantis autem potest actus confessionis esse plurium virtutum: sed frequentius virtutis est quæ dicitur pœnitentia, de qua supra dist. 14. habitum est. Ut elicientis quidem est iste actus virtutis quæ dicitur veritas, ut probatur in obiciendo.

AD HOC ergo quod primo obiicitur, dicendum quod confessio quædam habet ex sui ratione & substantia, & quædam ex virtute imperante. Ex sui substantia non habet nisi simplicem narrationem veritatis: sed ex virtute imperante habet, quod sit cum detestatione peccati. Et adhuc addendum, quod secundum quod inducit rationem sacramenti, habet quod hæc enarratio sit facta ministro Ecclesiæ cum signis quibusdam signantibus peccati detestationem, & voluntatis obedientiam ad pœnitentiam exteriori suscipien-

dam per arbitrium sacerdotis: & sic quasi ex tribus conficiuntur illa quæ in confessione attenduntur. Sed obiectio bene procederet si ex sui substantia haberet hoc quod dicit.

AD ALIUD dicendum, quod illa materia datur sibi secundum imperium pœnitentiæ, & secundum esse sacramenti quod est in ipsa: simpliciter tamen ipsa est circa materiam quancumque in qua est forma veri.

AD ALIUD dicendum, quod non est idem finis proximus confessionis & pœnitentiæ, sed remotus: proximus enim finis est in quem terminatur actus, & ille est notitia quam generat in audiente: sed finis ultimus non facit, quod eadem sint specie vel numero, illa quæ sunt ad illum finem.

AD ALIUD dicendum, quod pœnitentia non deficit in ipso motu: sed non habet tamen nisi per modum imperij.

AD ALIUD dicendum, quod nihil prohibet aliquem actum esse & sacramenti & virtutis, secundum diuersas rationes: & hoc præcipue in hoc sacramento, quod ordinatur contra actuale peccatum, quod contrarium est virtuti quæ respicit actum liberi arbitrij. Vnde quantum ad ipsam simplicem enuntiationem veritatis, confessio veritatis est quæ est virtus: sed secundum quod est in tali foro & forma & cum signis talibus, est actus sacramenti: & hoc nihil prohibet.

AD ALIUD dicendum, quod iste actus non procedit à vitioso, sed ab habente veritatem aliquam vel in potestate liberi arbitrij, vel secundum gratiam, vel secundum habitum civilem. Si enim pœnitens est in charitate quando confitetur: tunc nulla est obiectio. Si autem verax ex consuetudine, etiam si sit in aliis vitiis: iterum nulla est obiectio: quia consuetudinalium vna meo iudicio habetur, alia non habita. Si autem nec consuetudinem habet: tunc dicendum, quod ille actus veritatis in confitente est à libero arbitrio potente in actum generatiuum virtutis consuetudinalis: licet enim virtutes secundum habitum & vitium sibi oppositum non simul insint, tamen actus ordinatus ad virtutem generandi, potest esse simul cum vitio, licet virtuti opposito: & ideo non est ille actus à vitioso in quantum vitiosus.

## ARTICVLVS XVI.

*An definitiones pœnitentia sint bene data?*

Quinto quæritur, Quid sit diffinitio & essentia? Inveniuntur autem plures diffinitiones confessionis, quas omnes quæ occurrunt ponemus. Diffinitur autem à Magistris qui precesserunt nos sic, Confessio est peccatorum sacramentalis delinquentis accusatio, ex erubescencia & per clauas satisfactoria, obligans ad peragendum pœnitentiam iniunctam. Alij autem predecessores nostri diffiniunt eam sic, Confessio est legitima peccatorum explanatio. Greg. Confessio est peccatorum detectio, & ruptio vulneris. Aug. sic, Confessio est per quam morbus latens, spe veniæ aperitur. Alij quidem nouitij, ut Raymundus, diffinierunt sic, Confessio est legitima coram sacerdote peccatorum declaratio.

Obiicitur



Obiicitur autem de prima diffinitione sic, Sacramentale est denominatiuum à sacramento: nulum autem denominans sit substantiale illi quod denominat: ergo sacramentum non est substantiale confessioni, quod falsum est, cum confessio sub sacramento sit sicut pars sub toto.

2 Item, Cum confessio sit actus virtutis morientis ad confessionem, ita deberet dicere, virtutis delinquentis accusatio, &c. sicut sacramentalis.

3 Item, Sicut se habet actus virtutis ad virtutem, ita se habet actus sacramenti ad sacramentum: sed nullus actus virtutis dicitur esse virtuosus, sed potius virtutis proprie: ergo nullus actus sacramenti debet esse sacramentalis, sed potius sacramenti.

4 Item, Intinctio non dicitur esse baptismalis, nec signatio confirmationalis actus: ergo videtur, quod nec confessio debet dici sacramentalis.

5 Item, Quare non denominatur à proximo genere, ita quod diceretur, confessio est poenitentialis delinquentis, &c. Videtur enim, quod sic fieri deberet: quia proximius se habet confessio ad poenitentiam, quam ad sacramentum in genere: ergo magis debuit denominari ab illa.

6 Item obiicitur de hoc quod dicitur, Delinquentis: confessio enim non videtur esse delinquentis, sed qui deliquit, & poenitet.

7 Item, Nullus delinquens in quantum huiusmodi, est poenitens: sed omnis confitens in quantum huiusmodi, est poenitens: ergo nullus poenitens in quantum huiusmodi, est delinquens: ergo confessio non est delinquentis.

8 Si forte tu dicas, quod intelligitur de delicto veniali, quo in multis offendimus omnes: sine quo ut dicit August. vita non ducitur. Contra: Huiusmodi delinquentis actus est oratio & alia multa: ergo sicut cadit in diffinitione confessionis, ita cadere deberet in definitione orationis, contritionis, charitatis, & omnium aliorum.

9 Præterea, Hæc est per accidens secundum istam expositionem, confessio est sacramentalis delinquentis accusatio: quia sensus est, eius qui quotidie delinquit: nihil autem per accidens debet poni in diffinitione, præcipue quod est per accidens huiusmodi, quia hoc infinitum est, & nihil per ipsum potest notificari: ergo male dixerunt antiqui diffiniendo, quod confessio est accusatio delinquentis.

10 Vltèrius obiicitur de hoc quod dicitur, Accusatio. Apud rhetorem enim & civilem non est idem accusans & reus: hic autem ut reum se præsentat confitens: ergo videtur, quod non sit accusans: ergo confessio non est accusatio.

11 Item, Nullus accusatur iuste in iudicio cui non conceditur locus defensionis: si ergo confitens accusatur ab aliquo, siue ab alio, siue à seipso, debet ei in eodem foro concedi locus defensionis: & ita non erit vitium confessionis si sit cum defensione peccatorum, quod falsum est, cum dicat Psal. 140. Non declines cor meum in verba malitiæ ad excusandas excusationes in peccatis. Præterea quæritur, Cum conscientia sit testis, quare non dicitur, testificatio sicut accusatio?

12 Vltèrius quæritur de hoc quod dicit, Ex erubescencia. Quia hoc non videtur esse substantiale confessioni: quia non omnes possunt habere erubescencia.

D. Alber. Mag. in Lib. 4. Sentent.

13 Item, Sicut se habet dolor sensibilis ad contritionem, ita se habet erubescencia ad confessionem: sed contritio non diffinitur per dolorem sensibilem: ergo nec confessio est diffinienda per erubescencia, ut videtur.

14 Item, Super illud Psal. Tu scis imperium meum & confusionem meam, &c. distinguit August. in Gloss. inter erubescencia siue verecundiam, & confusionem: quia confusio est cum remorsu conscientie, quando vera obiiciuntur. Erubescencia autem est, quando falsa obiiciuntur cum verecundia. Cum ergo confitens verecundetur cum remorsu conscientie, videtur quod potius debuit dicere, ex confusione, quam erubescencia.

15 Item, Non videtur esse verum, quod ex hac erubescencia sit satisfactoria: quia erubescencia illa passio etiam corporalis est: & nulla passio corporalis est meritoria: ergo ex illa satisfactoria non est confessio.

16 Vltèrius quæritur de hoc quod dicit, Per claves. Quod enim sine clauibus est satisfactorium, non habet vim satisfaciendi per claves: confessio est huiusmodi: ergo non habet vim satisfaciendi per claves. Prima patet per se. Secunda probatur: quia in Veteri Testamento non fuerunt claves, & tamen fuit ibi aliquo modo confessio sacramentalis: & in Nouo Testamento quandoque fit confessio non habenti claves, & tamen satisfactoria est confessio.

17 Præterea obiicitur de hoc quod dicitur, Satisfactoria. Quia satisfactio est pars condiuidens poenitentiam cum confessione: ergo vna non debet poni in diffinitione alterius.

18 Item, Quæ diuersa sunt specie, horum actus & effectus proprii sunt diuersi: confessio & satisfactio diuersæ sunt specie: ergo actus earum & effectus proprii sunt diuersi: constat autem, quod satisfactionis actus propriissimus est satisfacere: ergo ille actus non est confessionis: ergo confessio non est satisfactoria, ut videtur.

19 Vltèrius quæritur de hoc quod dicit, Obligans, &c. Confitens enim non est obligatus ex hoc quod confitetur, sed potius ex voluntate sequenti, qua auditam & taxatam sibi recipit satisfactionem: ergo confessio non est obligans, ut videtur.

20 Item, Si obligat ad satisfactionem: ergo omnis confessio obligat ad illam. Ponamus ergo, quod aliquis sæpe confiteatur idem peccatum pluribus sacerdotibus, & illi diuersas iniungant poenitentias, quarum quælibet per se sufficeret: ergo iste obligatur ad omnes illas peragendas: ergo ex confessione obligatur ad maiorem poenitentiam, quam ex peccato sustinere debeat. Et hoc est inconueniens, cum confessio aliquid diminuat de pœna peccato debita secundum se.

21 Item, Siue iniuncta est insufficiens, vel nimis magna: adhuc videtur, quod obligetur ad illam: & sic confessio grauaret eum, & non alleuiaret, quod est valde inconueniens.

22 Item obiicitur de hoc quod dicit, Iniunctam. Videtur enim ex hoc quod non possit mutari per alium poenitentia illa: & hoc falsum est.

23 Item, Videmus de iniunctis poenitentiis tota die fieri relaxationes per indulgentias: ergo videtur, quod confitentes non obligantur ad peragendum poenitentias iniunctas.

E e De



De secunda autem diffinitione obiicitur, quæ dixerunt antiquiores, quod confessio est legitima peccatorum explanatio. Legitima enim est quæ lege docetur, vel lege editur: & modum confessionis non inuenimus expressum in noua vel veteri lege: ergo videtur, quod non sit legitima explanatio peccatorum.

2 Item videtur, quod non sit tantum peccatorum: quia etiam circumstantias aliquando confiteri tenetur: & sic videtur esse diminuta.

3 Item, Non videtur esse explanatio, sed simplex enarratio: non enim exponit peccata confitens, sed simpliciter enarrat.

Obiicitur etiam de illa quæ est Gregorij de hoc quod dicit, Peccatorum detectio. Cum enim detegere peccatum ordinetur ad scandalum proximi, videtur quod peccata non sunt detegenda, sed potius tegenda.

2 Item, Isa. primo vituperantur qui detegunt peccata sua, cum dicit, Peccatum suum sicut Sodoma prædicauerunt, nec absconderunt, Ergo confessio non erit detectio.

3 Vltius quæritur de hoc quod dicit, Ruptio vulneris. Hæc enim locutio metaphorica est: ergo non debet poni in diffinitione eius cui aptatur metaphora: hæc autem est confessio: ergo non debet poni in diffinitione confessionis.

4 Item, Constat, quod idem est non differens nisi per locutionem significatiuam, detectio peccati & ruptio vulneris: ergo neutrum contrahit alterum: sed detectio peccati potest fieri bene & male, & confessio non nisi bene: ergo communis se habet peccati detectio, quæ confessio, & contrahitur: ergo diffinitio non est conuertibilis cum diffinito: ergo non est propria ipsius: quod est inconueniens, siue sit diffinitio, siue descriptio per propria.

Vltius quæritur de illa quæ est August. Confessio est per quam morbus latens, spe veniæ aperitur. Non enim confessione tantum aperitur morbus latens, sed etiam morbus apertus: quia generalis est confessio de omnibus, siue occultis, siue apertis: ergo male dicit, Morbus latens.

2 Item, Si latens est: tunc quæritur, Quem est latens? Aut sacerdotem & alios: aut sacerdotem solum, vel alios solos. Et quodcumque istorum datur, non erit confessio de crimine aperto sacerdoti & aliis, vel sacerdoti soli, vel aliis solis, quod est inconueniens, cum de omnibus sit confessio.

3 Præterea quæritur de hoc quod dicit, Spe veniæ. Quia ut frequenter, confessio fit magis timore pœnæ: ergo diffinienda erat per pœnæ timorem.

4 Item demus, quod iste non confiteatur spe veniæ: & tamen nihil eorum quæ fecit, celet sacerdoti: ergo iste non erit confessus, & tenetur iterare confessionem, quod non dicitur.

5 Vltius quæritur de hoc quod dicit, Aperitur. Videtur enim, quod magis clauditur: quia illud quod dicitur in confessione, sigillo confessionis clauditur: ergo non aperit.

Vltius quæritur de vltima, quæ dicit, quod est legitima peccatorum coram sacerdote enarratio. Videtur enim, quod non semper sit coram sacerdote, cum dicatur Iacobi vltimo, Confitemini alterutrum peccata vestra. Et ibi dicit Gloss. Maiora maioribus, minora minoribus. Et non dicit, quod semper debeat fieri sacerdoti. Et quia

de hoc magnus occurrit tractatus in sequenti diffinitione ista sufficiant.

SOLVITIO. Dicendum, quod prima diffinitio melior est omnibus aliis: quia colligit essentialia omnia, & subiectum proprium, & finem, & ea vnde trahit virtutem delendi peccatum. Essentialia enim sunt ea quæ tanguntur cum dicitur, Sacramentalis accusatio. Accusatio enim genus est, & sacramentalis differentia distinguens ab accusatione ciuili & rhetorica. Delinquentis autem contrahit sicut subiectum specificat passionem: quia sicut dicit Commentator super 7. metaph. Subiectum proprium in diffinitione passionis est loco differentie vltimæ quæ conuertibilis est, ut dicit Philosophus in 7. primæ Philosophiæ. Ea autem vnde trahit virtutem delendi peccatum, sunt erubescencia & clauus: finis autem eius est ut taxetur satisfactio ad quam obligat se peragendam.

AD HOC ergo quod primo obiicitur de hoc quod dicit, Sacramentalis, dicendum quod differentia contrahens per modum qualitatis est in diffinitione, licet sit qualitas essentialis: & quia accusatio non est sacramentum proprie, sed actus eius, ideo non est qualitas essentialis sacramenti nisi informatiue & denominatiue: & ideo licet confessio secundum se sit sacramentum, tamen quia diffinitur hic per actum, & actus denominatur à sacramento, ideo denominatiue diffinitur. Vel potest dici, quod sacramentale, sicut & rationale dicitur dupliciter, scilicet ut differentia quæ facit sacramentum esse sacramentum: & hoc modo non prædicatur denominatiue de diffinito, sicut nec rationale, quando dicitur, homo est animal rationale: & ita dicitur hic accusatio sacramentalis, quæ est sacramentum quoddam, sicut animal rationale animal quoddam: & non ponitur sacramentale ut denominans, sed potius in actu differentie constituentis. Alio modo dicitur sacramentale à potentia sacramenti consequente esse sacramenti ipsius: & de illo verum est, quod est denominatiuum, sicut & rationale acceptum de potentia ratiocinandi consequente esse hominis: & per hoc patet solutio ad primum.

AD SECUNDVM dicendum, quod falsum supponitur in obiectione: quia actus quandoque denominatur à virtute: vnde dicitur actus virtualis vel virtutis: & tamen si non fieri concedatur, soluendum est sicut præcedens.

AD ALIVD dicendum, quod tinctio sacramentalis dicitur baptismus, sed non baptismalis proprie: quia baptismus nominat totam speciem sacramenti, & non solam differentiam ipsius quæ significabilis est per modum qualitatis, sed non species: & ita dicitur hic sacramentalis & non pœnitentialis: & per hoc patet solutio ad sequens.

AD HOC quod obiicitur de hoc quod dicit, Delinquentis, soluendum est quod dicitur hic delinquentis secundum habitum, non secundum actum: non ita quod habeat habitum peccatorum, sed quia habuit ipsum, & est in mutando eum in habitu virtutum: & talis bene potest esse in statu pœnitentiæ.

AD ALIVD dicendum, quod verum est, quod nullus delinquens in actu est pœnitens, sed delinquens modo prædicto potest esse pœnitens.

AD ALIVD dicendum, quod bene concedo, quod non intelligitur de delicto veniali.



AD HOC quod ulterius quaeritur obiiciendo de accusatione, dicendum quod aliud est in foro poenitentiae, & aliud in foro iudicii. In foro enim poenitentiae nulli quantumcunque veraci creditur contra confitentem, sed tamen sibi creditur contra se: & ideo statuitur accusationi confitentis. Sed in foro iudicii exterioris totum econtra: quia homini nihil creditur ibi pro se, sed potius alij qui exceptione est maior: & ideo in illo iudicio alius est accusans, & alius est reus & accusatus.

AD ALIUD dicendum, quod quando accusatio fit post convictionem, non datur locus defensionis. Et simile est in confessione: quia accusatio est testimonium convincens confitentem per relationem ad conscientiam: & ideo nullus datur sibi locus defensionis.

AD ALIUD dicendum, quod erubescencia duplex est, scilicet spiritualis, & illa quae relinquit passionem in corpore. Spiritualis autem timor est in turpi accusatione ne manifestetur, vel cum manifestatur: sicut trahi potest de verbis Damasc. & illa quae est spiritualis exigitur ad confessionem, & non illa quae fit in corpore per exteriorum ruborem: sicut enim in praecedentibus habitum est, illa variatur secundum hominum diversam complexionem.

AD ALIUD dicendum, quod illa probatio satis bona est: quia conceditur, quod non exigitur nisi erubescencia spiritualis.

AD ALIUD dicendum, quod Glossa illa propriissime accipit confusionem & erubescenciam: sed hic communiter sumitur erubescencia pro confusione.

AD ALIUD dicendum, quod passio secundum quod est facta & voluntate informata, etiam si sit illata, meritoria est, sicut patet in quaestione praecedenti de contritione.

AD ALIUD dicendum, quod confessio quae non subiicitur clauibus actualiter, non est simpliciter confessio, sed secundum quid: & bene concedo, quod in Veteri Testamento non fuit confessio nisi secundum quid: & ratio huius patet ex praecedenti articulo quaestionis. Confessio autem quae fit alij quam sacerdoti, non est confessio nisi in quantum supplet locum confessionis: sicut baptismus poenitentiae, non est baptismus nisi in quantum supplet locum baptismi.

AD ALIUD dicendum, quod alius modus satisfactionis est in confessione, & alius est in ea parte quae stricte dicitur satisfactio: quia in confessione est satisfactio per mortem & passionem Christi de parte poenae quae improporcionabilis est, & ideo inarbitrabilis: sed in satisfactione est delicti delicti poenae taxata. Nec est inconueniens, quod contritio & confessio induant aliquo modo satisfactionis rationem, secundum quod large sumitur satisfactio: quia sicut supra habitum est, poenitentia aliquo modo totum hominem est in suis partibus: & sic poena satisfaciens est in omnibus tribus.

AD ALIUD dicendum, quod illae partes mediae sunt inter diuersas & homogenias: & ideo cum non omnino sint diuersae, non tenet id quod obiectum est. Et huius ratio valde de facili patet si respiciatur id quod notatum est de partibus illis in principio huius distinctionis.

AD ALIUD dicendum, quod in veritate vo-

*D. Alb. Mag. in Lib. 4. Sentent.*

luntas amplectendi poenitentiam iniunctam significatur in confessione: quia sicut praeposit sibi secundum rationem & tempus contritionem in re vel in praesumptione sacerdotis, ita coexigit voluntatem obediendi in susceptione iniunctae satisfactionis: & ideo ex ipsa confessione ratione eius quod exigit in poenitente, obligatur ad illam.

AD ALIUD dicendum, quod sacerdotes proprios nullus poenitens & confitens habet plures, sed vnum solum, & illius solius tenetur poenitentiam peragere, quae est iniuncta secundum canonum statuta: quia alias non proprie dicitur iniuncta satisfactio. Si autem alij ex abundanti confiteretur, ille debet inquirere iniuncta a proprio sacerdote, & nihil superordinare si secundum canonum statuta iniuncta est.

AD ALIUD patet solutio per iam dicta: quia non est satisfactio proprie, nisi quae est secundum arbitrium canonum vel canonici sacerdotis, & non secundum arbitrium voluntatis hominis, quam iniungit aliquis ignorans vel malitiosus.

AD ALIUD dicendum, quod ex causa mutari potest iniuncta ab eo qui habet auctoritatem: sed tunc perficit eam in aequivalenti vel simpliciter vel secundum reputationem Ecclesiae. Per habitam patet etiam solutio ad sequens & ad ultimum: quia indulgentiae sunt in commutationibus secundum aequivalens in reputatione Ecclesiae, vel simpliciter.

AD ID quod obiicitur de secunda, dicendum quod illa non colligit nisi essentialia constituenta confessionem. Ad id autem quod primo obiicitur, dicendum quod legitima dicitur a lege ordinante modum accusationis in foro confessionis: & haec quidem lex in vniuersali promulgata est a Deo, ut patuit supra cum disputaretur, cuiusmodi praepceptum esset quod est de confessione: sed hoc quod vniuersaliter dictum est a Deo, explanatum & interpretatum est ab Ecclesiasticis Doctoribus & Praeclatis: & ideo legitima dicitur & lege veteri & lege noua & lege patrum.

AD ALIUD dicendum, quod circumstantia aliquid peccati ponit: & ideo peccatum secundum se non explanatur, nisi circumstantiis suppositis, ut dicitur infra in hac eadem distincta.

AD ALIUD dicendum, quod non est enarratio simplex, sed oportet ut explanetur modus, ut intelligat sacerdos quantitatem criminis. Enarratio autem simplex ad hoc non sufficit.

AD ALIUD autem quod obiicitur de tertia quae est Gregor. in moralibus, tractantis illud Isa. 38. Iussit Isaias ut tollerent massam de ficis & cataplasmaerent super vulnus, &c. Dicendum, quod non est diffinitio vel descriptio, sed potius quaedam adaptatio allegoriae. Et per hoc patet solutio ad primum.

AD ALIUD dicendum, quod est peccati ut peccati detectio, & detectio eius quod est peccatum. Peccatum autem ut peccatum non detegitur nisi in confessione sacerdoti: sicut naturae morbus ut morbus non detegitur nisi medico, vel ei qui est in loco medici in consilio & adiutorio medicinae. Sed id quod est peccatum, detegitur quandoque iactanter: sed tunc detegitur ut laudabilis actus, secundum quod laudabile est apud eos qui latantur cum malefecerint, & exultant



tant in rebus pessimis. Et de illis loquitur Proverb. 2.

AD ALIVD dicendum vt prius dictum est,

AD ALIVD dicendum, quod si per se intelligatur locutio, tunc conuertibilis est vt proprium, sed non vt diffinitio: quia bene videtur mihi, quod Gregor. diffinire confessionem vel describere non intendit.

AD ID quod vterius quæritur de quarta, dicendum quod illa data est in comparatione ad mouens siue inclinans ad confessionem: hoc enim est spes veniæ. Ad id autem quod contra obiicitur, dicendum quod aperitur & clauditur peccatum in confessione: clauditur enim ab aliis, sed aperitur ei qui est in loco Dei: & hoc vocat August. hic apertionem.

AD ALIVD dicendum, quod etiam si sciatur, non tamen scitur per modum conuictionis: sicut etiam iudex non iudicat de hoc quod scit vt homo, sed de hoc quod scit vt iudex. Similiter peccatum dicitur latens quando de eo non potest fieri iudicium: quia in foro illo, scilicet confessionis non est denuntiaturum.

AD ALIVD dicendum, quod non est ita essentialis timor confessioni sicut spes: timor enim si solus esset, non inclinaret ad confessionem, sed potius ad taciturnitatem propter desperationem: & ideo non erat ita diffinienda confessio per timorem sicut per spem.

AD ALIVD dicendum, quod si aliquis sine spe confiteatur, non tenetur iterare confessionem, propter hoc quod sacerdos scit quicquid fecit: sed desperationem tenetur confiteri eidem. Si autem alij confiteatur, cum ipse non acceperit satisfactionem condignam, dico quod in toto cum spe opinata ad minus tenetur facere confessionem.

AD ALIVD patet solutio per ante dicta: quia id quod dicitur in confessione, ei clauditur & aperitur.

AD ID quod quæritur de vltima, dicendum quod est eadem cum secunda, nisi quod apponit proprium auditorem confessionis qui est sacerdos.

AD ID autem quod contra obiicitur, dicendum quod maiora in Gloss. dicuntur peccata mortalia, & minora dicuntur venialia quæ non tenentur confiteri nisi in generali confessione: & hæc est confessio non confessio simpliciter, sed secundum quid: & ita patet solutio ad omnia quæ sita.

## ARTICVLVS XVII.

*An aliquis & quis articulus fidei moueat ad confessionem?*

Sexto quæritur, Quis articulus fidei moueat ad confessionem? Videtur autem, quod ratione eius qui est, Vitam æternam: spes enim est de vita æterna: quia spes veniæ, vt patet ex diffinitione August. mouet ad confessionem ex parte fidei: ergo videtur, quod articulus de vita æterna moueat ad confessionem ex parte fidei.

2 Item videtur, quod aut ille, aut qui est de pœnis moueat ad confessionem: sed timor pœnæ non est laudabilis, quia dicit August. de tali

timore, quod nemo inuitus bene facit et si bonum est quod facit. Cum igitur confessio sit de rebus laudabilibus, videtur quod magis ad eam moueat fides vitæ æternæ, quam pœnarum æternarum.

Sed contra vtrumque horum videtur obijci: passio enim Christi operatur in clauibus, & per clauem est confessio satisfactoria: ergo videtur, quod fides moueat ad confessionem ratione passionis Christi.

Videtur autem, quod ratione illius, Qui venturus est iudicare viuos & mortuos: quia hoc iudicium præuenit in se confitens, & aperit peccata ne in iudicio omnibus aperiantur: ergo si fides mouet ad confessionem, videtur quod hoc faciat ratione illius articuli qui est de iudicio.

Solutio. Dicendum ad hoc, quod fides <sup>solutio.</sup> præcipue mouet ad confessionem ratione articuli qui est de vita æterna: quia in spe veniæ propter vitam æternam confiteretur, quæcunque confiteretur.

AD ID autem quod contra obiicitur, dicendum quod passio effectum dat confessioni, & fides illuminat ad hoc quod credatur talis effectus esse in clauibus: sed tamen ratione illius non mouet ad confitendum: quia confitens non confiteretur propter hoc, sed ideo quod sperat se propter hoc consequi veniam peccatorum.

AD ALIVD dicendum, quod ille articulus adiuuare potest: sed tamen principalis non est in mouendo: quia non consequeretur veniam ex hoc, cum hoc magis sit inductiuum timoris quam amoris.

## ARTICVLVS XVIII.

*Cui attributo in Deo innititur confessio?*

Septimo & vltimo quæritur, Cui innititur attributo confessio in Deo? Videtur autem, quod sapientiæ & veritati: quia veritas creata exemplificatur & causatur à veritate increata: sed veritas creata est in confessione: ergo causatur à sapientia & veritate increata: ergo illi maxime innititur.

2 Item, Confessio dicitur debere esse prudens: & constat, quod omnis prudentia exemplariter exit à sapientia: ergo & confessio.

Contra: Confessio fit spe veniæ: ergo tota innititur misericordiæ & bonitati.

Responsio. Ad hoc dicendum, quod in <sup>Solutio.</sup> veritate pœnitentia in tribus partibus suis configuratur Trinitati increatæ: compunctio enim siue contritio quæ ex modica pœna commutat æterna tormenta, tota innititur bonitati quæ attribuitur Spiritui sancto. Confessio autem quæ legitima est & prudens computatio peccatorum vt æstimeretur ad pœnitentiam, respondet sapientiæ quæ attribuitur Filio: & satisfactio quæ secundum vires amplectitur iniuncta, fulcitur potentia quæ Patri appropriatur. Concedantur ergo duæ primæ rationes, licet non sint multum validæ ad hoc probandum.

SED AD aliud dicatur, quod licet motiuum ad confessionem innitatur misericordiæ, tamen ipsa confessio facta magis comparatur sapientiæ propter causam dictam: non enim est verum, quod si motiuum ad illud respondeat bonitati, quod



quod etiam ipsum secundum se respondeat. Et est instantia: quia spes ædificandi Ecclesiam bonitati innititur & charitati: & tamen studium & doctrina ad quæ illa spes inclinat, exemplata sunt à sapientia diuina.

## ARTICVLVS XIX.

*An sufficiat per Ioannem facta institutio ad satisfactionem.*

**D**Einde quæritur de hoc quod dicit ibi [Satisfactio à Ioanne præcipitur, ubi ait, Facite dignos fructus pœnitentiæ, &c.] Et quæremus hic tria, eo quod multa ante habita sint de satisfactione, & iterum postea habebuntur. Primum horum est, Vtrum sufficiat ad satisfactionem institutio facta à Ioanne? Secundum autem, Vtrum satisfactio sit in præcepto, vel non? Tertium autem, Qui sunt digni fructus pœnitentiæ, & vtrum sit idem satisfacere, & dignos fructus pœnitentiæ facere?

Videtur autem circa primum, quod non sufficiat: quia satisfactio est pars sacramenti pœnitentiæ: sed in hoc sacramento exigitur institutio diuina: ergo etiam in satisfactione.

2 Item, Effectus gratiæ non est nisi à Deo, vt dicit Bernard. super Cantic. Sermone 5. ergo vas etiam necessario continens gratiam, dummodo non sit fictus qui accidit: ergo illud non est determinare nisi Dei: constat autem, quod satisfactio sacramentalis est etiam pars sacramenti: ergo videtur, quod non sufficiat institutio Ioannis.

3 Aliter autem obiicitur ad idem: semper enim necessaria fuit satisfactio peccanti actualiter: ergo etiam ante Ioannem: non ergo præcipitur à Ioanne, vt videtur, sed ante eum fuit in præcepto.

4 Item, Satisfactio aut responderet peccato naturæ, aut peccato personæ. Constat autem, quod non peccato naturæ: quia pro illo non potest satisfacere purus homo, vt probat Ansel. in lib. cur Deus homo. Si respondeat peccato personæ: ergo obligat personam secundum se in quolibet statu suum peccatum ad satisfaciendum: ergo videtur, quod non præcipitur à Ioanne tunc primo quando incepit fides Noui Testamenti prædicari.

5 Item, Satisfactio est de iure naturali: ergo hanc non opinio genuit, sed vis innata inferuit: ergo non est instituta à Ioanne, vt videtur.

*Solutio.* **R**ESPONSIO. In satisfactione tria sunt considerata, scilicet pro quo satisficit, & quis status, satisfaciens, & cui satisficit. Id pro quo satisficit, semper fuit, ex quo cœpit peccatum intrare in mundum, & non fuit in ea diuersitate nisi in quantitate peccatorum. Sed status satisfaciens non semper fuit vnus: & cum statui illi respondeat per congruentiam modus satisfaciendi, non fuit vnus: cum enim omnis nostra satisfactio vim trahat à satisfactione Christi, sicut dicit Ambrosius. & ponitur in 3. lib. distinct. 19. cap. Peccata quoque nostra, &c. Et ibi multa sunt notata quæ dicuntur illuminantia. Et quia omnis nostra pœnitentia trahit vim à pœna & satisfactione sua: ideo illi pœnæ futuræ quæ nondum erat nisi in

D. Alb. Mag. in Lib. 4. Sentent.

fide satisfaciens congruus erat modus præsignans pœnam illam & satisfactionem: sicut in lege naturæ per sacrificia & figuras, etiam in lege Moyli per cæmonias. In lege autem noua quæ incipit à Ioanne, sicut dicitur Matth. 11. Lex & Prophetæ vsque ad Ioannem: à diebus autem Ioannis Baptiste regnum cælorum vim patitur, & violenti rapiunt illud. A diebus, inquam, illis congruus modus est per imitationem Christi satisfactio, eo quod ex tunc cessauit præsignatio futuri, & manifestata est veritatis forma quam imitemur. Cui autem satisficit, Deus est, semper vno modo se habens. His prænotatis non est difficile respondere obiectionibus.

**A**D PRIMVM igitur dicendum, quod aliter denuntiatur satisfactionis modus, & aliter instituitur: à Ioanne non fuit nisi denuntiatus, sed à Christo institutus, cum dicitur, Pœnitentiam agite Matth. 4.

**A**D ALIVD dicendum, quod secundum quod satisfactio sacramentalis est & vim habens à passionem Christi, habet à Deo institutionem: sed non oportet vt alia & alia institutione: quia vna institutione instituuntur totum & partes: vnde ipsa institutionem habet in suo toto quod est pœnitentia. Dicunt tamen quidam, quod ibi instituit, ubi dixit leproso, quod offerret pro emundatione sua quod instituit Moyles Luc. 5. sed hoc non est verum, nisi de figuratiua institutione.

**A**D ALIVD dicendum, quod satisfactio secundum se abstrahens ab hoc modo & ab illo, semper fuit, etiam ante Ioannem: sed prout accepta consideratur cum modo significationis vel imitatione veritatis, non fuit semper: & quantum ad hunc modum promulgatur à Ioanne, & confirmatur à Christo, vt dicit Magister in litera.

**A**D ALIVD dicendum, quod illa obiectio non concludit, nisi quod semper oportuit satisfacere ex parte satisfaciens, & ex parte eius cui satisficit: & hoc bene concedendum videtur, quia non variatur nisi in modo, vt dictum est, quia ad Christum satisfaciens à quo nostra satisfactio vim trahit, illi respicere non poterant, nisi præsignando eam in signis. Hi autem qui à diebus Ioannis fuerunt, respicere ad ipsum non poterunt, nisi imitando formam veritatis quæ manifestata est in ipso.

**A**D ALIVD dicendum, quod satisfactio secundum se est de iure naturali, quod non opinio genuit, sed innata vis inferuit: sed modus satisfaciendi qui dictus est, totus est sacramentalis, & diuinus, & ideo ille variatus est secundum tempora diuersorum sacramentorum.

## ARTICVLVS XX.

*An satisfactio sit in præcepto?*

**S**ecundo quæritur an sit in præcepto? Videtur autem, quod non: quia dicit Hieronymus, Anathema sit, qui dicit Deum aliquid impossibile præcepisse: sed impossibile est satisfacere: ergo satisfactio non est in præcepto. Probatio media. Offensa crescit secundum eum in quem peccatur: sed Deus est infinitus in omnibus suis attributis: ergo offensa sui est infinita: ergo non

E e 3 contingit



contingit satisfacere pro aliquo peccato, quia pro infinito nihil possumus rependere.

2 Item, Dicit Philosophus in quinto ethic. quod percutiens principem, non contrapartitur tantum, sed morte condemnatur: ergo multo magis si offendit in infinitum maiorem, quam sit aliquis princeps: Deus autem in infinitum maior est: ergo offendens Deum plus debet soluere in infinitum: sed hoc non contingit soluere: ergo non præcipitur soluere, quia incassum præciperetur.

3 Item, Ipsum nomen satisfactionis videtur hoc ostendere: quia satisfacere dicitur facere satis: sed nunquam est satis, nisi sit secundum æstimationem peccati & offensæ: sed hoc in infinitum est, ut iam probatum est: ergo non est satisfactio nisi solvatur in infinitum: hoc autem soluere non contingit: ergo videtur, quod præcipi non debeat.

4 Item, Alia via probatur hoc idem. Ponamus enim, quod aliquis pluribus de causis sit debitor alicuius, scilicet quod debeat ei ex iure servitutis, quod est ut nihil possideat nisi titulo domini, & corporaliter sit servus glebæ, & tunc teneatur ei ex mutuo: quia nihil habet, nisi quod mutuo ab ipso accepit: & non plus accepit mutuo, quam habet in ipsis bonis: & iterum tertio debeat ei ex offensa, quia de rebus domini offendit eum gravissime: constat, quod ille satisfacere non potest. Quia si dicas, quod satisfaciet de bonis suis: contra hoc est, quia illa domini sunt. Si de persona: contra hoc est, quod servus est de persona, & totum debet domino etiam præter rationem offensæ. Sed constat, quod similis casus est in homine in comparatione ad Deum: ergo videtur, quod homo de peccato Deo satisfacere non possit: ergo non præcipitur ei.

*Quæstio-  
cula.*

**PRÆTEREA.** Si præcipitur, quærat, ubi præcipitur, in Novo vel in Veteri Testamento? Si dicatur quod ibi, Pœnitentiam agite. Contra: Pœnitere non est satisfacere: quia aliquis pœnitet de eo de quo tamen nunquam cogitat satisfacere.

Si dicas, quod ibi ubi Dominus præcepit leproso, ut pro emundatione sua offerret quod Moyses constituit. Contra: Quod constituit Moyses non respondebat quantitati peccati: ergo non erat satisfactum.

Si dicas, quod à Ioanne præcipitur Matth. 3. ubi dicitur, Facite dignos fructus pœnitentiæ, &c. sicut Magister videtur dicere in litera. Contra: Digni fructus pœnitentiæ in eadem impossibilitate sunt, in qua est satisfactio: ergo nec illos contingit facere: ergo non præcipitur.

Si dicas, quod inuenitur Matth. 12. ubi dicitur, quod de omni verbo otioso quod locutus fuerit homo, reddet rationem in die iudicii. Contra: Sicut habitum est, non contingit rationem reddere de infinito: & peccatum mortale est infinitæ offensæ: ergo non contingit rationem reddere de illo.

*Sed con-  
tra.*

**SED CONTRA:** Cuiuscunque debiti contingit soluere tantum & decuplum, ipsius contingit esse solutionem sufficientem: peccati autem contingit soluere tantum & decuplum: ergo peccati contingit esse solutionem sufficientem: ergo potest præcipi, & debet præcipi satisfactio. Probatio mediæ. Baruch. 4. Sicut enim fuit sensus ve-

ster ut erraretis à Deo decies, tantum iterum convertentes requiretis eum.

2 Item, Matth. 18. Oblatus est vnus qui debebat decem millia talenta, & ille dixit. Patientiam habe in me, & omnia reddam tibi. Ergo contingit reddere: ergo & satisfacere.

**SOLUTIO.** Dicendum, quod licet quidam *solutio.* constituent hic magnam vim: tamen in veritate parua vis est in quæstione, & ex habitis in præcedenti de facili est determinabilis, distinguendo quod duplex est modus satisfactionis, scilicet ad æstimationem offensæ, & ad voluntatem & arbitrium eius cui satisficit: & primo modo non contingit satisfacere, nec præcipitur: sed secundo, sicut dicitur Michæ 6. Indicabo tibi homo quid sit bonum, & quid Deus requirat à te. Quasi diceret, Non quod iustum est, sed quod requirit quod sufficit sibi. Et hoc confirmatur ex hoc quod habetur Luc. 7. Duo debitores erat cuidam sceneratori: vnus debebat denarios quingentos, & alter quinquaginta: non habentibus autem illis unde redderent, donavit vtrisque. Et Matth. 18. ubi dicitur, quod misertus est Dominus serui illius, & dimisit ei vniuersum debitum. Ad omnia igitur quæ post inducta sunt, patet solutio: quia illa non probant, nisi quod non contingit satisfacere secundum peccati perpetrati æstimationem: & hoc quidem est verum: & propter hoc totum est gratiæ quod sumus, sicut dicitur 1. Cor. 15. Gratia Dei sum id quod sum.

**AD ID** autem quod quæritur, Vbi præcipitur? *Ad quæ-  
stionem  
lam.* Dicendum, quod in multis locis: tamen secundum quod est sacramentalis modus satisfactionis, sicut dicit hic magister, dico quod promulgatur à Ioanne & confirmatur per præceptum à Christo Matth. 4. ibi, Agite pœnitentiam, &c.

**AD HOC** autem quod contra obiicitur, dicendum quod pœnitere dicitur dupliciter, vel etiam tripliciter. Vno enim modo pœnitudo in actu perpetrato signum est inuoluntarij per ignorantiam, quod meretur misericordiam & veniam, ut dicitur 2. ethic. Secundo modo est pœnitudo alicuius perpetrati non satisfaciens propter iniuriam, quando non vult satisfacere læso, vel propter desperationem, ut Iudas pœnituit. Tertio modo est pœnitentia afflictio sui cum proposito confitendi, & satisfaciendi pro malo commisso. Et hæc solummodo pœnitentia sacramentum & virtus est: & hanc præcepit Christus, quia hæc sola fructum inuenit salutis: & in illa præcipitur totum quod exigitur ad ipsam, scilicet confessio, & satisfactio. Posset tamen dici, quod Matth. 7. præcipitur, ubi dicitur, Contendite intrare per angustam portam, &c. & Matth. 25. ubi dicit, quod rationem posuit cum seruis suis, qui acceperant bona sua.

**AD ID** autem quod contra obiicitur, dicendum quod non contingit soluere decuplum peccati intensiue, sed quasi extensiue per discretionem vel distinctionem, quia in decem præceptorum obedientia: & iste est sensus Baruch.

**AD ALIUD** dicendum, quod seruus ille non intendit, quod redderet secundum damni illati æstimationem, sed potius secundum æstimationem misericordiæ requirentis debitum: & ideo præmisit dicens, Patientiam habe in me, & omnia reddam tibi. Et per hoc patet solutio ad totum.



ARTICVLVS XXI.

*An idem sit satisfacere, & dignos fructus  
pœnitentie facere, & qui sunt  
fructus digni pœni-  
tentie?*

**T**ertio queritur, Qui sunt digni fructus pœnitentie? & utrum idem sit satisfacere, quod dignos pœnitentie fructus facere? Dicit autem Auctor in litera, & est in Gloss. super Matth. 3. quod digni fructus pœnitentie sunt, ut secundum qualitatem & quantitatem culpæ sit qualitas & quantitas pœnæ. Sed videtur, quod hoc non possit esse: aut enim intelligitur hæc qualitas libidinis delectantis in peccato, aut qualitas actus peccati. Si primo modo. Contra: Sensibilis delectatio est, quæ est in peccato: nunquam autem sensibilis est in virtute & operibus misericordiarum: ergo non est similitudo in qualitate. Si secundo modo. Contra: Actus illi contrarij sunt: ergo similitudinem in qualitate non habent, quia dicit Philosophus in 5. primæ Philosophiæ, quod similia sunt quorum qualitas est una.

2. Item videtur impossibile, quod secundum qualitatem peccati sit qualitas pœnæ, hoc modo: quia culpæ qualitas non potest esse nisi secundum actum, quia culpa in quantum malum nihil est: in actu autem non est qualitas nisi secundum relationem ad agentem: hoc autem aut est secundum libidinem, aut secundum contemptum: secundum libidinem autem non potest esse qualitas pœnæ, quia pœna amara est in sensu, & libido dulcis: secundum contemptum autem se habet etiam per oppositum: quia sicut peccans contemnit Deum & præceptum eius, ita per oppositum pœnitens in pœna se subiicit Deo & præcepto eius: ergo videtur, quod nunquam sint secundum eandem qualitatem pœna pœnitentis, & culpa transgredientis.

3. Si forte tu dicas, quod vocatur similitudo in genere, per contrarium, scilicet ut sicut placuit culpa in delectando, ita placeat pœna in sustinendo: hoc non competit literæ: quia hoc æqualiter est in parum peccante, & multum peccante: sed ista similitudo qualitatis non æqualiter est in parum & multum peccante: ergo non notatur similitudo in genere, ut videtur.

*Quest. 1.* **U**LTERIVS queritur de hoc quod dicit, Ut secundum quantitatem culpæ sit quantitas pœnæ. Aut enim æqualitas est in genere, aut in specie. Si in genere. Contra: Secundum hoc æqualiter est in parum peccante: quia magnæ culpæ magna pœna, & minori minor debetur: digni autem fructus non æqualiter sunt in parum & multum peccante, ut dicitur in litera: ergo non intelligitur de quantitate in genere. Si autem intelligitur de quantitate in specie. Contra: Quantitas culpæ est infinita, & quantitas pœnæ finita: ergo videtur, quod nunquam contingit satisfacere per dignos fructus pœnitentie.

*Quest. 2.* **P**RÆTEREA queritur, Quæ est differentia hic inter qualitatem, & quantitatem? Constat enim, quod non est hic per se quantitas continua, sed per accidens: hoc autem videtur esse intensio qualitatis, quæ facit vigorem peccati & magnum peccatum, & vigorem pœnæ & magnam pœnam:

sed penes idem videtur esse similitudo vel proportio in qualitate: ergo in idem redeunt hic qualitas & quantitas.

**P**RÆTEREA queritur, Quare dicuntur digni fructus pœnitentie, cum non sint fructus nisi in futuro: hæc autem opera facta potius assimilantur culturæ vel labori ad fructus percipiendos ordinato: sicut etiam Iacobus dicit, Ecce agricola patienter expectat fructum laboris sui.

**R**ESPONSIO. Sicut etiam supra habitum est in antecedenti distinctione, non sumitur hic fructus proprie, sed sumitur pro causa fructus quæ est causa fruitionis in futuro: dicuntur enim opera pœnitentie fructus, non quod eis fruamur proprie hic, vel in futuro: sed quia cum gaudio spei utimur eis ad obtinendum id quo fruendum est. Nec idem est esse bonos fructus, & dignos fructus pœnitentie: quia omnis arbor, id est, homo tenetur ad bonos fructus, & dignos fructus: qui boni dicuntur à radice, quæ bona est, quando liberum arbitrium virtute & gratia est informatum. Digni autem fructus sunt à proportionem fructus ad statum arboris fructificantis: quia alij clerico, alij prælato, alij subdito, & sic secundum differentias alias fructificantium. Et hoc modo specialis status proportionem habita ad opera pœnitentie dicuntur digni fructus, quando secundum qualitatem & quantitatem peccati, est etiam qualitas & quantitas pœnæ.

**A**D PRIMVM ergo dicendum, quod qualitas peccantis hic attenditur cum qualitate peccati: qualitas peccantis est libera servitus peccati: quia scilicet non coactus, nec exactus, sed libere diabolo servivit in gaudio: & hoc modo libere & cum gaudio serviat Deo in pœnitentia. Qualitas autem peccati secundum formam peccati in specie, secundum quod unum est carnale, & alterum spirituale, & aliud quasi medium, sicut ira, & avaritia: & ita debet esse in pœna corporali & spiritali & media: sicut ieiunium pœna est corporis, oratio humiliat spiritum, & elemosyna damnum infert rerum exteriorum.

**A**D ILLVD ergo quod contra obiicitur, dicendum, quod non respondet in specie delectationis: sed potius in similitudine subiecti delectationis, & pœnæ, scilicet quia utrumque est corporale, quandoque & spirituale, & medium, ut dictum est.

**A**D ALIVD dicendum, quod similitudo potest attendi dupliciter, scilicet in affectu proximo, & in affectu qui est causa proximi affectus: & in proximo quidem non potest esse similitudo: quia unus est libido, & alter est charitas: sed in remoto, hoc est, in voluntate, bene potest esse similitudo: & etiam plus est in bono, quia Augustinus dicit, quod charitas in infinitum plus diligit Deum, quam cupiditas aurum.

**A**D ID quod queritur de quantitate, dicendum quod quantitas est hic duplex, scilicet intensiva, & discreta. Una responder magnitudini, & altera numerositati peccatorum: sed illa quæ est intensiva, attenditur ex multis, tamen præcipuum est species peccati vel genus: sicut dicimus in genere homicidium esse maius adulterio, & adulterium fornicatione, & in genere avaritiam maiorem fornicatione: in specie autem adulterium maius furto. Alia autem quantitas est ex circumstantiis agentis & actus, ex quibus dicitur magnum peccatum,



peccatum, & illi debetur maior pœna quam minori: sicut pluries peccanti vel vno genere peccati, vel duobus, plures pœnæ, vel vna diuturnior debetur.

AD ID ergo quod contra obiicitur, dicendum quod in genere vocatur quantitas, vt dictum est: & non sequitur quod infert: quia peccata etiam in genere non sunt æqualia, sed vnum maius, & alterum minus: & ideo etiam pœnæ erunt inæquales.

AD ALIUD dicendum, quod quantitas & qualitas fundantur in eodem, sed non sunt idem, vt patet ex prædictis: quia qualitas vitium est ex illa parte qua trahitur in speciem distinctam, vt carnale, spirituale, & huiusmodi: vel specialius adhuc vt fornicatio, delectatio secundum actum in fornicatione: & gula, delectatio secundum actum in gula: sed quantitas accipitur ex quantitate ad totum.

## ARTICVLVS XXII.

*An circumstantiæ aggrauent peccatum?*

CONSIDERET qualitatē criminis in loco, &c.] Quærentur autem hic ad intelligentiam istius loci sex. Primum, Vtrum ista aggrauent peccatum quæ dicit. Secundum, Vtrum aggrauent relinquendo actum in eadem specie, vel nouam speciem peccati conferendo? Tertium, Vtrum teneatur pœnitens omnia ista confiteri prout in singulis actibus fuerunt? Quarto, Vtrum teneatur ea reuoluere in contritione & satisfactione? Quinto, Quæ & quot sint istæ circumstantiæ? Sexto & vltimo, Quæ comparatio sit inter eas, scilicet vtrum aliquæ aggrauent plus, & aliæ minus, vel omnes aggrauent æqualiter.

Ad primum horum obiicitur sic: A quibuscunque trahitur argumentum accusationis rei vel defensionis in iudicio, illa aggrauant vel accusant actum propter quem reus vocatur ad iudicium: sed à circumstantiis trahuntur argumenta huiusmodi: ergo circumstantiæ aggrauant vel excusant actum rei propter quem iudicatur: sed ille actus peccatum est: ergo circumstantiæ aggrauant peccatum. Prima patet per se. Secunda scribitur à Tullio in primo rhetoricæ, vbi dicit, quod circumstantiæ sunt à quibus trahuntur argumenta accusationis vel defensionis personæ in iudicio.

2 Item, Quæcunque sunt constitutiue parti- culæ, in quibus est actus, dant actui formam mali vel boni, & maioris mali & maioris boni: circumstantiæ sunt huiusmodi: ergo dant actui formam boni vel mali, &c. Prima harum iterum patet per se. Secunda scribitur à Damasceno sic. Singula sunt quæ dicuntur à rhetore constitutiue parti- culæ: puta quis sit qui fecit, quis est qui passus est, quid fecit, quo, scilicet organo, vbi, scilicet quo loco, & huiusmodi.

3 Item, Quæcunque sunt quæ quæstionem rhetoricam de laude vel vituperio personæ faciunt, augent bonum & malum in actu personæ: tales autem sunt circumstantiæ: ergo augent bonum & malum in actu personæ. Prima patet per se. Secunda autem scribitur à Boëtio 4. topicorum suorum, vbi dicit, quod circumstantiæ sunt

quæ quæstionem rhetoricam faciunt de laude vel vituperio personæ.

4 Item, Eccles. 3. Omnia tempus habent. Ergo suo tempore sunt meliora: ergo contraria eorum illo tempore sunt peiora: ergo tempus aggrauat. Et idem argumentum est de aliis.

5 Item, Bernardus ad Eugenium, In ore secularis nugæ, nugæ sunt: in ore vero sacerdotis nugæ sacrilegium sunt. Ergo circumstantia personæ aggrauat. Similiter est de aliis.

6 Item, Ezech. 8. aggrauatur multum contra Iudæos, quia idola in templo posuerant, in tantum quod tunc gloria Domini scribitur recedere de loco suo: & non scribitur hoc quando colebant ea alibi, quam in templo: ergo etiam locus aggrauat.

7 Item, Isa. 57. Iuxta me discoperuisti, & suscepisti adulterum. Quasi diceret, Alibi fuisset tolerabilius Ergo videtur, quod similiter omnes aliæ aggrauent circumstantiæ.

SED CONTRA: Augustinus dicit in secundo de libero arbitrio, quod malum non est nisi auersio ab incommutabili bono: constat autem, quod priuatio non intenditur nisi per recessum ab habitu: ergo magis malum non est nisi quia magis recedit: non ergo ex circumstantiis: sed circumstantiæ non aggrauant, nisi magis malum faciendo: ergo videtur, quod circumstantiæ non aggrauent.

2 Item, Constat, quod bonum commutabile, bonum est: sed conuersio ad bonum non est nisi in bono: ergo conuersio ad bonum commutabile, bonum est. Constat autem, quod omnes illæ circumstantiæ ex illa parte circumstent actum, qua fit conuersio ad commutabile bonum: ergo nulla earum facit maiorem in actu, vel auget, vt videtur: ergo nulla aggrauat peccatum.

3 Item, Constat, quod malitia in actu defectus est: ergo non causatur vel augetur ab aliquo positue, sed potius defectiue, scilicet quia deficit ibi aliquid eorum quæ bonum facere vel augere deberent: cum ergo circumstantiæ positue causent quod causant, sicut locus, tempus, & huiusmodi, videtur quod nulla earum vel facit malum, vel auget ipsum.

4 Item, Sicut dictum est, malitia in actu defectus est: si ergo causatur à circumstantiis, constat quod plures & differentes causæ, plures & differentes effectus relinquunt: sed in actu peccati sunt plures & differentes circumstantiæ: ergo plures & differentes relinquunt malitias: ergo quodlibet peccatum efficeretur tot peccata, quot habet circumstantias, quod absurdum est dicere.

5 Item videtur, quod malum grauari non possit: nihil enim efficitur grauius, nisi quod recipit intensionem vel remissionem: nulla priuatio recipit intensionem vel remissionem: ergo non intenditur. Prima patet per se. Secunda sic probatur, illud quod nihil est, non est magis modo nihil, quam prius: priuatio autem nihil est: ergo constat propositum: ergo circumstantiæ non grauant ipsum, vt videtur.

SOLVITIO. Ad hoc est absque omni dubitatione dicendum, quod circumstantiæ aggrauant peccatum: licet enim non faciant bonum in actu vel gratiæ vel virtutis politice, tamen faciunt & augent malum in actu: & faciunt etiam bonum ciuile legale quod considerat iudex, qui non iudicat



cat de habitu, sed de actu. Quod enim bonum gratiæ non faciant, nemini dubium est, qui non est de Pelagij hæresi: quia illud bonum & in habitu & in actu à solo Deo est. Quod iterum non faciant bonum virtutis politicæ, necessario patet ex hoc quod habetur in 2. ethic. ubi dicitur, quod non sunt iusti & casti, qui operantur iusta & casta: sed qui ut iusti & casti, operantur iusta & casta: qui tamen considerant circumstantias in quibus est actus. Quod autem faciunt malum, patet quia vult Philosophus & beatus Dionysius, quod malum causatur ab omnibus particularibus defectibus, siue in circumstantiis actus, siue in habitibus. Et sic constat tria per ordinem quæ præmissa sunt.

DICENDUM ergo ad primum, quod in malo duo sunt, scilicet quia malum, & quia vitium: & ratio mali tota est recessio à bono: sed quia bonum perficit naturam, & sublata perfectione necesse est corrumpi id quod erat perfectum, ideo ex consequenti quasi in comparatione ad subiectum mali, incidit vitium, quod est corruptio boni naturæ & naturalium. Et hoc est quod dicit August. quod malum est, quia nocet: nocet autem, quia adimit bonum: quia nisi tolleretur bonum, nec vitaret, neque corrumpere. Et ideo auersionem boni sequitur necessario corruptio circumstantiarum. Dico autem auersionem boni in actu: quia de illo loquimur: & hoc modo aggrauatur malum ex circumstantiis corruptis, ut infra in solutione magis patebit.

AD ALIUD dicendum, quod in veritate conuersio ad commutabile bonum in quantum huiusmodi, non est mala, sicut probat August. sed talis conuersio quæ concipit auersionem ratione defectus modi & harmoniæ debet ipsi conuersioni, est mala: verbi gratia, conuersio ut ad finem boni commutabilis: cum enim non possunt esse duo fines, necesse est conceptam esse auersionem in tali conuersione, & incidit necessario defectus debiti modi & harmoniæ siue commensurationis in tali conuersione. Modus enim debitus huius conuersionis est, quod relatione ad finem fiat conuersio, ad quem illud bonum ordinatur: & ille modus deest: harmonia autem, quod circa Deum, ut læua sit sub capite, & dextra amplexetur: & illa iterum deest: & ex hoc defectu conuersio est mala, & non ex hoc quod est ad bonum commutabile. Cum autem conuersio illa concepta sit cum tali defectu qui est malus, hoc modo circumstant ipsam circumstantiæ, & non in quantum est conuersio solum: & ideo aggrauant ipsum malum.

AD ALIUD dicendum, quod à nulla positione causatur vel augetur malum per se, sed per accidens: sicut etiam dicit Dionysius, quod malum repugnat bono per bonum in quo est. Dico autem per aliud: quia talem conuersionem quæ est ad bonum conceptam cum malo, auget: & necessario ex hoc incidit defectus turpior ex hoc quod priuatur modus in loco, vel tempore, vel persona, vel aliquo alio, quod est circumstantia personæ, vel negotij sui actus.

AD ALIUD dicendum, quod non sequitur, si plures circumstantiæ sunt in actu, quod plura faciunt peccata vel mala: sed potius, quod ex defectibus plurium circumstantiarum in modo & harmonia, causabuntur plures deformitates in vno actu: & hoc ego plane concedo: & tale peccatum antiqui vocauerunt vnum peccatum multiplex,

vel duplex, vel triplex, vel in alio numero deformitatum.

AD ALIUD dicendum, quod priuatio non intèditur essentialiter, quia non est essentia aliqua: sed intenditur per recessum ab habitu: & sic malo peius est, quia pluribus vel plus elongatur à bono. Quod autem ita sit, dicit Aristot. in 4. primæ Philosophiæ loquens contra Eracritum: quia sic contendit falso esse falsius: sicut magis mentitur qui dicit quinque esse mille, quam ille qui dicit quinque esse sex: Tunc oporteret concedere vnum esse verum, per cuius recessum dicatur falsius & falsum. Tamen contra istam solutionem obijci potest hoc quod dicit Anselm. quod scilicet cæcitas non est magis aliquid in lapide, quam in homine non vidente, nec è conuerso. Constat autem, quod in lapide magis recedat (quia non est natus habere) quam in homine qui natus est habere visum: ergo videtur, quod maior vel minor recessus non causat intensiorem & remissionem in malo. Et ad hoc dicendum, quod priuatio dupliciter consideratur, scilicet in se, & in comparatione ad causam suam quam habet per accidens: & primo quidem modo non intenditur, neque remittitur: secundo autem modo intenditur, & remittitur. Causa autem per accidens priuationis est id quod cum sit, necessario coincidit priuatio: & hoc videmus in corporalibus: sicut si sit diuidens venas quæ dicuntur varices, vel tibia, necessario coincidit claudicatio in gressu: ita si talis conuersio sit ad bonum commutabile, necessario coincidit defectus modi & harmoniæ, tam in circumstantibus actum, quam in ipso actu, ut prius dictum est: & quanto plus de talibus est, tanto plures coincidunt deformitates.

## ARTICVLVS XXIII.

*An circumstantiæ aggrauent, relinquendo actum in eadem specie?*

SECUNDO quæritur, Vtrum aggrauant relinquendo actum in eadem specie, vel speciem nouam peccati conferendo? Videretur autem, quod nullam nouam speciem conferant: constat enim, quod priuatio non specificatur nisi per subiectum & habitum cuius est: sed omnes circumstantiæ sunt eiusdem habitus & subiecti: ergo omnes illæ non conferunt nisi speciem vnam.

2 Item, Potentius est bonum, quam malum: & bonum ex omnibus circumstantiis suis non confert nisi speciem vnam: ergo nec malum ex circumstantiis suis confert nisi speciem vnam.

3 Item, Intensio & remissio non variant speciem: sed circumstantia non nisi intendit malum vel bonum in actu: ergo non variat speciem, sed relinquit eandem.

4 Item, Extrinsecum essentia: ut est extrinsecum, nullam confert speciem: locus autem & tempus & huiusmodi sunt extrinseca: ergo nullam speciem conferunt: ergo nec aliæ circumstantiæ, ut videntur.

5 Item, Accidentia non variant speciem: circumstantiæ sunt accidentia actus: ergo speciem ipsius non variant. Probat autem secunda ex hoc quod circumstantiæ loci, temporis, personæ, & auxiliij, & omnium aliorum, sunt diuersarum actionum



Sed contra.

num eiusdem speciei, diuersæ & eadem: & tamen non propter hoc actiones in specie variantur.

SED CONTRA hoc dicit Dionysius, quod malum causatur omnifariam: ergo ex corruptione cuiuslibet circumstantiarum: ergo cuiuslibet circumstantiæ corruptio causat speciem mali singularem.

2 Item, Aliud esse conferunt circumstantiæ actui: constat autem, quod non esse naturæ: ergo moris: ergo secundum esse moris conferunt speciem: ergo addita aliqua corruptione circumstantiæ specialis erit nouum esse moris: ergo & noua species peccati, ut videtur.

3 Item, Constat, quod vnus specie actus est in natura & in specie naturæ, coire cum muliere: sed ego video, quod coire cum soluta facit vnā speciem peccati, & coire cum coniugata aliam, & aliam iterum cum consanguinea, aliam cum velata: & illi actus non differunt nisi per circumstantias, ut videtur: ergo circumstantia aggrauat, speciem aliam actui conferendo.

4 Item, Rapere quoddam peccatum est simplex: rapere autem sacrum, vel à loco sacro, sacrilegium est. Cum igitur rapere hinc inde non differat nisi per circumstantiam, videtur, quod circumstantia aggrauat extra genus, aliam speciem actui conferendo, quia hoc vocatur aggrauare extra genus, aliam speciem actui conferre.

Solutio.

SOLUTIO. Dicendum, quod nulla circumstantia proprie aggrauat, aliam speciem conferendo: esse enim substantiale actus moralis secundum speciem est à fine voluntatis: sicut enim dicit Philosophus, Actus diffiniuntur per opposita, id est, obiecta: & hoc intelligitur de obiectis quæ sunt fines: licet enim illud idem sit materia circa quam est actus: tamen quia actus qui est circa obiectum illud, non est potentiæ nisi formatæ à specie obiecti, ideo accipit esse actus ipse à ratione subiecti secundum quod est mouens in intentione finis propter quem est actus. Hoc autem ex ipsa nominatione peccatorum patet, Fornicatio est delectatio secundum actum in fornicatrice, & adulterium in adultera vel coniugata, & auaritia in pecunia, & cæteris huiusmodi. Circumstantiæ autem sunt conferentes bene esse vel male esse per modum passionis ipsi actui, siue sint circumstantiæ personæ, siue negotij. Et ideo nulla confert proprie loquendo speciem, vel variat eandem.

DICENDUM ergo ad primum, quod Dionysius non intelligit hoc de corruptione circumstantiarum vel omissione: quia bene quidem contingit, quod bonum minus est laudabile, quando non est in suo tempore, vel loco: sed tamen ex hoc non efficitur malum per se, vel species vitij, vel peccati mortalis: sed Dionysius intelligit hoc, sicut Philosophus, quantum ad materiam circa quam est virtus. Est autem circa tria, scilicet eligibilia ad opus, & ipsum opus, & circa passionem: sicut prudentia est circa eligibilia ad opus operabilia per nos, ut dicit Philosophus 6. ethic. Iustitia autem circa operationes, ut dicit quinto: & temperantia & fortitudo circa passionem, ut docetur in tertio. Cum igitur circa tot sit virtus, semper ipsa substantialiter est medium in eo circa quod est, licet differenter: sed vitium non est medium, sed extremum. Et quia omnifariam contingit declinare à medio in quacunque materia, & non esse in medio nisi vno modo, ideo dicit quod virtus

est ex vna tota & sola causa: & vitium omnifariam: quia medium corrumpitur quacunque declinatione ad extremum: tamen quod sit medium, non habet à circumstantiis: imo potius circumstantiæ causantur ab eo quod substantialiter medium est, & ideo non conferunt aliud esse.

AD ALIUD dicendum, quod circumstantiæ non conferunt esse primum, sed secundum non: tamen conferunt esse accidentis per accidens, sed potius accidentis per se. Et quia ab eo quod est frequenter, trahitur quæstio rhetorica, ideo faciunt quæstionem rhetoricam, & laudem, vel vituperium: & hoc est esse moris. Primum autem esse habet actus à specie obiecti circa quod est: quæ, inquam, species finis est operantis.

AD ALIUD dicendum, quod coitus comparatur dupliciter ad potentiam, scilicet generatiuam quæ naturalis est: & sic ipse cum quacunque sit, est vnus speciei, quia actus generatiuæ discindit semen ad salutem speciei. Comparatur etiam ad potentiam ordinabilem per rationem: & hæc informatur multis speciebus diuersorum subiectorum, sicut delectabilitas in fornicatrice, vel in coniugata, vel in masculino, vel consanguineo: & secundum hoc confert nouum esse actui suo: & sic actus ille diuersificatur in specie moris quantum ad primum esse moralium actuum. Et si tu obiicias, quod non videtur esse solutio: quia ille non delectatur in coniugata vel consanguinea ut consanguinea, sed in muliere ut mulier est. Dicendum, quod hoc est falsum: quia si delectaretur in muliere ut mulier est, in omni muliere delectaretur, quod falsum est. Vnde licet vellet non esse consanguineam vel coniugatam, tamen voluntas est delectandi in hac quam scit esse coniugatam vel consanguineam: & ideo per consequens est voluntas delectandi in coniugata vel consanguinea: quia aliter nullum peccatum erit voluntarium, & nunquam esset voluntas mali, & nos non essemus causa mali per voluntatem: quæ omnia contra Sanctos sunt, & in 3. etiam ethic. optime improbata.

AD ALIUD dicendum, quod rapere de sacro, vel sacra, habet voluntatem quæ est rapiendi de sacro, vel sacra, eodem modo quo dictum est de voluntate concumbendi cum coniugata: & sic illa species mouens facit aliud peccatum: quia non est ibi circumstantia tantum, sed finis & forma dant speciem & esse actui.

## ARTICVLVS XXIV.

*An pœnitens tenetur confiteri omnia peccata sua, & circumstantias?*

TERCIO quæritur, Vtrum pœnitens omnia ista confiteri teneatur, prout in singulis actibus sunt? Videtur autem, quod sic: districtius enim est iudicium diuinum, quam humanum: sed ex singulis circumstantiis accusatur in iudicio humano: ergo ex singulis circumstantiis debet accusari in iudicio diuino: & ipse est accusator sui in confessione tanquam in iudicio diuino: ergo tenetur accusare seipsum.

2 Item, Quantitas mali & turpitudinis debet innotescere sacerdoti in confessione: sed non potest innotescere, nisi innotescant omnia aggrauantia:



uantia: ergo tenetur ea narrare confitens: sed omnes circumstantiæ aggrauant, vel alleuiant: ergo omnes illas enarrare tenetur.

3 Item, In litera videtur hoc dici ab August. expresse hic: ergo videtur, quod tenetur ea omnia confiteri.

4 Item, Genes. 19. præcipitur Lot, ut egredietur à Sodoma: & adiungitur, ut non stet in omni circa regione. Exponitur autem communiter, quod Sodoma significat peccatum, & circa regio occasiones peccati & circumstantias. Cum igitur penitentia sit via exeundi per confessionem, videtur quod debeat per confessionem exire à circumstantiis eas confitendo.

*Sed contra.* SED CONTRA: Canon dicit non confiteri debere nisi peccatum: ergo circumstantias non oportet confiteri.

2 Item in Psalm. Dixi, confitebor peccatum: non dicit, circumstantias peccati.

3 Item, Sicut sunt circumstantiæ peccatum aggrauantes, ita sunt alleuiantes: si ergo circumstantiæ confitendæ sunt ut sciatur quantitas peccati, ita debent confiteri alleuiantes sicut aggrauantes, quod falsum est: ergo nec aggrauantes solum debent confiteri.

4 Item, Aliud est in iudicio hominum, & aliud in iudicio diuino: in hominum enim iudicio circumstantiæ non quærentur nisi ut præsumptio fiat iudici: quod non est necessarium in diuino, quoniam testis est conscientia apud eum qui loco Dei est, scilicet sacerdotem: cum ergo conscientia ad conuincendum confitentem sufficiat, videtur quod non oportet circumstantias dicere in confessione.

*Solutio.* RESPONDEO sine præiudicio secundum antiquos Doctores, quod non oportet circumstantias confiteri, nisi quæ trahunt in aliud genus peccati: tamen securum est etiam alias dicere, præcipue si remorder aliquem conscientia: sed tamen dicunt, quod non tenetur ex præcepto. Vnde dicere circumstantias quæ non trahunt in aliud genus peccati, est de bene esse confessionis: utilitas autem quæ ex hoc est, illa est quam dicunt, scilicet quod sicut supra habitum est, confessio per erubescitiam in aliqua parte pænæ satisfacit: & sæpe contingit, quod homo plus erubescit de circumstantia, quam de peccato: & ideo bonum est confiteri. Alia etiam utilitas est: quia sacerdos melius noscit peccati deformitatem, & melius sciet taxare penitentiam & satisfactionem. Tertia iterum, humilitas maior penitentis.

DICENDUM ergo ad primum, quod si in humano iudicio fit mentio de circumstantiis, hoc non est propter distinctionem, sed potius propter dubietatem iudicis qui veritatem non nouit: & non potest ei præsumptio fieri de quantitate malitiæ, nisi ex circumstantiis: sed ex confessione accusando se manifestat se totum penitens, & ideo circumstantias quasdam dicere non oportet.

AD ALIUD dicendum, quod ut supra dictum est, quantitas mali & turpitudinis substantialis, non est ex circumstantiis, sed potius ex auersione à bono incommutabili: sed quædam turpitudine est ex circumstantiis: & quia accidentaliter est, non habet penitentiam propriam, sed coniunctam cum penitentia: & ideo non oportet eam singulariter & discrete confiteri.

AD ALIUD dicendum, quod Augustinus

dicit ista non præcipiendo, sed ad bene esse: nec dicit faciendæ esse in confessione, sed potius in contritione inter se & Deum.

AD ALIUD dicendum, quod exitus de peccato est in contritione: & hoc satis bonum est, quod non manet in circumstantiis: sed tamen est consequens, quod quicumque exit de peccato, exit de circumstantiis: sed non conuertitur: & ideo illud non tangit, nisi quod sit de bene esse confessionis.

## ARTICVLVS XXV.

*An penitens teneatur reuoluere circumstantias in contritione & satisfactione?*

Quarto quæritur, Vtrum debet ea reuoluere in contritione & satisfactione? Videtur, quod sic: quia dicit in litera, Consideret qualitatem criminis in loco, & tempore, in perseverantia, in varietate personæ, &c. & infra, Immoretur in singulis istis, & sentiat modum criminis, purgans lacrymis qualitatem vitij. Ergo videtur, quod omnia in contritione reuoluere debet.

2 Item, Contritio dicitur simul tritio: eo quod totum delet peccatum: circumstantia autem aliquid peccati est: ergo ipsa est conterenda: sed non conteritur, nisi actus doloris iteretur super eam: ergo actu debet penitens dolere de singulis circumstantiis peccatorum: & non potest actu dolere de illis, nisi in mente reuoluat: ergo debet mente reuoluere.

3 Item, In his quæ corporaliter conteruntur super quæ non reiteratur terens, non confringuntur: ergo in spiritualibus similiter erit: quia illud verbum, contritio, à corporalibus ad spiritualia transsumptum est. Si ergo dolor qui conterit super circumstantiam non reiteretur, circumstantia peccati non conteritur: ergo nec remittitur, ut videtur: ergo oportet actualiter dolere de qualibet, & in contritione reuoluere.

4 Item, Isa. 14. Perdam Babylonis nomen, & reliquias, & progeniem, & germen, dicit Dominus. Constat autem, quod de progenie sunt circumstantiæ: ergo sunt perdendæ: sed non perduntur, nisi per contritionem: ergo de eis debet haberi contritio: & non potest haberi, nisi reuocentur ad mentem: ergo reuocari ad mentem debent, ut videtur.

5 Eadem autem ratione videtur posse probari, quod debeant reuocari ad mentem in satisfactione, & alia ratione propria tali, Sapiens medicus in appositione medicinæ actualiter aduertit dispositiones morbi: ergo similiter hoc faciet medicus spiritualis: sed appositio medicinæ satisfactio est: ergo actualiter in satisfactione debet aduertidi dispositio morbi spiritualis: sed morbus spiritualis peccatum est, cuius dispositio est circumstantia: ergo satisfaciendo debet aduertere peccati circumstantias.

6 Item, Quandocunque vnum proportionatur alteri, necesse est aduertere vtrumque proportionabilium: sed satisfaciens opus suum proportionat & comparat peccato & circumstantiæ: ergo necesse est, quod actualiter recogitet peccatum & peccati circumstantias.

7 Item,



7 Item, Beda, Non sanat oculum, quod sanat calcaneum: sed satisfactio est de qua loquitur: ergo alia satisfactio necessaria est uni, & alia alteri peccato: sed in omni tali antidoto necesse est cogitare id cui contraponitur antidotum: ergo necesse est satisfaciens actualiter cogitare peccatum & circumstantias peccati.

*Sed contra.*

SED IN CONTRARIUM hoc est, quod secundum hoc pauci compungerentur & pœniterent: quia paucissimi videntur hoc facere.

2 Item, Apostolus dicit 1. Corinth. 6. Fugite fornicationem. Et exponitur, quod etiam fugiatur ne cogitetur: quia mouet cogitatum: ergo in cogitatione non debet reuocari ad mentem, ut videtur.

3 Item, Auicenna dicit, quod species delectabilis corporalis etiam quandoque reminiscens mouet: sed motus ille ad illicitum est: ergo fugiendus: ergo & causa fugienda: causa autem est cogitatio: ergo cogitatio fugienda est: ergo non omne peccatum in contritione vel satisfactione ad memoriam reuocandum est.

4 Item, A simili probant hoc quidam. Videmus enim pomum granatum vel aliud integrum non mouere appetitum vel intellectum: sed si diuidatur, mouebit: ergo à simili peccatum in vniuersali ad memoriam reuocandum est, sed non diuisim per singulas circumstantias, quia sic moueret ad illicitum.

*Solutio.*

RESPONDEO, quod non tenetur ad semper, licet bonum sit quandoque reuoluere circumstantias. Bene credo, quod in contritione quæ primo delet peccata, propter hoc quod illam oportet esse virilem, tenetur reuoluere, & confiteri ea omnia de quibus recordatur, sed non circumstantias, nisi illas quæ trahunt in aliud genus, quæ etiam circumstantiæ proprie non sunt, ut supra dictum est.

AD PRIMUM ergo dicendum, quod Augustinus consulit hoc ad compunctionem excitandam: quia quantitatis consideratio facit vehementius compungi, & acius dolere: & non dicit hoc ideo quod teneatur pœnitens ad illa.

AD ALIUD dicendum, quod ideo dicitur contritio, quia duorum est, scilicet gratiæ, & doloris à libero arbitrio procedentis, vel doloris sensibilis & rationalis: vel quia de omnibus simul peccatis quæ sunt in memoria: sed non oportet, quod sit de omnibus circumstantiis, nisi quantum ad bene esse contritionis, scilicet ut sit feruentior & deuotior.

AD ALIUD dicendum, quod verum est in his quæ corporaliter conteruntur, quia illa sunt successiue contrita. Peccata autem simul conteruntur in vno momento infusionis gratiæ: & ideo impossibile est ut tunc omnia sint sigillatim cogitata, sed in vniuersali: & ideo tunc circumstantiæ conteruntur in ipsis: & non oportet ut sigillatim ad memoriam actualement reuocentur.

AD ALIUD dicendum, quod totum perditur germen Babylonis per gratiæ infusionem: sed non totum actualiter cogitare necesse est, quia quædam etiam sunt ignorata, quæ tamen ibi remittuntur. Et ratio huius vniuersalis perditionis & contritionis iam dicta est, scilicet quod dolor est de omnibus in vniuersali, licet non sigillatim & in particulari.

AD HOC quod obiicitur de satisfactione, di-

cendum quod non semper oportet actualiter aduertere: quia pœnitens non est medicus, sed potius sacerdos, & ille in confessione discernit genera morborum: sed sicut medicus non quærit omnia accidentia morbi, sed tantum causas periculosas: ita etiam nec medicus spiritualis quærit accidentales circumstantias, sed tantum trahentes in aliud genus.

AD ALIUD dicendum, quod non singulis peccatis & circumstantiis proportionatur satisfactio, quia impossibile esset, quod pœnitens hoc sustineret: sed radicibus peccatorum, sicut in præcedenti distinctione habitum est. Si enim radicatum est peccatum in carne, iniungit affligentia carnem: si autem in bonis fortunæ, iniungit elemosynam, & sic de aliis: & sic non oportet semper satisfaciens de peccato quolibet & circumstantia cogitare.

AD ALIUD dicendum, quod hoc modo intelligitur dictum Bedæ de radicibus peccatorum, & non de ipsis peccatis, & circumstantiis peccatorum.

AD EA autem quæ obiiciuntur in contrarium, tantum notandum, quod non tenent nisi quando recordatio peccatorum non nocet pœnitenti. Et hoc contingit dupliciter, scilicet quando declinat in desperationem ex mera reatus consideratione: aut quando mouent appetitum ex memoria præhabita in eis delectationis: tunc enim videtur mihi, quod cogitatio auertenda est: alias autem bonum est sæpe cogitare omnes annos in amaritudine animæ coram Deo, ad compunctionem maiorem & humilitatem excitandam.

## ARTICVLVS XXVI.

*Quæ & quot sint circumstantiæ aggravantes peccatum?*

QVinto quæritur, Quæ & quot sint istæ circumstantiæ? Siquis autem inspiciat litteram diligenter, colligere potest nouem diuersa quæ ponit, scilicet criminis qualitatem, locum, tempus, perseverantiam, personæ varietatem, tentationem, multiplicem vitij executionem. Et post multa addit duo, scilicet damnum virtutis qua interim caruit, & ingratitudinem qua offendens omnium factus est reus, & omnibus gratiis acceptis se priuauit. Personæ autem varietatem videtur dividere in tria, scilicet dignitatem, ordinem, & ætatem, utrum iuuenis, vel senex, vel in annis pluribus: & ut mihi videtur, plura ex littera colligi non possunt.

Obiicitur autem de illis, & primo de singulis. Videtur enim, quod qualitas vitij non sit circumstantia: aut enim intelligitur de qualitate essentiali quæ dat speciem vitio, aut accidentali. Si primo modo, non est circumstantia. Si secundo modo, tunc quæritur, Quæ sit illa qualitas: Et si dicatur, quod sit modus actus. Contra: Modus ille qui est mortalis peccati est vnus, scilicet quia est ex contemptu præcepti, & ex libidine commutabilis boni: sed constat, quod non est vna qualitas plurium peccatorum vel omnium: ergo modus ille non est qualitas criminis.

2 Item, Locus non aggravat nisi sit sacer: & tunc facit sacrilegium, quod est aliud genus peccati:



cati : ergo locus non manet circumstantia simpli-  
citer, sed etiam dat formam speciei vitij.

3 Item obiicitur de tempore, quia non ag-  
grauat nisi tempus orationi vel feriacioni consti-  
tutum : & hoc iterum inducit sacrilegium quod  
aliud genus est peccati, vt quidam dixerunt.

4 Item, Perseuerantia quædam virtus est: ergo  
non est circumstantia vitij criminalis. Item, Perse-  
uerantia nihil addit super actum peccati, nisi con-  
tinuitatem : continuitas autem non dicit aliquid  
in actu, sed potius circa agentem, quod maneat  
in vitio.

5 Similiter obiicitur de personæ varietate: in-  
nuit enim varia esse in persona quæ aggrauant  
peccatum: & hoc non videtur, quia sic omnis actus  
personæ aggrauaret, quia omnis homo variam ha-  
bet personam ab alio.

6 Item, Dignitas personæ in quantum huius-  
modi, non augeat meritum : non enim dicimus,  
quod Episcopus plus mereatur orando, cæteris  
paribus, quam non Episcopus : ergo videtur, quod  
non aggrauet peccatum.

7 Item, Si aggrauat peccatum : aut hoc est ex  
parte radicis peccati, aut ex parte actus, aut ex  
parte finis actus, aut ex parte nocimenti quod  
infert. Videtur autem, quod non sit ex parte radi-  
cis : quia ex tanta libidine vel maiori fornicatur  
vel potest fornicari non Episcopus, sicut Episco-  
pus : ergo Episcopatus non facit ad maiorem  
quantitatem radicis. Similiter videtur, quod non  
ex parte actus : quia tantus actus fornicationis  
potest esse in non Episcopo, sicut in Episcopo vel  
maior: finis etiam adeo turpis vel turpior esse po-  
test, & similiter nocimentum maius: ergo videtur  
quod nullo modo aggrauat.

8 Item, Si per se loquendum est, secundum  
doctrinam Philosophi, quæ nullam personæ con-  
ferunt potestatem ad actum, non se habent ad  
actum eliciendum vel aggrauandum, sed potius  
per accidens ad actum illum referuntur : talis au-  
tem est dignitas vel ordo in persona : ergo actum  
peccati nec elicit, nec aggrauat, sed per accidens  
se habet ad ipsum. Probatio primæ est. Si dicam,  
Albus statuarius facit statuam, ly albus nihil con-  
fert ad actum, & ideo ad actum non refertur vt  
eliciat vel aggrauet, sed per accidens tantum. Pro-  
batio secundæ est, quod si dicam, Decanus vel  
Episcopus fornicatur, potestatem fornicandi non  
confert Episcopatus vel decanatus : sicut ars ædi-  
ficandi confert fabro lignario potestatem domum  
faciendi: ergo constat propositum.

9 Similiter obiicitur de ætate quam ponit  
inter variantia personam. Videtur enim imper-  
fecte loqui : quia diuersa ætas peccata facit tur-  
piora, & non vna : dicit enim Philosophus, quod  
senes magis sunt cupidi, & iuuenes magis lu-  
xuriosi : ergo per oppositum maior in iuue-  
nibus turpitudine auaritiæ, & in senibus maior  
turpitudine luxuriæ : ergo distinguere debuit  
ætatem.

10 Item videtur, quod ætas iterum hoc non  
faciat, sed potius alia dispositio habentis ætatem:  
constat enim, quod talis ex cholera in iuuentute  
cum accrescit calor, exiccatur, & efficitur impo-  
tens ad coitum ex siccitate: & procedere tempore,  
remisso calore, & crescente humido, efficitur po-  
tens : ergo iste magis appetit luxuriam in senectute,  
quam in iuuentute. Cum igitur regula sit apud

D. Alb. Mag. in Lib.4. Sentent.

Theologum & Ethicū, quod peccatum est ma-  
ius, quod ex maiori procedit libidine, videtur,  
quod istius aggrauationis non sit causa ætas, sed  
alia dispositio habentis ætatem.

11 Vterius de hoc obiicitur, quod dicit ten-  
tationem aggrauare peccatum. Videtur enim hoc  
redire ad ætatem : ætas enim non aggrauat nisi  
secundum quod est maioris tentationis incitativa:  
ergo eadem circumstantia est ætas, & tentatio, vt  
videtur.

12 Item, Tentatio facit maius meritum in  
bono, vt dicunt Sancti : ergo videtur, quod non  
sit factiua maioris peccati in malo : quia non po-  
test esse, quod idem sit causa contrariorum.

13 Item, Tentatio est ante essentiam peccati:  
ergo etiam ante quantitatem peccati, quia quan-  
titas peccati non extenditur extra essentiam pec-  
cati : ergo videtur, quod non dat peccato aliquam  
quantitatem.

14 Vterius quæritur de hac quam vocat mul-  
tiplicem vitij executionem. Hæc enim multipli-  
citas aut est in modo actus, aut in specie. Si in  
modo : tunc redit ad illam quæ est de qualitate  
vitij, quam prius posuit. Si in specie : tunc nihil  
addit supra speciem vitij, nisi quantitatem discre-  
tam : ergo non aggrauat ad hoc peccatum singu-  
lare. Si forte tu dicas, quod aggrauat peccatum  
ex multitudine. Contra : Vnitas quæ principium  
est discretionis, nihil addit supra entitatem rei  
quod sit essentia, sed potius modus qui radicatur  
in negatione, sicut vult Aristot. in pluribus lo-  
cis primæ Philosophiæ : id autem principium  
est multitudinis : ergo multitudo non ponit ali-  
quid additum cuilibet vni multorum, nisi modum  
illum negationis: ergo non aggrauat : quia omnis  
aggrauatio est ex aliquo ente appposito ipsius rei  
quæ aggrauatur.

15 Vterius obiicitur de hoc quod dicit, quod  
plangat virtutem qua interim caruit. Hoc enim  
non videtur asserere quantitatem peccati : quod  
enim sequitur omne peccatum in quacunque  
quantitate magna vel parua, non dat peccato ali-  
quam quantitatem : sed carere virtute sequitur  
omne peccatum mortale in quacunque quantita-  
te magna vel parua : ergo non dat peccato ali-  
quam quantitatem.

16 Item, Cum multa sint alia bona quibus  
interim caremus, scilicet gratia, bonum naturale,  
vel integritas eius, virtus, & meritum : quare non  
dicit alia esse deplangenda sicut illud ?

17 Vterius quæritur de hoc quod dicit, quod  
plangat ingratitude, quod offendens in vno  
factus est reus omnium. Videtur enim ex hoc ma-  
gis ingratus esse Deus, quam ipse qui peccat : si  
enim sit dominus aliquis cui seruus multum ser-  
uivit, & contingat quod peccet seruus in vno, &  
dominus imputet ei peccatum in omnibus, &  
non in vno tantum, magis ingratus est domi-  
nus seruitio serui, quam seruus : ergo à simili ita  
erit & hic.

18 Item, Videtur maxima iniustitia esse, quod  
offendens in vno, fiat omnium reus : si enim sit  
aliquis deprehensus in solo latrocinio vel furto:  
& iudex deuoluat in eum adulterium, homici-  
dium & crimen læsæ maiestatis, iniustitiam facit  
illi. Cum igitur leges humanæ sint exemplatæ à  
legibus diuinis, videtur quod non sunt contra le-  
ges diuinas : ergo si quis transgreditur præceptum

Ff

vnum,



vnum, iniuste agitur secum, si reputatur reus esse omnium.

19 Vltius autem obiicitur hic, quod Tullius multo plures circumstantias in primo rhetorice ponit: dicit enim in communi quidem esse septem, scilicet quis, quid, cur, quando, ubi, quomodo, quibus auxiliis. Attribuuntur autem horum septem secundum Tullium & Boetium quædam personæ, & quædam negotia: personæ quidem vna quæ est quis, negotio autem sex reliquæ. Et ipse Tullius diuidit illam quæ est quis in 11. circumstantias, scilicet nomen, naturam, conuietum, fortunam, habitum, affectionem, studia, consilia, facta, casus, orationes. Et iterum horum quædam subdiuidit, vt naturam in sexum, nationem, patriam, cognationem, ætatem: & conuietum diuidit in 9. scilicet societatem, amorem siue arbitrium conuersandi, pedagogos siue præceptores, quibus cunctis vsus est, quo negotio occupatus, quo in quæstu negotietur, cuius sit artificij, quomodo res familiares administret, qua iustitia, qua consuetudine domestica. Similiter alia diuidit vt patet inspicienti primum rhetoricorum. Ergo videtur, quod etiam iste plures ponere debuit.

*Solutio.*

SOLUTIO. Dicendum primo ad hoc vltimum, quod non est præsentis instructionis tractare de circumstantiis, nisi prout aggrauant peccati actum, & faciunt sibi aliquam quantitatem, vel secundum reatum, vel secundum turpitudinem: & ideo Augustinus non tangit, nisi circumstantias, ex quibus notabiliter efficitur huiusmodi quantitas in peccato. Sed Tullius agit de circumstantiis prout sunt locus rhetoricus. Locus autem rhetoricus est, ex quo per enthymema (quod est syllogismus rhetoricus) arguit accusatum coram iudice duo, scilicet notitiam rei, & notitiam reatus eius. Et ideo non omnes suæ circumstantiæ aggrauant, sed omnes faciunt notitiam iudici de reo vel reatu eius. In poenitentia autem nulla fit iudici notitia de his: sed potius reo ostenditur quantitas sui reatus, vt inclinet ad lamentum maius. Et ideo non ponuntur hic nisi circumstantiæ tantum reatum aggrauantes: & hoc sufficit præsentis lectioni. Tamen nos alibi late disputauimus de circumstantiis: & hoc poterit qui voluerit inspicere: sed hic omnia dicemus quæ pertinent ad præsentem passum & non alia.

AD PRIMUM ergo dicendum, quod qualitas vitij intelligitur meo iudicio qualitas essentialis, quæ constituit speciem ipsius: distat enim vitium à vitio ex quantitate quam affert specifica differentia. Per quem modum, omnibus aliis paribus, dicimus vnum vitium in specie maius, & aliud minus, vt adulterium quam furtum, & homicidium quam mendacium, & sic de aliis. Ad id autem quod contra obiicitur, dicendum quod circumstantia dupliciter dicitur, scilicet circumstans actum, & circumstans agentem, sicut expresse colligitur in circumstantiis quas ponit Tullius: & hoc modo quid fecit reducitur ad circumstantiam acceptam ex parte actus vel negotij: licet enim quid dicat essentialiam actus, tamen inquantum affert secum quantitatem turpitudinis, concipit etiam id quod circumstat, & sic dicitur circumstantia.

AD ID quod obiicitur de loco, dicendum quod locus inquantum huiusmodi non trahit in genus aliud, etiam si sit sacer, nisi adueniat actus alius violans locum. Vnde Iurisperiti dicunt, quod

clam accipiens in loco, non incurrit excommunicationem quam fert Episcopus consecrans locum in violatores loci: sed illam incurrit accipiens in loco facto violentus: eo quod alio actu, quam contestatione rei alienæ lædit immunitatem loci: & sic patet, quod quando nihil additur actui peccati nisi locus sacer, non erit locus trahens in aliud genus peccati, sed circumstantia aggrauans. Per eundem modum patet solutio ad sequens quod obiicitur de tempore: quia dupliciter potest se habere ad actum, sicut & locus.

AD ID quod vltius obiicitur de perseverantia, dicendum quod non dicitur hic perseverantia permansio in actu criminis solummodo, nec etiam actuale perseverandi propositum: quia hoc esset actuale peccatum diuisum ab aliis, nec etiam donum perseverantiæ quod est virtus vel aliquid coniunctum virtuti: sed dicitur hic perseverantia id quod relinquitur ex actus vitiosi iteratione: & est duplex, scilicet mala dispositio, per quam fit homo habilis ad peccandum: & minoratio naturalis boni, per quod elongatur à bono incommutabili. Et quanto plus sic disponitur, tanto efficitur pronior ad peccandum: & ex tali pronitate efficitur quædam peccati quantitas præcipue in hoc quod magis voluntarie & magis libere peccat, & quantum ad hoc ponitur inter aggrauantia peccatum.

AD ID autem quod obiicitur de varietate personæ, dicendum quod non omnia attendit quæ in persona considerari possunt, sed illa tantum quæ faciunt turpitudinem in actu maiorem ex comparatione ad agentem. Et per hoc patet solutio ad primum. Præterea, Persona accipitur prout est nomen dignitatis, tam secundum scientiam iuris, quam secundum dignitatem naturæ: secundum quem modum decanum dicimus esse personam, & non dicimus, quod clericus simplex sit persona.

AD ALIUD dicendum, quod illud argumentum non valet, hoc non augeat meritum: ergo non augeat peccatum: quia meritum & augens meritum, est ex solo Deo, & non ex homine: sed peccatum & augens peccatum est ex homine, & non ex Deo: & ideo aliquid circa personam positum, sicut dignitas, facit maiorem actus congruitatem in bono, & maiorem incongruitatem in malo: & in bono quidem non augeat meritum, sed augeat debitum congruentiæ: sed in malo augeat peccatum propter causam prius assignatam.

AD ALIUD dicendum, quod augeat deformitatem, non ex parte radice, nec ex parte actus absolute considerati, sed ex comparatione actus ad statum agentis: talis enim status retrahere deberet à peccato, & maiorem habet incongruentiam ad peccatum: & ideo aggrauatur peccati turpitudine ex statu personæ. Vnde illa ratio ab insufficienti procedit.

AD ALIUD dicendum, quod Philosophus loquitur de his quæ conferunt potestatem ex arte in agendo hunc actum vel illum: sed Augustinus loquitur hic de his quæ ex congruitate vel incongruitate augent vel minuunt turpitudinem vitij, quæ est ex consideratione peccati ad peccantem: & ideo non est ad propositum quod dicit Philosophus.

AD ID quod obiicitur de ætate, dicendum quod Augustinus non tangit hic nisi genera aggrauantium,



grauantium, & bene consentit in hoc, quod si genus distrahatur per species, quod erit tunc comparatio diuersa.

AD ALIVD dicendum, quod apud communiter loquentes, ætas intelligitur secundum id quod ætas relinquit in subiecto, tam ex parte corporis, quam ex parte animæ: in corpore enim relinquit augmentum, & canitiem, & huiusmodi: in anima autem confirmationem rationis, & consilij, & huiusmodi: & secundum hunc modum dispositio habentis ætatem intelligitur in ætate.

AD ID quod obiicitur de tentatione, dicendum quod tentatio & ætas non sunt idem, licet quædam causæ tentationis magis aggrauent in quadam ætate, & quædam in alia: quia ætas dicit dispositionem ex tempore relictam in subiecto: sed tentatio non dicit nisi impulsus ad illicitum, siue impulsus sit ex carne, siue ex dæmone, siue ex mundo: & non dicit illum impulsus secundum quod relinquitur ex tempore.

AD ALIVD dicendum, quod tentatio non augeat meritum per se, sed meritum quod est dimissum pœnæ: sed quando ponitur circumstantia aggraans, hoc non est per eundem modum quo augeat meritum: meritum enim augeat ex hoc quod retrahit à bono, & tamen vincitur: propter maiorem enim difficultatem in opere habetur maius meritum dimissionis pœnæ: sed per oppositum modum augeat peccatum, scilicet quia quanto minor est tentatio, tanto maius est peccatum: quia minus resistit, & ita minus pugnavit: & per consequens magis voluntarius in peccato fuit.

AD ALIVD dicendum, quod ea quæ sunt ante essentiam peccati per modum inclinantium & causarum peccati, bene possunt augere & diminueri peccatum: quia tunc reducuntur ad circumstantias agentis, siue personæ, sicut dicit Tullius.

AD ID quod ulterius quæritur de illa quæ dicitur multiplex vitij executio, dicendum quod intelligitur in modo: modus autem est hic accidentalis: & hoc modo præcipue apparet in coitu, qui alium modum turpitudinis habet iacendo, alium stando, & alium sedendo, secundum quod percipitur à confitentibus. Et iacendo habet modos secundum dispositionem iacentis in dorso, vel in latere, vel aliter, secundum quod concupiscentia instigante multos modos promulgant confitentes. Et per hoc patet responsio ad primum: quia hoc non est qualitas vitij, ut dictum est supra.

AD ALIVD dicendum, quod Augustinus monet plangere virtutem qua interim caruit, non tanquam circumstantiam peccati simpliciter, sed tanquam quoddam aggraans ex nocumento: quia per hoc turpius est peccatum & maius, quod privatio est maioris boni & maioris virtutis. Nec intelligitur de privatione quæ sequitur omne peccatum, sed de illa quæ sequitur peccatum secundum se, secundum quod dicimus, quod maius est peccatum quod maiori virtuti est contrarium, sicut odium quod charitati contrariatur, & huiusmodi. Et sic patet solutio ad argumentum.

AD ALIVD dicendum, quod nullum maiorum bonorum contrariatur directe peccato, nisi virtus: quia virtus perficit potentiam ad actum, sed non gratia, vel meritum: vitium autem siue

D. Alb. Mag. in Lib. 4. Sentent.

peccatum infirmat potentiam ad actum, & ideo non nominat alia bona quibus peccator caret, sicut illud.

AD ID quod obiicitur de ingratitude, dicendum quod Deus non est ingratus: quia quodlibet peccatum cum sit contra infinitum bonum, omnis boni meretur amissionem. Secus autem est de iudicio humano: quia contra hominem non peccatur, nisi in quantum nocetur ei: & cum non noceat nisi in vno, iniustum esset ut devolueret in peccantem alia nocumenta: & ideo non est simile quod inducitur pro simili.

AD ALIVD dicendum, quod non intelligitur sic sicut procedit obiectio, quod offendens in vno sit omnium reus: sed potius, sicut Magister dicit in litera, scilicet quia priuatur bono quod acquisitum est obedientia omnium præceptorum: & hoc ideo, quia quodlibet peccatum opponitur fini omnium mandatorum: gratia autem sine fine gratiæ non datur, quia Deus dans gratiam non per se venit ad hominem. Et ideo illa obiectio fundatur super falsum literæ intellectum.

AD OMNIA autem alia est solutio per ea quæ dicuntur in principio solutionum istarum.

## ARTICVLVS XXVII.

*Quæ circumstantiarum vitium magis aggrauat?*

Sexto quæritur, Quæ istarum circumstantiarum vitium magis aggrauet? Videtur autem, quod varietas personæ, & modus qui immutatur in multiplici vitij executione: quia illæ duæ circumstantiæ præcipue requiruntur à confesso, aliæ autem non ita: ergo videtur, quod istæ sint potentiores.

1. Item, Istæ duæ circumstantiæ sunt, quæ magis incongruitatem faciunt actus: & ex incongruitate aggraunt peccatum: quia quanta est incongruitas, tanta est turpitudine: ergo videtur, quod istæ duæ magis aggraent.

3. Item, Locus & tempus extrinseca sunt, modus autem intrinsecus est, personæ etiam ordo vel dignitas intrinseca sunt agenti: intrinsecum autem magis aggraunt, quam extrinsecum: ergo dignitas & modus plus aggraunt, quam aliæ circumstantiæ, ut videtur.

Sed videtur, quod illa quæ est de qualitate vitij plus aggraet: quia illa dicit vitij quantitatem, quæ determinat ipsam speciem vitij: hæc autem maior est, quam illa quæ est ab accidentibus aliis: ergo videtur, quod illa plus aggraet.

2. Item, In rebus naturalibus sic est, quod omnis species corporeæ substantiæ habet quantitatem naturaliter consequentem speciem suam, in qua completur virtus ipsius speciei: sicut dicit Philosophus in secundo de anima, quod omnium natura constantium certus est terminus & ratio magnitudinis & augmenti: ergo proportionabiliter erit illud in habentibus quantitatem spirituales: hæc autem est quantitas consequens ipsam speciem vitij vel virtutis. Cum igitur hæc sit essentialis vitio, magis videtur aggraare vitium: sed hæc attenditur in qualitate vitij, siue in circumstantia quæ dicitur quid: ergo illa magis aggraat.

Ff 2

Videtur



Videtur autem, quod tentatio inter omnia plus aggrauet: dicit enim August, quod omne peccatum est voluntarium: quod si non est voluntarium, non est peccatum: ergo videtur, quod voluntas det esse peccato in quantum peccatum est: ergo quantitas voluntatis dabit quantitatem peccato: sed quantitas voluntatis maior vel minor est ex hoc quod tentatio maior vel minor est, quia in maiori tentatione minor voluntas, & in minori minor: ergo ex quantitate tentationis maxime attenditur quantitas peccati: ergo maxime aggrauat, ut videtur.

2 Item, Gloss. super Matth. Quantum intendis, tantum facis: & dicunt Magistri communiter, quod hoc est verum in malo. Dicit autem Augustinus, quod intentio est voluntas cum fine: ergo voluntas finalis, vel coniuncta, vel in finem tendens, dat operi quantitatem: ergo etiam gauamen dat ei: sed omnis peccans mortaliter, tendit in creaturam ut in finem: ergo habet voluntatem in quolibet peccato mortali cum fine: ergo penes illa attenditur quantitas maior vel minor. Constat autem, quod voluntatis quantitas maior vel minor est ex tentatione maiori vel minori: ergo videtur, quod penes tentationem præcipue peccati gauamen attendatur.

Sed e contra videtur quod locus & tempus: quia illa duo præcipue quærentur à confitente: sed non quærentur præcipue, nisi maiores essent: ergo videtur, quod illæ magis aggrauent.

2 Item 2. Machab. 3 de loco dicitur, quod in loco est quædam diuina virtus. Et in Genes. 26. De tempore autem 1. Corinth. 7. Nisi forte ex consensu ad tempus ut vacetis orationi. Cum igitur istæ duæ specialiter in canone exprimuntur, videtur quod istæ duæ inter cæteras magis ferant peccato notabilem quantitatem.

3 Item, Illæ quæ magis possunt peccatum in aliud genus trahere, videtur etiam, quod manens idem possint magis aggrauare: sed hoc maxime possunt locus & tempus: ergo videtur, quod maxime aggrauent peccatum. Probatur autem prima ex hoc quod nisi illæ quæ trahunt in aliud genus secundum suam propriam deformitatem, peccato aliquid afferant, non possunt trahere in aliud genus. Secunda autem probatur ex hoc quod sacrilegium fit in læsione sacri loci, vel temporis.

4 Item, Ad factos actus explendos non videmus in omnibus circumstantiis aliquid determinatum à Deo & Ecclesia, nisi tantum locum & tempus: ergo per oppositum ista maxime afferunt deformitatem operibus oppositis sanctitati: sunt autem talia opera peccata: ergo videtur, quod peccatis maximam afferunt quantitatem turpitudinis locus & tempus.

Videtur autem, quod perseverantia plus omnibus aggrauet. Quicquid enim de se natum est dare quantitatem habitui, quo disponitur potentia ad agendum, illud per consequens maxime dat actui quantitatem spiritualem: sed hoc facit frequentia & perseverantia: ergo maxime dat quantitatem peccato. Prima patet per hoc quod intensior habitus intensior est actus. Secunda autem scribitur in 2. ethicorum: quia ex talibus operationibus similes habitus generantur.

2 Item, Quantitas mali nulla est nisi elongatio à bono: constat autem, quod quanto quis diu-

tius perseverauit in peccato per frequentiam peccati, tanto magis elongatur à bono: ergo tanto maius efficitur malum in ipso: sed hoc est aggrauatio mali & peccati: ergo perseverantia in malo maxime aggrauat peccatum.

Videtur autem, quod ingratitudo maxime aggrauat: quia propter ingratitudinem, ut infra distinct. 18. habetur, etiam dimissa peccata redeunt: sed nihil aliorum fert ita graue pondus, sicut est reductus peccatorum: ergo videtur, quod ingratitudo inter omnia quæ enumerat hic Augustinus in litera, maxime aggrauet peccata.

SOLVITIO. Dicendum, quod tripliciter attenditur peccati grauitas, scilicet essentialis, quæ debetur sibi secundum suam speciem, vel suum genus: & accidentalis quæ debetur ei ex aliquo extrinseco sibi, quod est aliquo modo mensurans ipsum, vel agentem, vel media, quæ quasi per modum passionis se habent ad peccatum. Et prima quidem grauitas duplex est, scilicet ex natura generis, & ex natura specificæ differentiæ contrahentis genus. Exemplum autem grauitatis in genere est quod dicit Gregor. quod spiritualia peccata maioris sunt culpæ, quam corporalia: licet corporalia maioris sint infamiæ, quam spiritualia. Exemplum autem grauitatis ex specifica differentia est, quod cupiditas siue avaritia in genere maior est, quam coitus: & tamen adulterium secundum Salomonem in Prouerbiis est maius, quam furtum. Vnde dicit, quod non grandis est culpa, cum quis furatus fuerit, &c. Et hæc duplex quantitas manifestatur in ipso nomine peccati: quia statim in ipso nomine innotescit genus & differentia specifica peccati. Hanc autem quantitatem peccati dico omni alij quantitati plus esse ponderandam, licet in confessione non quæretur: quia per seipsam innotescit mox nominato peccato: sicut si nominatur cetus & polipus, ipso nomine innotescit maiorem esse cetum, quam polipum, dummodo audiens cognoscat vtrumque horum piscium. Quantitas autem accidentalis est à duobus extrinsecis, quorum vnum est mensura actus, & alterum agentis, quæ sunt locus & tempus. Et quia quandoque accidens non innotescit cum nomine rei, ideo oportet exprimere illa: non tamen faciunt tantam grauitatem, ut prima duo. Sed quia modus actus, & varietates personæ, quasi media sunt inter illa, ideo conferunt quantitatem magis essentialem quam secunda, & minus essentialem quam prima, quia non sunt de ratione peccati, & ideo peccato nominato non mox innotescunt illa, sed oportet exprimi ut sciatur quantitas quæ est ex ipsis: & in hoc conueniunt cum accidentalibus. Quia autem modus quædam forma actus est, & varietas personæ forma agentis, & vtrumque inseparabile à turpitudine peccati cuius augent quantitatem, ideo in aliquo conueniunt cum essentialibus: & ita sunt media minora quidem quam prima, & maiora, ut videtur mihi, quam secunda, si omnia illa paria intelligantur.

DICENDUM ergo ad primum, quod probat esse maiorem quantitatem ex istis, quia magis requiruntur istæ duæ à confesso: & inquisitio fit ideo quod in nomine peccati istæ duæ per se non innotescunt: tamen aliæ duæ maiorem dant peccato grauitatem.

AD ALIUD dicendum, quod loquendo de incongruitate accidentali peccati verum concludit:



dit: sed falsum est loquendo de incongruitate essentiali.

AD ALIUD dicendum, quod ut patet ex predictis, bene conceditur, quod aliis paribus, illa duo plus aggrauant, quam locus & tempus.

AD DVAS sequentes obiectiones puto simpliciter esse concedendum.

AD ID quod ulterius queritur de tentatione, dicendum quod voluntas tentati absque dubio maior & minor est etiam secundum Ethicū, ut innuit Arist. in 8. ethicorum, secundum quod maior vel minor est tentatio: ideo dicit vituperabiliorem esse fornicatorem incontinentem. Vocamus fornicatorem illum qui praue nit voluntatem: incontinentem autem eum qui trahitur vi delectationis. Tamen quia voluntas est causa efficiens actus, non dat ei quantitatem accidentalem tantum, sicut modus vel personae dignitas, quia illa addunt turpitudinem quasi nouam, quae alias in actu non esset: sed voluntas tracta non addit nisi maiorem vel minorem vituperationem turpitudinis essentialis, quae tamen esset in actu: & ideo etiam illa circumstantia raro queritur à confidente nisi ultimo veller eam dicere per seipsum. Ad obiectum autem dicendum, quod hic non dicitur voluntas quae est radix peccati: sed potius quaedam qualitas affectionis dicitur voluntas, quando dicitur, quod tentatio auget vel minuit voluntatem.

AD ALIUD dicendum, quod Glossa illa bene dicit, & Magistri bene exponunt: sed tamen illa est voluntas, quae est actus interior, & à conceptu sine est causa actus exterioris, vel potentia ipsa quae concipiendo finem est causa actus interioris: sed voluntas quae crescit tentatione decrescente, & decrescit ea crescente, est qualitas & affectio quaedam illius voluntatis: & ideo non oportet, quod ferat maiorem quantitatem peccato.

AD ID quod ulterius obiicitur de loco & tempore, patet solutio per antedicta: quia quod perquiruntur in confessione huiusmodi circumstantiae, hoc non est ideo, quia maiorem afferunt peccato quantitatem: sed potius ideo, quia non innotescunt cum nominatione peccati.

AD ALIUD dicendum, quod in veritate ex illa ratione non probatur, nisi quod haec duo aggrauant: quia falsum supponitur, quod modus & personae factorum actuum & officium horum non determinentur. Ordo enim est quo datur potestas ad sacrum actum & officium: & modus eorum est in situ, qui tota die docetur in Scriptura.

AD ALIUD dicendum, quod in canone ita determinatur propter dubium: dubium enim poterat esse, utrum ista aggrauarent peccatum, eo quod sint extrinseca: modus autem & personae dignitas etiam secundum dictamen propriae rationis aggrauant.

AD ALIUD dicendum, quod ista non trahunt peccatum in aliud genus ex se tantum, ut supra dictum est: sed ex hoc quod peccatum non est simpliciter, sed quasi componitur ex actu peccati, & actu lae sui loci: sicut est illatio vindictae, & huiusmodi: & ideo etiam sacrilegium magis committitur circa locum, quam circa tempus: quia tempori non potest fieri iniuria.

D. Alb. Mag. in Lib. 4. Sentent.

AD ID quod ulterius queritur de perseuerantia, dicendum, quod perseuerantia licet aggrauet aliquo modo damnum quod est ex peccato, tamen non aggrauat proprie peccatum: quia non dicitur proprie aggrauare peccatum, nisi quod ipsi actus affert rationem turpitudinis aliquam, quam sine illo non haberet: & hoc non facit perseuerantia confortando vel generando habitum: sed tamen prae disponit peccatorem, & ideo plangenda est frequentia, non tamen proprie quantitatem facit peccati: & ex prima ratione non probatur amplius, nisi quod prae disponatur peccans ex frequentia peccati.

AD ALIUD dicendum, quod elongatio illa non est in vno actu peccati quocunque, sicut exigeretur si peccatum aggrauaret: sed potius est in possibilitate per diminutionem boni naturalis: & ideo illa obiectio non concludit directam peccati aggrauationem, sed potius quoddam damnum peccantis, quod plangendum est ex hoc quod diu fuit in peccatis.

AD VLTIMUM quod obiicitur, scilicet de ingratitude, dicendum quod ingratitude non aggrauat peccatum aliquod, sed potius est effectus peccati consequens ipsum ex statu peccantis: nec peccata propter ipsam simpliciter reuertuntur, sed quodammodo, ut infra patebit.

## ARTICVLVS XXVIII.

*An penitens debet se ponere omnino in iudicio & potestate sacerdotis, nihil sui iuris sibi reservans? Et an teneatur ingredi religionem si sacerdos iniungat?*

DEinde queritur de hoc quod dicit ibi [Ponatur se omnino in iudicio & potestate sacerdotis, &c.] Hoc enim non videtur exigi à penitente: quia sacerdotis iudicium potest esse erroneum vel malitiosum: & tunc periculosum esset, ut omnino se poneret in iudicio sacerdotis.

VLTERRIVS autem gratia huius hic queritur *Quaestio* vilis quaestio, Vtrum penitens teneatur obedire sacerdoti si iniungat religionem ingredi: Videtur, quod sic: quia canones talem iniungunt penitentiam: ergo cum sacerdos sequatur canonem, ita est obediendum sacerdoti, sicut canoni.

2 Item, Genes. 19. Angelus iniunxit Lot, ut Exiret de Sodomis, & non staret in omni circa regione. Sodoma autem significat peccatum: & omnis circa regio significat mundi conuersationem: cum igitur sacerdos Angelus Domini sit, videtur quod & ipse possit iniungere.

3 Item, Multoties contingit, quod aliquis saepe patitur recidivum ex eo quod est proprii iuris: quod facere non posset, si esset in custodia alterius: cum igitur sacerdos debeat cauere penitenti de recidivum quasi prae omnibus aliis, videtur quod potest sibi iniungere, quod det se in custodia & potestate alterius: hoc autem esse non potest nisi per introitum religionis: ergo videtur, quod potest ex officio suo iniungere introitum in religionem.

4 Item, Peccata quaedam exigunt septemnem

Ff 3 peniten



pœnitentiam, secundum quod dicunt canones: si igitur illa iterantur, videtur quod posset extendi pœnitentia per totam vitam: & hoc in ieiuniis & vigiliis & orationibus: sed talibus quasi nihil superaddere videtur obseruantia quæ est in religione: ergo videtur, quod sacerdos religionis obseruantiam iniungere possit.

5 Si forte tu dicas, quod religio tenetur ad consilia, sed non pœnitens: & ideo non potest iniungi religio. Contra: Ad septemnem pœnitentiam non tenemur ex præcepto, nisi meruerimus eam per peccatum: & tamen consilium est eam facere, & laudatur qui facit: ergo id quod est simpliciter in consilio, potest pro aliquo peccato iniungi ex præcepto: ergo à simili & religio.

6 Item, Pro aliquo peccato video, quod aliquis addicitur à iudice spiritali carceri perpetuo, & etiam tenui victui, sicut aquæ & pani: constat autem, quod hoc multo grauius est quam religio aliqua: ergo multo magis potest aliquis in pœnitentia condemnari ad obseruantiam religionis.

7 Item, In litera dicitur, Nihil sui iuris referuans sibi: sed quandiu homo non habet professionem religionis, semper est sui iuris: sed pœnitens nihil sui iuris referuare sibi debet: ergo debet facere professionem obedientiæ & religionis, vt videtur.

8 Aliter etiam obiicitur contra literam istam: quicumque enim se totum ponit in arbitrio sacerdotis, nihil sui arbitrij retinet sibi: ergo tenetur facere quicquid sacerdos iniungit, clauæ non errante: sed si alius mutat pœnitentiam suam, non facit quod iste iniungit: ergo videtur, quod iste alius non possit sibi mutare pœnitentiam.

*Ad qu.*

**SOLVTIO.** Ad hoc dicendum videtur quantum ad primum obiectum, quod aliud est iudicium & potestas sacerdotis, in quantum sacerdos est habens clauæ & auctoritatem indicis in foro pœnitentiæ: & aliud iudicium hominis: iudicium enim sacerdotis in quantum huiusmodi, est secundum canones pensatis peccatis & statu pœnitentis, & hoc nunquam errat, nec est malitiosum: iudicium autem hominis quod sæpe erroneum est & malitiosum, non tenetur subire pœnitens.

*Ad qu.*

**AD ID** autem quod vltius quæritur, dico sine præiudicio, quod quia religionis obseruantia voluntatis est, & non necessitatis, vt dicit Augustinus, non potest iniungi in foro pœnitentiæ, nisi sub conditione si pœnitens eam suscipere voluerit: omnia enim quæ supererogationis sunt, laudabilia quidem sunt si fiant, sed nullus est ad ea cogendus.

**AD PRIMUM** autem quod contra hoc obiicitur, dicendum quod canones non iniungunt per modum necessitatis, sed per modum consilij ad terrorem alicuius peccati, quod exigit pœnitentiam maiorem quam alia, & per totam vitam.

**AD ALIUD** dicendum, quod regio circa Sodomam significat inclinancia in peccatum, sicut societas, & alia: sed tamen permissum est Lot ibi habitare, nisi ex voluntate declinasset ad montem: & ideo dictum Angeli reducitur ad consilium, & non ad præceptum.

**AD ALIUD** dicendum, quod aliter potest caueri reciduum: quia multi sunt modi vitandi peccatum, licet non ita bene possit vitare: præci-

pua tamen causa quare religio iniungi non potest, est: quia in religione aufertur homini ius suum de se: & hoc non potest fieri in pœnitentia, nisi quantum ad quædam, & non quoad omnia.

**AD ALIUD** dicendum, quod pœnitentia bene potest prolongari per totam vitam, & etiam plus, si vita plus durare posset: sed tamen non sequitur, quod religio possit iniungi: quia religio supra perpetuitatem ponit propriæ voluntatis in omnibus abdicationem & carentiam proprij, ad quæ nullus tenetur, nisi ex propria voluntate ea eligat: & ideo non potest iniungi.

**AD ALIUD** dicendum, quod bene contingit ex peccato aliquid fieri præceptum, quod alias non esset præceptum: quia aliud & aliud est præceptum peccanti, & non peccanti: pœnitentia enim est in præcepto quantum ad eum qui peccauit, & etiam confessio: sed non est ei in præcepto qui non peccauit. Sed tamen non omnia quæ non sunt in præcepto, sunt in præcepto, sed tantum ea sine quibus peccatum emendari iuste non potest: & ideo non alia quam illa possunt ei præcipi in foro pœnitentiæ.

**AD ALIUD** dicendum, quod non sequitur, si sacerdos potest præcipere quod difficilius est, quod possit etiam præcipere quod est minus difficile: & hoc contingit: quia non eundem ordinem necessitatis habent ad peccati emendam: sine religione enim peccatum emendari potest, sine pœnitentia autem canonica non: & ideo pœnitentia canonica præcipi potest, & non religio: licet quandoque sit difficilior, quam religio.

**AD ALIUD** dicendum, quod hoc non intelligitur in omnibus, sed tantum in his quæ pertinent ad canonicam emendam de peccato.

**AD ID** quod vltius obiicitur contra literam, dicendum quod sine dubio pœnitens stare debet arbitrio sacerdotis: sed arbitrium sacerdotis non saluatur tantum in illo quod iniungit, sed in æquivalente Ecclesiæ vel pœnitenti: & ideo locum postea habent commutationes & relaxationes.

## ARTICVLVS XXIX.

*An contritio potest intendi?*

**D**Einde quæritur de hoc quod dicitur ibi [Vt omnia eo iubente paratus sit facere pro recipienda vita animæ, &c.] Quæramus hic sex circa quantitatem contritionis: quorum primum erit, An intenditur contritio? Secundum, Penes quid attenditur intensio contritionis? Tertio de quantitate eius, quanta esse debeat? Quarto, Vtrum debeat esse æqualis de omnibus peccatis, vel de quibusdam maior & de quibusdam minor? Quinto de quantitate eius respectu temporis, vtrum debeat durare per totam vitam, an non? Sexto & vltimo de quantitate eius respectu voluntatis peccandi, vel non peccandi.

Ad primum horum, scilicet an intendatur contritio, obiicitur sic: In nullo genere est aliquid minus minimo: contritio dicit scissuram cordis per minima: ergo videtur, quod non possit plus & plus scindi: ergo nec in contritione potest esse intensio. Probat autem secunda ex hoc quod ratio contriti differt à ratione fracti: quia contri-

tum



tum est diuisum per minima, fractum autem non. Prima autem constat per seipsam.

2 Item, Nihil in infinitum potest intendi: sed contritio est infinita: ergo non potest intendi. Probatum prima ex ratione infiniti. Secunda autem ex effectu quo delet peccatum, & coniungit Deo: quorum neutrum est nisi diuinæ virtutis & infinitæ.

3 Item, Omne quod intenditur, per hoc intenditur quod magis accedit ad veram nominis impositionem, ut dicit Auctor sex principiorum: si igitur contritio intenditur, per talem accessum intenditur: sed omne quod accedit ad aliquid per motum, nondum est in illo: ergo contritio quæ intenditur, non est in vera ratione contritio: sed quæ non est vere contritio, non delet peccatum: ergo talis contritio quæ intendi potest, non delet peccatum, quod falsum est: quia cum omnis contritio conferret gratiam, & gratia cum peccato esse non possit, omnis contritio delet peccatum: ergo & hoc falsum, ex quo sequitur contritionem non posse intendi.

4 Item, Dupliciter intenditur id quod intenditur, scilicet per depurationem à contrario sibi permixto: sicut dicit Philosophus, quod albus est nigro impermixtus: & per accessum vel recessum ad id, quod illam rem dicit in termino: sicut bonum melius per accessum ad per se, & substantia- liter bonum, & malum peius per recessum ab illo. Si igitur contritio intenditur, altero horum modorum fiet: aut igitur per depurationem à contrario, aut per accessum & recessum ab aliquo. Si primo modo: tunc illud contrarium, aut est ex parte gratiæ informantis dolorem contritionis, aut ex parte doloris qui est de peccato. Si primo modo: cum gratia non habeat contrarium, nisi peccatum, esset contritio permixta peccato, quod falsum est: quia hoc esset contra rationem contritionis. Si secundo modo: constat autem, quod dolori de peccato non contrariatur in genere passionis, nisi gaudium de peccato, & non gaudium de dolore: ergo contritus posset esse aliquis, & habere gaudium de peccato: sed gaudium de peccato non potest esse sine peccato: ergo esset aliquis contritus, & haberet peccatum, quod absurdum est. Item, Si dicatur intendi per accessum ad vnum quod per se contritio est: tunc sequitur illud quod in præcedenti conclusum est, quod non sit vere contritio: ergo non vere habet effectum contritionis: ergo non vere delet peccatum, quod est inconueniens.

*Sed contra.* SED CONTRA hoc obiicitur sic: Omne id quod ex parte formalis & materialis intendi potest, vere intendi potest: contritio est huiusmodi: ergo vere potest intendi & remitti. Probatio secundæ est: quia gratia in vno maior est quam in alio, & in eodem potest esse maior quam sit: & hoc est formale in contritione: dolor etiam potest esse maior in eodem quam sit, & in vno est maior quam in alio, qui est materialis in contritione. Prima autem constat per seipsam.

2 Item, Quod non potest intendi vel remitti, in omnibus est æquale quibus inest: si igitur contritio non potest intendi vel remitti, in omnibus est æqualis quibus inest: sed contritione existente æquali oportet, quod gratia sit æqualis & dolor: ergo omnes contriti æqualem suscipiunt gra-

tiam, & æqualem habent dolorem de peccatis, quod absurdum est.

3 Item constat, quod contritio actus est ab aliqua virtute, siue sit illa penitentie, siue alia, quia de hoc non est vis quantum ad præsentem questionem: sed quælibet virtus potest intendi: ergo & illa: intensa autem virtute, intenditur eius actus: ergo & contritio actualis intendi potest.

RESPONDEO. Dicendum, quod sine dubio *Solutio.* contritio intendi potest absolute & simpliciter, tam ex parte formæ, quam ex parte materiæ, sicut probatum est: & videtur mihi esse insania potius, quam opinio eorum qui aliter dicunt.

DICENDUM ergo ad primum, quod tria sunt in contritione, scilicet dolor, gratia, & obiectum doloris: & quantum ad prima duo intenditur: quoad tertium autem est in minimo sui generis: quia omnes differentias mortalis peccati in mortario cordis inuentas conterit: unde sicut contingit in mortario, quod id quod conteritur, in puluerem redigitur: sed potest fieri contritio illa pistillo maiori vel minori, & ictibus fortioribus vel debilioribus, ita tamen quod uterque in puluerem redigant: ita est in contritione in qua semper conteritur peccatum, licet dolore & gratia inæqualibus: unde non sequitur, si pulvis contritionis debilioris non est maior, quam pulvis ictuum fortioris, quod propter hoc contritio actio, siue ictus pistilli non sit fortior in vna contritione, quam in alia: licet enim minus in effectu deletionis peccati non sit accipere, est tamen accipere minus & maius ex parte actionis conterentis, quæ est contritio actio: & etiam ex parte passionis.

AD ALIUD dicendum, quod gratia in sua essentia finita est, & etiam dolor: sed quia gratia est tale donum cum quo dato nos inhabitat Deus: sequitur ex illo dono virtus infinita: sed hæc radicatur in delente peccatum effectiue: & hoc quidem non potest intendi: sed gratia & dolor quæ finita sunt, intendi possunt.

AD ALIUD dicendum, quod intensio hæc est per accessum ad summum in gratia: quia sicut dicit Augustinus, hoc est in bono maius esse, quod est melius esse: & sic per maiorem assimilationem cum summo bono dicitur gratia maior & intendi. Ex parte autem doloris contingit esse veram nominis impositionem, quando in toto separatur à contrario. Dico autem dolorem voluntarium ex ratione deliberante, qui exigitur in contritione. Quod autem obiicitur, quod id quod accedit ad aliquid non est in illo, dicendum quod non sequitur: est enim duplex accessus alicuius ad aliquid, scilicet sicut ad naturam, & sicut ad terminum, siue ad summum illius naturæ: & quod est in natura aliqua, adhuc potest accedere ad perfectum & summum illius naturæ, sicut puer qui est in natura hominis, & tamen est in motu ad vitam, ut dicit Philosophus: & similiter dolor habet veram naturam doloris contritionis, sed potest accedere ad terminum & summum illius naturæ.

AD ALIUD dicendum, quod cum sint duo in contritione, scilicet forma, & materia: differenter penes duo attenditur intensio: gratia enim per accessum ad per se bonum, dolor autem à separatione à contrario. Et ex parte gratiæ patet responsio ex præhabitis in immediata præcedenti lectione.



ne: sed intensio doloris per recessum à contrario, non est adeo perspicua. Et ideo notandum, quod non omne quod intenditur per recessum à contrario, habet illud contrarium in se, vel sibi permixtum: quia secundum hoc omne quod sic intenditur, esset medium & extrema nunquam intenderetur, quod est etiam contra rationem grammaticam: sed id quod intenditur, habet in se contrarium permixtum, vel aliquid eius quo tenetur ne sit in termino: & id quod est aliquid contrarij, non est quandoque contrarij essentia, sed potius causa vel reliquæ sequentes contrarium, vel dispositiones subiecti relicte ex forma contrarij quæ inerat: & per separationem ab illis contingit reliquum contrarium accedere ad terminum suæ impositionis: & sic est hic: quia reliquæ peccati & natura corrupta quæ est ut causa peccati, & malæ pronitates relicte ex peccato, tenent quandoque peccantem ne intendatur suus dolor contritionis: cum tamen verum habeat dolorem contritionis separatim à contrario quod est gaudium de peccatis. Et per hoc patet solutio ad totum.

## ARTICVLVS XXX.

*An per aliquid & penes quid attenditur intensio contritionis?*

**S**ecundo quæritur, Penes quid attenditur intensio contritionis? Videretur enim, quod nihil inueniatur penes quod intendatur in pœnitente: quia quæcumque forma intenditur in aliquo, ex hoc intenditur quod eius causæ intenduntur, sicut patet in omnibus, scilicet albo, calido, & sic de aliis: sed contritio non habet causam in contrito: ergo videtur, quod non possit aliquid sumi in ipso, penes quod intendatur. Probatio mediæ est: quia contritio est donum Dei, & non ab homine.

2. Item, Contritio causa est iustificationis & salutis: ergo si contritio haberet causam in contrito: & quicquid est causa causæ, est causa causati, aliquid in contrito esset causa iustificationis & salutis, quod esset hæresis Pelagiana.

3. Item, Si aliquid in contrito est causa intensiois, hoc non est nisi attritio: sed attritio non est contritio, & secundum multos Doctores etiam non potest fieri contritio: ergo videtur, quod intensa attritione, non propter hoc intenditur contritio: ergo penes illud non attenditur intensio contritionis.

*Sed contra.*

**S**I PROPTER hoc dicatur, quod intenditur ex parte Dei intendentis eam, ita quod Deus est causa intensiois ipsius. Videretur, quod non: quia dicit beatus Dionys. Deus æqualiter se habet ad omnia, & præcipue ad omnes homines: ergo esset causa æqualis contritionis in omnibus, quod falsum est: ergo videtur, quod ipse non sit causa quare contritio intendatur.

1. Item, Effectus difformis non est causa uniformis in omnibus, & semper: sed contritio est effectus difformis, quia modo magna, & modo parua: ergo non habet causam, quæ semper sit uniformis: talis autem causa est Deus: ergo non habet causam Deum, ut videtur. Si forte tu dicas, quod dolor intenditur ex parte contriti, & gratia ex parte Dei intendentis eam, Contra: Tunc quæ-

ritur, Vtrum ista in intensioe æqualiter se habeant, aut intensio vnus sit causa intensiois alterius secundum naturam, licet forte tempore sint simul? Videretur, quod non æqualiter: omne enim quod in nobis est actus meritorius, est causatum à gratia præueniente: sed dolor meritorius, est actus meritorius in nobis: ergo causatur à gratia præueniente: ergo non sunt simul natura. Sed si hoc est: tunc redit idem: quia tunc ad intensioem gratiæ sequitur intensio doloris. Et tunc quæretur de intensioe gratiæ, quæ sit causa intensiois ipsius, ut prius.

3. Item constat, quod non sit dolere meritorie, antequam sit velle dolere: sed Augustinus dicit, quod præuenit gratia ut velimus: ergo non præuenit ut doleamus: ergo maiori gratiæ debetur maior dolor, & minori minor: & tunc iterum redibit difficultas.

**R**ESPONDEO dicendum ad hoc, quod causa intensiois duplex est, scilicet efficiens, & illa quæ est per modum præparationis & dispositionis in subiecto: & efficiens causa non videtur esse nisi Deus. Causa autem præparans & disponens in subiecto est ex parte hominis: & bene concedo, quod gratia præuenit dolorem actuale qui est in contritione, sicut habitus actus quos informat. Quis autem dolor sit ille, vtrum sensibilis vel rationalis, in parte patuit in alia disputatione quæ habita est de contritione, & iterum infra in hac eadem disputatione parebit.

**D**ICO igitur ad primum, quod causam sufficientem & efficientem non habet contritio in subiecto, sed præparantem & disponentem habet: & hoc sufficit intensioi, quando non deest efficiens: sicut patet quando præsentem combustiui æquali, maior calor exardescit in arido ligno quam in viridi.

**A**D ALIUD dicendum, quod verum quidem est, quod contritio est causa iustificationis & salutis: sed non est verum generaliter, quod quicquid est causa causæ est causa causati, nisi intelligatur hoc modo quo est causa: & sic nihil prohibet causam iustificationis & salutis esse in subiecto, sed per modum dispositionis & præparationis, & non per modum efficientis & formæ: & hoc est quod dicit Augustinus super Matth. Præcedit aliquid in peccatoribus, quo quamuis nondum sint iustificati, digni tamen iustificatione efficiuntur: & contra præcedit in aliis quo digni sint obtusione.

**A**D ALIUD dicendum, quod attritio & alia præparatoria sunt causa, tamen per modum qui dictus est: & cuilibet patet, quod illa ratio hoc non habet.

**A**D ID quod obiicitur contra aliam partem, dicendum quod licet Deus vno modo se habeat ad omnes: non tamen omnes vno modo se habent ad ipsum in recipiendo gratiam contritionis, & diuersitatem facit diuersitas præparationis quæ dicta est.

**A**D ALIUD dicendum, quod effectus difformis non est ab vna & simplici causa uniformi: sed si habeat plures causas, secundum diuersum modum causalitatis nihil prohibet illum effectum esse difformem: & ita est in contritione cuius difformitas causatur à difformitate recipientium, ut dictum est.



ARTICVLVS XXXI.

*Quanta debeat esse contritio?*

**T**ertio queritur de quantitate contritionis, quanta scilicet esse debeat? Videtur autem, quod minima sufficiat: minima enim est coniuncta cum gratia: & gratia minima delet omnia peccata: ergo minima contritio sufficit delere omnia peccata: cum igitur deletio peccati sit effectus contritionis, videtur quod minima contritio sufficiat.

2 Item, Minima charitas sufficit ad expulsionem omnis peccati, & ad resistendum cuicunque tentationi: contritio autem minima coniuncta est charitati: ergo sufficit delere omnia peccata, & resistere omni tentationi sequenti: sed ad nihil aliud datur nisi ad delendum peccatum: ergo videtur, quod minima sufficiat.

3 Item, Minima contritio habet gratiam & omnem virtutem: sed nihil exigitur ad contritionem peccati, nisi quod contrarium cuiuslibet peccati, quod est virtus, sit in subiecto: ergo videtur, quod per minimam excludatur omne peccatum per contrariam cuiuslibet peccato virtutem: ergo minima sufficit, ut videtur.

*Sed contra.* **S**ED CONTRA videtur, quod non sufficiat minima: quia ita precipitur Ierem. 6. Luctum Vnigeniti fac tibi planctum amarum. Luctus autem vnigeniti non est minimus: ergo cum tantus debeat esse luctus contriti, videtur quod non sufficiat minima contritio.

2 Item, Roman. 6. Humanum dico propter infirmitatem carnis vestrae, &c. ibi dicit Augustinus in Gloss. quod tantum debemus exhibere Deo, quantum peccato: licet in infinitum plus deberemus pro dignitate virtutis. Constat autem quod hoc non dicit minima contritio. Ergo videtur, quod non sufficiat minima.

3 Item, Super illud Psalm. 118. Dilexi testimonia tua super millia auri & argenti, dicit Augustinus, quod amplius diligit charitas legem Domini, quam cupiditas millia auri & argenti. Constat autem, quod contritio tali charitate est informata. Ergo videtur, quod supra omnem delectationem peccati debet esse quantitas contritionis: ergo non sufficiat minima, ut videtur.

**I**TEM vterius videtur posse probari, quod oportet esse infinitam contritionem: quia quanta fuit delectatio & damnum peccati, tanta debet esse vel maior contritio delens peccatum: sed in peccato diligebatur aliquid, propter quod amittebatur infinitum bonum, quod est Deus: ergo videtur, quod contritio delens illud, debet esse cum dolore & contritione infinitis: non ergo sufficit minima.

2 Item, Apoc. 18. Quantum se glorificauit & in deliciis fuit, tantum date illi tormentum & luctum. Et in Deuter. 25. dicitur quod secundum mensuram delicti sit & plagatum modus: mensura autem glorificationis & delicti est secundum eum in quem delinquitur: delinquitur autem in Deum, & Deus est infinitus: ergo mensura delicti infinita: & hoc etiam probat Anselmus in lib. Cur Deus homo. Ergo videtur, quod contritio quae excludit illud peccatum, debeat esse infinita.

**S**ED CONTRA iterum videtur, quod dolor contritionis minimus sit, quasi omnium dolorum qui sustinentur in hac vita. Constat enim minimam esse albedinem, quae maxime de nigredine habet admixtum: ergo est minimus omnium dolorum, qui maxime habet de gaudio aliquid admixtum: sed talis est dolor contritionis: ergo ipse est minimus. Quod autem talis sit dolor contritionis, patet per August. dicentem, quod poenitens doleat, & de dolore gaudeat.

2 Item, In multis aliis molestiis nos sensibiler experimur maiores dolores: ergo videtur, eum experimentum certissimum sit iudicium doloris, quod maiores etiam dolores sint in talibus.

3 Si autem tu dicas, quod dolor maximus est, & non sentitur: hoc erit contra Philosophum 7. ethic. ubi dicit, quod omnis delectatio factio quaedam est in sensibilem naturam. Constat autem, quod cum opposita fieri habent circa idem, quod etiam tristitia fieri habet circa naturam sensibilem. Cum igitur dolor sit tristitia de contrario, videtur quod omnis dolor sit circa sensibilem naturam. Constat autem, quod in quo est dolor per essentiam, illud dolet. Cum igitur sit in sensu, solus sensus dolorem habet: & ita sentitur dolor, si est.

4 Item, Philosophus 6. topic. reprehendit definitionem doloris sic datam, Dolor est distantia naturalium partium cum vi. Quia sic etiam insensibilia dolerent. Laudatur autem ista, Dolor est sensus diuisionis continui. Ergo videtur, quod dolor supponat sensum: & sic non erit dolor qui non sentitur. Videtur ergo, quod in contritione sit minimus dolor: quia minor ibi sentitur, quam etiam in verberare virgae, eo quod nulla sensibilibus partium diuiditur.

5 Item, Ex parte intellectus dicit Philosophus, quod inconueniens est nos aliquid scibilibus latere, habentes nobilissimos habitus: ergo etiam ex parte affectus habentes nobilissimas passiones & affectiones, inconueniens est nos hoc latere: ergo si quis maximum habet dolorem in contritione, ille non potest eum latere, ut videtur.

**R**ESPONSIO. Hoc non est difficile respondere. Dicendum enim, quod in contritione minimus dolor dicitur dupliciter, scilicet minimus ex parte passionis secundum sensum, siue actionis: quia, sicut supra dictum est, poenitens agit suum dolorem, & est causa eius: vel minimus secundum rationem. Si dicatur minimus secundum sensus experientiam, ille sufficit, dummodo sit contritionis: quia ille dolor cum sua quantitate variatur potius secundum diuersitatem complexionis poenitentium, quam secundum quantitatem detestationis peccati. Et huius ratio, prout praesenti tractatui sufficere videbatur, habita est in quaestione hanc immediate praecedente. Si autem dicatur minimus secundum rationem: ita tamen, quod saluatur in eo doloris essentia qui est contritionis: dico adhuc, quod sufficit: si autem haec non saluatur in eo, tunc non sufficit, quia nulla est ibi contritio. Dico autem, quod minimus secundum rationem sufficit: quia, sicut supra diximus, in dolore contritionis tria attenduntur, scilicet gratia informans, & dolor, ut actio & passio, & obiectum doloris siue causa passionis. Et per gratiam quamcunque minimam habet vim infinitam ad delendum



delendum peccatum : & ideo sufficit ad deletionem peccati in culpa tota & æterna pœna : licet pœnitens remaneat debitor pœnæ temporalis propter paruitatem doloris ut actionis & passionis : quia ille dolor posset esse tantus , quod totam pœnam peccato debitam deleteret. Vnde melior esset maior , quam minor : sed tamen minus sufficit.

DICENDUM ergo ad prima tria , quod verum est quod concluditur quantum ad deletionem culpæ & pœnæ æternæ communicantis eam : sed non sufficit ad deletionem pœnæ temporalis. Et pœnitentia non tantum ordinatur contra peccatum , ut deleat pœnam æternam cum culpa , sed etiam ut deleat temporalem.

AD ID quod contra obiicitur , dicendum quod hoc dicitur quantum ad mensuram doloris , quæ etiam est in minima contritione : hæc autem mensura est ut doleat plus de peccato per quod amissus est Deus , quam de aliqua re temporali : unde non dicitur , quod luctum vnigeniti faciat sibi , ideo quod etiam non debeat esse maior : sed quia in exteriori signo nulli maiori comparari potuit : & in litera hic in verbis August. plus dicitur , scilicet quod omnia paratus sit facere pro recipienda vita animæ , quæ faceret pro euitanda morte corporis : hæc enim mensura exigitur ad minimum dolorem contritionis : tamen de hoc infra amplior erit quæstio. Et ideo quia sic scilicet mensuratur contritio minima , non est inconueniens quod adductum est.

AD ALIUD dicendum , quod hoc intelligitur quantum ad voluntatis dispositionem , & non quod non plus debeamus nos exhibere Deo. Dispositio autem illa voluntatis est , ut ita libere & non coacte seruimus Deo & delectabiliter secundum rationem , sicut exhibuimus nos peccato : tamen nulli peccato ita nos exhibuimus , quod propter metum mortis non fuissimus separati ab eo , sed tamen nec mors nec vita debent nos separare à charitate Christi.

AD ALIUD dicendum , quod charitas in infinitum plus quantum ad appretiationem diligit legem Dei , quam cupiditas millia auri : quia diligit super vitam , quod non facit cupiditas quæ diligit aurum propter vitæ sufficientiam , ut dicunt Boëtius & August. licet forte plus delectationis sensibilis cupiditas in auro experiatur : & ratio huius infra patebit.

AD ALIUD dicendum , quod infinitæ virtutis est minimus , sicut prius dictum est , & etiam infinitæ æstimationis in pretio : quia sicut amisit infinitum bonum , ita modo idem ipsum appretiat super omne pretium , etiam vitæ corporalis , quoniam Deum super omnia diligit : quia nisi hoc faciat , absque dubio non erit dolor contritionis.

AD ALIUD dicendum , quod notatur in illa auctoritate duplex æqualitas , scilicet in genere , & in specie. In genere notatur quantum ad lamentum exterius , ut scilicet sicut se inordinate offerendo glorificauit in peccatis , ita tunc ordinate pœnitendo se humiliet. In specie autem notatur æqualitas ad luctum interiorem , ut scilicet sicut gloriando in peccatis temporale Deo præposuit , ita nunc Deum recipiendo sub nullo pretio Dei amissionem ponat , etiam sub pretio vitæ propriæ , vel aliorum suorum propinquorum.

AD ID quod obiicitur , quod minimus sit omnium , dicendum quod non sequitur conclusio illa ex ratione inducta : quia nullum gaudium remittit dolorem , nisi sit contrarium dolori illi : sicut nec caliditas remittitur per humiditatem , quæ non est sibi contraria , sed potius per frigiditatem quæ est sibi contraria : gaudium enim de dolore non est contrarium dolori illi , & ita non remittit eum. Supra autem habitum est hoc , & etiam qualiter potest esse dolor afflictionis , & tamen voluntarius.

AD ALIUD dicendum , quod non loquimur hic de dolore sensibili , sed rationali & illum experimur maiorem esse in peccatis , quam etiam in confixione vitalium : quod patet , quia eligimus potius configi vitalia , quam peccatum : ergo plus detestamur peccatum , quam confixionem vitalium : & secundum quantitatem illius detestationis est quantitas doloris in contritione.

AD ID quod contra obiicitur , dicendum quod Philosophus non loquitur sibi nisi de dolore naturali , & non illo qui est per gratiam : quia ipse istum per rationem cognoscere non potuit : & bene concedo , quod dolor quasi æquiuoce dicitur de sensibili siue naturali , & rationali : quia cum rationalis natura contrarium non habeat in natura , Philosophus dicit eam impassibilem , nisi per accedens forte in corpore : & tamen fides nostra ponit eam per se naturaliter pati in igne. Dico autem naturaliter idem quod in natura sua pati. Hoc autem quod dicit Philosophus , quod delectatio est factio in sensibilem animam , ipse accipit delectationem propriissime , secundum quod immutat & alterat : vel magis secundum ipsum prout est terminus alterationis ex passione aliqua , sicut ipse dicit in 10. ethic. communius tamen accepta dicit quietem voluntatis in appetibili consecuto : & sic est rationalis delectatio.

AD ALIUD dicendum , quod loquitur de dolore naturali.

AD ALIUD dicendum , quod non latet nos dolor : sed latet nos , utrum contritionis , vel non contritionis sit : quia scimus nos detestari peccatum & dolere de commisso , sed nescimus nos habere gratiam : quia sicut dicitur Ecclæ. 9. Nemo scit utrum amore vel odio dignus sit. Et per hoc patet solutio ad totum.

## ARTICVLVS XXXII.

*An contritio debeat esse æqualis de omnibus peccatis?*

Quarto quæritur , Vtrum de omnibus debeat esse contritio æqualis : Videretur autem , quod non : quia sicut habitum est , contritio est dolor rationalis : ratio autem æstimat peccata de quibus est dolendum : sed æstimata non sunt æqualia : ergo dolor de eis non est æqualis.

2. Item , Maior dolor est de mortali , quam de veniali propter distantiam mortalis & venialis : ergo cum distantia sit etiam in mortalibus , maior erit dolor de vno quam de alio.

SED CONTRA : Contritio tota est de hoc Sed contra quod per peccatum amissus est Deus : sed hoc ita æqualiter est per omne mortale peccatum : ergo contritio de quolibet mortali peccato est æqualis , ut videtur.

2. Item,



2 Item, Contritio delens culpam & poenam est momentanea: sed in momento non potest esse de quodam maior, & de quodam minor: ergo videtur, quod sit de omnibus æqualis.

3 Item, Quicquid agit in multa simul, ita quod non in singula, non agit in quoddam plus & in quoddam minus, quantum est ex parte ipsius agentis: dolor contritionis sic agit in peccatum: ergo quantum est ex parte doloris agentis, non agit in quoddam plus & in quoddam minus. Probatio primæ est: quia si in quoddam ageret plus, & in quoddam minus, quantum est ex parte sui, oportet quod ratione illorum diuideretur actio, & sic non ageret in omnia simul, quod est contra hypotheseum. Probatio autem secundæ est: quia in contritione non deletur peccatum post peccatum, sed omnia delentur simul per actum contritionis.

*Solutio.*

RESPONSIO. Dicendum, quod duplex est contritio, scilicet operans in iustificatione impij, & illa quæ conterit peccatum in poena debita, licet non in culpa. Prima contritio est motus liberi arbitrij in peccatum, & hic motus est in omnia peccata simul: & est idem quod detestatio peccati mortalis in quantum huiusmodi: & illa detestatio dupliciter consideratur, scilicet in actu, vel in ordine rationis elicientis actum. Si in actu: tunc est indivisa actio de omnibus peccatis, & non de vno plus & de alio minus. Si autem in ordine rationis elicientis attenditur: tunc est de maiori maior detestatio, & de minori minor in habitu rationis. Et hæc distinctio eadē est cum illa, quod dolor actualis dupliciter consideratur, scilicet ex parte obiecti, & ex parte agentis. Ex parte obiecti quidem est æqualiter de omnibus simul in summa. Ex parte autem agentis præsupponitur ordo rationis. Contritio autem quæ deletiva est poenæ, successiva est: & hæc est de maiori peccato maior, & de minori minor. Et per hoc patet solutio ad omnia argumenta, quæ omnia procedunt secundum partes huius distinctionis.

### ARTICVLVS XXXIII.

*An contritio possit esse brevis & finita?*

QVinto quæritur de quantitate eius respectu temporis. Videtur autem, quod possit esse brevis & finita respectu temporis: quia si partes alicuius totius simul constituunt ipsum, vna deficiente deficit totum: sic autem constituitur poenitentia contritione, confessione, & satisfactione. Cum igitur satisfactio sit finita & confessio, videtur & tunc finiri in tempore poenitentia: ergo & contritio.

2 Item, Nulla medicina extenditur ultra morbum: sed contritio medicina quædam est: ergo non extenditur ultra morbum: sed morbus sæpe in tempore deletur in culpa & poena, ita quod homo non habeat aliquam mortalem culpam, & non sit debitor alicuius poenæ: ergo tunc non debet habere medicinam sacramentalem: ergo nec contritionem: quæ est medicina sacramentalis peccati actualis.

3 Item, Nihil conteritur, quod nullo modo est: ergo nec peccatum quod nullo modo est, con-

teri potest: & non est contritio nisi de peccatis: ergo videtur, quod tunc finita est contritio. Quod autem peccatum mortale actuale, nullo modo possibile sit esse, ex hoc probatur quod dictum est, quod hic homo potest fieri immunis à culpa mortali & poena.

4 Item, Pronior est Deus ad miserandum, quam ad condemnandum: quod patet ex hoc quod remittit totam culpam & æternam poenam, & exigit tantum poenam corporalem siue temporalem: igitur ipse non vult poenas nostras, cum non sumus debitores: sed iste potest esse nullius poenæ debitor: ergo nec poenæ interioris: ergo nec Deus vult ipsam: ergo poenitentia contritionis finitur in isto.

5 Item, Supra distinct. 14. habitum est, quod poenitentia restituit in pristinum statum innocentia: constat autem, quod innocens non tenetur conteri: ergo nec ille qui expleuit pro peccato quod debuit: ergo dolor contritionis finitus est in illo secundum tempus.

SI AVTEM hoc concedatur, erit contra August. dicentem hoc, Semper doleat, & non satis doluisse doleat, & de dolore gaudeat: & ubi dolor finitur, finitur & poenitentia: & ubi finitur poenitentia, finitur & vita: ergo videtur, quod non debeat finita esse contritio siue dolor contritionis in hac vita.

*Sed contra.*

2 Item, Iob 3. dicitur, Paruus & magnus ibi sunt, & servus liber à domino suo. Quod exponens Gregor. dicit, quod qui semel servus est peccati, non erit liber à dolore, nisi in alia vita. Ergo videtur, quod dolor non finitur in ista vita.

3 Item, Nullus scit, utrum odio an amore dignus sit: ergo nec scit, utrum remissa sint peccata: sed dubio illo existente semper debet esse dolor de peccato perpetrato: cum ergo dubium illud extendatur per totam vitam, dolor perseverare debet per totam vitam: ergo non finitur in tempore dolor contritionis.

4 Item, Ponamus alicui reuelari, quod sibi dimissa sint peccata in poena & in culpa. Et si quærat tunc ab eo, utrum doleat de peccato perpetrato: constat, quod ipse respondebit, sic. Cum igitur ille non mentiatur, ipse vere dolet: non autem dolet nisi dolore contritionis, quia omnis dolor de peccatis perpetratis rationalis & gratia informatus, dolor contritionis est: ergo iste adhuc habet dolorem contritionis: & ita semper poenitebit usque ad mortem: ergo semper perseverat in eo dolor contritionis: ergo contritio non finitur in ipso ante mortem.

5 Item, Sancti assignant causam quare Deus pro peccato vnius horæ punit æternaliter, dicentes: quia homo mortaliter peccans, committit se peccato à quo per se separari non potest in suo æterno, hoc est, in vita: & quia quantum est de se peccat in suo æterno, punit eum Deus æternaliter in Dei æterno: ergo à simili per eandem iustitiam si contritio commutat poenam æternam, necesse est, quod ipse puniat peccatum in suo æterno: suum autem æternum est totum tempus huius vitæ: ergo dolor contritionis debet fieri in toto tempore huius vitæ.

RESPONDEO, quod ultimis obiectionibus consentiendum est: quia dolor contritionis non finitur in hac vita, sed finitur in alia: & ita quantitatis infinitæ est poenitentia & contritio quantum ad

*Solutio.*



ad æternum hominis : quia si in æternum in hac vita viueret , in æternum de peccato perpetrato doleret.

**D I C E N D U M** ergo ad primum , quod pœnitentia non æqualiter saluatur in partibus illis , sed proprie in contritione : & hoc quantum potuimus supra verificatum est : & ideo pœnitentia in contritione æternitatem hominis habet , licet non æternitatem simpliciter , quia pœnitentia medium est inter totum vniuersale & totum integrale , & partes suæ mediæ inter homogenias & heterogenias : & hoc totum supra explanatum est.

**A D A L I V D** dicendum , quod morbum impossibile est in toto finire : manet enim , vt dicit Magister Hugo de sancto Vic. quantum ad vinculum detestationis perpetuæ in memoria perpetrati delicti in quantum perpetratum est : & ideo illa fundatur super falsum : & huius ratio patebit in sequentis obiectionis solutione.

**A D Q V A M** dicendum , quod quædam pœna peccati est taxara à sacerdote , & quædam consequitur peccatum in pœnitente : & prima quidem finibilis est , secunda autem non : & hæc est detestatio perpetua peccati : quam innuit Dominus Ioan. 8. cum dixit , Vade & noli amplius peccare , id est , velis non peccare , quod est detestari peccatum.

**A D A L I V D** dicendum , quod duplex est pœna , scilicet affligens tantum , & promouens cum afflictione : & verum est , quod Dominus non delectatur in pœna in quantum est affligens : sed vult bene pœnam nostram in quantum est promouens : & talis est pœna contritionis & medicina quæ simul est contra morbum , vt præseruans à morbo , & bene manet per totam vitam.

**A D A L I V D** dicendum , quod pœnitentia non restituit in pristinum statum dignitatis , sed meriti & immunitatis peccati quoad culpam & pœnam exteriorem hic , sed non quoad absolutionem ab omni pœna , nisi prout extenditur per totam vitam , vt dictum est.

#### ARTICVLVS XXXIV.

*Quanta debet esse quantitas contritionis respectu voluntatis peccandi vel non peccandi?*

**S**exto & vltimo quæritur de quantitate contritionis respectu voluntatis peccandi , vel non peccandi. Videtur autem hic ex litera accipi , quod quantitas contritionis debeat esse tanta , quod etiam pro redemptione istius naturalis vitæ noller peccare. Cum ergo vita charius possideatur quam aliquod aliorum , videtur , quod pro nulla alia re debeat peccare velle.

2 Item, Apostolus Rom. 8. Quis nos separabit à charitate Christi , &c. Ergo nihil potest præponi in bonis vel malis creatis quod anteponderandum sit Deo : ergo videtur , quod qui aliquid anteponebat , quod ille in charitate non sit : ergo non contritus : ergo quantitas contritionis debet esse tanta , quod pro nulla re prospera vel aduersa peccare veller.

3 Item, Ioëlis 2. Convertimini ad me in toto corde vestro , in ieiunio , fletu , & planctu. Ergo

nihil de toto corde retinendum est , quod non conuertatur in contritione ad Deum , præpositis omnibus separantibus : si igitur diceret alicui conscientia , quod citius veller à Deo separari per peccatum mortale , quam videret se vel suos quosque charos suspendi , vel etiam turpius interfici , ipse non esset contritus.

4 Item, In simonia peccatum ideo est , quia impretiabile ponitur sub pretio : ergo vbicumque hoc contingit , peccatum est ibi , licet non simonia : sed qui propter aliquid difficile vel prosperum separari veller à Deo , Deum ponit vendibilem pro illo : ergo impretiabile ponit sub pretio : ergo peccat : & peccans actualiter & mortaliter non est contritus : ergo ipse non est contritus.

5 Item, Augustinus in libro confessionum , Minus te amat qui tecum aliquid amat. Ergo non licet aliquid æqualiter amare cum Deo affectu vel effectu : ergo multo minus licet aliquid amare affectu vel effectu supra Deum : supra Deum autem aliquid amat effectu omnis ille qui potius separatur à Deo , quam aliquid creatum amittat : ergo omnis ille peccat mortaliter : ergo non est contritus : ergo ad contritionem exigitur conscientia illius voluntatis , quæ pro nulla re prospera vel aduersa separari vult à Deo. Istud habetur per hoc quod dicitur Deut. 6. Diliges Dominum Deum tuum ex toto corde tuo , &c. Si enim etiam corde aliquid Deo anteponebat , constat quod non ex toto corde diligit : ergo charitatem non habet : ergo nec contritionem. Si forte tu dicas , quod hoc præceptum non est datum vt impleatur in via , sed in patria , vt dicit August. Contra : Communiter dicitur , quod est totalitas viæ , & totalitas patriæ : & totalitas viæ ab omnibus esse dicitur , vt nihil in corde Deo anteponatur : totalitas autem patriæ , vt totum cor per cogitatum & affectum in ipsum dirigatur : & completur in via secundum totalitatem viæ : sed iste in corde Deo aliquid præponit : ergo non diligit : ergo nec contritus est. Et de hoc multum inuenies disputatum super tertium in quæstionibus de dilectione.

**S E D S I** hoc dicatur , videtur quibusdam difficile : quia multi sunt in quibus apparent signa pœnitentiæ , quibus tamen si proponeretur , quod omnes suos & se viderent pati turpes mortes , potius vellent peccare : ergo videtur , quod ad ista non tenentur.

2 Item, In dilectione aliquid est ad quod tenetur perfectus , & aliquid quod sufficit imperfecto : ergo & in contritione sic est : ergo cum perfectus non possit magis conteri nisi vt nihil præponat Deo , videtur quod imperfecto sufficit contritio minor : ergo potest aliquid antepondere Deo , vt videtur.

3 Item, Charitas crescit & perficitur , & quandoque est imperfecta : ergo & contritio : sed contritio ultra prædictum statum crescere non potest : ergo videtur , quod incipiens est citra illum : non autem potest esse citra illum , nisi aliquid anteponderando Deo : ergo incipiens contritio potest aliquid antepondere Deo : cum igitur ista sufficiat ad salutem , sicut & incipiens charitas , videtur quod contritio quæ salutem dat , non exigat illam quantitatem quam nihil anteponebat Deo.

**R E S P O N S I O.** Hic loqui caute oportet , vt veritas saluetur , & nullus iniiciatur laqueus deceptionis. Dico igitur sine præiudicio , quod rationes



tiones primo inductæ irrefragabilem concludunt veritatem secundum viam nostræ fidei & doctrinam Catholicam : tamen sacerdos huiusmodi quantitatem non debet exigere , vt coram se profiteatur pœnitens , sed in habitu debet eam per signa in ipso supponere, licet forte pœnitens propter nouellam eius conuersionem non adhuc eandem experiatur in actu : si tamen pœnitens profiteatur eam sponte, & talem habere se dicit, fouendus est in ea: quia dicit beatus Gregor. in moralibus, quod homo efficitur audax ad patiendum pro Christo ex hoc quod imponit sibi sæpe terribilia, & in corde suo confortat se ad sustinendum. Si vero profiteatur se pœnitens esse in ambiguo, vtrum cederet, vel sustineret antequam peccaret: puto, quod salua res est, quia illius ambigui causa est timor naturalis quem magis experimur in actu, quam charitatem : ideo talis iam signum habet charitatis quæ causat ambiguum, & cum adiutorio Dei talis sustineret, sine cuius auxilio nihil potest fieri meritorie. Dico autem sufficere ambiguum : quia nullus certus est, vtrum cederet, vel sustineret : sicut dicit Augustinus in lib. de sancta virginitate. Si autem ex deliberata conscientia dicat se certum esse, quod potius peccaret : istum non credo esse contritum, & nullam percipere remissionem peccatorum : tamen non est abiiciendus, quia consuetudo attritionis inducit contritionem, sicut timor seruilis initialem & filialem.

AD ID ergo quod obiicitur in contrarium, dicendum quod multi per Dei gratiam in ambiguo sunt : & etiam in consolatione adiutorij Dei spem habentes non redeundi: licet ignorentur futuri casus: & ideo hoc non est terribile.

AD ALIUD dicendum, quod in dilectione interiori non separatur perfectus ab imperfecto, sed in signis exterioribus : hæc autem quantitas contritionis tota est in voluntate & conscientia interioribus : & ideo ad eam tam perfectus quam imperfectus tenetur.

AD ALIUD dicendum, quod incipiens per hoc quod ponit charitatem, diligit Deum præ omnibus, & super omnia habere & propter se : sed crescit in vigore merendi & assimilatione ad Dei bonitatem. Et similiter contritio non crescit in quantitate ista, quia hæc exigitur ad omnem contritionem, sed crescit in aliis, scilicet quoad essentiam, & potentiam purgandi reliquias peccati.

### ARTICVLVS XXXV.

*An sit aliquis status ultra quem non intenditur, neque crescit contritio?*

DEinde queritur de hoc quod dicit ibi [Et hoc cum desiderio, quia vitam recuperat infinitam, &c.] Habitum est enim, quod contritio intenditur & crescere potest. Queratur ergo, Vtrum sit aliquis status, ultra quem non crescit, sed stat in illo? Videtur autem, quod sic: quia dicit Philosophus, quod omniū natura constantium terminus est & ratio magnitudinis & augmenti : ergo cum ea quæ sunt gratiæ, sunt magis ordinata : videtur quod ea quæ sunt gratiæ, etiam habeant statum suæ perfectionis.

2 Item, Sicut dicitur in Apoc. latera ciuitatis D. Alb. Mag. in Lib. 4. Sentent.

sunt æqualia: & latera sunt virtutes: ergo virtutes sunt æquales: ergo si aliqua vna stat & non crescit ultra, omnes aliæ stabunt : sed charitas stat : ergo & omnes aliæ: ergo & contritio. Probatio, quod charitas stat: dicit enim Augustinus, quod charitas nutrita augetur, & aucta perficitur, & post perfectionem nihil ei additur : ergo stat in sua perfectione : ergo constat propositum.

3 Item, Macrobius super somnium Scipionis sequens Platonem, dicit virtutes non progredi ultra statum virtutum animi purgati, secundum quod sunt in homine : ergo ibi stant: & contritio alicuius virtutis est : ergo stabit in illo statu.

4 Item, Nihil est perfectum nisi quod habet vltimum sui secundum naturam : si ergo contritio non habebit vltimum sui secundum naturam, ipsa semper erit imperfecta : sed semper crescens, nunquam habebit vltimum sui secundum naturam: ergo semper crescens, semper erit imperfecta, quod est inconueniens.

5 Item, Constat, quod virtus humana finita est. Sit igitur, quod homo conteratur ex tota virtute, hoc enim possibile est : cum ergo tota virtus finita sit, finitus erit eius actus, & tantus quo non potest esse maior ex illa virtute : ergo tunc stat : ergo aliquis est status ultra quem crescere non potest.

SED CONTRA: Bernard. Stare in via Dei, sed con-  
retrocedere est : ergo nullus est status in via Dei, <sup>tra.</sup>  
vt videtur : ergo quodlibet meritum crescere potest : ergo & contritio.

2 Item Seneca, Ibi desinis esse bonus, vbi desinis velle fieri melior. Constat autem, quod illa voluntas non est inane desiderium. Ergo potest fieri melior in quolibet bono : ergo & contritione: ergo contritio semper crescere potest.

3 Item, In præmio quoad homines nullus est status, qui non possit habere sub Deo statum & meliorem & altiore: ergo nec in merito ad præmium ordinato : sed vnum meritum est contritio: ergo in contritione nullus est status ultra quem crescere non possit.

SOLVTIO. Dicendum, quod nullus est status contritionis in quo crescere non possit : sed tamen omnis actus contritionis status est, sed potest esse maior & in eodem homine & in alio.

AD ID ergo quod primo obiicitur, dicendum quod res dupliciter perficiuntur, scilicet ex vltimo suæ naturæ, tam ex parte essentia, quam ex parte quantitatis : & hoc modo perficiuntur res naturales in forma & quantitate sibi debita. Quædam autem perficiuntur ex hoc quod in assimilatione magis accedunt ad aliquid quod substantialiter per se est tale : & hoc modo perficiuntur res morales, & præcipue diuinæ per gratiam & merita. Et quia hæc in infinitum distant ab illo, ad hoc per assimilationem accedunt : ideo nullus est status boni illius, quo non possit esse maior & melior.

AD ALIUD dicendum, quod charitas non stat : vnde dicit Chrysost. quod charitas Dei fonte magis manat, & non stat, sed semper proficit aut deficit : & ideo sua perfectio non est statio in statu aliquo, sed potius in exclusionem imperfectionis quoad signa: & tunc dicitur esse perfecta quæ sufficit ad opera & signa perfectionis.

Gg

Ad



AD ALIUD dicendum, quod eodem modo dicuntur virtutes animi purgati, virtutes quæ perficiunt animam in tali statu in quo nihil manifestatur de passione virtuti contraria: non tamen ideo dicitur purgati, quod crescere non possit in accessu ad virtutem exemplarem.

AD ALIUD dicendum, quod ultimum dicitur dupliciter, scilicet complens essentialiter, & de hoc tantum est verum quod obiicitur. Dicitur etiam ultimum id ad quod est accessus, & quod solum simpliciter perfectum est: omne autem aliud tanto perfectius, quanto ad id magis accedit: & de hoc non est verum quod dicit: quia talia habent perfectionem quæ simpliciter est in vno tantum, & in aliis per participationem & assimilationem illius: sicut etiam Philosophi dixerunt & Sancti intelligentias tanto magis perfici & uniri & simplices fieri, quanto magis participant bonitates quæ sunt à causa prima: & in talibus vñ quodque perfectum est, sed semper potest esse perfectius.

AD ALIUD dicendum, quod duplex est potentia, vel melius est potentia consideratio: secundum se, & secundum comparationem ad habitum perficientem. Si enim potentia secundum se consideretur: tunc necessario concludit obiectio inducta. Si autem consideretur in comparatione ad habitum cui adiungitur: aut ille habitus perficit tantum virtute creata, sicut omnis habitus acquisitus & innatus: aut perficit simul virtute creata & increata, eo quod ei coniuncta est virtus essentialis increata. Si primo modo, adhuc verum est quod concludit obiectio. Si autem secundo modo: tunc nihil valet: quia licet in se virtus finita sit, tamen in se semper crescit ei posse, ex hoc quod recipit gratiam gratum facientem maiorem: & tunc potest in amplius. Et quia sic bene utitur gratia accepta, iterum datur ei gratia maior, quæ accepta, potest in ampliorem actum meriti: & nunquam erit talis status meriti in quo homo crescere non possit. Et per hoc patet solutio ad totum.

## ARTICVLVS XXXVI.

*An oporteat confessionem esse integram?*

**D**Einde per præcedentes de elemosyna questionibus habitas omnia patent vsque ad illum locum vbi dicitur [Caueat ne ductus verecundia diuidat apud se confessionem, &c.] Queritur enim hic de integritate confessionis. Et videtur, quod non oportet eam esse integram: confessio enim est propter iudicium peccati: æquale autem vel etiam melius iudicium fit de peccato quando vna vni pars propalatur, & alij alia pars, quia pluribus intentus minor est ad singula sensus: cum igitur diuisio valeat ad melius iudicium peccati, videtur quod melior sit confessio diuisa, quam integra.

2 Item, Nullum est periculum in poenitentia: quia si vnusquisque iniungit competentem poenitentiam de his quæ audiuit, collecta simul poenitentia omnibus erit competens & condigna: ergo ipsa delet peccatum, licet sit diuisa.

3 Si forte tu dicas, quod sicut in litera dicitur, propter verecundiam hoc fit: quia magis verecundatur coram vno dicere omnia, quam diuisum coram multis. Contra: Verecundia accedit

confessionem: propter accidens autem non debet variari res in substantia: ergo propter verecundiam non potest esse, quod non sit confessio diuisa, dummodo alias confessio sit.

4 Item, Si propter verecundiam hoc fit: tunc etiam alia maiorem verecundiam inducentia debent præcipi confitenti. Constat autem, quod coram vno sacerdote multo magis verecundatur, quam coram alio: ergo videtur, quod sibi præcipi debeat, quod illi confiteatur coram quo maxime verecundatur, quod falsum est: ergo verecundia non est causa.

5 Item, Possibile est aliquem confessionem diuidere non ex causa quæ assignatur in litera, scilicet vt per hypocrisim se laudet: quia post aliquis hoc facere ex ignorantia, vel ex quantitate contritionis: quia vult, quod plures plura iniungant, & sic melius satisfaciatur: ergo videtur, quod tunc talis possit diuidere confessionem.

6 Item, Videtur multis esse impossibile quod dicit, Dicit enim Psalm. Delicta quis intelligit: ab occultis meis munda me. Ponamus ergo, quod aliquis in confessione sua quorundam sit oblitus, quæ libenter confiteretur, si in memoria haberet: & postquam omnia quæ in memoria habuit, confessus est: & recedat ab eo sacerdos, vel è conuerso ipse à sacerdote, ita vt ad eum accedere opportune non possit: & tunc recorderetur aliquorum quæ non est confessus: tunc igitur quæro, an confessio prius facta valuit, an non? Si valuit: ergo eam iterare non tenetur: ergo ea quæ habet in memoria & prius non habuit, potest alij dicere: ergo diuisa confessio valet. Si autem non valuit: ergo ex recordatione nulla confessio valet, in qua non dicuntur omnia etiam oblita, quod est fere omnes homines damnare, & ideo hoc est absurdum. Si forte tu dicas, quod valuit: sed statim vt recordatur plurium, incipit non valere, nisi illa quorum recordatur, & etiam prius dicta, vni alicui confiteatur. Contra: Id quod non coniungitur alicui in tempore nec in essentia, videtur quod non destruat ipsum: sequens autem recordatio peccatorum præhabita confessioni non coniungitur: ergo non destruit eam: ergo si ante hoc valuit, & postea valet, vt videtur.

7 Si dicas, quod hæc ratio non valet: quia sequens peccatum prius facta bona mortificat, quibus tamen non coniungitur essentialiter vel in tempore, sed in eodem subiecto tantum. Contra: Quod sequens peccatum mortificat prius facta bona, contingit propter contrarietatem culpæ & gratiæ: sed prior confessio & sequens recordatio non habent huiusmodi contrarietatem: ergo vnum non destruit aliud. Item, Si ex sequenti recordatione ille obligatur ad confessionem præcedentium: queratur, unde hoc contingit? Non enim hoc contingere posset, nisi quia prius facta confessio non valuit, vel modo non valet ex quo plurium recordatur. Si prius non valuit: ergo pars ista poenitentia deficit: ergo deficit vera poenitentia: sed nulla nisi vera poenitentia deletiuum est peccati: ergo prius non erat in eo deletum peccatum, quod falsum est: quia potest esse, quod omnia deleta sunt, & ea quæ prius confessus est, & ea quorum postea recordatus est. Si autem prius valuit, & modo non valet: videtur quod sit ex contrarietate sequentis recordationis ad confessionem: sed sequens recordatio bonum quoddam est,



est, & præhabita confessio bonum quoddam: ergo bonum contrariatur bono, quod est absurdum.

Quali-  
culi.

ULTERIVS quaeritur, Vtrum posito, quod pœnitentiam prius iniunctam perfecit, & postea aliquorum recordatus sit, teneatur iterato totum confiteri, aut non? Si sic, cum confessio non sit nisi propter pœnitentiã ipse recipiet pœnitentiam de toto: ergo bis punitur propter illud peccatum: quod falsum est: quoniam non consurgit duplex tribulatio, vt supra habitum est. Si non: ergo non recipiet pœnitentiam nisi de parte: sed non tenetur confiteri nisi propter pœnitentiã taxationem: ergo confiteri non tenetur nisi partem illam peccatorum pro quibus non recepit pœnitentiam: ergo potest diuidere confessionem, quod est contra literam.

2 Item, Ex hoc videtur generari quædam perplexitas: vix enim est aliquis qui simul recorderetur omnium peccatorum. Ponamus ergo aliquem successiue per centum vices vel plures semper post temporis alicuius intervallum recollere aliqua quæ non fuit confessus, & ipsum semper transire de loco ad locum, vbi eiusdem confessoris opportunitatem habere nõ potest: iste igitur semper à principio tenetur repetere confessionem suam: ergo vix vnquam quiescet securus de conscientia, quod sit bene confessus: & hoc difficile est dicere: ergo videtur, quod in aliquo casu diuidi possit confessio.

Sed con-  
tra.

SED CONTRA hoc obiicitur: quia si diuidatur confessio, nullus sacerdotum audientium sciet totam morbi quantitatem: ergo isti nulla iniungitur debita satisfactio: ergo non valet talis confessio.

2 Item, Pœnitentia iniuncta est per modum medicinæ contra consuetudinem veteris peccati: sed diuisa confessione nullus sufficienter scit consuetudinem: ergo nullus sufficienter scit occurrere morbo peccati: ergo talis confessio non valet.

3 Item, In medicina corporali si aliquis æger laborat ex diuersis generibus ægritudinum, & vnus sciret vnus, & aliam alius medicus, contingit periclitari ægrotum: quia vnus medicus non operaretur nisi contra vnã ægritudinem, & tunc aggrauaretur forte alia: ergo simile est in ægritudinibus spiritualibus: ergo vnus sacerdos qui medicus spiritualis est, debet scire omnes morbos.

Solutio.

SOLVTIO. Dicendum, quod confessio diuisa ex industria, nihil valet, vt dicitur in litera, sed potius nocet: quia accumulat peccatum simulationis, vt dicitur in litera: & huius causæ propriissimæ tactæ sunt in obiectionibus ultimo inductis: & non est eas difficile colligere in tres secundum numerum eorum quæ obiecta sunt.

DICENDVM ergo ad primum, quod iudicium peccati duplex est, scilicet iudicium peccati quid sit peccatum, & iudicium proportionis totius peccati ad condignam pœnitentiam. Et iudicium primum est in confitente procedens ex auditu: & de hoc tantum verum est quod obiicitur. Sed est iudicium secundum, quod est magis substantiale confessioni, & hoc non potest fieri ab aliquo nisi per totam, quantitatem peccati simul audiat: & si plures ita quod singuli totum audiant, tunc verum est, quod melius fit à pluribus

D. Alber. Mag. in Lib. 4. Sentent.

quam ab vno: sed tamen impossibile est fieri à pluribus, quorum singuli nesciunt totam peccati quantitatem.

AD ALIVD dicendum, quod sacerdos cum teneatur pœnitentem periclitantem corrigere, per opera iustitiæ intendit in contrarium assuescere: & ideo impossibile est hoc, nisi sciat totam consuetudinem veterem. Sed quaestio illa procedit ac si in pœnitentia diuisim singulis peccatis imponeretur satisfactio: & hoc non est verum.

AD ID quod obiicitur de verecundia, dicendum quod duplex est verecundia: quædam est passio corporalis quæ consistit in rubore corporis, & hæc accidentaliter est confessioni. Est etiam rationalis verecundia, quæ est confusio quædam sui in magnitudine delicti: de qua dicitur Rom. 6. Quem ergo fructum habuistis tunc in illis in quibus nunc erubescitis: Et hæc substantialis est confessioni, vt dicitur in litera.

AD ALIVD dicendum, quod verecundia maior facit ad bene esse confessionis: & quia præceptum non est de meliori bono, sed de necessario tantum: ideo non præcipitur illud.

AD ALIVD dicendum, quod licet confessio separabilis sit ab illa verecundia quæ passio est corporalis, non tamen ab illa quæ est confusio mentis interior cum detestatione peccati.

AD ALIVD dicendum, quod illa talis confessio valet & valuit, quia de omnibus est quæ erant in memoria: & tamen tenetur repetere propter illud quod postea ad memoriam reuocauit. Non enim sequitur, si valet, quod non teneatur repetere: quia valuit pro statu in quo tunc fuit & per se. Quod autem repetitur, hoc est ratione alterius status, & per accidens: quia quod postea reducitur ad memoriam, facit eam non esse de omni peccato recordato, nec integrari.

AD ALIVD dicendum, quod licet recordatio actu non coniungatur præcedenti confessioni: tamen id quod recordatum est, facit eam imperfectam: quia ipsum est pars eorum quæ confiteri debent, & deest confessioni: omne autem illud imperfectum est, vt dicit Philosophus, cui de essentialibus aliquid deest: & ideo confessio præcedens est imperfecta, quia non est de omnibus recordatis.

AD ALIVD dicendum, quod non oportet quod id quod ostendit aliquid esse imperfectum, sit ei contrarium: sed bene verum est, quod id quod destruit aliud, per se contrarium est illi: sed non destruit recordatio posterior præhabitam confessionem: quia illa valuit, & valet, si suppleatur ei id quod deest. Quod autem hoc verum sit, sic patet: quia pars subtracta non est contraria toti: & tamen quando apparet subtracta, ostendit totum esse imperfectum, & perfici si addatur.

AD ALIVD dicendum, quod si pœnitentiam prius iniunctam impleuit, hoc ipsum cum peccatis debet dicere sacerdoti secundo si non potest habere sacerdotem primum, vel tertio si nec primum nec secundum habere potuerit, & sic deinceps: & tunc ipse non iniunget pœnitentiam pro prius dictis, nisi pro tanto in quantum nunc dictum manifestat sibi periculum consuetudinis in aliquo peccato, quod periculum alius

Ad qu.

G g 2 facer



sacerdos intelligere non potuit, eo quod non totam cognouit quantitatem peccati. Ex hoc ulterius patet, quod non confurgit duplex tribulatio & tamen tenetur iterato confiteri.

AD ALIUD dicendum, quod nulla generatur perplexitas: quia non tenetur confiteri nisi recordata: & hoc de facili potest facere; & si aliqua præterita reuocet menti, illa dicat eidem, vel si alij, repetat priora: & hoc non est difficile, cum sint in memoria. Si autem non vult tantum studere in discussionem sui, ut simul omnia quæ potest comprehendat: puto, quod damnabiliter negligens est, nec sufficientem suæ salutis habet curam. Hoc autem quidam aliter determinauerunt dicentes, quod sufficit cum recordato dicere priora in generibus singulorum, & non oportet ea exprimi in singulis generum: sed hoc reputo esse contrarium dictis Sanctorum & præsumptuosum.

### ARTICVLVS XXXVII.

#### *An hypochripsis sic bene definita?*

**D**Einde queritur de hoc quod dicitur [Ad hypocrisim tendere.] Quærenus enim hic ex incidenti de hypocrisis quinque, scilicet quid sit, & utrum sit peccatum speciale, vel generale coniunctum pluribus aliis vel omnibus? Tertio, In quibus operibus frequenter apparet? Quarto autem, Qualiter se habet ad inanem gloriam? Quinto & ultimo, Vtrum semper sit mortale peccatum, vel veniale?

Ad primum horum sic obiicitur: Super illud Matth. 6. Nolite fieri sicut hypocritæ tristes, dicit Gloss. Hypocrita est, qui simulat quod non est, representator alterius personæ. Videtur autem hæc definitio non esse generalis: quia hypocrita simulat quandoque quod est, vel dissimulat quod est, scilicet quando bonum occultum iactat, vel occultum malum abscondit: & tamen hypocrita est: ergo non semper simulat quod non est.

2 Item, Simulatio & dissimulatio ex opposito se habent, sicut simile & dissimile: sed dissimile nunquam est simile in eo quod huiusmodi: ergo nec dissimulatio est simulatio: sed dissimulatio est actus hypocritæ, ut dicit Magister Hugo de sancto Victo. ergo non semper simulatio: ergo nulla est definitio.

3 Item, Magister Hugo de sancto Victo. ponere videtur actus quatuor pœnitentiæ, tractans illud Danielis 7. de pardo qui habebat alas quatuor, dicens quod quatuor alæ hypocritæ sunt iactantia de bono manifesto, excusatio mali manifesti, simulatio boni occulti, & dissimulatio mali occulti: ergo male definitur hæc per simplicem simulationem.

4 Item, Adhuc aliter obiicitur contra illam definitionem: quia simulare quod non est, contingit aliquando bene fieri, ut propter scandalum vitandum: & tunc non est malum: constat autem, quod omnis hypocrisis est mala: ergo simulare quod non est, non est semper hypocrisis.

5 Adhuc videtur, quod Iosue simulans fugam & Saluator formam peregrini & hortulani, & fingendo se longius ire, simulauerunt quod non erant, & presentabant alias personas: nec tamen erant hypocritæ: ergo definitio illa non cōuenit, ut videtur.

6 Item, Cum virtutes sint voluntates quædam, vel non sine voluntate, ut dicit Philosophus, constat quod similiter etiam vitia sint voluntates quædam: voluntas autem à fine & voluto accipit speciem & qualitatem: ergo hic poni deberet in definitione hypocrisis: & hoc non fit: ergo definitio mala.

7 Item, Hoc idem patet alia ratione: quia dicit August. quod omnis humana peruersitas est frui vtendis, & uti fruendis. Constat autem, quod fruens vtendis, aliquid temporale diligit propter se, & plus quam Deum: cum igitur hoc fit in omni peruersitate humana, hoc etiam erit in hypocrisis: ergo in hypocrisis diligitur aliquid propter se, ex quo contrahit & speciem & rationem: hoc ergo debuit poni in eius ratione.

8 Adhuc autem, si queratur, In quo differt superbia ab auaritia, & hæc duo à fornicatione: respondetur, quod penes fines voluntatis: quia auaritia requiescit in diuitiis, superbia in dignitatibus, & fornicatio in delectabili venereorum: igitur ita est in hypocrisis: sed illud penes quod differunt ea quæ sunt eiusdem generis, est loco differentiarum constituturæ speciei vel ipsa differentia: ergo similiter se habebit in hypocrisis: constat autem, quod illud potissimum est in definitione & complens eam: ergo illud maxime debet poni in ea: hic autem non fit sic: ergo male.

**R E S P O N S I O.** Dicendum, quod hypocrita definitur in præhabita assignatione à proprio actu suo: quia actus sunt præuij habitibus secundum rationem. Et si quis vult eam sustinere, dicit quod simulare sumitur large, scilicet pro ostendere se in alia dispositione quam sit, ut representet personam alterius: & cum ipse sit malus, potest intelligi, alterius personæ in genere, non in specie, hoc modo quo dicit Philosophus, quod bonum & malum sunt genera aliorum existentia. Et hoc modo etiam intelligendum est quod dicit, quod simulat quod non est, scilicet in genere, non in specie. Vtius autem intelligendum est, quod hoc ipsum quod dicit, simulare quod non est, fit hoc fine quod est placere de bonitate simulata, hic enim est finis voluntatis hypocritæ. Siquis igitur, veller totum esse hypocrisis comprehendere, diceret quod hypocrisis est vitium cupiens placere alteri de bonitate simulata in specie boni forinsecus, vel palliatione mali.

AD PRIMUM ergo dicendum, quod hypocrita nunquam simulat quod est in genere, quia malus est: & ita intelligitur hic. Quod autem ita sit, patet per Gregorium super illud Iob 15. Congregatio hypocritæ, &c. ubi sic dicit: Mens hypocritæ nunquam vacat à malo: quia quæ appetit, aliis inuidet, ex quorum despectu clarior sit: unde & dolos ponit ut solus capter æstimationem. Et quod obiicitur de bono occulto, dicendum quod hoc intelligitur de bono in genere, vel de bono ciuili: quia bonum in genere non habet, nisi simulatum: & ideo intelligendo secundum genus, semper simulat quod non est.

AD ALIUD dicendum, quod simulatio & dissimulatio non se habent ex opposito, nisi sicut de eodem bono vel malo: & ideo simulatio boni non opponitur dissimulationi mali: sed potius hic utraque comprehenditur sub simulatione, quia utraque ostendit pallium boni hominis, sed extrinsecus.



AD ALIVD dicendum, quod Magister Hugo descendit ad speciales actus hypocrisis, & verum est, quod illi multiplicantur secundum quod in specie boni & mali, prout aliquo modo prodit in notitiam alterius, potest consequi placentiam sanctitatis apparentis. Hæc autem in genere sunt bonum & malum, & utrumque occultum, vel manifestum: & sic efficiuntur quatuor alæ: omnes tamen isti actus comprehenduntur sub vno secundum genus, qui est ostensio sanctitatis vel bonitatis ut placeat proximo.

AD ALIVD dicendum, quod hoc verum est, quod contingit aliquem simulare quod non est, sed non in genere: & ideo talis non omnino simulat quod non est: quia non curat de hoc quod non iudicetur sanctus vel bonus, sed cauet proximo caute quantum potest, ne scandalizetur, & hoc prudentis est.

AD ALIVD dicendum, quod sicut pater in quodam capitulo decretorum, est simulatio bona, & simulatio mala: & est distinctio August. sed tamen illa quæ videntur simulationes in Sanctis vel Domino, non sunt puræ simulationes, sed indicia mysteriorum: quia sicut Dominus finxit se longius ire sicut peregrinus, & longius erat in mentibus discipulorum: sed hoc est pura simulatio alicuius, quod nec etiam convenit simulanti secundum genus & sine inhonesto.

AD OMNIA autem quæ postea inducuntur, plane concedendum est: sed dicendum, quod finis hic importatur per hoc quod est representator alterius personæ in genere. Cum autem altera persona in quantum altera, non moueret voluntatem aliquam, intelligitur quod mouet eam, & est finis eius, ratione adiuncti in notitia aliorum, quod est placentia sanctitatis apparentis.

### ARTICVLVS XXXVIII.

*An hypocrisis sit speciale peccatum, an generale coniunctum aliis?*

Secundo queritur, utrum sit peccatum speciale, an generale coniunctum aliis? Videtur autem, quod generale coniunctum aliis: quia hic diffinitur per simulationem: & constat, quod simulatio est peccatum aliud ab hypocrisi, sicut pater in 3. Reg. 14. ubi dicit Propheta vxori Ieroboam, Ingredere vxor Ieroboam, cur aliam te esse simulas? non tamen propter hoc hypocrisis fuit illa vxor. Cum igitur coniungatur simulationi, videtur quod eadem ratione coniungatur aliis.

2 Item, Ex auctoritate Gregor. prius inducta videtur, quod coniugatur aliis, & præcipue inuidiæ, & superbiæ: quia ex hoc quod dicit, quod nunquam mens hypocritæ vacat à malo, videtur quod omnibus malis adiungatur: quia nullum speciale malum est à quo nunquam vacet mens hypocritæ. Ex hoc autem quod dicit, quod aliis inuidet, ostendit quod coniungitur inuidiæ: & ex hoc quod dicit, quod alios despicit ut ex despectu illorum clarior fiat, ostendit coniungi superbiæ: & eadem ratione coniungitur omnibus aliis.

3 Item, Præcipue videtur coniungi mendacio & dolo & fraudulentia: quia illa vitia ostendunt aliud quam sint: & hoc hypocritæ proprius actus, ut dictum est.

*D. Alb. Mag. in Lib. 4. Sentent.*

4 Adhuc etiam aliter per rationem vniuersalem videtur hoc idem: quia bonum & malum non possunt reduci ad aliquod commune quod sit genus vnum: quia dicit Philosophus, quod non sunt in genere, sed genera aliorum: ergo simulatio boni & dissimulatio mali non possunt similiter reduci ad vnum genus vnius appetibilis in quo quiescant, ut videtur: ergo hoc est in omni genere: ergo non est malum in vno, sed in omnibus: ergo coniungitur omnibus, ut videtur: ergo non est speciale malum vnum.

SED CONTRA hoc obiicitur, Quicquid diuidit genus vnum è diuerso cum aliis quæ sunt species illius generis, species est, non genus: hypocrisis diuidit cum aliis vitiis specialibus hoc genus quod est vitium: ergo ipsa est speciale vitium: ergo ab aliis separatam. Adhuc etiam, Licet charitas diligat omne bonum, tamen est specialis virtus propter finem specialem: ergo à simili licet hypocrisis apparet apparere in bono, tamen erit speciale vitium propter finem qui est placere alteri de sanctitate.

QVOD CONCEDIMVS, dicentes ad primum, quod simulatio dupliciter sumitur, scilicet generaliter, & specialiter. Generaliter sumpta simulatio non est peccatum: sed specialiter sumitur adhuc dupliciter, scilicet prout sonat quendam appetitum decipiendi, & sic non est peccatum speciale, sed coniunctum pluribus peccatis, sicut probatum est in obiiciendo: sicut dicitur Iob 36. Simulatores & callidi prouocant iram Dei. Alio modo sumitur specialissime pro simulatione bonitatis non existentis, & sic est hypocrisis, quod ostendit ipsum nomen hypocrisis, quod dicitur ab ipo quod est sub, & crisis conuersio, quasi sub figura conuersionis & bonitatis exterioris latens malitia: vel sub conuersus, id est, latentem habens conuersionem: quia conuertit bonum extra, cum sit malum intra.

AD ALIVD dicendum, quod Gregor. non intendit, quod sit peccatum aliis coniunctum siue commixtum: sed hoc dicit ideo, quia frequentius queritur ab illis, propter quod etiam filia ponitur inanis gloriæ: sicut etiam dicit in vltima Gloss. super Iob.

AD ALIVD dicendum, quod mendacio non coniungitur nisi per accidens, scilicet si mendacium querat apparentis sanctitatis placentiam. Quod autem mendacium ostendit quod non est, non intelligitur de dispositione hominis quantum ad virtutem bonitatis, sed potius specialiter cum veritate: quia cum sit falsum, præterdit veritatem in sermone.

AD ALIVD dicendum, quod solutum est hoc per obiectionem vltimam in contrarium adductam: quia licet materia sit non in genere in qua querit apparere hypocrita, tamen finis est specialis: & hic est in voluntatibus differentia complens, & à specialitate ipsius in speciem trahitur vitium. Per idem patet

*Solutio ad sequens*

*queritum.*

\*\*\*



## ARTICVLVS XXXIX.

*In quibus operibus frequentius apparet hypocrisis & in quo actu peior sit?*

**T**ertio quæritur, In quibus operibus frequentius apparet? Videtur autem, quod in confessione per ea quæ dicuntur in litera. Item, Per rationem talem: Vbi locus accusationis est in iudicio ciuili, ibi est etiam proprie locus ostensionis innocentia & puritatis vitæ: sed hoc est in confessione quantum ad iudicium diuinum: ergo ibi proprie est locus ostensionis bonitatis & puritatis vitæ: ergo cum hypocrita præcipue hoc intendat, videtur quod in confessione maxime prætendat hypocrisim.

Videtur autem quod in ieiunio maxime se ostendat per illud quod ibi specialiter à Salvatore nostro prohibetur Matth. 6. dicente, Cum ieiunatis, nolite fieri sicut hypocritæ tristes.

2 Item per rationem: in hoc enim maxime quærit hypocrita apparere sanctus, quod maxime natum est exteriorem sanctitatem prætere: hoc autem est ieiunium: ergo maxime quærit hypocrisim in ieiunio. Probat autem prima per astutiam hypocritæ: quia scit quis actus sibi utilior est ad consequendum finem. Secunda autem probatur ex hoc quod ieiunium exterminat corpus & macerat, quod proprium est sanctitatis exterioris. Adhuc dicit Dominus in Euangelio, quod hypocritæ exterminant facies suas. Cum igitur ieiunium maxime exterminet, in illo maxime quærit apparere hypocrita.

Videtur autem quod in eleemosyna: quia dicit Gregor. quod in eleemosynis præcipue hypocritæ tuba canunt ante se, vt boni videantur.

*Quæstio-  
cula.*

**V**LTERIVS quæritur, In quo actu hypocrisis sit peior? Videtur autem, quod in eleemosyna: quia dicit Chrysost. Vbiq; vana gloria mala est, sed maxime in philanthropia: philanthropia autem est amor hominum: & vocat sic pietatem circa pauperes, quia ex amore hominum procedit.

*Sed con-  
tra.*

**S**ED CONTRA Chrysost. In aliis vane gloriari mirabile nihil est, in ieiunio autem & oratione est extraneum & lacrymis plenum.

*Solutio.*

**S**OLVTIO. Dicendum, quod hypocrisis præcipue quærit apparere in actibus sanctitatis, & illi sunt partes sanctificationis vel satisfactionis, scilicet ieiunium, oratio, & eleemosyna: & ideo ad illos se sæpius conuertit quam ad alios, nisi generaliter valde sumatur hypocrisis pro omni ostensione alia quæ est, siue fiat verbo, siue signo sanctitatis: sicut dicit beatus Bernard. quod hypocrita est omnis Doctor qui prius se non corrigit, quam alterum.

**A**D PRIMVM ergo dicendum, quod in confessione sæpe ostenditur hypocrisis, sed non ita frequenter, vt in aliis prædictis: eo quod non sunt ibi tot iudices bonitatis apparentis, quia vni soli sit confessio.

**A**D ALIVD dicendum, quod in veritate se excusat hypocrita: sed tamen non est ille actus quo frequentius obtinet finem, vt dictum est.

**A**D ALIVD dicendum, quod secundum diuersitatem hypocritarum diuersa opera de tribus

operibus poenitentia exercentur. Diues enim non avarus, sed hypocrita, frequentius conuertit se ad eleemosynam: quia duplicem placentiam consequitur, scilicet à dato, & ex apparenti sanctitate: sed pauper sæpius orat: & nullus ieiunat frequentius propter illius difficultatem, nisi aliud non possit propter homines: & ideo inter omnes homines quidam hæretici minus ieiunant. Et ad id quod contra obiicitur, dicendum quod Saluator prohibet in hoc & in aliis hypocrisis vitium, in quibus frequentius solet inueniri.

**A**D ALIVD dicendum, quod hypocrita non quærit exterminationem vultus propter se, & ideo in veritate non diligit maciem, sed similitudinem maciei: & tamen vult habere pinguem ventrem: & ideo non ita frequenter est in ieiunio, sicut in oratione, & in angulis platearum.

**A**D ALIVD dicendum, quod loquitur de hypocrita quodam, & non omni.

**A**D ID quod vltius quæritur, dicendum *ad quæ-  
stionem* quod tales operationes peccatorum habent se sicut excedentia & excessa, propter diuersas circumstantias quæ hinc inde aggrauare possunt. Si autem quæretur, In quo genere hypocrisis sit magis grauis? puto, quod in illo quod minus secundum veritatem est in hypocrita, quodcumque illud est si ad sanctitatem pertinet.

**A**D ID autem quod obiicitur de Chrysost. possemus dicere, quod licet dicat hoc de inani gloria, non tamen consequens est quod hoc verum sit de hypocrisis: quia hypocrisis & inanis gloria sunt diuersa vitia, vt infra ostendetur. Si autem non fiat vis in hoc: tunc dicendum, quod quoad aliquid in philanthropia peior est: quia ibi extinguit opus, quod promissionem habet vitæ quæ nunc est, & futura: in aliis autem non extinguit opus, quod sic duplicem habeat promissionem, & quoad hoc in isto peior est, quia maioris nocuenti.

**A**D ALIVD dicendum, quod hoc non dicit Chrysost. ideo quod ibi peior sit: sed quia ibi irrationabilior: quia ipsa afflictio carnis & spiritus retrahere deberet ad appetitum laudis, & hoc non est in aliis, quæ quasi consistunt in quadam excellentia laudabili, vt eleemosyna quæ coniungitur excellentia liberalitatis, & huiusmodi.

## ARTICVLVS XL.

*Quomodo hypocrisis se habeat ad inanem gloriam?*

**Q**uarto quæritur, Qualiter se habeat ad inanem gloriam? Videtur autem, quod non differat ab ea: quia vitia sunt voluntates vel non sine voluntate, sicut dicit Philosophus de virtute: sed voluntates tales diffiniuntur sine: ergo quorum est vnus finis, sunt vnum vitium voluntatis: sed hypocrisis & inanis gloria est vnus finis: ergo sunt vnum vitium voluntatis. Quod autem idem sit finis, probatur Iob 8. super illud, In ortu suo, & cætera, vbi dicit Gregor. Hypocrita cum bene agit, ab omnibus vult videri: per omnia enim quæ agit, occulta cogitatione laudes quærit: laus autem est finis inanis gloria: ergo constat propositum.

2 Item, Filia à matre in nulla generatione differt specie: sed hypocrisis est filia inanis gloria: ergo



ergo non differt specie ab inani gloria. Probatur autem media ex hoc quod dicitur in Gloss. in fine Iob sic, De inani gloria nascuntur inobedientia, iactantia, & hypocrisis.

*Sed contra.* IN CONTRARIUM huius est, quod sicut differt una filiarum à matre, ita differt reliqua: sed inobedientia differt ab inani gloria: ergo & hypocrisis.

*Solutio.* RESPONSIO. Dicendum, quod diuersa sunt vitia. Ad primum autem dicendum, quod non est idem finis substantialis inanis gloriæ & hypocrisis: quia inanis gloria requiescit in laude, sed hypocrisis in opinione bonitatis, vel non petit laudem nisi per accidens, scilicet in quantum inanis gloria coniungitur cum ipsa: & quia hoc frequenter est & quasi semper, propter hoc dicit Gregor. quod querit laudem hypocrita.

AD ALIUD dicendum, quod hoc verum est de generatione vniuoca: sed Gregor. in Gloss. illa vocat generationem, exitum effectus à causa: unde filia vitij capitalis ab eo vocatur, mediante quo vitium capitale sapius obtinet finem quem intendit: & non est vniuoca generatio, sicut optime probatur per obiectionem quæ facta est in oppositum.

## ARTICVLVS XLI.

*An hypocrisis sit semper peccatum mortale vel veniale?*

Q Vinto & ultimo queritur, Vtrum semper sit peccatum mortale vel veniale? Videtur autem, quod mortale, per hoc quod dicitur Isa. 16. super illud, In tribus annis quasi anni mercenarij auferetur gloria Moab super omni populo multo: Gloss. Hieron. In comparatione duorum malorum leuius est aperte peccare, quam sanctitatem simulare: sed aperte peccare prout ibi sumitur, mortale est: ergo multo magis est mortale hypocrisis.

2 Item, Ephes. 4. super illud, Sicut Domino, & non hominibus: August. Simulata æquitas, non est æquitas, sed duplex iniquitas: sed simplex iniquitas mortale est: ergo & simulata æquitas: sed hoc est hypocrisis: ergo, &c.

3 Item, Thren. 4. Maior est iniquitas mea, &c. dicit Gloss. Scelera animæ planguntur, quæ in hypocrisi labitur, cuius maior est iniquitas, quam Sodomorum peccatum. Constat autem, quod Sodomorum peccatum fuit graue & mortale: ergo & hypocrisis.

4 Item super illud, Assumit septem alios nequiores se: dicit Gloss. quod nequiores sunt spiritus simulationis, quam apertæ iniquitatis. Dicit enim, quod malus est spiritus superbiæ, sed peior illo simulator humilitatis, & sic de alijs capitalibus: ergo, &c.

Ex illis elicitur vltius, quod grauius est occulte peccare, quam manifeste, alijs paribus.

*Sed contra.* SED CONTRA hoc est, quod aperte peccans scandalizat: occulte autem peccans non scandalizat: ergo cæteris paribus, grauius peccat aperte peccans, quam peccans occulte.

*Solutio.* RESPONSIO. Dicendum, quod non semper hypocrisis est peccatum mortale, sed quandoque veniale, & quandoque maius, & quando-

que minus, secundum quod diuersis circumstantiis vestitur.

D ICENDUM ergo ad primum, quod Hieronym. loquitur secundum quid, & non simpliciter, grauius enim est aperte peccare simpliciter: sed tamen quoad hoc dicitur illud grauius quod magis potest decipere, & quoad hoc loquitur Gloss. ibi.

AD ALIUD dicendum, quod dictum August. non intelligitur de omni modo hypocrisis, sed tantum de illo in quo simulatio cumulat peccato: quia tunc propter duplicem deformitatem dicitur duplex iniquitas. Si autem esset tantum simulatio sanctitatis, non esset duplex iniquitas.

AD ALIUD dicendum, quod non intelligitur simpliciter, sed tantum quoad efficaciam deceptionis: quia qui peccatum vt Sodoma prædicat, non potest decipere: sed simulator ore decipit amicum suum.

AD ALIUD dicendum, quod nequior dicitur ratione cumulationis, & non ratione simulationis per se acceptæ.

AD ID quod vltius queritur, iam patet solutio per antedicta.

## ARTICVLVS XLII.

*An bona conscientia confortatio requiritur in eo qui debet communicare?*

D E inde queritur de hoc quod dicit ibi [Caueat etiam ne prius ad Dominicum corpus accedat, quam confortetur bona conscientia, &c.] Videtur enim hoc esse falsum: quia confortatio bonæ conscientie dicit plus quam bonam conscientiam: ergo plus quam habere gratiam exigitur ad communionem, quod fere omnes negant.

2 Adhuc autem ad communionem non exigitur, nisi quod communicans non sit indignus: sed indignitas non est nisi ex mortali peccato: ergo non habens mortale peccatum, potest communicare: non omnis autem talis est confortatus bona conscientia: ergo aliquis non confortatus bona conscientia potest communicare.

3 Item, In naturis videmus, quod prius est esse & viuere, quam confortari in esse & vita: ergo similiter est in spiritualibus: sed esse spirituale est per gratiam, & viuere per virtutem perficientem ad opus: ergo confortatio sequitur vtrumque istorum. Si ergo hoc exigitur ad communionem, plus exigitur ad communionem quam habere gratiam & virtutes, quod omnes negant.

4 Item, In litera dicit, quod plangat, quod nondum audeat sumere quem multum desiderat, salutarem cibum. Constat autem, quod hoc desiderium cibi salutaris est ex amore charitatis: ergo habens charitatem non debet adhuc sumere cibum salutarem, quod omnes habent pro inconuenienti.

SED CONTRA hoc est quod dicit Hugo de *Sed contra.* sancto Victor. in epistola ad Bernard. de epiphania paschali sic, Audacter dico, quod et si fuerit contritus, non tamen communicare debet, antequam confessus fuerit. Constat autem, quod contritus habet charitatem & gratiam:



ergo sicut hic dicit, adhuc tenetur confortationem bonæ conscientie expectare per opera meritoria.

2. Item, In primitiua Ecclesia de nouo pœnites non tantum sequestrabantur à communione corporis & sanguinis Domini, sed etiam à loco in quo consecretabantur, sicut ab Ecclesia: de nouo autem pœnites habebant gratiam & virtutes: ergo sicut hic dicitur, ad communionem exigitur confortatio per opera meritoria, etiam postquam habetur gratia.

*Quæstio-  
cula 1.*

SED SI HOC dicatur, quæritur de casibus. Ponamus enim, quod aliquis in accedendo ad corpus Christi, recolat de vno vel duobus, quæ nunquam fuit confessus: videtur enim, quod secundum dictum Hugonis non debet accedere. Sed contra hoc est, quod communio corporis dat sumentis maiorem gratiam: ergo si se subtrahit, ipse se elongat à gratia vel ab augmento gratiæ: & neutrum horum debet facere: ergo debet accedere & sumere.

*Quæstio-  
cula 2.*

ITEM, Ponamus de sacerdote qui habet plebem, & non est alius qui celebret, & non sit confessus, & non sit sacerdos præsens cui possit confiteri: & tamen sit contritus, quæritur quid faciendum est ei? aut enim accedendum est ei, & tunc videtur facere contra supra inductam auctoritatem, & contra id quod dicitur in textu: aut non accedet, & tunc scandalizat populum: ergo videtur esse perplexus.

*Solutio.*

RESPONSIO. Dicendum, quod homo habens gratiam vel præsumens ex probabili signo se habere gratiam, potest accedere ad corpus Christi. Signum autem probabile est si confessus est, & dicat sibi conscientia, quod pro nulla re vult amplius peccare, & pœnitentiam libenter debito tempore suscipere.

AD ID autem quod primo obiicitur, dicendum quod in veritate si quis diligenter literam consideret, tunc August. intendit, quod de nouo pœnitens non debet communicare: sed ipse dixit hoc consulendo, vel de solenniter pœnitente ad terrorem aliorum. Si autem aliquis vult, potest sic soluere, quod omnis conscientia adুক্তi habens gratiam est confortata: quia actus contritionis detestans peccatum, est actus meritorius: similiter actus fidei in Deum, & huiusmodi, & illis actibus mouetur quando iustificatur: & sic statim post primum momentum contritionis confortata est conscientia per opus interius meritorium, licet non exterius.

AD ALIUD dicendum, quod ad communionem quantum ad idoneitatem non exigitur plus quam quod dicit obiectio: sed quia emendatio fieri non potest, nisi per detestationem & dolorem peccati, ideo actus meritorius confortans conscientiam concomitatur idoneitatem illam: & sic confortatus est iam quando accedit.

AD ALIUD dicendum, quod sicut est in naturalibus, sic & in gratia, quia nescit tarda molimina Spiritus sancti gratia, sicut dicit Gloss. Ambrosij super Act. 2. & ideo licet habitus gratiæ sit naturaliter ante actum meritorium, tamen tempore possunt esse simul.

AD ALIUD dicendum, quod August. ut dictum est, dicit hoc consulendo, vel de solenniter pœnitente. Et bene puto, quod cautum est, quod homo recentibus peccatorum vulneribus, non

communicet vsque ad aliquod tempus: sed tamen non est necessarium.

AD ID quod dicit Hugo, dicendum quod loquitur de illo qui sine grauamine paratum habet confessorem: quia ille negligens est, si non confiteatur: & hæc negligentia impedit eum à communione.

AD ALIUD dicendum, quod hoc in primitiua Ecclesia aut fiebat ad terrorem, aut fiebat tantum de solenniter pœnitentibus, ut dictum est.

AD ID quod vltius quæritur de casibus, dico quod accedens qui confessionem generalem prius fecit, non debet retrocedere propter recordationem aliquorum peccatorum quæ in speciali non est confessus: quia in generali confessione illa dimissa sunt: quinimo potest expectare tempus opportunum, donec confiteatur, sicut supra dictum est in quæstione de confessione.

AD ID quod quæritur de sacerdote, dicendum quod talis sacerdos cum dolore celebrare potest, & habeat firmum propositum confitendi tempore opportuno. Et quod obiicitur contra, solum est per ante dicta: quia iam per aliquem modum confortata est bona conscientia.

### ARTICVLVS XLIII.

*An ludi sint peccatum mortale, & qui, & qui non?*

DEinde quæritur de hoc quod dicit ibi [Cohibeat etiam se à ludis & spectaculis, &c.] Secundum hoc enim videtur, quod ludi sint peccatum mortale: & tunc quæritur, de quibus ludis intelligitur. Dicitur enim 1. Corinth. 10. Ludus gesticulatio libidinosa in choreis: vbi dicitur, Nec fornicemur sicut quidam ex ipsis fornicati sunt, sicut scriptum est, Sedit populus manducare & bibere, & surrexerunt ludere. Et secundum hoc videtur, quod choreæ sint mortale peccatum.

Adhuc videtur hoc per rationes quatuor, quarum prima est ista: quia in tali ludo ostenduntur gesticulationes impudicæ: sed signa impudiciæ peccata mortalia sunt, quia in illis est concupiscentia progressiua: ergo talis ludus est peccatum mortale.

Secunda est: quia primo coram idolo legitur fuisse facta chorea Exod. 32. & constat, quod idololatria non inuenit hoc nisi ut magis mouerentur homines ad libidinem: ergo videtur, quod sit mortale peccatum.

Tertia est, quia Isa. 3. Dominus specialiter huic ludo comminatus est dicens, Pro eo quod eleuatae sunt filia Sion, & ambulauerunt collo extenso, & nutibus oculorum, ibant & plaudebant, & ambulabant, & pedibus suis composito gradu incedebant: decaluabit Dominus verticem filiarum Sion, & Dominus crinem earum nudabit. Hæc autem omnia fiunt in choreis & tripudiis. Ergo videtur, quod sit mortale peccatum.

Quarta ratio sumitur de verbo Apostoli 1. Thess. 5. quod dicit, Ab omni specie mala abstinete vos. Constat autem omnibus, quod est species mali, qua libidinosi suas concupiscentias sibi inuicem produnt: & hoc præcipue fit in choreis.

VLTIVS quæritur, Vtrum spectacula dicantur venationes, & citharæ, & huiusmodi? Et hoc

*Ad quæ-  
stionem  
1am.*

*Ad quæ-  
stionem  
2am.*

*Quæstio-  
cula.*



hoc videtur: quia Rom. 13. super illud, Plenitudo ergo legis est dilectio: dicit August. in Gloss. quod in spectaculis hominum aliud venator est, & aliud cithara: ergo videtur, quod faciens poenitentiam, etiam ab huiusmodi debet abstinere, ut dicitur in litera.

2 Adhuc, Illa vana dicuntur & otiosa, quae non fiunt ratione iustae necessitatis, aut intentione pie utilitatis: omnes autem ludi hominum & spectacula sunt huiusmodi: ergo sunt vana & otiosa: sed de talibus reddetur ratio in die iudicii, sicut dicitur Matth. 16. ergo talia sunt peccata: ergo poenitens debet abstinere ab istis: hoc autem multo plus videtur esse de scacis & aleis in quibus nulla est bonitas vel utilitas.

3 Item, Prius in litera habitum est, quod etiam à licitis temperare se debet poenitens, ut facilius inueniat gratiam: ergo multo magis à superfluis: constat autem, quod ludi & spectacula superflua sunt: igitur debet abstinere ab illis.

4 Item, Quaecunque proximum ad vanitatem pertrahunt, vitari debent: sed talia pertrahunt ad vanitatem: ergo cauere debent.

*Sed contra* SED CONTRA: Exod. 15. Sumpsit ergo Maria Prophetissa soror Aaron tympanum in manu sua: egressaeque sunt omnes mulieres post eam cum tympanis & choris, quibus praecinebat choreas ducentibus: & in hoc meruit: ergo actus ille secundum se non est malus.

2 Adhuc, In Psalm. 67. In medio tympani-  
striaum iuencularum ibi Benjamin adolescentulus, &c. Et constat, quod ipse secundum literam loquitur ibi de choreis, & non reprehendit talia signa gaudij.

3 Adhuc, Jerem. 31. Adhuc ornaberis tympanis tuis, & ingredieris in choro ludentium. Et constat, quod ibi secundum literam Dominus promittit reuertentibus de Chaldaea huiusmodi signa gaudiorum. Ergo non sunt mala secundum se: ergo à talibus non oportet temperare poenitentem.

*Solutio.* RESPONSIO. Dicendum, quod choreae & huiusmodi ludi, siue fiant cantu, siue instrumentis musicis, secundum se non sunt mali, sicut ultimo per auctoritates probatum est: sed triplici de causa possunt fieri mali ex circumstantiis: quarum una est & praecipua, mala intentio, ut quando fiunt ad ostendendam vel prouocandam libidinem, sicut fere omnes modo exercent: & ideo etiam Ecclesiasticae personae talia deposuerunt, quia etiam in signis gaudij non est communicandum cum peccatoribus. Alia causa est, quando non fiunt suo tempore, ut tempore tristitiae: quia sicut dicitur Eccli. 22. Musica in luctu, importuna narratio: & hoc modo interdicitur poenitenti ne sit in ludis: quia dum poenitet, tempus est flendi, non tempus ridendi & vacandi spectaculis. Tertia causa est ex officio personae sumpta, sicut clericis interdicitur venatio & alij ludi: quia in sortem Domini electi, alijs exercitijs debent occupari.

QUOD ERGO primo obiicitur de choreis, dicendum quod secundum se chorea non est mala: sed fit mala per circumstantias tales, ut dictum est.

AD ALIUD dicendum, quod chorea etiam ante fuit, & forte sapius, & ad minus Exod. 15. exercita à Maria sorore Moyse, & alijs mulieribus

in signum gaudij, aut victoriae de caelo datae super inimicos.

AD ALIUD dicendum, quod Isaias loquitur de his qui signum gaudij vertunt in gesticulationes meretricum: & bene dicitur, quod illis est peccatum.

AD ALIUD dicendum, quod hoc intelligitur de specie mali, quod secundum se malum est, & non de his quae ex circumstantia mala fieri possunt, & etiam bona ex alijs circumstantiis. Puto autem, quod quinque concurrentibus ad choream, non sit reprehensibilis. Primum scilicet, quod sit in debito tempore gaudij sicut in nuptiis, vel tempore victoriae, vel liberationis hominis vel patriae, vel in aduentu amici de terra longinqua. Secundum est, quod sit cum honestis de quibus non oriatur praesumptio mali, non cum leccatoribus & leccatricibus. Tertium est, quod fiat à personis secularibus: quia monialibus, monachis, & clericis, propter hoc quod in alijs occupari debent, omnem choream puto illicitam esse. Quartum est, quod honesto modo fiat, non gesticulationibus nimis inordinatis vel inhonestis. Quintum est, quod cantus excirans in talibus & musica, non sint de illicitis, sed de moribus. De melodia autem non est curandum, ut puto, quia in talibus puto quod necesse est fieri melodiam leuem, quae aliquantulum exprimat modum choreizandi.

AD ID quod ulterius quaeritur de alijs spectaculis, videtur sub distinctione esse respondendum: aut enim annexam habent utilitatem, aut tantum sunt inuenta ad tedium remouendum in solatium moralitatis huius vitae. Si primo modo: aut exercentur à personis secularibus, aut spiritualibus. Si à personis secularibus quocunque modo fiant tempore & loco non interdicto: puto quod tolerandae sint, sicut venationes, & aucupia, & huiusmodi. Si autem à personis spiritualibus exercentur, distinguendum est: cum enim in spectaculo sit & utilitas & vanitas, aut ad opus mouet utilitas, & vanitas non est ibi nisi miscens se: & tunc in casu conceditur religiosis venatio & clericis, in casu scilicet si redditus eorum sint in talibus, & inde necessaria habeant, sic quod in terris syluosis sint, ut redditus quorundam monasteriorum in ferinis & aucupijs & huiusmodi. Aut ita est quod mouet vanitas: & tunc puto esse peccatum graue viris spiritualibus & maxime religiosis: quia nimis distrahunt animum, & quasi auertunt ne reuertantur ad studium spirituale. In ludis autem troci, asticularum, scaci, & aleae, non nociuis, credo quod non sunt peccatum: quia talia non fiunt nisi ad remouendum tedium, & non nimis auertunt animum à studio spirituali. Et per hoc patet solutio ad totum.

#### ARTICVLVS XLIV.

*An digni fructus virtutum dicantur digni fructus poenitentiae?*

DEINDE quaeritur de hoc quod dicit ibi [Sunt enim digni fructus virtutum, qui non sufficiunt poenitentiae, &c.] Videtur enim hoc esse falsum: quia etiam poenitentia quaedam virtus est, ut supra habitum est: ergo fructus poenitentiae sunt fructus virtutum: ergo & digni fructus poenitentiae



rentiæ sunt digni fructus virtutum: si enim aliquid sequitur ad aliud, si idem additur utrobique, adhuc sequitur ad illud.

2 Item, Circa difficile & bonum, ut dicit Philosophus, est virtus: sed circa talia etiam est pœnitentia, nec potest se extendere ultra illa: ergo non potest se extendere ultra opus virtutis: ergo idem sunt virtutum fructus & pœnitentiæ.

3 Item, Nihil iniungitur secundum legem, nisi opus virtutis: sed id quod iniungitur, est fructus pœnitentiæ, quando ponitur in opere: ergo virtutis opus est fructus pœnitentiæ: & idem est fructus virtutis: ergo idem est fructus virtutis & pœnitentiæ.

*Solutio.*

RESPONDEO ad hoc, quod non idem sunt fructus pœnitentiæ & virtutis: quia virtus est in omnibus bonis, & non pœnitentia.

AD PRIMVM ergo dicendum, quod pœnitentia est in multiplici genere, ut supra dictum est, & hic accipitur prout est in genere sacramenti habens tres partes, scilicet contritionem, confessionem, & satisfactionem. Hæc enim tria non

exiguntur ab omni habente virtutes, sed tantum à pœnitente.

AD ALIVD dicendum, quod difficili est difficilius: virtus autem est circa difficile in actu, sed pœnitentia est circa difficile excellens, non potentiam facientis, sed medium virtutis secundum communem modum observandi: quia de licitis temperat se pœnitens, & de necessariis dat, & huiusmodi, quod non exigitur ab habente virtutem simpliciter.

AD ALIVD dicendum, quod secundum legem iniungitur plus quam exigit modus virtutis, licet semper reducat ad aliquam virtutem moventem ad actum illum. Et hoc contingit propter spirituales modum pœnitentis, qui tenetur ad plus quam communiter ab omnibus exigitur secundum virtutem viventibus: & ita intelligitur id quod dicitur in litera: non enim est inconueniens, quod eadem virtus specie, diuersimode moueat secundum diuersum statum hominis quem mouet, ut iustitia aliter mouet lædentem ad satisfaciendum, & aliter in communi quemlibet ad opera iustitiæ.

### *Quæ sit falsa satisfactio.*

**B**ET sicut sunt digni fructus pœnitentiæ, ac vera satisfactio: ita & indigni fructus, & falsa satisfactio, id est, falsa pœnitentia. Vnde Gregor. Falsas pœnitentias dicimus, quæ non secundum auctoritates Sanctorum pro qualitate criminum imponuntur. Ideoque miles vel negotiator, vel alicui officio deditus, quod sine peccato exerceri non possit, si culpis grauioribus irretitus ad pœnitentiam venerit, vel qui bona alterius iniuste detinet, vel qui odium in corde gerit, recognoscat se veram pœnitentiam non posse peragere, nisi negotium relinquat, vel officium deserat, & odium ex corde dimittat: & bona quæ iniuste abstulit, restituat. Ne tamen desperet, interim quicquid boni facere potest, hortamur ut faciat, ut Deus cor eius illustret ad pœnitentiam. Cum sit pœnitentia interior & exterior, de vtraque per præmissa satis apparet quæ sit vera, & quæ sit falsa.

### ARTICVLVS XLV.

*An pœnitentia quæ non imponuntur pro qualitate criminum secundum auctoritates canonum, debeant dici falsæ pœnitentiæ?*

**D**Einde quæritur de hoc quod dicit ibi [Falsas pœnitentias dicimus, quæ non secundum auctoritates canonum pro qualitate criminum imponuntur, &c.] Videtur enim hoc esse falsum: quia canon dicit simpliciter fornicationem esse septemni ieiunio puniendam, cau. 33. q. 2. c. Hoc ipsum. Ergo secundum hoc qui mille vel centies est fornicatus, per totam vitam non posset satisfacere: & hoc traheret hominem ad desperationem: ergo falsum videtur quod dicitur in litera.

2 Adhuc, Pœnitentiæ sunt ad arbitrium sacer-

dotis. Ergo videtur, quod possunt esse minores quant exigit qualitas criminum.

AD HOC autem dicendum, quod litera ista non intendit, quod nihil iniungatur alicui pœnitenti, nisi quod dicit canon & quod exigit qualitas criminum: sed potius dicit, quod canon sit regula iniungendi pœnitentiæ: sed tamen proportio huius regulæ ad hunc pœnitentem & illum est secundum arbitrium discreti sacerdotis. Sicut enim auctores dant regulas medicinarum: sed tamen illas moderari competit discreto medico, ita est in præmissis institutis à canone.

QVOD ERGO primo obiicitur, soluendum est, quod canon non trahit proportionem adaptationis isti vel illi, sed tantum exemplar regulæ in vniuersali: & hoc non potuit fieri per omnem facultatem & statum pœnitentiam: quia ille est secundum particularia quæ infinita sunt: & ideo canon nullum cogit desperare.

Ap



AD ALIUD dicendum, quod in arbitrio sacerdotis est proportio penitentiae, ut dictum est.

ARTICVLVS XLVI.

*An militia, negotiatio publica, vectigalia, & pedagia, sint licita vel illicita?*

**D**Einde quæritur de hoc quod dicit ibi [Ideoque miles negotiator, &c.] Et quæritur, Si ista quæ hic tangit, sint negotia illicita? Videtur quod non: quia Luc. 3. Ioannes Baptista non interdicit militiam, sed tantum præcipit, quod contenti sint stipendiis suis: ergo videtur, quod militia secundum se non sit illicita. Item, Glo. super illud, Contenti estote stipendiis vestris: ita dicit, Iusto moderamine prohibet ne ab eis calumniando prædam exquirant, quibus militando prodesse debuerunt: docens idcirco stipendia constituta militiæ, ne dum sumptus quæritur, prædo grassetur. Ex hoc idem accipitur, quod militia secundum se non est illicita, sed abusus prædæ quæ circa illam

3 Item, Nihil ordinatum ad conseruationem ciuilitatis & reipublicæ, est peccatum: militia potissimum ad conseruationem horum duorum ordinatur: ergo non est peccatum. Prima patet per se. Secunda scribitur in ethicis.

*Quæstio-  
cula 1.* **V**LTERIVS quæritur de negotiatoribus. Videtur enim falsum quod dicit: quia Genes. 49. dicitur, Zabulon in litore maris habitabit, & in statione nauium, pertingens vsque ad Sidonem. Et secundum literalem expositionem bene dicitur terra Zabulon à quæstu negotiationum per mare: ergo non sunt illicitæ.

2 Item Prouerb. vltim. dicitur de forti muliere, Facta est quasi nauis institoris, de longe portans panem suum. Vbi secundum literalem sensum idem arguitur.

3 Adhuc, Negotiationes viles sunt toti terræ, asportando abundantiam in terra aliqua, & reportando deficientia: nihil autem vilitati communitatis deseruiens, est peccatum: ergo negotiationes tales non sunt peccatum: non ergo generaliter dicere debuit de negotiatione, quod esset peccatum.

4 Adhuc, Nihil eorum sine quibus dissoluitur ciuilitas, & cum quibus optime conseruatur, est peccatum: sed negotiatio est aliquid tale: ergo ipsa non est peccatum. Prima patet ex hoc quod omnis moralitatis laudabile studium est circa conseruantia ciuilitatem. Secunda autem accipitur ex 5. ethic. vbi loquitur de iustitia commutativa, propter quam etiam ministeria dicit esse inuenta: quia tota est in commutationibus negotiationum.

5 Adhuc, Nullo modo potest esse peccatum, quod ius communionis iudicat esse iustum: sed in multis negotiationibus ius commune iudicat contractum esse iustum: ergo nullo modo est peccatum: non ergo generaliter negotiatio est peccatum.

*Sed contra.* **S**ED CONTRA hoc obiicitur per illud Eccli. 26. Difficile negotians exiit à negligentia, & caupo à peccatis labiorum non iustificabi-

tur: ergo qui negotiatur, committit se discrimini difficulter euadendi peccatum: sed nullus debet se committere discrimini: ergo nullus debet negotiari.

*Quæstio-  
cula 1.  
Luc. 3* **V**LTERIVS quæritur hic de publicanis, qui sicut dicitur in Gloss. super illud, Venerunt autem & publicani: dicit sic, Publicani sunt qui vectigalia exigunt, siue qui conductores sunt vectigalium fisci & rerum publicarum: nec non & hi qui huius seculi lucra per negotia sectantur: quos pariter vnumquemque in suo gradu ab agenda iniuria coerces: ut dum primo ab alienorum se temperant appetitu, tandem ad propria cum proximis communicanda pertingant. Ex hac Gloss. accipitur, quod etiam vectigalia iusta & telonea possunt accipi: & publicani qui præfunt talibus, non sunt ab actu, sed ab iniustitia restringendi.

2 Adhuc videtur etiam hoc per rationem: pedagia enim & telonea & vectigalia principi soluntur, ut terra deffendatur in pace: ut liceat habitatoribus per eam discurre, & proprias utilitates procurare: sed iuste potest hoc princeps accipere: quia in talibus agit negotiationem omnium in labore & expensis: ergo & illi debent dare: ergo ex neutra parte peccatum est: sed publicani sunt tantum ministri eius dationis & acceptationis: ergo ipsi dant operam rei licitæ: ergo non peccant.

*Sed contra.* **S**ED CONTRA hoc obiicitur per Greg. super illud Ioan. 21. Vado piscari: qui in quadam

homilia quærit, quare licuit Petro ad piscationem redire post conuersionem, & non Mattheo ad telonium: & soluit, sic dicens: Sunt pleraque negotia quæ sine peccatis exerceri vix aut nullatenus possunt: quæ ergo ad aliquod peccatum implicant, ad hæc necesse est ut post conuersionem animus non recurrat. Ergo cum de telonio ibi agatur, videtur quod telonia & vectigalia aliquod peccatum implicant: ergo sunt illicita.

*Solutio.* **S**OLVITIO. Dicendum, quod militia secundum quod militia, secundum se non est illicita, sed abusus qui licet multiplex sit, tamen in tribus præcipue est, scilicet, in concussionem innocentium, & exactione salarii amplioris quod deferui possit militando, & in exercitiis ad ostentationem virium cum nocumento hominum & rerum, sicut inuenta sunt torneamenta, & ictus lancearum, & huiusmodi. Sunt tamen quedam exercitia militia militiæ necessaria: sicut cursiones & versiones dextrariorum, & ars percutiendi & defendendi & proiciendi tela, quæ non prohibentur. Et hoc accipitur ex 2. Reg. 10. vbi Dauid præcepit populo, quod filios suos docerent arcum, id est, artem sagittandi. Quod autem Magister dicit in litera, dictum est ideo, quia secundum usum consuetum difficulter exercetur sine peccato. Et per hoc peccatum solutio ad omnia illa quæ obiecta sunt de militia.

*Ad quæ-  
stionem  
1.* **A**D EA autem quæ obiecta sunt de negotiatione, dicendum secundum quandam Glossam quæ est super illud Eccli. 26. Difficile negotians exiit à negligentia, &c. quæ dicit sic, Actus pessimus non res honesta damnatur, qui per immoderatam ambitionem mentem suam onerat plus peritio quam pretio. Ex hoc accipitur, quod licitæ negotiationes non sunt prohibitz. Efficiuntur autem illicitæ pluribus modis: sed temporibus modernis



tria esse præcipua videntur quæ faciunt negotiationem esse illicitam, scilicet persona, tempus, & modus. Persona sicut est persona diuinis officiis consecrata, vt clericus, & monachus: quia isti emere & vendere non debent, sed suas res sibi datas ex fructibus annualibus sibi provenientes vendere possunt: & tamen non credo, quod illas malo modo vendere debeant, sicut vinum venditur in taberna, nisi alias simul vendere non possent. Et huius ratio est: quia in taberna conciliabula fiunt malorum, & immoderata consumptio vini: cuius patrocinium præstat tabernarius: & ideo non licet, vt mihi videtur, religioso vel clerico huiusmodi exercere officium. Tempus autem facit illicitam negotiationem dupliciter, scilicet ratione feriæ, scilicet quando feria est, & in casu quando negotiatio carissimam inducere probabiliter potest, sicut si nimium frumentum ematur in nouo, vel nimium vinum in vindemia, vt quando apud alios non habetur, iste vendat quantum voluerit. Modus autem circa contractum est, sicut si vitiosus est contractus, scilicet cum deceptione & fraude pretij. Iustum autem pretium est, quod secundum æstimationem fori illius temporis potest valere res vendita. Et per hoc patet solutio ad omnia quæ quæsitæ sunt de negotiatione. Per hoc etiam patet solutio dubij casus: sicut si aliquis fraudat aliquem re sua sua, cum plus in foro communi valet, siue sit frumentum, siue vinum, siue aliud: & vult ei restituere eandem numero vel specie, quando minus valet secundum forum commune: pa-

ter enim, quod non satisfacit, nisi lucrum temporis in quo plus valuit, apponat: quia damnificat eum in tanto, scilicet in maiori pretio quod tunc pro re illa poterat haberi secundum forum commune.

Ad id quod quæritur de publicanis & vectigalibus & pedagiis, sine præiudicio videtur dicendum, quod quatuor exiguntur ad hoc quod talia lucra iusta sint. Vnum est, quod de consensu eorum quorum regere terram interest, & ex consensu principis ponantur. Secundum, quod non nisi causa necessitatis vel utilitatis communis ponantur, scilicet quia sine talibus expensis terra pacificari non potest. Tertium est, quod defensio terræ ab accipientibus impendatur. Quartum est, quod non sint immoderata, sed ad æstimationem expensarum & operæ quæ impenduntur à defendentibus terram: & sic loquitur Gloss. super Lucam, quæ innuit talia licere. Et hoc est quod dicitur Rom. 13. Reddere omnibus debita: cui tributum, tributum: cui vectigal, vectigal: cui honorem, honorem.

Ad id autem quod beatus Gregor. dicit in contrarium, dicendum quod ipse non dicit, quod non possint exerceri sine peccato, sed vix aut nullatenus: vix enim possunt exerceri nisi iuste ponantur: & hoc propter ministros qui cogunt inuite dantes: & ideo difficile est vt debitum non excedant in exigendo. Nullatenus autem fieri possunt, vbi quatuor prædicta non obseruantur. Et per hoc patet solutio ad totum.

### *De tribus actionibus pœnitentiæ.*

**C** **P** RÆDICTIS vero adiiciendum est, quod tribus modis agitur pœnitentia ante baptismum, scilicet de prioribus peccatis, post baptismum de grauioribus quæ post committuntur. Est etiam pœnitentia venialium quotidiana: quæ etiam humilium est, & perfectorum: vnde August. Tres sunt actiones pœnitentiæ, quas mecum eruditio vestra recognoscit. Vna est quæ nouum hominem parit, donec per baptismum omnium præteritorum ablutio fiat peccatorum: quia nullus suæ voluntatis arbiter, nisi pœniteat eum veteris vitæ, nouam inchoare potest: à qua paruuli sunt immunes, cum baptizantur, quia nondum possunt vti libero arbitrio: quibus tamen ad remissionem originalis peccati prodest eorum fides, à quibus offeruntur. Altera est actio pœnitentiæ post baptismum, quæ fit pro illis peccatis quæ legis decalogus continet. Agunt ergo homines pœnitentiam ante baptismum de peccatis prioribus, ita tamen vt etiam baptizentur: sicut Petrus ait, Agite pœnitentiam, & baptizetur vnusquisque vestrum in nomine Domini, &c. Agunt etiam pœnitentiam, si post baptismum ita peccauerunt, vt excommunicati reconciliari postea mereantur. Est etiam pœnitentia bonorum & humilium fidelium pœna quotidiana, in qua pectora tundimus dicentes, Dimitte nobis debita nostra, &c. Neque ea nobis dimitti volumus, quæ dimissa nobis in baptismo non dubitamus: sed illa quæ humanæ fragilitati, quamuis parua, tamen crebra surrepunt, quæ si collecta contra nos fuerint, ita nos grauabunt & oppriment, sicut vnum aliquod grande

Hom. de  
utilitate  
& necessitate  
pœnitentiæ: quæ  
est 50.  
& lib. de  
medicina  
pœnitentiæ.  
cap. 2.

Exo. 20.

Act. 1.

Matt. 6.



de peccatum. Quid enim interest ad naufragium, an vno grandi fluctu navis operiatur & obruatur, an paulatim surrepens aqua in sentinam per negligentium culpam impleat nauem, & submergatur? Ideo ieiunio & eleemosynæ & orationibus inuigilent: in quibus cum dicimus, Dimitte nobis debita nostra, &c. manifestamus nos habere <sup>Matt. 6.</sup> quod nobis dimittatur: & in his verbis humiliantes animas nostras, quotidianam agere pœnitentiam non cessamus.

*De satisfactione venialium.*

**Q**UÆ autem pro venialibus sit satisfactio sufficiens, August. <sup>D</sup> insinuat, ita inquit in ench. De quotidianis & breuibus <sup>Cap. 71.</sup> leuibusque peccatis sine quibus hæc vita non ducitur, quotidiana oratio fidelium satisfacit. Eorum enim est dicere, Pater noster qui es in cælis, &c. Delet omnino hæc oratio minima & quotidiana peccata. Delet & illa à quibus vita fidelium etiam sceleratè gesta, sed pœnitendo in melius commutata discedit. Sicut veraciter dicitur, Dimitte nobis debita nostra: ita & veraciter dicatur, <sup>Matt. 6.</sup> Sicut & nos dimittimus debitoribus nostris, id est, sic fiat quod dicitur: quia & ipsa eleemosyna est veniam petentibus omnino ignoscere. Ex his aliisque præmissis iam facile est inielligere, quæ pro venialibus sit exhibenda satisfactio. Sufficit enim Dominica oratio cum ieiunio & eleemosynis: sic tamen, vt præcedat contritio aliquantula, & addatur confessio, si adsit facultas: de qua confessione post tractabitur. Pro grauioribus vero peccatis hæc etiam in satisfactione adhibenda sunt, sed multo vehementius atque districtius: quia vt ait August. ad agendam pœnitentiam non sufficit mores in melius commutare, & à malis factis recedere, nisi de his quæ facta sunt satisfaciât Domino per pœnitentiæ dolorem, per humilitatis gemitum, per contriti cordis sacrificium, cooperantibus eleemosynis. <sup>Lib. de pœnitentiæ medicina. cap. 5.</sup>

ARTICVLVS XLVII.

*An bene diuidatur pœnitentia à Magistro?*

**D**Einde quæritur de hoc quod dicit in secunda parte huius distinctionis *ibi* [ Prædictis vero adiiciendum est, quod tribus modis agitur pœnitentia ] Et quærentur hic duo, scilicet de diuisione pœnitentiæ quam hic ponit, & de pœnitentia ante baptismum.

Ad primum potest sic obici: Commune quod secundum vnâ rationem manet in omnibus diuidentibus, ita quod diuidentia nullam formam addant super ipsum, non diuiditur nisi per materiam & accidens: sed pœnitentia ante baptismum & post baptismum penitus est eiusdem rationis: ergo non diuiditur nisi per materiam & accidens.

2 Item, Ante & post non dicunt nisi differentiam temporis: sed per temporis differentias non diuiditur secundum formam & speciem: ergo pœnitentia per hoc quod est ante vel post, non diuiditur secundum speciem.

*D. Alb. Mag. in Lib. 4. Sentent.*

3. Adhuc, Homo qui fuit in præterito, & qui est, & qui erit in futuro, non diuiditur in specie: ergo nec pœnitentia ex talibus temporis differentiis.

4. Et si dicas, quod isti sunt modi pœnitentiæ, & non species, vt videtur litera dicere. Contra: Modus ille aut est essentialis, aut accidentalis. Si essentialis: ergo fundatur super aliquam diuersam essentiam: non autem fundatur super diuersam essentiam generis: ergo fundatur super diuersam essentiam speciei, & tunc redit primum. Si autem est accidentalis. Contra: Modi accidentales rei vniuscuiusque multi sunt: ergo non debent esse tres tantum, sed multi, & quasi infiniti.

5. Adhuc, Priora peccata sunt graua & leuia: ergo videtur, quod primus modus sit tanti ambitus, quanti alij duo: & sic videtur, quod diuisio sit nulla.

6. Adhuc, Pœnitentia venialium non videtur esse eiusdem rationis cum pœnitentia grauium & in genere: quia nec confessio nec satisfactio taxata exigitur de illis: ergo videtur, quod male diuidat: quia ponit diuidentia, quæ sub eodem communi vniuoce non continentur.

H h

RESPON



Solutio.

**RESPONSIO.** Ista diuisio est modorum pœnitendi: quia modi sumuntur ex parte obiecti pœnitentiæ, circa quod est, scilicet ex parte peccati: & bene concedo, quod aliquid essenziale respondet eis. Et ad hoc intelligendum, sciendum est, quod pœnitentia sumitur hic prout ipsa integratur & constituitur ex contritione, confessione, & satisfactione, sicut in principio huius distinctionis dictum est: tunc enim alia essentialiter pœnitentia exigitur ante baptismum, quæ facit non inuenire obicem Spiritui sancto in suscipiente baptismum: & alia in eo qui peccat post baptismum: quia in suscipiente non exigitur pœnitentia exterior, nisi forte confessio per quam innotescit ministro, quod non sit fictus: sed in alio exigitur. Similiter alia in peccato mortali & alia in veniali: quia in mortali exigitur confessio cum expresse circumstantiarum aggravantium, & cum satisfactione taxata: quorum nihil requiritur in pœnitentia venialium, sed tantum dolor cum quotidiana satisfactione. Patet ergo, quod pœnitentia si in ratione totius potestatiui consideretur, alia est hinc inde. Vnde modus iste triplex super huiusmodi potestatiuum esse pœnitentiæ triplex fundatur.

**AD PRIMUM** ergo dicendum, quod si commune secundum rationem potestatiuæ medicinæ cum suis partibus accipiatur, non erit idem in omnibus diuisantibus, sed in vno vnde abundabit ab alio.

**AD ALIUD** dicendum, quod ante & post baptismum, hic non solum dicunt differentias temporis, sed etiam status pœnitentis pro vno peccato, ex quo intelligitur diuersitas pœnitentiæ, secundum quod in suis partibus consideratur, vt dictum est.

**AD ALIUD** dicendum, quod etiam illa obiectio procedit ac si ante & post non differrent nisi temporis successione, & hoc non est verum, sed potius diuersum esse pœnitentiæ, secundum quod est de peccato hoc vel illo.

**AD ALIUD** dicendum, quod modus fundatur super quoddam esse pœnitentiæ, vt in principio solutionis dictum est.

**AD ALIUD** dicendum, quod verum est, quod primus modus respicit venialia & mortalia: sed tamen ratione status requiritur ad aliud esse pœnitentiæ.

**AD ALIUD** dicendum, quod non est eiusdem rationis omnino cum pœnitentia mortali: & ideo dicit esse duos modos de veniali & mortali: tamen pœnitentia communis in genere saluatur in pœnitentia venialium, quia est ibi dolor cum aliqua satisfactione.

## ARTICVLVS XLVIII.

*An pœnitentia sit ante baptismum?*

**S**ecundo quaeritur de pœnitentia ante baptismum, & quaeruntur duo, scilicet an pœnitentia sit ante baptismum? & an illa, & qualiter sit fundamentum?

**Ad primum** sic proceditur. Supra distinct. 13. habitum est, quod pœnitentia est secunda tabula post naufragium: sed prima in naufragio est baptismus: ergo pœnitentia non præcedit baptis-

mum, sed sequitur: & hoc est contra ea quæ dicuntur in litera.

2 Adhuc, August. dicit, quod baptismus est ianua sacramentorum: sed ante ianuam non est aliquid de mansione domus: ergo ante baptismum nihil est de mansione in sacramentis: ergo nullus potest manere in pœnitentia, qui non fuerit baptizatus.

3 Adhuc, Sicut se habet morbus ad morbum in ordine, sic cura ad curam, siue medicina ad medicinam: sed morbus contra quem est baptismus, est primus quem traximus ex natiuitate: secundus autem contra quem ordinatur pœnitentia, est quem facimus ex propria voluntate: ergo videtur, quod baptismus sit omnino ante pœnitentiam.

4 Adhuc, Non aliud videtur baptismus habere ordinem ad pœnitentiam, quam ad alia sacramenta, secundum ordinem præcedentia pœnitentiam & sequentia: sed ad omnia alia sic ordinatur, quod nisi baptismus sit susceptus, nihil agitur in aliis: ergo & ad pœnitentiam: ergo nulla est pœnitentia præcedens baptismum, vt videtur.

5 Adhuc, Beatus Dionys. in Ecclesia Hierar. dicit, quod non existens nihil agit: & ibidem dicit, quod existere datur per baptismum: ergo non baptizatus nihil agit spiritualium actionum: sed pœnitentia est de spiritualibus actionibus: ergo non baptizatus non pœnitet: sed sic pœnitentia semper sequitur baptismum.

**SED CONTRA** est dictum in litera August. <sup>sed contra</sup> contra Felicianum, & Gloss. quæ ponitur de Act. 2.

2 Item, August. in libro 83. quæst. Finitur verus vita ad pœnitentiam: sed vbi finitur verus, incipit noua: ergo noua incipit à pœnitentia: sed illud est primum, vbi incipit vita noua: ergo pœnitentia est primum sacramentorum omnium.

3 Adhuc, Super illud Act. 2. Agite pœnitentiam, & baptizetur vnusquisque vestrum, &c. Gloss. Dicitur de baptismo, præmisit lamenta pœnitentiæ: vt primum se aqua afflictionis perfunderent, & post sacramento baptismi lauarent. Ex hoc accipitur, quod pœnitentia est ante baptismum secundum ordinem susceptionis sacramentorum.

4 Adhuc, Matth. 3. super illud, Agite pœnitentiam, Gloss. Prima virtus est, per pœnitentiam veterem hominem perimere. Ergo videtur, quod pœnitentia sit primum sacramentum.

5 Adhuc, Secundum processum peccati in mundo prius fuit actuale, quam originale: quia Adam prius peccauit actualiter, ex quo peccato sicut ex causa corrupta est natura, quæ corruptio vitij & passibilitatis est originale à fomite: ergo etiam medicina actualis debet esse ante medicinam originalis: ergo pœnitentia prior est baptismo.

6 Adhuc, Supra in tractatu baptismi habitum est, quod est baptismus quidam fluminis, & ille est pœnitentiæ: cum igitur baptismus fluminis sit ante baptismum etiam fluminis, sicut ibidem determinatur, videtur quod pœnitentia generaliter sit ante baptismum.

**SOLUTIO.** Dicendum videtur hic, quod est <sup>Solutio.</sup> prius simpliciter, & prius secundum quid & quoad aliquid. Baptismus autem est primum sacramentum simpliciter: sed secundum quid & quoad aliquid



quid est pœnitentia prior secundum quendam modum quo ipsa est præparatoria ad interiorum actum compunctionis, & non prout est satisfactoria per vim clauum: quia baptismus de se non exigit luctum vel planctum: sed qui intendit baptizari, si constitutus est arbitri suæ voluntatis, exigit compunctionem, ne Spiritus sanctus disciplina qui operatur in baptismo, effugiat fictum.

ET DICENDUM ad rationes primo indutas: ad primam quidem, quod hoc verum est secundum ordinem diluuiorum generalium: quia primum est diluuium originalis, & secundum actualis

AD ALIUD dicendum, quod quædam sacramenta sunt, in quibus nihil est nisi diuinum, sicut confirmatio, Eucharistia, & ordo, & extrema unctio: & baptismus est ianua, ita quod nihil agitur in illis, nisi primo percipitur baptismus. Alia sunt in quibus diuinitas operatur circa opera nostra & præsupponit aliquid in nobis, sicut pœnitentia, & matrimonium: quia dicit Aug. de pœnitentia, quod qui creauit te sine te, non iustificabit te sine te: quia in talibus oportet nos remouere obicem Spiritui sancto operanti: & de his quantum ad id quod est ex opere nostro, baptismus non est ianua, sed tantum quantum ad id quod est diuinum: sicut est in pœnitentia, quod sit satisfactoria per clauis Ecclesiæ: & matrimonio, quod sit omnino indissolubile: quia hi qui contrahunt matrimonium non in fide Ecclesiæ, aliquo casu possunt separari: tamen quantum ad id quod est diuinum in eis, præcedit baptismus: unde pœnitentia quæ est ante baptismum, non satisfact per clauis: sed per interiorum gratiam disponitur homo ad suscipiendum baptismum, ne fictus inueniatur.

AD ALIA patet solutio per prædicta: quia illa necessario concludunt de ordine sacramentorum simpliciter, quantum ad id quod diuinum est in eis.

AD PRIMUM autem quod obiicitur in oppositum, dicendum quod hoc dicitur quantum ad separabilitatem peccati, non in omnibus, sed in adultis, in quibus oportet præcedere pœnitentiæ quendam modum: & eodem modo intelligitur sequens. Vel posset dici, quod baptismus in proposito pœnitentis sic deletionem peccati operatur, sicut supra in tractatu de baptismo notatum est: sed tamen prima responsio melior est.

AD ALIUD dicendum, quod licet sit prima virtus in adulto: non tamen est primum in ordine sacramentorum simpliciter, ut dictum est.

AD ALIUD dicendum, quod non oportet ut secundum ordinem morbi in persona, sit ordo sacramentorum Ecclesiæ: quia licet in vna persona actuale præcesserit originale peccatum, ut causa ipsius: tamen in omnibus generaliter radicitur actuale in originali: & sacramenta non dantur personæ, sed Ecclesiæ, & potius filiis Adæ, quam ipsi Adam: & ideo baptismus simpliciter adhuc est prius, licet pœnitentia sit prius secundum aliquid & in aliquo.

AD ALIUD dicendum, quod hoc fit per accidens: quia baptismus flaminis sufficit, scilicet ubi non est contemptus religionis, sed articulus necessitatis sacramentum excludit: & ideo ex hoc non potest concludi, quod baptismus simpliciter sequatur pœnitentiam, sed secundum quid tan-

D. Alb. Mag. in Lib. 4. Sentent.

tum & in quodam casu: & illa pœnitentia non est tota integritate sua, sed est ibi aliquid pœnitentiæ quod non habet exteriorum satisfactionem: nec etiam interiori indiget, nisi quantum ad hoc quod remoueat fictio, & non quantum ad dimissionem culpæ vel pœnæ: quia ad hoc sufficit baptismus. Unde licet ibi dimittatur culpa, & quædam pars pœnæ: hoc tamen non exigit baptismus, sed fit gratia quæ datur pœnitenti præparanti se ad baptismum.

## ARTICVLVS XLIX.

*An pœnitentia sit fundamentum & qualiter sit?*

Secundo quæritur, Vtrum pœnitentia sit fundamentum, & qualiter sit? Et circa hoc quærentur quatuor, scilicet an sit fundamentum, & qualiter sit? Secundo, Quæ sint in illo fundamento? Tertio de numero eorum. Quarto, Quo ordine in fundamento collocentur?

Videtur autem circa primum, quod pœnitentia non sit fundamentum, per illud 1. Cor. 3. Fundamentum enim aliud nemo potest ponere præter id quod positum est, quod est Christus Iesus: in vno autem edificio non est nisi vnum fundamentum: ergo videtur, quod pœnitentia non sit fundamentum.

2 Adhuc ad Hebr. 11. Fides est substantia rerum sperandarum: ubi dicit Gloss. id est, fundamentum: & ex hoc sequitur idem quod prius.

3 Adhuc, Fundamentum est quod primo occurrit in edificio spirituali: sed fides primo occurrit: ergo fides est fundamentum & non pœnitentia. Probatio minoris est quod dicit Apostolus Hebr. 11. Accedentem ad Deum, primum oportet credere, quia est, & quia inquirentibus se remunerator sit.

4 Adhuc, Nihil est fundamentum in edificio spirituali, cuius esse aliud spirituale præcedit in eodem edificio: sed esse pœnitentiæ aliud præcedit in spiritualibus: ergo ipsa non est fundamentum. Probatio minoris est id quod supra habitum est dis. 13. ubi dictum est, quod pœnitentiæ virtus timore concipitur: & quia omnia illa quæ primo disputata inueniuntur, qualiter pœnitentia sit prima virtus, valent ad istud, ideo omnia circa hoc sufficiant pro parte vna.

IN OPPOSITUM autem obiicitur per illud Heb. 6. Non rursum iacentia fundamentum pœnitentiæ: ubi dicit Gloss. id est, non iacentes pœnitentiam, quasi pro lapide in fundamento: ergo pœnitentia est fundamentum.

2 Adhuc, In illo primo fundatur noua vita, ex quo deficit prius verus: sed illa, sicut sæpius habitum est, deficit in pœnitentia primo: ergo ibi primo fundatur noua vita: ergo pœnitentia est fundamentum, ut videtur.

SOLUTIO. Dicendum, quod fundamentum multipliciter accipitur in sacra Scriptura, scilicet, primum fundans extra, scilicet in Deo: & hoc est immobilitas diuinæ electionis: & de hoc dicitur 2. Tim. 2. Fundamentum Dei firmum stat, habens signaculum hoc. Unde ibidem Glossa. Isti stant quos Deus elegit, & immobiliter in fide fundauit. Aliter dicitur fundamentum in corpore



pore mystico fundans, & non in membro spirituali: & est fundamentum virtutis infusæ de celo, de quo Isa. 54. Fundabo te in saphiris, & ponam iaspidem propugnacula tua: ubi dicit Gloss. Quia per saphiros qui cælestem habent colorem, signantur virtutes. Tertio dicitur fundamentum fundans membrum singulariter: & hoc multipliciter, scilicet ex parte intellectus, & ex parte affectus. Ex parte autem intellectus dupliciter, scilicet, secundum quod est ex auditu exteriori, vel secundum quod est per lumen intellectus infusum fundatū in veritate credendorum: & primo modo doctrina prædicationis Apostolorum & Apostolicorum virorum dicitur fundamentum: de quo habetur Apoc. 21. Fundamenta ciuitatis duodecim, quæ fundamenta sunt doctrinæ duodecim Apostolorum, Intellectus autem fundamentum dicitur fides. Ex parte autem foundationis in affectu est pœnitentia fundamentum, & alia quædam quibus infra dicitur in sequenti articulo quæstionis.

AD PRIMVM ergo dicendum, quod ibi loquitur de fundatione venientis ad ædificium, non existentis in ædificio ipso: quia fides venienti primo oculos aperit: sed pœnitentia locat eum, & efficit contrarium ab ædificio spirituali.

AD ALIVD dicendum, quod fides est prima, quæ per cognitionem facit in nobis subistere speranda: sed tamen ipsa non est proximum locans ædificium, sed potius pœnitentia locum purgans, & initians fundamenta in bono.

AD ALIVD dicendum, quod non oportet, quod hoc sit fundamentum: & hoc ideo, quia fides & timor possunt secundum actus informes præcedere fundamenti substantiam: quia fides est sicut causam ædificandi ostendens, & timor sicut fodiens: pœnitentia autem sicut construens totum ædificium per contritionem, confessionem, & satisfactionem, licet timor & fides habitus informati gratia & charitate, sint de fundamento & ædificio. Et per hoc etiam patet solutio ad sequens.

## ARTICVLVS L.

*Quæ sint in illo fundamento? & an pœnitentia quæ est fundamentum, sit virtus vel sacramentum?*

Secundo quæritur, Quæ sint in illo fundamento? Dicit autem Gloss. Hebr. 6. quia sex sunt de fundamento isto: & hæc sunt verba Gloss. Hoc autem fundamentum diuidit in sex, quæ sunt inchoatio, scilicet pœnitentia, fides, baptismi doctrina, & impositio manuum, & resurrectio, & iudicium. De pœnitentia quidem disputatum est quantum sufficit in quæstione præcedenti. Quæritur autem, De qua pœnitentia intelligitur, quod sit fundamentum: vtrum de illa quæ est virtus, aut de illa quæ est sacramentum?

Videtur autem, quod de illa quæ est virtus: quia virtus vitio contrariatur: & pœnitentia virtus est quæ perimit veterem hominem: ergo ipsa primo inchoat nouum: & hoc est esse fundamentum primum in ædificio: ergo pœnitentia virtus est illa quæ est fundamentum.

2 Adhuc, Pœnitentia virtus est illa quæ mouet ad detestationem peccati, sicut supra habitum est: sed hoc primo faciendum est, scilicet motus in destructionem peccati: ergo pœnitentia secundum quod est virtus, primo est fundans pœnitentem in ædificio spirituali.

SED CONTRA: Super illud Hebr. 6. Non rursum iacentes fundamentum pœnitentiæ: dicit Hieron. Quicumque aliquos ad fidem conuertit, prius docet pœnitere, & baptizari in remissionem peccatorum: sed pœnitentia secundum quod docetur à ministro Ecclesiæ, sacramentum est: ergo pœnitentia secundum quod est sacramentum, est fundamentum.

2 Item, Alia quædam sacramenta ponuntur in fundamento, scilicet baptismus, & confirmatio: ergo & pœnitentia ibi pro sacramento accipitur.

3 Item, Ioannes qui pœnitere docuit Matth. 3. & Luc. 3. docuit confiteri & satisfacere. Vnde dicitur ibi, quod exhibant ad eum confitentes peccata sua: & dedit eis consilium, qualiter dignos pœnitentiæ fructus facerent in satisfactione: sed pœnitentia sic in suis partibus considerata est sacramentum: ergo secundum quod est sacramentum, est fundamentum.

DEINDE quæritur de secundo, quod est in fundamento, scilicet de fide. Videtur enim, quod charitas sit magis fundamentum: quia fundamentum est radix: sed charitas est radix boni: vnde Gregor. Non habet aliquid viroris ramus boni operis, nisi manserit in radice charitatis: ergo charitas est fundamentum.

2 Item, Ephes. 3. In charitate radicati & fundati vt possitis comprehendere cum omnibus sanctis, &c.

3 Adhuc, Timor videtur esse fundamentum: quia timor est initium sapientiæ, vt dicitur Eccli. 1. Alia autem quædam ad hoc valentia, supra notata sunt, ubi quæsitum est, qualiter pœnitentia sit prima virtus, dist. 13. supra.

DEINDE quæritur de doctrina baptismi: cū enim neophytus non doceatur tantum baptizari, sed multa alia, quare aliorum doctrina non ponitur in fundamento, sicut doctrina baptismatis? Adhuc, Non est nisi vnum baptismum, vt dicit Apostolus ad Ephes. 4. Vnus Dominus, vna fides, vnum baptismum: ergo inconuenienter dicit, Baptismatum.

DEINDE quæritur de quarto, scilicet de impositione manuum quæ fit in confirmatione. Videtur autem, quod Eucharistia magis sit fundamentum: quia in ipsa est dominus sacramentorum, à quo omne sacramentum contrahit suum vigorem: ergo magis fundat quam confirmatio.

2 Adhuc, Sine fundamento non habetur aliquid de ædificio spirituali: sed sine confirmatione habetur aliquid quoad gratiam & gloriam: ergo confirmatio non est fundamentum. Prima patet per se. Secunda probatur ex hoc quod multi decedentes non confirmati transeunt ad gloriam, sicut multi paruuli & adulti, cum non sit sacramentum necessitatis.

3 Adhuc, Confirmatio ædificiorum magis est in summo per subtilē clausurā testudinis, quam in fundamento: ergo videtur, quod confirmatio magis pertinet ad perfectionem, quam ad fundamentum.

4 Adhuc,



*Quaest. 4.* 4. Adhuc, Quod fundatur, non est: quod autem confirmatur, est: ergo quod fundatur, non confirmatur: ergo confirmatio non est fundamentum.

DEINDE quaeritur de quinto, quod est resurrectio. Videtur enim, quod hoc superfluat: quia intelligitur in fide.

2. Adhuc, Cum omnia peccata remittantur in unitate & communione Ecclesiae, videtur quod poenitens in quo fundatur noua vita, magis debet moueri credendo articulum illum qui est, In sanctam Ecclesiam & sanctorum communionem, quam illum qui est, Carnis resurrectionem: ergo ille magis debet poni in fundamento, quam iste.

*Quaest. 5.* VLTIMO quaeritur de sexto, qui est in iudicio: in iudicio enim terror est iudicis: ergo inclinatio in desperationem: quia secundus aduentus terret, & primus mulcet peccatorem ad spem: ergo cum spes magis expediat poenitenti, quam timor terrens, magis deberet poni in fundamento articuli incarnationis qui est de primo aduentu, quam iudicii qui est de secundo.

*Solutio.* SOLVITIO. Dicendum, quod sicut dicit Gloss. Hebr. 6. illa sex sunt de fundamento religionis Christianae, quae fundatur in adueniente ad ipsam: & quaedam istorum sunt sicut fundamenta proxima aedificio: & quaedam sunt sicut fundamenta prima locantia fundamentum proximum, ut habebitur in articulo sequenti.

AD ID ergo quod primo de poenitentia quaeritur, dicendum quod secundum statum adulti venientis ad Christianam religionem, poenitentia sacramentum secundum aliquid sui, scilicet remouens fictionem, est de his quae primo exiguntur: & ideo est de fundamento, sicut & videtur innuere Gloss. & in contrarium obiectio facta.

AD ID autem quod in contrarium primo obiicitur, dicendum quod verum est quod vitio virtus contrariatur: sed secundum hoc prius est ab infusione quam ex doctrina: poenitentia enim hic dicitur rudimenta poenitentiae, quae poenitenti proponuntur: sicut & fides rudimenta fidei, quae his qui catechizantur, exponuntur, quando sunt neophyti: & haec rudimenta sunt potius sacramenti quam virtutis.

AD ALIVD dicendum, quod poenitentia virtus non est fundamentum primum: quia quaedam facienda ad foundationem sunt ante omnem virtutem, sicut illa quae sunt elementa exordij sermonis iustitiae, & illa sunt quae vocat Apostolus fundamentum, sicut dicit Gloss. super epistolam Hebr. 6.

*Ad quaest. 1.* AD ALIVD dicendum, quod omnia illa fere soluta sunt supra dist. 13. dicendum tamen, quod charitas non proprie fundat, sed nescit perfectionem, sicut dicitur 1. Tim. 1. Ad hoc autem quod obiicitur de Gre. dicendum quod est fundamentum operis meritorij: quia dat formam essendi meritum: sed non est fundamentum Christianae religionis, quod proponitur assumpti religionem Christianam: & ideo nihil valet illud ad propositum.

AD ALIVD dicendum, quod radicari & etiam fundari non contingit in charitate, nisi quantum ad formam operis meritorij: & hoc non est esse fundamentum Christianae religionis, ut dictum est, nisi per accidens & secundum quid.

D. Alber. Mag. in Lib. 4. Sentent.

AD ALIVD dicendum, quod timor secundum suum actum est quasi fodiens foueam per fugam mali in fundamento, sed non sicut disponens lapides, qui sunt aedificij pars, sed potius poenitentia.

AD ID quod ulterius quaeritur, dicendum quod neophytis non proponuntur nisi primo occurrentia necessaria ad inchoationem: & horum unum est baptismus, qui dat esse spirituale baptizato, ut dicit Dion. & ideo sicut esse primo exigitur ante operationem in naturalibus, ita & in gratuitis: alia autem non sunt ita primo congruentia.

AD ALIVD dicendum secundum Glossam, quod pluraliter dicit, Baptismatum: quia est triplex baptismus: & de hoc multa habita sunt in tractatu de baptismo, & requirantur ibi, quia haec valent: unum autem baptismus dicitur, quia una est causa substantialis, & unus character, & non iteratur: tamen effectus eius multipliciter datur, & propter hoc dicitur pluraliter, Baptismatum.

AD HOC autem quod quaeritur de quarto, dicendum videtur, quod confirmatio in quantum confirmat in pugna, est de aedificio: aedificium enim non tantum saluat, sed etiam munit in pugna.

AD PRIMUM ergo quod contra est, dicendum quod Eucharistia licet dignissimum sit sacramentorum quantum ad rem contentam, non tamen est necessaria ei qui aedificatur in Christiana religione, sicut confirmatio: quia pugna instat Christiano continua: & ideo necesse est, quod Christianus fundetur in illa.

AD ALIVD dicendum, quod verum est, quod confirmatio non est sacramentum necessitatis: sed quia Christiana religio non tantum attendit ea quae sunt necessitatis, sed etiam ea quae sunt perfectionis: ideo est necesse, quod sustentia perfectionem aedificij in fundamento ponantur. Pugna autem persecutionis est de perfectione vitae & religionis Christianae: & ideo ut super quod aedificetur, praemittitur confirmatio in fundamento. Vnde in primitiua Ecclesia statim confirmabantur postquam erant baptizati.

AD ALIVD dicendum, quod alia est confirmatio aedificij iam facti, quia illa fit per consolationem & augmentum gratiae: & alia est confirmatio quae est in fundamento, quia illa nihil aliud est quam collatio gratiae, in qua multa fundari possunt sine timore ruinae, & hoc modo confirmat confirmatio in qua Spiritus sanctus datur ad robur, & haec confirmatio est de fundamento.

AD ALIVD dicendum, quod sicut dicitur Rom. 6. resurrectio exemplariter ostenditur in iustificatione, quae est in poenitentia: & ideo etiam iustificatio dicitur resurrectio prima Apoc. 20. & ideo poenitentem oportet fundari in resurrectione: resurrectio enim gratiae praestendit resurrectionem gloriae, & ordinatur ad illam.

AD ID quod contra obiicitur, dicendum quod fides non ponitur in numero illorum sex, nisi gratia rudimentorum fidei, praecipue gratia articulo de Trinitate & unitate, quae operatur in sacramentis: & ideo etiam illi quaeruntur in exorcismis & cathecismis: & non ponitur hoc ratione omnium articulo: & ideo non superfluit iste, & positio istius.

AD ALIVD dicendum, quod aliud est iustificatio ipsa, & aliud fundamentum

H h 3 damen



damentum ipsius : fundamentum autem est resurrectio, eo quod ipsa non credita subruit totum, & quia exemplariter ostenditur in pœnitentia.

*Ad qu. 5.* AD ALIVD dicendum, quod iudicium inducit timorem qui facit pœnitere, ne incidatur in iudicium futurum : & ideo est de fundamento.

AD ID autem quod contra obiicitur, dicendum quod spes sequitur timorem : quia timor fugit malum, & ideo iudicium per timorem fundat primo. Vel dicatur, quod in iudicio secundo utrumque intelligitur mouens, scilicet & timor ratione suppliciorum quæ ibi infligentur malis, & spes ratione præmiorum quæ ibi dabuntur bonis : & utrumque horum non est in primo aduentu, sed alterum tantum : & ideo non fides primi aduentus, sed secundi ponitur in fundamento.

## ARTICVLVS LI.

*An idem sit fundamentum rerum sperandarum Christianæ religionis, & præmij æterni.*

Tertio quæritur de numero eorum quæ sunt in fundamento. Videtur autem, quod sit vnum solum, per illud 1. Corinth. 2. Fundamentum autem nemo potest, &c. Et cum alicuius ædificij corporalis non sint plura fundamenta : ergo nec ædificij spiritualis.

*Solutio.*

SED QVIA hæc disputatio tota fere determinata est per articulum præcedentem, dicendum quod fundamentum (vt supra dictum est) multipliciter dicitur, scilicet fidei, rerum sperandarum, & Christianæ religionis, & præmij. De fundamento fidei intelligitur quod dicitur 1. Corinth. 3. quia tota fides est supra Christi deitatem vel humanitatem : secundum deitatem enim est à Patre, & ab ipso Spiritus sanctus, qui mittitur Sanctis & vnit Ecclesiam : secundum humanitatem autem ipse est incarnatus, passus, & resurrexit in causam & argumentum nostræ resurrectionis. Rerum autem sperandarum per quod scilicet res sperandæ subsunt in nobis, est fides secundum actum suum fundamentum : quia ipsa primo aperit oculos ad sperandas res videndas, & consentit eis quod sint : & per hoc fundat eas in nobis. Christianæ autem religionis colligitur fundamentum ex sex, quæ in Glossa Hebr. 6. numerantur : quia Christiana religio incipit ab occulto rationi nostræ, & difficili, & remotione à peccatis : & ideo fundatur, id est, inchoatur à tribus in genere, scilicet à remouente & destruyente contrarium, & hoc est quasi faciens locum ædificio : & hoc est pœnitentia vel secundum ordinem in difficile bonum quod incipit, vel secundum conseruans in illo. Si secundum ordinem, hoc est dupliciter, scilicet ad esse, & ad robur in difficili pugna : & quantum ad esse id adhuc contingit dupliciter, scilicet quantum ad gratiam ipsam dantem esse Christianæ religionis, & quoad ordinem qui est in actibus virtutum : & quoad ordinem actuum fundat fides, sed quoad gratiam dantem esse fundat doctrina baptismatum. Ad pugnam in difficili fundat robur gratiæ datum in impositione manuum : sed conseruantia sunt spes & timorem inducentia : & hoc contin-

git præcipue ex iudicio futuro, ad quod duo exiguntur, scilicet iudicium ex parte iudicis, possibilitas præsentationis in iudicio ex parte iudicandi : & ex parte iudicandi spem & timorem inducit resurrectio, & sic fundat : ex parte autem iudicis fundat iudicium futurum : & per hoc patet solutio de omnibus quæ requiruntur hic.

## ARTICVLVS LII.

*An fides præcedat pœnitentiam?*

Quarto de ordine horum quæritur. Videtur enim, quod fides præcedat pœnitentiam : quia Hebr. 11. dicitur, quod accedentem ad Deum oportere credere, quia est, &c. sed pœnitens iam accessit : ergo ante hunc accessum fides iam fuit : ergo præordinari habet pœnitentiæ in fundamento.

2 Adhuc, Dicit August. quod fides est prima virtus, & primum est fundamentum : ergo, & cætera.

3 Vltius in cathecismis instruuntur prius de resurrectione mortuorum & de iudicio, quam baptismum suscipiant : ergo videtur, quod in fundamento ordinari debeant ante baptismum : & contrarium dicit Glossa.

AD HVC quæritur de Dominica oratione, quæ tangitur in Glossa quadam esse de inchoatione Christianæ religionis : quare non ordinatur inter ea quæ sunt de fundamento ? Dicit enim quadam Glossa sic, De initio fidei est, quo rudes catechizandi sunt, vt est symbolum fidei, & Dominica oratio.

RESPONSIO. Ad hoc dicendum videtur, *Solutio.* quod ista ordinantur in fundamento per modum illum quo explicantur ab eo qui accedit ad Christianam religionem. Vnde quia pœnitentia primo remouet à contrario, ideo prima ponitur : fides autem distinguit credenda quæ sunt in Christiana religione, & ideo ponitur secunda : & baptismus dat esse affectui præparato per pœnitentiam, & intellectui præparato per fidem : & ideo ponitur tertio. Corroborans autem ipsum esse est quartum : sicut in naturis post esse sequitur perfectio quantitatis, & post ista conseruantia. Sed quia resurrectio facit timere vel amare iudicium : quia si non resurgat, non timebit nec amabit : quia nec bonum nec malum ibi recipiet : si autem resurgat, timebit vel amabit : ideo resurrectio ponitur ante iudicium.

AD HOC autem quod primo de fide obiicitur, dicendum quod duplex est fides, scilicet indistincta : & hoc modo quoad quandam actum confusæ cognitionis Dei & peccati præcedit pœnitentiam. Est autem fides distincte assentiens credito articulo, & hæc non est nisi iam data gratia per pœnitentiam, & talis est illa in qua fundatur Christiana religio : & ideo cathecumenis articuli fidei explicantur.

AD ALIVD dicendum, quod fides est prima virtus & in intellectu, & quoad actum confusæ cognitionis, & non distinctæ : sed distincte assentiens, sequitur destructionem peccati per pœnitentiam.

AD ALIVD dicendum, quod resurrectio & iudicium vt credita, supponuntur in fide, vt alij



alij articuli symboli fidei, vt dicit Gloss. in hoc eodem quaestionis articulo inducta: sed vt conseruantia in Christiana religione sequuntur quasi iugiter memorata, sic ordinantur in fundamento.

*Ad qu.* A D A L I V D dicendum, quod Dominica oratio non est essentialiter de fundamento, licet sit aliquo modo de inchoatione: quia ante essentiam Christianae religionis aliquis orare potest: sed à Gloss. illa ponitur de inchoatione extra & est sic impetrans fundamentum Christianae religionis: & hæc de modis pœnitentiæ dicta sufficiant.

### ARTICVLVS LIII.

*An omne peccatum exprimat in decalogo?*

**D**Einde quaeritur de hoc quod dicit *ibi* [Alteraque actio pœnitente, quæ sit post baptismum, &c.] Videtur enim ex hoc, quod omne peccatum contineatur in decalogo, quod falsum videtur de superbia, hypocrisi, inani gloria, inuidia, & multis aliis, si ad specialia descendatur: cum ergo de his sit pœnitentia, non videtur esse de his tantum quæ legis decalogus continet.

2 Adhuc, Mala voluntas in decalogo prohibita, non est nisi quantum ad peccatum avaritiæ, cum malum verbum *ibi* prohibitum, non est nisi ratione periurij & mendacij: cum ergo multis aliis modis fiat peccatum, & corde, & ore, & de omni peccato concedatur venia per pœnitentiam, videtur August. imperfecte distinguere modum pœnitentiæ qui est post baptismum. Si forte tu dicas, quod sicut in prædicamento aliquid dupliciter est, scilicet vt directe cõtentum in eo, sicut genus subalternum, vel species, vel indiuiduum: aliquid autem sicut reductum ad ipsum vt primum genus, sicut dicimus materiam & formam esse in genere substantiæ, & punctum & vnitatem & nunc in quantitate: ita dupliciter aliquid est prohibitum in decalogo, scilicet vt directe prohibitum, & vt reductum ad prohibitum secundum rationem causæ vel causati. Contra: Quando reducitur aliquid ad prædicamentum, non sufficit, quod sit qualitercunque primum: sed oportet, quod sit primum à quo fluit essentia prædicamenti: ergo similiter erit in præceptis: sed à nullo peccato essentialiter fluit aliud: ergo nullum peccatum ita habet reduci ad prohibitionem alterius peccati.

3 Adhuc, Non sunt tantum prohibitiua præcepta, sed potius affirmatiua sunt quædam: ergo secundum hanc solutionem oportet omne bonum quod faciendum est, reduci ad honorem parentum vel conseruationem sabbati, sicut principium vel principiatum: & hoc qualiter sit, difficile est etiam fingere volentibus.

*Solutio.* R E S P O N S I O. Dicendum, quod omne peccatum mortale & veniale prohiberi intelligitur in decalogo, & fieri præcipitur *ibi* omne bonum faciendum, id est, quod ita faciendum est, quod nisi fiat, non saluabitur omittens. Peccatum autem intelligitur in genere prohiberi dupliciter, scilicet directe, aut indirecte. Directe quidem prohibentur omnia mortalia, & indirecte venialia. Mortalia autem prohibentur tripliciter, scilicet expresse, vel quia sunt causæ sci-

licet expresse prohibitorum, vel quia sunt effectus eorum. Expresse iterum dupliciter, scilicet ipso nomine & ambitu communitatis ipsius nominis, expresse: sicut sub mœchia prohibetur adulterium: quia cum elargatur, nomine mœchiæ sub ambitu nominis prohibetur omnis illicitus cõtus, & quælibet illicita effusio seminis: & sic prohibetur fornicatio, defloratio, raptus, incestus, sodomia, & vitium pathicorum. Vt causa autem, gula, & ebrietas, & omnia quæ excitant concupiscentiam carnis ad illicitum. Vt effectus autem, scurrilitas, immunditiæ, choreæ illicitæ, & omnia huiusmodi: & sic planum est etiam intelligere de aliis. In affirmatiuis autem similiter est: necesse est enim vt nomine parentis elargato intelligatur proximus, & proximus est (vt dicit August.) qui nobiscum est ad æterna gaudia possidenda creatus: & nomine honoris intelligitur reuerentia debita & subuentio, tam in spiritualibus, quam in temporalibus. Sunt autem quædam vt inducentia ad hoc per modum causæ, vt amor siue dilectio proximi: & quidam effectus, vt congratulatio, affatus, & huiusmodi: & sic planum est videre in aliis.

A D I D autem quod obiectum est contra istam reductionem, dicendum quod impossibile est in toto inuenire simile inter duo: quia sic similia nõ essent duo, sed vnum: sed sicut est in prædicamentis, & in primis essentiis, & in reductis ad illas, sic est in primis faciendis, & vitandis, & reductis ad illa: & sicut illa fluunt à suis principiis essentialiter, ita ista fluunt à suis principiis voluntarie: quia in moribus maximum principiorum est voluntas: & quia natura essentiæ subiacet necessitati, ideo illa necessaria fluunt à suis principiis. Quia vero ista sunt mediante voluntate causantia & causata, & voluntas est libera: ideo ista manent in libertate inclinantia voluntatem. Et per hoc patet solutio ad totum. Est autem huic disputationi aliquid addendum ex illo quod disputatum est super tertium in fine de præceptis.

### ARTICVLVS LIV.

*An bonorum sit pœnitentia, & vtrum boni & humiles de venialibus debeant agere pœnitentiam?*

**D**Einde quaeritur de hoc quod dicit *ibi* [Est etiam pœnitentia bonorum, &c.] Videtur enim, quod hoc sit falsum: quia boni & humiles magis habent causam lætitiæ quam pœnitentiæ: ergo non est eorum pœnitentia.

2 Item, De malo est pœnitentia: ergo non est de bonis & humilibus, quia illa sunt optima: ergo non est bonorum & humilium. Si forte dicas, quod non est bonorum & humilium, secundum quod sunt boni & humiles, sed secundum quod admittunt venialia.

Q V Æ R A T V R, Vtrum boni & humiles de venialibus agere debeant pœnitentiam? Videtur autem, quod sic: quia cuiuscunque est satisfacere, illius est pœnitere: sed bonorum & humilium est de venialibus satisfacere: ergo & illorum est pœnitere. Probatio mediæ supra dist. 14. habita est, quod satisfacere est radices peccatorum excidere, & eorum suggestionibus vltius aditum



non indulgere: sed in bonis & humilibus sunt peccatorum radices, quia fomes, & corruptio virium, & pronitas ad peccandum: ergo constat propositum.

Sed con-  
tra.

IN CONTRARIUM autem hoc est, quod dicitur locus esse à communiter accidentibus, pœnitet: ergo peccauit.

2 Adhuc, Supra habitum est, quod pœnitentia est de malo perpetrato in quantum perpetratum est: ergo qui malum non perpetravit, non habet pœnitere: & ideo pœnitentia non est bonorum & humilium, ut videtur.

3 Adhuc, Philosophus in 9. metaphysicæ & Auicenna in 6. suæ metaphysicæ dicunt, quod à potentia boni vel mali nullus est bonus vel malus: quia in malo actus potentia peior est, & in bono actus potentia melior est: sed in bonis & humilibus qui non peccauerunt, non est nisi potentia mali: ergo ipsi non peccauerunt: ergo pœnitere non tenentur.

Solutio.

SOLUTIO. Dicendum, quod pœnitentia est bonorum & humilium, ut dicit litera: sed non est in quantum boni & humiles sunt. Est autem duplex talium pœnitentia, scilicet de bono, & de malo: de bono non in quantum bonum, sed in quantum malo permixtum: quia sic dicitur Isa. 64. Sicut pannus menstruatus sunt vniuersæ iustitiæ nostræ. Vnde negligentia quæ incidit & indeuotio cogunt bonos & humiles etiam propria bona timere, & sic de eis quodammodo pœnitere: & hoc est quod dicit Iob 9. Verebar omnia opera mea: sciens, quod non parceres delinquenti. Alio modo pœnitent de veniali quod incidit quotidie in usu vitæ: de cuius pœnitentia habetur in sequenti capitulo.

Ad quæ-  
stionem.

AD ID autem quod quæritur, Vtrum boni & humiles non peccantes teneantur pœnitere? Dicendum, quod non. Ad obiectum contra, dicendum quod duplex est radix peccati, scilicet contracta & facta, secundum quod ex operibus relinquuntur similes dispositiones & habitus, ut dicit Philosophus. Prima autem radix debilitatur & exiccatur, non pœnitentia, sed contrario usu benefaciendi: & secunda est quæ per pœnitentiæ, satisfactionem eruitur: & de illa radice intelligitur auctoritas inducta: & per hoc patet solutio ad totum.

## ARTICVLVS LV.

*An aliquis non habens debitum, possit dicere orationem Dominicam?*

DEINDE quæritur de hoc quod dicit *ibi* [Dimitte dimitte nobis, &c.] Quæritur enim, Vtrum aliquis non habens debitum, possit dicere orationem Dominicam? Videtur, quod non: quia non habet debitum: ergo non vere rogabit sibi debitum dimitti: ergo non potest dicere orationem Dominicam.

2 Adhuc, In duabus parabolis Luc. 6. & Matth. 9. ubi loquitur Dominus de dimissione debiti, supponit seruos illos aliquid debere: ergo qui nihil debet, ille debitum dimitti non potest postulare: ergo orationem Dominicam talis non potest dicere, ut videtur. Si forte tu dicas, quod ille casus nunquam euenit in aliquo: quia sicut

dicitur 1. Ioan. 1. Si dixerimus quoniam peccatum non habemus, nosmetipsos seducimus, & veritas in nobis non est. Contra: Augustinus Glossat sic locum istum dicens, quod hoc dictum est: quia non diu esse possumus sine peccato: possumus autem esse ad horam sine peccato: ergo videtur, quod illa hora talis dicere non possit Dominicam orationem.

3 Adhuc, Iacob. vltim. dubie loquitur de statu peccati dicens, Si in peccatis sit, remittentur ei: sic enim loquens innuit, quod possibile est aliquem esse diu sine peccato: & tunc locum habet quæstio supra dicta.

4 Adhuc, Dicit August. quod hoc facit veniale in viro iusto, quod gutta in camino ignis: sed gutta ipso casu in camino, statim consumitur, & non manet: ergo veniale cadens in animam viri perfecti, statim consumitur: ergo ipse manet sine veniali: & constat, quod est sine mortali: ergo talis nullum habet debitum venialis vel mortalis peccati: ergo ipse non potest dicere, Pater noster.

SOLUTIO. Dicendum, quod quilibet Christianus homo potest & debet dicere, Pater noster.

AD HOC autem quod in contrarium obiicitur, dicendum quod talis status est rarus, propter tria, scilicet multitudinem venialium, & ignorantiam, & adhaerentiam. Multitudinem voco in modo peccandi venialiter, quorum magnus est strepitus circa nos, tam in sensibus, quam in corde: ignorantiam, quia videtur mihi impossibile omnia aduertere: vnde Psalm. ratione multitudinis dicit, Delicta quis intelligit? Et ratione ignorantia, Ab occultis meis munda me Domine. Ratione autem adhaerentia dicit, Ab alienis parce seruo tuo: quia quædam adhaerent nobis alienantia à seruire charitatis, sed non alienant ab habitu. Si tamen talis status sit, adhuc dico, quod etsi sit, tamen non debet homo præsumere esse in tali statu: quia, sicut dicit beatus Gregor. Bonarum mentium est ibi culpam agnoscere, ubi culpa non est. Si autem dicas, quod sit ita, quod per reuelationem cognoscat sibi dimissa esse omnia peccata: dico adhuc, quod non adhuc sequitur quod ipse sit indebitor alicuius pœnæ, & ratione illius potest dicere. Si autem ponas, quod nec etiam pœnæ debitor sit, & hoc sciat per reuelationem: dico adhuc, quod in persona membrorum Ecclesiæ debet dicere: sic enim Christus caput Ecclesiæ ratione membrorum dicit sua esse delicta in Psalm. ubi dicitur, Deus meus respice in me, & cætera. Ita vnum membrum in se transformare debet, quod alterius est: vnde docet orare in plurali dicendo, Dimitte nobis debita nostra, sicut & nos dimittimus, &c. non, Dimitte mihi debita. Et per hoc patet solutio ad omnia quæ sita.

DEINDE quæritur de hoc quod dicit *ibi* [Quid enim interest ad naufragium an vno grandi, & cætera.] Ex hoc enim videtur, quod veniale fiat mortale: & de hoc quæ-  
ratur hic.

\* \*

DISTIN







Ita. 43. auctorum testimonia inducunt. Ait enim Dominus per Isaiam, Dic tu iniquitates tuas, ut iustificeris. Item Ambrosius, Non potest quisquam iustificari à peccato, nisi peccatum ipsum antea fuerit confessus. Idem dicit, Confessio à morte animam liberat, confessio aperit paradysum, confessio spem salutis tribuit: quia non meretur iustificari, qui in vita sua non vult peccatum confiteri. Illa confessio nos liberat, quæ fit cum pœnitentia. Pœnitentia vera est dolor cordis, & amaritudo animæ pro malis quæ quisque commisit. Item Ioannes, Non potest quisquam gratiam Dei accipere, nisi purgatus fuerit ab omni peccato per pœnitentiæ confessionem, & per baptismum. Item August. Agite pœnitentiam, qualis agitur in Ecclesia. Nemo dicat sibi, Occulte ago, quia apud Deum ago: nouit Deus qui mihi ignoscit, quia in corde ago: ergo sine causa dictum est, Quæ solueritis super terram, soluta erunt in cœlis? Ergo sine causa clauæ datæ sunt?

Mat. 16. Frustramus ergo verbum Christi. Iob dicit: Si erubui in conspectu populi peccata mea confiteri. Item Ambros. Venialis est culpa, quam sequitur confessio delictorum. Item August. super illum locum Psalm.

Iob 31. Lib. de paradiso cap. 14. Super Psal. 68. Non absorbëat me profundum, neque vrgeat super me puteus os suum. Puteus est profunditas iniquitatis: in quam si cecideris, non claudit super te os suum, si tu non claudis os tuum. Confitere ergo & dic: De profundis clamaui ad te Domine, &c. & euades. Claudit super illum, qui in profundum contemnit: à quo mortuo, velut qui non sit, perit confessio. Item, Nullus debite grauioris pœnæ accipit veniam, nisi qualemunque, etsi longe minorem quam debeat, soluerit pœnam. Ita enim impartitur à Deo largitas misericordiæ, ut non relinquatur iustitia disciplinæ. Ita Hieron. Qui peccator est, plangat delicta propria vel populi, & ingrediatur Ecclesiam, de qua propter peccata fuerat egressus: & dormiat in sacco, ut præteritas delicias per quas Deum offenderat, vitæ austeritate compenset. His aliisque auctoritatibus nituntur asserere, sine confessione vocis & aliqua solutione pœnæ neminem à peccato mundari.

Super Malach.

## ARTICVLVS I.

*An in sola contritione peccatum dimittatur?*

**H**ic oritur quæstio multiplex] Magister in ista distinctione collationem facit inter partes pœnitentiæ sigillatim acceptas, & tangit primo tres quæstiones, ut patet in litera: & secundum prosecutionem illarum trium diuiditur tota distinctio in tres partes: & hoc videre cuilibet est facile, & ideo insistendum est disputationi.

Primo ergo quæritur de quæstione prima, Vtrum scilicet in sola contritione peccatum dimittatur? Videretur autem, quod sic: Quod enim potest plus, potest & minus: sed sola contritio in casu potest supplere vicem baptismatis: ergo & potest supplere vicem confessionis & satisfactionis.

2. Adhuc, Quæcunque medicina omnia in se claudit quæ opponuntur morbo & causis morbi, illa per se sine alia efficax est ad morbi expulsio-

nem: sed contritio est huiusmodi medicina contra mortale actuale peccatum: ergo sine confessione & satisfactione expellit morbum. Prima patet per se. Secunda autem probatur ex eo quod in actuali non est nisi culpa & pœna: & contraria illorum sunt in contritione: quia gratia contrariatur culpæ, & pœna de peccato contrariatur passioni, quæ est delectatio, & sustinentia illius doloris soluit pœnæ obligationem quæ est in reatu.

3. Adhuc, Medicina quæ quandoque datur, & quandoque non datur eisdem causis morborum existentibus, & aliis omnibus similiter se habentibus, non est necessaria, sed de bene esse: sed confessio quandoque datur peccatoribus contritis, & similiter satisfactio, quandoque autem non: ergo confessio & satisfactio sunt de bene esse pœnitentiæ, & non de ipso esse. Prima patet: quia ars in quantum potest semper exhibet omnia necessaria curationi. Secunda autem probatur in Maria Magdalena, quæ (ut dicit Gregor.) septem dæmonia habuit, quia vniuersis vitiis plena fuit: & tamen Luc. 7. per solam cordis contritio



contritionem est sanata : ergo constat propositum.

4 Adhuc, Quæcunque sunt de essentia & necessitate alicuius, nunquam relinquunt ipsum: sed confessio & satisfactio quâdoque non fuerunt de pœnitentia, vel non prout modo sunt, sicut probatur ex disputatione supra de confessione habita: ergo non sunt de essentia: ergo cum pœnitentia per essentiam suam sufficiens sit ad morbi expulsionem, & sola contritio sit essentialis, videtur quod ipsa sine confessione oris & satisfactione operis sufficit ad actualis peccati deletionem.

5 Adhuc, In momento infusionis gratiæ soluitur culpa & pœna æterna: sed hoc momentum est in contritione ante confessionem & satisfactionem: ergo videtur, quod confessio & satisfactio non sint necessariæ ad culpæ solutionem.

6 Adhuc, Ponamus, quod aliquis in veritate conteratur: constat, quod in veritate illi peccatum secundum culpam & pœnam æternam dimittitur: sit ergo, quod iste non confessus moriatur: ergo saluabitur, quia in moriendo non peccat, quia nihil incidit inter contritionem & mortem: ergo confessio & satisfactio non sunt de necessariis ad salutem.

7 Si forte tu dicas, quod pœnitentia votum confessionis exigit & votum satisfactionis. Contra: Aut hoc exigit, eo quod sit de pœnitentiæ essentia, aut quia præceptum est ut confiteatur: si ideo exigitur, quia est de integritate pœnitentiæ, tunc nunquam fuit vera pœnitentia sine illa: quod falsum omnibus esse patet. Si ideo exigitur, quia est præceptum: ergo non exigitur nisi per accidens, & propter aliud: ergo de se sufficiebat contritio.

8 Item, Adhuc, Constitutio Ecclesiæ aut debilitavit vim contritionis, aut nihil contulit ei, nec nocuit ei, nec adiuvit eam. Si debilitavit. Contra: Dicit beatus Bernardus, Quod charitate institutum est, contra charitatem non debet militare: sed quicquid Ecclesia statuit, charitate instituit: ergo non debet contra eam militare: sed omne debilitans vim sacramenti, militat contra charitatem: ergo non debet observari: sed contritio est sacramentum, ut infra habebitur in litera: ergo constitutio de confessione non debet observari. Si autem nec contulit, nec nocuit: ergo inutilis fuit: nihil autem inutile observandum est vniuersaliter in Ecclesia, præcipue contra sacramenta: ergo iterum hæc constitutio servari non debuit. Si autem iuvit. Contra: Quod per se potest facere aliquem effectum, fortius est quam id quod cum alio & non nisi cum alio quod est in voluntate vel in actu: sed contritio sine proposito confitendi, potuit delere actuale peccatum: & tu dicis, quod modo non potest sine voluntate confitendi propter constitutionem Ecclesiæ: ergo minorata est vis eius propter constitutionem Ecclesiæ: ergo constitutio illa non est observanda.

9 Adhuc, Constat, quod Deus absoluit in contritione: aut ergo simpliciter absoluit eum, aut cum conditione. Si simpliciter: ergo non sub ista conditione, quod confiteatur & satisfaciatur: ergo non tenetur confiteri & satisfacere. Si cum conditione: sed omnis conditio dubi-

tantis est: ergo dubitatio incidit circa Deum absolventem ipsum peccatorem, quod absurdum est: ergo simpliciter absoluit: ergo non tenetur confiteri & satisfacere.

10 Adhuc, In omnibus iudiciis sufficit cognitio causæ & emenda delicti, secundum quod cognoscitur causa: ergo hoc sufficit in iudicio Dei, qui iudicat pœnitentem: sed delicti causa est in corde quod Deus intuetur, & perfecte cognoscit: ergo si cognoscit emendam secundum idem, sufficit ad omnem peccati correctionem: sed in corde perfectam exhibet emendam contritio: & hoc Deus cognoscit: ergo ipsa sola ad omnem peccati correctionem sufficit.

11 Adhuc, In omni genere morborum obuiatur fonti & non membris super quæ fluit riuus morbi: ergo ita debet fieri in medicina spiritali: sed omne peccatum causam habet in corde: & si cor non esset, nihil deformitatis esset in ore, nec in opere: ergo videtur, quod medicina non debet esse nisi in corde: hoc autem fit per solam contritionem: ergo sola contritio cordis sufficit.

12 Adhuc, Quicquid in se continet perfectam pœnitentiæ rationem, hoc per se sufficit sine alio ad morbi expulsionem: sed contritio continet in se perfectam pœnitentiæ rationem: ergo sola contritio sufficit ad perfectam morbi actualis expulsionem. Probatur autem prima ex eo quod non nisi pœnitentia datur contra actuale mortale, & non alia medicina spiritalis. Secunda autem probatur ex eo quod dicit Ambrosius, in litera, Pœnitentia est verus dolor cordis & amaritudo animæ pro malis quæ quisque commisit: & constat, quod hoc non conuenit pœnitentiæ nisi ratione contritionis.

SED CONTRA hoc obiicitur, & subiciuntur omnes auctoritates in litera inducendo, quæ probant sine confessione peccatum non dimitti. Sed contra.

2 Per rationem autem sic obiicitur: Nihil potest detestari nisi cognitum: peccatum autem in omni pœnitentia oportet detestari: ergo oportet recognosci: sed recognitio diuersificatur secundum ea in quibus est: alia enim est recognitio in intellectualibus, & alia in corporalibus, & alia in sacramentalibus: ergo sicut in intellectualibus exigitur recognitio intellectualis, & in operationibus operatiua, ita in sacramentalibus exigitur sacramentalis: hæc autem est in enarratione peccatorum: & hæc est confessio: ergo ad sacramentalem peccati detestationem & pœnitentiam exigitur confessio.

3 Adhuc, Omne sacramentum consistit in dispensatione ministrorum Ecclesiæ: sed nihil dispensatur nisi cognitum: ergo ad hoc quod minister operetur circa pœnitentis peccata, oportet ipsum cognoscere peccata: sed non potest scire nisi per confessionem: ergo ad dispensationem sacramenti pœnitentiæ exigitur confessio.

4 Adhuc, Dolor pœnitentis satisfaciens est per claves: vis autem clauium consistit in discretionem peccati, & in absolutione pœnitentis: ergo ante effectum clauium oportet ministrum cognoscere de peccatis: & non potest nisi per confessionem: ergo pœnitenti ad hoc quod absoluitur, necessaria est confessio.

5 Item, Daniel. 9. & in aliis locis Veteris Testamenti dicitur, quod quando gratiam impetrare



trare volebant, confitebantur peccata sua: ergo multo magis exigitur in Nouo Testamento in quo maior est gratia.

6 Adhuc Iosue 7. Iosue dixit, Fili mi da gloriam Domino Deo Israël; & confitere peccatum tuum, & indica mihi quid feceris. Ergo non potest glorificare Deum qui de peccatis redit, nisi per confessionem: ergo confessio delicti exigitur in pœnitentia.

7 Item, In omni iudicio condemnationis exigitur conuictio damnati: sed in pœnitentia iudicium quoddam est in quo damnatur pœnitens ad pœnam determinatam: ergo exigitur conuictio: sed non potest fieri per testes: ergo oportet, quod fiat per confessionem: ergo in pœnitentia exigitur confessio.

*Solutio.*

RESPONSIO. Dico, sicut supra in principio præcedentis distinctionis habitum est, quod pœnitentia secundum quod est sacramentum ordinatum contra totum morbum peccati, habet partes, contritionem, confessionem, & satisfactionem: & hoc modo bene concedendum est, quod nunquam fit absolutio peccati sine confessione in voto vel effectu existente. Qualiter autem operetur contra peccatum, ex superioribus quantum ego possum intelligere, manifestum est. Si autem accipiatur pœnitentia prout est in ratione virtutis, vel gratiæ, vel passionis tantum, bene puto quod non oporteat adesse confessionem: unde etiam omnes rationes pro illa parte inductæ, quod exigatur confessio, sumptæ sunt ex ratione pœnitentiæ secundum quod sacramentum est, quia aliter nullam videntur habere apparentiam.

AD HOC ergo quod primo obiicitur in contrarium, dicendum quod nunquam contritio excludit votum baptizandi in non baptizato, sed effectum: & ita bene concedo, quod in simili articulo necessitatis potest excludere effectum confessionis, sed nunquam votum si adsit facultas: dicta autem omnia operantur in voto existentia, quia Deus respicit voluntatem: & sic dicitur 2. Cor. 8. Si prompta est voluntas, secundum id quod habet accepta est, non secundum id quod non habet. Et hoc est quod dicitur à Doctores, quod complera voluntas reputatur pro facto.

AD ALIUD dicendum, quod prima propositio non est vera, nisi sicut omnia continet, ita contineat sufficienter: & hoc non est verum de contritione, quia ipsa non est sufficiens sine confessione in voto, vel in actu & voto existente. Vel dicatur, quod non omnia continet: quia in pœnitentia est ædificatio proximi, & contritio de se non continet satisfaciens ædificationem: & ideo per ministrum in confessione exigitur, quod Ecclesiæ reconcilietur: & hæc vltima solutio est communis, sed tamen prima verior.

AD ALIUD dicendum, quod semper exigebatur aliqua peccati recognitio prodens peccatum in genere, vel in specie, vel numero, sicut supra in questione de confessione habitum est: id autem quod secundum se diuinum est, bene potest determinationem diuersam accipere processu temporis: & ideo quando veras Ecclesia habuit clauas, non figuram tantum clauium: tunc determinatum fuit, quod homo coram homine habente peccatum detestando recognosceret per confessionem: & ideo licet pœnitentia quandoque fuerit sine confessione tali, qualis modo est in Eccle-

sia, non tamen fuit simpliciter sine confessione quantum ad substantiam confessionis in genere. Ad aliud dicendum, quod licet non legatur confessio Mariæ Magdalene, & Petri, & quorundam aliorum: tamen facta est: quia multa facta sunt, quæ tamen scripta non sunt. Aliam tamen solutionem supra habes in præcedenti distinctione, quod aliud fuit de illis qui ab ipso Domino receperunt, & aliud de aliis: quia Dominus cognouit, & rubor cordis coram præsentia eius secundum humanitatem maior fuit, quam nobis rubor faciei coram sacerdote cognoscente faciem: & ideo talibus potuit sufficere confessio cordis, nobis autem non: quia non ab ipso, sed ab homine sacerdote vicario Dei pœnitentiam accipimus.

AD ALIUD dicendum, quod sicut ad præcedens, scilicet quod fere eadem sunt.

AD ALIUD dicendum, quod licet in momento soluitur culpa, tamen exigitur motus liberi arbitrij in peccati detestationem: quia in iustificatione impij quatuor sunt simul tempore habitualiter, licet non acualiter, & secundum naturam simul sunt: quorum vnum est motus liberi arbitrij in peccatum detestando, ipsum, & ille motus supponit votum confitendi & satisfaciendi: & ita patet, quod nihil prohibet, quod tria sint in vno & eodem momento: vnum in actu, scilicet contritio, & duo in voto supposita, scilicet confessio & satisfactio.

AD ALIUD dicendum, quod talis positio bene possibis est: sed nunquam est vera contritio quæ confessionem & satisfactionem, non articulo necessitatis, sed contemptu religionis excludit: unde si vere contritus est, ipse habet votum confitendi & satisfaciendi: & si sic moriatur, operantur in eo confessio & satisfactio in voto existentes.

AD ALIUD dicendum, quod confessio in genere diuinum habet præceptum, sed in specie determinationem accipit per Ecclesiam, sicut supra in eadem questione dictum est.

AD ALIUD dicendum, quod institutio Ecclesiæ multum confert pœnitentiæ: quia, sicut dictum est, contritio nunquam sufficit sine aliqua confessione: sed modo determinatum est tempus, quod semel in anno: & modus per enarrationem peccati cum quibusdam circumstantiis propter iudicium clauium & effectum earum: & hoc plurimum confert pœnitenti ad dimissionem pœnæ peccati, & etiam ad maiorem detestationem culpæ: & tamen in nullo debilitat contritionem: nec peiorem facit statum modernorum, quam antiquorum, propter magnum emolumentum, quod consequuntur ex vi clauium, quod non consequerentur antiqui: sicut non esset status peior eius qui dat denarium & obolum, ut accipiat aliquid emptum cum magna additione, quam eius qui emit illud denario sine additione.

AD ALIUD dicendum, quod Deus simpliciter absoluit in contritione: sed aliter accipitur absolutio ex parte absoluentis, & aliter ex parte absoluti. Ex parte enim absoluentis nulla est conditio & nulla dubietas: sed ex parte absoluti supponitur votum confitendi & satisfaciendi, sine quibus non est contritio. Nec hoc est inconueniens, quod ex parte Dei creantis nihil materiale, nihil temporale, nihil conditionatum est: & ta-

men



men ex parte creati incidit materialitas, temporalitas, & conditio secundum naturam rei creatæ: & hoc forte attendit Magister Hugo de sancto Victore, dicens in libro de potestate ligandi & soluendi ad beatum Bernardum, quod Deus soluit ligando, sacerdos autem ligat soluendo: quia Deus soluit à vinculo damnationis ligando vinculo confessionis & expiationis: sed sacerdos ligat vinculo satisfactionis, & soluit à vinculo confessionis: & hoc non dicit conditionem nisi ex parte penitentis & eorum quæ supponuntur in penitente.

AD ALIUD dicendum, quod hoc verum est secundum formam fori secundum quod procedit iudicium: ordo enim iudicarius obseruandus est, & variatur secundum diuersitatem fori. Iudicium autem penitentiarum non est tantum diuinum, sed etiam Ecclesiasticum: est enim diuinum per inchoationem, & perfectum per hominem ministrum in Ecclesia: & ideo oportet, quod sit in plus quam id quod est cordis quod intuetur Deus: sed iudicium futurum est taptum diuinum: & ideo non est ibi necessaria confessio oris, sed tantum testimonium conscientiarum accusantis vel defendentis.

AD ALIUD dicendum, quod licet febris semper sit à calore cordis intendente fumum materiarum putrefactarum: non tamen materia febris semper est in corde. Et ita est etiam in morbis spiritualibus: quia licet originaliter sint in corde, tamen materiarum circa quas fiunt, non sunt cordis, sed etiam oris & manus: & ideo ad perfectam curam oportet, quod obuietur morbo in omnibus membris, in quibus materia morbi diffusa est, licet principaliter obuietur ei in corde: & sic est de morbis spiritualibus: unde non sufficit sola cordis medicina.

AD ALIUD dicendum, quod illa diffinitio, vt supra distinctione 13. patuit, data est de penitentia, secundum quod est in genere passionis non sacramenti: & sic bene conceditur, quod non habet nisi contritionem, & non confessionem, & satisfactionem.

## ARTICVLVS II.

*An votum debeat pro operatione reputari?*

DEinde queritur de hoc quod dicit ibi [Votum enim pro operatione iudicatur, &c.] Videtur enim hoc esse falsum: quia si duo sunt quorum vnum sufficit, alterum superfluit, vel est de bene esse, non de necessariis: sed votum & operatio duo sunt, quorum alterum sufficit, vt dicitur in littera: ergo operatio superfluit, vel non est de necessariis: quod est falsum.

2. Adhuc, Non videtur esse generale quod dicit, quia aliquis dat tres denarios pro Deo, & vult dedisse septem vel ceterum marcas, & ibi votum pro facto non computatur. Si forte tu dicas, quod intelligitur de voto actum pæcedente, quod est cum impotentia actus. Contra est: quia aliqua vult se perdidisse virginitatem: & quod non perdidit, non impedit nisi impotentia: ergo illa secundum hoc amisisse reputatur: ergo si postea penitet, non debetur ei aureola, quod falsum est: ergo non est generale quod dicit.

D. Alb. Mag. in Lib. 4. Sentent.

sum est: ergo non est generale quod dicit.

3. Adhuc, Aliquis habet plenam voluntatem occidendi aliquem: & quod non occidit, non impedit nisi impotentia: ergo reputatur pro facto: ergo ita irregularis est pro voluntate, sicut pro opere, quod falsum est: ergo nec in bono nec in malo tenet hoc quod dicit Cassiodorus hic in littera.

RESPONSIO. Dicendum ad primum, quod *Solutio.* votum duplex est, scilicet plenum, & semiplenum siue imperfectum: plenum autem in quibusdā actibus impossibile est propter vehementem voliti in actu delectationem. Est autē in omnibus possibile votum esse plenum, quæ non habent vehementem delectationem in carne, sicut est in luxuria: in alijs autem actus non addit multum delectationi, sed potius affert tristitiam, sicut in ira, prodigalitate, misericordia, compassione, & huiusmodi. Dicendum ergo, quod quotiescunque voluntas plena est, ita quod nihil excludit opus nisi impotentia sola, quantum ad substantiam meriti vel demeriti reputatur pro facto, sed non quantum ad adiuncta vel consequentia meritum vel demeritum: sicut est nocumentum vel profectus, quæ sunt in actu: & ideo votum homicidij habet eundem reatum in specie quem homicidij actus, sed tamen magis nocet actus quam voluntas: sicut etiam in bonis propositis idem meritum in substantia habet votum, & actus, licet non tantum in quantitate: & hoc quia non sunt tanti profectus.

PER HOC patet solutio fere ad omnia: licet enim duo sint, scilicet votum consistendi, & confessio: tamen votum nunquam est plenum, si actum contemptus religionis excludit, & non articulus necessitatis: sed si plenum est, nec actum impedit nisi impotentia, sufficit votum quantum ad substantiam indulgentiarum: licet non consequatur omnia illa in quantitate continua vel discreta, quæ consequuntur & adiuncta sunt confessioni secundum actum existentem: sicut est diminutio pænæ per vim clauium, & deobligatio à debito confessionis simpliciter & huiusmodi: & rubor actualis in actu confessionis etiam aliquid tollit de pænâ quod non consequeretur.

AD ALIUD dicendum, quod non est plena voluntas si plus potest dare & non vult: sed si non potest plus, tunc eandem cum dante plus in substantia indulgentiam consequitur: licet aliquid accidentale habeat dans plus, quod non habet ille qui dat minus.

AD ALIUD dicendum, quod aureola debetur continentiarum non secundum se, sed secundum carnis integritatem: & ideo licet illud accidentale præmium opere carnis non amittatur, substantialiter tamen præmium continentiarum amittitur per plenum votum fornicationis, & restituitur per penitentiam, sicut omnia alia spiritualia per penitentiam in integrum restituuntur, vt supra superius dictum est.

PER IDEM patet solutio ad vltimum, quod irregularitas accidentalis pænâ est quam secundum consilium diuinum Ecclesia non determinat, nisi ad actum homicidij: & ideo licet substantialiter idem sit reatus homicidij voluntatis, & actus, modo tamen accidentalis pænâ vna est vtriusque.



## ARTICVLVS III.

*An sufficiat confiteri soli Deo?*

**D**Einde quæritur de hoc quod dicit ibi [Non-  
dum est vox in ore, ut homo audiat con-  
fessionem, &c.] Ex hoc enim videtur, quod suf-  
ficit soli Deo confiteri. Item hoc videtur alia ra-  
tione. Adam enim qui est forma omnium peccan-  
tium, non reprehenditur, nisi de hoc quod se co-  
ram Deo in confessione excusauit: ergo videtur,  
quod in aliis peccatoribus sufficit coram Deo se  
accusare.

2 Adhuc, Nunquam confurgit duplex tribu-  
latio, sicut supra distinctione 16. habitum est: ergo  
vni peccato in pœnitentia non debetur nisi con-  
fessio vna: sed hæc facta est Deo, ut dicit hic Au-  
gust. ergo secundam addere non oportet, quæ ho-  
mini fiat.

3 Adhuc, Nulla aliarum partium pœnitentiæ  
geminatur: sufficit enim vna contritio sola etiam  
de omnibus peccatis, & vna sola satisfactio in-  
iuncta per potentiam clauium: ergo sufficit vna  
sola confessio: sed hæc fit Deo: ergo non est ne-  
cessaria confessio oris, ut videtur.

*Sed con-  
tra.*

**S**ED IN CONTRARIUM huius videtur,  
quod Ecclesia nihil statuit nisi iustum, nec aggra-  
uat super filios suos in generalibus statutis: de con-  
stitutione autem Ecclesiæ & præcepto est, quod  
quilibet sacerdoti suo confiteatur semel in anno:  
ergo hoc est iustum, nec est salus sine illo.

2 Adhuc, Si aliquis diceret non esse confiten-  
dum sacerdoti, & sufficere confessionem quæ fit  
soli Deo, pro hæretico condemnaretur: ergo hoc  
est de necessariis ad salutem, quod homo tenetur  
homini sacerdoti confiteri: ergo non sufficit  
illa confessio quæ fit soli Deo: cuius contrarium  
videtur dicere litera.

*Solutio.*

**R**ESPONSIO. Dicendum ad hoc, quod si  
ad sit facultas confitendi sacerdoti, non sufficit  
confessio facta soli Deo: & hoc quod dicitur in li-  
tera, intelligitur de remissione peccati quantum  
ad culpam & pœnam æternam: quæ remissio præ-  
cedit actum confessionis, sed non votum.

**A**D ID autem quod primo obiicitur, dicen-  
dum quod adhuc non erant veræ clauces, nec sacer-  
dotes: & ideo tunc Dominus egit per se solum,  
quod modo facit per se & vicarium: & simul cum  
illo docuit Adam, qualiter ipse peccatum in con-  
fessione accusando recognoscere deberet, & qua-  
liter hoc ipsum alios facere instrueret.

**A**D ALIUD dicendum, quod non confurgit  
duplex tribulatio, eo quod in peccato est offensa  
Dei & proximi: & ideo per proximum vicarium  
Dei habet etiam peccator reconciliari: & iterum  
ideo, quia lex diuinitatis est (ut dicit Dionysius)  
per media infima reducere: & ideo peccator in-  
quantum huiusmodi, cum sit in statu infimo, ha-  
bet reduci per eum qui in gradu superiori quoad  
ordinem & potestatem clauium.

**A**D ALIUD dicendum, quod ista pars non  
geminatur: quia illa quæ fit coram Deo, non pro-  
prie confessio est, nisi in quantum ordinatur ad  
illam quæ fit coram homine: & ideo confessio illa  
plena est, quæ est peccati enarratio cum detesta-  
tione ex recognitione coram Deo facta proce-  
dens.

## ARTICVLVS IV.

*An per gemitum pœnitentiæ ante oris  
confessionem dimittatur peccatum?*

**D**Einde quæritur de hoc quod ibi dicitur  
[Non dicitur: ore confessus fuerit, sed con-  
uersus, &c.] Ex hoc expresse sequi videtur, quod  
ad nihil necessaria sit confessio.

**R**ESPONSIO. Dicendum, quod gemitus  
accipitur ibi pro gemitu contritionis, qui suppo-  
nit votum confitendi & satisfaciendi secundum  
canonicam sanctionem: quia aliter proprie non  
gemit gemitu pœnitentiæ, & non intendit aliud  
dicere, nisi quod in tali gemitu pœnitentiæ ante  
oris confessionem & operis satisfactionem, pec-  
catum secundum culpam & reatum æternæ  
pœnæ dimittatur, sed non ante votum confi-  
tendi & satisfaciendi: & hoc planum est secun-  
dum supra disputata.

## ARTICVLVS V.

*An omnes teneamur ad oris con-  
fessionem?*

**D**Einde quæritur de hoc quod dicit ibi [Hinc  
etiam leprosi illi, &c.] Ex hoc enim videtur  
sumi valida argumentatio ad id quod non teneamur  
ad oris confessionem. Luc. enim 17. dicitur,  
quod dum irent, mundati sunt decem leprosi: &  
non rediit nisi vnus. Et probabile est, quod ille  
solus in oblatione sacerdoti facta mandatum  
Christi expleuerit, & tamen mundati sunt. Cum  
igitur reditus significat reditum per gratiarum  
actionem, & ostensio confessionem: videtur, quod  
sine confessione & gratiarum actione aliquis à le-  
pra peccati mundetur.

**A**D HOC dicendum, quod Dominus in hoc  
ostendere voluit, quid per se, & quid faceret per  
sacerdotes. Medici enim qui dicuntur in Psalm. *Psalm.*  
sacerdotes, non suscitant, nec viuificant, nec à  
culpa sanant: culpam autem significabat lepra, &  
ideo antequam præsentarent se sacerdoti, mundati  
sunt, ne crederetur mundatio eorum fieri per sa-  
cerdotes: tamen à præsentationis debito & obla-  
tionis non absoluebantur, nisi præsentando se sa-  
cerdoti, & de obligatione illam manendi extra  
castra facit Dominus per sacerdotem reconcilian-  
tem: non enim reputatur esse in castris spiritua-  
libus Ecclesiæ, qui aberrauerit & per sacerdotis  
ministerium non est reconciliatus. Et non ob-  
uiat, quod non rediit lepra: quia non in omni-  
bus attenditur similitudo in allegoricis, sed in  
quibusdam tantum.

## ARTICVLVS VI.

*An confessio necessario debet fieri in  
charitate?*

**D**Einde quæritur de hoc quod dicit ibi [Nemo  
potest confiteri nisi suscitatus, &c.] Secun-  
dum hoc confessio quæ non fit in charitate, nihil  
valet.



valet. Et hoc etiam videtur per id quod inducitur Eccli. 17. A mortuo, velut qui non est, perit confessio.

2 Adhuc ad idem, Nullum opus mortuum valet ad vitam æternam: sed confessio facta in mortali ante animæ suscitationem, est opus mortuum: ergo non valet ad vitam æternam, nec ad gratiam: quia si valeret ad vnum, valeret etiam ad aliud. Adhuc, Confessio dicitur à con & for fatis: sed ille non simul fatur, qui ore fatur, & non corde: ergo non confitetur: ergo confessio illa non valet.

3 Item Ambros. Illa confessio reos liberat, quæ fit cum pœnitentia: pœnitentia vera est dolor cordis & amaritudo animæ pro malis quæ quilibet commisit: sed confessio quæ est extra charitatem, non est confessio cum pœnitentia, licet possit esse cum afflictione: ergo non liberat: ergo non valet, quia non est inuenta nisi ad liberandum hominem.

4 Adhuc, Omnis confessio vera & liberalis est cum peccati perfecta detestatione: sed non perfecte detestatur, qui est mortuus adhuc per peccati voluntatem: ergo talis nullam valentem facit confessionem, & tenetur facere valentem: ergo talis adhuc tenetur confiteri.

*Sed contra* 174. SED CONTRA: Omne id quod ut causa ordinatur ad aliquid, præcedit illud: sed confessio ut causa ordinatur ad iustificationem: ergo præcedit illam. Prima pater per se. Secunda scribitur in litera sequentis capituli, ubi dicit, Non potest quisquis iustificari, &c. Inde proceditur sic: Omne illud quod præcedit iustificationem, præcedit charitatem: confessio præcedit iustificationem: ergo præcedit charitatem: ergo non oportet, quod homo sit vivus per gratiam & charitatem qui confitetur.

2 Adhuc, Confessio fit ut confessor sit instructus de qualitate & quantitate peccatorum: sed hoc æqualiter potest fieri in gratia & extra gratiam: ergo æqualiter valent confessiones in gratia & extra gratiam factæ.

3 Adhuc, Confessio in aliquo differt à contritione & satisfactione: cum enim contritio sit cordis, & satisfactio operis, confessio erit oris: sed os ad pronuntiandum æqualiter est liberum in peccatore & habente gratiam, licet non sint æque liberi ad merendum in opere & corde: ergo videtur, quod confessio æque vere fiat ab habente gratiam & non habente.

4 Adhuc, Nemo tenetur ad impossibile sibi: ad confessionem autem omnis homo tenetur ex præcepto: ergo modus confessionis non est impossibilis sibi: sed impossibile est nobis habere gratiam, quia ad gratiam habendam non possumus ex nobis: ergo non tenemur confiteri in gratia.

5 Adhuc, Quod æqualiter imponitur peccatori & iusto, debet & oportet fieri modo qui competat utrique, scilicet & peccatori & iusto: sed confessio imponitur æqualiter peccatori & iusto: ergo oportet fieri modo competenti utrique: sed iste modus non est ut fiat cum gratia, sed potius ex libero arbitrio: ergo confessio non est actus gratiæ, sed liberi arbitrij tantum: ergo non exigitur, quod fiat in gratia.

6 Adhuc, In aliis quibusdam corporalibus actibus iniunctis in pœnitentiam absoluitur hoc. *D. Alb. Mag. in Lib. 4. Sentent.*

mo, etiam si faciat extra charitatem existens: sicut si alicui iniungatur dare centum marcas, & dedit eas extra charitatem, non iniungitur ei ut det iterum cum habuerit charitatem. Similiter, si iniunctum est ei Romam vel ultra mare transire. Cum igitur confessio sit actus corporalis pœnitentiæ, si sit extra charitatem, non debet iniungi quod faciat iterum: sed si nihil valet extra charitatem facta, injungeretur ei, quod iterum faceret: ergo, &c.

7 Adhuc, In alio sacramento quod est necessitatis, ut est baptismus: & aliis quæ non sunt necessitatis, ut confirmatio & ordo, potest recipere sacramentum: & incipit valere ex quo recedit fictio. Cum igitur pœnitentia sit sacramentum necessitatis, videtur habere aliquid tale: non autem potest esse in contritione & satisfactione: ergo hoc erit in confessione: ergo confessio facta in mortali valet, & etiam ad vitam æternam valere incipit ex quo recedit fictio.

8 Adhuc, Ecclæ. 9. dicitur, quod nemo scit vtrum odio vel amore dignus sit: si ergo tenetur aliquis in charitate confiteri, & non potest hoc fieri nisi sciat se habere charitatem, & non potest hoc scire, sequitur quod nescit se fecisse confessionem: ergo omnis homo perplexus est in hac parte, & tota die erunt repetendæ confessiones: nec homo per totam vitam aliquid facere debet nisi confiteri, ut saltem valeat vna: ergo, &c.

RESPONSIO. Dicendum, quod duo sunt *solutio* in confessione, vnum ex parte confitentis, alterum autem ex parte confessionem audientis. Ex parte confitentis est actus ipse, secundum quod est ab agente, ut rubor & pœna in enarrando. Ex parte autem audientis est notitia morbi latentis & circumstantiarum eius. Dico ergo sine præiudicio, quod illud quod est ex parte confitentis, nihil valet ad iustificationem & meritum vitæ æternæ, nisi confitens sit in charitate: valet tamen ad facilius gratiam impetrandam, & humiliationem confitentis, & ad alia quædam ad quæ dicuntur valere bona illa quæ vocantur de genere bonorum extra charitatem facta. Quantum autem ad id quod est ex parte audientis, videtur mihi, quod simpliciter valet quoad hoc quod præcepta Ecclesiæ soluit, & deobligatur à debito confitendi: & quod ipse non consequitur effectum clauium in diminutione pœnæ, hoc est per accidens, scilicet quia fictus est: & quia effectus clauium fundatur plus super passionem Christi, quam supra meritum humanum, videtur mihi quod recedente fictione, si non interdicat aliud peccatum confessionem & satisfactionem iniunctam, valebit ei effectus clauis cui se subdidit, recedente fictione.

AD ID ergo quod obiicitur de litera ad omnia illa quæ inducuntur pro parte illa: dicendum, quod omnia illa loquuntur de eo quod est in confessione ex parte confitentis, secundum quod valent ad gratiam & vitam æternam: secundum autem quod valent ad vicinandum se gratiæ, non loquuntur, nec procedunt obiectiones, nec valent etiam de eo quod est in confessione ex parte audientis & vis clauium quæ operantur per audientem: & hoc modo vera sunt, & alio modo falsa.

AD PRIMUM autem quod obiicitur in oppositum,



positum, dicendum quod confessio optima est in gratia, nec ordinatur ad iustificationem ut causa præcessione temporis, sed nec secundum illum modum prioris quem dicit Philosophus, quod prius causa est prius natura: ordinatur autem sic primo prout in voto supponitur ab actu contritionis, & non prout est in actuali enarratione peccatorum.

AD ALIUD dicendum, quod confessio licet sit ad hoc, non tamen tantum est ad hoc: imo multas causas habet ex parte confitentis, ex quibus ipsa efficitur pars pœnæ, ut in litera præcedentis distinctionis dicit Augustinus: & ideo illud argumentum procedit à diminutione.

AD ALIUD dicendum, quod pronuntiatio dupliciter consideratur, scilicet in substantia cum forma debita pœnitentis pronuntiationis, in quantum est pœnitens: & primo quidem modo verum est, quod concludit ratio illa: secundo autem modo falsum est. Nec potest concludi per argumentum illud, quia forma totius est in omnibus partibus: & hæc est gratia pœnitentialis, licet in forma partium differant partes inter se.

AD ALIUD dicendum, quod impossibile dupliciter dicitur, scilicet id in quod nullo modo possumus, nec aliquid facere, quo facto illud fiat, sicut subvertere montes impossibile est nobis: & hoc non præcipitur alicui. Secundo modo dicitur nobis impossibile, quod in se non possumus, sed possumus aliquid quo facto illud inevitabiliter fiet: & hoc ratione antecedentis quod est in potestate nostra, & quodammodo possibile est nobis, & hoc est habere gratiam: quia si fecerimus quod in nobis est, Deus inevitabiliter dabit nobis gratiam: & hoc ratione antecedentis potest esse in præcepto: & hoc secundum opinionem eorum qui dicunt, quod forma operis est in præcepto, & non tantum operis substantia. De hoc inuenies multa ante finem tertij huius operis.

AD ALIUD dicendum, quod licet æqualiter præcipiatur iusto & peccatori: iusto, inquam, qui aliquid habet confiteri: non tamen intenditur, quod peccator remanens peccator faciat, sed potius iustificatus per confessionem. Si tamen facit peccator existens, valet ei quantum ad ea quæ sunt confessionis ex parte audientis confessionem, ut dictum est: & etiam ad quædam alia, licet non ad meritum vitæ æternæ.

AD ALIUD dicendum, quod in corporalibus actionibus grauibz etiam distinctio habet locum: talia enim præcipue habent duo, scilicet, actionem & passionem: similis enim actio est exercitium ipsum dandi vel peregrinandi: & hoc attenditur secundum radicem ex qua procedit: & si illa est gratia, opus est meritorium. Si autem est bona de genere bonorum, est ipsum opus de genere bonorum: tamen non facit opus meritorium, sed valet ad vicinandum se gratiæ. Passio autem est effectus actionis, & hanc magis intendit confessor iniungens pœnas excidentibus petulantiam peccatorum, ex qua lasciuiens peccauit: sicut pœna damni efficitur à datione elemosynæ, & hæc pœna manet in eo qui dedit, etiam postquam datio præteriiuit: & pœna debilitatis membrorum manet apud peregrinantem, etiam postquam peregrinatio præteriiuit. Vnde sicut diximus, quod passionibus martyrum dupliciter considerantur, scilicet, in quantum est passio tantum, & in quantum

est voluntas martyrum circa illam: & primo quidem modo non meretur, secundo autem modo meretur: ita videtur dicendum, quod hæc pœna manens dupliciter consideratur, scilicet in quantum est pœna manens, & nihil valet ad meritum, licet valeat ad petulantiam domationem: & in quantum est voluntas circa eam: & si illa habet gratiam post factum etiam, eo quod pœna manens potest habere voluntatem circa se quæ sequitur opus, tunc dico, quod illa pœna manens sic informata, incipit valere ad vitam æternam: eo quod placet ei damnificatum esse propter Deum, & debilitatum in honore Dei. Sic autem pœnosa non est confessio, quo ad pœnam manentem post actum confessionis: & ideo non est simile. Concedo tamen, quod ex parte audientis valet ad absolutionem debiti confitendi, & ad alia quæ supra dicta sunt.

AD ALIUD dicendum, quod non est omnino simile de baptismo, confirmatione, ordine, & pœnitentia: quia in illis imprimitur character qui manet, & gratia cuius operari incipit sacramentum recedente fictione: sed in pœnitentia nullus omnino character imprimitur spiritualis: & tunc non operatur ipsa præcedens operatio ut operatio fuit, quia nec intus nec extra mansit: tamen ratione contritionis & pœnitentiæ novæ datur gratia nova, & non tenetur confiteri ratione supra dicta.

AD ALIUD dicendum, quod licet nemo sciat se certitudinaliter habere charitatem: tamen hoc opinari potest ex signis, si displicet peccatum, & adest vortum confitendi vel satisfaciendi, & peccatum perpetuè detestandi: & hoc sufficit nobis in hac vita, quia non potest amplius hoc exigi à nobis, quàm possibile est nobis soluere. Et per hoc patet solutio ad omnia quæ sita.

## ARTICVLVS VII.

*An sicut anima est vita corporis, ita Deus est vita anime.*

**D**Einde quæritur de hoc quod dicitur ibi [Quæ ut est vita corporis, ita & eius vita Deus est &c.] Videtur enim hoc esse falsum: quia ipsa est vita corporis per naturam, quia est actus corporis potentia vitam habentis: huiusmodi autem est quodcumque organicum: Deus autem non est vita anime nisi per gratiam: ergo nulla videtur esse similitudo.

2. Adhuc, ut dicit Philosophus, egrediente anima, expirat corpus & marcescit: sed recedente Deo ab anima, adhuc vivit anima: ergo videtur, quod nulla hinc inde sit similitudo vitæ. Si forte dicas, quod omnia in nihilum caderent, nisi manus omnipotentis teneret, ut dicit Gregor. & ita recedente Deo ab anima, decideret in nihilum anima: sicut corpus decidit, anima recedente præsentialiter. Contra: Secundum hunc modum contentionis quo ipse essentialiter, præsentialiter, & potentialiter est in omnibus, non magis continet iusti animam, quam peccatoris: hic autem loquitur de morte qua moritur peccator: ergo patet, quod illud nihil est ad propositum, & non est instantia. Præterea, Illo modo continendi non minus continet corpus quam animam, nec animatum



matum quam inanimatum, vel è conuerso: sed in litera non loquitur nisi de habente gratiam & non habente: ergo patet, quòd non est instantia ad obiectionem inductam.

*Quæstio- cula.* VLTERRIVS quæritur, Vtrum vita qua Deus viuificat animam, conueniat ei secundum essentiam vel potentiam? Videtur, quòd secundum essentiam: quia viuere viuentibus est esse: & esse est actus essentiae potius quam potentiae.

2. Adhuc, Vita animæ per prius est actus essentiae corporis, quam organi corporalis. Probatio. Quicquid enim ad aliquid se habet vt actus primus, & ad aliquid vt actus secundus, per prius conuenit ei quòd recipit ipsum, vt actum primū, quam ei quòd vt actum secundum ipsum recipit: anima autem ad corporis organici essentiam se habet vt actus primus, & ad organum vt actus secundus, quia mouet ipsum ad opera: ergo per prius conuenit corporis essentiae quam organo. Sed si sic se habet Deus ad essentiam animæ & potentiam, sicut anima ad corporis essentiam & organum: ergo vita diuina per prius conuenit essentiae animæ quam potentiae.

*Sec. con- tra.* SED CONTRA: Vita non dicitur nisi dupliciter, scilicet naturæ, & secundum bene esse: bene autem esse est secundum ordinem viuere, & hoc non est nisi secundum ordinem & distinctionem potentiarum: ergo viuere secundum bene esse, per prius conuenit potentiae quam essentiae: & tale est viuere Dei in gratia: ergo per prius conuenit potentiae quam essentiae animæ.

2. Adhuc, Vita etiam dicit secundum bene esse in sensu, secundum quòd dicitur vita voluptas: sed voluptas est secundum potentias prius, quam secundum essentiam: ergo in ratione similiter erit viuere secundum esse rationis prius secundum potentiam, quam secundum essentiam.

*Solutio.* RESPONSIO. Dicendum, quòd non in omnibus est similitudo, sed in quibusdam: sicut scilicet in hoc, quòd sicut anima indeficiens principium est vitæ corporis quantum est de se: & si corpus non viuificatur indifferenter ab ipsa, quòd hoc non est ex parte animæ, sed potius propter corruptionem ipsius corporis: ita & Deus indeficiens principium est vitæ animæ de se: & si anima non semper viuificatur, hoc accidit propter ipsius animæ corruptionem, & à fonte vitæ auersionem. Item in hoc est similitudo, quòd nulla vita est in corpore nisi ea quæ est continuus actus animæ in corpore, cuius esse est fieri continue ab ipsa anima, vt videtur etiam dici in libro de motu cordis: ita nulla vita gratiæ est in anima nisi per continuam præsentiam Dei inhabitantis in nobis per gratiam. Dissimilitudo tamen est in hoc, quòd Deus non vnitur animæ ad constitutionem alicuius tertij, sicut anima corpori vnitur. Et in hoc, quòd Deus non est actus naturalis animæ, sicut anima corporis: & in plurimis alijs. Et per hoc patet solutio ad primum & secundum. Et bene concedendum est, quòd instantia inducta licet in se quandam veri apparentiam contineat, tamen non instat ad propositum.

*Ad quæ- stionem- lam.* AD ID quòd vltius quæritur, dicendum quòd viuere illud dupliciter dicitur, scilicet secundum obiectum vitæ quòd est bonum in statu gratiæ & gloriæ, & secundum habitum vitæ: & obiectum quidem prius respicit potentiam, quia anima illius capax est per rationem & voluntatem:

D. Alber. Mag. in Lib. 4. Sentent.

secundum habitum autem vitæ per prius est in anima secundum essentiam, & in potentia per consequens.

AD PRIMVM dicendum, quòd non est simile de vita naturæ, & vita gratiæ: quia vita naturæ est actus essentialis animæ, vita autem gratiæ per metaphoram, & accipitur secundum bene esse: & hoc est esse optime secundum bonum rationis, & ideo oportet esse per perceptionem illius quòd viuificat secundum rationem & intellectum: & hæc perceptio est apprehensio boni quòd est Deus, & affectio circa ipsum: hoc autem primo fit secundum potentiam, & per consequens secundum essentiam: & ideo non est simile quòd pro simili inducitur.

AD ALIVD dicendum, quòd non eodem modo anima est actus corporis, & obiecti ratio actus potentiae: quia anima est actus corporis dans sibi esse, quòd est viuere in viuentibus tantum, vel sentire in sentientibus, & intelligere in intelligentibus: sed viuere hoc modo dictum, non est vitam exercere vel sensum vel intellectum, sed potius esse viuentis habere & esse sentientis, vel esse intellectiuium: sed quando obiecti ratio siue species dicitur actus potentiae recipientis ipsum, intelligitur actus quidem inferens passionem alicui rei cui infert se, vt color oculo, & sonus auditui secundum actum facto, & sic de alijs.

## ARTICVLVS VIII.

*An in penitente confessio præcedit iustificationem?*

De tu iniquitates, &c.] Ex hoc videtur, quòd dictæ iniquitates præcedunt iustificationem: sed ante iustificationem est homo in mortali peccato: igitur secundum hoc confessio semper fit adhuc existente confitente in peccato mortali. Contra: Homo iustificatur in contritione: & confessio sequitur contritionem: ergo sequitur iustificationem: ergo confessio est iustificati.

RESPONSIO, quòd confessio operans in voto cum contritione operatur iustificationem: & hoc modo procedit eam necessario, non tempore, sed natura. Sed confessio in actu accepta non operatur aliter, nisi absoluendo à debito confessionis, quòd iustitiæ est.

## ARTICVLVS IX.

*Quid sit iustificatio impij?*

Non potest quisquam iustificari à peccato, &c.] De iustificatione impij quærentur hic nouem. Primo, Quid sit? Secundo, Quæ exiguntur ad impij iustificationem? Tertio de ordine illorum. Quarto, Vtrum sit naturalis vel miraculosa? Quinto, Cuius attributi sit effectus proprius? Sexto, Quid sit motuum ad ipsam? Septimo, Vtrum sit opus iustitiæ, vel misericordiæ, vel vtriusque? Octauo, De comparatione ipsius ad dilectionem, & vocationem, & magnificationem. Nono de comparatione ipsius ad sanationem mentis & innouationem imaginis.

De primo Bernard. Iustificatio est reuelatio diuini



diuini consilij. Gloss. autem Rom. 8. Iustificatio est remissio peccatorum, & consummatio bonorum operum. Quidam autem sic diffiniunt, Iustificatio est effectus iustitiæ generalis, qua de impio fit pius.

Contra primam diffinitionem sic obiicitur: Reuelatio diuini consilij non est nisi secundum intellectum in anima: iustificatio autem fit secundum omnem partem ipsius: ergo iustificatio non est reuelatio diuini consilij.

2 Item, Reuelatio diuini consilij fit in Prophetia, & facit donum Prophetiæ: donum autem Prophetiæ non necessario ponit in gratia gratum faciente: ergo nec reuelatio diuini consilij: sed iustificatio semper ponit hominem in statu gratiæ gratum facientis: ergo, &c.

3 Item, Reuelatio diuini consilij æqualiter fit bonis & malis: iustificatio autem non nisi bonis: ergo, &c. Probatio primæ. Reuelauit Deus consilium suum Nabuchonodofor Daniel. 2. Deus ostendit tibi rex, &c. Et Isa. reuelauit etiam multis aliis bonis.

4 Item, Videtur inconuenienter dicere reuelationem diuini consilij: quia iustificatio est effectus prædestinationis, quæ est de gratia in præfenti, & gloria in futuro, & non est effectus consilij quod est immobilis dispositio de futuris siue bonis siue malis: ergo potius deberet dici, Iustificatio est reuelatio diuinæ prædestinationis, quam diuini consilij.

Contra secundam sic obiicitur: Remissio enim peccatorum est effectus gratiæ, & iustitia differentem habet rationem à gratia: ergo iustificatio non bene diffinitur per remissionem peccati.

2 Præterea Prouerb. 10. dicitur, quod multitudinem peccatorum operit charitas: ergo remissio peccatorum magis attribui debet charitati, quam iustificationi.

3 Item, Multitudo peccatorum dupliciter deleri potest, scilicet per illud quod contrariatur ei in genere, vel per illud quod contrariatur ei in specie. Culpæ autem in genere non contrariatur iustitia, sed gratia: ergo delictum eius in genere est gratia, non iustitia: sed in specie non opponitur ei virtus vna, sed multæ, quia alia fornicationi, alia auaritiæ, & sic de aliis: ergo delictum eius in specie non est vnum, sed multæ virtutes vel omnes: ergo hoc non est attribuendum iustitiæ.

4 Item, Cum virtutes theologice sint efficaciores quam cardinales, remissio peccatorum potius debet attribui virtuti theologice quam cardinali: sed iustitia est virtus cardinalis: ergo non debet attribui iustitiæ.

5 Similiter obiicitur de hoc quod dicitur iustificationem esse consummationem bonorum operum. Videtur enim hoc falsum: quia consummatio rei sequitur rem factam secundum ordinem naturæ & rationis: sed iustificatio præcedit opera bona ratione & natura: ergo iustificatio non est consummatio bonorum operum.

6 Item, Lex præcipit opera: ergo quod est consummatio legis, est consummatio operum: sed charitas est consummatio legis, vt habetur Rom. 13. & 1. Tim. 1. ergo charitas est consummatio operum.

Contra tertiam sic obiicitur: Dicit Philosophus 5. ethic. quod iustitia generalis, idem est quod om-

nis virtus differens ratione: ergo si iustificatio est effectus iustitiæ generalis, iustificatio est effectus omnis virtutis: sed effectus virtutum sunt diuisi, sicut & ipsæ virtutes diuisæ sunt: ergo iustificatio non est vnum solum.

2 Item, In iustificatione infunduntur virtutes: & id quod infunditur in alio non est illud: ergo iustificatio non est omnis virtus, vel effectus omnis virtutis: & iustitia generalis est omnis virtus: ergo iustificatio non est effectus iustitiæ generalis.

3 Item, De impio facere pium, non est virtutis specialis nisi secundum quid, sed potius gratiæ in genere: ergo hoc non est iustitia.

RESPONSIO, quod prima non est diffinitio, sed potius, vt dicit Bernardus, quoddam consequens iustificationem per accidens: consilium enim diuinum quod est immobilis dispositio futurorum, in quolibet suo effectu propalatur: quia nos non venimus in causam diuinam, nisi per effectum: vnde cum Deus disposuit alicui dare gratiam, hoc latet antequam fiat: cum autem innotescit per signum, tunc reuelatur, & hoc consequitur iustificationem per accidens, scilicet in quantum est diuini consilij nobis notus per signa: & ideo non est concedendum, quod sit diffinitio.

AD PRIMUM ergo dicimus, quod duplex est reuelatio, scilicet per inspirationem veri occulti, per illuminationem intellectus, & per effectum: & prima fit secundum intellectum: secunda autem cuiuslibet rei conuenit manifestari per opus suum.

AD ALIUD dicendum, quod in dono prophetiæ est reuelatio per inspirationem, & non ostensio diuinæ voluntatis siue beneplaciti per opus. Consilium enim hoc restringitur tantum ad ea de quibus est dispositio conferendi gratiam. Et per hoc patet solutio ad sequens.

AD ALIUD dicendum, quod manifestatio ista qua homo sibi manifestatur, est tantum per effectum gratiæ, & hoc non conuenit nisi bonis.

AD ALIUD dicendum, quod consilium sumitur hic pro diffinitione in notitia beneplaciti de danda gratia futura: hoc enim consilium & propalatur & reuelatur in iustificatione, quando gratia apponitur.

AD ID quod obiicitur de secunda, dicendum quod describitur ibi iustificatio per proprium suum effectum: cum enim iustificatio dicit factum iustum vel iustificationem, si sumatur pro facto iusto, dicit terminum motus cuiusdam, qui est à peccato ad iustitiam generalem: & cum termini motus sint contrarij, iustitiæ generalis erit delere & remittere peccatum, sicut contrarij formalis: & ideo sic loquendo, remissio peccati proprius effectus erit iustitiæ. Si autem dicat ipsum fieri iustum vel iustificationem: tunc adhuc erit expulsio peccati, & inductio iustitiæ: sicut dealbatio est expulsio nigredinis, & inductio albedinis.

AD OBJECTVM autem contra, dicimus quod nihil prohibet idem à diuersis considerari in diuersa ratione consideratum: peccatum enim tria facit in anima. Primo auertit à bono incommutabili, & secundo peruertit ordinem rectum virium adinuicem, & ad superius, & ad id quod iuxta est, & ad id quod infra est. Tertio etiam corrumpit



corrumpit vires in comparatione ad opera specialia & particularia. Et ideo in motu iustificationis tria sunt quæ perficiunt animam: quorum primum est gratia contraria peccato auerenti & turbanti imaginem Dei. Secundum autem, iustitia generalis reordinans vires in statum rectum & debitum sibi adinuicem, ut ratio regat & aliæ regantur, & ad superius, & ad æquale, & ad inferius. Tertium est infusio omnis virtutis perficientis singulares potentias ad opera singularia.

*Quæstio- cula.* **S E D T U N C** quæritur, Quare potius à medio statu quam ab ultimo vel primo denominatur motus iste? scilicet, quare potius dicatur iustificatio, quam gratificatio, vel virtutum infusio, vel perfectio?

*Solutio.* **R E S P O N S I O.** Dicendum, quod gratia de se non dicit nisi gratitudinem ad Deum: sed in conuersione multo plus est, & ideo à gratia imperfectè denominaretur. Ab ultimo autem denominari non potest: quia hoc dicit perfectionem ad singulares actus, & iustificatio dicit statum rectitudinis in vniuersali.

**A D I D** ergo quod secundo obiicitur, dicimus quod charitas non operit multitudinem peccatorum, ut generale operimentum contrarium peccato formaliter, sed potius sicut forma meriti in quantum meritum: quia quantitas meriti secundum quantitatem attenditur charitatis.

**A D A L I V D** dicendum, ut prius paruit, quod tres sunt peccati considerationes: & ideo ratio procedit à diminutione.

**A D A L I V D** dicimus, quod virtutes theologice, non sunt generales: & ideo non potest eis attribui pro effectu rectitudo generalis.

**A D A L I V D** dicendum, quod consummatio operum dicitur dupliciter, scilicet vel in causa, vel in effectu: in effectu quidem sequitur opera, & in causa præcedit. Et illa quæ est in causa, dicitur adhuc dupliciter, scilicet, vel in causa habituali, vel in causa efficienti. In causa quidem habituali perficit opera omnis virtus infusa, sed ex parte efficientis iustitia generalis est consummatio operum, quia consummat operantes vires ad superius, & ad se, & ad proximum, ut dictum est.

**A D A L I V D** dicendum, quod charitas est consummatio operum, sicut motuius habitus in terminatione proprii finis ad omnem actum mouet charitas: & propter bonum quod est finis eius: & sic ipsa non est terminus illius motus quo mouetur qui de impio fit pius: sed iustitia generalis perficit, ut ponens vires animæ in statu recto & debito secundum naturam.

**A D A L I V D** dicendum, quod iustitia multipliciter dicitur. Dicitur enim iustitia diuina & humana. De diuina nihil ad præsens. Humana autem dicitur tripliciter, scilicet genus, & generalis, & specialis. Genus autem est idem virtuti in genere: sed dicitur iustitia, in quantum concordat ordinationi legis, propter quod & Philosophus legalem eam vocat. Virtus autem in quantum perficit animam siue potentiam ad actum. Generalis autem est habitudo quædam, quæ dicit rectum statum virium, ut dictum est, ex gratia resultantem: & de ista intelligitur, quando dicitur, quod iustificatio iustitiæ est effectus. Sed specialis est, quæ in commutationibus reddit vnicuique quod suum est. Et per hoc patet, quod nihil est quod obiicitur de iustitia, quæ est genus:

quia non idem est genus & generale. Et per hoc patet etiam solutio ad sequens: generalis enim iustitia potius est habitudo quædam ex gratia resultans, quam sit habitus virtutis.

**A D A L I V D** dicendum, quod de impio fit pius tripliciter, ut in principio solutionis secundæ definitionis dictum est: hæc tamen, ut bene intelligantur, dependent à quæstionibus quas alibi de iustitia disputauimus.

## A R T I C V L V S X.

*Quæ sint illa quatuor quæ requiruntur ad iustificationem impij?*

**A D** secundum sic proceditur: Dicitur ab omnibus, quod quatuor exiguntur ad iustificationem impij, scilicet infusio gratiæ, motus liberi arbitrij in peccatum siue contritio, quod idem est, motus liberi arbitrij in Deum, & remissio peccati. Hæc autem norantur in Psalm. 59. Commouisti terram: ecce primum. Et conturbasti eam: ecce contritio. Sana contritiones eius: ecce remissio peccati. Quia commota est: ecce motus liberi arbitrij in Deum.

Sed contra hoc obiicitur: quia dicit Bernard, Timore vocamur ad Deum, amore autem iustificamur: ergo duo præter dicta quatuor exiguntur scilicet timor, & amor.

2 Item, Prouerb. 15. Per misericordiam & fidem purgantur peccata: ergo plura quam dicta sunt, exiguntur.

3 Item, Act. 15. Fide purificans corda eorum: sed iustificatio non est aliud quam cordis à peccato depuratio: ergo fides ad iustificationem exigitur.

4 Item videtur, quod charitas exigatur: quia dicit Augustinus, quod hæc sola est quæ diuidit inter filios regni & filios perditionis: sed filij regni sunt, qui sunt conformes imagini filij eius: sicut dicitur Rom. 8. ergo, &c. Item, Luc. 7. Dimissa sunt ei peccata multa: quoniam dilexit multum. Et ex hoc sequitur idem quod prius.

5 Item Chrysost. super Ioan. homilia 6. Recogitemus cum diligentia omnia quæ secundum anterius tempus facere præsumpsimus, & studeamus ea abstergere omnifariam: multas enim Deus nobis ad hoc aperuit vias. Dic enim tu (ait) peccata tua ut iustificeris Isa. 43. Et rursus Psalm. 37. Iniquitatem meam annuntiabo: & tu, &c. Nec enim parum nobis prodest ad diminuendam peccatorum nostrorum magnitudinem continua eorum accusatio & memoria. Est & hac manifestior via, ut nulli eorum qui in nos peccauerunt, memoriam malorum habeamus. Vis tertiam discere? audi Daniel. 4. Peccata tua elemosynis redime, &c. Est vtiq; & alia cum hoc orationum continuas, & etiam insistere cum expectatione his quæ ad Deum sunt deprecationibus, quæ non paruam nobis afferunt consolationem. Similiter & ieiunium, quod cum proximi charitate extinguit vehemenciam iræ Dei: ignem enim inflammatum extinguit aqua, & elemosynæ expurgant peccata. Ex his verbis habetur, quod quinque sunt quibus expellitur peccatum, & induitur iustitia: & nullum horum supra est numeratum: ergo diminuta est illa numeratio.



Sed videtur, quod sint pauciora: quia infusio gratiæ aut per se sufficit ad iustificationem, aut non. Si sic: ergo nullum aliorum exigitur. Si non. Contra: Quia albedo sufficit per se ad albanem, & formæ spirituales perfectiores sunt quam corporales in operationibus: ergo multo magis gratia per se sufficit ad iustificationem.

2 Item, In corporalibus mutationibus non est alia mutatio subiecti, nisi expulsio vnius formæ & inductio alterius: & non oportet ut subiectum moueatur ad artificem vel ad colorem expellendum: ergo similiter in spiritali mutatione non exigitur nisi expulsio peccati & infusio gratiæ: & non oportet quod liberum arbitrium moueatur in Deum, vel in peccatum: & sic duo sufficiunt.

ITEM quæritur de singulis eorum quatuor: cum enim iustificatio denominetur à iustitia, potius debet dici quod exigitur ibi infusio iustitiæ, quam gratiæ.

2 Præterea, Ille motus aut est intellectus tantum, aut intellectus simul & affectus, aut affectus tantum. Si intellectus. Contra: Virtus magis est ex parte affectus, quam intellectus: & virtus maxime operatur ad iustificationem: ergo motus ille maxime debet esse ex parte affectus.

3 Præterea, Motus liberi arbitrij in Deum est meritorius & gratia informatus, aut non. Si sic: omnis talis motus est consequens iustificationem & gratiam: ergo ille iustificationem consequitur: sed quod essentialiter sequitur ad aliud, non exigitur ad ipsum ut causa: ergo motus liberi arbitrij in Deum non exigitur ut causa ad iustificationem: ergo male ponitur inter iustificantia.

4 Item, Motus intellectus in Deum communis est iustificatis & non iustificatis: ergo non proprie exigitur ut enumeretur inter ea quæ iustificat impij.

5 Item, Quæritur de remissione peccati: quia hæc idem videtur esse cum infusione gratiæ: quia, sicut vult Philosophus, generatio vnius est corruptio alterius.

6 Similiter obiicitur de motu liberi arbitrij in peccatum. Hic enim motus est recognitionis peccati: & hic motus communis est omnibus bonis & malis.

7 Præterea, Est vnum argumentum commune supradictæ diuisioni & isti membro: quia in quodcunque mouetur liberum arbitrium, ipsum potest in illud: si ergo liberum arbitrium siue per intellectum siue per affectum siue per vtrumque mouetur in Deum & in peccatum, tunc ipsum ex se potest in Deum & in peccatum, quod falsum est: ergo hæc non exiguntur ad iustificationem impij.

Sed contra hæc omnia membra simul obiicitur: ille enim motus liberi arbitrij in Deum & in peccatum, aut est gratum faciens, aut naturalis tantum. Si primo modo: ergo consequitur iustificationem, sicut motus gratum faciens consequitur iustificationem operantis: quia dicit Augustinus, quod non operamur ius ut iusti simus: sed potius iustitiam accipimus à Deo, ut operemur. Si autem est liberi arbitrij motus naturalis, cum tali non debeat aliqua iustificatio, videtur incongrue poni inter iustificantia.

SOLVITIO. Dicendum, quod hæc quatuor exiguntur ad impij iustificationem. Duo sunt facientia iustificationem: vnum quod est ut agens per habitum quem creando dat in corde contrarium peccato, & hoc est Deus: & alterum quod est ut disponens & præparans subiectum, & obediens operanti primo quod est Deus. Et ita dico, quod penes operans per habitum quem creando dat, duo accipiuntur: vnum scilicet penes terminum ad quem est motus iustificationis, & hoc modo est infusio gratiæ: alterum autem penes terminum à quo, quod est remissio peccati. Penes autem dispositiones duo accipiuntur: vnum penes terminum à quo, & hoc est motus liberi arbitrij in peccatum detestando & expellendo ipsum: alterum autem penes terminum ad quem, gratiam recipiendo & amplectendo, & hoc est motus liberi arbitrij in Deum. Si autem quæritur, quare exiguntur hæc duo mouentia? Dico, quod ut dicit Augustinus. Qui creauit te sine te, non iustificabit te sine te: sed te iustificabit tecum. Sicut enim in subiecto in quo per gluten aliqua tenetur nigredo, impossibile est induci albedinem, nisi soluatur gluten illud: ita impossibile est in anima induci gratiam, nisi soluatur mala voluntas tenens peccatum: & hæc non soluitur nisi moueatur in peccatum & in Deum: & hæc est causa quare antiqui Doctores hæc quatuor in iustificatione impij esse posuerunt.

AD PRIMUM ergo dicendum, quod quedam sunt præcedentia iustificationem tanquam inclinantia ad illam ut causæ: & illa tangit Bern. Sed Magistri non tangunt nisi ea in quibus perficitur ipse motus iustificationis.

AD ALIUD de Prouerbiis dicendum, quod illa delent peccatum per modum meriti, & non solum peccatum in culpa, sed etiam in pœna sibi debita.

AD ALIUD dicendum, quod illud de Act. intelligitur de purificatione phantasiarum ab intellectu. Vel potest dici, quod motus fidei comprehenditur sub motu liberi arbitrij in Deum: & similiter motus amoris quem ponit Bernard. & motus timoris casti comprehenditur sub motu liberi arbitrij in peccatum. Et hoc qualiter sit, infra patebit.

AD ALIUD dicendum, quod charitas non requiritur expressa, sed tantum amor suppositus in motu liberi arbitrij in Deum. Et quod dicitur quod charitas remittit peccata, intelligitur per modum meriti, & non per modum de essentia motus iustificationis.

AD ALIUD dicendum, quod Chrysost. loquitur de dimittentibus peccata in pœna per modum satisfactionis, & non de remissione culpæ tantum: & hæc quidem multa sunt, sed illa quæ hic enumerat, principalia sunt.

AD ID autem quod obiicitur in contrarium, dicendum quod suo modo sufficit infusio gratiæ, sicut forma in natura: illa enim per se sufficit ad materiam perficiendam, sed non ut motus sit: quia plura sunt principia motus, quam entis compositi: vnde sicut ibi exiguntur dispositiones præparantes materiam, & priuatio & forma ad hoc quod sit mutatio ad formam: & hæc non causant imperfectionem formæ, sed potius sunt propter imperfectionem materiæ quæ perficitur à forma: ita & hic. Vnde gratia infusa perfectissima est ad perficiendum



perficiendum liberum arbitrium & totam animā: quando tamen anima est sub peccato tanquam sub priuatione gratiæ, ipsa est imperfecta: & ideo oportet quærere dispositiones facientes peccatum solubile, & gratiam depellentem priuationem: & ideo sicut in motu naturæ, ita & in motu gratiæ plura exiguntur. Et quod obiicitur, intelligitur de perfectione formæ in perficiendo materiam, & non de perfectione eius in principiando mutationem: quia plura necessaria sunt ad mutationem, quam ad entis compositionem, vñdictum est, tam in corporalibus, quam in spiritualibus.

AD ALIUD dicendum, quod in mutationibus corporalibus oportet esse dispositiones, quæ solubiles faciunt priuationes à materia siue formas contrarias, in quibus supponitur priuatio formæ inducendæ: sicut patet in aere qui dicitur fieri ignis: oportet enim arefacere humidum quod tenet aerem, antequam depellatur aeritas, & induitur igneitas. Et similiter est hic, quod voluntas auersa à Deo, & diligens peccatum, est sibi dispositio tenens peccatum in anima & impediens gratiæ inductionem. Sed voluntas mota in Deum & contra peccatum, est sibi dispositio inclinans ad peccati expulsionem, & introductionem iustitiæ & gratiæ.

AD ALIUD dicendum, quod sicut diximus in præcedenti quæstione, infusio gratiæ primum est, quam consequitur rectitudo virium & perfectio ad opera: & cum hic enumerantur tantum principia essentialia iustificationis, non tangitur hic nisi gratiæ infusio, & non collatio iustitiæ vel virtutum: quia ex infusione gratiæ ista duo resultant, sicut riuus ex fonte, & effectus ex causa. Et hæc imaginatio est secundum quod lumen stellæ est in se, & in sua imagine: & deinde in dilatactione eius in stellæ corpore: & tertio secundum euntis luminis diuarcationem in radiis. Ita est gratia in se, & quasi dilatata in generali rectitudine virium: & tertio diuarcata in perfectionibus singularum virium ad opera per virtutes singulas & speciales.

AD ALIUD dicendum, quod motus liberi arbitrij dicitur ibi motum compositum, siue sit in Deum, siue in peccatum: sunt enim quidam motus animæ simplices, qui sunt virtutis vnius secundum se, & vnius potentie animæ in comparatione ad vnum obiectum speciale, sicut est intelligere, diligere, vel credere: quidam autem sunt compositi, qui non sunt virtutis vnius potentie secundum se, sed potius vnius secundum quod consequenter se habet ad aliam, cuius actus aliquo modo manet in illa, sicut frui, & vti: & de hoc habetur in primo lib. dist. 1. Et ita dico hic, quod motus iste in Deum & in peccatum, compositus est, & est affectus secundum quod consequitur ex intellectu per fidem illuminato, & per timorem casum fugientem & amorem spe eleuantia affectum: & ideo motus in Deum est motus affectionis timentis & amantis, qui supponit fidem ex intellectu præcedenti ostendenti quicquid timendum & amandum & sperandum sit. Similiter motus liberi arbitrij in peccatum est ex intellectu illuminante motus affectus conterentis & destruentis peccatum per dolorem compunctionis: sic vt mouens in eis immediatum siue proximum est affectus, sed principium ostendens est intellectus, sicut & in frui & vti.

AD HOC autem quod quæritur, Vtrum sit gratia informatus: dicimus quod sic. Et quod obiicitur, quod ille sequitur iustificationem, non valet: quia sicut patet in sequenti articulo, omnia ista quatuor simul sunt quidem tempore, sed non natura: vnde sequitur, quod licet natura sequatur gratiæ infusionem, tamen iustificatio sequitur ipsum: quia iustificatio est sicut in quo est quies motus illius: & ille motus est liberi arbitrij sic soluens vel solubile reddens contrarium ex parte subiecti.

AD ID quod obiicitur de remissione peccati, dicimus quod licet vnum sequatur ad alterum, non tamen vnum est alterum. Et quod dicitur, quod generatio vnius est corruptio alterius, intelligitur per causam, & non per essentiam.

AD ALIUD dicendum, quod motus compositus de quo supra dictum est, non est communis bonis & malis, sed motus cognitionis peccati tantum: & talem non dicimus illum motum esse.

AD ALIUD dicimus, quod liberum arbitrium solum non mouet motum illum, sed potius vi gratiæ mouentis: & ideo non sequitur illa obiectio.

AD ID quod quæritur, Vtrum sit naturalis vel gratum faciens: patet solutio per prædicta: quia est gratum faciens: & tamen natura præcedit iustificationem, licet non præcedat gratiæ infusionem.

## ARTICVLVS XI.

*Quis sit ordo eorum quæ requiruntur ad iustificationem impij?*

**T**ertio quæritur de ordine illorum quatuor. Et videtur, quod ista non sint simul: quia dicit Boetius, quod prius extirpanda sunt vitia, quam inferantur virtutes: ergo remissio peccati præcedit infusionem gratiæ.

2 Item, In omni mutatione naturæ necesse est amouere priuationem, antequam inducatur forma: sed peccatum est in anima vt priuatio: ergo prius necessarium est ipsum amouere, antequam gratia inducatur quæ est sicut forma: ergo remissio peccati præcedit gratiæ infusionem.

3 Adhuc, Si anima desinit habere peccatum in iustificatione impij, aliquod est instans in quo ultimo habebit: sit ergo illud a: & si ipsa incipit habere gratiam, aliquod instans erit in quo primo habebit: & sit illud b. Aut ergo b & a sunt idem instans, aut diuersa. Si idem: sed simul sunt tempore quæ sunt in eodem instanti temporis: ergo peccatum & gratia sunt in anima simul tempore: ergo contraria & opposita priuatiue sunt simul actu in eodem, quod est absurdum: & homo est simul dignus vita æterna & morte æterna, & simul habitatio Dei & diaboli: & multa talia inconuenientia sequuntur: ergo a & b non possunt esse idem instans. Si autem sint diuersa. Contra: Dicit Philosophus, quod inter quælibet duo instantia est tempus medium: ergo inter a & b est medium: sed a est ultimum in quo anima est in peccato: ergo post illud non est in peccato. Item b est principium in quo anima est in gratia: ergo ante illud non est in gratia. Tempus autem quod est inter duo instantia medium, est post a, & ante



ante b. Ergo in toto illo medio tempore anima non est in gratia, nec in peccato. Cum ergo tunc sit homo mortalis, si tunc moreretur, nec descenderet ad infernum, nec ascenderet ad regnum.

4 Vltius videtur hoc esse falsum, quod simul cum his duobus sint motus liberi arbitrij in Deum, & motus liberi arbitrij in peccatum: sicut enim ex præcedenti articulo quæstionis habitum est, illi motus sunt meritorij: ergo ante motus illos exigitur, quod habeat gratiam. Inde procedo sic: In natura prius est motus ad esse quod est actus formæ alicuius, quam operatio compositi existentis in forma illa: ergo sic est etiam in spiritualibus: ergo prius tempore est infusio gratiæ, quam motus liberi arbitrij in Deum, vel quam in peccatum.

5 Item, Actus secundus pendet ex primo, & præsupponit illum: sicut considerare præsupponit scire: & incidere præsupponit figuram artis quæ est species entis: ergo actum primum necesse est præcedere secundum: sed habitus gratiæ ad moueri secundum habitum illum opere meritorio, se habet sicut actus primus ad secundum: ergo infusio gratiæ tempore præcedere videtur motum in Deum.

6 Vltius videtur, quod nec moueri in Deum & moueri in peccatum sint simul: quia vnus potentiæ non possunt esse motus ad diuersa obiecta simul: ergo non sunt simul: sed ibi sunt vnus potentiæ motus ad diuersa obiecta: ergo non sunt simul. Probatio primæ est: quia potentia est simplex & se tota agit, & tota non potest simul esse conuersa ad diuersa. Probatio autem secundæ est: quia sunt motus liberi arbitrij in Deum, & in peccatum.

*Solutio.*

SOLVTIO. Dicendum, quod hæc quatuor sunt simul tempore, sed non natura: secundum autem prius & posterius natura diuersimode ordinantur, eo quod natura multipliciter dicitur: sicut enim vult Philosophus secundo physicorum, natura dicitur materia, forma, & via quæ est in natura, scilicet generatio. Et secundum illum modum quo natura dicitur forma, quia forma est finis efficientis, id quod propinquius est efficienti in iustificatione impij, prius est: secundum hoc ergo infusio gratiæ est primum. Quia autem esse gratiæ sequitur motus gratiæ, scilicet actus ipsius, ideo motus liberi arbitrij in Deum est secundum: & motus liberi arbitrij in peccatum destruendum est tertium, quia ad destructionem peccati operatur dissensus peccati ne obex ponatur Spiritui sancto. Quartum autem & vltimum est remissio peccati. Si vero incipiamus à natura quæ est subiectum & materia: tunc cum illud subiectum primo auertatur à peccato, & secundo conuertatur ad Deum, & tertio adiutorium gratiæ accipiat, & quarto sequatur effectus adiutorij: erit primum in hac via motus liberi arbitrij in peccatum, & secundum in Deum, & tertium infusio gratiæ, & quartum remissio peccati. Et hoc patet de facili cogitanti, qualiter aliquis primo quærit recedere à peccato. Si autem nos incipiamus secundum quod natura dicitur via in natura, scilicet generatio, tunc cum in motu siue mutatione illa primo sit terminus à quo est motus, & secundo via ipsa, & tertio terminus ad quem est motus: erit primum natura remissio culpæ: secundum, motus liberi arbitrij in peccatum: & tertium, mo-

tus liberi arbitrij in Deum, qui sunt per modum viæ ad exeundum de peccato: quartum autem est infusio gratiæ. His autem habitis respondendum est ad obiecta.

AD PRIMVM quidem & secundum dicendum, quod hæc procedunt secundum tertium modum naturæ: & sic concedenda sunt, ut patet in vltimo ordine.

AD ALIVD dicendum, quod sicut in secundo notauimus, tempus dicitur multipliciter: est enim quoddam tempus physicum, quod est mensura motus primi mobilis, per hoc quod est numerus ipsius secundum prius & posterius, quod est in ipso & in motu: & de hoc tradunt Physici, quod omnis illius motus mensura est, qui ut ad causam reducitur ad motum primi mobilis: & hanc naturam facit moueri secundum alterationem, & augmentum, & diminutionem, & locum & generationem, & corruptionem. Et de hoc dicit beatus Dionysius, quod tempus est quod cum generatione & corruptione meretur. Hoc autem tempus non est mensura motus nisi cum subiicitur mobile diuisibile, quod partim est in termino à quo, & partim in termino ad quem, quando mouetur, propter quod capit actum & potentiam, & prius & posterius, secundum quod motus definitur à Philosopho, quod est actus existentis in in potentia secundum quod est in potentia: & ideo dicit, quod est imperfectus actus, quia à mobili non tollit totam potentialitatem: forma autem est perfectus actus, eo quod non remanet materia amplius in potentia ad formam illam. Sed in mutationibus diuinis, quibus vel nihil subiicitur, vel non subiicitur eis quid diuisibile, non mensurat huiusmodi tempus: creationi enim nihil subiicitur: & tamen dicit Augustinus, & ponitur primo sententiarum distinct. 3. quod tempus est coæuum creaturæ. Et ideo oportet distinguere tempus aliter dictum in motibus spiritualibus, ubi est motus de actu ad actum, potius quam de potentia: & cui nihil diuisibile subiicitur, & in quo formæ ipsæ non sunt remissibiles & intensibiles, & nihil intercipientes de contrario. Similiter non potest dici huiusmodi tempus mensurans: propter quod etiam Philosophus dicit in lib. de anima, quod anima non mouetur aliquo modo. Dicendum ergo, si a est vltimum instans in quo est in peccato, quod peccatum non inest ei tunc simpliciter, sed in exeundo & desinendo: gratia autem simpliciter inest: & ideo peccatum corripitur in b, & in b est gratia: nec hoc est inconueniens: quia Philosophus vult, quod corruptio rei & mors cuiuslibet sit quidem in tempore, sed non esse vel vita: sicut fieri vel deficere est in tempore, sed non factum esse. Si enim ponatur, quod peccatum inest in a, dicendum quod in hac ratione temporis nihil prohibet instans esse post instans. Vnde dicit Augustinus, quod Deus mouet creaturam spirituales per tempus tantum, sed creaturam corporalem per tempus & locum. Et quod dicit Philosophus, quod inter quælibet duo instantia est tempus medium, intelligitur de tempore primo modo dicto: quia ibi est partim in termino à quo, & partim in termino ad quem: & ideo in tali motu non est dare vltimum diuisibile in quo toto & solo sit motus, vel etiam primum in tali motu non est dare: sed in omnibus motibus spiritualibus dare contingit, meo



meo iudicio. Et ideo quia nec vere motus sunt, sed potius vices quædam intellectuum & affectionum: nec tempus habent mensurans eiusdem rationis cum aliis motibus. De hoc tamen require supra dist. 11. & super primam secundi.

AD ALIUD & sequens est solutio vna secundum meum iudicium, scilicet quod si semper in actu sumuntur illa quatuor, tunc impossibile est simul esse omnia, sicut necessario probant illæ rationes. Si autem habitualiter sumatur, tunc nihil prohibet ea simul esse: & ita dixerunt antiqui. Sunt autem moderni qui dicunt non esse inconueniens simul accipere esse secundum actum primum, & agere secundum formam dantem illud esse in actu secundo: & ideo non est impossibile vnâ numero potentiam facere diuersa simul non ordinata adinuicem, & moueri pluribus motibus simul, & nos posse intelligere plura simul, sicut & scire. Quibus non præiudicans hoc solum dico, quod mirum mihi videtur, si aliquis hoc in se vnquam experiri potuit. Et si non probat experimentum, tunc mirum si aliquis intelligit. Per hoc ergo patet solutio ad totum.

## ARTICVLVS XII.

*An iustificatio impij est naturalis vel miraculosa?*

Quarto quæritur, Vtrum iustificatio sit naturalis vel miraculosa? Videtur autem, quod sit miraculosa: quia dicit Augustinus, quod magis est de impio facere pium, quam creare cælum & terram: constat autem, quod creatio cæli & terræ non est naturalis de natura inferiori aliqua: ergo nec iustificatio impij, & multo minus.

2. Adhuc, Naturale est illud ad quod mouet natura: sed ad id non mouet aliqua natura creata: ergo non est naturalis.

3. Adhuc, Quando Philosophus dicit de habitibus quibusdam, vtrum sint naturales, scilicet virtutes consuetudinales: ipse determinat, quod secundum quid sunt naturales, & secundum quid non: quia innati sumus eas suscipere, perficere autem est ab assuefactione: constat autem, quod si illud perficere assuefactionis non esset in nobis, ipse non dixisset, quod aliquo modo erant naturales. Cum igitur gratiam perficere nullo modo sit in potestate nostra, videtur quod iustificatio nullo modo sit naturalis.

4. Adhuc, Naturale dicitur vel causatum à natura, vel datum à natura, vel datum in natura: sed nullo istorum modorum gratia se habet ad naturam: ergo gratia iustificationis non est naturalis.

*Sed contra.* SED CONTRA: Miraculum, vt dicit Augustinus, aliquid arduum & insolitum est, præter spem & facultatem admirantis apprensens: sed istud non euenit præter spem, quia speramus iustificationem: ergo ipsa non est miraculosa.

2. Adhuc, Miraculi euentus est rarus: quod patet, quia in diffinitione eius ponitur insolitum: sed iustificatio impij est frequens: ergo non est miraculosa.

3. Adhuc, Dicit Chrysost. quod cursus mira-

culorum à sola Dei voluntate causatur: sed iustificatio impij non est à sola Dei voluntate: ergo iustificatio impij non est miraculosa. Probatur autem secunda ex dicto August. Qui creauit te sine te, non iustificabit te sine te.

SOLVTIO. Dicendum, quod vt dicunt Magistri, mirabilis est iustificatio impij. Et ponunt mirabile quasi medium inter naturale & miraculum. Naturale dico secundum quod naturale largè accipitur, scilicet pro omni eo quod sit cursu naturæ inferioris, & prout includit voluntaria à voluntate causata. Dicunt enim, quod in tribus quæ tacta sunt in tribus obiectionibus vltimis, deficit à miraculo: sed in aliis excedit cursum naturalium. Melius autem videtur dicendum, quod miraculosa est iustificatio impij.

ET QVOD primo obiicitur, soluendum est per distinctionem spei: quia sicut dicit Gloss. Rom. 4. super illud, Qui contra spem in spem credidit. Duplex est spes, scilicet naturæ, & gratiæ. Vnde dicendum, quod spes prout ponitur in diffinitione miraculi, est spes naturæ, & non spes gratiæ: & verum est, quod miraculum euenit præter spem naturæ, licet non præter spem gratiæ.

AD ALIUD dicendum, quod insolitum dicitur dupliciter, scilicet in causa, & in effectu: & quando insolitum ponitur in diffinitione miraculi, dicitur insolitum in causa, scilicet quod non habet statem causam & ordinatam, ex qua proueniat: quod patet ex hoc, quod si omni die sapius resurgeret mortui, nihilominus tamen resurrectio mortuorum esset miraculosa, propter causam nobis insolitam & supernaturalem. Responderendum ergo, quod causa iustificationis est nobis insolita: & ideo miraculum est.

AD ALIUD dicendum, quod non dicitur in diffinitione miraculi quod est præter facultatem, eo quod nullo modo ad ipsum concurrat nostra facultas: quia sic etiam partus Virginis non esset miraculosus, cum non sit factus sine Virgine consentiente: sed dicitur præter facultatem, eo quod sit non nobis operantibus. Et ita iustificat nos Deus non sine nobis consentientibus, sed sine nobis operantibus. Et per hoc patet solutio ad totum secundum istam viam, quam credo saniorrem.

Tenendo aliam viam quæ Doctorum esse consuevit, dicendum ad primum, quod dicitur dupliciter aliquid maius Deo siue in diuinis, scilicet quia maioris potentia est in substantia effectus, vel quia maioris potentia in modo efficiendi. Et creatio quidem cæli & terræ maioris potentia est in substantia effectus, quam iustificatio impij: sed iustificatio impij in modo efficiendi est maioris potentia: quia in creatione cæli & terræ nihil obuiat voci Creatoris, sed totum obedit: sed in iustificatione impij secundum aliquid resistit peccatum quod iniacet animæ, & iustificationi contrariatur. Alij dicere consueuerunt, quod maius ibi notat Augustinus, quod maioris misericordia est indicatum: sed hæc solutio est radis.

AD ALIUD dicendum, quod bene conceditur, quod non est naturalis, hoc est, sub potestate naturæ existens, sed super naturam.

AD ALIUD dicendum, quod licet perficere non sit in nobis, sed in Deo: tamen natura nata est ad gratiam recipiendam, sicut ad finem & complementum.



plementum. Aliud enim est de perfectione hominis, aliud de perfectione naturarum: quia homo creatus ad imaginem Dei, capax est gratiæ quam non influit ei nisi Deus, & non est perfectibilis nisi à Deo ipso, sicut nec Angelus: vnamquodque enim suo superiori mouente, naturali quodam motu procedit ad perfectionem.

AD ALIUD dicendum, quod si dicatur naturalis gratia iustificans, non dicetur aliter, nisi quia à summa natura quæ est Deus, nata est ipsam percipere creatura illa, quæ ex imitatione imaginis Dei est capax, & non aliter. Et bene puto, quod Philosophi hunc modum naturæ ignorauerunt: quia per rationem philosophicam deprehendi non potest: sed potius pia mens viuacitate fidei suæ nititur eum apprehendere.

## ARTICVLVS XIII.

*Cuius attributi sit iustificatio impij?*

**Q**Vinto quæritur, Cuius attributi sit proprius effectus? Videtur autem, quod potentiæ, per auctoritatem prius inductam, scilicet quod maius est de impio facere pium, quam creare cælum & terram: constat enim, quod creatio cæli & terræ indicat potentiam: ergo & impij iustificatio.

2 Adhuc, Vincere resistens efficienti alicui, potentiæ est: sed iustificatione impij vincitur resistens peccatum: ergo est potentiæ.

3 Item, De nihilo aliquid adducere in esse, potentiæ est: sed in iustificatione impij de nihilo peccatorum deducitur impius in esse gratiæ: ergo est potentiæ. Probatio minoris. Dicit Augustinus, Peccatum nihil est, & nihil fiunt homines cum peccant.

4 Item, Per illud Psalm. 50. Cor mundum crea in me Deus: sed creatur, qui de nihilo educitur in esse.

Sed videtur, quod sit sapientiæ: quia Iob 26. dicitur, Obstetricante manu eius est educus coluber tortuosus: coluber autem educitur in iustificatione impij, & obstetricari est sapientiæ: ergo videtur, quod iustificatio impij sit sapientiæ.

2 Item, Eceli. 4. Sapientia vitam filiis suis inspirauit: vita autem ista inspiratur in impij iustificatione: ergo videtur, quod sit effectus sapientiæ.

3 Adhuc, Ad omnium impiorum iustificationem non missa est potentia Patris, vel bonitas Spiritus sancti, sed sapientia Filij: ergo videtur, quod etiam iustificatio particularis sit effectus sapientiæ, non potentiæ, nec bonitatis propriæ.

Sed contra hoc iterum videtur, quod sit effectus bonitatis: quia dicitur Rom. 5. Iustificati gratis per gratiam ipsius: gratia autem est effectus bonitatis: ergo & iustificatio.

2 Adhuc, Rom. 2. Ignoras quoniam benignitas Dei ad penitentiam te adducit? sed in penitentia datur gratia iustificationis: ergo benignitas adducit ad gratiam iustificationis: ergo est effectus bonitatis.

3 Adhuc, Augustinus dicit in secundo de Trinitate, quod Spiritus mittitur ad sanctificandum creaturam rationalem: & ponitur in primo

distinct. 16. sed in iustificatione creatura rationalis sanctificatur: ergo videtur, quod sanctificare sit in missione in Spiritu sancti: sed Spiritui sancto attribuitur bonitas: ergo est effectus bonitatis.

RESPONSIO. In veritate dicendum est, quod iustificatio principalis est effectus bonitatis: sed tamen quia indiuisa sunt opera Trinitatis, aliud est ibi quod attribuitur potentiæ, & aliud quod sapientiæ, licet substantia operis sit attributum bonitatis, & per consequens Spiritus sancti. Quod enim esse sit ibi de nullo cum peccati contradictione aliqua, licet non sit ibi contradictio peccatorum, quia ille consentit ad gratiam recipiendam, & detestatur peccatum: in hoc est ostensio quædam potentiæ. Et penes illum modum procedunt tres rationes primæ. Et per hoc patet solutio ad illas. Si autem attendatur modus & ordo ipsius operis, quia scilicet sit convenientissime & optime cum ordine tali, qui mouet ad gratiarum actionem, & penitentiam feruentiorem, & perseverantiam in bonis, quæ præuidet Deus sic iustificando peccatorem: quantum ad hoc apparet in opere illo sapientia: & sic procedunt tres rationes sequentes. Substantia autem facti tota bona est in se, & bonitatis primæ ut causæ: & sic procedunt ultimæ tres. Et per hoc patet solutio omnium obiectorum.

## ARTICVLVS XIV.

*An iustificatio impij sit effectus iustitiæ vel misericordiæ?*

**S**exto quæritur, Vtrum sit effectus iustitiæ vel misericordiæ? Videtur, quod iustitiæ: quia dicit Ambr. Præcedit quoddam in peccatoribus, quod digni sunt iustificatione: & in aliis quoddam, quod digni sunt obduratione. Ergo omnes qui iustificantur, digni sunt iustificatione: sed cum distribuuntur res prout dignum est, hoc est iustitiæ, ut dicit Tullius, & hoc etiam vult Aristor. in 5. ethic. ergo videtur quod sit opus iustitiæ, & non misericordiæ.

2 Item, Omnis effectus quem melius est esse quam non esse, simpliciter habet exemplar in Deo: sed esse iustum melius est esse simpliciter, quam non esse: ergo exemplar habet in Deo. Probatur autem prima ex illo verbo Anselm. quod Deo attribuitur quicquid melius est esse simpliciter, quam non esse. Secunda autem patet per se: quia melius est simpliciter esse iustum, quam non esse iustum. Inde proceditur sic: Deus bonum facit, quia bonus: ergo & capacem iustitiæ facit iustum, quia ipse iustus est: sed in impij iustificatione efficitur homo capax iustitiæ: ergo fit ab ipso in quantum est iustus: ergo est opus iustitiæ, non misericordiæ.

3 Item, Origenes dicit, quod Deus est sapiens in quantum sapientiæ & scientiæ largitor: ergo à simili iustus in quantum iustitiæ largitor: ergo nostra iustitia est proprius effectus diuinæ iustitiæ: non ergo misericordiæ.

Sed contra: Misericordiæ est releuare miseriam: nulla autem miseria maior est quam illa quæ est peccati: ergo miseriam peccati releuare summæ misericordiæ est: sed hoc fit in iustificatione

Hac v. in sunt Aug. Lib. 3. quæst. 9. 68. Et ex planatur à Mag. in 1. dist. 41. lit. C. Et à b. to Alb. ibidem.



tione impij: ergo iustificatio impij est misericordia opus, & non iustitia.

2 Item, In Psalm. 50. Et secundum multitudinem miserationum tuarum dele iniquitatem meam. Ergo deletio iniquitatis est effectus misericordiae: sed deletio iniquitatis fit in iustificatione impij: ergo iustificatio impij est effectus misericordiae.

3 Item, Dicit Augustinus, quod peccator non est dignus pane quo vescitur: ergo non est iustum, quod ei aliquid boni detur: sed gratia est optimum quod potest dari homini in hac vita: ergo non est dignus, quod conferatur ei gratia: ergo cum datur ei gratia, non est opus iustitiae sed misericordiae.

*Solutio.*

RESPONSIO. Dicendum, quod in omni opere Domini est misericordia, & veritas, id est, iustitia: sed istud opus principaliter est misericordia. Secundum enim quod iustitia dicitur quod decet Dei bonitatem, prout dicit Anselmus iustitiam dici: sic in opere iustificationis est iustitia. Prout autem dicitur, quod iustitia est redditio pro meritis: sic non est ibi opus iustitiae, si accipiantur merita in actu: merita autem in futuro, vel in scientia non possunt esse causa gratiae praecedentis: & ideo nullo modo est ibi iustitia nisi prout iustitia est decentia diuinæ bonitatis. Vnde Anselm. in fine monolog. Cum panis malos, iustum est: quia conuenit eorum meritis. Cum vero parvis malis, iustum est: non quia illorum meritis, sed quia tuae bonitati concedens est. Vnde argumenta ultimo facta concedenda esse videntur.

AD ID autem quod primo obiicitur, dicendum est, quod duplex est iustitia, scilicet congrui, & condigni. De iustitia autem condigni nihil praecedit in peccatoribus quo digni sunt iustificatione: sed de iustitia congrui in quibusdam peccatoribus praecedunt opera de genere bonorum, quae in quibusdam aliis peccatoribus non sunt: & ideo tantum digni sunt reprobatione, id est, reprobationis effectu, qui est obduratio in peccato. Et cum dicitur, quod digni sunt iustificatione, sensus est, quod magis congruenter vel minus incongruenter se habeant de iustificationem quam alij. Dixerunt tamen antiqui Doctores ad illam auctoritatem, quod esset Ambr. ad operti, & falso libris beati Ambrosii. inscripta.

AD ALIUD dicendum, quod iustitia facta in exemplo iustitiam Dei habet pro exemplari: sed aliud est causa exemplaris, & aliud est causa inclinans efficientem ad actum. Et causa quidem exemplaris iustitia est: sed causa inclinans auctorem ad hoc quod iustificet impium, misericordia diuina est. Per hoc etiam patet solutio ad sequens: quia vnam vim habent, nisi quod vnum procedit per rationem, alterum per auctoritatem idem dicentem.

## ARTICVLVS XV.

*Quid sit motiuum ad iustificationem impij?*

SEPTIMO quaeritur, Quid sit motiuum ad ipsam? Videtur autem, quod timor: quia dicitur Eccli. 10. Initium sapientiae timor Domini: sed *fa-*  
*D. Alber. Mag. in Lib. 4. Sentent.*

pietia ibi dicitur sapor gratiae in iustificante: ergo videtur, quod timor initiat ipsam: sed hoc mouet ad iustificationem quod initiat eam: ergo, &c.

2 Item, Bernard. Experimento didici, quod nihil adeo valet ad gratiam Dei acquirendam, recuperandam, & conseruandam, quam semper non altum sapere, sed timere: id autem quod acquirit & recuperat, inclinatur & mouet ad iustificationem: ergo timor Dei actu mouet ad iustificationem.

Sed contra: Act. 15. dicitur, Fide purificans corda eorum: idem autem est purificare quod iustificare: ergo fides mouet ad iustificationem.

2 Item, Augustinus dicit, quod iustificatio qua de impio fit pius, est fides ipsa: & ex hoc sequitur idem quod prius.

Contra hoc dicit Hugo de sancto Victore, quod amore iustificamur: ergo videtur, quod amor moueat ad iustificationem.

RESPONSIO, quod iustificatio est quidam *Solutio.* motus à peccato siue malo culpae ad bonum gratiae & rectitudinis: & ideo nihil prohibet diuersa esse mouentia, scilicet à malo ad bonum: à malo enim quod est terminus à quo iustificationis, mouet timor in affectu: ad bonum autem multipliciter contingit, scilicet quantum ad intellectum, & quoad hoc mouet fides: & quantum ad effectum, & sic mouet charitas: & sic sunt tria mouentia. Sciendum tamen, quod si virtus aliqua moueat ad iustificationem, quod hoc non est nisi quoad ordinem actuum: quia habitus omnes simul infunduntur: & hoc qualiter fit, dictum est supra in primo articulo huius quaestionis. Et notatum est multum de hoc in secundo, distinct. 27. Et per hoc patet solutio ad totum.

## ARTICVLVS XVI.

*Quomodo habeant se adinuicem dilectio, praedestinatio, vocatio, electio, iustificatio, & magnificatio?*

Octauo quaeritur de comparatione iustificationis ad dilectionem, vocationem, & magnificationem, cum quibus coniungitur ad Roman. 8. Videtur autem, quod vocatio sit media inter iustificationem & praedestinationem: quia Rom. 8. ita enumerat Apostolus, Quos autem praedestinavit, hos & vocauit: & quos vocauit, hos & iustificauit.

SED TUNC quaeritur, Vtrum vocatio dicat *Quasi-* gratiam gratum facientem, vel gratis datam? Et *cula.* videtur, quod gratis datam: quia immediatum consequens praedestinationem, sicut effectus sequitur causam, est iustificatio: quia praedestinatio est praeparatio gratiae in praesenti, & gloriae in futuro: ergo quicquid est ante hominis iustificationem, videtur esse hominis adhuc existentis in peccato: sed vocatio est ante, ut probatum est: ergo est hominis existentis in peccato: sed hominis existentis in peccato non est nisi gratia gratis data: ergo vocatio est gratis data.

2 Item, Non vocatur nisi distans: cum igitur in spiritualibus non sit distantia loci, sed dis-

K k

simili



similitudinis, ut dicit Augustinus super Euangelium de filio prodigo, videtur quod vocatio sit distantis per meritum: & ille est in peccato mortali: ergo vocatio dicit gratiam quæ peccato mortali convenire potest: & illa est gratia gratis data, non gratum faciens: ergo vocatio non dicit gratiam gratum facientem.

3 Item, Quod convenit bonis & malis, non potest esse gratiæ nisi gratis datæ: sed vocatio convenit bonis & malis: ergo in genere gratiæ non dicit gratiam nisi gratis datam. Prima harum patet per se cuilibet fidei. Secunda autem patet per hoc quod dicitur Proverbiarum primo de quibusdam, Vocavi, & renuistis: extendi manum meam, &c. ubi patet, quod vocatio convenit malis. Matth. autem 4. dicitur de Petro & Andrea, quod vocavit eos Iesus: & ibi convenit bonis. Si forte tu dicas, sicut dicit Gloss. Rom. 8. quod duplex est vocatio: interior, & exterior. Exterior est quæ est per prædicationem: & de illa non loquitur Apostolus. Interior autem est cognitionem de fide a diuare, vel compungere eum quem sciat audire. Et quod de exteriori non loquitur Apostolus, patet: quia hæc & bonorum & malorum est: interior autem est bonorum tantum, & de illa loquitur Apostolus. Contra: Cognitio fidei quæ adiunatur, aut est fidei formata, aut informis. Si formata. Contra: Fides formata non est formata nisi per gratiam & charitatem: sed formatum ex aliquo conveniens est ad id ex quo formatur: ergo fides hæc sequitur gratiam & charitatem: ergo non præcedit iustificationem. Et hoc est contra enumerationem Apostoli, qui vocationem enumerat ante iustificationem. Si autem est cognitio fidei informis. Contra: Hæc est & bonorum & malorum: ergo non est nisi gratia gratis data, ut prius probatum: & ita potest esse hominis existentis in peccato mortali.

Quæstio-  
cula 2.

VLTERIUS quæritur, Quæ est differentia istorum ad electionem, de qua facit Glossa mentionem dicens, quod vocatio tantum electorum est? Videtur autem, quod hoc sit falsum. Electio enim non est nisi habentium gratiam finalem: vocatio tantum electorum est: ergo vocatio non est nisi habentium gratiam finalem. Et quos vocavit, hos & iustificavit, ut dicit textus: ergo non iustificavit nisi homines gratiam finalem habentes, quod aperte falsum est, cum multi sint iusti secundum iustitiam præsentem, qui non sunt iusti secundum gratiam finalem.

Quæstio-  
cula 3.

QVÆRITUR etiam de magnificatione quam ibi ponit Apostolus in illo ordine. Videtur enim non differre à iustificatione: quia dicit Gloss. quod magnificavit omni genere virtutum: omne autem genus virtutum datur in iustificatione: ergo in ipsa iustificatione magnificavit.

Solutio.

RESPONSIO. Dicendum, quod ista secundum ordinem se consequuntur, dilectio, prædestinatio, electio, vocatio, iustificatio, magnificatio. Et prima quidem tria nihil ponunt in homine, sed in Deo, qui est auctor gratiæ iustificantis, ponunt tamen aliquid respectu hominis: sed alia tria ponunt in homine iustificato gratiam secundum diversas considerationes: in Deo enim est aliquid inclinans voluntatem ad dandum gratiam, & hoc est dilectio, & est primum quod convenit bonis tantum, quia prævisio est respectu bonorum & malorum. Consequitur autem volun-  
tem inclinam præparatio eius quod dabitur in gratia & gloria, & hoc dicit prædestinatio secundum suum nomen. Ex donatione autem consequitur distinctio eius cui dandum, ab eo cui non est dandum, & hæc est separatio à massa perditorum & hoc dicit electio. In effectu autem donationis, qui est circa hominem, est motus à malo ad bonum & ad perfectionem in illo. Et penes terminum à quo, est vocatio, quia non vocatur nisi distans: sed penes terminum ad quem, est iustificatio: & penes perfectionem in illo, est magnificatio. Et hæc expresse colliguntur Roman. 8. ex textu & Glossa: & patet eorum differentia, & erit clarior in responsione.

AD OBIECTA ergo dicendum, quod vocatio secundum substantiam dicit eandem gratiam quam & iustificatio, sed sub alia ratione, scilicet secundum quod avertit à malo. Et quia hoc in motu animæ eius qui iustificatur, prius est, ideo media ponitur inter prædestinationem & iustificationem: cum non sit ante iustificationem tempore, sed natura, secundum quod natura dicitur via in naturam, quæ est & generatio.

AD ALIUD dicendum, quod distans dicitur dupliciter, scilicet distans per voluntatem obstinam, & hic non vocatur interiori vocatione quæ tantum electorum est. Et dicitur distans per vicinitatem peccati, scilicet qui iam fugit, & est in fugiendo propinquior peccato: & huc convenit interior vocatio: sed iste non est in peccato mortali, sed potius in gratia: sed est in ea secundum detestationem & fugam peccati.

AD ALIUD dicendum, quod est vocatio exterior, quæ convenit bonis & malis: sed interior convenit bonis tantum: quia homo in illa vocatur practice, quando trahitur per gratiam à peccato. Et concedenda est sequens distinctio. Ad improbationem autem dicendum, quod Glossa illa loquitur de fide formata. Et hæc iuvatur, quando id quod est formale in fide, iuvatur, & hoc est attritionis cum trahendo iuvat ut fiat quod dicitur cognitio, secundum Psalm. dicentem: Intellectus bonus omnibus facientibus eum. Ad obiectum autem contra, dicendum quod fides dupliciter consideratur, scilicet in actu, & in habitu. Et in actu adhuc dupliciter, scilicet in actu tendente in Deum per meritum, & in actu quasi ostendente Deum: de quo dicit August. quod fides primo oculos aperit: & Apostolus Hebr. 11. Accedentem ad Deum, prius oportet credere, quia est, & quia inquirentibus se remunerator sit. Si igitur consideratur in hoc actu ultimo: tunc ipsa præcedit iustificationem, non tempore, sed natura: quia sic est inclinans in illam ex parte eius qui iustificatur, secundum illud Act. 15. Fide purificans corda eorum. Si autem consideretur ut tendens in Deum propter Deum, prout est actus volens obtinere vitam æternam, sic est iustificationem consequens secundum tempus. Si vero consideretur in habitu: sic simul infunduntur in ipsa iustificatione.

AD HOC quod ulterius quæritur de electione, iam patet ex solutione quæstionis, scilicet quæ sit differentia. Ad obiectum autem dicendum, quod secundum Glossam in veritate vocatio non est nisi electorum, qui habituri sunt gratiam finalem: sed non sequitur, quod iustificatio sit tantum illorum: quia licet in ordine iustificatio  
semper



semper sequatur vocationem in electis, non tamen oportet, quod in omnibus sit iustificatio ordinata ad interiorem vocationem. Et est instantia, posito quod quatuor homines non dealbentur nisi sint scientes, alij sine scientia possunt dealbari, vere potest dici, quod qui scientes sunt dealbantur: non tamen sequitur, quod nulli dealbantur nisi sint scientes. Et est peccatum secundum locum sophisticum consequentis.

Ad hoc autem quod ulterius de magnificatione queritur, dicendum quod ordo virtutum dupliciter consideratur, scilicet in se, & in efficacia operis. In se non est magnificatio, & sic datur in iustificatione. In efficacia autem operis exigitur quantitas virtualis: & vocatur magnificatio à Glossa: tamen alia Glossa exponit hoc de magnificencia præmij in penitentia.

## ARTICVLVS XVII.

*Quid sit sanatio mentis?*

**N**ono & ultimo queritur de operatione iustificationis ad sanationem mentis, & inuolutionem imaginis. Oportet autem hic septem querere. Primo queremus, Quid sit sanatio mentis? Secundo, Quid sit renouatio imaginis? Tertio, Vtrum hæc duo habeant differentiam, an non? Quarto, Vtrum fiant per gratiam præuenientem vel subsequenter? Quinto, Vtrum fiant per gratiam sacramenti vel virtutum vel donorum? Sexto, Vtrum subito fiant, vel successiue? Septimo, In quo differant à iustificatione?

Ad primum horum obiicitur sic: Iosue 5. super illud, Postquam autem omnes circumcisi sunt, manserunt in eodem loco: in Glossa quæ sic incipit, Circumcisi vero filij Israël requieverunt in eodem loco, &c. In hoc ergo tempore velut in dolore circumcisionis nostræ, dicimur residere, vsquequo cicatrice obducta sanemur, id est, noua instituta absque difficultate impleamus, & in vsum vertatur, quod prius erat insolitum atque difficile videbatur: & tunc merito dicetur nobis, Hodie abstuli opprobrium Ægypti à vobis. Ex hoc colligitur, quod sanatio mentis est perfecta obductio vulneris, quod inflictum est ex peccato. Videtur autem secundum hoc quod mens nunquam posset consequi sanitatem: quia vulnus non obducitur in hac vita: ergo sanitas non consequetur. Quod autem vulnus non obducatur, dicit Glossa super Psalm. Qui sanat omnes infirmitates tuas, sic, Nunc fouendo blandis, nunc secando asperis sanat: omnipotenti enim medico nullus infanabilis languor occurrit. Maxime autem in fine sanabit languores, quando corporale hoc induet incorruptionem.

2 Item constat, quod in hac vita nunquam falsificabitur illud quod dicitur 1. Ioan. 1. Si dixerimus, quia peccatum non habemus, ipsi nos seducimus, & veritas in nobis non est: & illud, In multis offendimus omnes. Vulnus ergo manet semper in hac vita: sed peccatum in se est infirmitas, & causa infirmitatis pœnæ: ergo videtur, quod in hac vita nunquam desinat infirmitas: ergo nunquam in hac vita consequetur sanitas.

3 Item, Extrema vnctio quæ est sacramentum exeuntium, datur contra reliquias peccati infir-

*D. Alb. Mag. in Lib. 4. Sentent.*

mitatis: ergo vsque illud remanet peccati infirmitas: sed post illud nihil remanet de vita: ergo videtur, quod sanitas nunquam habetur in hac vita.

**SED CONTRA:** Psalm. Qui sanat contritos corde: ergo contriti corde sanantur: sed multi in hac vita conteruntur: ergo multi in hac vita sanantur.

*Sed contra. Ps. 146.*

2 Item, Hieronymus dicit, quod nullum Dominus sanauit in corpore, quem non prius sanauit in mente: sed multos sanauit in hac vita in corpore: ergo multos sanauit in hac vita in mente.

**RESPONSIO.** Dicendum, quod duplex est infirmitas, & duplex est sanitas: est enim infirmitas animæ, sicut infirmitas corporis. Vnde sicut in febre duo sunt, scilicet causa febris, & essentialis substantia & forma ipsius: sic est in anima. Causa enim febris est fumus putrefactæ materiæ à corde succensus: forma autem inæqualitas humorum in quibus & in membris quæ humoribus illis nutrita sunt, habet formaliter esse febris. Similiter est in anima: causaliter quidem infirmitas est peccatum: formaliter autem est distemperatio virium animæ ad seipsas, & ad actus, & ad corpus quod regere habet. Causaliter autem infirmitas est duplex, scilicet mortalis, & venialis quæ vitam gratiæ non extinguit, sed impedit feruorem. Dicendum ergo, quod infirmitas causalis mortalis in hac vita sanatur, & veniale secundum omne veniale hoc & illud demonstratum, sed non in vniuersali quin sit aliquod semper infinite. Sed proportio & contemperatio virium, est duplex, scilicet ad vitam meriti, & vitam felicitatis & beatitudinis. Et secundum primum modum fugatur infirmitas, & redit sanitas in hac vita, sed non secundum modum. Et per hoc patet solutio ad primum: quia Glossa loquitur de perfecta curatione formali, non causali quæ est gratia, quæ erit in patria cum mortale hoc induerit immortalitatem, sicut dicitur 1. Corinth. 15.

**AD ALIUD** dicendum, quod semper in hac vita erit infirmitas causalis: sed illa non tollit sanitatem, sed diminuit delectationem aliquam sanitatis: sicut in corporali sanitate diminuitur delectatio sanitatis ex pustula aliqua eleuata: non tamen tollitur sanitas. Sicut enim dicit Philosophus, non dicimus aliquem ex infirmitate sanatum, nisi secundum totum, vel partem principalem sit sanatus, sicut est caput, vel cor.

**AD ALIUD** dicendum, quod reliquiæ non causant infirmitatem nisi secundum quid: & contra illam datur extrema vnctio, vt delibutus oleo exultationis transeat ad statum felicitatis: quia quoad hunc statum non sanatur aliquis in hac vita.

Ad sequentia patet solutio per prædicta.

## ARTICVLVS XVIII.

*An renouatio mentis fiat per virtutes, & per gratiam?*

**S**ecundo queritur de mentis renouatione. Dicit autem Glossa Rom. 6. super illud, In nouitate vitæ ambulemus, quod inuolutio à iustificatione incipit, & in immortalitate perficitur:

K k 2 ergo



ergo videtur, quod innouatio fiat per vires & gratiam: & ita non videtur totam pellere vetustatem.

2 Item, Hebr. 8. dicitur, Quod antiquatur & senescit, prope interitum est. Videtur igitur, quod interitus effectus est vetustatis: sed interitus vetus manet in nobis, dum viuimus: ergo & vetustas.

3 Item, Iob 16. Rugæ meæ testimonium dicunt contra me. Sed rugæ illæ manent, quia Iob sanctus fuit. Ergo semper manet testimonium vetustatis: ergo vetustas in hac vita non tollitur, ut videtur.

*Sed contra.*

SED CONTRA: Renouabitur ut aquilæ iuuentus tua. Ergo Sancti hic renouantur. Item Coloss. 3. Expoliantes vos veterem hominem cum actibus suis, induite vos nouum hominem, qui secundum Deum creatus est in iustitia & sanctitate veritatis. Item 1. Corinth. 5. Expurgate vetus fermentum, ut sitis noua aspersio, sicut estis azimi. Aspersio autem noua non fit nisi per innouationem vitæ huius. Ergo innouatio potest fieri in hac vita.

*Solutio.*

SOLUTIO. Dicendum quod est vetustas culpæ, & vetustas pænæ: & renouatio à vetustate culpæ, id est, à culpa ex veteri culpa Adæ procedente, & vetustam animam reddente per defectum & corruptionem, fit per gratiam in hac vita. Sed vetustas ab omni pænâ non perficitur nisi in alia vita, licet hic inchoetur. Et per hoc patet solutio ad omnia obiecta præterquam ad illud quod est de Iob inductum: & dicendum, quod literaliter loquitur de vetustate pænæ in quantum est indicatiua culpæ quæ est meritoria pænæ: licet enim Iob non peccauerit, tamen videbatur peccasse ex tanto flagello quod sustinuit. Allegorice tamen loquitur ibi Christus in persona membrorum: & quidem de membris suis, id est, de his qui per electionem sunt membra, licet non adhuc adhæreant corpori per præsentem iusticiam, quia subiacent vetustati.

## ARTICVLVS XIX.

*An sanitas mentis & renouatio imaginis sint idem, vel differant?*

Tertio quæritur de differentia horum. Et videtur nulla esse: quia si consideretur causa vtriusque, gratia est: & si consideretur effectus vtriusque, videtur esse reintegratio quædam virtutis animæ, quæ corrupta quodammodo fuit ex peccato: ergo nulla est differentia sanationis & renouationis imaginis, ut videtur.

*Sed contra.*

SED CONTRA: Sanitas attribuitur toti animæ, & renouatio imagini tantum: ergo non sunt idem: formæ enim diuersæ sunt, quarum subiecta propria diuersa sunt.

2 Item, Omnes bene transferentes, secundum similitudinem aliquam transferunt: sed ea à quibus hæc similitudo accipitur, non sunt eadem: ergo nec ea ad quæ translatio fit, eadem erunt. Probatio mediæ. Sanitas in corpore & iuuentus non sunt eadem: ergo constat propositum.

*Solutio.*

RESPONSIO. Dicendum, quod sanitas mentis & innouatio imaginis differunt ratione, sed non substantia: sanatio enim dicitur in quantum

debilitatem & infirmitatē peccati depellit. Sed innouatio dicitur in quantum roborata virtute, depellitur vetustas antiqui peccati & effectus eius. Vnde innouatio dicit roboratam virtutem, quod non facit sanatio. Et per hoc patet solutio ad primam partem obiectorum: quia concedimus, quod substantialiter idem sunt.

AD ID autem quod in contrarium obiicitur, dicendum quod innouatio non attribuitur imagini, ut quæ sit sola subiectum ipsius, sed ut subiecto in quo præcipue apparet actus eius: quia efficitur actu imitans exemplar, cum prius tantum potentia imitaretur, & haberet actualem auersionem à ratione imitationis, quando fuit sub peccato.

AD ALIUD dicendum, quod iuuentus in corde duplex est, scilicet ex tempore, & effectum quem relinquit tempus circa subiectum: & secundum primum modum non est idem quod sanitas, nec fundatur supra sanitatem. Secundo autem modo, quia iuuentus est tempus augmenti in statu existentis in quo est vis corroborata, ratione illius fit translatio: & ideo significat corroboratam virtutem ad opera, & ideo fundatur supra spirituales sanitatem, secundum rationem aliquid addens ipsi, sed substantialiter est eadem.

## ARTICVLVS XX.

*An sanitas mentis fiat per gratiam præuenientem?*

Quarto quæritur, Vtrum fiat per gratiam præuenientem, vel subsequenter? Aug. enim dicit in quinto de Trinitate. 15. Quis sanat omnes infirmitates tuas, nisi qui propitiabitur omnibus iniquitatibus tuis? Quasi diceret, nullus: sed propitiatio iniquitatis est per gratiam præuenientem: ergo & sanatio infirmitatis.

2 Item, In corporalibus non per aliam medicinam fit depulsio infirmitatis & sanatio, sed per eandem: ergo similiter suo modo est in spiritualibus: sed infirmitas spiritualis depellitur per gratiam præuenientem: ergo & anima sanatur per eandem.

3 Item, Gratia præueniens non est impotentior, quam sit forma aliqua corporalis vel naturalis: sed forma naturalis dat esse materiæ & purgat priuationem quæ erat in ipsa: ergo multo fortius hoc faciet gratia in anima: sed priuatio est infirmitas peccati in anima: ergo gratia dat esse animæ, & etiam abstergit infirmitatem.

SED CONTRA: Vulneris obductio est sanitas, ut supra habitum est: vulnus autem non obducitur statim totum habita gratia: ergo non fit sanitas per gratiam præuenientem.

2 Item, Circuncisio significabat peccati ablationem per gratiam: constat autem, quod circuncisione facta, non statim erat sanus circuncisus: ergo videtur similiter, quod circuncisione spirituali facta per gratiam, non statim reuerfa est sanitas spiritualis.

RESPONSIO. Dicendum, quod duplex est sanitas, scilicet imperfecta quæ est in causa sanitatis: & perfecta quæ est perfecta habituabilitate consecuta ab bene operandum, purgatis reliquiis malæ consuetudinis. Et prima quidem fit per gratiam



tiam præuenientem : sequens autem per gratiam subsequenter : & hæ gratiæ eadem sunt substantia , licet differant ratione : & hoc notatum est in secundo libro distinct. 21. Et per hoc patere potest cuilibet solutio ad utranque partem obiectorum.

## ARTICVLVS XXI.

*An sanitas mentis fiat per gratiam sacramenti?*

**Q**Vinto quæritur , Vtrum fiat per gratiam sacramenti , vel virtutum , vel donorum ? Videtur autem , quod per sacramenta. Eccli. 38. Vnguentarius conficiet vñctiones sanitatis : sed vñctiones illæ , vt dicunt Sancti , significant sacramenta : ergo fiet per gratiam sacramenti sanitas.

2 Item , In principio huius quarti inducit Magister id quod habetur Lucæ 10. quod Samaritanus vulnerato appropinquans , & infundens oleum & vinum : & exponit de sacramentorum gratia , & infirmitate peccati : ergo videtur , quod gratia sacramentalis propriè faciat sanitatem.

3 Item , Si semper esset sanitas , nunquam quæreretur perfectiū sanitatis : ergo id quod quæritur tempore infirmitatis , & non nisi gratia sanitatis , videtur esse proprium perfectiū sanitatis : sed hoc est gratia sacramentalis , non virtutum , vel donorum : ergo gratia sacramentorum est propriè perfectiua sanitatis. Quod autem non quærat gratia sacramentalis , nisi infirmitatis tempore , probatur ex hoc , quod si peccatum non esset , essent tamen virtutes & dona secundum suam substantiam , sed sacramenta non essent.

4 Adhuc , Supra in principio huius quarti probatum est , quod gratia sacramentalis differt à gratia quæ est in virtutibus & donis : quia gratia sacramentalis respicit peccatum , vel morbum peccati : sed gratia quæ est in virtutibus & donis non : ergo videtur , quod propriè loquendo sanitas & iustificatio & renouatio fiant per gratiam sacramentalem.

*Sed contra.* AD OPPOSITVM autem huius obiicitur per hoc quod dicit Glossa super illud , Qui sanat contritos corde , & alligat contritiones eorum , Sic pœnitendo & fide Deus alligat contritiones eorum : sed fides est virtus : ergo æqualiter fit sacramentis & virtute.

2 Item , Contraria contrariis curantur : sed virtutes sunt contrariæ vitiis : ergo morbus vitiis propriè sanatur per infusionem virtutum : ergo non gratia sacramentorum , quia sacramenta non contrariantur vitiis.

3 Item , Gregorius dicit , quod dona data sunt in adiutorium virum contra defectus in quos incidit homo ex peccato : ergo videtur , quod dona curent defectus illos : sed defectus illi sunt infirmitates : ergo curant infirmitates : non ergo fit curatio per solam gratiam sacramentalem.

*Solutio.* RESPONSIO. Dicendum videtur , quod per solam gratiam sacramentalem propriè loquendo sanatio mentis siue hominis interioris perficitur , & hoc ex disputatis in principio huius quarti patet.

AD ID ergo quod primo in contrarium obiicitur , dicendum quod fide sanat , secundum quod

D. Alb. Mag. in Lib. 4. Sentent.

ipsa habet sacramenti effectum , & non per se : unde per accidens conuenit fidei sanare : si enim nunquam fuisset infirmitas , adhuc esset fides , & melius quam modo sit.

AD ALIVD dicendum , quod virtutes vitiis contrariantur : sed non sanaretur homo virtutibus politicis solum , sed sanatiæ efficiuntur secundum quod eis coniungitur virtus passionis Christi per susceptionem sacramentorum , & tunc sanant vi gratiæ sacramentalis in qua infunduntur.

AD VLTIMVM dicendum , quod dona non sunt data in adiutorium virum contra peccatum , sed potius ad altiores actus , quæ perfici possint ex habitibus virtutum : & hoc adiutorio indiget homo , etiamsi non peccasset. Et hoc qualiter sit , inspiciendum est in tertio tractatu de donis , vbi hoc notatum inuenitur. Ad hoc tamen aliter solutum est per distinctionem , scilicet quod duplex est infirmitas , scilicet peccati in quantum peccatum est , & infirmitas virium ad agendum. Et primam quidem curat gratia sacramentalis , secundam gratia in virtutibus & donis. Et dicat legens quodcumque velit : tamen ego primam solutionem reputo continere veritatem.

## ARTICVLVS XXII.

*An prædicta sanitas fiat subito , vel successive?*

**S**exto quæritur , Vtrum fiat subito , vel successive ? Videtur autem , quod subito : quia super illud Act. 2. Subito factus est , &c. dicit Glossa , Nescit tarda rerum molimina Spiritus sancti gratia : ergo nihil operatur nisi subito : operatur autem sanationem & renouationem : ergo operatur eam subito.

2 Item , Operationes diuinæ procedunt à virtute infinita : sed infinita virtus agit subito : ergo omnes illæ operationes fiunt subito : sanatio autem & renouatio sunt operationes diuinæ : ergo fiunt subito.

3 Adhuc , In aliquo debet distingui opus diuinum à naturali quod significat potentiam : sed opus naturæ est successiuum : ergo opus Dei fit subito.

*Sed contra.* AMPLIUS renouamur de die in diem : sed de die in diem renouari , est successive renouari : ergo hæc renouatio fit successive.

2 Item , Ezechias Isa. 34. non statim sanatus fuit , quando accepit promissionem sanitatis : sed cataplasmatum est super vlcus : ergo videtur , quod sanatio mentis fiat successive.

*Solutio.* RESPONSIO. Dicendum , quod secundum duplicem sanitatem sanitas fit subito , & successive : infirmitas enim causalis præciditur subito : formalis autem quæ adhæret viribus animæ curatur successive , & paulatim per consuetudinem bonorum operum.

AD PRIMVM ergo dicimus , quod hoc dictum est de gratia puniente , non de effectu gratiæ subsequenter.

AD ALIVD dicendum , quod licet Deus operetur infinita virtute : tamen non omnia operatur per seipsum tantum , sed quædam nos operatur secum , scilicet sanitatem , quæ fit reliquiarum peccati purgatione : & ideo ex parte nostri



operis accedit temporis successio ad effectum,

Ad ALIUD dicendum, quod opus Dei quod ipse tantum operatur, est subito, sicut creatio, & iustificatio opus Dei secundum quod est nobiscum, & cum natura, non præuenit nostram facultatem & infirmitatem naturæ: quia aliter ipse destrueret nostram facultatem & naturæ: & ideo non oportet, quod illud opus diuinum in hoc ab opere naturæ distinguatur.

## ARTICVLVS XXIII.

*Sanatio & renouatio in quo differant?*

**S**EPTIMO queritur, In quo differant hæc duo, scilicet sanatio, & renouatio, à iustificatione? Et videtur, quod differant: quia quorum opposita sunt differentia, ipsa sunt differentia; sed opposita horum per se differentia sunt: ergo & ipsa sunt differentia. Probatio mediæ, quia prima constat. Opponitur sanctificationi impietas, & renouationi vetustas, & sanitati infirmitas: & ista sunt diuersa & nomine, & ratione: ergo constat propositum.

*Solutio.* **R**ESPONDEO, quod differunt ratione, vt prius dictum est: & vt hoc melius videatur, notandum quod in peccato duo duo considerantur, scilicet turpitudine absoluta, secundum quod est priuatio iustitiæ. Vbi iustitia debet esse, secundum quod etiam dicitur iniustitia vel iniquitas vel impietas: & secundum id quod relinquitur in subiecto per effectum, vel potius defectum, quia effectus suus est defectus. Primo autem modo opponitur ei iustificatio, quæ de impio facit pium, & de iniusto iustum. Secundo autem modo consideratur dupliciter, scilicet secundum simplicem relationem ad causam omnis peccati & effectum, vel secundum effectum tantum secundum quod est priuatio boni naturalis. Et primo quidem facit animam vetustatem primam sapere: & sic vetustas est, & opponitur ei renouatio. Secundo autem modo est infirmitas modi & commensurationis & harmoniæ in habitibus naturalibus animæ: & opposita est ei sanitas mentis siue sanatio. Et per hoc patet solutio ad totum.

## ARTICVLVS XXIV.

*An confessio liberet animam à morte?*

**D**EINDE queritur de hoc quod dicit ibi [Confessio animam à morte liberat, confessio aperit paradysum, confessio spem salutis tribuit, &c.] Tres enim videtur tangere effectus confessionis, quorum nullus videtur ei conuenire: liberans enim à morte peccati, est illud quod tollit peccatum, & primo viuificat: sed hoc est contritio cum gratia: ergo non est hic effectus confessionis.

**2** Item, Nunquid medici suscitabunt & confitebuntur tibi? ibi dicit Glossa, quod sacerdotes non resuscitant animam: sed potius resuscitata, eis præsentatur in confessione, iam à Domino resuscitata in contritione: sicut Lazarus intus in monumento suscitatus est, sed discipulis viuus absolendus præsentatur: ergo cum in confessione ho-

mo sacerdoti præsentatur, videtur quod non sit effectus confessionis, quod viuificet animam, sed potius contritionis.

**3** Item, Supra in litera habitum est illud Eccli. 17. quod à mortuo quasi nihil, perit confessio. Ergo ante viuificatur vt possit confiteri.

**4** Item, Isa. 38. Viuens viuens ipse confitebitur tibi, sicut & ego hodie. Ergo videtur, quod viuificare non sit effectus confessionis.

Similiter obiicitur de secundo effectui qui est, quod confessio aperit paradysum. Hoc enim falsum videtur: quia in genere sacramenti, vt supra habitum est, baptismus aperit paradysum: ergo hoc non est effectus confessionis: effectus enim sacramentorum distincti sunt, sicut & ipsa sacramenta.

**2** Item, Passioni Christi datur hic effectus, scilicet aperit paradysum, secundum quod Christus dixit latroni, Hodie mecum eris in paradiso: ergo videtur, quod non conueniat confessioni.

**3** Item quoad quid confessio aperit paradysum, si aperit? Aut enim aperit quantum ad solutionem culpæ claudens, aut quantum ad solutionem pænæ differentis. Si primo modo. Contra: Ante confessionem in contritione soluta est culpa: ergo aperire paradysum conuenit contritioni potius quam confessioni. Si secundo modo. Contra: Satisfactio totam pœnam differentem paradysum tollit: ergo satisfactioni potius attribuitur aperire paradysum, quam confessioni, vt videtur.

Similiter obiicitur de tertio effectui qui est, quod spem salutis tribuit: hoc enim non videtur proprium confessionis, sed omnium actuum meritoriorum, quia spes innititur omni merito: ergo hoc non debet specialiter attribui confessioni.

**2** Item, Gregorius dicit, quod tanto quis fortior in Deum spe confurgit, quanto fortiora pro nomine eius pertulit. Ergo videtur, quod spes salutis generetur à tolerantia passionum potius quam à confessione: quod accipitur Rom. 5. vbi dicitur, quod tribulatio patientiam operatur, patientia autem probationem, probatio vero spem. Non ergo hoc propterea confessioni conuenire videtur.

*Solutio.* **R**ESPONSIO. Dicendum, quod isti effectus quoad aliquid propriè conueniunt confessioni, & quoad aliquid magis propriè sunt aliorum. Et accipitur penes tria quæ sunt in confessione. Est enim confessio, vt dicit Gregorius, apertio vulneris: in prima autem vulneris apertione est prima inquisitio medici & medicinæ: secundum hoc autem confessio est recognitio peccati in se, & coram Deo, cum proposito confitendi coram medico sacerdote: & tunc incipit homo viuificari: & sic attribuitur ei primus effectus, qui est animæ iustificatio. Quia autem homo adhuc remanet debitor pænæ purgatoriae, à qua non absoluitur nisi per vim passionis Christi in clauibus constitutam, quæ passio soluit rumpentem, ideo per enarrationem peccati cum proposito ea cauendi, aperitur ei paradysus. Quia vero spes salutis non est homini, nisi dum coniunctus est capiti Christo & membris suis per reconciliationem Ecclesiæ, & in confessione homo primo Ecclesiæ reconciliatur & incorporatur, ideo tunc primo ostenditur ei dari spes salutis: quia non est salus, nisi in corpore mystico Saluatoris.

DICE



DICENDUM ergo ad primum, quod licet in contritione primo uiuificetur anima: non tamen hoc est secundum actum contritionis & nomen: quia contritio dicit actum conterentis causam mortis, postquam secundum votum est inquisitua uiuificantis & medicinæ: & hoc facit confessio in origine sua, quia confessio incipit in cognitione peccati in se coram Deo, cum proposito hoc enarrandi coram sacerdote. Vnde licet idem sit conterere peccatum & renouare vitam: non tamen ratio una est utriusque, & unum sit in contritione, aliud in voto confitendi.

AD ALIUD dicendum, quod medici non suscitant, nec confessio inchoatur coram medico sacerdote: quia confessio est diuinus actus: aliter non differret à confessione quæ est in iure, vel alia humana enarratione: sed potius confessio inchoatur coram Deo, & ibi incipit primo confitens accipere vitam.

AD ALIUD dicendum, quod ibi loquitur de actu confessionis, qui est enarratio peccatorum: quia ante illum præcessit uiuificatio. Per idem patet solutio ad sequens.

AD ID quod queritur de alio effectu, dicendum quod aliter conuenit baptismo, & aliter confessioni, & aliter passioni Christi apertio paradisi. Baptismo quidem conuenit quantum ad solutionem peccati originalis, quod à vitio originis est contractum: & si soluat actuale, hoc est per accidens, quia inuenit illud, sicut supra in questione de baptismo notatum est. Sed confessioni conuenit quantum ad remotionem pœnæ purgatoriae: licet enim aliquis, ut dicit infra Magister, in contritione quæ est cum voto confitendi, à peccato mortali & pœna æterna solutus sit ante confessionem: tamen adhuc pœna temporaliter debita, esset improporcionabilis & importabilis, si non diminueret pœna Christi qui satisfecit pro nobis: & hæc pœna coniungitur nobis per fidem clauium in confessione, & quoad illud importabile remouendum, quod remouet ab ingressu paradisi, quod nullus adhuc debitor pœnæ intret paradisum, dicitur quod confessio aperit paradisum. Et per hoc patet solutio ad duo prima.

AD ALIUD dicendum, quod aperit quoad absolutionem pœnæ cuiusdam, scilicet importabilis viribus pœnitentis, quam homo deberet, si se clauibus & passioni Christi non se subderet: hæc enim non potest deleri per satisfactionem: imo satisfactio non habet locum, nisi illa absolutione facta in confessione, si ipse habet opportunitatem confitendi: & si non habet, tunc necessitas & non contemptus excludit sacramenti actum, & descendit in talem hominem hæc vis clauium merito & vnitate corporis mystici, cui per gratiam vnitur.

AD ID quod obiicitur de tertio, dicendum quod spes salutis dicitur hic quoad primam exclusionem causæ desperationis: per confessionem enim recepta medicina ostenditur Christo & Ecclesiæ reconciliatus: & ideo diabolus potestatem non habet in ipsum, sicut in illos qui foris sunt: & hoc quoad hanc rationem non conuenit omni merito.

AD ALIUD dicendum, quod aliud est spes, & aliud firmitas & robur spei. Spes autem salutis est ex primo dante securitatem vitæ, sicut facit confessio vnicens confitentem Christo & sacra-

mentis & Ecclesiæ. Sed robur & firmitas spei est ex magnitudine meriti: & per hoc maxime est in magis difficilibus quæ sunt, scilicet sustententiæ passionum. Propter hoc dicit Gregorius, quod altior spes fortiores consequitur passionem. Per idem patet solutio ad verbum Apostoli.

## ARTICVLVS XXV.

*An modi purgationis à peccato secundum Magistrum sint bene distincti?*

DEinde queritur de hoc quod dicit ibi [Non potest quisquam gratiam Dei accipere, &c.] Hic enim videtur tangere tres modos purgationis à peccato, scilicet per pœnitentiam, per confessionem, & per baptismum. Et videtur, quod primi duo non differant: quia pœnitentia tres habet partes, ut supra in dist. 15. habitum est: pars autem cum toto non facit numerum: ergo non est diuersus modus purgationis per pœnitentiam & per confessionem.

2 Item videtur, quod tertius præexigat duos præcedentes: quia in præcedenti distinctione habitum est de modis pœnitentiæ, quod adultus accedens ad baptismum debet pœnitere & conterere de peccatis: ergo videtur, quod isti modi coniuncti sunt.

RESPONSIO. Dicendum, quod tres isti modi purgationis peccatorum sunt diuersi: aut enim indiget purgatione quæ est cum lamento exteriori, aut non. Si non: tunc est purgatio per baptismum: quia illa non querit lamentum peccati extra. Si autem indiget: tunc aut est ad solutionem culpæ, aut improporcionabilitatis pœnæ. Si primo modo, est pœnitentia purgans: si secundo modo, est confessio. Et hoc patet ex priori disputatione.

SI AUTEM queritur, Quare non ponitur satisfactio? Dicendum, quod non ponuntur hic purgantia, nisi illa quæ purgant sine nobis operantibus, licet non sine nobis consentientibus: satisfactio autem non purgat sine nobis operantibus, sed potius purgat nos per opus nostrum gratia informatum.

AD PRIMUM ergo dicendum, quod peccati purgatio dupliciter consideratur, scilicet diuisim quantum ad ea quæ sunt in peccato, & coniunctim: & si diuisim consideretur, scilicet culpa, & pœna improporcionata, & pœna expiatoria, tunc habebunt purgationes diuisas: quia culpa cum æterna pœna purgatur in pœnitentia, prout iam ante in litera diffinita est pœnitentia, ubi dixit, Pœnitentia vera est, &c. Et hanc diffinitionem supra dist. 14. habes disputatam. Et hoc maxime conuenit contritioni. Si quoad pœnam improporcionatam, purgatur in confessione, & pœna expiationis per opus nostrum in satisfactione. Si autem accipiantur omnia coniunctim: tunc per totam pœnitentiam in omnibus partibus suis acceptam coniunctim purgantur. Primo autem modo loquitur hic sanctus. De secundo autem multa habes notata in principio dist. 15.

AD ALIUD dicendum, quod loquitur hic de purgatione quæ est per lamentum exterius, quod sternit cinerem & cilicium. Et baptismus licet exigat in adultis pœnitentiam & confessionem:



nem: tamen hæc non exigit, nisi ut remoueat obicem Spiritui sancto: & ideo etiam nihil iniungitur nisi fides baptizantis: quia in illo omnia soluuntur, & nullum lamentum exterius assumitur.

## ARTICVLVS XXVI.

*An pœnitens teneatur aliis à sacerdote suam pœnitentiam manifestare?*

**D**Einde quæritur de hoc quod dicit *ibi* [Nemo dicat sibi, Occulte ago, &c.] Ex hoc manifeste concluditur, quod oportet confiteri. Quæritur autem, Si teneatur aliquis in pœnitentia innotescere, nisi soli sacerdoti? Videtur autem, quod debeat innotescere omnibus qui viderunt eum in peccato: quia quantum aliquis nocuit, tantum teneretur prodesse si potest. Iste autem peccando aperte nocuit multis per scandalum: ergo in pœnitentia debet innotescere eisdem ad minus ut profit per exemplum.

2 Item, Maius est damnum spirituale, quam corporale: sed in damno corporali teneretur aliquis ad restitutionem: & non dimittitur peccatum, nisi restituatur ablatum: ergo multo fortius in damno spirituali: iste autem multos damnificauit per malum exemplum: ergo omnibus illis debet restituere per bonum.

3 Item, Dicit Gregorius de malis prælatis, quod tot animarum rei sunt, quot exemplo perditionis ad inferos transmiserunt: ergo à simili qui perditionis exemplo deædificant proximum, tenentur ut reædificent per bonum: sed non possunt nisi innotescant: ergo illis debent fieri publici in pœnitentia. Si forte tu dicas, quod hoc ipso quod videmus eos cessare à peccato, & opera de genere bonorum facere, innotescit ipso in pœnitentia fore. Contra: Hæc opera multorum sunt, etiam non pœnitentium: ergo per hæc opera non necessario innotescunt pœnitentes: ergo videtur, quod hoc non sufficit.

*Sed contra.* SI HOC concedatur procedatur sic. Contra: Aliquæ pœnitentiæ taxatæ sunt criminibus: si ergo innotescat pœnitentia, crimen statim sciatur: sed nullus teneretur manifestare crimen: ergo nec teneretur innotescere per pœnitentiam, in quantum pœnitentia est.

*Solutio.* RESPONSIO. Dicendum, quod non teneretur aliquis propalare suam pœnitentiam alicui, nisi sacerdoti soli.

AD PRIMVM ergo dicendum, quod quilibet qui fecit scandalum in communi, non teneretur nisi ad ostensionem boni exempli in communi: quia per hoc ipsum quod vident bonum exemplum, cum de quolibet præsumendum sit bonum, debent præsumere de præteritis pœnitentiam & remissionem.

AD ALIVD dicendum, quod licet damnum spirituale maius sit, non tamen est ita iniuriosum proximo: & hoc ideo, quia damno spirituali non læditur nisi volens, damno autem corporali læditur etiam nolens: & ideo non teneretur ita directe ad restitutionem: quia damni spiritualis, quod fit per scandalum imitatum, potest esse occasio: sed ille per voluntatem propriam est causa: & ideo restituendo non teneretur nisi ostendere bo-

num exemplum, quod est occasio boni, licet non sit causa.

AD ALIVD dicendum, quod Gregorius extendit ibi nomen rei, scilicet qui reus est dando occasionem perditionis: sed non est adeo reus sicut qui fuit causa. Ad id autem quod obiicitur contra solutionem istam, dicendum quod opera de genere bonorum sufficienter sunt occasio boni, licet non sint causæ: & hoc sufficit ratione prius assignata: quia scilicet dando malum exemplum, etiam non fuit nisi occasio mali, & non causa.

## ARTICVLVS XXVII.

*An teneamur confiteri in conspectu populi?*

**D**Einde quæritur de hoc quod dicit *ibi* [Iob dicit, Si erubui in conspectu populi, &c.] Ex hoc enim videtur, quod in conspectu populi teneamur confiteri: est enim verbum Iob iuramentum execrationis: & subiungendum est, Si hoc feci, vix mihi, id est, mihi male accidat.

2 Item, Maria Magdalena quia grauiter intus erubescerebat, nihil quod foris verecundaretur esse credebat: igitur qui se bene erubescit intus, etiam coram populo debet confiteri.

*Sed contra* hoc est, quod id quod pro charitate institutum est, contra charitatem non debet militare: sed confessio pro charitate instituta est: ergo contra charitatem non debet militare: sed si publice confiteri teneremur, plurimi à confessione retraherentur: & hoc esset contra charitatem militare: ergo videtur, quod non sit publice confitendum.

SOLUTIO. Dicendum, quod non est publice confitendum: nec enim præceptum de hoc est, nec consilium, nisi forte esset crimen quod vniuersam commoueret urbem, vel etiam orbem, sicut hæresis Arrii vel alterius hæresiarchæ, quod propter maiorem confusionem aliorum diceretur publice. Sed tamen generalis confessio non consulitur publice fieri: quia esset ad nocumentum multorum, & nunquam consulenda est humiliatio vnius, ita ut alteri occasio nocumenti generetur. Litera autem quæ hic inducitur, est secundum translationem 70. quæ corrupta est, præcipue in Iob, ut dicit Hieronymus: & est sumpta de Iob 31. & litera nostra habet sic, Si abscondi tanquam homo peccatum, & celaui in sinu meo iniquitatem meam. Et hæc litera non dicit, quod coram populo sit confitendum. Siquis autem literam illam sustinere velit, dicendum quod confiteri coram populo dupliciter dicitur, scilicet confessionis enarratio: & hoc non oportet: vel pœnitentiæ in confessione iniunctæ per bonum exemplum manifestatio, & hoc est necessarium, ut prius dictum est: & sic Iob non erubuit coram populo peccata confiteri.

AD ALIVD dicendum, quod Maria non fuit confessa publice, sed se pœnitentem manifestauit publice: & ab hoc verecundia eam non retraxit: & hoc intendit dicere Gregorius.



ARTICVLVS XXVIII.

*Quare dicatur aliquod peccatum veniale?*

**D**Einde quæritur de hoc quod dicitur *ibi* [Venialis est culpa quam consequitur confessio delictorum, &c.] Videtur enim hoc esse falsum: quia dicitur *ibi* veniale ex genere, aut ex euentu. Si ex euentu: tunc non est veniale nisi quod pœnitentia sequens cum gratia facit veniale, id est, veniam habere: sed hoc primo facit contritio, antequam confessio adueniat: ergo non propter hoc est veniale, quod sequitur confessio: sed propter hoc primo, quod sequitur contritio. Si autem veniale ex genere. Contra: Hoc non tenetur aliquis in numero confiteri, nisi confessione generali, ut prius in præcedenti distin. habitum est: ergo videtur, quod hoc quod dicit in litera, sit falsum.

**R**ESPONSIO. Dicendum, quod dicitur hic veniale ex euentu sequentis gratiæ. Et quia licet debeat contritio culpam & æternam pœnam, non tamen tollit adhuc pœnæ intolerabilitatem, sed potius hoc facit vis clauium in confessione: post clauium autem effectum efficitur pœna arbitraria, quæ tolerabilis est & leuis pœnitenti ad expiationem delicti: & ideo non attribuit hoc contritioni sicut confessioni.

ARTICVLVS XXIX.

*An desperatio veniat ex contemptu, vel ex timore?*

**D**Einde quæritur de hoc quod dicitur *ibi* [Claudit super illum qui in profundo contemnit, &c.] Sumitur enim hoc de Prou. 18. ubi dicitur, Peccator cum in profundum vitiorum venerit, contemnit. Videtur autem hoc esse falsum: quia desperatio non prouenit ex contemptu, sed ex nimio timore: timor autem nimius humiliat, ut dicit Aug. Cum igitur contemptus procedat ex superbia, videtur incongruè ista coniungere, in profundum iniquitatis venire & contemnere.

2 Præterea, Si contemnit, quæritur quid contemnit? Si dicatur, quod Deum. Contra: Nemo contemnit eum quem nimis timet, hic autem nimis timet: ergo Deum non contemnit.

3 Si dicatur, quod contemnit pœnitere & confiteri. Contra: Siquis se non subiiciat ei quod sibi nihil valere credit, non est contemptus, sed sapientia, aut apparens tantum, aut existens & non apparens: sed desperans non credit sibi valere pœnitentiam & sacramenta: ergo si non subiicit se illis, non est contemptus, sed sapientia apparens. Et videtur non esse ad propositum quod hic inducit. Dicit enim parum ante, Confitere ergo, & dic, De profundis clamaui ad te Domine.

Ex hoc videtur velle, quod non intendit Aug. nisi de confessione laudis coram Domino: & sic auctoritas illa nihil probabit de proposito.

**R**ESPONSIO. Dicendum, quod omnis impius in consideratione profundissimæ iniquitatis desperans, contemnit in proprio sensu ad minus: quia plus innititur sensui suo, quam verbis Dei & Ecclesiæ consolantis & reuocantis ipsum: & hoc est superbia maxima. Vnde Gregorius dicit, Cum iudex sic timetur, quod facies iudicis non amatur, timor ex timore est, non ex humilitate.

**A**D PRIMVM ergo dicendum, quod licet non contemnat Deum in se, tamen contemnit Deum reuocantem à peccatis in verbis suis.

**A**D ALIVD dicendum, quod contemnit Deum in verbis suis & sacramentis, eo modo quo dictum est: quia nisi erroneum suum sensum verbis Dei & Ecclesiæ præferret, ipse rediret ad pœnitentiam.

**A**D ID quod vltius quæritur, dicendum quod ad propositum est multum ista auctoritas. Et quod dicit Augustinus, De profundis clamaui, non intendit, quod coram Domino clamet tantum, sed coram vicario Domini non tantum peccatum, sed profundum ipsius confiteatur: & hoc vocatur clamare.

ARTICVLVS XXX.

*An verum sit quod dicit Magister, Nullus debite grauioris pœna accipit veniam?*

**D**Einde quæritur de hoc quod dicitur *ibi* [Nullus debite grauioris, &c.] Ibi enim nulla fit mentio de confessione: ergo nihil valet ad propositum. Eadem autem obiectio est de auctoritate Hieron. sequenti.

2 Præterea quæritur de hoc quod dicit *ibi* Hieron. Dormiat in sacco. Videtur enim multos vere pœnitentes esse, & tamen linteis & non facis indutos.

**R**ESPONSIO. Dicendum, quod vis est in prima auctoritate in hoc, quod dicit, Minorem longe, quam debeat, soluerit pœnam: pœna enim minorata est per effectum clauium in confessione. Item in hoc est vis quod dicit, Soluerit: quia non potest pœnam soluere, nisi ad arbitrium Ecclesiæ per vicarium Christi fuerit taxata: aliter enim non soluit, sed sustinet tantum pœnas.

**A**D ALIVD dicendum, quod Hieronymus facit vim in hoc quod dicit, Ingrediat. Ecclesiam: quia non potest ingredi, nisi per pœnitentiam corpori mystico quod est Ecclesia, ostendatur reunitus: aliter enim ingreditur numero tantum, & non merito & veritate.

**A**D ALIVD dicendum, quod saccus ponitur hic pro humilitate & asperitate pœnitentiæ, per illum tropum loquendi quo species pro genere sæpe solet poni.



*Cui sententia potius consentiendum sit?*

**Q**UOD ergo super his sentiendum sit, & quid tenendum. Sanè dici potest, quòd sine confessione oris, & solutione pœnæ exterioris peccata delentur per contritionem, & humilitatem cordis. Ex quo enim proponit mente compuncta se confessurum, Deus dimittit: quia ibi est confessio cordis, etsi non oris, per quam anima interius mundatur à macula & contagio peccati commissi, & debitum æternæ mortis relaxatur. Illa ergo quæ superius dicta sunt de confessione & pœnitentia, vel ad confessionem cordis, vel ad interiorem pœnam referenda sunt. Sicut illud Aug. Quod nullus dicitur veniam consequi, nisi prius quantulancunque peccati soluerit pœnam: vel de exteriori pœna accipienda sunt, & ad contemnentes vel negligentes referenda, sicut illud: Nemo dicat sibi, Occulte ago, &c. Nonnulli enim in vita peccata confiteri negligunt vel erubescunt, & ideo non merentur iustificari. Sicut enim præcepta est nobis interior pœnitentia, ita & oris confessio, & exterior satisfactio si adsit facultas. Vnde nec verè pœnitens est, qui confessionis votum non habet. Et sicut peccati remissio munus Dei est, ita pœnitentia & confessio per quam peccatum deletur, non potest esse nisi à Deo, ut Aug. ait: Iam, inquit, donum Spiritus sancti habet qui confitetur & pœnitet: quia non potest esse confessio peccati & compunctio in homine ex seipso. Cum enim irascatur sibi quisque & displicet, sine dono Spiritus sancti non est. Oportet ergo pœnitentem confiteri, si tempus habeat: & tamen antequam sit confessio in ore, si votum sit in corde, præstatur ei remissio.

De pœ.  
dist. 1. c.  
Nullus.  
Ibidem  
cap. Agi-  
te.

Super  
Psalm. 50.

#### ARTICVLVS XXXI.

*An confessio est virtus?*

**D**Einde quæritur de hoc quod dicit *ibi* [Iam donum Spiritus sancti habet, &c.] Videtur enim secundum hoc quod confessio sit virtus, quod falsum est: cum sit actus quidam exterior, conueniens bonis & malis.

**R**ESPONSIO. Ad hoc est dicendum, quòd loquitur de confessione fructifera, quæ est actus meritorius, & dicitur donum Dei, eo quod non est à nobis ea parte qua meritorius est, licet liberum arbitrium det actum & substantiam. Et de hoc plura notata sunt super secundum distinct. 26. Per totum autem istud cap. solutio Magistri notabilis est & bona, & concordans hactenus disputatis.

*Si sufficit soli Deo confiteri?*

**N**AM secundum quæstionis articulum inspiciamus, scilicet utrum sufficiat peccata confiteri soli Deo, an oporteat confiteri sacerdoti? Quibusdam visum est sufficere, si soli Deo fiat confessio sine iudicio sacerdotali & confessione Ecclesiæ: quia David dixit, Dixi, Confitebor Domino, & tu remisisti, &c. non ait, sacerdoti: & tamen remissum sibi peccatum dicit. Item Ambrosius. Inde fleuit Petrus, quia culpa obrepserat ei: non inuenio quid dixerit, inuenio quod fleuerit. Lacrymas eius lego, satisfactionem non lego. Sed quod defendi non potest, abluere potest: Lauant lacrymæ delictum, quod voce pudor est confiteri: & veniæ fletus consulit & verecundiæ. Hoc idem etiam Maximus dicit Episcopus. Item Ioannes Chrysostomus. Non tibi dico ut te prodas in publicum, neque apud alios te accuses: sed obedire te volo Prophetæ dicenti, Reue-  
la Deo

Super  
Lu. lib.  
10. in fi-  
ne com-  
mentarij  
ad c. 22.

Super  
cap. 1. l.  
ad Heb.  
hom. 3. l.



la Deo viam tuam. Ante Deum ergo tua confitere peccata, apud verum iudicem cum oratione delicta tua pronuntia, non lingua, sed conscientiae tuae memoria: & tunc demum spera te misericordiam posse consequi. Si habueris peccata tua in mente continuè, nunquam malum aduersus proximum in corde tuo tenebis. Idem, Peccata tua quotidie dicito, vt deleas illa: sed si confunderis alicui dicere, dicito ea quotidie in animo tuo: non dico vt confitearis ea conferuo tuo, vt tibi exprobet: dicito Deo, qui curat ea. Nec enim si non dixeris, ignorat ea: cum faciebas ea, praesto erat: cum admitteres ea, cognouerat. Nunquid ea vult à te cognoscere? Peccare non erubuisti, & confiteri erubescis. Dicito in hac vita, vt in alia requiem habeas: dicito ingemiscens & lacrymans. In codice scripta sunt peccata tua. Spongia peccatorum tuorum lacrymae tuae sint. Item Prosper, Illi quorum peccata humanam notitiam latent, non ab ipsis confessa, nec ab aliis publicata, si ea confiteri vel emendare noluerint, Deum quem habent testem, ipsum & habituri sunt ultorem. Quod si ipsi sui iudices fiant, & veluti suae iniquitatis ultores, hic in se voluntariam poenam seuerissimae animaduersionis exerceant, temporalibus poenis mutabunt aeterna supplicia, & lacrymis ex vera cordis contritione fluentibus restringent aeterni ignis incendia. Et infra, Facilius sibi Deum placabunt illi, qui aut propriis confessionibus crimen produnt, aut nescientibus aliis ipsi in se voluntariae excommunicationis ferunt sententiam, & ab altari cui ministrabant, non animo, sed officio separati, vitam suam quasi mortuam plangunt: certi quòd reconciliati sibi efficacis poenitentiae fructibus, à Deo non solum amissa recipiant, sed etiam supernae ciuitatis gaudia recipiant. His auctoritatibus innituntur, qui sufficere contendunt Deo confiteri peccata sine sacerdote. Dicunt enim, quòd si quis timens detegit culpam suam apud homines, ne inde opprobrio habeatur, vel alij suo exemplo ad peccandum accingantur: & ideo tacet homini, & reuelat Deo, consequitur veniam.

Hom. 2.  
in Psal.  
50.

De poen.  
dist. 1.  
c. Porro  
illi. & in  
lib. de vi-  
ta con-  
templati-  
ua cap.  
7.

## ARTICVLVS XXXII.

*An oporteat confiteri homini?*

**D**Einde quaeritur de hoc quod dicit ibi [Iam secundum quaestiones articulum inspiciamus, &c.] Fiat disputatio primo de principali quaesito, Vtrum sufficiat soli Deo confiteri, vel oporteat confiteri homini? Videtur autem, quòd sufficiat Deo confiteri: ad peccati enim deletionem sufficiunt duo, scilicet Deus, & peccans: sed ex parte Dei non deest misericordia dans gratiam, ex parte autem confitentis coram Deo est recognitio peccati cum detestatione: ergo videtur, quòd haec duo sufficiunt ad peccati deletionem: ergo non oportet confiteri sacerdoti.

2. Adhuc, Peccatum quod per alterum traditum est, etiam sine consensu & opere nostrae voluntatis deletur, sicut patet de originali in paruulis: ergo peccato quod per nos factum est, sufficit si nos cooperamur Deo in delendo ipsum: sed hoc sufficienter fit, quando aliquis Deo confitetur recognoscendo peccatum suum coram Deo cum detestatione: ergo videtur, quòd non sit necessarium homini confiteri.

3. Adhuc, Non debet plus exigi in emenda quam commissum est in culpa: quia Dominus praecipit, quòd secundum mensuram delicti fiat etiam plagarum modus: sed in actu peccari in quantum peccatum est, non laeditur nisi Deus & peccans: ergo in deletionem ipsius non debet quaeri aliquis, nisi Deus, & ipse qui peccauit: ergo sufficit coram Deo solo confiteri. Quod autem non laedatur in peccato, nisi solus Deus & peccans, hoc patet ex hoc: quia si diuinum separaretur à peccato, non laeditur in peccato proximus: & sic constat propositum. Praeterea, Propter quid adhibetur homini confessio? Si dicatur, quòd propter consilium. Contra: Vnum est substantiale consilium in omni confessione, scilicet, Vade, & iam amplius noli peccare. Et si nihil adiungitur aliud, illud seruatum saluat hominem: ergo videtur, quòd aliud non sit nisi de bene esse. Cum igitur substantiale consilium sit vnum, hoc potest innotescere poenitenti omni per publicam praedicationem & doctrinam: ergo non est necessaria confessio quae fit homini.

Ioan. 5.  
& 8.

4. Item, Rex terrenus ideo habet vicarium, & indiget illo, quia personaliter non potest esse ubique in regno suo: igitur rex qui per seipsum ubique est in suo regno, non indiget vicario: sed Deus est huiusmodi rex, qui vicario non indiget: ergo



ergo non est necessarium, ut vicario Dei, loco Dei confiteatur aliquis.

5 Item, Quod aliquis artifex pluribus concurrentibus operetur, illud non potest esse nisi aut propter imperitiam artis, aut propter impotentiam artificis, quia non potest per vnum operari totum: dicit enim Philosophus, quod melius est operari vno multa si fieri potest, quam multis multa: sed Deus qui summus artifex est, scit & potest operari remissionem peccatorum per seipsum: ergo videtur, quod superflue adhibet sibi hominem vicarium: ergo sufficit coram Deo peccatum confiteri, & detestari: & non oportet ut quis confiteatur homini.

6 Adhuc, Iudicium confessionis, iudicium diuinum est, & ideo non eget testibus nisi conscientia sola: sed in omni iudicio sufficit, quod causa innotescat iudici soli: & non oportet, quod innotescat alij: ergo in confessione sufficit, quod peccatum innotescat soli Deo, nec oportet confiteri peccatum homini.

*Sed contra.*

SED CONTRA: Pœnitentia cum suis partibus sacramentum est, ut supra sæpe habitum est: esse autem sacramenti consistit in dispensatione ministrorum: ergo & illud: nihil autem dispensatur ab alio, nisi cognitum ab illo: ergo oportet, quod minister qualitatem pœnitentium agnoscat in eo quod pœnitentes sunt: non autem potest illa cognosci, nisi cognito peccato: ergo oportet ministrum agnoscere peccatum: & non potest nisi per confessionem: ergo oportet confessionem fieri homini.

2 Item, Satisfactio non est nisi post vim clauium, ut prius habitum est: clauis autem operantur in confessione facta homini: ergo necessarium est ut confessio fiat homini.

3 Item, Pœnitentiæ sunt arbitrariæ, ut dicunt Sancti & Doctores: sed nunquam potest pœnitentia arbitrari, nisi sciatur quantitas delicti per confessionem: ergo oportet pœnitentem qui vult pœnitentiam facere, confessionem facere homini.

4 Præterea, Si confessio non requireretur propter hominem, tunc non deberet fieri aliquam confessionem: ei enim qui omnia nouit, non est necessaria confessio: sed Deus omnia cognoscit: ergo non est ei confessio necessaria: si ergo queritur confessio à pœnitente, constat quod hoc fit propter hominem, & non propter Deum. Auctoritates autem ad vtranque partem istius disputationis multæ sunt in litera.

*Solutio.*

RESPONSIO. Dicendum, quod absque dubio confessio facienda est homini, & non soli Deo, sicut Magister determinat in litera.

AD ILLUD ergo quod primo obiicitur, dicendum quod licet in peccato non habeat culpam nisi peccans, non tamen sufficit solus ad deletionem: plura enim exiguntur ad reconciliationem, quam ad recessum per peccatum: oportet enim adesse meritum Christi in clauibus, & etiam intercessionem Ecclesiæ per suum ministrum: sicut enim in primo peccato vnus homo solus peccauit, & tamen solus pro omnibus nec etiam pro se pœnitere potuit, nisi meritum Christi suffragaretur: ita etiam est in peccatis aliorum quoad hoc quod plura oportet concurrere ad reconciliationem.

AD ALIUD dicendum, quod illud peccatum non omnino deletur per alterum: quia ad minus oportet suscipere sacramentum Ecclesiæ: & ita fit

ibi aliquid per Ecclesiam. Et similiter necesse est in peccato actuali, quod per Ecclesiam in suo ministro coniungatur illi meritum Christi, quod est in potestate Ecclesiastica in clauibus.

AD ALIUD dicendum, quod iam patet per prædicta: quia non sequitur, quod plura multa exiguntur in emenda, quam commissa sunt in culpa. Ne tamen credamur fugere argumentum, dici potest, quod in peccato est quoddam nocumentum peccatoris, scilicet quod diuiditur à corpore Christi mystico per peccatum, & à capite Christo: & sic ordinauit Deus, ut non reuertatur, nisi per ministrum in voto & opere, si habet facultatem: & sic ei quod est in emenda, respondet aliquid in culpa.

AD ALIUD dicendum, quod rex terrenus benignus triplici ex causa vtitur ministro, scilicet propter imperfectionem sui, & propter utilitatem subditorum, & propter ordinis pulchritudinem. Propter sui indigentiam, quia vbique esse non potest, nec per seipsum omnia diiudicare. Propter utilitatem autem subditorum dupliciter, scilicet inferiorum, & superiorum. Superiorum: quia vult, quod superior hac honoretur dignitate, & sibi in hoc deferuiat ut inferiorem perficiat. Inferiorum autem: quia forte inferior magis audacter habet accessum ad inferiorem aliquem, quam ad ipsum regem. Et his duabus ultimis de causis Deus vicarium habet. Et prima causa est August. & Gregorij per simile loquentium de Angelis, quibus Deus vtitur in perficiendis hominibus. Secunda autem est Magistri Hugonis. Propter seipsum autem non vtitur vicario: quia & vbique est, & omnia per seipsum potens diiudicare. Tertia causa est ordo: & ista est beati Dionysij: quia etsi Deus omnia per seipsum possit perficere, & illuminare, & consummare: tamen propter pulchritudinem ordinis lex diuinitatis est per prima media, & per media vltima deducere ad purificationem, illuminationem, & perfectionem: & ideo in Ecclesiastica hierar. constituuntur gradus sicut in cælesti.

AD ALIUD dicendum, quod Philosophus intelligit de eo quod est omni modo melius, tam ex parte facientis, quam ex parte eius circa quem operatur: & si ita Deus esset, tunc Deus per seipsum operaretur: sed in præcedenti argumenti solutione ostensum est sic non esse.

AD ALIUD dicendum, quod aliud est de iudicio conuictionis ad condemnationem, & aliud de iudicio reconciliationis rei ad perfectionem, per purificationem & illuminationem: in primo enim non exigitur nisi quod iudex causam cognoscat quantum ad substantiam iudicij: & si aliis innotescat, hoc fit ut iustior esse videatur condemnatio: & tale erit iudicium in futuro, quod Deus faciet per seipsum. Sed iudicium confessionis est iudicium reconciliationis & reductionis: & ideo illa exiguntur, quæ supra dicta sunt.

### ARTICVLVS XXXIII.

*An verum sit hoc dictum Magistri dicentis,  
Lauant lacryma debitum, quod voce  
pudor est confiteri?*

**D**Einde queritur de hoc quod dicit ibi. Lauant lacrymæ debitum, quod voce pudor est confiteri,



confiteri, &c.] Aut enim hoc intelligitur, quod cum pudore confiteretur aliquis: aut sic, quod pudor esset si confiteretur. Si primo modo: tunc nihil esset, quod sequitur, Fletus veniæ consulit & verecundiæ: non enim consulit verecundiæ, si verecundiam confitendo subire oportet. Si autem secundo modo: tunc erit contra quod dixit, Lachrymas Petri lego, satisfactionem non lego.

2 Præterea, Quid est quod dicit, Quod defendi non potest, absolui potest: si enim absoluitur, tunc videtur quod ad notitiam veniat absolventis: & ideo non valet ad propositum.

3 Præterea, Videtur nihil esse quod dicit: quia si peccatum non potest defendi, in nullo iudicio debet absolui reus: ergo si absoluitur peccator, potest defendi: & ita nihil dicit, Quod defendi non potest, absolui potest.

*Quæstio-  
nula.* PRÆTEREA quæritur ulterius hic, Vtrum hæc opinio sit hæretica vel possit sustineri? Videtur autem, quod possit sustineri: quia tam hic quam etiam in decreto recitatur tantum pro opinione, & non pro errore: ergo videtur, quod Ecclesia opinionem & non errorem iudicat illud.

2 Item, Non semper fuit hic usus, quod homo homini confiteretur: ergo videtur, quod non sit de moralibus quod homo homini confiteatur, quia moralia semper tenent: & constat etiam quod non est de credendis, cum etiam non sit articulus fidei, nec etiam reductum ad articulum aliquem: ergo nec de credendis est, nec de necessariis faciendis: in omnibus talibus autem dicunt Magistri, quod possumus opinari pro utraque parte: ergo illud est de opinabilibus, & non est iudicandum hæreticum quod illi dicunt.

3 Item, August. & Bernard. distinguunt credenda & intelligenda & opinanda, dicentes, quia quod credimus, debemus auctoritati: quod intelligimus, rationi: quod opinamur, errori siue incertitudini dubitationis: sed in ista quæstione certam canonis Bibliæ non habemus auctoritatem, ergo non est de credendis: nec habemus firmam ac stabilem rationem, ergo non est de intelligendis: ergo relinquitur, quod sit de opinandis: sed in talibus non culpatur oppositum dicens: ergo ista opinio non est condemnanda, ut videtur.

*Sed con-  
tra.* SED CONTRA: Quicquid dissolvit ordinem Ecclesiasticum & potestatem Ecclesiasticam, illud est hæreticum: hæc assertio dissolvit: ergo est hæretica. Probatio primæ est: quia hæc est contra articulum, In sanctam Ecclesiam & Sanctorum communionem. Secunda probatur ex hoc, quod qui negat actum, negat per consequens potestatem: sed actus purgationis illuminationis, & perfectionis, negatur procedere secundum ordinem potestatis Ecclesiasticæ in reducendis inferioribus: ergo constat propositum.

2 Adhuc, Quod sacræ scripturæ contradicit, est hæreticum: sed illud sacræ Scripturæ contradicit: ergo est hæresis pura. Prima patet per se: quia non habemus regulam credendi aliquam, nisi Scripturam. Secunda constat: quia cum mysterio sacræ Scripturæ, quæ in Veteri Testamento dicit, quod leprosus non redit ad castra, nisi per iudicium sacerdotis, contradicat ista assertio: constat, quod sacræ Scripturæ contradicit: & ita constat propositum probatum.

D. Alb. Mag. in Lib. 4. Sentent.

RESPONSIO. Dicendum, quod intelligitur *Solutio.* litera sic: Quod voce pudor est confiteri, hoc est, quod cum pudore aliquis confiteretur.

AD ODIETVM autem contra, dicendum quod litera non tantum innuit, quod non legit confessionem: sed etiam expresse dicit, quod non legit satisfactionem: & tamen naturale ius non permittit quin satisfecerit, si peccavit: & ita etiam intelligendum est de confessione: licet alibi duas solutiones alias super hoc notauerimus in præcedentibus, quas hic non repetimus, ne fiat prolixitas.

AD ALIVD dicendum, quod peccatum quod defendi non potest, est peccatum in iudicio confessionis manifestatum sacerdoti: quia tale est iudicium illud, quod accusantem absoluit, & defendentem peccatum suum condemnat.

Ad obiectum autem dicendum, quod verum est de iudicio convictionis, & de iudicio condemnationis, & non de iudicio reconciliante reum: & bene concedo, quod non valet ad propositum pro ista assertione: quia falsitas bonum auctoritatis testimonium habere non potest.

AD ID quod ulterius quæritur, dicendum *Ad qua-  
stioncu-  
lam.* videtur, quod duplex est hæresis, scilicet aperta, & implicita. Aperta hæresis, quæ expresse contrarium prædicat, vel quod antecedit articulum, vel sequitur illum: ut quod Deus sit non trinus & vnus, est hæresis contra articulum: quod fornicatio non sit mortale peccatum, est hæresis contra consequens articulum: quod sacra Scriptura falsum dicat, est hæresis contra antecedens articulum. Implicita autem hæresis, est assertio ex qua sequitur hæresis, sicut est ista: quia licet modo non teneamur confiteri Episcopis tribus vel duobus: si tamen præcipiatur ab Ecclesia, tunc tenemur. Vnde si ego dico non esse confitendum Episcopis illis, ex hoc sequitur, quod non sit obediendum potestati & ordinationi clauium: & ideo hæresis est. Et talem iudico assertionem istam: quia licet quandoque homo non confiteretur homini enarrando peccatum ore, sicut modo: tamen ex præcepto Ecclesiæ tenetur ad illud.

AD PRIMVM ergo dicendum, quod nec Magister hic, nec Gratianus in decreto recitat hoc approbando, sed potius condemnando, & errorem in oppositum disputando manifestando.

AD ALIVD dicendum, quod ex illa ratione non potest haberi, quod sit de opinabilibus, sed potius quod non omnino sit morale, sed disciplinale secundum aliquid: sicut supra distinct. 15. per disputationem habetur, quod substantialiter quidem morale est, sed determinatio ipsius est disciplinalis, & per Ecclesiam facta: & hoc ad utilitatem hominum, & Ecclesiasticæ unitatis tota die fieri potest.

AD ALIVD dicendum, quod licet auctoritas canonis non sit de tota determinatione, tamen innuit canon hoc fieri posse, & esse utile tam in Veteri quam in Nouo Testamento: in Veteri enim præcipit diligenter agnosci vultum pecoris: in Nouo autem in canonica Iacobi expresse dicens, Confitemini alterutrum peccata vestra. Multa autem de modo illius præcepti notata sunt supra: & ideo hic transeundum.

Deinde quæritur de hoc quod dicit *ibi* [Reuela viam tuam ante Deum, &c.] Ex ista enim



auſtoritate Chryſoſt. habetur, quòd non tenemur confiteri niſi ante Deum.

*Solutio.* RESPONSIO. Dicendum, quòd alia eſt confeſſio ſacramentalis, & alia ſupplicationis: ſacramentalem necèſſe eſt fieri homini, & de hac non loquitur Chryſoſtom. Confeſſio autem ſupplicationis eſt, quando aliquis in oratione ſe humilians accuſat, vt ſic facilius exaudiat: & hoc fit coram Deo ſolo: & de hac loquitur ſanctus: ſicut & Daniel. i. i. vbi dicitur, quòd confitebatur in oratione peccata ſua, & peccata parentum ſuorum, vt humiliatus facilius exaudiretur.

## ARTICVLVS XXXIV.

*An recognoſcens peccata ſua poteſt aduerſus proximum in corde ſuo tenere?*

Deinde quæritur de hoc quod dicit ibi [ Si habueris peccata tua in mente, &c. ] Videtur enim hoc non eſſe neceſſarium: multos enim videmus ſua mala recognoſcere, qui tamen proximo non indulgent, & multa mala recogitant.

*Solutio.* RESPONSIO. Dicendum, quòd intelligitur de tentatione in memoria cum deteſtatione perfecta: qui enim peccatum memoratum perfecte deteſtatur, ſicut facit vere pœnitens, non multiplicat ſuum peccatum, malum proximo cogitando.

## ARTICVLVS XXXV.

*An aliquis poteſt confiteri ſuo conſeruo?*

Deinde quæritur de hoc quod dicit ibi [ Non dico vt confitearis ea, &c. ] Conſeruus enim hominis eſt quilibet homo: ergo nulli homini debet confiteri: & ſic totum falſum eſt, quod ſupra diſputatum eſt.

*Solutio.* RESPONSIO. Dicendum, quòd poteſt fieri vis in conſeruo: quia conſeruus poteſt dici æqualis conditione & gradu, & ſic ſacerdos non eſt conſeruus: & tunc non intelligitur hic niſi cōfeſſio laici & popularis, quæ ſæpe fit ad exprobrationem: quia laici non habentes diſcretionem ſigilli confeſſionis, exprobrant audita confitenti. Vel aliter poteſt dici, quia vis eſt in hoc quod dicit, Vt tibi exprobrat: quod licet ſacerdos conſeruus ſit, non tamen debet confiteri vt homini, quia ſic poſſet exprobrare confitenti, ſed debet confiteri vt Deo: quia ſic prohibetur ab exprobratione ſacerdos ſigillo confeſſionis: quia nouit hoc vt ſecretum Dei, & non vt narrationem humanam.

## ARTICVLVS XXXVI.

*Qualis debet eſſe confeſſio?*

Deinde quæritur de hoc quod dicit ibi [ Dico ingemiscens & lacrymans, &c. ] Hic ponenda eſt quæſtio vtilis, Qualis debeat eſſe confeſſio: & dicunt Magiſtri, quòd decem & ſex

dant ei debitam qualitatem, quæ his verſibus notantur:

*Sit ſimplex, humilis, confeſſio pura, fidelis, Et frequens, nuda, diſcreta, libens veracunda,*

*Integra, ſecreta, lacrymabilis, accelerata, Fortis, & accuſans, & ſic parere parata.*

Iſtæ enim ſunt ſedecim qualitates, quæ assignantur confeſſioni à Magiſtris.

Quæritur autem, Qualiter dicatur ſimplex? Videtur enim, quòd multiplex eſſet melior: quia alia conditio ſua eſt, quòd ſit frequens. Si autem dicatur, quod dicitur ſimplex quantum ad peccati enarrationem. Contra: Non ſimpliciter debet enarrari peccatum, ſed potius peccatum cum circumſtantiis: ergo videtur, quòd non debet eſſe ſimplex. Si vero dicas, quòd intelligitur de ſimplicitate confitentis. Contra: Roman. 16. Volo vos eſſe ſapientes in bono, & ſimplices in malo: ſed vnum optimorum eſt confeſſio: ergo in ipſa non debet aliquis eſſe ſimplex.

2 Deinde quæritur, Qualiter ſit humilis confeſſio? Non enim videtur humilitas qualitas eſſe confeſſionis, ſed potius confitentis. Præterea videtur, quòd omnis confeſſio ſit humilis: omnis enim actus humilians agentem, humilis eſt: ſed nihil adeo vt confeſſio, humiliat agentem: ergo videtur, quòd omnis confeſſio ſit humilis.

3 Deinde quæritur de hoc quod dicit, Pura. Hoc enim non videtur diſferre à ſimplicitate. Purum enim eſt, quod nihil alieni habet permixtum, & ſimiliter idem eſt ſimplex: ergo videtur, quòd hæc duo in confeſſione ſint vnum. Si autem tu dicas, quòd puritas refertur ad confitentem. Contra: Quia ſecundum hoc nullus imputus confiteretur, id eſt, habens peccatum mortale: & hoc ſupra eſt improbatum: ergo videtur, quòd non debet poni, quòd ſit pura.

4 Deinde quæritur de hoc quod dicit, Fidelis. Aut enim intelligitur de fide confitentis, aut confeſſionis. Si primo modo: tunc non eſt proprium confeſſionis, quia nihil placet Deo ſine fide. Si autem de fide confeſſionis, vt communiter dicitur: tunc idem eſt confeſſionem eſſe fidelem, quod veram: & veritas iſta ſupponitur in ſimplicitate & puritate: & ideo illud membrum ſuperfluere videtur.

5 Vtcrius quæritur de hoc quod dicit, Frequens. Hoc enim non eſt neceſſarium: quia ſufficit ſemel bene facta confeſſio. Item, Omnis actus frequenter iteratus, efficitur levis, & ſit cum maiori negligentia agentis, quia non ponitur ſtudium niſi circa difficile: ergo frequens confeſſio negligentior efficitur: ſed hæc eſt qualitas mala: ergo frequentia non eſt bona qualitas confeſſionis.

6 Obiicitur etiam de hoc quod dicitur debere eſſe nudam. Quia hoc nihil diſferre videtur à ſimplicitate, quæ ſupra assignata eſt: ergo pro qualitate diuerſa poni non debet.

7 Obiicitur etiam de hoc quod dicitur, Diſcreta. Si enim intelligitur diſcretio quoad hoc quod omnia computet: tunc idem re, eſt non ratione, eſt eſſe diſcretam, quod eſſe integram: & ſic alterum illorum ſuperfluit. Si autem intelligitur diſcreta quoad confitentem, qui debet eſſe diſcretus. Contra: Confeſſio obligat & diſcretum & indiſcretum æqualiter: ergo eſt diſcreti & indiſcreti æqua



ti æqualiter : ergo non debet dici discretæ à discretionem confitentis.

8 Item de hoc quod dicit, Libens. Impossibile enim est, quod aliquid sit libens & amarum simul : sed confessio debet esse cum amaritudine, sicut dicitur Isa. 38. Recogitabo tibi omnes annos meos in amaritudine animæ meæ. Ergo non potest esse libens, ut videtur.

9 De hoc autem quod dicitur debere esse verecundam : videtur falsum : quia nihil retrahens à confessione est bona qualitas confitentis vel confessionis : verecundia autem est retrahens quantum ad se, nisi aliquis dominetur ei : ergo non est bona qualitas confessionis. Item, In naturis quicquid impedit de se actum aliquem, non est bona qualitas agentis, in quantum agens est : ergo & in sanctis moribus sic erit : sed verecundia de se retrahit à confessione, ut cuilibet patet : ergo, &c. Item, Beatus Gregor. laudat Mariam Magdalenam ex hoc quod ipsa inter conuiuantes non erubuit in confessione dicens, Quia semetipsam grauiter erubescere intus, nihil quod verecundaretur credebatur esse foris : ergo & aliis est laudabilis qualitas non erubescere. Item, Paulo ante habitum est in litera, Si erubui peccatum meum coram populo confiteri. Ergo si Iob dicit laudando se non erubuisse, erubescencia laudabilis qualitas confessionis esse non potest.

10 Deinde obiicitur de hoc quod dicit, Integra. Hoc enim videtur impossibile : quia dicit Psalm. 18. Delicta quis intelligit ? Ergo integre nullus confitetur. Si autem tu dicas, quod recordatum integre confitendum est cum suis circumstantiis. Contra : Supra habitum est dist. 13. quod circumstantias non oportet confiteri, nisi trahant ad aliud genus : ergo hæc non est essentialis qualitas confessionis. Si autem dicas, quod integra dicitur, quia totum vni confitendum est. Contra : Ponamus, quod duo iniungant duas medietates veræ pœnitentiæ : in qualibet autem re duæ medietates rei æquipollent integro : ergo illæ duæ medietates sufficiunt : ergo potest sic dimidiari confessio : & insuper melior videtur, quia maior est verecundia coram duobus, vel tribus, quam coram vno.

11 Secreta autem non videtur debere esse : quia iam ante in litera laudata est confessio quæ fit coram populo. Item, Magdalena est confessa opere ad minus, scilicet flendo, coram populo : & laudatur multum eius confessio : ergo videtur, quod non debeat esse secreta. Item, Iam diximus ante, quod debet esse verecunda : ergo melior est magis verecunda : sed magis verecunda est, quæ fit coram pluribus, quam secreta.

12 Lacrymabilis etiam esse non videtur : ex quadam enim disputatione supra habita 14. dist. habetur, quod quandoque minus dolens, plus lacrymatur : & magis dolens, minus vel nihil : cum igitur laudabilior sit confessio quæ fit cum maiori dolore, videtur quod laudabilior non lacrymabilis. Item, Supra dixit August. distinct. 13. quod pœnitens debet gaudere de dolore : sed impossibile videtur simul gaudere & lacrymari præ angustia : ergo videtur, quod confessio non debet esse cum lacrymis, sed potius cum gaudio.

13 Accelerata autem non videtur esse simul & discretæ : quia nihil quod in satisfactione requirit magnam discretionis deliberationem, potest

*D. Alb. Mag. in Lib. 4. Sentent.*

esse acceleratum : sed confessio sic requirit præcognitionem & deliberationem : ergo non potest esse accelerata. Si autem dicas, quod debet esse accelerata ratione temporis, quia non debet differri. Contra : Ecclesia non obligat, nisi quod semel in anno fiat : ergo ultra hoc tempus non oportet confiteri : ergo non oportet esse acceleratam hoc modo. Sed de hoc infra erit quæstio specialis.

14 Fortis autem non videtur aliquo modo esse confessio : quia nihil difficile est in enarratione peccatorum : fortitudo autem non requiritur nisi in difficili : ergo videtur, quod fortitudo non sit qualitas debita confessioni.

15 Accusans quidem confessio est : sed hoc videtur supponi in hoc quod dicitur verecunda : quia non est verecunda, nisi de accusatione diuina : ergo quando verecunda esse ponitur, illud videtur superfluum esse.

16 Videtur autem, quod non oporteat quod sit parere parata : quia etiam si non sit parata, adhuc confessio est, sicut supra probatum est. Item, Qui confitetur, & non emendat, nihilominus tamen implet mandatum Ecclesiæ : ergo non oportet, quod sit parata semper obedire. Item, Aliqui sacerdotes nituntur iniungere quod non oportet facere pœnitentem : ergo in tali casu non oportet, quod sit parata parere.

17 Adhuc videtur, quod iste numerus non competat dictis beati Bernard. super Cantic. ferm. 16. Nequaquam iudicetur de eo quod non sit vox, neque sensus : si tamen de corde humili fidelique processit confessio : omne ergo quod remordet conscientiam, confitere humiliter, pure, & fideliter, & has vices implesti. Ex hoc accipitur, quod non sunt nisi tres confessionis qualitates : & sic aliæ videntur superfluere.

RESPONSIO. Dicendum ad hoc, quod illæ *Solutio.* conditiones confessionis, sunt confessionis non cuiuslibet, sed perfectæ secundum statum meritorium : & ideo non omnibus confessionibus conueniunt. Accipiuntur autem conditiones istæ partim ex consideratione confitentis, partim autem ex consideratione confessionis. Ex parte quidem confitentis accipiuntur septem, scilicet quod sit humilis, libens, lacrymabilis, accelerata, fortis, discretæ, & parere parata : aliæ autem omnes circumstant actum confessionis : confessio enim in confitente consideratur quadrupliciter, scilicet in quantum est actus sacramenti, & in quantum est à virtute pœnitentiæ procedens, & in ordine ad sequentem satisfactionem, & in quantum est enarratio peccatorum : & hoc est considerare eam in specie propria. Et primo quidem modo est libens : quia sic voluntas pœnitentis assentit ei, eo quod sacramentum purgat peccatum, & ipse summè purgari desiderat. Si autem consideratur ut actus à virtute pœnitentiæ elicited, sic est cum difficultate : & quoad hoc exigitur, quod pœnitens sit fortis. Si autem consideratur in ordine ad satisfactionem sequentem, sic conuenit ei quod sit parere parata. Si autem consideratur prout est peccatorum enarratio, dupliciter consideratur, scilicet in genere mali, & in specie : & in genere dupliciter, scilicet secundum quod peccatum est turpe perpetratum, & sic est verecunda : & secundum quod est malum, & sic est lacrymabilis. In specie similiter dupliciter, scilicet secundum ea de quibus est secundum speciem & numerum, quæ



multa sunt, & sic exigit, quod sit discreta: & secundum quod præceptum est de ipsa, & sic debet esse accelerata, quia celeritas implendi est præceptum ne occupet transgressio.

In ipsa autem confessione sunt omnia alia hoc modo. Confessionis actus habet in se tria, scilicet obiectum, modum, & actum. Obiectum autem est peccatum ipsum, quod est in multitudine turpi, vestitum circumstantiis malis, habens adiunctum delectabile trahens. Si autem consideratur obiectum ut in multitudine, sic querit integritatem ne diuidatur: si autem ut circumstantiis vestitum aggrauantibus, sic querit accusationem sui: si autem consideretur ratione delectabilis adiuncti, sic debet esse secreta, ne aliquis inficiatur auditu, & pertrahatur vi delectationis ad similia. Si autem accipitur actus qui est declaratiuus peccati, aut comparatur ad dicentem, aut audientem: & ad dicentem dupliciter, scilicet prout est meritorius, vel prout est impletivus præcepti tantum. Si primo modo: tunc debet esse frequens. Si secundo modo: tunc debet esse simplex, id est, simpliciter sine excusatione aliqua factum enarrans, qua intendit obligare Ecclesia confitentes. Si autem comparatur ad audientem, debet confessio esse nuda, ut aperte sacerdos totum intelligere possit cor penitentis & confitentis. Modus proprius confessionis est duplex, scilicet quod sit impermixta actui contrario, qui est peccatum, & sic dicitur pura: & quod sit vera sicut dicitur, & sic dicitur fidelis, id est, verax.

AD PRIMUM ergo dicendum, quod simplicitas quæ opponitur additioni, non opponitur frequentia actus eiusdem, sed potius interpositioni fabularum & factorum quæ non sunt peccata: sicut multi confitentur totam historiam suæ vitæ recitantes, contra quos dicitur Isa. 43. Dic tu iniquitates tuas, ut iustificeris: non dic fabulas vitæ tuæ omnes. Ad aliud dicendum, quod non opponitur enarrationi peccatorum & circumstantiarum, sed tantum illi quod iam dictum est. Ad aliud patet solutio per idem: quia non negatur per hoc quin debeat esse valde sapiens ipse confitens: quia quanto est sapientior, tanto simplicius sine interruptione aliorum actuum confitetur.

AD HOC quod obiicitur de humilitate, dicendum quod humilis debet esse: & bene concedimus, quod hoc confitenti conuenit, sed tamen quia conuenit ei secundum quod est in actu confessionis, ideo assignatur confessioni pro qualitate. Ad aliud dicendum, quod omnis confessio bona, est humilis: sed tamen non omnis confessio humilis est: quidam enim iactando peccata sua confitentur, de quibus Isa. 3. Peccatum suum sicut Sodoma prædicauerunt, nec absconderunt. Et contra istam conditionem præcipue peccant quidam, qui peccatum ignominiosum, sicut furtum, vel aliquid tale, demisso capite confitentur: aliud autem quod sonat seculi vanitatem, sicut torneamentum, vel in disputando victoriam, vel audaciam pugnandi, confitentur erecto capite & ore ridente.

AD ID quod obiicitur de hoc quod debet esse pura, dicendum quod pura dicitur, quia confitendo non multiplicat impurum: sicut quidam qui ipso actu confessionis multiplicant peccatum, iactando, vel mentiendo, vel desperando, vel præ-

sumendo, vel ab aliquo huiusmodi actu. Ad obiectum autem contra, dicendum quod ex prædictis patet, in quo differt puritas à simplicitate: quia puritas dicit immixtionem peccati, & simplicitas excludit admixtionem historiarum, non peccati existentis. Ad aliud dicendum, quod bene conceditur, quod puritas non dicit ibi immunitatem à peccato ex parte confitentis.

Ad hoc autem quod obiicitur de quarto, scilicet qualiter sit fidelis, patet responsio per antedicta: quia fidelis est per veritatem dicti, secundum quod conscientia dicto attestatur: & per hoc patet solutio ad primam partem obiectionis, quia non intelligitur de fide confitentis. Ad aliud dicendum, quod vera confessio, non semper est simplex: quia dicitur vera, eo quod rex se ita habeat ut dicitur: & quandoque multa vera de historia vitæ interponuntur, quæ tollunt eius simplicitatem.

Ad aliud dicendum, quod frequens confessio non est necessaria: nec hic assignantur tantum conditiones essentielles confessionis, sed etiam conditiones confessionis secundum optimum sui statum: & hæc est una illarum: quanto enim frequentius confitetur, tanto melius, licet non sit necessarium: quia verecundia semper tollit aliquid de poena, & etiam vis clauium, & oratio confessoris. Ad id quod contra obiicitur, dicendum quod quidam actus sunt, qui tantam habent gravitatem adiunctam, quod frequentia nunquam inducit delectationem, licet aliquo modo gravitatem diminuat: sicut patet in actibus fortitudinis: & quod fortitudo habet ratione gravitatis in sustinendo, hoc habet confessio ratione verecundie in se manifestando diuersis: & tunc sicut manet semper actus gravis, ita nunquam surrepit negligentia, sed semper fit cum attentione & dolore: bene tamen concedo, quod verecundia diminuitur: & hoc supplet deuotio frequenter se coram diuersis confudentis.

AD ID quod sexto queritur de hoc quod dicit eam esse nudam: dicendum, quod ex diffinitione patet, in quo differt à simplicitate: quia nudum sonat apertum, non inuolutum circumlocutionibus, ut aperte intelligatur ab audiente: sed simpliciter dicit priuationem historiarum ad peccatum non pertinentis.

AD HOC quod obiicitur de discretione, dicendum quod dicit modum confitentis in actu confessionis, secundum quod est de multis confessionibus: quia peccata diuersa sunt: debet enim discretus confitens maius peccatum dicere cum maiori detestatione, & minus cum minori: & sic patet, quod differt ab integritate: quia integritas dicit ne diuidatur in duos audientes, sed discretio dicit ut quodlibet per se debito pondere ponderetur: unde integra confessio potest esse indiscreta, & discreta potest esse non integra. Unde patet, quod ista sunt separata à se inuicem.

AD ALIUD dicendum, quod libens potest esse confessio & amara, sed non secundum idem: consideratur enim ut actus sacramentalis purgans, & sic est libens & voluta cum magna deuotione facta: consideratur etiam secundum quod est rememoratiua peccatorum perpetratorum, & sic est facta cum amaritudine, tamen facta per voluntatem, sicut supra in præcedentibus de dolore voluntario notauimus.



Ser. 16.  
super  
Cantica.

Ad id quod obiicitur contra nonum, scilicet quod debet esse verecunda, dicendum quod laudabilissimarum conditionum confessionis illa est una, si sit moderata. Ad id autem quod contra obiicitur, dicendum quod duplex est verecundia: una scilicet coram Deo de turpitudine actus, & altera coram hominibus. Et prima est bona & incitans ad confessionem ut purgetur turpe verecundum. Secunda est mala & retrahens: & de illa procedunt tres primæ obiectiones: & de illa quæ est coram Deo, dicit Bern. Quam fronte attollo iam oculos ad vultum tam boni patris tam malus filius? Pudet indigna gessisse genere meo, pudet tanto patri vixisse degenerem. Item dicit, Quid caduca, vana, & prope nulla, & quorum finis mors est, infelix & insanus præferre non erubui æterni patris amoris & honoris. Confundor, confundor audire, Si ergo pater, ubi honor meus? Sed etsi pater non esset, obrueret me beneficiis. Instaurat contra me testes (ut alia innumera taceam) huius corporis victum, & usum temporis huius, & super omnia sanguinem dilecti filij clamantem de terra. Pudet ingratitude, quamquam ad confusionis cumulum arguar etiam reddidisse mala pro bonis, & odium pro dilectione. Et parum infra, Erubescere & doce nihilominus anima mea quoniam etsi illum non repetere & non impropere decet: nos tamen omnino dedecet ingratos immemoresque extitisse. Ad ultimum autem dicendum, quod sicut patuit superius, ubi distinctum fuit de verbo illo, quod coram populo non debeat confiteri gratia proprii actus confessionis, sed gratia sequentis, quod est exemplum ex iniuncta satisfactione: ut sicut coram populo peccauit, ita bonum exemplum ostendat, & verecundia ab his non retrahat, sed potius incitet verecundia quæ est coram Deo.

Ad decimum quod obiicitur de integritate, dicendum quod integritas opponitur diuisioni quantum ad audientem: & ideo primæ argumentationes non faciunt aliquid contra. Sed ad ultimam dicendum, quod quantitas peccati, scilicet est in actu, & in radice actus: & licet in diuisa confessione innotescat quantitas actus, tamen non innotescit quantitas radice, quia vices illæ multæ indicant magnum habitum, & magnam radicem, & difficulter solubilem: & hanc quantitatem intendit principaliter excidere sacerdos per iniunctam satisfactionem: & ideo est, quod dimidiata confessio nunquam est sufficiens, nec potest esse: & etiam ratione supra assignata, quia neutri apparet ita malus sicut est: & hoc est se excusare, & ad hypocrisis tendere, & semper veniam carere, sicut dictum est in præcedenti distinctione.

Ad id quod undecimo quæritur de secreta confessione, dicendum quod bonum est secretam esse propter scandalum. Ad id quod obiicitur primo in contrarium, patet solutio per dicta. Ad id quod de Maria Magdalena obiicitur, dicendum quod ipsa non exposuit peccatum in publico, sed peccatricem in genere se ostendit in publico: & hoc non incitat nec instigat ad peccatum nescientes: & tamen etiam hoc ipsum non oportet, nisi aliquis velit in criminibus magnis. Ad ultimum dicendum, quod intelligitur de verecundia quæ est coram Deo discreta, ne alicui procuret notamentum vel scandalum.

Ad id quod obiicitur duodecimo, quod de D. Alb. Mag. in Lib. 4. Sentent.

bet esse accelerata, dicendum quod in actu nulla debet esse celeritas, sicut probat obiectio prima: imo mora exigitur propter deliberationem, & singultus penitentium: sed accelerata tollit procrastinationem penitentium, ne tardent conuerti ad Dominum, & ne differant de die in diem, sicut præcipitur Eccli. 5. Ad obiectum autem contra, dicendum quod licet Ecclesia præceperit tempus, non tamen exclusit consilium: quia quanto citius, tanto melius: unde secutum est accelerare quantum potest: & sicut dictum est, hic assignantur conditiones confessionis secundum optimum statum sui.

Ad hoc quod 13. obiicitur de lacrymabili, dicendum quod lacrymosa ponitur pro gemebunda, sicut hic dicitur in litera: & sicut dicit beatus Gregorius in quadam homilia de Maria Magdalena sic: Quæ dum lacrymosa ad eum medullitus ingemuerat, à peste mox curatur, quæ misere languerat. Et beatus Bern. supra Cantica serm. 3. Non tibi o quæcunque talis es anima, non ille locus vilis aut despicibilis videatur, (scilicet ante pedes Domini qui sunt iudicium & misericordia) ubi sancta peccatrix peccata deposuit, induit sanctitatem. Ibi Æthiopissa mutauit pellem, & in nouum restituta candorem, iam tunc fiducialiter veraciterque respondebat exprobrantibus sibi verbum: Nigra sum, sed formosa filia Ierusalem. Miraris quam id arte potuit, vel quibus obtinuerit meritis? Paucis accipe. Fleuit amare, & de intimis visceribus longa suspiria trahens, salutaribus intra se successa singultibus, felleos humores euomit. Ad id autem quod contra obiicitur, dicendum quod dicitur lacrymosa magis à lacrymis rationis & spei, quam spiritus & corporis. Ad aliud dicendum, quod Aug. non intendit, quod gaudium illud excludat dolorem & lacrymas: & huius ratio sæpius supra assignata est.

Ad id quod obiicitur de 14. quod sit fortis, dicendum sicut patuit in diuisione, quod difficillimorum operum est confiteri: sicut enim supra in litera dicit August. quod perfecte videtur purgare qui erubescit dominans, nihil eorum quæ fecit, nuntio & vicario Dei abscondit: & ratione difficultatis quam ingerit confusio humana, exigitur fortitudo in confitente: & hoc petiit Psalm. 89. cum dicit, Nec urgeat super me puteus os suum: sicut supra patuit in litera, ubi hoc inducitur ab Aug.

Ad hoc quod 15. obiicitur, scilicet de accusatione, dicendum quod non supponitur ibi verecundia: quia accusans est, quando culpam in se non in alium refundit, sicut fecit Adam: & hoc petiit Psalm. 140. dicens, Non declines cor meum in verba malitiæ ad excusandas excusationes in peccatis. Verecundia autem dicit confusionem passuam coram Deo, accusans vero sibi facit verecundiam actiuam coram homine sacerdote: & ideo patet, quod vnum supponitur vel relinquitur in alio.

Ad id quod 16. obiicitur, quod sit parere parata, dicendum quod hæc conditio est fructuosa confessionis: & per hoc patet solutio ad duo prima. Ad ultimum dicendum, quod intelligitur de his debere esse obediens quæ necessaria sunt ad salutem: & de hoc in superioribus habita est quæstio specialis, Vtrum scilicet iniungi possint consilia & opera erogationis.



multa sunt, & sic exigit, quod sit discretus: & secundum quod præceptum est de ipsa, & sic debet esse accelerata, quia celeritas implendi est præceptum ne occupet transgressio.

In ipsa autem confessione sunt omnia alia hoc modo. Confessionis actus habet in se tria, scilicet obiectum, modum, & actum. Obiectum autem est peccatum ipsum, quod est in multitudine turpi, vestitum circumstantiis malis, habens adiunctum delectabile trahens. Si autem consideratur obiectum ut in multitudine, sic querit integritatem ne diuidatur: si autem ut circumstantiis vestitum aggrauantibus, sic querit accusationem sui: si autem consideretur ratione delectabilis adiuncti, sic debet esse secreta, ne aliquis inficiatur auditu, & pertrahatur vi delectationis ad similia. Si autem accipitur actus qui est declaratiuus peccati, aut comparatur ad dicentem, aut audientem: & ad dicentem dupliciter, scilicet prout est meritorius, vel prout est impletivus præcepti tantum. Si primo modo: tunc debet esse frequens. Si secundo modo: tunc debet esse simplex, id est, simpliciter sine excusatione aliqua factum enarrans, qua intendit obligare Ecclesia confitentes. Si autem comparatur ad audientem, debet confessio esse nuda, ut aperte sacerdos totum intelligere possit cor penitentis & confitentis. Modus proprius confessionis est duplex, scilicet quod sit impermixta actui contrario, qui est peccatum, & sic dicitur pura: & quod sit vera sicut dicitur, & sic dicitur fidelis, id est, verax.

AD PRIMVM ergo dicendum, quod simplicitas quæ opponitur additioni, non opponitur frequentia actus eiusdem, sed potius interpositioni fabularum & factorum quæ non sunt peccata: sicut multi confitentur totam historiam suæ vitæ recitantes, contra quos dicitur Isa. 43. Dic tu iniquitates tuas, ut iustificeris: non dic fabulas vitæ tuæ omnes. Ad aliud dicendum, quod non opponitur enarrationi peccatorum & circumstantiarum, sed tantum illi quod iam dictum est. Ad aliud patet solutio per idem: quia non negatur per hoc quin debeat esse valde sapiens ipse confitens: quia quanto est sapientior, tanto simplicius sine interruptione aliorum actuum confitetur.

AD HOC quod obiicitur de humilitate, dicendum quod humilis debet esse: & bene concedimus, quod hoc confitenti conuenit, sed tamen quia conuenit ei secundum quod est in actu confessionis, ideo assignatur confessioni pro qualitate. Ad aliud dicendum, quod omnis confessio bona, est humilis: sed tamen non omnis confessio humilis est: quidam enim iactando peccata sua confitentur, de quibus Isa. 3. Peccatum suum sicut Sodoma prædicauerunt, nec absconderunt. Et contra istam conditionem præcipue peccant quidam, qui peccatum ignominiosum, sicut furtum, vel aliquid tale, demisso capite confitentur: aliud autem quod sonat seculi vanitatem, sicut torneamentum, vel in disputando victoriam, vel audaciam pugnandi, confitentur erecto capite & ore ridente.

AD ID quod obiicitur de hoc quod debet esse pura, dicendum quod pura dicitur, quia confitendo non multiplicat impurum: sicut quidam qui ipso actu confessionis multiplicant peccatum, iactando, vel mentiendo, vel desperando, vel præ-

sumendo, vel ab aliquo huiusmodi actu. Ad obiectum autem contra, dicendum quod ex prædictis patet, in quo differt puritas à simplicitate: quia puritas dicit immixtionem peccati, & simplicitas excludit admixtionem historiarum, non peccati existentis. Ad aliud dicendum, quod bene conceditur, quod puritas non dicit ibi immunitatem à peccato ex parte confitentis.

Ad hoc autem quod obiicitur de quarto, scilicet qualiter sit fidelis, patet responsio per antedicta: quia fidelis est per veritatem dicti, secundum quod conscientia dicto attestatur: & per hoc patet solutio ad primam partem obiectionis, quia non intelligitur de fide confitentis. Ad aliud dicendum, quod vera confessio, non semper est simplex: quia dicitur vera, eo quod rex se ita habeat ut dicitur: & quandoque multa vera de historia vitæ interponuntur, quæ tollunt eius simplicitatem.

Ad aliud dicendum, quod frequens confessio non est necessaria: nec hic assignantur tantum conditiones essentielles confessionis, sed etiam conditiones confessionis secundum optimum sui statum: & hæc est una illarum: quanto enim frequentius confitetur, tanto melius, licet non sit necessarium: quia verecundia semper tollit aliquid de pœna, & etiam vis clauium, & oratio confessoris. Ad id quod contra obiicitur, dicendum quod quidam actus sunt, qui tantam habent gravitatem adiunctam, quod frequentia nunquam inducit delectationem, licet aliquo modo gravitatem diminuat: sicut patet in actibus fortitudinis: & quod fortitudo habet ratione gravitatis in sustinendo, hoc habet confessio ratione verecundie in se manifestando diuersis: & tunc sicut manet semper actus gravis, ita nunquam surrepit negligentia, sed semper fit cum attentione & dolore: bene tamen concedo, quod verecundia diminuitur: & hoc supplet deuotio frequenter se coram diuersis confudentis.

AD ID quod sexto queritur de hoc quod dicit eam esse nudam: dicendum, quod ex diffinitione patet, in quo differt à simplicitate: quia nudum sonat apertum, non inuolutum circumlocutionibus, ut aperte intelligatur ab audiente: sed simpliciter dicit priuationem historiarum ad peccatum non pertinentis.

AD HOC quod obiicitur de discretionem, dicendum quod dicit modum confitentis in actu confessionis, secundum quod est de multis confessionibus: quia peccata diuersa sunt: debet enim discretus confitens maius peccatum dicere cum maiori detestatione, & minus cum minori: & sic patet, quod differt ab integritate: quia integritas dicit ne diuidatur in duos audientes, sed discretio dicit ut quodlibet per se debito pondere ponderetur: unde integra confessio potest esse indiscreta, & discreta potest esse non integra. Unde patet, quod ista sunt separata à se inuicem.

AD ALIUD dicendum, quod libens potest esse confessio & amara, sed non secundum idem: consideratur enim ut actus sacramentalis purgans, & sic est libens & voluta cum magna deuotione facta: consideratur etiam secundum quod est rememoratiua peccatorum perpetratorum, & sic est facta cum amaritudine, tamen facta per voluntatem, sicut supra in præcedentibus de dolore voluntario notauimus.



Ser. 16.  
super  
Cantica.

Ad id quod obiicitur contra nonum, scilicet quod debet esse verecunda, dicendum quod laudabilissimarum conditionum confessionis illa est una, si sit moderata. Ad id autem quod contra obiicitur, dicendum quod duplex est verecundia: una scilicet coram Deo de turpitudine actus, & altera coram hominibus. Et prima est bona & incitans ad confessionem ut purgetur turpe verendum. Secunda est mala & retrahens: & de illa procedunt tres primæ obiectiones: & de illa quæ est coram Deo, dicit Bern. Quam fronte attollo iam oculos ad vultum tam boni patris tam malus filius? Pudet indigna gessisse genere meo, pudet tanto patri vixisse degenerem. Item dicit, Quid caduca, vana, & prope nulla, & quorum finis mors est, infelix & insanus præferre non erubui æterni patris amoris & honoris. Confundor, confundor audire, Si ergo pater, ubi honor meus? Sed etsi pater non esset, obrueret me beneficiis. Instaurat contra me testes (ut alia innumera taceam) huius corporis victum, & vsum temporis huius, & super omnia sanguinem dilecti filij clamantem de terra. Pudet ingratitude, quamquam ad confusionis cumulum arguar etiam reddidisse mala pro bonis, & odium pro dilectione. Et parum infra, Erubescere & doce nihilominus anima mea quoniam etsi illum non repetere & non impropere decet: nos tamen omnino dedecet ingratos immemoréque extitisse. Ad ultimum autem dicendum, quod sicut patuit superius, ubi distinctum fuit de verbo illo, quod coram populo non debeat confiteri gratia proprii actus confessionis, sed gratia sequentis, quod est exemplum ex iniuncta satisfactione: ut sicut coram populo peccauit, ita bonum exemplum ostendat, & verecundia ab his non retrahat, sed potius incitet verecundia quæ est coram Deo.

Ad decimum quod obiicitur de integritate, dicendum quod integritas opponitur diuisioni quantum ad audientem: & ideo primæ argumentationes non faciunt aliquid contra. Sed ad ultimam dicendum, quod quantitas peccati, scilicet est in actu, & in radice actus: & licet in diuisa confessione innotescat quantitas actus, tamen non innotescit quantitas radicis, quia vices illæ multæ indicant magnum habitum, & magnam radicem, & difficulter solubilem: & hanc quantitatem intendit principaliter excidere sacerdos per iniunctam satisfactionem: & ideo est, quod dimidiata confessio nunquam est sufficiens, nec potest esse: & etiam ratione supra assignata, quia neutri apparet ita malus sicut est: & hoc est se excusare, & ad hypocrisis tendere, & semper veniam carere, sicut dictum est in præcedenti distinctione.

Ad id quod vndecimo quæritur de secreta confessione, dicendum quod bonum est secretam esse propter scandalum. Ad id quod obiicitur primo in contrarium, patet solutio per dicta. Ad id quod de Maria Magdalena obiicitur, dicendum quod ipsa non exposuit peccatum in publico, sed peccatricem in genere se ostendit in publico: & hoc non incitat nec instigat ad peccatum nescientes: & tamen etiam hoc ipsum non oportet, nisi aliquis velit in criminibus magnis. Ad ultimum dicendum, quod intelligitur de verecundia quæ est coram Deo discreta, ne alicui procuret nocumentum vel scandalum.

Ad id quod obiicitur duodecimo, quod de D. Alb. Mag. in Lib. 4. Sentent.

bet esse accelerata, dicendum quod in actu nulla debet esse celeritas, sicut probat obiectio prima: imo mora exigitur propter deliberationem, & singultus penitentium: sed accelerata tollit procrastinationem penitentium, ne tardent conuerti ad Dominum, & ne differant de die in diem, sicut præcipitur Eccli. 5. Ad obiectum autem contra, dicendum quod licet Ecclesia præceperit tempus, non tamen exclusit consilium: quia quanto citius, tanto melius: unde securum est accelerare quantum potest: & sicut dictum est, hic assignantur conditiones confessionis secundum optimum statum sui.

Ad hoc quod 13. obiicitur de lacrymabili, dicendum quod lacrymosa ponitur pro gemebunda, sicut hic dicitur in litera: & sicut dicit beatus Gregorius in quadam homilia de Maria Magdalena sic: Quæ dum lacrymosa ad eum medullitus ingemuerat, à peste mox curatur, qua miserè languerat. Et beatus Bern. supra Cantica serm. 3. Non tibi o quæcunque talis es anima, non ille locus vilis aut despicibilis videatur, (scilicet ante pedes Domini qui sunt iudicium & misericordia) ubi sancta peccatrix peccata deposuit, induit sanctitatem. Ibi Æthiopissa mutauit pellem, & in nouum restituta candorem, iam tunc fiducialiter veraciterque respondebat exprobrantibus sibi verbum: Nigra sum, sed formosa filia Ierusalem. Miraris quam id arte potuit, vel quibus obtinuerit meritis? Paucis accipe. Fleuit amare, & de intimis visceribus longa suspiria trahens, salutaribus intra se succussa singultibus, felleos humores euomuit. Ad id autem quod contra obiicitur, dicendum quod dicitur lacrymosa magis à lacrymis rationis & spei, quam spiritus & corporis. Ad aliud dicendum, quod Aug. non intendit, quod gaudium illud excludat dolorem & lacrymas: & huius ratio sæpius supra assignata est.

Ad id quod obiicitur de 14. quod sit fortis, dicendum sicut patuit in diuisione, quod difficillimorum operum est confiteri: sicut enim supra in litera dicit August. quod perfectè videtur purgare qui erubescit dominans, nihil eorum quæ fecit, nuntio & vicario Dei abscondit: & ratione difficultatis quam ingerit confusio humana, exigitur fortitudo in confitente: & hoc petiit Psalm. 89. cum dicit, Nec urgeat super me puteus os suum: sicut supra patuit in litera, ubi hoc inducitur ab Aug.

Ad hoc quod 15. obiicitur, scilicet de accusatione, dicendum quod non supponitur ibi verecundia: quia accusans est, quando culpam in se non in alium refundit, sicut fecit Adam: & hoc petiit Psalm. 140. dicens, Non declines cor meum in verba malitiæ ad excusandas excusationes in peccatis. Verecundia autem dicit confusionem passuam coram Deo, accusans vero sibi facit verecundiam actiuam coram homine sacerdote: & ideo patet, quod vnum supponitur vel relinquitur in alio.

Ad id quod 16. obiicitur, quod sit parere parata, dicendum quod hæc conditio est fructuosa confessionis: & per hoc patet solutio ad duo prima. Ad ultimum dicendum, quod intelligitur de his debere esse obediens quæ necessaria sunt ad salutem: & de hoc in superioribus habita est questio specialis, Vtrum scilicet iniungi possint consilia & opera erogationis.



AD ID quod obiicitur de conditionibus Bernardi, dicendum quod ipse non assignat nisi necessarias & essentielles, in quibus confessio sacramentalis differt ab aliis peccatorum enarrationibus: & humilitas quidem est motus eius secundum considerationem sui obiecti quod est humilians, quia est peccatum. Puritas vocatur hic exclusio omnis alieni tam historię, quam etiam peccati cumulantis peccatum per iactantiam vel aliquid huiusmodi: & fidelitas est veracitas in dicto. Et per hoc patet solutio ad totum.

## ARTICVLVS XXXVII.

*An temporalibus pœnis mutantur æterna supplicia?*

**D**Einde quæritur de hoc quod dicit *ibi* [Temporalibus pœnis mutans æterna supplicia, &c.] Videtur hoc esse falsum: primo quidem, quia passione non meremur: sed pœnæ temporales quædam sunt passionēs: ergo eis non meremur: ergo non merendo pœnis temporalibus mutamus æterna incendia.

2 Adhuc, Posito etiam, quod pœnis mereamur, videtur impossibile dicere: quia nullum temporale potest in æternum: sed pœnæ corporales sunt temporales: ergo non possunt in pœnas æternas: ergo non debent eas mutare: ergo falsum est quod dicit in litera.

3 Item, Adhuc communiter Doctores tradunt, quod pœna æterna adiuncta est culpæ mortali, & soluta ipsa soluitur: sed culpa mortalis non soluitur pœna, sed gratia gratum faciente quæ infunditur contrito: ergo & pœna æterna: ergo delerium pœnæ æternæ non est pœna corporalis.

4 Adhuc, Omne delens & destruens aliquid, potentius est eo: sed, sicut dicit litera, pœna temporalis delet pœnam æternam: ergo potentior est illa: ergo temporale potentius est æterno eiusdem generis, quod est impossibile.

*Solutio.*

**RESPONSIO.** Dicendum, quod pœna temporalis delet æternam, sicut dicit litera: sed hæc pœna temporalis incipit & radicitur in dolore contritionis primo informato per gratiam in prima gratiæ infusione: quia quatuor sunt simul in iustificatione impij, sicut supra determinatum est.

**AD PRIMUM** ergo dicendum, quod pœna secundum quod est passio tantum, non meremur: quia, sicut dicit Auctor sex principiorum, passio est effectus illatioque actionis: & sic ab alio est, & non à nobis. Omne autem laudabile, remunerabile, & meritorium opus, est à nobis. Sed est considerare pœnam à nobis factam, & volitam, qualis pœna est pœnitentiæ: & secundum hunc modum est meritoria vitæ æternæ, & diminutionis pœnæ.

**AD ALIUD** dicendum, quod temporale per hoc quod est temporale, non potest in æternum, sed temporale informatum forma habente vim æterni, sicut est gratia, quæ est similitudo diuinæ bonitatis: & per hanc vim diuinam, habet vim delendi æternum contrarium sibi. Et per hoc patet etiam solutio ad ultimum.

**AD ALIUD** dicendum, quod peccatum

cum pœna deletur gratia & dolore: sed dolor immediate agit in pœnam, & per consequens in culpam, & gratia è conuerso: & hoc sæpissime supra in huius quarti disputatione dictum est: & sic dicendum est hic, quod gratia sola delet peccatum: & si aliquid aliud delet peccatum, hoc est à virtute gratiæ, quia scilicet ipsum est gratia informatum.

## ARTICVLVS XXXVIII.

*An aliquis potest agere pœnitentiam nescientibus aliis: & seipsum aliquis potest excommunicare?*

**D**Einde quæritur de hoc quod dicit *ibi* [Nescientibus aliis ipsi in se voluntariæ excommunicationis ferunt sententiam, &c.] Videtur enim duo falsa hic dicere, vel supponere. Vnum est, quod nescientibus aliis aliquis possit agere pœnitentiam, quod falsum est, cum oporteat peccatum suum scire confessorem ad minus.

Secundum est quod videtur supponere, quod aliquis seipsum excommunicare possit: quod iterum falsum videtur: quoniam excommunicatio est de iurisdictione superioris: nullus autem sibi est superior: ergo nullus seipsum potest excommunicare.

Tertio videtur inconueniens quod dicit, Et ab altari cui ministrabant, non animo, sed officio separati. Altaris enim participatio confert maximam gratiam: ergo indigens gratia, maxime quæret altaris participationem: sed nullus tantum indiget gratia vt peccator pœnitens: ergo ille maxime debet se altari coniungere, & ita non debet se ab altari animo separare.

2 Item, Nulli redeunti interdicitur via redeundi: sed non est reditus à peccato nisi per sacramenta: ergo sacramenta interdici non debent, sed potissimum sacramentorum est altaris participatio: ergo illa interdici non debet: ergo ab altari non debet animo separari: & sic nihil videtur esse quod dicitur in litera.

**RESPONSIO.** Dicendum ad primum, quod non dicitur, Nescientibus aliis, propter exclusionem confessoris: sed quia scit nullus modo hominis, sed modo Dei solus nouit confessor: & hoc est quod supra dictum est, quod confessionis vna conditio est, quod sit secreta.

**AD ALIUD** dicendum, quod excommunicatio ponitur hic pro similitudine effectus excommunicationis, & non pro ipsa excommunicatione: effectus autem quidam est suspensio à locis sacris, & participatione Eucharistiæ: & hoc quandoque aliquis ex se facit ex humilitate: & tunc notat eum se excommunicatione ferire.

**AD ALIUD** dicendum, quod licet Eucharistia sit dignissimum sacramentum, ratione supra in tractatu de Eucharistia notata: non tamen est necessarium, & ideo ex humilitate bonum est quandoque se elongare: & rationes huius plurimæ dictæ sunt supra.

**AD VLTIMUM** dicendum, quod via redeundi nulli negatur: quia compendiosior via est humilitas pœnitentis: & Eucharistia non est via necessaria, sed expedit ad viam idoneam accipere.

*Quod*



*Quod non sufficit soli Deo confiteri si tempus adsit, si tamen homini possit.*

**S**E D quòd sacerdotibus confiteri oporteat, non solum illa d auctoritate Iacobi, Confitemini alterutrum peccata vestra, Iacob. 5. &c. sed etiam aliorum pluribus testimoniiis comprobatur. Ait enim August. Iudicet seipsum homo voluntarie dum potest, & mores conuertat in melius: ne cum iam non poterit, præter voluntatem à Domino iudicetur, & cum in se protulerit seuerissimæ medicinæ, sed tamen vtilissimæ, sententiam, veniam ad antistites per quos illi clauēs ministrantur Ecclesiæ: tanquam bonus iam incipiens esse filius, maternorum membrorum ordine custodito, à præpositis sacramentorum accipiat satisfactionis suæ modum, in offerendo sacrificio contriti cordis deuotus & supplex. Id tamen agat quod non solum sibi prosit ad salutem, sed etiam ad exemplum cæteris: vt si peccatum eius non modo in graui eius malo, sed etiam in tanto scandalo aliorum est, atque hoc expedire vtilitati Ecclesiæ videtur antistiti, in notitiam multorum vel totius plebis agere pœnitentiam non recuset: ne lethali plagæ per pudorem addat tumorem, cum tanta est plaga peccati & impetus morbi, vt medicamenta corporis & sanguinis Domini differenda sint, auctoritate antistitis, debet se quisque remouere ab altari ad agendam pœnitentiam & eadem reconciliari. Item Leo Papa, Multiplex misericordia Dei ita lapsibus subuenit humanis, vt non modo per baptismum, sed etiam per pœnitentiam spes vitæ reparetur: sic diuinæ voluntatis præfidiis ordinatis, vt indulgentiam Dei nisi supplicationibus sacerdotum nequeant obtinere. Christus enim hanc præpositis Ecclesiæ tradidit potestatem, vt confitentibus pœnitentiæ satisfactionem darent, & eosdem salubri satisfactione purgatos ad communionem sacramentorum per ianuam reconciliationis admitterent. Item August. Quem pœnitet, omnino pœniteat, & dolorem lacrymis ostendat: repræsentet vitam suam Deo per sacerdotem, præueniat iudicium Dei per confessionem. Præcipit enim Dominus mundandis, vt ostenderent ora sacerdotibus: docens corporali præsentia confitenda peccata, non per scripta manifestanda. Dixit enim, Ora monstrate & omnes: non vnus pro omnibus, non alium statuatis nuntium, qui pro vobis offerat munus à Moyse statutum: sed qui per vos peccastis, per vos erubescatis. Erubescencia enim ipsa partem habet remissionis. Ex misericordia enim hoc præcepit Dominus, vt nemo pœniteret in occulto: in hoc enim quod per seipsum dicit sacerdoti, & erubescencia vincit, & timore Dei offensi fit venia criminis. Fit enim veniale per confessionem, quod criminale erat in operatione. Et si non statim purgatur, fit tamen veniale quod commiserat mortale. Multum enim satisfactionis obtulit, qui erubescencia dominans, nihil eorum quæ commisit, nuntio Dei negauit. Deus enim qui misericors ac iustus est, sicut seruat misericordiam in iustitia, ita & iustitiam in misericordia. Opus enim misericordiæ est peccanti peccata dimittere: sed oportet vt iustus mi-

Hom. 50  
& habetur de  
pœnit. dist. 1.  
cap. iudicet.

Idem de  
pœnit. dist. 3.

De pœn. dist. 1.  
& Multiplex.

Lib. de vera & falsa pœnit. cap. 12.  
Luc. 17.



De pœn.  
dist. 1.  
c. Quā-  
uis.

fereatur iuste. Considerat enim si dignus est, non dico iustitia, sed & misericordia. Iustitia enim sola damnat: sed dignus est misericordia, qui spirituali labore quarit gratiam. Laborat enim mens pati-  
endo erubescantiam. Et quoniam verecundia magna est pœna, qui erubescit pro Christo, fit dignus misericordia. Vnde patet, quia quanto pluribus confitebitur in tempore veniæ turpitudinem criminis, tanto facilius consequetur gratiam remissionis. Ipsi enim sacerdotes plus possunt proficere, plus confitentibus parcere. Item Leo Papa, Quamuis plenitudo fidei videatur esse laudabilis, quæ propter Dei timorem apud homines erubescere non veretur: tamen quia non omnium sunt huiusmodi peccata, ut ea qui pœnitentiam poscunt, non timeant publicari: remoueat probabilis consuetudo, ne multi pœnitentiæ remediis arceantur, dum aut erubescunt, aut timent inimicis sua facta referare, quibus possunt legum percelli constitutio-  
ne. Sufficit enim confessio, quæ primum Deo offertur, & tunc etiam sacerdoti, qui pro deliciis pœnitentium precator accedit. Tunc enim plures ad pœnitentiam poterunt prouocari, si populi auri-  
bus non publicetur conscientia confitentis. Ex his aliisque pluribus indubitanter ostendit, oportere Deo primum, & deinde sacerdoti offerri confessionem: nec aliter posse perueniri ad ingressum paradisi, si adsit facultas.

## ARTICVLVS XXXIX.

*An soli sacerdoti sit confitendum, vel  
confessio facta cuilibet homini  
valeat?*

**D**Einde quaritur de hoc quod dicit ibi [Sed quod sacerdotibus confiteri oporteat, &c.] Hæc est enim principalis quæstio primo tractanda, scilicet utrum confitendum sit sacerdoti, vel cuilibet homini? Deinde, An proprio sacerdoti oporteat confiteri? Tertio, An plures possint esse proprii? Quarto, Si aliquo modo sint plures confessores, utrum vni facta confessione, teneatur confessus confiteri etiam alij, si ille præcipiat sibi fieri confessionem? Quinto, Si aliquis ex priuilegio potest audire confessiones eorum qui sunt subditi alterius? Sexto, Utrum postea quando confessi sunt priuilegiato, etiam proprio sacerdoti confiteri tenentur? Septimo & vltimo, Quid absolutionis ab eo qui habet priuilegium consequitur?

Ad primum horum sic proceditur: Videtur quod cuilibet homini facta confessio, valeat: quia Iacobi vltimo super illud, Confitemini alterutrum peccata vestra: dicit Glossa. Maiora maioribus, & minora minoribus: sed minores non sunt sacerdotes: ergo videtur, quod aliqua confessio valeat quæ non fit sacerdoti.

2. Item, In confessione duo attenduntur, scilicet confitens, & ille cui fit confessio: & constat, quod ex parte confitentis non est impedimentum quin possit fieri confessio, & sacerdoti & non sacerdoti. Videtur autem, quod nec ex parte eius cui fit: quia in illo præter hoc quod operatur Deus, non requiritur nisi consilium satisfaci-  
entis: sed hoc consilium quandoque etiam plus inuenitur apud non sacerdotem: ergo videtur, quod possit fieri non sacerdoti.

ris: sed hoc consilium quandoque etiam plus inuenitur apud non sacerdotem: ergo videtur, quod possit fieri non sacerdoti.

3. Item, Pœnitentia necessitatis sacramentum est ei qui peccat: sed in sacramentis necessitatis, & materia & minister debet esse communis, ut patet in baptismo, ubi commune elementum est materia, & potest minister esse & vir & mulier, & etiam proprius pater & mater pueri: ergo videtur, quod etiam talis minister debet esse communis in pœnitentia: ergo non solus sacerdos: ergo potest confessio fieri cuilibet.

4. Adhuc, Si confessio fit sacerdoti soli, aut hoc fit propter hoc quod in confessione operatur Deus, aut hoc fit propter id quod operatur homo. Si propter id quod operatur Deus: aut hoc ideo quod operatur Deus secundum quod est in omnibus essentialiter, præsentialiter, & potentialiter: aut secundum quod inest rationali creaturæ per inhabitantem gratiam: aut secundum quod inest homini Christo per vnionem. Si primo modo: tunc æqualiter inest bono & malo sacerdoti, & non sacerdoti: ergo videtur, quod æqualis sit confessio omnibus his facta. Si secundo modo: tunc non est nisi in bonis & sanctis viris & mulieribus: ergo confessio facta omnibus his valet æqualiter. Si tertio modo: tunc confessio facta non valet nisi fieret homini Christo. Si autem fieret propter illud quod operatur ibi homo: sed hoc non est nisi pro intellectu, vel pro affectu: & secundum illuminationem intellectus non est nisi consilium, quod æqualiter inuenitur in sacerdote, & non sacerdote: & secundum bonitatem & charitatem in affectu, adhuc æqualiter inuenitur in sacerdote & non sacerdote: ergo confessio facta sacerdoti & non sacerdoti, valet æqualiter.

5. Adhuc,



5 Adhuc, Confessio erat, quando non erat sacerdos, qui vere characterem sacerdotalem haberet: sed quæ tempore diuisa sunt, essentialiter ad se inuicem dependentiam non habent: ergo videtur, quod confessio non essentialiter dependeat ad hoc quod fiat sacerdoti: ergo potest confiteri cuilibet.

6 Adhuc Iacob. ultim. non fit mentio de sacerdote: sed indifferenter videtur loqui ad omnes qui sunt in Ecclesia dicens, Confitemini alterutrum peccata vestra, & orate pro inuicem ut saluemini. Ergo videtur, quod non oportet confessionem fieri sacerdoti.

Sed contra  
sta.

IN CONTRARIUM autem huius sic obicitur: Actus egreditur ab aliqua propria potestate ipsius actus: absolueret in confessione est actus: ergo egreditur à propria potestate ipsius: constat autem, quod iste actus non est in homine per naturam, quia sic homo posset absolvere seipsum: ergo est in homine ex aliqua perceptione potestatis superioris, scilicet Dei: hæc autem potestas non percipitur, nisi in ordine sacerdotali: ergo non potest absolvere nisi sacerdos: sed non fit absolutio nisi in confessione: ergo non potest fieri confessio nisi sacerdoti.

2 Adhuc, Omnis actus ordinatus ad iustificationem, fit aliquo modo ad iustificantem ordinatus: sed non iustificat nisi Deus: ergo oportet, quod ordinetur ad Deum: sed ad Deum ordinatur quod sit vicarius Dei ut est vicarius Dei: ergo videtur, quod talis actus semper debet fieri Deo, vel vicario eius: sed non Deo in se: ergo vicario: sed confessio est talis actus: quia dicitur Isa. 43. Dic tu iniquitates tuas ut iustificeris. Ergo videtur, quod debet fieri sacerdoti soli qui est vicarius Dei.

2 Item, Constitutio dicit, quod confessio debet fieri sacerdoti proprio: ergo non potest fieri cuilibet.

4 Adhuc, Ioan. 20. Non dixit Dominus omnibus, sed discipulis qui iam sacerdotes erant. Quorum remisistis peccata, &c. ergo videtur, quod aliis non dedit potestatem absoluendi nisi sacerdotibus.

5 Adhuc, Ioan. 11. cum suscitauit Lazarum, non dixit alicui, quod solueret Lazarum, nisi discipulis sacerdotibus existentibus: ergo cum soli sacerdotes quantum ad successionem officij sint loco discipulorum, soli sacerdotes habent potestatem absoluendi: sed confessio non fit nisi propter absolutionem: ergo soli sacerdotes habent potestatem audiendi confessiones.

Solutio.

SOLUTIO. Dicendum, quod soli sacerdotes potestatem audiendi confessionem habent: potestas enim confessionem audiendi, est potestas officij: & ordo, ut dicit Isidorus, est nomen dignitatis & officij: ideo nullus habet potestatem, nisi qui habet ordinem sacerdotalem: quia non habet potestatem ligandi & soluendi corpus mysticum, nisi ille solus qui accipit potestatem dispensandi corpus verum, quod communio vocatur, quia absoluti illo communicant. Hi autem non sunt nisi soli sacerdotes.

AD PRIMUM ergo dicendum, quod Beda in Glossa super illum passum loquitur de confessionis distinctione: est enim duplex confessio, scilicet generalis, & priuata. Generalis est quæ fit in Prima & Completorio de venialibus, sine quibus hæc vita non ducitur: & quia illa non nisi in generali confiteri tenemur, hæc omni tempore cuilibet fieri potest: licet melius sit, quod fiat sacerdoti quando haberi potest. Priuata autem est, quæ est de peccatis mortalibus, & hæc non potest fieri nisi sacerdoti præterquam in necessitate, ubi necessitatis articulus non contemptus religionis sacramentum excludit: potest tamen talis decedere in voto confitendi, & non teneretur confiteri alteri nisi habenti clauis: & si facit, illa humilitas & rubor minuunt poenam.

AD ALIUD dicendum, quod ex parte eius cui fit confessio, requiritur aliud quam confessor, scilicet auctoritatis absolutio, quam Dominus dedit discipulis, & illam non habet quilibet: & hæc auctoritas per vim clauis partem poenæ dimittit.

AD ALIUD dicendum, quod poenitentia est sacramentum necessitatis: sed differens necessitas est in adulto, & in paruulo: quia paruulum qui non potest significare defectus suos, potest quilibet baptizare, licet non confessiones audire. Et si forte aliquis obiiciat, quod si vetula etiam adultum baptizet, baptizatus est, & nullus audet eum rebaptizare: sed non sic est de confessione. Dicendum, quod hoc fit propter causas: quarum vna est impressio characteris quem imprimit baptismus, & non poenitentia: & ideo iterari non potest. Alia autem differens causa necessitatis est: quia causa baptismi est ab alio, & per naturam viriatam; scilicet per originale quod tantum semel contrahitur: & ideo tantum semel in illo Christo commoritur, & sepelitur in baptismo: sed in confessione necessitas magis est ab institutione Ecclesiæ, & pro peccato personali: & ideo determinatus datur ei minister, nisi in articulo necessitatis excusetur: & tunc si euadit, tenetur iterare confessionem apud sacerdotem qui habet clauis.

AD ALIUD dicendum, quod ideo non potest fieri confessio non sacerdoti: quia fit ei in quo Deus aliquo modo operatur, quo non operatur in alio. Est enim Deus in homine per gratiam dupliciter, scilicet gratum facientem & gratis datam: & secundum quod est in homine per gratiam gratum facientem tenet obiectio facta: secundum autem, quod est in homine per gratiam gratis datam quæ est officium & potestas in clauibus, obiectum non tenet: quia sicut illæ gratiæ differunt, ita etiam differunt illæ operationes diuinæ quas operatur per hominem: & hoc est quod dicit Apostolus 1. Corinth. 12. hæc omnia operatur vnus atque idem Spiritus, diuidens singulis prout vult.

AD ALIUD dicendum, quod sacerdote non existente, non erat confessio sacramentalis, non tantum significans, sed & causans peccati secundum poenam diminutionem: hoc enim modo intelligitur causatio sacramentorum Noui Testamenti. Et per hoc non habetur, quod confessio sacramentalis qualis modo fit, non debeat fieri sacerdoti.

AD ALIUD dicendum, quod sacerdote non existente, non erat confessio sacramentalis, non tantum significans, sed & causans peccati secundum poenam diminutionem: hoc enim modo intelligitur causatio sacramentorum Noui Testamenti. Et per hoc non habetur, quod confessio sacramentalis qualis modo fit, non debeat fieri sacerdoti.

AD ALIUD dicendum sicut ad primum, quod innuit ibi Apostolus distinctionem duplicis confessionis, quæ in Glossa Bedæ super eundem locum magis explicatur.



## ARTICVLVS XL.

*An sacerdoti proprio sit confitendum: & an valeat confessio facta cuilibet sacerdoti?*

Secundo quaeritur, Vtrum proprio sacerdoti sit confitendum: vel cuilibet sacerdoti facta confessio valeat? Videtur autem, quod proprio: quia ita dicit Urbanus secundus: Placuit ut nulli deinceps sacerdotum liceat quemlibet commissum alteri sacerdoti ad poenitentiam recipere, nisi eius consensu cui se prius commisit, nisi per ignorantiam eius cui poenitens prius confessus est. Ex hoc accipitur, quod non cuilibet, sed proprio sacerdoti est confitendum.

2 Item, Extra in decretalibus lib. 5. de poenitentis & remissionibus dicit Innocent. tertius in concilio generali: Omnis vtriusque sexus fidelis postquam ad annos discretionis peruenerit, omnia sua solus peccata saltem semel in anno fideliter confiteatur proprio sacerdoti, & iniunctam sibi poenitentiam pro viribus suis studeat adimplere, suscipiens reuerenter ad minus in Pascha Eucharistiae sacramentum. Ex hoc accipitur idem quod prius.

3 Item 16. quaest. 1. dicit Hieron. scribens ad Heliodorum Episcopum: Alia est causa monachi, alia clerici. Clerici oues pascunt, ego pascor: illi de altari viuunt, mihi securis quasi ad radicem arboris infructuosae ponitur: si munus ad altare non defero, mihi ante presbyterum sedere non licet: illi si peccauero, licet me tradere satanae in interitum carnis, ut spiritus saluus sit in die Domini. Ex hoc accipitur, quod monachis non licet curam impendere gregi: ergo nullus debet eis confiteri: & eadem est ratio de aliis sacerdotibus quibus non est commissum: ergo nullus debet confiteri nisi proprio sacerdoti.

4 Ad idem, Hieron. ad Villicum scribens dicit sic: Ecclesia habet senatum cœtum presbyterorum, sine quorum consilio monachis nihil agere licet: Ieroboam filius Salomonis ideo perdidit regnum, quia audire noluit presbyteros suos 3 Reg. 14. Senatam quoque Romani habebant, cuius consilio cuncta agebant: & nos habemus senatum nostrum cœtum presbyterorum. Ex hoc arguitur sic: Magis videtur, quod monacho qui scit aliquo modo dirigere seipsum, liceat aliquid agere sine consilio sui sacerdotis, quam laico qui se dirigere non potest & nescit: & non licet monacho: ergo nec laico: ergo non potest se dirigere in confessione sine consilio proprii senatoris qui est sacerdos suus.

5. Adhuc, Eugenius Papa sic dicit: Placuit communi nostro consilio, ut nullus monachorum pro lucro terreno de monasterio exire nefandissimo ausu præsumat, Neque poenitentiam dare, neque filium de baptismo accipere. Ex hoc accipitur, quod non cuilibet sacerdoti liceat audire confessiones: ergo non licet confiteri cuilibet: ergo oportet confiteri proprio. Ad idem sunt multa decreta 16. quaest. 1. quæ in decreto videri possunt.

6 Adhuc obicitur: Sicut se habent subditi Episcopi ad Episcopum in iuribus episcopalibus,

ita parochiani ad proprium sacerdotem in iuribus parochialibus: sed subditi Episcopi ad alium non possunt recurrere nisi ad proprium Episcopum: ergo nec subditi sacerdotis nisi ad proprium sacerdotem. Quod autem subditis Episcopi non liceat ad alium episcopum recurrere, per multa decreta probatur 9. quaest. 2. ut est illud Calixti Papæ, Nullus alterius terminos usurpet, nec alterius parochianum iudicare vel ordinare aut excommunicare præsumat: quia talis iudicatio vel ordinatio aut excommunicatio vel damnatio, nec rata erit, nec vires ullas habebit: quoniam nullus alterius iudicis nisi sui sententia tenebitur, aut damnabitur. Item ibidem, Nullus Primas, nullus Metropolitanus, nullus reliquorum Episcoporum alterius adeat ciuitatem, aut ad possessionem accedat quæ ad eum non pertinet, & alterius Episcopi parochiam super eius dispositione, nisi vocatus ab eo cuius iuris esse cognoscitur: ut quicumque ibi disponat vel ordinet aut iudicet, si sui gradus honore potiri voluerit: sin aliter præsumpserit, damnabitur, & non solum ille, sed etiam cooperatores & consentientes ei. Ibidem ex concilio Antiocheno: Nullum Episcopum audere debere ex alia prouincia ad aliam transitum facere, & ordinare aliquos in Ecclesia, aut præferre ad sacrum ministerium: nec ab aliis trahatur illuc Episcopus, nisi forte per literas rogatus abierit, non solum à Metropolitano, sed & ab his qui cum eo sunt omnibus ipsius prouinciæ Episcopis. Item ex eodem concilio, Episcopum non debere irruere in alienam ciuitatem, quæ illi probatur non esse subiecta, neque in regionem quæ ad eius curam minime noscitur pertinere, ad aliquid ordinandum. Ibidem, ex Constantinopolitano concilio, Episcopi qui extra diocesim sunt, ad Ecclesias quæ extra terminos eorum sunt, non accedant, neque confundant & permisceant Ecclesias secundum regulas statutas. Alia etiam plurima de eodem sunt 9. quaest. 2. quæ ibi legi possunt.

Per rationem obicitur ad idem sic: Quilibet qui tenetur rationem reddere de aliquo sibi commissum, totum debet in dispositione habere commissum: sed sacerdos tenetur rationem reddere de subdito: ergo, &c. Probatum autem prima. Si detur oppositum, quod non totum debeat habere in dispositione, iniustum erit rationem exigere ab eo de illo quod non habuit in plenæ obedientiæ dispositione. Inde sic: Subditus totus existens in obedientia & dispositione proprii sacerdotis, non potest habere recursum nisi de licentia ad alium: sed quilibet est ita subditus proprio sacerdoti: ergo in confessione non potest recurrere ad alium nisi de licentia sui sacerdotis.

2 Adhuc, Ecclesia militans descendit à triumphante, & ordines ab ordinibus: sicut dicitur Apoc. 21. Vidi ciuitatem sanctam Ierusalem nouam, descendentem de caelo. Sed in triumphante vnusquisque subditus habet recursum & reductionem ad proprium superiorem, & non ad alium. Ergo sic etiam debet esse in Ecclesia militante: ergo necesse est, quod quilibet in acceptione poenitentiae recurrat ad proprium sacerdotem.

3 Adhuc, 3. Reg. 10. Mirata est regina Saba ordinem ministrantium Salomoni, ita quod non habuit ultra spiritum: sed constat, quod nullus ordo est, quod quilibet recurrat in sacramentis ad quemlibet: ergo oportet, quod recursus sit ad vnum



unum proprium : sed ille est sacerdos proprius : ergo in confessione tantum recurrendum est ad sacerdotem proprium.

4 Adhuc, Dionysius scribens Demophilo monacho dicit, quod correctio laicorum ad sacerdotes proprios, sacerdotum autem ad Episcopos, Episcoporum autem pertinet ad Hierarcham, sed ad quem pertinet correctio criminis: ad illum etiam pertinet eiusdem criminis cognitio: ergo sacerdos proprius habet cognoscere uniuscuiusque subditi peccatum, & non alius: sed non potest cognosci nisi per confessionem: ergo in confessione non ad alium, sed ad proprium debet recurrere sacerdotem.

5 Adhuc, Quaecunque in rationum predicabilibus reducuntur ad unum simpliciter primum, prius reducuntur in proximum sibi proprium immediatum, & non in aliud: sicut individua in speciem, species in genus subalternum, & subalterna in generalissimum: ergo ratio sic reducit, & similis fit reductio militantis Ecclesiae in gradus regentium, & oportet, quod multitudo populi inferior in proximum gradum spiritualis potestatis reducat, & per illum in superiorem, & tandem in supremum: sed proximum superiorem super populum constat esse proprium sacerdotem: ergo in omnibus sacramentis percipiendis non habebit recurrere populus nisi ad illum: ergo non ad alium.

6 Adhuc, Hoc videmus in naturis rerum quae procedunt à suis causis. Si enim reducuntur metallica (ut dicit Philosophus) in causam materialem primam, habent reduci in argentum viuum, & sulphur, & argentum viuum in subtile aqueum & subtile terreum fortiter commixta, & hoc ulterius in aquam. Et idem est in causis efficientibus, formalibus, & finalibus. Cum ergo regimen hominum sit à natura profectum, ut dicit Tullius, talis debet esse etiam reductio regiminis in gradus proximos: ergo populus non habebit recurrere ad alium, quam ad proprium sacerdotem.

7 Adhuc, In officiis habetur illud. Sicut enim dicit Philosophus 1. ethicorum, Quicumque sunt talium actuum & doctrinarum sub una quadam incidunt virtute, quemadmodum sub equestri franorum factura, & quaecunque aliae equestrium instrumentorum sunt: hoc autem modo & omnis bellica operatio sub militari. Secundum eundem utique modum aliae sub alteris. Ergo à simili hoc etiam debet esse in ordine fidelium in ministris Ecclesiae: ergo videtur, quod populus non debeat habere recurrere nisi ad sacerdotem proprium.

8 Item Dionys. dicit, Lex diuinitatis est per prima media, & per media infima reducere. Cum igitur gradus reductionis determinati sint, non erit reductio infimorum nisi per gradum proprium superiorem: sed in illo gradu est sacerdos proprius: ergo subditus proprius in confessione in diuina reduci non potest, nisi per proprium sacerdotem.

9 Adhuc, Ordo vniuersi est, quod inferiora reducuntur in propria mouentia superiora, ut dicunt Philosophi: sicut humidum aquae in orbem lunae, & humidum complexionale in orbem venetis, & sic de aliis: & hoc ulterius in orbem signorum stellatum, & hoc in orbem non stella-

tum, & per hoc omnia in motorem primum: ergo oportet cum hominum reductio in diuina naturali ordini non contrarietur, quod hoc modo inferior populus in proximos gradus superioritatis reducat, & per illos tandem in summum unum gradum: in gradu autem proximo super populum non sunt nisi sacerdotes distincti in propriis parochiis: ergo necesse est, quod subditi tantum ad hos, & non ad alios habeant recurrere in diuinis.

SED CONTRA hoc obiicitur sic primo per auctoritates. Ioan. 10. sic dicit Dominus, Accipite Spiritum sanctum: quorum remiseritis peccata, remittuntur eis. Et non distinguit vel ordinat inter eos: ergo videtur, quod indistincte quilibet habens potestatem discipuli ex ordine suscepto potest remittere peccata in confessione: ergo etiam sibi indistincte potest fieri confessio.

2 Item 16. quæst. 1. dicit Ambros. Doctos ac probos monachos presbyteri honore dedicatos prædicare, baptizare, poenitentiam dare, debita miseris relaxare, decimarum, primitiarum, oblationum viuorum & mortuorum portione iusta perfrui debere moderata dispensatione commendamus. Ex hoc accipitur, quod monachi presbyteri possunt dare poenitentias: ergo sibi facta valet confessio: sed monachi non sunt sacerdotes proprii, ut patet ex auctoritatibus Hieron. prius inductis: ergo non oportet semper fieri confessionem proprio sacerdoti.

3 Item Gregor. Moderamine Apostolicæ sedis (vel auctoritatis) decernimus, ut monachi si presbyteri honore dedicati sunt, cum ligandi soluendiue potestate, decimarum, primitiarum, oblationum, donationum quæ fiunt pro viuis & pro defunctis, portionem iuxta canonem ad suam proximorumque vilitatem merito perfectioris iustitiæ non minus quam ceteri sacerdotes laudabiliter sibi vendicent. Ex hoc accipitur idem quod prius.

4 Item Gregor. Apostolico moderamine & pietatis officio à nobis est constitutum, Sacerdotibus monachis Apostolorum figuram tenentibus liceat prædicare, baptizare, communionem dare, pro peccatoribus orare, poenitentiam imponere, atque peccata soluere. Ex hoc iterum idem accipitur quod prius.

5 Item Bonifacius Papa, Sunt tamen nonnulli nullo dogmate fulti, audacissime quidem zelo magis amaritudinis quam dilectionis inflammati, asserentes monachos qui mundo mortui sunt, & Deo viuunt, sacerdotalis officij potentia indignos, neque poenitentiam, neque christianitatem largiri, neque absolueri posse per sacerdotalis officij diuinitus sibi iniunctam potestatem: sed omnino labuntur: neque enim beatus Benedictus monachorum præceptor almificus, huius rei aliquo modo fuit interdictor. Ex hoc iterum accipitur idem quod prius. Alia plura ad idem facientia quarantur in textu 16. quæst. 1.

Per rationem obiicitur sic: In quocunque est completa potestas ad actum aliquem, in illo est executio & exercitium actus illius, quando voluerit: sed in omni sacerdote est completa potestas ad actum absoluendi in foro poenitentiae: ergo potest exercere illum actum quocunque voluerit: ergo in quolibet potest eum exercere: ergo & quilibet



quilibet potest ei facere confessionem: quia plenam consequitur absolutionem. Prima patet per se, & per inductionem si negatur. Secunda patet per hoc quod non est gradus spiritualis potestatis supra sacerdotium: ergo sacerdos completissima est potestatis.

2 Item, Confectio corporis veri & absolutio communicantis in sacramento sunt actus coniuncti in sacerdotio: constat autem, quod perfectior est confessio, quam absolutio: sed video, quod quilibet sacerdos indifferenter potest conficere: ergo multo magis quilibet quemlibet potest absolvere: ergo & quilibet potest sibi facere confessionem, quia confessio præcedit absolutionem.

3 Adhuc, Spiritualis gratia sacramenti semper efficit quod in sacramento significatur: sed video, quod in omnis sacerdotis ordinatione significatur potestas ligandi atque soluendi per collationem stolæ longæ: ergo omni sacerdoti datur potestas illa: ergo quicumque vult, potest ad alterum progredi sine dispensatione proprii vel non proprii: ergo & quilibet potest eidem facere confessionem.

4 Adhuc, Beneficia Dei larga sunt & multis modis in omnes homines prouenientia: ergo non sunt aliquo modo restringenda: sed constat, quod restringuntur si per vnum & proprium dicitur fieri, quod per quemlibet habentem ordinem fieri posset: ergo non est dicendum, quod confitens absolui non possit nisi per sacerdotem proprium.

5 Adhuc, Non minus sunt potentia spiritualia, quam corporalia: sed in corporalibus potestatibus video, quod corpus habens potestatem, agit in quodlibet sibi appropinquans, sicut patet in igne, qui comburit quodlibet combustibile sibi appropinquans: ergo multo fortius hoc est in spirituali potestate: ergo videtur quod quemlibet ad se venientem possit absolvere quilibet sacerdos.

6 Adhuc, Vnius modi seram omnis clavis eiusdem figuræ existens, referat, & recludit: sed peccatum est sicut sera claudens cælum, & vnus modi, quia claudit non in quantum est conuersio ad bonum commutabile, sed prout est auersio ab incommutabili, sicut vult August. in 2. de lib. art.

7 Item, Potestas ordinis in omni sacerdote vnus speciei est: ergo sicut clavis vnus figuræ: ergo videtur, quod quælibet potestas cuiuscunque sacerdotis potest aperire & claudere peccata cuiuscunque, scilicet peccatoris sibi confitentis: ergo ad hoc non exigitur sacerdos proprius, ut videtur.

8 Adhuc, Quodcunque luminosum pellit tenebras materiales, & non exigitur determinatum & proprium luminosum ad pulsionem harum vel illarum tenebrarum: cum igitur lumen spirituale sit potentius corporali, quodcunque lumen spirituale tollit quascunque tenebras spirituales: hæc potestas est sicut lumen, quia sacerdos est illuminator & perfectior & purgator, sicut dicit Dionysius: ergo quæcunque potestas ordinis quascunque tenebras pellit spirituales: sed peccatum est tenebra spiritualis, ut dicit Damascen. ergo quilibet sacerdos habens ordinem, potest absolvere quemlibet: ergo quilibet peccator potest confiteri cuilibet sacerdoti, ut videtur.

*Solutio.*

SOLUTIO. Dicendum, quod prima pars istius

disputationis continet veritatem: sed secunda pars inducta in contrarium, falsitatem habet conclusionum: non enim potest absolvere nisi sacerdos proprius, & non potest aliquis confiteri nisi proprio sacerdoti.

AD AVCTORITATEM ergo primam quæ primo obiicitur & de Euangelio; dicendum, quod Dominus præsupposuit ordinem in discipulis quem ante fecerat, scilicet Petrum super omnes esse, & 12. super alios. Matthæi enim 10. elegit 12. & sub illis designauit alios 72. Luc. 10. & Petrum omnibus præposuit Matth. 16. vbi dixit, Tibi dabo clauis regni cælorum. Et Luc. 22. vbi dixit, Et tu aliquando conuersus, confirma fratres tuos. Cum igitur hic ordo iurisdictionis à Domino prius institutus fuerit, præposuit illum ut secundum illum conferret executionem officij quod dedit, quando insufflauit, & dixit, Accipite Spiritum sanctum, &c.

Ad omnia autem decreta Patrum inducta est vna solutio, scilicet quod alius est presbyter, & alius habens honorem presbyteri secundum canones Patrum. Presbyter enim est, qui habet ordinem, non honorem sacerdotij vel presbyterij. Honorem autem sacerdotij vel presbyterij habet, qui electus à populo vel ab aliis quorum interest eligere ipsum, & confirmatus à superiori, constitutus est in iurisdictione plebani. Et de hoc, scilicet qui habet honorem sacerdotij, loquuntur canones, & non de primo, decernentes quod monachus & alius quicumque bonæ vitæ literatus possit eligi & confirmari in promotionem talis honoris: & tunc per talem iurisdictionem efficitur ipse sacerdos proprius: & ideo nihil contrarium dicunt canones.

AD ID quod primo obiicitur per rationem, dicendum, quod prima vera est, & media falsa: quia duo sunt quæ complent potestatem absoluenti, scilicet ordo, & iurdictio. Et sacerdos ex ordine non habet nisi vnum illorum, & iurisdictione caret, nisi ei committatur: & hoc est quod dicitur, quod licet sacerdos habeat alas, tamen habet eas ligatas, & volare non potest, nisi laxentur per iurisdictionem.

AD ALIUD dicendum, quod secundum aliquid illi actus coordinati sunt sicut maior & minor, & secundum aliquid non. Si enim consideretur obiectum siue materia circa quam operantur, non est dubium actum consecrationis & confessionis maiorem esse, quam actum absolutionis: & hoc modo procedit obiectio. Si autem consideretur iurdictio, quæ potius officij est, quam ordinis, eo quod ordo ad hanc est dispositio imperfecta, & officium iniunctum est formale: tunc maior est actus absolvere, quam confiteri: & hoc modo non oportet semper, quod qui potest in vnum, possit in alium, eo quod sacerdos habet ex ordine completam potestatem in vnum, sed non habet completam potestatem in alium.

AD ALIUD dicendum, quod forma visibilis in sacramento non mentitur, sed efficit quod figurat: sed non figurat iurisdictionem, sed tantum dispositionem ad illam potestatem ex ordine acceptam: & ideo licet sacerdos in ordine accipiat potestatem quandam, non tamen accipit iurisdictionem: & ideo non omnia quæ exiguntur, habet: & ideo non potest absolvere & ligare.

AD



AD ALIVD dicendum, quod beneficia Dei nunquam sunt in ministris eorum sine ordine: optimum enim vel optimorum vnum est ordo. Et hoc significatur in Psalm. 132. ubi unguentum descendit in caput, & de capite in barbam, & de barba in vestimentum, & de vestimentis in oram vestimenti. Ad id autem quod obiicitur, quod restringatur, dicendum quod non: quia quod fiat per proprium, non diminuit abundantiam gratiæ: quia ita abunde fluit per proprium, sicut per omnes simul: sicut non dicerentur beneficia regis terreni restricta, si omnia darentur potius per vnum quam per multos.

AD ALIVD dicendum, quod non est simile de corporalibus potestatibus & spiritualibus: quia corporalia agunt per necessitatem naturæ, & talia per eandem necessitatem patiuntur, & hæc necessitas est impotentia & ignobilitas: sed spiritualia licet potentiora sint, sunt libera & maiorem habentia ordinem: & ideo non appropinquant his in quæ agunt, nisi secundum ordinem & libertatem: tamen potentius agunt quam corporalia, quia in toto consumunt contrarium, scilicet peccatum, & non destruunt naturam: quod non faciunt corporalia, & quanto sunt potentiora, tanto liberiora & ordinatiora: quia ordo est pars potestatis.

AD ALIVD dicendum, quod simile adductum non vsquequaque bene adaptatur, & ideo non procedit obiectio: clavis enim per se applicata ferat, nec claudit, nec aperit: quia non habet motum quo feram moueat, sed in manu mora aperit. Et constat, quod non est idem motus manus in claudendo & aperiendo in diuersis: & iurisdictio in ordinato est sicut vis motiua clavis, & illa non est vna in vno sacerdote & in alio, sed differt per distinctiones plebis: & ideo qui soluit istam, non propter hoc soluit illam.

Si autem obiicitur, Hæc iurisdictio non est nisi vnius speciei: dicendum, quod species iurisditionis est species officij, & non agit nisi coniuncta materiæ: & ideo inseparabilis est à materiæ sua circa quam est: & ideo dignitas inuisibilis sufficit ibi ad hoc, quod qui potest vnum, non propter hoc potest aliud: sicut videmus in officiis humanis, quod qui est pincerna in curia vna, non propter hoc pincerna est in curia alia: eo quod talia committuntur super materiam determinatam, à qua non licet ea separare, quia semper talium species cum materia propria concepta est: sicut dixit Aristot. se habere speciem naturalium ad materialia & diuina.

AD VLTIMUM dicendum, quod ordo non est similis lumini cuilibet, sed lumini immixto naturæ corporis luminosi: sicut enim dicunt Mathematici, ad multos peruenit lumen Iouis vel Saturni, ad quos non peruenit utilitas stellæ, eo quod non vnius modi angulo respicitur à stella illuminante: & sub angulo est diffusio utilitatis & nocuenti. Et ita ordo est in se quasi quoddam lumen indistinctum, sed in iurisditione est sicut lumen immixtum, & tunc determinatur utilitas ipsius ad specialiter ipsum respicientes, ex iurisditione. Et ideo licet edificari possunt alij ab exemplo vel doctrina, non tamen in ipsos diffunditur utilitas absolutionis, vel etiam nocuentum excommunicationis, vel alicuius huiusmodi.

D. Alber. Mag. in Lib.4. Sentent.

# ARTICVLVS XLI.

*An plures possunt esse proprii sacerdotes?*

Tertio quarto, An plures possunt esse proprii sacerdotes? Et videtur, quod non, & hoc primum ex ratione proprii: quia proprium est, quod conuenit vni soli: ergo non possunt plures esse proprii.

2 Adhuc, In nulla multitudine fit reductio in duo æque immediata: ergo nec multitudo populi sic debet reduci: ergo videtur, quod non sint plures æque proprii sacerdotes.

3 Item, In nullo genere graduum sunt duo æque alti. Centurio enim est sub chiliarcha, & quinquagenarius sub centurione, & sub hoc decanus, & sub illo sunt decem qui ad illum & non ad alium habent respectum, eo quod non constituuntur duo decani super illos eosdem decem: ergo videtur, quod etiam illi qui sunt sub eodem sacerdote, non habeant respectum ad diuersos tanquam ad sacerdotes proprios.

4 Adhuc, In ordine vniuersi ita videmus, quod multitudo quæ ordinatur ad vnum vt motuum, non ordinatur ad aliud in ordine eodem: sicut generatio & corruptio ad motum stellarum in circulo obliquo, & hic motus ad diuinum in circulo recto: & sic ascenditur in primum motorem: ergo videtur, quod sic etiam debet esse in gradibus Ecclesiæ: ergo non sunt plures proprii, ad quos vna multitudo respectum habeat.

5 Adhuc, In ordinibus exercitus videmus, quod respicientes vnum sibi proprium ducem assignatum, non respiciunt ad alium: ergo cum Ecclesia sit vt castrorum acies ordinata, vt dicitur Cantic. 6. videtur, quod ordinati sub vno sacerdote, non habent respicere ad alium proprium, nisi ad illum.

6 Adhuc, Confusio videtur induci si plures sint proprii: non enim illi necessario conueniunt in præceptis: ergo tunc populus tenetur obedire duobus contraria imperantibus, quod est contra Euangelium, quia dicit Dominus Matth. 6. Nemo potest duobus dominis seruire. Et dicit ibi Gloss. Contraria imperantibus.

7 Adhuc, Sic se habet populus ad sacerdotem, vt sacerdos ad Episcopum, & Episcopus ad Archiepiscopum, & ille ad Prælatum, id est, Papam: sed nunquam vnus sacerdos est sub duobus Episcopis, nec Episcopus sub duobus Archiepiscopis, & ita de aliis: ergo nunquam eadem multitudo populi est sub duobus sacerdotibus propriis: ergo non possunt esse plures proprii.

IN CONTRARIUM autem obiicitur sic: Sed con-  
Cuiusque sacerdos proprius prælatus, eodem iure est alius ab eodem Episcopo constitutus: sed ab eodem Episcopo super eundem populum plures possunt constitui: ergo plures possunt esse sacerdotes proprii. Probatio primæ est, quod sacerdotes non habent iurisditionem, nisi à superiori Episcopo sibi collatam, & qui confert vni, potest conferre & alteri.

2 Item, Hoc tota die videmus, quod vnus audit confessionem iure parochiali, & alius auctoritate Episcopi, & tertius auctoritate Legati, & quartus forte vice Papæ, & ita multi funguntur officio proprii sacerdotis: ergo videtur,

Mm

quod



quodd multi possunt esse proprii sacerdotes vel viceproprii.

3 Adhuc videtur, quod ita secundum rationem esse debeat. Plura enim debet Ecclesia habere suffragia, quam diabolus pro se impedimenta: sed, ut dicunt Glossæ Sanctorum, vnum hominem multi demones nituntur infirmare: ergo multi sanctitatis perfectiores esse debent: sed sacerdotes sunt sanctitatis perfectiores, ut dicit beatus Dion. ergo plures eidem homini debent esse ordinati sacerdotes: ergo multo magis erunt in eadem plebe plures immediati sacerdotes.

4 Item, Sicut Ecclesia triumphans perficit militantem: ita ministri Ecclesiæ militantis, debent sanctitatem perficere, quantum possunt: sed multi Angeli custodes ordinantur eidem homini: ergo & multi sacerdotes proprii. Prima probatur ex hoc quod militans, quantum potest, imitatur triumphantem. Secunda autem per hoc quod habetur 4. Reg. 6. vbi totus mons plenus equorum & curruum igneorum erat in circuitu Elisei: de quibus ipse dixit puero, Noli timere: plures enim nobiscum sunt, quam cum illis. Similiter habetur per illud 2. Machab. 10. vbi scilicet quinque viri apparuerunt circa Machabæum, ex quibus duo armis suis circumseptum medium Machabæum incolumen conseruabant, in aduersarios autem eius tela & fulmina iaciebant: ex quo & cæcitate confusi & repleti perturbatione cadebant.

5 Adhuc, In Ecclesia triumphante non ponitur tantum vnus perfectior & illuminator & purgator inferiorum: sed quilibet superior ordinis sui vel superioris hoc facere potest, ut dicunt Doctores: cum igitur Ecclesia militans descendat à triumphante, videtur quod in Ecclesia militante plures esse debent perfectiores & illuminatores vnus: igitur plures sacerdotes proprii erunt, cum hoc sit officium proprii sacerdotis.

*Solutio.*

SOLVTIO. Non possunt esse plures proprii, sed vnus solus est proprius: possunt tamen alij cooperari vni proprio, sicut iam patebit in solutione argumentorum.

DICENDVM ergo ad primum, quod Episcopus non potest potestate iuris constituere plures proprios: quia sic vna Ecclesia haberet multos qui æquum ius haberent in illa, & vnus æqualiter restrictus esset duobus, ex quo posset oriri perplexitas: sed Episcopus adiutores potest dare sacerdoti proprio: & hoc tripliciter, ut mihi videtur, scilicet in casibus grauib, in quibus ut magis abhorreantur reseruat sibi Episcopus potestatem absoluen- di, & illam potest committere vni vel pluribus qui absoluunt ad se venientes, & in hoc portant onus sacerdotis proprii: quia in illis casibus tenetur obedire penitens habentibus vicem Episcopi plus quam sacerdoti proprio, si contrarij inueniantur. Alio etiam modo potest dare aliquos, qui prædicando & exemplum dando, generaliter moueant populum, & eos audiant quos mouerunt in prædicatione: sed tamen ab obedientia sacerdotis non excipiant subditos suos, & ideo in penitentia ab illis iam constituta debent innotescere sacerdoti proprio, & per approbationem illius penitentiam peragere illam. Tertio modo quando plebs multa est, & vnus non potest totam audire, vel etiam sacerdos debilis est & impotens audire: tunc enim iterum aliqui possunt constitui à superiori qui audiant & absoluant, & non te-

nentur recurrere ad sacerdotem alium: omnes tamen illi potius coadiutores sunt propriorum prælatorum, quam proprii prælati. Et ideo si prælati proprii rationabiliter aliquid præcipiant, illi contradicere non possunt: & ideo prælati non sunt, sed sicut dictum est, coadiutores.

AD ALIVD dicendum, quod illi qui audiunt auctoritate superiorum prælatorum, audiunt ut coadiutores, & non ut sacerdotes proprii.

AD ALIVD dicendum, quod secundum rationem esse non potest, quod plures sint proprii: nec homo proprium demonem habet ad exercitium nisi vnum, & alij omnes veniunt ut coadiutores. Et tamen si plures demones haberet exercitatores, non propter hoc sequeretur, quod plures deberet habere proprios sacerdotes: quia aliud remedium haberet contra hoc, scilicet plures Angelos adiuuantes.

AD ALIVD dicendum, quod cum singuli custodes ordinantur, vnus est custos, & alij sunt vel prælati illius, vel coadiutores: & coadiutores fuerunt qui circa Eliseum apparuerunt 4. Reg. 6. prælati autem, qui circa Machabæum: Machabæus enim princeps erat gentis Iudæorum, & ideo Angelus princeps erat secum: Machabæus etiam homo erat singularis, & sic habuit custodem: & illi duo tenebantur eum circumseptum. Potestatem autem erat exercere virtutem inimici in contrario exercitu, & Virtutum occurrere miraculis exccatione, & Archangelorum reuelatione machinationis aduersariorum, & illi significantur per alios tres qui erant circa eum: & ideo nihil probatur contrarium per illud.

AD ALIVD dicendum, quod hoc secundum beatum Dionysium falsum est: quia nulli duo Angeli in cælo secundum eum sunt eiusdem altitudinis: & ideo vnus non habet duos æque principales supra se. Sed tamen aliter quidam Doctorum, non sulti aliqua auctoritate dicunt, quod multi sunt æquales in suprema, media, vel infima hierarchia, vel etiam in vno ordine: tunc dicendum, quod non est simile de ordinibus Angelorum confirmatorum, & de ordinibus hominum: quia in ordinibus Angelorum non potest fieri perplexitas & confusio ex contrarie imperantibus, sed concordia illuminationum est à primo fonte luminis descendendum: sed imperia quæ procedunt ab hominibus, sunt frequenter permixta diuersis opinionibus: & ideo induceretur confusio & perplexitas ex pluribus, quod non potest fieri in cælo, vbi omnia ad concordiam reducuntur per lumen Dei: & hoc est quod dicit Iob 25. Qui facit concordiam in sublimibus suis. Nunquid est numerus militum eius? & super quem non surgit lumen illius?

## ARTICVLVS XLII.

*Utrum posito, quod vnus proprius sacerdos habeat plures coadiutores, facta confessione vni, teneatur confessus confiteri alteri si ille præcipiat?*

Quarto quæritur, Si sic est, quod vnus proprius sacerdos potest habere coadiutores, utrum vni facta confessione, teneatur confessus etiam alteri confiteri si ille præcipiat: Videtur autem, quod sic per illud quod habetur diffinitum ab



ab Innoc. 3. in concilio generali. Siquis autem alieno sacerdoti iusta de causa voluerit confiteri sua peccata, licentiam prius postulet & obineat à proprio sacerdote, cum aliter ille ipsum non possit absolvere vel ligare. Constat enim, quod dando licentiam ut confiteatur alteri, non excipit eum ab obedientia sua: ergo adhuc tenetur obedire, sicut prius: sed prius tenebatur sibi semel in anno confiteri: ergo & postea si præcipiat sibi, tenetur facere confessionem.

2 Item, Esto, quod Episcopus mittat coadiutorem vel etiam Papa: constat, quod subditos per hoc non intendunt extrahere extra curam vel obedientiam proprii sacerdotis. Cum igitur ex obedientia teneatur se ei ostendere in confessione, videtur quod si milies aliis confessus sit, adhuc tenetur confiteri illi si ille præcepit.

3 Adhuc, Ille qui sacerdos proprius est, tenetur ei ministrare sacramenta: sed sacramentorum ministrationem præcedit absolutio: ergo tenetur eum scire absolutum esse: & hoc non potest scire nisi audiat eum, & signa poenitentiae prius videat: ergo cum hoc non fiat in confessione, ille tenetur ei confiteri si præcipiat.

2 Adhuc, Videtur, quod periculum oriretur si non tenetur: quia multi prætextu latendi possent dicere se esse confessos, & inconfessi permanentes communicare: & tunc sacerdos proprius eos arce- re non posset: ergo videtur, cum illud quod pro charitate instituitur, non debeat militare contra charitatem, ut dicit Bernard. & pro charitate inducuntur adiutores, quod propter hos non absoluitur homo quin oporteat eum confiteri proprio sacerdoti si ipse præceperit.

5 Adhuc, In ordinibus Angelorum licet vnus Angelus ab alio alterius ordinis quandoque illuminetur, ut patet per beati Dionysij expositionem Isa. 6. ubi dicitur. Volauit ad me vnus de Seraphin: ubi dicit sanctus pater, id est, alius quidam de inferioribus vice Seraphin, & à Seraphin illuminatus. Licet, inquam, ita sit, non tamen excipitur ab illuminatione proprii superioris, sed adhuc sicut prius recipit illuminationes etiā ab illo: ergo cum militans Ecclesia descendat à triumphante, videtur quod licet vnus homo confiteatur alteri, & absoluitur ab alio coadiutore proprii sacerdotis, non tamen propter hoc absoluitur à suo proprio sacerdote, quin teneatur confiteri illi si voluerit.

Sed con-  
tra.

IN CONTRARIUM autem huius obiicitur. Ponamus enim, quod nesciat proprius sacerdos discernere inter lepram & non lepram: cum igitur Dominus dicat, Luc. 6. Si cæcus cæcum ducat, ambo in foueam cadunt: videtur, quod ille non tenetur ei confiteri etiam si præcipiat. Si forte tu dicas, quod debet licentiam petere & obtinere. Contra: Ponamus, quod petat & obtinere non possit, sicut multoties contingit: aut tunc obediet proprio sacerdoti, aut non: si obediet, in præcepto erit & periculo, quia cæcus est: si non obediet, habetur propositum. Si forte tu dicas, quod licentiam potest petere à superiori, potest esse, quod longe habiter, & non possit accedere ad eum vel propter viæ dispendium, vel periculum: potest etiam esse, quod non vult dare licentiam, nec semper homo in tali casu potest adire curiam: ergo videtur, quod non semper sacerdoti proprio in confessione facienda semper tenetur obedire.

2 Adhuc, Ponatur, quod sacerdos proprius  
D. Alb. Mag. in Lib. 4. Sentent.

sit malitiosus, sicut multi sunt, & nitatur in confessione tentare de consensu peccati, sicut sacerdotes plerique faciunt, sceminis comminantes proditionem confessionis, nisi eis consentiant, & intendentes tangere impudice in secreto confessionis, etiam superiores scilicet Archiepiscopi, & Episcopi faciant similiter, sicut certissime scio, quod in pluribus locis multi faciunt: videtur, quod in talibus licentiam petere est periculosum, quia negabunt, & tunc magis peccant: ergo videtur, quod in tali casu etiam prælato proprio non debet obedire de confessione facienda.

3 Adhuc, Ponamus, quod sacerdos sit hæreticus occultus, & in confessione nitatur pertrahere ad hæresim: ergo cum hoc maxime vitandum sit, videtur quod in tali casu etiam ex contemptu proprii sacerdotis, potest confiteri alij, & non tenetur proprio.

4 Adhuc, Ponamus, quod aliquis qui est parochianus vnus, peccet in parochia alterius: constat, quod sacerdos iudex quidem est spiritualis: sed ratione delicti efficitur de iurisdictione alterius iudicis, qui alias de iurisdictione sua non esset: ergo & iste efficitur in tali casu de iurisdictione alterius sacerdotis: ille autem qui est de iurisdictione & deliquit, iudici ad emendam tenetur: ergo & iste. Emenda autem est per confessionem & iniunctam poenitentiam: ergo videtur, quod teneatur illi confiteri etiam reclamante proprio sacerdote.

5 Adhuc, Ponamus, quod ipse murauerit domicilium & in alterius parochia habitet: videtur, quod tunc non teneatur proprio sacerdoti confiteri: quia percipit sacramenta in Ecclesia illius in cuius parochia habitat: sed ille nosse eum tenetur per confessionem: ergo tenetur illi confiteri, & non proprio sacerdoti, ut videtur.

6 Adhuc, Ponamus, quod sit vagabundus per terras: ille enim per magnam loci distantiam remouetur à proprio sacerdote in cuius parochia est natus: cum igitur nulli debeat generari difficultas salutis in sacramentis necessitatis, videtur quod ille omni sacerdoti possit confiteri, & non teneatur alij quantumcunque contrarium præcipienti.

7 Adhuc, Ponamus, quod sit infirmus in articulo necessitatis: cum nulli negetur salus, videtur quod ille sine licentia sacerdotis proprii possit proximo confiteri quem inuenerit: ergo non tenetur proprio confiteri, ut videtur.

8 Generalius autem obiicitur de eo sic: Sacramentum baptismi si datur ab alio quam à proprio sacerdote, etiam contra obedientiam sacerdotis proprii, in redeunte ad sui sacerdotis obedientiam non reiteratur: ergo videtur, quod nec poenitentia debet iterari.

9 Item, Infra dist. 3. 1. dicitur, quod nullum sacramentum iteratur super eandem materiam: ergo de eodem peccato non debet fieri bis confessio: est autem semel facta coadiutori vel alteri de licentia proprii: ergo non debet iterari: ergo si sibi præcipiat confiteri proprius, videtur quod confessus obedire non tenetur nisi voluerit.

10 Item, Confessio, ut supra habitum est ex verbis August. maxima pœna est propter verecundiam quam habet adiunctam: sed sicut dicitur Nahum. 1. Non confurget duplex tribulatio: ergo videtur, quod de eodem peccato etiam si sacerdos

M m 2 proprius



proprius præcipiat, non oportet bis confessionem facere.

11 Adhuc, Si Episcopus dat licentiam clerico ut ab altero ordinetur: & ille ordinatus redeat ad ipsum, non potest ei præcipere ut etiam à se recipiat ordinem: ergo à simili si sacerdos det licentiam confitendi alteri, cum redierit non potest ab eo exigere ut etiam sibi confiteatur. Adhuc, Dando licentiam utitur potestate quam habet semel in anno: ergo cum sua non teneatur confiteri nisi semel in anno, & sacerdos suus iam usus sit sua potestate quam habuit in eo, videtur, quod non potest eum cogere ut confiteatur iterum.

VLTERIVS quæritur de superioribus prælatis ut sacerdotibus, Archidiaconis, Episcopis, & huiusmodi, qui sint eorum proprii sacerdotes? Videtur, quod nulli: quia in nulla natura motus est motus, vel quietis quies: ergo nec sacerdotis sacerdos: ergo nulli tenentur confiteri. Item, Alius est gradus superioris & inferioris, & non sunt permiscendi: ergo natura in spiritualibus superior, non descendit sub inferiori: igitur per hoc ad minus Papa non habebit aliquem confessorem, quod falsum est.

2 Adhuc, Superiores Angeli nunquam descendunt propter acceptionem sanctitatis sub inferiores: cum igitur Ecclesia militans descendat à triumphante, nec in militanti hoc debet fieri, ut videtur.

*Solutio.* RESPONSIO. Dicendum sine præiudicio videtur, quod si aliquis de licentia sacerdotis confitetur alicui, quod illo anno nisi periculum infirmitatis incurrat, & aliquid novum confiteri habeat, sacerdoti suo non teneatur confiteri: si autem confiteatur alij coadiutori ordinato ipsi sacerdoti à superiori, & non de licentia sacerdotis, quod ipse tenetur etiam proprio sacerdoti confiteri: nec ille debet ei imponere pœnitentiam nisi indicando ei, quod quam citius poterit, se proprio exhibeat sacerdoti, nisi in casibus exceptis qui sunt quinque, ut infra dicitur.

AD PRIMVM ergo dicendum, quod licet non eximat eum à sua potestate per hoc quod licentiam dat: tamen licentiam dando priuatus est sua iurisdictione quoad illum annum. Secus autem esset si alius daret licentiam, prælatus sacerdotis: quia ille nec intenderet impedire iurisdictionem sacerdotis, nec etiam eximere subditum sacerdoti à potestate sua. Et per hoc patet solutio ad sequens.

AD ALIVD dicendum, quod sacerdos proprius ministrat sacramenta, & in tali casu quando ipse dat licentiam rationabili de causa, ipse cognoscit pecoris sui vultum per alium fide dignum, & hoc sufficit ad hoc quod ministret ei sacramenta.

AD ALIVD dicendum, quod nullum periculum oritur ex hoc quod ipsemet dat licentiam, quia scit quibus dat, & ad quos: sed si sufficeret alterius quam proprii sacerdotis licentia, tunc posset oriri periculum.

AD ALIVD dicendum, quod in veritate Angelus inferior non illuminatur nisi à superiori proximo vel remoto: & ita etiam fieri potest in Ecclesia: quia quod potest sacerdos, potest etiam Episcopus, & multo amplius, & sic de aliis ascendendo. Nec propter hoc excipitur ab obedientia proximi prælati: sed si sacerdos daret licentiam,

non subderetur ei illo anno quoad hoc præceptum: sicut etiam postquam semel confessus est sacerdoti, non tenetur iterum confiteri, nec propter hoc eximitur ab obedientia ipsius. Et sic patet solutio primæ partis obiectionum. Hæc autem quæ dicta sunt, intelligenda sunt de eo tantum qui habet auctoritatem imponendi pœnitentias à superiori Episcopo, scilicet vel Legato, vel Papa: quia ad alium eundi non potest dare sacerdos proprius licentiam. Et causa huius est: quia licet sacerdos posset subditum relaxare ut alij confiteatur, non tamen potest transferre iurisdictionem in eum qui habet alas ligatas, sed superior tantum: & ideo licet subditus in tali casu posset alij confiteri, non tamen quilibet alius potest eum audire.

AD EA autem quæ obiiciuntur in oppositum, salva meliori sententia, videtur mihi dicendum, quod in quinque casibus, secundum quod iurisperiti dicunt, debet quærere licentiam alij confitendi quæ proprio sacerdoti, scilicet si sacerdos sit deficiens in scientia, vel etiam malitia impediens confessionem, sicut si sollicitus ad peccatum. Secundo si peccet in parochia alterius. Tertio si habiter in parochia alterius. Quarto si vagatur per longum iter. Quinto in articulo necessitatis. Et in hoc ultimo casu unicuique habenti alas ligatas siue solutas, siue clerico siue laico confitendum est, dummodo sit fidelis.

Ad obiectum ergo dicendum, quod in tali casu de licentia potest alium quærere. Ad obiectum contra, dicendum quod obtenta credi debet licentia: quia rationabiliter est obtenta, scilicet quando sacerdos vel prælatus eius audit & probat causas rationabiles, vel dicitur probasse: tunc enim etiam si negetur licentia, meo iudicio, potest & debet quærere alter: quia alias fatuitas iudicatur: quia ordinationibus Ecclesiæ omnibus contradicentibus, possum cauere periculum in corpore, & fatuum esset dicere, quod aliquo casu teneret sequi me volentem præcipitare in mente.

AD ALIVD dicendum, quod etiam in illo casu quando tentat, debet significari suo superiori, & probabile est, quod compescat eum: si autem non facit, sicut heu frequenter fit, tunc debet occulte alij discreto confiteri, ne scandalum generetur: & hoc dico sine præiudicio sententiæ melioris.

AD HOC quod obiicitur de hæretico, dicendum videtur, quod nec etiam in articulo necessitatis tali confitendum est: sed potius cum dolore sine confessione moriendum, si alius cui confessio fiat, non inueniatur. In sequentibus autem quatuor casibus in quatuor obiectis, patet solutio per antedicta.

AD HOC autem quod obiicitur generaliter, dicendum quod non est simile de baptismo & pœnitentia, quia baptismus iterari non potest: & huius causa superius sæpe notata est. Sed pœnitentia tanto melior, quanto sæpius iteratur in contritione, confessione, & satisfactione.

AD ALIVD dicendum, quod pœnitentia & confessio, secundum quod subsunt clauibus iurisdictionis, sunt consequentes ordinem: & ideo quando fiunt coram non habente iurisdictionem, interpretantur non esse facta: & ideo non bis fit quando iteratur, quia prior non fuit confessio sacramentalis.



AD ALIUD dicendum, quod illud quod dicitur Nahum primo, non intelligitur sic, quod nulla poenitentia duplex fiat pro eodem peccato, cum scriptum sit Isa. 40. Suscepit de manu Domini duplicia pro omnibus peccatis suis: sed hoc modo intelligitur, si debitam sustinet poenam, quod illam iterare non oportet. Dictum est autem, quod non credimus debitam, nisi fiat coram sacerdote proprio, nisi in casibus supra assignatis.

AD ALIUD dicendum, quod non est simile: quia ordo datur bene extra Ecclesiam, tamen in forma Ecclesiae, sicut & baptismus: sed non sic est de confessione in qua non imprimitur character, & est ibi actus hominis poenitentis: & ideo non valet nisi coram ministro proprio, vel eo qui licentia superioris & consensu sacerdotis habet vicem proprii, ut dictum est.

AD ID quod ulterius quaeritur, videtur dicendum cum quibusdam Iurisperitis, quod potest sacerdos & Episcopus, & praecipue Episcopus, eligere sibi confessorem quem vult iuxta se: quia propter periculum salutis non est sibi hoc negandum, cum sit difficile pro confessore quo semper ad manum indigent praelati propter sacramenta quae non nisi mundi tractare possunt, longe discurre. Ad obiectum contra, dicendum quod sicut dicit Philosophus, quod medicus sanat seipsum, non in quantum medicus, sed in quantum laborans: ita etiam sacerdotem contingit esse sacerdotis, scilicet in quantum sacerdos est vice subditi in infirmitate peccati, & non in quantum sacerdos existens de gradu altiori. Quod autem dicit Philosophus, non esse motum motus, dicendum quod sic intelligitur, quod non est motus ad motum ut generatio ad generationem, &c. & sic sacerdos non est sacerdotis, sed infirmi peccatoris, cui accidit esse sacerdotem.

AD ALIUD dicendum, quod hoc negauerunt quidam antiqui dicentes, superiores ab inferioribus quasdam percipere illuminationes, propter illud Ephes. 3. Ut innotescat principibus, & potestatibus, in caelestibus per Ecclesiam, &c. Et de hoc super secundum est disputatum. Tamen ego puto, quod verum est sicut dicit obiectio. Unde dicendum, quod in superioribus hominibus inuenitur peccati infirmitas, ratione cuius indigent quandoque auxilio inferiorum: sed non sic est in Angelo: & hoc est quod dicit Apostolus Hebr. 5. Quoniam & ipse circumdatus est infirmitate, & propterea debet quemadmodum pro populo, ita etiam pro semetipso offerre pro peccatis. Et loquitur de infirmitate peccati.

### ARTICVLVS XLIII.

*An aliquis ex privilegio potest audire eos qui sunt alterius subditi?*

Quinto quaeritur, Vtrum aliquis ex privilegio potest audire eos qui sunt subditi alterius? Videtur autem, quod sic: quia ex privilegio principis aliquis qui est subditus alicuius, potest eximi ab ipso sine praedictio eius cuius est subditus: ergo ex privilegio etiam potest conferri iurisdictio quantum ad confessionem in subditum alterius.

D. Alb. Mag. in Lib. 4. Sentent.

2 Adhuc, Inferior praelatus non habet iurisdictionem aliquam in subditum aliquem nisi ex auctoritate superioris: ergo si superior limitet vel minuat auctoritatem, non facit praedictum aliquod: ergo si alium mittat qui etiam audiat subditos, non est praedictum.

3 Adhuc, Principi licet quod vult facere, dummodo voluntas sua communitati sit utilis: constat autem, quod utile est multos constituere qui audiant multitudinem, & dubia expediant & absoluant: ergo videtur, quod multis privilegium confessionis alios audiendi conferri possit sine cuiuscunque praedictio.

4 Adhuc, Quoscunque potest audire inferior, potest etiam audire superior: sed non convertitur: ergo de potestate sua potest alios mittere ad audiendum, & privilegium eis de hoc dare.

5 Adhuc 1. Paralip. 29. legitur, quod David ampliauit cultum Domini, qui laudatus est, ex hoc quod constituit vigintiquatuor summos sacerdotes, ut magis posset populus expediri: ergo videtur, quod etiam illud laudabile sit, quod privilegium audiendi multis conferatur.

6 Adhuc, 4. Reg. 17. Misit Ezechias nuntios discurrentes, qui monerent populum ut reverteretur ad Dominum Deum patrum suorum. Et constat, quod non erant leuitae: ergo & in Novo Testamento debent aliquid nuntij esse sacerdotibus subordinati, qui audiendo populum, moneant ipsum ut reuertatur ad Dominum Deum Patrum suorum.

7 Adhuc, Esther 8. Assuerus misit veredarios, celeres nuntios praefidentes, qui subordinabantur praepositis 127. provinciarum, qui nuntiabant liberationem populi Dei. Ergo in Novo Testamento sine omni praedictio debent esse huiusmodi nuntij, ad populi liberationem in audiendis confessionibus ordinati. Aliis etiam infinitis modis hoc probari posset: ergo videtur, quod constitui possint & debeant aliqui ex privilegio praedicantes & confessiones audientes: & in hoc nulli videtur praedictio generari.

SED IN CONTRARIUM huius obicitur: sic: In iniuriam alicuius non sunt conferenda privilegia: sed subditos alicuius sine voluntate eius ad alium ire, est in iniuriam eius qui praelatus est eis: ergo de hoc non debet alicui conferri privilegium.

ITEM, Esto quod aliquis habeat privilegium audiendi: quaeritur, vtrum sacerdotes & Episcopi possunt prohibere suis ne confiteantur ei? Videtur, quod sic: quia per privilegium illud non eximuntur a potestate suorum sacerdotum: ergo sicut ante tenebantur ei obedire, ne alij confiterentur, ita & modo: ergo si prohibet sacerdos, non debent confiteri ei qui habet privilegium.

3 Item, Cui incumbit sollicitudo de curandis ouibus in sacramentorum administratione, & reddendi rationem, illi etiam incumbit cui & quando confiteantur: ergo sine sua licentia non debent ire ad aliquem: ergo etiam licet sit aliquis privilegiatus, non tamen potest audire subditos alterius, si ille prohibeat.

4 Adhuc, Licet iste sit privilegiatus audire, tamen subditus sacerdotis non est privilegiatus suo sacerdoti non obedire: ergo si prohibet ei ne privilegiato confiteatur, ipse debet obedire non

Mm 3 confiten



confitendo: & ex hoc sequitur, quod ille qui privilegium habet, non audiet, licet sit privilegiatus.

*Sed contra.*

**SED CONTRA:** Beneficium privilegij non est reiiciendum, ita ut sit inutile ei cui datur: sed si retrahi possunt confitentes ne privilegiato confiteantur, erit sibi inutile privilegium: ergo videtur, quod etiam in inhibitione sacerdotis retrahi non possunt ne confiteantur alicui, privilegium de hoc habenti.

2 Item, Cui conceditur beneficium aliquod ac principale, ei conceditur etiam accessorium, sine quo principaliter concessum exerceri non potest: sed auditus confessionis non potest esse nisi aliquis confiteatur: ergo videtur, quod cui conceditur confessiones audire, conceditur etiam subditis ut illi possint sine licentia alterius confiteri.

*Solutio.*

**SOLUTIO.** Videtur sine præiudicio dicendum, quod privilegium audiendi confessiones religiosi & honestis personis utile est concedere. Et confirmatur Veteris & Novi Testamenti auctoritate. Et Veteris Testamenti plura inducta sunt. De Novo autem Luc. 14. habetur, ubi paterfamilias misit servos suos, qui exirent in vias & sepes ducere & compellere intrare ut impleretur domus Dei. Et hoc præcipue temporibus novissimis necessarium est, quando instant tempora periculosa propter abundantiam malitiæ. Et si conferatur privilegium, possunt audire privilegiati omnes quos mouerint verbo & exemplo ad penitentiam in predicatione: unde concedo partem primam huius disputationis.

**AD ID** autem quod obiicitur in contrarium est dicendum, quod nullum præiudicium in hoc fit alicui: quia etiam sacerdos, vel alius prælatus, non habet aliquam iurisdictionem in subditos, nisi in quantum descendit à capite: & ideo si alij vocantur & privilegiantur in adiutorium eius, non est præiudicium, sed solatium, præcipue cum fructus proventuum ex hoc sibi in nullo diminuatur.

*Ad qu.*

**AD HOC** quod ulterius quæritur, dicendum quod si privilegium tale concederetur, meo iudicio, privilegiatus debet inducere subditos ut sibi confiteantur de conscientia & licentia sui sacerdotis. Si autem sacerdos hoc malitiose impedire vellet, non posset: quia in hoc non tenentur subditi sui ei obedire. Qui enim dat privilegium, per consequens dare videtur subditis potestatem confitendi privilegiato: quia aliter gratia quam facit, frustraretur.

**AD ALIUD** dicendum, quod sollicitudinem non habet sacerdos nisi ex voluntate superioris, & ideo debet præsumere, quod missi ab ipso bene disponant populum ad salutem, nec reddet rationem de illo.

**AD ALIUD** dicendum, quod isto privilegiato ad audiendum, permissum est alij sibi confiteri: quia qui concedit principale, concedit

& accessorium sine quo illud principale fieri non potest, sicut dictum est

in obiectione quæ in contrarium adducebatur.

## ARTICVLVS XLIV.

*An aliquis privilegiato confessus, teneatur etiam confiteri proprio sacerdoti?*

**S**exto quæritur, Vtrum postquam confessi sunt privilegiato, si aliquis talis est, teneatur etiam proprio sacerdoti confiteri? Et videtur, quod sic: præceptum est enim sacerdoti proprio, Diligenter agnosce vultum pecoris tui: sed non potest agnoscere nisi per confessionem vultus spiritualis pecoris: ergo sacerdos proprius tenetur audire confessiones eorum: ergo & illi tenentur ei confiteri.

2 Adhuc, Ierem. 33. dicitur, quod transibunt greges ad manum numerantis: sed manus numerantis tangit singulas: ergo manus probantis sacerdotis debet tactu confessionis & cognitionis singulas oues mensurare: sed hoc non potest esse nisi per confessionem: ergo tenetur ei confiteri.

3 Item, Ioan. 10. dicitur, quod bonus pastor proprias oues vocat nominatim, & ante eas vadit, & quod nescit suas, & quod suæ nescant eum. Hæc autem omnia nullo modo sine confessione fieri possunt: ergo cuicumque confessi sint subditi, videtur quod adhuc tenentur confiteri proprio sacerdoti.

4 Adhuc, Actuum 20. dicit Paulus. Attendite vobis, & universo gregi, in quo vos posuit Spiritus sanctus Episcopos regere Ecclesiam, quam acquisiuit sanguine suo. Sed non parua æstimationis est, quod emitur sanguine Christi: ergo cum omni sollicitudine videndæ & noscendæ à suo pastore sunt oues: tales autem nullo modo sufficienter noscuntur, nisi per confessionem in qua homo totum cor & conscientiam monstrat sacerdoti: ergo videtur, quod tenetur ei confiteri.

5 Adhuc, 1. Thess. 5. dicit Apostolus. Corripite inquietos, consolamini pusillanimes, suscipite infirmos, patientes estote ad omnes. Sed hoc nullo modo potest fieri, nisi noscantur tales vel tales esse: ergo nosci debent: sed nosci congrue non possunt, nisi per confessionem: ergo omnes suo sacerdoti tenentur confiteri, etiam cuicumque confessi sint alij. Si autem tu dicas, quod noscit per alium. Contra: Hoc non generat nisi opinionem: & opinio non sufficit ad iudicium humanum: ergo multo minus sufficit ad iudicium diuinum: & hoc est in penitentia: ergo non sufficit in penitentia.

6 Adhuc, Hebr. 13. Obedite præpositis vestris: ipsi enim peruigilant quasi rationem reddituri pro animabus vestris. Sed video, quod qui rationem reddere debet, etiam de temporalibus, per seipsum quærit cognoscere computum: ergo multo magis in diuinis hoc exigitur: ergo sacerdos per seipsum habet cognoscere de confessione.

**IN CONTRARIUM** autem huius sic obiicitur. Si aliquis confiteatur privilegiato, constat quod est absolutus, quia aliter nihil valeret privilegium: sed absolutus non tenetur confiteri: ergo iste nec sacerdoti nec alij confiteri tenetur plus illo anno.

2 Adhuc,



2 Adhuc, Magister Hugo de sancto Victore in lib. de potestate ligandi & absoluendi dicit, quod inter cetera vincula quæ soluit sacerdos audiens confessionem, vnum & primum est, quod soluit à debito confitendi quo Deus eum ligauit, cum eum in contritione absoluit à debito mortis æternæ: sed absolutus à debito confitendi non tenetur alicui confiteri: ergo cum iste sit confessus, non tenetur confiteri proprio sacerdoti.

3 Adhuc, Si aliquis confiteatur pœnitentiario superioris, non postea tenetur confiteri etiam inferiori: sed priuilegiatus est quasi quidam pœnitentiarius particularis Domini Papæ: ergo sibi confessus non tenetur alicui amplius confiteri.

4 Adhuc, Nunquam sunt duo remedia omnino eiusdem speciei contra morbum vnum: ergo nec in spiritualibus sic debet esse: sed istæ duæ confessiones essent remedia omnino similia & eiusdem speciei contra morbum vnum: ergo videtur, quod non esse debeant: ergo confessus vni, non tenetur confiteri alteri.

5 Adhuc, Natura non abundat in superfluis, nec deficit in necessariis: & hoc est ideo, vt dicunt Philosophi, quia ordinatissima est: sed opus diuinum ordinatius est, quam opus naturæ: ergo nec ipsum abundat superfluis: sed superfluum est ponere duo, cum vnum sufficiat: ergo videtur, quod cum vni facta confessio valeat, non teneatur confiteri alteri.

*Solutio.*

RESPONDEO sine præiudicio, quod si priuilegium audiendi confessiones per modum supra dictum daretur alicui: sicut datum est priuilegium audiendi eos quos mouent aliqui verbo suæ prædicationis: firmissime credendum est, quod propter nimiam sacerdotum negligentiam hoc summus Pontifex dedit: quia peccatis nostris crescentibus in hoc fine seculi, etiam perpauci inveniuntur sacerdotes qui veri sint pastores, sed potius vicarij conducti pretio vili: & quod abominabilius est, nec sunt perpetuati in multis terris, sed conducti ad annum, vel etiam ad dimidium, vel mensem. Et hæc omnia scio, quia vidi: ita vt videatur impleri illud Ezech. 13. Pro fragmento panis & pugillo hordei corrumpabant me, & meum populum. Et ideo satis necessarij sunt, qui vita & scientia populum audiant & absoluant: tamen propter officium pastorale & reuerentiam sacerdotum, & quia non est detrahendum eis coram subditis, videtur quod absolvens priuilegiatus deberet iniungere confessio sibi, quatenus ad minus in generali ostendat se proprio sacerdoti si pastor est, vel etiam perpetuus vicarius. Si autem conductus est ad tempus, tunc videtur, quod non oportet.

AD ID autem quod contra obiicitur, dicendum quod talis confessus absolutus est: sed tamen absolutus debet innoscere suæ Ecclesiæ gubernatori qui est sacerdos proprius, & ideo debet se ostendere sacerdoti ad minus in genere peccatorum in quibus fuit: & etiam propter conscientiam sacerdotis, & vt sit securus de ipso: quia debet ei ministrare sacramenta & rationem reddere pro ipso.

AD ALIUD dicendum, quod sicut dictum est, ille absolutus est coram Deo: sed tamen multa exiguntur ab ipso: quia nullus est adeo absolutus, quin propter contemptum ministrorum Ecclesiæ

possit iterum incidere in peccatum mortale: & ideo vt assecuret suum gubernatorem, tenetur ei se in genere ostendere si ille voluerit.

AD ALIUD dicendum, quod etiam si confiteatur pœnitentiario superioris, adhuc vrile est, ne pœnitentiarius dissoluat ordinem Ecclesiæ & officij sacerdotum ad populum, & in aliquo remittat eum ad proprium sacerdotem. Et crederem grauius peccare pœnitentiarium, qui hoc non faceret: tamen si non remittit, tunc dicendum, quod secus est in illo, quia pœnitentiarius superioris vice superioris imponit pœnitentias, & ita est sufficiens præsumptio sacerdotis, quod bene omnia facit, nec habet de facto superioris indicare: sed alij ex priuilegio audientes, sunt vocati quasi in subleuamen negligentia sacerdotum: & illorum magis est cauere ne dissipent officium sacerdotum ad populum, & reuerentiam populi ad sacerdotes: & ideo non est simile quod pro simili inducitur.

AD ALIUD dicendum, quod multiplicata remedia valent ad morbum latentem & grauem: quia etiam si non curant morbum, tamen faciunt ad sanitatis confirmationem: sed hic non est aliud: quia obligabatur sacerdoti, & propter cautelam abundantem vadit ad priuilegiatum.

AD ALIUD dicendum, quod etiam natura multa facit ad confortationem speciei, vt possit resistere alterationibus sequentibus, & illa non sunt superflua: & ita est etiam in operibus gratiæ: vnde etiam ab eo qui præsidet vtilitati Ecclesiæ, tales quandoque mittuntur propter abundantem cautelam ad confortationem populi in pœnitentia & confessione. Et per hoc patet solutio ad totum.

## ARTICVLVS XLV.

*An aliquid vtilitatis consequatur si quis confiteatur priuilegiato?*

SEPTIMO quæritur, Quid vtilitatis consequatur à priuilegiato? Licet iam fere determinatum sit ex præcedentibus: tamen sine disputatione ad hoc dicendum, quod tres vtilitates consequuntur ad minus. Vna est absolutio perfecta, quæ duplicata facit pœnæ debitæ diminutionem & gratiæ confortationem. Secunda est abundantia consilij, ex qua efficitur pœnitens securior de pœnitentiæ sibi iniunctæ sufficientia. Tertia est multiplicitas orationum & testium coram Deo: quia quanto pluribus confitetur, tanto plures apud Deum habet intercessores & testes.

*Solutio.*

## ARTICVLVS XLVI.

*An definitiones scandali sint bonæ?*

DEINDE quæritur de hoc quod dicit ibi [ Sed etiam in tanto scandalo, &c. ] Quæremus autem de scandalo, primo quid sit? Secundo de scandali diuisione. Tertio, Vtrum sit peccatum speciale diuisum ab aliis peccatis, vel coniunctum aliis semper? Quarto, Vtrum sit mortale peccatum vel non? Quinto, Vtrum scandalizare aliquo modo conueniat bonis? Sexto, Quorum sit scandalizati?



dalizati? Septimo, Quæ sunt dimittenda propter scandalum, & quæ non?

Ad primum horum sic proceditur: Matth. 18. super illud, Væ mundo ab scandalis: dicit Gloss. Scandalum est dictum vel factum minus rectum, aliis præbens occasionem ruinæ. Alia autem notificatio scandali habetur super illud Num. 31. Vlciscere prius filios Israël, &c. sic, Scandalum est, ubi recte ambulanti deceptio submittitur ad ruinam.

Obiicitur autem sic contra primam: quia omne peccatum quod est in dictis vel factis, est occasio ruinæ alteri: ergo omne peccatum in dictis & factis existens, est scandalum, quod falsum est.

2. Adhuc, Omne peccatum procedens ad notitiam proximi, est obex positus recte ambulanti: sed omne peccatum in dictis vel factis existens, est procedens quantum est de se ad notitiam proximi: ergo omne peccatum in dictis & factis existens, est obex positus recte ambulanti, quod falsum est, quia multi peccant, & non scandalizant.

3. Si forte dicatur, quod peccatum quod est in dictis vel in factis, efficitur scandalum quando aliquis ruit exemplo ipsius. Contra: Accidit peccati, quod aliquis ruit ad exemplum ipsius vel non ruit: ergo scandalum per accidens est in scandalizante, & per se in scandalizato: sed in quo per se est, illius est & illi imputatur: ergo scandalum magis est in scandalizato & sibi imputatur, quod est contra totam Scripturam quæ semper culpam scandalizantes.

*Quæstio-  
cula.*

ULTERIVS quæritur, Quare non ponitur peccatum cordis? Videtur enim illud posse esse occasio ruinæ: quia cor prodit ad notitiam per signa: ergo potest esse occasio obicis: ergo est scandali occasio: ergo ipsum poni debet, ut videtur.

Obiicitur etiam contra secundam diffinitionem: non tantum recte ambulantes scandalizantur, sed etiam alij: ergo male dicitur, Vbi recte ambulanti.

2. Adhuc, Non semper est deceptio in scandalo: sed etiam iste scit, quod male facit imitando: ergo male dicit, Deceptio submittitur.

3. Item, Non interest ad casum ad obicem, utrum occultus sit obex, an manifestus, dum deiciat ambulantiem: ergo similiter est in via morum: ergo non oportet semper esse deceptionem.

*Solutio.*

RESPONSIO. Dicendum, quod scandalum est Græcum, & tantum sonat in Latino, quantum impactio vel casus: unde in scandalo spirituali quod transumptive dicitur scandalum, oportet aliquid esse ad quod fiat impactio vel casus: & hoc est peccatum obuians recte ambulanti in quantum obuians. Dico autem recte ambulantiem, omnes & illum qui in illo opere in quo est, non deuiat, ut dicatur rectum esse illud quod recedit à curuitate peccati vel deuiat: & ita comprehenduntur omnes actus sub recto qui liciti sunt, id est, qui nullo præcepto prohibentur: sic enim diffinitur licitum 1. Corinth. 10. in Gloss. super illud, Omnia mihi licent, sed non expediunt. Dico autem obuians, in quantum obuians: quia si peccatum haberet circumstantiam facientem ipsum non obuiare recte ambulanti, non esset

scandalum, sicut est circumstantia occultationis. Circumstantia autem faciens ipsum obuiare pedibus recte ambulantis, est illa quæ ponit peccatum ante eum: & hæc est illa quæ dicitur manifeste. Hæc enim coram recte ambulante in via morum ponit peccatum obicem impediens gressus operum.

AD PRIMUM ergo dicendum, quod hoc est falsum, Omne dictum vel factum, &c. quia non omne dictum vel factum est manifestum in spectaculo recte ambulanti, & non de se prodit ad notitiam, quando est occultum.

AD ALIUD dicendum eodem modo, quod nondum se prodit, quando occultatur & clauditur: subtrahitur enim quasi de via morum, quando subducitur notitia proximorum.

AD ALIUD dicendum, quod circumstantia non est omnino accidentaliter actui: & hoc patet in moralibus, ubi species recti & obliqui distinguuntur per quando, oportet, & quantum, & ubi, & quibus auxiliis, & cur, &c. Patet etiam in locis rhetoricis à quibus trahuntur argumenta accusationis vel defensionis rei à circumstantiis: & ideo non per accidens conuenit omni peccato, quod ei conuenit per circumstantiam. Est autem una circumstantiarum aperta: & ideo de se habet, quod est scandalum quando est apertum. Quod autem alius cadat, vel non, hoc est illi contingens: quia scandalum non est sola causa ruinæ, sed exigit etiam causam ex parte alterius imitantis ipsum in peccato. Unde siue ille cadat siue non, iste tamen dedit quantum est de se occasionem ruinæ: occasio autem dicitur imperfecta causa, quæ secum exigit aliam principaliter causantem, quam excitat & inuitat ad causandum, & huiusmodi in scandalo est voluntas imitantis scandalizantem in peccato quod ante oculos eius ponit.

AD ALIUD dicendum, quod peccatum cordis de sua ratione occultum est: quia peccatum cordis est discretive dictum, quod ita est cordis, quod non est oris vel operis. Ad obiectum autem dicit, quod signum multiplex est, scilicet commune, & conuertibile signum: commune non certificatur: sed facit existimationem debilem, & ideo non est scandalum. Signum autem conuertibile æquipollet causæ, ut dicit Philosophus: & tale non est manifestum in peccato cordis. Si autem esset, inueniretur aliquid quod ipsum peccatum in specie propria ostenderet, & coram oculis poneret recte ambulantis: ideo non esset peccatum cordis tantum, sed ad peccatum oris vel operis reduceretur.

AD ID quod obiicitur contra secundam, dicendum quod non recte ambulans in quantum huiusmodi, non scandalizatur, quia inuitans ad peccatum non accipit extra in peccato, sed causam sui peccati habet intra: sed recte ambulans & non distorte ambulans, ille enim ad peccatum inuitans cum non habeat intra, extra accipit in peccato proximi sibi obuianti in via morum.

AD ALIUD dicendum, quod deceptio large hic sumitur pro non præuiso: subito enim & præter spem obiicit se peccatum scandali inuitantis ad peccatum ex parte scandalizati: & hoc dicitur hic deceptio, quia cum proximus in quantum est imago Dei ad bonum debeat inuitare, præter præuisionem obiicit occasionem ruinæ. Sed tunc obiicitur: quia secundum hoc si præuideatur peccatum



catum publicum futurum, non erit scandalum, & ita iterum sequeretur, quod accideret ei scandalum esse ex parte scandalizati, ex hoc quod prauideretur, vel non prauideretur. Responsio, quod est prauidentia duplex, scilicet speculatiua, & practica. Speculatiua non inuitat ad peccatum: quia sic omnes prauediteres peccata aliqua, ad peccatum mouerentur, quod falsum est. Vnde si talis prauideret ex parte scandalizati, non minus est scandalum siue peccatum alterius, quia est primum inuitans ipsum ad peccatum de se. Si autem prauideret practica prauidentia: tunc est consensus vel placentia peccati illius, quod mouet ad visum peccati. Et tunc est quidem adhuc de se scandalum: sed tamen hoc scandalum non primo scandalizat ipsum, sed potius primum inclinans ad peccandum attulit secum in voluntate peccandi: unde iste peccat ac si non esset scandalizatus, quia si subduceretur sibi peccatum proximi, adhuc moueretur ad peccandum.

AD ALIUD dicendum, quod multum interest in via motum, licet non intersit in via pedum: quia nunquam deiecit ut primum inuitans ad peccandum, nisi procedat in notitiam alterius: & hoc est esse manifestum alteri. Dicitur autem iam, quoniam de essentia scandali proprie est, quod sit primum inuitans ad peccandum alios, non peccantes illo genere peccati.

## ARTICVLVS XLVII.

*An scandalum bene diuidatur in actiuum & passiuum?*

Secundo queritur de scandali diuisione. Diuiditur autem in actiuum & passiuum. Et actiuum dicitur esse quod agit in scandalo, passiuum quod patitur in eodem. Verbi gratia, si do occasionem ruinae, ego ago in scandalo: si autem tu accipis, tu pateris: & in me est scandalum actiuum, in te autem passiuum.

Sed contra sic obiicitur: agens enim principalissimum, est agens immediatum facto vel operi: sed agens immediatum operi, est voluntas imitantis peccatum manifestum: ergo ipsa est agens principalissimum: ergo in imitante non est scandalum passiuum, sed actiuum, quod est contra omnes de scandalo loquentes.

2. Adhuc, Occasio non agit, eo quod non est causa, sed minus quam causa etiam per accidens: ergo videtur, cum peccatum manifestum non sit nisi occasio peccati alterius, quod non debeat dici scandalum actiuum.

3. Adhuc dicit August. quod omne peccatum adeo est voluntarium, quod si non sit voluntarium, non est peccatum: constat autem, quod non dicitur actuale peccatum mortale voluntarium, nisi voluntate agentis ipsum: sed video, quod peccatum imitatione peccati perpetratum, dicitur voluntarium voluntate scandalizati, & non voluntate scandalizantis: ergo videtur, quod scandalizatus sit agens in ruina scandali, & non scandalizans.

4. Adhuc, Causa per occasionem, est causa aliquo modo disponens: haec autem aliquo modo reducitur ad causam materialem, cum dicat materiae preparationem, ut dicunt Philosophi: ergo

go dans occasionem in scandalo, est causa reducta ad materialem: sed ille est scandalizans: ergo non causat in scandalo, nisi sicut materia vel dispositio: & illius est pati, non agere: ergo scandalizant magis conuenit pati in scandalo, & scandalizato agere, quam e conuerso.

RESPONSIO. Dicendum, quod definitio *Solutio.* scandali inducta stat, & bona est. Ad solutionem autem obiectorum dicendum, quod est agens primum, quod est tantum agens: & agens secundum, quod est agens passum, & mouens motum, quia mouetur a primo motore. Exemplum huius est desideratum & desiderium, ut dicit Philosophus. Desideratum enim de se, id est, de sua specie, quae delectabilis est, mouet desiderium: desiderium autem motum a specie desiderati mouet ad opus, & in coniunctionem desiderati. Et hoc modo dicitur scandalum actiuum, quod est primum mouens desiderium videntis ipsum: desiderium autem motum a viso peccato, est secundum mouens ad actum peccati, & est mouens motum, & agens passum. Cum igitur peccatum scandalizantis sit primum obiectum oculis recte ambulantibus, ipsum est tantum agens: & ideo dicitur scandalum actiuum. Desiderium autem siue voluntas scandalizati, est mouens iam motum, & agens iam passum: & sequitur mouentia passionem, qua passum est ab alio: & ideo est penes ipsum scandalum passiuum. His habitis facile est respondere obiectis.

DICENDUM enim ad primum, quod agens principalissimum dicitur dupliciter, scilicet quod plus habet de ratione agentis, & quod est causa actionis. Et primo modo primum agens in quolibet ordine, est agens principalissimum: & sic dicitur principalissimum agens in scandalo actiuo. Secundo autem modo immediatum agens, est agens principalissimum, licet non agens secundum speciem agentis primi, qua ipsum iam passum est: & hoc modo voluntas scandalizati, est causa principalis peccati, quod fit in scandalo.

AD ALIUD dicendum, quod occasio dicitur, eo quod non est perfecta causa passionis illius, quae fit in voluntate ruentis per exemplum illius: quia desideratum per se mouet desiderium.

AD ALIUD dicendum, quod August. loquitur de voluntate quae est proxima causa peccati, & non de causa prima.

AD VLTIMUM dicendum, quod non est dispositio occasio, sed potius sequitur causam efficientem, ut patet per Aristot. in 2. physic. ubi causam per accidens ponit iuxta efficientem. Et per hoc patet solutio ad totum.

## ARTICVLVS XLVIII.

*An scandalum sit speciale peccatum distinctum ab aliis peccatis?*

Tertio queritur, Vtrum sit peccatum speciale diuisum ab aliis, vel aliis coniunctum? Videtur autem, quod sit generale per definitionem supra inductam, quae dicit. Omne dictum vel factum, &c. hoc enim est in omni peccato publico: ergo videtur, quod non sit peccatum speciale.

2. Adhuc, Hic in litera videtur innuere, quod sit



sit circumstantia peccati potius quam peccatum, cum dicit, Si peccatum eius fuit non modo in graui eius malo, sed etiam in tanto scandalo aliorum, &c. Circumstantia non omnino separatur à peccato, cuius est circumstantia: ergo videtur, quod scandalum non separatur ab aliis peccatis, cuius est circumstantia: ergo videtur, quod scandalum non separatur ab aliis peccatis: ergo non est species peccati secundum se.

3 Adhuc, Omnis corruptio ordinabilis ad actus diuersorum peccatorum in specie, est corruptio circumstantiæ communis, & non proprii actus secundum speciem: sed scandalum dicit huiusmodi corruptionem: ergo est corruptio circumstantiæ communis, & non proprii actus cuius secundum speciem. Prima patet per hoc quod differentiæ specificæ ultimæ & completiue, non sunt ordinabiles ad diuersa peccata. Secunda probatur per hoc quod corruptio scandali inuenitur in omni peccato publico. Inde sic: Quicquid coniunctum est speciebus diuersorum peccatorum, est quoddam commune, quod secundum se speciem non constituit: scandalum est huiusmodi: ergo scandalum est quoddam commune coniunctum cum aliis peccatis, secundum se speciem non constituens.

4 Adhuc ad idem potest argui per secundam diffinitionem: Per omne peccatum publicum datur occasio ruendi recte ambulanti: ergo scandalum coniunctum est omni peccato publico.

*Sed contra.*

IN CONTRARIUM huius obiicitur: speciale enim peccatum est à speciali voluntate mala, & speciali nocumento, & fine: sed specialis voluntas mala est quæ vult ruere alium, & speciale nocumentum quod est ruina alterius, & intentum speciale, quia scandalizans intendit alterius casum. Cum igitur ista sint in scandalo, videtur quod scandalum sit peccatum speciale.

2 Adhuc, Num. 13. expresse apparet, quod speciale fuit: quia ibi intenderunt per expositionem puellarum diis seruientium deiicere ad idola: ergo videtur, quod speciale sit peccatum.

*Solutio.*

RESPONSIO. Dicendum, quod scandalum quandoque dicitur peccatum coniunctum, quandoque separatum. Coniunctum est, quando non habet voluntatem & intentionem separaram à parte agentis ab alio peccato, sed tantum habet nocumentum separatum. Verbi gratia peccat aliquis publice, & non intendit nocere alij, nec vult: & tamen nocet, quia trahit eum ad ruinam malo suo exemplo, & tunc coniungitur alij peccato, & non est speciale peccatum secundum se: & hoc modo loquuntur Sancti de scandalo, quia raro aliter committitur scandalum. Alio modo dicitur scandalum, quando aliquis specialiter intendit & vult ruinam præstare per dictum vel factum suum: & tunc in vna actione habet duas intentiones: vnā quasi instrumentalem ad aliam, quia peccato quod facit, non utitur nisi ut instrumento ad aliud peccatum, quod est deiicere proximum ad peccatum: & hoc modo accipitur in Numeris, vbi Madianitæ scandalizauerunt filios Israël. Per hanc autem distinctionem patet solutio ad

vttramque partem obiectionum: quia directe super partes distinctionis procedunt obiectiones.

## ARTICVLVS XLIX.

*An scandalum semper sit peccatum mortale?*

Quarto quaeritur, Vtrum semper sit mortale peccatum? Videtur autem, quod sic. Matth. 18. Vt mundo ab scandalis. Glossa. Imminet æterna damnatio mundanis propter scandala: sed æterna damnatio non imminet nisi pro peccato mortali: ergo scandalum est peccatum mortale.

2 Adhuc, Ibidem dicitur, quod qui scandalizauerit vnum de pusillis illis qui in me credunt, expedit ei vt suspendatur mola asinaria in collo eius, & demergatur in profundum maris: sed hoc non diceretur, nisi esset peccatum mortale: ergo videtur scandalum semper esse mortale peccatum.

3 Adhuc, Minus nocumentum est nocere corporaliter ad subtractionem rerum vel vitæ corporalis, quam nocere spiritualiter ad perditionem animæ: sed illud est peccatum mortale, vt patet in rapina, furto, & homicidio: ergo & scandalum.

4 Si forte dicatur, quod scandalum non tollit. Iam hoc est contra diffinitionem: quia non est ruina nisi per casum mortalis peccati, quæ sit ruina simpliciter. Si forte aliquis dicat, sicut antiquorum quidam soluebant, quod scandalum est mortale quando coniungitur mortali, & veniale quando coniungitur veniali. Contra: In se comedere carnes idolotytas, vere veniale est, & tamen propter offendiculum est scandalum mortale: ergo non ex hoc est mortale, quia coniungitur actui mortalis peccati. Media probatur ad Rom. 14. vbi dicitur, Noli cibo tuo illum perdere, pro quo Christus mortuus est. Et ibidem, Sic autem peccantes in fratres & percutientes conscientiam eorum infirmam, in Christum peccatis. Non perditur autem frater, nisi per peccatum mortale: ergo illi peccabant mortaliter in scandalizando in actu secundum se licito: ergo habetur propositum.

SED IN CONTRARIUM huius obiicitur, *Sed contra.* per hoc quod dicitur Marc. 8. vbi dixit Christus Petro: Vade retro me satanas, scandalum mihi es: quia non ea sapis quæ Dei sunt. Et tamen Glossa dicit ibi: & est Glossa. Bedæ, Sed mihi error Apostoli de pietatis affectu veniens, nunquam incentiuum videbitur diaboli: ergo Petrus scandalizauit, & tamen non mortaliter peccauit. Sed tamen alia Glossa dicit ibi, Non putat posse fieri vt Dei Filius occidatur. Sed hoc non est contra propositum: quia etiam si detur peccasse mortaliter per infidelitatem: quod tamen non est verum, non tamen peccauit mortaliter per scandalum, vt videtur prima Glossa innuere.

2 Adhuc, Peccata quædam sunt in genere suo mortalia: quædam autem in genere suo venialia. Cum igitur scandalum adiunctum aliis peccatis, videatur quandoque esse veniale & quandoque mortale, videtur quod scandalum sit quandoque veniale & quandoque mortale.

3 Adhuc, Vnum peccatum est vnus voluntatis & vnus actus: sed scandalum est adiunctum eidem actui peccati, & eidem voluntati, & non habet



habet voluntatem & actum diuisa, vt supra patuit: ergo videtur, quod non sit differentia peccati secundum se: vel si est, quod non incidat in aliam differentiam, quam illam ad quam peccatum per actum suum veniale vel mortale determinatur: sed non omne tale est mortale: ergo nec scandalum semper est mortale.

**RESPONSIO.** Dicendum, quod scandalum quandoque est mortale, & quandoque veniale: mortale autem est triplex, vt mihi videtur, scilicet ex coniunctione cum mortali: & hoc patet cuilibet per se. Et quandoque habet diuisionem specialis voluntatis & intentionis deiicendi proximum in mortale: & hoc iterum patet. Tertio etiam quando coniungitur actui, qui ex circumstantia potest credi mortalis probabiliter, licet non sit quoad agentem, quia tunc negligentia & inconsideratio agentis facit illum actum esse peccatum mortale: sicut fuit peccatum Corinthiorum qui in idolo recumbabant ad manducandum idolotritum tempore quo in honore idolis talis ritus observabatur: tunc enim omnis infirmus, ignorans fidem manducantis, secundum commune iudicium nihil aliud poterat iudicare, quam quod comederet ad honorandum idolum: & cum Doctor fidei esset, edificabatur etiam discipulus ad manducandum in honore idoli: & ideo suo fratri actiue dedit causam ruinæ per peccatum infidelitatis. Alio autem modo quocunque fiat, est peccatum veniale. Et hoc dico sine præiudicio: quia forte alteri plures modi mortalis scandali occurrent, sed mihi modo non subueniunt plures.

**AD DVO** ergo prima dicendum, quod loquantur ibi Sancti tantum de scandalo mortali, & non veniali.

**AD ALIVD** dicendum, quod verum est, quod qui directe agit ad læsionem animæ, plus nocet quam si noceat corporaliter: non tamen sequitur, quod plus peccet, quia peccati quantitas non attenditur ex quantitate nocimenti, sed potius ex quantitate deformitatis in actu & radice & voluntate peccantis. Quod autem ita sit, plane patet, quia nocumentum est in altero, & non in peccante frequenter, & quantitas peccati accipitur ex his quæ sunt in peccante. Si tamen detur, quod etiam penes nocumentum sumatur deformitas quædam actus, sicut verum est, tunc dicendum est, quod adhuc non valet argumentum: quia ad nocumentum corporale agit quis directe intendens per voluntatem nocendi: sed ad nocumentum spirituale in scandalo coniuncto alij peccato, non agit directe intendens, sed coincidit cum peccato suo. Si autem esset scandalum specialiter intentum, & esset ad mortale peccatum, tunc non esset ratio concedenda.

**AD ALIVD** dicendum, quod cum diffinitur scandalum per ruinam, accipitur ruina communiter ad ruinam absolute quæ est mortale peccatum, & ad ruinam occasionem quæ est veniale: & ita diffinitio conuenit utrique, tamen per prius conuenit peccato mortali.

**AD ALIVD** quod obiicitur de Petro dicendum, quod scandalum sumitur ibi æquiuoce in comparatione ad scandalum de quo nos loquimur: est enim obex viris in recta via morum scandalum, de quo quæritur hic à nobis. Scandalum autem quandoque dicitur obex latitiæ vel æqualitatis affectus: & sic quodlibet conturbans dicitur

scandalum: & hoc modo Petrus dicitur scandalum Christi: quia quantum est dese, turbabat iter salutis nostræ. Et hoc modo Christus conturbans Scribas & Phariseos, dicitur scandalizasse eos in vita: & dicit Matth. 17. ad Petrum de accipientibus censum, Ne autem scandalizemus eos, vade ad mare, &c. id est, ne conturbemus eos. Quidam tamen hoc aliquantulum distinguunt, scilicet quod est scandalum materiale, & formale. Materiale vocant in quo aliquis sua culpa, non facientis vitio, ruendi accipit occasionem: & hoc modo dicunt Christum scandalizare. Formale autem quando suo vitio dat ruendi occasionem. Et utraque distinctiones coniunctæ, puto quod veriores sint, quam altera tantum per se. Quicquid autem sit, dicendum quod Petrus non peccauit mortaliter scandalizando: quia impedimentum redemptionis quod nitebatur obicere, non prodiit nisi ex pierate: quia Christum nolebat pati, & tamen genus humanum redimere: & hæc quidem compossibilia fuerunt: sed etiam si non essent compossibilia, tunc vnum eorum poterat per actum animæ separari ab altero. Ad aliud dicendum quod Glossa dicit, quod Petrus non erat infidelis: quia subito territus ad verbum Dei non pertractauit nec contulit: & ideo statim à Domino correptus accepit disciplinam.

**AD ALIVD** dicendum, quod in veritate scandalum & est mortale, & veniale, diuersis modis, vt dictum est: & tamen non sequitur, quod peccatum scandalizantis sit duo peccata: sed Magister Præpositus dicebat talia peccata duplicia vel composita, quando in vno actu sunt duæ vel plures deformitates ex corruptionibus diuersis diuersarum circumstantiarum: & ideo etiam scandalizanti pœna separata non iniungitur, sed tantum vt exemplo pœnæ iniunctæ proximum ædificet. Et hoc trahitur hic de litera, vbi dicitur, Id tamen agat quod non solum sibi profit ad salutem, sed etiam quod sit exemplum cæteris. Et per hoc patet solutio omnium obiectorum.

## ARTICVLVS L.

*An scandalizare aliquo modo conueniat bonis?*

**Q**uinto quæritur, Vtrum scandalizare aliquo modo conueniat bonis? De Christo enim dicitur Luc. 2. Ecce positus est hic in resurrectionem & in ruinam multorum in Israël: occasio autem ruinæ est scandalum: ergo Christus scandalizauit multos: ergo & alij Sancti poterant scandalizare. Item Matth. 15. Scis, quia Pharisei audito verbo hoc scandalizati sunt: ergo Christus scandalizauit Phariseos: ergo & alij Sancti possunt hoc facere. Item, Isa. 28. & 1. Petr. 2. Ecce pono in Sion summum lapidem angularem, &c. & sequitur, Qui crediderit, non festinet. Quasi diceret, Si festinat, impingit & cadit. Constat autem, quod Christus loquitur: ergo Christus fuit occasio ruinæ in Iudæis: ergo scandalizauit. Item 1. Petr. 2. dicitur, quod Christus erat lapis offensionis & petra scandali: ergo, &c.

2. Adhuc de Antonio legitur, quod quidam venator scandalizatus fuit in eo quod remissus se haberet deambulando cum fratribus per syluam: ergo



ergo bonis quandoque accidit alios scandalizare.

*Sed contra.*

**SED IN CONTRARIUM** obicitur sic: quia contraria sunt prouocare exemplis ad bonum, & per exempla à bono retrahere, & ad malum prouocare: sed Sancti tenentur exemplis reuocare à malo, & ad bonum prouocare: ergo non competit eis alios à bonis retrahere, & ad malum prouocare. Probatio primæ est: quia contrariis fiunt, scilicet bono, & malo. Probatio secundæ est, quod dicit Dominus Matth. 5. Sic luceat lux vestra coram hominibus, ut videant opera vestra bona, & glorificent Patrem vestrum qui in cælis est.

*Solutio.*

**RESPONSIO.** Dicendum ad hoc, quod scandalum est materiale, & formale. Materialiter autem facti sunt sancti quibusdam scandalum, sed formaliter nulli. Et quid sit scandalum materiale, & quid formale, dictum est supra. Et per hoc patet solutio ad ea quæ obiciuntur de Christo.

**AD ALIUD** quod obicitur de Antonio dicendum, quod in veritate non fuit nisi materia scandali: quia non in illicito actu malum exemplum dedit, sed post nimium rigorem eduxerat fratres ad recreationem: unde ille venator non scandalizabatur ad aliquid illicitum, sed putabat aliquid minus esse de bono religionis in eis quam crediderat: & ideo curauit eum beatus Antonius per tensionem arcus, qui si ultra quam curuabilis sit tenderetur, frangeretur. Et ita dixit esse de virtute & robore hominis, cui si plus imponatur, quam ferre potest, frangetur virtus eius, & robur non poterit sustinere.

## ARTICVLVS LI.

### *Quorum est scandalizari?*

**S**exto quæritur, Quorum sit scandalizari? Videtur autem, quod omnium: quod enim eodem modo se habet agens, si patiens eodem etiam modo se habet (ut dicit Philosophus 10. ethicorum) semper idem facit: malum autem exemplum vno modo se habet quantum ad speciem mali, & omnis intuens secundum quod intuens, eodem modo se habet: ergo videtur, quod si vnus scandalizatur, & omnes scandalizentur: ergo omnium est æqualiter scandalizari.

**2** Item, Constat, quod omnis malum exemplum dans, scandalizat hoc ipso, ut patet ex præhabitis: ut igitur grammatice quis obiciat, cum sit verbum transitivum, & non est quo transeat actus eius nisi in passivum, necesse est, quod aliquis scandalizetur: non autem scandalizatur nisi intuens eum: ergo omnium intuentium per hoc quod intuentes sunt, est scandalizari: sed illi sunt indifferenter omnes: ergo omnium est scandalizari.

*Sed contra.*

**SED CONTRA:** Matth. 18. vbi loquitur Dominus de scandalo, non videtur loqui nisi de scandalo pusillorum: ergo pusillorum est scandalizari: sed non omnes sunt pusilli: ergo non omnium est scandalizari.

**2** Adhuc, Glossa ibidem dicit, quod pusillorum est scandalizari, non prouectorum & perfectorum.

**3** Adhuc, 1. Corinth. 8. videtur Apostolus

velle, quod infirmorum sit scandalizari: dicit enim sic, Conscientia ipsorum cum sit infirma, polluitur: & ita peribit infirmus in tua conscientia frater, propter quem Christus mortuus est.

**4** Adhuc, Prouocari ad malum alterius exemplo, non est habentis habitum confirmatum ad bonum: ergo non est ipsorum inclinari ad malum alio exemplo.

**5** Adhuc, In secundo ethicorum dicitur, quod aliter sapientes plebis passi sunt ad Helenam, & aliter iuuenes in concupiscentia viuientes: sapientes enim visam fugerunt magis ab ea, sed iuuenes attrahebantur: ergo multo magis hoc competit perfectis ad visum malum: ergo videtur, quod ipsorum non sit scandalizari.

**QVOD CONCEDIMVS,** dicentes ad primum, quod passiva non sunt eodem modo disposita, nisi quantum ad extrinsecus rationem, hoc est, quantum ad solum videre: sed quia visus non est causa scandali passivi, nisi adiuncta concupiscentia mali & consensu, ideo non sequitur, quod scandalizentur illi, licet alij agant ad scandalum. Et est simile, quod ignis comburit, & tamen aliter & aliter comburitur ab igne aridum, & aliter viride.

**AD ALIUD** dicendum, quod in grammaticis sufficit modus, etsi quandoque res desit. Sicut lapis grammatice dicitur lædens pedem, etsi nunquam lædat: sic dicitur verbum transitivum, quia quantum est de se, transit, sed tamen realiter non semper ex actiuo potest inferri passivum, scilicet quando nihil suscipit de actione agentis à sua immutatione: & ita est hic: & ideo non sequitur secundum rem, iste scandalizat: ergo iste scandalizatur, vel aliquis scandalizatur. Nec è contrario etiam valet, iste scandalizatur: ergo aliquis scandalizat eum: sicut patet in scandalo materiali, quia scandalizati sunt Iudæi, & tamen Dominus noster Iesus Christus non scandalizauit eos.

## ARTICVLVS LII.

### *Quæ sunt illa quæ dimittenda sunt propter scandalum?*

**S**eptimo quæritur, Quæ dimittenda sint propter scandalum passivum, quia actiue nullus debet scandalizare. Videtur enim, quod omnia ad salutem non pertinentia: omnibus enim talibus melior est tranquillitas proximi: ergo omnibus talibus præligenda: ergo antequam turbetur, omnia ad salutem non pertinentia debent dimitti.

**2** Adhuc de beato Bernardo legitur in vita sua, quod moriens dixit, Nulli vnquam scandalum feci, sed quando accidit, sedavi ut potui: ergo videtur, quod pro nulla re non pertinente ad salutem, debet quis facere scandalum.

**3** Adhuc, Proximum debemus diligere ut nosipsum: sed nosipsum ita diligimus, quod pro re temporali nolumus ab aliis conturbari vel scandalizari: ergo nec alium pro re temporali scandalizare debemus.

Sed secundum hoc videtur, quod non liceat repetere sua cum scandalo: quia sine repetitione suorum est bene salus. Item videtur hoc 2. Cor. 6. vbi dicitur, Quare non magis iniuriam accipitis?

ergo



ergo videtur, quod iniuria sit potius sustinenda, quam litigandum in iudicio ad rehabendum sua. Item, Hebræorum 10. Rapinam bonorum vestrorum cum gaudio sustinistis, arbitantes habere meliorem & manentem substantiam. Ex hoc enim sequitur idem.

Sed contra hoc iterum videtur esse: quia nulli præstandum est incentiuum delinquendi: sed si sua non repetuntur, dabitur incentiuum semper aliena detinendi: & hoc pessimum est: ergo sua sunt repetenda, etiam quantumcunque ille perturbetur.

*Quasi-  
cula.* Iuxta hoc ulterius queritur, Cum opera misericordiæ sint meliora, quam iustitiæ: opera autem misericordiæ aliquando propter scandalum dimittuntur, ne credantur ea fieri intentione vanæ laudis: quare opera iustitiæ similiter non intermittuntur?

*Quasi-  
cula.* Ad hoc sine præiudicio videtur mihi dicendum, quod bene facit iniuriam patiens, si sustinet damnum sine repetitione suorum, sed non tenetur. Et quod Dominus dicit, tollenti tunicam etiam pallium relinquendum esse, consilium reputo.

Ad hoc autem quod obicitur, quod non est præstandum incentiuum delinquendi: dicendum, quod iste non præstat, sed ille habuit, quando aliena rapuit: sed ille per patientiam sustinendi plus eum prouocat ad bonum, quam per repetitionem suorum. Et hoc patet ex hoc quod dicitur Rom. 12. Si esurierit inimicus tuus, ciba illum: si sitit, potum da illi: hæc enim faciens, carbones ignis congeres super caput eius: noli vinci à malo, sed vince in bono malum. Et per plura alia quæ in textu & in Glossa dicuntur. Quod autem non teneatur, patet per Gregorium dicentem sic super illud Job 39. Frustra laborauit, &c. Cum curam rerum, nobis itineris necessitatis imponit, quidam dum eas rapiunt, solummodo tolerandi sunt: quidam vero conseruata charitate sunt prohibendi, non tamen sola cura ne nostra subtrahant, sed ne rapientes non sua, semetipsos perdant. Plus quippe ipsis raptoribus debemus metuere, quam rebus irrationabilibus defendendis inhære. Ista namque etiam non rapta morientes amittimus, cum illis vero & nunc conditionis ordine, & si corrigi studeant: post perceptionem muneris vnum sumus. Quis autem nesciat, quia minus ea quibus vtimur, & plus debemus amare quod sumus? Si ergo & pro sua vtilitate raptoribus loquimur, iam non solum nobis quæ temporalia, sed ipsis etiam quæ sunt æterna vendicamus. Qua in re illud est solerter intueudum, ne per necessitatis metum, cupiditas surrepat rerum: & zelo succensa prohibitio, & impetu immoderantiore distensa, vsque ad odiosa verba & turpitudinem contentionis erumpat. Dumque pro terrena re pax à corde cum proximo scinditur, liquido apparet, quia plus res quam proximus amatur. Ex his colligendo dicimus, quod omnibus licet repetere: sed tamen & omnibus licet dissimulare, nisi in casu aliquo probabiliter æstimari posset, quod plus raptor timore iudicii, quam exemplo patientiæ corrigeretur: quia ita loquitur Gregorius.

Ad primum ergo dicendum, quod aliquo modo reducitur ad salutem, ita scilicet in quantum compatiens proximo magis quam rebus  
*D. Alb. Mag. in Lib. 4. Sentent.*

propriis volumus eum iudicio corrigi: sic enim Dominus etiam præcepit maleficos cædi. Vel si corrigi desperantur per iudicium, deberet intendi vitæ tranquillitas in aliis: quia sine hac Deus seruire non possumus: & sic repetitio suorum reducit ad ea quæ faciunt salutem.

Ad aliud dicendum, quod hoc perfectorum fuit quod fecit Bernardus: & forte seque illos plus corrigi patientia, quam iudicii distentione.

Ad aliud dicendum, quod nos debemus velle, quod conturbemur ad penitentiam vel ad vitæ tranquillitatem rehabendam, quam rapientes aliena conturbauimus: & quod nobis debemus velle, sufficit impendere proximo.

Ad id quod in contrarium obicitur, iam patet solutio. Tamen quidam distinguunt, quod perfectis non licet cum scandalo, sed imperfectis licet cum scandalo repetere sua. Sed non videtur ita dicendum: quia scandalum non est hic nisi materiale, quia licitus actus est repetere sua. Et ex parte facientis est conturbatio iusta, & vexatio potest sibi dare intellectum. Vnde puto, quod omnibus liceat si velint, vel nomine suo, vel nomine capituli sui, vel sui procuratoris sua repetere.

Ad obiecta autem alia patet solutio per antedicta.

## ARTICVLVS LIIE

*An indulgentia percipiatur in contritione vel confessione?*

**D**Einde queritur de hoc quod dicit ibi [Indulgentiam Dei nisi supplicationibus sacerdotum nequeant obtinere, &c.] Videtur enim ex hoc, quod indulgentia non percipiatur in contritione: quia supplicatio sacerdotum non est in contritione, sed potius in confessione, quod falsum est. Si dicatur, quod intelligitur quantum ad totius culpæ dimissionem, non à culpa tantum, sed etiam in pœna debita. Contra: Constat, quod contritio aliquid delet de pœna: pœna autem debita finita est, ex quo dimissa est culpa: & contritionis dolor est aliquantus qui delet pœnæ aliquotam, & sit decima: ergo si decupletur dolor contritionis, delet totam: possibile est autem decuplari dolorem contritionis: ergo possibile est totam pœnam dimitti in contritione: ergo in tali casu non est necessaria supplicatio sacerdotum: non ergo generaliter verum est quod dicit.

*Quasi.* Vltius videtur sequi ex dicto in litera, quod forma absolutionis facta à sacerdote in confessione, est per modum supplicationis: ergo videtur, quod erret Ecclesia quæ absoluit per enumerationem communem indicatiuam, quod falsum est. Adhuc, Certissime sacramenta consequuntur finem suum: sed certe non exprimitur consecutio finis, nisi per indicatiuum: ergo forma absolutionis debet fieri per indicatiuum, & non per supplicationem sacerdotis, sed potius per absolutionem indicatiue significatam peccator consequitur veniam.

In contrarium videtur esse primo *Sed com-*  
modus loquendi in litera: quia supplicatio sacerdotum per quam consequitur peccator veniam,  
*tra.*

Nn

non



non potest esse per indicatum modum, sed potius per deprecationem modum: ergo videtur, quod forma absolutionis debet fieri deprecatione, & non iudicatione.

2. Item, In sacramentis non est alligata virtus diuina, ut dicit Augustinus: ergo videtur, quod si debeat ibi operari, quod oporteat operari per supplicationem: ergo per supplicationem debet fieri forma.

3. Adhuc, Pœnitentia ordinatur contra actuale: & illud non curat Deus sine nobis: sed nos impotentes sumus & indigentes gratia: ergo supplicatio debet fieri in sacramento ad gratiam illam obtinendam: ergo supplicationis modo debet fieri absolutio à peccatis, ut videtur.

*Solutio.*

RESPONSIO. Dicendum ad primum, quod ut supra saepe diximus, in contritione partes etiam aliæ pœnitentiæ, per hoc quod sunt in proposito contriti, operantur, & dant virtutem contritioni: sicut dicit Augustinus, quod fides Redemptoris etiam valuit antequam esset Redemptor: quia licet non fuerit per naturam assumptam, fuit tamen in fide credentium. Cum igitur confessio sit in voto vere contritorum, operatur in voto ad peccati dimissionem: & per consequens ibi operatur supplicatio sacerdotum. Et per hoc patet solutio ad primum.

AD ALIUD dicendum, quod nunquam fit peccati dimissio, sine supplicatione hoc modo existente: sed bene potest esse, quod dimittatur quandoque, ita quod actu supplicatio non accedit, ubi scilicet articulus necessitatis, non contemptus religionis excludit confessionem.

*Ad qua-  
siuncu-  
lam.*

AD ID quod ulterius quaeritur, dicendum quod forma absolutionis propter sacramenti certitudinem debet fieri per indicatam enuntiationem: sed quod præcedit deprecatio, de bene esse est sacramenti, & non de esse. Ad id autem quod contra obiicitur, dicendum quod supplicatio dicitur hic supplex & deuotum ministerium sacerdotum in foro pœnitentiæ.

AD ALIUD dicendum, quod licet non sit violentia alligata gratia Dei sacramentis: tamen inevitabilitate promissionis diuinæ & honestatis veritatis diuini dicti, sacramentum semper consequitur effectum, nisi sit fictus qui recipit: & gratia istius inevitabilitatis pronuntiatur indicatiue: aliter enim omnia Ecclesiæ sacramenta sub dubio ponerentur.

AD ALIUD dicendum, quod gratia Dei inuocanda est super conversionem voluntatis, quia illa dubia est: sed super effectum sacramenti non est vnquam gratia Dei inuocanda: quia hoc esset signum dubietatis totius fundamenti Ecclesiæ: potest tamen inuocari gratia ad præparationem recipientis sacramenta, & ad sanctificationem materiarum sacramentorum. Sed quod ipsum sacramentum in debita materia & debita forma celebratum,

habeat effectum plenum quantum est de se,

ab omni debet pro constanti relinquere

Christiano: nec aliquo modo Deus

orandus est pro hoc, ne

sub dubio fidem no-

stram ponere

videamur.

\*\*\*

## ARTICVLVS LIV.

*An per signa siue scripta possit fieri confessio, & an per interpretem?*

DEinde quaeritur de hoc quod dicit ibi [Non per scriptum manifestanda, &c.] Secundum enim hoc homines ignotæ linguæ non possent confiteri. Item, Nec muti, qui loqui non possunt.

AD HVC autem quaeritur, Quando aliquis per interpretem confitetur, utrum interpret teneatur celare confessionem sicut sacerdos? Videtur enim, quod sic: quia aliter retraheret homines multos à confessione: & celatio confessionis, ut infra habebitur, fit ideo ne retrahantur homines à confessione: ergo interpret teneatur celare confessionem.

SED IN CONTRARIUM huius obiicitur: quia ipse non est sacerdos, & soli sacerdotes audita recipiunt sub forma confessionis: ergo ille non recipit nisi sicut aliam rem mundanam: sed aliam rem non teneatur celare, nisi velit vel promiserit: ergo nec istam.

RESPONSIO. Dicendum, quod loquitur de his qui communicant cum sacerdotibus in potentia loquendi & idiomate. Alij enim per scriptum vel per signum per se, vel per interpretem possunt confiteri. Et per hoc patet solutio ad primum quaesitum.

AD ALIUD dicendum, quod interpret debet per sacerdotem obligari ad reticendum: & si non obligetur, tamen tacere tenetur. Ad obiectum contra, dicendum quod ipse est ibi ut auris sacerdotis: & ideo communicat in actu sacerdotis per aliquem modum propter necessitatem: & ideo non recipit hoc sicut alium rumore, sed potius ut confessionem, quæ omnino celanda est: & tamen puniendus est acriter si reuelauerit: & tamen reuelanti non est credendum in aliquo præiudicio confitentis.

## ARTICVLVS LV.

*An peccata aliquando dimittantur in contritione, aliquando in confessione?*

DEinde quaeritur de hoc quod dicit ibi [Et si non statim purgatur, fit tamen veniale, &c.] Videtur enim falsum quod dicitur: quia multi sunt, qui etiam in contritione à toto absoluantur, & multi qui in confessione: & huius signum est, quod Mariæ Magdalene non est iniuncta aliqua pœnitentia à Domino: ergo multi statim purgantur in confessione.

VLTERIVS quaeritur de hoc quod dicit, quod sit veniale, quod commiserat mortale: dicit enim Auicenna, quod sciunt artifices alchimie species transmutari non posse: sed diuersæ species sunt peccati, mortale, & veniale: ergo vnum non transmutatur in aliud.

RESPONSIO. Dicendum ad primum, quod loquitur ut frequenter: quia ut frequenter exiguntur omnes tres pœnitentiæ partes. Vel melius dicatur, quod loquitur ut semper: sed tunc redeundum



dum est ad solutionem sæpe supra notatam, scilicet quod partes pœnitentiæ operantur, scilicet prout sunt in voto, non in actu tantum: quia tunc verum est, quod peccatum quod commiserat mortale, efficitur veniale per taxationem pœnitentiæ, consequente venia.

*Ad qua-  
siunt-  
lam.* AD ID quod ulterius quæritur, dicendum quod veniale dicitur tribus modis, sicut in secundo distinct. 34. notauimus, scilicet ex genere, ut otiosum verbum: ex euentu, sicut quando mortali remisso per contritionem, etiam per clauis iniungitur pœnitentia dans veniam in toto per satisfactionem. Tertio dicitur veniale quodlibet in se mortale: si tamen habet aliquid in circumstantia, quare potest excusari per veniam. Et hoc opponitur peccato ad mortem, quod est in Spiritum sanctum. Est enim hoc modo veniale peccatum, peccatum ex ignorantia vel infirmitate procedens, quod dicitur in Patrem vel in Filium.

AD ARGVMENTVM autem dicendum, quod veniale & mortale non sunt diuersæ species peccati: & huius probationem quære super finem secundi. Si tamen hoc non fiat, videtur hic tunc dicendum, quod mortale non mutatur in veniale, prout veniale dicitur alia species peccati, diuidens peccatum cum mortali: sed deletur mortale, & nullum veniale succedit: sed quia reatus non totus deletur, imo manet debitum pœnæ temporalis, ideo dicitur mutari in veniale: & hoc est ex euentu veniale. Et est simile sicut si aliquis gratia iudicis vel senatus absoluitur à iudicio mortis, & commutatur ei in iudicium satisfactionis pecuniæ vel alicuius alterius.

#### ARTICVLVS LVI.

*An sola iustitia vtatur Deus, vel etiam misericordia in condemnatione?*

DEinde quæritur de hoc quod dicit ibi [Iustitia enim sola damnat, &c.] Contra: Statim infra dicit, quod seruat misericordiā in iustitia, & iustitiam in misericordia: ergo videtur, quod non sola damnat iustitia.

2. Adhuc, Communiter dicunt Sancti, quod in omni opere diuino est misericordia & veritas: & Magister probabit infra dist. 48. ergo falsum videtur, quod hic dicit.

*Quæstio-  
cula.* ULTERIVS quæritur de hoc quod statim adiungit, Quoniam verecundia magna pœna est, qui erubescit pro Christo, dignus est misericordia. Secundum hoc enim videtur, quod prima gratia cadit sub merito accipientis eam: quia erubescere ad peccata nostra, est in potestate nostra: & hoc falsum esse probatum est in fine primi, scilicet 42. dist. & etiam in secundo, 21. dist.

*Solutio.* RESPONSIO. Dicendum ad primum, quod Magister recitat hic verba Augustini, qui loquitur sub hypothese quadam, scilicet quod si Deus sola ad peccatores vteretur iustitia: tunc enim verum esset, quod omnes damneret: & hoc absque dubio videtur esse sententia literæ. Alij autem hoc aliter solunt, scilicet quod in puniendo Deus principaliter vtitur iustitia: & quod præit misericordia, aut quasi sequitur, quia non est misericordia in toto liberans, sed quasi aliquid de pœna relaxans: & est non impediens iustitiam, sed quasi tenens ne tantum vindicet in peccato-

*D. Alb. Mag. in Lib. 4. Sentent.*

rem, quantum meruit: & ideo attribuitur totum iustitiæ. Sed prima solutio veritatem literæ dicit, non secunda.

AD ID quod ulterius quæritur, dicendum *Ad qua-  
siunt-  
lam.* quod prima gratia non cadit sub merito condigni, quantum ad ipsum qui accipit eam, sed sub merito congrui: congruum enim est ut accipiat gratiam, qui per attritionem, confessionem, & tuborem verecundiæ se ad accipiendum gratiam præparauit. Cadit tamen potius gratia sub merito alterius, quam accipientis: quia vnus alteri bene mereri potest primam gratiam, licet idem sibi mereri non possit. Et de hoc supra in tractatu de reprobatione disputatum est.

#### ARTICVLVS LVII.

*An semper necessarium sit confiteri suo sacerdoti?*

DEinde quæritur de hoc quod dicit ibi [Sufficit enim confessio, quæ primum Deo offertur, &c.] Videtur enim ex hoc, quod necesse sit semper suo sacerdoti confiteri. Ponamus ergo, quod probabiliter sciam, quod reuelet confessionem, tunc incidam in consuetudinem improbabilem quæ hic damnatur.

2. Adhuc, Ponamus, quod aliquis fornicatus sit cum filia vel sorore vel matre vel concubina sacerdotis, & probabiliter sciat, quod si dixerit ei in confessione, quod semper odiat eum: videtur, quod tunc non oporteat eum confiteri sibi, quia scandalizabit eum.

3. Adhuc, Ponamus, quod fœmina debeat confiteri, & probabiliter æstimet, quod sacerdos inclinabit eam ad malum per preces vel tactum impudicum, videtur quod in tali casu non debeat confiteri.

*Solutio.* RESPONSIO. Dicendum, quod in omnibus his casibus, si commode potest, debet recurrere ad superiorem, vel aliquem qui vim habet superioris. Si autem non potest propter viæ periculum, vel sexus qualitatem, quia forte fœmina est, & timet corrumpi in via: debet hoc rogare per alium ut concedatur sibi licentia confiteri alij, ne ordo qui est in præpositis Ecclesiæ contemnatur. Si autem nec hoc potest, quod tamen raro contingit: tunc sub spe rati habitationis, eo quod talem licentiam non debet denegare superior, potest alteri confiteri quousque veniatur ad præsentiam superioris, & licentiam possit impetrare. Et per hoc patet solutio ad totum. Idem etiam dico de ignorante sacerdote vel nesciente distinguere inter veniale & mortale. In isto autem cap. superius habitum est de verecundia & erubescencia, & ideo nihil quærimus hic de ipsa: & supra multum est de ea disputatum, & ibi requiratur.

\* \*



*De tertio articulo, scilicet an sufficiat confiteri laico?*

**N** VNC priusquam præmissis auctoribus quæ his contradicere videntur, respondeamus, tertiam quæstionem intueamur. Quod enim secunda quæstio continebat, scilicet an sine confessione & iudicio sacerdotis soli Deo confiteri sufficeret, expeditum est: & certificatum præmissis testimoniis, quòd non sufficit confiteri Deo sine sacerdote, nec est vere humilis & pœnitens, si non desiderat & requirit sacerdotis iudicium. Sed nunquid æque valet alicui confiteri socio vel proximo suo, saltem cum deest sacerdos? Sane ad hoc potest dici, quòd sacerdotis examen requirendum est studiose: quia sacerdotibus concessit Deus potestatem ligandi atque soluendi. Et ideo quibus ipsi dimittunt, & Deus dimittit. Si tamen defuerit sacerdos, proximo vel socio est facienda confessio. Sed curet quisque sacerdotem quærere, qui sciat ligare & soluere. Talem enim esse oportet, qui aliorum crimina diiudicat. Vnde Augustinus. Qui vult confiteri peccata ut inueniat gratiam, quærat sacerdotem qui sciat ligare & soluere: ne cum negligens circa se extiterit, negligatur ab eo, qui eum misericorditer monet & petit: ne ambo in foueam cadant, quam stultus euitare noluit. Tanta itaque vis confessionis est: ut si deest sacerdos, confiteatur proximo. Sæpe enim contingit, quòd pœnitens non potest verecundari coram sacerdote, quem desideranti nec tempus, nec locus offerret. Et si ille cui confitebitur potestatem non habeat soluendi, fit tamen dignus venia ex sacerdotis desiderio, qui crimen confitetur socio. Mundati enim sunt leprosi, dum ibant ora vel se ostendere sacerdotibus, antequam ad eos peruenirent. Vnde patet Deum ad cor inspicere, dum ex necessitates prohibentur ad sacerdotes peruenire. Vnde August. Sæpe quidem quærunt eos sani & læti: sed dum quærunt, antequam perueniant, moriuntur. Sed misericordia Dei ubique est: qui & iustis parcere nouit, & si non tam cito, sicut si soluerentur à sacerdote. Qui ergo confitetur sacerdoti, omnino meliori quàm potest confiteatur: & si peccatum occultum est, sufficiat referre in notitiam sacerdotis. Nam in resurrectione filia archisynagogi puella, pauci interfuerunt qui viderunt: nondum enim erat sepulta, nondum extra domum in notitiam portata. Intus resuscitauit, quam intus inuenit, relictis solis Petro & Iacobo & Ioanne, & patre & matre puella, in quibus figuraliter continentur sacerdotes Ecclesie. Quos autem extra inuenit, aduertendum est quomodo suscitauit. Flebat enim turba post filium viduæ: fleuit Martha & Maria supplicantes pro fratre: flebat & turba Mariam secuta. In quo docemur, publice peccantibus non proprium, sed Ecclesie sufficere meritum. Laboret ergo pœnitens in Ecclesia esse, & ad Ecclesie vnitatem tendere. Nisi enim vnitas Ecclesie succurrat, nisi quod deest peccatori sua oratione compleat, de manibus inimici non eripietur anima mortui. Credendum est enim, quòd omnes orationes & eleemosynæ Ecclesie & opera iustitiæ & misericordiæ succurrant recognoscenti mortem suam

ad

Matt. 16.

Lib. de  
vera &  
falsa  
pœni-  
tentia.  
cap. 10.

Luc. 17.

Ibidem

Mat. 9.  
Mar. 5.Luc. 7.  
Ioan. 2.August.  
ibidem  
cap. 12.



ad conuersionem. Ideoque nemo dignè pœnitere potest, quem non sustineat vnitas Ecclesiæ. Ideoque nemo petat sacerdotes per aliquam culpam ab vnitate Ecclesiæ diuisos. Ex his satis aperitur & absoluitur præmissæ quæstionis articulus. Quærendus est enim sacerdos sapiens & discretus, qui cum potestate simul habeat iudicium: qui si forte defuerit, confiteri debet socio. Beda vero inter confessionem venialium & mortalium distinguit super illum locum, Confitemini alterutrum peccata vestra. Ait enim, Coæqualibus quotidiana & leuia, Iacob. 5. grauiora vero sacerdoti pandamus, & quanto iusserit tempore purgare curemus: quia sine confessione emendationis peccata nequeunt dimitti. Sed & grauiora coæqualibus pandenda sunt, cum deest sacerdos, & vrget periculum. Venialia vero, etiam sacerdotum ablata copia, licet confiteri coæquali, & sufficit, vt quibusdam placet: si tamen ex contemptu non prætermittatur sacerdos. Tutius est tamen & perfectius vtriusque generis peccata sacerdotibus pandere, & consilium medicinæ ab eis quære, quibus concessa est potestas ligandi & soluendi.

ARTICVLVS LVIII.

*An aliquis potest confiteri suo socio, & ad quid valeat illa confessio?*

**D**Einde transeundum est ad illud capitulum [Nunc priusquam præmissis auctoritatibus, &c.] Et quærendum est primo de hoc quod dicit ibi [Sed nunquid æqueualet alicui confiteri socio?] Secundo, Vtrum illa confessio sit sacramentum vel non?

Ad primum autem sic obiicitur: Confessio fit propter absolutionem: sed absoluendi potestatem non habet laicus: ergo confessio laico facta, nihil valere videtur.

2. Adhuc, Virtute clauium dimittitur pars pœnæ: sed laicus non habet clauis: ergo videtur, quod confessio sibi facta, nihil conferat.

3. Adhuc, Reconciliatio Ecclesiæ fit per ministerium Ecclesiæ: sed laicus non est minister Ecclesiæ: ergo non debet fieri laico. Sed quia de hoc plura habita sunt, sufficiant ista.

*Solutio.* **SOLVTIO.** Dicendum autem ad obiectum, quod valet confessio facta laico, vbi articulus necessitatis non contemptus religionis excludit proprium vel alienum sacerdotem. Ad obiecta autem responderunt patres nostri in scientia ista, dicendo multiplicem esse absoluendi potestatem. Est enim potestas absoluendi ex auctoritate quæ est Dei. Et est potestas superexcellentiæ: & hæc est Christi hominis, qui sine confessione extra facta, & in iunctione taxatæ satisfactionis peccatores pœnitentes absoluit. Tertia potestas est ex vitæ merito, & suffragiis orationum: & hæc est sanctorum in Ecclesia, qua vnus alij primam gratiam meretur quæ absoluit à peccatis. Alia autem potestas est ex officio ministrorum, concessa sacerdotibus. Et vltima ex vnitate fidei & charitatis, & hæc pro necessitatis articulo descendit in omnem hominem ad proximo subueniendum: & hanc potestatem habet laicus in articulo necessitatis, &

*D. Alb. Mag. in Lib. 4. Sentent.*

mulier similiter. Et per hoc patet solutio ad totum.

ARTICVLVS LIX.

*An confessio facta laico socio sit sacramentum?*

**S**ecundo quæritur, Vtrum hæc confessio sit sacramentum? Et videtur, quod non: quia omne sacramentum est in dispensatione ministrorum Ecclesiæ: sed hic non est Ecclesiæ minister: ergo non est sacramentum.

2. Adhuc, Formæ absolutionis quæ est sacramentum, præcedit potestas clauium: iste autem laicus non habet clauis: ergo non dat sacramentum.

**IN CONTRARIUM** est, quod baptisumus à quocunque detur, est sacramentum: ergo similiter & pœnitentia, vt videtur. *Sed contra.*

**SOLVTIO.** Dicendum, quod antiqui dixerunt, quod contritio & confessio non sunt sacramentum, sed absolutio sola. Sed hoc nihil esse infra in litera probabitur distinct. 22. Vnde dicendum, quod habet sacramentum confessionis. *Solutio.*

**AD PRIMUM** ergo dicendum, quod minister duplex est, scilicet verus, & est vicarius, & talis minister vicarius pro articulo necessitatis sufficit hic.

**AD ALIUD** dicendum, quod absolutio per clauis, est illud in quo abundat vera confessio à confessione facta in necessitate: sed tamen absolutio quædam est hic, scilicet quæ fit merito vnitatis Ecclesiæ. Licet ergo non tantum effectum consequatur, sicut si confiteretur sacerdoti: tamen consequitur absolutionem in communi, & ad hanc non est necessaria vis clauium, vbi non potest sacerdos haberi.



## ARTICVLVS LX.

*Qualis sacerdos est querendus, & quæ sint conditiones sacerdotis confitentis?*

**D**Einde queritur de hoc quod dicit *ibi* [Queratur sacerdos, qui sciat ligare & soluere, &c.] Videtur enim nullus talis esse: quia quædam in genere peccatorum adeo perplexa sunt, quod etiam magni clerici per maximas distinctiones vix erodare possunt, & dubia multa adhuc post discussionem eorum remanent: ergo videtur, quod vix vel nunquam possit talis inueniri.

*Quæstio-  
cula*

**V**LTERIVS hic queritur de conditionibus sacerdotis confessoris, quas quidam versifice dicunt.

*Confessor dulcis, affabilis, atque suavis,*

*Prudens, discretus, miuis, pius, atque benignus.*

Vix enim vnquam talis inuenitur, qui omnia hæc in se habeat, Præterea, istæ conditiones non videntur esse necessariae, sed potius tantum illæ quæ faciunt ad actum confessionis: hæc autem sunt discernere audita, & extrahere occulta, & medicare salubriter inuenta: ergo videtur, quod in audiente confessiones non exigantur plura: discernere enim audita fit per scientiam discernendi inter lepram & non lepram, extractio autem occultorum fit per discretam inquisitionem, & medicatio inuentorum vulnorum fit per discretam pœnitentiæ siue satisfactionis iniunctionem.

*Solutio.*

**S**OLVITIO. Dicendum, quod sacerdos non tenetur scire discernere nisi in communi, scilicet quæ sint capitalia mortalia communia, & quæ venialia ex genere: & hoc valde leue est. Dubitatio enim quæ contingit inter sapientes, vtrum veniale aliquid sit vel mortale, contingit ex delectatione morosa adueniente, vel ex contemptu, vel huiusmodi, & non ex genere actus. Sciens ergo illa quæ dicta sunt, sufficiens est vel reputatur pro temporis huius necessitate ad confessiones audiendas. Sed tamen puto, quod hæc nesciens, peccet mortaliter audiendo confessiones, & eum instituens adhuc plus peccet, quam ipse. Et permittens institutum ministrare, etiam mortaliter peccat, si sua interest talem prohibere.

**A**D ALIVD dicendum, quod Magistrinon ponunt tantum conditiones confessoris ex dispositione ad actum confessionis audiendæ, sed etiam quæ adducere possunt & allicere homines ad confitendum: & ideo non sunt de esse confessoris vt confessor est, sed potius de bene esse: sed tres dictæ, sunt sine quibus sine peccato esse non potest.

## ARTICVLVS LXI.

*An volenti confiteri, sed morte praevento, votum reputetur pro facto?*

**D**Einde queritur de hoc quod dicit *ibi* [Necum negligens circa se extiterit, &c.] Sint enim duo, quorum yterque habet votum aequale confitendi, & vnus moritur inconfessus, eo quod

necessitate praeventus sacerdotem habere non potuit: alter autem confitetur sacerdoti: & in omnibus aliis sunt pares: queritur ergo quis citius liberabitur, & euolabit? Videtur autem, quod æqualiter: quia votum reputatur à Deo pro facto, qui cor respicit: ergo ita cito euolat vnus sicut alter.

**C**ONTRA: Aliquid impenditur vni ex vi clauium, quod non percipit alius: ergo videtur, quod ratione illius etiam ille citius euolabit.

**R**ESPONSIO. Dicendum, quod citius euolat confessus sacerdoti, sicut probat vltima obiectio.

**A**D PRIMVM ergo dicendum, quod votum pro facto reputatur in omnibus quæ ab ipso fieri deberent, & quantum ad meritum substantiale: sed quantum ad ea quæ fiunt per alium, impossibile est, quod votum pro facto reputetur: fit autem diminutio pœnæ per clauas quæ sunt in ministerio sacerdotis, & virtute passionis Christi: & ideo in illo non reputatur votum pro facto: sed diminutio pœnæ nec est de substantiali merito, nec de substantiali præmio. Et in talibus valent opera exteriora plus quam voluntas: & quo ad hoc sunt inæquales.

## ARTICVLVS LXII.

*An diuersa sollicitudo sit habenda penes pœnitentes?*

**D**Einde queritur de hoc quod dicit *ibi* [Intus resuscitauit, quod intus inuenit, &c.] Queritur enim hic de diuersa sollicitudine sacerdotum habenda circa pœnitentes. Intus enim mortuus, est cuius peccatum latet apud se, vel in solo corde: sed ille suscitatur per pœnitentiam: ergo illi non debet iniungi aliquid exterioris operis, sed tantum aliquid occultum: ergo peccant iniungentes ieiunia, eleemosynas, peregrinationes, & huiusmodi, quod falsum est. Adhuc, Præsentia trium discipulorum, scilicet Petri, Iacobi, & Ioannis, aliquid importat. Videtur autem ex hoc quod sacerdos possit secum adhibere ad audiendas confessiones occultas bonas personas quæ prodesse possunt, & non obesse, vt orent pro pœnitente. Et hoc condemnatur ab Ecclesia: non enim licet sacerdoti aliquem adhibere ad auditum confessionis alicuius.

2. Adhuc, Ex secundi mortui suscitatione videtur, quod confessio & iniunctio pœnitentiæ faciendæ sint coram multitudine: ergo videtur, quod omnis ille qui manifeste peccauit, manifeste confiteri debet, & publicam pœnitentiam subire: & hoc etiam non legitur.

3. Item obiicitur de tertio qui clamore Domini suscitatus est, in quo videtur signari, quod peccatum obstinati in aures etiam nescientium sit clamandum: & hoc falsissimum est: ergo videtur, quod hæc tria ad factum sacerdotum in confessionibus audiendis, male adducuntur.

**R**ESPONSIO. Dicendum, quod puella de qua loquitur Matth. 9. & Marc. 5. quæ intus suscitabatur, in veritate significabat peccatum occultum: sed quod discipuli adhibiti sunt, factum est propter discipulos qui futuri sacerdotes erant, & doctores, & sacerdotum instructionem, vt in figura mysterium deprehendendo discerent velare peccata



peccata hominum occulta. Quod autem obiicitur de pœnitentia occulta & manifesta, dicendum quod dupliciter dicitur pœnitentia manifesta, scilicet aut quæ manifesta est ut pœnitentia talis peccati, aut quæ manifesta est, non ut pœnitentia, sed ut factum meritorium ex deuotione à stola sacerdotis susceptum. Et primo quidem modo pro occulto nunquam debet imponi pœnitentia manifesta, quia hoc esset quodammodo prodere confessionem. Alio autem modo potest fieri pœnitentia manifesta, quia ex hoc nullum deprehenditur peccatum: cum etiam sine confessione peccatorum sæpe talia opera à fidelibus à stola sacerdotum suscipiantur. Dicunt tamen quidam, quod moraliter significantur per tres discipulos virtutes quæ esse debent in sacerdotibus: per Iacobum constantia pugne contra diabolum, ut eripiat oues sibi commissas: per Petrum potestas & scientia: & per Ioannem gratia in visceribus misericordiae: & hoc non curamus, quia hic est locus disputandi magis, quam prædicandi.

AD ALIUD dicendum, quod peccatum publicum, quod omnes vel multos in scandalum traxit, debet publica pœnitentia puniri, ut supra in Auctoritate Augustini habitum est in hac eadem distinct. Ut si peccatum eius non modo in graui eius malo, sed etiam in tanto scandalo aliorum est, atque hoc expedire utilitati Ecclesiæ videretur Antistiti, in notitiam multorum vel totius plebis agere pœnitentiam non recuset. Ad obiectum autem dicendum, quod hoc non est publicare confessionem, sed potius peccatum emendatione condigna punire: ut sicut Ecclesiam deædificauit peccando publicè, ita emendet publicè satisfaciendo.

AD ALIUD dicendum, quod clamor non significat præconizationem, sed potius deuotam à Deo postulationem suffragij, & petitionem intercessionis ab Ecclesia, quæ signatur per turbam adductam ad monumentum Ioan 11. Porta autem in qua suscitatur iuuenis Luc. 7. significat apertionem notitiæ eorum quos scandalizauit.

#### ARTICVLVS XLIII.

*An excommunicatus ab Ecclesia, & non à Deo, sit vitandus?*

DEINDE quæritur de hoc quod dicit ibi [Nemo petat sacerdotes per aliquam culpam ab unitate Ecclesiæ diuisos, &c.] Videtur sæpe errare Ecclesia excommunicando eos qui non sunt excommunicati: si igitur talis petatur qui non est excommunicatus quoad Deum, sed quoad ad

Ecclesiam, videtur quod non debeat nocere pœnitenti.

SOLVITIO. Dicendum, quod eo ipso quod scit diuisum, nocere incipit si petit: quia Deus approbat & præcipit, quod homo secundum faciem iudicet, eo quod homini non nisi de facie fides fieri possit. Vnde licet errer Ecclesia, tamen Deus approbat, quod iste se gerat pro excommunicato, & alij vitent eum. Et qui non vult vitare, vinculum Ecclesiæ contemnit, & ideo peccat. Et tamen litera videtur eos excusare ab obiectione: quia dicit, per aliquam culpam, &c. si tamen etiam sine culpa reali, sed tantum pro opinata culpa diuidatur ab Ecclesia, tunc solutio prima habet locum.

#### ARTICVLVS LXIV.

*An teneamur ad confitenda venialia, & an reiteranda est confessio eorum qua dicta sunt?*

DEINDE quæritur de hoc quod dicit ibi [Coæqualibus quotidiana & leuia, &c.] Videtur enim, quod non teneamur ad venialium confessionem: quia illa sunt quæ nostram effugiunt notitiam, de quibus dicitur, Delicta quis intelligit? ergo videtur, quod non teneamur, quia impossibile est confiteri ignotum. Adhuc, Veniale & mortale non habent proportionem: ergo nec medicinæ: sed aliqua medicina est confessio pro mortali: ergo nulla erit pro veniali.

LICET de hoc supra habitum est, & solutum, quod, ut puto, non tenemur ad confessionem venialium nisi in generali, scilicet confessione Primæ & Completorij & ante altare: tamen pro duobus casibus incipimus obligari quantum possumus, scilicet quia non bene certum est quid veniale, quid mortale à parte nostra, licet in genere facile sit distinguere: & secundus casus est propter securitatem.

AD ID autem quod primo obiicitur, dicendum quod ignorata non tenemur, sed scita tenemur confiteri modo prædicto, & non alio, nisi sit nobis dubium quanta sint propter adhaerentiam & consuetudinem.

AD ALIUD dicendum, quod non sequitur, si peccatum mortale & veniale sint improporcionabilia, quod medicinæ sint improporcionabiles: quia ex parte auersionis sunt peccata quædam improporcionabilia, sed ex parte conuersionis proportionabilia: & medicina pœnitentiæ respicit ea ex parte conuersionis, non auersionis, ut supra in quæstione de satisfactione, & in quæstione qualiter veniale fiat mortale, habitum est.

*Hic aperit qualiter supra dictæ auctoritates intelligendæ sunt.*

VM ergo ex his aliisque pluribus testimoniis perspicuum fiat & indubitabiliter constet, peccata primum Deo, deinde sacerdoti esse confitenda: & si ipse defuerit, etiam socio: illud Ioannis Chrysostom. superius positum non est ita intelligendum, ut liceat alicui, si tempus habeat, sacerdoti non confiteri: sed quia sufficit ubi crimen occultum est, soli Deo per sacerdotem dicere, & semel. Nec oportet publicari coram multis, quod occultum est. Quod



notauit dicens, Non tibi dico vt te prodas in publicum. Sicut enim publica noxa publico eget remedio, ita & occulta, secreta confessione & occulta satisfactione purgatur. Nec necesse est vt quod sacerdoti semel confessi sumus, iterum confiteamur: sed lingua cordis, non carnis, apud verum iudicem id iugiter confiteri debemus. Vnde idem Ioannes ait: Nunc autem si recorderis peccatorum tuorum, & frequenter ea in conspectu Dei pronunties, & pro eis deprecaberis, citius illa delebis. Si vero obliuiscaris, tunc eorum recordaberis nolens, quando publicabuntur, & in conspectu omnium amicorum & inimicorum, sanctorumque Angelorum proferentur. Ita etiam illud Ambrosij, Lacrymæ lauant delictum, quod voce pudor est confiteri: ad publicam pœnitentiam referendum est. Ibi enim virtutem lacrymarum & confessionis ostendens, significare voluit, quod lacrymæ occultæ & confessio secreta, sicut quæ fit soli sacerdoti, lauant delictum quod pudet aliquem publicè confiteri. Quia vero dicit se lacrymas Petri legisse, non satisfactionem vel confessionem: per hoc non excludit illa. Multa enim facta sunt, quæ scripta non sunt: & forte nondum facta erat institutio confessionis, quæ modo est. Similiter & illud Prosperi, Si sui iudices fiant, mutabunt æterna supplicia. Et illud, Facilius Deum placabunt sibi, qui aut propriis confessionibus crimen produnt, aut nescientibus aliis in se sententiam excommunicationis ferunt: ad publicam confessionem & satisfactionem referri oportet. Non enim solis sacerdotibus ius ligandi atque soluendi datum est, si cuique suo arbitrio se pœna vel excommunicationis sententia ligare, & absque sacerdotali iudicio seipsum Deo vel altari reconciliare licet: quod ecclesiastica institutioni & consuetudini penitus repugnat. Potius ergo si publice peccasti, publice confitere te reum & emenda. Si vero occulte deliquisti, etiam sic non taceas: nec tamen dico, vt publices. Taciturnas enim peccati ex superbia nascitur cordis. Ideo enim peccatum suum quis celat, ne reputetur foris, qualem se iam diuino conspectui exhibuit: quod ex fonte superbiæ nascitur. Species enim superbiæ est, se velle iustum videri qui peccator est: atque hypocrita conuincitur, qui instar primorum parentum, vel tergiuersatione verborum peccata sua leuigare contendit, vel sicut Cain peccata sua reticendo suppressere quærit. Vbi ergo superbia regnat & hypocrysis, humilitas locum non habet. Sine humilitate vero alicui veniam sperare non licet. Vbi est ergo taciturnitas confessionis, non est speranda venia criminis. Iam certissime liquet, quam sit detestabile peccati silentium, & è conuerso quam sit necessaria confessio. Est enim confessio testimonium conscientiae Deum timentis. Qui enim timet iudicium Dei, peccatum non erubescit confiteri. Perfectus timor soluit omnem pudorem: confessio peccati pudorem habet, & ipsa erubescencia est grauis pœna. Ideoque iubemur confiteri peccata, vt erubescenciam patiamur pro pœna. Nam hoc ipsum pars est diuini iudicij. Si ergo quæritur, An confessio sit necessaria, cum in contritione iam deletum sit peccatum? Dicimus quia quædam punitio peccati est, sicut satisfactio operis. Per confessionem etiam intelligit sacerdos, qualiter debeat iudicare de crimine. Per eam quoque peccator fit humilior & cautior.

EXPOSITIO

De pœn.  
dist. 1.  
c. Nunc  
autem.Loco  
prius ci-  
tato.De pœn.  
dist. 1.  
cap. La-  
crymæ.Esichius  
super  
Leuit. &  
allega-  
tur de  
pœnit.  
dist. 1.  
c. Non  
sunt ad  
fi.

Gen. 4.





EXPOSITIO TEXTVS.

**D**Einde accipiendum est illud capitulum [Cumque ex his aliisque, &c.] Et quærendum est de hoc quod dicit *ibi* [Nec necesse est, vt quod sacerdoti semel confessi sumus, iterum confiteamur] Ponamus enim quod passus sit reciduum: tunc enim oportet iterum confiteri: ergo falsum est quod dicit.

RESPONSIO. In hoc casu non loquitur: sed *Solutio.* potius cum aliquis implet pœnitentiam iniunctam.

DEINDE quæritur de hoc quod dicit *ibi* [Quod ex fonte superbiæ nascitur, &c.] Secundum enim hoc superbia videtur esse fons aliorum malorum: quod est contra Apostolum 1. Tim. 6. vbi dicitur, Radix omnium malorum est cupiditas. Et huius solutio quærat in secundo dist. 21. vbi disputatum est de radicibus peccatorum: hæc autem de hac distinctione sufficiant.



DISTINCTIO XVIII.

*De remissione sacerdotis.*



**H**ic quæri solet, Si peccatum omnino dimissum est à Deo per cordis contritionem, ex quo pœnitens votum habuit confitendi, quid postea dimittatur ei à sacerdote? Video enim quo vinculo eum ligat, scilicet temporalis pœnæ, sed non à quo eum absoluat. Et ideo quæro. Ante pœnitentiam quippe cordis, anima rei maculam habet & fœtorem peccati, atque æternæ ultionis vinculo ligata existit. Si vero ante confessionem per cordis contritionem Deus per seipsum sine ministerio sacerdotis & debitum omnino relaxat, & animam interius purgat à contagione & fœtore peccati: quid ergo mundat? quid dimittit sacerdos? vbi sunt clauæ illæ quas Dominus tradidit Petro & successoribus eius, dicens, *Tibi dabo clauæ regni cælorum? Et quæcunque ligaueris super terram, erunt ligata & in cælo: & quæcunque solueris super terram, erunt soluta, & cætera.* Vt autem præmissa quæstio plenius explicari valeat, quasi altius ducto rete, de his clauibus & vsu earum differamus.

*De confessione sacramentali in se quatum ad potestatem absolutis virtute clauium in foro pœnitentiali.*

Matt. 16.

Luc. 5.



DIVISIO TEXTVS.

**H**ic quæri solet, Si peccatum omnino, &c.] Hic agitur de confessione ex parte absoluentis, scilicet à parte potestatis sacerdotis. Diuiditur autem in duas partes, in quarum prima agit de potestate clauium & essentia & vsu. Et in secunda de clauibus ex parte recipientis clauæ *ibi* [Postquam ostensum est, &c.] Adhuc prima subdiuiditur in tres partes, in quarum prima agit de potestate soluendi & ligandi in foro pœnitentiæ: in secunda de potestate ligandi in foro causarum *ibi* [Est & alius modus ligandi & soluendi, &c.] In tertia vero ad hos duos adaptat verba Euangelij *ibi* [Secundum hos ligandi & soluendi modos, &c.]

Adhuc prima harum habet tres. Prima enim quæritur, An sit clauis? Secunda quærit, Quæ & quot sint *ibi* [Clauæ istæ sunt non corporales] Tercio agit de vsu earum, &c. *ibi* [Vtus harum clauium.]

ARTICVLVS I.

*An in Ecclesia clauæ aliqua sint necessariae?*

**S**ecundum autem hæc tria nos etiam quæremus de clauibus. Primo super primum capitulum ratione illius verbi quod dicit [Vbi sunt clauæ illæ, &c.] quæremus an sint clauæ? Videtur autem, quod non: quia culpa & pœna annexæ sunt: ergo remittens culpam, necessario absoluit à pœna: ergo non sunt necessariae clauæ: & si non sunt necessariae, non sunt, quia nihil vanum est

est



est in operibus gratiæ: ergo videtur, quod non sint claves.

2 Adhuc, Vis contritionis sæpe soluit totum ante omnem actum sacerdotis: sed actus sacerdotis sunt in clauibus: ergo non sunt necessariæ claves.

3 Si forte tu velles dicere, quod in contritione relaxetur tota culpa, sed non tota pœna: & partem pœnæ dimittat clavis. Contra: Id quod est dimissiuum maioris, potest etiam in minus: sed pœnam æternam soluit contritio: ergo & temporalem partem pœnæ quæ remanet, remittere potest: ergo inutiliter datur clavis: quia melius fit quod per vnum, quam quod fit per duo, dummodo per vnum fieri possit, vt vult Philosophus.

3 Adhuc, Pœnæ non est debitor aliquis nisi ex culpa: si ergo nihil remaneat de culpa, nihil videtur remanere de pœna: sed post contritionem nihil manet de culpa: ergo nihil manet de pœna: ergo inutiliter datur clavis. Adhuc, Probatur hoc per simile: quia si non sit albedo in aliquo, nisi quæ causatur in candore lactis, vel à calido, vel frigido: si nihil remanet de causa albedinis, nihil remanebit de albedine: sed constat, quod nullius pœnæ est iste debitor, nisi ex culpa sicut ex causa: ergo si nihil post contritionem remanet de culpa, nihil remanet de pœna: & inde sequitur vt prius, claves esse inutiles.

4 Si forte tu velles dicere, sicut dicit Magister Hugo de sancto Victore ad Bernard. quærentem istam quæstionem, quod est multiplex vinculum, quo ligatur peccator ex peccato, scilicet obdurationis, captiuitatis diabolicæ, seruitutis, quæ vsuras cogit dare, mortis æternæ, & obligationis ad confessionem. Et à primis quidem quatuor absoluit Deus per seipsum, ligando ad quintum, à quo absoluit per sacerdotem ligando ad vnum, scilicet pœnam expiationis in satisfactione peragendam: dicit enim, quod à vinculo obdurationis soluit per emolliationem cordis ad pœnitentiam: à vinculo autem captiuitatis diabolicæ quo tenetur ne per se resurgere possit, absoluit per adiutorium erigentis gratiæ præuenientis: à vinculo autem seruitutis per adiutorium gratiæ cooperantis, qua possit bona operari: à vinculo vero mortis æternæ per absolutionem à reatu pœnæ æternæ. Si, inquam, sic dicas: quæro primo, Quid necesse habeat Deus soluere à quatuor dictis vinculis ligando ad quintum? cum enim dicatur Deuter. 32. Dei perfecta sunt opera, videtur perfectius esse Dei opus si in nullo maneret ligatum, quam quod absoluit à quatuor, & ligat ad vinculum quintum.

5 Adhuc autem videtur esse conditionatum opus Dei, in hoc scilicet, quod non absoluit hunc, nisi ille obligetur ad confessionem: sed conditio inducit dubium & tempus: ergo videtur Dei opus potius dubitari & temporalitati subiaccere: & hoc maximum omnis sapiens reputat inconueniens: nullius enim opus certum est, si Dei intemporalis & æterni potius incertum est opus & temporale.

Sed con-  
tra.

SI FORTE propter hoc dicas, quod non sunt claves istæ Ecclesiæ. Contra: Matth. 16. dicitur, Tibi dabo claves regni cælorum, &c. Ergo sacerdotes habent claves.

2 Adhuc, Aditus paradisi significat aditum

ad Ecclesiam: video autem, quod ille aditus reclusus est potestate Angeli ministrantis: ergo & aditus sacramentorum Ecclesiæ recludi debet potestate ministrorum Ecclesiæ: sed illa potestas dicitur clavis: ergo claves sunt in ministris Ecclesiæ. Multæ autem aliæ auctoritates ad hoc inducuntur in litera: & ideo hæc sufficiant.

SOLVITIO. Dicendum, quod absque ambiguitate claves Ecclesiæ sunt, quas habet Ecclesiæ (vt dicit Hieronymus) in suis Episcopis, & sacerdotibus: quibus dignis non solum sacramenta, sed etiam cælum aperitur, & clauditur indignis.

De solutione autem obiectorum, dicendum ad primū, quod clavis dupliciter aperit regnū operando ad remotionem peccati impediētis, & vnus modus sæpe dictus est, & est bonus, scilicet quando conteritur aliquis, dolor suus vim habet à gratia informante, & à voto confitendi & satisfaciendi, quod habet in proposito. Sicut igitur est in medicinis compositis, quæ totum expellunt morbum, ita tamen quod qualibet simplex medicina ibi posita operatur contra aliquam partem morbi & causam: ita dico, quod in peccato est culpa & pœna, & est pœna æterna improporcionabilis viribus pœnitentis, & acerba pro debito reatus: & gratia quidem habet effectum contra culpam, & dolor contra acerbiteriam pœnæ: dolor autem passionis Christi contra æternitatem: & votum submittendi se clauibus habentibus vim ex passione, habet soluere improporcionem illam, qua maior est viribus pœnitentis: & satisfaciendi votum quandoque soluit totum residuum, quandoque autem soluitur per satisfactionem sequentem in actu. Vnde nihil prohibet operari clauem ante actum sacerdotis extra: sicut & gratia mediatoris operata est antequam esset mediator in natura vera medierate. Alio modo operatur clavis in absolutione confessionis dimittendo partem pœnæ debitæ per gratiam ministerij sacerdotum Christi, quod non est credendum gratia carere, sed potius permixtam habere gratiam. Licet ergo soluantur pœna & culpa in contritione: non tamen fit hoc virtute solius contritionis, sed potius etiam virtute clauium: sicut licet in medicina aliqua soluantur morbus aliquis, non tamen fit hoc virtute vnus receptorum in medicina, sed virtute cuiuslibet soluitur aliquid morbi.

AD ALIUD dicendum, quod vis contritionis nunquam ita totum soluit, quin effectus sit ibi, vt patet per antedicta: & etiam postea actu tenetur se submittere, quia aliter per contemptum religionis inciperet adeo malignare sicut prius.

AD ALIUD dicendum, quod quandoque tota pœna dimittitur in contritione, sed nunquam virtute solius contritionis: & ideo vt impleatur votum quod in contritione habuit, & habere tenebatur, postea etiam debet se submittere confessori & satisfactioni: sed verum est, quod si sacerdos sciret talem in voto absolutum, non imposeret ei pœnitentiam in satisfactionem præteritorum: sed vel nullam imposeret, sicut nec Dominus fecit Mariæ Magdalene: vel si imposeret aliquid, faceret hoc in medicinam futurorum, sicut dantur medicinæ præseruatiuæ: quia autem sacerdos hoc scire non potest, ideo omnibus venialibus pœnitentiam iniungit.

Ad



AD ALIUD dicendum, quod secus est in effectu & causa coniunctis per naturam, & causa & effectu coniunctis per voluntatem in conuersione hominis: in natura enim propter hoc soluta tota causa, soluitur totus effectus, quia natura agit necessario: & ideo remoto agente, nihil manet de effectu ipsius. Sed in voluntate, quia voluntas deliberatiua est, cadit in vituperium & laudem ex opere suo: & ideo transeunte causa, non transit effectus, imo manet: sicut cum culpa transit actu, non transit reatu, imo manet. Et similiter quoad debitum satisfaciendi, bene potest manere post recessum culpæ in toto. Vnde talia argumenta in moribus etiam ciuiler loquendo, nihil valent, sicut iam patuit.

AD ID quod obiicitur de Hugone, dicendum quod in veritate illud est tota scientia illius libelli, & intelligitur, non ita quod Dominus sub conditione soluit, sed Dominus simpliciter absoluit: tamen quia in contritione votum est confessionis, & sine illo non esset contritio, propter hoc tene-

tur ad confessionem. Et quia votum coniunctum est absolutioni à quatuor vinculis dictis, ideo dicit Magister Hugo, quod Deus absoluit ligando: sed sacerdos è contra ligat soluendo: ligando enim ad penitentiam expiationis, absoluit à voto confessionis, dimittendo partem pænæ debitæ siqua manserit post contritionem. Et per hoc patet, quod in opere Dei secundum quod Deus est, nulla conditio est, nec temporalitas, sed necessitas illius obligationis est ex voto confitendi & satisfaciendi ad arbitrium ministrorum Ecclesiæ, sine quo non potest esse vera contritio. Et per hoc patet solutio ad vltimum.

Ad penultimum autem dicendum, quod licet in eo sint omnia æque possibilia: tamen non omnia sunt nobis æque vtilia: vtile enim nobis est, ut astringamur talibus votis propter erubesceniam & expiationem, quæ non tantum valent ad expiationem præteritorum, sed etiam ad cautelam futurorum. Et quæcunque sunt nobis magis vtilia, hæc ordinauit Deus in sacramentis.

### De clauibus.

**C**LAUES istæ non sunt corporales sed spirituales, scilicet C discernendi scientia, & potentia iudicandi, id est, ligandi & soluendi: qua dignos recipere, & indignos debet excludere à regno Ecclesiasticus iudex: qui sicut habet ius ligandi, ita & soluendi. Vnde Ambrosius: Dominus par ius & soluendi esse voluit, & ligandi, qui vtrumque pari conditione permisit. Ergo qui soluendi ius non habet, nec ligandi habet. Et infra, Certum est, quod Ecclesiæ vtrumque licet, hæresis vtrumque non habet. Ius enim hoc solis permissum est sacerdotibus. Recte ergo Ecclesia hoc sibi vendicat, quæ veros sacerdotes habet: hæresis vendicare non potest, quæ veros sacerdotes non habet.

### ARTICVLVS II.

*An definitio clauis posita à Magistro sit bene data?*

**D**Einde queritur de hoc quod dicit ibi [Claues istæ non sunt corporales, sed spirituales] Et queruntur quatuor, scilicet quid sit clauis: & quot sunt clauis numero? Tercio de clauis, quæ dicitur scientia discernendi. Et quarto de clauis, quæ dicitur potestas ligandi & soluendi.

Ad primum autem extrahatur definitio clauis ex litera, vbi ex verbis Hieron. dicit Magister, quod clauis sunt discernendi scientia, & potentia iudicandi, id est, ligandi & soluendi: qua dignos recipere, & indignos debet excludere à regno Ecclesiasticus iudex. Hæc verba omnia etiā sunt in Gloss. Matth. 16. & sunt Hieron. Formatur autem definitio in communi sic: Clauis est potestas iudicis Ecclesiastici, qua dignos recipit, indignos vero potest excludere à regno. Cum autem iudex Ecclesiasticus sit à iurisdictione, non ab ordine, videtur, quod non habet clauis, nisi habens iurisdictionem in foro causarum: & hoc falsum est.

1 Hoc videtur etiam alia ratione: quia om-

nis potestas, quæ tota perficitur aliquo vno, habito illo potest reduci ad actum: si igitur potestas quæ dicitur clauis, perficeretur ex illo vno quod est ordo sacerdotalis, habito ordine sacerdotali, posset reduci ad effectum: quod est falsum, quia secundum hoc omnes monachi sacerdotes posset absolueret & ligare, quod falsum est: ergo videtur, quod iudex Ecclesiasticus sit habens iurisdictionem. Ex hoc arguitur ut prius.

3 Vltius obiicitur de hoc quod dicit, Quæ dignos recipere, &c. digni enim eo ipso quod digni sunt, merito suæ dignitatis sunt recepti: & ideo vane recipiuntur postea à sacerdote, vel nullo modo recipiuntur. Si autem dicas, quod recipere eos, est receptos ostendere: tunc secundum hoc nihil esset potestas clauis, nisi quoad homines, quod inconueniens infra esse ostendetur.

4 Vltius obiicitur de hoc quod dicit ibi, à regno: quia videtur potestas hominis non esse super regnum. Probatio, Potestas hominis in ministerio est super illud, quod traditur dispensationi ministerij sui: sed non nisi sacramenta traduntur ministerio sacerdotum dispensanda, & non regnum: ergo videtur, quod non debet dicere, à regno, sed à sacramentis.

RESPONSIO. Dicendum, quod definitio soluta illa

De pen.  
dist. 1.  
cap. Ver-  
bum  
Dei.



illa optima est: quia ponitur in ea genus quod est potestas, & subiectum proprium illius potestatis, quod est iudex ecclesiasticus: & differentia pertinetes ad specialem & substantialem actum, qui est recipere dignos, & excludere indignos: & finis per omnia intentus, qui est introductio in regnum.

AD PRIMUM ergo obiectum, dicendum quod ecclesiasticus iudex sumitur hic in foro penitentiali, & non in foro causarum, nisi elargiatur sibi potestas: & non oportet, quod habeat iurisdictionem super subditos, sed quod sit aptus habere ex ordine, & nihil desit ei nisi commissio: non enim ponitur in diffinitione actus dicendo, qua recipit: sed, qua valet vel potest recipere, ut notetur facultas ex habitu: & quod non operatur non est, nisi quia materiam subiectam non habet, quam non potest habere nisi per iurisdictionem.

AD ALIUD dicendum, quod habito ordine nihil deest quantum ad operantem: & ideo nulla perfectio additur operanti amplius quam ordo: & hoc patet ex hoc, quod si sacerdoti committitur plebs, non recipit aliquam consecrationem propter hoc. Constat autem, quod omnis potestas datur per consecrationem in spiritualibus: & ideo patet, quod habens ordinem, in toto perfectus est quantum est ex parte agentis: sed quia omnis facultas exigit materiam, suspenditur ab operatione ita diu donec materia sibi per iurisdictionem determinetur.

AD ALIUD dicendum, quod digni sunt magis digni: dignitas enim Dei præcedit, tollens indignitatem culpæ: & opus ordinis & clavis sequitur, tollens aliquid de indignitate poenæ: & ideo non tantum ostendunt solutos à Deo, sed etiam absolunt ab aliquo quo ligati venerunt, & ita imbuunt sacramentis.

AD ALIUD dicendum, quod ponitur ultimus finis actus ordinis: quia non fit reconciliatio ad sacramenta, nisi propter regnum. Ad argumentum autem dicendum, quod ministerium sacerdotis, non est super regnum immediate, sed per medium, scilicet per susceptionem ad sacramenta: & hoc modo bene committitur eis dispensare regnum.

### ARTICVLVS III.

#### *Quot sint clauis?*

Secundo quaeritur, Quot sint clauis numero? Videtur enim, quod vna sola: dicit enim Glossa Matth. 16. quod clauis sunt scientia discernendi, & ligandi & soluendi potestas: sed scientia discernendi constat, quod est informans & dirigens ad actum soluendi & ligandi: & talia quorum vnum est dirigens, & alterum exequens, non sunt duo, sed vnum in actu: ergo clauis non sunt duæ, sed vna.

2. Adhuc, In nobis ad perfectum opus exiguntur tria, scilicet scire, velle, & posse: & tamen opus egrediens ab his est vnum: constat autem, quod scientia iudicandi habet se sicut scire in nobis: ergo videtur, quod vna clavis sit secundum actum, & vnus actus clavis.

3. Adhuc, In materialibus non est ad vnam

seriam nisi clavis vna: sed in omnibus spiritualibus non est nisi vna sera quæ est peccatum in communi: ergo videtur, quod non requiratur nisi clavis vna: & ita videtur, quod non sint duæ clauis. Item, Vnius effectus non est nisi vna potestas: sed vnus est effectus, scilicet ligare & soluere: ergo non est nisi vna potestas: ergo vna clavis.

Vltius videtur, quod sint duæ clauis: quia ita per multas auctoritates tam Bibliæ, quam sanctorum Patrum, probatur in litera: & illæ sufficient.

2. Per rationem arguitur idem sic: Duo sunt in libero arbitrio facientia peccatum, scilicet ratio, & voluntas: sed faciens peccatum clauditur per peccatum ut non intret regnum: ergo vtrūque indiget refectione: cum igitur differant hæc inter se, videtur quod clauis referantes differant: sunt autem hæc duo differentia: ergo clauis duæ differentes referantes.

3. Adhuc peccatum aliter impedit cognitionem, & aliter affectiuam: quia cognitionem impedit, ut tenebra interior spiritualis: affectum autem impedit per inclinationem deorsum, & auersionem ab incommutabili bono: sed constat, quod quicquid est in anima rationali, ad hæc duo reducitur: ergo videtur, quod his solutis omnia alia sint absoluta: sed aliter ligatur cognitua, & aliter affectua: ergo alio & alio indigent refectione: cum igitur ipsa sint duo, videtur quod referantia sint duo.

4. Adhuc & est magis ad propositum, Opus sacerdotis in confessione ubi vtitur clauis, est duplex, scilicet educatio peccati, & absolutio: & sic patet per illud Iob 26. Obstetricante manu eius educus est coluber tortuosus: ecce opus primum. Et Ioan. 20. Quorum remiseritis peccata, remittuntur eis: ecce opus secundum. Constat autem, quod vtrumque opus exigit potestatem in sacerdote, quia omne opus egreditur ab aliqua potestate: sed educatio peccati non fit nisi per iudicium discretionis, quæ ostendit, quam vile sit peccatum, quam detestandum, quantum vnum vilius alio, & huiusmodi: ergo ad hunc actum exigitur clavis scientiæ discernendi. Constat autem, quod post contritionem sequitur absolutio, vel retentio peccatorum: & hoc opus similiter non fit nisi ab aliqua potestate quæ vocatur clavis. Ergo cura non sint plura opera substantialia, nisi hoc vnum super peccatum, & alterum super peccatorem, videtur quod sint duæ & non plures clauis. Hæc autem obiectio notanda est: quia concludit veritatem ex propriis, & ex his penes quæ proprie accipitur diffinitio clauium.

Videtur autem vltius, quod sint tres clauis: quia tres personæ sunt à quibus fluit omnis potestas sacramentalis: sed vna illarum est penes appropriatum Patri, scilicet potestas ligandi & soluendi: altera penes appropriatum Filio, scilicet scientia discernendi: ergo restat adhuc tertia penes appropriatum Spiritui sancto.

2. Adhuc, In omni creatura rationali libera ad agendum, tria concurrunt ad opus, scilicet scire, velle, & posse: ergo cum penes duo illorum sit accepta clavis, videtur quod eadem ratione accipiat vna clavis penes tertium: ergo erunt tres clauis.

3. Adhuc, Scire & posse imperfecta sunt ad actum: sed si adueniat velle, tunc operabuntur.

Cum



Cum igitur clavis sit potestas perfectissima ad actum, videtur quod necessario debeat aliquid esse ibi respondens voluntati operanti: & præter illud sunt duæ: ergo cum illo erunt tres, ut videtur.

Uterius videtur, quod sint quatuor: quilibet enim modus aperiendi vel absoluendi, requirit aliud & aliud instrumentum: sed quatuor à Magistro in litera determinantur modi ligandi & soluendi: ergo quatuor erunt instrumenta: ergo quatuor claves: dicit enim, quod soluit & ligat, quando absolutum vel ligatum demonstrat. Item quando Ecclesiæ reconciliat & restituit, & quando partem pœnæ dimittit, & quando excommunicationem fert, vel absoluit ab ea.

2. Adhuc, Quando Dominus loquitur Petro de clauibus, non nominat tantum claves regni cælorum, sed etiam portas inferi: si ergo duæ sunt portæ regni, eadem ratione duæ erunt portæ inferni: ergo erunt quatuor.

3. Adhuc, Videtur, quod plures sint quam quatuor: quia sunt portæ inferni, paradisi, limbi, purgatorii, & cæli: sed constat, quod omnes istæ portæ aperiuntur: ergo videtur, quod distinctas & determinatas exerceant claves: ergo cum vni portæ aptentur duæ claves, videtur quod ad minus sint decem claves.

*Solutio.*

RESPONSIO. Dicendum, quod sicut habetur Isa. 22. ubi dicitur, Dabo clauem domus David super humerum eius: & claudet, & non erit qui aperiat: & aperiet, & non erit qui claudat: Filius Dei est vera clavis regni cælorum, quia ipse aditum regni nobis referauit, quem Adam suo peccato recluserat: unde legitur in oratione paschali, Omnipotens Deus qui per vnigenitum tuum redemptorem nostrum, æternitatis nobis aditum, deuicta morte, referasti. In Filio autem diuino duo sunt, sicut dicitur 1. Corinth. 2. scilicet, Christum Dei virtutem, & Dei sapientiam. Et ideo quia ipse his duobus referauit regnum, in his duobus dedit suis sacerdotibus referendi potestatem. Et penes hæc duo, duæ claves accipiuntur. Huic autem rationi coniungantur tres quæ in tribus obiectionibus pro hac parte inductis, positæ sunt, & præcipue tertia: & erunt quatuor penes quæ distinguuntur duæ claves quas dicunt Sancti.

AD ID ergo quod primo obiicitur, quod non sit nisi vna clavis: dicendum, quod claves non distinguuntur penes finem vltimum, sed potius penes actus proximos substantiales & necessarios. Constat autem, quod actus necessarius est distinctio peccatorum in confessione, quæ est super peccata: & etiam actus necessarius est absolutio. Et ideo penes illos, licet vnus dirigat ad alterum, sunt tamen duæ claves. Et est simile: quia licet prudentia virtus sit auriga virtutum, ut dicit Bernard. ad Eugen. & dirigat alias: tamen quia habet actum proprium, dicitur & est vna virtus cardinalis distincta ab aliis quas dirigit.

AD ALIUD dicendum, quod illa tria quæ sunt in nobis, licet referantur ad vnum actum vltimum, tamen proprios & proximos actus habent differentes, penes quos etiam distinguuntur, & sunt distinctæ facultates: & ideo etiam actus proprii & proximi clauium differentes sunt, licet finis sit vnus: & hoc sufficit ad

D. Alber. Mag. in Lib. 4. Sentent.

diuisibilitatem potestatis & facultatis, ut iam tactum est.

AD ALIUD dicendum, quod in materialibus ad vnam seram vno modo se habentem & vno modo reclusam, est vna clavis: sed ad vnam seram habentem duas clausuras, nihil prohibet esse duas claves, quia tunc vna sera est ut duæ: & sic est hic, quia sera quædam est ex eo quod peccatum non discernitur & distinguitur, & altera est ex reatu qui innascitur peccatori ex peccato: & ideo necessario sunt duo modi referendi & aperiendi, sicut iam dictum est.

AD ID quod obiicitur, quod sunt tres claves, dicendum quod non sunt necessariae nisi duæ tantum propter causam dictam. Ad obiectum autem primum dicendum, quod voluntas siue bonitas appropriata Spiritui sancto non est æqualis ad ligare & soluere: sed clavis dicit talem potestatem quæ claudat & aperiat æqualiter: sed Dei voluntas siue bonitas semper est ad aperiendum, ut qui vult omnes homines saluos fieri, & ad agnitionem sui nominis venire: & hoc verum est quantum est de se: & si aliud vult, ut dicit Damasc. hoc vult ex nostra causa: & ideo in clauibus non potuit esse aliqua potestas respondens Spiritui sancto: sed ipse dat donum, per quod peccatum dissoluitur. Aliter posset dici & minus bene, scilicet quia duæ claves non accipiuntur penes attributa Patris & Filij, sed penes attributa Filij tantum, quia primus clausit & aperuit: & hoc supra probatum est per auctoritatem Isaia.

AD ALIUD dicendum, quod sicut dixit Altiſiod. non oportet de clauibus aliquid respondere voluntati hominis, quia in clauibus non debet homo sequi voluntatem suam, sed voluntatem Dei primo absoluentis per gratiam: & hæc solutio optima esse videtur. Alij subtilius & peius dixerunt, quod isti actus, aperire & claudere, non sunt ex parte nostra: & ideo facultates eorum non debent omnino sumi ex parte nostra: sed voluntas est ex parte nostra, & ideo penes voluntatem nulla sumenda est clavis.

AD ALIUD dicendum, quod verum est quod ubi prima duo sequuntur voluntatis libertatem, ibi sunt imperfecta ad opus, nisi adueniat voluntas: quia confessione facta & potestate habita, adhuc libera est voluntas agere vel non agere si vult. Sed quia in diuinis sequitur operatio ex diuini præcepti necessitate, ideo habitis primis duabus facultatibus, sufficienter habetur perfectio ad opus.

AD ID quod ulterius queritur, Vtrum sint quatuor: dicendum, quod non. Ad obiectum dicendum, quod prima est falsa: quia omnes modi illi reducuntur ad duos: quod enim absolutum & ligatum ostendit, non sit nisi per pœnæ dimissionem, sicut in litera patebit: & per hoc ipsum Ecclesiæ reconciliat. Sed ligare & soluere anathema est alius modus: sed quia non est nisi per culpæ cognitionem vel religationem vel solutionem, in forma conuenit cum eo, qui est in foro confessionis & pœnitentiæ: & ideo non requirit alias claves: & ita patet, quod illa obiectio nulla fuit.

AD ALIUD dicendum, quod licet sint portæ inferi, non tamen ad illas determinatur claves Ecclesiæ: vnumquodque enim, ut dicit Philosophus, determinatur & denominatur per definitionem

Q o

tionem



tionem ad optima sui: clausio autem & apertio ianuarum inferni sequitur ad clausionem & apertionem portarum cæli, & portæ cæli sunt intentæ & finales clauium, & ideo ab illis dicuntur: & sunt duæ clauës, quia ex quo clauditur cælum alicui, hians est super eum apertis portis infernus: & eo ipso quod aperitur cælum, clauditur aditus inferni.

AD ALIUD patet solutio per idem, præterquam de paradiso, & purgatorio, & limbo. Et ad hæc dicendum, quod non est nobis aditus ad beatitudinem vitæ animalis quam in Adam amisimus: & ideo per clauës non datur nobis via veniendi ad locum corporei paradisi, vbi Adam in animali vita semper vixisset: & ideo clauës ad illum locum non recipit Ecclesia. Quare autem non sit nobis aditus ad paradysum, alibi determinari habet, scilicet super secundum, vbi agitur de eiectione Adæ de paradiso, & reclusionem paradisi. De purgatorio autem & limbo dicendum, quod non habent firmacula perpetua, sed continue sunt aperta ad euolandum determinato tempore: patres quidem de limbo cum Adæ debitum per Christum fuit solutum, animæ autem de purgatorio cum quolibet purgatur ad plenum: de limbo enim patrum hic loquimur, non de limbo puerorum qui perpetuo clausus est. Et per hoc patet solutio ad totum.

#### ARTICVLVS IV.

*An scientia discernendi inter lepram & lepram, sit clauis Ecclesie?*

**T**ertio quæritur de hac clauë quæ dicitur esse scientia discernendi inter lepram & non lepram. Videtur enim non esse clauis: omne enim quod non semper sequitur habentem clauës, videtur non esse clauis, cum clauis semper sequatur habentem clauem: sed scientia discernendi inter lepram & non lepram, non semper sequitur habentem clauës: ergo non est clauis. Prima patet per se. Secunda probatur ex hoc quod omnis sacerdos habet clauës: non tamen omnis sacerdos habet scientiam discernendi inter lepram & non lepram.

2 Adhuc, Nullum indifferenter habitum præter ordinem & post ordinem & ante, est clauis: scientia discernendi est tale quid: ergo non est clauis. Probat per hoc quod clauës dantur in ordine sacerdotij, & nunquam sine ipso. Secunda probatur ex hoc quod multi ante sacerdotium habent huiusmodi scientiam, & non sacerdotes aliqui plus quam sacerdotes.

3 Adhuc, Sicut dicit Philosophus in 6. ethic. Scientia est virtus intellectualis: igitur generatio ipsius est per experimentum & tempus: non ergo est data in ordine: sed omnis clauis datur cum ordine: ergo scientia non est clauis. Si forte dicas, quod scientia infusa est clauis, non acquisita: & acquisita est illa de qua loquitur Philosophus. Contra: Videmus expresse, quod infusam non recipiunt sacerdotes in ordine: ergo nec infusa est clauis, vt videtur. Adhuc, Infusa certior est in iudicio, quam acquisita: ergo si scientia infusa esset clauis, quilibet sacerdos clauës habens, certius iudicaret quam Doctores, qui diu per studium

scientiam acquisierunt: & hoc non videmus: imo vel male iudicant, vel in dubiis ad eos qui studuerunt, recurrunt.

SED SI hoc dicatur, erit contra literam, vbi *sed con-* Hieron. dicit, quod duæ clauës sunt scientia iudicandi, & auctoritas absoluendi.

2 Adhuc autem quatuor rationes supra adductæ sunt, quod scientia debet esse clauis.

3 Adhuc, Omnis actus potentie motiue putæ, indiget regente aliquo, vel quandoque erit peruersus: sed ligare & soluere est actus potentie motiue: ergo indiget regente, vt non quandoque sit peruersus: non potest autem esse regens, nisi scientia iudicandi quis absoluendus, & quis non: ergo illum præcedere debet: ergo clauis est scientia iudicandi.

RESPONSIO. Dicendum, quod multi hic *soluunt* multa dixerunt, quorum dicta, quia non intelligo, transcurro vsque ad tres opiniones, quarum vna est Magistri in litera, scilicet quod concedi potest, quod non omnes habent clauem scientie iudicandi: sed qui carent, ad damnationem suam carent, si habent iurisdictionem vtendi clauibus, & in ipsa velint permanere. Sed hanc opinionem puto esse falsam, nisi dicatur clauis materia clauis, vt infra patebit: bene enim conceditur, quod non omnes habeant materiam huius clauis, id est, id quod est materiale in clauë. Alij dicunt, quod sunt qui habent scientiam vt clauem: & sunt qui habent eam vt clauiculam: habentes enim scientiam acquisitam vel infusam de bono & malo discernendo secundum differentias peccatorum quas necessarium est scire, habent hanc scientiam vt clauem: sed habentes minus, & sequentes industriam naturalem, habent clauiculam tantum in se: & hoc etiam reputo falsum, nisi eodem modo vt præcedens intelligatur, scilicet quantum ad id quod est materiale in clauë, dicantur quidam habere clauem, & alij clauiculam: quantum autem ad formale omnes dicuntur habere clauem qui sacerdotes sunt. Tertij dicunt, de quorum numero ego sum, quod scientia non sit clauis, sed potius discernendi & iudicandi auctoritas: & hanc in ordine recipit omnis sacerdos, licet scientiam non recipiat: si autem habet scientiam cum aliis quæ exiguntur, bene recipit ordinem. Si autem non habet scientiam, etiam si omnibus aliis sit decoratus, & recipit curam pastorem, ad damnationem recipit. Secundum hoc igitur planum est respondere obiectionibus.

AD ID enim quod primo obiicitur, dicendum quod scientia non est clauis: sed dicitur quandoque clauis, eo quod materia est in clauë: & clauis non est in actu nisi per eam, quia ipsa est dispositio quam vult inuenire clauis in subiecto: & dato quod non inueniret, tunc clauis frustratur ab actu. Et est simile in naturis & gratia: vis enim motiua vult inuenire sensibilem in subiecto: & si non inuenit, non mouebit. Similiter ordo sequens vt diaconatus vult inuenire præcedentem subdiaconatum in subiecto: & si non inueniat, non erit actu: imo suspenditur donec recipiat ordinem quem transiit. Similiter vis visiva vult inuenire humidum crystallinum purum & illuminatum in oculo: & si non inueniat, ipsa suspenditur ab actu videndi, donec humor crystallinus purificetur. Quod autem ita sit in sacerdotio, patet per illud, Quia tu scientiam repolisti, repellam



repellam te ego, ne sacerdotio fungaris mihi. Et  
 Malac. 1. illud, Interrogabunt sacerdotes scientiam, & legem  
 1. Reg. 1. requirent de ore eius: Angelus enim Domini  
 exercitium est. Et illud, Porro filij Heli filij Be-  
 lial, nescientes Dominum, nec officium sacerdo-  
 tum ad populum. Et huiusmodi alia quæ multa  
 per totam Scripturam inveniuntur.

AD ALIVD dicendum penitus eodem mo-  
 do: quia auctoritas discernendi nunquam datur  
 nisi in ordine: sed dispositio quam necesse est  
 inuenire in subiecto, indifferenter habetur ante  
 & post.

AD ALIVD dicendum, quod Philosophus  
 in veritate loquitur de scientia acquisita consue-  
 tudine moralium, & experientia & doctrina circa  
 illa: tamen responsio inducta contra hoc etiam  
 meo iudicio nihil valet: sed solutio ad eam &  
 residuum, patet per antedicta.

## ARTICVLVS V.

*De secunda clauē quæ est ligandi & soluendi potestas, an sit communicabilis?*

Quarto quæritur de secunda clauē quæ est li-  
 gandi & soluendi potestas. Videtur enim,  
 quod hæc potestas incommunicabilis sit: quia  
 dicit Augustinus, Interius mundandi potestatem  
 in baptismo noluit dare seruo, ne spes poneretur  
 in homine. Cum igitur idem sit absolvere quod  
 est interius mundare ab aliquo spiritualiter obli-  
 gante, videtur quod non debuit communi-  
 cari ministro talis potestas, ne spes ponatur  
 in ipso.

2. Adhuc, In Euangelio Matth. 9. vbi Christus  
 se dixit in terra dimittere peccata: putantes eum  
 solum hominem dixerunt, Hic blasphematur, quis  
 potest dimittere peccata nisi solus Deus? Ergo  
 nullus nisi Deus potest dimittere peccata: ergo  
 potestas ligandi & soluendi à peccatis non est con-  
 cessa homini qui est minister Ecclesiæ: ergo hæc  
 potestas non est clauis.

3. Si autem tu dicas, quod non dimittunt  
 peccata, sed pœnam peccatorum. Contra: Ioan. 10.  
 dicitur expresse, Quorum remisistis peccata, re-  
 mittuntur eis: & quorum retinueritis, retenta  
 sunt. Ergo intelligitur de remissione pecca-  
 torum.

*Sed con- tra.* SED IN CONTRARIUM huius obiicitur:  
 quia omni illi cui committitur principale, com-  
 mittitur & accessorium secundum regulas iuris:  
 sed committitur sacerdoti, quod sacram commu-  
 nionem consecraret, & ministraret populo: ergo &  
 committitur ei præparatio populi ad sacram  
 communionem illam: sed præparatio non potest  
 esse nisi per absolutionem: ergo potestas absol-  
 uendi committitur sacerdotibus: ergo ipsi ha-  
 bent clauem istam. Hoc idem in litera probatur  
 multorum sanctorum auctoritatibus: & ideo ista  
 sufficiant.

*Solutio.* DICENDUM igitur absque dubio, quod  
 Ecclesia in suis sacerdotibus habet plenam ab-  
 soluendi potestatem: & hæc est clauis ministrorum  
 sacerdotum: quis autem vsus eius sit, postea loco  
 proprio patebit.

AD PRIMUM ergo dicendum, quod non  
 propter hoc ponitur spes in homine: quia homo  
 D. Alb. Mag. in Lib. 4. Sentent.

non operatur nisi vt minister: vnde bonus &  
 malus æqualiter habent: sed Deus operatur vt  
 author & largitor doni absolutionis per omnem  
 modum, sicut in baptismo facit, scilicet per gra-  
 tiam suam quam dat in ministerio, siue sit per  
 bonum, siue per malum.

AD ALIVD dicendum, quod homo non  
 remittit peccatum ex parte culpæ: quia hoc solius  
 Dei est facere: sed per ministerium suum remitti-  
 tur ei pars pœnæ, quandoque in actu, quandoque  
 etiam clauē existente in voto, vt supra dictum est:  
 & hoc virtute passionis Christi, quæ est in clau-  
 bus, & non virtute ministri.

AD HOC quod obiicitur de Ioanne, dicen-  
 dum quod intelligitur de remissione peccati ex  
 parte pœnæ.

## ARTICVLVS VI.

*An hæreticus habens ordinem, etiam ha-  
 beat clauem?*

Deinde quæritur de hoc quod dicit ibi [Ec-  
 clesiæ vtrumque licet, hæresis vtrumque  
 non habet] Videtur enim hoc falsum: quia in  
 tractatu de ordine probatur, quod veri ordines  
 sunt etiam qui ab hæreticis in forma Ecclesiæ  
 suscipiuntur: ergo sunt ibi ea quæ consequuntur  
 verum ordinem: sed clauēs sunt de consequentibus  
 verum ordinem: ergo videtur, quod hæresis ha-  
 beat clauēs iurisdictionis.

2. Adhuc, Verus lapis dicitur, vt verus homo,  
 & verus asinus, qui habet actum lapidis & homi-  
 nis & asini: & mortua hæc dicuntur, quando ca-  
 rent actibus suis: sed supponatur modo, quod ve-  
 rus ordo in forma Ecclesiæ suscipiatur inter hæ-  
 reticos: ergo ille ordo habet actum ordinis: sed  
 actus ordinis presbyteri est actus clauis: ergo vi-  
 detur, quod habeat actus clauis vel clauium.

*Sed con- tra.* SED CONTRA: Vadens ad hæreticum scien-  
 ter, peccat mortaliter: ergo non absoluitur: ergo  
 ex parte confitentis non fit in eo actus finalis  
 clauis. Item nec ex parte audientis confessionem:  
 quia ille non habet iurisdictionem, & suspensus  
 est, & etiam mortaliter peccat se intromittendo.  
 Ergo ex neutra parte potest ibi saluari actus ordi-  
 nis: ergo videtur, quod hæresis non habet vsum  
 clauium: ergo nec clauēs, vt videtur, nisi falsas &  
 mortuas: sicut mortuus homo non est homo sim-  
 pliciter, etsi homo dicatur.

*Solutio.* RESPONSIO. Dicendum in ista quæstione,  
 quod est potestas clauis ex ordine, & est potestas  
 ex iurisdictione: sicut enim supra patuit, omnis  
 actus quærit materiam circa quam fit, & illa in  
 clauibus sunt subditi, qui non nisi ppter iurisdic-  
 tionem à summo Pontifice descendente haberi  
 possunt. Dicendum ergo, quod hæresis in forma  
 Ecclesiæ habens ordines, habet clauēs, secundum  
 quod potestas sumitur ex ordine: sed non habet  
 ex iurisdictione, & ideo exequi nihil omnino po-  
 test: & si de facto quidem absoluit, nihil facit  
 omnino: & tamen insuper mortaliter peccau-  
 erunt & absolvens, & absolutus si scienter ad ta-  
 lem accessit: & hoc modo intelligitur hoc quod  
 dictum est in litera.

AD ID quod primo obiicitur, dicendum  
 quod ordinem non consequitur executio clauis,  
 O o 2 sed



sed tantum potestas in habente potestatem, sed non potentem agere propter materiæ defectum: quia materia non est homo auditus, sed potius subditus per iurisdictionem à summo Pontifice descendente sibi determinatus: & quoad ultimum hæresis dicitur in litera non habere claves: quia executionem non habet.

AD ALIUD dicendum, quod sunt actus essentielles, de quibus hoc verum est quod dicitur in obiciendo, & illi sunt qui consequuntur sub-

stantiam, & talem actum bene habet clavis in omni habente ordinem: hic autem actus est perficere habentem secundum potestatem illam, sicut actus lucis lucere, & actus essentiæ esse, & est actus scientiæ scientem esse, & potestas clavis potestatem secundum clauem: sed non est hoc intelligendum de actu, qui est operatio super materiam extra: lapis enim verus extra etsi nunquam agit in aliquid esset, & similiter homo verus, & huiusmodi,

### De usu clauium.

**C** S V S vero harum multipliciter est, discernere scilicet ligandos & soluendos, ac deinde ligare vel soluere. Qui enim, ut ait Gregor. indignos ligat vel soluit, propria potestate se priuat, id est, dignum priuatione se facit.

### ARTICVLVS VII.

*An sacerdos valeat absolvere à culpa & à reatu pœnæ æternæ?*

**D** E inde quæritur de hoc quod dicit ibi [Vsu vero harum clauium] Ratione enim huius quæritur de usu clauium: & quia hæc quæstio multiplex est, nos quemlibet eius articulum deducemus vbi cadit super literam. Et primo quæramus de illo usu communi quem Magister determinat primo in litera, scilicet vtrum sacerdos absolvere valet à culpa, & à reatu pœnæ æternæ? Et videtur, quod sic: maius enim est mereri alicui primam gratiam qui indignus est gratia, quam absolvere à culpa cum qui absolutione est dignus: & primum potest mereri homo, etiam qui non est vicarius Christus: ergo & hoc secundum potest homo, præcipue qui est vicarius Christi: hic autem est sacerdos in confessione: ergo in confessione sacerdos potest absolvere à culpa & pœna mortis æternæ, ut videtur.

2 Item, Hug. de sancto Viç. in libello de potestate ligandi & soluendi dicit sic: Sicut in diuina absolutione mutatur pœna æterna in purgatoriam, sic in sacerdotali transfertur diuina sententia in humanam: diuina autem sententia est pœna æterna, & reatus pœnæ æternæ: ergo in humana & sacerdotali absolutione transfertur pœna æterna: sed hæc non potest transferri nisi culpa absoluat: ergo videtur, quod in sacerdotis absolutione relaxetur culpa.

3 Adhuc, Si rex terrenus alicui committeret vices suas in iudicio rerum, daret ei plenariam potestatem absoluendi volentes satisfacere, & ligandi & condemnandi eos qui impœnitentes permanent: ille minister posset absolvere à culpa & pœna: ergo cum liberior sit indulgentia diuina,

quam humana aliqua possit esse, videtur quod vicarij Christi, quibus in foro pœnitentiæ dixit, Quæcunque solueritis, &c. possint absolvere à culpa & pœna.

**S** I A U T E M hoc concedatur, probetur contrarium per ea quæ dicuntur in litera ex dictis Hieron. & Cassiod. quæ non oportet hic adducere: Sed per rationem obicitur sic. Temporale finitum, non potest in infinitum æternum: sed omnis sacerdotum potestas est temporalis & finita: ergo non potest in infinitum & æternum: sed culpa est infinita & æterna: ergo non potest aliquis sacerdos in remissionem culpæ & pœnæ æternæ.

**R** E S P O N S I O. Dicendum, quod sacerdos non potest absolvere à culpa & pœna æterna: sed tantum absoluit relaxando partem pœnæ, nisi illo modo quo supra dictum est, quod votum clauium est in contritione habendo vim quandam ad remissionem totius peccati.

**A** D I D autem quod obicitur primo, dicendum quod non est simile quod inducitur: quia ille qui meretur primam gratiam alicui, non dat gratiam, sed inclinat Deum ad dandum: sed ministri in sacramentis aliquo modo agunt ad hoc ut fiat effectus sacramenti: & ideo non potest esse in potestate ministri conferre gratiam, sed tantum diminutionem pœnæ.

**A** D A L I U D dicendum, quod Hugo vocat diuinam sententiam, pœnam temporalem purgatoriam, non tamen viribus pœnitentis proportionatam: & humanam sententiam vocat pœnam portabilem proportionatam viribus pœnitentis: & hæc fit bene in absolutione hominis.

**A** D A L I U D dicendum, quod vicarius regis non constituitur nisi super offensam finitam & temporalem: & illa potest constitui in hominis potestate: sed de offensa Dei secus est, quæ est infinita, & ideo non potest constitui in hominis potestate,



*Si sacerdos potest dimittere vel retinere peccata?*

**S**ED quæritur, Vtrum à peccato soluere valeat sacerdos, D id est, à culpa: vt culpæ maculam abstergat, vel debitum æternæ mortis soluere valeat? Quidam arbitrati sunt, cum peccator dupliciter ligatus teneatur, vt prædictum est, scilicet mentis contagione ac cæcitate, & debito futuræ pœnæ, alterum curari per Deum, alterum solui per sacerdotem. Patitur enim <sup>Mat. 12.</sup> per peccatum quasdam tenebras interiores & maculas, à quibus nisi liberetur, proicietur in tenebras exteriores. Cum autem liberatur ab his, suscitatur à morte peccati. Vnde Apostolus, Surge qui <sup>Ephes. 3.</sup> dormis, & illuminabit te Christus. Solus enim Christus, non sacerdos, animam resuscitat, ac pulsas tenebris interioribus & maculis, eam illuminat & mundat, qui animæ faciem lauat, debitum vero æternæ pœnæ soluere concessit sacerdotibus. Quod in resurrectione Lazari signatum asserunt: quem Christus prius per se interius <sup>Ioan. 11.</sup> viuificauit, deinde foras exire iussit: eumque adhuc ligatum soluere Apostolis præcepit: quia vt aiunt, ipse interius animam à caligine maculaque peccati emundat, sacerdotibus vero dedit vinculum æternæ mortis soluere. Alij vero dicunt solum Deum, non sacerdotem, debitum æternæ mortis dimittere, sicut & animam interius per se viuificat: nec tamen diffitentur sacerdotibus traditam potestatem peccata dimittendi & retinendi, quibus dictum est, Quo- <sup>Ioan. 10.</sup>rum remiseritis peccata, &c. Sicut enim Christus retinuit sibi potestatem baptismi, ita & pœnitentiæ. Et ideo sicut interius gratia sua animam illuminat, ita & simul debitum æternæ mortis relaxat. Ipse enim per seipsum peccata pœnitentium tegit: & tunc tegit, quando ad pœnam non reseruat. Tunc ergo tegit, quando debitum pœnæ soluit. Quod autem ipse tegat, à parte dicit Augustinus exponens illum locum Psalmi, Quorum tecta sunt peccata, id est, cooperta <sup>Super Psal. 1.</sup> & abolita. Si enim texit Deus peccata, noluit aduertere: si noluit aduertere, noluit animaduvertere, id est, punire, sed ignoscere. Ita ergo dicit à Deo tecta, vt Deus non videat, id est, æternaliter puniat. Videre enim Dei peccata, est ad pœnam imputare. Auertere autem faciem à peccatis, hoc est ea ad pœnam non reseruare. Item <sup>In eundem Ps.</sup> Hieron. Quibus Deus dimittit peccata, tegit ne in iudicio reuelentur. Item Cassiod. Qui graua habent peccata, aliis Deus imputat, aliis per misericordiam non imputat. Ex his aperte ostenditur, quod Deus ipse pœnitentem soluit à debito pœnæ, & tunc soluit, quando intus illuminat inspirando veram cordis contritionem. Cui sententiæ ratio suffragatur, & auctoritates attestantur. Nemo enim vere compungitur de peccato, habens cor contritum & humiliatum, nisi in charitate. Qui autem charitatem habet, dignus est vita æterna. Nemo autem simul vita & morte dignus est. Non est ergo tunc ligatus debito æternæ mortis. Filius enim iræ esse desiit, ex quo diligere & <sup>Ephes. 3. Ioan. 3.</sup> pœnitere cœpit. Ex tunc ergo solutus est ab ira, quæ non manet super illum, qui credit in Christum, sed super illum qui non credit.



Isa. 43.  
De poen.  
dist. 1.  
cap. Ver-  
bum  
Dei.

Ioan. 1.

Non ergo postmodum per sacerdotem cui confitetur, ab ira æterna liberatur, à qua iam liberatus est per Dominum, ex quo dixit, Confitebor. Solus ergo Deus hominem interius mundat à peccati macula, & à debito æternæ poenæ soluit, qui per Prophetam ait, Ego solus deleo iniquitates & peccata populi. Item Ambros. Verbum Dei dimittit peccata, sacerdos, & iudex. Sacerdos quidem officium suum exhibet, sed nullius potestatis iura exercet. Idem, Ille solus peccata dimittit, qui solus pro peccatis nostris mortuus est. Item Augustin. Nemo tollit peccata, nisi solus Deus, qui est agnus tollens peccata mundi. Tollit autem & dimittendo quæ facta sunt, & adiuuando ne fiant, & perducendo ad vitam, ubi omnino fieri non possunt. His aliisque pluribus testimoniis docetur, Dominum solum per se peccata dimittere: & sicut dimittit quibusdam, ita & aliorum quorundam peccata retinet.

## ARTICVLVS VIII.

*An peccatum debeat & possit dici  
tenebra?*

**D**Einde quæritur de hoc quod dicit ibi [Patimur enim per peccatum quasdam tenebras, &c.] Quæritur hic, Quæ sint istæ tenebræ? Cum enim lux sit propria perfectio intellectus, & tenebra opponatur luci, videtur esse secundum intellectum tantum: sed peccatum principaliter est secundum affectum: ergo videtur, quod peccatum non sit tenebra. Si autem dicitur, quod peccatum dicitur tenebra, quia priuat animam luce increata gratiæ: eodem modo potest dici frigus, eo quod priuat calore Spiritus sancti.

2. Adhuc, Peccatum magis opponitur charitati, quam fidei, quia charitate in toto priuat, & fide non priuat nisi quoad formam: cum ergo charitas sit calor, & fides sit lux, videtur quod peccatum potius dicatur frigus, quam tenebra.

3. Si autem dicas, quod est effectus peccati qui est obtenebratio intellectualium virtutum. Contra: Multos videmus in peccatis existentes citius intelligere quam alios: ergo videtur, quod peccatum non inducit interiores tenebras, quæ sunt obtenebratio naturalium.

4. Adhuc, Si aliquis per peccata, obtenebrata naturalia haberet, ille maxime esset diabolus, qui in veritate non stetit, sed homicida est ab initio, ut dicitur Ioan. 8. sed è contra Dion, dicit in quarto ca. de di. no. quod data illis naturalia dona, nequaquam ipsa mutata esse dicimus: sed sunt integra & splendidissima, quanquam ipsi non videant, claudentes ipsorum boni inspectiuas virtutes. Ergo nec alij obtenebrantur ex peccato. Si forte tu dicas, quod intelligitur de scientia infusa: in illa enim non tantum percipit peccator, quantum iustus. Instantia videtur esse de Balaam, qui doctrinam Altissimi nouit, & visiones potentis intuitus est. Ergo videtur, quod nec de illa potest intelligi. Adhuc, Dominus in Euangelio dicit, quod prudentiores sunt filij huius seculi filiis lucis in generatione sua. Ergo videtur, quod peccatum non est tenebra.

Num. 24.

Luc. 16.

IN CONTRARIUM huius obiicitur quod Damasc. expresse dicit, quod peccatum est tenebra intellectualis siue spiritualis. Et 1. Ioan. 3. dicit, quod qui non diligit fratrem, manet in tenebris. Et Ioan. 8. Qui sequitur me, non ambulat in tenebris, sed habebit lumen vitæ, dicit Dominus. Ergo videtur per oppositum, quod omne peccatum sit tenebra intellectualis.

VLTERIVS quæritur hic de aliis quæ tangit hic in litera, scilicet mentis contagione ac cæcitate: & supra primo capitulo huius distinct. tetigit duo, scilicet maculam, & fæctorem: & quæritur de differentia horum inter se, & qualiter conueniunt effectui peccati. Item tangit reatum, per hoc quod dicit debitum mortis æternæ. Sunt autem quæ non tangit, scilicet culpa, & peccatum, & malum, & vitium: & quæritur differentia omnium istorum. Videtur autem non omne peccatum facere contagionem. Contagio enim est morbus proueniens ex simili contactu: sicut dicitur morbus contagiosus, qui ex conuictu & contactu quodam conuersationis & communicationis quæ in conuersatione est, contrahitur: non autem omne peccatum est tale: ergo non omne peccatum est contagionem faciens.

2. Adhuc, Contagio est semper in alio quam in peccante primo: ergo videtur, quod non omne peccatum faciat contagionem: ergo videtur, quod non vniuersaliter debeat peccato attribui. Adhuc, Contagio magis nata est fieri circa corpus, quam circa mentem: ergo multo magis debet dicere contagionem corporis, quam contagionem animæ siue mentis.

3. Adhuc, Cæcitas dicit organi defectum: constat autem, quod per peccatum non aufertur organum corporis, nec etiam organum mentis, quod est potentia quæ est forma organi: ergo videtur, quod peccator non incurrat cæcitatem.

4. Si autem dicas, quod per peccatum fit priuatio habitus lucis spiritualis quæ est gratia: contra hoc tunc erit, quod adhuc dicitur tenebra: ergo superflue ponitur ibi spiritualis cæcitas.

5. Similiter obiicitur de macula: macula enim non dicitur nisi duobus modis, scilicet per defectum eius quod debet esse ad decorem & ad integritatem

Sed con-  
tra.

Quæstio-  
cula.



gritatem pulchritudinis rei: sicut dicimus maculam habere denasatum vel monoculum. Aut dicitur per potentiam alicuius deturpantis decorem: sicut dicimus habere maculam, habentem morphem in facie. Neutro autem istorum modorum videtur peccatum dici macula: quia nec amputat naturalia, nec ponit aliquid in anima, quia nihil est & nihil ponit: ergo videtur, quod non sit macula.

6 Fœtor autem quem nominat, videtur omnino irrationabiliter poni: quia non est aliquis fœtor in spiritualibus: sed ista sunt spiritualia: ergo non est aliquis fœtor in illis. De culpa vero, peccato, & malo, super ultimam partem secundi satis est dictum.

*solutio.* RESPONSIO. Dicendum, quod omnia hæc conueniunt peccato: in peccato enim est auersio à bono incommutabili, & conuersio ad bonum commutabile. In quantum autem est auersio à bono incommutabili, est ipsum tenebra interior, siue intellectualis cæcitas mentis. In quantum autem est conuersio ad bonum commutabile, est contagio & fœtor. Lux enim forma est vniuersalis primi mobilis per quam primo mouetur tota materia generabilium & corruptibilium ad susceptionem formæ cuiuslibet speciei. Dico autem vniuersalis: non quod vniuersaliter luceat primum mobile, sed quia illa mouet ad omnem formam, & non specialiter ad illam vel istam. Et per hoc lux habet conuenientiam cum gratia quæ est prima forma mouens ad formationem in bene esse omnes potentias, & ipsam animæ essentiam, produciens quasi ex se alias particulares formas potentiarum, scilicet virtutes theologicas, & politicas, secundum quod sunt infusæ. Et hoc modo luci non opponitur infidelitas, nec aliquod peccatum in specie: sed peccatum in genere, in quantum per auersionem est gratiæ huiusmodi generalis priuatiuum. In quantum autem lux superior est perfectiua visus exterioris & interioris, & peccatum priuans lucis receptione, facit cæcitatem in visu spirituali animæ quod ostendit ipsum nomen tenebrarum: quia tenebra à tenendo dicitur, quia tenet oculos ne possint videre. In quantum autem est ad bonum commutabile, quod est corporale & corruptens, tripliciter consideratur, scilicet in quantum manet in anima prima impressio huiusmodi boni caduci, vel in quantum est inueterata impressio huiusmodi, vel in quantum defectiua facit pulchritudinem proportionis quam habuit anima per coniunctionem ad bonum summum. Et primo quidem modo dicitur contagio, secundo autem modo fœtor, & tertio modo macula: de malo autem & peccato alibi, scilicet in fine secundi libri dictum est.

DICENDUM ergo ad primum, quod lux non sumitur ibi pro spirituali perfectione visus, sed potius in illa proprietate generali quæ dicta est. Et hoc modo melius dicitur tenebra, quam frigus: quia calor non est tota vniuersalis forma, formas generabilium conduciens ad esse, sicut lux quæ secundum diuersitatem luminosorum & angulorum & figurarum ipsorum corporum luminosorum, omnes generaliter formas generabilium ad esse conduit.

AD ALIUD dicendum, quod verum est, quod magis opponitur charitati peccatum, quam fidei:

sed non opponitur ei plus, quam gratiæ. Et per hoc patet solutio.

AD ALIUD dicendum, quod in veritate sicut dicit Philosophus in 6. ethic. Intellectus speculatiuus quidem non corrumpitur per peccatum: sed tamen prudentis & felicitis intellectus corrumpitur per peccatum, etiam felicitis secundum felicitatem speculatiuam, quia illa vult esse pura & non plena delectatione. Potest ergo dici, quod intellectus est ad verum purum, vel ad verum sub ratione faciendi, & ad verum sub ratione felicitatis. Et primo quidem modo non corrumpitur. Sed secundo modo dupliciter est ad verum sub ratione boni, scilicet speculatiue, & practice: sunt enim quidam sapientes de his circa quæ est prudentia, & tamen non afficiuntur circa operabilia: alij autem habent scientiam quam sequitur facere, quæ de se mouens est, ut dicit Philosophus: sicut sciens citharizare habet in habitu citharizare, & operatur quando vult: & hoc obtenebratur per peccatum: sicut dicit Philosophus disputans contra Socratem, quod existimatio prudentis corrumpitur per delectationem in minori propositione, ubi miscetur affectui operanti: & hoc modo obtenebratur intellectus ad bonum: quia sic omnis malus, ignorans est. Secundum autem quod se habet ad verum felicitans, est illud verum affectum sub ratione delectantis potentias, quod non habet admixtam pœnitundinem: & tunc iterum obtenebratur & impeditur per peccatum.

AD ALIUD autem quod obiicitur de Dionysio. dicendum, quod ipse loquitur de virtutibus speculatiuis, secundum quod sunt speculatiuæ solum: sic enim verum est, quod non obtenebrantur.

AD ID quod obiicitur de contagione, dicendum quod omne peccatum contagione imprimit: dicitur enim hic contagio, non quæ serpit tantum ab vno in alium, sed etiam corruptio contracta ex impressione fœdantis & putrefaciētis, sicut bonum corporale cui supponitur affectus.

AD ALIUD dicendum, quod hoc modo dicta contagio, non semper est in alio, sed in eodem cui vnitur contagio sicut corrumpens.

AD ALIUD dicendum, quod cæcitas dicitur hic à carentia influentiæ lucis desuper descendens ad intellectum practicum ex ea parte quia miscetur potentiæ operatiuæ siue affectui: sicut si lumen descendens in oculum priuaretur quoad discretionem operabilium quorundam, & non aliorum: & hoc modo bene impeditur potentia mentis interior.

AD ALIUD dicendum, quod non dicitur tenebra quantum ad hoc, sed in quantum priuat formam generali formante omnia spiritualia, ut patet ex supra dictis.

AD ALIUD dicendum, quod macula dicitur per defectum naturalis decoris, quem habet ex corruptione naturalis boni coniuncti cum gratuito & increato. Quod autem hoc faciat peccatum in quantum malum est, & adimit bonum, non dubitat qui bene legit ea quæ dicta sunt in secundo, in tractatu de malo.

AD HOC autem quod obiectum est de fœtore, dicendum quod sumitur spiritualiter eo modo quo dicit Dionysius in primo capitulo cæ. hierarch. quod intellectualis distributio significatur per odorem: quo ad amissam anima deuotionem

*Ad quam  
siuenculam.*



nam dicitur foetida per euaporationem concupiscentiarum sequentem corruptionem complexionis veteris, ut dictum est.

## ARTICVLVS IX.

*An fiat absolutio à debito aeternae poenae per absolutionem à sacerdote factam?*

**D**Einde queritur de hoc quod dicit ibi [Alij dicunt solum Deum, non sacerdotem, &c.] Videtur, quod isti dicunt falsum: quia ita dicit Magister Hugo ad beatum Bernard. in lib. de potestate ligandi & soluendi. Per semetipsum soluit Dominus vinculum obdurationis, sed per se & per ministrum debitum aeternae damnationis. Ergo illi falsum dicunt, qui plane dicunt contrarium.

2. Adhuc etiam constat, quod sacerdos per contritionem non absoluitur à debito aeternae damnationis, nisi confiteatur & absoluat si habeat facultatem: ergo si non confiteatur & absoluat, adhuc remanebit debitor aeternae poenae: ergo aliquid ad solutionem illius debiti operatur absolutio facta per sacerdotem.

*Sed contra.*

**S**ED CONTRA hoc est, quod debitum poenae aeternae est aeternum & infinitum, sicut supra probatum est: sed temporale non potest in aeternum: absolutio autem est temporalis: ergo videtur, quod non fiat absolutio à debito poenae aeternae per absolutionem à sacerdote factam.

*Solutio.*

**R**ESPONSIO. Dicendum, quod nullo modo sacerdos absoluit à debito mortis aeternae: sed clauis vno modo quo supra dictum est ad hoc operantur.

**A**D DICTVM autem Magistri Hugonis dicendum, quod loquitur de absolutione impediens reditum illius debiti, non eiusdem in numero, sed similis in specie, sicut infra patebit 22. distinct. cum agitur de reatu peccatorum. Ad hoc enim operatur absolutio sacerdotis: quia absoluit, ut ipse dixit, à debito confitendi: quod si non implet, rediret debitum aeternae damnationis: absoluit autem ligando ad temporalem poenam iniunctam.

**A**D ALIVD dicendum, quod non operatur absolutio sacerdotis ad solutionem illius debiti: quia Deus simpliciter & absque ordine soluit: sed ad solutionem illius quod innasceretur si confessio & absolutio non reciperentur, sicut iustum est & debitum.

## ARTICVLVS X.

*An verbum Dei dimittat peccata?*

**D**Einde queritur de hoc quod dicit ibi [Verbum Dei dimittit peccata, sacerdos, &c.]

videtur enim innuere per istam enuntiationem, quod ista tria diuersimode peccata dimittunt: & hoc non videtur, quia verbum Dei aut intelligitur de verbo creato, aut de verbo increato. Si de creato: tunc non dimittit peccata, nisi per modum suadentis & inducentis: ergo diuisio sua nihil valet, quia multa sunt remittentia peccata, hoc modo, sicut gratia, & opus bonum, quae hic non enumerat, quae tamen efficaciora sunt in dimittendo peccatum, quam verbum Dei. Si diuisio autem intelligitur de verbo increato: tunc videtur, quod non differat à iudice quem etiam hic ponit.

2. Vltius videtur, quod iudex non dimittit peccata: quia cum acceperit iudicium & tempus, iustitias iudicabit: sed iuste iudicando, peccatum non dimittitur, sed puniatur: ergo videtur, quod nihil est quod dicit, iudicem dimittere. Adhuc, Cum venerit ad iudicium Dominus, etiam fidelibus non creditur peccata dimissurus: ergo nihil est quod dicit, iudicem dimittere peccata.

3. Vltius videtur falsum dicere, cum de dimissione sacerdotis dicit, Sacerdos quidem officium suum exhibet, sed nullius potestatis iura exercet. Exercet enim sacerdos suam potestatem, partem poenae dimittendo, sicut supra dictum est: ergo falsum est quod dicit.

**R**ESPONSIO. Dicendum, quod verbum Dei dicitur unigenitus Filius, prout in mundo loquitur ad Patrem: ille enim peccata dimittit potestate excellentiae, sicut supra notatum est, eo quod meritum suum infiniti valoris fuit: & omnia dedit Pater in manu eius. Vnde Ioan. 1. dicitur, Agnus Dei qui tollit peccata mundi. Iudex autem est Deus auctoritate dimittendo, & sacerdos ministerio: & ita patet qualiter differant haec tria.

**A**D OBIECTVM dicendum, quod aliud est modus quo dimittit Verbum increatum, & aliud quo dimittit iudex: iudex enim dicitur Deus Trinitas, non tamen dicitur verbum. Incarnatum autem Verbum dimittit redemptionis modo quo soluit pretium pro nobis, quod non facit Deus Trinitas: unde obiectio supponit falsum.

**A**D ALIVD dicendum, quod intelligitur de iudicio quo Deus iudicabit poenitentes iudicio misericordiae, in quo parum est de iustitia, & multum de misericordia: remittit enim omnem poenam aeternam, & exigit temporalem: sed in futuro non remittet.

**A**D ID quod obicitur de officio sacerdotis, dicendum quod non negatur quia habeat potestatem in ministerio: sed negatur, quod habeat potestatem interiores maculas detergendi, & debitum aeternae mortis relaxandi: sed super partem poenae habet potestatem in ministerio: unde quod dicit, Nullius potestatis, &c. intelligitur de potestate absoluta in relaxando culpam.

*Quod*



*Quod sacerdotes etiam dimittunt peccata & tenent peccata  
suo modo.*

**N** E c ideo tamen negamus sacerdotibus concessam potesta-  
tem dimittendi & retinendi peccata, cum hoc veritas in  
Euangelio aperte doceat. Hinc Augustinus ait, Ecclesiæ  
charitas, quæ per Spiritum sanctum diffunditur in cordibus  
eorum qui participes sui sunt, peccata dimittit: eorum qui non sunt,  
tenet. Idem, Sacerdotes possunt confitentibus parcere: quibus enim  
remittunt, remittit Deus: Lazarum enim de monumento suscitatum  
obtulit discipulis soluendum: per hoc ostendens, potestatem soluendi  
concessam sacerdotibus. Dixit enim, Quodcunque solueritis super  
terram, erit solutum & in cælo, &c. hoc est, Ego Deus, & omnes  
cælestis curiæ ordines, & omnes sancti in gloria mea laudant vobis-  
cum & confirmant quos ligatis & soluitis. Non dixit, quos putatis  
ligare & soluere: sed in quos exercetis opus iustitiæ & misericordiæ.  
Aliter autem, vel alia opera vestra in peccatores non cognosco.  
Idem, Cum veraciter ad Deum conuerso peccata dimittuntur, ab eis  
dimittuntur, quibus ipse veraci conuersione coniungitur. Spiritus  
sanctus ea dimittit, qui datus est omnibus sanctis sibi charitate cohe-  
rentibus, siue se nouerint corporaliter, siue non. Similiter cum ali-  
cuius tenentur peccata, ab eis tenentur à quibus ille cordis prauitate  
disiungitur, siue notis corporaliter, siue ignotis. Omnes enim mali,  
spiritualiter à bonis seiuncti sunt. Ecce, hîc dicit peccata dimitti vel  
teneri à sanctis viris, & tamen Spiritum sanctum ea dimittere dicit.  
Et quod maiori consideratione dignum est, idem etiam dicit, quod  
Deus per se vel per sanctos suos tantum dimittit peccata. Ait enim sic,  
Sacramentum gratiæ dat Deus etiam per malos, ipsam vero gratiam  
non nisi per seipsum, vel per sanctos suos. Et ideo remissionem pec-  
catorum vel per seipsum facit, vel per ipsius columbæ membra, quibus  
ait: Si cui dimiseritis, dimittetur. Ecce quam varia à Doctoribus tra-  
duntur super his: & in hac tanta varietate quid tenendum? Hoc sane  
dicere ac sentire possumus, quod solus Deus dimittit peccata & reti-  
net: & tamen Ecclesiæ contulit potestatem ligandi & soluendi: sed  
aliter ipse soluit vel ligat, aliter Ecclesia. Ipse enim per se tantum  
dimittit peccatum, quia & animam mundat ab interiori macula, & à  
debito æternæ mortis soluit.

ARTICVLVS XI.

*Quæ & qualis sit potestas sacerdotum in  
dimittendis peccatis?*

**D** E inde quæritur de hoc quod dicit ibi [Nec  
ideo tamen negamus, &c.] Quæritur autem  
hic utilis quæstio, Quæ sit potestas sacerdotum  
in dimittendis peccatis? Constat enim, quod hæc  
non est super culpam, nec super pœnam æternam:  
quæritur ergo, super quam pœnam se extendit?  
Est autem accipere in genere pœnæ tres modos

pœnarum, scilicet pœnam æternam, & transito-  
riam viribus pœnitentis improporcionatam, &  
transitoriam viribus pœnitentis proporcionatam.  
Similiter tria sunt in pœnitentia operantia con-  
tra pœnam peccati, scilicet dolor informatus gra-  
tia qui operatur contra æternam pœnam, & con-  
fessio faciens pœnam transitoriam viribus pœni-  
tentis proporcionatam, & satisfactio quæ delet  
pœnam viribus pœnitentis taxatam. Ergo cum  
potestas clauium sit media, post primam, & ante  
tertiam videtur quod ipsa operatur supra pœnam  
mediam quæ est quidem transitoria, & tamen vi-  
ribus pœnitentis non proporcionata.

2. Adhuc,



2 Adhuc, Dimissa pœna æterna adhuc non recessit homo à iudicio diuino, quia restat sibi pœna purgatorij: sed per clauēs & satisfactionem non adimitur: ergo purgatio secundum ordinem iustitiæ media est inter æternam, & illam quæ iungitur in satisfactione: ergo videtur, quod æterna immediate commutetur in illam, & illa per clauēs in istam quæ est satisfactionis: ergo potestas clauium est super pœnam purgatoriam: hæc autem excedit omnem pœnam huius vitæ, vt dicit August. & infra habebitur: ergo ipsa viribus pœnitentis secundum hunc statum non est proportionata: & inde vt prius.

3 Adhuc, clauis operatur per virtutem doloris passionis Christi: dolor autem ille improporcionatus est omni passioni quam aliquis potest sustinere in hac vita, vt probatum est super tertium: ergo videtur, quod contra illam pœnam operatur, quæ quidem est transitoria, tamen viribus pœnitentis non est proportionata: & inde arguitur vt prius.

Lit. D.

4 Adhuc, Amb. dicit, & ponitur in tertio dist. 19. & Ansel. probat in lib. Cur Deus homo, quod nulla pœnitentia nostra sufficeret, nisi esset meritum Christi coadiuuans: quod autem non sufficit pœnitentia nostra, nulla causa est nisi quod maioris quam soluere possumus debitores sumus: & hæc est improporcion potencie soluendi in nobis: & hoc pro nobis soluit Christus: ergo iterum vt prius, passio Christi quæ in clauibus operatur, habet effectum contra illum modum pœnæ, qui excedit vires nostras.

Sed con-  
tra.

SED IN CONTRARIUM huius obiicitur sic: Pœna purgatorij non est de foro Ecclesiæ, quia nec mereri possunt nec demereri ibi existentes: sed solam pœnam quæ est de foro Ecclesiæ potest sacerdos per clauēs Ecclesiæ mutare & dimittere: ergo pœnam purgatoriam nec mutare potest, nec dimittere.

2 Adhuc, Ponamus, quod aliquis decedat antequam perficiat pœnitentiam sibi à sacerdote iniunctam, quæ debita fuit peccatis suis: constat, quod ipse transibit in purgatoriam: non autem transiret, nisi ipse esset debitor pœnæ illius: ergo adhuc ipse est debitor illius pœnæ: ergo non fuit commutata, vt videtur. Si dicas, quod in tali casu expiatiua per satisfactionem mutatur in purgatoriam. Contra: Purgatoria incomparabiliter grauior est, quam expiatiua per satisfactionem: si ergo pœna expiatiua per satisfactionem fuit sufficiens, illa quæ est in purgatorio erit ultra condignum: sed Deus nullum punit ultra condignum: ergo Deus non punit illum pœna purgatorij, quod falsum est: ergo & hoc falsum ex quo sequebatur, scilicet quod expiatiua per pœnitentiam illi iniuncta, mutata sit in purgatoriam.

Quæstio-  
cula.

VLTERIVS quæritur, Cum multæ pœnæ respondeant peccatis præter sensibilem in acerbitate caloris & frigoris, scilicet pœna vermis conscientie, & pœna carentie visionis Dei, & pœna horrois carceris & societatis malæ, in quid mutantur omnes istæ pœnæ? Videtur enim, quod commutari debeant: quia eadem ratio est de vna & de alia: & vna mutatur, scilicet sensibilis in acerbitate caloris & frigoris: ergo & aliæ debent mutari.

Sol. m. l.

RESPONSIO. Ad hoc dicendum, quod in

veritate meo iudicio essentialis actus clauis est super pœnam illam quæ dicitur purgatoria, sicut videntur satis probabiliter concludere rationes primo inductæ: non tamen negandum videtur, quod ille qui habet in clauibus maiorem iurisdictionem sicut Episcopus, Legatus, & Papa, posset etiam de expiatiua pœna plus & minus dimittere secundum discretum iudicium causæ necessitatis vel utilitatis, sicut infra dicemus, cum de indulgentiis & relaxationibus erit sermo.

AD ID ergo quod primo obiicitur in contrarium, dicendum quod hæc pœna non dicitur purgatoria à loco vel foro purgatorij, quia sic non esset nisi post mortem: sed dicitur purgatoria à similitudine proprietatis in duobus, scilicet quia est secundum iudicium Dei, & quia est improporcionabilis viribus hominis, sicut pœna purgatorij si modo imponeretur ad sustinendum. Cum enim mutatio ad extremum non sit nisi per medium ad minus secundum rationem, & vna pœna sit æterna, altera autem temporalis secundum vires pœnitentis taxata, expiatiua secundum rationem media est, quæ quidem temporalis & finibilis est sicut secunda, & secundum vires pœnitentis non taxata, sed peccato commutato in contritione debita: & hæc vocatur purgatoria ratione dicta, & est ad minus secundum rationem media: & etiam nisi esset meritum Christi in clauibus, puto quod illa exigeretur ab homine: commutatio ergo illius in tertiam est essentialis effectus clauis, quem habet in omni se clauibus per votum submittente.

AD ALIUD dicendum, quod licet talis transeat in purgatoriam siue post confessionem factam, siue ante, dum contemptus religionis non impediuerit eum à confessione, semper in eo commutata est pœna primo modo purgatoria dicta. Et ideo ad propositum nihil facit obiectio. Sed quod maior sit pœna quæ est post mortem, hoc est per accidens, scilicet quia status est mutatus: & hæc est voluntaria, & illa necessaria, & ideo minorem virtutem habens in purgando: & ideo necesse est eam crescere acerbitate, & etiam forte diuturnitate. Vnde pater, quod Deus non punit eum ultra condignum: sed hoc accidit ex mutatione status eius qui purgari debet.

AD ID quod quæritur ulterius, videtur mihi, quod quæstio nulla est: quia pœna licet sit mala, quia est ex malo, & contraria naturæ bonæ: tamen non est expiatiua in quantum huiusmodi, sed in quantum voluntarie suscepta: & non omnis pœna est sic expiatiua: quia pœna damni in spiritualibus contrariatur tali expiationi, similiter pœna remorsus conscientie: vnde istæ abiiciuntur, sed infliguntur pœnæ expiatiuæ, quæ solæ sunt illæ quæ promouent ad virtutem, & illæ sunt solæ, circa quarum difficultatem eradicantur vitia, & inseruntur virtutes: & ideo non oportet, quod illæ pœnæ in quibus hoc non est, in aliquid transeant: sed cum peccatis abiiciantur sicut & tenebræ, & excæcatio, & fœtor, & huiusmodi, de quibus supra dictum est. Et si obiicias, quod aut Deus punit, aut homo: ergo necesse est, quod hæc transeant pœnæ in aliquas pœnas hominis, vel Deus reseruat eas. Dicendum, quod hoc verum est, quod aut Deus punit, aut homo: sed non est necesse, quod eadem pœna puniat homo qua Deus, quia quædam pœnæ adiunctæ sunt peccato, & transeunt



seunt cum peccato, sicut corruptio naturalis boni, & carentia luminis Dei, & huiusmodi quæ sunt pœnæ in quibus sibi pœna est omnis inordinatus actus: & ideo illæ non permanent ad virtutem, & ideo illæ fugiendæ sunt, & aliæ pœnæ promouentes ad virtutem sunt suscipiendæ: & ideo hæc quæstio nulla est, ut mihi videtur. Dixerunt tamen antiqui in solutione huius quæstionis, quod pœna carentiæ visionis Dei mutatur in delectationem præsentis Dei per gratiam, & pœna vermis in peccati detestationem, & pœna carceris in iucunditatem longanimitatis Ecclesiæ, quibus ligatur pœnitens: & pœna horrendæ societatis in gaudium Ecclesiasticæ unitatis & communionis, ut possit dicere, Participem me fac Deus omnium timentium te, & custodientium mandata tua Domine?

## ARTICVLVS XII.

*An charitas Ecclesiæ dimittat peccata?*

**D**Einde quæritur de hoc quod dicitur [Ecclesiæ charitas quæ per Spiritum sanctum diffunditur in cordibus fidelium, peccata dimittit, &c.] Videtur enim, quod hoc non faciat ad propositum: quia charitas Ecclesiæ non dimittit nisi per modum meriti: & non agitur hic de dimissione per meritum, sed potius per potestatem clauium, quæ æqualiter fit per bonos & malos, qui inæquales sunt in merito.

2. Præterea videtur sequi inconueniens, si ita dicatur ut sonat litera: posito enim, quod non sint nisi tres homines vel quatuor, & nullus eorum sit in charitate: tunc in nullo erit charitas Ecclesiæ: ergo si pœnitent vnus illorum, videtur quod

peccata non remittantur ei, ex quo non nisi in Ecclesiæ charitate dimittuntur.

**SED CONTRA:** dicitur, Participem me fac Deus omnium timentium te, & custodientium mandata tua. Ergo in participatione bonorum Ecclesiæ dimittuntur peccata: sed charitas est quæ facit bona communia & participabilia à diuersis: ergo in charitate dimittuntur peccata participantibus ea.

2. Adhuc, vnus articulus est, Sanctorum communionem, & ab omnibus solet exponi, Credo in Spiritum sanctum, per charitatem communicantem bona Ecclesiæ: sed per bona remittuntur mala: ergo videtur, quod per charitatem Ecclesiæ soluantur delicta.

6. Adhuc, In Prouerb. 10. Vniuersa delicta operit charitas.

**RESPONSIO.** Dicendum, quod omne peccatum in charitate Ecclesiæ dimittitur: hæc enim quæ est mater boni, communicat bona, ut quod vni deficit, suppleatur in altero, & illæ diuitiæ communes sunt sub clauibus, & communicabiles per Ecclesiæ ministros secundum dispensationem faciendam discreto iudicio clauis vnus, quæ est auctoritas discernendi.

**AD PRIMUM** ergo dicendum, quod per modum meriti quædam dimittuntur peccata: sed dispensare vel dare huic vel illi meritum illud pertinet ad potestatem clauis.

**AD ALIUD** dicendum, quod vna est columba cuius charitas nunquam deficit: quia ad minus est in triumphante, & in illius charitate peccata dimittit, & præcipue in charitate Christi, quæ passus est pro nobis. Et si obiciatur, quod Sancti de triumphante Ecclesia non merentur, soluendum quod hoc verum est, quod sibi non merentur, sed aliis qui sunt in militante Ecclesia tota die merentur: & ideo in litanis petimus ut intercedant pro nobis.

### *Quomodo sacerdotes ligant vel solvunt à peccatis.*

**N**ON autem hoc sacerdotibus concessit, quibus tamen tribuit potestatem soluendi & ligandi, id est, ostendendi homines ligatos vel solutos. Vnde Dominus leprosum san-  
tati prius per se restituit, deinde ad sacerdotes misit, quorum iudicio ostenderetur mundatus. Ita etiam Lazarum iam viuificatum obtulit discipulis soluendum. Quia etsi aliquis apud Deum sit solutus, non tamen in facie Ecclesiæ solutus habetur, nisi per iudicium sacerdotis. In soluendis ergo culpis vel retinendis, ita operatur sacerdos Euangelicus & iudicat, sicut olim Legalis in illis qui contaminati erant lepra, quæ peccatum signat. Vnde Hieronymus super Matthæum, ubi Dominus ait Petro, Tibi dabo clauis regni cælorum & quodcunque ligaueris super terram, erit ligatum & in cælis: & quodcunque solueris super terram, erit solutum & in cælis. Hunc, inquit, locum quidam non intelligentes aliquid sumunt de supercilio Phariseorum: ut damnare innoxios, vel soluere se putent noxios, cum apud Deum non sententia sacerdotum, sed reorum vita quæ-  
ratur. In Leuitico se ostendere sacerdotibus iubentur leprosi, quos  
illi

Matth. 8.

Luc. 5.

Ioan. 11.

Leuit. 13.

Mat. 18.

Ad cap.

16. Matth.

Leuit. 13.



illi non faciunt leprosos vel mundos, sed discernunt qui mundi vel immundi sunt. Ita & hic aperte ostenditur, quod non semper sequitur Deus Ecclesiæ iudicium: quæ per surreptionem & ignorantiam interdum iudicat, Deus autem semper iudicat secundum veritatem. Et in remittendis vel retinendis culpis id iuris & officij habent Evangelici sacerdotes, quod olim habebant sub lege Legales in curandis leprosis. Hi ergo peccata dimittunt vel retinent, dum dimissa à Deo vel retenta iudicant & ostendunt. Ponunt enim sacerdotes nomen Domini super filios Israël, sed ipse benedicit, ut dicitur in Numeris. Hunc modum ligandi & soluendi Hieronymus supra notauit.

## ARTICVLVS XIII.

*An sacerdos Euangelicus differat à sacerdote Legali?*

**D**Einde quæritur de hoc quod dicit *ibi* [Quibus dedit potestatem ligandi & soluendi id est, ostendendi homines ligatos vel absolutos, &c.] Secundum hæc enim quæ hic dicuntur, videtur quod sacerdos Euangelicus quoad potestatem, non differat à sacerdote Legali, quod est absurdum.

1 Item hoc præcipue videtur ex auctoritatibus in cap. isto inductis, præcipue Hieronymi.

*Sed contra.*

**S**ED CONTRA hoc videtur, quod sicut sacerdotium se habet ad sacerdotium, ita potestas clauis ad potestatem: sed sacerdotium nouæ legis abundat à sacerdotio legis veteris: ergo & potestas clauis abundat à potestate illius: sed illi mundatos tantum ostendebant: ergo isti aliquid plus faciunt quam ostensionem: ergo aliquid remittunt ex peccato, vel ex parte culpæ, vel ex parte poenæ.

2 Adhuc, Sicut se habet morbus ad morbum, ita medicina ad medicinam: sed in Veteri Testamento de morbo corporali sacerdoti præstabantur, in Nouo autem de morbo spirituali: ergo in Veteri Testamento fuit tantum medicina corporalis, & in Nouo erit spiritualis: ergo sicut sacerdos Veteris Testamenti castris restituit corporaliter, ita sacerdos Noui Testamenti castris restituit spiritualiter: ergo aliquid plus facit quam ostendat solutos vel ligatos.

*Solutio.*

**R**ESPONSIO. Dicendum, quod ostensio fit dupliciter, scilicet per demonstrationem solam, sicut ostenditur coloratum digito: & per exhibitionem in opere, sicut artifex demonstrat artificiatum, cum facit illud perfectum stare ante oculos intuentium. Et primo modo non accipitur hic ostensio, sed secundum aliquem modum secundæ demonstrationis & ostensionis: sed ille est duplex, scilicet cum totum fit artificiatum, vel cum fit in parte vltima completiua: demonstrat enim tunc id quod est secundum partem, totum perfectum. Ita est hic: remisit enim Deus culpam in contritione, & relaxauit debitum æternæ mortis: & ad completionem remanet id quod commissum est ministris Ecclesiæ, scilicet relaxatio poenæ purgatoriae, & iniunctio expiatoriae: & hæc est pars curationis & solutionis peccati, & demonstrat to-

tam esse completam, eo quod pars vltima est, ut patet ex prædictis. Et hoc modo glossandæ sunt omnes huius capituli auctoritates. Et per hoc patet solutio ad totum.

## ARTICVLVS XIV.

*An Legalis sacerdos habuit clauis?*

**D**Einde quæritur de hoc quod dicit *ibi* [Sicut olim Legalis in illis qui, &c.] Quæritur enim, Vtrum Legalis sacerdos habuit clauis? Videtur, quod sic: quia habuit ordinem: & clauis est sequela ordinis: ergo habuit clauis.

2 Adhuc, Clauis sunt scientia discernendi & potestas ligandi & soluendi: sed sacerdotum officium erat discernere inter munditiam & immunditiam, & etiam extra castra mittere, & eisdem restituere: quod est ligare & soluere: ergo clauis habuit Legalis sacerdos.

3 Adhuc, Constat, quod in spiritualibus commissa fuit potestas Legalibus sacerdotibus super populum Dei: spiritualis autem potestas tota est in potestate ligandi & soluendi quantum ad ea quæ pertinent ad cohabitationem populi: ergo Legalis habuit potestatem ligandi & soluendi: ergo habuit clauis.

**S**ED CONTRA: Totum factum sacramentorum veteris legis in exteriori opere consistebat, sicut & ipsa lex quæ prohibebat manum non animum, quia non conferebat gratiam ad animi prohibitionem: ergo non ordo veteris legis aliquid interius conferebat: ergo non imprimebat characterem, nec potestatem dabat interiori & spiritualem: sed potestas spiritualis est sequela characteris & clauis: ergo legalis sacerdos non habuit clauem.

2 Adhuc, Sacramenta veteris legis significabant & non conferebant gratiam: ergo ordo significabat quod confertur in ordine Noui Testamenti, & non conferebat ipsum: sed spiritualis potestas, quæ clauis est, confertur in ordine Noui Testamenti: ergo non conferebatur in Veteri, sed tantum significabatur.

3 Adhuc, In aliquo abundat Nouum Testamentum à Veteri in spirituali potestate: sed non videtur in alio abundare, nisi quia in spiritualibus est, cum illud fuerit in corporalibus: sed clauis est spiritualis potestas: ergo necessario est de his in quibus abundat Nouum Testamentum à Veteri Testamento.

RESPON



*solutio.*

RESPONSIO. Dicendum, quod in Veteri Testamento sacerdos legalis clauis non habuit, sed habuit umbram clauis, id est, potestatem absoluerendi & ligandi circa immunditias corporales, quæ significabant immunditias spirituales, in quibus absoluit & ligat Euangelicus sacerdos. Concedimus ergo rationes ultimo inductas.

AD PRIMUM ergo dicendum, quod sacerdos sicut ordinem, ita habuit clauem: habuit autem umbram ordinis, quia non impressit characterem, & ideo non habuit etiam nisi umbram clauis.

AD ALIUD dicendum, quod discernendi auctoritas in spiritualibus, & ligandi potestas est clauis, & non in corporalibus, sed potius

est umbra clauis, quando est circa corporales immunditias.

AD ALIUD dicendum, quod spiritualia Veteris Testamenti, & Noui, quasi æquiuocè spiritualia dicuntur: illa enim sunt spiritualia quæ significant spiritualia, & diuiduntur circa regnum, & huiusmodi, quæ per seculares personas & laicos dispensantur: & taliter commissa erant spiritualia sacerdotibus Veteris legis & hæc sunt spiritualia secundum quid. Sunt iterum spiritualia conferentia spiritum, & hæc sunt spiritualia Nouæ legis, & ideo potestas in talibus est simpliciter clauis: potestas autem in illis, est potestas secundum quid.

*Alius modus ligandi & soluendi.*



LIGANT quoque sacerdotes, dum satisfactionem pœnitentiae confitentibus imponunt. Soluunt, cum de ea aliquid dimittunt, vel per eam purgatos ad sacramentorum communionem admittunt. Quem modum superius Leo Papa notauit. Secundum hunc modum dicuntur etiam sacerdotes dimittere peccata vel retinere. Vnde superius Augustinus dixit, Quibus remittunt, & remittit Deus, &c. Opus enim iustitiæ exercent in peccatores, cum eos iusta pœna ligant: opus misericordiæ, dum de ea aliquid relaxant, vel sacramentorum communioni conciliant: alia opera in peccatores exercere nequeunt. Et notandum est, quia quos satisfactione pœnitentiae ligant, eo ipso à peccatis solutos ostendunt, quia non imponitur alicui satisfactio pœnitentialis, nisi quem sacerdos vere pœnitentem arbitratur. Alij vero non imponunt: & eo ipso peccatum retineri à Deo iudicant. Quod autem hoc ad clauis pertineat, Augustinus ostendit dicens, Frustrat clauis Ecclesiæ, qui sine arbitrio sacerdotis pœnitentiam agit, si sine oris confessione criminis indulgentia imprecatur. Est & alius modus ligandi & soluendi, qui per excommunicationem geritur, dum aliquis secundum canonicam disciplinam tertio vocatus ad emendationem manifesti delicti, & satisfacere vilipendens, sententia Ecclesiæ à loco orationis, & sacramentorum communionem, & fidelium consortio præscinditur, ut erubescat, & pudore sceleris conuersus pœniteat, ut sic spiritus eius saluus sit. Quod si pœnitentiam profitens resipuerit, negatæ communioni admittitur, & Ecclesiæ reconciliatur. Hæc est autem Ecclesiæ anathematizatio: hanc pœnam illis qui digne percelluntur, infligit, quia gratia Dei & protectio illis amplius subtrahitur, ac sibiipsis relinquuntur, ut sit eis liberum ruere in interitum peccati. In quos etiam maior diabolo sœuendi datur potestas. Orationes quoque Ecclesiæ & benedictionum, ac meritorum suffragia, eis nequaquam suffragari putantur.

De pœn. dist. 17.

Lib. de vera & falsa pœnit. cap. 10.

Lib. de pœnit.

1. Cor. 5.



*Quomodo secundum hos modos intelligendum sit illud, Quodcunque solueris, &c.*

H  
Matt. 16.



ECVNDVM hos ligandi & soluendi modos quomodo verum est quod dicitur, Quodcunque solueris super terram, erit solutum & in cælis: & quodcunque ligaueris super terram, erit ligatum & in cælis, &c. Aliquando enim ostendunt solutos vel ligatos, qui ita non sunt apud Deum: & pœna satisfactionis vel excommunicationis interdum indignos ligant vel soluunt, & indignos sacramentis admittunt, & dignos admitti arcent. Sed intelligendum est hoc in illis, quorum merita solui vel ligari postulant. Tunc enim sententia sacerdotis iudicio Dei & totius cælestis curiæ approbatur & confirmatur, cum ita ex discretione procedit, ut reorum merita non contradicant. Quoscunque ergo soluunt vel ligant, adhibentes clauem discretionis reorum meritis, soluuntur vel ligantur in cælis, id est, apud Deum: quia diuino iudicio sacerdotis sententia sic progressa approbatur & confirmatur. Quos ergo secundum merita sententia Ecclesiæ percellit, lædit: & illi foris sunt apud Deum. Qui autem non meruit, sententia Ecclesiæ non læditur, nisi contemnat. Vnde Origenes, Exiit quis à veritate, à fide, à charitate? per hoc exit de castris Ecclesiæ, etiam si Episcopi voce non abiiciatur: sicut econtra aliquis non recto iudicio foras mittitur: sed si non egit ut meretur exire, nihil læditur. Interdum enim qui foras mittitur, intus est: & qui foras est, intus videtur retineri. Ecce qualis & quantus est usus Apostolicarum clauium. Iam ostensum est ex parte, qualiter sacerdotes dimittant peccata vel teneant: & tamen retinuit sibi Deus quandam singularem potestatem dimittendi vel retinendi, quia ipse solus per se debitum æternæ mortis soluit, & animam interius purgat.

Super  
Leuit.  
hom. 14.  
ad 24.  
cap.

#### ARTICVLVS XV.

*An dictum illud Saluatoris sit verum,  
Quodcunque ligaueris super  
terram, &c.*

DEinde quæritur de hoc quod dicit ibi [Ligant quoque sacerdotes dum satisfactionem, &c.] Videtur enim, quod hoc modo non quodcunque ligant, sit ligatum & in cælis: & quodcunque soluunt, sit solutum & in cælis. Potest enim sacerdos minorem condigna imponere, clauem non errante, quia pœnæ sunt arbitrarie: & tunc si moritur ille expleta pœnitentia quam ei iniunxit sacerdos, non euolat, sed perficit ut in purgatorio: ergo videtur, quod non est solutum in cælo, quod ipse soluit etiam clauem non errante.

2 Adhuc, In fictæ accedente videtur instantia: quia ille absoluitur ab homine etiam clauem non errante, & tamen non absoluitur à Deo. Quod autem clauem non errante absoluitur ab homine, patet: quia homo non debet iudicare

nec potest, nisi secundum signa exteriora: & ponamus, quod omnia ista concurrant in deceptore ficto: ergo ipse est absoluendus: & tamen à Deo non absoluitur: ergo videtur, quod sit instantia ad propositum.

3 Adhuc, Si iudex aliquis constituitur in foro causarum, ipse non tenebitur iudicare nisi secundum exteriora, non interiora: ergo videtur, cum audiens confessiones etiam homo sit, quod debeant sufficere signa: ergo ad signa exteriora tenetur absolvere: & tamen sæpius contingit, quod illi coram Deo non sint absoluti.

SOLVTIO. Ad hoc dicunt quidam, quod Dominus tam in Matth. 16. quam in Ioan. 20. utitur verbo subiunctiu modi: & hoc significat rem verbi iam perfectam, quia aliter illi actui alius non coniungeretur & subiungeretur. Vnde sensus est, Quodcunque solueritis, id est, cuius solutionem à me inchoatam in contritione perfeceritis, erit solutum & in cælis. Et similiter dicendum est de verbo notante ligationem. Et ita dicunt ad omnia inducta, quod non est instantia: quia solutio illorum non est perfecta à sacerdote. Sed hoc quod omnino nihil sit, probatur sic: Ponatur,



natur, quod sacerdos iniungat dignam poenitentiam peccatis: & tamen ille moriatur antequam perficiat eam: ille vadit ad purgatorium: & tamen secundum hanc grammaticam sacerdos perfecerat absolutionem: ergo nihil valet solutio, eo quod non statim reputat eum Deus absolutum.

2. Adhuc etiam obiicitur contra solutionem istam: quia facta absolutione iam sacerdos functus est officio suo in totum: ergo tunc absoluit: & tamen ille adhuc ligatus est vinculo satisfactionis: ergo non Deus illum omnino solum reputat, quem ille soluit. Si autem dicas, quod absolutio sacerdotis completa est primo, tunc cum impleta est poenitentia: hoc est ridiculum, eo quod Magister Hugo de sancto Victore dicit, quod sacerdos soluit ligando: ligat autem ad poenam temporalem: ergo absolutio sua tota perfecta est, quando ligat omni vinculo expiationis satisfactionis.

Responsio. Dicendum, quod illa solutio meo iudicio nulla est omnino: sed intelligitur, quod Deus eum solum reputat pro quanto eum absoluit sacerdos, hoc est, partem poenae relaxando: illam enim nunquam ab ipso exigit Deus: & quaecunque ligat, ligamine manente, nunquam absoluit.

AD PRIMUM ergo dicendum, quod non est instantia: quia non nisi secundum quid absoluit eum Deus, scilicet a parte poenae, & non a tota: & ideo aliam soluit in purgatorio.

AD HOC autem quod obiicitur de ficto, dicendum quod illum Spiritus sanctus disciplina effugit: & ideo habet sacramentum, sed non rem sacramenti. Hoc autem quod Dominus dicit, intelligitur de participantibus rem & sacramentum: sicut etiam in baptismo non sequitur, si baptismus emundat ab omni peccato, quod propter hoc emundet fictum.

AD ILLA autem duo quae ad probandum inducuntur, dicendum quod in veritate sacerdos non errat, nec est defectus ex parte sua, quia bene reconciliat: sed ille non est reconciliatus propter impedimentum fictionis. Et per hoc patet solutio ad totum.

## ARTICVLVS XVI.

*An definitio excommunicationis data à Magistro sit bona?*

**D**Einde quaeritur de hoc quod dicit ibi [Est & alius modus ligandi & solvendi, qui per excommunicationem, &c.] Queramus autem hic primo, Quid sit excommunicatio? Secundo, Quot modis fiat? Tertio, In quem sit ferenda? Quarto, A quo sit ferenda? Quinto, Qualiter sit ferenda? Sexto, Vtrum excommunicatio minor sit peccatum mortale?

Ad primum autem horum sic proceditur: Excommunicatio diffinitur à Iurisperitis sic: Excommunicatio est separatio à communione Ecclesiae quoad fructum & suffragia Ecclesiae communia. Videtur autem, quod non sit generalis: quia aliquis excommunicatur iniuste, vel etiam iuste quoad exteriorem hominem, & tamen iniuste quoad interiorem: & tunc non separatur à communione Ecclesiae. Probatio. Ecclesia non com-

*D. Alb. Mag. in Lib. 4. Sentent.*

municat in corporalibus, sed spiritualibus: & iste adhuc communicat spiritualia Ecclesiae, quia non amittit charitatem propter hoc, sed habet eam: ergo non omnis excommunicatus ab Ecclesia separatur: ergo non generaliter excommunicatio est separatio ab Ecclesiae communione.

2. Adhuc, Ecclesia orat pro haereticis publice in Parasceue, & priuatim saepe: ergo non subtrahit eis suffragia Ecclesiae: ergo videtur, quod etiam vltima pars definitionis sit falsa, & non conueniat, &c.

3. Praeterea, Quid vocatur ibi fructus? Constat enim, quod non est ibi fructus bonorum temporalium: quia non propter hoc quod excommunicatus est, spoliatur bonis suis. Si autem dicatur, quod est fructus spiritualis de quo loquitur: tunc videtur, quod non differat ab eo quod sequitur, scilicet suffragia Ecclesiae.

RESPONSIO. Dicendum ad hoc, quod excommunicatio diffinitur prout dicit priuationem communionis: & ita dicunt Decretistae: Excommunicatio est à qualibet licita communione vel legitimo actu separatio. Et dicitur licita communio, quae sit his casibus, qui notantur hoc versu:

*Os, orare, vale, communico, mensa negatur.*

Scilicet ne ad osculum recipiatur, ne cum eo in eodem oratorio orete, ne cum ipso communionem aliquis habeat in sacramentis, ne cum ipso comedat in eadem mensa. Hi enim dicuntur actus legitimi: unde cum hoc modo dicta priuatio sit, patet quod est in eodem genere cum communione quae est relatio unitatis Ecclesiasticae & societatis coniunctae secundum actus istos.

DICENDVM ergo ad primum, quod si illa diffinitio sustineatur, quod quando quis excommunicatur coram homine, & non est excommunicatus coram Deo, hoc accidit ex errore & defectu probationis: & tunc etiam pro tanto separatur coram homine, licet coram Deo sit coniunctus: & hoc sufficit excommunicationi, secundum quod est vinculum Ecclesiae quo vnitur in hac vita quae erroribus est plena.

AD ALIUD dicendum, quod pro omnibus oratur, ut viciniatur gratiae: non tamen cum omnibus oratur, & quandiu in excommunicatione vera manent, non percipient fructum: sed Ecclesia rogat ut absolutione digni efficiantur, & sic fructum communionis Ecclesiae participant.

AD ALIUD dicendum, quod fructus est in Ecclesia multiplex praeter suffragia: quia ipse conuictus membrorum Ecclesiae magnum fructum praestat ad permanendum cum Deo. Fructus etiam est excommunicatione sacramentorum. Sed suffragia sunt in precibus & oblationibus, quibus excommunicati non participant, quandiu iuste excommunicati sunt.

## ARTICVLVS XVII.

*Quot modis fiat excommunicatio?*

**S**ecundo quaeritur, Quot modis fiat excommunicatio? Videtur, quod multis modis: quia tot & diuersis & nouis de causis videmus homines excommunicari: ergo videtur, quod ad vnum

P p 2 certum



certum numerum modus excommunicationis redigi non possit.

2 Videtur iterum, quod omnis peccans mortaliter sit excommunicatus, & quod nouus modus excommunicandi sit peccatum mortale: quia peccans mortaliter non communicat sacramentis & fructibus spiritualibus & suffragiis Ecclesiæ: ergo ipse est excommunicatus.

3 Adhuc, Apostolus 1. Corinth. 5. dicit, quod si quis frater nominatur inter vos, & est adulter vel fornicator, vel idolis seruiens, vel dolosus, vel rapax, cum huiusmodi non debemus cibum sumere: ergo videtur, quod ipse sit excommunicatus.

4 Adhuc ibidem, scilicet 1. Corinth. 5. excommunicat fornicatorem, qui uxorem patris sui, nouercam scilicet suam habuit. Et eadem ratione pro quolibet peccato alio excommunicari potest: ergo videtur, quod tot sunt species excommunicationum, quot sunt species mortalium peccatorum: & hæc non sunt reducibiles ad vnum certum numerum, quia malum est omnifariam, ut dicit Philosophus, & confirmat beatus Dionysius: ergo videtur, quod species excommunicationum non sunt reducibiles ad certum numerum.

*sed contra.*

SED IN CONTRARIUM huius obicitur, quod ab habentibus iurisdictionem non infliguntur excommunicationes, nisi duobus modis, scilicet maiori, & minori. Maior dicitur, quæ præcedit à tribus, scilicet participatione sacramentorum, ingressu Ecclesiæ, & communione fidelium in actibus legitimis: & hæc vocatur etiam anathematizatio. Minor autem est, quæ non remouet nisi à participatione sacramentorum, & non ab aliis duobus: ergo videtur, quod non possint esse plures species excommunicationum.

*Solutio.*

RESPONSIO. Ad hoc dicendum, quod non sunt nisi duæ species vel modi excommunicationum, ut probat ultimo inducta obiectio, cuius ratio hæc est: quia excommunicatio priuatio est: & ideo oportet, quod cognoscatur ex suo habitu: communio autem fidelium quantum ad militantem Ecclesiam est in his tribus in genere, scilicet in pure spirituali quod est participatio sacramentorum, & pure corporali quod est legitimus actus sine quo non est conuersatio & coniunctio humana: quia sicut dicit Philosophus, homo politicum est animal: & oportet eum cum proximo communicare in actibus legalibus & legitimis. Tertium autem in quo communicat, est partim corporale, & partim spirituale, quod est conuentus ad locum cultus & consecrationis sacramentorum. Si igitur est priuatio à toto quod constituit communionem, est anathema, siue maior excommunicatio. Si autem priuatio spiritualis tantum, est excommunicatio quæ dicitur minor. Si autem tu quæras, Quare non est vna minor, quæ priuaret tantum corporali, sicut vna minor quæ priuat tantum spirituali: & alia iterum quæ priuaret duobus ex his, scilicet spirituali pure, & corporali pure, vel spirituali pure & medio inter corporale & spirituale, vel corporali pure & medio, ut sic haberemus quinque minores. Dicendum, quod spirituale vinculum est excommunicatio, & oportet ad hoc quod excommunicatio sit semper priuare spirituali. Vnde etiam nunquam priuar corporali, nisi in ordine ad spirituale: & ideo oportet

in minori priuare participatione sacramentorum. Alia autem ratio eiusdem est: quia ut frequenter excommunicatio iusta supponit mortale peccatum in excommunicato: & ille secundum peccatum adiceret, si sacramentis, scilicet Eucharistiæ communicaret: quia poenitentia nemini interdicitur: sed non peccat mortaliter communicans in corporalibus, nisi ex præcepto Ecclesiæ in maiori excommunicatione se subtrahere debeat. Et ideo iterum non sunt minores quæ priuent communionem illis quatuor modis qui dicti sunt.

AD OMNIA autem quæ primo inducta sunt, dicendum quod peccans mortaliter excommunicatus est quantum ad triumphantem Ecclesiam: sed in perfectione illius non potest viuere militans, & ideo necesse est peccantes mortaliter in multis casibus ad tempus in corporalium communionem sustinere: quia aliter, ut dicit Apostolus, 1. Cor. 5. oporteret nos de hoc mundo exiisse, si nullis in peccato mortali existentibus deberemus couiri.

AD HOC quod obicitur de Apostolo, dicendum quod ipse non præcepit excommunicare mortaliter peccantes, eo ipso quod mortaliter peccauerunt, sed quia correpti à suo Episcopo contumaces inuenti sunt, & satisfacere noluerunt: & etiam hodie pro quolibet mortali potest quis excommunicari.

AD ALIA patet solutio ex dictis.

## ARTICVLVS XVIII.

*In quem ferenda est excommunicatio?*

TERTIO quæritur, In quem ferenda sit excommunicatio? Videtur, quod in nullum: nocuum enim in corporalibus nulli est faciendum: ergo multo minus nocuum in spiritualibus: sed subtractio spiritualium est nocuum in spiritualibus: ergo non est faciendum alicui: hoc autem fit per excommunicationem: ergo excommunicatio non est ferenda in aliquem.

2 Adhuc videtur, quod quandiu est alia via correctionis & salutis, non est ferenda sententia excommunicationis: sed quandiu per conuersionem est spes salutis, tandiu restat alia via: ergo quandiu est spes conuersionis in aliquo, tandiu non est excommunicandus: sed de nullius conuersione desperatur, ut dicit Augustinus: ergo nullus est excommunicandus.

3 Adhuc August. dicit, quod iudicium temerarium committitur duobus modis, scilicet dum de dubiis iudicatur tanquam de certis, vel cum aliquis finaliter condemnatur qui poenitere potest: sed excommunicans condemnat hoc modo: ergo ipse peccat mortaliter: ergo nullus est excommunicandus. Probatio mediæ. Sicut dictum est, non est ferenda excommunicatio quandiu manet spes conuersionis: sed tandiu manet spes conuersionis, donec finalis condemnatio est iam facta apud excommunicantem: ergo sententia non fertur nisi fiat condemnatio finalis, & sic habetur propositum.

Sed si hoc dicatur, videtur quod tota Ecclesia errat, quæ excommunicat multos.

VLTERIVS



Quaestio-  
cula.

VLTERIVS quæritur hic, Quare tota mul-  
tudo ut communitas, excommunicari non po-  
test: potest enim multitudo sibi consentire in con-  
tumaciam: ergo videtur, quod debeat & possit ex-  
communicari: cum tamen nova constitutio con-  
stituat contrarium.

Solutio.

RESPONSIO. Dicendum, quod omnis con-  
tumax in quantum contumax, potest & debet ex-  
communicari, & pro nullo alio vitio est quis ex-  
communicandus: cuius hæc est causa, quia ex-  
communicatio est medicina per accidens quæ da-  
tur desperato, quando non est alia via sanitatis &  
salutis ipsius, sicut infirmo desperato permittitur  
vivere secundum voluntatem suam, ut ex aliqua  
causa excitata natura multiplicet sibi vires ad  
morbi expulsionem. Ita contumaci qui nulla alia  
via corrigi potest, præceditur vinculum commu-  
nionis, ut sic de peccato in peccatum sine fræno  
ruens, considerata propria vilitate & defectu suo  
redeat ad humilitatem & plenam conversionem,  
& gratiam conversionis.

AD PRIMUM ergo dicendum, quod non  
fit ei damnum simpliciter: sed quia ipse se fructu  
spiritualium desperabiliter privavit, quærit Eccle-  
sia remedium per accidens, ubi nulla alia via re-  
ducere valet talem.

AD ALIUD dicendum, quod Ecclesia non  
ita desperat de ipso, quin laboret ad suum reditum,  
& ideo excommunicat eum: sed desperat alium  
modum conversionis quantum est ex signis con-  
sideratis in ipso: sed de Domini misericordia quæ  
convertit peccatores nunquam desperat Ecclesia.  
Per hoc etiam patet solutio ad sequens.

## ARTICVLVS XIX.

*An quilibet qui habet claves, potest ex-  
communicare?*

Quarto quæritur, à quo sit ferenda: Videtur,  
quod ab omni eo qui habet claves: sicut  
enim dicit Philosophus, cuius est potentia, eius  
est & actus: sed potentia est clavis, ut habetur ex  
litera, & actus eius est ligare & solvere per ex-  
communicationem & absolutionem: ergo omnis  
habens claves potest excommunicare.

2. Adhuc, Simplex parochianus habet cohi-  
bitionem aliquam super plebem sibi commissam:  
non autem potest habere nisi per vincula spiritua-  
lia, quæ sunt excommunicatio, & aliæ pænæ spi-  
rituales: ergo excommunicare potest.

3. Adhuc, Eiusdem videtur esse communione  
dare, & excommunicare: sed simplex parochianus  
communicat plebem suam: ergo & excommuni-  
care potest. Si hoc dicatur, contrarium tenet  
usus Ecclesiæ dicentis, quod non potest simplex  
sacerdos excommunicare nisi in generalibus, sicut  
pro furtis ignotis, vel furtis violatis, & huius-  
modi.

Quaestio-  
cula 1.

VLTERIVS quæritur, Vtrum Archidiao-  
ni possunt excommunicare: Et videtur, quod non:  
quia cuius non est potentia, illius non est actus:  
sed non est potentia eius qui non habet clavem:  
ergo nec actus. Quod autem non habeant Archi-  
diaconi claves, probatur ex hoc quod clavis est  
ordinis sacerdotalis, sicut in sequenti distinctio-  
ne habebitur, & ipsi non sunt sacerdotes.

D. Alb. Mag. in Lib. 4. Sentent.

SED CONTRA hoc est, quod habens iurisdictionem, debet arma habere talis iudicis. Archidiaconi habent iurisdictionem: ergo, &c. sed talia arma sunt excommunicationes: ergo, &c.

VLTERIVS quæritur hic, Vtrum suspensus vel excommunicatus, excommunicare possit: Videtur, quod non: quia ligatus vinculo corporali, alium nec ligare nec solvere potest: sed fortiora sunt vincula spiritualia quam corporalia: ergo & ligatus vinculo spirituali, alium nec ligare nec solvere potest: sed vinculum spirituale est excommunicatio, & suspensio: ergo, &c.

SED CONTRA hoc est, quod suspensus ab officio non propter hoc amittit iurisdictionem: similiter etiam nec excommunicatus, quia iurisdictione sua non datur alteri, nec etiam ipse iterum inestitur ea, cum absoluitur ab excommunicatione: ergo videtur, quod etiam habeat ea quæ annexa sunt iurisdictioni: hæc autem est potestas excommunicandi & absolvendi: ergo habet adhuc potestatem excommunicandi & absolvendi ab excommunicatione.

RESPONSIO. Dicendum, quod habens iurisdictionem ordinarij iudicis vel delegati potest excommunicare & absolvere, sicut dicunt quidam qui de iure nouerunt: & satis rationabile est sic esse: quia vincula ista sunt cohibitiones in foro causarum: iudices autem habent cognoscere de causis: unde rationabile est eos habere potestatem in his vinculis.

AD PRIMUM ergo dicendum, quod completa potestatis est actus iste, & non diminuta: sed diminuta est potestas ex ordine solo, & non extra iurisdictionem: & ideo non omnis habens clavem, habet etiam excommunicandi potestatem. Alia ratio huius est: quia magis est clavis iurisdictionis, quam ordinis: & ideo iterum non sequitur, quod omnis habens clavem, habeat etiam excommunicandi & absolvendi potestatem. Tertia ratio huius est satis pia: quia cum excommunicatio sit maius damnum quod fieri potest Christiano in hac vita, raro & cum moderatione facienda est: & ideo paucis & superioribus tantum qui præsumuntur esse discretiores, talis potestas est commissæ.

AD ALIUD dicendum, quod multis aliis modis per communicationem & increpationem potest parochianus auertere subditos à malo: & si hoc non potest, debet recurrere ad superiorem, & per illius auctoritatem excommunicatum denuntiare.

AD ALIUD dicendum, quod non valet argumentum: quia plus Ecclesia prona est ad communicandum spiritualia, quam ad subtrahendum: & ideo primum multis modis, secundum vero paucis & discretis commisit.

AD ID quod ulterius quæritur, dicendum quod Archidiaconi sunt oculi Episcopi, & habent iurisdictionem, licet non habeant clavem. Et quia sunt oculi Episcopi, descendit in eos ab Episcopo qui habet claves & iurisdictionem id quod est iurisdictionis plus quam clavis, sed non id quod est clavis plus quam iurisdictionis: & ideo possunt absolvere & ligare per excommunicationem in foro causarum, sed non in foro confessionis vel penitentiarum.

AD OBIECTVM contra patet solutio: quia potestas excommunicandi plus est iurisdictionis quam



quam clavis & ordinis, & ideo descendit in ipsos.

*Ad qua-  
stionem  
lam.*

AD ID quod ulterius quæritur, dicendum, quod differt de suspenso & excommunicato: quia suspensus tripliciter potest esse suspensus, scilicet ab officio tantum, à iurisdictione tantum, vel ab utroque: & qualitercunque suspensus sit, tunc dicendum semper, quod non potest illa quæ sunt illius à quo ipse suspensus est. Si enim suspensus sit ab officio, non potest ea quæ sunt officij, sicut celebrare, consecrare, & huiusmodi: sed potest ea quæ sunt iurisdictionis, sicut excommunicare, & huiusmodi. Si autem suspensus est à iurisdictione, tunc in posse se habet è conuerso. Si autem ab utroque tunc neutrum potest.

AD ARGUMENTUM autem inductum dicendum, quod verum est dummodo simile bene intelligatur: ligatus enim in aliquo membro, non habet usum illius membri, ut cum illo liget vel soluat alium: sed alio membro non ligato, potest alium soluere vel ligare: sed ligatus vniuersaliter in toto, nullum potest nec absoluere nec ligare: & ita est in spiritualibus, ut patet ex prædicta distinctione suspensi.

AD ID quod quæritur de excommunicato, dicendum quod maiori excommunicatione excommunicatus non potest aliquem excommunicare.

AD ARGUMENTUM autem contra factum, dicendum quod est iurdictio in habitu, & non in actum reducibilis, quandiu excommunicatus est, residet penes ipsum: & hæc talis iurdictio nec soluere nec ligare potest.

## ARTICVLVS XX.

### *Qualiter ferenda sit excommunicatio?*

**Q**Vinto quæritur, Qualiter ferenda sit excommunicatio? Videtur autem, quod cum maxima diligentia: quia maximum periculum est in excommunicatione: vbi autem est maximum periculum, ibi videtur maxima diligentia opus esse: ergo in excommunicatione maxima diligentia est opus.

*Sed con-  
tra.*

SED CONTRA hoc videtur iste abusus Ecclesiæ: quia proiciuntur excommunicationes cum minori etiam diligentia, quam aliquid quod fit in Ecclesia.

*Quæstio-  
nula.*

Iuxta hoc ulterius quæritur, Cum aliquis in necessitate gratia infirmitatis absoluitur, quia tunc à quolibet sacerdote absolui potest, & postea non implet mandatum Ecclesiæ sicut iurando promissit, utrum excommunicatio redit super ipsum? Videtur, quod sic: quia seruo non dimittenti conseruo suo Matth. 18. reuocatum est debitum. Ergo à simili isti non facienti quod debuit & promissit, reuocatur excommunicatio: ergo redit.

2. Adhuc, Debiti confiteri & non confitenti, reuocatur reatus qui in contritione erat solutus: ergo & isti à simili reuocatur propter similem causam excommunicato.

*Sed con-  
tra.*

SED CONTRA: Iste per sacerdotem in veritate fuit absolutus: ergo excommunicatio fuit annihilata: sed ea quæ annihilantur, non reuertuntur eadem numero: ergo ista excommunica-

tio nunquam redit: sed nulla alia excommunicatus fuit nisi illa: ergo iste nulla excommunicatione est excommunicatus: ergo non redit excommunicatio super eum.

*Solutio.*

RESPONSIO. Dicendum, quod ad iustam formam excommunicationis concurrunt tria, scilicet ut excommunicatio sit ex animo, & ex ordine, & ex causa. Ex animo ut studio corripiendi, non se vindicandi, præmissa diligenti admonitione. Ex ordine iuris qui describitur in constitutione noua, scilicet ut post admonitionem, & desperationem alterius viæ iudex causam excommunicationis & contumaciam excommunicati, & sententiam ipsam scribat, & sedendo ut quietus pronuntiet, & infra 40. dies paratus sit dare, quando postulauerit, excommunicato. Causa autem est quam meruit secundum veritatem vel per allegata ipse qui excommunicatur, quæ & in scripto datur ei, si infra 40. dies postulauerit. Et ideo concedenda est prima ratio.

AD ID quod in contrarium obiicitur, dicendum quod abusus est, & peccat mortaliter sic excommunicationis sententiam iaculantes: & ultra hoc in nou. constit. poena est ut 40. diebus ab ingressu Ecclesiæ abstineat, & excommunicatus à superiore sine difficultate absoluator, & insuper excommunicans ad omnes expensas quas fecit excommunicatus in causa suæ absolutionis, & ad omne interesse condemnetur.

AD ID autem quod ulterius quæritur, dicendum quod meo iudicio impossibile est excommunicationem semel solutam redire eandem numero: unde ille talis absolutus est simpliciter, & semper erit absolutus, nisi iterum excommunicetur, pro eo quod non seruauit mandatum Ecclesiæ sicut iurando promissit.

*Ad qua-  
stionem  
lam.*

AD EA quæ sunt in contrarium, est vnica solutio, quod nec in illis casibus redit præcedens debitum idem numero: sed aliud idem specie pro sequenti nascitur contemptu. Hoc autem melius declarabitur infra distinct. 22. vbi agitur de reditu peccatorum.

## ARTICVLVS XXI.

### *An participare cum excommunicato sit peccatum mortale?*

**S**exto & ultimo quæritur, Vtrum participare cum excommunicato sit peccatum mortale? Videtur autem, quod sic: quia tanquam de mortali redarguit Apostolus Corinthios, qui communicauerunt tali, 1. Corinth. 5. vbi dicit, quod modicum fermentum totam massam corrumpit. Ergo videtur, quod in aliis sit peccatum mortale.

2. Adhuc, Facere contra præceptum est peccatum mortale: sed præceptum Ecclesiæ est, ut talibus nullus communicet: ergo videtur, quod communicare talibus sit peccatum mortale.

SED CONTRA: Ego video, quod excommunicans communicat ei in cibo & verbo & osculo, si oportet, & hoc tota die videtur in Episcopis nostri temporis. Cum igitur ego perfectior esse non teneor meo prælato, videtur quod & ego possum licet talibus communicare.

*Solutio.*

SOLUTIO. Ad hoc sine præiudicio dicen-

dum



dum videtur, quod aliud est communicare ei qui est excommunicatus, & aliud communicare excommunicato in quantum excommunicatus est: communicans enim secundo modo, communicat ei in causa excommunicationis, siue in crimine pro quo ille excommunicatus est: & ille est excommunicatus maiori excommunicatione sicut & primus. Communicare autem ei qui est excommunicatus, fit dupliciter, scilicet maiori excommunicatione, & minori. Communicans autem excommunicato minori excommunicatione, non est excommunicatus: sed communicans excommunicato excommunicatione maiori in casu non concesso. Casus autem concessi sunt illis quorum conuersatio non potest esse sine illo: sicut si sit vxor, filius, seruus, balius, rusticus, vel huiusmodi, quæ ad ciuilem respiciunt conuersationem, si ignorat, si utilitas euident, vel necessitas sit. Et hoc notatur hoc versu.

*Vile, lex, humile, res ignorata, necesse.*  
Lex dicitur matrimonium, & humile scilicet feruitus, & alia patent. Tamen si duo tali commu-

nione in casu non concesso excommunicati sunt, vnus potest absoluere alium. Et ideo dicunt communiter, quod excommunicato communicans, vel non curans, vel contemnens vinculum Ecclesiæ, peccat mortaliter. Qui autem metus causa, vel coniunctione amicitie seductus, tantum verbo cum timore communicat, non auderem dicere, quod mortaliter eo ipso peccaret.

Ad id quod obiicitur, patet solutio per distinctionem. Nota etiam, quod non tenetur aliquis credere aliquem excommunicatum, nisi inter sit denuntiationi, vel per denuntiantem intimetur ei, vel ita certificetur per publicam famam, quod nullo modo sibi de hoc dubium possit generari: quia de quolibet præsumendum est bonum, donec contrarium probetur.

Deinde notandi sunt versus de hoc quod dicit ibi, [Sententia Ecclesiæ à loco orationis, &c.]

*Gratia subtrahitur, magis ac magis obice rupto,  
De vitio ruit in vitium, suffragia perdit  
Ecclesia, satana vexandus traditur ille,  
Quem ligat ex propriis anathematizatio culpis.*

*Quæ sint interiores tenebræ & interior macula?*

**I**C quæritur, Quæ sit illa macula, & quæ sint illæ tenebræ interiores, à quibus Deus interius animam purgat, cum veram pœnitentiam immittit? De tenebris & interiori caligine satis facile est & intelligere, & respondere. Cum enim quis delinquit, & gratia virtutis priuatur, si qua præcessit, & naturalium bonorum elisionem patitur. Vnde & intellectus obtunditur, & totus homo interior obtenebratur, & ita quasi caligine quadam mens obuoluitur, quæ caligo peccati pœna est. Hanc vero Deus pellit, cum pœnitentiam immittit, per quam perdita bona restituit, & vitiata reparat. Vnde Propheta, Nebulam sicut cinerem spargit. Sed quæ est macula peccati, à qua animam lauat? Ecce enim quis voluit facere homicidium, & patrauit, quo patrato desinit tam velle quam facere, nondum tamen vere & humiliter pœnitet, nec confiteri proponit. Quæ ergo remansit in anima illius macula? Mala voluntas quidem fuit macula illius animæ, sed illa transiit. Macula etiam est, si pœnitere contemnit, sed hoc est peccatum aliud à præcedenti. Quæ ergo macula remansit, à qua ipse in pœnitentia purgatur? Polluta est quidem anima, quousque pœniteat, sicut erat, dum in ea praua erat voluntas. Sicut enim qui tangit morticinum vel aliud immundum, ita pollutus est post tactum quousque lauatur, sicut fuit dum tangeret: ita post actum peccati ita polluta remanet anima, sicut fuit in ipso actu peccati, quia ita est longe à Deo per dissimilitudinem, qui est vita & munditia mentis, sicut fuit dum peccatum ageret. Ipsa ergo dissimilitudo quæ inest animæ ex peccato, & est à Deo elongatio, animæ macula intelligitur, à qua purgatur in pœnitentia. Hoc autem solus Deus facit, qui solus suscitatur animam & illuminat: quod sacerdotes nequeunt, qui tamen medici sunt animarum. Vnde Propheta, Nunquid medici suscitabunt, & confitebuntur tibi? quod exponens Augustinus ait,

Ps. 147.

Leuit. 17.  
Num. 19.

Psal. 87.



quam clavis & ordinis, & ideo descendit in ipsos.

*Ad qua-  
stionem  
lam.*

AD ID quod ulterius quæritur, dicendum, quod differt de suspensio & excommunicato: quia suspensus tripliciter potest esse suspensus, scilicet ab officio tantum, à iurisdictione tantum, vel ab utroque: & qualitercunque suspensus sit, tunc dicendum semper, quod non potest illa quæ sunt illius à quo ipse suspensus est. Si enim suspensus sit ab officio, non potest ea quæ sunt officij, sicut celebrare, consecrare, & huiusmodi: sed potest ea quæ sunt iurisdictionis, sicut excommunicare, & huiusmodi. Si autem suspensus est à iurisdictione, tunc in posse se habet e conuerso. Si autem ab utroque tunc neutrum potest.

AD ARGUMENTUM autem inductum dicendum, quod verum est dummodo simile bene intelligatur: ligatus enim in aliquo membro, non habet usum illius membri, ut cum illo liget vel soluat alium: sed alio membro non ligato, potest alium soluere vel ligare: sed ligatus vniuersaliter in toto, nullum potest nec absoluere nec ligare: & ita est in spiritualibus, ut patet ex prædicta distinctione suspensi.

AD ID quod quæritur de excommunicato, dicendum quod maiori excommunicatione excommunicatus non potest aliquem excommunicare.

AD ARGUMENTUM autem contra factum, dicendum quod est iurdictio in habitu, & non in actu reducibilis, quando excommunicatus est, residet penes ipsum: & hæc talis iurdictio nec soluere nec ligare potest.

## ARTICVLVS XX.

### *Qualiter ferenda sit excommunicatio?*

QVINTO quæritur, Qualiter ferenda sit excommunicatio? Videtur autem, quod cum maxima diligentia: quia maximum periculum est in excommunicatione: ubi autem est maximum periculum, ibi videtur maxima diligentia opus esse: ergo in excommunicatione maxima diligentia est opus.

*Sed con-  
tra.*

SED CONTRA hoc videtur iste abusus Ecclesiæ: quia proiciuntur excommunicationes cum minori etiam diligentia, quam aliquid quod sit in Ecclesia.

*Quæstio-  
culæ.*

IUSTA hoc ulterius quæritur, Cum aliquis in necessitate gratia infirmitatis absoluitur, quia tunc à quolibet sacerdote absolui potest, & postea non implet mandatum Ecclesiæ sicut iurando promissit, utrum excommunicatio redit super ipsum? Videtur, quod sic: quia seruo non dimittenti conferuo suo Matth. 18. reuocatum est debitum. Ergo à simili isti non facienti quod debuit & promissit, reuocatur excommunicatio: ergo redit.

2. Adhuc, Debenti confiteri & non confitenti, reuocatur reatus qui in contritione erat solutus: ergo & isti à simili reuocatur propter similem causam excommunicato.

*Sed con-  
tra.*

SED CONTRA: Iste per sacerdotem in veritate fuit absolutus: ergo excommunicatio fuit annihilata: sed ea quæ annihilantur, non reuertuntur eadem numero: ergo ista excommunica-

tio nunquam redit: sed nulla alia excommunicatus fuit nisi illa: ergo iste nulla excommunicatione est excommunicatus: ergo non redit excommunicatio super eum.

RESPONSIO. Dicendum, quod ad iustam formam excommunicationis concurrunt tria, scilicet ut excommunicatio sit ex animo, & ex ordine, & ex causa. Ex animo ut studio corripienti, non se vindicandi, præmissa diligenti admonitione. Ex ordine iuris qui describitur in constitutione noua, scilicet ut post admonitionem, & desperationem alterius viæ iudex causam excommunicationis & contumaciam excommunicati, & sententiam ipsam scribat, & sedendo ut quietus pronuntiet, & infra 40. dies paratus sit dare, quando postulauerit, excommunicato. Causa autem est quam meruit secundum veritatem vel per allegata ipse qui excommunicatur, quæ & in scripto datur ei, si infra 40. dies postulauerit. Et ideo concedenda est prima ratio.

AD ID quod in contrarium obiicitur, dicendum quod abusus est, & peccat mortaliter sic excommunicationis sententiam iaculantes: & ultra hoc in nou. constit. pœna est ut 40. diebus ab ingressu Ecclesiæ absteineat, & excommunicatus à superiore sine difficultate absoluator, & insuper excommunicans ad omnes expensas quas fecit excommunicatus in causa suæ absolutionis, & ad omne interesse condemnatur.

AD ID autem quod ulterius quæritur, dicendum quod meo iudicio impossibile est excommunicationem semel solutam redire eandem numero: unde ille talis absolutus est simpliciter, & semper erit absolutus, nisi iterum excommunicetur, pro eo quod non seruauit mandatum Ecclesiæ sicut iurando promissit.

AD EA quæ sunt in contrarium, est vnica solutio, quod nec in illis casibus redit præcedens debitum idem numero: sed aliud idem specie pro sequenti nascitur contemptu. Hoc autem melius declarabitur infra distinct. 22. ubi agitur de reatu peccatorum.

## ARTICVLVS XXI.

### *An participare cum excommunicato sit peccatum mortale?*

SEXTO & ultimo quæritur, Vtrum participare cum excommunicato sit peccatum mortale? Videtur autem, quod sic: quia tanquam de mortali redarguit Apostolus Corinthios, qui communicauerunt tali, 1. Corinth. 5. ubi dicit, quod modicum fermentum totam massam corrumpit. Ergo videtur, quod in aliis sit peccatum mortale.

2. Adhuc, Facere contra præceptum est peccatum mortale: sed præceptum Ecclesiæ est, ut talibus nullus communique: ergo videtur, quod communicare talibus sit peccatum mortale.

SED CONTRA: Ego video, quod excommunicans communicat ei in cibo & verbo & osculo, si oportet, & hoc tota die videtur in Episcopis nostri temporis. Cum igitur ego perfectior esse non teneor meo prælato, videtur quod & ego possum licite talibus communicare.

SOLVTIO. Ad hoc sine præiudicio dicendum

*Solutio.*

*Ad qua-  
stionem  
lam.*

*Sed con-  
tra.*

*Solutio.*



dum videtur, quod aliud est communicare ei qui est excommunicatus, & aliud communicare excommunicato inquantum excommunicatus est: communicans enim secundo modo, communicat ei in causa excommunicationis, siue in crimine pro quo ille excommunicatus est: & ille est excommunicatus maiori excommunicatione sicut & primus. Communicare autem ei qui est excommunicatus, fit dupliciter, scilicet maiori excommunicatione, & minori. Communicans autem excommunicato minori excommunicatione, non est excommunicatus: sed communicans excommunicato excommunicatione maiori in casu non concesso. Casus autem concessi sunt illis quorum conuersatio non potest esse sine illo: sicut si sit vxor, filius, seruus, balius, rusticus, vel huiusmodi, quæ ad ciuilem respiciunt conuersationem, si ignorat, si vtilitas euident, vel necessitas sit. Et hoc notatur hoc versu.

*Vile, lex, humile, res ignorata, necesse.*  
Lex dicitur matrimonium, & humile scilicet seruus, & alia patent. Tamen si duo tali commu-

nione in casu non concesso excommunicati sunt, vnus potest absoluere alium. Et ideo dicunt communiter, quod excommunicato communicans, vel non curans, vel contemnens vinculum Ecclesiæ, peccat mortaliter. Qui autem metus causa, vel coniunctione amicitie seductus, tantum verbo cum timore communicat, non auderem dicere, quod mortaliter eo ipso peccaret.

Ad id quod obicitur, patet solutio per distinctionem. Nota etiam, quod non tenetur aliquis credere aliquem excommunicatum, nisi inter sit denuntiationi, vel per denuntiantem intimetur ei, vel ita certificetur per publicam famam, quod nullo modo sibi de hoc dubium possit generari: quia de quolibet præsumendum est bonum, donec contrarium probetur.

Deinde notandi sunt versus de hoc quod dicit ibi, [Sententia Ecclesiæ à loco orationis, &c.]

*Gratia subtrahitur, magis ac magis obice rupto,  
De vitio ruit in vitium, suffragia perdit  
Ecclesia, satana vexandus traditur ille,  
Quem ligat ex propriis anathematizatio culpis.*

*Quæ sint interiores tenebræ & interior macula?*

**I**C quæritur, Quæ sit illa macula, & quæ sint illæ tenebræ interiores, à quibus Deus interius animam purgat, cum veram pœnitentiam immittit? De tenebris & interiori caligine satis facile est & intelligere, & respondere. Cum enim quis mortaliter delinquit, & gratia virtutis priuatur, si qua præcessit, & naturalium bonorum elisionem patitur. Vnde & intellectus obtunditur, & totus homo interior obtenebratur, & ita quasi caligine quadam mens obuoluitur, quæ caligo peccati pœna est. Hanc vero Deus pellit, cum pœnitentiam immittit, per quam perdita bona restituit, & vitiata reparat. Vnde Propheta, Nebulam sicut cinerem spargit. Sed quæ est macula peccati, à qua animam lauat? Ecce enim quis voluit facere homicidium, & patrauit, quo patrato desinit tam velle quam facere, nondum tamen vere & humiliter pœnitet, nec confiteri proponit. Quæ ergo remansit in anima illius macula? Mala voluntas quidem fuit macula illius animæ, sed illa transiit. Macula etiam est, si pœnitere contemnit, sed hoc est peccatum aliud à præcedenti. Quæ ergo macula remansit, à qua ipse in pœnitentia purgatur? Polluta est quidem anima, quousque pœniteat, sicut erat, dum in ea praua erat voluntas. Sicut enim qui tangit morticinum vel aliud immundum, ita pollutus est post tactum quousque lauatur, sicut fuit dum tangeret: ita post actum peccati ita polluta remanet anima, sicut fuit in ipso actu peccati, quia ita est longe à Deo per dissimilitudinem, qui est vita & munditia mentis, sicut fuit dum peccatum ageret. Ipsa ergo dissimilitudo quæ inest animæ ex peccato, & est à Deo elongatio, animæ macula intelligitur, à qua purgatur in pœnitentia. Hoc autem solus Deus facit, qui solus suscitatur animam & illuminat: quod sacerdotes nequeunt, qui tamen medici sunt animarum. Vnde Propheta, Nunquid medici suscitabunt, & confitebuntur tibi? quod exponens Augustinus ait,

Ps. 147.

Leuit. 15.  
Num. 19.

Ps. 87.



Boni Doctores recte medici dicuntur : qui viuentes curare ministerio possunt , sed non mortuos suscitare. Sola enim Dei gratia reuiuiscunt.

## ARTICVLVS XXII.

*An macula, caligo, fomes, & alia qua sunt in peccatore, possunt dici esse à Deo?*

**D**Einde quæritur de hoc quod dicit *ibi* [ Hic quæritur , Quæ sit illa macula, &c. ] vtrum scilicet macula & caligo sit à Deo, vel non? Videtur autem, quod sic : quia omnis pœna est à Deo: macula autem & caligo sunt pœnæ : ergo sunt à Deo.

*Sed contra.*

**SED CONTRA:** Deus non facit aliquid quod opus suum sit deterius, vt dicit August. macula & culpa faciunt opus Dei deterius: ergo non facit ea Deus : ergo non sunt à Deo.

**2** Adhuc, Fulgentius dicit, quod Deus illius rei non est author, cuius est vltor : sed vlciscitur in maculam & caliginem : ergo non est author maculæ & caliginis.

*Solutio.*

**RESPONSIO.** Dicendum, quod pœna habet duplicem comparisonem, scilicet ad causam

infligentem quæ est iudicium iustum & rectum, & ad causam meritoriam quæ est iniquitas. Spirituales autem pœnæ quandoque nominantur nomine quod non exprimit tantum pœnam, sed etiam alteram istarum comparisonum : sicut quando dicitur incendium pati peccatum, nominatur in comparatione ad iudicium, sicut latro dicitur pati suspendium. Sed cum dicitur fomes, vel caligo, vel macula, nominatur pœna nomine in sua ratione claudente etiam ordinem ad causam meritoriam, quæ est culpa : & quia in tali ordine non est à Deo, dicendum quod fomes non est à Deo, nec macula, nec caligo, nec aliquid huiusmodi.

**AD ID** quod contra obiicitur, dicendum quod pœna non dicit comparisonem ad culpam : & ideo cum assumit maculam, sumit non directe sub medio, sed cum accidente quod est extraneum medio. Et ideo peccat secundum accidens argumentatio illa : sicut, tu cognoscis Choruscum : Choruscus est veniens : ergo tu cognoscis venientem.



## DISTINCTIO XIX.

*Quando hæ clauæ dantur & quibus.*


*A De confessione sacramentali in comparatione ad suscipientes.*



**P**OST QVAM ostensum est quæ sint clauæ Apostolicæ, & quis earum vsus, superest inuestigare, quando istæ clauæ dentur, & quibus? Dantur hæ clauæ per ministerium Episcopi alicui in promotione sacerdotij. Cum enim recipit ordinem sacerdotalem, simul & has clauæ recipit. Sed non videtur, quod omnes vel soli sacerdotes has clauæ habeant : quia plerique ante sacram ordinationem, scientiam discernendi habent, plures post consecrationem ea carent. Sane dici potest, quod alteram clauium istarum, id est, scientiam discernendi, non habent omnes sacerdotes : vnde dolendum est atque lugendum. Multi enim licet indiscreti, atque scientiæ qua eminerere debent exortes, sacerdotij gradum recipere præsumunt, vita & scientia eo indigni, qui nec ante sacerdotium, nec post, scientiam habent discernendi, qui ligandi sint vel soluendi. Ideoque illam clauem in consecratione non recipiunt, quia semper scientia carent. Qui vero ante sacerdotium scientia discernendi præditi sunt, licet habeant discretionem, non tamen in eis est clauis: quia non valent ea claudere vel aperire. Ideoque cum promouetur in sacerdotem, clauem discretionis recte dicitur accipere : quia & ante habita discretio augetur : & fit in eo clauis, vt ea iam valeat vti ad claudendum vel aperiendum.

*DIVISIO*





DIVISIO TEXTVS.

**P**OSTQVAM ostensum est quæ sint, &c. ] In hac distinctione agitur de clauibus ex parte recipientis clauēs. Et diuiditur in duas partes. In prima quæritur & determinatur quis habeat clauēs. In secunda quis digne habeat *ibi* [ Aliis autem videtur, &c.

ARTICVLVS I.

*An Christus habuit clauēs?*

**C**IRCA primum autem dubitantur quatuor, scilicet vtrum Christus habuit clauēs? Secundo, Vtrum clauis sit æqualiter ad claudendum & aperiendum, vel ad alterum tantum horum? Tertio, Qualiter se habent clauēs ad ordinem? Quarto, Vtrum non habens ordinem sacerdotalem habeat clauēs?

Ad primum sic obicitur: Christus habuit plenitudinem omnis potestatis: ergo habuit etiam potestatem clauis.

2 Item, Ipse plenè habuit potestatem baptizandi & confirmandi: ergo & in pœnitentia operandi: & hoc fit per clauēs: ergo, &c.

3 Item, Ipse absoluit peccatores, scilicet Magdalenam, Zachæum, & huiusmodi: sed hoc non potuit fieri nisi per clauēs: ergo, &c.

4 Item, Nihil dat quod non habet: sed ipse dedit clauēs Petro: ergo vt prius.

*Sed contra.* **C**ONTRA: Habens clauēs, non habet potestatem ligandi & soluendi nisi per illas: sed Christus non habuit aliquid à clauibus, sed potius clauēs ab ipso: sicut & baptismus quicquid habet, habet à Christo: ergo Christus non habuit clauēs.

2 Item, Clauēs sunt instrumenta ministrorum Ecclesiæ: Christus autem caput Ecclesiæ secundum quod homo existens, non est minister Ecclesiæ: ergo non habuit clauēs.

3 Item, In mundanis videmus, quod excellentiæ regali non conuenit habere clauēs suorum thesaurorum, sed committuntur fidelibus ministris: sed Christus est excellentior omni rege: non competit ergo ei habere clauēs, sed eius ministris.

*Solutio.* **R**ESPONSIO. Dicendum, quod dupliciter dicitur potestas per clauēs. Potest enim dicere præpositio causam instrumentalem: & hoc modo nihil prohibet Christum habere clauēs, non à clauē, sed à Patre: quia etiam in naturalibus omnis motus quo mouetur instrumentum, est à motu mouentis ipsum. Hoc autem modo dicimus, quod habuit clauēs excellenter: quia sine inquisitione & labore vrebatur & auctoritate discernendi, & potestate ligandi & soluendi. Si autem clauis siue potestas per clauē, diceret potestatis causam, tali ratione non conueniret Christo clauēs habere: quia hoc esset minorationis.

**E**T PER hoc patet solutio ad primum quod est contra hoc obiectum, & ad secundum & ter-

tium: quia in veritate clauēs prout sunt in ministris, dant eis potestatem quam ab aliis non haberent, & sunt signum officij eorum quod à Domino acceperunt.

Ad primum autem dicimus, quod Christus habuit potestatem ex seipso, licet haberet à Patre: non enim (dicit Hilarius) Christus ita pet se, id est, à potestate suæ naturæ agit: quia quicquid est, & potest, & agit, totum habet à Patre à quo per generationem procedit.

**E**T PER hoc patet solutio ad duo, sequentia.

ARTICVLVS II.

*An clauis æquè sit ad claudendum & aperiendum?*

**S**ECUNDO quæritur, Vtrum clauis æquè sit ad claudendum, & aperiendum? Quod sic videtur: quia clauis materialis est æquè ad vtrumque: ergo & spiritualis.

3 Item, Matth. 16. & Ioan. 20. fit mentio de vtroque: ergo vt prius.

Contra: Nihil est ad duo, scilicet ad duos *Sed contra.* fines æquè principales, sicut probat Philosophus: *tra.* sicut medicina est duorum, scilicet sanitatis, & ægritudinis, non tamen velut duorum finium: sed vnus tanquam finis, & alterius tanquam per accidens vel tanquam eius: quod est ad finem illum: ergo nec clauis est ad duo opera æquè principalia sicut ad finem.

**R**ESPONSIO. Dicendum, quod non est nisi vnus per se, scilicet ad aperiendum: & alterum non est intentum, imo accidit ex defectu aperiendi propter culpam peccati.

*Solutio.* **A**D PRIMUM autem dicimus, quod clauis in corporalibus metu latronum fit: & ideo propter possibilitatem perditionis rerum est magis principaliter ad claudendum. In spiritualibus autem econtra est: & ideo principaliter ex tota intentione est ad aperiendum.

**A**D ALIUD dicendum, quod Dominus facit mentionem de consequentibus clauem, & non de fine principaliter intento tantum: consequuntur enim clauem ex opere nostro claudere & aperire, sed tamen principaliter intenduntur propter aperire, & ad hoc data sunt à Domino.

ARTICVLVS III.

*Quomodo clauis se habeat ad ordinem?*

**T**ERTIO quæritur, Qualiter clauis se habeat ad ordinem? Videtur autem, quod sicut accidens separabile. Contingit enim saluari ordinem sacerdotalem separata clauē, sicut in degradatis, qui retinent characterem ordinis, & non clauem, quia nec ligare nec soluere possunt: sed quod separari potest saluato alio, habet se sicut accidens ad illud: ergo, &c.

2 Item, Cum aliquis degradatur, non dicitur, ego de ordino te, sed ego de auctoritate te: ergo cum clauis respiciat principaliter auctoritatem, videtur, quod clauis auferatur manente ordine: & ita videtur idem quod prius.

**S**E



Sed con-  
tra.

SED CONTRA: Ordo est totum poten-  
tiale: ergo sub se continet partes: hæ autem non  
sunt vt communiter dicitur, nisi potestas confe-  
crandi, & potestas ligandi & soluendi: ergo  
videtur, quod potestas ligandi & soluendi sint  
pars ordinis.

2 Item, Si degradatus restituitur, non con-  
fertur ei potestas ligandi & soluendi, sed tantum  
laxatur iurisdicção: ergo videtur, quod ipse cum  
ordine illam prius retinuit.

Solutio.

RESPONSIO. Dicendum, quod clavis est  
pars potentialis ordinis, & non separatur ab ordi-  
ne, manente ordine.

AD PRIMVM ergo dicendum, quod in de-  
gradato manet potestas absoluendi non reducibi-  
lis ad actum: & huius ratio supra dicta est, quia  
scilicet non reducitur ad actum nisi per iurisdic-  
tionem, & iurisdicção ab illo aufertur qui  
degradatur.

AD ALIVD dicimus, quod hoc dicitur vt  
denoter, quod non potest ab eo auferri potestas  
quæ est ex caractere ordinis, sed administrationis,  
secundum quod pendet ex iurisdicção quæ amif-  
sa est per degradationem.

## ARTICVLVS IV.

*An ostiarij habeant claves?*

Quarto quaeritur, Vtrum non habens ordi-  
nem sacerdotalem, habeat claves? Et hic  
quaeruntur quatuor. Primo, Vtrum ostiarij ha-  
beant claves? Secundo, Vtrum reges in vnctione  
sancti inuncti habeant claves? Tertio, Vtrum  
congregario habeat claves, ita quod nullus de  
congregatione? Quarto, Vtrum mulieres, scilicet  
priorissæ, & abbatissæ habeant claves?

AD PRIMVM sic obiicitur: Dicit Isidor.  
7. etym. Ostiarij tenentes claves, omnia intus  
extraque custodiunt: atque inter bonos & ma-  
los habentes iudicium, dignos recipiunt, & in-  
dignos respuunt. Iudicium autem quod habetur  
in potestate inter bonos & malos, est clavis, vt  
supra habitum est.

Item, Aliqua clavis est potestas respuendi  
vel recipiendi ad sacramenta. Ergo ostiarij habent  
claves.

2 Item, Cum ordinantur ostiarij, claves Ec-  
clesiæ dantur eis ab Episcopo: sed constat, quod  
in promotione spiritualis potestatis visibile &  
corporale refertur ad spirituale, sicut fit in om-  
nibus sacramentis: cum igitur clavis corporalis  
ad nihil congruentius refertur, quam ad clauem  
spiritualem, ostiarij accipiunt in suo ordine cla-  
ues spiritualis potestatis: & ita habent claves.

3 Item Isidorus ibidem dicit, Ad ostiarios  
pertinent claves Ecclesiæ vt claudant & aperiant  
templum Dei, fideles recipiant, excommunicatos  
& infideles eiiciant: sed cuius est actus, eius est  
potestas: actus autem clavis est recipere ad sacra-  
menta dignos, & eiicere indignos: & hoc est ostia-  
riorum per Isidorum: ergo & potestas talis: & hæc  
est clauis: ergo vt prius.

Sed con-  
tra.

SED CONTRA est quod habetur hic in li-  
tera, quod presbyterorum est: & Hieronym.  
super Matth. 16. Ecclesia habet claves in suis  
Episcopis & sacerdotibus. Ergo alij excluduntur.

2 Item, In ordinatione nulli nisi presbytero  
dicitur, Quorum remiseritis peccat, remittun-  
tur eis. Ergo nullus habet hanc potestatem nisi  
sacerdos.

3 Item, In sacramentis non datur aliquid spi-  
rituale, quod non significetur visibili & corpo-  
rali elemento, vt patet ex diffinitione sacramenti  
in principio disputata: sed vincula stolarum di-  
recte descendunt non dantur nisi sacerdoti: &  
hæc sunt signa vinculorum incorporaliū & spi-  
ritualium: ergo soli sacerdotes accipiunt potesta-  
tem ligandi & soluendi à vinculis.

4 Item, Cui datur potestas communionis in  
corpore vero Christi, illi debet dari & datur po-  
testas in corpore mystico præparandi ad com-  
munionem: sed soli sacerdoti datur potestas con-  
ficiendi verum corpus Christi, quod est sacra  
communio: ergo soli sacerdoti datur potestas in  
corpore mystico præparandi illud ad communio-  
nem illam: hoc autem fit per claves in pœnitentia,  
& in foro causarum: ergo solus sacerdos acci-  
pit claves.

QVOD CONCEDIMVS dicentes, quod  
ostiarij non recipiunt nisi claves materiales or-  
dinatas ad sanctificationem custodiam. Et dici-  
mus, quod Isidor. loquitur de clauibus templi  
vbi sancta & sacramenta custodiuntur: & hanc  
clauem quidam vocant clauem in custodiis tem-  
pli excubantium: & bene placet mihi nomen il-  
lud. Ad rationem autem quæ formatur ex aucto-  
ritate, dicimus quod hoc iudicium non est su-  
per causam indignitatis, sed potius super aliquos  
ab aliquo determinatos dignos vel indignos,  
scilicet à sacerdote, vel Archidiacono: sed sacer-  
dos cognoscit per seipsum qui digni & indigni  
sint. Similiter potestas recipiendi vel excludendi  
ipsius ostiarij non est ad sacramenta, sed ad locum  
sacramentorum: & ideo non habet claves ad  
sacramentorum communionem, sed loco sacra-  
mentorum congruentes: & illæ sunt materiales  
ne indigni sanctis se ingerant.

AD ALIVD dicimus, quod claves accipiunt  
ab Episcopo, non spirituales, sed ad spirituale  
aliquid ordinatas, quia ad custodiam loci sacra-  
mentorum: & falsum est, quod omnia accipiantur  
in sacramentis: ita tamen, quod quia aliquid spi-  
rituale intelligitur in eis, ipsæ personæ tractantes  
sacramenta, ordinatione indigent, vt ipsa vasa  
contingere & tactare audeant.

AD ALIVD dicendum, quod non exclu-  
dunt nec recipiunt, nisi modo prædicto, scilicet  
determinatos à superiori esse indignos vel dignos  
& ad locum sacramentorum, non ad communio-  
nem ipsorum: & hoc non est actus clavis ligandi  
& soluendi de qua hic agitur, vt patet ex præ-  
dictis.

## ARTICVLVS V.

*An reges inuncti habeant claves?*

AD secundum sic obiicitur 1. Reg. 16. de  
Dauid: Directus est spiritus Domini in eum  
à die illa, & deinceps: & loquitur de die vnctionis:  
spiritus autem Dei operatur ad remissionem pec-  
catorum: ergo reges accipiunt potestatem ad re-  
missionem peccatorum: & hæc est clavis: ergo ac-  
cipiunt claves.

2 Item,



2 Item, Vnctio significat Spiritum sanctum: cum igitur per illam constituatur super multitudinem populi Dei, videtur quod illius actus accipit potestatem quem operatur Spiritus sanctus in multitudine: est autem ille communicare multitudinem & sanctificare remittendo peccatum: ergo rex accipit potestatem illius actus: est autem ille actus clavis: ergo, &c.

*Sed contra.* CONTRA: Chrysostomus in quadam Epistola ad Basilium sic dicit: Habent quidem & mundi principes vincendi aliquam potestatem, sed in solis corporibus: hoc autem vinculum quod sacerdotibus commissum est, ipsam contingit animam: ergo reges non habent claves.

*Solutio.* RESPONSIO. Dicendum, quod reges nullam habent clauem, nec aliquam spiritualem iurisdictionem: & causa huius est, quia potestatem in sanguinem accipiunt, & inidonee cum tali potestate potestas spiritualis coniungeretur.

AD PRIMUM ergo dicimus, quod Spiritus Domini directus est in Dauid ad opera regalia perficienda: sicut est victoria in hostes corporales, & discretio in regimem vel pacem terrae, & bona populi dispositionem. Sicut enim dicitur 8. Ethicorum, Perfectio regni est regimem & statuta tendentia ad populi non regis utilitatem: & corruptio illius est in tyrannis, quando non populi, sed suam in regimine quaerunt utilitatem, & ad lucrum proprium perficiunt statuta & leges.

AD ALIUD dicendum, quod Spiritus Dei in quolibet operatur sicut organo ordinato ad actum proprium. Vnde in rege perficit regalia, & in sacerdote sacerdotalia. Et ideo non valet argumentum: quia spiritus licet peccata dimittat, tamen non solum hunc actum operatur: quia Sapient. 7. dicitur, quod spiritus sapientiae est multiplex in actibus & donis suis.

AD ALIUD dicimus, quod vnctio regis significat potestatem regni lenem in Spiritu sancto, prout decet fideles subditis imperare: vnctio autem sacerdotis alia est, ideo aliam potestatem significat.

## ARTICVLVS VI.

### An congregatio habeat claves?

Tertio quaeritur, Vtrum congregatio habeat claves, ita quod nullus de congregatione: & hoc praecipue quaeritur propter illum usum clavis, qui est excommunicare, & absolvere. Videtur autem, quod non: quia clavis non est nisi ordinis sacramentalis: nulla autem congregatio habet huiusmodi ordinem: ergo nulla congregatio habet claves.

2 Item, Clauem scientiae non potest habere multitudo, ita quod nullus singulariter, nec clauem absoluendi & ligandi in confessione: ergo a simili nec clauem potestatis excommunicandi.

3 Item, Cuius est potestas, illius est actio: ergo cuius non est potestas, eius non est actio: sed actio non potest esse multitudinis, ita quod nullius: ergo nec potestas.

4 Item, Sicut dicit noua constitutio, multitudo non potest tota excommunicari, ita quod nullus: sed singuli de multitudine possunt excommu-

nicari, & tunc multitudo erit excommunicata: ergo nec excommunicare potest, ita quod nullus.

*Sed contra.* CONTRA: Sicut est iurisdictio, ita est instrumentum & potestas iurisdictionis: sed iurisdictio est vnus in multos, & multorum in vnum, & multorum in multos, ita quod nullius per se: ergo & excommunicationis potestas quae est quasi instrumentum & potestas iurisdictionis spiritualis: ergo multitudo habet potestatem excommunicandi, ita quod nullus.

2 Item, Vnus est seruus multitudinis alicuius, ita quod nullius secundum se: ergo sic potest esse in spiritualibus: ergo habet multitudo potestatem coercendi per excommunicationem sibi rebelles.

*Solutio.* RESPONSIO. Dicendum, quod multitudo congregationis alicuius quae reducitur ad vnum, potest habere spiritualem potestatem iurisdictionis excommunicandi & absoluendi, ita quod nullus de multitudine illa: & ita concordant ciuilia. Dicit enim Philosophus 8. Ethicorum, quod ordinata potestas in duo diuiditur: tam in politegiis, id est, in regimine ciuitatis, quam in oeconomicis, id est, regimine domus. In politegiis quidem diuiditur in regnum siue monarchiam quae est principatus vnus, & aristotrachiam: & dicitur ab aris quod est virtus, & trachos quod est potestas, & est potestas plurium simul secundum virtutem, imperantium, ita quod nullius: sicut legitur de Romanis 1. Machab. 8. quod cum multa laudabilia facerent, nullus imposuit sibi diadema, sed senatum sequebantur. Tertia autem politegia quae thimotrachia dicitur, non est politegia, sed corruptio quaedam: & dicitur a thimi quod est pretium, & trachos quod est potestas: & est principatus multorum diuitum nihil habentium iuris in principatu, nisi quia diuitiis & pretiis excellunt. Est alia autem in oeconomicis gubernatio patris in filiis, similis regno, & gubernatio viri in vxore, vel in vxoribus, sicut in Veteri Testamento, similis aristotrachiae. Sic ergo possumus dicere, quod in spiritualibus sunt duo genera iurisdictionis, scilicet primae quae est regalis sacerdotij, & secundae multorum simul quibus est cor vnum & anima vna, quae est sicut aristotrachia spiritualis.

AD PRIMUM ergo contra hoc obiectum, dicimus, quod (vt prius dictum est) iste vsus clavis plus est iurisdictionis quam ordinis: & ideo ab habente clauem & iurisdictionem in excellentia potestatis potest descendere etiam in non habentem ordinem: habentem tamen iurisdictionem: & si proprie vellemus loqui, talis personalis multitudo habet usum clavis potius quam clauem.

AD ALIUD dicendum, quod non est simile de clauibus poenitentiae: quia illae non sunt nisi secundum actus personales, & in causis quae diuim respiciunt personas, sicut sunt peccata: peccata enim vnus non sunt alterius: & sicut dicit noua constitutio, peccata multitudinis nulla sunt omnino: sed iurisdictio multitudinis nonnulla est, sicut iam probatum est, tam in vrbaniatibus quam in congregationibus Ecclesiae.

AD ALIUD dicimus, quod non sequitur: sicut non est actus, &c. quia actus sunt singularium, sed potestates ex ipsa multitudine causantur.



tur. Vel concedatur ratio, & dicatur, quod actus talis excommunicationis vel absolutionis est multitudinis, & non personæ alicuius secundum se.

AD ALIUD dicimus, quod rationabilissime est constitutum, quod multitudo non possit excommunicari, quia non peccat multitudo. Et alia ratio est naturalis: quia multitudo bene causat potentiam actiuam in excellentia, sed nunquam defectum & impotentiam siue passionem. Exemplum autem huius est, quod multitudo potest trahere nauem & trahit, & nullus per se de multitudine: non tamen multitudo trahit, nisi quilibet trahat: nec multitudo mentitur, nisi quilibet mentiatur: quia abundantia virtutis in coagendo bene generatur in multitudine, sed non defectus in patiendi: & ideo non sequitur, si potest excommunicare, quod etiam possit excommunicari: vel si non potest excommunicari, quod non possit excommunicare.

## ARTICVLVS VII.

*An abbatissa & priorissa quibus committuntur regimina mulierum, habeant clauis?*

AD quartum sic obicitur: Videtur, quod abbatissa & priorissa quibus regimina mulierum & quandoque virosum committuntur, habeant clauis: quia de vsu approbato ab Ecclesia est, quod viri & mulieres faciunt professionem in manibus earum: per professionem autem accipitur iurisdictio in professos: ergo habent iurisditionem: & vi illius est clauis vel vsus clauis, ut dictum est: ergo tales fœminæ habent clauis.

2. Item, Sacerdotes sibi profitentes & condegentes cum ipsis suspendunt: ergo iurisditionem habent: ergo vsus clauis vel clauem.

3. Item, Iudicum 4. Debora prophetissa iudicauit Israël. Ergo habuit iurisditionem: ergo & alie mulieres habere possunt.

4. Item, Mulieres in potioribus spiritualium communicant quam sint ista: quod pater per Annam, & quasdam alias, quæ fuerunt prophetissæ: ergo possunt etiam in istis communicare.

5. Item, In politegiis mulier accipit iurisditionem: ergo etiam in spiritualibus.

*Sed contra.*

CONTRA Genes. 3. Sub viri potestate eris. Ergo mulier non debet esse in principatu: ergo nec habere iurisditionem: ergo nec clauis, nec vsus clauium.

1. Item 1. Corinth. 14. Mulieres in Ecclesiis taceant: non enim permittitur eis loqui, sed subditas esse. Ergo cum subditi non sit habere iurisditionem, videtur, &c.

3. Item 1. Tim. 2. Mulieri autem docere non permitto, neque dominari in virum. Et inde ut prius. Si dicatur, quod loquuntur istæ auctoritates de mulieribus viris coniunctis, & non de sanctimonialibus. Contra: Philosophus dicit, quod corruptio vrbauitatis est mulierem solam accipere potestatem. Ergo multo magis hoc iudicatur corruptio in spiritualibus: ergo mulier sola quæcunque sit, nunquam debet accipere iurisditionem.

4. Item, Super illud 1. Tim. 2. Non permitto mulieri dominari in virum: Glossa dicit, Aliqua

prælatione spirituali, etsi in suo sexu: ergo non potest habere iurisditionem super viros, sed super fœminas habere potest.

5. Item Chrysost. Nihil mulieres possunt, sed per alios cuncta perficiunt. Ergo ut prius.

RESPONSIO. Dicendum, quod mulier nullam habet clauem, nec in foro pœnitentiæ, nec in foro causarum: sed commissam sibi quoad vsus tantum aliquem potest gubernare potestatem. Dico autem potestatem commissam, ab ordine vel abbate vel à Papa concessam: quia mulier non est proprium subiectum potestatis, sed subiectionis in spiritualibus. Sed tamen ratione periculi: quia periculosum est viros gubernare fœminas continua communicatione & cohabitatione cum ipsis: ideo committitur ipsis regimen potestatis: & tantum de regimine, quantum potest, sicut præcipere secundum regulam vel consuetudines Ecclesiæ, vel instituere officiales, & iniungere quasdam pœnas pro excessibus: licet pœnitentiæ non propriè dicantur. Sed nulla clauis vel vsus clauis potest eis committi.

AD PRIMVM ergo dicimus, quod obedientia non promittitur abbatissæ ut superiori vel habenti curam animarum: sed per ipsam promittitur abbati, vel Episcopo, vel Papæ: & propter periculum cohabitationis permittitur abbatissæ recipere. Et hoc mihi videtur, nisi auctoritas superioris aliud forte iudicauerit: quia in talibus puto standum esse Pontificum & superiorum iudicio: sed secundum dicta Sanctorum illud videtur dicendum.

AD ALIUD dicendum, quod mulier non suspendit, sed excessus: & est sententia canonis, quando contra constitutionem vel consuetudinem venit à muliere denunciata.

AD ALIUD dicendum, quod Debora iudicauit in temporalibus: sed in diuinis iudicium spectabat ad sacerdotes.

AD ALIUD dicendum, quod non est simile: quia prophetia est secundum illuminationes diuinas in quibus non est masculus nec fœmina, sed imago Dei in vtroque illustrata: sed in iurisditione & potestate non sunt æquales vir & mulier.

AD ALIUD dicimus, quod in politegiis potest habere & sola & cum aliis dominatum: quia hoc est temporale, sed non in spiritualibus, rationibus supra inductis.

AD HOC quod Glossa videtur dicere, quod non habeat dominatum nisi in simili sexu, dicimus quod de mutuata potestate intelligitur, quoad quædam, scilicet iniunctiones pœnarum, & huiusmodi, quæ supra dicta sunt: & non quoad clauis, vel vsus clauis.

## ARTICVLVS VIII.

*An per clauem iurisditionis valeat aliquis plus vna vice ante absolutionem à priori excommunicari: & an absolutus ab vna excommunicatione sit absolutus ab alia?*

UT etiam valeat ad claudendum, &c. Hic queruntur quatuor. Primo, Vtrum per clauem



clauem iurisdictionis in causis valeat aliquis plus vna vice ante absolutionem excommunicari. Secundo, Vtrum illa clauē potest vti aduersus maiorem se, vel contra seipsum? Tertio, Si potest ea vti in alienos, vel in suos subditos tantum? Quarto, Si nolentem sibi subditam potest absoluerē?

Ad primum sic obiicitur: Dicit Origenes, Qui est extra, non potest magis fieri: sed excommunicatus est extra: ergo, &c. ergo sequens excommunicatio nihil operatur in ipso.

2 Item 1. Corinth. 5. Quid ad me de his qui foris sunt iudicare? Ergo qui extra est per penitentiam, non pertinet amplius ad Ecclesiam iudicare ipso: ergo nec excommunicari potest pluries.

3 Item, Interfectus non potest amplius interfici: sed excommunicatus est interfectus gladio spirituali: ergo, &c.

4 Item, Priuationes non recipiunt magis & minus: tam enim cæcus est vna cæcitate quam duabus vel tribus: nec vna cæcitate cæcus, potest etiam alia cæcitate esse cæcus: cum igitur excommunicatio non sit nisi priuatio communionis, non potest aliquis plus excommunicari quam semel.

*Sed contra.* SED CONTRA hoc est totus vsus Ecclesie militantis. Pluribus enim de causis aliquis pluries excommunicatur. Sed Ecclesia vniuersalis non errat. Ergo aliquis potest pluries excommunicari.

*Quæstio.* ITEM quæritur vterius, Vtrum absolutus ab vna excommunicatione, sit eo ipso etiam absolutus ab alia, si pluribus excommunicationibus excommunicatus fuerit? Et videtur, quod non: quia causa pro qua excommunicatur, non dependet à causa: ergo nec excommunicatio ab excommunicatione: ergo nec absolutio ab absolutione: ergo absolutus ab vna, non est absolutus ab alia.

*Sed contra.* SED CONTRA: Tantum est extra communionem per vnam, sicut per plures: ergo nihil valet ei absolutio ab vna sine alia: sed nihil facit Ecclesia quod non valet: ergo Ecclesia non absoluit eum ab vna sine alia.

2 Item, Non absoluitur ab excommunicatione nisi absoluitur à peccato: sed à peccato vno non absoluitur nisi ab omnibus absoluitur: ergo, &c.

*Solutio.* RESPONSIO. Dicendum, quod excommunicatus vna excommunicatione, potest etiam alia excommunicari duabus de causis. Vna est, quod licet priuationes in se non multiplicentur in eadem specie, nec intenduntur & remittantur: tamen in suis causis multiplicantur, & intenduntur, & remittuntur. Vnde vna cæcitate cæcus, potest esse cæcus pluribus de causis: & quanto causa sunt plures & fortiores, tanto longior est à visu: & vna causa potest solui sine alia. Et sic excommunicatio magis elongat: quia est pluribus causis multiplicata & fortioribus. Alia causa est: quia duo sunt effectus vel potius defectus excommunicationis: vnus est eiicere, alius est extra retinere. Quantum ad primum licet non crescat pluries facta excommunicatio, tamen causa crescit quantum ad secundum. Ad primum ergo patet solutio per prædicta quia magis potest retineri extra, licet non plus extra fieri.

AD ALIVD dicendum, quod loquitur Apostolus. *Alb. Mag. in Lib. 4. Sentent.*

stolus de illis qui nunquam per susceptionem fidei & sacramentorum fuerunt intus: & illi non possunt excommunicari nisi in casu, scilicet si forefaciunt illis qui sunt intus: & illa excommunicatio tunc non facit talem extra, sed interiores retrahit à conuersatione & à communione sua in actibus legitimis.

AD ALIVD dicimus, quod excommunicatus non omnino interfectus est quantum ad Ecclesiam militantem, sed traditus est diabolo vexandus: & ideo amplius potest vulnerari.

AD ALIVD patet solutio per principium istius solutionis.

AD ID quod quæritur, dicimus quod potest absolui ab vna excommunicatione, ita quod non ab alia. Ad obiectum contra, dicimus quod valet ei absolutio ab vna: quia iam paucioribus vinculis & causis retinetur extra: & ideo facilius patet ei reductus ad communionem.

AD ALIVD dicimus, quod non est simile: quia etiam sine peccato potest aliquis excommunicari. Vnde cum excommunicatio fiat secundum forum Ecclesie militantis, & remissio peccatorum secundum misericordiam Dei qui regnat in Ecclesia triumphante: non est verum, quod excommunicatio non absoluitur nisi peccato remisso: imo potius peccato remisso per contritionem, adhuc potest remanere excommunicatio, & remissa excommunicatione per absolutionem, adhuc potest manere peccatum quoad Deum. Vnde illa obiectio fundatur super falsum.

## ARTICVLVS IX.

*An sacerdos potest vti clauē iurisdictionis aduersus maiorem, æqualem, vel minorem se?*

Secundo quæritur, Vtrum sacerdos vel Episcopus clauē iurisdictionis vti potest aduersus maiorem se, vel æqualem, vel seipsum? Videtur, quod sic per illud Galat. 1. vbi Paulus excommunicat se, & Angelum aliud euangelizantem excommunicat: ergo se & maiorem potest excommunicare: ergo multo magis æqualem. Si dicatur, quod loquitur de Angelo malo qui minor est Paulo. Contra: Dicit Glossa, Angelus de cælo bonus vel malus. Si ideo dicas, quod Angelus est minor Paulo. Contra: Dicitur Matt. 2. Qui minor est in regno cælorum, maior est Ioanne Baptista: quo maior inter natos mulierum non surrexit: ergo & maior Paulo. Præterea, Christus propter passionem minoratus est ab Angelis: ergo & Paulus.

2 Præterea, Sacerdos in Ecclesia excommunicat pro furto: & ponatur quod maior eo vel ipsemet illud fecerit. ergo excommunicabit tunc maiorem vel patrem, vel seipsum.

CONTRA: Canon dicit, quod par in parem non habet iurisdictionem & potestatem: ergo nec potestatem excommunicandi maiorem, vel æqualem, vel seipsum: quia sicut dicitur in geometria, quodlibet sibi æquale est quantum ad hoc quod nec exceditur à se, nec excedit seipsum.

RESPONSIO. Concedimus, quod nullus potest excommunicare maiorem, vel æqualem, vel seipsum.

AD PRIMUM ergo dicimus, quod Paulus loqui



loquitur sub hypothefi, ficut dicit Altifiod. Sicut impossibile est Angelum hoc facere, vel nos: ita, &c. Vel melius dicatur, quod Apostolus non fert sententiam, sed dicit iustitiam excommunicationis ferendam. Quasi diceret, Iustum est excommunicari talem: quia iam definit esse Angelus bonus, vel Apostolus, & impugnat fidem & sacramenta.

AD ALIVD dicimus, quod sacerdos in tali casu nullum excommunicat: quia par in parem nulla est iurisdicatio.

## ARTICVLVS X.

*An aliquis clauē iurisdictionis potest uti in subditos alienos?*

**T**ertio quæritur, Vtrum potest ea uti in alienos subditos? Viderur, quod sic: quia diocefanus potest ratione delicti, etiam non sibi subditos excommunicare & absolvere, ficut dicit decretalis: ergo & sacerdos.

2 Item, Legatus in transitu etiam illos qui non sunt de legatione sua absoluit: ergo parochianus & Episcopus potest similiter facere.

3 Item, Matth. 15. vbi dicit, Non sum missus, &c. tamen saluauit alienigenam: ergo, &c. Item per Samaritanam quæ non erat de Israël, probatur idem Ioan. 4.

*Sed contra.*

SED CONTRA: Dicit constitutio, quod nullus mittat falcem in messem alienam: sed aliena messis, alienus est subditus: ergo non licet ei alienum excommunicare vel absolvere.

2 Item, Multa sunt decreta, quod Episcopis Egypti subditi sunt Egyptij: & Episcopis Thraciæ, Ecclesiæ Thraciæ: & quod non liceat subditum alterius alteri Episcopo ordinare vel recipere: ergo non excommunicare potest eum vel absolvere.

*Solutio.*

RESPONSIO. Dicendum, quod nullus potest iurisdictionem suam ultra quam sibi à suo superiori permissum est, in alienum subditum extendere excommunicando vel absoluendo, vel etiam in pœnitentia absoluendo, nisi eo modo quo supra distinctione 17. dictum est.

AD PRIMVM dicimus, quod ratione delicti ex constitutione Papali efficitur quis alterius fori: & hoc factum est in pœnam: vnde in aliis casibus non potest fieri.

AD ALIVD dicimus, quod non est simile de Legatis & aliis: Legatus enim Apostolicæ sedis, debet habere reuerentiam: & ideo patitur Papa ut his per quos transit, beneficium impendat, ut deuotiores sint ad honorem sibi exhibendum. Secus autem est in aliis Episcopis & plebanis: & ideo talia facere non possunt.

AD ALIVD dicendum, quod loco Christi in terris non est nisi vnus Papa: & ille potest facere in omnibus: sed alij in partem solitudinis vocati sunt, & ideo non licet eis extendere iurisdictionem ultra quam permissum est eis.

## ARTICVLVS XI.

*An Episcopus potest absolvere nolentem?*

**Q**uarto quæritur, Si nolentem subditum potest absolvere Episcopus vel sacerdos? Viderur, quod sic: quia dicit August. quod multa bona præstantur inuitis: sed summum bonorum in via est absolutio ab excommunicatione: ergo hæc potest præstari etiam inuito subdito.

2 Item, Pater carnalis multa facit circa filium, inuito filio: sed sacerdos vel Episcopus, est pater spiritualis: ergo à simili, &c.

3 Item, Excommunicari potest inuitus: cum igitur Ecclesia potentior sit in beneficiis, quam in pœnis, potest absolui inuitus.

SED CONTRA: Quodcunque solueris super terram, erit solutum & in cælis: & si non est solutum in cælis, non erit solutum in terris: sed nullus dissentiens absolutioni, absoluitur in cælis: ergo nec in terris potest absolui.

RESPONSIO. Dicendum, quod aliquis à vinculo excommunicationis absolui potest etiam inuitus, sed non à vinculo peccatorum in confessione.

ET AD obiectum contra, dicimus quod hoc intelligitur de absolutione quæ fit in foro confessionis à peccatis, & non de illa quæ fit in foro causarum & iurisdictionis ab excommunicatione. Vel dicatur, quod etiam à Deo reputatur absolutus ab excommunicatione, licet non reputetur absolutus à peccato: & tunc hæc est falsa, quæ destruit consequens: sed non est absolutus in cælo, id est, coram Deo.

*Si alteram clauem omnes habeant, scilicet potentiam ligandi & soluendi?*

**B**VMOQUE iam constet non omnes sacerdotes illas duas clauēs habere, quia scientia discernendi plerique carent: de altera, id est, potentia ligandi & soluendi quæritur, Vtrum omnes sacerdotes eam habeant? Quidam enim hanc potestatem putant illis solis esse concessam, qui doctrinam simul ac vitam Apostolorum seruant. Illas enim clauēs promisit Dominus Petro, & imitatoribus eius tantum, ut aiunt, qui etiam auctoritatibus vtuntur in munimentum suæ opinionis. Hoc enim dicunt August. sensisse, vbi superius ait: Remissionem peccatorum vel per seipsum facit Deus, vel per

*In lib. de baptismo con-*



per columbæ membra. Dicit etiam idem peccata dimitti vel teneri à sanctis. Item super Exodum, vbi de lamina aurea legitur, Erat autem lamina aurea semper in fronte sacerdotis. Hæc, inquit, significat fiduciam bonæ vitæ, quam qui vere perfecteque, non significatione sed veritate sacerdos habet, solus potest auferre peccata. Item Gregorius, Illi soli habent in hac carne positi potestatem ligandi & soluendi, sicut sancti Apostoli, qui illorum exempla simul cum doctrina tenent. Item ex dictis Origen. Hæc potestas soli Petro concessa est, & imitatoribus Petri. Nam quicumque vestigia Petri imitantur, habent rectè ligandi & soluendi potestatem. His aliisque testimoniis innituntur, qui asserunt potestatem ligandi ac soluendi illis solis concessam sacerdotibus, qui vita & doctrina pollent sicut Apostoli.

tra Do-  
natistas.  
cap. 10.  
Exo. 18.

In tra-  
ctatu  
Euange-  
liorum,  
homil. 1.

## ARTICVLVS XII.

*An boni & mali habentes iurisdictionem habeant clauis?*

**D**Einde quæritur de hoc quod dicit ibi [Quidam enim putant hanc potestatem illis tantum esse concessam, qui doctrinam simul & vitam Apostolorum seruant, &c.] Isti sunt illi hæretici qui vocantur Caractari. Videtur autem ratio facere pro illis. Matth. 16. vbi Dominus dedit clauis Petro & successoribus suis: voluit præmittere testimonium confessionis, quia non reuelauit ei caro & sanguis. Ergo qui viuunt secundum carnem & sanguinem, non perseverant in illa confessione: ergo tales non habent clauis.

2 Item, Sapientiæ 1. In maleuolam animam non introibit sapientia nec habitabit in corpore subdito peccatis. Ergo cum Christus sit Dei virtus & sapientia, Christus non inhabitat tales. Ergo nec opera suæ potestatis exercet per tales: sed opera suæ potestatis sunt opera clauium: ergo tales non faciunt aliquid per clauis, nec habent eas.

3 Item, Ab immundo quis mundabitur? sed non habens vitam & scientiam, immundus est: ergo nihil mundare potest: ergo nec clauis habet: quia clauis operantur ad munditiam.

4 Item, In præcedenti dist. dicit Augustinus, quod Deus remittit peccata per columbam, vel columbæ membra: sed isti non sunt columba, neque membra columbæ: ergo nec remittunt: ergo nec clauis habent, quia clauis dantur ad remissionem peccatorum, ut dicitur Ioan. 20.

5 Item, Contra totam naturam esse videtur: quia nihil in natura inferiori mouet operatione alicuius formæ quam non habet per se: sed per accidens erit si sic mouebit. Verbi gratia, calidum calefacit, & non calidum non potest calefacere, & sic de aliis: ergo cum gratia sit perfectio naturæ, videtur quod nec in gratia potest aliter esse: ergo peccator à peccatis mundare non potest: ergo nec habet clauis, nec vsum clauium.

6 Si dicas, quod tales inhabitat Christus per potestatem, sed non per vitæ sanctitatem: & ideo per potestatem Christi in clauibus acceptam operari remissionem possunt in aliis, cum tamen ipsi

*D. Alb. Mag. in Lib. 4. Sentent.*

subiaceant peccatis. Contra: 2. Cor. 6. Quæ conuentio Christi ad Belial? ergo non est aliquis homo qui partim sit Christi, & partim diaboli: imo totus est Christi, vel totus diaboli.

CONTRA: Matth. 23. Super cathedram Moyfi, &c. Ergo obediendum est in sacramentorum & doctrinæ dispensatione etiam malis: hoc autem non esset, si clauis non haberent: ergo clauis habent.

Sed con-  
tra.

2 Item, Supra probatum est, quod dispensandi alia sacramenta potestatem etiam mali habent: ergo habent potestatem etiam in isto: ergo habent clauis, quia non nisi per clauis operantur in isto sacramento.

3 Item, Omnia excellentius in natura operantia faciunt actum formæ, qua non disponuntur: sicut Iuppiter calefacit, & humectat, & tamen non est calidus nec humidus: & Mars immoderate calefacit & exiccat, & tamen non est calidus nec siccus, & sic de aliis. Cum igitur principia gratiæ non sint minus efficacia principis naturæ, potest aliquis operari ad peccatorum dimissionem, cui peccata non sunt dimissa.

4 Item, In officiis humanis non refert, utrum clauiger consentiat in distributionem eorum quæ clauibus recluduntur, vel dissentiat, dummodo Dominus velit dispensare: ergo similiter est hic in clauibus diuinis: ergo non refert siue bonus siue malus sit minister, dummodo bonus sit Dominus.

RESPONSIO. Dicendum, quod boni & mali sacerdotes habent clauem, si habent iurisdictionem: habent etiam clauium executionem.

Solutio.

AD PRIMUM ergo contra, dicimus quod duo Dominus laudauit in Petro, scilicet dignitatem ad clauem percipiendam, & veritatis fidei soliditatem: sed tamen clauis perceptionem non fundauit nisi super alterum illorum, scilicet super fidei veritatem. Et verum est, quod omnis sacerdos in forma fidei & fidelium ordinatus, accipit clauis, sed ad damnationem suam accipit, si non est bonæ vitæ & scientiæ sufficientis.

AD ALIUD dicendum, quod intelligitur quantum ad inhabitantem gratiam, & non quantum ad operationem gratiæ gratis datæ.

AD ALIUD dicimus, quod auctoritas illa loquitur in his qui ex habitu immunditiæ operantur: & hæc sunt mala opera, & mala exempla.



& hoc patet per illud quod ibi sequitur, & à mendace quod verum est dicitur: quia à mendace possunt multa vera dici: sed nihil verum dicit, ex habitu mendacij loquens.

AD ALIUD dicimus, quòd membra columbæ sunt duplicia, scilicet quantum ad motum, & quantum ad sensum: huiusmodi ergo prælati sunt membra columbæ quæ mouentur tantum ad vtilitatem aliorum: sed non sentiunt per experimentum gratiam columbæ viuificantis in spiritu.

AD ALIUD dicimus, quòd licet ita sit in inferioribus elementis & elementatis: in superioribus tamen non est verum, vt probat obiectio in contrarium facta. Vel aliter & melius dicendum, quòd illud simile ostendit quales debeant esse digni ministri, & non quales sint necessario: quia non nisi per accidens potest aliquid cooperari ad ad suum contrarium, sicut dicit Philosophus in

2. Meteor. quia magis calidum esse quandoque cooperatur ad maius frigus: sicut nubes calida rara est, & raram vndique recipit circumstans frigus, propter quod fit, quòd frigus magis profundatur in tali nube, & solidatur in grandines: tamen ex alia minus calida non nisi pluuia generatur: quoniam non est generale in natura quod adducitur pro simili.

AD ALIUD dicimus, quòd tales non inhabitat Christus: quia non dicitur inhabitare nisi quos inhabitat per gratiam gratum facientem: sed in aliis est, sed non inhabitat. Et quòd hoc non sit inconueniens, patet: quia in quibusdam solum est per operationem miraculorum & prophetiarum, & tamen membra sunt diaboli: & per asinam operatus est, & tamen asinam non habitauit: & ideo nihil facit hoc quod adducitur de 2. Cor. 6. quia ibi loquitur Apostolus de illis, qui putabant in peccatis Deum haberi per gratiam inhabitantem.

### *Aliorum sententia verior.*

**C**LIIS autem videtur, quod & mihi placere fateor, cunctis sacerdotibus hanc clauem dari, scilicet ligandi & soluendi: sed non eam rectè ac dignè habent, nisi qui vitam & doctrinam Apostolicam seruant. Nec præmissæ auctoritates malos sacerdotes hanc potestatem negant habere: sed illos solos dignè ac rectè hac potestate vti significant, qui præditi sunt vita & doctrina Apostolica: quia soli ipsorum Apostolorum imitatores dignè rectèque possunt ligare & soluere. Et per Dominum tantum vel per Sanctos in quibus habitat Spiritus sanctus, dignè & rectè fit remissio vel retentio peccatorum. Fit tamen & per illos qui sancti non sunt, sed non dignè vel rectè. Dat enim Deus benedictionem dignè poscenti etiam per indignum ministrum. Quod vero hanc potestatem habeant omnes sacerdotes, Hieron. testatur super illum locum Mat. 16. cum Euangelij, vbi Dominus dixit Petro, Tibi dabo clauem regni cælorum. Habent enim, inquit, eandem iudiciariam potestatem alij Apostoli, habet & omnis Ecclesia in Episcopis & presbyteris: sed ideo Petrus eam specialiter accepit, vt omnes intelligant, quòd quicumque ab vnitatem fidei & societate Ecclesiæ se separauerit, nec à peccatis solui, nec cælum potest ingredi. Item quòd sacerdos, etiam si malus sit, gratiam tamen transfundit pro suæ dignitatis officio, Augustinus ostendit dicens, Dictum est à Domino in Numeris ad Moysen & Aaron sacerdotes, Vos ponite nomen meum super filios Israël, & ego Dominus benedicam eos, vt gratiam traditam per ministerium ordinati transfundant hominibus, nec voluntas sacerdotum obesse vel prodesse possit, sed meritum benedictionem poscentis. Quanta autem sit dignitas sacerdotalis officij & ordinis, hinc aduertamus. Ioan. 11. Dictum est de nequissimo Caypha inter cætera, Hoc autem à semetipso non dixit: sed cum esset pontifex anni illius, prophetauit: per quod ostenditur spiritum gratiarum non personam sequi digni vel indigni, sed ordinem traditionis: vt quamuis aliquis boni meriti sit, non tamen possit benedicere nisi fuerit ordinatus, vt officij ministerium

Lib.  
quæst. ex  
Veteri  
Testa-  
mento.  
quæst. 11.



nisterium exhibeat. Dei autem est effectum tribuere benedictionis. Hinc euidenter ostenditur ordinem non priuari potestate tribuendi gratiam ob ministri indignitatem. Huic tamen August. sententia videtur obuiare quod ait Esichius, Sacerdotes, inquit, non propria virtute benedicunt, sed quia figuram Christi gerunt, & propter eum qui in ipsis est, plenitudinem benedictionis tribuunt, nec solum is qui sacerdotium fortitus est, sed quicumque Christum in se ipso habet, & eius figuram gerit, per conuersationem bonam, sicut Moyse, idoneus est vt benedictionem præstet. Ecce hic habes, quod non solum sacerdotes, sed omnis in quo Christus habitat, benedictionem præstat. Sed alia est benedictio, quæ solis sacerdotibus congruit: alia quæ ab omnibus bonis communiter exhibetur. Denique illi sacerdotes in quibus Christus habitat, benedictionis plenitudinem tribuere dicunt: non quia soli illi transfundant gratiam, sed quia illi soli licite & digne id agunt. Nec subditos mala vita sacerdotis lædit, si bona faciunt quæ ille dicit. Vnde Gregorius, Multi dum plus vitam sacerdotum quam suam discutunt, in erroris foueam dilabuntur: minus considerantes, quod non eos vita sacerdotum læderet, si humiliter bonis sacerdotum admonitionibus aurem accommodarent.

ARTICVLVS XIII.

*An boni & mali æquè rectè & digne habent potestatem clauium?*

**S**ed non æquè rectè ac digne habent, &c.] Contra: Omnis qui vtitur potestate ad vsum ad quem est vsum, rectè habet potestatem: sed isti sic vtiuntur potestate: ergo habent eam rectè: sed tales rectè baptizant, & rectè absoluunt: ergo, &c.

*Solutio.*

**R**ESPONSIO. Duplex est rectitudo potestatis, scilicet ad actum & ad subiectum: & ad actum quidam rectè se habent, sed non rectè ad subiectum. Per hoc patet solutio ad vtrumque: quia in sensu illo procedunt, quo rectitudo sumitur ad actum.

ARTICVLVS XIV.

*An Moyses & Aaron fuerunt sacerdotes, & quam differenter?*

**A**D Moysen & Aaron sacerdotes, &c.] Contra: Solus Aaron fuit pontifex, & non Moyses, sicut apparet Leuit. 8.

*Solutio.*

**R**ESPONSIO. Dicendum, quod Moyses dicitur sacerdos, non officio oblationes offerendi, sed sacra pandendi: quia immediate sacra à Deo accepta populo dedit, & ei oblationes ordinauit.

D. Alb. Mag. in Lib. 4. Sentent.

ARTICVLVS XV.

*An Cayphas bene dicatur propheta?*

**C**um esset pontifex anni illius prophetauit, &c.] Videtur hoc falsum: quia Glossa 1. Cor. 13. dicit, Propheta non est nisi ab intellectuali visione: sed ille non habuit visionem intellectualem, quia non sic intellexit quod dixit, vt dicit Euangelista Spiritum sanctum intellexisse: ergo non prophetauit.

2. Item Daniel. 10. Intelligentia opus est in visione. Cum igitur iste intelligentiam non habuit, non prophetauit.

3. Item videtur falsum quod dicit Euangelista. Hoc autem à se non dixit: quia qui dicit falsum, & peccatum, dicit à semetipso. Iste dicit falsum, & peccatum: ergo, &c. Probatio prima. Ioan. 8. Cum loquitur mendacium, ex propriis loquitur. Probatio secunda est: quia cum diceret, Expedi, &c. intellexit de utilitate temporali, & de morte iniqua Christi: & hoc modo falsum est, ergo, &c.

**R**ESPONSIO. In dictione Cayphæ quatuor fuerunt, scilicet dicentis intentio quæ mouet dicentem, & dicentis intellectus quem ipse in verbis intellexit, & modus talis verborum per quem dixit, & ipsa vox quam dixit. Primum horum fuit iniquum, secundum falsum, & neutrum à Spiritu sancto. Sed tertium fuit à Spiritu sancto. Cum enim voluit dicere, rexit dictionem Spiritus sanctus, vt tali modo exprimeretur, in quo pronuntiaretur necessitas passionis Christi. Vox autè ipsa relata ad exemplar æternum, vnum sensum verum præstendit Christi fidelibus: sed relata ad intellectum & intentionem dicentis, alium sensum præstendebat.

Q 3



rendebar infidelibus. Vnde in duobus ultimis dicit Euangelista, quod à semetipso non dixit: & debet intelligi cum præcisione, ut sit sensus, quod tantum à semetipso non dixit.

AD PRIMVM ergo dicimus, quod Prophetia non fuit. Sed non sequitur, si Propheta non fuit, quod ergo non prophetavit: sicut asina rationale animal non fuit, sed actum rationalis animalis habuit: & aliquis qui cantor non est, quan-

doque tamen cantat. Et per hoc etiam patet solutio ad aliud: quia in visione constituitur prophetiam, opus est intelligentia, sed non in omni visione prophetantis: quia sic omnis visio prophetica esset intellectualis: & hoc falsum est, quia secundum hoc euacuarentur duo genera visionum, scilicet corporalis, & spiritualis.

AD ALIUD patet solutio per distinctionem in principio positam.

*De hoc quod scriptum est in Malachia, Maledicam benedictionibus vestris.*

Malach.  
1. Ezech.  
13.

**R**ÆMISSÆ vero vero sententiæ qua dicitur, etiam per mali sacerdotis ministerium transfundi gratiam benedictionis, videtur obuiare quod Dominus per Malachiam prophetam malis sacerdotibus comminatur: Maledicam benedictionibus vestris. Et alibi, Væ his qui viuificant animas quæ non viuunt, & mortificant animas quæ non moriuntur. Si enim maledicit Dominus benedictionibus eorum, & si animæ quas viuificant, non viuunt: quomodo per eos gratia benedictionis transfunditur? Sed illud capitulum, Maledicam, &c. quidam referunt ad hæreticos, qui ab Ecclesia præcisi sunt, & ad excommunicatos quorum benedictiones fiunt maledictiones his qui eorum sequuntur errores. Illud vero alterum, scilicet viuificant, &c. super omnes illos sacerdotes exponunt, qui absque clauæ scientiæ & forma bonæ vitæ præsumunt ligare vel soluere. Sed nullus officio sacerdotis uti debet, nisi immunis sit ab illis quæ in aliis iudicat: alioquin seipsum condemnat.

Rom. 1.

ARTICVLVS XVI.

*An hæretici vel mali prælati Christiani conferant benedictionem?*

**M**Aledicam benedictionibus, &c.] Ex hoc & aliis quibusdam inductis videtur, quod hæretici & mali Christiani prælati, nullam conferant benedictionem: tamen hoc supra in tractatu de baptismo & Eucharistia improbatum est, ubi agitur de baptismo dato hæreticis, & de Eucharistia consecrata ab illis. Sed contra: Hæreticus baptizat & baptizatum est, confirmat & confirmatum est, & sic de aliis: ergo etiam si excommunicat & excommunicatum est, & absoluit & absolutum est, quod falsum est.

RESPONSIO. Cum dicitur, Maledicam benedictionibus vestris, intelligitur virtute grammaticæ per pronomem discretum, id est, quæ ita vestra sunt, quod non mea: suis enim Dominus nunquam maledicit. Constat autem, quod in sacramentis solus Deus per se operatur intus, sed homo ministerium facit extra: & ideo effectus sacramentorum, non hominis, sed Dei sunt benedictiones. Sed non sequitur, baptizat & baptizatum est, &c. ergo si excommunicat excommunicatum est, &c. quia excommunicatio est iurisdictionis quæ est hominis, & fit in ea actus hominis prælati & habentis iurisdictionem super alios homines: & ideo iste actus quandoque maledicitur à Deo & benedicitur: benedicitur quando hæreticus maledicit excommunicando: & maledicitur, cum benedicit absoluendo.

*Qualis debet esse index Ecclesiasticus.*

Lib. de  
vera &  
falsa  
pœnit.  
cap. 10.  
Rom. 1.

**V**ALEM autem oporteat esse quia aliorum iudex constituitur, August. describit ita dicens, Sacerdos cui omnis offertur peccator, ante quem statuitur omnis languor, in nullo eorum sit iudicandus, quæ in alio iudicare est promptus. Iudicans enim alium qui est iudicandus, condemnat seipsum. Cognoscat ergo se, & purget in se quod alios videt sibi offerre, caueat ut à se proiecerit,



iecerit, quicquid in alio damnosum reperit. Animaduertat, quod qui <sup>Ioan. 8.</sup> sine peccato est, primus in illam lapidem mittat. Ideo enim liberauit peccatricem, quia non erat qui iuste proiiceret lapidem. Quomodo lapidaret, qui se lapidandum cognosceret? Nullus enim erat sine peccato, in quo intelligitur omnes fuisse reos. Nam venialia remittebantur per cerimonias. Si quod ergo in eis peccatum erat, criminale erat. In hoc ergo patentissimum est, crimen sacerdotum esse detestabile, qui non prius iudicant antequam alios alligant. Caueat spiritualis iudex, sicut non commisit crimen nequitiae, ita non careat munere scientiae. Oportet ut sciat cognoscere quicquid debeat iudicare. Iudiciaria enim potestas hoc postulat, ut quod debet iudicare discernat. Diligens ergo inuestigator sapienter interroget e peccatore, quod forsitan ignorat vel verecundia velit occultare. Cognito vero crimine, varietates eius non dubitet inuestigare, & locum, & tempus, & cetera quae supra diximus, quibus cognitis, adsit beneuolus, paratus erigere, & secum onus portare: habeat dulcedinem in affectione, discretionem in varietate, doceat perseuerantiam, caueat ne corruat, ne iuste perdat iudiciariam potestatem. Etsi enim poenitentia possit ei acquirere gratiam, non tamen mox restituit in potestatem primam. Et si Petrus post lapsum restitutus fuerit, & saepe lapsis sacerdotibus reddita sit dignitatis potestas, non tamen est necesse, ut omnibus concedatur quasi ex auctoritate. Inuenitur auctoritas quae concedit & quasi imperat. Inuenitur auctoritas alia quae non concedit, sed vetat: quae Scripturae non repugnant, sed concordant: cum enim tot sunt qui labuntur, ut pristinam dignitatem ex auctoritate defendant, & quasi usum peccandi sibi faciant, recidenda est spes ista. Si vero locus est ubi ista non concurrant, restitui possunt qui peccant. Ex his satis perpenditur, qualis debeat esse sacerdos qui alios ligat & soluit: discretus scilicet, & iustus: aloquin mortificat saepe animas quae non moriuntur, & viuificat quae non viuunt, & ita incidit in maledictionis iudicium. Illud autem Malachiae, scilicet, Maledicam benedictionibus <sup>Malac. 2.</sup> vestris, siue super hereticos tantum & excommunicatos, siue super omnes sacerdotes qui vita & scientia carentes benedicere presumunt, dictum accipiatur, sic intelligi potest: Maledicam benedictionibus vestris, id est, his quae in eis benedictionibus possidetis: quia faciam ea cedere vobis in maledictionem, non in benedictionem. Quia etsi benedicunt Sanctis, non hoc faciunt ex vero corde: & ideo eorum benedictio eis vertitur in maledictionem. Vel maledicam benedictionibus vestris, id est, quod a vobis benedicunt, a me erit maledictum: quia benedicunt inique agentibus, adulanturque peccantibus, dummodo diuites sint.

ARTICVLVS XVII.

*An fraterna correctio sit bene diffinita  
a Magistro?*

**Q** Valem autem oporteat esse qui aliorum est iudex, &c.] Gratia huius, quia correctio pertinet ad iudices, quaremus de correctione fra-

terna sex, scilicet Quid sit? Cuius sit? Tertio, Vtrum omnes tenentur ad correctionem fraternam? Quarto, Vtrum sit omnium in omnes, vel in quosdam tantum? Quinto, Quo ordine fieri debet? Sexto, In quo differt a correctione iudiciaria?

De primo dicunt Magistri, quod correctio fraterna est admonitio fratris de emendatione delicti ex fraterna charitate procedens: sed cum



admonitio sit obliti & peccans in actu non peccet ex obliuione, male ibi ponitur admonitio.

2 Item, Admonitio non sonat in accusationem aliquam: sed corrigens fratrem, aliquando accusat coram iudice: ergo ut prius.

3 Item, Ma. h. 18. Si peccauerit in te frater tuus, corripe, &c. Corripiendo autem sonat in quandam asperitatem & increpationem per verba: sed non admonitio: ergo fraterna correctio quæ correptio à Domino dicitur, male diffinitur per admonitionem.

4 Item queritur de hoc quod dicit, De emendatione delicti. Possum enim corripere fratrem non tantum de delicto perpetrato, sed etiam de signo delicti perpetrandi ut caueat: ergo male dicitur, De emendatione delicti.

5 Item obiicitur de hoc quod dicit, Ex fraterna charitate procedens. Quia secundum hoc non corripere, nisi qui haberet charitatem: cum tamen hoc non oporteat, ut infra patebit.

*Solutio.*

RESPONSIO. Diffinitio hæc optima est. Admonitio enim est in spiritu lenitatis correctio: ut videatur potius admonendo quam exasperando corrigere.

AD PRIMUM ergo dicimus, quod omnis peccans excidit ab intellectu, ut dicit Aristot. & sequitur partem rationalis conuersionis, præcipue quantum ad iudicium superioris partis rationalis & synderisis, quod semper est rectum: & quantum ad hoc dicitur hic admonitio ad reuersionem ad lucem intellectus, qui regit viam iuris & non errat: & hoc modo dicitur Isa. 46. Redite præuicacatores ad cor.

AD ALIUD dicendum, quod generaliter correctio fit propter huiusmodi admonitionem fratris: & si euigilat, bonum est corrigenti: si non, tunc primo locum habet accusatio, & ideo accusatio actus est consequens correctionem, & debetur confirmato in malo qui difficulter corrigitur: & ideo primus & essentialis actus est admonitio, & per illum diffinitur.

AD ALIUD dicimus, quod admonitio prout hic sumitur modo prædicto, aliquam habet in se correctionem: quia ostendit malum cum increpatione moderata, eo quod excidit à regimine intellectus: hoc enim hic sonat admonitio.

AD ALIUD dicimus, quod delictum sumitur hic coniunctim, prout est in actu exteriori & interiori, qui per signum extra demonstratur, quia iam incipit esse delictum, quando intus incipit radicari.

AD ALIUD dicimus, quod fraterna charitas dicitur à modo fraternæ charitatis in actu correctionis: sicut præcipit Apostolus, Galat. 6. In spiritu lenitatis corrigite illum. Vnde non oportet, quod semper procedat ex hoc habitu, sed quandoque procedat à modo vel zelo fraternæ charitatis.

**ARTICVLVS XVIII.**

*An ille qui debet corrigere, debet esse irreprehensibilis?*

Secundo queritur, Cuius sit corrigere fraterna correctio, siue verius, qualis sit qui corrigit

vel corrigere debet? Inducuntur autem multæ auctoritates in litera: sed insuper, quod debeat non esse reprehensibilis, videtur dicere Gregor. in pastoralis: Nemo in Ecclesia amplius nocet, quam qui peruersus agens, nomen vel ordinem habet dignitatis. Hunc quippe delinquentem nemo corrigere præsumit: & in exemplum culpa vehementer extenditur, cum pro reuerentia ordinis peccator honoratur. Ergo videtur, quod peccat mortaliter, qui non correctus alios corrigendi accipit officium.

2 Item, Matth. 7. 'Eiice primum trabem, &c.

3 Item Gloss. ibidem, Impossibile est, quod festucam demat, qui trabem gestat: tenetur autem festucam demere, qui corrigendi habet officium: ergo ut prius.

4 Item alia Gloss. ibidem, Moderatio iudicij est, ut præuentus maioribus, non iudicet alios in minoribus vel æqualibus.

5 Item ibidem, Qua mente mederi præparat, qui vulnus in facie portat?

6 Item 1. Regum 7. Non ædificabis mihi domum: ibi Gregor. Manus sordidas tergere non valet, qui lutum retinet.

7 Item, Ioan. 8. Qui sine peccato est vestrum, &c. Glossa, Prius sint iusti, & postea team, & cetera.

8 Item super illud Rom. 1. Ira Dei super eos qui talia agunt, Gloss. Qui talia agunt de quibus alios reprehendunt.

9 Item dicit Philosophus, Rectum est iudex sui & obliqui.

10 Præterea, Contra ordinem naturæ peccat, qui rectus ipse non est, & alios per correctionem rectificat: ergo, &c.

11 Item, Omnis corrigens in quantum huiusmodi, est ut iudex correcti: sed dicit Philosophus 5. ethicorum, quod ad iudicem confugiunt ut ad iustum animatum: ergo iudicans tenetur esse iustus: alias non debet esse iudex nec corrigere, quia corrigens est iudex, secundum hoc quod corrigit.

12 Item, Omnis corrigens, corrigit ad normam aliquam vel regulam: peruersus non congruit regulæ: ergo non debet corrigere.

13 Item, Si corrigit peruersus, ex hoc proueniunt contentiones: quia correctus potest & sibi obicere similia, & ex obiectione similium perturbatio prouenit & contentio. Cum igitur illa euitanda sint, peruersus non debet corrigere aliquem.

SED CONTRA: Philip. 1. Siue per occasionem, &c. sed quodammodo annuntiatur Christus, quando proximus in Christo corrigitur: ergo siue fiat per occasionem, siue per veritatem, in hoc est gaudendum: sed nullo modo est gaudendum de malo: ergo non est malum: ergo non peccat qui corrigit.

2 Item, Matth. 18. Si peccauerit in te frater tuus, &c. Glossa, Ita peccat qui videt fratrem peccare & tacet, sicut qui pœnitenti non indulget. Ergo si aliquis peccator videt hoc, peccat si tacet: ergo corripere tenetur, & non est malum si corrigit.

3 Item, Melior est eleemosyna spiritualis, quam corporalis: & aliquis in mortali existens non prohibetur à datione eleemosynæ corporalis: ergo nec debet prohiberi à datione eleemosynæ spiritualis:



spiritualis: sed spiritualis eleemosyna est correctio delinquentis: ergo, &c.

4 Item, Sit aliquis videns fieri mala, & si corrigat ea, dimitti propter illum: videtur tunc, quod perplexus sit. Si enim non corrigit, culpabilis erit: quia qui occasionem damni dat, damnum dedisse videtur: iste autem occasionem damni dat, qui prohibere potuit & non prohibuit: & ex hoc sequitur idem. Item, Si corripit in simili vel peiori, peccat: ergo est perplexus. Item, Fecisse dicitur qui prohibere potuit, & non prohibuit: & ex hoc sequitur idem.

5 Item, Adhuc videtur esse perplexus. Ponatur enim, quod corrigendi habeat officium, utpote curam habens animarum, ille tenetur corrigere, & non facit: ergo peccat. Item, Ille est in simili: ergo si ille corrigit, ipse peccat: ergo est perplexus: sed nullus dicitur esse perplexus: ergo iste potest corrigere etiam in simili existens.

*Solutio.* RESPONSIO. Dicendum, quod corrigens alium, non debet esse in simili notorio vel maiori existens: & si sit in notorio, non tenetur corrigere, nisi forte per modum precum, hoc modo, Rogo te ne per meum exemplum pecces: sed si non vult acquiescere, non potest eum iudicare, nisi cum mortali peccato, nec etiam iudici per modum accusantis denunciare: & secundum hoc concedimus auctoritates & rationes primo inductas.

AD ID ergo quod contra obiicitur, dicendum, quod Apostolo placuit res facta: sed tamen actio secundum quod procedit ab agente, non placuit ei: & est simile de passione Christi, quæ secundum se gratiosa fuit, & tamen actio displicuit. Ita hoc opus operatum bonum fuit: sed actio ex parte agentis fuit mala.

AD ALIUD dicendum, quod in peccato existens, si videt & potest prohibere per modum precum, faciat: sed si est in notorio crimine simili, vel æquali alterius speciei, iudicare non tenetur: quia scandalizaret, & non proficeret, nisi quod suscitaret contra se indignationem.

AD ALIUD dicendum, quod non est simile: quia eleemosynæ corporali non est coniunctum scandalum, eo quod cum benevolentia recipitur: sed correctio suscipitur cum asperitate, & denuntiatio sequitur eam, si non emendat: & ideo scandalum habet adiunctum.

AD ALIUD dicimus, quod nullus perplexus est: quia in posse suo est, quod corrigat vitam: & tunc corrigat etiam alium. In secundo autem aut cedat officio corrigendi, aut in melius mutet mores: & tunc non obstat, quod faciat. Dixi autem, In notorio: quia si occultum esset peccatum eius, faciem haberet corrigendi & deberet: quia nihil posset ei obiici.

## ARTICVLVS XIX.

*An omnes teneamur ad fraternam correctionem?*

**T**ertio quæritur, Vtrum omnes tenentur ad correctionem fraternam? Quod videtur ex Glossa Matth. 18. supra dicta: omnes enim æqualiter, maiores & minores, viri & feminae, religiosi & seculares, & huiusmodi, tenentur indulgere proximo peccanti: ergo à simili ad correctionem fraternam tenentur.

2 Item, Omnes tenentur ad eleemosynam pro loco & tempore: sed eleemosyna spiritualis est corrigere delinquentem: ergo, &c.

3 Item hoc videtur esse forma præcepti, quod ita dicit: Si peccauerit in te frater tuus, &c. Sed nomine fratris ibi intelligitur omnis proximus: ergo etiam ex parte corripientis omnis homo supponitur.

4 Item, Ab omni homine debeo velle corripere si peccauero: ergo cum quilibet debeat facere alteri, quod sibi velit fieri, omnis homo debet corripere delinquentem.

SED CONTRA: Dominus dixit hoc soli Petro: Petrus autem prælatus est aliorum: ergo ex forma præcepti ad hoc non obligantur nisi prælati.

2 Item, Curam impendit qui corrigit: sed curam non habet nisi prælatus: ergo, &c.

3 Item 1. Timoth. 5. loquitur soli prælato, dicens, Peccantem coram omnibus argue, ut & ceteri timorem habeant. Ergo ut prius.

4 Item Hieronym. Sacerdotes studeant illud Euangelicum implere, Si peccauerit in te, &c. Quæ est enim misericordia vni parcere, & omnes in discrimen adducere. Polluitur populus ex vno peccatore, sicut ex vna morbida oue vniuersus grex. Ergo ad hoc non tenentur nisi soli sacerdotes.

5 Item, Eiusdem est corripere & correctum punire poenitentia condigna: sed prælati tantum est poenitentiam condignam correctio dare: ergo, &c.

RESPONSIO. Dicendum, quod ex officio non tenentur nisi prælati: sed ex charitate omnis homo tenetur corripere fratrem delinquentem, & custodire eum à peccato. Vnde August. in regula, Si hoc ipsum facere eum videritis, statim admonete ne male cæpta progrediantur, sed de proximo corrigatur. Si frater tuus vulnus habet in corde, &c. Hoc ergo modo concedimus prima obiecta.

AD ID quod obiicitur contra, est vna solutio ad omnia, scilicet quod prælati plus aliis tenentur: quia ex charitate & auctoritate & officio: & ideo eis specialiter dicitur.

AD VLTIMUM dicendum, quod non est generaliter verum quod dicit: quia corrigens communiter non tenetur, nisi ad simplicem denuntiationem, si ille eum non audierit.

## ARTICVLVS XX.

*An correctio fraterna sit omnium in omnes?*

**Q**uarto quæritur, Vtrum sit omnium in omnes? Quod videtur: quia super illud, Si peccauerit in te, &c. dicit Glossa, Id est, te solo sciente. Sed hoc potest facere quilibet respectu cuiuslibet: ergo quilibet tenetur corripere alterum.

2 Item, Nomine fratris intelligitur quilibet homo: sed in forma præcepti utitur Dominus nomine fratris: ergo ut prius.

3 Item, Omni homini tenemur velle bonum, & custodire eum à peccato, quantum possumus: sed correctio fraterna custodit à peccato: ergo ut prius.

SED



sed con-  
tra.

SED CONTRA: Hebr. 12. Si bestia retigerit montem, lapidabitur. Et exponitur, si subditus tangat manu correctionis prælatum, increpatur.

2 Item Dionys. increpat Demophilum monachum, qui corripuit sacerdotem, eo quod immundum duxit in Ecclesiam. Ergo monachus ille male fecit corripiendo sacerdotem.

3 Item, Maria percussa est lepra, eo quod murmurasset contra Moysen fratrem suum, Num. 12. Ergo male fecit corripiendo.

4 Item Gregor. in pastoralis, ut supra habitum est, Hunc quippe delinquentem nemo corripere præsumit. Ergo præsumptio est corripere talem: & præsumptio est peccatum: ergo peccatum est corripere prælatum.

Solutio.

RESPONSIO. Dicendum, quod omnis homo omnem hominem cum reuerentia & mansuetudine tenetur admonere & corripere de delicto, sed non ulterius denunciare potest si est inobediens. Quia si prælatus supremus est, non habet iudicem. Sic ergo concedimus primam partem disputationis.

AD ID quod contra obiicitur, est solutio una, quod hoc intelligitur de illis qui ex auctoritate quadam præsumpta iam non admonere, sed vi quadam coactiva per iurisdictionem quam non habent, cogere ad correctionem volunt. Et per hoc patet solutio ad omnia. Nota tamen, quod secundum discretionem sapientium moderamen est habendum, respiciendo ad quatuor, scilicet quantitatem culpæ delinquentis, & spem emendationis, & statum personæ quæ admonetur, & zelum qui mouet corripientem. Si enim culpa levis sit, & timeretur quod turbatio grauior sequeretur, non tenetur corripere: quia peius suscitatur. Item, Si probabiliter desperatur de emenda, non tenetur corripere, quia nihil faceret, nisi prouocaret ad peius. Item, Adhuc si status personæ altus est, cum reuerentia & excusatione delicti debet potius admonere quam corripere, & rogare potius quam increpare. Quarto si videtur se ex rancore vel inuidia moneri, vel aliqua alia radice, tunc non debet facere: quia tales cito prorumpunt in verba contumeliæ: & tunc ex minori malo factum est maius malum: & hæc distinctio optima est.

## ARTICVLVS XXI.

*An in correctione fraterna seruandus sit ordo aliquis?*

Quinto quæritur de ordine fraternæ correctionis. Videtur enim, quod ordo determinetur Matth. 18. Corripe ipsum inter te, & ipsum solum, & adhibe tecum vnum vel duos, & dic Ecclesiæ. Videtur autem, quod iste ordo non potest obseruari. Per hoc enim, quod procedit, patet quod intelligitur de peccato occulto, quia procedit, Si peccauerit in te frater tuus. Et dicit Glossa, Te solo sciente. Cum igitur adhibet secum vnum vel duos, aut adhibet eos quibus notum est peccatum fratris, aut quibus ignotum est. Si primo modo: ergo non solus sciuit quod est contra Glossam. Si secundo modo: tunc erit proditor criminis fratris, quod non est faciendum:

ergo talis ordo non est obseruandus. Si dicas, quod intelligitur de his qui possunt prodesse, & non obesse. Quæritur, qui sunt illi? aut enim sunt prælati qui corrigendi habent potestatem, aut sunt de sociis inferioribus. Si primo modo: tunc statim coram prælato denuntiaret fratrem, & competeret illi testimonium. Et prælatus etiam non potest esse testis in causa in qua est iudex. Sed in Euangelio dicitur, In ore duorum vel trium testium stat omne verbum. Ergo non potest intelligi de prælatis. Si autem de sociis intelligitur. Contra: Illi in nullo possunt prodesse, sed obesse possunt diffamando: ergo non sunt assumendi. Quod autem non possunt prodesse, patet: quia corrigendi non habent potestatem.

2 Præterea, Quando ille adhibet secum vnum vel duos: ponamus, quod ille neget coram illis: tunc quid faciendum est illi quo sciente peccauit? Non enim potest nuntiare Ecclesiæ, quia non habet probationem coram Ecclesia, & Ecclesia non credet ei, sed potius puniet eum qui diffamauit fratrem.

3 Item videtur, quod insufficiens est testimonium vnus: quia Deuter. 14. dicitur, In ore duorum vel trium testium stat omne verbum. Ergo male dicit, Adhibe tecum vnum vel duos.

ITEM quæritur, Vtrum idem ordo sit obseruandus respectu cuiuslibet hominis? Et videtur, quod sic: quia Christus non determinat nisi vnum: ergo ad omnem hominem iste ordo est seruandus.

CONTRA: Ponatur, quod prælatus peccet, Sed contra. ille non potest denunciari Ecclesiæ: quia & scandalum esset, & non esset coram quo denunciaretur: quia coram seipso nullus potest denunciari. Item, Ille per excommunicationem non potest cogi sicut & ethnicus & publicanus: quia non potest excommunicare nisi habens iurisdictionem: & ipse qui excommunicandus est, est ille qui habet iurisdictionem: cum ergo nullus seipsum possit excommunicare, ille ordo seruari non potest.

2 Item videtur, quod Dominus in Iuda hunc ordinem non seruauit: quia non primo corripuit ipsum inter se & ipsum solum, nec postea adhibuit secum vnum vel duos, sed statim Ecclesiæ discipulorum nuntiavit: ergo exemplo eius forma prædicta ulterius non est obseruanda.

3 Item hoc autem videtur præcipue ex facto Petri Act. 5. qui Ananiam & Saphiram non primo solos corripuit, nec postea coram alio vel duobus admonuit, sed statim excommunicauit: ergo ipse hoc exemplo Domini didicit: ergo & nos debemus ita facere, & statim in communi proferre, ut detur sententia.

RESPONSIO. Dicendum, quod sententia Domini sicut iacet seruanda est. Et dicimus ad primum quæsitum, quod intelligitur de occulto: quia de manifesto aliam formam præcipit Apostolus 1. Timoth. 2. Peccantes coram omnibus argue, ut & cæteri timorem habeant.

AD HOC quod contra obiicitur, dicendum quod assumendi sunt quibus non est notum, sed notificatum per ipsum scientem, vel eum qui fecit, quod melius est, si induci potest: & tamen non erit crit crimen proditum: quia prodesse possunt, & non obesse: prodesse autem possunt orando & monendo & portando cum ipso poenitentiam



tentiam, & consolando poenitentem. Et dicimus, quod sunt sumendi de numero sociorum. Et quod obiicitur, non est verum: quia in fratre intelligitur nomen diligentis & custodientis honorem & famam fratris: unde tales assumendi sunt de quorum vita & conuersione præsuntur, quod onus secum portabunt, & non diffamabunt crimen, cum desiderent correctionem & non infamationem.

AD HOC quod ponit, quod ille neget coram illis & occultet, dicendum quod tunc non restat nisi orare & gemere ad Deum pro ipso: quia tunc incorrigibilem se esse demonstrat. Et obseruandum est caute, utrum alia vice faciat coram aliquibus qui possint contra eum testificari: & si potest haberi testimonium alicuius, est puniendus: si autem non inueniatur opportunitas contra eum, tunc nihil restat nisi orare pro ipso. Sed Dominus loquitur in casu in quo coram testibus recognoscit, vel alio consimili actu manifestat peccatum suum, ut possit produci ad lucem.

AD ALIUD dicimus, quod in denuntiatione fraterna sufficit testimonium vnus viri approbati, non ut condemnetur reus, sed ut custodia sibi adhibeatur à prælato: quia si duo testes faciunt plenam fidem, vnus facit præsumptionem contra accusatum: ita ut adhibeatur ei custodia ne amplius talem habeat libertatem sicut prius habuit: & hoc sufficit ad emendationem delicti: & Dominus in Euangelio nihil aliud intendit, quia ipse non delectatur in poenis, sed in poenitentia peccantis, & correctione delictorum.

*Adquæst.* AD ALIUD dicunt quidam periti in iure, quod prælatus non debeat corrigi fraterna correctione de peccato præterito, sed de futuro admoneri ne de cætero contingat. Sed hæc solutio nulla est: quia & Euangelium Matth. 19. loquitur de præterito peccato, & non de futuro. Ideo alij dixerunt, quod correctio fraterna est inter æquales: sed non extenditur ad prælatos. Et hoc præcipue per illud Gregorij supra dictum, Hunc quippe delinquentem nemo arguere præsunt, &c. Sed contra hoc iterum est Euangelium: quia nullum excipit. Ideo cum quibusdam alijs dicimus, quod ad omnes extendatur: sed ad omnes prælatos est admonitio denuntiationis non procedens. In alijs autem potest procedere in denuntiationem: & hoc supra dictum est, & responsum ad auctoritatem Gregorij.

AD ALIUD quod obiicitur de Domino & Iuda, dicendum quod in factis Domini multa sunt quæ seruare non debemus, sed admirari: ipse enim omnium scibilibus etiam contingentibus habuit scientiam: & sciuit quis eum solus, vel cum alio vno, vel duobus, esset traditurus: quod nos imitari non possumus. Quod ergo in Iuda hoc non obseruauit, patet quod hæc quæ dicta est, causa fuit. Et cum iam patuit, hoc non est à nobis obseruandum: quia de quodlibet præsumere debemus corrigibilitatem, nisi ipse contrarium exhibeat in seipso sæpius admonitus.

AD HOC quod factum Petri obiicitur, dicendum quod peccatum suum fortè publicum fuit. Vel melius dicendum, quod in communitate peccauit, & interrogatus coram communi capitulo monitus est: & ideo ad terrorem omnium aliorum punitus est publice. Qui modus adhuc in religionibus obseruandus est: quia si in occulto corrip-

rentur quæ ad notitiam plurium veniunt, cito dissolueretur religionis disciplina.

## ARTICVLVS XXII.

*Quomodo differat correctio fraterna à correctione iudicis?*

Sexto quæritur, In quo differt illa correctio à correctione iudicis? Videtur autem, quod in nullo: quia in Euangelio dicitur, quod testes adhibeantur, & Ecclesiæ denuntietur: per quod intelligitur accusatio: & quod à communione præsindatur per sententiam, & sit sicut ethnicus & publicanus: & hæc omnia sunt in correctione iudicis: ergo in nullo videtur differre correctio fraterna à correctione iudicis.

Sed in contrarium huius est: quia frater in fratre coactiuam non habet correctionem, ut dicitur 10. ethic. sicut neque pater in filium. Iudex autem in eum quem iudicat per legem, habet coactiuam correctionem. Ergo hæc non est illa.

AD HOC dicendum videtur, quod differunt *Solutio.* in ratione quam inducit vltima obiectio.

AD PRIMUM autem dicendum, quod quandoque ex fraterna correctione potest fieri iudicialia, ut patet ex supra disputatis: sed tamen hæc non est illa: ut dicit Philosophus, quod pater non cogit filium: sed tamen contumacem si per legem etiam secundum Philosophum denuntiat iudici, tunc ille cogit eum.

## ARTICVLVS XXIII.

*An Deus iuste liberauit meretricem, non inuento qui proiiceret primum lapidem?*

Deinde quæritur de hoc quod dicit ibi [Ideo enim liberauit peccatricem, quia non erat qui iuste proiiceret lapidem, &c.] Ex hoc videtur, quod si ibi fuisset aliquis iustus, quod illi præcepisset quod lapidasset eam. Quod si concedatur, contra erit quod dicitur Ezech. 18. Nolo mortem peccatoris, sed ut conuertatur & viuat. Et Osee. 6. Misericordiam volo, & non sacrificium: & scientiam Dei plus quam holocaustum.

AD HOC dicendum, quod sine dubio etiam si *Solutio.* iusti fuissent, Dominus ad poenitentiam voluisset viuere adulteram: sed ad præsentem utebatur simulationis modo, ut confunderet, & erubescerent ad fidem sui & poenitentiam inclinaret. Et per hoc patet solutio ad totum.

## ARTICVLVS XXIV.

*An in lege veteri per ceremonialia dimittantur venialia?*

Nam venialia putabant, quæ per ceremonias dimittantur, &c.] Contra: Nullum peccatum dimittitur non habenti gratiam: sed isti non habebant gratiam: ergo nullum peccatum eis dimittebatur.

RESPONSIO. Dicendum, quod non di- *Solutio.* cit



cit dimitterentur, sed quia putabant dimitti, eo quod secundum legem non puniebantur. Nota etiam, quod ceremoniæ dicuntur à carie quod est ligni putredo, & mene quod est defectus: quia deficientia erant mandata nullum usum habentia nisi significandi: unde fecerunt quidam versus sic dicentes:

*Ex carie mene ceremonia contrahit ortum.*

*Mene defectus, caries putredo vocatur.*

Sed quia Tullius & alij gentiles Philosophi ceremonias habebant, & nullum usum intelligebant significationis: videtur falsum esse quod dicunt. Dicit enim Tullius, quod religio est species iustitiæ, & hanc diffiniens dicit, quod sit virtus quæ cuidam naturæ superiori quam diuinam vocant, gratiam ceremoniamque affert. Et ideo omnis cultus diuinus dicitur ceremonia: & dicitur à mu-

nia & Cerere quæ est Dea frugum: pro necessitate enim frugum inuentus est primo cultus diuinus: & ideo à Cerere in omnes diuinos cultus est vocabulum transsumptum.

## ARTICVLVS XXV.

*An omnis qui ligat alios, sit iustus?*

**D**Einde quæritur de hoc quod dicit ibi [ Ex his satis perpenditur, &c. ] Videmus enim, quod non omnis qui ligat alios & soluit, sit iustus.

**R**ESPONSIO. Dicendum, quod non dicitur, quod sit, sed quod debeat esse: & hoc planè est verum.



## DISTINCTIO XX.

*De his qui in fine pœnitent.*

**A**  
De confessione sacramentali quantum ad opportunitatem temporis respectu pœnitentia mortali in se.  
De pœnit. dist. 17.  
August. hom. 41. de vere pœnitentibus.



**S**CIENDUM est etiam, quod tempus pœnitentiæ est usque in extremum articulum vitæ. Vnde Leo Papa, Nemo est desperandus, dum in hoc corpore constitutus est: quia nunquam quod diffidentia ætatis differtur, consilio maturiore perficitur. Augustinus tamen de pœnitentiam differentibus ita scribit, Siquis positus in vltima necessitate voluerit accipere pœnitentiam: & si accipit & mox reconciliatur, & hinc vadit, fateor vobis non illi negamus quod petit: sed non præsumimus, quia bene hinc exit. Si securus hic exierit, ego nescio. Pœnitentiam dare possumus, securitatem vero non. Nunquid dico damnabitur? sed nec dico liberatur. Vis ergo à dubio liberari, age pœnitentiam dum sanus es. Si sic agis, dico tibi quia securus es: quia pœnitentiam egisti eo tempore quo peccare potuisti. Si vis agere pœnitentiam quando iam peccare non potes: peccata te dimiserunt, non tu illa. Item duæ res sunt, aut ignoscitur tibi, aut non ignoscitur: quid horum tibi sit futurum nescio. Ergo tene certum, & dimitte incertum. Sed quare hoc dixit Augustinus, cum pœnitentia quæ in fine agitur, in Psalmo appelletur sacrificium vespertinum, quod erat acceptabilius in lege: & cum in quacunque die inuocetur Deus, adsit: & quacunque hora ingemuerit, & conuersus fuerit peccator, vita viuet, & non morietur? Sed illa dixit August. propter illos qui pœnitentiam usque in finem vitæ protrahunt: & tunc non ex Dei amore videntur pœnitere, sed timore mortis quasi ex necessitate. Vnde idem quasi aperiens quare superiora dixerit ait, Nullus expectet quando peccare non potest. Arbitri enim libertatem quærit Deus, vt deleri possint commissa: non necessitatem, sed charitatem: non tantum timorem, quia non in solo timore viuit homo. Quem ergo sero pœnitet, oportet non solum timere iudicem, sed digere: quia charitate nemo

Ps. 104.  
Exod. 11.  
Ezech. 18.

Lib. de vera & falsa pœnit. cap. 17.



mo saluus esse potest. Non ergo tantum timeat pœnam, qui pœnitet, sed anxietur pro gloria. Quæ conuersio si contigerit alicui etiam in fine, desperandum non est de eius remissione. Sed quoniam vix vel rarò est tam iusta conuersio, timendum est de pœnitente serò: maxime, cum filij quos illicitè dilexit, sint præsentes, vxor & mundus ad se vocet. Multos solet ferotina pœnitentia decipere. Sed quoniam Deus semper potens est, semper etiam in morte iuuare valet, quibus placet. Cum ergo opus sit non hominis sed Dei, fructifera pœnitentia: inspirare eam potest quodocunque vult sua misericordia, & remunerare ex misericordia, quos damnare potest ex iustitia. Sed quoniam multa sunt quæ impediunt, & languentem retrahunt, periculosum est & interitui vicinum, ad mortem protrahere pœnitentiæ remedium. Sed magnum est, cui tunc Deus inspirat, si quis est, veram pœnitentiam. Sed si etiam sic conuersus vita viuat, & non moriatur, non promittimus quòd euadat omnem pœnam. Nam prius purgandus est igne purgationis, qui in aliud seculum distulit fructum conuersionis. Hic autem ignis etsi æternus non sit, miro modo grauis est: excellit enim omnem pœnam, quam vnquam passus sit aliquis in hac vita. Nunquam in carne tanta inuenta est pœna, licet mirabiliter martyres passi sint tormenta, & multi nequiter quanta sæpe sustinuerunt supplicia. Ex his satis ostenditur, quam periculosum sit differre pœnitentiam vsque in finem vitæ. Si tamen vera habeatur pœnitentia, hominem liberat & vitam mortuo impetrat: non sic tamen, vt nullam sentiat pœnam, nisi forte tanta sit vehementia gemitus & contritionis, quæ sufficiat ad delicti punitionem. Licet ergo sit difficile, vt tunc sit vera pœnitentia quæ tam fera venit, quando cruciatus membra ligat & dolor sensum opprimit vt vix homo aliquid cogitare valeat: melior est tamen fera, quam nulla. Pœnitentia enim etsi in extremo vitæ hiatu aduenit, sanat & liberat. Multum fera fuit latronis pœnitentia: sed non fuit <sup>Luc. 23.</sup> fera indulgentia. Sed licet latro veniam meruisset in fine de omni crimine, non tamen dedit baptizatis peccandi & perseuerandi auctoritatem.



ARTICVLVS I.

DIVISIO TEXTVS.

**S**CIENDVM est etiam quòd tempus pœnitentiæ est ] Postquam determinatum est de potestate clauium, tangit hic de pœnitentia in morte, & post mortem, & de reditu peccatorum superius etiam posita: & ideo ponit hic per ordinem enumeratorum tres distinctiones, in quarum prima, ista scilicet tangit de pœnitentiis morientium. In alia de remissione peccatorum post mortem. In tertia de reditu peccatorum. Sunt autem in hac distinctione principales quæstiones duæ, in quarum prima Magister quærit de tempore pœnitendi. In secunda autem de modo extremæ pœnitentiæ <sup>ibi</sup> [ Deinde quæritur de illis qui in hanc vitam, &c. ] Et hæc sufficiant quoad diuisionem.

D. Alber. Mag. in Lib. 4. Sentent.

*An in fine vite dari potest pœnitentia?*

**Q**UÆRITUR autem primo de hoc quod dicit <sup>ibi</sup> [Pœnitentiam dare possumus, &c.] In sequenti autem parte eiusdem distinctionis statim contradicit, dicens quòd non est danda pœnitentia in fine vitæ, sed innotescenda.

**S**ED DICENDVM, quòd dare hic sumitur <sup>Solutio.</sup> pro admittere ad pœnitentiam: sed pœnitentia infra ponitur pro pœnitentia exteriori iniuncta: & illa non est danda morientibus, sed innotescenda.

Rr ARTICV



## ARTICVLVS II.

*An sanus pœnitens potest conicere de certitudine charitatis, an odio an amore dignus sit?*

**D**Einde quæritur de hoc quod dicit *ibi* [Tene certum & dimitte incertum] Contra: Eccl. 9. Nemo scit vtrum odio vel amore dignus sit. Ergo pœnitens & confitens sanus, non est certus.

Solutio.

**R**ESPONSIO. Intelligit hoc de certitudine coniecturæ: quia conicere potest de amore charitatis, quando pœnitens sanus: sed signum est timoris tantum, quando non pœnitens nisi infirmus. Ecclesiastes autem loquitur de certitudine scientiæ: hanc enim nullus habet.

## ARTICVLVS III.

*An Deus seram pœnitentiam exaudiat?*

**D**Einde quæritur de hoc quod dicit *ibi* [In quacunque die inuocetur, &c.] Contra: Mich. 3. Clamabunt, & non exaudiet eos: Gloss. intelligit de sera pœnitentia: sed nulla est ita sera sicut illa quæ est in fine vitæ: ergo talem non exaudiet Deus.

Solutio.

**R**ESPONSIO. Dicendum, quod pœnitentia sera duplex est secundum duo moueria ad pœnitentiam quæ sunt timor seruilis, & amor. Pœnitentiam igitur ex timore non audit Deus: & de illa loquitur Gloss. sed de illa quæ est ex amore loquitur hic: & hanc Deus audit: sed quia infirmitas potius est indicium timoris, ideo raro fit ut ex amore aliquis tunc pœniteat.

## ARTICVLVS IV.

*An sero pœnitens habeat libertatem arbitrii?*

**D**Einde quæritur de hoc quod dicit *ibi* [Arbitrii libertatem quærit Deus ut deleri possint, &c.] Ex hoc enim videtur, quod sero pœnitentes non habent libertatem arbitrii, quod non est verum: quia quandiu homo viuit, tandiu habet libertatem arbitrii & potestatem beneficiendi.

Solutio.

**R**ESPONSIO. Dicendum, quod liberum arbitrium in infirmitate frequenter tollitur quoad vsum: semper autem autem impeditur. Tollitur autem vsum liberi arbitrii, quando mens sursum rapitur, & impedit discretionem: impeditur autem, quando violentia morbi auertitur & trahitur: & hoc semper fit in infirmis: hæc enim est natura potentiarum animæ, quod quando vna est in actu vehementi, altera abstrahitur ab actione. Cum igitur in infirmis sit vehemens dolor in sensu, impeditur liberum arbitrium à iudicio discretionis peccatorum. Et hoc modo intelligit: unde dicit, quod quærendum est tempus quando habet liberum arbitrium, supple, expeditum & non impeditum à violentia morbi dolore sensibili.

## ARTICVLVS V.

*Quid sit ignis purgatorij, an corporeus vel spiritualis?*

**D**Einde quæritur de hoc quod dicit *ibi* [Prius purgandus est igne purgationis, &c.] Quæritur autem hic in principio duo de igne purgatorio, scilicet quid sit in re, & ubi sit secundum locum?

Ad primum horum sic proceditur: Ignis corporis est nomen: ergo videtur, quod ignis corporeus sit ignis purgatorij.

2 Præterea, Multi sancti dicunt quod ignis inferni corporeus est: ergo & ignis purgatorij, ut videtur.

3 Item Gregorius, Ignis gehennæ corporalis est, qui corporaliter malos exurit.

4 Item Augustinus, Cur non dicamus quamuis miris, veris tamen modis etiam spiritus incorporeos posse pœna corporalis ignis affligi, si spiritus hominum quamuis incorporei, potuerunt includi corporalibus membris?

Lib. 17.  
de ciuit.  
Dei. ca.

5 Item Augustinus 21. de ciuit. Dei, Gehenna quæ stagnum ignis & sulphuris dicta est, corporeus ignis erit. Ex his colligitur, quod sit ignis corporeus crucians animas. Cum igitur vna ratio sit de igne inferni & purgatorij, videtur quod ignis purgatorij sit corporeus.

Eodem  
cap.

6 Præterea, Si dicatur, quod sit incorporeus, videtur sequi inconueniens. Dicit enim Aristot. & probat in quarto ethic. quod delectatio omnino spiritualis, non habet contrarium, nec est medicina: sed delectatio futura est omnino spiritualis: ergo non habet contrarium: ergo non habet aliquid contrarium agens ad tristitiam: si igitur ignis ille sit tantum spiritualis, non ager ad contristationem: & tunc ibi puniti non contristarentur: & hoc est falsum.

7 Adhuc, Spiritualia pure separata sunt à motu & à materia: sed omnis contrarietas est cum motu & materia: ergo in spiritualibus non est contrarietas: ergo nec actio contrarietatis alicuius: sed omnis pœna est ex agente contrario: ergo in talibus nulla est pœna. Si ergo dicitur, quod sit ignis pure spiritualis, videtur quod nullo modo sit afflictivus: & hoc hæresis est: ergo necesse est eum ponere corporalem.

8 Adhuc, Nulla substantia in quantum huiusmodi, transmutabilis est, ut dicit Aristot. dans exemplum etiam in igne qui nec agit nec transmutat, aliquid in quantum substantia est: si igitur agit & transmutat: hoc erit ab aliqua qualitate ipsius substantiæ: ergo agens transmutando est substantia disposita qualitate: constat autem, quod non omnis qualitas agit: sed physica solum, ut dicunt omnes Philosophi: ergo necessarium est, quod habeat qualitatem physicam. Item, Nec omnis qualitas physica agit: sed contingit contrarium actuum esse: ergo necesse est talem contrarietatem habere: omnis autem talis substantia est corporea: igitur transmutans & agens omne corporeum est: sed ignis purgatorij agit transmutando & puniendo: non enim est pœna nisi per immutationem patientis: ergo videtur, quod ignis purgatorij sit corporeus.

S E D



Sed con-  
tra.

**S E D** si hoc dicatur, obiicitur in contrarium primo per auctoritates, & postea per rationes. Dicit enim Gregor. in moralibus lib. 15. cap. 14. Ignis corporeus ut esse ignis valeat, corporeis indiget fomentis: qui cum necesse sit ut seruetur, per congesta ligna procul dubio nutritur: nec valet nisi succensus esse & refotus subsistere. Econtra autem ignis gehēnæ cum sit incorporeus, in semetipso reprobos corporaliter exurit, nec studio humano succenditur, nec lignis nutritur: sed semel creatus, durat inextinguibilis, & successione non indiget, nec ardore caret. Ex hoc expresse habetur, quod nec corporalis est, nec ad modum corporei fouetur & nutritur.

2 Item in eodem, Si stridores dentium & fletus oculorum spiritualiter accipiamus, flammæ quoque tormentorum in ipsis non corporales, sed spirituales credere debemus.

Cap. 10.

3 Item Augustinus de ciuit. Dei 21. dicit talem fuisse illam flammam in qua diues cruciabatur, quales oculi quos leuauit, quando Lazarum vidit, qualis lingua cui humorem desiderauit infundi, qualis digitus Lazari de quo fieri id postulauit: sed constat, quod membra illa non fuerunt corporalia, sed spiritualia: ergo videtur, quod nec flamma fuit corporalis: ergo nec ignis purgatorij, ut videtur.

4 Item Damasc. in ultimo capitulo libri sui. Ignis autem iste non est corporeus, sed qualis vtrique Deus nouit.

5 Per rationem autem obiicitur sic: Omne agens & patiens cum transmutatione, conueniunt in materia, ut dicit Boëtius in lib. de duabus naturis in vna persona Christi: sed ignis purgatorij & anima purganda se habent sicut agens & patiens secundum transmutatum: ergo communicant in materia: sed anima aut non est de materia, aut non est de materia corporali: ergo videtur, quod ignis ille aut non sit de materia, aut non sit de materia corporali: ergo non est corporeus.

6 Adhuc, Auctor sex principiorum dicit, quod impossibile est non corpus à corpore moueri: sed anima non est corpus: ergo non mouetur à corpore: sed mouetur & transmutatur ab igne purgatorio: ergo ignis purgatorius non est corpus: ergo nec corporeus: quia constat, quod sine quantitate est ignis ille quicumque sit. Hæc autem vsque ad tractatum de resurrectione pro obiectionibus sufficiunt: quia ibi de hoc querendi iterum erit locus.

Solutio.

**R E S P O N S I O.** Omnes sancti disputantes de ista questione dicunt, quod ea quæ dicunt, volunt accipi sine supercilio assertionis suæ. Ita etiam ego dico qualis sit ignis purgatorij, non arbitror quenuquam scire, nisi cui Deus reuelauit. Vtrum autem sit, pertinebit ad sequentem distinctionem inquirere. De hoc autem quod hic questum est, dicendum videtur, quod sit corporeus? & puto, quod quicumque attendit subtiliter inconuenientia ad quæ dicunt rationes primo inductæ, vix inclinabitur in aliam opinionem, nisi quod est corporeus. Nisi forte, quod absit, aliquis in hæresim quorundam Philosophorum laberetur, ut diceret omnia quæ de locis pœnarum & pœnis scripta sunt, omnino friuola & vana esse. Consentiendo igitur rationibus primo inductis, dico quod corporeus est.

*D. Alb. Mag. in Lib. 4. Sentent.*

**A D I D** quod contra obiicitur, dicendum quod distinguitur inter primum affligens, & proximum affligens: primum enim affligens spirituales substantias siue in corpore siue extra corpus, corporeum est: sed proximum affligens est spirituale. Ut autem hoc melius intelligatur, ponamus exemplum: incisio enim vulnerata manus, corporalis est, & patitur corpus, & comparitur anima. Primum quidem affligens vtriusque horum est gladius: sed cum anima patitur à passione corporis, constat quod id quod facit motum in affectu tristitiæ in anima, similitudo vulneris est apprehensa ut contraria coniuncto: secundum autem quod talis similitudo est in anima, spiritualis est: & ita proximum affligens animam est spirituale. Ita dico in purgatorio, quod primum affligens est ignis corporeus, habens vim affligendi spiritum ex eo quod est instrumentum diuinæ iustitiæ vindicantis iniquitatem. Et proximum affligens est similitudo ignis recepta ab animabus punitis, prout est instrumentum iustitiæ vindicantis peccatum, cui ipsa anima pro voluntate se subdidit. Hoc autem in tractatu de resurrectione magis discutietur. Hæc autem videtur esse sententia Gregor. in lib. quarto dialogorum ubi sic dicit, Hoc est eis in igne ardere, quod est ignem videre, trahentes ab ignibus pœnam, non dantes ignibus vitam. Dicendum ergo ad primum, quod Gregor. loquitur de immediate affligente, & non de affligente primo: & eodem modo ad omnes sequentes auctoritates dicendum est.

Cap. 19.  
Aug. de  
ciu. Dei.  
lib. 21. 2  
cap. 10.

**A D I D** autem quod obiicitur per rationem, dicendum quod illa propositio intelligitur de agentibus & patientibus physice: anima autem patitur ab igne purgatorio habente vim ex eo quod est corpus existens instrumentum diuinæ iustitiæ: & hæc est alia vis caloris, quam naturalis vis caloris tantum. Huius autem exemplum est, quod calor secundum Philosophum igneus est: & tamen secundum quod est instrumentum animæ regentis corpus, non agit actione ignis tantum, quia sic incineraret, sed actione viuifica animæ, & nos videmus quod digerendo assimilatur carni & ossi & nervo, sicut dicit Aristot. in secundo de anima, loquens contra opinionem quæ dicebat, quod ageret in vi ignis tantum. A simili videtur dicendum de calore ignis purgatorij, quod in quantum mouetur à virtute iustitiæ vindicantis, habet vim puniendi animas incorporeas, quæ ordinem suæ dignitatis vel irrecuperabiliter vel recuperabiliter amiserunt, sicut existentes in inferno irrecuperabiliter, & existentes in purgatorio recuperabiliter amiserunt.

**A D A L I V D** dicendum, quod hoc intelligitur de omni motu corporeo & physico, sicut dictum est. In aliis enim etiam in naturis falsum est: quia corpus mouetur ab immobili incorporeo primo:

& hoc expressius probabitur in di-

stinct. 40.

\* \*

R. 2

ARTI



## ARTICVLVS VI.

*In quo loco sit purgatorium?*

**S**ecundo quæritur ubi sit? Videtur enim, quod hic in terra. Dicit enim Gregor. in quarto dialogorum, quod Paschasius in loco thermarum, ubi ex consilio medicorum parabat se ad balneum Capuanus Episcopus, stabat paratus ad obsequium: & iam mortuus fuit Paschasius, & ibi exhibuit obsequium, ut induceret Episcopum illum qui sanctus erat, ad intercedendum pro eo. Ergo videtur, quod hic iuxta nos aliqui puniantur.

2. Adhuc hoc expresse ibidem dicit Gregor.

§ap. II.

3. Adhuc per rationem videtur idem: quia per quæ quis peccat, per hæc & punietur: sed peccatur per ea quæ sunt hic iuxta nos: ergo per eadem punietur: sed per ista non potest puniri nisi existens iuxta nos hic nobiscum: igitur puniuntur aliqui hic iuxta nos.

4. Adhuc, In vita beati Patricij legitur, quod impetrauit ut quidam in Hibernia in loco quodam punirentur vice purgatorij: ergo videtur, quod à simili alij in suis locis puniri possint.

Sed contra.

**S**ED CONTRA: Non est idem locus præmij & meriti: sed hic est locus meriti: ergo hic non est locus præmij: sed recipiunt in purgatorio digna pro meritis: ergo videtur, quod ignis purgatorius hic non sit.

2. Item Gregor. videtur velle, quod idem sit ignis gehennæ & purgatorij: sed idem ignis est in eodem loco: ergo in eodem loco est gehenna & purgatorium: sed gehenna est sub terra, & non hic, secundum quod dicere videntur Sancti: ergo purgatorium non est hic, sed sub terra.

3. Idem probat Gregor. in quarto dialogorum per compositionem nominis: quia in depressiori parte dicitur: ergo necesse est, quod sit sub terra: sed pars inferni est purgatorium, ut dicunt Sancti & Magistri: ergo est sub terra, & non hic.

Solutio.

**S**OLVTIO. Dicendum est, quod in hac quæstione nihil asserendum est. Et ideo sine præiudicio dico, quod purgatorius alius est ex ordine iustitiæ determinantis locum poenitentiae ei qui vixit in culpa, & ad plenum non satisfecit: & alius ex dispensatione. Primo modo non est nisi vnus locus purgatorij, quem puto esse superiorem partem inferni habentem in se affligens ad purificationem cum aliqua consolatione spei de futura per misericordiam liberatione. Ex dispensatione autem sunt multa loca purgatoria. Et dispensatio hæc quandoque fit propter viuos, quandoque propter mortuos: licet multis de causis fiat: tamen causa triplex in vita Sanctorum quandoque frequentius occurrit, scilicet meritum demonstrandum in aliquo hoc rogante: sicut fuit quod legitur de Patricio, qui rogauit ut quidam ibi puniretur. Alia causa est fides de poenis mortuorum: & ideo ut dicit Gregor. ostenduntur hic circa nos aliqui puniri, ut idem de alijs præsumamus, de quorum non tamen constat poena, cum constet de eorum consimili culpa. Tertia causa fuit in Paschasio qui fecerat miraculum curando quendam demoniacum, qui feretrum eius tetigerat: & tamen habuit peccatum, quod ut pecca-

tum esse ostenderetur, quia scilicet ignorans & deceptus in quorundam conspirationem quæ zelo iustitiæ fieri videbatur, consenserat: ideo apparuit sancto Episcopo Capuanæ ciuitatis, & ibidem puniri ostendebatur. Et per hoc patet solutio ad omnia præter vnum, scilicet id, per quæ quis peccat, &c. Et ad hoc dicendum, quod intelligitur per omnia in simili quoad poenas æternas, & ut frequenter ita contingit in poenis temporalibus. Et de illis loquitur liber sapientiæ qui hoc dicit. Sicut enim peccauerunt Aegyptij in aqua in flumen proicientes pueros Hebræorum: ita per aquam puniti sunt flumine bulliente ranas, & mari submergente eos. Et sicut peccauerunt sanguinem innocentem fundendo: ita etiam puniti sunt in hoc quod sanguinem propinauit eis fluuius pro potu.

## ARTICVLVS VII.

*An ignis purgatorius sit æternus vel temporalis?*

**D**Einde quæritur de hoc quod dicit in litera [Ignis licet æternus non sit, tamen modo grauis est, &c.] Quæritur autem hic, Vtrum purgatorius sit æternus, vel temporalis? Et videtur, quod æternus: quia dicit Gregor. quod sicut in fornace sub eodem igne aurum rutilat, & palea fumat: ita in inferno sub eodem igne damnatus crematur, & electus purgatur: sed inferni ignis est perpetuus: ergo & ignis purgatorij, ut videtur.

2. Item ad idem, Vltimi iudicij ignis inuoluet ut carbones reprobos, & nunquam finietur in eis, & purgabit quod criminale erit in electis: ergo videtur esse simile de igne purgatorij & gehennæ: ergo videtur, quod non finitur: ergo est perpetuus.

**S**ED IN CONTRARIUM est hoc quod hic in litera dicitur.

2. Item, Cuius actus & finis finibilia sunt, ipsum finibile est, vel erit inutile: sed actus & finis purgatorij finibilia sunt: ergo ipse finitur, vel erit inutilis: sed nihil remanebit inutile in operibus diuinis: ergo ipse non remanebit, ut videtur.

3. Adhuc, Omnia elementa quæ modo seruiunt homini, finem accipient secundum hunc statum, & erunt in alio statu, in quo laboris sui accipiet præmij: ergo & illa quæ seruiunt homini extra mundum: sed purgatorius ignis seruit homini: ergo erit in alio statu in quo præmiabitur, & finietur secundum statum purgandi.

**R**ESPONSIO. Dicendum mihi videtur sine præiudicio, quod ignis purgatorius finibilis est secundum rationem purgatoriam, sed non est finibilis secundum substantiam: quia puto, quod idem est in specie ignis cum igne inferni, sicut videtur velle Gregor. Quod ergo primo probatur, quod sit perpetuus secundum substantiam ignis, in qua conuenit cum igne inferni, videtur concedendum: quia omnes obiectiones per hunc modum procedunt.

**A**D ID autem quod primo in contrarium obicitur, dicendum quod in veritate hæc obiectio non probat nisi finibilem secundum hunc usum in quo iam est: & hoc conceditur: & erit tunc



tunc ad alium usum, quia erit ad cremandum damnandos.

AD ALIUD dicendum videtur sine praeiudicio, quod hoc intelligitur de seruientibus homini secundum statum meriti: sed ignis purgatorius non seruit homini ad hunc statum. Vnde videtur mihi dicendum, quod sicut in statu gratiae purum est cum impuro peccati & poenae: ita in seruientibus elementis & elementatis ad statum gratiae purum est permixtum cum impuro, & in nouatione purum faciens ad iucunditatem, separabitur sursum ad locum elementorum supra circulum terrae, impurum autem descendet deorsum sub tristem orbem terrae in centrum. Sed in his quae sunt praecedentia statum impuritatis, nihil ponitur esse impurum: & ideo nunquam talia innouabuntur, sed manebunt punientia damnatos. Et per hoc patet solutio ad totum.

### ARTICVLVS VIII.

*Qua poena purgatorij excellat omnem poenam quam quis passus est, aut pati potest in hac vita?*

**D**Einde queritur de hoc quod dicit ibi [Excellit enim omnem poenam quam vnquam passus sit aliquis in hac vita, &c.] Videtur enim, quod falsum sit quod dicit: quia quanto aliquid magis coniunctum est agenti, tanto magis sentit poenam in passione si sensum habeat: sed magis est passibile compositum ex contrariis animatum, quam simplex simplex & incompositum spirituale, ex contrariis non compositum: ergo magis poenam sentit coniunctum agenti in ipsum: sed corpus in via est ita compositum: ergo magis punitur hic aliquis in ista vita, quam puniatur in anima post mortem: & ita videtur falsum dicere.

1. Adhuc, Maior est passio transmutans & abiciens a substantia, quam transmutans & non abiciens: passio huius vitae est transmutans & abiciens a substantia, alterius autem vitae est transmutans & non abiciens: ergo maior est poena ista, quam illa.

3. Adhuc, Quorumcunque actiuorum & passiuorum maior est contrarietas, horum passio est cum maiori sensu poenae: sed maior est contrarietas ignis ad corpus in via, quam ad animam in purgatorio: ergo, &c. & sic iterum falsum est quod dicit.

4. Adhuc, Quodcunque patiens quod magis secundum vnā rationem susceptibile est formae agentis, magis sentit actionem eius si sensum habet: sed patiens corporeum magis susceptibile est speciei ignis secundum rationem ignis, quam incorporeum: ergo magis sentit passionem eius, quam incorporeum. Prima probatur ex hoc quod actio & passio tota sunt ad hoc ut patiens suscipiat speciem agentis quantum potest. Secunda probatur ex hoc, quod caliditas ignis disponit corpus ut dicatur & sit calidum: animam autem calidam dicere, ridiculum videtur.

5. Adhuc autem theologicè contra literam sic obicitur: Deus nullum punit ultra condignum: ergo nec venialiter peccantem: sed veniali peccato.

D. Alb. Mag. in Lib. 4. Sentent.

minima poena debetur in vita ista, & minor multis poenis temporalibus: ergo minori poena etiam punitur ibi: ergo non maiori quam sit aliqua poena praesens: sed debetur ei purgatoria: ergo purgatoria: non est maior omni poena praesenti: & sic falsum est quod dicit.

6. Adhuc, Mortale peccatum & veniale improporcionabilia sunt: sed mortale sufficienter punitur temporali poena: ergo veniali debetur infinitum minor: ergo non punitur poena quae sit maior omni temporali poena: sed punitur purgatoria: ergo purgatoria non est maior omni poena temporali.

7. Adhuc, beatus Gregor. dicit, quod quaedam animae non sunt punitae nisi in umbra quadam ad tempus permanentes: hoc autem non est grauius omni poena temporali: ergo videtur, quod non sit generale quod dicit.

**R**ESPONSIO. Dicendum videtur, sicut dicitur *Solutio.* dicitur litera simpliciter, quod poena purgatorij etiam minima, maior est in tristitia quam aliqua poena corporalis huius mundi esse possit. Hoc autem qualiter sit, sic potest videri. Exuta enim anima à corpore, desiderat summum bonum, sicut obiectum beatitudinis per modum illum quo desiderat res perfecta suum locum, extra suum locum existens: & hoc videtur ex verbis Gregor. in quarto dialogorum, ubi dicit, quod animae propriis viribus post mortem eleuantur, vel meritis deprimuntur. Vnde si tristitia causatur ex absentia delectabilis, ut dicit Philosophus, ex absentia summe desiderati causabitur maxima tristitia. Et cum sanitas vel vita vel iucunditas sensus in hac vita nullam habeant comparisonem ad summum bonum quod felicitat beatos, nullam comparisonem habebunt auferentia delectantia in hac vita ad auferentia vel differentia delectabile quod est in altera vita. Et ideo tristitia alterius vitae incomparabiliter maior est, quam sit aliqua tristitia in praesenti. Si autem obicias, quod damnati non desiderant summum bonum, dicendum quod hoc falsum est: imo etiam daemones desiderant summum bonum & optimum ut dicit Dionysius. Sed qualiter desiderent, alterius est negotij. Sed haec dicta sufficiunt ad ostendendum, quod tristitia sit incomparabilis tristitiae. Et quod consequentia valeat, expresse colligitur ex 10. ethicor. ubi simili consequentia probat Philosophus delectationes intellectuales esse infinitum magis delectabiles, quam corporales quae sunt in sensu.

**H**OC AUTEM habito respondeatur ad primum, dicendo quod prima propositio simpliciter & vniuersaliter est vera. Secunda autem habet instantiam: quia passibile dupliciter dicitur, scilicet extra, & sic illa propositio est vera. Dicitur etiam magis passibile ex ordine diuinae iustitiae corripiantis errata per poenas: & sic magis passibile est, quod se peccatis magis passibile fecit: & sic habet instantiam in animabus & Angelis per peccatum obstinatis.

AD ALIUD dicendum, quod maior passio dicitur dupliciter, scilicet magis affligens, & magis de specie agentis recipiens. Primo modo non est vera propositio prima, si etiam in vita ponatur aliquis sic pati, quod maneat in complexione & compositione membrorum, quod iaceat in igne, ille plus affligitur, quam alius cui abicitur de

R r 3 substantia:



substantia: quia in primo sensus manet viuis & integer, & excellenter sentit immutans ipsum. In secundo autem post modicum mortificatur sensus, & tunc minus dolet, & post paruum tempus moritur & nihil dolet. Vnde illo modo falsa est propositio: sed secundo modo vera est: quia quanto plus recipit de specie & proprietatibus agentis, tanto abiicitur de specie & proprietatibus suis propriis.

**A D A L I V** dicendum, quod anima & ignis est contrarietas hoc modo quod contrarietates sunt in moralibus: sicut iniquitati vel pericipo contrariatur rectitudo suspēdij vel decollationis: pœna enim corrigens habet effectum contrarium culpæ deordinanti naturam: vnde anima rationalis quæ prætergressa est ordinem suæ dignitatis, ab omnipotente iudice subditur naturæ inferiori se, scilicet igni non habenti vim ignis tantum, sed etiam vim sui motoris qui est iustitia vindicans quod per peccata admissum est: & hæc contrarietas fortior est quam contrarietas naturalis: & ideo magis præsumitur, & maior est actio in animam secundum quantitatem afflictionis, quam sit aliquod corpus animatum ante mortem.

**A D A L I V** dicendum, quod species ignis agentis est duplex, sicut etiam species caloris naturalis. Secundum enim quod est calor ignis, igneitas est species eius. Secundum autem quod motus est deriuatus ab anima, caro est species eius, & nerui, & forma, & huiusmodi. Ita dico de igne inferni, quod secundum suam naturam habet speciem quam non imprimit anima: & ideo anima non dicitur calida. Sed secundum quod est instrumentum iustitiæ vindicantis, habet aliam speciem, quam puto esse afflictionem ex calore eius qui deliquit: & hanc imprimit anima delinquenti: & ideo non puto animam esse calidam, sed inextimabiliter affligi ex calido: & huius speciei anima exuta magis susceptibilis est, quam aliquod animatum in vita ista. Nota autem, quod quidam hic alias rationes istius assignant quod

dicib Augustinus, sicut verbi gratia, quod anima plus patitur post mortem quam ante: quia illa passio est anima, & ita tota venit super eam. Item plus est pati per se, quam comparari in corpore autem comparitur tantum, sed post mortem patitur. Item quia hic aliquo modo voluntarie sibi autem omnino inuoluntarie. Et huiusmodi contingunt rationes quæ magis ridiculæ & vulgares sunt, quam veræ: quia ista quæ inducunt, non sunt rationes veræ, & maioris passionis in spiritali substantia, sed potius minoris, vel etiam nullius: & ideo ad supra dicta recurrendum est.

**A D I D** autem quod obiicitur ex ordine iustitiæ, dicendum quod veniale est duplex, scilicet veniale ex genere, & veniale ex eventu. Secundum Gregor. in quarto dialogorum, ubi loquitur de purgatorio, exemplificat de otioso: non tamen Deus punit ultra condignum: quia veniale ex eventu mutatum est per misericordiam in tale, quod pœna sit delebile: & hæc semper est misericordia & citra condignum puniens, ubicunque puniatur. Sed quod ibi fortius & hic minus, puto esse ex mutatione status: & hoc per accidens. Est autem actio pœna ibi illis rationibus, quæ innuuntur in soluendo & in principio solutionis. In qualibet enim solutione vna ratio actoris pœnæ innuitur. Veniale autem ex genere est dispositio ad mortale & ad auersionem: & ideo etiam sibi debetur pœna minor hic, & maior ibi ratione dicta.

**A D A L I V** dicimus, quod mortale manens mortale non expiatur pœna aliqua: & ideo si intelligitur obiectio de illo, tunc prima propositio est falsa: sed mortale peruentum factum veniale expiatur pœna aliqua: sed tunc fit proportionabile veniali ex genere, & tunc non sequitur conclusio.

**A D I D** quod obiicitur de dictis beati Gregorij, dicendum quod illa pœna in quantum est dilatoria gloriæ summæ desideratæ, ipsa fert maiorem tristitiam quam illud quod aufert sanitatem & vitam in corpore isto: & ratio huius in principio solutionis patuit.

### *De his qui hic pœnitentiam non complent.*

**B** I vero queritur de illis qui in hac vita pœnitentiam non complent, vtrum transaturi sint per ignem purgatorii, vt ibi compleant quod hic minus fecerunt? idem dicimus & de istis esse sentiendum, & de his qui in extremis pœnitent. Si enim tanta fuerit cordis contritio & delicti exprobratio, vt sufficiat ad puniendum peccatum, liberi ab aliis pœnis transeunt ad vitam, etsi inexplata fuerit pœnitentia: qui perfecte pœnituerunt, & ingenuerunt corde. Qui verò non adeo conteruntur corde & ingemiscunt pro peccato, si ante expletionem pœnitentiæ discesserint, ignem purgatorium sentient, & grauius punientur quam si hic implessent pœnitentiam. Horrendum est enim incidere in manus Dei viuientis. Deus enim cum sit misericors & iustus, ex misericordia pœnitenti ignoscit, non reseruans peccatum ad pœnam æternam. Ex iustitia vero impunitum non dimittit delictum. Aut enim punit homo, aut Deus. Homo autem punit pœnitendo, Deus autem pœnam exigendo.



exigendo. Et est poenitentia interior, & exterior. Si ergo interior poenitentia fuerit tanta, ut sit sufficiens ultio peccati, Deus qui hoc novit, ab illo qui taliter poenitet, ulterius poenam non exigit. Si vero interior poenitentia non sufficit in vindictam peccati, nec exterior poenitentia impletur, Deus qui modos & mensuras peccatorum & poenarum novit, addit poenam sufficientem. Studeat ergo quisque sic delicta corrigere, ut post mortem non oporteat poenam tolerare. Quaedam enim peccata mortalia, in poenitentia fiunt venialia, non tamen mori sanantur. Stupe enim infirmus moreretur, si non medicaretur: non tamen statim sanatus sanatur. Languet post victurus, qui prius erat moriturus. Qui autem impoenitens moritur, omnino moritur, & eternaliter cruciatur. Si enim semper viveret, semper peccaret.

Aug. de vera & falsa poenitentia. cap. 8.

ARTICVLVS IX.

*An horrendum sit incidere in manus Dei?*

**D**Einde quaeritur de hoc quod dicitur [Horrendum est incidere, &c.] Contra: Deus infinitum est magis est misericors, quam aliquis homo: ergo minus horrendum est incidere in manus Dei, quam in manus hominum, quia multae sunt miserationes eius: ergo videtur, quod falsum dicat in litera.

& mortale: ergo vnum non transmutatur in aliud.

**Solutio.** Dicendum, quod veniale exgere, nunquam fit mortale nisi per modum supra dictum distinct. 16. nec mortale fit hoc modo veniale, sed mortale fit veniale ex eventu. Ita enim venia in poena exstabile, eo quod Deus delet culpam per suam gratiam, quae facit postea solubilem reatum.

ARTICVLVS XI.

*An si peccator semper viveret, semper peccaret?*

**D**Einde quaeritur de hoc quod dicitur [Si enim semper viveret, semper peccaret, & cetera.] Ista conditionalis videtur esse impossibilis: quia consequentia nulla esse videtur. Iste qui peccavit, semper vivit: ergo semper peccat: potest enim non peccare, & tamen semper vivere.

**Solutio.** Dicendum, quod homo est spiritus vadens, & non rediens: unde de se habet homo, quod peccet: sed de se non habet homo, quod resurgat. Dicendum ergo ad litteram, quod sicut videtur secundum Philosophum dupliciter dicitur, scilicet habere visum, & visu uti: ita & peccare dicitur ad habere peccatum, & uti peccato. Et hoc intelligitur ad habere peccatum: quia qui semel peccat, quantum est de se, semper est in peccato. Et sic secundum hoc consequentia est bona: & ita intelligitur littera.

ARTICVLVS X.

*An veniale peccatum potest mutari in mortale peccatum?*

**D**Einde quaeritur de hoc quod dicitur [Quaedam enim peccata mortalia, &c.] Contra: Sciunt artifices alchimiae species transmutari non posse: sed diuersae sunt species peccati, veniale

*De illo cui sacerdos indiscretus iniungit parvam poenitentiam*

**S**I vero de illo quaeritur, qui satisfactionem iniunctam impleverit, quae ignorantia vel negligentia sacerdotis, peccato condigna non fuit, utrum de vita migrans ab omni poena liber sit? Idem respondeo, quod supra de illo qui poenitentiam non complevit, dixi. Quod si tantum est lamentum interioris doloris, ut sufficiat in vindictam peccati, omnino liberans est: si vero non sufficit dolor interior simul cum poena iniuncta, addet Deus poenam. Quod autem interdum sufficiat dolor interior ad vin-



dictam peccati, certum documentum habemus in illo latrone: qui  
 Luc. 13. sola mentis contritione & confessione statim vt conuersus fuit, para-  
 disum ingredi meruit. Sed quia dispensatores Ecclesiæ, contritionis  
 quantitatem non perpendunt, quibus non est datum intelligere oc-  
 culta cordium, omnibus leges pœnitentiæ constituunt, tam magis  
 quam minus de peccato dolentibus. Quorum studium ad hoc præ-  
 cipuè tendere debet, vt cordis dolorem (quantum fas est) cognos-  
 cant, & secundum ipsius modum satisfactionem iniungant: vnde  
 In Ench. Augustinus, In actione pœnitentiæ, vbi tale commissum est, vt is  
 cap. 65. qui commisit, à Christi etiam corpore separetur: non tam confide-  
 randa est mensura temporis, quam doloris. Cor enim contritum &  
 Psal. 37. humiliatum Deus non despicit. Verum quia plerumque dolor alterius  
 cordis occultus est alteri, nec in aliorum notitiam nisi per verba vel  
 alia quæcunque signa procedit: cum sit coram illo cui dicitur, Gemi-  
 tus meus à te non est absconditus: rectè constituuntur ab his qui  
 Ecclesiis præsumt, tempora pœnitentiæ, vt satisfaciatur etiam Ecclesiæ,  
 in qua peccata ipsa remittuntur: extra eam quippe non remittuntur.  
 1. Cor. 1. Ipsa enim Spiritum sanctum pignus accepit, sine quo non remittun-  
 tur vlla peccata. Item Hieron. Mensuram temporis in agenda pœni-  
 tentia ideo non satis apertè præfigunt canones pro vnoquoque crimi-  
 ne, vt de singulis dicant qualiter vnumquodque emendandum sit: sed  
 magis in arbitrio sacerdotis intelligentis relinquendum statuerunt: quia  
 apud Deum non tantum valet mensura temporis, quantum doloris:  
 nec abstinencia tantum ciborum, quantum mortificatio vitiorum.  
 Ideoque tempora pœnitentiæ pro fide & conuersatione fidelium pœ-  
 nitentium abbrevianda præcipiunt, & pro negligentia protelanda: pro  
 quibusdam tamen culpis modi pœnitentiæ sunt impositi.

## ARTICVLVS XII.

*An qui iniunctam pœnitentiam non per-  
 fecerit, tenebitur illam in purga-  
 torio perficere?*

**D**Einde quæritur de hoc quod dicit ibi [ Si  
 vero quæritur de illo qui satisfactionem  
 iniunctam non impleuit. Videtur enim, quod ini-  
 iuste agitur cum illo si Deus eum punit: fecit  
 enim ille quod Dominus imperauit Matth. 23.  
 Quæcunque dixerint vobis, seruare & facite:  
 sed iste fecit quicquid ei sedens super cathedram  
 Moysi præcepit: ergo videtur, quod in toto sit  
 absolutus.

2. Adhuc, Iste non tenetur scire taxationes  
 pœnitentiarum: ergo videtur, quod si etiam mi-  
 nor iniungitur, & ipse complet eam, quod igno-  
 rantia absoluit à residuo: ergo ipse amplius non  
 debet puniri in purgatorio.

3. Adhuc, Sicut superius patuit, pœnitentia  
 iniungitur non tantum pro quantitate reatus, sed  
 etiam vt sit medicina: vnde cum coitus sit maius  
 peccatum in sene, quam in iuvene: tamen quan-  
 doque maior pœnitentia iniungitur iuveni, quam  
 seni: quia maiori indiget medicina morbus ille  
 in iuvene, quam in sene. Ponamus ergo, quod

talis tantum expleat, quantum competit pro rea-  
 tu quem fecit, nec tamen in totum expleat quod  
 iniunxit sacerdos. Et quærat, vtrum ille com-  
 plebit in purgatorio? Videtur, quod sic: quia non  
 impleuit totam pœnitentiam sibi iniunctam hic:  
 ergo in purgatorio implebit residuum secundum  
 ea quæ dicuntur hic in litera.

**CONTRA:** Secundum quantitatem delicti  
 fit & plagatum modus: sed recepit iam pœnam  
 secundum quantitatem delicti: igitur iniuste se-  
 cum agitur, si amplius punitur. Sed con-  
tra  
Deut. 19.

**RESPONSIO.** Ad primum quæsitum di-  
 cendum, quod sicut ipse dicit in litera, in purga-  
 torio implebit. Solutio.

**AD PRIMUM** contra obiectum, dicendum  
 quod sic intelligitur: quæcunque dixerint vobis  
 secundum discretionem diuini iuris & peccantis:  
 hic autem non seruatur discretio iuris diuini.

**AD ALIUD** dicendum, quod ignorantia  
 iuris est, licet sit obscurum ius: quia tenetur sci-  
 re, quod satisfactio debet esse proportionata cul-  
 pæ: & hæc talis ignorantia, vt dicit Augustinus,  
 nullum excusat vt non ardeat: sed vt minus ardeat  
 excusare potest.

**AD ID** quod vltius quæritur, dicendum  
 quod statim talis euolat: quia amplius non indi-  
 get medicina. Ad quod  
si iustum  
lam.

**AD OBIECTUM** contra, dicendum quod  
 intelligitur



intelligitur de iniunctis ad reatum delendum tantum.

ARTICVLVS XIII.

*An latro statim vt conuersus fuit, paradysum ingredi meruit?*

**D**Einde quæritur de hoc quod dicit ibi [ Statim vt conuersus fuit, paradysum ingredi meruit, &c. ] Contra: Ante ascensionem nullus intrauit cælum nisi latro: quia dicitur Mich. 2. Ipse ascendit, pandens iter ante eos. Ergo videtur, quod falsum dicit in litera. Si forte dicas, quod propositio quæ iacet in litera, duplex est, ex eo quod ly statim potest determinare illud verbum meruit, & sic est vera: vel verbum ingredi, & sic est falsa. Contra: Luc. 23. Amen dico tibi, hodie mecum eris in paradiso. Ergo videtur, quod determinat ingredi: & in hoc sensu falsa fuit: ergo falsa est simpliciter.

*Solutio.*

**R**ESPONSIO. Dicendum, quod tres generales sententiæ sunt de paradiso, vt dicit Augustinus, in principio 12. super Genes. ad literam, scilicet quod sit corporalis, quod sit spiritualis, & quod sit vtrique locus. Dicendum ergo, quod spiritualis paradysus est in quo sancti cum Deo conuersantur: & ille habet tria, scilicet requiem, & delicias in obiecto fruendum, & loci congruentiam quod est cælum empyreum. Et quantum ad

duo prima latro statim cum Christo ingressus est paradysum post mortem, scilicet quoad requiem, & delicias fruitionis. Quantum autem ad tertium verum est, quod nullus ingressus est nisi post ascensionem. Et per hoc patet solutio ad totum.

ARTICVLVS XIV.

*An mensura temporis satis aperte præfigitur pœnitentibus?*

**D**Einde quæritur de hoc quod dicit ibi [ Mensuram temporis in agenda pœnitentia ideo non satis aperte præfigunt canones, &c. ] Videtur enim falsum quod dicit, quod canones determinant pœnitentias septennas & triennes, & 40. dierum, & plus, & minus, vt patet in decreto: ergo videtur, quod Hieron. hic falsum dicit.

**R**ESPONSIO. Dicendum sicut supra notatum est, quod nunquam aperte præscribitur regula pœnitentiæ: sed tamen tria ad minus attendenda sunt, scilicet peccati qualitas, contritionis quantitas, & status pœnitentis. Canon autem non attendit nisi vnum: & ideo quod dicit, non est nisi quasi exemplare ad dirigendum in aliis ad minorandum ab illo, vel illi addendum secundum arbitrium discreti sacerdotis, hæc tria solenniter obseruantis.

*Solutio.*

*Quod morientibus non sit imponenda satisfactio, sed innotescenda.*



**S**OLET etiam quæri, Vtrum satisfactionis lex morituris sit imponenda? De quo Theodorus Cantuariens. Episcopus in pœnitentiali suo sic ait, Ab infirmis in periculo mortis positis, pura inquirenda est confessio peccatorum: non tamen est illis imponenda quantitas pœnitentiæ, sed innotescenda: & cum amicorum orationibus, & eleemosynarum largitionibus, pondus pœnitentiæ subleuandum, si fortè migrauerint. Si verò conualuerint, pœnitentiæ modum à sacerdote impositum diligenter obseruent. Aliis vero pro qualitate peccati, pœnitentia decernenda est præsentium arbitrio. Vnde Leo Papa, Tempora pœnitentis habita moderatione constituenta sunt tuo iudicio, prout conuersorum animos perspexeris esse deuotos. Pariter etiam habere debes ætatis senilis (alias simul) intuitum, & respicere periculorum quorumcunque vel ægritudinum necessitates.

16. q. 7.  
cap. Ab  
infirmis.

16. q. 7.  
c. Tem-  
pora.

*In necessitate non est neganda pœnitentia vel reconciliatio.*



**S**CIENTVM etiam, quod tempore necessitatis non est neganda pœnitentia vel reconciliatio petentibus. Vnde Leo Papa, His qui tempore necessitatis & periculi vrgentis instantia præsidium pœnitentiæ, & mox reconciliationis implorant, nec satisfactio interdicenda est, nec reconciliatio deneganda: quia misericordiæ Dei nec mensuras possumus ponere, nec tempora diffinire. Quod si ita aliqua ægritudine aggrauati sunt, vt quod paulo ante poscebant sub

16. q. 6.  
cap. His  
qui.



Ibidem  
c. Pref-  
byter.  
Ezec. 18.  
26. q. 9.  
cap. Co-  
gnoui-  
mus ad  
fin.

sub præfenti significare non valeant, testimonia eis fidelium circunstantium prodesse debebunt: simulque pœnitentiæ & reconciliationis consequantur beneficium. Item Iulius Papa, Si ptesbyter pœnitentiam abnegauerit morientibus, reus erit animarum: quia Dominus ait, Cum conuersus fuerit, tunc saluus erit. Vera enim confessio vltimo tempore potest esse: quia non modo temporis, sed etiam cordis, Deus inspector est, sicut latro probat.

## ARTICVLVS XV.

*An notficari debeat confitenti quantum oporteat facere secundum canonem, non tamen iniungere?*

**D**Einde quæritur de hoc quod dicit ibi [Non tamen illis imponenda est quantitas pœnitentiæ, &c.] Videtur enim, quod periculum sit eis innotescere pœnitentiam: quia grauis pœnitentia indicat graue peccatum: & cognitum inducit in desperationem: cum ergo summè cauendum sit ne infirmus pœnitens cadat in desperationem, videtur quod pœnitentia non sit innotescenda.

**Solutio.** AD HOC dicendum, quod in veritate innotescenda est: quia bonum est infirmo ut suæ culpæ quantitatem cognoscat, ut amplius coneretur: tamen sacerdos indicare debet infirmo misericordiam Dei, cui quasi nihil est multa peccata relaxare, & æquè multa ut pauca: & tunc non cadet in desperationem. Et per hoc patet solutio obiectioni.

## ARTICVLVS XVI.

*Indulgentia siue relaxatio quid sit?*

**D**Einde quæritur de ratione huius quod dicit [Et cum amicorum orationibus & elemosynarum largitionibus pondus pœnitentiæ subleuandum, &c.] Quæritur de relaxationibus siue pœnitentiis. Et quærentur septem, scilicet quid sit relaxatio siue indulgentia? Secundo, An valeat, & effectum habeat, vel non? Tertio, Cui valeat? Quarto, Vtrum valeat non danti & habenti dandi voluntatem? Quinto, Vtrum Papa potest facere indulgentias in mortali peccato existens, & ei qui est in mortali? Sexto, Vtrum Episcopus potest facere indulgentias? Septimo & vltimo, Vtrum plebanus potest eas facere, vel abbas suis monachis?

Ad primum horum sic obiicitur: Magistri diffiniunt relaxationem sic, Relaxatio est satisfactionis maioris in minorem competens & discreta commutatio. Alij sic, Relaxatio est pœnæ temporalis debitæ promissa diminutio. Videtur autem neutra harum competere: quia relaxatio dicit remissionem: commutatio autem non est remissio, sed exactio alterius pro illo æqualis in quantitate, vel valore, vel vtroque: ergo relaxatio non est commutatio: ergo mala diffinitio prima.

**Adhuc,** quia non sic vtritur relaxationibus illi, quorum interest dare relaxationes. Di-

cunt enim, Misericorditer relaxamus: & non ponunt aliquid in quod commutent, nec vtritur verbo commutationis: ergo videtur, quod relaxatio non sit commutatio.

**3** Adhuc, 2. Corinth. 2. relaxationem facit Apostolus dicens, Cui autem aliquid donastis: & ego. Nam & ego quod donavi, siquid donavi, propter vos, in persona Christi. Et planum est hic nullam esse commutationem: ergo videtur, quod relaxatio non est commutatio.

**4** Adhuc, Commutatio magis est voluntatis quam potestatis: cuius probatio est, quia voluntates commutant homines etiam non habentes potestatem: sed relaxatio magis respicit voluntatem: ergo relaxatio non est diffinienda per commutationem.

**5** Adhuc, In corporalibus non sit commutatio per modum relaxationis, sed per modum remissionis: ergo videtur, quod nec in spiritualibus ita debeat fieri: ergo male diffinitur.

Contra secundam autem diffinitionem obiicitur sic: Ponamus enim, quod aliquis sit sufficienter contritus ad culpæ & pœnæ dimissionem: constat, quod ille nullius pœnæ est debitor: ergo non fit ei diminutio aliqua pœnæ: & tamen sibi potest fieri relaxatio: ergo videtur, quod relaxatio non sit diminutio pœnæ.

**IN CONTRARIUM** huius obiicitur: quia relaxatio diuina exemplar est relaxationis Ecclesie: sed omnis diuina relaxatio est cum commutatione maioris pœnæ in minorem: ergo & relaxatio Ecclesie debet esse huiusmodi. Prima patet per se. Secunda probatur per Magistrum Hugonem de sancto Victore, qui dicit, quod remissio culpæ & pœnam æternam obligat ad pœnam temporalem purgatoriam: & ita est commutatio maioris pœnæ in minorem: & sic constat propositum.

**Solutio.** Dicendum, quod diffinitiones datae satis possunt sustineri: si quis tamen hanc date vellet, scilicet quod indulgentia siue relaxatio est remissio pœnæ iniunctæ ex vi clauium & thesauro supererogationis perfectorum procedens: puto, quod melius diffiniret. Quia tunc ibi est remissio ut genus. Sed quia est remissio culpæ quam solus facit Deus, & remissio pœnæ quam Deus & homo faciunt, ideo additur, pœnæ. Quia autem iterum pœna est æterna quam remittit Deus, & temporalis pœna satisfactionis iniunctæ quæ remittit homo, ideo additur, iniunctæ. Quia vero hanc remissionem tantum facere potest habens iurisdictionem & clauem, ideo additur, ex vi clauium. Quia vero non potest remitti debitæ & discretæ pro peccatis iniunctum vni, nisi fiat recompensatio per alterum qui plus debito facit, ideo subiungit, ex thesauro supererogationis perfectorum procedens. In hoc enim thesauro habet Ecclesia diuitias meritorum & passionis Christi, &



& glorioſæ Virginis Mariæ, & omnium Apoſto-  
rum, & martyrum, & ſanctorum Dei viutorum &  
mortuorum. Et pro vtilitate & neceſſitate Eccleſiæ  
poſſunt impendi in ſuffragia eorum qui ſeruiunt  
Eccleſiæ in ſua neceſſitate. Et ideo hanc diffini-  
tionem meliorem aliis iudico.

TAMEN SYSTINENDO primam, dico  
ad primum obiectum, quod commutatio in mi-  
nus eſt cum remiſſione: & quia Eccleſia exigit ali-  
quid ſibi proficuum in neceſſitate, ideo ponitur  
ibi commutatio.

AD ALIUD dicendum, quod modo illo  
in relaxationibus vtuntur: quia accipiunt vel vo-  
rum crucis, vel elemoſynæ collationem, vel ver-  
bi Dei auditum: & hæc ſunt quedam pœnæ mino-  
res: & tunc faciunt relaxationem iſtis habitis.

AD ALIUD dicendum, quod Apoſtolus  
relaxauit pœnam, eo quod ille multum fuerat  
contritus: & ſufficiebat ſibi obiurgatio quam ſu-  
ſtinuebat à pluribus, vt ibidem dicitur, & indi-  
gebat relaxatione: & non erat ibi commutatio:  
quia actior erat in puniendo poſtea ad ædificatio-  
nem Eccleſiæ quam ſcandalizauerat.

AD ALIUD dicendum, quod commutatio  
contractum eſt ad voluntatem: ſed commutatio  
quæ eſt maioris in minus, reſpicit auctoritatem  
eius qui habet gubernare Eccleſiam: quia ſine il-  
lius poteſtate fieri non poteſt: & talis eſt commu-  
tatio indulgentiarum ſive relaxationum.

AD ALIUD dicendum, quod in corporali-  
bus etiam relaxationes ſunt duplices, ſcilicet to-  
tius, vel partis: & indulgentia Eccleſiæ aſſimila-  
tur indulgentiæ in qua indulgetur & relaxatur  
pars, & non totum.

AD ALIUD quod obicitur contra ſecun-  
dam, dicendum quod bene poteſt eſſe, quod taliter  
contritus non ſit debitor quoad Deum, ſed tamen  
debitor eſt quoad Eccleſiam, ſicut expreſſe ex  
litera præcedentis capituli colligitur ex verbis Au-  
guſtini & Hieron. Et ideo de illo poteſt ſibi fieri  
diminutio & relaxatio. Et per hoc patet ſolutio  
da totum.

## ARTICVLVS XVII.

*An relaxatio etiam habeat effectum, & an  
valeat?*

Secundo quaeritur an valeat relaxatio, & an  
effectum habeat, vel non. Videtur autem,  
quod nihi valeat. 2. Tim. 2. Fidelis eſt, & ſeipſum  
negare non poteſt. Gloſſ. Quod faceret ſi ſua di-  
cta non impleteret. Sed dixit, quod ſecundum men-  
ſuram delicti debet eſſe plagatum modus. Ergo  
nihil de illo poteſt relaxare: ergo videtur, quod  
nihil valeat relaxatio.

2. Adhuc Auguſt. Aut Deus punit, aut homo:  
ſed homo non punit digne quod relaxatur: ergo  
Deus punit: ergo non valde relaxatio.

3. Adhuc Iſa. 40. Dimiſſa eſt iniquitas illius:  
ſuſcepit de manu Domini duplicia pro omnibus  
peccatis. Ergo videtur, quod pœnæ ſint potius  
duplicandæ: quam indulgentiæ: ergo indulgentia  
nihil valet, vt videtur.

4. Adhuc Gloſſ. ſuper illam locum Iſa. Suſce-  
pit tormentum in corpore & in anima pro omni-  
bus peccatis ſuis. Ergo nihil valet ei relaxatio:

ergo nec alij valet, quia de ſimilibus idem eſt iu-  
diciū, vt dicit Boetius.

5. Adhuc, Morbus corporalis non poteſt ex-  
cidi & curari, niſi per antidotum: & ſi relaxetur  
antidotum, remanet morbus: ſed morbus ſpiri-  
tualis magis eſt difficilis, & pœnitentia iniuncta  
eſt eius antidotum: ergo ſi relaxaretur aliquid de  
pœnæ, remaneret morbus: ergo nihil valet, ſed  
etiam ob eſt relaxatio pœnitentiæ iniunctæ.

6. Adhuc, Videtur eſſe deſiſſo emete pro obolo  
indulgentiam quadraginta dierum, vel vnus an-  
ni, vel quinque, vel plurium.

7. Vtcrius videtur, quod etiam ſimonia com-  
mittatur in talibus: conſtat enim, quod ſpirituale  
eſt quod remittitur ab Eccleſia, & temporale eſt  
quod pro illo exigitur & impenditur: ergo ſi ibi  
emptio ſpirituæ pretio temporali: & hoc facit  
ſimoniam: ergo in talibus committitur ſimonia.

8. Adhuc, Ponamus alicui iniunctos eſſe ſeptem  
annos ieiuuij, & veniat vno die ſepties ad Ec-  
cleſiam quæ habet à Papa indulgentiam vnus  
anni, & ſemper offerat vnum obolum: ergo iſte in  
ſolo die per ſeptem obolos abſolutus eſt à ſeptem  
annis pœnitentiæ iuſtè ſibi iniunctæ: ſed hoc mi-  
rum ſi etiam infideles non iridebunt.

SI AVTEM concedatur, quod nihil valet. Sed con-  
tra. 2. Corinth. 2. Nam & ego quod donauī,  
ſiquid donauī, propter vos, in perſona Chriſti.  
Gloſſa, Ac ſi Chriſtus condonaſſet: ſed conſtat,  
quod hoc quod Chriſtus condonat, condonatum  
eſt: ergo & quod Apoſtolus condonauit: ſed tantæ  
potentiæ eſt Papa, quantæ Paulus: ergo & quod  
Papa condonat, condonatum eſt: ergo & quod illi  
condonant, qui vt condonare poſſunt habent à  
Papa: ergo tantum valent indulgentiæ, quantum  
ab his qui eas dant, valere dicuntur.

Adhuc Chryſoſtomus ſuper Matth. 16. ſu-  
per illud, Dabo tibi clauē, &c. Homini mortali  
& terreno omnium quæ in celo ſunt, poteſtatem  
commiſit Deus: & Eccleſiam celo validiorem  
monſtrauit. Conſtat autem, quia quod in celo  
indulgetur, omnino indultum eſt: ergo cum Eccle-  
ſia validior ſit celo, videtur quod indultum eſt  
illud, quod relaxatur in Eccleſia.

Adhuc, Vniuerſalis gubernator Eccleſiæ  
præcipue in his quæ tota Eccleſia recipit & ap-  
probat, non eſt credendus fallere velle aliquem:  
conſtat autem, quod ipſe indulgentias valere  
prædicat & prædicare facit: ergo vt videtur, ſim-  
pliciter valent, ſicut valere prædicantur.

4. Adhuc Luc. 22. Ego pro te rogavi Petre, vt  
non deficiat fides tua: hoc autem Petro dictum eſt  
in perſona Eccleſiæ: ergo Eccleſiæ vniuerſalis non  
errat: ergo videtur, quod indulgentiæ valent.

Adhuc, Videmus, quod huiusmodi promit-  
tuntur Petro in perſona Eccleſiæ: cum dicitur,  
Ego non dico tibi Petre, Dimittite ſepties, ſed  
vique ſeptuagies ſepties: ergo videtur, quod quan-  
to plures dat indulgentias Eccleſiaſticus diſpenſa-  
tor, tanto melius facit: ſed non melius faceret ſi  
indulgentiæ nihil valerent: ergo indulgentiæ va-  
lent & effectum habent.

Adhuc, In corpore humano videmus quod  
pondus & infirmitatem vnus membri recipit  
aliud membrum: facit enim fluere ſapientia medi-  
cus ſuper aliud minus periculoſum: ergo ita erit  
etiam in ſpiritualibus: ergo vnus poteſt facere pro  
alio: ergo cum indulgentia ſit vnus ex hoc quod  
plus



plus fecit alio, videretur effectum habere indulgentia & esse vera.

*Solutio.*

**R E S P O N S I O.** Dicendum, quod tres opiniones antiquitus fuerunt circa indulgentias. Quidam enim rationibus prædictis plus moti, quam necesse esset, dixerunt indulgentias omnino nihil valere, & esse eas iam fraudem qua mater decipiendo pueros suos prouocat ad bonum, scilicet peregrinationes, & eleemosynas, & auditum verbi Dei, & huiusmodi: & dederunt exemplum de matre prouocante paruulos ad ambulandum quod vtile est paruulis, & in fine viæ promittente ei pomum, & postea subtrahente: quæ deceptio etiam pia est. Sed isti ad ludum puerorum distrahunt facta Ecclesiæ: & hoc ferè sapere hæresim puto: in nullo enim crederetur Ecclesiæ, si in istis quæ prædicantur populo, & adhortantur ut faciant, inueniatur deceptio. Ideo alij plusquam oportuit contradicentes, dixerunt quod simpliciter sicut pronuntiantur indulgentiæ, ita valent sine omni alia conditione intellecta vel dicta. Sed quia isti nimis bonum forum dant misericordie Dei, ideo tertiæ opinioni consentiendum mihi videtur, quæ eligit viam mediam opinionum, scilicet quod indulgentiæ valent sicut eas valere prædicat Ecclesiæ: sed sex exiguntur conditiones quæ suppositæ sunt vel dictæ ab Ecclesiâ. Duæ autem sunt ex parte dantis, quarum prima est dantis auctoritas ex iurisdictione quam habet sicut Papa, Episcopus, Legatus, & huiusmodi. Alia est pia causa dantem mouens, non priuata, sed publica. Hæc autem causa, tanquam in duo diuiditur, ut scilicet sit iusta necessitas talia postulandi à fidelibus, vel publica utilitas. Iusta necessitas, sicut periculum patriæ, liberatio terræ sanctæ, periclitata fides, periclitatio studij, & huiusmodi: utilitas autem, sicut paupertas loci, auditus verbi Dei, frequentatio reliquiarum, & huiusmodi. Alia duo supponuntur ex parte recipientis, scilicet quod sit contritus & confessus in voto seu in proposito, & quod habeat fidem, quod hoc sibi possit fieri per clauium potestatem. Et ideo semper in literis indulgentiarum continetur, Omnibus contritis & confessis, &c. quia aliter non esset ab eo solubilis poena, nisi iam præcessisset in eo remissio culpæ. Alia duo exiguntur ex parte gratiæ vel Ecclesiæ in qua fit remissio peccatorum, scilicet abundantia thesauri meritorum repositorum in thecis spiritualibus Ecclesiæ, de quibus meritis supra dictum est: & iusta æstimatio solutionis eius, pro qua indulgentia est instituta. Iustam autem voco æstimationem, non quæ sit ad æstimationem recipientis indulgentiam, qui forte nimis parum æstimaret quod dat, sicut dixerunt quidam: nec etiam ad æstimationem dantis indulgentiam, qui nimis parum, datum fortè æstimaret: & hoc dixerunt alij. Sed voco iustam æstimationem bonorum virorum secundum Ecclesiæ necessitatem, considerato tempore & facultate personæ: quia vno tempore plus valet parum adiutorij, quam alio magnum: & plus & vni dare parum, quam alij multum. His autem quidam addere volunt duo alia, scilicet si sacerdos iniungens poenitentiam promiserit, & si vtile sit poenitenti ut talem poenitentiam recipiat. Unde notant versus sic:

*Si tibi promittat confessor, si tibi forte  
Expediat aliqua loco denoro, cum sale præsul  
Securum facies, post hoc oblatio fiat.*

Sed puto, hæc duo vltima addere non oportere, quia indulgentia semper à superiore datur, qui non habet aliquid querere à sacerdote qui satisfactionem iniunxit, sed potius etiam contra voluntatem sacerdotis circa subditum potest facere quod vult. De secundo constat, quod non est addendum: quia non puto dubium esse alicui quin semper bona sit indulgentia.

**D I C E N D U M** ergo ad primum, quod Deus se non negat confirmando indulgentiam Ecclesiæ, sed potius se veracem ostendit in hoc quod dixit, Quorum remisistis peccata, remittuntur eis: & ista verba implet, quia secundum mensuram delicti est poena dupliciter proportionata, scilicet in quantitate, & hoc attendit clauis in confessione: vel valore Ecclesiæ, & hoc attendit clauis in relaxatione, quando præcipit fieri quod magis valet Ecclesiæ, in qua peccata omnia remittuntur.

**A D A L I V D** dicendum, quod homo præsumit hoc, sed non idem homo, sed alius qui in poenis supererogationum in potestate dispensandi habet Ecclesiæ: & hoc bene potest fieri: quia sicut habetur 1. Corinth. 12. in Glossa & textu, sicut communicantur bona corporis naturalis de vno membrorum in aliud: ita communicantur bona corporis mystici.

**A D A L I V D** dicendum, quod duplicia non dicunt in poenæ dupliciter: quia hoc esset punire ultra condignum, quod non competit Deo, cuius proprium est miseri & parcere: sed hoc est puniri in corpore & anima. Et in anima quidem omnis poenitens punitur per dolorem contritionis: in corpore autem per aliquam satisfactionem: quæ licet non sit illa quam iniungit confessor, est tamen illa quam requirit ille qui dat indulgentiam: quia, sicut supra habitum est, commutatio quædam est poenæ in poenam, licet sit minor quantitate, tamen maior est in valore, tempore utilitatis & necessitatis Ecclesiæ.

**A D A L I V D** dicendum, quod Glossa non intendit per poenam corporis & animæ, aliud quam quod dictum est.

**A D A L I V D** dicendum, quod in veritate illa obiectio est bona: sed dicendum, quod in spiritualibus aliud est, quam in corporalibus: quia in spiritualibus omnes morbi pendent ex causa vna quæ est peruersa voluntas, & illa conuersa esse supponitur antequam locum habeat indulgentia: & ideo quæcunque poena est satisfactoria residui remanentis, ita quod morbus non reuertitur: sed in morbis corporalibus non omnes morbi pendet ex radice vna, & ideo non potest medicina in medicinam commutari: tamen consilium meum in talibus consuevit esse, quod etiam post relaxationem poenitens maneat in poenitentia quam discretus confessor post diligentem examinationem confessionis iniungit: quia ille non iniungit tantum pro reatu delendo, sed etiam ut sit medicina contra pronitates contractas ex antiquis peccatis, quæ non delentur per indulgentiam, sed potius per opera satisfactionis prædicto modo iniunguntur. Et licet non teneatur ieiunia seruare ut satisfaciatur pro reatu: vtile tamen est, quod seruet pro medicina reliquiarum peccati: sicut etiam medicus corporalis dat medicinam, & ordinat dietam: istud enim iniunctum est sicut ordinatio cuiusdam dietæ, congruens ei qui taliter peccauit.

**A D A L I V D** dicendum, quod nulla est simonia:



monia: quia illud quod Ecclesia exigit, non refertur ad corporale, sed ad spirituale: nec est ibi emptio, sed largitas Ecclesie sic ad bonum prouocantis filios suos.

AD ALIUD dicendum, quod in veritate nulla est delusio: quia pro obolo recipit, quantum secundum suam facultatem & Ecclesie valet: oblata etiam non recipit tantum, quantum credunt illudores. Et per idem etiam patet solutio ad sequens, & solum est totum.

## ARTICVLVS XVIII.

### *Cui valeat indulgentia?*

**T**ertio queritur, Cui valeat? Et ibi queruntur sub vno articulo tria, scilicet an valeat existenti in mortali peccato? & an valeat æqualiter seculari & religioso? Et tertio, An valeat existenti in inferno vel purgatorio?

*Quæst. 1.* **V**IDETUR autem, quod valeat omnibus in peccato mortali existentibus: quia prædicatur omnibus indulgentia: sed Ecclesia nullum fallit: ergo æqualiter omnibus valet.

2 Item, Ecclesia excogitauit indulgentias propter necessitatem quam patiuntur peccatores, plus facientes in peccatis, quam possint satisfacere in pœnis: sed secundum hoc nulli tantum indigent, sicut in peccato mortali existentes: ergo videtur, quod indulgentia præcipue valeat illis.

*Sed contra.* **S**ED IN CONTRARIUM est, quod à nullo solubilis est pœna nisi à quo soluta est culpa: sed ab isto non est soluta culpa: ergo insolubilis est pœna: sed Ecclesia non relaxat nisi pœnam: ergo videtur, quod talibus nihil relaxat.

2 Adhuc, Clavis in confessione absoluens confidentes certior est in effectu suo, quam clavis in relaxationibus: sed in confessione non absoluit nisi absolutum prius à Deo à culpa mortalis peccati: ergo non in relaxatione aliquid absoluitur de pœna, nisi prius remissa sit culpa à Deo.

*Quæst. 2.* **V**LTERIVS queritur iterum de secundo, Vtrum æque prodest religioso, & seculari? Videtur autem, quod plus prodest seculari: remissio enim debetur indigentibus, qui minus faciunt in satisfactione: sed tales sunt seculares: ergo illis præcipue datur relaxatio.

2 Adhuc, Non est vnus status dantis stipendia in temporalibus, & accipientis: ergo nec in spiritualibus: sed spirituales sunt ex quorum abundantia suppleantur defectus aliorum: ergo videtur, quod quicquid relaxatur in secularibus, quod hoc totum imponitur religiosis ad suppleendum: ergo videtur, quod quando datur secularibus indulgentia vnus anni, quod vnus annus apponitur religiosis pro satisfactione pro peccatis.

*Sed contra.* **I**N CONTRARIUM obicitur: quia magis combustibile magis comburitur: & est in omnibus aliis ita, quod magis susceptibile alicuius, magis suscipit de illo: ergo magis susceptibilis spiritualium beneficiorum, magis de ipsis suscipit: sed magis depuratus, magis est susceptibilis spiritualium beneficiorum: ergo videtur, quod tales magis suscipiunt: sed religiosi vt fre-

*D. Alb. Mag. in Lib. 4. Sensum.*

quenter, magis sunt puri & susceptibles: ergo magis suscipiunt de spiritualibus donis: sed de spiritualibus donis est indulgentia: ergo religiosi & spirituales viri plus indulgentie recipiunt, vt videtur.

Sed videtur, quod vtrisque necessaria sit indulgentia: omni enim illi cui non sufficiunt bona propria, necessaria sunt communia & indulgentie Ecclesie: sed nulli religioso vel seculari sufficiunt propria: ergo videtur, quod tam religioso quam seculari necessaria sit indulgentia, & bona communia Ecclesie.

*Quæst. 3.* **V**LTERIVS queritur, Vtrum indulgentia possit dari tam viuis, quam mortuis qui sunt in purgatorio vel in inferno? Videtur autem, quod sic: quia Ecclesia prædicat crucem, & facit prædicari pro se & duabus vel tribus vel quandoque decem animabus tam viuorum, quam mortuorum, ad electionem cruce signati: sed illæ animæ sunt quandoque in inferno, quandoque in purgatorio, quandoque autem sunt adhuc viuorum: ergo videtur, quod indulgentia crucis valeat omnibus illis quæ dictæ sunt animabus.

2 Adhuc, Suffragia Ecclesie se extendunt ad existentes in purgatorio, quia aliter Ecclesia incassum offerret pro illis: & secundum quandam opinionem se extendunt ad existentes in inferno: sed indulgentie de præcipuis suffragiis sunt Ecclesie: ergo videtur, quod indulgentie se ad omnes illos extendant.

3 Adhuc, Cuicumque prodest meritum personale vnus de Ecclesia, illi multo amplius prodesse potest meritum commune tam capitis quam membrorum Ecclesie, si ad ipsum deriuetur: sed damnatis in inferno profuit quandoque meritum personale vnus de Ecclesia: ergo damnatis in inferno prodesse potest meritum commune tam capitis quam membrorum Ecclesie, si ab ipsis deriuetur: deriuatur autem per indulgentiam: ergo si detur eis indulgentia, proderit eis. Prima patet per se: quia maioris efficacie est meritum commune, quam personale. Secunda patet per ea quæ leguntur de Traiano & Gregorio: quia de inferno extractus est Traianus ad preces Gregorij: ergo constat propositum.

*Sed contra.* **I**N CONTRARIUM huius obicitur: quia ita dicitur Petro, Quodcumque ligaueris super terram, &c. sed mortui non sunt de existentibus super terram: ergo videtur, quod ad ipsos clauis Ecclesie non se extendantur.

2 Adhuc, Non habet locum indulgentia, nisi vbi habet locum meritum: ergo non nisi in via habet locum indulgentia: sed mortui non sunt in via: ergo in mortuis non habet locum indulgentia. Probatur prima ex hoc, quod indulgentia est satisfactiua per modum meriti. Secunda autem patet per distinctionem viae, & patriæ siue termini: quia distinguuntur per meritum & præmium tam à Sanctis, quam à Magistris.

3 Adhuc, Cum accepero tempus, ego iustitias iudicabo: sed post mortem accipit tempus Dominus, vt communiter dicitur: ergo tunc secundum iustitiam & non secundum indulgentiam iudicabit: non ergo tunc habet locum indulgentia.

**R**ESPONSIO. Dicendum videtur ad ea quæ queruntur in primo articulo, quod indulgentie valent omnibus tam existentibus in mortali, quam



quam in statu gratiæ, sed differenter: quia existentibus in statu gratiæ valent ad diminutionem pœnæ expiatiuæ siue iniunctæ siue iniungendæ, si sacerdos iniungens errauit. Sed existentibus in mortali peccato valet dupliciter: vno modo per modum illum quo diximus vnum alij mereri posse primam gratiam conuersionis, si orat & ieiunat & alia bona opera pro eo facit: si enim hoc potest vnus, multo magis hoc potest Ecclesia per thesauros communium meritorum quos super ipsum ponit indulgentia. Alio modo, sicut diximus, quod opera de genere bonorum viciniant hominem gratiæ, eo quod præcedit quoddam in peccatoribus quibusdam, vt dicit Aug. quo digni sint iustificatione, dignitate congruentiæ non condignitatis: ita & multo amplius indulgentia cum fide etiam informi vicinat hominem gratiæ & facit conuersioni magis idoneum. Aliter vero non puto valere indulgentias existentibus in mortali peccato.

In 1. dist.  
41.  
Lib. 83.  
q. quæst.  
68.

AD DVO igitur prima, dicendum quod per hunc modum valent, & sic Ecclesia intelligit valere. Et de conuersione peccatores maximam patiuntur necessitatem. Ad hoc autem quod obiicitur, dicendum quod bene conceditur, quod non valet eis per modum illum: quia nunquam habet locum indulgentia quantum ad pœnæ remissionem, nisi primo pœna contritionis posita in pœnitente, scilicet dolore contritionis, qui facit pœnam solubilem, mutando æternam in temporalem. Et per hoc etiam patet solutio ad ea quæ quærentur in primo articulo.

Ad qu. 1.

Ad qu. 2.

AD EA quæ sequuntur in secundo, dicendum videtur, quod profint vtrisque indulgentiæ: sed tamen puto, quod secundum primam intentionem Ecclesiæ non dantur nisi indigentibus merito alieno propter defectum proprii: & illi sunt seculares ædificantes lignum, fœnum, stipulam, vt in sequenti distinctione dicitur: vel religiosi tantum habitu, qui vitam secularium imitantur, quia vere illi irreligiosi dicendi sunt. Per hoc patet solutio ad duo prima quæ procedunt secundum primam Ecclesiæ intentionem: & bene puto, quod verum hoc modo concludunt: nec propter hoc peior est conditio religiosorum, sed potius melior: sicut melior est conditio abundantis in merito, quam indigentis, & ideo alienum non accipientis: sicut Dominus secundum sententiam Pauli in Actibus dicit, Beatius magis est dare, quam accipere: hoc præcipue verum est in spiritualibus.

Cap. 10.

AD ID autem quod in contrarium obiicitur, dicendum quod duplicia sunt dona spiritualia, scilicet secundum ordinem ad bonum quæ sunt dona & virtutes: & illorum sunt magis susceptibles, magis boni. Alia sunt secundum ordinem à malo, sicut bonum contritionis & satisfactionis & indulgentiæ: & horum sunt magis susceptibles, magis indigentes. Et est instantia ad argumentum: quia innocens in quantum huiusmodi, purior est quam ille qui peccauit: nec tamen propter hoc magis est susceptibilis innocens pœnitentiæ & contritionis vel satisfactionis, licet omnia illa sint dona spiritualia.

AD ALIVD dicendum, quod si districte agatur nobiscum, nulli sufficit meritum proprium, præterquam Christo: quia ille non indiguit aliquo propter se: sed aliud est condignum, &

aliud requisitum à nobis: non enim Deus requirit à nobis impossibilia, sed quædam pauca & leuia, scilicet mandatorum custodiam: & illis multa supererogare possumus, & hæc reponimus in thesauris. Et est simile, quod si Dominus de lucro talenti commissio seruo, de mille marcis exigeret vnum denarium: totum enim aliud seruus posset reponere in thesauris: & habens illud ex beneuolentia Domini magis quam ex iustitia, non indigeret mendicare alienum suffragium.

AD ID quod quæritur de ultimo articulo, videtur sine præiudicio dicendum, quod existentibus in inferno nihil profunt indulgentiæ: sed existentibus in purgatorio profunt multum. Et causa huius est: quia insusceptibiles sunt boni, sicut & demones qui sunt in inferno. Vnde Damasc. Quod in hominibus mors est, hoc est in demonibus casus. Quia sicut homines insusceptibiles sunt pœnitentiæ post mortem, ita & Angeli post casum. Ad hoc autem quod primo obiicitur, dicendum quod ego nunquam vidi talem formam in aliquo authentico emanare à curia: sed potius semper adiungitur, Confessis & pœnitentiæ suscipientibus, vel qui confessi sunt & pœnitentiæ susceperunt: illi autem omnes vel sunt in via adhuc pœnitentes, vel in purgatorio satisfaciendas luendo in pœnis quod fecerunt: & ideo tantum illis valet. Si autem aliqua alia forma emanaret, quæ de his mentionem non faceret, tamen ita deberet intelligi.

Ad qu. 3.

AD ALIVD dicendum, quod sicut infra probabitur, suffragia Ecclesiæ non profunt damnatis ad pœnæ mitigationem vel absolutionem vel suspensionem, nisi valde per accidens ad quandam minutionem pœnæ quæ dicitur vermis conscientiæ: & ideo ex hoc non inferitur, quod indulgentiæ profint talibus.

Si autem dicas, quod opinio est, dicendum videtur illam opinionem magis esse errorem, quam aliquid probabilitatis continere. Et in ea præcipue verum est quod dicit August. quia quod opinamur, debemus errori.

AD ALIVD dicendum, quod illud miraculum beati Gregorij non sufficienter probatum est, nec est auctorizatum, sed apographum. Vnde non legitur postea quid de Traiano acciderit, vbi pœnituerit, & qualiter saluatus sit: & ideo ego hoc fabulam reputo. Si autem aliud inueniatur per quod confirmetur miraculum illud, tunc dico, quod Traianus non fuit mortuus, ita quod finalem sententiam suæ condemnationis acciperet, sed potius vt gloria Dei in meritis beati Gregorij manifestaretur: sicut Dominus dicit de Lazaro, quod infirmitas hæc non est ad mortem, sed ad gloriam Dei, vt glorificetur Filius Dei per ipsam: si enim ipse præstitum sibi tempus ad meritum impleisset, & ita mortuus esset, etsi milles suscitaretur, nunquam pœniteret: quia confirmatus esset in malo, & insusceptibilis pœnitentiæ: sine pœnitentia autem peccator saluari non potest: & tunc non sequitur, quod profuit damnatis, quia ille secundum hoc vltima sententia damnatus non fuit, sed à vita suspensus ad tempus, vt gloria Dei & bonitas per merita etiam Gregorij amplius exaltaretur.

AD ID autem quod obiicitur in contrarium, oportet soluere pro illis qui sunt in purgatorio, dicendo quod secundum aliquid existentes in purgatorio,



purgatorio, sunt super terram: quia scilicet meruerunt dum viuerent, quod eis etiam post mortem ad velociorem liberationem possent valere. Et hoc in sequentibus in litera habetur ex verbis Augustini. Purgatorium enim quodammodo via & quodammodo terminus est: quantum enim ad confirmationem, quia peccare amplius non possunt, sunt in termino: sed quantum ad non peruenisse adhuc ad emendationem qua emendantur, sunt adhuc in via & in transitu ad patriam.

AD ALIVD patet solutio per idem: quia meritum alienum ratione dicta habet locum in purgatorio: & hoc infra magis probabitur.

AD ALIVD dicendum, quod Dominus quoad hoc iustitias iudicat, quia districtiore poena poenitentiae: sed non omnino sunt in via: & hoc meruerunt dum viuerent: & in hoc misericorditer agitur cum eis, quod prodest eis meritum alienum. Et per hoc patet solutio ad totum.

### ARTICVLVS XIX.

*An indulgentia aequaliter valeat danti & facienti hoc quod Ecclesia requirit, & habenti voluntatem faciendi, sed non facienti propter defectum facultatis?*

Quarto quaeritur, Vtrum aequaliter valeat danti & facienti hoc quod Ecclesia requirit, & habenti voluntatem faciendi illud, sed non facienti propter defectum facultatis? Et videtur, quod sic: quia voluntas pro facto reputatur: sed iste libenter daret si haberet: ergo videtur, quod reputetur ei pro facto.

2. Adhuc, Dominus laudat viduam ponentem duo minuta, dicendo quod omnibus plus posuit: sed hoc non potuit fieri nisi propter voluntatem: ergo videtur, quod voluntas etiam melius valet quam factum.

3. Adhuc, 2. Corinth. 19. Si voluntas prompta est, secundum id quod habet, accepta est, non secundum id quod non habet. Et ex hoc iterum sequitur idem quod prius.

*Sed contra.* IN CONTRARIUM huius obicitur: quia ponamus, quod diuidantur multae indulgentiae propter data vel facta diuersa, quae pro indulgentiis exigit Ecclesia: ergo non valent ei qui non potest habere: ergo non omnibus voluntas tantum valet, quantum factum: ergo nec omnibus sunt aequales.

*Solutio.* RESPONSIO. Dicendum, quod questio ista levis est: sunt enim quaedam substantialia merito & praemio, & quaedam accidentalia: quantitas enim charitatis substantialiter exigitur in merito, & secundum quantitatem illius attenditur quantitas meriti & praemij simul: sed in praemio accidentali magis attenditur opus, sicut est diminutio poenae vel celerior liberatio. Vnde bene potest esse, quod habens multas indulgentias, citius liberabitur quam non habens, sed habens voluntatem habendi: sed non liberabitur plenius, nec plenior habebit gloriam, sed citiorem: quia quantitas gloriae est secundum quantitatem charitatis.

AD PRIMA autem tria, dicendum quod  
D. Alb. Mag. in Lib. 4. Sentent.

intelligitur de merito ratione praemij substantialis, hoc quod obicitur, & non respectu praemij accidentalis. Et per hoc patet solutio ad totum.

### ARTICVLVS XX.

*An Papa existens in peccato mortali, potest dare indulgentias, etiam ei qui est in peccato mortali?*

Quinto quaeritur, Vtrum Papa existens in mortali peccato, possit dare indulgentiam existenti in mortali peccato? Videtur autem, quod non: quia opera facta in mortali peccato, mortua sunt: sed opus mortuum nullum viuificat: cum igitur indulgentia sit ad viuificandum vel ad vitam spiritualem ordinata, videtur quod talis indulgentia non valeat.

2. Adhuc, Riuus cui fons non influit, nihil perfluere potest: sed Papa qui est in mortali peccato, est riuus cui fons, hoc est, Spiritus sanctus nihil influit, quia Spiritus sanctus disciplinae effugiet fictum, & non in maleuolam animam intrat sapientia, nec habitat in corpore subdito peccatis: ergo ipse non potest perfluere aliis: ergo nec indulgentiam.

2. Adhuc, Radius solis quem nubes intercipit, ad nos non venit: sed Spiritus sancti gratia dicitur radius a beato Dionysio, & nubes peccatum ab Isaia: ergo gratia quam peccatum intercipit, non venit ad nos: sed indulgentia fluens vel debens fluere a tali Papa, est gratia peccato intercepta: ergo ad nos non venit: ergo non valet talis indulgentia.

IN CONTRARIUM huius est: quia propheta est gratia & radius diuinus: & tamen fluxit per Caypham, eo quod esset pontifex anni illius, ut dicit Euangelista Ioan. 11. Idem habetur per hoc quod legitur Num. 22. 23. & 24. quia praeclarissima propheta per iniquissimum fluxit Balaam toti Synagoga & Ecclesiae.

PROPTER hoc dicimus, quod indulgentiae aequaliter valent, siue a malo siue a bono dentur.

AD PRIMUM ergo quod contra obicitur, dicendum quod dare indulgentias est gratia gratis data, quae potestatis est, non bonitatis vitae: & omnes tales gratiae aequaliter sunt per bonos & malos.

AD ALIVD dicendum, quod prima est vera: secunda est falsa, quia tali Papae influit Spiritus sanctus ea quae sunt potestatis.

AD ALIVD dicendum, quod peccatum non intercipit radium nisi gratiae gratum facientis. Iam autem dictum est, quod iste radius est potestatis, & gratiae gratis datae, sicut & propheta.

### ARTICVLVS XXI.

*An Episcopus possit facere & dare indulgentias?*

Sexto quaeritur, Vtrum Episcopus potest dare indulgentias? Videtur autem, quod non: quia ipse non habet potestatem in thesauris Ecclesiae, sed solus Papa, qui super totum est constitutus: &



indulgentiæ vim trahunt à thesauris Ecclesiæ, sicut iam ostensum est: ergo Episcopus dispensare non potest.

*Sed contra.*

IN CONTRARIUM huius est, quod qui habet iurisdictionem & claves, habet potestatem dandi indulgentias, quia claves cum iurisdictione comitatur potestas dandi indulgentias: ergo videtur, quod habeat potestatem.

*Quæstio- cula.*

VLTERIUS quæritur de hoc quod agitur temporibus nostris, quod Episcopus alterius diocesis dat indulgentiam non in sua diocesi propter approbationem Diocesani: & sic per quadraginta & quadraginta dies multæ indulgentiæ congregantur. Et videtur, quod hoc possit fieri: quia Episcopus potest concedere potestatem non Episcopo dandi indulgentias: ergo & Episcopo potest hoc concedere: ergo talis indulgentia valet.

*Sed contra.*

IN CONTRARIUM huius est, quod constitutio determinat, quod etiam multi Episcopi simul dare non possunt in vno loco & vna vice, nisi quadraginta dies: ergo quod superadditur, valere non videtur.

*Solutio.*

RESPONSIO. Ad hoc dicendum, quod Episcopus in sua diocesi potest dare indulgentiam, & quantum vult, nisi à constitutione Domini Papæ distinctè sit limitata: sicut modo est ad quadraginta dies.

AD PRIMUM ergo dicendum, quod ipse habet in potestate thesauros suæ diocesis & passionis Christi, licet non adeo plenè sicut ille qui habet vniuersitatem potestatis: & ideo non adeo magnam & plenam potestatem conferre indulgentiam. Vnde prima non est vera.

*Ad quæstionem.*

AD ID quod vltius quæritur, dicendum quod, ut mihi videtur, limitatio rationabilis est propter nimium abusum indulgentiarum quæ modo fiunt: unde bene videtur, quod simul non conferant vltra quadraginta dies: si tamen non esset potestas limitata, absque dubio de concessione Diocesani possunt conferre plus & minus, secundum quod permetteret Diocesanus.

## ARTICVLVS XXII.

*An sacerdos simplex conferre possit indulgentias, & an vnus laicus possit alteri dare suas indulgentias?*

SEPTIMO & vltimo quæritur, Vtrum simplex sacerdos conferre potest indulgentias? Videtur autem, quod sic: quia ipse habet in potestate clauium suarum diuitias suæ plebis: ergo ex illis potest communicare magis indigentibus: & hoc ratificat indulgentias: ergo talis potest conferre indulgentias.

*Quod presbyter non reconciliet inconsulto Episcopo, nisi in necessitate.*

*26. cap. Cognouimus, paragra. Cui autem. Et habetur*

**N**ON debet tamen presbyter pœnitentem reconciliare inconsulto Episcopo, nisi vltima necessitas cogat. Vnde in Carthaginensi concilio, Presbyter inconsulto Episcopo non reconciliet pœnitentem, nisi absente Episcopo, vel vltima necessitas cogat. Cuiuscunque pœnitentis publicum crimen est, quod vniuersam

IN CONTRARIUM huius obiicitur: quia plebani non habent potestatem in iurisdictione: unde etiam excommunicare non possunt, nisi in communi: datio autem indulgentiæ sequitur clauem cum iurisdictione coniunctam: ergo videtur, quod plebani non possunt dare indulgentias.

VLTERIUS hic quæritur de abusu qui modo fit, quod etiam laici accipiunt indulgentias, & sibi datas dant alij vel in toto, vel in parte. Verbi gratia, accipio decem dies indulgentiæ, & totidem quilibet de populo: postea de illis decem do tres meo charo, & aliquis alius tres: & sic in populo vno multæ per tres & tres congregantur, & vni viuo dantur vel mortuo. Videtur autem, quod possint hæc fieri: quia magis commutabilia sunt bona spiritualia, quam corporalia: sed in corporalibus ita est, quod mihi datum possum dare alteri siue in toto siue in parte prout voluerit: ego & in spiritualibus possum hoc facere, ut videtur.

IN CONTRARIUM huius est, quod datio indulgentiarum requirit iurisdictionem in dante: sed laicus ille nullam habet iurisdictionem: ergo videtur, quod sibi datam non potest dare. Si forte dicas, quod instantiam habet ideo quia video, quod simplices prædicatores nullam habentes iurisdictionem, de permissione Episcopi dant indulgentias, & sic etiam laicus potest: non est instantia, quia in talibus casibus prædicans pronuntiator est indulgentiæ potius quam dator: & ideo collatio fit per Episcopum, & non per prædicantem.

RESPONSIO. Dicendum, quod simplex plebanus nullam potest dare indulgentiam, ratione prius inducta.

AD ID quod in contrarium inducitur, dicendum quod licet habeat aliquos in plebe sua thesauros, tamen non habet abundantes: indulgentia autem requirit abundantiam multarum Ecclesiarum & plebium.

AD ID quod vltius quæritur, dicendum quod nihil valet talis indulgentia, nisi ad populi delusionem, ratione inducta. Ad id quod contra obiicitur, dicendum quod secus est de indulgentia & aliis bonis spiritualibus, sicut supra ostensum est: quia dicit Augustinus, quod nihil habet indulgentiam nisi peccatum: & hoc priuatum est, non commune, ut bonum, virtus, & gratia: & ideo recipiens indulgentiam, in priuatis suis pœnis pro peccato debitis recipit eam: & ideo quia priuata est, ad alterum deriuari non potest. Potest tamen alij communicare meritum laboris, quantum facit pro indulgentia: sed tunc non taxatur ad tertiam, vel quartam, vel huiusmodi: sed quantum valere concesserit Deus, hoc modo quo quodlibet opus meritorium factum pro proximo, valet ei ad gratiam promerendam vel retinendam si habet eam.



Vniuersam commouerit urbem, ante absidam, scilicet introitum Ecclesie manus ei imponatur. Item Aurelius Episcopus dixit, Si quis in periculo constitutus fuerit, & se reconciliari diuinis altaribus petierit, si Episcopus absens fuerit, debet presbyter consulere Episcopum, & sic periclitantem eius precepto reconciliare. Inconsulto vero Episcopo non potest excommunicatos vel publice poenitentes presbyter reconciliare. Vnde in Carthaginensi concilio secundo statutum est, vt chrisma vel reconciliatio poenitentium & puellarum consecratio a presbyteris non fiat. Item, Reconciliare quamquam in publica missa presbytero non liceat: puellarum tamen consecratio consulto Episcopo per presbyterum fieri valeat. Vnde in Carthaginensi concilio secundo, Presbyter inconsulto Episcopo virgines non consecret: chrisma veto nunquam conficiat. Sicut precepto Episcopi potest presbyter consecrare virgines, sic & reconciliare poenitentes.

26.q.6.  
cap.  
Presbyter.  
26.q.  
6.cap.  
Aurelius  
Episcopus.  
26.q.6.  
cap. Si  
iubet.  
Ibidem.  
Ibidem  
cap.  
Presbyter.

*An oblatio eius sit recipienda, qui currens ad poenitentiam praeuenitur morte?*

**S**I autem quaeritur de illo qui ad poenitentiam festinans, G sacerdotem inuenire non potuit, & ita decessit: vtrum oblatio eius sit recipienda? Dicimus, quia est. Vnde in Appanensi concilio, Si aliquis fuerit mortuus qui non sit confessus, & testimonium habet bonum, & non poterat venire ad sacerdotem, sed praecipit eum mors in domo vel in via: faciant pro eo parentes eius oblationem ad altare, & dent redemptionem pro captiuis.

26.q.6.  
c. Si aliquis.

\*\*\*\*\*

EXPOSITIO TEXTVS.

**N**ON debet tamen presbyter] Hoc autem non seruatur: quia etiam Episcopo in eadem villa existente, non semper habet

presbyter recursus ad ipsum, sed absoluit & reconciliat.

RESPONSIO. Intelligitur de poenitente ligato ab Episcopo vel alio sacerdote, vel publice poenitente. Sequitur alia distinctio.

Solutio.

\*\*\*\*\*

DISTINCTIO XXI.

*De peccatis quae post hanc vitam dimittuntur.*

**S**OLET etiam quaeri, vtrum post hanc vitam aliqua peccata remittantur? Quod aliqua post hanc vitam remittantur, Christus ostendit in Euangelio, vbi ait, Qui peccauerit in Spiritum sanctum, non remittetur ei, neque in hoc seculo, neque in futuro. Ex quo datur intelligi, sicut sancti Doctores tradunt, quod quaedam peccata in futuro dimittentur. Quaedam enim culpe in hoc seculo relaxantur:

De confessione sacramentali quantum ad opportunitatem temporis respectu poenitentiae.



sia ve-  
 nialium.  
 Luc. 12.  
 Mat. 12.  
 Marc. 15.  
 Greg. 25.  
 dist. cap.  
 Qualis  
 hinc.  
 1. Cor. 3.  
 Lib. 11.  
 de ciu.  
 Dei.  
 cap. 16.

laxantur: quædam vero parvæ etiam in futuro, quæ quidem post mortem grauant, sed dimittuntur si digni sunt, si bonis actibus in hac vita meruerunt ut dimittantur eis. De illis etiam qui ædificant lignum, fœnum, stipulam, dicit August. quod ignem tribulationis transitorie inuenient cremabilia ædificia quæ secum portauerunt homines cremantes. Ait enim sic, Post istius sanè corporis mortem donec de igne purgatorio veniatur ad diem damnationis & remunerationis: si hoc temporis intervallo spiritus defunctorum qui ædificauerunt lignum, fœnum, stipulam, huiusmodi ignem dicantur perpeti, quem alij non sentiunt qui huiusmodi ædificia, non portauerunt, ut inueniant ignem transitorie tribulationis venialia concremantem, non redarguo: quia forsitan verum est. Sed quia dicitur, Saluus erit quasi per ignem, contemnitur ille ignis. Grauior tamen erit ignis ille, quam quicquid potest homo pati in hac vita. Hic aperte insinuat, quod illi qui ædificant lignum, fœnum, stipulam, quædam cremabilia ædificia, id est, venialia peccata secum portant: quæ in igne emendatorio cremantur. Vnde constat quædam venialia peccata post hanc vitam deleri.



## DIVISIO TEXTVS.

**S**OLET quæri, Vtrum post hanc vitam] In hac distinctione duo determinantur: quorum primum est de quorundam peccatorum post hanc vitam remissione. Secundo autem quædam dubia de confessione ex præcedentibus relicta: & incipit ibi [Post hæc considerandum, &c.

## ARTICVLVS I.

*An aliqua venialia dimittantur post hanc vitam?*

**I**ncidit autem quæstio circa principium lectionis, Vtrum aliqua venialium post hanc vitam dimittantur, sicut videtur in litera probari: Videtur autem, quod sic: Gregor. in 4. Dial. Quædam culpæ in hoc seculo relaxantur: quædam vero parvæ & in hoc & in futuro. Eadem verba dicit Beda super Matth. 12. in Glossa: Non remitteretur nec in hoc seculo, nec in futuro.

2. Item, 1. Corinth. 3. Quidam ædificant super fundamentum hoc ligna, fœnum, stipulam. Per totam autem Glossam exponitur de veniali. Esto quod aliquis existens in gratia, habens tamen culpas veniales, sit in ultimo instanti vitæ suæ, & moriatur cum voluntate venialium non dolens de ipsis: constat, quod ille saluabitur, quia est in gratia, & venialia non auferunt gratiam: constat iterum, quod peccatum manens in voluntate non remittitur: ergo videtur, quod necesse sit, quod post mortem dimittantur. Si forte dicas, quod conuertitur in mortale propter voluntatem iterandi: hoc ridiculum est, quod propter hoc otiosum conuertatur in mortale, quia voluntatem

habet iterandi. Si forte dicas, quod voluntas confirmatur in statu in quo moritur: hoc quidem quod dicis non est probatum. Sed sit quod dicis, secundum hoc istius voluntas simpliciter erit coniuncta Deo & secundum habitum, habens tamen dispositionem ad auersionem secundum actum: & talis status nullus est confirmatus: vnde patet, quod figmentum est quod dicis: ergo videtur, quod culpa aliqua post mortem dimittatur.

**S**ED IN CONTRARIUM huius obiciunt quidam sic. Post mortem non est tempus merendi: sed deletio culpæ fit per meritum: ergo post mortem non est tempus deletionis alicuius culpæ: ergo nec venialis.

1. Adhuc, Veniale oritur ex fomite: fomes autem est coniuncti, & non animæ secundum se: ergo & veniale: ergo soluto fomite, soluitur & veniale: sed soluitur fomes in morte: ergo & veniale.

2. Adhuc, Pœna non liberat nisi à pœna: sed post mortem non erit expians nisi pœna: ergo non soluit nisi à pœna: ergo non culpam aliquam.

3. Adhuc, 16. distinctione supra habitum est, quod non deletur veniale, nisi præmissa contritione aliqua: sed post mortem non erit contritio aliqua: ergo post mortem non deletur veniale quoad culpam.

4. Adhuc, Quicquid potest delere pœna aliqua, magis potest delere pœna maxima: sed maxima pœna est mors: ergo quicquid delet pœna aliqua, illud delebit, mors: sed veniale delere potest pœnam ut dicis: quia post mortem relaxatur pœna purgatorii ut dicis: ergo delet & ante mortem: & ita non veniet ad purgatorium: ergo nulla culpa dimittitur post hanc vitam, ut videtur.

**S**OLVTIO. Cum Gregorius in 4. dialog. non solum dicat, sed etiam probet pœnam & culpam post hanc vitam deleri, reputo præsumptionem dicere nullam culpam venialem post hanc vitam posse deleri: sed dicendum & asserendum cum Sanctis videtur, multa venialia deleri posse post mortem.



AD PRIMVM contra hoc, videtur esse dicendum, quod post mortem non est tempus meriti augendi, sed utendi merito ad efficaciam ad quam est contingens. Dicit autem Augustinus, quod quidam dum viuerent, meruerunt ut suffragia eis possint prodesse. Ita dico, quod illi dum viuerent, hoc meruerunt, quod gratia eis & poena ad deletionem venialium prodesse possint: & ideo vsum sui meriti post mortem recipiunt præter meritum augmentum: & augmentum meritum respicit maiorem coronam, & habebunt maiorem.

AD ALIVD dicendum, quod hoc nihil valet, Si aliquid oriatur ex aliquo, quod tantum ex illo destruat cum destructione illius: quia omne peccatum oritur ex fomite, & tamen manet in anima destructo fomite: & vniuersale oritur ex sensu, & tamen manet in anima destructo sensu. Vnde illa consequentia in nullo valet, ubi aliquid causatur in subiecto manente: & gratia subiecti etiam potest manere etiam causa sua destructa.

AD ALIVD dicendum, quod poena per se non liberat nisi à poena: sed poena in subiecto quod est informatum gratia, potest liberare etiam à culpa: & tales sunt illi qui sunt in purgatorio.

AD ALIVD dicendum, quod non aliter deletur veniale, sed quod hoc modo congruentius deletur: cum enim potius sit dispositio ad culpam quam culpa, etiam alio modo potest deleri.

AD PRIMVM dicendum, quod poena mortis bene deleat si ad hoc ordinaretur, sicut in martyribus: sed non ad hoc dirigitur in aliis communiter morientibus: & ideo non delet.

## ARTICVLVS II.

*An sint aliqui qui adificent lignum, fœnum, & stipulam: & quid illa significant?*

**D**Einde quæritur de hoc quod dicit ibi [De illis etiam qui ædificant lignum, fœnum, &c.] Quærentur hic duo, scilicet quid ista sint, & de differentia ipsorum. Videtur autem, quod sint differentie mortalium peccatorum: quia in originali super Isa. 5. super illud, Væ qui coniungitis domum ad domum, &c. dicit Hieronymus, Hæretici dogmata dogmatibus coniungunt: & qui supra fundamentum debuerunt ædificare aurum, & argentum, & lapides pretiosos, econtra ædificant lignum, fœnum, stipulam. Constat autem, quod hæretici non ædificant nisi peccata mortalia in quantum hæretici & hæresim seruant: ergo videtur, quod hæc tria dicunt mortalium peccatorum differentias.

2. Adhuc, Iosue 4. quædam Glossa Adamant. taliter exponit.

*Sed contra* hoc videtur esse, quod hic accipiuntur pro venialibus.

2. Adhuc, Lignum, fœnum, stipula, consumptibilia sunt in igne: sed mortalia non consumuntur in igne: ergo non bene exponuntur per lignum, fœnum, & stipulam.

AD SECYNDVM proceditur sic: Multæ *Quæstio* & quasi infinitæ sunt differentie venialium: ergo *culæ* videtur, quod non possint congruè per tres differentias assignari.

2. Adhuc, Augustinus in litera non videtur distinguere veniale quod per ista tria signatur, nisi in dilectione temporalium: sed multis aliis modis sunt venialia: ergo videtur, quod insufficienter his tribus significetur.

**R**ESPONSIO. Dicendum, quod per hæc *Solutio* tria congruentissime significantur venialium peccatorum differentie. Vnde quod dicit Hieronymus & Gloss. super Iosue, est adaptatio quædam præter intentionem literalem.

AD ID quod vltius quæritur, dicendum *Adquæst.* quod veniale non secundum diuersitates suarum specierum signatur his tribus, sed potius secundum suam quantitatem quæ comitatur omnem speciem venialis, secundum diuersitatem actus, & radices, & adhærentie, à quibus procedit. Dicit enim Philosophus, quod omnium extremorum determinatorum secundum quantitatem, determinatum est medium: vnde cum sit veniale maximæ adhærentie quæ potest esse citra Deum, & minimæ quæ vix sensibilis est, est veniale adhærentie mediæ: & ideo tripliciter tantum quantitas venialis significatur: & hoc metaphoricè: sicut significatur causæ diuersitas in diuersitate effectus, diuturnitas enim manendi in igne ostendit quantitatem adhærentie venialis: constat autem, quod inter cremabilia consumptibilia diutius in igne manet lignum in genere, & minimè stipula, quia illa est sicca & debilis atque cremabilis valde, & medio modo fœnum. Et ideo per ista tria venialium diuersitas significatur. Et per hoc patet solutio ad totum.

## ARTICVLVS III.

*An lignum, fœnum, stipula, adificentur super fundamentum?*

**D**Einde quæritur de hoc quod dicit ibi [Qui ædificauerunt lignum, fœnum, stipulam, &c.] Videtur enim, quod super fundamentum talia non adificentur: quia fides non habet ordinem nisi ad bona opera: sed venialia non sunt opera bona: ergo videtur, quod non adificentur super fidem.

Ad hoc dicendum, quod spiritualis ædificij *Solutio* fundamentum in imo est fides, quæ facit in nobis subsistere res sperandas, eo quod ipsa est prima accedentibus ad Deum: sed in summo concludens est charitas, quæ est vinculum perfectionis: & paries erigens, est spes se ad æterna protendens. Cardinales autem sunt materia, quæ dant substantiam ædificio: & materia super fundamentum esse dicitur tantum tripliciter, scilicet directo situ, & sic nihil ædificatur nisi bona opera. Dicitur etiam super, id est, iuxta, sicut ibi, Super flumina Babylonis, &c. & sic venialia superædificantur. Tertio dicitur super post, sicut Ezech. vltim. Super terminum Aser, &c. Dicit Gloss. id est, post terminum Aser. Et sic mortalia superædificantur, secundum expositionem Hieron. supra inductam.



## ARTICVLVS IV.

*An ignis purgatorius sit vel non sit post mortem?*

**D**Einde quæritur de hoc quod dicit *ibi* [Non redarguo : quia forsitan verum, &c.] Videtur enim hic dubitare August. vtrum purgatorium sit, vel non? Et eodem modo dubitationis loquitur Gregorius 4. dialog.

Quæritur ergo, Vtrum sit vel non sit purgatorius ignis post mortem? Videtur autem non esse sic : Contrariorum contrarij sunt effectus: charitas & mortale peccatum sunt contraria: ergo contrarij sunt eorum effectus: sed peccatum mortale post mortem damnat statim: ergo charitas post mortem statim saluat: ergo non est locus aliquis purgatorius inter salutem, & damnationem.

2 Adhuc, Non minoris efficaciz est charitas in saluando, quam peccatum mortale in condemnando: sed peccatum mortale damnat statim post mortem, etiamsi multa adsint opera de genere bonorum, quæ sunt dispositiones ad bonum: ergo & charitas statim saluat post mortem, etiamsi multa adsint, quæ sunt dispositiones ad malum: hæc autem sunt venialia: ergo multitudini venialium non debetur purgatorium: & non est ad alium vsum: ergo non est purgatorium, vt videtur.

3 Adhuc, Duo genera sunt malorum, scilicet veniale, & mortale. Item duo genera bonorum, scilicet bonum gratuitum, & opera de genere bonorum. Item, Duo genera præmiorum, æternum, & temporale: & iterum duo genera pœnarum, scilicet, temporalis, & æterna. Inde sic procedo: Sicut se habet bonum ad præmium, ita se habet malum ad pœnam: sed bonum de genere bonorum non meretur aliquod præmium: ergo nec malum sibi respondens, aliquam pœnam: ergo pro nullo est purgatorium. Probatio mediæ est, Si ille qui facit opera de genere bonorum, meretur præmium: tunc iniuste ageret Deus secum, quod non conferret: sed videmus, quod sæpè non confert: ergo nihil meruit: quia inconueniens est Deum iniuste agere cum aliquo.

4 Adhuc, Super eadem diuisione: sicut se habet mortale & veniale ad pœnam æternam & temporalem simul: ita se habent charitas & bonum in genere ad præmium vtriusque simul: ergo sicut se habent mortale & opus de genere bonorum simul ad pœnam æternam & præmium temporale: ita se habent charitas & veniale ad præmium æternum & pœnam temporalem: sed video, quod mortali cum bono in genere, non debetur ex condigno nisi pœna æterna, & nullum temporale præmium: ergo veniali cum charitate, ex condigno non debetur nisi præmium æternum & nulla transitoria pœna. Cum igitur non nisi propter tales sit purgatorium, videtur purgatorium non esse.

5 Adhuc, Deus non remunerat post mortem, nisi similem sibi per charitatem & dilectionem: ergo non punit post mortem, nisi auersum à se per superbiam & odium diuinum: sed talis solus est ille qui decedit in mortali peccato: ergo vide-

tur, quod solus ille puniatur post mortem: ergo videtur, quod veniale non punitur post mortem: & propter illud est purgatorium: ergo videtur, quod purgatorium nullum sit post mortem.

IN CONTRARIUM huius obiicitur sic: *Sed contra.* Matth. 12. dicitur, quod spiritus blasphemiæ non remittetur, nec in hoc seculo, nec in futuro. Ex hoc hoc innuitur, quod aliqua peccata dimittentur in futuro: constat, quod non in regno, neque in inferno, quia in inferno nulla est redemptio: ergo necesse est, quod sit locus aliquis purgatorius talium: & hunc vocamus purgatorium.

2 Adhuc, 1. Corinth. 3. Ipse autem saluus erit: sic tamen quasi per ignem. Et constat, quod loquitur post mortem, quia non est vera salus nisi post mortem: & certificando dicit, Saluus erit: ergo ignis purgans criminalia erit post mortem.

ET HOC concedimus.

*Solutio.*

3 Adhuc quidam Græcus expositor dicit super illud Apostoli, sic tamen quasi per ignem, &c. Hunc ignem credimus esse catariotin, id est, mundificationem, in quo defunctorum animæ probantur tanquam aurum in fornace. Ex hoc accipitur, quod ignis purgatorius est post mortem.

4 Adhuc, Anselmus in libro, Cur Deus homo, Impossibile est animam coinquinatam paradysum intrare: sed, vt supra probatum est, multi moriuntur coinquinati veniali peccato: ergo necesse est esse locum in quo purgentur: & illum vocamus purgatorium.

5 Ad idem obiicitur per rationem, Ethicorum 2. Peccatorum ciuiliū duo sunt genera pœnarum, scilicet increpationes actuum ciuilitatis, & condemnationes perpetuæ: ergo videtur, quod similiter sint in iudicio diuino: ergo aliqui iudicabuntur & punientur leui pœna cum restitutione, & alij perpetuo condemnantur: sed talem modum punitionis qui est cum restitutione post pœnitentiam, vocamus purgatorium: ergo videtur, quod purgatorium sit.

6 Adhuc, Duo sunt habitus perficientes naturam, scilicet gratia, & gloria: sed differenter: quia gratia compatitur dispositionem ad oppositum, gloria autem non: sed constat ex prædictis, quod aliqui à vita ista recedunt cum prauis dispositionibus: ergo necesse est vt isti purgentur, antequam induant habitum gloriæ: sed locum purgationis vocamus purgatorium: ergo videtur, quod purgatorius sit.

7 Adhuc, In omni natura videmus, quod antequam inducatur vltima perfectio, oportet purgari subiectum à contrariis dispositionibus: ergo cum purior sit gloriæ forma, quam aliqua naturalis forma, oportet similiter purgari subiectum ante illam. Constat autem ex præhabitis, quod tales dispositiones post mortem in multis animabus inueniuntur: ergo necesse erit eas purgari antequam glorificentur.

8 Adhuc, In medicinalibus ante inductionem sanitatis, necesse est purgari naturam ab humoribus corruptis: sed in ethicis vitia humoribus proportionantur: ergo etiam in illis necesse est præcedere purgationes ad sanitatem perfectam: sed sanitas perfecta est secundum gloriam tantum, quæ excludit culpam & pœnam: ergo necesse est post mortem purgationem fieri ante gloriæ inductionem.

RESPON



*Solutio.*

**RESPONSIO.** Dicendum, quod omnibus modis necesse est secundum omnem rationem & fidem, quod purgatorius sit. Rationes hinc principales sunt morales: & constat, quod secundum illas competit esse purgatorium. Præterea, Sancti expresse dicunt: & ideo hæresis est negare.

**AD DUBITATIONEM** igitur Augustini, dicendum quod ipse non dubitavit quin sit: sed dubitavit, utrum hoc intellexit Apostolus quod dicit: quod enim non dubitet esse purgatorium, patet per multa sua verba quæ hinc in præcedenti distinctione ponuntur. Eodem modo dicendum ad dubitationem aliorum Sanctorum: talis enim dubitatio est boni & humilis Expositoris, qui quantumcumque bene & diuine exponat, non præsumit hoc esse intellectum diuini eloquii, quem Author Spiritu sancto inspiratus intendit.

**AD ALIUD** dicendum, quod non est simile de charitate coniuncta cum malo veniali, & de mortali coniuncto cum bono in genere: quia malum veniale cum charitate, est in esse mali, & disponit ad contrarium charitati: sed id quod est de genere bonorum cum mortali, non est in esse boni, sed potius mortuum, nullam habens efficaciam ad aliud bonum post mortem. Et ideo non sequitur, si peccatum mortale statim damnat non impediens operibus de genere bonorum, quod statim saluat charitas non impediens venialibus.

**AD ALIUD** dicendum, quod charitas maioris efficaciam est ad saluandum, quam mortale peccatum ad condemnandum: sed ex hoc non sequitur, quod citius saluet, quam illud damnet, non obstantibus bonis & malis sibi coniunctis, sed quod plenius saluat, & à pluribus liberat: & hoc verum est, quia liberat ab omni peccato una charitas, & ab omni pena: quod non facit peccatum vnum respectu penarum. Similiter confert omnem virtutem, & gloriam secundum quamlibet virtutem: sed nullum peccatum vnum confert omne peccatum, & condemnati secundum quodlibet genus peccatorum. Instantia autem est ad argumenta, quod omnis forma artis & naturæ fortior est ad perficiendum, quam corruptio ad destruendum: & tamen citius destruitur res, quam generetur & perficiatur.

**AD ALIUD** dicendum, quod illa quæ in

diuisione ponuntur, non sunt vera. Ad primam autem obiectionem super diuisionem illam, dicendum quod non sequitur quod infertur: quia malum veniale & bonum de genere bonorum non opponuntur: quia malum veniale non est malum in genere quod bene possit aliqua circumstantia fieri, & tamen bonum in genere siue de genere bonorum, potest male fieri aliqua circumstantia. Item, Sicut in primo dictum est, bonum in genere est imperfectum secundum esse boni: sed malum veniale species est in esse mali: & ideo non sequitur, si illud non habet præmium, quod istud non habeat penam: nec est vna proportio in omnibus quæ dicit, quod sicut se habet tale bonum ad præmium, ita se habet tale malum ad penam.

**AD ALIUD** dicendum, quod vtrique proportio falsa est, vel vniuersalis non est: non enim est verum, quod sicut se habent mortale & veniale simul ad penam æternam & temporalem, ita se habeat charitas & id quod est de genere bonorum ad præmium æternum & temporale simul: veniali enim coniuncto cum mortali, debetur æterna pena: & tamen nihil est dictum, quod operi de genere bonorum coniuncto cum charitate debetur æternum præmium. Si autem illa proportio aliquo modo concedatur, secunda nihil valet, scilicet quod sicut se habet mortale cum opere de genere bonorum ad penam & præmium temporale, ita se habeat charitas cum veniali ad penam & præmium æternum. Et ratio huius assignata est supra: quia veniale coniunctum charitati, adhuc remanet in esse mali & peccati habens rationem: sed opus de genere bonorum cum mortali non remanet in esse boni, & habens rationem remunerabilis: & si remuneretur, hoc est ex misericordia, & non ex condigno: ideo non sequitur, si illi nulla est coordinata remuneratio ante penam condemnationem, quod illi nulla ordinatur pena purgatoria ante æternam præminationem.

**AD ALIUD** dicendum, quod verum est, quod Deus post mortem nullum remunerat nisi similem sibi per charitatem, & nullum condemnat nisi à se auersum & se odientem: sed non sequitur, non condemnat: ergo non punit purgando: quia nullus eorum qui purgantur, condemnabitur.

*Quod alij citius, alij tardius purgantur in igne.*



**N** illo autem igne purgatorio alij tardius, alij citius purgantur, secundum quod ista pereuntia magis vel minus amauerunt. Vnde August. Post hanc vitam incredibile non est, nonnullos fideles per ignem quendam purgatorium, quanto magis minusve bona pereuntia dilexerunt, tanto tardius citiusque saluari. Vnde non frustra illa tria distinxit Apostolus, lignum, fœnum, stipulam: quæ illi ædificant, qui etsi aliena non rapiant, rebus tamen infirmitati concessis aliqua dilectione inhærent. Qui secundum suos amandi modos, vel diutius vt lignum, vel minus vt fœnum, vel minimum vt stipula ignem sustinebunt. Qui vero superædificant aurum, argentum, & lapidem pretiosum, de utroque igne securi sunt, non solum de illo æterno, qui cruciaturus est impios in æternum, sed etiam de illo emundatorio, quo purgabuntur quidam saluandi.

In Ench.  
cap. 6.

August.  
enarratione in  
Psalm. 80.  
& enarratione  
ad Psalm.  
107.

ARTICV



## ARTICVLVS V.

*Quare pœna inferni nominantur multis nominibus, purgatorij verò non nisi vno nomine?*

**D**Einde quæritur de hoc quod dicit ibi [Emundatorio igne purgabuntur, &c.] Et quæritur, Quare pœna inferni non vno nominantur nomine, sed multis, sicut quod transibunt ab aquis nium ad calorem nimium; & ab aliis quibusdam, vt vermis: sed purgatoriæ pœna non nominantur nisi vno nomine, scilicet igne purgatorij? Videtur enim, quod multis & diuersis debeant nominari: quia quorum sunt multæ & diuersæ & dissimiles causæ, horum sunt multi, diuersi, & dissimiles effectus: sed pœnarum purgatorij multæ sunt, diuersæ, & dissimiles causæ: ergo pœnæ sunt multæ, diuersæ, & dissimiles: ergo non sunt vno nomine nominandæ.

**RESPONSIO.** Dicendum, quod infernus *Solutio* non est nisi ad puniendum: & ideo omnia quæ puniunt, ibi congregantur, sicut calidum, frigidum, & huiusmodi: sed purgatorius est ad emendandum & purgandum, & ideo non potest nominari nisi tali nomine punientis, quod habet vim purgatiuam & consumptiuam: & hoc est calidum ignis: & ideo tantum nominatur nomine illius: frigidum enim etsi punit, tamen non purgat, quia non habet vim consumptiuam.

**AD ALIUD** dicendum, quod licet multa sint venialia merentia ignem illum, tamen non sunt nisi dispositio ad malum, & rubigo quædam: & in hoc conueniunt, quod compatiuntur secum charitatem: & ideo non respondet eis pœna secundum quod diuersa sunt, sed secundum quod conueniunt in hoc quod est esse dispositionem ad malum. Sed de mortalibus secus est: quia in nullo conueniunt, & perfectè à bono incommutabili auertunt per diuersas ad bonum commutabile conuersiones.

*Oppositio.*

**C** I c obiici potest, Si per lignum, fœnum, stipulam, venialia intelliguntur peccata: & nullus adeò perfectus est, qui venialiter non peccet: ergo qui ædificant aurum, argentum, & lapidem pretiosum, ædificant etiam lignum, fœnum, stipulam: ergo per ignem transibunt. Ad quod dicimus, quia non omnis qui venialiter peccat, lignum, fœnum, stipulam ædificat: sicut è conuerso non omnis qui contemplatur Deum, & diligit proximum, & opera bona facit, ædificat aurum, argentum, lapidem pretiosum: & tamen in auro intelligitur contemplatio Dei, in argento dilectio proximi, in lapide pretioso bona opera. Sed illi qui ædificant lignum, fœnum, stipulam, Deum contemplantur, & proximum diligunt, & opera bona faciunt: nec tamen ædificant aurum, argentum, & lapidem pretiosum. Hæc enim ædificat, qui sic illa tria facit, vt cogitet quæ sunt Dei, & quomodo placeat Deo, non mundo. Lignum vero & fœnum & stipula accipi possunt, secularium rerum, quamuis licitè concessarum, tales cupiditates, vt amitti sine animi dolore non possint. Hæc ergo ædificat is qui cogitat quæ mundi sunt, quomodo placeat mundo, qui circa diuitias suas quodam carnali affectu tenetur: & tamen ex eis multa beneficia facit, nec pro eis aliquid fraudis vel rapinæ molitur. Ex his ergo patet, quod non idem homo simul hæc & illa ædificat. Illa enim ædificatio perfectorum tantum est, qui non cogitant placere mundo, sed tantum Deo: qui etsi venialiter aliquando peccant, feruore charitatis ita absunt in eis peccatum, sicut gutta aquæ in camino ignis: & ideo nunquam secum portant cremabilia. Hæc autem inferior ædificatio minorum est, qui non tantum Deo, sed etiam mundo placere cogitant, Deum tamen præponunt. Si vero mundum præponerent, non superædificarent, sed destruerent fundamentum. Affectiones ergo carnales quibus dediti sunt domibus, coniugibus, possessionibus, ita vt nihil præponant Christo, illis tribus significantur, quæ in mentes perfectorum non cadunt, etsi alia venialia admittant.

Aug. in  
Ench.  
Idem de  
fide &  
operi-  
bus. c. 16.

1. Cor. 7.



admittant. In cordibus vero minorum interdum durant vsque in finem : qui cum talibus ædificiis transeunt , sed dissoluuntur in igne. Ipsi vero merito fundamenti salui erunt , grauissimam tamen pœnam sentient. Ex quo apparet quantam hic misericordiam exhibet Deus, & quantam ibi exerceat seueritatem : cum pro eodem peccato multo grauius ibi puniat, quam hic.

ARTICVLVS VI.

*Quid intelligitur per ædificantes aurum, argentum, & lapides pretiosos?*

**D**Einde quæritur de hoc quod dicit ibi [ In auro intelligitur contemplatio, &c. ] Videtur enim , quod ædificantes aurum, & argentum, & lapides pretiosos, sentient ignem purgatorium. Dicitur enim 1. Corinth. 3. super illud , Aurum, argentum, &c. in Gloss. Non consumuntur ab igne qui ædificant aurum, argentum, & lapides pretiosos, sed nihil vel parum sentient. Ergo sentient.

2 Item in textu dicitur , vniuscuiusque opus quale sit ignis probabit. Ergo & ædificantis aurum, argentum, &c.

*Quæstio-  
nula.* **V**LTERIVS quæritur hîc de ratione huius expositionis , quod aurum sit contemplatio, & argentum proximi dilectio, & lapis pretiosus opus.

*Solutio.* **R**ESPONSIO. Dicendum , quod possemus adaptando dicere , quod sicut ignem diuidendo per materiam , tres sunt species materialis ignis, scilicet lux, flamma, & carbo: & lux quidem est in puro aëreo circumsistente, flamma autem in vapore terreo & humido, carbo vero est in materia terræ: ita possemus dicere, quod sicut lux quædam comburit venialia peccatorum : & non est ibi notabilis sensus & resistentia ad ignem , sed momentanea potius : sicut dicitur in litera , quod sicut gutta in camino, ita facit veniale in viro iusto : & hoc notatur à Glossa parum vel nihil sentire : & parum vel nihil obscurantur, sed remanent luminosi. Alij autem plus inflammantur & obscurantur , qui ædificant lignum, fœnum, stipulam : & tamen extrahitur ab eis impuritas , sicut vapor quidam : sed damnati inuoluuntur & denigrantur sicut carbo inconsumptibilis. Et per hoc patet solutio ad duo prima.

*Quæstio-  
nula.* **A**D ID quod vltius quæritur , dicendum quod reducit omne bonum remunerabile ad tria generalia : quorum duo sunt vt motiua, tertium autem vt ipse motus. Intellectus enim est contemplans Deum : & est ibi summum munimen & summa felicitas, vt probat Aristot. Sed charitas se habet ad opera sicut mater & generalis forma, & nulla alia virtus. Opus autem est vniuersaliter meritorium. Et ideo per hæc tria generalia omnia bona comprehenduntur.

ARTICVLVS VII.

*An existentes in purgatorio purgentur voluntariè vel inuoluntariè?*

**D**Einde quæritur de hoc quod dicit ibi [ Grauiissimam tamen pœnam sentient, &c. ] Et

quæritur hic , Vtrum voluntariè purgentur existentes in purgatorio , vel inuoluntariè ? Videtur autem, quod voluntariè : quia rectum cor habent : sed dicit Ambros. quod habens rectum cor, conformat suam voluntatem diuinæ voluntati : sed Deus vult eos purgari : ergo & ipsi sic purgari volunt.

2 Adhuc , Omnis sapiens vult illud sine quo finem consequi non potest : sed sapientes sunt qui sunt in purgatorio : ergo videtur , quod velint illud sine quo gloriam consequi non possunt : hoc autem est purgatio per pœnam : ergo purgari volunt, vt videtur.

3 Adhuc, Infirmatus corporaliter secari vult vt sanetur: cum igitur sanitas spiritualis magis sit eligenda , vti vult vt curetur , si aliter curari non potest : sed non potest aliter esse propter ordinationem : ergo volunt isto modo purgari , vt videtur. Si forte tu dicas ( vt quidam antiqui dixerunt ) quod tantus est sensus doloris , quod collatio rationis totaliter absorbetur : & non possunt conferre nec de vno , nec de alio : & ideo nec vnum volunt , nec aliud : hoc est multum contra dictum beati Gregor. Omnis enim petens citius liberantia , scit se liberandum , & confert de liberatione : hæc autem petunt animæ defunctorum , vt dicit Gregor. in 4. dialog. Ergo confertur de talibus.

**S**I PROPTER hoc concedatur, quod volunt sic puniri vt purgentur. Contra : Fere ab omnibus Magistris assignatur vna causa tardioris liberationis in purgatorio , quam in via : quia ista pœna est voluntaria , & illa necessaria : ergo non voluntariè patiuntur eam, vt videtur.

2 Adhuc , Omne quod aliquis siue velit siue nolit, patitur, necessario patitur, & non voluntariè : pœnas autem purgatorii habentes secum cremabilia, siue velint, siue nolit, patiuntur : ergo necessario patiuntur, & non voluntariè.

*Solutio.* **R**ESPONSIO. Sine præiudicio dicendum, quod voluntas duplex est , scilicet conditionata, & simpliciter voluntas. Dico ergo, quod simpliciter vellent non pati pœnas purgatorii : conditionata tamen voluntate volunt , scilicet conditione purgationis , & salutis : quia bene volunt purgari , & bene volunt saluari : sed sic purgari nolunt nisi sub conditione , scilicet quia aliter saluari & liberari non possunt : & de hac voluntate omnes prius, inductæ rationes intelliguntur.

**A**D ID autem quod obiicitur in oppositum, dicendum quod non sequitur , si sit necessaria, quod non sit voluntaria : dupliciter enim potest esse necessaria, scilicet voluntate faciente, vel suscipiente. De voluntate faciente verum est, quod si est voluntarium , non est necessarium : quia voluntas non est causa necessitatis modo faciens : sed liberè operatur quando vult , & quando vult cessat



cessat ab opere. Sed in suscipiente non est verum: quia quod necesse est sustinere vel suscipere propter violentiam agentis, tamen etiam voluntariè potest suscipi & sustineri. Et est exemplum in pœnis martyrum: quia necessarium fuit decolatum interire, & crematum dolere: tamen

voluntariè hæc sustinebantur. Et ita est de sustentibus in purgatorio. Sed pœnæ quæ sunt hic satisfactoriæ, sunt voluntariæ, voluntate faciente.

AD ALIUD quod sequitur, prorsus eadem est solutio.

*Opinio quorundam cum obiectione.*

**D**E D fortè dices illud esse accipiendum de pœna peccati, non de ipso peccato, quod Gregor. dicit quædam leuia in futuro dimittenda. Si enim veram pœnitentiam habuerit quis, peccata omnia dimissa sunt ei: sed pœna fortè remansit. Ideoque si verè pœnitens obiit, sine peccato transit. Si autem verè pœnitens non est in obitu, maculam portat quæ nunquam deletur. Qui vero ædificat lignum, fœnum, stipulam, verè pœnitet: quia bonus est, & charitatem habet, & in charitate de hac vita transit: ergo sine peccato transit. Non sequitur. Verum quidem est, quia bonus est, & charitatem habet, & verè pœnitet: & tamen cum veniali peccato transit, quod non deleuit pœnitentia. Pœnitentia enim non delet nisi peccatum illud, quod deserit homo: tale autem peccatum sæpè in hac vita non relinquitur ab homine: & tamen verè pœnitens est, etsi non de omnibus venialibus pœniteat. Potest enim quis de omni mortali & de omni veniali pœnitere, excepto vno vel pluribus venialibus quidem. Sicut habet quis charitatem, & vnum vel plura venialia: quod de criminalibus nullatenus esse potest. Est enim aliquis bonus charitatem habens, sed adhuc quodam cupiditatis affectu amans hæc secularia: talis existens subita morte opprimitur: in illo terreno affectu mortuus est, & tamen saluabitur, à quo non se hic absoluit: ergo post hanc vitam ab illo purgabitur. Constat ergo quædam peccata, scilicet leuia post hanc vitam dimitti. Si vero de pœna peccati illud intelligi voluissent Auctores, cur magis commemorassent leuia, quam graua, cum etiam grauium pœna hic inexplata post hanc vitam restet?

ARTICVLVS VIII.

*An in damnatis veniale puniatur æternaliter?*

**D**Einde quæritur de hoc quod dicit ibi [ Si forte dices, &c. ] Quæritur enim, Vtrum veniale in damnatis puniatur æternaliter? Et videtur, quod non: quia veniale & mortale sunt improporcionabilia: ergo pœnæ eorum sunt improporcionabiles: sed pœna mortalis est æterna: ergo pœna venialis non erit æterna, sed temporalis, & illi proporcionabilis.

2 Adhuc, Magister Hugo dicit, quod veniale est, cui debetur pœna transitoria. Cum igitur Deus non puniatur ultra condignum, videtur quod Deus non puniat ipsum æternaliter.

3 Adhuc, Sicut se habent retributiones, ita se habent merita bona & mala: sed duæ pœnæ sunt retribuentes malis, scilicet æterna, & tran-

sitoria: & duo sunt mala quibus retribuuntur, scilicet veniale, & mortale: cum igitur pœna æterna debeat mortali, pœna transitoria debetur veniali. Et sic habetur propositum.

IN CONTRARIUM huius probatur per illud Luc. 12. Non exies inde, donec reddas nouissimum minutum: sed nouissimum minutum est veniale peccatum: & constat, quod in mortali decedens nihil reddere potest gratum Deo: ergo in æterno carcere clauditur etiam pro veniali: ergo veniale in ipso in æternum punitur.

2 Item, Matth. 5. Non exies inde, donec reddas nouissimum quadrantem. Glossa, Minuta peccata, quia nihil impunitum. Ex hoc sequitur idem quod prius.

3 Adhuc, Constat, quod ignis responderet huiusmodi peccato, & vermis conscientia, ut dicitur Isa. ultim. de damnatis, Vermis eorum non morietur, & ignis eorum non extinguetur. Ergo in æternum ardebunt, & vermem patientur de peccato veniali.



4 Si forte tu dicas, quod in morte malorum relaxentur huiusmodi venialia: contraria sunt quae in litera determinantur hic. Adhuc, Melior est mors bonorum, & magis meritoria, quam malorum: & non delet necessario venialia, ut probatur hic: ergo nec mors malorum.

5 Adhuc, Nullum peccatum nec paruum nec magnum solubile est sine gratia: sed damnati non sunt susceptibiles gratiae: ergo nullum in eis unquam delebitur peccatum: sed manente peccato, manebit & poena: ergo poena peccati mortalis manet in aeternum: & sic habetur propositum.

*Solutio.* RESPONSIO. Dicendum, quod veniale coniunctum mortali, punitur in aeternum in inferno: sed in aeternum minor poena respondet ei, quam mortali, sicut probant ultimae rationes & auctoritates.

AD PRIMUM ergo dicendum, quod secundum se improportionabilia sunt veniale & mortale: sed per accidens in duratione efficiuntur proportionabiles poenae eorum, scilicet si subiectum non sit expiabile a culpa cui subditur, sicut in damnatis. Unde quod obiectio probat, verum est per se, & falsum per accidens: & non tenet nisi per se, scilicet quod mortale accipiat ut mortale, & veniale ut veniale: sed cum veniale est in subiecto non susceptibili gratiae, efficitur nunquam habens vel habiturum veniam: & tunc non tenet. Eadem prorsus est solutio ad duo sequentia.

## ARTICVLVS IX.

*An anima in purgatorio punientur per demones?*

**D**Einde quaeritur de hoc quod dicit ibi [Bonus est & charitatem habet, & in charitate de hac vita transit, &c.] Quaeritur hic, quod multi scire desiderant, utrum per demones ministros poenarum, puniantur animae in purgatorio existentes? Et videtur, quod sic per ea quae leguntur in gestis Sanctorum, sicut in vita beati Martini, quod assistit ei diabolus: & constat, quod sciuit per opera sua, quod non erat damnandus: ergo assistit ei ut ad purgatorium secundum suam aestimationem traheretur: ergo videtur, quod demones sint ministri poenarum purgatorii.

2 Adhuc, In iudiciis huius mundi sunt tortores quidam nequam constituti: ergo & in iudicio diuino: ergo purgandi torquentur per demones.

3 Adhuc, Sancti etiam qui euolabunt & perfecti sunt in hac vita, permittuntur a Deo vexari a daemonibus, sicut legitur de beato Antonio & aliis in eremo constitutis: ergo cum illi qui sunt in purgatorio, sanctiores non sint istis, videtur etiam, quod illos Deus permittat a daemonibus vexari.

4 Adhuc, Peccatum veniale fit ex tentatione: tentationum autem ministri sunt demones: sed dicit auctoritas, quod illos quilibet tortores habebit in poena, quos incentores habuit in culpa: ergo videtur, quod ibi tortores habebunt in poena purgatorii venialiter peccantes, ipsos demones quos incentores in culpa veniali & tentatione habuerunt.

*Sed con-*  
*tra.*

IN CONTRARIUM huius obicitur, quod  
D. Alber. Mag. in Lib. 4. Sentent.

dicit beatus Gregor. in 4. dial. quod animae malorum per se descendunt ad poenas. Ergo multo magis sine violentia diaboli in poenis erunt animae Sanctorum purgandorum.

2 Adhuc, Non est consensus diabolo factus in eo qui peccat venialiter tantum: imo habitualiter consentit Deo: ergo videtur, quod nulli per iustitiam debet subdi nisi Deo: ergo videtur, quod sola iustitia damnet eum, & non subdatur tortori diabolo.

3 Adhuc, Sancti non traduntur hic diabolo nisi ad maiorem coronam: sed huiusmodi necessitas non erit in futuro: ergo videtur, quod ibi non tradantur, sed purgentur simpliciter.

4 Adhuc, In politicis videmus, quod alius est puniens filium, & alius latronem vel hostem: super filium enim est disciplina patris tantum, sed super latronem & hostem emissarius dirigitur: ergo videtur, cum nostra iustitia sit exemplata a diuina, quod similiter sit in Dei iustitia: constat autem, quod filij sunt qui sunt in purgatorio: ergo super eos non debet esse nisi disciplina patris: ergo non funestus tortor debet in eos accipere potestatem.

*Solutio.* RESPONSIO. In hac quaestione nescio quid asseri possit: sed pie puto esse credendum, quod animae existentes in purgatorio, per demones ministros poenarum non puniantur: tamen bene puto, quod delectentur demones in poenis earum, & ideo quandoque leguntur eis assistere: & per hoc soluitur primum de beato Martino.

AD ALIUD dicendum, quod hoc verum est de iudiciis condemnandorum, ut patet ex ultima obiectione, quia illa soluit illam rationem: sed non est verum in disciplina patris ad filium.

AD ALIUD dicendum, quod alia est ratio hic & alia ibi: quia hic est locus tentationum & crescendi in merito, sed non ibi: & ideo tentatores permittit hic officium tentationis exercere, sed non ibi.

AD ALIUD dicendum, quod peccatum veniale secundum quid peccatum est: & ideo non oportet, quod ita tyrannice vindicetur sicut mortale: & ideo illa auctoritas intelligitur de mortalibus.

## ARTICVLVS X.

*An error iste Graecorum veniat approbandus, qui dicunt nullum ante diem iudicii intrare caelum vel infernum, sed in medius locis conseruari?*

**D**Einde quaeritur de hoc quod dicit ibi [Ergo post hanc vitam ab illo purgabitur, &c.] Disputari enim potest hic de quodam errore quorundam Graecorum, qui dicunt nullum ante diem iudicii intrare caelum vel infernum, sed in locis medijs usque illuc conuersari. Videtur autem, quod dicant bene per illud Hebr. 11. Hi omnes testimonio fidei probati inuenti sunt, & non acceperunt repromissiones, Deo aliquid pro nobis melius providente, ut non sine nobis consummarentur. Ergo videtur, quod unus sine alio non

T t con



consummabitur: erit autem consummatio in die iudicii: ergo usque ad illum nullus accipiet gloriam in cælo, nec pœnam in inferno: quia Deus non est pronior ad cito condemnandum, quam ad cito remunerandum.

2. Adhuc, Apoc. 6. Sustinete modicum tempus, donec impleatur numerus fratrum vestrorum. Ergo expectant fratres in accipiendo stolam gloriæ: & ex hoc habetur idem quod prius. Si dicatur, quod isti erant in gloria secundum animam, sed secundum corpus petebant glorificari. Contra hoc est quod dicitur ibi: quia dictum est eis, quod sustinebunt tempus modicum: sustinentia autem pœnam importat: in gloria autem non est pœna: ergo videtur, quod secundum animam non erunt in gloria.

3. Adhuc Matth. 13. dicitur, Sinite vtrique crescere usque ad messem: triticum autem congregate in horreum meum. Ergo usque illuc non alligabuntur ad comburendum, nec triticum reponetur in horreo cæli.

4. Adhuc Matth. 25. Tunc statuet oves à dextris, hædos vero à sinistris, & dicet illis, Venite benedicti, &c. & istis, Ite maledicti, &c. Ergo videtur, quod usque illuc non separabuntur, nec isti mittentur in infernum, nec illi vocabuntur ad regnum: & sic iterum habetur propositum.

5. Adhuc Matth. 20. Cum sero factum esset, dixit Dominus procuratori vineæ, Voca operarios, & redde illis mercedem suam. Sero autem est consummatio seculi: ergo videtur, quod nec bonus nec malus mercedem accipiet ante consummationem seculi.

6. Adhuc in Psalm. 16. Satiabor cum manifestabitur gloria tua. Ita enim habet alia translatio. Sed non manifestabitur gloria ante diem iudicii, sicut ipse dicit Luc. 21. Tunc videbunt filium hominis venientem in nube & maiestate. Et verè, id est, sic veniet quemadmodum vidistis eum. Ergo usque illuc non satiabuntur: ergo nec gloriam habebunt: ergo nec damnati pœnas inferni.

7. Per rationem autem arguitur idem: nullius enim rei quæ per iudicium habenda est, adeptio erit ante prolationem sententiæ: sed infernus & cælum per iudicium habenda sunt, ut probatur Matth. 12. ergo neutrius est adeptio ante sententiæ prolationem: sed sententia non proferetur nisi in die iudicii: ergo usque ad illud nulli adipiscuntur cælum vel infernum: & sic habetur propositum.

8. Adhuc, Summi & magnifici regis non est aliquid dare, nisi quod ostensuum est magnæ magnificentiæ: sed Deus est summè magnificus: ergo, &c. sed magnificentius & iucundius est dare simul omnibus infinitum bonum simul in corpore & anima, quam dare sigillatim huic & illi: ergo simul omnibus dabit, & non sigillatim huic, & illi: & sic iterum concluditur propositum: quia ab omnibus supponitur Deum omnia eodem modo facere quo honestissimè fiunt, & secundum quod maximam gloriam & virtutem ostendunt.

9. Adhuc, In vrbauitibus in quibus in communi decertatur, nulli sine altero corona imponitur, sed communiter triumphans, communiter coronatur: sed hæc terrena per similitudinem imitationis descendunt à diuinis: ergo in diuinis est similiter: constat autem omnibus, quod Sancti in communi triumphum de omni hoste salutem im-

pediente faciunt: ergo videtur, quod in communi omnes simul coronari habent: sed hoc non potest fieri nisi communiter: ergo videtur, quod nullus plenam accipiet beatitudinem, nisi post resurrectionem: ergo nec pœnas inferni: quia per oppositum vna ratio est de pœnis inferni, & gaudiis regni cælorum.

10. Adhuc, Duæ sunt partes rationalis naturæ, scilicet in carne existens, & separata à carne: sed constat, quod illa quæ est separata, tota simul fuit præmiata ex parte bonorum, & tota simul punita ex parte malorum: ergo similiter erit in altera parte rationalis creaturæ, scilicet in illa quæ est carni coniuncta: & sic iterum habetur propositum.

IN CONTRARIUM huius sic obicitur, *Sed contra.* Luc. 23. Amen dico tibi, Hodie mecum eris in paradiso. Si forte tu dicas, quod non fuit in plena fruitione: sed paradisu dicitur ibi requies à pœnis. Contra: Chrysost. exponens illud verbum dicit sic, Quidam dicunt latronem nondum assecutum esse paradisu: sed paradisu quidem latro possedit: non enim potest mentiri qui dicit, Hodie mecum eris in paradiso. Si forte dicas, quod nec secundum nos latro eodem die fuit in cælo empyreo, licet in plena fuerit deitatis Christi fruitione. Probetur per aliam auctoritatem de opposito descendente Luc. 16. Mortuus est diues & sepultus est in inferno. Constat autem, quod loquitur de inferno damnatorum, ut probatur per incendium quod patiebatur: ergo à simili ante diem iudicii intratur in infernum: ergo cum Deus pronior sit ad miserandum, quam ad condemnandum, etiam ante diem iudicii intratur in regnum cælorum.

2. Adhuc, Super illud Hebr. 11. Ut non sine nobis consummarent, ut dicit Chrysost. sic, Perceperunt quidam iuxta labores, sed non iuxta coronas. Si enim vnum corpus sumus omnes, maior efficitur ipsi corpori delectatio, quando in communi & non particulariter communicat. Ex hoc patet, quod Sancti iam in anima iuxta labores perceperunt, licet secundum corporum gloriam adhuc communem hominum resurrectionem expectant: sed labores hominum sunt meritorij regni cælorum: ergo iam receperunt hoc: ergo intrauerunt cælum.

3. Adhuc Apoc. 7. Datæ sunt illis singulæ stolæ albæ: & dictum est illis, ut requiescerent tempus adhuc modicum. Constat autem, quod singulæ stolæ significant animarum beatitudinem: ergo iam in cælo sunt ubi visæ sunt à Ioanne, & beatitudinem animæ acceperunt.

4. Adhuc Athanasius in li. quæstionum, q. 9. Ex diuinis Scripturis docetur, quoniam peccatorum animæ in inferno sunt subtus omnem terram & mare, sicut dicit Psalm. 87. In tenebris & in vmbra mortis. Iustorum autem animæ post aduentum Christi, sicut de latrone dicimus, in paradiso sunt: quia non solum propter latronis animam Christus paradisu aperuit, sed etiam propter reliquas sanctorum animas. Constat autem, quod de paradiso terrestri non loquitur: quia ille est regio corporum, non spirituum: ergo loquitur de cælo empyreo, quod est regio beatorum spirituum.

5. Adhuc per rationem, Quæcunque differenter se habent in merito & causa meriti, differenter habere se debent in præmio: constat autem, quod



quod anima & corpus differenter sunt causa meriti: quia anima est tota causa, & corpus tantum obedit: ergo videtur, quod differenter habere se debeant in premio: ergo non simul debent premiari: sed anima corpore principalior fuit in merito: & sic habetur, quod anima statim ut soluitur à corpore, est in cælo premianda.

6 Adhuc, In primo statu si seruata fuisset innocentia, non omnes simul translati fuissent in alienum statum beatitudinis secundum Basilium (alias secundum sententiam probabilius dicentium) sed potius patres translati locum dedissent filiis: ergo videtur, quod nec hoc in statu isto sit faciendum.

7 Adhuc, Summè influens, suam beatitudinem & bonitatem statim influit unicuique perceptibili quantum percipere potest: sed Deus hoc modo summè influens est: ergo, &c. sed statim resoluta à carne anima susceptibilis est beatitudinis summæ in cælo: ergo statim influit ei illam Deus: & sic habetur propositum.

8 Adhuc, Summè sapiens nihil facit inaniter, & quod non prouenit ad aliquam utilitatem: sed Deus est summè sapiens: ergo, &c. sed nulla utilitas, sed potius dispendium proueniret ex Sanctorum dilatione secundum animas usque ad diem iudicii: ergo ipse non differt eos secundum animæ glorificationem. Probatio mediæ. Si aliquid utilitatis vel honoris vel commodi ex hoc proueniret: aut hoc esset ex parte Dei, aut ex parte Sanctorum. Ex parte Dei non est: quia bonitas sua in æqualibus numero bonis & æquè magnis relucet premiando diuissim sicut coniunctim, quia tot sunt & tantis premiati vno modo sicut alio. Ex parte autem Sanctorum proueniret dispendium expectationis. Et sic constat propositum.

9 Adhuc, Summè iusti non est differre mercedem operarij, etiam usque manè, si potest eam recipere operarius: sed Deum esse summè iustum nemo dubitat: ergo mercedem non differt: sed anima resoluta à carne, statim est receptibilis: ergo statim post mortem dat ei Deus: ergo statim intrat in regnum celorum.

*Solutio.*

ET QVIA hoc nullum habet dubium si legatur Euangelium & Apoc. & Epistolæ, in quibus etiam rapti sunt Sancti ad visionem Dei in cælis, sicut Paulus dicit se raptum: dicuntur etiam Sancti stolis albis in cælo sequi agnum & cantare canticum novum ante sedem Dei: ideo primum tantum hæresis pessima condemnatur.

ET RESPONDEATUR ad primum, quod secundum literæ intellectum non est ille intellectus Apostoli: sed secundum literam enumeravit Sanctos Veteris Testamenti, & ostendit quoniam non possum consummari sine gratia Noui Testamenti quæ perficit Sanctos Noui Testamenti qui sunt fideles Christi: unde consummatio illa tota facta est per Christum. Et quod iste sit intellectus literæ, patet omni legenti præcedentia & sequentia epistolæ. Si autem ex Glossis quis velit arguere: tunc auctoritas Chrysostomi dicta in contrarium soluit: quoniam loquitur de Sanctis secundum corporum consummationem, & non secundum consummationem animæ. Quare autem corpora premiantur simul, & non animæ, in tractatu de resurrectione requiratur.

AD ALIVD dicendum, quod animas Sanctorum esse sub throno Dei in cælo cum singulis stolis animarum probat ipsa visio Ioannis: & su-

*D. Alb. Mag. in Lib. 4. Sentent.*

stinere est idem quod certitudinaliter stolum corporis expectare. Ad hoc autem quod obiicitur, quod sustinere dicit poenam, dicendum quod falsum est: quia sæpe pro sola expectatione ponitur. Dicunt tamen Sancti, quod desiderant animæ vehementer incorporari gloriosis corporibus, & præ desiderio retrahuntur aliquantulum à contemplatione Dei: & hoc potest nominare verbum sustinendi.

AD HOC quod obiicitur de zizania, dicendum quod permixtio malorum cum bonis in militante Ecclesia notatur ibi: & hoc significatur per crescere: post mortem enim nec zizania crescit, nec triticum. Et hoc verum est, quod generalis separatio bonorum à malis non erit, nisi tunc quando militia Ecclesiæ finietur, & vniuersaliter ab hostibus segregabitur.

AD ALIVD dicendum, quod Euangelium ibi tangit iudicium quod erit in corpore & anima, & non in anima sola: unde nihil facit ad propositum.

AD ALIVD dicendum, quod in fine seculi est tempus vocandi operarios in omni parte quæ laborauerunt, scilicet in corpore & anima: sed etiam ante finem vespere consolationem accipit patrisfamilias anima quæ principalior fuit in labore: sicut etiam modo in rusticorum operibus videmus, quod meliores operarij consolationem habent specialem ab eo qui conduxit eos.

AD ALIVD dicendum, quod statim apparet gloria Domini, quando non est corpus inobediens: sed verum est, quod maiestas iudicis non apparebit.

AD RATIONEM primam dicendum, quod iudicium est duplex, scilicet particulare quod est hominis, & vniuersale quod est naturæ: & summè iustus index in neutro deficit iudicio: & ideo in morte hominis adiudicatur animæ quod meruit, & in die vniuersalis iudicii adiudicatur etiam corpori. Et hoc videmus in omni iudicio humano perfecto: impiissimus enim esset iudex, qui hominem vnum in causa sua differret, quæ singularis est, usque dum toti genti simul iudicaret.

AD ALIVD dicendum, quod in veritate Deus summè magnificus est: sed hoc non est magnificentia, simul & non diuissim coronare: quia diuissim meruerunt: Sancti enim merita diuissa secundum tempus & secundum opera habent. Sed magnificentia est multos & magnos ditare. Quod autem simul vel diuissim sit hoc, non est magnificentia, sed accidit ex hoc, quod simul vel diuissim venerunt ad magnificum.

AD ALIVD dicendum, quod hæc est falsa, quod Sancti simul decerant ad triumphum, nisi simul idem sit quod concorditer: sed si notat actus similes vel idem tempus, falsa est propositio: sed tantum in illo sensu concluderet aliquid ad propositum: & ideo patet, quod ex falso procedit, & nihil probat.

AD VLTIMUM dicendum, quod non est simile de Angelis & hominibus: quia Angeli omnes simul creati sunt, eo quod vnus non est in potentia ad alium, & vnus non traducitur ex alio: & ideo meritum eorum fuit simul, & per consequens premium eorum fuit simul. Sed in hominibus secus est: quia vnus est in potentia ad alium, & generatio in eis præterit, & generatio aduenit: & ideo merita diuissa sunt secundum tempus & actus: & per concedens diuissim secundum animam premiantur, ut dictum est prius.

T t 2 Do



*De generali confessione, quid prosit.*

**E**OST hæc considerandum est, Quid prosit confessio illa, ubi singula peccata quæ quisque fecit, non exprimuntur. Sanè dici potest, quòd omnia criminalia semel saltem oportet in confessione exprimi, nisi aliqua à mente exciderint. Sed quia nemo delicta intelligit omnia, generaliter saltem ea confiteri, quorum memoriam habes: & sic nihil celasti de sceleribus tuis. Venialia vero, ut ait August. quia innumerabilia sunt, sufficit generaliter confiteri, nisi aliqua sint frequenter iterata: perfectius est tamen etiam illa exprimere si vales. Ideoque quotidie generaliter fit confessio in Ecclesia pro venialibus, scilicet peccatis quæ quotidie admittimus, & pro illis mortiferis quorum notitiam non habemus. Vnde August. Veritatem dicit Deo pœnitens, quando nihil illi de commissis sceleribus celat: non quod & si voluntatem celauerit, Deus ignoret: sed veritatem sibi dici vult ab eo, ut veniam consequatur. Si vero mente aliqua exciderint, confitetur veritatem Deo, cum generaliter dixerit, Deus qui nosti occulta cordis & opera mea, & delicta à te non sunt abscondita, quibus veniam largiaris precor: & hæc est veritas confitentis, quam diligit Deus. Vnde August. Ecce enim veritatem dilexisti. Hic insinuatur, quòd generalis confessio etiam mortalia delet, quorum intelligentia non habetur.

In quinta  
ta ref-  
ponfione  
contra  
Pelagia-  
nos.

Pfal. 66.

Pfal. 50.

## ARTICVLVS XI.

*An oportet in confessione omnia criminalia sigillatim exprimi?*

**D**Einde quæritur de hoc quod dicit ibi [Post hæc considerandum, Vtrum prosit confessio, &c.] Videtur enim falsum esse: quia in contritione non tenetur aliquis sigillatim recolere peccata ad hoc quod valeat contritio: ergo nec in confessione: sed sufficit confiteri in generali.

Solutio.

**R**ESPONSIO. Dicendum, quòd non est simile: quia contritio est coram Deo, qui omnia

videt æqualiter sigillatim & in communi resumpta per memoriam: sed confessio coram homine est, qui nescit iniungere pœnitentiam nisi sigillatim exprimantur: & etiam maior est erubescencia coram homine, coram quo sigillatim peccata exprimuntur. Vtrum autem oporteat iterare confessionem, & quando non, supra requiratur: quia etiam hic habet locum.

Deinde quæritur de hoc quod dicit ibi [Venialia vero quia innumerabilia sunt, &c.] Super illud disputatum est supra distinct. 17. in fine: & cadit hic sicut ibi: & ita quæ ibi dicta sunt in quæstione, confirmantur per ea quæ dicuntur hic in litera.

*Nemo confiteatur quæ non fecit.*

**F**ICVT autem pœnitens celare non debet peccatum suum, quia superbia est: ita nec humilitatis causa fateri se reum illius, quod se non commisisse noscit: quia incauta est talis humilitas, & peccatorem constituit. Vnde Augustin. Cum humilitatis causa mentiris, si non eras peccator antequam mentireris, mentiendo efficeris quod vitaras: quia veritas in te non est, nisi ita te dixeris peccatorem ut etiam esse cognoscas. Veritas autem ipsa est, ut quod es dicas. Nam quomodo est veritas, ubi regnat falsitas?

De ver-  
bis Apo-  
stoli ser.  
29. &  
habetur  
22. q. 2.  
c. Cum  
humili-  
tatis.



*De pœnis sacerdotis qui peccatum publicat confitentis.*

**C**AVEAT autem sacerdos ne peccata confitentium aliis prodat, alioquin deponatur. Vnde Gregor. Sacerdos ante omnia caueat ne de his qui ei confitentur, peccata alicui recitet, non propinquis, non extraneis: nec (quod absit) pro aliquo scandalo. Nam si hoc fecerit, deponatur, & omnibus diebus vitæ suæ ignominiosus peregrinando pergat. Quod vero dictum est ut pœnitens eligat sacerdotem scientem ligare & soluere, videtur contrarium ei quod in canonibus reperitur, ut nemo scilicet alterius parochianum iudicare præsumat. Sed aliud est favore vel odio proprium sacerdotem contemnere, quod canones prohibent: aliud cæcum vitare, quod Urbanus facere monet: ne si cæcus cæcum ducat, ambo in foueam cadant. Ait enim Urbanus secundus, Placuit ut nulli sacerdotum deinceps liceat quemlibet commissum alteri sacerdoti ad pœnitentiam suscipere, sine eius consensu cui se prius commisit, nisi pro ignorantia illius cui prius confessus est. Qui vero contra hoc facere tentauerit, gradus sui periculo subiacebit.

G  
De pœn.  
dist. 6.  
c. Sacerdos.

16. q. 1.  
cap. Ad  
minus.  
paragr.  
Ecce in  
hoc.  
9. q. 2.  
quasi  
per to-  
rum.  
Matt. 15.  
Ibidem  
c. Com-  
placuit.

ARTICVLVS XII.

*An pia mentes debeant ibi cognoscere culpam, ubi culpa non est?*

**D**Einde quæritur de hoc quod dicit ibi [Sicut autem pœnitens celare non debet, &c.] Huic enim videtur contrarium quod dicit Gregor. quod bonarum mentium est ibi culpam agnoscere, ubi culpa non est: ergo & agnitionem confiteri.

1. Adhuc August. in lib. confessionum, Si quæritur à me, utrum sim iustus? Dico quod non. Et tamen constat, quod Augustinus iustus erat.

Quæstio-  
cula 1.

ADHVC vltius quæritur hic, Qualiter sit confitendum dabium, utrum sicut mortale, vel veniale? Videtur enim, quod si ut veniale confiteretur, quod in periculo est: quia non facit pœnitentiam condignam. Si autem ut mortale: tunc dubium pronuntiat ut certum, & sic mentitur: ergo peccat, vel falsa sunt quæ dicit in litera.

2. Adhuc, Parum ante dixit, quod si aliqua sæpius iterantur, illa sunt exprimenda: aut ergo ut mortalia facta sunt ex iteratione: aut quia venialia iterata. Si primo modo: tunc veniale fit mortale: & hoc supra improbatum est. Si secundo modo: tunc illa generalis confessio quæ fit in Prima & Completorio, facienda est de veniali, quod est contra ea quæ dicuntur in litera.

Quæstio-  
cula 2.

ADHVC quæritur, Si confitetur talia iterata quæ venialia sunt ex genere, utrum taxanda est ei pœnitentia? Videtur, quod sic: quia confessio fit propter pœnitentiæ taxationem. Contra: Taxata sufficit pro mortali: ergo nulla debetur veniali, quia impropotionabilia sunt.

Solutio.

**R**ESPONSIO. Dicendum, quod omnia hæc discussa sunt in præhabitis: dici tamen potest ad primum, quod est agnitione intellectus iudicantis, quid sit in anima, & quid non: & est agnitione

*D. Al. Mag. in Lib. 4. Sentent.*

mentis affectus utrum rectè agatur, an non: sicut dicitur Iob 9. Verebar omnia opera mea, sciens quod non parceres delinquenti: & talis est agnitione bonæ mentis, de qua loquitur Gregor. & non exigit confessionem.

AD ALIVD dicendum, quod omnis homo iniustus est comparatus Deo: & ita loquitur August. Sic etiam dicit Iob, Scio, quod non iustificatur homo comparatus Deo. Et sic dicitur Isa. 64. Quasi pannus menstruæ vniuersa iustitiæ nostræ. Hæc autem iniustitia, quia in opere non est absolute, sed in comparatione ad iustitiam primam, quam non perfecte imitari potest mortalitas infirmitas, ideo confiteri eum non oportet.

AD ALIVD dicendum, quod dubia in certiore parte sunt interpretanda: accipiat enim pœnitentia ut pro mortali: & tamen mortale non pronuntietur in confessione, sed se dubitare confiteatur utrum fuerit mortale vel veniale.

Ad qua-  
stionem  
1.

AD ALIVD dicendum, quod ex iteratione non fiunt mortalia per se, sed per accidens, scilicet si crescant contemptus & libido: & de hoc supra satis dictum est.

Ad qua-  
stionem  
2.

AD ALIVD dicendum, quod confitenti venialia non est iniungenda pœnitentia, sed ad memoriam reuocanda satisfactio quotidiana pro venialibus ab Ecclesia instituta, scilicet tonsio pectoris, Pater noster, Ave Maria, & huiusmodi: & si suscipiatur pœnitentia, non erit iniuncta in præcepto, sed in consilio. Tamen hoc argumentum non valet, pro mortali sufficit aliqua: ergo veniali nulla debetur: quia non sufficit aliqua pro mortali, nisi facta veniali: & hoc supra sæpius expeditum est. Hoc autem quod dicit in isto capitulo, Caueat autem sacerdos, &c. in decreto de pœnitentia distinct. 6. continetur, & totum planum est ex disputatis supra 17. distinctione.

Ad qua-  
stionem  
3.



## DISTINCTIO XXII.

*Si peccata dimissa redeant?*

A  
Ostendit  
quātum  
confessio-  
nis con-  
temptus  
obstet.



VMQVE multis auctoritatibus suprà sit assertum, in vera cordis contritione peccata dimitti ante oris confessionem vel operis satisfactionem, ei etiam qui aliquando in crimen relapsus est: quæritur si post cordis contritionem confiteri contempserit, vel in peccatum idem vel simile ceciderit, an peccata dimissa redeant? Cuius quæstionis solutio obscura est & perplexa, aliis asserentibus, aliis contra negantibus peccata semel dimissa, vltius replicari ad pœnam. Qui vero dicunt peccata dimissa redire, subditis se muniunt testimoniis. Ambros. ait, Donate inuicem, si alter in alterum peccat: alioquin Deus repetit dimissa. Si enim in his contemptus fuerit, sine dubio reuocabit sententiam, per quam misericordiam dederat: sicut in Euangelio de seruo nequam legitur, qui in conseruum suum impius deprehensus est. Item Rabanus, Nequam seruum tradidit Deus tortoribus, quoadusque redderet vniuersum debitum: quia non solum peccata quæ post baptismum homo egit, reputabuntur ei ad pœnam: sed etiam originalia, quæ in baptismo sunt ei dimissa. Item Gregor. Ex his dictis Euangelicis constat, quia si ex toto corde non dimittimus quod in nos delinquitur, & hoc rursus exigitur, quod iam nobis per pœnitentiam dimissum fuisse gaudebamus. Item August. Dicit Deus, Dimitte, & dimittetur tibi: sed ego prius dimisi, dimitte vel postea. Nam si non dimiseris, reuocabo te: & quicquid dimiseram, replicabo tibi. Item qui diuini beneficii oblitus, suas vult vindicare iniurias, non solum de futuris peccatis veniam non merebitur: sed etiam præterita quæ iam sibi dimissa credebat, ad vindictam ei replicabuntur. Item Beda, Reuertar in domum meam, &c. Timendus est ille versiculus, non exponendus ne culpa quam in nobis extinctam credebamus, per incuriam nos vacantes opprimat. Item, Quæcunque enim post baptisma siue prauitas hæretica, seu cupiditas mundana arripuerit, mox omnium prosternet in ima vitiorum. Item August. Redire dimissa peccata, vbi fraterna charitas non est, apertissimè Dominus in Euangelio docet in illo seruo, à quo dimissum Dominus debitum petiit: eo quod ille conseruo suo debitum nollet dimittere. His auctoritatibus innituntur, qui dicunt peccata dimissa, si replicantur, redire simpliciter. Quibus opponitur, Siquis pro peccato de quo pœnituit, & indulgentiam accepit, iterum punitur: non videtur iustum. Si punitur pro eo quod peccauit, & non emendauit, iustitia est aperta. Si vero requiritur quod fuerat condonatum, vel iniustitia est, vel iustitia occulta. Videtur etiam Deus bis in idipsum iudicare, & duplex tribulatio

De pœn.  
dist. 4.  
in princ.  
& cap.  
Sequēti.

Matt. 18.

In qua-  
dam ho-  
mil.

Luc. 6.

Ibidem.

Super  
Lucam.  
lib. 4.  
c. 47.

Ibidem.

In lib. de  
baptism.  
De pœn.  
dist. 4.  
Mat. 18.

Nahum  
1.



latio confurgere : quod Scriptura negat. Sed ad hoc potest dici , quod neque duplex tribulatio confurgit , neque iudicat Deus bis in idipsum. Hoc enim fieret , si post condignam satisfactionem & sufficientem poenam iterum puniret : sed non satisfecit dignè & sufficienter , qui non perseverauit. Debuit enim iugem peccati habere memoriam , non ad faciendum , sed ad cauendum. Debuit non obliuisci omnes retributiones Dei : quæ tot sunt , quot sunt peccatorum remissiones. Tot ergo debuit cogitare dona Dei , quot mala sua : ac pro illis vsque in finem gratias agere. Sed quia ingratus ad vomitum , sicut canis rediit, ante acta bona mortificauit , & peccatum dimissum reuocauit : vt cui humiliato ante Deus peccatum dimiserat , eidem postea elato & ingrato imputer. 2 Petr. 1.

*Aliorum sententia.*

**S**ED quia absolum videtur vt peccata dimissa iterum impu-  
tentur, placet quibusdam neminem pro peccatis semel dimissis  
iterum a Deo puniri. Sed ideo dicuntur dimissa redire & impu-  
tari, quia propter ingratitudinem ita reus & peccator consti-  
tuitur, vt ante fuerat. Sic enim quod dimissum fuerat, dicitur exigi, quia  
remissionis perceptæ ingratus , ita reus fit vt antè fuerat. Vtrique  
parti quæstionis probati fauent Doctores. Ideoque alicui parti non  
præiudicans , studioso lectori iudicium relinquo , addens mihi tutum  
fore ac saluti propinquum , sub mensa dominorum micas edere. Mat. 15.  
Luc. 14.

\*\*\*\*\*  
D I V I S I O   T E X T V S .

**Q**UOD Vnde multis auctoritatibus, &c.]  
In ista vltima distinctione de pœni-  
tentia, agitur de reditu peccatorum, &  
per consequens de pœnitentiæ itera-  
tione : & quærantur duo in litera , quorum pri-  
mum est quod dictum est : alterum autem de signo  
& re sacramenti huius , & incipit ibi : Post præ-  
dicta restat inuestigare, &c.

A R T I C V L V S   I .

*An peccata dimissa redeant per quodlibet  
reciduum?*

**I**ncidit autem hîc quæstio , Si peccata dimissa  
redeant per quodlibet sequens reciduum mor-  
talis peccati? Videtur autem , quod sic per illud  
Ezech. 18. Omnes iustitiæ quas fecerit , non re-  
cordabuntur amplius. Ergo si nullam iustitiam  
fecisset , pro omnibus peccatis puniretur: sed non  
punitur nisi pro peccato quod habet: ergo omne  
peccatum præcedens redit super eum per recidi-  
uum sequens.

2 Adhuc , Iustitia æqualis est ad reddendum  
æqualia pro bonis & malis: sed conuersis restitu-  
tur bona præterita per peccatum intermedium

mortificata : ergo & peruersis mala præterita per  
pœnitentiam intermedium mortificata : ergo pec-  
cata seueruntur.

3 Adhuc , In humanis legibus manumissus  
propter delictum sequens in pristinam reuocatus  
seruitutem , & poenam seruitutis : cum igitur illæ  
exemplatæ sint à diuinis , videtur etiam quod  
illud iustum sit per diuinas: ergo propter delictum  
reuocanda est pristina seruitus peccatorum di-  
missorum.

4 Adhuc arguitur per illud , Qui offendit  
in vno , factus est omnium reus : non autem po-  
test esse omnium reus , nisi per omnia reuerentia  
super eum : ergo videtur , quod omnia peccata re-  
deant propter vnum delictum sequens. Adhuc  
obiicitur fortius, Ponamus , quod aliquis contri-  
tus sit sufficienter ad deletionem culpæ , sed non  
ad deletionem poenæ : & postea contemnat pœ-  
nitere & confiteri , & ita decedat : constat , quod  
Deus peccatum punit quod non puniuit homo:  
sed nullum puniuit homo de perpetratis : ergo pu-  
niet omnia Deus : non autem potest punire nisi  
vbi est : est autem in inferno: ergo punit in infer-  
no omnia peccata sua : & non puniuntur nisi quæ  
habet per reditum : ergo omnia peccata dimissa in  
contritione reuersa sunt per sequens peccatum.  
Eadem prorsus obiectio est de eo qui contritus  
& confessus est , & pœnitentiam condignam  
non expleuit , & cadit in vnum mortale , & ita  
decedit.

I N C O N T R A R I V M, huius autem obiicitur: Sed con-  
tra.  
quia dicit Philosophus , Quod omnino cedit in



non esse, non reiteratur idem numero: sed peccatum dimissum cessit omnino in non esse: ergo non reiteratur idem numero: ergo non reiteratur idem peccatum quod dimissum erat. Si autem dicatur, quod peccatum non in nihil redigitur quando dimittitur. Contra: Si manet aut ergo secundum quod est culpa, aut secundum quod macula, aut secundum quod reatus pœnæ æternæ: hæc enim tria sunt in mortali peccato. Non primo vel secundo modo: quia secundum hoc culpa & gratia essent in eodem, & gratia & macula peccati mortalis, quod esse non potest. Similiter nec tertio modo manere potest: quia reatus pœnæ æternæ coniunctus est culpæ, & soluta ipsa soluitur: ergo videtur, quod non maneat aliquid de peccato mortali: & sic constat propositum. Si forte dicas, quod maneat aliqua circumstantia peccati: hoc ridiculum est: quia circumstantia est proprietas & forma quædam peccati: forma autem non manet nisi maneat formatum secundum esse.

2. Adhuc obiiciunt antiqui, quod si quodlibet præteritorum reuertitur per quodlibet peccatum posterius admissum: ponamus, quod aliquis peccat per avaritiam, & postea cadat in mortalem prodigalitem: videtur, quod prodigalitas reducat avaritiam in esse: & sic contrarium conducit contrarium ad esse, quod est impossibile.

3. Adhuc videtur hoc esse contra Dei iustitiam: quia nullum bonum manet ab eo irremuneratum, imo etiam plus quam valet: sed pœnitentia intermedia valuit æternum bonum, & fuit perfectum remedium contra peccatum: ergo videtur, quod iniuste agatur cum tali, si omnia peccata reuertantur super eum.

Sunt autem quidam qui ad ista dicunt, quod non redit præcedens in macula vel reatu: sed propter sequens peccatum innascitur reatus ita magnus, quod æquivaleret omnibus præcedentibus peccatis quæ dimissa erant. Sed hoc videtur falsum: peccatum enim non attenditur nisi ex specie vel radice quæ est contemptus: sed sequens peccatum in specie non æquivaleret quantitati omnium peccatorum: nec etiam in radice ut frequenter: sed potius potest esse ex minori contemptu: ergo videtur, quod sit falsum, quod ex ipso tantus sicut ex omnibus dimissis innascitur reatus. Adhuc, iste reatus aut innascitur ex peccato illo, secundum quod est quoddam peccatum secundum se, aut secundum ordinem ad præcedentia peccata, aut secundum ordinem ad præcedentem pœnitentiam, aut simul secundum ordinem ad præcedentia peccata & ad præcedentem pœnitentiam. Si primo modo: ergo ex quolibet peccato mortali innascitur talis reatus: quia eadem ratio est de vno, & de omnibus aliis, quod falsum est. Si secundo modo: ergo ex quolibet secundo innascitur reatus tantus, quantus est duorum peccatorum, & ex tertio quantus est trium, & ex quarto quantus est quatuor, & sic de aliis: & hoc absit, quia sic nunquam peccator posset satisfacere. Si tertio modo: tunc bonum coniunctum malo facit maius malum, quod est impossibile. Idem sequitur si quarto modo dicatur esse: ergo hæc opinio est impossibilis.

Propter hoc venit opinio tertia, & dicit, quod propter quatuor peccata redeunt præcedentia peccata, & non propter alia: & illa extrahuntur ex litera. Hæc autem sunt odium fraternum, apostasia

à fide per hæresim, & contemptus confessionis propter objectionem supra inductam, & pigritia pœnitentiæ. Tunc enim dicunt, quod Deus facit ei non valere pœnitentiam præteritam: & de hoc antiqui fecerunt versum, quia fere omnes in hac erant opinione. Versus autem est iste,

*Frater odit, apostata fit, spernitque fateri,  
Pœnituisse piget, pristina culpa redit.*

Sed tunc quæritur, Quid sit specialiter in his peccatis, propter quod dicitur redire prior culpa potius quam in aliis? Aut enim habent hoc ex parte speciei, aut ex deformitate radice. Si primo modo: tunc per homicidium debet redire præcedens culpa, quia maius peccatum est quam odium fraternum: & hoc non dicitur, nisi in odio fraterno supponatur quodlibet peccatum contra proximum, quod non est verum secundum eos. Si ex deformitate radice habet hoc. Contra: quia tunc ex peccato in Spiritum sanctum debuit redire præcedens culpa, quia deformissimam habet radicem: & hoc iterum non est verum secundum eos. Adhuc, Si aliquis inspiciat auctoritates quæ in litera inducuntur, plura inueniet, propter quæ Sancti dicunt redire peccata. In sexta quæ est Bedæ super Luc. ponitur incuria negligentia, vel orij: & in septima quæ est eiusdem, adiungitur cupiditas humana. Ergo videtur, quod non tantum his quatuor de causis reuertantur peccata.

Ideo fuerunt quidam de quarta opinione, sequentes Magistrum in litera, dicentes quod propter solam ingratitudinem peccata reuertuntur. Sed contra hos opponitur: quia ingratitudo non inuenitur nisi vno trium modorum: aut enim dicit actualem redditionem mali pro bono, corde, ore, vel opere factam: aut dicit non curationem beneficii suscepti actualem, scilicet aut quod beneficium non reputetur, vel minus reputetur quod sit: aut dicit habitualem quandam immemorationem beneficiorum, per hoc quod agit aliquid contra beneficium. Primis autem duobus modis ingratitudo est speciale peccatum, diuisum ab aliis, non coniunctum cuilibet peccato sequenti: ergo per ingratitudinem illis duobus modis sumptam non ponitur redire peccatum propter quodlibet sequens peccatum. Si ergo tertio modo sumatur ingratitudo, quæritur quid ipsa sit, quod tantæ est efficacia? Videtur autem, quod non sit actus peccati: quia vnus actus peccati distinguitur ab actu alterius peccati in specie: & ingratitudo coniuncta est cuilibet peccato sequenti: ergo ipsa non est actus peccati. Eodem modo videtur, quod nec sit circumstantia: quia circumstantia vnus non est circumstantia alterius: & ingratitudo vna est cuiuslibet peccati sequentis. Adhuc videtur, quod nec sit effectus peccati sequentis: quia diuersarum causarum diuersi sunt effectus: sed ingratitudo est vnus rationis consequens diuersa peccata consequentia pœnitentiam: ergo nec actus est, nec circumstantia, nec effectus peccati: ergo videtur, quod nihil peccati sit: ergo per ipsam non potest reuerti peccatum præcedens.

RESPONSIO. Dicendum videtur mihi in ista quaestione, quod peccatum nec idem numero, nec idem specie, nec æquali reatu, vnquam reuertitur: sed ex ingratitudine peccati sequentis dicitur reuerti quantum ad improperationem & deformitatem peccantis, quæ est ingratitudo maior, quam si ei peccatum dimissum non esset: & ideo ampliores



ampliores meretur increpationes, & condemnationem iustiorum: & aliter non potest intelligi qualiter peccata reuertantur. Ad hoc autem intelligendum quidam inuenerunt distinctionem eorum quæ sunt ex peccato in pœnitente: tenetur enim pœnitens ad dolorem commissorum, & detestationem admittendorum, & memoriam accepti beneficij, quod tantum est, vt infra patebit, quanta sunt ea quæ sunt dimissa: constat autem, quod hæc tria omnia interrumpit peccatum sequens: & ideo innascitur ei quædam deformitas ingratitude ex comparatione ad dimissionem præcedentium peccatorum: cui enim multa sunt dimissa, magis tenetur gratias agere, & turpius est ei contra remittentem peccare: & sic præcedentia peccata non vt peccata, sed vt tanta dimissa, quantitatem dant ingratitude sequenti: & quoad hanc redire dicuntur, quia quoad hanc quodammodo resultant in peccato sequenti. Si autem aliquo alio modo reuertuntur, ad præsens non intelligo præter obiecta inducta.

AD PRIMVM ergo dicendum, quod Ezech. non intendit, quod non recordentur iustitiæ ad minorem punitionem, quia hoc esset contra Dei misericordiam: sed intendit, quod non recordentur ad vitæ æternæ consecutionem: & hoc verum est.

AD ALIVD dicendum, quod iustitia nunquam est ita æqualis, quin plus sit ad indulgentiam, quam ad condemnationem, quia aliter crudelis esset. Si tamen detur æqualis esse: tunc dicendum, quod non sequitur: quia non est simile quod pro simili inducitur: bonum enim opus de se habuit spiritum viuificatum, quod postea potest valere ad meritum: sed malum opus non habet aliquid sustinens ipsum, quo reuertente postea possit redire: vnde multo deficientius est malum, quam bonum. Similiter bona opera omnia in gratia habent vnionem, & ideo reuertente gratia possunt redire: sed mala opera nullam habent vnionem omnino nisi aggregationis, quæ simpliciter pluralitas est, sicut vnio acerui: & ideo cum nihil habeant vnionis, quo reuertente redire possint, non possunt redire vt bona. Qualiter autem bona reuertantur, supra inquisitum est.

AD ALIVD dicendum, quod in humanis multa fiunt ad cautelam & timorem futurorum: sicut ipsa lex quæ peccantem manumissum reuocat in seruitutem: hoc enim reddit cautiore, & infert aliis timorem, & sine talibus cautelis viuere non posset homo ciuilitate: sed in diuinis non est ita, sed directè sunt ad normam iustitiæ, & præcipue in condemnatione & punitione peccatorum: quia non punit Deus vnquam vltra condignum.

AD ALIVD dicendum, quod nunquam punitur pro illa parte quæ ei dimissa est: sed talis punitur in inferno in perpetuum pro peccato præterito, sicut veniale coniunctum mortali punitur in æternum: sed tamen in inferno minus punitur, quam puniretur si nunquam pœnitisset.

AD OMNIA autem quæ in contrarium sunt vsque ad secundam opinionem, concedi possunt de plano.

SED DE secunda opinione puto dicendum, quod falsa est, nisi hoc modo dicatur, quod reatus sequentis peccati habet maiorem deformitatem ex comparatione ad præcedentia dimissa. Et ad om-

nia quæ circa hanc opinionem obijciuntur, puto concedenda.

AD TERTIAM opinionem puto iterum dicendum, quod falsa est: tamen ad hoc quod quærit, quæ fuit ratio quare posuerunt illa quatuor peccata? Dicendum, quod ideo potuit esse, quod præcedentia peccata quærunt remissionem ex parte Dei & proximi & ipsius pœnitentis. Et ex parte Dei quidem magis in genere est apostasia à primo eorum quæ sunt in iustificatione: & hæc est fides: & ideo quia peccat contra primum in iustificatione, quoad Deum redit peccatum: quoad proximum autem charitas communicans bene facit ad remissionem peccati, quia meretur charitas Ecclesiæ iustificationem impiorum: & ideo iterum peccans contra hoc, peccat contra iustificationem: & tunc redit peccatum pro eo scilicet. Ex parte autem pœnitentis sunt duo operatia: vnum contra culpam, dolor scilicet informatus gratia & contritione: & contrarium huius est pœnitentia pœnitentiæ. Aliud autem operatur contra pœnam ex vi clauium: & contra hoc est contemptus confessionis iniungentis satisfactionem. Alia autem non sunt ita directè contra iustificationem: & ideo per ea non redit: & per hoc patet solutio ad obiectum circa hanc opinionem, si aliquis vellet eam sustinere: posset enim dici, quod peccatum non ex quantitate deformitatis in actu habet, quod faciat redire peccatum, nec ex quantitate deformitatis in radice, sed ex hoc quod peccat contra facientia iustificationem. Tamen ego puto, quod etiam ista opinio falsa sit, sicut dictum est prius.

AD VLTIMAM opinionem dicendum, quod nec propter ingratitude peccati reuertitur, nisi sicut dictum est in principio solutionis: & tunc ingratitude secundo modo accipitur pro habituali immemoratione beneficiorum, & præcipue illius beneficij, quod dimissa sunt peccata. Ad obiectum contra, dicendum quod nec actus, nec circumstantia, nec effectus est peccati sequentis, sed quædam deformitas consequens peccatum per hoc quod interrumpit habitalem gratiarum actionem: & sic est aliquid peccati, eo modo quo defectus aliquid dicitur esse defectus: nec tamen sequitur, quod sit actus vel circumstantia vel effectus proprius: quia defectus non habet nisi defectum pro causa. Si autem quæretur, Quare Sancti in litera tangunt illa peccata quæ tangunt? Dicendum, quod de quatuor iam patet: quia directius in illis peccatur contra iustificationem: duo autem quæ sunt incuria & amor mundi, generalia sunt, & potius ponuntur pro radicibus peccatorum, quam pro peccatis: quia ex ipsis frequentius inducunt frequentia peccata, quæ ingratitude inducunt. Et per hoc patet solutio ad totum.

## ARTICVLVS II.

*An peccatum veniale etiam redeat per ingratitude sicut alia?*

DEinde quæritur de hoc quod dicit ibi [Quoadusque reddat vniuersum debitum, &c.] Vtrum ex hoc habeatur, quod veniale redit per illum modum, quo concedendum per ingratitude redire alia? Videtur, quod non: quia quod



quod non est contrarium charitati, nec etiam est contrarium ingratitudini: sed veniale non est contrarium charitati: ergo, & cætera: ergo non debet redire propter eius oppositum, scilicet ingratitudinem.

2 Item non dicitur redire propter ingratitudinem, nisi quod ingratitudinem facit maiorem: sed venialia non faciunt maiorem ingratitudinem: ergo non reuertuntur in ipsa. Primum patet ex præhabitis. Secundum autem patet ex hoc, quod quæcunque non auferunt nec diminuunt charitatem, illa non augent ingratitudinem: & sic constat propositum.

*Sed contra.* IN CONTRARIUM autem est litera: quia dicitur hic vniuersum debitum, & in illo includitur peccatum venialium.

2 Item, Cum oratio Dominica sit pro quotidianis quæ sunt venialia, & in illa dicitur, Dimitte nobis debita nostra: ergo venialia includuntur sub debito.

*Solutio.* RESPONSIO. Dicendum, quod non reuertuntur debita venialia, nisi per illum modum quo alia: & bene concedo, quod hoc modo reuertuntur.

AD OBJECTVM contra, dicendum quod est dispositio in contrarium disponens, & sic contrariatur feruori charitatis. Et per hoc remissio eius auget ingratitudinem. Eodem modo patet solutio ad sequens.

### ARTICVLVS III.

*An originale etiam redeat per ingratitudinem?*

DEinde quæritur de hoc quod dicit ibi [ Sed etiam originalia, &c. ] Originale enim non est nisi vnum, contra quod ordinatur baptisma: ergo videtur, quod non reuertatur: quia si reuerteretur, cum non deleatur nisi per baptismum, oporteret rebaptizari: & hoc hæreticum est dicere.

2 Præterea, Cum originale sit vnum, qualiter pluraliter vocat originalia?

*Solutio.* RESPONSIO. Dicendum, quod originale secundum suam essentiam nunquam redit: sed redit modo prædicto: quia dimissio eius auget debitum gratiarum actionis, & auget ingratitudinem.

AD SECVNDVM disputatum & responsum est in 2. lib. in tractatu de peccato originali.

### ARTICVLVS IV.

*An ille cui plura dimissa sunt, magis tenetur ad gratiarum actiones, quam ille qui seruauit innocentiam?*

DEinde quæritur de hoc quod dicit ibi [ Tot ergo debuit cogitare dona Dei, quot mala sua, &c. ] Et quæruntur hic tria, scilicet quis tenetur magis ad gratiarum actiones, scilicet cui plura dimissa sunt, vel ille qui seruauit innocentiam? Secundo, Penes quid attendatur gratiarum actio maior vel minor? Tertio, Vtrum plurimum donorum sit vna gratiarum actio, & vna ingratitudo, vel plures?

Ad primum obiicitur sic: In corporalibus magis valet continua sanitas, quam interrupta & restituta: ergo similiter in spiritualibus plus valet continuatio innocentie, quam à pœnitentia restitutio gratiæ: sed de maiori bono magis sunt gratiæ agendæ: ergo ad maiores gratiarum actiones tenetur innocens, quam pœnitens in pristinum statum restitutus.

2 Adhuc, Dignior est status innocentie & securior, quam pœnitentie: quia pœnitens nescit sibi peccatum dimissum esse, sed innocens certe scit, quia non est admissum: ergo ut prius.

IN CONTRARIUM Luc. 7. quis ergo eum plus diligit? quia ille cui plus donauit. Et dixit Iesus, Rectè iudicasti: sed plus dimissum est pœnitenti: ergo plus tenetur diligere: ergo & amplius gratias agere.

2 Adhuc, Adiutus in periculo tenetur liberatori, cui non tenetur hic qui nunquam adiutus est: sed innocens nunquam adiutus est, pœnitens autem est adiutus: ergo, ad maiores gratiarum actiones tenetur pœnitens, quam innocens.

SECUNDO quæritur, Penes quid attendatur quantitas gratiarum actionis? Videtur autem, quod penes quantitatem donorum: quia gratiarum actio est de donis perceptis recognitio beneficii cum laude & obsequio: ergo de maiori dono maior est gratiarum actio, & de minori minor.

SED SI hoc concedatur, Euangelium videtur esse contra: quia dicunt omnes, quod charitas maximum est donum: & tamen Euangelium videtur velle, quod plus debet gratias agere cui plus est dimissum, ut patet ex prius inducta auctoritate.

TERTIO quæritur, Vtrum de multis sit vna gratiarum actio, & vna ingratitudo? Videtur autem, quod non: quia sicut differunt causæ propriæ, ita differunt causatæ: sed causa propria gratiarum actionis est perceptio doni: ergo diuersorum donorum diuersæ sunt gratiarum actiones & ingratitudines: & habetur propositum.

RESPONSIO. Dicendum, quod primum articulum huius quæstionis determinat August. in lib. de virginitate, dicens quod cæteris paribus vterque ad æquales tenetur gratiarum actiones: quia à tot quot pœnitentem gratia Dei eripuit, à tot innocentem ne caderet præseruauit: nec scire potuit, nisi illo præseruante: si autem in cæteris pares non sint: tunc magis tenetur qui maiorem charitatem habet, & cætera dona maiora. Vnde in illis nihil prohibet vnum magis teneri in ratione vnius, & reliquum in ratione alia: quia in talibus operationes se habent sicut excedentes & excessæ.

AD PRIMUM ergo dicendum, quod est ut sic, & est ut non: quia si interrupta sanitas maior est quam continua, non est verum quod dicit: si autem æqualis est, & cætera sunt paria, tunc est verum. Et ita est etiam in spiritualibus: quia tunc vitatio periculi magnum bonum est, de quo non tenetur qui periculum incidit.

AD ALIUD dicendum, quod non concludit, nisi quantum ad hoc: in cæteris autem potest esse oppositum, ut dictum est.

AD ALIUD dicendum, quod in contrarium obiectum probat ex pluribus teneri pœnitentem, quia ex dimisso & commisso, sed non plus: & ita



ita loquitur Dominus Luc. 7. Et per hoc patet solutio ad totum primum.

Ad qu. 2. A D I D quod secundo queritur, dicendum quod duplex est quantitas, discreta, & continua. Spiritualis autem discreta quantitas gratiarum actionis attenditur penes numerum donorum, & spiritualis quasi continua attenditur penes magnitudinem, & precipue penes magnitudinem charitatis, quia illa excellentior est omni dono alio.

A D I D quod obicitur in contrarium, iam patet solutio per antedicta.

Ad qu. 3. A D I D quod tercio queritur, dicendum quod

gratiarum actiones non respiciunt dona secundum speciem differentia, sed secundum quod sunt diuinae largitatis & magnificentiae indicatae: & quia hoc modo sunt in ratione una, ideo gratiarum actio est una specie, & debent esse multe numero per diuersitatem recordationis donorum: & per consequens ingratitudo est una per speciem potens diuidi in plures numero. Et per praedicta patet etiam solutio ad obiecta: quia non est verum, quod diuersitati donorum in specie diuersae debeantur gratiarum actiones specie: quia non hoc modo respicit dona gratiarum actio, sed modo praedicto.

*Quid sit hic sacramentum & res.*



O S T praedicta restat inuestigare, quid in actione poenitentiae sit sacramentum & res. Sacramentum enim signum est sacrae rei. Quid ergo hic signum est? & quae est res sacra huius signi? Quidam dicunt sacramentum hic esse quod exterius tantum geritur, scilicet exterior poenitentia, quae est signum interioris poenitentiae, scilicet contritionis cordis, & humiliatis. Quod si est, non omne sacramentum Euangelicum id efficit quod figurat. Exterior enim poenitentia non efficit interior, sed potius interior causa est exterioris. Sed ad hoc inquirunt illi, hoc esse intelligendum de illis sacramentis, quae in Nouo Testamento instituta sunt, ut est sacramentum baptismi, confirmationis, & corporis Christi. Sacramentum vero poenitentiae, sicut & coniugij, ante tempus gratiae, etiam a primordio humani generis fuit. Vtrumque enim institutum fuit in primis parentibus. Item, Si exterior poenitentia sacramentum est, & interior res sacramenti: saepius praecedat res sacramentum, quam sacramentum rem. Sed nec hoc inconueniens est. Nam & in aliis sacramentis quae efficiunt quod figurant, hoc saepe contingit. Quidam autem dicunt exteriorem poenitentiam & interiorem esse sacramentum, nec duo sacramenta, sed vnum: ut species panis & vini non duo sunt sacramenta, sed vnum. Et sicut in sacramento corporis, ita etiam in hoc sacramento dicunt aliud esse tantum sacramentum, scilicet exteriorem poenitentiam, aliud sacramentum & rem, scilicet interiorem poenitentiam: aliud rem & non sacramentum, scilicet remissionem peccatorum. Interior enim poenitentia, & res est sacramenti, id est, exterioris poenitentiae: & sacramentum remissionis peccati, quam signat & facit. Exterior quoque poenitentia & interioris signum est, & remissionis peccatorum.

Gandulphus.

ARTICVLVS V.

*An sacramentum poenitentiae habeat tria sicut cetera, scilicet rem tantum, signum tantum, rem & signum simul?*

D E inde queritur de secunda parte huius distinctionis quae incipit *ibi* [Post praedicta restat inuestigare] Et in principio statim queruntur

quinque. Primum est, Vtrum istud sacramentum sicut cetera habeat tria, scilicet rem tantum, signum tantum, rem & signum simul? Secundum est, Quid sit in eo signum tantum, & quid res & signum, & quid res tantum? Tertium, Vtrum sit vnum signum, & vnicum signum & res, & una res vel plures? Quartum, Vtrum ipsum sit vnum sacramentum? Et quintum, Secundum quem modum sit vnum?

Ad primum horum sic obicitur: Nihil eorum quae totam rem suam perficiunt interiori operatione,



riore, habet signum sacramentale: pœnitentia totam rem suam perficit operatione interiori vel perficere potest: ergo nullum habet signum sacramentale: Probatur prima ex diffinitione signi sacramentalis in principio libri posita. Secunda autem probatur: quia ex interiori contritione dimittitur frequenter totum peccatum, imo totum peccatum cum tota sui pœna potest deleri, antequam unquam fiat aliquid exterius.

2. Adhuc, Omne illud quod nullam habet materiam extrinsecus oculis suppositam per ministros Ecclesiæ ministrandam, ipsum nullum habet signum sacramentale: sed pœnitentia tale quid est, vel potest esse: ergo nullum habet signum sacramentale. Probatur prima per definitionem sacramenti, quam dat Hugo, quod sacramentum est visibile & corporale elementum, extrinsecus oculis suppositum, ex similitudine repræsentans, ex institutione significans, & ex sanctificatione inuisibilem gratiam conferens. Secunda autem probatur, sicut ante habita præcedentis argumenti.

*Sed contra.*

IN CONTRARIUM huius obiicitur per hoc quod pœnitentia est sacramentum: sed omne sacramentum est sacræ rei signum, cuius imaginem gerit & similitudo existit: ergo & pœnitentia.

*Solutio.*

RESPONSIO. Dicendum, quod aliud iudicium est de pœnitentia, secundum quod est virtus mouens liberum arbitrium in peccati detestationem, ut supra distinet. 14. dictum est: & aliud, secundum quod est sacramentum. Secundum enim quod est virtus, non habet ista tria, sed est mouens liberum arbitrium in modum naturæ cuiusdam ad detestandum peccatum perpetratum in quantum perpetratum est. Secundum autem quod est sacramentum, dolorem habet pro materia, & gratiam pro forma, & exteriora signa habet, consistens in tribus partibus, scilicet contritione, confessione, & satisfactione: & hæc omnia supra distinet. 15. sunt notata: sic enim illæ tres partes sunt omnes simul, non actu, sed voto. Secundum autem quod est virtus, non habet coniunctum votum confitendi ministro Ecclesiæ, nec satisfaciendi satisfactione erogata sub clauum potestate.

AD PRIMUM ergo dicendum, quod pœnitentia secundum quod est sacramentum, non perficit rem suam interius, imo habet coniunctum votum ad exterius procedendum: & hoc est signum eius in quo procedit ad manifestationem exteriorem.

AD ALIUD dicendum penitus eodem modo.

## ARTICVLVS VI.

*Quid in sacramento pœnitentia sit signum, & quid res & signum, & quid res tantum?*

Secundo quæritur, Quid sit hæc signum, & quid res & signum, & quid res tantum? Dicit autem Magister in litera, quod exterior pœnitentia est signum tantum, interior autem res & signum, & dimissio peccati res tantum. Sed contra hoc obiicitur: quia secundum hoc res præcedit signum tempore, cum in aliis sacramentis signum præcedat rem: remissio enim peccati præcedit exteriorem pœnitentiam.

2. Adhuc autem obiicitur sic: Multa ante exteriorem pœnitentiam in hoc sacramento exterius aguntur: ergo videtur, quod exterior pœnitentia non sit signum primum & principale pœnitentiæ: agitur enim confessio & multa alia ante exteriorem pœnitentiam, quæ est iniuncta satisfactio.

3. Adhuc, Est signum futuri, quod dicitur prognosticum à Medicis & Astronomis: & est signum præsentis quod dicitur hycos vel typos: & est signum præteriti quod dicitur à Tullio rememoratorium, tertio rhetoricæ: ergo sacramentale est aliquod istorum signorum. Et constat, quod nullum nisi prognosticum: & illud semper præcedit signatum: ergo in pœnitentia cum sit sacramentum, nullum potest esse signum quod non præcedat peccati remissionem: ergo videtur, quod exterior pœnitentia non sit signum.

4. Adhuc, Si exterior pœnitentia dicitur satisfactio iniuncta, sicut Magister videtur velle, videtur quod multi contriti & confessi decedant sine sacramento pœnitentiæ: qui tamen saluantur, quia multi decedunt sine exteriori satisfactione: & hoc videtur esse inconueniens. Adhuc, In præcedenti distinet. habitum est, quod secundum quantitatem doloris & deuotionis moderanda est satisfactio: ergo quibusdam nihil imponetur, scilicet quibus sufficit dolor interior & deuotio: & ita illi non haberent de signo sacramenti pœnitentiæ, quod absurdum est.

5. Aliter autem obiicitur contra idem, scilicet quod nihil exteriorum potest esse signum sacramentale in pœnitentia: quia in sacramento nouæ legis signum est causa & efficit quod figurat: sed exteriora in pœnitentia non efficiunt, sed interiora: ergo videtur, quod non sunt signa sacramentalia.

IN CONTRARIUM huius obiicitur, quod omne sacramentum habet signum sensui extra subiectum: sed in pœnitentia solum exterior pœnitentia est sensibus subiecta: ergo ipsa sola est signum, sicut dicit Magister in litera.

RESPONSIO. Ad hoc dicendum cum Magistro in litera, quod exterior pœnitentia est signum tantum, & interior signum & res, & dimissio peccati in culpa & pœna est res tantum. Sed exterior pœnitentia non dicitur meo iudicio tantum satisfactio iniuncta: sed potius in communi ad tres partes pœnitentiæ accipiendum est signum doloris exterius in gestu, voce confessionis, & opere satisfactionis iniunctæ: & hoc secundum tres partes pœnitentiæ diuiditur, scilicet quod signum doloris extra est signum appropriatum contritioni, & confessioni extra enarratio, scilicet appropriata confessioni, & acceptio exterior satisfactionis est signum satisfactionis. Res autem & signum simul, sicut dicit Magister, est pœnitentia interior: & hæc similiter in communi accipienda est, scilicet secundum quod est dolor voluntarius cum voto confitendi & satisfaciendi per clauis. Res autem tantum est dimissio peccati in tota culpa & tota pœna: & hæc duo diuisibilia sunt, quia contritioni responder signum quod est dolor interior gratia informatus: confessioni autem votum confitendi quo iam confitetur intra, & satisfactioni votum satisfaciendi quo iam amplectitur iniunctam pœnitentiam intra. Similiter res diuiditur: quia in contritione



tritione est demissio culpæ & pœnæ æternæ, & in confessione dimissio pœnæ in purgatorio, & in satisfactione dimissio pœnæ temporalis.

AD AOC autem quod primo obiicitur, dicendum quod Magister soluit in litera: quia quandoque non est inconueniens rem præcedere signum, vt in baptismo adultorum fit frequenter: sed quia hoc accidit, ideo aliter potest dici, scilicet quod aliter est in sacramento tantum, & aliter in eo quod est virtus & sacramentum. In his autem quæ sunt sacramenta tantum, semper natura præcedit signum, etsi tempore quandoque comiteretur, quandoque subsequatur: sed in pœnitentia quæ est virtus & sacramentum, pœnitentia vt est virtus, est ante eandem secundum quod est sacramentum, hoc est, actus virtutis est ante actionem sacramenti, & cum virtute non potest esse simul peccatum: & ideo res secundum quod inducit totam in culpa & pœna peccati dimissionem, signum præcedit aliquod in natura, vel in tempore quandoque.

AD ALIVD iam patet: quia comprehenditur sub satisfactione confessio, & quicquid exterius apparet.

AD ALIVD dicendum, quod hoc est signum præcedens rem secundum aliquam partem: & hoc sufficit propter causam dictam.

AD ALIVD dicendum, quod non decedunt sine sacramento: quia non tantum dicitur exterior pœnitentia sacramentum, sed verius interior: sed sequitur, quod sine quodam signo quod est in sacramento decedunt: & hoc non est inconueniens: imo etiam sine sacramento, sed tamen cum re sacramenti non est inconueniens aliquos saluari, sicut habitum est in tractatu de baptismo.

AD ALIVD dicendum, quod illa obiectio quorundam in loco isto fundatur super falsum: quia nullum sacramentorum omnium habet signum rei causatiuum: aqua enim non causat sanctificationem, sed potius virtus verborum in aqua: & species panis & vini non causant corpus Christi, sed potius verba in tali materia, & sic de aliis. Et hoc est quod dicit Magister Hugo, quod ex sanctificatione fit sacramentum inuisibilem gratiam conferens. Vnde falsum est quod dicit: sed sufficit, quod illud quod est res & sacramentum, cum forma & materia sit significatiuum & causatiuum: & hoc quidem hîc fit, quia dolor cum signis suis est materia & gratia formata: & hoc sanctificat, quia in tali dolore causat remissionem peccatorum.

## ARTICVLVS VII.

*An in sacramento pœnitentia signum sit vnum vel plura?*

Tertio quæritur, Vtrum sit vnum signum, & vnicum signum & res, & vnica res, vel plures? Videtur autem, quod vnica: quia vnus sacramenti res debet esse vnica: sed pœnitentia est sacramentum vnum: ergo, &c.

D. Alb. Mag. in Lib. 4. Sentent.

2 Adhuc, Magister in litera non tangit nisi vnum, scilicet exteriorem pœnitentiam & interiorem, & peccati dimissionem: ergo, & cætera.

RESPONSIO. Dicendum, quod sunt plura & vnum diuersis respectibus. In communi enim accepta pœnitentia, prout claudit in se tres partes suas, vnum est signum tantum, & vnum signum & res, & similiter est res vna tantum. Quod qualiter sit, in præcedenti articulo quæstionis dictum est. Si autem accipiantur partes actus pœnitentiæ: tunc ista tria habent diuisa: & hoc etiam ibidem dictum est.

AD OBIECTVM ergo dicendum, quod non est nisi vnum in communi, sed in particulari in hoc & in aliis sacramentis sunt plura: sicut patet in Eucharistia, vbi sunt signa species panis & vini.

AD ALIVD dicendum, quod Magister non tangit ista, nisi secundum quod sunt totius pœnitentiæ in communi.

## ARTICVLVS VIII.

*An sacramentum pœnitentia sit vnum vel plura?*

Varro quæritur, Vtrum istud sacramentum sit vnum vel plura? Videtur autem, quod vnum: quia non sunt nisi septem sacramenta nouæ legis, & istud est vnum illorum: ergo est vnum: si enim daretur, quod esset plura, sequeretur quod plura quam septem essent sacramenta nouæ legis.

2 Adhuc, Duo sunt genera peccatorum, scilicet originale, & actuale: & vnum sacramentum, scilicet baptisumus ordinatur contra originale: ergo & vnum contra actuale: sed hoc est pœnitentia: ergo videtur, quod pœnitentia non sit nisi vnum sacramentum.

IN CONTRARIVM huius obiicitur: quia vbi sunt plura signa & plura signata, ibi sunt plura sacramenta.

RESPONSIO. Dicendum, quod serè totum patet per dicta: sacramentum enim pœnitentiæ est vnicum sacramentum: & sic dictum est supra dist. 15. Res eius est vnica, scilicet deletio totius peccati actualis in culpa & pœna: & ad hanc deletionem ordinatim veniunt tres partes, sicut medicinæ sunt tres receptiones sigillarim & ordinatim operantes.

AD ARGVMENTVM ergo dicendum, quod vna res est in communi & vnum signum & causa: & tamen non sequitur, si plura essent quæ sunt signa tantum, quod essent plura sacramenta: & instantia est in Eucharistia, in qua sunt plura signa, nec tamen plura sacramenta: & hæc est causa, quia sacramentum contrahit vnitatem à re, & præcipue ab eo quod est res & signum: & hoc vnum est in Eucharistia: & hæc causa propter quid in talibus est, quia vnum & idem signabile est signis diuersis: & ideo diuersitas signorum non facit vnitatem vel diuersitatem rerum.



## ARTICVLVS IX.

*Qualiter sacramentum pœnitentia sit  
vnum?*

**Q**Vinto quæritur, Qualiter sit vnum? Dicitur enim vnum multis modis, vt distinguunt diuersi Auctores. Est enim vnitas substantialis trium personarum in vna substantia diuina: personalis in Christo: spiritualis, in qua homo sanctus & Deus, vnus spiritus sunt. Præter has est aggregatiua vt aceruus lapidum: & constitutiua, vt membra corpus vnum constituunt: & natiua, vt corpus & anima naturaliter vnum perficiunt hominem: & coniugatiua, qua vir & mulier sunt vna caro. Videtur autem, quod nullo horum modorum sit sacramentum vnum. Et patet per singulas vnitates de facili deducendi.

Bern.  
serm. 44.

2. Adhuc, Dionysius multos ponit modos vnus dicens, quod quæ sunt multa numero, sunt vnum specie: & quæ multa specie, sunt vnum genere: & quæ multa processibus, sunt vnum primo. Qualiter ergo dicitur hoc sacramentum vnum?

Solutio.

**RESPONSIO.** Determinatio istius quæstionis multum pendet ex dictis in 15. dist. circa principium: dico tamen, quod est vnum vnitatem natiua in diuisione Bernardi, quæ est ex materia & forma: omne enim quod est ex forma & materia, reducitur ad vnitatem natiua in diuisione illa: forma autem est gratia & materia dolor, cum signis suis exterioribus manifestabilis vel manifestatus: & sic patet solutio. Et nota, quod quidam dixerunt, quod sit hæc specialis vnitas quæ dicitur sacramenti: & hunc modum vnitatis ponit Boëtius in li. de vnitatem & vno: sed ille modus ad vnitatem natiua habet reduci secundum diuisionem Bernardi. Nota etiam, quod quidam dicunt vnitatem esse principij secundum diuisionem Dionysij: & hoc nihil est: quia principium vocatur ibi à quo multa procedunt non per modum vnum: & est secundum aliquem modum per prius & posterius in aliquo illorum: sicut ab ente procedunt genera generalissima: sed post hoc in diuisione ipsum est specie vnum, eo modo quo ipsa species constans ex materia & forma dicitur specie vnum.

## ARTICVLVS X.

*An sacramentum pœnitentia indiguit institutione?*

**D**Einde quæritur de hoc quod dicit ibi [Sacramentum coniugij, &c.] Et quæritur quinque circa institutionem. Primum est, An indigebat institutione? Secundum, Vtrum ante peccatum fuit institutum, sicut dicit Magister in litera? Tertium, Vtrum tempore legis naturæ sit institutum, & qualiter sit? Quartum, Qualiter tempore legis Mosaicæ? Quintum & vltimū, Qualiter tempore legis Christi?

Ad primum horum proceditur sic: nullum horum quæ dicitur natura homini, indiget institutione: sed pœnitentiam necessariam esse post peccatum perpetratum, dicitur natura homini: ergo pœnitentia non indiget institutione.

2. Adhuc, Magister Hugo dicit, quod sacramentum est ex institutione significans. Ex hoc accipitur, quod si non esset institutio, nec significaret, nec obligaret per modum sacramenti. Inde procedo sic: Omne quod æqualiter obligat ad satisfaciendum, facta institutione, & non facta, non est institutum per modum sacramenti: sed pœnitentia hoc modo æqualiter obligat: ergo pœnitentia non est instituta per modum sacramenti. Probatio mediæ. Sit, quod non instituatur, adhuc ipsa necessaria est peccanti volenti satisfacere: sic autem non est de baptismo & aliis: ergo constat propositum.

3. Adhuc, Institutum per modum sacramenti, non efficitur causans nisi à virtute instituentis & formæ: sed pœnitentia non habet sic causationem suam: ergo non est instituta sicut sacramentum. Probatio minoris. Pœnitentia enim si non sit instituta, adhuc mouebit in peccati destructionem, & sic constat propositum.

**IN CONTRARIUM** huius est definitio sacramenti, quam ponit Magister Hugo, quod est ex institutione significans: ergo videtur, quod omne sacramentum habet institutionem. Ad idem est illud quod dicitur in litera.

**SOLVTIO.** Dicendum, quod aliud est de pœnitentia secundum quod est virtus, & aliud de pœnitentia secundum quod est sacramentum. Virtus enim non habet institutionem, sed est de dictatis à natura: sed ad sacramentum exigitur institutio: quia omne sacramentum existit in ritu quodam exteriori sibi essentiali, qui ritus est in dispensatione ministrorum: ideo non videtur concedendum, quod sacramentum vt sacramentum dicitur à natura, sed potius sacramentum vt est virtus, vel pœnitentia est virtus.

**AD PRIMUM** ergo dicendum, quod non dicitur ratio pœnitentiam esse necessariam vt est sacramentum, quod est cum aliqua morbi ostensione cum signo clauium vel cum clauibus: imo si non esset institutio, sine tali pœnitentia posset esse salus. Per hoc etiam patet solutio ad duo sequentia, & ad totum de hoc articulo quæsitum.

## ARTICVLVS XI.

*An sacramentum pœnitentia sit institutum  
ante statum peccati?*

**S**ecundo quæritur, Vtrum institutum fuit hoc sacramentum ante peccatum? Videtur autem, quod sic: quia dicit Magister in litera, Adhuc cum Dominus dixit, Quacunque die comederitis, morte moriemini, &c. constat, quod intellexit de morte pœnitentiæ: quia de morte corporis non fuit verum: & hoc dicitur.



xit ante peccatum: ergo pœnitentiam instituit ante peccatum.

*Sed contra.*

IN CONTRARIUM huius obiicitur sic: Pœnitentia non est nisi peccati præcedentis: ergo prænuntiatio pœnitentiæ prænuntiat peccatum futurum: sed prænuntians peccatum futurum antequam sit, reuelat homini suum casum futurum, quod fieri non debuit, ut probat Augustinus: ergo & pœnitentia ante peccatum institui non debuit.

2 Adhuc, Causa necessario præcedit suum causatum: sed lapsus est causa institutionis pœnitentiæ: ergo lapsus fuit ante institutionem: ergo videtur, quod ante peccatum non debuit institui pœnitentia.

*Solutio.*

RESPONDEO cum Magistro, quod pœnitentia secundum quod est in remedium casus, instituta fuit ante peccatum: quia cum Dominus pronus sit ad miserandum, prius adhibuit remedium, quam culpa admitteretur: ut in culpam incidens, inueniret statim remedium paratum.

AD OBIECTVM contra, dicendum quod non ex hoc reuelauit: quia non sequitur, quod aliquis peccabit ex hoc quod peccata pœnitentia indigent, non enim ex conditionali potest inferri antecedens: sed verum est, quod sciuit Adam se esse possibilem ad peccandum: & si peccaret, quod remedio indigeret. Et sic patet solutio ad primum.

AD ALIUD dicendum, quod lapsus est causa institutionis: sed non oportet, quod sit in actu: sed sufficit, quod sit in possibilitate: sicut sapiens, medicus parat medicinam morbo, quem possibile est surgere.

## ARTICVLVS XII.

*An sacramentum pœnitentiæ sit institutum in lege naturæ?*

Tertio quæritur de institutione eius in lege naturæ. Dicit enim Magister Hugo de sancto Viçt. de institutione sacramentorum, quod quandiu morbus est, est tempus medicinæ: sed morbus fuit in lege naturæ: ergo & medicina est.

2 Adhuc, In litera dicitur, quod à primordio generis humani fuit. Ergo videtur, quod fuit tempore legis naturæ: quia nulla lex fuit à primordio generis humani, nisi tantum lex naturæ.

3 Adhuc super illud Genes. 3. Adam vbi es? dicit Gloss. dum vocat, notat quod ad pœnitentiam reuocat. Ergo pœnitentia tunc instituta fuit.

4 Adhuc, Pœnitentiæ sacramentum habet partes: contritionem, confessionem, & satisfactionem: hæc omnia fuerunt in lege naturæ: ergo & sacramentum pœnitentiæ. Probatio. Adam contritus est, quia doluit de peccato: confessus est, quando dixit, Mulier quam dedisti mihi sociam, &c. pœnitentiam à Domino accepit, quando dixit ei, In sudore vultus tui, &c. Et Euæ, multiplicabo erumnas tuas & cætera.

*Sed contra.*

IN CONTRARIUM huius obiicitur: quia D. Alb. Mag. in Lib. 4. Sentent.

Hugo enumerans sacramenta legis naturæ, dicit esse decimationes, sacrificia, oblationes: & horum nullum est pœnitentiæ sacramentum: ergo videtur, quod pœnitentia non fuerit sacramentum legis naturalis.

2 Adhuc Hug. Sacramenta legis naturæ non præcepto inducta videntur, quia ex consilio ad votum proposita: sed constat, quod ex præcepto quilibet ad pœnitentiam obligatur: ergo non est sacramentum legis naturæ.

AD HOC dicendum, quod hoc sacramentum quandam institutionem habuit in lege naturæ. Et contritio quidem instituta est, quando dixit, Adam vbi es? Vnde Gloss. exponit, Vide in qua miseria es, id est, recognosce & confitere peccatum tuum. Sed satisfactio in hoc quidem, In sudore vultus tui &c. Et hæc suffecerunt in lege naturæ: quia adhuc non oportuit recognoscere peccatum coram homine, & ab ipso expectare pœnitentiam iniunctam.

DICENDVM ergo ad primum, quod Magister Hugo non enumerat sacramenta, nisi ipsa signa futuri liberatoris & liberationis per Christum, quæ nullam gratiam ex opere operato contulerunt. Pœnitentia autem semper contulit gratiam aliquam, licet non plenè, sicut in Nouo Testamento facit.

AD ALIUD dicendum, quod hoc dictum Hugonis intelligitur de his quæ signa erant tantum, secundum illam diffinitionem, quod sacramentum est sacræ rei signum tantum, eodem modo quo omnia signa patrum liberatorem futurum esse loquuntur.

## ARTICVLVS XIII.

*Qualiter sacramentum pœnitentiæ fuit institutum tempore legis Moysæ?*

Quarto quæritur de institutione pœnitentiæ in lege Moysi. Videtur enim tunc fuisse iterum instituta, sicut patet Leuit. 2. & 3. vbi dicitur quid offerendum pro peccato animæ principis & synagogæ: cum igitur pœnitentiæ taxatæ sint in lege veteri pro peccatis, videtur quod instituta sit ibi specialiter pœnitentia.

2 Adhuc, De pœnitentia videtur dici in Prouerb. 24. Qui abscondit scelera sua, non dirigitur: qui autem confessus fuerit, misericordiam consequetur. Item de contritione Ios. 2. Scindite corda vestra, & vestimenta vestra. Et in Psalm. 50. Cor contritum & humiliatum, &c. Ergo videtur pœnitentia tota instituta fuisse in lege veteri.

IN CONTRARIUM huius obiicitur, quod pœnitentia est satisfactiua per clauas: ergo ante clauas non fuit institutio pœnitentiæ: sed clauas non fuerunt in Veteri Testamento: ergo nec pœnitentiæ institutio, ut videtur.

SOLVTIO. Dicendum, quod secundum modum quandam instituta fuit pœnitentia in Veteri Testamento: & hic modus patebit in sequenti articulo quæstionis.



AD ARGVMENTVM contra, dicendum quodd non fuit instituta secundum quod est dimissiva pœnæ ex vi clauium, sed secundum quodd cum gratia & pœnitentia exteriori fuit remedium actualis peccati: lex enim non diminuēbat onera, sed potius augebat. Et sic patet solutio.

## ARTICVLVS XIV.

*Qualiter institutum est sacramentum pœnitentia tempore legis Evangelicæ?*

**Q**Vinto & ultimo quæritur de institutione eius in Nouo Testamento. Videtur enim, quodd non sit instituta in Nouo Testamento: quia omne illud quod ante Nouum Testamentum obseruatum est, superflue in Nouo Testamento institueretur: sed pœnitentia ante Nouum Testamentum instituta & obseruata est: ergo superflue in Nouo Testamento esset instituta: sed nihil superflue in Nouo Testamento fecit Christus: ergo in Nouo Testamento non instituit.

2 Item si instituit, vbi instituit? Si dicatur Matth. 3. Pœnitentiam agite, &c. eadem ratione instituit Ioannes Matth. 3. qui ab eadem sententia incepit prædicationem: Si dicatur quodd Matth. 8. vbi dicit, Ostendite vos sacerdotibus: sicut supra habitum est in dist. 14. Contra: Nec textus ibi expresse dicit, nec ex ipso nisi valde allegoricè potest haberi. Adhuc, Si pœnitentiā ibi instituisse prout est in Nouo Testamento, videtur quodd sacerdotibus Noui Testamenti debuit committere administrationem: sed econtra videtur, quodd misit ad sacerdotes Veteris Testamenti: ergo ibi noluit instituere pœnitentiam, secundum quodd obseruari debuit in Nouo Testamento. Adhuc, In institutione baptismi non misit ad sacerdotes Veteris Testamenti: ergo nec in institutione pœnitentiæ secundum quodd est Noui Testamenti. Si dicatur, quodd Ioan. 20. instituit, vbi dixit, Accipite Spiritum sanctum: quorum remiseritis peccata, & cætera. Contra: Ibi dedit potestatem habentibus clauēs: & hoc est aliud quam instituere pœnitentiam: ergo non instituit pœnitentiam: ergo videtur, quodd nihil instituit, quia in istis locis magis instituere videbatur.

*Sed contra.*

IN CONTRARIVM huius obicitur sic: Legislatoris est ordinare totam vitam: sed Christus est Legislator: ergo, &c. sed vitæ magna pars est in statu pœnitentiæ: ergo à Legislatore instituendus est modus pœnitentiæ: ergo à Christo instituta est pœnitentia: quia pro constanti relinquitur, quodd quicquid instituendum erat ad salutem, hoc est à Christo institutum.

2 Adhuc, Alia sacramenta quæ præcedebant alio modo, sicut ordo, & matrimonium, à Christo nouam acceperunt institutionem: ergo & pœnitentia nouam institutionem accipere debuit.

3 Adhuc, Talis modus confessionis & satisfactionis ex vi clauium, nunquam nisi in

noua lege fuit: ergo in noua lege institutus esse videtur.

AD HOC dicendum, quodd in pœnitentia sunt quatuor, scilicet recognitio necessitatis medicinæ contra morbum peccati, & recognitio peccati perpetrati cum proposito emendandi, & manifestatio peccati secundum genus in signo aliquo coram homine, & explanatio peccati per circumstantias cum fide dimissionis pœnæ ex vi clauium. Et quantum ad primum horum pœnitentia instituta est ante peccatum, quantum ad secundum in lege naturæ, & quantum ad tertium in lege scripta ante gratiam, & quantum ad quartum in lege Domini, scilicet gratiæ. Et semper prius continetur in posteriori, & posterius sicut perfectius se habet per additionem ad illud quodd est prius, vt patet cuilibet per se. Est enim recognitio medicinæ in cognitione peccati cum proposito emendandi per pœnitentiam. Similiter coram homine manifestans peccatum, emendam promittens, recognoscit peccatum cum proposito emendandi: sed non conuertitur. Et similiter declarans peccatum cum circumstantiis & quærens veniam per clauēs & satisfactionem, explanat ipsum coram homine, &c. sed non conuertitur. Et per hoc patet qualiter pœnitentia diuersimodè considerata, diuersas habuit institutiones.

AD PRIMVM ergo dicendum, quodd ultimo modo nunquam fuit ante instituta pœnitentia, nec etiam obseruata: & ideo necessaria fuit institutio.

AD ALIVD dicendum, quodd alio modo in omnibus illis locis quæ tacta sunt, habuit institutionem pœnitentia. Est enim in pœnitentia ipse actus doloris voluntarij, & minister cuius clauēs partem pœnæ diminuunt & taxant pœnitentiam iniunctam, & potestas illarum clauium. Et quoad primum horum instituta est pœnitentia Matth. 3. Quoad secundum Matth. 10. & quoad tertium Ioan. 20. Et quoad opus ministrorum adhuc instituta est Ioan. 14. vbi dixit discipulis, quodd soluerent Lazarum & sinnerent eum abire.

AD PRIMVM obiectum contra, dicendum quodd Ioannis non erat instituere, sed viam præparare: vnde sua prædicatione erat via ad pœnitentiam, & Christus per institutionem dedit pœnitentiæ locum, quia sicut dicitur Act. 4. Non est aliud nomen sub cælo datum hominibus in quo oporteat nos saluari.

AD ALIVD dicendum, quodd discipuli adhuc non erant positi in ministerio ordinis: sed erant tantum adhuc ministrorum Noui Testamenti typus: & ideo ad typicos sacerdotes misit, innuens in ministerio quodd veris sacerdotibus deberetur. Et per hoc patet solutio ad totum. Et

hac de pœnitentiæ tractatu dicta sufficiant.

DISTIN





## DISTINCTIO XXIII.

### *De sacramento unctionis extremae.*



**P**RÆTER præmissa est etiam aliud sacramentum, scilicet, unctionio infirmorum : quæ fit in extremis, oleo per Episcopum consecrato. Et sunt tria genera unctionis. Est enim unctionio quæ fit chrismate : quæ dicitur principalis unctionio, quia in ea principaliter Paracletus datur. Vnde & propter abundantiam gratiæ duos liquores mixtos habet, oleum scilicet & balsamum : oleum conscientiæ, balsamum bonæ famæ. Chrisma vero Græcè, unctionio Latinè dicitur. Nec tamen omne oleum ad unctionem sanctificatum chrisma vocatur, sed illud solum quod miscetur cum balsamo, quo capita Regum & Pontificum unguntur, quo etiam baptizatos sacerdos ungit in vertice, & Pontifex per impositionem manus confirmandos ungit in fronte. Est & alia unctionio qua cathecumeni & neophyti unguntur in pectore & inter scapulas, in perceptione baptismi. Tertia vero unctionio est quæ dicitur oleum infirmorum, de qua nunc agitur.

*De unctionis extremae sacramento.*

### ARTICVLVS I.

#### *An extrema unctionio sit sacramentum?*

**P**RÆTER præmissa est etiam aliud sacramentum, &c. ] Hic etiam Magister tria tangit circa extremam unctionem, scilicet de essentia eius quantum ad formam & materiam, & hoc facit in primo capitulo : & de institutione eius, & hoc in secundo : & utrum potest iterari, vel non? & hoc in tertio, & in illo tangit duas opiniones, ut patet in litera. Et per hoc patet diuisio & continentia literæ. De hoc autem sacramento circa principium distinctionis quærentur quinque, scilicet utrum sit sacramentum extrema unctionio, & quid sit? Tertio de materia ipsius. Quarto de formis eius. Et quinto de ordine ipsius ad alia sacramenta.

Videtur autem, quod non sit sacramentum : omne enim sacramentum nouæ legis ordinatur contra aliquem morbum peccati specialem : sed extrema unctionio non ordinatur contra morbum specialem : ergo extrema unctionio non est sacramentum. Probatur autem prima per distinctionem gratiæ in virtutibus & sacramentis in principio istius operis probatam. Secunda autem probatur : quia morbus non est nisi originale, & actuale mortale, & veniale, & infirmitas relictæ ex utrisque : sed contra originale sufficienter ordinatur baptismus, contra mortale actuale pœnitentia, contra infirmitatem ex utroque relictam confirmatio, propter quod etiam confirmatio voca-

*D. Alb. Mag. in Lib. 4. Sentent.*

tur : contra multitudinem autem venialium Eucharistia, ut multi dicunt : ergo videtur, quod contra nullum morbum ordinetur extrema unctionio.

2 Adhuc, Omne sacramentum nouæ legis aliquo modo præcessit in figura legis veteris : sed unctionio extrema non præcessit : ergo videtur, quod non sit sacramentum. Probatur prima inducendo. Secunda autem probatur ex hoc quod nihil in Veteri Testamento fiebat circa infirmos, quod unctioni extremæ responderet.

3 Adhuc, Omne sacramentum nouæ legis est effectuum gratiæ spiritualis : unctionio ista non est effectiua gratiæ spiritualis, sed corporalis : ergo videtur, quod non sit sacramentum, sed medicina corporalis. Prima patet ex diffinitione sacramenti nouæ legis in principio huius quarti libri posita. Secunda scribitur in litera, quod valet ad corporis alleviationem : & si valet ad gratiam, ut dicunt multi, quod hoc est per orationem fidei coniunctam cum contritione : & sic per se non valet nisi ad corpus.

IN CONTRARIUM huius est, quod tota Ecclesia enumerat septem sacramenta nouæ legis & istud pro vno : non autem potest esse falsum quod tota Ecclesia tenet : ergo istud est sacramentum.

2 Adhuc video, quod vnum est sacramentum infantium sicut baptismus. Est iterum vnum progredientium, sicut viaticum. Vnum stantium, sicut confirmatio. Vnum redeuntium, ut pœnitentia. Vnum ministrantium,

V u 3 vt



vt ordo. Ergo etiam erit vnum exeuntium: & hoc non potest esse nisi vnctio extrema: ergo videtur, quod sit sacramentum, vel Ecclesia esset diminuta in suis sacramentis.

3 Adhuc, Omne illud quod gratiam inuisibilem confert representatam in elemento visibili, est sacramentum: sed extrema vnctio est aliquid tale: ergo est sacramentum. Prima patet per hoc quod cui conuenit diffinitio, & diffinitum. Secunda autem per hoc quod dicitur Iacob. 5. Vngentes eum oleo, & oratio fidei alleuiabit infirmum: & si in peccatis sit, dimittentur ei. Peccatum autem non dimittitur nisi per gratiam. Ergo constat propositum.

*Solutio.*

RESPONSIO. Dicendum, quod absque omni dubio est sacramentum extrema vnctio, quod à Domino & Apostolis habuit ortum suæ institutionis, vt infra patebit.

DICENDUM ergo ad primum, quod illud sacramentum est ordinatum contra morbum specialem peccati, contra quem nullum aliud specialiter ordinatur, etsi secundo alio possit cooperari. Est autem ille morbus reliquæ infirmitatis spiritualis ex originali & actuali remanentis: & hoc multum fuit supra discussum circa principium, vbi accipiebatur diuisio & necessitas sacramentorum. Nec est verum quod dicit, quod aliud sacramentum substantialem ordinem habeat contra veniale: & hæc omnia supra in prædicta questione requirantur: & ibi perfecta patet solutio istius questionis.

AD ALIUD dicendum, quod istud sacramentum non habuit aliquod sacramentum in lege veteri sibi respondens propter sui perfectionem, & legis veteris imperfectionem. Sicut enim dicitur Hebr. 7. Neminem ad perfectum adduxit lex. Vnde in ea decedentes trahebantur ad limbum. Vnctio autem propter hoc quod tollit reliquias, valet ad immediatam euolutionem: & ideo non habuit locum in Veteri Testamento nec figura eius. Hoc autem optime inuenitur in Euangelio Nicodemi, vbi innuitur, quod Adam misit filium suum Seth ad accipiendum ab Angelo paradisi oleum misericordiæ, quo vngeretur corpus suum quod infirmabatur: & negatum fuit ei donec veniret Christus, qui sua vnctione corpora & animas reficeret: quia talis vnctio non habet locum, nisi in gratia plena quæ facta est per Christum: & ideo etiam typo nullo ostendi poterat, quia typus talis circa infirmos omnino inutilis fuisset.

AD ALIUD dicendum, quod falsum supponitur in obiectione: & puto, quod præsumptio est dicere, quod istud sacramentum non conferat gratiam gratum facientem inuisibilem: & tamen hoc quidam dixerunt & scripserunt, nulla fulti auctoritate, nec etiam ratione forti. Vnde dicimus, quod confert gratiam principaliter contra peccatum operantem, & secundo contra infirmitatem corporis. Nec importatur ex verbis Iacobi, quod ex oratione & non ex vnctione detur gratia: sed potius ex verbis illis innuitur, quod detur ex ambobus.

## ARTICVLVS II.

*An vnctio extrema sit bene diffinita?*

Secundo quæritur, Quid sit vnctio extrema? Dicunt autem quidam, quod extrema vnctio est vnctio oleo sanctificato facta ad alleuiationem vtriusque infirmitatis, scilicet corporis, & animæ. Sed videtur, quod hæc definitio non valet: quia si aliquid commune est definito & diffinitioni, residuum quod additur, totum est diffinitio residui: sicut si dicam, homo albus, est homo coloratus diffinitius visus: hoc quod dico, coloratus, &c. totum est diffinitio albi. Similiter cum dicitur, Vnctio extrema est vnctio oleo sanctificato facta, &c. videtur, quod totum hoc quod dico, Vnctio, &c. sit definitio extremi, quod falsum est: ergo videtur, quod definitio nihil valet.

2 Adhuc, Oleo sanctificato sit vnctio puerorum & sacerdotum & regum, vt dicitur in litera, ad alleuiationem corporis & animæ: quia corpus vngitur vt non impediatur animam, & ita vt debilitetur virtus dæmonis in fomite: ergo videtur, quod ista diffinitio multis conueniat vnctionibus.

3 Adhuc, Vnctiones multæ leguntur factæ à Sanctis, sicut de beata Genouefa legitur, quod vnxit oleo infirmos & sanctificato & benedicto, & conualuerunt in corpore & anima: ergo videtur, quod illa fuit vnctio extrema.

4 Adhuc, Nullum est sacramentum quod sit æqualiter duorum effectuum: ergo male ponitur in diffinitione, Ad alleuiationem infirmitatis vtriusque, &c.

5 Adhuc, Sicut se habet medicina spiritualis ad morbum spirituale, sic se habet corporalis ad corporalem: sed medicina corporalis non valet nisi ad alleuiationem corporum: ergo medicina spiritualis non valet nisi ad alleuiationem spiritus: sed omne sacramentum est medicina spiritualis: ergo non valet nisi ad alleuiationem animæ: ergo male dicitur, Ad alleuiationem vtriusque infirmitatis.

6 Adhuc, Baptismus fortius est sacramentum, quam extrema vnctio: & non valet ad curationem infirmitatis corporalis: ergo videtur, quod nec extrema vnctio, quæ est minus efficax sacramentum: & sic iterum videtur, quod male dicitur, Ad alleuiationem infirmitatis vtriusque.

RESPONSIO. Siquis totum esse extremæ vnctionis dicere vellet, posset ita diffinire, quod extrema vnctio est sacramentum ex vnctione per oleum sanctificatum facta, confers infirmis remedium contra peccati reliquias, & si expedit, alleuiationem ferens corporis infirmitati. Et hæc diffinitio planè colligitur ex his quæ Magister determinat in litera. Siquis tamen vellet sustinere prius inductam propter antiquitatem, posset dicere ad primum, quod in definito ponitur vnctio extrema pro nomine vno diffiniti: quod quia non



non habemus, circumloquimur per duo: & vnctio quæ ponitur in diffinitione, sonat in actum vel passionem quæ est in suscipiente ipsum sacramentum. Et hoc bene potest fieri, quod sacramentum diffiniatur per suum actum, sicut baptismus est intinctio in aqua facta, &c. Et per hoc patet solutio ad primum, quod non est idem in diffinitione & definito.

AD ALIUD dicendum, quod intelligitur de oleo sanctificato sanctificatione materiæ sacramentalis: hæc autem sanctificatio non fit nisi ab Episcopo. Et per hoc patet solutio ad hoc quod obiicitur de vnctione Sanctorum, sicut sanctæ Genouefæ, & aliorum quorundam in vita patrum. Per hoc autem quod additur, Ad alleuiationem vtriusque infirmitatis, &c. distinguitur ab vnctionibus puerorum in cathedra, & vnctionibus aliorum qui vnguntur non propter infirmitatem, sed vt fortes sint ad opera.

AD ID autem quod obiicitur de duobus effectibus, dicendum quod illud sacramentum non est nisi vnius effectus secundum se, scilicet alleuiationis animæ quantum ad purgationem reliquiarum: & alterius est secundario, vt prius dictum est: & hoc bene competit: quia etiam baptismus aliquantulum purgat corpus, sed principaliter animam. Alia tamen solutio & quæstio erit super hoc infra, vbi suo loco melius discutietur.

AD ALIUD dicendum, quod non est simile de corporalibus ad spiritualia, & spiritualibus ad corporalia: quia spiritus continet corpora: sed non conuertitur. Et ideo quædam infirmitates causantur in corpore ex anima, sicut ex causa, & non è conuerso, nisi per occasionem: & ideo valentia contra infirmitatem animæ, valent per consequens contra morbum corporis: quia præcisa causa præceditur effectus: sed non è conuerso. Et ideo non valet argumentum, & præcipue in isto sacramento: quia tunc maxime valet contra morbum corporis, quando iste morbus causatur ex morbo mentis: & sic bene potest vna medicina ordinari contra duos morbos, quorum vnus est causa alterius.

AD ALIUD dicendum, quod non est ex efficacia vel fortitudine huius sacramenti, quod sic vel sic valeat, sed ex institutione & ordine corporalium ad spiritualia: & ideo nihil valet argumentum quod fit ex efficacia baptismi.

### ARTICVLVS III.

*An oleum consecratum ab Episcopo sit materia sacramenti extrema vnctionis?*

Tertio quæritur de materia huius sacramenti. Et dicit Magister in litera, quod est oleum ab Episcopo consecratum ad vsum istius sacramenti. Vnde hic quærentur duo, scilicet vtrum oleum sit materia? Et secundo Vtrum necesse sit oleum consecratum esse materiam?

Videtur enim, quod non debeat materia eius esse oleum: quia cum istud sacramentum sit signum delibutionis gloriæ post resurrectionem: sed chrisma confert incorruptionem: ergo videtur, quod congruentior materia sit chrisma, quam oleum.

2. Adhuc, In suo nomine sonat vnctionem, vt dicitur in litera: ergo videtur, quod conuenientissima materia sit extrema vnctionis: ergo videtur, quod chrisma potius deberet esse materia, quam oleum.

3. Adhuc videtur, quod nec oleum nec chrisma debeat esse materia: quia in sacramento baptismi pro causa assignatur, quod habet materiam communem quæ vbique inuenitur, quia est omnium generaliter: ergo etiam cum extrema vnctio sit omnium generaliter, materiam debet habere, quæ vbique possit inueniri: hæc autem non est oleum, sed aqua: ergo videtur, quod aqua deberet esse materia.

4. Adhuc, Nulli ita frequenter sunt in periculo sicut infirmi: cum ergo debeat eis prouideri de veloci remedio, debuit esse aliqua materia huius sacramenti, quæ statim posset ad manum haberi: hoc autem non est oleum oliuæ: ergo videtur, quod non deberet materia eius esse oleum.

5. Adhuc, In Veteri Testamento cura infirmitatis facta est per cataplasmationem ficorum: cum ergo ea quæ sunt in Nouo Testamento debeant respondere eis quæ sunt in Veteri Testamento quantum possunt, videtur quod materia istius sacramenti quæ est medicina infirmorum, hoc idem debuit habere pro materia in genere vel in specie. Item sacramentum Eucharistiæ sanguinem habet in re & sacramento, & in sanguine sacrificiorum significabatur. Similiter sacramentum baptismi in aqua fit, & in aqua significabatur, vt dicit Damasc. ergo videtur, quod istud aliquid simile ficibus habere deberet, quod in illis in Veteri Testamento significabatur.

AD HVC vltius quæritur, Ad quid oporteat materiam huius sacramenti esse oleum sanctificatum? Videtur enim, quod superfluit: quia nullum sacramentum duas habere debet sanctificationes, vnam super materiam, & alteram super formam: eo quod vna sanctificatio sufficiat: ergo nec istud: ergo superfluit sanctificatio quæ fit super materiam. Probatio prima. In naturis sufficit vna forma, & nunquam duæ formæ substantiales imprimuntur vni materiæ: sed completiora sunt spiritualia naturalibus: ergo in spiritualibus debet sufficere vna.

Adhuc in maximis omnium sacramentorum sufficit materia communis non sanctificata, sicut in baptismo, & Eucharistia: ergo videtur, quod multo magis in aliis debeat sufficere. Adhuc materia non sanctificata communius potest haberi, quam sanctificata: quod autem communius haberi potest, magis est idoneum vtriusque sacramento: ergo videtur, quod oleum non sanctificatum debeat esse materia.

3. Adhuc, In sacramento secundum Hugonem non sunt nisi tres actus, scilicet significare, repræsentare, & sanctificare. Dicit enim,



quodd sacramentum est ex similitudine repræsentans, ex institutione significans, & ex sanctificatione inuisibilem gratiam conferens. Constat autem, quod representare habet à materia non sanctificata, quia oleum secundum se lenificatiuum est doloris: sed ex institutione habet significare, & ex forma quæ dicitur in exercitio habet sanctificare: ergo nihil facit ei sanctificatio quæ fit super materiam: ergo videtur, quodd superfluat.

4 Adhuc, In præcipuis sacramentorum quædam sunt de bene esse & solennitate sacramenti. De esse quidem baptismi non est nisi tinctio in aqua facta, verbo vitæ per inuocationem Trinitatis sanctificata. Et in corpore Domini nihil de esse est, nisi materia debita, & verba quæ transsubstantiationem faciunt: alia sunt de solennitate. Ergo videtur, quodd ita debeat etiam esse in aliis: ergo solum de esse est oleum cum verbis quæ in vnctione dicit sacerdos: ergo videtur, quodd sanctificatio materiæ superfluat.

5 Adhuc, In baptismo dicimus, quodd Christus tactu suæ mundissimæ carnis vim regeneratiuam aquis contulit: ergo à simili tactu suæ institutionis omnibus aliis sacramentis quandam aliam contulit vim effectiuam gratiæ quam habent: constat autem, quodd istud sacramentum ipse sicut & alia instituit, sicut patet Marci. 6. vbi misit discipulos, & dicitur, quodd vngebant oleo multos ægros, & curabantur: ergo vltra vnctionem non indiget materia huius sacramenti aliqua sanctificatione.

*Solutio.* **R E P O N S I O.** Dicendum, quodd in veritate in isto sacramento, sicut dicit Magister in litera, nulla competentiore materia est, quam oleum ad vsum infirmorum sanctificatum.

**A D P R I M V M** ergo dicendum, quodd delibutio gloriæ est signatum istius sacramenti, non contentum, nec ab eo solo causatum, sed ab omni gratia sacramentali & virtutum & meritorum: & ad tale signatum non ponit sacramentum similitudinem propinquam, sed remotam, & istam habet, quia intere facit corpora oleo peruncta, & radiosa propter luciditatem substantiæ & claritatem: sed contentum suum causatum & signatum, est esse lenificatiuum doloris animæ ex reliquiis peccati causati: & hoc ponit similitudinem propinquam, quia oleum secundum se, præcipue oliuæ, mitigatiuum est doloris. Oleum autem oliuæ & nullum aliud est materia huius sacramenti.

**A D A L I V D** dicendum, quodd sicut in litera dicitur, multæ sunt vnctiones: sed propter dignitatem ministri & loci vnctorum vna antonomastice dicitur vnctio, scilicet confirmationis: & ideo illi retinuit materiam vnctionem illam quæ fit confectioe olei & balsami, quæ vnctio chrisma vocatur. Alia ratio eiusdem potest esse: quia ipsa perficit Christianum in virtute pugnandi pro Christiana fide, & quia sic perfectiua est, ideo illam vnctionem pro materia retinuit. Alias etiam rationes inuenies in quæstionibus de materia confirmationis in isto opere supra notatas.

**A D A L I V D** dicendum, quodd sacramentum baptismi est sacramentum necessita-

tis, & ideo materiam accipit communem, quæ tamen conuenientiam ponit ad suum effectum: sed in isto sacramento neutrum horum est: quia nec necessitatis est, nec est communis aliqua materia, vt ita poneret conuenientiam ad effectum suum: & ideo istam debuit habere. Causa enim propria hoc vel illud habendi pro materia aliquod sacramentum, est habere hoc vel illud conuenientiam propinquam cum suo effectum.

**A D A L I V D** dicendum, quodd quia non est sacramentum necessitatis, sufficienter periculo infirmorum prouisum est in hoc quodd ministri sunt parati: & si non contingat ipsum, dummodo sit desiderium sumendi, sufficit coram Deo ad salutem, licet non ita fortè cirò plenæ liberationis effectum consequitur infirmus.

**A D A L I V D** dicendum, quodd hoc quodd Isaias fecit, non fuit generaliter conueniens omni infirmitati, sed vlceris tantum: quia dulcia sunt mundificatiua saniei, & extrahentia ipsam de profundo ad superficiem: sed in sacramento isto debuit esse generale mitigatiuum omnis doloris: & ad hoc nullus liquor adeo conueniens est sicut oleum, vt dictum est.

**A D A L I V D** dicendum, quodd istud sacramentum non significabatur in illo facto Isaiæ: nec hoc quodd fecit Isaias, fuit sacramentum veteris legis: quia sacramentum istud in veteri lege nihil habuit respondens, ratione dicta superius in primo articulo quæstionis: sed factum Isaiæ fuit medicina corporalis, in qua aliquid moraliter intelligi potuit de satisfactione peccatorum, vt dicunt Sancti, locum illum exponentes: sed non significabatur ibi extrema vnctio, vel aliquid extremæ vnctionis: illud enim dabatur conualescenti, extrema autem vnctio non datur nisi ei de quo præsumitur, quodd exire debeat à mundo isto, vt infra patebit.

**A D A L I V D** dicendum, quodd omne sacramentum quodd quærit abundantiam gratiæ, quærit duplicem sanctificationem: vnā super materiam, & alteram quando suscipitur. Et hoc patet in confirmatione, & ordine, & extrema vnctione. Et ideo est, quodd in his tribus hoc fit: quia abundantia gratiæ aut quæritur propter excellentiam actus in comparatione ad vires nostras, aut propter excellentiam gradus suscepti, aut propter breuitatem temporis, quia ad meritum per opera hominis fieri non potest. Et primo quidem modo quæritur in confirmatione ad pugnandum viriliter & patiendum pro fide, si necesse sit: secundo modo in ordine: & tertio in extrema vnctione essentialem sibi habent materiæ suæ sanctificationem, nec in alia materia fieri possunt. Ad hoc autem quodd probat in naturis, dicendum quodd non ambæ sunt substantiales, sed vna est necessitas materiæ & dispositio vltima, & altera est complens sacramentum in specie. Et hoc benè contingit in naturalibus: dicit enim Plato, quodd non infunduntur formæ, nisi secundum merita: vocans merita dispositiones materialium vltimas.

**A D A L I V D** dicendum, quodd hoc quodd materia



materia sufficit non consecrata in quibusdam sacramentis, non est causa quod maxima sint quantum ad effectum, sicut baptisumus & Eucharistia: sed causa est, quia dictis de causis excellentem gratiam non requirunt, sed requirunt gratiam in communi ad adeptionem virtutum & deperditæ spiritualitatis restitutionem. In istis autem secus est: & ideo non sufficit eis materia nisi consecrata ab eo in quo secundum suum gradum est abundantia gratiæ, scilicet ab Episcopo, licet fortè careat gratia in quantum est hic homo, eo quod fortè peccator sit. Vnde in obiectione illa non causa ponitur pro causa, & ideo non valet.

AD ALIVD dicendum, quod inuisibilem gratiam conferre conuenit quibusdam ex vna causa, & ratio superius assignata est: huic autem conuenit ex duplici: & sic patet, quod non superfluit.

AD ALIVD dicendum, quod in isto sacramento quædam sunt de esse, quædam de bene esse, sicut in aliis sacramentis: sed non oportet, quod omnia illa sint de esse in vno, quæ sunt de esse in alio: sed plura possunt esse in vno de esse, quam in alio, eo quod suus effectus hoc requirat: & huius ratio est dicta hic: & ideo in confirmatione & ordine plura sunt de esse, quam in aliis.

AD VLTIMUM dicendum, quod licet non legatur: credendum tamen puto, quod si discipuli vngebant infirmos oleo, vnixerunt oleo sanctificato: & istam sanctificationem faciendi potestatem contulit discipulis vt Episcopis: sed non sufficiebat tactus materiæ à Christo ratione dicta: sed propter abundantiam gratiæ quam exigunt hæc tria sacramenta.

#### ARTICVLVS IV.

##### *Quæ sit forma huius sacramenti?*

**Q**uarto quæritur de forma huius sacramenti. Et circa hoc quærentur tria. Primo, An habeat formam? Secundo, Vtrum vnā vel plures? Tertio, Quæ illarum est formalis ad aliam si habet plures?

Dixerunt autem quidam, quod non habet formam extra seipsum: quia ipsa vnctio tali oleo facta, est sibi forma: & ad hoc inducunt rationes has. Omne illud cuius forma sacramentalis non vno modo tenetur & exercetur ab Ecclesia, non habet formam sacramentalem: sed istud sacramentum est tale: ergo, &c. Primam autem probant: quia cum forma sit de essentia sacramenti, contingeret quod qui aliter celebrarent, sacramentum non perficerent. Mediam autem probant per hoc, quod quædam Ecclesiæ tenent indicatiam orationem, quædam autem deprecariam.

2. Adhuc, Omne sacramentum habens formam, ex virtute illius formæ confert sanctificationem gratiæ inuisibilis: istud sacramentum non ex virtute suæ formæ confert sanctificationem gratiæ inuisibilis: ergo non habet formam hoc sacramentum. Probat autem prima per dictum August. de baptismo, qui dicit, Vnde hæc vis aquæ vt corpus tangat, &

cor abluat, nisi ex verbo? Quasi diceret, ex nullo alio. Et idem oportet esse in aliis: quia vna ratio est in omnibus. Secunda autem probatur per dictum Iacobi in fine suæ epistolæ, vbi non dicit, Vnctio saluabit infirmum: sed, Oratio fidei saluabit infirmum: & ita non attribuit sacramento, sed fidei & orationi effectum.

3. Adhuc, Illud quod est corporalis sanitatis effectuum, perficit illud ex forma corporali, & non indiget spirituali: sed istud sacramentum est tale: ergo non indiget nisi corporali vnctione, & non forma alia sacramentali. Prima patet per se. Secunda autem patet per dicta Iacobi.

4. Adhuc, Quæcunque sunt ad vnum actum, vnius sunt formæ, sed actus ille est ipso- rum per se: sed actiones quæ à sanctis viris ad eundem sunt actum cum vnctione extrema: ergo sunt vnius formæ. Probat autem prima ex hoc quod forma est principium actus & agendi. Secunda autem ex hoc, quod Genouefa & sancti patres in Ægypto, miserunt oleum à se benedictum ad vngendum infirmos, & sanabantur. Inde sic: Vnctio sanctorum non requirit formam aliam quàm sanctificationem materiæ: ergo nec vnctio extrema.

5. Adhuc, Non sunt nisi duo propter quæ fit istud sacramentum, scilicet infirmitas animæ & infirmitas corporis: constat autem, quod corporalis vnctio sufficit ad leniendum dolorem corporis: & minus efficax est benedictio pontificalis, quam corporalis virtus olei: ergo ipsa sufficit ad animæ alleuacionem: ergo non requiritur alia forma in collatione sacramenti. Hæ rationes sunt vel possunt esse quorundam hominum, ita vt conclusum est dicentium.

SED IN CONTRARIUM huius sic obicitur: Dicit Magister in litera, & Hugo, & accipiunt ab August. quod omne sacramentum est in rebus & in verbis. Constat autem omnibus, quod sacramentum non est in materia sacramenti, sed est in suscipiente ipsum: ergo secundum quod est in suscipiente ipsum, est in rebus & in verbis: ergo aliqua verba esse, oportet, quando datur suscipienti.

2. Adhuc, Alia duo sunt quæ exigunt benedictiones suarum materialium, scilicet confirmatio, & ordo, & non sufficit illis verbum benedictionis materiæ: ergo nec isti, sed oportet esse formam specialem.

3. Adhuc, Ad omne sacramentum Ecclesiæ exigitur intentio faciendi quod facit Ecclesiæ: sed hæc intentio importatur per formam Ecclesiæ, per quam distinguit illud opus ab aliis operibus, & facit illud esse Ecclesiæ: ergo ad omne sacramentum exigitur forma aliqua in opere, quæ confertur ab Ecclesiæ: ergo & in isto debet esse forma certa verborum sub qua confertur.

4. Adhuc, In sacramentis in quibus confertur gratia ad ministrandum vel merendum in Ecclesia, in quibus suscipiens magis potest quam in isto, exigitur forma, virtute cuius fiat gratia quæ desideratur fieri: ergo multo magis exigitur hoc in isto sacramento, quod confertur iam impotenti, in quo necesse est, quod



ut ordo. Ergo etiam erit vnum exeuntium: & hoc non potest esse nisi vñtio extrema: ergo videtur, quod sit sacramentum, vel Ecclesia esset diminuta in suis sacramentis.

3 Adhuc, Omne illud quod gratiam inuisibilem confert representatam in elemento visibili, est sacramentum: sed extrema vñtio est aliquid tale: ergo est sacramentum. Prima patet per hoc quod cui conuenit diffinitio, & diffinitum. Secunda autem per hoc quod dicitur Iacob. 5. Vngentes eum oleo, & oratio fidei alleuiabit infirmum: & si in peccatis sit, dimittentur ei. Peccatum autem non dimittitur nisi per gratiam. Ergo constat propositum.

*Solutio.*

RESPONSIO. Dicendum, quod absque omni dubio est sacramentum extrema vñtio, quod à Domino & Apostolis habuit ortum suæ institutionis, ut infra patebit.

DICENDVM ergo ad primum, quod illud sacramentum est ordinatum contra morbum specialem peccati, contra quem nullum aliud specialiter ordinatur, etsi secundario aliud possit cooperari. Est autem ille morbus reliquæ infirmitatis spiritualis ex originali & actuali remanentis: & hoc multum fuit supra discussum circa principium, ubi accipiebatur diuisio & necessitas sacramentorum. Nec est verum quod dicit, quod aliud sacramentum substantialem ordinem habeat contra veniale: & hæc omnia supra in prædicta questione requirantur: & ibi perfecta patet solutio istius questionis.

AD ALIVD dicendum, quod istud sacramentum non habuit aliquod sacramentum in lege veteri sibi respondens propter sui perfectionem, & legis veteris imperfectionem. Sicut enim dicitur Hebr. 7. Neminem ad perfectum adduxit lex. Vnde in ea decedentes trahebantur ad limbum. Vñtio autem propter hoc quod tollit reliquias, valet ad immediatam euolutionem: & ideo non habuit locum in Veteri Testamento nec figura eius. Hoc autem optime inuenitur in Euangelio Nicodemi, ubi innuitur, quod Adam misit filium suum Seth ad accipiendum ab Angelo paradisi oleum misericordiae, quo vngeretur corpus suum quod infirmabatur: & negatum fuit ei donec veniret Christus, qui sua vñtione corpora & animas reficeret: quia talis vñtio non habet locum, nisi in gratia plena quæ facta est per Christum: & ideo etiam typo nullo ostendi poterat, quia typus talis circa infirmos omnino inutilis fuisset.

AD ALIVD dicendum, quod falsum supponitur in obiectione: & puto, quod præsumptio est dicere, quod istud sacramentum non conferat gratiam gratum facientem inuisibilem: & tamen hoc quidam dixerunt & scripserunt, nulla fulti auctoritate, nec etiam ratione forti. Vnde dicimus, quod confert gratiam principaliter contra peccatum operantem, & secundario contra infirmitatem corporis. Nec importatur ex verbis Iacobi, quod ex oratione & non ex vñtione detur gratia: sed potius ex verbis illis innuitur, quod detur ex ambobus.

## ARTICVLVS II.

*An vñtio extrema sit bene diffinita?*

Secundo quaeritur, Quid sit vñtio extrema? Dicunt autem quidam, quod extrema vñtio est vñtio oleo sanctificato facta ad alleuiationem vtriusque infirmitatis, scilicet corporis, & animæ. Sed videtur, quod hæc definitio non valet: quia si aliquid commune est definito & diffinitioni, residuum quod additur, totum est diffinitio residui: sicut si dicam, homo albus, est homo coloratus diffregatiuus visus: hoc quod dico, coloratus, &c. totum est diffinitio albi. Similiter cum dicitur, Vñtio extrema est vñtio oleo sanctificato facta, &c. videtur, quod totum hoc quod dico, Vñtio, &c. sit definitio extremi, quod falsum est: ergo videtur, quod definitio nihil valet.

2 Adhuc, Oleo sanctificato sit vñtio puerorum & sacerdotum & regum, ut dicitur in litera, ad alleuiationem corporis & animæ: quia corpus vngitur ut non impediatur animam, & ita ut debilitetur virtus demonis in fomite: ergo videtur, quod ista diffinitio multis conueniat vñtionibus.

3 Adhuc, Vñtiones multæ leguntur factæ à Sanctis, sicut de beata Genouefa legitur, quod vñxit oleo infirmos & sanctificato & benedicto, & conualuerunt in corpore & anima: ergo videtur, quod illa fuit vñtio extrema.

4 Adhuc, Nullum est sacramentum quod sit æqualiter duorum effectuum: ergo male ponitur in diffinitione, Ad alleuiationem infirmitatis vtriusque, &c.

5 Adhuc, Sicut se habet medicina spiritualis ad morbum spirituale, sic se habet corporalis ad corporalem: sed medicina corporalis non valet nisi ad alleuiationem corporum: ergo medicina spiritualis non valet nisi ad alleuiationem spiritus: sed omne sacramentum est medicina spiritualis: ergo non valet nisi ad alleuiationem animæ: ergo male dicitur, Ad alleuiationem vtriusque infirmitatis.

6 Adhuc, Baptismus fortius est sacramentum, quam extrema vñtio: & non valet ad curationem infirmitatis corporalis: ergo videtur, quod nec extrema vñtio, quæ est minus efficax sacramentum: & sic iterum videtur, quod malè dicitur, Ad alleuiationem infirmitatis vtriusque.

RESPONSIO. Siquis torum esse extrema vñtionis dicere vellet, posset ita diffinire, quod extrema vñtio est sacramentum ex vñtione per oleum sanctificatum facta, conferens infirmis remedium contra peccati reliquias, & si expedit, alleuiationem ferens corporis infirmitati. Et hæc diffinitio planè colligitur ex his quæ Magister determinat in litera. Siquis tamen vellet sustinere prius inductam propter antiquitatem, posset dicere ad primum, quod in definito ponitur vñtio extrema pro nomine vno diffiniti: quod quia non



non habemus, circumloquimur per duo: & vnctio quæ ponitur in diffinitione, sonat in actum vel passionem quæ est in suscipiente ipsum sacramentum. Et hoc bene potest fieri, quod sacramentum diffiniatur per suum actum, sicut baptismus est intinctio in aqua facta, &c. Et per hoc patet solutio ad primum, quod non est idem in diffinitione & definito.

AD ALIUD dicendum, quod intelligitur de oleo sanctificato sanctificatione materie sacramentalis: hæc autem sanctificatio non fit nisi ab Episcopo. Et per hoc patet solutio ad hoc quod obiicitur de vnctione Sanctorum, sicut sanctæ Genouefæ, & aliorum quorundam in vita patrum. Per hoc autem quod additur, Ad alleuiationem vtriusque infirmitatis, &c. distinguitur ab vnctionibus puerorum in cathecismo, & vnctionibus aliorum qui vnguntur non propter infirmitatem, sed vt fortes sint ad opera.

AD ID autem quod obiicitur de duobus effectibus, dicendum quod illud sacramentum non est nisi vnius effectus secundum se, scilicet alleuiationis animæ quantum ad purgationem reliquiarum: & alterius est secundario, vt prius dictum est: & hoc bene competit: quia etiam baptismus aliquantulum purgat corpus, sed principaliter animam. Alia tamen solutio & quæstio erit super hoc infra, vbi suo loco melius discutietur.

AD ALIUD dicendum, quod non est simile de corporalibus ad spiritualia, & spiritualibus ad corporalia: quia spiritus continet corpora: sed non conuertitur. Et ideo quædam infirmitates causantur in corpore ex anima, sicut ex causa, & non è conuerso, nisi per occasionem: & ideo valentia contra infirmitatem animæ, valent per consequens contra morbum corporis: quia præcisa causa præceditur effectus: sed non è conuerso. Et ideo non valet argumentum, & præcipue in isto sacramento: quia tunc maxime valet contra morbum corporis, quando iste morbus causatur ex morbo mentis: & sic bene potest vna medicina ordinari contra duos morbos, quorum vnus est causa alterius.

AD ALIUD dicendum, quod non est ex efficacia vel fortitudine huius sacramenti, quod sic vel sic valeat, sed ex institutione & ordine corporalium ad spiritualia: & ideo nihil valet argumentum quod fit ex efficacia baptismi.

### ARTICVLVS III.

*An oleum consecratum ab Episcopo sit materia sacramenti extrema vnctionis?*

**T**ertio quæritur de materia huius sacramenti. Et dicit Magister in litera, quod est oleum ab Episcopo consecratum ad vsum istius sacramenti. Vnde hic quærentur duo, scilicet vtrum oleum sit materia? Et secundo Vtrum necesse sit oleum consecratum esse materiam?

Videtur enim, quod non debeat materia eius esse oleum: quia cum istud sacramentum sit signum delibutionis gloriæ post resurrectionem: sed chrisma confert incorruptionem: ergo videtur, quod congruentior materia sit chrisma, quam oleum.

2 Adhuc, In suo nomine sonat vnctionem, vt dicitur in litera: ergo videtur, quod conuenientissima materia sit extrema vnctionis: ergo videtur, quod chrisma potius deberet esse materia, quam oleum.

3 Adhuc videtur, quod nec oleum nec chrisma debeat esse materia: quia in sacramento baptismi pro causa assignatur, quod habet materiam communem quæ vbique inuenitur, quia est omnium generaliter: ergo etiam cum extrema vnctio sit omnium generaliter, materiam debet habere, quæ vbique possit inueniri: hæc autem non est oleum, sed aqua: ergo videtur, quod aqua deberet esse materia.

4 Adhuc, Nulli ita frequenter sunt in periculo sicut infirmi: cum ergo debeat eis prouideri de veloci remedio, debuit esse aliqua materia huius sacramenti, quæ statim posset ad manum haberi: hoc autem non est oleum oliuæ: ergo videtur, quod non deberet materia eius esse oleum.

5 Adhuc, In Veteri Testamento cura infirmitatis facta est per cataplasmationem ficorum: cum ergo ea quæ sunt in Nouo Testamento debeant respondere eis quæ sunt in Veteri Testamento quantum possunt, videtur quod materia istius sacramenti quæ est medicina infirmorum, hoc idem debuit habere pro materia in genere vel in specie. Item sacramentum Eucharistiæ sanguinem habet in re & sacramento, & in sanguine sacrificiorum significabatur. Similiter sacramentum baptismi in aqua fit, & in aqua significabatur, vt dicit Damasc. ergo videtur, quod istud aliquid simile sicubus habere deberet, quod in illis in Veteri Testamento significabatur.

AD HVC vltius quæritur, Ad quid oporteat materiam huius sacramenti esse oleum sanctificatum? Videtur enim, quod superfluit: quia nullum sacramentum duas habere debet sanctificationes, vnam super materiam, & alteram super formam: eo quod vna sanctificatio sufficiat: ergo nec istud: ergo superfluit sanctificatio quæ fit super materiam. Probatio primæ. In naturis sufficit vna forma, & nunquam duæ formæ substantiales imprimuntur vni materie: sed completiora sunt spiritualia naturalibus: ergo in spiritualibus debet sufficere vna.

Adhuc in maximis omnium sacramentorum sufficit materia communis non sanctificata, sicut in baptismo, & Eucharistia: ergo videtur, quod multo magis in aliis debeat sufficere. Adhuc materia non sanctificata communius potest haberi, quam sanctificata: quod autem communius haberi potest, magis est idoneum vtentibus sacramento: ergo videtur, quod oleum non sanctificatum debeat esse materia.

3 Adhuc, In sacramento secundum Hugonem non sunt nisi tres actus, scilicet significare, representare, & sanctificare. Dicit enim,

V u 4 quod



quodd sacramentum est ex similitudine repræsentans, ex institutione significans, & ex sanctificatione inuisibilem gratiam conferens. Constat autem, quod repræsentare habet à materia non sanctificata, quia oleum secundum se lenificatiuum est doloris: sed ex institutione habet significare, & ex forma quæ dicitur in exercitio habet sanctificare: ergo nihil facit ei sanctificatio quæ fit super materiam: ergo videtur, quodd superfluat.

4 Adhuc, In præcipuis sacramentorum quædam sunt de bene esse & solennitate sacramenti. De esse quidem baptismi non est nisi tinctio in aqua facta, verbo vitæ per inuocationem Trinitatis sanctificata. Et in corpore Domini nihil de esse est, nisi materia debita, & verba quæ transsubstantiationem faciunt: alia sunt de solennitate Ergo videtur, quodd ita debeat etiam esse in aliis: ergo solum de esse est oleum cum verbis quæ in vnctione dicit sacerdos: ergo videtur, quodd sanctificatio materiæ superfluat.

5 Adhuc, In baptismo dicimus, quodd Christus tactu suæ mundissimæ carnis vim regeneratiuam aquis contulit: ergo à simili tactu suæ institutionis omnibus aliis sacramentis quandam aliam contulit vim effectiuam gratiæ quam habent: constat autem, quodd istud sacramentum ipse sicut & alia instituit, sicut patet Marci. 6. vbi misit discipulos, & dicitur, quodd vngebant oleo multos ægros, & curabantur: ergo vltra vnctionem non indiget materia huius sacramenti aliqua sanctificatione.

*Solutio.*

RESPONSIO. Dicendum, quodd in veritate in isto sacramento, sicut dicit Magister in litera, nulla competentior materia est, quam oleum ad vsum infirmorum sanctificatum.

AD PRIMVM ergo dicendum, quodd delibutio gloriæ est signatum istius sacramenti, non contentum, nec ab eo solo causatum, sed ab omni gratia sacramentali & virtutum & meritorum: & ad tale signatum non ponit sacramentum similitudinem propinquam, sed remotam, & istam habet, quia intere facit corpora oleo peruncta, & radiosa propter luciditatem substantiæ & claritatem: sed contentum suum causatum & signatum, est esse lenificatiuum doloris animæ ex reliquiis peccati causati: & hoc ponit similitudinem propinquam, quia oleum secundum se, præcipue oliuæ, mitigatiuum est doloris. Oleum autem oliuæ & nullum aliud est materia huius sacramenti.

AD ALIVD dicendum, quodd sicut in litera dicitur, multæ sunt vnctiones: sed propter dignitatem ministri & loci vnctorum vna antonomastice dicitur vnctio, scilicet confirmationis: & ideo illi retinuit materiam vnctionem illam quæ fit confectioe olei & balsami, quæ vnctio chrisma vocatur. Alia ratio eiusdem potest esse: quia ipsa perficit Christianum in virtute pugnandi pro Christiana fide, & quia sic perfectiua est, ideo illam vnctionem pro materia retinuit. Alias etiam rationes inuenies in quæstionibus de materia confirmationis in isto opere supra notatas.

AD ALIVD dicendum, quodd sacramentum baptismi est sacramentum necessita-

tis, & ideo materiam accipit communem, quæ tamen conuenientiam ponit ad suum effectum: sed in isto sacramento neutrum horum est: quia nec necessitatis est, nec est communis aliqua materia, vt ita poneret conuenientiam ad effectum suum: & ideo istam debuit habere. Causa enim propria hoc vel illud habendi pro materia aliquod sacramentum, est habere hoc vel illud conuenientiam propinquam cum suo effectum.

AD ALIVD dicendum, quodd quia non est sacramentum necessitatis, sufficienter periculo infirmorum prouisum est in hoc quodd ministri sunt parati: & si non contingat ipsum, dummodo sit desiderium sumendi, sufficit coram Deo ad salutem, licet non ita fortè citò plenæ liberationis effectum consequitur infirmus.

AD ALIVD dicendum, quodd hoc quodd Isaias fecit, non fuit generaliter conueniens omni infirmitati, sed vlceris tantum: quia dulcia sunt mundificatiua saniei, & extrahentia ipsam de profundo ad superficiem: sed in sacramento isto debuit esse generale mitigatiuum omnis doloris: & ad hoc nullus liquor adeo conueniens est sicut oleum, vt dictum est.

AD ALIVD dicendum, quodd istud sacramentum non significabatur in illo facto Isaiæ: nec hoc quodd fecit Isaias, fuit sacramentum veteris legis: quia sacramentum istud in veteri lege nihil habuit respondens, ratione dicta superius in primo articulo quæstionis: sed factum Isaiæ fuit medicina corporalis, in qua aliquid moraliter intelligi potuit de satisfactione peccatorum, vt dicunt Sancti, locum illum exponentes: sed non significabatur ibi extrema vnctio, vel aliquid extremæ vnctionis: illud enim dabatur conualescenti, extrema autem vnctio non datur nisi ei de quo præsumitur, quodd exire debeat à mundo isto, vt infra patebit.

AD ALIVD dicendum, quodd omne sacramentum quod quarit abundantiam gratiæ, quarit duplicem sanctificationem: vnā super materiam, & alteram quando suscipitur. Et hoc patet in confirmatione, & ordine, & extrema vnctione. Et ideo est, quodd in his tribus hoc sit: quia abundantia gratiæ aut quaritur propter excellentiam actus in comparatione ad vires nostras, aut propter excellentiam gradus suscepti, aut propter breuitatem temporis, quia ad meritum per opera hominis fieri non potest. Et primo quidem modo quaritur in confirmatione ad pugnandum viriliter & patiendum pro fide, si necesse sit: secundo modo in ordine: & tertio in extrema vnctione essentialem sibi habent materiæ suæ sanctificationem, nec in alia materia fieri possunt. Ad hoc autem quodd probat in naturis, dicendum quodd non ambæ sunt substantiales, sed vna est necessitas materiæ & dispositio vltima, & altera est complens sacramentum in specie. Et hoc bene contingit in naturalibus: dicit enim Plato, quodd non infunduntur formæ, nisi secundum merita: vocans merita dispositiones materialium vltimas.

AD ALIVD dicendum, quodd hoc quodd materia



materia sufficit non consecrata in quibusdam sacramentis, non est causa quod maxima sint quantum ad effectum, sicut baptismus & Eucharistia: sed causa est, quia dictis de causis excellentem gratiam non requirunt, sed requirunt gratiam in communi ad adeptionem virtutum & deperditæ spiritualitatis restitutionem. In istis autem secus est: & ideo non sufficit eis materia nisi consecrata ab eo in quo secundum suum gradum est abundantia gratiæ, scilicet ab Episcopo, licet fortè careat gratia in quantum est hic homo, eo quod fortè peccator sit. Vnde in obiectione illa non causa ponitur pro causa, & ideo non valet.

AD ALIUD dicendum, quod inuisibilem gratiam conferre conuenit quibusdam ex vna causa, & ratio superius assignata est: huic autem conuenit ex duplici: & sic patet, quod non superfluit.

AD ALIUD dicendum, quod in isto sacramento quædam sunt de esse, quædam de bene esse, sicut in aliis sacramentis: sed non oportet, quod omnia illa sint de esse in vno, quæ sunt de esse in alio: sed plura possunt esse in vno de esse, quam in alio, eo quod suus effectus hoc requirat: & huius ratio est dicta hic: & ideo in confirmatione & ordine plura sunt de esse, quam in aliis.

AD VLTIMUM dicendum, quod licet non legatur: credendum tamen puto, quod si discipuli vngabant infirmos oleo, vnxerunt oleo sanctificationem: & istam sanctificationem facienti potestatem contulit discipulis vt Episcopis: sed non sufficiebat tactus materiæ à Christo ratione dicta: sed propter abundantiam gratiæ quam exigunt hæc tria sacramenta.

#### ARTICVLVS IV.

##### *Quæ sit forma huius sacramenti?*

**Q**Varro quæritur de forma huius sacramenti. Et circa hoc quærentur tria. Primo, An habeat formam? Secundo, Vtrum vnā vel plures? Tertio, Quæ illarum est formalis ad aliam si habet plures?

Dixerunt autem quidam, quod non habet formam extra seipsum: quia ipsa vnctio tali oleo facta, est sibi forma: & ad hoc inducunt rationes has. Omne illud cuius forma sacramentalis non vno modo tenetur & exercetur ab Ecclesia, non habet formam sacramentalem: sed istud sacramentum est tale: ergo, &c. Primam autem probant: quia cum forma sit de essentia sacramenti, contingeret quod qui aliter celebrarent, sacramentum non perficerent. Mediam autem probant per hoc, quod quædam Ecclesiæ tenent indicatiuam orationem, quædam autem deprecatiuam.

2 Adhuc, Omne sacramentum habens formam, ex virtute illius formæ confert sanctificationem gratiæ inuisibilis: istud sacramentum non ex virtute suæ formæ confert sanctificationem gratiæ inuisibilis: ergo non habet formam hoc sacramentum. Probatum autem prima per dictum August. de baptismo, qui dicit, Vnde hæc vis aquæ vt corpus tangat, &

cor abluat, nisi ex verbo? Quasi diceret, ex nullo alio. Et idem oportet esse in aliis: quia vna ratio est in omnibus. Secunda autem probatur per dictum Iacobi in fine suæ epistolæ, vbi non dicit, Vnctio saluabit infirmum: sed, Oratio fidei saluabit infirmum: & ita non attribuit sacramento, sed fidei & orationi effectum.

3 Adhuc, Illud quod est corporalis sanitatis effectuum, perficit illud ex forma corporali, & non indiget spirituali: sed istud sacramentum est tale: ergo non indiget nisi corporali vnctione, & non forma alia sacramentali. Prima patet per se. Secunda autem patet per dicta Iacobi.

4 Adhuc, Quæcunque sunt ad vnum actum, vnius sunt formæ, sed actus ille est ipsorum per se: sed actiones quæ à sanctis viris ad eundem sunt actum cum vnctione extrema: ergo sunt vnius formæ. Probatum prima ex hoc quod forma est principium actus & agendi. Secunda autem ex hoc, quod Genouefa & sancti patres in Ægypto, miserunt oleum à se benedictum ad vngendum infirmos, & sanabantur. Inde sic: Vnctio sanctorum non requirit formam aliam quàm sanctificationem materiæ: ergo nec vnctio extrema.

5 Adhuc, Non sunt nisi duo propter quæ sit istud sacramentum, scilicet infirmitas animæ & infirmitas corporis: constat autem, quod corporalis vnctio sufficit ad leniendum dolorem corporis: & minus efficax est benedictio pontificalis, quam corporalis virtus olei: ergo ipsa sufficit ad animæ alleuiationem: ergo non requiritur alia forma in collatione sacramenti. Hæ rationes sunt vel possunt esse quorundam hominum, ita vt conclusum est dictum.

SED IN CONTRARIUM huius sic obiicitur: Dicit Magister in litera, & Hugo, & accipiunt ab August. quod omne sacramentum est in rebus & in verbis. Constat autem omnibus, quod sacramentum non est in materia sacramenti, sed est in suscipiente ipsum: ergo secundum quod est in suscipiente ipsum, est in rebus & in verbis: ergo aliqua verba esse, oportet, quando datur suscipienti.

2 Adhuc, Alia duo sunt quæ exigunt benedictiones suarum materiæ, scilicet confirmatio, & ordo, & non sufficit illis verbum benedictionis materiæ: ergo nec isti, sed oportet esse formam specialem.

3 Adhuc, Ad omne sacramentum Ecclesiæ exigitur intentio faciendi quod facit Ecclesia: sed hæc intentio importatur per formam Ecclesiæ, per quam distinguit illud opus ab aliis operibus, & facit illud esse Ecclesiæ: ergo ad omne sacramentum exigitur forma aliqua in opere, quæ confertur ab Ecclesia: ergo & in isto debet esse forma certa verborum sub qua confertur.

4 Adhuc, In sacramentis in quibus confertur gratia ad ministrandum vel merendum in Ecclesia, in quibus suscipiens magis potest quam in isto, exigitur forma, virtute cuius fiat gratia quæ desideratur fieri: ergo multo magis exigitur hoc in isto sacramento, quod confertur iam impotenti, in quo necesse est, quod

*Sed contra.*



quod totum suppleat gratia : ergo videtur, quod habeat formam specialem, sicut & alia sacramenta.

*Quæst. 2.* ULTERIUS quæritur hic, Quid sit illa forma, & utrum sit vna vel plures? Videtur autem, quod debeat esse orationis indicatiua: quia sacramenta Ecclesiæ certissime suum perficiunt effectum, si non impediat fictio suscipientis: ergo modo certitudinis ipse effectus debet significari: sed non est modus certitudinis nisi per indicatium: ergo debet fieri per indicatium.

2 Adhuc, In omnibus aliis fit per indicatium, quod patet in singulis, quia in pœnitentia dicitur, Ego te absoluo: & in matrimonio, Ego te accipio in meam: ergo & in isto fiet per indicatium, ut videtur.

3 Adhuc, Intentio agendi quod agit Ecclesia, non exprimitur nisi per indicatium: non enim sequitur, quod si dicam, Det tibi Deus gratiam, quod intendam dare sicut Ecclesia dat: vel si dicam, Utinam daret tibi Deus gratiam, vel alio modo: sed si dico, Baptizo te, vel inungo te: sequitur, quod ego facio actum, & extra ostendo me agere quod agit Ecclesia: & hoc sufficit in sacramentis: ergo videtur, quod etiam in isto exigitur indicatiuus modus.

4 Adhuc, Multæ Ecclesiæ habent pro forma orationem indicatiam, sicut tota Ecclesia Alemanniæ: & dicitur esse Gregorianum illud: ergo videtur, quod ita debeat esse. Præterea, Constat mihi, quod antiquissimi libri in illis terris habent indicatiam orationem pro forma, & postea subiungitur oratio. Et hæc sunt verba scripta in libris antiquissimis, quos præ antiquitate vix legere valebam. Vngo hos oculos oleo sanctificato in nomine Patris & Filij & Spiritus sancti. Et postea sequitur, Per istam vñtionem & suam piissimam misericordiam indulgeat tibi Deus quicquid deliquisti per visum. Et similiter scriptum erat ad manus, & ad pedes, & ad os & cætera loca vñtionis. Ergo videtur, quod ita debeat fieri.

*Sed contra.* IN CONTRARIUM autem huius obiiicitur usus aliarum Ecclesiarum quæ habent tantum deprecationem illam, Per istam vñtionem, &c. vel, Per istam suauissimam vñtionem, &c:

2 Adhuc, In Iacobo habetur, quod oratio fidei saluabit infirmum. Saluans autem in sacramento est forma dans sanctificationem. Ergo videtur, quod forma debeat esse per modum orationis.

3 Adhuc, Exiens à vita, recedit à dispositione & regimine Ecclesiæ: ergo Ecclesia nihil amplius potest facere circa ipsum, nisi committere eum dispositioni Domini: hoc autem congruentius fit per orationem, quam per enuntiationem: ergo videtur, quod congruentius huius sacramenti forma sit oratio, quam enuntiatio.

*Quæst. 3.* ULTERIUS quæritur hic tertio, Ex quo secundum usum Ecclesiarum diuersarum utrumque inuenitur secundum eas quæ utrumque habent, quod illorum referatur ad reliquum, sicut ad formale? Videtur autem, quod enuntiatio referatur ad orationem deprecatiam:

quia deprecatio ultimo ordinatur: præcedentia autem referuntur ad ultimum sicut ad formam: ergo videtur, quod deprecatio sit formalis.

2 Adhuc, Istud sacramentum exhibetur infirmo viribus destituto, qui totum præstatur ab indulgentia diuina: ad hanc autem plus valet deprecatio quam enuntiatio: ergo videtur, quod magis substantialis huic sacramento sit oratio, quam enuntiatio.

IN CONTRARIUM huius est: quia illud quod directè exprimit Ecclesiæ intentionem, videtur esse in sacramento magis formale & substantiale: sed enuntiatio directius exprimit, quam deprecatio: ergo est formalior & substantialior: ergo deprecatio refertur ad ipsam, sicut dispositio ad materialia.

2 Adhuc, In aliis sacramentis deprecationes tam præcedentes quam sequentes, ad illam formam referuntur, quæ est per modum enuntiationis: ergo videtur, quod ita etiam fieri debeat in isto sacramento.

SOLVITIO. Dicendum sine præiudicio, quod, ut puto, prima opinio inducta nouitas præsumpta est contra obseruationem Ecclesiæ, & sententiam omnium antiquorum: & ideo puto illam esse incautam, & sine periculo erroris non posse sustineri.

AD ID autem quod primo obiiiciunt, dicendum quod est vna forma sacramentalis, quæ vno modo tenetur ab Ecclesia: & illa est formalis & substantialis, ut infra patebit. Et in alia quæ dispositio quædam est, usus Ecclesiæ est difformis, eo quod illa est de bene esse potius quam de esse: unde illa obiectio falso innititur.

AD ALIUD dicendum, quod prima est vera, & secunda falsa. Ad probationem autem secundæ, dicendum quod Iacobus orationem fidei vocat formam sacramenti, quæ est per modum orationis: & vocat eam fidei, quia in sacramentis maxime fides operatur: & ideo quod attribuitur orationi fidei, attribuitur operationi sacramenti.

AD ALIUD dicendum, quod istud sacramentum secundum habet effectum circa corpus, & præcipue tunc quando infirmitas corporis causatur ex infirmitate mentis, ut prius dictum est: & ideo nihil probat illa obiectio.

AD ALIUD dicendum, quod obiectioes Sanctorum non certitudinaliter consequuntur suum effectum, nec sunt ad purgandas reliquias peccatorum: & ideo falsum est, quod substantialis actus huius sacramenti idem sit cum actu vñtionis, quæ causatur ex deuotione & sanctitate benedictis: & ideo aliam formam requirit hoc sacramentum quam materiæ benedictionem.

AD ALIUD dicendum, quod verum est, quod duo sunt propter quæ est sacramentum: vnum principale, & aliud adiunctum & secundarium, sed non habet effectum à benedictione materiæ, sed potius à forma vltima, quæ non potest imprimi nisi materiæ dispositæ per benedictionem, ut prius dictum est: & ideo illa obiectio non valet.

Ea autem quæ obiiiciuntur in contrarium, puto esse concedenda.



*Ad qu. 2.* AD ID quod secundo quæritur, dicendum quod formalia in actu ministerij huius sacramenti, sunt duo, sed vnum refertur ad aliud. Cuius ratio potest esse: quia istud sacramentum est exeuntium viribus propriis destitutorum, & in quantum quidem sacramentum, de bene esse habet indicatiam orationem: in quantum autem exeuntium qui soli gratiæ diuinæ committuntur, de esse habet orationem deprecatiam.

AD ID quod primo obiicitur contra id, dicendum videtur, quod Ecclesiæ orationes certæ sunt, licet particulares vel singulares orationes sint incertæ. Vnde istud sacramentum contrahit certitudinem sui effectus per hoc quod non innititur orationi vnius personæ, sed Ecclesiæ: impossibile est enim orationes Ecclesiæ non exaudiri: & ideo propter certitudinem non oportebat formam suam esse in oratione enuntiatiua.

AD ALIUD dicendum, quod falsum supponitur in obiectione: quia in ordine oratio est forma, in qua significatur traductio potestatis ab Episcopo in ordinatum, sicut, Accipe Spiritum sanctum: vel, Accipe has clauces: vel, Esto verbi relator, vt infra patebit, cum de ordine agetur. Vnde sacramenta sortiuntur formas in orationibus illius modi qui magis competit effectui eorum. Circa destitutos autem exeuntes ab Ecclesia, nullus est competentior modus, quam deprecatius.

AD ALIUD dicendum, quod intentio Ecclesiæ satis exprimitur per modum exercitij: quia aliæ vñctiones non ad hunc modum exercentur, sicut vñctiones medicinæ vel deuotiones Sanctorum: sed si in baptismo & in aliis quibusdam aliter fit, hoc non est ad exprimendum intentionem, sed propter talem institutionem sacramenti. Instituens autem format, considerationem habuit ad modum causandi effectum, vt dictum est. Et cum hic effectus committatur diuinæ dispositioni, patet quod competentissimè exprimitur per deprecatium.

AD ALIUD dicendum, quod antiqui in Ecclesiis illis volebant apponere quicquid est de esse & de bene esse sacramenti: & bene puto, quod melius est ita facere, quam tantum alterum apponere. Sed si non apponatur, græue esset dicere, quod non celebretur sacramentum: quia multæ Ecclesiæ non apponunt, & quidam etiam magnæ auctoritatis ordines.

*Ad qu. 3.* AD ID quod tertio quæritur, iam patet solutio per antedicta. Ad id autem quod contra obiicitur, dicendum quod directius exprimat intentionem: & tamen indicatius non ponitur in forma ad intentionis expressionem, vt habitum est: sed ille modus est formalior, qui in sacramento in efficienda re sua est competentior: & ille est deprecatius, vt dictum est.

AD ALIUD dicendum, quod in aliis quibusdam sacramentis aliter est: quia illa exhibentur ei qui manet in Ecclesia, & ab Ecclesia disponitur: & ideo circa illum magis significatur esse operatio ministrorum in sacramentis: sed iste præsumitur esse in statu transeuntis ad dispositionem diuinam: & ideo Ecclesia

faciendo quod potest, committit eum diuinæ dispositioni. Huius etiam aliam causam sine præiudicio dico esse magnitudinem rei istius sacramenti: res enim sua est purgatio omnium reliquiarum peccati impediens immediatum transitum ad requiem secundum animam, & glorificationem secundum corpus: huiusmodi autem res tanta est, quod non potest tota effici gratia sacramentali: sed quod gratia sacramentalis operatur, adhuc exigit, quod residuum complens peratur per orationem à misericordia diuina. Et quia istud sacramentum transmittit istum ad diuinam misericordiæ operationem: ideo forma sua est per modum deprecationis ad misericordiam, operationem sacramenti perficientem. Et per hoc patet solutio ad totum.

## ARTICVLVS V.

*An sacramentum extrema vñctionis bene ordinatur inter alia sacramenta?*

**Q**Vinto & vltimo quæritur de ordine istius ad alia sacramenta. Videtur enim, quod malè hîc à Magistro ordinetur: sacramentum enim ministrantium in Ecclesia, est ante sacramentum exeuntium ab Ecclesia: ordo autem & matrimonium sunt sacramenta ministrantium in Ecclesia, vñctio autem exeuntium: ergo de ordine & matrimonio debuit tractari ante istud.

2 Adhuc, Vñctio extrema non verè dicitur extrema, si aliqua sequitur eam vñctio: sed in ordine est vñctio: ergo illa erit ante ipsam, & sic iterum malè ordinantur.

3 Adhuc, Post extremam sacramenti susceptionem nullum sacramentum suscipitur: hæc autem vñctio ideo vocatur extrema, quia vltimo suscipitur: ergo nullum suscipitur post ipsam: ergo ipsa est vltimum sacramentum: ergo vltimo loco tradendum erit de ipsa.

**RESPONSIO.** Dicendum, quod sicut patet supra in quadam quæstione de sacramentorum ordine & sufficientia, quædam sunt sacramenta personæ, & quædam Ecclesiæ. Inter sacramenta personæ vltimum est extrema vñctio, & ideo inter illa vltimo loco ponitur: sed omnia sacramenta personæ sunt ante sacramenta Ecclesiæ: & ideo istud ponitur ante duo sequentia quæ sunt sacramenta Ecclesiæ: vnum ad spirituales multiplicationem Ecclesiæ, alterum autem ad multiplicationem naturalem, in qua spiritualis vita Ecclesiæ saluatur. Et per hoc patet ordo: sicut enim Ecclesia est ex personis multis, & ideo persona est prior, quam Ecclesia: ita sacramentum personæ est ante sacramentum Ecclesiæ.

AD PRIMVM ergo dicendum, quod istud sacramentum est personarum exeuntium, & non Ecclesiæ exeuntis: sed ordo & matrimonium est personarum Ecclesiæ ad Ecclesiæ multitudinem institutum: & ideo non datur personæ propter personam, sed personæ propter Ecclesiam: & ideo posterius ordinantur.

AD



quod totum suppleat gratia : ergo videtur, quod habeat formam specialem, sicut & alia sacramenta.

*Quæst. 2.* ULTERIUS quæritur hic, Quid sit illa forma, & utrum sit una vel plures? Videtur autem, quod debeat esse orationis indicativa: quia sacramenta Ecclesiæ certissime suum perficiunt effectum, si non impediatur fictio suscipientis: ergo modo certitudinis ipse effectus debet significari: sed non est modus certitudinis nisi per indicativum: ergo debet fieri per indicativum.

2 Adhuc, In omnibus aliis fit per indicativum, quod patet in singulis, quia in poenitentia dicitur, Ego te absolvo: & in matrimonio, Ego te accipio in meam: ergo & in isto fiet per indicativum, ut videtur.

3 Adhuc, Intentio agendi quod agit Ecclesia, non exprimitur nisi per indicativum: non enim sequitur, quod si dicam, Det tibi Deus gratiam, quod intendam dare sicut Ecclesia dat: vel si dicam, Utinam daret tibi Deus gratiam, vel alio modo: sed si dico, Baptizo te, vel inungo te: sequitur, quod ego facio actum, & extra ostendo me agere quod agit Ecclesia: & hoc sufficit in sacramentis: ergo videtur, quod etiam in isto exigitur indicativus modus.

4 Adhuc, Multæ Ecclesiæ habent pro forma orationem indicativam, sicut tota Ecclesia Germaniæ: & dicitur esse Gregorianum illud: ergo videtur, quod ita debeat esse. Præterea, Constat mihi, quod antiquissimi libri in illis terris habent indicativam orationem pro forma, & postea subiungitur oratio. Et hæc sunt verba scripta in libris antiquissimis, quos præ antiquitate vix legere valebam. Vngo hos oculos oleo sanctificato in nomine Patris & Filij & Spiritus sancti. Et postea sequitur, Per istam unctionem & suam piissimam misericordiam indulgeat tibi Deus quicquid deliquisti per visum. Et similiter scriptum erat ad manus, & ad pedes, & ad os & cætera loca unctionis. Ergo videtur, quod ita debeat fieri.

*Sed contra.* IN CONTRARIUM autem huius obicitur usus aliarum Ecclesiarum quæ habent tantum deprecationem illam, Per istam unctionem, &c. vel, Per istam suavissimam unctionem, &c:

2 Adhuc, In Iacobo habetur, quod oratio fidei saluabit infirmum. Saluans autem in sacramento est forma dans sanctificationem. Ergo videtur, quod forma debeat esse per modum orationis.

3 Adhuc, Exiens à vita, recedit à dispositione & regimine Ecclesiæ: ergo Ecclesia nihil amplius potest facere circa ipsum, nisi committere eum dispositioni Domini: hoc autem congruentius fit per orationem, quam per enuntiationem: ergo videtur, quod congruentius huius sacramenti forma sit oratio, quam enuntiatio.

*Quæst. 3.* ULTERIUS quæritur hic tertio, Ex quo secundum usum Ecclesiarum diversarum utrumque inuenitur secundum eas quæ utrumque habent, quod illorum referatur ad reliquum, sicut ad formale? Videtur autem, quod enuntiatio referatur ad orationem deprecativam:

quia deprecatio ultimo ordinatur: præcedentia autem referuntur ad ultimum sicut ad formam: ergo videtur, quod deprecatio sit formalis.

2 Adhuc, Istud sacramentum exhibetur infirmo viribus destituto, qui totum præstatur ab indulgentia diuina: ad hanc autem plus valet deprecatio quam enuntiatio: ergo videtur, quod magis substantialis huic sacramento sit oratio, quam enuntiatio.

IN CONTRARIUM huius est: quia illud quod directe exprimit Ecclesiæ intentionem, videtur esse in sacramento magis formale & substantiale: sed enuntiatio directius exprimit, quam deprecatio: ergo est formalior & substantialior: ergo deprecatio refertur ad ipsam, sicut dispositio ad materialia.

2 Adhuc, In aliis sacramentis deprecationes tam præcedentes quam sequentes, ad illam formam referuntur, quæ est per modum enuntiationis: ergo videtur, quod ita etiam fieri debeat in isto sacramento.

SOLVITUR. Dicendum sine præiudicio, quod, ut puto, prima opinio inducta novitas præsumpta est contra observationem Ecclesiæ, & sententiam omnium antiquorum: & ideo puto illam esse incautam, & sine periculo erroris non posse sustineri.

AD ID autem quod primo obiciunt, dicendum quod est una forma sacramentalis, quæ uno modo tenetur ab Ecclesia: & illa est formalis & substantialis, ut infra patebit. Et in alia quæ dispositio quædam est, usus Ecclesiæ est difformis, eo quod illa est de bene esse potius quam de esse: unde illa obiectio falso innititur.

AD ALIUD dicendum, quod prima est vera, & secunda falsa. Ad probationem autem secundæ, dicendum quod Iacobus orationem fidei vocat formam sacramenti, quæ est per modum orationis: & vocat eam fidei, quia in sacramentis maxime fides operatur: & ideo quod attribuitur orationi fidei, attribuitur operationi sacramenti.

AD ALIUD dicendum, quod istud sacramentum secundum habet effectum circa corpus, & præcipue tunc quando infirmitas corporis causatur ex infirmitate mentis, ut prius dictum est: & ideo nihil probat illa obiectio.

AD ALIUD dicendum, quod obiectiones Sanctorum non certitudinaliter consequuntur suum effectum, nec sunt ad purgandas reliquias peccatorum: & ideo falsum est, quod substantialis actus huius sacramenti idem sit cum actu unctionis, quæ causatur ex deuotione & sanctitate benedictis: & ideo aliam formam requirit hoc sacramentum quam materię benedictionem.

AD ALIUD dicendum, quod verum est, quod duo sunt propter quæ est sacramentum: unum principale, & aliud adiunctum & secundarium, sed non habet effectum à benedictione materię, sed potius à forma ultima, quæ non potest imprimi nisi materię dispositæ per benedictionem, ut prius dictum est: & ideo illa obiectio non valet.

Ea autem quæ obiciuntur in contrarium, puto esse concedenda.



*Ad qu. 2.* AD ID quod secundo quæritur, dicendum quòd formalia in actu ministerij huius sacramenti, sunt duo, sed vnum refertur ad aliud. Cuius ratio potest esse: quia istud sacramentum est exeuntium viribus propriis. destitutorum, & inquantum quidem sacramentum, de bene esse habet indicatiam orationem: inquantum autem exeuntium qui soli gratiæ diuinæ committuntur, de esse habet orationem deprecatiam.

AD ID quod primo obiicitur contra id, dicendum videtur, quòd Ecclesiæ orationes certæ sunt, licet particulares vel singulares orationes sint incertæ. Vnde istud sacramentum contrahit certitudinem sui effectus per hoc quod non innititur orationi vnius personæ, sed Ecclesiæ: impossibile est enim orationes Ecclesiæ non exaudiri: & ideo propter certitudinem non oportebat formam suam esse in oratione enuntiatiua.

AD ALIUD dicendum, quòd falsum supponitur in obiectione: quia in ordine oratio est forma, in qua significatur traductio potestatis ab Episcopo in ordinatum, sicut, Accipe Spiritum sanctum: vel, Accipe has clauces: vel, Esto verbi relator, vt infra patebit, cum de ordine agatur. Vnde sacramenta sortiuntur formas in orationibus illius modi qui magis competit effectui eorum. Circa destitutos autem exeuntes ab Ecclesia, nullus est competentior modus, quam deprecatiuus.

AD ALIUD dicendum, quòd intentio Ecclesiæ satis exprimitur per modum exercitij: quia aliæ vnctiones non ad hunc modum exercentur, sicut vnctiones medicinæ vel deuotiones Sanctorum: sed si in baptismo & in aliis quibusdam aliter fit, hoc non est ad exprimendum intentionem, sed propter talem institutionem sacramenti. Instituens autem formam, considerationem habuit ad modum causandi effectum, vt dictum est. Et cum hic effectus committatur diuinæ dispositioni, patet quòd competentissimè exprimitur per deprecatiuum.

AD ALIUD dicendum, quòd antiqui in Ecclesiis illis volebant apponere quicquid est de esse & de bene esse sacramenti: & bene puto, quòd melius est ita facere, quam tantum alterum apponere. Sed si non apponatur, graue esset dicere, quòd non celebreretur sacramentum: quia multæ Ecclesiæ non apponunt, & quidam etiam magnæ auctoritatis ordines.

*Ad qu. 3.* AD ID quod tertio quæritur, iam patet solutio per antedicta. Ad id autem quod contra obiicitur, dicendum quòd directius exprimat intentionem: & tamen indicatiuus non ponitur in forma ad intentionis expressionem, vt habitum est: sed ille modus est formalior, qui in sacramento in efficienda re sua est competentior: & ille est deprecatiuus, vt dictum est.

AD ALIUD dicendum, quòd in aliis quibusdam sacramentis aliter est: quia illa exhibentur ei qui manet in Ecclesia, & ab Ecclesia disponitur: & ideo circa illum magis significatur esse operatio ministrorum in sacramentis: sed iste præsumitur esse in statu transeuntis ad dispositionem diuinam: & ideo Ecclesia

faciendo quod potest, committit eum diuinæ dispositioni. Huius etiam aliam causam sine præiudicio dico esse magnitudinem rei istius sacramenti: res enim sua est purgatio omnium reliquiarum peccati impediens immediatum transitum ad requiem secundum animam, & glorificationem secundum corpus: huiusmodi autem res tanta est, quòd non potest tota effici gratia sacramentali: sed quòd gratia sacramentalis operatur, adhuc exigit, quòd residuum complens petatur per orationem à misericordia diuina. Et quia istud sacramentum transmittit istum ad diuinam misericordiam operationem: ideo forma sua est per modum deprecationis ad misericordiam, operationem sacramenti perficientem. Et per hoc patet solutio ad totum.

## ARTICVLVS V.

*An sacramentum extrema vnctionis bene ordinatur inter alia sacramenta?*

QVINTO & vltimo quæritur de ordine istius ad alia sacramenta. Videtur enim, quòd malè hîc à Magistro ordinetur: sacramentum enim ministrantium in Ecclesia, est ante sacramentum exeuntium ab Ecclesia: ordo autem & matrimonium sunt sacramenta ministrantium in Ecclesia, vnctio autem exeuntium: ergo de ordine & matrimonio debuit tractari ante istud.

2. Adhuc, Vnctio extrema non verè dicitur extrema, si aliqua sequitur eam vnctio: sed in ordine est vnctio: ergo illa erit ante ipsam, & sic iterum malè ordinantur.

3. Adhuc, Post extremam sacramenti suspensionem nullum sacramentum suscipitur: hæc autem vnctio ideo vocatur extrema, quia vltimo suscipitur: ergo nullum suscipitur post ipsam: ergo ipsa est vltimum sacramentum: ergo vltimo loco tradendum erit de ipsa.

RESPONSIO. Dicendum, quòd sicut patet supra in quadam quæstione de sacramentorum ordine & sufficientia, quædam sunt sacramenta personæ, & quædam Ecclesiæ. Inter sacramenta personæ vltimum est extrema vnctio, & ideo inter illa vltimo loco ponitur: sed omnia sacramenta personæ sunt ante sacramenta Ecclesiæ: & ideo istud ponitur ante duo sequentia quæ sunt sacramenta Ecclesiæ: vnum ad spiritualem multiplicationem Ecclesiæ, alterum autem ad multiplicationem naturalem, in qua spiritualis vita Ecclesiæ saluatur. Et per hoc patet ordo: sicut enim Ecclesia est ex personis multis, & ideo persona est prior, quam Ecclesia: ita sacramentum personæ est ante sacramentum Ecclesiæ.

AD PRIMVM ergo dicendum, quòd istud sacramentum est personarum exeuntium, & non Ecclesiæ exeuntis: sed ordo & matrimonium est personarum Ecclesiæ ad Ecclesiæ multitudinem institutum: & ideo non datur personæ propter personam, sed personæ propter Ecclesiam: & ideo posterius ordinantur.

AD



AD ALIUD dicendum, quod verè dicitur extrema respectu suscipientis, sed in ordinatione sacramentorum non dicitur extrema.

AD ALIUD dicendum, quod inunctus nihil recipit ultra, sicut dicit obiectio: sed tamen Ecclesia remanet in aliis: & secundo non sequitur, si ab hoc ultimo recipitur, quod sit ultimum in ordine sacramentorum Ecclesiæ.

## ARTICVLVS VI.

*An oporteat eum esse Episcopum qui consecrat oleum quod est materia extrema unctionis?*

**D**Einde quæritur de hoc quod dicit ibi [Oleo per Episcopum consecrato, &c.] Videtur enim, quod non oporteat Episcopum esse eum qui consecrat oleum: quia cui conceditur maius, conceditur & minus: sed maius est dispensare sacramentum in forma sua, quam benedicere materiam & disponere eam: & hoc conceditur pluribus sacerdotibus: ergo & benedictio materiæ debet sacerdotibus concedi.

2. Adhuc, In omnibus artificialibus idem artifex præparat materiam & inducit formam: ergo videtur, quod etiam in sacramento isto sic debeat fieri: sed sacerdos simplex dat ultimam formam suscipienti: ergo & idem debet præparare materiam.

3. Adhuc, In ethicis ordinantur artes secundum opera: & illa dignior est, quæ habet opus perficiens, indignior autem quæ præparat materiam, sicut frænorum factrix equestri indignior est: ergo videtur, quod similiter sit in sacramentis: ergo indignioris est præparare materiam, & dignioris operari in præparata ad formam inducendam: sed sacerdos facit opus ultimum: ergo non Episcopi, sed alicuius indignioris quam sit sacerdos simplex, erit præparare materiam huius sacramenti.

*Sed contra.*

IN CONTRARIUM huius obiicitur: quia, sicut habitum est, abundantia gratiæ requiritur in hoc sacramento: sed abundantia gratiæ non descendit nisi ab habente altiore gradum in Ecclesia: & tales sunt Episcopi: ergo videtur, quod materia ista non debet præparari nisi ab Episcopo.

2. Adhuc, In aliis sacramentis abundantiam gratiæ requirentibus ab Episcopo præparatur materia: ergo & in isto.

3. Adhuc, In 132. Psalm. Sicut vnguentum in capite, quod descendit, &c. Ergo necessario à capite fluere debet: sed vice capitis sunt Episcopi: ergo præparatio materiæ huius sacramenti ab Episcopis ad inferiores debet perfluere.

*Solutio.*

RESPONSIO. Ad hoc dicendum, quod in veritate rationibus ultimis est consentiendum.

ET AD PRIMUM dicendum, quod exercitium sacramenti conceditur sacerdoti propter periculum infirmorum: sæpe enim contingit in sacramentis diuinis. Et hoc ideo fit,

quia Ecclesia secundum consilium Dei instructa, omnibus modis infirmis consulit in utilitate sacramentorum: & ideo tales vult habere ministros, quales de facili possunt haberi ab his qui sacramenta habent percipere: cum autem illi sint infirmi, in sacramento isto, placuit Deo, quod essent simplices sacerdotes, qui in omnibus locis de propinquo haberi possent. Et propter necessitatem voluit, quod omnis homo omnem hominem baptizare posset: nihilominus tamen tenet ordinem in aliis, in quibus non est periculum sine sanctificatione materiæ.

AD ARGUMENTUM autem dicendum, quod hoc quod dicitur, Cui committitur principale, committitur accessorium, dicendum quod intelligitur de illo accessorio sine quo non potest esse quis in operatione principalis: sed hoc non est hic: quia etiam si non benedicat oleum, tamen oleo benedicto potest inungere infirmos.

AD ALIUD dicendum, quod aliud est præparare materiam, & aliud inducere formam materiæ iam præparatæ: & aliud præparare materiam per formam aliquam, & uti ea ad finem illius formæ. Prima enim duo sunt vnius habitus, qui est ars vna, secundum quod Aristot. dicit, quod ars est habitus cum ratione vera factiuus: sicut patet in fabili, quæ calefacit ferrum, & polit ipsum, & inducit figuram ensis, vna ars existens. Sed secunda duo nunquam sunt vnius habitus qui sit ars, sed potius duarum sicut patet in factiva gladij, & militari. Prima enim facit gladium, & secunda utitur gladio ad finem suum, & cognoscit finem illum, propter quem etiam architectonica est respectu prioris. Sic autem est hic, quod vnus sanctificationem inducit in materia, & alter utitur ad utilitatem Ecclesiæ oleo sanctificato vngens infirmos: quis autem sit principalior, patebit in solutione sequentis quæstionis.

AD ALIUD dicendum, quod in diuinis non est sicut in politicis: quia diuina descendunt à virtute vna, sed politica descendunt à multis virtutibus & ordinatis: & ideo in politicis principalior est ars, quæ bono quod est finis politicæ, est propinquior: sed in diuinis illa est dignior, à qua plus descendunt diuina: & ideo cum sanctitas materiæ secundum originem descendat à gradu altiori, sicut & debet, dignioris est conferre sanctitatem materiæ, quam exhibere vsum in sacramento. Quod autem hoc sit in diuinis, patet: quia illa per deriuationem sunt ab vno: & ideo quod anterius est, est illi & vicinior & dignior, per totum contrarium ordinem quam sit in politicis: & ideo cum sanctificare oleum sit anterius, hoc erit superioris: & exhibere sacramenti vsum, erit inferioris & posterioris.

\* \*



ARTICVLVS VII.

*An sit aliqua principalis vnctio, & an illa sit qua fit in baptismo, confirmatione, vel extrema vnctione?*

**D**Einde quæritur de hoc quod dicit ibi [Quæ dicitur principalis vnctio, &c.] Videtur enim, quod confirmatio non sit vnctio principalis: aut enim principalis dicitur à principalitate officij aut loci qui inungitur: aut à principalitate gratiæ: aut à principalitate materiæ ipsius vnctionis. Si primum: tunc principalior vnctio est vnctio ordinis: quia ibi datur character excellentiæ ad principalius officium Ecclesiæ quod est sacramenti dispensatio. Si autem secundo modo dicitur: tunc vnctio cathecismi dicitur principalis: quia ibi vertex inungitur ad perfectionem intellectus, qui secundum Aristot. principalis est pars animæ. Si tertio modo: tunc iterum inunctio baptismi, principalis vnctio dicitur: quia in baptismo maxima gratia affertur. Si autem quarto modo dicatur: tunc tam ordinis quam confirmationis dicitur principalis vnctio: quia in vtraque fit vnctio de chrismate.

*Solutio.*

**R**ESPONSIO. Dicendum sicut notatum est in quæstione de confirmatione, quod tribus causis illa vnctio dicitur principalis vnctio, scilicet ex loco, ex gratia, & ex liquore materiæ vnctionis. Locus est frons, quæ sedes est verecundiæ in homine, vbi est locus honoris: & ille locus est excellentioris dignitatis in confessione fidei, quam vertex: licet ille sit excellentior loco & ordine partium corporis. Gratia autem, vt dicitur in littera, non est ad esse sicut in baptismo, sed ad robur pugnandi. Hoc iterum excellentius est quam gratia ad esse tantum. Et liquor est ex oleo & balsamo. Et per hoc patet solutio ad totum.

ARTICVLVS VIII.

*An Reges debent inungi in scapulis oleo, non chrismate, & non in capite?*

**D**Einde quæritur de hoc quod dicit ibi [In quo capita Regum & Pontificum inunguntur, &c.] Contrarium enim est in consuetudine Ecclesiæ: quia Reges non chrismate vnguntur in capite, sed in scapulis.

*Solutio.*

**R**ESPONSIO. Dicendum, quod si velimus sustinere quod dicit: tunc duorum substantiuorum vnum reducitur in adiectiuum alterius, vt sit sensus, quo capita Regum Pontificum, id est, regalium pontificum: quia regale habent sacerdotium: & tunc verum est quod dicit. Vel possumus dicere, quod antiquitus in Veteri Testamento reges habebant potestatem super sacerdotes: quia non erant veri sacerdotes, sed vmbra verorum sacerdotum: & tunc vnguntur chrismate, & in

*D. Alb. Mag. in Lib. 4. Sentent.*

capite: modo autem quia sunt ministri Ecclesiæ & non indigent gratia ad spiritualia, ed quod ibi temporalia administrant, non vnguntur chrismate, sed oleo, in quo notatur fama quam habere debent apud subditos: & in scapulis in quibus onera portantur, vt recognoscant se positos esse ad supportanda onera subditorum & Ecclesiæ.

ARTICVLVS IX.

*An solum infirmi sint perceptibiles huius sacramenti?*

**D**Einde quæritur de hoc quod dicit ibi [Tertia vnctio est quæ dicitur oleum infirmorum, de qua, &c.] Hic etiam innuitur, quod non sint perceptibiles huius sacramenti nisi infirmi. Et gratia huius quæritur de participantibus hoc sacramentum. Et quærentur quatuor. Primum, Vtrum tam sanus, quam infirmus sit huius perceptibilis? Secundum, In qua ætate sit perceptibilis? Tertium, Vtrum in omni ægritudine sit perceptibilis? Quarto & vltimo, Quare furiosi remouentur principaliter ab huius sacramenti perceptione?

Ad primum horum obiicitur sic: Omnis medicina contra morbum aliquem, exhibetur illi in quo est morbus: sed sacramentum istud est medicina ordinata contra morbum reliquiarum peccati: ergo illi exhibetur, in quo inuenitur morbus: sed tam sani quam infirmi habent morbum reliquiarum peccati: ergo tam sani quam infirmi istius vnctionis sunt perceptibiles. Primum patet per se. Secundum autem probatur ex diuisione sacramentorum in principio lib. posita, & infra probabitur.

2. Adhuc, Ad consecutionem perfectæ sanitatis in corpore exigitur medicina purgans reliquias: ergo similiter est in mente: sed perfecta sanitas mentis requiritur ad meritum: ergo videtur, quod omnis ille qui vult esse in statu merendi, debet recipere hoc sacramentum: sed tales sunt præcipue sani: ergo sanorum præcipue est hoc sacramentum. Si forte dicas, quod hoc sacramentum est ordinatum contra morbum corporis. Contra: Sacramenta nouæ legis in non ficto efficiunt quod significant: sed istud est sacramentum nouæ legis: ergo in non ficto semper efficit sanitatem corporis, quod aperte falsum est: quia multos sanctos homines inunctos videmus non conualescere post vnctionem. Si forte dicas, quod sic efficit in omnibus quibus expedit: hoc ridiculum est dicere, quod sacramentum nouæ legis effectum suum principalem quandoque efficiat in non ficto, scilicet quando expedit: & quandoque non efficiat, scilicet quando non expedit: quia sic omnia sacramenta traherentur in illusionem.

**S**I AUTEM dicatur, quod sanus est perceptibilis. Contra: Iacob. 5. dicitur, Infirmatur quis in vobis: ergo non est perceptibilis nisi infirmus. Item Marc. 6. dicitur inungebant oleo multos ægros siue infirmos: ergo non nisi infirmus est perceptibilis.

*Sed contra.*

XX

RESPON



*Solutio.*

RESPONSIO. Dicendum, quod non nisi infirmus perceptibilis est huius sacramenti.

AD PRIMVM autem dicendum, quod purgatio reliquiarum secundum quod sunt impedimenta immediatæ euolutionis & glorificationis corporis, est effectus substantialis istius sacramenti, ut infra probabitur: quia de hoc erit quæstio. Quia ergo sanus non est in via transitus ad gloriam, ideo non est perceptibilis huius sacramenti.

AD SECVDVM dicendum, quod verum quidem est, quod reliquiæ peccatorum secundum quod sunt impedimenta meriti, sufficienter exterminantur per Eucharistiam, & alia sacramenta: & ideo istud sacramentum non hoc modo ordinatur contra eas: sed potius modo prædicto, quando destituunt vires corporis & impediunt animæ euolutionem, præcipue secundum quod causantur à peccatis oblitis & per ignorantiam commissis: & ideo semel in anno inungebatur tabernaculum propter irregularitates contractas ex ignorantis & oblitis.

AD CÆTERA quæ obiecta sunt, puto esse concedenda: quia nihil valet responsio illa.

## ARTICVLVS X.

*In qua ætate infirmus perceptibilis est sacramenti extrema unctionis?*

Secundo quæritur, Quis perceptibilis sit huius sacramenti? Videtur autem, quod in omni ætate: quia dicit auctoritas, quod nemo mundus à peccato, nec infans vnus diei: cum ergo contra finalia peccata detur inunctio, videtur quod omnishomo sit inungendus.

2 Adhuc, Licet res eius principalis non sit sanitas in corpore vel curatio doloris: tamen sæpe alleuiantur infirmi ex participatione huius sacramenti: dicunt autem naturales, quod infantes facilius infirmantur & moriuntur: ergo videtur, quod eis magis necessaria sit vnctio quam senibus.

3 Adhuc, Omnia sacramenta personalia omnibus in quibus inuenitur causa contra quam instituta sunt, dantur: ergo & istud: sed reliquiæ peccati sunt tam in senibus quam in inuenibus: ergo omnibus est dandum sacramentum istud.

*Sed contra.*

IN CONTRARIVM huius est, quod in paruulis non est nisi originale: & contra hoc sufficienter ordinatur baptismus: ergo superflue per istam vnctionem paruulis conferretur extrema vnctio.

2 Adhuc, Hic supponeretur in forma, quando diceretur, Per istam vnctionem indulgeat tibi Dominus, quicquid peccasti per visum: quia in sanctis non tenet, neque in infante qui nihil deliquit per visum, & similiter per auditum, & incesum, quia forte nunquam incesit: ergo infantibus non debet exhiberi.

*Solutio.*

QVOD CONCEDIMVS dicentes, quod solum adultis ætate prouectis exhibendum est hoc sacramentum.

AD PRIMVM ergo obiectum, dicendum quod auctoritas illa intelligitur de originali, &

non de alio: & contra reliquias oblitis & ignorati actualis principalem ordinem habet istud sacramentum.

AD ALIVD dicendum, quod non est vnquam res huius sacramenti sanitas corporis, nisi quando pender ex infirmitate mentis: & hoc nunquam fit in paruulis qui nunquam peccauerunt: & ideo etiam propter infirmitatem corporis nunquam sunt inungendi.

AD VLTIMVM patet solutio per ante dicta: quia causa contra quam principaliter hoc sacramentum ordinatur, in paruulis non inuenitur. Et per hoc patet solutio ad totum.

## ARTICVLVS XI.

*An in omni ægritudine aliquis sit perceptibilis huius sacramenti?*

Tertio quæritur, Vtrum in omni ægritudine aliquis sit perceptibilis huius sacramenti? Videtur autem, quod sic: quia omnis ægritudo secundum quamlibet speciem ægritudinis potest causari à peccato & infirmitate mentis: in talibus autem locum habet sacramentum istud, ut dictum est: ergo in omni ægritudine debet hoc sacramentum percipi.

2 Adhuc, Nec in Iacobo nec in Marco specificatur aliqua ægritudo specialis: ergo videtur, quod generaliter in omni ægritudine possit percipi.

3 Adhuc, Spiritualia differunt à corporalibus, ut dicit Augustinus: quia corporalia quanto generaliora sunt, tanto singula inutiliora: spiritualia autem è conuerso: sed istud sacramentum est spiritualis medicina: ergo quanto generalior, tanto vtilior: sed generalior est quæ dicitur valere contra omnem morbum, quam illa quæ non valet nisi contra morbum quendam: ergo videtur, quod melius sit dicere, quod in omni infirmitate accipiendum sit hoc sacramentum.

IN CONTRARIVM huius obicitur per *Sed contra.* nomen sacramenti huius: quia dicitur vnctio extrema: ergo nunquam nisi in extremo exhibenda: sed non omnis infirmitas ostendit extremum hominis: ergo non in omni infirmitate exhibendum est hoc sacramentum.

2 Adhuc, Arist. in li. de causis longioris vitæ, dicit quod quædam infirmitates sunt causa longioris vitæ: sed nunquam in causa longioris vitæ sumendum est hoc sacramentum: ergo in illis infirmitatibus non est sumendum sacramentum.

3 Adhuc, Hoc sacramentum ab omnibus dicitur sacramentum extremum: sed extrema non sunt nisi quando mors est in ianuis, & vita in desperatione: ergo nunquam nisi tales sunt perceptibiles huius sacramenti: hoc autem non est in omni infirmitate: ergo non in omni infirmitate est hoc sacramentum percipiendum.

RESPONSIO. Dicendum, quod non in omni infirmitate percipiendum est hoc sacramentum, sicut probant rationes ultimo inductæ.

Ad



AD PRIMVM ergo dicendum, quod hoc bene sequeretur si circa corpus esset effectus principalis sacramenti: sed hoc non est verum, imo est effectus quem nunquam consequitur, nisi quando infirmitas corporis pendet ex infirmitate mentis: & tunc non semper est hoc, nisi quando vtile est infirmo, qui recipit vñtionem: & ideo non valet illa ratio: quia nunquam sumendum est sacramentum propter corporis vtilitatem tantum. Cum igitur effectus eius sit reliquiarum purgatio secundum quod sunt impedimentum percipiendi stolam animæ & corporis, nunquam nisi in transitu est sumendum hoc sacramentum.

AD ALIVD dicendum, quod loquitur Apostolus, eò quod omnis infirmitas corporis crescendo potest deducere hominem ad obitum: & cum præsumitur imminere obitus, debet percipi sacramentum.

AD ALIVD dicendum, quod bene contra omnes morbos ordinatur secundario, vt dictum est, & secundum quod à peccato animæ causantur: sed non in omni statu morbi, sed potius in statu morbi supra naturam loci est ista medicina.

## ARTICVLVS XII.

*Quare furiosi & amentes & alij similibus infirmitatibus laborantes, prohibentur à perceptione huius sacramenti?*

Quarto quæritur de quibusdam infirmitatibus, vt est furia, & mania, & alia quædam species amentia, quare prohibentur infirmantes illis infirmitatibus à perceptione huius sacramenti: Videtur enim, quod non deberent prohiberi: quia periculosum est prohibere infirmo medicinam, quando est in transitu ab hac vita: cum igitur illi aliquando in obitu vicini sint, periculosum est eis prohibere medicinam.

2. Adhuc, Baptismus est excellentioris sanctitatis, quam extrema vñtio: sed baptismus non prohibetur eis: ergo nec vñtio extrema debet eis prohiberi.

3. Adhuc, Illi qui seiuuare non possunt,

maximè indigent adiutorio Ecclesiæ: sed adiutorium Ecclesiæ est in sacramentis: ergo talibus maximè conferenda est extrema vñtio.

IN CONTRARIVM huius est, quod hoc sacramentum non nisi recognoscentibus ipsum & postulantibus, est exhibendum: tales autè non sunt amentes & furiosi: ergo videtur, quod non sit dandum illis. Sed contra.

RESPONSIO. Dicendum, quod talibus non est danda extrema vñtio: quia non recognoscunt, & posset esse periculum in irreuerentia sumptionis: quia posset proicere vel immunditiis aliis irreuerenter se habere in sacramenti perceptione. Præterea, Istius sacramenti res est plurimum quam alterius sacramenti, sicut prius dictum est, quia fidei & deuotionis cooperantium sacramento: & talia istis conferri non possunt, nisi habeant lucida interualla, & tunc in illo tempore quo interuallum habent, dari potest eis hoc sacramentum. Solutio.

AD PRIMVM ergo dicendum, quod non est prohibenda medicina ab infirmo sciente eam sibi applicare, vel qui capax est vt ab alio discat qualiter est applicanda: alias autem noticia est medicina, & ideo prohibetur ab ea. Ita est de sacramentis: quia cedunt in malum malè vñti, & ministrorum peccatum esset dare homini pecuali sacramenta Dei.

AD ALIVD dicendum, quod baptismus non ordinatur nisi contra peccatum originale, quod aliundè contractum est: & ideo sufficit ei meritum alienum: sed de cæteris sacramentis non est sic, sed potius ordinantur contra actuale: & ideo in illo verum est, quod qui creauit te sine te, non iustificabit te sine te: & ideo exigit iudicium expeditum & voluntatem liberam ad suscipiendum. Et hoc de omnibus verum est præter confirmationem, quæ ordinatur contra infirmitatem ex fomite causatam: & ideo etiam aliundè venit & non quærit meritum proprium nisi per accidens, sicut & baptismus, scilicet si sit adultus qui suscipit: & ideo etiam confirmatio & baptismus possunt paruulis exhiberi.

AD ALIVD dicendum, quod tales in aliis experiuntur misericordiam Ecclesiæ, scilicet in orationibus & custodiis: sed in istis esset stultitia, quia cederet in peccatum ministrorum, & in nullam vtilitatem suscipientium propter causam prædictam.

*A quibus institutum sit hoc sacramentum.*

**H**OC sacramentum vñtionis infirmorum ab Apostolis institutum legitur. Ait enim Iacobus, Infirmatur quis in vobis? inducat presbyteros Ecclesiæ, & orent super eum, vngentes eum oleo in nomine Domini, & alleuiabit eum Dominus: & si in peccatis fuerit, dimittentur ei. In quo ostenditur duplici ex causa sacramentum hoc institutum, scilicet ad peccatorum remissionem, & ad corporalis infirmitatis alleuiationem. Vnde constat eum qui hanc vñtionem fideliter deuotèque percipit, & in corpore & in anima alleuiari: si tamen expedit vt in vtroque alleuietur. Quod si

D. Alb. Mag. in Lib. 4. Sentent.

XX 2

fortè



fortè corporis valetudinem illi habere non expedit, illam quæ est animæ, sanitatem in hoc sacramento acquirit. Et sicut in aliis sacramentis, ita & in isto aliud est sacramentum, aliud res sacramenti. Sacramentum est ipsa vnctio exterior: res sacramenti, vnctio interior, quæ peccatorum remissione & virtutum ampliacione perficitur. Et si ex contemptu vel negligentia sacramentum hoc prætermittitur, periculosum est & damnabile.

## ARTICVLVS XIII.

*An sacramentum extreme vnctionis ab Apostolis aut à Christo sit institutum?*

**D**Einde quæritur de hoc quod dicit *ibi* [Hoc sacramentum vnctionis infirmorum, &c.] Hoc enim videtur esse falsum: quia in sacramentis non sufficit institutio humana, sed oportet, quod sit diuina: ergo videtur, quod non sit ab Apostolis instituta.

2. Adhuc, Legislatoris est condere leges & sanctificare: sed solus Christus est noster legislator, vt dicitur Isa. 33. Dominus legifer noster est: ergo solius Christi est confirmare & instituere leges, & præcipue diuinas: sed leges diuinæ præcipue sunt in sacramentis: ergo videtur, quod in quolibet sacramento sit institutio diuina.

3. Adhuc, August. dicit, quod sacramentum est in quo diuina virtus secretius operatur salutem: supra autem operationem diuinæ virtutis non est aliqua institutio humana: ergo in omni sacramento oportet esse institutionem diuinam.

4. Adhuc, Omnia sacramenta veteris legis quæ infirma fuerunt, eò quod neminem ad perfectum adduxit lex, instituit Deus per seipsum: ergo cum sacramenta nouæ legis sint perfecta, multo magis ista debuit instituere per seipsum: ergo non est institutum ab Apostolis, vt dicitur in litera.

5. Adhuc, Omnia alia sacramenta nouæ legis instituit Christus per seipsum, etiam matrimonium: ergo & istud.

6. Adhuc, Magister Hugo de san. Viç. dicit, quod sacramentum ab institutione diuina significat.

*Sed contra.*

IN CONTRARIUM huius est quod dicitur in litera.

2. Adhuc: quia non legitur à Domino fuisse institutum: ergo videtur, quod non sit facta eius institutio à Domino.

3. Adhuc, Dupliciter dicuntur à Domino sacramenta instituta, scilicet verbo, sicut baptisumus, & pœnitentia, Eucharistia, & matrimonium: & operis exhibitione, sicut ordo, vt quando legit prophetiam in li. Isa. 2. & quando panem in corpus suum mutauit: & confirmatio, quando paruulis manus imposuit Matth. 19. sed neutro modo legitur instituisse extremam vnctionem: ergo videtur, quod eam non instituerit.

*Solutio.*

RESPONSIO. Dicendum, quod dupliciter potest ad hoc responderi: quidam enim dixe-

runt, quod Apostoli à Deo inspirati & diuina auctoritate & voluntate Dei instituere potuerunt sacramenta quædam: quia non ipsi, sed Deus in ipsis instituit. Et per hoc soluunt rationes inductas. Et dant simile, quod formam baptismi ad tempus sic inspirati mutauerunt, vt fieret in nomine Christi & Dei. Et de hoc supra in quæstionibus de baptismo habitum est. Sed his non videtur consentiendum: quia aliud est mutare, & aliud instituere totum sacramentum de nouo celebrandum: posset enim homo habens auctoritatem aliquod interpretari dubium in sacramentis, & homo habens auctoritatem & notam toti Ecclesiæ inspirationem, sicut habuerunt Apostoli, aliquid ad tempus aliqua de causa mutare potest: sed totum instituere non credo, quod possit nisi Deus: & ideo videtur primis rationibus esse consentiendum.

AD PRIMUM in contrarium dicendum, quod Magister loquitur de institutione canonis non auctoritatis personæ: quia Iacobus primo edidit canonem & regulam hoc sacramentum obseruandi.

AD ALIUD dicendum, quod multa non leguntur: quæ tamen facta probat Ecclesia ipsa obseruatione generali ab Apostolis edocta. Marci enim 6. legitur, quod Apostolis euntibus à Domino missis ad prædicandum, multos infirmos vngebant oleo, & curabantur: & non est præsumendum, quod aliquid fecerint nisi ex institutione & imperio Domini.

AD ALIUD dicendum, quod facto non instituit Deus: quia iam per seipsum videretur impotens ad curationem infirmorum, sed potius verbo præsumitur instituisse, quando misit discipulos ad prædicandum, vt prius dictum est.

## ARTICVLVS XIV.

*An sacramentum extreme vnctionis benedicat Magister duplici de causa institutum?*

**D**Einde quæritur de hoc quod dicit *ibi* [In quo ostenditur duplici ex causa sacramentum hoc institutum, &c.] Videtur hoc falsum quod dicit: quia nulla vnica causa est duorum effectuum per se: sacramentum autem est vnica causa: ergo non est duorum effectuum per seipsum. Si forte dicas, quod vnus est per se, & alterius tanquã illi adiuncti: non enim curat infirmitatem per se, nisi illam quæ pender ex mentis infirmitate: tunc quærat, quis sit per se effectus huius sacramenti? Et dicitur in litera, quod



quodd remissio peccatorum. Videtur autem, quodd falsum sit: quia remissio peccatorum est effectus certificationis, & certificatio non est extrema vnctio: ergo remissio peccatorum non est effectus extremæ vnctionis. Si forte dicas, quodd nihil prohibet vnum effectum esse diuersarum causarum, hoc est impossibile: quia sic nulla illarum esset causa per se: & accideret, quodd aliquis esset effectus, qui nullam causam per se haberet: & hoc totum est impossibile. Præterea, Infra statim dicit in litera, quodd res huius sacramenti perficitur remissione peccatorum & virtutum ampliatione: sed virtutum ampliatio etiam perficitur baptismo, & similiter peccatorum remissio: ergo duo sunt sacramenta eiusdem rei. Et eadem obiectio de pœnitentia tangitur: & cum vnum illorum sufficiens sit, videtur quodd alia duo superfluant.

Si forte dicas, quodd vnum illorum non sufficit sine alio, sequuntur aliæ duæ abusiones, quarum vna est, quodd causæ diuinæ imperfectiores sint respectu sui effectus, quam causæ naturales. Secunda est, quodd cum aliquis recipit baptismum vel pœnitentiam, non habeat adhuc peccatorum remissionem & virtutum ampliationem, nisi accipiat extremam vnctionem: quia vnum sacramentum sufficiens non est sine altero.

*Solutio.*

RESPONSIO. Dicendum, quodd effectus & res huius sacramenti (sicut dicit Magister) est peccatorum remissio & virtutum impliatio secundum aliquem modum: quia nihil prohibet idem in genere esse causatum à causis multis secundum diuersas species quas habet: vnde peccatorum remissio secundum quodd coniungitur purgationi originalis, est effectus baptismi: secundum autem quodd coniungitur purgationi actualis causatæ ex peccati detestatione, motu liberi arbitrii in Deum, est causatum pœnitentiæ: & hæ duæ causæ sunt sacramentales, quæ sunt sicut dispositiones necessariæ in subiecto: formaliter autem est causatum iustificationis. Secundum autem, quodd tollitur peccatum in reliquiis quæ impediunt transitum ad requiem, purgatur in extrema vnctione. Et hoc modo intelligit Magister: & secundum hanc diuersitatem ad omnem peccatorum purgationem exigitur virtutis augmentum & diuersimode sequitur ad ipsam. Et per hoc patet solutio ad totum: quia prima obiectio soluta est per rationem in contrarium inductam.

## ARTICVLVS XV.

*An infirmus percipiens hoc sacramentum, in aliquo loco determinato sit inungendus?*

**D**Einde quæritur de hoc quodd dicit ibi [Vnde constat eum qui hanc vnctionem fideliter deuoteque percipit, &c.] Et quærentur hic tria ex parte percipientis hoc sacramentum, scilicet an in aliquo loco determinato sit inungendus infirmus? Secundo, In quo loco? Terrio, Vtrum plura.

*D. Alb. Mag. in Lib. 4. Sentent.*

res vnctiones sint plura sacramenta vel vnum solum?

Ad primum horum sic proceditur: In omni loco morbi necesse est sibi obuiare antidotum: sed morbus contra quem istud sacramentum ordinatur, siue in corpore siue in anima accipitur, est in omni membro & loco corporis: ergo videtur, quodd in toto corpore vniuersaliter sit vnctio facienda.

2 Adhuc, Peccatum principaliter est in anima rationali: & hæc secundum Philosophum nullius corporis est actus: & Glossatur communiter, id est, nullius partis corporis: ergo videtur, quodd totum corpus sit vngendum, & non quædam partes ipsius.

3 Adhuc, Augustinus dicit, quodd anima est in toto tota: cum igitur propter infirmitatem animæ præcipue inungatur, videtur quodd sit totum inungendum.

4 Adhuc, In medicinis vnctionum corporalium cum determinatè ignoratur locus morbi, inunguntur omnia loca corporis in circuitu: ergo similiter faciendum est in spirituali morbo, si ignoratur locus morbi: quia impossibile est, quodd minister Ecclesiæ sciat locum reliquiarum peccati: ergo videtur, quodd totum corpus debeat inungi.

5 Adhuc, Res significata huius sacramenti, scilicet delibutio gloriæ, oleo fiet exultationis futuræ, & in toto corpore: ergo vt prius.

IN CONTRARIUM huius obicitur: quia cuius est actus, illius est habitus & reliquiæ remanentes ex actu & habitu: sed actus peccatorum actualium, sunt determinatarum potentiarum animæ & determinatorum organorum corporis: ergo reliquiæ & habitus sunt eorundem: sed inunctio fit ad tollendas tales reliquias: ergo in determinatis locis corporis fieri debet.

2 Adhuc, Rectus vsus Ecclesiæ tenet, quodd in determinatis locis corporis inunguntur infirmi: ergo sic est faciendum: non ergo in toto corpore.

RESPONSIO. Dicendum, quodd vltimis duabus rationibus consentiendum est.

ET AD PRIMUM dicendum, quodd licet infirmitas sit in toto, causa tamen infirmitatis est in partibus quibusdam, & ad sublationem infirmitatis sufficit præcidere causam per sacramentum.

AD ALIUD dicendum, quodd peccatum est in rationali sicut in prima causa efficiente: sed non omne peccatum est in ea sicut in subiecto: imò abundant reliquiæ peccati ex parte potentiarum quæ coniunctæ sunt corpori: quia per illas operatur circa delectationes & communicationes cum hominibus: & ideo contrahunt malas dispositiones & reliquias peccatorum ex frequenter male operari. Per illas autem potentias effectus sacramenti redundat in animam rationalem, quæ mouet illas potentias unitas corpori.

AD ALIUD dicendum, quodd anima per essentiam est in toto tota, sed non per potentias. Potentiæ autem sunt illæ maximè quæ contrahunt malas reliquias ex peccato.

AD ALIUD dicendum, quodd non est dubium



bium de instrumentis per quæ peccauimus: eadem enim sunt quæ natura dedit ad bene operandum: & ideo inunctis illis certum est, quod locus ubi dominatur causa infirmitatis contra quam est hoc sacramentum, sit inunctus.

AD VLTIMUM dicendum, quod delibutio gloriæ non causatur ab isto sacramento, sed significatur tantum, & etiam significatur à baptismo: & ad talia significata notanda non oportet, quod expressam significationem ponat sacramentum. Sufficit autem huic sacramento, ut significet totam delibutionem gloriæ per delibutionem in principalibus organis factam, quæ habent ordinem ad totum corpus: quia motibus ipsorum totum administratur & mouetur.

## ARTICVLVS XVI.

*In quibus partibus corporis infirmus sit inungendus?*

Secundo quæritur, In quibus partibus corporis sit inungendus infirmus? Videtur autem, quod in pectore & in scapulis & in vertice & in fronte, hac ratione: quia in quibus organis in aliis sacramentis armatur & perficitur ad opus per vnctiones aliorum sacramentorum, in eisdem contrahit maculas malæ operationis: sed in prædictis locis per alia sacramenta armatur & perficitur: ergo, &c. Probatio primæ est: quia eiusdem organi est bona operatio & mala. Secunda autem probatur per ritum Ecclesiæ in confirmatione & in cathecismo.

2 Item videtur, quod tantum in tribus locis vngi debeat: quia tantum tria sunt in substantia peccandi, ut supra habitum est in princ. distinctionis 19. scilicet os, manus, & pectus: ergo videtur, quod non debeat inungi nisi in ore, pectore, & manibus.

3 Adhuc videtur, quod sufficit solum caput inungere: quia in capite totus radicitur sensus & motus, ut dicunt naturales: sed omne peccatum nostrum est in sensu interiori, vel exteriori, vel in motu: ergo videtur, quod solum caput sit inungendum.

*Quæstio- cula* VLTERRIVS hic quæritur de mutilatis membris, qualiter sint inungendi, vel de cæcis à natiuitate? Videtur, quod non oporteat loca illa inungere: quia cum illis non peccauerunt.

2 Præterea, Si in illis inungerentur, videtur quod falsum supponeretur à ministro dicente, Indulgeat tibi Dominus quicquid deliquisti per pedes & manus vel oculos, quos forte nunquam habuit, vel tunc non habet.

*Solutio.* RESPONSIO. Ad hoc dicendum, quod diuersarum Ecclesiarum & ordinum diuersus est vsus: quia in quibusdam Ecclesiis vnguntur loca plura, & in quibusdam pauciora. Puto tamen, quod sufficit vngere loca quinque sensuum. Huius autem hanc assigno rationem: quia omnis nostra voluntas vel appetitus informatur de ratione & specie, veluti ex phantasia vel ratione: omne autem quod est

in phantasia vel ratione, oritur ex sensu velut sensibile proprium vel commune: vel elicitur de illo per collationem componendo & diuidendo factam: & ideo primus fons appetituum nostrorum sunt sensus quantum ad ipsa obiecta: & ibi sufficit ponere vnctiones: quædam enim organa & loca peccati turpe esset inungere, & non sine iniuria sacramenti quædam loca sacratis rebus tangere.

AD PRIMVM ergo dicendum, quod in aliis sacramentis non fit vnctio ad præparanda organa illa ad actus: quod patet, quia fronte nihil agitur, in qua ponitur principalis vnctio: sed in vertice & in pectore sunt vnctiones propter operationes cordis & intellectus, quæ principiantur intus: & in scapulis propter onera portanda sub iugo Christi. Sed peccata non principiantur ab illis locis, sed potius à sensibus, ut prius probatum est in principio solutionis: quia etiam spiritualia à sensibus ortum habent secundum quod sunt in actu: quia omnis noster conceptus à sensu incipit, ut dicit Philosophus & Dionysius confirmat.

AD ALIVD dicendum, quod licet à tribus principietur peccatum ut principiis operantibus: tamen à pluribus principietur secundum obiecta extra: & hoc attenditur in vnctione extrema: & ideo in ordinibus magis approbatis & quibusdam Ecclesiis vnguntur tantum extremitates, ut os, & nares, & oculi, & aures: quia in illis sunt organa quinque sensuum: tamen alij præter hæc vngunt scapulas, & pectus, & renes in quibus est delectatio venereorum, licet non oporteat.

AD HOC quod obicitur de vnctione solius capitis, dicendum quod licet à capite quantum ad virtutem sensitivam & motiuam oriatur sensus totus & motus: non tamen inde hauriunt sibi sensus obiecta quæ sunt causæ desideriorum & operationum, sed potius in manibus & pedibus, secundum quod per pedes itur ad desideratum, & perficitur per ipsos motus progressius, qui est ad completionem desiderij. Vnctio autem est contra illud quod nascitur ex sensibilibus haustis ab extra, & non contra ipsam sensitivam & motiuam: & ideo inunguntur loca prædicta, & non solum caput. Per hoc etiam patet solutio ad sequens.

AD ALIVD dicendum, quod in locis mutilationis inungendos esse puto tales: quia licet membro careant, non tamen potentia qua completur actus peccati intrinsecus, licet non extrinsecus.

## ARTICVLVS XVII.

*An extrema vnctio sit vnum vel plura sacramenta?*

TERTIO quæritur, Vtrum sit vnum sacramentum vel plura? Videtur, quod plura: quia materia sæpius percipitur in vnctionibus pluribus, & forma sæpius iteratur: sed quando baptismus sæpius fit cum iteratione formæ, constat



constat quod plura sunt sacramenta baptismi: ergo videtur, quod etiam plures sunt vñctiones hic: ergo plura sacramenta.

2 Adhuc, Hic sunt plures vñctiones quarum quaelibet est sacramentum: ergo plura sunt sacramenta. Probatio primæ. Constat, quod plures sunt inunctiones secundum diuersitatem organorum, vt dictum est: sed quaelibet illarum est sacræ rei signum, cuius similitudinem gerit & causa existit: ergo quaelibet est sacramentum: ergo constat propositum.

3 Adhuc, Omne sacramentum est in suscipiente ipsum: quia ridiculum est dicere, quod sacramentum Ecclesiæ sit in pyxide: sed ego video, quod ibi sunt plures vñctiones: ergo plura sacramenta.

*Sed contra.* IN CONTRARIUM huius est, quod super eandem infirmitatem, vt dicitur in capitulo sequenti, nunquam iterandum est hoc sacramentum: ergo non est nisi vnum: & semel suscipitur: ergo non sunt plura.

*Solutio.* RESPONSIO. Dicendum, quod plures vñctiones non constituunt nisi vnum sacramentum: quia sunt omnes vñctiones ad vnum tantum effectum qui supra dictus est.

AD PRIMUM ergo dicendum, quod materia vna est, licet diuisa per partes: & ex omnibus orationibus simul intelligitur vna purgatio reliquiarum deprecata ab Ecclesia. Nec est simile de baptismo: quia ille fit per generalem immersionem totius vel partis principalis corporis: & ideo forma sua non nisi semel dicitur. Alia etiam ratio huius est: quia sicut supra dictum est, effectus huius sacramenti indiget aliis cooperantibus: & ideo ad illa multiplicantur desideria fidelium in diuersis orationibus.

AD ALIUD dicendum, quod plures sunt ibi vñctiones, quæ omnes vniuntur in vno effectu quem complent: & ideo omnes sunt vnum sacramentum. Et quod dicitur, quod quaelibet est sacramentum, dicendum, quod omnes sunt vnum sacramentum: quia quaelibet est signum & causa purgationis reliquiarum non secundum partem, sed secundum totum omnes simul: sicut enim supra sæpe disputatum est, gratiæ sacramentales non simul habentur. Vnde quando quaelibet dicitur sacramentum, hoc est ab incompleta significatione & causalitate effectus: & quando omnes simul vnum sacramentum, hoc habet complementum significantis & causantis.

AD ALIUD dicendum, quod in suscipiente perfectum sacramentum non est nisi vnum, vt iam patet ex dictis, licet incomplete signantes & causantes plures suscipiat. Si autem quæritur, quæ vñctio sit complens totam & perfectam sacramenti essentiam: dicendum quod vltima in comparatione ad omnes alias præcedentes: sicut quando dicimus, quod ex actibus causatur habitus virtutis, vltimus actus in comparatione ad reliquum relictum ex omnibus præcedentibus causat habitum. Et simile iudicium est hic in sacramenti perfectione: & per hoc patet solutio ad totum quæsitum.

## ARTICVLVS XVIII.

*Quid faciendum sit, si sacerdos inungens unguendo moriatur?*

Quarto quæritur quæstio quæ relinquitur ex illis, Ex quo complementum sacramenti pendet ex vltima vñctione in comparatione ad præcedentes, quid faciendum sit in casu, quando sacerdos inungens moritur, quando iam aliquas fecit inunctiones, & non perfecit alias, vnam, vel duas, vel plures? Videtur enim, quod ab initio incipiendum sit: quia vnius est actio vna: sed vnius collationis sacramenti est actio vna vnius tantum: ergo qui hanc non perfecit, nihil fecit, vt videtur: ergo à principio totum est reiterandum.

2 Adhuc, Ambrosius dicit, quod sacramenta Christi sunt simplicia: sed impossibile est actus duorum esse simplices: ergo vnum sacramentum non potest esse duorum: ergo secundus debet incipere à capite.

*Sed in contrarium* huius est, quod in ordine responderet Papa, quia in imperfecte ordinato suppleatur quod deficit, & non iteretur quod factum est: ergo multo magis est hoc faciendum in vñctione extrema: quod concedendum est: vnde sequens incipere debet, vbi præcedens dimisit morte præuentus.

AD PRIMUM ergo dicendum, quod hoc sacramentum ratione magni effectus formam habet per modum orationis: & plus valet, quando plures dicunt orationem illam: quia citius orationes plurium exaudiuntur: & hoc innuitur Iacobi vltim. quando dicit: Inducat presbyteros Ecclesiæ, non presbyterum. Ad argumentum autem potest dici, quod in tali casu duo sunt vt vnus: & hoc sufficit vnitati sacramenti.

AD ALIUD dicendum, quod Ambrosij dictum intelligitur de simplicitate sacramentorum in effectu, & non in speciebus, vel materia, vel forma.

## ARTICVLVS XIX.

*An in sacramento extreme vñctionis sit aliquid quod est sacramentum tantum, & aliquid quod est sacramentum & res, & aliquid quod est res tantum, & an imprimat characterem?*

Deinde quæritur de hoc quod dicitur ibi [Et sicut in aliis sacramentis, &c.] Videtur enim hoc esse falsum: quia in aliis sacramentis quoddam est sacramentum tantum, quoddam est sacramentum & res, & quoddam res tantum: in isto autem non oportet esse aliquid quod sit res & sacramentum: ergo videtur, quod falsum dicat.

GRATIA huius quæritur, Vtrum imprimat characterem qui sit in eo sacramentum & res? Et videtur, quod sic: quia in aliis sacramentis quæ consistunt in vñctione, imprimatur character: ergo & in isto.



2. Adhuc, Cui conuenit actus, illi etiam conuenit habitus & potestas: sed actus characteris conuenit vncto: ergo, &c. Probatio primæ: quia vnctus à non vncto distinguitur, & distinguere est actus characteris: ergo.

3. Adhuc, Vnctio corporalis animam non attingit: ergo oportet, quod aliquid sit coniungens eam vel virtutem eius cum anima: hoc autem medium non videtur esse nisi character: ergo videtur, quod imprimat characterem.

Sed contra.

IN CONTRARIUM obiicitur: quia nullum sacramentum imprimens characterem, iteratur: sed istud iteratur: ergo non imprimit characterem. Probatio primæ est ex inductione & ratione characteris: quia est signum indelebile collocans in aliquo statu fidei, & signo indelebili fieret iniuria si iteraretur: ergo constat propositum.

Solutio.

RESPONSIO. Dicendum ad hoc, quod non imprimit characterem. Et tamen bene concedendum puto, quod tria sunt in eo sicut in quolibet alio sacramento: sed non est necessarium, quod medium quod est res & signum sit character. Puto autem, quod medium est dispositio quædam spiritalis inducens gratiam purgantem reliquias peccatorum.

AD PRIMVM ergo dicendum, quod

medium iam dictum est quid sit.

AD ALIUD dicendum, quod sacramenta ex inunctione non habent, quod imprimant characterem, sed potius ex hoc quod distinguunt secundum aliquem specialem statum fidei fideles, qui suscipiunt ea: & hoc explanatum est in tractatu de baptismo, ubi agitur de characterem.

AD ALIUD dicendum, quod falsa est illa, Cui conuenit actus, illi conuenit habitus: & Arist. dat instantiam, quod non grammaticus grammaticat, & non medicus medicat. Tamen alia est distinctio characteris, & alia cuiuslibet alterius formæ quam alius non percipit: character enim distinguit per signum ponens in statu fidei speciali in quo sine hoc non esset: sed aliæ formæ distinguunt à non habentibus formas illas distinctione quadam restrictionis à suppositis eiusdem speciei illam formam non participantibus. Et per hoc patet solutio ad totum hoc quod obiicitur: quia non vnctus ab vncto distinguitur.

AD ALIUD dicendum, quod licet vnctio corporalis non attingat animam, tamen virtus eius pertingit ad animam, quæ virtus eius est per sanctificationem materiæ & formæ quæ dicitur in conferendo sacramentum.

### De iteratione huius sacramenti.

Lib.  
contra  
Parme-  
nianum.

**Q**UÆRUNT aliqui, Si hoc sacramentum iterari possit, cum Baptismus & alia quædam sacramenta semel suscepta non iterentur? Augustinus dicit, sacramentum non iterandum, & sacramento non faciendam esse iniuriam: sed hoc dicit, ubi agit de sacramento baptismi, & confirmationis, & ordinationis. Vnde non videtur illud generaliter accipiendum, sed de sacramento baptismi, confirmationis, & ordinationis, quæ nullatenus sunt repetenda, quia semel tantum & non sæpius datur baptismus, confirmatio, & ordinatio. Sacramentum vero altaris, & poenitentia & coniugij sæpè iterari videntur, quia sæpè sacramentum corporis percipitur, frequenter poenitentia agitur, coniugium sæpè contrahitur. Quare ergo vnctio similiter non potest iterari? Si morbus non reuertitur, medicina non iteretur. Si vero morbus non potest cohiberi, quare medicina debet prohiberi? Sicut oratio iterari potest, ita & vnctio iterari posse videtur: vtraque enim illic commemorat Iacobus, & vtrumque alteri cooperatur ad conferendam alleuiationem corporis & animæ. Cur ergo negatur vnctionem super infirmum posse iterari, ad impetrandam sæpius sanitatem mentis & corporis, cum propter infirmitatem eadem sæpè iteranda sit oratio? Quidam autem de omni sacramento intelligi volunt, quod non sit iterandum, scilicet secundum totum illud quod pertinet ad sacramentum, dicentes quædam sacramenta sæpius posse suscipi, quædam vero non. Nec tamen quæ sæpius sumuntur, totaliter iterantur, vt sacramentum altaris & vnctionis, quæ licet sumantur sæpius, tamen quia non iterum benedicitur eadem hostia, vel idem oleum, non iteratur sacramentum



cramentum cum iniuria. Sed dicet quis, sic & baptismus non iteratur, etsi aliquis frequenter baptizetur, dum eadem aqua non iterum benedicatur. Sed aliud est, inquiunt illi, de benedictione aquæ qua fit baptismus, aliud de benedictione panis & olei. Potest etiam baptismus celebrari in aqua, etiam non benedicta: quia illa benedictio pro reuentia tantum fit & decore, non virtute sacramenti. Sed corpus Christi non potest confici nisi de pane consecrato: nec vnctio illa fieri potest nisi de oleo ab Episcopo consecrato. Ideoque illa sanctificatio ad virtutem sacramenti pertinere videtur. In coniugio quoque semel tantum benedicatur quisque non sæpius. Benedicatur enim, ut ait Ambrosius, cum prima, & non secunda vxore. Si ergo cum dicitur sacramentum non esse iterandum, nec iniuria ei esse facienda, rationem dicti referas ad sanctificationem rei qua sacramentum expletur: de omni sacramento generaliter id verum est. Si vero ad susceptionem sacramenti: de quibusdam verum est, quod non iterantur crebra susceptione, de aliis vero quibusdam non: quia frequenter sumuntur, ut hoc vnctionis sacramentum quod in omni penè Ecclesia sæpè repetitur.

# ARTICVLVS XX.

*An extrema vnctio possit iterari?*

**D**Einde quæritur de hoc quod dicit *ibi* [Quærent aliqui, Si hoc sacramentum, &c.] Videtur enim, quod non debeat iterari: quia nulli sacramento facienda est iniuria: sed iteratio, ut dicit August., iniuria est sacramenti: ergo iterari non debet.

2 Adhuc, Ipso nomine videtur ostendere, quod non debeat iterari: quia dicitur vnctio extrema: post extremum autem nihil est: ergo videtur, quod iterari non possit.

3 Adhuc, Post purgationem reliquiarum peccati nihil remanet purgandum de peccato: sed quando nihil remanet purgandum de peccato, sacramentum inutiliter reiteratur: ergo videtur, quod inutiliter iteretur si iteraretur: nihil autem inutile est in operibus Ecclesiæ: ergo videtur, quod non iteratur sacramentum.

*Quæstio- cula.* **V**LTERIVS quæritur de ratione duarum opinionum, quas inducit Magister quæ sit verior?

*Solutio.* **R**ESPONSIO. Dicendum, quod hoc sacramentum sicut cætera quædam iteratur, si causa eorum iteratur: sicut expresse dicit Augustinus in litera, Si morbus non reuertitur, medicina non iteretur. Si verò morbus non potest cohiberi, quare medicina debet prohiberi?

**A**D PRIMVM ergo dicendum, quod non fit iniuria sacramento, quando iteratur super idem subiectum, sed quando iteratur super eandem causam numero: unde illa sacramenta quæ habent causas suas immobiles, non iterantur, ut baptismus, quia originale nunquam redit: & confirmatio, quia debilitas ex fomite nunquam redit. Similiter priuatio potestatis

Ecclesiasticæ nunquam redit in eo qui suscipit ordinem: & ideo illa nunquam iterantur. Quædam autem habent causas mobiles super idem subiectum: & ideo in eodem homine iterantur, licet non eadem de causa. Et per hanc solutionem patet qualiter concordandæ sunt ambæ opiniones quæ recitantur in litera, & patet solutio ad vltimum.

**A**D ALIVD dicendum, quod extrema vnctio dicitur à præsumptione & signo extremo vitæ, & non ab extremo secundum actum & rem: sufficit enim, quod præsumatur extremum vitæ imminere ad hoc quod inungatur infirmus. Et sic patet, quod non valet obiectio.

**A**D ALIVD dicendum, quod purgatis reliquiis iterum alia reuertuntur peccata, & aliæ reliquiæ si vita differtur: & ideo talis iterum indiget vnctione.

# ARTICVLVS XXI.

*An in morbis chronicis debeat & possit semper iterari extrema vnctio?*

**D**Einde quæritur de hoc quod dicit *ibi* [Si vero morbus non potest cohiberi, &c.] Quæritur hic de chronicis morbis qui nunquam recedunt, sicut paralyfis, lepra, ethica, & huiusmodi: utrum iterari possit in eis sacramentum? Et videtur, quod non per ea quæ dicuntur in litera: quia morbus ille nō reuertitur, eo quod nunquam recedens nunquam reuertitur: ergo videtur, quod non debeat medicina super eum iterari.

2 Adhuc, Vna de causa non est sumenda nisi vnica medicina spiritualis: sed hic est vna causa: ergo vna medicina spiritualis.

**I**N CONTRARIVM huius est, quod quando diu remanet morbus post acceptionem sacramenti,

*Sed contra.*



menti, tandiu contrahuntur peccata, & reliquæ peccatorum: sed sacramentum principaliter ordinatur contra reliquias peccatorum ergo videtur, quod etiam in eodem morbo chronico debeat iterari.

*Solutio.*

RESPONSIO. Ad hoc sine præiudicio dicendum puto, quod si ultra annum remanet morbus post acceptam vñtionem, iterari potest vñtio. Et causa huius est: quia non iudicatur idem morbus numero, qui est secundum perfectam imitationem superiorum alteratus: corpora enim nostra per illationem superiorum secundum quatuor humores in quatuor anni temporibus mutantur, & franguntur habitus in dispositiones, & non sunt eadē: & ideo

non ex eadem causa omnino iterabitur sacramentum. Si tamen ab aliquo patre sancto vel à Domino Papa aliter in hac quæstione determinari inuenitur, magis indicarem illius sententiæ standum quam meæ: quia magis in hac parte credendum est inspirationi Ecclesiæ, quam rationi coniecturanti ex incertis. Per prædicta patet solutio ad ambo obiecta. Notanda autem verba Augustini, quibus dicit, sicut oratio iterari potest, &c. quia ex hoc expresse videtur fauere illi opinioni, quæ dicit deprecatorium modum ponendum esse in forma huius sacramenti. Et hæc de extrema vñtione dicta sufficiant. Sequitur de sacramento ordinis.

## DISTINCTIO XXIV.

### *De ordinibus Ecclesiasticis.*

*De sacramento ordinis quæsum ad ea quæ ad illud disponit.*



VNC ad considerationem sacræ ordinationis accedamus. Septem sunt spiritualium officiorum gradus siue ordines, sicut ex sanctorum patrum dictis aperte traditur, & capitis nostri, scilicet Iesu Christi exemplo monstratur, qui omnium officia in semetipso exhibuit, & corpori suo quod est Ecclesia eosdem ordines obseruandos reliquit. Septem autem sunt propter septiformem gratiam sancti Spiritus, cuius qui non sunt participes, ad gradus Ecclesiasticos indignè accedunt. Illi vero in quorum mentibus diffusa est septiformis gratia Spiritus sancti, cum ad Ecclesiasticos ordines accedunt, in ipsa spiritualis gradus promotione ampliorem gratiam percipere creduntur.



### DIVISIO TEXTVS.



VNC ad considerationem sacræ ordinationis accedamus] Habito de sacramentis personalibus, tangit hic Magister de sacramentis Ecclesiæ, siue corporis mystici in communi. Et primo tangit de ordine. Secundo de matrimonio. De ordine autem dupliciter determinat. Primo enim quærit de ordine in se in communi, & secundum partes. Deinde quærit de ordine ex parte dantis, & suscipientis. Et hoc incipit distinct. 25. *ibi* [Solet quæri, Si hæretici ab Ecclesia præcisi, &c.] De ordine autem in se quatuor quærit, scilicet de ordinibus singulis per distinctionem ad ordinem præcedentia: & de ordinibus singulis secundum actus proprios *ibi* [Ostiarj iidem & ianitores] Tertio, Quid sit ordo in communi *ibi* [Si autem quæritur, Quid sit quod

vocatur ordo] Quarto de nominibus officiorum coniunctorum ordinatis habentibus iurisdictionem *ibi* [Sunt & alia quædam, &c.] Per hoc sufficienter patet diuisio ad introductionem quæstionum.

### ARTICVLVS I.

*An sacramentum ordinis benè sequatur sacramentum extrema vñtionis.*

INCIDIT autem hic quæstio de ordine istius sacramenti. Videtur autem quod ante omnia debuit ordinari: quia sacramentum cui conceditur dispensatio omnium aliorum sacramentorum, est ante omnia alia.

2 Adhuc, Sacramentum ponens in gradu dignitatis, prius est eo quod non ponit nisi in gradu subditi: sed tale sacramentum est ordo respectu omnium aliorum: ergo ante omnia alia de ordine debuit tractari. Si forte dicas, quod



quod est ad Ecclesie multiplicationem spiritualem: & alia sunt personalia. Contra: Quia multiplicatio materialis Ecclesie est ante spiritualem: quia nullus potest fieri spiritualis, nisi prius sit aliquid in natura: sed matrimonium est ad multiplicationem naturalem, & ordo ad spiritualem: ergo matrimonium est ante ordinem: & contrario modo determinat Magister, scilicet de ordine ante matrimonium.

*Solutio.* RESPONSIO. Dicendum, quod de ordine sacramentorum habitum est sufficienter. Ad præcedens autem dictum est, quod in veritate personalia sacramenta sunt ante ea quæ deferuiunt communiter Ecclesie: & ideo quinque præcedentia sunt ante duo quæ restant. Præterea, Baptismus est ianua sacramentorum, sine quo nullum suscipi potest: cætera autem personalia sunt sicut dispositiones ad idoneè percipiendum ordinem: si enim sibi bene præfuit in perceptione illorum, est idoneus ut promoueat ad ordinem.

AD PRIMVM ergo dicendum, quod non valet: quia aliter non disponuntur ministri sacramentorum nisi per sacramenta personalia, quæ contra defectus personales ordinantur: & ideo non oportet illa præcedere.

AD ALIVD dicendum, quod dignius est istud sacramentum quantum ad hoc quod collocat in gradu sublimi: sed ordo iste non potest attendi, quia gradum Ecclesie præcedit idoneitas. Et hoc ut dictum est, non fit nisi per alia sacramenta.

AD VLTIMVM dicendum, quod in Nouo Testamento magis attenditur fecunditas spiritualis, quam carnalis: & ideo sacramentum quod dat officium spiritualis propagationis, est ante sacramentum corporalis fecunditatis, id est, ordo ante matrimonium.

## ARTICVLVS II.

*Quare istud sacramentum præ cæteris diuiditur in partes?*

**D**Einde quæritur de hoc quod dicit ibi [Septem sunt spiritualium officiorum gradus siue ordines, &c.] Quærentur autem hic quatuor. Primum est, Quare istud sacramentum præ cæteris multiplicatur in partes? Secundum, Qua diuisione diuidatur? Tertium, Vtrum sit vnum sacramentum vel plura? Quartum, Quæ sit ordinum sufficientia?

Ad primum obiicitur sic: Vnius gratiæ est vnicum & indiuisum sacramentum: sed ordo est vnius gratiæ: ergo est vnum & indiuisum sacramentum: ergo in partes non debet diuidi. Probat per secundam ex hoc, quod non sunt nisi septem gratiæ sacramentales, sicut septem sacramenta. Prima autem constat per se.

2 Adhuc, Duo, sicut sæpius habitum est, sunt contra defectum Ecclesie ordinata, scilicet matrimonium & ordo: matrimonium autem non diuiditur in partes: ergo nec ordo diuidi debet.

3 Adhuc, Nihil valet diuisio vbi genus aliquod commune condiuiditur cum specie.

Verbi gratia, si sic dicatur, Substantiarum alia est animal, alia est homo: sed sacramentum in communi acceptum, diuiditur in septem sacramenta: ergo si vnum sacramentum est species indiuisibilis per differentias, omnia alia sacramenta species erunt: sed baptismus, confirmatio, &c. sunt species specialissimæ indiuisibiles, nisi diuisione materiæ: ergo & ordo: ergo ordo non debet diuidi, nisi sicut dicitur ordo Petri & Martini, & sic de aliis ordinem percipientibus.

4 Adhuc, Aristot. in 10. ethicorum dicit, quod quantum aliqua sunt potentiora, tanto indiuisibilia & minora quantitate: potentius autem est illud sacramentum quod collocat in gradu dignitatis: ergo minimum quantitate: ergo videtur, quod sit maxime indiuisibile.

5 Adhuc, Virtus vnita magis est infinita, quam multiplicata, ut dicitur in libro de causis: ergo quæ magis est vnita, magis est potens: sed potentissimum est istud sacramentum: ergo maxime debet esse vnum & unitum: ergo minime diuisum: ergo non diuisum per septem, ut dicitur in litera.

IN CONTRARIVM est quod dicit in littera *Sed contra.* ex verbis Isidor. Adhuc per rationem sic, *tra.* Quanto aliquid est magis propinquum primo, tanto pluribus donis & officiis & potestatibus participat bonitatem eius: sed ordo maxime collocat iuxta primum caput Ecclesie, scilicet Christum: ergo, &c. ergo secundum omnia, quæ participat, contingit diuidi ipsum. Prima scribitur per sensum in lib. de causis: quia est correlatiuum cuiusdam propositionis. Secunda autem patet ex prælatione & dignitate ministrorum habentium ordinem.

2 Adhuc, In naturis ita est, quod ea quæ dignissimam formam habent, maximæ sunt diuisionis: ergo & in gratiis ita erit: sed dignissimum est ordo: ergo maximæ diuisionis erit. Prima patet in homine, qui etiam in corpore & anima conuenit cum eo quod est: quia simplicium habet commixtionem, & mixtorum complexionem, & dissimilium compositionem in corpore: in anima autem est viuere, sentire, ratiocinari, & intelligere simpliciter per possibilem & agentem intellectum: ergo constat propositum.

RESPONSIO. Dicendum, quod con- *Solutio.* gruebat ordinem diuidi per differentias, ut vltimæ probant rationes.

AD PRIMVM ergo dicendum, quod ordo est vnius gratiæ vltimæ, quæ tamen propter sui perfectionem multas exigit præcedentes, ad quas dantur ordines inferiores.

AD ALIVD dicendum, quod non est simile de matrimonio & ordine: quia spiritualis fecunditas maximam secundum potestatem & gratiam requirit perfectionem: & ad hoc non requiritur vnum, sed multa: sed materialis fecunditas est propter infirmitatem carnis, & est imperfectior in Ecclesia: & ideo minimæ est gratiæ, nec requirit multa in quæ diuidatur.

AD ALIVD dicendum, quod ordo secundum quod diuidit sacramentum cum aliis speciebus, sacramenti non est genus, sed species: quia



quia omnes ordines inferiores vniuntur & complentur in ultimo, scilicet in ordine presbyterorum, ut infra patebit, & ratione illius est species diuidens sacramentum in communi cum aliis.

AD ALIVD dicendum, quod verum est, quod talia sunt minimæ quantitatis mobilis, ut ipse ibidem dicit, sed tamen sunt plurium potestatum: & ideo si pro potestate diuidantur talia, maximè diuisibilia sunt: ipse enim loquitur de potentia intellectus respectu aliarum virium organis corporalibus coniunctarum: & hoc modo dicit verum. Sed non valet ad propositum, nisi de diuisione quantitatis mobilis inferatur, & non de diuisione per potestates & virtutes.

AD VLTIMUM dicendum, quod virtus vnita extra primum non potest esse nisi in qua concurrunt potestates multæ: sicut est vltima potestas totius potestatis, sicut regnum in urbanitatibus, & ratiocinari vel intelligere in naturis spiritualibus: & hoc modo est presbyteratus in ordinibus. Et quia in ea sic vniuntur tanquam in vltima, ipsa potest diuidi secundum eas. Quod autem dicit Philosophus, quod est magis potens virtus vnita, quam multiplicata, intelligit de multiplicitate quæ non colligitur in vnum vltimum, sicut est multitudo molis. Et per hoc patet, quod non est ad propositum. Qualiter autem potestates ordinum colligantur in vnum, infra patebit.

### ARTICVLVS III.

*Qua diuisione diuidatur hoc sacramentum ordinis?*

Secundo quæritur, Qua diuisione diuiditur? Videtur enim, quod non diuisione generis in species: quia in illa diuisione vna species non est dispositio ad alteram: sed vnus ordo disponit ad alterum: ergo diuisio ordinis non est diuisio generis per species.

2 Adhuc, Species sunt formæ disparatæ super materias diuersas: sed ordines omnes imprimuntur vni subiecto ut materiæ, quia vnus homo habet omnes ordines: ergo ordines non sunt species ordinis in communi sumpti.

3 Adhuc, Diuisio sacramenti per septem sacramenta nulla esset omnino, ut habitum est in articulo precedenti.

Si forte dicatur, quod est diuisio totius in partes. Contra: Partes non recipiunt totius rationem & prædicationem: sed ordines particulares recipiunt rationem & prædicationem totius ordinis in communi: ergo non sunt partes eius integrales, quia de illis hæc agitur.

2 Adhuc, Partes simul venientes constituunt totum: & ante hoc nec totum est, nec ut totum vocatur: sed ordo in vno & duobus & tribus, &c. vocatur, & est ordo: ergo particulares ordines non sunt partes eius integrales.

Constat autem, quod diuisio æquiuoci hæc non est. Si autem est aliqua diuisio acciden-

talium: hoc videtur inconueniens: quia tunc aut inferiores erunt accidentales superiorum, aut è conuerso: & vtrumque est inconueniens: quia possent abesse, ita quod sequentes haberent potestatem executionis, & hoc non tenet Ecclesia, nec admittit.

RESPONSIO. Ad hoc dicendum, quod hæc diuisio est totius in partes: sed differunt partes, sicut & totum. Colligitur enim quoddam totum ex partibus quantitatis secundum molem, ut domus, & cætera corporaliter composita: alia vero colliguntur ex partibus quantitatis secundum potestatem & virtutem, sicut colligitur regimen sub monarchia ex parte balui, præpositi, pratoris, & præsidis, & omnium aliorum, & perficiuntur in illo: & hoc modo diuiditur anima per suas potentias in ea quæ perficiunt animam, ut ordo: ordo enim etiam secundum Grammaticos reducitur ad potestatem, quia est pars potestatis. Vnde dico, quod hoc totum medium est inter integrale & vniuersale: quia in modo constitutionis sue perfectionis ex partibus, simile est integrali, hoc est, per respectum partium ad totum: sed per respectum totius ad partes, habet similitudinem cum toto vniuersali, quia prædicatur de qualibet parte: sed deficit ab utroque in aliquo: ab vniuersali quidem, quia licet prædicetur de omnibus, tamen secundum perfectam rationem suæ potestatis non prædicatur nisi de vltimo: & de omnibus aliis prædicatur non secundum perfectam rationem, sed prout participatur aliquid de potestate vltimæ partis: quia in omni toto potestatiuo semper pars potestatis antecedentis est in subsequente. Vnde Boët. dicit, quod quicquid potest inferius, potest & superius, & non conuertitur: & Dionys. quod superiora habent potestatem inferiorum excellenter & eminenter, sed non conuertitur. A toto autem integrali deficit: quia essentia totius adest cuilibet parti, & propter hoc etiam ratio adest, licet secundum potestatem imperfectam & perfectam, ut prius dictum est. Et per hoc patet solutio ad totum: quia primas rationes concedendas puto: quia non est diuisio generis in suas species. Secundæ autem non procedunt nisi de toto integrali corporaliter secundum molem composito ex suis partibus.

### ARTICVLVS IV.

*An hoc sacramentum sit vnum vel plura?*

Tertio quæritur vtrum sit sacramentum vnum vel plura? Videtur autem, quod plura: quia multiplicatio inferioris multiplicat etiam suum superius, unde plures homines sunt plura animalia: sed constat, quod sunt plures ordines, ut dicitur in littera: ergo videtur, quod plura sunt sacramenta.

2 Adhuc, Quæcunque potestates diuiduntur actibus diuersis specie ad vnam rationem obiecti non reducibilibus, differunt specie, & sunt plures: sed tales sunt potestates ordinum: ergo sunt plures simpliciter: ergo sunt plura



plura sacramenta, vt prius. Probatum autem prima: quia omnis potestas per actum suum diffinitur: quia praeuij sunt actus potentiae secundum rationem, vt dicit Philosophus. Secunda autem probatur inducendo actus ordinum singulorum: sicut coniurare daemones non est eiusdem rationis actus cum legere prophetias: & neutrum illorum est clausura ostiorum, & nullus horum idem cum portatione candelarum, & huiusmodi: ergo patet propositum.

Adhuc, Sequens ordo totus habetur sine praecedenti suscepto: ergo totus diuisus est ab illo: ergo diuisum sacramentum: ergo sunt plura sacramenta. Prima probatur: quia faciens saltum, nunquam amplius accipit posteriorem ordinem, sed semper habet eum, licet careat executione quae potius est iurisdictionis quam ordinis: & sic constat propositum.

*sed contra.* IN CONTRARIUM huius est, quod Ecclesia non numerat nisi septem sacramenta: & vnum illorum dicit esse ordinem: ergo ordo non est nisi vnicum sacramentum.

2 Adhuc, Omnes praecedentes vniuntur in vltimo, sicut prius patuit in toto potestatiuo: ergo omnes sunt vnum in illo: ergo omnes sunt sacramentum vnum tantum.

*Solutio.* RESPONSIO. Dicendum, quod ordo simpliciter est vnum sacramentum, sed secundum aliquid plura. Secundum enim potestates imperfectas est plura, sed secundum perfectionem potestatis est vnum solum: & huius ratio satis patet ex praehabitis.

AD PRIMUM ergo dicendum, quod si diuisio inferioris esset per separatia ab inuicem perfecte, tunc requireretur quod dictum est: sed non separantur, sed potius vnum est dispositio ad alterum: & ideo ordinantur inter se. Separantia autem perfecte sunt duo, scilicet opposita differentiae specificae quae separant formaliter in diuersas species deducendo: & separatae materiae, scilicet quae separant indiuidua vnius speciei. Et neutrum horum est in diuisione totius potestatis, vt iam patuit.

AD ALIUD dicendum, quod omnes actus ordinum reducuntur & respiciunt ad vnum vltimum: vnde media est falsa. Ad id autem per quod probat eam, dicendum quod ostia non sunt obiecta ostiariis simpliciter, sed prout ipsis clauditur locus conseruationis Eucharistiae. Similiter exorcista non coniurat simpliciter daemones, sed prout impediunt a perceptione sacramentorum. Et similiter actus lectorum & ceroferariorum, vt infra patebit, respiciunt ad communionem Eucharistiae: & ratio communis aliquo modo respicitur in obiectis eorum: & ideo obiecta non omnino diuiduntur.

AD VLTIMUM dicendum, quod sequens ordo diuisus est diuisione partis a praecedenti, & ideo iterum non suscipitur: sed diuisione perfecti non est ipse diuisus, sed potius sic ordinatur ad praecedentem, vt habens totum quod est praecedentis: & ordinatur ad sequentem, vt in quo completa & perfecta est potestas eius: & ideo non sequitur, quod sacra-

*D. Alb. Mag. in Lib. 4. Sentent.*

mentum sit simpliciter plura, sed simpliciter vnum, & secundum quid plura.

## ARTICVLVS V.

*Qua sit ordinum sufficientia?*

Quarto quaeritur, Quae sit ordinum sufficientia? Videtur enim, quod sint plures ordines: quia hierarchia humana descendit a caelesti: sed in caelesti sunt nouem ordines: ergo & in humana.

2 Adhuc, Quanto aliqua sunt inferiora & materialiora, tanto sunt amplioris diuisionis, sicut patet descendendo a generalissimis ad indiuidua in rationibus, & a primo motore in totam naturalium diuersitatem in naturis rerum. Constat autem, quod Ecclesiastica hierarchia est inferior & materialior, quam sit angelica: ergo amplioris est diuisionis, quam illa, vel ad minus debet esse tanta: ergo ad minus nouem ordines esse debent.

3 Videtur autem, quod octo esse debent: quia duorum actuum non reducibilium adinuicem circa sacramentum, duae sunt potestates: sed conficere corpus Christi, & ligare & soluere, sunt huiusmodi actus: ergo duas exigunt potestates: & potestas facit ordinem specialem: ergo sunt duo sacramenta ad illos duos actus: ergo in vniuerso sunt octo sacramenta.

4 Videtur autem, quod tria tantum esse debeant: quia in primitiua Ecclesia, vt patet in hierarchia Dionysii, non erant nisi tria, scilicet ministri, sacerdotes, & Episcopi: ergo videtur etiam, quod nunc tria tantum esse debeant.

5 Adhuc non videtur plura exigi: quia si propter reuerentiam, vt dicitur, sacramenti, exigantur inferiores ordines, constat, quod non exiguntur nisi ad ministrandum: totum autem ministerium oblationum super altare (vt infra patebit) habet ordo diaconorum: ergo videtur, quod ille praeter presbyteratum solus exigatur. De tonsura autem & psalmistis & aliis huiusmodi infra propriis locis ponentur obiectiones.

RESPONSIO. Dicendum ad quaestionem *Solutio.* istam, quod non sunt nisi septem ordines, vt Magister dicit: & alia sunt non ordinum, sed officiorum nomina: & quaedam sunt ad ordines preparationes. Sufficientia autem licet multis modis possit accipi: tamen ex hoc potest assignari, scilicet vt dicatur, quod solus est ordo perfectus, qui presbyteratus vocatur: & vnum habet actum principalem, scilicet conficere corpus & sanguinem Domini: & alium secundarium, qui est datus ad preparando populum, vt idonee communicet corpori & sanguini Christi: & hic actus est ligare & soluere. Omnes autem alij ordines sunt subministrantes illi in altero actu istorum. Dicatur ergo sic, quod ordo qui est potestas spiritualis: aut datur super corpus Christi verum, aut super corpus Christi mysticum. Si ergo super corpus Christi verum: aut in actu principali, aut in actu ministrante ad principalem

Y y



principalem ordinato. Si in actu principali: tunc est sacerdotium siue presbyteratus in actu principali. Si autem in ministrante ad principalem ordinato: tunc erit super hostias ex quibus conficitur corpus Christi verum. Illæ autem habent comparationes duas: vnam ad populum ipsas in templo offerentē, aliam ad sacerdotem ipsas prece sacra consecrantem. Si super hostias in comparatione ad populum in templo eas offerentem, est subdiaconus qui accipit hostias à populo, vt dicit Isid. & reponit eas in presbytero. Super hostias autem in comparatione ad sacerdotem, accipit potestatem diaconus: vt dicit Isid. quod diaconi est hostias à subdiacono in presbytero acceptas super altare ponere, & ordinare, vt eas ibi sacerdos consecret. Si autem ordo est super corpus Christi mysticum: aut in actu principali, aut secundario ministranti illi. Si in principali: tunc iterum est ordo presbyteratus in actu, qui est super corpus Christi mysticum præparando ipsum, vt dignè percipiat corpus Christi verū. Si autem ministrando circa illud: aut ministrat remouendo à malo, aut in ordine ad bonum. Si remouendo à malo: aut à malo extra, aut à malo quod est intra. Si à malo extra: tunc est ordo ostiariorum, quorum officium est indignos excludere, & res viles, ne violent locum communionis fidelium. Si autem à malo intra: tunc est ordo exorcistarum, quorum officium est arcere vim dæmonis in fomite, ne impediatur perceptionem sacramentorum. Si autem ministrat in ordine ad bonum, aut est ex parte intellectus, aut ex parte affectus. Si ex parte intellectus: tunc est ordo lectorum, quorum est legere distinctè & apertè ad intellectum, vt dicit Isid. Si autem in ordine ad affectum, est ordo ceteroferariorum, quorum est pellere tenebras peccati per ignitum eloquium, vt incalescat & inflammetur affectus.

AD PRIMUM ergo obiectum patet solutio: quia ordines cælestis hierarchiæ multiplicantur secundum conuersionem in Deum & in Angelum & in hominem: sed Ecclesiæ hierarchia secundum conuersionem super homines tantum. Et ideo cælestis quæ est penes triplicem conuersionem, est amplioris diuisionis quam Ecclesiastica. Ad argumentum autem dicendum, quod non sequitur: quia licet ista descendat ab illa, non tamen in toto potest eam imitari: & ideo particulariter ab ea descendit, scilicet per conuersionem in hominem tantum: & differt ab illa, quia alia sunt officia Angeli ad hominem, & alia officia hominis: sed in hoc imitatur, quod reducit inferiores purgatos illuminatos & perfectos in Deum sicut cælestis.

AD ALIUD dicendum, quod propositio dubia est: quia Dionysius videtur dicere oppositum: dicit enim, quod si hæc materialia in tanta consistunt multitudine, quod multo magis credendum est superiora esse in multitudine maxima. Si tamen concedatur: tunc distinguendus est duplex descensus ab vno: vnus enim est in numero mutabili per motum & gubernationem, & tunc verum est quod obicit. Alius modus est exitus ab vno in participationem gloriæ primi, & sic loquitur Dion.

& dicit, quod multo plura sunt inferiora quam superiora: quia non deceret diuinam largitatem paucis exhibere beatitudinem præsentis suæ: & cum ordo sit de differentiis gloriæ illius, tunc patet, quod secundum hoc maioris diuisionis debet esse, quam ordo in Ecclesia qui est gratiæ tantum.

AD ALIUD dicendum, quod actus illi diuidi non possunt ab vna potestate: quia corpus Christi verum non consecratur nisi propter mysticum: & vnire corpus verum cum mystico subiecto, non est inferioris potestatis, quam consecrare ipsum pro mystico. Et ad obiectum dicere oportet, quod ligare & soluere absolute non sunt actus sacerdotum, sed ligando & soluendo coniungere sacramentis, sicut supra quæstione de clauibus est determinatum: & sic patet, quod actus illi coniuncti sunt, & ad idem ordinati.

AD ALIUD dicendum, quod in primitiua Ecclesia non dicuntur fuisse ordines, nisi qui simpliciter ordines & sacramenta sunt. Et id quod vocamus modo ordines & qui in veritate ordines sunt, officia vocauerunt.

AD ALIUD dicendum, quod licet non sit nisi ministerium in secundariis ordinibus, tamen ministerium multiplex est, vt prius patuit in ordinum diuisione & sufficientia.

## ARTICVLVS VI.

*An sint septem ordines propter septiformem gratiam?*

**D**Einde quæritur de hoc quod dicit ibi [Septem autem sunt propter septiformem gratiam, &c.] Videtur enim hoc esse falsum: quia non possunt septem gradus ordinis septem donis adaptari: ergo penes numerum donorum non accipitur numerus ordinum.

2 Adhuc, Donis Spiritus sancti habitis, tunc primum accipiendus est primus ordo: ergo omnia dona præexiguntur ante ordinis susceptionem: non ergo secundum numerum donorum accipitur numerus ordinum.

QVOD HIC puto esse concedendum: sed quod dicit, intendit tantum propter idoneitatem accipientis: tamen quidam sunt, qui dicunt, quod ostiariis attribuitur timor, qui principium est sapientiæ, siue ostium: exorcistis autem scientia, quæ docet vitare malos, sicut exorcistæ expellunt dæmones: lectoribus autem pietas per hoc quod illuminat secundum intellectum imagine Dei insignitos: acolythis autem spiritus fortitudinis, qui expellunt tenebras aeris per fortitudinem igitur eloquij & exempli: subdiaconis autem spiritus consilij propter vitæ excellentiam, quia consilia implent per castitatem: & diaconis spiritus intellectus, quia interiora penetrant, quod significatur, quia immediate stant apud altare iuxta sacerdotem: & sacerdotibus spiritus sapientiæ propter saporem æternorum, quia anima sacerdotum pinguedine inebriatur in confectioe corporis Christi. Sed tamen quia extorta est expositio, primum plus placet. Sed si quis ita



ita dicere vult, poterit respondere, quòd adaptantur modo prædicto.

AD ALIUD dicendum, quòd non ita adaptantur, quòd vno ordine suscepto susci-

piatur vnum donum, vel è conuerso: sed potius, quia cum actibus donorum aliquam conuenientiam habent actus ordinum, vt prius patuit.

*Quales assumendi sunt ad clerum.*

**T**ALES autem ad ministerium spirituale eligendi sunt clerici, qui dignè possint Dominica sacramenta tractare. Melius est enim Episcopo paucos habere ministros, qui possint dignè opus Dei exercere, quam multos inutiles, qui ordinatori graue onus inducant. Tales enim decet esse ministros Christi, qui septiformis gratia Spiritus sancti sint decori, ex quorum doctrina & conuersationis forma, eadem gratia in aliis transfundatur, ne cælestes margaritas spiritualium verborum officiorumque diuinorum fordidæ vitæ pedibus conculcent. In sacramento ergo septiformis spiritus septem sunt gradus Ecclesiastici, scilicet Ostiarij, Lectores, Exorcistæ, Acolythi, Subdiaconi, Diaconi, Sacerdotes: omnes tamen clerici vocantur, id est, sortiti. Corona enim signaculum est, quo signantur in partem fortis ministerij diuini. Corona regale decus significat: quia seruire Deo regnare est. Vnde ministri Ecclesiæ reges esse debent, vt se & alios regant: quibus Petrus ait, Vos estis genus electum, regale sacerdotium, &c. Summitas capitis desuper nudatur, vt eorum mens ad Dominum libera monstretur, quæ reuelata facie gloriam Dei contempletur. Summitas enim capitis est eminentia mentis. Denudatio capitis est reuelatio mentis. Clericus enim secretorum Dei non ignarus esse debet. Tondentur etiam capilli vsque ad reuelationem sensuum, scilicet oculorum & aurium: vt vitia in corde & opere pullulantia doceantur præcidenda, ne ad audiendum & intelligendum verbum Dei præpediatur mens, pro quo seruato reddetur in excelsis corona. Tonsuræ autem Ecclesiasticæ vsus à Nazareis exortus videtur, qui prius crine seruato, deinde ob vitæ continentiam caput radebant, & capillos in igne sacrificij ponebant. Hinc vsus inoleuit, vt qui diuinis cultibus manciantur, quasi Nazarei, id est, sancti, crine posito inueniantur. Sicut ad Ezech. dicitur, Fili hominis fume gladium acutum, & duc super caput tuum & barbam. In actibus etiam Apostolorum Priscillam & Aquilam hoc fecisse legimus. Paulus quoque & alij quidem discipuli Christi hoc fecerunt. Rectè ergo in quibuscumque gradibus constituti, clerici vocantur, quorum nomina & rationes nominum Isid. exponens ait, Cleros & clericos hinc appellatos esse credimus, quia Matthias electus est sorte: quem primum per Apostolos legimus ordinatum. Cleros enim Græcè, Latine fors vel hæreditas dicitur. Ideo ergo dicti sunt clerici, quia de sorte sunt Domini, vel quia Deum partem habent. Generaliter vero clerici nuncupati sunt omnes, qui in Ecclesia Dei seruiunt: quorum gradus & nomina sunt hæc, Ostiarius, Lector, &c.

B  
Clemens  
Papa  
dist. 23.  
c. Tales

Matt. 7.

Hugo  
lib. 1.  
parte 3.  
cap. 1.  
1. Pet. 2.

1. Cor. 3.

Hugo vt  
suprà  
cap. 2.  
Num. 6.

Ezech. 5.  
Act. 18.

1. Cor. 11.



## ARTICVLVS VII.

*Quæ requiruntur ad hoc, quod aliquis possit  
suscipere ordines?*

**D**Einde quæritur de hoc quod dicit *ibi* [Tales autem ad ministerium spirituale eligendi sunt clerici, &c.] Hic est utilis quæstio de idoneitate promouendorum ad ordines. Et de illa sex quæramus summatim. Primo, Quæ exiguntur summatim ad hoc quod quis sit idoneus? Secundo, Quæ scientia sufficit ei qui promouendus est? Tertio, Quæ vita? Quarto, Quantum peccet inidoneum promouens: vtrum mortaliter, vel venialiter, vel si necessitate aliqua excusatur? Quinto, Vtrum inidoneè promotus omni actu ordinis peccet mortaliter, vel non? Sexto & vltimo, Qualiter de peccato illo potest haberi remedium, vtrum per dispensationem vel alio modo?

AD PRIMVM autem horum obiicitur per verba Apostoli 1. Tim. 3. vbi sic dicit, Oportet Episcopum irreprehensibilem esse, vnius vxoris virum, sobrium, ornatum, prudentem, &c. quæ ibi enumerat Apostolus. Si forte dicas, quod hæc exiguntur ad Episcopum, sed non ad quemlibet ministrantem in ordinibus. Contra: Ibidem subdit, diaconos similiter pudicos, &c. Constat autem, quod in primitiua Ecclesia non erant ordines nisi diaconorum qui ministrantes dicuntur, & sacerdotum qui maioribus intendebant: ergo videtur, quod omnes ordinati ad id tenentur ad minus.

2. Adhuc, In decreto alio enumerantur nouem, scilicet quod non fuerit solenniter pœnitens, non curialis, non seruus, non corpore vitiat, non de presbytero vel aliter illegitimè natus, non adultus in ægritudine baptizatus, non peregrinus vel ignotus, non minoris ætatis, non infamis: ergo videtur, quod ad omnia hæc tenentur.

3. Adhuc, Totum quod est ibi, in sacerdote reducitur ad quatuor, quorum duo sunt ex parte eius qui ordinem suscipit, & duo expedientia ad actum. Duo ex parte ordinandi videntur esse, regularitas, & ætas legitima. Duo autem expedientia ad actum, scilicet scientia, & vita. Ergo videtur, quod ista sint summatim ad quæ tenentur.

*Sed contra.* IN CONTRARIVM huius obiicitur, quod ad aliquos ordines videmus prauos promoueri, de quorum scientia & moribus non constat: hoc autem videmus tam à religiosis quam ab aliis fieri: & non dicuntur mortaliter peccare: ergo videtur, quod non vniuersaliter ordinandi tenentur ad ista. Si forte tu dicas, quod suscipiendo ordines ad ista potest præparari, vt sic idoneè ministret, & non tenetur ante ordinis susceptionem ista habere. Contra: Nulla forma est quæ imprimatur in subiecto præparando, sed iam præparato: ergo cum ea quæ sunt gratiæ sint magis ordinatæ, quam ea quæ sunt naturæ, etiam forma ordinis & character non debet imprimi, nisi iam præparato & non præparando: ergo solutio inducta nulla est.

2. Adhuc, Si aliquis videat formam hominis

in lapide corpore cauo toto & non organiato, monstrum iudicabit: quia contra naturam est esse formam alicuius in subiecto, nisi sibi prius præparato: ergo hoc multo fortius monstruosius erit in moribus: ergo si ordo imprimatur non idoneè disposito sed disponendo, monstruosum erit, & contra naturam: ergo solutio ista nulla.

RESPONSIO. Dicendum ad hoc, quod ordo habet partes, sicut supra dictum est: & ratione vltimi ordinis tenetur ordinandus ad quædam de necessitate, & ad quædam de bene esse. De necessitate videtur mihi, quod tenetur ad quatuor supra inducta, nisi fortè de ætate fiat aliquando ex causa rationabili dispensatio: & tunc oportet, quod rationabilis ætas habeatur. Si autem quæritur, quæ sunt ad quæ tenentur ex necessitate, & quæ ad quæ tenentur ex honestate & bene esse? Dicendum, quod quædam sunt sine quibus non est vita virtutis, vt sobrietas, prudentia, & huiusmodi: & quædam sine quibus non potest exequi actum sui officij, vt scientia, & ætas in qua residet complexio, quia pueri sapienter actus suos agere non possunt: & ad ista tenetur ex necessitate. Quædam autem sunt, quæ ornant hominem: & si desunt, non propter hoc est vita vitiosa, & officium frustratum ab actu, sicut hoc quod vocat Apostolus ornatum, hoc est, in moribus & exteriori decentia compositum: & ad talia tenentur ex honestate & bene esse.

AD HOC autem quod quæritur, Vtrum ordo velit ista inuenire in subiecto, vel suscipiendo ordines se debeat etiam in istis disponere? Dicendum, quod quantum est de congruitate rationis omnis ordo vult ista inuenire in subiecto: sed de necessitate vltimus ordo qui est sacerdotium, vult inuenire ista quæ exiguntur ad suum officium: minus enim in monacho exigitur scientia, & magis in eo qui habet curam.

AD OBIECTA duo quæ sunt contra, dicendum quod ordines prædætes quasi quædam dispositiones sunt ad ordinem vltimum: & ideo non est monstruositas, si illi ante quædam istorum recipiuntur: sed si essent perfectiones vltimæ, tunc sine dubio tenerent objectiones.

## ARTICVLVS VIII.

*Quæ scientia requiritur ad promotionem ordinum?*

**S**Econdo quæritur, Quæ scientia exigitur ad promotionem ordinum? Videtur autem quod sacræ Scripturæ. In decretis 38. dist. 1. dicit capitulum, Ignorantia mater cunctorum errorum, maxime in sacerdotibus Dei cuitanda est, qui docendi officium in populo susceperunt. Constat autem, quod non susceperunt officium docendi nisi sacramenta. Ergo sacram Scripturam tenentur scire.

2. Adhuc, 1. cap. Omnes psallentes, &c. Sic dicitur, Substantia summi sacerdotij nostri sunt eloquia diuinitus tradita, id est, vera diuinarum Scripturarum disciplina. Et ex hoc sequitur idem quod prius.

3. Adhuc



3 Adhuc, Quarta distinctiōe Isidor. dicit, Sicut viri & mulieris digna coniunctio facit vnum matrimonium, & sicut duorum copulatio vnum perficit corpus: ita clericatus & sacerdotium vnum faciunt presbyterum. Et clericatum vocat scientiam clericalem.

4 Adhuc, Gregor. in pastor. Nulla ars doceri praesumitur, nisi intenta prius meditatione discatur. Ab imperitis ergo pastoribus magisterium pastorale suscipitur in magna remeritate: quoniam ars est artium regimen animarum.

5 Adhuc ibidem, Quis autem cogitationum vulnera occultiora esse nesciat vulneribus viscerum? Et tamen saepe qui nequaquam spiritualia praecepta cognouerunt, cordis se medicos profiteri non metuunt, dum qui pigmentorum vim nesciunt, videri medici carnis non erubescant.

6 Item Deuter. 23. Eunuchus non intret Ecclesiam. Dicit ibi Gloss. Qui non habet semen verbi Dei, non potest gignere bona opera: vel non debet intrare, id est, locum regiminis accipere.

7 Item Isidor. Desinat docendi locum accipere, qui nescit docere. Ignorantia quippe praesulum, vitae non congruit subiectorum: nam si caecus caeco ducatum praebet, ambo in foueam cadunt.

8 Item, Praecipitur à Domino, vt in pectore sacerdotis doctrina scribatur & veritas: & in Gloss. Vt meminerit sacerdos se studiis doctrinae & veritatis inquirendis, non curandis ruminandisque secularibus negotiis per acceptum sacerdotium fuisse consecratum.

9 Item 1. Petr. 3. Parati semper ad satisfactionem omni poscenti vos rationem de ea quae in vobis est spe: hoc autem non potest fieri nisi per scientiam sacrae Scripturae: ergo, &c.

10 Item, Malach. 2. Labia sacerdotis custodiunt scientiam, & legem requirent de ore eius: quia Angelus Domini exercituum est.

11 Item, Osee 4. Quia tu scientiam repulisti, repellam te & ego, ne sacerdotio fungaris mihi.

12 Item Apostolus ad Titum 1. Amplectentem eum qui secundum doctrinam est, id est, fidelem sermonem, vt potens sit exhortari in doctrina sana, & eos qui contradicunt arguere. Ex ista auctoritate habetur, quod etiam excellenter tenetur scire, ita quod possit reuincere haereticos.

13 Item, 1. Timoth. 4. Attende lectioni, exhortationi, & doctrinae.

14 Si forte dicas, quod istae auctoritates sunt ad terrorem, obicitur per rationem sic: Nullus praesumit actum, non habens habitum ad illum: sacerdotij actus est aliquis actus: ergo nullus nisi peruersè praesumit eum, non habens habitum: sed habitum est supra, quod scientia & clavis habent vnum actum: ergo non habens scientiam, non nisi peruersè praesumit actum clavis: ergo nec actum sacerdotij.

15 Adhuc, Operatio peruersa est, quae non reificatur habitu regente: sed regere populum operatio sacerdotis est: ergo per-

D. Alb. Mag. in Lib. 4. Sentent.

uerfa erit, nisi habeat habitum regentem: sed hic habitus non potest esse nisi scientia sacrae Scripturae: ergo sacerdotes tenentur ad scientiam sacrae Scripturae.

IN CONTRARIUM huius est, quod videmus in multis terris sacerdotes omnino ignaros, & non intelligentes ea quae legunt: & tamen non condemnantur, sed sustinentur ab Ecclesia: cum igitur Ecclesia non errer, videtur quod sacerdotes non teneantur ad habendum scientiam. *Sed contra.*

RESPONSIO. Distinguendum mihi videtur in ordinandis: quidam enim ordines sumunt ex sola deuotione, vt monachi, & alij religiosi: quidam autem alij suscipiunt ordines, vt illis ministrent populo verba & sacramenta dispensando, vt quidam religiosi, & illi qui sunt intitulati ad curam animarum. De primis adhuc distinguendum puto: aut enim habent curam animarum in suis ordinibus, vt abbates, & confessores ab abbatibus constituti: aut non habent, nec habebunt. Si habent, idem iudicium videtur de eis, quod de aliis qui habent curam. Si verò non habent, & causa deuotionis ordinem suscipiunt, videtur mihi quod non tenentur, nisi vt sciant pronuntiationes Psalmorum & lectionum distinctiones, quae ex scientia grammaticae discuntur. Si autem accipiunt officium docendi ex beneficio, vt clerici intitulati: vel ex professione, vt quidam religiosi: dicendum videtur, quod tenentur plura scire, & ea credo esse quae in grosso sunt exponenda populo in fide & moribus, quae rudimenta Christianae fidei vocantur: & vt in aliis determinent casus & quaestiones secundum consilium superiorum. Vnde auctoritates supra inductas intelligo de huiusmodi ordinatis: & quantum ad huiusmodi scientiam discernendi scilicet quid veniale, & quid mortale in communibus, & qui articuli solennizati ab Ecclesia, & caetera talia. Et ad alia meo iudicio non tenentur: quia theologica probari non possunt nisi per constantiam martyrij. In perplexis autem quaestionibus tenetur esse tam discretus, vt talia difficilia esse sciat, nec procedendum in eis esse sine superiorum consilio vel auctoritate canonum: & haec puto sufficere ad rationem eius qui petit rationem de ea quae in nobis est fide & spe.

AD RATIONES autem inductas, dicendum quod non erit peruersus actus cum tanto habitu praesumptus: sed tantus sufficit ad regimen meo iudicio, nisi fortè sit in gradu sublimiori: quia superior ad maiora tenetur, vt Archiepiscopus, vel Episcopus, vt infra patebit, cum de Episcopis agetur. Et per hoc patet solutio ad totum.

## ARTICVLVS IX.

*Quae vita requiritur ad hoc vt aliquis sit idoneus?*

Tertio quaeritur, Quae vita requiritur? Videtur autem, quod illa quae est nota secundum famam, & bona secundum virtutem:

Y y 3 &



& hoc per multas sanctorum auctoritates, quarum quasdam tangemus, & alias dimittemus propter prolixitatem vitandam.

2 Hieron. in epistola quadam, Sine crimine iubetur esse Episcopus: non pro eo tantum tempore quo ordinandus est, sit sine vilo crimine: sed ex eo tempore quo per Christum renatus est, nulla peccati conscientia remordeatur. Ergo videtur hoc etiam proportionabiliter esse verum de sacerdote.

3 Gregor. in pastoral. Solerter se quisque metiatur, ne locum regiminis assumere audeat, si adhuc in se vitium damnabiliter regnat: nam diluere aliena delicta non valent, quos adhuc propria denigrant. Et ex hoc arguitur ut prius.

4 Adhuc, Leuit. 21. Homo de semine Aaron qui habet maculam, non offerat panes coram Domino, nec accedat ad ministerium eius. Dicit autem Gloss. ibidem, quod per maculam vitium intelligitur. Ergo videtur, quod vitium habens, sacerdotis officium in sola celebratione missæ agere non potest.

5 Item Isidor. Qui non viuit sicut docet, ipsam veritatem quam prædicat, contemptibilem facit: sicut Psalm. 49. dicit, Peccatori autem dixit Deus, Quare tu enarras iustitias meas, &c. Ergo multo minus peccator potest officium enarrantis habere.

6 Item Eccles. 15. Non est speciosa laus in ore peccatoris. Item Isidor. Tam doctrina quam vita clarere debet Ecclesiasticus Doctor: nam doctrina sine vita arrogantem reddit, vita sine doctrina inutilem facit.

7 Adhuc Gregor. Qui contemptum temporalium prædicat, necesse est ut ipse prior contemnat: tunc enim prædicatio vtiliter profertur, quando efficaciter adimpletur.

8 Item Gregor. Nescienti legem lingua tua sit codex, & in opere tuo aspiciat quid imitetur.

9 Item Augustinus, Innocens absque sermone conuersatio quantum exemplo prodest, tantum nocet silentio.

10 Vltius videtur, quod etiam excellentem vitam tenetur habere clericus. Vnde Isidor. Non debet honoris ducatum suscipere, qui nescit subiectos tramite melioris vitæ præire.

11 Item Gregor. Tantum debet actionem populi actio transcendere præsulis, quantum distare solet à grege vita pastoris: qui enim loci necessitate exigitur summa docere, hac eadem necessitate compellitur summa monstrare.

12 Item Hieronym. in decreto. 8. quæst. 1. Qualis enim erit ædificatio discipuli si intelligat magistro se esse maiorem. Vnde non solum Episcopi & presbyteri & diaconi debent magnoperè præuidere ut cunctum populum cui præsident, conuersatione & sermone præeant: verum etiam inferiores gradus, exorcistæ, lectores, custodes ædium, acolythi, & omnes omnino qui domui Dei deseruiunt: quia vehementer Ecclesiam Dei destruit, meliores esse laicos quam clericos.

13 Alia autem infinita his concordantia inueniuntur. Vnde etiam per rationem pro-

bandum est idem, In omni re exemplar directius debet esse exemplato: sed clericus est exemplar laici: ergo directiorem oportet esse laico.

14 Adhuc, Magis appropinquant sanctis, maior indicitur sanctitas: quia mundari debent, qui ferunt vasa Domini: sed clericus magis appropinquat, quam laicus: ergo videtur, quod ad maiorem virtutis perfectionem teneatur.

15 Adhuc, Omnis docens necesse est ut habeat proprium probandi instrumentum: sed clericus quod docet non potest probare nisi per operis excellentiam, ut dicunt Sancti: ergo videtur, quod teneatur ad operis excellentiam.

IN CONTRARIUM huius esse videtur *Sed con-* quod dicit Dominus Matth. 23. Quæ dicunt *176.* facite, secundum autem opera eorum nolite facere: dicunt enim, & non faciunt.

RESPONSIO. Nulli sanæ mentis dubium est, quod probatum est primo, quod clericus quandiu ministrat in domo Dei, tenetur ad maiorem perfectionem quam laicus, & præcipue si curam suscipit pastorem. *Solutio.*

AD HOC ergo quod obicitur in contrarium, dicendum quod hoc dicit Dominus ut recognoscatur potestas etiam apud malos: habent enim tales potestatem ad augmentum damnationis eorum.

## ARTICVLVS X.

*Quantum peccatum committit promouens non idoneum, & an necessitate aliqua potest excusari?*

QVARTO quæritur, Quantum peccat promouens inidoneum, vel si necessitate aliqua excusatur, ut dicunt communiter? Videtur autem, quod mortaliter. Ezech. 44. Inducitis filios vestros in sanctuarium Domini, incircuncisos corde, & incircuncisos carne. Et impropere ibi sacerdotibus Veteris Testamenti. Ergo multo magis hoc est damnabile prælatis Noui Testamenti.

2 Adhuc, Minus peccatum est inidoneum, quando promotus est, non corripere, quam inidoneum promouere: sed Heli eò quod non corripuit, à sacerdotio cum parentela expulsus est, & Israël in gladium & captiuitatem ductus, & arca capta, & filij occisi, & ipse mortuus, ut habetur 1. Reg. 4. ergo multo magis damnabilissimus est, qui promouet non idoneum.

3 Adhuc, Hoc dicitur in littera, quod non idoneus graue onus ordinanti inducit: graue autem onus non est nisi onus æternæ damnationis: ergo mortaliter peccat, qui non idoneum scienter promouet: ergo multo magis qui dat ei beneficium, præcipue habens curam animarum.

4 Adhuc, Sub periculo ponens temporalia Ecclesiæ, peccat mortaliter: ergo multo magis qui in periculo ponit animas: sed inidoneum promouens, sub periculo ponit animas: ergo peccat mortaliter.

VLTERRIVS



*Quæstio-  
nula.*

V L T E R I V S hic quæritur, Si excusari potest? Et ponuntur tres causæ, quas prætendunt suæ excusationis. Prima: quia Ecclesia ex illo propter nobilitatem honoratur. Secunda: quia alius non de facili ita in temporalibus utilis Ecclesiæ reperitur. Tertia: quia melius est habere aliquos, quam nullos.

*Sed con-  
tra.*

S E D C O N T R A istas omnes tres causas sic obiicitur, De veritate vitæ propter nullam causam est aliquid omittendum: sed promovere idoneum est de veritate vitæ: ergo nullo modo est omittendum.

2 Adhuc, Ad Rom. 3. Faciamus mala vt eueniant bona: quorum damnatio iusta est. Ergo multo fortius non facienda sunt mala, ne eueniant mala: sed promovere inidoneos est malum: ergo non est faciendum aliquo modo.

*Solutio.*

R E S P O N S I O. Dicendum ad hoc, quod nullum dubium est mortaliter peccare omnem illum qui indignum scienter promouet ad sacros ordines, vel ad curam pastorem, vel ad aliquod ecclesiasticum beneficium. Est autem indignus dupliciter, scilicet contrariè, & priuariuè. Contrariè indignus est, qui contrarium habet dignitati: & ille nullo modo est promouendus. Priuariuè autem indignus est, qui priuatur dignitate, non habens tamen contrarium: & in talibus propter necessitatem aliquarum Ecclesiarum quæ indigent literatis & defensoribus, posset dispensari, quod aliquid haberent de Ecclesia, donec addiscerent: sed puto, quod sine peccato non potest eis conferri cura vel præbenda: sed expensæ pro eis possent fieri de Ecclesia vel de beneficio Ecclesiæ quod alteri interim committeretur.

*Adquæst.*

A D I D quod obiicitur contra causas, dicendum quod illa ridiculosa est, quæ est de generis nobilitate vt propter hoc malus posset promoueri: quia quanto nobilior est, tantò nociuor si malus est. Nec puto, quod sufficit hoc, quod non sit malus: sed puto, quod necessarium est scire esse bonum per talem scientiam qualem possibile est haberi de homine. Quod autem dicitur, quod alius non esset ita utilis, nihil est omnino: quia omnis utilitas temporalis est spirituali postponenda. Tertia autem omnino nulla est: quia in litera dicitur, quod melius est habere paucos bonos, quam multos malos. Præterea, Quod malis conferitur, facit eos malos: quia sciunt tales habere locum in Ecclesia & bonos expelli: & ideo efficiuntur mali, vt citius promoueantur.

## ARTICVLVS XI.

*An non idoneè promotus in quolibet actu officij sui peccet mortaliter?*

Q V I N T O quæritur, Vtrum inidoneus promotus in quolibet actu ordinis & officij sui peccet mortaliter? Videtur autem, quod sic: quia propter sanctitatem ordinis peccat mortaliter primò accedendo: sed eadem sanctitas semper manet in ordine: ergo si ipse sit non idoneus, semper æqualiter peccabit ordinem exequendo: sed in omni actu ordinis ex-

quitur ordinem: ergo in omni actu ordinis peccat mortaliter.

2 Adhuc, Susceptio ordinis est propter executionem: ergo executio est melior: sed in suscipiendo ad minus propter inidoneitatem mortaliter peccauit: ergo & in exequendo magis mortaliter peccabit propter eandem rationem.

3 Adhuc, 2. Reg. 6. Oza percussus est, vt dicit Dionysius, quia indignè sanctis communicauit: percussio autem significat mortale peccatum quod interficit animam: cum ergo sanctiora sunt ea quæ sunt Noui Testamenti, quam Veteris, peccabit mortaliter omnis qui indignè administrat ordinem vel officium ecclesiasticum: sed administratio in quolibet actu ordinis est officium ecclesiasticum: ergo in quolibet actu ordinis & officij sui peccabit mortaliter.

I N C O N T R A R I V M huius est, quod hoc *Sed con-  
tra.* esset graue iudicare.

2 Adhuc, Quia vouens virginitatem voto non solenni, peccat mortaliter contrahendo, non tamen postea soluendo debitum: ergo à simili suscipiens ordinem vel officium ecclesiasticum indignè, peccabit mortaliter, non tamen postea administrans.

3 Adhuc, Si in quolibet actu peccaret mortaliter, videretur esse perplexus: quia ex officio & ordine tenetur administrare: ergo peccat mortaliter omittendo. Item, Ex indignitate tenetur dimittere ne ministret: ergo peccabit mortaliter ministrando: ergo quicquid fecerit, peccabit mortaliter: ergo est perplexus.

R E S P O N S I O. Videtur mihi, quod peccat mortaliter quotiescunque scienter & sine necessitate administrat ordinem vel officium in quolibet actu qui indignus est, sicut probat prima pars istius disputationis. Dico autem sine necessitate duplici tantum: si enim corpus Domini vel aliquid sacrorum decideret, & non esset alius subleuans, posset tunc cum humilitate cordis & cum timore & reuerentia subleuare. Item, Si aliquis exemplo suo duceretur ad peccatum, posset rogare eum cum dolore ne exemplum in eo acciperet, sicut suprà diximus in quæstione de fraterna correctione. In aliis omnibus casibus peccat mortaliter ministrando sancta indignè.

A D H O C autem quod obiicitur in contrarium, dicendum quod via lata est, quæ vadit ad infernum, & multi sunt qui vadunt per eam, sicut habetur Matth. 7.

A D A L I V D dicendum, quod non est simile, cum in matrimonio contracto non manet votum, sed frangitur: & ideo non omnem actum sequentem facit illicitum: sed cum administratione manet indignitas, & ideo omnis actus illicitus efficitur.

A D A L I V D dicendum, quod non est perplexus: quia cedat officio, & non ministrat, & erit expeditus: vel si mauult, emendet peccatum, & administret dignus: & iterum est expeditus de perplexitate.



& hoc per multas sanctorum auctoritates, quarum quasdam tangemus, & alias dimittemus propter prolixitatem vitandam.

2 Hieron. in epistola quadam, Sine crimine iubetur esse Episcopus: non pro eo tantum tempore quo ordinandus est, sit sine vilo crimine: sed ex eo tempore quo per Christum renatus est, nulla peccati conscientia remordeatur. Ergo videtur hoc etiam proportionabiliter esse verum de sacerdote.

3 Gregor. in pastoral. Solerter se quisque metiatur, ne locum regiminis assumere audeat, si adhuc in se vitium damnabiliter regnat: nam diluere aliena delicta non valent, quos adhuc propria denigrant. Et ex hoc arguitur ut prius.

4 Adhuc, Leuit. 21. Homo de semine Aaron qui habet maculam, non offerat panes coram Domino, nec accedat ad ministerium eius. Dicit autem Gloss. ibidem, quod per maculam vitium intelligitur. Ergo videtur, quod vitium habens, sacerdotis officium in sola celebratione missæ agere non potest.

5 Item Isidor. Qui non viuit sicut docet, ipsam veritatem quam prædicat, contemptibilem facit: sicut Psalm. 49. dicit, Peccatori autem dixit Deus, Quare tu enarras iustitias meas, &c. Ergo multo minus peccator potest officium enarrantis habere.

6 Item Eccles. 15. Non est speciosa laus in ore peccatoris. Item Isidor. Tam doctrina quam vita clarere debet Ecclesiasticus Doctor: nam doctrina sine vita arrogantem reddit, vita sine doctrina inutilem facit.

7 Adhuc Gregor. Qui contemptum temporalium prædicat, necesse est ut ipse prior contemnat: tunc enim prædicatio vtiliter profertur, quando efficaciter adimpletur.

8 Item Gregor. Nescienti legem lingua tua sit codex, & in opere tuo aspiciat quid imitetur.

9 Item Augustinus, Innocens absque sermone conuersatio quantum exemplo prodest, tantum nocet silentio.

10 Vltius videtur, quod etiam excellentem vitam tenetur habere clericus. Vnde Isidor. Non debet honoris ducatum suscipere, qui nescit subiectos tramite melioris vitæ præire.

11 Item Gregor. Tantum debet actionem populi actio transcendere præsulis, quantum distare solet à grege vita pastoris: qui enim loci necessitate exigitur summa docere, hac eadem necessitate compellitur summa monstrare.

12 Item Hieronym. in decreto. 8. quæst. 1. Qualis enim erit ædificatio discipuli si intelligat magistro se esse maiorem. Vnde non solum Episcopi & presbyteri & diaconi debent magnoperè præuidere ut cunctum populum cui præsent, conuersatione & sermone præeant: verum etiam inferiores gradus, exorcistæ, lectores, custodes ædium, acolythi, & omnes omnino qui domui Dei deseruiunt: quia vehementer Ecclesiam Dei destruit, meliores esse laicos quam clericos.

13 Alia autem infinita his concordantia inueniuntur. Vnde etiam per rationem pro-

bandum est idem, In omni re exemplar directius debet esse exemplo: sed clericus est exemplar laici: ergo directiorem oportet esse laico.

14 Adhuc, Magis appropinquant sanctis, maior indicitur sanctitas: quia mundari debent, qui ferunt vasa Domini: sed clericus magis appropinquat, quam laicus: ergo videtur, quod ad maiorem virtutis perfectionem teneatur.

15 Adhuc, Omnis docens necesse est ut habeat proprium probandi instrumentum: sed clericus quod docet non potest probare nisi per operis excellentiam, ut dicunt Sancti: ergo videtur, quod teneatur ad operis excellentiam.

IN CONTRARIUM huius esse videtur *Sed exp.* quod dicit Dominus Matth. 23. Quæ dicunt *174.* facite, secundum autem opera eorum nolite facere: dicunt enim, & non faciunt.

RESPONSIO. Nulli sanæ mentis dubium est, quod probatum est primo, quod clericus quandiu ministrat in domo Dei, tenetur ad maiorem perfectionem quam laicus, & præcipuè si curam suscipit pastorem. *Solutio.*

AD HOC ergo quod obicitur in contrarium, dicendum quod hoc dicit Dominus ut recognoscatur potestas etiam apud malos: habent enim tales potestatem ad augmentum damnationis eorum.

## ARTICVLVS X.

*Quantum peccatum committit promouens non idoneum, & an necessitate aliqua potest excusari?*

Quarto quæritur, Quantum peccat promouens inidoneum, vel si necessitate aliqua excusatur, ut dicunt communiter? Videtur autem, quod mortaliter. Ezech. 44. Inducitis filios vestros in sanctuarium Domini, incircuncisos corde, & incircuncisos carne. Et impropere ibi sacerdotibus Veteris Testamenti. Ergo multo magis hoc est damnabile prælatis Noui Testamenti.

2 Adhuc, Minus peccatum est inidoneum, quando promotus est, non corripere, quam inidoneum promouere: sed Heli eo quod non corripuit, à sacerdotio cum parentela expulsus est, & Israël in gladium & captiuitatem ductus, & arca capta, & filij occisi, & ipse mortuus, ut habetur 1. Reg. 4. ergo multo magis damnabilissimus est, qui promouet non idoneum.

3 Adhuc, Hoc dicitur in littera, quod non idoneus graue onus ordinanti inducit: graue autem onus non est nisi onus æternæ damnationis: ergo mortaliter peccat, qui non idoneum scienter promouet: ergo multo magis qui dat ei beneficium, præcipuè habens curam animarum.

4 Adhuc, Sub periculo ponens temporalia Ecclesiæ, peccat mortaliter: ergo multo magis qui in periculo ponit animas: sed inidoneum promouens, sub periculo ponit animas: ergo peccat mortaliter.

VLTIMVS



Quaestio  
vna.

VLTERIUS hic quaeritur, Si excusari potest? Et ponuntur tres causae, quas praetendunt suae excusationis. Prima: quia Ecclesia ex illo propter nobilitatem honoratur. Secunda: quia alius non de facili ita in temporalibus utilis Ecclesiae reperitur. Tertia: quia melius est habere aliquos, quam nullos.

Sed contra.

SED CONTRA istas omnes tres causas sic obiicitur, De veritate vitae propter nullam causam est aliquid omittendum: sed promovere idoneum est de veritate vitae: ergo nullo modo est omittendum.

2. Adhuc, Ad Rom. 3. Faciamus mala ut eueniant bona: quorum damnatio iusta est. Ergo multo fortius non facienda sunt mala, ne eueniant mala: sed promovere inidoneos est malum: ergo non est faciendum aliquo modo.

Solutio.

RESPONSIO. Dicendum ad hoc, quod nullum dubium est mortaliter peccare omnem illum qui indignum scienter promouet ad sacros ordines, vel ad curam pastorem, vel ad aliquod ecclesiasticum beneficium. Est autem indignus dupliciter, scilicet contrariè, & priuatiuè. Contrariè indignus est, qui contrarium habet dignitati: & ille nullo modo est promouendus. Priuatiuè autem indignus est, qui priuatur dignitate, non habens tamen contrarium: & in talibus propter necessitatem aliquarum Ecclesiarum quae indigent literatis & defensoribus, posset dispensari, quod aliquid haberent de Ecclesia, donec addiscerent: sed puto, quod sine peccato non potest eis conferri cura vel praebenda: sed expensae pro eis possent fieri de Ecclesia vel de beneficio Ecclesiae quod alteri interim committeretur.

Ad quaest.

AD ID quod obiicitur contra causas, dicendum quod illa ridiculosa est, quae est de generis nobilitate ut propter hoc malus posset promoueri: quia quanto nobilior est, tanto nociuior si malus est. Nec puto, quod sufficit hoc, quod non sit malus: sed puto, quod necessarium est scire esse bonum per talem scientiam qualem possibile est haberi de homine. Quod autem dicitur, quod alius non esset ita utilis, nihil est omnino: quia omnis utilitas temporalis est spirituali postponenda. Tertia autem omnino nulla est: quia in litera dicitur, quod melius est habere paucos bonos, quam multos malos. Praeterea, Quod malis conferitur, facit eos malos: quia sciunt tales habere locum in Ecclesia & bonos expelli: & ideo efficiuntur mali, ut citius promouantur.

## ARTICVLVS XI.

An non idoneè promotus in quolibet actu officij sui peccet mortaliter?

QVinto quaeritur, Vtrum inidoneus promotus in quolibet actu ordinis & officij sui peccet mortaliter? Videtur autem, quod sic: quia propter sanctitatem ordinis peccat mortaliter primò accedendo: sed eadem sanctitas semper manet in ordine: ergo si ipse sit non idoneus, semper aequaliter peccabit ordinem exequendo: sed in omni actu ordinis exe-

quitur ordinem: ergo in omni actu ordinis peccat mortaliter.

2. Adhuc, Susceptio ordinis est propter executionem: ergo executio est melior: sed in suscipiendo ad minus propter inidoneitatem mortaliter peccauit: ergo & in exequendo magis mortaliter peccabit propter eandem rationem.

3. Adhuc, 2. Reg. 6. Oza percussus est, ut dicit Dionysius, quia indignè sanctis communicauit: percussio autem significat mortale peccatum, quod interficit animam: cum ergo sanctiora sunt ea quae sunt Noui Testamenti, quam Veteris, peccabit mortaliter omnis qui indignè administrat ordinem vel officium ecclesiasticum: sed administratio in quolibet actu ordinis est officium ecclesiasticum: ergo in quolibet actu ordinis & officij sui peccabit mortaliter.

IN CONTRARIUM huius est, quod hoc esset graue iudicare.

2. Adhuc, Quia vouens virginis voto non solenni, peccat mortaliter contrahendo, non tamen postea soluendo debitum: ergo à simili suscipiens ordinem vel officium ecclesiasticum indignè, peccabit mortaliter, non tamen postea administrans.

3. Adhuc, Si in quolibet actu peccaret mortaliter, videretur esse perplexus: quia ex officio & ordine tenetur administrare: ergo peccat mortaliter omittendo. Item, Ex indignitate tenetur dimittere ne ministret: ergo peccabit mortaliter ministrando: ergo quicquid fecerit, peccabit mortaliter: ergo est perplexus.

RESPONSIO. Videtur mihi, quod peccat mortaliter quotiescunque scienter & sine necessitate administrat ordinem vel officium in quolibet actu qui indignus est, sicut probat prima pars istius disputationis. Dico autem sine necessitate duplici tantum: si enim corpus Domini vel aliquid sacrorum decideret, & non esset alius subleuans, posset tunc cum humilitate cordis & cum timore & reuerentia subleuare. Item, Si aliquis exemplo suo duceretur ad peccatum, posset rogare eum cum dolore ne exemplum in eo acciperet, sicut supra diximus in quaestione de fraterna correctione. In aliis omnibus casibus peccat mortaliter administrando sancta indignè.

AD HOC autem quod obiicitur in contrarium, dicendum quod via lata est, quae vadit ad infernum, & multi sunt qui vadunt per eam, sicut habetur Matth. 7.

AD ALIUD dicendum, quod non est simile, cum in matrimonio contracto non manet votum, sed frangitur: & ideo non omnem actum sequentem facit illicitum: sed cum administratione manet indignitas, & ideo omnis actus illicitus efficitur.

AD ALIUD dicendum, quod non est perplexus: quia cedat officio, & non ministret, & erit expeditus: vel si mauult, emendet peccatum, & administret dignus: & iterum est expeditus de perplexitate.



## ARTICVLVS XII.

*Qualiter illius peccati remedia pos-  
sunt acquiri?*

**S**exto quæritur, Qualiter illius peccati remedia acquirantur? Videtur autem, quod per dispensationem: quia constat, quod qui habet vniuersitatem potestatis, potestatem habet dispensandi: sed dispensatio est iuris relaxatio: ergo isti potest relaxari quod de iure tenetur facere: sed de iure tenetur esse dignus vita & scientia: ergo hoc relaxari potest ei.

2 Adhuc, Nos videmus hoc tota die fieri in curia Domini Papæ, de qua non licet præsumere, quod aliquid fiat iniustum: ergo videtur, quod per dispensationem hoc fieri possit.

3 Adhuc, Non est nostrum iudicare de dispensatione: ergo videtur, quod vel ille cum quo dispensatur omnino deceptus sit, vel ipse absoluitur à peccato.

*Sed contra.*

**IN CONTRARIUM** huius est quod dicit Bernard. ad Eugenium Papam, quod si dispensatio careat causa vtilitatis publicæ vel necessitatis legitimæ, dispensatio non dispensatio sed dissipatio est.

*Solutio.*

**RESPONSIO.** Dicendum, quod cum indigno nunquam ita dispensari potest, quin ipse peccet mortaliter quolibet actu administrationis, quandiu est indignus. Dominus enim Papa sicut ipsemet in quadam decretali protestatur, vnumquemque propriæ conscientie quoad Deum relinquit: sed quandoque eò quod oportet mala tolerare ne eueniant peiora, hoc modo dispensat, quod in iudicio hominum eis hoc super quo dispensatum est, obijci non possit.

**AD HOC** ergo quod primo obiicitur, dicendum quod habet vniuersitatem potestatis super iudicia hominum, sed non super iudicium diuinum: & hoc est iudicium conscientie,

**AD ALIUD** dicendum, quod abusiones non diminuunt mala, sed aggrauant: & ideo si in talibus dispensationibus prælatus aliquid facit, ipse peccat mortaliter. Si autem patitur necessitate mali compulsus ne eueniat peius, tunc non peccat mortaliter, sed tunc non dispensat, sed dissimulat ad tempus donec corrigi possit.

**AD ALIUD** dicendum, quod verum est, quod non est nostrum vt indices simus: sed tamen nostrum est vt doctores simus, & cognoscere speculatiue, quid dignum, & quid iustum est, & hoc aliis dicere: vnde non cognoscimus per modum iudicij vt corrigamus vel puniamus: sed cognoscimus per modum sapientium in lege Dei, quid legi

Dei concordat, & quid ab ea discor-  
dat, à quocunque hominum  
agitur siue superiore  
siue inferiore.

## ARTICVLVS XIII.

*An corona sit ordo vel tantum dispositio  
ad ordinem?*

**D**einde quæritur de hoc quod dicit ibi [Corona enim signaculum est quo signantur, &c.] Videtur enim, quod corona sit ordo: quia in omnibus spiritualibus exteriora fiunt propter interiora: sed exterius sit signaculum in corona: ergo fit propter signaculum interius: sed signaculum interius est character: ergo corona imprimit characterem: quicquid autem imprimit characterem, collocans in gradu dignitatis in Ecclesia, est ordo: ergo corona est ordo.

2 Adhuc, Corona aut est purè corporale, aut in corporali habetur spirituale. Si purè corporale: ergo à quolibet conferri posset, quod falsum est: quia non potest hodie conferri nisi ab Episcopo. Si autem spirituale est acceptum in corporali: tunc est sacramentum per diffinitionem sacramenti: constat autem, quod non est sacramentum nisi ordinis: ergo corona est ordo qui est sacramentum.

3 Adhuc, Excellentium in Ecclesia est dare aliquid excellens, sicut patet in confirmatione, vbi excellentes in Ecclesia Spiritum sanctum dant ad robur: sed coronam in Ecclesia non dant nisi excellentes in Ecclesia vt Episcopi: ergo in ea dant aliquid excellens: sed nihil excellens est corporale: ergo videtur, quod dent aliquid spirituale: & hoc non potest esse nisi character: ergo imprimit characterem: ergo est ordo.

4 Adhuc, In baptismo vbi distinguitur homo à non baptizato, imprimitur character: ergo & in corona vbi homo distinguitur in sortem Domini: sed hoc fit in corona: ergo videtur, quod in corona imprimitur character.

**IN CONTRARIUM** huius est, quod à Magistro in litera non distinguuntur nisi septem ordines: & corona non est vnus de illis: ergo corona non est ordo. *Sed contra.*

2 Adhuc, Omnis excellens forma in natura, multas ex parte materie exigit dispositiones: ergo & in gratia similiter erit: sed excellens in gratia est ordo: ergo præexigit dispositiones ex parte suscipientis. Primum autem quod suscipitur, est corona: ergo videtur, quod corona sit prima dispositio ad ordinem, & non ordo.

**QUOD CONCEDIMVS**, dicentes ad primum, quod exteriora in corona, fiunt propter interiora: sed interius quod respondet coronæ, est reuelatio mentis ad diuina, vt sic disponatur homo ad recipiendum ordinem: & non est character vel ordo. *Solutio.*

**AD ALIUD** dicendum, quod corona non est purè corporale, sed est corporale ad spirituale ordinatum: sed hoc spirituale est coniunctum in parte, & in parte consequens: coniunctum enim est mentis reuelatio ad diuina, vt dictum est: consequens autem est ordo qui suscipitur.

Ad



AD ALIUD dicendum, quod hæc non est causa quare non possit conferri nisi ab Episcopo, quia aliquid excellens in corona conferebatur: quia quandoque conferebatur à non Episcopis. Sed hoc institutum est, ut cognoscantur ab Episcopo, qui præparantur ad ordines suscipiendos: quia cum maiori sollicitudine agendum est circa tales: & ideo per coronam ad manum & agnitionem Episcopi instituti sunt transire.

#### ARTICVLVS XIV.

*An tonsura in veteri lege figurabatur in Nazareis?*

**D**Einde quæritur de hoc quod dicit ibi [Tonsuræ autem Ecclesiasticæ usus, &c.] Videtur enim, falsum esse: quia quicquid ad sacramentum ordinis pertinet in Nouo Testamento, in sacerdotio & sacerdotibus Veteris Testamenti significabatur: Nazarei autem non necessariò erant de sacerdotibus: ergo videtur, quod in eis tonsura Ecclesiastica non significabatur.

2 Adhuc, Nazarei in fine voti crines offerebant (alias tondébant) ut habetur Num. 6. sed clerici in principio suæ religionis crines offerunt: ergo videtur, quod nulla sit conuenientia: ergo nulla signa.

3 Vtius videtur, quod ordo in Veteri Testamento non poterat signum respondens habere: habitum enim est supra, quod sacramenta excellentis effectus, in Veteri Testamento nihil respondens in figura habuerunt: sed ordo in excellentissimo statu ponit per suum officium: ergo videtur, quod nihil respondens in Veteri Testamento habere potuit.

*Solutio.* RESPONSIO. Dicendum ad hoc, quod ea quæ sunt Noui Testamenti, propter suam perfectionem non in vno solo typo Veteris Testamenti potuerunt significari, sed in multis significabantur quoad diuersa. Et ita etiam sacerdotium quoad tonsuram significatur in Nazareis, & quoad potestatem offerendi in sacerdotio, & quoad potestatem ligandi & soluendi in potestate iudicandi inter lepram & non lepram, & munditiam & immunditiam sacerdotum. Et per hoc patet solutio ad primum.

AD ALIUD dicendum, quod licet in tempore non sit conuenientia, tamen est conuenientia facti ad factum: quia capilli prius nutriti Domino offeruntur & hic & ibi. Et hoc intendit Auctor in litera: multis enim modis, ut dicit Gregor. sumitur allegoria.

AD HOC quod vltius quæritur, dicendum quod hoc non intelligendum est de excellentia potestatis, sed de excellentia gratiæ, ut dictum est in confirmatione, & extrema vnctione quoad immediatum euolatum, quod ibi fieri non poterat: sed perfecta potestas ministrorum benè poterat ibi significari.

#### ARTICVLVS XV.

*An clerici habeant ius hereditatis inter parentes suos vel non?*

**D**Einde quæritur de hoc quod dicit ibi [Quia de sorte sunt Domini, vel quia partem Domini habent, &c.] Ex hoc enim arguitur, quod clerici ius hereditatis inter parentes suos non habent. Hoc etiam aliis videtur rationibus. Dicitur enim Matth. 5. Nisi abundauerit iustitia vestra plus quam Scribarum vel Phariseorum, non intrabitis in regnum cælorum. Sed Leuitæ & Scribæ & Pharisei in Veteri Testamento non habebant hereditatem: ergo nec in Nouo debent habere. Quod autem Leuitæ hereditatem non habuerunt, patet Num. 18. vbi hoc multoties dicitur, Non habebunt filij Leui hereditatem in medio fratrum suorum: ego enim hereditas eorum.

2 Adhuc, In tonsura ore proprio ab Episcopo iubentur dicere, Dominus pars hereditatis meæ & calicis mei, &c. ergo ore proprio videntur terrenam hereditatem resignare: ergo ius in ea de cætero nullum habent.

3 Adhuc, Terrena habens, necessariò habet terrena cogitare: sed clericus ideo raditur, ut dicitur in litera, quia non nisi cælestia debet cogitare: ergo nihil terrenum debet habere: ergo nec ius habet in hereditate terrena.

4 Adhuc, Terrenæ possessiones in iure Imperatorum, ut dicunt leges, & confirmat Augustinus, possidentur: sed clericus nullum debet habere respectum quantum ad Imperatores vel Reges: ergo videtur, quod nihil terrenum debeat possidere.

IN CONTRARIUM huius est quod dicitur Jerem. 32. Emè tibi agrum meum, qui est in Anathoth: tibi enim iure propinquitatis competit. Hoc enim dixit Ananias ad Ieremiam: qui tamen sacerdos fuit: ergo compete-  
*Sed contra.* bat sacerdotibus hereditas.

2 Adhuc, Leuitici 5. Aedes Leuitarum quæ in vrbibus sunt, semper redimi possunt. Ergo Leuitæ ius habebant redimendi hereditatem, etiam magis quam alij: cum igitur non sint minus digni Noui Testamenti sacerdotes, ius percipiendi hereditatem suam possunt habere.

*Solutio.* RESPONSIO. Non est dubium quin clerici ius habeant in sua hereditate, quæ patrimonium est: aliter enim videtur in feudalibus quibusdam: quædam enim feudalia sunt ad pretium annuum cum homagio alicui exhibita: & quædam sunt pro stipendiis militiæ debitis. Patrimonium ergo videtur quod habere possunt. Et etiam feudalia scio quod in multis locis habent, & pretium exhibent: & pretio vel precibus inducunt alium aliquem sibi in temporalibus æquiualem, & æque dignum, qui loco eorum facit homagium: sed illa feudalia quæ sunt quasi pro stipendiis militum, videtur mihi, quod sine iniuria Domini feudi haberi non possint.

AD



AD PRIMVM ergo dicendum, quòd Leuitæ habebant ius percipiendi hæreditatem suorum parentum in Veteri Testamento: sed non habebant ius ex æquo diuidendi terram cum aliis tribubus. Et hoc ideo præcepit Dominus: quia si ex æquo habuissent vnā portionem sicut aliæ tribus, tunc habitassent in vno loco, & non fuissent diuisi per populum, vt docerent omnes: & hoc non fuisset competens officio eorum.

AD ALIVD dicendum, quòd in tonsura non renuntiat, nisi solitudini hæreditatis retrahenti ab officio clericali: ad hoc enim non tenetur laicus: & ita intelligitur

quod ore suo dicit coram Episcopo.

AD ALIVD dicendum, quòd benè possunt cogitare terrena in ordine ad celestia: quia hoc meritorium est. Item benè possunt cogitare non retrahendo cogitatum à celestibus: sed terrena vt terrena non debent cogitare: & hoc solum significat tonsura & reuelatio sensuum.

AD ALIVD dicendum, quòd iure Imperatorum possidentur feuda & alia ad defensionem: & ideo cum iustum tributum non subtrahitur principibus, talia potest possidere clericus, vel alius homo officiis Ecclesiæ mancipatus.

### De ostiariis.

Ibidem.  
I. Paral.  
29.



De consec. dist.  
23. cap.  
Ostiarius.  
Ioan. 2.

Ioan. 10.

**C**OSTIARI II idem & ianitores sunt, qui in Veteri Testamento electi sunt ad custodiam templi, vt non ingrederetur in illud immundus. Dicti autem ostiarii, eo quod præsent ostiis templi. Ipsi enim tenentes clauem, omnia intus & extra custodiunt, atque inter bonos & malos habentes iudicium, dignos recipiunt, indignos respuunt. Vnde & eis cum ordinantur, clauēs Ecclesiæ dantur ab Episcopo. Et dicitur eis, Sic agite tanquam rationem Deo reddituri pro rebus quæ clauibus istis recluduntur. Hoc officium Dominus in sua persona suscepit, quando flagello de funiculis facto vendentes & ementes eiecit de templo. Ipse enim se ostiarium significans dicit, Ego sum ostium, per me si quis introierit, saluabitur, & ingreditur & egredietur, & pascua inueniet.

### ARTICVLVS XVI.

*An ordo ostiariorum sit primus, & habeat aliquem actum spiritualem?*

**D**Einde quæritur de hoc quod dicit ibi [Ostiarii iidem & ianitores] Et quæramus hic duo, scilicet de actu ostiariorum: & vtrum iste ordo sit imprimens characterem? Ad primum accipiat quod dicit in litera, ea quæ sunt intus & extra custodire, est actus ostiariorum: sed clauē materiali talem custodiam facere, est purè corporale: ergo videtur, quòd ad hoc non ordinatur nisi potestas corporalis: omnis autem ordo est potestas spiritualis: ergo videtur, cum ordo ostiariorum sit ordo spiritualis, quòd iste non sit actus eius.

2 Adhuc, Ad corporalem actum frustra requiritur spiritualia ministrans: sed in ordine ostiariorum requiritur minister excellens in Ecclesia spiritualia ministrans: ergo non est ad corporalem actum: ergo actus qui dicitur in litera, non est actus eius.

3 Adhuc, Sacramentis quæ Christus in se exhibuit, virtutem contulit spiritualement: sed illud per se exhibuit, vt dicitur in litera: ergo spiritualement vim isti exhibuit: sed spiritualis vis est ad actum spiritualement, non corporalem: ergo videtur, quòd iste non sit actus eius.

IN CONTRARIVM huius obiicitur: Sed contra quia ad hoc confertur actus in ordine, cuius instrumentum ab Episcopo datur ordinato: sed clauēs materiales templi & sacrarii dantur ostiariis: ergo ad hoc confertur eis ordo & potestas: sed actus clauis est claudere & aperire templa & sacraria: ergo iste est actus illius ordinis.

RESPONSIO. Dicendum, quòd ille qui dicitur ordo ostiariorum, est ordo primus, & habens actus super corporale ad spirituale ordinatum: est enim suum custodire locum sacramentorum, in quo & sacramenta conferuntur & populus communicat sacramentis, ab immundis rebus & hominibus.

AD PRIMVM ergo dicendum, quòd non est purè corporale: & ideo exigitur ad hoc potestas spiritualis, quia spiritualia sunt benè circa corporalia ad spiritualia ordinata: sed verum est, quòd est spiritualis potestas ista in infimo gradu spiritualium.

AD ALIVD dicendum, quòd hoc sequeretur, si esset actus corporalis, & circa purè corporale: sed est actus corporalis iuxta corporale ordinatum ad spirituale: & spirituale est finis: quia tota custodia fit ne spiritualia violentur.

AD ALIVD dicendum, quòd Christus huic potestati dedit vim spiritualement: quia sicut à Christo quando expulit immundos de templo, luxit quoddam diuinum, vt dicit Gloss.



Gloss. Ioan. 2. quo territi fuerunt illi quos expulit, & cesserunt ei: ita quiddam diuinæ potestatis facit præualere ostiarios, vt expellant à loco sacro ea quæ sacra violant: & hoc habent à Christo istum ordinem suscipientes.

## ARTICVLVS XXII.

*An ordo ostiariorum imprimat characterem?*

**S**ecundo quæritur, Vtrum iste ordo characterem imprimat? Videtur enim, quod non: sicut enim dictum est in quæstione de baptismo, tractatu de characterem, character conformat trinitatem creatam increatam, & collocat in aliquo spirituali statu fidei: iste autem ordo non videtur hoc facere: ergo non imprimit characterem. Probat autem media: quia status fidei est prælationis vel subiectionis, & tunc incipientium vel pugnantium pro fide perfecta: & neutrum istorum confert iste ordo, quia prælatos non facit, sed potius ministros, quia ostiarii ministri sunt: ergo non imprimit characterem.

2 Adhuc, Perfectissimorum sacramentorum est imprimere characterem: sed iste ordo non est perfectissimus, sed potius ordo sacerdotij: ergo videtur, quod characterem non imprimat.

3 Adhuc, Taliter ordinatus licet sit distinctus à populo vt ministret in templo: nihilominus tamen adhuc coniungibilis est populo, quia potest ducere uxorem: ergo videtur, quod non distinguatur distinctione perpetua: sed perpetua distinctio est characteris: ergo videtur, quod non imprimat characterem.

4 Adhuc, Hoc officium totum est via, quia in futuro non erit indigentia custodia: ergo videtur, quod deficiat cum via: ergo ministri eius non indigent nisi characterem via: sed character spiritualis, est perpetuus: ergo videtur, quod istud sacramentum non imprimat characterem spirituale.

5 Adhuc, Custodes illi qui sunt in cælesti hierarchia & sunt custodes animarum, digniores sunt quam custodes templorum: & tamen non dicimus, quod propter officium ipsorum imprimatur eis character: ergo non propter officium istorum istis character imprimatur.

6 Adhuc, In actum illius sacramenti siue officij quod imprimit characterem, non potest aliquis nisi characterizatus illo: sed in actum istius ordinis potest non habens istum ordinem: ergo non imprimit characterem. Probat autem prima inducendo: quia in detestationem originalis non potest nisi recipiens baptismum si articulus necessitatis sacramentum non excludat, nec in confortationem quæ est ex confirmatione, nec in consecrationem corporis & sanguinis Domini qui non habet ordinem. Probatio secundæ est ad oculum: quia custodire templa etiam quilibet laicus potest: ergo constat propositum.

IN CONTRARIUM huius obijciuntur sic: Nihil collocat in gradu spiritualis potestatis

immobiliter, nisi aliquid suscipiatur immobile à suscipiente: ostiariorum ordo collocat in gradu spiritualis potestatis immobiliter: ergo ipse est aliquid immobile. Prima probatur ex hoc, quod nulla causa quæ est vt disponens in subiecto, separabilis est à suo effectu, quicquid etiam sit de causa efficiente, cum de omni causa dicat hoc esse verum Philosophus, & probat Auicenna: sed propter prolixitatem hic accipitur in dispositione, quia in illa perspicue verum est. Omne autem sacramentum causat suum effectum vt causa disponens in subiecto, vt patet ex præhabitis circa principium huius quarti. Secunda autem probatur: quia ostiarius quantumcunque deuiet, nunquam reordinatur, sed reconciliatur tantum: & sic ministrat, si prælato videatur expedire. Inde sic: nec id quod est ibi signum tantum, nec id quod est ibi res tantum, immobile est à suscipiente ordinem istum: ergo est ibi medium immobile, quod est res & signum: medium autem immobile existens in omnibus sacramentis, est character: ergo & in isto sacramento: ergo istud sacramentum imprimit characterem. Prima probatur: quia actio Episcopi super ostiarium, est transitoria: & quia gratia quæ tantum est res, sæpe perditur: igitur constat prima. Secunda probatur ex inductione in baptismo, confirmatione, & sacerdotio.

2 Adhuc, Non iterationis sacramentorum super idem subiectum, non est nisi duplex causa, scilicet quia causa non redit, sicut originale non redit post baptismum: & quia immobile aliquid manet in suscipiente, propter quod iterari non potest: constat ergo, quod prima causa non est in hoc sacramento, quare non iteratur: ergo secunda erit: ergo aliquid immobile imprimitur in hoc sacramento, quod nunquam deletur: hoc autem in omnibus vocatur character: ergo & in isto.

3 Adhuc, signum distinctiuum collocans in gradu fidei & ad actum spirituale, videtur esse character: tale signum datur ostiario: ergo datur ei character. Probatio mediæ: constat enim, quod per separationem in officio determinatur & distinguitur ab aliis, non distinctione dispositionis vt in corona, sed officij spiritualis mancipatione: ergo constat propositum.

4 Adhuc, Characteris increati est characterizare characterem creato: video autem, quod increatus character hoc officium characterizauit: ergo huic officio mancipationem ipse characterem imprimit.

**R E S P O N S I O.** Dicendum, quod non videtur mihi esse dubium, quin imprimat characterem: quia aliter nullo modo videri posset, qualiter esset impressa potestas indelebilis ostiario, sicut probant vltimæ rationes.

**A D P R I M V M** autem dicendum, quod iste character configurationem facit: quia imprimitur nostræ imagini vt in potestate spirituali imitetur eum qui non dormitabit neque dormiet custodiendo Israël, & ponit in statu prælationis & in statu fidei. Ad id quod contra obijciuntur, dicendum quod prælatus est in populo



pulo non habenti potestatem sic accedendi, licet non sit prælatus simpliciter: in altiori enim gradu est quam simplices de populo: & hoc sufficit ad statum prælationis in statu fidei: sicut tota tribus Leui prælata fuit, nec tamen inferiorum ordinum Leuitæ prælati fuerunt simpliciter.

AD ALIVD dicendum, quod ordo iste est aliquid perfectissimi sacramenti, sicut pars totius potestatiui est aliquid totius: & ideo in quantum ordinatur ad illud, habet aliquid de effectu ipsius: & hoc est imprimere characterem potestatis secundum partem, sicut illud habet imprimere characterem potestatis perfectæ: aliter enim non esset pars potestatiua illius. Et hoc facile est videre: quia nisi baliuo det potestatem in parte, non erit pars potestatiua regni quod habet dare potestatem perfectæ, & sic de aliis est. Hic autem propter indelebitatem & fidei statum & configurationem ad potestatem diuinam, datur potestas talis vel talis per characteris impressionem.

AD ALIVD dicendum, quod nunquam est coniungibilis populo, ita quod amittat signaculum, imo in perpetuum tenetur habere extra, sicut carere non potest intra: sed iurisdictionem amittere potest, & quantum ad hoc effici sicut vnus de populo: quia si in toto efficeretur sicut vnus de populo, reordinaretur quando iterum rediret ad clericatum: & hoc non fit.

AD ALIVD dicendum, quod non sequitur, si officium aliquod totum est viæ, quod non imprimat characterem: quia etiam baptismus est viæ & confirmatio & sacerdotium, & tamen imprimunt characterem: quia licet vsus gradus talis in patria non sit futurus cum cessabit omnis prælatio, tamen signum gradus manet ad gloriam pro eo quod fideliter & bene ministravit in officio sibi commissio.

AD ALIVD dicendum, quod de signis Angelorum nobis est incertum: sed tamen de gradibus Angelorum hoc nobis certum est, quod quantum ad eminentiam dignitatis vnus super alium perpetuo manet, licet forte euacuentur quantum ad actum & officium, quando Deus erit omnia in omnibus, vt dicitur 1. Corinth. 15. Vnde puto falsum esse, quod Angeli non sint distincti signaculis naturæ gratiæ & gloriæ inter se, secundum quod officia eorum sunt diuersa altiora & inferiora.

AD ALIVD dicendum, quod in actum illius ordinis nihil potest nisi habens ordinem. Et ad hoc intelligendum, reuocandum est ad memoriam quod prius dictum est, scilicet quod sicut Christus ostendit quendam diuinum radium, ratione cuius territi cesserunt hi qui violabant locum sanctum: ita quædam diuina virtus deterrendi immunda à loco sancto sanctificato confertur ostiariis, & ex tali virtute pel-

lere immunda est actus ostiarij. Et planum est, quod hoc ille non potest, qui illam virtutem non habet: non autem habet, qui ordinem non suscipit.

## ARTICVLVS XVIII.

*An in Sacramento istius ordinis sit aliqua specialis forma?*

Deinde queritur de hoc quod dicitur ibi [Et dicitur eis, Sic agite tanquam Deo rationem reddituri, &c.] Ex hoc enim videtur, quod ista sit forma huius ordinis. Sed contra hoc obiicitur: forma enim sacramenti, aut est per modum indicationis, vel deprecationis: ista autem est per modum imperij: ergo videtur, quod non sit forma sacramenti.

2. Adhuc, In sacramento operatur virtus diuina: ergo operatio sacramenti non subiaceret imperio hominis: ergo nec collatio sacramenti per modum imperij debet conferri.

3. Adhuc, Quod imperio alicuius fit, in potestate illius consistit: sed operatio ordinis non consistit in potestate Pontificis, sed Dei: ergo per modum imperij forma esse non debet.

4. Adhuc, Illa verba videntur potius sonare iniunctionem officij habenti iam potestatem, quam collationem potestatis: si enim tunc conferret potestatem, deberet dicere, Accipite potestatem claudendi & aperiendi.

RESPONSIO. Dicendum, quod secundum diuersitatem sacramentorum diuersificantur formæ ipsorum, sicut patuit in baptismo, & Eucharistia, & extrema vnctione. Vnde cum in isto sacramento conferatur potestas ad actus diuinos & circa diuina, debet significari per modum translationis potestatis ab vno in aliud, quemadmodum à Domino significata est Ioan. 20. cum dixit, Accipite Spiritum sanctum: quorum, &c. In illo enim verbo intelligitur per simile quantum ad modum omnis forma collationis sacramenti ordinis significata & instituta.

AD PRIMUM ergo dicendum, quod patet solutio.

AD SECUNDUM dicendum, quod licet in sacramento operetur diuina virtus effectum vltimum sola: tamen actus illius sacramenti est in potestate ministrorum: & cum ordo sit ad accipiendum potestatem ad actum illum, per modum translationis illius potestatis significatur ab Episcopo, qui ibi est loco Christi potestatem illam conferens.

AD ALIVD dicendum, quod in potestate hominis est vt ministri participantis locum Dei: sed non est in potestate hominis in quantum homo, & potestas hominis refertur actum: sed verum est, quod potestas diuina sola est ad effectum gratiæ quæ fit in sacramentis: & hoc significatur ex modo loquendi quo non dicit, Accipite gratiam, &c. sed potius, Sic agite & cætera.

AD ALIVD dicendum, quod potestas non est completa nisi in actu suo ad quem est: & ideo vt notetur potestas completa, dicit, Sic agite &c. Et tamen est sensus iste, Habete completam & perfectam potestatem agendi.



## De lectoribus.



**S**ECUNDUS est gradus lectorum. Lectores à legendo, sicut <sup>Idem dist. 27. c. Cleros.</sup> psalmista à psalmis canendis, vocati sunt. Illi enim prædicant populis quid sequantur: isti cantant, & excitant ad compunctionem animos audientium: licet quidam lectores ita miserabiliter pronuntient, ut quosdam ad luctum & lamentationem compellant. Idem etiam pronuntiatores vocantur, qui porro antè nuntiant: quia tam erit clara eorum vox, ut etiam longè positorum aures adimpleat. Ad lectorem autem pertinet lectiones pronuntiare, & ea quæ Prophetæ vaticinauerunt, populis prædicare: ut iam ex officio in Ecclesia legant prophetias & lectiones. Vnde & ei <sup>Idem dist. 25. c. Perle-ctis.</sup> vidente populo, traditur ab Episcopo codex diuinarum lectionum, & dicitur, Accipe & esto verbi Dei relator: habiturus si fideliter impleueris officium, partem cum his qui benè verbum Dei ministrauerunt. Qui ad hunc gradum prouehitur, literarum scientia debet esse instructus, ut sensum verborum intelligat, vim accentuum sciat, distinctè legat: ne confusione prolationis intellectum auditoribus auferat. Attendat quid indicatiuè, quid interrogatiuè sit legendum, ubi sit in oratione facienda distinctio. Hæc enim malè seruata, intellectum turbant & alios ad risum prouocant. Auribus & cordi consulere debet vox lectoris. Hoc officium impleuit Christus, cum in medio seniorum librum Isaiaë aperiens, distinctè ad intelligendum legit, <sup>Isaia. 61. Luc. 4.</sup> Spiritus Domini super me, &c. Ex quo lectoribus datur intelligi, quia gratia spirituali clarere debent, qui aliis verbum Dei annuntiant. Hic ordo formam & initium à Prophetis accepisse videtur: quibus dicitur, Clama, ne cesses: quasi tuba exalta vocem tuam. <sup>Isaia 58.</sup>

## ARTICVLVS XIX.

*An ordo lectoratus sit benè ordinatus inter ordines?*

**D**Einde quæritur de hoc quod dicit *ibi* [Secundus gradus est lectorum, &c.] Et queruntur tria, scilicet de ordine istius ad præcedentem, & ad sequentes non sacros ordines. Secundo de differentia ipsius ad psalmistam. Et tertio de actu ipsius proprio. Alia enim, scilicet utrum imprimat characterem? & de forma, ex præcedenti habita sunt: quia idem modus disputandi est utrobique.

Ad primum sic proceditur: Inter quatuor ordines non sacros sunt duo remouentes à malo, scilicet ostiarii, & exorcistæ: & duo ordinantes in bonum, scilicet lectorum, & acolythorum: sed habentia symbolum conuenientius coniunguntur: ergo videtur, quod exorcistæ immediatè præordinari deberent ianitoribus.

2. Adhuc, In via iustitiæ prius est declinare à malo, quam facere bonum: sed exorcistæ sunt per modum declinationis à malo, lectores autem ad facere bonum: ergo exorcistæ sunt

*D. Alber. Mag. in Lib. 4. Sentent.*

ante lectores: non ergo lectores habent secundum gradum.

3. Adhuc, Boetius dicit, quod prius sunt extirpanda vitia, quam inferendæ virtutes: sed exorcistæ extirpant vitia, & lectores inferunt virtutes: ergo videtur, quod exorcistæ sint ante lectores.

**I**N CONTRARIUM huius est, quod malum <sup>Sed contra.</sup> voluntatis non deferitur nisi cognitum: ergo cognoscere malum, est ante deferere ipsum: lectorum autem officium est ad mali cognitionem, & exorcistarum ad mali deferentiam: ergo lectorum gradus est ante gradum exorcistarum.

**Q**UOD CONCEDENDUM est. Dicendum <sup>Solutio.</sup> ergo ad primum, quod ordines ordinantur hîc secundum quod generantur actus ipsorum in percipientibus sacramenta. Vnde primum in illis est præparatio & custodia loci sanctificati, & deinde totum aliud est in præparatione communicantium sacramentis & confectio-  
ne sacramentorum. Sicut autem dicit Aristoteles in ultimo cap. 10. ethic. Admonitio est primum per verba disponens ad virtutem & ad bonum, licet coactiuam virtutem non habeat. Et ideo inter gradus est primus, & ideo secundus inter omnes: & non ordinantur secundum quod conueniunt



conueniunt in generali quodam, scilicet quod est esse à malo, & esse ad bonum.

AD ALIVD dicendum, quod in via iustitiæ etiam id quod est à malo, præcedit persuasio & ostensio mali quod pertinet ad officium lectoris. Vnde licet lectio ingerat bonum intellectus, & ideo dicatur esse in ordine ad bonum, sicut patet in diuisione ordinum supra assignata: tamen ad continuationem lectorum, id est, eorum quæ leguntur, præcedit & ordinem à malo & ordinem ad bonum, sicut probat vltima obiectio. Et per hoc patet solutio ad vltimum.

## ARTICVLVS XX.

### *De differentia lectoratus ad psalmistatum?*

Secundo quæritur de differentia istius ad psalmistatum, quem tangit in litera. Videtur autem, quod in nullo differant: quia sicut dicit in litera, lectorum officium est prophetias legere in Ecclesia: & psalmi sunt pars prophetiæ nobilior: ergo videtur, quod non differant nisi per materiam: quia lectores vnam partem prophetiæ pronuntiant, & psalmistæ aliam & nobiliorem: ergo aut psalmistatus est ordo, aut pars ordinis lectorum.

2. Adhuc, Si fiat vis in sanctitate lectionis siue in difficultate eorum quæ leguntur, psalmi in tanta excellentia sunt, in quanta aliæ prophetiæ sunt: ergo sicut exigitur ordo ad legendas alias prophetias, ita exigitur ad legendos psalmos: ex quo sequitur idem quod prius.

3. Adhuc, Ad illa principaliter exigitur ordo, quæ magis frequentant ministri Ecclesiæ: psalmos autem plus omnibus aliis prophetiis frequentant: ergo specialis ordo exigitur ad eos.

4. Adhuc, Gregorius super Ezech. super illud verbum Psal. 49. Illic iter quo ostendam illi salutare Dei: dicit, quod in psalmorum cantu, aut datur spiritus compunctionis, aut spiritus propetia, si cum attentione & deuotione fiat: sed non fit ita in aliis prophetiis: ergo psalmi etiam maioris auctoritatis sunt & maioris sanctitatis & utilitatis, quam cæteræ prophetiæ: ergo ordo debet esse ad eos sicut ad alias prophetias legendas, vel erit pars ordinis lectorum.

*Sed contra.*

IN CONTRARIUM huius est, quod cantus psalmorum est deprecatio & oratio quædam: hæc autem à nullo prohibenda sunt: & quod à nullo prohibetur, non habet ordinem, cum ordo sit distinctarum personarum: ergo ad psalmos legendos ordo esse non debet.

*Solutio.*

RESPONSIO. Dicendum, quod psalmistatus non est ordo, sed officium totius chori. Chorus autem totus est conuentus fidelium respondentium præcipientibus quibusdam in laude Dei: & ideo officium est communitatis & totius corporis Ecclesiæ in deuotione Deo seruientis, & non officium ministrorum vt ministri sunt. Et quod indicuntur eis horæ & psalmi, hoc fit pro perficiendo eos in merito sanctitatis, sicut perfecti sunt in potestate ordinis.

AD ID ergo quod primo obiicitur, dicendum quod prophetia vt est simpliciter lecta in Ecclesia, non habet ordinem ad se ordinatum, sed vt est lecta cum explanatione: sic enim habet ordinem dantem auctoritatem hoc faciendi, quia ad hoc indiget potestate & gratia Spiritus sancti, vt in sequenti patebit articulo.

AD ALIVD dicendum, quod in neutro fit vis, sed tantum in auctoritate explanandi id quod legitur vel canitur de prophetiis.

AD ALIVD dicendum, quod quædam frequentantur ad meriti cumulationem à ministris Ecclesiæ, & quædam ad fidelium communionem vt communicent sacramentis. Et quæ primo modo frequentantur, non habent ordinem sed liberum arbitrium gratia informatum, vt mereri possint. Sed quæ secundo modo frequentantur, necessario habent ordinem in quo confertur potestas talia frequentandi, secundum quod sacramenta in principio huius quarti dicta sunt esse ad exercitium.

AD VLTIMUM dicendum, quod hoc non ostendit necessitatem ordinis, sed vim istarum orationum quæ in psalmo dicuntur ad gratiam promerendam.

## ARTICVLVS XXI.

### *Quis sit actus ordinis lectoratus?*

Tertio quæritur de actu istius ordinis. Videtur enim, quod non sit actus ordinis: quia vis accentuandi & proferendi distinctè, sufficienter causatur ex scientia grammaticæ: ergo ad hoc non oportet esse ordinem vnum. Similiter potestas explanandi sufficienter causatur ex scientia theologiæ: & sic iterum ad hoc non oportet esse ordinem: ergo ex actu istius ordinis ostenditur, quod ordo iste sit superfluous.

2. Adhuc, Multos videmus qui habent ordinem, & tamen ista facere non possunt quæ dicuntur in litera. Cum igitur omnis ille qui habet perfectam potestatem ad aliquid faciendum, potest facere illud quodcumque voluerit, videtur quod illi non habeant potestatem perfectam: ergo nec ordinem: quia ordo confert potestatem perfectam.

3. Adhuc, Duo actus hîc tanguntur in litera, scilicet distinctè pronuntiare, & prædicare, quæ sunt diuersarum facultatum, scilicet grammaticæ & theologiæ: ergo videtur, quod non debeant reduci in vnam potestatem immediatam: ergo nec ad vnum ordinem, quia vnus ordo est vnica potestas ad actum aliquem ministrorum, sicut sapius patuit ex ante dictis.

RESPONSIO. Dicendum, quod potestas istius ordinis est legere prophetias cum auctoritate explanandi eas populo. Et ratio huius colligitur ex litera in duobus locis, scilicet in forma huius orationis, quam dicit Episcopus, quando traducendo potestatem & imprimendo characterem dat librum dicens, Esto verbi Dei relator,



relator, habiturus si fideliter impleueris officiū tuum, partem cum his qui verbum Dei bene ministrauerunt, &c. non enim tales aliqui dicuntur in Ecclesia nisi prædicatores sermonū Dei. Secundum est, quod Dominus quando exhibuit actum huius ordinis, non solum legit planè & apertè, sed explanauit statim populo. Ex tertio etiam colligi potest, scilicet quod dicit à Prophetis exortum ordinem, cum dixerunt, Clama, ne cesses: illi enim prophetias populo prædicauerunt ad ædificationem. Et hæc tria argumenta valent pro confirmatione intentionis nostræ.

D I C E N D U M ergo ad primum, quod ad legere non datur ordo vel ad explanare, sed ad auctoritatem legendi & explanandi: & tamen ista falsa est, quod facultas explanandi prophetias sufficienter habeatur à theologia: licet enim facultas accentuandi sufficienter habeatur à grammatica, non tamen ita habetur sufficientia explanandi à theologia: quia non est ex ratione quod ibi docetur, sed ex gratia: unde oportet esse ordinem conferentem & gratiam & auctoritatem.

AD ALIUD dicendum, quod in veritate nisi necessitas urgeat Ecclesiam aliquam, nulus non literatus sufficienter hunc ordinem suscipere debet. Vnde in litera dicit, quod ad hunc ordinem scientia exigitur literarum. Si tamen est necessitas: tunc potest conferri potestas, & expectari actus ad tempus, sicut fit modo, quia satis pueris confertur ordo iste.

AD ALIUD dicendum, quod ambo actus consequuntur se: quia primus est quasi acceptatio materiæ & thematis, ut populus sciat fontem prædicationis esse Scripturam sacram: sed perfectio officij consistit in secundo, & ibi est vltimum ordinis istius. Ad id quod contra obiicitur, dicendum quod quantum est de voce & significatis, referuntur ad diuersarum facultatum habitus. Sed hic non ita sumitur: imo pronuntiatio refertur ad res pronuntiatas, & res pronuntiatæ continentur sub ordinis potestate & gratia quæ in ordine confertur: quia, sicut prius dictum est, nec scientia nec facultas rationis, sed potius ex potestate ordinis & gratia. Et secundum hoc ad vnam reducuntur potestatem & facultatem.

### De exorcistis.

**T**ERTIVS est ordo exorcistarum. Exorcistæ autem ex græco in latinum adiurantes vel increpantes vocantur. Inuocant enim super cathecumenos, & super eos qui habent spiritum immundum, nomen Domini: adiurantes per eum, ut egrediatur ab eis. Ad exorcistam pertinet exorcismos memoriter retinere, manusque super energumenos & cathecumenos in exorcizando imponere. Debet autem habere spiritum mundum, qui spiritibus immundis imperat: & malignum expellere de corde suo, quem expellit de corpore alieno: ne medicina quam alij facit, sibi non proffit, & dicatur ei, Medice cura teipsum. Hi cum ordinantur, accipiunt de manu Episcopi librum exorcismorum: & dicitur eis, Accipite & habetote potestatem imponendi manus super energumenos vel cathecumenos. Hoc officio vsus est Dominus, quando salua sua tetigit aures & linguam surdi & muti, dicens, Effeta, quod est ad aperire: per hoc docens nos spiritualiter debere aperire aures præcordiorum hominum ad intelligendum, & ora ad confitendum: ut pulso dæmone, Spiritus sanctus vas suum recipiat. Hoc etiam officio vsus est Christus, cum dæmoniacos multos sanauit. Hic ordo à Salomone videtur descendisse, qui quendam modum exorcizandi inuenit, quo dæmones adiurati ex obsessis corporibus pellebantur. Huic officio mancipati exorcistæ vocati sunt. De quibus Christus in Euangelio. Si ego in Beelzebub eiicio dæmonia, filij vestri, scilicet exorcistæ, in quo eiiciunt?

Isid. dist.  
21. cap.  
Cleros.

Dist. 15.  
cap. Per-  
lectis.

Luc. 4.  
Dist. 13.  
c. Exor-  
cista.

Marc. 7.

Matt. 8.  
Luc. 8.  
Dist. 27.  
c. Cle-  
ros.

Matt. 11.  
Luc. 11.



## ARTICVLVS XXII.

*Quis sit actus exorcistarum?*

**D**Einde quæritur de hoc quod dicit *ibi* Tertius est ordo exorcistarum, &c. ] Et quærentur de hoc ordine duo, scilicet de actu ad quem est, & vtrum in seipso omnes colligat præcedentes secundum naturam totius potestatiui?

Ad primum obiicitur, Exorcismi vim habent à verbis exorcismorum: ea ergo verba quicumque pronuntiet, semper vim suam consequuntur: ergo æqualiter valent pronuntiata ab ordinato, & non ordinato: ergo non exigitur ordo ad istum actum, vt videtur.

2 Adhuc, Salomon inuenit exorcismos: & constat, quod effectum habuerunt: & tamen nullum habuit ordinem: ergo videtur, quod non exigitur ad hoc ordo.

3 Adhuc, Actus sacramenti Noui Testamenti nunquam eundem habent effectum in Nouo & Veteri Testamento: sed iste actus habet eundem effectum in Nouo & Veteri Testamento, vt patet ex litera: ergo non videtur actus esse sacramenti Noui Testamenti.

4 Adhuc, Ad eundem effectum non est facultas mali spiritus & sacramenti Ecclesiæ: sed ad expellendos dæmones per exorcismos est facultas mali spiritus: ergo ad hoc non est sacramentum Ecclesiæ. Prima patet ex se. Secunda probatur per artem nigromantiæ: & sic constat propositum.

5 Adhuc, Exorcismi Salomonis qui habentur, omnes nigromantici sunt, sicut patet in lib. qui dicitur Alman Dei, qui inscribitur Salomoni regi Israël: ergo videtur, quod actus illi à nigromantia principium habuerunt: ergo & actus tales non debent esse sacramenti Ecclesiæ.

*Quæstio-  
culæ.*

**V**LTERIVS quæritur de actibus in litera dictis: quia tres videtur ponere in litera, scilicet dæmones pellere, mutos & surdos miraculose curare, & hominum ora ad confitendum & corda ad intelligendum aperire. Et videtur, quod isti actus non sunt reducibiles in potestatem vnā: quia pulsio dæmonum est exorcismorum, & curatio infirmorum est gratiæ miraculorum, & apertio orum ad intelligendum est doctrinæ prædicatorum vel magistrorum: ergo videtur, quod non debeant assignari vni ordini sacro.

*Solutio.*

**R**ESPONSIO. Dicendum, quod potestas exorcistarum est pellere vel diminuere vim dæmonis in fomite impediens sacramentorum perceptionem: & alia, scilicet liberationem dæmoniacorum, & curationem infirmorum, habet adiuncta, quando expedit, & non semper.

**A**D PRIMVM ergo dicendum, quod exorcismi non habent totam vim à verbis, imo exigunt proprium agentem & ministrum, prout sunt ad talem actum qui dictus est: sicut & confectio Eucharistiæ non totum habet à forma, sed etiam quærit agentem proprium, quia non sacerdos hoc agere non posset.

**A**D ALIVD dicendum, quod Salomon

inuenit exorcismos imperfectæ curationis, sicut Veteri Testamento comperebant. Et puto, quod non valuerunt nisi ad curationem corporum: isti autem valent ad animas: & si ad corpora referuntur, tunc hoc fit inquantum infirmitas corporis pendet ex mente: & si valet curatio infirmitatis corporis ad mentis curationem, tunc quandoque valet etiam ad corpus. Et licet Salomon inuenierit, tamen ipse non fuit proprius agens, sed Leuitæ: sicut etiam Dauid inuenit Psalmos, & tamen Leuitis committebantur cantandi.

**A**D ALIVD dicendum, quod non habuit ita plenum effectum in Veteri Testamento, sicut dictum est: quia in Nouo Testamento debilitat vim eius in fomite qui impedit sacramentorum perceptionem, in Veteri autem Testamento non valuit nisi in corpore.

**A**D ALIVD dicendum, quod absit hoc, quod facultas mali spiritus sit ad hoc, sed, sicut dicitur in vita beati Bartholomæi, quandoque nocent dæmones, & videntur curare quando cessant à læsione: & ita operatur nigromantiæ, quia vnus dæmon lædit, & alter arceat lædentem vel facit cessare à læsione: sed sacramentum operatur per gratiam contrariam omnibus dæmonum operationibus.

**A**D ALIVD dicendum, quod falsa inscriptio est: quia non creditur, quod Salomon fecerit: sed si fecit, absque dubio tunc fecit, quando idola coluit, & femora mulieribus inclinauit.

**A**D VLTIMVM dicendum, quod illi tres actus ad vnum referuntur, scilicet pellere vim dæmonis inquantum est impeditiua perceptionis sacramentorum: cum enim operatur in corpore siue obsessio siue surdo siue muto vel alias infirmo, non operatur circa hoc nisi prout à dæmone curatur per corpus impediens mentem: & vltimum istius ordinis & virtus eius est aperire intellectum & os ad confitendum, sed aperire remouendo virtutem dæmonis claudens: sed lector aperit ingerendo habitum illuminatiuum ad actum. Et hoc diuerso modo nihil prohibet diuersos ordines esse ad idem. Et per hoc patet solutio ad totum.

## ARTICVLVS XIII.

*An ordo exorcistarum colligat duos præcedentes secundum naturam totius potestatiui?*

**S**ECUNDO quæritur, Vtrum colligat iste ordo duos præcedentes secundum naturam totius potestatiui? Videtur autem, quod non: quia ea quæ sunt eiusdem potestatis, ordinem habent, ita quod præcedens necessariò supponitur in potestate sequentis, sicut in sensibili supponitur vegetabile vt trigonum in tetragono: sed non necessario supponitur in operatione exorcismorum operatio lectorum: ergo videtur, quod non vniat in se præcedentium actus ordinum.

2 Adhuc, In toto potestatiuo sequens nullo modo est sine præcedenti: sed exorcistatus potest



potest esse sine lectoraru, sicut patet in facientibus saltum : ergo videtur, quod non vniat in se præcedentes ordines. Probatio media: si aliquis facit saltum, habet quidem ordinem sequentem, licet non habeat executionem : ergo constat propositum.

*Solutio.* RESPONSIO. Ad hoc dicendum, quod iste ordo vnit in se præcedentes, & characteres præcedentium vniuntur in suo characterem, cum character sit habitus secundum substantiam, & accidat si aliquid ratione cuius distinguat, habitus præcedentium actuum vniuntur in habitu istius, sicut illi qui ordinati sunt ad finem vnum : & tamen manent facultates ad actus singulorum, sicut fit in omni toto potestatiuo : hoc enim habet partes diuissim relatas ad actus, & vnitas in potestate vltimi actus, qui est à potestate perfecta.

DICENDVM ergo ad primum, quod in

partibus animæ vnio est per naturam. Hæc autem vnio per Ecclesiæ & Christi institutionem perficitur. Cuicumque enim conceditur arcere dæmones, in illo præsupponitur potestas ostiariorum & lectorum, quia sunt inferiorum actuum ad dæmonum expulsionem ordinatorum potestates : & cum vnio minor est quam naturæ, tamen talis est quæ sufficit officii Ecclesiæ.

AD ALIUD dicendum, quod hoc modo in sequenti supponitur præcedens, scilicet quia est ad idem ordinatum, licet sit gradus inferioris officij præcedens : & ideo faciens saltum cum habet characterem, non habet tamen executionem, quia oportet potestatem inferioris concurrere. Et est simile sicut si sensibile non haberet vegetabile, non posset agere, quia omnis actus sensibilis in vegetabili fundatur.

### De acolythis.

**Q**UARTO loco succedunt acolythi. Acolythi vero Græcè, <sup>F</sup> Latinè ceroferarij dicuntur, à deportandis cereis quando legendum est Euangelium vel sacrificium offerendum. Tunc <sup>Isidor. ibidem dist. 21. cap. Clericos.</sup> enim accenduntur luminaria, & deportantur ab eis : non ad effugandas aëris tenebras, cum sol eo tempore rutilat, sed ad signum lætitiæ demonstrandum : vt sub typo luminis corporalis, illa lux ostendatur de qua legitur, Erat lux vera quæ illuminat omnem hominem <sup>Ioan. 1.</sup> venientem in hunc mundum. Ad acolythum pertinet præparatio luminarium in sacrario. Ipse cereum portat, ipse vrceolum cum vino <sup>Dist. 25. cap. Perleis.</sup> & aqua suggesta pro Eucharistia subdiaconis præparat. Hi cum ordinantur, cum edocti fuerint ab Episcopo qualiter in officio suo agere debeant, ab archidiacono accipiunt candelabrum cum cereo, & vrceolum vacuum. Hoc officium Dominus se habere testatur <sup>Ioan. 8.</sup> dicens, Ego sum lux mundi : qui sequitur me, non ambulat in tenebris. Huius officij formam illi gerebant in Veteri Testamento, qui lucernas <sup>Exo. 27. Leu. 6. & Exod. vltim.</sup> candelabri componebant, & accendebant igne cælesti, ad illuminandas tenebras aquilonares.

### ARTICVLVS XXIV.

*An acolythatus sit ordo?*

**D**Einde quæritur de hoc quod dicit *ibi* [Quarto loco succedunt acolythi.] Et quærentur hic duo, scilicet vtrum acolythatus sit ordo? Et secundo, quando imprimitur eis character?

Ad primum obiicitur sic : Ad actum corporalem non exigitur ordo aliquis : ferre candelas & cereos, est actus corporalis : ergo ad hoc non exigitur ordo aliquis.

2. Adhuc, Præparatio luminarium in sacrario est ædituorum & custodum, qui supra ostiarij dicti sunt : ergo videtur, quod ad hoc non instituendus sit specialis ordo.

3. Adhuc, Liber sanctior est quam candelabrum : & ad præparationem libri & porta-

*D. Alb. Mag. in Lib. 4. Sentent.*

tionem non exigitur ordo aliquis : ergo nec ad præparationem candelabrorum & candelarum.

4. Adhuc, Si ordo est ad hunc actum qui est præparare & portare cereos & candelabra, videtur quod ille sit multo inferioris gradus, quam lectorum ordo vel exorcistarum. Cum igitur hic ordinentur ordines secundum quod sunt remotiores ab vltimo qui est sacerdotium, videtur, quod iste debet esse secundus vel primus & non quartus.

5. Adhuc, Qualiter est verum diuissim, quod præexigantur ad eius actum tres præcedentes, cum nos videamus, quod candelas ferre potest æquè doctus & indoctus : & ad lectoris officium pertinet esse doctum?

RESPONSIO. Dicendum, quod secundum <sup>Solutio.</sup> meum iudicium ferre candelas non est actus huius ordinis, nisi sicut signum ostendit illud



illud cuius est signum : sed actus eius est ignito eloquio & exemplo operari ad accensionem affectus. Et per hoc patet solutio ad primum & secundum.

AD TERTIVM autem dicendum , quòd lectorum ordo magis est ad hoc quod datur eis liber : intellectus enim perfectio magis est per scientiam, & affectus perfectio est per gratiam exemplorum non verborum : unde videtur istius ordo continuatio esse ad sacros ordines , qui operantur supra materiam corporis Christi.

AD SEQVENS patet solutio per anteceds.

AD VLTIMVM dicendum, quòd patet hoc modo intelligendo vt dictum est : quia tunc altissimum est inter quatuor officia. Et quòd ita sit , patet per hoc quòd dicit Magister in illo loco , Non ad effugandas aëris tenebras, cum sol eo tempore rutiler, sed, &c. Item per illud quod dicit, quòd Christus hunc ordinem exhibuit cum dixit , Ego sum lux mundi.

## ARTICVLVS XXV.

### *Quando acolythis imprimitur character?*

SECUNDO quæritur , Quando imprimitur character in ordine isto ? Duo enim hic dicuntur, scilicet quod cereum portat, & ipse vrceolum portat cum vino & aqua suggesta pro Eucharistia. Constat autem, quòd vicinius est Eucharistia opus quod habet cum portat vrceolum cum aqua , quam portatio cereorum : sed in digniori parte imprimitur facilitas ad operandum : ergo videtur , quòd character

tunc imprimitur cum vrceolus ille sibi datur.

In contrarium huius est , quòd à portatione cereorum denominatur : ergo videtur, quòd quando candelabrum accipit , tunc character sibi imprimitur.

2. Adhuc, Ab Episcopo accipiendo candelabrum primo edocetur qualiter in officio ministrare debet : & tunc ab archidiacono accipit vrceolum : constat autem quòd archidiaconus non dat ordinem, sed Episcopus : ergo videtur, quòd det eis ordinem in hoc quod dat eis candelabrum, & non actum vrceoli.

RESPONSIO. Dicendum , quòd mihi videtur , quòd imprimitur character cum datur candelabrum cum instructione significationis ad fugandas tenebras aquilonares , id est , diaboli : sic enim respondet ei figura in Veteri Testamento , vt patet in litera : & sic ordinem exhibuit Christus. Quod autem archidiaconus facit, hoc est ad excellentiam ordinis denotandam , vt ostendatur continuatio in isto esse ad ordines sacros.

AD OBIECTVM ergo dicendum , quòd opus vrceoli non est opus in ordinibus nisi accidentale & popolare , præter quam quando datur subdiacono : & ideo non est nisi acolythi ministrare cum vrceolo diacono immediate : sed potius præuidere ne sit impedimentum ex parte populi offerentis quin in sacrario sit materia parata de qua conficiatur Eucharistia : sed opus diuinum quod facit circa sacramenta, est pellere tenebras spirituales lumine verbi & exempli : ipse enim quasi argumentum est probationis eius quod dicit ad eloquium diuinum. Et per hoc patet solutio ad totum.

## *De Subdiaconis.*

**Q**VINTVS est ordo subdiaconorum. Græcè hipodiacones vocantur, quos nos subdiacones dicimus. Qui ideo sic appellantur, quia subiacent præceptis & officiis Leuitarum. Oblationes enim in templo à fidelibus suscipiunt , & Leuitis superponendas altaribus deferunt. Hi apud Hebræos nathinnei vocabantur, id est, in humilitate Domino seruientes. Ad subdiaconum pertinet calicem & patenam ad altare Christi deferre , & Leuitis tradere, eisque ministrare. Vrceolum quoque & aquamanile & manutergium tenere : Episcopo & Presbyteris & Leuitis , pro lauandis ante altare manibus aquam præbere. His lex continentia imponitur : quia altari propinquant, vasa corporis & sanguinis Christi portant. Vnde illud implere debent, Mundamini qui fertis vasa Domini. Ad hos etiam pertinet tantum de oblationibus ponere in altari , quantum sufficere possit populo : necnon corporales & pallas & substratoria lauare. Hi cum ordinantur, accipiunt de manu Episcopi patenam & calicem vacuum. Ab archidiacono vero vrceolum cum aquamanili & manutergium. Hoc officio vsus est Dominus quando linteo se præcinxit, & mittens aquam in peluim , pedes discipulorum lauit & linteo terfit.

Dist. 21.  
cap.  
Cleros.

Dist. 25.  
c. Perle-  
tis.

Hugo  
lib. 1.  
parte 3.  
c. 9.  
Isaia.  
52.

Joan. 13.



## ARTICVLVS XXVI.

*Quis sit actus diaconi ad quem imprimi-  
tur character?*

**D**Einde queritur de hoc quod dicitur ibi [Quintus ordo subdiaconorum, &c.] Queruntur hic tria, scilicet, quid sit actus subdiaconi verus, ad quem imprimitur character? Secundò, Vtrum excellit quatuor antecedentes? Terriò, Quare quidam ordines dicuntur sacri, quidam autem non sacri?

Ad primum obiicitur sic: Subdiaconus subiicitur diacono: ergo inferiorem habet actum pro actu: sed Nouum Testamentum datur legendum diacono, vt dicitur in sequenti capitulo: ergo Vetus datur legendum subdiacono: sed hoc idem datur lectori: ergo videtur, quòd vnus & idem sit actus lectoris & subdiaconi.

2 Adhuc, In litera dicit, quòd calicem & patenam debent ad altare deferre & Leuitis tradere: hoc autem minus est quam lectiones diuinas exponere: ergo videtur, quòd nobilior actus sit, quòd legant epistolas & prophetias: sed ordo sicut & quodlibet aliud diffinitur ad vltimum actum: ergo diffinitur ad legendum: & inde vt prius.

3 Adhuc, Magis est ministrare Episcopo & presbyteris, quam diacono: sed in vrceolo & manutergio & manili seruit Episcopo, & presbyteris, in calice & patena diacono tantum: ergo videtur, quòd magis excellentis potestatis indicium sit, quòd suscipit manile & manutergium, quam quòd suscipiat calicem: sed in potestate excellentiori datur character: ergo videtur, quòd character ei imprimatur quando suscipit manile & manutergium.

4 Adhuc, Ille est actus ad quem character imprimitur, quem exhibuit Christus ordinem hunc praefigurando: sed actum ablutionis in manili & manutergio exhibuit Christus ordinem istum praefigurando: ergo ad illum imprimitur character istius ordinis. Prima patet per hoc quod hic ordo sicut nec aliud sacramentum, vim aliquam habuit nisi ab institutione diuina. Secunda autem scribitur in litera in fine huius capituli.

*Sed contra.* IN CONTRARIUM huius obiicitur: quia tanto est excellentior actus in ordinibus, quāto est actui sacerdotis qui est conficere corpus Christi, vicinior: sed praeferre calicem & hostias super altare proportionare numero sumentium, prae omnibus est actui sacerdotis qui est conficere Christi corpus, vicinior: ergo videtur, quòd ille actus sit excellentior: sed ad excellentiorem imprimitur character: ergo character huius ordinis tunc imprimitur, cum calicem à manu Episcopi suscipit cum verbis: ad hoc pertinentibus.

*Solutio.* RESPONSIO. Quod hic vltimo probatum est, videtur mihi concedendum esse.

AD PRIMUM ergo dicendum, quòd subdiaconus dicitur, eo quod ministrat diacono in actu principali qui est, quòd diaconus ministrat super altare sacerdoti materiam corporis Christi, sicut patuit in diuisione ordinum supra posita.

AD ALIUD dicendum, quòd hoc multo

magis est quam lectiones legere: quia hoc est ministrare ad corpus Christi verum, aliud autem ad mysticum tantum: & tamen lectio subdiaconi altior est quam lectoris, sicut explanatio Euangelij quae est in epistolis, maior est explanatione legis quae est in prophetis.

AD ALIUD dicendum, quòd hoc verum est in quantum Episcopus est: sed non facit sibi hoc ministerium nisi in communi prout exigitur munditia quaedam lucere in omnibus ministris. Vnde in eodem ministerio seruit etiam Leuitis, vt dicit in litera. Vnde actus illius ministri non fit Episcopo vt Episcopus est, vel presbytero vt presbyter est: sed hoc est comune ministerium seruientium iuxta altare, & hoc est adiunctum diacono qui inter ministros inferiores magis ad sancta potest accedere.

AD ALIUD dicendum, quòd Christus vtrumque in cena exhibuit: necessarium enim fuit vasa parare in quibus corpus & sanguinem illum conficeret: vnde etiam dixit, Accipite, hic calix Noui Testamenti est: sed Magister hinc ex posteriori actu priorem demonstrat esse suppositum: quia nemo dubitat si inferiorem & adiunctum actum qui humilitatis est fecit Christus per seipsum, quin etiam per seipsum fecit actum excellentiorem qui vicinior est sacramento Eucharistiae.

## ARTICVLVS XXVII.

*An ordo subdiaconatus praecellat quatuor  
alios ordines?*

**S**ecundo queritur, Vtrum iste ordo excellat quatuor antecedentes ordines? Et videtur, quòd non: quia sicut dicit Aristor. in 10. eth. Operatio intellectus dignior est omni operatione hominis: sed lectoris actus circa operationem intellectus est, & subdiaconi circa vasa quaedam irrationalia & inanimata: ergo videtur, quòd operatio lectoris dignior sit, quam operatio subdiaconorum: sed sicut se habet operatio ad operationem, sic se habet ordo ad ordinem: ergo ordo lectorum dignior est, quam ordo subdiaconorum.

2 Adhuc, Arcere daemones potestatis est supermundanae, sed praeferre vasa Ecclesiae est operatio mundana: sed supermundana operatio est dignior quam mundana siue humana: ergo videtur, quòd operatio exorcistarum sit dignior operatione subdiaconorum: ergo vt prius.

*Sed contra.* IN CONTRARIUM huius est, quòd subdiaconus intrat ad sancta, ad quae non licet accedere inferioris ordinis gradibus: sed qui sanctis est vicinior, est dignior: ergo ordo subdiaconorum dignior est omnibus inferioribus ordinibus.

2 Adhuc, Ordo qui in sua operatione vicinior est primo actui sacerdotum, est nobilior: sed inter omnes plus appropinquat in operatione subdiaconus praeter diaconum solum: ergo ipse ordo dignior est praeter ordinem diaconatus.

RESPONSIO. Dicendum, quòd duabus



ultimis rationibus consentiendum est.

AD PRIMVM ergo dicendum est, quod licet sit circa vasa irrationalia & inanimata, non tamen est circa ea prout huiusmodi sunt, sed potius prout referuntur ad continentiam corporis Christi, quod dignius est quam totus mundus etiam si millies multiplicaretur mudus. Ad dictum autem Philosophi dicendum, quod intelligitur de operationibus hominis in quantum homo est: sed istæ operationes quæ sunt ministrorum in sacramentis, sunt diuinæ potius quam humanæ.

AD ALIUD dicendum, quod arcere demones nullo modo est ita dignum sicut operari circa vasa corporis Domini prout sunt contentiua corporis Christi: & licet illa sit supermūdana potestas, tamē ista est etiā supermūdana, quia à Deo datur homini potestas ista.

## ARTICVLVS XXVIII.

*Quare isti tres ordines dicuntur sacri?*

Tertio quæritur de ordinibus sacris, quare tres isti dicuntur sacri? Et obiicitur sic:

Omnis operatio sacra est, quæ est circa sacra: sed omnis operatio ordinis est circa sacra: ergo omnis ordo est sacer.

2. Adhuc, Operatio dupliciter dicitur sacra, scilicet à sanctitate operantis, sicut actus meritorius sanctus est: vel à sanctitate materiæ circa quam est. Et constat, quod primo modo non dicitur ordo sacer: quia multi non habentes ordines, habent taliter sacras operationes. Si autem secundo dicitur ordo sacer: tunc sequitur ut prius, quod omnis ordo est sacer.

RESPONSIO. Dicendum, quod sacri dicuntur isti ordines propter sanctitatem quæ indicitur ministrantibus in eis: oportet enim habere votum continentiae vel simpliciter vel secundum tempus. Simpliciter ut in Occidentali Ecclesia, quia non dantur isti ultimi tres ordines nisi vouentibus & seruantibus castitatem perfectam. Secundum tempus autem in primitiua Ecclesia, & in Ecclesia Orientali si qui in matrimonio ordinem suscipiunt, permanent in matrimonio: sed tamen quandiu ministrant, separantur ab vxoribus: & iterum illa mortua aliam ducere non possunt. Et per hoc patet solutio ad ambo obiecta.

## De diaconis.

**D**IACONORVM ordo sextum tenet locum, propter senarij perfectionem. Hic ordo in Veteri Testamento à tribu Leui nomen accepit vel traxit. Dicuntur enim & leuitæ. Præcepit quippe Dominus Moyse, ut post ordinationem Aaron & filiorum eius, prorsus tribus Leui ad diuini cultus ministeria ordinaretur & consecraretur Domino: & seruirent pro Israël coram Aaron & filiis eius in tabernaculo. Ipsique gestarent arcam & tabernaculum, & omnia vasa eius: & in circuitu tabernaculi excubarent, & in transportando tabernaculo ipsi deponerent, rursumque componerent. A viginti quinque annis & supra iussi sunt seruire in tabernaculo: quam regulam in Nouo Testamento sancti Patres constituerunt, quia hæc ætas ad ferenda onera est robusta. Leuitæ ergo ex nomine Auctoris vocati sunt. De Leui enim leuitæ exorti sunt, à quibus in templo mystici sacramenti mysteria explebantur. Hi Græcè diacones, Latine ministri dicuntur: quia sicut in sacerdote consecratio, ita & in diacono ministerij dispensatio habetur. Ad diaconum pertinet assistere sacerdotibus, & ministrare in omnibus quæ aguntur in sacramentis Christi, scilicet in baptismo, in chrismate, in patena, & calice: oblationes quoque inferre, & disponere in altari. Componere etiam mensam Domini & vestire, crucem ferre, & prædicare Euangelium & epistolam ad populum. Nam sicut lectoribus Vetus Testamentum, ita diaconibus Nouum prædicare præceptum est. Ad ipsum etiam pertinet officium precum, & recitatio catechumenorum nominum. Ipse præmonet aures habere ad Dominum, ipse donat pacem, & ipse annuntiat. Quod autem huic ordini à Moyse statutum est, hoc etiam in Nouo Testamento repræsen

Hugo  
lib. 2.  
parte 3.  
c. 16.  
Num. 3.  
Leuit. 8.

Num. 4.

Num.  
18.

Isid. 7.  
etym.  
Dist. 21.  
c. Cle-  
ros.

Dist. 25.  
c. Perle-  
dis.

Num. 4.



representatur, cum diacono super laeuum humerum stola ponitur, & casula in diebus ieiunij complicatur: quia quicquid laboris & sustententiae in hac vita toleratur, quasi in laeua portatur, donec in dextera, id est, in aeternitate, requies habeatur. Hic ordo ab Apostolis celebratus est, quando (vt legitur in actibus Apostolorum) septem viros plenos Spiritu sancto ad hoc officium elegerunt, & oratione praemissa manus eis imposuerunt. Vnde & consuetudo inoleuit, vt in omni matrice Ecclesia septem diacones circa Christi aram, quasi septem columnae assistant. Hi sunt septem Angeli tuba canentes in Apocalypsi, qui quales esse debeant, Apostolus docet Timotheo scribens. Hi cum ordinantur, solus Episcopus eis manum imponit: quia ad ministerium applicantur. Ponit eis orarium, id est, stolam, super laeuum humerum, vt per hoc intelligant se accepisse iugum Domini suae, quo ad sinistram pertinentia, diuino timori subiiciant. Accipiunt & textum Euangelij, vt intelligant se esse praecones Euangelij Christi. Hi autem antequam ordinantur, probentur vt docet Apostolus: & sic ministrent, nullum crimen habentes. Hoc officio vsus est Christus, quando post cenam sacramentum carnis & sanguinis discipulis dispensauit, & quando Apostolos dormientes ad orationem excitauit dicens: Vigilate & orate vt non intretis in tentationem.

Cant. 8.  
Actu 6.

De consecr. dist.  
1. c. Episcopus.  
Apoc. 7.  
1. Tim. 3.

Mat. 11.

1. Tim. 3.

Mat. 26.  
Luc. 12.

## ARTICVLVS XXIX.

*Quis sit actus principalis ordinis diaconatus?*

**D**Einde quaeritur de hoc quod dicit ibi [Diaconorum ordo sextum tenet locum, &c.] Tria autem quaeruntur de diaconibus, scilicet de actu principali huius ordinis. Secundo, Vtrum ille ordo vt alij praexigat alia sacramenta, vel sine his suscipi potest? Tertio quaeritur de vestibus sacris huius ordinis & praecedentium.

Ad primum obicitur per ea quae dicuntur in litera, vbi dicit, Ad diaconum pertinet assistere sacerdotibus, &c. Ibi enim enumerat nouem ad diaconum pertinentia, scilicet, assistere sacerdotibus in ministrando in sacramentis. Secundo, oblationes fidelium inferre, & disponere in altari. Tertio, componere missam. Quarto, crucem ferre. Quinto, praedicare Euangelium & ceteras Scripturas. Sexto, frequentatio precum. Septimo, recitatio catechumenorum. Octauo, quod praemonet aures habere ad Dominum. Et nono, quod pacem donat, & annuntiat. Quaeritur ergo, Quis istorum sit actus principalis? vnius enim potestatis est vnicus actus: & ordo diaconi est vna potestas tantum: ergo non habet nisi vnum actum.

Videtur autem, quod ille sit praedicare Euangelium: quia praedicatio Euangelij fuit officium Christi: constat autem, quod officium Christi fuit dignissimum & diuinissimum: ergo nullum actum etiam diaconus potest habere digniorem.

2. Adhuc, In litera dicit circa hunc actum, quia diaconibus conceditur praedicatio Noui Testamenti sicut lectoribus Veteris: sed Verus

& Nouum praedicare non differunt nisi per materiam: ergo ordo lectoris & diaconi non differunt nisi per materiam, quod falsum est.

3. Adhuc falsum videtur: quia etiam subdiaconis conceditur recitatio epistolarum Noui Testamenti: & cum recitant, quasi choro praedicant: vnde etiam chorus respondet eis cantando gradualia per quae significatur profectus de virtute in virtutem, & tractus per quos significatur longanimitas in tribulatione praesentis vitae, & alleluia per quod significatur gaudium in spe futurorum: & hoc est totum quod praedicatur. Per hoc etiam videtur, quod non sit verum, quod proprium sit diaconorum praedicare Nouum Testamentum.

4. Adhuc, Ministrare vestiendo mensam & crucem ferendo non videtur esse diaconorum, sed potius acolythorum: quia secundum vsum Ecclesiarum hoc videmus facere acolythos.

**R E P O N S I O.** Ad haec & similia dicendum, quod actus summus & principalis diaconi est ministrare sacerdoti in consecratione corporis Christi immediate super altare. Dat enim ei calicem cum hostia & vino, & osculando manum reportat patenam subdiacono, corporale componit, & super ipsum hostias consecrandas componit. Ipse etiam si necesse est, sacramentum ipsum iam confectum populo dispensat, vt patet vbi dicit, quod hoc officio vsus est Dominus cum post cenam corpus & sanguinem suum discipulis dispensauit. Ad hunc autem actum omnes alij referuntur: quod enim sacerdoti ministrat, totum refertur ad compositionem hostiarum in altari. Quod autem populum praemonet dicendo, Flectamus genua, leuate, & huiusmodi. Quod pacem dat immediate sumens eam a sacerdote, quod recitat catechumenos, quod praedicat, &c. hoc totum

Solutio.



torum ordinatur ad hoc, quòd dignè communicet de manibus eius Eucharistiam dispensantis. Vnde patet, quòd iste est actus primus.

AD ID ergo quod obiicitur, dicendū quòd annuntiare Euangelium est actus dignissimus qui potest fieri circa corpus mysticum: & hoc modo operabatur Christus salutem nostram: sed digniorem habuit actum circa corpus suum verum, quando de pane & vino nobis sacramentum suū effecit, & ad illum actum accedit diaconus ministrando in altari sacerdoti, vt dictum est.

AD ALIUD dicendum, quòd sicut dicit Dionysius, ea quæ sunt inferiorum ordinum, superiores habent præpotenter & eminenter. Vnde prædicatio lectoris est secundum obscuram resonantiam Veteris Testamenti: sed subdiaconi clarior, & clarissima diaconi. Et hoc modo non potest sensibilibiter distingui, nisi quòd vni Verus, alij Epistolæ, & tertio Euangelium committitur: vt sciatur, quòd in plena claritate conuenit diacono, quòd modo proportionato sibi conuenit lectori, & subdiacono. Et ideo hæc differentia non est materialis tantum, sed potestatis: sicut dico, quòd candela lucet; & sol, non differt materialiter tantum, scilicet per exile & eminens, sed secundum potestatem lucendi: & huius potestatis causæ sunt formæ diuersæ.

AD ALIUD patet solutio per dicta: quia eminens modus proprius est diacono, & inferior subdiacono. Et si quis obiiciat, quòd magis & minus non diuersificat speciem: nihil est: quia dicit Aristot. quòd qui credunt, quòd id quod secundum magis & minus dicitur, sit vniucum, non sufficienti crediderunt signo: quia magis & minus quandoque causantur à potestatibus diuersarum formarum magis & minus nobilium, & tunc non sunt vnius speciei: & ita est hic. Quandoque autem causantur per motum ad terminum ab eadem forma, & tunc sunt eiusdem speciei: & ita non est hic. Hoc autem etiam notatum est in secundo, quæstione, vtrum anima & Angelus differant specie?

AD ALIUD patet solutio, quòd in festis magnis in celebratione Episcoporum diaconus portat crucem, præcipue ante Archiepiscopum: & præparatio altaris hic intelligitur compositio corporalis in altari: hoc enim non debet facere nisi diaconus. Et per hoc patet solutio ad totum.

### ARTICVLVS XXX.

*An tam diaconatus quam alij priores præexigant alia sacramenta?*

Secundo queritur, Vtrum tam iste quam alij præexigant alia sacramenta in suscipiente? Videtur autem, quòd sic: quia essentialius coniungitur ordo ordini, quam aliis sacramentis: & ordo sequens potest suscipi non susceptis præcedentibus: ergo etiam potest suscipi non susceptis aliis sacramentis.

2. Adhuc, Ponamus, quòd aliquis non sit

baptizatus, tamen firmiter credat probabilibus signis, quòd sit baptizatus, & suscipiat diaconatum vel alium ordinem sacrum, & ministret: aut ipse perficit actum sacramenti, aut non? Si non perficit: tunc Ecclesia esset decepta. Sit enim talis sacerdos: tunc nec essent absoluti quos audiuit in confessione, nec esset verum corpus Christi quod conficit, & multa abominabilia sequerentur. Si autem conficit & perficit actum ordinis: cum actus non procedat nisi à potestate characteris, videtur quòd ipse characterem ordinis habere potest sine characterem baptismi, quod fere omnes negant. Si fortè dicas, quòd talis baptizatus reputatur ab Ecclesia. Contra: Constat, quòd characterem baptismi non habet, licet fortè habeat gratiam & effectum quendam baptismi: ergo sine characterem baptismi potest haberi character ordinis: & hoc proposuimus ostendere.

IN CONTRARIUM huius est, quòd character baptismi fundamentum est aliorum sacramentorum & characterum: & sine fundamento nihil stabile ædificatur: ergo ipse sine characterem baptismi nullum recipit ordinem. Adhuc, Contingat quòd talis sciatur non esse baptizatus, vel per reuelationem, vel alio modo: constat, quòd ipse reordinabitur: non autem reordinaretur si prius habuisset characterem ordinis: ergo videtur, quòd prius characterem ordinis non habuit. Si fortè dicas, quòd habuit prius, tamen ignorauit, sed amisit cum sciuit: hoc ridiculum est, quòd character indelebilis per scientiam alicuius rei destruat.

RESPONSIO. Absque dubio dicendum, quòd non habens baptismum non percipit aliquem ordinem, sed sine aliis sacramentis percipere potest: quia licet actuale peccatum maius sit quam originale: non tamen ita exigitur penitentia vt baptismus, quia penitentia non est ianua sacramentorum & fundamentum per quod fundemur in Christo sicut baptismus.

AD PRIMUM ergo quod obiicitur, dicendum quòd licet ordo ordini sit substantialior quoad formam sacramenti, tamen non ita habet ordinem ad ipsum fundamentum, quia actus habet diuersos: sed nullum actum habet ordo diuersum à fide: & ideo sacramentum fidei quod est baptismus, est fundamentum. Et est simile in sensibus etiam in natura: quia auditus similior est visui quantum ad formam sentiendi, quam tactus: & tamen sine auditu potest esse visus, sed nullo modo sine tactu, quia tactus non tam est sensus quam fundamentum sensuum.

AD ALIUD dicendum sine præiudicio, quòd ille talis nullum habet ordinis characterem: tamen puto, quòd conficiat sacramenta, non in potestate sua, sed in potestate Ecclesiæ: & ideo reordinatur cum scitur per aliquem modum, quòd non fuit baptizatus: descendit enim tunc à virtute Spiritus sancti vegetantis Ecclesiam potestas in illum, ne Ecclesia decipiatur, & istum excusat ignorantia inuincibilis.



ARTICVLVS XXXI.

*An vestis sacra exigatur ad hoc vt fiat  
actus ordinis?*

**T**ertio queritur de vestibus sacris istius & aliorum ordinum: quia Magister primo in littera de illis facit mentionem. Queritur autem, Vtrum vestis sacra exigatur ad hoc, quod fiat actus ordinis, ita quod sine veste fieri non possit? Et videtur, quod sic: quia illae vestes sicut & ordines sunt à Domino institutae, sicut patet Leuit. 9. sed nulla vis est in sacramentis ad conferendum effectum, nisi ab institutione diuina: ergo si praetermittatur quod à Deo institutum est, non erit sacramentum: sed vestes institutae sunt: ergo si praetermittantur, non erit sacramentum.

2. Adhuc, In omnibus artibus sic est, quod oportet artificem esse perfectum secundum habitum proprium illi operi quod facit, vel

ipse non operatur secundum artem quae est in ipso, bene, sed per accidens, & male, sicut vetula sanat: ergo similiter debet etiam esse in sacrameatis: sed vestes vt dicit in littera, proprios ministrorum significant habitus, vt munditiam castitatis, & sic de aliis: ergo videtur, quod si non sint in ministris vestes illae, non vt ministri operentur: sed sacramentorum actus sunt ipsorum vt ministri sunt: ergo sine vestibus actus sacramentorum non perficiunt.

**SOLVTIO.** Ad hoc dicendum, quod vestes sunt de bene esse, & non de esse ordinum.

**AD OBIECTA** ergo duo quae facta sunt, dicendum quod duplex est habitus ministri, scilicet idoneitatis, & necessitatis. Idoneitatis habitus ostendunt vestes: sed necessitatis habitus est ordo qui datur illis: & ille solus similis est habitui artificum: sicut enim sine arte non operatur artifex artificiosè, ita sine ordine non operatur minister vt minister sacramentorum.

*De presbyteris.*

**S**EPTIMVS est ordo presbyterorum. Presbyter Graecè, senior interpretatur Latine. Non modo pro aetate vel decrepita senectute, sed propter honorem & dignitatem quam acceperunt, presbyteri nominantur: qui morum prudentia & maturitate conuersationis, praecellere debent in populo. Vnde scriptum est, Senectus venerabilis est, non diuturna nec annorum numero computata. Cani enim sunt sensus hominis, & aetas senectutis vita immaculata. Ideo autem etiam presbyteri sacerdotes vocantur, quia sacrum dant, qui licet sint sacerdotes, tamen pontificatus apicem non habent sicut Episcopi: quia ipsi nec chrismate fontem signant, nec paracletum dant: quod solis deberi Episcopis lectio Actuum Apostolorum demonstrat. Vnde & apud veteres iidem Episcopi & presbyteri fuerunt: quia illud est nomen dignitatis, non aetatis. Sacerdos nomen habet compositum ex Graeco & Latino, quod est sacrum dans, siue sacer dux. Sicut enim rex à regendo, ita sacerdos à sacrando dictus est, consecrat enim & sanctificat. Antistes vero sacerdos dictus est ab eo, quod ante stat: primus enim est in ordine Ecclesiae. Ad presbyterum autem pertinet sacramentum corporis & sanguinis Domini in altari Dei conficere, orationes dicere, & dona Dei benedicere: qui cum ordinantur, inunguntur eis manus, vt intelligant se accepisse gratiam consecrandi, & charitatis opera debere extendere ad omnes. Accipiunt & stolam, quae vtrumque tenet latus, quia debent esse muniti armis iustitiae contra aduersa & prospera. Accipiunt etiam calicem cum vino, & patenam cum hostiis, vt per hoc sciant se accepisse potestatem placabiles Deo hostias offerendi. Hic ordo à filiis Aaron sumpsit initium. Summos enim pontifices & minores sacerdotem instituit Deus per Moysen, qui ex praecepto Dei Aaron in summum Pontificem, filios verò eius vnxit in minores sacerdotes. Christus quo-

Isidor.  
7. cym.  
cap. 13.  
Dist. 21.  
c. Cleros.

Sap. 4.

Act. 8. &  
19.

16. l. vbi  
suprà.

Dist. 25.  
c. Ptele-  
tis.

Dist. 11.  
post  
princ.  
Exo. 29.

Matt. 10.

que



que duodecim elegit discipulos prius, quos & Apostolos vocauit, quorum vicem gerunt in Ecclesia maiores pontifices: deinde alios septuaginta & duos discipulos designauit, quorum vicem in Ecclesia tenent presbyteri. Vnus autem inter Apostolos princeps extitit Petrus, cuius vicarius & successor est pontifex summus. Vnde dicitur Apostolicus, qui & Papa vocatur, scilicet pater patrum. Qualis autem eligi debet presbyter, Apostolus scribens Timotheo ostendit, vbi nomine Episcopi presbyterum significat. Hoc autem officio vsus est Christus, cum seipsum in ara crucis obtulit, idem sacerdos & hostia: & quando post cœnam panem & vinum in corpus suum & sanguinem commutauit. Ecce de septem Ecclesiæ gradibus breuiter elocuti, quid ad quemque pertineat insinuauimus. Cumque omnes spirituales sint & sacri, excellenter tamen canones duos tantum ordines appellari censent, diaconatus scilicet, & presbyteratus: quia hos solos primitiua Ecclesia legitur habuisse, & de his solis præceptum Apostoli habemus. Apostoli enim in singulis ciuitatibus Episcopos & presbyteros ordinauerunt. Leuitas etiam ab ipsis ordinatos legimus, quorum maximus fuit beatus Stephanus. Subdiaconos vero & acolythos procedente tempore Ecclesia sibi constituit,

## ARTICVLVS XXXII.

*An sacerdotium conferatur consecratione vel merito sanctitatis?*

SEPTIMUS ordo est presbyterorum, &c.] Quatuor quærentur hic de sacerdotio. Primo quæritur, Vtrum detur consecratione vel merito sanctitatis? Secundo, Vtrum sit idem sacerdotium Noui & Veteris Testamenti. Tertio, Qualiter character sacerdotij vniat sibi omnium præcedentium ordinum characteres? Quarto & vltimo de actibus sacerdotij, quos tangit in litera.

Ad primum sic obiicitur: Dicit Chrysost. Non omnis sacerdos sanctus sed omnis qui est sanctus, est sacerdos. Constat autem, quod non omnis sanctus habet sacerdotium ex consecratione. Ergo videtur, quod sacerdotium sanctitate meriti non consecratione conferatur.

2 Adhuc, Apocal. 1. dicunt Sancti, Fecisti nos Deo regnum, & sacerdotes. Et ex hoc sequitur idem.

3 Adhuc, In Psalm. 98. Moyse & Aaron in sacerdotibus eius: & constat, quod Moyse nunquam consecratus fuit: ergo vt prius.

4 Adhuc, 1. Petr. 2. Vos estis genus electum, regale sacerdotium, gens sancta, populus acquisitionis, Et loquitur omnibus qui fuerunt in Ecclesia, tam mulieribus, quam viris: ergo vt prius.

*Sed contra.* IN CONTRARIUM huius est: quia vnum quod requiritur ad ordinum susceptionem, est sexus, vt dicunt canones: ergo scemina non potest fieri sacerdos: potest tamen esse sancta & corpore & spiritu, vt dicit Apostolus 1. Cor. 7. ergo sanctitas non confert sacerdotium.

*Solutio.* SOLVITIO. Ad hoc dicendum, quod sancti-

tas confert idoneitatem sacerdotij, sed non sacerdotium.

AD OMNIA obiecta dicendum, quod sacerdos dicitur dupliciter, scilicet secundum significatum, & secundum nominis interpretationem. Secundum significatum non est sacerdos nisi consecratus legitime in sacerdotem. Secundum nominis interpretationem dicitur quilibet iustus: quia est sacerdos per meritum, & sacerdos per exemplum. Et hoc modo etiam rex dicitur quilibet iustus, vt dicitur in litera. Hoc autem modo sumitur sacerdos in auctoritatibus inductis.

## ARTICVLVS XXXIII.

*An sacerdotium veteris legis & noua sit idem sacerdotium?*

SECUNDO quæritur, Vtrum sit idem sacerdotium Noui & Veteris Testamenti? Et videtur, quod sic: quia Exech. 10. Rota est in medio rotæ: ergo sacerdotium in sacerdotio: ergo non distinguitur.

2 Adhuc, 1. Corinth. 10. Omnes eandem escam spirituales manducauerunt. Ergo spiritualis esca in Veteri Testamento fuit præparata sicut & in Nouo: & hoc est sacerdotium Noui Testamenti: ergo idem est sacerdotium Noui & Veteris Testamenti: quia cui conuenit proprium, illi etiam conuenit illud cuius est proprium.

3 Adhuc, August. dicit, quod vna fuit fides antiquorum & modernorum. Ergo & eadem charitas: ergo & idem sacerdotium.

IN CONTRARIUM huius est quod dicit Apostolus Hebr. 7. Translato enim sacerdotio necesse est vt legis translatio fiat. Ergo supponit illud sacerdotium esse translatum. Nouum



Nouum autem manet, vt ibidem probet: quia Christus est sacerdos in æternum secundum ordinem Melchisedech: ergo non sunt idem sacerdotium.

2 Adhuc, Sacerdos Veteris Testamenti conuersus ad fidem ordinandus erat: sed hoc non fieret, si esset idem sacerdotium: ergo non est idem.

*Solutio.* RESPONSIO. Dicendum, quod non est idem: sed differunt sicut figura & veritas: & ita est vetus in nouo, sicut figura in veritate: nouum autem in veteri sicut veritas latens in figura. Vnde vetus in nouo est apertè per ostensionem veritatis signatæ: & ideo non amplius seruatur, sed est translatum. Sed nouum in veteri est occultè: & ideo seruabatur vsque ad istius reuelationem: & hoc intendit dicere Ezech. & per hoc patet solutio ad primum.

AD ALIUD dicendum, quod non fuerunt eadem nisi per spirituales intellectum & fidem, & non secundum speciem: quia ista in illis intelligebantur; sed species sacramentorum hinc inde est alia, & ideo alius ritus, & aliud sacerdotium, & alia potestas, & alia gratia sacerdotum, vt in quæstione de clauibus habitum est.

AD ALIUD dicendum, quod non ab unitate fidei est unitas sacerdotij, sed potius ab unitate potestatis & ritus sacramentorum.

#### ARTICVLVS XXXIV.

*Qualiter character sacerdotij vniat sibi characteres ordinum præcedentium?*

**T**ertio quæritur, Qualiter character sacerdotij vniat sibi characteres ordinum præcedentium? Quæcunque enim sunt plura non vnita, simpliciter sunt plura: si igitur septem ordinum characteres non habent aliquid vniens, simpliciter erunt plura, & non vnum sacramentum.

*Sed contra.* IN CONTRARIUM obiicitur, quod nos videmus actus ordinum esse diuisos: & sicut se habent actus, ita & habitus: ergo si potestates ordinum sunt diuisæ: ergo & characteres.

*Solutio.* RESPONSIO. Dicendum, quod character sacerdotalis solus est vt perfectio sacramenti, & omnes alij sunt dispositiones.

AD ARGVMENTVM contra, dicendum, vt supra in quæstione simili solutum est, quod in omni toto potestatiuo actus partium distincti sunt, sed per hoc perficiuntur in sequenti & in toto: quia in illo accipiunt perfectionem secundum eminentiam: sicut cognitio sensibilis in sensu imperfecta est, & perficitur plus in ratione & maxime in intellectualitate. Vnde omnes characteres ordinum præcedentium vt dispositiones sunt hoc modo ad ordinem vltimum: & ipse est vniens in se & perficiens omnes.

D. Alb. Mag. in Lib. 4. Sentent.

#### ARTICVLVS XXXV.

*An tres actus sacerdotij positi à magistro, sint sufficienter assignati?*

**Q**uarto & vltimo quæritur de actibus sacerdotum. Tangere autem videtur in litera tres, scilicet sacramentum Eucharistiæ conficere, & orationes dicere, & dona benedicere. Quæritur autem, Cum potestas ligandi & soluendi conferatur solis sacerdotibus, præcipue in foro confessionis: quare Magister non tangit actum qui est ligare & soluere in foro confessionis?

2 Adhuc, Cum plures hic dantur actus, quis est principalis ad quem confertur character.

*Solutio.* RESPONSIO. Dicendum, quod ex præhabitis disputationibus clauium est fere dictum quicquid potest quæri de hoc ordine. Dicendum tamen ad primum, quod Magister hic non tangit nisi actum principalem sacerdotis, ad quem substantialiter est ordo, & non actum secundarium: quia de ipso sufficienter in tractatu de pœnitentia, vbi de clauibus agebatur, dictum est.

AD ALIUD dicendum, quod actus principalis est conficere Eucharistiam: & alij sunt adiuncti ad idoneitatem communicantium Eucharistiæ, & sacerdotis, vt orationes, benedictiones, & huiusmodi. Nota autem, quod quidam hic moralizant omnes vestes sacerdotum Veteris & Noui Testamenti, & signa quæ fiunt in Missa, & ea quæ pro habitu habent & faciunt alij ministri: sed quia hæc potius prædicatio quam disputatio est, ideo à me penitus prætermittitur, quia istius scientiæ non est proprium.

#### ARTICVLVS XXXVI.

*An canones bene appellent duos sacros ordines?*

**D**einde quæritur de hoc quod dicit [Excellentes canones duos tantum sacros ordines appellant, &c.] Hoc enim videtur contrarium his quæ supra determinata sunt, scilicet quod tres sunt ordines sacri.

2 Adhuc, Videtur enim falsum dicere in litera: quia non est aliquid sacramentum nisi ab institutione diuina: sed inferiores ordines præcipue subdiaconatus sunt sacramentales: ergo ab institutione diuina fuerunt: ergo à principio Ecclesiæ.

3 Adhuc, Videtur sibiipso contrarius: quia in quolibet ordine ostendit, quando & qualiter officio illius ordinis functus est Christus: constat autem, quod Apostoli & primitiui patres non neglexerunt quæ Christus tam sollicitè exhibuit in seipso: ergo illi ordines fuerunt in primitiua Ecclesia.

*Solutio.* RESPONSIO. Dicendum, quod absque dubio omnes ordines in Ecclesia primitiua fuerunt.

A A a



fuerunt, & à Christo instituti illo modo institutionis qui supra determinatus est: sed dupliciter obseruatur ordo, scilicet coniunctus alij ordini, & disiunctus. In primitiua enim Ecclesia propter paucitatem ministrorum & magnam idoneitatem suscipientium, quia fere omnes excellentis fuerunt sanctitatis, omnes inferiores conferebantur cum diaconatu: sicut adhuc in quibusdam Ecclesiis quatuor primi simul conferuntur. Postea autem creuit numerus ministrorum, & decreuit idoneitas: & tunc Ecclesia statuit diuidendos ordines inter se. Vnde Magister intelligit, quod

in primitiua Ecclesia non erant diuisi per ministros obseruati: & per hoc patet solutio ad omnia preter primum.

AD PRIMVM ergo dicendum, quod Magister alia ratione vocat hic sacros ordines, & alia ratione vocantur hodie sacri: quia sua ratio est auctoritas primitiue Ecclesie, quæ sacra est & veneratione digna: sed hodie vocantur sacri à sanctitate, quam licet pauci habeant, tamen omnes eam vouent & profitentur ministri simpliciter vel secundum quid, vt dictum est supra in questione de subdiaconorum ordine.

### *Quid sit quod hic dicitur ordo.*

**K** I autem quæritur, Quid sit quod hic vocatur ordo? Sane dici potest signaculum esse, id est, sacrum quoddam quo spiritualis potestas traditur ordinato & officium. Character ergo spiritualis, vbi fit promotio potestatis, ordo vel gradus vocatur. Et dicuntur hi ordines sacramenta, quia in eorum perceptione res sacra, id est, gratia confertur, quam figurant ea quæ ibi geruntur.

### *De nominibus dignitatum vel officij.*

**L** VNT & alia quædam non ordinum sed dignitatum vel officiorum nomina. Dignitatis simul & officij nomen est Episcopus. Episcopatus autem vocabulum inde dictum est, quod ille qui Episcopus efficitur, superintendat, curam scilicet subditorum gerens. Scopin enim Græcè, Latinè intendere dicitur. Episcopi autem Græcè, Latinè speculatores interpretantur. Nam speculator est præpositus in Ecclesia dictus, eò quod speculetur atque perspiciat populorum infra se positorum mores & vitam. Pontifex est princeps sacerdotum, quasi via sequentium. Ipse & summus sacerdos nuncupatur: ipse enim leuitas & sacerdotes efficit, ipse omnes Ecclesiasticos ordines disponit.

Dist. 21.  
c. Cleros.

Ezech.  
33.  
Dist. 11.  
c. Cleros.

## ARTICVLVS XXXVII.

*An ordo bene diffiniatur in litera à Magistro?*

**D** E inde quæritur de hoc quod dicit ibi [ Si autem quæritur, Quid sit quod hic ordo vocatur? ] Et quærentur duo, scilicet quid sit ordo, & quid habeat pro materia, & quid pro forma.

Ad primum accipiantur duæ diffinitiones in litera positæ. Prima est ista, Ordo est signaculum quoddam, id est, sacrum quoddam quo spiritualis potestas traditur ordinato & officium. Secunda est quasi conclusa ex ista, Character spiritualis vbi fit promotio potestatis, ordo vel gradus vocatur. Tertia est antiquorum Magistrorum, & est hæc: Ordo est sacramentum spiritualis potestatis ad aliquod officium ordinatum in Ecclesia ad sacramentum communionis.

Obiicitur autem contra primam: quia signaculum aut dicitur characteris, aut signa exteriora. Si characteris: ergo cum character etiam in duobus aliis sacramentis imprimatur, videtur, quod in diffinitione illorum poni debuit: & hoc est falsum: ergo nec in diffinitione istius debet poni. Si dicit signa exteriora: cum hæc sint in omnibus sacramentis, in omnibus sacramentis debet poni signaculum quando diffiniuntur, vt videtur: & hoc iterum est falsum.

2 Adhuc, Mala videtur esse expositio signaculi per sacrum: quia multa signacula sunt non sacra, sicut illud de quo Ezech. 38. legitur, quod est signaculum similitudinis, &c.

3 Adhuc, Melius dicitur sacramentum quædam sacrum quoddam: quia sacramentum est ordinis genus, sacrum autem extra genus est ordinis, quia etiam conuenit operi meritorio, & aliis quæ non sunt sacramenta.

4 Adhuc, Nullus modus diffiniendi est per signum particulare: nihil enim est dictu, homo est



est animal quoddam: quia si ista esset diffinitio, tunc etiam diffinitio hominis conueniret asino, quia etiam asinus est animal quoddam: ergo videtur, quod mala sit diffinitio.

Eodem modo obiicitur contra secundam, ubi dicit, Character, &c. quia in aliis sacramentis imprimitur character: & tamen non diffiniuntur per characterem: ergo nec istud.

2. Adhuc ordo & gradus, aut dicunt gradum naturæ, aut gradum dignitatis aut gradum gratiæ. Si dicas primo modo, falsum est: quia omnes ordinati & non ordinati homines sunt unius naturæ: unde Greg. dicit, quod contra naturam superbire, est hominem homini velle præesse. Si secundo modo. Contra: Illud ad quod promouetur suscipiens sacramentum, est res sacramenti: ergo si ad dignitatem promouetur suscipiens sacramentum, dignitas erit res sacramenti: & hoc falsum est, quia sicut dicit hic in litera, gratia est res huius & omnium aliorum sacramentorum. Si verò dicatur, quod gradus dicit promotionem in gratia: tunc omne sacramentum erit ordo vel gradus, quia in omni sacramento est promotio secundum gradum: & hoc iterum falsum est.

*solutio.*

RESPONSIO. Dicendum, quod in veritate secunda diffinitio Magistri corrigit primam, & est explanatio ipsius. Unde prima non est diffinitio, sed inuestigatio siue assumptio generis proximi. Secunda vero dicit esse ordinis. Quod ergo primo quaeritur dico, quod signaculum supponit pro caractere.

AD ARGUMENTUM contra, dicendum quod licet in duobus aliis character imprimitur, tamen non character excellentiæ seu dignitatis, sicut in isto: & ideo specialiter ponitur in diffinitione istius.

AD ALIUD dicendum, quod signaculum tale semper sacrum est, & sacri lignum & causa quantum in se: & tamen non valet obiectio, quia illud est signaculum similitudinis, quod est in imagine Dei expressa: & est æquiuocatio in argumento.

AD ALIUD dicendum, quod sacrum ponitur ibi ut contrahens signaculum ad proprium genus: & hoc est idem sacramentum quod verè sacramentum est imprimens characterem: unde signaculum est immediatius genus hoc modo sumptum, quam sacramentum: & ideo magis congruè ponitur in diffinitione.

AD ALIUD dicendum, quod ly quoddam non intendit nisi distinguere æquiuocationem quæ est in signaculo, ut dictum est. Vel melius dicatur, quod intendit per signum particulare sumere genus sub genere, scilicet sacrum signaculum sub sacramento, & ita concludere diffinitionem veram: & hoc bene potest fieri quando veniamur diffinitionem.

AD ID quod primo obiicitur contra diffinitionem veram, patet solutio per antedicta.

AD ALIUD dicendum, quod gradus est dignitatis. Ad obiectum contra, dicendum quod ad duo promouetur exteriori sacramento, scilicet ad id quod est res & signum, & ideo substantialiter sacramentum, & hoc est character excellentiæ secundum dignitatem: & promouetur ad id quod est res tantum, & hoc est gratia.

### ARTICVLVS XXXVIII.

*Quid sit in sacramento ordinis pro materia & forma?*

Secundo quaeritur, Quid sit hic pro materia, & quid pro forma? Omne enim sacramentum (ut dixit Magister supra) consistit in rebus & verbis. Et idem dicit August. Quaeritur, Quæ sit materia, præcipue in inferioribus ordinibus? Videtur enim, quod chrisma vel oleum consecratum ab Episcopo esse debeat: quia in sacramentis excellentibus excellenter præparatæ esse debent materiæ: sed istud est excellens: ergo materia sanctificata debet esse ab Episcopo.

2. Adhuc, Sicut quidam dicunt, clauis vel candelabra, libri exorcismorum, calix, quæ dantur ordinatis in ordinibus, sunt materia sacramenti huius: tunc videtur, quod sicut baptismus non est sine aqua & oleo, & confirmatio sine chrismate, &c. ita non possit esse ordinatio sine istis: ergo si aliquis non tangit illa, ipse non est ordinatus, quod graue esset dicere.

RESPONSIO. Dicendum, quod materia est illa quæ sunt enumerata, & ab Episcopo porriguntur ordinatis *solutio.*

AD PRIMUM autem dicendum, quod non propter excellentiam sanctificatur materia, quia in baptismo non sanctificatur: sed propter actum quem conferunt ista sacramenta, ut patuit cum de his ageretur. Unde sacramentum hoc habet pro materia in quo ostenditur per similitudinem eius actus & effectus: horum autem ordinum actus ostenduntur in instrumentis quæ porriguntur eis ab Episcopo.

AD ALIUD dicendum, quod non exigitur nisi correctio, & tactus est de bene esse: quia sicut dictum est in hoc sacramento est forma significans translationem potestatis: & hæc significatur correctione tota, non expresse dissentiente eo cui porrigitur: intelligitur enim accepisse, quando non dissentire se ostendit quando ad accipiendum est præsentatus. Alij vero aliter dicunt: sed non est curandum, quia rationem paruam habent.



*De quadripartito ordine Episcoporum.*

M  
Dist. 21.  
c. Cle-  
ros.



Isido-  
rus.

Hugo.  
lib. 2.  
part. 3.  
cap. 13.

**M** R D O autem Episcoporum quadripartitus est, scilicet in Patriarchis, Archiepiscopis, Metropolitanis, & Episcopis. Patriarcha Græcè summus patrum interpretatur: quia primum, id est, Apostolicum tenet locum: ut Romanus, Antiochenus, Alexandrinus: sed omnium summus est Romanus. Archiepiscopus princeps Episcoporum: archos enim Græcè, Latine princeps dicitur. Metropolitanæ autem à mensura ciuitatum dicuntur. Singulis enim prouinciis præeminent, quorum auctoritati & doctrinæ ceteri sacerdotes subiecti sunt. Sollicitudo enim totius prouinciæ ipsis Episcopis commissa est. Omnes autem superius designati ordines, Episcopi nuncupantur. Nota, quod Archiepiscoporum nomine, Primates superius significasse videtur, & Metropolitanorum, quos nunc Archiepiscopos dicimus. Horum autem discretio à Gentilibus introducta videtur, qui suos flamines, alios simpliciter flamines, alios archiflamines, alios protoflamines appellabant. Sacerdotes enim Gentilium flamines dicebantur, qui habebant in capite pileum, in quo erat breuis virga, desuper habens aliquid lanæ: quod cum per æstum ferre non possent, filum tantum in capite ligare cœperunt. Nudis enim capitibus eis incedere nefas erat. Vnde & à filo quo utebantur, flamines dicti sunt, quasi filamines. Sed festis diebus filo deposito pileum imponebant pro sacerdotij eminentia. Vates à vi mentis appellati sunt, cuius significatio multiplex est. Modo enim sacerdotem, modo Prophetam, modo poetam significat. Cantor vero vocatur, qui vocem modulatur in cantu. Huius sunt duo genera, Præcentor, & Succentor. Præcentor qui vocem præmittit in cantu. Succentor qui subsequenter canendo respondet. Concenter autem dicitur, quia consonat. Qui autem non consonat nec concinit, concenter non erit. His breuiter tractatis admonendi sunt Christi ministri, quatenus sicut excellunt ordinis dignitate, ita præcellant vitæ sanctitate, ut plebs eis commissa, eorumque disciplinis edocta, gratanter eis obediat, & eorum imitatione de die in diem proficiat, à quibus diuina sacramenta percipiunt, & missarum solemnities audiunt. Missa autem dicitur, vel quia missa est hostia, cuius commemoratio fit in illo officio: vnde dicitur, *Ite missa est*, id est, sequimini hostiam quæ missa est ad cælestia, tendentes post eam: vel quia missus cælestis venit ad consecrandum Dominicum corpus, per quem ad altare cæleste deferretur hostia: vnde & dicitur, *Missa est*.

## ARTICVLVS XXXIX.

*An Episcopatus & alia quæ Magister enumerat, sint ordines?*

**D**Einde quæritur de hoc quod dicit ibi [Ordo autem Episcoporum quadripartitus est, &c.] Et quærentur duo, scilicet vtrum sint ordines ea quæ enumerat hic? & quando & qualiter conferuntur?

Ad primum videtur, quod sint ordines: quia

sunt potestates ad actus diuinos in Ecclesia, sicut velare moniales, consecrare Ecclesias, & huiusmodi: ergo sunt ordines.

2 Item, Hoc est signaculum promotionis potestatis: ergo à diffinitione sunt ordines.

**R**ESPONSIO. Totum istud patet per antecedentia: cum enim nullus possit esse actus excellentior, quam conficere corpus Christi, nullus potest esse ordo post sacerdotium: sed iurisdictionum officia sunt quæ enumerat distincta super corpus mysticum, cui intendunt taliter officii: & quando consequuntur, accipiunt



cupiunt gratiam non ad ordinem, sed ad executionem iurisdictionis in Ecclesia si sunt digni. Et per hoc patet solutio obiectorum: quia cum dicitur, quod ordo est promotio potestatis, non intelligitur de potestate iurisdictionis, sed potius operandi circa sacramentum Eucharistiae.

## ARTICVLVS XL.

*Quando & qualiter predicta conferantur?*

**S**ecundo quaeritur, Quando & qualiter conferuntur? Dicit enim Apostolus Hebr. 7, quod sine contradictione quod minus est, a maiori benedicitur. Ergo Archiepiscopus non benedicitur ab Episcopo: ergo nec consecratur: ergo nec confertur ei iurdictio aliqua: sed secundum omnem usum Ecclesiae Archiepiscopus benedicitur ab Episcopo: ergo, &c.

2 Eadem est obiectio de Domino Papa, quem benedicit Hostiensis.

3 Adhuc, Cum Dionysius in epistola ad Demophilum monachum, non videatur distinguere nisi sacerdotes & Episcopos in hierarchia: unde venit iste quadripartitus ordo Episcoporum?

4 Adhuc, Primates sunt in Ecclesia quos

hic praetermittit: ergo insufficiens est, ut videtur.

**AD HOC** videtur dicendum, quod ordo vocatur hic gradus dignitatis secundum iurisdictionem, ut prius dictum est: & dicitur ordo, quia actus quosdam sacros iurisdictionis exercet.

**AD HOC** autem quod obiicitur, dicendum quod Archiepiscopus non consecratur ab Episcopo, sed potius Episcopus ab eo: sed ius Archiepiscopale confertur ei a Papa cum pallio: unde cum maior est Episcopus, non benedicitur ab Episcopo.

**AD ALIUD** dicendum, quod etiam summus Pontifex non consecratur ab Hostiensis in quantum est summus, sed in quantum est pontifex tantum: sed iurdictio vniuersitatis potestatis descendit in ipsum a Domino, ex hoc quod Petro succedit.

**AD ALIUD** dicendum, quod Dionysius sub hierarchiis comprehendit tres ordines, scilicet Primatus, Archiepiscopatus, & Papatus.

**AD ALIUD** dicendum, quod Magister Hugò Archiepiscopos vocat, quos nunc Ecclesia vocat Primates: quos autem Ecclesia nunc vocat Archiepiscopos, ipse vocat Metropolitanos. Et per hoc patet solutio ad totum.



## DISTINCTIO XXV.

*De ordinatis ab haereticis.*



**S**OLET etiam quaeri, Si haeretici ab Ecclesia praecisi & damnati, possint tradere sacros ordines? & si ab eis ordinati redeunt ad Ecclesiae unitatem debeant reordinari? Hanc quaestionem perplexam ac penè insolubilem faciunt Doctorum verba, qui plurimum dissentire videntur. Videntur enim quidam tradere haeticos sacros ordines dare non posse, nec illos qui ab eis ordinati videntur, gratiam recipere. Dicit enim Innocentius Arrianorum clericos non videri suscipiendos, cum sacerdotij vel ministerij alicuius dignitate: quibus solum baptisma ratum esse permittit, quod in nomine Patris & Filij & Spiritus sancti percipitur. Dicit etiam eos non posse dare Spiritum sanctum quem amiserunt, & ordinatos ab haeticis caput habere vulneratum, & eum qui honorem amisit, honorem dare non posse: nec illum aliquid accepisse: quoniam in dante nihil erat quod ille posset accipere. Tradit etiam venientibus ab haeticis per manus impositionem laicam tantum tribuendam communionem: nec ex his aliquem in clericatus honorem vel exiguum surrogare. Gregorius etiam dicit sacrilegam esse Arrianorum consecrationem, cum ex eorum manu communio percipitur.

*D. Alb. Magn. in Lib. 4. Sentent.*

**A** De dispensatione sacramenti ordinis.

1 qu. 7. c. Arrianos.

Lib. 3. dialog. & allegatur 1. q. 1. cap. Superueniente.



Epist.  
contra  
hæret. &  
ponitur.  
1. qu. 1.  
c. Signis  
inquit.

Super  
Aggæ. 2.  
& poni-  
tur. 1.  
q. 1. c. Si  
populus.  
Super  
Amos 5.  
& habet-  
ur. 1.  
q. 1. cap.  
Odit.  
Lib. 2. ad  
cap. 8.  
Oseæ.  
Leo ad  
Anatho-  
lium,  
Cōstan-  
tinopol.  
Episco-  
pum : &  
habetur  
1. qu. 1.  
c. In Ec-  
clesia.

Cyprianus etiam dicit, Omnia quæcunque faciunt hæretici, carnalia & inania & sacrilega esse : & eorum altaria falsa & illicita, sacerdotia & sacrificia sacrilega : qui more simiarum, quæ cum homines non sint, formam imitantur humanam, vultum Ecclesiæ Catholicæ & auctoritatem sibi vendicant, cum ipsi in Ecclesia non sint : & cum sint sacrilegi, sacerdotium administrant, & altare ponunt : cum nec sacrificari oblatio illic possit, ubi Spiritus sanctus non sit : nec cuiquam Dominus per eius preces & orationes pro sit, qui Dominum ipsum violavit. Hieronym. quoque asserit, omnia quæ offeruntur ab hæreticis, contaminata esse in conspectu Domini : quia licet sancta videantur specie sui, tamen quia contacta sunt ab illo qui pollutus est, polluuntur omnia. Idem, Odit Deus sacrificia hæreticorum, & à se proicit : & quoties in nomine eius congregati fuerint, detestatur foetorem eorum, & claudit nares suas. Idem, Illi offerunt panem sacrilegum, &c. Leo etiam testatur extra Ecclesiam nec rata esse sacerdotia nec vera esse sacrificia. Idem etiam dicit, per crudelissimam vesaniam in Alexandrina sede omnium sacramentorum lumen extinctum. Intercepta est sacrificij oblatio, defecit chrismatis sanctificatio : & parricidalibus manibus impiorum omnia se subtraxere mysteria. His aliisque testimoniis astrui videntur sacramenta Ecclesiastica, præcipue corporis & sanguinis, ordinationis, & confirmationis, per hæreticos non posse ministrari.

*Auctoritates ponit quæ videntur premisis obuiare.*



Lib. 2.  
contra  
Episto-  
lam  
Parme-  
nian.

**B**ONTRA autem alij sentire videntur, quod ab hæreticis etiam præcis sacri ordines, sicut & baptismus, tradi valeant : nec ab hæreticis redeuntes, qui illic ordinati sunt & baptizati, iterum ordinandi sunt, sicut nec baptizandi. Vnde August. De hæreticis etiam damnatis quod quidam dicunt, baptismus quod accepit non amittit, qui recedit ab Ecclesia, ius dandi quod accepit amittit : multis modis apparet inaniter dici. Primo, quia nulla ostenditur causa, cur ille qui illud baptismus amittere non potest, ius dandi possit amittere. Vtrumque enim sacramentum est, & quadam consecratione utrumque homini datur : illud cum baptizatur, & illud cum ordinatur. Ideo non licet in Ecclesia Catholica utrumque iterari. Nam quando ex ipsa parte venientes, etiam præpositi, pro bono pacis correcto schismatis errore suscepti sunt : & si visum est opus esse ut eadem officia gererent quæ agebant, non sunt rursus ordinandi. Sed sicut baptismus in eis, ita in eis mansit ordinatio integra : quia in præcisione fuerat vitium, quod in unitate pacis est correctum : non in sacramentis, quæ ubicunque sunt, ipsa sunt. Et cum ipsi expedire videtur Ecclesiæ, ut præpositi eorum venientes ad catholicam societatem, honores suos ibi non administrent : non eis tamen ipsa ordinationis sacramenta detrahuntur, sed super eos manent : ideoque non eis manus imponitur, ne non homini, sed ipsi sacramento fiat iniuria. Sicut autem in baptismo est ius, quod per eos dari possit : sic in ordinatione ius dandi est : utrumque quidem ad perniciem suam. Sed aliud est non habere, aliud perniciosè habere, aliud salubriter habere. Idem, De his

In eis-  
dem lib.  
& cap.



his qui ab Ecclesiæ unitate separati sunt, nulla iam quæstio est quin habeant & dare possint: sed perniciosè habent, perniciosèque dant, quia extra vinculum pacis sunt. Neutri sacramento facienda est iniuria. Eph. 4. Sicut non rectè habet qui ab unitate recedit, sed tamen habent, & ideo redeunti non redditur: sic etiam non rectè dat qui ab unitate recedit, & tamen dat: & ideo qui ab eo accipit, venienti ad unitatem non iteratur. Idem, Aliud est non habere aliquid, aliud est non iure habere, vel illicitè usurpare. Non ergo ideo non sunt sacramenta Christi & Ecclesiæ, quia eis illicitè utantur non modo hæretici, sed etiam omnes impij: sed illi corrigendi sunt & puniendi, illa autem sunt agnoscenda & veneranda. Item Gregor. Quod dicitis ut qui ordinatus est iterum ordinetur, valdè ridiculosum est. Ut enim baptizatus semel, iterum baptizari non debet: ita qui consecratus est semel, in eodem ordine non valet iterum consecrari. His aliisque auctoritatibus videtur asseri, in omnibus impijs, etiam in hæreticis precis & damnatis, Christi sacramenta permanere, cum iure dandi. Possunt enim dare, sed perniciosè: & quibus dederint, non sunt iterum ordinandi: quæ præmissis ex opposito obuiare videntur.

August. in lib. 2. de vnico baptismo contra Parmenianum. Gregor. Ioan. Rauennati Episcopo. dist. 68. Sicut semel. Lib. 2. epist. cp. 32.

*Determinatio præmissæ contradictionis auctoritatum.*

**H**ÆC autem quidam ita determinant. Dicunt enim hæreticos C accepta sacerdotali vel Episcopali vñctione ab Ecclesia receptes, baptismi quidem dandi ius retinere: sed non habere facultatem tribuendi sacros ordines, vel consecrandi dominicum corpus postquam præcisi & damnati sunt ab Ecclesia: sicut degradatus Episcopus non habet potestatem largiendi sacros ordines: facultatem tamen baptizandi non amisit. Quod vero Augustinus ait, intelligunt dictum de hæreticis qui non sententia Ecclesiæ sed prauitate sensus sui à fidei veritate ac doctrinæ unitate diuisi sunt: qui licet tales sint, ius tamen ordinandi & consecrandi habent. Et qui ab eis ordinantur ante manifestam præcisionem, etiam si cum eis apertè exierint, & sententia Ecclesiæ damnati fuerint: tamen si redierint, iterum ordinandi non sunt. Et vbicunque legitur de ordinatis ab hæreticis, quod ordinibus ministrare valeant, vel iterum ordinandi non sint, de huiusmodi accipiendum dicunt. Nam postquam præcisi fuerint & damnati iudicio Ecclesiæ, ius ordinandi & consecrandi eis detractum asserunt, ut degradatis vel excommunicatis. Alij vero dicunt sacramenta ab hæreticis & precis secundum formam Ecclesiæ celebrata, vera esse & rata: quia recedentes ab Ecclesia, ius dandi & consecrandi non perdiderunt: & qui sic ab hæreticis ordinantur, cum redeunt, iterum ordinandi non sunt. Quæ vero ab hæreticis aliter quam in Ecclesia fiunt, falsa sunt & inania: & qui à talibus ordinari videntur, non munus, sed vulnus accipiunt. Et secundum hanc differentiam variè de his loquuntur Doctores. Quidam vero dicunt eadem sacramenta ab hæreticis precis posse celebrari, quæ à Catholicis, si ab illis forma Ecclesiæ seruetur, & ab eis celebrata vera esse & rata, quantum ad se: quantum vero ad effectum, falsa esse & inania, & in his qui malè tractant, & in

I. qu. 1. Opponitur autem.

Cap. proximo.



his qui malè suscipiunt, & ideò irrita & falsa: quia quod promittunt, non tribuunt. Damnanda etiam dicuntur: quia illicitè dantibus vel accipientibus sunt in iudicium. Polluta etiam dicuntur, non quantum ad se, sed propter indignam hereticorum tractationem. Ideo Gregorius communionem Arrij vocat execrationem, & Innocentius Bonosij ordinationem, damnationem: non quòd ita in se sint, sed quia malè dantes vel accipientes tales facit. Sicut etiam Hieronymus sacrificia eorum panem luctus vocat: non quantum ad se, sed quantum ad effectum. Nonnulli verò tradunt illos hæreticos qui in Ecclesia ordinati sunt, ius ordinandi & consecrandi etiam cum separati fuerint, habere. Qui vero in schismate vel hæresi positi, ab eis ordinati & iniuncti fuerint, illo iure carent, ideoque cum ordinare volunt, vulnus potius infigunt, quam gratiā conferant.

## ARTICVLVS I.

*An hæretici ab Ecclesia præcisi, possunt conferre ordines?*

**S**olet quæri, Si hæretici, &c. ] In ista distinctione continentur duo, scilicet, an hæretici possunt dare sacros ordines, & de diuersitatibus simoniæ ibi [ De simoniæ vero non est ambigendum. ] Circa primum disputat Magister multum in litera: & nos ibi quærimus, Vtrum hæretici ab Ecclesia præcisi, sacros ordines conferre possint, vel non.

Videtur autem, quòd non: omne enim quod descendit ab alio in alium, vel merito personali descendit in ipsum, vel merito Ecclesiæ: sed in hæretico nihil est de merito personali, vel de merito Ecclesiæ, cum præcisus sit ab Ecclesia, vt positum est: ergo nihil descendit per ipsum: ergo nihil confertur: ergo nec ordo.

2 Adhuc, Per canale non coniunctum fonti, nihil fluit de fonte: sed hæreticus præcisus, est sicut canale non coniunctum fonti: ergo nihil descendit per ipsum: ergo nec ordo.

3 Adhuc, Nullus sapiens operatur ad sui operis destructionem, sed si hæreticus, vt dicit, conferrer Ecclesiæ sacramenta, hoc esset in Ecclesiæ destructionem: ergo author Ecclesiæ non operatur opus illud: sed author Ecclesiæ operatur omnem effectum sacramenti: ergo per hæreticos præcisos non operatur aliquid: ergo nihil conferunt.

4 Ad hoc ipsum multæ adducuntur auctoritates in litera.

IN CONTRARIUM obiicitur sic, In sacramentorum collatione non operatur nisi forma & intentio: si ergo ista seruentur ab hæretico, de necessitate conferretur effectus ab hæretico qui est sacramentum.

2 Adhuc, In sacramentorum collatione non differt malus minister à bono: ergo nec fidelis ab infideli, dummodo seruet formam & intentionem sacramenti: ergo etiam præcisi conferunt: & pro ista parte etiam multæ auctoritates in litera adducuntur.

MAGISTER autem ad solutionem horum, quatuor inducit opiniones, quæ notæ sunt literam inspicienti. Sed apud modernos non est dubium de hoc: quia ab hæreticis siue adhuc intra Ecclesiam, siue etiam extra existentibus conferuntur omnia sacramenta, dummodo sint sacerdotes vel Episcopi, vel in aliis ordinibus in quibus ministrare possunt sacramenta, & seruent formam & Ecclesiæ intentionem.

SECUNDVM hoc ergo dicendum ad primum, quòd nec merito Ecclesiæ sit sacramentum, sed virtute instituentis, qui dedit hanc potestatem homini, vt quando seruaret formam & intentionem, efficeretur tale vel tale sacramentum.

AD ALIVD dicendum, quòd canale istud coniunctum est Ecclesiæ per similitudinem formæ & intentionis: & hæc sufficiunt, vt dictum est.

AD ALIVD dicendum, quòd Deus non operatur in sui operis destructionem, sed potius in constructionem: quia sui operis ostendit virtutem etiam per malos operando: & Ecclesia propter hoc magis adhæret ei, & hæreticorum iustior est damnatio.

## De simonia unde dicitur &amp; quid sit

**D**e simoniæ vero non est ambigendum quin sint hæretici: qui tamen ante sententiam degradationis & ordinant & consecrant. Et licet simoniaci propriè dicantur, qui instar Simonis magi impretiabilem gratiam pretio conducere volunt, & qui pro ministerio sacro pretium recipiunt in modum Giezi, Giezitæ vocandi sunt. Omnes tamen & dantes & accipientes, simoniaci dicuntur, & vtrique eadem sententia percelluntur.

De



*De his qui scienter à simoniacis ordinantur.*

**D**IFFERT tamen inter eos qui ordinantur à simoniacis scienter, & eos qui ignoranter. Qui enim scienter à simoniacis se permiserint consecrari, imo execrari: eorum consecratio omnino irrita est. Urbanus  
Papa.  
1. q. 1.  
Qui verò ordinantur à simoniacis, quos cum ordinantur, nesciunt esse simoniacos, qui & tunc pro Catholicis habentur: eorum ordinatio misericorditer sustinetur.

*De his qui dicunt se emere corporalia, non spiritualia.*

**S**Iverò aliqui obiecerint, se non consecrationes emere, sed res ipsas quæ ex consecratione proueniunt, penitus desipere probantur. F  
Pascha.  
1. q. 3.  
c. Siquis  
obiecerit.  
Nam quisque horum alterum vendit, sine quo alterum non habetur, neutrum vendere derelinquit.

ARTICVLVS II.

*Quid sit simonia?*

**D**Einde quæritur de secunda parte de hoc quod dicitur *ibi* [De simoniacis, &c.] Quærentur autem hic quatuor de simonia. Primo, Quid sit. Secundo, An sit hæresis, ut dicere videtur in litera? Tertio, Vtrum inferior cum superiori committere possit simoniam? Quarto, Quibus modis committitur simonia?

Ad primum sumitur diffinitio Iuris peritorum communiter sic diffinientium: Simonia est studiosa voluntas emendi vel vendendi spirituale, vel spirituali annexum. Quæritur ergo, Quid vocatur voluntas studiosa? Aut enim hæc est, quæ nititur exire in actum, & non exit: aut quæ perficitur, & exit. Si primo modo: tunc voluntas emendi spirituale esset simonia, quod falsum est, ut patet infra in diuisione simoniæ. Si autem est illa quæ nititur & exit in actum emendi vel vendendi: tunc multæ fiunt simoniæ in venditione calicum, & aliorum Ecclesiæ vasorum: quod iterum falsum est, cum talia licite fieri possint.

2. Adhuc videtur, quod sola voluntas sine studio sufficit ad simoniam: quia turpius est simonia quam usura: & usurarius est quis ex sola spe lucri: ergo videtur, quod etiam sit simoniacus ex sola voluntate vel spe emendi. Adhuc videtur hoc Act. 8. vbi nunquam Simon spirituale emit, sed tantum emere voluit: & tamen simoniacus fuit, ita quod omnes simoniaci ab eo sunt denominati: ergo videtur, quod sola voluntas facit simoniacum.

3. Vltius quæritur, Quare dicit, Studiosa? Illud enim quod fit ex ignorantia, fit sine studio: sed multi sunt qui ignorant spiritualia non debere poni sub pretio: ergo si illi ponunt sub pretio spiritualia emendo vel vendendo, non habet in hoc voluntatem studiosam: ergo non committunt simoniam, quod absurdum est. Item, Tullius dicit, quod studium est

vehemens animi applicatio ad aliquid agendum. Ergo videtur, quod illud non sit in emendis vel vendendis: & ideo male ponitur in diffinitione ista.

4. Vltius quæritur de illa parte qua dicit, Emendi vel vendendi spirituale. Studiosa enim voluntas emendi vas sepulchri fuit in Abraham, quando conuenit cum Ephron de spelunca agri duplici: & tamen non dicitur simoniacus: ergo diffinitio est falsa, ut videtur.

5. Adhuc, Nihil spiritualius est quam regnum celorum: & tamen emitur & venditur tota die, ut videtur Matth. 13. Simile est regnum celorum homini quærenti bonas margaritas, &c. Et August. dicit, Venale habeo, &c. Gregor. Regnum celorum tantum valet, quantum habes. Ergo videtur, quod etiam alia spiritualia vendi possint.

6. Vltius quæritur, quid vocatur annexum spirituali? Nihil enim est annexum sibi: ergo nec est spirituale sibi annexum: ergo annexum spirituali est corporale: corporale autem potest vendi, quod est annexum spirituali, ut patet quando miles vendit villam in qua habet ius patronatus: ergo diffinitio falsa.

**R E S P O N S I O.** Ad hoc videtur, quod diffinitio sit bona: & quod dicitur, Studiosa voluntas, dicit voluntatem cum effectu operis quantum est ex parte simoniaci. Quod autem dicit, Emendi vel vendendi, dicit proprium actum simoniæ. Et quod dicit, Spirituale vel annexum spirituali, dicit materiam. Solutio.

**A D P R I M V M** ergo dicendum, quod dicit voluntatem cum actu ex parte simoniaci. Ad obiectum contra, dicendum quod calices & huiusmodi sunt spiritualia secundum quantum modum spiritualitatis, ut infra patebit: & illa talia vendi possunt: & hæc est solutio Decretistarum, & nihil habet rationis. Vnde dicendum, quod quando dicit, Emendi vel vendendi spirituale in quantum est spirituale: intelligitur, quod emptio vel venditio cadit super



per spirituale in quantum est spirituale, ut spiritualitas augeat pretium: & tunc vera est diffinitio, quia sic tam in calicibus, quam in aliis committitur simonia.

AD ALIUD dicendum, quod licet turpius sit istud peccatum, tamen in alio perficitur, quam usura, quia in actu exteriori, aut ad perfectionem sufficit completa voluntas. Et est instantia: quia homicidium turpius est quam usura, & maius peccatum: & tamen non completur in sola voluntate sicut usura.

AD ALIUD dicendum; quod studium hic sumitur pro diligentia adhibita ab ipso simoniaci ut perficiat peccatum: & ideo æquiuocatio decipit, quia non in illo sensu diffinitur à Tullio.

AD ALIUD dicendum, quod ignorantia neminem excusat: & potest bene aliquis esse diligens in eo quod ignorat utrum peccatum sit, scit tamen in quantum est quidam actus quem facere nititur & intendit.

AD ALIUD dicendum, quod Abraham non fuit simoniacus, sed Ephron, ut dicit Hieronymus. quia sciuit, quod nisi pro redemptione iuris sui aliquid daret, molestaretur in posterum ab ipso: & si placeret Hieronymo dici posset, quod neuter fuit simoniacus: quia non emit cimiterium, sed potius locum non sacrum, scilicet agrum cuiusdam rustici Ephron dicti: & postea fecit inde cimiterium, quia sepeliuit ibi corpora Sanctorum, in quibus Spiritus sanctus requieuerat: & hoc semper omni homini facere licet.

AD ALIUD dicendum, quod regnum cælorum non emitur proprie, sed meretur: emptum enim proprie transit de dominio vendentis in possessionem & dominium ementis: hic autem emens regnum cælorum, transit in dominium vendentis ipsum, ut possideat & hunc ementem Dominus regni cælorum. Alia causa assignatur eiusdem: quia sic emens nihil dat Deo quod suum non fuerit, sed tantum ordinat ad Dominum, quod inordinatum fuit ex peccato: & hoc est opus virtutis quod omnis homo facere debet.

AD ALIUD dicendum, quod annexum spirituali dicitur annexum spiritualibus: quia non nisi à spiritualibus personis haberi debet, vel locis, sicut ius patronatus: quod etsi dicatur habere miles, non tamen habet nisi ad usum spiritualium personarum & locorum: & per hoc cessat obiectio, quia idem numero non est sibi annexum, sed idem genere vel specie.

### ARTICVLVS III.

*An simonia sit hæresis?*

Secundo quæritur, An sit hæresis, ut dicitur in littera? Videtur autem, quod non: quia ad Titum vltim. super illud, Hæreticum hominem post primam, &c. dicit Glossa: Hæretici sunt, qui per verba legis legem impugnant: sed tales non sunt simoniaci: ergo non sunt hæretici.

2 Adhuc supra distinct. 13. dicit August.

quod hæreticus est, qui pro alicuius temporalis commodi, & maxime gloriæ principatus, que sui gratia, falsas aut nouas quæstiones gignit vel sequitur: sed talia non facit simoniacus: ergo videtur, quod ipse non est hæreticus.

3 Item, Hæresis est in ciuilibus vel credibilibus: simonia autem tantum in operabilibus: ergo simonia non est hæresis. Si forte dicas, quod errat in operationibus. Contra: quia si hoc esset, cum omnis malus sit ignorans, omnis malus esset hæreticus, quod falsum est: ergo, &c.

RESPONSIO. Ad hoc dicendum secundum quosdam, quod hæresis est attribui Deo quod sibi non conuenit, ut dicit August. 1. de Trinitate: & hoc facit simoniacus: ideo dicunt eum hæreticum, quia dicit sibi conuenire, quod sua sub pretio ponantur & ipse. Mirum autem videtur si hoc mouit sanctos patres.

AD ALIUD dicendum, quod simonia sit hæresis: quia non attribuunt hoc tanquam asserentes simoniaci, sed tanquam possidere qualitercunque volentes. Vnde dicendum videtur, quod sicut dicit Hieron. & supra dist. 13. notatum est, ex verbis inordinatè prolatis incurritur hæresis, præcipue quando verba illa sunt de spiritualibus credendis & sperandis. Duo autem sunt quæ credimus & speramus de spiritualibus, scilicet quod sunt, & quia in infinitum hæc mundana valore excedunt, quia ipsa sunt quæ oculus non vidit, nec auris audiuit, nec in cor hominis ascenderunt, quæ præparauit Deus diligentibus se. Contra primum ergo illorum peccat hæresis strictè accepta. Contra secundum autem directè peccat simonia: quia ponit ea viliora temporalibus pro quibus ea vendit & emit: & ideo dicitur hæresis.

AD PRIMUM ergo dicendum, quod ibi sumitur hæresis strictè in quantum opponitur credendis ex parte scientiæ quæ habetur de ipsis, quia sunt. Et similiter accipitur ab Augustino supra dist. 13. Sed simonia peccat contra valorem quem credere debet esse in spiritualibus ipsis. Et per hoc patet solutio ad totum.

### ARTICVLVS IV.

*An inferior cum superiori potest committere simoniam?*

Tertio quæritur, Vtrum inferior cum superiori committere possit simoniam: & præcipue aliquis de Ecclesia cum Domino Papa? Et videtur, quod non: quia Iacob non commisit simoniam emendo hoc quod sibi ex successione debebatur, sed potius Esau qui hoc alio modo dare voluit: ergo cum omnia sint credita Domino Papæ, quæ sunt Ecclesiarum, videtur quod ipse nunquam committat simoniam accipiendo à personis ecclesiasticis pro spiritualibus, cum sibi alias non darent.

2 Adhuc, Nulla persona habet ius in bonis ecclesiasticis nisi per iurisdictionem Domini Papæ: ergo sicut ipsa persona accipit ita Papa potest accipere.



*Sed contra.* IN CONTRARIUM huius est, quod simonia dicta est simonia à contractu quem voluit facere Simon cum Petro qui erat Papa Apostolorum: ergo multo magis cum aliis Papis potest committi simonia.

2. Adhuc, iuuans ad peccatum mortale, & non inpediens cum possit impedire, peccat pari peccato cum faciente, vt dicunt Sancti: sed Papa scit istum posse committere simoniam secum, & committit: ergo si non prohibet, sed iuuat decipiendo & concedendo quod petit, ipse pari peccato peccat: ergo simoniacus efficitur.

*Solutio.* RESPONSIO. Dicendum, quod in veritate benè puto, quod simoniam committere possit: nec videtur mihi hoc dubium, quando vendit spirituale.

AD PRIMUM ergo dicendum, quod non fuit simile: sed potius primogenituræ ius à Domino erat datum Iacob: & ideo redemptio fuit vexationis quam ipse fecit potius quam contractus emptionis. Sed bona Ecclesiarum non sunt data prælatis ad possidendum, sed ad dispensandum ad vsus aliorum, scilicet pauperum: vnde non possunt emere & vendere vel etiam dare pro libitu suo cui volunt: sed ad necessitates generales Ecclesiæ vel vsus pauperum vel personarum Ecclesiæ sunt expendenda.

AD ALIUD dicendum, quod verum est, quod nullus habet ius in Ecclesiis nisi per ipsum: sed tamen non puto hoc esse ex eo quod sua sint, & conferat vt sua, sed quia collatum est ei patrociniū defensionis: sicut etiā legislator dicit, quod omnia sunt Imperatoris ad defensionem & tuitionem: sicut enim dicit Basilius, & Aristoteles dixerat ante eum, tyrannus est, qui omnia extorquet in vsus proprios, & non querit vtilitatem subditorum.

## ARTICVLVS V.

*Quibus modis committatur simonia?*

Quarto queritur, Quibus modis committatur simonia? Ponuntur autem multi modi à Iurisperitis qui notantur in his verbis.

*Munus, lingua, timor, caro, cum fama populari, Non faciunt gratis spirituale dari.*

Vel sic:

*Lausque parentela, violenta rogatio, dona, Obsequium vile, vendunt ius spirituale.*

Queratur ergo de istis. Laus enim est munus ab ore. Est autem, vt dicit Philosophus, laus propriè de actu virtutis, & de virtute secundum quod actus procedit ab ipsa, & queritur à bonis & notis: sed constat, quod boni secundum virtutem nihil mali intendunt: ergo non emere spiritualia: ergo per laudem non committitur simonia.

3. Adhuc, Laus non est corporale donum, quia fama etiam est Sanctis necessaria: ergo in laude non datur spirituale pro corporali, sed potius pro spirituali: ergo non committitur simonia.

3. Similiter & parentela non videtur facere

simoniam: quia in omni simonia contractus est:

parentela autem facit vt sine contractu donum detur: ergo parentela magis destruit simoniam, quam faciat ipsam. Probatur prima per hoc, quod in diffinitione simoniæ cadit emptio vel venditio, quæ non sunt sine contractu. Secunda autem constat per hoc, quod parentela est ad conciliandum amicitiam, quæ facit gratis donari dona.

4. Adhuc, Nos videmus, quod sacerdotium Veteris Testamenti iure propinquitatis habebatur, & omnes alij gradus Levitarum, ergo videtur, quod parentela etiam possit esse ratio habendi spirituales dignitates in Ecclesiis: ergo non facit simoniam.

5. Eodem modo obiicitur de hoc quod vocat violentam rogationem. Quia videtur esse oppositio in adiecto: quia si rogat, non cogit: & si cogit, non rogat: quia rogatio fit ad inclinationem voluntatis libera vt pro petitione faciat: violentia autem excludit voluntatem ab extremis, quia violentum est (vt dicit Philosophus) cuius principium est in alio, nihil conferente vim passio: principium autem notat factiuam causam, vt dicit Damascenus: ergo videtur, quod nulla est rogatio violenta, vel preces armata.

6. Vltius obiicitur de donis. Quia dicit Philosophus, quod donum est datio irredibilis: ergo dona non querunt dari sibi pro donis aliquid, nec spirituale, nec temporale: ergo non constituunt simoniam.

7. Vltimo etiam de obsequio vili. Vile enim obsequium est in vilibus: ergo si in honestis seruiret, non videtur committere simoniam: & hoc est falsum: ergo videtur, quod ista nulla sint quæ dicuntur facere simoniam.

Adhuc queritur de casibus tota die occurrentibus, scilicet hypocritarum, qui vendunt pro laude hominum orationes longas, vtum sint simoniaci? Et videtur, quod sic: quia dant spirituale pro temporali. Adhuc, Claustrales vel canonici pactum quidem non faciunt: sed tamen ita diu tardant & considerant circumstantias, donec probabiliter sciant quid dabit recipiendus in confratrem: & si tunc est multum, ipsi eum recipiunt: si parum videatur, refutant. Queritur ergo, Vtrum sint simoniaci? videtur, quod sic: quia causa est (vt dicit Philosophus) qua posita ponitur effectus, & destructa destruitur: sed apud istos, posito tanto emolimento quod coiiciunt se percepturos, offerunt præbendam, & cessante non conferunt: ergo temporale est causa conferendi præbendam: ergo committunt simoniam. Si forte dicas, quod non per se inquirunt, sed alij vice eorum, qui tamen sunt procuratores eorum. Contra hoc: Non differ per se vel per alium facere, vbi tota causa est collationis præbendæ, expectatio lucri temporalis: quia per quencunque fiat, ipsi hoc expectant pro collatione: ergo simonia committitur quocunque modo fiat.

SI AUTEM hoc dicatur: tunc omnia loca religionis perirent: quia tot ibi ponerentur, quod non sufficerent bona: & hoc videtur esse inconueniens.

2. Adhuc, Non est malum inducere homines

*Sed contra.*



nes ad eleemosynas : ergo si inducunt ut eleemosynam cum recipiendo conferant , quem alias non reciperent , non est malum : ergo non est simonia.

*Solutio.*

**RESPONSIO.** Dicendum videtur , sicut dicunt Iurisperiti , quod quadruplex est spirituale. Quoddam enim non est vendi possibile pro sua spiritualitate , quia nihil communicat cum corporalibus , & ideo non potest transire in dominium alterius , sicut ipsa dona Spiritus sancti , & virtutes , & beatitudines. Quoddam est secundo loco spirituale , quod essentialiter totum spirituale est , tamen in corporalibus datum , ut gratiæ sacramentales : & ideo istud vendi quidem de natura sua & de iure non potest : sed sæpe venditur ex parte corporalis operæ , quæ est in potestate ministrorum : sed nunquam venditur sine simonia. Tertium est non essentialiter spirituale , sed potius corporale : sed personis spiritualibus attributum ad sustentandum eas in spiritualibus exercitiis , ut præbendæ , & alij præventus Ecclesiarum : & ideo ista venduntur : sed committitur simonia in ipsis ratione spiritualis cui attributa sunt. Quarto & ultimo modo spiritualitatis dicuntur spiritualia inanimata corporalia , quibus tractantur spiritualia quadam , ut vasa decoris domus Dei , ut calices , thuribulum , cruces , libri , & huiusmodi : & de his solum verum est , quod vendi possunt sine simoniæ commissione. Sed differunt , aut enim vendit Ecclesia Ecclesiæ alteri : & tunc integra vendi possunt non aucto pretio pro consecratione valorum. Aut venduntur personis laicis : & tunc prius confringi & commassari debent à sacris personis præmissa oratione pro indulgentia fractionis. Cimiteria autem spirituale ius videntur habere : aut enim sunt consecrata tantum : aut sepulta sunt ibi corpora. Si consecrata tantum , dicunt quod deconsecrari possunt & redigi in usus alios. Si autem sunt ibi corpora beatorum sepulta , cum cinis corporum seperari non possit à reliqua terra , sicut corpus Sancti vendi non potest & in alios usus redigi , propterea quod Spiritus sancti , cuius templum fuit dum viveret : ita nec locus sepulture illius corporis in alios usus redigi potest.

**DICENDVM** ergo ad primum , quod aliud est pro quo debet esse laus , & aliud pro quo est : Philosophus enim tangit hoc tantum quod debet laudari : sed tamen laudatur impius cum malefecerit : & ideo cum ratio dandi spirituale laus est , fit simonia.

**AD ALIVD** dicendum , quod laus popularis nihil spirituale habet : imo temporalior est etiam ipso tempore : quia rarior est , & in aerem dissolvitur : sed fama Sanctorum in spiritualibus est , & ideo est spiritualis.

**AD ALIVD** dicendum , quod similiter intelligitur , quod parentela debet esse causa & ratio dandi : si enim esset bonitas vitæ causa & parentela concausa , non esset simonia , quia parentela est corporale quid & ex carne derivatum. Ad argumentum autem dicendum , quod non sumitur ita strictè venditio & emptio in diffinitione simoniæ : sed dicitur venditio quando quodcunque pretium facit dari spiritualia pretio largo modo sumpto pro tem-

porali omni quod est tota & sola causa factionis.

**AD ALIVD** dicendum , quod sacerdotium Veteris Testamenti non habuit spiritum , sed fuit umbra spiritualis sacerdotij : sed Novum habet spiritum : & ideo in libertate spiritus donari debent spiritualia novi sacerdotij.

**AD ALIVD** dicendum , quod rogatio violenta sumitur ibi pro ea quæ inducit timorem in constantem virum. Timorem autem voco amissionis rerum , vel lésionis famæ vel personæ. Cum enim hæc est causa dandi , simonia committitur. Ad argumentum dicendum , quod non ita strictè sumitur hic violentum : sed sufficit ad violentiam hic necessarium mixtum violentiæ : sicut est proiectio mercium tempore tempestatis in mare : de talibus enim dicit Philosophus , quod mixta sunt ex voluntario & inuoluntario : & hoc sufficit hic ad liberalitatem donationis spiritualium amittendam.

**AD ALIVD** dicendum , quod omne obsequium temporale quod est causa dandi spiritualia , vile est in comparatione ad spiritualia , etsi honestum sit vel utile simpliciter : & ita intelligitur hic obsequium vile.

**AD VLTIMUM** dicendum , quod in datione præbendæ tria considerata mihi videntur , scilicet paupertas loci , libertas spiritualium , & intentio salutis recipiendi. Si locus est pauper , videtur quod non potest conferri præbenda sine multo gravamine personarum ibi degentium , quantuncunque liberaliter vellent si possent dare spirituale , & intendere salutem recipiendi : & tunc videtur mihi , quod per se vel per alios sibi providentes possent dicere , quod si crescerent bona eorum , libenter eum reciperent , & alias non possent eum recipere. Crescere autem intelligo cum notabili incremento , ut persona recepta sine gravamine notabili aliorum in loco illo sustineri possit. Si autem non crescant , quod non possint recipere. Sed sub pacto , præcipue quando nulla est loci necessitas , recipere , aperte est simonia. Ad argumentum autem dicendum , quod hoc non facit causam dationis , sed potius necessitas extorquet : quia libenter darent gratis : & ideo habent oculum ad hoc in collatione. Ad auctoritatem autem Philosophi dicendum , quod in naturalibus verum est quod dicit : sed in voluntariis quotidie fallit : quia bene potest esse , quod aliquid simpliciter volo pro causa bona & honesta , nec tamen possum : & tunc aliquo posito facio , quod non posito non facio : & non est causa

factionis secundum quod ex voluntate mea procedit , ut patet cuilibet. Et per hoc patet solutio ad totum ,

*Distinctio*



*Distinctio simoniacorum.*

**S**IMONIAE autem hæresis tripartita est distinctio. G  
 Alij enim simoniace à simoniacis ordinantur : alij simo-  
 niace à non simoniacis : alij non simoniace à simoniacis.  
 Vnde Nico. Papa, Statuimus decretum de simoniaca i. q. i. c.  
Statui-  
mus de-  
cretum.  
 tripartita hæresi, id est, de simoniacis simoniace ordinantibus vel  
 ordinatis, & de simoniacis simoniace à non simoniacis, & de si-  
 moniacis non simoniace à simoniacis. Simoniaci simoniace ordinati  
 vel ordinatores, secundum canones, à proprio gradu decidant.  
 Simoniaci etiam simoniace à non simoniacis ordinati similiter ab  
 officio remouentur. Simoniacos vero non simoniace à simoniacis  
 ordinatos, misericorditer per manus impositionem pro temporis ne-  
 cessitate in officio permittimus permanere. Quod intelligendum est  
 de his qui ordinantur à simoniacis, ignorantes eos esse simoniacos.  
 Hos facit simoniacos non reatus criminis, sed ordinatio simo-  
 niaci.

*Alexander Papa de his qui violenter à simoniacis vel ab hære-  
 ticis ordinantur.*

**S**IMILITER cum decernit Alexander Papa simoniacos H  
 omnino damnandos ac deponendos, subintelligendum est, i. q. i. c.  
Erga si-  
monia-  
cos.  
 nisi violenter quis attractus fuerit. De his enim & à qui-  
 buslibet hæreticis violenter ordinatis dicit Inno. quod possunt i. q. i.  
Constat.  
 habere aliquem colorem excusationis, si statim discedunt ab eis, &  
 pessimo eorum conciliabulo renuntiant.

ARTICVLVS VI.

*Quare venditores spiritualium dicuntur  
 simoniaci: cum tamen non sequantur  
 Simonem, sed potius Giezi?*

**D**Einde quæritur de hoc quod dicit ibi  
 [Simoniacæ autem hæresis, &c.] Quæri-  
 tur, Cum venditores non imitentur Simo-  
 nem, sed potius Giezi, quare dicuntur si-  
 moniaci?

**I**TEM quæritur, Cum simoniaci non ha-  
 beant ius percipiendi præbendas, vtrum te-  
 nentur ad restitutionem? Videtur, quod sic:  
 quia percipiunt non suum.

**A**DHVC quæritur de quodam casu. Pona-  
 mus enim, quod ego scio Episcopum meum  
 esse simoniacum, vel alias irregularem & la-  
 tentem. Adhuc toleratur ab Ecclesia. Et in-  
 stent ordines: & mihi præcipiatur, quod or-  
 dines accipiam, quid debeo agere? si enim  
 accipiam à simoniaco, degradandus sum: si

autem non accipio, inobediens sum: ergo sum  
 perplexus.

**R**ESPONSIO. Dicendum ad primum, quod Solutio.  
 largè dicuntur simoniaci siue emant siue ven-  
 dant: quia etiam Simon emptam gratiam ven-  
 dere postea cogitauit: tamen verus est diffe-  
 rentiam notans.

*Quod Giezi vendit, Simon conducere querit.*

**A**D ALIUD dicendum videtur, quod  
 si scienter commisit simoniam, ad restitutio-  
 nem tenetur. Si autem eo ignorante commis-  
 sa fuit propter eum per alios, non tenetur  
 quandiu ignorat: sed postquam sciuerit, tene-  
 tur, vt videtur.

**A**D ALIUD dicendum, quod in tali casu  
 debeo quærere licentiam, aut aliam viam eua-  
 dendi: si autem non possum habere, debeo  
 quærere effugium obedientiæ: quod si nec hoc  
 habere possum, debeo dolens suscipere ordi-  
 nem tituli. Ad argumentum contra, dicendum  
 quod non intelligitur de his qui latentes sunt,  
 quos adhuc tolerat Ecclesia. Sed hoc hodie  
 vix habet locum, quia ferè nullus nisi numu-  
 larius habet locum in templo.



*De atate ordinandorum ita decreuit Nicolaus Papa.*

I  
Dist. 77.  
& 78.



A C R I, inquit, canones sanxerunt vt subdiaconus non ordinetur ante quatuordecim annos, nec diaconus ante 25. nec presbyter ante 30. Deinde si dignus fuerit, ad Episcopatum eligi potest: quod nos etiam pari modo seruare iubemus. Item Fabianus, Siquis 30. ætatis non impleuerit annos, nullo modo presbyter ordinetur, etsi valde sit dignus: quia & ipse Dominus 30. annorum baptizatus est, & sic cœpit docere.

Luc. 3.

## ARTICVLVS VII.

*An canones bene disposuerint de atate ordinandorum, cum tamen non seruetur?*

Deinde quæritur de hoc quod dicit *ibi* [Sacri, inquit, canones, &c.] Hoc enim hodie præcipue in religionibus non obseruatur: ergo videtur, quod violent canones san-

ctorum patrum: & hoc est peccatum mortale.

RESPONSIO. Dicendum, quod sicut in matrimonio malitia quâdoque supplet ætatem, ita è conuerso in religionibus morum grauitas & disciplina supplet ætatem: præcipue cum hoc quod hic dicitur de his qui promouentur non ad ordines tantum, sed etiam ad iurisdictionem, vt archidiaconi, presbyteri, & Episcopi. Et hæc de ordine dicta sint à nobis pro tempore præsentis.

*Solutio.*



## DISTINCTIO XXVI.

*De sacramento coniugij cuius institutio & causa ostenditur.*

A  
De matrimonio  
secundum  
causam  
formalem.  
Gen. 2.



V M alia sacramenta post peccatum & propter peccatum exordium sumpserint, matrimonij sacramentum etiam ante peccatum legitur institutum à Domino: non tamen ad remedium, sed ad officium. Refert enim Scriptura Genes. in Adam misso sopore, atque vna de costis eius sumpta, & exinde muliere formata, virum in spiritu intelligentem ad quem vsum mulier facta esset, post extasim prophetice dixisse, Hoc nunc os ex ossibus meis, & caro de carne mea: propter hoc relinquet homo patrem & matrem, & adhærebit vxori suæ, & erunt duo in carne vna.



## DIVISIO TEXTVS.

V M alia sacramenta post peccatum, &c.] In hac parte quatuor inquit Auctor de matrimonio, scilicet de causa, de effectu, scilicet vbi de bonis matrimonij agit distinct. 31. *ibi* [Post hoc de bonis coniugij] De statu dist. 33. *ibi* [Quæritur hic de antiquis patribus] Quarto de materia, scilicet quæ personæ sint legiti-

mæ, & quæ non, distinct. 34. *ibi* [Nunc superest attendere quæ personæ sint legitime, &c.] Circa primum inquiruntur duo. Primum est de causa institutionis matrimonij. Secundum est de causa ipsius matrimonij secundum se: & hoc tangitur distinct. 27. *ibi* [Post hæc aduertendum est] In ista distinctione tria facit: primo enim tangit de institutionibus matrimonij. Quia autem nihil instituit Deus nisi bonum, ideo in secunda parte reprobat errorem quorundam hæreticorum dicentium matrimonium esse malum *ibi* [Fuerunt autem nonnulli hæretici] Quia vero iterum ex institutione



tutione signans est omne sacramentum, ut dicit Magister Hugo, ideo in tertia parte ostendit quid sit res & quid sit signum in hoc sacramento *ibi* [Cum igitur hoc sacramentum coniugium sit] Et ex his satis patet litera.

## ARTICVLVS I.

*Quare matrimonium sit institutum?*

**I**ncidit autem primo quaestio de hoc quod dicit *ibi* [Cum alia sacramenta, &c.] Luc. enim 10. dicitur, quod ligaturis sacramentorum sunt ligatae plagae faucij: sed ligaturae non sunt necessariae nisi fauciat, igitur sacramenta non sunt necessaria nisi vulnerato peccatis: sed eadem est ratio sacramenti & omnis sacramenti: ergo omnis sacramenti est alligare faucium: ergo & istius: falsum est ergo quod dicit in litera.

2 Item, Sacramentum de se ordinatur contra peccatum, ut notatum est in principio harum notularum super quartum: ergo si non sit peccatum, non etiam erit sacramentum: sed si non est sacramentum, non est matrimonium per locum à genere: ergo si non est peccatum, non est matrimonium: & ita falsum iterum dicit in litera.

3 Item, Differt gratia in sacramentis, & virtutibus & donis, ut supra probatum est: cum igitur omnis sacramentalis gratia ordinetur contra peccatum, videtur, quod etiam gratia matrimonij contra idem ordinetur.

4 Item, Sicut se habet ianua sacramentorum & fundamentum, ita se habent omnia superaedificata: sed ianua sacramentorum quae est baptismus, ordinatur contra vulnus peccati: ergo & omnia superaedificata: sed vnum superaedificatum est matrimonium: ergo matrimonium ordinatur contra peccatum.

5 Item, Quicquid sit secundum indulgentiam, ordinatur contra peccatum: sed matrimonium sit secundum indulgentiam: ergo ordinatur contra peccatum. Prima & secunda posterius in hac eadem distinctione scribuntur in litera.

6 Item, Maximè corrupto, maximè necessaria est medicina: sed generatiua maximè est corrupta: ergo sibi maximè necessaria est medicina: sed medicinam non habet nisi matrimonium: ergo matrimonium est medicina eius: sed constat medicinam non ordinari nisi contra morbum: ergo matrimonium ordinatur contra morbum peccati. Item, In quo primo sentitur morbus, contra id principaliter ordinatur medicina: sed morbus primo sentitur in genitalibus: ergo primo medicina contra hoc inuenitur: est autem haec medicina matrimonium: ergo matrimonium est medicina & tantum, ut prius.

*Sed contra.* IN CONTRARIUM huius est, quod non attendentes medicinam peccati, ordinant leges matrimonij, sicut ciuiles: ergo non est contra peccatum tantum.

2 Item, Non existente peccato adhuc fuisset multiplicatio: sed non nisi per matrimonium: ergo matrimonium fuisset non existen-

*D. Alb. Mag. in Lib. 4. Sentent.*

te peccato: ergo non spiritualiter vel substantialiter ordinatur contra peccatum.

3 Ad idem faciunt ea quae dicuntur in litera quae supponuntur ad praesens.

**SOLVTIO.** Dicendum est cum Magistro, quod matrimonium non habet substantialem ordinem contra peccatum: sed principaliter est ad officium, in quo tamen officio inuentum est remedium contra vulnus quod accidit ex peccato.

**AD PRIMUM** ergo dicendum, quod omnia sacramenta sunt ligaturae plagarum faucij: sed haec ligatura adhibita est partim de nouo institutis, partim etiam institutis ante, sed tamen effectum medicandi contrahentibus à passione Christi. Vnde illud quod est sacramentum potuit esse ante peccatum: sed tamen secundum quod sacramentum est vinctio vulneris, sic est institutum contra peccatum.

**AD ALIUD** dicendum, quod omne sacramentum in quantum est sacramentum, vel actio sacratione sua sanans, contra peccatum ordinatur: sed tamen non oportet, quod omne illud quod est sacramentum, habeat illud, ut patet ex praehabitis.

**AD ALIUD** dicendum, quod illa differentia accidit gratiae sacramentali in quantum huiusmodi, & non est eius quod est sacramentum si generaliter accipiat.

**AD ALIUD** dicendum, quod baptismus est fundamentum matrimonij secundum aliquid. Est enim fundamentum eius quoad faciendum personas simpliciter legitimas: quia quae sunt de dispari cultu, in aliquo casu possunt separari: sed secundum substantiam matrimonij non est fundamentum matrimonij: & ideo non oportet, quod licet baptismus ordinetur contra peccatum, quod etiam matrimonium ordinetur contra peccatum.

**AD ALIUD** dicendum, quod matrimonium non habet indulgentiam simpliciter, sed tantum secundum hoc quod fit concubitus causa libidinis satiandae. Potest autem aliis de causis fieri, scilicet spe proles, vel causa fidei vel debiti reddendi. Et tunc est actus nulla indigens indulgentia.

**AD ALIUD** dicendum, quod maximè corruptum magis indiget medicina, quam minus corruptum: sed tamen matrimonium non secundum omnem modum est medicina eius, sed tantum secundum quod est in remedium: vnde nihil prohibet quin secundum quod est in officium, possit institutum esse ante peccatum. Et per illud patet solutio ad vltimum.

## ARTICVLVS II.

*An Adam doluerit in ablatione costae?*

**D**Einde quaeritur de hoc quod dicit *ibi* [In Adam misso sopore, atque vna de costis eius sumpta] Et quaeruntur hic duo principaliter, & tertium ex incidenti. Primum principale est, Vtrum doluerit Adam in costae ablatione? Secundum de parte quam sumpsit. Tertium autem quod ex incidenti quaeritur, est tota quaestio de raptu.

BBb 2

Ad



Ad primum sic proceditur: Dolor est sensus diuisionis continui, vt dicit Philosophus: sed in ipso diuidebatur continuum: ergo fuit in ipso dolor, vt videtur.

2 Item, Anima non tantum secundum se tota naturaliter appetit coniunctionem corporis, sed etiam quælibet pars appetit illius partis coniunctionem cui vnita est: igitur dolet naturaliter in diuisione à parte illa: constat autem, quod anima Adæ vel pars eius separabatur à parte illa quæ est ab Adam diuisa: ergo naturaliter doluit.

3 Si fortè tu dicas, quod somnus ita ligauit sensus, quod non percipit. Contra: Somnus non ligat ita fortiter quin etiam minor dolor excitet, præcipuè benè complexionatum, sicut fuit Adam: ergo videtur, quod etiam Adam in tanta diuisione euigilauerit: ergo doluit.

*Quæstio-  
cula.*

VLTERIVS quæritur, Vnde venerit ille sopor? Dominus enim immittendo soporem, aut contra naturam, aut secundum naturam illi soporem immisit. Si dicas, quod contra naturam, videtur falsum: quia Augustinus dicit, quod Dominus contra naturam quam ipse fecit, non operatus est. Si autem secundum naturam fecit: secundum naturam non fit somnus nisi per cibi euaporationem: sed Adam tunc non comederat: ergo ipse secundum naturam somnum habere non poterat.

2 Adhuc videtur falsum quod dicit in litera, quod in spiritu intellexit ad quem vsum mulier facta fuerit: quia somnus est ligamentum sensuum per se, & rationalium virium per accidens: sed ligatis rationalibus viribus impossibile est aliquid intelligere: ergo non potuit Adam tunc intelligere ad quem vsum mulier esset facta.

3 Item, Si aliqua potentia accipit ab anteriori, si interior non sit in actu, posterior non erit in actu: sed ratio accipit à sensu: ergo cum sensus est ligatus, non erit ratio in actu: sed in somnis est sensus ligatus: ergo ratio non potest esse in actu: ergo falsum est quod dicit in litera.

*Solutio.*

RESPONSIO. Dicendum, quod Adam non doluit in separatione costæ ab ipso: cuius multiplex assignatur causa: vna quam habet Augustinus: quia ille hoc facere potuit, qui eum condidit, vt non doleret quando costam accepit. Alia autem causa est, aut potest esse: quia illud quod in homine est de superfluo indiuidui, licet de necessario speciei, separatur ab homine non tantum sine dolore, sed etiam cum delectatione. Et hoc quidem dupliciter: quandoque enim illud superfluum est in quo fiat homo, sicut est semen hominis: & hoc separatur per naturæ actionem & decisionem. Aliud autem est non in quo est vt fiat homo, sed vt fieri possit, vt dicit Augustinus, hoc est, in quo est possibilitas obedientiæ: & hoc non separatur nisi per actum primi opificis: & hoc modo separata est costa in qua non erat, vt fieret mulier, sed vt fieri posset. In semine autem non est possibilitas materialis tantum, sed etiam formalis: vnde in ipse est vt ex ipso fiat homo. Vtrumque autem separatur cum delectatione, vt puto, etiam si non esset pecca-

tum, sed non esset delectatio ligans ad rationem: & hoc est quod dicunt Auicenna & Constantinus, quod natura in coitu posuit delectationem vt appeteretur propter indigentiam speciei.

AD PRIMUM autem dicendum, quod sensus diuisionis continui qui facit dolorem, est sensus diuisionis siue separationis coniuncti ad consistentiam indiuidui pertinentis: costa autem non fuit sic, sed potius fuit superfluum indiuidui datum ad multiplicationem speciei.

AD ALIUD dicendum, quod anima non appetit vniri alicui, nisi ei quod est materia animæ, prout ipsa est motor & forma organici corporis physici: tale autem non fuit costa, vt iam habitum est.

AD ALIUD dicendum, quod non euigilauit: quia separatio dictis de causis non inculsit dolorem.

AD ID quod vltius quæritur, dicendum *Ad quæ-  
stionem  
lam.* quod secundum naturam immisit soporem. Ad id autem quod contra obiicitur, dicendum, quod Dominus creauit Adam per omnia perfectum secundum statum animalitatis: & ideo venæ plenæ erant sanguine, & vasa nutritia plena nutrimento: & ex illis processit ei omnium.

AD ALIUD dicendum, quod non semper ligantur vires animæ rationalis: sed quandoque magis laxantur, inquantum anima tunc circa alia non occupatur: & tunc fiunt reuelationes, sicut dicitur Num. 24. Qui cadit, & sic aperiuntur oculi eius, id est, qui iacet dormiens & sopiens, & sic videt Dei visiones: & sic fuit in Adam.

AD ALIUD dicendum, quod intellectus non semper sumit à sensu, sed potius quandoque sumit ab intelligentiis separatis, & illarum impressiones sunt in ipso, quando circa strepitus sensuum non occupatur: & hoc fit in somnis, & præcipuè in sopore propter differentiam quam quidam assignauerunt somni & soporis, dicentes quod somnus sit quies animalium virtutum cum intentione naturalium: sopor autem quies animalium cum intentione intellectualium.

### ARTICVLVS III.

*An Eva de osse vel de carne debuit  
formari?*

SECUNDO quæritur de parte quam sumpsit, scilicet de costa? Videtur enim, quod carnem assumpsit & costam: quia infra dicit, Hoc nunc os ex ossibus meis, & caro de carne mea.

2 Adhuc videtur, quod melius fuisset sumere carnem: quia caro erat formabilior quam os, & magis apta figurationi: ergo videtur, quod magis debuit carnem quam costam sumere.

3 Item, Mulier est mollior viro: ergo de molliori materia videtur fuisse sumpta: sed hæc non est os: ergo videtur, quod de osse non debeat sumi.

4 Adhuc videtur, quod nec de osse, nec de carne



carne sumi debuit: quia quod est actu aliquid non potest esse potentia ad illud: sed os actu est os: ergo non potuit potentia esse os: ergo de osse non potuit fieri os mulieris.

Adhuc, Quod est actu pars vna hominis, non est potentia omnes partes: sed os est actu pars vna hominis: ergo non est potentia partes omnes: sed illud ex quo facta fuit mulier, potentia fuit tota mulier: igitur non debuit actu esse pars aliqua hominis: sed os est actu pars vna: ergo illud vnum ex quo facta est mulier, non debuit esse pars illa quæ est os.

*Solutio.* RESPONSIO. Dicendum, quod de osse facta est & debuit fieri mulier, multiplici de causa: quarum vna causa est, vt per hoc daretur intelligi potentia opificis: quia etiam non tantum de obediente, sed etiam de inobediente & deduro quæque mollia producere potest. Alia causa est: quia si de molli materia accepta fuisset, nimis mollis fuisset effecta, & de mollietie eius excusata videretur: & ideo Dominus mollitiem complexionis temperare docuit per duritiem materiæ: vt sic constantiam & continentiam duritiem vniuersaliter mulier doceretur. Quare autem sumpta est de latere, & non de capite, vel pede, Magister in secundo assignauit rationem: & hæc sufficiant.

AD PRIMVM ergo dicendum, quod non ideo dicit, Caro ex carne, quod essentialiter sit de carne sua sumpta, sed quia originaliter: quia caro pro costa repleta est, & costa in carnem & alias partes mulieris transformata.

AD ALIVD dicendum, quod licet caro formalior sit quam os: tamen artificii infinitæ virtutis vnum formalius non est reliquo: & ideo prædictis de causis os & non carnem sumpsit.

AD ALIVD dicendum, quod hoc habet mulier ex complexione, & non ex materia, vt prius explanatum est:

AD ALIVD dicendum, quod hoc verum est quandiu manet in actu partis illius cuius formam habet: sed Dominus transformauit seu transmutauit os à forma ossis, & tunc induit ei formam aliam,

AD VLTIMVM dicendum eodem modo. Et sic patet solutio ad totum.

### ARTICVLVS III.

*An Adam propheticè dixit, Hoc nunc os ex ossibus meis, & caro de carne mea?*

**D**Einde quaritur de hoc quod dicit [Post extasim propheticè dixisse, &c.] De rebus enim presentibus quæ subiacent sensui & rationi, non est prophetia: sed quod ad hunc usum facta fuit mulier, subiacuit rationi accipienti ex sensu: ergo non dixit hoc propheticè. Si autem dicatur, quod prophetia refertur ad statum Ecclesiæ futurum, qui significabatur in muliere, videtur esse falsum: quia non propagarentur sacramenta de latere Christi nisi homo peccasset: ergo non cognoscitur propagatio nisi cognito peccato: ergo præcognouit Adam suum casum, quod negat Augustinus, & etiam in secundo est probatum.

*Solutio.* SOLVTIO. Ad hoc dicendum, quod prophetia refertur ad statum futurum Ecclesiæ, & non ad presentem usum mulieris: quia ille ex discretionem sexus & ratione poterat sensibilibus cognosci.

AD HOC autem quod contra obiicitur, dicendum quod non sequitur: hoc non fit sine illo: ergo non cognoscitur sine illo. Et est instantia: quia lineæ mathematicæ non sunt sine materia sensibili, & tamen cognoscuntur sine illa: & animal vniuersale non fit sine indiuiduo, & tamen cognoscitur sine illo. Et est fallacia consequentis. Dicunt tamen aliqui, quod ideo non præcognouit casum suum, quia non contulit, nec tenebatur conferre: quia alias liberari potuit. Videtur tamen mihi, quod etiam potest dici, quod scire potuit propagationem futuram de latere Christi, & non præscire casum, etiamsi contulit: quia multis de causis potuit Christus incarnari, & non tantum pro peccato.

### *De duplici institutione coniugij.*

**C**ONIVGII autem institutio duplex est. Vna ante peccatum ad officium facta est in paradiso, vbi esset thorus immaculatus & nuptiæ honorabiles: ex quibus sine ardore conciperent, sine dolore parerent. Altera post peccatum ad remedium facta extra paradysum, propter illicitum motum deuitandum. Prima, vt natura multiplicaretur. Secunda, vt natura exciperetur, & vitium cohiberetur. Nam & ante peccatum dixit Deus, Crescite & multiplicamini: & post peccatum omnibus penè hominibus per diluuium consumptis. Quod vero ante peccatum institutum fuerit coniugium ad officium, post peccatum vero ad remedium concessum Augustinus testatur dicens, Quod sanis est ad officium, agrotis est ad remedium. Infirmitas enim incontinentiæ, quæ est in carne per peccatum mortua ne cadat in ruinam flagitiorum: excipitur honestate nuptia



nuptiarum. Si vero non peccassent primi homines sine carnis incentiuo ac feruore libidinis ipsi ac successores eorum conuenirent. Et sicut remunerabile est aliquod bonum opus, sic coitus eorum vnus esset & remunerabilis. Quia vero propter peccatum lethalis concupiscentiæ lex membris nostris inhæsit, sine qua carnalis non fit commixtio, reprehensibilis est & malus coitus nisi excusetur per bona coniugij.

Rom. 6.

## ARTICVLVS V.

*An matrimonium potest institui pluribus vicibus?*

**D**Einde quæritur de hoc quod dicit *ibi* [Coniugij autem institutio duplex est] Videtur enim hoc esse falsum: quia institutio diuina est illa à qua coniugium accepit virtutem, sicut & omne sacramentum: sed institutio diuina efficacissima est: ergo non duplicatur vel triplicatur ad idem efficiendum. Prima probatur per diffinitionem sacramenti Magistri Hugonis, qui dicit, quod est ex institutione significans.

2 Adhuc, Alia sacramenta sunt magis efficacia, quam istud: & sufficit in eis institutio vna: ergo & in isto.

3 Adhuc, Ad idem non multiplicatur causa secundum causalitatem vnā, nisi sit inefficax. Sed ad idem dicitur hic multiplicari institutio: quia per eadem verba fit & ad eundem actum, scilicet ad crescere & multiplicari, vt patet inspicienti literam in duabus institutionibus in Adam & Noe & filiis eius factis: ergo institutio diuina fuit inefficax, quod nefas est dicere.

4 Item, In legibus humanis vna sola sufficit institutio sancita per imperatorem: ergo multo plus in legibus diuinis: ergo non potuit esse duplex institutio matrimonij.

Contra hoc est quod dicitur in litera.

Solutio.

**SOLVTIO.** Dicendum, quod nihil prohibet idem bis vel ter vel pluries institui secundum plures rationes & effectus ipsius: vnde cum matrimonium sit in officium naturæ, & in remedium concupiscentiæ: & hoc dupliciter, scilicet ex actu ipso ordinato per fidem thori, & per significationem sacramenti, & ex gratia quæ est ex desponsatione humanæ naturæ cum diuina in persona Christi: nihil prohibet matrimonium sic habere duas vel tres etiā institutiones diuinas: vnā quoad naturam secundum se, aliam quoad naturam corruptam, & tertiam secundum statum naturæ reparatæ per Christum: & sic matrimonium est sacramentum innocentiae, veteris legis, & legis nouæ.

**AD PRIMVM** ergo dicendum, quod institutio aperte instituentis efficax est: sed tamen ex parte nostra oportet ipsam duplicari vel triplicari, vt sciamus ipsum esse ad plura, & non ad vnum, cum ista plura efficere non possit nisi virtute institutionis. Si autem obiiciat quis dicens, quod vna dictione potuit instituere dicens, Valeat matrimonium: ad hoc tamen dicendum, quod hoc non fuit congruum: quia

sic reuelasset homini suam corruptionem futuram. Præterea cum successu temporis debuit innotescere morbus & medicina, sicut dicitur Matth. 5. & huius causæ sunt supra assignata.

**AD ALIVD** dicendum, quod quædam de aliis sunt magis efficacia: sed maior efficacia vel minor non est causa vnius vel plurium institutionum, sed potius pluralitas effectuum, vt dictum est. Et si arguat quis, quod si istud habet plures effectus: ergo est magis efficax: dicendum quod fallit secundum fallaciam figuræ dictionis mutando speciem prædicamenti, scilicet discretum in continuum vel quasi continuum.

**AD ALIVD** dicendum, quod non multiplicatur secundum causalitatem eandem. Ad probationem autem dicendum, quod licet repetatur idem actus, non tamen sub eisdem dispositionibus: quia enim propter ipsum actum concupiscentiæ inundauerat cathelismus, & diuisim iussi sunt intrare in arcam Noe, & filij eius, & vxores eorum, poterant timore concupiscentiæ timere ne esset multiplicandum iterum genus humanum: & ideo iterum præcipue excepta concupiscentia per fidem thori & bonum sacramenti, ne rueret in præceptis.

**AD VLTIMVM** dicendum, quod illa ratio procedit ac si virtus instituentis esset causa vnius vel plurium institutionum. Et hoc non est verum, vt patet ex prædictis.

## ARTICVLVS VI.

*An in paradiso fuissent nuptiæ & matrimonium?*

**D**Einde quæritur de hoc quod dicit *ibi* [Vbi esset thorus immaculatus, & nuptiæ honorabiles, &c.] Dicit enim Augustinus in lib. de bono coniugij, quod nuptiæ bonum sunt mortalium: sed in paradiso erant homines immortales: ergo non fuissent nuptiæ in paradiso.

2 Item, Ioan. Damasc. dicit quod si homo non peccasset, immortalis remansisset: ergo non per nuptias, sed aliter fuisset propagata natura humana: ergo falsum est quod dicit August. in litera.

3 Item, Secundum omnem naturam habens salutem in se perpetuam, nunquam quærit perpetuari in altero eiusdem speciei: sed si homo immortalis remansisset, ipse haberet esse perpetuum saluatum in seipso: ergo non quæreret perpetuari in alio: ergo non fuissent nuptiæ.



nuptiæ, quia nuptiæ in paradiso non fuissent nisi propter illud.

4 Item, Nihil querit in alio, quod habet nobilius in seipso: sed hanc permanentiam habens in seipso, nobilius habet, quam qui habet eam in alio: ergo habens eam in seipso non querit eam in alio: sed homo si non peccasset, habuisset eam in seipso: ergo non queruisset eam in alio, scilicet in filiis per fecunditatem.

Sed contra.

IN CONTRARIUM huius est, quod secundam naturam omne illud cuius tota materia non est intra, multiplicat se per indiuidua, ut materiam inducat sub formam suam: sed hominis materia non tota fuit intra: ergo multiplicasset se per generationem indiuiduorum. Prima constat ex disputatis ab Aristot. in primo lib. de celo & mundo. Secunda probatur per hoc, quod id quod totam materiam habet intra, impossibile est multiplicari per indiuidua: homo autem est multiplicatus. Si forte dicatur, sicut Damascen. videtur sentire, quod aliter quam per commixtionem sexus fuisset facta propagatio. Contra: Sexus à Domino in paradiso discretus creatus est. Cum igitur omnis sapiens finem determinatum intendat in opere suo, ipse finem discreti sexus intendit: non est autem nisi commixtio: masculus enim est qui generat in alio ex se semine proprio, femina autem in se ex alio, ut dicit Philosophus: ideo videtur, quod tunc commixti fuissent.

2 Item per literam Genes. 3. patet quod Eva Adæ facta est in adiutorium: constat autem, quod non in adiutorium vitæ, aut operationum: quia non habuit indigentiam tunc homo, præcipue cum vir viro magis cooperaretur ad vitam & operationes, quam mulier viro: ergo relinquitur, quod facta fuerit in adiutorium generationis: sed in diuerso sexu iuuare non potuit, nisi per sexus commixtionem: ergo videtur, quod tunc ut nunc quoad hoc fuisset propagatio.

Solutio.

RESPONSIO. Dicendum, quod quoad commixtionem sexus idem fuisset modus propagationis tunc, ut nunc.

AD PRIMUM ergo dicendum, quod dictum August. intelligitur secundum naturam mortalium in statu animali: homo enim secundum naturam quidem semper fuit mortalis etiam in paradiso, sed per gratiam innocentie habuit immortalitatem, ut disputatum inuenire quis potest in fine secundi.

AD ALIUD dicendum, quod Damascen. non refert dissimilitudinem ad actum commixtionis, sed ad coniunctum quod est corruptio in conceptu, grauitas in imprægnatione, & dolor in partu.

AD ALIUD dicendum, quod Philosophus loquitur de incorruptibilibus secundum naturam: & hæc non sunt nisi ea quæ natura elongauit à contrarietate & mutatione: & talis per naturam non fuit homo in primo statu, sed ex gratia, ut dictum est. Per idem patet solutio ad sequens: verum est enim, quod talia naturaliter incorruptibilia, non querunt saluari vel multiplicari secundum speciem, nisi in indiuiduis.

## ARTICVLVS VII

*An in paradiso fuisset conceptus sine ardore libidinis?*

DEinde queritur de hoc quod dicit ibi [Ex quibus sine ardore conciperent, & sine dolore parerent] Videtur enim hoc esse falsum: aut enim ardor ibi intelligitur calor membrorum in coitu, aut illa vehemens delectatio quæ in coitu sentitur. Sed primo modo falsum est: quia etiam in primo statu magis quam nunc calorem habuisset homo obsequentem operibus naturæ: ergo cum opus naturæ sit generare, calor tunc fuisset obsecutus ad opus illud: sed obsequi est extendere membra, ut dicunt Philosophi: ergo & tunc ut nunc vel plus membra extendisset: ergo tunc fuisset ardor. Si autem dicit delectationem. Contra: Naturale est in natura bene disposita delectari in propria operatione, ut vult Aristot. in 10. ethic. sed optimè disposita fuisset natura in statu innocentie si stetisset homo: ergo in propria operatione magis quam nunc fuisset delectatus: propria autem operatio est generatio: ergo in actu generationis tunc plus quam nunc fuisset delectatus. Si forte quis dicat, quod vsum membrorum habuisset ad imperium rationis, & non virtute caloris. Contra: Hoc stultum est dicere: quia ratio non mouet, sicut vix affixa organo, sed per imperium tantum: ergo oportet aliquam esse affixam organo cui imperet: hæc autem quæcunque est, non mouet sine instrumento: & cum hoc non sit nisi calor, sequitur ut prius.

2 Item, In omni natura complexionata bene disposita dolor grauissimus surgit ex excellenti tactu neruorum, & delectatio vehemens ex tangenti conuenienter & suauiter: sed in resolutione feminis conuenientissimus fit neruorum tactus, & similiter tunc ut nunc fuisset: ergo tunc ut nunc vel plus fuisset homo delectatus: ergo ardorem delectationis sensisset.

VLterius videtur, quod cum maiori dolore peperisset quam nunc: quia dolor est sensus diuisionis continui: ergo sensus diuisionis continui nobilius coniuncti magis facit dolorem: sed mulier tunc fuisset nobilius coniuncta, quam modo sit aliqua: ergo in diuisione magis doluisset: sed impossibile est nasci infantem debite quantitatis sine diuisione & extensione membri genitalis: ergo tunc impossibile fuisset parere sine dolore.

Solutio.

RESPONSIO. Dicendum, quod conceptus fuisset tunc sine ardore, & partus sine dolore. Ardor autem dicit delectationem quæ rationem secundum actum suffocat. Et bene concedo quod tunc fuisset maior & sincerior delectatio in opere: & tamen sub imperio rationis, quia ratio tunc fuisset confortata gratia innocentie, ita quod nihil existens sub ipsa quantumcunque vehemens fuisset, auertisset eam à contuitu immutabilis boni primi. Et per hoc patet solutio ad totum quod obiicitur de ardore.



AD ALIUD quod obiicitur de dolore, dicendum quod dolor nullus fuisset nec diuisio: quia nimia extensio mulierum & arctatio prouenit ex peccato: sed tunc fuissent membra proportionata nascentibus, ita ut per extensionem non diuidentem corpus mulieris infantes potuissent profundi: si tamen etiam tunc corpus fuisset ferro percussum, non fuisset diuisum, ut dicit Isidorus, & ideo etiam non fuisset doloris susceptibile.

## ARTICVLVS VIII.

*An matrimonium sit remedium & medicina contra morbum concupiscentia?*

**D**Einde queritur de hoc quod dicit ibi [Quod sanis est ad officium, ægrotis est ad remedium, &c.] Videtur enim hoc esse falsum: nulla enim infirmitas accipit medicamentum ab eodem à quo accipit intensionem: sed concupiscentia coeundi est infirmitas: ergo, &c. Constat autem, quod ex materia ad facultatem exhibita & licentia coeundi satisfat concupiscentia carnali: & hoc fit per matrimonium: ergo matrimonium intendit concupiscentiam: ergo non est remedium contra morbum concupiscentia.

2 Item, Nulla infirmitas curatur per id quod appetit: sed concupiscentia est infirmitas destituta naturæ: ergo non curatur per idem quod appetit: appetit autem coitum: ergo non curatur per illum: cum igitur matrimonium consummetur per coitum, videtur quod matrimonium non curet concupiscentiam. Prima probatur per dictum Galeni & Aristoteli, qui dicunt, quod appetitus infirmorum sunt corrupti per ægritudinalem habitum: & ideo eis non est satisfaciendum.

3 Item, Nulla infirmitas manet post suam curam si cura est efficax: sed concupiscentia coeundi adhuc manet & agit post matrimonium: ergo matrimonium non est curans concupiscentiam coeundi.

4 Item, In omnibus corporalibus & spiritualibus medicina sunt per contrarium: ergo videtur, quod etiam in isto: videtur ergo cum matrimonium non habeat contrarietatem ad concupiscentiam coitus, quod non sit cura ipsius.

5 Si forte dicas, quod matrimonium est medicina hoc modo: quia concupiscentia coitus quæ rueret in præceptum per coitum absolutum, ligatur ad vnam: & quia fide thori restringit, ideo efficitur non illicitus, & sic accipit medicinam. Contra: Nullus morbus sic medicatur, quod restringatur ad partem materiae in qua diffunditur: quia quanto magis restringitur, tanto acerbior efficitur circa id in quo est: ergo nec concupiscentia sic debet medicamentum accipere. Item, Quod secundum se est illicitum, nunquam efficitur licitum ex hoc quod est circa vnum & non circa plura: sed concupiscentia concubitus secundum se est illicitus: ergo non efficitur licitus ex hoc quod per matrimonium restringitur ad vnum coniugium. Prima probatur in

omnibus moralibus. Auaritia enim & prodigalitas & sic de aliis, quæ secundum se sunt illicitæ, nunquam licita efficiuntur ex hoc, quod sint circa vnum. Secunda probatur per hoc, quod nihil secundum se ruit in vitium & præceptum, nisi quod secundum se est illicitum: concupiscentia autem concubitus secundum se ruit in præceptum, ut sæpe dicitur in verbis Augustini in littera: & sic constat propositum. Item, In naturis sic est, quod virtus naturalis restricta ad vnum, magis intenditur in illo, sicut patet in calido, frigido, & omnibus aliis: cum igitur concupiscentia agit per modum naturæ, videtur quod nec ipsa hoc modo potest capere medicinam.

**SOLVTIO.** Ad hoc autem dicendum videtur, quod matrimonium duplex est medicina concupiscentia coeundi. Vno modo ex gratia quam dat in fide mediatoris contrahentibus quæ sibi est gratia sacramentalis: & hæc mitigat concupiscentiam, sicut patet Tob. 6. Audime, & ostendam tibi qui sunt in quos potest præualere daemonium. Sunt qui sic accipiunt uxores, ut suæ libidini ita vacent sicut equus & mulus in quibus non est intellectus: & in hos habet potestatem daemonium. Et subiungit, quod alij timore Dei accipiunt, in quos non habet potestatem. Potestas autem demonis ibi vocatur potestas in fomite quoad concupiscentiam coeundi. Alio autem modo medicatur restringendo legibus diuinis & humanis, quibus excluditur turpitudine quæ coniuncta est concupiscentia: & hoc modo excipitur ne ruat in præceptum, sicut dicitur in littera.

**AD OBIECTVM** ergo primum dicendum, quod non ab eodem accipit intensionem & medicamentum: quia matrimonium per gratiam interiorem ignem fomitis remittit, & per honestatem legum exteriorum diuinarum & humanarum turpitudinem tollit vitij: ita quod non manet nisi pœnæ turpitudine quæ est actui inseparabiliter coniuncta. Et hoc falsum est, quod per matrimonium detur facultas & licentia concumbendi: licet enim hoc sit in matrimonio, non tamen est ad hoc, sed potius ad ea de quibus dictum est.

**AD ALIUD** dicendum, quod infirmitas hæc non appetit hanc duplicem sui restrictionem, sed potius licentiosum concubitum: & ita patet, quod illa ratio non procedit.

**AD ALIUD** dicendum, quod infirmitas vitij concupiscentia non manet post matrimonium, sed infirmitas pœnæ est minorata duabus de causis supra dictis.

**AD ALIUD** dicendum, quod non omnino per contrarium potest fieri medicina, quando infirmitas radicata est in mēbris radicalibus & chronica: quia talem medicinam natura sustinere non posset: & sic est hic: quia concupiscentia radicata est in natura corrupta, & ideo fit per contrarium quantum potest, ut saluetur bonum naturæ & gratia, ne morbi violentia subuertatur.

**AD ALIUD** quod contra solutionem inductam obiicitur, dicendum quod istæ duæ rationes procedunt ac si fiat restrictio illa tantum per diminutionem materiae, & non per diminutionem concupiscentia: & hoc iam ex dictis



dictis patet esse falsum. Et hoc confirmatur ex hoc, quod etiam ille qui æquali concupiscentia ardet in coniugem & meretricem vel adulteram, adulter dicitur in sententiis Sexti Pithagorici, ut infra dicit Hieron. in litera. Et per hoc patet solutio ad totum.

## ARTICVLVS IX.

*An concupiscentia sit mortalis vel lethalis, & cum concupiscentia inhæreat coitui, an ille sit semper mortalis?*

**D**Einde quæritur de hoc quod dicit ibi [Lethalis concupiscentiæ lex membris inhæsit, &c.] Ex hoc videtur, quod concupiscentia est lethalis: quia idem est lethale & mortale.

2 Item, Si aliquid vituperatur propter aliquid ei inuitabiliter coniunctum, semper vituperabitur: sed sicut in litera dicitur, concubitus vituperatur propter concupiscentiam: sed hæc inuitabiliter inhæret coitui: ergo semper vituperatur: ergo semper est mortalis.

3 Item, Vnus actus specie in moribus vocatur, qui est circa idem volitum specie, & eodem mouente formaliter: sed iste actus sic idem est specie in meretrice & coniuge: ergo est idem specie: sed de similibus specie idem est iudicium: ergo si in meretrice est mortalis, & in coniuge erit mortalis. Probatum prima per inductionem: quia in omnibus actio ideo dicitur actio, quia est ab actu facientis, id est, à forma, sicut dicit Commentator super primum primæ Philosophiæ. Secunda autem probatur: quia meretrix & coniugata sunt eiusdem speciei, & concupiscentia mouens in coniugem & meretricem est eiusdem speciei: quæ est forma delectabilis apprehensi in coniuge & meretrice.

4 Item, In litera parum infra dicitur, quod malus est coitus nisi excusetur per bona coniugij: si igitur excusari non potest, semper erit malus. Probemus igitur, quod excusari non possit. Bonum enim prolis comitatur coitum utrobique, scilicet in coniugata & soluta. Bonum autem fidei videtur non operari, quia fides nihil facit nisi ut alteri, ea viuam, non coniungatur: sed hæc fides potest dari amariæ solutæ: ergo nec videtur facere excusationem: sed sacramentum causatur ex indiuiduitate carnis: cum autem coniungitur meretrici, efficitur vna caro: ergo videtur, quod omnino æqualiter sit in meretrice & coniuge: & ideo cum non excusent in vna, non videntur excusare in alia: & ita habetur propositum.

5 Item, Omne quod excusatur, malum est: sed omnis coitus matrimonialis excusatur, ut dicitur in litera: ergo est malus.

6 Item si forte velis dicere, quod cum excusationem habet, efficitur non malus. Hoc primo est contra disciplinam rhetoricam, in qua ad nihil retrahuntur argumenta excusationis nisi ad malum. Secundo autem videtur, quod non possit excusari: quia non sunt facienda mala ut veniant quæcunque bona, ut habetur Rom. 3. sed coitus est malus, ut dici-

tur in litera: igitur non est faciendus ut eueniant quæcunque bona: ergo nec ut eueniant bona matrimonij. Hæc autem sunt, vel esse possunt rationes hæreticorum damnantium omnem concubitus matrimonialem.

**IN CONTRARIUM** huius obiiciatur sic: *Sed contra.* Luc. 1. de parentibus Ioannis Baptiste charitate se mutuo cognoscentibus dicitur, Erant ambo iusti ante Deum; & sine querela incedentes, &c.: hoc autem non posset esse verum si coitus esset peccatum: ergo coitus non est peccatum.

2 Item 1. Corinth. 7. Vxori vir debitum reddat: similiter vxor viro. Constat, quod non loquitur de debito pecuniæ, sed corporis: sed nulli debetur peccatum: ergo communicare corpus ad concubitus, non est peccatum coniugum.

3 Item etiam per rationem obiicitur sic: Omnis actus voluntarius radicans in natura, vel hominum communicatione, medium accipit virtutis: sed coitus est huiusmodi actus: ergo accipit medium virtutis: ergo aliquando non solum non est peccatum, sed etiam virtus: & hoc non est nisi in matrimonio: ergo matrimonialis concubitus non semper est peccatum. Probatum prima ex inductione in operibus castitatis, fortitudinis, & iustitiæ. Secunda autem patet ex hoc, quod virtus generatiua est virtus naturalis: & ideo necessarius est actus eius.

4 Item, In vnaquaque natura maximè est diuinum, quod maximè attingit perpetuitatem: ergo & in homine similiter est: sed quod maximè attingit perpetuitatem, est actus saluans speciem: ergo iste maximè est diuinus: ergo licet lege diuina vel humana formetur, ipse erit honestus: ergo tunc non tantum non erit peccatum, sed etiam actus virtutis.

5 Item, Quod natura in quibusdam facit in vno & in quibusdam per diuersa, æquè naturale est in vno & in diuersis factum: sed imprægnare & imprægnari natura in vegetabilibus facit in vno, & in sensibilibus in diuersitate sexus: ergo æqualiter est naturale in vtrisque: sed quod est naturale in omnibus si voluntarium efficiatur, per hoc non efficietur vituperabile: ergo imprægnare & imprægnari per rationalem voluntatem, adhuc non efficitur vituperabile: omne autem voluntarium naturale per rationem ordinabile debitis circumstantiis naturæ, erit actus virtutis: ergo concubitus imprægnans & imprægnatus, siue imprægnantis & imprægnati, potest esse actus virtutis: & inde ut prius.

**RESPONSIO.** Dicendum, quod profana *Solutio.* sunt ea quæ probant rationes primæ: & sufficit ad vituperium illorum hæreticorum dicere, quod ipsi sunt filij adulterorum & filij tenebrarum & diaboli secundum suam propriam confessionem: & ergo etiam hæreditatem patris sui diaboli percipiunt, id est, pœnas æternas, nisi resipiscant: & hoc certissime verum est.

**AD HOC** ergo quod primo obiiciunt, dicendum quod lethalis dicitur concupiscentia: quia à letho inducta, non quod semper lethum inducat: dicitur etiam lethalis, quia lethali corpori inhæret.



AD ALIVD dicendum, quòd concupiscentia pœnæ inevitabiliter est adiuncta ad coitum, sed non culpæ. Et pœna non est vituperabilis nisi secundum quid, scilicet secundum quod est ex peccato.

AD ALIVD dicendum, quòd secundum speciem moris non est idem actus specie concubitus matrimonialis, & solutus. Ad probationem autem dicendum, quòd materialiter est idem obiectum remotum specie, sed non formaliter & propinquum. Remotum enim est materialiter utrobique idem: sed propinquum est materialiter sub circumstantiis, quæ in vno sunt solutum indebitum in suæ lasciviæ fomentum: in alio autem legibus humanis & diuinis astrictum & alligatum ex iure diuino & humano, in quo bonum prolis quæritur, vel medicinæ. Similiter habitus mouens in vno est concupiscentia fornicandi: in altero autem honestas nuptiarum. Et ideo patet, quòd non procedit ratio illa.

AD ALIVD dicendum, quòd nullum bonorum matrimonij est in soluta: quia non est bonum prolis: quod patet per hoc, quia de diffinitione boni prolis est, quòd honeste suscipiatur, quod non quæritur in soluta. Nec fides est ibi: quia non contingit fidem habere nisi ad suam: & hæc non est sua: sed est ibi quædam stabilita turpitudine. Nec sacramentum est ibi: quia hoc magis radicitur in diuisione spirituum, quam corporum. Vnde patet,

quòd probatio illa nihil valet.

AD ALIVD dicendum, quòd illud quod excusatur, dupliciter excusatur, scilicet sicut id quod est essentialiter reatus, & sicut id quod non est essentialiter reatus, sed est coniunctum turpitudini propter aliquid præcedens quod fuit reatus eiusdem in specie non in numero, à quo est dependentia, vt ad patrem. Quod ergo excusatur primo modo, hoc sine dubio malum est culpæ: & de hoc tenet obiectio. Quod autem secundo modo excusatur, non est malum secundum se, nec est culpa eius in quo excusatur, sed potius pœna ex culpa patris procedens.

AD ALIVD dicendum, quòd mala culpæ non sunt facienda, nec minima, vt eueniant quæcunque bona: sed coitus secundum se non est huiusmodi culpa, vt patet ex præhabitis. Tamen cum dicitur, quòd coitus secundum se est malus vel peccatum, est duplex æquiocatio eius quod est secundum se. Si enim dicat proprietatem siue conditionem naturæ & essentiæ coitus, locutio est falsa: quia sic coitus in paradiso etiam fuisset malus. Si autem dicat exclusionem eorum quæ ordinant coitum legibus & bonis matrimonij, tunc est vera: & sic intelligitur coitus secundum se, id est, per se solus non coarctatus lege & bono matrimonij. Et hæc distinctio valet tam ad præcedentia, quam ad sequentia.

*Quando secundum præceptum, & quando secundum indulgentiam, contractum sit coniugium.*

**C** **P** R I M A institutio habuit præceptum, secunda indulgentiam. Didicimus enim ab Apostolo, humano generi propter vitandam fornicationem indultum esse coniugium. Indulgentia vero quia meliora non eligit, remedium habet, non præmium: à qua si quis declinauerit, meretur exitiale iudicium. Quod secundum indulgentiam conceditur, voluntarium est, non necessarium, alioquin transgressor esset, quod illud non faceret. Et potest sanè intelligi illud sub præcepto dictum hominibus primis ante peccatum, Crescite & multiplicamini. Quo etiam post peccatum tenebantur, vsquequo est facta multiplicatio, post quam secundum indulgentiam, matrimonij contractus fuit. Ita etiam post diluuium quo vniuersum penè humanum genus deletum est, secundum præceptum dictum est filiis Noë, Crescite & multiplicamini. Multiplicato vero homine, secundum indulgentiam contractum est, non secundum imperium.

#### ARTICVLVS X.

*An prima institutio matrimonij habuit præceptum?*

**D** E inde quæritur de hoc quod dicit ibi [Prima institutio habuit præceptum] Hoc enim falsum videtur: aut enim hoc fuit præ-

ceptum affirmatiuum, aut negatiuum. Si affirmatiuum: ergo semper tenetur ad illud omnis homo: ergo nullus homo absolutus est ab illo: quia non legitur fuisse retractatū: ergo aliquo tempore etiam monachi & moniales tenentur ad actum matrimonij: quod falsum videtur, cum voueant continentiam perpetuam, & non sit ponderatio condigna continentis animæ. Si autem est negatiuum: tunc obligat semper & ad



ad semper : & tunc semper oportet hominem esse in actu matrimoniali, quod est impossibile & friuolum.

2 Item, Si fuit tunc præceptum : aut hoc præceptum fuit tunc pro bonis, aut de per se faciendis. Si primo modo : tunc debuit esse in re indifferenti, & non obligare post statum peccati, sicut nec præceptum de non comedendo de ligno scientiæ boni & mali. Si autem est de per se faciendis, cum per se facienda sint semper vno modo, præceptum obligabit vno modo : ergo adhuc obligat omnem hominem, quod falsum est.

3 Item videmus, quod præceptum de salute individui quod est de comedendo, adhuc obligat omnem hominem : ergo à simili etiam præceptum de salute speciei debet omnem hominem adhuc obligare.

4 Item, Dignior est species quam individuum & magis necessaria : sed ad dignius & magis necessarium est maior obligatio : ergo maior est obligatio ad actum saluantem speciem, quam individuum : sed ad actum saluantem individuum adhuc obligamur : ergo & ad illum : ergo omnes vouentes continentiam, mortaliter peccant vouendo continentiam.

5 Si forte dicas, quod obligabat quando pauci erant homines, & adhuc obligaret in simili casu. Contra : Præceptum morale obligat æqualiter, paucis existentibus & multis : ergo si istud est morale, videtur quod nihil sit dictum, quod paucis existentibus obligat, & multis existentibus non obligat. Si autem dicatur esse cerimoniale, hoc friuolum esse patet cuilibet.

6 Item videtur, quod omnibus modis adhuc obliget omnes : quia secundum desiderium naturæ semper debet esse ordo naturalium : sed desiderium naturæ est ad omnimodam multiplicationem individuum : ergo præceptum & ordo naturalium debet esse ad hoc. Probatur prima per hoc quod natura nunquam errat, ut dicunt Philosophi, & sapientissima est in suis effectibus & actibus. Secunda autem patet per se.

7 Item, Multis existentibus si quilibet bene faciat continendo, dissolueretur generatio : & hoc esset malum : ergo non bene faceret continendo : sed eadem est de vno ratio & de alio : ergo aut omnes beneficerent continendo, aut nullus : non omnes : ergo nullus : ergo omnes peccant qui continent. Et hæc sunt vel esse possunt rationes Iudeorum dicentium, omnes debere contrahere matrimonium, & iudaizantium quorundam hæreticorum.

SED CONTRA : Eccli. 26. Non est digna ponderatio continentis animæ : sed continentia præcipue est in virginitate, scilicet in individuitate : ergo videtur, quod melior est quam castitas matrimonialis.

2 Item, Præcipuum bonum est quod præcipue præbet facultatem sine impedimento se Domino obseruandi : sed hæc est castitas virginalis & vidualis : ergo videtur, quod illa melior sit quam matrimonialis.

3 Item, Virtus est circa difficile & bonum, scilicet honestum : sed magis circa difficile & bonum sunt virginitas & viduitas : ergo magis

sunt bonæ quam matrimonium.

4 Item, Viduitati debetur fructus sexagesimus, & virginitati centesimus, matrimonio autem trigessimus tantum : ergo videtur, quod virginitas & viduitas sint meliora quam matrimonium.

5 Item, Non est præceptum de facili ad quod natura per se inclinat, etiam si sit de faciendis : sed ad actum concumbendi matrimonialiter inclinat natura, & est facile : ergo non debet esse præceptum de illo. Probatur prima per hoc, quod omnes dicunt, quod ideo non est præceptum de diligendo seipsum, quia hoc est facile, & natura inclinat se ad illud. Secunda autem patet per se.

6 Item, Omne quod præcipitur aliqua de causa, videtur quod non obliget causa illa non existente : sed cum dicitur, Crescite & multiplicamini, si sit incrementum & multitudo, non habet causam & rationem præceptum : ergo videtur, quod tunc non obliget.

RESPONSIO. Dicendum, quod hoc præceptum est naturæ ex causa defectus multitudinis : & ideo bene concedo, quod non obligat multitudine existente.

AD PRIMUM ergo dicendum, quod fuit præceptum affirmatiuum ex causa determinata factum, & omnem hominem obligat quando est eadem causa, quia tunc est tempus necessitatis : & tunc bene concedo, quod nullo voto obstante omnis homo teneretur si similis esset casus.

AD ID autem quod probatur, dicendum est quod ponderatio personalis boni non est condigna continentis animæ : sed tamen ponderatio boni communis præponderat quantumque bono personali, præcipue tale bonum quale est salus speciei humanæ. Et hoc est quod dicit Arist. quod si bonum est bonum hominis, melius erit quod ciuitatis, & maximum bonum quod gentis.

AD ALIUD dicendum, quod est de per se faciendis ex causa quæ est defectus habitatorum mundi & seruientium Deo : & ideo non obligat nisi illa causa existente.

AD ALIUD dicendum, quod non est simile : quia salus individui non procuratur nisi per idem individuum : sed salus speciei potest procurari per alium.

AD ALIUD dicendum, quod verum est digniorem esse speciem quam individuum, & melius esse quod saluetur species quam individuum, si alterum sine altero saluari non possit : sed salus speciei nullo modo est in periculo multis existentibus hominibus, eo quod ad actum generationis inclinant natura & concupiscentia & amor prolis : & ideo abstinens propter Deum meretur.

AD ALIUD dicendum, quod non est simpliciter datum hoc præceptum, Crescite & multiplicamini : quia non contingit crescere post perfectum incrementum, nec multiplicari post perfectam multiplicationem : sed datum est ex causa, ut dictum est : & ideo obligat illa causa existente, & non aliter.

AD ALIUD dicendum, quod est natura integra & natura corrupta : & secundum hoc habet duplex desiderium : & quia desiderium naturæ



naturæ corruptæ est permixtum corruptioni; ideo oportet resistere desideriis naturæ & maxime veneris: ratio autem procedit de desiderio naturæ integræ tantum.

AD ALIUD dicendum, quod multis existentibus quilibet bene facit continendo: & si quilibet voueat continentiam, certum est, quod tunc Deus suam voluntatem de dispositione mundi reuelaret vel per se, vel per fideles Ecclesiæ dispensatores: & tunc illis obediendum esset in omnibus quæ præciperent, aut de seruando voto, si fortè ex præsentibus numerus electorum impleretur: vel de frangendo voto & recompensando per materialem fidelium multiplicationem, ne mundus dissolueretur.

## ARTICVLVS XI.

*An actus matrimonialis habet indulgentiam vel premium?*

**D**Einde quæritur de hoc quod dicit ibi [Indulgentia vero quia meliora non eligit, remedium habet, non præmium, &c.] Videtur enim primo, quod hæc consequentia nulla sit: & est instantia, quia præceptum Domini quodcunque meliora non eligit, sed potius consilium: ergo indulgentiam tantum habet, non præmium: & hoc falsum est.

2 Adhuc videtur esse falsum: quod enim faciendum nuntiatur ab Angelo, præmium habet, non indulgentiam: sed actus matrimonij quandoque faciendus nuntiatur ab Angelo: ergo præmium habet, non indulgentiam. Probatur prima ex hoc, quod Deus per Angelos nec mala magna nuntiat nec parua: sed omne quod habet indulgentiam, peccatum est, ut dicit in litera ex verbis Augustini. Secunda autem probatur per conceptum Ioan. Bapt. & Samsonis, & aliorum quorundam.

3 Item, Omnis actus ad quem mouet virtus formata, meritorius est, & habet præmium: sed talis multoties est actus matrimonij: ergo multoties habet præmium. Probatur prima: quia actus accipit rationem meriti à forma virtutis formatæ. Secunda autem probatur: quia fides thori est virtus formata in habentibus charitatem, & sæpè mouet ad actum matrimonij.

4 Item, Omnis actus iustitiæ formatæ est meritorius, & habet præmium: sed redditio debiti in actu matrimonij, est actus iustitiæ formatæ: ergo est actus meritorius, & habet præmium.

5 Item, Actus virtutis in quocunque statu dum formata maneat charitate, est meritorius, & habet præmium: sed actus matrimonij est actus cuiusdam status continentiae habentis formam charitatis: ergo habet præmium, & est meritorius.

6 Item, Omne id quod præcipit ius diuinum & humanum, & punit si non fiat, est meritorium si fiat in charitate: sed actum matrimonij præcipit ius diuinum & humanum, & punit si non fiat: ergo est meritorium si fiat in charitate.

7 Item, Omne id quod in solo timore Dei

fit, non cum libidine hominis, potest esse meritorium: talis autem est actus matrimonij: ergo, &c. Probatio maioris est Tobiae 3. ubi dixit Sara, In timore tuo non cum libidine mea virum consensu suscipere.

8 Item, Apostolus 1. Corinth. 7. Iterum conuertimini in idipsum. Constat autem, quod nullo modo præciperet committi peccatum: ergo conuerti ad actum matrimonij non est peccatum: ergo non semper habet indulgentiam post peccatum, ut videtur sonare litera.

9 Item, Regula est apud Doctores, quod nullus debet facere peccatum minus, ut alius euitet maius: sed si coitus matrimonij semper haberet indulgentiam, mulier consentiens viro ad coitum ne ipse incideret in adulteriū, faceret peccatū minus, ut alius euitaret maius: ergo hoc non est faciendum mulieri: ergo consulendum est mulieribus, ut non reddant debitum, quod absurdum est: ergo non semper concubitus habet indulgentiam: falsum est ergo, quod post peccatum semper fuerit in remedium: quod tamen videtur sonare litera.

SED CONTRA: Generaliter loquitur Apostolus cum dicit 1. Corinth. 7. Hoc autem dico secundum indulgentiam: quicquid autem habet indulgentiam est peccatum, ut dicitur in litera: ergo generaliter omnis concubitus matrimonialis est peccatum.

2 Item, Cuius causa est mala, & ipsum est malum: sed causa concubitus est concupiscentia ipsi necessario adiuncta: ergo concubitus matrimonij generaliter est malus.

3 Item, In naturis dicitur malum & corruptum, quod malo & corruptioni est permixtum: ergo similiter & in moribus malum dicitur quod corruptioni & malo moris est permixtum: sed coitus matrimonij malo moris quod est scelerata concupiscentia, est inuitabiliter permixtus: ergo omnis coitus matrimonij est malus.

4 Item, Quod malum semper consequitur, quando causatur ab illo, videtur esse malum sicut causa mali: sed concupiscentia coitus semper consequitur malum originalis peccati, ut dicit August. in libro de nuptiis & concupiscentia contra Iulianum Pelagianum: ergo coitus matrimonij generaliter est malus.

5 Item, Damasc. dicit, quod verecundia est in actu matrimonij: ergo est turpis: sed omne turpe opponitur honesto: ergo coitus matrimonij est oppositus honesto: sed nihil opponitur honesto nisi vitium: ergo actus matrimonij est vitium: ergo est peccatum.

RESPONSIO. Dicendum, quod actus matrimonij quatuor de causis potest fieri, & tribus mouentibus. Prima causa est spes proles. Secunda est fides reddendi debiti. Tertia est in rememoratione boni sacramenti. Quarta est causa infirmitatis sanandæ. Mouens autem quandoque tantum est virtus, & hoc tripliciter, scilicet amor cultus Dei propagandi in prole, amor iustitiæ in redditione debiti, & fides visionis futuræ in vno spiritu ad Deum: quandoque est mouens natura cum virtute: quandoque est mouens natura cum vitio, & hoc dupliciter, quandoque enim natura præcedit vitium, quan-



Ad id quod in contrarium obiicitur, dicendum quod non generaliter loquitur Apostolus, nisi dicatur indulgentia concessio- nis, sicut distinguitur in litera: sed tunc non omne quod habet indulgentiam, est peccatum. Et quod dicit Augustinus, quod quicquid ha- bet indulgentiam, est peccatum, intelligitur de indulgentia permissionis.

AD ALIVD dicendum, quòd coitus matrimonij generaliter est malo pœnæ permixtus, sed non malo culpæ: & ideo non potest dici malum culpæ, sed pœnæ.

A D A L I V D dicendum, quòd turpe est duplex, scilicet pœnæ, & culpæ: & coitus matrimonij habet turpitudinem pœnæ, non culpæ: multæ autem pœnæ tales habent verecundiâ, non accusabilem tamen, sicut egestio, yrinatio, & huiusmodi: & tale turpe vulgariter vocatur turpe, sed non opponitur honesto. Est aliud turpe quod est crimen non habens pulchritudinem in actu virtutis, & hoc opponitur honesto, & est peccatum: sed hoc turpe non est in actu matrimonij.

*Quibus modis accipiatur indulgentia.*

**I**NDULGENTIA autem diuersis modis accipitur, scilicet pro confessione, pro remissione, pro permissione. Et est permissio in Nouo Testamento, de minoribus bonis, & de minoribus malis. De minoribus bonis est coniugium, quod non meretur palmam, sed est in remedium. De minoribus malis, id est, de venialibus, est coitus qui fit causa incontinentiæ. Illud scilicet coniugium indulgetur, id est, conceditur. Illud vero, id est, coitus talis, permittitur, id est, toleratur, ita quod non prohibetur.

## ARTICVLVS XII.

**D**Einde quæritur de hoc quod dicit *ibi* [Permissio in Nouo Testamento de minoribus bonis, &c.] Videtur enim hoc esse falsum: quia cū quinque sint signa diuinæ voluntatis, vt habitum est ante finem primi libri huius voluminis: sed permissio *ibi* semper est de malo: ergo non est de minoribus bonis.

3 Item, Præceptum Dei & permissio sunt de signis voluntatis : cum igitur sint diuersa, non erunt circa idem: est autem præceptum de minoribus bonis : ergo permissio non est de minoribus.

Quæstio. minoribus. Sed permixto non est de  
cula. ULTERIVS quæritur, Quare dicit in  
*D. Alb. Mag. in Lib. 4. Sentent.*

Ad hoc dicendum, quod permissio secundum quod est signum diuinæ voluntatis, & secundum quod est de minoribus bonis, non in ratione vna sumitur: ibi enim operationi opponitur cū vtrunque sit circa præsens: vnum circa malum, & alterum circa bonum: hic autem opponitur consilio, eò quod maiora bona sunt de quibus est consilium: & cum non inclinatur homo ad illa, permittit Deus hominem saluari in minoribus bonis, id est, concedit. Alia autem differentia est: quia in permissione secundum quod est signum voluntatis diuinæ, Deus non vult actum, sed aliquid circa ipsum quod ex ipso malo actu ordinato elicitur: hic autem Deus vult actum ipsum: sed magis remuneraret eum, qui esset meriti excellentioris. Et per hoc patet solutio ad primum quod fallit secundum æquiocationem. Per

Solutio.

C C c

idem

idem



idem etiam patet solutio ad secundum & tertium.

AD ID autem quod ulterius quæritur, dicendum quod in Veteri Testamento aliud reformat peccatum: quia ibi erat status imperfectionis, gratia nondum propalata, & erant pau-

ci Deo seruientes, & omnes gentes per circuitum ad idololatriam pertrahentes: & ideo tunc non erat permissio, sed præceptum, ut multiplicatio fieret colentium Deum, ut cum propagatione seminis fieret propagatio religionis. Et ideo tunc plures erant vnius viri uxores.

*Quod nuptiæ sint bonæ.*

**E**RVNT nonnulli hæretici nuptias detestantes qui Tatiani appellati sunt. Hi nuptias omnino damnant, ac pares fornicationibus aliisque corruptionibus faciunt: nec recipiunt in suorum numero, coniugio utentem marem vel foeminam. Quod autem res bona sit coniugium, non modo ex eo probatur, quod Dominus legitur coniugium instituisse inter primos parentes, sed etiam quod in Cana Galilææ nuptiis interfuit Christus, easque miraculo commendauit, aqua in vinum conuersa. Qui etiam postea virum dimittere uxorem prohibuit, nisi causa fornicationis. Apostolus etiam ait, Virgo non peccat, si nubat. Constat ergo rem bonam esse matrimonium: alioquin non esset sacramentum. Sacramentum enim sacrum signum est.

Ang. de  
hæres.  
cap. 25.  
Hugo  
4. sent.  
cap. 3.

Gen. 2.  
Ioan. 2.  
Matt. 19.

1. Cor. 7.

ARTICVLVS XIII.

*An opinio hæreticorum dicentium coitum cum uxore esse peccatum, sit toleranda?*

**D**Einde quæritur de hoc quod dicit ibi [Fuerunt autem nonnulli hæretici, &c.] Videtur enim esse pro illis quod dicit Apostolus 1. Corinth. 7. Qui habent uxores, sint tanquam non habentes: non habens enim uxorem non utitur uxore: ergo & habens eam, non debet ea uti.

2 Item, Quod impedit ad Deum recipiendum, videtur esse peccatum: sed hoc facit coitus uxoris: ergo videtur, quod sit peccatum. Probatur prima per dictum Isaia 39. Iniquitates vestra diuiserunt inter vos & Deum. Secunda scribitur Exod. 19. vbi cum populus occurrere debuit Domino, dixit Moyses, quod non appropinquarent vxoribus suis.

3 Item 2. Regum 6. dicitur Oza percussus, quia cum iacuisset cum uxore sua, voluit tenere arcam ne caderet, eo quod calcitrans bos inclinasset eam: hoc autem esse non posset, nisi magnum peccatum coitus reputaretur: ergo isti hæretici videntur dicere verum.

4 Item, Discipuli audientes à Domino, qualiter esset res viri cum uxore dixerunt, Non expedit nubere: ergo videtur, quod hoc sit malum, quia omne bonum est expediens vel honestum: & etiam honestum habet expediens adiunctum sibi, ut dicit Tullius: cum igitur matrimonium sit bonum, ipsum erit expediens.

5 Item per rationem probatur idem sic, Actus naturæ non diuersificatur specie propter id quod voluntas ponit circa eum: sed coitus

est actus naturæ: ergo propter nullam circumstantiam voluntatis diuersificabitur specie: ergo siue fiat cum coniugata, siue cum soluta, est idem specie: ergo erit eiusdem iudicii in bono & in malo. Probatur autem prima ex eo quod artificialia causantur à voluntate, & speciem non diuersificant. Secunda autem per se patet: quia generatiua est potentia naturalis.

6 Item, Sicut dicit Philosophus in 10. ethic. Totum bonum hominis in quantum est hominis, est bonum rationis & intellectus: ergo quod subuertit illud, est malum secundum se: sed coitus subuertit & ligat rationem: ergo est malum: sed malum hominis quod est culpa, ut dicit Dionysius, est contra rationem esse: ergo coitus generaliter est malum culpæ. Si forte tu dicas, quod coitus subuertit rationem in actu, sed non in habitu. Contra: Ex omnibus actibus (ut dicit Philosophus) qui voluntarij sunt, relinquuntur similes habitus: ergo ex actu voluntario qui est actus matrimonij, habitus relinquitur: sed sicut se habet actus ad actum, ita habitus ad habitum: ergo sicut actus subuertit actum, ita habitus subuertit habitum.

7 Item, Actus qui sunt circa passiones innatas, & illi qui sunt circa delectationes æqualiter intensas, æquales sunt in superfluitate: sed actus matrimonij & actus soluti concubitus sunt circa delectationes æqualiter intensas: igitur æquales sunt in superfluitate: sed actus qui æquales sunt in superfluitate delectationis, sunt æqualiter vitiosi: ergo actus matrimonij & soluti concubitus sunt æqualiter vitiosi: ergo sicut concubitus solutus est peccatum mortale, ita & actus matrimonij.

8 Item, In actibus qui sunt circa passiones illatas, æquales sunt qui sunt circa æqualiter terribiles:



terribile: ergo à simili actus qui sunt circa æqualiter delectabile, sunt æquales: sed actus matrimonij & soluti concubitus, sunt circa æqualiter delectabile: ergo sunt æquales: ergo quantum vitium est solutus concubitus, tantum vitium est actus matrimonij.

*Sed con-*  
*tra.* IN CONTRARIUM huius est quod dicitur 1. Corinth. 7. Qui emunt, sint tanquam non possidentes. Sed non potest intelligi quantum ad usum rei emptæ: ergo nec hoc quod dicit, Qui habent uxores, sint tanquam non habentes, intelligitur quantum ad usum.

2 Item, Aut matrimonium impedit simpliciter ad Deum recipiendum, aut non. Si sic: tunc Moyses simpliciter debuit interdicere uxores, & non tantum vsque ad tres dies. Si non: tunc haberetur propositum, scilicet quod non sit peccatum mortale: quia omne peccatum mortale simpliciter impedit ad Deum recipiendum.

3 Item, Pater Ioannis laudatur, similiter & mater: sed Ioannem illi hæretici condemnant: ergo non potest hoc intelligi de patre & matre spiritualibus: ergo intelligitur de carnalibus: ergo carnalis pater qui coit cum uxore possunt esse sancti: & hoc non esset, si coitus esset peccatum: ergo coitus non est peccatum.

4 Item, Dominus Matth. 5. dicit, Qui dimiserit uxorem, excepta causa fornicationis, facit eam mœcham. Ergo debet manere cum ipsa: ergo coitus cum ipsa non est peccatum. Item, Nihil prohibet actus maioris delectationis esse virtutis, & minoris delectationis esse actum vitij, sicut patet in comedendo quando oportet, & ubi oportet, & quantum oportet, delectabilia, & comedendo ut non oportet, & quando non oportet, & quantum non oportet, grossa cibaria, sicut Esau qui propter vilem escam vendidit primogenita: ergo à simili sic est in coitu: ergo non sequitur si coitus matrimonij sit tantæ vel maioris delectationis, sicut coitus cum soluta, quod si vnus est peccatum, sit & alius.

*Solutio.* RESPONSIO. Dicendum, quod isti sunt pessimi hæretici qui quondam Tatiani, nunc autem Paterniani vocantur, qui de se perhibent, quod sint filij fornicationum & meretricum: & ideo nihil iuris eis in hæreditate temporali dimitti debet, sicut nec aliquid iuris habent in hæreditate æterna. Dicendum autem, quod mentiuntur non intelligentes de quibus loquuntur, nec de quibus affirmant.

AD PRIMUM ergo dicendum, quod sicut patet ex obiectione in contrarium facta, non intelligitur, quod non debeant cognoscere uxores, sed quod non debeant spem ponere in eis sicut in re fruibili.

AD ALIUD dicendum, quod non impedit ad Deum recipiendum, sed habet incongruitatem ad subito post coitum videndum Deum propter annexam concupiscentiam.

AD ALIUD dicendum, quod Oza forte non est ideo percussus sicut dicitur in libro Regum: sed quia cum Leuita esset, arcam propriis humeris non porrauit. Si autem percus-

*D. Alb. Mag. in Lib. 4. Sentent.*

sus est propter hoc, tunc fuit propter inidoneitatem ex concupiscentia & carnalitate, & non ex peccato.

AD ALIUD dicendum, quod discipuli dicunt, quod non expedit, ideo quia propter inextricationem rerum mundanarum retrahit ab obsequio diuino: sicut dicit Apostolus per oppositum de virginitate, 1. Corinth. 7. quod ad id quod honestum est, prouocet, & quod sine impedimento facultatem præbeat se Domino obseruandi. Et non est verum, quod tali non expedienti opponatur bonum gratiæ, nec ipsum est malum culpæ: sed tantum ei expedienti quod sequitur honestum: quandoque enim ipsum malum dicitur expediens, secundum quod cooperatur ad bonum: licet improprie dicatur, eò quod non cooperatur ad bonum nisi per occasionem.

AD ALIUD dicendum, quod actus naturæ duplex est: nam quidam est actus voluntatis qui est natura quædam, & actus naturæ determinatæ vno modo se habentis, quæ diffinitur ab Aristot. quod est principium motus & status in quo est per se & non secundum accidens. Dicendum ergo, quod actus naturæ secundum quod voluntas est natura quædam, bene variatur ex voluntate, & talis naturæ actus est coitus: sed actus naturæ secundo modo dictæ non variatur ex voluntate. Ad id autem per quod nititur probare, dicendum quod generatiua non est primum mouens in actu generationis, sed potius voluntas imperans: & ideo ab illo primo mouente coitus est actus voluntarius, & propter circumstantias diuersas efficitur peccatum in soluta, & actus virtutis in coniugata.

AD ALIUD dicendum, quod ratio dupliciter se habet ad opera illa in eo quod ratio quæ est ratio recta, scilicet ut præcedens, & ut concomitans: præcedens enim ordinat circumstantias quantum debet, & ut, & quando, & cum qua, & quomodo: sed concomitans dirigit. Dicendum ergo, quod vitium subuertit rationem præcedentem, sicut dixit Socrates, & Aristot. attestatur, quod delectatio subuertit estimationem prudentiæ in minori propositione: & hoc est scriptum in 6. ethicorum, cap. de prudentia. Sed actus matrimonij non subuertit rationem præcedentem, sed concomitantem: & ideo non est vitium. Et si obiiciatur, quod quia illa ratio concomitans dirigit, si subuertitur, manet actus non directus: dicendum quod non dirigit ut ordinans, sed ut inspiciens: imo actus ordinatus est à præcedenti discretionem rationis: & manet iste ordo in actu matrimonij, sicut vis proiectiua manet in medio, etiam cessante primo proiciente.

AD ALIUD dicendum, quod ex omnibus actibus relinquitur habitus similis actui: & ideo si ex actibus matrimonij relinquitur habitus, cum actus illi sint ordinati, non erit habitus inordinatus.

AD ALIUD dicendum, quod falsum est quod supponitur pro vero, scilicet actus esse æquales in malo & bono, qui sunt circa delectationes æquales: quia actus natu-



ræ nec malum nec bonum facit quod est circa delectationes: quod patet ex hoc, quod actus virtutum & vitiorum sunt circa delectationes & tristitias: sed actus facit bonos vel malos, indebitas vel debitas circumstantias & fines habere. Et per hoc patet solutio ad ultimum: quia illa ratio procedit super simile falsum.

*Cuius rei sacramentum sit coniugium.*

Ephes. 5.  
Gen 2.

**F** V M ergo coniugium sacramentum sit, & sacrum signum est & sacræ rei, scilicet coniunctionis Christi & Ecclesiæ, sicut ait Apostolus. Scriptum est, inquit, Relinquet homo patrem & matrem, & adhærebit uxori suæ, & erunt duo in carne una. Sacramentum hoc magnum est. Ego autem dico in Christo & in Ecclesia. Vt enim inter coniuges coniunctio est secundum consensum animorum, & secundum permixtionem corporum: sic Ecclesia Christo compulatur voluntate & natura, qua idem vult cum eo: & ipse formam sumpsit de natura hominis. Copulata est ergo sponsa sponso spiritualiter & corporaliter, id est, charitate ac conformitate naturæ. Huius utriusque copulæ figura est in coniugio. Consensus enim coniugum copulam spirituales Christi & Ecclesiæ, quæ fit per charitatem, significat. Commixtio vero sexuum, illam significat quæ fit per naturæ conformitatem.

ARTICVLVS XIV.

*An matrimonium sit sacramentum, & quæ sit res ipsius, & à quo trahat virtutem sui effectus?*

**D** Einde quæritur de hoc quod dicit ibi [Cum ergo sacramentum coniugium sit, &c.] Et vadit disputatio super totum capitulum. Videtur enim, quod Magister malè rem huiusmodi sacramenti determinet: sacramento enim Noui Testamenti substantialior est res contenta & signata, quam signata & non contenta: sed vnio fidelis animæ cum Deo in vno spiritu, vel vnio duarum naturarum in Christo est res signata & non contenta: ergo videtur, quod non debet determinari respectu illius.

2 Item, Sacramentum nouæ legis efficit quod figurat: sed matrimonium est sacramentum nouæ legis: ergo efficit quod figurat: sed figurat vnionem duarum naturarum in Christo: ergo efficit eam, quod falsum est: ergo non est res eius: videtur ergo, quod falsum dicit in litera.

3 Item, Quod æqualiter efficitur ab omni gratia & merito vel potissimum à charitate, non videtur esse res matrimonij: sed coniunctio fidelis animæ cum Deo in vno spiritu, efficitur cum virtute, & præcipuè charitate: ergo non est effectus matrimonij.

Quæstio-  
nula 1.

**I** V X T A H O C vterius quærentur tria, scilicet an matrimonium sit sacramentum nouæ legis? Secundo, Quæ sit res ipsius? Tercio, A quo trahat virtutem sui effectus in ipso? Ad primum autem horum obicitur multis modis: primo quidem ex parte formæ

sacramenti: omne enim sacramentum habet formam ab institutione diuina promulgatam, quæ tribuit sacramento sanctificationem: sed matrimonium non habet talem formam: ergo non est sacramentum nouæ legis. Prima patet ex dicto August. qui dicit, quod accedit verbum ad elementum, & fit sacramentum. Secunda autem patet: quia consensus qui efficit matrimonium, est secundum leges eorum qui contrahunt, vt habetur infra in litera. Secundo obicitur ad hoc idem ex consideratione materiæ: omne enim sacramentum nouæ legis vel plura habent materiam quæ est visibile aliquod elementum, vt aqua, oleum, panis, & huiusmodi, vt dicit Hugo: sed istud non habet materiam: ergo non est sacramentum nouæ legis. Ad idem tertio obicitur ex consideratione effectus: quia omne sacramentum nouæ legis efficit gratiam quæ intus adiuuat: sed matrimonium non efficit aliquid tale: ergo matrimonium non est sacramentum nouæ legis. Probatur prima ex diffinitionibus sacramenti in principio huius quarti assignatis. Secunda autem scripta est infra, vbi dicit, Matrimonium non meretur palmam.

**S** E C V N D O quæritur, Quæ sit res ipsius si sit sacramentum nouæ legis? Videtur enim, quod nulla: quia actus cum turpitudine est consummans matrimonium: ergo non confert gratiam.

2 Item, Quod conceditur infirmitati, sufficit quod vitet pœnam: sed matrimonium conceditur infirmitati: ergo sufficit quod euitet pœnam: videtur ergo, quod non conferat gratiam aliquam.

3 Item, Omne id quod confert gratiam, illius exercitium si iterari potest, non dissuadetur:



detur: sed matrimonij, mortua vxore, iteratio dissuadetur, & adiungitur pœna irregularitatis: ergo matrimonium non confert gratiam.

Quæstio-  
culæ.

VLTERIVS quæritur tertio, In quo fundetur efficacia ipsius: Videtur autem, quod in nullo: quia omne sacramentum efficit quod figurat virtute passionis Christi: sed istud non habet figuram cum passione Christi, quia consistit in maxima delectatione: ergo videtur, quod non habeat aliquid unde trahat effectum.

Solutio.

RESPONSIO. Dicendum ad primum, quod Magister non tangit in litera nisi rem signatam & non contentam: quia secundum eum & multos alios rem aliam non habuit baptismus. Quid autem nobis super hoc videatur, infra patebit in solutione eiusdem quæstionis.

AD ALIVD dicendum, quod sacramentum nouæ legis duplex est: vnum quod est sacramentum tantum, aliud quod est sacramentum & officium. Sacramentum tantum est, cuius totus effectus substantialis est in opere operato, sicut est baptismus, confirmatio, Eucharistia, ordo, & extrema vñctio. Sacramentum & officium est duplex, scilicet officium personæ, & officium naturæ. Officium personæ est pœnitentia, officium naturæ est matrimonium. Quod ergo dicitur, quod sacramentum nouæ legis efficit quod figurat, dicunt quidam intelligi de illo quod est sacramentum tantum: quia illud ita est nouæ legis quod non fuit ante eam, & totam vim trahit à noua lege. Et non intelligitur de eo quod est sacramentum & officium: quia in illo est actus personalis & moralis & ciuili, qui etiam fuit ante nouam legem, & non trahit vim ab opere operato tantum, sed etiam ab opere operante.

AD ALIVD dicendum, quod bene conceditur, quod coniunctio fidelis animæ cum Deo non est effectus istius sacramenti contentus, sed signatus tantum. Et ratio dicta est prius.

AD ID quod quæritur, Vtrum matrimonium sit sacramentum nouæ legis, dicendum quod matrimonium quadrupliciter consideratur quoad quatuor quæ sunt in ipso: quorum primum est commixtio sexus ad salutem naturæ. Secundum est distinctio circa coniunctiones in diuersitate sexus. Tertium autem effectus eius contra vulnus concupiscentiæ. Et quartum & vltimum est honestas quæ circumstat causam efficientem matrimonij, & amicitia quæ consequitur ex ipso, & adiutorium coniugum ex mutuis operibus sibi inuicem communicatis. Quoad primum quidem est matrimonium de lege naturæ: & quia lex naturæ comitatur omnem legem, ideo hoc manet in omni lege: & sic institutum est in paradiso. Quoad secundum autem est de lege Moyfi, in qua fit distinctio personarum ad matrimonium legitimarum. Quoad tertium autem specialiter est de lege Christi, quia ex ipso opere operato confert medicinam contra morbum, quod non faciebat ante nisi in opere operante. Sed quoad alia tria consequentia matrimonium ex causa efficiente & ex effectu ipsius, est de lege ciuili. Et hoc modo loquuntur Philosophi de

D. Alb. Mag. in Lib. 4. Sentent.

honestate nuptiarum, vt Tullius, Aristoteles, Alspasius, & alij quidam.

AD OBJECTVM autem quod contra obijci-  
tur, dicendum quod matrimonium habet formam quæ est cōsensus per verba expressus. Nec oportet, quod sacramentum semper ex forma habeat sanctificationem: quia hoc non oportet nisi in illo sacramento, quod purè sacramentum est: & talia non sunt pœnitentia & matrimonium, vt prius dictum est: quia illa sunt ad ea circa quæ sunt opera nostra: & ideo oportet, quod perfectionem aliquo modo trahant à nobis. Et ideo in matrimonio pro perfectio formali est indiuiduitas vitæ, quæ causatur ex consensu in vtroque coniugum perfecto existente.

AD ALIVD dicendum, eodem modo: quia talis materia non est nisi in illis sacramentis quæ totam rationem efficiendi trahunt à passione Christi, & sacramentis quæ sunt in Christo, sicut est baptismus Christi, passio Christi, Resurrectio Christi, & huiusmodi. In his autem quæ sunt circa opera nostra, sunt materia aliqua nostra, vel nos sub aliqua dispositione: sicut in pœnitentia dolor est materia, & in matrimonio nos sub potentia commixtionis sexuum existentes.

AD ALIVD dicendum, quod bene efficit quod figurat: quia efficit medicinam contra concupiscentiam. Et qualiter efficiat illam, iam patebit in solutione sequentis articuli, & partim claruit ex præmissis.

AD ID ergo quod quæritur vtrum conferat gratiam? Dicendum, quod circa hoc sunt tres opiniones, quarum nulli præiudicandum est. Prima autem est quorundam dicentium, quod non confert gratiam aliquam: & secundum hos dicitur sacramentum de hoc & aliis per prius & posterius, quia de aliis dicitur per signare & causare gratiam, de isto autem per signare tantum. Et hæc videtur fuisse opinio Magistri in litera: & fuit opinio Præpositiui & Guilelmi Altisiodoren. & aliorum antiquorum. Fuerunt alij qui dicerent, quod confert gratiam, scilicet recessum à peccato, non autem ordinem ad bonum. Et si quæritur, Quæ sit illa gratia? dicunt, quod est illa quæ excipit concupiscentiam ne ruat in præcepta: & secundum illos oportet dicere, quod si secundum matrimonium sit gratia illa, vel aliquid ei coniunctum exterius, quod mitigat concupiscentiam, ne ferueat ultra nuptiarum honestatem & bona matrimonij. Et hoc vltimo modo dicunt illi esse gratiam quam confert matrimonium. Et dicunt probabiliter isti, quod hæc est causa quare quidam patres videntur dicere, quod non confert gratiam, quia non confert eam in ordine ad bonum, sed à malo tantum: ad bonum autem habet quoddam impedimentum non ex se, sed ex consequentibus oneribus. Et hoc dicunt sentire Apostolum 1. Corinth. 7. dicentem, Porro hoc ad vtilitatem vestram dico: non vt laqueum vobis iniiciam, sed ad id quod honestum est, prouocem, & quod facultatem præbeat Domino se obseruandi. Hæc autem opinio plus placet mihi quam prima. Tertij quidam satis periti dixerunt, quod confert gratiam in ordine ad bonum,



num, non quodcunque bonum, sed hoc bonum quod facere debet coniugatus: & hoc est quod fideliter coniungi assistat, & opera sua illi communicet, & prolem susceptam religiosè nutriet, & huiusmodi. Et hæc etiam probabilis est mulrum. Ad obiectum autem contra, dicendum quod gratiam confert: & qualiter intelligatur, quod non meretur palmam, supra expositum est. Quod autem dicitur, quod consummatur per actum turpitudinis, dicendum quod falsum est, sed consummatur per actum honestum à Domino benedictum, cui in penam adiuncta est turpitudine concupiscentiæ: & hæc non obstat, ut superius dictum est.

AD ALIUD dicendum, quod conceditur infirmitati, sicut Sancti dicunt: sed est infirmitas duplex. Vna est infirmitas prostrata iacens in infimis, & alia quæ non iacet, sed est infirma ad excellens eleuatum, quod tamen est maiori laude dignum. Et quod primo modo conceditur infirmitati, est sicut id quod dicitur

Rom. 14. Qui infirmus est, olus manducet. Et hoc non habet præmium nec gratiam. Sed quod secundo modo conceditur infirmitati, est bonum meritorium, sed non habet laudem excellentem: & hoc est matrimonium, & ideo confert gratiam.

AD ALIUD dicendum, quod hoc accidit matrimonio ex adiunctis, & non ex seipso, præcipue tamen ex adiunctis duobus, scilicet concupiscentia quæ est adiuncta actui, & impedimento Domino se obseruandi quod adiungitur oneribus eius: & ideo decipit argumentatio illa per accidens.

AD ID quod tertio queritur dicendum, quod trahit efficiendi virtutem ex vnione naturarum in Christo, in quibus naturis sponsus Ecclesiæ passus est, propter quod dicitur Exod. 4. Sponsus sanguinum tu mihi es. Et sic patet solutio ad totum secundum duas vltimas opiniones, sed secundum primam non indigent ista solutione.

*Qualiter intelligendum sit illud, Mulier illa non pertinet ad matrimonium, cum qua non est commixtio sexuum.*

**N**ON DE est quod quidam Doctorum dixerunt, illam mulierem non pertinere ad matrimonium, quæ non experitur carnalem copulam. Ait enim Augustinus, Non dubium est illam mulierem non pertinere ad matrimonium, cum qua docetur non fuisse commixtio sexus. Item Leo Papa, Cum societas nuptiarum ita à principio sit instituta, ut præter commixtionem sexuum non habeat in se Christi & Ecclesiæ sacramentum, non dubium est illam mulierem non pertinere ad matrimonium, in qua docetur non fuisse nuptiale mysterium. Item Augustinus, Non est perfectum coniugium sine commixtione sexuum. Hoc si secundum superficiem verborum quis acceperit, inducitur in errorem tantum, ut dicat sine carnali copula non posse contrahi matrimonium: & inter Mariam & Ioseph non fuisse coniugium, vel non fuisse perfectum: quod nefas est sentire. Tantò enim sanctius fuit atque perfectius, quantò à carnali opere immunius. Sed superius posita, ea ratione dicta intelligendum est, non quin pertineat mulier illa ad matrimonium, cum qua non est permixtio sexuum: sed non pertinet ad matrimonium, quod expressam & plenam tenet figuram coniunctionis Christi & Ecclesiæ. Figuratur enim illam vnionem Christi & Ecclesiæ, quæ est in charitate: sed non illam, quæ est in naturæ conformitate. Est ergo & in illo matrimonio typus coniunctionis Christi & Ecclesiæ: sed illius tantum, qua Ecclesia Christo charitate vnitur: non illius, qua per susceptionem carnis, capiti membra vniuntur. Nec ideo tamen minus sanctum est coniugium: quia ut ait August. In nuptiis plus valet sanctitas sacramenti, quam fecunditas ventris. Est etiam coniugium signum spiritualis coniunctionis & dilectionis animorum, qua inter se coniuges vniri debent. Vnde Apostolus ait, Viri diligite vxores vestras ut corpora vestra.

27. q. 2.  
cap.  
Non est.  
Ibidem.  
cap.  
Cum  
societas.

In soli-  
loquiis.

Ephes. 5.

Ephes. 5.



ARTICVLVS XV.

*An matrimonium ante carnalem copulam sit perfectum?*

**D**Einde queritur de hoc quod dicitur in illo capitulo [ Non dubium est illam mulierem non pertinere ad matrimonium, & cetera. ] Videtur enim hoc esse verum quod dicunt decreta tria primo inducta: secundum Philosophos enim idem est esse rem perfectam & consummatam: sed matrimonium non est consummatum sine carnali copula: ergo nec perfectum.

2 Item, Perfectum est cui nihil deest de adhuc faciendis: sed in coniunctis per consensum solum, deest aliquid de faciendis adhuc, quia commixtio corporum: ergo videtur, quod matrimonium ante commixtionem corporum non sit perfectum.

3 Item hoc videntur innuere verba protoplasti qui dixit, Erunt duo in carne una: ergo si non erunt in carne una, non sunt in matrimonio perfecto: ergo antequam efficiantur in carne una, non habent perfectum matrimonium.

4 Item, Si aliquid essentialium alicuius non est perfectum, & ipsum est imperfectum: sed signare est aliquid de numero essentialium sacramentorum: ergo si ipsum in aliquo non est perfectum, sacramentum est ibi imperfectum: sed matrimonij ante carnalem copulam est imperfecta significatio, ut dicit Magister in solutione sua in litera: ergo ante hanc matrimonium est imperfectum sacramentum. Probatur prima ex hoc, quod omnia sic perficiuntur, quando essentialia eorum perfecta sunt. Secunda autem per hoc ostenditur, quod significare ponitur in diffinitione sacramenti, & signum predicatur de ipso vniuoce & in recto, sicut superius de inferiori, id est, ut de subiecto, ut dicit Aristot. in predicamentis.

5 Item, Ab eodem trahit sacramentum causalitatem & significationem, ut in principio huius libri habitum est: ergo quod est imperfecte significationis, est & imperfecte causalitatis: ergo est imperfectum in omnibus his quae sunt de essentia sacramenti nouae legis & veteris: si ergo imperfectum sit illud matrimonium in significatione, imperfectum erit simpliciter illud matrimonium: & sic habetur propositum.

**RESPONSIO.** Dicendum, quod matrimonium est perfectum per consensum: quia ab illo essentialiter caulatur indiuiduitas quae est essentia matrimonij: & ideo siue continent pari voto, siue commisceantur, semper est aequaliter matrimonium quantum ad essentiam.

**AD 1<sup>o</sup>** autem quod contra obiicitur, dicendum quod Philosophi perfectum in essentia & consummatum in essentia dicunt idem, & illud etiam dicunt Theologi, quia perfectum est quod attingit terminum & finem eius quod est fieri: & haec est forma ultima, & hoc etiam est summum eius ratione cuius in essentia dicitur consummatum, si est summum rei non tantum in esse, sed in ultimo suo posse: & secundum hoc consummatum addit aliquid supra perfectum, quia perfectum dicit illud quod attingit terminum suae factionis & fieri, sed consummatum dicit ultimum posse consequens ipsum perfectum: sicut infantem dicimus perfectum hominem, non tamen consummatum. Et hoc modo sumitur consummatum quando matrimonium dicitur consummatum, scilicet quando est in ultimo suo posse potens significare maximè: & hoc facit, quando commixta sunt corpora, quia tunc plura significat.

**AD ALIUD** dicendum est, quod perfectum est in quo nihil deest de faciendis quoad esse: sed quoad bene esse potest aliquid deesse: & illa est copula carnalis quae facit ad bene esse secundum significationem.

**AD ALIUD** dicendum, quod protoplastus dixit hoc de matrimonio consummato, quale tunc erat necessarium, nondum multiplicatis hominibus.

**AD ALIUD** dicendum, quod significare perfectum, est in sacramento matrimonij, etiam ante carnalem copulam: quia perfecte significat & id quod figurat extra coniunctionem suam, & id quod figurat intra: extra, coniunctionem spiritualem Ecclesiae cum Deo: intra, unionem spiritualem inter coniuges, ut dicit Magister in fine huius capituli: sed plura significat per commixtionem, non tamen plus vel magis significat. Et ideo in argumento est fallacia figurae dictionis, eod quod mutatur continuum in discretum. Per idem patet solutio ad ultimum. Et per haec patet aliquantulum id quod dicitur in hac distinctione: quia de hoc quod dicit de sanctitate continentium, infra erit tractatus specialis. Sequitur alia distinctio.



## DISTINCTIO XXVII.

*Quæ sunt consideranda in coniugio.*

De ma-  
trimonio  
secundum  
causam  
efficien-  
tem; de-  
termi-  
nans ge-  
neraliter  
quod co-  
sensu sit  
matrimo-  
nij  
causa.

**P**OST hæc aduertendum est quid sit coniugium, & quæ sit efficiens causa coniugij, & causa propter quam contrahi debeat, & quæ sint bona coniugij, & quomodo per ea excusetur coitus carnalis, quæ sint legitimæ personæ ad matrimonium. Sunt & alia plura in matrimonio consideranda, quæ sub compendio perstringemus.

~~~~~

DIVISIO ET EXPO-  
sitio textus.

**P**OST hæc aduertendum quid sit coniugium] In hac distinctione tria dicuntur. Prælibat enim primo de his de quibus dicit. Deinde quid sit matrimonium aperit *ibi* [Sunt ergo, &c. Tertio dicit de consensu qui est causa efficiens nuptiarum *ibi* [Efficiens autem causa] Incidit autem quaestio de hoc quod dicit *ibi* [Sunt ergo nuptiæ vel matrimonium, &c.] Videtur enim peccare duo nomina ponens vni diffinito: nominantes enim secundum aliquid nominant: ergo imponentes diuersa nomina, aliquid diuersum nominant: ergo vnica diffinitio non respondet nominibus duobus.

Solutio.

AD HOC dicendum, quod ipse attendit eandem rem secundum diuersas proprietates. Dicuntur enim nuptiæ ab actu matrimonij: matrimonium autem dicitur à bonis, quia mulier coniuncta viro munia habet matris in effusione proles, & aliorum operum in quibus communicat viro. Sed nunc quaeritur, Quare non dicitur patrimonium? Et dicendum, quod vinculum matrimonij magis onerat matrem, hoc est, eam quæ efficitur mater, quia in dolore profert & nutrit: & ideo magis est munia matris, quam patris.

AD ID autem quod obiicitur, quod vna diffinitio sequitur duo nomina, dicendum quod est diffinitio rei potius quam illarum proprietatum à quibus nomina sunt imposita. Vel dicatur, quod proprietas qua nuptiæ dicuntur nuptiæ, est ad illam qua dicitur matrimonium: & ideo vtrumque nomen respondet diffinitioni: vnum in differentiis remotis, alterum autem in propinquis & vltimis: cum enim diffinitiones necesse sit incipere à generalissimis, continent tam differentias remotas quam propinquas.

## ARTICVLVS I.

*In quo genere sit matrimonium?*

**H**OC habito incidunt hic tres quaestiones ad intellectum huius capituli pertinentes, quarum prima est hæc, In quo genere sit matrimonium? Secunda autem, Quid sit? Tertia de consequentibus matrimonium, de quibus mentio fit in litera.

Ad primum obiicitur sic: Nullum est vinculum nisi aliquid sit vinciens quod est ligatio qua vincit: sed matrimonium est vinculum quo ligantur legitimæ personæ contrahentes matrimonium: ergo non est ligatio ipsa: ergo est aliquid quod est ante ipsam ligationem: hoc autem est absolutum: ergo matrimonium est in aliquo genere absoluto.

2 Adhuc, Si quaeratur ab aliquo matrimonio iuncto, à quo sit ligatus? ipse dicit, matrimonio: ergo matrimonij essentia diuersa est à ligatione ipsa: ergo vt prius.

3 Adhuc, Nunquam est similitudo inter aliquos nisi sit qualitas absoluta vna in eis ambobus: ergo à simili nunquam erit coniunctio vel vinculum inter aliquas personas, nisi sit absolutum aliquid coniungens ambas: & hoc est essentia matrimonij: ergo matrimonium est in genere absoluto.

4 Adhuc, Augustinus in sexto de Trinitate dicit, quod nullum est relatiuum quin sit etiam aliud quod non est relatiuum: sed coniunctio matrimonij relatio quædam est: ergo matrimonium est etiam aliud aliquid quod non est relatiuum, sed absolutum: ergo in genere absoluto.

5 Adhuc, De essentiali sibi non prædicatur aliquid absolute oblique, nec essentiali de ipso: quia non dicitur, homo est animalis, sed potius animal: sed satis perspicuum est, quod matrimonium oblique prædicatur de coniunctione, quia dicimus, quod hæc est coniunctio matrimonij: ergo matrimonium non essentialiter est coniunctio.

6 Adhuc, Dicit Aristot. quod differentes sunt diffinitiones passionum, & subiectorum: quia in diffinitione passionis id quod est essentiali,



ARTICVLVS II.

*An diffinitiones matrimonij sint bene assignatae?*

triale, est sicut genus, & passionis subiectum est ut diffinitio: sicut cum diffinitur simum, & dicitur nasi curuitas, curuitas specificatur & contrahitur à naso: & tamen curuitas est essentia simi, & nasus subiectum: & in omnibus talibus contrahens nihil est de essentia contracti: ergo à simili cum dicitur, coniunctio matrimonij est coniunctio, videtur quod coniunctio trahitur per hoc quod dico matrimonium: ergo matrimonium non est de essentia coniunctionis: ergo videtur, quod sit in aliquo genere absoluto, & non in relatione: & hoc est contra omnes.

*Sed contra.* IN CONTRARIUM huius sic obiicitur: Matrimonium diuiditur per coniunctionem & vinculum: ergo est in ipso tanquam in genere proximo: ergo in genere coniunctionis est sicut in genere primo,

2 Adhuc, Quando alterum de altero prædicatur ut de subiecto, id quod est genus superioris, etiam est genus inferioris: sed coniunctio hcc modo, prædicatur de matrimonio: ergo quod est genus coniunctionis, est etiam genus matrimonij: genus autem omnis coniunctionis est relatio: ergo matrimonium est in relatione ut in genere.

3 Adhuc, Quicquid est in vno respectu alterius, & conuerso in altero respectu istius, est relatiuum æquiparantia: sed sic in viro & in muliere est matrimonium: ergo, &c.

*Solutio.* RESPONSIO. Ad hoc Dicendum, quod matrimonium est genere relationis, sicut probant vltimæ obiectiones, & dicit relationem æquiparantia: quia vir & mulier æquales sunt in his quæ sunt matrimonij.

AD PRIMUM autem quod contra obiicitur, dicendum quod matrimonium est ipsum vinculum: sed sicut dicitur, quod paternitas est ipsa natura relationis qua pater refertur ad filium, & tamen paternitas est relatio: sed quia significatur ut abstracta, ideo non quærit determinari extra: ita matrimonium dicitur abstractum: & ideo dicitur matrimonium vinculum siue coniunctio, sicut paternitas relatio: & non est ibi diuersitas, nisi in matrimonio. Et per hoc patet solutio ad tria prima.

AD ALIUD dicendum, quod Augustinus accipit relatiuum relatum, & non naturam ipsius relationis: & de ista verum est quod dicit. Sed matrimonium dicit ipsam relationis naturam. Et per hoc patet solutio ad omnia præter vltimum. Et ad illud dicendum, quod non ita coniunguntur cum dicitur matrimonium vinculum, sicut cū dicitur curuus nasus. Prima enim coniunguntur in habitudine formæ ad suum actum, secunda autem in habitudine ad suum subiectum & formam: & ideo non est simile. Cum enim dicitur vinculum matrimonij, simile est ac si diceretur, relatio paternitatis est qua pater refertur ad filium.

Secundo quæritur, Quid sit matrimonium? & accipiantur quæcunque diffinitiones inueniuntur de ipso. Prima autem in litera est hæc, Matrimonium est viri mulierisque maritalis coniunctio inter legitimas personas indiuiduam vitæ consuetudinem retinens. Iuris autem periti diffiniunt dicentes, Matrimonium est consortium vitæ communis, & coniunctio diuini & humani iuris. Hugo de san. Viç. sic diffinit, Matrimonium est duarum idonearum personarum legitimus de coniunctione consensus.

Contra primam sic obiicitur, quia dicit, Viri & mulieris: poterant enim aliquando haberi plures mulieres ab vno viro: ergo deberet dicere, Viri & mulieris vel mulierum.

2 Item quæritur de hoc quod dicit, Coniunctio maritalis: sicut enim est maritalis coniunctio, ita & vxoralis: ergo ita bene deberet dicere, vxoralis vel vxoria coniunctio sicut maritalis.

3 Item, In his quæ pertinent ad matrimonium, vir & mulier æquales sunt: ergo ita bene debet illa coniunctio nominari à muliere sicut à viro. Item, Coniunctio maritalis non videtur esse nisi in actu mariti: actus autem mariti est copulæ carnalis: ergo videtur, quod non sit matrimonium nisi in copula carnali: & hoc est ante reprobaturum.

4 Item quæritur de hoc quod dicit, Inter legitimas personas: omnis enim persona est legitima, quia quæ non est legitima vni, est legitima alij: ergo videtur, quod hoc superflue sit additum diffinitioni.

5 Adhuc, Si dicatur, quod legitime sunt quæ potentes sunt ad coeundum. Contra: Matrimonium nec perficitur nec est per concubitum carnalem: ergo illo non existente non impeditur: ergo videtur, quod etiam si sint impotentes ad coeundum, adhuc legitime sint ad contrahendum.

6 Item, Legitimæ personæ sunt legibus matrimonij ligatæ: ergo vxor alicuius adhuc legitima est ad contrahendum, quod falsum est: ergo malè videtur hoc additum.

7 Vltius obiicitur de hoc quod sequitur, Indiuiduam vitæ consuetudinem retinens. Videtur, quod sit vita diuidua: quia nec in merito nec in actu peccati conueniunt, sed distinguuntur: ergo non habent indiuiduam vitæ consuetudinem.

8 Item fiat diuortium vel separatio à thoro in perpetuum, tunc inter eos non est consuetudo vitæ indiuiduæ: ergo non est inter eos matrimonium, quod falsum est.

VLTERIVS quæritur de secunda sic. Inter socios, ut dicunt Philosophi, Arist. & Tullius, est consortium vitæ communis, & etiam inter ciues, & similiter inter patrem & natum, & communicatio diuini & humani iuris: ergo videtur, quod sit matrimonium inter eos, quod falsum est.

2 Item,



2 Item, Quid vocatur ibi ius diuinum? non enim communicant in diuinis. Probatio. Diuina (vt dicit beatus Dionysius) non dantur nisi per meritum: sed meritum dispar est inter mulierem & virum: ergo non communicant sibiinuicem diuina.

3 Item, Contingit sæpè, quòd vnus coniugum participat & sequitur ius diuinum, & alter non: ergo videtur, quòd non communicant sibiinuicem ius diuinum.

4 Similis obiectio est de iure humano: quia humano iure & diuino vir est caput vxoris: & hoc ius non communicat vxori: ergo videtur, quòd nec diuini nec humani iuris communicatio sit matrimonium.

Vlterius quæritur de tertia quæ est Hugonis in lib. 2. de sacramentis. Videtur enim instantia contra hoc quod dicit, Duarum personarum, &c. hoc quòd Iacob habuit duas vxores, & Dauid decem: non ergo est tantum duarum, sed duarum, vel trium, vel plurium.

2 Item videtur, quòd malè additur, Idonearum: quia idoneitas est per virtutem, vel gratiam dignitatis: & non tantum ille, sed etiam existentes in peccatis contrahere possunt. Item, Idonearum aut dicit idoneitatem gratiæ, aut naturæ. Si gratiæ. Contra: Existentes in peccato contrahere possunt, & sunt idonei ad contrahendum: ergo non dicit idoneitatem gratiæ. Si autem dicat idoneitatem naturæ. Contra: Secundum hoc natura omnes homines æquales genuit: ergo omnes æqualiter idonei sunt ad contrahendum, quod falsum est: ergo malè ponitur ibi, Idonearum.

3 Vlterius, Legitimus consensus est causa efficiens matrimonij: & causa efficiens non est suum causatum: ergo legitimus consensus non est matrimonium: videtur ergo, quòd diffinitio sit mala.

*Solutio.*

RESPONSIO. Dicendum, quòd istæ diffinitiones satis bonæ sunt. Prima enim dicit genus, & materiam remotam & proximam, & actum qui est vitæ indiuiduitas. Genus autem est sicut forma: & ideo illa omnibus aliis dari potest.

AD PRIMVM ergo quod contra obiicitur, dicendum quòd secundum naturam optimè institutum est, vt dicit Magister Hugo, quòd non est nisi vna vnus: propter quod dixit Adam, Hoc nunc os ex ossibus meis, & erunt duo in carne vna: non dixit tres vel quatuor. Et quoad hoc, quòd secundum naturam optimè institutum est, datur hæc diffinitio matrimonij. Et hoc est quod dicit Magister Hugo: Hoc tempore cum vna muliere non simul cum pluribus initur coniugium, dicente Apostolo, Propter fornicationem vnusquisque suam vxorem habeat. Non dicit vxores.

AD ALIVD dicendum, quòd coniunctio maritalis est vnio in maritalem copulam. Ad hoc quod contra obiicitur, dicendum quòd maritalis copula vocatur communicatio operationum ea communicatione qua vir & mulier communicant coniugaliter: hoc autem contingit fieri etiam non subsequenti copula

carnali. Et ita patet solutio ad obiectum contra illam particulam.

AD ALIVD dicendum, quòd à digniori denominatur copula illa, scilicet à marito.

AD HOC autem quod obiicitur, quòd æquales sunt, &c. dicendum, quòd verum est in debiti solutione & petitione: sed tamen in aliis pluribus vir caput est mulieris.

AD ALIVD dicendum, quòd non omnes personæ sunt legitime, sed quædam sunt legitime simpliciter, & quædam legitime secundum quid. Simpliciter legitime sunt quibus non obstat aliquod eorum impedimentorum quæ personas faciunt illegitimas. Legitime secundum quid sunt, quibus aliquid obuiat. Nec valet, Hæc mulier est legitima huic: ergo est legitima: quia est ibi fallacia secundum quid, & simpliciter.

AD HOC autem quod obiicitur de impotentibus ad coeundum, dicendum quòd hæc est vna causa illegitimitatis personarum: plures autem esse infra determinantur.

AD ALIVD dicendum, quòd legitime personæ sunt, quibus nullum impedimentum obuiat: sed non sequitur, quòd illæ semper contrahere possint, quia iam contraxerunt: & tunc essentialiter est inter eas matrimonium.

AD ALIVD dicendum, quòd indiuidua dicitur vita, eò quod opera communicat ad matrimonium, & ad onera matrimonij subleuanda ordinata, scilicet quia non possunt viuentes disungi, vt aliis copulentur quandiu ambo viuunt: & non vocatur communio in merito vel peccato, quia in talibus personæ manent discretæ.

AD ALIVD dicendum, quòd etiam si fiat separatio à thoro vel ex malitia, vel ex alia causa iusta vel iniusta, nihilominus adhuc manet indiuiduitas quoad hoc, quòd aliis coniungi non possunt.

AD HOC quod obiicitur de secunda, dicendum quòd consortium viri & mulieris est consortium vitæ indiuiduæ & indissolubilis, nisi per mortem: & tale consortium non est inter socios & alias personas inductas: & ideo etiam non est consortium simpliciter, nisi inter coniuges, sicut dicitur Esther 7. Consortem regni nostri Esther voluit opprimere. Ad hoc autem quod dicitur de communicatione, dicendum quòd intelligitur de communicatione animorum & corporum, nisi de pari consensu abstinenceatur: & hoc ex diuino & humano iure confirmatur. Et si ita intelligatur diffinitio, tunc non tenent obiectioes: tamen Decretistæ parum solent curare de diffinitionibus vel aliis ad subtilem intellectum pertinentibus.

AD ID quod obiicitur de tertia, dicendum quòd secundum Hugonem sicut ipse Glossat, intelligitur diffinitio illa de matrimonio in Nouo & non Veteri Testamento contracto. Si tamen aliquis vellet eam extendere ad omne tempus, dicatur vt prius, quòd secundum naturam matrimonij vna est vnus: sed ex causa possunt accipi plures: & hoc contingit per accidens, scilicet quando pauci sunt Deum colentes.

AD



AD ALIUD dicendum, quod idoneitas hic nec est ex natura, nec ex gratia, sed ex causis legitimis: & ideo illa ratio procedit ab insufficienti.

AD ALIUD dicendum, quod re vera hæc diffinitio datur per causam efficientem: unde non est ibi prædicatio essentialis, sed potius per causam dicitur, sicut dies est sol lucēs super terrā.

*Quid sit coniugium.*

**S**UNT ergo nuptiæ vel matrimonium, viri mulierisque coniunctio matitalis, inter legitimas personas indiuiduam vitam consuetudinem retinens. Ad indiuiduam consuetudinem vitam pertinet, quod absque consensu alterius neuter continentiam profiteri potest, vel orationi vacare: & quod inter eos dum viuunt, vinculum coniugale permanet, ut alij se copulare non liceat, & ut inuicem alter alteri exhibeat, quod quisque sibi. Hac autem descriptione legitimorum & fidelium tantum matrimonium includit.

ARTICVLVS III.

*An alter coniugum sine altero continere potest?*

**T**ertio quæritur de his quæ consequenter dicit Magister in explanatione diffinitionis, & præcipue de hoc quod dicit, quod dum viuunt alter sine altero continere non potest, & alter alteri exhibeat, &c. Videtur enim hoc esse falsum: quia veri coniuges efficiuntur per consensum: sed post illum ante carnalem copulam, alter irrequisito alio potest conuolare ad frugem melioris vitæ: & tunc datur alteri licentia nubendi: ergo falsum videtur quod dicitur in litera.

2 Item, Minus bonum non præiudicat maiori bono: sed maius bonum est votum continentie, quam matrimonium: ergo matrimonium non præiudicat voto: ergo matrimonium non excludit votum continentie: ergo etiam post contractum & consummatum matrimonium, potest fieri votum continentie, etiam alio irrequisito.

3 Item, In naturis minus lumen non excludit maius, sed è conuerso: sed matrimonium est sicut lumen, & votum continentie perpetuæ est sicut maius lumen: ergo licet votum excludat matrimonium, tamen ipsum non excludit votum continentie perpetuæ.

4 Item, Nulli præcludenda est via proficiendi in melius: ergo nec matrimonio iuncto: sed per votum continentie proficit in melius: ergo matrimonium non debet eum ab hoc voto impedire.

5 Item, In nulla alia virtute status inferior excludit statum altiore, sicut castitas incipiens, non excludit statum castitatis proficientis & perfectæ, & sic est de iustitia, fortitudine, & omnibus aliis: ergo etiam in continentia status inferior non excludit statum altioris continentie: ergo licet aliqua persona matrimonio iuncta sit, non tamen potest ei

prohiberi per coniugem quin transeat ad continentiam altioris status.

IN CONTRARIUM est, quod nihil est faciendum cum præiudicio iuris alterius personæ: sed per matrimonium mulier efficitur iuris alterius personæ, & è conuerso: ergo nihil est faciendum cum præiudicio iuris illius: votum autem continentie non potest fieri sine præiudicio alterius coniugis: ergo sine consensu suo fieri non potest. Probatur autem prima per hoc quod dicit Apostolus Roman. 3. Faciamus mala ut eueniant bona, quorum damnatio iusta est. Secunda autem probatur per hoc quod dicit Apostolus 1. Cor. 7. Mulier non habet potestatem sui corporis, sed vir. Similiter autem & vir, &c.

QUOD EST concedendum, dicendo ad primum, quod ante carnalem copulam non est inter eos nisi vinculum spirituale: & ideo ad solutionem illius sufficit mors spiritualis. Vnde cum alter conuolat ad frugem vitæ melioris in claustro, tunc moritur spiritualiter: & tunc alter est absolutus.

AD ALIUD dicendum, quod bonum minus quando simpliciter est, tunc non præiudicat bono meliori: sed quando melius non potest fieri nisi cum damno & læsione iuris alieni, tunc non est transeundum de minori bono ad melius: quia non est melius quod est iniustum.

AD ALIUD dicendum, quod non est simile quod inducitur: quia votum continentie perpetuæ in tali casu non est sicut lumen maius, sed potius sicut tenebra iniustitiæ ex inuisione iuris alieni, ut dictum est.

Et per hoc etiam patet

Solutio ad duo

ultima.

\*\*\*



*De consensu qui efficit coniugium.*

**C** EFFICIENS autem causa matrimonij est consensus, non quilibet, sed per verba expressus: nec de futuro, sed de præsentī. Si enim consentiunt in futurum dicentes, Accipiam te in virum, & ego te in uxorem: non est iste consensus efficax matrimonij. Item si consentiant mente, & non exprimant verbis vel aliis certis signis: nec talis consensus efficit matrimonium. Si autem verbis explicant quod tamen corde non volunt, si non sit coactio ibi vel dolus, obligatio illa verborum quibus consentiunt dicentes, Accipio te in virum, & ego te in uxorem, matrimonium facit.

*Auctoritatibus probat, quod solus consensus facit matrimonium.*

**D** V O D autem consensus matrimonium faciat, subditis probatur testimoniis. Ait enim Isidorus, Consensus facit matrimonium. Item Nicolaus Papa, Sufficiat solus secundum leges eorum consensus, de quorum coniunctionibus agit: qui solus si forte in nuptiis defuerit, cætera etiam cum ipso coitu celebrata frustrantur. Item Ioan. Chrysost. Matrimonium quidem non facit coitus, sed voluntas: & ideo non soluit illud separatio corporis. Item Ambrosius, Non defloratio virginitatis facit coniugium, sed pactio coniugalis. Ex his apparet, quod consensus id est pactio coniugalis, matrimonium facit: & ex tunc coniugium est, etiam si non præcessit vel secuta est copula carnalis.

27. q. 2.  
in princ.  
Vbi supra.  
cap. 19.  
Matth.  
In expositione  
2. in  
Matth.

Hom.  
3. ad  
cap. 19.  
Matth.  
In expositione  
2. in  
Matth.



## D I V I S I O T E X T V S.

**D** E I N D E quæritur de hoc quod dicit *ibi* [Efficiens causa matrimonij, &c.] Hæc pars diuiditur in tres partes, in quarum prima ostendit causam efficientem matrimonij. In secunda inducit opiniones, quare dicatur coniunx ea quæ coniungitur matrimonio *ibi* [quod enim ab ipsa desponsatione, &c.] In tertia dicit causam, quare non statim exhibetur coniunx, quando contractum est matrimonium *ibi* [De nuptialibus pactis] In quarta & vltima dicit, quæ coniunx efficiatur vidua, mortuo viro, & quæ non *ibi* [Et est sciendum, quod illa sponsa, &c.] Harum partium secunda diuiditur in tres, in quarum prima tangit opinionem veram, in secunda falsam cum suis assertionibus *ibi* [Quidam tamen asserunt] In tertia repugnando soluit *ibi* [His ita respondemus, &c.] Et hæc de diuisione istius distinctionis sufficiant.

## A R T I C V L V S I V.

*An mutus consensus per verba vel signa expressus, sit causa efficiens matrimonij?*

**I** Ncidunt super primam quæstionem Magistri hîc quæstiones tres: quarum prima est, Vtrum mutus consensus per verba vel signa expressus sit causa efficiens matrimonij? Secunda, Vtrum semper fuerit causa efficiens matrimonij talis consensus, vel non? Tertia, Quare in hoc sacramento consensus requiritur pro causa, & non in aliis?

Ad primum obiicitur sic: Dicit Hugo de sanct. Viç. in libro de sacramentis, tractatu de matrimonio: Eos qui coniunguntur, sic oportet consentire, vt inuicem se spontaneè recipiant. Ergo consensus facit matrimonium.

2 Ad hoc autem multæ in litera inducuntur auctoritates.

3 Item per rationem obiicitur sic: quia de meo non potest fieri tuum, nisi de meo consensu: cum ergo in matrimonio de meo efficiatur tuum, & è contra: ergo oportet mutuum adesse consensum qui hoc efficiat.

S E D



Sed con-  
tra.

SED QVIA hoc ab omnibus dicitur, obicitur in contrarium sic: Matrimonium est sacramentum: sed in omni sacramento efficiens est diuina virtus, ut dicit Augustinus. ergo in matrimonio causa efficiens est diuina virtus: ergo consensus mutus non est efficiens causa matrimonij.

3 Item, Diuersorum specie sunt diuersae causae efficientes: sed sacramentum & contractus iustitiae sunt diuersae specie: ergo diuersae sunt causae efficientes: sed consensus est contractus causa: ergo non est causa matrimonij.

3 Item, Omne sacramentum Ecclesiae consistit in operatione ministrorum Ecclesiae: ergo & matrimonium: sed contrahentes matrimonium non sunt ministri Ecclesiae: ergo operatio ipsorum non debet esse causa efficiens matrimonij.

4 Item, Consensus later: sed causa efficiens debet esse aperta ad minus quoad operationem: ergo videtur, quod consensus non sit causa efficiens. Si dicas, quod per verba exprimitur. Contra: Verbum sapè est nuntius fallax, quia dicitur Psalm. 115. quod omnis homo mendax: ergo videtur, quod per verba non possit sufficienter certificari.

5 Item, Ponamus, quod aliquis dicat verba exprimentia consensum ad decipiendum, & non ad consentiendum: constat, quod hic non est consensus: ergo non est matrimonium: ergo mulier admittens illum, fornicabitur, quod graue est dicere, & falsum est.

6 Item, Matrimonium sicut quærit consensum in vno, ita quærit consensum in alio coniuge: ergo oportet esse duos consensum: & isti duo certificari non possunt: ergo semper remanent in dubio, vtrum sit matrimonium vel non: sed qui facit dubium quod timet esse peccatum mortale, peccat mortaliter: ergo quilibet cognoscens uxorem suam, secundum hoc mortaliter peccaret, quod falsum est.

7 Item obicitur de hoc quod dicit, Per verba expressus: aliqui enim sunt muti, qui verba non formant: ergo illi contrahere non possunt, quod falsum est.

8 Item, Aliqui sunt sese non intelligentes: ergo isti non possunt contrahere.

9 Item, Aut consensus habet à verbis quod facit matrimonium, aut è contrario verba à consensu, aut vtrunque simul habet facere matrimonium. Si tu dicas, quod consensus habet à verbis. Contra: Nihil dat quod non habet: ergo verba habent illud etiam sine consensu: ergo si quis dicat verba, etiam si non consentiat, ipse efficit matrimonium, quod falsum est. Si è conuerso verba habent à consensu, similiter obicitur: ergo consensus habet illud ante verba: contingat ergo, quod duæ personæ silenter in se mutuo consentiant: ergo inter eos erit matrimonium: ergo non possunt aliis copulari, quod falsum est. Si autem vtrunque simul habet: tunc malè dicitur in litera, quod solus consensus facit matrimonium.

10 Item, Videmus quasdam suum consensum non exprimere, sed omnino tacere parentibus eas aliis tradentibus: ergo videtur, quod tale non esset matrimonium: quod iterum falsum est.

D. Alb. Mag. in Lib. 4. Sentent.

11 Item, Iuramentum fortius est, quam simplex verbum. Ponamus ergo, quod aliquis contrahat hodie in facie Ecclesiae per verbum de presenti, & cras vel alio tempore iuret in facie Ecclesiae, quod nunquam consenserit, magis standum erit suo iuramento, quam suo verbo: ergo istum talem non debet Ecclesia compellere ad commanendum. Si dicas, quod Ecclesia testis est de præterito consensu. Contra: Ecclesia non est testis nisi de eo quod vidit: sed non vidit consensum: ergo non potest esse testis de consensu, nisi quantum credit verbo quod tunc dixit: sed iste modo iurat, quod nunquam intendit consentire: videtur ergo, quod standum sit suo iuramento, quod falsum est: ergo videtur, quod causa efficiens matrimonij non sit consensus.

VLTERIVS quæritur de hoc quod additur in litera, Per verba de presenti: & si consentiant in futuro, quod ille consensus non est efficax ad matrimonium faciendum. Videtur enim hoc esse falsum: quia de quacunque alia re potest fieri contractus in futurum: ergo & de ista.

2 Item, Philosophi locuti sunt de commutationibus & contractibus, & nunquam ponunt aliam causam efficientem contractus in futurum, & aliam causam contractus in presenti: ergo videtur, quod nihil sit quod dicitur in litera.

3 Item, Sicut futurum distat à presenti per expectationem, ita præteritum per memoriam, ut dicit Augustinus: cum ergo consensus in futurum non faciat matrimonium, videtur quod neque consensus qui fuit in præterito faciat matrimonium: quod falsum est, quia matrimonium est inter eos qui in præterito consenserunt.

4 Item, Futurum & præsens non differunt nisi per materiam: sed ea quæ tantum materia differunt, non differunt specie per causam efficientem: ergo non est alia causa efficiens matrimonij in futuro, & in presenti.

5 Item, Maius est intrare claustrum, quam contrahere matrimonium: sed in futurum possum consentire de intrando claustrum: ergo etiam possum consentire in futurum de contractu matrimonij: ergo nihil est quod dicitur in litera, ut videtur.

RESPONSIO. Dicendum, quod Magister verum dicit in litera. Ad primum ergo quod contra obicitur, dicendum quod istud sacramentum, ut prius determinatum est, non est tantum diuinum: & dictum Augustini intelligitur de sacramentis tantum diuinis: istud autem cum sit circa actus hominum, ab actibus hominum dependet, sicut & penitentia in quibusdam actibus suis.

AD ALIUD dicendum, quod ministri Ecclesiae simpliciter in administratione habent Ecclesiae sacramenta tantum diuina: sed illa quæ sunt humana secundum doctrinam administranda sunt: & ideo talia propter imperfectum eis adiunctum non administrant, sed docent qualiter honestè & secundum Deum fiant: & hoc sufficit in talibus sacramentis.

AD ALIUD dicendum, quod latens omnino consensus non potest facere matrimonium.

DDd

nium,

Quæstio-  
cula.

Solutio.



nium, quia non est nisi vnus, eo quod non procedit in alium: & ideo consensus in signis expressus facit eum, & tunc non later. Ad id quod contra obiicitur, dicendum quod verbum quandoque nuntius fallax est: sed tamen quia Ecclesia non nititur ad impossibile, & impossibile est homini cognoscere cor, ideo iudicat secundum faciem: & ideo dicit esse matrimonium, quando est per verba de præsentis contractum, & ideo compellit illum commanere.

AD ALIVD dicendum, quod quoad illum qui non consentit, non est matrimonium, nec simpliciter est matrimonium: quia matrimonium non est in vno, sed in duobus, & non claudicat: tamen alter excusatur in coitu, quia secundum faciem in plenum est ei satisfactum de matrimonio: & ideo est ibi ignorantia facti particularis, sed non iuris siue vniuersalis: & Ecclesia compellit eum commanere, quia secundum faciem iudicat: & si vult euitare gehennam, necesse est quod consentiat. Sed ponamus talem casum, quod aliquis per verba de præsentis decipiat primam in facie Ecclesiæ, sed cum secunda contraxerit verè, quid illi est faciendum? Dicendum, quod Ecclesia debet eum compellere ad primam: ipse autem potius debet excommunicationem sustinere, quam commanere cum illa: sed vadat cum secunda in extremas regiones, & ibi commaneat sibi reddendo debitum: quod si non potest, sustineat excommunicationem cum dolore cordis & moriatur in ea.

AD ALIVD dicendum, quod homini debet sufficere certitudo secundum faciem: quia aliam habere non potest, & illam habet per verba de præsentis consensum exprimentia.

AD ALIVD dicendum, quod verba ponuntur ibi generaliter pro quibuslibet signis consensum de præsentis exprimentibus, & præcipue pro coitu si sponsonem de futuro sequeretur.

AD ALIVD dicendum, quod verba habent de consensu, & consensus solus efficeret si in notitiam alterius procedere posset. Ad obiectum contra, dicendum quod illi tales non habent consensum per verba expressum, & consensus in verbis tantum facit matrimonium, causa dicta: & ideo nihil valet illa obiectio.

AD ALIVD dicendum secundum Hugonem dicentem sic: Eos qui coniunguntur sic oportet consentire, vt inuicem se spontaneè recipiant: quod iudicatur fieri si in desponsatione minimè contradicant: consentit enim qui minime contradicit, iuxta illud Pandectarum, Isti filia patri consentire videtur, nisi euidenter dissentiat. Et alibi, Quæ patris voluntati non repugnat, consentire intelligitur.

AD ALIVD dicendum, quod etiam si cum multis iuret, dummodo antecedens probari possit, non credetur ei: quia Ecclesia secundum faciem iudicat, Deus autem intuetur cor: & ideo ille talis faciat pacem inter se & Deum sicut vult & potest: quia Ecclesia cogit eum redire ad primam.

Ad qu. 1. AD ALIVD dicendum, quod solus consensus de præsentis facit matrimonium, & non

de futuro. Ad id quod contra obiicitur, dicendum quod alius contractus de futuro, etiam non est contractus, sed erit contractus si in futuro per præsens fiat: sed tamen aliud est contractus de futuro, & aliud expectatio pretij in futuro de contractu iam facto. Vnde patet, quod contractum possibile est esse præsentem, cum pretium recipietur in futuro. Et similiter est in matrimonio, quod sponsalia de futuro non faciunt matrimonium, sed erit matrimonium quando consensus de præsentis interuenierit.

AD ALIVD dicendum, quod dictum Philosophorum est verum & de contractu & de matrimonio, vt patet ex præhabitis.

AD ALIVD dicendum, quod contractus de præterito matrimonium non efficit, sed efficit ipsum: & ita se habet contractus de futuro, quod non efficit, sed efficit quando conuerteretur in præsens.

AD ALIVD dicendum, quod ea quæ differunt specie in rebus, nihil prohibet differre specie in voluntate & desiderio: quia accidens quod accidit rei per se vt finis voluntatis, accipitur ab actu animæ: & ideo differentia accidentalitatis in re facit quandoque substantialem in voluntatibus, quæ differunt penes voluta quæ vt fines accipiuntur. Et ita est in consensu relatio ad verbum præsentis temporis & futuri. Et hæc solutio notanda est in tota materia ista: quia necessaria est.

## ARTICVLVS V.

*An talis consensus semper efficiat matrimonium?*

Secundo quaeritur, Vtrum consensus talis semper efficiat matrimonium vel non? Videtur autem, quod non: quia dicit Magister Hugo, Arbitror, quod sufficiebat in antiquo tempore patrum ad contrahendum coniugium alterna viri & mulieris in rebus necessariis prouidentia, & de soluendo carnis debito consensus: ita tamen, quod mulier promittebat se fidem thori viro seruaturam, vir autem quandoque poterat aliam ducere, & dato libello repudij vxorem dimittere. Ergo videtur, quod vir tunc non tenebatur consentire.

2 Item, Si verba de præsentis fuerunt, accipio te in meum: cum meus non possit esse qui alterius est, videtur quod mulier non possit hoc dicere, quæ coniungitur vni qui plures habet: ergo non potest in eum consentire: ergo videtur, quod tunc consensus matrimonium non fecit.

3 Item, Meus non est, qui potest me dimittere: sed tunc potuit dimittere dato libello repudij: ergo videtur, quod non suus: ergo nec fuerat ibi consensus, quia consensus facit suum. Et hæc quandoque fuit opinio Hugo de sancto Victor.

IN CONTRARIUM huius obiicitur: quia <sup>sed contra.</sup> dicitur Genes. 24. Vocemus puellam, & quæramus ab ipsa: & quærebatur consensus puellæ: non quærebatur autem nisi propter matrimonium:



trimonium : igitur consensus de presenti , & tunc fecit matrimonium.

2 Item, Quid faceret matrimonium nisi consensus ? constat autem quod illa quæ matrimonialiter coniuncta est, cognoscitur ut sua: sed suam non potest aliquid facere nisi consensus : ergo videtur, quod etiam tunc consensus fecit matrimonium.

*Solutio.* RESPONSIO. Videtur mihi sine præiudicio, quod etiam tunc matrimonium fecit consensus per verba de presenti expressus. Et dico, quod vir potest esse suus mulieris dupliciter, scilicet simpliciter in omnibus : & sic alij coniungi non posset : & hoc modo suus est in Nouo Testamento in quo vna est vnus. Alio modo poterat esse suus in opere generationis : & hoc modo vnus potest esse plurium, sicut dicit Aristot. in 4. primæ philosophiæ, quod vnus multas implet. Et consensus Veteris Testamenti quando dicebatur, Accipio te in meam, sic intelligebatur, & ille erat consensus qui tunc effecit matrimonium : & est causa illa quæ dicta est, scilicet paucitas Deo seruientium, & multitudo eorum qui ad idololatriam pertrahebant, quando adhuc non erat tempus fecunditatis spiritualis.

AD PRIMVM ergo dicendum, quod auctoritas inducta intelligitur, quod non omnino consentiebant ut modo.

AD ALIVD dicendum, quod iam dictus est verborum sensus quando dicebant, Accipio te in meum. Et per illam expositionem distinctionis præhabita patet solutio ad argumentum illud.

AD TERTIVM dicendum, quod sicut dicit Dominus Matth. 5. & 19. libellus repudij dabatur propter duritiam, & ideo præter ius matrimonij fuit : & ideo dimissa adhuc per ius fuit sua. Vtrum autem huiusmodi dimissio imputaretur tunc vel non, infra erit in questione.

## ARTICVLVS VI.

*Quare in hoc sacramento potius quam in alio requiritur consensus ?*

TERTIO quaeritur, Quare in hoc sacramento potius quam in alio quaeratur consensus ? Videtur, quod non debeat quaeri : quia matrimonium est inferius de Ecclesia : sed inferioris est moueri secundum dispositionem superioris in sacramentorum perceptione : ergo videtur, quod non debeat quaeri consensus inferioris, sed superioris.

2 Item, Omnis participatio hierarchicorum derivatur a hierarcha, ut dicit Dionysius Ecclesiastica hierarch. cap. 3. sed omne sacramentum est participatio quædam hierarchicorum : ergo videtur, quod participatur secundum consensum vel dissentium hierarchæ, & non secundum consensum inferioris.

RESPONSIO ad hoc est, quod istud sacramentum, ut prius dictum est, consistit in quadam commutatione siue contractu ipsius personæ contrahentis : talis autem commutatio non potest fieri sine consensu commutantis siue contrahentis : & ideo in isto & non in aliis requiritur consensus. *Solutio.*

AD ID quod contra obiicitur, dicendum quod in omnibus quæ pertinent ad hierarchiam inferiores debent moueri ad nutum superiorum : sed matrimonium est de his, scilicet quando, & qua forma contrahant, & huiusmodi : sed ipse contractus non subditur obedientiæ, sed consensui contrahentis.

AD ALIVD dicendum, quod ex illa parte ubi est circa actus humanos tantum, non est de hierarchicis : sed ex illa parte ubi est sacramentum, & hoc modo dispensatur per ministros habentes potestatem a hierarcha : & hac parte etiam nuptiæ benedicuntur, & Ecclesiæ præsentantur.

## Quando incipiat esse coniugium.

**Q**UOD enim ab ipsa desponsatione in qua pactio coniugalitatis exprimitur, coniuges sint, Sanctorum testimonia probant. Ait enim Ambros. Cum initiatur coniugium, coniugij nomen asciscitur : cum coniungitur viro, coniugium est, non cum viri admixtione cognoscitur. Item Isidor. Coniuges verius appellantur a prima desponsationis fide, quamuis adhuc inter eos ignoretur coniugalitatis concubitus. Item Augustinus, Coniunx vocatur ex prima desponsationis fide, quam concubitu non cognouerat, nec fuerat agnitus. Nec peierat, nec mendax manserat coniugis appellatio, ubi non fuerat nec futura erat carnis vlla commixtio. Propter quod fidele coniugium ambo parentes Christi vocari meruerunt, non solum illa mater, sed etiam ille pater eius, sicut coniunx matris eius, vtrumque tamen mente, non carne. Ex his euidenter insinuat, quod ex tempore quo intercedit consensus voluntarius ac maritalis (qui solus coniugium facit) veri coniuges sunt sponsus & sponsa.

D. Alb. Magn. in Lib. 4. Septent.

DDd 2 Secundum

Lib. de virginitatibus. 17. q. 2.

Lib. crym. 9. cap. 8.

Lib. de nuptiis & concupisc. cap. 11. Mat. 12. Luc. 3.



*Secundum quosdam non est coniugium ante carnalem copulam, sed sponsi & sponsa sunt.*

**Q**UIDAM tamen asserunt, verum coniugium non contrahi ante traductionem & carnalem copulam: nec verè coniuges esse aliquos, antequam intercedat commixtio sexus: sed à prima fide desponsationis vir sponsus, & mulier sponsa est, non coniunx. Sponsos autem & sponsas coniuges frequenter appellari dicunt, non quia sint, sed quia futuri sunt, cuius rei sponsonem inuicem fecerunt. Et secundum hoc verba præmissarum auctoritatum intelligenda fore tradunt.

## ARTICVLVS VII.

*An coniugium dicatur consistere in unione animorum vel corporum?*

**D**Einde queritur de hoc quod dicit ibi [Quod autem ab ipsa desponsatione, &c.] Videtur enim obici pro ista opinione sic: Debitum habere in corpore alterius, cum ante non sit habitum, non contingit nisi in alio conferente ius illud in illo corpore: sed ius illud confertur ex primo consensu per verba de presenti expresso: ergo ex tunc est illud debitum: sed hoc debitum est effectus coniugij: ergo est tunc est matrimonium: ergo coniugium est ex tunc.

2. Item, Nobilior est anima, quam corpus: ergo unio animarum nobilior est in matrimonio, quam corporum: ergo coniugium magis perficitur ex coniunctione animarum, quam corporum: ergo in tali coniunctione magis est coniugium.

3. Item, Supra probatum est, quod coniugium magis perficitur per consensum animorum: ergo ex tunc etiam vocatur coniugium, & nec ante, nec post.

4. Item, Illud facit rem quo posito ponitur, & destructo destruitur: sed ita facit coniugij consensus: ergo ex tunc vocantur coniuges. Secunda patet ex hoc, quod si coniunctio corporum faceret matrimonium, semper faceret: & hoc patet esse falsum: cum ergo non sint in matrimonio nisi consensus, & commixtio corporum, videtur quod ex consensu coniuges vocantur.

5. Item, Copula non efficit coniugium nisi præcedente consensu, & per consensum: ergo consensus magis efficit matrimonium: & sic iterum habetur propositum.

*Sed contra.*

**I**N CONTRARIUM huius obicitur pro sequenti opinione quod dicit August. quod nuptiæ sunt bonum mortalium: sed mortalitati non subuenitur nisi per commixtionem corporum: ergo nuptiæ non sunt nuptiæ nisi per commixtionem corporum: ergo nec coniuges vocari debent nisi per commixtionem corporum.

2. Item, Vxor datur viro in adiutorium, sicut dicitur Genes. 2. sed non est adiutorium

nisi generationis: cum ergo hoc non fiat nisi per corporalem commixtionem, videtur quod à corporali commixtione vocetur vxor.

3. Item, Non dixit Adam, Erunt duo in anima una, sed potius erunt duo in carne una: ergo ab unitate carnis dicuntur coniuges: ergo ante corporalem commixtionem coniuges dici non debent.

4. Item, Quædam personæ prohibentur à matrimonio tam in lege naturæ, quam in lege veteri, quam etiam in lege noua: aut ergo hoc fit propter coniunctionem cordium, aut propter commixtionem corporum, aut propter utrumque. Si primo modo, videtur quod hoc sit falsum: quia consanguinitas magis facit ad unitatem cordium confouendam: ergo non deberent tales personæ à matrimonio prohiberi: ergo relinquitur, quod aut propter unitatem corporum, aut propter utrumque: & quodcunque dicatur, habetur quod dicit sequens opinio.

5. Item, Vbi Moyses prohibet personas quæ vxores esse non possunt, ibi tali modo vitur loquendi, Turpitudinem matris tuæ non discooperas: constat autem, quod hoc non fit nisi per commixtionem corporum: ergo non fit vxor nisi per commixtionem corporum.

6. Item, Coniunctio cordium inter multos est non per coniugium: sed coniunctio corporum præcedente pactione matrimonij inter nullos est nisi inter coniuges: ergo videtur, quod coniunctio corporum faciat matrimonium, & non coniunctio animorum tantum.

**S**OLVTIO. Ad hæc dicendum, quod prima opinio est vera: secunda autem falsa.

**A**D HOC autem quod primo obicitur pro secunda, dicendum quod nuptiæ dicuntur bonum mortalium ratione boni prolis: sed tamen non sunt tantum bonum mortalium, quia etiam essent si mortalitas non esset: & ideo non oportet, quod actu concubitus efficiatur.

**A**D ALIUD dicendum, quod vxor datur viro in adiutorium generationis, & secundum Aristor. etiam datur in adiutorium aliarum operationum: quia homo est animal coniugale, eo quod non sufficit sibi in suis operationibus, & ideo etiam est animal gregale, ut dicit Philosophus. Sed tamen si concedatur dari in adiutorium generationis, non oportet propter hoc, quod efficiatur coniunx ipso concubitu,



bitu, sed potius per pactiōem coniugalem præcedentem: quia aliter in primo concubitu non cognosceret ut suam.

AD ALIVD dicendum, quòd Adam dixit hoc de matrimonio ratione boni principalis, & non dixit hoc ratione essentialis causæ matrimonij: bonum autem principale matrimonij est bonum prolis.

AD ALIVD dicendum, quòd illæ personæ prohibentur ratione bene esse matrimonij: quia cum consanguinitas sit sufficiens causa fœderis humani, voluit Deus dare fœdus, quo alligarentur etiam remotiores: & ideo excipit

propinquiore, ut necessitatem faceret se coniungendi aliis in fœdere matrimoniali. Vnde hic non tangit essentialiam matrimonij: & ideo istud non ostendit proprium essentialia matrimonij.

AD ALIVD dicendum eodem modo.

AD VLTIMUM dicendum, quòd alia est societas in genere, & alia societas coniugalis. Prima enim potest esse inter multos non matrimonio coniunctos. Secunda autem non: quia etiam si nunquam cognosceret corporaliter, adhuc vir non posset habere pactiōem coniugalem cum personis prohibitis. Et sic patet solutio ad totum.

*Qua ratione nituntur.*

**Q**UO VI A vero inter sponsam & coniugem plurimum interfit, ex eo astruunt, quia licet sponsæ ante carnalem copulam inconsulto vel nolente sponso monasterium eligere: quo facto, sponso etiam licet aliam ducere. Coniugatus vero vel coniugata, nec continentiam nisi ex communi consensu servare valet, nec monasterium petere, nisi uterque continentiam pariter profiteatur. Quod vero liceat sponsæ monasterium eligere, auctoritatibus Sanctorum probatur. Ait enim Eusebius Papa, Desponsatam puellam non licet parentibus alij viro tradere: tamen licet sibi monasterium eligere. Item Gregorius. Decreta legalia desponsatam, si conuertere voluerit, nullo penitus censuerunt damno mulctari. Refert etiam Hieronymus, quòd Macharius inter Christi eremitas præcipuus, celebrato nuptiali conuiuio cum vespere thalamum esset ingressurus, ex vrbe egrediens transmarina petiit, & eremi solitudinem sibi elegit. Beatus etiam Alexius similiter ex nuptiis diuina gratia vocatus, sponsam deseruit, & nudus Christo famulari cœpit. His auctoritatibus & exemplis liquet, licere sponsis sine consensu suarum sponsarum, & è conuerso continentiam profiteri.

26. q. 7.  
cap. Desponsatam.

ARTICVLVS VIII.

*Utrum & quando necesse est reddere debitum?*

**D**Einde quæritur de hoc quod dicit ibi [Quia licet sponsæ ante carnalem copulam, &c.] Quæritur enim hîc, Quando necesse sit reddere debitum si petatur? Videtur, quòd statim: quia per verba de præsentem vnusquisque potestatem habet & ius in corpore alterius: sed ius meum possum statim exigere: ergo videtur, quòd statim post matrimonium vterque debitum tenetur soluere.

2 Item, Siquis facit contractum cum aliquo simpliciter non determinans tempus, statim soluere tenetur: sed in contractu matrimonij sic fit contractus, quòd non determinatur tempus: ergo statim tenetur soluere.

3 Item 1. Corinth. 7. Nolite fraudare inuicem, nisi fortè ex consensu ad tempus. Ergo non potest negari debitum nisi ex consensu: ergo statim tenetur soluere si petatur.

D. Alb. Mag. in Lib. 4. Sentent.

4 Item, Ponamus, quòd sibi imminet periculum tentationis quod præcauens contrahit: cum ergo debeat cauere suo periculo, statim debet petere debitum: ergo & ille statim tenetur reddere.

IN CONTRARIUM huius est, quod infra habebitur, quòd non statim sponsa exhibetur, ne vilem habeat maritus datam, quam suspirauit dilatare: ergo videtur, quòd non statim debeat reddere.

2 Item, Tob. 8. Tobias iunior non statim reddidit debitum: sed prius tribus noctibus Deum inuocabant ambo, ipse & vxor sua secundum doctrinam Angeli: ergo videtur, quòd & aliis sic sit faciendum.

SOLVTIO. Dicendum, quòd secundum quod dicunt Iurisperiti, infra mensem tenetur debitum reddere. Hoc enim tempus præfigitur ei propter tres causas. Vna & præcipua causa est, ut deliberationem habeat conuolandi ad altiora vota si voluerit. Secunda est præparatio eorum quæ exiguntur ad solennitatem matrimonij. Tertia est, ut desiderium dilatum affligat animos eorum, & ex hoc amplius postea in

DDd 3 sui



inquinicem perseuerent dilectione.

AD PRIMVM ergo dicendum, quod statim habet ius, sed non habet ad statim vsum: quia interest Legislatoris qualiter quisque suo utatur iure: & ideo statuit lex qualiter matrimonium honestè consummetur.

AD ALIVD dicendum, quod secus est in emptione alterius rei: quia illi non est adiectum onus & individualis societas, sed vsum tantum qui nulli displicere potest: & ideo non oportet, quod suspendatur desiderium

emptoris ad hoc ut habitam rem amplius diligat: sed vtrumque illorum est in matrimonio.

AD ALIVD dicendum, quod Apostolus loquitur de matrimonio iam consummato.

AD ALIVD dicendum, quod qui contrahit propter tentationem, potest apponere conditionem ut statim fiat copulatio per carnalem copulam. Est tamen nimis debilis, qui tentationi vsque in tam paruum tempus resistere non potest.

*Quod coniugatus vel coniugata nequeant continentiam profiteri sine alterius consensu.*

**H**OC autem coniugatis nullatenus licet. Non enim potest vir  
27. q. 2. c. Sunt qui. melioris vitæ propositum sumere sine vxoris consensu, & è  
Matt. 5. & 19. conuerso. Vnde Gregor. scribens Theotistæ patritiæ. Sunt qui  
dicunt religionis gratia coniugia debere solui. Verum sciendum est,  
quia etsi hoc lex humana concessit, tamen lex diuina prohibuit. Si verò  
vtrisque conueniat continentem vitam ducere, hoc quis audeat accu-  
sare? Sic enim multos Sanctorum nouimus cum suis coniugibus &  
prius continentem vitam duxisse, & post ad sanctæ Ecclesiæ regimina  
migrasse. Si vero continentiam quam vir appetit, mulier non sequi-  
tur: aut quam vxor appetit, vir recusat: coniugium diuidi non potest:  
1. Cor. 7. quia scriptum est, Mulier potestatem suæ carnis non habet, sed  
vir. Similiter & vir potestatem suæ carnis non habet, sed mulier.  
Idem, Agathosa, latrrix præsentium, quæta est virum suum contra vo-  
luntatem suam in monasterium esse conuersum. Quapropter expe-  
rientiæ tuæ præcipimus, ut diligenti inquisitione discutias, ne forte  
eius voluntate conuersus sit, vel ipsa mutare se promiserit. Et si hoc  
repereris, & illum in monasterio permanere prouideas, & hanc sicut  
promisit, mutare vitam compellas. Si vero nihil horum est, nec  
Matt. 7. & 19. quondam fornicationis crimen (propter quod licet vxorem dimittere)  
prædictam mulierem commisisse cognoueris, ne illius conuersio vxor-  
is relictæ in seculo fieri possit perditionis occasio, volumus ut mari-  
tum suum illi, etiamsi iam tonsuratus est, reddere debeas, omni ex-  
cusatione cessante. Quia nisi fornicationis causa virum vxorem di-  
mittere nulla ratio concedit. Postquam enim copulatione coniugij viri  
& mulieris vnum corpus efficitur, non potest ex parte conuerti, &  
27. q. 1. c. Siquis. ex parte remanere in seculo. Item ex 8. synodo, Siquis coniugatus  
conuerti ad monasterium velit, non est recipiendus, nisi prius à con-  
iuge castimoniam profitente fuerit absolutus. Tales ergo tunc sine  
culpa sequuntur Christum relicto seculo, si habent ex pari voluntate  
castitatis consensum. Item, Si vir & vxor diuertere pro sola religiosa  
Ex synodo Eugenij. inter se consenserint vita, nullatenus sine consensu Episcopi fiat: ut  
ab eo singulariter prouiso constituentur loco. Nam vxore nolente, vel  
altero illorum, etiam pro tali re matrimonium non soluitur. Item  
De adul-  
terinis  
coniugiis  
27. q. 1.  
c. Vbi su-  
pra. Augustinus, Si abstines sine vxoris voluntate, tribuis ei fornicandi li-  
centiam: & peccatum illius tuæ imputabitur abstinentiæ. Item Nicol.  
Papa, Scripsit nobis Thaberga regina, regia se velle dignitate vel co-  
pula exui, & sola vita priuata esse contentam desiderare. Cui scripsi-  
mus,



mus, non hoc aliter fieri posse, nisi eandem vitam vir eius Lotharius elegerit. Ex his patet, quod coniugati sine communi consensu monasterium eligere, continentiam profiteri, vel habitum religionis sumere non valent: & si fecerint, reuocari debent. Sponsi vero possunt sine communi consensu monasterium eligere. Vnde videtur inter sponsum & sponsam coniugium non esse. Ideoque asserunt à prima fide desponsationis coniuges appellari, non re præsentium, sed spe futurorum: quia ex fide quam ex desponsatione sibi inuicem debent, postea efficiuntur coniuges. Præmissas autem auctoritates, quibus asseritur quod consensus matrimonium facit, ita intelligi volunt, ut consensus vel pactio coniugalis non ante coitum faciat matrimonium, sed in coitu. Sicut enim defloratio virginitatis non facit matrimonium, nisi præcedat pactio coniugalis: ita nec pactio coniugalis, antequam adsit copula carnalis. Ex pactio ergo coniugali sponsi & sponsæ fiunt ante coitum, in coitu verò efficiuntur coniuges. Facit enim pactio coniugalis, ut quæ prius erat sponsa, in coitu fiat coniunx.

# ARTICVLVS IX.

*An vir potest uxorem suam dimittere?*

**D**Einde quæritur de hoc quod dicit *ibi* [Et si hoc lex humana concessit, tamen lex diuina prohibuit, &c.] Videtur enim, quod lex diuina hoc prohibere non debuit: quia perfectior est lex diuina, quam humana: ergo magis debet concordare perfectis: sed perfectorum est esse sine coniugio: ergo hoc lex Dei debuit concedere.

2 Item, Lex humana exemplata est à lege diuina: aut ergo lex humana est iusta, aut iniusta. Si iusta: cum igitur omne iustum iusto concordet, non debuit lex diuina prohibere quod lex humana concessit. Si autem est iniusta: ergo sic fuit exemplata à lege diuina, quod est contra hypotheseum.

3 Item, Aliqui sunt steriles ex altero coniugio, aut ex utroque, sed ille qui sterilis est, vtilius circa vitam contemplatiuam occupatur: cum autem nihil deperiret si daretur ei licentia nubendi alteri: ergo videtur, quod cum hoc perfectius esse videatur, quod lex diuina hoc suadere debuit vel permittere.

4 Item, Hoc lex humana concessit. Vnde marchia Catonis ab ipso separata propter sterilitatem Catonis alij ad tempus coniuncta fuit: & hoc etiam Philosophi scribunt esse iustum: ergo videtur, quod exemplatum sit à diuina iustitia: ergo diuina iustitia in Euangelio promulgata, debuit hoc suadere & concedere.

*Solutio.*

**RESPONSIO.** Dicendum, quod iniustum est, quod uxor dimittatur post matrimonium consummatum, nisi consentiant vterque coniuges ad vota continentia: & semper fuit iniustum.

**AD HOC** autem quod primo obiicitur, dicendum quod perfectorum nihil est quod cum iniuria sit: sed amissio vel ablatio iuris al-

terius eo inuito nunquam potest fieri sine iniuria: & ideo cum fieret si inuita dimitteretur, prohibuit lex diuina ob religionem uxorem dimittere, nisi ipsa velit effici religiosa.

**AD ALIUD** dicendum, quod lex humana quæ sine errore est, exemplatur à lege diuina: sed ista fuit cum errore, & causa erroris, ut infra in hac solutione determinabitur.

**AD ALIUD** dicendum, quod etiam si sint steriles ambo, vel alter: tamen propter fidem fœderis & sacramenti, dum viuunt separari non possunt, ita quod aliis valeant copulari: quia dicit Apostolus 1. Corinth. 7. quod mulier subiecta est legi viri, quanto tempore vir eius viuit, &c.

**AD VLTIMUM** dicendum, quod Philosophi gentiles non considerabant matrimonium nisi ex bono proles: & ideo quando hoc non erat, soluebant: sed diuina lex considerat ipsum ex tribus bonis: & ideo licet desit bonum proles, tamen præcipit non dissolui propter duo bona residua.

# ARTICVLVS X.

*An post introitum religionis & votum continentia emissum potest vir redire ad uxorem, & an uxor teneatur cum recipere?*

**D**Einde quæritur de hoc quod dicit [Discutias si fortè eius voluntate conuersus sit, &c.] Videtur enim non valere: quia statutum est tempus probationis, in quo potest ad seculum & ad secularia redire: ergo sine uxoris voluntate si non habitum assumpsit, in aliquo casu potest eum recipere & teneretur.

2 Item, Ponamus, quod eius voluntate sit factum, & ambo intrauerint religionem, & ante tempus professionis velint exire, videtur quod habeant potestatem: quia non intrauerunt nisi ad probandum: ideo iam probauerunt,



runt, quòd nolunt, vel non possunt amplius sustinere.

3 Item demus alium casum, scilicet quòd prima die profiteantur, & postea pœniteant, & velit alter exire, videtur quòd teneatur eum recipere: quia à Papa & sanctis patribus tempus probationis institutum est propter bonum communitatis, ne omninò infames remaneant illi, qui exeunt propter violentiam tentationis à religione. Quod autem propter communitatem introductum est, ab vno renuntiari non potest. Ergo videtur, quòd non sit professio talis professio: ergo si vult redire ad seculum, tunc etiam alius exire compellendus est vt reddat debitum.

4 Item hoc præcipit Papa Innoc. quartus dicens, quòd professio quæ ante annum fit, irrita & inanis habeatur: sed quod est irritum & inane, non impedit reditum ad matrimonium: ergo videtur, quòd talis rediens uxorem suam debet recipere, etiamsi sit in alia religione.

5 Item pono, quòd in domo emiserint votum continentiae perpetuae, & alter eorum velit frangere, quæritur, vtrum alter sibi debeat consentire? Videtur, quod sic: quia votum religionis maius est, quam simplex votum continentiae: & ab illo potest redire: ergo & ab isto.

*Sed contra.*

CONTRA, Frangendo votum peccat mortaliter, sed consentiens peccanti mortaliter, peccat etiam mortaliter, vt dicit Glossa. Rom. 1. super illud, Non intellexerunt quoniam qui talia agunt, digni sunt morte, &c. Ergo si mulier consentiat ei, ipsa peccat mortaliter: sed pro nullo debet peccare mortaliter: ego pro nullo debet consentire: ergo nec reddere debitum.

*Solutio.*

SOLUTIO. Dicendum, quòd ibi loquitur in illo casu quando votum continentiae emisit cum susceptione habitus pertinentis ad professionem: quia aliter non præciperet vt prouideret eum in monasterio permanere.

AD ALIUD dicendum, quòd tales nisi obstat eis votum aliud quam probationis, sicut est votum continentiae perpetuae, benè sana conscientia propter infirmitatem ad priores amplexus redire possunt: nec de talibus loquitur in litera.

AD ALIUD dicendum sine præiudicio, quòd nisi obstat eis præceptum superioris, qui hoc prohibeat vel prohibuerit, primo die bene facere possunt professionem: & tunc de licentia superioris tempus probationis renuntiauerunt. Et tunc non valet obiectio: quia licet pro communitate sit inductum, tamen de licentia superioris potest reuocari.

AD ALIUD dicendum, quòd illud præceptum & constitutio Papæ Innocentij liberat illum ab impeditione qua impediret eum religio, si ante tempus constitutum profiteretur: tamen quia Papa se de corde non intromittit, ipse videat qualiter sit inter se & Deum.

AD VLTIMUM ergo de plano concedo, quòd post votum etiam simplex perpetuae continentiae mulier peccat mortaliter recipiendo eum, nec tenetur reddere debitum.

AD ID autem quod contra obiicitur, dicendum quòd est simile nisi in voto religionis cointelligatur votum continentiae perpetuae. Si autem sit votum probationis tantum, tunc non est simile: quia æternum præiudicat temporali: nec votum est, sed experimentum sui, an vouere velit, an non.

Deinde quæritur de hoc quod dicit ibi [Non potest ex parte conuerti, & ex parte manare in seculo, &c.] Secundum hoc enim non posset mulier esse sancta, & vir non esse sanctus, nec è conuerso.

RESPONSIO. Dicendum, quòd conuersio dicitur hic in transitu ad religionem per habitus susceptionem, & votum continentiae perpetuae, *Solutio.*

## ARTICVLVS XI.

*An impotentia coeundi vel aliud impedimentum possit dirimere matrimonium?*

DEinde quæritur de hoc quod dicit ibi [Si abstines sine vxoris voluntate, &c.] Videtur enim à simili: quia illi qui efficiuntur impotentes ad coeundum, occasionem dant vxoribus adulterandi: ergo videtur, quòd tales sint separandi, & danda sit vxori licentia coniungere se alij.

2 Item, Dicit Beatus Bern. Quod pro charitate institutum est, contra charitatem non debet militare. Ergo à simili quod pro medicina institutum est, contra medicinam non debet militare: sed contractus matrimonij pro medicina institutus est: ergo non debet militare contra medicinam: sed militat contra medicinam isto facto impotente ad coeundum: ergo in talibus non debet matrimonium amplius obseruari.

3 Item, In omnibus agendis istud est, quòd cessante fine rationabilis actionis, cessat actio & obseruatio actionis: ergo & in contractu & obseruatione matrimonij. Pono ergo, quòd ista tantum propter infirmitatem suam contraxerit, & ad hoc quod sit matrimonium: sed superueniens potentia coeundi tollit vtrumque: ergo videtur, quòd matrimonium debet dirimi sicut fine carens intento. Item, Auferens rem alienam meretur amittere propriam: sed iste impotens non soluit alienum, id est, debitum vxoris: ergo demeretur suum, id est, debitum quod ei vxor debet: sed si nihil sibi debet, tunc absoluta est ab ipso: & absoluta ab ipso, potest se alij coniungere: ergo isto facto impotente ad coeundum, alij se potest coniungere.

RESPONSIO, quòd nullum impedimentum superueniens matrimonio, dirimit matrimonium. *Solutio.*

VNDE DICENDUM ad primum, quòd non est simile: quia in illo qui negat debitum cum possit reddere, causatur iniuria iniqua voluntate hominis: & ideo illi imputatur, & cogitur reddere & satisfacere petenti: sed quando impotentia coeundi matrimonio superuenit, tunc causatur à iusto Dei iudicio occulto: & ideo



ideo tunc inopia debitoris excludit actionem mulieris.

AD ALIUD dicendum, quod non militat contra matrimonium, sed potius pro ipso: quia matrimonia sanctiora sunt sine coitu, quam cum ipso: & ideo non est simile, quia nihil militat contra charitatem nisi malum: sed non est ita, ut paret ex dictis.

AD ALIUD dicendum, quod finis est duplex, scilicet matrimonij & matrimonij contrahentis. Finis autem matrimonij saluatur adhuc in bono fidei, & bono sacramenti: sed ad finem contrahentis matrimonium non est respiciendum, quia contrahentium intentio saepe est vitiosa, matrimonium autem nunquam est vitiosum, sed semper honestum.

*Responsio ad predicta cum determinatione superiorum.*

**I**S autem ita respondemus, Fit aliquando desponsatio, ubi est compromissio viri & mulieris de contrahendo matrimonio: non est autem ibi consensus de presenti. Est & desponsatio habens consensum de presenti, id est, pactiōem coniugalem, quæ sola facit coniugium. In illa ergo desponsatione, ubi est pollicitatio contrahendi matrimonium, sponsi tantum & sponsæ fiunt, non coniuges, & talibus sponsis licet sine communi consensu continentiam profiteri, & monasterium eligere. In ea vero desponsatione ubi est consensus de presenti, coniugium contrahitur, & ab illius desponsationis prima fide veri coniuges appellantur. Secundum hanc distinctionem desponsationis, de sponsis variè loquuntur Doctores.

*Quomodo accipiat sponfa in subditis capitulis.*

**Q**UANDO enim sponsas vocant, quæ talem habuerunt desponsationem, ubi fuit pactio coniugalis de presenti: & illæ vere coniuges sunt. Vnde Gregor. Siquis vxorem desponsauerit vel subarrhauerit, quanquam postmodum præueniente die mortis eius nequiuert eam ducere in vxorem, tamen nulli de consanguinitate eius licet accipere eam in coniugio, & si inuentum fuerit factum separaretur omnino. Item Iulius Papa, Siquis desponsauerit vxorem vel subarrhauerit, & vel præueniente die mortis, vel irruentibus quibusdam causis eam non cognouerit, nec frater eius, nec ullus de consanguinitate eius eandem sibi tollat in vxorem vllō vnquam tempore. Item Gregorius, Qui desponsatam proximi sui puellam ceperit in coniugium, anathema sit ipse, & omnes consentientes ei: quia secundum legem Dei mori decernitur. Nam diuinæ legis mos est sponsas appellare coniuges: ut in Euangelio, Accipe Mariam coniugem tuam. Et in Deuter. Siquis alterius sponsam in agro vel quolibet loco opprefferit, vel abduxerit in domum suam moriatur: quia vxorem proximi sui violauit: non quæ iam vxor erat, sed quæ à parentibus vxor fieri debebat. Ex his colligitur, quod sponsæ quædam coniuges sunt ante commixtionem sexuum. Sed fortè illud mouet quod in fine capituli dicitur, Non quæ iam vxor erat, sed quæ vxor fieri debebat. Quod non ita intelligi debet, quasi vxor verè non fuerit, ex quo pactio coniugalis intercessit: sed quia nondum traducta fuerat, nec res vxoria intercesserat, scilicet concubitus coniugalis.

27. q. 2.  
c. Siquis  
vxorem.

Vbi supra.  
cap. Qui  
Siquis  
desponsauerit.

Ibidem  
cap. Qui  
desponsatam.  
Deut.

12.  
Matth. 1.  
Deut.  
12.



## ARTICVLVS XII.

*An definitio sponsalium bene sit assignata?*

**D**Einde queritur de hoc quod dicit ibi [His itaque respondemus, &c.] Queritur enim hic, Quæ sint sponsalia, quorum sint, cuius sint effectus, quibus modis contrahantur, & quibus modis dirimantur?

Ad primum accipiat diffinitio sponsalium à Iurisperitis quæ est hæc, Sponsalia sunt futurarum nuptiarum promissio. Et hæc diffinitio trahitur à verbis Nicolai Papæ 30. quæst. 5. cap. Nostrates. Et infra, Sed post sponsalia quæ futurarum nuptiarum sunt promissio, fœdera quoque consensu eorum qui hoc contrahunt, & horum in quorum potestate sunt, celebrantur, &c.

2. Item ratione probatur: quia sponsalia à verbo spondendi deriuatur: sed spondere respicit futurum: ergo sponsalia sunt nuptiæ promissæ in futurum.

Sed contra.

**I**N CONTRARIUM huius obicitur, Quod incertum est, certitudinaliter promitti non potest: copula autem futura est incerta: ergo videtur, quod promitti non potest sine conditione: ergo sponsalia nunquam absolute contrahuntur, quod falsum est: ergo & hoc falsum est, quod sponsalia sunt futurarum nuptiarum promissio.

2. Item Iacobi 4. Quæ est vita nostra vapor est ad modicum parens, & deinceps exterminabitur pro eo vt dicatis: Si Dominus voluerit, & si vixerimus, faciemus hoc aut illud. Ergo videtur, quod propter vitæ incertitudinem sponsio talis non sit simpliciter facienda.

3. Item, In aliis rebus sponsio facta & firmata obligat ad soluendum, ita quod compellitur ad solutionem, etsi alij postea oppositam fecerit sponsionem: ergo multo magis in ista sic etiam est faciendum: ergo quicquid promittatur post sponsalia alij viro, videtur quod compellitur ad hoc quod contrahat matrimonium cum illo primo: ergo etiam si contrahat cum alio per verba de presenti, videtur quod teneretur redire ad eum cui primo sponndit.

4. Item, Aut ei cui promittuntur sponsalia aliquid iuris acquiritur in puella, aut nihil. Si sic: ergo cum ipse nullo suo peccato id perdit, debet in omni statu puella compelli vt hoc soluat: ergo etiam si contrahat cum alio, adhuc debet compelli vt soluat primo, quod falsum est: ergo sponsalia non sunt promissio, &c. Si autem nihil iuris ei acquiritur: ergo sibi nullo modo coniungitur vel vnitur: ergo nulla ratione prohibetur ab acceptione suæ consanguineæ, quod iterum falsum est: ergo diffinitio nulla, ex qua sequitur istud.

5. Item, Nuptiæ futuræ, aut ad determinatum tempus sunt futuræ, aut ad indeterminatum. Si ad determinatum, tunc videtur, quod tempus esset apponendum in diffinitione, sicut solet fieri in aliis contractibus venditionis & emptionis: & non apponitur: ergo diffinitio diminuta est. Si autem promissio sit ad tempus indeterminatum: ergo videtur, quod nun-

quam aliquo tempore determinato soluere teneretur: & ita si ad annos pubertatis venerit, non potest compelli ad solutionem promissi, quod falsum est: ergo videtur, quod diffinitio sit inconueniens.

**R**ESPONSIO. Dicendum, quod diffinitio Nicolai Papæ conueniens est: hoc enim quod dicit, Promissio, est vt genus. Hoc autem quod dicit, Futurarum, excludit matrimonium quod contrahitur per verba de presenti. Hoc autem quod dicit, Nuptiarum, facit differre ab aliis promissionibus, in quibus sibi homines communicant.

**D**ICENDVM ergo ad primum, quod in promissione intelligitur id quod facit necessitas: quia dicit Hieron. quod maledictus est, qui dicit Deum requirere impossibilia. Et Deus si impossibilia non requirit, etiam homo non debet ea requirere: quia si moriatur, tunc per ipsam impossibilitatem soluendi absoluitur.

**A**D ALIUD dicendum, quod Iacobus in communi sermone docet cautè loqui: sed in contractibus ipso iure intelligitur, quod legitimum impedimentum soluit contractum de futuro, sicut etiam mors, vel huiusmodi.

**A**D ALIUD dicendum, quod ista sponsio ligat, sicut & alia: sed ligat ad contrahendum matrimonium: & compellitur soluere nisi legitimum habeat impedimentum. Legitima enim impedimenta sunt, si aliquid post factum primo præiudicat: tunc enim non cogitur: & hoc ideo, quia coniugia inuita malos sortiuntur euentus: propter quod etiam in Veteri Testamento Dominus dari libellum repudij permisit.

**A**D ALIUD dicendum, quod aliquid iuris in ea acquisiuit quam desponsauit: sed hoc non est ius debiti in corpore, sed potius dispositio ad debitum illud: & propter paritatem illius in quo damnificatur, & quia in alia recuperare potest, deobligatur puella in aliquibus casibus propter sequens factum etiam sine aliquo peccato alterius sponsi qui secum sponsalia contraxerat.

**A**D ALIUD dicendum, quod nulla sponsio fit ad tempus infinitum: sed tempus aliquando verbo, aliquando rebus determinatur. Tempus dico reddendi quod promissum est. Rebus autem determinatur, scilicet quando discretionem & quantitate corporis puberes efficiuntur: & tunc compellendi sunt soluere quod sponnderunt, nisi legitimum prætendant impedimentum.

## ARTICVLVS XIII.

*Quorum sunt sponsalia?*

**S**ECUNDO queritur, Quorum sunt sponsalia? Videtur, quod omnium qui possunt in futurum coniungi matrimonialiter: taliter autem coniungi possunt pueri ab incunabulis: ergo pueri recenter nati possunt contrahere sponsalia.

2. Item, Contractus qui per alium & per me potest fieri, potest fieri, siue ego possum discernere,



discernere, siue non: sed talis est contractus sponsalium: ergo videtur, quod in omni ætate contrahi possunt.

3 Item videtur, quod septennium non sit tempus in quo debeant contrahi sponsalia: quia aliqui pueri in septennio minus sunt discernentes nuptias, quam alij in quinto anno: ergo videtur, quod non generaliter omnibus sit præfigendum septennium.

4 Item, Narrat beatus Gregorius in quarto dialog. quod quidam in quinto fuit tantulus puer, & tantus peccator, ita quod etiam propter peccatum blasphemie diabolus ipsum interfecit: cum igitur nulli indiscreto peccatum imputetur, videtur quod ille puer quinquennis discretionem habuit: ergo ipse contrahere potuit ad minus sponsalia.

5 Item videtur nulla esse causa illa quæ assignatur: quia sponsalia tunc placent. Aut enim hoc accipitur à signis, aut à complexionis incitatione. Si à signis, videtur nihil esse: quia pueri etiam ante hanc ætatem turpes adinuicem ludos exercere videntur frequenter: ergo etiam ante hanc ætatem placent eis sponsalia, vt videtur. Si autem ab incitatione complexionis. Contra: Semen non distillat ante secundum septennium, vt dicit Philosophus: ergo videtur, quod ex parte qualitatis passiuæ in concubitu, scilicet ex parte humoris, ante secundum septennium non incitetur: ergo ratione huius non debet poni ætas in septennio primo. Si forte dicatur, quod hoc fit ratione incitantis ex parte qualitatis actiuæ. Contra: Actiua qualitas quæ est calor, etiam ante septennium extendit membra: ergo incitatio ex parte qualitatis actiuæ est ante septennium: ergo irrationabiliter ponitur primum septennium ætas contrahentium.

6 Item, Ætas contractus matrimonialis in puero & puella non est vna: quia puella duodennis potest contrahere, & puer quatuordecim annorum: cum ergo puer & puella ita se habeant ad matrimonium contrahendum sicut ad sponsalia contrahenda, videtur quod ætas sponsalium contrahendorum in puero & puella non debet esse vna.

7 Item, Natura non format vno tempore puerum & puellam, sed puellam tardius: ergo etiam maior ætas debet dari puellæ ad contrahendum sponsalia, quam puero: ergo si puero septem anni assignantur, puellæ debent plures assignari ad contrahenda sponsalia.

8 Item, Ponamus, quod adultus cum iuniore annis septem contrahat sponsalia: & queratur, quid dicatur? Si dicas, quod sic. Contra: Sponsalia non possunt contrahi ante septennium. Si autem nihil. Contra: Sponsalia sunt promissiones futurarum nuptiarum.

9 Item, Pro vna parte est ibi plus quam legitima ætas ad contrahenda sponsalia: ergo quoad illum ad minus aliquid potest fieri.

10 Item, Ponamus, quod talis contrahat per verba de presenti, cum ipse sit plenæ ætatis, quia ipse facit quod in se est: ergo ligat se isti, licet ista non ligetur ipsi: ergo quoad hunc est matrimonium. Contra: Matrimonium non est in vno, sed in duobus, vt supra habitum

est: ergo nisi agatur matrimonium ab vtroque coniuge, nihil agitur: sed hic non agitur ex vtroque: ergo nihil agitur.

11 Item, Pono si adultus contrahit per verba de presenti cum septenni vel minore septem annis, videtur quod ad minus ibi efficiantur sponsalia: quia natura quando non potest facere maius intentum ab ipsa, facit tamen quod fieri potest: ergo etiam hoc est in operibus hominum: possunt autem inter tales contrahi sponsalia: ergo sponsalia tali contractu efficiuntur. Sed contra: In voluntatis dicitur ab Ambr. quod intentio nomen operi imponit: sed iste per verba de presenti intendit contrahere matrimonium, & non sponsalia: ergo non efficiuntur ibi sponsalia, nec matrimonium inter tales effici potest: ergo nihil efficitur inter eos.

12 Vltius pono casum alium: ponamus enim, quod pueri ante septennium contrahant sponsalia quantum possunt, & post septennium contrahant per verba de presenti ante tempus pubertatis, videtur quod inter eos nihil efficiatur: quia sponsalia ante septennium contrahi non possunt: & quæ non sunt contracta, nunquam possunt esse consummata: ergo persequentem contractum sponsalia non consummantur. Item, Per verba de presenti non intendunt sponsalia efficere, sed matrimonium: & hoc inter eos ante annos pubertatis esse non potest: ergo nec sponsalia, nec matrimonium efficiunt: ergo nihil efficiunt. In contrarium huius est, quod sponsalia ante septennium contracta, & post approbata certo signo placentiæ, tenent, vt dicunt iura: sed sequens contractus per verba de presenti est certum signum placentiæ sponsalium ante annos contractorum: ergo videtur, quod perficiant sponsalia.

13 Vltius pono, quod adultus vel iuxta adultam ætatem existens, contrahat cum puella minore ætate pubertatis, vel fere iuxta pubertatem, & contrahat per verba de presenti, & queratur, vtum iste efficiat matrimonium vel sponsalia? Videtur, quod non matrimonium: quia non sunt ambo in ætate legitima: ergo matrimonium non efficiunt. Contra videtur, quod nec sponsalia: quia nec forma verborum quæ est in sponsalibus seruatur, nec etiam sponsalia intendunt perficere: ergo neutrum perficiunt: ergo nihil agunt. Sed contra: Extra de sponsalibus, sicut dicit Alexand. tertius de istis qui in minori ætate desponsantur: Si ita fuerint ætati proximi, quod potuerunt copula carnali coniungi, minoris ætatis intuitu non debent separari si vnus in alium visus fuerit consentire, &c. ergo videtur, quod tales inter se matrimonium efficiant.

RESPONSIO. Dicendum, quod septennium ponitur tempus in quo placent concubia: licet ætas impotens sit ad carnalem commixtionem. Hæc autem sufficiens sit auctoritas, quia sic placuit patribus Spiritu sancto inspiratis: tamen quia hoc in naturis fundatur, ratio à philosophia est trahenda. Dicit autem Aristot. in lib. de animalibus tractatu 18. quod omnes imprægnationes & maturationes



rationes partium sunt secundum orbis reuolutiones. Scribunt autem hi qui de naturalibus loquuntur, scilicet Ptolemæus & Albumasar, quod reuolutio circuli in nato pro quolibet signo dat annum. Prima autem computatio circuli est in signum ascendentem oppositum, & hoc est ab ascendente septennium. Et secunda computatio est in septennium ab illo, & hoc est ascendens. Et tertia iterum in septennium quod est oppositum. Et quarta iterum in ascendens secundum circulum iteratum. Et secundum hoc est mutatio complexionis in nato. Vnde post primos septem annos in pluribus residet fluens humidum, quod in pueris propter vicinitatem spermatis dominatur: ita quod tunc capaces sunt eorum quæ audiunt, præcipue ad corpus pertinentium. Vnde ex tunc incipiunt subdi disciplinis, & ex tunc tradi liberalibus studiis: & ideo tunc dicuntur esse capaces placentiæ nuptiarum vel displicentiæ, & ideo sponsalia promittere possunt. In secundo autem septennio incipiunt iam vaporare genitalia, & lanugines ibi contrahunt propter tractum feminis ad loca illa: & ideo tunc potest esse matrimonium inter eos. In tertio autem septennio quando circulus dimidius est iam completus, secundum Philosophos semen tendit ad maturitatem quæ completur in secundo circulo perfecto, & tunc est in statu usque ad tertium circulum, & postea incipit esse in declinatione: hoc tamen variatur secundum dominium planetarum qui præfunt figuris natiuitatis: quia sicut dicit Augustinus in quinto de ciuitate Dei, Non est inconueniens, quod afflatus siderum ad immutationem corporum valeant, licet non possint super liberum arbitrium nisi eatenus quatenus trahitur à corpore.

AD PRIMVM ergo dicendum, quod ante septennium vt in pluribus non sunt capaces disciplina, nec nuptiarum boni: & ideo tunc nihil promittere possunt, quia promissio est actus rationis, & oportet quod sit ratio in aliquo statu, quando promittere potest. Sedendo autem & quiescendo, vt vult Philosophus, 7. phisic. anima fit sciens & prudens: & dum residet fluens humidum, & incipit quiescere virtus animalis: quia tunc fortificatur conuersio animæ super apprehensum: & hoc incipit post primum septennium, vt iam habitum est.

AD ALIVD dicendum, quod si per alium fiat contractus, pueri ambo vel alter ante annos pubertatis potest reclamare, & nihil actum est: ita etiam quod alter puerorum non veratur accipere consanguinitatem alterius, eo quod nihil factum est inter eos: sed hoc quod dicitur, quod parentes promittunt quandoque pro pueris, sic intelligitur, si pueri ætatem venientes ratam habent parentum promissionem.

AD ALIVD dicendum, quod licet quidam in quibus humidum minus est naturale, in septennio minus sunt discreti, & capaces boni nuptiarum: tamen vt in pluribus in septennio efficiuntur capaces disciplina, & eorum quæ audiunt & vident: & ideo id quod accidit in pluribus considerat lex: cum enim particularia accidentia quæ sunt secundum

vnumquemque sint infinita, lex non potuit dari secundum vnumquemque singulariter, sed secundum hoc quod accidit vt in pluribus.

AD ALIVD dicendum, quod ego sine præiudicio magis hoc puto fuisse factum ad terrorem parentum: & puerum non nisi hoc punitum in corpore, qui sicut brutum animal loquebatur ea quæ à parentibus audiuit, cum in illa ætate quasi nihil adhuc appareat rationis.

AD ALIVD dicendum, quod placentia illa accipitur à signis discernendi inter ea quæ audiunt pueri, vt prius dictum est, quod primo incipit in ætate septennij. Ad hoc autem quod obicitur, dicendum quod sicut dicit Aristor. membra genitalia multorum sunt vaporum, & ideo pruritum excitantia: & ideo puto, quod motus minorum ætate puerorum quam septem annorum, procedit à natura corrupta: sed post septem annos incipit admisceri ratio, vt prius est ostensum. Vnde signum proprium huius est, quia tunc actibus humanis ratio incipit admisceri.

AD ALIVD dicendum, quod ætas contractus matrimonij non est vna: quia in puella caro est mollis & extensibilis: & ideo humidum facile digestibile ad maturitatem: & ideo citius maturatur ad recipiendum, quia recipere causatur ex humido frigido, vt humidum sit recipiens, & frigidum tenens. Sed humidum pueri digeritur ad imprimere & sigillare: & hoc causatur ex calido sicco, quia contingit ex calido vincente super humido. Et ideo plus temporis requiritur ad maturationem masculi quam femine: sicut plus exigitur temporis ad hoc quod calidum vincat humidum exiccando, quam quod dirigat ipsum tantum & extendat ad recipiendum. Et ideo alia est ætas coeundi masculi, & alia femine. Sed in admixtione rationis ad actus non est sic: quia hæc causatur ex hoc, quod incipit residere humidum, & non impedire conuersionem rationis super audita & visa: & hoc contingit æqualiter in masculino & femine.

AD ALIVD dicendum, quod animatio puellæ est longioris temporis, quam pueri: sed tamen quia humidum nati iam pueri æqualiter incipit residere, vel non residere, æqualiter datur eis tempus sponsalium: sed inæquale tempus contrahendi, quia frigiditas in femina quando est cum humido, operatur ad bonam femine dispositionem, vt dictum est: & hoc est quando calidum non plene vincit humidum.

AD ALIVD dicendum, quod secundum multos & magnos in tali casu potest quis duplicibus vt verbis: si enim dicat, Ego accipio te in meam: & illa respondeat, Et ego te in meum, vel verba æquipollentia, nihil agitur: quia matrimonium agi non potest, & sponsalia contrahere non intendunt. Si autem quis dicat, Verba mea etsi matrimonium contrahere non possint, valeant quod valere possunt: tunc sponsalia contrahuntur, quia hæc contrahi inter tales possunt, & bene potest esse, quod verum dicant. Ad hoc autem quod obicitur, quod ante septennium non contrahuntur, dicendum



dicendum quod hoc verum est nisi post se-  
premiu placeant. Si autem puella est se-  
premiu & alius pubes, sponsalia contrahun-  
tur, & tenetur eam sponsus expectare, donec  
veniat ad annos pubertatis.

AD ALIVD dicendum, quod quoad  
vnum nihil potest ibi fieri: quia oportet, quod  
omne id quod fit in matrimonio, de commu-  
ni utriusque fiat consensu: unde nihil ibi effi-  
citur.

AD ALIVD dicendum, quod ille qui  
ita contrahit, etiam nihil efficit, ratione  
prius dicta. Et obiectio in contrarium facta,  
tenet & soluit.

AD ALIVD dicendum, quod secus est de  
natura, & de isto opere: quia natura operatur  
ad intentum, iste autem nec intendit spon-  
salia, nec operatur ad ea; & ideo non est  
simile.

AD ALIVM casum dicendum, quod talia  
sponsalia tenent, quia nihil ante fecerunt: ta-  
men per factum post intelliguntur approbasse  
factum quod precessit: & hac approbatio fa-  
cit inter eos sponsalia. Ad id autem quod obi-  
citur in contrarium, dicendum quod approba-  
tio preteriti quæ certissime supponitur in  
verbo presentis temporis, facit sponsalia: &  
falsum est, quod ante omnino nihil factum:  
sed verum est, quod nihil sponsalium fece-  
runt, sed fecerunt aliquid ad sponsalia, quia  
dispositionem, quæ si etiam per alios ante fa-  
cta fuisset, per approbationem eorum sequen-  
tem posset consummari. Ad id autem quod  
obiicitur, quod matrimonium non efficiunt,  
de plano concedo, præcipue si multum distant  
ab anno pubertatis.

AD VLTIOREM casum dicendum vi-  
detur, quod tales contrahere possunt, præci-  
pue si dispositione corporis & sagacitate inge-  
nij ætas deficiens suppleatur. Dispositionem  
autem corporis intelligo præcipue in locis  
genitalibus, scilicet ut agere & pati possint in  
opere carnali. Dicunt tamen quidam tempus  
distantiæ ab ætate debita non debere proten-  
di ultra sex menses: sed mihi videtur potius,  
quod secundum plus & minus determinan-  
dum est, etiam secundum diuersam dispositio-  
nem membrorum & sagacitatis: quia ego vidi  
puellam de qua perhibebatur, quod annorum  
existens nouem, concepit & peperit puerum  
eum complere inciperet decimum annum. Et  
Philosophi dicunt, quod quidam dentati na-  
scuntur & lanuginosi & pilosi in locis genita-  
libus, & citius maturantur ad coitum quam  
alii. Et puto, quod hoc etiam variatur in re-  
gionibus calidis & siccis: sicut & ipsa impræ-  
gnatio & corporis incrementum. Et per hoc  
patet solutio ad totum.

#### ARTICVLVS XIV.

*Quis sit effectus sponsalium & an pos-  
sunt solui?*

**T**ertio queritur de effectu sponsalium.  
Videtur autem, quod effectus sit obligare  
ad contrahendum matrimonium: quia effectus  
D. Alb. Mag. in Lib. 4. Sentent.

generis saluatur in specie: sed genus spon-  
salium est promissio: ergo videtur, quod sicut  
promissio obligat ad soluendum, quod ita  
sponsalia obligent ad soluendum.

2 Item, Extra lib. 4. de sponsalibus, Ex li-  
teris, dicit Alexand. tertius Pictaviensi Episco-  
po, Eum admoneas: & si non monitis acquies-  
cat, ecclesiastica eum censura compellas, ut  
ipsam in uxorem recipiat, & maritali affectio-  
ne pertractet. Et loquitur de quadam quam  
ante desponsauit: & loquitur, quod compen-  
dendus sit ducere eam quam desponsauit: ergo  
sponsalia obligant ad contrahendum.

IN CONTRARIUM huius est, quod obliga-  
tio quæ fit de iure, non soluitur nisi solutione  
facta: sed sponsalia in multis casibus soluuntur  
solutione non facta: ergo sponsalia non obli-  
gant.

2 Item, Si sponsalia obligarent, tunc pec-  
catum mortale esset non soluere: sed pastor  
Ecclesiæ tenetur arcere à peccato mortali: ergo  
per censuram ecclesiasticam tenetur compellere  
ad contrahendum semper illos qui sponsalia con-  
traxerunt: hoc autem falsum est, ut patet extra.  
quarto de sponsalibus. Præterea hi, ubi dicit  
Innoc. secundus. Si autem se adinuicem ad-  
mittere noluerint, ne forte deterius inde con-  
tingat, ut talem scilicet ducat, quam odio  
habet: videtur quod ad instar eorum qui so-  
cietatem interpositione fidei contrahunt, &  
postea eandem sibi remittunt, hoc possit in  
patientia tolerari.

VLTIORES queritur de alio effectu spon-  
salium, qui est quædam affinitas. Videtur enim  
quod istum non faciant sponsalia: quia quod  
spondetur in futurum, non est: sed in spon-  
salibus nuptiæ spondentur in futurum: ergo  
adhuc non sunt: sed quod non est, nihil facit:  
ergo tales nuptiæ nihil faciunt: ergo nec affi-  
nitatem.

3 Item, Non potest fieri affinitas nisi vnum  
sit genus, ut infra habebitur: sed sponsi non  
vniuntur generi: ergo inter eos non fit affini-  
tas. Probatio minoris. Non vnitur generi se-  
cundum carnem, qui carnaliter nulli de gene-  
re copulatur: sed sponsalia tantum contrahens,  
nulli de genere copulatur carnaliter: ergo ge-  
neri non vnitur: & sic habetur propositum.

3 Item, In aliis contractibus ubi promitti-  
tur aliquid de futuro, si rescindatur, non impe-  
dit quin cum alio eiusdem generis possit face-  
re contractum illum: ergo nec in isto debet im-  
pedire, ut videtur.

IN CONTRARIUM huius est, quod dicitur  
extra. lib. 4. Ad audientiam, &c. ita dicit  
Alexand. tertius, Quoniam scriptum est, quod  
sponsam fratris frater habere non potest, man-  
damus quatenus eum suum propositum im-  
plere non permittas. Et loquitur de quodam  
qui fratri illius suam filiam dare voluit, qui  
ante, eandem consentiente puella, despon-  
sauerat.

RESPONSIO. Dicendum, quod effectus  
sponsalium est ligare ad matrimonium contra-  
hendum, quandiu manent sponsalia, sicut pro-  
bant primæ rationes: sed verum est, quod qui-  
busdam de causis soluuntur, ut infra parebit,  
& tunc non ligant, quia soluta sunt: nec hoc  
est



est mirum, quia non ligant quando soluta sunt.

Ad id ergo quod contra obiicitur, dicendum quod quandiu manent, tandiu ligant: sed soluuntur in casibus in quibus ligarent cum nocumento maiori: ideo secundum ius commune reputantur soluta: quod enim pro utilitate contrahentium & honestate Ecclesie constitutum est, destruitur quando contra utilitatem contrahentium & Ecclesie honestatem observatur.

Ad alium dicendum, quod hoc dicit Alexand. in casu in quo soluuntur sponsalia propter matrimonium superueniens cum alio: quia minus vinculum cedit maiori, & rumpitur illo superueniente.

Ad id autem quod obiicitur, quod Ecclesia debet arcere a peccato mortali: dicendum, quod sic facit: quia pro peccato indicit & iniungit penitentiam, sed non compellit complere promissum: quia iam de iure communi sponsalia soluta sunt.

Ad id quod queritur de ulteriori effectu, dicendum quod faciunt affinitatem, ut dictum est secundum patrum institutiones.

Ad id autem quod postea obiicitur, dicendum quod id quod non est, non facit, sed id quod est: sed sponsalia sunt, & sunt aliquid matrimonij, scilicet dispositio ad ipsum, ut supra dictum est.

Ad alium dicendum, quod est in sponsalibus coniunctio ad genus secundum quid, licet non simpliciter: sicut enim in naturis aliquid per dispositionem ignis efficitur igni affine, etiam antequam habeat speciem: ita & in moralibus per dispositionem accedit aliquis ad genus alterius, quando cum ipso contrahit sponsalia, licet cum ipso non efficiatur una caro: & ideo sancti patres statuerunt, quod inter tales affinitas contraheretur.

## ARTICVLVS XV.

### *Quibus modis sponsalia contrahantur?*

**Q**uarto queritur, Quibus modis sponsalia contrahantur? Dicunt autem Iurisperiti, quod dupliciter sponsalia contrahuntur, scilicet absolute, & sub conditione. Absolute autem contrahuntur quatuor modis, scilicet nuda promissione, ut accipiam te in meam, vel e contrario datis arrhis sponsalitiis, ut aliqua pecunia, vel aliis rebus, anuli subharratione, & interueniente iuramento. Sub conditione dupliciter contrahuntur, scilicet sub conditione honesta, vel sub conditione inhonesta. Honestata ut si sic dicat, Contraham tecum si placuerit parentibus: & tunc dicunt, quod stante conditione stat promissio, & non stante non stat, nisi sequatur consensus per verba de presenti vel copula carnalis. Condicio autem inhonesta duplex est, scilicet contraria matrimonij bono & honestati, & non contraria. Exemplum primi est, ut sit dicat, Tecum contraham, si venena procures sterilitatis, vel procures abortum, vel sodomice mecum coniungaris, vel adulterando mihi victum lucreis,

vel aliquid huiusmodi: & tunc non stat promissio facta de matrimonio. Exemplum conditionis secundæ est, ut si dicat, Contraham tecum, si in futuro mihi lucreis, vel vsuris, vel huiusmodi aliquo peccato inuolutis: & tunc renuntiandum est conditioni, & tenent sponsalia, iuxta illud Bedæ, In turpi voto rescinde fidem, & in malis promissionibus muta decretum. Item quando absolute contrahuntur, si sine iuramento contrahantur, monendi sunt ut consumment, sed non cogendi sit nolunt. Si autem cum iuramento contraxerunt, cogendi sunt propter iusiurandam per censuram ecclesiasticam: & hoc intelligo de illis qui sunt ambo septem annorum, quia minores ambo vel alter contrahere non possunt sponsalia, ut patet ex ante habita disputatione. Et hoc est totum quod iura diffiniunt de sponsalium contrahitione.

In contrarium autem huius obiicitur: & primo quidem de diuisione quæ dicit, quod quatuor modis sponsalia absolute contrahuntur. In promissione enim non obligatur homo nisi ex seipso: sed dicunt sancti patres, quod Deus promittens non obligatur ex nobis, sed ex se tantum, & non esset iniustus, si non solueret: ergo a simili contrahens nuda promissione, non erit iniustus si non soluat: ergo videtur, quod alter agere non possit, quod falsum est: ergo sponsalia non nuda contrahuntur promissione.

2 Item videtur falsum quod dicit ius, quod nuda promissione contrahens non sit cogendus ad consummandum matrimonium. Qui enim promittit & non soluit promissum, mentitur: os autem quod mentitur, occidit animam: ergo ille peccat mortaliter: sed arcendus est quilibet a mortali peccato: ergo quilibet arcendus est ad consummationem promissi.

3 Item, In minori decipit qui decipit alium in pecunia, quam qui decipit eum in matrimonio & in seipso: sed decipiens in pecunia, cogitur a iudice ad solutionem: ergo multo magis debet compelli ad solutionem ille qui decipit alium in matrimonio & in seipso: ergo nihil videtur esse quod dicunt iura.

Uterius obiicitur de secundo modo. Videtur enim, quod ille modus sit illicitus: quia matrimonia debent esse libera: sed non est liberum, quod est appetitum: ergo matrimonia non debent esse appetitata: sed arrha est pars pretij, ut dicit Glossa super Apoc. ergo non debent esse sponsalia subarrhata.

2 Item, Matrimonium, ut infra probabitur, est in genere honesti ratione duorum bonorum suorum, & in genere utilitatis ratione tertij: honestum autem omne spirituale est: ergo sub pretio poni non debet matrimonium: ergo nec datis arrhis contrahitur, quia arrha est pars pretij, ut iam habitum est.

3 Item, Contingit solui sponsalia illa aliquo de casu: aut ergo reddantur arrhe, aut non. Si non reddantur, contra: quia secundum hoc iniuste videtur agi cum illo cuius pars pretij retinetur: & tamen contractus rescinditur. Si autem reddantur: tunc videtur, quod matrimonium positum fuit sub pretio: quia non videtur esse causa redditionis, nisi quia



quia contractus rescinditur quem pretium efficiebat.

De tertio modo similiter obiicitur: quia anulus significat fidem maritalem: sed hæc est consequens matrimonium: cum igitur in sponsalibus matrimonium non contrahatur, videtur quod anuli subarratio non pertineat ad sponsalium contractionem.

2 Item, Monile, ut dicit Isidor. dicitur quasi munile, eo quod munit sinum ne adulter inferat manum: ergo videtur, cum sponsalia ligent ad unum potius quam ad alium, quod potius debeant fieri per monile quam per anulum.

3 Item Genes. 24. Eliezer dedit Rebecca in aures, & anulos: queratur ergo, Quid in sponsalibus significant in aures, & quid monilia, & quid anuli, & quare his tribus frequentius fiant quam aliis?

Uterius obiicitur de quarto modo qui fit interposito iureiurando. Videtur enim, quod ille modus sit illicitus: quia multis de causis potest iuramentum fieri illicitum: nemo autem iurare potest id quod potest fieri illicitum: ergo ad sponsalia non debet fieri iuramentum.

2 Item videtur, quod in aliquo casu perplexitatem inducat iuramentum. Verbi gratia ponamus enim, quod odiat eam antequam contrahat per verba de presenti: tunc periculum est complere matrimonium, quia matrimonia inuita malos exitus sortiuntur, & quod cum periculo sit, non est faciendum: ergo istud matrimonium non est consummandum. E contrario autem iuramentum licitum est obseruandum: & iuramentum est de matrimonio: ergo est consummandum, & non consummandum, quod est impossibile: ergo videtur, quod iuramentum non sit interponendum.

Uterius obiicitur de modis illis qui fiunt sub conditione. Et obiiciatur primo de conditione honesta: hæc enim est duplex secundum Iuris peritos, scilicet simpliciter honesta quæ spectat ad bonos mores, ut contraham tecum si placet parentibus, aut pedagogis, aut sacerdotibus, aut Ecclesiæ, siue aliquid huiusmodi. Et conditio utilis propter onera matrimonij, ut contraham tecum si dederis marcas centum. Obiiciatur ergo de prima conditione quæ simpliciter est honesta. Videtur enim, quod apponi non debet: quia matrimonium unus non potest contrahere pro alio, nisi ipse consentiat: ergo nihil est dicere, contraho tecum si placet illi, aut illi.

2 Item, Si placet parentibus & non filia non fit ibi matrimonium, nec etiam sponsalia: si ergo in negando consensus filia non dependet ad parentes: ergo nec in affirmando dependet: ergo nullo modo dependet: quia consensus est vel affirmando, vel negando: ergo pro nihilo apponitur conditio de consensu parentum, vel etiam quorumlibet aliorum.

3 Uterius obiicitur de alia conditione quæ etiam non inhonesta reputatur, scilicet quæ est cum adiunctione pecuniæ. Videtur enim, quod illa non teneat: quia libera debent esse matrimonia. Dicit autem Philoso-

D. Alb. Mag. in Lib. 4. Sentent.

phus, quod liberum est quod causa sui est: ergo matrimonium debet esse causa sui: ergo non debet esse conditio pretij vel pecuniæ.

4 Item Aristot. dicit, quod quædam sunt mixta inter voluntaria & inuoluntaria, scilicet quæ non volumus simpliciter, sed tamen ne alia deteriora contingant, eligimus ea, sicut proicere merces in tempore tempestatis ne nauis submergatur: & hæc in moribus non sunt laudabilia: cum igitur in moribus secundum omnes Philosophos matrimonij honestas sit de numero laudabilium bonorum, videtur quod non debeat esse sic partim voluntarium & partim inuoluntarium. Est autem sic mixtum si additur pœna pecuniaria: ergo non debet esse conditio pœnæ pecuniariæ.

5 Item, Coactio excludit consensum qui est causa efficiens matrimonij: unde dicit Prætor, Quod vi vel metus causa sit, ratum non habeo. Sed est metus duplex, scilicet personæ, & naturæ: & uterque cadit in constantem virum, quem ciuilis constantem reputat: ergo videtur, quod excludat consensum matrimonij: cum igitur talis sit metus damni, quando fit pœnæ pecuniariæ adiectio, videtur quod consensus euacuatur: ergo non debent tali modo contrahi sponsalia.

6 Uterius obiicitur de conditione turpi, non contraria matrimonio. Videtur enim, quod illa matrimonium euacuet: quia sunt quædam, ut dicit August. quæ non possunt fieri bono fine, eo quod essentialiter coniuncta sunt fini malo, ut furtum, adulterium, & huiusmodi: sed matrimonium est bonum: ergo si sumatur ut finis, ipsum erit finis bonus: ergo non potest esse finis talis mali: ergo videtur, quod annihilatur matrimonium, quando tali fine contrahitur, vel quando efficitur finis talis mali.

IXTRA hoc queritur, Vtrum peius sit contrahere tali fine, siue conditione, vel non contrahere, & uti muliere ad hoc fine contractum more lenonum qui prostituunt meretrices? Videtur enim, quod secundum sit peius, quam primum: quia ad minus excusatur in coitu suo qui cognoscit suam: sed cognoscens non suam & prostituens, nec in suo, nec in alieno excusatur: ergo secundum peius est, quam primum. Contra: In priori est adulterium in quod consentit maritus: in secundo autem tantum fornicatio: ergo primum peius est, quam secundum.

Uterius queritur de conditione vltima, quæ turpis est & matrimonio contraria. Videtur enim, quod illa non dirimat contractum: quia de quolibet tenendum est bonum quod idem potest elici: sed duo sunt contractus, & est conditio contractus bona, & conditio mala: ergo tenendus est contractus, & refutanda conditio. Confirmatur autem prima ex hoc quod dicitur 1. Thess. 5. Omnia probate: quod bonum est tenere. Ab omni autem specie mala abstinete vos.

SOLUTIO. Dicendum, quod supra dicti modi sunt quibus sponsalia contrahuntur, sicut dicunt docentes iura. Reducuntur autem ad duos, scilicet promissionis simplicis,

E E e 2 &



& promissionis confirmata. Confirmata autem est duplex, per conditionem, siue per vltius vinculum. Et conditio dicitur tunc eo modo quo supra dictum est. Vinculum autem amplius ligans, quam promissio: aut est signum approprians sponsam, aut confirmatio promissionis. Signum autem aut est de pertinentibus ad datum propter nuptias, aut ad ornatum sponsæ. Et primum videtur arrha nuptialis: secundo autem modo anuli subarrhatio. Si autem est confirmatio promissionis: tunc est iuramentum. De hac tamen reductione ad artem non curant Iurisperiti: quia intendunt grossis pro vulgaribus, circa quæ sunt casus & particularia.

**HIS HABITIS** respondendum est ad id quod obiicitur de primo, & dicendum, quod secus est de Deo, & homine: quia Deus promittens nec causam promissionis habet in nobis, nec vtilitatem, nec finem, & ideo non obligatur obligatione debiti: quia vt dicunt sancti, Deus nihil debet homini, sed homo omnia sua debet Deo. Sed quando homo promittit, causam promissionis & vtilitatem habet in eo cui promittit: sicut hîc in contractu vnus coniugum promittit, & causa est in alio qui repromittit sibi, & vtilitas quæ est debitum in corpore eius cum qua contrahit, quod etiam iure matrimonij exigere potest: & ideo iste obligatur.

**AD ALIUD** dicendum, quod promittens tenetur soluere quantum in se est, nisi stet per alium: & bene concedo, quod peccat non soluens si soluere possit. Ad hoc autem quod obiicitur, quod sit cogendus, dicendum quod non: quia frequenter dissimulatur minus malum, ne accidat maius. Dissimulatur, inquam, ita quod non deducitur in faciem Ecclesiæ ad iudicium, licet non dissimuletur in confessione. Et hoc est quod dicitur extra lib. quarto de sponsalibus. Præterea hi qui, &c. vbi dicit Innocent. secundus, Si autem se adinuicem admittere noluerint, ne forte deterius inde contingat, vt talem: scilicet ducat quam odio habet: videtur quod ad instar eorum qui societatem interpositione fidei contrahunt, & postea eandem sibi remittunt, hoc possit in patientia tolerari.

**AD TERTIUM** dicendum, quod licet in maiori decipiat: tamen est damnum recuperabilius, quam pecuniæ: quia cum multis aliis potest contrahere: sed pecuniam aliam non contingit eum de facili recuperare: & ideo istud ad iudicium non deducitur sicut illud.

Ad id quod obiicitur vltius de secundo modo, dicendum quod ille est quædam confirmatio promissionis, eo quod per donaria sponsa quodammodo sponso appropriatur, vel e conuerso, sicut innuitur in Genes. 3. vbi dixit Lia ad Iacob, Ad me introibis: quia pretio te conduxisti pro mandragoris filij mei. Ad primum autem quod contra obiicitur, dicendum quod arrha hîc aliter sumitur quam pro pretio, vel pro parte pretij: sicut enim per arrham res emptæ emptori appropriatur, ita sponsa sponso per subarrhationem nuptialem: & ideo prima argumentatio fallit per æquiuocationem. Si tamen concederetur, quod esset pars

pretij, tunc dicendum quod matrimonium non ponitur sub pretio: sed id quod datur, est ad onera matrimonij subleuanda. Et per hoc patet solutio ad secundum.

**AD TERTIUM** dicendum, quod si daretur dotis nomine, vel promitteretur, & non sequeretur matrimonium, restituere teneretur. Si autem alia donaria sunt potius amorem indicantia, quam magnam afferentia vtilitatem, non credo quod tenetur ad restitutionem: sed tamen non sequitur, quod matrimonium sub pretio ponatur ratione supra dicta.

**AD ID** quod vltius obiicitur de tertio modo, dicendum quod anulus ille significat fidem sponsalium in præsentia, scilicet ne alij promittat, & fidem thori in futuro seruet: & ideo ponitur in digito sinistra manus, qui anularis dicitur, quia in illum vena quædam pulsatilis, siue arteria venit à corde, quæ circulo ligatur ad amoris signum. Et per hoc patet solutio ad primum: quia ex falso, vel ex insufficienti causa anuli procedit: & ideo non concludit.

**AD ALIUD** dicendum, quod nihil prohibet monili subarrhationem fieri, sed magis congruè fit per anulum: quia cum fides sponsalium obliget ad duo, vnum illorum est principale, & alterum est consequens: & principale quidem est ad seruandum fidem sponso: consequens autem est ad custodiendum se ab alio: anulus autem significat principale, & monile significat consequens: & ideo magis congruè fit per anulum, quam per monile.

**AD TERTIUM** dicendum, quod in tribus se habet sponsa ad sponsum: in quantum enim caput mulieris est vir, tenetur eum audire, sequi, & obedire. Ex matrimonio enim tenetur ad fidem, & custodiam ab altero: nec sunt plura adeo substantialia sponsæ in quantum est sponsa. Primum autem horum significat inauris: secundum autem significat anulus, & tertium monile. Et ideo his tribus antiquitus puellæ subarrhabantur.

**AD HOC** autem quod vltius obiicitur de iuramento, dicendum quod bene potest fieri, si aliter non credant sibi inuicem contrahentes: quia sicut dicit Apostolus Hebr. 6. Finis ad confirmationem controuersie est iuramentum. Ad hoc autem quod contra obiicitur, dicendum quod in talibus casibus, vt infra patebit, soluuntur sponsalia: & tunc deobligatur à iuramento, eo quod ipse iuramento non tenetur, nisi modo sponsalium: & ideo sponsalibus fractis, non tenetur iuramento amplius: sed bene concedo, quod incautum est in talibus iurare.

**AD ALIUD** dicendum, quod in talibus non est perplexitas: quia potest complere iuramentum: alioquin peccat mortaliter. Si autem matrimonium aliud superuenit: tunc peccat mortaliter contrahens cum alio, sed tamen non tenetur ad sponsalia perficienda, quia soluta sunt: sed debet facere pœnitentiam de periurio. Ad hoc autem quod quaritur, Vtrum sit cogendus? Dicendum, quod licet quidam dixerunt, quod sit cogendus propter iuramentum: tamen videtur sapientibus, quod non: sed dissimulandum est si ex odio sponsæ non



vult perficere quod iuravit, quia posset maius malum sequi: & iste casus expresse scriptus est extra. lib. quarto de sponsalibus. Requisiuit: vbi sic dicit Lucius tertius. Requisiuit à nobis tua fraternitas, qua censura mulier compelli debeat quæ iurandi religione neglecta nubere renuit cui se nupturam interpolito iuramento firmavit. Et infra, Ad quod breuiter respondeo, quod cum libera debeant esse matrimonia, monenda est potius, quam cogenda, cum coactiones difficiles soleant exitus habere frequenter.

Ad id autem quod obiicitur de conditione simpliciter honesta, dicendum quod illa merito est apponenda, ita quod vituperari possunt contrahentes, si non apponant: quia contrahentes aut sunt maturæ ætatis, aut infantiuli. Si sunt adulti, adhuc licet in eis sit confortata ratio, tamen vnus solus non potest videre quid expediat, sicut vident plures fideliter consulentes. Si autem sunt infantes, non possunt discernere nisi doctrina & consilio aliorum seniorum: & ideo cum discretio faciat ad libertatem & honestatem consensus, talis conditio potius facit ad liberum matrimonium, quam ancillare vel seruire: non enim dicitur liberum apud sapientes, quod quasi vinculum vel velamen malitiæ habet libertatem, sed id potius quod secundum virtutem liberè fit: & ideo talis conditio tenet, & est fauorabilis. Et sic patet solutio ad primum.

Ad aliud dicendum, quod duplex est consensus, scilicet matrimonium faciendi, & iste non dependet ad alium in matrimonio. Est etiam consensus conditionatus, quando de voluntate propria apponit conditionem, eo quod sibi homo non sufficit ad consilium, & ille dependet ratione prius inducta.

Ad id quod vltius quæritur de conditione utilitatis quæ est pecunia, dicendum videtur, quod illa dupliciter apponi potest, scilicet aut vt in modum dotis, aut vt in modum pænæ si non consummantur matrimonia. Si primo modo apponatur, dico quod stat & exigipotest: & si non stet conditio, non tenetur ad consummationem promissionis. Et hoc contingit propter onera matrimonij, vt dictum est supra. Si autem adiiciatur per modum pænæ, vt si sic dicatur, Nisi contraxero tecum, ego dabo tibi centum marcas: dico quod non tenet conditio nec exigipotest si non consummetur matrimonium. Argumentum autem ad hoc est in decretali prius inducta, Requisiuit: quia scilicet matrimonia debent esse libera. Ad id autem quod contra obiicitur, dicendum quod matrimonium non ponitur sub pretio, vt patet ex supra dictis.

Ad alia duo est concedendum: quia illa procedunt in sensu illo quo conditio pecuniaria adiicitur in modum pænæ, & sunt bona contra illos qui aliter sentiunt, quam hic est determinatum.

Ad id quod vltius obiicitur de conditione turpi & contraria matrimonio, dicendum quod matrimonium nunquam est finis mali, nec etiam ad malum finem. Est enim duplex finis, sicut & super secundum lib. nota-

D. Alber. Mag. in Lib.4. Sentent.

tum inuenies, scilicet finis operis, & finis operantis. Finis operis matrimonij nunquam est ad malum finem, vel finis mali. Finis autem operantis sic potest esse in malo: & dictum August. intelligitur de fine operis, non operantis. Et quia finis operantis non est essentialis finis matrimonij, ideo dicit ius, quod cessat conditio quæ est turpis finis intentio ex parte contrahentis, non contractus: & tenet contractus sponsalium. Et per hoc patet solutio & ratio iuris.

Ad aliud dicendum, quod vnus plus peccat in actu, & alter plus in circumstantia trahente in id genus peccati, hoc est, in adulterium: nihil enim prohibet vtrumque plus peccare consideratione diuersa. Si autem quæritur, Quis simpliciter plus peccet? Videtur, dicendum, quod ille qui prostituit vxorem propriam, ex hoc peccat maiori peccato quod est adulterium, & contra plura: quia contra quæcunque peccat leno, peccat & iste, & insuper contra bonum matrimonij.

Ad hoc quod obiicitur de conditione vltima, dicendum quod illa annihilat contractum: quia non est consensus in talibus in matrimonium secundum intellectum, sed secundum vocem tantum: sed secundum intellectum consentiunt in vile contubernium, quia non potest esse matrimonium, vbi renuntiatur bonis omnibus matrimonij. Et per hoc patet solutio ad obiectum: quia in tali contractu nihil boni est: & ideo nihil boni inde potest elici quod teneatur, sicut fuit in aliis contractibus conditionatis.

## ARTICVLVS XVI.

### Quibus modis sponsalia dirimantur?

Quinto quæritur, Quibus modis sponsalia dirimantur? Accipiat autem primum illud, quod determinatum est à iure. Sunt igitur octo casus in quibus sponsalia dissoluntur: quorum primus est si alter sponsorum transeat ad religionem, quod potest facere etiam inuito & reclamante altero ante carnalem copulam: & tunc ille qui remanet in seculo, absoluitur à vinculo sponsalium, etiam si fuerint sponsalia per verba de presenti. Secundus est, quando sponsus non inuenitur, quia transfert se ad aliam regionem: si tamen per eam non steterit, quod matrimonium non fuit consummatum: si enim per eam steterit, tunc agat pœnitentiam de promissione, & etiam de periurio si iuramentum interuenit. Tertius est, si alter sponsorum post contracta sponsalia incurrit lepram, aut paralytim, aut epilepsiam, aut turpiter naso aut oculo fuerit mutilatus. Quartus est, si superueniat affinitas, scilicet si sponsus cognouit consanguineam sponsæ, vel è conuerso: & hoc sufficit probare sola fama. Quintus est, si mutuo se absoluerunt: quem tamen casum quidam non recipiunt. Sextus, Si alter eorum fuerit fornicatus. Septimus, quando superuenit matrimonium per verba de presenti cum alio contractum: quia tunc soluitur minus vinculum propter maius superueniens;



ueniens; sed tunc debet agere penitentiam de fide vel iuramento vel promissione mentita. Octauus, quando minor venit ad aetatem adultam, & petit absolui à vinculo sponsalium, & dari sibi licentiam nubendi alij. Dicunt insuper Iurisperiti, quod in duobus casibus soluuntur ipso iure, scilicet quando alter intrat religionem, & quando alter contrahit cum alio per verba de presenti. In aliis autem omnibus casibus soluenda sunt per iudicium Ecclesiæ. Ecce quid ius determinat de isto articulo.

Sed obiicitur contra primum casum. Immolantis enim ex iniquo oblatio erit execrabilis: sed ex iniquo immolat, qui immolat alienum: ergo non est Deo accepta. Alienum autem est, quod est alteri promissum, & per promissum debitum: cum igitur ita debitus efficiatur sponsus per sponsalia, & sponsa vice versa, videtur, quod Deo se non potest immolare: ergo non potest intrare religionem.

2. Item, Si pecuniæ aliquis mihi efficere-  
tur debitor, istam pecuniam qua efficeretur mihi non soluendo, immolare vel offerre non posset: sed maius est debitum matrimonij: ergo multo minus offerri potest per quod efficitur alteri non soluendo: sed si intrat religionem, propter votum continentiae efficitur impotens ad soluendum debitum matrimonij: ergo videtur, quod non debeat intrare religionem.

Sed con-  
tra.

IN CONTRARIUM huius est quod dicitur extra. de conuer. coniuga. lib. 3. dicit enim Alex. tertius, Ex publico instrumento, &c. ita, Caterum quia licet à præfato viro desponsata fuit, adhuc tamen (sicut asserit) ab ipso est incognita, mandamus quatenus si prædictus vir ipsam carnaliter non cognouerit, & eadem ad religionem transire voluerit: recepta ab ea sufficiente cautione, quod vel ad religionem transire vel ad virum suum redire infra duorum mensium spatium debeat, ipsam à sententia qua tenetur absolvas: ita quod si ad religionem transierit, vterque restituat alteri quod ab eo noscitur recepisse, &c. & infra, Sanè quod Dominus in Euangelio dicit, Non licere viro nisi ob causam fornicationis dimittere uxorem suam, intelligendum est secundum interpretationem sacri eloquij de his quorum matrimonium carnali copula est consummatum, sine qua confirmari non potest. Ex his patet, quod ius verum dicit in hoc primo casu.

Vltius quæritur de secundo. Videtur enim quod ille sit iniustus: quia in dubiis tutior pars est accipienda vel tenenda: sed tutius est quod expectet: quia in expectando nullum fit alteri præiudicium: ergo videtur, quod non sint sponsalia soluta ex illa absentia.

2. Item, Absentia corporum in nullo repugnat vinculo spirituali: quia ex consensu contractum est inter sponso: ergo videtur, quod propter absentiam corporum non soluetur vinculum, quod est inter eos: ergo nec sponsalia.

Sed con-  
tra.

IN CONTRARIUM huius obiicitur: quia extra. lib. quarto de sponsalibus sic scribit Alexand. tertius Pañormitano Episcopo, De illis autem qui præstito iuramento promittunt se aliquas mulieres ducturos, & postea eis in-

cognitis dimittunt terram, se ad partes alias transferentes: hoc tibi volumus innotescere, quod liberum erit mulieribus ipsis (si non amplius in facto est processum) ad alia se vota transferre: recepta tamen de periurio penitentia, si per eas steterit, quo minus matrimonium fuerit consummatum.

Vltius quæritur de tertio. Videtur enim quod corporalis necessitas non debet facere, quod aliquis cadat à suo iure: sed iste ius acquisiuit de contrahendo matrimonio: ergo videtur, quod per corporalem infirmitatem illud perdere non debeat.

2. Item, Inuoluntarium quod hominem compellit secundum Aristot. meretur ignoscere & veniam: ergo multo magis id quod intulit Deus: sed talis est necessitas istius infirmitatis: ergo videtur, quod sponsa talia debet ignoscere.

3. VLTIVS quæritur, Quare non ita dimittit febris vel quid tale, sicut infirmitates supra memoratae? Quæstio-  
cula

IN CONTRARIUM huius obiicitur per id quod dicit Urbanus secundus. lib. quarto de coniugio leproforum. Literas. Et infra, Quia postulasti utrum si post sponsalia de futuro inter legitimas personas contracta, antequam à viro mulier traducatur, alter eorum lepræ morbum incurrat, alius ad consummandam copulam maritalem compelli debeat. Respondemus, quod ad eam accipiendam cogi non debet, cum nondum inter eos matrimonium fuerit consummatum. Sed con-  
tra.

Vltius quæritur de quarto casu. Ille enim videtur omnino iniustus: ex peccato enim alterius non debet alius ab ipso puniri: ergo si alter sponso per fornicationem faciat affinitatem, non debet ille puniri qui non fornicatur: ergo non debet perdere ius sibi per sponsalia acquisitum.

2. Item, Ponamus, quod ad hoc aliquis fornicetur cum consanguinea sponsæ, ut soluat sponsalia: constat enim, quod dolus nulli debet patrocinari: ergo nec isti: ergo nec iste per dolum suum debet consequi absolutionem à sponsalibus.

IN CONTRARIUM autem obiicitur per hoc quod dicitur 27. quæst. 2. ex concilio Tiburicensi. Siquis sponsam filij sui oppres-  
sit, & postea filius eius eam duxerit: pater postmodum non habeat uxorem, nec mulier virum: filius qui patris facinus ignorauit, aliam accipiat. Sed con-  
tra.

Vltius quæritur de quarto casu isto, utrum sufficit probare per solam famam? quia cum potius semper iudicandum sit pro matrimonio, videtur quod sponsalia stare debeant, donec certissime factum probetur: ergo non propter solam famam sponsalia sunt soluenda.

2. Item, Fama sæpè est falsa: & ideo videtur, quod non sit soli famæ credendum.

IN CONTRARIUM huius est id quod habetur extra. quarto lib. de consang. & affin. ubi Urbanus tertius sic scribit Burd. Archiepiscopo, Super eo quod iuuenem asseris puellam nondum nubilem fide interposita desponsasse, quæ iam facta nubilis eum reperit: & ille res-  
puit Sed con-  
tra.



puit dicens se non debere eam ducere, pro eo quod postquam puellam affidauit, eandem carnaliter propinquam ipsius cognouit. Respondendo, quod si manifestum est iuuenem agnouisse propinquam prædictæ puellæ: vel si non est manifestum, fama tamen loci hoc habet, cum esset sponsa tantummodo de futuro, idem ab eius imperitione debet absolui.

Uterius de quinto quæritur. Quia ille omnino non videtur esse recipiendus: quia quod semel iuste factum est, pro non facto haberi non potest: ergo videtur, quod nulla sit absolutio qua seinuicem absoluunt.

2 Item, Quod leuitatis est, non debet admittere Ecclesia: sed maximæ leuitatis est modo contrahere, & modo mutuo se absolvere: ergo iste casus ab Ecclesia non debet recipi.

*Sed contra.* IN CONTRARIUM est decretalis supra inducta extra. de sponsalibus, Præterea, ubi dicit Innoc. secundus, quod ad instar eorum qui societatem fidei contrahunt, & post eandem sibi remittunt, potest in patientia tolerari si se mutuo absoluunt: ita & illi qui sponsalia contraxerunt.

Uterius quæritur de sexto, si alter eorum fuerit fornicatus. Ex hoc enim non videntur solui sponsalia simpliciter, sed tantum ad thori separationem: vinculum tamen videtur debere manere: quia Dominus dicit, quod qui dimissam duxerit, fornicatur. Adhuc quæritur, utrum sit monendus ut recipiat eam? Videtur autem, quod sic: quia infra habebitur, quod misericordia est recipere penitentem: sed omnis homo monendus est ad misericordiam: ergo & iste est monendus, ut recipiat illam quæ fornicata est: vel è conuerso sponsa sponsum.

2 Item, Tota die videmus hoc, quod sponsi fornicantur: & tamen sponsa recipiunt eos iure sponsalium contractuum: ergo videtur, quod iste casus nullus sit.

*Sed contra.* IN CONTRARIUM huius est, quod etiam in matrimonio consummato vxor separatur à thoro propter fornicationem: ergo multo magis per eam sponsalia annullari debent.

2 Item, Sponsos nihil adeò reddit odiosos sicut fornicatio: sed periculum est si odiosi sibiinuicem contrahunt: ergo videtur, quod talis casus debet separare siue soluere sponsalia.

Uterius obicitur de septimo. Videtur enim, quod non teneat ille: quia posterius non debet infringere id quod prius factum est: sed prius facta sunt sponsalia iuste: ergo non derogatur eis superueniente matrimonio.

2 Item, Siquis vendat alij rem quam mihi prius vendidit: si ego probauero rem illam prius mihi venditam, restituetur mihi: ergo à simili sic est in sponsalibus, & matrimonio superueniente: ergo in tali casu recedendum est à matrimonio, & redeundum ad sponsalia.

*Sed contra.* IN CONTRARIUM autem huius est decretalis Gregor. 9. quarto lib. de sponsalibus. Si inter virum & mulierem, &c. Verum si inter ipsos accessit tantum promissio de futuro,

utroque dicente alteri, Ego recipiam te in meam: & ego te in meum: seu verba similia: si alius mulierem illam per verba de presenti desponsauerit, etiam si inter ipsam & primum iuramentum interuenerit (sicut diximus) de futuro, huiusmodi desponsationis intuitu secundum matrimonium non poterit separari: sed eis est de violatione fidei penitentia iniungenda.

Uterius quæritur de octauo & ultimo. Quia illud nihil ad propositum videtur: quia, sicut supra habitum est, minor ætate debita non potest contrahere sponsalia: ergo nullus est casus iste.

2 Item, Ab eo quod nihil ligat, non est petenda absolutio: sed ante ætatem debitam sponsalia nihil ligant: ergo ab eis non est petenda absolutio.

IN CONTRARIUM huius est decretalis *Sed contra.* Alexand. tertij quarto lib. de sponsalibus. De illis qui infra annos aptos matrimoniis sponsalia contrahunt, siue uterque, siue alter reclamet, antequam ad annos matrimonio aptos peruenerint, & postulent separari, non sunt vllatenus audiendi. Si vero alteruter istorum ad annos pubertatis peruenerit, infra eisdem annos altero existente cum sponsalia contrahuntur, si is qui minoris ætatis est, cum ad annos illos peruenerit reclamauerit, nec in alterum voluerit consentire, iudicio Ecclesiæ poterunt abinuicem separari.

*Solutio.* SOLUTIO. Dicendum, quod in sponsalibus contrahendis attenduntur plura: quando enim promittitur in futurum de matrimonio contrahendo, illa promissio est ad solutionem matrimonij in determinato tempore pubertatis ad bonum prolis in indiuidua vita suscepta cum persona legitima ad contrahendum. Primus igitur casus dirimit sponsalia, eo quod intercidit mors spiritualis impotens ad soluendum quod promissum: & ideo etiam alter soluitur à promisso. Secundus autem casus peccat contra determinatum sponsonis tempus: quia tempore condito solutionis promissi non comparet. Tertius vero peccaret in bonum prolis ex parte corporis: quia infirmis infirmi nascuntur. Peccat etiam contra finem quendam matrimonij qui est collatio operum, eo quod unus homo sibi est insufficientis in opere: & hunc finem matrimonij ponunt tres Philosophi, scilicet Tullius, Aristoteles, & Aspasius: sponsus enim infirmus chronica infirmitate non potest conferre aliquid de operibus suis, ut leuiores sint onera matrimonij. Quartus autem peccat contra legitimitatem personarum coniungendarum. Quintus autem contra indiuiduitatem hoc modo quo soluit sponsalia, quia non omni modo soluit, ut infra patebit. Sextus autem contra bonum fidei peccat. Septimus, quia in oppositum stringit maiori vinculo: & ideo contrarium est indiuiduitati future in matrimonio promisso. Octauus autem est, eo quod in contrahentibus non fuit dispositio debita: sicut enim omnis forma debitam dispositionem requirit in materia, ita etiam faciunt sponsalia & una illarum dispositionum est ætas debita, ut patet ex prius habitis. Et per hoc patet ratio



tio iuris, si quis ipsum ad vniuersale & ad artem reducere voluerit: licet enim si positium, tamen secundum Tullium nullum est ius positium, quod non sit ex ratione profectum: quod autem ex ratione profectum est, ad rationem & vniuersale potest resolui.

AD PRIMVM igitur dicendum, quod ille non immolat ex iniquo: quia soluuntur sponsalia per melius & maius vinculum: sed si manentibus sponsalibus faceret, tunc valeret obiectio. Si autem quaeritur, quomodo soluuntur? Dicendum, quod ipso iure: sicut lumine maiore superueniente offuscat lumen minus.

AD ALIVD dicendum, quod secus est de pecunia: & ratio illa in præcedenti articulo expedita est: & ideo non valet illa obiectio. Præterea inter sponsores vterque alteri æqualiter debet, & ideo quantum iste subtrahit qui intrat religionem, tantum recompensatur alteri per retentionem sui debiti qui manet in seculo. Decretalis autem adducta in oppositum, est concedenda & probat casum. Et eodem modo de omnibus iuribus est dicendum, quæ in ista quaestione sunt inductæ.

AD ID quod vltius quaeritur de secundo, dicendum quod dubium determinatur ex modo promissionis: quia tempus certificatur in annis pubertatis. Vnde extra lib. quarto de sponsalibus, præcipitur, quod tempore pubertatis, vel infra duos menses, debitum reddat sponso, vel intret religionem: & ideo quando tempore illo non inuenitur sponsus, absoluitur alter qui remanet in terra.

AD ALIVD dicendum, quod absentia repugnat effectui matrimoniali qui est copula carnalis, & ideo etiam vinculo repugnat: & ideo soluuntur sponsalia.

AD ID quod vltius quaeritur de tertio, dicendum quod quando est ante matrimonium huiusmodi defectus corporis, sponso sibi facit abominabiles, & illorum indiuiduitas vitæ est amara: & ideo melius est ut non coniungantur, quia malos exitus talia connubia fortiuntur, & quia proles ex parte corporis destrueretur: sed si superuenerit matrimonio, tunc tenet illud quod obiectum est. Cum enim sponsalia non sint nisi dispositio ad matrimonium, facilius soluuntur, quam matrimonium.

AD ALIVD dicendum, quod necessarium tale siue inuoluntarium in actu, meretur veniam & ignoscentiam: sed in contractibus secus est, quia ibi attendit homo utilitatem propriam, & ideo cauet sibi à contractu indelectabili & nociuo.

AD ALIVD dicendum, quod chronica ægritudines, & generantes horrorem & impotentiam cooperandi ad onera matrimonij subleuanda, soluunt sponsalia: sed febres & huiusmodi, temporales sunt, & ideo non soluunt: quia non semper reddunt impotentes, sed ad tempus breue & modicum.

AD ID quod obicitur de quarto, dicendum quod qui fornicatur, perdit ius suum, & alteri efficitur abominabilis: & ideo datur ei licentia, quod non teneatur sponsalibus nisi velit: vnde nihil de suo iure perdit, sed potius

lucratur libertatem ab eo qui se Deo & sibi reddidit abominabilem.

AD ALIVD dicendum, quod dolus ei non patrocinator, sed nocet quando ius suum perdit: & hoc in fauorem alterius qui non peccat est inductum, ut dictum est.

AD ID quod vltius quaeritur, Verum in tali casu sufficit probare per solam famam? Dicendum quod sic: quia hoc crimen præcipue conturbat sponsores, & facit eos odiosos sibi: & ideo de facili permittitur separatio propter crimen illud. Ad hoc autem quod in contrarium obiicitur, dicendum quod hoc est verum de matrimonio: sed sponsalia non sunt matrimonium, ut supra patuit: & ideo propter periculum futurum quod ex odio generari consuevit, etiam propter solam famam admittitur separatio sponsalium.

AD ALIVD dicendum, quod ille casus à quibusdam non ponitur: & respondent ad decretalem inductam, quod non est decretalis, nec continet ius, sed loquitur de permissione comparatiua, hoc est, quod sicut permittitur violatio societatis, ne maius malum fiat: ita etiam solutio sponsalium per hoc quod vterque alium absoluit, ne in odio conuenientes se adinuicem interficiant. Posset tamen dici, quod casus iste tenet cum pecunia mouentur de promisso: tunc enim signum est, quod non bene conueniunt: & ideo tunc Ecclesia paritur magis quam agat separationem ipsorum. Ad id autem quod contra obiicitur, dicendum quod sponsalia non dicunt aliquid perfectè factum, sed potius faciendum: & ideo possunt reuocari: quia quantum ad principale quod est in eis, dependent in futurum.

AD ALIVD dicendum, quod in veritate taliter se absoluentes non cauent voto: tamen Ecclesia patitur prædicta ex causa.

AD ID quod obicitur de sexto dicendum, quod secus est in matrimonio & sponsalibus: quia in matrimonio non potest fieri coniunctio ad alium: & ideo monetur ut redeat ad suum, ne in periculo sit castitas sua: sed in sponsalibus potest fieri coniunctio ad alium, & ideo soluuntur: & non monetur, quia tales sibi inuicem sunt odiosi: & per hoc patet etiam solutio ad secundum.

AD ALIVD dicendum, quod aliter est in masculis, & aliter in fœminis: quia masculus habet ad libidinem impellens magis quam fœmina: & ideo minus turpe est de masculino si fornicetur: & ideo de gratia masculi à fœminis facilius recipiuntur, sed non de iure.

AD ID quod vltius obiicitur de septimo, dicendum quod matrimonium est maius vinculum superueniens: & ideo quando stringit in oppositum, vinculum sponsalium rumpitur. Ad obiectum autem dicendum, quod si in omnibus essent æqualia, tunc teneret obiectio: sed inæqualia sunt, ut iam dictum est.

AD ALIVD dicendum, quod non est simile, sicut supra expeditum est.

AD ID quod vltius obiicitur de octauo, dicendum quod ibi est modus sponsalium, licet non materia pro toto, sed pro altera parte tantum: & ideo in tractatu de solutione sponsalium



salium ponitur iste casus.

AD ALIUD dicendum, quod quia videbatur approbare in annis deputatis ad

sponsalia contrahenda, & propter bonum exemplum, petit absolui: & non ideo quod sciat se esse ligatum personæ tali.

*Quod aliter accipitur in his aliis capitulis sponsa.*

**H**ÆC etiam sponsa est, quæ sic viro desponsata est, ut non intercesserit consensus de præsentī, sed sponsio futuri. Secundum quem modum illud decretum intelligitur, Siquis sponsam filij oppresserit, & post filius eius eam duxerit, pater postea non habeat uxorem, nec mulier virum: filius qui patris facinus ignoravit, aliam ducat. Si coniunx illa fuisset (quod utique foret, si in sponsalibus pactio coniugalis intercessisset) non permetteretur sponso aliam ducere. Mæchis autem pœna non nubendi ex rigore infligitur, ut alij terreantur. Idem ex eodem, Quidam desponsavit uxorem & dotavit, & cum ea coire non potuit, quam clanculo frater eius corrupit & gravidam reddidit, decretum est, ut quamvis nuptia non potuerit esse legitimo viro, desponsatam tamen fratri frater habere non possit: sed mæchus & mæcha fornicationis quidem vindictam sustineant, licita vero eis coniugia non negentur. De illa desponsatione hoc intelligi debet, ubi non fuit consensus coniugalis de præsentī, alioquin non liceret eis talia sortiri coniugia. Secundum hoc etiam illud intelligi debet, Statutum est à sacro conuentu, ut si quis sponsam alterius rapuerit, publica pœnitentia mulctetur, & sine spe coniugij maneat. Et si ipsa eidem crimini consentiens non fuerit, licentia nubendi alteri non negetur. Apparet hanc fuisse desponsatam sine pactioe coniugali de præsentī, & ideo non fuisse coniugem, cui viuentē sponso, alteri nubendi licentia non negatur. Sunt enim quædam nuptialia pacta de futuro, ex quibus sponsi & sponsæ vocantur, nec exinde coniuges sunt. Et est pactio quædam coniugalis de præsentī, quæ sponsum & sponsam etiam coniuges facit. Et vtraque pactio desponsatio vel sponsalia interdum dicuntur, propriè tamen sponsalia dicuntur quædam solennia pacta nuptialia.

Ex concil. Tibericensi. & habetur 27. q. 2. c. Siquis

Ibidem c. Quidam desponsavit.

Ex concil. Tolentino ubi supra. cap. Statutum.

*Quare non statim tradatur sponsa.*

**D**E nuptialibus pactis, ubi est tantum sponsio futuri, ait Augustinus, Institutum est ut iam pactæ sponsæ non statim tradantur, ne vilem habeat maritus datam, quam suspiravit spon-  
sus dilatare.

M. Cap. Institutum.

# ARTICVLVS XVII.

*An dicantur sponsalia à sponsa de futuro, vel de præsentī, vel de solennitate nuptiarum?*

**D**Einde queritur de hoc quod dicit ibi [Sunt enim quædam nuptialia pacta, &c.] Hic enim colligitur, quod tripliciter dicitur

sponsa, scilicet de futuro, & de præsentī, & solennitas nuptiarum. Et dicit Magister, quod ultimo modo propriè sponsalia dicuntur. Videtur autem falsum ex decreto Nicolai Papæ supra inducto, ubi dicit, quod sponsalia sunt futurarum promissiones nuptiarum: ergo primo modo propriè dicuntur sponsalia & sponsa, ut videtur.

2. Item hoc videtur sonare nomen, ut supra habitum est, ergo mentitur in litera.

VLTERIVS



Quæstio-  
cula.

VLTERIUS quæritur hic, Vtrum æquiucè vel vniucè dicitur de his tribus? Videtur autem, quod æquiucè: quia distinguit in litera vocem sponsalium in suas significationes: talis autem distinctio non conuenit nisi æquiucè: ergo est æquiucum.

2 Præterea, Nullus distinguit sic, quod homo aliter significet Sortem, & aliter Platonem: sed Magister dicit, quod aliter vnum significet, & aliter aliud: ergo est æquiucum.

Sed con-  
tra.

IN CONTRARIUM huius obiicitur: ab vna enim sponsione dicitur quocunque modo dicatur: ergo vnam habet rationem: ergo est vniucum.

Solutio.

RESPONSIO, quod sponsalia propriè dicuntur pacta futurarum nuptiarum cum solennitate facta: & ideo quod dicit Magister, non intelligitur de solennitate sola, sed potius concretivè de sponsione solenni futurarum nuptiarum: & per hoc patet, quod non est contrarium præhabitis: & per hoc solvuntur duo prima.

AD ALIUD dicendum, quod nec vniucè dicitur de his, nec etiam æquiucè, sed potius per analogiam ad vnum, ut probat ultima obiectio. Analogum enim dicitur de pluribus diuersis modis respicientibus ad vnum: & ideo distinguit Magister in litera modos diuersorum sponsalium. Et hæc est solutio omnium quæ-  
ditorum.

### ARTICVLVS XVIII.

*An in sponsalibus debeat esse terminus ad solennizandum matrimonium?*

DEINDE quæritur de hoc quod dicit ibi [De nuptialibus pactis, ut est sponsio fu-

tura, &c.] Videtur enim, quod nulla sit causa quam assignat in litera: quia istud, ut dicit Auctor, intelligitur de sponsalibus in futurum promissis: sponsalia autem non contrahuntur in futurum, quia non est sufficiens ætas contrahentium: non ergo causa est, quod non exhibetur statim, ut desideret dilatam, sed quia non est sufficiens ætas & habitus corporis ad matrimonium consummandum.

2 Item videtur esse contra Apostolum 1. Corinth. 7. Melius est nubere, quam vri. Cum igitur in dilatione alter coniugum vratur, vel ambo, melius esset, quod statim exhiberetur.

3 Item, Omnis dilatio est ad terminum aliquem qui est in contractibus humanis: videtur ergo, quod huic dilationi deberet terminus assignari.

RESPONSIO. Dicendum, quod sancti patres à principio ita constituerunt, ut litera continet, & propter causam quæ in litera assignatur.

AD PRIMUM autem dicendum, quod frequenter etiam habentes ætatem contrahunt sponsalia de futuro: & de illis purò, quod loquatur: & hoc patet per hoc quia paruuli ante ætatem contrahentes, non suspirarent ad dilationem nuptiarum.

AD ALIUD dicendum, quod non diu differtur: & ideo non potest multum exardescere concupiscentia: non differtur enim nisi ad duos menses, ut patet ex superius inducta decretali: si tamen nimis periculose cresceret tentatio, melius putarem ego saluo iudicio maioris, quod statim matrimonium consummaretur.

AD VLTIMUM dicendum, quod tempus contrahentium habentium ætatem præfixum est à iure, scilicet ad plus duo menses vel vnus, ut supra patuit.

*Quæ sponsa sit vidua mortuo sponso, & quæ non.*

N  
August.  
in lib.  
confes-  
sio. &  
habetur  
27. q. 2.

EST sciendum, quod illa sponsa quæ tantum in futuro est pacta, mortuo sponso non remanet vidua, quia non fuerat vir eius: unde si quis eam duxerit, ad sacros ordines conscendere non prohibetur, quia non duxit viduam. Viduæ enim maritus æquè sicut bigamus, sacerdos fieri prohibetur. Ex tali autem copula nullus arcetur à sacris ordinibus.

*Qui alterius sponsam eo mortuo ducit, ad sacros ordines accedere potest.*

Pelagius  
Papa.  
dist. 34.  
cap. vlti-  
mo.

ECVNDVM hoc intelligendum est quod ait Pelagius Papa, de illo qui mortuo sponso eius sponsam ducit in uxorem. Nihil est, inquit, quantum ad hunc articulum attinet, quod ei obuiet de canonicis institutis, quin ad sacros ordines promoueri valeat. Si verò talis sponsa fuisset, inter quam & sponsum eius consensus de præsentì intercessisset, eo mortuo vidua remansisset,



remanfisset, cui copulatus in coniugio vltcrius ad sacros ordines non accederet, cum viduam duxerit. Non est ergo ambigendum, quin solus de presenti consensus coniugium efficiat, & exinde veri coniuges appellentur. Ideo post talem consensum si quis alij se copulauerit, etiam si carnis commixtio illic sequatur, ad priorem copulam reuocandus est.

# ARTICVLVS XIX.

*An definitio bigamia sit bene assignata?*

**D**Einde quæritur de hoc quod dicit ibi [Viduæ enim maritus æque sicut bigamus sacerdos fieri prohibetur, &c.] Quæritur autem hic quatuor de bigamia. Primo, Quid sit, & vnde dicatur? Secundo, Quot modis fiat? Tertio, Qua ratione ei irregularitas adiungatur? Quarto, Vtrum illa irregularitas admittat aliquam dispensationem?

Ad primum horum proceditur sic: Dictum aliquorum est, quod bigamia est diuisio vnus in non vnam vxorem vel vxores. Videtur autem, quod hæc definitio non valet: quia bigamia opponitur monogamiae: & monogamus diuiditur: ergo bigamia non est diuisio vnus, &c. Probatio mediæ. Omne id quod vnitur alteri à se, oportet quod in se diuidatur: sed omnis homo adhærens vxori, vnitur alteri à se: ergo diuiditur in seipso.

2 Si forte dicas, quod diuiditur in vnam. Contra: Probatio, quod non: quia ipsa etiam diuisa est à se, & vnita viro qui commiscetur ei: ergo diuiditur in non vnam.

3 Item, Nihil videtur dictum, in non vnam: quia dicit Boëtius, quod omnis res est vna: ergo omnis vxor est vna vxor: nullus ergo diuiditur in non vnam.

4 Item, Omne quod est (vt probat Philosophus) est vnum, vel multa: ergo & vxor vel fœmina in quam diuiditur iste, est vna, vel multa: constat autem, quod non multa: ergo vna: falsum ergo est, quod aliquis diuidatur in non vnam.

5 Item, Nunquam dicimus aliquid diuidi in plura quæ non sunt, sed in plura quæ sunt: si ergo nullus diuidatur in plures vxores quæ sunt, nullus diuidetur in plures vxores: sed quæ non simul in eodem tempore sunt, sed vna decessit, & alia superest, illæ vxores plures non sunt: ergo qui primo habet vnam, & post mortem illius aliam, videtur quod ipse non sit diuisus in plures.

6 Item hoc videtur ex verbis Apostoli Rom. 7. & 1. Corinth. 7. Mulier subiecta est legi viri quandiu vir eius viuit: sed diuisio est ex lege: ergo cum absoluitur à lege, absoluitur à diuisione: ergo post mortem eius non est diuisus in eam: si ergo tunc in vnam postea ductam diuidatur, non videtur esse diuisus in plures.

7 Item obijciunt de hoc quod dicit, Vxorem, vel vxores. Diuisio enim sequitur vnus separationem: quia ita dicit Aristot. quod numerum cognoscimus diuisione continui: sed huiusmodi vnio est etiam ad meretricem, vt

dicuntur 1. Corinth. 6. An nescitis quoniam qui adhæret meretrici, vnum corpus efficitur? Ergo consequitur talis diuisio, si pluribus fornicario concubitu coniungatur: ergo qui cum pluribus fornicatur, est bigamus, quod falsum est.

**RESPONSIO.** Dicendum, quod superius *Solutio* inducta definitio est satis bona. Dicitur enim bigamus à bis, & gamos quod est mulier in Græco, quasi diuisus bis iteratus in mulierem: sicut etiam monogamus non sic iteratus, & trigamus ter iteratus, & quadrigamus, & pentagamus, & exagamus, & heptagamus, & poligamus.

**AD PRIMUM** ergo dicendum, quod separatio quæ inest bigamiae, vnitati sacramenti opponitur: vnitas autem sacramenti est indiuiduitas signi: & hæc nunquam melius quam ex signato cognoscitur: signatum autem est duplex, scilicet vnio spiritus fidelis cum spiritu increato, & vnio diuinæ naturæ cum humana in vna persona Christi. Et prima quidem significatur per indiuiduitatem consensus: secunda autem per indiuiduitatem carnis, vt supra patuit in distinctione præhabita. Dicendum est igitur indiuiduitatem signi nihil aliud esse, quam indiuiduitatem consensus, & coniunctionis carnalis. Est autem indiuiduitas consensus à duobus, scilicet quod sit ab indiuiduo, & indiuiduum: & ab eisdem duobus causatur indiuidua coniunctio carnis: indiuiduus autem nullus est, nisi quia se est indiuisus: & similiter indiuidua nulla est mulier, nisi quæ est in se indiuisa: & hæc sola est quæ nullam vnquam in alium habuit coniunctionem per copulam indiuidualem. Et sic patet, quod bigamia est priuatio huius copule indiuidualis, eò quod bigamia sit priuatio indiuiduitatis, sicut cæcitas est priuatio visus. Vnde patet, quod monogamus non habet priuationem indiuiduitatis: quia cum vnica non est nisi vna indiuiduitas, non separata. Ad aliud dicendum, quod ipsa est vnica in huiusmodi indiuiduitate si virgo fuit quando traducta est: eò quod indiuiduitas est matrimonij vt dictum est, potius quam vnus in se personarum quia est sacramenti & signi.

**AD ALIUD** dicendum, quod vnum quandoque dicit vnitatem suppositi, & quandoque vnitatem accidentis: & similiter sit negatio siue priuatio in non vno. Dicendum igitur quod hic negat accidens secundum quod vna in tali signi indiuiduitate & vnitate dicitur, quæ vnus fuit vel est: & non vna quæ plarium fuit vel est, licet semper sit vna secundum suppositum.

**AD ALIUD** dicendum, quod si vnum dicat vnitatem suppositi, tunc verum est, quod nihil



nihil est quod non sit vnum : quia omne quod est, tantum vnum est. Si autem dicat unitatem accidentis oppositi diuisioni prædictæ, tunc multæ sunt mulieres quæ non sunt vnæ : quia non sunt vnica vnus, sicut accipitur Cant. 6. Vna est columba mea : vna est genetrix suæ dilecta, hoc est, vnica.

AD ALIUD dicendum eodem modo, quod de unitate suppositi intelligitur.

AD ALIUD dicendum, quod benè diuiditur aliquid in ea quæ non sunt, sed quæ fuerunt : licet enim non maneat mulier in quam diuisus est vir prius, tamen diuisio manet in ipso quando coniunctus est sequenti : & hoc patet respiciendo in signato per indiuiduam matrimonij : quia unitas naturarum in Christo non est nisi inter duo extrema & semel. Potest igitur tripliciter signum non respondere signato, scilicet si sit quasi vnus, sed non vna : vel si vna, sed non vnus : vel si non semel, sed iste tertius modus non potest esse inter eundem virum & eandem mulierem : quia sacramenta non iterantur super eandem numero materiam : & ita patet, quod sit duobus primis modis. Forma autem argumentandi non valet : quia instantia est, quia si aliquid primo diuidatur, vt lignum in ignem : igne enim non existente diuisio adhuc manet in ligno : & si postea diuidatur, erit bis diuisum : & non erit ibi diuisio vnus in vnicum, quia licet primum cum secundo non sit secundum rem, est tamen quoad effectum quem relinquit in eo in quod ipsum diuisum est.

AD ALIUD dicendum, quod Apostolus intelligit de lege redditionis debiti & obedientiæ, & non de effectu qui relinquitur in viro etiam post mortem mulieris.

AD ALIUD dicendum, quod dupliciter est vnio inter virum & mulierem, scilicet carnalis operis & indiuiduitatis signi. Prima est cum qualibet muliere quæ carnaliter cognoscitur. Secunda autem est cum legitime coniuncta tantum : & ideo sola illa potest facere bigamiam : alia enim non facit nisi per coniunctionem ad istam de iure vel de facto consummato, vt infra patebit.

## ARTICVLVS XX.

### *Quot modis fiat bigamia?*

Secundo quæritur, Quot modis fiat bigamia? Sunt autem super hoc à iure notati quatuor modi : & illi primum accipiantur, & postea obijciatur contra illos. Primus est qui & proprius est, quando aliquis successiue duas uxores habet, quas ambas carnaliter cognouit. Secundus autem improprius modus est, quando duas simul habuit, vnā de facto, & alterā de iure. Tertius est, quando vnā habuit de iure, & illa mortua, aliam duxit de facto, & non de iure. Quartus est, quando aliquis contrahit cum corrupta.

Obijciatur autem primo contra primum modum. Nunquam enim duabus coniungitur, qui coniungitur vni, & non coniungitur alij, nisi solutus ab illa : sed taliter con-

iungitur ille qui accipit duas successiue : ergo videtur, quod nunquam coniungitur duabus : ergo nunquam efficitur bigamus.

2 Item, In antiquis temporibus simul vni plures coniungi poterant in vno vxorio affectu : ergo multo magis plures successiue possunt coniungi vni in vno vxorio affectu : sed vni affectui vxorio respondet vna indiuiduitas sacramenti : ergo in vna indiuiduitate sacramenti potest aliquis coniungi pluribus successiue : cum igitur bigamia non fiat nisi à violatione huius indiuiduitatis, videtur quod talis non efficiatur bigamus.

3 Item, Qui nunquam est nisi vnus, nunquam efficitur bigamus : sed ille nunquam est nisi vnus solius : ergo, &c. Probatio : quia non est dare tempus in quo ille sit duarum : ergo habetur propositum.

IN CONTRARIUM huius est quod habetur in decretis, vbi sic dicit Hieron. Aperiant quæso aures obtrectatores mei, & videant secundas & tertias nuptias in Domino concessisse, &c. Et ita non damno bigamos, imo nec trigamos : sed si dici potest, nec octogamos. Ex hoc accipitur, quod est bigamus, qui secundas vel deinceps nuptias consummat : ergo ille est vnus & proprius modus bigamiæ.

VLTERIUS quæritur de casibus qui sapè sumuntur iuxta hunc modum. Pono enim, quod aliquis ducit vnā per verba de presenti, & antequam consummet matrimonium illa moritur : & postea ducit aliam, & illam cognoscit carnaliter. Videtur enim, quod ille sit bigamus per ea quæ expressè dicuntur in litera ex verbis Magistri & distinctione Nicolai Papæ, quæ sit in litera inter contrahentem cum sponsa alicuius defuncti quæ fuit per verba de presenti.

IN CONTRARIUM autem huius obijciatur id quod Innocent. tertius scribit Meten. Episcopo lib. 1. extra. de bigamis, Debitum pastoralis officij, &c. & infra, Cum ergo propter sacramenti defectum inhibetur sit, ne bigamus aut maritus viduæ præsumat ad sacros ordines promoueri : quoniam nec illa est vnica vnici, nec iste vnus vnus, profecto vbi deficit inter huiusmodi coniuges corporis commixtio, non deest huiusmodi signaculum sacramenti. Vnde is qui mulierem ab alio viro ductam, sed minimè cognitam duxit uxorem (quia nec illa, nec ipse carnem suam diuisit in plures) propter hoc impediri non debet quin possit ad sacerdotium promoueri. Hac decretalis valde est notabilis : quia abrogatur per eam quod dicit Magister in isto capitulo.

VLTERIUS quæritur de secundo. Ille enim non videtur esse casus : quia non est defectus sacramenti, vbi nullum est sacramentum : sed cum ea cum qua contraxit, de facto nullum est sacramentum : ergo non videtur, quod propter hoc fiat defectus sacramenti.

2 Item, Absurdum esset dicere, quod commixtio ad meretricem haberet significare copulationem naturarum in vna persona Christi : ergo illa adhesio qua adheret mulieri de facto, non habet indiuiduitatem aliquam : cuius signum est, quia separatur ab ea quando voluerit : ergo videtur, quod ille nunquam ha-



bet nisi vnam indiuiduitatem cum vnica: ergo ipse non debet reputari bigamus.

*Sed contra.* IN CONTRARIUM huius est quod dicit Hieronym. 3. 1. quæst. 1. Quomodo virginibus. Et infra, Primus Lamech sanguinarius atque homicida vnam carnem in duas diuisit vxores: fratricidium & bigamiam eadem catclysmi pœna deleuit, &c. Ex hoc accipitur, quod qui habet duas simul non de iure, sicut Lamech qui non habuit de iure, nec de diuina inspiratione, bigamus dicitur à Hieronymo.

2. Ad idem facit id quod habetur dist. 3. 4. ex concilio Toleta. Christiano non dicam plurimas, sed nec duas simul habere licitum est, nisi vnam tantum, aut vxorem, aut certè loco vxoris (si coniunx deest) concubinam. Ceterum si non talis concubina fuerit, & ætas illius de quo agitur, futuræ incontinentiæ suspicionem auferre dignoscitur, Apostolica concessione ad ordinem diaconatus prouehi potest. Ex hoc accipitur à contrario sensu, quod si contraxit de facto cum secunda, prohibetur ab ordine, & non nisi propter bigamiam: ergo iste talis est bigamus.

3. Ad idem est quod habetur extra. de diuort. Gaudemus, & est longa decretalis: sed ibi dicitur, quod nulli licet duas simul habere: ergo multo minus vnam de iure, & aliam de facto, quin ipse bigamus reputetur.

*Quæstio- cula 1.* ULTERIUS quæritur de casibus qui reducuntur ad illum. Ponamus ergo, quod habeat vnam de iure, sed non consummauit cum illa matrimonium, sed tantum cum ea contraxit matrimonium per verba de præsentì, & cum alia contraxit de facto, & cognoscit eam: videtur enim, quod iste sit bigamus, quia ipse aut de iure aut de facto habet duas: & qui duas habet, est bigamus: ergo iste est bigamus.

2. Item, Indiuiduitas consensus significans indiuiduitatem animæ fidelis cum Deo, saluatur in illa quam habet de iure: sed cum alia est etiam quædam indiuiduitas carnis: ergo ipse non est vnicus vnus, sed potius duplex duarum: ergo non saluatur in eo ratio sacramenti: ergo ipse est bigamus.

3. Adhuc, Ponamus, quod ipse reuertatur ad primam quam habet de iure: constat, quod ipse tunc est bigamus: cum igitur ante reditum plus peccet contra Deum & contra matrimonium, videtur quod tunc magis debeat bigamus reputari.

*Sed contra.* IN CONTRARIUM est, quod iste actu carnem suam in plures non diuisit: ergo secundum decretalem Innoc. supra inductam, non debet dici bigamus.

ULTERIUS quæritur de tertio casu. Videtur enim, quod ille nullus sit omnino: quia magis est diuidi cum peccato, quam sine peccato: sed si quis diuidatur in plures fornicarias, non efficitur bigamus: ergo videtur, quod nec ille qui vnam habuit de iure, qua mortua, aliam ducit de facto.

2. Adhuc, Ponamus, quod post mortem suæ vxoris multas cognoscat fornicario concubitu, & non contrahat cum aliqua: videtur, quod ille sit magis bigamus, quia nec forma

D. Alber. Mag. in Lib. 4. Sentent.

honestatis in illo saluatur: ergo videtur, quod etiam talis sit bigamus plus quam primus.

IN CONTRARIUM autem huius est, quod *Sed contra.* dicitur extra. de bigamis non or. &c. Et infra, Nos autem in hac quæstione taliter respondemus, quod cum huiusmodi clericis qui quantum in ipsis fuit secundas mulieres sibi matrimonialiter coniunxerunt, tanquam cum bigamis non liceat dispensari, licet, in veritate bigami non existant, non propter sacramenti defectum, sed propter affectum intentionis cum opere subsecuto.

ULTERIUS quæritur de quarto. Quia de illo nulla ratio esse videtur: non enim propter diuisionem alterius ego diuidor: ergo nec propter mulieris diuisionem diuiditur vir: ergo ipse manet vnicus vnus: ergo ipse non est bigamus.

2. Item, Filius non portabit iniquitatem patris, nec pater portabit iniquitatem filij, vt dicitur Ezech. 18. ergo nec vir portabit iniquitatem vxoris, nec è conuerso: ergo nec pœnam bigamiæ: ergo videtur, quod ille non sit bigamus, qui contrahit cum corrupta.

IN CONTRARIUM huius est, quod dicitur *Sed contra.* distinctione 3. 2. vbi Leo Papa contra epistolam Nicetæ Abbatis. Seriatim & aperte prosequamur, quod sancta Romana Ecclesia de gradibus clericorum ait. Clericos, ostiarios, lectores, exorcistas, acolythos, si extra votum & habitum monachi inueniantur, & continentiam profiteri noluerint: vxorem ducere virginem cum benedictione sacerdotali permittuntur: non autem viduam aut repudiatam: quia propter hoc deinceps nec ad subdiaconatum prouehi poterunt: quia nec laicus nisi virginem sortitus vxorem. Ex hoc accipitur, quod siue acceperit viduam siue repudiatam, ipse reputatur vt bigamus irregularis ad ordines sacros.

2. Item 3. 4. distinctione dicit, Curandum est ergo in primis, ne ad sacros ordines (sicut in gestis prioribus ante scriptum est) quisquam qui in vxorem virginem non duxit, aspiret.

3. Ad idem est quod Gregorius Silitano Episcopo scribit sic, Præcipimus ne vnquam illicitas ordinationes facias, nec bigamum, aut qui virginem non est sortitus vxorem, aut ignorantem literas, vel qualibet ex parte corporis vitiatum, vel pœnitentiæ, vel curiæ, aut cuiuslibet conditioni obnoxium, ad sacros ordines permittas accedere: sed si quos huiusmodi repereris, non audeas promouere.

ULTERIUS quæritur hic de casibus qui videntur similes. Ponamus enim, quod aliquis primo defloret aliquam fornicario concubitu, & postea contrahat cum eadem. Videtur enim, quod iste sit bigamus: quia non ducit vxorem virginem, sed corruptam: ergo secundum decreta inducta ipse est irregularis vt bigamus. Hoc videtur confirmari per hoc quod habetur distinctione 3. 2. Nemo ad sacrum ordinem permittatur accedere, nisi aut virgo, aut probata castitatis, & qui vsque ad subdiaconatum vnicam & virginem vxorem habuerit.

2. Ad idem facere videtur 30. quæst. 5. Qualis debeat esse vxor quæ habenda est

FFF secundum



secundum legem, virgo casta, & desponsata in virginitate, & dotata legitime, & à parentibus tradita sponso, & à paranymphis accipienda. Ergo si non sit talis, non videtur esse vnica vnici: ergo contrahens cum ipsa efficitur bigamus: sed supra dicta non est talis: ergo contrahens cum ea, bigamus reputatur.

*Sed contra.* IN CONTRARIUM huius videtur, quod ille in aliam non est diuisus, nisi in istam: ergo non debet reputari bigamus.

2 Ad idem facit quod habetur extra. de bigamis. Debitum, Et est supra inducta decretalis, quæ dicit, quod nisi secundum carnalem concubitum in plures diuidatur, non reputatur bigamus.

*Quæst. 4.* ULTERIVS quæritur de alio casu, scilicet quod si aliquis contrahat cum aliqua, quam credit virginem, & cum consummat matrimonium, non inuenit eam virginem: videtur enim ille non esse bigamus, quia est ibi pura ignorantia facti: ergo si ibi esset etiam peccatum, in toto excusaretur: ergo multo magis excusatur à pœna: ergo non debet reputari irregularis ex hoc ad sacros ordines suscipiendos.

2 Item, In his quæ non aperte mala sunt, intentio nomen operi imponit: sed ille intendit contrahere cum virgine, & facit quod in se est ad hoc, quod contrahat cum virgine: ergo videtur, quod non puniatur irregularitate bigamiæ ex hoc quod non inuenit eam virginem.

*Sed contra.* IN CONTRARIUM huius est decretum Leonis Papæ, quod illæ famulæ Dei, quæ integritatem pudoris oppressione barbarica perdidit, laudabiliores erunt in humilitate ac verecundia, si se incontaminatis non audeant comparare virginibus. Ergo à simili & iste talis non omnino est comparandus monogamis: ergo videtur, quod sit bigamus & irregularis.

*Quæst. 5.* ULTERIVS quæritur de alio casu, scilicet quod aliquis contrahit cum virgine & cognoscit eam: deinde cognoscitur ab alio per adulterium: & maritus ignorans hoc, cognoscit eam. Videtur enim, quod ille non est bigamus: quia est vicus vnus: ergo non est bigamus.

*Sed contra.* SED CONTRA: Illa non est vnica, quæ est diuisa in plures: ergo non est vnica vnus: ergo violauit sacramentum: ergo videtur, quod sit reputandus bigamus.

2 Ad hoc etiam videtur esse quod dicitur distinctione 34. Si cuius vxorem adulterium commisisse cum esset laicus, euidenter fuerit probatum, hic ad ministerium ecclesiasticum admitti non potest. Quod si in clericatu iam eo constituto adulterauit, dato repudio eam dimittere debet. Si vero retinere eius consortium velit, non potest suscepto ministerio perfrui.

3 Ad idem ibidem capitulo sequenti, Si laici vxor in adulterio deprehensa fuerit, hic talis ad ministerium ecclesiasticum nullo modo adducatur. Si autem post ordinationem aliquis clerici vxor adulterata fuerit, dimittat eam. Si autem cum ipsa voluerit permanere, à ministerio sit alienus.

ULTERIVS quæritur de alio casu. Sit *Quæst. 6.* enim, quod maritus vxorem accuset de adulterio, & illa antequam sententia detur, petat debitum, & ille reddat sicut tenetur, & postea sententia dicat eam esse ream. Et quærat, utrum iste sit reputandus bigamus? Videtur, quod non: quia ille facit quod debet: nemo autem punitur pro eo quod facit id quod debet: ergo nec iste: sed magna pœna est irregularitas: ergo iste non efficitur irregularis.

2 Item, Iste non agit, sed potius patitur: passionibus autem non merentur puniri: ergo iste non debet puniri irregularitate.

IN CONTRARIUM est, quod irregularitates non contrahuntur sapè nisi solo facto *Sed contra.* præter voluntatem & peccatum: cum igitur ille non misceatur adulteræ sicut vnicus vnica, videtur, quod ipse bigamus reputandus sit & irregularis.

SOLVTIO. Dicendum ad primum, quod *Solutio.* illi quatuor modi prædicationem bigamiæ per prius & posterius recipiunt: quia primus dicitur propriè: quia in illo sacramentaliter nec vnus est, nec vnus vxoris. Alij autem dicuntur per accessum aliquem ad istum modum, secundum quod potest priuari vnus & vnus. Aut igitur priuatur per similitudinem sacramenti, aut sine similitudine. Si cum similitudine: aut cum successione, aut sine successione. Si sine successione, est casus secundus: & iste imitatur Lamech. Si cum successione, est casus tertius: & iste imitatur secundas nuptias, licet existentiam non habeat, nisi sicut id quod de facto imitatur id quod est de iure, ut saltem formam honestatis seruet coram Ecclesia. Si autem est sine similitudine sacramenti matrimonij quod est inter duas successiue in primis & secundis nuptiis: tunc est quartus casus: & hoc modo particularia iuris ad vniuersalia reducuntur.

DICENDVM ergo ad primum, quod sicut Christo non fuit nisi vnica natura vnita humanæ, & vnione vnica non iterata: ita oportet esse, quod sit in signo: unde cum in tali ipse diuidatur in plures & pluribus vnionibus, patet quod non saluatur sacramentum. Et cum dicitur, quod nunquam est nisi vnum sacramentum, dicendum quod verum est hoc actu, sed tamen successiue sunt duo: sicut nunquam est nisi vna hora diei, & tamen successiue sunt multe.

AD ALIUD dicendum, quod nunquam plures vxores fuerunt vnus secundum perfectum statum matrimonij: sed ex dispensatione diuina licuit quandoque iungi pluribus: & inter illos nunquam saluabatur sacramentum, sicut nec hodie saluatur in bigamis.

AD TERTIUM dicendum, quod iste nunquam est nisi vnus actu: sed tamen diuisus est in plures, quia diuisio manet in ipso, etiam vxore mortua, ut patet ex præhabitis. Hoc autem quod adducitur in contrarium, est concedendum.

AD ID quod obiicitur ad vltiorem casum qui sumitur iuxta istum, dicendum quod *Ad quæstionem.* hodie non tenet hoc quod dicitur in litera, & *lam.* est abrogatum per decretalem Innocentij quæ adducta est in contrarium.



AD ID quod obiicitur de secundo casu, dicendum quod ille bigamus reputatur: quia quantum in se est, operatus est ad hoc quod sit bigamus, & se diuinit in plures. Ad obiectum contra, dicendum quod non oportet, quod in qualibet bigamia sit sacramenti iteratio: sed oportet, quod ibi sit vnio aliqua non vnus cum vnica: & ita est hic, quia vnitur primo cum vna, & ipse postea quantum in se est, vnitur cum alia: & ideo signum non saluatur.

AD ALIUD dicendum, quod nulla indiuiduitas significatur in adhesionem meretricis: & ideo ex coniunctione ad illas ut ad meretrices non contrahitur bigamia: sed in his quibus de facto vel de iure contrahitur indiuiduitas, est signum: quia cum deficit sacramenti forma, violatur: & ideo bigamia incurritur. Obiectum autem in contrarium est concedendum.

AD ID quod queritur de casu iuxta hunc casum inducto: dicendum quod ille meo iudicio non est bigamus, quia non est bigamus, nisi quando consummato matrimonio de iure vel de facto carnem suam diuidit, ut patet ex decretali Innocentij supra inducta. Ad obiectum contra, dicendum quod non sunt ibi diuersae uniones carnales: mentaliter autem solum vnio diuersa bigamiam non inducit.

AD ALIUD dicendum, quod ipse vnica est ut vnica, licet non vnica, quia non est sua: & ideo non est vnica sua: sed tamen quantum ad formam exterioriorem est ut vnica sua: & ideo non est bigamus.

AD TERTIUM dicendum, quod sicut August. dicit super epistolam ad Titum, de sacramento hic agitur, non de peccato. Vnde licet cum peccato adhæreat illi cum qua contrahit de facto, dimissa illa cum qua de iure contrahit: tamen si redit, & cognoscit primam carnaliter, erit caro sua actualiter diuisa, & tunc erit bigamus.

AD ID quod queritur de tertio casu, dicendum quod ille talis, ut probat decretalis in contrarium inducta, bigamus reputatur. Ad obiectum contra, dicendum quod peccatum maius non facit bigamiam: quandoque enim sine omni peccato contrahitur bigamia: & ideo licet ille qui plures cognoscit fornicariè, non efficiatur bigamus: tamen iste bigamus efficitur in quo est sacramenti forma, & non est vnici ad vnica.

AD ALIUD dicendum, quod talis non efficitur bigamus: & non est simile ad propositum, ut patet ex prædictis.

AD ID quod queritur de quarto casu, dicendum quod ille contrahit irregularitatem ut bigamus, & habet quandam modum bigamiae. Ad id autem quod contra obiectum est, dico sine præiudicio, quod ille non diuiditur nisi in vnica: & sacramentum bene manet quantum ad hoc, quod ipse est vnica: sed violatur quantum ad hoc, quod non est vnica sine vnica, quia mulier cum qua contrahit, diuisa est, & sic discordat à natura desponsata in Christo: & ideo est irregularis.

AD ALIUD dicendum, quod bigamia non est iniquitas, sed poena: & ad hoc quod obiicitur, quod est præter culpam: ergo non

est iusta, &c. dicendum, quod poena directe non infligitur nisi pro culpa facta in se vel in pluribus. Hæc autem poena infligitur indirecte, & magis consequitur quoddam aliud, quam infligatur: sequitur enim defectum sacramenti: & hoc bene potest iuste contingere. Sed si ex sententia iudicis infligeretur, tunc non esset iusta, nisi causaretur ex culpa. Ea autem quæ in contrarium adducuntur, sunt concedenda.

AD ID quod ulterius queritur de illo qui contrahit cum illa quam ante deflorauit ipse, dicendum, quod ad vtramque partem sunt opiniones: sed tamen videtur esse dicendum, quod non sit bigamus, propter ea quæ in contrarium inducuntur. Ad id autem quod primo obiicitur, dicendum, quod ipse carnali concubitu non diuiditur nisi in vnica: quia etiam per concubitum qui fuit ante copulam matrimonij, illa non est facta alterius, & ideo non diuisa: sed & ante & modo est vnica sua & vnus sui: & hæc est ratio iuris dicentis non esse bigamum talem: non enim efficitur quis non vnica, nisi per hoc quod non est vnica: nec aliqua efficitur non vnica, nisi per hoc quod est non vnica.

AD IVRA autem quæ allegantur in contrarium, dicendum quod loquuntur de his quæ corrumpuntur ab aliis, & non ab illis eisdem qui podea contrahunt cum eis.

AD ID quod ulterius queritur de illo qui contrahit cum ea quam credit virginem, & inuenit corruptam: dicendum, quod ipse est bigamus.

AD VNO autem obiecta quæ obiciuntur in contrarium, dicendum quod bene sequeretur si de peccato ageretur: sed hic non agitur nisi de sacramento. Ratio autem quare hic est bigamus hæc est, quia sua non est vnica, ut patet ex antedictis. Hoc autem quod in contrarium adducitur, est concedendum.

AD ID quod ulterius queritur de illo qui contrahit cum virgine, quæ cum adulterium cognoscitur perpetrasse, eam ignoranter cognoscit: dicendum quod sicut probatur per canones inductos, ipse est bigamus. Ad id autem quod primo obiicitur, dicendum quod sua non est vnica: & ideo falsum supponitur in obiectio. Vnde obiectio facta in contrarium soluit primam obiectio.

AD ID quod queritur ultimo de illo qui cognoscit eam quam accusat, antequam probetur adulterium, ad petitionem vxoris: dicendum quod ad vtramque partem sunt opiniones, & illarum rationes innuuntur in obiciendo: videtur tamen dictis Sanctorum consentaneum, quod ipse sit bigamus reputandus. Ad id autem quod obiicitur in contrarium, dicendum quod non est poena directe infligenda, sed potius consequens sacramenti defectum: & hoc frequenter innascitur alicui sine peccato.

AD ALIUD dicendum, quod hoc bene excusat peccatum & præiudicium quod sibi generaretur in eam quam accusat modo: sed hic de sacramento queritur: & quia illud deficit, puto quod bigamus est reputandus. Et per hoc patet solutio ad totum.



## ARTICVLVS XXI.

*An bigamia adiungatur irregularitas?*

**T**ertio quæritur, Quæ ratione bigamiæ irregularitas adiungitur? Aut enim hoc fit ratione concupiscentiæ, aut ratione peccati. Non ratione concupiscentiæ: quia in fornicatione cum pluribus maius est signum concupiscentiæ: & tamen non adiungitur ei irregularitas.

2 Item in sodomia & mollitie feruet concupiscentia contra gratiam & rationem & naturam: in fornicatione autem contra gratiam, & non contra naturam, nec contra rationem: sed in bigamia aliqua nec contra gratiam, nec contra rationem, nec contra naturam: cum igitur sodomie non adiungitur irregularitas, videtur quod nec bigamiæ debeat adiungi. Si autem est ratione peccati: adhuc videtur, quod fornicationi potius debeat adiungi: & non fit: ergo nec bigamiæ, ut videtur.

3 Item ut dicit Greg. peccata spiritualia maioris sunt culpæ, quam carnalia, licet minoris sint infamiæ: & illis non adiungitur irregularitas: ergo nec isti.

*Quæstio-  
nula.*

**U**TERIVS quæritur hinc de controuersia quæ est inter Hieronymum, & August. & ponitur in Gloss. 1. Tit. 4. Dicit enim Hier. quod si quis ante baptismum plures habuit, siue vnâ ante baptismum, & aliam post, non sit bigamus. August. autem dicit totum contrarium, quod siue ante, siue post habuit, bigamus debet reputari. Videtur autem obiici pro Hieron. sic, Quicquid sordidum est, deletur in baptismo: sed bigamia est aliquid sordidum: ergo & deletur in baptismo: ergo videtur, quod post baptismum non debeat bigamus reputari.

2 Item, Quod facit quod maius est, videtur etiam posse facere quod minus est: sed maius est expellere omne peccatum, quam purgare bigamiam, & primum facit baptismus: ergo & secundum.

3 Item, In baptismo configuratur homo Trinitati increatæ, ut supra notatum est in quæstione de baptismo: ergo videtur, quod quicquid deformat configurationem illam, totum tollitur: sed bigamia deformat: ergo tollitur, ut videtur.

4 Item videtur, quod etiam bigamia manens non impedit: quia dicit August. super epistolam ad Titum & ponitur in decr. dist. 21. Vnius vxoris vir Episcopus signat ex omnibus gentibus unitatem vni viro subditam: constat autem, quod in collatione omnium gentium multe sunt diuisiones: ergo melius significatur per diuisum, quam per vnicum: sed bigamia diuidit: ergo melius significatur per bigamum, quam per non bigamum.

5 Item, In Ecclesia quæ secundum prius habita verba per Episcopum significatur siue per sacerdotem, perfectio est actiue & contemplatiue vitæ, quæ in duabus vxoribus Iacob, scilicet Lia & Rachel significantur: & non possunt in vna significari: ergo videtur,

quod perfectio Ecclesiæ melius significatur per bigamum, quam per non bigamum: ad minus igitur post baptismum videtur, quod possit ordinari bigamus, ut dicit Hieron.

**I**N CONTRARIUM huius est, quod dicit August. ad Titum 2. in Glossa & dist. 26. sic, *Sed contra.* Acutius intelligunt, qui nec eum qui catholicum vel paganus habuit adulteram, ordinandum esse censuerunt: quia de sacramento agitur, non de peccato propter sanctitatem sacramenti: sicut si femina cathecumena vitata est, non potest post baptismum inter Dei virgines consecrari: ita non absurde visum est bigamum non peccasse, sed normam sacramenti amisisse, non ad vitæ meritum, sed ad ordinationis signaculum.

2 Ad idem ibidem Ambros. Vna tantum nec repetita nobis copula permittitur: & in ipso coniugio lex est non iterare coniugium, nec secundæ coniugis sortiri coniunctionem: quod plerisque mirum videtur, cum etiam ante baptismum iterata coniugia electioni muneris & prærogatiue ordinationis impedimenta generent: cum etiam delicta obesse non soleant, si lauachri remissa fuerint sacramenta. Sed intelligere debemus, quod in baptismo culpa remitti potest, lex coniugij aboleri non potest: in coniugio non culpa, sed lex est. Quod culpæ est igitur, in baptismo relaxatur: quod legis est, in coniugio non soluitur. Quomodo autem potest esse hortator viduitatis, qui & ipse coniugia frequentauerit?

3 Ad idem infra, Bigamus vero in sacerdotem promoueri non debet: non quia deliquerit secundam accipiendo vxorem, sed quia prærogatiua exutus est sacerdotis.

**R**E P O N S I O, quod plures sunt causæ, *Solutio.* quare bigamiæ adiuncta est irregularitas. Vna tamen est vera, & causa aliarum, scilicet quia deficit in eo sacramentum, id est, signum indiuiduæ coniunctionis vnicui ad vnicam: & hoc satis habitum est in præcedentibus & explanatum. Hoc autem trahitur ex decreto August. inducto, Acutius: & ex decreto Ambrosij, Vna tantum: & ex decretali supra inducta de bigamis, Debitum. Aliæ autem secundariæ causæ ad hoc assignantur, quarum vna est propter irregularitatem adiunctam: sed illa causatur ab ista: & hic non est ad propositum, quia hoc est in quæstione quare fit. Tamen quidam assignant hoc pro causa, sicut Iurisperiti, non satis aduertentes in solutione sua petitem esse principium. Vnde pro alia causa assignatur signum incontinentiæ: quia nec refrigerata in eo concupiscentia per primam cessauit vxorem, sed exarsit in secundam. Et hoc trahitur ex verbis Ambrosij inductis in fine capituli, vbi dicit: Quomodo potest esse hortator viduitatis, qui nuptias frequentauerit? Alia causa est excellentia ordinum, quod ad tam excellentem gradum, scilicet ut sit in gradu ministri Christi, non decet admittere eos qui diuisi sunt, & cogitare coguntur quæ sunt vxoris, & quomodo placeant vxori. Et hoc etiam trahitur ex verbis beati Ambrosij, &c. Medium auctoritatis inductæ trahitur etiam ex verbis Apostoli 1. Corinth. 9. vbi de sacerdote dicit, quod omnis qui in agone contendit, ab omnibus se abstinet,



abstinet, &c. Alia causa potest esse: quia licet coitus matrimonialis non sit peccatum, habet tamen concupiscentiæ immunditiam adiunctam: sed in officio ordinis maxima est munditia & congruitas: ergo munditiæ maximæ & immunditiæ iteratæ cum secunda, causa est quod prohibetur promoueri. Et hoc trahitur de hoc quod habetur Isa. 52. Mundamini qui fertis vasa Domini. Et Exod. 19. præcepit Moyses, quod non appropinquarent vxoribus, qui Deum videre voluerunt. Et 1. Reg. 21. vbi Abimelech sacerdos quæsiuit à Dauid cum daret ei edere panes propositionis: si mundi sunt pueri à muricibus. Alia iterum potest esse causa: quia exercitium spiritualium officiorum & præcipue psalmodiarum, gratiam dat prophetiæ, vt dicit Greg. ad illuminationem intellectus: sed exagitatio concupiscentiæ impedit: & ideo cum exagitatio concupiscentiæ denotetur in bigamo, prohibetur ne ordinetur ad diuina officia. Alia iterum & melior omnibus aliis trahitur ex verbis in Ecclesiastica hierarchia Dionysij, in theoria sanctæ synaxeos, id est, communionis: vbi dicit, quod sacerdos est procedens in populum, & rediens ad sanctum altare, sicut Deus procedit in omnem creaturam, & redit in seipsum, non detentus, nec pollutus aliquo. Et ideo sacerdoti prohibetur signum incontinentiæ quod signat detentionem cordis eius in eis quos sanctificare habet & redire in se per contemplationem diuinorum: & si signum affectatæ & perseuerantis concupiscentiæ inueniatur in eo, irregularis reputatur. Aliæ etiam plurimæ huius causæ possunt inueniri: sed istæ sufficiunt ad præsens. Dicatur ergo ad primum, quod hoc principaliter fit ratione sacramenti, scilicet signi violati, & secundario propter signum infirmitatis incontinentiæ adhaerentis sibi ex longo tempore, quod instigat vt contrahat cum secunda.

Ad obiectum contra, dicendum quod in fornicatione & sodomia non est violatio sacramenti: & licet significetur ibi maior feruor incontinentiæ, non tamen ita adhaerens de vna in aliam se ligans propter incontinentiæ infirmitatem.

AD ALIUD patet solutio per idem.

AD ALIUD patet solutio per ante dicta: quia non est propter peccatum, sed propter causam dictam.

AD ID quod vltius quæritur de dictis Hieronym. dicendum quod in hoc Hieronymo contradicatur. Siquis autem eum saluare velit, dicendum quod ipse loquitur quoad faciliorem dispensationem cum illo faciendam, quam cum alio: præcipue si ignorans fuerit, quod talis esset adiuncta irregularitas. Ad id quod pro hoc obiicitur, dicendum quod irregularitas non est aliquid sordium: quia est pœna, non pœna sensus, sed damni: est enim defectus quidam consequens ex violatione sacramenti indiuiduitatis matrimonij, vt patet ex habitis: & ideo non oportet, quod solvatur in baptismo: quia baptismus contra huiusmodi pœnas non ordinatur.

AD ALIUD dicendum, quod illa propositio generaliter intellecta falsa est, nisi  
D. Alb. Mag. in Lib. 4. Sentent.

magis & minus sint eiusdem generis: sicut expugnatio centum hominum & vnus, & comedere centum vvas & vnâ, & huiusmodi: non enim oportet hæc ita se habere quando non sunt eiusdem generis: quia tunc etiam non habent propriè dictam comparisonem: non enim maius est propriè vincere decem homines, quam comedere bucellam panis. Et simile est hic: quia expellere peccatum & expellere pœnam non sunt eiusdem potestatis, nec eiusdem generis: & ideo etiâ non propriè vnū dicitur maius quam alterum: nec oportet si baptismus faciat vnū, quod etiam faciat reliquū.

AD ALIUD dicendum, quod homo configuratur Deo in baptismo, secundum quod ipse est trinus & vnus in se, sed non secundum quod ipse sibi nostram vniuit naturam: & talis configuratio exigitur in eo qui non est irregularis. Vnde nihil est ad propositum quod inducitur.

AD ALIUD dicendum, quod illa obiectio procedit secundum falsum intellectum literæ: quia quidam decreuit ita exposuerunt. Verus autem sensus est iste, quod factum comparatur ad factum: sic quod vnitas Ecclesiæ collectæ habet relationem ad Christum, sicut vnica ad vnicum virum qui est Episcopus, quando matrimoniatus Episcopus efficitur: & tunc non valet obiectio nisi ex parte vxoris facta: & tunc dicendum, quod licet in Ecclesia modo multæ sint varietates personarum & operum, & multæ impuritates admixtæ: tamen signum Ecclesiæ non debet esse impuritatis, sed perfectionis quæ erit in futuro, quando tota vnita erit Ecclesia non habens maculam neque rugam, sicut dicitur Ephes. 5. Contingit autem illa expositio quibusdam decretistis: quia nesciunt soluere vnâ obiectiōem quam faciunt, hanc scilicet, scēmina si corrumpitur per fornicarium concubitus, vel etiam violenter, vt videtur velle Leo Papa, non potest inter sacras virgines consecrari: cum igitur maioris perfectionis debeat esse Episcopus, quam velata scēmina, videtur quod etiam Episcopus non debeat ordinari qui est fornicatus. Ad soluendam illam obiectiōem dicunt, quod velata significat Ecclesiam triumphantem in qua est omnimoda puritas: & ideo oportet eam esse omnino puram. Sed Episcopus militantem significat, in qua sunt multæ impuritates: & ideo Episcopus potest esse impurus, dummodo non sit bigamus: vnde dicitur Matth. 13. Simile est regnum cælorum faginæ missæ in mari, & ex omni genere pisciū congreganti, quam cum impleta esset, educetes & secus litus sedentes, elegerunt bonos in vasa sua, malos autem foras miserunt. Sed vt mihi videtur, tantum valet solutio eorum, quantum & obiectio: quia dicendum videtur, quod idem significatur diuersis modis: vnde virgo velata significat Ecclesiam in custodia amoris & conformitate mentium: & illius est nullum præter eum amatorem admittere vel admisisse: quia aliter non dicitur inter virgines, sed post virgines proximæ: sicut dicit August. in Glossa super illud Psalm. 44. Offerentur regi virgines. Sed Episcopus sponsam significat purgantem & illuminantem & perficientem



perficientem sponsam sibi unitam, ut dicit Dionysius in ecclesiastica hierarchia: & quia typum non est necesse in omnibus implere prototypum, ideo ut dicit Apostolus Hebr. 5. Et ipse potest esse circumdatus infirmitate: & ideo potest habere multas imperfectiones, dummodo non habeat illam quæ tollit sacramentum: sicut & velata potest habere multas imperfectiones inuidiæ, gulæ, & huiusmodi, dummodo careat illa quæ aufert signum coniunctionis in casto amore. Sed secundum eos si virgo debet omnino esse pura, eò quod significat triumphantem, non debet tunc velari inuidia maculata, vel superbia, vel ira, vel auaritia, vel gula: quoniam nihil horum est in Ecclesia triumphante, sicut nec fornicatio.

AD ALIUD dicendum, quod Lia & Rachel concordant in integritate puritatis: & ideo licet fuerint duæ mulieres, non tamen quantum ad hoc significant duos actus Ecclesiæ, sed potius secundum quod in communi ex integro ædificabant domum Iacob, scilicet agendo & contemplando: & licet sit dissimilitudo in typo quoad aliquid, non oportet quod ab illo similitudo sumatur: quia non in omnibus oportet esse simile, quia sic non esset simile, sed idem esset: & ideo hic uxorem vnam decet esse operantem, & contemplantem, & non carere sacramento unitatis. Et per hoc patet solutio ad totum.

## ARTICVLVS XXII.

*An bigamia admittat dispensationem?*

**Q**uarto queritur, Vtrum bigamia admittat dispensationem? Videtur autem, quod non: quia Apostolus dicit, quod oportet Episcopum non esse bigamum: sed in his quæ oportet non esse, non admittitur dispensatio quæ ipsa esse faciat: ergo videtur, quod in bigamia non admittatur dispensatio.

2. Ad idem, Extra. de bigamis non or. & infra, Nos autem in hac questione taliter respondemus, quod cum huiusmodi clericis qui quantum in ipsis fuit, secundas mulieres sibi matrimonialiter coniunxerunt, tanquam cum bigamis non liceat dispensari.

3. Ad idem obiicitur per rationem: facta enim Ecclesiæ debent esse rationabilia: sed irrationabile factum est, quod non habet convenientiam cum eo quod significat: ergo tale non debet esse factum Ecclesiæ: sed si bigamus ordinaretur, careret convenientia: ergo videtur, quod non sit dispensandum cum eis.

4. Item, Dionysius dicit in Ecclesiastica hierarchia, quod in omnibus theletis Ecclesiæ inuisibilia theoremata considerantur. Ergo & in hoc quod est Episcopum vel sacerdotem ordinari: dicit autem Dionysius in eccl. hier. cap. 1. quod inuisibilia sunt principia & scientiæ visibilia: ergo si inuisibilia sunt vnica & indiuidua, oportet quod etiam ipsa visibilia sint huiusmodi, vel non erunt principiata ab illis: sed si dispensetur cum bigamo, erit indiuiduum principium diuini & scientiæ: ergo

videtur, quod ritus Ecclesiæ euacuetur: sed quia hoc est impossibile: ergo non potest dispensari cum talibus.

IN CONTRARIUM huius est quod legitur 34. vbi dicit Martinus Papa, Lector si viduam alterius uxorem acceperit, in lectoratu permaneat: aut si necessitas fuerit, subdiaconus fiat: nihil autem supra si bigamus fuerit. Ergo ad minus ad minorem ordinem sacrum suscipiendum potest fieri dispensatio.

2. Item communiter dicitur, quod Lucius Papa dispensauit cum Panormitano Episcopo qui fuit bigamus: ergo videtur, quod potest dispensari.

3. Item 2. Corinth. 2. Cui aliquid donastis, & ego. Nam & ego quod donavi, siquid donavi, propter vos, in persona Christi. Glossa dicit: Ac si Christus donaret. Sed constat, quod si Christus dispensaret cum bigamo, dispensatum esset: cum igitur Apostolica auctoritas sit in terris, potest adhuc dispensari per eos qui habent auctoritatem Apostolorum.

SED TUNC ulterius queritur, Per quem posset dispensari, Vtrum per Episcopum suum, vel tantum per Dominum Papam? Et videtur, quod per Episcopum: quia illud decretum Martini Papæ supra inductum, non potest intelligi de Papa: quia par in parem non habet potestatem: ergo intelligitur de inferiori, scilicet de Episcopo diocesano: ergo ille in necessitate potest dispensare.

2. Item extra, Qui clerici vel vouentes matrimonium contrahere possunt: vbi Alexand. tertius sic scribit Remensi Archiepiscopo, De diacono, qui in sabbato sancto alium diaconum vulnerauit, & uxorem accepit. Taliter respondemus, quod si contrito & humiliato corde ad Ecclesiam redire voluerit, dimissa illa quam accepit in uxorem, & absolutione obtenta, iniunctaque sibi penitentia de utroque excessu, post eam peractam, dispensatiue poteris ei diaconatus officium reddere: & si perfectæ vitæ & bonæ conuersationis fuerit, eum in presbyterum ordinare. Subdiaconum autem siue hominem interfecerit siue non, matrimonium non posse contrahere sacrorum canonum censura demonstrat. Ex hoc accipitur, quod Episcopus & potest dispensare & reddere executionem ordinis prius suscepti, & ad ulteriorem ordinem suscipiendum dispensare.

3. Item ibidem Alexand. sic dicit, Ex litterarum tuarum tenore accepimus, quod lator presentium in subdiaconatus officio constitutus, quandam sibi in coniugium copulauit, quam eundem abiurare fecisti. Super quo prudentiam tuam in Domino commendamus mandantes, quod si ad monasticum ordinem transire voluerit, & tibi post laudabilem ipsius conuersationem visum fuerit, eum ad maiores ordines promoueri concedas. Quod si ad religionem se transferre noluerit, eum neque in subdiaconatu ministrare, neque ad vteriores permittas ordines promoueri.

RESPONSIO. Dicendum, quod cum bigamo poterit dispensari: & sine præiudicio dico, quod per Episcopum potest dispensari ad minores ordines si necesse fuerit, hoc est, usque



vsque ad subdiaconatum, & quod ministret in  
fulceptis: & sic intelligitur decretum Martin.  
Papæ supra inductum. Vel si bigamus intrat  
religionem propter fauorem religionis & lau-  
dem conuersationis & discursum vitandum,  
potest etiam Episcopus dispensare ad maiores  
ordines suscipiendos. Et in tali casu loquun-  
tur duæ vltimæ decretales Alexand. inductæ.  
Si autem in seculo maneat, ad minores ordi-  
nes suscipiendos dispensare non potest nisi  
solus Papa. Ex hoc patet solutio ad omnia in-  
ducta præter rationes quæ sunt inductæ.


AD PRIMAM illarum dicendum, quod  
Papa in illa decretali restringit potestatem  
Episcopis, non sibi.

AD ALIUD dicendum, quod Ecclesiæ  
factum semper est rationabile: sed ratio varia-

tur secundum statum, quia aliter ratiocinatur  
pro necessitate, & aliter quando abundant mi-  
nistri: & ideo cum minori signo accipit mini-  
stros tempore necessitatis, dummodo sit ido-  
neitas ex parte vitæ.

AD ALIUD dicendum, quod illa congrui-  
tas est de bene esse ordinis, & trahit vim ab  
institutione Ecclesiæ, & non de esse: & ideo  
etiam ab Ecclesia cum talibus potest dis-  
pensari.

AD ALIUD dicendum, quod beatus Dio-  
nysius loquitur de theoriis rheletarum secun-  
dum summum & optimum statum: unde mul-  
ta ponit quæ sunt de bene esse, & non de esse:  
& ideo in talibus dispensare potest vicarius  
Christi in Ecclesia. Et sic patet solutio ad om-  
nia quæ sita de bigamia.



## DISTINCTIO XXVIII.

*Si consensus de futuro cum iuramento faciat coniugium.*



**H**ic quæri debet, Vtrum consensus de futuro, addito  
etiam iuramento, coniugium efficiat? vt si quis  
promittat, vel etiam iuret aliqui se vsque ad tempus  
placitum illam ducturum, & illa promittat vel iuret  
se illi nupturam: nunquid talis sponsio eos coniuges  
facit? Si mutato proposito alter vel vterque ad alie-  
nam copulam transit, nunquid ob priorem sponsionem iuramento  
subnixam, secundæ fœderationis pactum scindetur? Considera quia  
longè aliud est promittere, & aliud facere. Qui promittit, nondum  
facit. Qui ergo promisit se in vxorem ducturum aliquam, nondum  
eam duxit vxorem: & quæ sponndit se nupturam, nondum nupsit.  
Quomodo ergo coniuges appellari possunt, qui nondum contrahunt,  
sed in futuro se contracturos iurando promittunt? Item, Si ex vi  
iuramenti ad futurum pertinentis mox efficiuntur coniuges: cur iurant  
in futuro se facturos quod in præsentī efficiunt? Item, Si ex quo iu-  
rant, mox efficiuntur coniuges, tunc rem hanc efficiunt, quam iurant  
se facturos. Ideo dico, quia coniugium tunc non fuit, sed futurum  
promittitur. Si vero ille post vxorem duxit, & illa marito nupsit,  
coniugium vtrimque fuit, & non potest dissolui. Præcedens ergo  
mendacium vel periurium, pœnitentia est corrigendum, sed coniu-  
gium sequens non est dissoluendum. Non autem sic est, quando  
iuramentum coniugij præsentis consensus attestatone firmatur, quia  
post talem consensum si quis alij se copulauerit, etiam si pro-  
lem procreauerit, & irritum debet fieri, & ipse ad priorem copu-  
lam reuocari.

*Inquiris  
qualiter  
sit ille con-  
sensus  
qui est  
efficiens  
matri-  
monij  
causa,  
ostendens  
quod non  
debet esse  
defecti-  
uus ex  
aliquo  
exteriori.*





## DIVISIO TEXTVS.



**H**ic quæri debet, Vtrum consensus de futuro, &c.] Habito de consensu qui facit matrimonium, hîc agit de consensu confirmato, vtrum perficiat matrimonium si sit de futuro. Diuiditur autem distinctio hæc in duas partes: & in prima agit de quæstione ista, vtrum consensus de futuro faciat matrimonium? In secunda agit de qua re sit consensus. In prima quæstione tangit primo veritatem. Secundo obiicitur in contrarium *ibi* [Præmissæ autem sententiæ.

## ARTICVLVS I.

*An iuramentum cum sponsalibus faciat matrimonium?*

**I**ncidit autem hîc quæstio circa principale quæsitum: & quærentur tria. Primum est, Vtrum iuramentum cum sponsalibus faciat matrimonium? Secundum, Si non faciunt matrimonium, vtrum sponsalia & iuramentum de futuro cum concubitu subsecuto faciant matrimonium? Tertium, Si non faciunt aliquando, quæ pœnitentia sit iniungenda ei qui decipit?

Ad primum obiicitur sic: Si duo sint ordinata ad idem faciendum, si debilius ipsum potest efficere, tunc etiam fortius ipsum potest efficere: sed simplex verbum & iuramentum ordinatur ad obligationem matrimonij faciendam, & simplex verbum debilius est, quam iuramentum: cum igitur simplex verbum efficiat matrimonium, iuramentum multo magis faciet ipsum: ergo videtur, quod iuramentum cum verbo de futuro faciat matrimonium.

2. Item, Maior est Deus homine: sed in iuramento operatur veritas diuina, in simplici verbo veritas humana tantum; ergo iuramentum potius potest quam simplex verbum: ergo iuramentum de futuro facit matrimonium.

3. Si forte dicas, quod hoc est verum de iuramento de præsentis. Contra: Quod præsens est, sub oculis est: ergo hoc non oportet iurare: cum igitur faciat matrimonium, de futuro erit: & sic procedunt rationes præhabita. Constat autem, quod simplex promissio de futuro facit sponsalia: cum ergo iuramentum maioris sit obligationis, aliquid addit iuramentum ultra hoc quam faciunt promissiones simplices: sed nihil est quod adici possit sponsalibus, nisi matrimonium, quia nihil est medium inter sponsalia & matrimonium: ergo videtur, quod iuramentum adiciat ipsum matrimonium, & facit matrimonium.

4. Item Matthæi 5. Reddes autem Domino iuramenta tua: & hoc est in lege diuina: ergo est omnibus modis obseruandum: & si quis veniat in contrarium, reuocandum est in irri-

tum: ergo si quis iurat alicui se eam ducturum in matrimonium, & eam non ducat, sed ducat aliam, sequens reuocandum est in irritum: ergo iuramentum dirimit matrimonium contractum, non ideo nisi quia prius fecit matrimonium: ergo iuramentum cum sponsione futuri facit matrimonium.

3. Item, Iuramentum quod in deteriore non vergit exitum, vt dicit Beda, seruandum est: sed istud iuramentum est licitum, & non vergit in exitum mali: ergo omnino seruandum est: ergo si etiam postea contrahit cum alia per verba de præsentis, videtur quod debet redire ad primam.

6. Item, Maior est obligatio diuina, quam humana: sed in humana obligatione si me obligarem vni, non possem me obligare alteri in præiudicium prioris: ergo multo magis hoc est in diuina: ergo videtur, quod si etiam postea se obliget alteri per verba de præsentis, redeundum sit ei ad primam.

**I**N CONTRARIUM huius ponit Magister *Sed contra.* in litera tres rationes. Vna est: quia quod in futuro promittitur, nondum agitur: sed nuptiæ in futurum cum iuramento promittuntur: ergo nondum aguntur: sed res fit, quando agitur per causam efficientem: ergo nuptiæ nondum fuerunt per causam efficientem: ergo sponsio cum iuramento non est causa efficiens matrimonij.

2. Item, Si ex vi iuramenti mox efficiuntur coniuges, non oportet aliquid addere in futurum illi matrimonio: sed quando nihil agendum est in futurum, frustra iuratur aliquid faciendum in futuro: ergo tale iuramentum quod facit matrimonium, frustra iuratur, quod est inconueniens: ergo & illud est falsum ex quo sequitur, scilicet iuramentum de futuro facere matrimonium.

3. Item, Si iuramentum facit matrimonium: ergo effectum est quod iurant se facturos: sed quod iurant se facturos, adhuc restat faciendum: ergo iam effectum est quod adhuc restat faciendum, quod est impossibile.

**I**D E O dicendum est cum Magistro, quod *Solutio.* iuramentum cum sponsione de futuro non facit matrimonium.

**A**D PRIMVM ergo dicendum, quod prima vera est: sed secunda habet calumniam, eo quod sponsio simplex absolute non facit matrimonium, sed sponsio simplex de præsentis: & bene verum est, quod si iuramentum etiam fiat de præsentis, fortius obligabit: sed sponsio simplex de futuro & iuramentum non sunt ordinata ad matrimonium faciendum, sed sponsalia solum: & ibi iterum iuramentum fortius facit obligationem.

**A**D ALIVD dicendum, quod si esset de præsentis, tunc teneret iuramentum.

**A**D ID quod contra obiicitur, dicendum quod de eo quod est sub oculis secundum quod est sub oculis, non oportet iurare, sed secundum quod non est sub oculis: licet enim vera dicat, dubium tamen est vtrum intendat & corde consentiat, & hoc potest confirmari per iuramentum, vt firmior sit contractus, & hoc modo iuramentum cadit super verba de præsentis. Ad aliud dicendum, quod iuramen-

tum



tum additum sponſioni de futuro, non facit aliquid ſed idem magis confirmat: nullum enim iuramentum fit ad hoc quòd aliquid efficiat, quã id quod dicit verbum, licet ad confirmationem eſt inuentum, ſicut dicit Apoſtolus Hebr. 16. Homines per maiorem ſui iurant: & omnis controuerſiæ finis ad confirmationem eſt iuramentum.

AD ALIUD dicendum, quòd illa ratio nihil plus probat niſi quòd iuramentum tenendum eſt quandiu eſt licitum: & hoc de plano eſt condendum: ſed dicendum, quòd ſtatim quando cum alia contrahit per verba de præſenti, iuramentum efficitur illicitum: & ideo tunc non eſt ſeruandum. Et præceptum quod dicit, Reddes Domino, &c. intelligendum eſt ſecundum quod poſſibile & licitum eſt reddere: & ideo fit hoc, quia matrimonium contractum robur contrahit à ſententia diuina qua dixit, Quos Deus coniunxit, homo non ſeparet: omnes enim perſonæ legitimæ per verba de præſenti contrahentes, coniunguntur à Deo: & ideo iuramentum primum periurium factum eſt: & ideo iniungenda eſt pœnitentia de periurio, & matrimonium ſtat: & hoc modo etiam determinant iura, quod longum eſſet hîc interponere.

AD ALIUD dicendum, quòd iuramentum primo eſt licitum, ſed poſteriori facto illicitum efficitur: quia ſententia Domini violaretur, matrimonium enim ſequens ex firmitate ſententiæ diuinæ roboratum, maius vinculum eſt quam iuramentum primum: & ideo vinculum iuramenti rumpitur, & debet pœnitentia de periurio ſuſcipi.

AD ALIUD dicendum, quòd in omnibus aliis paribus maior eſt obligatio diuina, quam humana: ſed hîc ſunt imparia, quia obligatio diuina eſt in iuramento de futuro tantum: in matrimonio autem eſt contractus de præſenti, firmitatem habens à ſententia diuina. Et per hoc patet ſolutio ad totum,

## ARTICVLVS II.

*An accedente copula carnali ſponſio de futuro faciat matrimonium?*

Secundo quæritur, Vtrum accedente copula carnali ſponſio de futuro cum iuramento faciat matrimonium? Videretur autem, quòd ſic (De hoc planus textus eſt extra. de ſpon. & ma. in c. 16. Qui fidem) quia vnunquodque efficitur actu ipſum conſummante: ſed copula carnalis eſt actus conſummans matrimonium: ergo videtur, quòd in talibus matrimonium efficitur.

2 Item, Sponſio & iuramentum de futuro ſunt de copula carnali: ergo veniente copula carnali fit id quod ſponſum fuit & iuratum de futuro: hoc autem fuit matrimonij perfectio: ergo accedente copula carnali fit matrimonij perfectio.

3 Item, Aliter copulantur præmittentes pacta ſponſalia, & aliter non præmittentes: quia illi ſeruant fidem quam promiſerunt, alij

vero non: ſeruare vero fidem promiſſam honeſtatis eſt matrimonij: ergo videtur, quòd illi copulantur matrimonialiter: ſed copulari matrimonialiter non eſt niſi matrimonij perfectio: ergo videtur, quòd per copulam huiusmodi perficiatur matrimonium.

4 Item, Si in aliis rebus fiat contractus, & poſtea ſoluatur, perficitur quod prius promiſſum eſt: ergo ſimiliter ſe habet in ſponſalibus: ergo copula ſequens perficit matrimonium prius promiſſum, vt videtur.

IN CONTRARIUM ſupra habitum eſt, *Sed contra.* quòd ſolus conſenſus per verba de præſenti facit matrimonium, qui ſi defuerit, cætera etiam cum ipſo coitu matrimonium efficere non poſſunt: conſtat autem, quòd iſte conſenſus hic deficit: ergo videtur, quòd matrimonium non efficitur.

1 Item, Ponamus, quòd aliquis ſponſalia contraxerit, & non intendat conſummare matrimonium: conſtat, quòd iſte non conſentit: ſed ſolus conſenſus verus vel interpretatus facit matrimonium: ergo ille perficit vel conſumat matrimonium.

3 Item, Præter ſponſalia non eſt hîc niſi coitus: ſed coitus eſt fœdus non conſummans matrimonium, quia ſanctiora ſunt coniugia pari voto continentium: ergo per coitum ſolum non efficiuntur coniugia.

4 Item, Idem non eſt conſequens aliquid & faciens ipſum: ſed coitus eſt conſequens matrimonium: ergo non eſt faciens ipſum, Probatio media: quia prima per ſe patet. Sicut dicit Auguſt. quòd coitus excipitur ab honeſtate nuptiarum: quicquid autem excipitur ab aliquo dum fit, eſt conſequens id quod excipit ipſum, & ſic conſtat propositum.

IN CONTRARIUM etiam huius eſt proſolutione, quòd conſenſus interpretatus non ſolum expreſſus facit matrimonium: nullus autem interpretabiliſor eſt illo quo poſt ſponſalia carnaliter conueniunt: ergo ille facit matrimonium, & hic eſt in coitu ipſo: ergo matrimonium aut perficit coitus cum ſponſalibus, aut perficitur ipſo coitu.

2 Item, Auguſtinus dicit, quòd plus eſt dicere facto, quam verbo: ergo etiam plus eſt conſentire facto, quam verbo: ſed in coitu cum ſponſalibus præcedentibus conſentitur facto: ergo cum conſenſus per verba expreſſus facit matrimonium, multo magis facit matrimonium per factum expreſſus conſenſus.

RESPONSIO. Ad hoc dicendum videtur, *Solutio.* quòd interpretatus conſenſus eſt ſi poſt ſponſalia carnaliter conueniunt, habentes ætatem & habitum corporis ad potentiam coeundi: & puto, quòd facit matrimonium, niſi diſſenſus matrimonij ab vtroque aut altero exprimitur.

AD ID autem quòd primo obiicitur, dicendum quòd vis eſt in hoc quòd dicit, quòd ſi defuerit, &c. hic enim non intelligitur de eſſe niſi proteſteretur: imo verifiſimiliter intelligitur ad eſſe: ſufficit enim coniectura vehemens iudici, ſicut probatur in rhetoricis.

AD ALIUD dicendum, quòd ſi non intendit & exprimit: tunc planum eſt, quòd non eſt matrimonium. Si autem non intendit &

non



non exprimit: tunc quoad eum non est matrimonium, & alter excusatur propter ignorantiam facti.

AD ALIUD dicendum, quod propter coitum est consensus interpretatus qui facit facit matrimonium.

AD VLTIMUM dicendum, quod coitus in tali matrimonio est natura consequens & tempore concomitans: & hoc sufficit, quia in multis etiam secundum naturam est ita.

## ARTICVLVS III.

*Quæ pœnitentia venit iniungenda ei qui exprimit verba consensus & non intendit: & ita decipit eum cum quo videtur contrahere?*

**T**ertio quæritur, Quæ pœnitentia debeat iniungi ei qui exprimit verba consensus, & non intendit, & ita decipit eum cum quo contrahere videtur? Videtur autem, quod nulla nisi ut ex corde contrahat matrimonium: quia non dimittitur peccatum nisi restituatur ablatum, ut supra in tractatu de pœnitentia est habitum: sed iste abstulit illi matrimonium: ergo oportet ipsum restituere. Si dicas, quod non: quia potest contrahere cum alia. Contra: Ipse fortè deflorauit eam, & tunc non adeò bene potest contrahere sicut quando fuit virgo: cum igitur virginitatem restituere non possit, videtur quod tenetur eam ducere in matrimonium.

2 Item, Dolus nulli debet patrocinari: sed iste commisit dolum: ergo non debet sibi patrocinari: ergo debet condemnari in pœnitentiam, ut stet matrimonium.

*Sed contra.* IN CONTRARIUM huius est quod Dominus Exod. 22. Non condemnat eum qui

deflorauit virginem determinatè ad hoc ut habeat eam uxorem, sed quod vel habeat eam, vel provideat ei de nuptiis si libera est. Ergo cum Noui Testamenti minus sit condemnare quam Veteris, videtur quod nec Nouum debet determinatè condemnare ad hoc quod habeat eam uxorem.

2 Item, Ponamus, quod ipse post deceptionem primæ secundum veritatem contraxerit cum secunda: videtur tunc, quod non possit separari à secunda: ergo non semper condemnandus est ut ducat primam quam deflorauit.

3 Item, Ex distantia conditionis vel fortunæ facile innotescit deceptio, sicut si liber promittendo decipiat ancillam, & diues pauperem: facile est enim tunc aduertere, quia non intendit corde quod dicit ore: ergo tunc videtur, quod non in toto decipitur: quia per exteriora de interioribus coniecere posset, si veller & concupiscentia cor suum non excæcaret: ergo videtur, quod in tali casu non sit condemnandus, nisi sicut pro simplici fornicatione & mendacio verbi: neutrum autem illorum condemnatur, quod vel ducat eam, vel provideat ei de nuptiis: ergo videtur, quod dicens verba cum deceptione, non semper tenetur ducere illam vel de nuptiis provideere.

*Solutio.* RESPONSIO. Dicendum sine præiudicio, quod si sit æqualitas utrarumque personarum & conditione & fortuna, vel & ex parte personæ deceptæ sit melior fortuna, & decipiens non contraxit cum alia: debet deceptoriniungi, quod ex corde contrahat, vel de nuptiis provideat, sicut probant primæ obiectiones. Quod si non fecerit, puto quod peccet mortaliter. Decepta autem in tali coitu excusatur per ignorantiam facti: quia ut suum admisit eum. Si autem sit distantia personarum multa, videtur mihi, quod ad neutrum tenetur, sicut vltima probat obiectio. Et ex hoc patet solutio ad omnia obiecta.

*Quæ videntur obuiare præmissis.*

**I**N RÆMISSÆ autem sententiæ videtur obuiare illud quod leges tradunt, Siquis tactis diuinis Scripturis iurauerit mulieri se legitimam uxorem habiturum, vel etiam si in foratorio tale sacramentum dederit, sit illi legitima vxor quamuis nulla dos, nulla alia scriptura interposita sit. Sed hic ostenditur quid fieri vel esse debeat, non quid tunc fiat. Non enim per illud iuramentum tunc fit vxor, sed fieri debet, quia iuratum est. Potest & de illo iuramento hoc dictum intelligi vbi de præsentis consentiunt ac se inuicem suscipiunt. Illi etiam sententiæ qua dictum est, solum consensum facere coniugium, videtur obuiare quod Euaristus Papa ait: Aliter legitimum non fit coniugium, nisi ab his qui super foeminam dominationem habere videntur, & à quibus custoditur vxor petatur, & à parentibus sponsetur, & legibus dotetur, & à sacerdote (ut mos est) benedicatur, & à peranympis custodiatur, ac solenniter accipiatur. Item, Ita legitima scitote esse connubia: aliter verò

*In aut. quibus mona. eff. le. s. pen. col. 6. & allegatur 30. q. 5. Si quis. Determinatio. 30. q. 5. c. Aliter.*

*30. q. 5. c. Nec aliud. s. Sed obiciatur.*



verò præsumpta, non coniugia, sed adulteria vel fornicationes sunt, nisi voluntas propria suffragata fuerit, & vota succurrerint legitima. Hoc autem non ita intelligendum est, tanquam sine enumeratis non possit esse legitimum coniugium: sed quia sine illis non habet decorem, & honestatem debitam. In huius enim sacramenti celebratione, sicut in aliis, quædam sunt pertinentia ad substantiam sacramenti, ut consensus de præsentī qui solus sufficit ad contrahendum matrimonium: quædam vero pertinentia ad decorem & solennitatem sacramenti, ut parentum traditio, sacerdotum benedictio, & huiusmodi: sine quibus legitime fit coniugium, quantum ad virtutem, non quantum ad honestatem sacramenti. Sine his ergo non quasi legitimi coniuges, sed quasi adulteri vel fornicatores conueniunt, ut illi qui clanculo nubunt: & utique fornicatores essent, nisi eis suffragaretur voluntas verbis expressa de præsentī, quæ legitimum inter eos facit matrimonium. Nam & consensus occultus de præsentī per verba expressus, coniugium facit, licet non sit ibi honestus contractus, sed matrimonium non sanxit consensus, qui in occulto fuit. Si enim alter alterum dimiserit, non cogitur iudicio Ecclesiæ redire, & commanere quasi cum coniuge, quia non potest probari testibus contractus, qui in occulto est factus. Quod si ipsi qui in occulto sibi consenserunt, eundem consensum voluntariè in manifesto profiteantur, tunc utique propria voluntas suffragatur, & legitima vota succurrunt ad sancendum coniugium, quod prius occultè fuerat contractum. Voluntas ergo verbis expressa in occulto ad hoc suffragatur, ut fiat coniugium: manifestè verò expressa suffragatur, ut sanciat & roboret, ac liberum sit Ecclesiæ de hoc iudicare si expedierit.

#### ARTICVLVS IV.

*An filiafamilias potest inuitis parentibus  
tradi marito.*

**D**Einde quæritur de hoc quod dicit ibi [Aliter legitimum non fit coniugium, nisi ab his qui supet fœminam videntur habere dominationem, &c.] Videtur enim hoc esse simpliciter verum: res enim in potestate alterius existens, non transfertur ad alterum, nisi illo donante in cuius potestate est: sed filiafamilias est in potestate parentum: ergo non debet dari marito nisi dantibus parentibus.

2 Item, 30. q. 2. dicit Leo Papa qualis debet esse vxor, quæ secundum legem habenda est virgo casta, & desponsata in virginitate, & dotata legitime, & à parentibus tradita sponso, & à paranympis accipienda. Ex hoc patet, quod non est coniunx nisi à parentibus tradita sit: ergo verum est quod dicitur in litera.

3 Item ex concilio Carthaginensi, Sponsus & sponsa cum benedicendi sunt à sacerdote, à parentibus vel paranympis offerantur in Ecclesia sacerdoti. Ex hoc sequitur idem quod prius. Si dicas fortè, quod verum est quoad solennitatem, ut dicit hic Magister, sed non quoad esse matrimonij. Contra, Ibidem dicit

Gratianus, His omnibus auctoritatibus occultæ prohibentur nuptiæ: atque ideo cum contra auctoritatem fiunt nuptiæ, pro non factis haberi debent. Patet ergo, quod si non sint ista in nuptiis quæ hîc dicit, nuptiæ non sunt: non ergo sunt tantum de solennitate, sed etiam de essentialibus.

4 Item, Philosophus dicit, quod sperma emissum ab homine, filio assimilatur egredienti de domo patris: quia illud partem habet substantiæ à patre, & hanc multiplicat per augmentationem sanguinis menstrui: sicut filius partem substantiæ accipit à patre, & hanc multiplicat per lucrum extra domum: constat autem, quod sic egrediens & de potestate patris egreditur, & ea quæ patris sunt, asportat secum: ergo oportet, quod hoc sit de consensu patris: talis autem est egressus ad nuptias: ergo videtur, quod oporteat fieri nuptias de consensu patris.

5 Item, Genes. 24. postulata est Rebecca à parentibus: ergo videtur, quod hoc incassum fieret, si parentum consensus non operatur ad coniugium.

6 Idem patet Tobie 3. vbi Sara à parentibus postulat.

7 Item, Aut placet Deo statutum Ecclesiæ, aut non: constat autem, quod placet: ergo omittens statutum Ecclesiæ, peccat contra Deum: sed statutum est Ecclesiæ, ut à parentibus



tibus petatur: ergo non petens eam à parentibus, peccat contra Deum: sed nullum omnino peccatum contra Deum est stabile: ergo tale coniugium non est stabile: sed omne matrimonium est stabile: ergo nulla coniunctio quæ est sine parentum consensu, est matrimonium.

8 Item, Honesti & inhonesti modus idem esse non potest: sed matrimonium est honestum, & fornicatio inhonesta: ergo non sunt eiusdem modi: sed fornicationis modus est clanculo fieri sine parentum consensu: ergo ex opposito erit matrimonium cum consensu parentum & benedictione sacerdotis.

*Sed contra.*

IN CONTRARIUM huius est quod supra habitum est, quod solus consensus de præsentis facit matrimonium: ergo non exigitur parentum consensus.

2 Item, Licet filia sit in potestate parentum quoad aliquid, non tamen quoad omnia, quia non est ancilla vel serua eorum: constat autem cum non sit eorum serua, quod suum & non alterius est dare id in quo non est alterius nisi suum: hoc autem est corporis communis seruitus in officio matrimonij, quia sic non est sub patre: ergo ad hoc, quod in hoc efficiatur alterius, solus operatur suus consensus.

*Solutio.*

RESPONSIO. Consentiendum est his ultimis rationibus, & præcipue secundæ: quia illa dicit totam causam eius quam Magister determinando dicit in litera.

AD PRIMUM ergo quod contra hoc est, dicendum quod non est in potestate parentum ad possidendum, sed ad educandum & dirigendum usque ad ætatem adultam.

AD ALIUD dicendum, quod decretalis inducta intelligitur de matrimonio, de quo iudicat Ecclesia, & non de matrimonio secundum sui primum esse: sed potius prout cadit sub iudicio Ecclesiæ secundum maximam sui honestatem.

AD ALIUD dicendum, quod Gratianus loquitur secundum iudicium Ecclesiæ: quia Ecclesia pro non matrimonio habet, nisi ei consensus innorescat: quia aliter censura ecclesiastica tanquam fornicatores eos abinuiem discedere compelleret.

AD ALIUD dicendum, quod in parte simile est, & in parte dissimile: non enim potest habere substantiam filius quam non dat

ei pater, & in hoc est simile: sed tamen quia habet in se potestatem quoad debitum corporis dandum cui vult, in hoc est dissimile.

AD HOC quod ulterius obiicitur, dicendum quod sicut dicitur in fine eiusdem capituli, vocata fuit puella, & quæritus eius consensus: unde consensus parentum facit de bene esse.

AD ALIUD dicendum, quod secundum dictum Magistri Hugonis per legem Pandectarum confirmatum, Sara consensusit, quando patri non contradixit: & huiusmodi sapè fit per parentes, quia puellæ per se talia facere vercundantur.

AD ALIUD dicendum, quod Deo placet omne factum Ecclesiæ quod verè Ecclesiæ est: & iste peccat clam contrahens, sed non peccat contrahens: & ideo hoc quod peccatum est, non manet, quia publicatur: sed hoc quod non fuit peccatum, scilicet contractus ex utriusque coniugis consensu procedens, manet firmus & ratus.

AD ALIUD dicendum, quod non est idem modus substantialis honesti & inhonesti: quia in fornicatione non est contractus & consensus matrimonialis, sed in matrimonio: & sic modus substantialis non est idem. Modum autem accidentalem nihil prohibet esse eundem, sicut & in multis aliis vitiis & virtutibus: sicut idem est modus largitatis & auaritiæ in retinendo retinenda.

## ARTICVLVS V.

*An consensus qui fit in occulto, sanciat matrimonium, vel solum ille qui fit in publico?*

DEINDE quæritur de hoc quod dicit [Sed matrimonium non sanxit consensus, qui in occulto fuit, &c.] Videtur enim hoc esse falsum: quia illud sanxit matrimonium, quod efficit ipsum: sed consensus facit ipsum: ergo etiam sanxit.

AD ILLUD dicendum, quod Magister loquitur de confirmatione in iudicio Ecclesiæ, non in iudicio pœnitentia: quia in illo factis sancitum est per consensum in occulto factum, sed de iudicio fori causarum loquitur litera.

*De qua re sit consensus ille: an de carnali copula, an de cohabitatione, an de alio.*

27. q. 2.  
c. Subi.  
ciat. 6.  
Camer.  
go inter  
istos.  
Aug. lib.  
de sancta  
virginitate.  
cap. 5.  
Luc. 1.

**I**C quæritur, Cum consensus de præsentis faciat, cuius rei consensus sit ille: an carnalis copulæ, an cohabitationis, an utriusque? Si cohabitationis consensus matrimonium facit, tunc frater cum sorore, pater cum filia potest contrahere matrimonium. Si carnalis copulæ: tunc inter Mariam & Ioseph non fuit coniugium. Proposuerat enim Maria in virginitate manere, nisi Deus aliter facere iuberet: secundum quod videtur Angelo dixisse, Quomodo fiet istud, quoniam virum non cognosco, id est,

me



me non cognituram proposui. Neque enim quia virum tunc non cognoscebat, necesse erat inquiri quomodo posset habere filium: sed quia se nunquam cognituram proposuerat. Dicit enim Beda, quòd in virginitate manere disposuerat. Si ergo contra suum propositum post consensit in carnalem copulam, videtur facta voti rea, mente, etsi non opere violata. Dicamus ergo, quòd consensus cohabitationis vel carnalis copulæ non facit coniugium: sed consensus coniugalis societatis, verbis secundum præsens tempus expressus: ut cum vir dicit, Ego accipio te in meam, non dominam, non ancillam, sed coniugem. Quia enim non ancilla vel domina datur, ideò nec de summo nec de imo à principio formata est, sed de latere viri ob conjugalem societatem: ne si de summo fieret, ut de capite, videretur ad dominationem creata. Si vero de imo, ut de pedibus, videretur ad seruitutem subiicienda. Sed quia nec dominam, nec in ancillam assumitur, facta est de medio, id est, de latere: quia ad conjugalem societatem assumitur. Cum ergo sic conueniunt ut dicat vir, Accipio te in meam coniugem. Et dicat mulier, Accipio te in meum virum: his verbis vel aliis idem significantibus exprimitur consensus, non copulæ carnalis vel cohabitationis corporalis: sed coniugalis societatis: ex qua oportet eos cohabitare, nisi fortè causa religionis pari voto corporaliter separentur vel ad tempus, vel usque in finem.

Super  
Lucam  
cap. 3.  
ad cap. 1.  
Lucæ.  
Ecce in  
quam  
rem fuit  
ille con-  
sensus.

# ARTICVLVS VI.

*An consensus sit in carnalem copulam?*

**D**Einde quæritur de hoc quod dicit [ Sed quæritur, Cum consensus de præsentim matrimonium faciat, &c. ] Videtur enim, quòd consensus sit in copulam carnalem: consensus enim matrimonij rati ordinatur ad consummans matrimonium: sed matrimonium consummatur per copulam carnalem: ergo videtur, quòd sit consensus in illam.

2 Item Genes. 2. dicit Adam, Erunt duo in carne vna: sed hoc non fit nisi per carnalem copulam: ergo secundum prophetiam inspirationis diuinæ consensus est in copulam carnalem.

3 Item, Præcipuum inter bona matrimonij, est bonum prolis: hoc autem principaliter intenditur: ergo ad hoc principaliter consentitur, sicut probatur Tobia 8. vbi dicit, Sola posteritatis dilectione in qua laudetur nomen tuum: sed non potest fieri proles nisi per copulam carnalem: ergo videtur, quòd ad illam principaliter consentitur.

4 Item, Nuptiæ sunt bonum mortalium: sed mortalitati non subuenitur nisi per coitum: ergo consensus matrimonij est principaliter ad coitum.

5 Item, Significatio imperfecta reducit ad perfectam, sicut omne imperfectum ad perfectum necesse est reduci: sed matrimonium in quo tantum est consensus animorum, est significationis imperfectæ, ut supra habitum est distinctione 26. & matrimonium commix-

*D. Alb. Mag. in Lib. 4. Sentent.*

tionis corporum est significationis perfectæ: ergo illud ordinatur ad istud sicut perficiens & complens: sed primum est in consensu, & secundum in concubitu: ergo consensus est ad concubitum: & sic habetur propositum.

6 Item, Detur, quòd ordinetur tantum in societatem conjugalem, ut dicit Magister in litera: sed societas conjugalis non impedit conuolationem ad frugem melioris vitæ: ergo post cohabitationem societatis conjugalis alter coniugum inuito altero ad religionem transire posset, quod falsum reputant multi.

7 Item, Instantia quam fert in litera, nulla esse videtur: quia ab omnibus dicitur & creditur beata Virgo commisisse Deo votum suum seruandum, vel non seruandum: ergo ipsa consensu suo ordinauit se in potestatem viri, si debitum vellet petere: ergo instantia nulla videtur.

IN CONTRARIUM horum est, quod dicitur in litera. Et præterea quod dicit Augustinus, quòd sanctiora sunt coniugia pari voto continentium: ergo etiam meliora sunt: sed vnumquodque ordinatur ad melius sui: ergo potius ordinatur matrimonium ad continentiam, quam ad concubitum: ergo consensus ad concubitum non ordinatur.

RESPONSIO. Dicendum, quòd Magister dicit verum. Tamen quidam dicunt, quòd consensus in communi sit ad carnalem copulam, & ad cohabitationem, non quamcunque, sed maritalem: & bene puto, quòd illi expressius dicunt. Sed pro Magistro est, quòd copula carnalis nisi impediat votum vtriusque, includitur

*Sed contra.*

*Solutio.*

G G g



eluditur in maritali societate, & ita duæ solutiones reuertantur in idem; sed prior est expressior.

AD PRIMVM ergo dicendum, quod coitus non est consummans matrimonium in esse primo, sed in esse secundo, quod consistit in habenda thori conjunctione, vt patet ex dictis supra distinctione 25.

AD ALIYD dicendum, quod Adam dixit hoc ratione status qui tunc fuit, & non propter essentialia matrimonij: quia tunc non erant nisi duo homines, & necessaria fuit multiplicatio: non tamen voluit dicere, quod non esset matrimonium sine hoc.

AD ALIYD dicendum, quod bonum prolis est effectus consequens ex quodam actu matrimoniali, & non consequens matrimonium immediatè, sed post opus & actum eius quendam, vt dictum est: & ideò hoc non ostendit, quod consummetur per illud in esse, nec quod ad hoc fit, sed potius est ad suum optimum, quod est significatio vnionis duplicis de qua habitum est supra: hæc enim multo melior est, quam bonum prolis.

AD ALIYD dicendum, quod nuptiæ sunt bonum mortalium secundum statum matrimonij post culpam: tamen etiam si non esset culpa, adhuc nuptiæ bonum essent hominum: & ideò accidit matrimonio. Nihil autem est ad hoc quod ei accidit, sed potius ad finem suum substantialem.

AD ALIYD dicendum, quod ibi fit fallacia figuræ dictionis: perfectè enim significat hoc, quod significat matrimonium perfectum, sed non tot, quot consummatum: & ideo mutatur ibi discretum in continuum, & ideo non valet processus.

AD ALIYD dicendum, quod non reputatur hoc inconueniens, quod transeat ad religionem: quia tunc moritur spiritualiter, & alter absoluitur à vinculo matrimonij: tamen postquam cohabitauit, Ecclesia compellit eum stare cum alio, nisi etiam ille consentiat: & hoc ideo, quia non est certa, quod continuerunt cohabitantes de pari consensu.

AD ALIYD dicendum, quod instantia bona est: quia probabile est, quod fuit ei reuelatum de Ioseph, quod etiam ipse fuit in simili voto. Et quod dicunt Sancti, quod commisit Deo virginitatem: dicendum quod hoc fecit propter statum legis & diuinum imperium, si forte aliud iuberet Deus.

## ARTICVLVS VII.

*An vir sit Dominus suæ uxoris?*

**D**Einde quæritur de hoc quod dicit [Quia non de capite vel de pedibus, &c.] Videtur enim, quod de excellentissimo loco sumpta sit: quia sicut dicit Basilius & Aristot. Cor est principium vitæ & generationis in homine. Cum igitur sumpta sit de eo quod est iuxta cor, videtur quod traditum sit ei dominium. Si dicas, quod non de corde, sed de costa sumpta est. Contra: Costæ munimen-

ta sunt cordis & ventris: ergo videtur, quod mulier debet munimentum viri: & non est, sed potius è conuerso: ergo videtur, quod ex mala parte sit sumpta.

2 Item, Philosophus dicit, quod extraneissimus modus habendi est, quo vir habet uxorem: ergo videtur, quod non propriè habet eam: sed omne superius ad aliquid gubernans ipsum, propriè habet illud: ergo vir non est superior ad mulierem: ergo non est caput eius, sicut caput est caput lateris & gubernaculum. Item 2. ethic. dicitur, quod iustitia dominatiua non propriè est inter virum & uxorem: ergo non propriè est Dominus: ergo nec caput: ergo videtur, quod ex æquali parte vel terræ vel corporis sumpta esse debuit.

3 Item, Quorum vtrumque habetur ab alio, illa sunt æqualia: sed inter virum & mulierem sic est: ergo vtrumque est æquale vtrique: ergo de æqualiter altis partibus sumi debuerat.

4 Item, In his quæ matrimonij sunt, sunt æquales: ergo etiam in factura corporali æquales esse debebant.

IN CONTRARIUM est quod dicit Dominus Genes. 3. Sub viri potestate eris, & ipse dominabitur tui. Et 1. Corinth. 11. Caput mulieris vir. Et 1. Timoth. 2. Mulieri dominari in virum non permitto. Ergo videtur, quod non de altiori parte corporis debuit assumi. Sed contra 172.

RESPONSIO. Dicendum, quod Magister *Solutio*, benè dicit in litera, & est ratio Augusti.

AD PRIMVM ergo quod contra obicitur, dicendum quod non consideratur hic dignitas primi mouentis siue influentis vitam, sed potius dignitas altitudinis in situ membrorum quæ manifestè apparet hominibus.

AD ALIYD dicendum, quod causa dicti Philosophi est, vt ipse in quinto ethicæ exponit, æqualitas iuris in dominio & iuribus matrimonij inter virum & mulierem, cum nihil propriè habeatur nisi quod vt proprium possidetur: habetur tamen quoad vsum regiminis & debitum in corpore. Ad hunc vsum etiam mulier habet virum: & iste modus etiam est extraneus.

AD ALIYD dicendum, quod licet vterque coniugum habeatur ab alio, non tamen vterque gubernatur ab alio: & ideo gubernans capitis dignitatem solus retinuit.

AD ALIYD dicendum, quod verum est, quod in his quæ pertinent ad debitum matrimonij, sunt æquales: sed in gubernatione domus & familiæ sunt inæquales. Et sic patet solutio ad totum.



## DISTINCTIO XXIX.

*Coactio excludit consensum conjugalem.*

**P**ORTET autem consensum conjugalem liberum esse à coactione. Coactus enim consensus, qui nec consensus appellari debet, coniugium non facit, sicut testatur Urbanus Papa scribens Sanctio regi Arragonum in hæc verba, De neptis tue coniugio quam te cuidam militi daturum necessitatis instante articulo sub fidei pollicitatione confirmasti, hoc æquitate decreuimus: ut si illa virum illum omnino (ut dicitur) renuit, & in eadem voluntate persistit ut viro illi se prorsus deneget nupturam: nequaquam eam inuitam ac renitentem eiusdem viri cogas coniugio copulari. Idem, Si verum esse constiterit, quod nobis legati Iordanis principis retulerunt, scilicet quod ipse coactus & dolens filiam suam flentem & pro viribus renitentem, Raynaldo desponsauerit: quoniam legum & canonum auctoritas talia sponsalia non approbat, ne ignorantibus leges & canones nimis durum videatur, ita sententiam temperamus, ut si princeps cum assensu filię id quod ceptum est perficere voluerit, concedamus. Sin autem legatus noster utrasque partes audiat, & si nihil fuerit ex parte Raynaldi quod amplius impediat, ab ipso Iordane sacramentum, quo consent hæc quæ dicta sunt, accipiat. Et nos canonum & legum scripta sequentes, deinceps non prohibemus, quin alij viro si voluerit, prædicta eius filia tantum in Domino nubat. Ex his apparet coniugium fieri inter consentientes & spontaneos, non inter renitentes & inuitos. Veruntamen qui inuiti & coactè coniuncti sunt, si postea ab aliquo temporis spatio sine contradictione & querimonia cohabitauerint, facultate discedendi vel reclamandi habita, consentire videntur: & consensus ille consequens supplet, quod præcedens coactio tulerat.

A  
Consensus qui est efficiens matrimonij causa, non debet esse defectivus ex aliquo interiori, scilicet voluntate. Urbanus Papa 31. q. 2. c. De neptis. Ibidem c. Si verum.

*In libro pandectarum.*

**C**ONSENTIRE autem probatur, qui euidenter non contradicit, secundum illud, In sponsalibus eorum consensus exigendus est, quorum in nuptiis desideratur. Intelligitur tamen semper patri filia consentire, nisi euidenter dissentiat. Item, Sponsalia, sicut nuptiæ, consensu fiunt contrahentium. Et ideo sicut in nuptiis, ita & in sponsalibus patrisfamilias filiam consentire oportet: quæ si patris voluntati non repugnat, consentire intelligitur.





## DIVISIO TEXTVS.



PORTET autem consensum coniugalem, &c.] In duabus distinctionibus hic sese consequentibus Magister remouet duo impedimenta consensus qui facit matrimonium: secundum enim, quod consensus procedit à voluntate, excludit ipsū coactio, & de hoc hic agit in prima: secundum autem quod procedit à ratione, excludit ipsum error, & de hoc hic agit in sequenti distinctione. Item in ista facit tria. Primo enim ostendit, quod coactio excludit consensum qui facit matrimonium. Secundo agit de consensu posterius ad matrimonium accedente *ibi* [Veruntamen qui inuiti & coacti, &c.] Tertio agit de consensu interpretatio *ibi* [Consentire autem probatur, &c.] Et per hoc satis plana sunt quæ dicuntur in litera. Incidit autem hic quæstio de principaliter quæsito in litera: circa quod quinque quærantur. Primum est, Quid sit vis siue coactio? Secundum de diuisione coactionis. Tertium, Vtrum aliqua coactio cadat in constantem vim vel non? Quartum, Vtrum coactio vel vis euacuat matrimonij consensum? Quintum, Vtrum in eo qui vim patitur, aliquod relinquat peccatum, & qualiter illud sit emendandum?

## ARTICVLVS I.

*Quomodo definitur vis siue coactio?*

Circa primum accipiantur definitiones auctoritatis. Dicunt autem Aristot. Gregor. Nicenus, & Damascenus, quod per violentiam siue per vim fit, cuius principium est in alio, nihil conferente vim patso. In Digestis autem siue Pandectis ita diffinitur, Vis est maioris rei impetus, qui repelli non potest. Et ibidem dicitur de metu, Metus est instantis vel futuri periculi causa trepidatio mentis. Item Tullius, Vis est impetus dominantis retinens rem infra terminos alienos.

Obiicitur autem de prima, Quia cuius principium est omnino in alio, non habet in illo qui patitur, laudem vel vituperationem: sed ea quæ fiunt vi siue coactione, quandoque habent laudem vel vituperationem: ergo videtur, quod non fiant violentia. Prima patet per se, cum in his quæ tantum patimur, nec laus sit, nec vituperium. Secunda autem probatur ex hoc, quod si quis metu vel violentia coactus periuret, condemnabitur ab ecclesiastico iudice in foro pœnitentiæ, & moritur qui timore mortis negat.

2 Item videtur, quod coactum siue violentum licet non respiciat hominis voluntatem, non tamen ita voluntas vim patitur, quod nihil conferat: sed in ista diffinitione dicitur, Nihil conferente vim patso: ergo videtur, quod non sit circa voluntatem.

3 Item, Aristot. vult, quod illa quæ fiunt metus causa, siue projectio mercium de navi tempore tempestatis, sint mixta: simpliciter enim sunt inuoluntaria, sed secundum quid sunt voluntaria: cum igitur in illis aliquid conferat voluntas eius qui patitur, videtur, quod non sint violenta: ergo à simili cum aliquis cogitur ab homine potente aliquid dare vel promittere, non simpliciter est iudicandum esse inuoluntarium, & per vim siue per violentiam factum.

Quod si concedatur, in contrarium est illud quod habetur in digesto veteri, lib. quarto, de his quæ vi metusue causa fiunt, vbi dicit Prætor, Quod metus causa sit, ratum non habeo: constat autem, quod omnem aliquo modo voluntariam promissionem Prætor habet ratam: ergo videtur, quod nulla promissio quæ metus causa sit, simpliciter sit inuoluntaria.

Vltius obiicitur de secunda. Videtur enim, quod non bene dicatur, Maioris rei impetus: quia sæpè impetus iste est etiam à minori: sicut seruus quandoque cogit dominum, opportunitatem adiutorio amicorum vel aliorum accipiens: ergo videtur, quod non semper sit impetus maioris rei.

2 Item videtur non bene dici impetus: quia impetu fit, quod sine præmeditatione & subito fit: sed coactiones humanæ non semper sic fiunt, sed frequenter cum deliberatione: ergo videtur, quod non bene dicatur impetus. Item, Omnis impetus potest repelli ab eo qui non potest cogi: sed voluntas non potest cogi: ergo omnis impetus potest repelli à voluntate hominis.

Vltius videtur, quod illa non sit competens diffinitio metus: quia si quis in possessione existens, venire videat armatos, & fugiat, non potest agere, quod eiectus sit à possessione causa metus: & tamen ibi fuit periculum: ergo videtur, quod metus ille de quo hic agitur qui integrum restituit, non sit futuri vel præsentis periculi causa mentis trepidatio.

5 Item, Non est metus aliquis de periculo instanti, sed potius de futuro: ergo videtur, quod malè dicitur, Præsentis, vel futuri, &c.

3 Item, Trepidatio mentis quandoque est in paruis periculis & formidolosis: & tamen illos non excusat metus, sicut dicit Pedius. Dicit enim sic lib. 7. Siquis meticulosus rem vllam frustra timuerit, per edictum non restituitur, scilicet quod ait Prætor, Quod metus causa sit, ratum non habeo: ergo videtur, quod non bene diffinit metum ciuilem.

Vltius obiicitur de illa quæ est Tullij, Non enim semper tantum vim facit dominans, sed etiam repulsum antequam repellatur: ergo videtur, quod non semper sit impetus dominantis.

2 Item, Termini alieni aut sunt essentialis, aut loci. Si dicatur, quod essentialis: tunc non pateretur vim aliquis manens essentialiter id quod est, quod falsum est. Si autem sunt termini loci, iterum falsum videtur: quia aliquis quandoque in loco proprio vim patitur.

RESPONSIO. Dicendum, quod quæ- *Solutio.*  
libet



liber istarum diffinitionum est satis bona. Prima autem quæ est Aristot. in 3. eth. illa est eius, quod simpliciter & absolute est violentum, quale homo non potest pati nisi secundum corpus, sicut est oppressio virginis in corpore, vel ablatio pecuniæ sine omni tam interiori quam exteriori consensu voluntatis: & ideo tale meretur apud Aristot. ignoscentiam, siue veniam & misericordiam.

Ad id quod primo obiicitur, dicendum quod tale violentum nunquam vituperium, sed verecundiam & ruborem habet quandoque, sicut in oppressione sceminarum: propter quod etiam dicit Leo Papa, quod illæ virgines quæ oppressione barbarica corruptæ sunt, non se audeant sacris virginibus comparare. Ad argumentum autem dicendum, quod ecclesiasticus iudex tunc considerat actum à voluntate procedentem, qui habet principium in iurante, & ideo non est omnino violentus: & ideo taliter periurans condemnatur ab ipso.

Ad aliud dicendum, quod taliter coactum non cadit super hominis voluntatem: sed tamen quia cadit super aliquid quod est status & decor virtutis castitatis vel iustitiæ, propter hoc tractatur ab ethico, & leges accipit à civilibus.

Ad aliud patet solutio per antedicta: quia bene conceditur, quod talia non sunt simpliciter violenta.

Ad id autem quod obiicitur per legem Prætoris, dicendum quod Prætor respicit æquitatem naturalem, secundum quam respicitur in contractibus & promissis ad sufficienter inducentem causam: & hæc quandoque est voluntas aliena, & quandoque metus: & tunc rescindit Prætor, quia licet ibi sit voluntatis actus, tamen causa non est voluntaria.

Ad id autem quod ulterius quæritur de secunda, dicendum quod illa est Pauli cuiusdam Iurisperiti, & bona: & accipit ibi vim civiliter, prout vis dicitur necessitas contraria voluntati, ne incidatur in maius periculum. Ad id autem quod contra obiicitur, dicendum quod omne illud hic dicitur maior res, quod fortius est sufficienter ad cogendum: & non dicitur ibi maius dignitate, vel statu.

Ad aliud dicendum, quod voluntas non potest cogi sufficienter, quod nihil conferat ad actum: sed efficienter cogitur metu, qui cadit in constantem virum: & hoc sufficit in lege civili.

Ad id quod ulterius quæritur de diffinitione metus, dicendum quod ipsa est Vulpiani, sicut dicitur supra veteri. ff. lib. quarto de his quæ causa metus fiunt: & est bona. Ad id autem quod contra obiicitur, dicendum quod ille in hoc casu non potest agere: quia adhuc non fuit tempus metus, quia nesciuit ad quid venerint hostes: sed tunc est tempus metus, quando feriunt vel ferire minantur, probabiliter hoc intendere æstimati.

Ad aliud dicendum, quod ibi dicitur instans periculum, cuius instrumenta & causa efficiens sunt præsentia, licet adhuc non exercentur in opere: & de illo bene est metus, quia est præsens secundum quid, & futurum simpliciter.

*D. Alb. Mag. in Lib. 4. Sentent.*

Ad aliud dicendum, quod non dicitur hic periculum alicui periculum, sed quod omnibus periculum esse videtur: hoc enim est quod non contingit auertere: & ideo Pedius Iurisperitus in legibus suis bene dicit.

Ad id quod obiicitur de illa quæ est Tullij, dicendum quod nisi sit à dominante, non est nec dicitur periculum in iure simpliciter: quia non est periculum quod contingit declinare de facili. Vnde Vulpianus periculum vocat necessitatem contrariam voluntati: quod enim necessitas est, supra posse nostrum est eleutum, & opprimit patientem: & tollit ab eo liberum consensum ad hoc faciendum.

Ad aliud dicendum, quod termini alieni dicuntur ibi termini liberæ potestatis ad consentiendum: extra terminos enim libertatis ponitur quis à cogente vel vim faciente: quia liber est causa sui, ut dicit Philosophus: & liberè faciens actus suos, causa est suorum actuum.

## ARTICVLVS II.

### *Quomodo diuidatur coactio?*

Secundo quæritur de diuisione coactionis. Accipiantur autem quæcunque diuisiones sunt in iure. Colligitur autem ex Pandectarum veterum lib. 4. quod vis aliqua cadat in constantem virum, alia autem non cadit. Item, Vis siue metus quandoque est oppressionis, quandoque corporis, quandoque rerum, quandoque vxoris, quandoque liberorum. Item, Metus siue vis quandoque est circa res turpes, quandoque circa honestas. Item, Metus quandoque est de conditione deteriori circa se vel liberos, quandoque de re aliena.

Obiicitur autem de prima. Videtur enim, quod nullus metus cadat in constantem virum: constans enim non est nisi ex virtute & gratia: sed talis nihil debet facere ex metu mortis: ergo videtur, quod non cadat in ipsum.

2 Item, Seneca probauit, quod nulla perturbatio cadit in sapientem: ergo nec in constantem: ergo nec perturbatio metus: ergo nihil debet facere causa metus.

3 Item, Si aliquis metus cadit in constantem virum, ille est metus mortis: præcipit autem Dominus in Euangelio Matth. 10. Nolite timere eos qui occidunt corpus. Ergo nec aliquod aliorum periculorum timere debet: ergo nullus metus cadit in constantem.

4 Si forte dicas, quod ad cogenda peccata non cadit aliquis metus in constantem virum, sed ad cogenda alia, sicut ad promittendum aliquod temporale, scilicet matrimonium, vel pecuniam, quam si promittit, soluere non tenetur. Contra 1. Thess. 5. dicitur, Ab omni specie mala abstinere vos: mala autem species est promittere & non soluere: ergo ab illa est abstinendum: ergo peccat qui non abstinet: ergo coactio facit illud solui, quia aliter accideret peccatum.

5 Item, Aristot. dicit, quod fortis etiam in



magnis periculis, sicut in morte, non flectitur: ergo videtur, quod nullus excusetur per metum.

*Quæstio-  
cula.*

VLTERIUS quæritur hinc, Vtrum eadem diuisio sit ista cum illa quæ datur à quibusdam Iurisperitis, quod violentia alia leuis, alia violenta. Et videtur, quod sic: quia violenta cadit in constantem virum, & leuis non: ergo est eadem.

*Sed con-  
tra.*

SED CONTRA videtur, quod non sit eadem: quia quædam cadit in constantem virum, quæ non cadit in alium: sed violenta est vno modo respectu omnium: ergo videtur non esse eadem. Probatio maioris: quia dicit lex, quod non est probabile hominem claræ dignitatis timuisse in vrbe, in qua timet homo dignitatis non claræ. Secunda autem probatur ex ratione violenti simpliciter, quod omni homini violentum videtur.

VLTERIUS quæritur de secunda diuisione. Ista enim pro prima parte videtur bona esse, & quæ cadit in constantem virum: quia dicit Hieron. quod crudelis est, qui famam negligit: ergo etiam qui facit aliquid metu famæ, ipse debet mereri veniam & ignoscentiam.

2 Item Aristot. in primo lib. de regimine dominorum, dicit quod fama à regibus & aliis maximè debet desiderari: ergo denigrans famam, debet timeri maximè: ergo pro periculo famæ metus habitus excusat, vt videtur.

*Sed con-  
tra.*

IN CONTRARIUM huius est, quod dicit Vulpianus, quod metus causa gestum est, sic non timorem infamiæ hoc edicto contineri. Pedius dicit idem.

2 Item, Ridiculum est si aliqua velit sibi à iudice de stupro satisfieri, eò quod timens infamia notari, non clamauerit: ergo timor infamiæ nullus timor est, vt videtur.

3 Item, De timore corporis nihil videtur esse: quia dicitur Iob. 2. Pelle pro pelle, & cuncta quæ habet homo, dabit pro anima sua. Ergo videtur, quod pro periculo corporis non sit dimittenda: ergo si facit aliquid pro corporis periculo, est vituperabile: sed vituperabile non excusat: ergo videtur, quod ille excusationem non mereatur à iudice.

4 Item, Malum neminem excusat: sed timor humanus, malus est, vt dicunt Beda & Gregorius: ergo nullum excusat: sed timor humanus est, quando aliquis pelli suæ timet: ergo talis non excusatur: ergo si tali timore contrahat, ipse non debet excusari.

VLTERIUS obiicitur de timore rerum: quia etiam Arist. dicit in 3. ethic. quod non est fortis magna pati pro paruis rebus: sed res parue sunt res: ergo pro illis non debet aliquis magna pati: ergo vituperabilis est, qui hoc facit: sed per vituperabile nullus excusatur: ergo videtur quod metus rerum, non excusat aliquem apud iudicem.

*Sed con-  
tra.*

IN CONTRARIUM huius est decrealis Alexand. tertij in primo lib. de his quæ vi metusve causa fiunt, Abbas sancti Eadmundi à quo R. præsen. lator patrimonium suum tenere dignoscitur, milites & burgenfes ad domum prædicti R. sicut accepimus, destinauit, qui cum à domo & ab vniuersa possessione expel-

lerent, nisi Ecclesiam suam penitus abiuraret: quod cum idem R. tali modo coactus fecisset, Abbas alij concessit Ecclesiam supra dictam. Vnde quia quæ metu & vi fiunt, de iure debent in irritum reuocari. Mandamus quatenus prædicto R. cum integritate restituas vniuersa. Ex hoc accipitur, quod ille fecit resignationem illam metu rerum, scilicet expulsionis à possessione & domo: & tamen à Papa in irritum reuocatur: ergo metus rerum excusat, & restituit in integrum.

VLTERIUS quæritur de hoc quod dicit metum esse vxoris. Videtur enim hoc non esse faciendum: quia legimus Genes. 12. & 20. quod Abraham suam vxorem metu corporis exposuit alij, quando dixit sororem suam esse. Et similiter fecit Isaac. Ergo videtur, quod potius vxor sit exponenda, quam aliquid fiat pœnale: ergo metus vxoris non excusat.

2 Item, Dicit Augustinus primo de ciuitate Dei, quod libido aliena non maculat animam: & ponitur in decreto causa 13. sed propter illud quod non maculat, stultum est aliquid pati: ergo qui facit aliquid propter vxoris metum, stultus est: & propter stultitiam nullus excusatur: ergo nec iste metus excusat. Eadem prorsus est obiectio de liberis.

*Sed con-  
tra.*

IN CONTRARIUM autem est quod dicit lex Pauli, Quæ metus causa gesta sunt, hæc vt diximus ad edictum pertinere nihil interest, an in se quis veritus sit, aut in liberis suis: tamen pro affectu parentes in liberis magis iterantur.

VLTERIUS quæritur de alia diuisione, quod metus quandoque est circa res turpes, quandoque circa honestas. Nulla enim videretur esse vis aut metus circa res turpes: quia potius omnia debemus sustinere secundum Philosophos, antequam turpia debemus admittere: ergo videtur, quod hoc nihil sit quod dicit.

*Sed con-  
tra.*

IN CONTRARIUM huius est quod dicit Vulpianus, Vim accipimus atrocem, & eam quæ aduersus bonos mores fit.

VLTERIUS obiicitur de vltima. Quia videtur, quod vanum sit curare de conditione: ergo videtur, quod non sit causa metus sufficiens, conditio. Probatur 1. Corinth. 7. vbi dicitur, Seruus vocatus es, non sit tibi cura, &c. Ergo videtur etiam, quod debemus appetere mutari nostram conditionem in peius: ergo videtur, quod hæc causa non est sufficiens.

*Sed con-  
tra.*

IN CONTRARIUM est quod dicit Paulus, Ego puto etiam seruitutis timorem similitudine admittendum. Et ita Paulus libro eodem, Si is accipiat pecuniam qui instrumenta status mei iterum sumpturus est nisi dem, non dubitatur quin maximo metu compellatur vtique si iam in seruitutem petor, & illis instrumentis perditis non possim liber pronuntiare.

RESPONSIO. Dicendum, quod omnis metus diuisio propriè reducitur ad tres, quarum vna est ex parte inferentium metum, & hæc notatur in hoc versu, scilicet, Stupri siue status, verberum atque necis. Alia est ex parte eorum circa quæ est metus, sicut circa materiam, & hæc quandoque sunt honesta, quandoque inhonestas siue aduersus bonos mores existentia: quandoque autem non, Verbi gratia, vt si cogatur



gatur aliquis dare vel promittere ne stupretur, vel cogatur promittere ne impediatur à stupro: quia dicit Aristot. quòd absentia delectationum in continentibus facit tristitiam. Tertia sumitur ex parte eius qui cogitur, scilicet quòd alia cadit in virum constantem, alia autem non, sed in formidolosum: & hoc est quòd dicit Vulpianus, Metum accipiendum Labeo dixit non quemlibet, sed maioris mali. Et Paulus, Metum non vani hominis, sed qui merito in homine constantissimo cadere debeat, ad hoc dictum pertinere dicimus.

**DICENDUM** ergo ad primum, quòd metus est respectu boni minoris quam sit id quòd minatur metus: sicut minatur metus mortem, vel quòd detur pecunia, danda est pecunia vel promittenda. Eodem modo si minetur stuprum, vel conditionis deteriorationem. Sed si minetur mortem pro fidei negatione vel iustitiæ, non est respiciendus metus etiam secundum Philosophos & secundum ciuiles. Et ita intelligitur lex quæ facit integrum restitui, si aliquid sit metus causa: quæ restitutio fieri non potest in negatione fidei vel iustitiæ: sapientis enim est eligere minus malum, scilicet mortem quam negationem fidei: vel etiam bonorum perditionem, quam virtutis, vel corporis. Et hoc est quòd dicitur Hebr. 10. Rapinam bonorum vestrorum cum gaudio suscepistis cognoscentes vos habere meliorem & manentem substantiam. Et per hoc patet solutio ad tria prima.

**AD ALIUD** dicendum, quòd Prætoris lex intelligitur de his quæ minora sunt, & potius toleranda, quam id quòd minatur metus, sicut dictum est.

**AD ID** quòd obiicitur, dicendum quòd non est species mala promittere, quia hoc potest fieri malè & benè: sed non soluere promissum nisi excusetur, est species mala. Et bene concedo, quòd ubi est iudicium, inueniri potest defensio. A iudice etiam coactus debet soluere promissum: & competit ei actio ex lege & canone, & iudex debet eum restituere in integrum. Si autem defectus sit iudicis, puto quòd non debet soluere, sed aliquam leuem propter cautelam facere pœnitentiam de promisso, præcipuè si fides vel iuramentum non interuenit: si enim iuramentum fecit de soluendo, dicunt multi, quòd etiam mihi satis probabile videtur, esse soluendum. Si autem non soluit, & iuramentum violauit, & postea venit ad pœnitentiam, videtur mihi non esse cogendus ad solutionem, sed tantum ad fracti iuramenti emendationem.

**AD ALIUD** dicendum, quòd Aristot. loquitur de his qui sustinent pericula gratia boni hominis, vel ciuitatis, vel gentis: tunc enim sustinendum est, quòd minus periculum est, quam id quòd extorquere intendit.

**AD ID** quòd vltius quæritur, dicendum quòd eadem est diuisio, licet alia ratione sit data. Prima enim respicit constantiam patientis, & secunda quantitatem mali inferentis metum. Ad id quòd contra obiicitur, dicendum quòd illa quæ non est violenta, dicitur quæ non mouet constantem, & hæc non

est vno modo: & ideo falsum supponitur in obiectione.

**AD ALIUD** dicendum, quòd metus famæ non excusat: non enim intelligitur de fama quæ est, sed de illa quæ posset oriri de hoc quòd minatur metus si fieret, sicut factum fuit in Susanna Daniel. 13. cui senes dixerunt, nisi assentiret eis, quòd dicerent contra eam testimonium quòd fuerit cum ea iuuenis: & illa dixit, Melius est mihi absque opere incidere in manus vestras, quam peccare in conspectu Domini. Dictum autem Hier. intelligitur de eo qui occasione infamiae dat proprio facto, vel negligentia.

**AD ALIUD** dicendum eodem modo: & ideo aliter loquitur lex, aliter Philosophus.

**AD DVO** alia quæ obiiciuntur de timore corporis, dicendum secundum supra habitam regulam, quòd timor cruciatus corporis vel metus facit excusari, quando est respectu minoris mali, quam sit id quòd minatur metus: & sic patet, quòd non valent obiectiones illæ.

**PER IDEM** patet solutio ad id quòd obiicitur de timore rerum: tamen ille timor non continetur in versu supra habito, sed secundum regulam præhabitam timet in omnibus timoribus: quia sicut probat Aristot. Non est sapientis & fortis maius periculum sustinere pro re parua vel minori, quam sit periculum illarum.

**AD ID** quòd vltius obiicitur de metu vxoris, scilicet ne adulteretur, dicendum quòd illa causa sufficientissima est: quia dicit lex Pauli, quòd si dederit ne stuprum patiatur vir siue mulier, hoc edictum habet locum, cum viris bonis iste metus maior quam mortis esse debeat. Ad id autem quòd obiicitur de Abraham, dicendum quòd facta Patriarcharum in consequentiam non sunt trahenda: quia ipsi omnia in figura futurorum & instinctu Spiritus sancti agebant. Nihilominus tamen potest dici quòd Abraham vxorem non exhibuit, sed sibi cavit, certificatus per inspirationem, quòd non posset maculari. Vnde in Psalm. 104. Et corripuit pro eis reges, Nolite tangere Christos meos: & in Prophetis meis nolite malignari.

**AD ALIUD** dicendum, quòd libido aliena quandiu aliena est, mentem non maculat: sed quæ primo est aliena, per consensum efficitur propria, & tunc maculat. Et ideo si aliquis etiam coactus diceret se consentire in stuprum vxoris suæ, ipse peccaret mortaliter: quia iam turpitudini quæ grauior est, quam quòd minatur tyrannus aliquatenus permittendo cooperaretur.

**AD ALIUD** dicendum, quòd Vulpiani dictum intelligitur quando violentia tyranni cogit facere aliquid contra bonos mores, sicut iniuste promittere vel dare, vel consentire matrimonio, vel stupro, vel alicui tali: tunc enim id quòd metus causa factum est, in irritum reuocatur. Sed quando compellit ad id quòd est secundum bonos mores, vt restituere, vel aliquid tale: tunc non iudicatur violentia. Et per hoc patet solutio ad totum.



Habet tamen hoc vltimum duas dubitationes. Ponamus enim, quod iudex qui habet potestatem, compellat aliquem ad iniuste promittere, nunquid in irritum reuocabitur? Videtur, quod non: quia res facta per iudicem rescindi non debet. Contra: Hic nihil fit nisi metus causa. Ad hoc dicendum, quod reuocari debet in irritum per superiorem: & hoc est quod dicit lex sic, Si per iniuriam quid fecit populi Romani magistratus vel prouinciæ præles, Pomponius scribit hoc edictum locum habere. Fortè, inquit, si mortis aut verberum terrore pecuniam extorsit alicui.

Secundum dubium est, si pono, quod aliquis adulterium commisit quem ego prodere possum, & ne prodam eum ad mortem, dat pecuniam, vtrum hic edictum Prætoris locum habeat an non? Videtur autem, quod non habeat locum: quia pro turpi re dat: ergo non debet restitui quod vi factum est. Responsio. Dicendum, quod locum habet edictum: quia non habet iudex respicere ad causam dandi, sed potius ad modum extorquendi: & hoc est quod dicit Paulus in eodem casu loquens, Prætor vt restituat, interuenire debet: nam etsi gestum est malo more, Prætor non respicit an adulter sit qui dedit, sed hoc solum quod hic accepit metu mortis illato.

### ARTICVLVS III.

*An metus cadat in constantem, & quis sit constans?*

**T**ertio quæritur, Vtrum aliqua vis vel metus cadat in constantem virum vel non? Videtur autem, quod non: quia de ratione constantis est non trepidare in periculo: ergo nullum periculum infert ei metum.

*Quæst. 1.*

**V**LTERIUS hic quæritur, Quis sit vir constans, vtrum vir dicatur constans ab animi virtute, vel à natura? Videtur autem, quod non ab animi virtute: quia qui habet vnam virtutem, habet omnes: ergo qui habet animi constantiam, habet omnes virtutes: si igitur dicatur constans à virtute animi, non erit constans nisi qui habet omnem virtutem: ergo peccator nunquam excusaretur per metum: & hoc falsum est, cum etiam adulter quandoque per metum excusetur à promisso, vt ante habitum est ex sententia Pauli Iurisconsulti. Si autem dicatur à natura constans: ergo omnium quorum vna est natura, est vna constantia: sed omnium hominum vna est natura: ergo vna est constantia: & hoc iterum falsum est.

*Quæst. 2.*

**I**TEM quæritur vltius, Quare non similiter dicatur de constanti muliere, cum mulier fortis laudetur Prouerb. vltim. de qua dicitur, Accinxit fortitudine lumbos suos, &c.

*Quæst. 3.*

**I**TEM vltius quæritur, Vtrum vno modo sit constantia in omnibus constantibus? Et videtur, quod sic: quia perfectio consequens speciem hominis, æqualiter est in ipsa: honestum autem, vt dicit Auicenna, naturaliter participat homo: ergo videtur, quod æqualiter participet & honestum & partes honesti: sed de partibus honesti vna est constantia: ergo videtur, quod

æqualiter est in omnibus constantibus.

**2** Item, Humilitas, misericordia, & huiusmodi, non differunt in magno & paruo, nisi secundum meritum: ergo videtur, quod nec constantia: ergo vbi paruus dicitur constans, ibi & magnus, & è conuerso: & vbi timet paruus, & magnus.

**I**N CONTRARIUM est responsum sapientum, quod hoc timere potest paruus homo & constans, quod si timet homo claræ dignitatis, formidolosus vocabitur: ergo non vno modo dicta est constantia in omnibus constantibus.

**R**ESPONSIO. Dicendum, quod constans vir est, qui non timet non timenda. Et dicitur à parte fortitudinis ciuilis constans. Et accipitur intellectus constantis principaliter ex quatuor, scilicet animi virtute, statu, tempore, & loco. Animi virtute, quod habeat fiduciam multam vincendi pericula sibi proportionata, & non deiciatur statim, vt vir vanus & formidolosus, de quo dicitur in Psalm. Trepidauerunt timore vbi non erat timor. Et Iob 15. Cum pax sit, ille semper insidias suspicatur. Ex statu: quia princeps non habet timere hoc quod habet timere plebeius. Ex tempore: quia aliud est tempore desolationis, & adiutorij timendum. Ex loco: quia aliud timetur in campo, & aliud in vrbe vbi adiutores parati sunt. In omnibus tamen his si adsit probatio sufficientis metus, potest vir constans claræ dignitatis in vrbe tempore pacis habere metum rescindentem omne promissum. Sed istæ conditiones sunt constantis vt frequenter.

**A**D PRIMVM ergo dicendum, quod de ratione constantis non est, vt nihil timeat, sed potius vt non timeat non timenda, sicut etiam est de ratione fortis: sed nihil timens, & in audendo superabundans, præsumptuosus & audax nominatur.

**A**D ALIVD dicendum, quod dicitur ab animi virtute constans: sed illa virtus est ciuilis: & ideo non oportet, quod qui habet vnam, habeat omnes, scilicet quod non sit peccator: quia Hercules, Hector, & alij quidam, habebant huiusmodi virtutem excellenter: & tamen peccatores fuerunt. Quod enim dicitur, Qui habet vnam, habet omnes: intelligitur de virtutibus infusis, & non cardinalibus secundum omnem sui statum, sed potius secundum statum perfectissimum, vt probatur in 6. eth. versus finem. Ad aliud dicendum, quod etiam si diceretur esse virtus naturalis, id est, naturale animi robur, non sequeretur, quod in omnibus esset æqualiter: quia non sequitur speciem, sed potius complexionem, scilicet melancholiam. Cum enim melancholia sit terrea frigida, habet euaporationes nigras ad cerebrum lucidum, quibus imprimuntur terribilia phantasmata: & est in eis calor non sufficiens ad calefactionem cordis & sanguinis, vt faciat cordis motum secundum diafolem, & exsufflationem sanguinis & spirituum in membra exteriora & corpus: & ideo manent destituta frigida & timida, refugiente sanguine ad cor & stante ibi. Et cum hæc complexio non sit in omnibus, non oportet, quod omnes æqualiter sint constantes.

**A d**



AD ALIUD dicendum, quod mulierum complexio est multum timida propter debile calidum & vicens humidum, in quo cito profundantur terribilia: & calidum debile non sufficit calefacere cor & sanguinem, ut prius dictum est: unde omnis mulier naturaliter est timida, nisi sit per accidens, ut virgines quæ non timent. Et quod obiicitur de Prouerbiis, dicendum quod intelligitur de fortitudine in spiritualibus, & non interioribus & exterioribus.

AD ALIUD dicendum, quod constantia non est vno modo in omnibus constantibus, & variatur ex duobus, scilicet ex complexione, & studio virtutis, ut dictum est. Et hoc quod dicitur Auicenna, non intelligitur nisi ad capacitatem honesti relatum, & non quod æqualiter participetur.

AD ALIUD dicendum, quod etiam aliæ virtutes in actibus suis inæqualiter habentur propter supra dictas causas: & ideo de quolibet sancto verificatur illud, Non est inuentus similis illi, &c. Eccli. 44.

#### ARTICVLVS IV.

*An vis euacuet matrimonij consensum?*

Quarto quaeritur, Vtrum vis euacuet matrimonij consensum? Videtur autem, quod non: quia in aliorum sacramentorum perceptione si extrinsecus consentiat, non oportet eum interius consentire: ergo nec in isto.

2 Item, Matrimonium super iudicium cadit hominum: sed hoc non est ex corde: ergo etiam si metu dissentiat interius, dummodo extra se dicat consentire, videtur stare matrimonium.

*Sed contra.* IN CONTRARIUM est quod dicitur extra de sponsalibus. Cum locum, ubi scribit Alexander tertius, Cum locum non habeat consensus, ubi metus vel coactio intercedit, necesse est ut ubi assensus cuiusquam requiritur, coactionis materia repellatur. Matrimonium autem solo consensu contrahitur: & ubi de ipso quaeritur, plena debet securitate ille gaudere, cuius est animus indagandus, ne per timorem sibi dicat placere quod odit, & sequatur exitus qui de inuitis nuptiis solet provenire, &c.

*Solutio.* RESPONSIO. Dicendum, quod metus qui cadit in constantem virum, excludit matrimonij consensum, ut contractus in irritum reuocetur.

AD PRIMUM dicendum, quod non est simile de aliis sacramentis & de isto: quia alia non habent obligationem nisi forè diuinam, istud autem efficitur in quadam obligatione humana, quæ metu fieri potest.

AD ALIUD dicendum, quod iudicium Ecclesiæ est de viso & audito: & licet metus in corde sit, tamen per signa propalatur extra, sicut quando videntur arma, gladij, & huiusmodi, & quando minæ audiuntur: & ideo tunc Ecclesia iudicare potest.

#### ARTICVLVS V.

*An metus in eo qui vim patitur, aliquod relinquat peccatum?*

Quinto quaeritur, Vtrum metus in eo qui vim patitur, aliquod relinquat peccatum? Videtur autem, quod non: quia quod ab alio fit, nobis non debet imputari: sed metus ab alio fit: ergo nobis imputari non debet: ergo nullum in nobis relinquit peccatum.

2 Item, Iustitia humana non imputat id quod fit per metum: ergo nec diuina: ergo non est inde peccatum aliquod.

3 Item, Si esset peccatum, tunc male faceret iudex absoluendo vel restituendo illi qui fecit aliquid propter metum: sed constat, quod non male facit: ergo videtur, quod nullum in eo qui vim patitur, relinquat peccatum.

IN CONTRARIUM est, quod ille qui metu promittit, mentitur: quia dicit verbum, & aliud intendit: omne autem mendacium est peccatum: ergo metus relinquit peccatum in eo qui patitur. *Sed contra.*

2 Item, Species mali est promittere, & non soluere: ergo ab illa est abstinendum, sicut dicitur 1. Thel. 5. Ergo soluere tenetur: & si non soluit, peccat, ut videtur.

3 Item, Promissio & iuramentum quæ in deteriore non vergunt exitum, sunt tenenda, sicut dicit Beda: sed in nullum malum exitum vergit obseruatio istius promissi vel iuramenti: ergo videtur, quod debeat obseruari.

4 Item ad hoc Iudicium ultimo, ubi filij Benjamin rapuerunt filias Silo: & tamen stetit matrimonium: ergo videtur, quod etiam aliis iniungendum sit, quod seruent, quod vi cogente vel promiserunt, vel permiserunt.

RESPONSIO. Dicendum, quod non est iniungendum semper quod seruetur: sed quando vtile est seruare propter timorem futuri periculi, tunc possunt moneri, sed non debent cogi, nec hoc eis debet in pœnitentia iniungi. *Solutio.*

AD ID autem quod contra obiicitur, dicendum quod pro illo mendacio potest iniungi pœnitentia, vel etiam de periurio, & induci potest ut teneatur: sed non puto, quod debeat iniungi.

AD ALIUD dicendum, quod species mali est non soluere promissum quod voluntate fit: sed non est ita de promisso coacto, quia hoc obesset multis si obseruaretur: & ideo non est iniungendum.

AD ALIUD dicendum, quod istud vergit in deteriore exitum: quia illi augetur macula peccati per hoc quod recipit alienum: & etiam dictum Bedæ intelligitur de votis & iuramentis non coactis, in quibus firmatur voluntarius consensus. Sed in hoc casu pro periurio debet iniungi pœnitentia, & non iniungi, quod fiat, licet possit induci & moneri, ut prius dictum est.

AD HOC quod obiicitur de filiis Benjamin, dicendum quod Magistratus populi fecit vim illam licite, ne vlla tribus periret: & illa vis tenet, sicut dicit Vulpianus in lege supra inducta.

DISTIN





## DISTINCTIO XXX.

*De errore qui euacuat consensum.*

A  
Consen-  
sus qui  
est effi-  
ciens  
causa  
matri-  
monij,  
non do-  
bet esse  
defecti-  
uus ex  
parte  
rationis.  
26. q. 1.  
post  
princi-  
pium,  
vbi to-  
rum po-  
nitur  
quod hic  
habetur  
vsque  
ad cap.  
Præmis-  
sis.



Ecce solum coactio impedit vel excludit consensum, sed etiam error. Non autem omnis error consensum impedit. Est enim error alius fortunæ, alius conditionis, alius qualitatis. Error personæ, quando hic putatur esse homo ille, & est alius. Error fortunæ, quando putatur esse diues qui pauper est, vel è conuerso. Error conditionis, quando putatur esse liber qui seruus est. Error qualitatis, quando putatur esse bonus qui malus est. Error fortunæ & qualitatis, coniugij consensum non excludit. Error verò conditionis coniugalem consensum euacuat: de qua conditione postmodum tractabimus. Error quoque personæ, consensum coniugalem non admittit: vt si quis fœminam nobilem in coniugium petat, & pro ea alia ignobilis tradatur ei, non est inter eos coniugium: quia non consensit vir in istam, sed in aliam. Vt si quis promitteret mihi se venditum aurum, & pro auro offerret mihi aurichalcum, & ita me deciperet: nunquid dicerer consensisse in aurichalcum? nunquam volui emere aurichalcum, nec ergo in illud consensi: quia consensus non nisi voluntatis est. Sicut ergo error materiæ excludit consensum, ita

Gen 29. & in coniugio error personæ. Sed obiicitur de Iacob qui pro Rachel septem annis seruierat, & supposita est ei Lia: nunquid error personæ exclusit coniugium, cum non in eam, sed in Rachel consenserit? Sed quod ibi factum est, in mysterio gestum non improbè traditur: ibi tamen etsi non præcessit, secutus est consensus, nec ex illo concubitu qui consensum præcessit, fornicarij iudicantur, cum ille maritali affectu eam cognouerit, & illa vxorio affectu debitum persoluerit, putans lege primogenitarum, & paternis imperiis se illi iure copulatam. Excusatur etiam quia Dei consilio in mysterio ita actum est. Hodie etiam excusaretur ille, cui inscio vxoris soror lectulum eius ingressa se subiiceret, quæ cum sine spe coniugij perpetuo manere censeatur, ille tamen qui cognouit eam per ignorantiam, excusatur: quod per simile probatur. Si enim diabolus transfigurans se in Angelum lucis, credatur bonus, non est error periculosus. Quod autem vir ille in illam mulierem non consenserit, ex simili ostenditur. Siquis hæreticus nomine Augustini vel Ambrosij, alicui Catholico se offerret, eumque ad suæ fidei imitationem vocaret, si ille assentiret, in cuius sententiam fidei diceretur consensisse? Non in hæreticorum sectam, sed in integritatem fidei, quam ille hæreticus se mentiebatur habere. Error vero fortunæ consensum non excludit. Quæ enim nubet pauperi, putans illum esse diuitem, non potest renuntiare priori conditioni,



conditioni, quamvis errauerit. Nec error qualitatis, ut si quis ducat uxorem meretricem vel corruptam, quam putat esse castam vel virginem, non potest eam dimittere.

ARTICVLVS I.

*Quid sit error?*

**N**ec solum coactio impedit, &c.] Hic agitur de impedimento erroris. Diuiditur autem in tres partes. In prima agit de errore personæ qui euacuat consensum. In secunda de coniugio beatæ Virginis *ibi* [Præmissis aliquid addendum est, &c.] In tertia agit de causis secundariis matrimonij *ibi* [Exposito quæ sit efficiens causa] Adhuc prima subdiuiditur in duas. In prima tangit quis error matrimonij consensum euacuet, & quis non. In secunda obiicit contra hoc *ibi* [Sed obiicitur de Iacob qui pro Rachel] Incidit autem hic quæstio de errore: & quærentur ante literam quatuor. Primum, Quid sit error? Secundum, Vtrum ex sui natura impediat matrimonium vel ex alio aliquo? Tertium, Quis sit error personæ? Quartum de diuisione erroris quam ponit Magister in litera.

Ad primum obiicitur sic: Dicit Augustinus, quod error est cum falsa pro veris approbatur: ergo error est approbatio falsorum pro veris. Videtur autem secundum hoc, quod error non differat ab ignorantia: quia ex ignorantia facti falsa pro veris approbantur: ergo ignorantia & error sunt idem, quod est contra Augustinum in 2. de lib. arb. ubi dicit, quod ignorantia est nescientia alicuius faciendorum.

2 Item videtur potius debere poni ignorantia pro impedimento consensus. Cum enim consensus debeat esse voluntarius, id quod est contrarium voluntati, videtur esse contrarium consensui: sed inuoluntarium per ignorantiam, est contrarium voluntati: ergo consensui: ergo videtur, quod istud magis consensum excludat: ergo magis debet poni pro impedimento consensus.

3 Item, Voluntas supponit notitiam voliti: ergo quod omnino priuat notitia voliti, magis tollit voluntatem quam id quod relinquit notitiam in parte: sed ignorantia tollit in toto, error autem tantum in parte: ergo videtur, quod ignorantia plus impediat consensum, quam error.

4 Item, Non dicitur, quod error facti excuset, sed potius ignorantia facti: quod autem in omnibus excusat, eo quod non permittit esse voluntarium, illud magis debet impedire consensum matrimonij, quam illud quod non dicitur *ibi*: sed ignorantia ab omnibus ponitur excusare factum: ergo videtur, quod magis sit ponendum impedimentum, quam error.

*Quæstio.* **V**LTERIVS quæritur: quia dicit Aristot., quod inuoluntarium per ignorantiam, consequitur nescientiam singularem, in quibus est actus & pœnitudo in actu: sed errorem non concomitatur omnis ignorantia particularium in quibus est actus: ergo videtur, quod igno-

rantia magis sit ponenda impedimentum quam error.

2 Item videtur, quod in omni mendacio & deceptione, falsa pro veris approbatur: ergo videtur, quod in omnibus talibus sit error: ergo omnia talia essent inuoluntaria, quod falsum est.

**R**ESPONSIO. Dicendum, quod illa definitio erroris est bona: error enim non est ignorantia vel nescientia: quia nescientia est priuatio scientiæ cuiuscunque rei speculatiuæ, & ideo non est peccatum: sed ignorantia est nescientia operandorum quæ debent sciri, & ideo peccatum est: sed error non tollit totam scientiam, sed quandoque fit ex eo quod supponuntur opposita principiorum, & tunc vocatur à Philosophis ignorantia malæ dispositionis, & tunc contingit in maiori propositione: quandoque autem contingit in minori propositione, & tunc est error qualitatis, vel personæ, vel alicuius alterius enumeratorum in litera. Et ex hoc patet, quod error semper præsupponit aliquam notitiam eius circa quod erratur, scilicet per famam, vel visum, vel opinionem, sicut dicunt Iurisperiti: & ideo patet, quod non est priuatio pura: & hoc est quod dicit definitio, vera pro falsis approbare: quia ignorantia vel nescientia nihil approbatur pro aliquo, sed simpliciter priuatur scientia ab ignorante: sed error in maiori propositione est sicut error iuris, & error in minori est sicut error facti, sicut error Nicolai Apoc. 2. qui ideò quod dixit Deus, Crescite, &c. dixit non esse peccatum mulieri quocunque modo committeri in sexu quem Dominus creauit, & cuius commixtionem præcepit & fructum benedixit. Error autem Iacob Genes. 29. fuit sicut error facti, qui factum ad non factum reuocat. Et per hoc patet solutio ad primum.

**A**D OMNIA alia præter vltimum est vna solutio, quod in ignorantia & nescientia nullus est omnino consensus: quia de ignorato nulla est cognitio, & ideò nunquam contingit fieri consensum matrimonij: & ideo non euacuat eum: sed errans cogitat de eo quod secundum quid nouit & non perfectè: & ideo alium pro eo accipit: sed in eum quem secundum quid nouit, consentit: & ideo euacuat consensum in istum: licet non simpliciter euacuet consensum in eum qui secundum quid notus est.

**A**D VLTIMUM dicendum, quod in omni mendacio est intentio decipiendi: sed non decipitur qui mentitur: quia non approbat quod dicit: sed audiens circa dictum

errare & decipi potest: & ideò

circa audientem mendacium

bene potest error

attingere.

\*\*\*



## ARTICVLVS II.

*An error ex sui natura euacuet & impediat matrimonium?*

Secundo quæritur, Verum ex sui natura euacuet consensum matrimonij? Videtur autem, quod non: quod enim ex sui natura euacuat matrimonium, videtur peccare contra aliquod bonorum matrimonij: sed error talis non peccat contra aliquod bonorum matrimonij: ergo videtur, quod ex sui natura matrimonium non euacuet. Prima patet per se. Secunda autem probatur ex hoc, quod matrimonium non faciunt honestum, nisi bona quæ ipsum efficit.

2 Item, Quod ex sui natura impedit matrimonium, secundum totum sui ambitum suæ communitatis impedit matrimonium: sed error non secundum totum ambitum suæ communitatis impedit matrimonium: ergo non ex sua natura impedit ipsum. Probat autem prima ex hoc, quod quicquid conuenit homini secundum suam naturam, conuenit omni homini. Secunda autem scribitur in litera: quia ibi dicitur, quod error qualitatis vel fortunæ, matrimonium non impedit.

3 Item, Quod conuenit alicui secundum suam naturam, illi maxime conuenit, in quo est natura illa maxime: sed erroris natura magis est in errore vniuersalis propositionis siue iuris, quam in errore minoris propositionis siue facti: ergo ille error magis euacuat matrimonium: sed hoc est falsum, quia sicut ignorantia iuris neminem excusat, ita nec error: ergo videtur, quod & hoc falsum sit ex quo sequitur, scilicet quod error ex sui natura euacuat matrimonium.

*Sed contra.*

IN CONTRARIUM huius est, quod dicit Gratianus 29. quæst. 1. sic, Consensus est duorum vel plurium sensus in idem. Qui autem errat, non sentit nec consentit, id est, simul cum aliis sentit: patet igitur ex diffinitione erroris & consensus, quod error est contrarius consensui: ergo & secundum naturam: quia hoc rei maxime conuenit per naturam, quod conuenit ei ex diffinitione.

2 Item, Omnis error excludit voluntarium: sed omnis consensus est voluntarius: ergo omnis error excludit consensum circa hoc circa quod erratur: ergo hoc conuenit ei naturaliter, quia generaliter.

3 Item, Digestis de iurisdictione iudicum 2. lib. veterum pandectarum, sicut dicit Vulpianus, si per errorem alius pro alio Prætor fuerit additus, nihil valebit quod actum est: nec enim ferendus est qui dicat consensisse eos in præsidem, cum ut Iulianus scribit, non consentiant qui errant: quid enim tam contrarium est consensui quam error qui imperitia detegitur? Ex hoc accipitur quod nihil adeo contrarium est consensui sicut error: ergo de natura sua euacuat consensum.

4 Item 39. quæst. 1. Gratianus, Siquis enim pacisceretur se venditurum agrum Marcello, & postea veniret Paulus dicens se esse marcellum, & emeret agrum ab illo, nunquid cum

Paulo conuenit ille de pretio? Quasi diceret, non: ergo error de se excludit pactum communicationis in contractu quocunque: ergo de sua natura etiam excludit consensum.

5 Item Arist. Gregor. Nicenus, & Damasc. dicunt communiter, quod voluntarium est, cuius principium est in seipso consciente singularia in quibus est actus: sed errans in persona, principium singularium ignorat: ergo ipsius actus non est voluntarius: ergo nec circa hoc est consensus, quia omnis consensus est voluntarius: & sic habetur idem quod prius.

RESPONSIO. Dicendum, quod de sui natura error personæ euacuat consensum, & per consequens matrimonium, ita quod etiam si Ecclesia non ita determinaret & statueret, tamen æquitate naturali consensus per errorem excluderetur. *Solutio.*

AD PRIMUM ergo quod contra hoc est, dicendum quod error peccat contra ipsam matrimonij essentiam, quæ est indiuiduitas animorum & corporum, indiuiduam vitæ consuetudinem retinens: & idè postea non habent locum bona matrimonij, quia statim euacuat fidem consentienter contrahentium.

AD ALIUD dicendum, quod secundum totum ambitum speciei impedit matrimonium, & dirimit contractum, quia non est contractum: & hoc ideo contingit, quia vis impeditiua consensus in hunc consequitur speciem & non genus: & ideo error personæ impedit, non autem error qualitatis.

AD ALIUD dicendum, quod error in iure matrimonij circa matrimonium contractum non posset esse nisi hoc modo, quod diceretur matrimonium esse si non legitimo consensu contraheretur, & inter legitimas personas: & tunc bene euacuaretur, quia non esset ibi consensus matrimonij, & imputaretur eis in peccatum qui sic conuenirent. Et ideo illa obiectio non est ad propositum. Et quod infert, quod error iuris non excludit, ipse dicit falsum: sed verum est, quod non excusat eum à peccato sicut error facti. Et per hoc patet solutio ad totum.

## ARTICVLVS III.

*Quid sit error personæ?*

Tertio quæritur, Quid sit error personæ? Videtur enim, quod hoc sit personam pro persona approbare: sicut si intendam consentire in Petrum, & exhibeatur mihi Marcellus. Videtur autem, quod iste non excludit matrimonium: quia omnia quæ requiruntur ad bona matrimonij, ita inueniuntur in vno sicut in alio: ergo videtur, quod tantum valet exhibere vnum, quantum alium.

2 Item, Si aurum intendam emere aliquod, & alius exhibeat mihi aliud aurum æquiualens illi, non possum me dicere deceptum: ergo si mulier consentit in alicuius dignitatis & conditionis virum, & exhibeatur ei vir æquè bonæ conditionis, videtur quod non potest dicere se esse deceptam: ergo nec matrimonium quod contraxit, impeditur.

3 Item, Ponamus, quod illa quæ errauit in



in persona, multis annis federit cum eo, & post filiorum partus primo ~~sciat~~, & poscat eum in quem consensit: videtur quod tunc graue sit recedere ab isto: ergo videtur, quod non semper error personæ excludat consensum matrimonij.

4 Item, Ponamus, quod frater ei pro fratre supponatur, & in primum consensit per verba de presenti: cum secundo autem commixta est carnaliter. Videtur igitur quod melius sit, quod maneat cum secundo, licet per errorem illi sit coniuncta, quia propter affinitatem primum videtur non debere habere.

*Solutio.* AD HOC dicendum, quod ubi est error, ibi est nulla voluntas, ut dicitur ius: & ideo error personæ totum excludit consensum, & nullum ibi patitur esse matrimonium.

AD PRIMUM ergo bene videtur esse concedendum, quod talis est error personæ prout ibi exponitur.

AD ALIUD dicendum, quod licet cum alio possit esse fides thori, proles, & sacramentum: tamen non est matrimonium, quia non est consensus in ipsum: & ideo ibi nulla est matrimonij essentia.

AD ALIUD dicendum eodem modo, quod non est simile, quia in contractu emptionis & venditionis potest esse recompensatio per æquiualens: & hoc non potest esse in matrimonio: non enim æquiualem pro suo mulier recipere potest, quia illius legi subiecta est, quanto tempore vir eius viuere, ut dicit Apostolus 1. Corinth. 7.

AD ALIUD dicendum, quod si consensit cum primo per verba de presenti, secundus non potest esse vir eius, etiam si liberos habeat per ipsum, & sit frater prioris: & ideo debet separari ab eo, & reddi primo.

#### ARTICVLVS IV.

*An erroris diuisio quam ponit Magister in litera, sit bene assignata?*

**Q**uarto queritur de diuisione erroris quam ponit in litera, scilicet quod est error conditionis, personæ, fortunæ, qualitatis, &c.] Videtur autem, quod omnes isti errores excludant consensum matrimonij: quia omnis consensus de se facit voluntarium, & omnis error de se facit inuoluntarium: ergo omnis error de se excludit consensum.

2 Præterea videtur, quod error euacuet voluntatem per illud Aristot. supra inductum: quia voluntarium conscit singularia: sed errans non conscit: ergo omnis error excludit consensum.

3 Vltius videtur, quod error conditionis non euacuet: quia non est contrarius bono matrimonij: ergo videtur, quod non debeat excludere.

4 Item, Plus deprauat cohabitationem & prolem error cuiusdam qualitatis, ut lepræ, quam error conditionis: & primus error non excludit: ergo nec secundus.

5 Vltius videtur, quod error qualitatis quandoque excludit consensum: quia impos-

*D. Alb. Mag. in Lib. 4. Sentent.*

rentia coeundi est qualitas: & excludit, ut infra habebitur: ergo error qualitatis quandoque euacuat matrimonium.

6 Item, Magis fugienda est mala qualitas animæ quam corporis: sed aliqua mala qualitas corporis excludit, ut probatum est: ergo etiam mala dispositio animæ: ergo si credatur bonus, qui malus est, videtur quod error ille excludat consensum.

7 Vltius videtur, quod etiam error fortunæ consensum euacuet: quia multa sunt onera matrimonij, propter quod indiget dote & paraferna: sed pauper hæc onera subleuare non potest: ergo cum consentitur in pauperem qui diues esse creditur, videtur quod error fortunæ matrimonij consensum excludere debeat.

8 Vltius queritur, Cum multa sint qualitates ut & illæ quas in litera enumerat, sicut iuuentus & senectus, sanitas & infirmitas, & alia plura quæ onerosam vel iucundam coniugum faciunt cohabitationem, quare ipse omnes illas in litera non tangit sicut istas qualitates?

*Solutio.* RESPONSIO. Dicendum, quod nullus error euacuat consensum matrimonij, nisi ille qui est circa rem illam super quam cadit consensus, sicut super materiam: quia illam debet scire si consentit, sicut patet in exemplis in litera inductis. Et hoc patet expressè in errore personæ. Sed quia conditio immobilis est circa personam, ideo impossibile est ut idem ingenuus sit & seruus: & ideo quando consentitur in ingenuum, & exhibetur seruus, non est tantum error conditionis, sed etiam personæ: & ideo isti duo errores euacuant consensum.

AD ID ergo quod primo obiicitur, quod omnis error euacuat consensum matrimonij, dicendum quod non omnis error euacuat consensum matrimonij, nec facit consensum inuoluntarium de persona, sed de aliquo quod creditur in persona per accidens & mobilitate, sicut diuitiæ, bonitas, & huiusmodi: & ideo cum non directè facit inuoluntarium consensum, non excludit matrimonium.

AD ALIUD dicendum, quod conscit singularia sub aliquo actu: quia scit in quo siue in quem consentit: sed aliquid est circa illum per accidens, quod ignorat, & hoc non obstat matrimonio.

AD ID quod vltius obiicitur de errore conditionis, dicendum quod euacuat consensum ex causa prius dicta. Ad obiectum contra, dicendum quod est contra liberum statum matrimonij, & contra omnia iura coniugis & proles, & deturpat totam honestatem & coniugum & liberorum, & ideo libertas inuoluntaria est, & ideo excludit error conditionis consensum.

AD ALIUD dicendum, quod non est ex hoc quod excludit consensum, sed potius ex hoc quod error conditionis implicat errorem personæ, licet adiciat deturpationem conditionis in coniugibus & liberis, ut dictum est.

AD ALIUD dicendum, quod non accipitur hic qualitas largè, sed specialiter pro illa

HHh quæ



quæ non est contraria actui matrimoniali: quia illa etiam qualitas est: alia autem est sicut cuiusdam substantialis matrimonij priuatio.

AD ALIUD dicendum, quod qualitas mentis aliter potest curari, quam per exclusionem coniugij, scilicet si mulier non imitetur virum: quia in tali casu etiam vtile est quandoque coniungi malum virum cum bona femina, vel è conuerso: quia dicit Apostolus 1. Corinth. 7. quod vnus coniugum frequenter sanctificatur per alium bonum.

AD ID quod vterius quæritur de errore fortunæ, dicendum quod illa mobilis est circa personam, & ideo non excludit. Ad id autem quod contra obiicitur, dicendum quod hoc fit ad bene esse matrimonij, & non ad esse: & ideo non valet obiectio.

AD ALIUD dicendum, quod tales qualitates frequenter subiacent oculis contrahentium, scilicet senectus, iuuentus, infirmitas, & sanitas: & ideo tales non oportet ponere: quia cum vident esse, possunt consentire vel dissentire. Sed istæ quas hîc enumerat, sunt magis latentes, & posset alicui videri, quod excluderent consensum nisi exprimerentur.

## ARTICVLVS V.

*An Lia coniungens se Iacob qui consenserat in Rachel, mortaliter peccauit, & adulterium commisit?*

DEinde quæritur de hoc quod dicit [Sed obiicitur de Iacob, &c.] Videtur enim falsum dicere in litera, quod Lia excusetur per hoc, quod vxorio affectu debitum reddiderit, putans lege primogenitarum & paternis imperiis se iure copulatam: hoc enim videtur falsum: quia ignorantia iuris neminem excusat: sed hæc est ignorantia iuris, quod aliquis eo ipso credat se esse coniugem sponsi sororis, quia est primogenita: ergo videtur, quod Lia non excusetur.

2. Adhuc, Sine consensu puellæ non potest fieri matrimonium: consensus autem est sensus duorum, vt habitum est ante: & hoc bene sciuit Lia, quod ipsa non fecerit: ergo sciuit se non esse coniugem: ergo peccauit mortaliter se Iacob coniungendo.

*Solutio.* AD HOC dicendum, quod Laban peccauit mortaliter, sed non Lia: quia consensus matri-

monij non tantum fit per se, sed per alium mediatorem existentem, & ita per patrem vt mediatorem consentit Lia. Et sic patet solutio obiectorum.

## ARTICVLVS VI.

*An aliquis adorans diabolum transfiguratum in Angelum lucis mortaliter peccet?*

DEinde quæritur de hoc quod dicit ibi [Si enim diabolus transfigurans se in Angelum lucis, &c.] Videtur enim, quod falsum dicit: quia dicitur 1. Ioan. 4. Nolite omni spiritui credere, sed probate spiritus vtrum ex Deo sint. Ergo peccat, qui non probat: sed non probat, qui diabolum loco Christi adorat, ergo videtur, quod ipse peccat: ergo simile non valet.

SED QVIA de hoc super tertium est notatum, dicendum quod ipse loquitur in tali casu, quando sufficiens cautela de probatione spiritus est adhibita: tunc adhuc debet dicere cum Bartholomæo, Adoro, sed non idolum, sed Deum adoro, non dæmonem sed Iesum Christum: & si tunc etiam est deceptus, non nocet.

## ARTICVLVS VII.

*An suscipiens hæreticum nomine Catholici peccet mortaliter?*

Vterius quæritur de alio simili quod tægit ibi [Siquis hæreticus nomine Augustini, &c.] Hoc enim videtur nihil valere: quia ille suscipit hæresim: sed qui suscipit hæresim, non excusatur etiam si per Angelum suscepisset eam: ergo ipse peccat: & sic simile nihil valet. Quod autem minor vera sit, patet Galat. 1. Si Angelus de calo Euangelizet vobis præter id quod Euangelizauimus vobis, anathema sit.

RESPONSIO. Loquitur hîc de deceptione hominis, non erroris: licet enim deceptores hæreticorum condemnentur, tamen recipiens hæreticum nomine Catholici, non condemnabitur. Et hoc intendit in litera. Et per hoc patet solutio.

## De coniugio Mariæ &amp; Ioseph.

B  
Aug. lib.  
24. cōtra  
Faustū  
Mani-  
chæum.  
c. 8. & 9.

REMISSIS aliquid addendum est de modo illius consensus, qui inter Mariam & Ioseph intercessit. Sanè credi potest, non solum Mariam, sed etiam Ioseph apud se disposuisse virginitatem seruare vellē, nisi Deus aliter iuberet, eosque sic consensisse in coniugalem societatem, vt vterque de altero, reuelante Spiritu sancto, intelligeret, quod virginitatem seruare vellet, nisi Deus aliter inspiraret: sed illam voluntatem verbis non expresserant, postea verò expresserunt, & in virginitate permanserunt.



ferunt. Consensit ergo Maria in maritalem societatem, sed non in carnalem copulam, nisi de eadem specialiter Deus præciperet: cuius etiam consilio in maritalem consensit copulam, quia virginitatem seruare volebat: & ideo non aliter confesisset in coniugalem societatem, nisi familiare Dei consilium habuisset: de qua August. sic ait, Beata Maria proposuit se seruaturam votum virginitatis in corde, sed ipsum votum non expressit in ore. Subiecit se diuinæ dispositioni, proposuit se perseueraturam virginem, nisi Deus aliter ei reuelaret. Committens ergo virginitatem suam diuinæ dispositioni, consensit in carnalem copulam, non illam appetendo, sed diuinæ inspirationi in utroque obediendo: postea vero simul cum viro labiis expressit, & uterque in virginitate permansit.

Lib. de nuptiis & concup. & habetur 29. q. 2. c. Sufficiat. §. Cum ergo.

*Quod perfectum inter eos fuit coniugium.*

**I**NTER quos, ut ait August. perfectum fuit coniugium, perfectum quidem non in significatione, sed in sanctitate. Sanctiora sunt enim coniugia pari voto continentium. Vnde August. Quod Deo pari voto & consensu voueratis, ambo perseueranter reddere debuistis: à quo proposito si lapsus est ille, tu saltem perseuera. Non quia pariter temperabatis à commixtione carnali, ideo maritus tuus esse destiterat: imo vero tanto sanctius coniuges manebatis, quanto sanctiora concorditer placita seruabatis. Perfectum ergo fuit Mariæ & Ioseph coniugium in sanctitate. Perfectum etiam fuit secundum triplex bonum coniugij, fidem scilicet, prolem, & sacramentum. Omne enim nuptiarum bonum, ut ait Augustinus, impletum est in illis parentibus Christi, fides, proles, sacramentum. Prolem cognoscimus ipsum Dominum. Fidem, quia nullum adulterium. Sacramentum, quia nullum diuortium. Solus ibi nuptialis concubitus non fuit: quia in carne peccati fieri non poterat sine pudenda concupiscentia carnis, quæ accidit ex peccato: sine qua concipi voluit, qui sine peccato futurus erat. Et licet non intercesserit coniugalis concubitus, coniuges tamen verè fuerunt mente non carne, sicut & parentes: quamuis Ambros. dicat perfectum fieri coniugium per carnalem copulam. In omni, inquit, matrimonio coniunctio intelligitur spiritualis: quam confirmat & perficit coniunctorum commixtio corporalis. Sed intelligendum est coniugium perfici commixtione corporali, non quantum ad veritatem vel sanctitatem coniugij, sed quantum ad significationem, quia perfectius vnionem Christi & Ecclesiæ tunc figurat.

27. q. 2. §. Inter quos. Ad En-ditiam.

Lib. de nuptiis & concup. c. 11. & habetur 27. q. 2. cap. Omne itaque.

Lib. de Patriarchis. 11. & c. 12. & habetur 27. q. 1. cap. Cū ini-tiatur.

ARTICVLVS VIII.

*An erat verum matrimonium inter Ioseph & gloriosam Dei genitricem Virginem?*

**D**Einde quæritur de hoc quod dicit ibi [Præmissis aliquid addendum est de modo, &c.] Quærentur autem ibi quinque, quorum primum est, utrum fuerit coniugium? Secundo, Vtrum fuerit perfectum? Tertio, Vtrum

vorum contrariatur consensui facienti matrimonium? Quarto, Vtrum bonum proles illius matrimonij fuit bonum? Quinto & ultimo, Vtrum fuerit ibi indiuiduitas vitæ?

Ad primum horum sic obiicitur: Altissimus status matri Dei competebar: sed altissimus status est extra matrimonium: ergo mater Dei matrimonio ligata non fuit: ergo non fuit matrimonium inter eam & Ioseph.

2. Adhuc, Perfectius est votum quod abso-lute



lutè sit, quam id quod sit sub dubio: sed optimum & perfectissimum imponendum est matri Dei: ergo videtur, quod suum votum fuerit tale: sed hoc impedit matrimonium: ergo ipsa postea non contraxit matrimonium.

3 Adhuc Genes. 15. dicitur, quod generatione quarta reuertentur huc: & hæc est contraria secunda: quia prima fuit viri de terra. Secunda mulieris virginis de viro virgine non desponsato. Et tertia de commixtione sexuum matrimonio consueta. Ergo quarta debuit esse viri de femina non coniugata: ergo beata Virgo coniugium cum Ioseph non habuit: quia ego relinquo pro constanti, quod ipsa fecit, quicquid debuit.

4 Si forte dicas, quod voluit Deus, quod esset coniugata ut solatium viri haberet in procuratione. Contra: Maioris meriti est non habere virum nec procuracionem viri, quam non habere quidem per commixtionem, sed habere sui procuracionem: sed ipsa fecit semper quod fuit maius meritum: ergo videtur, quod ipsa nullo modo habuit virum: ergo inter eam & Ioseph non fuit coniugium.

*Sed contra.*

IN CONTRARIUM huius est, quod summa sapientia summe cauere debuit matri suæ & ab infamia, & à periculo: sed non esset cautum nisi per desponsationem, quia aliter credita fuisset adultera, & lapidata: ergo Christus qui est summa sapientia, ordinauit quod esset coniugata: ergo fuit coniugium inter eam & Ioseph.

2 Adhuc, Altior status est virginitatis, quanto magis habet impugnans, dummodo in perfecta munditia perseveret: sed talis impugnatio præcipue est in coniugiorum sanctissima continentia: ergo in talibus altissimus est status virginis: sed status altissimus decebat matrem Christi: ergo decebat matrem Christi ut esset coniugata, dummodo in concupiscentia non esset coniuncta coniugi suo.

*Quæstio-  
cula.*

VLTERIUS quæritur de causis desponsationis beatæ Virginis quas tangit Origenes in homilia de vigilia Natiuitatis Domini sic dicens: Quæ fuit necessitas ut esset Maria desponsata Ioseph, nisi propterea quatenus hoc sacramentum diabolo celaretur? & ille malignus fraudis commenta aduersus desponsatam virginem nulla penitus inueniret? Vel ideo desponsata fuit Ioseph, ut nato infanti & ipsi Mariæ curam videretur gerere siue in Egyptum iens, siue inde denuò veniens. Et infra, Si enim non fuisset desponsata, omnium bonorum incredibiles & inimici Iudæi lapidibus eam occidissent. Ex his colliguntur tres causæ quare de coniugata voluit Christus nasci, ut diabolo sacramentum celaretur, ut solatium & obsequium matri & sibi exhiberetur, & non mater tanquam adultera à Iudæis infamaretur & lapidaretur.

Videtur autem prima nulla esse: quia demones naturalia dona, sicut dicit Dionysius, non amiserunt, sed per naturam sciunt & cognoscunt Deum: ergo per naturam deitatem in Christo cognouerunt: ergo hoc sacramentum non fuit celatum demonibus per coniugium.

2 Adhuc, Demones vident omnia naturalia: ergo cognoscunt signa virginitatis & corruptionis: ergo per hæc signa cognouerunt matrem Christi esse virginem post partum: ergo sciuerunt Christum esse filium Virginis: ergo per hoc non fuit eis celatum sacramentum.

3 Adhuc, Ipsi cognouerunt Christum non habere peccatum per hoc quod de suo nihil inuenerunt in ipso: ergo sciuerunt eum aut esse mundatum, aut præter legem communem natum: sed non sciuerunt ipsum esse mundatum, quia nunquam habuit peccatum: ergo sciuerunt eum esse natum præter legem communem: ergo non de viro, nec de femina, sed de virgine natum: ergo non fuit eis celatum sacramentum. Quod autem sequatur, probatur per August. in lib. de nuptiis & concupiscentia contra Iulianum Pelagianum, & per Anselmum in lib. de conceptu virginali, qui multis rationibus persuadere contendunt, omnem illum contrahere originale qui per legem communem nascitur ex viro & femina: & ideo beatam Virginem non potuisse transfundere originale, quia præter legem communem peperit.

VLTERIUS quæritur de secunda: quia cum venerit pati paupertatem pro nobis, videtur quod magis debuit tali solatio matrem velle destitui, quam iuuari.

Similiter de tertia obiicitur: quia Iudæi legerant Scripturam Isaia 7. in qua dicitur, Ecce virgo concipiet, &c. sed tunc expectabant redemptionem: ergo videtur, quod si sine desponsatione peperisset, non lapidassent eam, sed cum gaudio suscepissent.

Item videtur, quod coniugium fuit eis impedimentum credendi: quia sciuerant, quod de Virgine Christus nasci debuit, & ipsa per coniugium virginitatem suam occultauit: ergo eis impedimentum credendi per hoc videtur generasse.

RESPONSIO. Dicendum, quod verum & perfectum matrimonium fuit inter gloriosam Virginem, & sanctum Ioseph, testem & æconomum virginalis castitatis eius.

AD HOC ergo quod primo obiicitur, dicendum quod matrimonium ratione consensus coniugalis non deprimit statum virginitatis, sed potius ratione coitus: & ille in illo matrimonio non fuit: quia ut dicit Origen. licet esset desponsata, non tamen fuit in concupiscentia iuncta.

AD ALIUD dicendum, quod votum est conceptio melioris boni: bonum autem melius est duplex, scilicet simpliciter, & secundum tempus in quo magis valet. Dicit enim Philosophus in 3. topicorum, quod vnumquodque in tempore in quo magis valet, magis est eligendum: & ideo optimum fuit beatæ Virginis votum, quia simpliciter fuit de optimo, id est, de virginitate: sed bonum quod tunc plus valuit, commisit dispensationi: unde non dubitauit utrum vellet virgo permanere, sed potius utrum deberet permanere quod volebat, eò quod tunc fructus ventris secundum tempus plus valuit Ecclesiæ, quam virginitas: quia multi ad idololatriam pertrahebantur,



trahebantur, & pauci verum Deum colebant. Et hoc est quod præceperat Dominus Leuit. 2. quòd in omni sacrificio sal offerretur: quia nullum votum debuit fieri, nisi discernendo voluntatem Dei circa bonum quod tunc magis voluit.

AD ALIUD dicendum, quòd quarta generatione reuertuntur, sicut dicit obiectio: sed non oportet, quòd per omnia sit similis secunda: & hoc ideo, quia status temporis non fuit idem: solus enim existens uxorem habere non potest, sed formabatur ei vxor, & beatæ Virgini non nascebatur maritus, sed dulcissimus filius, qui sua generatione omnes genuit filios, vt reduceret ad patriam æternæ salutis.

AD ALIUD dicendum, quòd quia meritum est in voluntate, & indiscretio est carere solatio necessitatis, procurauit Deus matri solatium necessitatis, & solatium voluptatis exclusit: & ideo illa obiectio supponit falsum, quòd scilicet maioris meriti sit carere solatio necessitatis, quam ipsum habere: sed si dicat de solatio voluptatis, tunc non est ad propositum.

AD ALIUD quod obiicitur de causis quas assignat Origenes, dicendum quòd bonæ sunt. Ad id quod obiicitur contra primam, potest responderi dupliciter. Vno quidem modo: quia licet dæmones naturalem cognitionem habeant diuinitatis, tamen non vnionis: & ideo non sequitur, quòd nouerunt deitatem vt vnitam: & sic celatum fuit eis, quia si filius fuisset non coniugata virginis, habuissent certiores coniecturas. Alio modo potest dici, quòd de diabolo loquitur Origenes in membris suis, & non in se. Sed primum melius est: quia Gloss. 1. Corinth. 2. super illud, Quem nemo principum huius seculi cognouit: si enim cognouissent, nunquam Dominum gloriæ crucifixissent: exponitur de dæmonibus qui nescierunt sacramentum incarnationis: quia si sciuisent, nunquam persuasisent crucifixionem: sciuisent enim se per hoc amissuros potestatem. Et si obiicitur contra illud, quod dicitur Matth. 8., Quid nobis & tibi Iesu Fili Dei? venisti ante tempus torquere nos? Dicendum, quòd hoc dixerunt dæmones per coniecturas miraculorum & sanctitatis vitæ, & non ex certa scientia.

AD ALIUD dicendum, quòd bene potest esse, quod voluntate diuina impediti non considerare audebant aliquid circa matrem Dei: & ideo scientia eorum de naturalibus eius fuit quasi in habitu & sopita, sicut aliquis scit aliquid in vniuersali, quod tamen in particulari non considerat.

AD ALIUD dicendum, quòd de filio Dei benè cognouerunt, quòd nihil iuris habebant in ipso: sed hoc poterat multis aliis de causis voluntate diuina fieri: & ideo ex hoc non habebant nisi coniecturam. Et ideo Matth. 4. & Lucæ 4. multum instat tentationi diabolus, vt verum experimentum diuinitatis accipiat.

AD ALIUD dicendum sicut prius, quòd solatium necessitatis refutare est peruersum & non meritorium, & præcipue in virgine cuius,

D. Alb. Mag. in Lib. 4. Sentent.

cum sola est, non est discurrere per terras, & per diuersa negotia vagari.

AVLTIMUM dicendum, quòd amantes primatum, cæci facti erant: & ideo testimonio Scripturæ non credidissent, sed lapidassent, sicut postea compertum fuit in opere, vbi magna & euidentia miracula eos flectere non poterant. Vnde licet Scripturam habuissent, tamen non credidissent beatam Virginem fuisse illam, de qua hoc prædictum fuit. Et per hoc patet etiam solutio ad sequens: quia non fuisset eis impedimentum, sed potius credulitatis argumentum per sancti viri Ioseph testimonium confirmatum.

## ARTICVLVS IX.

*An sacramentum matrimonij inter Mariam & Ioseph fuit perfectum, & an iuste Ioseph voluit Mariam dimittere?*

Secundo quaeritur, Vtrum sacramentum hoc fuit perfectum? Videtur autem, quòd non, & hoc tripliciter. Primo ab ipsa causa efficiente: consensus enim simpliciter causat matrimonium simpliciter: ergo consensus conditionatus, non causat matrimonium simpliciter, sed secundum quid: sed consensus beatæ Virginis fuit conditionatus: ergo non causabat matrimonium nisi secundum quid: sed matrimonium secundum quid, est imperfectum: ergo matrimonium beatæ Virginis fuit imperfectum.

2. Item, Ex parte boni fidei videtur fuisse imperfectum: quia aliud est voti absoluti, & aliud fidei thori: votum enim absolutum custodit castitatem absolutam ab omni viro, & in omni hora: sed fides thori nec omni hora nec absolute, & hæc custodia non fuit in beata Virgine: ergo suum matrimonium quantum ad fidem thori fuit imperfectum.

3. Item etiam quantum ad prolem videtur fuisse imperfectum: quia proles non fuit causata à matrimonio: ergo non fuit bonum eius: ergo non accipit ab ipsa aliquam perfectionem.

4. Item quantum ad bonum sacramenti: perfectum enim in bono sacramenti, est perfectum in signando: sed istud imperfectum est in signando, vt dicit litera: ergo est imperfectum sacramentum: ergo etiam imperfectum videtur.

5. Item quantum ad essentiam matrimonij videtur imperfectum: quia indiuiduitas est perfectio essentialis matrimonij: sed quæ nunquam perfecte fiunt vnum, illa nunquam habent perfectam indiuiduitatem: sed beata Virgo & Ioseph nunquam perfecte fuerunt vnum: ergo patet propositum. Probatio minoris est, quòd vnitas animorum ordinatur ad vnitatem corporum: finale autem in omnibus est complens: cum igitur nunquam fuerunt vnum vnitate corporis, nunquam perfecte fuerunt vnum.

6. Item, Omne illud in quo deficit vltimum complens, est imperfectum: sed in matrimonio



monio beatæ Virginis & Ioseph deficit ultimum complens: ergo est imperfectum. Probatio minoris est: quia ultimum consummans matrimonium est commixtio sexuum.

7 Item causa quam in litera dicit, videtur esse nulla, quia castitas non perficit coniugium, licet aliquo modo perficiat meritum: ergo nihil est quod dicit.

8 Item, Hoc perficit coniugium in quod exercendum consentiunt coniuges: hoc autem non est castitas: ergo castitas non perficit. Prima per se patet. Secunda autem probatur per hoc, quod si castitas perficeret matrimonium, frustra excluderentur à matrimonio mater, soror, & filia, & huiusmodi personæ.

*Sed contra.* IN CONTRARIUM est quod dicitur in litera, & idem est in decreto, 31. per totum.

2 Item, Adhuc obicitur per rationem sic: Dei perfecta sunt opera: ergo præcipue illa sunt perfecta quæ facit circa se & suos: matrimonium autem istud fecit circa se & suos: ergo est perfectissimum.

3 Item, Ipse Angelus dicit Matth. 1. Noli timere accipere Mariam coniugem tuam. Non autem dicuntur coniuges, ut supra est probatum, nisi ex quo matrimonium inter eos est perfectum: ergo fuit ibi perfectum matrimonium.

*Quæstio- cula.* SED SI hoc secundum veritatem conceditur, quæritur tunc, quare Ioseph cum esset iustus, nollet eam traducere, sed voluit occultè dimittere eam: non enim licuit ei eam dimittere & aliam ducere, nec in seculo manere, si erat matrimonium perfectum: sed licuit cum esset iustus, iustus enim nihil iniuste molitur: ergo non fuit matrimonium perfectum, ut videtur.

*Solutio.* RESPONSIO. Dicendum, quod perfectissimum fuit, incontaminatum, & immaculatum matrimonium: quia, sicut supra ostensum est, concubitus carnalis consequens est matrimonium, & non perficit ipsum, sed potius consensus per verba de præsentem expressus.

Dicta igitur non repetentes, dicimus ad primum, quod consensus sufficiens fuit ad matrimonium, qui erat in matrimonialem copulam sub dispositione diuina permissam: charitas enim per se vult meliora: sed nonnunquam cogitur operari circa ea quæ inferiora sunt & magis necessaria tali tempore, sicut dicit Gloss. Tit. 2. Charitas veritatis vult semper quod melius est simpliciter: sed veritas charitatis illa cogit facere velle ex tempore. Et ideo dicendum, quod argumentum non procedit nisi de conditione coniugalem consensum diminuentem, & talis non est ista.

AD ALIUD dicendum, quod fides custodit castitatem propter se, & exhibet se maritaliter coniuncto propter infirmitatem vel bonum prolis. Vnde quod exhibet se, hoc est propter aliud: sed custodia castitatis est sicut per se desideratum: & ideo in primo est perfectio boni fidei, & non in secundo.

AD ALIUD dicendum, quod duo faciunt bonum matrimonij, scilicet susceptio prolis per matrimonium, & educatio in ipso.

Dicendum igitur, quod Christus habet alterum expressè, quia educatur pietate parentum, & præsentatur Patri in templo, ut sisterent eum Domino: & loco primi habet quod susceptus est in matrimonio, licet non per ipsum, & ideo dicitur bonum matrimonij, non omnino sicut alij infantes.

AD ALIUD dicendum, quod significatio est de essentia sacramenti in quantum conuenit veteri sacramento: & ideo consequitur genus sacramenti, & non speciem: & ideo à significatione essentiali perfectionem sacramentum non contrahit.

AD ALIUD dicendum, quod nulla vnio est essentialis matrimonij ratio, nisi maritalis in consensu animorum fundata: illa autem quæ est carnis, est consequens ipsum: & ideo prima non ordinatur ad illam sicut ad essentiali, sed sicut ad effectum qui potest consequi si volunt coniuges: & ideo argumentum falsum supponit.

AD ALIUD dicendum, quod actus concumbendi non est perficiens & consummans secundum esse: & huius ratio satis ex superioribus habetur.

AD ALIUD dicendum, quod causa bona est quam dat in litera: est enim castitas duplex, scilicet castitas simplex & in genere, & castitas specifica. Et simplex quidem dicta castitas, non perficit matrimonium, sed in specie, & hæc est castitas maritalis, & hæc est quæ est secundum voluntatem coniugum siue ad continendum siue ad reddendum debitum: & perfectior est quando est ad continendum, & talis fuit in matrimonio isto de voluntate utriusque, eo quod ambo vouerunt castitatem, & hæc de causa de communi voluntate continuerunt: & talis non est castitas virginis non iunctæ matrimonio, nec etiam castitas viduæ.

AD PROBATIONEM autem ulteriorem dicendum, quod inter illegitimas personas non potest esse castitas coniugalis, sicut iam & supra patuit: & per hoc soluta sunt omnia quæ primo obiecta sunt.

AD VLTIMUM autem responderet Origenes, quod non cogitavit hoc Ioseph: ut suspicionem haberet de gloriosa Virgine, sed potius, quia indignum se reputabat tantæ sanctitati seruire: & ideo nisi confortatus fuisset ab Angelo, alio se subtrahere voluit, ut alij sua reputatione magis idoneo locum daret.

## ARTICVLVS X.

*An bonum matrimonij istius fuit bonum prolis?*

**T**ertio quæritur, Verum bonum prolis istius matrimonij bonum fuerit? licet enim hoc iam ferè sit habitum, tamen amplius est inquirendum. Videtur autem, quod non: bonum enim matrimonij se habet ad matrimonium sicut effectus ad causam: sed proles ista non est effecta à matrimonio isto: ergo non potest esse bonum eius.

2 Item, Filius adoptatus ab aliquo, non potest



potest esse bonum sui matrimonij : ergo multo minus ille qui non est , nec est etiam adoptatus.

3 Item , Sicut se habet pater ad filium qui matrimonio iunctus est , ita filius ad matrimonium : sed pater Christi non fuit Ioseph verus , sed solum putatiuus : ergo videtur , quod Christus non fuit nisi putatiuum bonum prolis illius matrimonij : sed non sequitur , hoc est putatiuum bonum illius : ergo est bonum illius : ergo videtur , quod non debet dici bonum illius matrimonij.

4 Item , Non est bonum matrimonij quod est ante coniunctionem matrimonialem : sed Christus conceptus verus homo existens fuit ante coniunctionem matrimonialem beatæ Virginis & Ioseph : ergo non fuit bonum illius matrimonij. Prima patet per se. Secunda scribitur Matth. 1. Antequam conuenerent , inuenta est in utero habens de Spiritu sancto.

*Solutio.*

AD HOC dicendum est , ut prius , quod ad hoc quod proles dicatur bonum matrimonij , plura exiguntur , scilicet quod in matrimonio secundum timorem Dei suscipiatur & religiosè educetur , & quod in ipso stet cultus diuinus sicut stetit in parentibus , sicut dicitur Tobie 8. Ad posteritatis dilectionem in qua laudetur nomen tuum. Et horum quædam fuerunt in Christo , ratione quorum dicitur bonum prolis illius matrimonij , scilicet quia in matrimonio est susceptus , licet non ex matrimonio , sed ex Spiritu sancto , & in matrimonio nutritus & educatus subditus illis , ut dicitur Lucæ 2. & religio parentum non tantum in ipso permanit , sed etiam tora quæ ceciderat , resurrexit.

AD PRIMUM ergo dicendum , quod matrimonium sufficiens non fuisset ad tantum effectum , sed aliquid effecit circa ipsum , scilicet protectionem matris , & sui educationem.

AD ALIUD dicendum , quod Christus non est filius adoptatus alicuius , sed naturalis matris filius , & per ipsam pertinet ad matrimonium.

AD ALIUD dicendum , quod comparatio illa non valet : quia Christus dupliciter potest comparari ad matrimonium , scilicet per matrem , & Ioseph : sed Ioseph ad Christum non comparatur , nisi sicut pater putatiuus & nutriendus : & ideo non procedit argumentatio.

AD ALIUD dicendum , quod ante cohabitationem conceptus est Christus : sed non dicit Euangelium , quod conceptus sit ante pactionem conjugalem , sed innuit , quod post , cum dicit. Cum esset desponsata , &c. sed quicquid sit post pactionem conjugalem quæ ibi desponsatio vocatur , totum pertinet ad matrimonium.

## ARTICVLVS XI.

*An votum castitatis beata Virginis contrariebatur consensui matrimoniali ?*

Quarto queritur , Vtrum votum illud consensui matrimoniali contrariebatur ? Vi-

detur autem , quod sic : quia quorum actus sunt contrarij , & ipsa sunt contraria , ut dicit Philosophus : sed actus voti castitatis & matrimonij , sunt contrarij : ergo votum & consensus matrimonialis sunt contraria. Probatio minoris est , quod votum vult continere ab omni , sed non consensus matrimonij.

2 Item , Votum non est de his quæ sub sunt præcepto , quia ad hæc omnia tenetur quilibet sine voto : ergo votum non excludit ibi fornicationem carnalem : cum igitur excludat aliquid de his quæ non sunt sub præcepto , videtur quod excludat matrimonium : ergo videtur , quod consensui matrimonij contrarietur.

3 Item , Vouenti paupertatem voluntariam non licet redire ad diuitias habendas ad vsum , etiam si subiiciat eas , sed oportet abicere : ergo à simili vouenti statum virginis ad statum conjugij non licet redire , etiam si contineatur in coniugio : ergo videtur cum sic vouerit beata Virgo , quod ipsa non potuit postea consentire in matrimonium. Si autem hoc dicatur , contra hoc est quod dicitur in littera , & in Euangelio , & ab omnibus patribus.

RESPONSIO. Dicendum , quod nunquam vouit absolute esse & permanere virgo : sed hoc semper voluit absolute , & nunquam voluit carnalem copulam , nisi si hoc melius esse pro illo tempore reuelaret Deus : propter quod , ut in littera dicitur , virginis suam propter statum temporis diuinæ commisit providentiæ & dispositioni : eo quod omnis qui tunc temporis de stirpe Dauid per rectam lineam descenderat , participem se esse illius promissionis desiderabat , & posteritatem ex qua Christus nasceretur relinquere affectabat , & in hac spe in matrimonium consensit.

*Solutio.*

DICENDUM igitur ad primum , quod votum castitatis fuit conditionale , & ideo matrimonio non contrariabatur : vult enim August. in littera , quod sic consenserit in matrimonium , quod nisi oppositum iuberet Deus , etiam debitum reddidisset.

AD ALIUD dicendum , quod hoc sequi videtur si solenniter & sine conditione votum emisisset.

AD ALIUD dicendum , quod non est simile : quia qui vouit abicere diuitias , non abiicit , sed utitur eis quando habet : sed vouens virginis & tenens eam cum viro , non utitur actu qui est in copula carnali.

## ARTICVLVS XII.

*An inter beatam Virginem & Ioseph fuit indiuiduitas vite ?*

Quinto queritur , Vtrum inter beatam Virginem & Ioseph fuerit indiuiduitas vite ? Videtur autem , quod non : quia indiuiduitas est , quando impossibilis est separatio : sed hoc non fit nisi per carnalem copulam : ergo videtur cum hoc non fuerit inter eos , quod non fuit ibi plena indiuiduitas.

2 Item , Alia est indiuiduitas charitatis & amicitie



amicitiæ & matrimonij: sed ego video, quod indiuiduitas spiritus est inter diligentes & amicos: ergo illa non est propria matrimonij: cum igitur non habet aliam, videtur quod propriam matrimonij indiuiduitatem non habuerunt inter se.

*Sed contra.*

IN CONTRARIUM est, quod indiuiduitas causatur à consensu: constat autem plenissime eos sibi consensisse: ergo videtur, quod plenissimam habuerunt indiuiduitatem.

*Solutio.*

RESPONSIO. Dicendum, quod indiuiduitas animorum maxima fuit in illo sacramento, quæ nunquam fuit inter alios coniuges.

AD ID ergo quod contra obiicitur, dicendum quod vnio ponit separationem possibilem per mortem, & illa est inter tales in morte spiritali: quia hoc non erat ibi nisi vinculum spirituale: & huius ratio patet ex supra dictis. Vnde falsum est, quod sit diuisio possibilis, quandiu perdurant in vita matrimonio possibili ipsa vnita.

AD ALIUD dicendum vt supra, quod hic specificatur indiuiduitas per formam & differentiam contrahentem, quæ coniunctio est maritalis: talis enim non est inter diligentes vel inter amicos.

### *De causa finali coniugij.*

- D** XPOSITO quæ sit efficiens causa matrimonij, consequens est ostendere ob quam causam soleat vel debeat contrahi matrimonium. Est igitur finalis causa matrimonij contrahendi principalis procreatio prolis: propter hoc enim instituit Deus coniugium inter primos parentes, quibus dixit, Crescite & multiplicamini, &c. Secunda est, post peccatum Adæ vitatio fornicationis: vnde Apostolus, Propter fornicationem vnusquisque habeat uxorem suam, & vnaquæque habeat virum suum. Sunt & aliæ causæ honestæ, vt inimicorum reconciliatio, & pacis reintegratio. Sunt etiam & aliæ causæ minus honestæ, propter quas aliquando contrahitur, vt viri mulierisque pulchritudo, quæ animos amore inflammatos sæpè impellit inire coniugium, vt valeant suum explere desiderium. Quæstus quoque & diuitiarum possessio frequenter est coniugij causa, & alia multa, quæ cuique diligentiam adhibenti facile est discernere. Nec est assentiendum illis, qui dicunt non esse coniugium, quod propter has causas minus honestas contrahitur. Constat enim ex præmissis coniugium fieri ex communi consensu verbis de præsentī expresso, quamuis amor ad hoc attraxerit. Cuius rei documentum præstat
- Gen. 1.* Iacob, qui Rachel decoram facie & venusto aspectu amauit, eamque multum diligens ait, Seruiam tibi pro Rachel septem annis. In
- 1. Cor. 7.*
- Deut. 11.* Deuteronomio etiam legitur, Si videris in medio captiuorum mulierem pulchram, & adamaueris eam, voluerisque uxorem habere, introduces eam in domum tuam, &c.

### *Quod malus finis non contaminat sacramentum.*

- E**T licet fine non bono contrahatur coniugium, quando species contrahentis mouet animum, coniugium tamen bonum est: quia vita mala vel intentio peruersa alicuius, sacramentum non contaminat. Habuit autem coniugium Mariæ & Ioseph alias causas speciales, scilicet vt virgo solatio viri sustentaretur, & vt diabolo partus celaretur, vt Ioseph esset testis castitatis, defendens eam ab infamia suspicionis, ne vt adultera damnaretur.



ARTICVLVS XIII.

*An matrimonium potest fieri pluribus de causis?*

**D**Einde quæritur de hoc quod dicit [Exposito quæ sit causa efficiens matrimonij, &c.] Videtur enim, quod vnum & idem non debet habere plures causas finales: sed proles, & infirmitas, & pulchritudo, & diuitiæ, & amicitia, & reconciliatio inimicorum sunt plura non eiusdem generis: ergo videtur, quod non possunt esse causa vnius matrimonij.

2 Item, Si aliquid causatur à pluribus causis non existentibus in vno genere, impossibile est ipsum esse simplex: sed matrimonium est simplex: ergo videtur, quod non causatur pluribus causis genere differentibus, sicut sunt illæ quas in litera enumerat.

3 Item Boëtius, Cuius causa est bona, ipsum quoque est bonum: ergo cuius causa est bonum & malum, ipsum est bonum & malum: ergo vterius à simili, cuius causa est honesta & minus honesta, ipsum est simul minus honestum & magis honestum, quod falsum est.

4 Item, Nullum sacramentum requiritur sub inhonesta causa: ergo nec istud: falsum ergo dicit in litera.

5 Item, Ecclesia non iudicat vel ordinat de inhonestis, vel de his quæ fiunt inhonestis causis: sed iudicat de matrimonio: ergo nunquam fit causis minus honestis.

**RESPONSIO.** Dicendum, quod duplices sunt causæ matrimonij, scilicet per se, & per accidens. Per se causæ matrimonij semper sunt honestæ, sed causæ per accidens non semper: per accidens autem sunt causæ, quæ non sunt directæ causæ matrimonij, sed potius causæ inclinantes ad contrahendum: & ideo sunt potius causæ contrahendi, quam matrimonij, sicut expresse dicit Magister in litera.

Dicatur ergo ad primum, quod hoc intelligitur de causa per se.

**AD ALIUD** autem dici potest, quod hoc verum est de causis essentialibus: sed iam ostensum est, quod istæ non sunt tales.

**AD ALIUD** dicendum, quod hoc optimè sequeretur si æquali causalitate essent causæ: & ideo cum honestæ sunt essentielles matrimonio, ipsum est similiter honestum, sicut dicit in litera: sed cum inhonestæ non sunt essentielles causæ eius, sed potius quare contrahatur inclinantes, non ponunt suam inhonestatem circa matrimonium, sed potius circa matrimonium contrahentes. Et per hoc patet intellectus omnium eorum quæ dicuntur in hac distinctione.

DISTINCTIO XXXI.

*De tribus bonis coniugij.*

**P**OST hæc de bonis coniugij quæ sint, & qualiter coitum excusent, dicendum est. Tria sunt principaliter bona coniugij. Vnde August. Nuptiale bonum tripartitum est, scilicet fides, proles, sacramentum. In fide attenditur, ne post vinculum coniugale cum alio vel alia coeatur. In prole, vt amanter suscipiatur & religiosè educetur. In sacramento, vt coniugium non separetur, & dimissus vel dimissa ne causa prolis alteri coniungatur.

ARTICVLVS I.

*In quo genere boni sit matrimonium?*

**P**OST hæc de bonis coniugij, &c.] Hæc est pars in qua agitur de bonis coniugij ab Auctore, & diuiditur in duas partes. In prima agitur de bonis coniugij. In secunda qualiter per hæc bona coitus excusatur: & hæc incipit *ibi* [Cum igitur hæc tria bona] Item prima diuiditur in tres. In prima ostendit quæ sunt bona. In secunda ostendit, quod non in omni matrimonio sunt tria *ibi* [Et est sciendum] In

tertia quærit vtrum aliquod matrimonium sit, in quo nullum sit *ibi* [Soler quæri, &c.] Incidunt autem hîc ante literam sex inquirenda, quorum primū est, In quo genere boni sit matrimoniū? Secundū, In quo genere incidat sua bona? Tertium est de comparatione istorū bonorū. Quartum, Vtrū conueniant ei secundum quod est in remedium, vel secundum quod est in officium, vel secundum vtrumque? Quintum, Vtrum hoc habeat omne matrimonium quorumcunque personarum? Sextum, Vtrum ista conueniant matrimonio in quantum est initiatum, vel in quantum est ratū, vel in quantum est cōsummatū?

*De matrimonio secundum causam finalem quātum ad bona coniugij communiter. Super Genes. lib.9. cap.7.*



Ad primum obiicitur : & videtur , quod sit in genere utilis : quia dicit August. in lib. de bono coniugij, quod matrimonium est bonum mortalium : sed omne bonum mortalium in quantum huiusmodi, non est nisi utile mortalitati : ergo matrimonium est utile ad illud : ergo est in genere utilis.

2. Item, Id quod non appetitur nisi propter aliud, est in genere utilis : sed matrimonium non appetitur nisi propter aliud : ergo est in genere utilis. Probatur prima ex definitione utilis, quæ datur à Tullio ante finem 1. rhetoricæ. Secunda autem innuitur in verbis orationis sacræ Scripturæ Tob. 3. vbi dicit, Tu scis Domine, quia nunquam concupiui virum, &c. Ibi enim innuit, quod nunquam appetiit matrimonium, nisi propter dilectionem posteritatis.

3. Item, Philosophus vult, quod nihil petit generationem nisi ut ipso diuino bono quantum potest participet, ut saluetur in specie quod in indiuiduo saluari non potest : ergo generatio appetitur propter alterum : sed matrimonium non appetitur secundum naturam nisi propter generationem : ergo matrimonium multo magis quam generatio propter alterum appetitur : & sic habetur propositum, ut prius.

4. Item, In fine 1. physicorum dicitur, quod femina desiderat masculum in quantum imperfecta est : ergo propter alterum : ergo coniunctio feminae ad virum est propter alterum : ergo videtur, quod matrimonium sit in genere utilis.

In contrarium huius videtur, quod sit in genere delectabilis : matrimonium enim est in medicinam concupiscentiæ : sit autem hæc per delectationem quæ est in matrimonio : ergo videtur, quod appetatur propter hoc : ergo est in genere boni delectabilis.

2. Item, Videtur hoc velle Salomon Proverb. 5. Latere cum muliere adolescentiæ tuæ, &c. & vbera eius inebrient te, &c. Constat autem, quod ibi loquitur ad literam de matrimonio coniunctis : ergo videtur, cum inebriatio vberum sit in genere boni delectabilis, quod etiam matrimonium sit in eodem.

3. Item, In lib. de coitu dicit Auctor, quod natura in coitu posuit summam delectationem, ut magis appetatur : & hoc cum sit in matrimonio sicut in alio coitu, videtur quod referatur ad appetitum sicut bonum delectabile.

4. Item, Si esset utile, tunc non esset utile nisi ad finem beatitudinis consequendum, quia ad hunc finem refertur omne utile : sed ad illud præstat impedimentum, sicut dicit Apostolus 1. Corinth. 5. ergo videtur, quod non appetitur ut utile : ergo videtur, quod ut delectabile appetatur.

In contrarium huius videtur, quod sit in genere honesti : omnis enim status virtutis & gradus est in eodem genere cum ipsa virtute : sed virtus est in genere honesti : ergo & gradus virtutis : sed matrimonium est gradus & status virtutis continentia : ergo, &c. Prima patet per se. Secunda scribitur in fine 1. rhetoricæ.

2. Item Hebr. 15. Honorabile connubium

in omnibus, & thorus immaculatus. Ergo nuptiæ sunt honorabiles : sed omne honorabile est in genere honesti : ergo & nuptiæ. Probatio secundæ sumitur à definitione honoris, quæ colligitur ex 1. ethicorum, scilicet quod honor est exhibitio reuerentiæ in signum virtutis. Et 1. Thess. 4. Sciat unusquisque vas suum possidere in sanctificatione, &c. Et loquitur ibi de vase vxorio ad literam : ergo possessio est in sanctificatione & honore : sed omne sic possessum, est in genere honesti, sicut ipsa sanctitas, & honor : ergo videtur, quod nuptiæ sint in genere honesti.

RESPONSIO. Dicendum, quod matrimonium est de bonis mixtis. Quæ sint autem bona mixta, docet Tullius in fine 1. rhetoricæ, scilicet quæ partim utilitatis causa appetuntur, partim autem propter propriam vim nos trahunt, & propria dignitate nos alliciunt. Sed non est concedendum aliquo modo, quod sit bonum delectabile meo iudicio : quia delectatio non est in ipso, nisi sicut incidens sine quo non exercetur actus. Hæc autem bona mixta (ut dicit Tullius) à digniori denominantur, & dicuntur honesta.

AD OMNIA ergo quæ primo obiiciuntur, concedendum est : sed tamen hoc non solum est causa quare appetatur, sed etiam honestas fidei & sacramenti, & consensus indiuiduitatis vitæ, & alia. Similiter patet solutio ad vltima : quia est in veritate honestum in matrimonio, sed est impliciter circa utile.

AD MEDIA autem quæ obiiciuntur de delectatione, dicendum ad primum, quod medicatur per honestum quod est in ipso, scilicet per fidem & gratiam quam confert : ridiculum enim est, quod medicetur aliquis concupiscentiæ per hoc quod magis excitat eam, & facit feruere magis pruritum, quando enim non fuit huiusmodi suffocans delectatio, fuit matrimonium. Et per hoc patet, quod non est bonum eius in genere delectationis : delectatio enim non respicit essentiam matrimonij, sed dicit quādoque causam in contrahente tantum.

AD ALIUD dicendum, quod ridiculosa est expositio illa : sed intendit Salomon, quod delectentur in illa, prout delectatio est adiuncta honesto : & hæc est delectatio in bono rationis, scilicet in fide coniugali, & significatione, & pietate proles susceptæ.

AD ALIUD dicendum, quod matrimonium non facit impedimentum ad consecutionem beatitudinis per se, sed per accidens, scilicet per onera sibi adiuncta : & ideo non valet illa argumentatio.

### ARTICVLVS III.

*An bona matrimonij sint in eodem genere cum matrimonio, aut sint in genere boni honesti?*

Secundo quæritur, In quo genere boni incident sua bona? Videtur enim, quod non incident in idem genus : signum enim quod est bonum sacramenti, non appetitur nisi ut est adminiculum ad significatum cognoscendum:



ergo non appetitur nisi propter alterum: ergo est in genere vtilis: sed de fide constat, quod est in genere honesti: ergo videtur, quod non sit in vno genere appetibilem.

2 Item, Proles constat, quod non est in genere honesti: ergo videtur, quod non sit in vno genere cum fide: ergo ut prius.

3 Item, Sicut dicit Tullius, Nihil est in genere honesti, nisi virtus, & pars virtutis: sed sacramentum & proles non sunt virtutes, nec partes virtutis: ergo cum fides sit virtus, proles & sacramentum, non sunt in eodem genere cum fide.

*Quaestio-  
cul.* QVÆRATUR ergo, Vtrum proles & sacramentum sunt in eodem genere boni: Videtur autem, quod non: quia vnum est in genere boni naturæ in quo stat natura, alterum autem est in genere boni moralis: ergo non sunt in eodem genere.

2 Item, Sacramentum deseruit fidei: proles autem potius successioni: ergo, &c.

3 Item, Sacramentum non manet post matrimonium: sed bonum prolis manet: ergo, & cetera.

*Solutio.* RESPONSIO. Dicendum, quod hæc tria dupliciter considerantur, scilicet absolute, & prout sunt bona matrimonij: si absolute vnumquodque istorum in se consideretur: tunc non sunt in eodem genere. Si autem considerentur prout sunt bona matrimonij, tunc sunt bona omnia secundum formam illius bonitatis in eodem genere honesti, licet non secundum eandem speciem honestatis.

AD PRIMVM ergo dicendum, quod non sequitur, si aliquid appetitur propter aliud, quod non sit honestum: sicut enim dicit August. 1. de ciuit. Dei, Virtutes appetuntur propter beatitudinem: & tamen sunt in genere honesti. Et cum dicitur, quod honestum propter se appetitur, intelligitur non per accidens: quia dicit Ambros. super epistolam ad Galat. 2. quod habent quasdam innatas sibi dulcedines, quibus delectant suos possessores sincera & sancta delectatione. Vnde cum per se opponatur in duobus sensibus, scilicet ad propter alterum, & ad per accidens: dicendum quod honestum appetitur per se, id est, non per accidens: & tamen propter alterum: & ita appetuntur omnia tria bona matrimonij.

AD ALIVD dicendum, quod proles non est bonum matrimonij, ut patet hic ex litera posita: sed potius proles prout stat sub pietate in qua suscipitur & educatur, ut fiat in ea propagatio religionis, sicut & carnis: & hoc modo habet in se formam honesti. Vnde in quantum bonum est, in genere est honesti.

AD ALIVD dicendum, quod licet nihil sit in genere honesti essentialiter, nisi virtus & partes virtutis: tamen vnumquodque refertur ad honesti genus, in quantum participat virtutem & partem virtutis: & hoc modo non essentialiter, sed per formam boni matrimonij refertur ad genus virtutis sacramentum & proles.

*Ad qua-  
stionem  
lam.* AD ALIVD patet solutio per ante dicta. Ad obiectum contra dicendum, quod aliud est proles, & aliud est bonum prolis, ut prius patuit. Et in prole quidem stat na-

tura, sed in bono prolis stat bonus mos religionis.

AD ALIVD dicendum ut prius, quod proles non nisi per substantiam deseruit successioni, & per habitum deseruit religioni.

AD VLTIMVM dicendum, quod bonum prolis manet postea quod est in diuerso subiecto quam sit subiectum matrimonij: sed fides & sacramentum non ideo per accidens manent: & ex hoc quod vnum manet post, & alterum non, non sequitur, quod sit in eodem genere. Et est instantia: quia filius manet post patrem sapius, & tamen est in eodem genere & specie cum patre.

### ARTICVLVS III.

*Quod bonorum matrimonij sit praestantius?*

**T**ertio quaeritur de comparatione istorum bonorum. Videtur autem, quod bonum prolis sit substantialius matrimonio & melius: quia in litera dicitur, quod hoc est principale, propter quod institutum est matrimonium: ergo & substantialius & melius.

2 Item, Hoc videtur per verbum Adæ Genes. 2. Erunt duo in carne vna. Videtur enim ex hoc, quod causa finalis matrimonij est bonum prolis potius, quam aliquid aliorum: & hoc etiam ante finem præcedentis distinctionis expresse habitum est in litera. Hoc etiam accipitur ex verbis Saræ Tob. 8. quæ dixit, Propter solam posteritatis dilectionem, &c.

3 Item, Ad hoc ordinatur benedictio matrimonij, quando dictum est, Crescite & multiplicamini: hoc enim non potest intelligi nisi de bono prolis: ergo, &c.

4 Item, Hoc solum est finis desiderij naturalis, quod petit saluari in simili: ergo ipsum est substantialius & principalius.

In contrarium huius est quia quod ducit ad optimum, est optimum: sed sacramentum ducit ad optimum, quia ad intelligendam coniunctionem fidelium in vno spiritu cum Deo, & naturarum in vna persona Christi, quæ meliora sunt omnibus filiis: ergo videtur, quod ipsum sit optimum.

2 Item, Id quod essentialius & generalius efficitur in omni matrimonio, videtur esse optimum suum bonum: sed hoc est sacramentum, hoc enim in omni matrimonio est, etiam quando violatur fides: ergo videtur, quod illud sit suum principale bonum.

3 Item, In omnibus naturalibus & moralibus causis quas Philosophi considerant, semper principalis effectus causæ alicuius iudicatur, quem semper & vbique consequitur: sed bonum sacramenti sic se habet ad matrimonium: ergo ipsum est principale.

4 Item, Quod nomine & essentia simillimum est causæ, illud est effectus eius essentialior & principalior: sed bonum sacramenti nomine & essentia inter ea simillimum est matrimonio: ergo ipsum est essentialior & principalior effectus eius: ergo & principalius bonum & essentialius. Prima constat per se.

Secunda



Secunda autem probatur per hoc, quod utrumque dicitur signum sacrum, & utrumque est indiuiduitas quædam: & hoc probatum est supra dist. 26. & sic constat propositum.

Videtur autem ulterius bonum fidei esse principale: quia si aliqua dicuntur bona, melius est id quod essentialius est bonum: sed fides essentialius est bonum, quia est virtus quædam in genere honesti, & alia non sic: videtur ergo, quod fides est principalius bonum matrimonij.

2 Item, Efficiens causa matrimonij obligat directe ad fidem, & alia non respicit nisi ex consequenti: ergo videtur ipsa principalius effici à matrimonio: ergo est bonum principale.

3 Item, Intelligentur alia duo bona non esse, scilicet sacramentum & proles, adhuc erit matrimonium: sed intellecta fide non esse secundum habitum & actum, soluitur matrimonium: ergo fides est essentialius bonum matrimonij, quam sacramentum & proles. Probatum autem hoc: quia pactione conjugali non existente, non est matrimonium: & pactio conjugalis non erit, nisi fides sit secundum habitum saltem & debitum, licet non sit secundum actum.

*Solutio.*

RESPONSIO. Dicendum, quod principalius bonum matrimonij dicitur tripliciter, scilicet maius & principalius ab instituyente intentum, & communiter etiam intentum ab utentibus matrimonio: & sic bonum prolis est principalius bonum matrimonij. Aliter dicitur principalius bonum quod essentialius participat naturam bonitatis: & sic fides est essentialius bonum & principalius. Tertio modo dicitur principalius quod essentialius & ultimus consequitur matrimonium: & sic bonum sacramenti est principalius bonum. Et ita diuersis considerationibus nihil prohibet quodlibet istorum esse principalius. Et per hoc patet solutio ad omnia primi ordinis argumenta: quia omnia illa considerant intentionem instituentis, & communioem obseruantiam utentium matrimonio.

AD ID autem quod obiicitur pro secunda parte, dicendum ad primum, quod id quod ducit ad optimum, est duplex, scilicet ducens cognitiue, & motiue: sicut scientia eius quod est sursum, & leue, differenter ducunt sursum. Quod autem ducit sursum motiue ad optimum, hoc est optimum: sed hoc modo non ducit ad optimum sacramentum, quod est bonum matrimonij, sed cognitiue tantum.

AD SEQUENTIA est concedendum: sed non omne sacramentum est principalius bonum, nisi modo prius determinato. Et per hoc patet solutio ad omnia quæ sita.

#### ARTICVLVS IV.

*An ista bona conueniant matrimonio inquantum est in remedium?*

Quarto quæritur, Vtrum conueniant matrimonio secundum quod est in remedium, vel secundum quod est in officium? Videtur autem, quod secundum quod est in of-

ficium: quia ut dicit Tullius, Officium est communis actus personæ secundum instituta patriæ: video autem, quod matrimonij officium exercetur in actibus his: si enim accipiat secundum quod est officium naturæ, elicitur proles: & si in comparatione coniugis, elicitur fides: & si in comparatione futurorum & diuinorum, elicitur sacramentum: nihil autem horum est secundum quod est remedium: ergo non conueniunt ista ei secundum quod est in remedium, sed secundum quod est in officium.

2 Item, Si non esset peccatum, adhuc matrimonium esset habens hæc tria: sed tunc non esset nisi in officium: ergo videtur, quod ista conueniunt ei secundum quod est in officium.

3 Item, Officium sonat in effectuum utilitatis: sed matrimonium efficit illas utilitates: ergo hoc competit ei secundum quod est in officium, quia omne officiosum est alicuius utilitatis effectuum.

IN CONTRARIUM huius est quod dicitur in litera, quia actus matrimonij coniunctus est concupiscentiæ, per hæc bona excipitur ne ruat in præceptum: sed secundum quod excipitur, est in medicinam: ergo per hæc bona excipientia coitum est in medicinam. Quod autem sit in medicinam secundum quod concupiscentia in eo excipitur, probatur ex hoc quod non indiget exceptione secundum quod est in officium: & sic constat propositum.

2 Item, Omne quod medicatur per excusationem, oportet habere adiuncta bona, per quæ malum excusatur & curatur, per modum medicinæ: sed matrimonium medicatur per excusationem, inquantum est in medicinam: ergo secundum quod est in medicinam, oportet habere adiuncta bona, per quæ excusetur & medicetur.

RESPONSIO. Dicendum, quod illa tria bona efficiuntur à matrimonio inquantum est in officium, sed adiunguntur ei secundum quod est in remedium: quia aliter nullatenus coitum excusarent: unde de plano concedendæ sunt primæ rationes.

AD ID autem quod contra obiicitur, dicendum quod excipit concupiscentiam non per bona quæ efficit inquantum est in medicinam, sed quæ habuit à prima institutione, & faciunt ipsum honestum, etiam postquam ingressa est concupiscentia.

AD ALIUD de plano concedendum est, quod habet adiuncta sibi bona inquantum medicatur, sed non facit ea inquantum huiusmodi, sed potius utitur factis ab ipso ad excusationem concupiscentiæ carnalis, quæ alias esset mortale peccatum, nisi honestate horum bonorum excusaretur.

#### ARTICVLVS V.

*An hæc bona matrimonij habeat omne matrimonium?*

Quinto quæritur, Vtrum hæc bona habeat omne matrimonium quarumcunque



que personarum? Videtur autem, quod sic: quia omnium personarum est matrimonium secundum quod est in officium: & ipsum efficit hæc bona in quantum huiusmodi est: ergo videtur, quod matrimonium omnium personarum habeat hæc omnia.

2 Item, In omni matrimonio personarum aliquarum est indiuiduitas quæ de se significat fidelis animæ cum Deo societatem, & carnalis commixtio quæ significat naturarum unionem. Item sequitur procreatio prolis. Est etiam fides in reddendo debitum: ergo ista sunt matrimonij generaliter accepti prout est omnium personarum.

3 Si forte dicas, quod infideles non habent sacramentum, quia non intelligunt ipsum. Contra: Si nullus intellexisset circumcisionem datam esse in signum, nihilominus tamen in signum esset: ergo similiter est de sacramento matrimonij: ergo responsio nulla videtur.

4 Item, Primus status in homine omnem statum antecedeat: ergo omnis alius status ab eo initium accepit: sed hæc tria conueniebant matrimonio secundum quod institutum fuit in paradiso: ergo quilibet status hominum secundum hæc tria accepit matrimonium.

*Sed contra.* IN CONTRARIUM huius est, quod in matrimonio infidelium non est omnino impossibilitas diuisionis: ergo non est ibi omnimoda indiuiduitas: ergo non est ibi bonum sacramenti perfectum.

2 Item, Fides est in hoc quod non coniungitur alteri: sed casus potest contingere, quod absoluta à viro infideli alij potest coniungi: ergo videtur, quod nec bonum fidei sit ibi perfectum.

3 Item, Proles non est bonum matrimonij, ut videtur in litera, sed potius pie suscepta & religiosè ad cultum Dei nutrita: sed nullam talem prolem suscipiunt infideles: ergo videtur, quod nunquam bonum prolis per suum matrimonium acquirunt.

*Solutio.* RESPONSIO. Dicendum, quod hæc tria bona matrimonio fidelium & infidelium per prius & per posterius conueniunt: fidelium enim matrimonio conueniunt perfectè & integrè, & matrimonio infidelium conueniunt imperfectè, sicut manifestè probant tres ultimæ rationes: quia non sunt ibi ista tria bona perfectè: est enim ibi sacramentum habitualiter: fides mobiliter, quia moueri potest & mutari, & bonum prolis materialiter tantum.

DICENDUM ergo ad primum, quod licet sit in omnibus in officium, non tamen est officium secundum leges Christi, sed tantum secundum politegas & ciuilitates ordinatur: & ideo efficit ista imperfectè: quia principia & iura super quæ fundatur, sunt imperfecta. Per hoc patet solutio ad sequens.

AD ALIUD dicendum, quod habitualiter in talibus est signum, ut prius dictum est, & est solubile: & ideo imperfecta est ibi indiuiduitas.

AD VLTIMUM dicendum, quod omnis status quantum habet æquitatis, tantum sumit à primo statu: tamen persuasione homi-

*D. Alber. Mag. in Lib. 4. Sentent.*

num multa sunt deprauata: & ideo peruersis & imperfectis iuribus nihil perfectè efficitur: sed in fide Christi omnia perfectè sunt: & ideo in matrimonio fidelium hæc tria sunt perfectè.

## ARTICVLVS VI.

*An ista bona conueniant matrimonio in quantum initiato, vel rato, vel consummato?*

SEXTO quaritur, Vtrum ista tria conueniant matrimonio in quantum est initiatum, vel in quantum ratum, vel in quantum consummatum? Dicitur enim à quibusdam initiatum per consensum de præsentia, ratum per traditionem, & consummatum per carnalem commixtionem: vel initiatum per sponsalia, ratum per consensum de præsentia, & consummatum per copulam carnalem.

Videtur autem, quod duo istorum sint matrimonij initiati: quia ibi est sponsio fidei, & indiuiduitatis: ergo sacramentum & fides sunt matrimonij initiati.

Item videtur, quod hæc duo sint rati: quia hoc expressè fidem facit, & indiuiduitatem animorum: ergo videtur, quod hæc duo sint matrimonij rati.

Bonum autem prolis non videtur esse nisi consummati: quia non nascitur proles sine commixtione carnali: & hæc non est nisi in consummato: ergo, &c.

Item vltèrius videtur, quod nec perfectum bonum sacramenti: quia supra dictum est, quod non est dubitandum illam mulierem non pertinere ad matrimonium, quæ non experitur carnalem concubitum: & dictum est ibi, quod hoc intelligitur quantum ad significationem: ergo significatio non est complete nisi matrimonij consummati: & sic habetur propositum.

Item vltèrius videtur, quod nullum istorum est matrimonij initiati: quia cum initatur matrimonium per sponsalia, matrimonium non est: sed vbi non est matrimonium, nullum bonorum matrimonij est: ergo initiati matrimonij nullum est bonorum matrimonij.

*Solutio.* RESPONSIO. Dicendum, quod tria plenissimè sunt matrimonij consummati, & sunt minus plenè rati: quia ibi est fides, & imperfecta significatio, & bonum prolis in expectatione si velint carnalem commixtionem: sed in initiato si per sponsalia dicatur initiari non est aliquod istorum bonorum, sicut vltima probat obiectio.

AD PRIMUM ergo dicendum, quod ibi est sponsio istorum, sed non essentia & veritas.

AD OMNIA alia patet solutio per dicta.

## ARTICVLVS VII.

*An bonum nuptiale sit tripartitum?*

DEINDE quaritur de hoc quod dicit ibi [Nuptiale bonum tripartitum est, &c.]

IIi

Quæri



Quæritur enim hic, Penes quid sumitur numerus boni nuptialis? Videtur enim esse maioris diuisionis: sicut enim fides est in conseruatione thori, ita iustitia est in redditione debiti: ergo videtur, quod iustitia sit vnum de bonis nuptialibus.

2 Item Aristot. probat, quod ideò homo est animal coniugale, quia non sufficit sibi in operationibus: sed cum duo conferunt opera in vnum operantes sufficiunt: ergo sufficientia operum est vnum bonum: ergo plura bona.

3 Item est ibi concupiscentiæ medicina vtriusque coniugis: & hoc est optimum bonorum: ergo videtur, quod plura.

4 Adhuc in Prouerb. multa & plurima bona ponuntur fortis mulieris, in qua confidit cor viri sui: ergo videtur, quod male coarctatur ad trinitatem.

*Solutio.*

RESPONSIO. Dicendum, quod nuptiale bonum dicitur illud bonum solum quod consequitur semper, vel frequenter ex his quæ essentialiter constituunt matrimonium & consummant ipsum: ex hoc enim quod est copula duarum personarum legitimarum vnitarum in indiuiduam vitam, & vnum corpus effectuum, consequuntur hæc tria: ex vnione enim animorum est consequens fides, & ex ipsa indiuiduitate vitæ consequitur sacramentum, & ex vnione corporum sequitur proles.

AD PRIMVM ergo dicendum, quod iustitia non immediatè consequitur essentiam matrimonij, sed mediante fide: quia fides est causa quare conseruatum corpus ab alio exhibet coniugi.

AD ALIVD dicendum, quod licet hæc possit esse vna de causis quare homo inter cetera animalia est coniugale animal, & contrahens coniugium: tamen non potest esse bonum effectum à coniugio, sed ordinatur ad bene esse. Infra tamen considerabimus quare homo est animal coniugale solum.

AD ALIVD dicendum, quod multe sunt laudes probæ mulieris ex virtute eius pendentes, & non ab essentialibus matrimonij effectibus: & ideo bona matrimonij non dicuntur.

## ARTICVLVS VIII.

*An fides secundum quod est bonum matrimonij, bene diffiniatur?*

DEinde quæritur de hoc quod dicit ibi [In fide attenditur, &c.] Et quæruntur duo, scilicet quid sit fides secundum quod est bonum matrimonij? & quis eius actus? Ad primum dicit Haymo super Apoc. quod fides dicitur & componitur à fide factus sum, & dicta: vnde dicitur fides per quam fiunt dicta: ergo videtur, quod fides matrimonij conseruatio sit dictorum per promissiones sibi inuicem factorum in pacto coniugali.

Contra hanc autem diffinitionem obiicitur: quia secundum hoc fides efficitur ex verbis de præfenti facientibus matrimonium: ergo non efficitur ab ipso matrimonio: sed fides, quæ est bonum matrimonij, ponitur

effectus matrimonij: ergo videtur, quod fides malè sit diffinita.

2 Item, Secundum Philosophos fides est conceptio in quam consentit intellectus propter adiutorium rationis: dicit enim Aristot. quod opinio iuuata rationibus fit fides, & Boëtius dicit, quod argumentum est ratio rei dubiæ faciens fidem: sed in coniugio nullo huiusmodi sunt rationes: ergo videtur, quod in coniugio nulla sit fides. Si forte dicas, quod fides est ibi virtus. Contra: Aut est virtus cardinalis, aut virtus theologica. Non cardinalis: quod per inductionem patet: ergo theologica: sed illa fides non intendit nisi in Deum: ergo non est inter coniuges adinuicem: ergo non est bonum matrimonij. Si fortè quis velit dicere, quod ibi est fides, sicut Apostolus Roman. 14. dicit, Omne quod non est ex fide, peccatum est. Contra: Gloss. dicit, quod ibi fides dicitur conscientia: sed constat, quod conscientia non est vnum de bonis matrimonij: ergo nec fides.

RESPONSIO, quod fides sumitur *Solutio.* primo modo secundum quod fiunt dicta: & bene concedo, quod dicta sunt nuptialia pacta per verba de præfenti: & dicta sumuntur largè ad omnem modum quo nuptialia pacta fieri possunt.

AD ID autem quod contra obiicitur, dicendum, quod non efficitur fides immediatè à dictis, sed mediante matrimonio: & hoc probatur sic: Esto enim, quod verbalicuius pacti matrimonium non efficiant, quæro vtrum teneantur tunc sibi fidem seruare? Constat, quod non: igitur matrimonio posito ponitur fides, & destructo destruitur: ergo matrimonium est fidei istius, quæ idem quod fidelitas est, immediata causa: & sic patet solutio totius disputationis.

## ARTICVLVS IX.

*Quis sit actus huius fidei?*

SECundo quæritur, Quis sit actus huius fidei? & dicit in litera, quod ad fidem pertinet ne post vinculum coniugale cum alio vel alia coeatur. Sed contra hoc obiicitur: quia plus continetur in fide, quam hoc quod dicit: fidelitas enim in commisso duo importat secundum leges humanas, scilicet ne detur alteri, & vt reddatur mihi quando voluero: ergo similiter est in fidelitate coniugum: ergo non continetur tantum, quod custodiant se ab aliis, sed etiam vt commutent se sibi.

2 Item Apostolus 1. Corinth. 7. Nolite fraudare inuicem, nisi fortè ex consensu ad tempus. Ergo fraus est subtrahere debitum: sed fraus est contraria fidei: ergo in fidelitate continetur communicatio corporis, & solutio debiti.

3 Item, Principalius in fide continetur solutio debiti, quam custodia ab adulterio. Probatio. Non posse dare alteri rem aliquam causatur ex eo, quia alius est in possessione illius rei: ergo à simili & in fide matrimonij quod custodit se coniugatus ab alio, causatur



ex hoc quod est coniugis sui : ergo cum istud principalius sit, videtur quod istud principaliter debuit ponere : peccat ergo quando ponit secundarium.

4 Item hoc expresse continetur 1. Cor. 7. vbi dicit Apostolus, Mulier sui corporis potestatem non habet, sed vir. Similiter autem & vir, &c. Cum igitur hoc faciat obligationem fidei inter eos, videtur quod hoc sit principale in fide : ergo potius de hoc quam de alio debuit facere mentionem.

Vltius videtur, quod neutrum horum sit fidei : quia vnus numero actus non potest esse duarum virtutum proprius : sed actus continentie coniugalis est cum alio non coire : ergo videtur, quod non sit actus fidei.

2 Item, In nulla natura huius inuenitur simile, quod actus vnus sit per se duarum naturarum : ergo nec in moribus debet ita fieri, cum dicat Tullius in fine 1. rhetoricæ, & Arist. in lib. ethicorum, quod virtus mouet ad actus sicut natura. Si forte tu dicas, quod similiter est hic : quia iste actus est vnus per se, & alterius per accidens : sicut calor quando contra frigus confortatur per hoc quod aperit poros, per quos vndique frigus ingreditur & constringit. Contra : Actus iste cum sit circa materiam continentie & circumstantias, continentie coniugalis per se erit : ergo non erit fidei secundum se nisi secundum accidens : sed per id quod conuenit alicui per accidens, nunquam potest determinari : ergo fides per actum istum determinari non potest : nihil ergo est quod dicit August. in litera, quando determinat fidem.

*Solutio.*

**Solutio.** Dicendum, quod sicut dicit August. ita se habet veritas : sed bene concedo primam partem obiectionum, scilicet quod principalius quod est fidei, est subseruire inuicem obsequio corporis : & hoc quod dicit Augustinus, est sicut consequens ad istud.

Ad id autem quod obiicitur contra, dicendum quod consequens est magis manifestum quoad plures : & ideo August. fidem declarat per illud.

Ad hoc autem quod posset obiici, quod quælibet res determinari habet per essentialia sibi, & non per consequentia : & ita peccat August. quando hoc non facit. Dicendum, quod est rei determinatio duplex : in se, & quoad nos : siue diffinitiuè, & exemplariter. Et primo modo verum est, quod habet determinari per essentialia priora : secundo autem modo per consequentia manifestiora nobis : & ita facit hic August. quia non diffinit, sed exemplariter manifestat actum fidei.

Ad id autem quod vltius obiicitur, dicendum quod quando vna virtus formalis est ad aliam, tunc nihil prohibet vnum actum esse vtriusque, vnus sicut imperantis & dirigentis, alterius autem vt elicientis & exequentis : & sic est hic : quia fides hic imperat reddere primum & consequentem actum : sed continentia coniugalis exequitur. Et per hoc patet solutio ad primum.

Ad aliud dicendum, quod in natura est similiter : virtus enim celi mouet virtutes

*D. Alb. Mag. in Lib. 4. Sentent.*

elementales, & regit eas, & illæ exequentur : & virtus vniuersalis in homine mouet & regit particulares. Sed id quod proponitur in obiectionibus, tenet quando virtutes sunt æquæ particulares, vel æquæ vniuersales : & hoc non est hic : quia fides in ratione est, & sicut forma quædam ambit concupiscibilem vt secundum promissum sit fidelis in comunicando coniugi corpus, & custodiendo ab altero. Et hoc patet tali signo : si enim quæretur à discreto coniuge, quare communicet se coniugi ? diceret quia fidem tenetur seruare in promisso : & ita facile patet qualiter fides quasi ratio formalis est ad actum qui elicitur à continentia coniugali. Et per hoc patet solutio ad totum : non enim per accidens est actus iste alterius virtutis, sed per se secundum diuersas rationes virtutis.

## ARTICVLVS X.

*An proles secundum substantiam sit bonum matrimonij, vel secundum bonitatem ?*

**D**Einde quæritur de hoc quod dicit ibi [In prole vt amanter suscipiatur, &c.] Videtur enim hoc esse falsum : bonitatem enim proli non operatur sacramentum matrimonij, sed substantiam : ergo videtur, quod proles secundum substantiam sit bonum matrimonij, & non secundum bonitatem quæ ponitur circa prolem.

2 Adhuc videtur, quod cadit in præcepto Domini, quando dixit Genes. 1. Crescite, &c. Constat enim, quod hoc intellexit de multiplicatione secundum numerum : ergo videtur, quod proles non nisi per numerum, & non per meritum sit effectus matrimonij : ergo nec bonum : quia non est aliquid bonum matrimonij, nisi per hoc quod efficit ipsum.

3 Item hoc videtur accipi ex verbis Adæ, vbi dicit, Erunt duo in carne vna : & non dicit, in merito vno, secundum quod exponitur de vna carne pueri : ergo videtur, quod proles secundum carnem, & non secundum meritum est bonum matrimonij.

IN CONTRARIUM huius est, quod habetur in sequenti capitulo in litera, vbi dicit : Nec omnes illi etiam qui prolem recipiunt, bonum proli habent, &c. Patet enim ibi, quod non dicitur bonum proli, nisi prout est sub bonitate ad religionem pertinente.

2 Item, Coniugatorum non est destruere bonum effectum à matrimonio : sed Deut. 21. præcipitur parentibus facere lapidari filium contumacem : ergo filius contumax non fuit bonum matrimonij : ergo oportet, quod tantum bonum matrimonij sit filius stans sub bonitate religionis.

**Q**UOD concedendum est.

Ad primum ergo dicendum, quod matrimonium secundum hoc quod fundatur super cultum diuinum, à fundamento habet facere per dispositionem huiusmodi bonum, licet non habeat per mixtionem carnis tantum.

*Solutio.*



AD ALIVD dicendum, quod sicut dicitur Sapient. 4. Multigena impiorum multitudo non erit utilis. Et ideo nunquam voluit Deus iniquorum multiplicationem, sicut eis voluit religionis propagationem & multiplicationem; & ideo præcepit ut crescerent.

AD ALIVD dicendum, quod sunt duo in carne vna pueri, quia illam materialiter & effectiue operantur: sed bonitatem non operantur nisi dispositiue & educatiue, Deus autem effectiue: & ideo non dicuntur ita esse in bonitate sicut in carne.

## ARTICVLVS XI.

*Quid sit diuortium?*

**D**Einde quaeritur de hoc quod dicit *ibi* [In sacramento ut coniugium non separetur, &c.] Quaeritur hic de diuortio: & quaeruntur duo. Primum est de diuortio propter matrimonij impedimentum. Secundum autem de separatione à thoro propter fornicationem. Circa primum autem quaeruntur tria, scilicet quid sit diuortium? Secundum, Qui sunt qui possunt denuntiare causas diuortij? Tertium, Qualiter fiat diuortium?

Ad primum proceditur sic: Dicunt Iurisperiti, quod diuortium est separatio sacramentalis facta ob legitimum impedimentum matrimonij: & hæc diffinitio quasi trahitur hic de litera, vbi Magister diuidit separationem in corporalem, & sacramentalem, ut patet litteram inspicienti.

Obiicitur autem contra hanc diffinitionem: quia sacramentaliter nunquam diuiduntur, qui sacramentaliter nunquam fuerunt coniuncti: sed habentes legitimum impedimentum, nunquam fuerunt sacramentaliter coniuncti: ergo videtur, quod nunquam sacramentaliter diuiduntur: ergo diffinitio nulla est.

2 Item, Cum dicitur, Separatio sacramentalis: aut intelligitur de sacramento matrimonij, aut de sacramento quod est bonum matrimonij. Si dicitur primum: tunc idem est separatio sacramentalis, quod separatio matrimonialis: sed ibi sunt opposita: quia matrimoniale est coniunctum in indiuiduam vitæ consuetudinem: ergo cum dicitur separatio sacramentalis, ibi est oppositio in adiecto: sicut si dicam, diuisio indiuisibilis. Si autem dicatur à sacramento quod bonum est matrimonij: tunc hoc magis sequitur, quia illud est indiuisibilitas ipsa.

3 Item, In nulla natura vel scientia vnum oppositum denominat suum oppositum, nunquam enim dicitur indiuisibile diuisibile, & album congregans visum, vel aliquid huiusmodi: ergo nec hic vnum oppositorum denominat alterum: sed separatio opposita est sacramento: ergo non potest dici separatio sacramentalis.

4 Ad idem obiicitur per hoc quod habetur in litera: quia in litera dicitur, quod ad sacramentum pertinet, quod matrimonium non separetur: & ex hoc obiicitur ut prius.

Solutio.

RESPONSIO. Dicendum, quod hæc diffi-

nitio posset esse melior: tamen sustineri potest. Et tunc dicendum ad primum, quod separatio sacramentalis dicitur separatio vinculi sacramenti non eius quod fuit, sed eius quod videbatur esse antequam probaretur impedimentum: vnde si etiam diffinitio sic corrigatur, ut dicatur: Diuortium est separatio eorum qui coniuncti sacramentaliter videbantur, ob legitimum impedimentum quod impedit matrimonium contrahendum, & dirimit contractum: credo, quod melior esset diffinitio. Et per hoc patet solutio ad totum.

## ARTICVLVS XII.

*Qui sunt qui possunt denuntiare causas diuortij?*

**S**ecundo quaeritur, Qui sunt qui possunt denuntiare causas diuortij? Videtur autem secundum dicta Iurisperitorum, quod omnes prohibentur ab accusatione matrimonij extranei, si sint aliqui de consanguinitate matrimonium accusare potentes & volentes: si autem illi defunt, admittuntur vicini seniores & veraciores. Quod autem hoc ita sit, confirmatur extra. Qui matrimonium accusare possunt videtur nobis: vbi sic scribit Celestinus tertius Florentin. Episcopo, quod parentes, fratres, & cognati vtriusque sexus, in testificationem suorum ad matrimonium coniungendum vel dirimendum admittantur, tam antiqua consuetudine, quam legibus approbatur. Ideo enim maxime parentes, & si parentes defuerint, proximiores admittuntur: quoniam vnusquisque genealogiam suam cum testibus & chartis ex recitatione maiorum scire laborat: qui enim melius recipi debent, quam illi qui melius sciunt, & quorum est interesse, ita ut si non interfuerint & consensum non adhibuerint, secundum leges nullum fiat matrimonium? Quod vero legitur, Pater non recipitur in causa filij, nec filius in causa patris, in criminalibus causis & contractibus verum est. In matrimonio vero coniungendo vel disjungendo, ex ipsius coniugij prerogatiua, & quia fauorabilis res est, congrue admittuntur. Ex hoc accipitur, quod propinqui vel vicini si propinqui defunt, debent matrimonium quod separandum est accusare.

2 Item ratio videtur esse ad idem: quia non debet aliquis testificari quod nescit: sed causas matrimonij quantum ad parentelam nesciunt nisi coniuncti ab infantia, quibus nati sunt progenitores: ergo non nisi illi in hac causa possunt esse testes.

3 Item, Non noscens personam aliquam, multo minus nouit genealogiam ipsius: extranei non nouerunt personam: ergo, &c. ergo testes esse non possunt.

IN CONTRARIUM huius est, quod extraneus probans veritatem dicti sui, exceptione maior est audiendus si aliquid voluerit deponere contra aliquem: sed extraneus aliquis est omni exceptione maior: ergo si probat quod dicit, ipse est audiendus.

IVXTA hoc vltius quaeritur, Vtrum de-  
cursus



curfus temporis sue præscriptio faciat matrimonium non accusabile, etiam si habeat legitimum impedimentum? Videretur autem, quod sic: quia difficile est post habitam prolem matrimonium separari, & ad destructionem congregationum & ciuitatum ordinatur: ergo non debet admitti in iure.

2 Item, In aliis allegatur præscriptio: ergo & in matrimonio.

*Sed contra.* IN CONTRARIUM huius est quod habetur extra. de consanguinitate & affinitate. Non debet: vbi sic dicit Innocentius in concilio generali: Prohibeo. Et infra. Et si quis contra prohibitionem huiusmodi præsumpserit copulari, nulla longinquitate defendatur annorum, cum diuturnitas temporis non minuatur peccatum, sed auget: tantoque sint grauiora crimina, quanto diutius infelicem animam detinent alligatam. Sed esto, quod aliquis præfens fuit quando copulabantur aliqua persona, & tacuit, & postea vult denunciare impedimentum, nunquid est audiendus? Videretur, quod non: quia primo tacuit cum sine nocumento potuit denunciare: ergo cum postea cum nocumento vult denunciare, videtur, quod non sit audiendus.

2 Item, Cum primo præfens existens non dixit, præsumptio est contra eum, vel potest esse, quod postea malitiosè composuit: ergo videtur, quod non sit audiendus.

Sed in contrarium huius est, quod dicitur extra. Qui matrimonium accusare possunt. Cum in tua. Et infra. Si vero post contractum matrimonium aliquis appareat accusator, cum non prodierit in publicum, quando banna secundum consuetudinem in Ecclesiis edebantur, vtrum vox suæ debeat accusationis admitti, merito quæri potest. Super quo sic duximus distinguendum, quod si tempore denuntiationis præmissæ is qui iam coniunctos impetit, extra diocesim existeret, vel alias denuntiationi non potuit ad eius noticiam peruenire, vtpote si nimia infirmitatis feruore laborans, sanæ mentis patiebatur exilium, vel in annis erat tam teneris constitutus, quod ad comprehensionem talium eius ætas sufficere non valebat, seu alia causa legitima fuerit impeditus, eius accusatio debet audiri. Alioquin cum rationabiliter præsumatur, quod denuntiationem publice factam idem existens in ipsa diocesi minime ignorauit, tanquam suspectus est proculdubio repellendus: nisi proprio firmauerit iuramento, quod postea didicerit ea quæ obiecit, & ad hoc ex malitia non procedat: quia tunc etiam si didicisset ab illis qui denuntiationis tempore siluerunt, claudi non debet eidem aditus accusandi: quoniam etsi ab imperitione huiusmodi culpa de silentio tali contracta illos excluderet, iste tamen amoueri nequiret, cum culpabilis non existat. Ex hac decretali accipitur, quod etiam si primum tacuit, in multis casibus postea potest matrimonium accusare.

*Quæst. 1.* ULTERIUS quæritur hic, Vtrum in testimonium possunt adduci pater, mater, & fratres illorum, de quorum separatione agitur? Et videtur, quod non: quia testes suspecti de amore priuato vel odio non admittuntur:

*D. Alb. Mag. in Lib. 4. Sentent.*

tales autem sunt isti: ergo non debent admitti.

2 Item, Sæpe nascitur odium inter coniuges, ita quod alter coniugum induceret suos parentes ad testificandum contra matrimonium: ergo ne hoc fiat, iudex parentes & consanguineos non debet recipere in testimonium.

*Sed contra.* IN CONTRARIUM huius est quod dicitur extra. de testibus: vbi sic dicit Alexand. tertius, Super eo quod à nobis tua deuotio postulauit, vtrum viro negante se mulierem affidasse ipsius mater mulieris, & altera mulier possint ad testimonium recipi. Taliter respondeo, quod cum mater filia incrementum & honorem videtur diligere, vbi vir superior est diuitiis, & nobilitate, potentia, vel honore, testimonium eius videtur esse suspectum, & ideo non esse aliquatenus admittendum. Ex hoc enim accipitur, quod alterius, scilicet coniugis pater, vel mater, inferiores existentes in diuitiis & honore matrimonij, sunt audiendi: quia præsumitur, quod inuiti faciunt conscientia veritatis cogente, cum libentius vellent illi viro filiam esse coniunctam, quam ab eo separari.

*Quæst. 3.* ULTERIUS hic quæritur, Vtrum idem in hac causa possit esse accusator & testis? Et videtur, quod non: quia si coniunctus accusatori per sanguinem habetur suspectus, multo magis idem ad seipsum comparatus, suspectus debet haberi: ergo non potest idem esse testis & accusator.

*Sed contra.* IN CONTRARIUM huius est, quod habetur extra. de testibus cogendis. Præterea si testis, &c. vbi scribit Celestinus Papa, quod testes publici qui synodales vocantur, possunt esse testes in matrimonio: & constat, quod iidem sunt accusatores.

2 Argumentum ad idem sumitur in decreto. 35. quæst. 6. Episcopis in synodo. Et præcipue in apparatu decreti super eundem locum.

*Solutio.* Dicendum videtur ad hoc, quod omnes non infames personæ, id est, exceptione maiores, hoc est, propter infamiam criminis non impediuntur, quantumcunque propinqui possunt denunciare matrimonium, si agitur de impedimento matrimonij perpetuo, quod impedit contrahendum & dirimit contractum. Si autem agitur de ipso contractu, vtrum scilicet sit contractum, vel non, tunc parentes tanquam suspecti sunt repellendi: nisi ita sit, quod parens ille qui contra matrimonium testificatur, sit inferior dignitate, diuitiis, & honoribus: quia tunc probabile est, quod ille libenter vellet stare matrimonium.

DICENDUM ergo ad primum quod contra hoc obiicitur, quod ipse qui obiicitur, est audiendus, si probat quod dicit: sed sufficienter probari non potest, nisi per propinquos, quia extraneus in quantum extraneus, consanguinitatem eorum qui sibi extranei sunt, scire non potest: & si dicat sine assumptione consanguineorum, ipse suspectus repellitur, quia sic posset quilibet matrimonium infirmare.

*Ad qu. 1.* AD ID quod ulterius quæritur iuxta hoc, Vtrum decursus temporis aliquid faciat: dicendum,



dum quod in talibus ubi de conscientia agitur, præscriptio non habet locum, sicut ostenditur in decretali adducta. Ad hoc autem quod contra obiicitur, dicendum quod licet sit difficile: tamen illud difficile magis est subeundum, quam contra conscientiam standum in stupro, vel quod aliquis stare in stupro permittatur: quia arcta est via quæ ducit ad vitam, & pauci sunt qui inveniunt eam: & ideo tamen non est negligenda.

AD ALIUD patet solutio per antedicta.

AD ID autem quod postea obiicitur per decretalem, distinguitur satis benè quando audiendus est, & quando non audiendus est: & ideo per ipsam decretalem plena patet responsio.

Ad q. 2. AD ID quod ulterius quæritur, dicendum quod adduci possunt secundum modum qui in principio istarum solutionum est determinatus.

AD ID autem quod contra obiicitur, dicendum quod ut patet in quadam decretali in obiectione adducta, hoc in casu isto non tenet: & hoc ideo quia cum detrimentum sit honoris & rerum matrimonia huiusmodi separari, probabile est parètes huiusmodi separationem non affectare, & ideo nihil dicere amore filiorum: & præcipuè ideo quia ipsi ceterius noverrunt impedimenta.

AD ALIUD dicendum, quod melius, id est, minus malum est tales separari, quam commanere, ne homicidium sequatur: & ideo iudex in tali casu testes idoneos admittit.

Ad q. 3. AD ID quod ultimo quæritur, dicendum quod idem subiecto in hac causa potest esse accusator & testis, licet non idem secundum rationem: quia in veritate in tali casu contra aliquid agitur per modum inquisitionis potius quam denunciationis vel accusationis: in tali autem modo agendi contra aliquem (ut dicitur in iure) fama accusat: & postea quæ inducuntur, sunt testes veritatis famæ: tamen quia non est hic alius homo accusans & testificans, propterea dicitur quod idem est testis & accusator.

AD HOC autem quod contra obiicitur, dicendum quod accusator hic non testificatur id quod ipse dicit, sed potius hoc quod fama clamat: & ideo est hic quædam diversitas accusantis & testificantis. Notandum autem est hic quiddam quod in 35. q. 6. dicitur in apparatu, quod in pluribus locis valet, scilicet quod speciale est in matrimonio, quod idem potest esse accusator & testis: sicut etiam, quod non iuratur in hac causa de calumnia, cum sit quasi causa spiritualis, & quod consanguinei admittuntur, & quod non omnino ibi ordo iudiciarius observatur, cum denunciatione tali facta contumax lite non contestata possit excommunicari: & quod valet hic testimonium de ipsius auditu, & quia post publicatam attestationem testes possunt adduci.

## ARTICVLVS XIII.

*Utrum & quando matrimonium potest accusari?*

**T**ertio quæritur, Qualiter fiat diuortium, & quia huius causa est accusatio, ideo quærendum est, quando matrimonium possit accusari? Videtur autem, quod statim ut incipit esse culpabile: hoc autem est in prima voluntate & promissione contrahendi: ergo tunc potest accusari: ergo in sponsalibus potest fieri accusatio.

2 Item ad idem est, quod tunc accusatio facilius habet locum, & cum minori scandalo & damno contrahentium: ergo videtur, quod tunc debeat fieri.

IN CONTRARIUM est, quod non potest accusari id quod non est: sed matrimonium in sponsalibus non est: ergo in illis non potest accusari. *Sed contra.*

2 Item videtur, quod non possit accusari: quia sicut dicit Innocent. in concilio generali, accusatio fit per inscriptionem: sed denuntiatio fœderis matrimonij potest fieri per inscriptionem, & sine inscriptione.

3 Item, In accusatione accusans obligat se ad pœnam talionis si probare non possit quod dicit: sed in denuntiatione fœderis matrimonij nihil tale fit: ergo videtur, quod non accusatur nec accusari potest.

VLTERIUS quæritur: ponamus enim, quod duo fratres habeant duas sorores, & vnus propter consanguinitatem probatam separatur à sua vxore, vtrum alius eodem iure separatur à sua vxore? Videtur autem, quod sic: quia de similibus simile est iudicium: sed istorum matrimonia per omnia sunt similia quantum ad fœdera matrimonij: ergo si vnum separatur, & reliquum erit separandum. *Quæstio 1.*

SED IN CONTRARIUM huius est quod dicitur extra, de fide instruct. Inter dilectos: & dicit ibi Papa, quod res inter alios acta, alij non præiudicat. *Sed contra.*

SED TUNC ulterius quæritur, Vtrum possint sibi inuicem debitum reddere & exigere? Videtur autem, quod sic: quod enim nullo iure prohibetur, licet potest exigi: sed istud (ut habitum est) nullo iure prohibetur: ergo licet potest exigi. *Quæstio 2.*

IN CONTRARIUM huius est, quod conscientia remordet, quia scit se similiter iudicandum: sed qui facit contra conscientiam, ædificat ad gehennam: ergo videtur, quod nec exigere nec reddere debet. *Sed contra.*

RESPONSIO. Dicendum, quod sicut habetur ex concilio Urbani habito in Apulia: Si duo vel tres consanguinitatem inreiuando firmauerint, vel ipsi fortè confessi fuerint, coniugia dissoluantur: si vero neutrum contigerit, Episcopi eos per baptismum, per fidem Christi, per Christi iudicium in vera obedientia obtestentur quatenus palam faciant vtrum se, sicut fama est, recognoscant esse consanguineos: si negauerint, sibi ipsis relinquendi sunt: ita tamen, ut si aliud in conscientia habeant, se à liminibus Ecclesiæ, à corpore & sanguine



sanguine Domini, à fidelium communione nouerint segregatos atque infames effectos, donec ab incesti facinore desistant, si se Episcoporum iudicio segregauerint qui iuuenes sunt, alia via contrahere non prohibeantur. Ex hoc accipitur qualiter quantum ad numerum testium & inquisitionem diuortium sit faciendum. Denuntians autem matrimonium potest hoc facere dicto vel scripto per huiusmodi verba: Ego enim dico vel denuntio vobis Domine, quod matrimonium N. & B. stare non potest, quia sunt consanguinei in tali gradu. Si autem alia est diuortij causa, ipsam debet apponere in libello. Adhuc autem de consanguinitate & affinitate libellum tenetur dare accusato, ut sciat quis impetit & qualiter possit respondere. Hoc habito respondendum est ad primum, quod matrimonium non potest accusari nisi quando est, & ideo in sponsalibus accusari non potest: sed potest fieri denuntiatio impediti simplexi sine probatione per testes, nisi forte sponsalia iuramento sint firmata: quia tunc propter iuramenti obligationem tenetur ad probationem.

AD ARGUMENTUM autem quod contra hoc est, dicendum quod matrimonium non in-

cipit: quia nulla pars eius tunc est, sed tantum dispositio ad ipsum, sicut supra habitum est, cum de sponsalibus disputaretur.

AD ALIUD dicendum, quod denuntiatio consanguinitatis fieri potest, sed non accusatio matrimonij, quia non est.

AD ID quod ulterius queritur, Vtrum accusari possit: Dicendum, quod non proprie: sed accusatio sumitur hic extenso nomine pro denuntiatione: & per hoc patet solutio ad sequens.

AD HOC quod ulterius queritur, dicendum quod non debet alius frater propter hoc à sua vxore recedere: quia sæpè humanum fallitur iudicium, quod procedit secundum allegata: & ideo non oportet de hoc similiter iudicare.

AD HOC autem quod obiicitur de conscientia, dicendum quod aut est scientia de consanguinitate, aut opinio, aut nihil talium habet in conscientia. Si primo modo, nec reddere potest, nec exigere. Si secundo modo, reddere potest, sed non exigere. Et per hoc patet solutio ad totum. De separatione autem à thoro infra erit questio in loco proprio.

Ad quasi inueniatur.

### De duplici separatione.

**S**EPARATIO autem gemina est, corporalis scilicet, & sacramentalis. Corporaliter possunt separari causa fornicationis, vel ex communi consensu causa religionis, siue ad tempus, siue vsque in finem. Sacramentaliter vero separari non possunt dum viuunt, si legitimæ personæ sint. Manet enim vinculum coniugale inter eos, etiamsi aliis à se discedentes adhæserint. Vnde Augustinus, Vsque adeò manent inter viuentes semel inita iura nuptiarum, ut potius sint inter se coniuges etiam separati, quam cum aliis quibus adhæserunt. Item, Manet inter viuentes quoddam coniugale vinculum, quod nec separatio, nec cum altero copulatio possit auferre: sicut apostata anima velut de coniugio Christi recedens, etiam fide perdit, sacramentum fidei non amittit, quod lauacro regenerationis accepit. Redderetur enim redeunti, si amisisset abscedens. Habet autem hoc qui recesserit ad cumulum supplicij, non ad meritum præmij. Item, Quibus placuit ex consensu ab usu carnalis concupiscentiæ in perpetuum continere, absit ut vinculum inter illos coniugale rumpatur, imo firmiter hæret, quod magis ea pacta secum gerunt: quæ charius concordiusque seruanda sunt, non voluptariis corporum nexibus, sed voluntariis animorum affectibus. Et attende, quod tertium bonum coniugij dicitur sacramentum: non quod sit ipsum coniugium, sed quia eiusdem rei sacræ signum est, id est, spiritualis & inseparabilis coniunctionis Christi & Ecclesiæ.

Matt. 19.

Lib. 1. de nuptiis & concupisc. cap. 10. Ibidem.

Ibidem, cap. 11.

Hugo. 4. sentent. cap. 5.



## ARTICVLVS XIV.

*An matrimonium imprimat characterem?*

**D**Einde quæritur de hoc quod dicit ibi [Sicut apostata anima, &c.] Ex hoc enim videtur, quod matrimonium imprimat characterem: quia aliter nihil valet similitudo inducta.

2 Item, Cessante causa cessat effectus: sed statim post horam primi contractus recedit & cessat effectus: ergo cessat & causa: ergo cum non cesset effectus, oportet quod aliquid sit conseruans eum: sed hoc non potest esse nisi character: ergo matrimonium imprimit characterem.

3 Item, Aeterni characteris non est signum corporalis character & delebilis: sed æternam coniunctionem fidelis animæ cum Deo significat matrimonium: ergo oportet, quod hoc faciat per aliquod indelebile: hoc autem non potest esse nisi character: ergo matrimonium imprimit characterem.

4 Item, Anima coniugati transiens ab hoc seculo, aut est distinguibilis à non coniugato, aut non: Si sic: tunc cum hoc sit character, quia nihil distinguit nisi character, matrimonium imprimit characterem. Si autem non est distinguibilis, tunc matrimonium secundum totum suum esse est corporale, & non significat aliquid manens in æternitate.

*Sed contra.* IN CONTRARIUM huius est, quod sacramenta imprimentia characterem iterari in eadem persona non possunt: sed matrimonium potest iterari: ergo non imprimit characterem.

*Solutio.* RESPONSIO. Dicendum, quod non imprimit characterem.

AD PRIMVM ergo dicendum, quod similitudo est in parte, & non in toto: ita quod matrimonium non sequitur simile in parte: quia sicut propter perpetuum characterem animæ apostatanti à Deo non redditur sacramentum cum redit, ita hic propter vinculum quod durat altero coniugum durante, non reiteratur matrimonium.

AD ALIVD dicendum, quod quorum esse est in fieri, necesse est esse cum suis causis: sed quorum esse est post suas causas, præcipue non propinquas, possunt permanere post, & præcipue voluntarij effectus nostri: unde non tenet hoc in contractibus voluntariis.

AD ALIVD dicendum, quod distinguibilis est non per characterem, sed per notitiam prioris vitæ quæ remanet apud eum & apud alios.

## ARTICVLVS XV.

*An conseruatio continentie sit de confirmantibus matrimonium & essentiam eius?*

**D**Einde quæritur de hoc quod dicit [Imo firmitus hæret quo magis ea pacta, &c.] Videtur enim esse falsum: quia seruatio huius continentie non est de essentia vel confirmantibus matrimonium, sed potius de confirmantibus votum continentie: ergo falsum dicit in litera. Item videtur contrarium consummanti matrimonium: ergo non confirmat ipsum.

RESPONSIO. Dicendum, quod loquitur *Solutio* in litera de confirmatione sanctitatis matrimonij magis quam matrimonij essentia. Et per hoc patet solutio ad vtrumque.

*Hæc tria non adsunt omni coniugio.*

**C**ONTRARIUM est sciendum, ab aliquibus contrahi coniugium, vbi hæc tria bona non comitantur. Deest enim fides, vbi vir cum alia, vel mulier cum alio coit. Hoc ergo bonum ita coniugio adhæret, vt ex eo, si adsit, amplius commendetur coniugium: si non adsit, non inde annihilatur. Quæ enim adultera est, non ideo coniunx non est: imo si coniunx non esset, adultera non foret: non enim est adulterium, nisi cum fides thori violatur legitimi. Quod cum fit culpa committitur, sacramentum vero non cessatur. Bonum quoque prolis non omnibus adest coniugibus. Quidam enim pari voto continentiam seruant. Alij pro ætatis defectu vel alterius rei causa generare non valent. Nec omnes illi etiam qui prolem recipiunt, bonum prolis habent. Nam bonum prolis dicitur non ipsa proles, vel prolis spes quæ ad religionem non refertur, imo ad hæreditariam successionem (vt cum quis hæredes terrenæ possessionis habere desiderat) sed spes ac desiderium quo proles ad hoc quæritur, vt religione informetur. Multi ergo prolem habent, qui tamen bono prolis carent: nec ideo tamen coniugium esse definit. Sacramentum verò ita inseparabiliter coniugio hæret

Hug.  
de sacra-  
mentis  
parte II.  
cap. 8.



hæret legitimarum personarum, vt sine illo coniugium non esse videatur, quia semper manet inter viuentes vinculum coniugale: vt etiam interueniente diuortio fornicationis causa, coniugalis vinculi firmitas non soluatur. Vbi vero non inter legitimas personas contrahitur coniugium, non adest illud bonum quod dicitur sacramentum: quia potest solui talium copula, de quibus post dicitur. Quod vero coniugium sit inter eos, qui coniugali affectu, non tamen gratia prolis, sed explendæ libidinis causa conueniunt: nec fornicarij, sed coniuges appellentur, ostendit Augustinus inquit, Solet quæri, Cum masculus & fœmina, nec ille maritus, nec illa vxor alterius, sibimet non filiorum præcreandorum, sed pro incontinentia solius concubitus causa copulantur, ea fide media, vt nec illa cum altero, nec ille cum altera faciat id: vtrum nuptiæ sint vocandæ? Et potest fortassè non absurde hoc appellari connubium, si vsque ad mortem alicuius eorum id inter eos placuerit: & prolis generationem, quamuis non ea causa coniuncti sunt, non tamen vitauerint vt vel nolint sibi nasci filios, vel etiam opere malo aliquo agant ne nascantur. Caterum si vel vtrumque vel vnum horum desit, non inuenio quomodo has nuptias appellare possimus. Etenim si aliquam sibi ad tempus adhibuerit, donec aliquam dignam honoribus aut suis facultatibus inueniat, quam in coniugio adducat, animo ipso adulter est, nec cum illa quam cupit inuenire, sed cum ista cum qua sic cubat, vt cum ea non habeat maritale consortium. Ecce coniuges dicuntur, qui solius concubitus causa conueniunt, si tamen prolis generationem aliquo malo dolo non vitent.

Lib. de  
bono  
coniu-  
gali. c. 5.

## ARTICVLVS XVI.

*An omne matrimonium habeat bonum matrimonij?*

**D**Einde quæritur de hoc quod dicit ibi [Vbi vero non inter legitimas personas contrahitur coniugium, non adest illud bonum quod dicitur sacramentum, &c.] Videtur hoc esse falsum quia ibi est indiuiduitas indiuiduæ vitæ & consuetudinis: sed hoc sacramentum est: ergo dicitur falsum in litera.

2 Item, Nullum est matrimonium quod non habet aliquod bonum: sed pono, quod tales non possint habere prolem, nec etiam fidem sibi seruent: cum igitur nec sit ibi bonum sacramenti, nullum bonorum est ibi: est autem inter tales matrimonium, vt probatur infra: ergo aliquod matrimonium est, quod nullum habet bonum, quod absurdum est dicere.

*Solutio.*

**RESPONSIO.** Dicendum, quod sacramentum dicitur dupliciter, scilicet habitu, & actu. In actu non est ibi sacramentum, quia non ducit in sacram rem aliquam, sed habitu est ibi: sed in litera loquitur de sacramento in actu existente. Vel melius potest dici, quod duplex est indiuiduitas, scilicet ex eo quod præpositio potest priuare actu diuisionis, vel potentia. Et primo quidem modo est indiui-

sibile matrimonium infidelium. Secundo autem modo non: quia aliquo casu contingenti diuidi potest, si alter conuertatur ad fidem, & reliquus sibi cohabitare nolit nisi in contumeliam creatoris. Et hoc modo intelligit in litera.

## ARTICVLVS XVII.

*An inter illos est matrimonium, qui causa libidinis exercenda copulantur?*

**D**Einde quæritur de hoc quod dicit ibi [Solet quæri, Cum masculus & fœmina, &c.] Videtur enim, quod inter tales non sit matrimonium: quia in tali muliere nullum quæritur bonum matrimonij, quod patet quærenti per singula: sed in omni matrimonio aliquod bonum quæritur: ergo videtur, quod hoc non sit matrimonium.

2 Item, Sextus Pirhagoricus dicit, vt infra dicitur, quod ardentior amator propriæ coniugis, adulter est: sed ille videtur esse ardentior, quia non sequitur nisi libidinem ardoris: ergo videtur, quod sit adulter.

3 Item, In litera dicit, Si non contra operetur, quod tunc sit matrimonium: ergo si contra operetur, à contrario sensu non est matrimonium: ponamus ergo, quod impediatur partum, tunc videtur quod soluat matrimonium



matrimonium prius contractum & consummatum, quod falsum est.

*Solutio.*

**R**ESPONSIO. Dicendum, quod inter tales est matrimonium, sicut in litera dicitur: & de hoc satis est superius inquisitum.

**A**D HOC ergo quod obiicitur, dicendum quod queritur bonum medicinar in tali matrimonio, & hoc non est paruum bonum: & supponuntur alia in potentia & in habitu, licet non in actu.

**A**D ALIUD dicendum, quod illud dictum Sexti Pythagorici intelligitur de ardore ferventi extra communem honestatem matrimo-

nij, scilicet qui scienter & cum intentione vritur vxore loco meretricis & nomine, quod etiam si non esset vxor, cum ipsa concumbere veller.

**A**D ALIUD dicendum, quod Magister non dicit hoc ideo, quod ipse intelligat, quod impedimentum superueniens matrimonio impediat matrimonium, vel dirimat contractum: sed quia tunc non vt coniuges, sed vt adultereri contra bona matrimonij feruent coniuges: & ipsi quidem coniuges existentes non agunt rem coniugalem. Et per hoc patet solutio.

### *De his qui procurant venena sterilitatis.*

**D**  
Lib. 1. de  
nupt. &  
concup.  
cap. 15.

**Q**UI verò venena sterilitatis procurant, non coniuges, sed fornicarij sunt: vnde Augustinus, Aliquando eousque peruenit hæc libidinosa crudelitas, vel libido crudelis, vt etiam venena sterilitatis procuret: & si nihil valuerint, conceptos foetus inter viscera aliquo modo extinguat vel fundat, volendo prolem suam prius interire quam viuere: aut si in vtero viuebat, occidi antequam nasci. Prorsus si ambo tales sint, coniuges non sunt: & si ab initio tales fuerunt, non sibi per connubium, sed per stuprum potius conuenerunt. Si vero ambo tales non sunt, audeo dicere, aut illa quodammodo est mariti meretrix, aut ille adulter vxoris.

### ARTICVLVS XVIII.

#### *Quæ pœnitentia debetur illis qui venena sterilitatis procurant?*

**D**Einde queritur de hoc quod dicit ibi [Qui verò venena sterilitatis procurant, &c.] Queritur autem hic de pœnitentia istorum. Videtur enim, quod parricidæ sunt, vel propriorum filiorum occisores: quia qui occasionem damni dat, damnum dedisse videtur: sed ille dat occasionem homicidij: ergo facit homicidium.

2. Item, In exterioribus damnosius est redere terram infœcundam, quam semel eradicare segetes: ergo à simili in natura humana facere naturam sterilem maius est peccatum, quam occidere semel infantem vnum viuum vel duos: grauiori ergo pœnitentia puniendi sunt, quam homicidæ.

3. Item Genes. 38. dicitur de Her & Onam qui semen fundebant, quod percussit eos Dominus. Ergo adhuc videtur, quod tales sint morte puniendi vel pœnitentia grauissima.

*Questi-  
cula.*

**V**LTERIUS queritur de illis qui consilia & adiutoria dant sterilitatis, vtum sint irregulares? Videtur, quod sic: quia ipsi interpretum faciunt homicidium: homicidæ autem sunt irregulares: ergo illi tales sunt irregulares.

*Sed con-  
tra.*

**I**N CONTRARIUM est, quod infra habetur, quod non sunt homicidæ nisi post pœnitentiam formatam: ergo nec irregulares.

**R**ESPONSIO. Dicendum, quod magna pœnitentia est iniungenda, & quod cessent, ne de cætero faciant talia: & si possunt induci, quia peccant contra matrimonium, inducendi sunt, quod de cætero non vtantur matrimonio: si autem non possunt induci, non credo, quod arctari possint, ne peiora contingant.

**A**D PRIMVM ergo dicendum, quod non est certum nasci puerum: quia dubium est de conceptione: & etiam postquam conceptum est, dubium est de animatione & partu: & ideo non directe dat occasionem talis.

**A**D ALIUD dicendum, quod quoad hoc est grauius, quia probabiliter damnosius: sed non est maioris deformitatis in actu peccati: & à deformitatis quantitate dicuntur peccata grauiora simpliciter, & ab aliis circumstantiis dicuntur esse grauiora secundum quid.

**A**D ALIUD dicendum, quod nequam erant illi ambo: sed non sequitur, si Deus illud peccatum morte puniuit, quod etiam illi sint morte puniendi: quia Dominus fecit hoc ad terrorem, & Ecclesia non punit nisi contritum ad satisfactionem delicti.

**A**D ID quod vltius queritur, dicendum quod non sunt irregulares, quia non sunt homicidæ: & ideo falsum supponitur in obiectione.

*Ad que-  
stionem  
lam.*

*Quando*



*Quando sunt homicida qui procurant abortum?*

**I**c quæri solet de his qui abortum procurant, quando iudicentur homicidæ, vel non? Tunc puerperium ad homicidium pertinet, quando formatum est, & animam habet, vt Augustinus super Exod. asserit. Informe autem puerperium vbi non est anima viua, lex ad homicidium pertinere noluit. Dicit etiam Augustinus, quod informe puerperium non habet animam, ideoque multatur pecunia, non redditur anima pro anima. Sed iam formato corpori anima datur, non in conceptu corporis nascitur cum semine deriuata. Nam si cum semine & anima existit de anima, tunc & multæ animæ quotidie pereunt, cum semen fluxu non proficit natiuitati. Primum oportet domum compaginari, & sic habitatorem induci. Cum ergo lineamenta compacta non fuerint, vbi erit anima? Item Hieronym. ad Algasiam, Semina paulatim formantur in vtero: & tandiu non reputatur homicidium, donec elementa confecta suas imagines membraque suscipiant. His apparet tunc eos homicidas esse, qui abortum procurant, cum formatum est & animatum puerperium.

E  
2. q. 2.  
c. Quod  
verò.

Lib. qu.  
nou. &  
ver. test.  
cap. 12.

In tomo  
3. episto-  
larum in  
quæstio-  
nibus,  
quæst. 4.



EXPOSITIO TEXTVS.

**D**einde quæritur de hoc quod dicit ibi [Nam si cum semine, &c.] De hoc autem, quia multum in tractatu de anima est disputatum, ibi est requirendum: quia non inducitur hic nisi per accidens, nec est de materia. Possunt autem hic notari verus ad hoc vtiles sic:

*Semine conceptum sex primis ritè diebus*

*Fit quasi lac, reliquisque nonem fit sanguis:*

*at illud*

*Consolidat duodena dies, bis nona deinceps*

*Effigiat, tempus sequens producit ad ortum.*

ARTICVLVS XIX.

*An actus reddendi debitum sit meritorius?*

**D**einde quæritur de hoc quod dicit ibi [Cum igitur hæc tria bona in aliquo simul concurrunt, &c.] Videtur enim falsum dicere: quia quod bonum est, non indiget excusatione: sed actus talis est bonum quoddam: ergo non indiget excusatione.

2 Item videtur, quod sit meritorius: quia secundum speciem mouentis informatur morus & actus: sed species siue forma mouentis hic est pietas prolis & iustitiæ: ergo actus est meritorius, vt videtur: & ita iterum excusatione non indiget.

3 Item, Reddens debitum, reddit alteri quod suum est: sed redens alteri quod suum est, meretur si est in charitate: ergo coniugati

reddentes sibi debitum, merentur si sunt in charitate: ergo actus talis nulla excusatione indiget.

4 Item, Absurdum est dicere actum coniugij patriarcharum excusatione indigere: ergo videtur, quod non oporteat bona plura vel vnum adesse, vt excusetur.

5 Item videtur, quod si excusatione indigeret, tunc Apostolus 1. Corinth. 7. malè diceret præcipiendo, Nolite fraudare inuicem nisi fortè ex consensu, &c. & iterum reuertimini in idipsum, &c.

IN CONTRARIVM huius est, quod omnis passio deducens rationem, est turpis rationali creaturæ: quia sicut dicit Philosophus, Ex deductione rationis sequitur mos peruersus: sed in omni coitu est talis passio: ergo omnis coitus est turpis: omne turpe nisi excusetur, reputatur crimen: ergo omnis coitus criminofus est, si non excusetur.

2 Item, Omne quod excludit actum virtutis & Spiritus sancti, indiget excusatione si non debeat esse peccatum: sed hoc facit omnis concubitus: vt habetur infra, & dicitur in Gloss. 1. Corinth. 6. super id: Qui fornicatur, in corpus suum peccat. Ergo omnis coniugalis concubitus indiget excusatione.

RESPONSIO. Dicendum, quod omnis concubitus indiget excusatione, id est, vt adiungatur ei aliquid, quo detracto erit turpis. Et tamen bene concedo, quod quandoque est meritorius ex adiuncto illo: & hoc ideo quia non est ex se cognitio feminæ mala, sed ex concupiscentia adiuncta: & illa quandoque est pœna tantum, & est turpis non sicut vitium culpæ, sed sicut pœna, quæ est orta ex culpa: & propter illam indiget excusatione. Et per hoc patet solutio ad omnia, quæ primo obijciuntur: quia actus ille ex se bonus & meritorius

Sed contra.

Solutio.



torius est, sed ex adiuncto turpem habet prænam annexam, quæ per bonum matrimonij protegatur: quia aliter homo peccaret, qui se illi ex voluntate subderet.

Ad id quod in contrarium est, dicendum quodd ratio duplicem habet actum ad opus voluntarium virtutis vel vitij, scilicet præambulum quo ordinat res agendas, & concomitantem quo quasi inspicit executionem. In

coitu autem matrimonij qui fit specie boni mouente, non occumbit, nec deducitur ratio quantum ad actum præambulum operi, sed quantum ad actum concomitantem opus: sed hoc non facit aliquid esse peccatum, sed tantum subiicit pænæ non carenti verecundia, eo quod ratio si non fuisset peccatum, semper in vi sua & dignitate remansisset. Per hoc etiam patet solutio ad sequens.

### *De excusatione coitus qui fit per hæc bona.*

**F** V M ergo hæc tria bona in aliquo coniugio simul concurrunt, ad excusationem coitus carnalis valent. Quando enim seruata fide thori causa prolis coniuges conueniunt, sic excusatur coitus, ut culpam non habeat. Quando vero deficiente bono prolis, fide tamen seruata conueniunt causa incontinentiæ, non sic excusatur ut non habeat culpam, sed venialem. Vnde Augustinus, Coniugalis concubitus generandi gratia non habet culpam. Concupiscentiæ verò satiandæ, sed tamen cum coniuge propter thori fidem venialem habet culpam. Item, Hoc quod coniugati victi concupiscentia vtuntur inuicem, ultra necessitatem liberos procreandi, ponam in his pro quibus quotidie dicimus, Dimitte nobis debita nostra, &c. Vbi autem hæc bona defunt, fides scilicet & proles, non videtur coitus defendi à crimine. Vnde in sententiolis Sexti Pithagorici legitur, Omnis ardentior amator propriæ vxoris, adulter est. Item Hieron. Sapiens iudicio amat coniugem, non affectu: non regnat in eo impetus voluptatis, nec præceps fertur ad coitum. Nihil est fœdus quam vxorem amare quasi adulteram. Qui dicunt se causa humani generis vxoribus iungi, imitentur saltem pecudes: & postquam venter vxoris intumuerit, non perdant filios, nec amatores se vxoribus exhibeant, sed maritos. Idem, In matrimonio opera liberorum concessa sunt, voluptates autem quæ de meretricum amplexibus capiuntur, in vxore sunt damnatæ.

Lib. de  
bono  
coniu-  
gali. c. 6.  
& 7.

Hugo 4.  
sentent.  
cap. 4.

Matt. 6.

32. q. 4.  
Origo.  
Ibidem.  
cap. Sa-  
piens.

### ARTICVLVS XX.

*Quare ardentior amator suæ vxoris potius comparetur adultero quam fornicatori: & quis dicitur ardentior amator?*

**D** E inde quæritur de hoc quod dicit ibi [Omnis ardentior amator, &c.] Videtur enim falsum esse: quia suam cognoscit, quod non facit adulter: feruor autem coitus in utroque est æqualis.

2. Item ardentior dicitur comparisonem, & comparatio notat excessum, quæritur respectu cuius? Si dicitur respectu ardoris qui est in coitu qui fit bonis matrimonij mouentibus, tunc ardentior erit amator qui victus concupiscentia vtitur coniuge: sed hoc falsum est, quia dicit Augustinus in litera, quod hoc est veniale. Si autem dicitur, quod notat excessum respectu illius qui victus concupiscentia vtitur coniuge: tunc videtur, quod debe-

ret dici ardentissimus, quia primus gradus est in eo qui vtitur coniuge motus bono matrimonij: secundus autem in eo qui victus concupiscentia: & tertius in excedente illos.

3. Item videtur, quod nullus coitus matrimonij sit venialis, sed omnes sunt mortales: quia actus qui eiusdem & æqualis sunt conuersionis ad bonum commutabile, sunt etiam eiusdem auersionis: sed constat, quod ille mortaliter auertitur, qui vtitur meretrice: ergo & ille qui vtitur coniuge.

4. Item 8. ethic. innuit Aristot. quod delectatio corrumpens æstimationem prudentiæ, est vituperabilis in ethicis: sed quod ibi est vituperabile, Theologis est mortale: ergo talis delectatio est mortalis, quia est corruptiua virtutis: sed talis delectatio est in omni concubitu: ergo videtur, quod omnis concubitus est mortale peccatum.

RESPONSIO. Dicendum, quod ardentior hic vocatur ardor excedens totius matrimonij concessionem & honestatem. Sub concessione

Solutio.



cessione autem matrimonij & honestate feruens est in positivo gradu respectu cuius notatur excessus. Et per hoc patet solutio ad primum. Si autem quærat, quare talis comparatur adultero, & non fornicatori? Dicendum, quod hoc ideo est: quia fornicator non peccat in matrimonium, sed ille talis peccat: & ideo à corruptione matrimonij dicitur adulter, non à transgressionem thori. Et per hoc patet solutio ad id quod obiicitur de adultero: quia non quoad hoc facit comparisonem.

AD ID quod ulterius quæritur, dicendum quod conuersio duplex est: est enim una per rationem præambulam actui, & alia per ipsum opus. Et de conuersione rationis præambulæ actui verum est, quod obiicitur, scilicet quod quæ sunt eiusdem & æqualis conuersionis, &c. sed hoc non tenet hic: quia ille considerat concessionem & honestatem matrimonij, & ideo sub Deo conuertitur: alius autem non considerat, nisi sœdam delectationem. Et hæc solutio valet in multis.

AD ALIUD dicendum, quod non corrumpit æstimationem prudentiæ delectatio matrimonij: quia prudentia præambula ordinat eam: sed actum prudentiæ opus concomitantem suspendit ad tempus.

## ARTICVLVS XXI.

### *Quando coitus est bonus?*

**D**Einde quæritur de hoc quod dicit [Non regnat in eo impetus voluntatis, &c.] Cum enim tria possunt esse mouentia simplicia in coitu, & duo composita, eò quod tertium esse non possit: quærat de coitu secundum quodlibet mouentium, utrum sit bonus, vel malus? & quantum bonus est, & quantum malus est? Est enim mouens natura quæ speciem saluare desiderat, & iterum mouens bonum matrimonij. Item est mouens libido: quæ sunt simplicia. Est autem mouens natura cum gratia, & natura cum libidine, quæ sunt duo mouentia composita. Sit ergo primo mouens natura. Videtur autem, quod tunc sit bonus. Esse enim naturale est bonum: ergo & istud.

2 Item, Dignior est actus naturæ, qui ad melius operatur: sed dignior & melior est species indiuiduo: ergo dignior est actus operans ad speciem, quam ad indiuidui salutem: sed coitus operatur ad salutem speciei, comestio autem ad salutem indiuidui: ergo videtur, quod melius sit coire, quam comedere.

3 Item, Philosophi dicunt, quod coitus est res diuina, in qua natura posuit abundantiam delectationis, ut fortius appetatur propter speciei permanentiam: ergo videtur, quod sit optimus & dignissimus actus.

4 Item, In aliis naturis ab homine non dubitamus, quin optimum & vltimum in eis sit generare tale alterum, quale est vnumquodque eorum, sicut scribitur in secundo de anima: ergo videtur, quod similiter sit in homine: igitur si moueat ad coitum natura ad speciem ampliandam & sustinendam, videtur quod non tantum non sit malum, sed plurimum bonum.

*D. Alb. Mag. in Lib. 4. Sentent.*

detur quod non tantum non sit malum, sed plurimum bonum.

IN CONTRARIUM huius est, quod quodlibet id quod est superioris naturæ, inclinatur ad inferiorem naturam, ipsum secundum naturam peioratur: & hanc quidem propositionem innuit Aristot. in prima parte 10. ethic. sed homo superiorem naturam habet, intellectualem, non organicam: ergo si operatur secundum naturam inferiorem, erit sibi operatio non secundum naturam propriam: ergo homo deturpatur in ea secundum naturam propriam: sed coire est secundum naturam inferiorem, quæ est bruti: ergo ipsa deturpat naturaliter hominem.

2 Item, Videmus Philosophos qui non peccatum hoc modo considerant ut theologus, nec etiam bona matrimonij, vituperare coitum, & laudare felicitati contemplatiuæ insistentes: cum igitur illi non considerant nisi naturam & naturale bonum, videtur, quod coitus sit de turpibus hominum.

ULTERIUS quæritur de bono matrimonij mouente. Videtur enim, quod mouere non possit: quia malum est, quod malo permixtum est: sed bonum nunquam mouet ad malum: ergo nec mouet ad bonum malo permixtum: sed omnis coitus est malo concupiscentiæ permixtus: ergo bonum nunquam mouet ad coitum.

2 Item, Virtus est arte certior, ut dicit Philosophus: ars autem finem nunquam quærit via remotiori, sed propinquiore: ergo nec virtus: sed omne bonum facilius & citius consequitur bonum mouens ad simpliciter bonum, quam ad permixtum turpitudine: ergo videtur, quod nullum bonorum matrimonij vnquam moueat ad coitum, quia turpitudini permixtum est.

3 Item, Natura nunquam mouet ad aliquid in quo necesse sit deficere naturales actus: ergo cum virtus sit in modum naturæ mouens, videtur quod virtus nunquam moueat ad aliquid in quo necesse sit deficere virtutis actus & operationes: sed omnes virtutis actus & operationes deficiunt, dum coitus est: ergo nullum bonum vnquam mouet ad coitum, ut videtur.

IN CONTRARIUM huius est, quod dicitur Tob. 3. Virum autem cum timore tuo, non cum libidine, &c. ergo timor Dei & amor posteritatis mouent ad coitum.

2 Item, Id quod imperat Deus speciali apparitione Angeli sacerdoti cultui insistenti, sit virtute & bono mouente ad ipsum: tale autem est cognitio vxoris aliquando: ergo, &c. Probatio primæ est Luc. 10. in conceptione Ioannis Baptistæ.

ULTERIUS quæritur de libidine mouente. Videtur enim hec semper esse mortale peccatum. Dicit enim Augustinus, quod libido est improba voluntas: sed omne quod à voluntate improba causatur, est vitium: ergo omnis coitus talis est vitium: sed vitium omne detestabile est: ergo coitus talis est mortale peccatum.

2 Item, Quod nec rationem habet præambulam ordinantem, nec concomitantem, illud

KKk omnino

*Sed contra.*

*Quæstionula.*

*Sed contra.*

*Quæstionula.*



omnino peruertit rationem: sed talis est coitus in quo libido mouet: ergo talis coitus subuertit rationem: sed omne quod subuertit rationem, est mortale peccatum: ergo omnis talis coitus est mortalis.

3 Item Tob. 6. Sunt qui accipiunt vxores vt fiant sicut equus & mulus: ergo quicunque sic accipit, peccat mortaliter: sed omnis quem libido incitat, sic accipit: ergo omnis quem mouet libido ad actum, peccat mortaliter.

*Sed contra.*

IN CONTRARIUM huius est, quod concubitus qui fit causa libidinis satiandæ, ponitur in quotidianis & leuibus peccatis hinc in litera ab August. ergo non est peccatum mortale.

*Quæst. 3.*

VLTERIUS quæritur de actu isto, quando libido mouet cum natura. Videtur enim, quod hoc sit semper: quia sicut dicit Auicenna, Nisi adsit libido in anima, non præcipit virtutibus præparantibus seminis decisionem, & extendentibus membra: sed sine illis non potest fieri coitus: ergo nec sine libidine.

2 Item dicit Augustinus, quod ex concupiscentia adiuncta ad coitum innascitur originale peccatum in paruulis: sed ex omni concubitu quoad actum concumbendi potest innasci paruulus: ergo in omni actu concumbendi est concupiscentia: ergo nunquam fit concubitus sine ipsa.

3 Item, Leprosi actus digestiuus nunquam fit sine corruptione lepræ, eo quod ipsa vasa & humores in vasis sunt corrupti: ergo à simili in corrupto per concupiscentiam, nunquam fiet actus concupiscentiæ sine corruptione libidinis: sed generatiua in omnibus sic est infecta & corrupta: ergo nunquam potest esse in actu sine libidinis corruptione.

*Quæst. 4.*

VLTERIUS quæritur de illo concubitu, qui fit ex natura & bono matrimonij mouentibus. Ille enim videtur esse actus optimus: quia duplici perfectione perfectus, scilicet naturæ, & moris: ergo optimus: sed optimi actus sunt meritorij: ergo talis actus est meritorius.

2 Item, Quicquid habet speciem boni virtutis, est ordinatum ad felicitatem: sed omnis talis actus est meritorius: ergo & iste.

*Sed contra.*

IN CONTRARIUM autem huius est, quod dicit Apostolus, quod impedimentum est Domino se obseruandi: sed nihil talium est meritorium: ergo nec coitus matrimonialis.

2 Item, In litera nunquam dicitur, quod sit meritorius, nec etiam Apostolus hoc dicit, sed tantum dicit, quod non peccat virgo si nubit: ergo videtur, quod non habeat meritum.

*Solutio.*

RESPONSIO. Dicendum, quod sicut procedunt obiectiones, omnia ista quandoque possunt esse mouentia per intentionem: quia coiens potest moueri intentione boni naturæ, vel pietatis, & religionis, vel iustitiæ, vel delectatione libidinis simul & naturæ, vel bono pietatis simul & naturæ. Sed cum sola libido mouet, est vltimius distinguendum: quia aut mouet feruens extra honestatem matrimonij & concessionem, & tunc quodammodo adulter est: vt paulo ante patuit. Aut feruet intra metas honestatis & concessionis matrimonij:

& tunc veniale dicendum est, vt patet ex verbis August. in litera positus. Similiter cum libido mouet cum natura: aut libido præit, & natura sequitur, & vt puto, tunc est grauius peccatum, sed non mortale: aut libido sequitur, & tunc est minus.

HIS HABITIS ad obiecta est respondendum. Quod ergo primo quæritur, dicendum quod nullum peccatum est quando natura sic mouet: & hoc, vt dicit Tullius, ordinat coitum ad honestas nuptias & certos liberos: quia aliter nullus certos liberos recognosceret: sed tamen licet non sit malum, quia non est necessarium, non tantum est malum abstinere à coitu, sicut à cibo. Et hoc duabus rationibus quarum prima est, quia subsistentia indiuidui est mihi magis necessaria, quam speciei in alio. Secunda autem est: quia non est verum generaliter, quod melius simpliciter sit semper magis eligendum, sed melius mihi quandoque est eligendum: & ita est de cibo, & coitu. Omnes autem rationes procedunt ac si dignius & melius simpliciter semper mihi magis faciendum sit. Et per hoc patet solutio ad primam partem obiectionum.

AD ID autem quod obiicitur in contrarium, dicendum quod ex hoc non probatur, quod sit mala, sed potius sequitur, quod non sit hominis propria. Et ita soluit Aristot. argumentum: quia conuenit homini secundum commune, & non secundum proprium, id est, intellectum. Aliter potest dici & melius, quod descensus & delectationes inferiores sunt duobus modis. Primus est cum ratione ordinante delectationes ipsas: & iste modus non contrariatur bono rationis. Alio modo secundum corruptionem rationis peruersa: & iste contrariatur. In coitu autem coniugali est descensus primo modo, non secundo modo.

AD ID quod postea obiicitur, dicendum quod intellectualis natura, cuius felicitatem Philosophi laudant, dupliciter consideratur, scilicet secundum se, & secundum suum esse. Si secundum se consideratur: tunc est separata, & etiam actus suæ felicitatis est separatus. Si autem non secundum se consideratur: tunc oportet, quod inclinetur ad inferiora, ordinata tamen à ratione: quia aliter esse non haberet nisi in inferiori, & secundum multiplicationem illius multiplicatur natura intellectualis, licet non ab eodem multiplicetur: quia inferior natura multiplicatur per generationem, superior autem per creationem: & secundum hoc esse differunt felicitates.

AD ID autem quod vltimius quæritur, dicendum quod primæ duæ obiectiones non concludunt nisi de malo culpæ, sed non de malo pænæ, & tale malum pænæ est permixtum in coitu matrimonij. *Ad qu. 1.*

AD TERTIUM autem dicendum, quod natura non mouetur ad id in quo deficit essentialiter, sed sapè mouet ad hoc in quo propter vnus intensiorem actus potentia, subtrahitur ab actu alterius potentia: & ita fit hic: quia bonum matrimonij mouet ad hoc in quo abstrahitur ab actu alterius boni & potentia propter vehementiam delectationis.

AD ID quod vltimius quæritur, dicendum quod *Ad qu. 2.*



quod si libido sequitur rationem, non est mortale peccatum: si autem libido præuenit & dominatur, tunc est mortale peccatum, sicut probant obiectiones.

AD PRIMVM autem dicendum, quod libido dupliciter dicitur, scilicet improba voluntas contra Deum, quiescens in libidinoso coitu: & de hoc procedit obiectio. Est iterum libido non tam improba voluntas, sed pœna improbæ concupiscentiæ: & hæc non est omnino peruertens, sed potius rationem sequens, & ordinem rationis non corrumpens.

AD ALIVD dicendum, quod hoc non tenet nisi de libidine quæ præuenit rationem.

AD ALIVD dicendum, quod Augustinus loquitur de eo qui est ardentior amator suæ coniugis: & de illo verum est, quia Deum à mente sua excludit, quia in illo libido dominatur.

AD ID autem quod vltius quæritur, dicendum quod non semper libido mouet cum natura: quia sicut dicit Augustinus, libido est placencia boni commutabilis: hæc autem non semper mouet concumbentem, sed potius bonum æternum vel naturale quandoque.

AD OBIECTVM autem dicendum, quod vocat libidinem desiderium delectabilis in v. nereis: & hoc non dicitur semper libido, nisi nomine extenso: & de hoc verum dicit Auicenna, quia nisi sit desiderabile secundum corpus, corpus non disponetur ad consequendum illud.

AD ALIVD dicendum, quod hoc fit ex concupiscentia pœnali, non vitiosa, vt dicit August. in lib. de nuptiis & concupiscentia. Et ratio huius assignatur in secundo, tractatu de peccato originali.

AD ALIVD dicendum, quod non est simile de lepra nisi ad concupiscentiam pœnæ, quia hæc est necessaria: sed concupiscentia culpæ non est necessaria: & ideo non est simile ad illud quod pro simili est inductum.

*Ad qu. 4.* AD VLTIMVM videtur mihi esse concedendum propter primas obiectiones, quod sit actus meritorius: licet quidam aliter sentiant, de quibus modo non est curandum.

AD ID autem quod obiicitur in contrarium, dicendum quod sicut supra dictum est, hoc dicitur ratione adiuncti, & non ratione actus, quod sit impedimentum: quia si secundum se fuisset impedimentum, semper fuisset impedimentum, quod supra ostensum est non esse verum.

AD VLTIMVM dicendum, quod in litera non dicitur propter difficultatem illius boni quod concupiscentia nititur excludere, & multæ erunt insidiæ. Et per hoc patet solutio ad totum.

## ARTICVLVS XXII.

*An pregnantibus sit reddendum debitum?*

**D**Einde quæritur de illo verbo Hieronymi [Imitentur saltem pecudes, &c.] *Vi- D. Alb. Mag. in Lib. 4. Sentent.*

detur enim hoc esse irrationabile: quia matrimonium est ad medicinam, vt iam habitum est: sed medicina maximè est necessaria tempore maximæ infirmitatis: ergo matrimonium tempore maximæ concupiscentiæ: sed hoc est tempore imprægnationis, vt dicunt Philosophi: ergo tunc maximè debet ei reddi debitum. Dicunt enim Philosophi, quod tunc embria incipiunt tangere nervos, & titillando excitant concupiscentiam: & ideo fœmina nunquam tantum desiderat coitum, sicut quando est imprægnata: videtur ergo malè dicere in litera.

2 Item, Non perduntur propter hoc infantes: quia conceptu facto, dicunt Philosophi, quod clauditur orificium interius matricis, quod etiam acus non posset ingredi: ergo tunc non est periculum de effusione: ergo videtur, quod non ex coitu perduntur infantes.

3 Item non videtur simile: quia homo propter cibi delectationem & abundantiam plus cæteris animalibus appetit coitum: cum igitur matrimonium sit medicina eius, videtur quod omni tempore possit & debeat coire: ergo non est simile de hoc quod inducit.

4 Item, Alia animalia habent coniunctionem ad alias fœminas suæ speciei: homo autem non: ergo videtur, quod nihil sit simile.

AD HOC autem dicendum videtur, sicut *Solutio.* dicit Auicenna in lib. suo de naturalibus, quod motus matricis causatur ex delectatione in coitu, propter quod etiam Pithagoras opinatus est matricem esse animal: motus autem & delectatio simul faciunt matricis dilationem & apertionem: & tunc frequenter effunduntur semina & embria concepta. Et hoc modo loquitur Hieron.

AD PRIMVM dicendum, quod ideo tunc propter timorem magni periculi se frangere debet: si tamen vtatur coitu, non peccat mortaliter.

AD SECVDVM dicendum, quod in veritate clauditur: sed tamen propter motum ex delectatione prouenientem iterum aperitur, & præcipuè ante primos quatuor menses, antequam embria radiceantur.

AD ALIVD dicendum, quod hoc verum est: sed tamen ideo rationabile est vt se temperet tunc à cibo & coitu: regnum enim cælorum vim patitur, & violenti rapiunt illud.

AD VLTIMVM dicendum, quod ideo homo habet rationem, quod faciat quæ alia non faciunt animalia: & ad hoc hortatur, non præcipit beatus Hieronymus.

\*\*\*



*De indulgentia Apostoli quomodo sit accipienda.*

G  
1. Cor. 7.



De ver-  
bis A-  
postoli.

Aug. in  
lib. de  
bono  
coniu-  
gali. cap.  
10.

1. Cor. 7.  
Aug. c. 4.  
de nupt.  
& con-  
cupisc. 1.

ED si concubitus qui fit causa prolis, culpa caret: quid Apostolus secundum indulgentiam permittit? ita enim ait, Hoc autem dico secundum indulgentiam. Cui enim præstatur venia, nisi culpæ? Per hoc etiam quidam probare volunt nuptias esse peccatum. Sed, ut prædictum est, indulgentia alia est concessionis, alia permissionis. Egerat Apostolus de nuptiis, & de carnali coitu: & ad utrumque retulit illud, Hoc autem dico secundum indulgentiam. Indulgentur enim nuptiæ secundum concessionem, & concubitus nuptialis, qui fit tantum causa prolis. Concubitus vero qui est præter necessitatem generandi ob incontinentiam, indulgetur secundum permissionem: quia ibi est aliqua culpa, sed levis. Ideoque non iubetur, nec conceditur, sed permittitur, quia non est laudabilis, sed venialis. De hoc Augustinus sic ait, Fortè aliquis dicet, si veniam concessit Apostolus: ergo peccatum sunt nuptiæ. Cui enim venia, nisi peccato conceditur? Planè quod infirmitati permisit secundum veniam, audeo dicere peccatum esse: veniam namque concedens Apostolus, concubitum attendit coniugatorum, ubi est incontinentiæ malum. Incontinentiæ malum est, quòd vir cognoscit uxorem etiam ultra necessitatem procreandi liberos, sed & ibi est nuptiarum bonum. Non enim quia incontinentia malum est, ideo coniugium, ubi est concubitus præter intentionem generationis, non est bonum, non propter illud malum culpabile est hoc bonum, sed illud malum fit veniale propter bonum nuptiale, quod non reprehendit Apostolus, sed malum incontinentiæ. Item, Concubitum qui non fit causa prolis, nuptiæ non cogunt fieri, sed impetrant ignosci, si tamen non ita sit nimius ut impediatur tempora quæ orationi debentur: nec immutetur in eum usus qui est contra naturam. Concubitus enim necessarius causa generandi, inculpabilis, & solus ipse nuptialis est. Ille verò qui ultra necessitatem progreditur, non rationi, sed libidini obsequitur: & hunc non exigere, sed reddere coniugi ne fornicetur, ad coniugem pertinet. Si verò ambo tali concupiscentiæ subiguntur, rem faciunt quæ non est nuptiarum: cuius delicti non sunt nuptiæ hortatrices, sed deprecatrices. Decus quidem coniugale est castitas, procreandi & reddendi carnalis debiti fides, hoc est opus nuptiarum, quod ab omni peccato defendit Apostolus dicens, Non peccat virgo si nups-  
rit. Cum ergo culpabilis non sit generandi intentione concubitus, qui propriè nuptiis imputandus est: quid est quod secundum veniam concedit Apostolus, nisi quòd coniuges debitum carnis exposcunt, non propaginis voluntate, sed libidinis voluptate? quæ tamen voluptas non propter nuptias cadit in culpam, sed propter nuptias accipit veniam. Immoderata ergo progressio secundum veniam conceditur. Quocirca & hinc laudabiles sunt nuptiæ: quia etiam illud quod non pertinet ad se, ignosci faciunt propter se. Non enim iste concubitus quo servitur concupiscentiæ, agitur ut impleatur foetus quem postulant nuptiæ. Omnino ergo in genere suo nuptiæ bonæ sunt.



sunt: quia fidem thori seruant, & prolis suscipiendæ causa vtrūque sexum commiscunt, & impietatem separationis horrent. Sanctitati etiam coniugij nec coniunx infidelis obesse potest, sed potius fidelis prodest infideli, vt Apostolus docet. Ex his ostenditur, quod coniuges qui causa prolis tantum conueniunt, vel qui exigentibus debitum reddunt, defendit à peccato sanctitas coniugij bonūque nuptiale. Si enim absque peccato non posset fieri concubitus coniugalis, non præcepisset Dominus post diluuium eos copulari, dicens: Crescite & multiplicamini, cum iam sine carnali concupiscentia non possint commisceri.

August.  
contra  
Iulianū  
hæreticū.  
c. 11.  
& 12.  
1. Cor. 7.

### ARTICVLVS XXIII.

*An sit mortale peccatum tempore orationum statuto petere debitum?*

**D**Einde quæritur de hoc quod dicit ibi [Si tamen non ita sit nimius, vt impediatur, &c.] Ex hoc enim videtur, quod mortale peccatum sit tempore orationum constituto expetere debitum. Et hoc etiam videtur per illud 1. Corinth. 7. Nolite fraudare inuicem, &c. & est finis orationis. Item Exod. 19. Nolite propinquare vxoribus vestris. Ita dixit Moyse quando lex danda erat: ergo multo magis erit hoc seruandum in Nouo Testamento. Item Genes. 6. & 7. diuisim ab vxoribus Noë & filij eius præcipiuntur intrare in arcam. Ergo cum Deus non præcipiat nisi rectum & iustum, videtur quod faciens contrarium, peccet mortaliter: tempore ergo luctus & sacro non est reddendum debitum. Item Ioel. 2. Egredietur sponsus de cubili suo, & sponsa de thalamo suo. Item 2. Reg. 11. Dominus meus Ioab est in obsidione, & ego dormiam cum vxore mea. Ita dixit Vrias ad Dauid. Ergo videtur, quod tempore luctus & sacro abstinendum sit.

2. Item per rationem probatur idem: simul enim in actu non potest esse spiritus & caro: sed tempore orationis debet esse in actu summo spiritus: ergo tunc vacandum est ab opere carnali. Quod autem tunc in actu debeat esse spiritus, probatur Ioan. 4. vbi dicitur, Veri adoratores adorabunt Patrem in spiritu & veritate. Item, Hieronym. dicit, quod tempore orationis abstinendum est etiam à licitis, vt facilius gratia impetretur. Ergo videtur, quod illis temporibus sit mortale peccatum contra facere.

*Sed contra.* IN CONTRARIUM huius est, quod circumstantia nulla facit peccatum veniale esse mortale: sed cognoscere vxorem propter infirmitatem, est veniale: ergo videtur, quod ex circumstantia non fiat mortale: sed tempus est circumstantia: ergo ex illo non fiet mortale peccatum, quod alias est veniale.

2. Item, Qui tenetur sine termino, statim debet soluere: sed coniugati sibi inuicem tenentur sine termino: ergo statim soluere debent: ergo si petat in tempore sacro, tenetur soluere.

3. Item, Matrimonium est in medicinam: D. Alb. Mag. in Lib. 4. Sentent.

sed medicina debemus vti omni tempore morbi: ergo & matrimonio: sit ergo instans morbus concupiscentiæ tempore orationum constituto: ergo tunc debeo vti medicina.

RESPONSIO. Dicendum videtur, quod incongruum est vti commixtione carnali tempore orationum constituto: sed non est mortale peccatum debitum exigere. Si autem probabiliter timeatur peior casus, si non reddatur, dico quod alter coniugum tunc tenetur reddere, & facit hoc sine peccato, sed exigens peccat venialiter.

AD ID autem quod dicit in litera, dicendum est, quod non intendit excipere à veniali peccato, sed potius ab indulgentia concessionis. Vel potest dici melius, quod notat nimium quando feruet vltra concessionem & honestatem matrimonij, qui nec eam curat, nec matrimonij honestatem, de quo supra dictum est, quod adulter est ardentior amator suæ coniugis.

AD ALIUD dicendum, quod vis facienda est in verbis Apostoli: quia cum ponere dicta sunt: vnde ipse per hoc quod dicit, forte & ex consensu, innuit quod potest esse talis instantia petendi debitum in altero coniugum, quod etiam tunc reddendum est. Quod etiam fortè dicitur fieri, innuitur quod aliquid potest esse quare non fiat. Similiter quod ex consensu fit, si alter non consentit, fieri non debet. Ad omnia alia quæ per auctoritates adducta sunt, dicendum quod nihil amplius probant, nisi quod tunc reddere in coniugio est veniale peccatum & exigere, & neutrum mortale. Nec Deus præcepit Noë diuisim intrare, sed potius quod congruum esset ostendit.

AD ID autem quod obiicitur per rationem, dicendum quod simul orare & coire non possunt coniugati, nec ad hoc tenentur: sed post coitum & ante possunt orare, quia non semper possunt coire. Infra autem habebitur in litera quæ tempora orationi sint constituta.

### ARTICVLVS XXIV.

*An in propria coniuge potest esse vsus contra naturam, & an coeuntem contra vsum debitum contingit peccare mortaliter?*

**D**Einde quæritur de hoc quod dicit ibi [Nec immutetur in eum vsum qui est

KKk 3 contra



contra naturam, &c.] Videtur enim, quod nullus usus contra naturam sit in coniuge propria. Illo enim uti quod in usum factum est, non est contra naturam: sed mulier in usum & adiutorium viri facta est: ergo ea uti non est contra naturam. Si dicas forte, quod peruersio modi coeundi est contra naturam. Contra: Dummodo coeat in vase debito nullus usus vel modus coeundi videtur esse determinatus: ergo nullus modus coeundi erit magis contra naturam, quam alius.

2 Item, Membra ad coitum pertinentia sibi proportionata sunt: ergo dummodo illa seruetur proportio, non erit vis in alia dispositione corporis: si ergo vir sit subtus, vel supra, siue stando, siue iacendo, vel sedendo, siue à posteriori, siue ab anteriori coniunctus, non refertur, ut videtur.

3 Item, In quibusdam per accidens impeditur communis modus: quia propter grossitatem ventrum ventre ad ventrem coniungi non possunt, & bene coniungerentur si mulier retrorsum contra virum incuruata disponeretur: cum igitur illi propter pinguedinem debitum in alterius corpore non amiserint, videtur quod sine peccato hoc modo coniungi possunt.

4 Similiter contingit quandoque apostemari ventrem mulieris vel esse prægnantem, ita quod antè non est applicabilis viro: & tunc est eadem obiectio quæ prius: videtur ergo, quod nullus illorum vsuum sit contra naturam.

Quæstio  
culæ

VLTERIUS quæritur, Vtrum sic coeuntem præter communem modum semper contingat peccare mortaliter? Videtur autem, quod sic: quia immutat naturalem usum: hoc autem Apostolus Rom. 1. vocat passiones ignominiae. Et tali nomine non censentur nisi mortaliter peccantes: ergo videtur, quod sit mortale peccatum.

2 Item, In litera videtur excipere istud à veniali peccato: ergo relinquitur ex litera, quod sit mortale. Dicit enim, quod nuptiæ sunt deprecatrices concubitus, qui non fit causa generandi, nisi mutetur in usum contra naturam: ergo à destructione consequentis si mutetur in eum usum qui est contra naturam, nuptiæ non erunt deprecatrices: ergo talis concubitus non est veniale: ergo relinquitur, quod sit mortale.

3 Item Arist. dicit, quod omni animali formatum est corpus ad coeundum: sicut camelo virga retrorsum disponitur, & ideo à posteriori coit: & quibusdam antè disponitur, & fœminis retro, & illa coeunt saliendo per ascensionem. Sed idem Arist. dicit, quod vulua fœminæ disponitur ante: dicit enim, quod omnes fœminæ animalium mingunt retrorsum præter fœminam hominis: & constat, quod hoc est propter vuluæ dispositionem. Idem etiam dicit, quod virga viri radicatur super neruum cruris: ergo & vulua fœminæ disponitur ab ante, & virga viri: ergo secundum hoc applicabiles sunt antè: ergo si aliter applicantur, mutatur modus naturæ: sed mutare modum naturalem in innaturalem, est mortale peccatum: ergo omnis modus coeundi præter

illum quo mulier iacet in dorso, & vir incumbens ei iacet in ventre, mortale peccatum est.

RESPONSIO. Dicendum, quod huiusmodi turpes quæstiones nunquam tractari deberent nisi ad illa cogerent monstra, quæ his temporibus in confessione audiuntur. Videtur autem dicendum, quod nihil eorum quæ facit maritus cum vxore seruato debito corpore seu vase, est secundum se mortale peccatum: sed potest esse signum concupiscentiæ mortalis, quando scilicet non sufficit eis modus quem natura determinat per membrorum dispositionem, & ineunt modos brutorum animalium. Ut ergo melius intelligatur modus naturalis, & corruptio ab eo, notandum quod propter hoc quod secundum Aristot. solus homo est longi & lati corporis, & quod membrum virile super neruum cruris est fundatum, & membrum mulieris in fine ventris, docet natura quod debitus modus est ut mulier in dorso, vir autem in ventre incumbat ei, sicut probatum est per rationem naturalem ultimo inductam: & hoc modo facilius quam alio concipiunt mulieres, nisi impediatur per accidens. Deuiatio autem ab illo minor est lateralis concubitus, & maior sedentis, & maior illo stantium, & maxima qui est retrorsum modo iumentorum. Et ideo quidam hunc ultimum dixerunt esse peccatum mortale, quod tamen mihi non placuit, ut alibi paruit. His habitis dicendum, quod naturale peccatum dicitur dupliciter, scilicet maius, & minus. Magis innaturale est, quando non expletur actus instrumentis ad hoc formati à natura. Minus autem innaturale est, quando expletur actus qui non seruat naturæ modum qui accipitur à membrorum naturali dispositione.

AD HOC quod obiicitur de proportionem, dicendum quod licet proportio instrumentorum seruetur, tamen non seruatur proportio modi dispositionis.

AD ALIA duo dicendum, quod in tali casu bene licet: quia aliter conuenire non possunt.

AD ID autem quod vltèrius quæritur, dico quod non est secundum se peccatum mortale.

AD OBIECTVM contra, dicendum quod loquitur Apostolus de innaturali qui est non seruatis vas debitis. Similiter dicendum, quod litera hic loquitur de tali modo.

AD VLTIMUM dicendum, quod ex hoc non probatur modus innaturalis nisi minori modo: & ille non est mortale peccatum in coniuge, ut mihi videtur.

## ARTICVLVS XXV.

*An coitus procedens ultra necessitatem, sit mortale peccatum?*

DEinde quæritur de hoc quod dicit ibi [Ille vero qui ultra necessitatem progreditur, &c.] Videtur enim hoc falsum: quod enim libidini obsequitur, mox nominatum coniun-

ctus



etum est malo : & tale est peccatum mortale : ergo etiam talis actus est peccatum mortale.

*sed contra.* QVOD SI dicatur, litera est in contrarium, quæ dicit, quod honestas nuptiarum huius actus est deprecatrix : quod non esset, si esset mortale peccatum.

*Solutio.* RESPONSIO. Dicendum, quod non est mortale peccatum.

AD OBJECTVM dicendum, quod non obsequitur libidini sicut fini, sed sicut infirmitati. Et obiectio procedit ac si obsequeretur ei sicut fini. Ut autem hoc intelligatur, sciendum quod infirmitati obsequitur, qui tentatione potius cogitur quam hoc velit : sed libidini obsequitur, qui more peccatoris sibi talia quærit & procurat : propter quod dicitur in 8. ethic. quod fornicator vituperabilior est in continente : & vocat fornicatorem qui venerea quærit more fornicum, & incontinentem qui trahitur tentatione infirmitatis.

## ARTICVLVS XXVI.

*Quæ sunt illa quæ Apostolus secundum veniam concessit ?*

DEinde quæritur de hoc quod dicit *ibi* [Quid est quod secundum veniam concedit Apostolus, &c.] Videtur enim, quod huiusmodi concessio sit permissio mali : permissiones autem corriguntur, ne fiant in Novo Testamento, ut patet Mat. 5. & 19. Ergo vi-

detur, quod hîc Apostolus veniam concedere non debuit.

2 Item, Summæ perfectioni non competit permissio : sed Nouum Testamentum est summæ perfectionis : ergo non fit in eo aliqua permissio.

3 Item, Secundum doctrinam Noui Testamenti est iudicium : ergo quod concessum est in Nouo Testamento non iudicabitur : sed matrimonium est concessum, ut dicitur in littera : ergo non iudicabitur, quod falsum est.

*Solutio.* RESPONSIO. Quidam dixerunt, quod permissio mortalis fuit in Veteri Testamento in libello repudij Deut. 24. & permissio venialis in Nouo in coitu qui fit causa libidinis explendæ. Sed hoc non videtur competere. De libello quidem repudij infra erit quæstio. Sed his quæ non supra distincta sunt inter concessionem & permissionem suppositis, hîc dicendum quod non est in Nouo Testamento permissio mali per se, sed per accidens, hoc est, dicere, quod conceditur aliquid in Nouo Testamento, cui plura bona adiuncta sunt : & potest incidere sibi malum, & propter malum quod potest se illo immiscere, non reuocatur : & tale quidem est coitus, cui adiuncta sunt bona matrimonij & potest immiscere se libido, & propter illam non reuocatur concessio. Et ideo patet, quod obiectiones benè concludunt de per se malo, sed de malo adiuncto ei quod bonum est, & causa plurium bonorum, non concludunt : quia magis sunt illa bona, quam istud sit malum. Et per hoc patet solutio ad totum.

*Quod non omnis delectatio carnis peccatum est.*

**S**ED fortè aliquis dicet, omnem carnis concupiscentiam & delectationem quæ est in coitu, malam esse & peccatum, quia ex peccato est & inordinata. Et nos dicimus illam concupiscentiam semper malam esse, quia fœda est & pœna peccati : sed non semper peccatum est. Sæpè enim delectatur vir sanctus secundum carnem in aliqua re, ut requiescendo post laborem, edendo post esuriam : nec tamen talis delectatio est peccatum, nisi sit immoderata. Sic & delectatio quæ fit in coitu coniugali, cui adsunt illa tria bona, à peccato defenditur. Videtur tamen beatus Gregorius aliter sentire, scilicet quod sine peccato non possit fieri carnalis commixtio, dicens : Vir cum propria coniuge dormiens, nisi lotus aqua Ecclesiam intrare non debet. Quamuis diuersæ hominum nationes de hac re diuersa sentiant, & alia custodire videantur. Romanorum tamen semper ab antiquioribus usus fuit, post admixtionem propriæ coniugis, & lauacri purificationem quærere, & ab ingressu Ecclesiæ paululum temperare. Nec hoc dicentes culpam deputamus esse coniugium, sed quia ipsa licita admixtio coniugis sine voluptate carnis fieri non potest, à sacri loci ingressu est abstinendum : quia voluptas ipsa sine culpa nullatenus esse potest.

Hugo 4.  
sent. c. 4.

33. q. 4.  
cap. Vir  
cū pro-  
pria.



## ARTICVLVS XXVII.

*An omnis coitus sit vitium vel peccatum,  
& unde habet illud peccatum  
vel vitium?*

**D**Einde quæritur de hoc quod dicitur ibi [Sed fortè dicit aliquis omnem carnis concupiscentiam, &c.] Videtur enim hoc esse verum: omne enim quod in passionibus est excellentissimè, semper est vitium & peccatum: sed omnis coitus est huiusmodi: ergo omnis coitus est vitium & peccatum. Probatur autem prima ex ratione virtutis ethicæ, quæ in passionibus est circa medium quoad nos. Secunda autem per se patet.

2 Item, Omne quod actu auertit à conuersione ad immutabile bonum, est ad minus veniale peccatum: talis autem est omnis coitus: ergo ipse est ad minus veniale peccatum.

3 Item, Omnis actus frustratus fine essentiali & naturali, vanus & malus est: sed omnis concubitus qui fit causa delectationis, est huiusmodi: ergo omnis talis est vanus & malus: ergo est peccatum. Probatur secunda per hoc, quod finis naturalis concubitus est procreatio prolis: quia ad hoc inuenit eum natura, & ad hoc taliter formauit organa. Prima patet per se: quia malum nihil est nisi finis perficientis priuatio.

4 Item, Animalia bruta videmus non moueri ad coitum nisi causa prolis procurandæ: cum igitur ratio sit in homine quæ magis regere debet vires inferiores in homine quam

regantur in bruto, videtur quod homo teneretur ad idem vel ad plus: ergo peccat quotiescunque coit nisi cum intentione generandi.

**R E S P O N S I O.** Dicendum ad hoc, quod *Solutio.* non omnis carnalis concubitus est peccatum.

**A D P R I M V M** autem dicendum, quod actus non dicitur esse in medio ratione delectationis, sed ratione circumstantiarum, scilicet quando coire debet, & ubi, & cum qua, & qualiter, & huiusmodi: & ideo obiectio & probatio primæ propositionis fundatur super peruersam expositionem verborum Aristotelis.

**A D A L I V D** dicendum, quod non auertit rationem præambulam actui, sed tantum concomitantem, ut supra sæpius dictum est.

**A D A L I V D** dicendum, quod iste actus non semper fine frustratur: quia habet finem medicinæ, & fidei thori, & sacramenti, quia horret separationem. Ad probationem dicendum, quod iste actus est naturæ & hominis, & secundum quod est matrimonij actus, magis accipitur ut hominis actus, quam ut naturæ: & ideo sufficit ei finis hominis. Obiectio autem procedit ac si sit naturæ tantum.

**A D A L I V D** dicendum, quod hoc contingit in quibusdam brutis (ut dicit Aristoteles) propter cibi paruitatem: unde etiam quando plus accipiunt de cibo, nisi infirmantur, tunc incipiunt sæpè saltare: & ideo etiam homo propter cibi abundantiam plus appetit quam alia. Vel dicendum, quod homo mollioris est complexionis quam alia, & ideo citius immutatur desideriis: propter quod etiam loquitur, ut dicit Auicenna: & ideo constituitur ei medicina illorum desideriorum in sacramento matrimonij.

*Determinat auctoritatem.*

**I****B**idem. **H**Oc autem ne prædictis obuiet, intelligendum est in illis qui non gratia prolis conueniunt, quorum voluptas non est sine peccato. Et vix aliqui reperiri possunt adhuc amplexus carnales experientes, qui non interdum conueniant propter intentionem procreandæ prolis. Hoc autem quoties fit, ab ingressu Ecclesiæ abstinendum est. Et quod ita intelligendum sit, Gregorius consequenter ostendit. Si quis verò ita sua coniuge, non cupidine voluptatis raptus, sed tantum creandorum liberorum gratia utitur, iste profectò sit de ingressu Ecclesiæ, siue de sumendo corporis Dominici mysterio, suo est iudicio relinquendus, quia prohiberi à nobis non debet accipere, qui in igne positus nesciat ardere. Cum vero non amor procreandæ sobolis, sed voluptas dominatur in opere commixtionis, habeant coniuges etiam de commixtione sua quod defleant. Tunc autem vir qui post admixtionem coniugis lotus aqua fuerit, etiam sacram communionem valeat accipere, cum ei secundum præfinitam sententiam Ecclesiæ etiam licuerit intrare.



ARTICVLVS XXVIII.

*An cognoscens uxorem suam aliquo casu sit repellendus ab Ecclesia?*

**D**Einde quæritur de hoc quod dicit ibi [Hoc autem quoties fit, ab ingressu Ecclesiæ est abstinendum, &c.] Hoc enim videtur esse falsum: quia non eiicit Ecclesia nisi excommunicatos: tales autem non sunt excommunicati: ergo videtur, quod non oportet ab ingressu Ecclesiæ temperare.

2 Item, Præter excommunicationem non videmus ab Ecclesia nisi solenniter pœnitentes eiici: solennis autem pœnitentia non fit nisi pro crimine quo quis totam urbem commouit, sicut supra in tractatu de pœnitentia habitum est: cum igitur illud non fit nisi veniale peccatum, non videtur, quod ab Ecclesiæ ingressu in isto casu sit temperandum.

3 Item sicut dicit Dionysius in ecclesiast. hierarch. in theoria sanctæ synaxeos, id est, communionis, quinque genera hominum ab Ecclesia tempore communionis per diaconum in primitiua Ecclesia eiiciebantur, scilicet infideles, cathecumeni, energumeni, de nouo conuersi, & solenniter pœnitentes: sed isti in nullo illorum ordinum sunt: ergo ab ingressu Ecclesiæ propter actum matrimonij & vsum non oportet temperare.

4 Item, Supra habuimus in litera ex verbis Augustini, quod hoc quod coniuges vtuntur se præter intentionem creandorum liberorum, ponendum in eis pro quibus quotidie dicimus, Dimitte nobis debita nostra: ergo reputatur inter quotidiana & leuissima peccata: sed propter illa nunquam oportet ab ingressu

Ecclesiæ temperare: ergo videtur falsum dicere in litera.

5 Item dicit Gregorius, quod spiritualia peccata maioris sunt ponderis quam carnalia: ergo & venialia in illis maioris sunt ponderis, quam venialia in istis: ergo pro motu iræ vel superbiæ magis est temperandum ab ingressu Ecclesiæ, quam pro tali actu vsus matrimonij.

**R E S P O N S I O.** Dicendum, quod istud dictum est non propter magnitudinem reatus ostendendam, sed ad demonstrandam incongruentiam actus concubendi ad spiritualia intelligenda & videnda quæ tractantur in locis sacris in obsequiis diuinis & sacramentis: quia contemplatio diuinorum esse non potest, nisi spiritu ascendente super corpus: & in coitu sub carne quasi suffocatus iacet spiritus. Nec est dictum vt ita seruetur, sed potius vt moueantur carni seruientes, vt humiliter se tunc retrahant à sacris locis, sed non sunt redarguendi si non fecerint.

**A D P R I M V M** ergo dicendum, quod excommunicatio eiicit à loco sacro etiam inuitum: sed hic tantum ostenditur incongruitas delectationis carnis ad contemplationem sacrorum, vt homo tunc humiliter seipsum retrahat. Per idem patet solutio ad duo sequentia.

**A D V L T I M V M** dicendum, quod licet sint reatus maioris spiritualia quam corporalia, tamen non ita suffocant spiritum per impetum delectationis, sed remanent in vigore suo, & non habent verecundiam adiunctam: sed coitus totum eneruat spiritum, vt dictum est: & ideo tunc debet se homo retrahere à contuitu diuinorum. Qualiter autem se debeat habere in communicando, in sequenti distinctione propriam habebit disputationem, licet hîc quædam ad hoc valentia in litera dicantur.

*De solutione carnalis debiti.*

**S**CIENTIVM etiam est, quia cum in omnibus aliis vir præsit K mulieri, vt caput corpori (est enim vir caput mulieris) in soluendo tamen carnis debito pares sunt. Ideo Apostolus vtrique pariter præcipit in hac causa sibiinuicem subiici, inquiens: Vir debitum reddat vxori: similiter & vxor viro, quia mulier non habet potestatem sui corporis, sed mulier: quia nec mulier ad alium virum, nec vir ad aliam mulierem potestatem sui corporis habet, nec vir ad continendum, nec mulier potestatem habet sine mutuo consensu: sed alter alterius potestatem habet corporis, vt poscenti alteri non liceat alteri negare debitum. In hoc enim pares sunt, quia nec viro, nec mulieri corpus suum licet alij tradere: sed sibiinuicem debitores sunt in hac causa, ne peccandi detur occasio: per quod non dominium tollitur viro, sed vitium. Debent enim sibi coniugati non solum ipsius sexus sui commiscendi fidem liberorum procreandorum causa, quæ prima est in ista mortalitate societas, verum etiam infirmitatis inuicem

Aug. lib.  
de bono  
coniu-  
gali. c. 6.

1. Cor. 11.  
1. Cor. 6.



Ibidem.  
cap. 7.

inuicem excipiendæ ad illicitos concubitus deuitandos, mutuam quodammodo seruitutem: vt & si alteri eorum continentia placeat, nisi ex alterius consensu non possit. Ad hoc enim neuter habet potestatem sui corporis: quod adeo verum est, vt etiam quod non filiorum procreandorum, sed infirmitatis & incontinentiæ causa expetit vel ille de matrimonio, vel illa, non sibi alterutrum negent, ne per hoc incidant in damnabiles corruptelas. Reddere enim debitum coniugale nullius est criminis: exigere autem vltra generandi necessitatem, culpæ est venialis. Fornicari vero vel mœchari, puniendi est criminis.

## ARTICVLVS XXIX.

*An coniuges matrimonialiter coniuncti, sint inter se æquales?*

**D**Einde quæritur de hoc quod dicit *ibi* [Sciendum etiam est, quia cum in omnibus aliis vir præsit mulieri, &c.] Videretur enim falsum quod dicit in litera: In quocunque actu duorum vnum est principale & agēs, alterum autem secundarium & patiens, in illo illa duo non possunt esse æqualia, sed sic principalis & agens vir est in actu matrimonij, fœmina autem secundaria & patiens: ergo videtur, quod non sint æquales.

2 Item hoc accipitur in litera Gen. 2. vbi dicit Dominus, faciamus ei adiutorium. Ergo ipse est principalis, & adiuuatur ab Eva: ergo non sunt æquales.

3 Item, Philosophus dicit, quod fœmina desiderat masculum sicut imperfecta, & sicut turpe bonum: constat autem, quod imperfectum & perfectum, turpe & bonum, non possunt esse æqualia: ergo nec vir & mulier in actu matrimonij.

4 Item, Impossibile est, quod idem secundum idem sit caput ad alterum & æquale: sed in matrimonio vir est caput, vt dicit Apostolus: ergo in eodem non potest esse æqualis.

5 Item, Discretio sexus est sicut generantis in alio, & generantis ex alio: quia masculus generat in alio ex semine proprio, fœmina autem ex semine alieno: sed inæqualia hæc sunt quantum ad naturæ modum: ergo contra naturam esset, quod in matrimonio redigerentur ad æqualitatem.

6 Item, Sigillatio non est æqualiter ceræ & anuli, quia anulus totam facit sigillationem, & cera tantum suscipit: sed ita se habent masculinum & fœmininum, vt dicunt Philosophi: ergo impossibile est, quod sint æquales.

7 Item, Hoc innuitur ex ipsis verbis Domini, vbi dicitur, Sub viri potestate eris, & ipse dominabitur tui.

IN CONTRARIVM huius est, quod dicitur, 1. Corinth. 7. vt in litera habetur, Mulier sui corporis potestatem non habet, sed vir, &c.

2 Item, Matrimonium non facit consensus vnus, sed duorum, vt supra habitum est: sed quod faciunt duo æqualia, æqualiter efficitur vtriusque: ergo matrimonium efficitur æqualiter viri & mulieris: ergo & iura quæ consequuntur ex matrimonio, æqualiter sunt mulieris & viri.

RESPONSIO. Dicendum, quod in iure matrimonij in reddendo debito & exigendo æquales sunt coniuges, sicut vltimo est probatum: sed in dispensatione domus & actibus gubernationis inæquales: quia vir in talibus est principalis, & etiam in actu generationis: & hoc probant obiectiones prius inductæ.

VND E A D primum dicendum est, quod hoc verum est in actu generationis, sed quoad exigendum & reddendum sunt æquales.

A D A L I V D dicendum, quod adiutorium illud pertinet ad actum generationis, & non ad gubernationem & regimen domus. Per hoc etiam patet solutio ad sequens.

A D A L I V D dicendum, quod idem quod habet in se multa, aliqua possunt esse æqualia & inæqualia: & hoc est dicere idem, non tamen secundum idem: & ita est hic.

A D A L I V D dicendum, quod contra modum naturæ esset, si æquaretur in vi generandi: quia duo æqualia in vi generandi nunquam generant: quia illa vel essent ambo actiua, vel ambo passiuæ: sed duo in generando inæqualia, in iure matrimonij possunt esse æqualia, vt iam patuit per antè dicta. Et per hoc patet solutio ad omnia sequentia argumenta.

DISTIN





# DISTINCTIO XXXII.

*Quod neuter continere valeat nisi ex communi consensu.*



**Q**UOD vero sine consensu vxoris vir continere non A  
valeat, subditis probatur testimoniis. Ait enim De ma-  
Augustinus, Si dicat vir, Continere iam volo. secundum  
Nolo autem vxor, non potest. Quod enim tu causam  
vis, illa non vult. Nunquid per continentiam finalem  
tuam illa debet fieri fornicaria? Si alij nupserit te quatur  
viuo, adultera erit. Non vult tali lucro Deus ad fidem  
tale damnum compensari. Redde debitum: & si non exigis, redde. thori.  
Pro sanctificatione perfecta Deus tibi computabit, si non quod tibi Super  
debetur exigis, sed reddis quod debes vxori. Idem, Secundum ver- Psal. 46.  
ba apostolica, etiamsi vir continere valuisset, & tu noluiesses, & habe-  
debitum tibi reddere cogeretur: & illi Deus imputaret continentiam, si tur 33.  
non suæ, sed tuæ concederetur infirmitati ne in adulterium caderes. q. 3. cap.  
Quisquis ergo compatiens infirmitati vxoris reddit, non exigit debi- Si dicat.  
tum: aut si propter propriam infirmitatem ducit vxorem plangens po-  
tius, quia sine vxore esse non potuit, quam gaudens quia duxit, se-  
curus expectat diem nouissimum. Idem, Vna sola causa esse potest, Ad Ar-  
qua te ad id quod vouisti, non modo non hortaremur, sed etiam menta-  
prohiberemus implere: si fortè tua coniunx hoc tecum suscipere, ani- rium.  
mi vel carnis infirmitate recusaret. Nam vouenda talia non sunt à cp. 45.  
coniugatis, nisi ex consensu & voluntate communi: & si præpropere  
factum fuerit, magis est corrigenda temeritas, quam persoluenda  
promissio. Non enim Deus exigit siquis ex alieno aliquid vouerit,  
sed potius usurpare vetat alienum. Idem, Apostolus nec ad tempus  
vt vacent orationi, nisi ex consensu voluit coniugem carnali inui-  
cem fraudari debito. Idem, Manifestum est ita voluisse legem fec-  
minam sub viro esse, vt nulla eius vota quæ abstinentiæ causa voue-  
rit, reddantur ab ea, nisi auctor fuerit vir permittendo. Nam cum ad  
peccatum eiusdem viri pertinere voluerit lex, si prius permiserit, &  
postea prohibuerit: non tamen dixit vt faciat mulier quod vouerat,  
quia permissa iam prius à viro fuerat. Viri dixit esse peccatum, quia  
abnuitt quod prius concesserat: non tamen mulieri ex hoc iussum  
dedit, vt cum prius vir ei concesserit, postea si prohibuerit contem-  
natur. Ex his apparet, quod vir vel mulier continentiam Deo offer-  
re non potest sine communi consensu, nec alter alteri debitum ne-  
gare debet. Si verò quilibet eorum alterum à suo iure absoluerit, ad  
præteritam seruitutem nunquid reuocare poterit? Hoc enim videtur  
August. supra voluisse. Quibusdam videtur, quod mulier non dis-  
cedens à domo viri, quæ viro permittente continentiam vouerit vel  
promiserit, eodem prohibente soluere non valeat: & hoc propter  
dignitatem

In lib. de  
adulter-  
inis co-  
iugiis.  
cap. 14.  
Idem in  
quæst.  
Nume-  
rorum  
lib. 4.  
c. 59.



Ex con-  
cil. Re-  
men. 23.  
q. 5.

dignitatem viri, qui est caput mulieris. Sed melius hoc intelligitur in tali casu, ubi vir concedit mulieri vouere continentiam, & ante votum prohibet implere. Si verò habitum mutauerit, non potest reuocari, secundum illud: Qui uxorem suam velare permiserit, aliam non accipiat, sed similiter conuertatur.

## ARTICVLVS I.

*An semper & aqualiter contingat red-  
dere debitum?*

**Q**uod vero sine consensu vxoris, &c.] Hic agitur de debiti solutione in qua sunt coniuges æquales. Diuiditur autē in duas partes: & in prima facit quod dictum est. In secunda determinat tempora solutionis matrimonij ibi: [Et licet debitum, &c.] Et hæc sufficiant de diuisione. Incidit autem primo hic quæstio triplex. Prima est, Qualiter contingit soluere debitum? Secunda est, Vtrum soluenti hoc computetur pro perfectione sanctitatis, vt dicit in litera? Tertia, Vtrum debet solui debitum non exigenti siue poscenti.

Ad primum obiicitur sic: Ei cui soluitur debitum, necesse est quod soluatur tempore indigentiae, quia cum sit præceptum affirmatiuum, obligat pro tempore necessitatis ad soluendum: hoc autem in coniuge est tempus instantis concupiscentiae: ergo tunc ei est soluendum. Sed ponamus, quod tunc vir sit impotens propter aliquam causam quam ipse fecit sibi: ergo videtur, quod ipse peccet mortaliter tunc non soluendo.

2 Item, Solutio istius debiti valet in modum medicinae: ergo tempore morbi adhibenda est: sed forte tunc non potest vt prius: ergo si post cognoscat, videtur quod debitum non soluat.

3 Item, Ponamus, quod vir soluit pluries donec euaporante calido & fluente humido plus soluere non possit, & mulier adhuc instet ex incitatione concupiscentiae: constat, quod iste non potest soluere: ergo non tenetur, quia inanis est actio quam inopia debitoris excludit: ergo videtur, quod non semper contingit soluere debitum.

4 Item obiicitur de his qui exercitiis exicant & infrigidant se, quod non possunt frequenter coire, vel etiam ex ingurgitatione calorem naturalem suffocant, & foeminae eorum expetunt coitum: quid sit faciendum? constat enim, quod iure tenentur soluere: ergo peccant omittentes, vt videtur.

*Solutio.* **R**ESPONSIO ad hoc, quod contingit red-  
dere debitum.

Ad id autem quod primo obiicitur, dicen-  
dum quod tempore indigentiae est soluendum  
secundum facultatem soluentis. De causa au-  
tem dicendum, quod illa vel est ex matrimonio  
causata, aut ex aliis causis. Si primo modo: tunc  
hoc est, quia aut concubuit, & tunc sufficien-  
ter soluit, quia non tenetur ad immoderatum  
concubitus: quia si mulier post decentem

solutionem conqueratur, potius se exhibet  
meretricem quam coniugem. Si autem ex alia  
causa est: aut illa est licita, aut illicita. Si lici-  
ta: tunc non tenetur soluere, quia Deus eum  
impotentem fecit. Si autem illicita sit: tunc  
benè puto, quod sequens peccatum vxoris ali-  
quo modo imputetur ei, nisi pœniteat & quan-  
tum in se est faciat quod in ipso est, quod con-  
tineat vxor ex bona voluntate: propter fragili-  
tatem enim superuenientem matrimonio non  
soluitur matrimonium. Et per hoc patet solu-  
tio ad omnia quæ sita.

## ARTICVLVS II.

*An soluere debitum sit pro perfectione san-  
ctitatis matrimonij?*

**S**ecundo quæritur, Vtrum computetur hoc  
pro perfectione sanctitatis matrimonij? Vi-  
detur quod sic: quia hoc expressè dicit Au-  
gustinus in litera.

2 Item, Iustitia æquè bona est virtus vel  
melior, quam castitas: ergo suus actus valet  
actum castitatis: sed soluens exhibet actum ius-  
titiae: ergo videtur, quod computetur ei pro  
perfectione sanctitatis.

3 Item, Tullius probat in primo de offi-  
ciis, quod officium iustitiae melius est omnibus  
officiis aliarum virtutum: ergo suus actus plus  
valet quam actus aliarum: sed reddens exhibet  
iustitiam: ergo videtur, quod plus facit, quam si  
perfectam teneret castitatem.

4 Item Aristot. in 5. ethicorum dicit, quod  
vltimum bonum facit iustitia, & est ipsa sicut  
hesperus in cælo lucens: hoc autem non facit  
castitas: ergo videtur, quod iustitiae actus  
plus recompensat etiam, quam castitas: & inde  
vt prius inferatur.

**I**N CONTRARIUM huius est, quod *Sed con-  
tra.* dicitur Eccli. 26. Non est digna ponderatio  
continentis animæ. Ergo iustitia non potest  
recompensari.

2 Item, Supra habitum est, quod sanctiora  
sunt coniugia pari voto continentium: ergo  
vltus coitus minuit sanctitatem: ergo impossi-  
bile est, quod coitus alicui imputetur pro perfe-  
ctione sanctitatis.

**A**D HOC dicendum, quod Augustinus *Solutio.*  
hic loquitur de reddente inuitè, cuius tota  
deuotio est ad continentiam, & tantum de-  
bito matrimonij, & fide thori potius ad so-  
lutionem cogitur, quam carnali desiderio in-  
citetur.

**A**D PRIMAS autem rationes dicendum,  
quod si iustitia & castitas comparantur secun-  
dum hoc quod valent politegiis & ad alte-  
rum, vincit iustitia castitatem: si autem com-  
parantur



parantur secundum decorem & honestatem quam habent, vincit castitas iustitiam. Et secundum primum modum procedunt rationes primo inductæ: secundum alterum autem procedunt rationes secundo inductæ. Et per hoc patet solutio ad utramque partem objectionum.

### ARTICVLVS III.

*An debitum debet solui non exigenti?*

**T**ertio quæritur, Vtrum solui debet non exigenti? Videtur, quod non: quia qui tacet, consentit: mulier ergo vel vir non requirens debitum, videtur in hoc consentire, quod non solvatur: cum ergo melius sit abstinere, quam uti coitu, videtur quod talis non debet soluere.

2 Item etiam exigentem precibus potest auertere ne exeat: ergo multo magis non exigenti potest non soluere.

*Sed contra.* IN CONTRARIUM huius est, quod solutio debiti ordinatur contra damnabiles corruptelas mollietiei, & sodomie, & adulterij: sed quidam coniuges sunt ex verecundia non se reuelantes suis coniugibus, & tamen ardent in suis desideriis: ergo videtur, quod illis sit soluendum, etiam non exigentibus.

*Solutio.* RESPONSIO. Dicendum mihi videtur, quod discretum est soluere etiam non exigenti, qui signa quandoque habet petulantie, & etiam illi coniugi qui non contradicit, sed silenter patitur solutionem.

AD HOC autem quod primo obiicitur, dicendum quod licet non requiratur ex verecundia, tamen ius prauitæ petitionis, scilicet quando contrahit matrimonium, adhuc stat, & tunc in contractu primo semper intelligitur petere nisi reclamet aliquando aliqua de causa. Quod autem obiicitur, quod qui tacet, laudat: dicendum quod hoc est verum, quando nihil dixit in contrarium: sed hoc non est in coniugibus qui contrahunt ut debitum eis solvatur.

AD ALIUD dicendum, quod non est tutum nisi fiat legitima causa temporis aut infirmitatis: & tunc etiam puto, quod non debet auerti cum instantia & pertinacia.

### ARTICVLVS IV.

*An vir potest vouere non reddere debitum sine consensu vxoris?*

**D**einde quæritur de hoc quod dicit ibi [Nam talia non sunt vouenda à coniugatis, nisi ex consensu, &c.] Ponamus enim, quod alter coniugum voueat sine consensu alterius, ut nunquam exeat. Videtur enim hoc esse licitum votum: quia ipse secundum exigere non est in potestate coniugis, sed tantum secundum reddere: ergo ipse potest vouere illud.

2 Item, Exigere infirmitatis est, reddere autem iustitiæ & necessitatis: sed quæ infirmitas.

*D. Alb. Mag. in Lib. 4. Sentent.*

mitatis sunt, abiicienda sunt ab homine quantum potest: ergo videtur, quod etiam bonum sit homini, quod voueat, quod non exeat à coniuge debitum.

IN CONTRARIUM huius est, quod interdicitur coniugibus ne discedant ab invicem & de communi consensu, nisi vadant ambo ad religionem: ergo multo magis interdici debet isti ne voueat quod vix aut nunquam poterit observare manens cum vxore.

2 Item, Prouerb. 6. Nunquid potest homo abscondere ignem in sinu suo, ut vestimenta illius non ardeant? Quasi diceret, non. Ergo existens in matrimonio non potest conservare se quin ardeat igne: ergo non debet deuotere.

3 Item, Beda dicit, quod in stulto voto rescinde promissum: constat autem, quod stultum est votum: ergo rescindendum est: ergo non debet vouere.

RESPONSIO. Dicendum, quod non debet hoc aliquis vouere: & si vouerit, credo quod etiam per Episcopum poterit dispensari: & tunc arguendus est de stultitia, & penitentia iniungenda: & ita debet absolui à voti obligatione: quia si ante matrimonium melius est nubere, quam vri, multo magis in matrimonio hoc est melius.

AD PRIMUM autem dicendum, quod in sua quidem est potestate: sed interest qualiter etiam sua re quisque utatur: & hoc pertinet cognoscere ad iudicem, & non est sine aliquo præiudicio alterius coniugis, quia inducit ei verecundiam toties petendi, & quasi inuitè videtur ei cohabitare: & ideo votum illud est stultum & irrationabile.

AD ALIUD dicendum, quod non omnia quæ sunt infirmitatis in quocunque statu deuouenda & abiicienda sunt, scilicet quando destructio talium non est sine præiudicio aliorum, ut prius patuit in casu isto.

### ARTICVLVS V.

*An alter coniugum potest abstinere à reddendo debito ut vacet orationi?*

**D**einde quæritur de hoc quod dicit [Nec ad tempus ut vacet orationi, &c.] Videtur enim hoc esse falsum: quia interdictum Ecclesiæ ponit necessitatem: ergo siue consentiat, siue non consentiat, tunc est cessandum à reddendo debito.

2 Item hoc est in canone scriptum Ioel. 2. Egrediatu r sponsus de cubili suo, & sponsus de thalamo suo. Ergo etiam si alter coniugum præcipiat manere in thalamo, non propter illud est manendum.

IVXA hoc vltetius quæritur de vouentibus peregrinationes sine consensu vxoris. Videtur enim, quod facere non possunt: quia dicit in litera, quod nec ad tempus continere licet nisi de consensu: sed in peregrinationibus magnum tempus abesse est necesse: ergo non licet peregrinationes vouere nisi de consensu.

LLI

2 Item,



2 Item, Qui sine termino debet, statim debet: sed tale est debitum matrimonij: ergo statim debetur: ergo non potest se vir subtrahere per peregrinationem quin reddat.

3 Item, Ponamus, quod mulier velit vouere peregrinationem, & vir reclamet: constat, quod non potest vouere, & votum eius pro nihilo reputabitur: cum igitur in his quæ pertinent ad matrimonium sint pares, etiam muliere reclamante non potest vir vouere huiusmodi peregrinationem.

*Solutio.* RESPONSIO. Dicendum ad primum, quod interdictum Ecclesiæ respicit congruentiam, & non necessitatem.

AD ALIUD de Ioel. dicendum, quod ipse loquitur de tempore maximi luctus: & tamen etiam in illo non obligat, sicut patet ex dictis in precedenti.

*Ad qua-  
siuncu-  
lam.* AD ID quod quaeritur ulterius, dicendum quod si vxor contradicit ex impotentia continendi, & hoc scit maritus, credo quod peccat vouendo peregrinationem, & ex dispensatione debet commutare votum. Si autem contradicit ex affectu societatis, tunc credo, quod propter necessitatem terræ sanctæ & visitationem liminum Apostolorum potest peregrinari: quia pertinaciter tunc non contradicit. Et per hoc patet solutio ad omnia præter ad ultimum: ad quod dicendum, quod ideo fit hoc quia viri habent maius incitans ad libidinem, quam mulieres: & etiam quia in peregrinationibus cautè vadunt viri, & cum utilitate Ecclesiæ & edificatione: quorum nullum est in mulieribus.

## ARTICVLVS VI.

*An si mulier aliquid vouerit viro consentiente, ipsa teneatur ad obseruationem viro postmodum repugnante?*

**D**Einde quaeritur de hoc quod dicit ibi [Nam cum ad peccatum eiusdem viri pertinere, &c.] Videtur enim, quod falsum imponatur hic per August. hoc enim trahitur de Num. 30. vbi dicitur, quod si maritus non statim contradixit ut audiuit, ipsa mulier voti rea tenebitur. Falsum est ergo quod dicit in litera,

2 Item, Augustinus dicit, quod vouere est voluntatis, & reddere necessitatis: ergo si ipsa primo consentiente, non contradicente marito, vouit, necessarium erit, quod reddat.

3 Item, Si de communi consensu vouetur aliquid, constat, quod tenetur: sed tacens cum audiat, & possit contradicere, & non contradicit, consentit, sicut dicitur in Digestis. Ergo videtur, quod istud intelligitur esse votum amborum: ergo tenetur mulier hoc obseruare, etiam si vir postea contradicat.

*Solutio.* RESPONSIO. Dicendum, quod Augustinus trahit hoc ex quodam verbo quod dicitur in fine. cap. 30. Numerorum, vbi dicitur, Si autem postea contradixit, ipse portabit iniquitatem. Et fortè secundum aliam translationem est expressius.

AD ALIUD dicendum, quod semper

reddere est necessitatis: sed non intelligitur esse votum, quod contradicente marito est usurpatum. Ad id autem quod dicit, quod maritus primo consentit, dicendum quod intelligitur, quod maritus non consentit, sed potius ante deliberationem dissimulauit: & postquam deliberauit, contradixit: & in tali casu intelligo loqui August. quia si expressè consensisset, non debet mulier postea inclinari ad votifractionem. Et per hoc patet solutio ad ultimum: loquitur enim in tali casu, quando maritus non tacet, nisi ut deliberans, & non ut expressè consentiens.

## ARTICVLVS VI.

*An mulier qua permittente viro continentiam vouerit, viro postea prohibente, teneatur reddere debitum?*

**D**Einde quaeritur de hoc quod dicit ibi [Quibusdam videtur, quod mulier non discedens, &c.] Videtur enim, quod hac opinio non sit vera: quia licet votum præcedens matrimonium impediat contrahendum, non tamen dirimit contractum, nisi sit solenne: ergo multo minus dirimit superueniens matrimonium: quia multa impedimenta sunt quæ præcedunt matrimonium, dirimunt contractum, quæ tamen matrimonio superuenientia non dirimunt ipsum: sed istud superuenit, & non est adhuc solennizatum: ergo non dirimit matrimonium iam ante contractum: ergo iste non potest cogere uxorem ad debiti solutionem sicut prius.

2 Item, Votum illud non est nisi priuatum: ergo non dirimit matrimonium contractum: sed istud est contractum & consummatum: ergo non dirimit ipsum: ergo ista opinio dicit verum.

*Solutio.* RESPONSIO. Dicendum, quod opinio illa falsa est: illa autem quam consequenter ponit pro sua, est vera. Ad primum autem quod obiicitur, dicendum quod hoc intelligitur de matrimonio quod votum antecedit: quia tunc semper superuenit maius vinculum, & frangit matrimonium: sed nunc votum continentiae de communi consensu sequitur, & ideo non dirimit matrimonium, sed suspendit debitum exigendi & reddendi: quia hoc est in potestate coniugum, & voluntate, vouere & non vouere. Per idem patet solutio ad sequens. Et ideo patet, quod mortaliter peccant frangendo votum.

Vtrum autem votum illud recipiat dispensationem vel non, infra habet determinari in quaestione de voto.

\*\*\*

*Quibus*



*Quibus temporibus cessandum sit à coitu.*

**E**T licet debitum poscenti semper sit soluendum, non licet. <sup>In lib. de quæst. nou. & vet. test. c. 117.</sup> tamen qualibet die poscere. Vnde August. Christiano cum vxore sua aliquando licet conuenire, aliquando non. Propter processionis enim dies, & ieiuniorum aliquando non licet conuenire: quia etiam à licitis abstinendum est, vt facilius impetrari possit quod postulatur. Idem, Quoties enim vel dies natiuitatis, vel reliquæ festiuitates aduenerint, non solum à concubinarum consortio, sed etiam à propriis vxoribus abstinete. Idem Ambros. Si causa pro- <sup>32. q. 4.</sup> creandorum filiorum ducitur vxor, non multum tempus concessum videtur ad ipsum vsum: quia & dies festi, & dies processionis, & ipsa ratio conceptus & partus iuxta legem cessare vsum & carnis his debere temporibus demonstrant.

ARTICVLVS VIII.

*An in matrimonio debitum semper sit reddendum, non autem poscendum?*

**D**Einde quæritur de hoc quod dicit ibi [Et licet debitum semper poscenti sit soluendum, &c.] Quærentur autem hic tria. Primum autem est de litera, quare potius sit semper soluendum, quam poscendum debitum matrimonij? Secundo, Quare potius ista quæ in litera enumerat, quam alia tempora possunt? Tertio, Vtrum iste obligatur ad quamlibet horam illius temporis æqualiter, vel in aliqua obligatur, & in aliqua non, & in aliqua plus, & in aliqua minus?

Ad primum obicitur, Rom. 1. super illud, Non solum qui faciunt ea, sed qui consentiunt facientibus: dicit Gloss. quod consentit, qui cum possit, non contradicit: & consentientes & facientes pari pœna digni sunt. Cum igitur debitum reddens consentiat petenti in sacro tempore, tantum peccat reddens, quantum petens: falsum est ergo, quod semper sit reddendum debitum, & non semper sit petendum.

2 Item, Non debeo ego peccare venialiter vt alius euitet peccatum mortale: sed constat, quod omnis circumstantiæ corruptio facit peccatum: ergo & reddere debitum quando non debet, peccatum est: ergo iste non debet reddere etiam si æstimaret, quod alius caderet in mortale peccatum: ergo videtur, quod falsum dicat in litera.

3 Item, Comparsicipantes actum vnum, æqualiter agunt vel patiuntur in actu illo: sed isto matrimonio comparsicipant coitum reddens & poscens: ergo æqualiter agunt & patiuntur: sed æqualiter agentes & patientes quoad substantiam actus, æqualiter merentur vel demerentur, aliis paribus: ergo videtur, quod poscens & reddens tali tempore, æqualiter demerentur: sed quod est demeritum, non est faciendum aliquo modo: ergo iste non debet reddere debitum pro aliquo.

*D. Alber. Mag. in Lib. 4. Sentent.*

4 Item, Non est dandus gladius furioso vt interficiat seipsum: sed peccatum plus interficit quam gladius: ergo non est sibi concedenda facultas peccandi: sed reddens dat talem facultatem peccandi: ergo non debet reddere.

5 Item Aristot. dicit, quod epicheiches melior est iusto, quia considerat quid in particularibus est agendum: sicut si lex dicat pignus ei qui redimit, esse reddendum, vel depositum ei qui accommodauit: epicheiches tamen non reddit ei, præscentibus latronibus, nec tempore in quo esset in periculo perdendi ex stultitia propria vel violentia aliena. Ergo similiter debet esse in matrimonio: sed reddens scit, quod non expedit, quod illi modo reddatur debitum: ergo in tempore illo reddere non debet.

6 Item, In talibus temporibus quiescit ab operibus necessariæ seruitutis, & operarius conductus ab aliquo tunc non tenetur ei operari, cum interdicatur censura ecclesiastica vt non operetur ei: ergo multo fortius quiescendum est ab operibus libidinosi: & debens ei debitum reddere, non debet reddere tunc, & debet compesci per censuram ecclesiasticam ille qui tunc reddit, vt videtur.

IN CONTRARIUM huius est, quod dicit <sup>Sed cap. 17a.</sup> Philosophus, quod vnumquodque in quo tempore magis valet, magis est eligendum: sed medicina maximè valet tempore ægritudinis: ergo tunc maximè est eligenda: sed medicina libidinis est matrimonium: ergo in tempore libidinis eligendus est vsum eius, & tunc maximè exhibendus: ergo debetur redditio debiti tempore festi si alter petat ex timore incontinentiæ.

RESPONSIO. Dicendum, quod tenetur <sup>Solutio.</sup> reddere tempore cuiuscunque festi, sicut in litera dicitur, & vltima probat obiectio.

AD VLTIMUM autem dicendum, quod non consentit, sed potius molestè dat ei quod suum est: vnde dolet de libidine, sed præbet remedium tale, quale esse potest ne vsque ad mortales corruptelas infirmitas aggrauetur.



AD ALIUD dicendum, quod non peccat venialiter reddendo, sed potius fortiter meretur ex actu fidei & iustitiæ thori.

AD ALIUD dicendum, quod falsa est propositio de actu naturæ, sed de actu moris est vera: sed in tali casu coniugari non participant vnum actum moris, sed naturæ: quia actus moris causatur ex omnibus suis circumstantiis & forma & fine. Et patet, quod hæc non sunt eadem: quia in vno est informans libido, & in altero iustitia & fides: in vno finis refrigerium libidinis, in alio meritum secundum iustitiæ exercitium.

AD ALIUD dicendum, quod non datur ei gladius, sed medicina furie: sicut si alicui memoria incipit rapi, ad cerebrum perforatur caput: licet detur ei vulnus, tamen hoc ipsum ei est medicina: sed si daretur ei occasio mortalis peccati, tunc daretur ei gladius.

AD ALIUD dicendum, quod reddens tempore libidinis est epicheichēs: quia tunc illi cui redditur, maximè valet ad ruinæ præseruationem: & patet per antedicta, quod inducta nihil valent, quia non sunt similia.

AD ALIUD dicendum, quod non est talis instantia tentationis aliarum concupiscentiarum sicut libidinis, quæ citò hominem præcipitat: & ideo contra hunc morbum magis paratam oportet esse medicinam, quam contra alium.

## ARTICVLVS IX.

*An liceat in temporibus in litera nominatis coniuges conuenire?*

Secundo quæritur, Quare potius ista festa quam alia determinantur? dies enim processionum secundum veritatem non sunt nisi tres quando ipse Christus processionem tenuit, scilicet dies ipapanti, quando cum processione parentum ad templum Dominus venit, & cum processione Simeonis & Annæ & eorum qui redemptionem Israël expectabant, receptus est in templo: & dies palmarum, quando cum magna turba venit Ierusalem, & receptus est cum palmis & oliuis: & alius dies est ascensionis, quando duxit discipulos in montem, & ascendit in cælum. Sunt autem dies alij æquales istis, sicut annuntiationis, passionis, resurrectionis, epiphaniæ: quare ergo illi dies non determinantur sicut isti?

2 Item, Ieiuniorum dies non sunt nisi quadraginta, & quatuor temporum, & alia ieiunia non sunt authentica in Ecclesia: videtur ergo, quod non oporteat abstinere in aliis ieiuniis.

3 Item, Infra determinat tres hebdomadas ante festum Ioannis, & aduentum, & alia: quæritur igitur, quæ sit ratio istorum?

*Solutio.* RESPONSIO. Dicendum, quod Sancti loquantur de temporibus contrahendi nuptias ultimo capitulo: sed hic loquantur de tempore exigendi debitum nuptiarum iam contractarum. Vnde dicendum, quod optime

determinat processionis dies, & ieiuniorum: sed processionis dies sunt duplices, scilicet statuti ex processionibus Domini, sicut inductum est in objectione: & illi qui causantur ex communi & legitima necessitate, sicut dies rogationum pro peste, & huiusmodi etiam sunt in particularibus Ecclesiis ad hoc pro voluntate prælatorum instituentium, eo quod in talibus diebus ascendit in Domino spiritus, quia oratio est ascensus intellectus in Deum, ut dicit Damascen. & inconueniens est ut vna hora ascendat in Deum spiritus, & in fine sub carne deprimatur. Eadem ratio est de festis magnis, præcipue beatissimæ Virginis, & Christi: quia tunc commemoratio fit illibata castitatis & floris eius Domini nostri Iesu Christi, & incongruum est tunc membrum Christi incontinentiæ & voluptati & corruptioni operam dare. Tempora autem ieiuniorum, sicut quadragesimæ, & quatuor temporum, & vigiliæ, sunt instituta ad macerandam carnem, & inconueniens est ut cum caro abstrahitur à necessariis indiuiduo, quod repleatur sagina voluptatis ordinantis ad salutem speciei. Et per hoc patet solutio omnium quæ quærentur in isto capitulo. Quod enim in auctoritate Ambrosij dicitur de tempore conceptus & partus, supra habuit quætionem. De temporibus autem nuptias contrahendi infra quæretur.

## ARTICVLVS X.

*An in qualibet hora dictorum festorum semper sit abstinendum?*

Tertio quæritur, Vtrum qualibet hora illius temporis est inconueniens? Videtur autem, quod non: quia non totum illud tempus est orationi institutum: ergo quando non dicuntur laudes in horis vel missis, videtur quod aliquis possit exigere: quia ex hoc in diuinis non impeditur.

2 Item, Per matrimonium summa spiritualitas significatur, tam in persona Christi, quam etiam in coniunctione fidelis animæ cum Deo: sed talibus signis in festiuitate præcipua maximè est vtendum: ergo videtur, quod tunc instandum sit vsui matrimonij.

*Solutio.* RESPONSIO. Dicendum, quod minimè, sed potius abstinendum, sicut dicitur in litera quia incongruum est valde.

AD PRIMVM ergo dicendum, quod licet non in omni hora horum dierum orationi possumus & laudibus diuinis interesse, tamen semper nos idoneos tenere debemus: & ideo vacandum est ab amplexibus, qui deprimunt mentem ne surgere possit ad cælestia.

AD ALIUD dicendum, quod non tenet: quia actui adiuncta est fœda concupiscentia subiugans in delectationis impetu rationem multo plus quam signum istud exigere possit: & ideo interdicitur

propter congruentiam

temporis ab

Ecclesia.

Hieronymus



*Hieronymus videtur dissentire à præmissis.*

**N** L I autem quod dictum est reddere debitum non esse peccatum, videtur obuiare quod ait Hieronymus, Quicumque uxori debitum reddit, vacare non potest orationi, nec carnes agni edere. Item, Si panes propositionis ab his qui uxores suas tetigerant, comedi non poterant: quanto magis panis qui de celo descendit, non potest ab his qui coniugalibus paulò ante hædere complexibus, violari atque contingi: non quod nuptias condemnemus, sed quod eo tempore quo carnes agni manducaturi sumus, vacare à carnalibus operibus debeamus. Hoc capitulum maximè ad ministros Ecclesiæ pertinere videtur, quibus non licebat sacra officia celebrare atque mysteria tempore coniugalis amplexus: quo etiam præsentia Spiritus sancti non datur. Vnde idem ait, Connubia legitima carent quidem peccato, nec tamen tempore illo quo coniugales actus geruntur, præsentia Spiritus sancti dabitur, etiamsi Propheta esse videatur, qui officio generationis obsequitur.

C  
In quodam sermone.  
33. q. 4.  
1. Reg.  
21.  
Exo. 32.  
Ioan. 6.

Hieron.  
super  
Mat. 31.  
q. 2.

*Quibus temporibus non sunt celebranda nuptia?*

**N** E c solum in opere carnali obseruanda sunt tempora, sed etiam in celebrandis nuptiis, secundum illud, Non oportet à Septuagesima vsque in Octauam Paschæ, & tribus hebdomadibus ante festum sancti Ioannis, & ab aduentu Domini vsque post epiphaniam celebrare nuptias. Quod si factum fuerit, separentur. Item, Nicolaus Papa, Nec uxorem ducere, nec coniugia facere quadragesimali tempore conuenire posse villo modo arbitror.

# ARTICVLVS XI.

*An quando vacandum est orationi, possit aliquis reddere debitum?*

**D** E inde quæritur de hoc quod dicit ibi [Illi autem quod dictum est reddere debitum non esse peccatum.] Et quærentur hic duo. Primum est, Quando vacandum est orationi, possit eadem hora alius debitum petere? Secundum, Vtrum debitum reddens, possit carnes agni edere eodem die? Et gratia huius etiam quæritur, Vtrum poscens debitum, carnes agni debeat manducare?

Ad primum sic obicitur, Orare præceptum est affirmatiuum: ergo obligat ad aliquando implere: detur ergo tempus quodcumque sit, & in eodem tempore alter coniugum petat debitum: aut soluet debitum, aut non. Si sic: cum igitur simul orare non possit, nec aliquid spiritualium agere, vt dicitur in litera, ipse non implebit præceptum de orando: ergo ipse omittit in tempore quo facere debet: sed omittere in tempore quo facere debet, est peccatum mortale: ergo iste peccat mortaliter. Si

*D. Alb. Mag. in Lib. 4. Sentent.*

autem non soluit debitum: tunc fraudat ægrum medicina tempore periculi: ergo ipse est occasio mortis suæ: sed talis etiam peccat mortaliter: ergo ipse perplexus est, quod falsum est, quia secundum Theologos nullus est perplexus. Si forte dicas, quod ipse absoluitur à solutione debiti ratione temporis ad orandum constituti. Contra: Apostolus dicit 1. Corinth. 7. Nullo tempore nisi forte ex consensu, &c. Ergo etiam in illo tempore non absoluitur nisi ex consensu alterius coniugis: sed positum est, quod ipse non consentiat, sed exigar.

2 Idem omnino obicitur de sacro loco si in sacro loco petatur debitum. Videtur enim, quod negandum sit: quia si reddatur, læditur locus sacer: sed locus sacer non est contaminandus: ergo est negandum debitum.

3 Ad idem: quia minus videtur, quod Ecclesia lædatur per hoc, quod ibi comeditur & venditur quam per hoc quod ibi concumbitur: sed patet, quod per hoc læditur in primis diebus duobus: ergo & in coitu. Probatio minoris 1. Cor. 11. Nunquid non habetis domos ad manducandum & bibendum, &c. Matth. 21. Expulit e mentes & vendentes de templo.

LLI 3 SED



Sed con-  
tra.

SED CONTRA hoc videtur esse, quod in quibusdam terris propter insultus bellantium multis noctibus & multis diebus necesse est cum pueris & vxoribus in Ecclesia confugientes manere: cum ergo non multo tempore debeant carere debito, videtur quod in Ecclesia possit exigere & reddere.

Solutio.

RESPONSIO. Dicendum, quod semper perenti debetur debitum matrimonij, & in omni hora soluendum secundum opportunitatem & facultatem. Opportunitatem autem voco: quia tamen coitus cum verecundiam quandam habet annexam, non oportet, quod solvatur in publico coram hominibus, sed omni hora dimisso negotio in quo est, si scit alterum esse in periculosa concupiscentia, tenetur captare secretum cubilis & reddere debitum.

AD HOC autem quod quaeritur de præcepto orationis, dicendum quod nunquam est tempus reddendi ex necessitate, nisi in quo si non faciat, omittat: & hoc est ex duobus causatum, scilicet ex institutione Ecclesiae, & ex impossibilitate recuperandi. Ex institutione autem Ecclesiae non obligantur, nisi personae ecclesiasticae quæ castæ esse debent quandiu tractant diuina sacramenta: alias autem non obligat Ecclesia, sed monet. Impossibilitas autem recuperandi non potest hic fieri: quia & si modo reddat debitum, postea potest recuperare orationes vel in crastino: & ita patet, quod non est perplexus: quia non habet necesse alterum facere, eo quod determinate orandi non est institutum aliquod tempus coniugato. Et per hoc patet solutio ad primum.

AD ID quod quaeritur de loco, dicendum quod non tenetur in loco sacro debitum soluere, si aliquis alius locus haberi potest: si autem non potest, tunc soluat cum dolore cordis, & etiam si exigit cum planctu, quod sine usu matrimonij esse non potest, non credo, quod peccet mortaliter.

AD HOC autem quod obiicitur, quod locus contaminatur, dicendum quod contaminatio loci est duplex, scilicet ex incongruitate operis quod fit in ipso ad consecrationem & actum loci, & ex contrarietate procedens. Illa quæ procedit ex incongruitate tantum, non ita contaminat locum quod indigeat reconciliatione, sed porius illa quæ procedit ex contrarietate: & illa fit ex magnis facinoribus, scilicet stupro, homicidio, & huiusmodi. Ad hoc autem quod ulterius quaeritur, dicendum quod Apostolus non vult, quod per hoc locus sit contaminatus, sed incongruitas quædam fuit: & ideo correxit eam cum præter necessitatem fieret. Ad id autem quod obiicitur de Matth. dicendum quod illi negotiationi coniuncta erant latrocinia, & furta, & simonia: & ideo expulit de templo. Et ideo non est simile, quia in oratorio ut dicit August. Nemo aliquid agat, nisi ad quod factum est, unde & nomen accepit. Et per hoc patet solutio ad totum.

## ARTICVLVS XII.

*An alter coniugum soluens debitum, eodem die edere possit carnes agni? & an exigens possit accipere corpus Domini? & an eodem die quando acceptum est, possit reddi debitum?*

Secundo quaeritur, Vtrum soluens debitum, carnes agni eodem die edere possit? vel etiam eodem die quo carnes agni comederit, soluere debeat debitum? Videtur autem, quod non: quia in litera hic dicitur, quod panis qui de cælo descendit, non potest ab aliis qui coniugalibus paulo ante adhæresere amplexibus, violari atque contingi: ergo habetur propositum.

2 Item, Minus incongruus actus sacramento Eucharistiae est comedere, quam coire, & peccat mortaliter qui accipit corpus Domini post comestionem: ergo & post coitum: sed nihil est faciendum, quod est peccatum mortale: ergo soluens debitum, non debet carnes agni contingere vel sumere.

3 Item, In lactucis agrestibus poenitentiae & doloris est sumenda Eucharistia: sed impossibile est simul esse in voluptate coitus & dolore: ergo videtur, quod post voluptatem coitus non sit accipienda Eucharistia. Quod autem impossibile sit, patet per Glossam 1. Corinth. 6. ubi dicit, quod nihil interim fieri vel cogitari aliquid potest, eo quod totus spiritus sub carnem descendit.

4 Item Gregorius scribit ad Augustinum Anglorum Episcopum, & ponitur in decreto distinctione 6. quod etiam post nocturnam pollutionem à carnibus agni temperandum est. Ergo multo magis post coitum in vigilia perpetratum.

5 Item, Summæ spiritualitatis rem accipere in maxima carnalitate, est peruersitas: sed Eucharistia summæ est spiritualitatis: ergo videtur quod in maxima carnalitate post coitum non est accipienda.

IN CONTRARIUM est hoc, quod in præcedenti distinctione habitum est à Gregorio, <sup>Sed con-  
tra.</sup> Si quis sua vxore vitur non cupidine voluptatis raptus, sed tantum procreandorum liberorum gratia, ille profecto siue de ingressu Ecclesiae, siue de corpore Domini in ministerio sumendo, suo est iudicio relinquendus: quia prohiberi non debet à nobis accipere, qui in igne positus nescit ardere. Ex hoc patet, quod qui soluit propter iustitiam vel liberorum gratia, ille post talem concubitum potest accipere corpus Domini: quia non refert vtrum soluat propter iustitiam vel fidem thori, an propter pietatem liberorum procreandorum.

ITEM quaeratur ulterius, Vtrum exigens <sup>Quaest. 1.</sup> causa infirmitatis possit accipere corpus Domini? Videtur, quod non: quia in præcedenti distinctione ex verbis Gregorij habitum est, quod etiam ab ingressu Ecclesiae est tali abstinendum: ergo multo fortius à communione Eucharistiae erit sibi abstinendum.

2 Item Aug. dictum est, Cresce, & manducabis me: sed iste adhuc pusillus est cui pericu



periculosè sapiunt carnalia : ergo non debet carnes agni edere.

3 Item, In figura dicitur de hoc sacramento Exod. 12. Renes vestros accingetis. Dicit autem Gregorius, quod lumbos præcingimus, cum carnis luxuriam per continentiam coarctamus : ergo qui non accingit lumbos, non debet carnes agni edere : sed petens debitum ex infirmitate, non accingit lumbos : ergo non debet carnes agni edere.

4 Item, 1. Reg. 21. dixit Achimelech, Si pueri sunt mundi maxime à mulieribus, manducant. Ergo si non sunt mundi, non licebat comedere etiam figuram istius sacramenti. Ergo multò minus licebit accipere rem : ergo post tale debitum exactum non licebit comedere carnes agni.

*Sed contra.* IN CONTRARIUM huius est, quod talis concubitus non est nisi venialis, sed propter venialia non debet dimitti : quia sic omnis homo deberet dimittere, cum in multis offendamus omnes : ergo non oportet, quod iste dimittat propter hoc sumere corpus Domini.

2 Item, A beato Bernardo arguitur Petrus, quia dixit : Exi à me Domine, quia homo peccator sum : quia à peccatore magis vocandus est Deus, sicut à Zachæo, dummodo doleat de de peccatis : sed iste dolet : ergo debet Deo appropinquare quantum potest per Eucharistiae perceptionem.

3 Item Matth. 9. Non est opus valentibus medicus, sed malè habentibus. Constat autem, quod summa medicina & medicus est ipse dominus in sacramento perceptus : ergo debet accipi ab ipso qui malè habet in concupiscentia propter quam exigit debitum.

*Quæstio- cula 1.* ULTERIUS quæritur hîc, Vtrum postquam acceptum est corpus Domini, eodem die parum vel multum post exigi vel reddidi possit debitum : Videtur, quod non : quia contrarij sunt motus concupiscentiæ, & sacramenti : quia vnum mouet in summum spiritum, & alterum in imum carnalium voluptatum : ergo motus vnius excludit alterum, quia contrarij motus seinuicem excludunt : ergo motus concupiscentiæ in concubitu excludit motum nutrimenti spiritualis : ergo perditur effectus sacramenti : sed omnibus modis cauendum est, ne effectus sacramenti perdatur : ergo omnibus modis cauendum est, ne debitum exigatur vel petatum exoluatur.

2 Item, Ego video, quod etiam cibi conuenientes qui etiam eiusdem generis sunt, si subito vnus post alium sumatur, secundus euacuat primum, & erit distemperantia ex indigestione : ergo multò magis hoc facient cibi spiritualis & intensissima voluptas corporalis immediatè sibi succedentes : ergo voluptas coitus euacuat effectum sacramenti : ergo cauendum est omnibus modis à voluptate coitus post Eucharistiae sumptionem.

*Quæstio- cula 3.* ULTERIUS quæritur hîc, Vtrum à menstrua sumi debeat corpus Christi : Videtur, quod non : quia secundum legem immunda est huiusmodi mulier, vt patet Leuit. 7. ergo de sanctis nihil debet contingere : ergo nec Eucharistiam. Eodem modo sequitur, quod nec vir pollutus, nec femineus, sicut Leuit. 7. expresse prohibetur.

IN CONTRARIUM huius est, quod huiusmodi pœnæ sunt, non culpæ secundum se : punitus autem non debet amplius puniri : ergo nec in hoc debet iterum puniri, quod abstrahatur ei cibus salutaris. Et quia multum de his quæsitum est in tractatu de Eucharistia, sufficiant ista nunc quæsitæ.

RESPONSIO ad primum, quod reddens debitum propter fidem thori & iustitiam, vel etiam exigens propter bonum prolis, non debet prohiberi à carnibus agni, sed suo iudicio circa hoc est relinquendus, vtrum ex humilitate, quia tale negotium sine voluptate non fuit, velit abstinere, vel ex deuotione velit accipere.

AD ID autem quod obiicitur ex litera, Magister responderet in litera. Potest tamen aliter dici, quod Hieronymus loquitur de his qui suarum vxorum non sunt nimij amatores, id est, nimis ardentes, de quibus supra habitum est, quod sunt adulteri.

AD ALIUD dicendum, quod est propter Ecclesiæ institutionem quæ repugnat : sed hic non est aliqua Ecclesiæ institutio in contrarium, sed potius concessio Apostoli dicentis, Nolite fraudare inuicem, &c.

AD ALIUD dicendum, quod non sunt simul dolor & voluptas secundum actum, sed dolor secundum habitum potest esse cum voluptate secundum actum, & post voluptatem coitus, quando vadit ad communionem, potest dolere secundum actum & excludere voluptatem quæ fuit prius tempore coitus.

AD ALIUD dicendum, quod Gregorius loquitur de sacerdotibus conficientibus Eucharistiam in missa : quia illis imponitur maior sanctitas, sicut in litera exponitur dictum Hieronymi : vnde si generaliter accipiatur dictum, dicendum quod pollutio est signum culpæ præcedentis : & ideo cum bonarum mentium sit ibi culpam timere, vbi culpa non est, multo magis est eis timendum vbi signum præcedentis culpæ inuenitur : sed redditio debiti non est signum nec effectus alicuius culpæ : & ideo non est simile quod inductum est. Tamen de hoc respicienda est nostra quæstio in tractatu de Eucharistia : & ita fiet manifestatio solutionis.

AD ALIUD dicendum, quod vnum accipere cum alio secundum actum existente esset peruersitas : sed nihil prohibet post carnalitatem cum qua est spiritualitas secundum habitum, accipere id quod est summæ spiritualitatis : quia iam carnalitas cessauit.

AD ID autem quod vltius quæritur de exigente, dicendum quod ille monendus est ne accipiat, non suo iudicio relinquendus vt primus : si tamen omnibus modis ex deuotione se ingerat, non est prohibendus. Ad id autem quod obiicitur contra, dicendum quod sicut dictum est in præcedenti distinctione, per hoc non ostenditur nisi incongruitas inuitans ad humilitatem, & non intendit Gregorius imponere necessitatem.

AD ALIUD dicendum, quod aliud est accipere effectum Eucharistiae, & aliud percipere. Primum est palati infirmi : secundum palati sani. Et quoad hoc dictum Augustino fuit,



fuit, quodd cresceret, & non quoad primum: quia quilibet qui contritus est, potest Eucharistiam accipere.

AD ALIVD dicendum, quodd omnis habens continentiam concessionis conjugalis, habet renes accinctos: & dictum Gregorij intelligitur de accinzione ab illicito concubitu.

AD ALIVD dicendum, quodd puerorum mundatio quærebatur ratione idoneitatis, quia panes erant sacerdotales, & non ratione necessitatis.

AD ID quodd ulterius quæritur, dicendum quodd illo die non est poscendum debitum, nec etiam reddendum, nisi alter coniunx mulierum inster: si tamen fiat, non credo, quodd sit mortale peccatum. Ad obiectum autem contra, dicendum quodd licet actu sint contrarii, non tamen habitu: quia vnus est sacramentum vnus, & alter alterius: & vnus charitatis, &

alter continentie conjugalis, quæ nullam inter se habent contrarietatem: vnde actus coitus non est contra spiritualitatem, nisi sicut dispositio permanens ad tempus & transiens.

AD ALIVD dicendum, quodd hoc ideo fit, quia opprimit naturam, & suffocat sequentem calorem digestiui: sed non fit sic hic, quia vt iam dictum est, delectatio quæ est in coitu, non profundatur vt habitus, sed transit sicut dispositio temporalis.

AD ID quodd ulterius quæritur, dicendum quodd talia sunt infirmitates potius quam culpa. Et ad obiecta competens satis habetur solutio in tractatu de Eucharistia.

Deinde ratione huius vbi dicitur [ Quo etiam presentia Spiritus sancti non datur, etsi prophetia esse videatur ] tractanda est quæstio de prophetia vt perfecte videatur quare sit hoc quodd dicitur in litera.



## DISTINCTIO XXXIII.

### *De diuersis coniugij legibus.*

A  
Qualiter  
fides tho-  
ri fuerit  
in patri-  
bus anti-  
quis.  
31. q. 4.  
c. Recur-  
rat nūc.  
§. His  
itaque.  
Gen. 2.



VÆRITVR hic de antiquis patribus, qui plures simul leguntur habuisse vxores vel concubinas, vtrum peccauerint? Ad quodd dicimus, Pro varietate temporum varia inuenitur dispensatio conditoris. Ab exordio enim temporis inter duos tantum, Adam scilicet & Euam inchoatum est coniugium, Deo per os Adæ dicente, Homo adhærebit vxori suæ, & erunt duo in carne vna, & secundum inchoationis modum inter duos tantum per omnem successionem temporum contraheretur coniugium, si primi homines in obedientia perstitissent. Post eorum vero copulam filij & filia eorum matrimonio coniuncti sunt, sed vnus vni tantum. Ideo autem fratres sororibus tunc sunt copulati, quia non erant alia mulieres vel viri, quibus Adæ filij vel filia iungerentur. Primus omnium Lamech duas legitur simul habuisse vxores: & hoc in eo arguitur, quia pro expletionem carnalis voluptatis id fecisse perhibetur. Postea vero cum iam penè omnes homines falsis diis seruirent, paucis in cultu Dei permanentibus consultum est à Deo plures in matrimonio copulare sibi, ne illis paucis deficientibus, cultus & notitia Dei deficeret. Vnde Abraham viuente vxore ad ancillam intrauit, & ex ea genuit. Iacob etiam liberis & ancillis se copulauit. Et filia Loth patre ebrio vsa sunt. Cum enim cæteris in idololatria relictis Abraham & filios eius in peculiarem populum sibi Dominus elegisset, ritè multarum fecunditate mulierum populi Dei multiplicatio quærebatur: quia in successionem sanguinis erat successio religionis. Vnde etiam in lege maledicta erat sterilis, quæ non relinquebat semen super



super terram. Hinc etiam sacerdotibus coniugia decreta sunt, quia in  
 successione familiæ, successio est officij. Non ergo Abraham vel Iacob  
 deliquit, quia præter vxorem filios ex ancilla quæsiuit: nec illorum  
 exemplo præter coniugale debitum, fœcunditatem in aliqua licet alicui  
 quærere, cum illorum coniugia nostrorum æquentur virginitati: & im-  
 moderatus vsus coniugij nostri temporis, turpitudinem ferè imitetur for-  
 nicationis illius temporis. De hoc Augustinus sic ait, Antiquis iustis non  
 fuit peccatum, quod pluribus fœminis utebantur, nec contra naturam  
 hoc faciebant: cum non lasciuiendi causa, sed gignendi hoc facerent: nec  
 contra morem, quia eo tempore ea fiebant: nec contra præceptum, quia  
 nulla lege erat prohibitum. Idem, Obiciuntur Iacob quatuor vxores,  
 quod quando mos erat, crimen non erat. Sic patriarchæ coniugibus ex-  
 cipientibus semen suum miscebantur, non concupiscentia perficiendæ  
 voluptatis, sed prouidentia propagandæ successione, sicut Apostoli audi-  
 toribus suis admirantibus doctrinā suam condelectabantur, non auiditate  
 consequendæ laudis, sed charitate seminandæ veritatis. Idem alibi, Anti-  
 quis temporibus cum adhuc salutis nostræ mysterium velaretur, iusti offi-  
 cio propagandi nuptias contrahebant, non victi libidine, sed ducti pietate,  
 qui multo facilius continere possent & vellent. Utebantur tamen coniu-  
 gibus, & plures vni viro habere licebat quas castius habebat, quam nunc  
 vnā quilibet istorum, in quibus videmus, quod secundum veniam con-  
 cedit Apostolus. Habebant enim eas in opere generandi, non in morbo  
 desiderij. Item Ambrosius, Dixit Sara ad Abraham, Ecce conclusit me  
 Dominus vt non pariam. Intra ergo ad ancillam meam, vt filium facias  
 ex ea: & ita factum est. Considera primum, quod Abraham ante legem  
 Moyse, & ante Euangelium fuit. Non ergo in legem commisit Abrahā,  
 sed legem præuenit. Nondum enim interdictum videbatur. Secundo  
 considera, quod non ardore aliquo vagæ succensus libidinis, non petu-  
 lantis formæ captus decore, ancillæ contubernio coniugalem posthabuit  
 thorum: sed studio quærendæ posteritatis, & propagandæ sobolis. Ad-  
 huc post diluuiū raritas erat humani generis, erat etiam religionis. De-  
 nique & Loth sancti filiæ hanc causam querendæ posteritatis habuerunt,  
 ne genus deficeret humanum, & ideo publici muneris gratia priuatam  
 culpam prætexit. Item Augustin. Iust. quamuis cupiat dissolui & esse  
 cum Christo, tamen sumit alimentum, non cupiditate viuendi, sed offi-  
 cio consulendi, vt maneat quod necessarium est propter alios. Sic misceri  
 fœminis iure nuptiarum officiosum fuit sanctis viris, non libidinosum.  
 Quod enim est cibus ad salutem hominis, hoc est concubitus ad salutem  
 humani generis, & vtrumque non est sine delectatione carnali: quæ ta-  
 men modificata & refrænante temperantia in vsum naturalem redacta,  
 libido esse non potest. Quod autem in sustentando vitam illicitus est ci-  
 bus, hoc est in quærenda prole fornicarius vel illicitus concubitus, & quod  
 est in cibo licito immoderatio appetitus, hoc est in coniugibus venialis  
 ille concubitus.

Lib. de  
 bono  
 coniu-  
 gali. cap.  
 15. & ha-  
 betur  
 33. q. 4.  
 cap. Ob-  
 iiciuntur  
 Iacob.

Idem de  
 bono  
 coniu-  
 gali. cap.  
 14.

1. Cor. 7.  
 32. q. 7.  
 c. Dixit  
 Sara.  
 Gen. 16.

Gen. 19.

Lib. de  
 bono  
 coniu-  
 gali. cap.  
 17.

Ibidem.  
 cap. 16.



## ARTICVLVS I.

*An matrimonium sit naturale vel de iure gentium?*

**Q**Uæritur hic de antiquis patribus, &c.] In hac distinctione agitur de diuersis coniugij statibus. Quatuor autem hîc quærentur à Magistro. Primum est, Quare antiqui aliqui plures vxores habuerunt? Secundum de matrimonij comparatione ipsorum ad cœlibatum nouæ gratiæ *ibi* [Quod vero castitas virginalis] Tertio quæritur, Vtrum licuit vnâ mulierem habere plures viros *ibi* [Sed nunquid sub lege] Quarto tangit statum cœlibum & cœlibatus *ibi* [Melior est autem virginitas mentis quam carnis] Et hæc de diuisione sufficiant.

Incidunt autem circa principium ratione primi capituli hîc quærenda sex. Primum est, An matrimonium sit naturale? Secundum est, Vtrum habere plures vxores sit naturale, vel contra naturam? Tertium, Vtrum vnâ mulierem habere plures viros sit contra naturam vel ordinem naturæ? Quartum, Vtrum soli libidinosi tunc perpetraverunt bigamiam, sicut videtur velle in litera? Quintum, Vtrum tunc licuit vel aliquando licuit habere concubinam? Sextum, Qualiter bonum matrimonij quod est sacramentum, saluabatur in matrimoniis antiquorum patrum?

Ad primum obiicitur sic: Natura non dicit nisi maris & fœminæ copulationem: sed hoc non facit matrimonium: ergo videtur, quod matrimonium non sit naturale.

2 Item Aristot. dicit 2. ethic. quod naturalia sunt eadem apud omnes: sed contractus coniugij non est idem apud omnes: ergo contractus coniugij non est naturalis: ergo nec matrimonium est naturale.

3 Item, Tullius in rhetorica in principio ait, quod homines in principio syluestres erant: & tunc nemo sciuit proprios liberos, nec certas nuptias: sed constat, quod tunc naturaliter homines viuebant: ergo videtur, quod matrimonium non sit naturale, sed potius de iure gentium.

4 Item, In principio Digesti veteris, & in institutis dicitur, quod ius naturale est, quod natura omnia animalia docet: sed non omnia animalia docet natura coniugium: ergo videtur, quod non sit naturale. Probatio mediæ est, quod videmus multos canes sequi vnâ caniculam, & animalia quædam non habere certas fœminas quibus commisceantur: ergo patet propositum.

*Sed contra.* IN CONTRARIUM huius est, quod dicitur in principio Pandectarum. Ius naturale est maris & fœminæ coniunctio, quod matrimonium nos appellamus: ergo est naturale. Idem dicitur omnino in institutis. Item Tullius in rhetorica dicit, quod ius naturale est, quod non opinio genuit, sed innata quædam vis inseruit, ut maris fœminæque coniunctionem: ergo, &c.

2 Item Aristot. in 9. ethic. dicit hæc verba: Homo animal naturale coniugale magis

quam politicum, & quanto prius & necessarium magis domus ciuitate. Et sensus est, quod homo magis naturaliter est coniugalis, quam politicus, & tanto magis, quanto necessarius & prior est ordinatio domus ordine ciuitatis: sed homo naturaliter est politicus, ut probant Aristot. & Auicenna: ergo magis naturaliter est coniugalis: ergo coniugium est naturale.

3 Item ad idem inducit Aristot. aliam rationem, sic dicens, Et filiorum procreatio communis animalibus: & intendit sic arguere: Quibuscunque naturaliter communis est procreatio filiorum, illis etiam modus quo certificentur filij, est naturalis, sicut auibus coniungi ad vnâ in speciali antro: ergo & homini coniungi ad vnâ sibi debitam in speciali domo: sed hoc est coniugium: ergo coniugium est naturale.

4 Item tertiam rationem inducit Philosophus ibidem, sic dicens, Homines autem non solum procreationis filiorum gratia cohabitant, sed & eorum quæ in vitam: confestim enim diuisa sunt opera, & sunt altera viri & vxoris: sufficiunt igitur ad inuicem ad commune ponentes propria. Est autem hæc ratio: Quicquid confert ad vitam saluantem naturam, naturale est: matrimonium est huiusmodi: ergo matrimonium est naturale. Prima autem à Philosopho per se nota supponitur. Secunda autem probatur: quia cum nati sunt homines & adolescunt, diuisa habent opera, & insufficientia sibi ad naturæ salutem & domus prouidentiam. Cum autem vir & vxor conferunt sua opera, erunt sufficientia in domus ædificationem & naturæ salutem: sed non confertur nisi matrimonio coniuncti: ergo matrimonium est naturale: & sic constat propositum.

5 Item Aspasius super eundem locum in commento dicit, quod magis est naturale quod est à genere, quam quod est à differentia, cum tamen vtrumque sit naturale: sed homo naturale habet à differentia quod est animal ciuile & politicum: & propter hoc vnus solius vita, ut dicit Auicenna, non est nisi peior quam potest: à genere autem habet, quod sit coniugale, sicut prius in auibus & leone ostensum est: ergo coniugium magis est naturale, quam politicum.

**R E S P O N S I O.** Dicendum, quod verba *Solutio.* Aspasij soluentis hanc quætionem in commento super nonum ethicæ, valde notanda sunt, & sunt ista: Non potest esse commixtio maris & fœminæ penitus carens culpa, nisi quæ intendit proles procreationem: & cum homo sit animal rationale, & ratio non peruersa intendat optimum, non solum intendit generans homo procreare prolem, sed & procreatam educare, & educando prouehere usque ad perfectionem non solum in bonis corporis, sed etiam in bonis animæ, quæ sunt virtutes & scientiæ: non est autem solus vir generans, nec sola mulier, sed ambo simul sunt vnus generans: oportet ergo quod ambo simul intendant vnâ communi intentione proles procreationem & educationem & profectionem usque ad perfectum: oportet igitur antequam



antequam conueniant, mutuo sibi consenserint in vnam indiuiduam vitam ad proles procreationem & educationem & prouectionem usque ad perfectum: non enim esse potest rationalis intentio generantis recta, nisi vterque generantium in vitam consenserint indiuiduam: cum igitur finis naturalis virtutis generatiuæ, & actus generandi in homine sit proles perfecta vtraque perfectione, & salus speciei non solum est in esse primo, sed etiam in esse secundo, quod est vera hominis consummatio: hunc autem finem non possunt intendere vir & mulier communi intentione generantes, qui magis sunt vnum generans, nisi matrimonialiter copulati: & quod non recto fine sit, peccatum est, patet quod matrimonium sit naturale, & quod omnis commixtio extra matrimonium, peccatum est, & transgreditur legem naturæ. Huc usque sunt verba Aspasij: & determinat totam questionem, nec indigent expositione.

AD PRIMUM ergo dicendum, quod natura nulli animali aliquid dicat vel instigat, nisi etiam cum hoc det ei instinctum & facultatem optimè secundum modum suæ naturæ perficiendi: & ita etiam matrimonium quoad modum quod sua efficiatur vxor, ut sciatur qui sunt filij proprii, & qui non, erit naturale.

AD ALIUD dicendum, quod in vno substantiali conueniunt omnes, quod est consensus vtriusque, sed in accidentalibus differunt: & hoc non impedit.

AD ALIUD dicendum, quod Tullius intelligit hoc de natura quæ est in generatione tantum considerata, & nullo modo in specie: & si etiam in genere consideretur, adhuc commixtio sua determinatur ad certam liberorum suorum notitiam etiam naturaliter in multis animalibus, ut prius patuit. Et ille peritus qui coniunxit homines in habitationes domorum & ciuitatum, & matrimonij contractum, per ostensionem naturalium rationum hoc fecit: & ideo ex illa ratione non sequitur, quod matrimonium non sit naturale.

AD ALIUD dicendum, quod ut prius dictum est, natura omnia animalia hoc docet, sed diuersimodè secundum diuersitatem specierum: quædam enim docet filiorum procreationem sine determinatione certæ femina: & hoc est in illis in quibus mas nullam habet sollicitudinem circa filios educandos, sicut taurus, equus, asinus, canis, & huiusmodi. In aliis autem pater sollicitatur circa filios, & ideo quærit sibi certam coniunctionem ad vnam feminam suæ speciei, & cum illa generat & nutrit filios, sicut aues ferè omnes, & multa animalia gressibilia: nihilominus tamen aliquod matrimonium est in omnibus in quibus est mas & femina: sed in animali perfectissimo perfectissimum secundum naturam est matrimonium, & hoc est homo.

## ARTICVLVS II.

*An habere plures vxores sit naturale?*

Secundo quæritur, Vtrum habere plures vxores sit naturale? Videtur, quod sic: quia

dicat Aristot. quod vnus multas implet: ergo videtur, quod hoc non sit contra naturam.

2 Item, In aliis animalibus frequenter videmus, quod multæ feminae habentur ab vno mare: cum igitur naturale ius sit, quod natura omnia animalia docuit, in homine etiam non erit contra naturam habere plures vxores.

3 Item, In ordine naturæ videmus, quod vnum mouens ad generationem, mouet multa mobilia, sicut sol omnia inferiora generabilia, & primus motor mouet & quodammodo imprægnat omnia animalia: ergo videtur secundum ordinem naturæ, quod vnus mas qui est vt mouens, multas habere possit vxores.

4 Item Plato posuit, quod vniuersalia sint vt ars & masculus: particularia autem sicut artificii materia & femina: quia vna forma vniuersalis imprægnat multa particularia, & vna forma artis est in multis artificiat: ergo & masculus potest habere multas feminas secundum ordinem naturæ.

5 Item, Non est caput, cui non cohæret nisi vnicum membrum: sed vir est caput mulieris: ergo oportet, quod cohæreant ei plures mulieres.

6 Item, In litera dicitur in auctoritate Augustini quæ trahitur de sancta virginitate, quod antiqui patres non contra naturam hoc faciebant: ergo videtur, quod homo secundum naturam poterit habere vxores plures.

7 Item videmus, quod multi homines naturam & rationem excellenter sequentes, sicut Cato & Arabes quidam, plures habebant vxores & habent: ergo videtur, quod hoc non sit contra naturam.

8 Item, Semen ordinatum ad naturam multiplicationem proicere vbi perdat, præter ordinem naturæ est: sed cum imprægnata est mulier, & clausam habet matricem, si quis tunc cum ea habet coitum, semen proicit vbi perditur: ergo debet aliam cognoscere: ergo ad minus tempore conceptus potest pluribus vti in matrimonio, vt videtur.

9 Item, Si est contra naturam habere plures, quærat contra quam naturam? constat enim, quod non contra sexum est, nec contra mores animalium in genere, nec contra rationem, nec contra speciem hominis: ergo videtur, quod non sit contra naturam.

IN CONTRARIUM huius obiicitur sic: Illud maximè esse naturale videtur, quod in prima natura condita est constitutum: sed tunc sic fuit institutum, quod vna esset vnus: ergo hoc est maximè naturale: videtur ergo, quod contra naturam sit habere plures. Media probatur ex hoc quod habetur Genes. 20. Et adhærebit vxori suæ: & non dixit, Vxoribus.

2 Item, In animalibus aliis videmus, quod quibus non sufficiunt opera educationis filiorum, sed necesse est aliquid conferre, sicut faciunt aues, præcipuè quæ habent pullos quos necesse est cibari à parentibus, quod vna sit vnus: ergo cum tale animal sit homo, videtur quod secundum naturam generis vna sit vnus. Dicit autem Philosophus, quod hoc maximè naturale est, quod conuenit ratione generis:



generis: ergo videtur, quod secundum naturam hominis vna debet esse vnus.

3 Item, Si accipiat remotius genus quam animal, sicut vnum quod est in vegetabilibus, tunc patet, quod in eodem supposito coniunguntur masculina & fœminina vis: sed in illis non coniungitur nisi vna vis masculina cum vna fœmina: ergo videtur, quod hoc secundum naturam debeat obseruari in omnibus consequentibus genus in homine: ergo secundum naturam tantum vna est vnus.

4 Item, In tota natura sic est, quod vna forma mouens non proportionatur nisi vni materiæ: cum igitur masculus sit vt mouens, & fœmina sicut materia mota, videbitur secundum naturam esse, quod tantum vna vni coniungatur: ergo contra naturam erit si vnus habeat plures.

5 Item, Secundum Aristot. tam in artibus quam in naturis via in paucis magis est, quod natura expediat se paucissimis: ergo videtur, quod in quærenda generatione via naturalis est in paucioribus quam potest: hæc autem sunt duo, scilicet masculus, & fœmina: ergo videtur, quod præter viam naturæ est plures vni coniungi.

6 Item, In tota natura non inuenitur, quod vnus motor proprius sit aliorum mobilium: sed secundum naturam in generatione masculus est sicut motor proprius, & fœmina sicut mobile: ergo videtur, quod contra naturam sit vnum mare habere plures fœminas.

7 Item, In cælestibus & elementis nunquam coniungitur nisi vnum agens vt masculus cum vna fœmina vt patiente, sicut patet in stellis, signis, planetis, & elementis, vbi nunquam est nisi calidum vnum cum vno sicco vel vno humido, & frigidum vnum cum vno sicco vel vnico humido: ergo etiam sic debet esse in hominum coniunctione.

8 Item, Omne agens in natura remittitur si multiplicetur ei id in quod agit, & remissio sua erit causa impedimenti vel debilitatis effectus: sed masculus est agens verissime in generatione: ergo multiplicato eo in quod agit, remitteretur, & remissio eius erit causa impedimenti vel debilitatis effectus: sed effectus est productio similis: ergo si vnus haberet plures, hoc esset impedimentum & debilitas generationis. Probatur autem prima per inductionem in singulis, & etiam scribitur à Philosophis in pluribus locis.

*salutatio.* RESPONSIO. Ad hoc sine præiudicio aliter dicendum, quod secundum Aristot. natura hominis duplex est, scilicet quæ ex genere est, & quæ est ex differentia. Secundum illam quæ ex genere est, non est contra naturam hominis habere plures uxores: & hæc natura est in homine sicut potentia & sicut imperfecta. Perfecta autem & formalis est illa quæ est ex differentia: & hæc est duplex secundum quod ratio dupliciter sumitur, scilicet vt natura quæ est in forma hominis non considerans nisi naturalia: & vt ratio deliberatiua eorum qua solus inter alia percipit homo, sicut est honestum, turpe, conseruatiuum pacis, & incitatiuum discordiæ, consiliatiuum ciuitatis, &

destructiuium ciuitatis & domus. Et primo quidem modo adhuc videtur, quod non sit contra naturam habere plures. Secundo autem modo videtur esse præter naturam. Quod autem sic sit, habetur ex litera, sicut dicit August. quod non fuit contra naturam, quod Iacob habuit plures: & de hoc plurima sunt in decreto. 32. quæst. 4. & plurima etiam illorum ponit hic in litera de Ambrosio, Hieronymo, & Augustino. Et sic non oportet soluere nisi secundam partem obiectionum: quia omnes primæ obiectiones in duobus prioribus sensibus naturæ procedunt.

DICENDUM ergo videtur ad primum, quod non fuit tunc matrimonium in officium naturæ in genere vel in specie absolute institutum, sed vt in specie ad finem boni moralis relati, cuius perceptiua est solius hominis natura: quia dicunt Philosophi, quod hoc solius hominis naturæ est discernere inter turpe & honestum: & ideo etiam postea nihil agendo contra naturam quam Deus instituit, cum pauci essent boni & multi mali, dispensatione boni plures habuerunt.

AD ALIUD dicendum, quod animalia vni coniunguntur pluribus de causis, & etiam non vni coniunguntur oppositis causis. Sunt autem præcipue tres quibus coniunguntur vni, quarum vna est, quod vis masculi motiua pluribus fœcundandis non sufficit: & hoc facit quandoque cibi diminutio, quandoque etiam naturæ vigoris destitutio. Secunda est: quia in fouendo & nutriendo vnum non sufficit, eo quod intra matricem filij compleri non possunt, nec extra compleri possunt nisi calore corporum parentum calefiant, sicut est videre in aubus fouentibus successiue alternatis vicibus. Vnde videmus, quod aues quarum vna tantum fouet, vel etiam animalia quæ non fouent oua sua, non sic ordinantur, quod certus mas certam habeat fœminam, sicut pater in omni genere pullorum & anserum, & etiam in piscibus, & lacertis, & serpentibus. Tertia autem & vltima causa est ingeniatio quam habet natura ad discernendos filios proprios: quia sicut dicit Aristot. animalia non æque memoratiua sunt, nec æque disciplinabilia, & per consequens neque æque ingeniatiua circa curas filiorum. Vnde quædam nutriunt alios filios pro suis, in quo arguitur perdix vbi dicitur, Perdix fouet quod non peperit. Quædam autem nunquam nutriunt alienos nisi decepta, sicut bubala quæ non lactat alienum partum, nisi prius perungatur stercore suo, & tunc lactat decepta. Quædam autem nullo modo in suis decipi possunt, & omnes alienos abiciunt, & non impendunt eis curam. Istæ ergo sunt causæ quibus certas sibi vendicant animalia fœminas, & istis cessantibus non faciunt, sicut equus, & asinus, & plura gressibilia. In homine autem propter industriam est procreatio plurium fœminarum: & ideo contra naturam suam non est habere plures, nisi natura vltimo modo accipiat: quia verum est, quod domus non bene regitur pluribus existentibus vxoribus, & per consequens neque ciuitas neque gens.

AD ALIUD dicendum, quod vis masculina



culina quæ est in plantis, est indeterminata & imperfecta: eo quod ut dicitur in libro de plantis, plantæ non habent animam, sed partem partis animæ. Quod autem sit imperfecta, patet ex indeterminatione sua & materialitate: quia immobilis est & indeterminata, generans folia, virgas, & fructus, & in fructu generat multa circumstantia fructum: & ideo oportet, quod coniungatur in distinctionem quod moueat propter suam imperfectionem. Si autem ex imaginatione aliqua moueret, posset mouere plura: unde plura non mouet nisi sicut natura, & etiam qualitatibus naturalibus quæ sunt calidum, frigidum, humidum, & siccum. Non autem sic est in animalibus quæ sunt naturæ perfectæ, & mouent ad imaginationem quæ diuersificatur in imaginibus: & ideo vnum mouens in talibus mouet multa.

AD ALIUD dicendum, quod in paucis est via in actu vno, sed in actibus pluribus non oportet: generatio enim semper completur in duobus minimis: sed multæ generationes per vnum cum multis compleri possunt.

AD ALIUD dicendum, quod illud intelligitur de motore proximo, & taliter non se habent masculus & femina in specie hominis: & ideo nihil probatur per istud. Per illud etiam patet solutio ad sequens.

AD VLTIMUM dicendum, quod vna simplici actione agens in plura, remittitur, quanto plus illa multiplicatur, sed successiue agens non potest remitti: quia sicut dicit Aristot. modo implet vnam, & post hoc semine attracto ad vasa feminaria & maturato implet aliam, & tertiam, & sic deinceps.

### ARTICVLVS III.

*An vnā mulierem habere plures viros sit contra naturam?*

**T**ertio queritur, Vtrum vnā mulierem habere plures viros sit contra naturam vel naturæ ordinem? Videtur autem, quod non: quia videtur, quod vir vir & mulier sunt eiusdem speciei: ergo quod non est contra naturam viri, non est contra naturam mulieris: sed habitum est non esse contra naturam viri, coniungi pluribus: ergo nec erit contra naturam mulieris habere plures viros.

2 Item, Femina desiderat masculum sicut turpe bonum, & materia formam: video autem, quod materia desiderat non vnā formam, sed plures: ergo nec femina naturali desiderio vnum marem, sed plures: ergo secundum naturam potest coniungi pluribus.

3 Item, Inferiora se habent ad superiora sicut femina ad virum, sicut dixerunt Philosophi: sed ego video, quod terra quæ circulo stellato octauæ sphaeræ imprægnatur, non iungitur vni prægnanti, sed multis: ergo videtur, quod femina secundum naturam iungi possit multis.

4 Item, In multis animalibus videmus, quod multi mares sequuntur vnā feminā, & nunquam plures feminæ vnum marem,

*D. Alb. Mag. in Lib. 4. Sentent.*

sicut in canibus, & lupis: ergo videtur, quod ex genere habetur, quod secundum naturam generis femina possit iungi pluribus maritis & maribus.

5 Item, Femina se habet in generatione sicut recipiens: sed omne recipiens est receptivum multorum secundum naturam recipientis: ergo femina potest recipere à multis viris: ergo & secundum naturam est iungibilis pluribus viris.

IN CONTRARIUM huius est quod dicit Aristot. quod vnus multas implet: vna autem non impletur nisi ab vno: ergo licet vir sit iungibilis multis secundum naturam suam, tamen mulier non iungitur nisi vni.

2 Item, Iunctio feminarum ad viros secundum naturam non est nisi propter generationem, quia non nisi ad hoc à Deo & natura distinctus est sexus: sed cum ab vno suscipit femina, non est susceptibilis ab alio nisi cum periculo conceptus primi: ergo secundum naturam non est coniungibilis alteri cum suscipit ab vno: sed postquam peperit, potest suscipere ab eodem: ergo ipsa ad generandum sufficienter iungitur vni: habitum autem est ante, quod via naturæ est in paucioribus quantum potest: ergo secundum naturam femina non est coniungibilis nisi vni.

3 Item, Secundum naturam bene sunt multa membra vnius capitis, sed nunquam sunt plura capita vnius membri: cum igitur vir sit ut caput, & mulier sicut membrum, vnus vir potest secundum ordinem naturæ habere plures feminas, nullo autem modo vna femina plures viros.

4 Item, In multis animalibus videmus, quod mas vendicat sibi plures, & pugnat pro illis usque ad mortem, sicut cerui, apri, & galli: non autem videmus, quod femina pugnent pro pluribus maribus vel sequantur plures mares: ergo videtur, quod secundum naturam generis naturale quidem sit, quod vir possit habere plures, nullo autem modo sit secundum ordinem naturæ, quod femina vna habeat plures viros simul quos sequatur.

5 Item, Ex hoc nasceretur dissidium æconomica & politiarum: vxor enim subditur secundum leges, & canones, & naturales rationes. Detur ergo, quod vna habeat plures: ergo obediet ambobus, & sequetur eos: ergo cum vnus præcipit ut ædificet domum suam, alter fortè præcipit de domo alia ædificanda: ergo fit destructio, & confusio domus & ciuitatis sequitur ex eo.

6 Item ut dicit Tullius, matrimonium inuentum est, ut certi liberi cognoscantur: sed vna habente plures, nullus sciet certos & proprios liberos: ergo nullus sollicitabitur pro eis: ergo peribunt filij, propter quos natura inuenit matrimonium, quod est inconueniens: ergo secundum naturam etiam inconueniens est, quod vna plures habeat viros.

QVOD VIDETUR esse concedendum, & dicendum ad primum, quod multis de causis nullo modo est secundum naturam, quod vna femina habeat plures: sed quatuor euidentiores assignabo, quarum tres sumam ex natura generis, & vnā ex natura differentia.

MMm

Prima



Prima ex natura generis sumpta est, quod nimia concussio matricis facit decidere partum, eò quod adhæret conceptus per coctilidones, sicut fructus ad arborem, & in principio conceptus propter teneritatem coctilidonum, & in fine propter maturitatem & pondus infantis de leui cadit: in medio autem tempore fortius adhæret: & ideo etiam cum vno multum coire periculosum est conceptui, vt dixit supra Hieronymus in litera, & ponitur in decreto. 3 2. quæst. 4. cum diuersis autem coire omnino contrariaretur. Secunda autem est, quod ex nimio fluxu feminis & iniectione & eiectione lubricatur matrix, ita quod nihil tenet: ideo meretrices non concipiunt: & ideo quæ cum vno nimis sunt frequentis coitus, minus & rarius concipiunt. Tertia autem est, quia licet semen mulieris materiale sit in conceptu, tamen operatur ad conceptum: & ideo oportet in ipso esse debitam maturitatem: sed debita maturitas non potest esse in semine nimis fluente, quia ad hoc vt maturetur, oportet quod attractum in vasis seminariis stet ad tempus: & ideo non comperit, quod mulier habeat plures. Quod autem hoc non impediatur in viro, infra ostendetur, vbi quæretur, si tunc haberi plurimæ poterant. Quarta autem quæ sumitur ex parte differentie est, quod hoc ordinaretur ad destructionem æconomice & politegie, sicut probatur in obiectione.

AD ARGUMENTVM ergo primum dicendum, quod non sequitur: quia licet vir & mulier sint in specie vna, sunt tamen in sexu differenter se habente ad generationem: & ideo non est de natura mulieris, quod est de natura viri.

AD ALIUD dicendum, quod est similitudo secundum quid, scilicet in desiderio imperfecto: quia femina est imperfecta vt materia: sed tamen sicut proxima materia, non est plurium formarum, ita nec propria femina plurium virorum: sed non est simile in hoc quod materia remota desiderat plures formas.

AD ALIUD dicendum, quod superiora non sunt propria mouentia inferiorum, sed potius communia: sed si accipiatur materia propria, erit vna tantum. Vir autem non est similis mouenti proprio & coniuncto, sed potius separato & communi, vt prius habitum est: sicut recipiens semper proprium est, licet imprimens frequenter sit commune.

AD ALIUD dicendum, quod in animalibus est diuersitas, nec multi mares sequuntur vnam feminam, nisi quibus nulla est sollicitudo de educatione filiorum: & tale animal non est homo: vnde etiam canes non recognoscunt filios suos, nec sollicitantur pro eis, sed potius caniculæ: sed in homine sic non est, sed imitatur naturam illorum quæ certe discernunt filios, & speciali affectu sollicitantur pro eis.

AD ALIUD dicendum, quod femina se habet sicut recipiens proportionatum vni infundenti, & non sicut recipiens communiter propter causas superius inductas: recipiens autem proportionatum non est receptivum multorum. Et hoc modo se habent omnia recipientia naturalia, quæ implentur ab actibus

illorum, ex quibus recipiunt: in omnibus enim talibus recipiens determinatur, & implens separatum est impletivum multorum.

## ARTICVLVS IV.

*Vtrum ante legem gratia soli libidinosi fuerunt bigami?*

Quarto quæritur, Vtrum soli libidinosi tunc fuerunt bigami? Videtur autem, quod sic: quia dicit in litera, quod primus Lamech legitur bigamiam introduxisse siue duas uxores habuisse: & hoc in eo arguitur, quia pro expletionem carnalis voluptatis illud fecisse perhibetur: ergo videtur, quod soli tales de bigamia in illo tempore fuerunt reprehensibiles.

2 Item, In litera dicit, quod coniugia Patriarcharum cælibatui istius temporis comparantur. Ergo videtur, quod non arguantur de aliquo: ergo nec de bigamia.

3 Item, Quod aliquis dicitur bigamus, hoc est ratione signi violati, vt supra habitum est: sed in coniugio Patriarcharum fuit optimum signum: ergo videtur, quod ex pluribus non arguantur de bigamia. Prima patet ex dictis in quæstione de bigamia. Secunda scribitur 3 2. quæst. 4. vbi dicit Augustinus, quod generatio Iacob per ancillas significat renatos per malos: sed generatio per liberas significat renatos per bonos: & vtrique pertinent ad hæreditatem, eò quod sunt de semine patris.

IN CONTRARIUM huius est, quod bigamus efficitur quis quatuor modis, vt supra tactum est: & vnus istorum est, qui simul plures habet: plures autem simul habuerunt antiqui patres: ergo ipsi fuerunt bigami.

QVOD EST concedendum.

AD PRIMUM dicendum, quod Lamech primus reprehenditur de peccato, & non de bigamia, quia non fuit reprehensibilis: & etiam tunc non obstabat sacerdotio, quia non erat ibi sacerdotium verum, sed tantum figura veri sacerdotij nostri.

AD ALIUD dicendum, quod comparatio fit in merito personali & vtilitate, quæ est pro varietate temporis: sed non fit comparatio in integritate. Et sic patet solutio ad totum: quia vltimum habet signum non sacramenti, sed allegorie. Sed ad hoc quod saluetur indiuiduitas matrimonij, oportet quod signum sacramentale matrimonij saluetur: & hoc non saluatur in coniugio antiquorum qui plures habuerunt.

## ARTICVLVS V.

*An aliquando licuit habere concubinam?*

Quinto quæritur, Vtrum licuit aliquando habere concubinam? & est hæc quæstio vna causa 3 2. Gratiani. Et obiicit de Abraham qui ex concubina quæsiuit sobolem Genes. 25. & de Iacob qui ex duabus ancillis quæsiuit sobolem Genes. 29. & 30. & de pluribus aliis.

Ergo



Ergo videtur, quod hoc licuit aliquando. Item Deuter. 22. dicitur, Quisquis concubuit deflorando ancillam, non vapulabit, nec morietur: quia pecunia eius est. Si ergo in Veteri Testamento lege diuina non puniebatur ad mortem corporis: ergo non videtur, quod modo puniri vel imputari debeat ad mortem animæ.

*Sed contra.* IN CONTRARIUM huius est, quod dicit Ambrosius li. de Patriarchis, Nemo sibi blandiatur, de legibus hominum omne stuprum adulterium est, nec viro licet quod mulieri non licet: quoniam eadem à viro quæ ab vxore debetur castimonia. Quicquid in ea quæ non sit legitima vxor commissum fuerit, adulterij damnatur crimine. Item, Nulli licet scire mulierem præter vxorem: ideoque coniugij datum est ius, ne in laqueum incidas, & cum aliena muliere delinquas. Ex hoc patet, quod non licet alicui admisceri ancillæ, vt ex illa quærat sibi liberos.

*Solutio.* RESPONSIO. Dicendum, quod nunquam licuit ancillam vel alienam cognoscere, sed ancillam ductam in matrimonium ex instinctu Spiritus sancti: & ita fecerunt Patriarchæ. Et per hoc patet solutio.

## ARTICVLVS VI.

### *Qualiter bonum sacramenti in coniugiis antiquorum saluabatur?*

Sexto quaritur, Qualiter bonum sacramenti in coniugiis antiquorum saluabatur? Videtur autem, quod non saluabatur: quia hoc bonum est indiuiduitas relata per signum ad indiuiduitatem fidelis animæ cum Deo & duarum naturarum in Christo: antiqui autem patres diuisi fuerunt in plures: ergo non fuit in coniugiis ipsorum huiusmodi indiuiduitas.

2 Item, Non est indiuiduus qui non est vnicus vnus, vt supra habitum est in questione de bigamia: sed antiqui patres non fuerunt vnici vnus: ergo in ipsorum matrimonio non fuit bonum sacramenti.

3 Item, Magis videtur saluari hoc bonum in eo qui successiue non simul vtitur pluribus, quam in eo qui simul vtitur pluribus: & non saluatur: ergo nec in eo qui simul pluribus vtitur: sed tale fuit coniugium antiquorum patrum: ergo in ipsorum matrimonio non fuit bonum sacramenti.

*Sed contra.* IN CONTRARIUM huius obiicitur, quod quicquid excedit maius, excedit & minus illo: sed matrimonium antiquorum excedit maius, quam sit matrimonium nostri temporis: ergo excedit & ipsum quod est nostri temporis. Prima patet per se. Secunda scribitur in litera, quod matrimonium illorum cœlibatum nostri temporis excedit. Inde sic: Matrimonium non dicitur excedere alterum nisi ratione bonorum quæ sunt in ipso: ergo illud matrimonium tot vel plura bona habuit, quot illud: sed istud habet bonum sacramenti: ergo & illud.

2 Item, Quod significat Ecclesiam secundum omnem sui status differentiam, nobilius significat eam, quam id quod significat eam

*D. Alb. Mag. in Lib.4. Sentent.*

in genere tantum: sed plures Sanctorum patrum vxores significant coniunctionem Ecclesiæ cum Deo secundum omnem status differentiam, vt patet 3 2. quæst. 4. in decreto Aug. supra: ergo nobilius significat coniunctionem Ecclesiæ cum Deo, quam matrimonium in quo vnus vni coniungitur: cum igitur minus signum sufficiat matrimonio pro bono sacramenti: ergo & maius: ergo illa matrimonia bonum sacramenti habebant.

RESPONSIO. Dicendum, quod bonum sacramenti & etiam cœlibatus debitum non saluabatur in illis matrimoniis nisi secundum quid & imperfectè: in matrimonio autem Noui Testamenti perfectè saluatur. Dico autem imperfectè: quia ibi erat signum coniunctionis Ecclesiæ cum Christo in fide quantum ad Ecclesiam militantem: in nostro autem matrimonio est quoad Ecclesiam triumphantem: Ecclesia enim in fide coniungitur secundum multiplicem statum cum Christo in quo alius sic alius sic vadit: sed triumphans illa est coniuncta in vno statu apertæ visionis facie ad faciem, quæ est tota merces, vt dicit Augustinus.

AD PRIMUM ergo dicendum, quod matrimonium illorum non dicitur excedere matrimonium nostri temporis, nisi quoad sanctimoniam quæ est castitas animæ, & non in castitatis actu: & hoc non respicit signum hoc quod dicitur sacramentum. Hoc autem quod dicit, quod matrimonium melius & sanctius sit matrimonium in omnibus bonis: dicendum, quod hoc falsum est: quia matrimonium sanctius est pari voto continentium: & tamen non est ita perfectum in significando sicut matrimonium consummatum per carnalem copulam, sicut supra habitum est.

AD ALIUD dicendum, quod ille modus significandi potius est allegoricus ex coniugibus ipsis, quam sacramentalis sumptus ex indiuiduitate coniugij, sicut patet per antedicta.

## ARTICVLVS VII.

### *An vnquam licuerit alicui viro habere plures vxores?*

DEinde quaritur de hoc quod dicit ibi Consultum est à Deo plures in matrimonio copulare sibi, &c. Videtur autem, quod hoc nunquam licuit: quia nihil eorum quæ sunt contra humanum bonum, vnquam fuit licitum: sed plures sibi copulare fuit & est contra humanum bonum: ergo hoc nunquam licuit.

2 Item, Impossibile est vnā rem esse simul duorum non ad inuicem ordinatorum: sed maritus est suæ vxoris: ergo impossibile est suum fuisse ipsum vxorum duarum non ad se inuicem ordinatorum: sed vna vxor non ordinabatur ad alteram, sed ex æquo erant mariti: ergo impossibile est vnum maritum matrimonialiter coniungi pluribus: nunquam autem licuit aliquis concubitus nisi matrimonialis: ergo nunquam licuit sibi plures in matrimonio copulare.

MM m 2 3 Item,



3 Item, Detur, quod vnus sit duarum, sequitur perplexitas: sit enim quod ambo sibi petant debitum in vna hora, si ipse soluat vni, constat quod ipse efficitur impotens ad soluendum alteri: ergo retinet & fraudat alteram: & si soluat alteri, per eandem rationem fraudat istam: ergo ipse est perplexus: sed secundum theologum nullus est perplexus: ergo nunquam licuit alicui coniungi pluribus.

4 Item, Ad paria iura iudicantur vir & mulier in matrimonio: mulier nunquam potuit habere plures viros: ergo nec vir plures mulieres: ergo nunquam licuit habere plures.

5 Item, Causa nulla videtur esse quam dicit in litera: quia cum multi tunc essent idololatras, facilius & melior modus multiplicationis fidelium fuisset per prædicationem quam per fecunditatem: ergo videtur, quod ille debuit esse, & non iste.

6 Item, Non sunt facienda mala vt eueniant bona, sicut dicit Apostolus Roman. 3. sed malum est habere plures: ergo non erat hoc faciendum pro aliquo bono quod inde surgere poterat: ergo nunquam licuit causa fecunditatis & religionis habere plures.

7 Item, Cum maxima esset paucitas hominum, nullus legitur coniunctus pluribus, scilicet nec Adam, nec Seth, neque Noë, neque aliquis filiorum eius. Inde obiicitur sic: Quod non fit propter paucitatem hominum & cultus diuini, non est faciendum propter raritatem cultus tantum: sed coniunctio vnus ad plures non fiebat propter paucitatem materiam hominum: ergo etiam non debuit fieri propter raritatem cultus tantum: ergo nunquam licuit habere plures uxores.

*Sed contra.*

IN CONTRARIUM huius sunt exempla sanctorum Patriarcharum, qui nullo modo perpetrassent illicitum: & ipsi plures habuerunt: ergo hoc licuit, & licite fecerunt.

2 Item, Quod nec more nec lege nec natura prohibetur, illud licet: sed habere plures uxores nec more nec lege nec natura prohibetur: ergo illud licet. Prima probatur per hoc quod habetur 1. Corinth. 6. super illud, Omnia mihi licent: vbi dicit Glossa: Hoc licet, quod nullo præcepto prohibetur. Secunda autem scribitur paulo infra in litera: & 3. 2. quæst. 4. Obiiciuntur Iacob quatuor uxores. Et prædatur in litera.

*Solutio.*

RESPONSIO. Dicendum sine præiudicio, quod si consideretur humanum bonum ex fine rationis ordinantis officia humanorum actuum in ciuitate, tunc nunquam licuit habere plures, licet non omnino sit contra naturam, sicut supra dictum est. Et si obiiciatur, quod ius gentium in legibus permittit habere plures: dicendum quod aliud est permissio, aliud ordinatio vt ita fiat: & sciendum, quod in permissionibus lex non ordinatur ad diuinam iustitiam prout est ordinans humanos actus, sed potius prout est permittens quædam facta mala: & ideo nisi fieret dispensatio circa hoc familiari consilio Spiritus sancti, dico quod nunquam licuisset: & ita etiam dixit Papa Innocentius tertius.

AD PRIMUM ergo dicendum, quod cum instabat multitudo pertrahentium ad idolo-

latiam, & paucitas Deum colentium in tantum quod (vt narrat Philo in suo Pentateuco) Abraham carcere & igne cogeatur nomen suum lateri impressum venerandum posteritati præbere à ducibus qui venerunt ab Oriente: tunc ex familiari consilio Spiritus sancti usus habuit, quod potuerunt accipere plures, vt cum propagatione seminis esset etiam propagatio religionis. Et ex eadem causa fuit, quod noluerunt accipere uxores nisi de progenie sua, ne animi filiorum per alienigenas subuerterentur à cultu diuino, sicut etiam in Nouo Testamento ad tempus voluit Deus formam baptismi in nomine Christi fieri, sicut notatum habetur supra in tractatu de baptismo, non quod ita deinceps obseruaretur, sed potius vt nomen suum amabile hominibus efficeretur: & tunc ad veram baptismi formam rediretur.

AD ALIUD dicendum, quod mos dicitur dupliciter, scilicet verus mos, & ille quem facit necessitas. Verus mos est consuetudo secundum humanum bonum cuiuslibet deseruiens. Et si quidem mos sic accipitur, non erat tale matrimonium de more. Si autem secundo modo accipitur, verum est, quod tunc tale matrimonium fuit de more, sed mos ille nihil aliud est, quam obseruantia causata ex necessitate periculi, sicut etiam dicimus quod accipere alienum tempore necessitatis, si necessitas diu duraret, esset de more: non tamen bene sequeretur, quod simpliciter obsequeretur bonis moribus. Similiter dico de natura si enim accipitur natura à differentia hominis relata ad finem humanum, nunquam fuit de natura, & ab hac sola natura ordinantur actus & officia humana in ciuitatibus, sicut patet in omnibus libris Philosophorum qui de vrbauitatibus & politegiis sunt locuti. Si autem accipitur natura aliis modis qui supra notati sunt, tunc non esset contra naturam: multa tamen non contra naturam huiusmodi existentia, illicita sunt: concumbere enim cum muliere non est contra huiusmodi naturam, & tamen illicitum est. Similiter dico de lege: quia est naturalis & scripta: & naturalis videtur sicut & natura. Vnde contra aliquam naturam est, & contra aliquem modum naturalem non est. Sed contra scriptam non fuit: quia nec adhuc fuit data. Et hoc modo intelligit Augustinus. Vnde patet, quod ex hoc non probatur, quod simpliciter licuerunt, sed potius ex causa & dispensatione diuina.

## ARTICVLVS VIII.

*An concubitus Loth cum suis filiabus licuit?*

DEinde queritur de hoc quod dicit [Filiae Loth patre ebrio vsæ sunt, &c.] Exemplum inconueniens videtur: quia matrimonio filia patri non coniungebantur: ergo non est ad propositum.

2 Item videtur esse falsum: quia vinum immoderate sumptum constringit libidinem: ergo ebrietas tollit libidinem: ergo patre ebrio vt non poterant.

3 Item,



3 Item, Impossibile erat cum coire nisi ad imaginationem: ergo imaginatio presentavit sibi mulierem: ergo videtur falsum quod dicit in litera Genes. quod non sensit, nec quando surrexit.

*Solutio.* RESPONSIO. Dicendum, quod simile est quoad intentionem facti, non quoad facti substantiam: quia intentione conceptus non libidinis, patri coniungebantur: & ideo excusantur non à toto, sed à tanto. Alij autem patres à toto excusabant: Ambrosius vocat Loth sanctum: sed hoc referendum est ad penitentiam per opera sequentia.

AD ALIUD dicendum, quod ebrietas est excessus briæ: est enim bria (ut dicit Haymo super Apoc.) ciphus in quo homo bibere consuevit, & excessus mensuræ quæ bria dicitur. Vel bria dicitur ebrietas: & hoc fit dupliciter, scilicet enormiter, aut moderate. Enormiter fit quando nimius vini humor impedit digestionem, & nimius vapor obstruit meatus imaginationis & rationis: & hæc ebrietas abscindit coitum. Alia autem est moderata, scilicet quando calor vini eleuat spiritus & sanguinem subtiliorem sursum, sed non oppilat meatus: sed tamen forti motu delet stabilitatem imaginum & confundit, ita quod ea quæ sunt coram oculis, duplicari videntur: & clausis oculis multa occurrunt quasi somnia confusa: & hæc non abscindit coitum, imo incitat ad eum ex calido, & ministrat materiam ex humido, & ex multiplicatione motus sursum in spiritu animali confundit discretionem: & tamen remanet imaginatio non certa. Et talis fuit ebrietas Loth: unde quod non sensit, intelligendum est, quod sensit quidem mulierem in genere, non autem discrevit, utrum hæc vel illa, nec utrum esset imago vel veritas. Et per hoc patet solutio ad ambo quæsitæ.

#### ARTICVLVS IX.

*Utum antiquorum coniugia nostrorum æquantur virginitati?*

DEinde quæritur de hoc quod dicit ibi [Cum illorum coniugia, nostrorum æquantur virginitati] De hoc August. ita dicit lib. de bono coniug. c. 23. Res ipsas si comparemus, nullo modo dubitandum est meliorem esse castitatem continentiam, quam castitatem nuptialem, cum tamen utrumque sit bonum. Homines vero cum comparamus, ille est melior, qui bonum amplius quam alius habet. De hoc quære in tractatu de virtutibus quæst. de continentia, ubi plurima dixi & disquisitè: & dependet solutio tota ab auctoritate inducta.

#### ARTICVLVS X.

*An immoderatus vsus nostri temporis fere imitetur turpitudinem fornicationis temporis antiquorum?*

DEinde quæritur de hoc quod dicit ibi [Immoderatus vsus coniugij nostri tem-  
D. Alber. Mag. in Lib.4. Sentent.

poris, imitetur fere turpitudinem fornicationis illius] Videtur enim falsum: quia fornicatio illius temporis fuit mortale peccatum, sed vsus matrimonij nunquam.

RESPONSIO. Dicendum, quod loquitur *Solutio.* quantum ad intentionem contrahentium ut in pluribus, qui temporibus istis contrahunt propter infirmitatem libidinis: tunc autem non commiscebantur nisi causa suscipiendæ prolis. Similiter fornicantes conveniunt causa libidinis, & non causa suscipiendæ prolis. Vnde est quædam similitudo in intentione, & non in facto.

#### ARTICVLVS XI.

*Qualiter Patriarchæ & Apostoli delectabuntur profectu religionis?*

DEinde quæritur de hoc quod dicit ibi [Sicut Apostoli auditoribus admirantibus] Videtur, quod nihil sit simile: quia omni homini congaudendum est in bonis, & hoc gaudium est honestum & pulchrum: sed delectatio coitus semper est turpis: ergo nihil est simile quod inducit.

RESPONSIO. Dicendum, quod simile est *Solutio.* quoad hoc quod vltima intentio delectabat in utrisque in profectu religionis: sed actus profectus fuit differens: ibi enim fuit per carnem, hic autem per spiritum: sed tamen hic & tunc similiter in vno delectabantur Patres Veteris & Noui Testamenti. Hic autem tota ponenda esset quæstio de continentia, & de statibus eius, & de comparatione statuum: & hæc notata est ante in tractatu de virtutibus cardinalibus, & ideo hic omnino transeo ipsam. *In 3. dist. 33.*

#### ARTICVLVS XII.

*An difficilius fuit continere temporibus antiquis, quam his temporibus?*

DEinde quæritur de hoc quod dicit ibi [Qui multo facilius continere possent & vellent, &c.] Circa difficile enim & bonum est omnis ars & virtus: cum ergo virtus sit circa continere, difficilius erat continere, quam contrahere.

AD HOC dicendum, quod est difficultas *Solutio.* ex parte sensualitatis: & de illa procedit obiectio. Est etiam difficultas causata secundum rationem ex vi honestatis, sicut difficile est iusto peccare: & de illa loquitur in litera.

#### ARTICVLVS XIII.

*An sub diuersis legibus eodem modo excusabantur qui habebant plures uxores?*

DEinde quæritur de hoc quod dicit ibi [Confidera primum, quod Abraham ante legem, &c.] Videtur enim, quod hæc causa nulla est: quia etiam sub lege plures mulieres  
M Mm 3 habue



habuerunt sicut in principio Regum Eleana & Dauid habuit, & alij plures: patet ergo, quod nulla est causa illa.

2 Item, Lex scripta non est nisi explicatio legis naturalis; ergo non excusat, quod non peccauit in legem scriptam: quia peccasse potuit in legem naturalem.

*Solutio.* AD HOC dicendum, quod non dicit hoc propter excusationem Abraham, sed propter statum temporis: quia tunc indiguit multiplicatione materiali: & ideo familiari consilio Spiritus sancti (inquit) plerique plures habuerunt. Et per hoc patet solutio ad secundum.

AD PRIMUM dicendum, quod ante legem tempore Abraham multo pauciores erant Deum colentes quam sub lege: & ideo plus excusabantur, & magis rationabilis fuit dispensatio.

#### ARTICVLVS XIV.

*An concubitus moderatus possit abesse à libidine?*

**D**Einde quæritur de hoc quod dicit *ibi* [Quæ tamen modificata, & refrænante, &c.] Videtur enim, quod nulla modificatio est *ibi*: si enim aliqua est, illa est circa passionem circa quam consistit virtus: sed illa causata est in vxore vel maior, quanta in meretrice: ergo videtur, quod non modificetur. Si fortè dicas, quod modificatur & refrænatur ab aliis, & non in intensiōe ipsius passionis, quæ est delectatio. Contra: In gula video bene etiā, quod in vnico cibo ardentè delectari est vitium gulæ, sicut patet in Esau, qui propter vnā escam vendidit primogenita sua Gen. 25. & Hebr. 12. Ergo cum luxuria in genere maius sit peccatum, quam gula, videtur etiam luxuria esse vbi sit delectatio vehemens in vna muliere.

*Solutio.* AD HOC dicendum, quod refrænatio fit in duobus, scilicet in obiecto: quia coarctatur ad vnā, & fit refrænatio in circumstantiis, scilicet vt cognoscat quam oportet, & quando, & vbi, & quantum, &c. quæ rhetor determinat.

AD OBIECCVM contra, dicendum quod nimia illa delectatio incidit ex natura corrupta, & non ex ratione præordinante: sed in gula est intentio delectatio talis: & ideo alius peccat, & alter non.

#### ARTICVLVS XV.

*An gula sit bene definita?*

**D**Einde quæritur ratione huius quod dicit *ibi* [Quod autem in sustentando vitam licitus est cibus, &c.] Quæritur inquam hîc de gula speciebus, & filiabus eius. Circa primum quærentur quinque. Primum est, Quæ sit gulæ diffinitio? Secundum est, Vtrum gula sit carnale vitium? Tertium est, Vtrum gula sit circa delectabile gustui, in quantum est gustus, vel in quantum est quidam tactus? Quar-

tum est, Vtrum omnis motus gulæ sit peccatum? Quintum, Vtrum gula sit capitale vitium?

AD PRIMUM sic proceditur, & videtur, quod diffinitio Hugonis de sancto Viç. Gula est immoderatus appetitus edendi, sit incompetens: gula enim non solum committitur circa quantitatem cibi sicut dicit, sed etiam circa alia, vt quando nimis studiosè, vel ardentè quæritur: immoderatio autem dicit excessum quantitatis: ergo non complectitur rationem gulæ.

2 Item, Ea quorum conceptio est cum materia, debet in eorum diffinitione poni materia, vt dicit Philosophus, cuiusmodi sunt omnia naturalia: sed gula habet determinatam materiam: cum ergo materia non ponitur in diffinitione eius, videtur diffinitio eius incompetens.

3 Sed videtur, quod gula sit tantum circa quantitatem. Contraria enim habent fieri circa idem: sed medium sobrietatis cui contrariatur gula, vt vult Philosophus, determinatur secundum quantitatem quoad nos: ergo & gula erit solum in excessu quantitatis.

4 Item, Insensibilis qui deficit in appetitu cibi, non habet moderatum appetitum edendi, quia non peruenit ad medium, nec est moderatus: sed non est gulosus: ergo immoderatus appetitus edendi non est diffinitio gulæ.

5 Item, Gregor. ponit sub vno capitali ebrietatem quæ consistit in potu, & gulam quæ est specialiter in cibo: & illud capitale hîc diffinitur: ergo debuit poni vtrumque, scilicet edendi, & bibendi.

6 Item, Nihil appetit suam corruptionem: sed sicut dicit Gregor. Dignitas conditionis humanæ per immoderantiam sauciatur: ergo non potest esse immoderatus appetitus.

7 Item, Peccatum, vt dicit Augustinus, corrumpit modum, speciem, & ordinem: sed gula peccatum quoddam est: ergo non debet solum diffiniri per corruptionem modi, sed etiam aliorum.

8 Item, Sicut dicit Gregor. non refert quid vel quantum sumatur: sed immoderatus appetitus respicit quid vel quantum sumatur: ergo de eo non refert: sed de gula refert, quia vitium est: ergo non erunt in vno appetitu edendi.

9 Item, In diffinitione perfecta non sufficit dicere quid est, nisi dicatur propter quid, vt dicit Philosophus in lib. posteriorum: sed in dicta diffinitione propter quid sit immoderatus appetitus non dicitur: ergo diffinitio imperfecta.

10 Item, In naturali appetitu pauci vel nulli delinquant: in gula autem multi delinquant: ergo non est gula immoderatus appetitus edendi.

11 Item, Sicut dicit Augustinus. Populus in eremo non peccauit, quia desiderauit, sed quia ex desiderio blasphemauit: sed constat, quod immoderatè appetiit: vnde dicitur textu, quod populus flagrabat desiderio carniū: ergo immoderatus appetitus non est peccatum.



tum : gula autem est peccatum : ergo non est immoderatus appetitus edendi.

12 Item, Ille qui ignorat in quanto consistat debitus modus, potest appetere immoderate: non tamen est gulosus: ergo diffinitio est in plus, quam diffinitum.

13 Item, Ille qui prouocat verbis aliquos ad edendum, gulosus dicitur: non tamen forte appetit immoderate: ergo diffinitio non conuenit omnibus de quibus dicitur diffinitum.

14 Item, Gulosus non solum delectatur in edendo, sed etiam in bibendo & odorando: ergo etiam ista debet continere diffinitio.

15 Item, Naturalis & moralis sunt scientia distinctae abinuicem: sed gula cum sit vitium, pertinet ad moralem, appetitus autem pertinet ad naturalem: ergo gula non debet diffiniri per appetitum.

*solutio.* SOLVITIO. Dicendum, quod gula dupliciter potest considerari, vel in actu, vel in habitu: & dicta descriptio datur de ea secundum quod est in actu, quia sic nituntur Sancti diffinire vitia. Vnde appetitus sumitur hic pro appetitu in actu, & determinatur per proprium actum gulæ qui est edere, quod est actus supra materiam determinatam, scilicet cibum: & sic debet dari diffinitio actus. Sed quia gula est actus vitiosus, & malum specificatur in quantum est malum, ex corruptione oppositi habitus, ideò complete manifestatur & quantum ad rationem actus, & quantum ad rationem vitij.

AD PRIMVM ergo dicendum, quod modus dupliciter dicitur. Vno modo secundum mensuram quantitatis: & hoc modo non priuatur hic. Alio modo secundum determinationem ad medium secundum omnes circumstantias in quibus saluatur medium: & sic modus substantialiter est ipsa virtus, & sic priuatur hic.

AD ALIVD dicendum, quod materia determinata includitur in actu edendi qui ponitur in diffinitione gulæ: & ideo non oportet ulterius addere.

AD ALIVD dicendum, quod Philosophus non intelligit, quod medium virtutis determinetur secundum quantitatem rei in se, quia sic esset simpliciter medium rei: sed prout stat sub appetitu, & sic determinatur quoad nos saluatis circumstantiis omnibus secundum proportionem appetitus: vnde corrumpitur medium non solum per quantitatem, sed etiam si plura appetat quam oporteat, vel non oporteat: & similiter est de aliis circumstantiis.

AD ALIVD dicendum, quod insensibilis licet non habeat moderatum appetitum, non tamen habet immoderatum: quia non appetit. Negatio autem composita non fertur ultra terminum cui adiungitur: vnde remanet appetitus affirmatus.

AD ALIVD dicendum, quod potus nunquam propter se appetitur, sed propter defendendum cibum per membra: & ideo in diffinitione capitalis vitij non debuit poni, sed tantum finis vltimus.

AD ALIVD dicendum, quod licet nihil

appetat suam corruptionem, potest tamen appetere id quod propriam naturam corrumpit, non tamen in quantum corrumpit, sed in quantum est apparens bonum: vnde est fallacia accidentis.

AD ALIVD dicendum, quod non priuatur hic modus prout diuidit bonum naturale contra speciem & ordinem, sed prout respicit mensuram circumstantiarum secundum determinatum medium: & sic substantialiter est ipsa virtus, & continet illa tria.

AD ALIVD dicendum, quod non differt quid vel quantum sumatur secundum quod est in re, sed secundum quod refertur ad desiderium, & sic quod moderatus appetitus appetit, respicit priuatio.

AD ALIVD dicendum, quod licet materia ex qua aliquid fit, non incidat in manu cum aliis: tamen circa quam est actus, est finis & mouens secundum metaphoram: & ideo ex determinatione propriæ materiæ siue obiecti determinatur propter quid.

AD ALIVD dicendum, quod in his quorum appetitus est naturalis, pauci vel nulli decipiuntur, secundum quod eorum naturalis est appetitus: tamen simpliciter loquendo circa illa multi possunt decipi: quia, sicut dicit Philosophus, in communibus secundum quod est eorum appetitus naturalis apud omnes, non multum priuantur, sicut circa hoc quod desideratur cibus ad nutrimentum corporis: sed in propriis quæ quilibet appetit secundum suam concupiscentiam, est peccatum, vt desiderare propter dulcedinem, vel aliquid tale, quod non est commune, sed proprium concupiscenti secundum gulam.

AD ALIVD dicendum, quod desiderando carnes in se non peccauit populus in earum desiderio: sed secundum statum sub appetitu qui allicitur quibusdam propriis superadditis ad communia: peccauerunt enim, quia tam ardentem desiderauerunt, vt eis desiperent cibaria Domini, & Deum contemnendo blasphemauerunt.

AD ALIVD dicendum, quod licet ignorans non seruet modum, non tamen corrumpit modum, quia non vult aliquid contrarium modo: immoderatus autem dicit corruptionem modi.

AD ALIVD dicendum, quod ille qui prouocat verbis ad gulam, gulosus dicitur: prouocat enim ad hoc, vt sint similes sibi: sed ex hoc quod prouocat, non reducit ad gulam sicut species ad genus, sed per reductionem principij, sicut punctum ad lineam. Vnde non oportet vt secundum hoc conueniat sibi diffinitio gulæ, sicut nec diffinitio lineæ puncto.

AD ALIVD dicendum, quod gulosus non delectatur in colore & odore propter se, sed refert totum ad delectationem quæ est secundum gustum: sicut dicit Philosophus in fine primi ethic.

AD ALIVD dicendum, quod sicut moralis potest considerare partes animæ vsquequo: sicut & medicus considerat naturam oculi vt sciat curare infirmitatem. Similiter autem hæc consideratio pertinet ad naturalem. Potest enim appetitus dupliciter consi-



derari: vel secundum quod est pars animæ quæ est perfectio corporis naturalis, & sic spectat ad naturalem considerationem eius: vel secundum quod comparatur ad proprium obiectum virtutis, vel in ordinationem oppositam, & sic potest ipsum considerare moralis.

## ARTICVLVS XVI.

*An gula sit peccatum carnale?*

**S**ecundo quæritur, Vtrum gula sit carnale peccatum? Et videtur, quod sic: quia dicit Ambrosius. Peccatum ubi oritur, ibi moritur: sed sicut dicit Bernardus. Ieiunium sanat pestes corporis: cum igitur gula sanetur ieiunio, videtur esse pestis corporis & oris in carne: & sic est carnale peccatum.

1 Item, Illud peccatum dicitur carnale, quod efficitur in carne: sed sicut dicitur in collationibus patrum, efficientia quorundam peccatorum consummatur in carne, ut gula, & luxuria, & quorundam non: ergo gula est peccatum carnale.

*Sed contra.* IN CONTRARIUM huius est, quod dicit Apostolus 1. Corinth. 6. Omne peccatum quodcumque fecerit homo, extra corpus est: & excipit solam fornicationem. Glossa. extra corpus, id est, extra vinculum carnalis concupiscentiæ. Inde sic: Nullum peccatum carnale, est extra vinculum carnalis concupiscentiæ: ergo gula non est peccatum carnale.

2 Item, Appetere non est corporis, sed animæ: sed gula diffinitur per appetitum, ut dictum est: ergo non est peccatum carnale.

*Solutio.* RESPONSIO. Dicendum, quod tripliciter dicitur esse peccatum carnale. Aut quia habet primam originem ex carne: & sic omne peccatum in nobis est carnale, etiam infidelitas, quia primam originem ex corruptione carnis per peccatum originale contraxit. Dicitur etiam carnale peccatum, quod non perficitur sine aliquo actu vel motu corporali, licet etiam habeat obiectum spirituale: & sic dicitur ira etiam peccatum carnale, quia ira non fit sine ebullitione sanguinis & alia carnali passione. Sed infidelitas sic non est corporale vel carnale peccatum: quia consistit ex toto in actu mentis. Dicitur etiam carnale peccatum, cuius obiectum est delectabile carni, in cuius coniunctione perficitur delectatio: & sic diuiditur contra spirituale peccatum, cuius obiectum est spirituale, sicut ira appetit vindictam, & odium, & superbia, & similia. Et sic dicitur carnale gula & luxuria: quarum gula est circa delectabile gustui, quia ordinatur ad conseruationem indiuidui: & luxuria circa delectabile tactui, quia ordinatur ad conseruationem speciei.

Ad hoc ergo quod opponitur primo in contrarium, dicendum quod sola luxuria dicitur peccatum in corpus, quia per eam diuiditur corpus, & non per gulam, licet vtrumque sit circa delectabile corporis. Ad Glossam vero dicendum, quod vinculum dicitur à vinciendo: unde gula dicitur esse extra vinculum carnalis concupiscentiæ, quoniam ratio in delectatio-

ne gulæ non ita vincitur & subruitur sicut à delectatione luxuriæ propter sui vehementiam.

AD SECUNDUM dicendum, quod licet gula initietur in actu animæ, tamen completur in actu carnis & circa obiectum carnale, & ob hoc dicitur carnale.

## ARTICVLVS XVII.

*An gula sit delectabile gustui?*

**T**ertio quæritur, Vtrum gula sit circa delectabile gustui, in quantum est gustus, vel in quantum est tactus quidam? Si enim aliqua duo opponuntur vni, oportet quod secundum aliquod vnum sibi opponantur, quod sit circa illud circa quod est suum oppositum, quia opposita nata sunt fieri circa idem, & vnum vni opponitur eodem modo oppositionis: sed temperantiæ opponitur gula & luxuria: oportet ergo, quod temperantia sit circa delectabilia tactus: si ergo gula sit circa delectabilia gustus, erit hoc in quantum est gustus quidam tactus.

2 Item, Sicut dicit Philosophus, gula est circa cibum non in quantum est circa delectationem saporis tantum, sed secundum quod refertur ad vsum aliquem qui gustat ciborum sapores: & in hoc delectari dicitur gulosus: sed cibus non refertur ad vsum nutrimenti nisi secundum obiecta tactus in calido, frigido, humido, sicco: quia ex his constituitur corpus, & sicut Philosophus dicit, ex eisdem nutrimur, ex quibus sumus: ergo gula est circa gustum in quantum est quidam tactus.

IN CONTRARIUM huius est, quod dicit *Sed contra.* Chrysostomus. Regio gulæ diuiditur in duo, scilicet linguam, & palatum: sed obiecta tactus non appropriantur solis his partibus, imo sunt communes omnibus partibus corporis: ergo gula non est circa gustum ut est tactus, sed prout condiuiditur sibi.

2 Item, Sicut dicit Philosophus, amicus dulcis diligit vinum, non quia vinum, sed quia dulce: sed maxime gulosus videtur amicus dulcis: ergo diligit & delectatur in cibo, quia dulcis: sed dulcedo est proprium obiectum gustus: ergo circa huiusmodi est gula.

RESPONSIO. Dicendum, quod gula *Solutio.* est circa gustum prout est tactus quidam: non enim solum quærit delectari in cibo, prout est delectabilis sapor, sed prout venit in vsum nutrimenti: & hoc non conuenit nisi secundum obiecta tactus. Et rationes ad hoc concedimus.

Ad id vero quod primo obiicitur in contrarium, dicendum quod gula est non simpliciter circa cibum secundum quod est conueniens ad nutrimentum membrorum, sed oportet quod cognoscatur conueniens: hoc autem fit illis duabus partibus, & ideo appropriantur gulæ.

AD SECUNDUM dicendum, quod dulcedo cibi delectat propter conuenientiam cibi: conueniens autem est secundum obiectum tactus: & ideo circa huiusmodi est gula.

ARTICVLVS



ARTICVLVS XVIII.

*An omnis motus gulæ sit peccatum? & an  
semper gula sit peccatum mortale? &  
an gula sit magis peccatum  
quam luxuria?*

**Q**uarto quaritur, Vtrum omnis motus gulæ sit peccatum? Videtur, quod sic: quia sicut dicitur in secundo sententiarum, omnis tentatio à carne est peccatum: sed in quolibet motu gulæ est tentatio à carne: ergo quilibet motus gulæ est peccatum.

2 Item, Omnis appetitus in delectatione luxuriæ, est peccatum, adeò vt si quis accedat ad uxorem propter delectationem, peccat: sed omnis appetitus gulæ est propter delectionem cibi: ergo omne tale est peccatum.

*Quæstio  
gula 1.*

**U**lterius quaritur, Vtrum gula semper sit mortale peccatum? Et videtur, quod sic. In peccato enim contingit triplex esse mouens: aut quando natura præit & libido sequitur: aut quando mouent simul, ita quod non discernitur quid primo moueat: aut quando libido præcedit, & natura sequitur. Sed quando natura præcedit & libido se immiscet, est peccatum veniale: ergo videtur, quod quando libido præcedit & natura sequitur, quod sit mortale: & hæc sit ratio iudicandi aliquid mortale in gula: & hoc multoties contingit.

2 Item, Actus excellentia corrumpit medium: sed maximè est actus excellentia, quando interdicitur ratio, quod fit quando libido præit & natura sequitur: ergo tunc corrumpitur medium virtutis: sed non corrumpitur nisi per peccatum mortale: ergo erit secundum prædictam regulam semper peccatum mortale.

3 Item, Omnis abundantia corrumpit medium: sed gula est semper abundantia consistens, alioquin non esset vitium semper: ergo corrumpit medium virtutis, & ita semper est peccatum mortale.

4 Item, In actibus hominum nihil potest turpius esse, nisi quando mouens est turpe, materia turpis, & finis turpis: sed quando libido præcedit, mouens est turpe, scilicet libido: & finis, quia propter delectationem: & etiam materia siue obiectum, quia circa bonum commutabile: ergo nihil potest esse turpius: ergo est peccatum mortale.

*Quæstio  
gula 2.*

**U**lterius quaritur, Quid sit maius peccatum, an gula, vel luxuria? Et videtur, quod gula: quia sicut dicit Philosophus, id ad quod magis inclinati sumus, magis contrariatur medio: sed magis inclinati sumus ad delectabilia gulæ, quam ad delectabilia luxuriæ, quia sine illis esse non possumus: ergo gula magis contrariatur medio virtutis, quam luxuria.

2 Item, Sicut dicit Augustinus, vbi est maior corruptio, ibi est minus peccatum: sed magis corrupta est generatiua, quam nutritiua, quia generatiua est etiam infecta: ergo cum luxuria sit circa generationem, gu-

la circa nutritionem, luxuria erit maius peccatum.

**S**ED CONTRA: Vbi est necessitas maior, sed contra ibi est minus peccatum: sed maior necessitas incumbit circa delectabilia gulæ, quam circa delectabilia luxuriæ: ergo gula est minus peccatum.

**R**ESPONSIO. Dicendum, quod gula *Solutio.* est semper peccatum, non tamen semper est mortale: nec etiam quodcumque præcedit libido & sequitur natura, est peccatum mortale: hoc enim contingit quoriescunque aliquis appetit cibum solum propter delectationem, vel intendens aliquam vtilitatem, vel animæ, vel corporis: quod multoties contingit sine peccato mortali. Sed ad sciendum regulam, qua possumus iudicare quando est mortale, & quando veniale, notandum est, quod ad determinationem medij in quo consistit medium sobrietatis, tria requiruntur, scilicet ratio determinans, & medium determinatum, & id respectu cuius determinatur, scilicet virtus nutritiua, vt scilicet tantum sumatur, quantum potest conuertere virtus naturalis, & quantum potest sufficere vt conseruetur in suo esse & in suo vigore, & in comparatione ad opus quod debet exercere. Similiter medij corruptio potest secundum ista tria attendi: potest enim esse corruptio medij secundum se, & secundum hoc non potest attendi ratio peccati quin lateat quantum sit determinatum medium: unde potest corrumpi hoc modo medium salua recta ratione. Si autem attenditur corruptio medij penes id cuius proportionem determinatur: si per intellectum separetur determinatio rationis, secundum hoc erit peccatum in natura quæ generatur ex superfluitate vel diminutione cibi. Restat ergo, quod regula peccati sumatur quando corrumpitur medium ex parte rectæ rationis: ratio autem regulatur ad determinandum medium, vel rationibus naturalibus determinando medium secundum proportionem virtutis nutritiue: & si corrumpatur secundum hoc, erit peccatum in natura, sicut & præmium: vel rationibus ciuilibus, vt scilicet determinetur medium in cibis per circumstantias ciuiles, quas decet obseruari in conseruatione ciuium, vt scilicet quando & vbi & quantum oportet secundum conditionem suam & secundum opus suum: & secundum hoc etiam est iterum vitium ciuile in corruptione medij, & non secundum theologum qui considerat rationem peccati secundum comparationem ad reatum diuinæ vltionis. Aliquando verò regulatur rationibus diuinis ad determinandum medium: vt quando determinat minus sumendo, quam requirat virtus naturalis secundum vigorem suum, licet non subtrahat ei quo indiget ad sustentationem esse: vel propter satisfactionem pro peccato, quia cum additione necessarij simul augetur concupiscentia, vel etiam propter aliquod statutum. Et in hoc considerato est mensura peccati: quando enim ratio determinat medium contra præceptum, est peccatum mortale: quando vero non est præceptum contrarium, sed præter præceptum determinat, est veniale peccatum. Et hoc est vniuersaliter



saliter tenendum in omnibus in quibus potest esse mortale & veniale peccatum. Prima duo obiecta concedimus.

*Ad qu. 1.* AD ALIUD autem dicendum, quod non, quandoque moueat libido propter delectationem, est mortale peccatum: licet enim præcedat libido, non tamen natura viquequaque sequitur, ut ponat finem suum in illa delectatione, sed adhuc potest regulari, licet sequatur aliquo modo libidinem. Similiter ad sequens dicendum.

AD ALIUD dicendum, quod propter hoc quod laetetur medium, sufficit esse propriè medium, quantumcunque aliquo modo disceditur à medio, sed quando perfectè disceditur ab ipso in contrarium.

AD ALIUD dicendum, quod finis non est simpliciter turpis: quoniam delectatio cibi non ponitur finis vltimus in quo quiescatur ut auertatur à Deo, sed turpior est quando ponitur vltimus finis.

*Ad qu. 2.* AD ID quod vltèrius quæritur, dicendum quod gula est minus peccatum, quam luxuria. Et quod obiicitur, Id ad quod magis inclinari sumus, &c. dicendum quod dicitur contrariari magis medio, non quia magis differt à medio, sed quia magis impedit ne perueniatur ad medium, & propter hoc est minus peccatum.

AD ALIUD dicendum, quod generatiua dicitur infecta & magis corrupta propter vehementiam delectationis: sed talis corruptio inducit infirmitatem: & ideo non excusat à peccato, ut vult conclusio.

## ARTICVLVS XIX.

### *An gula sit vitium capitale?*

**Q**Vinto quæritur, Vtrum gula sit capitale vitium? Et videtur, quod non: quodcunque enim vitium quod reducitur ad aliquod ante se, non est capitale: sed gula est huiusmodi: ergo non est capitale vitium. Probatio mediæ. Si duo opponuntur vni, oportet esse aliquod commune ad illa secundum quod opponantur, vnum enim vni opponitur: sed temperantiæ opponitur gula & luxuria: ergo oportet esse ad hoc commune vnum vitium ad vtrumque, quod erit prius vtroque, eò quod commune prius est proprio.

2 Item, Sicut dicit Commentator super quartum ethic. Fekes est, qui audius ab omni incontinens delectabile venatur: sed incontinentia quæ est circa quodlibet delectabile, prior est ea quæ est circa aliquod delectabile determinatum, cuiusmodi est gula: ergo non est capitale vitium, cum habeat aliquid prius se.

3 Si dicas, quod gula non habet aliquod vitium in re ante se, sed solum secundum rationem: hoc autem non aufert sibi rationem capitatis. Contra: Quæcunque ita se habent, quod cadunt sub voluntate secundum maius & minus, illa possunt separari secundum actum rationis quam sequitur appetitus, & circa illa esse diuersa in ordinando actum voluntatis: sed concupiscentia in toto minus est voluntaria,

ut dicit Philosophus, quam in parte, pauci enim vel nulli desiderant concupiscere: sed ea in quibus determinatur concupiscentia, ut cibos, venerea, multi desiderant: ergo circa concupiscentiam in toto & in parte potest esse diuersa inordinatio voluntatis, & ita diuersum vitium in re, & non solum in ratione: & sic sequitur id quod prius.

4 Item super id Psalm. Qui percussit primogenita Ægypti: dicit Gloss. Primogenita Ægypti sunt gula & luxuria, quæ primo venter generat: sed venter non accipitur pro re naturæ, quia ex hoc non per se generatur malum: sed oportet sumi pro aliquo vitio ventris: quod non est gula, quia nihil generat se, sed prius eo: ergo gula non est capitale vitium.

5 Item sicut dicit Isidor. Ex gastrimargia generatur ebrietas & comessatio quæ est gula: ergo gula non est capitale vitium, quia generatur.

SED CVM contraria sunt quæ maximè *Sed contra.* distant, istud vitium esset contrarium, cuius actus intensissimus est in corruptione medijs: huiusmodi autem actus est circa intensissimum delectabile, quod non est delectabile in communi, sed magis delectabile proprium: ergo vitium capitale non erit vitium quod est circa delectabile, sed potius gula quod est circa delectabile cibi.

2 Item, Sicut dicit Commentator super ethic. gastrimargia dicitur à gastr quod est venter, & margelo quod est infania. Inde gastrimargia quasi ventris infania: sed infania dicit appetitum vehementem qui non subiicitur regimini rationis: talis autem appetitus non potest esse nisi circa delectabile ventris determinatum, quoniam delectabile in communi, non habet perfectam rationem delectabilis: ergo gastrimargia non est commune vitium, sed idem quod gula: cum autem sit capitale vitium, gula etiam est capitale vitium.

RESPONSIO. Dicendum, quod gula est *Solutio.* capitale vitium: & rationes ad hoc, concedimus: de ratione enim capitalis vitij est, quod habet obiectum continens completam rationem delectabilis, ita quod non oporteat referre in aliud, sed ponitur tanquam finis appetitus quo perversè fruatur, ad cuius consecutionem etiam alia in causa conuocentur: sicut vnus princeps in exercitu conuocat subditos sibi in auxilium suum, & etiam alios principes: ad cuius similitudinem dicitur caput in vitijs: & hoc totum conuenit gulæ.

AD PRIMUM ergo dicendum, quod gula non reducitur in aliquod vitium prius quod habet completam rationem delectabilis in suo obiecto, sed in aliquid quod est prius secundum rationem: & hæc reductio cum non sit in caput, sed in genus, non tollit rationem capitatis.

AD SECUNDUM dicendum, quod fekkes est vnus modus incontinentiæ de septem quos enumerat: non tamen est capitale vitium, sed nec plures ex alijs modis ibi enumeratis.

AD ALIUD dicendum, quod licet contingat esse aliquod vitium quod deordinet voluntatem



voluntatem circa delectabile in communi: tamen huiusmodi delectabile non habet perfectam rationem delectabilis. Delectatio enim sensibilis est generatio in sensibilem animam, sicut dicit Philosophus, circa quam est gula: perfecta autem delectatio non est nisi in actu coniunctionis conuenientis ad sibi conueniens: actus autem singularium sunt & maxime sensibilis animæ. Vnde delectatio potest esse perfecta duobus modis: aut quia præcedit actum sicut est delectatio spei, aut quia obiectum est commune, & indiget additione ut fiat singulare, & perficiatur in eo desiderium & delectatio: & ideo illud vitium quod erit circa delectabile in communi, non poterit esse capitale, sed potius est circa delectabile determinatum, ut est gula, & luxuria.

AD ALIUD dicendum, quod venter accipitur pro habituali concupiscentia ventris, ex qua oriuntur illa sicut in causa, non sicut in capite, sed sicut ex radice.

AD ALIUD dicendum, quod gastrimargia idem est quod gula, & comessatio non dicitur gula in communi, sed filia eius: est enim comessatio in conuiuio, quæ fiunt quando quilibet ponit partem suam, vel alio simili modo.

## ARTICVLVS XX.

*An quinque species gula à Gregor. sint bene assignata?*

Secundo quæritur de speciebus gula. Assignat autem Gregor. super 25. Gen. quinque species gula, quæ continentur in hoc versu:

*Præpropere, laute, nimis, ardentem, studiosè.* Videtur, quod in hoc quod est nimis comedere, non sit aliqua species gula: quia sicut dicit Tullius in lib. de officiis quatuor determinant, scilicet natura, ratio, fortuna, & voluntas: sed natura non est eadem in omnibus, ut penes eam possit determinari quantitas cibi, quia quod uni est nimis, est alij parum: ratio autem sequitur naturam, nec est contraria sibi: nec sunt etiam omnes homines vnus fortunæ, quia vnus est diues, & alter pauper: nec etiam est eadem voluntas: ergo circa hoc quod est nimis, non est vitium gula, cum non sit ibi aliquis modus determinatus.

2 Item, Sicut dicitur in collationibus patrum, ieiunium est indifferens: cum ergo suum oppositum consistat in nimis comedere, non est vitium.

3 Item, Culpa & pœna differunt: sed nimis comedere est pœna, & quoad naturam quæ grauatur, & quoad res quæ expenduntur: ergo non est culpa: & ita vere non est sub specie culpæ.

4 Item videtur, quod circa hoc quod est præpropere, non sit aliqua species gula: diuersi enim diuersis horis appetunt cibum, & sine vitio, vel ex natura, vel ex consuetudine: ut legitur in itinerario Clemētis de Clemente, quod quando venit ad Petrum, appetebar cibum ante diem, quia ita consueuerat cum nautis:

nec tamen reprehenditur: ergo videtur, quod non sit tempus determinatum sumendi cibum, quod anticipare sit vitium.

5 Item, Aut tempus ex cuius anticipatione est vitium, determinatur à natura, aut ab Ecclesia: sed non à natura, quia diuersorum natura in diuersis temporibus cibum exigit: nec etiam ab Ecclesia videtur posse determinari, quia non est determinatum per aliquam Scripturam, & maxime quod non conuenit naturæ: ergo videtur nullo modo esse determinatum tempus, & sic idem quod prius.

6 Item videtur, quod circa hoc quod est laute, non sumatur aliqua species gula: laute enim idem est quod laute comedere, quod sit pro munditia quæ requiritur circa cibum: sed munditia non est vituperabilis: vnde Dominus multoties in Veteri Testamento præcepit sanctificationem: ergo circa hoc non est aliqua species gula.

7 Item videtur circa hoc quod est ardentem, quod non sit aliqua species gula: illud enim quod non est in potestate nostra, non est vitium: sed ardentem appetere cibum, non est in potestate nostra, sed vel est ex infirmitate, sicut ambolismo, & tunc potius est pœna quam culpa: vel etiam ex vigore caloris naturalis: ergo circa hoc non est gula.

8 Item videtur, quod circa omnia ista simul non sit gula: sicut enim dicit Augustinus, omnis humana peruersitas est frui vtendis, vel vti fruendis: sed contingit omnia ista concurrere, nec tamen fruitur aliquis vtendis: ergo etiam nec erit peruersitas aliqua: ergo circa hoc non erit gula.

RESPONSIO. Dicendum, quod prædicta sunt species & modi accidentales gula: & gula diuiditur per ea sicut per accidentia: & numerus earum sic potest accipi ex propriis gula. Quod enim prouocat ad immoderatum appetitum comedendi, aut est intrinsecus, aut extrinsecus. Si extrinsecus: hoc potest esse dupliciter: vel quia prouocat species ipsius cibi, sicut quando exquiratur inordinatè electus cibus & pretiosus: sicut dicitur Amos 6. Qui comeditis agnum de grege, & vitulum de medio armenti: & sic est laute. Vel prouocat adiunctum speciei, quod facit ipsum magis appeti, ut sapor, & alia huiusmodi, de quibus Bernard. dicit, quod deludunt palatum: & sic est studiosè. Si autem prouocat appetitus qui est intra: sic est dupliciter: quia vel est secundum quod præuenit actum, & sic est præpropere: vel secundum quod est in actu edendi: & hoc iterum dupliciter: quia vel est immoderatus appetitus secundum se, ut quando effundit se totum super cibum, & sic est ardentem: vel in comparatione ad obiectum, quia scilicet nimis appetit de cibo, & sic est nimis.

AD ID vero quod primo obiicitur, dicendum quod licet propter diuersitates hominum non possit determinari modus in quantitate cibi in particulari: potest tamen determinari in communi, quod erit regula qua potest aliquis dirigi in pluribus vel omnibus: sicut legislator (ut dicit Philosophus) non potest statuendo legem considerare omnia particularia quin in aliquo casu transgrediatur aliquis



aliquis legem positam sine pœna: sicut si contra prohibitionem ascendat quis murum ut defendat ab hostibus: si enim legislator esset præsens, discerneret hoc esse faciendum: tamen recta ratio potest determinare tribus modis quantitates cibi in particulari, rationibus diuinis, vel ciuilibus, vel naturalibus: & ita transgrediendo modum, peccat circa hoc quod est nimis comedere.

AD ALIUD dicendum, quod ieiunium in se consideratum indifferens est: secundum tamen quod additur sibi aliqua causa ex rationibus diuinis, ut quia fit propter satisfactionem, vel ad reprimendam concupiscentiam carnis, bonum est: secundum vero quod consideratur sine tali causa, sic vituperabile est, & est vitium insensibilitatis, in quo quis diminuitur in cibo.

AD TERTIUM dicendum, quod non eadem ratione est nimis comedere culpa & pœna: sed est pœna in comparatione ad effectum, culpa vero prout in se consideratur sine modo debite quantitates ex causa liberè operante.

AD QUARTUM dicendum, quod licet non possit determinari tempus quoad omnes in particulari: potest tamen determinari in communi, secundum quod ratione propria regulabitur in sua operatione: & tempus determinatum est in communi hora sexta, sicut dicit Hugo de sancto Vict. super regulam.

AD QUINTUM dicendum, quod tempus comedendi inuenitur determinatum in scriptura, ut dicit Petrus Act. 2. Hi ut æstimatis, ebrii non sunt, cum sit hora diei tertia: reputans post horam tertiam conueniens esse tempus sumendi cibum communiter, quod est in hora sexta. Est & determinatum à natura: tempus enim conueniens sumendi cibum, est quando calor euocatus est ad exteriora: tunc enim venter est vacuus, & ventositates & fumi resident, & tunc appetit: tempus autem euocationis caloris ad exteriora, determinatur secundum motus ipsius solis calefacientis. Initium autem motus solis est à meridie cæli, ubi est status solis hora sexta. Si ergo sumatur cibus, cum oporteat ad hoc tempus dari sumptioni cibi & locationi eius in loco digestionis, illo utique deseruit pro quarta diei naturalis, qua sol mouetur usque ad punctum Occidentis: sed quia ad hoc quod fiat digestio, oportet congregare calorem interius, qui fuit exterius per calorem solis: & hoc successiue completur per constrictionem pororum & subtractionem radiorum solis usque ad terminum alterius quartæ, quando sol est in angulo noctis, scilicet in parte opposita principio sui motus: deinde alia quarta deseruiet digestionis completæ quousque veniat sol ad punctum horizontis. Sed quia nutrimentum digestum necesse est diuidi per membra, quod non potest fieri sine calore deferente ad singula membra: calor autem cum sit motus congregatus non potest deferre nutrimentum per membra nisi euocetur ad extra per calorem solis, ideo quando sol incipit ascendere, calor incipit deferre nutrimentum: & quando sol peruenerit ad medium, completè distribuitur

nutrimentum singulis membris: & tunc est hora sumendi cibum, & est hora sexta. Quod vero motus solis incipiat à meridie cæli, probatur per Psalm. 18. ubi dicit, A summo cælo egressio eius: & loquitur ad literam de motu solis. Potest etiam probari astronomicè: quoniam ab illo puncto incipit sol moueri, ubi diuiditur motus solis in arcus æquales: hoc autem non fit in puncto horizontis, vel in Oriente, vel Occidente: quia sic dies & nox semper essent æquales: sed æquantur in puncto meridiei cæli: quia quantum diminuitur in vna quarta diei, tantum additur in quarta noctis: & ideo ibi stabit motus solis. Potest etiam assignari ratio naturalis: quia quando sol incipit diluculo ascendere, calor excitatur & humidum exhalat: & ita quando solis ascensus completur, humidum iam exhalauit, & membra euacuata indigent cibo, sicut dicit Philosophus in lib. de conseruatione sanitatis, quod non est tempus sumendi cibum quousque sit homo euacuatus à cibo priori.

AD SEXTUM dicendum, quod lautè non dicitur, quando quæritur munditia in his quæ pertinent ad cibum: sed quando quærentur illa quoad modum, quando lautè inter alia, sicut agnus vnus eligitur ex toto armento.

AD SEPTIMUM dicendum, quod licet in potestate nostra vehementia appetitus non sit, tamen in potestate nostra est, ut exequamur appetitum siue reprimamus ipsum, non effundentes nos ex toto super cibum.

AD OCTAVUM dicendum, quod licet aliquando in istis non sit perfectus fructus, quando est peccatum veniale: non tamen omnino est vsus, sed est dispositio ad fructum, sicut veniale ad mortale: & ideo est aliqua peruersitas, licet non mortalis.

## ARTICVLVS XXI.

*An filia gula sint benè assignata?*

**T**ertio quæritur de filiabus gulæ. Assignat autem Gregor. quinque, scilicet multiloquium, scurrilitas, inepta lætitia, immunditia, & hebetudo mentis. Videtur enim, quod multiloquium proueniat ex debilitate rationis: sed ebrietas quæ pertinet ad gulam, maximè impedit rationem: ergo non est filia gulæ.

2 Item videtur, quod scurrilitas non sit filia gulæ: vna enim filia non potest esse duarum matrum: sed secundum Isidorum scurrilitas est filia luxuriæ: ergo non est filia gulæ.

3 Item videtur, quod hebetudo non sit filia eius: pœna enim diuiditur contra culpam: sed hebetudo quædam pœna est: ergo non debet poni inter vitia quæ generantur ex gula.

4 Item videtur, quod immunditia non sit filia eius: immunditia enim species luxuriæ est, qua aliquis sine coitu delectationem coitus procurat aliquo motu proprii corporis: ergo magis videtur pertinere ad luxuriam quam ad gulam. Si dicatur, quod talis immunditia non dicitur filia gulæ, sed quæ est in cibis. Contra: Augustinus in lib. de confectione trium & quatuor, enumerat immunditiam



ditiam de qua dictum est, inter filias gulæ: introducitur enim eam sic loquentem, Facinus est sine coitu aliquo delectari motu aliquo membrorum: ergo responsio nulla fuit.

5 Item videtur, quod inepta lætitia non sit filia eius: inepta enim lætitia est gaudium de malo: sed hæc est in omni peccato, sicut dicitur Proverb. 2. Exultant in rebus pessimis, & lætantur cum male fecerint: ergo non debet poni specialiter filia gulæ.

6 Item, Isidor. ponit duas, scilicet ebrietatem & comestationem. Gregor. autem aliter. Ergo vel alter superfluus, vel alter diminutus.

7 Item, In collationibus patrum dicitur, quod à gula nascitur luxuria, à luxuria phylargiria, à qua nascitur ira: ergo ira ista debet computari inter filias gulæ.

8 Item, Quod generatur non secundum vniuocam generationem, non habet nomen filij, sicut dicit August. quod lumbricus nascitur ex corpore, non tamen dicunt eum filium, nec homo filius solis: sed generatio dictarum filiarum à gula non est secundum vniuocam generationem, cum non sit similitudo in specie: ergo non debent prædicta dici filiæ gulæ.

9 Item dicit Ambros. Turpis generat filiam turpiorem: sed secundum Chrysostom. nihil gastrimargia turpius: ergo non habet aliquam filiam.

*Solutio.*

RESPONSIO. Dicendum, quod idem vitium dicitur mater & caput, licet alia ratione: dicitur enim caput ex eo quod habet finem perfectæ delectationis quo fruitur, ad cuius consecutionem conuocat alia in considerando quod recipiat aliquid ab extinfeco: vnde ex ratione talis conuocationis dicitur caput. Sed alia ratione dicitur mater: quia mater est quæ generat ex alio, & dicitur mater ex eo ex receptione alicuius extra: sicut conceptione finis producit aliud vitium, ut habeat perfectionem delectationum in eo, sicut gula producit multiloquium, ut sit consummata delectatio non solum in edendo, sed in hoc facit magis delectabile ex vanis verbis. Simile huius est in virtutibus: aliqua enim virtus ut charitas conuocat actum alterius virtutis ad suum finem, sicut credit aliquis in Deum non propter primam veritatem, sed propter amorem: & hoc est importare actum: & dicitur, quod charitas importat actum aliarum virtutum, sed non elicit nisi actum proprium qui est diligere: dicitur enim elicere illum actum quem producit per modum naturæ, & vnius naturæ vnus est actus proprius. Quia ergo diuersa vitia possunt aduocare aliquod vitium ad suum finem, ideo non est inconueniens, quod idem vitium dicatur filia diuersorum vitiorum diuersa ratione, quia ratio filiationis est ex fine: vnde secundum diuersitatem finis erit diuersitas rationis. Prædicto ergo modo illa quinque dicuntur esse filiæ gulæ. Et numerus earum sic potest accipi. Quod enim consequitur gulam: aut sequitur eam penes suam materiam, aut penes effectum. Cum autem gula consistat in delectabili secundum gustum, secundum conjunctionem talis delectabilis & effectus eius,

*D. Alb. Mag. in Lib. 4. Sentent.*

multiplicatio est spirituum & caloris excitans vapores: & sic multiplicati per gulam possunt referri ad cor, quod est principium immediatum corporalium passionum, & sic ex dilatione cordis causabitur etiam inordinata lætitia diffundens se per membra, & resoluens ea à continentia modestæ honestatis: & sic est inepta lætitia. Vel referuntur ad cerebrum, quod est proximum principium animalium operationum: & sic multiplicantur phantasmata, sicut apparet in somno, quanto magis in vigilia nec minus: & inde multiplicantur verba non mensurata ratione, & sic procedit multiloquium, quia vinum, ut dicitur, facit hominem per talenta loqui. Vel referuntur ad vtrumque: & sic producit scurrilitas, quando aliquis verbis & gestibus illicitis & dissolutis prouocat alios ad risum. Ex parte autem materiæ prout deseruit generatiuæ est immunditia, quæ est species luxuriæ propter multiplicationem materiæ ex gula proueniens: secundum vero quod trahitur ad superiora, producit hebetudo mentis.

AD PRIMUM ergo dicendum, quod scurrilitas secundum diuersas rationes est filia gulæ & luxuriæ: secundum enim quod aliquis per illicita facta intendit prouocare meretricem ad vsum & ad delectari cum ea, est filia luxuriæ: sed secundum quod est ex cibo & propter delectationem cibi, est filia gulæ.

AD TERTIUM dicendum, quod non dicitur hebetudo intellectus quæ est ex natura vel ægritudine, filia gulæ, sed quæ est ex praua actione, qua aliquis afficitur circa delectabilia cibi & efficitur totus carnalis, & non percipit spiritualia: sicut dicit Chrysost. quod non tam vehementer fluuium aquarum cursus ripas corrodere & submittere solet, sicut deliciae & luxus omnia valetudinis nostræ firmamenta faciunt subruere. Si namque medicinalem ingrediari officinam & accedens interrogaeris, omnes ferè morborum causas illinc inuenies esse. Vilis enim tenuisque mensa sanitatis mater est: & eam propterea medicorum periti ita nominauerunt, non saturari quidem vocantes sanitatem (Cibi namque penuria sanitas est) minus vesci sanitatis matrem appellantes. Si vero mater est sanitatis egestas, patet quod saturitas ægritudinis mater est & infirmitatis morbosque parit. Ipsorum quoque medicorum artem transgredientes, pedum dolores, & capitis grauedines & vertigines, & manuum cruciatus & tremores & remissiones & arcuatus, & longæ febres & æstuosæ, & alia his multo plura (non enim omnia percurrere vacat) non ex indigentia parcoque victu, sed ex crapula & saturitate nasci solent. Homilia 55.

AD QUARTUM dicendum, quod immunditia pertinet ad luxuriam tanquam species, ad gulam tanquam filia cui materiam ministrat. Aliud solutum est.

AD ALIUD dicendum, quod non sumitur hic inepta lætitia quæ est de malo quod est commune omni peccato, sicut dictum est.

AD ALIUD dicendum, quod duo quæ ponit Isidorus, accipiuntur penes generalia in quæ diuiditur obiectum gulæ, scilicet in cibum,

NN n



cibum, circa quod est comessatio: & potum, circa quod est ebrietas: sed quinque quæ ponit Gregorius, accipiuntur quocunque modo aliquid ex gula nascatur.

AD ALIVD dicendum, quod illa productio est per modum radicis, non per modum matris.

AD ALIVD dicendum, quod non dicuntur filia proprie, sed transumptive tantum.

AD ALIVD dicendum, quod vitium potest dici turpius dupliciter: aut secundum quantitatem culpæ, & hoc modo non est turpissimum gula: vel quantum ad ignominiam, & hoc modo nihil turpius ea: quia sicut dicit Gregorius, vitia carnalia sunt minoris culpæ, & maioris opprobrij: nec oportet, quod dictum Ambrosij vniuersaliter intelligatur.

*Non præfertur virginitas Ioannis castitati Abrahæ.*

Lib. de  
bono  
coniuga-  
li. c. 21.

32. q. 4.  
c. Quis  
ignoret.

1. Cor. 10

Gen. 30.

**Q**UOD vero castitas virginalis non præferatur in merito coniugali castitati Abrahæ, Augustinus ostendit inquit, Sicut non est impar meritum patientiæ in Petro qui passus est, & in Ioanne, qui passus non est: sic non est impar meritum continentiam in Ioanne qui nullas expertus est nuptias, & in Abraham qui filios genuit. Nam illius cœlibatus, & istius connubium, pro temporum distributione Christo militauerunt, sed continentiam Ioannes in opere, Abraham in solo habebat habitu. Melior est autem castitas cœlibum quam nuptiarum, quarum vnam Abraham habebat in usu, ambas in habitu. Castè enim & coniugaliter vixit. Esse autem castus sine coniugio potuit, sed tunc non oportuit. Item Hieronymus, Quis ignoret sub alta dispensatione Dei omnes retro sanctos eiusdem fuisse meriti, cuius nunc Christiani sunt? Quomodo Abraham ante placuit in coniugio, sic nunc virgines placent in castitate. Seruiuit ille legi & tempori suo, seruiamus & nos legi & tempori nostro, in quos fines seculorum deuenerunt. Ex his apparet, quod sancti patres ante legem sine peccato plures habuerunt vxores vel concubinas. Eas enim nunc vxores appellat Scriptura, nunc concubinas. Rachel tamen & Lia ambæ vxores fuerunt, non concubinæ.

ARTICVLVS XXII.

*An benè sentiant Sancti qui dicunt bonum esse omnes homines esse virgines?*

**D**Einde quæritur de hoc quod dicit ibi [Seruiuit ille legi & tempori suo, seruiamus & nos legi & tempori nostro, &c.] Ex hoc enim videtur, quod Hier. voluit, quod omnes essent virgines. Et ad idem facit, quod dicitur 1. Cor. 7. Volo autem omnes vos homines esse sicut meipsum, id est, permanere in castitate. Videtur autem hoc esse inconueniens: quia omnibus existentibus castis, mundus dissolueretur: & Deus non vult mundum dissolui: ergo videtur, quod non vult omnes homines esse castos: ergo cum Apostolus hoc voluerit, ipse suam voluntatem non conformauit cum diuina voluntate, quod est inconueniens.

Solutio.

AD HOC dicendum, quod quidam dicunt, quod Sanctis taliter loquentibus reuelatum fuit, quod ex præsentibus si casti remanerent, numerus electorum impleretur. Sed quia hoc nulla ratione probari potest, ideo alij aliter dicunt, scilicet quod voluntas ibi est perfecta &

conditionata: & est sensus, Volo omnes vos esse sicut meipsum, id est, vellem, si esset possibile. Sed quia non est probabile sanctos imperfectam habuisse voluntatem, ideo dicunt alij, quod distributio intelligitur diuina sic, Volo omnes, &c. id est, de quolibet hoc volo diuina, licet de quolibet nolo idem coniunctim. Aliter potest dici sicut hic innuit Hieronymus, quod Apostolus hoc vult secundum conditionem temporis: unde sensus est, Volo omnes, &c. quantum opportunum est tempori. Et tamen dicit Hieron. quod sicut illi fuerunt tempore suo, ita nos nostro. Et per hoc patet solutio ad omnia obiecta.

ARTICVLVS XXIII.

*An concubina Patriarcharum ancilla fuerunt, vel vxores?*

**D**Einde quæritur de hoc quod dicit ibi [Eas enim nunc vxores appellat, &c.] Videtur, quod non sunt concubinæ: quia si ancilla à domino suo in matrimonium ducitur, ipsa efficitur libera: quia secundum legem matrimonij



matrimonij vxor est de latere, ne sicut ancilla habeatur. Constat autem, quod tantus Patriarcha non utebatur fornicario concubitu ancillarum. Ergo fuerunt veræ & liberæ vxores: ergo non sunt dicendæ concubinæ.

2 Item, Cum aliis fratribus acceperunt interea æqualem portionem: hoc autem esse non posset, nisi essent legitimi filij: sed non sunt legitimi, nisi ex vxore libera & legitima: ergo nec concubinæ, nec ancillæ matres illorum filiorum dici debent.

*Sed contra.* IN CONTRARIUM huius est, quod habetur Genes. 25. quod filiis concubinarum largitus est munera tanquam separaret eos ab hæreditate: ergo non erant filij legitimi.

*Solutio.* RESPONSIO. Dicendum hîc puto, quod ancillæ manserunt vxorio affectu coniunctæ: vt significaretur mysterium futurum: vnde 3 2.

quæst. 4. Augustinus reddit rationem, quid significant ancillæ, & quid liberæ.

AD HOC ergo quod primo obiicitur, dicendum quod verum est in matrimonio quod est vnus cum vna: sed in aliis matrimoniis vbi vnus ex dispensatione Dei habet plures, non oportet quod sic sit: quia manerent vxores in conditione aptiori ad significandum statum futurum.

AD ALIUD dicendum, quod hoc non fuit generale: vnde nec legitimæ, nec de concubina nati alicuius patris pertinebant ad hæreditatem futuram, nisi de quo præceperat Dominus. Et ideo Ismael natus de ancilla eiicitur: & Esau natus de libera, vt sciatur, quia tota hæreditas possessio est ex eligente, & non ex meritis propriis vel alienis. Et sic patet solutio.

### Oppositio.

**S**I QVIS opponat, quod fidem thori non seruabant illi patres. Dicimus in hoc seruasse fidem thori, quia non aliis, sed propriis vxoribus vel ancillis miscebantur. Ecce quæ fuerit consuetudo in hac re ante legem. Legis vero tempore interdixit Moyse carnalem copulam fieri cum matre, cum nouerca, cum sorore, cum nepte, cum amita, cum matertera, cum nuru, & aliis quibusdam. Permisit autem diuortium fieri dato libello repudij, in quo vir scribebat causas pro quibus vxorem repudiabat. Permisit autem aliam ducere dato priori libello, quod propter duritiam cordis eorum permissum Christus dicit, non vt concederetur diffidium, sed vt tolleretur homicidium. Permisit fieri mala, ne fierent peiora: & hoc permittendo non Dei iustitiam demonstraui, sed in pectore minuit culpam.

Leu. 18.  
Deut. 24.

Matt. 19.

### ARTICVLVS XXIV.

*An patres antiqui habentes vxores & ancillas concubinas seruabant fidem thori?*

**D**Einde quæritur de hoc quod dicit [Siquis opponat, &c.] Videtur autem, quod non fuit in matrimonio illo fides thori: quia fides thori in se habet, quod alij non misceatur: sed illi mixti fuerunt aliis: ergo fidem thori non seruauerunt.

2 Item, Fides thori vtrumque coniugem ligat æqualiter: sed mulier non habet potestatem sui corporis ad alterum virum: ergo nec vir ad alteram mulierem: cum igitur alteri mulieri iunxerint se viri illius temporis, videtur quod fidem thori non seruauerunt.

*Solutio.* RESPONSIO. Dicendum, quod fides thori seruabatur secundum exigentiam temporis & dispensationis de habendo plures, sicut dicit Magister in litera. Et ideo quoad hoc seruabatur, quod non aliis nisi propriis vxoribus miscebantur, & intentione proles: nec mulier aliud petendi tunc habuit potestatem. Et per hoc patet solutio ad primum.

D. Alb. Mag. in Lib. 4. Sentent.

AD SECUNDVM autem dicendum, quod non æqualiter tunc obligabat vtrumque fides, propter causas supra dictas, & propter dispensationem matrimonij, quæ tunc fuit, cuius dispensationis ratio satis supra habita est.

### ARTICVLVS XXV.

*Libellus repudij cuiusmodi fuit, & quid scribebatur in eo?*

**D**Einde quæritur de hoc quod dicit ibi [Permisit autem fieri diuortium dato libello repudij, &c.] Quærentur enim hic tria. Primum est, Cuiusmodi fuit libellus repudij, & quid scribebatur in eo? Secundum, Quare fuit permissus? Tertium, Vtrum peccabant illi qui dimissas ducebant, & vtrum postea in secundis nuptiis poterant saluari si ad priores nuptias non redibant?

Ad primum obiicitur sic, Deuter. 24. dicit Dominus, Si vir duxerit vxorem, & illa non inuenerit gratiam propter aliquam fœditatem in oculis eius, quod det illi libellum repudij, & dimittat eam. Cum autem dicat textus ali-

NNn 2 quam



quam fœditatem, & non specificet, videtur quod propter quamlibet fœditatem dimitti poterat.

2 Item Gloss. super eundem locum dicit, quod multæ fuerunt causæ, propter quas vir uxorem secundum legem dimittere poterat. Videtur ergo, quod quamlibet fœditatem poterat contra eam allegare.

3 Item, Communiter dicitur à sanctis Hieron. August. & Ambros. quod libellum repudij permisit Moyses ne fieret homicidium: sed quælibet fœditas poterat esse causa odij marito ad uxorem: ad odium autem sequitur homicidium: ergo propter quamlibet fœditatem poterat vxor dimitti.

*Sed contra.*

IN CONTRARIUM huius sic obicitur, Omne matrimonium quod fuit ante legem naturæ, in qua fuit perfecta multiplicatio fidelium spiritualis, ad fœcunditatem ordinabatur: ideo fœda vxor non debebat repudiari, nisi illa in qua fœcunditas inueniri non poterat: ergo tantum fœditates repudiari debebant, quæ impediunt bonum in corpore & anima conceptum mulierum. Dico autem in corpore, sicut si erat sterilis simpliciter, vel ad ipsum quem maritum habuit; vel si erat chronica ægritudine laborēs, vt lepra, epileptia paralyti, emorroides, menstruosa, & huiusmodi: hæc enim omnia impediunt conceptum, vel destruant in corpore natum. In anima autem fœda, si fuerit contumeliosa, à Deo auertens filias, & huiusmodi. Si fortè dicatur, quod ita esse debuit secundum rationem temporis: sed tamen viri non ita seruabant. Contra: Non queritur hic de iustitia personæ, sed potius de iustitia legis datæ per Moysen: cum igitur lex ius quoddam sit scriptum asciscens honestum prohibens in contrarium, vt dicit Philosophus, oportet, quod causas habeat honestas: ergo videtur, quod solum his causis dari potuit libellus repudij.

*Quæstio-  
cula.*

VLTERIUS autem hic queritur, Vtrum causæ dimissionis scribebantur in libello? Videtur, quod sic: quia aliter iniustitia videtur esse dimissio: ergo videtur, quod scribebantur causæ dimissionis.

2 Præterea hoc ponitur expresse in litera, vbi dicit Magister & Gloss. super Matt. 5. quod in libello illo scribebant causas, propter quas dimittebatur.

*Sed contra.*

SED CONTRA: Causæ illæ aut erant sufficientes, aut insufficientes. Si insufficientes: tunc præcludebant ei viam ad secundas nuptias: & hoc non erat faciendum, quia secundæ nuptiæ in eodem loco conceduntur. Si autem non erant sufficientes: ergo tunc ostendebatur, quod iniusta fuit dimissio: ergo nulla: quia iniusta dimissio nulla est. Cum ergo adhuc non esset dimissa secundum ius à primo marito, iterum præcludebatur ei via ad secundas nuptias: & erat inconueniens, cum ei concedantur secundum legem.

*Solutio.*

AD HOC saluo iudicio meliori puto dicendum, quod libellus repudij non dabatur propter quamlibet fœditatem: si enim aliqua fuit fœditas quam videre vel scire potuit, quando cum ea contraxit matrimonium, videtur mihi, quod propter illam non potuit eam

dimittere, sed propter fidem matrimonij tenebatur eam sustinere. Similiter si fuit aliqua fœditas corporalis, bonum proles non diminuens, nec auferens, videtur mihi, quod nec per illam potuit vxor dimitti. Sed si obiciatur, quod factum fuit, ne fieret maius malum: dicendum, quod hoc verum est: sed tamen causa ponenda erat odij quæ mouere posset. Causa autem quæ non potest mouere ad odium communiter, non potuit esse causa separationis. Si enim ex voluntate uxorem occidisset, lex vindicasset in ipsum: & ita vindicauit, quando non erat causa quæ posset mouere ad odium si occidisset eam. Causæ autem in obiectione inductæ, maxime poterant mouere pro statu illius temporis.

AD PRIMUM dicendum, quod Dominus dicit aliquam fœditatem: quia multæ sunt quæ prolem vel tollunt, vel vitiant in anima vel in corpore: & ideo non posuit in particulari. Posset etiam dici, quod ideo non posuit in particulari, vt quemlibet casum particularem in dubio relinqueret: vt sic magis timerent dimittere. Per hoc patet etiam solutio ad sequens.

AD ID autem quod vltius queritur, dicendum quod causæ scribi poterant dupliciter, scilicet in vniuersali, & in particulari. In vniuersali benè putò quod scribebantur, sicut probant duæ obiectiones inductæ. In particulari autem non: quia per hoc præiudicium factum fuisset mulieri.

## ARTICVLVS XXVI.

### *Qualiter libellus repudij fuit permissus?*

SECUNDO queritur, Qualiter fuit libellus ille permissus? Aliter enim procedunt leges in iudicio factorum exteriorum & causarum, & aliter in iudicio conscientiarum: quia in causarum iudicio dissimulatur minus malum, ne eueniat maius malum: sed in conscientiarum iudicio non: Deus autem iudicat secundum conscientiam: ergo nulla lex ab ipso debuit dari, in qua aliquod malum permetteretur: ergo videtur, quod si iniusta est lex, non est data à Deo: si autem iusta, quod non fuit permissio, sed potius lex ordinans & obligans ad obseruandum.

2 Item Chrysost. super Marth. dicit, Permissum est à Moyse repudium malum quidem, tamen licitum hac ratione qua permiserunt Apostoli secundas nuptias propter incontinentiam hominum. Inde arguo, quod sicut secundæ nuptiæ sunt licitæ in Nouo Testamento, ita repudium per libellum datum, fuit licitum in Veteri Testamento: ergo libellus ille fuit licitus.

3 Item, Iudicium humanum præcipue traditum à Deo, exemplatum est à Deo diuino: sed ego video, quod si in causam trahebatur, sententia dabatur secundum iudicium Domini pro viro, quod dimittere poterat uxorem, ei dato tali libello. Cum igitur hoc iudicium informatum fuit à iustitia quæ exemplata fuit à iustitia diuina, ipsam iudicium fuit iustum: ergo



ergo & iustus & licitus fuit libellus, & repudium & omnia quæ sequebantur ex illo.

*Sed contra.* IN CONTRARIUM huius est quod dicit Dominus Matth. 19. quod propter duritiam cordis eorum Moyses præcepit dari libellum repudij: sed quod propter duritiam cordis permittitur, simpliciter est iniustum: ergo libellus ille simpliciter fuit iniustus.

2 Item Chrysost. super Matth. 5. Permisit Moyses dari libellum repudij, ne per odium funderetur sanguis: permisit fieri mala, ne fierent peiora. Ex hoc accipitur, quod dare libellum fuit simpliciter malum: sed omne malum est illicitum: ergo videtur, quod illicita fuit datio libelli.

3 Item Augustinus in Gloss. super idem, & hoc ponitur hic in litera. Scribit Moyses in Deut. 24. quod si vxor non placeat viro propter aliquam fœditatem, dimittat eam: quod permittum dici exponit Christus propter duritiam maritorum, non vt concedatur diffidium, sed vt tollatur homicidium: & ex hoc sequitur idem quod prius.

*Solutio.* RESPONSIO. Puto hîc esse dicendum salua meliori sententia, quod libellus iste simpliciter fuit iniustus, sicut etiam iniustum fuit habere plures: secundum autem tempus & congruentiam hominum fuit iustum. Hoc autem videtur elici ex textu verborum Domini nostri Iesu Christi Matth. 19. vbi præmittit Dominus ante sententiam de repudio, qualiter Deus ab initio creauit hominem masculum & fœminam, & quod essent duo in carne vna, & quod Deus coniunxit homo non separaret, & postea subinfert de libello repudij: vnde etiam super idem dicit Chrysost. quod fœmina non debet cogitare nisi de vno masculino creato, sicut Deus ipse vnum vni, & vnâ vni creauit ab initio. Dicendum ergo ad primum, quod lex Dei illa, sicut dicit Apostolus Hebr. 7. est imperfecta, & nihil ad perfectum adduxit: sed dabatur secundum congruentiam temporis & personarum, vt tanquam pædagogus ad Christum adduceret. Vnde & multa bona significata ex ipsa vxoris dimissione eliciunt in Gloss. super Deuter. Origen. & Gregor. & ideo imperfecta habuit mandata, & dispensata pro tempore.

AD ALIUD dicendum, quod rectum principium vnumquodque corrigit secundum modum possibilem sibi, & non secundum verissimam rectitudinem: & ita etiam facit iudicium causarum quod exemplatur ab ipso: quia videtur mihi, quod istud fuit iudiciale, non cærimoniale principaliter, nec sacramentale, nec morale: & talia mutantur per varietatem temporum & personarum: vnde illa obiectio non cogit, quod simpliciter fuit iustum repudium.

AD HOC autem quod in contrarium obicitur, dicendum quod sine dubio lex dictis de causis permisit repudium, & etiam lex Iustiniana: & omnis lex semper permisit repudium præter legem Christi: in quo notatur legis Christi perfectio in sanctitate, pietate, & castitate. Vnde ad obiectum dicendum, quod duritia cordium tunc erat causa mouens: sed tamen nisi fuisset vtilitas, non concessisset.

D. Alber. Mag. in Lib. 4. Sentent.

Eius autem vtilitas superius exemplata est: & ideo secundum tempus iustus fuit libellus, licet non simpliciter.

AD ALIUD dicendum, quod Chrysostomus tangit causam incitantem seu excitantem ad dandam legem iudicalem: sed tamen etiam alia causa erat vtilitatis quæ excusabat pro illo tempore.

SIMILITER dicendum ad id quod dicit Aug.

AD ID autem quod supra obiectum est de Chrysost. dicendum quod non est simile nisi in incitante primo ad dationem legis, quia hic & ibi turpe est: sed hic turpe crudelitatis, & ibi turpe libidinis. Et per hoc patet solutio ad totum.

## ARTICVLVS XXVII.

*An dimittens uxorem per libellum repudij & repudiata poterant saluari in alio matrimonio?*

Tertio queritur, Vtrum dimittens saluari poterat in alio matrimonio, & etiam dimissa? Videtur, quod non: quia dicit Christus Matth. 5. & 19. Qui dimissam duxerit, mœchatur, sed mœchus & mœcha non saluantur: ergo videtur, quod in alio matrimonio neuter eorum saluari poterat.

2 Item, Propter duritiam cordis permittus fuit libellus: dicitur autem Eccli. 3. Duri corde malè habebunt in nouissimo: ergo isti tales male habebunt.

IN CONTRARIUM huius obicitur per hoc quod dicit Hieron. Hoc permittendo non Dei iustitiam monstrauit, sed à peccato abstulit culpam peccandi: vt quod secundum legem agentibus peccatum non videtur, non videtur esse peccatum: sed cuiusque actui abstrahitur culpa, illo nullus demeretur. Ergo ex tali dimissione & secunda copulatione nulli damnabantur, vt videtur.

2 Item, Tam lex quam prophetia in idem concordant. Malach. 2. vbi dicitur, Cum odio habes eam, dimitte eam. Ergo videtur, quod ille totus populus miserabiliter fuisset neglectus, quod sapientes eorum scirent ei non esse salutem, & tamen permetterent eis tales copulationes: sed hoc esset nimis absurdum: ergo videtur, quod tunc saluari poterant aliis coniuncti.

3 Item, Si lex non attenderet nisi duritiam cordis, tunc deberet persuadere reditum: sed è contrario facit, quia dicit, quod si secundus dimittat eam per repudium vel per mortem, prior non poterat eam reassumere: ergo videtur, quod licitè fuit in secundo matrimonio.

RESPONSIO. Ad hoc dicendum puto, *Solutio.* quod in secundo matrimonio erat eis salus propter legis statutum & temporis congruentiam: sicut etiam in pluribus vxoribus, quod nunquam voluit Deus nisi ad tempus, vt in victimis holocaustorum, quas nunquam voluit Deus nisi per accidens, scilicet ne idolis immolarentur. Et hoc videtur velle Hieron. dicens, quod à peccato abstulit culpam legislator, quando concessit repudium.

AD PRIMUM ergo dicendum, quod NN n 3 dicit



dicit Christus hoc quantum ad abundantem iustitiam in Nouo Testamento esse, implentem imperfectum Veteris Testamenti.

Ad ALIUD dicendum, quod hoc dicit Christus quoad principalem causam permissionis, secundum quod erat lex iudicialis: ex statu tamen tempus ordinabatur ad maiorem fecunditatem: quia illi tempori congruebat, & secundum hoc erat dispensatiua & indulgentia: quia sæpè sterilis est ad vnum, quæ non

est sterilis ad alterum: & ideo etiam præcepit lex, quod si pluribus nuplit & fœda fuit quoad plures, non potest redire ad primum, nec primus potest eam recipere. Hoc modo concordat Cato qui dimisit Marciam ut fœcunda esset, & Philosophi ita locuti sunt de repudio. Et quia hoc concordat rationi, videtur ita esse dicendum: quod tamen non omnino assero in ista quæstione, sed quilibet dicat quod sibi bonum videtur.

*Cui licebat plures habere, vel non.*

D  
Deut. 17.  
1. Reg. 11



Lib. 4. in  
Deuter.  
c. 27.

1. Reg. 1.  
Galat. 4.

ED nunquid sub lege licebat habere plures vxores? Audi quid scriptum est in Deuteronomio: Non habebit rex vxores plurimas, quæ alliciant animam eius. Super quem locum ait Augustin. Manifestum est Salomonem hoc præceptum transisse. Dauid autem plures habuit, nec præceptum præterit. Permissum est enim regi plures habere, non plurimas quæ alliciant animam, multiplicare. Cum tamen additur, Ut non eleuetur cor eius, alienigenas prohibitum esse videtur. Verumtamen multiplicatio vxorum generaliter prohibita est. Permissum est autem regi plures habere, sed non multiplicare. Veniente autem plenitudinis tempore quo Christi gratia vbique est dilatata, reducta est lex nuptiarum ad priorem honestioremque institutionem: ut vnus vni in figura Christi & Ecclesiæ coniungatur. Nec quæritur electio muneris in successionem generis, sed in perfectione vitæ & sinceritate scientiæ, & virginitas fœcunditati præfertur, & sacerdotibus continentia indicitur.

#### ARTICVLVS XXVIII.

*An aliqua vxores dicantur plurimæ, & quæ sunt illæ?*

DEinde quæritur de hoc quod dicit ibi [Non habebit rex vxores plurimas, &c.] Quæritur enim hîc, Quæ sunt plurimæ? si enim dicatur, quod illæ solæ plurimæ sunt, quæ alliciunt animum eius ad idololatriam. Contra: Vnica potest allicere animum eius: ergo vnica potest esse plurima: hoc autem est falsum: ergo non dicuntur plurimæ.

2. Item, Non determinatur ex lege quot habere debeat, sed plures conceduntur sine determinatione: ergo videtur, quod nullus sit sibi numerus plurimus. Si autem dicatur, quod plurimæ sunt illæ quæ excellunt vires suas in pastu, scilicet quod non potest eas pascere. Contra: Plures potest pascere rex & diues, quam pauper: ergo quæ vni sunt plurimæ, non sunt alteri plurimæ: & de hoc nihil loquitur lex: nunquam enim dicit, quod diues habeat plures quam pauper: ergo videtur, quod non sic sit intelligendum.

3. Item, Plures tunc mittebantur propter fœcunditatem: si autem plures sunt, tanto maior est fœcunditas: ergo videtur, quod nullus numerus est plurimæ: sed potius qui plures habuit quam alius, plus il-

li tempori seruiuit: sicut qui castior est quam alius, plus seruit tempori nostro, sicut supra dixit Hieron.

RESPONSIO, quod ut puto, dicuntur plurimæ excellentes potentia imprægnandi, ad quam tria exiguntur, scilicet calidum perfecte mouens, & semen perfecte digestum, & vigor naturæ: per nimium enim coitum exhalat naturale calidum, & siccum extrahit humidum: & sic corpus inrigidatur per nimium coitum, & eiicitur semen antequam sit digestum: & tunc de facili expirat, & inefficax inuenitur. Nimius etiam coitus ponitur ab Aristot. vna de causis breuioris vitæ, & deperdit vigorem naturæ, ita quod continuè per eum permanet fœcunditas: & ideo secundum hoc puto esse mensurandum. Potentia autem hæc si omnes æqualiter fœcundare debeat, puto quod excedat mulieres 70. vel circa hoc plus, vel minus, secundum diuersitatem hominum: & ideo Salomon arguitur plurimas habuisse, & Dauid inter plurimas substituisse. Et per hoc patet solutio ad omnia, præter ad vnum: ad quod dicendum, quod lex non dixit quot essent habendæ: quia quoad nos necesse est hoc determinari, & ideo numerus variatur: & forte ideo quia lex nunquam hoc nisi per accidens intendit, & ideo non nisi indulgendo circa hoc parum loquebatur.

De



*De virginitate mentis & carnis.*

**M**ELIOR est autem virginitas mentis quam carnis. Vnde <sup>E</sup> Ambros. Tolerabilius est mentem virginem quam carnem habere. Vtrumque bonum est, si liceat: si non liceat, saltem non casti homini, sed Deo simus. Virgo prostituui potest, adulterari non potest: nec lupanaria infamant castitatem, sed castitas etiam loci abolet infamiam. Idem, Non potest caro ante corrumpi, nisi mens ante fuerit corrupta. Item Isidor. Non potest corpus corrumpi, nisi prius animus corruptus fuerit. Mundata enim a contagione anima caro non peccat. In fine huius capituli aperitur quomodo verum sit, nisi anima prius fuerit corrupta, corpus non posse corrumpi, scilicet peccato. Illud etiam Augustini aduertendum est. Sicut, inquit, sanctius est mori fame, quam idolothytis vesci: ita sanctius est defungi sine liberis, quam ex illicito coitu stirpem quærere. Vndecunque vero nascantur homines, si parentum vitia non sectentur, & Deum rectè colant, honesti & salui erunt. Semen enim ex qualicunque homine, Dei creatura est: & eo malè vtenti, malè erit, non ipsum aliquando nialum erit.

Lib.2. de virginitatibus, & habetur 11 q. 5. c. Tolerabilius.

11 q. 4. c. Reuera. Isidorus in synonymis.

Lib. de bono coniug. c. 16.



*EXPOSITIO TEXTVS.*

**E**inde notandum, quòd super illud capitulum [ Melior est autem virginitas,

& cætera ] Debet poni tota quæstio de virginitate & viduitate, & de velo virginum: & illa pertactata est diligenter inter illa quæ scripsimus de virtutibus cardinalibus.



**DISTINCTIO XXXIV.**

*De personis legitimis.*

**N**UNC superest attendere, quæ personæ sint legitimæ ad contrahendum matrimonium. Legitimæ iudicantur personæ secundum statuta patrum, quæ diuersa sunt. Aliæ namque fuerunt legitimæ ante legem, aliæ sub lege, aliæ in tempore gratiæ. Item in primitiua Ecclesia quædam erant legitimæ quæ modò non sunt. Earum verò quæ modò legitimæ sunt vel illegitimæ, quædam sunt plenè legitimæ, quædam omnino illegitimæ, quædam mediæ. Plenè legitimæ sunt, quibus non obuiat votum continentiæ, vel ordo sacer, vel cognatio, vel dispar cultus, vel conditio, vel naturæ fragilitas, & si quid est aliud. Penitus verò illegitimæ sunt per votum, per ordinem, per cognationem, per disparem cultum. Mediæ verò sunt nec plenè legitimæ, nec omnino illegitimæ, per frigiditatem, per conditionem. Si enim tales iunguntur ignoranter, commanere possunt quibusdam accedentibus causis, & eisdem deficientibus diuidi.

A De matr. trimonio secundum causam materiam quæ est personarum legitimarum vel illegitarum.



## ARTICVLVS I.

*Quid sit legitimitas personarum contrahentium : & qua lege dicitur legitimum ?*

**N**unc superest attendere quæ personæ [Hic incidit pars illa quæ est de personis legitimis, vel illegitimis : & diuiditur in duas. In prima agit de effectu impedimenti in genere. In secunda autem de impedimentis ipsis *ibi* [De his quæ causa frigiditatis, &c.] Ad intellectum autem primæ quærentur tria, scilicet quid sit legitimitas personarum contrahentium ? Secundo, Penes quid accipitur numerus impedimentorum ? Tertio, Quare isti sacramento & non alij impedimenta assignantur ?

Ad Primum obiicitur sic : Dicit Magister in litera, quod legitimæ personæ sunt, quibus non obuiat aliquod impedimentum matrimonij : ergo legitimitas ipsa est immunitas ab impedimentis matrimonij. Videtur autem, quod malè diffiniatur : diffinitio enim datur per essentialia : sed negationes nulli sunt essentialia : ergo non debet dari per negationem : sed datur per negationem : ergo videtur, quod non valeat.

2 Item, Diffinentia sunt essentialia rei prædicata : sed illa nunquam de re negari possunt : ergo nulla diffinitio constituitur ex negatis de re : ergo ut prius.

*Quæstio-  
cula 1.*

**U**LTERIVS quæritur magis tangendo rem, A qua lege persona dicatur legitima ? Aut enim à lege vniuersaliter accepta, vel particulariter. Si vniuersaliter, oportet quod legitima persona sit secundum omnem legem legitima : hoc autem falsum est, quia est legitima, quando est secundum vnā legem tantum, sicut supra dixit Nicolaus Papa, quod ad matrimonium sufficiat secundum legem eorum qui contrahunt, consensus. Si autem dicatur à particulari lege legitima. Contra : Aut enim est legis naturæ, aut Moyfi, aut Christi : & quodcunque dicatur, patet quod non est verum, quia non omnis persona ab illa lege est legitima.

*Quæstio-  
cula 2.*

**U**LTERIVS quæritur de diuisione quam dat Magister, quod aliquæ fuerunt legitimæ ante legem, &c. Videtur enim hoc non esse verum : matrimonium enim est de moralibus : ergo vno modo se habuit in lege, & ante legem, & post, sicut cætera moralia.

2 Item video, quod eadem medicinæ corporales exhibentur infirmis ex eadem causa in qualibet lege : ergo cum matrimonium sit medicina infirmitatis, ex eadem causa ab initio mundi eisdem legibus matrimonium debuit omnibus dari : ergo non erant aliæ personæ legitimæ secundum temporum diuersitatem.

3 Item obiicitur de alia diuisione, qua dicit, quod quædam plenè sunt legitimæ, &c. Si enim legitimitas diffinitur per negationem & priuationem, ut dicit in litera, & negationes & priuationes non suscipiunt plus & minus, siue magis & minus, videtur quod omnes sint vel æqualiter legitimæ, vel æqualiter illegitimæ : ergo nihil est quod dicit in litera.

4 Item, In aliis operibus non dicitur legaliter iustus, nisi qui in omni lege concordat : & si discordat in quodam, & concordat in quodam, ipse simpliciter dicitur legaliter iniustus, sicut dicit Aristot. in 5. ethicorum. Fur enim in quodam concordat legibus, quia forte castus est : & tamen suspenditur, quia legaliter est iniustus contrectando rem alienam inuito domino : ergo videtur, quod etiam in hoc casu quæ non omnibus legibus concordat, est illegitima persona : ergo nulla debet dici mediè legitima, sed simpliciter legitima, vel simpliciter illegitima : ergo sua diuisio nulla esse videtur.

**R**ESPONSIO. Dicendum, quod Magister *Solutio* dat descriptionem legitimarum personarum per consequentem ex affirmatione negationem, eò quod notior est nobis ex his quæ negat, & ipse principaliter intendit benè intelligi, quam benè diffinire. Diffinitio tamen legitimæ personæ est, quæ secundum leges libertatem habet contrahendi matrimonium cum quocunque voluerit. Et ex ista sequitur negatio quam Magister ponit in litera : quia legitima est, cui non obuiat impedimentum, &c. Et per hoc patet solutio ad duo prima.

**A**D ID quod vltius quæritur, dicendum quod à lege quæ est de personis matrimonium contrahentibus secundum quod ab-

*Ad quæ-  
stionem  
1.*

strahit à lege naturæ & Moyfi & Christi, dicuntur legitimæ personæ. Ad id autem quod obiicitur primo contra hoc, dicendum quod non valet : quia ista lex est vniuersalis, non vniuersaliter sumpta : & hoc est in genere sumptum quod verificatur secundum quamlibet speciem diuidendo : & cum legum species variantur ex temporibus & statibus diuersis, ideo bene dicit Magister, quod aliæ fuerunt legitimæ ante & post legem Moyfi : & per hoc etiam patet solutio ad sequens.

**A**D ID quod vltius quæritur, dicendum quod matrimonium licet sit de moralibus secundum suam substantiam, tamen modus contrahendi est iudicialis : & ideo variatur secundum leges contrahentium, ut dicit Nicolaus Papa.

*Ad quæ-  
stionem  
2.*

**A**D ALIVD dicendum, quod morbus non erat similis nisi concupiscentiæ : sed morbi alij multi variabantur secundum tempora, sicut paucitas hominum, & paucitas mulierum & virorum, & vnus & eiusdem cultus, & paucitas extraneorum : & ideo lex dabat sororem, cognatam, extraneam, secundum temporis diuersitatem.

**A**D ALIVD dicendum, quod est priuatio consequens ex quadam affirmatione præcedente : & ideo non valet argumentatio. Aliter potest dici, quod negatio & priuatio dupliciter considerantur, in se, & in sua causa. In se non recipiunt magis & minus. In causa variantur secundum causæ variationem. Unde cum falsum sit priuatio : non dicit Aristot. quod magis mentitur qui dicit quinque esse centum, quam ille qui dicit quinque esse sex.

**A**D ALIVD dicendum, quod non dicit legitimum mediè, quia mediè concordat legibus, sicut innuit obiectio : sed quia facile ad



ad legem reduci potest : unde patet, quod non est simile, quod pro simili fuit inductum.

## ARTICVLVS II.

*Quis sit numerus eorum qui matrimonium impediunt?*

**D**Einde quæritur de numero impedimentorum. Notantur autem his versibus:

*Error, conditio, votum, cognatio, crimen,  
Cultus disparitas, ordo, ligamen, honestas,  
Si sis affinis, si forte coire nequibis.*

*Hæc socianda vetant, connubia facta retrahant.*

Et rursus sunt alij versus: per quos accipiuntur impedimenta, quæ impediunt contrahendum, sed non dirimunt contractum:

*Ecclesia vetitum, necnon tempus feriatum,  
Impediunt fieri, permittunt iuncta teneri.*

Videtur autem, quod non omnia ista habent vnā rationem impediendi matrimonium: quia non omnia dirimunt sicut patuit in versibus: ergo non est vna ratio impediendi.

2 Item, Conditio non impedit, nisi velit coniunx iugenuus: ergo non est simile aliis.

*Quæstio-  
cula.* Et **QVIA** de singulis infra obiicietur: quæ-  
ratur, Vtrum impediunt ista matrimonium? Et  
videtur, quod non: quia quod ordinatur ad  
maiores coniugij sanctitatem, impedire non  
debet coniugium: sed plurima ex his quæ ex-  
cludunt coitum, ordinantur ad maiorem con-  
iugij sanctitatem: ergo non impediunt matri-  
monium. Prima patet per hoc quod tanto per-  
fectiora sunt sacramenta, quanto sunt sanctio-  
ra. Secunda probatur per hoc quod supra dixit  
August. quod sanctiora sunt coniugia pari vo-  
to continentium.

2 Item, Si aliquid impedit aliquid fieri  
secundum naturam, ipsum superueniens ei, de-  
struit ipsum: sed hæc impedimenta superue-  
nientia matrimonio, non destruunt ipsum: ergo  
non impediunt fieri. Prima patet in omnibus  
naturalibus causis aliquid operantibus: sicut  
frigiditas impedit fieri calidum, & superue-  
niens ei, destruit ipsum.

2 Item, Furor non ponitur hîc inter impe-  
dimenta: & tamen Magister prosequitur eum  
in litera: ergo videtur diuisio insufficiens.

*Solutio.* **RESPONSIO.** Dicendum videtur, quod  
vna ratio in communi est impedimenti, quæ  
contracta facit impedimentum speciale: & hæc  
ratio est contraria legibus, quibus conciliatur  
matrimonium.

**AD OBIECTVM** autem dicendum, quod  
hoc contingit: quia inæquales sunt differen-  
tiæ quæ contrahunt impedimentum in gene-  
re: hæc enim differentia tam valida potest esse,  
quod excludat aliquid essentialium matrimo-  
nij, & tunc dirimit contractum: quia nunquam  
fuit verum matrimonium. Vnde idem est diri-  
mere matrimonium, quod ostendere nullum  
esse contractum, & idem nullum esse matrimo-  
nium. Aliqua autem non habent tam vali-  
dā differentiam quæ excludat aliquid es-  
sentialium, & illa impediunt debere con-  
trahi: sed quia non impediunt contractum,

ipsum manet, essentia matrimonij inuiolata  
ab eis.

**AD ALIVD** dicendum, quod conditio  
impedit ex parte causæ materialis matrimo-  
nij: sed potest accipi si velit, quia quilibet po-  
test facere deteriore suam conditionem.

**AD ALIVD** dicendum, quod non ordina-  
tur ad sanctitatem coniugij, nisi quod coniu-  
gium stare permittit: hîc autem non stat con-  
iugium: unde nec sanctitas coniugij stare  
potest: sed si staret coniugium, tunc bene  
concederem, quod sanctitas esset pari voto  
continentium.

**AD ALIVD** dicendum, quod hoc in con-  
tractibus nihil valet, etiam in contractu fru-  
menti emptionis vel venditionis: quia multa  
impediunt ante, quæ superuenientia non diri-  
munt: sicut si peius efficitur frumentum in sua  
potestate. Et hoc idem fit, quia ista non fiunt  
per necessitatem, sed per voluntatem: & idem  
prius facta quacunque causa, non potest vo-  
luntas contrarium agere: sed naturales causæ  
per necessitatem suæ essentia agunt, & ideo  
destruunt prius facta si impediabant fienda.

**AD ALIVD** dicendum, quod furor con-  
tinetur sub errore: quia discernere non potest  
ut consentiat.

**AD VLTIMVM** dicendum, quod impedi-  
mentum quoddam est verè impedimentum:  
quoddam autem secundum quid. Illud autem  
quod est verè impedimentum, est id quod im-  
pedit contrahendum, & dirimit contractum.  
Et hoc potest esse dupliciter: aut enim est con-  
tra matrimonium in quantum consistit in dis-  
positione ministrorum Ecclesiæ: aut secundum  
quod accipitur in se. Si secundum quod est in  
dispositione ministrorum Ecclesiæ, qui sunt  
loco Dei in terris, tunc sunt contra matrimo-  
nium ea quæ sunt ex institutione Ecclesiæ. Aut  
igitur illa institutio est de sponsalibus, aut de  
nuptiis. Si primo modo, tunc est publicæ ho-  
nestatis iustitia. Si autem est de ipsis nuptiis,  
aut hoc est propter reuerentiam sacramenti  
excellenter cui non competit actus matri-  
monij, aut est propter habitudinem persona-  
rum in matrimonio coniunctarum. Si primo  
modo, tunc est ordo. Si autem propter ipsas  
personas: aut est in ipsa persona secundum  
comparationem ad eos à quibus propagatur,  
cum quibus est quasi vna caro, quia ab vno  
cum eis deriuata: aut hoc est propter coniu-  
gem cum qua efficitur caro vna. Et primo  
modo est cognatio tam spiritualis, quam cor-  
poralis. Secundo autem modo est affinitas.  
Si autem respicit matrimonium in se: aut res-  
picit matrimonium secundum causam effi-  
cientem cui contrariatur: aut secundum actum  
in quo consummatur: aut secundum ma-  
teriam, quæ est legitimæ personæ: aut secun-  
dum bonam, & præcipue secundum bonum prin-  
cipale, quod est proles: aut ex parte formæ:  
& non potest matrimonium pluribus modis  
considerari. Si primo modo, aut hoc est ex  
opposito vinculo, aut contrarietate ad effi-  
ciens. Si secundo modo, hoc est dupliciter,  
scilicet aut ex parte rationis, aut ex parte vo-  
luntatis liberæ. Et primo quidem modo est  
error. Secundo autem modo est vis sine  
violen-  
tia.

*Ad qua-  
stionem  
lam.*



violentia. Si autem respicit ipsum secundum actum in quo consummatur, tunc est impotentia coeundi, ex quacunque causa contingat. Si autem respicit materiam, hoc non potest esse nisi ex malitia materiam quæ inducta est ei, & sic est crimen. Si autem contrariatur proli optimæ dispositioni, sic est conditio, quia nulus vult seruos liberos habere, & aliis obnoxios, quantum est in se. Si verò ex contrarietate fundamenti, tunc est disparitas cultus. Et si est ultimo modo secundum formæ contrarietatem quæ est indiuiduitas, tunc est ligatio cum alia, quia indiuiduus non potest esse aliquis cum duabus. Alia autem duo patent: quia vnum sumitur ex simplici Ecclesiæ prohibitione, aliud autem ex incongruitate temporis causata prohibitione.

## ARTICVLVS III.

*Quare hoc solum sacramentum habet impedimenta?*

**T**ertio quæritur, Quare hoc solum sacramentum habet impedimenta? Vide-

tur enim, quod non solum debeat habere: quia etiam pœnitentia dependet à voluntate & actu nostro: & tamen impedimenta nulla ponuntur ei: ergo videtur, quod nec isti.

**R E S P O N S I O.** Dicendum est ad hoc, *Solutio* quod duplex causa est quare alia non habent impedimenta: quarum vna est, quod consistunt circa vnum hominem simplicem, & ille ex alio impediri non potest. Alia causa est: quia circa actus spirituales sunt, quos solus Deus operatur in nobis, sine nobis, in quibus ipse nullum potest habere impedimentum: quia nihil est fortius ipso quod impediatur ipsum. Vtrumque autem horum deficit in matrimonio: quia à duorum dependet voluntatibus, & duobus agentibus: & consistit eius consummatio in actu corporali: & ideo multiplex potest habere impedimentum. Et per hoc patet, quod non est simile de pœnitentia, quod inductum est pro simili.

*De frigidis separandis.*

**B**  
33. q. 1.  
c. Quod  
autem  
interro-  
gasti.

**D**E his enim qui causa frigiditatis debitum reddere non possunt, consulit Gregor. vt permaneant. Sed si mulier causatur dicens, Volo esse mater, & filios procreare, decreuit vt vterque eorum septima manu propinquorum iuret, quod nunquam carnaliter conuenerint, & tunc mulier secundas nuptias contrahat. Vir autem qui frigida naturæ est, absque spe coniugij permaneat. Ait enim sic, Interrogasti de his qui matrimonio iuncti sunt, & nubere non possunt: si ille aliam, vel illa alium ducere possit? de quibus scriptum est, Vir & mulier si se coniunxerint, & post dixerit mulier de viro, quod coire non possit cum ea, si potest probari quod dicit per iustum iudicium, alium accipiat. Si vero ille acceperit aliam, separentur. Item, Requisisti de his qui ob causam frigida naturæ dicunt se non posse inuicem operam carni dantes, commisceri. Iste vero si non potest ea vti pro vxore, habeat eam quasi sororem. Quod si retinaculum coniugale voluerit rescindere, maneant vterque innupti: nam si huic non potuit naturaliter concordare, quomodo alteri conueniet? Item, Si vir aliam vxorem vult accipere, manifestè patet ratio, quia suggerente diabolo odij fomitem, exosam eam habuerit: & ideo eam dimittere mendacij falsitate molitur. Quod si mulier causatur & dicit, Volo esse mater & filios procreare, vterque eorum septima manu propinquorum tactis sacrosanctis reliquiis iureiurando dicat, vt nunquam per commixtionem carnis coniuncti, vna caro effecti fuissent. Tunc videtur mulier secundas posse contrahere nuptias: humanum dico propter infirmitatem carnis eorum. Vir autem qui frigida naturæ est, maneat sine coniuge. Quod si & ille aliam coniugem acceperit, tunc hi qui iurauerant, periurij crimine rei teneantur, & pœnitentia peracta priora cogantur recipere connubia. Hoc seruandum est cum vterque idem fatetur.

33. q. 1.  
c. Requi-  
sisti de  
his.

Rom. 6.



fatetur. Sed vir si asserit debitum reddidisse vxori, & illa diffitetur, cui potius fides habenda sit merito quæritur. De hoc ita statutum est. Siquis ita acceperit vxorem, & habuerit eam aliquo tempore, & ipsa fœmina dicit, quod nunquam coisset cum ea, & ille vir dicit quòd sic fecit, in veritate viri consistat, quia vir est caput mulieris. Hoc de naturali impossibilitate statutum est.

Ibidem.  
c. Siquis  
acce-  
pit.  
Ephes. 5.

ARTICVLVS IV.

*An frigiditas sit impedimentum ma-  
trimonij?*

**D**Einde quæritur de hoc quod dicit *ibi* [De his autem qui causa frigiditatis, &c.] Videtur autem, quòd frigiditas non debet impedire: quia quod ad coniugij ordinatur continentiam, non impedit matrimonium: sed frigiditas ordinatur ad maiorem coniugij continentiam: ergo non impedit.

2 Item, Constat, quòd omnes vetuli sunt frigidi naturaliter: & tamen vetulus cum vetula contrahere potest: ergo frigiditas non impedit.

3 Item, Si sciunt se esse frigidos & contrahunt, stat matrimonium: ergo frigiditas per se non impedit matrimonium, sed potius concubitus qui consequitur quoddam matrimonium, vt supra est probatum: malè ergo ponitur, quòd frigiditas impediat matrimonium.

4 Item, Impedimentum matrimonij quod est naturale, æqualiter potest euenire vtrique coniugi: sed frigiditas non impedit mulierem: ergo nec virum debet impedire: ergo non debet poni pro impedimento.

5 Item, Nimia caliditas impedit, sicut & nimia frigiditas: quia nimia caliditas exiccat humidum: ergo & nimia caliditas debet poni pro impedimento.

6 Item, In multis masculis inuenitur impedimentum ex nimia caliditate: ergo videtur, quòd debuit poni pro vno de impedimentis.

7 Item, Nimijs humor resoluit neruos: ergo impedit vigorem qui exigitur ad coitum: ergo etiam ille debet poni pro impedimento.

*Quæstio-  
nula.*

**V**LTERIVS quæatur hic de his qui habent caliditatem debilem: hæc enim sufficit membra mouere ad concupiscentiam, sed cito euaporat, & debilitat extendit: habens ergo iste vxorem virginem, cum non habeat nisi primum impetum, deflorare non potest: & tamen cognoscere posset corruptam, si talem haberet vxorem. Quid ergo isti est faciendum? Videtur, quòd nihil facere possit: quia si alium corrumpere facit, ipse est causa adulterij, & hoc fieri non debet. Item, Si corrumpat eam manu, hoc est species sodomie, cum non fiat instrumento debito: ergo videtur, quòd ipsum oportet carere debito propter quod contraxit matrimonium.

*Solutio.*

**R**ESPONSIO est ad hoc quod frigiditas hic ambit omne impedimentum naturale, & perpetuum coeundi ex quacunque sit causa:

sed tamen quia frigiditas generalius est, & intenditur semper ætate procedente, propter hoc istud ponitur: si enim esset accidentale impedimentum, scilicet abscissione veretri, vel sectione testiculorum, vel perpetua arctatione mulieris, cui beneficio medicinae subueniri non potest, tunc secundum versus supra positos totum sub illo membro continetur, quod est impotentia coeundi perpetua, & hinc continetur sub frigiditate: & hoc ideo quia ius non loquitur de frigiditate in quantum frigiditas, sed in quantum causat impotentiam coeundi: & ideo omnia quæ idem causant naturaliter & perpetuè, vocat frigiditatem.

**A**D PRIMVM ergo dicendum, quòd consensus coniugalis est in carnalem copulam & illa supponit potentiam coeundi si debitum exigatur: & ideo excludit maritalem copulam frigiditas in eo quod supponit: nec est continentia coniugalis, vbi talis copula per exclusionem debiti si exigatur, excluditur.

**A**D ALIVD dicendum, quòd vetuli habent caliditatem sufficientem mouere, licet non generare: & ideo conceditur eis matrimonium pro medicina quoad fidem thori: & ideo non est simile.

**A**D ALIVD dicendum, quòd in coitu mulier est patiens: propter quod dicit Aristor. quòd non proprie dicitur mulier continens, quia non competit ei impetus agentis in coitu: ad pati autem sufficit frigiditas, licet non ad agere: quia dicit Auicenna, quòd frigiditas sistit motum: & ideo cum masculus se habeat vt agens, si superuenit frigiditas, abscinditur motus, & agere non potest, & ideo ex parte sui impedit matrimonium.

**A**D ALIVD dicendum, quòd non est idem de nimia caliditate: quia caliditas vix vnquam est impedimentum perpetuum: quia cum digeritur humidum extraneum per cibum sumptum continuè, incipit remitti calidum naturale, & temperatur ita, quod id quod ante consumebar, postea incipit resolvere & consumere, & tandem resolvere sine consumptione. Hoc etiam fit processu ætatis: & ideo tradunt Philosophi, quòd multi impotentes in iuventute ad coitum, processu ætatis coire incipiunt: & multi non generantes in iuventute, processu ætatis incipiunt generare: & ideo non ponitur impedimentum sicut frigiditas. Si tamen inueniretur impedire coitum per continuos tres annos, separaretur: sed hoc vix accidit: quia etiam quando impotentes sunt generare & coire quoad commixtionem feminum, quia semen consumitur in eis: tunc tamen possunt reddere debitum ex nimio vigore generalium, quod non est in frigidis. Per hoc etiam patet solutio ad ibi sequens.

**A**D



AD ALIUD dicendum, quod nimius humor abscindens coitum, non est nisi ex frigidityte humidum illud inducente & inspirante: quia frigiditas est qualitas actiua, & humiditas passiuua magis: & ideo humidum per se non potest esse causa impediendi.

AD ID quod vltius quæritur, salua meliori sententia videtur esse dicendum, quod per applicationem manus via fieri poterit. Ad id autem quod contra hoc obiicitur, videtur esse dicendum quod differt applicare manum, vt medicantem, & polluentem. Manus enim applicata vt polluens, inducit molliem vel sodomiam: sed manus medicans non inducit: sicut etiam dicimus in mulieribus quibus descendit matrix extra os vuluæ: præcipitur enim vt digitis reponant eam, & tamen non dicimus manus illas polluere eas vel corrumpere, sed potius medicari eis.

## ARTICVLVS V.

*An mulier volens separari à viro propter impotentiam, debet iurare septima manu amicorum, quod non est cognita a marito?*

**D**Einde quæritur de hoc quod dicit ibi [Decreuit vt vterque eorum septima manu propinquorum, &c.] Hoc enim videtur inconueniens cum Dominus dicat, quod in ore duorum vel trium testium stat omne verbum: ergo videtur etiam, quod hic sufficiant duo vel tres testes.

2 Item, Apostolus etiam in accusatione presbyteri dicit sufficere duos testes vel tres. Videtur ergo, quod iniuste notatur hic manus septima.

3 Item, Propinqui sunt magis suspecti quam alij, quia libenter iuant suos propinquos, vt suæ voluntatis effectum consequantur: ergo videtur, quod melius esset vocare extraneos in iuramentum.

4 Item, Cum opus matrimonij occultum sit valde, qualiter possunt iurare de hoc quod non viderunt.

5 Item, Per quem modum dandum est eis iuramentum?

*Solutio.*

**RESPONSIO.** Dicendum, quod in fauorem matrimonij & propter horrorem separationis vt cæteri terreantur, inductum est de testium multiplicatione. Quod autem Dominus dicit, ipse intelligit in causis quæ non sunt adeo fauorabiles, & possunt ad notitiam melius venire quam ista.

AD ALIUD dicendum, quod presbyteri crimen melius sciri potest quam actus matrimonij, in quo, vt dicit August. in lib. de nuptiis & concupiscentia contra Iulianum, parentes etiam proprios filios quos genuerunt testes habere volunt propter impudicam concupiscentiam quæ est in coitu.

AD ALIUD dicendum, quod nullis ita nota sunt talia familiaria, sicut propinquis, qui si desunt, assumuntur vicini: qui etiam si non sunt, alij sumuntur qui exceptione

sunt maiores: & illi omnes propinqui esse dicuntur hic, largè sunt vocabulo.

AD ALIUD dicendum, quod non iurant synodales siue testes, quod non commixti sunt, sed potius quod credant illos verum iurasse: vnde illi quorum matrimonium ab eis denuntiatur, primi iurant, quod nunquam carnaliter conuenerunt, & alij postea iurant, quod credunt eos verum iurasse.

AD VLTIMUM dicendum, quod iurare debet vir in hunc modum, quod continuos tres annos fideliter sine fraude operam dedit, vt talem. N. tunc cognosceret carnaliter, & nunquam eandem. N. cognoscere potuit. Illa autem iurat, quod ipsum fideliter iuuat vt cognosceretur, & non impediatur sine fraude, & tamen ab eo cognita non sit: & alij postea iurant, quod credunt eos verum iurasse.

## ARTICVLVS VI.

*An separatione facta propter impotentiam, & postea compertum est per iustum iudicium non fuisse impotentiam, si contraxerint cum aliis, an debeant separari?*

**D**Einde quæritur de hoc quod dicit ibi [Si verò ille acceperit aliam, separentur, &c.] Huius autem extra. de frig. & malef. redditur ratio: quia tunc patet, quod frigiditas non fuit causa quam allegauerunt, sed potius instinctu diaboli quia odio se habuerunt, separationem quæsiuerunt: vnde cum Ecclesia ex post facto se viderit deceptam, rouocat priores nuptias quæ veræ nuptiæ fuerunt. Secundas autem separat quæ apparebant in aspectu hominum tantum.

**SED CONTRA** hoc obiicitur: quia sicut probatum est in naturis, aliquis in iuuentute impeditur à coitu, & procedente ætate coire incipit: ergo allegatum viri impedimentum potest esse primo verum, & postea tamen redit facultas: videtur ergo, quod cum vero impedimento ipsius matrimonium separatum fuit, debeant manere separati.

2 Item, Vna mulier amabilior est quam altera: ponamus ergo, quod aliquis est qui non habet calorem ex complexionem sufficientem ad coitum: potest tamen excitari accidentibus animæ quæ sunt amor, concupiscentia, & huiusmodi: hoc enim possibile est secundum naturam: quia accidentia animæ etiam transmutant corpus in infirmitates & sanitates, vt dicunt naturales: & sic videtur, quod talis esset sterilis in perpetuum ad abominabilem mulierem, & tamen cum amabili coiret. Si ergo iste separatur à prima, & permittitur ei contrahere cum secunda: & iterum quando coit cum secunda, redditur primæ, videtur esse iniustum: quia perpetuum habet impedimentum ad illam, & non ad istam.

**RESPONSIO.** Dicendum, quod hoc contingere non potest nisi ex nimio calore: & quia talis debitum potest reddere, licet non spermatizet vel generet: idè talis casus non accidit. Sed omnimoda impotentia coeundi causatur



causatur ex frigiditate quæ semper intenditur ætate procedente: & ideo si per triennium operam dedit, & non potuit coire, præsumitur perpetuum esse impedimentum.

AD ALIUD dicendum, quod fortè in tali casu consultatio habenda esset à responsis sapientum: & sine præiudicio videtur esse dicendum similiter sicut de maleficiato: quia etiam quoddam genus maleficij est abominatio quam concipit ad mulierem: unde monenda est illa, quod se exhibeat mundam & ornatu & affabilitate amabilem viro: & ipse est monendus, quod excogitet causas quibus amabilior fœminæ efficiatur: & si hoc non prodest, videtur esse simile maleficio: & ideo separari possunt, & aliis coniungi.

### ARTICVLVS VII.

*Si vir cui imputatur impotentia, asserit se debitum reddidisse, mulier vero negat, an sit standum assertioni viri?*

**D**Einde quæritur de hoc quod dicit ibi [Sed si vir asserat se debitum reddidisse, &c.] Videtur hoc esse iniustum, quando probari potest corporis inspectione: & tunc iudicio multitudinis præualet mulier assertioni viri, sicut dicitur extra. de frig. & maleficiatis. Ergo non statur semper assertioni viri.

2 Item videtur causa nulla esse quam dicit: quia pares sunt in matrimonio: ergo nihil est dictum, quod ideo viro credendum sit, quia ipse sit maior.

3 Item, Matrimonium est medicina: si autem subtrahitur medicina, æger incidit in periculum: sed si vir mentitur mulieri, subtrahitur medicina: ergo ipsa exponitur fornicationi: ergo videtur, quod iudicium sit iniustum.

4 Item, Mulier quæ sola iacens continere posset, si cogatur iacere cum viro, ex continua viri imaginatione & contactu, efficitur incontinens: si ergo vir non coeat cum illa, sequuntur aliæ corruptelæ multæ: & ita videtur, quod tolerabilius iudicium esset, si separarentur.

RESPONSIO. Dicendum ad hoc est, quod statutum hoc iustum & æquissimum est, tum propter viri constantiam, tum etiam propter hoc quod ipse caput intelligitur mulieris, tum cæteris paribus præter hoc solum, quod mulier neget, & vir assermet. Si autem per inspectionem probatur, tunc mulier præualet oculata fide: & tunc cætera non sunt paria.

AD ALIUD dicendum, quod vir est caput mulieris in regimine, sed in reddendo debito est ei æqualis.

AD ALIUD dicendum, quod medicina non subtrahitur mulieri, sed ipsa deficit in probatione: & ideo iudex qui non aspicit occulta, non potest intromittere se de causa.

AD ALIUD dicendum, quod non est dubium, quin mulier talis magis ad libidinem incitetur: & ideo prouideat sibi, scilicet seorsum iacendo: hæc enim talis vir non negabit: & si negaret, non putò quod mulier annuere teneretur.

*De his qui maleficiis impediti coire non possunt.*

**D**E maleficij autem impedimento hoc tenendum decernitur, Quod si per fortiaras & maleficas concubitus non sequitur, hortandi sunt quibus illa eueniunt, vt spiritu contrito & humiliato Deo & sacerdoti de omnibus peccatis confessionem faciant, & lacrymis, orationibus, & ieiuniis Domino satisfaciant, & per exorcismos ac cætera ecclesiasticæ disciplinæ munimina ministri Ecclesiæ tales sanare procurent. Quod si non potuerint, separari valebunt. Sed postquam alias nuptias expetierint illis viuentibus quibus post iunctæ fuerint, prioribus quos reliquerant, etiam si possibilitas concumbendi eis reddita fuerit, reconciliari nequibunt. Quod in fine huius capituli continetur, ex rigore magis dictum intelligendum est, quam ex canonica æquitate. Vel intelligendum est non posse reconciliari prioribus, nisi iudicio Ecclesiæ, quo diuisio facta fuerat.

C  
Hismarius Re-  
mensis archiep.  
33. q. 3.  
c. Si per  
fortia-  
rias.

### ARTICVLVS VIII.

*An maleficij impedimento aliquis potest impediri à potentia coeundi?*

**D**Einde quæritur de hoc quod dicit ibi [De maleficij autem impedimento, &c.]  
D. Alb. Mag. in Lib. 4. Sentent.

Quæruntur autem hic tria. Primum est, Vtrum maleficij impedimento aliquis potest impediri à potentia coeundi? Secundum, Vtrum maleficium potest impediri vel medicari per aliud maleficium? Tertium, Quid sit statutum iuris de maleficatis?

Ad primum obiicitur sic: Diabolus non ha-

O O O

ber



bet potestatem in porcos, sine permissione diuina: ergo ad hoc quod accipiat potestatem in porcos, non potest compelli per maleficium: ergo multo minus compelli potest ad hoc quod accipiat potestatem in hominem.

2 Item, Si per maleficium aliquis impeditur, oportet quod hoc sit operatione dæmonum qui ad hoc compelluntur, sed Deo permittente: constat autem, quod Deus per nullum opus potestatem alicuius relaxat, nisi illud sit bonum & meritorium: sed maleficium non est meritorium: ergo per hoc non datur potestas alicui: ergo non datur potestas ad impediendum aliquem à coitu.

3 Item, Potestas dæmonis non legitur data fuisse nisi Sanctis: sed ille qui facit maleficium, habet in potestate dæmonem: ergo ipse est sanctus: ergo videtur, quod maleficium sit sanctum: ergo non fit per incantationem.

4 Item, Opus diaboli non potest nec debet destruere opus Dei: sed maleficium est opus diaboli, matrimonium autem opus Dei: ergo maleficium non potest impedire vel destruere matrimonium.

5 Item, Si maleficiatur aliquis, necesse est fieri aliqua operatione quæ fit circa corpus maleficiati, vel circa animam: dæmon ergo operabitur. Quæritur ergo modus: non enim potest operari per contactum, quia ipse non habet corpus. Similiter non potest operari per imperium, quia supra nihil est constitutus: & non sunt plures modi operationum: ergo dæmon non potest impedire aliquem.

6 Item, Dæmon magis vult aliquem esse in concupiscentiis fœminarum & coitu, quam continentem: cum igitur maleficium aliquem faciat continentem, videtur quod nullum maleficiat.

*Solutio.*

AD HOC dicendum, quod nulli dubium esse debet multos esse maleficiatos vi & potestate dæmonum: quia hoc sancti patres dicunt, & Ecclesia super hoc iura promulgauit: & hoc patet etiam omnibus illis qui de necromantia & de factis imaginum aliquid nouerunt.

AD PRIMVM ergo dicendum est, quod diabolus istam accipit potestatem permissus propter peccata patientium, vel ad exemplum aliorum. Qualiter autem hoc fiat per maleficium, dicendum secundum Theologos, quod virtute diuina fit compulsio, & est potius vindicta quædam & pœna grauissima peccati, quam exauditio maleficij, scilicet ut qui in sordibus est, fordescat adhuc, & accipiat cooperationem erroris, qui noluit credere veritati. Vnde compulsio fit per Deum & per sanctos Angelos, sed operatio per dæmonem.

AD ALIVD dicendum, quod non est opus meritorium, sed pestiferum, & sequitur effectus Deo permittente. Vnde etiam quandoque non sequitur effectus: & puto, quod hoc ideo fit, quia Deus ex sua misericordia restringit dæmones huiusmodi. Necromantici aliam assignant causam de qua nihil ad præsens.

AD ALIVD dicendum, quod potestas dæmonum, id est, super dæmones, coercens à maleficiis, non legitur data nisi Sanctis: sed potestas dæmonis ad operationem erroris sæpè legitur dari infidelibus, & malis hominibus,

sicut dabitur Antichristo, & necromanticis quotidie datur.

AD ALIVD dicendum, quod opus dæmonis propria auctoritate non destruit opus Dei, sed Deo permittente, & homine hoc patiente: sed sæpè destruit diabolus opus Dei, scilicet charitatem, fidem, & effectus aliorum sacramentorum.

AD ALIVD dicendum, quod dæmonum operatio est diuersa circa talia: præcipua tamen est per imperium, sicut inuenies notatum super secundum, ubi agitur de operatione dæmonum.

## ARTICVLVS IX.

*An maleficium sit excludendum per maleficium?*

Secundo quæritur, Vtrum maleficium sit excludendum per maleficium? Necromantici enim docent vnum maleficium per aliud excludi: sicut patet in lib. hermetis, qui de secretis Aristor. intitulatur. Ergo videtur, quod hæc via possit inquiri.

2 Item, In medicinis corporalibus eiusdem artis est facere infirmitatem, & curare eandem: ergo & in spiritualibus erit eodem modo: sed Necromantici est conferre maleficium: ergo eiusdem etiam erit auferre: ergo videtur, quod ad ipsum possit recurri pro medicina maleficij.

IN CONTRARIVM est, quod lex Dei præcipit, quod interficiatur, qui magos consulit, & quærit à mortuis veritatem: ergo ad ipsos nullus debet recurrere.

2 Item, Hic in litera non docetur medicina, nisi per ieiunia, & orationes, & huiusmodi: ergo alia medicina non est requirenda, cum dæmon nihil operatur, nisi Deo permittente: si ergo placetur Deus, operatio dæmonis amouebitur.

3 Item Isa. 8. & Ierem. 27. dicitur, quod non debent ire ad diuinos, qui strident in incantationibus suis, sed ad legem magis & prophetias. Ergo medicina à Necromanticis non debet requiri.

RESPONSIO, quod nullo modo quærenda est per incantatorem medicina: sed potius semper tolerandum est maleficium.

AD PRIMVM ergo dicendum, quod illi ut pestiferi docent nocere: & cum cessant dæmones à læsione, tunc curare videntur, sicut dicitur in vita Bartholom.

AD ALIVD dicendum, quod non est simile: quia medicina est ars salutaris, & ratione vtens per operationes creature, cui Deus dedit virtutem faciendi curas. Vnde dicitur Eccli. 38. Honora medicum propter necessitatem: etenim creauit illum Altissimus. Et ibidem, Deus de terra creauit medicinam, &c. sed Necromantia est ars pestifera quoad suas operationes, & magis vtitur experimentis, quam ratione, & vi dæmonis vtitur pro antidoto: & ideo Ecclesia condemnauit hanc omnino.



ARTICVLVS X.

*An maleficiati debent separari?*

**T**ertio quæritur, Quid iuris super hoc sit statutum? Quod autem hic dicitur in litera, & etiam extra. de frig. & malef. dicitur, & ab vniuersa Ecclesia tenetur, scilicet quod maleficiatus ad vnam, non est maleficiatus ad aliam: & ideo si iuuari non potest orationibus bonorum, separatur, & datur vtrique licentia alij nubendi, nec vnquam ista licentia reuocatur:

Sed contra hoc opponitur: quia in lib. imaginum docetur fieri imago quæ maleficiat simpliciter: facit enim amare castitatem, & vniuersaliter abscindit coitum: ergo videtur, quod aliquis potest esse maleficiatus ad omnes: ergo si ille contrahit, & propter impotentiam coeundi separatur, & postea aliam cognoscit, videtur quod debet redire ad primam eodem quo frigidus, vt supra habitum est.

2 Item, Sicut frigidus potest curari, ita & maleficiatus: ergo sicut frigidus curatus primis

nuptiis redditur, ita maleficiatus, vt videtur.

IN CONTRARIUM est, quod maleficiatus quando contraxit, persona fuit illegitima: ergo contractus nullus est: ergo non debet restitui contractui qui nullus est. Sed contra.

RESPONSIO. Dicendum, quod ita est respondendum vt dicit litera. Solutio.

ET AD primum dicendum, quod maleficia multa sunt: sed sine destructione corporis, & magna infirmitate non potest deduci ad hoc corpus, quod in nullam moueatur: sed hoc verum est, quod bene inducitur amor castitatis per Necromantiam, & abominatio coitus, sed tamen manet motus in aliquam propter fomitis incendium, nisi omnino infrigidetur.

AD ALIUD dicendum, quod curari potest maleficiatus si se totum ad Deum conferat in oratione, compunctione, & satisfactione: sed tamen quia tunc illegitima ad contrahendum persona fuit quando contraxit, ideo absoluitur ab illa. Sed in frigido curato præsumitur, quod quia contraxit, non omnino frigidus fuit, sed finxit, quando contraxit: & ideo prioribus nuptiis restituitur secundum iudicium Ecclesiæ, quod maxime sequitur exteriores præsumptiones.

*De furiosis addit.*



**F**URIOSI quoque dum in amentia sunt, matrimonium D contrahere non valent. Vnde Fabianus, Neque furiosus, neque furiosa matrimonium contrahere possunt: sed si contractum fuerit, non separentur. Item Nicolaus Papa, Hi qui matrimonium sani contraxerunt, & vni ex duobus vel ambobus amentia, vel furor, vel aliqua infirmitas accesserit, ob hanc infirmitatem talium coniugia solui non possunt. Similiter est etiam sciendum de his qui ab aduersariis excæcantur, vel membris truncantur, vel à barbaris exæcti fuerint.

Fabianus. 22. q. 7. cap. Neque fu. Ibidem. cap. Hi qui matrimonium.

ARTICVLVS XI.

*An furia impediatur matrimonium?*

**D**einde quæritur de hoc quod dicit ibi [Furiosi quoque dum in amentia sunt, &c.] Videtur enim, quod non debeat impedire: quia non est contra aliquod bonum matrimonij: ergo videtur, quod non debeat impedire.

2 Item, Aliqui sunt furiosi, qui habent lucida interualla, & tunc discernere possunt: ergo contrahere possunt: ergo non est generaliter verum quod hic dicitur.

3 Item habitum est supra, quod de iure naturali est maris & fœminæ commixtio: sed hoc naturaliter est in furioso sicut in aliis: ergo ipse potest contrahere matrimonium.

4 Item in litera dicit, quod si contractum sit matrimonium, non separetur: sed quicunque contractus stat, valuit in ipso contractu: ergo quando furiosus contraxit, contractus valuit: ergo furiosi possunt contrahere.

D. Alber. Mag. in Lib. 4. Sentent.

CONTRA: Voluntarius debet esse matrimonij consensus, vt supra est ostensum: sed furiosus non potest habere voluntarium consensus: ergo non potest contrahere matrimonium. Sed contra.

Probatum autem prima ex præhabitis de causa efficiente matrimonij. Secunda autem ex tertio ethicorum, vbi scribitur, quod inuoluntarium dicitur dupliciter: quia quoddam est per ignorantiam, & quoddam per violentiam. Et inuoluntarium per ignorantiam est, cuius principium est in ipso non scientie singularia in quibus est actus.

RESPONSIO. Dicendum, quod furiosi si quandiu sunt in actu furie, contrahere non possunt: & huius rationem reddit vltima obiectio. Solutio.

AD PRIMUM dicendum, quod contrariatur bono fidei: quia talis nescit quid sit fides, & ideo non seruat eam: contrariatur tamen principaliter causæ efficienti matrimonium.

AD ALIUD dicendum, quod aliqui habent lucida interualla, & tunc non ha-

OOO 2 bent



bent furiam secundum actum: & ideo contrahere possunt.

AD ALIUD dicendum, quod de iure naturali est matrimonium eo modo quo supra dictum est ex verbis Aristot. & Aspasij, scilicet secundum resolutionem ad finem homi-

nis: quia aliter non esset ius, quia ius considerat rationem æqui & iniqui, & ideo supponit discretionem rationis.

AD ALIUD dicendum, quod intelligitur de illo qui contraxit non tempore furia.

*De his qui cum duabus sororibus dormiunt.*

Ex Aurelianensi concilio ubi supra. cap. Qui dormierit.

Zacharias Papa ibidem. c. Concubui.

Gregor. ibidem. c. Hi vero qui.

**D**E his etiam qui cum duabus sororibus, vel quæ cum duobus fratribus dormiunt, videndum est quid censeant canones. Qui dormierit cum duabus sororibus, & una ex illis ante fuerit vxor, neutram ex ipsis habeat, nec ipsi adulteri vnquam in coniugio copulentur. Item, Nec propria vxori licet sibi reddere debitum, quam sibi reddidit illicitam sororem eius cognoscendo. Nec post mortem vxoris licet ei vel adulteræ copulari in coniugium. Item Zacharias Papa, Concubuiisti cum sorore vxoris tuæ, si fecisti, neutram habeas, & vxor tua si non fuerit conscia sceleris, & continere non vult, nubat in Domino cui vult. Tu vero & adultera sine spe coniugij maneatis, & dum viuitis, pœnitentiam agite. Quod ait, Cui vult nubat, intelligendum est post mortem viri. Vnde Gregor. Qui vxores suas in adulterio deprehendunt, nec ille, nec illa aliam vxorem accipiat, vel alium virum, quandiu ambo viuunt. Si verò adultera mortua fuerit, vir eius, si vult nubat, adultera verò nunquam, etsi mortuus fuerit vir eius, sed omnibus diebus pœnitentiæ lamenta persoluat. Hic de illo adulterio agitur, quod cum cognato viri, vel cognata vxoris committitur.

ARTICVLVS XII.

*An ille qui cognouit unam sororem, potest aliam ducere in vxorem?*

**D**Einde quæritur de hoc quod dicit ibi [De his etiam qui duabus sororibus, &c.] Videtur iniquum quod hic dicitur: quia licitum fuit matrimonium, & superuenit concubitus cum sorore vxoris suæ: sed impedimentum superueniens matrimonio, non soluit ipsum: ergo videtur falsum hoc dictum in duobus decretis sanctorum.

2 Item, Vxor non est conscia sceleris: ergo videtur, quod iniuste secum agitur, scilicet quod ipsa priuatur suo debito in corpore viri: ergo iniquum est quod dicit in litera.

3 Item, Deus coniunxit eos primo cum essent personæ legitimæ: ergo non debent separari: ergo non est danda licentia nubendi vxori viuente marito: ergo iniquè loquitur Zacharias Papa in litera.

*Solutio.*

**R**ESPONSIO. Licet Magister in litera soluat hoc vltimum: tamen puto, quod sancti patres loquuntur hic de impedimento criminis, quod præuenit matrimonio: & tunc planum est, quod si fornicariè cognouit unam sororem, aliam non potest ducere in matrimonium. Vel si loquitur de sequenti crimine: tunc intelligendum est, quod loquitur secun-

dum rigorem iuris, scilicet quod non debet: sed tamen si periculum est de incontinentia, etiam mortua vel viua vxore, datur ei licentia in sua petendi debitum: & etiam post mortem suæ vxoris cum alia contrahendi. Per hoc patet solutio ad primum.

AD ALIUD dicendum, quod vxor non amisit potestatem petendi, sed ille: & sic loquitur decretum: vnde sibi illicita est ad petendum: sed non soluendum, & non debet iure petere. Puto tamen, quod licentia debet sibi dari ab Ecclesia si illa non petat separationem à thoro: quia aliter esset in periculo.

ARTICVLVS XIII.

*An adulter potest contrahere cum adultera?*

**D**Einde quæritur de hoc quod dicit ibi [Adultera verò nunquam etsi mortuus fuerit vir eius, &c.] Videtur enim falsum: quia videmus multos adulteros contrahere.

2 Item, Iura dicunt, quod etiam adulter potest contrahere cum ea quam prius polluit per adulterium, nisi in tribus casibus qui in litera habentur: ergo multo magis contrahere potest cum alia.

**R**ESPONSIO. De rigore iuris est quod dicitur hic: vnde tangit Gregor. quid facere debeat de contrarietate sui criminis, sed non quid facere oporteat si continere non velit.

*Non*



*Non est dimittenda vxor pro aliqua macula seu deformitate corporis.*

**I**LLUD etiam sciendum est, quod pro aliqua infirmitate vel macula corporali, non licet viro vxorem dimittere, & e conuerso, sed debet alter alteri subsidia prouidere. Vnde August. Si vxorem quis habeat sterilem, siue deformem corpore, vel debilem membris, vel cæcam, vel claudam, vel surdam, vel si quid aliud, siue morbis, vel laboribus doloribusque confectam, & quicquid, excepta fornicatione, excogitari potest vehementer horribile, pro societate fideque sustineat.

Lib. de  
sermone  
Domini  
in mōte.

ARTICVLVS XIV.

*An aliquis potest dimittere vxorem quantulacunque causa, dempta sola fornicatione?*

**D**Einde quæritur de hoc quod dicit ibi [Illud sciendum, quod] pro aliqua infirmitate, &c.] Videtur enim iniustum: quia concitat odium, & frequenter inducit adulterium: ergo ab Ecclesia caueri debet: ergo videtur, quod possit in tali casu dimitti.

2 Item, Multa sunt grauamina matrimonij, etsi coniunx sit delectabilis: ergo non oportet vt etiam grauetur ex coniuge: ergo videtur, quod in tali casu dimitti debet.

3 Item, Quædam infirmitates deriuantur ad pueros, sicut lepra, & huiusmodi, & tunc bonum matrimonij destruitur: ergo videtur, quod tunc matrimonium sit separandum.

RESPONSIO. Dicendum generaliter, quod nihil superueniens matrimonio, separat ipsum, sicut dicitur in litera.

Solutio.

AD OBIECTA autem dicendum, quod fides rhoris & charitas Christi debent retrahere ab odio, & grauamina facere sustinere libenter propter Christum.

AD VLTIMUM autem dicendum, quod proles ex talibus non destruitur, nisi in corpore, & ostensum est supra, quod secundum corpus non est bonum matrimonij, sed potius secundum animam.



DISTINCTIO XXXV.

*Eodem iure utitur vir & mulier.*



**H**OC etiam notandum est, quod cum Dominus concedat vxorem dimitti causa fornicationis viro, eadem licentia non tollitur fœminis. Vnde Hieron. Præcepit Dominus vxorem non dimitti, excepta causa fornicationis: & si dimissa fuerit, manere innuptam. Quicquid viris præcipitur, hoc consequenter redundat ad fœminas. Non enim adultera vxor dimittenda est, & vir mœchus tenendus. Item, Apud nos quod non licet fœminis, æquè non licet viris, & eadem seruitus pari conditione censetur. Ex his ostenditur, quod mulier potest super fornicatione virum conuenire, vt vir mulierem. Vnde Innoc. Papa, Christiana religio adulterium in vtroque sexu pari ratione condemnat, sed viros suos mulieres non facillè de adulterio accusant, viri autem liberior vxores suas adulteras apud sacerdotes deferre consueuerunt. Et ideo mulieribus prodito earum crimine, negatur communio, virorum autem latente commisso, non facillè quisquam ex suspicionibus arcetur: qui tamen submouebitur, si eius flagitium detegatur.

A  
De di-  
uorior  
quod sit  
propter  
adulter-  
rium.  
De mor-  
te Fa-  
biola, &  
habetur  
32. q. 5.  
c. Præ-  
cepit.  
Ibidem.

32. q. 5.  
c. Chri-  
stiana.

D. Alb. Magn. in Lib.4. Sentent.

OOO 3

ARTI



## ARTICVLVS I.

*An ius utriusque in separatione est  
æquale?*

**H**Oc etiam notandum est, quod cum Dominus concedat, &c.] Habitis impedimentis quibusdam, quæ in ipso iure & natura matrimonium impediunt contrahendum, & dirimunt contractum, tangit Magister de separatione à thoro, in qua non est separatio sacramentalis: de qua quærit quatuor. Primum est, quod ius utriusque in separatione ista est æquale. Secundum, quod si sunt in simili crimine, neuter coniugum alium potest dimittere *ibi* [Si vero quæritur an adulter] Tertio ostendit, quod dimissus vel dimissa non potest se alteri copulare, dum viuunt ambo dimittens & dimissa *ibi* [Siquis autem fornicatus, &c.] Quarto & ultimo ratione conuenienti materiae tangit de his qui se primo polluerunt per adulterium, & postea contrahunt matrimonium. Et hæc de diuisione sufficiant.

Incidit autem quæstio determinata in primo capitulo. Videtur enim, quod sic esse non debeat: ius enim perficit naturam: sed secundum ordinem naturæ vir excellit mulierem: ergo pari iure non debent censer in dimittendo seinuicem propter fornicationem. Prima patet per se. Secunda probatur in lib. de animalibus, ubi dicitur, quod natura particularis nunquam intendit mulierem, sed potius femina est mas occasionatus.

2 Item, Tullius dicit, quod omne ius à natura per rationem profectum est: cum igitur à natura nihil proficiscatur ordini naturæ contrarium, videtur quod nunquam potest esse ius quod ad paria iudicat virum & mulierem in dimittendo.

3 Item etiam secundum legem Christi vir est caput vxoris: caput autem nunquam præciditur saluo corpore, sed membrum aliquod aliud putridum potest abscindi: ergo cum mulier sit sicut membrum, mulier potest abscindi à viro si putrescat per fornicationem, & non è contra vir à muliere.

4 Item, Vnum bonum matrimonij non debet alij præiudicare: sed video, quod mulier fornicaria incertam facit prolem, vt dicit Tullius: ergo non propter bonum sacramenti ipsa debet tolerari, sed potius abiici, vt ex alia certi liberi nascantur.

5 Item, Si mulier fornicatur, incerti liberi statuuntur ad viri hæreditatem & matrimonium, sicut dicitur Eccli. 3. si autem vir fornicatur, non propter hoc incerti liberi statuuntur in matrimonio & hæreditate: cum igitur impariter se habeant in nocumento, videtur quod impariter se debeant habere in iure dimittendi seinuicem.

6 Item, In Veteri Testamento Deuter. 24. mittebatur viro dimittere vxorem, & non e contra: ergo videtur, quod etiam in Nouo Testamento impariter in hoc iure se habere debent.

*Sed con-  
tra.*

IN CONTRARIUM est quod illud quod

efficitur votis duobus concurrentibus, æqualem in vtrisque debet habere causam: sed tale est matrimonium: ergo æqualiter se habent ambo in causa separationis à thoro.

RESPONSIO. Dicendum, quod ea quæ in *Solutio.* litera dicuntur, sine ambiguitate sunt vera.

AD PRIMUM ergo dicendum, quod vir non in omnibus excedit, sed tantum in regimine & efficacia generationis: sed in constituendo indiuiduitatem matrimonij, & debito, & fide thori, sunt per omnia æquales: quia ista sunt quasi ciuilia, & efficiuntur vtriusque voluntate.

AD ALIUD dicendum, quod ius omne proficiscitur à natura: sed non oportet, quod proficiscatur ab vna naturæ conditione: est enim in muliere, quod femina est: & hoc est sexus, & propter hoc indiget rectore, & effectiue generante: & ex hoc proficiscitur, quod non dominetur in virum, quod subdita est, quod sibi docere non permittitur, quod est potius adiutorium generationis quam generans. Est etiam in ipsa, quod homo est habens rationem & liberum arbitrium: & ex hoc proficiscitur, quod est domina suorum actuum, quod consensu suo facit matrimonium, quod habet debitum sibi acquisitum, & quod fidem potest seruare promissi. Et sic patet qualiter ius istud proficiscitur à natura. Per hoc patet etiam solutio ad sequens: quia non in omnibus est caput, sed in quibusdam, vt patuit.

AD ALIUD dicendum, quod vnum bonum alij non præiudicat, sed potius conseruat, sicut fides thori certificat liberos. Vnde quod obiicitur, hoc tenuit, quando paucitas hominum separationis meruit dispensationem: sed postquam boni per prædicationem multiplicari inceperunt, laudatur status continentiae: & ideo non quæritur fructus ventris in alia muliere.

AD ALIUD dicendum, quod licet peccatum viri non generet dubietatem prolis: tamen peccat in matrimonio, & ideo debitum amittit in corpore vxoris, quod de iure matrimonij acquisierat. Et obiectio illa procedit à non causa: quia non est causa separationis à thoro, incertitudo liberorum, sed potius peccatum quod committit in matrimonium.

AD ALIUD dicendum, quod in Veteri Testamento hoc non fuit vt ius, sed potius vt dissimulatio in iudicio causarum potius quam in iudicio animæ, sicut ante dictum est in quæstione de libello repudij: & ideo nihil est ad propositum.

## ARTICVLVS II.

*An viri mulieres suas adulteras debent  
accusare ad sacerdotes?*

**D**Einde quæritur de hoc quod dicit *ibi* [Viri autem liberi vxores suas adulteras apud sacerdotes, &c.] Videtur, quod huius contrarium esse deberet: quia dicit Chrysost. quod propria passio mulierum est luxuria: ergo minus est eis imputandum si fornicentur: ergo minus vituperabiles in accusatione, quæ viri,

2 Item



2 Item in sequenti capitulo infra dicit August. quod tantò grauius viros puniri oportet, quantò magis ad eos pertinet in virtute vincere, & exemplo regere fœminas. Et ex hoc sequitur idem quod prius.

3 Item, Propter sexum facilem incontinentiam & inclinationem dicit Philosophus, quod non propriè dicuntur continentes, sed potius viri: ergo videtur, quod non adeò vituperabilis sit mulier incontinens sicut vir: ergo non in actione est ita vituperabilis sicut vir.

*Solutio.*

RESPONSIO. Dicendum, quod duæ sunt qualitates quæ coniunctæ faciunt incitationem ad coitum & facultatem coeundi: hæ autem sunt calidum & humidum: mulieres autem actiuum minus habent, quam viri, quia sunt frigidiores viris in communi quantum pertinet ad complexionem, & ita habent minus incitationem ad coitum, quam viri: & ideò magis vituperabilis est earum incontinentia. Sed verum est, quod resistunt tentationi coitus debilius, scilicet in hoc quod humidiores sunt viris, & quod humidum faciliè recipit impressiones, & citius flectitur quam siccum: sed hoc est materiale: & ideò simpliciter sunt

magis vituperabiles, quam viri. Tamen in matrimonio sunt duæ causæ speciales, quarum vna est, quod secundum facultatem vnius vir potest in multas generando & non mulier: & huius etiam ratio supra explicata est. Secunda est: quia incertitudo liberorum fit ex peccato mulieris, sed non ex peccato viri: & hoc etiam supra explanatum est.

DICENDUM ergo ad primum, quod dictum Chrysost. referendum est ad qualitatem passiuam, quæ facit resistere receptioni, & hæc est secundaria qualitas, & actiua est principalis. Per idem patet solutio ad dictum August. quia viri resistere habent ex sicco.

AD ALIUD dicendum, quod hoc ideò dicit Philosophus, quia virtus omnis quærit quendam summum statum, eò quod virtus est vltimum potentie in re: sed cum continentia dicatur à resistendo & tenendo passiones præcipuè à venereis, & mulieres deficient in tenendo passiones tales propter humidum abundans, dicit quod non habent virtutem continentie in summo, quia non sunt agentes, sed potius patientes in venereis. Et propter eà dixit poëta, Casta est quam nemo rogauit.

*Quod fornicariam nequit dimittere vir, nisi ipse expers fuerit  
& è conuerso.*



I vero quæritur, An adulter adulteram possit dimittere causa fornicationis? Dicimus quia nequit adultera vxor dimitti à viro, nisi & ipse expers fornicationis existat, & è conuerso. Vnde August. Nihil iniquius est, quam causa fornicationis dimittere vxorem, si & ipse conuincitur fornicari. Occurrit enim illud, In quo quo alterum iudicas, teipsum condemnas. Quapropter quisquis fornicationis causa vult abiicere vxorem, prior debet esse fornicatione purgatus, quod similiter & de fœmina dixerim. Idem, Indignantur mariti, si audiant adulteros viros pendere similes adulteris fœminis pœnas, cum tantò grauius eos puniri oportuerit, quanto magis ad eos pertinet & virtute vincere, & exemplo regere fœminas. Ex his apparet, quod aduker adulteram dimittere non valet, & è conuerso.

32. q. 6.  
§. Ecce.

Lib. de  
serm.  
Domini  
in mōte.  
Rom. 2.

Lib. 2. de  
adulteris  
cōiugiis.

### ARTICVLVS III.

*An adulteri teneantur se dimittere & separari, vel possint simul habitare?*

DEinde quæritur de hoc quod dicit ibi [Si vero quæritur, An adulter possit adulteram dimittere] Quæritur enim hîc, Vtrum teneantur se dimittere propter fornicationem, vel possunt adhuc cohabitare si velint? Videtur autem, quod teneantur se dimittere: quia actus separatiuus semper diuidit, nisi aliquid iterato coniugat: sed fornicatio est actus separatiuus: ergo diuidit nisi iterata fiat coniunctio: sed non potest ibi esse coniunctio iterata: ergo necessarium est, quod maneat

diuisio. Probatio assumptæ per destructionem consequentis: inter duas & easdem personas non iteratur coniunctio matrimonialis & legitima: cum igitur prius fuerunt coniuncti, post actum separatiuum non iterabitur coniunctio, ne iniuria fiat sacramento.

2 Item videtur, quod adulter adulteram dimittere possit: quia adulterium alterius causat separationem: sed in omni natura sic est, quod quando geminatur causa, tunc confortatur effectus: sed vtriusque adulterio geminatur causa dimissionis: ergo effectus confortatur: ergo multò plus adulter adulteram dimittere potest, quam non adulter adulteram.

3 Item, Maius est peccatum amborum, quam alterius simpliciter: ergo videtur, quod magis peccant contra matrimonium ambo,

1000 4 quam



quam alter : ergo magis diuidunt thori cohabitationem peccantes ambo, quam si alter peccaret : ergo videtur, quod seinuicem dimittere possunt.

4 Item, Ambo in matrimonio ius suum amiserunt : cum igitur hoc eis propter peccatum non acquiratur iterato, videtur quod peccent postea commanentes : ergo tenentur separari.

Sed contra.

IN CONTRARIUM huius est quod dicit Dominus Ioan. 8. Siquis vestrum sine peccato est, primus in eam lapidem mittat : & hoc dixit de adultera : ergo adulter adulteram accusare non potest : ergo nec per accusationem deferre iudici : sed non potest dimittere nisi per iudicium : ergo vxor adultera ab adultero dimitti non potest.

Solutio.

RESPONSIO. Dicendum, quod adulter adulteram non potest dimittere sicut dicitur in litera.

AD PRIMUM autem quod obiicitur, dicendum quod non simpliciter est actus sepa-

ratius : quia separat à thoro, sed non à sacramento : & ideo obiectio non valet : talis enim vnio & separatio sunt personales, & ideo sæpius inter easdem personas iterari non possunt.

AD ALIUD dicendum, quod adulterium alterius est causa separationis ex merito fidei seruata in reliquo : ideo enim adiudicatur ei, quod adulter amiserit debitum, quod habuit in corpore alterius, licet reliquus nihil amiserit. Cum autem vterque adulteratur, tunc nihil meretur illa fides, & ideo non possunt separari : quia pro neutro ad penam alterius iudicari potest. Obiectio autem procedit ac si merito adulterij solius fiat iudicium : & hoc non est verum. Per hoc etiam patet solutio ad sequens.

AD VLTIMUM dicendum, quod neuter amisit ius suum : quia quod vnus amittit ius suum, iudicatur in fauorem fidei seruata ab altero : & hoc non fit hic. Et sic patet ratio iuris assignati hic.

### *Quod possunt reconciliari qui separantur causa fornicationis.*

**C** I Q V I S autem fornicationis expers fornicariam dimiserit, alij copulari non potest, sed continere oportet, vel ad dimissam redire : sic & de fœmina. Vnde & Apostolus, His qui matrimonio iuncti sunt, præcipio, non ego, sed Dominus, vxorem à viro non discedere, quod si discesserit, maneat innupta, aut viro suo reconcilietur. Et de viro addit, Et vir vxorem non dimittat. Sed Ambros. ait, Ideo non subdit de viro sicut de muliere, quia licet viro aliam ducere. Sed hoc à falsariis in Ambrosij libro positum creditur : supplendum enim esse in viro quod de vxore præmisit, aperte dicit August. sic, Quare non addit de muliere, quod præmisit de viro, nisi quod similem formam vult intelligi? vt si dimiserit (quod causa fornicationis permittitur) maneat sine vxore, aut reconcilietur vxori. Idem, Si nec nubere illi conceditur, viuo viro à quo recessit, nec huic alteram ducere viua vxore quam dimisit : multò minus fas est illicita cum quibuscumque stupra committere. Idem, vt non facile dimittatur vxor, Dominus solam fornicationis causam excepit : cæteras verò vniuersas molestias, si quæ extiterint, iubet pro fide coniugali & pro castitate fortiter sustineri, & mœchum dixit, qui à viro solutam duxit. Ex his ostenditur, quod si causa fornicationis fit separatio, non potest vir vel mulier in aliam transire copulam. Possunt autem reconciliari & cohabitare sicut prius, si dimissum alter reuocare voluerit.

#### ARTICVLVS IV.

*An vir qui fornicationis expers fornicariam dimiserit, potest alij copulari?*

**D** Einde quæritur de hoc quod dicit [Siquis autem fornicationis expers, &c.] Ex hoc videtur, quod in isto cap. dicitur, quod penitus

fit iniustum: dicit enim Dominus in Euangelio, quod non omnes capiunt verbum de continentia Matth. 19. ergo nec omnibus debet imponi: aut igitur vir dimittet, aut non dimittet. Si dimittit, tunc cum sit imperfectus, sibi imponitur perfectio: hoc autem est laqueus imperfecto, sicut innuit Apostolus 1. Corinth. 7. Non vt laqueum vobis iniiciam, sed ad illud quod honestum est, prouocem, & quod facultatem

1. Cor. 7.  
Matth. 19.

Super  
epist. ad  
Cor. 32.  
q. 7. cap.  
Apostolus  
dicit.  
De ser.  
Domini  
in morte,  
& habetur  
32.  
q. 7.  
Ibidem.  
cap. Do-  
mino ad  
illud.

Mat. 22.



tatem præbeat sine impedimento se Domino obseruandi. Si autem non dimittat, tunc incentiuum præbet delinquendi: quia stultus est, qui tenet meretricem, ut dicit in litera: ergo videtur iniustum esse quod hic dicit.

2 Item, Ista ex matrimonio non habuit plus quam debitum in corpore viri, & hoc merito fornicationis amisit: ergo cum illo nihil plus habet commune: ergo videtur, quod licet ista non sit soluta ab illo qui non peccauit in matrimonium, tamen ille sit solutus ab ea: ergo ille potest ducere aliam, licet ipsa alium ducere non possit.

3 Item, Cum tria bona sint matrimonij, video quod per fornicationem duo expressè violantur, scilicet fides, & sacramentum. Et de fide quidem patet. De sacramento autem etiam patet sic: quia sacramentum secundum esse est ipsa indiuiduitas matrimonij, qua vnum fuerunt in anima & corpore vir & mulier: sed impossibile est illam vnitatem manere in vnione ad alium: ergo cum per fornicationem alter vnit se alij, ipse diuidit se à primo: ergo soluitur indiuiduitas: ergo hæc bona quæ nulla facta sunt, non tenent esse matrimonij inter virum & mulierem: sed bonum prolis melius & certius in alia quæritur, & etiam in animalibus: ergo videtur, quod nullum bonorum matrimonij impediatur, quin ille qui non est fornicatus, contrahere possit cum alia: ergo falsum est quod dicitur in litera.

4 Item, Matrimonium est medicina: sed nulla ars medicinæ est, quæ ægro parat tantum vnum electuarium vel antidotum, sed potius si offenditur in vno, paratur alterum: ergo à simili cum ægritudo concupiscentiæ periculosior sit, quam ægritudo corporis, videtur quod ei continuè diuersa debent parari antidota. Si igitur offendant vnus coniugum (quia melius est nubere, quam vri) debet facultas dari contrahendi cum altero.

*sed cor- 174.* IN CONTRARIUM huius est, quod omne inducens lasciuia & dissolutionem ciuitatum Ecclesiæ, debet interdici à iure, sicut dicit Philosophus in poliregiis: sed coniungi pluribus successiue est huiusmodi: ergo debet interdici: ergo rectum est ius quod hic ponitur. Probat media: si enim separatus coniungitur alteri, nascitur odium parentelæ ad parentelam, & diffidium domus puerorum contra pueros: ergo constat propositum.

AD HOC dicendum, quod ea quæ in litera dicuntur, sine ambiguitate sunt tenenda.

AD PRIMUM autem quod contra obiicitur, dicendum quod permittitur & consulitur ei, quod cautione habita vxori parcat, & sic secum remaneat: quia non est meretrix quæ pœnitens est: & si non vult, sibi imputet: nec

per hoc præstat incentiuum delinquendi, quia vir iure potest eam disciplinis arcere & sacerdotibus, quod de lapsu secundo non timebit.

AD ALIUD dicendum, quod bonum sacramenti non violatur: quia talis separatio non est sacramentalis: quia licet alij sit vnita corporaliter, non tamen sacramentaliter: & vnio corporalis cum alio non contrariatur vnioni sacramentali cum marito, & ideo non scindit eam.

AD ALIUD dicendum, quod matrimonium medicina est: si tamen infirmus abhorret medicinam, quæ sola valet contra morbum, non potest ei fieri alia, sed eadem aliter disposita erit salutaris: ita est de muliere primo meretrice, & postea pœnitente.

## ARTICVLVS V.

*An vir potest fornicariam dimittere, & alteri copulari, sicuti falsò imponitur Ambrosio quod hoc senserit?*

**D**Einde quæritur de hoc quod dicit ibi [Quia licet viro aliam ducere, &c.] Hoc enim videtur esse verum: quia sicut antè dictum est, viri habent magis incitatum, quam mulieres: ergo amplius debet eis subueniri ex statutis matrimonij: ergo aliquid debet eis concedi, quod non mulieribus: sed hoc non potest esse, nisi ut alias ducat: ergo licet vel licere debet viris alias ducere.

2 Item, Vir multas implet, ut supra probatum est: ergo secundum sexus sui naturam debet ei permitti cum multis contrahere: ergo licitum est quod dicit: ergo non est à falsariis libris Ambrosij impositum, sed potius ex ratione decretum vel dictum.

RESPONSIO, quod à falsario Ambrosij libro appositum est, & falsum apertè.

AD PRIMUM autem dicendum, quod lex continentie indicitur dimittenti: aut si non continet, reconciliari, & hoc competit perfectioni Noui Testamenti: nec Deus gratiam negabit, dummodo se pœnitendo præparet ad receptionem, ad quam si se non præparauerit, sibi imputet & non alij.

AD ALIUD dicendum, quod hic Philosophus loquitur de natura quæ est sexus ex genere: quia omnis masculus sic se habet: & hoc non est natura propria hominis, sed potius illa quæ est ex differentia. Et quid sit hoc dictum, ex superioribus patet. Hic autem loquitur ius patrum de iure hominis in quantum homo, id est, in quantum vtens ratione & intellectu per considerationem præmij castitatis.

*Quæ prædictis videntur obuiare.*



**D**ICIT tamen Ioannes Chrysost. Sicut crudelis & iniquus est, qui castam dimittit: sic fatuus est & iniquus, qui retinet meretricem. Patronus enim turpitudinis est, qui celat crimen vxoris. Item Hieron. Cum mulier vnā carnem in aliam diuiserit, & se fornicatione à marito separauerit, non debet teneri: ne virum

D  
32. q. 1. c.  
Crude-  
lis.  
Ibidem.  
c. Dixit  
Domi-  
nus.



**Pro. 18.** virum quoque sub maledicto faciat, dicente Scriptura, Qui tenet adul-  
**34. q. 2.** teram, stultus est & insipiens. Idem ad Amandum presbyterum scri-  
**Non sa-** bens de quadam, quæ viro suo viuentem alij nupserat, sic ait, Rem no-  
**tis.** uam loquor, imo non nouam, sed veterem, quæ Veteris Testamenti  
**Deut. 24.** auctoritate confirmatur. Si reliquerit secundum virum mulier, & recon-  
 ciliari voluerit priori, non potest.

## ARTICVLVS VI.

*An vir teneatur dimittere adulteram, an  
 tenere eam apud se?*

**D**Einde quæritur de hoc quod dicit *ibi*  
 [Dicit autem Ioannes Chrysost. &c.] Hoc  
 enim confirmatur per rationem: quia facilitas  
 veniæ parit incentiuum delinquendi: sed sæpè  
 recipere facilitas est veniæ: ergo parit incen-  
 tiuum delinquendi: ergo non est sæpè reci-  
 pienda.

2 Item super illud Rom. 1. Non solum qui  
 faciunt, &c. dicit Gloss. quod consentit, qui  
 dum possit arguere, tacet: sed vir dimittendo  
 mulierem per hoc quod obiicit ei fornicatio-  
 nem, potest arguere: ergo peccat tacendo &  
 dissimulando: sed receptio fit ex culpæ dissi-  
 mulatione: ergo peccat sæpè recipiendo.

3 Item, Patronum esse turpitudinis & le-  
 nocinij, est peccatum mortale: sed tenere for-  
 nicariam est esse patronum turpitudinis & le-  
 nocinij, vt dicitur in litera: ergo fornicari-  
 am tenere & non abiicere, est peccatum  
 mortale.

**Sed con-** **IN CONTRARIVM** huius sic obiicitur:  
**tra.** Sapiens sibi cauet ne medicinam irrecupera-  
 bilem sibi amittat: sed vxor est medicina con-  
 cupiscentiæ irrecuperabilis dum viuit: ergo  
 sapiens non abiicit eam: ergo non vult se-  
 parari ab ipsa, quandiu viuit, etiam quicquid  
 faciat.

2 Item Hieronymus dicit super Oseam,  
 quod bonum est inducere meretricem vt ad  
 continentiam inuitetur: ergo multo maius  
 bonum est tenere eam iam ductam: ergo ma-  
 lum est dimittere vxorem etiam exercentem  
 meretricium.

3 Item, Si infidelis esset, moneretur tenere

eam spe pœnitentiæ: ergo multò magis fi-  
 delem, sed in moribus aberrantem debet mo-  
 neri, quod teneat: ergo nullo modo est di-  
 mittenda.

4 Item, Quandiu est cum viro, habet ali-  
 quod retinaculum turpitudinis: quando au-  
 tem dimittitur, nullum habet: ergo vide-  
 tur, quod melius sit eam tenere, quam di-  
 mittere.

**R E S P O N S I O.** Dicendum, quod quan- **Solutio.**  
 diu habetur spes & facultas correctionis, tan-  
 diu monendus est vir ne dimittat vxorem: sed  
 si neutrum istorum sit, potius consulendum  
 est viro, quod subtrahat se turpitudini: quia  
 patronus iudicatur turpitudinis, quando com-  
 moratur nolenti recedere à fornicatione. Et  
 per hoc patet solutio ad primam partem obie-  
 ctionum.

**AD PRIMVM** autem quod in contrarium  
 obiicitur, dicendum quod sapiens aliquid ha-  
 bet de timore Dei & amore honestatis: & idè  
 libentius caret medicina quæ non directè me-  
 dicatur, quia gratia naturæ medicina est con-  
 tra concupiscentiam, quam ipse cum infamia  
 & peccati participatione debito suo vitur in  
 muliere nefaria.

**AD ALIVD** dicendum, quod verum est,  
 vbi est spes pœnitentiæ: sed si non sit spes,  
 tunc stultus est, qui talem ducit mulierem.

**AD ALIVD** dicendum, quod verum est  
 de infideli quæ cohabitat non in contume-  
 liam auctoris matrimonij: meretrix autem talis  
 in qua non speratur pœnitentia, cohabitat cum  
 contumelia honestatis matrimonij & blasphem-  
 ia castitatis.

**AD ALIVD** dicendum, quod si vir  
 posset eam retinere à turpitudine, tunc absque  
 dubio monendus est, quod teneat eam: si au-  
 tem non potest, tunc tutius est dimittere, ne  
 & ipse vir pereat in scelere mulieris.

## Determinatio.

**E**D hæc omnia intelligenda sunt de illa quæ ab adulterio  
 recedere noluit, nec per pœnitentiam peccatum delere.  
**31. q. 1.** **Q**uod si vir scienter patitur, consentire videtur. Si enim  
 in adulterio perseuerare eligit, patronus turpitudinis, &  
 lenocinij reus maritus habebitur, nisi eam adulterij ream facere vo-  
 luerit. Si autem à peccato recesserit, & per pœnitentiam illud purga-  
 uerit, poterit viro reconciliari. Vnde August. Quid tibi durum vide-  
**Ad Pel-** **tur, vt post adulterium reconcilietur coniunx, si fides adsit, non erit**  
**lentium.** **durum. Cur enim adhuc deputamus adulteros, quos credimus pœni-**  
**32. q. 1.** **tentia**  
**e. Quod**  
**autem.**



tentia esse sanatos? Idem, Non erit turpis nec difficilis, etiam post patrata & purgata adulteria reconciliatio coniugij, vbi per clauces regni calor, non dubitatur fieri remissio peccatorum: non vt post viri diuortium adultera reuocetur, sed vt post Christi consortium adultera non vocetur. Item Gregor. Debet recipere peccatricem, quæ pœnitentiam egit, sed non sæpè. Item Hermes, Si vir sciuerit vxorem suam deliquisse, & non egerit pœnitentiam mulier, sed permanet in fornicatione sua, & viuit cum illa, vir reus erit & particeps peccati eius. Quod si mulier dimissa egerit pœnitentiam, & voluerit ad virum reuerti, debet recipere peccatricem quæ pœnitentiam egit, sed non sæpè.

Lib. de adulterinis coniugijs.

In lib. qui dicitur Pastor. Lib. de adulterinis coniugijs.

## ARTICVLVS VII.

*Qualiter debeat fieri adulterij accusatio?*

**D**Einde quæritur de hoc quod dicit ibi [Sed hæc omnia intelligenda sunt, &c.] Et quærentur hic nouem. Primum est, Qualiter debeat fieri accusatio? Secundum, Quando maritus admittitur ad accusationem vxoris adulteræ, vel è conuerso? Tertium, Quis sit effectus huius separationis? Quartum, In quibus casibus vir non potest agere ad thori separationem? Quintum, Vtrum post latam sententiam de separatione thori recipere tenetur adulteram si & ipse adulteratur? Sextum, Vtrum mulier post latam sententiam debet reconciliari viro reuocanti eam, etiam si non vult? Septimum, Vtrum mulier adultera post pœnitentiam adulterij potest repellere virum ab accusatione? Octauum, Vtrum vir adulteratus occultè potest sine peccato agere contra mulierem manifestè adulteram ad thori separationem? Nonum, Vtrum reconciliata adultera debitum quod habuit in corpore viri amiserit, ita quod non possit sine peccato petere debitum, sed tantum reddere?

Ad primum obiicitur sic: Accusatio est propriè de crimine per inscriptionem facta, obligante se accusatore ad legem talionis coram iudice si defecerit in probatione. Videtur autem, quod hoc non possit obseruari in accusatione adulterij: quia accusatio debet esse de scito: illud autem peccatum in occulto fit. Ergo non potest accusari.

2 Si dicas, quod per suspicionem debet accusari. Contra: Sæpè humanum fallitur iudicium: ergo suspicio non facit ad certitudinem iudicij: ergo nec iudex procedet ad sententiam diffinitiuam.

3 Item, Qualiter facienda est inscriptio: non enim potest intelligi inscribi id quod est probandum: actus autem commixtionis probari non potest, quia rarissimè accidit coram tot fieri illud peccatum, quod sufficiant ad probationem.

4 Item videtur non posse saluari, quod se obliget ad legem talionis: quia si detur, quod non probat, tunc ipse separabitur à coniuge: quia hoc tantum est ac si vxor separaretur ab eo: ergo ipse siue probaret siue non probaret, consequeretur propositum suum: & hoc non

est ius: ergo non potest fieri modus accusationis in ista causa.

**R**ESPONSIO. Dicendum, quod accusatio matrimonij propter adulterium manifestum duplex est: vna ad pœnam legalem, altera ad thori separationem. Illa vero quæ est ad pœnam legalem, fit coram iudice seculari per inscriptionem & pœnam talionis: quia tunc eadem pœna debet fieri viro si in probatione defecerit quæ fieret mulieri si probare posset quod dicit. Illa autem quæ fit ad thori separationem, fit per inscriptionem coram iudice ecclesiastico & sine lege talionis: quia non habet locum lex talionis: quia sicut obiectum est, vir consequeretur propositum, siue probaret quod obiicit, siue non.

**A**D PRIMVM ergo dicendum, quod iudicatur scitum secundum quod violenter est præsumptum ad minus secundum rhetoricum, qui ex signis violentis procedit, vt si solum cum sola in lecto vel in tenebris latitantem inueniat. Quandoque etiam tam viri quam mulieres quando sciunt adulteras, insidiantur eis, & cum vestibibus deprehendunt in facto, & tunc iudici de facto constare potest.

**A**D ALIVD dicendum, quod suspicio dicitur leuis & violenta, secundum quod etiam in dialecticis quandoque signum profundatum inuenitur, quod quasi cum causa conuertitur, & hoc quandoque facit scientiam quasi demonstratiuam sicut causa, & talis est præsumptio in rhetoricis, & hoc bene facit fidem iudici: leuis autem non debet admitti.

**A**D ALIVD dicendum, quod inscriptio facienda est sic: Anno ab incarnatione Domini nostri Iesu Christi. M. cc. xlix. præfidente Domino N.

**A**D ALIVD dicendum vt patet in principio solutionis.

## ARTICVLVS VIII.

*Quando admittitur maritus ad accusationem vxoris adulteræ, & an potest fieri per sodomiam, & an de heresi & reliquis casibus?*

**S**ecundo quæritur, Quando maritus admittitur ad accusationem vxoris adulteræ, vel è conuerso? Videtur autem, quod quando fornicatio vel adulterium est commissum: quia dicit



dicat Dominus Matth. 5. & 19. quod non potest fieri dimissio excepta causa fornicationis: ergo si sit fornicatio, tunc videtur fieri posse accusatio.

2 Item, Accusatio est de crimine peccante in matrimonium: hoc autem est fornicatio: ergo illo perpetrato potest fieri accusatio.

*Sed contra.*

IN CONTRARIUM huius est, quod secundum Dominum Matth. 18. quilibet prius mouendus est, quam accusetur apud Ecclesiam: ergo videtur, quod statim existente fornicatione vxor non est accusanda, sed monenda ut resipiscat.

2 Item, In tali fraterna correptione homo tenetur extraneo: ergo multo plus in talibus tenetur vxori: ergo non est statim accusanda.

*Quæstio- cula 1.*

VLTERIUS quæritur hic, Cum turpior modus sit abutendi se in sodomia, vtrum per sodomiam potest fieri accusatio ad thori separationem? Videtur autem, quod sic: quia magis est peccare contra naturam, quam contra matrimonium: sed sodomia est contra naturam, fornicatio autem siue adulterium est contra matrimonium tantum: ergo sodomia est maius peccatum quam adulterium: ergo magis debet fieri separatio propter sodomiam, quam propter adulterium.

2 Item Genes. 38. eum qui fundebat semen in terram Dominus interfecit: ergo multo magis interficiet eum, qui & contra naturam operatur & annihilat semen: ergo videtur, quod pro enormitate sceleris separandum sit quantum ad thori coniugium.

*Sed contra.*

IN CONTRARIUM huius est, quod non diuidit se in alium: ergo seruat fidem thori in hoc quod non communicat se alij, & ad aliud non obligat fides thori: ergo videtur, quod non peccat contra matrimonium: ergo nec puniendus est in matrimonio quoad thori separationem.

*Quæstio- cula 2.*

VLTERIUS quæritur hic de fornicatione spirituali: illa enim maior est, quam corporalis: igitur cum illa per hæresim vel iudaismum vel paganismum suscepta peccet contra matrimonij auctorem, videtur quod puniendus sit ille qui peccat taliter in matrimonio, quoad thori separationem.

2 Item, In tali fornicatione magis timetur malum proles, quam etiam in corporali: ergo magis est separanda talis vxor à thoro, quam fornicans corporaliter, ne proles hæresi inficiatur.

*Sed contra.*

IN CONTRARIUM est: quia talis nullo modo peccat contra matrimonium: ergo iniuste agitur secum, si punitur in matrimonio.

2 Item, Ponamus, quod non cohabitaret in contumeliam creatoris, nec doceat hæresim alium coniugem vel filios, videtur quod tunc non sit separatio facienda.

*Solutio.*

RESPONSIO. Dicendum, quod in his tribus casibus accusatio potest fieri, qui tacti sunt in obiciendo.

AD PRIMUM ergo dicendum, quod multiplex est modus accusationis, per accusationem, per denuntiationem, & per inquisitionem. Obiectio autem tenet de modo denun-

tiationis, sed non de modo accusationis: quia in modo accusationis potius agitur ad poenam accusati, quam ad correctionem: sed in modo denuntiationis est e conuerso. Et est instantia: quia in furto possum agere ad rem meam, & furem acculare coram iudice ecclesiastico, non tamen teneor ad admonendum eum primo.

AD ALIUD dicendum, quod hoc est verum quando homo agit ad personam correctionem: & tunc modus accusationis non est iste qui fit per accusationem inscriptam.

AD ALIUD quod vltius quæritur, *Ad quæstionem 1.* dicendum quod, ut puto, pro sodomia violentè præsumpta & probata vxor potest dimitti, & e conuerso, nisi præsumatur, quod concubitu muliebri exhibito à vitio sodomitico purgetur.

AD ID autem quod contra obicitur, dicendum quod non seruat fidem thori: quia castitatem commaculat, ad cuius custodiam fides thori est seruanda: sed verum est, quod non vnit se alteri, sed potius amittit castitatem, quam si se alteri vniret.

AD ID quod vltius quæritur, *Ad quæstionem 2.* dicendum quod sine dubio pro hæresi vel alia pertinaci infidelitate potest dimitti vxor, quando obicit carnalem fornicationem: sed quando obicit spirituales, tunc oportet consuetudinem allegare, quia aliter non iudicaretur pertinax in suo sensu.

AD ID quod contra obicitur, dicendum quod peccat contra fundamentum matrimonij & auctorem: & hoc peius est, quam si contra matrimonium directe peccaret: & ideo superueniens matrimonio, causat separationem à thoro.

AD ALIUD dicendum, quod hoc ipsum est contumelia: quia in hæresim à Christiana fide est lapsa, & minus est spes de ea, quam si nunquam fidelis fuisset: & ideo non est simile, quia Apostolus loquitur ibi de his qui in gentilitate contraxerunt, & postea alter eorum conuersus est: sed hic loquitur de eo qui ante in christianitate existens contraxit, & postea in hæresim lapsus est.

## ARTICVLVS IX.

*An effectus separationis sit præcisio à thoro?*

TERCIO quæritur, Quis sit effectus separationis? Et dicitur communiter, quod præcisio à thoro. Videtur autem, quod non debet esse: quia nulli de quo timetur, & custodiri potest, danda est libertas peccandi: sed mulier ita egrediens, maiorem accipit peccandi libertatem: ergo non debet ei concedi à marito: ergo non est separanda à thoro.

2 Item Osee 2. loquitur de adultera dicens, Ego sepiam viam tuam spinis, & sepiam eam maceria: & semitas suas non inueniet. Ergo sepienda est adultera, & non separanda à thoro.

3 Item Hieronymus in præmio biblicæ galæato Osee describit mulierem adulteram cubiculo



cubiculo viri clausam, & multo tempore sedere viduam, & reditum viri ad se præstolari: ergo & hoc modo potest hic fieri.

4 Item, Furiosus seipsum volens interficere, ligatur & benè agitur cum eo: sed mors animæ periculosior est, quam mors corporis: ergo videtur, quod volens sibi facere mortem animæ, non debet dimitti, sed ligari.

*Sed contra.* IN CONTRARIUM est quod dicit Papa, quod nulli iniuriatur, qui suo utitur iure: sed iste dimittens, utitur suo iure: ergo nulli iniuriatur: ergo hoc licitè facere potest.

*Solutio.* RESPONSIO. Dicendum, quod dimitti potest etiam pro simplici fornicatione: sed etiam dimitti debet, quando sapius iterat, & non vult pœnitere, causis superius assignatis.

AD PRIMVM ergo dicendum, quod non potest fieri ei vis: quia coacta seruitia Deo non placent, & ut dicit Damasc. nec compellit virtutem, nec suadet malitiam: & etiam si exterius ligaretur, cor ligari non posset: & ideò non est liganda.

AD DV O sequentia dicendum, quod sepienda est spinis à Domino via fornicatoriæ animæ, qui potest hoc modo conuertere: sed vir non potest conuertere, & propter fauorem viri permittitur ei, quod agat ad separationem, ut sic mulier confusa reuertatur ad seipsam, sicut etiam medicinalis est excommunicatio.

AD VLTIMVM dicendum, quod non est simile de furioso: quia ille non præuidet suum periculum, sed mulier adultera benè videt.

## ARTICVLVS X.

*In quibus casibus vir non potest agere ad separationem thori?*

**Q**uarto queritur, In quibus casibus vir non potest agere ad thori separationem? Et dicuntur septem. Primus casus est, si ipse similiter fornicari conuincitur. Secundus, Si ipse uxorem prostituit. Tertius, Si ipsa propter longam viri absentiam virum defunctum credebatur. Quartus, Si latenter cognita est ab aliquo in specie proprii viri lectulum subintrante. Quintus, Si fuit vi oppressa. Sextus, Si reconciliauit eam sibi post adulterium perpetratum. Septimus, Si in infidelitate matrimonio contracto alter conuersus dat libellum repudij non volenti cohabitare, & ille recedens nupserit alij, & post illo dimisso conuertatur: tunc enim tenetur eam recipere non obstante eo quod in infidelitate ab alio cognita fuerit.

Obiicitur autem de primo casu: quia duplex culpa augeat reatum: ergo & pœnam: cum ergo pœna fornicationis vxoris sit separatio à thoro, propter duplicem fornicationem magis debent separari.

1 Item, Vterque istorum peccat contra matrimonium: ergo vterque istorum in matrimonio puniri debet: ergo abinuicem separari debent.

3 Item, Fides vtriusque læditur ad alterum: ergo periculose cohabitant: ergo videtur.

*D. Alb. Mag. in Lib. 4. Sentent.*

tur, quod concedendum sit eis, quod agant ad sui inuicem separationem.

De secundo autem opponitur: quia tunc maximè videtur vile contubernium inter virum & mulierem: ergo dandum est ius ut ab inuicem separentur.

2 Item, Circumstantia turpior est à viro prostitui, quam ab extraneo: videtur ergo, quod aliquod ius introducendum sit per quod à viro separetur: & hoc non potest esse nisi detur accusatio ad separationem: ergo talis non debet impediri quin agat ad thori separationem.

De tertio obiicitur similiter: ponamus enim, quod sequentis amorem præferat præcedenti, & non velit redire admonita: ergo videtur, quod ipsa adulterij rea efficitur, ut infra in litera dicetur: ergo potest agi contra eam ad thori separationem.

2 Item, Dubia in meliorem & securiorem partem sunt interpretanda: sed marito diu absente non potest esse certum de sua morte: ergo videtur, quod ipsa tenetur securius eligere, scilicet continenter expectare: quia in illo nullum est periculum: si ergo non expectauerit, videtur quod hoc possit ei opponi: ergo contra eam potest agere vir ad thori separationem.

De quarto similiter obiicitur: quia de facili notabilis est vir à viro in tactu & loquela & aliis signis: ergo si ipsa non discernit, videtur quod non facit quod in se est: ergo rea efficitur: ergo peccatum illud potest ei opponi ad thori separationem.

2 Item, Ignorantia non excusat à toto, sed à tanto: ergo non tota accusatio contra eam tollitur à viro.

De quinto etiam opponitur, si est oppressa: nullo enim metu debet fornicari, quia quoad hoc nullus metus cadit in constantem virum, quia hoc est mortale peccatum: ergo per hoc non absolvitur, quin vir posset agere contra eam.

2 Item, Ipsa aliquid confert ad actionem, quia concedit corpus, licet inuita: ergo non est omnino vis.

3 Item, Violenter corruptæ non velantur: ergo à simili ab actione viri etiam non ex toto absoluuntur: ergo vir in tali casu potest agere ad thori separationem.

De sexto etiam queritur sic: Aut intelligitur reconciliatio per iudicium Ecclesiæ, aut quia petiuit ab ea debitum, & illa reddidit. Si primo modo: tunc nullus est casus: quia iam iudicatum est ab Ecclesiâ, quod illud adulterium non pro adulterio est habendum, & tunc nullum est ibi dubium. Si autem secundo modo. Contra: Ponatur quod lite pendente ante sententiam datam ab Ecclesiâ illa petat debitum: aut negabitur, aut non. Si negauerit: ergo facit iniuriam: quia adhuc non est absolutus ab ea per sententiam Ecclesiæ: ergo non reddit ei quod adhuc suum reputatur: ergo peccat mortaliter. Si autem reddit, tunc reconciliatur ei post adulterium: ergo non potest postea agere ad thori separationem: & hoc nihil est: ergo iste casus nullus est, ut videtur.

PPP

2 Item,



2. Item, Pro beneficio nullus amittit actionem quam habet aduersus aliquem: sed iste reconciliando se illi bene facit: ergo ex hoc non amittit actionem: ergo videtur, quod etiam post reconciliationem possit agere ut prius ad thori separationem. Prima probatur: quia si detur oppositum, tunc sequitur, quod aliquis punitur pro beneficio: quia amittere actionem quæ sibi à iure in fauorem conceditur, est maxima pœna. Secunda autem per se constat.

De septimo obiicitur: quia dicit Apostolus 1. Corinth. 7. quod si infidelis discedit, discedat: non enim seruituti subiectus est frater vel soror in huiusmodi. Ergo similiter qui separatur ab infideli coniuge, in nullo est sibi obnoxius: sed per conuersionem non fit ei obnoxius noua seruitute: ergo non tenetur eam recipere: ergo videtur, quod iste casus sit nullus.

2. Item, Si debet eam recipere, hoc non est, nisi ex vinculo matrimonij quod remansit etiam post abscissionem illius: sed ponamus, quod fidelis contrahat cum alia antequam illa conuertatur quæ prima vxor fuit dum infidelis esset: ergo si prima postea conuertitur, tenetur recedere à fide, & recipere eam, & hoc est contra Apostolum.

*sed contra.* IN CONTRARIUM huius est quod dicit Innocentius 2. extra. de diuort. cap. Gaudemus. Et infra, quod si conuersum ad fidem & illa conuersa sequatur, antequam propter causas prædictas legitimam ille ducat vxorem, eam recipere compelleretur: quamuis quoque secundum euangelicam veritatem qui duxerit dimissam, mœchatur, non tamen dimissor poterit obiicere fornicationem dimissæ pro eo quod nupsit alij post repudium, nisi alias fuerit fornicata.

*Solutio.* RESPONSIO. Dicendum ad primum casum, quod ille tenet secundum sententiam Domini in Euangelio Matth. 5. & 19.

AD PRIMUM autem quod contra obiicitur, dicendum quod maius peccatum est in utroque ex duplici fornicatione, quam ex vna: quia tamen actio ista in fauorem illius indulgetur à iure, qui non est mœchatus, quando neuter meretur fauorem illum, cessabit actio ad thori separationem.

AD ALIUD dicendum, quod vterque peccat contra matrimonium, & tamen neuter potest agere: quia trabem habet in oculo: & ideo non fit iudicium nisi inquisitionis & pœnitentiæ, & non accusationis ad thori separationem: quia de illo modo agendi intelligitur hoc quod dicitur Ioan. 8. Qui sine peccato est, &c.

AD ALIUD dicendum, quod pro lapsa fide vtrique iniungenda est pœnitentia in foro confessionis, vel etiam à visitatore si fuerit denunciatarum: sed actio dicta de causa cessat per modum accusationis.

AD ID quod obiicitur de secundo, dicendum quod verum est, quod maius est ibi peccatum si vir prostituat vxorem suam, quam si non prostituere eam: tamen quia ius illud in fauorem innocentie introductum est, non meretur vir prostituens vxorem tali iure gau-

dere. Obiectio autem procedit ac si ius in detestationem criminis tantum sit inductum. Et per hoc patet etiam solutio ad sequens.

AD ID quod obiicitur de tertio, dicendum est, quod sine dubio si mulier non vult redire ad priorem postquam sciuit eum viuum, & fugit eum, amorem sequentis ei præferens, reputabitur tunc adulterij rea. Et potest hoc vir ei obiicere coram iudice ecclesiastico ad thori separationem: & in hoc casu non excusatur, sed tantum quando putans virum mortuum cum alio contraxit.

AD ALIUD dicendum, quod melior pars est rationabilior: & cum ratio nostra in talibus particularibus non potest procedere, nisi ex iudiciis sensibilibus, dicitur satis tuta pars secundum humanum iudicium, quando sufficienter habet sensibilia, ex quibus ratio causetur, sicut est fama per auditum, & expectatio longa ultra terminum conditum de reditu, & huiusmodi.

AD ID quod obiicitur de quarto casu, dicendum quod quando præsumitur mala machinatio, tunc posset discerni de facili. Sed quando nihil mali præsumitur, tunc talis cautela non adhibetur, nec tenetur adhibere: quia in loco consueto frequentationi sui mariti & hora consueta se exhibet, & ad amplius non tenetur.

AD ALIUD dicendum, quod hoc intelligitur de ignorantia iuris, non facti: ignorantia enim facti à toto excusat: & talis est ista ignorantia, quando alius recipitur pro alio, sicut Lia recepta est à Iacob pro Rachele.

AD ID quod obiicitur de quinto, dicendum quod iste casus intelligitur de vi absoluta, quæ licet non cadat in animum, tamen cadit in corpus: & non intelligitur de metu honoris, vel parentum, vel alicuius alterius: & hæc vis dicta est oppressio potius, quam metus vel violentia timoris. Per hoc etiam patet solutio ad sequens: quoniam constat, quod nihil confert, sed tantum patitur.

AD ALIUD dicendum, quod non velantur taliter oppressæ: propter cautelam tamen si omnimoda sit eis vis, possunt meo iudicio velari, sicut notatum est in questione de velo virginum, & probatur per rationes satis congruas, & etiam per auctoritates, licet solus Leo Papa aliquid videatur dicere contrarium, quod propter cautelam dictum est amplioris humilitatis. Si tamen aliquis vellet tenere contrariam opinionem, scilicet quod non debent velari, ille potest dicere ad istud, quod non est simile: quia velum requirit signum potius, quam virtutem & gratiam: sed ius illud in fauorem virtutis & detestationem vitij inductum est, & cum non inueniat maiorem in vno coniugio virtutem, quam in alio, nec vitium quod præcipue in mente est, non datur licentia alteri obiicendi huiusmodi fornicationem.

AD ID quod queritur de sexto, dicendum quod utroque modo potest intelligi: si enim reddit ei debitum, aut reddit ut reconciliatur cui culpam dimisit, aut reddit sicut ei à cuius debito est nondum absolutus per iudicium ecclesiasticum. Si primo modo: tunc tenet casus:



casus: quia non est ius ut semel dimissum iterum repetatur vel obiciatur in crimen: quia, sicut dicit Propheta, non consurget duplex tribulatio: nec idem peccatum potest esse indultum & punitum ac si non sit indultum. Si autem reddit secundo modo: tunc non obstat ei quin eam adhuc accusare possit. Et per hoc patet solutio primæ obiectionis.

AD ALIUD dicendum, quod de beneficiis nullus de iure suo aliquid amittit: sed ex beneficio quandoque sequitur amissio, sicut si tu debes mihi centum, & ego remitto tibi propter Deum ex beneficio elemosynæ, amitto ius petendi à te centum: & hic est ita, ex remissione enim iste amittit ius accusandi.

ET AD quod ulterius obiicitur de septimo, dicendum quod ultimo inducta decretalis totum ius dicit quod est in casu isto. Ad primum autem quod contra opponitur, dicendum quod hoc verum est quod dicit Apostolus, quod in huiusmodi non est frater aut soror subiectus seruituti: sed in alteriusmodi est subiectus, hoc est, si alterius modi efficitur, id est, fidelis sicut maritus.

AD ALIUD dicendum, quod si aliam duxerit ante suæ coniugis conuersionem, tunc fauore fidei absoluitur: quia fortius est vinculum matrimonij, quod fundatur super fidem Christi, quam id quod in infidelitate contrahitur: & ideo secundum stat matrimonium, & etiam si illa conuertatur quam prius habuit. Sed quando nullum vinculum stringebat in oppositum, secus fuit, sicut patet in vinculis corporalibus, quod debile per se stringit: quod si veniat fortius in oppositum stringens, rumpitur primum, quod cum solum erat, non rumpebatur. Sed tamen notandum est, quod in eadem decretali parum ante dicitur, scilicet si plures uxores ille intuitu suæ infidelitatis habuit, cum nulli vnquam nisi ex diuina dispensatione plures habere licuerit, quod vnā de pluribus eligat, si omnes secum conuertuntur, quæ sibi magis congruit: & aliis datur licentia nubendi, quia uxores veræ nunquam fuerunt. Illa autem quam eligit, per contractum nouum fidei Christianæ vera vxor eius efficitur.

## ARTICVLVS XI.

*An post latam sententiam de separatione teneatur vir recipere adulteram si ipse adulteratur?*

Quinto quæritur, Vtrum post latam sententiam de separatione thori, teneatur recipere adulteram, si & ipse adulteratur? Videtur autem, quod sic: quia tunc non habet quod ei obiciat: ergo videtur, quod tenetur eam recipere.

2 Item, Ius istud in fauorem continentie inductum est: sed cadens in crimen, fauorem iuris non meretur: ergo iste amplius non debet gaudere illo iure: ergo tenetur eam recipere, ut videtur.

3 Item extra. de diuor. scribit Alexander tertius, Ex literis. Et infra, Sanè tu conuoca-

D. Alb. Mag. in Lib. 4. Sentent.

to capitulo tuo, cum ex eorundem consilio vtrique privati continentiam iniunxeris obseruandam, ita quod castè viuerent abinuicem segregati, memoratus V. furtim cum alia sponsalia & nuptias temerè celebravit: verum cum factum inquirere laborares, suprà dictus V. seriem rei explicans & exponens ad audientiam nostram fertur appellasse. Vnde fraternitati tuæ mandamus quatenus si ita processit, dictum virum ad vxorem legitimam redire compellas. Ex hoc arguo, quod cum propter nuptias cogatur redire & recipere primam, multò magis propter fornicationem.

4 Item, Ad ecclesiasticum iudicem pertinet per censuram ecclesiasticam cogere ad criminis vitiationem: sed alter non potest si iste fornicans est in crimine: ergo pertinet ad ecclesiasticum iudicem eum compellere ut vitet crimen illud: sed congruè vitare non potest nisi suscipiendo vxorem adulteram: ergo pertinet ad eum, ut cogat talem suscipere primam quam dimiserat.

IN CONTRARIUM huius est, quod dicitur sic: Quod bene semel diffinitum est, nulla debet iteratione retractari: sed separatio illius semel est diffinita: ergo non debet retractari: ergo non debet cogi, ut amplius eam recipiat, quam semel per sententiam dimisit.

RESPONSIO. Dicendum, quod de rigore iuris non tenetur eam recipere, sicut ultimo probatum est: sed tamen iudex ecclesiasticus de suo officio compellere eum debet, quod recipiat. Et per hoc patet solutio ad duo ultima quæ non probant, nisi quod iudex de suo officio debet talem compellere, ut recipiat eam quam dimisit.

AD PRIMUM dicendum, quod licet ex post facto non habeat quod obiciat, tamen quando in iudicio fuit causa, tunc habuit. Et quia tunc res definita fuit, non debet aliqua de causa retractari. Iuris autem istius hæc potest esse causa: quia cum mulier primo fornicatur, non habet causam, cum non sit exacerbata per virum, & matrimonio possit uti in medelam concupiscentiæ: & ideo fornicatio sua destabilis est, & non habens excusationem. Cum autem vir postea fornicatur, quando nullam habuit concupiscentiæ medicinam, & exasperatus est ab vxore, maius habet pallium excusationis: & ideo de rigore iuris conceditur, quod non propter hoc conueniri possit ab vxore ad reconciliationem. Et idem est de conuerso de vxore si tenuerit fidem thori, viro adulterante.

AD ALIUD dicendum, quod fauor ille respicit statum personæ trahentis in causam adulterium, & non statum futurum: cum enim futuri casus incerti sint, in fauorem futuri status non potest aliquod introduci ius, sed potius in fauorem status præsentis.

## ARTICVLVS XII.

*An mulier adultera teneatur viro renocanti eam reconciliari post sententiam de separatione thori etiam si noluerit?*

Sexto quæritur, Vtrum mulier adultera teneatur viro eam renocanti reconciliari post

PPP 2 senten



sententiam de separatione thori, etiamsi noluerit? Videtur autem, quod sic: quia vir in ea nullum ius amisit: sed ipse ius in corpore uxoris habuit: ergo illa ei reddere tenetur: ergo & reconciliari: sed vir eam reuocauit. Probatur autem prima ex hoc quod nullum ius amittitur, nisi per peccatum: & vir non peccauit, & sic constat propositum.

2 Item, Ipsa non separatur nisi ad viri actionem: ergo si vir cesset ab actione, ipsa tenetur commanere: ergo etiamsi cesset ab effectu actionis, ipsa tenetur redire: ergo si reuocata à viro fuerit, redire tenetur.

3 Item, Vnusquisque potest illi iuri renuntiare, quod in suum fauorem est inductum: sed hoc ius in fauorem viri non fornicantis est inductum: ergo illi renuntiare potest: ergo si renuntiat, tenetur ille ad debitum soluendum sicut prius tenebatur.

4 Item, Si non teneretur ad seruitutem pristinam, tunc recuperaret libertatem & commodum ex suo peccato: sed hoc est inconueniens: ergo tenetur redire si reuocet eam vir.

*Sed contra.* IN CONTRARIUM huius est, quod per sententiam separatus est ab ipsa: quod autem per sententiam iuris fit, iuste fit: ergo separatio est iusta: sed quilibet potest vti eo quod per sententiam iuste adeptus est: ergo ipsa potest licite manere separata, etiamsi ille eam reuocet.

2 Item, Ipsa timere potest de odio & de malo corporis: quia Prouerb. 6. de tali viro cuius uxor est fornicata, dicitur, Porro zelus & furor viri non parcat, &c. quilibet autem potest sibi cauere: ergo & ista potest manere separata, etiamsi reuocata fuerit.

*Solutio.* RESPONSIO. Dicendum secundum legem quod dicit, Quod fauore meo inductum est, in damnum meum retorqueri non debet. Vnde vir potest eam petere etiam inuitam, sicut probant primæ obiectiones.

AD 15 autem quod in contrarium obiicitur, dicendum quod si illa sententia fundaretur supra veritatem causæ, tunc teneret obiectio: sed non est ita: sed potius inducitur in fauorem illius qui seruat fidem thori. Et per hoc patet solutio.

### ARTICVLVS XIII.

*An mulier adultera post penitentiam adulterij possit repellere virum ab accusatione?*

**S**extimo quaeritur, Vtrum mulier adultera post penitentiam adulterij potest repellere virum ab accusatione? Videtur autem, quod sic: quia dicit Ambrosius, quod penitentia est res optima & perfecta, quæ omnes defectus reuocat ad perfectum: ergo reuocat etiam defectum istum ad perfectum, pro quo accusari poterat: ergo de cætero non potest accusari.

2 Item, In littera dicit Gregor. quod non debet reputari quæ erat, sed quæ est modo sancta & iusta: ergo non debet ei obiici adulterium.

3 Item, Iudicium humanum non debet

esse strictius, quam diuinum: sed Deus in suo iudicio non obiicit præterita, quæ deleta sunt per penitentiam: ergo nec homo debet obiicere: ergo videtur, quod mulier non debet accusari pro adulterio per penitentiam deletò.

IN CONTRARIUM huius est, quod penitentia alterius non tollit mihi ius quod in fauorem meum inductum est: sed ius istud, scilicet accusatio ad separationem thori, in fauorem meum inductum est: ergo per penitentiam alterius non deletur, nec tollitur mihi.

2 Item, Si dimittitur ante penitentiam, ego non teneor eam recipere penitentem: ergo nec penitens potest me ab accusatione impedire.

3 Item, Penitentia delet culpam, sed non penam, quia in penitentia penam oportet sustinere: sed separatio est pena: ergo non tollitur ab eo separatio: ergo accusari potest ad separationem thori.

RESPONSIO. Dicendum, quod penitentia debet inducere virum, ut voluntarie cesset ab accusatione: sed tamen non cogitur si noluerit: monendus est tamen ut cesset, & durus est si induci non poterit, quia sibi debet sufficere, quod Deo sufficit.

AD PRIMUM ergo dicendum, quod penitentia reuocat defectus quoad immunitatem culpæ, sed non quoad immunitatem indignitatis & cuiuscunque penæ. Præterea, Penitentia valet in foro Dei siue confessionis: sed non in foro iudicii siue contentions, quia hoc iudex videre non potest, sed solus Deus.

AD ALIUD dicendum, quod dictum Gregor. consilium est, non præceptum.

AD ALIUD dicendum, quod iudicium humanum non est strictius, nec rectius, quam diuinum: sed est per alia, quia per exteriora quæ certificari possunt notitiis hominum: & hoc non est penitentia: sed Deus solus videt penitentiam in corde: & idè quod sufficit Deo, non sufficit homini: & quandoque quod sufficit homini, non sufficit Deo.

### ARTICVLVS XIV.

*An vir adulteratus occultè, sine peccato potest agere ad thori separationem contra mulierem adulteram manifestè?*

**O**ctauo quaeritur, Vtrum vir adulteratus occultè sine peccato potest agere ad thori separationem contra mulierem adulteram manifestè? Videtur, quod sic: quia quod occultum est, obiici non potest: & nihil potest eum impedire ab accusatione, nisi obiectio similis criminis: ergo videtur, quod vir agere potest ad thori separationem.

2 Item, Qui est in mortali peccato occulto, necessitate instante potest prædicare: sed prædicare maius est multo, quam agere ad thori separationem: ergo qui est in adulterio occulto, potest etiam agere ad thori separationem.

3 Item,



3 Item, Nullum est scandalum de peccato viri: sed de peccato mulieris est scandalum: ergo ipsa debet publicè puniri, sicut dicit Apostolus 1. Timoth. 5. Peccantem coram omnibus argue, vt & ceteri timorem habeant. Ergo mulier ista publicè debet puniri: est autem pœna ista in eo in quo peccauit, scilicet in matrimonio: ergo cum non possit puniri nisi separatione à thoro, videtur quòd vir agere potest sine peccato ad thori separationem.

*Sed contra.*

IN CONTRARIUM huius est, quòd mulieri ad exceptionem contra virum non deficit nisi probatio: sed veritas etiam non probata per testes prodest ei & sufficit coram Deo: ergo mulier coram Deo habet exceptionem contra virum: ergo coram Deo peccat, quando accusat eam.

2 Item, Occultum & manifestum circumstantiæ sunt similis adulterij secundum speciem: sed circumstantiæ non alienant peccatum nec infinite grauant vnum super aliud: ergo videtur, quòd peccatum idem in specie simile ius faciat in vtrisque: sed hoc est separationis: ergo vnus habet idem ius contra alterum, quòd è conuerso, licet in alia circumstantia: ergo mulier potest excipere coram Deo contra virum.

*Solutio.*

RESPONSIO. Dicendum, quòd vltimo probatum verum est & probabile. Vnde dicendum est ad primum, quòd in iudicio humano potest obiicere sine obstaculo: sed hoc non quaritur, sed potius, vtrum sine peccato id facere possit vel non?

AD ALIUD dicendum, quòd verum est, quòd talis potest prædicare in necessitate, quia prædicatio est animabus necessaria: sed non est ita de thori separatione, quæ est potius ad turbationem, quam ad consolationem.

AD ALIUD dicendum, quòd verum est, quòd talis potest accusare, licet nullum sit scandalum: tamen ipse in conscientia constringitur peccato suo: & ideo propria conscientia magis debet eum inclinare ad vxoris compassionem, quam ad abiectionem.

## ARTICVLVS XV.

*An mulier post reconciliationem amisit ius petendi debitum à viro?*

Nono quaritur, Vtrum post reconciliationem amisit ius poscendi debitum? Vide-

tur autem, quod sic: quia nisi vir esset à debito illo absolutus, ipse teneretur reddere etiam post separationem: hoc autem cum falsum sit, videtur quòd mulier nullum ius habet in corpore viri: ergo cum non restituatur ei ius illud, videtur quòd etiam reconciliata petere non possit.

2 Item, Ius illud non confert nisi matrimonialis consensus: sed ille non repetitur post reconciliationem: ergo ius non confertur ei: ergo non habet ius petendi debitum.

3 Item, Per quæ quis peccat, per hæc & punietur: sed ista peccauit in fide & iure thori: ergo in illo puniri debet: non autem puni- tur nisi amittendo ius quod habuit: ergo videtur, quòd nunquam de cætero habebit ali- quod ius petendi.

IN CONTRARIUM est, quòd alia est *Sed contra.* reconciliatio mariti, quam alterius cuiuscunque amici: ergo aliquid speciale confertur in illa: hoc autem in quo distinguitur ab aliis amicis, non est nisi ius petendi debitum, quia omnia alia prius habuit: ergo ius petendi debitum restituitur ei in reconciliatione.

2 Item, Si detur, quòd non restituitur: ergo ipsa si se ei post reconciliationem neget, non potest repetere: ergo etiam post reconciliationem ea inuita posset intrare religionem, quod falsum & absurdum est: ergo & falsum est, quòd ius poscendi debitum ei non restituitur.

RESPONSIO. Videtur vltima pars esse concedenda, scilicet quòd debitum potest petere post reconciliationem, & accipit potestatem in corpore viri sicut prius habuit. *Solutio.*

AD PRIMUM ergo dicendum, quòd ius illud dupliciter consideratur, scilicet in habitu siue sacramentaliter tantum, vel secundum ordinem ad actum, qui est potius iuris vsus vel executio. Et primo quidem modo nunquam amittit illud ius mulier adultera dum viuit, sed secundo modo: & hoc restituitur ei, quando fit reconciliatio.

AD ALIUD dicendum, quòd matrimonialis consensus facit ius illud sacramentaliter & habitualiter: & hoc non iteratur, sed propter culpam potest aliquis suspendi ab vsu sui iuris & executione: & hoc relaxatur in reconciliatione.

AD ALIUD dicendum, quòd sufficienter punita est in matrimonio, quando suspenditur ab vsu & solatio mariti, etsi non sacramentaliter & habitualiter à viro separetur.

*De illis qui se ante polluerunt per adulterium.*



OLET etiam quæri, An valeat duci in coniugium, quæ prius est polluta per adulterium? De hoc Leo Papa ait, Nullus ducat in matrimonium, quam prius polluit adulterio. Item, Relatum est auribus sanctorum sacerdotum, quendam alterius vxorem stupro violasse, & insuper mœchæ iuramentum dedisse, quòd post legitimi mariti mortem si superuiueret, duceret eam in vxorem, quòd & factum est. Tale ergo connubium prohibe-

31. q. 1.  
c. Nul-  
lus.  
Ex con-  
cilio Ti-  
burienfi.  
ibidem.  
e. Rela-  
tum.



Lib. de  
nuptiis  
& con-  
cupiscen-  
tia.  
August.  
ibidem.  
c. Deni-  
que, &  
sequenti.

mus & anathematizamus. His aliisque auctoritatibus vetantur in coniugium copulari, qui se prius adulterio maculauerunt. Sed e contra August. ostendit dicens, Denique mortuo eo cum quo fuit verum coniugium, fieri potest coniugium cum qua præcessit adulterium. Idem, Posse fieri sanè licitas nuptias ex personis illicitè coniunctis, honesto placito subsequente manifestum est.

### Determinatio.

G  
Ibidem.



ED hæc vltima auctoritas de concubinis loquitur, perhibens concubinas posse transire ad honestum placitum nuptiarum, si castitatem & fidem seruare velint. Prima vero auctoritas Augustini de illis agit qui de peccato pœnituerunt, & nihil in mortem viri machinatae sunt, nec viuentem viro fidem adulteræ dedit mœchus, quod eam in coniugio duceret si superuiueret. Qui verò hæc faciunt, aliis præmissis auctoritatibus prohibentur copulari.

### ARTICVLVS XVI.

#### *An adultera valeat duci in coniugium?*

**D**Einde quæritur de hoc quod dicit *ibi* [Solet quæri, An valeat duci in coniugium, &c.] Videtur enim non esse ius quod hic dicitur: quia Ecclesia reiicere non habet, quod Deus licitum demonstrauit: sed Deus demonstrauit illicitum adulteros coniungi posse: ergo Ecclesia non habet hoc reiicere: ergo nec interdicare. Prima pater per se. Secunda per hoc quod in Gloss. dicitur 1. Corinth. 9. sic, Licitum est quod nullo præcepto prohibetur. Ergo constat propositum.

2 Item, Quibus nullum obstat impedimentum, contrahere possunt, cum legitimæ sint personæ: sed istis nullum obstat: ergo inuicem contrahere possunt. Prima constat ex ante dictis. Secunda autem probatur ex hoc, quod adulterium non obstat, vt planum est, nec etiam homicidium: ergo si ambo coniunguntur, nihil obstat: ergo si etiam in mortem viri cum effectu machinata sit, ipsa potest contrahere cum adultero: & sic constat propositum.

3 Item, In aliis sacramentis si seruetur forma, & materia adsit, sit sacramentum: ergo & in isto similiter: ergo hæc verba contractum de præsentī facientia, & vir & mulier: ergo videtur, quod efficiant verum matrimonium.

4 Item, Alia peccata sunt maiora: quia dicit Gregor. quod spiritualia sunt maioris ponderis, quam corporalia: & tamen non impediunt, quia superbus cum superba, inuidus cum inuida contrahere potest: ergo adulter cum adultera: ergo videtur non esse ius quod hic dicitur.

5 Item, Ponamus, quod aliqua occidat virum suum, vt cum alio indeterminatè possit contrahere, videtur quod illa secundum istud

ius cum nullo possit contrahere: sed hoc falsum est: ergo & hoc quod inducit.

6 Item, Magis est tolerandum vnum malum, quam duo: sed adulterium est vnum malum, & separatio ab altero est secundum malum: ergo videtur, quod propter primum non est præcipiendum secundum.

7 Item, Pono, quod primo machinati sunt in mortem, & postea pœnituerint: & quærat, Vtrum tunc possint contrahere? Videtur, quod sic: quia pœnitentia deleuit id quod obstabat, scilicet crimen: ergo contrahere possunt post pœnitentiam.

**RESPONSIO.** Dicendum, quod tres casus sunt, quorum si aliquis est, non potest contrahere cum ea quam prius polluit per adulterium, scilicet si propter hoc vt cum ista contrahat, machinatur cum effectu in mortem coniugis: si enī tantum facere cogitaret, & ad opus non proderet, non propter hoc impediretur. Secundus est, si fidem dedit ei de contrahendo post mortem coniugis. Tertius, si secum cōtraxit de facto. Hoc autem ordinatur rationabiliter ab Ecclesia, vt plurima homicidia & adulteria euitentur, quæ illius familiaritatis causa fierent, vel fieri possent.

**AD PRIMVM** ergo dicendum, quod Dominus idē dedit Ecclesiæ clauēs & inspirationem Spiritus sancti, vt in talibus ordinet expedientia: & hæc non sunt tam statuta humana, quam etiam diuina.

**AD ALIVD** dicendum, quod istis obstat impedimentum criminis.

**AD ALIVD** dicendum, quod licet diuisim non impediunt, tamen coniuncta impediunt: quia plus possunt coniuncta, quam diuisa, sicut est videre in multis aliis: quia duo mouent lapidem quem neuter solus mouere posset, & sic de aliis facere est videre.

**AD ALIVD** dicendum, quod hic non est materia sub debita dispositione, & hoc exigitur in omni re generanda: quia malicia



malitia criminis obstantis est in materia.

AD ALIUD dicendum, quod licet alia quædam maiora possunt esse, tamen non ita directe peccant contra matrimonium: & ideo non impediunt sicut istud.

AD ALIUD dicendum, quod talis mulier habet impedimentum criminis, quod contrahendum impedit, sed non dirimit contractum: quia nullus vir secum fuit in culpa: & ideo propter viri innocentiam qui secum contrahit, permittitur stare contractum.

AD ALIUD dicendum, quod non est malum quod dirimitur tale matrimonium, quia nullum est, ut dicit Augustinus. Si tamen esset malum, non esset malum commune, sed personale, & tale recompenfaretur communi utilitate quæ est in timore aliorum, ne facile perpetrarent adulterium.

AD VLTIMUM dicendum, quod penitentia potest delere culpam: sed tamen remanet aliqua pœna iusta, & illarum ista est una.



## DISTINCTIO XXXVI.

*Si pro extrema conditione valeat uxor separari à viro & è conuerso.*



VNC de conditione videamus, an valeat coniugium diuidere? Ad quod dicimus, quia non negatur ingenua posse nubere seruo: sed si nescitur esse seruilis conditionis, liberè potest dimitti cum seruitus eius fuerit deprehensa secundum illud, Siquis ingenuus homo ancillam alterius uxorem acceperit, & æstimat, quod ingenua sit, si ipsa fœmina fuerit postea in seruitutem deiecta, si eam à seruitute redimere potest, faciat: si non potest, si voluerit aliam accipiat. Si verò ancillam eam scierat & collaudauerat, post eam ut legitimam habeat. Item ex eodem, Si fœmina ingenua acceperit seruum, sciens quod seruus esset, habeat eum, quia omnes vnum patrem habemus in cælis: vna lex erit viro & fœminæ. Cum dicitur sciens illum seruum, datur intelligi, quod si nescierit illum seruum esse, non cogitur manere cum ipso. Si enim conditionis dolum patitur, non cogitur adhærere ei cuius fraude decepta est. Si autem scierit vir conditionem mulieris, vel è conuerso, non valet eam dimittere. Vnde Zacharias Papa, Siquis liber ancillam in matrimonio acceperit, non habet licentiam dimittendi eam, si consensu amborum coniuncti sunt, nisi ob fornicationem. De illis agit quibus alterutrius conditio nata est, quando coniunguntur.

A  
De impedimento conditionis, quod respicit statum legis humanæ.

In cõcilio apud vermeriam, & habetur 29 q. 1. c. Siquis ingenuam. Ibidem. cap. Si fœmina ingenua.

Ibidem. c. Siquis liber.

### ARTICVLVS I.

*Quid sit conditio impediens matrimonium?*

VNC de conditione videamus, &c.] In ista distinctione duo determinat. Vnum principale, scilicet de impedimento conditionis. Aliud secundarium de ætate contrahentium *ibi* [Hoc etiam sciendum, quod pueri] Circa conditionem determinat tria per ordinem in tribus capitulis, scilicet quæ conditio impediatur? Vtrum seruus vnus potest con-

trahere cum ancilla alterius, & an solvatur matrimonium per seruitutem superuenientem matrimonio? & hæc planè iacent in litera. Ad notitiam autem horum capitulorum trium quærentur hîc quinque. Primum est, Quid sit conditio impediens matrimonium? Secundum, An impediatur matrimonium? Tertium, Vtrum impediatur ex iure naturali, vel positivo, vel diuino, vel humano? Quartum de seruo vnus contrahente cum ancilla alterius? Quintum de conditione quæ superuenit matrimonio.

Ad primum obiicitur: Dicunt iura, quod conditio impediens matrimonium, est serui-



tus: seruitus autem est conditio suppositio-  
nis, qua persona secundum se & sua est in po-  
testate superioris. Videtur autem, quod talis  
conditio non debet esse in humano genere:  
quia dicit Gregor. quod natura omnes homi-  
nes æquales genuit: ergo contra naturam est  
vnum hominem esse alio inferiorem, & esse in  
potestate alterius secundum se & sua: sed ea  
quæ sunt contra naturam, nullo iure statui pos-  
sunt: ergo nullo iure conditio seruitutis inter  
homines esse potest.

2 Item, Dicit Gregor. quod contra natu-  
ram superbire est hominem homini præesse  
velle: ergo idem quod prius.

3 Item, Apostolus dicit, quod in Christo  
Iesu non est seruus neque liber: ergo in fide  
Christi omnes sunt æquales: ergo falsum est,  
quod vnus sit dominus alterius: ergo nulla est  
conditio seruitutis.

4 Item, In primo ordine humani generis  
dictum est ante peccatum & post peccatum  
homini, quod coleret terram, & subiiceret eam  
sibi: nusquam autem, quod dominaretur su-  
per alterum: ergo videtur, quod de dignitate  
naturæ hominis sit, vt non sit seruilis condi-  
tionis.

5 Item, Tullius dicit rhetorica, quod om-  
ne ius à natura est profectum: ergo quod non  
est profectum à natura, est iniuria: sed istud  
ius de conditione seruitutis, non est à natura  
profectum: ergo est iniuria. Probatio mediæ.  
Natura est æqualiter digna in seruo & in do-  
mino: ergo impossibile est, quod vnus alteri ex  
participatione naturæ præponatur: & sic con-  
stat propositum. Si forte dicas, quod Tullius  
mentitur. Contra: Ius positium necesse est,  
quod habeat rationem aliquam æquitatis: illa  
ergo ratio necesse ratiocinatur ex aliquo habi-  
tu regente ipsam, & exemplar aliquod habet  
ad quod aspicit: sed istud exemplar est ne-  
cessariò ante ius positium: quod autem est  
ante ius positium, non est ius positium: ergo  
exemplar quod imitatur ratio inueniens ius  
positium, non est de iure positio: sed nihil  
est ante, nisi ius naturale & diuinum: ergo  
necesse est, quod istud exemplar sit ius natu-  
rale & diuinum: sed omne exemplatum per-  
ficitur ab exemplari: ergo ius positium per-  
ficitur à iure naturali & diuino: & hoc est quod  
dicit Tullius.

*sed con-  
tra.*

IN CONTRARIUM huius est quod  
dixit Noë Genes. 9. quod maledictus puer Cha-  
naan, seruus seruorum erit fratribus suis. Si  
ergo per Patriarchas Dei inspirationem ha-  
bentes, inducta est seruitus: ergo est de iure  
diuino.

2 Item de Abraham, Isaac, & Iacob legi-  
tur, quod habuerunt seruos & ancillas: cum  
ergo inspirationem Dei habuerunt, & nihil  
contra naturam vel ius egerunt, seruitus est de  
iure naturali & diuino, vt videtur.

3 Item in Nouo Testamento 1. Petr. 2. &  
Ephes. 6. & multis aliis locis præcipitur ser-  
uis, quod in omni timore obediant dominis,  
non tantum bonis & honestis & modestis, sed  
etiam discolis: ergo conditio seruitutis est de  
lege Christi: & sic nec contra naturam, nec  
contra diuinam: ergo nec seruus.

4 Item viddo, quod propter peccatum  
traditur homo vt sit in potestate demonis:  
ergo multò magis tradetur in potestatem ho-  
minis: ergo potest iusto Dei iudicio vnus effi-  
ci seruus alterius.

RESPONSIO. Dicendum, quod conditio *Solutio*  
seruitutis est in genere humano: quia nisi esset,  
non impediret matrimonium.

AD PRIMUM ergo dicendum, quod non  
est deriuata seruitus ex inæqualitate naturæ, sed  
potius ex inæqualitate operum in pœnam in-  
ducta: & ideo non est fauorabilis, sed potius eo-  
rum quæ per se fugiuntur, vt dicunt Philosophi.

AD HOC autem quod obiicitur, quod contra  
naturam est, &c. dicendum quod natura dicitur  
dupliciter, vel potius tripliciter: dicitur enim  
quandoque natura ipsa species communicabi-  
lis indiuiduis, & participata ab illis, sicut di-  
cuntur omnes homines natura homines. Di-  
citur etiam natura quandoque ratio naturalis:  
& hoc dupliciter, scilicet ex naturalibus pro-  
cedens, & in naturalibus consistens, vel ex na-  
turalibus procedens ad ordinem eorum quæ  
incidunt præter naturam, quantum illa ordi-  
nari est possibile. Et primo quidem modo  
quod est contra naturam, non potest stare: &  
hoc modo seruitus non est contra naturam,  
sed potius personalis, & contra statum perso-  
næ. Secundo autem modo iterum non est na-  
turalis: quia sic non est naturale nisi ius illud,  
quod natura omnia ea quæ sunt illius naturæ  
docet. Sed tertio modo seruitus est naturalis:  
quia per eam ordinatur culpa quæ inducta est  
in natura ex vitio personæ. Et per hoc patet  
etiam solutio ad sequens: quia Gregor. vocat  
contra naturam, quod est contra naturam pri-  
mo modo dictam, non autem tertio.

AD ALIUD dicendum, quod seruus con-  
sideratur dupliciter, scilicet secundum quod  
est particeps gratiæ vel gloriæ, quæ sunt maxi-  
mæ perfectiones animæ, & in talibus æquatur  
domino, vel etiam quandoque præponitur.  
Consideratur etiam secundum opus & facul-  
tatem, & in talibus est in potestate domini. Et  
primo modo loquitur Apostolus.

AD ALIUD dicendum, quod patet so-  
lutio ex prius inducta distinctione: quia ser-  
uitus ex re innaturali inducta est, quæ est  
peccatum: sed tamen ex ratione ordinatur &  
peccatum & pœna peccati, quæ est seruitus.

AD ALIUD dicendum, quod Tullius ac-  
cipit naturam pro naturali ratione, cuius ha-  
bitus regit in omni iure positio: & ita trahi-  
tur ab eo sicut exemplatum ab exemplari, sicut  
probat obiectio: & ita inde trahitur ordo pec-  
cati per pœnam quæ est seruitus: peccatum  
enim in pœna & per pœnam ordinatur.

## ARTICVLVS II.

*An seruitus impediatur matrimonium, &  
quo iure?*

Secundo quæritur, An seruitus impediatur  
matrimonium? Videtur, quod non: omne  
enim impedimentum alicuius contrarietatem  
aliquam habet ad aliud: sed seruitus nullam  
habet



habet contrarietatem ad matrimonium: ergo non impedit ipsum. Probatum autem prima: quia nihil impedit aliud, nisi quod in contrarium operatur vel agit: & agens in contrarium, est contrarium necessario. Secunda autem patet: quia seruus potest habere fidem, prolem, & sacramentum.

2 Item, Si impedit: aut impedit ex genere, aut ex differentia addita. Si ex genere: ergo omnis conditio impediret matrimonium, quod falsum est, cum conditio libertatis non impediat. Si autem ex differentia contrahente. Contra: Ergo omnis seruus impedit, & semper: ergo & seruus cum ancilla contrahere non potest, quod falsum est: ergo conditio seruilis non impedit matrimonium.

3 Item, Secundum naturam ita est, si aliquid ex natura sui aliquid impedit, quod illud multiplicatum plus impedit: ergo si seruus impedit matrimonium, multiplicata seruitus plus impedit ipsum: sed hoc est falsum, quia seruus cum ancilla contrahere potest, cum tamen in eis sit multiplicata seruitus: ergo hoc est falsum, quod seruus impedit matrimonium.

4 Item, Pœna seruitutis statui matrimonij ante existenti superuenit ex ultione peccati, sicut & alia pœna: sed ego video, quod alia pœna non impediunt: ergo nec ista debet impedire.

5 Item, In signato matrimonio magis est contractus ancillæ cum libero, quam liberæ cum libero: ergo etiam in signo magis debet esse ratum matrimonium ancillæ cum ingenuo, quam ingenuæ cum ingenuo: ergo conditio non impedit matrimonium, sed etiam promouet. Probatum prima ex hoc quod verbum Dei Patris ingenuissimum, nostræ nupsit naturæ in vna persona Filij in thalamo veri virginalis, cum tamen dicit Philosophus primo meta. quod multipliciter natura nostra est ancilla. Secunda autem constat.

*Sed contra.* IN CONTRARIUM huius est, quod omnis deceptio & fraus rescindunt contractum: sed si ingenuus cum ancilla ignoranter contrahat, ibi est deceptio: ergo contractus rescindendus est.

2 Item, Matrimonium est de bonis partim propter se, & partim propter aliud expetendis, ut dicit Philosophus: libertas autem est de per se expetendis, seruitus autem de fugiendis: ergo libertas conuenit cum ratione boni appetibilis matrimonio, & seruitus contrariatur: sed contrarium impedit: ergo seruitus potest impedire matrimonium.

3 Item, Multa sunt onera matrimonij ex seipso: ergo onerans ex alieno non debet addi oneri matrimonij, quia nimis graue efficeretur: sed seruitus onerat ex alieno: ergo non debet addi matrimonio: sed potius si ignoranter fiat contractus, pro nullo debet reputari à iure, ne nimis graue onus matrimonij efficiatur.

*Solutio.* RESPONSIO. Dicendum, quod ex constituto ciuili & Ecclesiæ in fauorem libertatis seruitus ignorata cum opposita conditione, scilicet libertatis, impedit matrimonium contrahendum, & dirimit contractum, nisi

velint sponte commanere, postquam coniunx ingenuus scit de conditione seruitutis in alia.

AD PRIMUM ergo dicendum, quod hoc habet contrarietatem aliquam non ad essentiam matrimonij, sed potius ad consequentia, scilicet ad debiti redditionem, & ad bonum statum prolis: & ideo nimis graue est matrimonium cum illa conditione: propter quod statutum est, quod sit impedimentum eius.

AD ALIUD dicendum, quod ex differentia impedit, & argumentum non sequitur: quia differentia non habet contrarietatem ad se in alio indiuiduo, sed potius ad differentiam oppositam: sicut patet, quod rationale in Platone non contrariatur rationali in Sorte, sed irrationali contrariatur. Ita conditio seruitutis non opponitur seruituti matrimonij, sed potius libertati, & cum illa impedit matrimonium.

AD ALIUD dicendum, quod hoc verum est de illo ad quod habet contrarium, sed suum simile magis augmentat: & ideo si posset multiplicari seruitus contra libertatem in matrimonio, bene concedendum esset, quod magis impediret: sed hoc esse non potest, cum vna sit vnus tantum: & ideo illud argumentum non cogit.

AD ALIUD dicendum, quod alia pœna in utroque sunt coniugum, & non augent onera matrimonij, nec faciunt ipsum vilioris conditionis in bonis suis: sed hæc omnia facit seruitus: & ideo non est simile. Præterea, Alia pœna secuta sunt originale, & ista secuta est vitium personale: & ideo non est æqualiter in omnibus: & ideo iterum non est simile.

AD VLTIMUM dicendum, quod natura nostra ancilla est in hoc quod suorum operum non est tota causa: sed ancillatio illa non tradit eam in potestatem contrarij domini: & ideo æquiocatio est in argumento: quicquid tamen in nobis sit qui frequenter peccauimus, & ideo serui peccati secundum aliquem modum sumus. Nostra tamen natura prout assumpta est à Christo, liberrima fuit: & ideo falsum supponit obiectio: & patet qualiter intelligitur dictum Philosophi.

### ARTICVLVS III.

*An impediat ex iure naturali vel positio?*

TERCIO queritur, Vtrum impediat ex iure naturali, vel positio, vel diuino? Videtur autem, quod non ex naturali: quia hoc, ut dicitur in digesto veteri, est quod natura omnia animalia docet: constat autem, quod natura non docet seruitutem: ergo videtur, quod ista conditio non est de iure naturali: ergo nec matrimonium impedit de iure naturali.

2 Item, Si impediret per vim iuris naturalis, oporteret quod contrariaretur alicui eorum quæ sunt matrimonij in coniunctione maris & femina: sed hoc non inuenitur de facili: ergo per vim iuris naturalis non impedit.

3 Videtur



3 Videtur autem, quod nec ex iure diuino: quia hoc potius persuadet humilitatem, quam exaltationem. Vnde etiam dicitur 1. Corinth. 7. Seruus vocatus es, non sit tibi curæ: sed si potes fieri liber, magis vtere. Ergo de seruitute etiam de iure diuino persuasum est, quod liber maneat cum ancilla, vel è conuerso: ergo non impedit matrimonium ex iure diuino. Videtur, quod nec ex humano iure positiuo: quia totum ius humanum oritur à diuino, vel à naturali: sed istud nec à diuino oritur, nec ab alio: ergo non est impediens de iure positiuo.

*Solutio.*

RESPONSIO. Dicendum, quod impedi-

mentum istud vim habet à iure positiuo, quod est statutum Ecclesiæ habentis Dei auctoritatem & inspirationem ad ordinationem peccati per pœnas, vt prius habitum est.

AD OBIECTVM autem contra, dicendum quod quoad hoc est naturale, quod natura insurgit & punit nocuum: & ideo pœna peccati naturali iure stabiliuntur: & hoc modo reducitur ad naturam: sed non oportet, quod sit naturale vel diuinum sicut vnum præceptorum naturalium vel diuinorum, sed potius iudiciale statutum in pœnam peccantium, & in fauorem libertatis, quæ primo ex animi libertate & nobilitate virtutis exorta est.

### *De copula serui & ancillæ diuersorum dominorum.*

In cōcilio Cabilonensi, ibidem. c. Dictū est.

Matt. 19.

**Q**UÆRITVR etiam, Si seruus vnius ancillam alterius acceperit, an sit inter eos coniugium? De hoc etiam ita statutum est, Dictum est nobis, quod quidam legitima seruorum matrimonia potestatiua quadam præsumptione dirimant: non attendentes illud, Quod Deus coniunxit, homo non separet. Vnde nobis visum est vt coniugia seruorum non dirimantur, etiam si diuersos dominos habeant, sed in vno coniugio permanentes dominis seruiant suis. Et hoc in illis obseruandum est, vbi legalis coniunctio fuit, & per voluntatem dominorum. Attende finem huius capituli, vbi videtur innui præter voluntatem dominorum inter seruum & ancillam non posse contrahi coniugium: vel si contrahitur, non esse ratum. Quibusdam tamen videtur inter eos posse fieri coniugium, dominis ignorantibus.

### *De viro qui se facit seruum vt dimittatur ab uxore.*

In Tiburienſi concilio ibidem. c. Perlatum.

**C**ONSIDERANDUM etiam notandum, quod si mulier virum liberum acceperit, & ille vt causam præstet dissidij, se alicuius seruum fecerit, nec ille vxorem dimittere, nec illa ob vinculum coniugij in seruitutem redigi poterit. Vnde illud, Perlatum est ad sanctam synodum, quod quidam ingenuus ingenuam acceperit vxorem, & post filiorum procreationem occasione diuortij, cuiusdam seruum se fecerit, vtrum & mulierem necessario tenere debeat: & si tenuerit, an illa etiam seruituti subiici debeat, quæsitum est. Iudicatum est vxorem minimè debere dimitti: non tamen ob Christi legem mulierem in seruitutem redigi, dum ille non ex consensu coniugis se seruum fecerit, quem liberum ipsa maritum acceperat.

### ARTICVLVS IV.

*An seruus vnius potest contrahere cum ancilla alterius?*

**Q**uarto quæritur de seruo vnius contrahente cum ancilla alterius. Et hoc quæritur propter ea quæ dicuntur in cap. 2. Vide-

tur autem, quod hoc esse non possit: quia seruitus vnius onerosum reddit coniugium: sed hic est triplex seruitus, vel etiam quadruplex: ergo nimis onerosum efficitur coniugium: est enim hic duplex seruitus dominorum duorum coniugum, & seruitus viri ad vxorem, & è conuerso.

2 Item Matth. 6. Nemo potest duobus dominis seruire. Ergo nec hic: ergo non possunt duobus



duobus dominis seruiles coniungi. Si forte dicis, quod hoc verum est quando iubentur contraria. Contra: Sit quod vxor petat debitum, quando dominus postulat seruitium: tunc enim iubent contraria: ergo iste est in perplexitate: sed nullus debet esse perplexus: ergo nullus debet tale coniugium contrahere.

3 Item, Sit quod dominus precipiat illi, quod nunquam reddat ei debitum, sed semper in domo domini manens ut inuigilet actibus domini: & similiter dominus ancillae precipiat: constat, quod tenentur obedire, quia Apostolus hoc precipit: ergo videtur, quod nunquam est tempus exigendi vel reddendi debitum: ergo nec maritalis societas potest esse inter tales: ergo nec coniugium.

4 Item, Esto quod dominus precipiat ei ne consentiat in matrimonium: constat, quod debet esse obediens, alias dominus puniret eum: ergo videtur, quod consentire non potest: ergo nec matrimonium contrahere.

5 Item, Quicquid est rei quae in me est, meum est cum re mea: sed iste seruus domini sui est: ergo & domini est, quicquid est serui: sed vxor serui est serui: ergo vxor serui est domini: sed vna mulier non potest esse duorum, nihil commune habentium: ergo vxor serui debuit esse illius domini ancilla, cuius ancilla fuerat ante. Obiectio eadem est de seruo in comparatione ad dominum ancillae. Cum igitur haec omnia sint inconuenientia, videtur quod nullum coniugium sit cum seruo & ancilla diuersorum dominorum.

6 Item, Pueri talium seruorum dubie generantur: licet enim secundum leges quasdam partus sequatur ventrem, tamen consuetudines diuersarum terrarum de hoc dubiae sunt: quia sicut supra probatum est, homo est animal cuius vterque sexus pro educatione filiorum sollicitatur, sed substantia patris magis principalis est in generatione filij, quam etiam matris: ergo videtur, quod plus pertinet de partu ad patrem, quam ad matrem: si ergo isti generant vnum infantem, ille erit duorum dominorum, & forte contraria precipientium, quod esset magna absurditas. Cum ergo multa inconuenientia sequantur ex tali coniugio, videtur quod tale coniugium sit illicitum.

*Solutio.*

RESPONSIO. Dicendum, quod talia coniugia licet sint difficilia, tamen sunt licita.

AD PRIMVM ergo dicendum, quod seruitus viri in vxorem, & e converso, aequiuoca est ad seruilem conditionem: quia vxor non est ancilla viri, nec vir est seruus vxoris: & ideo illa obiectio non concludit inconueniens.

AD ALIUD est distinguendum: quia aut seruus contraxit matrimonium consentientibus dominis, suo, & vxoris, aut dissentientibus, aut altero consentiente, & altero dissentiente. Si autem primo modo, tunc soluendum est debitum coniugale: quia qui consentit principale, intelligitur consensisse accessorium. Et ita quando matrimonio consenserunt, concessisse intelliguntur & tempus ad soluendum debitum. Si autem ambo dissentiant, tunc adhuc distinguendum videtur, scilicet aut quia non est hora soluendi debi-

tum maritalis, aut seruendi dominis. Si primo modo, si est nox, & in cubili secreto est cum vxore, puto quod tenetur soluere debitum. Si secundo modo, tunc puto, quod debent seruire dominis. Si autem tertio modo, tunc sub eadem distinctione seruendum non consentienti.

AD DICTVM autem Apostoli dicendum, quod interest qualiter aliquis suae re utatur: & ideo leges sunt, quid debeant facere seruis domini eorum. Vnde Apostolus dicit ibidem, Domini, quod iustum est, impendite seruis, scientes quia vester dominus est Christus.

AD ALIUD dicendum, quod non potest precipere dominus, ut nunquam sibi ipsi intendat seruus: quia hoc esset contra curam & prouidentiam naturalem. Vnde sicut non potest prohibere, ne intendat sustentationi speciei, est enim tempus operandi & quiescendi in vno die naturali, sicut nox in qua nemo operatur, sicut dicitur Ioan. 9. Et similiter est in vna septimana, sicut tempus feriarum: & tunc non potest seruus sustineri a redditione debiti. Sed verum est, quod bene potest impediri imperio domini a cohabitatione continua. Ad dictum autem Apostoli patet responsio per antedicta.

AD ALIUD dicendum, quod quoad hunc consensum non est seruus in potestate domini: quia ille consensus habet conditionem libertatis ex seipso, ut supra patuit in quaestione de impedimento violentiae siue coactionis. Et causa huius est, quia quod ad naturae permanentiam in solatium mortalitatis natura concessit, non debet poni in potestate cuiusquam: & ideo etiam domino contradicente, dummodo aliis velit seruus, potest liberè consentire in matrimonium.

AD ALIUD dicendum, quod illud decipit secundum aequiuocationem eius quod est suum, vel meum: quia aliter est vir vxoris, & e converso, & aliter seruus domini, ut patet ex praehabitis: extraneissimus enim modus habendi est ille quo vir habet vxorem, & habetur ab ea, & propinquissimus ille quo habetur seruus a domino, sicut possessio: & ideo non valet ratio illa.

AD VLTIMUM dicendum, quod si plures tales generarent filios, tunc diuidantur a dominis in quibusdam Alemaniarum partibus: si autem vnus solus, tunc diuidi non potest, sed vnus ab alio accipit pretium, & tunc est vnus tantum.

## ARTICVLVS V.

*An vir potest se dare in seruum alteri sine consensu vxoris, & absolui per hoc a redditione debiti? & simile queritur de muliere.*

Q Vinto queritur de conditione quae superuenit matrimonio: & hoc ratione tertij capituli, ubi hoc impugnat in littera. Videtur autem, quod non sit secundum rationem ins quod determinatur in littera. Dicit enim Bernard,



Bernard. Quod pro charitate institutum est, contra charitatem non debet militare. Ergo à simili quod pro libertatis favore institutum est, contra libertatem non debet militare: sed quod ille se seruum facit, est contra liberum usum vxoris, quo uti debeat viro suo: ergo videtur, quod debeat rescindere matrimonium, ut ipsa libera contrahat cum alio, cuius possit liberum habere usum.

2 Item, In omni natura ita est, quod idem impedit rei generationem, & destruit generationem, sicut patet in frigido, & calido, & in omnibus mixtis, & simplicibus: sed seruitus impedit matrimonij generationem siue contractum: ergo etiam destruit iam contractum si ei superueniat: ergo malè determinatur in litera.

*Quæstio- cula 1.* I T E M quæritur, Vtrum ille possit se dare seruum alteri: videtur, quod non: quia non habet potestatem sui corporis, ut dicit Apostolus: sed qui non habet potestatem, non potest se dare alteri: ergo iste non potest se dare alteri in seruum.

2 Item, Quod fit cum præiudicio alterius, de iure fieri non potest: sed istud fit cum præiudicio mulieris, quia impeditur vir à solutione debiti mulieris, quod quæsiuit in viro: ergo de iure fieri non potest: ergo se non potest dare alteri.

3 Item, Ipse non potest se Deo dare ad seruendum in claustro sine consensu vxoris: ergo minus se potest dare homini: quia fauorabilior est seruitus diuina, quam humana.

4 Item, Cum duo sint fauorabilia, & tertium non fauorabile, iura debent esse pro duobus fauorabilibus contra tertium: sed in matrimonio sunt libertas personarum, & matrimonium, quorum vtrumque est fauorabile: & seruitus est tertium, quod non est fauorabile: ergo debent iura esse pro libertate, & honestate matrimonij: ergo non debet concedi, quod ille se possit facere seruilem in præiudicium matrimonij, & libertatis.

5 Item, Sicut dicit lex in digesto veteri, lib. quarto. de his quæ vi metusve causa fiunt. Si metus cadat in vxorem vel liberos, reputatur cadere in constantem virum: quia viri boni est magis velle pati in seipso, quam turpia pati in vxore vel liberis. Ergo à simili cum vxor quæ remanet libera, multo magis horreat seruitutem in prole, quam in seipsa, non debet in iure aliquid admitti, quod sibi prolem ponat sub seruitute, cum ad hoc contraxit cum ingenuo ut ingenua proles permaneret. Cum igitur seruitus prolis causatur ex seruitute viri in pluribus terris, videtur quod non debeat admitti in iure, quod vir se possit dare in seruum.

V L T E R I V S quæritur, Vtrum mulier si militer se possit dare in ancillam? Et videtur, quod sic: quia ad paria iudicantur vir & mulier: ergo & quod potest facere vir, potest facere mulier.

I N C O N T R A R I V M est, quod ex hoc expressa sequitur seruitus prolis: quia secundum leges partus sequitur ventrem.

2 Item, Vir est caput mulieris: ergo non potest aliquid facere, ad quod non dirigitur a viro: ergo nec sine consensu viri potest se facere ancillam.

R E S P O N S I O. Sine præiudicio dicendum, quod si vir se dat in seruum contra voluntatem mulieris, in nullo debito quo tenetur vxori, dominus potest eum impedire: quia hoc in quo fuit vxoris, se alij domino, ea viuente, dare non potest: & ideo etiam conceditur stare matrimonium: hoc enim modo coniunxit eos Deus, & homini non licet separare propter aliquam molestiam quacunque superuenire potest.

A D P R I M V M ergo dicendum, quod istud non militat contra libertatem: quia mulier remanet libera, & in libero usu viri in omni debito suo.

A D A L I V D dicendum, quod hoc ideo est in natura, quia per necessitatem naturæ agunt naturalia & patiuntur. Sic autem non est in moralibus: unde culpæ in moribus franguntur pœnis, quæ nullam habent cum eis contrarietatem, licet contrariantur delectationibus peccantium & appetitibus: & ideo etiam propter institutum Ecclesiæ aliquid impedit contrahendum, quod non dirimit contractum. Supra hoc tamen supra habita est alia solutio quæ melior est, quam ista, & ibi respiciatur.

A D A L I V D dicendum, quod iste potest se dare in seruum saluo omni iure vxoris, tam in corpore, quam in bonis, & in liberis: aliter puto, quod sit peccatum mortale dominis si ipsum recipiunt: & ideo cessat obiectio, quia nullum præiudicium incurrit vxor. Per hoc etiam patet solutio ad sequens.

A D A L I V D dicendum, quod obsequium diuinum in claustro annexum est voto continentiae, quod præiudicat debito matrimonij, & ideo sine consensu vxoris fieri non potest: sed tale non est obsequium domini carnalis: & ideo non valet argumentum.

A D A L I V D sine præiudicio videtur mihi, quod sine peccato mortali non subiungantur pueri seruituti, si mater antequam pariat eos, non consentiat seruituti.

A D A L I V D dicendum, quod mulier meo iudicio se in ancillam dare non potest: quia in hoc non ad paria iudicantur.

### De etate contrahentium.

**H** O C etiam sciendum est, quod pueri ante 14. annos & puellæ ante 12. annos secundum leges matrimonium inire nequeunt. Quod si ante prædicta tempora copulam inierint, separari possunt, quamuis voluntate & assensu parentum iuncti fuerint. Qui verò in



in pueritia copulati post annos pubertatis nolunt se relinquere, sed in coniunctione permanere, iam ex hoc efficiuntur coniuges, & deinceps nequeunt separari. Item, Sponsalia ante septennium contrahi non possunt: solo enim consensu contrahuntur, qui interuenire non potest, nisi ab alterutra parte intelligatur quod inter eos agitur. Duo illa executi sumus cum aliorum quorundam adiectione quibus coniugium solui potest, nec tamen solui semper necesse est. Nunc de illis quæ personas illegitimas penitus faciunt, addendum est, & primum de ordine.

ARTICVLVS VI.

*An masculi ante 14. annos, & puella ante 12. annos inire possint matrimonium?*

**D**Einde quæritur de hoc quod dicit ibi [Hoc etiam sciendum, quod pueri ante 14. annos] Videtur enim hoc esse inconueniens: quia secundum leges tutorem accipiunt usque ad 25. annum: ergo videtur, quod usque ad illud tempus non sit ratio confortata ad consensus discretionem: ergo videtur, quod constitutio debet tempus contrahendi ponere in 25. annis.

2 Item, Qui religionem ingrediuntur, non possunt facere professionem usque ad 18. annum, sicut dicit noua constitutio: ergo cum magis sit obligari Deo, quam homini, etiam ad obligationem quæ fit homini in matrimonio, videtur quod expectandi sint 19. anni.

3 Item, Ad officium prædicationis & sacerdotij non debet assumi aliquis ante 30. annum: cum igitur vinculum matrimonij sit perpetuum dum viuit coniunx, & habet multas tribulationes adiunctas, sicut dicit Apostolus 1. Corinth. 7. videtur, quod expectandum sit tempus 30. annorum.

*Quæstio- cula.* I T E M, Quare aliter in viro determinatur tempus, quam in puella, vt duo anni refecerentur.

*Solutio.* R E S P O N S I O. Dicendum, quod hic quæsitæ partim determinata sunt supra, vbi de sponsalibus agebatur. Ad omnium ergo harum determinationem habendam sciendum, quod vis augmentatiua vt in pluribus stat perfecta in 30. anno: & hoc contingit, quia calor naturalis debilitatur ex multa ingestione extranei humidi acquisiti ex nutrimento. Calor autem debilitatur ex euaporatione in quantum secum trahit humidum naturale, & remanet corpus siccum, non extensibile radicalibus membris supra quam extensum est: & ideo stat augmentum secundum causam physicam. Causa autem mathematica est, quia mouens cæleste quod mouet singulariter ad perfectionem indiuidui, completur non minus quam in 30. annis: si enim motus planetarum vltimus accipitur, tunc completur in 30. annis: quia saturnus complet cursum suum in totidem annis, cum quo alij iunguntur omnes, & ipse cum nullo aliorum, sicut dicunt Philosophi, & omnes alij Doctores.

*D. Alb. Mag. in Lib. 4. Sentent.*

res astrorum. Adhuc, Motus capitis draconis perficitur in minori. Similiter coniunctio minor saturni & iouis perficitur in 30. annis octaua parte anni minus: & coniunctio magna saturni & martis in signo cancri perficitur in 30. annis. Coniunctio autem iouis & saturni de triplicitate in triplicitatem, & coniunctio eorundem de circulo in circulum, fiunt in maiori tempore: sed illæ causant accidentia generalia mundi & prouinciarum, & non personalia nisi secundum quid. Et ideo vltimum spatium perfectionis humanæ est in 30. annis, & citra incipit declarari incrementum, & similiter sibi coniungi motus superior, ita quod intellectus incipit dominari perfecte ad regimen vitæ & corporis: & hoc per quinque annos: & ideo alius terminus ponitur à legibus super annos 35. Motus autem perfectus capitis & caudæ est in 18. annis, in quo complentur omnes coniunctiones, & præuentiones, & eclipses solis & lunæ, quæ inter omnia astra maiorem habent effectum supra corpora nostra: & ideo tertius terminus ponitur in 14. annis. Modus autem periodi siue datoris vitæ quam hismalite mathematici vocant, est secundum numerum signorum circuli nati qui est 12. anni, vt dicit Albumasar: & ideo quartus terminus ponitur in annis 12. & in 14. Et quia in periodo natiuitatis 7. signa se vident, vt dicunt Abraham & Albumasar, & ideo quintus terminus ponitur in sponsalibus 7. annis. Dicendum igitur, quod ordinantur isti actus placere sponsalia, & generare posse, & discernere spiritualia, & vim eorum, & regere se posse sufficienter & familiam, & posse habere perfectam notitiam ad instructionem aliorum: quia semper vnus est altior quam alius: ideo sponsalium terminus ponitur in 7. & matrimonium in 12. in puella, & pueri in 14. cuius ratio est supra assignata: & introitus religionis in 18. & regimnis familiæ & prouisionis in 25. & auctoritatis docendi in 30. Et per hoc patet solutio omnium obiectionum.





## DISTINCTIO XXXVII.

*In quo ordine nequeat fieri coniugium.*

**A** De impedimentis quæ omnino faciunt illegitimum ad matrimonium contrahendum cum omni, propter ecclesiasticam institutionem.  
Dist. 32. c. Seriatim.  
Ex Carthaginensi concilio.  
ibidem. cap. Placuit.  
Dist. 32. cap. Lex continentia.  
Dist. 32. c. Siquis.  
Dist. 18. c. Presbyteris.  
Dist. 27. c. Nullum.  
Innocentius Papa. 3. dist. 28. c. Decernimus.



VNT igitur quidam ordines, in quibus nullatenus potest contrahi coniugium: & si intercesserit copula, fit diuortium, ut sacerdotium, diaconatus, & subdiaconatus. In aliis verò permittitur sortiri coniugium, nisi religionis habitum sumpserint, vel continentia vovum fecerint. Vnde Leo Papa, Clericos, lectores, ostiarios, exorcistas, acolythos, si extra votum & habitum inveniuntur, & continentiam profiteri nolunt, uxorem ducere virginem Ecclesia Romana permittit, non viduam vel repudiatam: quia deinceps nec ad subdiaconatum prouehi poterunt, nec laicus uxorem sortitus nisi virginem, vel bigamus ad clericatum. Item ex Carthaginen. concilio. Placuit Episcopos, presbyteros, diaconos, subdiaconos etiam ab vxoribus abstinere: quod si non fecerint etiam ab ecclesiastico remoueantur officio. Cæteros vero clericos ad hoc non cogit. Item Leo Papa. Lex continentia eadem est ministris altaris, quæ Episcopis & presbyteris: qui cum essent laici vel lectores, licet uxores ducere potuerunt, sed cum ad prædictos peruenerunt gradus, cæpit eis non licere quod prius licuit. Item in sexta synodo, Siquis eorum qui ad clericatum accedunt, voluerit nuptiali lege mulieri copulari: hoc ante ordinem subdiaconatus faciat. Item Calixtus Papa, Presbyteris, diaconibus, subdiaconibus, monachis, concubinas habere seu matrimonium contrahere penitus interdiximus: contracta quoque matrimonia ab huiusmodi personis disiungi: & personas ad pœnitentiam debere redigi, iuxta sanctorum canonum distinctionem iudicamus. Item Gregor. Nullum facere subdiaconum Episcopi præsumant, nisi qui se castè victurum promiserit, quia nullus debet ad ministerium altaris accedere, nisi cuius castitas ante susceptum ministerium fuerit approbata.

## ARTICVLVS I.

*An ordo impediat matrimonium?*

**S**VNT igitur quidam ordines, &c.] Hic agitur de impedimento ordinis: & non sunt in ista distinctione nisi duo parua capitula, quorum primum est de impedimento ordinis: secundum de intersectoribus suarum coniugum, & incipit ibi [His adiiciendum est de percussoribus, &c.] Circa primum autem capitulum quærentur septem. Primum est, An ordo impediat matrimonium contrahendum, & dirimat contractum? Secundum, Vtrum sit locale & temporale impedimentum, vel perpe-

tuum & generale? Tertium, Vtrum omnis ordo hoc facit, vel quidam, & quis sit ille? Quartum de eo qui habens uxorem, uxore contentiente, est ordinatus, vtrum ipsa vxor teneatur intrare religionem? Quintum de eo qui ordinatus est uxore nesciente vel reclamante, vtrum aliquod præiudicium sit factum vxori? Sextum de clericis orientalibus qui ordinantur, vtrum reclamantibus vxoribus possint ordinari? Septimum de vxoribus orientalium, qui volentibus vxoribus sunt ordinati, vtrum post mortem clerici mariti ad perpetuam teneantur continentiam?

Ad primum sic proceditur: Sacramentum non est contrarium sacramento: sed nihil impedit



impedit aliud, nisi quod est contrarium ei: ergo videtur, quod sacramentum non impedit sacramentum: ergo nec ordo matrimonium.

2 Item aut ordo impedit ex se, aut ex adiuncto. Non ex se: quia sic omnis ordo impediret, quod falsum est. Si autem impedit ex adiuncto, hoc non est nisi votum castitatis: ergo non debet assignari speciale impedimentum matrimonij, sed sub voto contineri: ergo specialis tractatus non debuit esse de isto impedimento, sed in sequenti distinctione sub impedimento voti debuit contineri.

3 Item, Typus & veritas sibi respondent: ordo autem veteris legis erat typus ordinis nouæ legis: ergo respondet sibi: sed constat, quod sacerdotes Veteris Testamenti habebant & ducebant vxores in ordine existentes: ergo & in Nouo possunt hoc facere: ergo ordo non est vnum de impedimentis matrimonij.

4 Item, Si ordo impedit matrimonium, aut hoc est ratione proles, aut ratione fidei, aut sacramenti, aut ratione concubitus qui est in matrimonio. Si ratione proles: ergo proles haberet contrarietatem ad ordinem, quod falsum est, cum à Domino sit imperatum, quod crescant homines & multiplicentur. Similiter constat, quod nec ratione fidei, nec ratione sacramenti. Si dicatur ratione actus hoc esse, hoc etiam non est nisi quia contrariatur actus diuinus. Sed contra: Maxime diuino non contrariatur, scilicet participationi Eucharistiæ, quia matrimonio iuncti percipiunt Eucharistiam: ergo non contrariatur ei minus diuinus: ergo non contrariatur: ergo ordo non impedit matrimonium.

5 Item videtur quod etiam promoueat: quia ordo constituit in iure Christi qui est sponsus Ecclesiæ fecundans ipsam gratia ad bona opera: ergo congruit ipsum exprimere hoc in figura: sed figura huius est habitus vxoris, ut dicitur Ephes. 5. ergo videtur, quod congruit ordinatos sacris ordinibus habere vxores: ergo ordo non impedit matrimonium, sed potius matrimonium facit ordinatum meliorem.

Sed contra.

IN CONTRARIUM huius est, quod dicitur Isa. 52. Mundamini qui fertis vasa Domini. Si enim hoc in Veteri Testamento imperabatur, multo magis in Nouo est tenendum: sed coitus matrimonij est cum immunditia quadam mixtus: ergo ille qui fert vasa Domini & ipsum Dominum, non debet esse obnoxius ad coitum: ergo nec coniunctus debet esse matrimonio.

2 Item, Cogitare tantum quæ Dei sunt, & diuidi ad cogitandum quomodo placeat vxori, & quæ mundi sunt, & quæ dicuntur, simul esse non conuenit: sed diuinis obsequiis deputatus, debet tantum cogitare quæ Domini sunt: ergo non debet ipse esse obnoxius ad cogitandum quæ sunt vxoris & mundi: sed existentes in sacris ordinibus, diuinis obsequiis sunt mancipati: ergo, &c. ergo non debent habere vxores, quia habens vxorem, sic est diuinus, ut dicit Apostolus 1. Corinth. 7.

3 Item, Sicut patet Num. 6. & 14. Dominus interdixit ne leuitæ possessionem habe-

rent, sed liberè eis ministrarentur aliorum labores, ne laboribus impediti possent minus vacare obsequiis diuinis: sed magis abstrahit ab obsequio diuino cura vxoris & domus, quam cura colendorum agrorum: ergo cum sit necessitas temporis, magis conuenit ministris altaris interdici vxoris curam & domus, quam colendarum terrarum: sed in Nouo Testamento non est necessitas se propagandi ulterius, ut supra probatum est: ergo in Nouo Testamento conuenit legem continentia interdici ministris altaris.

4 Item, Sicut dicunt Philosophi, studium altarum scientiarum quærit abstractionem à carne: sed altissima scientia est lex diuina: ergo studentes in ipsa debent abstrahi à carne: sed omnes ministri altaris tenentur studere in illa: ergo, &c. sed nullus est melior modus se abstrahendi à carne, quam per legem continentia: ergo videtur, quod conuenit eis legem continentia indicare.

5 Item, Augustinus in libro de ciuit. Dei, Lib. 9. c. 16. inducit Apuleium dicentem, quod Deum deorum vix aliquis nisi maxime à carne separatus sit, mente conspiciere possit: constat autem, quod sacerdos maxime mente conspiciere debet Deum: ergo per legem continentia maxime decet eum à carne esse abstractum.

RESPONSIO. Dicendum, quod vltimæ solutionis rationes probant, quod congruit ordinem sacrum impedire matrimonium: sed tamen non est necessarium: & hoc est concedendum. Vnde ordo de se congruitatem habet continentia: sed necessitas continentia causatur à rationali constitutione Ecclesiæ.

AD PRIMUM ergo sciendum, quod ordo in quantum est sacramentum, non impedit matrimonium, sed ex annexo, scilicet immunditia coitus, & distractione ad curam vxoris & puerorum. Vnde licet sacramentum sacramento non contrarietur: tamen annexum vni sacramento, potest non conuenire actui & officio alterius sacramenti, & ita impedire ipsum.

AD ALIUD dicendum, quod ordo habet aliquid rationis impediendi etiam præter votum, quia incongruitatem habet, ut patet in omnibus rationibus vltimo inductis. Et ita patet, quod est speciale impedimentum, vim trahens ab institutione Ecclesiæ. Nec est simile de ordinibus non sacris: quia ratione sanctitatis istius ordinis ordo iste habet incongruitatem ad ea quæ sunt matrimonij: licet tamen sanctitas illa sit ordini substantialis, quia est sanctitas officij, & actus qui est circa altare.

AD ALIUD dicendum, quod perfectior est veritas, quam typus & figura: & ideo plus inuenitur in veritate, quàm in typo. Et obiectum illud bene tenet de figura perfecta: sed non in omnibus fuit figura, quia ordo tantum fuit figura ordinis, & non fuit ordinatus figura ordinati, quia illi sacerdotes seruiebant in propagatione carnis tempore paucitatis fidelium: sed isti sunt tempore propagationis spiritualis.

AD ALIUD dicendum, quod matrimonium non impedit ratione substantia: aut effectus qui est triplex bonum matrimonij, sed ratione eius quod dictum est. Ad id quod contra-



era obicitur, dicendum quòd multò minus est communicare, quam consecrando efficere corpus Domini, & sibi commissio populo intendere in diuinis: & ideo illa obiectio non procedit.

AD ALIUD dicendum, quòd non promouet, sed impedit, ut dictum est: & hoc quòd obicitur, peccat secundum æquiuocationem: quia metaphorica est similitudo illa, & non ad literam referenda, & est ac si obiceret, ridens est lætus: pratum ridet: ergo pratum est lætum.

## ARTICVLVS II.

*An ordo sit impedimentum matrimonij locale, temporale particulare vel vniuersale, vbiq; & semper?*

Secundo quæritur, Vtrum istud impedimentum sit locale temporale & particulare, vel vbiq; semper & generaliter? Videtur autem esse locale: quia non vbiq; impedit, sed tantum in Ecclesia occidentali: ergo, &c.

Similiter videtur temporale: quia non semper impediuit, cum Petrus legatur vxorem habuisse, & Philippus & alij quidam Apostoli & Episcopi.

Similiter videtur esse particulare: quia non omnis ordo impedit, sed quidam, quatuor enim primi non impediunt matrimonium: ergo videtur, quòd sit locale temporale & particulare.

*sed contra.*

IN CONTRARIUM huius est: quòd enim naturale est alicui, ut dicit Aristot. vbiq; conuenit ei, sicut ignis in Perside, & in Græcia comburit: sed naturale est ordini impedire matrimonium: ergo vbiq; debet impedire. Prima probata est per Aristot. in secundo eth. Secunda autem probatur per omnes rationes inductas in præcedenti articulo ad hoc, quòd ordo impedit matrimonium.

Item, Sicut dicit Gloss. 1. Corinth. 6. Statuta Ecclesiæ habent auctoritatem à generalitate: sed istud est statutum Ecclesiæ habens auctoritatem: ergo est generale: non ergo est locale: propter hoc enim dicit Apostolus 1. Corinth. 14. Sicut in omnibus Ecclesiis sanctorum doceo,

3 Item Boëtius in prologo libri de Trinitate dicit, quòd Ecclesia dicitur Catholica ab vniuersalitate, eò quòd vbiq; sit diffusa: ergo videtur, quòd etiam id quòd impedit in vna parte & vno tempore, semper & vbiq; debeat impedire matrimonium.

Vltius videtur, quòd omnis ordo debeat impedire: quia etiam exorcistæ accipiunt vim expellendi dæmones, & lectores potestatem exponendi prophetias: sed ad primum horum requiritur spiritualitas, cui non conuenit carnalitas debiti matrimonialis: & ad secundum requiritur studium, qui non competit cura domus & vxoris: ergo videtur, quòd talibus non licet contrahere: & eadem est ratio de aliis.

*solutio.*

RESPONSIO. Dicendum ad primum, quòd quantum est de congruitate, est impedimen-

tum illud vbiq; & semper: sed quia congruitas ista non dicit nisi aptitudinem & non necessitatem, sed potius necessitas ista causatur ab Ecclesiæ instituto, ideo quantum ad necessitatem separandi matrimonium illud est locale & temporale. Et sic patet solutio ad omnia obiecta præter vltimum: quia argumenta non probant nisi aptitudinem. Quòd autem Ecclesia particulariter hoc, & post tempus primitiue Ecclesiæ instituit, causa est, quia particulariter & temporaliter & non à tempore primitiue Ecclesiæ subditi quidam elegerunt, & se deinceps ad hoc astrinxerunt.

AD VLTIMUM dicendum, quòd illi ordines non impediunt de maxima congruitate, sed de congruitate remota. Ad obiectum dicendum, quòd exorcistæ magis hoc faciunt vi exorcismorum, quos memoriter tenent, quam vi sanctitatis quæ sit in officio ordinis: quia non est actus eorum super corpus Christi verum, sed mysticum, & quantum ad energumenos, qui non sunt verè de corpore mystico, sed in potentia. Et similiter lectores recitant prophetias, quæ sunt lumen veritatis obumbratum figuris. Et ideo non oportet eis indicare legem continentie.

## ARTICVLVS III.

*An omnis ordo sacer impediatur matrimonium?*

Tertio quæritur, Vtrum omnis ordo sacer impediatur matrimonium contrahendum, & dirimat contractum? Videtur autem, quòd non: quia sicut se habet ordo ad sanctitatem, ita se habet ad matrimonium impediendum: sed differenter se habet ad sanctitatem: ergo differenter se habet ad matrimonium impediendum. Prima probatur ex hoc quòd ordo non habet rationem quare impediatur matrimonium, nisi ex sanctitate sui actus & officij. Secunda autem patet per se: quia ad maiorem sanctitatem tenetur sacerdos, quam diaconus, & diaconus, quam subdiaconus: cum igitur sacerdotium impediatur contrahendum & dirimat contractum, videtur quòd diaconatus impediatur contrahendum, & non dirimat contractum, & subdiaconatus non impediatur, nec dirimat.

2 Item, Omnis sanctitas quæ est in sacramentis, est ex forma: sed subdiaconus & diaconus non accipiunt ordinem ad formam Eucharistiæ, sed tantum super materiam accipiendam à populo subdiaconus, & ordinandum in altari diaconus: ergo nihil attringunt de sanctitate sacramenti: ergo non oportet, quòd impediatur propter hoc matrimonium.

3 Item, Nulli magis indigent medicina contra concupiscentiam, quam ministri altaris: sed matrimonium est medicina contra concupiscentiam: ergo maximè indigent matrimonio: ergo maximè debet eis concedi matrimonium.

4 Item, Non pertinet ad subdiaconum legere Euangelium, sed Epistolam: ad diaconum autem



autem pertinet legere Euangelium & non conficere sacramentum: sed ad sacerdotem pertinet conficere sacramentum: habent ergo isti ordines in gradibus altioris & inferioris potestatis: hæc igitur potestas debet ascendere quibusdam gradibus sanctitatis: sed hæc sanctitas non bene exprimitur nisi impar continentie modus eis indicatur: ergo videtur, quod non tres isti ordines impediant matrimonium contrahendum & dirimant contractum.

*Sed contra.*

IN CONTRARIUM huius est, quod omnes isti ordines dicuntur sacri à sanctitate excellenti super communem populum: ergo ad aliquid tenentur, ad quod non omnis populus: sed hoc non potest esse nisi continentia perpetua: ergo ad perpetuam continentiam tenentur.

*Solutio.*

RESPONSIO. Dicendum, quod de congruitate omnes isti tres ordines impediunt matrimonium contrahendum & dirimunt contractum: & hæc congruitas ad actum reducitur per Ecclesiæ institutionem, ut prius dictum est.

AD PRIMUM ergo dicendum, quod differens illa sanctitas non est in remouendo se à delectationibus venereorum, sed potius in attingendo perfectionis altioris modum: unde quilibet tenetur ad continentiam: sed continentia in subdiacono est sicut virtus simpliciter, in diacono sicut virtus purgatoria, & in sacerdote sicut virtus purgati animi: quia etiam intentio virtutum non est principaliter in recessu à malo, sed in accessu ad bonum.

AD ALIUD dicendum, quod est sanctitas in sacramentis dupliciter. Vna est quasi forma ipsius sacramenti. Alia est quæ non est forma in sacramento, sed potius in anima in qua efficitur. Dico igitur, quod sanctitas quæ formalis est in sacramento, est in materia sacramenti ut dispositio quædam, & in loco, & in nutu, & in verbis, & in cæteris huiusmodi, & non est tantum ex forma sacramenti. Sed sanctitas quæ est effectus sacramenti in eo qui percipit ipsum, illa est à forma sacramenti in tali materia. Unde cum sit sanctitas ut dispositio in materia sacramenti, & loco, & verbis, & ritu qui cheleta à beato Dionys. vocatur: oportet omnes cultui sacramenti appropinquantes, perfecte separari à contagione incontinentiæ: & ideo omnibus illis indicitur continentia perpetua.

AD ALIUD dicendum, quod matrimonium est medicina indirecta, potius excipiens morbum quam curans. Ministri autem Domini curari debent esse à concupiscentia: & ideo aliam veram & directam curam accipiunt, quæ est spiritualis gratia refrigerans æstum concupiscentiæ, & exercitium spiritualium quod abstrahit animum à cogitatu concupiscentium.

AD ALIUD dicendum, quod differens ille gradus pro minimo sponit perfectum recessum ab immunditiis rationem sub carne deprimentibus: sed in exaltatione differunt sicut purgatores & illuminatores & perficientes, sicut dicit Dionys. Quod enim ipse refert

*D. Alb. Mag. in Lib. 4. Sentent.*

ad ordinem diaconi & sacerdotis & Episcopi vocans diaconum purgatorem, eo quod eicit immundos à loco sacro: & sacerdotem illuminatorem, propter doctrinam: & Episcopum perfectiorem, propter consummatam potestatem in confirmando & consecrando, hoc nos possumus referre ad subdiaconum & diaconum & sacerdotem, dicendo subdiaconum purgare per doctrinam Epistolarum, diaconum illuminare luce Euangelica, & sacerdotem perficere conferendo Eucharistiam. Et per hoc patet solutio ad totum.

#### ARTICVLVS IV.

*An habens uxorem, si uxore consentiente, sit ordinatus; ipsa uxor teneatur intrare religionem?*

Quarto quaeritur de eo qui habens uxorem, uxore consentiente est ordinatus, utrum ipsa uxor religionem intrare teneatur. Videtur autem, quod non: quia in ea est consentire quantum vult: sed iste ordinatus non tenetur ad castitatem, nisi dum viuit ipse: ergo si illa consentit castè viuere dum viuit maritus, videtur quod hoc sufficiat ad hoc quod maritus ordinetur: ergo post mortem illius viri ipsa potest nubere alteri: ergo non tenetur intrare religionem.

2. Item, Si fornicatus esset vir, & dimissus propter fornicationem, ipsa non teneretur continere, nisi dum viueret vir: ergo videtur, quod hoc sufficiat viro ordinato, quod ipsa contineat dum ille viuit: ergo non tenetur intrare religionem.

3. Item, Ista mulier non tenetur ad castitatem ex hoc quod ille suscipit ordinem, nisi eo vinculo quo ipsa subiacet legi viri: sed sicut Apostolus dicit Rom. 7. & 1. Corinth. 7. Mulier alligata est legi quanto tempore vir eius viuit. Quod si dormierit vir eius, liberata est à lege. Cui autem vult nubat, tantum in Domino. Ergo cum illa parte vitæ qua viuit post mortem viri, non subiaceat viro, videtur quod in illa non obligatur ad castitatem ex hoc quod maritus recipit ordinem: ergo non tenetur intrare religionem.

IN CONTRARIUM est, quod votum castitatis viri per ordinem quodammodo solennizatur: sed non possunt perpetuo vir & mulier separari, nisi per votum ex utraque parte solennizatum: ergo mulier talis tenetur ad votum continentie perpetuæ solennizatum, vel quasi solennizatum.

2. Item, Quandiu ista non perpetuam vouit continentiam, tandiu timor est de castitate sua, quia votum hoc faceret, si de castitate non timeret: sed quandiu talis est timor, non potest ille vouere continentiam: ergo nec potest ordinem suscipere cui est annexum: sed suscipit ordinem: ergo non timet amplius de castitate uxoris: ergo vouit continentiam perpetuam, quasi solenniter.

RESPONSIO. Dicendum, quod talis mulier tenetur ad castitatem dum viuit, hoc est, ad castitatem perpetuam: sed si iuuenis est, de

QQ 3

*Solutio.*

cuius



eius lapsu timeretur, teneretur intrare religionem: si autem non est talis, debet esse in loco honesto in castitate perpetua.

AD PRIMVM ergo dicendum, quod in ea vouere vel non vouere est voluntatis: sed tamen eo modo quo dat licentiam viro, intelligitur etiam ipsa vouere. Votum autem viri solennizatur & perpetuatur per ordinem: & ideo etiam ipsa perpetuat & solennizare intelligitur votum suum. Et hoc ideo est, quia sunt æqualis vinculi: & ideo de simili etiam communi consensu oportet quod seinuicem absoluant.

AD ALIVD dicendum, quod non est simile: quia vir tunc amittit ius quod ipse habet in corpore mulieris propter peccatum suum: mulier autem est contra retinens ius in corpore viri, & ideo remanet libera. Hic autem non amittit nisi per votum voluntarium consimile in utroque: & ideo necessarium est perpetuare votum suum.

AD VLTIMVM dicendum, quod mulier eo vinculo impedit, quo subiaceret legi viri quoad debitum carnis: sed illud debitum non absoluitur quocunque voto, sed tantum voto perpetuo quod intelligitur solennizari.

## ARTICVLVS V.

*An ordinatus vxore reclamante tenetur reddere debitum non obstante ordine?*

Quinto quaeritur de eo qui ordinatus est vxore reclamante, utrum aliquod præiudicium sit factum vxori? Videtur autem, quod sic: quia ille omnimodè habet ordinem: ordini autem est annexum votum castitatis solenne: ergo iste ad perpetuam tenetur castitatem: sed non potest teneri ad castitatem, nisi illa perdat debitum in corpore viri: ergo vxori factum est præiudicium in corporali debito mariti.

2 Item, Fortius præiudicat minus forti: sed fortius est solenne votum in ordine, quam matrimonium: ergo præiudicat illi: ergo dirimit contractum matrimonium: ergo mulieri fit præiudicium.

*Sed contra.* IN CONTRARIVM est, quod vir quando ordinem accepit, in potestate sua carnem suam non habuit: ergo de ipsa nihil facere potuit per votum: ergo iste adhuc vxori reddendus est.

2 Adhuc, Si sine consensu vxoris in religione esset tonsoratus, ipse ei redderetur: ergo multò magis reddetur ei, quando tantum ordinem sacrum sine consensu vxoris accepit.

*Solutio.* RESPONSIO. Dicendum, quod talis est vxori reddendus, sed non habet potestatem perendi debitum, sed tantum reddendi. Et mortaliter peccauit hoc modo accipiendo ordinem: & etiam post mortem vxoris ad perpetuam etiam si superuixit, tenetur castitatem.

AD PRIMVM ergo dicendum, quod votum nullum & stultum fuit: quia de alieno nullus vouere potest, & fuit alienum quoad id quod vxor habuit in corpore suo.

AD ALIVD dicendum, quod non esset votum, sed potius stulta quædam promissio de alieno.

## ARTICVLVS VI.

*An clerici orientales reclamantibus vxoribus possint ordinari?*

Sexto quaeritur, Vtrum clerici orientales reclamantibus vxoribus possint ordinari? Videtur, quod sic: quia non eis fit præiudicium, cum post ordinem possint reddere debitum & commanere sicut prius.

2 Item, Cum tria sint in coniugio, scilicet essentia coniugij, & actus debiti carnalis, & bonum: nullum horum impedit ordo orientalium: ergo videtur, quod non possit impediri per vxoris contradictionem. Et prima quidem patet per se.

3 Item, Contradicente vxore non impeditur vir à voto terræ sanctæ, vbi contingit eum pluribus annis abesse ab vxore: ergo multò minus inter orientales, vxore contradicente, impeditur ab ordine ex quo ipsa nunquam priuatur debito suo.

4 Item, Reclamatio emendationis saluo iure vxoris nulla est si fiat ab vxore contra virum suam vitam emendantem: sed per ordinis susceptionem emendatur maritus, quia maior gratia confertur ei: ergo videtur, quod reclamante vxore fieri possit, dummodo saluum sit ius matrimonij.

IN CONTRARIVM est quod dicit Apostolus 1. Corinth. 7. Nolite fraudare inuicem, nisi forte ex consensu. Ergo si non sit par utrobique consensus, nec ad tempus possunt se à debiti solutione absolvere: sed orientalis tempore suæ vicis tenetur ad castitatem, quam non potest tenere, nisi vxore consentiente: ergo videtur, quod non potest in ordinem suscipiendum consentire, ad cuius susceptionem sequitur talis obligatio castitatis.

2 Item, Ordinati vxor secundum multos in orientalibus post mortem ordinati tenetur ad perpetuam castitatem: ergo suæ libertatis fit ei præiudicium per ordinem susceptum à viro: ergo non potest suscipi ordo, nisi de vxoris voluntate.

RESPONSIO. Hoc vltimò probatum videtur mihi esse conueniens, licet antiqui quidam dixerint contrarium.

AD PRIMVM ergo dicendum videtur, quod licet in substantia debiti non fiat ei præiudicium, tamen in tempore quodam fit ei præiudicium, scilicet tempore vicis, & in statu futuræ libertatis fit ei præiudicium, sicut probant vltimæ obiectiones.

AD ALIVD dicendum, quod contrariatur quodammodo actui: quia in tempore priuat eam, licet non simpliciter.

AD ALIVD dicendum, quod hoc votum necessarium est pro liberatione terræ sanctæ: si tamen sciret probabiliter periculum vxoris futurum, credo quod melius faceret non peregrinando.

AD ALIVD dicendum, quod non torum



totum vxoris ius remanet saluum, sicut patuit ex prædictis.

ARTICVLVS VII.

*An uxores orientalium consentientes ordinationi suorum maritorum tenentur continere post mortem eorum?*

Septimo quæritur, Vtrum uxores orientalium consentientes in ordinationem suorum maritorum, teneantur perpetuè continere post mortem virorum? Videtur, quod non: quia mulier post mortem à lege viri est soluta: ergo cui vult nubat secundum Apostolum 1. Corinth. 7. tantum in domino.

2 Item, Quæ esset causa, quod non posset nubere? vir enim suus de cætero ex quo defunctus est, non contrahit bigamiam, nec ista mulier tenebatur ei nisi ratione matrimonij: ergo videtur, quod soluto matrimonio ipsa se iungere possit cui voluerit.

*Sed contra.*

IN CONTRARIUM est, quod ad paria vir & mulier in continentia & debito matrimonij iudicantur: ergo quale est votum viri, tale necessario est etiam votum mulieris: sed votum viri est, vt post suam aliam ducere non possit: ergo à simili mulier post mortem viri alium virum ducere non potest.

*Solutio.*

RESPONSIO. Dicendum, quod vxor post mortem sacerdotis (vt dicunt) alium virum ducere non potest: quando enim consensit in ordinem viri, consensit etiam vel consentire intelligitur consequens ordinem: & hoc est votum continentia perpetua, quod quidam dicunt causari ab Ecclesiæ institutione, quidam autem à vi voti, quod melius credo, quia intelligitur eo modo solennizatum quo solennizatum est votum viri, vt scilicet post mortem mariti nunquam alium accipiat: sicut nec ille post mortem vxoris aliam ducere potest.

AD PRIMUM ergo dicendum, quod soluta est à lege viri post mortem eius, sed non à voto, quod intelligitur solennizasse, quando consensit, quod vir susciperet ordinem.

AD ALIUD dicendum, quod votum interpretatum ponitur pro causa: & sic patet solutio. Tamen Hugo dicebat contrarium, scilicet quod licet ei ducere alium: sed dicta opinio est celebrior.

ARTICVLVS VIII.

*An verum sit, quod in aliquibus ordinibus potest contrahi matrimonium, nisi habitus religionis obsit?*

Deinde quæritur de hoc quod dicit ibi [In aliis verò permittitur, &c.] Hoc enim quod dicit, vel votum continentia fecerint, non potest intelligi nisi de voto simplici: quia aliter disiuncta essent nulla: votum autem simplex non dirimit contractum: ergo videtur, quod in voto simplici permittitur fieri coniugium: ergo nulla est causa quam ponit in litera.

RESPONSIO. Dicendum, quod iurelligitur de voto simplici, & hoc impedit contrahendum & sortiri prohibet coniugium: quia rem sortitur aliquis, quando primò acquiritur, non quando vtitur re iam acquisita. Et per hoc patet solutio obiectionis.

*Solutio.*

ARTICVLVS IX.

*An aliquis talium tenetur ducere virginem?*

Deinde quæritur de hoc quod dicit ibi [Vxorem ducere virginem, &c.] Videtur nihil esse: quia potest accipere virginem, vel non virginem, sicut sibi videtur.

RESPONSIO. Loquitur ex hypothesi, si clericus sacerdos fieri intendit: quia si non virginem duceret, bigamia obstarat ne sacerdos efficeretur.

*Solutio.*

ARTICVLVS X.

*An aliquis talium potest ducere viduam aut repudiatam?*

Deinde quæritur de hoc quod dicit ibi [Non viduam vel repudiatam, &c.] In Nouo enim Testamento nulla est repudiata: ergo pro nihilo videtur illud dicere.

RESPONSIO. Dicendum, quod repudiata est dimissa qualitercunque, licet vxor non fuerit, quia bigamiam inducit quocunque modo ducitur corrupta.

*Solutio.*

*De interfectores suarum coniugum.*

**H**is adiiciendum est de occisoribus suarum coniugum, de quibus Nicolaus Papa scribit Radulpho Bituricensi Archiepiscopo: Interfectores suarum coniugum sine iudicio (cum non addis adulterarum vel aliquid huiusmodi) quid aliud habendi sunt quam homicidæ? ac per hoc ad pœnitentiam redigendi, quibus penitus denegatur coniugium. Hic videtur Nicolaus permittere maritis pro adulterio aut alio huiusmodi uxores suas interficere: sed ecclesiastica disciplina spirituali gladio, non materiali criminosos ferire iubet.

*1. q. 2. c. Interfectores.*



§ 1. q. 2.  
c. Qui-  
cunque  
propria

Vnde idem Nicolaus, Inter hæc vestra sanctitas addere studuit: si cuius vxor adulterium perpetraverit, vtrum marito eius secundum mundanam legem interficere liceat? Sed sancta Dei Ecclesia nunquam mundanis constringitur legibus, gladium non habet nisi spirituale. Item Pius Papa, Quicunque propriam vxorem absque lege & sine causa interfecerit, aliamque duxerit, armis depositis publicam agat poenitentiam: & si contumax extiterit, anathematizatur vsquequo consentiat.

## ARTICVLVS XI.

*An crimen impedimentum sit & quanta virtutis?*

**D**Einde quæritur de hoc quod dicit ibi [His adiiciendum est de occisoribus, &c.] Quæritur enim hic de impedimento criminis. Et quærentur quatuor. Primum est, Quanta virtutis sit istud impedimentum? Secundum, Quæ & quot sunt crimina matrimonium impediencia? Tertio de tribus casibus, in quibus per crimen commissum diuiditur matrimonium contractum. Quartum, Vtrum licet maritis vxores adulteras interficere, sicut litera videtur dicere, vel non?

Ad primum sic proceditur: Nullum impedimentum adeò dignum est pœna sicut crimen: ergo nullum adeò efficaciter debet impedire matrimonium: ergo crimen debet impedire contrahendum, & dirimere contractum.

2 Item, Crimen directè contrarium est coniunctioni animæ cum Deo: cum ergo matrimonium sit huiusmodi coniunctionis signum, crimen frustrat signatum matrimonio: ergo aufert à matrimonio bonum sacramenti: sed sublato illo aufertur matrimonium, vt supra habitum est: ergo videtur, quod crimen impediat contrahendum, & dirimat contractum.

3 Item, In omnibus aliis sacramentis crimen impedit effectum: ergo & in isto: ergo videtur, quod dirimat contractum.

4 Item, Nullum est impedimentum quod adeò directè contrariatur matrimonio sicut crimen: sed alia quædam minus contrariantia dirimunt contractum: ergo & istud dirimet ipsum. Probat autem prima: quia alia sunt frequenter sine peccato personæ quæ matrimonium contrahit: istud autem nunquam. Secunda autem patet per se.

Sed contra.

**I**N CONTRARIUM est, quod matrimonium est medicina: sed quanto aliquis est infirmior, tanto paratior debet ei esse medicina: ergo cum crimen sit infirmitatis, quanto aliquis est criminiosior, tanto minus impediri debet à matrimonio, ne per concupiscentiam ruat in præceptum.

2 Item, Ponamus, quod istud superueniat matrimonio: constat, quod non impedit propter periculum: ergo nec etiam tunc debet impedire, cum idem periculum sit de incontinentia.

3 Item, Alia impedimenta impediunt frequenter quoad vnam, & non quoad aliam, & in illis non tollitur medicina: sed istud impedit quoad omnia: ergo tollit medicinam: ergo nisi temperetur, desperabit ager: ergo ab Ecclesia temperandum est, ita quod licet impediatur contrahendum, non tamen dirimat contractum.

**Q**UOD CONCEDENDUM est: quia nullum impedimentum criminis ita impedit contrahendum, quod etiam dirimat contractum præter adulterium in triplici casu, sicut partim supra dictum est, & iterum infra dicetur.

**A**D PRIMUM ergo dicendum, quod ex ratione reatus maxime impedit, sed ob hoc non contrahit fortitudinem impediendi, sed potius ex hoc quod destruit essentialia matrimonio, sicut consensum, vel debiti redditionem, vel aliquid tale: nullum autem horum destruit crimen: & ideo non est adeò violenter impediens sicut alia.

**A**D ALIUD dicendum, quod contrariatur coniunctioni ex eo quod destruit causam coniunctionis quæ est meritum, & non ex hoc quod destruat signum. Vnde non est verum, quod id quod contrariatur signato, contrarietur signo, nisi per se & formaliter intelligatur, scilicet quod contrariatur signato, in quantum est signatum illius: hoc autem modo crimen non contrariatur coniunctioni fidelis animæ cum Deo: vnde non valet argumentum.

**A**D ALIUD dicendum, quod impedit effectum matrimonij qui est gratia: sed tamen non impedit matrimonij effectum, id est, quod matrimonium efficiatur: sicut etiam crimen in aliis sacramentis sacramentum non impedit, sed effectum sacramenti, qui est gratia.

**A**D ALIUD dicendum, quod hæc est falsa: quia nullum impedimentum ita contrariatur matrimonio sicut crimen, vt patet ex prædictis.

## ARTICVLVS XII.

*Quot & quæ sunt crimina matrimonium impediencia?*

**S**ECUNDO quæritur, Quæ & quot sint signa criminis matrimonium impediencia? Et consueuerunt poni sex, scilicet interfectio propriæ coniugis, incestus, raptus sponsæ alterius, insidians iuri vel debito vxoris, sicut ille qui proprium filium leuat à fonte, vt per hoc vxoris



vxoris suæ compater effectus, non teneatur ad debitum: occisio presbyteri, & pœnitentia solennis.

Obiicitur autem de primo: quia interficiens propriam coniugem, non peccat nisi in matrimonium quod fuit inter eum & coniugem suam: ergo non debet puniri nisi in illo matrimonio: ergo videtur, quod liceat ei contrahere aliud matrimonium, contra quod non peccauit.

2 Similiter etiam obiicitur de incestu: in illo enim apparet æstuans concupiscentia: cum ergo medicina illius sit matrimonium, videtur quod ille maximè debeat per Ecclesiam ad matrimonium inuitari: ergo non debet constitui ab Ecclesia, quod hoc crimen matrimonium impediat.

3 Eodem modo de tertio obiicitur. Videtur enim, quod rapiens sponsam debet eam habere: quia inter eam & primum non sunt nisi sponsalia, & inter eam & secundum interuenit carnale commercium: & per hoc soluuntur sponsalia, ut supra habitum est: ergo videtur, quod ex hoc ipso, quod rapit eam, efficiatur non sponsa alterius: ergo non impedit matrimonium ex hoc, quod rapuerit sponsam, sed eam potest habere uxorem.

4 Vltius de quarto: quia ille nullo modo peccat contra omne matrimonium, sed tantum contra suam coniugem: sicut ergo peccans in contractu vnus matrimonij, non propter hoc impeditur ab alio, ita nec iste impediri debet ab alio matrimonio contrahendo post mortem coniugis suæ.

5 De quinto autem videtur, quod sit pœnitentia irrationabile: quia presbyter non est persona pertinet ad matrimonium: ergo occidens eum, nihil peccat matrimonium: ergo iniuste punitur in matrimonio.

6 Sextum etiam nihil rationis habere videtur: quia solenniter pœnitens est laudabilis: quia nec apertum vituperium eum retrahit à pœnitentia: sed nihil habet rationis, quod aliquis puniatur in eo in quo est laudabilis: ergo pro illa pœnitentia non debet pœnitens solenniter puniri: sed magna pœna est impediri à matrimonio: ergo solenniter pœnitens à matrimonio non debet impediri.

*Quæstio-  
culæ.* VLTIVS quæritur, Cum hæresis & apostasia à fide & ipsa infidelitas, sint grauiora crimina, quam ista, quare non ponuntur inter impediencia matrimonium? Videtur enim, quod debeant poni: quia enormia sunt, & contra fundamentum matrimonij peccant: ergo impedire debent matrimonium.

*Solutio.* SOLVITIO. Dicendum, quod sex dicta ab antiquis sunt posita crimina impediencia matrimonium contrahendum ex interdicto Ecclesiæ, sed non dirimunt contractum, quinimo dixerunt, quod si iuvenes sunt talia crimina committentes, Ecclesia debet cum eis dispensare etiam de matrimonio contrahendo, ne aliqua occasio ruinæ detur eis ex incendio concupiscentiæ.

DICENDVM ergo ad primum, quod in pœna est hoc statutum: satis enim æquum est ut interficiens coniugem, coniugem de cæteronon inueniat, licet non peccauerit nisi in

vnam: timetur enim, quod similis furor eum etiam debeat concitare in aliam, ut etiam interficiat illam. Vnde hoc fit non ideo quia peccauerit in secundum matrimonium, quia adhuc non est, sed in criminis detestationem, & propter timorem similis in matrimonio sequenti.

AD ALIVD dicendum, quod licet incestus significet nimium æstum concupiscentiæ, tamen reddit etiam personam aliquo modo illegitimam ad matrimonium, in quantum non attendit vel timetur non debere attendere matrimonij honestatem, qui naturæ gradus non attendit: sed præcipue tamen Ecclesia attendit, ut magis vitentur ista crimina propter timorem pœnæ adiunctæ.

AD TERTIVM dicendum, quod raptor sponsæ alterius dicitur, non quod sponsa remaneat si ille voluerit, sed quia ille rapuit eam quæ fuit sponsa: propter matrimonij enim inchoationem aliquam quæ fit in sponsalibus (ut supra habitum est) vult Ecclesia, quod hoc crimen quilibet detestetur, & ideo pœnam talem adiunxit.

AD QVARTVM dicendum, quod non est simile de contractu matrimonij: quia ibi fit damnum temporale tantum, sed hic fit damnum & insidiatio etiam spiritualium, sicut fidei, & huiusmodi: & ideo istud est detestabile.

AD QVINTVM dicendum, quod enormitas criminis exigit longam & asperam pœnitentiam: & ideo interdicitur ei matrimonium, ut nullo alio occupatus possit defflere peccata sua: tali enim consulendum est ut intret religionem: & hæc est ratio ecclesiasticæ institutionis.

AD ALIVD dicendum, quod solenniter pœnitens non potest de cætero vacare deliciis: quia solennis pœnitentia non fit nisi pro crimine quod totam commouit patriam vel urbem, ut supra in tractatu de pœnitentia dictum est: & ideo non est congruum illi amplius vacare deliciis cum uxore: & ideo interdicitur ei matrimonium contrahendum.

AD ID quod vltius quæritur, dicendum *Ad quæ-  
stionem  
lam.* quod multis aliis criminibus posset Ecclesia adiungere hoc in pœnam, quod non contraherent si vellet: sed tamen in præhabitis fecit: quia magis contra matrimonium peccabant vel enormitate sua perpetuum luctum exigebant, sicut duo vltima. Et bene credo, quod hoc infideli & apostatæ esset consulendum: tamen quia talia peccata cum errore & ignorantia sunt mixta, licet enormia sint in se, facilius tamen apud Ecclesiam impetrant veniam: quia non tantum ex malitia, quantum ex ignorantia processerunt. Vnde 1. Timoth. 1. Misericordiam Dei consecutus sum, quia ignorans feci in incredulitate mea. Act. 3. Et nunc fratres scio, quod per ignorantiam fecistis sicut & principes vestri.



## ARTICVLVS XIII.

*An in tribus casibus qui polluit aliquam  
per adulterium, post mortem uxoris  
eam non potest ducere in  
matrimonium?*

**T**ertio quæritur de tribus istis casibus in quibus ille qui polluit aliquam per adulterium, post mortem suæ coniugis eam non potest ducere in matrimonium: sicut enim supra paruit, illi sunt, si machinatus est cum effectu in mortem coniugis, si fidem dedit de contrahendo, si contraxit de facto.

Obicitur autem de primo: sit enim, quod ex ira vel ex inimicitia machinetur in mortem coniugis prioris, & non ad hoc quod contrahat cum adultera, videtur tunc non impedire: quia tales iræ non faciunt aliquod speciale periculum coniugi, eò quod etiam sine adulterio talia possunt accidere: ergo videtur, quod hoc sit generale.

2. Similiter ponamus, quod quando dedit fidem de contrahendo vel etiam contraxit, illa nesciuit istum esse coniugatum, sed putauit solum: tunc enim ignorantia excusat totum peccatum: ergo illa iniuste puniretur, si post mortem alterius coniugis non liceret ei contrahere secum.

3. Item, Pono, quod non fuit verum matrimonium, sed tamen ante separationem per iudicium Ecclesiæ fidem det vel contrahat cum alia: videtur enim, quod non impeditur: quia cum non sit impedimentum nisi ex matrimonio, & illud nullum sit, illud nullum faciet impedimentum: ergo fiet contractus secundus.

4. Item, Vltimus pono, quod det fidem de contrahendo vel contrahat, antequam eam polluat per adulterium, & postea polluat eam per adulterium. Videtur, quod hoc non impedit: quia ius non est nisi de eo qui duxit in matrimonium eam quam prius polluit per adulterium: sed iste non fecit: ergo hoc non impedit.

**Solutio.** - **RESPONSIO.** Dicendum, quod in omnibus istis casibus præter vltimum habent instantiam illi casus tres qui inducti sunt. Sed de vltimo dicendum, quod ex nouo iure determinatum est, quod siue fidem ante adulterium daret, siue post, quod impedit contrahendum

cum illa cui fidem dat, & dirimit contractum: quia similes inuidiæ per vtrumque fiunt matrimonio primo: & ideo similiter determinant de vtroque. In aliis autem tenendum est sicut probant obiecta.

## ARTICVLVS XIV.

*An liceat maritis uxores adulteras interficere?*

**Q**uarto quæritur, Vtrum liceat maritis uxores adulteras interficere, sicut in litera videtur dicere in decreto Nicolai Papæ: videtur, quod sic: quia lex præcipit adulteram lapidari: quod autem lex diuina præcipit, homo exequi tenetur: cum ergo nullus sit adeo offensus ab adultera sicut maritus, ipse potest eam lapidare.

2. Item, Lex dicit maleficos non patiaris viuere: sed malefica maximè est adultera: ergo peccatum etiam est marito, si patitur eam viuere: ergo tenetur eam interficere.

3. Item, Legibus humanis ignoscitur marito, si vno vulnere confodit vtrumque, & adulterum & adulteram: cum igitur leges humanæ exemplatæ sint à diuinis, videtur quod secundum legem diuinam idem fieri debeat: ergo si interficiat eam, debet ei ignosci.

**IN CONTRARIUM** est quod dicitur *Sol. 174.* Ezech. 18. Nolo mortem peccatoris, sed magis vt conuertatur & viuatur. Ergo homo debet eam expectare ad pœnitentiam & non statim interficere.

**RESPONSIO.** Dicendum, quod Ecclesiastico iudicio nullus interficitur: si autem adulter per iudicium ciuile fecerit eam interfici, ipse videatur: bene enim puto, quod si lex humana in talibus seruetur, non est peccatum.

**AD PRIMVM** ergo & secundum dicendum, quod lex timoris fuit lex vetus: & ideo crimina atrociter puniebat, & adulteros condemnabat & alios criminosos: sed lex noua lex amoris est: & ideo Dominus Ioan. 8. adulteram liberabat.

**AD ALIVD** patet solutio per dicta: quia si lex ciuilis seruetur, peccatum, vt puto, nullum incurritur: sed tamen ex misericordia dissimulandum est, sicut ipse Dominus sua misericordia exaltat iudicium dissimulans peccata hominum propter pœnitentiam.

## DISTINCTIO XXXVIII.

*De voto.*

**A** De impe-  
dimentis  
que om-  
nino fa-  
ciunt ille-  
gitimum  
matrimo-  
nium  
contrahē-  
dū cum  
omni  
propter  
proprium  
obligationem.

**V**NC de voto inspiciamus. Votum est testificatio quadam promissionis spontaneæ, quæ Deo & de his quæ Dei sunt, proprie fieri debet. Sunt tamen & vota stultorum, quæ frangenda sunt.

*DIVISIO*





DIVISIO TEXTVS.

**N**unc de voto inspiciamus, &c.] In hac diffinitione tria inquiruntur, scilicet de voto, de quantitate reatus adulterij *ibi* [Cum vir & mulier] Tertio quæritur de fœminis contrahentibus post longam expectationem mariti, qui defunctus esse credebatur *ibi* [Hic quæritur de illis fœminis] Circa primum duo determinat Magister, scilicet de voto, & differentiis votorum: & hoc secundum incipit *ibi* [Sciendum, quod votum aliud commune, &c.] Incidunt autem circa primum sex inquirenda, scilicet quid sit votum? de quo sit votum? quis possit vouere? an licitum votum reddere sit necessitatis? & an votum sit magis obligatorium, quam iuramentum, vel è conuerso? quid sit illud ex quo votum habet vim suæ obligationis? Ad primum assumantur diffinitiones quæcunque inueniuntur. Continetur autem hæc in litera: Votum est testificatio quædam promissionis spontaneæ, quæ Deo & de his quæ Dei sunt, propriè fieri debet. Hugo de sancto Victore in libro de sacramētis parte 12. sic diffinit votum, Votum est sponsio animi voluntaria. Et quidam Iurisperiti sic, Votum est alicuius boni cum deliberatione facta promissio. Antiqui autem Doctores Theologiæ sic, Votum est conceptio boni propositi cum deliberatione firmata qua quis ad aliquid faciendum vel non faciendum se Deo obligat. Alij autem sic, Votum est promissio melioris boni ex deliberatione firmata.

ARTICVLVS I.

*An definitiones voti sint benè assignatæ?*

**O**biicitur autem contra primam sic: Omnis testificatio coram quibusdam est, qui testes esse possunt: sed non omne votum sic est: ergo non omne votum testificatio est. Prima patet ex ratione testificationis, quæ nihil aliud est, quam inuocatio testium ad veritatis assertionem. Secunda autem probatur per hoc, quod quoddam votum est priuatum, quod fit tantum coram Deo.

2 Item, Testificatio aut est per signum, aut per testes. Per signum, sicut dicimus, quod verbum est testis cordis. Si per signum. Contra: Quoddam votum tantum fit in corde, quod nunquam procedit ad signum aliquod. Si autem per testes: tunc non esset votum nisi quod per testes probari posset, quod iterum falsum est.

3 Item, Aliud est testificatio, & aliud est de quo fertur testimonium quandoque: ergo non est testificatio: ergo malè diffinitur per testificationem.

4 Vltèrius obiicitur de hoc quod dicit, Promissionis spontaneæ. Hoc enim non videtur generaliter conuenire voto: quia quidam Iurisperiti diuidunt votum dicentes,

quod votorum aliud est voluntatis, aliud necessitatis: ergo aliquod votum est exhibitionis necessariæ, potius quam promissionis spontaneæ: ergo malè diffinitur.

5 Item, Promissio spontanea est votum: quia promissio spontanea est essentielle prædicatum voti: ergo videtur, quod in recto, non in obliquo debet poni in diffinitione.

6 Vltèrius quæritur de hoc quod dicit, Quæ Deo fieri debet. Quia vota frequenter fiunt sanctis: ergo videtur, quod non semper fiat Deo votum.

Vltèrius obiicitur contra secundā. Quia omnis sponsio facta etiam homini est voluntaria, quia non coacta: ergo omnis talis sponsio est votum.

2 Item, Sponsalia sunt voluntariæ sponsiones nuptiarum: ergo sunt vota, quod derisio est dicere: ergo videtur, quod diffinitio sit mala.

Vltèrius quæritur de tertia. Quia aliquod est bonum naturæ: ergo promissio illius boni cum deliberatione firmata, est votum, quod est absurdum.

2 Item, Promissio quæ fit homini cum deliberatione firmata, si est alicuius boni, secundum hoc esset votum: & sic multa fierent vota inter socios & conciuēs & amicos tota die, quod falsum est: ergo diffinitio nihil valet.

Vltèrius quæritur de quarta. Conceptio enim boni non processit adhuc in promissionem: cum igitur votum sit promissio, ut dicitur in litera, videtur, quod malè & imperfectè diffinit per conceptionem.

2 Item, Conceptio natura & tempore est ante propositum: ergo non est conceptio boni propositi, sed potius propositum bonæ conceptionis: ergo iterum malè per hunc modum diffinitur. Probatur autem prima per hoc, quod nihil proponitur, quod non sit corde ante conceptum: multa autem concipiuntur quæ non proponuntur fieri.

3 Item, Non omnis rei est deliberatio secundum Philosophum: sed potius deliberatio est propter consilium dum est in dubiis tantum: ergo & deliberatio est tantum in dubiis: sed votum frequenter est de his quæ certitudinaliter sunt bona: ergo non omne votum est firmatum deliberatione, sed potius circa suppositionem boni.

4 Item, Votum deliberatione non firmatur, sed potius promissione & publicatione & solennizatione: ergo videtur, quod non benè dicit, Deliberatione firmatum.

Vltèrius quæritur de vltima. Videtur, quod votum non semper sit melioris boni, quia votum necessitatis non est melioris boni, sed communis: ergo non bene sic diffinitur.

2 Præterea, Cum vnius rei sit esse vnum, & diffinitio declarat esse diffiniti, quæritur, Penes quid tot sumantur diffinitiones?

RESPONSIO. Dicendum ad hoc vltimum, *Solutio.* quod votum dicitur dupliciter: communiter, & propriè. Communiter autem quælibet promissio facta Deo de his quæ ad religionem Christianam pertinent, votum dicitur, & sic votum est promissio facta in baptismo & in pœnitentia,



pœnitentia, & in aliis præceptis diuinis siue quibus non est salus, & hoc votum vocatur præcipue à quibusdam Iurisperitis votum necessitatis: quia velut nolit homo, oportet eum seruare illa si vult saluari. Dicitur etiam votum de his facta promissio quæ supra præceptum sunt, quæ Deus non requirit à nobis, nisi nos sponte ad ea obligemus: & de illis dicit Augustinus, quod vouere est voluntatis, & reddere necessitatis: & sic dicitur votum proprie. Dicatur ergo, quod prima diffinitio quæ ponitur in litera, tangit genus & propriam materiam voti in communi, & cui est faciendum. Secunda autem non tangit nisi formam voti in genere voti communis. Tertia autem proprium efficiens & materiam: quia deliberatio efficit, & bonum est materia. Quarta vero tangit efficiens remotum & propinquum, & cui fit & ad quid, id est, finem, quia fit ad obligandum se Deo. Quinta autem & vltima est data de voto propriissime dicto: quia illud non est nisi de meliori bono: & tangit formam in genere per promissionem & effectuum quod est deliberatio spontanea: & ideo ista vltima melior est inter omnes.

AD PRIMVM ergo dicendum, quod testificatio hæc est per signum à deliberatione procedens, quod est promissio quæ cordis est testis: & ideo potest fieri inter se & Deum: quia tunc promissio sua testis erit vel contra eum si transgressor voti fuerit, vel pro ipso si illud seruet.

AD ALIUD dicendum, quod in corde etiam est promissio, quæ testis est inter se & Deum: & ideo patet solutio.

AD ALIUD dicendum, quod non diffinit hic Magister nisi votum proprie sumptum. Vel potest dici, quod præceptum diuinum dupliciter potest attendi, scilicet in comparatione ad finem qui est saluatio, & sic est necessarium: vel absolute quoad obseruationem, & sic est voluntarium, quia voluntarie impletum: & ita non repugnat aliquid esse voluntarium & necessarium.

AD ALIUD dicendum, quod votum proprie est confirmata voluntatis: & ideo promissio proprie loquendo est consequens votum, sicut testificans & confirmans ipsum: & ideo cadit oblique in diffinitione voti: quia tamen promissio materialiter accipitur pro re promissa, quia illa confirmata est volita: ideo materialiter dicitur aliquando votum in recto, sed tamen magis proprie prædicatur oblique de voto.

AD VLTIMUM dicendum, quod votum non fit sanctis, nisi per hoc quod Deus relucet in eis quoad suffragia: & ideo omne votum refertur ad Deum.

AD ID quod quæritur vltius de secunda diffinitione. Ad primum dicendum, quod sponsio à Magistro Hugone accommodè accipitur, vt sit de his quæ pertinent ad religionem.

AD ALIUD dicendum, quod sponsalia sunt ad matrimonium ordinata, quod non tantum pertinet ad religionem, sed secundum quod est officium naturæ.

AD ID quod opponitur de tertia diffini-

tione, dicendum quod hæc est voti in communi: & intelligitur sponsio facta de his quæ pertinent ad religionem. Et per hoc patet solutio ad vtrumque obiectorum illorum.

AD ID quod obiicitur de quarta, dicendum quod conceptio dicitur dupliciter. Vno modo quando aliquid quocunque modo cogitatur: & hæc improprie vocatur conceptio. Alio modo dicitur conceptio quando clauditur corde, & formatur ad actum & ad opus, sicut dicitur conceptus infans qui formatur. Et hoc modo conceptio ponitur in voti diffinitione. Et patet, quod hoc modo conceptio dicit aliquid perfecte volitum.

AD ALIUD dicendum, quod conceptio primo modo dicta præit natura & tempore propositum, sed secundo modo dicta subsequitur: quia nihil prædicto modo formatur, nisi quod ante propositum est ad volendum & agendum.

AD ALIUD dicendum, quod licet materia voti certissime sit bona: tamen modus executionis est dubius, & potestas vouentis, & exitus voti: & quoad illa locum habet deliberatio, & est necessaria.

AD VLTIMUM dicendum, quod deliberatio firmat votum simplex, sed promissio & publicatio & solennizatio firmat quoad aliud etiam votum quoddam.

AD ID quod opponitur de quinta, dicendum quod illa est magis propria inter omnes, & datur de voto propriissime dicto, quod semper est melioris boni quam sit aliquid bonum quod cadit sub præcepto.

## ARTICVLVS II.

*An votum est eorum quæ sunt sub consilio?*

Secundo quæritur, De quo sit votum? Videtur autem, quod de omni bono: cum enim omne bonum actibile sit voluntarie factum, & votum sit sponsio spontanea, videtur quod sit de omni bono.

2 Item Genes. 28. Votum vouit Iacob de his bonis quæ erant necessitatis, scilicet quod Deus esset sibi in Deum, & quod decimas hostias pacificas esset oblaturus: ergo videtur cum hoc sit necessitatis, quod votum sit de bono necessario salutem.

IN CONTRARIUM huius est, quod <sup>Sed contra</sup> dicit Augustinus, quod vouere est voluntatis: <sup>174.</sup> ergo votum cadit super bonum, quod Deus non requirit ab homine: hoc autem est bonum consilij: ergo votum est de bono consilij tantum.

2 Item, Votum proprie est melioris boni, vt habitum est: sed melius bonum est consilij: ergo votum est de bono consilij.

3 Item, Nos videmus, quod soli illi dicuntur super se habere vota, qui se obligant ad consilia, vt religiosi, peregrini, & huiusmodi: ergo videtur, quod votum sit de bono consilij tantum.

SED ITERVM vltius videtur, quod sit <sup>Quæstio</sup> etiam illiciti, sicut patuit in voto Iepte, qui <sup>enla.</sup> vouit vt primum offerret Deo quod sibi reuerrenti



nerenti de victoria domum occurreret, & obtulit propriam filiam: ergo videtur, quod non sit tantum boni melioris de quo est consilium. Si dicas, quod fuit stultum votum, & ideo non acceptum. Contra: Hebr. 11. Iepe numeratur ab Apostolo in catalogo Sanctorum: sed hoc non fieret, nisi Deo votum suum & cetera quae egit, placuissent; ergo votum illud non fuit stultum, nec impium.

2 Item, Videmus quosdam & praecipue feminas vouere, quod non pectinent caput tali vel tali die profesto quando licet operari, vel quod non comedant hunc cibum, sicut anguillam, vel aliud simile: & de his neque consilium est, neque praecceptum: ergo videtur, quod votum non semper est de bono de quo est consilium.

Item, Quidam vouent sibi periculosa, sicut ieiunia biduana vel triduana, vel cum pane & aqua: & generatur eis periculum in tali vita vel ex infirmitate, vel ex paupertate: constat autem, quod de periculosis neque est consilium, neque praecceptum: ergo videtur, quod non semper sit votum boni melioris de quo est consilium.

*Solutio.*

**RESPONSIO.** Dicendum, quod votum proprie dictum non est nisi de his quae cadunt sub consilio: votum autem communiter acceptum est de his etiam quae cadunt sub praeccepto: & per hoc patet solutio ad primum.

**AD SECUNDUM** dicendum, quod votum Iacob erat de bono consilij: cum enim dicit, Erit mihi Dominus in Deum, intelligitur per cultum specialem ad quem in communi non tenebantur alij, sicut est erectio altaris, praedictio loci ad templi futuram aedificationem. Et cum dicit, Decimas, &c. hoc erat consiliabile: quia necdum erant ministri, quibus deberentur decimae, nec etiam multi pauperes, eo quod habitatores tunc erant rari: & ideo cadebant sub consilio. Quae autem obiciuntur in contrarium, sunt concedenda.

*Ad quaestiones.*

**AD ID** quod ulterius quaeritur, dicendum quod sicut dicit auctoritas, Iepe stultus fuit in vouendo, & impius in reddendo. Ad objectionem autem dicendum, quod ratione victoriae quam Dei auxilio habuit, ponitur in catalogo tam Sanctorum, quam eorum qui magna virtute fidei fecerunt, & non ratione eius quod stultè vouit, & impiè soluit: quia Isidorus de talibus dicit, In malis promissis rescinde fidem, & in turpi voto muta decretum.

**AD ALIUD** dicendum, quod omnia talia vota potius sunt sortilegia quaedam, quam vota, & sunt reliquiae vanitatis paganorum, qui ad imagines caeli vel dominos horarum vel dierum haec vel haec dicebant non esse facienda. Vnde de talibus dixit Apostolus Galat. 4. Dies obseruatis & annos. Et si etiam aliquis haec fecerit in honore Dei & suorum sanctorum, tamen prohibenda sunt, nec pro votis habenda propter idololatriae similitudinem: quia ut dicit Hieronymus super Oseam, Non tantum idololatria fugienda est, sed etiam eius similitudo. Et dicitur 1. Thess. 5. Ab omni specie mali abstinete vos.

**AD ALIUD** dicendum, quod in periculum suae sanitatis & vitae nullus potest ali-

*D. Alb. Mag. in Lib. 4. Sentent.*

quid vouere: & ideo cum est periculum, fugiendum est vorum potius, vel pro non voto habendum. Tutum est tamen, quod in talibus quaeratur dispensatio superioris: sed si tardè habeatur illa, etiam sine dispensatione tempore periculi est frangendum. Videtur autem mihi, quod sufficiens causa periculi est paupertas vel infirmitas. Paupertas quidem, ut si vouit non comedere carnes, & cum mendicat, non dantur ei nisi carnes, vel ea quae sunt cum carnibus, quae si non comedat, inedia consumetur. Infirmitas autem, ut si vouit non comedere hoc vel illud, & postea debilitatur nisi comedat, tunc pato posse solui votum. Et sic patet solutio ad omnia quaesita.

### ARTICVLVS III.

*Qui sunt qui possunt vouere?*

**T**ertio quaeritur, Quis possit vouere? Videtur autem, quod quilibet: si enim impediatur, hoc non erit nisi ideo quia tenetur homini in contrario voti. Sed contra: Nullus ita tenetur homini sicut Deo: ergo votum Dei nunquam est dimittendum propter obligationem hominis: ergo quilibet potest vouere.

2 Item, Inferior dominus non potest prohibere obsequium domini superioris: sed omnis homo respectu Dei est inferior: ergo obsequium Dei prohibere vel impedire non potest: ergo votum Dei quod est de diuino obsequio, nunquam est dimittendum propter hominem: ergo quilibet vouere potest.

3 Item, Carnali domino qui super aliquem habet potestatem, magis prodest spirituale obsequium exhibitum ab inferiori, quam carnale: ergo propter carnale non debet eum retrahere a spirituali: sed votum est spirituale: ergo non debet eum retrahere a voto propter carnale.

4 Item, Interest qualiter quilibet re sua utatur, ut dicit lex: constat autem, quod nunquam melius uti potest, quam ad obsequium Dei: ergo videtur, quod dominus nunquam melius seruo uti potest, quam ut impleat votum: ergo vouentem impedire non potest.

**VLTERIVS** quaeritur, Vtrum monachus vouere potest? Videtur, quod sic: quia in multis habet propriam voluntatem: quod autem suae voluntatis est in aliquo & arbitrio, vouere potest: ergo monachus vouere potest. Probatur prima per dictum Bernard. lib. de dispensatione & praeccepto, ubi dicit: Nihil exigit praetatus eorum quae non promisi. Secunda autem constat ex hoc, quod nullus monachus omnia bona se seruaturum promittit.

**IN CONTRARIUM** est, quod promittit obedire viuique ad mortem: ergo in nullo habet propriam voluntatem: ergo nihil potest vouere.

**VLTERIVS** quaeritur de vxore. Videtur enim, quod illa multa possit vouere: quia ipsa non est ancilla, & in multis ad paria iudicatur cum viro: ergo vouere potest in multis sicut vir.

**IN CONTRARIUM** huius est, quod dicitur

*RR r*

*tur*



tur Num. 3. Vbi nulla eius vota approbantur, nisi quorum auctor est vir.

2 Ad idem facit dictum August. supra positum dist. 3 2. cap. 2. Manifestum est ita voluisse legem, feminam sub viro esse, &c.

*Quæstio-  
cula 3.*

VLTERRIVS quæritur de filio & filia-  
familias. Videtur enim, quod nec illi vouere  
possunt: quia eadem lex prohibet: & quod  
lex prohibet, fieri non debet: ergo tales nec  
per se vouere possunt.

*Sed con-  
tra.*

IN CONTRARIUM est, quod videmus  
filiosfamilias ad religionem contra volunta-  
tem parentum conuolare, & rata esse vota eo-  
rum: ergo vouere possunt, ut videtur.

*Solutio.*

RESPONSIO. Dicendum, quod seruus in  
hoc quod seruus, & monachus in hoc quod  
monachus, & vxor in hoc quod vxor, & filius  
vel filiafamilias in hoc quod huiusmodi, nihil  
penitus sua auctoritate vouere possunt: sed  
superioribus suis confirmantibus vota eorum,  
vel cum sciunt ea & non contradicunt quando  
possunt, vim accipiunt habere vota talium per-  
sonarum. Huius autem hæc est causa: quia  
votum est sponsio voluntaria, & tales personæ  
voluntatem liberam in talibus non habent, &  
ideo vouere non possunt.

AD PRIMVM ergo dicendum, quod  
licet omnis homo plus obligetur Deo quam  
homini, tamen Deus non requirit illud obse-  
quium quod factum est in præiudicium iuris  
hominis: & ideo vult Deus ut reddat homini  
suum, & in hoc maxime Deo obsequitur.

AD ALIUD dicendum, quod hoc verum  
est, quando sunt contraria obsequia inferioris  
& superioris: sed quando vnum est obsequium  
vtriusque, tunc sæpè retrahitur aliquis ab ob-  
sequio quod tantum est superioris per obse-  
quium inferioris quod est de ordinatione su-  
perioris: & ita est hic in proposito.

AD ALIUD dicendum, quod licet ma-  
gis fortè prodesset carnali domino spirituale  
quam corporale obsequium: tamen Deus non  
requirit hoc ab ipso, quod carnali careat pro  
spirituali, nisi liberè hoc velit: & ideo potest  
eum retrahere si vult.

AD ALIUD dicendum, quod illa lex non  
restringit aliquem ad meliorem usum rei suæ  
qui esse potest, sed tantum ad licitum: vnde  
dummodo licitè utatur, legifer non intromittit  
se vtrum meliori usu utatur, siue minus bono.  
Et ita facit etiam Deus: quia vult, quod homo  
gaudeat bonis sibi concessis.

*Ad qua-  
stionem  
1.*

AD ID quod quæritur de monachis, mihi  
videtur (saluo maiorum consilio) quod quan-  
diu manet in ordine suo, nihil speciale indu-  
cere per votum suum potest: quia præiudicium  
communitati fieret: quia si de abstinentia  
voueret, non esset qui sibi cibum extra horam  
pararet, & induceretur abusus seorsum come-  
dendi, qui præcipue in claustris cauere debet,  
& multa alia inconuenientia. Ad argumentum  
ergo dicendum, quod non retinuit voluntatem  
suam in aliquo quod derogaret vitæ commu-  
ni, sed fortè in orando præter communem cur-  
sum ordinis: & hoc modo potest aliquid facere  
speciale vel vouere.

*Ad qua-  
stionem  
2.*

AD ID quod de vxore quæritur, dicendum  
quod sub viri potestate est: & ideo fortè nihil

vouere potest, nisi in aliquibus orationibus,  
præter consensum viri: & bene credo, quod  
nec vir sine consensu vxoris, nisi in voto fauo-  
rabili terræ sanctæ.

AD VLTIMUM dicendum, quod in clau-  
stro non debet recipi persona, nisi quæ secun-  
dum ætatem est sui iuris: & talis non est filius-  
familias ætate, licet sub patris fortè sit cura &  
regimine.

*Ad qua-  
stionem  
3.*

#### ARTICVLVS. IV.

*An votum reddere sit necessitatis.*

QVARTO quæritur, Vtrum votum reddere  
sit necessitatis? Videtur, quod sic: quia  
hoc expresse dicit Augustinus. Item, Prou. 29.  
ruina est homini deuotare sanctos, & post vo-  
tum rescindere. Item Deuter. 23. Cum voue-  
ris votum Domino Deo tuo, non tardabis red-  
dere: quia requirit illud Dominus Deus tuus:  
& si moratus fueris, reputabitur tibi in pecca-  
tum. Item ibidem ita, Quod semel egressum  
est de labiis tuis, obseruabis & facies sicut pro-  
misisti Domino Deo tuo, & propria voluntate  
& ore tuo locutus es. Item super idem Gloss.  
Iure teneris, quia propria voluntate spon-  
disti: sed quod aliquis tenetur, oportet redde-  
re: ergo reddere est necessitatis. Item Ps. 75.  
Vouete & reddite Domino Deo vestro omnes  
qui, &c. ibi dicit Gloss. Vota quædam sunt  
propria singulorum, ut castitas, virginitas, &  
huiusmodi. Ad hæc ergo vouenda nos inui-  
tat, non præcipit ut voueamus, sed ut vota red-  
damus: vouere enim vouenti consulitur, sed  
post voti promissionem necessaria redditio  
exigitur. Ex hoc accipitur, quod reddere est  
necessitatis. Item alia Glossa ibidem, Si voue-  
tis, reddite: alioquin de voto rei tenentur &  
damnationem habent, quia primam fidem ir-  
ritam fecerunt. Ex hoc accipitur idem quod  
prius. Item Psalm. 67. Reddam tibi vota mea,  
quæ distinxerunt labia mea.

2 Item, Promissione firmata deliberatione  
quæ sit homini obligatur aliquis ad reddend-  
um: ergo multò magis obligatur promissio-  
ne facta Deo: ergo tenetur vouens ad red-  
dendum.

IN CONTRARIUM est, quod im-  
possibile est reddere quandoque, sicut cum ali-  
qua vouit virginitatem & corrumpitur: ergo  
impossibile est reddere: sed nullus tenetur ad  
impossibile: ergo videtur, quod non tenemur  
semper vota reddere.

2 Item, Vna causa assignatur ab antiquis,  
quod Deus non obligatur promisso, quia non  
obligatur ex necessario, sed ex sua libera vo-  
luntate: ergo à simili cum in votis obligemur  
ex nostra libera voluntate, videtur quod non  
tenemur ad redditionem necessariò.

3 Item, Apud homines impium putatur si  
aliquis ex amicitia promittat alij, & ipse postea  
angariet eum ad necessariò soluendum totum:  
ergo multò magis hoc est apud Deum, qui to-  
tus est ipsa benignitas: ergo videtur, quod  
Deus non arctat ad necessariò soluendum sibi  
votum, quod ex libera voluntate promissum  
sibi est.

RESPON



*Solutio.* **RESPONSIO.** Dicendum, quod necessitas est duplex, scilicet inevitabilitatis siue coactionis absoluta, & necessitatis conditionis. Prima est necessitas, sicut graue necesse est descendere. Secunda autem, sicut infirmus necesse habet sumere medicinam si à morbo vult liberari: & hoc modo necessitatis necessarium est vota reddere, quia aliter causa damnationis animæ incurritur, id est, mortale peccatum. Et ideo concedatur prima pars auctoritatum & rationum.

**AD I D** autem quod primo obiicitur in contrarium, dicendum quod id quod amissum est in quantitate promissi per corruptionem, debet restitui in quantitate doloris in penitentia: quia bene redditur, quod redditur per æquiualens secundum reputationem Dei, licet non sit æquiualens secundum valorem rei: ita enim est æquiualens dolor penitentiae ad omne id quod amittitur per peccatum: & ideo per penitentiam omne peccatum indulgetur.

**AD ALI V D** dicendum, quod non est simile de Deo & hominibus: quia Deus nec debet homini, nec potest debere: sed homo totum quod est, & potest & facit, Deo debet, licet Deus hoc totum non requirat ab homine: & ideo quia tamen debet, ipse ad necessariò soluendum ex promissione Deo facta obligatur, nisi fiat recompensatio quæ tunc reputatur voti solutio, sicut infra in voti recompensatione determinatur.

**AD VLTIM V D** dicendum, quod non est simile, sicut iam patuit: quia homo nihil debet homini ex commissio, sed se totum debet Deo: & ideo, si de hoc quod tamen debet de condigno, se obligat per votum, Deus hoc exigit ab ipso, & reus erit, si non soluerit.

## ARTICVLVS V.

*An votum sit magis obligatorium quam iuramentum?*

**Q**uinto quæritur, Vtrum votum sit magis obligatorium quam iuramentum, vel è conuerso? Videtur autem, quod sit magis obligatorium: quia si aliquis solenni voto vouerit se intraturum religionem, ipse arctatur ad intrandum, nec per matrimonium, nec per alium modum potest absolui, nisi impleat: sed si iurasset, ipse multis casibus absolueretur, & penitentia iniungeretur de periurio: ergo votum est maioris obligationis, quam iuramentum.

**2** Item, Si duo vincula coniunguntur vni quæ in oppositum stringant, & vnum frangatur ab ipso, alterum autem non, sed frangit ipsum: constat illud fortius esse quod frangit, quam quod frangitur ab ipso: sed sic se habet votum solenne & iuramentum castitatis ad matrimonium, quod iuramentum frangitur, & votum frangit ipsum: ergo votum est maioris obligationis, quam iuramentum. Si fortè dicas, quod hoc verum est de solenni, sed non de priuato. Contra: Communiter dicitur, quod solenne & priuatum sunt æqualis obligatio-

*D. Alber. Mag. in Lib. 4. Sentent.*

nis quoad Deum: ergo constat propositum de utroque voto.

**3** Item, Votum propriè ligat ad excellentius bonum: sed iuramentum tantum confirmatio est veritatis in dicto, & quandoque ad nihil ligat, sed de præterito confirmat veritatem: ergo ligare est iuramentum accidentale, & voto substantiale: sed cui ligare est substantiale, illud fortius ligat, quam id cui est accidentale: ergo votum est fortioris obligationis, quam iuramentum.

**IN CONTRARI V M** huius est, quod fortius ligat, quod ligat ex veritate diuina, quam id quod ligat ex veritate humana: iuramentum autem ligat ex veritate diuina, & votum ex humana: ergo iuramentum fortius ligat, quam votum. Prima constat per se. Secunda autem probatur per hoc quod dicit Apostolus Heb. 6. Homines enim per maiorem sui iurant: & omnis controuersia eorum finis ad confirmationem est iuramentum. Constat autem, quod non per maiorem sui vouent.

**2** Item, Simplex promissio & contestatio se habent sicut minus & magis ligans: sed votum est simplex vnius hominis promissio, iuramentum autem sicut contestatio: ergo iuramentum plus ligat, quam votum.

**RESPONSIO.** Dicendum, quod iuramentum adhibitum sponsioni & votum dupliciter possunt considerari, scilicet quantum ad id ex quo ligant, & quantum ad naturam & modum ipsius vinculi. Si primo modo: tunc non est dubium, quin iuramentum plus liget, quam votum: quia ligat ex contestatione veritatis diuinæ. Si secundo modo: tunc votum plus ligat, quam iuramentum: & hoc ideo est, quia vinculum habet fortitudinem ex bono ad quod ligat, & ex firma deliberatione vouentis siue ligantis se, & votum semper est ex deliberatione, & maius bonum quod non semper est iuramentum: si tamen quandoque etiam iuramentum addatur voto, illud præ omnibus est obligatorium. Patet ergo solutio ad primam partem obiectionum, præter vltimam. Et illam ego concedo: quia illa procedit ex natura vinculi quod iuramento est accidentale: & ideo non in omni est iuramento, sed tantum in illo quod est de aliquo faciendo in futurum. Similiter patet solutio ad duo inducta in contrarium: quia illa procedunt quantum ad id ex quo ligat iuramentum: & hoc planè maius est, quam id ex quo ligat votum.

## ARTICVLVS VI.

*Vnde votum habeat vim suæ obligationis?*

**S**exto quæritur, Quid sit illud ex quo votum vim habet suæ obligationis? Videtur enim illud debilissimum esse: quia in promittente non sunt nisi tria, scilicet propositum faciendi, deliberatio, & promissio. Aut igitur ab vno istorum vim trahit votum, aut à duobus simul, aut ab omnibus tribus. Si ab vno: constat, quod hoc debilissimum est: quia propositum hominis est contingens, vt dicit Philosophus, & à causa contingenti nunquam fit effectus



effectus necessarius : ergo nunquam votum fit inuiolabile à proposito hominis solo. Idem sequitur si dicatur causari à deliberatione sola : quia sicut dicitur in libro Sapient. 9. Cogitationes mortalium sunt timida, & incerta prudentiæ nostræ. Constat autem, quod omnes nostræ deliberationes fundantur supra nostras cogitationes. Ergo omnes deliberationes nostræ sunt incertæ : ergo nihil certum causatur ab eis : ergo nec immobilitas voti. Si autem dicatur, quod à promissione. Contra : Promissio nostra prima causatur ab aliquo incerto, quia à proposito & deliberatione : ergo & ipsa est incerta. Item, Promissio facta homini, est incerta intantum, quod etiam querit homo ab homine maiorem confirmationem per pignus, vel fideiussores, vel iuramentum : ergo & ipsa non est sufficiens ad votum faciendum. Si autem dicatur, quod à duobus vel omnibus tribus vim habet. Contra : Si omnia tria contingentia cum sint, coniunguntur, nihil generatur inuiolabile : ergo nec generant inuiolabile votum : ergo videtur, quod nulla sit voti firmitas.

*Sed contra.* IN CONTRARIUM huius est, quod omne quod est in effectu, necesse est reduci ad aliquid quod est in causa : sed immobilitas & necessitas redditionis est in voto : ergo necesse est, quod aliquam causam habeat, quæ causet istam necessitatem.

2 Item, Vbi Apostolus loquitur de immobilitate promissionis diuinæ, ibi reducit firmitatem nostræ consolationis ad immobilitatem dicti & iuramenti diuini, sic dicens Hebr. 6. Interposuit consilij sui iusiurandum, ut per duas res immobiles, quibus impossibile est mentiri Deum, fortissimum habeamus solatium. Ergo à simili si firmitas redditionis sequitur votum, necesse est illud reduci in aliquam firmitatem quæ sit in causa voti.

*Solutio.* QVOD VIDETUR mihi necessario concedendum : vnde dicendum, quod est in causa voti quæ est deliberatio : quia firmatur deliberatione, ut supra dictum est, & in definitionibus voti duo attenduntur, scilicet ipsa rectitudo deliberationis in se, & relatio eius ad exemplar quod imitatur. Et in se quidem non habet firmitatem, sed relata ad exemplar quod est rectitudo prima, qua rectum omne quod promittitur deliberate tenetur, & præcipue quod promittitur Deo, cui etiam sine promissione nunquam possumus respondere vnum pro mille. Sic, inquam, relata firmissima est : quia iustitia hæc immortalis est & manet in seculum seculi. Ad id ergo quod primo obiicitur, dicendum quod super omnia illa tria fundatur relata ad exemplar rectitudinis primæ, à qua contrahunt illam firmitatem. Et per hoc patet solutio ad omnia.

### *De votorum differentiis.*

**B** CIENDUM vero, quod votorum aliud est commune, aliud singulare. Commune, ut illud quod in baptismo omnes faciunt, cum spondent renuntiare diabolo, & pompis eius. Singulare, ut cum aliquis sponte promittit seruare virginitatem, vel continentiam, vel aliquid huiusmodi. Item singulare votum, aliud est priuatum, aliud solenne. Priuatum est in abscondito factum : solenne verò in conspectu Ecclesiæ factum. Item priuatum votum si violetur, peccatum est mortale : solenne verò violare, peccatum & scandalum est. Qui priuatum faciunt votum continentia, matrimonium contrahere non debent : quia contrahendo mortaliter peccant : si tamen contraxerint, non separantur : quia probari non potest quod occultè factum est. Qui vero solenniter vouent, nullatenus coniugium inire queunt : quibus non solum nubere, sed & velle damnabile est. Vnde August. In coniugali vinculo si pudicitia seruatur, damnatio non timetur : sed in viduali continentia, & virginali excellentia virtus muneris amplioris expetitur : qua expetita, & electa, & voto oblata iam non solum capescere nuptias : sed etiam si non nubatur, nubere velle damnabile est. Augustinus, Vouentibus enim virginitatem vel viduitatem, non solum nubere, sed etiam velle damnabile est. Quod Apostolus ostendit Timotheo scribens, Adolescentiores viduas deuota : cum enim luxuriatæ fuerint, in Christo nubere volunt, id est, cum post votum continentia in deliciis egerint vitam, non dico nubunt, sed nubere volunt in Christo,

Ad Iulianum de sancta viduitate. & al. legatur 27. q. 1. c. Nuptiarum bonum. Alias Hier. & hab. di. 27. cap. Vouentibus. 1. Tim 5.



Christo, quasi tunc non sit peccatum: sed quod sit ostendit subdens, Habentes damnationem: & quare subdit, quia primam fidem irritam fecerunt, etsi non nubendo, tamen volendo: ut voluntatem quæ à proposito cecidit, appareat esse damnatam, siue sequantur nuptiæ, siue non. Damnatur enim propositi fraus: damnantur tales, quia continentia fidem primam irritam fecerunt, id est, votum vel in voto violato fidem quam in baptismo professæ sunt. Si autem pro voluntate nubendi damnantur, constat si eam effectui mancipauerint, reuocandum id esse in irritum, easque arcendas redire ad propositum. Unde Gregorius, Viduas à proposito recedentes viduitatis, super quibus nos consulisti, credo te nosse à sancto Paulo, nisi conuertantur, olim esse damnatas: quas & nos apostolica auctoritate damnandas, & à communione fidelium atque à liminibus Ecclesiæ arcendas fore censemus, usquequo obediant Episcopis suis, & ad bonum quod cœperunt, inuitè aut voluntariè reuertantur.

Ad Bonifacium. & habetur 27. q. 1. cap. Viduas à proposito.

# ARTICVLVS VII.

*An votum dicatur de voto secundum unam rationem?*

**D**Einde quæritur de hoc quod dicitur [Scientiam quoque, quod votorum aliud est commune, &c.] Et quærentur hinc quatuor. Primum est, Vtrum secundum unam rationem votum dicatur de voto communi & proprio? Secundum, Vtrum transgressio voti communis faciat speciale peccatum, vel peccati deformitatem sicut facit transgressio voti singularis? Tertio quæritur, Quare dicatur commune & singulare? Quartum, Vtrum commune recipiat dispensationem & commutationem, sicut quandoque facit singulare?

Ad primum sic obiicitur: Quæcunque diuidunt unum commune, illa sunt unius rationis in nomine illius communis: votum autem commune & singulare diuidunt unum votum in commune: ergo sunt unius rationis in nomine voti: ergo votum est unius rationis prout dicitur de communi & de proprio siue singulari.

2 Item, Vtrumque est sponsio votiua animi de his quæ pertinent ad religionem: & hæc fuit supra diffinitio voti in commune: ergo una ratione votum prædicatur de utroque.

*Sed contra.* IN CONTRARIUM huius est, quod quandoque aliqua in una ratione participant genus, unum non magis propriè recipit prædicationem illius generis, quam aliud: sed votum singulare magis propriè recipit prædicationem voti: ergo non vniuocè dicitur de voto communi & singulari. Prima patet per se. Secunda probatur ex hoc, quod commune votum non est de voluntariis, sed de necessariis: votum autem dicitur à voluntate.

2 Item, De voti ratione est, quod à deliberatione vouentis confirmetur: sed votum commune non est à deliberatione vouentis confirmatum, sed auctoritate præcepti: ergo votum non plena ratione prædicatur de com-

*D. Alb. Mag. in Lib. 4. Sentent.*

muni, sed de speciali: ergo commune & singulare non sunt vniuoca in ratione voti.

VLTERIUS autem quæritur de voto stultorum, de quo ante fecit mentionem in litera: illud enim omninò videtur æquiuoce dici votum cum his duobus: unde actus voti qui est obligare ad faciendum, non est in illo.

IN CONTRARIUM autem huius est, quod votum etiam stultorum est deliberata promissio, sicut & singulare votum: ergo videtur, quod una ratione cum singulari voto recipiat prædicationem.

RESPONSIO. Dicendum, quod secundum prius & posterius dicitur votum de communi & de singulari: & est diuisio analogi & non purè vniuoci.

AD PRIMUM ergo dicendum, quod diuisio dicitur dupliciter: quædam enim diuidunt commune per differentias, quæ sunt in illo communi potestate: & de illis non est prima propositio. Quædam autem non diuidunt ipsum propriè, sed dicunt diuersos modos ipsius: & talia sunt analogia in nomine diuisi: & talis diuisio est hinc.

AD ALIUD dicendum, quod sponsio non est uno modo in necessariis & voluntariis: & ideò ratio illa etiam secundum diuersos modos conuenit voto communi & singulari. Duæ autem rationes quæ sunt in contrarium, sunt simpliciter concedendæ.

AD ID autem quod vltèrius quæritur de voto stultorum, dicendum quod illud minus habet inter tria de ratione voti: tamen per posterius & non omninò æquiuoce accipit prædicationem voti.

AD OBIECTVM dicendum, quod non obligat, ideò quia non verè votum est: sed tamen mutatur votum ex parte vouentis.

# ARTICVLVS VIII.

*An transgressio voti communis faciat speciale peccatum?*

Secundo quæritur, Vtrum transgressio voti communis faciat speciale peccatum? Videtur

RRr 3 tur



tur autem, quod sic: quia omnis corruptio boni speciale est peccatum: sed votum commune est bonum: ergo corruptio ipsius est speciale peccatum: sed transgressio est corruptio ipsius: ergo est speciale peccatum.

2 Item sicut dicit Apostolus Rom. 7. & Glossa ibidem, per legem scriptam peccatum factum est transgressio: ergo à simili per votum appositum mandato, peccatum fit prauaricatio voti: ergo corruptio voti specialem facit deformitatem.

3 Item, Speciale votum si corrumpatur, apostasia reputatur & est: ergo & votum commune corruptum generat apostasiam: sed apostasia vnum est de maximis peccatis: ergo voti communis corruptio est speciale peccatum.

4 Item, Detestabilius est transgredi hoc ad quod tenentur omnes, quam id ad quod tenentur pauci: sed ad commune tenentur omnes, ut dicitur in litera, ad singulare autem pauci qui se sponte obligauerunt: ergo detestabilius est transgredi votum commune, quam proprium: sed transgressio singularis specialis facit deformitatem: ergo & transgressio voti communis, & multò amplius.

*Sed contra.*

IN CONTRARIUM est: quia secundum hoc omnis homo quolibet peccato peccaret dupliciter vel tripliciter: quia contra bonum moris peccat ipso actu deformi, & contra præceptum diuinum per inobedientiam legis prohibentis peccatum, & contra votum & apostasiam: ergo pro quolibet peccato esset triplex iniungenda pœnitentia, quod falsum est.

*Solutio.*

RESPONSIO. Hoc vltimum est concedendum, & dicendum quod non sunt in peccato tria, sed vnum in triplici deformitate: & hoc peccatum vocauit Præpositiuus vnum peccatum triplex, vel vnum duplex si duplicem habuit deformitatem: unde non est iniungenda pœnitentia nisi pro vno, & monendus, quod subdatur præcepto, & recordetur voti: & nulla alia pœnitentia specialis est iniungenda.

AD PRIMVM ergo dicendum, quod quando voti transgressio separata est à præcepti transgressione, & ab eo quod est per se peccatum, tunc tenet illa obiectio: sicut est in singulari voto de sine proprio viuere: habere enim proprium non est peccatum nec contra legem Dei: & ideo si deuocatur, erit proprietas peccatum, quod non est nisi contra votum: & tunc apostasia voti est speciale peccatum. Sed non est sic in voto communi, quod semper adiunctum est bono per se & præcepto: & ideo apostasia nullum facit peccatum speciale, licet aliquam rationem deformitatis afferat in actu peccati quæ sine ipsa non esset.

AD ALIVD dicendum, quod illud nihil probat, nisi quod faciat aliquam deformitatem specialem in actu: & hoc concedendum est. Sed non quælibet specialis deformitas facit speciale peccatum: quia corruptio cuiuslibet circumstantiæ facit specialem deformitatem, non tamen speciale peccatum.

AD ALIVD dicendum, quod non est simile: quia votum speciale est circa actum separatum ab actu qui cadit sub præcepto,

sed non votum commune, ut patet ex prædictis.

AD ALIVD dicendum, quod detestabilitas peccati ex duobus attenditur, scilicet ex vinculo obligante ad aliquid faciendum, vel ex statu obligati. Et si primo modo attenditur detestabilitas peccati, detestabilius est transgredi commune, quam singulare: quia tria sunt ligantia ad illud, scilicet per se bonum, præceptum, & votum. Si autem secundo modo attenditur: tunc detestabilius est transgredi singulare, quia quanto altior status, tanto turpior casus.

## ARTICVLVS IX.

*Quare aliquod votum dicatur commune, & aliquod singulare?*

TERtio quæritur, Quare dicatur commune & singulare? Videtur enim, quod nihil sit dicere votum commune: aut enim dicitur commune communitate eius quod vouetur, aut communitate vouentis. Si communitate eius quod vouetur. Contra: Illud commune est, quod singulari voto vouetur, sicut illud quod vouetur communi: ergo videtur, quod hæc non sit ratio nominum istorum. Si autem dicitur commune communitate vouentis: adhuc non videtur esse ratio, quia communiter fiunt singularia vota, sicut & communia.

2 Item videtur, quod melius diceretur votum vniuersale, quam commune, quia omnes tenentur ad votum illud: ergo vniuersale deberet dici.

3 Item, Votum est volitum, id est, ad voluntatem electum: sed ad voluntatem electum non recipit communitatem aliquam, sed potius singularitatem: ergo contra rationem voti est, quod aliquod votum dicatur commune.

RESPONSIO. Dicendum, quod votum commune dicit communitatem obligationis: quia communiter omnes obligat id circa quod est votum, hoc enim est id circa quod est fides & decalogus, quia hoc iubemur confiteri in baptismo.

AD PRIMVM ergo dicendum, quod communitate eius circa quod est votum, dicitur votum commune. Ad id quod contra obiicitur, dicendum quod falsum est in illo sensu communis, qui dictus est, si est commune quod pluribus conuenit: & ideo est ibi locus sophisticus æquiocationis.

AD ALIVD dicendum, quod non ita bene dicitur vniuersale: quia licet debito sit vniuersale, quia omnes differunt: tamen non est vniuersale obseruantia, sed commune: & ideo melius dicitur commune, in quo saluatur & debitum & obseruantia.

AD ALIVD dicendum, quod in voto communi duo considerantur, scilicet obligatio, & impletio. Et obligatio quidem non cadit sub voluntate, sed potius sub necessitate: sed impletio est voluntaria, quia aliter non esset laudabilis. Et quoad hoc dicitur votum: unde



vnde falsum est, quod hoc votum dicatur voluntarie electum: hic enim modus interpretationis non competit voto, nisi quando propriissime sumitur.

ARTICVLVS X.

*An votum commune recipiat dispensationem?*

**Q**uarto quaeritur, Vtrum votum commune recipiat dispensationem? Videtur autem, quod sic: quia sicut dicit Hugo in parte 12. primi libri sacramentorum, qui bonum quodcumque vouit, sed postea illud aut implere non potuerit, aut pro maiori parte implere noluerit, poterit secundum licentiam illorum quibus dispensatio in eum credita est, votum eius aut relaxari, aut mutari, ita vt in eius arbitrio non constet vel hoc dimittere quod faciendum vouit, vel aliud pro eo facere, etiam si maius est quod non vouit. Cum igitur generaliter loquitur hic Hugo, videtur quod de omni voto intelligitur. Ergo omne votum recipit dispensationem: ergo & commune.

2 Item, Videmus etiam quandoque esse dispensatum circa id ad quod omnes tenentur, scilicet quod vna sit vnus, & de hoc fuit dispensatum: ergo cum modo non sit minoris potestatis Ecclesia quam tunc, videtur quod etiam possit circa vota communia dispensare.

3 Item etiam de forma baptismi fuit facta ad tempus commutatio, sicut supra in tractatu de baptismo habitum est: quae tamen est ab institutione diuina: ergo institutio diuina etiam in aliis non praedicit, quin possit commutatio & dispensatio fieri: constat autem omnem potestatem esse in Ecclesia quae vnquam fuit: ergo hodie quodcumque votum potest dispensari vel mutari etiam commune.

4 Item, Vicarius regis qui plenae est potestatis in parte sui regni, totum potest in illa parte regni quod potest rex: sed constat vicarium regis caelestis in terris in plena potestate esse summum pontificem: ergo ipse potest quod Christus: sed Christus dispensauit in terris cum Israelitis rapientibus aliena, & cum Osea accipiente solutam, vt dicit Bernard. & cum Abraham cui etiam imperabat immolare filium: ergo videtur, quod vicarius idem possit: ergo in voto communi cadit dispensatio & commutatio.

5 Item 1. Machab. 2. Mathathias dispensauit de fractione sabbati, ne simul & lex & cultores perirent: & dixerunt, quod omni homini mouerent praedium qui pugnarent contra eos: & hoc tamen est de prima tabula: ergo & modo potest dispensari de his quae continentur tabula, praecipis diuinis: quia constat summum pontificem esse maioris potestatis, quam Mathathias vnquam fuit.

6 Item, Contra Apostolum potest dispensare, vt omnes dicunt: constat autem totam Ecclesiam supponere, quod illud est antecedens fidem nostram, quod recipiatur authenticum quod scribunt Apostoli: ergo ipse dispensat de antecedentibus fidem: haec autem trahunt

roborem ab auctoritate diuina quae haec promulgauit per Apostolos: ergo potest dispensare contra hoc quod instituit Deus.

IN CONTRARIUM huius est, quod par in parem non habet potestatem: ergo multo minus inferior in superiorem: sed Papa est inferior Deo: ergo non potest dispensare vel commutare in his quae instituit Deus.

2 Item, Si hoc diceretur, sequeretur quod posset commutare totam religionem Christianam, quod est inconueniens: ergo non habet potestatem dispensandi in talibus.

3 Item, Rex non habuit potestatem reducendi populum in Aegyptum, Deuter. 17. sed istud esset reducere populum in Aegyptum: ergo rex noster Papa non habet de hoc potestatem.

4 Item 2. Corinth. 13. Secundum potestatem quam dedit mihi Dominus in aedificationem, & non in destructionem. Ergo nec apostolicus habet potestatem in destructionem: sed ista potestas ordinaretur ad destructionem: ergo Papa non habet de hoc potestatem.

RESPONSIO. Dicendum, quod nullo modo habet potestatem de hoc, quod dispenseret in voto communi, sicut ultimo est probatum.

AD PRIMUM ergo dicendum, quod Hugo loquitur de voto singulari siue proprio, quod proprie votum vocatur.

AD ALIUD dicendum, quod vnus esse vnus non est de his ad quae tenentur omnes secundum quemcunque statum, sicut nec quod filia patrem non accipiat, nec frater sororem: & ideo in talibus dispensatio diuina locum habuit, & homo cuiuscunque auctoritatis, qui a Deo specialiter inspiratus non esset, etiam in illis potestatem dispensandi non habuisset.

AD ALIUD dicendum, quod de forma baptismi non fuit dispensatum: quia in nomine Christi intelligitur Trinitas: & si dispensatum fuisset, ostensum est supra, quod oportuit ibi esse specialem diuinam voluntatis ostensionem: & hoc non negatur cum Deus possit facere quod vult: ipse enim potest tollere & mutare baptismum, si vellet: sed hoc non potest homo facere quantacunque auctoritatis.

AD ALIUD dicendum, quod vicarius non potest totum quod rex: quia rex potest mutare iura regni, quod non potest vicarius. Vnde illud fundatur super falsum. Si autem dicas, quod etiam potest hoc si rex ei daret de hoc potestatem, dicendum quod tunc non est simile: quia rex caelestis nulli hominum de hoc dedit potestatem, quod mutet iura ab eo posita circa fidem & mores. Vnde dicit Urbanus Papa sic: Sunt quidam dicentes Romano Pontifici semper licuisse nouas condere leges: quod & nos non solum non negamus, sed etiam valde affirmamus. Sciendum vero summo per se est, quod inde nouas leges condere potest, vnde Euangelistae & Prophetae aliquid nequaquam dixerunt. Vbi vero aperte Dominus vel eius Apostoli & eos sequentes sancti patres, finaliter aliquid diffinierunt, ibi non nouam legem Romanus Pontifex dare potest.



sed potius quod prædicatum est, usque ad animam & sanguinem confirmare debet. Si enim quod docuerunt Apostoli & Prophetæ destruere (quod absit) niteretur, non sententiam dare, sed magis errare conuinceretur. Sed hoc procul sit ab eis qui semper Domini Ecclesiam contra luporum insidias optimè custodierunt. Hucusque verba Urbani, & ponuntur in decreto. 25. quæst. 1. & ex his confirmatur ista determinatio.

AD ALIUD dicendum, quod determinatio diei septimi non fuit moralis, sed iudicialis vel cerimonialis, licet ipsa sanctificatio moralis fuit: & hoc qualiter sit, expeditum est in tertio de præceptis in notulis illis. Et idè illud non facit ad propositum: quia etiam Papa potest modum mutare vel etiam dispensare de feriando in die dominica, si habeat causam utilitatis vel necessitatis.

AD VLTIMUM dicendum, quod contra Apostolum ubi ut homo loquebatur, dispensare potest: quia ibi dictum Apostoli est dictum hominis vel consilium: sed ubi dixit recitando in fide & moribus verbum Dei, ipse non potest dispensare: quia sic dispensando contra Apostolum, dispensaret contra Deum, & hoc est absurdum, quod dicatur homo id posse quantacunque auctoritatis.

## ARTICVLVS XI.

*An diuisio voti singularis in priuatum & solenne sit bona?*

**D**Einde quæritur de hoc quod dicit ibi [Item singulare votum aliud est priuatum, aliud solenne, &c.] Et quærentur hic quatuor. Primum est de ista diuisione, qualis sit, & utrum sit sufficiens: Secundum de voto priuato, Vtrum sit æqualis obligationis cum voto solenni, sicut communiter dicitur: Tertium de modis solennizandi votum. Quartum, Vtrum votum solenne sit in vno vel in multis votis?

Ad primum sic obiicitur: Priuatum & solenne non differunt per voti substantiam, sed per accidens: ergo est diuisio subiecti in accidentia.

2 Item, Substantialia non mutantur à se invicem: quia sicut dicitur ultimo capite lib. meteororum, Sciant opifices alchimia species mutari non posse: sed vnum istorum votorum mutatur in alterum: ergo non differunt per substantiam, sed per accidens, ut videtur: ergo videtur, quod hæc diuisio sit subiecti in accidentia.

3 Item, Publicum est ad alterius notitiam procedens, & hoc dicitur solenne in litera: sed esse aliquid in notitia alterius accidit ei: ergo esse solenne accidit voto: ergo ut prius.

*Sed contra.*

IN CONTRARIUM huius est, quod quorum actus substantialia sunt differentes, ipsa per substantiam differunt: sed actus istorum votorum, scilicet voti priuati & solennis differunt per substantiam: ergo ipsa vota differunt substantialiter. Maior scribitur à Damasc. qui dicit, quod substantia differunt propriis

operationibus. Secunda autem extrahitur de litera, ubi dicit, quod votum solenne dirimit matrimonium contractum, & priuatum non facit hoc.

2 Item, In omnibus potentiis ubi vna potentia potest hoc quod antecedens & plus, est differentia secundum speciem, sicut vegetabile, & sensibile, & rationale, & intellectuale, quorum vnumquodque est in alio sicut trigonum in tetragono: ergo similiter erit in votis: ergo solenne potest hoc quod priuatum & plus: ergo differunt specie & substantia.

3 Item, In ordinibus video, quod sic est, quod sequens potest quicquid præcedens potest & plus, & secundum hoc differunt specie: ergo similiter erit in votis: ergo substantialiter differunt votum priuatum & solenne.

VLTERIUS quæritur de sufficientia illius diuisionis. Videtur enim esse insufficiens: quia inter solenne & priuatum est publicum: quod probari quidem potest per testes, sed non est secundum professionem regulæ & habitus approbati: ergo videtur, quod tria debent esse vota.

2 Item in litera dicit, quod priuatum est, quod probari non potest, & quod non facit scandalum: sed publicum facit scandalum & potest probari: ergo non est priuatum. Similiter non est solenne: quia solenne non solennizatur per testes, sed per habitum & professionem: ergo videtur, quod tria sint vota: ergo diuisio est insufficiens.

IN CONTRARIUM est, quod omnes Iurisperiti dicunt, quod omne votum dicitur priuatum quod non est solenne.

RESPONSIO. Dicendum, quod solennitas additur supra votum sicut confirmans obligationem voti. Priuatio autem nihil addit supra ipsum, quod sit faciens obligationem fortiorum: & idcirco differunt votum solenne & priuatum sicut habens obligationem simpliciter, & confirmatam obligationem. Vnde solennizatio est aliquo modo dicta faciens speciem quandam voti sub hoc communi quod est votum: sed priuatum non facit speciem, quia non addit aliquid huiusmodi. Vnde diuisio non est generis in species propriè, sed est sicut diuisio totius potestatiui in partes, sicut probatum est in obiiciendo.

AD ID ergo quod primo obiicitur, dicendum quod solenne addit formam addentem super obligationem in genere: & ideo est substantialis species voti, & non accidens.

AD ALIUD dicendum, quod est transitus priuati in solenne, sicut transitus potentia ad actum & priuationem, & non sicut mutatio per accidens. Et habitum est, quod priuatum non dicit propriè speciem nisi secundum modum: quia nihil addit generi quod sit confirmatio vel determinatio obligationis.

AD ALIUD dicendum, quod non propter hoc dicitur forma substantialis, quia procedit ad alterius notitiam, sed potius quia est specificans & confortans obligationem, quæ est genus & natura generalis voti.

AD ID quod vltius quæritur, puto esse concedendum, quod necessariò sunt tria vota: primum potentiale ad secundum, & secundum &

*Quæstio.*

*Sed contra.*

*Solutio.*

*Ad quæstionem.*



& primum potentiale ad tertium: & in illo completur voti obligatio. Sed in litera loquitur Magister quantum ad determinationem iuris: quia idem ius quoad impedimentum matrimonij est in priuato & publico: & ideo vnum dicuntur & reputantur.

## ARTICVLVS XII.

*An votum priuatum aequalis sit obligationis cum solenni?*

Secundo queritur, Verum priuatum æqualis sit obligationis cum solenni? Videtur, quod sic: quia publicum votum obligat ex eodem ex quo priuatum, scilicet ex promissione facta cum deliberatione: sed quæ ex eodem obligant, æqualiter obligant: ergo priuatum & solenne sunt æqualis obligationis. Si forte dicatur, quod ipsa publicatio siue solennitas faciat ad obligationem. Contra: Publicatio & solennitas sunt tantum in comparatione ad proximum: ergo nec augent nec minuunt obligationem, quæ est ad Deum secundum se: sed votum omne obligat ex promissione quæ est ad Deum: ergo votum omne, scilicet priuatum & publicum & solenne, æqualis sunt obligationis apud Deum.

2 Item 1. Regum 16. Homo videt quæ parent: Deus autem intuetur cor. Ea autem quæ sunt in corde, æqualia sunt in priuato, publico, & solenni: ergo ea quæ sunt coram Deo, sunt æqualia: ergo sunt obligationis æqualis.

3 Item, Vinculi obligantis in voto fortitudo est ex quantitate boni quod vouetur. Sit ergo hoc æquale in voto priuato, & solenni: ergo videtur, quod tunc æqualis sit obligatio in utroque voto.

*Sed contra.* IN CONTRARIUM huius est, quod votum solenne impedit & dirimit matrimonium, priuatum autem non nisi impedit: ergo non sunt æqualis obligationis.

2 Item, In litera dicitur, quod transgressor voti solennis peccat, & scandalum facit: sed transgressor voti priuati non scandalizat, sed peccat tantum: ergo non sunt æqualis transgressionis: ergo nec æqualis obligationis.

*Solutio.* RESPONSIO. Dicendum, quod simpliciter est inæqualis obligatio in votis his: est enim maxima in solenni, & in publico medio modo, & in priuato minima. Quod autem quædam iura dicunt, quod vnum non minus obligat quam alterum, quidam glossant, id est, non minori tempore, vel non minus in genere, licet minus in specie. Sed melius est vt dicatur, quod quædam sunt in voto, ex quibus obligat vt substantialibus obligationis: & quædam sunt in eo, ex quibus obligat vt protestantibus & probantibus obligationem. Et quæ quidem primo modo sunt in voto, æqualia sunt in priuato & publico, & solenni: & sic intelliguntur iura, quæ dicunt, quod ista vota non minoris sunt obligationis. Sed quoad alia sunt obligationis inæqualis: & hæc etiam operantur ad obligationem, licet non adeo substantialiter vt prima.

AD ID ergo quod obiicitur, dicendum quod direptio matrimonij causatur ex eo, quod est in voto secundo modo, & non primo modo.

AD ALIUD dicendum, quod scandalum est in duplici voto secundum ea quæ ordinantur ad notitiam proximi, & non secundum ea quæ sunt substantialia promissioni. Et sic planè patet solutio ad omnia quæ sita circa hunc articulum.

## ARTICVLVS XIII.

*Quis sit modus solennizandi votum?*

Tertio queritur de modo solennizandi votum? Videtur enim, quod multis modis solennizetur: vnumquodque enim tot modis solennizatur, quot modis ei solennitas adhibetur: multis autem modis adhibetur solennitas ad votum: ergo multis modis solennizatur. Probat autem prima per diffinitionem solennitatis. Secunda autem probatur ex hoc, quod auctoritas personæ in cuius manu deponitur votum, est de solennitate, & susceptio habitus, & professio certæ regulæ, & sic de aliis multis quæ fieri possunt.

2 Item in litera habetur, quod priuatum non dirimit contractum: quia probari non potest quod occultè factum est: ergo per contrarium quicquid valet ad voti publicationem, valet ad solennitatem: sed multa sunt talia: ergo multa sunt quæ votum solennizant.

3 Item, In omnibus aliis sacramentis illa dicuntur esse de solennitate sacramenti, quæ ipsum decorant, & non sunt de substantia: ergo in voto videtur, quod omnis decor voti sit de voti solennitate, & non de substantia, sicut inuitatio multorum in die voti, & confessio voti coram multis, & sic de aliis.

SI FORTE dicatur, quod secundum Iurisperitos non solennizatur votum, nisi vno modo, vel tribus, secundum diuersas opiniones: queratur de illo dicto: quia quod Iurisperiti præter rationem dicunt, non est tenendum, quia est potius iniuria, quam ius: cum omne ius rationi innitatur, quæ prima regula iuris est. Dicunt ergo quidam, quod non solennizatur votum per habitus susceptionem, nec per ingressum religionis, nec per hoc quod fit in manus authenticæ personæ, sed per solam professionem ad certam regulam, siue hanc faciat cum sumit habitum, siue ante habitus susceptionem, siue etiam post. Videtur autem hoc nihil esse: quia constat ab initio votum fuisse solenne: professio autem certæ regulæ non fuit ab initio, quia ante regulas Basilij, Benedicti, August. non inueniuntur regulæ certæ: ergo votum non semper solennizatur per certam regulam professionem.

2 Item, Accidit voto, quod sit ad regulam certam: nihil autem perficitur per hoc quod sibi accidit: ergo nec votum per certam regulam professionem: solennitas autem perficit ipsum, vt prius habitum est: ergo solennitas non fit per certam regulam professionem.

3 Item



3 Item sit, quod aliquis voueat continuum continentiam in ingressu religionis, constat enim, quod hoc liberum est ei, ille secundum hoc nunquam posset votum suum solennizare, quod videtur inconueniens, cum solennitas sit de confirmantibus votum.

*Quæst. 2.* V L T E R I V S quæritur de alia opinione, quæ dicit, quod tria sunt votum solennizantia, scilicet manus personæ authenticæ in qua deponitur, susceptio habitus, & regulæ certæ professio: ista diuisa solennizant votum, aut coniuncta. Si diuisa: tunc quicumque voueret in manus alicuius abbatis, & postea contraheret, matrimonium dirimeretur: & hoc non est verum.

2 Item, Quicumque habitum susciperet, illius esset solennizatum votum: & hoc iterum falsum est, quia in tempore probationis potest deposito habitu contrahere, vel si contraheret de facto, dirimeretur: & hoc totum falsum est. Si coniuncta. Contra: Id solum quod procedit de libera voluntate vouentis, solennizat votum: sed non est hoc authentica persona, neque habitus: ergo nihil faciunt ad votum solenne.

*Solutio.* R E S P O N S I O. Dicendum, quod, vt communiter dicitur, nihil facit votum solenne, nisi ipsa professio ad certam regulam, in qua approbatus ab Ecclesia continetur modus viuendi. Et huius causa est: quia sola illa facit impossibilem regressum ad vitam secularem.

A D P R I M V M ergo dicendum, quod solennitas quæ ab Ecclesia est approbata & faciens votum fortius, est sola professio. Alia autem non faciunt solennitatem, nisi solennitas æquiuocè accipiat, scilicet ad festiuitatem coram hominibus.

A D A L I V D dicendum, quod est publicatio & probatio duplex. Quædam enim est ex substantialibus voto, & confirmantibus ipsum siue perficientibus: quædam autem ex accidentalibus. Et primo modo non probatur nisi solenne: quia illud probatur ex professione confirmante & perficiente ipsum. Secundo autem modo probatur per accidentalia, id est, quia in notitiam aliquorum processit, quæ tamen notitia non facit ipsum votum maioris confirmationis & perfectionis.

A D A L I V D dicendum, quod non est simile de sacramentis, & voto: quia sacramenta habent virtutem à diuina operatione quæ fit in ipsis, sicut sapius supra probatum est: & ideo facta hominum solennia, sunt accidentalia sacramentis. Sed votum trahit robur ab auctoritate hominis: & ideo solennitas addita quæ dicit modum expressæ voluntatis approbatur ab Ecclesia, est substantialis ipsi voto & perficit ipsum.

*Adquæst.* A D I D quod obiicitur de opinione Iurisperitorum, dicendum quod illa iudicanda videtur vera, quæ dicit, quod vno modo solennizatur. Ad obiectum contra, dicendum quod ab initio fuerunt modo iure approbati à synagoga vel Ecclesia, sicut modus iuris Nazæorum, qui votum vouebant perpetuum, & Rechabitarum: & huiusmodi illi modi erant loco regulæ certæ.

A D A L I V D dicendum, quod non acci-

dit voto per accidens, sed potius accidit ad ipsum, sicut perfectio confirmans & corroborans votum, vt prius dictum est. Si autem quæritur, Quomodo Ecclesia potest statuere illum modum solennitatis? Dicendum, quod sollicitudo omnium Ecclesiarum & personarum incumbit summo pontifici, & omnis potestas ordinandi in Ecclesia illa quæ excludunt hæreses & schismata & scandala: & ideo statuit modos viuendi certos, quia si quilibet posset facere conuenticula, tunc cum quilibet nitatur defendere facta sua & verba, vt dicit Philosophus, generarentur schismata & hæreses. Si autem quodlibet votum solenne reputaretur, essent voto solenni obligatæ personæ inter seculares degentes, & à praua & peruersa natione corrumperentur, & scandalum oriretur, & peius damnum induceretur in communi ex tali professione, quam posset aliqua sanctitas personalis prodesse: & ideo rationabile est hoc statutum.

A D A L I V D dicendum, quod sine professione non reputatur votum solenne propter causas dictas: & hæc argumentatio nihil habet inconueniens.

A D I D quod obiicitur contra aliam opinionem, puto planè esse concedendum.

#### A R T I C V L V S XIV.

*Vtrum votum solenne fiat vno modo vel pluribus?*

Q VARTO quæritur, Vtrum votum solenne fiat vno modo, vel pluribus: Videtur autem, quod pluribus modis: quia quodlibet bonum melius præcepto, cadit sub voto, & quodlibet potest solennizari: ergo votum solenne in pluribus potest fieri. Item, Professio non fit de vno, sed de pluribus, scilicet de obedientia de castitate, de paupertate, de sine carnibus viuere, & huiusmodi: ergo votum illud solennizatur pluribus modis.

I N C O N T R A R I V M huius est, quod *Sed em- 174.* matrimonium dirimit: hoc autem ratione nullius facit, nisi ratione voti castitatis: ergo videtur, quod solum votum castitatis solennizatur.

R E S P O N S I O. Dicendum, quod omne votum perpetuum solennizari potest primo modo supra dicto: temporale autem votum non potest solennizari, quia professio vult esse perpetua, & per solam professionem solennizatur: tamen potest maior confirmatio adhiberi, sed nunquam accidit perpetuitas, quandiu manet temporale.

A D I D autem quod in contrarium obiicitur, dicendum quod iste effectus non est voti solennis in genere, sed in specie, scilicet voti castitatis solennizati.

#### A R T I C V L V S XV.

*An votum priuatum continentia impediatur matrimonium, & an sic contrahentes possunt reddere debitum?*

D E I N D E quæritur de hoc quod dicit [Qui priuatum votum faciunt continentia, &c.] Videtur



Videtur enim falsum: quia si stat matrimonium, tunc oportet, quod rumpatur vinculum voti: sed hoc non rumpitur: ergo non stat matrimonium. Probatio minoris. Vincula Ecclesie non ligantur nisi ratione quantitatis boni quod est in eis: sed maius est bonum in voto, quam in matrimonio: ergo plus ligat: ergo si alterum habet frangi à reliquo, matrimonium frangeretur à voto potius, quam è conuerso. Si forte dicas, quod matrimonium est maius bonum. Contra: Hoc est hæresis Ioviniani, ut dicit August. quod matrimonium virginitati & viduitati æquare voluit: ergo multo magis est hæreticus, qui vult antepondere: sed qui dicit matrimonium esse maius bonum, antepone: ergo est condemnatus hæreticus, qui ita dicit.

Quæst. 1.

**VLTERIUS** quæritur de sic contrahente, Vtrum postea potest reddere debitum? Videtur autem, quod non: quia qui nihil de se sibi retinuit, nulli in se aliquid dare potuit: sed iste per votum nihil sibi de se retinuit: ergo nulli aliquid in se dare potuit: ergo nulli aliquid tenetur reddere.

2 Item, Constat, quod iste totum se dedit Deo per votum: quærat ergo, Per quid absoluitur ab illo? Videtur, quod per nihil: ergo adhuc tenetur. Si dicatur, quod per matrimonium. Contra: Ipse per actum matrimonij in carnali copula mortaliter peccauit: sed ex peccato non debet reportare commodum: ergo ex hoc non debet absolui à voto: ergo adhuc tenetur non reddere.

Quæst. 2.

**ITEM** vltius quæritur, Si potest exigere? Videtur autem, quod non: quia quantum est in se deuouit carnalem copulam: ergo non potest eam exigere postea.

2 Item, Exigere est velle coitum: & hoc directe est contra votum: ergo cum illo stare non potest: ergo non potest exigere.

Sed contra.

**IN CONTRARIUM** huius est, quod votum ita repugnat dationi qua alij dat ius in corpore suo, sicut exigenti debitum: sed primum stat & tenetur ei reddere cui ius in corpore suo dedit: ergo videtur, quod etiam exigere potest.

Solutio.

**RESPONSIO.** Dicendum ad primum, quod votum priuatum minoris obligationis est, quam solenne, ut prius satis rationabiliter est probatum. Et bene concedo, quod matrimonium minus vinculum est secundum se, quam votum, & ideo impedit contrahendum: sed matrimonium cum solennitate ab Ecclesia institutum efficitur potentius, quam votum: & ideo non dirimit contractum illud quod est votum priuatum. Licet enim bonum melius sit castitas, tamen minus bonum in genere, quando fit commune Ecclesie præiudicat meliori bono priuato: est autem huiusmodi bonum Ecclesie iustitia quæ in facie est pro matrimonio coram Ecclesia, & cautela aliarum personarum viuientium & ædificatio, quod teneatur promissum.

Ad qu. 1.

**AD ID** quod vltius quæritur, dicendum quod sic contrahens reddere tenetur. Ad obiectum contra, dicendum quod persona qualibet dupliciter consideratur, scilicet in se, & prout est commune membrum Ecclesie. Prout

in se consideratur, ipsa de se potest facere quicquid vult, quod non cedit in præiudicium sui in quantum est membrum Ecclesie: quia hoc cederet in præiudicium communitatis. Vnde dicendum, quod illa fecit de se quod voluit, in quantum in se consideratur, sed non in quantum est membrum Ecclesie: sic enim adhuc cadit ordinatio Ecclesie super eam, & sic iure institutionis pro communi utilitate facta dat se alteri, licet peccet mortaliter hoc faciendo: sapè enim hoc contingit, quod contrahens quis peccat mortaliter, & tamen stat contractus: & hoc ideo quia vitium nullum est in ipso contractu, sed potius in ipso contrahente, qui se ad oppositum obligauit.

**AD ALIUD** dicendum, quod absoluitur per ius quod alij est acquisitum virtute ecclesiasticæ institutionis, & contra hoc non procedit obiectio, quia bene conceditur, quod per coitum non absoluitur.

**AD ID** quod vltius quæritur, dicendum quod exigere non potest: quia in omnibus quæ respiciunt personam in se, obligatur ex voto, & tale est exigere: sed non obligatur in his quæ respiciunt eam ut est Ecclesie membrum: & sic patet qualiter votum non ita repugnat vni sicut alij.

## ARTICVLVS XVI.

*An omne votum recipiat dispensationem?*

**D**Einde quæritur de hoc quod dicitur [Non solum capescere nuptias, &c.] Ratione enim huius quærantur hic tria. Primo, Vtrum omne votum recipiat dispensationem, vel non? Secundo, A quo possit dispensari? Tertio, Cum quo debeat dispensari?

**AD PRIMUM** obicitur sic: Dicit August. quod vovère est voluntatis, sed reddere est necessitatis: sed quod est necessitatis, non accipit dispensationem: ergo videtur, quod nullum votum recipiat dispensationem.

2 Item, Causa assignatur, quare præcepta decalogi non recipiunt dispensationem, quia ipse Dominus præcepit ea, & inferior in superiori præcepto non habet potestatem dispensandi: ergo à simili cum Dominus præcepit Deuter. 23. quod quæcunque quis vouerit, reddat, videtur quod nullus potest dispensare in eo quod quis vouit.

3 Item, Communiter dicitur, quod votum, præceptum, & iuramentum, non differunt in solutione, sed in modo obligandi tantum: ergo cum præceptum dispensari non possit, videtur quod nec votum potest dispensari.

**IN CONTRARIUM** huius est, quod dicit Magister Hugo, qui dicit quodcunque quis vouit, potest dispensari, vel mutari, dummodo in eius potestate vel voluntate non sit qualiter dispenseretur vel mutetur, & auctoritas supra est inducta: ergo videtur, quod omne votum recipiat dispensationem.

**VLTERIUS** hic quæritur de voto continentie, Vtrum ipsum possit dispensari? Videtur autem, quod non: quia non est digna ponderatio continentis animæ: sed omnis dispensatio

Ad qu. 2.

Ad qu. 2.

Ad qu. 2.

Sed contra.

Quæstio.



fatio id quod votum est rependit in æquæ vtili vel magis dispensando; ergo votum continentia dispensari non potest.

2. Item, Luc. 10. Maria optimam partem elegit, quæ non auferetur ab ea. Hæc autem est pars continentium, qui non cogitant quæ sunt mundi, sed tantum quæ Dei sunt, & quomodo placeant Deo, & sint sancti corpore & spiritu. Ergo videtur, quod in nihil melius & vtilius possit commutari; ergo nec dispensari.

Sed contra.

IN CONTRARIUM huius est, quod matrimonium etiam quandoque fuit in præcepto, cum dictum est, Crescite & multiplicamini. Ergo tunc non licuit continere. Constat autem, quod nullo modo præcepisset Deus, nisi matrimonium vtilius fuisset tunc temporis, quam continentia. Ergo in simili & pro simili causa adhuc reciperet votum dispensationem.

2. Item, Sit quod per matrimonium multi possint conuertri ad Christum & Ecclesiæ potestatem; cum ergo bonum commune Ecclesiæ, melius sit multo quam personale, videtur quod tunc cum illa persona per cuius copulationem tot bona fieri possent, liceat dispensare.

Solutio.

RESPONSIO. Dicendum, quod in votis duo sunt, scilicet votum temporale, & perpetuum. Votum autem temporale sicut peregrinatio, vel ieiunium, vel aliud huiusmodi, & hoc de leui in aliquid vtilius potest commutari. Votum autem perpetuum dupliciter potest commutari: aut enim commutatur in contrarium actum redditioni voti, aut in non contrarium, qui tamen est præter illum quo votum redditur. Dicendum ergo videtur, quod illud votum quod non potest mutari, nisi in actum contrarium redditioni voti, non potest dispensari: quia hoc est venire directe contra votum, & frangere votum: & hoc nulli unquam licuit, neque licebit: & tale est votum solenne de continentia quod nunquam mutari potest: & hæc est causa dicti Eccli. 26. Non est digna ponderatio, &c. Votum autem cuius mutatio non adducit voti fractionem, sed tantum mutationem, potest dispensari, sicut dicit Magister Hugo, sicut quod religiosus habeat proprium, quia non habet nomine suo, sed nomine Ecclesiæ vel capituli: & hoc non est contra votum, quia etiam prius talem in ordine suo poterat habere potestatem: similiter quod accipiat curam pastorem, qui monachus est, quia in cura pastoralis etiam est custodia vnius à qua dicitur monachus. Nec approbo solutionem illam Iurisperitorum, qui dicunt, quod non potest dispensari, quod religiosus possit habere proprium: sed potius dispensatur ut non sit religiosus, & tunc licet ei habere proprium. Quia non sunt nisi verba: qui enim potest quod est maius, potest & id quod est minus: sed magis est religiosum fieri non religiosum, quam religiosum habere proprium: ergo si Papa potest primum, potest & secundum. Vnde licet sit ibi sophisma compositionis & diuisionis in solutione tali, mihi tamen videtur potius contrarium dicendum, quod religionem frangere non licet, sed mutare

in id quod est præter illud, & non contrarium, ut dictum est.

AD PRIMUM ergo dicendum, quod reddere saluatur in æquivalenti simpliciter, vel secundum tempus. Dico autem æquivalens dupliciter, scilicet in genere boni, vel in recompensatione. Æquivalens in genere boni voto, quando mutatur in aliud bonum æquæ bonum, sicut si ieiunium mutetur in elemosynam. Æquivalens autem in recompensatione voto, sicut personale maius bonum, mutatur in commune minus, quod sua communitate recompensat personale bonum, sicut contemplatio vnius mutatur in actionem communitati seruientem, cum tamen status contemplationis melior sit, quam status actionis. Æquivalens autem secundum tempus, sicut quando votum maius in genere, mutatur in id quod vtilius est secundum illud tempus Ecclesiæ, licet in se sit minus, sicut votum terre sanctæ mutatur in votum alterius crucis.

AD ALIUD dicendum, quod non est simile, quia præcepta decalogi sunt de iure naturali: & ideo illa etiam à Deo, sicut dicit Augustinus, non possunt mutari: quia Deus faciendo contra hoc quod fecit ipse rectum, faceret contra suam propriam rectitudinem: sed votum non facit rectum nisi voluntas: voluntas autem est causa variabilis, & effectus eius etiam aliquo modo magis est variabilis, quam exemplum & imago iustitiæ diuinæ.

AD ALIUD dicendum, quod secundum quid illa tria sunt similia in redditione, quia scilicet obligant ad reddendum: sed in modo reddendi non sunt æqualia, quia quædam illorum in æquivalenti cum auctoritate superioris reddi possunt, quædam autem non, ut dictum est.

AD ID quod vltius queritur de voto continentia, dicendum quod non recipit dispensationem ratione supra dicta: quia dispensatio eius cederet in voti fractionem, non commutationem. Ad obiectum contra, dicendum quod matrimonium fuit in præcepto diuino, & in tali casu adhuc posset licentia dari nubendi: quia in tali casu esset votum irrationabile promissum: quia nihil potest voueri, quod est contra præceptum diuinum: sed ab homine hoc fieri non potest.

AD ALIUD dicendum, quod hoc nihil esset: quia non sunt facienda mala, ut eueniant bona. Vnde temporibus beati Matthæi noluit Effigenia nubere regi, cui se Christianum cum omni populo fore promissit, ad quod etiam beatus Matthæus consentire noluit, ita quod etiam potius mortem sustinuit.

## ARTICVLVS XVII.

*A quo possit fieri dispensatio?*

Secundo queritur, A quo possit dispensari? Videtur autem, quod à quolibet prælato: quia in auctoritate prædicta Magistri Hugonis dicitur, quod ab his quibus dispensatio credita est in Ecclesia: est autem dispensatio credita



credita cuilibet praelato: ergo quilibet praelatus potest dispensare.

2 Item, Praelatus ad hoc est ut cogitet ea quae utilitati proximi expediunt: ad hoc autem est necessitas dispensandi: ergo quilibet praelatus dispensandi debet habere auctoritatem.

*Sed contra.* IN CONTRARIUM huius est, quod in corpore humano quaedam officia ita retinet caput in corpore naturali, quod non ea committit aliis membris: ergo in corpore mystico ita debet esse: sed hoc praecipue videtur debere esse in dispensationibus: ergo potestas dispensandi debet esse penes caput, id est, Papam tantum.

2 Item, Vis regitua vitae, ratio est, & non habet sedem nisi in capite: ergo similiter debet esse in corpore mystico: cum ergo principaliter sit in regimine dispensandi potestas, videtur quod non sit nisi penes Papam.

*Solutio.* RESPONSIO. Dicendum, quod absque dubio omnis potestas plenarie dispensandi est in capite Ecclesiae, sicut probant ultima rationes, & in aliis praelatis tantum quantum eis conceditur: & ideo in his dispensare possunt, in quibus expresse iure non prohibentur. Prohibentur autem dispensare in voto terrae sanctae, & non in aliis votis temporalibus: & ideo in omnibus temporalibus votis, pensata qualitate personarum & necessitate vel utilitatis causa, dispensare possunt Episcopi & Archiepiscopi. In votis autem perpetuis quae sunt religionis, & huiusmodi, non credo quod dispensandi habeant potestatem.

AD PRIMUM ergo dicendum, quod Magister Hugo intelligit, quod potestas dispensandi sit penes superiores: sed non negat, quin differenter sit penes eos, ut dictum est.

AD ALIUD dicendum, quod regimen est duplex, scilicet vniuersale, & particulare: & ideo in magnis non committitur potestas dispensandi habenti regimen particulare: quia ex hoc contingeret, quod quandoque surgeret deformitas membrorum contra caput: oportet enim in membris ordinem seruare ad caput: & ideo statuitur in iure, quod in aliquibus omnium membrorum recursus sit ad caput Ecclesiae, sicut omnium membrorum quantum ad vim motiuam & sensitiuam recursus est ad caput in corpore organico physico.

## ARTICVLVS XVII.

*An cum omnibus potest dispensari?*

**T**ertio quaeritur, Cum quo debeat dispensari? Videtur autem, quod cum nullo religioso: quia status contemplationis nihil habet securius & melius: & talis est status omnis religionis: ergo nunquam potest dispensari cum aliquo illorum.

*1. Cor. 13.* 2 Item, Omnis potestas, ut dicit Apostolus, est in aedificationem, & non in destructionem: sed nulla est aedificatio quando melius destruitur, ut minus bonum aedificetur: fit autem hoc cum de religione sumitur aliquis in officium actionis: ergo videtur, quod talis dispensatio nunquam fieri possit.

*D. Alb. Mag. in Lib. 4. Sentent.*

IN CONTRARIUM huius est, quod sancti patres in pluribus decretis faciunt & concedunt, quod monachi quando digni sunt, etiam in plebanos & in parochianos constitui possunt: ergo multo magis ad minora officia.

2 Item Genes. 47, dicit Pharaon ad Ioseph, quod si nosceret fratres suos industrios viros, constitueret eos super pecora sua. Ergo & in spiritualibus multo magis homines industrij & boni, vbicunque sunt, accipi debent ad custodiam gregis Domini.

*Quaestio.* ULTERIUS quaeritur de votis temporalibus, Vtrum eiusdem speciei votum eodem modo dispensandum sit, sicut votum abstinentiae? Et videtur, quod sic: quia vnus boni in specie recompensatio fit per vnum: sed votum abstinentiae idem est in specie in quocunque fiat: ergo vno modo compensandum est.

2 Item, Deus in beneficiis suis & dispensationibus non distinguit inter personas: ergo nec homo iudex ecclesiasticus in talibus debet distinguere.

*Sed contra.* CONTRA: Aliquis diues plus affligitur abstinentia, quam maxima eleemosynae collatione, & aliquis pauper e conuerso: sed diuersae qualitates in dispensando sunt respiciendae: ergo non per idem debet compensari abstinentia diuitis & pauperis.

*Solutio.* RESPONSIO. Dicendum ad primum, quod dispensatio fieri potest, ita quod votum commutetur & non frangatur, ut dictum est: & bene concedo, quod vbicunque sit homo, si utilis est ad regimen, quod assumi debet & obedi-  
dire tenetur: quia bonum commune melius est, quam aliquod bonum particulare. Vnde quod obicitur, verum est statu ad statum comparato: sed quando additur boni communitas in altero statu, efficitur ille status melioris boni, quam sit alter qui est boni singularis hominis.

AD ALIUD dicendum, quod aedificatio magna est, quando non abrumpitur bonum eius, sed intermutatur aliquando ut possit prodesse multis, sicut dictum est Ierem. 1. Constitui te hominem super gentes & regna.

*Ad quaestione.* AD HOC quod ulterius quaeritur de votis temporalibus, dicendum, quod vota peregrinationis satis etiam possunt de facili dispensari: quia non est peregrinationibus talibus magna peregrinantium emendatio: sed in voto abstinentiae est cautè agendum, & non ita, cum diu-  
uire sicut cum paupere est dispensandum: quia pauper non habet unde sibi satisfaciat, sed diues in his abundat nimis. Vnde si cum diuitibus dispensetur, magna debent imponi eleemosynae, vel aliquod magnum quid iniungi, quod compenset dolorem famis quam oportuisset sustinere in abstinentia.

AD OBIECTVM autem contra, dicendum quod ceteris paribus est hoc verum quod obicitur: sed haec conditiones sunt dispares valde.

AD ALIUD dicendum, quod Deus corda inuenerit, & ideo corda diuersimodè praeparata diuersis infundit donis, quandoque diuiri dando plus, & quandoque minus pauperi: sed iudex ecclesiasticus non videt nisi faciem, & ideo diuersae circumstantiae in faciei diuersitate debent apud eum dispensationem diuersificare.



*De virginibus non velatis.*

27. q. 1.  
c. Hæc  
verò.

**D**E virginibus autem non velatis, si deuiauerint, à prædecessore nostro Innocentio Papa tale decretum habemus. Hæc quæ necdum sacro velamine tectæ, tamen in proposito virginali semper se simulauerunt permanere: licet velatæ non fuerint, tamen si nupserint aliquo tempore, his agenda pœnitentia est: quia sponsio earum à Domino tenebatur. Si enim inter homines solet bonæ fidei contractus nulla ratione dissolui: quanto magis ista pollicitatio quam cum Deo pepigit, solui sine vindicta non poterit? Item, Si virgines nondum velatæ taliter publica pœnitentia puniuntur, & à cœtu fidelium vsque ad satisfactionem excluduntur: quanto magis viduæ, quæ perfectioris ætatis, & maturioris consilij existunt, & habitum religionis assumpserunt: & deinde apostatauerunt, atque ad priorem vomitum sunt reuersæ: à nobis & ab omnibus fidelibus, à liminibus Ecclesiæ, & à cœtu fidelium vsque ad satisfactionem sunt eliminandæ, & carceribus tradendæ. Ex his apparet, virgines vel viduas voto continentiaæ astrictas, siue fuerint velatæ, siue non, nullatenus coniugium sortiri posse. Quod itidem de omnibus intelligendum est, qui continentiam vouerunt. Quod enim ante erat licitum, post votum fit illicitum. Non est igitur prætermittendum quod Innocentius Papa de viduis & puellis decreuit, quæ Christo spiritualiter nubunt: si postea publicè nupserint, non eas admittendas esse ad pœnitentiam, nisi hi quibus se iunxerant, de mundo recesserint. Si enim de omnibus hæc ratio custoditur, vt quæcunque viuentem viro alteri nupserit, adultera habeatur, nec ei agenda pœnitentiaæ licentia conceditur, nisi vnus de illis fuerit defunctus: quanto magis de illa tenenda est, quæ ante se immortalis sponso coniunxerat, & post hoc ad humanas nuptias transmigravit. Attende quòd non solum coniugium talibus negare videtur, sed etiam locum pœnitentiaæ. Sed non ita intelligendum est, vt aliquando excludantur à pœnitentia, quæ digne pœnitentiam agere volunt: sed illæ non sunt admittendæ ad pœnitentiam, quæ ab incestus copula discedere noluerint: quia post religionis propositum non potest Deo reconciliari per pœnitentiam, quæ ad habitum suæ professionis redire neglexit. Tunc ille qui se coniunxerat ei, defunctus erit, cum ab eius illicitis amplexibus hæc penitus recesserit. Cum ergo dicitur eas non esse admittendas ad pœnitentiam, nisi hi quibus se iunxerant, de mundo recesserint, subaudiendum est eis. Tunc enim eis viri de mundo recedunt & defunguntur, cum ab eorum concupiscentia istæ se alienant: quem sensum similitudo subdita declarat & confirmat.

Ibidem.  
c. Quæ  
Christo.

## ARTICVLVS XIX.

*An votum conditionale debet impleri simpliciter vel solum stante conditione?*

**D**Einde quaeritur de hoc quod dicit ibi [De virginibus autem non velatis, &c.]

Hic enim quaeritur de voto conditionato & interpretato. De primo quidem sic: Sit quòd aliquis voueat cum conditione apposta, sicut videtur Iacob fecisse Genes. 28. quando dixit, Si Dominus Deus fuerit mecum in via, &c. videtur quod etiam conditione non obstante debeat votum solui. Domino enim debemus esse & posse sine conditione: ergo siue con-

ditio



ditio apponatur, siue non: videtur quod debeat solui Domino quod promittitur.

2 Item, Mercenaria seruitus non est Deo grata: sed conditionata est mercenaria: ergo non est Deo grata: ergo vel est conditio non apponenda, vel apposita non attendenda.

*Sed contra.* IN CONTRARIUM est, quod votum non obligat ex necessitate, sed ex voluntate: ergo non obligat amplius, quam sicut promittit voluntas: sed voluntas non promittit nisi sub conditione.

*Solutio.* QVOD CONCEDENDUM est: & ideo nisi velit ille qui vouit, conditione non existente, ipse ad votum non obligatur.

AD PRIMUM ergo dicendum, quod licet Domino totum quod sumus debeamus, non tamen hoc totum requiritur à nobis: & ideo non obligamur nisi cum conditione vel promissione absoluta.

AD ALIUD dicendum, quod non est seruitus mercenaria: quia hoc intelligitur de his qui etiam ea quæ sunt necessaria ad salutem, non faciunt nisi propter mercedem temporalem. Hæc autem conditio ponitur ad id quod non est necessarium ad salutem.

## ARTICVLVS XX.

*De voto interpretatiuo an aliquis intrans religionem & manens ultra tempus professionis, sit professus, & an sit compellendus ut maneat & profiteatur?*

Secundo quæritur de voto interpretatiuo, scilicet quando aliquis habens ætatem, votum in religione non facit, sed moratur amplius, quam sit probationis tempus, utrum possit exire si verbo non profiteatur, vel ibi manere sit compellendus? Videtur autem, quod possit exire: quia votum fit verbi promissione:

ille autem verbo nihil promittit: ergo potest exire.

2 Item, Multas fœminas hoc modo in partibus Alemanniæ exire permittit Ecclesia, & maritos ducere: quod non fieret, si per ipsum tempus votum esset solennizatum.

3 Item, In quibusdam claustris nigri ordinis non extat memoria, quod vnquam seruata ibi fuerit regula ex integro, sed tantum quædam partes, sicut officium nocturnum & diurnum, & non modus abstinendi: & non intrant aliquæ personæ hac intentione, nisi ut seruent quæ inueniunt: cum ergo non amplius profiteantur, videtur quod ad amplius non obligentur.

IN CONTRARIUM huius est, quod consuetudines & institutiones Ecclesiarum sine superioris auctoritate immutari non possunt: sed scimus illas Ecclesias ordini sancti Benedicti esse assignatas, & à nullo maiorum esse mutatas: ergo ad obseruandum ordinem sancti Benedicti tenentur, ut videtur.

RESPONDEO sine præiudicio, quod votum & professionem interpretatiuam omnis homo facit, quando stat ultra tempus communiter probationi assignatum, habens libertatem recedendi si voluerit: sed hoc in quibusdam claustris potest prolongari, secundum quod communitati pro temporis conuenientia videtur expedire. Vnde tutum etiam videtur mihi, quod in claustris in quibus in periculo castitatis viuunt moniales, multum protelatur donec desperent de hoc quod aliquis eas legitimo ducat matrimonio: & ideo dissimulatur protelatio in claustris Theutoniæ.

AD ID ergo quod contra est, dicendum quod tales Ecclesiæ sunt ordinis Benedicti, & mutatio inducitur in obseruantis ex dissimulatione prælatorum: quod enim vident prælati, & tamen dissimulant, concedere vel indulgere videntur.

## Quam grande malum sit adulterium.

**Q**UOD vir & mulier legitimè coniuncti sunt, constat alterum altero viuente ad aliam non posse transire copulam: alioquin adulterium committitur, de quo Clemens Papa ait, Quid in omnibus peccatis adulterio est grauius? Secundum namque poenæ tenet locum, quem primum illi habent qui aberrant à Deo. Grauius ergo peccant adulteri, grauius fornicarij, sed cunctis his grauius incestuosi: quos omnes transcendunt contra naturam delinquentes. Vnde August. Adulterij malum vincit fornicationem, vincitur ab incestu. Peius enim est cum matre, quam cum aliena vxore dormire: sed horum omnium pessimum est, quod contra naturam fit, ut si vir membro mulieris non ad hoc concessio vratur, hoc execrabiliter fit in meretrice, sed execrabilius fit in vxore.

32. q. 6. c. Quid in omnibus.

De adulter. cōiugiis. & habetur 32. q. 7. c. Adulterij malum.



## ARTICVLVS XXI.

*An adulterium homicidio & aliis peccatis  
sit grauius?*

**D**Einde quæritur de hoc quod dicit [Quid in omnibus peccatis adulterio, &c.] Videtur enim falsum: quia homicidium in genere moris, grauius est adulterio, & infidelitas grauior est simpliciter.

2. Item, Adulterium est peccatum ex infirmitate carnis exortum: sed illo grauius est peccatum in Spiritum sanctum: ergo adulterium non est in omnibus peccatis grauius.

**ITEM** quæritur, Quare in pœnis secundum *Quæstio-  
culæ.* tenet locum, Si enim dicas, quod secundum tenet locum, quia secundum præceptum transgreditur. Contra: Tria præcepta sunt in prima tabula, ex quibus nullum transgreditur. Si dicas quod tenet transgressionem secundam in secunda tabula. Contra: Secundum præceptum est, Non occides, & non contra hoc est adulterium. Si forte dicas, quod habet transgressionem secundam in negatiuis. Contra: Hoc erit contra literam: quia dicit, quod primum locum habent hi qui aberrant à Deo: quod non diceret, si prædicto modo intelli-

geret, sed potius, quod primum locum teneant homicidæ. Si vero dicas, quod secundum locum tenet in pœnis: quia lapidantur sicut aberrans à Deo. Contra: Ius maius peccatum debet magis puniri: sed homicidium est maius peccatum, quam adulterium: ergo lege iuris magis debet puniri. Item, Illa quæ fornicatur in domo patris sui, lapidatur sicut dicitur Deuter. 22. Item, Filius contumax lapidatur: quia non vult audire monita patris Deuter. 21. Ergo videtur, quod nullo modo secundum locum tenet in pœnis.

**RESPONSIO.** Sine præiudicio dicendum, *Solutio.* quod aberrans à Deo frangit fidem vnitatis spiritus quam habet cum Deo in significato matrimonij quantum ad bonum sacramenti. Adulterans autem frangit fidem thori & indiuiduitatis matrimonij, quæ significat societatem animæ cum Deo: & ideo exemplariter & quoad quantitatem reatus est in secundo loco aberrans à fide: & ideo Dominus per Isaia aberranti loquitur per modum adulteræ Isa. 27. Coangustatum est enim stratum, ita ut alter decidat, & pallium breue vtrumque operire non potest. Et ibidem 57. Iuxta me discooperuisti, & suscepisti adulterum. Et similiter Ezech. 16. & Osee 3. & in alijs multis locis. Et per hoc patet solutio ad totum.

*De illis qui post longam captiuitatem redeunt.*

**E****N**IM quæritur de illis fœminis, quæ pucentes viros suos interemptos, vel in captiuitate, vel ab iniqua dominatione nunquam liberandos, in aliorum coniugia transierunt: si illi qui putabantur periisse remeauerint, vtrum eis reddi debeant, & an secundi fornicati sint, & ipsæ reæ adulterij. De hoc Leo Papa sic ait: *31. q. 1.  
c. Cum  
per bel-  
licam.* Necesse est vt legitimarum fœdera nuptiarum reintegranda credamus, & remotis his quæ hostilitas intulit, cuique id legitime reformetur quod intulit, procurandumque est, vt recipiat quisque quod proprium est. Nec tamen culpabilis iudicetur, & quasi alieni iuris peruasor habeatur, qui personam eius mariti qui iam non esse existimabatur, assumpsit. Sic enim multa quæ ad eos qui in captiuitatem ducti sunt, pertinebant, in ius alienum transire poterunt, & tamen plenæ iustitiæ est, vt eisdem reuersis reformentur. Ideoque si viri post longam captiuitatem reuersi, ita in dilectione suarum coniugum perseverant, vt eas cupiant in suum redire consortium, dimittendum est, & inculpabile iudicandum quod necessitas intulit, & restituendum quod fides poscit. Sin autem aliquæ mulieres ita virorum posterorum amore sunt captæ, vt malint his cohærere quam ad legitimum transire consortium, merito sunt notandæ, ita vt ecclesiastica communione priuentur, quæ de re excusabili contaminationem criminis elegerunt. Redeant ergo in suum coniugia statum: quia sicut mulieres quæ ad viros suos reuerti noluerint, impiæ sunt habendæ: ita illæ quæ redeunt, merito sunt laudandæ. Ex his ostenditur, illos qui taliter iunguntur, vt credant virum interemptum, per ignorantiam, aliquam excusationem habere de peccato, & tantum primam copulam esse legitimam, non secundam, veniam tamen habere, si careat



si careat opprobrio malæ voluntatis. Sed si quis relicta in patria sua uxore in longinquam abiens regionem, deinde poenitentia ductus eam dimittere velit, asserens se aliam habuisse quæ viuit, nec Ecclesia permittat, quæ quod ille asserit ignorat, quæritur an in hac secunda copula sit coniugium? Sanè dicit potest non esse coniugium, & mulierem de crimine excusari per ignorantiam, virum autem adulterium admisisse. Sed ex quo ad primam redire volens nec valens, cogitur Ecclesiæ disciplina hanc tenere, incipit excusari per obedientiam & timorem, de hoc quod poscenti mulieri debitum reddit, a qua ipse nunquam poscere debet: & sic de aliis huiusmodi sentiendum est.

Hug. 4.  
sent. c. 4.

Hoc ho-  
die non  
teneatur:  
immo non  
debet Ec-  
clesia  
obedi-  
re.

## ARTICVLVS XXII.

*Quid faciendum sit mulieribus quæ putant viros interemptos, vel in captiuitate, vel ab iniqua dominatione nunquam liberandos?*

**D**Einde quæritur de hoc quod dicit [Hic quæritur de istis scæminis, &c.] Videtur enim illis scæminis esse concedendum, vt interim alios ducant: quia matrimonium est in medicinam, & morbus concupiscentiæ medicina tandiu carere non potest.

2. Item, Impeditur bonum naturæ quod est proles: ergo videtur, quod cum secundo concedit debeat matrimonium.

Solutio.

**R**ESPONSIO. In præcedentibus satis est de hoc habitum: quia omnes molestiæ matrimonio superuenientes propter fidem thori sunt tolerandæ: & ideo longa captiuitas cum patientia est expectanda.

**A**D PRIMVM ergo dicendum, quod est medicina indirecta, quia gratia magis medicatur: vnde si conuertatur à fidem thori, magis iuuabitur alia quam in matrimonio: & si illa postponatur, tunc viuit potius in concu-

piscentia quam matrimonij honestate.

**A**D ALIVD dicendum, quod bonum prolis in sui ratione habet, quod honestate matrimonij suscipiatur: & cum hoc hîc esse non possit, non potest per coitum tale bonum prolis procreare.

## ARTICVLVS XXIII.

*An redeunte marito alter potest manere cum ea quam putat uxorem propter scandalum?*

**D**Einde quæritur de hoc quod dicit in fine distinctionis *ibi* [Ex quo ad primam redire volens nec valens, &c.] Videtur enim hoc esse falsum: quia propter nullum scandalum est aliquid faciendum contra vitæ veritatem: sed esse cum alia postposita sua, est contra vitæ veritatem: ergo non debet esse cum illa propter scandalum vel etiam metum excommunicationis.

**A**D HOC respondeo, quod Magister hîc errat, & falsum est quod dicit: quia iste debet potius mori excommunicatus, quam commoneat illi quæ non est vxor eius.

Solutio.



# DISTINCTIO XXXIX.

*De dispari cultu.*



**P**OST hæc de dispari cultu videndum est: hæc est enim vna de causis, quibus personæ illegitimæ fiunt ad contrahendum matrimonium. Non enim licet Christiano cum Gentili vel Iudæa inire coniugium: quia in Veteri Testamento prohibitum est, fideles viros infideles ducere vxores, Domino dicente, Non accipias vxorem de filiabus alienigenarum filiis tuis, ne traducant eos post Deos suos. Iuxta hoc Domini præceptum Iudæorum coniugia cum alienis inita Esdras separauit. Hoc idem etiam in Nouo Testamento seruatur. Vnde Aug.

D. Alb. Mag. in Lib. 4. Sentent.

SSs 3

Ne

A  
De im-  
pedimen-  
tis qua  
faciunt  
omnino  
illegiti-  
mum ad  
contra-  
hendum  
matri-  
monium  
cum quo-  
dam &  
cum quo-  
dam non:  
quod ve-  
nit ex  
cultus  
dispari-  
tate.  
Exod.  
24.  
Deut. 7.  
Esdr. 10.



De adul.  
coniug.  
c. 21. &  
habetur  
28. q. 1. c.  
Sic enim  
ad fi.  
Exod. 34.  
1. Cor. 7.  
Lib. de  
Patriar-  
chis. &  
ponitur  
28. q. 1. c.  
Cauc.

Ne nubat fœmina, nisi suæ religionis viro: vel ne vir talem ducat uxorem. Id enim, vt dicis, iubet Dominus, docet Apostolus, vtrumque præcipit Testamentum. Item Ambr. Caue Christiane Gentili vel Iudæo filiam tuam tradere, caue ne Gentilem vel Iudæam vel alienigenam, id est, hæreticam & omnem alienam à fide tua, uxorem accersas tibi. Item, Siquis Iudææ, siue Christiana Iudæo, siue Iudæa Christiano carnali consortio misceatur, quæcunque tantum nefas admiserit, à Christiano cœtu protinus segregetur. Ex his aliisque pluribus testimoniis apparet non posse contrahi coniugium ab his qui sunt diuersæ religionis & fidei.

## ARTICVLVS I.

*An dispar cultus faciat personam illegitimam?*

**P**ost hæc de dispari cultu videndum est] Hic agitur de impedimento quod impedit ex parte fundamenti quod destruit. Magister autem quatuor in hac distinctione tangit, scilicet quare dispar cultus faciat personas illegitimas? Et quid sit fornicatio spiritualis? Et tertio, Vtrum fidelis dimissus se alteri potest copulare? Et vltimo, Vtrum inter infideles verum matrimonium possit esse? Et per se patet vbi ista incipiant. Circa primum autem duo inducit. Prima enim opinio est, quod dispar cultus impedit matrimonium contrahendum & dirimit contractum. Secundo autem contra obiicit, & soluit: & iterum patet vbi hoc facit, Incidunt autem hic tria quærenda. Primum est, An dispar cultus faciat personam illegitimam? Secundo, Quare hoc potius facit oppositum fidei, quam alterius virtutis? Tertio, Ratione cuius articuli fides habet personam facere legitimam?

Obiicitur autem ad primum sic: Quoruncunque duorum vnum quandoque fuit sine alio, illorum neutrum ab altero habet dependentiam essentialem: sed talia duo sunt matrimonium, & fides Christi: ergo, &c. Probatio mediæ est, quod ante Christum fuit matrimonium, & hodie est inter infideles, sicut probatur per vltimam partem distinctionis huius.

2 Item, Quod nulli bono matrimonij est contrarium, non videtur facere personam illegitimam ad contrahendum: tale autem est infidelitas: ergo, &c. Probatio mediæ: quia vna vnus potest esse infidelis seruans fidem thori, & generans filios qui ad religionem Dei nutrir possunt.

3 Item, Non fuit dictum ab initio, Erunt duo in fide de vna, sed potius in carne vna: ergo disparitas fidei matrimonium in nullo debet impedire, dummodo possit ibi saluari vnitas carnis.

4 Item, Amicitia matrimonij magis stringit, quam aliqua alia: ergo videtur, quod etiam suadendæ sint tales nuptiæ, quia hac occasione infideles ad fidem conuertentur.

*Sed contra.* IN CONTRARIUM huius multa adducuntur in litera de Esdra & aliis. Sed per rationem obiicitur sic: Vbi non est fundamentum sacramentorum, ibi non est aliquid ratum

sacramentum: sed baptisumus & fides sunt fundamentum sacramentorum: ergo vbi hoc non est, non est aliquid sacramentum: sed in dispari cultu non est: ergo, &c. ergo nec matrimonium est sacramentum.

2 Item Malach. 2. Contaminauit Iudas sanctificationem Domini quam dilexit, & habuit filiam Dei alieni. Disperdet Dominus virum qui fecerit hoc, magistrum & discipulum in Israël. Ergo disperdendum est matrimonium, in quo est filia Dei alieni: ergo dispar cultus personam facit illegitimam.

*RESPONSIO.* Dicendum, quod hoc *Solutio.* quod dicitur in litera, omnino videtur esse tenendum.

AD HOC autem quod primo obiicitur, dicendum, quod matrimonium nunquam fuit ratum sine fide Christi implicita, vel explicita, ita quod ratum dicatur omnino indissolubile. Vnde in naturali lege Genes. 27. Rebecca. Tædet me vitæ meæ propter filias Herth: si acceperit Iacob uxorem de stirpe huius teræ, nolo viuere. Licet ergo infra dicatur inter infideles verum posse esse coniugium, non tamen est omnino ratum: quia aliquo casu interueniente poterit dissolui.

AD ALIUD dicendum, quod contrariatur bono prolis: quia quoad alterum parentem non suscipitur in timore & pietate Christi. Similiter fidem non seruans ad Christum, nunquam fidem veram seruare potest ad hominem. Bonum autem sacramenti est in potentia tantum in talibus, & non ducit actu in coniunctionem fidelis animæ cum Deo, sed tantum potentia. Et ideo omnia illa bona talis matrimonij sunt imperfecta.

AD ALIUD dicendum, quod licet non sit dictum, tamen est præintellectum sicut fundamentum præintelligitur ædificio.

AD ALIUD dicendum, quod talis amicitia est periculosa, vbi Christianus obligatur infidelis: quia forte posset peruertere, & ideo prohibitum est à Domino tales confederari.

## ARTICVLVS II.

*Quare hoc potius conuenit fidei, quam alteri virtuti?*

**S**ecundo queritur, Quare potius fides habet hoc, quam alia virtus, & infidelitas potius quam aliquod vitium? Dicit enim Aug. quod quodlibet vitium separat à Deo: ergo contraria



contrariatur ei quod sua indiuiduitate illam coniunctionem significat: sed hoc est matrimonium: ergo quodlibet vitium facit personam illegitimam ad matrimonium.

2 Item, Infra in litera dicitur, quod fur- tum, auaritia, & alia multa vitia hoc idem faciunt: ergo constat propositum.

3 Item, Fides non est vnitiua, sed potius charitas: quia sicut dicit Apostolus 1. Cor. 6. Qui adheret Deo, vnus spiritus est. Ergo oppositum charitatis potius debet facere personam illegitimam, eo quod opponitur coniunctioni & vnioni fidelis animæ cum Deo, quam significat matrimonium.

4 Item, Peccatum in Spiritum sanctum est grauissimum, quod nec in hoc seculo, nec in futuro remittitur: ergo copulæ animæ cum Deo & in hoc seculo & in futuro reluctatur: & hoc prætendit matrimonium: ergo potius peccatum in Spiritum sanctum facit personam illegitimam ad matrimonium, quam dispar cultus.

*Sed contra.* IN CONTRARIUM huius sunt ea quæ dicuntur in litera. Item adhuc per rationem obiicitur: Sicut dicit Apostolus ad Hebr. 11. fides est substantia rerum sperandarum: quia vt dicit Glossa, facit in nobis subsistere res sperandas. Ergo sine fide nihil subsistit in nobis de rebus sperandis: sed nihil est firmum, quod cum rebus sperandis non subsistit: ergo quod subsistit sine fide, non est firmum: ergo & matrimonium subsistens sine fide, non habet firmitatem perfectam. Quod autem nihil firmum sit, quod cum rebus sperandis non subsistit, probatur ex hoc quod res sperandæ sunt æternæ: & quod nec æternum est, nec cum æterno est, hoc est temporale tantum: temporale tantum existens, nullam habet firmitatem.

3 Item, Quod non placet Deo, non debet esse firmum in contractibus humanis: sed quod sine fide est, impossibile est placere Deo, vt dicit Apostolus Hebr. 11. ergo nullam habet firmitatem: ergo & matrimonium infidelis firmitate carere debet.

4 Item, Nullus contractus potest esse in quo legislator excluditur, & lex contractum rectificans: ergo & in spiritualibus non tenet aliquis contractus, vbi Deus & lex diuina excluditur: sed in matrimonio infidelis sic excluditur Deus & lex diuina: ergo contractus talis non est ratus ad plenum.

*Solutio.* RESPONSIO. Secundum vltimas rationes dicendum, quod æquissimum est non esse ratum matrimonium, vbi est dispar cultus.

AD PRIMUM ergo dicendum, quod licet quodlibet vitium separet à Deo, non tamen quodlibet vitium dissipat omnino fundamentum boni & sacramentorum, sed sola infidelitas: & ideo nihil stat de edificio, vbi non est fundus fidei: quia dicit August. quod infidelitas est vitium & peccatum, quo cætera omnia peccata tenentur.

AD ALIUD dicendum, quod vitia moralia quæ non sunt contra matrimonium, non impediunt matrimonium contrahendum, nec dirimunt contractum, sed possunt dissoluere cohabitationem: non enim oportet cohabitare

furi, qui non vult resipiscere, vel etiam usurario: & quoad hoc intelliguntur ea quæ dicuntur infra in litera. Supra tamen habitum est, quæ vitia impediunt matrimonium, & quæ non.

AD ALIUD dicendum, quod perfectio coniunctionis animæ cum Deo est in charitate, sed desponsatio est in fide & coniunctio prima: & ideo contrarium fidei totum dissoluit sequens, sed non contrarium charitatis: quia non destructa posteriori parte edificiij destruitur præcedens, sed potius è conuerso.

AD ALIUD dicendum, quod peccatum dicitur alio maius multis modis, sicut notatum est super secundum, sed quantum ad propositum pertinet, dicendum quod infidelitas maximum peccatum est ratione nocimenti, & eius contra quod est, & ratione actus: peccatum autem in Spiritum sanctum ratione radicis: & ideo infidelitas est maximum peccatum simpliciter: tamen peccatum non ex magnitudine sua habet impedire matrimonium, sed potius ex contrarietate quam habet ad fundamentum vel actum.

### ARTICVLVS III.

*Ratione cuius Articuli fides facit personam legitimam?*

TERtio queritur, Ratione cuius articuli fides habeat personam facere legitimam: Videtur, quod sit ratione eius quod est, Vitam æternam: quia vita æterna erit in coniunctione animæ cum Deo, & illam significat matrimonium. Sed iterum videtur, quod ratione communionis Sanctorum: quia communio Sanctorum erit in indiuiduitate vitæ & societatis, quam iterum prætendit matrimonium.

AD HOC dicendum, quod ratione illius articuli qui est, Sanctam Ecclesiam, fides personam legitimam facit: quia sic ille intelligitur, id est, Credo in Spiritum sanctum, scilicet sanctificantem & vnientem Ecclesiam sicut vna est vnus: sicut enim dicitur ad Ephes. 5. Sacramentum hoc magnum est: ego autem dico in Christo & in Ecclesia.

AD PRIMUM ergo sciendum, quod vita æterna non est vnio fidelis animæ cum Deo, sed potius visio, & visionem sequitur vnio.

AD ALIUD dicendum, quod communio Sanctorum consistit in communionem bonorum adinuicem: sed significatum matrimonij potius est in relatione ad Deum: & ideo ratione illius articuli fides non facit personam legitimam.

### ARTICVLVS IV.

*An si quis ducat hæreticam baptizatam qua nolit dimittere hæresim, debeat eam dimittere?*

DEinde queritur de hoc quod dicit [Vel alienigenam, id est, hæreticam, &c.] Ponamus enim, quod aliquis sciat aliquam mu-



liem esse hæreticam, & tamen baptizatam, & ducat eam in matrimonium, & illa postea nolit hæresim dimittere: videtur quod iste talis secundum ea quæ dicuntur in litera possit eam dimittere.

2 Item, Maius est segregari à consortio fidelium, quam à societate mariti: sed mulier propter hæresim segregatur à consortio fidelium: ergo multò magis à consortio mariti.

*Sed contra.*

IN CONTRARIUM huius est, quod baptizatus ab hæretico, est baptizatus: ergo matrimonio copulatus hæretico, verum habet matrimonium: ergo non est separandum.

2 Item, Baptismus est sacramentorum fundamentum: quicquid autem ædificatur super fundamentum immobile, illud est ædificium firmum: ergo istud est firmum matrimonium: ergo non est dissoluendum.

*Quæstio.*

ITEM, Ponamus, quod aliquis Iudæus, vel hæreticus, vel paganus, velit baptizari, & non inuenit aquam, vel baptizantem qui eum baptizet, & in isto statu contrahit: videtur, quod stet matrimonium: quia baptismo fluminis etsi non fluminis omnium peccatorum remissionem consecutus est: ergo matrimonio suo quod contrahit cum Christiana nullum peccatum repugnat: ergo stat matrimonium.

*Sed contra.*

IN CONTRARIUM huius est, quod

baptismus est fundamentum sacramentorum: & iste non habet characterem baptismalem: ergo non habet fundamentum: ergo non est firmum ædificium.

RESPONSIO ad hoc, quod ut dicit *Solutio*, Hugo, in primo casu stat matrimonium propter baptismum, & videtur mihi rationabiliter dicere.

AD OBJECTVM contra, dicendum, quod Ambrosius loquitur in litera de hæretico non in forma Ecclesiæ baptizato.

AD ALIUD dicendum, quod licet maius sit segregari à consortio fidelium, quam mariti: non tamen ordinatur ex contrarietate contra fundamentum matrimonij omne segregans à consortio fidelium, & ideo non dissolvit contractum matrimonium: sed verum est, quod contrahi non debet.

AD ID quod queritur de secundo casu, *Adquæ*, dicendum quod non est ratum matrimonium: quia non habet characterem baptismalem, licet rem habeat baptismi. Ad id quod contra obiicitur, dicendum quod immunitas peccati non iacit fundamentum sacramentorum, sed potius impressio characteris. Vnde non baptizatus, immunis tamen à peccato, si ordinaretur, nihil reciperet de ordine: & habens characterem baptismalem, & non immunis à peccato, si ordinatur, recipit ordinem.

### *De coniugio fidelis & infidelis & duorum infidelium.*

*1. Cor. 7.*

**V**IC autem videtur obuiare quod Apostolus ait de imparibus coniugiis. Ego dico, non Dominus, Siquis frater habet uxorem infidelem, & hæc consentit habitare cum illo, non dimittat illam: & si qua mulier, &c. Sed aliud hoc esse, aliud illud, euidenter ostendit August. Ibi enim agitur de illis coniugiis fidelium & infidelium, quæ contrahuntur ab eis in dispari religione & fide manentibus. Apostolus verò agit de illis, qui vnus eiusdemque infidelitatis fuerunt, quando coniuncti sunt. Sed cum venisset Euangelium, alter sine altera credidit. Intelligisne quid dicam? Attende, ut rem ipsam diligentius explanem. Ecce coniuges duo vnus infidelitatis fuerunt quando coniuncti sunt, nulla de his quæstio est quæ pertineat ad illud præceptum Veteris & Noui Testamenti, quo prohibetur fidelis cum infideli copulare coniugium. Iam sunt coniuges, & ambo adhuc sunt infideles. Tales sunt adhuc quales coniuncti sunt. Venitque Euangelij prædicator, credidit eorum vnus vel vna, sed ita ut infidelis cum fidele habitare consentiat, non iubet Dominus ut fidelis infidelem dimittat taliter coniunctum. Nec Apostolus iubet ut non dimittat, sed consulit ut si quis aliter agat, non sit transgressor, sicut & de virginibus consulit. Monet autem quod est luctandi occasio, cum possit licetè relinquere, sed non expedit. Tunc enim non expedit id quod licitum est, quando permittitur quidem, sed ipsius usus aliis affert impedimentum salutis, sicut discessio fidelis ab infideli, quam non prohibet Dominus, quia coram illo non iniusta, sed Apostolus ne fiat, consilio charitatis suadet, ut nemo in ea re iussionis necessitate

*Lib. & c. iisdem. & habetur 28. q. 1. cap. Sic enim ad fi.*

*August. ibidem. lib. 1. cap. 17. & habetur 28. q. 1. cap. Iam nunc illud. Aug. ad Pollentium. 1. Cor. 7.*



cessitate teneatur, sed consilij voluntate liberè faciat. Ex his monstratur inter infideles coniugium esse, & consilium Apostoli non obuiare præcepto Domini, quo iubet fidelem non iungi infideli: & si coniuncti fuerint, separari. Legitur enim, quòd Esdras Propheta, imo Dominus per eum iussit Israëlitis vxores dimittere alienigenas, per quas ibant ad Deos alienos, non illæ per maritos acquirebantur Deo. Rectè hoc præcipit, quia per Moysen iusserat Dominus, ne quis vxorem alienigenam duceret. Merito ergo quas duxerant Domino prohibente, Domino iubente dimiserunt: quia, vt ait Ambrosius. Non est putandum matrimonium, quod extra decretum Dei factum est: sed cum cognoscitur, emendandum: vt quando fidelis infideli copulatur. Sed, vt ait Augustinus. Cum cœpisset Gentibus Evangelium prædicari, iam coniunctos Gentiles Gentilibus comperit coniugibus: ex quibus si non ambo crederent, sed vnus vel vna, & infidelis cum fidele consentiret habitare, nec prohiberi à Domino debuit fidelis infidelem dimittere, nec iuberi. Ideò non prohiberi, quia iustitiæ permittit à fornicante discedere. Et infidelis hominis fornicatio est maior in corde, nec vera eius pudicitia cum coniuge dici potest: quia omne quod non est ex fide, peccatum est, quamuis veram fidelis habeat pudicitiam, etiam cum infideli coniuge, quæ non habet veram. Ideò autem nec iuberi, quia nec contra iussionem Domini Gentiles fuerunt ambo coniuncti. Licitum ergo erat per iustitiam, fidele infidelem dimittere: sed licitum non erat faciendum, propter liberam beneuolentiam. Euidenter apparet & inter infideles coniugium esse, & Apostolum de illis agere, qui in infidelitate coniuncti fuerunt & post alter ad fidem conuersus est: cum quo etiam infidelis habitare consensit, & hunc non dimittere fidele consulit Apostolus: quia fortè per fidelem saluabitur infidelis.

Esdr. 10.  
August.  
lib. 1. de  
adult.  
coniug.  
c. 18.

28. q. 1.  
c. Iussit  
Esdras.

Matt. 19.

Rom. 14.

# ARTICVLVS V.

*An dispar cultus matrimonio superueniens  
dissoluat matrimonium?*

**D**Einde quæritur de hoc quod dicit [Huic autem videtur obuiare quod Apostolus] Videretur enim, secundum ea quæ dicuntur in litera huius capituli, dispar cultus matrimonio superueniens dissolvere matrimonium: quia dispar cultus superueniens matrimonio, æqualis vel maioris est periculi sicut antecedens: ergo idem vel plus facit ad separationem matrimonij, quam antecedens, vt videtur.

2. Item, Talis non cohabitatur, nisi in contumeliam creatoris: assignatur autem hæc causa separationis in litera: propter ergo talem cultum disparem matrimonium est separandum.

3. Item, Talis peccat contra matrimonij authorem: & hoc iterum dicitur esse causa separationis: ergo separari possunt tales.

Sed con-  
tra.

**I**N CONTRARIUM est regula quæ dicit, quòd nullum impedimentorum matrimonio superueniens, dirimit matrimonium contractum: ergo nec istud.

2. Item, Fides Christiani semel data, firmi-

ter est seruanda: sed illi quæ sit hæretica, est fides data: ergo irritari non debet: ergo firmum tenendum est matrimonium.

**Q**UOD CONCEDENDUM est, & dicendum ad primum, quòd non est periculum: quia potest fieri separatio à thoro, si sit pertinax in hæresi.

**A**D ALIUD dicendum, quòd licet non communicet nisi in contumeliam si pertinax est, tamen ex prima susceptione fidei subiacer censuræ ecclesiasticæ: & per illam potest prohiberi, vel etiam separari à cœtu fidelium, ita vt iudicio seculari liberum sit in talem vin- dicare.

**A**D ALIUD dicendum, quòd in veritate talis peccat contra authorem matrimonij, & ideo punitur in matrimonio quantum ad separationem à thoro: sed tamen merito

fundamenti stat matrimonium,

quandiu ambo viuunt qui

in fide Christi con-

traxerunt.

\*\*\*



## ARTICVLVS VI.

*An aliquis in Paganismo habens plures  
uxores si conuertatur cum omnibus  
illis, omnes vel una, & qua  
possit esse vxor?*

**D**Einde quæritur de hoc quod dicit [Me-  
rito ergo quas duxerant Domino, &c.]  
Esto enim, quod aliquis in Paganismo vel Iu-  
daismo habuit uxores plures, & conuertatur  
cum omnibus illis: & quæatur, Vtrum om-  
nes, vel una, vel quæ ex omnibus possit esse  
vxor sua? Videtur enim, quod omnes: infra  
enim habetur, quod inter infideles est verum  
coniugium: ergo cum secundum ritum  
suum possit habere plures, quælibet istarum  
est vera vxor: sed, vt dicit August. baptis-  
mus non dissoluit coniugia, sed peccata: ergo  
videtur, quod quælibet istarum adhuc rema-  
neat vxor sua: ergo post baptismum potest  
habere plures.

2 Item, Maiorem libertatem adiicit sibi  
baptismus, & non tollit aliquam: ergo cum  
ante baptismum sibi liberum retinere plures  
erat, erit hoc idem etiam sibi liberum post  
baptismum.

3 Item, Si separentur, tunc videtur, quod  
hoc generaret impedimentum conuersionis:  
quia iam odirent baptismum propter horro-  
rem separationis à suis coniugibus: ergo non  
debent separari, sed permitti omnes post  
baptismum.

*Sed con-  
tra.*

**I**N CONTRARIUM huius est, quod di-  
cit Innocentius, Cum ab initio una costa in  
vnam mulierem sit formata, nulli vnquam li-  
cuit habere plures uxores, nisi ex diuina dis-  
pensatione & ad tempus pro necessitate: er-  
go nec isti licuit ante baptismum, nec post  
licet ei.

*Quæsti-  
onula 1.*

**S**ED TUNC quæritur, Quæ istarum sit vxor?  
Videtur autem, quod possit eligere: quia ipse  
est caput.

2 Item, Quia conuersio sua fauore est di-  
gna: & ideo debet ei electio permitti.

*Quæsti-  
onula 2.*

**V**LTERIVS quæritur, Esto enim quod  
aliquis in sua lege primæ vxori cum qua con-  
traxit, libellum repudiij dederit, & post eam  
cum alia secundum ritum suæ legis contraxit,  
& cum illa ad fidem Christi conuertatur. Vi-  
detur, quod oportet dimittere secundam: quia  
nunquam fuit vera vxor sua: ergo oportet,  
quod ambo isti conuersi separentur.

**I**N CONTRARIUM huius est, quod hoc *Sed con-  
generaret turbationem & impedimentum con-  
uersionis.*

**R**ESPONSIO. Dicendum, quod in prima *Solutio.*  
parte quæstionis non est dubium plures eum  
habere non posse, quam vnam: nec ante li-  
cuit ei habere plures secundum ius diuinum,  
sed potius secundum errorem perfidiæ hu-  
manæ.

**A**D PRIMVM ergo dicendum, quod  
id quod infra dicitur, intelligitur de marrimo-  
nio licito: & hoc non est contra ius diuinum:  
& hoc vnus est cum vna.

**A**D ALIVD dicendum, quod non est  
libertas habere plures, sed seruitus: quia  
qui facit peccatum, seruus est peccati. Et  
Anselm. dicit, quod etiam potentia peccan-  
di, nec est libertas, nec pars libertatis: quia li-  
bertati addita minuit eam, & ablata auget  
eandem.

**A**D ALIVD dicendum, quod id quod est  
de veritate vitæ, propter nullius vnquam tur-  
bationem vel scandalum est dimittendum,  
præcipue ex amore honestatis Christianæ: sed  
quod una est vnus, magis debet ad conuer-  
sionem trahere, quam illicere valeat amor mu-  
liercularum.

**A**D SECUNDAM partem quæstionis di-  
cendum, quod nulla est vxor nisi prima cum  
qua contraxit: & ideo omnibus conuersis so-  
lum illa manebit. Si autem non vellent ipsa  
conuertere, tunc puto, quod liberum esset ei eli-  
gere de aliis conuersis quam vellent, & cum  
illa contrahere de nouo: quia prior contractus  
non valebat, eo quod inter omnes illas cum  
quibus secundo contraxit in suo ritu, nulla  
habet magis, quam alia, eo quod nulla earum  
fuit verè vxor eius. Ad obiectum autem di-  
cendum, quod vir in regimine est caput, sed  
non in contractu: quia in illo ad paria iudican-  
tur vir & vxor, cum vtriusque consensus re-  
quiratur.

**A**D ALIVD dicendum, quod fauor in vi-  
ro nullus est, præcipue cum ipse baptismum  
accipiat, vt à vitiis liberetur.

**A**D TERTIAM partem quæstionis dicen-  
dum sub distinctione, quod aut prima cui de-  
dit libellum repudiij, vult conuertere, aut non.  
Si sic, tenetur eam habere. Si non, tunc potest  
contrahere de nouo in fide Christi cum se-  
cunda: & tunc etiam si postea conuertatur  
alia, non habet ius poscendi ipsam, eo quod  
ius suum merito infidelitatis amisit, cum in  
nullo ita maritum sequi debeat sicut in con-  
uersione ad fidem Christi.

*De fornicatione spirituali, ob quam potest dimitti coniunx.*

*In Gloss.  
1. Cor. 7.  
Siquis.  
Matt. 5.  
& 19.*



*In serm.  
Dom. in  
mōre. &*

**P**O T E S T tamen licite dimittere: quia in infideli est forni-  
catio, si non corporis, tamen mentis. Causam enim forni-  
cationis Dominus excepit. Fornicationem verò generalem &  
vniuersalem intelligere cogimur, non modo scilicet corpo-  
ralem, sed & spiritualement, de qua August. ait, Idololatria & quælibet  
noxia superstitio fornicatio est. Dominus autem permisit ex causa for-  
nicationis



nicationis vxorem dimitti, sed non iussit. Et sic dedit Apostolo locum monendi, vt qui voluerit non dimittat: potest tamen licite dimittere. Si enim fornicatio carnis detestanda est in coniuge, quanto magis fornicatio mentis, id est, infidelitatis?

ARTICVLVS VII.

*An propter infidelitatem potest vxor dimitti?*

**D**Einde quæritur de hoc quod dicit [Potest tamen licite dimittere, &c.] Viderur non valere quod dicit: quia ipsemet dixit in tertio, quod ex tropicis non est arguendum: constat autem, quod infidelitas non est fornicatio nisi tropicè loquendo.

2. Item, Fides non est fundamentum, nisi quæ per dilectionem operatur, vt dicit Glossa super 1. Corinth. 3. ergo ad hoc quod vir obiciat ei peccatum, oportet quod ipse habeat

charitatem: & hoc esset graue.

3. Item, Ex hoc sequitur, quod omne matrimonium extra charitatem contractum, esset sine fundamento: ergo separabile, vt videtur.

**R**ESPONSIO. Dicendum, quod non arguit ex tropicis, licet dictum sit tropicè, sed sequitur quod dicit, quia infidelitas contrarietatem habet ad fundamentum.

**A**D ALIUD dicendum, quod fides fundat duo, scilicet meritum, & sacramentum. Et quoad foundationem meriti intelligitur Glossa illa: quia charitas informat omne meritum. Sed quoad foundationem sacramenti tantum sine re & effectu sacramentali tam in baptismo quam in aliis, sufficit fides informis. Et per hoc patet solutio ad sequens.

*Pro quibus vitiis possit dimitti.*



**S**I autem quæris, An propter aliud vitium nisi propter infidelitatem vel idololatriam possit dimitti? Attende quod August. ait, Si infidelitas fornicatio est, & idololatria infidelitas, & auaritia idololatria, non est dubitandum & auaritiam fornicationem esse. Quis ergo quamlibet illicitam concupiscentiam potest à fornicationis genere separare, si auaritia fornicatio est? Ex quo intelligitur, quod propter illicitas concupiscentias non tantum quæ in stupris cum alienis viris vel fœminis committuntur, sed ob quaslibet quæ animam à lege Dei aberrare faciunt & perniciosè corrumpi, possit sine crimine & vir vxorem suam dimittere, & vxor virum. Item, Rectissimè dimittitur, si viro suo dicat: Non ero vxor tua, nisi mihi de latrocinio diuitias congreges: vel nisi solita lenocinia exerceas, aut siquid aliud facinorosum vel flagitiosum à viro suo expectat. Tunc ille si veraciter pœnitens est, habetque fidem per dilectionem operantem, membrum quod eum scandalizat amputabit. Ex his apparet, quod non solum infidelitas, sed etiam quælibet concupiscentia, quæ perniciosè turpiterque corrumpit, fornicatio spiritualis est, per quam vir vxorem, vel vxor virum dimittere potest. Consulit tamen Apostolus ne fidelis dimittat infidelem volentem cohabitare, nec à Deo reuocare.

ARTICVLVS VIII.

*An propter mortale peccatum alter coniugum potest alterum dimittere?*

**D**Einde quæritur de hoc quod dicit [Si autem quæris, An propter aliud, &c.] Viderur enim totum falsum quod hic dicitur in litera: quoniam secundum hoc tota die fierent diuortia, quod falsum est.

2. Item, Aut intelligit de istis vitiis ante matrimonium, aut post. Et constat, quod neutro modo intelligit, quia ambobus vel altero existente in mortali peccato, contrahunt, & non separantur, & ad cohabitandum coguntur ab Ecclesia: ergo falsum est quod dicit.

3. Item contra Euangeliū est expressè Matth. 5. & 19. vbi dicitur, quod qui dimiserit vxorem excepta causa fornicationis, &c. Et constat, quod non loquitur nisi de fornicatione corporali & literali.

haberur  
28. q. 1.  
c. Idololatria.

Solutio.

p. 81  
10. q. 1.  
m. 101  
c. 101  
p. 81

p. 81  
m. 101

27. q. 1.  
c. Idololatria  
ibidem  
vbi supra  
p. 81  
m. 101

Aug. de fide & operibus & habetur  
28. q. 1.  
c. Vxor legitima.  
Matth. ultim.

1. Cor. 7.



literali. Item, In Luc. 17. ubi dicit, quod duo erunt in lecto vno, vnus assumetur & alter relinquetur. Ergo lectus vnus est vnus boni, & alterius mali.

*Solutio.* RESPONSIO. Dicendum, quod si litera debeat sustineri, ad sponsalia est referendum: quia

benedicere, quod illa scindi possunt propter mortale peccatum in altero desponsatorum existente, præcipue, si apponatur in conditione, sicut videtur litera dicere: & si non velit conuerri à peccato. Et de hoc supra notatum est in questione de sponsalibus.

*Si fidei liceat aliam ducere infideli discedente vel dimissa.*

28. q. 2.  
quasi per  
totum  
tracta-  
tur hæc  
questio.  
28. q. 5.

28. q. 5.  
c. Siquis.

**I**C quaritur, Si fidelis dimittat infidelem, vel infidelis à fidei discedat, an liceat fidei aliam ducere? Videtur auctoritas testari, quod illa viuente alteram ducere non valeat. Amb. enim verba Apostoli exponens ait, Alioquin si disceditis ab inuicem, & volentes cohabitare dimittitis, & aliis vos copulatis, adulteri estis: & filij vestri qui de hac copula nascuntur, immundi, id est, spurij sunt. Idem, Siquis habuerit vxorem virginem ante baptismum, viuente illa post baptismum alteram habere non potest. Crimina enim in baptism. o soluuntur, non coniugia.

*Quæ premissis contraria videntur.*

F  
Ad Hila-  
rium &  
habetur  
28. q. 5.  
In Glo.  
1. Cor. 7.  
Non est  
enim.

**S**E D contra Ambrosius testatur, Si infidelis (dicit Apostolus) discedit, discedat. Non enim est seruituti subiectus frater aut soror in huiusmodi: quia non debetur reuerentia coniugij ei qui horret authorem coniugij. Non est enim ratum matrimonium, quod sine deuotione Dei est: & ideo non est peccatum ei qui dimittitur propter Deum, si alij se copulauerit. Contumelia enim creatoris soluit ius matrimonij circa eum, qui relinquitur, ne accusetur alij copulatus. Infidelis autem discedens, & in Deum peccat, & in matrimonium: nec est seruanda ei fides coniugij, qui ideo recessit ne audiret Christum esse Deum Christianorum coniugiorum. Si verò ambo crediderint, per cognitionem Dei confirmatur coniugium.

*Determinatio.*

28. q. 2.

**T**T ENDE hæc prædictis contraria posse videri, ita vt sibi Ambrosius contradicere videatur. Sed distinguendum est hîc aliud esse dimittere volentem cohabitare, aliud dimitti propter Deum ab illo qui horret nomen Christi. Ibi lex beneuolentiæ non seruatur, hîc veritas custoditur. Et ideo cum liceat dimittere volentem cohabitare, non tamen ea viuente aliam ducere licet. Discedentem verò sequi non oportet: & ea viuente aliam ducere licet. Sed hoc non est intelligendum, nisi de his qui in infidelitate sibi copulati sunt. Sed si ad fidem vterque conuersus est, vel si vterque fidelis matrimonio coniunctus est, & post alter eorum à fide discesserit, & odio fidei coniugem reliquerit, dimissus discedentem non comitabitur: nec tamen illa viuente alteram ducere poterit: quia inter eos fuerat ratum coniugium, quod non potest dissolui.

*Quidam*



*Quidam dicunt coniugium non esse inter infideles & quare.*

**S**UNT tamen nonnulli qui inter infideles asserunt non esse coniugium : quia nec rata , nec legitima est eorum copula. Rata non est , quia solui potest : nec legitima , quia Apostolus ait , Omne quod non est ex fide , peccatum est. Eorum autem coniunctio non est ex fide , & ideo peccatum est. Non est ergo coniugium : quia nullum coniugium peccatum est. August. etiam dicit , Quia non est vera pudicitia infidelis cum infideli. Sed vera negatur esse pudicitia : non quod infidelium coniugium non sit verum , sed quia non habet illud triplex bonum , quod excusat coitum & meretur præmium. Item illud Apostoli , Omne quod non est ex fide , peccatum est : non ita intelligendum est , ut quicquid sit ab infidelibus peccatum sit : sed omne quod fit contra fidem , id est , conscientiam malè fit , & ad gehennam ædificat. Vel in omni eo quod infidelis facit , peccat : non quia illud facit , sed quia non eo modo illud facit quo debet , non referens ad debitum finem.

Hic locus  
quasi de  
verbo ad  
verbum  
habetur  
28. q. 1.  
in prim.  
Rom. 14.  
28. q. 1. in  
§. His  
itaque.

# ARTICVLVS IX.

*An vnus coniugum fidelis potest alium dimittere ante mortem alterius?*

**D**Einde quæritur de hoc quod dicit [Hic quæritur , Si fidelis infidelem dimittat , &c.] Videtur enim non esse vera determinatio Magistri sic : In omni vero & legitimo matrimonio vterque coniugum obligatur alteri vsque ad mortem : sed inter infideles est verum & legitimum matrimonium : ergo vterque coniugum alteri obligatur vsque ad mortem. Probat per primam. 1. Corinth. 7. vbi dicitur , quod mulier alligata est legi viri , quandiu vir eius viuit. Secunda scribitur infra in litera.

2 Item , Matrimonium infidelium est perfectum in significando & causando : sed perfectum obligat vsque ad mortem.

3 Item , Minus vinculum est inter dominum & seruum , quam inter virum & uxorem : sed primum non soluitur per conuersionem alterius : ergo nec secundum.

4 Item , Amb. dicit , quod in baptismo peccata soluantur , non coniugia : ergo per baptismum non deobligatur viro vxor : ergo ante mortem eius contrahere non potest.

5 Vltius videtur , quod si infidelis dimissus contrahat , teneat matrimonium. Aut enim fidelis contrahere potest , aut non. Si non , hoc erit contra literam. Si sic , non potest contrahere nisi solutus à matrimonio quo prius fuit obligatus : sed cum matrimonium sit relatio quedam , & relatio non soluitur in vno nisi soluitur in vtroque relatiuorum , erit infidelis absolutus à matrimonio : solutus autem contrahere potest : ergo infidelis sic dimissus potest contrahere.

6 Item , Iniustum est si debeat aliquis ex iure alieno & non debeat ex eodem : ergo

*D. Alb. Mag. in Lib. 4. Sentent.*

nullum ius matrimonij obligat infidelem ad debitum , ita quod non debeat ei ex eodem : sed non debetur ei , ut dicitur in litera : ergo nec ipse debet aliquid , ut videtur : ergo licet ei contrahere sicut fideli.

7 Item , Ponamus , quod conuertatur : tunc enim merito fidei non debet priuari libertate contrahendi : esto ergo , quod alter iam contraxit cum alia : ergo & ista post conuersam cum alio potest contrahere.

8 Item , Pœnitentia restituit in integrum , sicut supra habitum est : ergo restituit etiam libertatem contrahendi : & inde ut prius.

9 Item , Si non liceret post conuersis contrahere , multi retraherentur à fide : ergo videtur , quod non debuit institui ab Ecclesia , quod postea non liceat eis contrahere.

IN CONTRARIUM autem huius est , quod dicit Apostolus 1. Corinth. 7. Si infidelis discedit , discadat : non enim est seruituti subiectus in huiusmodi frater. Et non dicit , quod infidelis non sit seruituti subiectus : ergo innuit infidelem adhuc seruitute matrimonij teneri.

2 Item , Nullum matrimonium non ratum sufficientem habet stabilitatem : sed matrimonia infidelium sunt non rata : ergo , &c. ergo dissolui possunt.

RESPONSIO. Dicendum , quod ea quæ dicuntur in litera , iuris habet firmitatem.

AD PRIMVM ergo dicendum , quod matrimonium infidelium non est vsquequaque legitimum , eo quod non est omnino inter legitimas personas : & ideo aliquo casu interueniente potest dissolui.

AD ALIVD dicendum , quod non est perfectum causando & significando nisi potentia , sicut supra dictum est : fides autem Christi est à qua trahit firmitatem.

AD ALIVD dicendum , quod licet

TTt vinculum



vinculum sit vnus seruitutis, non tamen fundatur supra fidem Christi: & ideo à fide nec contrahit robur, nec debilitatem à contrario: sed matrimonium inquantum est sacramentum, supra fidem Christi fundatur, & illa deficiente ratitudinem perfectam non habet.

AD ALIUD dicendum, quod baptismus non dissoluit coniugium, sed confirmat, dummodo sit persona legitima: vnde quod soluit, hoc est ex defectu personæ siue materiæ.

AD ID quod vltius obiicitur, dicendum quod infidelis contrahere non potest de iure: quia in pœnam infidelitatis manet sub seruitu-

te. Et ad argumentum contra, dicendum quod vinculum non manet: sed in pœnam infligitur ei id quod suum ius amittit in libertate contrahendi. Et per hoc patet solutio etiam ad sequens: quia quilibet ex peccato potest ius suum amittere, & exlex fieri.

AD ALIUD dicendum, quod si conuertatur, adhuc in pœnam obstinationis ligatur pœna non contrahendi. Credo tamen, quod Ecclesia cum tali in fauorem aliorum potest & debet dispensare.

AD ALIUD dicendum, quod pœnitentia restituit quoad immunitatem culpæ, sed non quoad immunitatem omnis pœnæ.

*Quod legitimum sit coniugium infidelium sed non ratum & quare.*

**I** OPULA ergo maritalis quæ est inter infideles, coniugium est legitimum, sed non ratum. Legitimum, quia est inter legitimas personas: sed non ratum, quia sine fide. Coniugium vero fidelium est legitimum & ratum, si tamen legitimæ sunt personæ. Quod autem legitima sit infidelium coniunctio, August. testatur dicens: Vxor legitima societate coniuncta, sine vlla culpa relinquitur, si cum viro Christiano permanere noluerit. Ex hoc etiam probatur, quod infideli ad fidem conuerso Apostolus consuluit infidelem non dimittere: quod non faceret, si non esset inter eos legitimum coniugium. Legitimum est, quod legali institutione vel prouinciæ moribus non contra iussionem Domini contrahitur.

Lib. de  
fide &  
operi-  
bus.  
& habe-  
tur 28. q.  
1. cap.  
Vxor le-  
gitima.  
1. Cor. 7.

ARTICVLVS X.

*An inter infideles sit verum matrimonium?*

**D**Einde quæritur de hoc quod dicit [Cópula igitur maritalis, &c.] Videtur enim, quod non sit verum coniugium: quia nulla superædificatio est sine fundamento: sed matrimonium est superædificatio quædam: ergo non est sine fundamento: sed illud est fides: ergo sine fide Christi nullum est matrimonium verum.

2 Item, Maioris spiritualitatis & efficaciam sunt alia sacramenta, quam matrimonium: & illa non possunt esse sine fide & baptismo: ergo nec istud.

sed con-  
tra.

IN CONTRARIUM huius est, quod si non

esset verum matrimonium inter infideles, omni actu concubitus fornicarij essent: & hoc graue esset dicere.

RESPONSIO. Dicendum, quod verum est matrimonium, sed non habens vltimam firmitatem: quia habet dispositionem contrariam in materia.

AD PRIMUM ergo dicendum, quod dicitur verum ab honestate contractus, sed firmum à fundamento: vnde fides non fundat coniugij veritatem, sed immobilitatem.

AD ALIUD dicendum, quod est potius causa quare possit esse sine fide, quam quod semper exigit ipsam quoad suam veritatem: quia inquantum humanum officium est, & non spirituale tantum, effici potest contractu, & obtinet veritatem ab humano consensu.

DISTIN



## DISTINCTIO XL.

*De cognatione carnali & spirituali, & prius de carnali.*

**N** VNC superest de cognatione aliquid dicere. Est autem cognatio alia carnalis, alia spiritualis. Primum de carnali cognatione & affinitate inspiciamus. Cognati ergo vel affines in septimo gradu, vel infra, copulari non debent. Vnde Greg. Progeniem suam vnumquemque vsque ad septimam obseruare decernimus generationem: & quandiu se agnoscunt affinitate propinquos vel cognatos, ad coniugalem copulam accedere denegamus: quod si fecerint, separentur. Item Nicolaus pa. De consanguinitate sua nullus vxorem ducat vsque post generationem septimam, vel quousque parentela cognosci potest. Item, Nulli ex propinquitate sui sanguinis vsque ad septimum gradum vxores ducant. His auctoritatibus aliisque pluribus consanguineorum coniunctiones prohibentur vsque ad septimum gradum.

A  
De impe-  
dimen-  
tis qua  
faciunt  
omnino  
illegiti-  
mum ad  
contra-  
hendum  
matri-  
monium  
cū quo-  
dam, &  
cū quo-  
dam nō,  
quod ve-  
nit ex  
propin-  
quitate  
carnali,  
qua est  
consan-  
guinitas.  
Gregor.  
epil. Gal.  
lib. 35.  
q. 3. cap.  
Proge-  
niem  
suam.  
Ibidē. c.  
De con-  
sanguini-  
tate.  
Ex con-  
Lugdu.  
ibidem  
c. Nulli.

## DIVISIO TEXTVS.

**N** VNC superest de cognatione, &c.] quæritur de impedimento proueniente ex vicinitate cognationis: & ideo hic primò agit de cognatione carnali. Secundo de affinitate, scilicet dist. 41. Et tertio de cognatione spirituali, scilicet dist. 42. Quarto de cognatione legali *ibi* [Quod autē spirituales vel adoptiui filij] Adhuc ista distinctio diuiditur in tres partes. Primo quæritur, In quot gradibus licet alicui coniungi matrimonialiter? Secundo reddit causam quare in tot *ibi* [Quare verò sex gradus computet Isidorus] Tertio obiicit quædam & soluit *ibi* [His autem occurrit] In prima sunt duo capitula. In primo ostenditur in quot gradibus attenditur matrimonialis copula. In secundo ostendit duplicem modum Isidori scilicet, & aliorum, qualiter illi gradus sunt computandi *ibi* [Quomodo autem gradus consanguinitatis].

## ARTICVLVS I.

*Quid sit consanguinitas?*

**C**irca principium horum capitulorū quinque quærentur. Primum est, Quid sit consanguinitas? Secundum, Vnde dicatur? Tertium, Quid sit linea? Quartum, Quæ sit lineæ diuisio? Quintum, Quid sit gradus computa-

*D. Alber. Mag. in Lib. 4. Sentens.*

tionis in linea? Alia autem huius quæstionis infra suis locis quærentur.

Ad primum ponatur diffinitio Iurisperitorum hæc: Cognatio carnalis est vinculum personarum ab eodem stipite descendantium carnali propagatione contractum. Obiicitur autem contra hoc: quia secundum hoc omnes homines videntur esse consanguinei: quia omnes homines ab vno stipite descenderunt, scilicet ab Adam & Eua, & sibi inuicem iuncti sunt, & per carnalem propagationem ab Adam & eua seminati: ergo videtur, quod omnes homines sint consanguinei.

2 Item, Originale peccatum est vinculum personarum, &c. ergo originale peccatum est cognatio carnalis.

3 Item, Sicut multorum collectio descendantium ab vno, facit genus vnum, sicut vult Porphirius: ita etiam facit cognationem carnalem: ergo cognatio carnalis magis est collectio multorum, quam vinculum.

4 Item, Constat, quod vinculum æquiuocum est ad corporale vinculum, & ad spirituale: ergo non debet ante distinctionem in diffinitione poni.

5 Item, Sicut infra dicitur ab Isidoro, consanguinitas se dirimit paulatim, ita quod propinquitas esse definit: sed descensus ab eodem stipite nunquam se dirimit nec finitur: ergo videtur, quod diffinitio sit insufficiens, quia non ponitur ibi finita consanguinitas.

6 Item, Cum dicitur, Carnali propagatione, &c. aut intelligitur de propagatione actiua, aut passiua, aut vtraque. Si primo modo: tunc pater erit consanguineus filij, & non e conuerso. Si secundo modo: tunc dictione

TTt 2

semel



semel posita in definitione oportet vti æquiuoce: & hoc est contra artem secundum Auctores.

*Solutio*

**RESPONSIO.** Dicendum, quod dicta diffinitio est conueniens de consanguinitate, de qua hic agitur. Quia de ea hic agitur prout generat impedimentum matrimonij: & ponitur ibi vinculum vt genus. Personarum autem ponitur vt materia. Differentia autem contrahens materiam, est ab eodem stipite descendendum: sed per hoc quod dicitur, Carnali propagatione contractum, ponitur efficiens proprium. Et sic realis est ista diffinitio tangens tres causas consanguinitatis, formalem, efficientem, & materialem. Finalis autem quæ est nexus amicitie, est extra essentiam ipsius, & ideo non ponitur in diffinitione.

**AD PRIMUM** ergo dicendum, quod omnes qui sunt in linea ascendentium & descendendum directe, consanguinei dicuntur secundum hanc diffinitionem: sed in linea transuersali licet quilibet referatur ad stipitem, tamen propter variationem lineæ, variatur etiam eius stipes proximus: & ideo consanguinei non dicuntur hic ultra quartum gradum: sed ibi variatur.

**AD ALIUD** dicendum, quod originale peccatum non est vnum existens diuersatum personarum vinculum, sed tantum vnum specie existens: sed cognatio carnalis est vna relatio in toto genere vno. Præterea originale peccatum per accidens, scilicet ex natura corrupta sequitur propagationem: sed consanguinitas est effectus propagationis per se per ipsam carnem propagatam.

**AD ALIUD** dicendum, quod collectio ad vnum non dicit nisi habitudinem inferiorum ad superiorem: sed consanguinitas æqualiter est in habitudine inferioris ad superiorem, & inferiorum ad seinuicem: & ideo melius diffinitur per vinculum, quam per collectionem.

**AD ALIUD** dicendum, quod licet vinculum sit æquiuocum, tamen determinatur per sequens adiunctum, sicut si dicitur carnis laterabilis: & ideo non generat confusum intellectum in diffinitione.

**AD ALIUD** dicendum, quod se consanguinitas dirimit: sed hoc non est ex consanguinitate, sed ex gradus distantia, vt infra dicitur: & ideo direptio ipsa potius ponenda est in determinatione numeri graduum, quam consanguinitatis. Quod autem direptio non sit essentialis consanguinitati, patet: quia si esset essentialis, tunc in omni linea dirimeretur: & hoc non est verum, quia in linea ascendentium & descendendum nunquam dirimitur: & huius causa infra dicitur.

**AD ALIUD** dicendum quo carnalis propagatio actiua hic sumitur: sed non sequitur quod infertur: quia consanguinitas non est essentia actionis, sed potius effectus qui consequitur tam in propagante, quam in propagato, & aliis propagatis ex habitudine substantie à qua sit decisio ad ea quæ deciduntur.

## ARTICVLVS II.

*Vnde dicitur consanguinitas?*

**S**ecundo quæritur, Vnde consanguinitas dicitur? Et dicitur communiter, quod ex compositione vocabuli dicitur, quasi societas sanguinis propter propagationem ex vno. Videtur autem, quod hoc nihil sit, cuius vna ratio est: quia generatio siue propagatio non fit ex sanguine, vt dicunt Physici, sed potius ex superfluo quartæ digestionis: ergo nec propter sanguinem potest dici consanguinitas.

2 Item Genes. 29, dixit Laban de Iacob: Os meum & caro mea es. Et fratres Ioseph de Ioseph: Caro enim & frater noster est. Ergo potius debet dici concarnalitas, quam consanguinitas.

**RESPONSIO.** Dicendum, quod optimè dicitur consanguinitas: quia propinquissimum potentie ultimæ ad corpus & ad naturam hominis, est sanguis.

**AD PRIMUM** ergo dicendum, quod illud materialiter & per dispositiones vicinas est sanguis benè depuratus, sed per digestionem ampliorem albescit, & per immixtionem spiritus efficitur ampullosum, & apparet magis album.

**AD ALIUD** dicendum, quod de carne non fit generatio: sed ponitur ibi caro & os pro materia habente in se virtutem formatiuam carnis & ossis: hanc enim filij vnus patris accipiunt ab vno.

## ARTICVLVS III.

*Quid sit linea consanguinitatis?*

**T**ertio quæritur, Quid sit linea? Et dicitur communiter, quod linea est ordinata collectio personarum consanguinitate coniunctarum, ab eodem stipite descendendum, diuersos gradus continens. Obicitur autem de hoc quod dicitur, Ordinata collectio: quia hoc oportet intelligi de vno ordine: & hoc non conuenit, quia tres ordines sunt in linea.

2 Item, Linea est etiam inter personas non consanguineas, sicut affines, & adoptatas, & spiritali vinculo coniunctas: ergo male dicitur, Consanguinitate coniunctarum.

3 Item male dici videtur, Ab eodem stipite descendendum: quia illi qui sunt in transuersalibus secundum quod in transuersalibus, sunt in linea non relata ad stipitem: ergo non semper ibi attenditur descensus à stipite vno.

4 Item, Cum omnis linea sit infra duos terminos tantum, videntur esse diuersi duo gradus tantum: & hoc iterum falsum est.

**RESPONSIO.** Dicendum, quod non est magna vis in istis, dummodo virtus iuris circa lineas attendatur. Dicendum tamen ad primum, quod linea satis communiter est diffinita:



diffinita : & hoc quod dicitur , Ordinata collectio , est genus secundum quod hic sumitur linea. Materia autem siue subiectum formæ generis tangitur per hoc quod dicitur , Personarum consanguinitate , &c. Efficiens autem tangitur per hoc quod dicitur , Ab eodem stipite descendendum : qui sicut in mathematicis secundum Alpharabium in commento super geometriam Euclidis , motus puncti facit lineam : ita motus & quædam quasi multiplicatio stipitis hic facit lineam , de qua hic agitur : hoc autem quod dicitur , Diuersos gradus continens , est vltima differentia complens esse lineæ ciuilitate sumptæ.

AD PRIMVM autem quod contra obiicitur , dicendum quod ordo sumitur hic pro generali habitudine ad vnum , hoc est , ad stipitem : & illa habitudo saluatur in omnibus lineis : nec oportet in diffinitione generis descendere in differentias speciei : quia illæ sunt posterius quam genus , & non diffiniunt ipsum.

AD ALIVD dicendum , quod linea consanguinitatis diffinitur hic , & non linea in genere , nisi sumatur genus proximum , scilicet consanguinitatis.

AD ALIVD dicendum , quod nulla esset linea transuersalis , nisi esset descensus ab vno stipite : quia ille qui est in linea transuersali in parte vna , nullo modo respiceret eum qui est in linea alia , nisi mediante stipite à quo ambo descendunt : vnde falsum supponitur in obiectione.

AD ALIVD dicendum , quod linea ista est sicut signata linea in geometria quæ diuisa est in partes : & ideo potest continere diuersos gradus.

#### ARTICVLVS IV.

##### *Quæ sit lineæ diuisio?*

**Q**uarto quæritur , Quæ sit lineæ diuisio? Et dicitur communiter , quod diuiditur in tres , scilicet descendendum , ascendendum & transuersalium. Et ascendendum est sicut pater mater , auus aua , atauus atauia , abauus abauia , subauus subauia , &c. Descendendum autem sicut pater mater , filius filia , nepos neptis , abnepos abneptis , subnepos subneptis , trinepos trineptis. Transuersalium autem sicut pater mater , frater soror , filius fratris , filia sororis , qui patruales & consobrini dicuntur : nepotes fratrum vel sororum fratruelium vel consobrinorum abnepotes , & eorum trinepotes , & sic de aliis. Videtur autem insufficiens hæc lineæ diuisio : quia sicut est habitudo transuersalis ad stipitem , ita est habitudo eiusdem ad se descendentem : ergo duæ lineæ sunt in transuersali , scilicet vna transuersalis , & alia descendens.

2 Item videtur esse quædam lateralis recta : sicut est habitudo in arbore filiorum duorum fratrum , illi enim directè se respiciunt : ergo debuit mentio fieri de illa linea.

3 Item videtur , quod sit diuisio abundans : transferentes enim ( vt dicit Philosophus

*D. Alb. Mag. in Lib. 4. Sentent.*

plus) secundum aliquam similitudinem se transferunt : sed in mathematicis vbi sunt propriè sumptæ lineæ non sunt nisi duæ species linearum , scilicet simplex quæ est recta , & composita quæ est curua , eò quod simplex est simplicis formæ , curua autem aliam habet formam in concauo , & aliam in conuexo : ergo ius transferens lineas , deberet duas ponere ad similitudinem aliarum , & non tres.

RESPONSIO , quod hæc diuisio secundum quod ad propositum spectat , est bona.

AD ID ergo quod contra obiicitur , dicendum quod linea omnis referenda est ad terminum suum , & ille est stipes in parte vna : & sine respectu ad ipsum non reperitur habitudo aliqua inter personas : & ideo nulla est descendendum in latere : quia oportet dirigi ad stipitem , & tunc erit transuersalis. Ex per idem pater solutio ad sequens.

AD VLTIMVM dicendum , quod in arbore consanguinitatis non potest esse linea curua : aut enim esset regulariter curua , aut irregulariter curua. Si primo modo , sic non potest esse nisi circularis , & sic rediret matrimonium à ramis ad stipitem : & hoc non potest esse , quia succus descendit in ramos à stipite , & non è conuerso. Si autem irregulariter , tunc nec subiaceret arti in mathematicis , nec hic : quia irregulare non obedit arti. Et sic patet , quod non potest fieri translatio nisi à lineis rectis relatis ad vnum : & hoc non potest esse nisi in ascendendo , vel in descendendo , vel lateraliter , non quidem ad rectum angulum , quia filius & filia non æque alrè stant parentibus , sed ad medietatem anguli recti , sicut pater in arbore consanguinitatis.

#### ARTICVLVS V.

##### *Quid sit gradus?*

**Q**uinto quæritur , Quid sit gradus , secundum quod computatur in linea? Et dicunt , quod gradus est habitudo distantium personarum , qua cognoscitur quanta cognitionis distantia personarum inter se differant. Videtur autem in conueniens esse diffinitio : quia gradus sonat habitudinem inferioritatis & superioritatis distantium personarum. &c. ergo malè diffinitur per simplicem habitudinem personarum distantium , &c.

2 Item , Ex gradu in quantum gradus , non cognoscitur quanta sit distantia. &c. sed potius ex gradu in quantum est aliquotus , vel secundus , vel tertius : ergo malè attribuitur hoc gradui in genere.

3 Item , In gradibus materialibus de ligno vel lapide non cognoscitur quanta sit distantia ab inferiori vel superiori loco , nisi sciatur quotus sit gradus ab inferiori vel superiori : ergo nec in gradibus istis scitur distantia ex gradu in quantum est gradus , sed potius scitur ex eo in quantum est aliquotus.

4 Item , Non idem est cognitum & principium cognitionis , vt dicit Philosophus : sed gradus est cognitum in his , quærentes enim de consanguinitate oportet gradum cognoscere



scere qui est inter personas; ergo gradus non est principium cognitionis: ergo malè attribuitur ei esse principium huiusmodi cognitionis ex modo loquendi, cum dicitur, Qua cognoscitur.

*Solutio.*

RESPONSIO. Dicendum, quòd satis convenienter gradus hic diffinitur: est enim habitudo generalis forma, cuius proprium subiectum & materia sunt personæ distantes: sed proprius actus est differentia qua cognoscitur, &c. & cognitum exprimitur per hoc quod dicitur, Quanta cognationis sit distantia, &c.

VNDE dicendum ad primum, quòd gradus in genere non sonat inferioritatem vel superioritatem, sed abstrahit ab utroque, & ita diffinitur hîc: & per hoc patet, quòd est gradus inferior & gradus superior; & hæc diuisio est in species gradus: & ideo gradus in genere ut abstrahens ab utroque, est ante utrumque: tamen status vel situs superioritatis & inferioritatis importatur in genere per modum distantiae personarum.

AD ALIUD dicendum, quòd ex gradu in quantum gradus, cognoscitur habitudo in

genere, sed habitudo in specie cognoscitur ex gradu in specie determinato: & quia cognitio in genere, est cognitio imperfecta, ideo non statuitur in illa, sed quæritur de specie: tamen quando diffinitur gradus in genere, non debet diffiniri nisi per cognitionem quam facit in genere.

AD ALIUD dicendum, quòd idem est in gradibus materialibus: sed quia non statuitur ibi, ideo processus videtur esse ad speciem.

AD ALIUD dicendum, quòd gradus ut gradus nunquam est quæsitum, nec cognitum, ut quod erat ante quæsitum aut dubitatum: sed potius an sit consanguinitas, vel non, illud quæritur, & inuenitur ex gradu. Vnde quòd gradus quæritur, hoc non est nisi in quantum est principium concludendi consanguinitatem, sicut etiam in syllogismis & theorematibus vnum concluditur per accidens, ut postea per illud concludatur conclusio intenta; non enim semper proceditur ex per se notis, sed etiam ex illis quæ per prima & vera acceperunt fidem.

### *De computatione graduum consanguinitatis.*

Lib. 9.  
etym. c. 3.  
& habetur  
35. q.  
5. c. Sc-  
rics.



VO MODO autem gradus consanguinitatis computandi sint, Isidor. ostendit sic: Series consanguinitatis sex gradibus dirimitur hoc modo: Filius & filia, quod est frater & soror, sit ipse truncus. Illis seorsum seiunctis, ex radice illius trunci egrediuntur isti ramunculi, nepos & neptis, primus: pronepos & proneptis, secundus: abnepos & abneptis, tertius: adnepos & adneptis, quartus: trinepos & trineptis, quintus: trinepotis nepos & trinepotis neptis, sextus. Attende, quòd sex gradus tantum ponit Isidor. quia truncum inter gradus non computat. Alij verò qui septem gradus ponunt, truncum inter gradus computant. Variè namque computantur gradus consanguinitatis. Alij enim patrem in primo gradu, filios in secundo ponunt. Alij primum gradum filios appellant, negantes gradum cognationis inter patrem & filium esse, cum vna caro sint pater & filius. Auctoritates ergo quæ consanguinitatis cautelam vsque in septimum gradum prohibent, patrem ponunt in primo gradu. Illi vero qui vsque ad sextum gradum prohibent, primum gradum filios appellant. Atque ita fit ut eadem personæ secundum hanc diuersitatem inueniantur in sexto & septimo gradu. Patrem verò in primo gradu ponit, qui fratres dicit esse secundum gradum. Hoc modo computat Zacharias Papa, inquit, Parentelæ gradus taliter computamus. Ego & frater meus vna generatio sumus, primumque gradum efficimus. Rursus, filius meus & fratris mei filius secunda generatio sunt, & secundum gradum faciunt: atque ad hunc modum cæteræ successiones. Inter illos verò qui sex computant gradus, & illos qui septem computant gradus, nulla in sensu existit diuersitas, quamuis in numero graduum varietas videatur. Ultima enim generatio, si à fratribus sumat initium numerandi, septima inuenitur.

Ibidem.  
c. Paren-  
telæ.



ARTICVLVS VI.

*An sunt tres modi computandi gradus, & quis sit potior inter illos?*

**D**Einde quæritur de hoc quod dicit [Quomodo autem gradus consanguinitatis computandi sint, &c.] Sunt enim hic tres modi computandi: & quæremus, Quis rationabilior sit modus? & de consonantia & contrarietate inter illos. Et duo quidem modi graduum sunt secundum canones, quorum uterque dicitur in litera. Zacharias enim Papa sic computat dicens, Parentelæ gradus taliter computamus: Ego & frater meus vna generatio sumus, primumque gradum efficitur. Rursus, filius meus & fratris mei filius, secunda generatio sunt, & secundum gradum efficiunt, &c. Et hæc via celebrior habetur. Isidorus autem sic: Filius & filia, quod est frater & soror, sit ipse truncus. Illis seorsum seiunctis, ex radice istius trunci egrediuntur isti ramusculi, Nepos & neptis, primus. Pronepos & proneptis, secundus, & sic de aliis. Secundum leges autem computatur sic: Pater & mater truncus, frater & soror, primus gradus. Et secundus, filius fratris & filia sororis, quæ sunt nepos & neptis. Tertius gradus & quartus, pronepos & proneptis. Et quintus gradus & sextus, abnepos & abneptis. Septimus gradus & octauus, subnepos & subneptis. Nonus gradus & decimus: & sic de aliis. Ex his facile est videre, quod illa persona quæ secundum primam computationem est in quinto, id est, extra gradum prohibitum hodie, secundum secundam est in quarto, id est, intra gradum prohibitum hodie & secundum leges in decimo in parte vna, & in nono in parte alia. Ergo videtur esse maxima contrarietas inter ista iura, quæ sic loquuntur.

Obiicitur autem contra primum modum computandi & pro ultimo sic: Sicut descensus est generationis in parte vna per filium, ita in parte alia per filiam: sed duplex descensus duplicem exigit gradum: ergo in duobus gradibus sunt nepos per filium, & neptis per filiam: ergo prima opinio quæ dicit, quod sunt in vno, falsum dicit: & vltima quæ dicit, quod sunt in duobus, dicit verum.

2 Item, In naturis si duo contrariis motibus moueantur à seinuicem, erit necessariò ibi duplex distantia, & duplex gradus, sicut si a moueatur sursum, & b deorsum: sed duplex descensus est vt duplex in natura motus: ergo in generatione filiorum vel filij & filia est duplex distantia & duplex gradus: ergo prima computatio est falsa, & secunda & tertia tantum vera.

Obiicitur autem specialiter contra secundam sic: Filius & filia, quæ sunt frater & soror, in nullo sibi intrinseco materiali vel formali vniantur: ergo non potest poni truncus vnus, sed potius pater & mater qui sunt caro vna: ergo prima est vera, & secunda & tertia est falsa.

2 Item, Omne quod per generationem di-

stat ab aliquo vno, magis habet similitudinem ramusculi & gradus, quam trunci: sed filius & filia, quæ sunt frater & soror, per generationem descenderunt ab vno, sicut ipso nomine importatur, quoniam non est filius nisi patris filius: ergo filius & filia, qui sunt frater & soror, non faciunt truncum vel stipitem, sed gradus: & inde vt prius.

Obiicitur autem pro prima & secunda contra tertiam sic: Diuersitas materialis tantum in nullo facit speciem gradus diuersam: sed generatio per duos, est diuersitas materialis tantum: ergo non facit speciem gradus diuersam: ergo isti in vno gradu distant à trunco, licet materialiter sint duo.

2 Item, In naturis quæ vno modo motus mouentur ab vno, æqualiter distant, & vnum habent gradum distantia: sicut ab a mouetur b, & eodem modo motus ab eodem a mouetur c: sed frater & soror vno modo motus mouentur ab vno trunco: ergo distant vno gradu tantum, & non duobus: ergo prima & secunda opiniones sunt veræ, & tertia falsa.

**R E S P O N S I O.** Dicendum, quod omnes istæ opiniones habent aliquid rationis: sed tamen prima rationabilior est: & ideo illi adhæsit Ecclesia. Illa enim considerat, quod aliam habet habitudinem persona à qua est descensus, & non descendit secundum rationem sui nominis, sicut pater & mater: quia nomina illa dicunt à quibus est alius, & non dicunt, quod ipsi sint ab alio, licet quandoque secundum rei veritatem sint ab alio. Considerat etiam, quod aliam habet habitudinem descendens descensu vno, & aliam descendens descensibus pluribus: & secundum hoc locat truncum & gradum primum & secundum & tertium & quartum, vt primus dicatur descensu vno, secundus duobus, tertius tribus, & quartus quatuor: & in illo finitur consanguinitas hodie. Secunda autem considerat, quod truncus oritur à quodam alio quod est radix, & ideo locat truncum fratrem & sororem super vnâ radicem patris & matris: & non est diuersitas, nisi in ratione, sicut dicitur in litera, inter primam opinionem & secundam. Tertia vero considerat illas duas rationes, quæ positæ sunt pro ipsa, & contra primam opinionem & secundam: & has repetere non oportet. Et sic planum est respondere omnibus obiectis: quia vltimo inductæ soluunt duas primas: & id quod obiicitur contra secundam, planè soluitur per ea quæ considerat secunda opinio: quia aliam accipit rationem trunci, quam prima. Et per hoc patet solutio ad totum.

ARTICVLVS VII.

*An omnes gradus prohibiti sunt ad contrahendum matrimonium?*

**D**Einde quæritur de hoc quod dicit [Attende, quod sex gradus computat Isidorus, &c.] Inueniuntur enim hic tres causæ assignatæ de numero graduum, in quibus licet vel non licet contrahere: secundum enim computationem Isidori, & secundum antiqua iura,



sexus gradus est prohibitus, & septimus concessus: & ille assignat causam, quia sex sunt ætates mundi, & sex status hominis, scilicet infantia, pueritia, adolescentia, iuuentus, virilis ætas, senectus & senium, quæ Isidor. pro vno accipit, eò quod tunc ficcari & putrefieri incipiunt corpora, & vsui matrimonij fieri inhabilia. Secundum Zachariæ computationem septimus gradus est prohibitus, & octauus concessus: & ille assignat causam, quia septem diebus omne tempus agitur, post quod & Ecclesia in corpore & anima sponso Christo iungitur. Secundum autem noua iura, per quæ omnibus antiquis abrogatur, quartus gradus est prohibitus, & quintus concessus: & illius Innoc. assignat causam extra. de consang. & affin. quia quatuor sunt elementa, ex quibus componuntur humores quatuor, ex quibus constituitur & complexionatur corpus humanum.

Videntur autem istæ causæ ridiculosæ, & nihil facere ad propositum, eò quod nulla habitudine causati ad causam esse videatur.

2 Item, Quæ est causa, quod Innocent. assignat potius quatuor elementa, quam Evangelia, vel quatuor angulos cæli, vel quatuor Euangelistas, vel quatuor Ezechielis animalia? in omnibus enim his eadem videtur esse affinitas ad causatum. Vnde dicitur, quod non sine verecundia Ecclesiæ Papa illud pro causa allegauit, cum à tanto homine non nisi rationalia fieri debeant.

3 Item, Quid assignabimus pro causa, quod secundum consonantiam legum ad canones hodie octauus gradus secundum leges est prohibitus, & nonus & decimus concessi? nisi enim assignentur octo homines qui fuerunt in arca Noë, vel octo beatitudines enumeratæ Matth. 5. Similiter in causa Isidori de sex mundi ætatibus: non enim videntur plus facere sex mundi ætates, quam sex hydriæ positæ in Cana Galilææ ad purificationem Iudæorum. Similiter septenarius dierum in computatione Zachariæ Papæ non plus videtur valere, quam septem dona, vel septem stellæ habentes

motum aplanas in cælo. Videtur autem, quod melius esset tales causas non assignare: quia literati talia legentes, vilipendunt, & super nihil vel modicum iudicant Ecclesiam fundare sua instituta.

RESPONSIO. Dicendum, quod in veritate *Solutio.* in talibus non magna vis est: quia non habent vim nisi à positione Ecclesiæ: nec Sancti huiusmodi numerum assignant pro causa, sed pro indicio quod tali numero vitur Scriptura: & ideo habilior est ad instituendum aliquid in ipso. Siquis tamen vellet hic subtilizare, tunc pro causa assignari posset prohibitio quarti gradus: quia vsque ad quartum gradum homines multi se vident & suam successionem, & abominabile est, quod suam successionem videat homo direptam: sicut etiam Dominus dixit secundum expositionem Sanctorum Exod. 2. Vindicans peccata patrum in filios vsque in tertiam & quartam generationem.

AD CAUSAM autem Innocentij dicendum, quod in qualibet generatione noua fit mixtio sanguinis cum sanguine alieno, & in quantum miscetur alteri, intantum recedit à primo, & abinuicem. Elementa autem sunt facile & difficulter miscibilia: maxime enim subtile (vt Philosophus dicit) est bene miscibile, & hoc est ignis, qui alienatur quasi in mixtura prima, & in secunda aër, & in tertia aqua, & in quarta terra: & ita componentia corpus humanum recedunt à præuiis dispositionibus, & per consequens à consanguinitate: & hoc patet etiam in seminibus, quæ seminantur in terra sibi non naturali: quia in quarta generatione transeunt ad aliam speciem omnino: & hoc intendit Papa.

AD HOC autem quod Isidor. & Zacharias dicunt, dicendum quod non est causa, sed adaptatio, vt dictum est.

AD ID autem quod obiicitur de legibus, dicendum quod idem est octauus secundum leges, & quartus secundum canones: & ideo non oportet in illo aliam assignare causam. Et per hoc patet solutio ad totum.

### *Quare sex gradus computantur.*

Lib. 9.  
etymol.  
cap. 6. &  
habetur  
25. q. 4.  
c. Con-  
sanguini-  
tate.



QVARE verò sex computet Isidor. ipse aperit dicens, Consanguinitas dum se paulatim propaginum ordinibus dirimens vsque ad vltimum gradum protraxerit, & propinquitas esse desierit, tunc primum lex in matrimonij vinculum eam recipiet, & quodammodo incipiet reuocare fugientem. Ideo autem vsque ad sextum generis gradum consanguinitas constituta est, vt sicut sex ætatibus mundi generatio & hominis status finitur, ita propinquitas generis tot gradibus terminetur. In his sex gradibus omnia propinquitatum nomina continentur: vltra quos nec affinitas inueniri, nec successio potest amplius prorogari. Secundum alios, septem gradus ideo computantur, ita vt post septem gradus sponsus sponsæ iungatur, sicut post hanc vitam quæ septem diebus agitur, Ecclesia Christo iungitur. His autem occurrit illud quod Gregor. Augustino Anglorum Episcopo,



Episcopo, à quo requisitus fuerat quota generatione debeant copulari, rescribit sic: Quædam lex Romana permittit, vt siue fratris, vel <sup>35. q. 3. c. Quædam lex Romana.</sup> sororis, seu duorum fratrum Germanorum, seu duarum sororum filius & filia misceantur. Sed experimento didicimus ex tali coniugio sobolem non posse succrescere. Vnde necesse est, vt quarta vel quinta generatio fidelium licenter sibi coniungatur. Sed post multum temporis idem Gregorius à Felice Messinæ Siciliæ præside requisitus, vtrum Augustino scripserit, vt Anglorum quarta generatione contracta matrimonia non soluerentur, inter cætera talem reddidit rationem: Quod scripsi Augustino Anglorum Episcopo, ipsi etiam Anglorum genti <sup>Ibidem.</sup> quæ nuper ad fidem venerat, ne à bono quod cœperat, metuen- do austeriora recederet, specialiter & non generaliter me agnoscas scripsisse. Nec ideo hæc eis scripsi, vt postquam in fide fuerint soli- dati, si infra propriam consanguinitatem inuenti fuerint, non sepa- rentur, aut infra affinitatis lineam, id est, vsque ad septimam generatio- nem iungantur.

# ARTICVLVS VIII.

*Vnde habeat Ecclesia audaciam prohibendi  
a matrimonio secundum istos gradus?*

**D**Einde quæritur de hoc quod dicit [His autem occurrit illud, &c.] Cum enim Do- minus non prohibuerit à matrimonio nisi duodecim personas Leuit. 20. quæ omnes vel sunt truncus, vel in primo, vel in secundo gra- du: vnde venit tanta audacia Ecclesiæ, quod super hoc prohibere audeat, quoniam vsque ad octauum exclusiue vel inclusiue, & modo vsque ad septimum exclusiue? cum enim se- cundum legem Domini illi qui sunt in tertio, sint legitimæ personæ, videtur quod si contra- hunt, quod Deus coniunxerit eos: ergo prohi- betur homini ne separet.

2 Item videtur hoc facere ad pacem & so-

cietatem & vitam iucundam: quia duæ ratio- nes dilectionis erunt inter tales, scilicet con- iugium, & consanguinitas: ergo potius debet promoueri matrimonium, quam prohiberi.

<sup>Solutio.</sup> AD HOC dicendum, quod Ecclesia fecit hoc Spiritu sancto inspirata, vt amicitia diu- turnior esset, & plures essent rationes necen- tes homines in amore & pace, quando multi infra consanguinitatem reputarentur. Et sic patet solutio ad primum: Deus enim nun- quam coniunxit illos, qui coniunguntur con- tra Ecclesiam inspiratam.

AD ALIUD dicendum, quod hoc erat quando propagatio fidelium erat carnalis, & parua gratia dilectionis erat hominibus osten- sa: sed modo dilectio magna Filij Dei osten- sa est, & aliena natura à diuina desponsata: & ideo vincula amoris ad eos extenduntur di- uersa & lata in consanguinitate. Et sic patet solutio ad totum.



## DISTINCTIO XLI.

*De gradibus affinitatis.*

**N**UNC de affinitate videndum est, de qua Gregor. ait: A Porro de affinitate, quam dicitis parentelam esse, quæ ad virum ex parte vxoris, seu quæ ex parte viri ad vxorem pertinet, manifesta ratio est: quia si secundum di- uinam sententiam ego & vxor mea sumus vna caro, profecto mihi & illi mea suaque parentela propinquitas vna efficitur. Quocirca ego & soror vxoris meæ in vno & primo gradu erimus: filius verò eius secundo gradu erit à me, neptis vero in tertio. Idque <sup>De impa- dimento matri- monij quod ve- nit ex propin- quitate carnali, qua est affinitas. 25. q. 5. c. Porro</sup> vtrinque



De affi-  
nitate.35. q. 3.  
Æquali-  
ter.  
Ibidem.  
c. Sanè  
consan-  
guinitas.  
Ibidem.  
c. Nul-  
lum.In cõcil.  
Melden.  
ibidem.  
cap. De  
affinita-  
te.

utrinque in cæteris agendum est in successionibus. Vxorem verò pro-  
pinqui cuiuscunque gradus sit, ita me oportet attendere, quemadmo-  
dum ipsius quoque gradus aliqua fœmina propriæ propinquitatis sit.  
Quod nimirum vxori meæ de propinquitate viri sui in cunctis co-  
gnationis gradibus conuenit obseruare. Qui verò aliorum sentiunt,  
Antichristi sunt. Item Iulius Papa, Æqualiter vir coniugatur consan-  
guineis propriis, & consanguineis vxoris. Item Isidorus, Sanè con-  
sanguinitas quæ in proprio viro conseruanda est, etiam in vxoris pa-  
rentela de lege nuptiarum custodienda est: quia constat eos duos  
fuisse in carne vna. Ideoque communis est illis vtraque parentela.  
Item Iulius Papa, Nullum in vtroque sexu permittimus ex propin-  
quitate sui sanguinis vel vxoris, vsque in septimum generationis gra-  
dum, vxorem ducere, vel incesti macula copulari: quia sicut non licet  
cuiquam Christiano de sua consanguinitate, sic nec de consanguinitate  
vxoris coniugem ducere propter carnis vnitatem. Item Gregor. De  
affinitate consanguinitatis per gradus cognationis placuit vsque ad  
septimam generationem obseruare. Nam & hæreditas rerum per legales  
instrumentorum diffinitiones sancita, vsque ad septimum gradum  
hæredum protendit successionem. Non enim eis succederent, nisi  
de propagine cognationis deberetur. His auctoritatibus insinuarur, &  
quæ sit affinitas, & vsque ad quem gradum sit obseruanda, scilicet  
vsque ad septimum.



## D I V I S I O T E X T V S.



Vnc de affinitate videndum est, &c.]  
Hic agit de affinitate, & quatuor  
tangit in ista distinctione. Primo  
enim docet gradus affinitatis. Secundo quæ-  
rit, Vtrum matrimonium verum fuerit inter  
eos qui propter consanguinitatem & affini-  
tatem separantur? Et quæritur etiam, A qui-  
bus accusantibus fiat separatio, & quot *ibi*  
[Et est sciendum, quod Ecclesia] In tertio  
per accidens inducit de fornicatione & spe-  
ciebus eius *ibi* [Hic dicendum est, quod aliud  
est fornicatio] Quarto tangit nomina pro-  
pria quarundam affinitatum *ibi* [Addendum  
est etiam illud, &c.] Circa primum duo in-  
ducit capitula, quorum primum inducit ius  
antiquum de gradibus affinitatis. In secun-  
do autem inducit quædam quæ videntur il-  
lis contraria, & soluit *ibi* [Sed alij videntur  
concedere.

## A R T I C V L V S I.

*An affinitas sit?*

**I**ncidunt autem hîc tria quærenda. Primum  
est, An sit affinitas? Secundum, Quid sit?  
Tertium, Quot sint genera affinitatis?

Ad primum autem sic obiicitur: Quæ fue-  
runt vnum, postquam separata sunt abinuicem,  
non sequitur si aliquid vniatur vni, quod

vniatur & alteri: sed consanguinei separati  
sunt abinuicem ex vno: sed si aliqua persona  
vnitur vni, non propter hoc vnitur alteri: sed  
ad hoc quod sit affinitas, oportet esse talem  
vnionem: ergo videtur, quod non sit af-  
finitas.

2 Item, Nullus vnitur alicui, quod non  
reuniatur illi vice versa: sed nullus de con-  
sanguinitate vnitur mulieri additæ nisi mari-  
tus eius: ergo ipsa non reuniatur alicui eorum  
nisi illi: ergo nulla affinitas contrahitur ad ali-  
quem, vt videtur, nisi ad illum.

3 Item, Si vnio sanguinis, vt dicitur in  
litera, est causa consanguinitatis, videtur quod  
vbi est maxima vnio personæ additæ, ibi maxi-  
ma sit affinitas: sed inter maritum & mulierem  
additam maxima est vnio: ergo inter eos maxi-  
ma est affinitas: sed non est affinitas inter illos:  
ergo à destructione consequentis nec inter  
alios & ipsam.

4 Item, Propter quod vnumquodque tale  
& illud magis, vt dicit Philosophus: sed pro-  
pter istum qui est maritus additæ mulieris, est  
affinitas inter eum & omnes alios consangui-  
neos: ergo inter istum & illam est affinitas  
multo magis: sed non est inter istum & illam:  
ergo nec inter alios.

4 Item, Constat, quod si affinitas aliquid  
est, relatio quædam est: sed relationes innascu-  
tur ex mutatione aliqua, vt dicit Philosophus:  
ergo vbi non est mutatio, per locum à causa,  
ibi non est relatio: sed in tota affinitate præter-  
que in viro nulla est mutatio: ergo nulla est  
affinitas nisi in illo, si est affinitas: sed in illo  
non est affinitas: ergo nec in aliquo alio, vt vi-  
detur.

R E B P O N



*Solutio.*

**R E S P O N S I O.** dicendum, quod affinitas est, & quid sit, patebit in sequenti articulo quaestionis.

**A D P R I M U M** autem dicendum, quod est vnitas absoluta, & vnitas relationis. De vnitate absoluta verum est quod obiicitur, sed de vnitate relationis falsum, sicut patebit in exemplis: quia ego & soror mea sumus diuisi ab vno: & ideo filius sororis meae adhuc respectu sanguinis ad me tenebit: & idem est de affinitate.

**A D A L I V D** dicendum, quod vnione relationis omnes consanguinei vniuntur personae additae, & ipsa reunitur omnibus: & obiectio non procedit nisi de vnione carnis in coitu.

**A D A L I V D** dicendum, quod non sequitur, nisi vnio esset causa affinitatis per se: & hoc non est verum, quia relatio non habet causam per se, sed innascitur per accidens, sicut etiam filiatio innascitur genito ex hoc quod ille est generans & alter est genitus. Et est instantia: quia dealbens est causa dealbationis, & similitudo sibi non innascitur necessario, sed potius ad alia alba.

**A D A L I V D** dicendum, quod hoc non est verum, nisi in causis per se participantibus illud quod causant in aliis, sicut si ignis est causa caliditatis per se, erit ignis maxime calidus: alias consuevit fieri instantia in ebrietate & vino, quia propter vnum est quis ebrius, & tamen vinum non est magis ebrium.

**A D A L I V D** dicendum, quod affinitas est relatio: sed non oportet, quod relationes innascantur semper ex mutatione vtriusque relatiui: sed sufficit mutatio alterius, sicut ex natiuitate passiva ex patre meo natus efficitur mihi frater, nulla mutatione in me facta, ita est hic: mutatio enim fit in persona addita, & haec sufficit ad hoc quod relatio affinitatis in tota innascatur consanguinitate.

## ARTICVLVS II.

*An definitio affinitatis sit bene assignata?*

**S**ecundo quaeritur, Quid sit affinitas: Et dicitur communiter, quod affinitas est propinquitas personarum ex copula carnali proueniens, omni carens parentela. Sed contra obiicitur: Nulla est maior propinquitas, quam vnio carnis ad carnem, sicut est inter virum & uxorem: & ista non potest dici affinitas: ergo nec aliqua alia.

2 Item, Carnalis copula non interuenit nisi inter duos: ergo nec affinitas.

3 Item, Carnalis copula est modo fornicario sicut legitimo: ergo affinitas ex illo contrahitur: & hoc videtur esse inconueniens, cum affinitas sit de rebus honestis pertinentibus ad vrbانيتates, fornicatio autem de rebus detestandis.

4 Item, Ponamus aliquem claustra pudoris alicuius mulieris inuasisse & aperuisse, sed non peruenisse vsque ad operis perfectionem: constat, quod ibi fuerit caro vnita per contactum

alteri carni: ergo affinitas contracta esset secundum hoc: ergo nullus de sua consanguinitate postea habere eam posset uxorem, quae sic fornicario concubitu esset attentata: & hoc non dicunt illi qui sciunt iura.

5 Item, Ponamus, quod per sodomiam eam polluerit manu vel proprio instrumento: constat, quod ibi fuit turpis copula carnalis: ergo affinitas esset contracta ad suos consanguineos: & hoc iterum iura non admittunt.

6 Vltius obiicitur de hoc quod dicit, Omni carens parentela. Videtur enim hoc esse falsum: sit enim aliquis meus frater ex patre solo, & aliqua mea soror ex matre sua sola: constat, quod ille meus frater potest legitime iungi illi meae sorori: & illa soror mea erit mihi consanguinea & affinis: non ergo necessarium est, quod affinitas careat omni parentela.

**R E S P O N S I O.** Dicendum, quod affinitas conuenienter diffinita est: propinquitas enim est genus & personarum subiectum proprium. Causa autem est carnalis copula. Et differentia distinguens a consanguinitate, intelligitur per hoc quod additur, Omni carens parentela: illi enim priuationi praetelligitur affirmatio, quae est in persona addita consanguinitati: quia addi non potest consanguinitati, nisi non consanguinea.

**A D P R I M U M** ergo dicendum, quod affinitas est propinquitas in genere relationis, ut dictum est: & non sequitur, si vnio carnis facit eam in aliis, quod faciat eam in carnaliter vniis, ut prius patuit, sed ibi facit aliam relationem quae est indiuiduitas viri & mulieris.

**A D A L I V D** dicendum, quod non sequitur, nisi esset causa per se & essentialis, ut prius dictum est.

**A D A L I V D** dicendum, quod fornicario concubitu bene contrahitur affinitas sicut in legitimo. Ad id quod contra obiicitur, dicendum quod duo sunt in concubitu fornicario, scilicet vnio carnis ad carnem: & illa non est turpis, quia est similis illi quae est in matrimonio. Aliud est actus peruersus & finis malus: & illa non sunt in matrimonio. Dicendum igitur, quod ex primo fornicarius concubitus facit affinitatem, & non ex secundo: unde turpe inquantum turpe, potest esse causa honesti, praecipue causa per accidens, sicut relationes admittunt causam.

**A D A L I V D** dicendum, quod talis concubitus non facit affinitatem: quia non fit vnio carnis ad carnem per contactum, sed potius per seminum commixtionem: & ideo nisi talis fiat, non contrahitur affinitas aliqua.

**A D A L I V D** dicendum, quod in sodomia quando non vtitur instrumento debito vel non vase proprio, seminum commixtio esse non potest, nec etiam affinitas: nec est ibi vnio carnis ad carnem, ut prius patuit.

**A D V L T I M U M** dicendum, quod per se intelligitur illa locutio, scilicet omni carens parentela, secundum quod affinitas, licet in alio respectu possit esse propinquitas sanguinis ad affinem.



## ARTICVLVS III.

*Quot sunt genera affinitatis?*

**T**ertio quæritur, Quot sint genera affinitatis? Videtur enim, quod plura debeant esse quam vnum: quia si propter sanguinis propinquitatem addita persona mihi efficitur affinis, constat quod meo consanguineo mortuo manet affinitas in persona addita: ergo qui vnitur ei, vnitur quodammodo mihi: ergo si tunc ducat maritum, ille efficitur affinis mihi: ergo erunt duo genera affinitatis. Eadem obiectione probatur de filio qui nascitur ex secunda copula, quod mihi efficiatur affinis.

2 Item, Sæpè videtur etiam in auibus, quod dispositio præcedentis copulæ maneat in secunda, & quod fœmina facit ouum vnde egreditur pullus priori masculo similis: & hoc præcipuè experimentatur in columbis: ergo sic etiam est in hominibus: ergo propinquitatis videtur transire ad sequentem copulam: ergo maritus affinis meæ & natus ex non consanguineo videntur ad me habere affinitatem: ergo plura genera videntur esse affinitatis.

*Sed contra.* IN CONTRARIVM huius est, quod affinitas non causatur ex affinitate, sed ex consanguinitate: sed huius ad me nulla est consanguinitas: ergo nulla ad me in tali casu causatur affinitas.

*Solutio.* QVOD CONCEDENDVM est. Et dicendum ad primum, quod manet ibi affinitas, vt infra habetur in litera: sed illa non generat aliam affinitatem, quia non est affinitas, nisi ex consanguinitate quæ hîc non est.

AD ALIVD dicendum, quod tales dispositiones sunt debiles, & fiunt ex longa infusione matricis ex semine vnus dispositionis, & tunc non causant in partu, nisi qualitates aliquas, vt colorem, & non causati substantiam: & ideo in substantialibus non remanet propinquitatis ad primum affinem, licet remaneat ad primum aliqua debilis: & ideo vir mulieris alicuius non potest accipere uxorem filiam illius mulieris ex alio viro. Notandum ergo, quod licet antiquitus tria fuerint affinitatis genera, tamen modo non est nisi vnum in persona addita consanguinitati per connubium carnale: & ideo illa sola interdicitur consanguineis, & non soror sua, vel alia consanguinea eius, vel filia ex alio marito.

## ARTICVLVS V.

*Quomodo computantur gradus affinitatis.*

**D**einde quæritur de hoc quod dicit [Quocirca ego & soror meæ vxoris in vno & primo gradu erimus, &c.] Quæritur enim hic de computatione graduum affinitatis: omnis enim propinquitatis habens distantiam propinquiorem & remotiorem, habet gradus in seipsa computandos: sed affinitas est propinquitatis huiusmodi: ergo habet gradus in seipsa:

ergo non sunt computandi per gradus consanguinitatis, vt dicitur in litera, sed per gradus proprios.

2 Item, Communiter dicitur affinis in primo, & affinis in secundo gradu: ergo proprii sunt aliqui gradus affinitatis.

VLTERRIVS quæritur de regula quam *Quæst.* dant Iurisperiti, quod persona addita consanguinitati per quam contrahitur affinitas, mutat genus attinentiæ, non gradum: sed generata in consanguinitate mutat gradum, & non genus attinentiæ: vnde versus.

*Mutat nuptia genus sed generata gradum.* Videtur enim hoc esse falsum: quia persona coniuncta consanguinitati, causat diuersos gradus affinitatis.

RESPONSIO. Dicendum, quod sicut affinitas causatur ex consanguinitate, ita gradus affinitatis ex gradibus consanguinitatis inveniuntur & causantur, sicut dicitur in litera. *Solutio.*

AD OBJECTIONEM autem dicendum, quod gradus proprios habet, sed aliunde causatos: & ideo cum res propriè habet cognosci ex sua causa, oportet in gradibus affinitatis cognoscendis recurrere ad gradus consanguinitatis.

AD ALIVD dicendum, quod habet gradus, sed non per se cognoscibiles, vt dictum est.

AD ALIVD dicendum, quod regula *Adquæst.* vera est & bona: quia persona addita consanguinitati, nunquam mutat gradum: sed ipso gradu consanguinei cuius ipsa vxor efficitur, iungitur toti generi: vnde vxor consanguinei mei, in secundo gradu est mihi affinis, & sic de aliis: & meus consanguineus qui per meam affinem additur generi vxoris suæ, iungitur vnicuique de parentela vxoris in eo gradu affinitatis, quo sibi iungitur vxor illa in gradu sanguinis. Et per hoc facile patet & veritas regulæ, & intellectus literæ. Obiectio autem non valet: quia non sic intelligitur, quod non ferat secum diuersos gradus in diuersis personis, sed quod ipsa gradum alium non faciat quam eum in quo est ille cui iungitur: sed mutat genus attinentiæ, quia ipsa est affinis mea, cum maritus sit consanguineus meus. Sed generata de meo consanguineo in tertio gradu, efficitur in quarto gradu mihi consanguinea, & ita generata persona ex consanguineo mutat gradum, sed non genus attinentiæ, quia est consanguinea, sicut & persona generans.

## ARTICVLVS VI.

*An in equalibus gradibus prohibetur & admittitur affinitas sicut consanguinitas?*

**D**einde quæritur de hoc quod dicit [Nul- lum in vtroque sexu permittimus, &c.] Videtur enim hoc esse inconueniens: quia affinitas minus vinculum est, quam consanguinitas: ergo paucioribus gradibus debet finire: ergo videtur, quod antiquitus non debuit poni vsque ad septimum, nec



nec modo vsque ad quartum inclusive.

2 Item ponamus, quod aliquis in vna parte consanguineus vel affinis sit in quinto, & in alia parte in secundo, & queramus, Vtrum illi coniungi possint? Videtur, quod non: quia secundus gradus est prohibitus: sed bene sequitur, isti in vna parte sunt in secundo: ergo sunt in secundo: ergo non possunt contrahere.

*Solutio.*

IN CONTRARIUM huius est consuetudo Ecclesie.

AD PRIMUM motium dicendum est, quod in æqualibus gradibus antiquitus & modo prohibetur, & conceditur consanguinitas & affinitas. Ad obiectum autem dicendum, quod reuera minus vinculum est affinitas, quam consanguinitas: sed tamen propter mixturam sanguinis quæ sit, non potest esse præsumpta disruptio illius mixturæ, nisi in eodem gradu in quo consanguinitas ipsa est direpta.

Si tamen placeret Ecclesie ad pauciores gradus ponere tam in consanguinitate, quam & præcipue in affinitate, videtur mihi, quod latis congrue hoc posset facere.

AD ALIUD dicendum, quod in computatione consanguinitatis & affinitatis standum est vltiori gradui: & huius causa est, quia nullus gradus est nisi à trunco causatus: & ideo nullius personæ est respectus ad aliam tam in consanguinitate, quam affinitate, nisi per truncum: vnde qui distat à trunco in quinto, à quolibet descendendum in altera linea distat in quinto vel amplius. Et cum dicitur, quod isti sunt in vna parte in secundo, intelligitur in secundo non à se, sed à trunco: & ideo inter se distant amplius, quam etiam in quinto: & ideo contrahere possunt, quia quintus à trunco gradus est concessus. Et per hoc patet solutio ad obiectum.

### *Varie traditiones de affinitate.*

**S**ED alij videntur concedere in quinta generatione inter affines contrahi coniugium, & in quarta etiam si contractum fuerit, non separari. Ait enim Fabianus Papa, De propinquis qui ad affinitatem per virum & uxorem veniunt, defuncta uxore vel viro in quinta generatione iungantur: in quarta si inuenti fuerint, non separentur. In tertia vero propinquitate non licet uxorem alterius accipere post obitum eius. Æqualiter vir iungatur in matrimonio eis qui sibi consanguinei sunt, & uxoris suæ consanguineis, post mortem uxoris. Ecce hic conceditur in quinta vel quarta propinquitate affinium fieri coniugium. Iulius etiam Papa ait, Statutum est vt relictam patris uxoris suæ, relictam fratris uxoris suæ, relictam filij uxoris suæ, nemo sibi in matrimonium sumat: relictam uxorem consanguineorum uxoris suæ vsque in tertiam progeniem nemo in uxorem sumat. In quarta verò & quinta si inuenti fuerint, non separentur. Ecce quam variè de affinitatis obseruatione loquuntur Auctores. Alij enim vsque ad septimum gradum eam obseruari sanciunt. Alij vero in quinto vel quarto matrimonia contracta non diuidunt. Sed illi veritatis rigorem, isti misericordiæ dispensationem videntur proponere. Potest enim Ecclesia dispensare in copula affinium vsque ad tertium gradum: sicut Gregorius dispensauit in quarto gradu consanguinitatis. Illud autem non est prætereundum quod Gregorius Venerio Episcopo scripsit, Sedem Apostolicam consulere decreuisti, si mulier copula nuptiali extraneo viro coniuncta, cognationi eius pertineat, si eo defuncto cognatio maneat, vel sub alio viro cognationis vocabula dissoluantur, vel si susceptæ soboles possint legitime ad prioris viri cognationis transire copulam. Si vna caro sunt: quomodo aliquis eorum potest propinquius vni pertinere, nisi pertineat alteri? Hoc minimè posse fieri credendum est. Porro vno defuncto, in superstitè affinitas non deletur: nec alia copula coniugal affinitatem copulæ prioris soluere valet: sed nec alterius coniunctionis soboles placet ad affinitatis prioris viri consortium transire. Siquis ergo sacri-

35. q. 3 c.  
De propinquis.

Ibidem.  
c. Et hoc quoque.

35. q. 10.  
c. Fraternitatis.

D. Alb. Mag. in Lib. 4. Sentent.

V V u lego



lego & temerario ausu in defuncto quærit propinquitatem extinguere, vel sub altero affinitatis vocabula dissipare, vel si susceptas soboles alterius copulæ propinquitati prioris credit legitimè sociari: hic negat Dei verbum validum esse quod dixit, Erunt duo in carne vna. Ecce hic prohibet, si mortuo primo viro vxor eius alij nupserit, filios de secundo viro genitos ducere vxores de cognatione prioris viri: quia filij mediante matre, ante cognationem prioris viri pertinent, cum quo mater eorum vna caro extiterat. Hæc idem etiam Innocentius Papa ait, Siqua mulier ad secundas nuptias transierit, & ex eis sobolem genuerit, nullatenus potest ad consortium cognationis prioris viri pertingere. Hoc autem obseruandum est vsque ad septimum generis gradum: sed maximè vsque ad tertium & quartum, sicut supra positum est.

Genes. 1.  
Matt. 19.

35. q. 10.  
c. Siqua  
mulier.

## ARTICVLVS VI.

*An affinitas maneat post mortem illius  
cuius gratia est contracta?*

**D**Einde quæritur de hoc quod dicit [ Illud etiam non est prætereundum, quod Gregorius, &c. ] Videtur enim hoc esse irrationabile: quia cessante causa cessat effectus: sed iunctura copulæ carnalis est causa affinitatis, ut prius est habitum: ergo ipsa cessante cessat & affinitas: cessat autem per mortem: ergo & affinitas.

2. Item, Nulla persona est affinis, nisi adiecta: sed ista post mortem non est adiecta: ergo videtur, quod non est affinis. Prima constat ex præhabitis. Secunda probatur ex hoc, quod si esset adhuc adiecta isti, non posset adiici alteri: & hoc falsum est, quia per secundas nuptias alij potest adiici.

3. Item, In omnibus relatiuis ita est, quod cessante mutatione inducente relationem, cessat relatio: sicut si albedo destruat quæ inducitur per dealbationem, cessat similitudo ad alba: ergo hic similiter esse videtur: constat autem, quod matrimonium fuit istius relationis causa: ergo cessante ipso, relatio quæ affinitas vocatur, destruitur.

*Solutio.*

**R**ESPONSIO. Dicendum, quod sicut in littera dicitur, & in Euangelio Matth. 10. permanet affinitas post mortem: & ideo arguit Ioannes Herodem propter Herodiam vxorem fratris sui Philippi, qui duxerat eam.

**A**D PRIMVM ergo dicendum, quod in nullo tenet, nisi in causa essentiali & immediata: sed in causa accidentali & remota non tenet, quia destructo ædificatore non propter hoc destruitur ædificium. Ex superioribus autem patet, quod copula carnalis non est huiusmodi causa affinitatis.

**A**D ALIUD dicendum, quod licet non sit adiecta marito qui non est, manet tamen adiecta consanguinitati. Ad probationem dicendum, quod adiecta marito non potest adiici alij: sed adiecta consanguinitati & soluta à marito bene potest adiici aliis multis successiue per mortes maritorum & alias nuptias.

**A**D VLTIMUM dicendum, quod non est simile: quia albedo est forma in qua fundatur similitudo, sed matrimonium non est forma in qua fundatur affinitas, licet causetur ex copula carnali: sed potius quia vnum fuisset corpus cum aliquo de consanguinitate: & hoc etiam manet post mortem mariti: & ideo stat relatio affinitatis.

## ARTICVLVS VII.

*An definitio iustitiæ publicæ honestatis sit  
bene data à Magistro?*

**D**Einde quæritur de hoc quod dicit [ Sed nec alterius coniunctionis soboles, &c. ] Licet illud sit abrogatum per iura noua quod hic dicit de sobole alterius coniunctionis, tamen gratia huius quæremus de publicæ honestatis iustitiæ, de qua quæremus tria, scilicet quid sit? Et utrum habeat gradus, vel non? Tertio, Quid sit iuris de ipsa?

**A**d primum dicunt communiter, quod publicæ honestatis iustitiæ est propinquitas ex sponsalibus proueniens, robur trahens ab Ecclesiæ institutione propter eius honestatem. Videtur autem contra hoc obicci: quia sponsalia non faciunt vnionem matrimonij vel carnis: ergo cum omnis propinquitas exeat ab aliquo vno, videtur quod nulla propinquitas deriuetur ex sponsalibus.

2. Item, In naturis sic est, quod ex hoc quod aliqua materia fuit inclinata tantum ad recipiendam formam vnā, ex hoc non impeditur quin possit iungi alij, & illi vicina citius quam remota: cum igitur femina se habeat ad masculum sicut materia ad formam, videtur quod ex sponsalibus quæ sunt inclinatio vel dispositio ad matrimonium, nihil inducatur vnde ista femina magis prohibeatur à consanguineo sponsi sui, quam ab altero: ergo videtur, quod nulla sit talis propinquitas.

3. Vltius quæritur hic de hoc quod dicit, Robur trahit ab Ecclesiæ institutione. Non enim debet institutum Ecclesiæ esse irrationabile: ergo fundatur super aliquid rationis: & quærat, Quid est illud, & non inuenitur, neque



que in veteri lege, neque in noua, nec etiam in lege ciuili: ergo videtur, quod potius sit dicendum, publicæ honestatis iniustitia, quam iustitia.

4 Item quare dicit, Propter eius honestatem? Nulla enim honestas videtur in hoc Ecclesiæ generari, sed potius inextricabiles laquei multi ex hoc procurantur animabus.

5 Item, Cum istud pertineat potius ad continentiam, quam ad iustitiam, potius deberet dici, Publicæ honestatis pudicitia vel continentia, quam publicæ honestatis iustitia.

*Solutio.* RESPONSIO. Dicendum, quod satis conueniens est dicta diffinitio, & tangit genus, & causam, & confirmans, & finem: & hæc patent per ordinem in diffinitione.

AD PRIMVM ergo obiectum dicendum, quod est ibi vnio quædam, sicut supra in questione de sponsalibus dictum est: & ideo contrahitur ibi vinculum quoddam. Et quia etiam Ecclesia per se diligit honestatem castitatis, de facili recipit occasionem non contrahendi matrimonium cum persona aliqua, vel aliquibus.

AD ALIVD dicendum, quod sponsalia sunt sicut dispositiones propinquæ ad matrimonium: unde sicut materia habens dispositionem propinquam ad formam aliquam, non vnitur alteri nisi prius in ea fiat corruptio dispositionis prioris: ita etiam non potest persona desponsata, cum alia contrahere, nisi prius corruptis sponsalibus, quæ non sine peccato siue causa corrumpuntur, quia faciunt quoddam vinculum vnionis.

AD ID quod vltius quæritur, dicendum quod Ecclesia semper satis habet rationis ordinans vincula amoris & propinquitatis: & hoc habet argumentum Leuit. 18. vbi dicitur, quod turpitudine vnus propinquorum, turpitudine alterius est: & ideo non est discooperienda: & ita hîc desponsata quodammodo efficitur adiecta consanguinitati: & ideo nullus de consanguinitate illa potest illam habere.

AD ALIVD dicendum, quod non est iniustitia: quia Deo placet vt confæderentur homines & confirmentur per affinitates quascunque.

AD VLTIMVM dicendum, quod omnis virtutis opus secundum quod lege ordinatur, est opus iustitiæ quam legalem vocat Aristot. Et quia istud non habet robur, nisi à lege Ecclesiæ, ideo potius dicitur, Publicæ honestatis iustitia, quam pudicitia.

## ARTICVLVS VIII.

*An propinquitas hæc habeat aliquos gradus, & qui sint illi?*

Secundo quæritur, Verum hæc propinquitas habeat gradus? Et videtur, quod non: quia est debilis: ergo saluatur in vna persona: ergo videtur, quod non habeat gradus in personis aliis.

2 Item, Affinitas habet gradus per accidens, scilicet per consanguinitatem, vt prius  
*D. Alb. Mag. in Lib. 4. Sentent.*

dictum est: consanguinitas autem habet gradus per se: cum ergo propinquitas publicæ honestatis iustitiæ sit vtrique debilior, videtur quod nec per se nec per accidens habens gradus: ergo nullo modo habet gradus.

IN CONTRARIVM huius est, quod *Sed contra.* in quoto gradu ille est, per quem contrahitur in sponsalibus huius propinquitas, toto gradu videtur coniuncta sponsa sua: sed diuersi sunt gradus consanguinei desponsantis: ergo in diuersis gradibus sponsa adiiciuntur.

2 Item, Gradus potius respicit contrahentes sponsalia, quam contractum: sed contrahentes diuersorum sunt graduum in consanguinitate: ergo & sponsa est in diuersis gradibus propinquitatis publicæ honestatis iustitiæ.

RESPONSIO. Dicendum, quod diuersi *Solutio.* sunt gradus istius propinquitatis sicut affinitatis: quia quoto gradu iungitur consanguineus contrahens sponsalia, toto gradu iungitur sponsa in publicæ honestatis iustitia: & ideo prohibetur ei contrahere cum aliquo de consanguinitate illa. Vnde etiam quidam antiqui dicebant, quod hæc propinquitas esset affinitas, licet in veritate non sit affinitas, sed ferè similis illi.

AD PRIMVM ergo dicendum, quod si gradus protenderetur à persona adiecta vt adiecta, tunc valeret quod obiicitur: sed hoc non est verum, quia non habet gradus nisi consanguinitatis, & illius gradus nunquam mutat, sed mutat genus attinentiæ sicut & affinitas.

AD ALIVD dicendum, quod non sequitur: quia est medium inter affinitatem & consanguinitatem magis conueniens cum affinitate, quia cum eo conuenit quod non mutat gradum, sed genus attinentiæ: sed cum consanguinitate, quia quodammodo gradus habet. Etiam formaliter argumentum non valet, si hoc est debilius illo, quod in hoc determinato sit debilius: sed valeret è conuerso, & incidit fallacia consequentis.

## ARTICVLVS IX.

*Quid iuris est de hac propinquitate?*

Tertio quæritur, Quid sit iuris de hac propinquitate? Et dicitur communiter, quod persona desponsata non potest esse coniunx alicuius de consanguinitate desponsantis, nec è conuerso potest sponsus aliquam ducere de consanguinitate sponsæ. Sed tunc quæritur, Esto enim, quod sponsalia sint contracta ante septennium, tunc enim non valent sponsalia: ergo tunc non impediunt quin aliis de sua consanguinitate possint coniungi si sponsalia frangantur.

2 Item, Sit quod spado habens ætatem contrahat sponsalia cum habente ætatem, vel perpetuò frigidus, vel perpetuò maleficiatus: constat, quod iste habet impedimentum matrimonij: ergo & sponsalium: ergo non impeditur desponsata quin valeat alij de sua consanguinitate coniungi matrimonialiter.

RESPONSIO. Dicendum, quod primus *Solutio.*  
VVu 2 casus



casus de plano est concedendus : de secundo dicunt, quod ex tali contractu sponsæ generatur impedimentum contrahendi cum alio consanguineo sponsi : quia adhuc non erat impedimentum in actu impediendi propter ætatem : & ideo separatur talis sponsus ab habente huiusmodi impedimentum. Et per hoc patet solutio ad omnia quæ sita.

*Si coniugium sit inter eos, qui nota consanguinitate diuiduntur.*

**C** T est sciendum, quod Ecclesia infra prædictos gradus consanguinitatis coniunctos separat. Si autem ignoranter coniuncti fuerint in conspectu Ecclesiæ, & postmodum probata consanguinitate eiusdem iudicio separati : quæritur, Vtrum copula illa coniugium fuerit ? Quibusdam videtur non fuisse coniugium, quia non erant legitimæ personæ : sed tamen de crimine excusantur per ignorantiam, & quasi coniugium reputatur, quia bona fide & per manum Ecclesiæ conuenerunt. Vnde & filij eorum legitimi habentur. Alij verò dicunt fuisse coniugium, licet non essent legitimæ personæ : quia talium coniunctiones vocantur canones coniugia, vbi de personis agitur, quarum testimonio consanguineorum sit dirimenda coniunctio. Vnde Urbanus Papa, Si duo viri vel tres consanguinitatem iureiurando firmauerint, vel ipsi fortè confessi fuerint, coniugio dissoluantur. Si verò neutrum contigerit, Episcopi eos per fidem Christi obtestentur, quatenus palam fateantur, si se recognoscunt consanguineos. Si se iudicio Episcoporum segregauerint, alia matrimonia non prohibeantur contrahere. Idem, Notificamus tibi, vt cum tres vel duo ex propinquiorebus eius qui accusatur, hanc propinquitatem iuramento firmauerint : vel si duo vel tres ex antiquioribus Ianuensibus, quibus hæc propinquitas est nota, qui bonæ famæ & veracis testimonij sint, remoto amore, timore, pretio, & omni malo studio, prædicta firmauerint, sine mora coniugia dissoluantur. Consanguineos verò extraneorum nullus accuset, vel consanguinitatem in synodo computet, sed propinqui ad quorum notitiam pertinet. Si autem progenies tota defecerit, ab antiquioribus & veracioribus, quibus propinquitas tota nota fit, Episcopus canonicè perquirat : & si inuenta fuerit, separentur. Ecce quibus accusantibus vel testificantibus dirimenda sit consanguineorum coniunctio, quæ coniugium vocatur.

25. q. 9.  
c. Si duo  
viri.

Idem  
Ricardo  
Ianuen.  
episc. vbi  
sup. cap.  
Notifi-  
camus.

Fabia-  
nus Papa  
ibidem.  
c. Con-  
sanguini-  
tatis.

*Distinctio utilis, quid sit fornicatio.*

**D** I C dicendum est, quod aliud est fornicatio, aliud stuprum, aliud adulterium, aliud incestus, aliud raptus. Fornicatio licet sit genus omnis illiciti coitus qui fit extra uxorem : tamen specialiter intelligitur in usu viduarum, vel meretricum, vel concubinarum. Stuprum propriè est virginum illicita defloratio. Adulterium est alieni thori violatio : vnde adulterium dicitur quasi alterius thori accessio. Incestus est consanguinearum vel affinium abusus. Vnde incestuosi dicuntur, qui consanguineis vel affinibus suis abutuntur. Raptus admittitur, cum puella violenter à domo patris educitur, vt corrupta in uxorem habeatur : siue puellæ, siue parentibus vis illata constiterit,

Hoc 10-  
m vsque  
ad §.  
Atten-  
dendum.  
habetur  
36. q. 1.  
cap. Lex  
præteri-  
torum.  
§. Sed  
non om-  
nis.



constiterit, hic morte mulctatur. Sed si ad Ecclesiam cum rapta confugerit, priuilegio Ecclesie mortis impunitatem meretur. Addendum est etiam illud Alexandri, qui ait, Quod frater sororve vxoris tuæ cognati dicuntur, æquiocationis iure fit, & necessitate vulgaris appellationis potius, quam vlla cognationis causa. Vxor enim fratris, fratrisa potius quam cognata vocatur. Mariti frater, leuir dicitur. Duorum fratrum vxores, ianitrices vocantur, quasi eandem ianuam intrantes. Viri soror, glos appellatur. Sororis autem vir non habet speciale nomen, nec vxoris frater.

ARTICVLVS X.

*An filij & qui sint legitimi?*

**D**Einde quæritur de hoc quod dicit *ibi* [Vtrum copula illorum coniugium fuerit, &c.] Quæritur enim hic, Qui filij sint legitimi? Et quærentur tria, scilicet qui filij sint legitimi? Qualiter legitimantur? Et quid vallet eis legitimatio? Ad primum communiter dicitur, quod legitimus filius est, qui de legitimo matrimonio est natus, vel de eo quod in facie Ecclesie legitimus reputatur. Contra hoc autem obiicitur. Videtur enim, quod omnis filius sit legitimus: quia lex naturæ potior & fortior est, quam lex positua: sed lege naturæ omnis filius est legitimus: ergo, &c.

2 Item, Esto, quod in facie Ecclesie contrahant scientes impedimentum, & hoc taceant: videtur quod propter hoc non debeant dici filij legitimi, quia dolus nulli debet patrocinari.

3 Item, Esto, quod clam contrahant ignorantes matrimonij impedimentum: videtur quod eorum filij sint legitimi, quia ignorantia excusat, sicut habetur Genes. 20. de Abimelech qui rapuit vxorem Abrahæ, & se excusauit per ignorantiam: & Dominus recepit eius excusationem.

*Solutio.*

AD HOC dicendum, quod secundum iura quadruplex est status filiorum, scilicet naturales, & legitimi de vxore legitima procreati: naturales tantum, vt filij concubinarum quæ vxores esse possunt si ducerentur. Alij legitimi tantum, vt adoptiui. Alij nec naturales nec legitimi, vt spurij, scilicet de adulterio vel de incestu nati.

DICENDVM ergo ad primum, quod natura est duplex, vt supra dictum est, scilicet generis hominis, & differentie. Et filij communiter non nascuntur lege naturæ, nisi primo modo dictæ: & illa est pecorina: & ideo ad bonum hominis quod est bonum rationis, ex illa lege non reputantur legitimi.

AD ALIUD dicendum, quod in illo casu non sunt legitimi.

AD ALIUD dicendum, quod talis contractus est contra interdictum Ecclesie: & ideo si ignorat, talis reputatur ignorantia affectata quæ non excusat: & filij eorum reputantur illegitimi: quia nec matrimonium legitimum reputatur. Nec est simile de Abimelech: quia in illo non fuit ignorantia iuris, sed facti, quia credidit esse solutam quæ fuit coniugata.

*D. Alb. Mag. in Lib. 4. Sentent.*

ARTICVLVS XI.

*Quis sit modus legitimandi?*

**S**ecundo quæritur de modo legitimandi: quia contra rationem est illegitimum reputare legitimum: ergo secundum iura fieri non debet, quia secundum ius nihil fit contra rationem.

2 Item, In actibus illegitimus non fit legitimus: quia illegitimus actus est vitiosus, & legitimus est ordinatus ciuili virtute: ergo nec in natis fieri debet.

3 Item, Contra naturæ ordinem esse videtur, quod natura illegitimum naturæ lege, vnam faciat legitimum, nec è conuerso: quoniam monstra semper reputat peccata, & bene nata decorat & ornat: ergo nec in ciuilibus illegitimum debet legitimari.

4 Item, Sicut est motus de vno contrariorum in aliud, tam in naturis, quam in motibus: ita est è conuerso: sed nunquam fit de legitimo illegitimus: ergo nec è conuerso fieri debet de illegitimo legitimus.

IN CONTRARIUM huius est, quod tam secundum canones, quam secundum leges illegitimi legitimantur. *Sed contra.*

2 Item, Sine omni culpa nati ipse nascitur illegitimus: sed in his quæ fiunt ex necessitate (secundum Philosophum & legislatores) innocentiam & misericordiam merentur: ergo talis error misericorditer corrigi potest: possunt ergo legitimari.

QUOD CONCEDENDVM est, & dicendum, *Solutio.* quod sex modis illegitimi legitimantur: duobus secundum canones, & quatuor secundum leges. Primus secundum canones est per subsequens matrimonium cum matre illegitimorum contractum. Secundus autem est per specialem indulgentiam & dispensationem Domini Papæ. Et hi duo modi habentur extra. Qui filij sint legitimi. cap. Conquestus est nobis. Primus autem secundum leges est, si pater filium naturalem curiæ offerat Imperatoris: tunc enim propter curiæ honestatem filius legitimus efficitur, siue pater legitimos habeat filios, siue non. Secundus est, si pater decedens in testamento nominet eum hæredem legitimum, & ipse postea offerat testamentum principi volens fieri legitimus. Tertius est, si nullo filio legitimo existente patreque defuncto, ipse naturalis filius seipsum offerat principi. Hi tres modi habentur in authentico. Quibus modis naturales efficiuntur legitimi

V V u 3



legitimi sui. §. Quoniam de suis. Quartus modus est, si pater eum in publico testamento vel cum trium virorum testantium susceptione legitimum nominet, nec adiciat naturalem: tunc enim efficitur legitimus, ut in authentico. Non liceat, &c.

AD PRIMVM ergo dicendum, quod non est contra rationem de substantia, id est, de materia non legitima facere legitimum ad actus legitimos: sed de forma esset verum, quia de contrario non potest fieri contrarium, sed subiectum sub utroque potest esse contrarium.

AD ALIVD dicendum, quod non est simile: quia actus talis perversitati inseparabiliter est coniunctus, & ideo nullo modo potest corrigi: sed non est ita in subiectis.

AD ALIVD dicendum, quod in illegitimis naturæ vel est defectus, vel superfluitas est in monstris inseparabiliter: & ideo non possunt corrigi: & hoc modo non est in natis, quia per actus voluntatis potest corrigi defectus naturalium qui sic dictus est, quia non est secundum legem positivam.

AD ALIVD dicendum, quod sæpe puniuntur legitimi pœna illegitimorum per exheredationem pro peccato patris vel suo, tamen argumentum non valet, quia legislator facilior est ad indulgentias, quam ad pœnas: sed in motu naturali subiectum se habet æqualiter ad utrumque contrarium, & ideo æqualiter mouetur de vno in alterum, & è conuerso.

## ARTICVLVS XII.

*Ad quid valet legitimatio?*

**T**ertio quæritur, Quid prodest legitimatio? Viderur, quod nihil: naturalia enim bona æqualiter Deus largitur & naturalibus & legitimis & spuris: cum ergo iustitia humana sit exemplata à diuina, videtur secundum ius humanum, quod æqualiter debent illi succedere in bonis temporalibus & ad legitimos actus admitti.

2. Item iniuste agitur cum eo cui hoc imputatur in pœnam, in quo nullam habuit culpam: sed in illegitimam natiuitatem nullus

vnquam habuit culpam: ergo nulli debet imputari in pœnam: ergo æqualiter omnes filij debent succedere patri.

3. Item, Secundum Philosophos, Aristot. & Auicem. filius egrediens de domo patris, similis est semini egredienti de corpore patris: sed video, quod in egressu seminis, patris substantia æqualiter partitur naturali & legitimo humidum radicale, ad quod postea negotietur virtus formatiua ad perficiendam substantiam conceptus: ergo etiam egredienti filio de domo patris, siue sit naturalis, siue legitimus, æqualiter debet partiri partem facultatum, ex qua negotietur procuracionem suæ domus: ergo æqualiter debent succedere, ut videtur.

AD HOC dicendum, quod in veritate ad *Solutio.* duo prodest legitimatio, quorum vnum est, quia potest succedere patri in hæreditate iure legitimo. Secundum autem, quia admittitur ad legitimos actus. Naturales autem in sexta tantum succedere possunt: spurij autem & de damno coitu nati, in nullo omnino succedunt: sollicitudinis tamen Episcopi intererit, ut procuret quod uterque parentum talibus secundum quod facultas suppetit, necessaria procurent.

AD PRIMVM ergo dicendum, quod non est ita in voluntariis, sicut in naturalibus: quia naturalia currunt cursu necessario, & ideo non habent peccatum: & ita operatur Deus in natura. Et hoc non trahitur ad exemplum in voluntariis, sed potius hoc quod dicit. Ego sum Deus zelotes, vindicans, &c. hoc enim de pœna temporali intelligitur: & ita facit lex quæ punit natiuitatem vnus, ut caueatur ab altero talis illicitus concubitus.

AD ALIVD dicendum, quod hoc non fit in pœnam filij, sed in pœnam patris, ut in filio puniatur: & tamen est pœna filio bona, si ea ad humilitatem utatur: sicut etiam dicit Apostolus 1. Corinth. 7. Seruus verò es, non fit tibi curæ: sed si potes fieri liber, magis utere.

AD ALIVD dicendum, sicut prius dictum est, quod non est simile in naturalibus & voluntariis: & causa est superius assignata.

Deinde ratione eius quod dicit *ibi* [Hic videndum, quod aliud est fornicatio] quaratur de luxuria & speciebus eius omnibus & filiabus.

## DISTINCTIO XLII.

*De spiritali cognatione.*

**A** De impedimento matrimonij, quod venit ex propinquitate spiritali.



E parentalium graduum famosa quæstione aliquid licet minus sufficienter diximus. Iam de cognatione addamus, quæ etiam personas impedit ut non sint legitime ad ineundas nuptias. Tria quidem sunt, consanguinitas, affinitas, & spiritalis germanitas. Consanguinitas est inter eos, qui iunguntur secundum lineam generis. Affinitas inter eos, qui genere quidem non sunt coniuncti,



iuncti, sed mediante genere sunt sociati: verbi gratia, Vxor filij fratris mei quæ non est de genere meo, per ipsum qui est de genere meo, mihi affinis facta est, & ego illi. Spiritualis proximitas est inter compatrem & commatrem, & inter eos quorum vnus alterum de sacro fonte leuauit, vel in cathecizatione aut confirmatione tenuit. Est etiam inter filios eiusdem hominis carnales & spirituales.

Hugo  
sent. 4.  
cap. 13.

## ARTICVLVS I.

*An sit aliqua spiritualis cognatio?*

**I**am de spirituali cognatione addamus] Quatuor hic dicit de spirituali cognatione, quorum primum est, Quæ sit spiritualis cognatio. Secundum autem, qui sint filij spirituales, & in quot sacramentis spiritualis cognatio contrahitur. Tertio tangit ius quod est de talibus. Quartum est obiectio & solutio quæ videtur talibus aduersari. Incidunt autem hic quæstiones tres circa principium, scilicet an aliqua sit spiritualis cognatio? Secunda est, Quæ sit spiritualis proximitas? Tertia, An impediat matrimonium contrahendum & dirimat contractum?

Ad primum sic proceditur: Aut vnio spiritus transit ad vnionem carnis, aut non. Si sic: ergo in omnibus in quibus est vnio spiritus, transitur ad vnionem carnis: sed inter omnes habentes charitatem est vnio spiritus: ergo inter omnes habentes charitatem transitur ad vnionem carnis: ergo nullus habens charitatem, posset sibi copulare vxorem habentem charitatem, quod falsum est. Si autem non transitur, tunc spiritualis proximitas non impedit matrimonium.

2. Item, Sicut dicit Dionysius 2. ecclesiasticæ hierarchiæ, Compater non efficitur hic anadochus spiritualis filij: sed officium anadochi est officium imbuentis & instruētis: ergo habens officium imbuentis & instruētis non posset matrimonialiter iungi puellæ quam docet & imbuat, quod iterum est falsum: ergo videtur, quod nulla sit proximitas spiritualis.

3. Item, Quod caro est propinqua carni, facit propagatio ex carne vna: ergo vbi non est propagatio ex vno, ibi nulla est proximitas: sed spiritus vnus cum alio non propagatur ex quodam vno: ergo nulla est in talibus proximitas.

4. Item, Constans est, quod spiritualis proximitas si est, emanat ex aliqua generatione, sicut & omnis alia proximitas: aut igitur ita est, quod est generatio secundum esse, aut secundum bene esse. Si primo modo, constat quod hoc falsum est: quia hoc modo filium suum spiritualem generant parentes carnales non spirituales. Si secundo modo: aut hoc est quoad bene esse virtutis, aut scientiæ. Non primo modo: quia talem habitum (vt dicit Augustinus) non dat nisi Deus. Si secundo modo, tunc quilibet magister haberet proximitatem spiritualem ad discipulum & discipulam: & hoc iterum falsum est: ergo nulla videtur esse proximitas spiritualis.

IN CONTRARIVM autem sunt omnia quæ dicuntur in litera. *Sed contra.*

2. Item Ephes. 3. Flecto genua mea ad Deum patrem, ex quo omnis paternitas in cælo & in terra nominatur. Constat autem, quod paternitas in cælo non est nisi spiritualis: ergo spiritualis paternitas est aliquid.

RESPONSIO. Dicendum, quod spiritualis proximitas est. *Solutio.*

AD PRIMVM ergo dicendum, quod caro hominis præcipue Christiani non accipitur vt caro hominis tantum, sed prout est habitaculum Spiritus sancti: & ideo vinculum spiritus habet locum in carne: & ideo illi qui sunt vnus, ab Ecclesia non iudicantur vt diuisi: omnes autem qui iunguntur matrimonio, accipiuntur vt diuisi: & ideo dicendum, quod transitur ad vnionem carnis, quæ est habitaculum vel debet esse Spiritus sancti per spiritus vnionem.

AD ID quod contra obiicitur, dicendum quod est vnio sacramentalis, quæ est per modum generationis esse spiritualis, vel confirmationis ipsius, & est vnio habitualis charitatis. Prima autem vnio facit hoc, & non secunda.

AD ALIVD dicendum, quod anadochus ex officio patrinatus non habet docentis vocem tantum, sed etiam operantis ad esse spirituale ipsius qui regeneratur.

AD ALIVD dicendum, quod licet spiritus non fit ex spiritu, &c. tamen secundum rem & characterem sacramenti potest fieri aliquo ministerialiter: & ita quodammodo spiritualis proximitas generatur, quia esse spiritus secundum bonum sacramenti est quodammodo ex spiritu.

AD ALIVD dicendum, quod emanat à spirituali generatione: sed illa est sacramentalis, vt prius dictum est. Et obiectio non est nisi de cooperatione ad aliquid bene esse per modum alterationis, & non per ministrum generantem, sicut fit generatio in spiritualibus sacramentis.

## ARTICVLVS II.

*Quid sit spiritualis cognatio siue proximitas?*

**S**ecundo quæritur, Quid sit spiritualis proximitas? Et communiter dicitur, quod spiritualis proximitas siue cognatio spiritualis, est spiritualis propinquitatē proueniens ex sacramenti datione, vel ad idem tentione. Videtur autem non esse conueniens diffinitio: quia per sacramenti susceptionem vnitur ho-



mo toti Ecclesiæ, & non specialiter vni personæ: ergo si contrahit propinquitatem, ad totam Ecclesiam contrahit, & non specialiter ad personam vnam.

2 Item, In sacramentis non operatur homo, sed solus Deus, vt dicit Augustinus: ergo nullum est ibi factum hominis circa hominem: sed non contrahitur propinquitatem ad hominem, nisi ex aliquo facto hominis: ergo videtur, quod in sacramenti susceptione nulla contrahitur propinquitatem ad hominem.

3 Item, Efficacior est operatio inducens gratiam circa hominem, quam operatio ministerialis in sacramento exterius, quæ gratiam non inducit: sed oratio quæ fit pro alio, vt dicit Gregorius, iuuat prædestinationem inducendo gratiam in eo pro quo oratur: ergo ipsa est operatio efficacior, quam operatio ministerialis in sacramento: sed non inducit propinquitatem oratio: ergo nec operatio in sacramento.

4 Item, Propinquitatem spiritualis aut est ex vicinitate essentiae spiritus ad spiritum, aut ex vicinitate originis spiritus ad originem spiritus, aut ex vicinitate consonantiae spiritus ad spiritum ad finem vnum. Constat autem, quod non primo modo: quia spiritus vnius non est vicinior vni secundum essentiam, quam alij. Nec etiam secundo modo: quia origo spiritus est Deus, qui vno modo se habet ad omnes spiritus. Nec etiam tertio: quia sæpè discordant compadres, & vnus vult vnum, & alius vult aliud, & vnus bonum, & alter malum. Ergo videtur, quod nulla sit propinquitatem spiritualis inter eos.

4 Item, Ea quæ sunt naturalia, frequenter fiunt, vt dicit Philosophus: vnde cum propinquitatem carnalis sit naturalis, frequenter fit vt filius patrem imitetur. Vnde poeta:

*Sæpè solet similis filius esse patri.*

Sed constat, quod gratia spiritualis efficacior est, quam natura: ergo videtur si spiritualis est propinquitatem inter aliquos, quod ad minus vt frequenter in imitatione spirituali debet manifestari: sed nihil horum videtur: ergo nulla videtur esse propinquitatem spiritualis ex sacramenti datione.

5 Vltius obicitur de hoc quod dicitur, Vel ad idem tentione. Aequiuocè enim operantur ad sacramenti perceptionem dans & tenens: ergo æquiuoca inter eos, & suscipientem sacramentum contrahitur propinquitatem spiritualis: ergo malè diffinitur. Et vltius sequitur quod alia ratione dicitur cognatus pueri spiritualis baptizans, & aliter de baptismo suscipiens: sicut aliter dicitur sana vrina, & aliter sanum animal.

*Solutio,*

R E S P O N S I O. Dicendum, quod conuenienter diffinitur cognatio spiritualis superiori diffinitione: quia ponitur ibi genus, siue forma, & causa propter quam contrahit vt differentia: est enim diffinitio dicens quid, & propter quid, vt facile patet consideranti eam.

A D I D ergo quod primo obicitur, dicendum quod dupliciter contrahitur vnio, scilicet conformitate gratiæ, & operatione illius conformitatis. Et conformitate gratiæ suscipiens sacramentum cōtrahit vnionem ad totam Ec-

clesiam: & hoc non facit propinquitatem, sed similitudinem. Operatione autem ad esse illius gratiæ habet propinquitatem ad dantem sibi sacramentum & tenentem eum in ipso quando percipit sacramentum: & hæc propinquitatem est quasi propagata gratiæ: sicut carnalis cognatio est carnis propagata, licet aliter, & aliter: & ideo hoc inducit propinquitatem spiritua-

A D A L I V D dicendum, quod Deus operatur solus vt efficiens, sed tamen operatur etiam homo ad gratiam: sicut etiam in generatione hominis homo non generat animam, sed generando operatur ad animam: & ideo efficitur natus propinquus naturaliter, & similiter ibi efficitur propinquus spiritualiter.

A D A L I V D dicendum, quod supponitur falsum in prima propositione: quia operatio in sacramento nunquam impeditur nisi per accidens, scilicet si est fictus qui suscipit sacramentum: & tunc etiam non frustratur à sacramenti susceptione: & ideo recedente fictione non redditur ei. Sed oratio pro alio ad gratiam impetrandam sæpè impeditur. Si tamen in hoc non fiat vis, tunc dicendum, quod dissimilis est operatio in sacramento, & per orationem: quia operatio in sacramento est quasi propagando spiritualiter in ministerio, sed operatio orationis est vt inductiua alterius per preces: nulla autem operatio facit propinquitatem, nisi quæ est propagatio, vel coniuncta propagationi.

A D A L I V D dicendum, quod non sumitur hoc modo vnio faciens propinquitatem, & non fit per modum talis conuenientiae: sed potius sicut conueniunt principium & principiatum, quia principiatum esse suum habet à principio: & ita est hic, nisi quod non sunt principium effectiuum, sed quasi instrumentale & ministerialiter operans: & talem modum translationis consequitur aliquando cōuenientia, aliquando non: quia possibile est principiatum alterari post separationem à principio: vnde non semper tractus corporaliter similis est in carne traducens: sed nisi essent alterationes, similis esset. Ita est hic: quia substantiam gratiæ sacramentalis habet ab ipsis operantibus in ministerio, & similis esset, nisi vtrique alterationes affectuum facerent dissimilitudinem: vnde hæc similitudo esset in habitu, si perficeretur & manifestaretur in voluntatum conformitate & fine vno.

A D A L I V D dicendum, quod impedit conformitatem alteratio affectuum ex vtraque parte, non in efficacia gratiæ.

A D I D quod vltius obicitur, dicendum quod in vno communi conueniunt omnes operationes in sacramentorum perceptione, scilicet quod operantur in ministerio: & quoad hoc vna est ratio spiritualis cognationis.

\* \*



ARTICVLVS III.

*An spiritualis proximitas impedit matrimonium contrahendum?*

**T**ertio quæritur, An impediat matrimonium contrahendum & dirimat contractum? Videtur autem, quod non: quia ubi plura sunt vincula amicitiae & societatis, ibi maior est indiuiduitas vitæ: sed cognatio spiritualis vnit spiritus, & coniugium ligat corpora: ergo in tali matrimonio esset maior indiuiduitas: ergo melius est hoc quam aliud, & meliorem sortitur exitum, & delectabilius commanent: ergo non debet impedire matrimonium.

2 Item, Matrimonium consistit in vtraque vnione, scilicet spirituum, & corporum: ergo quod cooperatur ad vnionem spirituum, promouet ad matrimonium: sed cognatio spiritualis promouet ad vnionem spirituum: ergo promouet ad matrimonium: ergo non debet poni pro impedimento.

3 Item, Omnia bona matrimonij inter tales personas saluantur, scilicet fides, proles, sacramentum: ergo videtur, quod non impediat, sed expediat.

*Sed contra.* IN CONTRARIUM huius sunt omnia quæ dicuntur in litera.

*Solutio.* RESPONSIO. Dicendum, quod impedit matrimonium contrahendum, & dirimit contractum, sicut litera dicit: quia non placet Deo, quod vnio spiritualis quæ est inter tales, reputetur non vnio: qui enim in matrimonio vniuntur, distantes reputantur: & hoc respiciens Ecclesia, statuit quod illud impedimentum vim habeat, præcipue eum etiam lex ciuili propter adoptionem prohibeat matrimonialiter conuenire. Præterea hoc contra ordinem naturæ est, quod surculus qui ex radice aliqua ascendit, iterum radici vniatur ad propagandum alium: non minus autem digna est propagatio spiritualis, quam corporalis: & ideo vtramque cognationem impedimentum statuit Ecclesia esse.

AD PRIMUM ergo dicendum, quod hoc argumentum non valet: quia si hoc attendetur in matrimonio, tunc filius deberet accipere matrem, quod absurdum est: sed in matrimonio attenditur coniunctio distantium, ut iterum gradus fugiens reuniatur, & remaneat fœdus humani generis, & ciuili vrbinitas in talibus ita coniunctis. Et per hoc etiam patet solutio ad sequens.

AD ALIUD dicendum, quod hoc sufficit, sed oportet esse personas legitimas ad contrahendum, ut sæpè supra habitum est.

ARTICVLVS IV.

*Quot sunt species cognationis spiritualis?*

**D**einde quæritur de hoc quod dicit [Est etiam inter filios eiusdem hominis carna-

les & spirituales, &c.] Et quæritur hic, Quot sunt species cognationis spiritualis? Videtur autem, quod non sunt nisi duæ: quia de his tantum mentionem facit in litera, scilicet inter suscipientem & susceptum in baptismo, & inter filios suscipientis carnales & spirituales.

2 Videtur autem, quod sit vna sola: quia non communicantes in spiritu, non communicant etiam in consequente illam communicationem: sed pater carnis suscipiens, & filius suus carnis, non communicant in spiritu quoad operationem ministerialem in sacramento, quando pater carnis suscipit filium spirituales: ergo non communicant etiam in consequente illam operationem spirituales, quod est cognatio spiritualis: ergo nulla est cognatio inter filios carnales & spirituales.

3 Item, Si dicitur, quod est cognatio spiritualis inter eos: constat, quod non esset secundum gradum vnum, sed duos, vel truncum & gradum: hoc autem nunquam auditum est à Sanctis, quod gradus in tali cognatione determinent: ergo videtur, quod nulla sit inter carnales filios & spirituales cognatio spiritualis.

4 Vltius videtur, quod sint tres, scilicet compaternitas, paternitas, & fraternitas spiritualis: quia hoc communiter dicitur ab omnibus qui sciunt: & etiam ex litera hæc colliguntur.

5 Item, Eadem ratione qua filius patris spiritualis contrahit paternitatem, contrahit etiam pater filij spiritualis compaternitatem: ergo necessario erunt tres.

6 Vltius videtur, quod quatuor: quia non minor est vicinitas spiritualis ad spirituales, quam carnis ad spirituales, sed maior: sed carnales filij patris spiritualis, cum filio spirituali contrahunt cognationem spirituales: ergo multò magis spirituales filij eiusdem, cum omnibus spiritualibus habent cognationem spirituales: ergo omnes filij spirituales eiusdem hominis sunt inter se fratres spirituales: sed hoc genus non determinatur in litera: ergo sunt quatuor species spiritualis cognationis.

7 Item, Propagatio carnis ex vno facit carnalem cognationem inter propagatos: sed melior est propagatio spiritus ex vno: ergo propagatio spiritus ex vno facit cognationem spirituales inter omnes spiritualiter propagatos: ergo ut prius, quatuor videntur esse species spiritualis cognationis.

*Solutio.* SOLUTIO. Dicendum, quod non est nisi triplex species cognationis spiritualis, scilicet paternitas, compaternitas, & confraternitas. Paternitas contrahitur dupliciter, scilicet directe, & indirecte. Directe per actum proprium, qui fit in sacramentum dando, vel suscipientem tenendo. Indirecte autem, quando non per actum proprium, sed per actum illius cum quo est vna caro contrahitur, sicut viro aliquem suscipiente, susceptio hæc facit ipsum patrem spirituales directe: & quia vir & vxor postquam effecti sunt vna caro, sibi communicant suas actiones, ideo quod facit vir directe, indirecte transit ad vxorem, & efficitur etiam ipsa mater spirituales. Dico autem postquam effecti sunt vna caro: quia si vir prius quam esset



set maritus vxoris, scilicet ante contractum matrimonij, vel post contractum ante copulam carnalē, susciperet aliquem in sacramento, non transiret ad vxotem: & ideo non efficeretur mater spiritualis. Sicut autem dixi, quia vir directē & vxor indirectē efficiuntur parentes spirituales: ita est e conuerso quando mulier directē, & vir indirectē. Compaternitas autem contrahitur inter carnalem patrem & spiritua-lem, & inter carnalem matrem & spiritua-lem: vnde versus:

*Vnus semper erit compatrum spiritualis,*

*Alter carnalis: nec fallit regula talis.*

Et contrahitur dupliciter, scilicet directē & indirectē, sicut etiam paternitas spiritualis: quia postquam vir & mulier efficiuntur vna caro, communicant sibi suos filios. Confraternitas autem non contrahitur, nisi inter puerum & puellam, quæ suscipitur vel tenetur in sacramento, & filios carnales suscipientis, siue ante, siue post sint nati: & non transit ad fratres vel sorores eius qui suscipit sacramentum, siue ante sint nati, siue post nascantur: omnes enim illi si aliud non obstat impedimentum, licet possunt coniungi fratribus & sororibus eius cui sacramentum datur, vel qui in sacramento recet, vt infra dicitur in litera.

HIS HABITIS ad obiecta respondendum, dicendo ad primum, quod ad contrahendum cognationem non est necessarium communicare in actu mediante quo contrahitur. Et est instantia: quia filius primus non communicat patri in generatione secundi: & tamen quia secundus traducitur ab eodem à quo primus sumpsit originem, ideo secundus efficitur super primum. Similiter ego non communico fratri meo in actu generationis: & tamen filius suus efficitur mihi in secundo gradu per respectum mei & fratris mei ad truncum vnde

descendimus. Similiter etiam est hic in proposito: quia per respectum ab eodem à quo illi descendunt carnaliter, & illi spiritualiter efficiuntur spirituales fratres.

AD ALIUD dicendum, quod ideo gradus in hac cognatione non distinguuntur, quia nunquam distat nisi in gradu primo, qui est inter fratres: inter truncum enim & gradum primum non est gradus distantia. Compater autem & ad patrem & ad puerum susceptum in sacramento non habet distantiam gradus: quia ad patrem carnalem habet se sicut truncus, & ad puerum sicut ad id quod emanat immediate à trunco: sed puer ad filios carnales patris siue spirituales habet se vt fratres qui sunt in primo gradu, nec vnquam ultra deriuatur.

AD DVO sequentia concedendum est de plano.

AD ID quod vltius concluditur, quod sunt quatuor species, dicendum ad primum, quod bene conceditur, quod maior quoad dignitatem est cognatio spiritualis, quam carnalis, sed quoad dependentiam ad vnum non est ita: vnde in propagata ad alterum cognatione semper oportet adesse carnalem cognationem, sicut patet quando spiritualis propagatur ad filios carnales suscipientis in sacramento, & ad parentes suscepti: & hoc ideo est, quia non potest spiritus ex spiritu, sed potius caro ex carne propagari. Vnde cum inter filios spirituales dantis sacramentum vel tenentis in eo, & inter tentum in sacramento, nulla sit coniunctio propagationis carnis, nulla erit inter eos cognatio spiritualis. Directa enim constat, quod non est: & indirecta sine dependentia carnali esse non potest: & ita non transit ad spirituales filios ista cognatio.

AD ALIUD dicendum, quod per idem patet solutio.

### *Qui sint filij spirituales.*

B  
30. q. 1. c.  
9. Ad li-  
mina.



30. q. 1.  
Omnes  
quos.

PIRITUALES filij sunt, quos de sacro fonte leuamus, vel in cathecizatione seu confirmatione tenemus. Filij etiam & filia spirituales eorum sunt, qui trinæ merfionis vocabulo eos sacro baptismo tingunt. Dicitur etiam spiritualis filia sacerdotis, quæ ei peccata sua confitetur. Vnde Symmachus Papa, Omnes quos in pœnitentia suscipimus, ita nostri spirituales sunt filij, vt & ipsi quos vel nobis suscipientibus, vel sub trinæ merfionis vocabulo mergentibus, vnda baptismi regenerauit. Syluester etiam admonet, vt ad suam filiam pœnitentialem nullus sacerdos accedat, quia scriptum est, Omnes quos in pœnitentia accipimus, ita nostri filij sunt, vt in baptismo suscepti: quorum omnium flagitiosa est commixtio. Quod autem compater & commater sibi iungi nequeant, nec pater spiritualis: nec mater filia, vel filio spirituali, ex concilio Maguntinen. docetur. De eo quod interrogasti, si aliquis filiolum suam duxerit vxorem, & de eo qui concubuit cum matre spirituali, & de eo qui filium suum baptizauit, & vxor eius eum de fonte suscepit, hac causa vt dissidium fieret coniugij, si post in tali copula possunt permanere: sic respondendum est,

In con-  
cil. Ma-  
gunti-  
nenfi.  
30. q. 1.  
c. Deco.



est, Si filiolum vel commatrem suam aliquis in coniugium duxerit, separandos esse iudicamus, & graui pœnitentia plectendos. Si vero coniuges legitimi, vel vnus, vel ambo ex industria hoc fecerint, vt filium suum de fonte susceperint: si innupti manere voluerint, bonum est: sin autem, grauis pœnitentia infidiatori iniungatur, & simul maneant: & si prauaricator coniugij superuixerit, acerrima pœnitentia mulcetur, & sine spe coniugij maneat. Ex his apparet, quod aliquis filiolum suam vel commatrem non potest sibi copulare nuptialiter: & si præsumptum fuerit, separandi sunt. Qui autem legitime coniuncti sunt, non ideo separandi sunt, quia alter eorum infidiosè filium de fonte leuauit. Quod etiam Nicolaus confirmat dicens, Nolle desideras, vtrum mulier quæ viri filium ex alia fœmina genitum de sacro fonte leuauerit, postmodum possit cum eodem viro copulari. Quos ideo coniungi posse decernimus, quia secundum canones sacros, nisi amborum consensu nullius religionis obtentu debet coniunx dimittere coniugem, cum Apostolus præcipiat, Nolite fraudare inuicem, nisi fortè ex consensu ad tempus, &c. Ideo dictum est nobis quasdam fœminas desidiosè, quasdam verò fraudulentè, vt à viris suis separarentur, proprios filios coram Episcopis ad confirmandum tenuisse. Vnde nos dignum duximus, vt siqua mulier filium suum desidia, aut aliqua fraude coram Episcopo tenuerit ad confirmandum, propter fallaciam vel fraudem, quandiu viuat, pœnitentiam agat: tamen à viro suo non separetur. Item Ioan. Papa, Ad limina sancti Petri homo nomine Stephanus veniens, nostro præfultui innotuit, quod filium suum in extremo vitæ positum, necdum baptismi vnda lotum, absentia sacerdotum cogente baptizauit, eumque propriis manibus suscepit. Atque pro huiusmodi negotio reuerentia tua præfatum hominem à sua coniuge iudicauit esse separandum. Quod fieri nullatenus debet, dicente Scriptura, Quod Deus coniunxit, homo non separet. Et Dominus non dimittere vxorem, nisi causa fornicationis iubet. Et nos tanta auctoritate freti dicimus non dimittendum esse, & inculpabile iudicandum quod necessitas intulit. Nam baptizandi opus laicis fidelibus, si tamen necesse fuerit, liberè conceditur. Vnde si supradictus homo filium morientem aspiciens, ne animam perpetuò perire dimitteret, vnda baptismi lauit, vt eum de potestate mortis eriperet, bene fecisse laudatur. Ideoque suæ vxori, sibi iam olim legitime societate, impunè dum vixerit iudicamus manere coniunctum, nec ob hoc separari debere. His aliisque pluribus auctoritatibus edocetur, coniuges non esse separandos, si post legitimam copulam alter alterius filium de fonte leuauerit, vel in confirmatione tenuerit.

Ibidem:  
c. Nolle.

1. Cor. 7.  
Ex conc.  
Cabilio-  
nensi.  
ibidem.  
c. Dicitur  
est.

Ibidem  
ad limi-  
na.

Act. 19.  
Mathr. 5.  
& 19.

*Quid præmissis obuiat.*

**H**is autem obuiare videtur, quod Deus dedit Papa ait, Peruenit ad nos diaconus sanctitatis vestræ epistolam deferens, quod quidam viri & mulieres præterito sabbato paschali, pro magno populi incursu nescientes filios suos suscepissent de lauacro. Cupis ergo scire, an propter hoc debeant viri ac mulieres ad proprium

C  
30. q. 1.  
cap. Per-  
uenit.



Ibidem.  
Siquis fili-  
astrum.

prium vsum redire, vel non? Nos verò hac re mœsti, priorum in-  
quisiuitus dicta, & inuenimus in archiuis, id est, in armariis  
apostolicæ sedis, iam talia contigisse in pluribus Ecclesiis, quarum  
Episcopis ab hac apostolica sede volentibus scire, vtrum viri ac  
mulieres redirent ad proprium thorum. Beatæ memoriæ sancti patres  
Iulius Papa, Innocentius, & Celestinus cum Episcoporum plurimo-  
rum consensu in Apostolorum principis Ecclesia præsidentes, talia  
rescripserunt & confirmauerunt, vt nullo modo se in coniugio reci-  
perent viri ac mulieres, quicunque hac ratione susceperunt natos,  
sed separarent se, ne suadente diabolo tale vitium inualescat. Item,  
Siquis filiastrum vel filiastram suam ante Episcopum tenuerit ad con-  
firmationem, separetur ab vxore sua, & aliam nunquam accipiat. Hæc  
autem vel ad terrorem dicta sunt, non quod ita esset faciendum, sed  
ne illud fieret summopere cauendum, vel de illis est intelligendum,  
qui prius filios suos vicissim de fonte susceperunt, quam fierent con-  
iuges. Præmissis autem auctoritatibus omnino consentiendum est, vt  
siue proprium, siue tantum viri filium mulier de fonte susceperit, non  
ideo à viro separetur, quod & de viro similiter oportet intelligi.

## ARTICVLVS V.

*Quibus sacramentis mediantibus contrahi-  
tur ista cognatio spiritualis?*

**D**Einde quæritur de hoc quod dicit *ibi*  
[Spirituales filij, &c.] Et quæritur hic,  
Mediantibus quibus sacramentis contrahatur  
ista cognatio spiritualis? Videtur autem, quod  
per Euangelij prædicationem: quia dicit Apo-  
stolus 1. Corin. 4. In Christo Iesu per Euan-  
gelium ego vos genui. Et ad Galat. 4. Filioli  
quos iterum parturio, donec formetur in vo-  
bis Christus. Sed in generatione spirituali  
contrahitur cognatio spiritualis. Ergo prædi-  
cator habet cognationem spiritualement cum his  
quibus prædicauit.

2. Vtcrius videtur, quod in pœnitentia:  
quia dicit in litera Symmachus Papa, Omnes  
quos in pœnitentia suscipimus, &c. Item in  
litera Syluestri Papæ scriptum est, Omnes quos  
in pœnitentia suscipimus, &c.

3. Item ex litera habetur, quod in cathe-  
cismo, quia hoc dicitur hic in litera. Item 30.  
quæst. 1. habentur plura de hoc. Item cathe-  
cismus instruendo generat ad fidem: ergo facit  
contrahi cognationem spiritualement.

4. Videtur autem, quod in omnibus sacra-  
mentis: quia in quolibet sacramento opera-  
tur minister ad spiritualement generationem sus-  
cipientis sacramentum: talis autem operatio  
facit contrahi talem cognationem spiritualement:  
ergo quilibet operans ad susceptionem cuius-  
cunque sacramenti contrahit spiritualement co-  
gnationem cum suscipiente.

**RESPONSIO.** Dicendum, quod de hoc fue-  
runt variae apud diuersos opiniones. Quidam  
enim dixerunt, quod in omnibus sacramenta-  
libus baptismi contrahitur talis cognatio, sci-  
licet cathecizationes, exorcizatione, immissio-

ne salis, & huiusmodi. Sed quia nulli nititur  
rationi, cum baptismus sit primum sacramen-  
tum & ianua sacramentorum, & nihil antee-  
dentium regeneret hominem: dicunt alij ali-  
ter, scilicet quod tria sacramenta faciunt tan-  
tum spiritualement cognationem, scilicet cathe-  
cismus, baptismus, & confirmatio: sed hi sunt  
Decretistæ, quia cathecismum sacramentum  
vocant, quod nullo modo verum est, quia ante  
baptismum nullum est sacramentum: & si san-  
ctus vocat sacramentum, ponitur sacramen-  
tum pro sacramentali. Ideo dicendum, quod  
tantum duo sacramenta faciunt cognationem  
spiritualement, scilicet baptismus & confirmatio.  
Et ratio huius potest elici ex notatis supra de  
sacramentis illis: quia vnum imprimat chara-  
cterem distinguentem ad fidem in sortem Do-  
mini: secundum autem robur eiusdem chara-  
cteris: & ideo faciunt generationem & com-  
plementum generati spiritualement, & ideo fa-  
ciunt cognationem spiritualement. Si autem quæ-  
ratur de ordine cum imprimat characterem,  
quare ipse non facit? Dicendum, quod duæ  
sunt rationes quare ipse non facit. Vna est,  
quia non imprimat characterem fidei, sed po-  
tius excellentiæ & prælationis: & ille non re-  
generat. Alia est, quia non datur nisi viris: &  
ideo nullum potest procreare matrimonio im-  
pedimentum, cum nullus alium suscipiat in  
sacramento ipso. De Eucharistia autem & ex-  
trema vnctione per se patet, quod nullum  
imprimunt characterem, nec matrimonio ex  
sue susceptionis modo vllum possunt procrea-  
re impedimentum.

**AD PRIMUM** autem dicendum, quod  
verbum, vt vult Aristot. non habet nisi virtu-  
tem persuasivam: & ideo non regenerat, sed  
tantum disponit ad hoc: sed in operatione  
sacramentali est gratia ex ipso opere operato.  
Per hoc etiam patet solutio ad sequens.

**AD ALIUD** dicendum, quod pœniten-  
tia



tia magis trahit robur ex deuotione pœnitentis, quam sacerdotis: & propterea non imprimit characterem. Et quod dicitur in litera, dicendum quod non debent contrahere: sed tamen si contraxerint, stabit matrimonium.

AD ALIUD dicendum, quod cathecismus non completur, nisi in baptismo, & ideo non impedit nisi cum baptismo existens. Et per hoc patet solutio literæ. Aliter tamen dicunt Decretistæ sic, quod baptismus & confirmatio impediunt & dirimunt, sed cognatio quæ est ex cathecismo adeo est exilis & debilis, quod vix impedit contrahendum, & non dirimit contractum. Sed prima solutio verior est: quia rationem habet, & saluat literam.

## ARTICVLVS VI.

*Quæ commatres, & qui compatres possunt contrahere?*

DEinde quæritur de hoc quod dicitur [Quod autem compater & commater sibi iungi nequeant, &c.] Videtur enim falsum: sit enim, quod aliqua sit commater alicuius fœminæ ex

filio suo, vel illius: & postea contrahat cum viro nihil habente commune cum alterutra illarum: postea moriatur sua vxor, & ducat illam cuius ipsa commater fuit. Dicunt iura, quod stat matrimonium, & tamen iste habuit duas commatres.

2 Item sit, quod aliquis accipiat vxorem prægnantem ex alio viro: & postea pariat postquam cognita est à viro suo secundo, & illum puerum mulier alia suscipit in sacramento. Dicunt iura, quod mortua sua potest ducere commatrem illius quæ sic commater effecta fuit. Et idem est si peperit post consensum de præfenti, & ante carnalem copulam.

RESPONSIO. Dicendum, quod iura bene & rationabiliter determinant: quia non communicant sibi actus suos coniugati, nisi in eo in quo sunt vna caro, & postquam sunt, sicut dictum est de indirecta compaternitate. Et veritas huius quæstionis est in duobus versibus.

*Qui mihi vel cuius mea natum fonte leuauit,  
Hac mea commater fieri mea non valet vxor.  
Si qua mea natum non ex me fonte leuauit,  
Hanc post fata mea non mihi vetabor habere.*

*De copula spiritualium, vel adoptiuorum, & naturalium filiorum.*

QUOD autem spirituales vel adoptiui filij naturalibus copulari nequeant, Nicolaus Papa testatur ita inquit: Ita diligere debet homo eum qui se suscepit de sacro fonte, sicut patrem. Inter fratres & filios spirituales gratuita & sancta communio est, quæ dicenda non est consanguinitas, sed habenda spiritualis proximitas. Vnde inter eos arbitror non posse fieri legale coniugium, quia nec inter eos qui natura, & eos qui adoptione filij sunt, venerandæ leges matrimonia contrahi permittunt. Item, Si inter eos non contrahitur matrimonium quos adoptio iungit, quanto potius à carnali oportet inter se contubernio cessare, quos per cæleste sacramentum regeneratio sancti Spiritus vincit.

Ad consula  
Bulgarorum.  
35. q. 5.  
cap. Ita diligere.

## ARTICVLVS VII.

*Quid sit adoptio?*

DEinde quæritur de hoc quod dicitur ibi [Quod autem spirituales vel adoptiui filij] Et ponitur hic quæstio de cognatione spirituali. Et quia in diffinitione eius cadit adoptio, ideo quæramus de adoptione sex. Primum est, Quid sit adoptio? Secundum, Quæ & quot sint species adoptionis? Tertium, Quis possit adoptare? Quartum, Quis possit adoptari? Quintum, Quis sit effectus adoptionis? Sextum, Quot & quæ sint species adoptatorum cognationem inter se habentium. Circa autem ipsam cognationem legalem quæremus duo, scilicet quid sit, & qualiter impediatur matrimonium, & qualiter non? Et sic sunt octo in vniuerso quæ circa hoc quærentur.

D. Alb. Mag. in Lib. 4. Sentent.

Ad primum horum sic proceditur: Dicitur communiter, quod adoptio est extraneæ personæ in filium, vel nepotem, vel deinceps assumptio legitima. Videtur autem, quod non semper sit extraneæ personæ: quia non extranea maius ius habet in hæreditate: ergo illa potius debet adoptari.

2 Item, Propinquitæ naturæ facit gradus in ordine charitatis: ergo multo magis in ordine adoptionis: ergo videtur, quod non extranea persona magis debet adoptari, quam extranea.

3 Item, Ius aliquid in hæreditate quantum ad successionem dat propinquis: ergo sine iniuria illorum extraneus non potest introduci in hæreditatem in toto vel in parte: ergo adoptio non semper est extraneæ personæ.

VLTERIVS quæritur, Quare dicat, In filium, vel nepotem? Quia constat, quod per gradus

Quæstionula.

XXx



gradus non distat adoptatus ab adoptante: ergo quilibet adoptatur in filium, & nullus in nepotem.

2 Item, Vna est adoptio faciens de extraneo filium qui maximè distat: cum ergo de maximè distante per adoptionem fiat nihil distans, eò quod inter patrem & filium nulla sit distantia, videtur quòd non sit in ea gradus: ergo nihil est dictum, In filium, vel nepotem, vel deinceps.

*Solutio.*

RESPONSIO. Ad hoc dicendum, quòd adoptio inducta est in solatium filiorum perditorum. Et quia contingit nepotes & pronepotes & sic deinceps etiam perdi, ideo in solatium ipsorum etiam adoptio nepotum & deinceps est inducta. Et per hoc patet solutio ad duo vltima inducta.

AD PRIMVM autem dicendum, quòd adoptio de non coniuncto ex iure successionis facit successorem: & ideo oportet, quòd sit persona extranea, quia aliter aliquod ius, scilicet consanguinitatis haberet in hæreditate percipienda.

AD ALIVD dicendum, quòd non est simile: quia charitas perficit naturam, & ideo quemlibet gradum conducit ad proprium charitatis effectum: sed adoptio inducta est in solatium quasi naturæ in illa parte qua perpetuari habet, ne nomen alicuius de sua posteritate deleatur: & ideo non fundatur super successores, sed extraneos.

AD ALIVD dicendum, quòd vir quandiu est in potestate bonorum suorum cum uxoris consensu & principis de suis bonis potest ordinare quod voluerit: & ideo propinqui adoptionem impedire non possunt.

## ARTICVLVS VIII.

### *Quot sunt species adoptionis?*

SECUNDO quæritur, Quæ & quot sint species adoptionis? Et communiter dicitur, quòd duæ, scilicet arrogatio, & simplex adoptio. Arrogatio autem est adoptio auctoritate principis facta de eo qui sui iuris est, vel per patris naturalis mortem, vel per emancipationem qua transit in potestatem adoptantis. Simplex autem adoptio est adoptio auctoritate magistratus facta de eo qui non sui iuris est, nec transit in potestatem adoptantis. Vnde versus:

*Arrogo qui suus est, & habet meus esse necesse.*

*Patris adopto suum, nec patris desinit esse.*

Sed contra hoc obiicitur: quia contra ordinem naturæ videtur esse arrogatio: quia natura nunquam id quod perficit in esse & posse, reuocat in imperfectum: ergo nec civilis debet hoc facere: sed suus est perfectus in sui regimine, non suus autem imperfectus: ergo de suo ordine iuris potest fieri non suus: ergo arrogatio per quam hoc fit, est contra ordinem iuris naturalis.

2 Similiter obiicitur de simplici adoptione: omnis enim filius est sui patris: ergo & adoptiuus sui patris adoptantis est: ergo cum adoptatur, ipse desinit esse sui patris naturalis, & incipit esse adoptantis: & hoc est con-

trarium huius quod hic dicit diffinitio inducta.

3 Vltèrius videtur, quòd plures sint species adoptionis: quia non suus de consensu patris naturalis potest transire in suum adoptantis: & ista species non tangitur hic: ergo insufficienter sunt species assignatæ.

VLTÈRIVS quæritur, Vtrum vniuocè adoptio dicitur de illis duabus speciebus? Et videtur, quòd non: quia vna retinet nomen generis, eo quod nihil addit generi: alia autem addit aliquid: sed talia suum genus nunquam participant vniuocè: ergo nec ista.

2 Item, Cum dicitur simplex adoptio, videtur per simplicitatem innui, quòd nihil nisi simplicem naturam habet communis: sed arrogatio habet plus: ergo non dicitur vniuocè de illis.

IN CONTRARIVM est, quòd in vtraque de non filio fit filius: sed hoc est ratio adoptionis: ergo vna ratione dicitur de vtraque specie adoptionis.

2 Item, Non differunt nisi materialiter, quia esse emancipatum, vel esse filium familias, sunt differentiæ accidentales: sed materia est per accidens differentia: ergo istæ duæ species sunt materiales, vt videtur.

RESPONSIO. Dicendum, quòd diffinitiones inductæ sunt valdè bonæ, & continentur in eis conuenientiæ & differentiæ duarum specierum adoptionis: & hoc plane quilibet videre potest.

DICENDVM ergo ad primū, quòd non secundū idem potest vnum & idem esse perfectum & imperfectum secundum naturam, nec etiam secundum ciuilia: sed in natura quidem adoptiuus est perfectus, sed in iure succedendi in aliis bonis est imperfectus: & quoad hoc transit in potestatem patris adoptantis.

AD ALIVD dicendum, quòd suus patris carnalis potest esse adoptiuus: sed non suus patris adoptantis, quia non potest esse in potestate duorum, & ideo non transit in potestatem adoptantis.

AD ALIVD dicendum, quòd non sunt plures. Ad obiectum autem dicendum, quòd quando non hoc fit, tunc pater naturalis emancipat eum de sua potestate: & tunc est species quæ dicitur arrogatio.

AD ALIVD dicendum, quòd sicut probant duæ rationes priores, adoptio dicitur per prius & posterius de arrogatione & adoptione simplici.

AD ID quòd obiicitur in contrarium, dicendum, quòd ratio generis est in vtraque specie: sed in vna nihil additur ei, scilicet in adoptione simplici: in alia autem additur differentia: & ideo illa fortius participat esse adoptionis, quam alia.

AD ALIVD dicendum, quòd in naturalibus sunt accidentia: tamen secundum quòd cadunt iura ciuilia super illos, efficiuntur differentiæ substantiales: & ideo ciuilitè loquendo sunt species adoptionis.



ARTICVLVS IX.

*Qui possunt adoptare?*

**T**ercio quæritur, Quis possit adoptare? Et dicitur communiter, quod tria exiguntur ad hoc quod quis possit adoptare, scilicet, suus, hoc est, sui iuris existens, & generare potens, & ætatem habens ultra 20. annos. Et de primo quidem nullum dubium est, sed de secundo. Si enim adoptio est in solatium filiorum: & non generare potens magis destituitur ex impossibilitate proles, quam generare potens, videtur quod adoptio magis debeat concedi generare non potenti, quam generare potenti.

2 Item, In filiis est successio naturæ patris & hæreditatis: sed ambo ista priuantur ab eo qui non potest generare: ergo illi magis, quam alij debet concedi ut adoptet.

3 Vterius quæritur de tertio membro, scilicet ætatem habens ultra 20. annos. Videtur autem, quod in 18. anno debet fieri adoptio: quia tunc generare potest naturaliter: ergo & adoptare.

4 Item, Adoptare posse, sequitur ad generare posse: ergo & tempus ad tempus: sed tempus generationis est in 14. anno: ergo & tempus adoptionis.

*Quæstio- cula.* V L T E R I U S quæritur, si mulier possit adoptare? Videtur, quod sic: quia mulier tristatur in desolatione filiorum: sed adoptio talibus conceditur in solatium: ergo & mulieri debet concedi.

*Sed contra.* C O N T R A: Mulier nunquam perfecte est sui iuris, sed in potestate viri: ergo nunquam potest adoptare.

2 Item, Nunquam generat actiue, sed passiue tantum: ergo nec adoptare potest, nisi forte iuuando maritum.

*Solutio.* R E S P O N S I O. dicendum, quod illa tria quæ posita sunt, exiguntur: unde seruus qui non est suus, adoptare non potest, nec in potestate tutorum existens, nec filiusfamilias.

A D P R I M U M ergo dicendum, quod extremum genus infelicitatis (ut vult Boet.) est aliquando fuisse felicem: & ideo impossibilis generare non destituitur sicut ille qui aliquo orbatus est filio, vel non habet eos: & ideo isti conceditur quod non illi, quia in illo ipsa impossibilitas minuit desiderium filiorum.

A D A L I V D dicendum, quod licet vtrumque priuetur in eo qui generare non potest: tamen non est anxietas desiderij, quia anxium desiderium non est nisi de re possibili.

A D A L I V D dicendum, quod licet in 14. anno generatio est possibilis, non tamen est perfecta & stabilis, sed potius in 21. anno, ut dicunt Philosophi.

A D A L I V D dicendum, quod planè concedi potest de prole perfecta & stabili, in qua stare potest successio hæreditatis & naturæ.

*Ad quæstionem.* A D I D quod vterius quæritur, dicendum quod mulier non potest adoptare, nisi in vno casu, scilicet, in rescripto principis & in solatium filiorum perditorum.

*D. Alb. Mag. in Lib. 4. Sentent.*

A D I D quod contra obiicitur, dicendum quod illæ duæ rationes satis probant, quod in se mulier non est sufficiens, sed supplementum est ex principis rescripto & dispensatione.

ARTICVLVS X.

*An quilibet potest adoptari?*

**Q**uarto quæritur, Quis possit adoptari? Et dicitur communiter, quod masculus & femina minor ætate quam adoptans, tantum quod filius eius naturalis esse possit. Videtur autem, quod hoc nihil sit: quia, ut dictum est, aliquis adoptare potest, quando est maior 20. annis: sed adoptio perfecta est arrogatio: ergo tunc potest arrogare: sed arrogari non potest, nisi qui est sui iuris: ergo tunc potest arrogare eum qui sui est iuris: ille autem est 25. vel amplius annorum secundum leges: ergo ille qui est 20. annorum potest adoptare eum qui est 25. vel amplius annorum: ergo minor ætate potest adoptare maiorem ætate.

2 Item videtur, quod femina non possit adoptari: quia adoptio est in solatium filiorum data, vel ei qui paucos vel nullos habet filios: sed, ut dicit Philosophus, femina est mas occasionatus, non intenta finaliter à natura: ergo solatium posteritatis non est in femina: ergo non potest adoptari, ut videtur.

R E S P O N S I O dicendum, quod personæ prædictæ possunt prædicto modo adoptari.

A D O B I E C T V M autem primum dicendum, quod non nisi maior ætate potest adoptare: unde qui est 21. annorum non potest arrogare aliquem maiorem ætate: & si arrogat aliquem, oportet quod puerum cuius pater defunctus iam secundum consuetudinem fecit eum esse suum, quando fuit annorum 13. vel 14. quia tunc de consuetudine sui iuris esse dicuntur, quorum pater defunctus est.

A D A L I V D dicendum, quod licet femina non intendatur à natura particulari, intenditur tamen à natura vniuersali: & ideo adoptio potest fieri de ipsa.

ARTICVLVS XI.

*Quis sit effectus adoptionis?*

**Q**uinto quæritur, Quis sit effectus adoptionis? Et videtur, quod differens sit effectus in adoptione simplici, & arrogatione: quia simpliciter adoptatus non succedit patri adoptanti, nisi in quantum ille determinat, vel etiam in nullo: sed arrogatus ab intestato succedit per omnia, sicut filius naturalis: sed si emancipat eum pater adoptiuus, tenetur ei assignare quartam omnium bonorum suorum. Similiter si moritur faciens testamentum, tenetur ei relinquere quartam: & hoc idco: quia arrogatus cedit in potestatem arrogantis cum filiis suis & nepotibus non emancipatis, sed non adoptatus adoptione simplici.

Sed contra hoc obiicitur pro prima parte:

X X x 2 quia



quia aliquid debet simplex adoptio valere adoptato: ergo ratione adoptionis sibi aliquid relinquere tenetur.

2 Item, Sicut dicit Apostolus 2. Cor. 12. parentes debent filiis thesaurizare: sed iste pater adoptivus est pater: ergo tenetur aliquid filio adoptato thesaurizare: ergo aliquid de bonis suis tenetur ei relinquere.

3 Vltius quæritur ratione alterius partis: quia iniustum videtur, quod arrogatus ab intestato succedat per omnia. Magna enim differentia est inter filium naturalem & legitimum, & adoptatum per arrogationem: sed filius naturalis & legitimus non habet plus, nisi quod per omnia succedit ab intestato: ergo adoptatus per arrogationem habet minus: ergo videtur, quod non per omnia debet succedere.

4 Item quæstio est, Quare datur ei quarta si emancipatur vel testando moritur pater adoptans?

*Solutio.*

**R E S P O N S I O.** Dicendum ad primum, quod simplex adoptio minimum quod esse potest habet de esse & de ratione adoptionis, & non contrahitur sub genere adoptionis in communi per differentiam specificam, sed per modum, ut prius dictum est: & ideo potius est dispositio ad adoptionem perfectam quam adoptio perfecta: & ideo non obligatur ei adoptans perfecte, quia nunquam transfuit in potestatem, ut faceret ei ut suo. Sed verum est, quod æquitas est & urbanitas, quod aliquid dimittat ei: & habet hoc ab effectu adoptionis.

**A D A L I V D** dicendum, quod non est adhuc pater perfecte, cum iste non sit suus: & ideo ex districto iure non tenetur ei thesaurizare.

**A D A L I V D** dicendum, quod adoptivus habet de beneplacito, quod ille ex natura: nihil enim prohibet, quin beneplacitum alicui confirmet hoc in successionis iure, quod alius habet ex hoc quod natus est ad illud: & ille fortiori iure quodammodo habet, quia naturali, quam iste: & hæc est differentia filiationis naturalis & adoptivæ in casu isto.

**A D V L T I M V M** dicendum, quod ei datur quarta in communi: quia una cedit sibi, & una uxori, & una consanguineis vel filio naturali, & tunc remanet quarta quæ datur arrogato. Et quia hæc communior & generalior est divisio bonorum, ideo in quarta ius collocat ea quæ danda sunt arrogatis.

## ARTICVLVS XII.

### *Quot sunt species adoptatorum?*

**S**exto quæritur, Quæ & quot sunt species adoptatorum? Et videtur, quod tres, scilicet descendendum, lateraliter, & legaliter iunctorum. Species descendendum attenditur inter adoptantem & adoptatum in filium vel nepotem, & sic deinceps. Lateraliter venientium attenditur inter filium naturalem & filiam adoptatam, vel e contra inter filiam naturalem & filium adoptatum. Legalis autem affinitas dicitur attendi inter uxorem adoptantis &

adoptatum, vel e contra inter uxorem filij vel nepotis adoptati & patrem adoptantem.

Sed contra obiicitur sic: Propinquitates descendendum non potest esse nisi per affectum adoptantis & adoptati: hæc autem ad carnalem non sunt deriuanda: ergo videtur, quod nulla sit inter eos propinquitates carnis.

2 Item, Sicut est linea descendendum, ita etiam est ascendendum: ergo videtur, quod de una linea plus esse debet quam est determinatum.

3 Item, Nulla videtur esse cognatio inter lateraliter venientes: quia constat, quod carnis affinitas ibi nulla est: similiter in actibus animæ & exterioribus non communicant filij parentibus: ergo ex hoc quod aliquis adoptat aliquem, nulla contrahitur propinquitates inter adoptatum & filium adoptantis.

4 Vltius obiicitur de de tertia: quia vir & mulier non sunt vnum, nisi in his quæ spectant ad matrimonium: sed adoptio non est de illis: ergo videtur, quod non contrahitur propinquitates ex hoc quod aliquis adoptatur, inter adoptatum & uxorem adoptantis, vel e conuerso.

**V L T E R I V S** quæritur, Vtrum vltius transeat hæc affinitas in patrem, & matrem, & fratres, & sorores, & sic deinceps adoptantis & adoptati? Si sic: tunc erunt in adoptione gradus sicut in generatione, quod videtur inconueniens, cum multo minor sit adoptio, quam consanguinitas carnalis. Si autem dicitur, quod non, illud videtur inconueniens, cum transeat ad uxorem per modum affinitatis, & non ad cognatos, quia cognatio maior est quam affinitas.

**R E S P O N S I O.** Dicendum, quod tres sunt lineæ adoptionis, ut dictum est, & satis explanatum in principio.

**A D I D** ergo quod primo obiicitur, dicendum videtur, quod adoptio est propter successionem carnis, & ideo respicit ad carnis posteritatem, & ponit propinquitatem ad illam: sed si tantum esset in spiritu, tunc valere posset quod obiicitur.

**A D A L I V D** dicendum, quod adoptio non exit domum adoptantis & adoptati, ut infra dicitur: & ideo in illis qui constituunt domum, sicut vxor adoptantis vel adoptati, perpetuam contrahit propinquitatem. Sed lateraliter venientes, quia non sunt nisi ad tempus in domo, non habent nisi temporalem cognationem, scilicet quandiu manent in domo adoptantis filius adoptatus & naturalis: & ideo non ascendit.

**A D A L I V D** dicendum, quod cognatio est quandiu sunt indistincti à patre adoptante: quia tunc quodammodo sunt vnum, & communicant ei in actibus: quia proprios actus non habent, sed ad nuntium eius in domo sua existentes mouentur.

**A D A L I V D** dicendum, quod sicut est in cognatione spiritali, quod vir & mulier communicant sibi actus suos, postquam effecti sunt una caro: ita est in adoptione tam actiua quam passiuæ. Vnde falsum est, quod non nisi in his quæ sunt matrimonij, vir & mulier sibi suos actus communicent, sed communicant etiam sibi



sibi in aliis : tamen adoptio quodammodo respicit matrimonium , quia adoptio filiorum quodammodo pertinet ad bonum prolis.

*Ad qua-  
stionem  
lam.* AD VLTIMUM patet solutio per antedicta , quia non transit ulterius : & ratio illius iam ante dicta est.

### ARTICVLVS XIII.

*Quid sit cognatio legalis?*

**S**EPTIMO quaeritur , Quid sit cognatio legalis? Et dicunt , quod cognatio legalis est proximitas quaedam ex adoptione proueniens. Videretur autem , quod haec diffinitio sit mala: quia omnis proximitas per accidens radicatur in aliqua per se proximitate, sicut causa per accidens ad per se reducitur , vt dicunt Philosophi, sed haec non radicatur in aliqua proximitate per se : ergo non est proximitas.

2 Præterea quare dicit, Quaedam? signum enim particulare non diffinit , sed con- significat, quando partitur : ergo non debet poni in diffinitione.

3 Item, Signum particulare vult stare pro parte : diffinitio autem debet continere partes essentielles tantum: ergo male ponitur in diffinitione. Alia autem quæ de sequenti parte obici possent, iam sunt obiecta in præcedenti problemate.

*Solutio.* **R**ESPONSIO. Dicendum , quod illa propinquitas radicatur in propinquitate per se, quæ est naturalis in lateralibus , & affinitas in affinitate legali in linea etiam descendendum fundatur in carnali , non quæ est , sed in eius solatium est inducta propter naturalium filiorum priuationem vel paucitatem : & talis reductio sufficit in positiuis. Et per hoc patet solutio ad primum.

AD ALIUD dicendum , quod non est diffinitio, sed descriptio : vel dicatur, quod ly quædam non cogit terminum stare pro parte indiuiduali , sed pro specie accepta sub hoc communi quod est propinquitas : & hoc quod additur ex adoptione proueniens , dicit causam quæ supponit quid , & dicit propter quid. Et per hoc patet etiam solutio ad sequens.

### ARTICVLVS XIV.

*Qualiter cognatio legalis impediatur matrimonium?*

**O**CTAUO quaeritur, Qualiter impediatur matrimonium? Et communiter dicitur, quod

in prima & tertia linea impedimentum est perpetuum : sed in media quæ est ex latere venientium , non impedit nisi quandiu sunt in potestate naturalis patris & adoptantis filius naturalis, & filia, vel neptis adoptata : hac enim soluta per mortem vel emancipationem, soluitur etiam impedimentum. Similiter solus ille qui adoptatur & illi qui sunt sibi annexi , vt filius, & vxor, & neptis, & deinceps, cognati efficiuntur eorum qui sunt in potestate adoptatoris, & non aliorum.

Videretur autem hoc ius esse irrationale: quia cum Deus has personas non acceptet , videtur quod Ecclesia non debeat has leges approbare.

2 Item, Quanto maius fœdus , tanto firmiter amicitia : sed maius esset fœdus si filius adoptiuus filiam duceret naturalem , quam quod non liceat eam ducere : ergo videtur , quod hoc ob firmitatem amicitie statui deberet.

**S**OLVTIO. Dicendum , quod leges volunt ita , sicut dictum est , & canones confirmant.

AD PRIMUM ergo quod contra est, dicendum quod Deus multa Ecclesie inspirare concessit pro tempore promulganda , quæ ipse non promulgauit : quia status primitiue Ecclesie talia pati non potuit , eo quod tunc persone erant secundum diuersos ritus coniunctæ, & voluit Deus omnes in vnam Ecclesiam congregari , & nulli facere ad fidem accessum difficilem. Postea autem multe persone sunt prohibite , quando fides fuit confirmata , tam in consanguinitatis , quam affinitatis & cognationis spiritualis & legalis gradibus.

AD ALIUD dicendum, quod fœdus aliquod cum alio per aliquod proprium habet contrarietatem sicut esse filium & coniungi filie : quia non coniungitur filie nisi extraneus : & ita est istud impedimentum. Et secundum ordinem nature videmus, quod procedentia ex vno procedunt se separando , sed distantia redeuntia ad vnum se coniungendo procedunt : & hunc ordinem imitantur leges , quia filius naturalis & filia adoptata quasi ex vno procedunt : & ideo separando ire debent : & sic est etiam in aliis duabus lineis.

*Si filij qui ante compaternitatem vel post nati valent coniungi.*

**M**OC autem quidam volunt intelligere de illis tantum filiis, quibus compatres facti sunt. De aliis vero qui ante compaternitatem vel post geniti sunt, concedunt quod legitime & licite iungi possunt. Quibus videtur consentire Urbanus secundus dicens, Super quibus consuluit nos tua dilectio, hoc videtur respondendum, vt & baptismus sit , si instante necessitate fœmina puerum in nomine Trinitatis baptizauerit , & quod spiritualium parentum filij vel filie ante vel post compaternitatem genite, possunt legitime coniungi , præter illam personam, qua compatres effecti sunt.

*Vbi supra cap.  
super  
quibus.*



*Paschalis papa.*

F  
Ibidem.  
c. Post  
suscep-  
tum.



ASCHALIS verò secundus, post compaternitatem genitos copulari prohibet, scribens Regino Episcopo. Post susceptum filium de fonte vel filiam spirituales, qui ex compatre vel ex commatre fuerint nati, matrimonio iungi non possunt. Illud etiam notandum est, quod in Triburiensi concilio legitur: Siquis suæ spiritualis commatris filiam fortuito, & ita contingente rerum casu in coniugium duxerit, maturiori seruatō con- filio habeat, atque legitimo connubio honestè operam det.

*Siquis ducere possit duas commatres vnā post alteram.*

G  
Cōstan.  
Epi. 30.  
q. 4. c.  
Sciscita-  
tur.



Gen. 1.

Ex Ti-  
burien-  
si concilio  
ibidem.  
c. Qui  
spiritua-  
lem.  
Ibidem.  
cap. Post  
vxo-  
ris.

OLET etiam quæri, si commatrem vxoris post eius obi- tum quis ducere valeat? De hoc Nicolaus Papa sic scribit, Sciscitatur à nobis sanctitas vestra, siquis duas commatres habere valeat vnā post alteram? In quo meminisse debes scriptum esse, Erunt duo in carne vna. Cum ergo constet, quod vir & mulier vna caro efficiuntur, restat virum compatrem constitui mulieri, cuius assumpta vxor commater erat, & ideo virum illi fœ- minæ non posse coniungi, quæ commater eius erat, cum qua idem fuerat vna caro effectus. Huic autem illud contrarium videtur, Qui spirituales habet compatrem cuius filium de lauacro suscepit, & vxor eius commater non est, licet ei defuncto compatre suo eius vi- duam ducere in vxorem, quos nulla generatio spiritualis secernit. Item ex Epistola Paschalis Papæ, Post vxoris obitum cum commatre vxoris coniugio copulari, nulla ratio vel auctoritas videtur prohibere. Non enim per carnis vnionem ad vnionem spiritus transitur. Sed scien- dum est, quod auctoritas Nicolai de illo agit, qui vxori suæ debitum reddidit, postquam commater illius extitit. Aliæ verò auctoritates de illo agunt, cuius vxor postquam à viro suo derelinquitur, illius com- mater efficitur, nec post compaternitatem à viro suo cognoscitur, vel de viro potius agunt, cuius vxor ante defungitur, quam ab eo co- gnoscatur.

## ARTICVLVS XV.

*An geniti ante compaternitatem vel post  
sunt illegitimi, vel solum in compa-  
ternitate?*

DEinde quæritur de hoc quod dicit [Hoc autem quidam volunt intelligere] Quæ- ritur enim, Quid verū sit de istis opinionibus? Videtur enim, quod omnes ante & post nati sint illegitimi ad contrahendum: quia vna caro sunt à qua descenderunt: ergo sicut vnus est illegitimus, ita & alius.

Sed videtur, quod tantum posterius na- ti: quia ante illos pater non fuit coniunctus filiolo spirituali: ergo ad eos non potuit tran-

sire cognatio, sed tantum ad posteriores.

RESPONSIO. Dicendum, quod nullus est illegitimus, nisi ille mediante quo compa- ternitas est contracta: & ille est etiam praece- denter & consequenter natus illegitimus: & omnes alia antiquorum opiniones quæ super hoc fuerunt, sunt abrogatæ.

AD PRIMVM ergo dicendum, quod verum est quantum ad eum cum quo contra- hitur compaternitas, & non quoad alium fra- trem vel sororem suam.

AD ALIUD dicendum, quod non potest transire confraternitas non fratris: ille autem qui non suscipitur in sacramento, non est filiulus: ergo non frater filiorum: ergo nec confrater: & sic impedimentum nullum præ- stare potest in matrimonio.



*Si vir & vxor possint simul tenere puerum.*



**S**OLET etiam quæri, Si vxor cum viro simul debeat in baptismo suscipere puerum? De hoc Virbanus ait, Quod vxor cum marito in baptismo simul non debeat suscipere puerum, nulla auctoritate videtur vel repetitur prohibitum, sed vt ipsa puritas spiritualis paternitatis ab omni labe & infamia conseruetur immunis, decreuimus vt vtrique simul ad hoc aspirare non præsumant. Quia verò piacularè flagitium commisit, qui duabus commatribus vel sororibus nupsit, magna pœnitentia debet ei iniungi.

ARTICVLVS XVI.

*Quot debent esse in pueri susceptione, & an non baptizatus potest suscipere baptizatum, & non confirmatus confirmatum?*

**D**Einde circa hoc quod dicitur [Soler etiã quæri, Si vxor cum viro] Quæritur enim hic, Quot debent esse in pueri susceptione? Et videtur, quòd vnus solus: quia Dion. vnum solum dicit fuisse anadochum in primitiua Ecclesia, qui puerum ad baptismum suscipiebat, qui pro puero sponndit sacras confessiones & abrenuntiationes.

2 Item, Leo Papa idem statuit, vt habetur de consec. dist. 4. Non plures ad suscipiendum de baptismo infantem accedant, quam vnus, siue vir, siue mulier. In confirmatione quoque id ipsum fiat.

*Sed contra.* IN CONTRARIVM autem huius est totus fere vsus Ecclesiæ.

2 Item, Quia marito suscipiente transit commaternitas ad vxorem: ergo si etiam ipsa suscipit, bis facta est commater, quod est superfluitas & iniuriam facere sacramento: ergo simul vir & vxor non debent suscipere.

*Quæst. 1.* ITEM QVÆRITVR vterius, Vtrum alium suscipere possit in baptismo non baptizatus, vel in confirmatione non confirmatus? Et videtur, quòd sic: quia non baptizatus baptismo aquæ potest habere fidem & gratiam: ergo potest esse anadochus ad hoc quod alius suscipiat baptismum.

*Sed contra.* IN CONTRARIVM huius est, quod dicitur de consec. dist. 4. vbi sic præcipit concilium Maguntinense. In baptismo vel chrismate non potest alium suscipere in filiolum qui non est baptizatus vel confirmatus.

*Quæst. 2.* SED ESTO, quòd suscipiat, & quærat, Vtrum contrahatur cognatio spiritualis? Videtur, quòd sic: quia Deus omne id approbat quod facit ad hominum conciliationem: ergo & istud.

2 Item, Sicut baptismus non tollit nisi peccata: ita videtur, quòd æqualiter ante baptismum & post locum habeant sacramentalia: sicut in coniugio patet, quòd manet ante & post baptismum: ergo videtur, quòd contrahatur.

IN CONTRARIVM huius est, quòd baptismus est ianua: ergo ante illum non est ingressus in aliquid spiritualium.

2 Item, Dion. ita obiicit in theoria baptismi, Sicut in naturis operari non potest, qui nec per generationem subsistere adhuc habuit: ita in sacramentalibus & diuinis nihil operatur, cui non est datum spirituale subsistere per sacramentum regenerationis: sed operari spiritualium quid, est suscipere de baptismo & contrahere cognationem spiritualement: ergo non potest hoc facere qui non est baptizatus.

*Quæst. 3.* SED TVNC vterius pono alterum coniugum esse baptizatum, & alterum non baptizatum, & baptizatum aliquem suscipere in filiolum. Et quærat, Vtrum cognatio spiritualis transit ad reliquum qui non est baptizatus? Et videtur, quòd sic, quia factus est vna caro cum illo: ergo sibi communicant suos actus: ergo compaternitas transit ad alterum.

*Sed contra.* IN CONTRARIVM huius est, quòd non habet fundamentum & ianuam sacramentorum: ergo nihil adhæret ei de sacramentis vel sacramentalibus: sed cognatio spiritualis est aliquid sacramentalium: ergo non transit ad eum cognatio spiritualis.

*Quæst. 4.* VTERIVS quæritur, Vtrum liceat omnibus indifferenter suscipere filiolum in sacramento? Videtur autem, quòd non: quia dicitur de consec. dist. 4. Ex concilio Antisiodorensi, Non licet abbati vel monacho de baptismo suscipere filiolum, nec commatres habere. Item ex libro capitulorum, Monachi sibi compadres commatresque non faciant, nec fœminas osculentur.

*Sed contra.* IN CONTRARIVM huius est, quòd illorum est instruere in symbolo & Dominica oratione, qui maxime sunt instructi: sed tales sunt monachi & religiosi: ergo ipsorum est instruere alios: sed patrino est hoc officium: ergo monachi & religiosi possunt esse patrini. Quod autem patrino sit hoc officiũ, probatur per Augustinũ in quodam sermone post pascha Domini, qui sic incipit, Hodiernus dies: in quo sic dicit, Vos ante omnia tã viros quã mulieres, qui filios in baptismo suscepistis, moneo vt vos cognoscatis fideiussores apud Deũ extitisse pro illis quos estis visi de sacro fonte suscipere. Ideoque semper eos admonete vt castitatem custodiant, iusticiam diligant, charitatem



teneant ante omnia symbolum & orationem Dominicam & vosipsi tenete, & illis quos suscepistis de sacro fonte, ostendite.

*Quæst. 5.* SED EX hoc ulterius videtur, quod mulieribus non liceat aliquem de baptismo suscipere: quia sicut dicit Apostolus 1. Tim. 2. Mulieri docere in Ecclesia non permittitur. Patrini autem officium est docere, sicut probatur ex verbo August. inducto, & ex theoria baptismi, & ultim. ca. Ecclesiasticæ hierar.

*Solutio.* RESPONSIO. Dicendum ad hoc quod primo quæritur, quod sufficit vnus tenens, præcipue in confirmatione: sed etiam in baptismo hoc sufficit & tutum est: & si plures sunt, hoc potius est permissio, quam statutum quod debeat approbari: permittitur autem ratione amicitiae quæ inter tales contrahi debet.

AD ALIVD dicendum, quod vir & vxor simul non debent suscipere vnum & eundem filiolum. Sed si fiat, tunc non sequitur, quod bis contrahatur commaternitas, sed potius cognatio spiritualis alia & alia ratione contrahitur, scilicet directè, & indirectè, & hoc non est inconueniens.

*Ad qu. 1.* AD ID quod ulterius quæritur, dicendum quod non potest suscipere qui non est baptizatus.

AD HOC autem quod contra obiicitur, dicendum quod licet habeat fidem & gratiam, tamen non habet eam vt Christianus, sed vt dispositus ad ipsum: & ideo iure Christianum docere non potest.

*Ad qu. 2.* AD ID quod quæritur ulterius, dicendum quod nulla contrahitur cognatio, nec commaternitas. Ad hoc autem quod obiicitur, est dicendum, quod Deus approbat ordinatè fa-

cta, & secundum regulam iuris, cum ipse sit summus ordo omnia ordinans, vt dicit Aug. Nullus autem ordo permittit, quod in his quæ sunt fidei non Christianus imbuat Christianum.

AD ALIVD dicendum, quod baptismus non soluit bona inuenta, sed mala: sed tamen fundat omnia bona: & ideo in non baptizato secundum quod huiusmodi est, nihil fundatur bonorum.

AD ID quod ulterius quæritur, dicendum quod non transit cognatio spiritalis. Ad obiectum contra, dicendum quod licet sint vna caro, tamen communicatio actuum spiritalium non transit: quia non est in eo fundamentum: sed est etiam aliud quantum ad matrimonij fundamentum persona non satis legitima, nec satis est ratum matrimonium inter tales, vt paruit ex supra dictis.

AD ID quod ulterius quæritur, dicendum quod non licet religiosis, meo iudicio, suscipere filiolos, ne inter eos & fœminas eis nimia generetur familiaritas dissoluens eorum religionem, sicut dicunt decreta patrum. Ad obiectum contra, dicendum quod aliud est instructum esse & posse instruere ex habitu scientiæ, & aliud ex officio pastoralis curæ. Primo modo plus quandoque instructi sunt monachi: sed secundo modo non debent instruere, nisi clerici quibus est commissum.

AD ID quod obiicitur de mulieribus, dicendum quod possunt suscipere: quia instructio earum est per modum excitationis, & non ex officio, vel auctoritate: & hoc ipsum non conceditur religiosis, ne euagandi habeant occasionem.

### De secundis & tertiis nuptiis, & deinceps.

**S**CIENDVM est etiam, quod non solum primæ vel secundæ nuptiæ sunt licitæ, sed etiam tertiæ & quartæ non sunt damnandæ. Vnde Augustinus, Secundas nuptias omnino licitas Apostolus concedit. De tertiis autem & quartis, & de ultra pluribus nuptiis, solent homines mouere quæstionem. Sed quis audeat diffinire, quod nec Apostolum video diffinisse. Ait enim, Si dormierit vir eius, cui vult nubat. Non dicit, primus, vel secundus, vel tertius, vel quatuorlibet: nec à nobis diffiniendum est, quod non diffinit Apostolus. Vnde vt breuiter respondeam, nec illas nuptias debeo damnare, nec eis verecundiam numerositatis auferre, nec contra humanæ verecundiæ sensum audeo dicere, vt quoties voluerint nubant, nec ex meo corde præter Scripturæ auctoritatem quatuorlibet nuptias damnare. Idem testatur Hieron. Ego nunc libera voce exclamo, nec damnari in Ecclesia bigamiam, imo nec trigamiam, & ita licere quinto & sexto, quemadmodum secundo marito nubere. Apostolus tamen bigamos à sacerdotali honore excludit. Sed hoc non facit pro vitio bigamiæ, imo pro sacramenti virtute, vt sit vna vnus, sicut vnica vnici. Illud tamen Cæsariensis concilij videtur innuere bigamiam esse peccatum. Presbyterum, inquit, in nuptiis bigami prandere non conuenit, quia cum poenitentia bigamus indigeat, quis

11. q. 1. c.  
Deus  
masculi  
lum. &  
cap. se-  
quenti.  
1. Cor. 7.

Ibidem.  
cap. Ape-  
riant  
quæso,  
ad finem.  
1. Tim. 3.

Ibidem.  
e. De his  
qui.



quis erit presbyter qui talibus nuptiis possit præbere consensum? Sed hoc intelligi potest, qui primæ vxori insidiatus putatur desiderio secundæ, vel pro signaculo sacramenti illud dicitur, quod in bigamo non seruatur. Ambros. etiam dicit, quod primæ nuptiæ tantum à Domino sunt institutæ, secundæ verò sunt permissæ. Et primæ nuptiæ sub benedictione Dei celebrantur sublimiter, secundæ verò etiam in præfenti carent gloria.

# ARTICVLVS XVII.

*An secunda nuptia sint sacramentum?*

**D**Einde quæritur de hoc quod dicit[Sciendum est, quod non solum primæ, vel secundæ nuptiæ] Et quærentur duo. Primum est, Vtrum secundæ nuptiæ sint sacramentum? Secundum autem inducitur ratione omnium præcedentium impedimētorum, scilicet vtrum separandum sit matrimonium quod contrahitur contra Ecclesiæ interdictum?

Ad primum sic obiicitur. Sacramentum est sacræ rei signum: ergo quod cadit à signando, cadit à sacramenti nomine & ratione: sed secundæ nuptiæ non signant: ergo non habent nomen & rationem sacramenti. Probatio mediæ. Signatum matrimonij est, quod vnica sit vnici tam in sp̃ritu quam in persona incarnata, vt supra patuit: & hoc non saluatur in secundis nuptiis, vt supra patuit in quæstione de bigamia.

2 Item, Omne sacramentum fit benedictione sacerdotum: sed, vt dicitur in litera ex verbis Ambros. secundæ nuptiæ non sunt benedictione sacerdotum: ergo secundæ nuptiæ non sunt sacramentum.

3 Item, Omne sacramentum est à Domino institutum, vt supra in communi sacramentorum est probatum: sed secundæ nuptiæ non sunt à Domino institutæ, vt dicitur in litera: ergo secundæ nuptiæ non sunt sacramentum.

4 Item, In quibusdam animalibus dicitur esse talis castitas, quod secundo non copulantur, vt in turture: ergo multò magis hoc debet esse in homine, cum castitas secundum Philosophum sit naturæ bonum: nihil autem ens contra naturam est sacramentum: ergo secundæ nuptiæ non sunt sacramentum.

5 Item, Nullum sacramentum est peccatum: sed secundæ nuptiæ, vt dicitur in litera, sunt aliquid pro quo homo punitur: ergo non sunt sacramentum.

*Sed contra.* IN CONTRARIUM huius est totum quod dicitur in litera. Et Apostolus 1. Cor. 7. Si dormierit vir eius, cui vult nubat tantum in Domino. Et 1. Timoth. 5. Volo iuniores viduas nubere, filios procreare, matres familias esse. Ergo secundæ nuptiæ sunt bonum: & constat, quod non sunt nisi bonum sacramenti: ergo secundæ nuptiæ sunt sacramentum.

*Solutio.* RESPONSIO. Dicendum, quod sacramentum sunt, sed non ad eò perfectæ significationis. Et per hoc patet solutio ad primum.

AD ALIUD dicendum, quod duplex est benedictio, scilicet quæ fit in facie Ecclesiæ, & quæ pertinet ad solennitatem. Primam autem

habent secundæ nuptiæ: quia in facie Ecclesiæ approbantibus sacerdotibus contrahuntur. Secundam autem non habent: quia signum sunt concupiscentiæ, cui signo non decet sacerdotes interesse.

AD ALIUD dicendum, quod institutio diuina in sacramentis est de substantia sacramenti, & non de modo: secundæ autem nuptiæ sunt quidam modus sacramenti: & ideo nuptiæ non sunt institutæ in quantum primæ vel secundæ, sed simpliciter: & hoc sufficit primis & secundis, & deinceps nuptiis.

AD ALIUD dicendum, quod hoc conuenit illis animalibus ratione speciei, & non generis: & ideo non oportet, quod homini conueniat: quia homo & equus plus cæteris appetunt coitum: & ideo amplius homini datur medicamentum: licet enim castitas sit rationis bonum, tamen castitas non abiicitur per matrimonium, sed potius sancta & munda in ipso seruatur.

AD ALIUD dicendum, quod matrimonium secundum non punitur directa pœna: sed bigamiam sequitur irregularitas ex defectu signi, vt supra in quæstione de bigamia satis est expeditum.

# ARTICVLVS XVIII.

*An matrimonium contra interdictum Ecclesiæ contractum, sit separandum?*

**S**ecundo quæritur de matrimonio contra interdictum Ecclesiæ contracto, vtrum sit separandum? Videtur, quod sic: quia sicut dicit Augustinus super illud Psalm. Passer inuenit sibi domum, vbicunque aliquis reponit pullos operum, nisi in nido Ecclesiæ, conculcantur: sed quod fit contra interdictum Ecclesiæ, est extra nidum Ecclesiæ: ergo debet conculcari, & pro nihilo haberi.

2 Item, Qui vos spernit, me spernit, vt dicitur Luc. 10. sed interdictum spernens spernit prælatum Ecclesiæ: ergo ipse spernit Deum: sed nihil est ratum quod fit cum contemptu Dei: ergo tale matrimonium non est ratum.

3 Item, Omne sacramentum consistit in dispensatione ministrorum Ecclesiæ: ergo à destructione consequentis quod non consistit in dispensatione ministrorum, non est sacramentum: sed quod fit contra edictum ministrorum, non consistit in dispensatione ministrorum: ergo non est sacramentum.

IN CONTRARIUM est, quod solus consensus facit matrimonium, vt supra habitum est, & ille potest etiam esse interdictus: ergo facit



go facit matrimonium : ergo non est separandum.

*Salusio*

RESPONSIO. Sicut statutum est in concilio generali, ut dicitur extra. de matrimonio. contra Ecclesiæ interdictum contrahentes, non sunt separandi nisi fortè ad tempus ut peragant pœnitentiā de inobedientia, nisi habeant aliquod aliud impedimentum legitimum, propter quod non debeant commanere. Et ideo institutum est ut sacerdotes ante contractum pronuntient tale matrimonium : ut si quis aliquid dicere velit, possit. Et qui non pronuntiat, sed aliter coniungit sacerdos, tribus annis debet ab officio suspendi. Pronuntians autem malitiosè aliquid contra coniungendos, propter pœnitentiā pro peccato, canonicam debet subire vindictam.

AD PRIMVM ergo dicendum, quod pulli

non sunt extra nidum : quia sunt in forma Ecclesiæ & fide, licet aliquis circa tales in moribus sit excessus, qui pœnitentiā puniri & corrigi debet : præcipuè cum dicat Augustinus, quod etiam ab hæreticis in forma Ecclesiæ data sacramenta, in nido Ecclesiæ sunt & tenent.

AD ALIVD dicendum, quod tales non spernunt formam sacramento substantialem, sed aliquid circa sacramentum, ut tempus, vel modum, quæ sacramento non sunt substantia- lia, sed accidunt.

AD ALIVD dicendum, ut supra ostensum est, quod istud sacramentum non consistit omnino in dispensatione ministrorum : & ideo præter eos potest effici, sed per eos debet populo publicari. Et hæc de matrimonio dicta sufficiant.



## DISTINCTIO XLIII.

*De resurrectionis & iudicij conditione.*

*A*  
*De resur-*  
*rectione*  
*secundum*  
*id quod*  
*est.*



OSTREMO de conditione resurrectionis, & modo resurgentium, necnon & de die iudicij, & misericordiæ qualitate breuiter differendum est. Omnibus quaestionibus quæ de hac re moueri solent satisfacere non valeo, resurrectionem tamen carnem omnium quicumque nati sunt atque nascentur & mortui sunt & morientur, nullatenus ambigere debet Christianus. Ait enim Isaias, Resurgent mortui, & resurgent qui erant in sepulchris. Et Apostolus, Nolumus vos ign. frat. de dor. ut non con. sicut & ceteri qui spem non habent, scilicet resurrectionis. Hoc enim vobis di. in ver. do. quia nos qui vi. qui re. su. non præ. eos qui dor. Quoniam ipse do. in iussu & in vo. ar. & in tu. Dei descen. de cæl. & mor. qui in Christo sunt re. primi. Deinde nos qui vi. qui relin. si. ra. cum illis in nu. obui. Christo in aëra, & sic semper cum Domino erimus. His verbis & veritas resurrectionis, & causa atque ordo resurgentium præclarissimè insinuat.



### DIVISIO TEXTVS.



OSTREMO de conditione resurrectionis] Hæc est pars de sacramentis, in qua tangitur effectus signatus, & non causatus vel contentus ab ipsis, scilicet de gloria resurgentium, gratia quorum tandem additur de pœna malorum, & iudicio. Magister autem diuidit distinctionem in duas, in quarum prima tangit statum resurgentium. In secunda agit de iudicio, quæ incipit 47. distinct. Item

anterior diuiditur in duas. In prima agit de resurrectionem circumstantibus in ratione aliqua causalitatis. In secunda de ipsis resurgentibus secundum quantitatem & qualitatem corporis eorum : & hæc incipit in 44. distinct. Hæc distinctio diuiditur in duas, in tractatum scilicet de causa : & tractatum de dubiis circa causam, & incipit *ibi* [Hic quaeritur vtrum electis] Item in prima duas particulas ponit : in primo enim cap. probatur auctoritatibus, quia erit resurrectio : & in secundo tangit causam.

ARTICV



ARTICVLVS I.

*An resurrectio mortuorum quandoque  
erit futura?*

**Q**Varuntur ante literam tria, scilicet an erit resurrectio, & quid est? & utrum naturalis est, aut miraculosa? Ad primum obiicitur auctoritatibus & rationibus. Præter autem eas quæ sunt in litera, tres sunt magis expressæ. Prima est Dan. 12. Multi de his qui dormiunt in terræ puluere, euigilabunt: alij in vitam æternam, alij in opprobrium, ut videant semper. Cum enim nullus dormiat in terræ puluere nisi mortui, constat, quod de mortuis loquitur. Si autem etiam daretur, quod in puluere dormit aliquis, constat quod nullus euigilat in vitam æternam, nisi resurrectio sit futura. Secunda expressior est, Ezech. 37. vbi dicit sic: Ossa arida, audite verbum Domini. Hæc dicit Dominus Deus ossibus his, Ego mittam in vos spiritum, & viueris, &c. vsque: quia ego sum Dominus. Tertia expressissima est Iob 19. Scio, quod redemptor meus viuit, &c.

Præter dicta autem sunt argumenta Apostoli 1. Corinth. 15. Et sunt numero tria. Primum est à causa efficiente, ut dicit Gloss. scilicet quod Christus resurrexit: ergo mortui resurgent: vel si mortui non resurgent, Christus non resurrexit. Et fundatur super hoc, quod causa posita secundum actum, ponitur causatum hoc modo quo causatum est, scilicet in futuro vel in præsentia. In præsentia quidem, sicut si ædificator secundum actum est ædificans, ædificatio sua est. In futuro autem, sicut si ordo motus solis in obliquo circulo est, qui æquinoctialem secatur, erit æquinoctium in duobus punctis sectionis. Ita Christi resurrectio causa est nostræ resurrectionis secundum Gloss.

Secundum est fundatum super hoc, quod fidei non subest falsum: & ideo dicit, Si mortui non resurgent, inanis est fides quæ hoc credit: sed impossibile est fidem esse inanem, cum fidei non subit falsum, ut patet Hebr. 11. vbi dicitur esse argumentum non apparentium. Est autem argumentum, sicut dicit Ioannes Episcopus, ut principium, & est immobilis veritatis.

Tertium est à veritate prædicationis: quia si mortui non resurgent, inanis est prædicatio Apostolorum: quia inueniuntur falsi testes: ergo & totum suspectum est, quicquid dixerunt de Christo, quod est inconueniens, cum res prædicata probationem habuerit per miracula, & auctoritatē à voce Patris & testimonio Ioannis, & multorum aliorum, sicut quinque testimonia leguntur Ioan. 1. quæ dant robur doctrinæ Euangelij.

Quartum assumitur à vita Sanctorum: quia miserabiliores sunt omnibus hominibus, si mortui non resurgent: quia tantum in hac vita sperantes sunt in Christo, in qua boni non habent nisi pugnam & tribulationem, sicut Apostolus dicit 1. Corinth. 15. Ad bestias pugnaui Ephesi secundum hominem. Et hæc

ratio fundatur super prouidentia: quia sicut dicit Boët. in lib. de consolatione Philosophiæ, prouidentia non casu regitur mundus. Ergo iniustum est, ut cum non præmier, qui propter suum nomen patitur in hac vita: ergo necesse est, quod alia vita manifestetur in talibus per resurrectionem.

Quinta ratio Apostoli ad Ephes. 2. est ab operibus naturæ: quia si natura potest aliquid facere de mortuo secundum quid, viuum simpliciter & facit, multo magis credendum est Deum hoc posse facere: sed in natura quod seminatur, non viuificatur nisi prius moriatur: & moritur, & viuificatur: ergo & Deus viuificat illud quod mortuum est seminatum. Et de hoc ita dicit Damasc. lib. 4. cap. vltim. Si Domini sermonibus credere cæcitas non permittit, saltem operibus credet. Tu enim quod seminas, non viuificatur, nisi prius moriatur: & quod seminas, non corpus quod generabitur seminas, sed nudum granum, forte tritici, vel alicuius aliorum seminum. Deus autem dat illi corpus sicut voluerit. Considera in sulcis tanquam sepulchris semina suffossa: quis illis radices imponit & stipitem & folia, & subtilissimos culmos? Nonne qui vniuersorum est conditor, qui omnia construxit præcepto? Ita similiter & crede resurrectionem mortuorum futuram esse diuina voluntate & nutu: concurrentem enim habet voluntati virtutem.

Sexta ratio Apostoli sumitur à differentia naturæ hominis ad alia animalia, quæ non sunt ad imaginem Dei. Vnde sicut anima imaginis Dei capax est & immortalitatis de se, ita ordinem quandam potentie pertingendi ad statum immortalitatis influit corpori. Et hanc innuit cum dicit, Non omnis caro, eadem caro. Et hæc habet duos ramos. Vnus concludit ex differentia hominis ad inferiora: secundus ex conuenientia hominis cum superioribus. Et primam ponit dicens, quod non omnis caro est eadem, sed alia hominum, alia pecorum, alia volucrum, alia piscium: & est sic formanda. Differentium secundum naturam materie diuersitas causatur à differentia formæ: sed pecora, volucres, pisces, & homines, differunt secundum naturam materie quæ est caro: ergo illa causatur ex differentia formæ quæ est anima: sicut ergo animæ mortali eductæ de potentia materie, respondet corpus per coniunctionem mortale tantum: sic animæ immortalis non eductæ de materia, sed extrinsecus venienti, responderet corpus habens ordinem ad immortalitatem per resurrectionem, licet moriatur per peccatum. Alius ramus innuitur cum dicit, Sunt corpora cælestia, & corpora terrena, &c. Et fundatur super dictum Philosophi: quia Pla. dicit, quod secundum meritum materie infunditur forma à datore formarum: ergo cui datur forma cæli, ipsum in natura accedit ad naturam cæli: sed forma cæli, ut motor cæli, est intelligentia, cuius similitudo quædam est intellectualis anima in nobis: ergo corpus cuius ipsa est perfectio, accedit ad naturam cæli, licet distet ab illo per differentiam aliquam: cum igitur cælum, ut dicit Boët. in lib. de Trinit. sit corpus immortale manens, corpus hominis non manens, sed resurgens, debet



debet pertingere ad immortalitatem. Et hæc sunt rationes Apostoli & bonæ. Inducit autem fidem testium super Christi resurrectionem, quia resurrexit, & quod visus est Cepha: & post hoc 11. deinde plusquam quingentis fratribus simul, ex quibus multi manent adhuc, quidam autem dormierunt. Nouissimè autem omnium visus est & mihi.

Damasc. autem quasdam adducit de his, sicut penultimam, & quasdam proprias, lib. 4. ult. cap. Vadit autem quatuor viis ad probandum. Et prima est ab auctoritate Scripturæ, & inducit illam, quæ est Genes. 9. Sanguinem animarum vestrarum de manu hominis fratris eius, & de manu omnium ferarum requiram. Quomodo requireret sanguinem hominis de manu omnium bestiarum, nisi quia resuscitabit corpora hominum mortuorum? Secunda est in Nouo Testamento. Matt. 22. & Exod. 30. Ego sum Deus Abraham & Deus Isaac & Deus Iacob: non est autem Deus mortuorum, sed viuorum. Tertiam adducit Ioan. 5. Et audient qui in monumentis sunt, vocem filij Dei: & qui audierint, viuent, & procedent: qui bona fecerunt, in resurrectionem vitæ: qui verò mala egerint, in resurrectionem iudicij.

Secunda via est ab operibus Domini: quia suscitando quosdam mortuos probauit, quod omnes suscitabit virtute suæ diuinitatis. Et sunt hæc verba: Qualiter cognosceretur vel crederetur mortui resurrectio, nisi signalibus indiuidui proprietatibus, ex quibus illud constabat? Sed Lazarum quidem ad ostensionem propriæ diuinitatis & credulitatem suæ resurrectionis & nostræ suscitauit.

Tertia via est per ordinem iustitiæ & prouidentiae diuinæ, & inducit hæc via tria inconuenientia super negantem resurrectionem. Primum est de iustitia & prouidentia, quæ ordinat quamlibet naturam secundum gradum suæ dignitatis. Secundum est de prouidentia gubernante dignius in natura in maiori bono, quam indignius. Tertium est de iustitia & prouidentia reddente unicuique secundum merita. Et sunt hæc verba: Si non est resurrectio, in quo ab irrationabilibus distamus? Si non est resurrectio, beatificemus agrestia sine tristitia vitam habentia. Si non est resurrectio, neque Deus est, neque prouidentia: sed casu omnia aguntur: videmus enim plurimos iustos esurientes, & iniuriam patientes in præsentī vita, neque vnum habentes præsidium: peccatores autem & iniustos, in diuitiis & in omni voluptate abundantes. At quis vnquam hoc iusti iudicij & sapientis prouidentiae opus, qui probè sapiat, existimabit? Erit igitur, erit resurrectio: nam Deus iustus est, & iis qui sustinent eum, mercedis retributor efficitur. Et quia aliquis posset respondere, quod prouidentia & iustitia saluantur: & hoc quando iniusti puniuntur in anima, & iusti præmiantur in anima, licet corpus non resurgat. Obiicit è contra Damasc. sic dicens: Si quidem anima sola virtutis certaminibus pugnavit, ipsa sola & coronabitur: & si sola in voluptatibus inuoluta est, sola itaque iustè punietur. Sed quia neque subsistebat separata, neque virtutem, neque malitiam transegit anima si-

ne corpore: rectè ambo simul retributionibus fruuntur.

Quarta via est ab operibus naturæ, de seminibus, quæ supra de suis verbis & Apostoli posita est.

Alias duas vias probandi resurrectionem ponit Apostolus Rom. 8. quarum vna est ab expectatione creaturæ. Et fundatur super hoc, quod nihil vanum à Deo inditum est naturæ: sed desiderium reuelationis alterius status qui competit gloriæ, inditum est naturæ à Deo: ergo non est vanum: ergo ille status reuelabitur: non potest autem, nisi per resurrectionem reuelari: ergo resurrectio erit: & hoc intendit Apostolus ad Rom. 8. cum dicit, Expectatio creaturæ reuelationem filiorum Dei expectat, &c. usque, à seruitute corruptionis.

Secunda via est à gemitu primitias Spiritus habentium: quia Spiritus sanctus non facit gemere Sanctos pro aliquo, nisi quod acquiratur: gemunt autem Sancti pro gloria resurrectionis: ergo habebunt. Et hoc intendit cum dicit, Non solum autem illi, sed & nos ipsi primitias Spiritus habentes, &c.

Isti igitur modi sunt, quibus Sancti patres resurrectionem probauerunt. Vt autem de nostro aliquid sit ibi, obiciemus ad idem sic: Omne mouens secundum naturam aliquod mobile ab ipso, habet mobile vigori suo mouendi proportionatum: anima rationalis est mouens secundum naturam: ergo habet mobile proportionatum sibi secundum vigorem mouendi: sed vigor mouendi in anima rationali est ad perpetuum motum: ergo mobile oportet esse proportionatum per aliquid ad motum perpetuum: & non potest secundum statum istum hoc fieri in eo: ergo hoc erit secundum alium statum virtute primæ causæ sibi datum: & hoc vocamus resurrectionem. Maior istius rationis scribitur super 11. 1. Philosophiæ in commento vbi dicit Commentator, quod in vigore mouendi proportionantur motores mobilibus.

2 Item supponitur in 2. de cælo & mundo, vbi soluit Aristot. quare inferiores sphaeræ non habent nisi stellam vnā, & octaua plures: & dicit, quod hoc est propter vigoris proportionem motorum ad mobile. Secunda autem probatur ex hoc, quod anima rationalis est motor corporis, & sola separatur sicut perpetuum à corruptibili, sicut dicit Philosophus in 2. de anima.

3 Item, Quæcunque secundum gradus naturæ distant abinuicem, & eadem etiam distant in actibus, illos gradus secundum naturam consequentibus: vegetabilia & sensibilia distant abinuicem in gradibus, sicut cuilibet per se patet: ergo distabunt in actibus illos gradus secundum naturam consequentibus: constat autem, quod vegetabilis est principium vitæ sine sensu & motu, sensibilis autem cum sensu & motu: ergo rationalis erit principium vitæ intellectualis cum incorruptione aliqua, quia illi actus consequuntur istas differentias: sed non contingit pertingere ad incorruptionem secundum statum istum: ergo contingit resurgere ad statum alium.

4 Item, Quæcunque perfectio alicuius separata



parata est ab eo secundum duo velutria opera, & operatur in perfecto aliquod eorum operum, operabitur etiam omnia alia in eodem secundum aliquem statum: anima rationalis perfectio est hominis separata secundum id quod est intelligere, & velle, & incorruptibile esse: ergo si in homine operatur aliquid intelligere & velle, ipsa etiam in aliquo statu operabitur incorruptibile vivere in eodem: sed constat, quod ipsa operatur intelligere, & secundum nullum organum corporis, & etiam velle: quandoque ergo operabitur vivere incorruptibile: & non potest nisi per resurrectionem: ergo resurrectio erit.

5 Item, Vivere in viventibus est esse, ut dicit Philosophus, & sentire in sentientibus: ergo & intelligere in intelligentibus, quia eadem est ratio: sed planum est, quia esse viventium & sentientium est secundum periodum animæ vegetabilis & sensibilis: ergo & esse intelligentium erit aliquo modo secundum mensuram rationalis animæ: sed ipsa est perpetua: ergo influit potentiam ad aliquam perpetuitatem: & non potest hoc fieri, nisi per resurrectionem, ex quo semel est amissa: ergo resurrectio erit, ut videtur.

6 Item fortius obiicitur per aliam viam, quam Philosophus in eth. primo innuit: quia aliquod est bonum hominis in quantum est homo: constat enim, quod illud, sicut ipse dicit, non convenit homini secundum vegetabilem & sensibilem, sed secundum rationem. Inde obiicio sic: Omne bonum speciei alicui proportionatum, perceptibile est à specie illa secundum perfectam naturam speciei illius: sed bonum aliquod est proportionatum speciei hominis: ergo secundum perfectam naturam perceptibile est ab illa: perfecta autem natura speciei hominis est in corpore & anima coniunctis: ergo percipiet homo aliquod bonum in corpore coniuncto cum anima: sed bonum illud est beatitudo siue felicitas æterna, ut probat Boet. in lib. de consolatione: ergo percipiet illud cum corpore & anima: & non potest nisi per resurrectionem: ergo resurrectio erit.

7 Item, Quæcunque species secundum potentiam aliquam suæ naturæ perceptibilis est boni alicuius, eadem est perceptibilis summi in bono illo: homo autem per potentiam rationalem est perceptibilis boni rationalis animæ, ut habetur à Philosopho in eth. ergo perceptibilis est summi boni secundum idem: sed bonum summum rationalis animæ est continuari per intellectum & voluntatem primo motori, ut dicit Commentator super 1. primæ Philosophiæ: ergo homo percipiet illud. Constat autem, quod natura speciei hominis non est anima sola: ergo anima sola non percipit illud: ergo oportet per resurrectionem animæ uniri corpus. Fortè ad istas obiectiones attendit Greg. quando dixit in moralibus, Si operibus naturæ attenderemus, certior esset nobis resurrectio futura, quam solem cras oriri.

Sed contra.

SVPPOSITA igitur hac parte procedatur in contrarium per hunc modum. Iob 14. sic dicitur, Lignum habet spem: si præcisum fuerit, rursus virefcit, & rami eius pullulant. Si fenuerit in terra radix eius, & in pulvere emor-

D. Alber. Mag. in Lib. 4. Sentent.

tuus fuerit truncus illius, ad odorem aquæ germinabit, & faciet comam, quasi cum primum plantatum est. Homo vero cum mortuus fuerit, & nudatus atque consumptus, ubi quæso est? Hic facit comparisonem mortis hominis ad duplicem ligni destructionem, scilicet præcisionem, cui similis est mors accidentalis hominis, & putrefactionem cui similatur mors naturalis quæ est per senium. Et videtur dicere, quod etiam Philosophus dixerat, quod ad lignum utroque modo destructum redit vita & iuventus eius: sed ad hominem nunquam: ergo non resurget.

2 Item ibidem, Quomodo si recedant aquæ de mari, & fluvius vacuefactus arefcit: sic homo cum dormierit, non resurget: donec atteratur cælum, non euigilabit, neque consurget de somno suo. Ergo sicut impossibile est aquas maris redire, si recesserint à mari, & fluvios vacuefactos iterum fluere & cælum atteri: ita impossibile est hominem consurgere à somno mortis. Quod autem impossibile sit cælum atteri secundum substantiam & motum, supponitur à dictis Philosophorum, & nos de hoc in 2. disputauimus, ubi de æternitate mundi & motus: & ibi requiratur. Scias autem, quod in ista auctoritate Iob duæ hæreses sunt radicatæ circa resurrectionem, quarum una est Iudæorum, scilicet Rabbi Nasle, qui composuit Talmuth, qui dicit Iob resurrectionem non credidisse & negasse: & cum idem dicat, quod Iob nunquam fuit homo, sed ad formam viuendi & exemplum Moyses exemplariter Iob confinxerit, redit ad hoc quod Moyses resurrectionem non crediderit, & in isto loco negauerit. Alia est hæresis Philosophorum dicentium non esse resurrectionem: ita quod resurgat idem numero homo, scilicet similis complexionis. Sicut enim mare, ut dicunt Philosophi, mutatur de loco ad locum secundum mutationem spatiorum quibus mouentur imagines signorum in motu firmamenti, hoc est, cæli octauæ, & in 36. millibus annis redeunt ad statum primum secundum Ptolemæum, & Arist. in lib. de causis proprietatum elementorum: & tunc causant similia primo creatis in terra, & mare redit ad alueum primum, & fluvij fluunt ut prius: & hoc quidam Philosophi vocauerunt annum primum magnum: & medietatem eius, annum magnum vnius habitationis, scilicet 18. millia annorum, in quibus solis axis mouetur in signis septentrionalibus quantum ad habitationem quæ modo habitatur: & tunc destruetur ista, & erit annus habitationis meridianæ per 18. millia annorum, in quibus axis solis percurrent signa meridionalia. Et videtur Empedocles ita posuisse, qui dixit omnia in anno isto magno exire de mixto, & omnia in anno magno redire ad ipsum. Quod totum Ecclesia respuit: & nos contra hoc totum specialem tractatum faciemus: & tamen tangendo soluemus quæ sufficiunt huic operi.

3 Redeuntes autem modo obiicimus adhuc per id Psalm. Non resurgent peccatores in iudicio. Sed eadem ratio est de peccatoribus quantum ad naturam & iustitiam reddentem pœnas, & de bonis quantum ad naturam & iustitiam

Y Y y



iustitiam reddentem præmia. Ergo videtur, quod nullus resurget.

4 Item ratio Apostoli non videtur valere: quia granum cadens in terram seminatum non moritur, nisi secundum esse grani, sed viuit secundum generatiuam & formatiuam quæ format in eo plantam & herbam & folia huiusmodi: homo autem moritur in toto.

5 Item adhuc non videtur valere ratio Domini: quia non sequitur, si non est Deus mortuorum, sed viuentium, quod propter hoc Abraham Isaac & Iacob uiuant, nisi in anima tantum: & tunc necessario non sequitur ex hoc, quod resurrectio erit.

6 Per rationem autem obiicitur sic: Cuiuscunque causæ perpetuæ sunt, ipsum causatum necesse est esse perpetuum: generationis & corruptionis omnes causæ sunt perpetuæ: ergo generationem & corruptionem necesse est esse perpetuas. Prima patet ex diffinitione causæ. Secunda autem probatur in 2. de generatione & corruptione ab Aristot. Causa enim efficiens est latior solis in obliquo circulo. Materia autem indeficiens est, cum generatio vnus sit corruptio alterius, & è conuerso: sic enim nunquam stabit generatio: generatur enim ex aere aqua, & rursus ex aqua aer: & ita circularis & indeficiens. Et cum esse diuino semper participet vnumquodque quantum post. Inde sic currente generatione & corruptione nunquam incipiet status resurrectionis, vt dicunt Sancti: sed generatio & corruptio in perpetuum current, vt dicunt Philosophi: ergo nunquam erit resurrectio.

7 Item Philosophus in 2. de generatione in fine: Quæcunque habent substantiam corporalem, mota non reiterantur eodem numero: homo est substantia corporalis: ergo corruptus non reiteratur idem numero: sed resurrectio est in idem numero: si ergo non erit in numero, non erit resurrectio: sed non erit in idem numero, vt probatum est: ergo non erit resurrectio.

*Solutio.*

RESPONSIO. Dicendum ad hoc, quod certius secundum Catholicam fidem nobis est, resurrectionem carnis eiusdem numero in qua nunc viuimus, esse futuram, & vnumquemque in eadem recipere bona & mala secundum quod meruit, quam quod sol orietur cras: quod enim sol orietur, quandoque fallit, scilicet in die vltima, quando stabit: istud autem à diuina veritate est acceptum, quæ non fallit, nec fefellit, nec fallere nec falli potest. Argumenta ergo primo inducta concedimus: licet enim ratio non sufficiat ad accipiendum hoc sine reuelatione: tamen acceptum nititur confirmare, & refutat contrarium. Sic est & in omnibus symboli articulis.

AD ID autem quod primo contra obiicitur, dicendum quod Iob non intendit negare resurrectionem: sed bene astruere, quod à virtute intrinseca seminali non resurget homo: sicut in planta manet virtus sementina, per quam redit ad eam vita & iuuentus eius, vt dicit Philosophus. Et hoc quidem facit in prima. In secunda autem quod non resurgat radiis imaginum stellarum mouentibus intendit astruere, sed virtute diuina sola, quæ atterit

cælum & omnem cæli rationem & vigorem quem habet in mouendo ad generationem. Cum enim duæ sint causæ mouentes in generatione, scilicet proximæ quæ sunt in materia, & vniuersales quæ sunt in stellis & imaginibus earum, quas describunt in cælo, negat Iob resurrectionem futuram mouentibus huiusmodi causis. Vnde post locum illum in 19. cap. dicit: Credo, quod redemptor meus viuit. Et hoc non attendit Rabbi Nasse, quando dixit Iob negasse resurrectionem.

AD ID autem quod obiicitur de hæresi Philosophorum, dicendum quod stultitia est: quia si verum est quod dicunt, ostendo quod nec tunc erit aliquid similis complexionis: quia dicunt Philosophi, quod signum sine planeta in causando est sicut corpus sine anima imperfectum. Constat autem omnibus scientibus motus superiorum, quod redeunte octaua sphaera in idem punctum vnde incepit, non sunt reuerfi planetae in idem, vnde ipsi inceperunt: ergo non causabitur aliquid simile priori. Et hoc sufficiat in præsentia: quia error ille specialem habet difficultatem.

AD ALIUD dicendum, quod resurrectio aptè vocatur immutatio ad formam gloriæ: & verum est, quod hoc modo non resurgent, quia cadent in mortem æternam.

AD ALIUD dicendum, quod nihil in natura simile est in toto Dei miraculis: quia aliter natura tantum posset, quantum posset Deus. Sed arguit Apostolus à minori: quia si potest natura debilis & imbecillis mortuo secundum quid, reddere vitam nobiliorem, multò magis potest creator hominum hoc facere corpori humano, quod est vnitum animæ ad suam imaginem insignitæ.

AD ALIUD dicendum, quod Dominus subtilissimè arguit: quia si anima viuit, quæ substantialiter est forma corporis, necesse est ipsam varè esse vnibilem corpori. Cum igitur nihil imperfectum relinquit Deus: quia sicut dicit Moyse, Dei perfecta sunt opera: ipse vniet eam corpori indissolubili: & hoc erit in resurrectione.

AD ALIUD dicendum, quod generatio & corruptio comparatæ causis proximis, rationem habent perpetuitatis: & hanc solam attendit Philosophus, quia per Philosophiam altioris causam cognoscere non potuit. Sed est voluntas Dei, quæ est causa causarum omnium, qua stabit, quando Deus voluerit. Et Diff. 1. huiusmodi ratio super secundum librum disputata inuenitur. a. 10.

AD ALIUD dicendum, quod Philosophus loquitur ibi de substantia materiæ elementorum, ex quorum formis non remanet relatio ad eandem formam in numero, quia ipsa destruitur: & de illis verum est quod dicit. Sed in corruptione hominis manet relatio ad eandem formam numero manentem: quia

illud corpus sociatur animæ: & idè reuertetur homo qui moritur, idem in numero.

\* \*



## ARTICVLVS II.

*Quid sit resurrectio?*

Secundo quæritur, Quid sit resurrectio? Dicit autem August. super Genes. ad litteram lib. 8. Resurrectio nihil aliud est nisi restitutio in consimilem vitam. Damasc. autem lib. 4. cap. vltim. Resurrectio est secunda eius quod cecidit resurrectio. Et parum post, Resurrectio est rursus copulatio animæ & corporis: & secunda eius quod dissolutum est & cecidit, animalis resurrectio. Contra primam autem obiicitur sic: Consimilis vita: aut est similis vitæ ante peccatum secundum statum innocentiam, aut similis isti secundum statum pænæ & culpæ. Si primo modo: ergo illa vita cibis egebit & commixtione sexus, quod est contra Dominum in Evangelio dicentem, quod in resurrectione neque nubet, neque nubetur, &c. Si secundo modo: ergo erit vita futura in pænis famis, sitis, & huiusmodi, quod absurdum est: ergo resurrectio non est restitutio in consimilem vitam.

2 Item Augustinus super Genes. dicit sic: Reditum ad id quod sentimus, resurgere appellamus. Sed iam sentimus labores & miseria, & ante peccatum animale vitam sentimus. Ergo reditus per resurrectionem erit ad talem: ergo nulla resurrectio erit gloriosa.

3 Item August. 4. de Trinit. Resurgere nihil aliud est, quam reuiuiscere, & à morte ad vitam redire. Et ex hoc sequitur idem quod prius. Ex omnibus autem his concluditur, cum tam in primo statu quam in secundo fuerit vita cum potentia moriendi, quod in resurrectione futura sit potentia moriendi, quod falsum est.

Obiicitur autem de illa quæ est Damascen. quia secunda resurrectio non est, nisi prima præcesserit: sed primo nunquam surrexit corpus hominis antequam sit dies iudicii: ergo nec tunc secundo surget: ergo malè dicit, secunda resurrectio.

2 Item, Secunda non notat numerum & ordinem, nisi actuum eiusdem rationis: sed eleuatio corporis hominis ad hanc vitam, & eleuatio sua ad formam gloriæ, non sunt eiusdem rationis: ergo non secundo tunc surget corpus.

3 Item, Secundum Philosophum 6. topic. Si aliquod commune inuenitur in diffinitione & diffinito, illud nec est pars diffinitionis, nec diffiniti: sed resurrectio communiter inuenitur in diffinitione, & diffinito: ergo pars neutrius est: ergo totum quod dicit Damasc. in vtraque suarum diffinitionum non explanat, nisi habitudinem præpositionis quæ est in composito, cum dicitur resurrectio. Item obiicitur de secunda quia quod dissolutum est, videtur idem dicere cum eo quod cecidit: ergo videtur diffinitio nugatoriam habere repetitionem.

4 Item, Diffinitio resurrectionis omni resurrectioni debet conuenire: sed hæc diffinitio non conuenit resurrectioni Domini; quia non est dissolutum corpus eius: ergo non est generalis, nec bona, ut videtur. Quod autem non conueniat resurrectioni Domini, patet per hoc quod dicit Damasc. lib. 3. cap. 28. Ftoras,

*D. Alb. Mag. in Lib. 4. Sentent.*

id est, corruptionis nomen duo significat: significat enim huiusmodi passionem, famem, sitim, laborem, clauorum perforationem, mortem, id est, separationem animæ à corpore, & quæcunque talia. Secundum hoc significatum fterion, id est, corruptibile corpus Domini dicimus. Omnia enim hæc voluntariè assumpsit. Significat etiam ffora, id est, corruptio perfectam corporis in ea (ex quibus compositum est) elementa, dissolutionem & destructionem, quæ magis à multis corruptio dicitur & nominatur. Huius experimentum corpus Domini non habuit, ut ait Propheta Dauid, Quoniam non derelinques animam meam in inferno, nec dabis sanctum tuum videre diastron, id est, corruptionem.

5 Item obiicitur de hoc quod dicit, animalis. Potius enim debuit dicere, hominis, quam animalis: quia quod resurget, habet ab eo quod est homo, & non ab eo quod est animal.

6 Item, Secundum omnes istas diffinitiones non resurget homo, sed tantum corpus, ut videtur: cum tamen resurgere sit proprius actus hominis, & non partis hominis. Contra quod videtur dicere Damasc. sic: Animales mortales existentes qualiter resurgent. Et infra par. c. vlt. Ipsum corpus quod corrumpitur & dissoluitur, idem resurget. Ergo videtur, quod hominis non sit resurgere, sed tantum corporis, quod non est homo.

7 Item videtur contrarium debere dicere: quia actio potius est agentis, quam patientis: sed anima agere resurrectionem perficiendo & mouendo corpus: ergo anima potius resurget, quam corpus: & ita malè dicit & diffinit Damasc. resurrectionem.

Solutio. Dicendum, quod omnes istæ diffinitiones satis bonæ sunt: sed omnia verba Augustinus loquens de resurrectione, communiter & non strictè accepit. Et ad intelligendum hoc sciendum, quod resurrectio dupliciter dicitur, scilicet communiter, & propriè. Communiter sumpta resurrectio continet sub se relationem ad statum gloriæ, & ad statum vitæ animalis, sicut dicimus Lazarum resurrexisse: & hoc modo non quærimus diffinitionem eius hic. Propriè sumitur, prout diuidit cum suscitatione hoc commune quod est restitui ad vitam extinctam: & sic non competit resurrectioni, nisi ad vitam inextinguibilem, siue sit in pænis, siue in gloria.

Ad id ergo quod primo obiicitur, dicendum quod si volumus concedere de resurrectione strictè sumpta loqui August. quod similis vita dicitur in specie & veritate humanæ vitæ, licet differat ab hac & illa quæ fuit in statu innocentiam, in statu & proprietate.

Ad aliud dicendum, quod sentire in verbo August. ponitur pro experiri quoad substantialia vitæ humanæ: quia eadem etiam experiemur in resurrectione: quia aliter non resurgeremus: & non dicitur sentire pati eadem per sensus quæ modo patimur.

Ad aliud dicendum, quod non est reditus de morte ad vitam perfectè, nisi perfectè vita vincat mortem: & hoc non est nisi quando omnis causa mortis naturalis excludetur, quæ est pugna contrariorum: & hoc modo

Y Y y 2 non



non erit resurrectio, nisi post cursum mundi in fine temporum.

AD ALIVD dicendum, quod duæ sunt eleuationes corporalis materiæ. Vna ad formam quæ est anima rationalis: & hæc fit in generatione. Et alia eiusdem ad animam indissolubiliter reunitam: & hæc dicitur regeneratio, Matth. 19. In regeneratione cum sederit filius hominis, &c. Et ideo falsum est, quod non sunt ibi duæ surrectiones corporis.

AD ALIVD dicendum, quod non oportet, quod ea quorum ly secundum notat iterationem, sint eiusdem accidentis, sed tantum, quod sint eiusdem rationis: sicut quando secundo bibo, non oportet, quod secundus potus sit similis primo in accidente. Et ita est de duplici vita ad quam surgit corpus, quod est eiusdem speciei, & non eiusdem accidentis.

AD ALIVD dicendum, quod id quod dicit Aristot. intelligitur de his quæ eodem modo sumuntur in diffinitione & diffinitio: sicut si dicerem, homo albus est animal rationale album. Sed non est sic: cum enim dicitur resurrectio, resurrectio dicitur habitudinem corporis ad animam recipiendam, & iterationem resurrectionis notat præpositio: sed in diffinitione notat terminum motus resurrectionis: quia resurrectio motus est, & per duos terminos diffinitur, quorum vnus est casus & dissolutio: alius autem altitudo immortalis vitæ in bonis & malis communiter: & illa importatur per ly resurrectio positum in diffinitione: quia componitur à sursum, & erigo: eò quod sic sit figuræ decompositæ.

AD ALIVD dicendum, quod illa diffinitio non conuenit resurrectioni Domini: & ipse dat aliam in eodem cap. quæ resurrectioni Domini conuenit, sic dicens: Domini resurrectio est corporis sancti & incorrupti & animæ vnio.

AD ALIVD dicendum, quod animalis est ibi adiectiuum, & est genitiuus eius quod dicitur hic & hæc animalis, & hoc animale: & dicitur conditionem corporis cadentis in mortem, & est sensus, animalis, id est, animaliter viuentis corporis, quod cecidit per mortem, & dissolutum est per incinerationem.

AD ALIVD dicendum, quod resurrectio est hominis secundum corpus: & hoc intendit dicere Damasc. & non aliud.

AD ALIVD dicendum, quod resurrectio non dicitur hic tanquam mouentis, sed tanquam eius cuius est actus surgendi siue mori in actu illo: & ideo propriè conuenit homini secundum corpus, non autem secundum animam.

### ARTICVLVS III.

*An resurrectio sit naturalis, vel miraculosa?*

**T**ertio quæritur, Vtrum sit naturalis, vel miraculosa? Quod autem sit naturalis, videtur sic ostendi: Damasc. 4. lib. cap. 14. dicit, Quod communiter in omnibus inspicitur, non characterizat in his quæ sunt sub ipso atomis:

sed resurrectio in omnibus atomis hominis inspicitur: ergo nulla characterizat: ergo ipsa est naturalis.

2 Item, Miraculum, vt dicit Augustinus, Lib. de est aliquid arduum & insolitum, præter spem <sup>utilitate</sup> & facultatem admirantis apparens: resurre- <sup>credendi</sup> ctio autem non apparebit præter spem: ergo non erit miraculosa, sed naturalis.

3 Item, Quod substantialiter conuenit omnibus indiuiduis eiusdem speciei, oportet quod causetur à natura communi: sed resurrectio substantialiter conuenit omnibus indiuiduis hominis: ergo causetur à natura communi hominum. Probatio maioris est: quia cum nihil sit in indiuiduis nisi natura communis cum materia & indiuiduantibus, & differant suis materiis & indiuiduantibus, oportet quod illud in quo omnia conueniunt, sit natura communis, vel causatum ab illa. Secunda autem probatur ex hoc, quod resurrectio secundum substantiam erit, & non secundum accidens.

4 Item sic, Quicquid causetur à communi natura speciei, naturale est omnibus indiuiduis illius: sed resurrectio sic causetur, vt dictum est: ergo est naturalis.

3 Item, Appetitus materiæ ad formam etiam remotam, naturalis est: ergo multò magis appetitus propriæ materiæ, & formæ propriæ: sed corpori remanet appetitus ille: ergo ille est naturalis: sed appetitus naturalis reductio ad actum, est naturalis: ergo cum etiam resurrectio reducatur ad actum, naturalis videbitur esse resurrectio.

6 Item, Quæcunque materia post separationem formæ ab ipsa, sic manet, quod non est coniungibilis alij formæ numero vel speciei: nec est quod hoc contingat nisi ex dispositionibus ordinantibus eam ad formam primam, & impredientibus à coniunctione cum alia forma: sed impossibile est corpus alicuius vniri cum alia anima, quia aliter resurgeret in duobus: ergo remanet dispositio ad animam primam: sed dispositione reducta ad necessitatem & ad speciem, nihil fit nisi naturale: ergo cum in resurrectione fiat hoc, nihil fit in resurrectione nisi naturale.

7 Item, Omnis materia naturaliter ordinata ad formam aliquam, naturaliter etiam ordinatur ad summum statum secundum formam illam: sed materia corporis humani ordinatur ad animam rationalem, vt ad formam: ergo ordinatur naturaliter ad summum statum secundum formam: ergo naturaliter percipit suum statum: & ille non est nisi in resurrectione. Prima probatur ex hoc, quod si daretur oppositum, nihil naturaliter attingeret perfectionem suæ naturæ, quod absurdum est. Secunda patet per se.

8 Item, Naturale materiæ est vt obediat motori, quia hoc Deus ei inseruit, vt dicit Augustinus super Genes. Constat autem, quod <sup>Lib. 9.</sup> naturalius & immediatius habeat se ad motum <sup>c. 19.</sup> Dei materiæ, quam ad motum cæli: sed video, quod naturaliter egreditur de materia omnis effectus per motum cæli: ergo multò naturalius exhibit ipsa in omnem motum Dei: mouet autem Deus voluntate & virtute ad resurrectionem:



rectionem : ergo materia naturaliter mouebitur in formam resurrectionis : ergo resurrectio naturalis erit.

9 Item, Naturalia dicuntur etiam quæ innati sumus suscipere, licet perficere sit ab aliquo agente, ut dicit Philosophus in ethic. & hoc modo dicimus virtutes naturales : sed constat, quod ex anima rationali innati sumus suscipere formam resurrectionis, sicut supra patuit : ergo resurrectio erit nobis naturalis.

10 Item, Rabbi Moyſes dicit, quod non nisi naturalia delectant & diu manent : sed resurrectio erit manens semper secundum formam quæ dabitur tunc, & est delectabilis nisi ex culpa impediatur : ergo videtur, quod ipsa non sit nisi naturalis.

Item obiecerunt antiqui sic in ista quaestione. Effectus virtutis collata alicui à Deo naturalis est, sicut patet in cæco illuminato à Deo, cui videre est naturale : sed resurrectio erit effectus vocis Dei, cui virtutem suscitandi corpora dabit Deus : ergo erit naturalis. Prima constat per exemplum. Secunda scribitur in Psalm. Dabit voci suæ vocem virtutis.

12 Item, Omni dependentiæ duorum abinuicem naturali correspondet coniunctio naturalis : sed corpus & anima dependent abinuicem naturaliter : ergo respondet eis coniunctio naturalis. Prima patet per se. Secunda autem probatur ex desideriis animarum, Apoc. 7. quæ desiderant recipere corpora.

*Sed contra.* SED CONTRA : Omnis motus ad formam qui est à natura, est ab aliquo mouente in materia : sed resurrectio est motus ad formam : ergo si est naturalis, est ab aliquo mouente in materia : sed nihil mouet in materia ad formam corporis gloriosi : ergo resurrectio non est motus naturalis. Probatur autem prima in 7. & 11. primæ Philosophiæ, ubi dicitur, quod nihil transmutat materiam, nisi quod est in ipsa. Secunda autem patet per diffinitiones supra inductas.

2 Item, Nihil eorum quæ sunt naturalia, fit contrario modo naturalibus : sed resurrectio fit contrario modo naturalibus : ergo ipsa nec est à natura, nec naturalis. Prima patet per se. Secunda autem probatur ex hoc, quod via naturæ est de potentia ad actum, & non de priuatione habitus naturalis ad habitum : in resurrectione autem est regressus de priuatione ad habitum.

3 Item, Philosophus dicit in 2. de genera. & corru. in fine, quod generatio hominum non est circularis, sed recta, sed elementorum est circularis : ergo si ex homine fit elementum per corruptionem, non debet redire ex elementis homo naturaliter : sed in resurrectione redit ex elementis : ergo resurrectio non est naturalis.

4 Item, Chrysost. dicit, quod in quibuscunque sola voluntas Dei est mouens, illa sunt miraculosa : sed sicut Damasc. dicit, voluntas Dei sola est mouens in resurrectione : ergo ipsa est miraculosa, & non naturalis.

5 Item Dionys. de diu. nom. cap. 6. Et quod quidem est diuini, quod & totos nos, dico animas & coniuga corpora ad perfectam vitam

*D. Alb. Mag. in Lib. 4. Sentent.*

& immortalitatem se promittit translaturam. Rem quidem antiquitati præter naturam apparentem : mihi autem & tibi & veritati & diuinam & super naturam apparentem. Super naturam secundum nos dico visam autem, non omnipotentem diuinæ vitæ. Ex hoc accipitur, quod resurrectio non est naturalis : nam causata est super naturam, licet mortuos suscitare sit operatio summæ & diuinæ naturæ.

RESPONSIO. Dicendum ad hoc, quod *Solutio.* mihi videtur, quod non sit naturalis resurrectio : naturale enim secundum suam naturam, ut dicitur in 4. physicorum, necessario consequitur formæ alicuius naturam, ut sursum ferri ignis : sed resurrectio corporum non sic sequitur naturam hominis, sed potius fit voluntate diuina, ut reddatur unicuique prout meruit in corpore, siue bonum, siue malum.

AD ID ergo quod primo obijcitur, dicendum quod Damasc. intelligit de his quæ consequentia sunt substantiam. Et est instantia : sit enim, quod omnis homo sit albus, tunc albedo inuenitur in omnibus indiuiduis, & tamen non caracterizat substantiam vel naturam : & ideo oportet, quod prædicto modo intelligatur : & in hoc sensu probatur maior.

AD ALIUD dicendum, quod si vis fiat in hoc, resurrectio mirabilis erit, & non miraculosa, ut dicunt quidam : tamen mihi videtur, quod spes quæ cadit in diffinitione, est spes naturæ : sicut dicit Gloss. ad Roman. 4. super illud, Contra spem in spem credidit : & sic resurrectio erit miraculosa, quia est præter spem naturæ, licet non sit præter spem gratiæ.

AD ALIUD dicendum, quod substantialiter conuenire dicitur dupliciter. Vno modo substantialiter conuenit, quod causatur à substantiali causa formali vel materiali : & sic resurrectio non conuenit substantialiter. Sed alio modo dicitur substantialiter conuenire, quod contingit substantiæ : & hoc improprie conuenit substantiæ : & hoc modo non est necessarium esse illud naturale, quod conuenit substantialiter : & sic probata est minor.

AD ALIUD dicendum, quod appetitus duplex est in materia : quorum vnus est susceptibilitas formæ tantum, & iste proprie non est appetitus : quia dicit Boët. in lib. de hebdoma. quod nihil appetit aliud, nisi quod aliquo modo similis est illi : quia appetitus non sonat tantum passiuum, sed etiam actiuum aliquo modo : hæc autem susceptibilitas nihil addit supra substantiam materiæ : & ideo cum ad quodlibet ordinetur, potest reduci in actum per voluntatem diuinam : & tunc est miraculum : quia non est ita in materia, nisi potestas obedientiæ, ut in ea fiat quod Deus vult : & ex hoc non causatur naturaliseductio : Est iterum appetitus in materia, qui est formæ inchoatio in genere vel specie : & ille appetitus non est, nisi formæ sibi debitæ in genere vel specie, & coactiuus, non tantum passiuus : quia ille est vnum principiorum generationis, & hic sit naturalis quando educitur. Sed forma resurgentis corporis non est per hunc modum in cineribus, sed per modum obedientiæ tantum.

AD ALIUD dicendum, quod non est

YYy 3

ex



ex dispositione aliqua, quod corpus mortuum resolutum in cineres, non est coniugibile alteri animæ, sed potius ex relatione ad animam, quæ ipsum primo animavit, ut dicit Augustinus 21. de ciuit. Dei. quia dispositio dicit qualitatem transmutantem ad speciem: sed relatio rationis est, quæ causatur ex merito bono vel malo illius corporis cum hac anima: ex hac vero causatur ordo eius ad pœnam vel præmium cum eadem anima: & ideo diuina iustitia non permittit, quod coniungatur alij.

AD ALIUD dicendum, quod summum naturæ duplex est, scilicet, quod potest attingi operatione & bonitate naturæ: & hoc quod est eleuatum supra naturam, & acquiritur ordine diuinæ iustitiæ. Primum est naturale, & non secundum: & talis est perpetuitas quam habent corpora resurgentium.

AD ALIUD dicendum, quod ibi naturale non dicit, nisi ordinem creaturæ ad creatorem: sed naturale secundum quod currit naturalis cursus, est ordo causarum seminalium, secundum quod vnum in alio est potentia & non tantum materiali potentia, sed etiam illa quæ est inchoatio aliqua formæ.

AD ALIUD dicendum, quod illa quæ innati sumus suscipere, ita quod posse naturæ attingit ea, vna vel pluribus vel omnibus operationibus, sunt naturalia: sicut vna operatione sperma attingit formam speciei, pluribus

autem operatio politica habitum, & omnibus generatio speciei perpetuitatem. Sed nullo modo attingibile operatione naturæ, sicut est forma resurrectionis, non potest dici naturale.

AD ALIUD dicendum, quod Rabbi Moyse dictum intelligitur de his quæ à natura causantur, forma naturæ in alium statum transmutante, & de his verum est. Sed forma resurrectionis erit ad alium statum transmutante nos diuina iustitia.

AD ALIUD dicendum, quod Deus dupliciter potest dare effectum, scilicet consequentem speciem & naturam alicuius, sicut dedit cæco videre per hoc quod dedit ei visum: & ille actus est naturalis. Dat etiam effectum qui non consequitur naturam speciei illius rei quæ efficit ipsum: & hoc modo dabitur voci virtus mortuos resuscitandi: & ideo non erit naturalis. Et est simile sicut si daretur tibi videre per cubitum, vel manum: actus enim tunc esset miraculosus.

AD ALIUD dicendum, quod corporis corrupti ad animam non est dependentia naturalis, sed iustitiæ diuinæ tantum: & ideo non valet illa ratio. Ex ista quæstione patet, quod amentes sunt qui reprehendunt Philosophos non loquentes de resurrectione, quia per philosophiam non potest probari resurrectio, sed potius per principia fidei.

### De voce tubæ.

**B** AVSA enim resurrectionis mortuorum erit vox tubæ, quæ in aduentu iudicis ab omnibus audietur: & cuius virtute excitabuntur mortui, & de monumentis resurgent. Vnde Prophetas, Dabit voci suæ vocem virtutis, id est, effectum resuscitandi mortuos. Et Ioannes Euangelista ait, Venit hora in qua omnes qui in monumentis sunt, audient vocem filij Dei: & procedent qui bona fecerunt, in resurrectionem vitæ: qui vero mala egerunt, in resurrectionem iudicij. Si vero quæritur, Cuius vel qualis erit vox illa? Apostolus dicit, quod erit Archangeli, id est, ipsius Christi, qui est princeps Angelorum. Vel vox erit alicuius vel plurium Angelorum. Eademque dicitur tuba, quia erit manifesta: & nouissima, quia post eam non erit alia. Hæc tuba (ut ait August.) est clamor, de quo dicitur in Euangelio, Media nocte clamor factus est, ecce sponsus venit, exite obuiam ei. Tubæ nomine aliquod euidens & præclarum signum intelligitur. Quod vox Archangeli & tuba Dei ab Apostolo dicitur, in Euangelio vox filij Dei & clamor appellatur: quod signum mortui audient, & resurgent.

### ARTICVLVS IV.

*An causa resurrectionis erit vox tubæ?*

**D**Einde quæritur de hoc quod dicitur [Causa enim resurrectionis mortuorum erit

vox tubæ, &c.] Contra hoc enim obiicitur: quia cum superfluum non sit in natura, multò minus erit in operibus diuinis: sed superfluum est, quicquid additur ultra causam sufficienter causantem totum: ergo si in resurrectione tali causæ aliquid addatur, videtur quod erit superfluum: sed dicit Damasc. Crede resurrectionem futuram diuina voluntate & virtute & nutu.



nutu. Et constat, quod hæc tria sufficientissima sunt ut causetur totum: ergo vox tubæ superfluit.

2 Item, Tria sunt opera ordinata, scilicet creatio, recreatio, & status resurrectionis: & duo per se Deus operatus est, non per aliquam creaturam: ergo per seipsum etiam operabitur tertium, quod non est minus, quam secundum.

3 Item, Licet superior virtus operetur cum inferiori in actu proprio inferiori, tamen non conuertitur hoc: sed constat, quod de summis actibus est suscitare mortuos: ergo in illo cum superiori virtute non operabitur virtus inferior: ergo nec vox tubæ, nec aliquod creatum, ut videtur.

4 Item, Maioris potentia est de priuatione restituere habitum, quam de potentia educere: quod patet per hoc, quia secundum est naturale, primum autem non: sed nullus nisi Deus in educatione hominis de potentia coniunxit animam corpori: ergo nullus, Deo excepto, de morte suscitabit hominem, quando iterum coniungetur anima corpori.

5 Item, Damasc. non ponit aliquid pro causa, nisi tria, quæ omnia sunt in Deo, scilicet voluntatem, virtutem, & nutum: ergo videtur, quod ea quæ Magister hic tangit, scilicet ministerium Angelorum, & vocem tubæ, nihil faciant inter causas resurrectionis.

6 Ulterius queritur, Quid in resurrectione respondeat tribus, scilicet voluntati, virtuti, & nutui, quæ Damasc. ponit in causa resurrectionis.

7 Item, Cum in resurrectione operetur Deus, & homo Christus, & Angeli, queratur, quid respondeat operationi singulorum?

8 Ulterius videtur, quod inutilis sit vox tubæ: quia ubi impossibile est audire, ibi pro nihilo canit tuba, sed impossibile est, quod cineres vel mortui audiant: ergo pro nihilo canit eis tuba.

9 Item, Cum Num. 10. triplex usus tubæ determinetur, queratur, qualia tria in resurrectione illis tribus respondeant?

*Solutio.*

RESPONSIO. Dicendum, quod in litera ponuntur diuersæ opiniones de voce tubæ: secundum tamen probabiliorē sententiam videtur consentiendum Gregorio dicenti, quod tubam sonare nihil aliud est, quam mundo ut iudicem filium demonstrare. Sicut dicitur Matth. 24. Sicut fulgur exit ab Oriente, & paret usque in Occidentem: ita erit & aduentus filij hominis. Et hæc euidētia vocatur vox tubæ excitans mortuos.

DICENDUM ergo ad primum, quod non est superfluum: quia Deus est causa resurrectionis extra genus: sed Christus est ut iudex veniens, causa in genere per formam resurrectionis suæ nostram faciens & ostendens: quia sicut dicit Gloss. 1. Corinth. 15. Constat Christum surrexisse, qui est causa efficiens resurrectionis mortuorum. Secundum autem quod de ministerio Angelorum exponitur: tunc vox tubæ est causa in ministerio & imperata: & sic iterum non superfluit, quia licet prima causa sufficiens sit ad omnia, tamen propter congruentiam & meritorum acquisitionem operatur per ministros.

AD ALIUD dicendum, quod non est simile: quia illa duo opera procedunt ab alto ad imum: & ideo necesse fuit altissimum in illis operari. Sed resurrectio procedit ab imo, scilicet collectione cinerum ad altum: & ideo in ea quantum ad antecedentia aliquid ministrando possunt operari creaturæ inferiores, & in alto consummans est Deus per seipsum.

AD ALIUD dicendum, quod hoc verum est in eo quod istud opus est in alto, sed in eo quod procedit ab imo, potest aliquid contra ipsum operari ministerialiter, scilicet quoad terminum a quo est resurrectio, licet non quoad terminum ad quem, & in quo est consummatio resurrectionis.

AD ALIUD dicendum, quod coniunctio animæ ad corpus erit opus solius Dei, sed quædam sunt opera antecedentia illud, sicut in natura coagulatio sanguinis, coadunatio membrorum similium, & formatio membrorum, & compositio eorum, quæ operatur vis formatiua in semine, ita & in resurrectione est collectio cinerum, & mutatio eorum ad formam membrorum similium, & coadunatio organorum, & compositio eorum in corpore: & hoc Deus operabitur per ministerium Angelorum & Christi hominis.

AD ALIUD dicendum, quod Damasc. non respicit nisi causam efficientem ex auctoritate, & non illam quæ operatur in ministerio.

AD ALIUD dicendum, quod in resurgentibus sunt tria, scilicet participatio incorruptionis diuinæ,eductio habitus de priuatione, & facilitas operis. Et primum proprie respicit voluntas quæ communicat bona: secundum autem virtus, quia est maximæ potentia: tertium autem nutus, quia nutu potius quam labore operatur.

AD ALIUD dicendum, quod probabiliter dici potest, quod collectio cinerum quæ infimum opus est in resurrectione, fiet virtute Angelorum, sed formatio humani corporis mutando cineres ad membra similia, & formando organa, & componendo, homini Christo attribuitur, qui reformabit corpus humilitatis nostræ, configuratum corpori claritatis suæ, sicut dicitur Phil. 3. sed immutatio in incorruptionem & animatio erit opus diuinum.

AD ALIUD dicendum, quod sicut dicit Isaac, sensus duplices sunt, scilicet naturales, & animales: & ad similitudinem sensus naturalis non animalis possumus dicere, quod quælibet creatura nutu potest percipere creatoris, sic Matth. 8. imperauit ventis & mari, & obediunt ei: & ideo talis auditus, id est, vis perceptiua nutus & voluntatis Dei est in cineribus & mortuis.

AD ALIUD dicendum, quod usus tubarum fuit ad congregandum exercitum: & ille erit in congregatione mortuorum ad iudicium. Item vox tubæ commouebat ad prælium: & hoc erit in hoc quod pro iudice pugnet orbis terrarum contra insensatos, ut dicitur Sap. 5. Erat tertius usus tubarum, vocatio ad festum, & illi responderet vocatio sanctorum ad gaudia, cum dicitur eis, Venite benedicti patris mei, percipite, &c. Matth. 25.



## ARTICVLVS V.

*An Christus sit causa nostræ resurrectionis?*

**D**Einde quæritur de hoc quod dicit [ Veniet hora quando omnes qui in monumentis sunt, &c. ] Ex hoc enim videtur elici, quod Christus est causa nostræ resurrectionis. Et hoc etiam videtur elici ex Gloss. 1. Cor. 15. super illud, Si mortui non resurgunt, quæ dicit, quod Christi resurrectio est causa efficiens nostræ resurrectionis.

2 Item arguitur hic ex textu: quia si aliquid positum ponit aliud, & destructum destruit illud, est causa immediata illius: sed vtrumque illorum facit resurrectio Christi ad nostram resurrectionem: ergo Christi resurrectio est causa immediata nostræ resurrectionis. Probatio mediæ ex textu accipitur: quia vtraque istarum scribitur, si Christus resurrexit, mortui resurgunt: & si mortui non resurgunt, neque Christus resurrexit.

3 Item dicitur Roman. 4. quod Christus mortuus est propter delicta nostra, & resurrexit propter iustificationem nostram. Et ibi innuit Gloss. quod mors Christi causa est & sacramentum nostræ mortis spiritualis, quando morimur peccato vt iustitiæ viuamus: sed est causa nostræ resurrectionis animæ & corporis, sed non sacramentum. Sed Christi resurrectio est causa, non sacramentum: mors autem causa & sacramentum iustificationis & resurrectionis. Ex hoc arguitur, quod resurrectio Christi est causa efficiens & exemplar per modum signi sacramentalis nostræ resurrectionis. Et ex hoc arguitur idem quod prius.

4 Item sicut dicit Ambrosius, & habitum est in tercio, Nostra opera iustificationis virtutem & efficaciam accipiunt ab operibus Christi, & aliter non essent grata. Sed minus posunt cineres ad gloriam & incorruptionem, quam etiam liberum arbitrium ad gratiam in resurrectione. Ergo in resurrectione maior erit etiam dependentia cinerum ad resurrectionem Christi, quam liberi arbitri ad iustificationis opera: sed Christus est causa iustificationis operum: ergo sua resurrectio erit causa nostræ resurrectionis.

*Sed contra.*

IN CONTRARIUM autem huius obijciunt multi sic: Causa est quam necessario sequitur effectus: sed Christi resurrectionem non est secutus effectus nostræ resurrectionis: ergo non est causa nostræ resurrectionis.

2 Item, Causatum esse non potest sine causa, id est, nisi sua causa extiterit, vel existit: sed nostra resurrectio potest fore sine Christi resurrectione: ergo nostra resurrectio non causatur à resurrectione Christi. Secundam probant dupliciter. Primo sic: Dicit Augustinus, quod alius modus possibilis fuit nostræ liberationis: & tunc constat, quod resurrectio nostra subsecuta fuisset sine resurrectione Christi: ergo constat propositum. Secundo sic. Sit, quod Christus non resurrexit, adhuc verum est, quod sancti patres crediderunt resurrectio-

nem carnis futuram: & fidei non potest subesse falsum: ergo resurrectio carnis immutabiliter erat adhuc futura: & non per resurrectionem Christi: ergo iterum constat prius habita propositio.

3 Item, Idem est factuum vnius operis in tota specie vna: sed resurrectio opus quoddam est, quod perfectum est in Christo, & fiet in nobis: ergo idem habebit factuum & in Christo, & in nobis: ergo resurrectio Christi non est causa nostræ resurrectionis, sed potius nostra & sua vnam habent causam, quæcunque sit illa.

4 Item, Quod est causa vniuersalis in genere aliquo, non causatur secundum id quod causat in aliis: sed Christi resurrectio est causa vniuersalis in genere hominum resurrectionis, vt dicit aduersarius: ergo non causatur secundum id quod causat in aliis: hoc autem est resurrectio: ergo ipse non habuit causam suæ resurrectionis, quod est hæreticum: ergo & illud ex quo sequitur hoc, scilicet Christum esse causam vniuersalis resurrectionis. Probatum autem prima in omni natura: in sole qui est causa vniuersalis omnium generabilium, in intellectu agente, & in omnibus aliis. Secunda autem accipitur ab aduersario.

5 Itē, Si est causa: aut est causa necessaria, aut voluntaria. Si necessaria: ergo ipsa existente statim sequeretur effectus, quod non videmus. Si voluntaria: aut ergo voluntate diuina, aut humana. Si diuina, constat quod hæc eadem est Patris & Filij & Spiritus sancti: ergo tunc resurrectio non est attribuenda resurrectioni Christi vt causæ, sed potius voluntati diuinæ: & hoc est quod volumus. Si autem humana. Contra: Hæc est infirma & indiget alia: ergo non potest esse causa resurrectionis, quod est excellentissimum operum: & sic iterum constat, quod resurrectio Christi non est causa nostræ resurrectionis.

Isti etiam respondent ad obiectum Apostoli supra inductum, dicentes, quod est ex hypothesis argumentum: quia cum Christus sit sic homo, quod humana natura sit in Christo, hoc idem erit eiusdem naturæ in omnibus: vel si non est in omnibus hoc humanæ naturæ, tunc etiam hoc non fuit humanæ naturæ in Christo.

Sed contra hoc etiam obijciunt iterum: quæcunque enim per vnam naturam conueniunt omnibus quæ sunt illius naturæ, vnum illorum non dicitur alio prius in illo: ergo à destructione consequentis cum Christus dicatur primus in resurrectione, ipse non eodem modo participat resurrectioni vt alij: ergo non erat argumentum ex hypothesis. Prima patet per se. Secunda scribitur 1. Corinth. 15. vbi dicitur, Primitiæ dormientium Christus: deinde hi qui sunt Christi qui in aduentum eius crediderunt. Et Apoc. 1. Primogenitus mortuorum, & princeps regum terræ.

2 Item, Potestatem habens se suscitandi, & non habens, non vno modo se habent ad resurrectionem: sed Christus potestatem habuit, alij non: ergo non vno modo se habent ad resurrectionem: ergo nihil valuit argumentum ab hypothesis: & si ita arguit Apostolus, tunc omnino



omnino nihil scriuit de arte arguendi. Prima constat. Secunda scribitur Ioan. 10. Potestatem habeo, &c. vbi dicit Aug. quod caro habuit potestatem se suscitandi virtute latetis in se diuinitatis.

3 Item in Psalm. ipse solus dicitur inter mortuos liber esse. Ergo ipse ad resurrectionem aliter se habuit, quam alij. Hoc idem arguitur Act. 2. vbi dicit Petrus, Quem Deus suscitauit solutis doloribus inferni, iuxta quod impossibile, &c. Et constat quod hoc de aliis dici non potuit: ergo, &c.

4 Item, Quæ causa posset fingi, quod Christus causaret nostram iustificationem & ab inferis ereptionem, & non causaret resurrectionem per suam resurrectionem?

*Solutio.*

RESPONSIO, quod in hac questione ratio per se parum vel nihil valet: & ideo sanctis inspirationem diuinam habentibus omnino consentiendum videtur. Et quia ipsi dicunt, quod Christi resurrectio sit causa efficiens & sacramentalis nostræ resurrectionis, ideo etiam hoc dico nihil mutando de dictis eorum. Vnde dicendum, quod triplex est causa nostræ resurrectionis, scilicet efficiens æquiouoca, efficiens vniuoca habitualis, & efficiens vniuoca actualis. Causa efficiens æquiouoca dicitur, quando causa cum effectu non est eiusdem speciei, sicut dicitur, quod sol generat hominem: & sic Pater & Filius & Spiritus sanctus sunt causa efficiens nostræ resurrectionis. Causa vero efficiens vniuoca dicitur, quæ efficit simile sibi in specie, sicut homo generat hominem: & sic Christus resurgens, est causa efficiens nostræ resurrectionis secundum habitum tantum. Causa vero efficiens vniuoca secundum actum siue actualis, erit Christus in iudicio portans insignia nostræ redemptionis: vnde ibi statim sequitur nostra resurrectio. Est igitur triplex causa efficiens nostræ resurrectionis, scilicet causa efficiens æquiouoca, causa efficiens vniuoca habitualis, & causa efficiens vniuoca actualis. Primo modo causa sunt nostræ resurrectionis Pater, Filius, & Spiritus sanctus, voluntate, virtute, & nutu, vt prius habitum est. Secundo autem modo Christus resurgens est causa nostræ resurrectionis habitualis. Et tertio modo Christus in iudicio portans redemptionis nostræ insignia, & vt iudex iudicando mundo demonstrans, erit nostræ resurrectionis causa actualis.

CONSENTIENDO igitur primis & vltimis auctoritatibus & rationibus inductis, dicendum videtur ad primum, quod contra hoc est, quod Christi resurrectio dicitur hic Christus resurgens: quia resurrectio Christi abstracta, nullius est causa formalis, nisi fortè Christi resurgentis: Christus autem resurgens est causa in habitu, & illam non necessario sequitur effectus: sicut sciens in habitu est sufficiens causa considerationis, sed tamen non necessario considerat, sed considerabit quando voluerit. Ita est etiam de Christo resurgente in ordine ad nostram resurrectionem.

AD ALIUD dicendum, quod est potentia duplex, scilicet absoluta, & ordinata sub dispositione immobili de futuris, qua dispositione explicatur per tempora consilium diuinum, quod prædixit ab æterno. De prima autem potentia fuit alius modus possibilis: & sic pa-

ter, quod non valet probatio proposita. Et est instantia: quia si Deus illam primam nubeculam stare permisisset, qui primos tres dies creauit, ipsa creasset omnes dies: & ideo sol potuit non esse causa diei super terram: & tamen si inferatur, sol non potuit esse causa diei: ergo non est causa: constat, quod fallacia consequentis incidit: & ita est in proposito. Ad aliam propositi probationem dicendum, quod patres nostram resurrectionem per efficaciam resurrectionis Christi fore crediderunt. Si tamen aliter ordinasset Deus, tunc aliter esse posset: sed ex hoc non sequitur, quod non sit causa, vt iam habitum est.

AD ALIUD dicendum, quod resurrectio Christi cum nostra non est omnino vniuoca, sicut patuit supra in questione, Quid est resurrectio? Sed si esset omnino eiusdem rationis, tunc aliquid valeret argumentum: quia Christus resurrexit virtute propria, & non nos, sed virtute Christi resurgentis.

AD ALIUD dicendum, quod si genus illud esset in omnibus vnum, tunc verissima esset propositio: quia tunc actus ille fluere ab vno aliquo in totum genus. Et ita non est de Christo: licet enim Christus sit verus homo, non tamen purus est homo Christus, & ita habet aliquid influentiæ super alios homines, sicut causa super causatum.

AD ALIUD dicendum, quod ipse est causa voluntaria, formam causati apud se habens: quia reformabit corpus humilitatis nostræ, &c. Ad hoc quod vltius queritur, dicendum quod est voluntas Dei in homine resurgente, & vnita humanæ: & ita patet quod non valet illud quod infertur: quia illa solius Christi est resurgentis. Responsiones autem illorum ad dictum Apostoli, sufficienter improbare esse videntur.

#### ARTICVLVS VI.

*An vox tubæ erit vnus, aut plurium Angelorum?*

DEinde queritur de hoc quod dicit [Vox erit alicuius vel plurium Angelorum, &c.] Ibidem etiam dicitur 1. Thess. 4. Et queritur quare dicit, Alicuius, vel plurium? Videtur enim, quod nullo modo sit vnus, sed plurium: plures enim fuerunt, qui ministrauerunt in custodia: ergo etiam plures erunt ministrantes, vt resurgant ad iudicium, & reddant rationem qualiter Angelis custodientibus obedierunt.

2 Item, Virtutum est facere mirabilia: sed omnium mirabilior est resurrectio: ergo videtur, quod ad hoc quod fiat resurrectio, conueniant omnes virtutes: ergo plures.

3 Item Matth. 24. non dicitur de vno, sed de omnibus in communi, nam ita ibi dicitur, Virtutes cælorum mouebuntur: & exponitur de choro virtutum à beato Bernard. in 5. ad Eugenium.

RESPONSIO. Dicendum, quod est alicuius & multorum. Alicuius, vt in præposito Ecclesiæ, quia Michaël est præpositus Ecclesiæ & princeps, vt dicitur Daniel. 12. Multorum autem obsequentium circa singulorum rationes, vt supra habitum est. Et per hoc patet solutio ad totum.

*Solutio.*

*De*



## De media nocte.

**M**EDIA autem nocte dicitur venturus, ut ait August. Non pro hora temporis: sed quia tunc veniet, cum non speratur. Media ergo nocte, scilicet cum valde obscurum erit, id est, occultum veniet. Dies enim Domini, sicut fur in nocte, ita veniet. Potest tamen non incongruè intelligi mediæ noctis tempore venturus: quia ait Cassiodor. Hoc tempore primogenita Ægypti percussa sunt, quando etiam sponsus venturus est. Pluribus etiam locis contestantur Auctores, quod aduentus Christi dies dicitur Domini, non pro qualitate temporis, sed rerum: quia tunc cogitationes & consilia singulorum patebunt. Vnde in Daniele, Vetustus dierum sedit, & libri aperti sunt coram eo. Libri sunt conscientiæ singulorum, quæ tunc aperientur aliis. Et tunc implebitur, Nihil occultum quod non reueletur. Adueniente autem summo iudice, non solum aëris tenebræ illuminabuntur, sed abscondita cordium manifestabuntur. Virtute ergo diuina fiet, ut cuique opera sua bona vel mala cuncta in memoriam reuocentur, & mentis intuitu mira celeritate cernantur: ut accuset vel excuset hominem conscientia, eaque teste damnetur vel saluetur.

## ARTICVLVS VII.

*An scibile sit tempus aduentus Domini ad iudicium?*

**D**Einde quæritur de hoc quod dicit [Media autem nocte dicitur venturus] Quæruntur autem hic tria, scilicet an scibile sit tempus aduentus Domini ad iudicium? Secundo, Quæ hora sit magis conueniens ad veniendum? Tertio, Quare citatio nulla hanc horam præcedat, cum hoc videatur esse de forma iustitiæ.

Ad primum obiicitur sic: Cuiusunque rei principiorū scitur finis, & ipsius finis necessariò scietur: sed principiorū mundi scitur finis: ergo necessariò etiā scietur finis ipsius mūdi. Probat autē prima: quia corruptis principiis primis, impossibile est aliquod principiatorum remanere. Secunda autem accipitur ex hoc, quod principium totius generationis & corruptionis, est allatio superiorum, ut dicunt Philosophi: & scitur finis illorum, sicut accipitur ex propria doctrina mathematicorum: ergo constat ambæ præmissæ. Et cum finis mundi est dies iudicij: ergo constat, quod est scibilis.

2 Item, Philosophi scripserunt de magno anno, quo omnia in primum chaos reuertentur, & nobis tradiderunt principia inueniendi primum, medium, & vltimum illius anni: ergo nobis etiam scibile est, quando omnia in primum chaos redibunt: hoc autem constat, quod est finis mundi & dies iudicij: ergo videtur, quod nobis scibilis est dies iudicij.

3 Item, Cuiusunque principium est in aliquo determinatum & finitum, illius finis

scitur ex eodem, quia ex fine principij: sed principium mundi inferioris est in motu cali determinato & finito: ergo finis eius scitur ex eodem. Et inde ut prius. Prima patet per se. Secunda autem scribitur ab Aristotele: quia cuiusunque principium est in tempore ut in numero, illius finis erit in eodem: & hoc propter finem periodi, ut dicunt mathematici.

4 Item, Daniel & Apostolus scribunt de die iudicij: non autem scribitur quod nescitur: ergo videtur, quod dies iudicij sit scibilis.

5 Item, Sunt multi qui de hoc loquuntur per reuelationes, quas dicunt sibi factas: quod autem per reuelationem scitur, verissimè scitur: ergo videtur, quod sciatur.

6 Item, Etiam Philosophi, sicut patet in Timæo Platonis loquuntur de diluuiio per ignem: constat autem secundum dicta Sanctorum, quod hoc iudicium erit per ignem: ergo videtur, quod cum hoc sciatur, dies iudicij sit scibilis.

**I**N CONTRARIUM huius est, quod omnis circularis mobilis & motoris perpetuum perpetuus est motus quantum ad principia motus: talis autem motus est cæli: ergo quantum est de principiis motus, motus est perpetuus. Prima patet ex 8. physicorum. Similiter autem & secunda patet ex his, quæ disputata sunt super secundum à nobis. Inde sic, Stante motu cæli, non erit dies resurrectionis & iudicij, ut dicitur Iob. 14. Donec atteratur cælum, non euigilabit, neque consurget de somno suo. Sed quærum est de principiis motus nunquam non stabit. Ergo ex illis principiis nunquam scietur finis mundi, vel dies iudicij. Patet autem omnibus etiam modicum scientibus, quod Philosophi non possunt scire aliquod



# In Lib. 4. Sentent. Distinct. XLIII. 815

quod futurorum, nisi ex principiis illis, scilicet motoris, & mobilis: ergo non potest per naturales vel mathematicas rationes sciri dies iudicii.

1 Item, Nullus Philosophorum scripsit physicè de fine mundi: ergo videtur, quod nihil scire potuerunt. Si fortè quis dicat, quod per reuelationem sciatur. Contra: Probabile est quod hoc quod Deus non vult reuelare maioribus, per hoc etiam nolit reuelare minoribus: sed noluit hoc reuelare Apostolis: ergo nec minoribus quibuscunque reuelabit. Probatio mediæ. Act. 1. Igitur qui conuenerant, interrogabant eum dicentes: Domine si in tempore hoc restitues regnum Israël, &c.

3 Item ex illo quod dixit, De die autem illa nemo scit nisi solus Pater, neque etiam Filius. Ergo videntur esse trutanni, qui se de reuelatione illa intromittunt.

*Solutio.*

RESPONSIO. Dicendum, quod nullo modo puto quemquam posse præscire diem iudicii. Et causa redditur in litera ab August. scilicet quia insperatè vult iudex venire. Sed ratio etiam reddi potest: quia per dispositionem motus superioris non potest sciri: sed per reuelationem non vult Deus aliquem scire: & ita nullo modo sciri potest. Quare autem ex dispositione motus sciri non possit, patebit inferius in solutione obiectorum.

DICENDUM ergo ad primum, quod finis mundi non potest sciri ex motu cæli ex propria scientia mathematicorum: sed finis habitationis regni ciuitatis & habitabilis terræ nostræ bene scitur ex propria scientia mathematicorum, sed non totius terræ: quia quando vna quarta pars habitabilis modo efficitur inhabitabilis propter breuitates diametrorum planetarum & præcipuè solis, tunc eo ipso longitudo longior alterius partis eorundem diametrorum erit in altera parte quartæ: & illa efficitur habitabilis transeunte habitatore & habitabilitate ab vna quarta in aliam: & nihil amplius potest accipi à propria scientia mathematicorum, sicut sciunt omnes qui de arte aliquid perfectè nouerunt: & scribunt hæc auctores Ptol. Malarba, & Albunasar in lib. de coniunctionibus maioribus, & Abraham in lib. coniunctionum saturni & iouis, & Messalach in lib. coniunctionum planetarum. Arist. etiam obiiciendo innuit hoc in fine primi de causis proprietatum elementorum & planetarum.

AD ALIUD dicendum, quod Philosophi diuersa tradiderunt de magno anno secundum diuersam eius acceptionem: dicitur enim annus magnus planetarum, & hoc multipliciter, scilicet quantum ad vnius planetæ significatum quod instillat sectæ, & sic alij sunt anni maximi saturni & aliorum planetarum, vt dicunt Auctores. Et secundum hoc dicuntur anni medij quibus durat significatum planetæ in ciuitate, vel villa: & minimi quibus durat suum significatum in nato, & alij siderei anni honoris eius. Quandoque autem dicitur annus magnus quoad restitutiones planetarum ad loca & origines suas, vt quilibet à sua origine progrediatur, sicut à principio suæ creationis progrediebatur: & hic vocatur annus magnus

à Firmitio Philosopho in lib. de significatis astrorum. Quandoque autem annus magnus dicitur secundum reditum totius sphaeræ stellatæ. In omnibus autem illis annis non accipitur status motus, & non est ibi reuolutio vltima, post quam non fit alia: & ideo finis mundi nunquam accipitur, sicut patuit prius, sed finis huius sectæ vel habitationis, vt habuimus, & non finis mundi simpliciter.

AD ALIUD dicendum, quod inferiora sunt in numero & tempore, sed accipiuntur dupliciter, scilicet secundum totam successionem ipsorum, vel secundum durationem specialem huius vel illius. Primo autem modo sunt in tempore toto, cuius finis per philosophiam non comprehenditur. Secundo autem modo sunt in quadam parte temporis quod scitur: & sic intelligitur dictum Aristotelis dicentis inferiora esse in tempore sicut in quodam numero: vnde ibidem dicit, quod esse in tempore nihil aliud est, quam quadam parte temporis mensurari.

AD ALIUD dicendum, quod Sanctis facta est reuelatio de signis antecedentibus: sed, vt puto, determinatum tempus nunquam alicui reuelatum est in toto, vt sciret quantum ab hodie vel alio determinato die est vsque ad diem iudicii. Et Daniel videtur determinatè dicere tempus quod erit inter mortem Antichristi & iudicium, sed quod est vsque ad Antichristi apparitionem non dixit.

AD ALIUD dicendum, quod omnes quotquot hætenus se de talibus intromiserunt, fatui apparuerunt: & ideo illa obiectio super nihil stabile fundatur.

AD ALIUD dicendum, quod Philosophi considerant causas diluuiorum particularium secundum eleuationes & depressiones planetarum in signis calidis & frigidis, & secundum dominia calidorum & frigidorum: nullus tamen determinat diem iudicii.

INTEREA autem quæ obiiciuntur in contrarium, nullum indiget solutione, nisi hoc quod dicit, quod nec filius nouit diem illam. Et ad hoc dicendum, quod (vt dicit Gloss.) filius dicitur nescire, quia non facit nos scire. Vel melius dicatur, quod loquitur de filio hominis vt hominis: quia ex natura humana non sciuit hoc, sed diuina in qua idem erat Patri.

## ARTICVLVS VIII.

*Qua hora erit iudicium?*

Secundo quæritur, Quæ hora sit magis conueniens ad veniendum? Videtur autem, quod meridies: quia exteriora interioribus congruere debent: sed in die iudicii omnia interiora illustrabuntur: ergo exteriora omnia tunc debent esse illustrata: & hoc est in meridie: ergo illud tempus est maximè congruum.

2 Item, Nulla ratio videtur esse quam ponit in litera, scilicet cum valdè obscurum erit, id est, occultum: non enim debet iudex occultus superuenire, sed potius manifestus: ergo melius congruit, quod veniat in die, quam in nocte.

RESPON



## 816 D. Alb. Mag. Ord. Præd. Comment.

*Solutio.* **R E S P O N S I O.** Dicendum, quod rationes congruentiæ diuersæ possunt assignari, nec magna vis est in eis: cum patribus ergo videtur consentiendum, quod congruit eum in media nocte venire ex mysterio quod adducit Exod. 11. Cassiod. & ex congruentia iudicandorum, qui hoc merentur, ut incerti de hora semper sint solliciti.

**A D I D** quod primo obiicitur, dicendum, quod illa congruentia sumitur ex parte conditionis iudicis tantum, qui semper inhabitat lucem inaccessibilem omnia perlustrantem: sed qualitas temporis iudicij (ut patet in litera) magis sumitur ex parte iudicandorum: & hoc ideo fit, quia iudicium est propter iudicandum, non propter iudicem.

**P R H O C** etiam patet solutio ad residuum.

### A R T I C V L V S IX.

#### *Quare citatio non precedat iudicium?*

**T**ertio quæritur, Quare citatio non præcedat? Cum enim sit iudex summè iustus, nihil de ordine iuris prætermittit: sed de ordine iuris est citare iudicandum: ergo hoc prætermitti non debet.

**A D H O C** dicendum, quod omnes prædicatores citauerunt: præcipua tamen & finalis citatio erit per Eliam & Enoch: & quoad hoc obseruabitur ibi ordo iuris.

### A R T I C V L V S X.

#### *Qualiter conscientia dicuntur libri?*

**D**einde quæritur de hoc quod dicit [Libri sunt conscientia singulorum, &c.] Quæruntur autem hic quatuor, scilicet qualiter conscientia dicantur libri? Secundo, Vtrum omnia peccata vel quædam contineant libri illi? Tertio, Vtrum patebunt eis sua & aliena peccata vel sua tantum? Quarto de cruciatu vel consolatione consequente huiusmodi manifestationem.

Ad primum proceditur ex litera, ubi dicit, quod libri sunt conscientia singulorum, quæ tunc aperientur.

**2** Item, Richardus de san. Vi& in lib. de iudicio sic dicit: Quid sunt corda iudicandorum, nisi quædam (ut ita dicam) actiones scripturæ? quid vero iudicantium corda in omnem diuinitus veritatem edocta, nisi quædam quasi canonum decreta? Ex hac ergo gemina scriptura omnis trahitur sententia, vnde quilibet iudicandorum absoluitur, vel condemnatur. Ex hoc accipitur, quod tam iudicandorum, quam iudicantium conscientia libri dicantur: sed iudicandorum conscientia ponunt causas iudicandi, & iudicantium conscientia exhibent canones sententiæ in talibus causis ferendæ.

**3** Item ibidem dicit sic: Iudicandos itaque nihil aliud est actionum suarum codices coram iudicibus aperire, quam conscientias illis

non posse abscondere. Ex hoc accipitur idem quod prius.

**4** Item, Sicut se habet iudicium hominis ad faciem exteriorem, ita se habet Dei iudicium ad cor, sicut innuitur 1. Reg. 16. sed iudicium hominis ad faciem, est secundum faciem, & per testes, vel euidentiam facti manifestationem: ergo iudicium Dei est ad cor secundum cordis apertionem vel manifestationem: ergo corda ut libri quidam debent ibi aperiri.

**I N C O N T R A R I V M** est, quod peccata transierunt actu à memoria ad minus multa de peccatis: ergo non sunt scripta in conscientia: ergo quoad illa non potest esse liber. *Sed contra.*

**2** Item, Liber non indiget illustratione: sed corda damnandorum sunt obscurissima: ergo non possunt esse libri manifestantes delicta.

**R E S P O N S I O.** Dicendum, quod sicut *Solutio.* dicit Gloss. ad Rom. 1. Notæ quædam peccatorum remanent in conscientia: & illas notas puto esse reatum: & per illum quilibet repræsentat suum peccatum. Similiter Sancti rectificati secundum formam iustitiæ primæ suæ reatitudine conscientia sunt quædam regula & canon: vnde omnes conscientia dissimiles iudicantur ad condemnationem, & congruentes ad absolutionem & salutem, sicut dicit Richardus. Et ex illis duobus procedit iudicium: & hoc est quod dicitur Sap. 1. Qui loquitur iniqua, non poterit latere, & non præterit illum correptionis iudicium.

**A D I D** autem quod contra obiicitur, dicendum quod transit & actu, & memoria: & tamen manet reatu, nisi per penitentiam deleatur.

**A D A L I V D** dicendum, quod in lumine duplici vident, scilicet naturalis iustitiæ quæ scripta est in cordibus eorum secundum syn-dere-sim, quia illi non contrariatur obscuritas mali meriti, sed saluatur cum ipsa: & in lumine Dei & Sanctorum de super irradiantium, sicut Sophonia 1. dicitur, Et erit in tempore illo: scrutabor Ierusalem in lucernis, & visitabo super viros defixos in facibus suis: qui dicunt in cordibus suis, &c.

### A R T I C V L V S XI.

#### *An omnia peccata vel quædam contineant libri?*

**S**ecundo quæritur, Vtrum omnia peccata vel quædam contineant libri illi? Videtur, quod non omnia: quia omne quod cordi reuocatur, aut per sensum nouum accipitur, aut ex memoria sicut ex thesauro formarum educitur: sed neutro istorum modorum omnia peccata veniunt ad corda iudicandorum: ergo videtur, quod non omnia peccata ibi manifestabuntur. Prima patet per se. Secunda autem probatur: quia non est nisi duplex via cognitionis, ut dicunt Philosophi, scilicet recta quæ est per sensum, & reflexa quæ est ex memoria: sed neutro modo omnia adsunt peccata.

**2** Item Ierem. 17. Profundum est cor hominis & inscrutabile, quis cognoscet illud? Ergo



Ergo ibi in toto agnoscere non potest: ergo non omnia manifestabit ibi cor.

3 Item, Iudicis in iudicio sedentis non est detegere id quod est occultum: cum ergo ille sit æquissimus iudex, non detegat aliquid occultum: ergo corda non manifestabunt peccata, nisi ea quæ sunt manifesta.

4 Item, Multa peccatorum pœnitentia deleuit, etiam si non fuit finalis cum perseverantia, quia omnis vera pœnitentia delet peccata: ergo videtur cum illa sint deleta reatu & actu, quod tunc non manifestabuntur: ergo non omnia peccata manifestabit cor.

*Sed contra.* IN CONTRARIUM huius est, quod omne peccatum accipiet iustam suæ deformationis condemnationem: sed nihil vniuersaliter condemnatur, nisi in iudicio manifestum: ergo omne peccatum erit in iudicio manifestum.

2 Item 2. Corinth. 5. Omnes nos manifestari oportet ante tribunal Christi, &c. Ergo omnia peccata nostra ibi patebunt.

*Solutio.* RESPONSIO. Hoc vltimum concedendum est, scilicet quod omnia ibi patebunt peccata: sed quæ sunt per pœnitentiam deleta, non sunt peccata: & idè ibi illa ad conscientiam vt iudicanda non reuocantur, licet forte reuocentur ad participandam ingratitudinis quantitatem, scilicet ex quanto dono cecidit, vt propter sequens peccatum acius puniatur. Et per hoc patet solutio ad vltimum.

AD PRIMVM dicendum, quod si ibi est nota peccati quæ est reatus, informabitur cor ad noscendum peccatum, alij manifestandum.

AD ALIUD dicendum, quod non potest modo cognosci: sed tunc diuina virtute cognoscetur ad maiorem confusionem, & iustitiæ diuinæ commendabilitatem.

AD ALIUD dicendum, quod hoc verum est, vbi testis est extra de facie: sed vbi testis est intra, cuius statum testimonio, tunc iudicis (quando dat sententiam) est manifestare dicta testium, vt iusta appareat sententia: & ita Dei est ostendere interiora dicta testium, scilicet conscientiarum accusantium, aut etiam defendentium.

## ARTICVLVS XII.

*An propria & aliena peccata patebunt omnibus?*

TERtio quæritur, Vtrum sua & aliena patebunt omnibus? Videtur, quod non aliena: quia causam non oportet esse notam, nisi iudicibus, hoc est, iudici, & suis assessoribus: ergo videtur, quod etiam illa causa soli Deo nota erit, & Apostolicis viris iudicantibus cum Domino: ergo non omnibus patebunt aliena peccata & sua.

2 Item, Quæ utilitas est in hoc quod omnibus manifestentur? Videtur, quod nulla: quia manifestatio culpæ modo mala est: ergo & ibi melius est occultè punire, quam manifestare omnibus propria & aliena: ergo vt prius.

*Sed contra.* CONTRA: 1. Corinth. 4. super illud, Quoad usque veniat Dominus, qui illuminabit abs-

D. Alb. Mag. in Lib. 4. Sentent.

condita tenebrarum, & manifestabit consilia cordium: dicit Glossa, Tunc erunt omnia aperta & nota omnibus, & poterunt etiam de se & de aliis iudicare.

2 Item versus dicitur ab antiquis

*Cunctaque cunctorum cunctis arcana patebunt.*

3 Item, Sicut bonis omnia bona manifestantur ad gloriam ipsorum, ita iustum est in malis omnia manifestari mala sua & aliena ad eorum confusionem: sed omne quod congruit & iustum est fieri, fiet: ergo omnia mala propria & aliena manifestabuntur ibi.

RESPONSIO. Dicendum, quod omnia *Solutio.* aliena & propria ibi manifestabuntur, sicut vltimo probatum est.

AD PRIMVM ergo dicendum, quod non solus Deus ibi iudicat, sed iudicabunt etiam Sancti nationes, vt dicitur Sap. 3. sed verum est, quod solus Deus ibi iudicabit auctoritative. De hoc tamen erit quæstio suo loco infra. Nec peccata ibi tantum manifestantur ad iustitiæ euidentiā, sed etiam ad peccantium confusionem, sicut vltimò est probatum.

AD ALIUD dicendum, quod est ibi hæc utilitas vindictæ per pœnam verecundiæ: & quod modo mala est manifestatio culpæ, est propter timorem scandali imitati: & hoc tunc penitus tollitur: & idè utilitas sola relinquitur in culpæ manifestatione.

## ARTICVLVS XIII.

*An ex apertione illorum librorum erit aliquis cruciatus, vel consolatio?*

QUarto quæritur, Quid ex hoc prouenit, cruciatus, vel consolationis? Videtur enim, quod acerbior sit pœna ex pœnitentia malorum, quam ex gehenna. Vnde Hugo, Adueniente iudice vniuscuiusque conscientia ad medium erit reducta: tunc omnis ante oculos culpa reducetur, & mens super incendio suo grauius igne gehennæ cruciabitur. Ex hoc accipitur quod dictum est.

2 Item, Luc. 23. Tunc dicent montibus, Cadite super nos: & collibus, operite nos. Constat autem, quod hoc dicentes non quærunt euadere, nisi exteriorem iudicis irati visionem in accusatione conscientie, non interiorem cruciatum. Ergo aliquid durius est, quam cruciatus gehennæ: sed accusatio conscientie grauior est, quam visio iudicis: ergo accusatio conscientie grauior est pœna, quam gehenna. Quod autem accusatio conscientie grauior sit quam visio offensi iudicis, pater: quia visio non est pœnalis, nisi propter conscientie accusationem, & propter quod vnumquodque tale & ipsum magis tale est.

3 Item Sap. 5. dicitur, quod præ angustia spiritus dicent gementes, Hi sunt quos aliquando habuimus in derisum. Et non dicitur ibi præ angustia inferni: ergo angustia spiritus videtur grauior, quam infernus.

4 Item, In beatis obiectum delectabilissimum est intra, scilicet Deus replens intima ad fruendum:

Z Z z



fruendum: ergo & in aliis pessimum & tristissimum est intra, scilicet afflictio spiritus.

Item, Quod maximè est alicui malum, maximè est afflictivum: sed proprium malum est maximè alicui malum: ergo maximè est afflictivum: hoc autem malum animæ (vt dicit Dionysius) est contra rationem esse: ergo videtur, quod tunc hoc eam maximè affligat.

*Sed contra.*

IN CONTRARIUM huius est, quod pœna minor est in agente in contrarium, quam in priuatione sola: sed ignis est agens in contrarium, & accusatio conscientie est de priuatione boni sola: ergo est vehementior pœna, quam accusatio conscientie.

*Solutio.*

RESPONSIO. Dicendum, quod est pœna damni, & pœna sensus. Pœna damni maxima, est priuatio boni increati & creati boni naturalis propter peccati deformitatem. Pœna autem sensus duplex est, scilicet remorsus conscientie interior, & exterior ignis cum aliis affligentibus. Et inter illas credo exteriorem ignem magis esse vehementem: quia interior remorsus vel est de damno, vel de hoc quod per peccatum se subdidit affligenti corporali, sicut est ignis, vel huiusmodi.

AD HOC ergo quod primo obiicitur de dicto Hugonis, dicendum quod est grauius secundum quid, scilicet quantum ad indignationem: quia plus indignatur sibi, eo quod fuit causa pœnarum: sed tamen plus cruciatur sensibilibiter ex igne.

AD ALIUD dicendum, quod hoc ideo dicunt, vt vnā pœnam eurent, non quod maiorem hanc vel illam reputent: bene enim puto, quod inter paruas pœnas suas aliquæ sunt, quæ oppressiones montium afflictione sua superent: & ideo maiores oppressiones oppressionem montium libenter commutarent.

AD ALIUD dicendum, quod gemunt præ angustia spiritus: & hoc commemoratur specialiter, eo quod est causa aliarum pœnarum.

AD ALIUD dicendum, quod non est simile: quia bonum fruibile est intra non inclusum, & extra non exclusum: & illud non habet contrarium: & ideo malum sibi oppositum non est intraneum maximè afflictivum, sed potius ignis qui non est malus in se, sed illis in quantum affligit naturam bonam, vt dicit Augustinus.

AD ALIUD dicendum, quod si malum sonat priuationem & damnum, id est, quod maximè adimit bonum: tunc non est vera propositio: quia maximè afflictivum est in contrarium agens, & maximè malum est priuatio proprii & maximi boni. Si autem dicit malum pœnæ ex agente in contrarium: tunc vera est: & tunc illa est falsa quæ dicit, quod maximè malum est animæ contra rationem esse

in eodem sensu: & in primo sensu vera est. Et deceptio est ibi per æquiuocationem.

## ARTICVLVS XIV.

*An iudicium extremum fiet in momento?*

DEinde quæritur de hoc quod dicit [ Et mentis intuitu mira celeritate, &c. ] Et quærentur tria, scilicet vtrum iudicium fiat in momento? Et vtrum possibile sit omnia mala in momento accusari per conscientiam? Et vtrum iudicium futurum sit in momento?

Circa primum obiicitur sic: Apostolus 1. Corinth. 15. sic dicit: In momento, in ictu oculi, in nouissima tuba. Momentum autem est indiuisibile, & ictus oculi est in indiuisibili, sicut probat Iacob filius Alchindi, & etiam Arist. in lib. de sensu & sensato: ergo resurrectio erit in momento.

Item Glossa ibidem, Credimus in ictu oculi futuram resurrectionem, & in membra sine fine victura, tanta velocitate rediturum antiquissimorum cadauerum puluerem. Ex hoc accipitur idem quod prius.

Item, Sicut probat Philosophus in fine 8. Physicorum, infinita virtus mouet & operatur in indiuisibili temporis: sed causa resurrectionis quæ est virtus Dei, est infinitæ virtutis: ergo & resurrectio quæ est opus eius, erit in indiuisibili temporis.

Item, Si operaretur resurrectionem in tempore, oporteret quod hoc tempus esset secundum congruitatem resurgentium, & non secundum congruitatem causæ resurrectionis: sed resurgentes sicut & nascentes aliud tempus exigunt ad formationem, & aliud ad nutrimentum: ergo ibi esset similiter, & sic exigentur 20. anni ad minus, quod falsum est: ergo videtur, quod non sit in tempore, sed in momento futura resurrectio.

Item, Distinctum debet esse opus diuinum ab opere naturæ in velocitate motus: sed opus naturæ est in tempore: ergo opus diuinum debet esse in indiuisibili temporis, vt videtur.

IN CONTRARIUM huius est, quod dicitur Ezech. 37. Accesserunt ossa ad os, & carnes non habebant: & postea succreuerunt carnes, & spiritum non habebant: & tandem à quatuor ventis cæli venit spiritus. Hæc autem non fiunt in momento, sed in temporis successione. Ergo resurrectio non erit in momento, nec in ictu oculi.

Item, Plurium actuum sibi succedentium non est indiuisibile vnum mensurans: sed collectio puluerum, formatio corporum, animatio eorum, sunt actus plures sibi in resurrectione succedentes: ergo eorum non est vnum indiuisibile mensurans: ergo resurrectio non erit in indiuisibili temporis.

RESPONSIO. Dicendum, quod prima pars obiectorum videtur esse concedenda.

AD 1. quod contra obiicitur, dicendum quod Ezechiel rudi populo loquebatur. Et ideo quod simul factum est, per ordinem naturæ non temporis explicauit, sicut & Moyses opera sex dierum, quæ tamen simul in vno momento secundum Augustinum facta sunt.

AD



AD ALIUD dicendum, quod illi actus non sibi succedunt in tempore, sed in natura materia: sicut etiam creatio animæ & infusio & infectio per originale peccatum, sunt tres actus habentes ordinem naturæ, non temporis: unde colligendo pulueres per Angelos conuertit & format & animat eos Deus.

ARTICVLVS XV.

*An sit possibile omnia mala in momento accusari?*

Secundo quæritur, Vtrum possibile sit omnia mala in momento accusari per conscientiam? Videtur autem, quod non: quia non accusatur quod secundum actum non consideratur: sed impossibile est plura simul intelligere secundum actum siue considerare: ergo impossibile est simul plura accusare, sed potius vnum post aliud. Prima patet per se. Secunda autem scribitur in topicis, vbi dicitur, quod plura scire possumus, intelligere vero minime.

2 Item Sapient. 5. sigillatim se de peccatis accusant dicentes: Quid nobis profuit superbia, &c. sed talis quæ sigillatim fit accusatio, non fit in indiuisibili temporis: ergo talis accusatio non fit in momento.

3 Item, Augustinus dicit super Genes. ad litteram 11. quod Deus creaturam spiritualem mouet per tempus. Ergo multo magis facit hoc in homine: ergo per tempus, & non per momentum erunt vices cogitationum accusantium aut defendentium in die quo iudicabit Dominus occulta hominum.

*Sed contra.* IN CONTRARIUM huius est, quod dicitur in littera.

2 Item, Motus spiritus in cogitando expeditior est, quam aliquis motus corporum: sed corpora in momento mouentur ad resurgendum, vt iam habitum est: ergo & motus cordis siue spiritus erit in accusando vel defendendo multo magis in momento siue in indiuisibili temporis.

*Solutio.* RESPONSIO. Videtur mihi dicendum, quod accusatio duplex erit. Vna de peccatis in genere ad memoriam redeuntibus. Alia autem in specie & numero. Et prima sufficit ad condemnationem in iudicio & absolutionem: secunda autem deferuit vermi conscientia. Et prima momentanea erit: secunda autem successiua. Hanc autem solutionem ego eligo: quia nullo modo credo, quod plura contingit simul intelligi aut considerari secundum actum in specie & numero: sed contingit hoc in eo in quo vnum sunt plura, hoc est, in vniuersali. Alij autem dicunt, quod simul contingit plura intelligi, & illi aliter solvunt. Hoc autem quia negat Philosophus, & nemo in seipso experiri potest, puto esse falsum.

DICENDVM ergo ad primum, quod accusatio erit in momento: quia erit de peccatis in genere, & non in specie & numero.

AD ALIUD dicendum, quod damnati ibi potius manifestabunt vermem conscientia, quam accusationem suæ damnationis.

*D. Alb. Mag. in Lib. 4. Sentent.*

AD ALIUD dicendum, quod Augustinus loquitur de modo intelligentia super intelligibilia in specie & numero considerata: & hoc modo etiam bene à nobis conceditur: sed per hunc modum non erit accusatio in die iudicii.

ARTICVLVS XVI.

*An totum iudicium futurum sit in momento?*

Tertio quæritur, Vtrum iudicium totum futurum sit in momento: & videtur, quod non: quia celeriter iudicare deformitas iudicii est, & contra iudicis discretionem: sed ille iudex discretissimus erit: ergo videtur, quod non momentaneè iudicabit.

2 Item Matth. 25. Congregabuntur ante eum omnes gentes: & separabit bonos à malis, & similiter post separabit oues ab hædis, & statuet, &c. Constat autem, quod ibi exprimitur ordo iudicii diuini: cum ergo hæc omnia impossibile sit in momento fieri, videtur quod iudicium nullo modo erit in momento.

3 Item Ioel. 3. dicitur, Congregabuntur omnes gentes in valle Iosaphat, & disceptabo cum eis, disceptatio autem iudicii non erit in momento. Ergo videtur, quod nec iudicium diuinum.

4 Item Matth. 25. dicitur, quod interrogabunt iudicem, quando viderint eum esurientem vel sitientem, & non potauerint eum: sed hæc interrogationes & responsiones fiunt temporis successione: ergo videtur, quod & iudicium.

5 Item Matth. 25. dicunt, Domine Domine aperi nobis. Et respondetur eis, Nescio vos. Hæc autem omnia indigent tempore. Ergo iudicium illud erit in tempore.

*Sed contra.* IN CONTRARIUM huius est, quod iudicium sequitur intellectus & cognitionis discretionem: diuina autem cognitio non indiget tempore ad discernendum & cognoscendum: ergo nec ad iudicandum.

2 Item, Nihil imperfectionis Deo attribuendum est: sed imperfectum iudicium est, quod est cum inquisitione & tempore, quia procedit ex dubiis ad certa: ergo non est Deo attribuendum: ergo non est dicendum, quod diuinum iudicium exigit tempus.

*Solutio.* RESPONSIO. Concedendum videtur, quod iudicium erit in momento, sicut ultimo est probatum: quia non competit Deo iudicare cum successione.

AD PRIMUM ergo dicendum, quod hoc est in humanis, in quantum est imperfectum iudicium humanum: quia cum causa sit sub dubio, & ex allegatis decidenda, temerarium est subito proferre sententiam: sed ita non est in diuino iudicio, vt iam patuit.

AD ALIUD dicendum, quod humanè loquitur Marthæus, vt à rudibus possit intelligi: sed ille ordo non est nisi naturæ, non temporis.

AD ALIUD dicendum, quod sicut Bernard. dicit, Deus non disceptabit voce corporali

ZZZ 2 rali



rali cum iudicandis, sed potius voce interiori per accusationem & defensionem propria conscientia: & quia hanc mouet Deus per formam rectitudinis primæ ad quam tunc omne illi dissimile reprehenditur, propter hoc ipse dicitur disceptare.

AD ALIUD dicendum, quod omnes illæ interrogationes erunt in conscientia & rectitudine iustitiæ respondente, & erunt de causa sententiæ post condemnationem: & ideo

non inducunt vicissitudinem in iudicio, sed potius in iudicatorum cogitationibus post sententiam suæ condemnationis.

AD ALIUD dicendum, quod omnes istæ pulsationes dicunt motus cordis ex consideratione quorundam operum de genere bonorum, & responsio iudicis nihil aliud est quam responsio naturalis iudicatorij & naturalis legis, quod conuincit eos de iustitia suæ condemnationis post iudicium.

*De memoria electorum, si tunc præcedentia mala teneat.*

**H**IC quæritur, Vtrum electis tunc adsit memoria præcedentium malorum, sicut bonorum? Quædam auctoritates videntur bonos tradere non habituros tunc memoriam præcedentium malorum, id est, peccatorum, vel tormentorum. Ait enim

Isa. 65.

Isaias, Ego creo cælos novos, & terram nouam: & non erunt in memoria priora, & non ascendent super cor: sed gaudebitis in æternum.

Ibidem.

In Gloss.

super il.

lū locū

Isaia.

Item, Obluioni traditæ sunt angustia priora, & absconditæ ab oculis nostris. Quæ de futuro exponens Hieron. ait, Obluioni tradentur priora mala: quia forsitan in futuro pristinae conuersationis memoria omnino delebitur, succedentibus bonis æternis: ne sit pars malorum, prioris angustia memorari. Sed hæc & his similia possunt accipi sic, ut non excludant memoriam præcedentium malorum, sed ex ea molestiam & læsionem amoueant. Non enim eorum memoria Sanctos contristabit, vel eorum beatitudinem offuscabit, sed gratiores Deo reddet. Vnde super Psalm. 87. ait Gregor. Quomodo in æternum misericordias Domini canit, qui miseriæ non meminit? Quomodo autem plena beatitudo, si memoria reatus mentem tangit? Sed sapere læti tristium meminimus, & sani dolorum meminimus sine dolore: & inde amplius læti & grati sumus. Ex his apparet, quod si priorum malorum memoriam Sancti habebunt in futuro, non eis tamen erit ad pœnam vel gloriæ derogationem, sed ad gratiarum actionem. Si vero quæritur, Vtrum peccata quæ fecerunt electi, prodeant tunc in notitiam omnium, sicut mala damnandorum omnibus erunt nota? Non legi hoc expressum in Scriptura. Vnde non irrationabiliter putari potest, peccata hic per pœnitentiam tecta & deleta, illic etiam tegi aliis: alia verò cunctis propalari.

ARTICVLVS XVII.

*An electis adsit memoria & recordatio peccatorum?*

**D**Einde quæritur de hoc quod dicit [Hic quæritur, Vtrum electis adsit memoria, &c.] Et quærentur tria, scilicet vtrum adsit memoria? Secundum, Vtrum illa sit practica, an speculatiua? Tertium, Qualiter iudicium diuinum procedat ex depositione vnius testis, qui est conscientia?

Ad primum obiicitur sic: Dicit Philosophus, quod melius est mala nescire: ergo etiam me-

lius est malorum non recordari: sed in Sanctis fiet quicquid melius est esse: ergo videtur, quod Sancti præteritorum malorum non recordabuntur.

2 Item, Optima dispositio hominis ad meritum est esse sapientem in bono & simplicem in malo, ut habetur per Apostolum ad Rom. 16. sed melior est status gloriæ, quam gratia: ergo in statu gloriæ erit hoc secundum ampliorem perfectionem: ergo erit ibi secundum nescire mala, & non recordari eorum.

3 Item, Mali cognitio non prodest nisi ut euitetur: ergo ubi impossibile est incidere in malum, ibi superflua erit cogitatio mali vel memoria: sed in patria impossibile erit incidere



dere in malum: ergo superflua erit mali cogitatio, ut videtur: sed constat, quod ibi nihil superfluum est: ergo non erit ibi aliqua mali recordatio. Pro ista ista parte sunt auctoritates in litera ex Hyeron. inductæ.

*Sed contra.* IN CONTRARIUM huius est dictum Gregorij, quod vim habet obiectionis de Psalm. sicut patet in litera.

2 Item, Sanctorum gloria est in redemptore in quantum redemptor est saluator secundum actum redimens & saluans: sed non contingit hoc sine recordatione periculi de quo saluauit: ergo ibi erit periculi recordatio: sed omne periculum est ex peccato: ergo erit ibi recordatio peccatorum.

3 Item, Propheta benedicens Deum dicit rationem: Qui sanat omnes infirmitates tuas, & qui redemit de interitu vitam tuam. Constat autem, quod sancti in patria gratissimi sunt de omnibus donis à Deo sibi datis: cum ergo præcipuum donum sit salus à peccatis, videtur quod de hoc erunt grati: sed non essent grati nisi recordarentur: ergo videtur, quod recordabuntur peccatorum suorum.

*Solutio.* RESPONSIO. Dicendum, quod consentiendum est Gregorio dicenti, quod erit tunc peccatorum recordatio.

1. AD PRIMUM ergo dicendum, quod Philosophus dicit hoc propter pronitatem malam annexam quibusdam scibilibus, non propter ipsum scire: quia scire semper est bonum, etiam quando malum scitur.

AD ALIUD dicendum, quod est scire illud practicum quod Priscianus docet dicens, quod verba prohetica desiderant infinitum: unde de scire malum hoc, sensus est, scire facere malum: sed scire, id est, simplicem cognitionem de hoc habere, sicut scire malum, bonum est & etiam de per se appetendis: & hoc modo non loquitur Apostolus.

AD ALIUD dicendum, quod supponitur falsum in propositione: quia etiam prodest ut mens in illa scientia delectetur, & præcipue in sapientia prophetica quæ resultat in scientia illa: unde à Tullio scientia ponitur inter per se appetenda: & una pars felicitatis contemplatiuæ scientia & sapientia est.

## ARTICVLVS XVIII.

*An illa scientia sit practica vel speculatiua, quam habent electi de suis peccatis?*

Secundo quaeritur, Vtrum illa scientia sit practica, vel speculatiua? Et videtur, quod practica: quia est cum affectu gratiarum actionis & gaudij, ut dicitur in litera: sed talis scientia quæ est cum affectu, est practica & motiua, ut dicit Philosophus: ergo illa scientia est practica.

2 Item, Scientia speculatiua est consideratiua differentiarum & passionum eius de quo ipsa est: sed Sancti ita non considerant circa peccata, ut disputent de passionibus eorum & differentiis: ergo scientiam speculatiuam non habent de peccatis.

*D. Alb. Mag. in Lib. 4. Sentent.*

3 Item, Speculatiua scientia de aliquo, non est de particulari, sed de vniuersali abstrahente ab omni particulari: sed Sanctorum scientia non est de peccato in vniuersali, sed in particulari, quia est de suo peccato: peccatum autem in vniuersali non est suum, nec tuum, nec meum: ergo videtur, quod Sancti non habebunt de peccatis scientiam speculatiuam, sed practicam.

*Sed contra.* IN CONTRARIUM huius est, quod scientia practica mouet secundum speciem apprehensam ad imitationem vel fugam, ut dicit Philosophus: Sancti ex peccati specie apprehensa non sic mouentur: ergo non habebunt de ipso peccato scientiam practicam.

2 Item, In arte video, quod practica est, quæ speciem artis explicat in materia: ergo etiam in moribus ubi praxis est, species apprehensa explicatur in opere: sed sic non apprehendunt Sancti peccatum: ergo non habent de ipso scientiam practicam.

RESPONSIO. Dicendum, quod de peccato potest duplex scientia haberi: vno modo de ipso peccato secundum se, & alio modo de euentu sequenti peccatum. Et primo quidem modo Sancti non habebunt cognitionem de peccato nisi speculatiuam, quæ simplicis notitiæ scientia vocatur. Sed de euentu sequenti, qui est cura & venia & sanatio & liberatio per misericordiam Dei, habebunt Sancti cognitionem practicam & affirmatiuam: & hoc innuit in litera, quando dicit, quod sani meminimus dolorum sine dolore, & inde amplius læti & grati sumus. Et per hoc patet solutio ad utramque partem obiectionum ferè: quia ad primum dicendum, quod scientia peccati non habet affectum gaudij secundum se, sed per euentum sequentem.

AD ALIUD dicendum, quod Sancti habent utramque scientiam: sed ramen practica siue exercitatiua gaudij est de particulari, & non de alio.

AD ALIUD autem quæ obijciuntur in contrarium, patet solutio: quia illa procedunt de scientia peccati secundum se, & non per relationem ad euentum sequentem.

## ARTICVLVS XIX.

*Qualiter diuinum iudicium procedat per depositionem vnius testis?*

Tercio quaeritur, Qualiter diuinum iudicium procedat ex depositione vnius testis? Sicut enim patet Rom. 2. Cogitationum accusantium & etiam defendentium, &c. quilibet conscientia testimonio aut absoluitur, aut condemnatur: hoc autem videtur esse contra legem, quæ dicit, quod in ore duorum vel trium testium stet omne verbum: ergo cum hæc lex à Domino qui iudicabit, sit data, videtur, quod ab ipso maxime obseruari debeat.

*Solutio.* RESPONSIO. Dicendum, quod vera causa huius est, quod testimonium conscientia est confessio: & in lege humana post confessionem culpa non requiritur aliud testimonium, præcipue



præcipue si confessio facta est in iure, quia illa præiudicat confitenti. Similiter etiam erit in bonis in futuro iudicio: quia illud iudicium erit ibi inspectoris cordis, qui etiam erit iudex & testis: sed lex Domini data fuit de iudicio quod est secundum faciem, in quo plurima sunt dubia: & ideo requiruntur dicta testium plurium ad probationem veritatis.

## ARTICVLVS XX.

*An peccata electorum in iudicio debeant propalari?*

**D**Einde quæritur de hoc quod dicit [ Si vero quæritur, Vtrum peccata quæ fecerunt electi, &c. ] Videtur enim fallum quod hic dicit: quia ante habitum est, quod miseria recordabuntur, & ideo miseria canunt: sed per cantum prodeunt in notitiam alterius: ergo alij cognoscent peccata eorum.

2 Item, Si per pœnitentiam sunt deleta, tunc ipsimet illorum peccatorum recordabuntur: sed contrarium ante habitum est in dictis Gregorij: ergo sibi ipsi litera est contraria.

3 Item, Nihil eorum quæ faciunt ad lætitiā & gratiarum actionem, debet auferri à Sanctis: sed videre misericordiam Domini in liberatione omnium peccatorum facit ad lætitiā & gratiarum actionem: ergo à Sanctis auferri non debet: ergo ipsi sua peccata videbunt, & etiam omnes alij.

*Sed contra.*

IN CONTRARIUM huius est, quod tunc aut volent se peccasse, aut nolent. Si volent: tunc peruersa erit voluntas eorum: quia, ut dicit August. qui aliquid malè vult, non est beatus: ergo ipsi non sunt beati, quod est inconueniens. Si nolent: ergo aliquid est quod nolunt: ergo non habent omne quod volunt: sed, ut dicit August. non est beatus, qui non habet omnia quæ vult: ergo illi iterum non sunt beati.

2 Item, Delectatio & tristitia (ut dicit Philosophus) tripliciter fiunt, scilicet ex præfenti, præterito, & futuro: sed bene ordinatus animus tristatur de peruerso opere: ergo si recordatur peruersi operis in præterito, ipse tristabitur: sed sicut dicit aduersarius, sancti recordabuntur peruersi operis in præterito: cum ergo habeant cor bene ordinatum, ipsi tristabuntur: & hoc est maxime inconueniens.

RESPONSIO. Dicendum, quod litera potest sustineri. Vel dicitur melius per distinctionem, quod est propalatio peccati ut peccati, & propalatio peccati remissi per veniam & pœnitentiam. Et primo non propalantur Sanctorum peccata, & ita intelligitur litera. Alio autem modo & sancti recordabuntur peccatorum suorum, & aliis etiam in augmentum congratulationis propalantur. Et hoc est quod dicit Gloss. super illud Psalm. 31. Beati quorum remissæ sunt iniquitates, &c. Ita sunt deleta, ut Dominus non videat, id est, æternaliter non puniat: videre enim Dei est peccata punire. Vnde alibi, Auerte faciem tuam à peccatis meis, &c.

AD ID autem quod contra obiicitur, dicendum quod non placet eis fecisse peccatum, sed tamen gaudent de remissione: & ideo illam voluntatem non sequitur angustia, quæ offuscat beatitudinem ipsorum. Quod autem dicit Augustinus, intelligitur de his quæ ad beatitudinem spectant: quia & modo non habent omnia quæ volunt, quia conuersionem omnium gentium volunt, & tamen non habent. Dicunt tamen quidam, quod non volunt se peccasse simpliciter, sed sub conditione, scilicet si Deo placeret. Sed hoc reputo friuolum: quia Deo benè placet quod non peccassent, cum sibi nunquam placere possit peccatum.

AD ALIUD dicendum, quod non relinquitur tristitia ex illa memoria propter abundantem materiam, quæ apparet in remissione, in qua gloriantur loco innocentia. Et sic patet solutio ad totum.

*De his qui viui reperientur.*

*Aug. de ciui. Dei. lib. 20. cap. 20.*



**Q**UÆRI solet, Vtrum illi quos viuos inueniet Christus, si nunquam omnino morituri sint, an ipso temporis puncto, quo rapiuntur obuiam Christo, ad immortalitatem mira celeritate sint transaturi? Non enim dicendum est fieri non posse, ut per aera in sublime portentur, in illo spatio & moriantur & reuiuiscant. Ad hunc autem sensum, quo existimamus illos in paruo spatio & passuros mortem, & accepturos immortalitatem, Apostolus nos urgere videtur, ubi dicit, Omnes in Christo viuificabimur. Et alibi, Quod seminas non viuificatur, nisi prius moriatur. Cur autem nobis incredibile videatur, illam multitudinem corporum in aere quodammodo seminari, atque ibi protinus immortaliter & incorruptibiliter reuiuiscere, cum credamus in ictu oculi futuram resurrectionem, & in membra sine fine victura, tanta velocitate rediturum antiquissimorum cadaverum puluerem? Sed vellem de his potius audire doctiores.

*1. Cor. 15. Ibidem, Aug.*



doctiores. Si ergo Sanctos qui reperientur Christo veniente viuentes, eique obuiam rapiuntur, crediderimus in eodem raptu de mortalibus corporibus exituros, & ad eadem mox immortalia redituros: nullas in verbis Apostoli patiemur angustias, generaliter accipientes illud quod dictum est, Omnes quidem resurgemus, scilicet tam boni quam mali: sed non omnes immutabimur, scilicet in solennitatem resurrectionis. De hoc etiam Ambrosius ait, In ipso raptu eorum qui viui reperientur, mors erit & resurrectio: ubi anima quasi per soporem egressa de corpore, eidem in momento reddatur. E contra verò scribens ad Marcellam Hier. testari videtur, dicens quosdam in fine seculi adueniente Christo non esse morituros, sed viuos repertos in immortalitatem repente mutandos. Horum autem quid verius sit, non est humani iudicij diffinire.

1. Cor. 15.  
Thes. 4.  
super illud,  
Quoniam ipse Dominus.  
Epist. cap. 4.

*Quomodo intelligitur Christus iudex viuorum & mortuorum.*

**H**is autem adiiciendum est dupliciter intelligi quod dicitur, Christus iudicaturus viuos & mortuos. Aut enim viui accipiuntur, qui in aduentu eius viui reperientur, licet in raptu moriantur: & mortui, qui ante decesserant: vel viui & mortui, accipiuntur iusti & iniusti.

F  
Aug. in  
enchi.  
cap. 55.

ARTICVLVS XXI.

*An aliqui remaneant viui, & superueſtiantur immortalitate in resurrectione?*

**D**Einde quaeritur de hoc quod dicit ibi [Quaeritur etiam solet, Vtrum illi quos viuos inueniet Christus] Et quaeritur hic de termino resurrectionis à quo est resurrectio: & quaeruntur hic tria. Primum est, Vtrum aliqui remaneant viui, & superueſtiantur immortalitate in resurrectione? Secundum, An resurrectio sit à morte vel à cineribus in omnibus? Tertium, Vtrum idem sit terminus resurrectionis à quo in bonis & in malis?

AD PRIMUM obicitur sic: Tam in symbolo Apostolorum, quam in symbolo Nicenae synodi, dicitur iudicare viuos & mortuos: ergo iudicandi differunt per vitam & mortem: aut ergo per mortem praesentem, aut praeteritam. Non praesentem: quia tunc omnes viuent vita resurrectionis: ergo per praeteritam: ergo aliqui in praeterito mortui fuerunt, & aliqui non: non ergo omnes à morte resurgent, sed aliqui superueſtiantur.

2 Item 1. Thessa. 4. Deinde nos qui viuimus, simul rapiemur cum illis obuiam Christo in aera, & sic semper cum Domino erimus. Ergo illi qui tunc viuent, semper ita cum Domino manebunt: ergo superueſtiantur.

3 Item 2. Corinth. 5. Nolumus expoliari, sed superueſtiri, ut absorbeat quod mortale est à vita. Constat autem, quod in Sanctis non est inutile desiderium, & ideo effectum habebit in aliquibus: ergo aliqui superueſtiantur, ut videtur.

4 Item, Hiero. hoc expresse dicit in auctoritate quae in litera inducitur, scilicet quosdam in fine seculi adueniente Christo non esse mo-

rituros, sed viuos repertos in immortalitatem repente mutandos.

5 Item, In omni eo quod ordinare agit, via compendiosior est eligibilior: sed compendiosior & breuior est superueſtitio, quam sit vnus transitus à vita in mortem: ergo cum Deus ordinatissime agat, videtur quod tales non moriantur, sed superueſtiantur.

6 Item, Homo sanctus praecipue, maioris dignitatis est, quam alia creatura: sed quaedam de aliis creaturis superueſtiantur: ergo multo magis homo. Probatio media est aer & caelum & alia quae non corrumpuntur primo, ut postea glorificentur.

IN CONTRARIUM huius est, quod dixit Dominus de peccantibus originaliter: Quocumque die comederitis ex eo, morte moriemini. Ergo necesse est omnes mori per legem concupiscentiae natos: sed omnes sunt tales praeter Christum: ergo omnes necesse est mori.

2 Item, 1. Cor. 15. Non viuificatur, nisi prius moriatur. Sed constat, quod omnia corpora tunc viuificabuntur. Ergo tunc morientur.

3 Item, In diffinitione resurrectionis est, secunda eius quod cecidit & dissolutum est: ergo oportet omnia cadere per mortem, cum resurrectio sit futura generaliter, sicut dicit symbolum in illo articulo, Carnis resurrectionem.

4 Item, Qui tunc viui reperientur, non erunt melioris conditionis quam Apostoli: ergo non esset iustum, quod eis concederetur, quod Apostolis non est concessum: sed Apostoli sunt omnes mortui: ergo & illos mori oportebit.

5 Item Dan. 12. Multi de his qui dormiunt in terrae puluere, euigilabunt. Ergo de terrae puluere & non de vita resurgent.

Z Z z 4 6 Item,



6 Item, Isa. 26. Viuent mortui tui Domine, & interfecti mei resurgent: ergo mortui erunt omnes resurgentes.

7 Item, Ioan. 5. Qui in monumentis sunt, audient vocem filij Dei, &c. Ergo omnes resurgentes erunt mortui.

*Solutio.* RESPONSIO. Dicendum, quod omnes resurgent à mortuis, & nullus remanebit viuus, sicut dicit litera ex verbis Augustini.

AD PRIMVM ergo dicendum, quod non dicuntur viui, eò quod viui remaneant, sed quia tempus communis iudicij eos viuos apprehendet: tunc autem morientur in illo tempore per ignem conflagrationis mundi.

AD ALIVD dicendum, quod Apostolus similiter dicit viuos, quos illa tempora viuos apprehendent: sed tamen vel in ipso raptu (vt dicit in litera) morientur, vel etiam in ipso igne conflagrante, quod quidam probabiliter æstimant.

AD ALIVD dicendum, quod est desiderium duplex, scilicet naturale conditionatum, & naturale gratia perfectum. Primum est impossibile, sicut innuit Philosophus in eth. vbi dicit, quod voluntas est impossibile: volumus enim esse immortales: & de hoc loquitur Apostolus. Secundum autem est ordinatum: & per hoc probat resurrectionem futuram Rom. 15. sicut supra dictum est. Ad argumentum dicendum, quod desiderium quod est in sanctis in quantum sancti sunt, non est vanum: sed quia naturam deponere non possunt, multa sunt in eis desideria conditionata vana, sicut in Petro, quod alius eum cinxit, & duxit quo non voluit: cum tamen eum sic duci vellet Deus.

AD ALIVD dicendum, quod si Hieronymus sustineatur, tunc vult dicere, quod non morituri dicendi sunt, eò quod sine mora ad vitam sunt transaturi: quia non expectant gloriam corporis, sicut illi qui modo moriuntur.

AD ALIVD dicendum, quod compendium est, quod prius moriuntur: quia & sicut in motu naturali compendium est, vt dispositiones & formæ contrariæ remoueantur antequam forma inducatur: ita est in resurrectione: & ideo per mortem oportet remouere debitum Adæ, & alias conditiones peccati, & tunc primo superindui gloria resurrectionis.

AD ALIVD dicendum, quod homo maioris est dignitatis: & ideo omnes indignitates diligenter oportet remoueri ab ipso, vt maiori gloria vestiatur, quam aliqua creatura: & ad hoc indiget morte, vt dictum est.

## ARTICVLVS XXII.

*An resurrectio sit à morte, vel à cineribus?*

Secundo quæritur, Vtrum resurrectio sit à morte, vel à cineribus? Videtur autem, quod à morte solum: quia sicut dicit Glossa Rom. 4. super illud, Resurrexit propter iustificationem nostram, Ergo resurrectio Christi exemplar est nostræ resurrectionis: sed resurrectio Christi

fuit à morte solum, & non à cineribus: ergo & nostra sic erit.

2 Item, In paucioribus est via maior, vt dicit Aristot. sed in paucioribus est, quod sit à corpore mortuo, quam à corpore incinerato, & postea reintegrato: ergo erit à morte solum, & non à cineribus.

3 Item, Eadem est resurrectionis ratio in vno & in alio: sed illi qui in ipso momento sui raptus morientur, non incinerabuntur: ergo nec alij debent incinerari, vt videtur.

4 Item, Resurrectio fuit in suscitationibus mortuorum præfigurata: nullus autem suscitatus est à cineribus: ergo nullus debet à cineribus resurgere.

IN CONTRARIVM huius est quod dicitur Genes. 3. Terra es, & in terram ibis. Ergo necesse est corpus in originali peccato conceptum, in terram ire: sed non vadit in terram, nisi per incinerationem: ergo necesse est incinerari.

4 Item Haymo, Omnes in originali peccato natos tenet hæc sententia, Terra es, & in terram ibis. Ergo vt prius.

3 Item Damasc. 3. lib. cap. 27. distinguit duplicem corruptionem, scilicet diuisibilitatem, & putrefactionem: & secundum primum modum corpus Domini vidit corruptionem, sed secundo modo non vidit: sed constat, quod nihil est in corpore humano, quod non reducatur in præcedens aliquid secundum causam: sed ante corruptionem nihil est, nisi materia composita ex contrariis, & peccatum: sed peccatum non assumpsit Dominus: ergo sua corruptio ordinabatur ad naturam contrariorum vt ad causam, & non ad peccatum: in nobis autem est peccatum: ergo necesse est, quod secunda corruptio causetur ab eo: ergo omnes incinerabuntur, qui in peccato concipiuntur.

4 Item, In omnis formæ acquisitione & status oportet primo materiam purgari à contrariis dispositionibus: sed dispositiones glorificationi contrariæ, dispersæ sunt in toto corpore: ergo in toto corpore necesse est eas purgari: sed hoc non potest fieri nisi per incinerationem: ergo videtur, quod omnia incinerationis gloria subuntur.

5 Item, Tota compages hominis corrupta est corruptione vitij & passibilitatis: ergo necesse est in omnibus resolui antequam forma perinducatur.

6 Item, Multa sunt in corpore humano non de veritate humanæ naturæ: sed omnia illa auferentur: ergo videtur, quod necesse est resolui omnia corpora.

RESPONSIO. Dicendum, quod in veritate meo iudicio resurrectio communis erit à cineribus, vt probant vltimæ rationes: propter tamen perfectam & omnimodam immunitatem peccati & concupiscentiæ non fuit ita resurrectio Domini, & propter vehementem purgationem fomitis credo, quod etiam ita fuerit in corpore gloriosæ Virginis, & corpore beati Ioan. Euangelistæ. Sed de his forte se offeret locus discernendi. Puto tamen, quod in obiciendo ex verbis Damasc. causa dicta est, quia non credo posse fieri purgationem infestationis



tionis fomitis sufficientem ad gloriam, nisi per incinerationem: & hoc puto intendisse Apostolum 1. Corinth. 17. Caro & sanguis regnum Dei non possidebunt.

AD PRIMVM ergo dicendum, quod Christi resurrectio, ut dicit August. 4. de Trinitate, est exemplar nostrae resurrectionis quoad terminum ad quem, & non quoad terminum à quo.

AD ALIVD dicendum, quod quando possibilis est via in paucis, tunc est in paucis: licet enim Deo omniaabilia sint, tamen ex parte materiae non congruit hoc, nisi transmutatione à forma contraria primum facta, sicut patuit in obiciendo, & probatur in omni natura, quae semper purgat primo materiam à contrariis formis antequam inducat formam intentam.

AD ALIVD dicendum, quod non est eadem ratio resurrectionis in omnibus, ut prius patuit: sed tamen eadem est in omnibus qui sunt puri homines, praeterquam in illis in quibus specialis est accessus ad perfectam peccati immunitatem: & illi omnes meo iudicio incinerabuntur, sicut vult Haymoin commento super Apostolum.

AD ALIVD dicendum, quod suscitatio mortuorum non praesignat resurrectionem mortuorum, nisi in parte: quia nullum signum est quod in omnibus congruat, quia sic esset idem, non simile: praesignat autem quoad vitae restitutionem, & non quoad terminum à quo.

## ARTICVLVS XXIII.

*An idem sit terminus resurrectionis à quo in bonis & malis?*

**T**ertio quaeritur utrum idem sit terminus resurrectionis à quo in bonis & in malis? Videtur autem, quod non: quia quorum non est vnus terminus resurrectionis ad quem, eorum terminus à quo non debet esse vnus: sed in bonis & in malis non est vnus terminus ad quem: ergo nec vnus à quo.

2 Item, Quorum resurrectio dissimilis est in causa, eorum debet esse resurrectio dissimilis in terminis: sed dissimiles sunt boni & mali in causa resurrectionis: ergo & in terminis. Media probatur Daniel. 12. Euigilabunt alij in vitam aeternam, alij in opprobrium, &c.

3 Item, Haec sententia, Terra es, & in terram ibis, propter peccatum est inducta, ut prius dixit Haymo: sed differenter se habent boni & mali in peccato: ergo & differenter in sententia: ergo & differenter in termino resurrectionis à quo, quia illa sententia dicit hunc terminum.

4 Item, In bonis anima continet corpus: sed omne meritum animae per effectum aliquem debet resultare in corpore: ergo effectus illius continentiae in corpore debet resultare: sed nullo modo melius resultat, quam quod contineatur ab incineratione: ergo videtur, quod resurrectio malorum debet esse à cineribus, & non resurrectio bonorum.

5 Item, Inconueniens esse videtur ut templum Spiritus sancti, simile efficiatur habitationi diaboli: sed corpora beatorum sunt templa Spiritus sancti, ut dicitur 1. Corinth. 6. ergo non debent simili corporibus malorum, quae sunt habitatio diaboli: ergo videtur cum illa incinerantur, quod ista non debeant incinerari.

6 Item, Infectio fomitis debilitatur per exercitium iustitiae: ergo & in bonis & in malis non est aequalis infectio fomitis: ergo nec aequalis poena illius infectionis: sed haec poena est dissolutio: ergo cum mali dissoluantur per incinerationem, videtur quod boni non debeant incinerari.

IN CONTRARIVM huius est, quod *Sed contra.* omnibus qui fuerunt in Adam per legem concupiscentiae dictum est, Terra es, & in terram ibis: sed totaliter fuerunt boni & mali ibi: ergo boni & mali aequaliter ibunt in terram: ergo aequaliter incinerabuntur.

2 Item Eccli. 17. Deus de terra creauit hominem, & iterum conuertit ipsum in eam. Cum ergo hoc generaliter dicatur, videtur quod omnes per incinerationem reuertentur in terram.

3 Item Eccli. 40. Occupatio magna creata est omnibus hominibus, &c. Ex hoc accipitur, quod omnes ad terram quae est mater omnium, reuertentur.

4 Item Rom. 14. Omnes morimur, &c. Ex hoc sequitur idem quod prius.

RESPONSIO. Dicendum, quod *Solutio.* ultima auctoritatum inductarum videtur mihi esse concedenda, cum quatuor, meo iudicio, sint dispositiones & differentiae resurgentium, scilicet Christi, & coniunctorum Christo per accessum sanctitatis, & resurgentium cum Christo, & resurgentium in fine mundi. Christus enim quatuor habet in sua resurrectione propria, sicut dicit Greg. in 14. lib. moralium. Nam resurrectio nostra in fine seculi dilata est, illius vero die tertio celebrata. Et nos per illum resurgemus: ipse vero per se, illi enim resurrectionis vim cum Patre & Spiritu sancto Deus exhibuit, quam tamen solus in humanitate percepit. Vnde patet, quod in quatuor differt sua resurrectio à resurrectione aliorum. Primum est, quod sua vi resurrexit. Secundum, quod tertia die, sicut dicit Glossa super illud, Tu autem Domine miserere mei, & resuscita me, &c. quia si non cito resurrexisset, non profuisset eis resurrectio: quia discipuli non credidissent. Tertium est, quod non incineratus fuit, nec incinerari potuit, sicut dicit Glossa super illud Psalm. 55. Non dabis sanctum tuum videre corruptionem. & Damasc. in auctoritate superius inducta. Quartum est, quod sua resurrectio est causa nostrae resurrectionis, ut dicit Apostolus 1. Corinth. 15. & in auctoritate Greg. iam inducta habetur. Specialiter autem accedentes ad suam sanctitatem secundum probabilis opinantes, sicut beata Virgo, & Ioan. in duobus ex privilegio accedunt ad resurrectionem Christi, scilicet quod subito resurrexerunt, & quia non à cineribus. Sed resurgentes cum Christo in hoc conueniunt: quia non in finem dilata est eorum resurrectio. Sed aliorum resurrectio in nullo conueniet nisi in incorruptio



in corruptione resurgentium. Loquendo ergo de resurrectione in communi dilata usque in finem seculi, dicitur quod omnes resurgent ab uno termino resurrectionis à quo, scilicet à cineribus.

AD PRIMUM ergo dicendum, quod nullus motus specificatur penes terminum à quo, sed potius penes terminum ad quem: duo enim possunt moveri ab eodem termino à quo, & unum in album, & alterum in viride: & tamen non uno motu moventur. Et ita non oportet, quod differentia resurgentium accipiat ex hoc quod abiicitur, sed tantum in hoc quod acquiritur per resurrectionem: & in hoc differunt, quia Sancti immutabuntur in gloriam, & non alij. Vnde 1. Corinth. 15. Omnes resurgent incorrupti, & nos immutabimur.

AD ALIUD dicendum, quod dissimiles sunt in causa: sed non oportet, quod hæc dissimilitudo sit in termino à quo, quia ille abiicitur: sed tantum in termino ad quem, quia in illo fit status.

AD ALIUD dicendum, quod penitentia non tollit fomitem secundum essentiam, & fomiti secundum essentiam respondet incineratio: & ideo omnes incinerabuntur.

AD ALIUD dicendum, quod continentia nihil respondet in via, sed in patria, scilicet obedientia corporis ad spiritum, cum in malis caro contra spiritum maneat resultans, sicut & hic non fuit contenta sub spiritu.

AD ALIUD dicendum, quod in hoc in quo non est templum Spiritus sancti, potest assimilari habitationi diaboli, scilicet in quantum est conceptum & natum in peccato: sed consequens meritum facit dissimilitudinem in termino ad quem.

AD ALIUD dicendum, quod exercitium iustitiæ non extinguit fomitem: quia sicut habitum est in tertio, non extinguitur nisi per diuinum miraculum: & quia fomiti secundum essentiam correspondet incineratio, ideo omnes necesse est incinerari.

### *Quomodo omnes incorrupti.*

**G** V M Q V E ex prædictis sanè credi valeat omnes resurrecturos, credendum est etiam, quod omnes resurgent incorrupti: non utique impassibiles, quia reprobi mortem patientur æternam, sed sine diminutione membrorum omnia humani corporis habituri membra, nec tamen gloria ac spe impassibilitatis induentur.

### ARTICVLVS XXIV.

#### *An mali resurgent cum mutilatione membrorum?*

**D** E inde quæritur de hoc quod dicitur [Cumque ex prædictis sanè credi valeat, &c.] Et quærentur tria. Primum est, Vtrum resurgent mali cum mutilatione membrorum? Secundum est, Vtrum dolores qui causantur ex inæqualitate humorum, in eis remanebunt? Tertium, Quid de resurrectione Christi in omnibus appareat, ex quo sua resurrectio est causa nostræ resurrectionis?

Ad primum obiicitur sic: Nulla pœna corrigenda est in peccatoribus: sed mutilatio est pœna: ergo in peccatoribus non est corrigenda.

2 Item, Membris mutilatis non peccauerunt: sed iniustum est, quod aliquis puniatur in eo in quo non peccauit: ergo non resurgent in membris mutilatis.

3 Item, Philosophus dicit in secundo de anima, Sicut tota anima ad totum corpus se habet, ita pars ad partem: unde si oculus esset animal, visus utique esset eius anima. Sed pars in cuius diminutione quis nascitur, nunquam fuit animata: cum ergo ab anima habeat corpus, quod resurgat, videtur quod illa pars nunquam debeat resurgere.

*Sed contra.*

IN CONTRARIUM huius est, quod

error instrumenti corrigi habet ab artifice: sed natura est instrumentum Dei: ergo error naturæ corrigi habet à Deo artifice: est autem error naturæ diminutio & superfluitas: ergo hæc corriget Deus in resurrectione.

2 Item, Anima principaliter est causa peccati, & secundum se totam: ergo quod non peccat in parte diminuta, non est ex defectu voluntatis, sed ex defectu organi, sed voluntas in malis præcipue pro facto reputatur: ergo tantum peccat ac si organum haberet: ergo cum voluntate peccat in organo: ergo puniri debet in organo diminuto: ergo oportet, quod restituatur ei in resurrectione.

3 Item, Sicut se habet diminutio in bonis ad meritum, sic in malis ad demeritum: sed bonis pro voluntate merendi quam habuerunt in organo illo, restituetur organum glorificatum: ergo & malis pro voluntate demerendi in organo, debet restitui organum damnatum.

RESPONSIO. Sicut litera dicit, ita est tenendum.

AD PRIMUM autem dicendum, quod pœna causatur dupliciter, scilicet ex natura, & ex culpa voluntatis. Prima pœna corrigitur: quia non est homini imputanda. Secunda autem non. Dico autem ex culpa voluntatis remotæ, aut propinquæ: remotæ, sicut est inobedientia carnis ad spiritum, quæ manet in damnatis: propinqua autem, sicut est ignis, & vermis conscientiæ, & huiusmodi, quæ causantur



causantur ex peccato voluntario in quantum voluntarium voluntate personæ, & non naturæ.

AD ALIUD dicendum, quod licet instrumentaliter in tali membro sicut in instrumento non peccauerunt, tamen voluntate in eo peccauerunt: & ideo iustum est ut in eo puniantur.

Cap. 14. AD ALIUD dicendum sicut innuit August. lib. de ciuit. Dei 22. duplex dicitur membrum, scilicet quod virtute inest, & quod mole inest: ita etiam duplex potest dici animatum, scilicet virtute, & actu. Totum autem quod virtute est animatum, resurget, ut dicit Augustinus, & à tali modo animationis habet membrum virtutem resurgendi, & non ab actuali animatione: quia multæ partes animatæ non sunt de veritate naturæ humanæ.

### ARTICVLVS XXV.

*An dolores causati ex inaequalitate humorum manebunt?*

Secundo quæritur, Vtrum dolores qui causantur ex inaequalitate humorum, remanebunt in damnatis? Videtur autem, quod sic: quia nullum dolorosum debet auferri à corpore, quod additum est dolori perpetuo: sed febres, lepræ, & huiusmodi, sunt dolorosa: ergo non debent auferri à corporibus damnatorum, quæ addicta erunt dolori perpetuo.

2 Item, Destructa dolendi impotentia naturali cessabit dolor: ergo à destructione consequentis, si non cessauerit dolor, non cessabit dolendi impotentia: sed impotentia hæc est in inaequalitate humorum in omni complexionato corpore: cum igitur corpora damnatorum sint complexionata, videtur quod non detrahetur eis huiusmodi dolendi impotentia: ergo nec dolor consequens.

3 Item, Omne complexionatum dolens aliena caliditate, possibile est dolere propria, si intendatur extra harmoniam crisis propriæ: sed corpora damnatorum dolebunt aliena caliditate: ergo possibile erit ea dolere propria, si intendatur extra harmoniam, &c. sed constat, quod possibile est intendi, cum non sit aliqua gratia prohibens: ergo possibile est illa corpora febricitare, & leprosa fieri, & epileptica, & huiusmodi.

Sed contra. IN CONTRARIUM huius est, quod ut dicit Philosophus, omnis passio magis facta abiicit à substantia: constat autem, quod tales passiones magis fiunt intensius qualitatibus complexionantibus: ergo à substantia abiiciunt: ergo possibile est deperire corpora illa, quod est contra Scripturam, quia desiderabunt mori, & mors fugiet ab eis: & Beda dicit, quod sic moriuntur, quod nunquam perfecte moriuntur.

2 Item, Bernard. dicit, quod ignis inferni insequitur culpam, non naturam: & quia culpa inseparabilis est, ideo perpetuus erit ignis: ideo necesse est eos in igne perpetuari: sed hoc fieri non posset, si destrueretur complexio propter inaequalitatem: ergo necesse est, quod complexio æqualis seruetur: ergo nunquam habe-

bunt infirmitatem ex inaequalitate humoris causatam.

3 Item, Caro corrupta minus dolet: cum ergo impij maxime doleant secundum sensum, necesse est quod semper caro viua & incorrupta perduret: ergo impossibile est, quod corrumpatur ex corruptione complexionantium.

RESPONSIO. Dicendum, quod sicut *Solutio.* probat vltima pars obiectionum, ita est tenendum: unde sicut tunc stabunt contraria in mundo maiori, ita stabit eorum pugna in mundo minori, hoc est, in homine. Qualiter autem patientur ab igne exteriori, infra erit locus differendi.

AD PRIMUM ergo dicendum, quod nullum dolorosum causatum ex voluntate, & dolorem non minuens, aufertur à damnatis: sed febres, & huiusmodi, non à voluntate causantur, & etiam dolorem ignis exteriorem minuunt, eò quod non ita sentit distemperata commixtio, sicut temperata tactum ignis exteriorem.

AD ALIUD dicendum, quod non destruetur impotentia dolendi simplex, sed in quodam quod impediret dolorem perpetuum: causa enim impotentiae dolendi exterius, est excessus agentis extra supra harmoniam tactus: simile enim commixtioni tactus secundum quod est simile, positum supra tactum, non sentitur, sed excellens: & ideo tanto velocius & fortius sentitur, quanto temperatior est caro tangens: & hoc non aufertur, sed discrasia commixtionis ex putrefactione dolores interiores adducens, aufertur ad maiorem eorum penam, ut dictum est.

AD ALIUD dicendum, quod instantia est in statu futuro: quia omnia quæ sunt de corporum commixtione, stabunt in harmonia in qua posuit ea Deus, ut contemplari possit artifex in operibus sapientiæ: & ideo erit tunc affligens extra præter possibilitatem intensiōnis qualitatū interiorum, & præter complexionis corruptionem.

### ARTICVLVS XXVI.

*An resurrectio Christi in omnibus resurgentibus appareat, cum sit causa nostra resurrectionis?*

Tertio quæritur, Quid de resurrectione Christi in omnibus appareat, ex quo sua resurrectio est causa nostræ resurrectionis? Videtur enim, quod nihil suæ resurrectionis appareat in damnatis: quia illi suam imaginem non portauerunt in vita: ergo conformes in nullo ei debent esse in resurrectione.

2 Item, Apostolus Philip. 3. dicit, quod reformabit corpus humilitatis nostræ, configuratum corpori claritatis suæ. Constat autem, quod sic corpora damnatorum non reformabit. Ergo videtur, quod nihil habeant suæ resurrectionis.

IN CONTRARIUM est, quod incorruptio *Sed contra.* corporum damnatorum (ut hic dicitur in littera) est aliquod bonum: constat autem, quod hoc



hoc non habent ex merito voluntatis, quia ex hoc nullum bonum merentur: ergo aut hoc causatur à natura, aut à resurrectione Christi: constat autem, quòd non ex natura sufficienter, quia natura de se est mortalis & corruptibilis: ergo causatur ex resurrectione Christi tantumquam ex propria causa exemplari.

*Solutio.*

RESPONSIO. Hoc vltimum videtur mihi concedendum: quia incorruptio in omnibus corporibus exemplariter & efficaciter est à resurrectione Christi, siue à Christo resurgente: sed à diuina iustitia continente eos in pœ-

nis est etiam sicut à causa efficiente tantum,

AD PRIMVM ergo dicendum, quòd imago ab Apostolo 1. Corinth. 15. vbi dicit: Sicut portauimus imaginem, &c. dicitur imitatio per opus, cui responderet glorificatio: & hanc damnari non habebunt, per ordinem tamen iustitiæ continuantis eos in pœnis habebunt incorruptionem.

AD ALIUD dicendum, quòd ibi loquitur Apostolus de perfecta reformatione, quæ est per immutationem in gloriam: & non de illa quæ est conformitas secundum quid.



## DISTINCTIO XLIV.

*De ætate & statura resurgentium.*

A  
De resur-  
rectione  
quântum  
ad mo-  
dum, siue  
quântum  
ad qua-  
litatem  
& quid-  
ditatem  
resurgen-  
tium.  
Eph. 14.



Lib. 12.  
de ciuit.  
Dei. c. 4.

Luc. 21.  
Mat. 24.

OLENT autem nonnulli percontari & quærere, an in eadem ætate & statura corporis omnes resurrecturi sint? Quidam putauerunt omnes resurrecturos secundum mensuram ætatis & stature Christi: ideo quia Apostolus ait, Donec occurramus omnes in virum perfectum, in mensuram ætatis plenitudinis Christi. Sed his verbis non eadem resurgentibus assignatur statura, sed ætas. Omnes enim in eadem ætate resurgent, in qua Christus mortuus est & resurrexit, cuiuscunque ætatis mortui fuerint. Virum autem posuit, non vt distingueret sexum, sed vt significaret perfectionem virium quam tunc habebunt: sed non omnes eandem staturam corporis obtinebunt. Vnde August. Non ait in mensuram corporis vel stature, sed ætatis: quia vnusquisque suam recipiet mensuram corporis, quam vel habuit in iuuentute, etiamsi senex obiit, vel fuerat haabiturus si ante est defunctus. Ætas verò erit illa ad quam peruenit Christus, scilicet iuuenilis, vt circa triginta annos. Triginta enim duum annorum & trium mensium erat ætas Christi, in qua mortuus est, & resurrexit. Non est autem fas dicere, quòd in resurrectione accedat corpori magnitudo, quam nec habuit hic, nec erat habiturum diu viuendo: nec maiora corpora redigenda sunt ad modum Dominici corporis. Periret enim multum de illis corporibus, cum nec periturus sit capillus, vt ait Dominus, Capillus de capite vestro non peribit.



### DIVISIO TEXTVS.



OLENT etiam nonnulli percontari, &c.] Ista pars quæ est de circumstantiis resurgentium in quantitate & qualitate, diuiditur in duas partes. In prima tangitur quantitas, & qualitas, & locus. In secunda agitur de suffragiis quæ sunt pro de-

functis ante resurrectionem: & hæc incipit distinctione 45. *ibi* [Neque negandum, vt ait August.] In hac autem distinctione quinque sunt quæstiones speciales in litera tactæ. Prima est de quantitate resurgentium. Secunda de veritate humanæ naturæ resurgentis. Tertia de modo pœnarum tam secundum corpus, quam secundum spiritum. Quarta de abortiuis fœtibus. Quinta de diuersis animarum receptaculis. Et cuilibet potest patere vbi ista incipiunt in litera, & vbi terminantur.

ARTICV



ARTICVLVS I.

*An resurgentibus sit statura vna vel diuersa?*

**I**ncidunt autem circa primum difficultates quatuor. Prima est, An resurgentibus sit statura vna, vel diuersa? Secundum est, Vtrum corpus gloriosum possit esse in minori loco, quam sit quantitas stature eius? Tertium, Vtrum possit esse cum alio corpore non glorioso in eodem loco? Quartum, Vtrum cum alio glorioso possit esse in loco vno & eodem?

Ad primum sic proceditur: Eorum quorum vnum est agens specie & numero, & materia æqualiter disposita ad actionem agentis suscipiendam, est productio vna secundum figuram & quantitatem: sed resurgentium agens, &c. ergo eorum est productio vna secundum figuram & quantitatem. Prima constat in omni natura & arte per inductionem. Secunda autem probatur ex hoc, quod agens (vt patet ex præhabitis) est Deus vel filius resurgens, & cineres sunt actionem suscipientes, vt patuit ex præhabitis.

2 Item, Quorumcunque productio est ex vno secundum totum suum genus, habent omnia vim illius vnus ad figuram & quantitatem, nisi per errorem deuiet ab illo: sed omnium hominum productio est ex vno, scilicet Adam: ergo in omnibus est vis vna ad figuram & quantitatem stature, nisi deuiatum sit ab illo per naturæ error: constat autem, quod omnis error corrigitur in resurrectione, sicut iam habitum est: ergo relinquitur in omnibus vna figura Adæ & statura: non ergo erunt in diuersa quantitate & figura.

3 Item, Philosophus dicit, quod quorum forma substantialis est vna, illorum etiam figura est vna: ergo & quantitas perfectionis secundum figuram: sed resurgentium omnium est forma vna: ergo & figura vna: ergo & statura, in quantum est perfectio illius figuræ.

4 Item in 2. de anima dicit, quod omnium natura constantium terminus est & ratio magnitudinis & augmenti: iste autem terminus habet poni ab aliqua virtute: constat autem, quod illa virtus est formæ: ergo quorum est vna forma, illorum est vna magnitudo secundum naturam, nisi sit error: sed error corrigitur: ergo in resurrectione cum omnium forma sit vna, omnium erit statura vna.

5 Si forte quis dicat, quod secundus secundum naturam sit minor primo generante, quia diuiditur materia ex qua fit generatio: & iterum tertius minor illo. Contra: Constat, quod hæc diuisio fit per paria, aut per imparia. Si per paria: tunc secundus medietate debet esse minor primo, quod falsum est: iam dudum enim homines nullius vel insensibilis fuissent quantitatis. Si per imparia: tunc illa imparitas aut est secundum partem determinatam quantitatis, quæ totum mensurat: aut secundum rationem continui, quæ semper manet diuisibilis. Si prima pars detur: tunc secundus in tota

parte debet esse minor quam primus, & tertius quam secundus: & sic sequeretur idem quod prius, scilicet quod diuisio stetit. Si secundo modo dicatur: tunc secundus semper erit minor primo, & tertius secundo, & sic de aliis: & licet non stet diuisio, tamen deuenit ad insensibile: & hoc est absurdum. Et hæc est responsio aliquorum nihil scientium de natura seminis: quia corpus naturale secundum philosophiam non diuiditur in infinita. Et præterea nullam rationem fingere possunt, quare secundus ex minori parte generetur, quam primus, & tertius quam secundus. Et tertium inconueniens est, quod ex eodem aliquo signato & primus formetur, & secundus, & tertius, quod est absurdum in philosophia naturali. Et ideo hæc responsio licet multorum vt absurda contemnitur à nobis.

**I**N CONTRARIUM autem huius obiicitur sic. Statura omnis generati secundum naturam accipitur ex quantitate caloris extendentis & humidi extensibilis: sed hæc inæqualia sunt in omnibus: ergo quantitas eorum inæqualis est secundum naturam: sed in die iudicii nihil addetur quantitati naturali vniuscuiusque: ergo in die iudicii erunt resurgentes inæquales in quantitate.

2 Item ex litera habetur, quod quædam sunt minora, & quædam maiora.

**R**ESPONSIO. Dicendum, quod vnum quodque corporum recipiet tunc quantitatem in longo, lato, & spisso, quam habebat erat in mensura ætatis plenitudinis Christi, si natura non defecisset per mortem vel infirmitatem vel nutrimenti subtractionem, vel errasset per superfluitatem vel alium errorem. Quantitas autem illa debet mensurari ad duo quæ in obiiciendo dicta sunt, scilicet calidum extendens, & humidum extensibile secundum perfectionem organorum & quantitatis. Et quia hoc multipliciter impeditur ex parte materiæ, & ex parte virtutis, & ex parte exercitij siue laboris in quo occupantur iuuenes, & in his omnibus modis secundum defectum vel abundantiam: ideo multiplex contingit error in quantitate hominum, de quibus agitur in naturis: & non est hic locus hos errores inquirendi.

**D**ICENDUM ergo ad primum, quod agens est vnum, sed dispositio non est vna: quia prius habitum est, quod in pulueribus manet relatio ad animam, & ad instrumenta naturalia quibus perficit corpus, quæ sunt calidum, frigidum, humidum, & siccum complexionabilia: & secundum horum rationem dabitur ei quantitas: quia hæc propriè est quantitas sua.

**A**D ALIUD dicendum, quod aliud est deuiare naturam, & aliud est eam esse aliam: quia alia & alia est in homine alio & alio: sed deuiat, quando non perficit id quod inest iam per principium actiuum & passiuum sufficienter ad quantitatis perfectionem: vnde licet hominum productio sit ex vno, quia ramen natura est alia & alia secundum principia proxima, non deuiat aliam & aliam constituendo quantitatem, sed potius rectè attingit finem secundum principia accepta ad quantitatis operationem: & ideo in hoc non indiget correctione.

Sed con-  
tra.

Solutio.



AD ALIUD dicendum, quod sicut est forma una, ita figura una & quantitas una: unde cum forma non sit nisi una specie, non potest haberi, nisi quod quantitas sit una specie & similiter figura.

AD ALIUD dicendum, quod hoc verum est quod Philosophus dicit: sed ratio magnitudinis sumitur ex principiis quæ sunt in semine, & sunt instrumenta virtutis formativæ, scilicet calidum, & humidum, & hæc sunt diversa in diversis embryonibus & seminibus conceptis: & ideo naturaliter egreditur diversa quantitas & diversa figura.

AD ALIUD dicendum, quod illa solutio absurda est, ut probatum est.

## ARTICVLVS II.

*An corpus gloriosum potest esse in minori loco quam sit, vel exigit maiorem vel æqualem vel minorem vel etiam nullum?*

Secundo quaeritur, Vtrum corpus gloriosum potest esse in minori loco, quam sit, vel exigit maiorem vel æqualem vel etiam nullum? Videtur enim quod sit in minori loco: quia corpora gloriosa (ut dicit Apostolus) configurabuntur corpori Christi: sed corpus Christi potest esse & est in minori, sicut patet in altari in specie panis parua: ergo & nostra corpora.

2 Item, Omne subtile applicatum glorioso, est in minori parte grossi corporis: sed gloriosa corpora sunt subtilissima: ergo in loco grossi corporis applicata, poterunt esse in minori parte corporis grossi.

3 Item, Spiritus non comparatur ad locum diuisibiliter, sed indiuisibiliter: corpora autem grossa sunt in loco diuisibiliter secundum æqualem commensurationem: ergo corpus spirituale quod est medium inter spiritum & corpus, erit in loco quidem diuisibiliter, sed tamen secundum minorem dimensionem quam corpus grossum: ergo erit in minori quantitate loci, quam sit ipsum.

Sed e contra videtur, quod sit secundum maiorem dimensionem, quam sit suus locus naturalis: quia omne corpus subtile in natura est rarum: & omne rarum plus occupat de loco (ut dicit Philosophus) quam corpus grossum: ergo corpus glorificatum plus occupabit de loco, quam idem non glorificatum: sed non glorificatum occupat locum sibi æqualem: ergo glorificatum occupabit maiorem.

2 Item, Corpus quanto formalius est & spiritualius, tanto maiorem occupat locum, ut dicunt Philosophi: & ideo locus aquæ maior est quam terra, & aeris maior quam aqua, & ignis maior quam aeris, & locus cæli maximus quantum ad illos cælos qui sunt in loco: constat autem, quod glorificatum corpus formalius & spiritualius est non glorificato: ergo idem corpus glorificatum occupat maiorem locum se non glorificato: sed non glorificatum occupat æqualem suis dimensionibus:

ergo glorificatum occupat maiorem, quam sint dimensiones suæ.

3 Item, Ex vno pugillo aquæ (ut dicit Philosophus) fiunt decem pugilli aeris: ergo aer in proportionem decupla se habet ad aquam: sed maior est distantia subtilitatis inter corpus non glorificatum & glorificatum, quam inter aerem & aquam: ergo corpus glorificatum plus quam in decupla proportionem occupat maiorem locum, quam idem non glorificatum: cum igitur occupet non glorificatum locum æqualem suæ naturali dimensionem, videtur quod gloriosum occupat maiorem, quam sint dimensiones quas habuit naturaliter.

Uterius videtur, quod exigit æqualem: omne enim quod est in loco, est in loco sibi æquali, ut dicit Philosophus: sed corpus gloriosum est in loco: ergo est in loco sibi æquali.

2 Item, Omne quod est in loco, ad eundem terminum copulantur particulae suæ, & particulae loci: sed corpus gloriosum est in loco: ergo ad eundem terminum copulantur particulae suæ, & particulae loci.

3 Inde ulterius sic obiicitur: Omne cuius particulae cum particulis loci ad eundem terminum communem copulantur, habet locum sibi æqualem: sed sic copulantur particulae corporis gloriosi cum particulis sui loci: ergo videtur, quod suus locus sibi sit æqualis.

4 Item, Omne locatum per suas dimensiones distare facit dimensiones loci, ut dicit Aristot. 4. physicorum. 5. cap. de vacuo, ubi loquitur de distantia lignei cubi: sed omne quod sua dimensione facit distantiam loci, habet locum sibi æqualem: ergo corpora gloriosa locum habent æqualem sibi.

5 Item, Omne quod circumscribitur a loco, habet principium, medium, & finem, secundum loci principium, medium, & finem: sed omne tale habet locum æqualem sibi: ergo quod circumscribitur loco, habet locum æqualem sibi: sed corpus gloriosum est in loco, & circumscribitur loco: ergo habet locum æqualem sibi.

Uterius videtur, quod non sit in loco aliquo corpus gloriosum sic: Omne quod est in loco, habet dependentiam ad locum: sed corpus gloriosum non habet dependentiam ad aliquem locum: ergo ipsum non est in loco.

2 Item, Ut dicit Philosophus, locus est locati saluatiuus: sed corpus gloriosum nullo indiget saluante: ergo nullo indiget loco: constat autem, quod superfluum non est in natura, nec in operibus Dei: ergo corpori glorioso nullus a natura vel a Deo aptatur locus.

3 Item, Omne continens nobilius est contento: sed nullum corpus nobilius est glorioso: ergo corpus gloriosum nullum habet corpus continens: sed omnis locus est continens: ergo a superiori negando nullum corpus gloriosum habet locum.

RESPONSIO. Dicendum, quod corpus gloriosum habet locum quodammodo, & quodammodo non. Sunt enim conditiones loci esse ambiens formaliter contento, & continens, & saluans, & immobile, ad quod est motus naturalis, & esse principium generationis, sicut dicit Philosophus: & si hæc conditio-

*Solutio.*



nes loci omnes simul accipiantur, corpus gloriosum non habet locum corporalem: nullum enim est formaliter continens, & saluans, nec immobile ad quod sit suus motus in quantum est gloriosum, quod habeat influentiam super ipsum, sicut principium generationis: & hoc modo etiam orbis inferiores non sunt in loco, sicut dicit Commētator super physicam Arist. Si autem accipiat ambiens quod est magis congruens in genere corporum: tunc etiam locus magis largē dicitur: & sic erit corpus gloriosum in loco in cælo empyreo. Si autem largissimē sumatur locus: tunc erit tantum ambiens æquale ei quod ambitur: & tunc erit corpus gloriosum in loco ubi voluerit, quandoque circa nos, quandoque in cælo empyreo secundum voluntatem Dei: & ideo vltima pars rationum soluta est: quia illa non tenet, nisi de loco physicē & propriē accepto. Secundum autem quod mathematicis datur locus & diuinis corporibus, non concludunt. Omnes autem illas quæ penultimæ sunt, ego planē concedo, quod non potest aliquis negare rectē sentiens quia habeant loca æqualia sibi.

AD PRIMAM autem partem rationum dicendum, quod corpus Christi non est sub tanta specie panis vel vini in quantum est gloriosum, sed potius prout est cibus fidelium, fide non dente sumendus, sicut diximus in tractatu de Eucharistia: & ideo non in hoc configurabitur ei corpus nostrum, sed tantum in hoc in quo gloriosum ostenditur.

AD ALIUD dicendum, quod hoc non est verum, nisi de subtili quod complicari & comprimari potest in partibus, quia hoc est complicatum partium, ut dicit Philosophus: talis autem complicatio & compressio cum mutet situm partium & corrumpat figuram, non potest esse in corpore glorioso, quia aliter nouam acciperet figuram in quolibet loco nouo, & comprimeretur sua quantitas: & hoc est absurdum dicere de corpore glorioso.

AD ALIUD dicendum, quod corpus spirituale est corpus secundum naturam, & habet tres dimensiones: & hoc non est medium in participando locum inter spiritum & corpus non gloriosum, sed potius extremum: quia quanto est spiritualius secundum Philosophos (nisi aliquid reformet pactum) tanto occupat locum ampliorem & maiorem: & ideo supponitur falsum in argumento, scilicet quod sit medium in participando locum: quia ad minus cum gloriosum sit corpus determinatum propria figura & qualitate, per id accidit ei habere locum, per quod accidit hoc corpori grosso: & ideo non oportet, quod sit in loco maiori.

AD ALIAM partem objectionum dicendum, quod hoc non est verum, licet hoc quidam minus periti dixerint: sed est in loco æquali sibi. Et tria argumenta ibi inducta, non tenent, nisi de corpore, quod sit rarum, subtile, formale, spirituale, per rarefactionem: sed non est sic de corpore glorificato, si enim rarificaretur, tunc non retineret figuram propriam, nec staturam ætatis plenitudinis Christi: sed subtilitas eius & spiritualitas est per ablationem.

D. Alber. Mag. in Lib. 4. Sentent.

nem qualitarum ignobilium, quæ sunt grossities, & materialitas, remanente eadem substantia non rarificata: sicut dixerunt quidam de sole, quod habet partes conglobatas in figura, & tamen est corpus subtile spirituale: & tale corpus grossum & subtile est in vna statura, & vna figura. Et per hoc patet solutio ad totum.

### ARTICVLVS III.

*An corpus gloriosum cum alio corpore non glorioso possit esse in eodem loco?*

Tertio quæritur, Vtrum corpus gloriosum cum alio non glorioso possit esse in eodem loco? Videtur autem, quod sic: quia Ioan. 20. legitur, quod ingressus Dominus ianuis clausis ad discipulos, dixit eis, Pax vobis. Sed si ingrediebatur ianuis clausis, aliquando fuit in loco ostij, vel parietis, & non deiecit ipsum. Ergo tunc fuit cum ipso in eodem loco: sed omnia corpora gloriosa erunt suo corpori configurata: ergo corpora gloriosa cum alio corpore non glorioso possunt esse in eodem loco.

2 Item, Ferē ab omnibus subtilitas siue spiritualitas quæ est vna dotium corporis, exponitur, quod sit tanta, quod per quodlibet corpus transire possit non diuidendo ipsum: constat autem, quod dotem talem omnia corpora gloriosa habebunt: ergo omnia corpora gloriosa cum non gloriosis possunt esse in eodem loco.

3 Item obijciunt quidam dicentes, quod mathematici tradant corpus solis & aliorum planetarum transire per circulos suos, & tamen non diuidere ipsos: constat autem, quod multo nobiliora erunt corpora gloriosa, quam celestia: ergo & illa possunt hæc facere, & faciunt: sed hoc non potest fieri, nisi sint cum eis in eodem loco: ergo corpora gloriosa cum non gloriosis possunt esse in eodem loco.

4 Item, Corpus dicitur dupliciter, scilicet à corporeitate, & corpulentia. A corporeitate habet dimensiones: à corpulentia autem habet repletionem loci. Ergo corpus habēs corporeitatem tantum, non habet replere locum: sed tale est corpus cæleste & gloriosum: ergo talia corpora non habent replere locum: ergo cum alio corpore possunt esse in eodem loco.

5 Item, Corpus spirituale quod est lux, cum quolibet alio corpore est in eodem loco: sed constat, quod illa corpora sunt de natura lucis: ergo cum quolibet alio possunt esse in eodem loco. Hæ rationes sunt aliquorum quæ de hoc inueniuntur.

IN CONTRARIUM huius obijciuntur *Sed contra.* Vna distantia quantitatis est inter terminos eodē: sed idem terminus est locus: ergo inter dimensiones superficiē locantis non est nisi distantia vna: si ergo detur, quod sint in eo duo corpora, erunt duo corpora vnius & eiusdem distantie secundum quantitatem, quod est impossibile: & ideo duo corpora non possunt esse in eodem loco.

2 Item, Immergatur cubus ligneus in aquam:

AAAa 2



aquam : constat , quòd tantum distabit aqua , quanta est distantia quantitatis cubi : aut ergo vna est distantia loci & cubi , aut duæ . Si vna : ergo quicquid est idem vni , est idem & alteri : sed distantia quantitatis locati cubi est idem cum distantia loci cubi : ergo si aliquid locatum est in eodem loco , illud etiam erit idem cum distantia loci : ergo locatum illud erit idem cum quantitate cubi : ergo duo locata sunt vnum locatum , quod est impossibile . Si autem dicas , quòd non sunt idem , sed duæ distantia aquæ & cubi . Contra : Inter distantias aquæ locantis non est aliquid implens nisi cubus . Si ergo sit aliquid non cubi quantitas , cum hoc non possit esse nisi locus carens omni corpore , illud erit vacuum : ergo vacuum est aliquid , quod est impossibile . Et hoc ut melius videatur , sit distantia locantis a . distantia autem vnius locatorum b . & distantia alterius sit c . si hoc possibile est , quòd duo corpora sint in eodem loco , inde sic . Quæcunque sunt vni & eidem eadem , ipsa sunt eadem : sed secundum præcedentem demonstrationem , & Arist. verba in 4. physicorum , & expositionem commenti in eodem loco , vna & eadem est distantia a . & b . & vna & eadem est a . & c . per eandem rationem : ergo vna & eadem b . & c . per hanc maximam , Quæcunque vni & eidem , & c . sed quoruncunque vna est distantia numero & eadem , ipsa sunt eadem : ergo eadem sunt b . & c . quod est impossibile : quia sic duo corpora essent vnum corpus .

3 Item , Constat , quòd ad eundem terminum communem loci & locati particulæ copulantur , sicut docet Philosophus in prædicamentis : si ergo sunt duo locata in loco vno , vtrumque illorum copulatur ad vnum communem terminum cum illo : sed vnum sunt , quorum terminus copulationis & continuationis est vnus : ergo duo locata in vno loco corpora , sunt vnum , quod est iterum impossibile . Si forte dicas , quòd hoc non sequitur : quia etiam loci & locati terminus copulationis est vnus : & tamen locus & locatum sunt duo . Contra : Loci terminus & locati est idem , quia secundum Aristot. vna numero distantia est loci & locati : & non different in distantia nec in quantitate , nisi quòd vnum est terminans , & alterum terminatum : sed secundum hoc etiam duo corpora erunt & vnius numero distantia , & vnius termini ad quem copulantur , & non different sicut terminans & terminatum , sed vtrumque est sicut terminatum : ergo sequitur necessariò , quòd sint numero vnum . Ad hoc dixerunt quidam , quòd hoc non tenet nisi de corpore grosso , & de illo sunt demonstrationes physicae . Contra : Si hoc esset verum , tunc hæc demonstrationes non sumerentur ab eo quod est commune grosso & subtili siue formali corpori , sed sumuntur ab eo quod est vtrique commune : ergo tenent de vtroque : constat autem quòd distantia quantitatis vtrique communis est : vel si alteri magis conuenit , tunc magis conuenit formali quam grosso , quia maiores habet distantias quanto est formalis .

4 Item Auic. sic obiicit : Sint duo corpora quantuncunque vis formalia . a . & b . & sint in

eodem loco qui sit c . sitque centrum loci illius d . & educantur lineæ ad locum superius , qui sit d . g . & ad medium d . f . & ad finem d . h . & sit locus totus c . g . f . h . aut ergo linea d . g . est linea vna , aut duæ . Si dicis , quòd linea vna : ergo duorum corporum est linea vna , & etiam distantia loci : ergo distantia loci & duorum corporum distantia sunt distantia vna : ergo & quantitas vna , & quantum vnum : ergo & res vna , & corpus vnum , quorum quodlibet est impossibile .

Si autem dicas , quòd linea non est vna : ergo inter duo puncta sunt plures lineæ rectæ , quam vna , quod est absurdissimum . Ad hoc dicunt quidam mirabiles homines , quòd istæ determinationes tenent de quantitate mathematica , non de quantitate secundum esse physicum : & concedunt , quòd duo mathematica non possunt esse in eodem loco , sed duo physica bene possunt esse in eodem loco . Sed multipliciter ostendetur , quòd hæc est fatuitas maxima . Vno quidem modo si comparemus dicta istorum , quorum vnum est , quòd corpus non à corporeitate , sed à corpulentia & grossitie habeat replere locum : & aliud , quòd mathematicum non possit esse in eodem loco cum mathematico . Constat autem , quòd mathematicum nihil habet de corpulentia vel grossitie , sed tantum corporeitatem . Ergo nihil habet de repletionem loci : ergo nullum aliud mathematicum prohibet secum esse in eodem loco . Et nunc dicunt , quòd mathematicum cum mathematico in eodem loco esse non potest , sed physicum cum physico . Hæc ergo dicta repugnant , & sequitur contra eos , quòd contradictoria sint simul vera , scilicet corpulentiam esse causam , quare duo possunt esse in eodem loco , & eandem non esse causam eiusdem . Alio autem modo : quia ista physica demonstratio non sumitur penes essentiam quantitatis abstractæ , sed potius penes esse quod habet in quanto : & ideo sumit lineam huius corporis & huius distantia , & huiusmodi : ergo constat , quòd fictio illa nulla est . Tertio autem modo : quia nullus vnquam Philosophorum iuit hac via : sed ipsi soli sunt homines , & cum ipsis solis morietur sapientia ista . Quarto autem modo : quia cum omnia quanta sint imaginabilia secundum Philosophos , istud quod dicunt , impossibile est imaginari : cum enim duo corpora sint in eodem loco , aut vnus est in parte loci vna , & aliud in alia : aut vtrumque est diffusum per omnes loci particulas . Si primo modo : ergo non sunt in vno loco proprio , sed communi : & sic centum homines nihil prohibet locari in loco vno , quia in domo vna , vel vno theatro . Si secundo modo : tunc vtrumque est diffusum per vtrumque : ergo partes vnius transeunt per partes alterius : & sic vtrumque est vtrique permixtum , quod est absurdum , cum salua & indiuisa sint corpora .

RESPONSIO . Videtur mihi dicendum , *Solutio.* quòd nullo modo est intelligibile , qualiter duo corpora sint in eodem loco : & ideo dico , quòd hoc secundum naturam & imaginationem ad intellectum sit impossibile : contrarium autem intellectui & naturæ non cogit nos nisi fides



fides ponere: & ideo dico, quod corpus gloriosum per hoc quod est gloriosum, non habet posse essendi cum alio corpore in eodem loco.

AD PRIMVM ergo dicendum, quod hoc conuenit corpori Christi: non per hoc quod gloriosum, sed per hoc quod diuinum est, cuius diuinitas omni eo quod est vtitur ad nutum: vnde quando non fuit gloriosum, sic exiit de vtero Virginis matris, quod signacula pudoris non aperuit: & tamen aliorum corpora hoc non habent.

AD ALIVD dicendum, quod non ab omnibus à quibus ita exponitur spiritualitas, male exponitur: sed potius quia non sunt spiritus, habent spiritus proprietates: & ideo replent locum propter distantiam quantitatis quam habent: sed sunt spiritualia subiecta spiritui, à quibus id quod est animale & corporale & ignobile, ablatum est.

AD ALIVD dicendum, quod illorum mathematicorum libri in quibus illa quæ dicunt continentur, ad neminem nisi ad eos perueniunt, cum Ptolemæus, Abbatem, Thebit, Geber, Alfarabius, & alij nihil horum scribant. Vnde certum est solito more eos hoc confinxisse, & Philosophis imposuisse ad stabilimentum opinionis eorum.

AD ALIVD dicendum, quod distinctio valet ad propositum: quia corpus habet replere locum à corporeitate, etiam non existente aliqua corpulentia, sicut probatum est: vnde Philosophus dicit, quod mathematicis datur locus.

AD ALIVD dicendum, quod hæc est falsa, lux est corpus, sicut dicunt omnes Auctores: & nos aliquid de hoc diximus in secundo.

ARTICVLVS IV.

*An duo corpora gloriosa possunt esse in eodem loco?*

QVARTO quæritur, Vtrum corpus gloriosum cum alio possit esse in eodem loco? Videtur, quod sic ex dictis Magistrorum: quia dicunt antiqui, quod corpus gloriosum habet suam quantitatem ad nutum voluntatis: ergo si vult, per eam replet locum: & si non vult, non replet: ergo cum alio potest esse in eodem loco si voluerit. Quod autem ad nutum habeat quantitatem, probant sic: quia glorificati sunt beati: ergo habent omnia ad nutum: ergo & quantitatem.

2 Item, Visibilitatem suam habent ad nutum: ergo & quantitatem: videntur enim quando volunt, & quando volunt non videntur.

IN CONTRARIVM huius sic obiicitur: *Sed contra.* quia remanente quantitate impossibile est quantitatem sine sui contractione fieri minorem, aut sine extensione fieri maiorem: ergo impossibile est quantitatem ita ad nutum habere, quod sit maior & minor, & cum alio corpore in eodem loco, & per se in loco.

RESPONSIO. Ad hoc puto dicendum, quod gloriosa corpora non habent ita quantitatem ad nutum, vt eam variare possint quando volunt: sed ita quantitatem & qualitatem habent ad nutum, quod circa eas nihil sit contrarium voluntati eorum. *Solutio.*

AD PROBATIONEM autem dicendum, quod quando dicitur, quod beati omnia habent ad nutum, intelligitur de his quæ sunt de substantia beatitudinis: & alia ita habere, quod circa ea nihil fieri contrarium voluntati eorum. Et per hoc patet solutio ad totum.

*Quod resurget quicquid fuit de substantia & natura corporis, & in eadem parte corporis.*

**N**ON enim perit Deo terrena materies, de qua mortalium B creatur caro: sed in quemlibet puluerem cineremue solvatur, Aug. in enchi. cap. 88. in quolibet halitus aurasque diffugiat, & in quancunque aliorum corporum substantiam, vel in ipsa elementa vertatur, in quoruncunque etiam animalium vel hominum cibum carnemque mutetur, illi animæ in puncto temporis redit, quæ illam carnem primitus vt homo fieret, cresceret, viueret, animauit. Ipsa ergo terrena materies quæ discedente anima fit cadauer, non ita resurrectione reparabitur, vt ea quæ dilabuntur, & in alias atque alias rerum species vertuntur, quamuis ad corpus redeant vnde dilapsa sunt: ad easdem quoque corporis partes vbi fuerunt redire necesse sit. Alioquin si capillus redit, quem tam crebra tonsura detraxit: si vnguibus, quos toties depressit exectio immoderata & indecens, cogitantibus resurrectionem carnis & ideo non credentibus occurrit infirmitas, alias informitas. Sed quemadmodum si statua cuiuslibet solubilis metalli igne liquefceret, vel contereretur in puluerem, vel confunderetur in massam: & eam vellet artifex rursus ex illius materia & quantitate

Hugo de sacra-  
mentis.  
parte 1.  
cap. 19.



reparare, nihil interesset ad eius integritatem, quæ particula materiæ cui membro statuæ redderetur, dum tamen totum ex quo constituta fuerat, restituta resumeret. Ita Deus mirabiliter atque ineffabiliter artifex, de toto quo caro nostra extiterat, eam mirabili celeritate restituet: nec aliquid attinebit ad eius reintegrationem, vtrum capilli ad capillos redeant, & ungues ad ungues: an quicquid eorum perierat, mutetur in carnem, & in partes alias corporis reuocetur: curante artificis prouidentia, ne quid indecens fiat. Indecorum quippè aliquid ibi non erit: sed quicquid futurum est, hoc decebit: quia nec futurum est, si non decebit.

## ARTICVLVS V.

*Quid sit veritas humana natura?*

**D**Einde quæritur de hoc quod dicit *ibi* [Non enim perit Deo terrena materies, &c.] Hic enim necesse est quærere de veritate humanæ naturæ, & quæruntur ante literam tria, scilicet quid sit veritas humanæ naturæ? Secundum, An vna in omnibus hominibus? Et tertium, Vtrum aliquid de nutrimento conuertatur in humanam veritatem?

Lib. de  
veritate  
cap. 14.

Ad primum obiicitur sic: Dicit Ansel. quod veritas est rectitudo sola mente perceptibilis: & cum hæc diffinitio veritatis sit de omni veritate, humana autem veritas siue humanæ naturæ veritas sit quædam veritas, videtur quod non conuertatur cum ipsa diffinitio ista.

2 Item, Veritas dicitur humani generis quæ non sola mente perceptibilis est, sed etiam corporaliter: ergo videtur, quod hæc diffinitio ei non conueniat.

3 Si propter hoc dicatur, quod veritas sumitur secundum quod August. dicit, quod veritas est vera rei entitas: sed hoc iterum competere non videtur: quia vera rei entitas est omne id quod modo est in corpore hominis, & tamen hoc non apparebit totum in resurrectione: quicquid autem est de veritate humanæ naturæ, totum apparebit in resurrectione: ergo videtur, quod ei non comperat prædicta Augustini assignatio.

4 Si vero dicatur, quod veritas sumitur secundum Philosophum Avicennam dicentem, quod veritas est indiuisio actus à potentia: sed hæc veritas humanæ naturæ non est post mortem, quia tunc actus diuisus est à potentia: sed veritas humanæ naturæ semper manet, & in resurrectione apparebit: ergo veritati humanæ naturæ dicta diffinitio non competit.

Solutio.

**R E S P O N S I O.** Dicendum, quod veritas humanæ naturæ dicitur dupliciter, scilicet abstractè, & concretè. Abstractè secundum hoc est indiuisio potentie & actus: quia hæc facit rem habere veram naturam secundum actum, id est, secundum complementum suæ formæ, sicut veritas lapidis est à quo est verum esse lapidis, & veritas hominis à quo est verum esse hominis. Concrete autem accipiendo tunc veritas humanæ naturæ est vera hominis natura: & hæc est quæ completa est forma naturali hominis, quæ est anima rationalis,

completionem substantiali, non accidentali, sicut est aliquid in natura hominis per augmentum accidentale, & aliquid decedit à natura hominis per violentiam & detrimentum accidentale, vt infra patebit: & quod quidem inhaeret per accidentale augmentum, non est de veritate humanæ naturæ. Quod autem habet per violentiam vel detrimentum materiæ, virtute & natura adest, licet desit per accidens: & ideo est de veritate humanæ naturæ potestate & virtute, vt dicit August. & hoc modo quæritur hic de veritate humanæ naturæ: & hoc est verum secundum quod opponitur permixto cum natura aliena, sicut dicimus verum aurum alij metallo impermixtum. Quod autem sic sumatur veritas, patet per Hilarium in 5. lib. de Trinitate, vbi sic dicit: Nulli dubium est veritatem ex natura & ex virtute esse, vt exempli causa dictum sit, Verum triticum est quod spica structum, & aristis vallatum, & folliculis excussum, & in farinam comminutum, & in panem coaptatum, & in cibum sumptum, reddiderit ex le & naturam panis & munus. Ex hoc accipitur, quod nonnunquam dicitur verum à vera natura sua perfecta secundum virtutem & operationem. Vnde idem, Non huius verbi apprehendo rationem si dicatur mihi, ignis est, sed non est verus ignis: aut aqua est, sed non est vera: & quæro, in quo eiusdem generis veritas à generis eiusdem veritate dissentiat? Quod enim ignis est, non potest esse ne verus sit, nec natura manens eo potest carere quod vera est. Perime aquæ, quod aqua est, & per id poteris abolere ne vera sit. Ex hoc accipitur idem quod prius.

**D I C E N D U M** ergo ad primum, quod diffinitio Augustini non conuenit nisi in genere: & ideo oportet addere, quod sit rectitudo humanæ naturæ sola mente perceptibilis.

**A D A L I V D** dicendum, quod licet sit in corpore, non tamen est corporea, sed potius spiritalis & formalis: & ideo sola mente perceptibilis, & non sensu vel imaginatione: quia dictio exclusiua posita in diffinitione veritatis, excludit perceptionem sensus & imaginationis.

**A D A L I V D** dicendum, quod vera rei entitas sola illa est in qua vt substantiali forma radicitur entitas secundum actum, & veritatem: alia autem sunt accidentalia influentia & effluentia.

**A D A L I V D** dicendum, quod veritas humanæ naturæ non est post mortem, nisi sicut



sicut ipsa natura humana, scilicet in potentia: & ideo illud argumentum nihil inconueniens concludit. Et per hoc patet solutio ad omnia. Nec debet hic quæri de diffinitionibus veritatis signi vel orationis: quia nos loquimur hic de incompleta veritate qua homo dicitur verus homo.

ARTICVLVS VI.

*An vna veritas humana natura sit in omnibus hominibus?*

Secundo quæritur, Vtrum vna veritas sit in omnibus hominibus? Videtur, quod sic: quia quæcunque exeunt ab vno naturaliter, sunt vnum in illo: sed omnes homines ab vno exeunt naturaliter: ergo sunt vnum in illo: sed illa pars materiæ quæ semper apparebit sub natura hominis, vera est veritate humanæ naturæ: ergo videtur, quod veritas humanæ naturæ sit vna in omnibus.

2. Item, Vno actu non agitur nisi in vnum: sed vno actu decimati sunt omnes qui erant in lumbis decimantis: ergo vnum fuerunt in lumbis eius: hoc autem hic dicitur veritas naturæ humanæ: ergo omnes vna materia hominis fuerunt in lumbis eius: ergo totum genus humanum à simili fuit vna natura materiæ in lumbis Adæ: sed per naturam materiæ fuerunt in lumbis eius: ergo omnes homines sunt vna veritas humanæ naturæ, vel habent vnā veritatem humanæ naturæ.

3. Item, Non poterat infici humana natura, nisi vbi tota vna fuit: sed vna & simplici infectione infecta est in Adam: ergo in Adam tota vna & simplex fuit: sed omnes habent illud pro veritate humanæ naturæ, quod sic ab Adam descendit: ergo, &c.

*Sed contra.* IN CONTRARIUM est, quod quodcunque signatum naturale non est diuisibile in infinitum, licet mathematicum in infinitum diuidatur: semen autem signatum fuit naturale: ergo, &c. Et quia nos de hoc multum disputauimus in 2. Dist. 30. hæc ad præsens sufficiant: quia ibi & id discussum est, & opiniones quæ circa hoc sunt, scilicet si materia non cointellecta quantitate sit diuisibilis, sicut quidam dixerunt, & vtrum possibile est eam multiplicari in seipsa sine nutrimenti additione, & huiusmodi alia.

DICENDUM ergo ad quæstionem, quod veritas humanæ naturæ ratione vna est in omnibus hominibus, sed re & subiecto est plures.

AD PRIMUM ergo obiectum dicendum, quod homines non sunt in indiuiduo signato aliquo cuius quilibet acceperit partem, sed sunt ex vno originaliter, sicut dictum est in secundo.

AD SECUNDUM & tertium dicendum, quod vno actu decimabatur & inficiebatur, quod originaliter fuit vnum, & non per assignatam materiæ partem aliquam: hoc enim friuolum reputo, quod secundum hoc totum naturæ opus miraculosum esset, & est directe contra August. in lib. 22. de ciuit. Dei sicut patebit in sequenti problemate.

ARTICVLVS VII.

*An aliquid de nutrimento vertatur in humanam naturam?*

Tertio quæritur, Vtrum aliquid de nutrimento conuertatur in humanam naturam? Videtur, quod non Matth. enim 15. dicitur, Omne quod in os intrat, in ventrem vadit, & in secessum emittitur. Sed quod emittitur, non conuertitur in veritatem humanæ naturæ. Ergo, &c.

2. Item ibidem Glossa Bedæ dicit sic: Quis tenuissimus humor aut liquens esca, cum in venis & artubus decocta fuerit & digesta, per occultos meatus, quos Græci poros vocant, in secessum emittitur.

3. Item, Eadem est ratio de quodam & de omni nutrimento: sed constat, quod aliquid in secessum emittitur: ergo & omne nutrimentum in secessum emittitur.

4. Item, Anima per se debetur organico corpori: sed organicum non fit ex nutrimento, sed potius ex humido radicali & seminario: ergo anima per se non debetur nutrimentali: sed alia non est humanæ naturæ veritas: ergo nutrimentum tale non est de veritate humanæ naturæ.

5. Item, Durum videtur si id quod per substantiam est caro botis, resurgat: sed hoc sequitur, vt dicunt aliqui, si nutrimentum conuertatur in veritatem humanæ naturæ. Probatio mediæ. Comeditur enim caro bouis: si ergo nutrimentum conuertitur in veritatem humanæ naturæ, caro bouis in illam conuertitur: sed quicquid est de veritate humanæ naturæ resurget: ergo caro bouis comesta resurget.

6. Item, Secundum id erit resurrectio secundum quod fuimus in lumbis Adæ: non autem secundum nutrimentalem substantiam fuimus in lumbis Adæ: ergo secundum nutrimentalem substantiam non erit resurrectio.

7. Item, Vnius rationis est modus veritatis humanæ naturæ in omnibus hominibus: sed in paruulis recenter natis non est nutrimentalis caro de veritate humanæ naturæ: & tamen resurgent in quantitate ætatis 30. annorum: ergo videtur, quod nec in aliis caro nutrimentalis sit de veritate humanæ naturæ.

*Sed contra.* IN CONTRARIUM huius obicitur sic: Super illud Philipp. 2. Et habitu inuentus est vt homo. Dicit August. quod quidam habitus mutat hominem & mutatur, sicut cibus qui mutatur in corpus & mutat ipsum in robur: ergo cibus transit in corpus: ergo non totus per secessum emittitur.

2. Item, Quicquid exhaustibile est fame, & restituibile refecione cibi, substantia corporis manente vna & eadem, illud est caro nutrimentalis: multa caro hominis sic est exhaustibilis & restituibilis: ergo multa caro hominis est nutrimentalis. Prima patet per se, & ex hypothesi dicentium nihil conuertere in corpus de cibo, quia si conuertitur, tunc erit id in quod conuertitur nutrimentale. Secunda scribitur lib. 22. de



eiuitate Dei. cap. 20. per hæc verba. Quicquid enim carniū exhaust fames, utique in auras est exhalatum: unde diximus omnipotentem Deū posse reuocare quod fugit. Ex hoc patet propositum.

2 Ibidem quærit August. Siquis pascatur carne alterius, & mutet in carnem suam, in quo resurget illa caro? quæ quæstio nulla est si nutrimentum non transit in corpus hominis.

3 Item, Sicut de veritate aquæ est, secundum dictum Hilar. de quo possum dicere, hæc est aqua vel vera aqua: ita de veritate naturæ humanæ est, de quo possum dicere, hæc est natura hominis, vel vera natura hominis: sed talis est caro generata ex hoc nutrimento: ergo caro nutrimentalis est de veritate naturæ humanæ. Et minor patet ibi per verba August.

4 Item, Si natura hominis quæ est materia, multiplicatur in seipsa, ut dicunt, hoc non potest esse nisi vno modorum trium, scilicet per additionem extranei, & per creationem materiæ in qua forma multiplicetur, aut quia seipso sic natum est, quod vnum educitur ab alio sicut pars à parte. Si primo modo: tunc non differt vtrum addatur cibi substantia vel alia, & sic cibus potest conuerti in corpus & in veritatem humanæ naturæ. Si secundo modo: tunc continuè crearetur ei materia, & iterum illa esset aliena, & in quantum aliena non differt etiam si materia cibi iam creata addatur. Si autem tertio modo. Contra: Quod ex seipso facit aliquid, semper facit illud: natura humana ex seipsa se multiplicat: ergo semper se multiplicat: ergo multiplicatio sui ex seipsa nunquam stabit, quod falsum est, quia si sic esset, etiam augmentum nunquam starer, & nos videmus quod hoc stat.

5 Item videtur secundum hoc, quod vehementius debet in tempore esse augmentum quando stat, quam quando incipit: quia quando aliquid educitur ex seipso, minus remanet ibi quam prius fuit, & ita minus resistit actioni multiplicantis: ergo magis erit tunc velox in multiplicando, quod absurdum est. Si autem dicas, quod multiplicat sine sui diminutione. Contra: Quod vna pars efficiatur duæ æque primæ non potest esse, nisi per exitum de potentia ad actum: potentiam autem nihil agit: ergo poneretur ibi aliquod agens præter id quod iam est, quicquid ibi illud sit. Si dicatur, quod hoc est calor. Contra: Ille non agit nisi rarificando & disgregando: ergo multiplicatum in se corpus est rariius & subtilius, quam non multiplicatum: ergo rariora & subtiliora sunt corpora senum quam infantum, quod absurdum est.

6 Item, Quid simile inuenitur in tota natura, vbi actus de actu educitur per multiplicationem, id est, caro de carne sine mutatione aliqua, & æqualia quanta multa de vno minora quam ipsa sunt sine additione?

7 Item, Si aliquid veritatis est in philosophia naturali, tunc generatio fit de superfluo nutrimenti, quod descinditur à quarta digestionem: sed nihil talium conuertitur in humanam naturam, ut dicit aduersarius: ergo ex

nullo raliū aliquid generatur: frustra ergo philosophatum est, quicquid vnquam dictum est à Philosophis secundum istorum mirabilem philosophiam.

8 Item, In primo de generatione, in cap. de augmento, dicit Philosophus, quod cibus nutrit in quantum potentia caro, auget autem in quantum potentia quanta caro: ergo oportet, quod conuertatur in corpus humanum.

9 Item, Secundum hoc totum opus naturæ esset miraculosum, quod absurdum est.

10 Item, Ad quid valet calor naturalis in corpore? ipse enim secundum istorum mirabilem sapientiam non agit augendo, & cibus non ponitur in corpore, nisi ut sit materia caloris, ne comburatur subiectum: melius ergo esset ut calor ibi non fuisset: quia sic nec cibo indigeremus, & tunc breuiori compendio perfecisset Deus opus suum, quod ridiculosum est.

11 Item, Omne quod fit hic ab aliquo actiuo & calore, non agit augmentum: ergo aliquid aliud agit ipsum: non frigiditas, quia illius motus est ad centrum potius diminuendo per constrictionem intus, quam augendo per multiplicationem ad extra. Si dicas, quod est à forma substantiali, ista noua philosophia est, quod forma substantialis agat in natura, cum nihil sit ei contrarium.

12 Item, Si validum dictum Bedæ reputatur, dicentis quod non transit in corpus hominis nutrimentum, quare non ita validum est ut quærat ab eo remedium contra hydropes contempto Galeno? Dicit enim Beda, quod hydropes est humor subcutaneus de vitio vesicæ natus: curans autem vesicam, curat hydropem. Galenus autem dicit, quod curandum sit hepar, eo quod de vitio hepatis nascitur. Et miror ego si hi inquirent curam Bedæ contempto Galeno.

**R E S P O N S I O.** Dicendum est, quod ridiculum est dicere nihil de cibo conuerti in corpus humanum, & talia dicta quorundam theologorum derisibilem apud peritos faciunt theologiam.

**D I C E N D U M** ergo ad primum, quod ly omnis distribuitur pro partibus subiectiuis, non integralibus: quia quæcunque species ibi intrat in os, habet multum impuritatis & parum puritatis: & ideo quælibet species in secessu emittitur, licet non tota.

**A D A L I V D** dicendum, quod parum mihi videtur curandum de dictis Bedæ, vbi non loquitur de fide & moribus: quia ipse naturas ignorauit. Ne ramen fugere videamur, dicendum quod ipse loquitur de parte cibi secundum materiam carnis nutrimentalis & non secundum speciem: quia dicit Philosophus, quod quælibet caro augetur secundum speciem, & non secundum materiam quælibet augetur: quia materia similium membrorum influit & effluit, sed non species: & hoc modo post decoctionem quælibet secundum speciem nutritur & augetur, sicut probatur in primo de generatione & corruptione.

**A D A L I V D** dicendum, quod non est eadem ratio de vno & de omni: quia vnum est secundum naturam per accidens, & vnum est

Solutio.



est complens quantitatem, & alterum est restaurans deperditum tantum: & ideo falsum est, quod eadem est ratio de vno & de alio, sicut infra patebit.

AD ALIUD dicendum, quod anima primo debetur corpori organico, & secundo debetur adiuncto organico ad complementum quantitatis organorum, & tertio debetur restauranti deperditum tantum, & quarto ei quod vnitur organico & materiali: & secundum omnes hos modos dicitur esse veritas humanæ naturæ, & prima quæ est ex humido radicali, tota apparebit in resurrectione. Secunda autem ibi est actu in viuentibus, & potestate in infantibus, & etiam tota apparebit, nisi sit accepta de pastu carnium humanarum, vt infra dicitur. De tertia autem ibi apparebit quantum decebit: & de quarta nihil: quia non nisi accidentalem & innaturalem habet vnionem ad animam immortalem.

AD ALIUD dicendum, quod hoc imperitis videtur durum, qui ibi dicunt, quod caro asini in quantum asini mutat eos, nescientes dicta sapientium, quod nutrimentum primo est dissimile, & ultimo est simile, & tunc non est caro asini, sed proxima potentia ad carnem hominis. Et est in argumento eorum fallacia figuræ dictionis, vt est iste paralogismus, quicquid comedis, conuertitur in nutrimentum: sed carnem asini crudam comedis: ergo caro asini cruda, conuertitur in tuum nutrimentum.

AD ALIUD dicendum, quod in lumbis Adæ fuimus non secundum aliquam materiam signatam, sed secundum originalem materiam, vt dictum est.

AD VLTIMUM dicendum, quod in infantibus est totum nutrimentum, quod ad quantitatis perfectionem deducere debebat, potestate: actum autem, vt dicit August. supplebit potentia creantis & glorificantis. Et per hoc patet solutio ad totum.

## ARTICVLVS VIII.

*Quot sunt modi resolutionis? & in quo resurget costa, an in Adam, vel in Eva? & quomodo resurgent qui vescuntur humana à carne?*

**D**Einde quæritur de hoc quod dicit ibi [Sed in quemlibet puluerem cineremve soluatur, &c.] Et quærat primo, Quare in litera tot ponat modos resolutionum humani corporis, scilicet puluerem, cinerem, habitus, auras, aliorum corporum substantiam, elementa, cibum animalium & hominum, & carnem animalium & hominum?

**Q**UÆSTIO. VLTERRIVS quærat de costa Adæ, Vtrum in Adam resurget vel in Eva? Videtur, quod in Adam per regulam quam dat in litera: quia scilicet primo eam in humani corporis parte anima Adæ viuificauit: ergo in Adam resurget, vt videtur: sed si hoc est verum, tunc Eva non resurget, quia tota sumpta est de costa illa.

**Q**UÆSTIO. VLTERRIVS quæritur grauis quæstio August. scilicet de eo qui nutritur carnibus hu-

manis, in quo resurget illa caro? Si dicitur, quod in eo qui eam primo animauit, quia ab altero est quasi mutuata: tunc quæritur, Quid resurget in illo qui pastus est carne illa? Videtur enim, quod ille resurget cum defectu, quod falsum est: quia mortui, vt prius habitum est, resurgent incorrupti.

2. Item, Esto quod pastus carnibus humanis generet filium de superfluo illius cibi: tunc constar, quod de humido seminario organica substantia nati formatur. Si igitur hoc restitueretur primo, tunc nulla organica substantia resurget in huiusmodi nato: ergo non resurget, quod est inconueniens.

3. Item aggrauetur quæstio sic: Esto enim, quod aliquis de membris animatis in quibus nihil est præter organicam substantiam, nutriatur, & de illo superfluo generet: constat enim, quod illud primo modo est de veritate in vtroque, scilicet illo qui sumitur in cibum, & illo qui nascitur ex tali cibo. Constat autem, quod non potest in vtroque resurgere: igitur alter istorum non resurget, quod est inconueniens.

4. Ad hoc dixerunt aliqui, quod talem modum cibi impedit ordo naturæ: quia homo debet cibari vegetabilibus & brutis, & non carnibus humanis: & ideo non potest esse cibus ex tali. Sed hoc nihil esse videmus. Dicit enim Aristot. in 7. ethic. de feralibus, quod carnibus humanis pascantur, vt Medea quæ duos proprios natos vna cœna incorporauit, & in Thren. Ierem. Manus mulierum misericordium coxerunt filios suos: facti sunt cibus earum in contritione filiarum populi mei. Ergo positio facta videtur possibilis.

**R**ESPONSIO. Ad hoc dicendum, quod *sc. usio.* in veritate sicut alibi dictum est, duplex est humidum, scilicet radicale, & nutrimentale. Radicale autem est, quod est in substantia seminis quod virtute formatiua formatur in organa. Virtus autem formatiua est in semine ab anima patris tantum, habens calorem pro instrumento cum triplici calido, scilicet animæ, cæli, & ignis: & à calido ignis est dissoluens & distendens, sed à calido cæli in speciem mouens & speciem inducens, à calido autem animæ mouet ad vitam & animam. Similiter est ibi etiam frigidum in triplici virtute: frigidum enim elementi est coagulans, & frigidum cæli terminans ad speciem, & in quantum est instrumentum animæ, continet complexionatum viuificabile. Et similiter est de humido & sicco, sicut dicunt Auctores. Hoc autem humidum est nutrimentale superfluum in generante, & radicale siue seminale in generato: & ideo substantiale est generato, & accidentale generanti. Nutrimentale autem humidum est duplex. Vnum quod vi naturæ trahitur ad nutrimentum humidi seminalis, & hoc inter cætera est magis substantiale post humidum seminale. Aliud autem quod extra acquiritur per cibum, & hoc est ad triplicem usum, scilicet ad nutrimentum quantitatis secundum perfectionem stature, & ad restaurandum deperditum vt continuetur esse & vita: & tertium quod est accidentale, quod de nimietate nascitur cibi, & vocatur à Philosopho augmentum



eum innaturale, sicut ventrosi efficiuntur illi qui loca digestionis in frigidant vel frigida habent, in his enim calor naturalis est conuertens, non consumens: & multa innascitur eis viscositas & pinguedo præter naturam. Regula igitur est generalis in resurrectione, quod nutrimentum sumptum ex his humidis, in illo resurget, in quo est nobilius animatum ad vitam.

Et hoc supposito dicendum ad primum, quod tot ponit, eò quod modi resolutionum aut sunt naturales, vel per corruptionem violentam in aliud corpus. Si primo modo: tunc aut resolutio est completa, aut incompleta. Si completa, tunc est in elementa. Si incompleta, ita quod adhuc aliquid remanet, aut quantum ad partes subtiles, aut quoad partes grossas. Si primo modo, tunc dupliciter: aut eim est pars magis propinqua spiritualis, aut remota. Et primo modo, halitus: secundo modo aura, quia utraque pars est aerea vaporabilis propter humidum vaporabile exhalans à corpore & expirans, & crassum magis dicitur halitus, magis autem tenue & aeri appropinquans dicitur aura. Si autem quoad partes grossas, aut hoc est desiccatione humidi continentis, aut exiccatione humidi extrahentis humidum. Et primo modo est puluis, secundo modo cinis. Si autem est per corruptionem violentam, quæ est incorporatio hominis in aliud corpus hominis: aut hoc est quantum ad vegetabile, aut quantum ad sensibile. Si primo modo, est id quod transit in substantiam aliorum corporum sicut vegetabilium, sicut dicit poeta,

*Luxuriat Phrygio sanguine pinguis humus.*

Et rosæ plantatæ in terra sanguine hominis fimata, citius proferunt rosas, ut dicit Hermes in alchimia. Si autem quantum ad sensibile: aut secundum viam incorporationis, aut secundum terminum. Et quidem primo modo est hoc quod vocat cibum animalium aut hominum: secundo modo est hoc quod vocat carnes hominum aut animalium: & ex hoc etiam accipitur, quod cibus conuertitur in carnes hominum.

AD ALIUD dicendum, quod Adam dupliciter factus est, scilicet secundum ea quæ exiguntur ad indiuiduum, & secundum ea quæ exiguntur ad principium humani generis quod ipse fuit. Et primo quidem modo costa nunquam fuit de veritate humanæ naturæ in Adam, sed secundo modo: & ideo resurget in principiatio ab ipso, & tamen resurget Adam sine diminutione.

AD ALIUD dicendum, quod nutritus de carnibus humanis dupliciter potest nutriri. Vno quidem modo de eo quod de virtute humanæ naturæ est primo vel secundo vel tertio vel quarto, & hoc totum restituetur primo. Vel potest nutriri de hoc quod quinto modo fuit de veritate, & hoc remanet nutrito, quia nunquam fuit de integritate primi nisi per accidens, & ideo nobilius esse habet in secundo quam in primo. Ad hoc autem quod obiicitur, dicendum quod nullus patietur defectum de suo: & si est, Deus supplebit, ut expressè dicit Aug. de infantibus mortuis.

AD ALIUD dicendum, quod hoc resurget in secundo: quia nobilius esse habet in secundo, quam in primo, eò quod in primo est de humido nutrimentali: & in secundo de humido radicali & spermatico siue seminali.

AD ALIUD dicendum, quod ille casus est difficilis: tamen sine præiudicio dico, quod cū secundus cibatur talibus puerperiis quorum membra formata sunt & animata, dico quod ibi est duplex humidum, scilicet seminale, & nutrimentale tractum in matrice: & quia species non conuertitur, sed potius etiam de materia multum abiicitur, videtur dicendum quod de abiecto ut impuro restituitur corpus primi: sed de tracto & seminato restituitur corpus secundi ab omnipotenti Deo, cui moriendo corpora nostra non pereunt, sed in melius transmutantur: & ita pater, quod uterque resurget, & id quod deest, supplet manus diuinæ sapientiæ, quæ cuncta creauit.

AD SOLUTIONEM autem inductam videtur concedendum, sicut probatum est in contrarium obiiciendo.

## ARTICVLVS IX.

*An homo resurgat idem numero quoad materiam, ita quod materia cuiuslibet membri redeat?*

DEinde queritur de hoc quod dicit ibi [Ipsa enim terrena materies quæ discedente anima fit cadauer, &c.] Videtur enim falsum quod hic dicit: quia dicit Philosophus, quod sicut tota anima se habet ad totum corpus, ita pars ad partem: ergo materia perfectibilis visu, non est perfectibilis auditu: ergo incongruenter ordinabitur si ad auditum reuertatur: sed nihil erit ibi incongruum: ergo materia vniuscuiusque membri redit in ipsum: ergo falsum est quod dicitur in litera.

2 Item videtur, quod non sit necesse totam redire materiam sicut in litera dicit: quia corpora spiritualia minus indigent de materia: sed illa erunt spiritualia præcipue quoad bonos: ergo minus habebunt de materia: falsum est ergo quod dicit, quod tota materia redibit.

3 Item, Actus meritorum diuersi, sunt facti per diuersa organa: ergo iustum est materiam illorum organorum in illis membris reiterari, in quibus actus meritorios exercuerunt: ergo necesse est, quod ad eadem membra reuertatur.

4 Item, Sicut est veritas quædam corporis vniuersalis, ita est veritas membri particularis, de quo potest dici, hæc est vera natura manus vel pedis: ergo sicut virtute veritatis vniuersalis tota materia redibit ad totum, ita virtute membri particularis pars media redibit ad partem determinatam.

5 Item, Vnum membrum nobilius est altero: ergo incongrue agitur si nobilius conuertatur in ignobilius, vel è conuerso: ergo videtur, quod necesse sit, quod vnicuique membro reddatur sua materia.

RESPONSIO. Dicendum, quod quælibet pars entitatem habet à forma: & ideo quæcun



quæcunque variatio fiat in materia siue confusio partium materiæ, semper vna manet veritas ab actu formæ vnius: & hoc intendit Aug. Vnde licet conuersio fieri posset, ego tamen puto, saluo meliori iudicio, quod quodlibet ad idem membrum in quo erat, redibit: sed tamen possibile est aliter esse, sicut dicit in litera.

AD PRIMVM ergo dicendum, quod hoc non facit nisi congruentiam reditus: sed alia erit harmonia partium in resurrectione: & ideo non tenet hoc quod obiicitur.

AD ALIVD dicendum, quod sicut prius patuit, non erit per modum subtractionis partium materiæ glorificatio, sed potius per modum subtractionis proprietatum pertinentium ad statum ignobilitatis.

AD ALIVD dicendum, quod meritum non est membri nisi instrumentaliter: sed sicut actus est totius, ita & præmium: & ideo nulli fiet iniuria in quocunque remuneretur.

AD ALIVD dicendum, quod veritas quæ apparebit in resurrectione, præcipue est ab animæ immortalitate, & hanc non habet anima à partibus, sed à toto, ex seipsa scilicet, & à Deo: & ideo partes non conferunt huiusmodi veritatem nisi secundum quid, scilicet in quantum sunt vnitæ toti: & ideo etiam in quacunque parte quid resurgat, bene agitur cum ipso.

AD ALIVD dicendum, quod si maneret harmonia quæ nunc est, & nobilitas perpetuitatis esset ex membris, tunc procederet ratio illa: sed, vt supra patuit, neutrum eorum verum est: & ideo potest variatio fieri in partibus materiæ, vt dicit Aug. planè in litera.

## ARTICVLVS X.

*An omnes capilli & ungues redeant in resurrectione, & an veritas humana natura sit accidens?*

**D**Einde quæritur de hoc quod dicit [Alioquin si capillus redit, &c.] Videtur enim hoc esse contra Euangelium Matth. 10. vbi dicitur, Et capillus de capite, &c. Ergo videtur, quod reuertentur omnes.

2 Item, In litera innuit, quod licet pili ad pilos non reuertantur, tamen ad massam corporis reuertetur materies pilorum & unguiu: & hoc non videtur esse necessarium cum sine hoc salua sit tota integritas.

*Quæstio.* **V**LTERIVS quæritur gratia huius inseparabilitatis, Vtrum veritas humanæ naturæ sit substantia, vel accidens: Videtur autem, quod sit accidens: quia substantia vniuscuiusque est vno modo: sed veritas est diuerso modo, vt habitum est secundum quinque modos supra: ergo est accidens.

2 Item, Omne quod est consequens esse hominis, est de genere accidentium, vt dicit Boetius: sed veritas consequitur esse hominis: ergo est de genere accidentium.

*Sed contra.* **I**N CONTRARIVM est, quod vera entitas rei nunquam potest esse accidens: sed veritas est vera entitas rei: ergo, &c.

*Solutio.* **R**ESPONSIO. Dicendum, quod pili gene-

rantur de fumo sicco nutrimenti, qui exiccatur quando per poros pertingit ad aerem. Ungues autem de sicco terrestri per calorem cordis ad superficiem expulsi. Et ideo, vt dicit August. non sunt de veritate secundum se, sed in quantum ad decorem faciunt: & ideo etiam in quantum decorem perficiunt, resurgent, & cætera amputabuntur.

**A**D ALIVD dicendum, quod non intendit, quod reuertantur ad massam, sed est exemplum, quod non est necesse, quod omnes partes materiales in eadem membra reuertantur, cum quod minus videtur, etiam quædam partes abici possunt.

**A**D ID quod vltius quæritur, dicendum *Ad quæstionem.* quod veritas dicitur esse duplex, scilicet essentialis, & participata. Essentialis est forma substantialis ratione differens: quia dicitur veritas in quantum est principium cognitionis in actu vel habitu: forma autem in quantum dat esse. Participata autem veritas est, quæ habetur à membris à formæ partibus perfectis, & hæc etiam est substantia vel potentia substantiam formæ consequens: & si est potentia talis, tunc quidem est accidens, quod est potentia naturalis, & radicitur vt in sua caula in substantia formæ, quæ perficit materiam & materiæ partes. Et per hoc patet solutio ad totum.

## ARTICVLVS XI.

*An resurget idem homo qui mortuus fuit?*

**D**Einde quæritur de hoc quod dicit ibi [Nihil interesset ad eius integritatem quæ particula materiæ, &c.] Ex hoc enim Videtur sequi, quod non idem homo numero resurget qui mortuus est: quia non est eadem numero imago quæ restituitur.

2 Adhuc, Quoruncunque substantialis forma non est eadem numero, illa non sunt eadem numero: sed forma substantialis hominis morientis & resurgentis, non est eadem numero: ergo moriens & resurgens, non sunt idem numero. Prima patet per se. Secunda patet per hoc, quod forma substantialis est humanitas, & illa perit in morte, quia homo mortuus non est homo: forma autem quæ cessit in nihilum, non reuertitur eadem numero, quia dicit Philosophus, quod non est eadem sanitas in mane & vespere.

3 Item, Philosophus in fine de generatione & corruptione, Quæcunque habent substantiam corporalem motam, non reuertantur eadem numero: sed homo sic habet substantiam corporalem motam: ergo non reuertatur idem numero.

4 Item, Quæcunque sunt generabilia & corruptibilia, non participant esse diuinum in indiuiduo, sed in specie: sed homo est generabilis & corruptibilis: ergo, &c. ergo non contingit eum redire secundum idem indiuiduum, sed tantum secundum idem titatem speciei.

**R**ESPONSIO. Dicendum, quod simile *Solutio.* quod adducit August. est simile in parte: quia in ære non remanet eadem forma, quæ est figura:



figurata in homine resurgente manet eadem forma, quæ est anima rationalis.

**AD ALIVD** dicendum, quod duæ sunt viæ ad hoc respondendi. Si enim dicamus cum Auicenna, quod forma totius est alia quam forma partis quæ est anima, sicut forma totius est prædicabilis ut homo & animal de hoc homine & illo: tunc illa forma abstracta significatur licet improprie per hoc quod dico humanitas, & illa non manet nisi in potentia post mortem in principiis componentibus totum, cuius ipsa est forma: & ratione illius formæ non habet indiuiduum, quod sit idem numero, sed habet speciem tantum quæ indifferens est ad idem numero & diuersum: sed ab anima hac sic complente materiam & ab hac materia habet, quod sit idem numero: & ideo non sequitur, si non habet eandem formam totius quæ est speciei vel generis vel esse, quod non sit idem numero. Præterea eadem species est, licet esse non sit idem quod habuit ante & post in hoc indiuiduo: & ideo idem est numero in specie cum priori homine, nec species destruitur morte nisi per accidens, scilicet secundum esse hoc quod habet secundum hunc statum in

isto. Si autem cum Auetroe & Aristotele sentiamus, quod forma totius est forma materia, ratione tamen differens, sicut videtur velle in septimo primæ Philosophiæ: tunc planum est, quod sit idem numero, & non destruat formam secundum se, vel secundum suum esse, sed tantum quoad rationem prædicationis de composito, eod quod compositum est dissolutum.

**AD ALIVD** dicendum, quod hoc intelligitur de his quæ omnino habent substantiam corruptibilem: sed tale quid non est homo, quia anima est perpetua, & ab illa potentia quandam ad incorruptionem acquirit corpus.

**AD ALIVD** dicendum, quod hoc intelligitur de his quæ generantur secundum se tota, hoc est, quorum forma secundum se totam educitur per actum naturæ de materia: & tale quid non est homo, cuius anima rationalis sit per creationem, sicut dicit Aristoteles in primo de causis proprietatum elementorum & planetarum, & in 16. animalium dicit, quod intellectus non educitur de materia, sicut vegetabile & sensibile, sed ingreditur ab extrinseco.

### *Quod sancti sine omni deformitate resurgent.*

Aug. In  
enchi.  
cap. 91.



**H**OC autem in corporibus sanctorum intelligendum est, de quibus consequenter adiungit, Resurgent ergo sanctorum corpora sine vilo vitio, sine vlla deformitate, sicut sine vlla corruptione, onere, difficultate: in quibus tanta facilitas, quanta felicitas erit: propter quod & spiritualia dicta sunt, cum proculdubio corpora sint futura, non spiritus. Ex his apparet, quod vna erit ætas omnium resurgentium, scilicet iuuenilis: statura verò diuersa, scilicet quam quisque habuerat in iuuenili ætate, vel erat habiturus, si ante est defunctus. Nec de substantia de qua hominis caro creatur, aliquid peribit: sed omnium particularum ante dispersarum collectione, reintegrabitur naturalis substantia corporis. Sanctorum quoque corpora sine omni vitio fulgida sicut sol, resurgent, præcis cunctis deformitatibus quas hic habuerunt.

Mat. 13.

### ARTICVLVS XII.

*An latrones mutilati, integri corpore resurgent?*

**D**Einde queritur de hoc quod dicit ibi [Hoc autem in corporibus sanctorum intelligendum est, &c.] Queritur enim de his qui primò sunt latrones & mutilantur in latrocinio, & postea conuertuntur & efficiuntur sancti, vtrum mutilata eis glorificata reddantur? Videtur, quod non: quia membrum hoc sanctitati nunquam cooperabitur: ergo nunquam debet remunerari in glorificatione.

Solutio.

**AD HOC** dicendum, quod glorificantur, & ratio per oppositum supra dicta est in malis: quia meritum est totius hominis secundum

animam: & ideo voluntas merendi in membro illo si habeatur, reputabitur pro facto, ratione cuius vis illa animæ glorificabitur in suo membro sibi reddito.

### ARTICVLVS XIII.

*An post resurrectionem mortuorum, sanctorum corpora sint impassibilia?*

**D**Einde ratione eius quod dicit ibi [Sine vilo vitio, sine vlla deformitate, sicut sine vlla corruptione, &c.] Queritur de impassibilitate corporum sanctorum. Et queruntur quatuor, scilicet an sint impassibilia, & secundum quem modum sint impassibilia, & vtrum æqualiter omnia sint impassibilia, & quarto quæ



quæ differentia sit inter vitio carere & deformitate & corruptione? quæ omnia ponit in litera.

Ad primum obiicitur sic: Quoruncunque vna est potentia cum passibilibus, illa sunt passibilia: corporum gloriosorum vna est potentia cum passibilibus: ergo ipsa sunt passibilia. Prima patet per se. Secunda probatur per hoc, quod gloriosi & non gloriosi sunt eiusdem naturæ, quæ passibilis est in non gloriosis.

2 Item, Omne compositum ex passibilibus, est passibile: corpus gloriosum compositum est ex passibilibus: ergo est passibile.

3 Item, Omne heterogenium in partibus, compositum est ex partibus diuersa patientibus: omne corpus humanum gloriosum & non gloriosum heterogenium est in partibus: ergo est compositum ex partibus diuersa patientibus: ergo est passibile in suis partibus.

4 Item, Siquis dicat, quod sint impassibilia ex gratia vel gloria, sed passibilia ex natura. Contra: Vnumquodque magis denominatum est à dispositione naturali quam actuali, & à natura potius quam ab alia forma: ergo potius debent dici passibilia, quam impassibilia.

5 Item, Cum omne accidens fluat à substantia, non potest fluere à substantia accidens contrarium ipsi substantiæ: ergo à substantia passibili nunquam fluit accidens, quod facit impassibilem substantiam illam: ergo nullum accidens potest esse in tali substantia, per quod impassibilis esse dicatur: ergo cum gratia & gloria sint accidentalia, videtur quod non possint dici impassibilia corpora illa à gratia vel gloria.

6 Item, Gratia & gloria sunt perfectiones naturæ: sed perfectio nunquam repugnat perfectio: cum igitur perfectum sit passibile, à perfectione nunquam causabitur impassibilitas, quia passibile & impassibile repugnant.

7 Item, Philosophus dicit, quod omnis substantia naturalis est passibilis, præcipue composita ex contrariis: si ergo substantia illa maneat, semper erit passibilis: sed illa substantia manebit in resurrectione: ergo in resurrectione semper erit passibilis.

8 Item, Omne complexionatum est passibilibus qualitatibus informatum & distinctum: ergo manebit passibile.

*Sed contra.* IN CONTRARIUM huius est, quod dicitur 1. Corinth. 15. Absorpta est mors. Non autem absorbetur mors nisi absorbeatur passibilitas. Ergo corpora sanctorum tunc non erunt passibilia.

2 Item, Apoc. 21. Iam non erit amplius, neque luctus, neque clamor, neque dolor erit vllus, neque mors erit vltra: quoniam priora transierunt. Ex hoc accipitur idem quod prius.

3 Item 1. Corinth. 15. Seminatur in corruptione, resurget in incorruptione. Sed omne incorruptibile est impassibile. Ergo erunt impassibilia corpora sanctorum.

4 Item Matth. 13. Fulgebunt iusti sicut sol, &c. Sol autem est impassibilis. Ergo & iusti.

*Solutio.* RESPONSIO. Dicendum, quod corpora

sanctorum sunt impassibilia contrarietatis læsionis.

AD PRIMUM ergo dicendum, quod potentia passibilitatis est duplex, scilicet disposita, & indisposita. Et indisposita duplex est, scilicet ad vtrumlibet se habens, & coniuncta necessitati contrarij actus. Et disposita quidem est in corpore mortali. Indisposita autem aliquo modo fuit in Adam, licet aliquantulum esset disposita ad contrarium; scilicet si non peccaret, quod non pateretur. Coniuncta autem necessitati ad contrarium, est in corpore glorioso, vbi non est potentia patiendi nisi in radice: & impossibilitas patiendi est ex formæ perfectione ad gloriam.

AD ALIUD dicendum, quod componentia corpus humanum, non retinebunt qualitates actiuas & passiuas, nisi prout sunt constituentes complexionaliter, sed non quoad hoc quod agant vel patiantur complexionis discursiua: & ideo nunquam inducent læsionem aliquam. Aliqui autem dixerunt, quod elementa ibi erunt in elementato quoad primum esse elementi tantum. Et qualitates elementales erunt ibi vt in radice & potentia, & non quoad actionem aliquam. Sed primum verius & naturalius est.

AD ALIUD dicendum, quod corpus illud heterogenium passum est omnia illa quæ oportuit pati ad complexionandum & formandum: sed deinceps remouetur ab eo passio propter victoriam formæ ex gloria super materiam, quia materia non est possibilis ad receptionem actus violenti alicuius læsui, sicut nec materia celestium corporum ex victoria formæ super materiam: omnis enim passio est materiæ vel compositi, cuius materia per formam non est remota à passibilitate & ad impassibilitatem formæ deducta.

AD ALIUD dicendum, quod à naturali quod est forma, debet esse denominatio, nisi ita sit, quod forma materiam in toto perficere & ad se conuertere non possit, sicut modo forma eorum quæ generantur & corrumpuntur, imperfecte obtinet materiam, sed tunc obtinebit per habitum gloriæ in toto: & ideo ab actu illius formæ erunt impassibilia, eo quod nec agere potest ad separationem formæ à materia in toto vel in parte.

AD ALIUD dicendum, quod duplex est accidens, scilicet causatum à substantia in qua est, & illud non est perfectio ipsius: & est accidens causatum à superiori substantia ad perfectionem inferioris, sicut est gratia & gloria: & hoc non fluit à substantia in qua est, nec est ei contrarium, sed potius est finalis perfectio ipsius, & conuenit cum forma, & non est contrarium nisi materialitati & priuationi: & ideo nihil prohibet ab eo fieri denominationem.

AD ALIUD dicendum, quod vt patuit, gratia & gloria non habent contrarietatem ad perfectum ab ipsis, sed potius conuenientiam, quia iuuant formam ad hoc quod est & non potest ex naturalibus: est enim forma ad tollendam priuationem de materia, & tollit eam: sed non potest tollere potentiam redeundi priuationem propter dissoluentia complexionem, nisi per gratiam & gloriam: & ideo

BBB adduntur

D. Alb. Mag. in Lib. 4. Sentent.



adduntur ei à Deo gratia & gloria: quia leuant naturam ad altiore statum in quo continuitas corporis solui non potest.

AD ALIUD dicendum, quod hoc est verum quoad componentia prima: sed illa nunquam vincuntur per mixti perfectionem, ita quod ulterius agere & pati ad mixti destructionem non possunt.

AD ALIUD dicendum, quod qualitates complexionales ibi agere non possunt, nisi ad statum mixti, & non ad excessum vnius eorum super alterum, ut iam sæpius dictum est: & hoc per gratiam & gloriam efficitur in tali corpore.

#### ARTICVLVS XIV.

*Quomodo corpora sanctorum dicantur impassibilia?*

Secundo quaeritur, Secundum quem modum impassibilitatis dicantur impassibilia? Aut enim impassibilitas dicit priuationem actus patiendi, aut priuationem potentiae. Si primo modo: tunc hanc dotem etiam habuit corpus Adæ in paradiso, quod falsum est. Si autem priuat potentiam, cum illa radice in natura, videtur quod priuet etiam naturam, & sic illa corpora non essent eiusdem naturæ cum istis, quod falsum est.

1 Item, Passio dicitur à patin Græcè quod est recipere: illa autem corpora alicuius sunt vel esse videntur susceptibilia, eo quod ad minus alterantur secundum sensus, cum videant, & audiant, & secundum alios sensus afficiantur: ergo videtur, quod non remouetur ab eis omnis impassibilitas, sed quædam.

3 Item, Passio est duplex, scilicet diuisionis continui, & sensus doloris sine diuisione, sicut cum calidum lædit tactum. Aut ergo dicuntur corpora illa impassibilia secundum primum modum, aut secundum secundum. Si dicatur, quod primo modo, etiam corpora damnatorum erunt impassibilia: quia scindi non possunt, nec diuidi, nec corrumpi. Si autem secundo modo: tunc & corpus Adæ in primo statu habuit impassibilitatem dotis, quod falsum est.

4 Item videtur, quod iste modus impassibilitatis non potest conuenire complexionato corpori: quia tactus non percipit nisi excellentes qualitates tactus: sed excellens agit in id quod tangit, & excessum patitur: ergo si corpus gloriosum sentit secundum tactum, de necessitate pari potest secundum tactum, si intendatur id quod tangitur.

5 Item, Aut ista impassibilitas sequitur voluntatem, aut naturæ necessitatem. Si voluntatem: tunc est talis sicut Adæ, scilicet quod non patitur si peccare noluerit, & si peccare voluerit, patietur. Si autem necessitatem naturæ: tunc oportet, quod radice in natura impassibili, quod falsum est.

6 Item, Nobilior est voluntas, quam natura, quia voluntas est libera, & non necessitati addicta: ergo nobilior est impassibilitas quæ sequetur voluntatem, quam ea quæ sequitur naturam, sed corpus gloriosum nobilissimam

habet impassibilitatem: ergo videtur, quod habeat eam quæ sequitur voluntatem. Et si sic, iterum ulterius sequitur, quod eiusdem est rationis cum impassibilitate Adæ.

7 Item, Habitus perficiens naturam, perficit eam secundum naturæ modum & actum: sed non ita perficit illa impassibilitas corpus gloriosum: ergo non sequitur naturam. Prima patet per se. Secunda autem ex comparatione quam facit August. statuum liberi arbitrij, & immortalitatis, quæ habita est in 2. lib. dist. 25. quia posse non peccare sequitur posse non mori, & ad necesse peccare necesse mori, & ad non posse peccare non posse mori.

RESPONSIO. Dicendum, quod omnis <sup>solutio.</sup> passibilitas est ex materia, & impassibilitas ex forma: & ideo habitus exaltantes formam super materiam ad tollendum priuationem & dispositiones contrarias formæ, perficiunt impassibilitatem, & illi in homine non possunt esse, nisi gratia & gloria, sic continentes agentia & patientia, ut nunquam agant ad discursu suæ complexionis vel diuisionem compositionis partium. Hoc autem qualiter fiat, sic intelligi potest, sicut innuit Aristot. & Commentator exponit. Elementa sunt saluata in mixto secundum suas formas substantiales: sed proprietates elementales, scilicet actiue & passiue primæ qualitates sunt in mixto non secundum proprium actum, sed secundum actum mixti: vnumquodque enim contrariorum alteratum est ab altero ad actum mixti. Contingens autem actum mixti est omne illud quod impedit intensionem vnius contrarij super alterum in actu ipsius mixti & vnione miscibilium, sicut faciunt medicinalia cōseruantia sanitatem: sed loco illorum imaginemur poni habitum facientem in corpore alium statum, & non aliam naturam, scilicet in quo statu sic præualeat mixti actus, quod omnino dominetur potentiis miscibilium, ita quod nunquam intendi vel remitti possint, nec à causa interiori, nec exteriori: & tunc est mixtum inalterabile & impassibile: & hæc est impassibilitas corporis gloriosi.

DICENDUM ergo ad primum, quod dicit priuationem potentie dispositæ ad patiendum scilicet, non priuationem radicis quæ est tantum in hoc quod elementa insunt quoad esse primum, quæ paterentur si forma faciens alium statum non impediret. Vnde patet, quod nihil valent obiecta contra hoc.

AD ALIUD dicendum, quod fortè non erunt receptibilia secundum sensum corpora. Sed quicquid sit de hoc, infra in quaestione de sensibus corporis gloriosi determinabitur. Sed quantum ad præsens pertinet, si concedantur receptibilia esse: tunc dicendum, quod non recipiunt agens modo naturæ, sed agens per intensionem spiritualem ad modum animæ: & ex hoc nulla surgit passio læsiua. Et quid sit hoc dictum, infra cum de sensibus agatur, exponetur.

AD ALIUD dicendum, quod utroque modo dicitur impassibile, & differt ab illa quæ fuit Adæ in habitu faciente & in statu. Habitus enim faciens impassibilitatem in Adam fuit gratia innocentie, sed in gloriosis est gloria.



ria. Et status Adæ fuit posse non pati: hic autem erit posse pati.

AD ALIUD dicendum, quod non sequitur hoc nisi de his quæ agunt in tactum actione naturæ: sed tunc qualitates tangentis non percipientur, nisi actione spiritali & animæ: & est potius perceptio intentionalis, quam corporalis, ut infra determinabitur.

AD ALIUD dicendum, quod ista impassibilitas est naturæ, & tamen causatur ex merito voluntatis. Et nihil aliud probat illa obiectio & omnes obiectiones usque in finem. Sed qualiter differat ab immortalitate Adæ, patet ex præhabitis. Qualiter etiam sit una & qualiter diuersa, ad ipsa quæ disputata sunt super secundum recurratur, ubi agitur de statu Adæ ante peccatum.

## ARTICVLVS XV.

*An omnia corpora gloriosa sint equaliter impassibilia?*

Tertio quæritur, Vtrum omnia corpora gloriosa sint equaliter impassibilia? Videtur autem, quod equaliter: quia priuationes non accipiunt intensiorem & remissionem: sed impassibilitas dicitur à priuatione passibilitatis: ergo non recipit intensiorem & remissionem: ergo equaliter est in omnibus gloriosis.

2 Item, Non potest esse amplior impassibilitas quam priuatio passionis ad interiora & exteriora læsua: & hoc in omnibus est gloriosis: ergo omnes equaliter sunt impassibiles.

3 Item, Albius est nigro impermixtius: sed si nullo modo sit permixtum, tunc significabit rem suam in termino, & impossibile est fieri intensiorem super hoc. Similiter impassibile non videtur posse intendi ultra separationem ab omni passione. Sic autem sunt impassibilia omnia corpora gloriosa. Ergo videtur, quod equaliter sint impassibilia.

4 Item I. Corinth. 3. dicit Glossa, Equaliter omnes habent, quod pati non possint.

*Sed contra.* IN CONTRARIUM est, quod impassibilitas est præmium: sed præmia non sunt equalia: ergo nec impassibilitas corporum sanctorum ac gloriosorum.

2 Item, Eadem est ratio de vna dote & de alia: sed aliæ inæqualiter habentur: ergo & ista.

*Solutio.* RESPONSIO. Dicendum, quod inæqualiter habetur impassibilitas.

AD PRIMUM ergo dicendum, quod impassibilitas licet secundum nomen dicat priuationem, tamen fundatur super habitum facientem illam impassibilitatem, sicut in præcedenti problemate est dictum. Præterea in comparatione ad causam suam potest intendi, etiam si in se esset priuatio.

AD ALIUD dicendum, quod licet plura non priuet in vno quam in alio, tamen fortius resistens habitus priuat in vno quam in alio, & secundum hoc vnus impassibilior est quam alius.

*D. Alb. Mag. in Lib. 4. Sentent.*

AD ALIUD dicendum, quod equaliter est in omnibus in permixta proportionem patiendi: sed tamen ex inæquali non resistit, ut dictum est.

AD ALIUD dicendum, quod Glossa intelligitur quoad exclusionem facientium passionem: sed tamen est inæqualitas ex resistente, ut dictum est.

## ARTICVLVS XVI.

*An idem sit vitio carere, deformitate, & corruptione?*

Quarto quæritur, Quæ est differentia inter vitio carere, & deformitate, & corruptione? quia ita dicit August. lib. 22. de ciuit. Dei. cap. 20. Nescio autem quomodo sic afficimur amore martyrum beatorum, ut velimus in illo regno in eorum cordibus videre vulnere cicatrices, quæ pro Christi nomine pertulerunt, & fortasse videbimus. Non enim deformitas in eis, sed dignitas erit: & quædam quamuis in corpore, non corporis, sed virtutis pulchritudo fulgebit: nec ideo tamen si aliqua martyribus amputata & ablata sunt membra, sine ipsis membris erunt in resurrectione mortuorum, quibus dictum est, Capillus capitis vestri non peribit.

2 Item, In corpore Christi cicatrices apparebunt, ut patet Ioan. 20. ergo & in corporibus aliorum martyrum.

RESPONSIO. Dicendum, quod vitium dicit mutilationem quæ est in membri diminutione: deformitas autem dicit incongruentem proportionem membrorum adinuicem & coloris ad figuram: corruptio autem dicit potentiam passionis. Et hæc omnia ibi tollentur.

AD OBIECTVM autem dicendum, quod cicatrices non apparebunt in quantum sunt corruptiue continuitatis, sed potius in quantum sunt signa constantissimæ virtutis, quæ passi sunt pro iustitia & fide: & hoc colligitur ex verbis August. inductis.

AD VLTIMUM autem dicendum, quod Christi vulnera non apparebunt, nisi in demonstrationem resurrectionis.

## ARTICVLVS XVII.

*An agilitas conueniat corporibus gloriosis?*

Deinde quæritur gratia huius quod dicit ibi [Onere, difficultate: in quibus tanta facilitas, &c.] Quæritur de agilitate corporum gloriosorum, quæ est vna dorum beatorum. Et quærentur sex. Primum est, An agilitas conueniat corporibus gloriosis? Secundum est, Quid sit agilitas siue virtus quæ ponitur dos? Tertium, A quo causatur virtus illius agilitatis? Quartum, Vtrum vno modo insit sanctis vel diuerso? Quintum, An corpora gloriosa moueantur? Sextum, An moueantur in tempore, an in instanti?

Ad primum sic proceditur: Omnis motus alicuius organi corporei contrarium habens

BBB 2 motum



motum ad motorem, inducit lassitudinem & pœnam: talis est motus progressionis omnis hominis: ergo inducit lassitudinem & pœnam: ergo corpora gloriosa nunquam erunt ita agilia, quin ex motu grauentur & lassentur. Prima per se patet: quia causa prædicati est in subiecto. Secunda probatur ex hoc, quod ut dicit Philosophus in 2. de generatione & corruptione, in omni corpore mixto terra dominatur: sed huius motus est ad centrum, & non ante, & retro, dextrorsum, & sinistrorsum, secundum appetitum voluntatis qui mouet in motu processiuo.

2 Item, Omnis motus à principio distare faciens, inductiuus est corruptionis: talis autem est omnis motus corporis elementari: ergo omnis motus talis corporis inducit corruptionem: sed corpora gloriosa erunt incorruptibilia: ergo non habebunt dispositionem ad huiusmodi motum: ergo non erunt agilia, quia agilitas dicit dispositionem.

3 Item, Omnis incorporatio naturæ intellectualis deprimat eam: sed post resurrectionem anima rationalis est incorporata: ergo deprimat animam ipsum corpus: ergo retardat: ergo impossibile est, ut corpus habeat dispositionem in qua consequatur velocitatem animæ: ergo non est agile, quia talis dos ab omnibus ponitur esse agilitas.

4 Item, Motus indeterminati termini voluntarius vel violentus, non est nisi per elementum quod etiam leue est in aliquo, sicut est aer, & aqua, sicut probatur in 4. de celo & mundo. Ergo non potest esse talis motus in celo: ergo frustra ad talem motum daretur agilitas.

5 Item, Omnis motus voluntarius & violentus in fine remittitur: constat autem, quod remissionis illius est aliqua causa, & non nisi grauitas organi: ergo organum non est vnumquam sufficienter agile: ergo nec agilitatem habebit pro dote.

6 Item, Siquis dicat, quod non remittitur. Contra: Cui conuenit propria passio, illi conuenit subiectum: sed propria passio naturalis motus, est non remitti in fine: ergo ille motus corporis gloriosi est naturalis: ergo naturalis motus eiusdem corporis est ad diuersa loca, ante, & retro, dextrorsum, & sinistrorsum, & deorsum, & sursum, quod est absurdum & impossibile.

*Sed contra.* IN CONTRARIUM huius est, quod dicitur Isa. 40. Current, & non laborabunt, &c.

2 Item in littera dicitur, quod tanta est facilitas, quanta est felicitas. Felicitas autem illa est agilitas ad motum: ergo habebunt agilitatem: & hæc sunt verba non Magistri, sed Augustini in ench. cap. 91.

3 Item 1. Corinth. 15. Seminatur in infirmitate, resurget in virtute. Per virtutem autem, ut dicit ibi Glossa quædam, mobilitas intelligitur quæ vocatur agilitas.

4 Item, De ratione beatitudinis est ea quæ sunt de perfectione potestatis habere modo possessionis, id est, ad nutum: sed de perfectione potestatis mobilis in eo quod mouetur, est agilitas: ergo corpora gloriosa

illam debent habere modo possessionis, id est, ad nutum.

RESPONSIO. Dicendum, quod corpora erunt agibilia non tantum ad modum localem, sed in omnia opera quæcunque perpetrare voluerit appetitus qui mouet organa, sicut infra patebit.

AD PRIMUM ergo dicendum, quod grauitas quæ esset in organo ad depressionem virtutis motiua si non esset glorificatum, est ex materialitate, & cum tunc omnino vincatur materia per gloriam resurrectionis, cessabit omnino illa grauitas, ita quod nullum laborem inducet virtuti mouenti.

AD ALIUD dicendum, quod motus qui mutat aliquid in subiecto, distare facit mobile à suis principiis: sed in quo subiectum vno modo manens, transit ad locum alium de alio, non est talis motus: & ideo perfectis & immortalibus corporibus conuenire potest motus localis, & talis est motus organorum in gloriosis corporibus ad nutum virtutis motiue, & ideo nunquam inducet lassitudinem & pœnam.

AD ALIUD dicendum, quod corpus est cuius motus pertingit ad animam, ita quod ex ipso accipit perfectionem cognitionis & operis, sicut est corpus animale, in quo perficitur anima scientiis & virtutibus: & de tali verum est, quod deprimat animam in modo cogitandi & operandi: & hoc intenditur Sap. 9. ubi dicitur, Corpus quod corrumpitur, aggrauat animam. Est etiam corpus siue quod melius est, status corporis, in quo anima nihil accipit à corpore, sed potius omnis gloria corporis est redundantia quædam gloriæ & fulgoris animæ, & illud corpus in nullo deprimat animam, sed obedire aptum erit ad nutum, & illa aptitudo est agilitas eius.

AD ALIUD dicendum, quod hoc est verum de motu qui est propter indigentiam cibi vel alterius solatij, quod quæritur in diuersis locis à corpore graui animato: sed motus qui est in demonstratione gloriæ & beatitudinis congruentius est in celo, quam in alio corpore vel elemento.

AD ALIUD dicendum, quod ille motus est ad nutum, & ideo non remittitur, nisi prout nutus voluntatis dictauerit: sed obiectum tenet de motu in quo mobile tandem vincit super virtutem mouentem: & hoc nunquam esse potest in corpore, cuius mobilitas tota causatur à felicitate voluntatis: & hoc est quod dicitur in littera, quod tanta est in eis facilitas quanta & felicitas.

AD ALIUD dicendum, quod passio naturalis motus est intendi in fine ex victoria generantis super generatum: quantum enim datur generato de forma generantis, tantum etiam datur ei de motu generantis. Et quia per maiorem accessum vincit forma generantis priuationem rei generatæ, & confortatur forma generantis in generato, ideo plus habet de motu. Sed non sic est de motu organorum corporis gloriosi: quia ille est in principio & in fine intensus & remissus ad nutum virtutis mouentis, ut sibi sua agilitas sit possessio: quia secundum Philosophum nihil est pars



pars felicitatis & modo beatitudinis habitum, nisi hoc quod modo possessionis habetur ad nutum.

### ARTICVLVS XVIII.

*Quid sit dos agilitatis?*

**S**ecundo quæritur, Quid sit dos ista quæ dicitur agilitas? Videretur enim, quod non sit sic nominanda: quia 1. Corinth. 15. dicitur, Seminatur in infirmitate, surget in virtute. Dicit ibi Glossa, in infirmitate, id est, immobile, & surget in virtute, id est, mobile, viuum, & vegetatum, & potens, cui nihil noceat: ergo videtur, quod ista dos dicenda sit virtus.

2 Item ex illa Glossa vterius ostenditur, quod eadem sit dos ista cum impassibilitate: quia vnus actus vnus est habitus: sed vnus actus est resistere, & ille est impassibilitatis & virtutis etiam: ergo virtus est impassibilitas.

3 Item quæritur, Quare Apostolus vocat hanc dotem virtutem potius, quam aliam? Virtut enim, quod virtuti potius assimilatur incorruptibilitas, quam agilitas: quia illa dicit robur naturæ, quod est virtus: ista autem non dicit huiusmodi robur: ergo potius illa, quam ista virtus vocatur.

4 Item, Virtus rem suam dicit in termino: quia, sicut dicitur in primo cæli & mundi, virtus est vltimum potentie in re: sed quod differenter habetur à diuersis, non potest haberi à quolibet in termino: ergo videtur, quod illud quod differenter habetur à diuersis, non possit dici virtus: sed agilitas differenter habetur à diuersis: ergo non potest dici virtus prout conuenit vnicuique, vt videtur.

5 Item, Cum agilitas dicat dispositionem siue potentiam naturalem ad motum localem processuum tantum, & membra gloriosorum corporum futura sint habilia ad omnes actus, quare potius ista dos nomen accipit à potentia naturali ad motum processuum, quam ad aliud exercitium membrorum officialium?

*Solutio.*

**R**ESPONSIO. Dicendum, quod hæc dos propriè vocatur agilitas sicut antiqui eam nominauerunt: & bene concedo, quod agilitas hæc vocatur libera possessio & habilitas omnium membrorum similium & officialium ad omnem actum animæ exequendum, vt scilicet in omnibus corpus obediat motori, & in nullo retardetur.

**A**D PRIMVM ergo dicendum, quod 1. Corinth. 3. ista dos non vocatur à sua essentia, sed potius à termino quem potest habere secundum statum perfectissimum humanæ naturæ: quia sic dicitur virtus hoc modo quo beatus Dionysius dicit, quod virtutum est habere virilitatem in omnes secundum difformitatem operationes fortem & incommutabilem, & ad nullam indicatam diuinarum illuminationum imbecilliter se habere. Sic enim dicit perfectionem omnium organorum in omnem voluntatem Dei explendam secundum

*D. Alb. Mag. in Lib. 4. Sentent.*

animæ imperium: & ab ista proprietate denominat Apostolus.

**A**D ALIVD dicendum, quod differt ab impassibilitate: quia illa est potentia ad non patiendum, ista autem actiue potentie perfectio ad agendum. Et quod Glossa dicit, Cui nihil noceat, debet intelligi de nocumento retrahente potentiam ab operatione ex hoc quod organum non esset expeditum.

**A**D ALIVD dicendum, quod nulla aliarum dicit vltimum statum potentie ad operandum quam ista, & ideo dicitur virtus. Impassibilitas autem non dicit vltimum ad opus, sed potius resistens læsiuis & nocentibus. Virtus autem præcipuè est vltimum potentie actiue, cuius vltimum in maximo determinatur, vt dicit Commentator ibidem, sicut Herculis virtus est in vincendo 30. si non plures vincere possit: sed potentie passiue vltimum determinatur in minimo.

**A**D ALIVD dicendum, quod vltimum simpliciter non potest conuenire nisi vni soli: sed vltimum secundum statum conuenit omnibus statum illum sortientibus, & tale vltimum dicitur virtus, quando dicitur, quod corpora resurgent in virtute.

**A**D ALIVD dicendum, quod agilitas licet dicat expeditionem totius corporis ad operationes animæ explendas, tamen cognoscitur maximè in motu processiuo: & ideo dos ista denominatur à perfectione potentie naturalis ad motum illum.

### ARTICVLVS XIX.

*A quo causatur dos agilitatis?*

**T**ertio quæritur, A quo causatur ista dos in corpore glorioso? Et obicitur sic, Omnis potentia naturalis ad actum corporeum, causatur à membrorum dispositione: agilitas est huiusmodi potentia: ergo causatur à membrorum dispositione. Prima probatur ex hoc, quod Deus subtilior est, quam natura, & natura ingeniatur quodlibet optimo & conuenientissimo modo quo esse potest. Secunda autem per se patet: quia agilitas præcipuè est in potentia naturali ad motum processuum.

2 Item, Natura non eiusdem dispositionis instrumenta dat tardo & veloci: ergo videtur, quod nec Deus. Videmus enim, quod tardo dat instrumenta grossa & breuia, scilicet crura, sicut mulieribus: veloci autem dat longa subtilia: ergo videtur, quod sic etiam Deus dat agilitatem.

3 Item, Sicut dicit Aristot. ambulatio nunquam est sine pedibus: ergo nec dispositio ambulationis sine dispositione pedum: ergo motus velocitatis accipitur in dispositione pedum, vt videtur.

**I**N CONTRARIVM huius est, quod *Sed contra.* omnes sic erunt agiles: ergo omnes habebunt dispositionem corporis & crurum ad agilitatem, quod falsum est: quia qui modo habent naturaliter crura grossa, etiam tunc habebunt, quia forma membrorum naturalis etiam tunc manebit.

BBBb 3 2 Item,



Item, Agilitas illa causabitur ex merito voluntatis: ergo potius manifestabitur in voluntatis dispositione, quam naturæ corporalis.

*Solutio.* **R E S P O N S I O.** Dicendum, quod in voluntate & anima consistit illa agilitas, & non in membrorum dispositione.

**A D P R I M A M** autem partem dicendum, quod est agilitas ad motum indigentia naturalis: & de ista procedunt primæ argumentationes. Et est agilitas omnium membrorum simul in demonstrationem gloriæ, & quod motor mobile possideat ad nutum: & hæc causatur ex dispositione meriti voluntatis. Et per hoc patet solutio ad totum.

## ARTICVLVS XX.

*An agilitas vno modo sit in omnibus sanctis?*

**Q**uarto queritur, Vtrum vno modo insit omnibus sanctis? Videtur, quod sic: quia unicuique inest, quod est mobile corpus ad nutum esse motoris: & hoc est tota agilitas & tanta quanta esse potest in natura corporea: ergo videtur, quod omnes sancti æquale cum omnibus habeant agilitatem.

2 Item, Si motus eorum localis attendatur, quilibet sanctorum mouebitur imperceptibili tempore: hoc autem est minimum tempus quoad nos: ergo quilibet sanctorum cum alio æqualiter est velox in motu: ergo ad motum habent agilitatem æqualem.

3 Item, Licet stella differat à stellâ in claritate, tamen lumen vnius æquè velociter venit à cælo ad centrum sicut alterius: sed hoc modo est resurrectio, vt dicit Apostolus: ergo licet differant in claritate, tamen non differunt in agilitate.

4 Item, Mezallach in lib. de orbibus dicit, quod omnis stella æquè velociter mouetur cum omni stella: sed quod vna tardior alia videtur, hoc est ex quantitate sui orbis: sicut orbis solis habet se ad lunam in proportionem multipliçi duodecupla, & orbis martis ad orbem solis in sexquialtera, & orbis iouis ad orbem solis in duodecupla, & saturni ad orbem iouis decupla sexquialtera & ad orbem solis in tricenaria. Ergo videtur, quod cum sic sit futura resurrectio mortuorum, quod omnes gloriosi æqualem cum aliis habent motum, licet differant in claritate.

*Sed contra.* **I N C O N T R A R I V M** huius est, quod corona mensa Exod. 25. erat in terrâ filis, & significabat præmium beatorum: ergo cum agilitas sit præmium vel pars præmij, est in terrâ filis: sed interrafilitas significat quod inæqualiter habetur: ergo agilitas inæqualiter habebitur in sanctis.

2 Item, Dotes animæ sunt meliores & nobiliores dotibus corporis: sed dotes animæ habebuntur inæqualiter: ergo & dotes omnes corporis: igitur & agilitas.

*Solutio.* **R E S P O N S I O.** Dicendum, quod inæqualiter erunt agiles sicut vltimo est probatum.

**A D P R I M V M** ergo dicendum, quod licet tempus imperceptibile sit, tamen quia

tempus diuisibile est in infinitum secundum incrementum virtutis mouentis: quia velox, vt dicit Aristot. diuidit tempus, tardum autem magnitudinem: & ideo etiam in tempore imperceptibili vnus mouebitur velocius, quam alius si voluerit.

**A D A L I V D** dicendum, quod quilibet habet quantum vult, in hoc quod non plus vult quam habet & quam Deus vult eum vellet: tamen non habet tantum vnus, quantum alius. Et est simile quia sint duo æqualiter iusti, vterque habet quantum vult, quia non vult plus quam habet: sed non tamen æqualiter habent, quia vnus potest esse ditior quam alter.

**A D A L I V D** dicendum, quod hoc non est simile: quia ille motus est illuminationis, & non illuminantium: & nos loquimur de motu ipsorum luminosorum.

**A D A L I V D** dicendum, quod hoc ideo est, quia secundum naturam nullum corpus mouetur in proprio loco, sicut idem Philosophus dicit, quod motus orbis est potius motus sapientis, quam naturæ: si enim secundum naturam moueretur, impossibile esset, quod motus illius naturæ non velocius moueretur, sicut maior ignis velocius ascendit quam minor. Cum ergo sic stellæ moueantur iussu sui motoris, siue ille Deus sit, siue non, possunt habere motum æqualem, licet diuersum spatium faciat diuersas mobiliū distantias. Sed in sanctis tota vis motus erit ex quantitate sanctitatis: & cum illa sit differens, sic erit differens agilitas. Tamen in verbo inducto Philosophi dubium est, nec ab ipso, nec ab alio est hoc verbum sufficienter probatum.

## ARTICVLVS XXI.

*An corpora gloriosa mouebuntur?*

**Q**uinto queritur, An gloriosa corpora mouebuntur? Videtur autem, quod non: quia omnis motus fit propter indigentiam: sed nulla est ibi indigentia: ergo nullus est ibi motus.

2 Item, Nullum locum inueniet in quo aliquid noui inueniat quod non habuit in alio: sed vbi nulla potest esse renouatio, ibi nullus potest esse motus: ergo nullus motus potest esse in gloriosis corporibus.

3 Item, Aristot. in 7. ethic. dicit, quod omnis motus est propter malitiam: nulla est ibi malitia: ergo nullus motus.

4 Item, Aristot. dicit, quod bonitatem participare sine motu, nobilius est quam cum motu: sed optimum dandum est corporibus gloriosis: ergo videtur, quod sine motu participabunt beatitudinem gloriæ.

5 Item, Mobilissimorum cælorum quod est empyreum, ponitur non moueri propter statum contemplationis qui in ipso est, cui magis competit quies quam motus: ergo cum in se nobiliora & melius ad contemplationem ordinata sint sanctorum corpora, videtur quod ipsis debeat dari immobilitas potius quam motus.

**I N C O N T R A R I V M** huius est, quod dicitur

*Sed contra.*



tur Sapient. 3. Fulgebunt iusti, & tanquam scintillæ in arundineto, &c. in quo, ut omnes fere dicunt, notatur agilitas motus sanctorum, qui erit ad velocitatem luminis: ergo mouebuntur tunc.

2 Item, Minus videtur, quod purè spirituales creaturæ moueantur localiter, quam corporales: & illæ mouentur, sicut probatur per motum Angelorum: ergo & corporalis creatura mouetur: ergo sancti mouebuntur in patria.

3 Item, De perfectione rei mobilis est motus: constat autem, quod omnis substantia animata habens vim motuam, est mobilis: ergo de perfectione illius est motus: ergo cum omnes habeant perfectiones sancti in patria, videtur quod sancti mouebuntur.

*Solutio.* RESPONSIO. Dicendum videtur, quod sancti mouebuntur quando volent, & quocunque volent, absque omni indigentia. Est enim motus duplex quantum ad finem motus: quidam enim est propter indigentiam subleuandam, & quidam ad motuam potentiam demonstrandam, sicut cursores frequenter currunt ut ostendant habilitatem suam ad currendum, & absque omni indigentia: & ita mouebuntur sancti, ut lauderur sapientia diuina in tanta agilitate eis collata. Et per hoc patet solutio ad primum.

AD ALIUD dicendum, quod ibi est renouatio situs ad minus: sed verum est, quod nihil inuenitur de Deo in loco vno quantum ad participationem beatitudinis, quod non inueniatur in alio, licet plus refulgeat in vno quam in alio: sed motus fit in demonstrationem potentiae motuæ, ut laudetur sapientia creatoris sic ordinantis membra ad motum.

AD ALIUD dicendum, quod hoc intelligitur de motu naturali qui fit propter indigentiam.

AD ALIUD dicendum, quod Philosophus loquitur de bono quod contingit acquirere per motum: res enim quæ acquirunt bonitatem per motum, non est perfecta, sed indigens. Corpora autem glorificata non acquirunt talem bonitatem per motum: sed quam iam habent, per motum demonstrant.

AD VLTIMUM dicendum, quod hoc ideo est, quia motuam virtutem non habent: sed si haberent virtutem motuam & essent beati, oporteret quod in actu & motu suo demonstrarent sapientiam conditoris.

## ARTICVLVS XXII.

*An motus corporum gloriosorum erit in tempore, vel in nunc?*

Sexto quaeritur, Vtrum motus ille sit in tempore, vel in nunc: Videtur autem, quod in nunc: quia demonstrat Iacobus Benalchindi in lib. de diuersitate aspectus lunæ, quod omne cuius motus est æque imperceptibiliter ad remotum & propinquum, mouetur in nunc: sed hoc modo, ut dicunt, est motus corporum gloriosorum: ergo est in nunc.

2 Item, Constat, quod differens est agili-

tas in sanctis: ille autem qui minorem habet agilitatem, mouetur in tempore imperceptibiliter: ergo ille qui habet duplam, mouetur in tempore sub duplo: & ille qui habet quadruplam, in tempore sub quadruplo, & sic de aliis: Ergo contingit, quod tandem aliquis mouebitur in nunc.

3 Item, Velocior est agilitas gloriosi, quam alicuius corporis non beati: sed motus luminis non beati est in nunc, ut dicit Philosophus: ergo & corporis gloriosi.

IN CONTRARIUM huius est, quod omne corpus quantum si mouetur, mouetur commensurando se spatio per quod transit secundum terminum à quo & ad quem, & accipit primum & vltimum in spatio: sed à primo & vltimo in spatio (ut dicit Philosophus) causatur prius & posterius in tempore: ergo mouetur in tempore composito ex priori & posteriori: ergo non potest moueri in nunc.

RESPONSIO. Dicendum, quod mouetur in tempore imperceptibili.

AD Vltima ergo dicendum, quod talis processus non valet, nisi contingeret deuenire ad corpus quod infinitam haberet agilitatem: hoc enim moueretur in nunc secundum documenta quæ tradit Arist. ante finem 8. Physic. sed quia non contingit ad aliquod tale venire, ideo quodlibet quod est maioris velocitatis, citius mouebitur: quodlibet tamen mouebitur in tempore, quia augmentum velocitatis est diuisibile in infinitum, ita tamen quod quodlibet mouetur in tempore.

AD ID quod obicitur de auctoritate Iacobi Benalchindi, dicendum quod ipse loquitur de illuminatione: hæc enim fit in nunc, ut vult Arist. & huius causam reddit Commentator: quia non est motus, sed finis motus: sicut & generatio secundum quod est mutatio tantum, & non motus. Et per hoc patet solutio ad totum.

## ARTICVLVS XXIII.

*An corpori glorioso conueniat subtilitas actus?*

Deinde quaeritur de hoc quod dicitur in [Propter quod & spiritualia dicta sunt, &c.] Quaeritur de tertia dote, quæ est subtilitas, siue spiritualitas. Et quaeruntur quatuor. Primum est, An corpori glorioso conueniat subtilitas? Secundum, Vtrum idem sit cum spiritualitate, vel quid sit? Tertium, Quæ sit? Quartum, Vtrum, & qualis sit in omnibus gloriosis? Ad primum obicitur sic: Grossum in natura non fit subtile, nisi per materiam rarefactionem: corpus humanum de natura est grossum: ergo non fit subtile, nisi per materiam rarefactionem: sed materia non rarefit, sicut supra probatum est: ergo corpus humanum in futura resurrectione non erit subtile.

2 Item, Subtile non inuenitur in corporibus, nisi dupliciter, scilicet à dispositione materiam, aut bene commiscibile. Et à mixture non potest dici corpus gloriosum subtile: quia non erunt corpora illa commiscibilia.

BBB 4 sitione



fictione autem materiæ etiam non dicitur quia hoc est rarum, & illa corpora rara non erunt, quia sic ultra propriam staturam & naturalem membrorum figuram extenderentur.

3 Item, Philosophus dicit, quod subtile est partium repletum, & partis partium: hoc autem subtili non conuenit, nisi in quantum querit terminum alienum: sed omne corpus querens terminum alienum, malè tenet proprium: sed corpora gloriosa optimè tenent terminos suos, melius etiam quam naturalia: ergo corpora gloriosa non erunt subtilia.

4 Item, In vita beati Gregor. Papæ legitur, quod ipse missus fuit apocryfarius ad confutandum patriarcham Constantinopolitanum, qui dogmatizauerat corpora nostra in resurrectione futura tenuia sicut venti: ergo hoc dicere est hæreticum: sed constat si sunt adeo subtilia, quod spiritualia dicantur, quod sint tenuia sicut venti & vapores: ergo dicere hoc modo tenuia fore corpora sanctorum, est hæresis.

5 Item, In lib. de crepusculis scribitur, quod subtile corpus spirituale non potest esse actu fulgidum vel lucens: sed corpora sanctorum erunt fulgida & lucentia: ergo corpora sanctorum non erunt subtilia.

*sed contra.* IN CONTRARIUM huius est, quod dicit Apostolus 1. Corinth. 15. Seminatur corpus animale, surget corpus spirituale: sed omne corpus spirituale est subtile: ergo corpora sanctorum erunt subtilia.

2 Item, Phil. 3. Reformabit corpus humilitatis nostræ, configuratum corpori claritatis suæ: sed suum corpus adeo subtile fuit, quod clausis ianuis intrauit: ergo & nostra ita subtilia erunt.

3 Item, Corpora gloriosa visui non subiacent, nisi miraculosè, ut communiter dicitur: hoc autem non potest habere causam, nisi subtilitatem: ergo adeo sunt subtilia sicut aer, vel plus.

*Solutio.* RESPONSIO. Dicendum, quod corpora gloriosa absque dubio erunt subtilia: sed hæc subtilitas alia est, quam subtilitas elementorum. Est enim duplex subtilitas, scilicet materiæ, & rarefactionis. Materiæ est, quando corpus componitur de partibus subtilibus nobilibus: sicut dicimus subtilem esse solem, & stellas, & cetera corpora æthera: & isto modo corpora gloriosa erunt subtilia. Secundo autem modo subtile est, quod rarefactum est vel subtiliter comminutum: & hoc modo non erunt subtilia. Et per hoc patet solutio ad primam partem obiectionum, quia omnes illæ concludunt de subtili per rarefactionem, vel per comminutionem dicto: & hoc modo bene conceditur, quod subtilia non erunt.

LICET autem obiectiones in contrarium factæ verum concludant, non tamen nisi prima valet: non enim puto esse concedendum, quod ianuis clausis corpora nostra ingredi possint: & hoc habuisse diuinum corpus in quantum diuinum est: & huius ratio supra est expedita.

AD ALIUD dicendum, quod non ex hoc sunt inuisibilia, sed potius ideo, quia oculus non gloriosus secundum suam potestatem non

gloriosam, non potest in corpus gloriosum & beatum, nisi quantum permittit Deus.

## ARTICVLVS XXIV.

*An talis subtilitas sit eadem cum spiritualitate?*

SECUNDO queritur, Vtrum idem sit quod spiritualitas, vel quid sit: Videtur enim, quod non sint futura spiritualia: quia spirituale non est, quod nullam habet spiritus proprietatem: sed illa corpora nullam habebunt spiritus proprietatem: ergo non erunt spiritualia. Prima patet per se. Secunda probatur. Proprietas subtilitatis est non replere locum: & hoc non conuenit corporibus gloriosis: sicut nec aliæ proprietates spiritus.

2 Item, Si secundum Gloss. quæ est 1. Corinth. 15. ideo dicuntur spiritualia, quia cibis non egent: ergo etiam corpora damnatorum erunt spiritualia, quia non egent cibis, quod est inconueniens.

3 Item, Corpora puerorum in limbo etiam cibis non indigent: ergo secundum illam Gloss. essent spiritualia.

4 Item, Si secundum August. lib. 22. de ciuit. Dei. cap. 21. aliquis dicat, quod ideo erunt spiritualia dicta, quia spiritui per omnia subiacentia. Contra: Hic Sanctorum corpora obediunt spiritui: ergo habent dotem quæ dicitur spiritualitas, siue subtilitas. Probatio prima. In Psalm. 69. Sitiuit in te anima mea, quam multipliciter, &c. Et 1. Corinth. 9. Castigo corpus meum, &c.

5 Item, In corporibus sanctorum manebunt partes heterogeniæ & homogeniæ: ergo manebunt ibi ossa: ossa autem, sicut dixit Empedocles, componuntur ex octo partibus, quarum quædam sunt vulcani, & aliæ terræ: ergo nunquam erunt spiritualia si remanent ossa: & ossa manebunt: ergo nunquam erunt spiritualia. Si autem dicatur secundum Aristot. & alios Philosophos, spirituale, vaporabile corpus. Contra: Tale corpus non est tentium figuræ: sed corpora gloriosa tenebunt suam figuram naturalem: ergo non sunt taliter subtilia vel spiritualia.

IN CONTRARIUM huius est quod dicitur *sed contra.* Matth. 22. quod in resurrectione homines erunt sicut Angeli Dei: ergo spirituales in corpore.

2 Item 1. Corinth. 15. Resurget corpus spirituale. Item ibidem dicit Glossa, quod erunt spiritualia. Item August. lib. 22. de ciuit. Dei. cap. 21. dicit hoc: ergo ita est.

*Solutio.* RESPONSIO. Secundum Gloss. super epistolam 1. Corinth. 15. corpus dicitur spirituale, eo quod cibis non eget. Idem etiam secundum modum loquendi innuit Apostolus, eo quod spirituale opponitur animali: & animale est, quod cibis eget ad sui sustentationem. Huic autem addendum est quod dicit August. 22. de ciuit. Dei, scilicet quod spirituale est, quod regimini spiritus non contradicit: & hoc ex quadam habilitate corporis fit, quia stimulus libidinis est in eo extinctus, & forma spirituali



spiritualitas inducta, quæ est subtilitas hoc modo dicta, prout in antecedenti problemate dictum est. Vnde si quis eam diffinire velit, puto quod sic conuenienter dici potest: Subtilitas est dos corporis habile faciens corpus ut moueatur à spiritu, ex omnimoda fomitis remotione, & grossitie partium materiæ.

AD PRIMVM ergo dicendum, quod spirituale hic dicitur secundum inductas auctoritates, non à proprietate spiritus, sed quia perfecte à spiritu ad vsum possidetur nihil reluctans, sed omnibus modis obediens.

AD ALIUD dicendum, quod non indigentia cibi in damnatis non causatur ex aliqua forma nobili, sed potius ex iustitia diuina etiam inter pœnas continente corpora secundum se grossa & ignobilia, ne pœna in eis finiat. Vnde si exterius continens cessaret, ab interiori continenti non sustentarentur sine cibis.

AD ALIUD dicendum, quod pueri hoc non habent ex dote, sed ab interiori continente: quia aliter in eis deficeret pœna damni, quæ est carentia visionis Dei secundum quod visio est merces beatorum.

AD ALIUD dicendum, quod boni in via non habent perfectam carnis ad spiritum obedientiam: quia caro tum ex fomite, tum ex debilitate remurmurat: sed dos ista dat spiritui corpus ad vsum, qui merito possessio nominatur.

AD ALIUD dicendum, quod sine præiudicio bene concedo, quod os semper grossius erit quam caro: sed tamen remotis dispositionibus ignobilibus, quæ modo sunt, sicut est grossities nimia partium, & indigestio, & non bene commisceri, magis habebit naturæ subtilitatem: sicut dicimus solem esse subtilis naturæ, & aurum esse subtilis naturæ, cum tamen magis sit compactum quam aliquod metallum, eò quod subtiliores habet partes quam metallum, & subtilius sit commixtum melius digestum. Et notandum, quod directè contra dicta Sanctorum est, si dicatur subtile prout paruum corpus subtile vocatur & rarum: quia tale corpus in veritate non est organicum, nec animari potest anima rationali.

AD VLTIMUM bene concedo, quod sic subtile non vocatur.

## ARTICVLVS XXV.

*Vnde causatur hæc subtilitas?*

**T**ertio quæritur, Vnde causetur hæc subtilitas? Et hæc quæstio est necessaria propter diuersa opinantes de ista dote. Videtur autem, quod causetur per ablationem repletionis à materia: quia subtile est, ut dicunt, quod montem sine montis diuisione transibit: & constat, quod tunc corpora gloriosa (ut dicunt) mouebuntur in celo sine cali diuisione: & hoc non posset esse, nisi essent adeo subtilia, quod cum corpore quolibet posset esse in eodem loco: & hoc vltius esse non posset, nisi tolleretur ab illis corporibus repletio: ergo vi-

deretur, quod subtilitas ista causetur ex ablatione repletionis.

2 Item, Omne ignobile tollitur ab elementis: ergo & ab homine, & multo plus: sed ex ignobilitate habet replere: ergo repletio tollitur ab ipso: ergo ex eius ablatione habet subtilitatem, ut videtur.

3 Item, Locus & locatum erunt proportionata: sed locus corporum gloriosorum est calum empyreum: & hoc est subtilissimum corporum, minimè (ut dicunt) replens locum: ergo ita etiam erit corpus gloriosum: ergo ut prius.

4 Item, Auicenna dicit, quod homo ideo accipit animam quæ particeps est luminis intelligentiæ, quia ex naturali commixtione maximè accedit ad calis æqualitatem: sed iste accessus cum natura non possit eum perficere, à Deo in gloria debet perfici, quia tunc nihil imperfectum relinquetur: ergo tunc habebimus corpora cælestia: ergo ut prius.

5 Item hoc dicit Apostolus 1. Corinth. 15. Sunt corpora cælestia, sunt corpora terrestria: sed alia quidem cælestium gloria, & alia terrestrium gloria. Ergo cum cælestia sint dicta spiritualia subtilia ex ablatione repletionis ab ipsis, videtur quod sic erunt spiritualia & subtilia etiam corpora Sanctorum.

6 Item, Hæc dos meritorie acquiritur per spiritum nullum locum replentem: ergo videtur, quod talis similitudo spiritus in corpore relinquitur: ergo corpus tunc repletionem loci carebit.

IN CONTRARIUM huius obicitur sic: *Sed contra.* Luca 24. dicitur, Palpare & videte: quia spiritus carnem & ossa non habet sicut me videtis habere. Sed corpus non habens replere locum, non resistit tactui, quod probatur per hoc quod etiam replens tenue non resistit tactui, sed cedit, sicut aer. Cum ergo corpora gloriosa futura sint palpabilia, videtur quod non causanda sit futura eorum subtilitas ex hoc, quod tollatur ab eis repletio.

*Solutio.* Ad hoc dico sine præiudicio aliorum, quod non possum aliquo modo intelligere, qualiter aliquod corpus sit corpus, & non repleat locum: secundum enim rationem omnem & philosophiam certus sum, quod absurdum reputatur à Philosophis, qui ex ipsa quantitate dant corpori replere locum, sicut & oportet secundum rationem. Vnde videtur mihi, quod licet à multis dictum hæcenus sit, & etiam à me quandoque, quod subtilitas corporum gloriosorum tanta sit, quod non replent locum, eò quod tollatur ab eis vis replendi locum: tamen falsum est. Et dicendum videtur, quod replent locum, sicut supra est probatum, & spiritualitatem habent corpora potius ablatione fomitis & proprietatum ignobilium materiæ, quæ sunt præcipue tres causantes sua ablatione & oppositorum positione subtilitatem in omni eo quod naturaliter est subtile, quarum vna est grossities partium commixtarum, non obedientium commixtioni & continuationi corporis. Alia est imperfectum agens ad digestionem & continuationem commiscibilem. Et tertia est imperfecta commixtio & continuas. Vnde corpora



corpora gloriosa partes habebunt subtiles à Deo ipso commixtas & continuatas, & oprimè commixtas ad æqualitatem complexionis. His enim de causis aliquo modo potest intelligi poni corpus humanum subtile: quia sic dicitur caro subtilis, aurum subtile, & alia corporalia animata, & inanimata quæ nobilia sunt.

AD PRIMUM ergo dicendum, quod argumentum innititur falso, scilicet quod vis replendi locum sit grossities materiæ. Et ratio huius supra patuit.

AD ALIUD dicendum, quod non est conditio ignobilitatis replere locum: sed potius est conditio quantitatem consequens illius corporis, quod continetur in alio corpore ut in loco.

AD ALIUD dicendum, quod cælum empyreum ideo non implet locum, non est in aliquo: sed si containeretur, repletet locum: & ideo non habet hoc ex natura, sed quia non ambitur alio corpore: & ideo non oportet, quod suum locatum ei in hoc conformetur.

AD ALIUD dicendum, quod cælorum orbis inferiores implent locum, & suppositio falsa est, & contra Philosophos, ut supra est ostensum. Per hoc patet etiam solutio ad sequens.

AD ALIUD dicendum, quod meritorie acquiritur corpori, non ita quod mutetur corpus in non corpus, & secundum suam naturam non possit esse humanum corpus: sed ita quod efficitur spirituale in sequendo spiritum, sicut mobile obediens per omnia suum sequitur motorem, non retractum aliqua corporis gravitate.

## ARTICVLVS XXVI.

*An æqualis sit hæc dos omnibus corporibus gloriosis?*

Quarto quæritur, Vtrum æqualis sit hæc dos in omnibus gloriosis? Videtur, quod sic: omnibus enim perfectè caro subdetur, & nullum eorum cibus egebit: ergo videtur, quod omnia corpora æqualiter erunt spiritualia.

2 Item, Defectus naturæ corrigitur à Deo in resurrectione: sed defectus quidam naturæ formalis est, quod materiam non satis potest facere subtilem & spiritualement: ergo tunc corrigitur: ergo quod naturale est, omnibus æqualiter inest: ergo subtilitas omnibus inest æqualiter.

3 Item, In opposito modo sunt æquales, quia æqualiter sunt corpora nostra animalia: ergo & in spiritualitate corpora tunc erunt æqualia.

*Sed contra.*

IN CONTRARIUM est, quod in nulla alia dote sunt æqualia corpora gloriosa: ergo nec in ista,

2 Præterea, Dos hæc est pars præmij: sed præmia omnia differenter & non æqualiter habentur à Sanctis: ergo & dos ista.

*Solutio.*

RESPONSIO. Dicendum, quod hæc dos sicut & aliæ inæqualiter habentur, sicut ultimo est probatum.

DICENDUM ergo ad primum, quod licet in omnibus posset dos ista perficere ad actus prædictos, non tamen illi actus ex æquali progrediuntur habitu: & ideo actus in bonitate & virtute non sunt æquales.

AD ALIUD dicendum, quod non est defectus naturæ, sed natura quædam quæ propter meritum exaltabitur, sicut & in aliis natura exaltatur: animæ enim humanæ non est nimis subtile habere corpus.

AD ALIUD dicendum, quod etiam in opposito non sunt æquales: quia unus est animalior, quam alius, si animalitas ad actum animalitatis comparatur. Vel posset dici, quod animalitas in homine potius est priuatio & defectus, quam habitus: & tunc non sequitur, si aliquid sunt æquales in priuatione, quod etiam sint æquales in habitu: qui enim æquales sunt in cæcitate, non oportet æquales esse in visu, si visum contingat recipere.

## ARTICVLVS XXVII.

*An luminositas possit conuenire corpori humano?*

Deinde quæritur de hoc quod dicit ibi [Sanctorum quoque corpora sine omni vitio fulgida sicut sol, resurgent, &c.] De luminositate enim quæ est quarta dos, quæruntur hic quinque, scilicet an luminositas possit conuenire corpori humano, & quid sit illa illuminositas, & quanta sit, & unde causetur, & vtrum æqualiter vel inæqualiter eis conueniat?

Ad primum sic obiicitur: Nullum corpus in quo natura opaca dominatur, potest fieri excedens in lumine: corpus hominis est huiusmodi: ergo nequaquam potest fieri excedens in lumine. Prima probatur: quia lumen impeditur ex natura opacitatis. Secunda scribitur in secundo de generatione & corruptione, ubi dicitur, quod in omni corpore complexionato commixto dominatur terra.

2 Item, Inter corpus luminosum & opacum, est duplex medium, scilicet vicinior luminoso, & hoc est diaphanum, quod secundum Aristot. lumine in superficie & in profundo coloratur: & est vicinior opaco, quod est coloratum colore albo, & nigro, & mediis coloribus. Constat autem, quod corpus hominis in natura materiæ plus accedit ad opacum. Ergo nunquam potest esse luminosum, sed semper remanebit coloratum. Ergo non est eius dos luminositas, ut videtur.

3 Item, Auicenna dicit in 6. de naturalibus, quod omne corpus luminosum constat ex partibus peruiis tantum: corpus autem hominis nunquam constabit ex partibus peruiis tantum: ergo nunquam erit perfectè luminosum.

4 Item, Sicut dicit Apostolus 1. Cor. 15. resurrectio eorum erit sicut dispositio stellarum: sed secundum probabiliorem opinionem, quæ est Aristot. Auicenna. Ptolemæi, & Commentatoris sui, & Mezeallach, corpora stellarum non secundum se sunt luminosa, sed



sed colorata: ergo nec corpora sanctorum resurgentium: ergo nunquam habebunt dotem quæ est luminositas.

5 Item, Diuersorum corporum genere & natura, diuersæ sunt proprietates: sed corpora cælestia & humana sunt genere & natura diuersa corpora: ergo diuersæ erunt eorum proprietates: ergo cum cælestia sint luminosa, impossibile est humana fore luminosa. Prima patet per se. Secunda probatur ex hoc quod dicit Aristot. in 10. primæ philosophiæ, quod cælestia & terrestria non sunt in eodem genere proximo.

6 Item, Corpus vnius qualitatis & proprietatis in superficie, est homogenium: sed corpus humanum nunquam est homogenium: ergo nunquam est in toto luminosum.

*Sed con-*  
*tra.* IN CONTRARIUM huius est, quod dicitur Matth. 17. super id, Facies eius resplenduit sicut sol: ubi Glossa sic dicit. Non substantiam carnis amisit, sed gloriam futuræ resurrectionis ostendit. Ergo Sancti tunc sicut sol lucebunt. Item Iudic. 5. Qui timent te, sicut sol in ortu suo, ita rutilant. Item Matth. 13. Tunc iusti sicut sol fulgebunt in regno patris eorum. Item Sapient. 3. Fulgebunt iusti, & tanquam scintillæ in arundineto discurrent. Item 1. Corinth. 15. Alia cælestium gloria, alia terrestrium gloria, &c.

*Solutio.* RESPONSIO. Dicendum, quodd Sanctorum corpora erunt luminosa.

AD PRIMUM ergo dicendum, quodd opacitas à terrestri natura tollitur per meritum quodd claret in voluntate: & tunc natura terrestris erit splendore plena.

AD ALIUD dicendum, quodd hoc tenet in distantia corporum, quam potest facere natura: sed meritum est amplioris potentia, quam natura: & ideo de opaco remota opacitate facit superexcedens in lumine, & ultra hoc quodd de natura sua est luminosum, & nullum habet meritum.

AD ALIUD dicendum, quodd Auicenna loquitur de corpore quodd de natura partium componentium habet luminositatem, & non de illo cui miraculose datur per meritum.

AD ALIUD dicendum, quodd stellæ in veritate meo iudicio naturaliter colorata sunt, sed receptiua sunt luminis à sole: & Apostolus non loquitur de dispositione quam habent naturaliter, sed potius de illa quam habent à sole: quia in illa similia erunt eis corpora beatorum, licet excedant in lumine.

AD ALIUD dicendum, quodd hoc verum est si ab eadem causa insit proprietates: sed nihil prohibet diuersorum corporum genere & etiam natura, vnam esse proprietatem, vnius naturaliter, & alterius per meritum.

AD ALIUD dicendum, quodd hoc intelligitur de corpore cuius accidentia de sua manant substantia sicut subiecto & causa: sed ita non est in lumine corporum gloriosorum, sed potius splendore dabitur eis à Deo.

## ARTICVLVS XXVIII.

*Quid sit luminositas in corporibus humanis, & an interiora membra lucebunt?*

Secundo queritur, Quid sit illa luminositas? In corporibus enim inferioribus luminositas est forma luminis immutans peruium in superficie & profundo, & terminatum in profundo tantum: sed non talis videtur luminositas in corpore glorioso, quia sic corpus gloriosum videretur sicut luminosum: & hoc non est verum: ergo videtur, quodd non est luminosum lumine corporali corpus gloriosum.

2 Item, Omne corpus luminosum facit actu videre se, & alia corpora circumiacentia: corpus gloriosum non ita facit: non ergo est luminosum lumine corporali. Si forte dicas, quodd luminosa & nobilissima visui non subiacent, sicut dicit Alpetragius: sicut primum nobile secundum naturales, & calum empyreum secundum Theologos: & ita est de beatis corporibus. Contra: Causa huius, quodd alicuius luminosi lumen visui non subiacet, sicut in lib. de crepusculis redditur, est quodd huiusmodi luminosum est peruium & rarum: sed talia non erunt corpora gloriosa, vt supra patuit ex præhabitis: ergo hoc non impedit, quin debeant videri.

3 Item vltius videtur, quodd non vniuersaliter lumine corporali futura sint luminosa: quia proportio membrorum ad lumen non est vna, quia vnum est magis terrestre, vt os, & vnguis, & ad minus vt caro: ergo non æqualiter erunt luminosa, sed secundum terrestre minus, & secundum aëreum plus.

4 Item, Elementa extra corpus humanum non æqualiter fulgebunt in lumine: ergo nec intra æqualiter fulgebunt ipsa membra in quibus plus vel minus dominantur elementa opaca vel perua.

5 Item, De pulchritudine corporis organici est, quodd vna pars vmbrosior sit alia: sed quicquid est de pulchritudine, non subtrahitur in resurrectione: ergo & ibi vna pars plus quam alia lucebit.

VLTIVS hic queratur, Vtrum interiora membra lucebunt, vt cor, & hepar, vel non? Si sic. Contra: Omne actu lucidum, sicut visus probat in sole, stellis, & flamma ignis, & Philosophus dicit, regit corpora post se existentia: sed exterior superficies corporum gloriosorum lucebit actu: ergo teget interiora: ergo luminositas eorum erit inutilis.

Si autem non lucebunt: tunc non lucebit corpus vniuersaliter in omnibus membris. Præterea hoc est inconueniens: quia interiora principaliora debent esse in præmio, sicut principaliora sunt in merendo: ergo magis debent lucere, quam exteriora.

2 Item, Secundum naturam spiritus animales debent esse lucidi, & sanguis rubeus, & venæ alba, & sic de aliis: ergo non debent se æqualiter habere in lumine.

RESPONSIO. Dicendum, quodd lumen solius illud



illud est corporea forma, à qua corpora gloriosa erunt luminosa.

AD PRIMVM ergo dicendum, quod Sanctorum corpora in potestate habebunt lumen suum continendi & emittendi quando voluerint, sicut in potestate habent videri & & non videri à non glorioso: à glorioso autem videntur semper. Et hoc quidem dixerunt ante me quidam antiqui, & bene ut puto: quia secundum hoc dictum pauciora inconuenientia videntur sequi. Habent autem hoc in potestate propter hoc quod causatum est à merito voluntatis: & ideo cum volunt, videntur, & cum nolunt, non videntur, & immutant corpora cum volunt, & cum nolunt non immutant, siue in profundo, siue in superficie tantum.

AD ALIUD dicendum, quod hoc verum est cuius lumen agit secundum naturæ necessitatem: & hoc non est verum de corpore glorioso, sicut mihi videtur. Ad aliud dicendum, quod bene concedo, quod illa solutio ad minus non concordat philosophiæ, licet quidam diligentes figmenta, quandoque eam dederint.

AD ALIUD dicendum, quod bene puto concedendum esse, quod æqualiter fulgebunt in omnibus membris propter proportionem seruandam: & plus non potest haberi vi argumenti.

AD ALIUD dicendum sicut ad antecedens immediatum.

AD ALIUD dicendum, quod nullum membrorum erit umbrosus, nec modo umbram quærit membrorum, nisi propter sui actus inhonestatem: & hæc inhonestas tunc non est.

Ad qua-  
stionem  
lam.

AD ID quod ulterius quæritur, sine præiudicio dicendum videtur, quod differentem lucem habebunt interiora: erit enim sanguis sicut politum aurum rubeum, & spiritus lucidi modo luminis, & netui modo politi argenti, & corpus exterius peruium sicut porosum, & non sicut diaphanum: esse enim peruium sicut porosum non opponitur luminoso. Et per hoc patet solutio ad omnia quæsitæ.

## ARTICVLVS XXIX.

*Quanta sit luminositas gloriosorum corporum?*

TERCIO quæritur, Quanta sit luminositas ista? Videtur autem, quod sicut solis: quia ita dicitur Matth. 13. Fulgebunt iusti sicut sol, &c. Item Apoc. 12. Mulier amicta sole, &c. ergo erit sicut lux solis, & lunæ, & stellarum. Item sicut scintillæ videtur esse lux illa, sicut dicitur Sapient. 13. Item videtur hoc velle Apostolus 1. Corinth. 15. Alia claritas solis, &c.

Sed con-  
tra.

IN CONTRARIUM huius est, quod dicitur Isa. 30. Et erit lux lunæ sicut lux solis, & lux solis erit septemplex sicut lux septem dierum. Ergo videtur, cum homo melior futurus sit, quod lux hominis excedet lucem solis plus illuminari quam modo.

Solutio.

RESPONSIO. Dicendum, quod in veri-

tate communiter tenetur, quod sol redibit ad lucem 7. dierum primorum, quando magis luxit quam modo, antequam Adam peccasset, & propter mundi innouationem septemplexiter adhuc excedet, & luna plena stabit: & tunc homo qui impedimentum peccati non habebit, adhuc septemplexiter solem excedet in lumine: quid tamen de hoc sit verum, puto neminem diligenter scire, nisi qui tunc merebitur videre quod continget.

AD EA tamen quæ primo inducuntur, dicendum quod Glossa Matth. 17. super id, Et resplenduit facies eius sicut sol: non comparat soli, ideo quod non sit futura maior gloria resurrectionis, & similiter stellis & lunæ: sed quia non habuit maiora nota hominibus, quibus compareret. Et per hoc patet solutio ad totum, præter id quod de sapientia est dictum: ad quod puto dicendum, quod scintillis comparat propter feruorem charitatis eleuantis Sanctos sicut ignis eleuat scintillas. Et ferè eodem modo exponit Gregor. illud Ezech. 1. Scintillæ quasi aspectus æris candentis.

## ARTICVLVS XXX.

*Vnde causetur illa luminositas in corporibus gloriosis?*

QUARTO quæritur, Vnde causetur? Videtur enim Philosophus dicere in secundo de anima. cap. de visu, quod omne luminosum siue lucidum habet lucidum esse ex conuenientia cum perpetuo superius corpore: ergo & corpora gloriosa videntur ita lucem habitura: sed constat elementarum complexionatum & compositum ex heterogeniis non posse conuenire cum superius perpetuo corpore, quod est quintum ab elementis, & simplex, & homogenium: ergo videtur, quod non ex hoc lucem accipient corpora nostra.

2 Item, Nos videmus, quod inter elementa quædam lucem accipiunt propter partes ignis, quæ sunt in ipsis, sicut nocticula, & squamæ & spinæ quorundam piscium, & etiam ipsa flamma ignis: & iterum videtur, quod hoc non potest esse causa lucis in homine, quia in homine sic non abundat ignis.

3 Item, Sicut dicit Auicenna ex partibus diaphani congregantis secundum bonam commixtionem causatur aliquid lucens, sicut apparet in crystallo, berillo, adamante, rubino, & quibusdam aliis: & iterum constat, quod homo non congregatur ex huiusmodi partibus: ergo nec ista est in eo causa lucendi.

4 Item, Nos videmus in natura inferiori, quod quanto maior est distantia corporum à centro, tanto plus habent diaphaneitatis & luminis: constat autem, quod corpus humanum nunquam absoluetur ab eis quæ sunt circa centrum: ergo nullam vnquam in se habebit causam luminis.

5 Item in lib. qui de sententiis Græcorum in cælo & mundo, sedecim capitulis distinguitur, videtur dici, quod sol maioris sui luminis quam aliæ stellæ habeat quatuor causas, scilicet puritatem partium, magnitudinem corporis,



poris, constantiam siue compressionem partium in continuitate, & nobilitate: constat autem, quod quatuor has causas nunquam habebit homo: ergo nunquam habebit causam lucendi septemplexiter super solem.

*Sed contra.* IN CONTRARIUM huius est, quod iusti fulgebunt sicut sol, &c. Ergo iustitia est causa luminis.

2 Item, Apoc. 21. dicitur, quod Deus lux eius est, & lucerna eius est Agnus. Ergo ille splendor est diuinus causatus à Deo. Isa. etiam 60. dicitur, Super te orietur Dominus, & gloria eius in te videbitur. Ex quo accipitur idem quod prius.

*Solutio.* RESPONSIO. Ferè omnes subtiliores antiquitus de ista quæstione consueuerunt dicere, quod homo constat ex quatuor elementis, & quinto corpore quod est cælum: & in resurrectione quatuor elementa non erunt in ipso in actu suarum qualitatum actiuarum & passiuarum, sed tantum in actu quinti corporis qui est lucere: & tamen dicunt nobis prouenturam esse lucem in resurrectione. Sed quia hoc absurdum est tam in mathematicis, quam etiam in naturalibus, quod corpus quintum alicui misceatur complexionato per substantiam, sed tantum per virtutem: ideo videtur aliter dicendum, scilicet quod tota lux illa causabitur à merito voluntatis, & ideo etiam voluntati subditur: sunt enim dotes corporum causatæ à dotibus animarum: & lux diuinæ cognitionis in anima, in corpore causat claritatem, in qua videbitur etiam affectu mentis, sicut modo in vitro cognoscitur color vini, sicut dicit Gregor. super illud Iob 28. Non adæquabitur ei aurum vel vitrum. Quid tamen de hoc verum sit, infra inquiretur.

DICENDVM ergo ad primum, quod per immutationem gloriæ quæ immutabuntur corpora gloriosa, accipient conuenientiam cum corpore perpetuo superius, non tamen ita, quod mutentur in stellas vel in cælum, sed quod dispositiones ignobiles detrahentur ab ipsis quæ sunt ex inferioribus elementis, & superiorum dispositiones quantum possibile est est salua natura assument.

AD ALIUD dicendum, quod Dominus tunc intercidet flammam ignis, sicut dicit Basilus, & separabit fulgidum lucens à calido vrente: & quantum ad tale fulgidum, nihil prohibet in homine tunc magis manifestari partes ignis.

AD ALIUD dicendum, quod corpora humana non erunt vnquam meo iudicio perspicua: quia sic oporteret, quod destrueretur in eis compositio ex elementis aliis. Sed erunt splendentia sicut porosa clara refulgent, in quibus exterius sua interiora patent: & ideo non est in eis talis causa lucendi.

AD ALIUD dicendum, quod in nobilitate & luminis calcatione conuenient cum sole, sed in aliis non.

AD ALIUD dicendum, quod in nobilitate conueniunt cum superioribus, licet non in natura materiæ.

## ARTICVLVS XXXI.

*An corpora gloriosa erunt aqualiter lucida?*

QVinto quæritur, Vtrum aqualiter erunt lucida? Videtur, quod sic: quia quæcunque reformantur ad vnum per similitudinē, aqualiter reformantur, nisi impediat natura reformatum: sed omnia corpora gloriosa reformantur ad vnum, scilicet corpus Christi, ut dicitur Phil. 3. Reformabit corpus humilitatis nostræ, configuratum corpori claritatis suæ: & natura reformatum non impedit, quia omnia sunt eiusdem naturæ: ergo videtur, quod aqualia erunt in lumine.

2 Item, Hoc lumen sequitur naturam corporis humani: sed hæc natura conuenit Sanctis aqualiter: ergo sequela lucis est in eis aqualis.

3 Item, Meritum Sanctorum est in anima: ergo & differentia meriti: igitur & in præmio debent differre in anima tantum: sed lumen istud est in corpore: ergo in lumine non debent habere differentiam.

4 Item, In opposito est aqualitas, quia damnati aqualiter habebunt corpora opaca: ergo & in proposito, scilicet lumine Sanctorum debet esse aqualitas.

IN CONTRARIUM huius est, quod dicitur 1. Corinth. 15. Alia claritas solis, alia claritas stellæ. Stella autem differt à stella in claritate. Sic erit resurrectio mortuorum. Ergo erit ibi differens claritas.

2 Item, Glossa ibidem sic dicit, Denario utique id significatur, quem omnes communiter habebunt, sicut est ipsa vita æterna, ipsum regnum cælorum, ipsa claritas resurrectionis: & tamen alius alio magis, alius autem minus fulgebit.

RESPONSIO. Dicendum, quod Sancti differentem accipient claritatem secundum differens meritum voluntatis.

AD PRIMUM ergo dicendum, quod ad idem reformantur inæqualiter, sed similiter non impediēte natura aqualitatem reformationis; sed impediēte merito voluntatis.

AD ALIUD dicendum, quod sequitur naturam corporis humani sicut subiectum, sed meritum voluntatis sicut causam.

AD ALIUD dicendum, quod meritum differens facit effectum differentem tam in anima, quam in corpore.

AD ALIUD dicendum, quod dubium est, vtrum damnati differant in opacitate vel conueniant: sed magis credo, quod differant secundum plus & minus. Si tamen conueniunt, tunc non sequitur argumentum: quia Deus pronior est ad miserendum, quam ad puniendum: & ideo abundanti merito confert etiam

in corpore lucem abundantiorē,  
licet maiori iniquitati non  
infligat caliginem  
ampliorē.

\*\*\*



*An conuenienter in corporibus gloriosis sint  
quatuor dotes?*

**P**ost omnia prædicta præter literam necesse est quærere de numero harum quatuor dotium. Videtur autem, quod non sit nisi vna: quia tantum vna dos confertur sponsæ: cum igitur transferentes se secundum aliquam similitudinem se transferant, videtur etiam, quod in spiritualibus debeat poni dos vna tantum.

2 Item videtur, quod duæ tantum: quia duo sunt quæ dotari possunt, scilicet corpus, & anima: ergo & duæ dotes.

3 Item videtur, quod tres per appropriata trium personarum.

4 Vtcrius videtur, quod plures, quam quatuor: quia ita dicit Anselmus in prologo ante finem: Quid amas caro mea, quid desideras anima mea? Ibi est, ibi est quicquid amaris, quicquid desideratis. Si delectat pulchritudo,

Mat. 13. fulgebunt iusti sicut sol. Si velocitas, aut fortitudo, aut libertas corporis, cui nihil obfiste-

1. Cor. 15. re possit, erunt similes Angelis Dei: quia seminatur corpus animale, & surget spirituale, potestate vtique non natura. Si longa & salubris vita, ibi sana æternitas, & æterna sanitas: quia iusti in perpetuum viuunt, & salus iustorum à

Sap. 5. Domino. Si satietas, satiabuntur cum apparuerit gloria Dei. Si ebrietas, inebriabuntur ab vbertate domus Dei. Si melodia, ibi Angelorum chori concinunt sine fine Deo. Si quælibet non immunda, sed munda voluptas, tor-

re te voluptatis tuæ potabis eos Deus. Si sapientia, ipsa Dei sapientia ostendet eis seipsam. Si amicitia, diligunt Deum plus quam seipsos, & inuicem tanquam seipsos, & Deus plus illos quam illi seipsos: quia illi illum, & se, & inuicem per illum, & ille se, & illos per seipsum. Si concordia, omnibus illis erit vna voluntas: quia nulla illis erit nisi sola Dei voluntas. Si potestas, omnipotentes erunt suæ voluntatis vt Deus suæ: nam sicut poterit Deus quod vult per seipsum, ita illi poterunt quod volunt per illum: quia sicut illi non aliud volunt quam quod ille, ita ille vult quicquid volunt illi: &

Luc. 13. quod ille vult, non poterit non esse. Si honor  
Rom. 8. & diuitiæ, Deus suos seruos bonos & fideles supra multa constituet: imo filij Dei & diuocabuntur & erunt: & vbi erit filius eius, ibi erunt & illi, hæredes quidem Dei, cohæredes

autem Christi. Si vera securitas, certe ita certi erunt nunquam & nullatenus ista vel potius istud bonum sibi defuturum, sicut certi erunt se non sua sponte illud amissuros, nec dilectorem illud inuitis dilectoribus ablaturum, nec aliquid Deo potentius inuitos Deum & illos separaturum. Gaudium vero quale aut quantum est, vbi tale aut tantum bonum est. Ex hoc patet quod plurima sunt quæ sponsa tam in corpore quam in anima æternitate percipiet: ergo non sunt tantum quatuor dotes corporis.

**R E S P O N S I O.** dicendum, quod non *Solutio.* sunt nisi quatuor dotes corporis, & videtur assignari posse ab intendentibus numerus ipsarum. Sed sufficiat acceptio duplex: aut enim accipitur dos corporis ex parte formæ, aut ex parte materiæ, aut ex parte coniuncti, aut ex parte eius quod sequitur coniunctum ex forma & materia, quod est potentia naturalis. Et primo quidem modo sumitur luminositas. Secundo autem modo subtilitas, quæ consistit in subtiliatione partium materiæ. Et tertio modo impassibilitas. Quarto autem modo agilitas. Possunt iterum assignari & melius penes motum in Deum: & tunc aut est dos inclinans ad motum, aut dicens terminum motus, aut motum ipsum. Et primo modo est subtilitas. Secundo autem modo dupliciter potest sumi, scilicet terminus in coniuncto, & terminus in forma. Et primo modo est impassibilitas accepta ad similitudinem Dei per immutationem qua Sancti immutabuntur ad gloriam: & secundum hoc est claritas: sed penes motum ipsum est agilitas.

**A D P R I M V M** ergo dicendum, quod non probatur per hoc argumentum, nisi quod vna dos est in communi: sed tamen in speciali multa dantur pro dote.

**A D A L I V D** dicendum, quod per hoc probatur, quod homo secundum duo dotatur: sed non sequitur, quod dos sua sit in duobus tantum.

**A D A L I V D** dicendum, quod quantum requiritur quod est esse consequens, scilicet propria passio: quia aliter non esset plena perfectio: & tunc erunt quatuor dotes, sicut patuit in prima assignatione.

**A D A L I V D** dicendum, quod Anselm. potius enumerat materias gaudiorum in regno, quam dotes: quia hoc dicitur dos, nisi quod datur sponsæ ad perficiendam coniunctio nem suam cum sponso, vt patuit in secunda assignatione numeri dotium.

*Si mali tunc habeant quas hîc habuerunt deformitates.*

D  
In ench.  
692.



**D**E reprobis autem quæri solet, An cum deformitatibus hîc habitis resurgant? Hoc autem Augustinus non asserit, sed dubium reliquit, ita inquit, Quicumque ab illa perditionis massa quæ per Adam facta est, non liberantur per Christum, resurgent quidem etiam ipsi, vnusquisque cum sua carne: sed vt cum diabolo eiusque Angelis puniantur. Vtrum verò ipsi cum vitiis & deformitatibus suorum corporum resurgant, quæcunque in eis gestarunt,

Matth. 5.



# In Lib. 4. Sentent. Distinct. XLIV. 855

gestarunt, inquirendo laborare quid opus est? Non enim fatigare nos debet incerta eorum habitudo vel pulchritudo, quorum erit certa & sempiterna damnatio. Ecce non diffinit, an tunc habeant deformitates quas hic habuerunt reproborum corpora.

## ARTICVLVS XXXIII.

*An in damnatis maneant defectus naturales?*

**D**Einde quæritur de hoc quod dicit ibi [De reprobis autem quæri solet, &c.] Videtur enim, quod maneant in eis defectus naturales sic: Corpus compositum ex contrariis à talis corruptionibus non continet, nisi gratia: sed gratiam nunquam habebunt: ergo talibus defectibus subiacebunt.

2 Item, Nullum bonum meruerunt damnati: sed iniuste datur, quod præter meritum datur: ergo nullum bonum datur eis: sed vnum de præcipuis bonis, est incorruptio: ergo illa non datur eis: ergo erunt in corporibus corruptibiles ex complexionis corruptione: & ita ut prius.

3 Item, Quod ex peccato est inductum, non debet minui per peccatum: sed corruptiones huiusmodi inductæ sunt ex peccato: ergo cum multa peccata sint addita originali peccato in damnatis, non debet in eis minui huiusmodi corruptio humorum, quæ inducit corporales infirmitates & deformitates.

4 Item hoc videtur Isa. 14. Subtus te sternetur tinea, & operimentum tuum erunt vermes. Et ibidem, Sicut sanie pollutus & obvolutus.

*Sed contra.*

IN CONTRARIUM huius est, quod omne corpus habens huiusmodi corruptiones, tandem destruetur: sed corpora damnatorum nunquam destruentur: ergo non subiacent huiusmodi corruptionibus.

2 Item, Tales corruptiones sunt à defectu naturæ: omnem enim defectum naturæ author naturæ corrigit: ergo & illum: ergo non permittet eum in damnatis.

3 Item, Apostolus 1. Corinth. 15. dicit, quod omnes mortui resurgent incorrupti, sed soli electi immutabuntur, ut supra habitum est: ergo nulla corruptio est in damnatis.

**Q**UOD EST concedendum, quod damnati nullam habebunt ex vitio complexionis corruptionem febrilem, nec ex vitio compositionis corporis membrorum defectum.

**A**D PRIMVM ergo dicendum, quod iustitia Dei in pœnis continet eorum corpora: unde quod obiicitur, verum est de bonis, vel obiectio fundatur super falsum.

**A**D ALIVD dicendum, quod licet nullum bonum meruerunt: tamen esse, vivere, & sentire, & ratiocinari habent, quæ sunt bona: & ita habent incorruptam substantiæ permanentiam, quæ bona est: sed ad augmentum suæ pœnæ est: & ideo licet sit bonum, non tamen datur eis ad bonum, nisi hoc modo quo bonum iustitiæ est bonum simpliciter, licet malum pœnale sit latroni.

**A**D ALIVD dicendum, quod non diminuitur in præmium peccati, sed in pœnam, & hoc iustitiæ congruit: sed quod diminueretur ut est præmium quoddam, esset inconsonum iustitiæ.

**A**D ALIVD dicendum, quod Isaïas loquitur de pœna temporali Nabuchodonosor, qui in confusionem suam de sepulchro eiectus fuit, & vermibus datus ad deuorandum: sed secundum mysterium refertur ad pœnas spirituales, non corporales.

*Quod non consumuntur corpora quæ tunc ardebunt.*



**S**I vero quæritur de corporibus malorum, quomodo in igne ardeant & non consumantur? Augustinus variis exemplis astruit, & sempiternis ignibus ea ardere, & non consumi illa combustionem: sicut animus cuius præsentia corpus viuit, & dolorem pati potest, mori autem non potest. Hoc enim erit tunc in corporibus damnandorum, quod nunc esse scimus in animis omnium, alias hominum.

*E  
Decima  
Dei lib.  
11. c. 1.  
& 3.*

## ARTICVLVS XXXIV.

*An corpora damnatorum ardeant, & non comburantur?*

**D**Einde quæritur de hoc quod dicit ibi [Si vero quæritur de corporibus malorum, &c.] Videtur esse impossibile quod dicit, quod corpora ardeant, & non consumantur. Dicit enim Philosophus, quod omnis passio magis facta, abiicit à substantia: sed illa passio est maxime facta, quia agens omnem excellit passionem: ergo maxime abiicit à substantia: ergo tandem consumet substantiam.

*D. Alb. Mag. in Lib. 4. Sentent.*

2 Item, Idem dicit, quod omnis actio est per

*C C C c 2*



per assimilationem, quia agens vult assimilare sibi patiens: sed actio est inter ignem & corpus damnati: ergo tandem ignis assimilabit sibi corpus: ergo videtur, quod conuertetur in ignem.

3 Item, Constat, quod ignis mouet corpus: sed motus ignis finitus est: ergo ille motus tandem veniet ad finem: sed nullus potest esse finis, nisi motum assumat speciem & formam mouentis: ergo quandoque damnatorum corpora accipient speciem ignis: ergo quandoque erunt ignis & non humana corpora.

4 Item, Omne recipiens qualitatem alicuius agentis disponentem aliud ad speciem, si vltimabitur in eo qualitas illa, de necessitate recipiet speciem: sed corpora damnatorum recipiunt caliditatem, quæ est qualitas disponentis ad speciem ignis, & vltimabitur in eis qualitas illa: ergo necessario mutantur in ignem: ergo mutantur à specie & natura humana.

5 Item, Omne agens diuidens corpus physicum, de necessitate corrumpet ipsum, si confortatur actio: calor ignis agit diuidendo corpus physicum hominis: ergo si confortatur actio, de necessitate corrumpet ipsum. Probaturs prima ex hoc, quod nullum corpus physicum est diuisibile in infinitum, quin diuidatur à forma physica. Secunda autem supponitur: quia aliter non læderet intus ignis, nisi diuideret corpora: & constat, quod actio ignis confortata est vehementer: ergo consumet substantiam corporum damnatorum.

6 Item, Corpora damnatorum sunt materia ignis inferni, aut propria, aut aliena. Si propria: tunc corpora damnatorum sunt ignis, quia propria materia ignis habet speciem ignis pro forma. Si aliena: tunc obicitur sic, Omnis aliena materia ignis transmutatur ab igne si agat in ipsam: sed ignis inferni agit in corpora: ergo transmutat ea: ergo corrumpendo agit in ea.

7 Item, Omne agens tantum agit, quantum dat passiuo de specie: sed ignis inferni maximè agit: ergo plurimum de specie sua dat damnatis: ergo maximè transmutat eos à specie propria, id est, humana: ergo non remanebunt homines.

*Sed contra.* IN CONTRARIUM est, quod dicitur Apoc. 9. Desiderabunt homines mori, & mors fugiet ab eis. Ergo videtur, quod nunquam possint consumi ad mortem: ergo videtur, quod corpora eorum incorrupta semper teneantur.

2 Item, Bernard. dicit, quod sic moriuntur damnati, quod nunquam permoriuntur. Et ex hoc sequitur idem quod prius.

3 Item Isa. vltimo Vermis eorum non morietur, & ignis non extinguetur. Ergo ipsi sine consumptione semper cremabuntur in igne.

*Solutio.* RESPONSIO. Dicendum, quod in veritate ea quæ dicuntur in litera, fidelia & vera sunt, & absque dubitatione tenenda. Conseruans autem damnatorum corpora, est iustitia Dei in pœnis: & hæc credenda sunt potius, quam discutienda. Ne tamen omnino nihil videamur dicere, sciendum quod sensibilia dupliciter agunt in organa sensuum, scilicet

actione naturæ, & actione animæ. Actio naturæ est cum consumptione & contrarietate: & puto bene, quod talis non potest esse in aliquo corpore, nisi ipsum corpus consumatur. Sed actio animæ est per receptionem intentionis ad affectum doloris vel delectationis: & de hoc dicemus secundum possibilitatem nostram in questione de sensibus corporum resurgentium infra: & talis est actio in inferno, quæ est ad sensus immutationem, sine consumptione substantiæ.

AD PRIMUM ergo dicendum, quod Philosophus loquitur de actione naturæ, quæ non est tantum actio ad sensus immutationem: & non de actione animæ, quæ nihil abiicit à substantia.

AD ALIUD dicendum, quod ibi fit assimilatio talis, qualis est inter sensum, & sensibile, hoc est, quod species sensibilis sit in sensu per intentionem contristantis, sed non per esse quod habet in materia.

AD ALIUD dicendum, quod motus fit ad impressionem intentionis, & est finitus, sed non ad formam dantem esse: quia aliter illa corpora in ignem conuerterentur.

AD ALIUD dicendum, quod recipiunt intentionem qualitatis prout ipsa est excitatio doloris & tristitiæ ex calore: sed non prout est forma transmutans materiam ad speciem abiectionem, & alterius formæ inductionem.

AD ALIUD dicendum, quod agens actione animæ, non agit diuidendo, sicut patet in omnibus sensibilibus agentibus in organa sensuum, si actio animæ ab actione naturæ diuidatur.

AD ALIUD dicendum, quod impij sunt materia aliena dissimilis speciei agentis, sicut sensus in potentia suscipit speciem obiecti ad tristitiam, vel delectationem: & ex hoc non sequitur aliqua commutatio corporum.

AD ALIUD dicendum, quod dat speciem secundum actionem animæ, & non naturæ: & ideo non sequitur, quod conuertat in ignem. Hæc autem solutio melior est secundum rationem, quæ in hac materia potest esse: & ideo diligenter est notanda.

## ARTICVLVS XXXV.

*An anima patiatur in corpore, vel à corpore?*

DEinde queritur de hoc quod dicit ibi [Sicut anima cuius potentia viuunt corpus, &c.] Ex hoc enim simili videtur Augustinus innuere præhabitu modum solutionis. Vt tamen melius intelligatur, querantur hic duo, scilicet qualiter animus patiatur in corpore, & quare corpori damnato non potest attribui nisi alter modus passionis, cum duo sint modi passionis animati corporis.

AD PRIMUM sic obicitur: Omne agens fortius est patiente: sed nullum corpus fortius est animo patiente qui est spiritualis: ergo nullum corporale potest agere in animum. Prima harum scribitur ab August. in lib. 12. super Gen. ad literam: & secunda, & etiam conclusio.

2 Item,



2 Item, Corpus & animus se habent ut motor & mobile: & animus est motor, corpus autem est mobile: sed omnis motor agit in mobile, non patiens ab ipso secundum quod huiusmodi: ergo animus agit in corpus, non passus ab ipso secundum quod huiusmodi: ergo non potest pati in corpore, ut videtur.

3 Item, Quod nullius est susceptibile transmutationis, nullius est susceptibile passionis: sed anima nullius susceptibilis est transmutationis: ergo nullius susceptibilis est passionis: ergo nec à corpore patitur, nec ab aliquo alio. Prima constat: quia omnis passio est secundum aliquam transmutationem. Secunda scribitur in primo de anima, ubi Philosophus reprobat dicta Platonis.

4 Item, Quod nullum omnino habet contrarium, impossibile est pati omnino: sed anima nullum habet contrarium: ergo impossibile est eam pati, siue in corpore, siue extra corpus.

Sed contra.

IN CONTRARIUM huius est, quod nos experimur timores & tristitias quas non experiuntur non habentia animas sensibiles: ergo anima subiacere videtur passionibus.

2 Item, Damasc. dicit, quod anima compatitur corpori, licet non commoriatur corpori: ergo patitur.

3 Item, Vult Philosophus, quod in quibusdam corporis motus perueniunt ad animam & transmutant ipsam: ergo etiam corpus immitit passiones animabus.

Responsio.

RESPONSIO. Dicendum, quod in veritate ita est, & Augustinus videtur ita determinare, quod anima non patitur à corpore in corpore: sed passione facta in corpore anima punit seipsam affectu doloris & compassionis. Quod qualiter sit ad intelligendum, sciendum quod nullus motus, vel passio affectionis alicuius sit in anima, nisi fiat prius apprehensio de re faciente illam passionem, siue affectionem: apprehensio autem perceptionem speciei est sensibilis per sensum vel imaginationem: & ideo in corpore non fit passio doloris, nisi per sensum vel imaginationem: hoc autem quod est in sensu, siue in imaginatione animæ, est species spiritualis simplex & non forma corporalis: unde immediatum faciens dolorem in anima, est intentio spiritualis rei contristantis accepta in vi aliqua animæ: & ideo dicit Augustinus, quod non patitur à corpore, sed à seipsa accipiente huiusmodi speciem rei contristantis. Et per hoc patet solutio ad primum: quia licet primum agens sit corpus, tamen proximum est intentio spiritualis ab anima apprehensa.

AD ALIUD dicendum, quod anima à corpore ut est corpus non mouetur: tamen motus corporis pertingunt ad ipsam per animæ operationem, hoc modo quo operatio quædam est apprehendere rerum circumstantium formas.

AD ALIUD dicendum, quod anima secundum se accepta, id est, denudata à corpore naturaliter non habet transmutationem aliquam: sed in corpore transmutatur per accidens, scilicet transmutatione facta in corpore. Transmutatur autem modo prædicto: & hoc

D. Alber. Mag. in Lib. 4. Sentent.

modo non negat Aristot. sed potius probat, quod anima mouetur per se.

AD ALIUD dicendum, quod anima secundum se non habet contrarium, neque secundum se patitur: inquantum tamen est forma & motor coniuncti, accipit ut contrarium id quod dissoluit coniunctum: & in illius specie apprehensa punitur & dolet. Eius autem quod obicitur in contrarium, patet solutio per se. Tamen sciendum, quod licet ista solutio sit secundum August. est tamen aliquantulum contra dicta Aristot. quia ipse non vult, quod apprehendere sit agere, sed potius pati: & secundum eum addendum est, quod motus qui fit per corpus, materialiter se habet ad animam, & non ut agens: sed quia ministrat materiam cognitionis, & anima adhibet formam, ideo verum est quod dictum est in solutione per totum. Hoc etiam supra notatum est.

## ARTICVLVS XXXVI.

Quare non potest attribui corporibus damnatorum alius modus passionis.

SECUNDO queritur, Quare non potest attribui corporibus damnatorum, nisi alter modus passionis? Videtur enim, quod uterque: quia corpora damnatorum sunt calida: sed si calidum ageret tantum actione animæ, & non actione naturæ, non posset dici, quod essent calida: ergo calidum agit in ea actione naturæ. Probat per primam ex fide. Secunda autem constat per philosophiam: quia non dicitur anima calida ex apprehensione calidi, vel etiam ex affectu calidi: & sic constat propositum.

2 Item, Si non ageret nisi actione animæ: tunc esset passio illorum corporum, sicut est passio in somno ad imaginationem terribilium presentialiter affligentium hominem: & sic non in veritate paterentur, sed phantasticè solum, quod est absolum, quia hoc generaret hæresim: ergo patiuntur actione naturæ.

3 Item, Si paterentur actione animæ & non naturæ: cum actio animæ æqualiter fiat presente re & absente, non oporteret ibi ignem esse ubi patiuntur, sed sufficeret ignis imaginatio: & hoc iterum est absurdum: ergo videtur, quod actione naturæ patiuntur.

IN CONTRARIUM huius sunt obiecta sed contra supra inducta: quia illa necessario videntur concludere, quod actione naturæ non patiantur, vel etiam si utraque actione naturæ scilicet, & animæ patiantur.

RESPONSIO. Sine præiudicio dicendum, solutio. quod veritatem huius questionis neminem puto scire, nisi cui Deus reuelauerit, sicut in sequenti capitulo dicitur ex verbis August. Sine præiudicio tamen dico, quod actione animæ tantum patiantur, actione dico, quæ est sensus: quia ibi oporteret organum actualiter immutare, & etiam speciem sensibilis in anima fieri. Et hoc qualiter sit, possumus imaginari per simile: sicut si ponamus per impossibile separari modo actionem animæ in qualitatibus tactus ab actione naturæ: si enim tunc calidum agat in tactum, necessario erit præsens tangens:

CCCC 3 quia



quia aliter non esset tactus, & oporteret fieri immutationem organi: quia aliter non deferretur species ad vim animæ, quæ est tactus, & oporteret speciem vtriusque contrariam coniuncto recipi ab anima: & tamen quia agens esset spirituale, nihil abiceret a substantia, & vno modo substantia sua remaneret si passio remaneret.

Ad primum ergo dicendum, quod hoc esset verum, si non esset hic actio per sensum: in illa enim quæ est per sensum, corpus disponitur qualitate sensibilis, & denominatur

ab ipsa, præcipue in tactu: sed si fieret imaginando tantum, quæ imaginatio non exigit tactum præsentis rei quæ facit passionem, tunc valeret obiectio.

Ad aliud iam patet solutio, quod somnium non est per sensum: & in hoc differt positio ista fidei à dictis quorundam Philosophorum qui talem somnialem passionem dederunt animabus & peccatoribus.

Ad ultimum etiam patet solutio, quia sensus rei exigit experientiam & præsentiam.

*Si demonet corporali igne cremantur.*

Super  
Genes. &  
de ciuit.  
Dei. lib.  
21. c. 10.

Apoc. 19

Mat. 25.

De ciuit.  
Dei. lib.  
20. c. 16.

**Q**UÆRI etiam solet, An dæmones corporali igne ardeant? Ad quod Augustinus respondens ait, Cur non dicamus (quamuis miris, veris tamen modis) etiam spiritus incorporeos posse pœna corporalis ignis affligi, si spiritus hominum etiam ipsi incorporei, & nunc potuerunt includi corporalibus membris, & tunc poterunt corporum suorum vinculis insolubiliter alligari. Gehenna illa, quæ stagnum ignis & sulphuris dicta est, corporeus ignis erit: & cruciabit damnatorum corpora hominum, vel dæmonum: sed solida hominum, ærea dæmonum. Vnus enim vtriusque ignis erit, vt veritas ait. De quo igne si queritur, qualis vel vbi sit? Augustinus sic respondet, Ignis æternus cuiusmodi sit, & in qua mundi vel rerum parte futurus sit, hominem scire arbitror neminem, nisi fortè cui spiritus diuinus ostendit.

## ARTICVLVS XXXVII.

*An ignis corporeus cruciat dæmones?*

**D**Einde queritur de hoc quod dicit ibi [Queritur etiam solet, An dæmones igne corporali ardeant?] Videtur autem, quod non: quia dicit Damasc. lib. quarto. cap. vltim. quod ignis ille non est corporeus, sed qualis vtrique Deus nouit: ergo non ardent igne corporeo.

1. Item, Boët. dicit in lib. de duabus naturis in vna persona Christi, quod nulla est actio & passio eorum, quorum non est materia vna: sed ignis corporei & dæmonum in corpore eorum non est materia vna: ergo ille ignis non agit in dæmones.

3. Item, Omnis actio est per contactum, vt dicit Aristot. in primo de generatione & corruptione, & in sextodecimo animalium: sed inter ignem & dæmones non est contactus: ergo ignis non agit in dæmones. Probatio media. Contactus est eorum, quorum vltima sunt simul: sed dæmones cum sint spiritus, non habent vltima: ergo constat propositum.

4. Item, Contactus physicus est, quando vtrumque tangentium immutatur ab alio: & constat, quod ignis à dæmone non immutatur.

5. Item, Actio omnis est inter contraria: sed inter ignem & dæmones nulla est contra-

rietas: ergo nulla actio: ergo inter eos nulla erit actio, vel passio.

6. Item, Quod insusceptibile est speciei agentis, nihil recipit de actione ipsius, & nihil patitur ab ipso: sed dæmon cum sit spiritus, non est susceptibilis speciei agentis, quia nunquam potest dici spiritus calidus: ergo nihil suscipit de actione ignis, & nihil patitur ab ipso.

IN CONTRARIUM huius sunt ea quæ dicuntur in litera, & sufficiant: quia in litera dicitur, quod stagnum ignis & sulphuris corporeus ignis erit, &c.

RESPONSIO. Absque dubietate corporeus ignis cruciat dæmones: quod fide teneo: quamuis non plenariè sit intelligibile, tamen sic potest dici ad intellectum, quod ignis ille corporeus potest accipi dupliciter, scilicet vt instrumentum diuinæ iustitiæ vindicantis peccatum commissum contra Deum: & vt elementum corporeum. Et primo quidem modo habet corporeus ignis vim incorpoream affligendi etiam naturam nobiliorem se, dummodo sit sub peccato. Secundo autem modo non habet. Et prima quidem vi quæ datur per iusticiam diuinam, agit in spiritus dæmonum.

AD PRIMUM ergo dicendum, quod Damasc. intelligit de affligente immediato, de quo, vt ante est dictum, affligens est in corpore speciei, quæ est intentio recepta in spiritu apprehendente suam afflictionem: tamen agens primum est corporeum.

AD ALIUD dicendum, quod verum est de



de agente secundum vim elementi tantum, vel secundum vim simplicis corporis naturalis: sed agens in vi diuina quæ est vis instrumenti diuinæ iustitiæ ad vindictam iniquitatis, est amplioris virtutis: & ideo ager etiam in illud quod non est secum communicans in materia.

AD ALIUD dicendum, quod contactus duplex est, scilicet per modum diffinitionis, & per modum coniunctionis corporalis. Et primo modo dicitur contingi quod coniungitur essentialiter, & presentialiter continetur in aliquo: & hoc modo contingunt demones ignem, quia in ipso presentialiter includuntur: sed non secundo modo. Aliæ autem probationes secundo modo supponunt fieri tactum.

AD ALIUD dicendum, quod est contrarietas hic ad ignem secundum quod est instrumentum iustitiæ Dei: quia sic suum contrarium est iustitiæ diuinæ contrarium, sicut furtum ponitur esse contrarium furcis vel patibulo.

AD ALIUD dicendum, quod in veritate substantia intellectualis non propriè dicitur calida, sed magis propriè dicitur adusta etiam quam calida, nisi dicatur calida per intentionem calidi apprehensam: & hoc est impropriè dictum, quia illa intentio est spiritalis. Vel fortè potest dici, quod ut ignis est instrumentum diuinæ iustitiæ, potest imprimere qualitatem suam in substantiam intellectualem. Sed primum melius est, quod non sit calida, sed potius adusta per ignem, prout est instrumentum iustitiæ vindicantis in pœnis: quia cum caliditas forma sit corporalis, non potest intelligi, qualiter sit in substantia purè spiritali: & fortè hac necessitate constrictus dixit Augustinus in littera, quod demones in igne habent corpora aerea: quod tamen non tenet Ecclesia: & ideo primo modo est dicendum.

### ARTICVLVS XXXVIII.

*An ignis infernalis sit corporeus?*

**D**Einde queritur de hoc quod dicit ibi [Ignis aternus cuiusmodi sit, &c.] Videtur hoc esse falsum ratione primæ partis & secundæ. Ratione quidem primæ partis: quia statim in sequenti cap. dicit, quod constet animas igne materiali corporalibus flammis esse cruciandas: ergo scitur cuiusmodi sit. Pro secunda autem parte dicitur Isa. 14. Infernus subter te conturbatus est in occursum aduentus tui. Ergo infernus est subter: ergo est in terra.

2 Item, Ibi dicit Glossa, quod infernus est locus pœnarum, & est subter: ergo ut prius.

3 Item Eccli. 24. Penetrabo inferiores partes terræ, & inspiciam omnes dormientes. Et loquitur de descensu ad inferos: ergo est in inferioribus partibus terræ.

4 Item Isid. in lib. creaturarum, Sol & luna ad occasum non veniunt, ne impij sub terra positi sua luce fruantur. Ergo impij positi sunt

sub terra: sed impij sunt in inferno: ergo infernus est sub terra.

5 Item Iob 17. In profundissimum infernum descendat omnia mea, &c. Ibi Glossa, Quantum ad celsitudinem celi aer iste latet, & est, quantum ad aeris altitudinem terra latet, & facit, quantum verò ad altitudinem illa loca inferni quæ superiora sunt, & reprobis inferni, hoc loco profundissimum infernum dicit. Ergo limbus patrum est sub terra, & adhuc inferius illo est infernus, & sic iterum habetur propositum.

6 Item, Omnis ignobilitas debet locum infimum retinere: sed omnis ignobilitas est in inferno: ergo infernus debet esse in loco infimo: ergo in medio terræ esse debet.

7 Item, Contraria merita sunt in Sanctis & impiis: sed Sancti per merita ascendunt ad locum altissimum: ergo impij per contrarium descendere debent ad locum infimum: hoc autem est terræ medium: ergo quoad medium terræ debent disponi damnati.

8 Item, Terram dilexerunt, sicut Sancti cælum: ergo æquè iustum est, quod isti ponantur in medio terræ, sicut quod Sancti ponantur in medio cæli.

IN CONTRARIUM huius est, quod ad decorem iustitiæ pertinet, quod in eodem loco quis puniatur, ubi peccauit: sed peccauerunt hic: ergo videtur, quod infernus hic esse debeat.

**R**ESPONSIO. Dicendum, quod in ista questione ultra dicta Sanctorum nihil est dicendum: quia ratio nihil omnino facit hic, sed in toto standum est dictis illorum qui revelationem à Spiritu sancto acceperunt. Illi autem dicunt, quod ignis sit corporeus, & infernus in terra: & hoc ideo tenendum & credendum est. Ad dictum autem August. dicendum, quod ipse dicit non asserendo: sed tamen ipsemet magis putat ita esse, quam aliter: & fortè quod August. non fuit plenè reuelatum, aliis Sanctis plenè reuelatum fuit. Et secundum hoc non est contradictio in littera. Vel dicatur, quod Augustinus dicit non esse dubitandum de specie ignis, sed de modo & virtute qua affligit animas: quia illa est valde latens.

Ad aliam partem benè concedo, quod est sub terra, sicut probatum est: sed dictum Aug. intelligitur de loco determinato, utrum in centro vel extra centrum sint loca illa: quia etiam secundum poetas de hoc dubium est. Et Isaac videtur velle, quod peccatores deprimantur sub orbe tristi, & grauabunt eos ibi peccata sua. Tristis autem orbis vocatur à Philosophis pars orbis sinistra, quæ expanditur supra quartam partem terræ, quæ supponitur quartæ habitabili: & de hac sententia videtur Isa. sicut infra patebit.

AD ID quod contra obiicitur, dicendum quod non potest esse: quia omnis habitatio Sanctorum tunc purgabitur: & ideo mundus quoad habitationem istam in qua Sancti meruerunt, innouabitur: & ideo abiicientur ab ipso cadauera fœtida damnatorum, ut etiam profundetur iustitia in loco qui congruit peccato ipsorum damnatorum, sicut probatum est in obiectione.



*Si anima sine corporibus sentiunt ignem corporalem.*

**G** V M autem constet animas igne materiali in corporibus crucianda, quæri solet, an interim ante resurrectionem corporum animæ defunctorum reproborum materiali igne cremantur? De hoc Iulianus Toletanæ Ecclesiæ Episcopus, Gregorij dicta secutus, ita scripsit: Si viuentis hominis incorporeus spiritus tenetur in corpore: cur non post mortem etiam corpore igneo teneatur? Teneri autem per ignem spiritum dicimus, vt in tormento ignis sit videndo atque sentiendo. Quod autem non solum videndo, sed etiam experiendo anima ignis tormenta patiatur, ex Euangelio colligitur, vbi veritatis voce diues mortuus dicitur in inferno sepultus: cuius anima, quod in igne teneatur, insinuat cum Abraham deprecatur dicens, Mitte Lazarum vt intingat extremum digiti sui in aquam, vt refrigeret linguam meam, quia cucior in hac flamma. Dum ergo peccatorem diuitem damnatum in ignibus veritas perhibet, quis sapiens reproborum animas teneri ignibus neget? Præcipue cum humanam animam corporis similitudinem habere doceat Augustinus ita inquires, Proferri animam habere posse similitudinem corporis & corporalium omnino membrorum, quisquis renuit, potest negare animam esse quæ in somnis videt vel ambulare se vel sedere, vel huc atque illuc gressu vel etiam volatu ferri: hoc sine quadam similitudine corporis non fit. Proinde si hanc similitudinem etiam apud inferos gerit, non corporalem, sed corpori similitudinem: ita etiam in locis videtur esse non corporalibus, sed corporalium similibus siue in requie, siue in doloribus. In Cassiani etiam voluminibus legitur, quod non sine otiosæ, neque nihil non sentiant, cum diues ille in inferno se flamma cruciari clamat. Vnde probatur animas defunctorum non solum suis sensibus non priuari, sed nec istis affectibus, scilicet spe, tristitia, gaudio, ac metu carere: & ex his quæ sibi in illo generali examine reseruantur, eas quiddam iam incipere prægustare.

## ARTICVLVS XXXIX.

*An ignis corporeus sic esse possit, vt non destruantur?*

**D**Einde quæritur de hoc quod dicit ibi [Teneri autem per ignem spiritum dicimus, &c.] Et quærantur duo, scilicet an ignis corporeus sic esse possit, quod non destruat, & an hoc verum sit, quod hoc sit eis tormentum, quod ignem videant & sentiant?

Ad primum sic obiicitur: Locus est conseruatiuus locati, vt dicit Philosophus: ergo omne quod naturaliter est in loco aliquo, si diu est extra suum locum, vbi sit, destruetur: sed ignis inferni est verus ignis, & est à principio mundi extra suum locum: ergo destruetur.

2 Item, Auicenna dicit in prima Philosophia, quod nulla causa est, quod hæc pars materiæ facta est terra, & hæc pars aer, & alia pars ignis, nisi quod frigiditas tali vel tali loco naturalis vel caliditas inuenit ipsam, & conuertit in aerem vel in terram: sed constat, quod nulla frigiditas terræ est ita naturalis sicut illa quæ est in medio terræ: ergo conuerteret in terram, quicquid est in medio: & per consequens ignem inferni conuerteret in terram.

3 Item, Elementa conuertuntur adinuicem, & conuertuntur in virtutem & speciem dominantis: sed constat, quod in centro terræ nullum elementum ita dominatur sicut terra: ergo omne quod ibi est, terra conuerteret ad naturam & speciem suam: ergo ignis inferni necessario in terram conuerteretur.

4 Item Arist. probauit necessario, quod quantum



quantum datur alicui de natura speciei, tantum datur ei de loco illius naturae & de motu ad locum illum: ergo & e conuerso quantum datur alicui de loco alicuius naturae, tantum datur ei de specie & natura locati & in loco illo: sed nullus locus est ita naturalis terrae sicut locus mediae terrae: ergo quicquid est ibi, naturam & speciem terrae accipiet: ergo in terram conuertetur.

5 Item, Violentia nulla est perpetua, quia aut liberabitur res, aut corrumpetur: constat autem, quod ignis violenter est deorsum: ergo non perpetue est ibi, quia vel corrumpetur, vel euolabit si cessauerit prohibens: & ex hoc sequitur idem quod prius.

6 Si forte dicas, quod non est ibi violentia, sed naturaliter: quia duplex est motus ignis. Vnus quem habet secundum naturam formae: & ille est ascendere sursum. Et alius quem habet natura materiae: & ille est, quandoque deorsum, & tunc etiam ignis mouetur deorsum, quia sequitur suam materiam, sicut lignum inflammatum mouetur deorsum. Contra: Illa non est propria materia ignis, sed aliena: quia propria materia ignis ascendit: ergo ipsa incipit vincere, quando venit ad centrum: & ita iterum ignis peribit.

*Quaestio.* VLTERRIVS etiam hic videtur, quod ille locus in capacitate non sufficiat: quia quanto elementum est rarius, tanto maiorem quaerit locum: sed ignis est rarissimum elementorum: ergo quaerit locum maiorem omnibus elementis: sed medium terrae est locus minimus: ergo videtur, quod ibi non possit esse ignis.

2 Item, Cum sit minimae capacitatis locus ille, videtur quod non possit capere hominum partem maiorem: & ita nihil esse videtur, quod dicitur de loco illo. Qualiter autem ignis ille in animas agere possit, ante est habitum in simili, qualiter possit agere in daemones.

*Solutio.* RESPONSIO. Dicendum, quod ignis est ibi in fortissima caliditate, cui caliditati nihil est comparabile: & hoc intelligendum est sic: Ignis cui naturale frigus circumponitur & est in materia solida, semper simul colligitur, & habet caliditatem calcaram & congregatam magis quam ille qui est in materia rara: & talis est ignis inferni.

Vnde dicendum ad primum, quod Deus ipse conseruat ignem secundum quod est instrumentum iustitiae vindicantis. Et hoc est quod dicitur Isaia 30. Flatus Domini sicut torrens sulphuris succendens eam.

AD ALIVD dicendum, quod ignis ille non naturaliter ibi generatur, sed potius materia omnis ignobilitatis mundi congregatur ibi virtute diuina.

AD ALIVD dicendum, quod sequeretur, quod hoc esset verum, si virtus iustitiae diuina ignem illum non conseruaret.

AD ALIVD dicendum, quod violentia non potest fieri alicui creaturae a Deo: quia omni creaturae innata est obedientia sui creatoris: & taliter ignis ille stat in medio.

AD ALIVD dicendum, quod ignis ille secundum quod consideratur ut instrumentum iustitiae diuinae vindicantis peccata, tunc propriissima materia ignis sunt damnati: & ideo

etiam efficacissime conualescit in eis, & non extinguitur: & haec est propria consideratio conseruationis ipsius.

AD HOC quod vltius quaeritur, dicendum quod hoc non est verum, nisi de igne secundum naturam elementi considerato: ille enim qui habet virtutem vindicandi in peccatores, magis quaerit materiam in qua constant partes eius & congregentur, ut calidior fiat: sicut dictum est: & ideo quaerit locum strictum.

AD ALIVD dicendum, quod in amplitudine necessaria nunquam deficiet infernus: quia dilatauit animam suam absque ullis terminis: sed tamen bene credo, quod constricti & commassati iacebunt damnati in ipso, & ad hanc capacitatem bene sufficit terrae concavitas.

## ARTICVLVS XL.

*An idem sit damnatis ignem videre & in igne cruciari?*

Secundo quaeritur an verum sit, quod dicitur, quod idem sit eis in igne cruciari, quod ignem videre & sentire? Videtur autem, quod non: intentio enim non habet vere hoc cui inest: quod patet quando videmus ignem, quia species ignis in oculo non vrit oculum. Similiter quando intelligimus ignem, species ignis non vrit intellectum. Et similiter est de imaginatione. Ergo videtur omnino nihil dicere, quod hoc sit eis in igne cruciari, quod ignem videre.

2 Item, Si intentiones animae solum sint & per se non relatae ad res, non mouebunt ad dolorem vel tristitiam, sicut dicit Arist. sed istae intentiones ad res referri non possunt sine sensibus corporalibus, qui non sunt ibi: ergo videtur, quod non mouent animas ad dolorem vel tristitiam.

3 Item, Sensus in actu non fit nisi per harmoniam complexionantium: sed illa non sunt in anima exuta a corpore: ergo non habent sensum in actu: ergo nec visum: ergo non vident ignem.

4 Si forte dicas, quod de intellectuali visione intelligitur. Contra: Visio intellectualis fit per species abstractas ab omni consideratione & appenditiis materiae: tales autem species non transmutant aliquid: ergo tali visione nunquam anima transmutatur: ergo videtur, quod nec patitur nec dolet de tali visione: & sic nihil est quod in litera dicere videtur.

*Solutio.* RESPONSIO. Dicendum, quod istud meo iudicio intelligitur de visione intellectuali cum praesentia rei in qua videns teneatur. Et dico, quod apprehensio ignis duplex est, scilicet ut talis naturae siue elementi, & haec non punit: & ut instrumenti iustitiae vindicantis, & sic apprehenditur ut contrarium iniquitati: & cum teneatur virtute Dei in igne, affligitur in ipso.

AD PRIMUM ergo dicendum, quod intentio non comburit, sed potius affligit spiritum secundum quod est accepta ignis praesentis



sentis & continentis spiritum, quam vim habet ignis inquantum est instrumentum iustitiæ diuinæ, ut dictum est: sicut etiam materiam quandiu anima est in corpore, intentio non affligit: sed intentio agentis præsentis & irruentis in corpus, affligit animam, ut supra dictum est.

AD ALIUD dicendum, quod intentio ista refertur ad rem, scilicet ad ignem, qui præsentialiter tenet & agit in spiritum per virtutem supra dictam.

AD ALIUD dicendum, quod sensus non sumitur hinc propriè: non enim in anima exuta à corpore est sensus, nisi in radice potentiæ sensitivæ: sed sumitur penes experientiam afflictionis quæ est per ignem, sicut etiam demones qui non habent sensibilem animam, ignem sentiunt, id est, experiuntur, ut prius habitum est.

AD ALIUD dicendum, quod hoc est verum de intellectu speculativo, sed non de practico siue affectivo, qui accipit ut triste speciem apprehensam rei habentis virtutem tenendi spiritum, & agendi in contrarium spiritus est factus: quia ad illam visionem sequitur afflictio maxima.

## ARTICVLVS XLI.

*An anima sit effigiata ut corpus?*

**D**Einde quæritur de hoc quod dicit ibi [Proferri animam habere posse similitudinem corporis, &c.] Videtur mentiri & hæresim dicere: quia Tertulianus propter hoc damnatus est, quia dixit animam esse effigiatam ut corpus, & interiorem hominem esse figuratum ut exteriorem: & hoc expresse videtur hinc dici: ergo videtur hinc esse hæresis Tertuliani.

2 Item videtur impossibile: quia siue corpus sumatur naturaliter, siue artificialiter, siue mathematicè, figura semper est forma ipsius: & omne figuratum est corpus: ergo si anima habet figuram corporis, ipsa est corpus.

3 Item, Nullum corpus est perfectio corporis: sed omnis anima est perfectio corporis: ergo nulla anima est corpus: sed figura est terminus superficiæ vel corporis: ergo nulla anima habet figuram corporis: ergo falsum dicit in litera.

4 Item, Probatio nulla est in litera: quia anima non videt huiusmodi somnia, sed homo: & non est inconueniens si ille de se videt corporales actus, cum ipse sit corporeus. Quod autem anima hoc non videat, non latet aliquem aliquid scientem de philosophia naturali. Præterea si anima talia videret, tunc etiam separata talia somnia videret: & hoc ridiculum est dicere, quod animæ separata somnient.

**Solutio.** **R**ESPONSIO. Augustinus in veritate istud non asserit: quia dubiè dictum est, & magis apparet absurdum & falsum quam verum. Si tamen quis sustinere velit, dicere poterit, quod figuram corporis habere contingit dupliciter, scilicet per esse, & per intentionem. Primo quidem modo non habet figuram corporis nisi corpus: & ideo errauit Tertulianus, qui tali

modo figuram corporis attribuit animæ. Per intentionem autem in potentia quæ imaginaria vocatur, anima sensibilis habet figuram corporis quando imaginantur corpora, sicut dicit in litera: & ita intelligitur litera: figura enim omnium quantum in formali siue imaginaria describuntur. Et per hoc patet solutio ad primum.

AD ALIUD dicendum, quod figura secundum esse consideratur in illa obiectione, & etiam in sequenti, sed per intentionem conuenit animæ.

AD ALIUD dicendum, quod Augustinus non intendit, quod animæ secum ferant imagines acceptas à rebus prout sunt in sensibus interioribus, sed potius infectiones vel merita contracta ex talibus ferunt secum: & hæc infra melius patebunt, & per tales infectiones penitus subduntur.

## ARTICVLVS XLII.

*An spiritus sint in locis non corporalibus?*

**D**Einde quæritur de hoc quod dicit ibi [Ita etiam in locis videntur esse non corporalibus, &c.] Hoc enim videtur absurdum: quia sic nec infernus nec cælum empyreum locus corporalis esse videtur, quod horret fides nostra.

**R**ESPONSIO. Dicendum, quod non intelligit de loco secundum suam substantiam, sed potius secundum actum locandi: quia non corporaliter in loco contineri potest spiritus, sed potius diffinitivè, sicut dicit Damasc. & hoc est quasi spiritualiter contineri.

## ARTICVLVS XLIII.

*An verum sit, quod anima priuentur sensibus & affectibus?*

**D**Einde quæritur de hoc quod dicit ibi [Vnde probatur animas defunctorum non solum sensibus suis non priuari, sed nec suis affectibus, &c.] Videtur enim esse falsum sic. Quorum actus essentialis corrumpitur, & ipsa necessario corrumpuntur: sed sensuum in morte actus essentialis corrumpitur: ergo & ipsi sensus corrumpuntur. Prima patet per Damasc. dicentem, quod nulla res propria & essentiali destituitur operatione. Secunda patet per se: quia post mortem nec videt, nec audit, nec aliquid aliorum facit quæ per sensus exercentur.

2 Item Arist. in 9. primæ philosophiæ dicit sic: Si posterius quid manet perscrutandum: nam in quibusdam nihil prohibet, ut scilicet anima talis, non omnis, sed intellectus: omnium enim impossibile forsan. Ex hoc accipitur, quod anima sensibilis secundum nullam vim post corpus manet: ergo falsum est quod dicit in litera.

3 Item Arist. in primo de anima: Siquidem est aliquid animæ operum aut propria passio, contingit



contingit utique ipsam separari: si vero nulla propria ipsius, non erit separabilis. Constat autem, quod nulla operatio vel passio sensibilis est propria animæ sine corpore. Ergo nulla pars animæ sensibilis separatur: ergo post mortem non manet.

4 Item, Eustracius dicit in Commento 6. ethic. sic: Post rationalem animam non natura confestim, sed vitæ quædam altera, scilicet sensibilis, & vegetabilis; quæ est entelechia, sunt inseparabiles à corpore existentes, & propriæ ipsorum aduenientes complexionibus, & his dissolutis coabscedentes. Ex hoc expresse accipitur quod dictum est.

5 Item Aristot. in 16. animalium sic dicit: Si operatio aliquorum principiorum non potest esse sine corpore, non erunt talia principia sine corpore. Verbi gratia: non fit ambulatio sine pedibus: & ideo vis ambulatiua non est vnquam sine pedibus. Et loquitur de operatione sensuum. Cum ergo ipsi non sint operantes sine organo corporali, non possunt manere sine organo corporali: ergo illo dissolutio, & ipsi annihilantur.

6 Item, Quæcunque exigunt subiectum quantum ad suum esse, post subiecti corruptionem non habent permanentiam: omnis potentia organica sic exigit subiectum quantum ad suum esse: ergo subiecto corrupto non habet permanentiam: sed omnis vis animæ sensibilis est potentia organica: ergo videtur, quod omnis vis animæ sensibilis corrupto subiecto nullam habeat permanentiam.

7 Item videmus, quod debilitato subiecto omnis vis animæ sensibilis debilitatur: ergo & destructo destruitur.

Sed contra.

IN CONTRARIUM est, quod si aliquid non destruitur secundum substantiam, nulla pars eius substantialis destruitur: sed anima rationalis non destruitur secundum substantiam: ergo pars eius substantialis non destruitur: sed hæc est anima sensibilis, quia dicit Philosophus, quod sicut trigonum est in tetragono, sic sensibile in rationali: ergo anima sensibilis non destruitur post mortem.

2 Item, Constat, quod in resurrectione corpus quantum ad naturam organorum resurget: sed organa non erunt sine suis potentiis perficientibus ea: ergo & potentiæ tunc erunt: sed non erunt nisi maneat: ergo potentiæ animæ sensibilis manebunt: ergo non destruantur.

3 Item, In litera nominat linguam & digitum: & constat, quod non fuerunt ibi illa membra corporaliter: ergo oportet, quod virtutes siue potentiæ animæ ad minus ibi fuerint: ergo & in anima manent post mortem.

RESPONSIO. Dicendum, quod virtutes animæ sensibilis & ipsa anima sensibilis possunt tripliciter considerari, scilicet in actu, in esse, & in radice. Et primo quidem modo non manent post mortem, scilicet quoad audire, videre, & imaginari, & huiusmodi. Secundo modo iterum non manent: quia esse virtutis organice est in organo: unde non est visus in esse, qui non est in oculo secundum habitum ad minus: & sic est etiam in aliis viribus animæ sensibilis. Tertio autem modo manent: quia substantia animæ rationalis est radix omnium suarum virium rationalium sensibilibus & vegetabilibus, & ex ipsa oriuntur & procedunt sicut proprietates de subiecto. Et quia illa manet, ideo etiam vires istæ manebunt: & sicut modo processerunt ab ipsa in organa quoad esse & agere, ita & post resurrectionem procedent. Et per hoc patet solutio ad omnia fere dicta.

AD PRIMUM enim dicendum, quod sentire & imaginari est actus essentialis sensuum secundum esse acceptorum, & non prout sumuntur in radice: & bene conceditur, quod secundum hoc esse destruantur.

AD OMNIA alia est idem modus solutionis. Nota tamen, quod quidam volunt nouam philosophiam inducere, quod anima exuta videt & audit & imaginatur, & secum defert imaginationes corporis quas recepit in corpore: quod qualiter probant, non oportet dicere, quia potius derisio est, quam sententia veritatis.

### De abortiuis fœtibus & monstris.



ILLUD etiam inuestigari oportet, si abortiuus fœtus & monstra resurgent, & qualia. De quo Augustinus ita ait, Occurrit de abortiuis fœtibus quæstio, qui iam nati sunt in vteris matrum, sed non ita ut iam possint renasci. Si enim resurrecturos eos dixerimus: de his qui iam formati sunt, tolerari potest utique quod dicitur. Informes verò quis non procliuius perire arbitretur, sicut semina quæ concepta non fuerunt? Scrupulosè quidem inter Doctores quæri ac disputari potest, quando incipit homo in vtero viuere, an sit quædam vita occulta quæ nondum motibus viuientis appareat? Negari enim vixisse puerperia, quæ ideo membratim execantur, ut eiiciantur ex vteris prægnantium: ne matres etiam, si mortua ibi relinquuntur, occidant: impudentia nimia videtur. Ex quo autem incipit homo viuere, ex illo utique iam mori potest: mortuus

In ench. cap. 85.

Ibidem. cap. 87.



## 864 D. Alb. Mag. Ord. Præd. Comment.

Ibidem.  
cap. 86.

tuus verò vbicunque illi potuit mors euenire, quomodo ad resurrectionem non pertineat; reperire nequeo. Neque enim & monstra quæ nascuntur & viuunt, quantumlibet citò moriantur, aut resurrectura negabuntur, aut ita resurrectura credenda sunt: sed potius correctæ eorum emendatæque natura. Absit enim vt illum bimbrem, quem nuper natum in Oriente fratres fidelissimi qui eum viderunt retulerunt, & sanctus Hieronymus scriptum reliquit, vt vnum hominem duplicem, ac non potius duos: quod futurum erat, si gemini nascerentur: resurrecturos existimemus. Ita & cætera quæ nimia deformitate monstra dicuntur, ad humanæ naturæ figuram in resurrectione reuocabuntur.

### ARTICVLVS XLIV.

*An fetus abortiui & monstra resurgent,  
& an tales habebunt dotes?*

**D**Einde quæritur de hoc quod dicit ibi [Illum etiam inuestigare, &c.] Videtur enim, quod tales non resurgent: resurrectio enim regeneratio quædam est: sed regeneratio non est, nisi iam nati: cum ergo isti non sunt nati, videtur quod non renascantur: ergo nec resurgunt.

Quæstio-  
cula.

**I**TEM vltius quæritur, Vtrum tales habeant dotes? Videtur, quod sic: quia erunt immortales: ergo habebunt dotem immortalitatis siue impassibilitatis.

**2** Item, Cum isti conferuentur à læsiuis, videtur, quod corpus compositum ex contra-

riis conferuari à læsiuis non possit nisi per gratiam: ergo isti tales gratiam habebunt vt videtur.

**R**ESPONSIO. Dicendum, quod duplex <sup>Solutio.</sup> est natiuitas, scilicet in vtero, & ex vtero. In vtero est animatio, quæ dicitur hîc formatio puerperij. Ex vtero autem natiuitatem non habent. Sed resurrectio sequitur primam natiuitatem, & non secundam tantum.

**A**D ALIUD dicendum, quod tales pueri <sup>Ad qua-</sup> dotes non habebunt: tamen in ætate triginta <sup>stimen-</sup> annorum resurgent. <sup>lam.</sup>

**A**D OBIECTVM autem dicendum, quod, vt puto, nullo agente lædi possunt: & hoc conferre eis diuina bonitate sic resistet compositio materialis corporalis, sicut in Adam restitisset, si peccatum non admisisset: & tamen dotem non habuit ad eam. Et per hoc patet solutio ad totum.

### De diuersis animarum receptaculis.

Super  
Ioan.  
tract. 49.  
& in Gl.  
super il-  
lud 1.  
Thess. 4.  
Deinde  
nos.



De ver-  
bis Apo-  
stoli.

**P**RÆTEREA sciendum est, quod omnes animæ (vt ait Augustinus) cum de hoc seculo exierint, diuersas habent receptiones: bonæ habent gaudium, malæ verò tormenta. Sed cum facta fuerit resurrectio, & bonorum gaudium amplius erit, & malorum tormenta grauiora, quando cum corpore torquebuntur. Ex his ostenditur, quod maius erit gaudium Sanctorum in resurrectione & post, quam fuerit ante: & quod diuersa receptacula habebunt animæ Sanctorum. De quibus idem Augustinus ait, Tempus quod inter hominis mortem & vltimam resurrectionem interpositum est, animas abditis receptaculis continet, sicut vnaquæque digna est vel requie vel ærumna, pro eo quod sortita est in carne dum viueret.

### ARTICVLVS XLV.

*An sint quinque receptacula animarum  
postquam separantur à corpore?*

**D**Einde quæritur de hoc quod dicit [Præterea sciendum, quod omnes animæ, &c.] Videtur enim, quod hæc receptacula sint

quinque: quia secundum numerum & modum meritum debet esse modus & numerus receptaculorum. Est autem peccatum mortale, & originale, & veniale, & meritum charitatis, & est originale & veniale & veniale & mortale. Constat autem quod primo respondet infernus, secundo limbus puerorum, tertio limbus patrum ante Christi aduentum, & modo regnum cælorum. Ergo aliqua loca receptaculorum



lorum specialia debent respondere quarto & quinto.

2 Item, Est receptaculum cum tenebra & sensibili pœna purgans, & cum tenebra tantum non purgans: ergo est aliquod cum tenebra tantum & purgans, & cum sensibili tantum & non purgans: ergo erunt sex differentiæ istorum receptaculorum.

3 Item, Iste aër secundum Petrum, est carcer caliginosus dæmonum: ergo est vnum receptaculorum: ergo sunt plura quam communiter ponuntur.

4 Item, Constat, quod diabolus vbique sit, est in pœnis & in igne: ergo & hîc in carcere isto: sed habitum est, quod ille ignis corporeus est: ergo hîc est ignis corporeus: sed ignis corporeus præcipuè calidissimus, calefacit & exurit corpora vicina: ergo iste ignis comburere debet domos & vicinos homines: & hoc non videmus.

*Solutio.*

Ad hoc dicendum, quod diuersa sunt receptacula animarum, & sic diuersificantur. Aut enim sunt vt terminus, aut vt via. Si terminus: tunc sunt duo, scilicet secundum malum meritum infernus, & secundum bonum meritum regnum cælorum: sed terminus secundum malum meritum siue infernus est duplex, secundum meritum proprium, & alienum contractum cum natura: & primo respondet inferior infernus damnatorum, secundo autem limbus puerorum qui est infernus superior: & de horum pœna quærere est super secundum tractatu de originali peccato. Si autem est secundum viam: aut hoc est ex defectu proprii meriti, aut ex defectu solutionis pretij: quia ista duo requiruntur ad perfectam satisfactio-

nem, sicut notatum est supra tertium distinctione 19. Si primo modo: tunc est purgatorium. Si secundo modo: tunc est limbus sanctorum patrum ante aduentum Christi.

Ad primum ergo dicendum, quod mortale & veniale puniuntur in inferno: quia veniale per accidens habet pœnam æternam, scilicet propter coniunctionem ad mortale, sicut notatum est super secundum distinct. 30. Originalis autem & venialis, meo iudicio, coniunctio est impossibilis: quia omitendo mortaliter peccabit, quando venialiter peccare potest: aut etiam veniale non reputatur. Et de hoc etiam ibidem inuenies.

Ad aliud dicendum, quod pœna sensibilis non potest esse sine tenebris: quia tenebræ sequuntur ad auersionem, & sensibilis pœna ad conuersionem: & ideo nullus est locus sensibilis pœnæ tantum, sicut nullum est peccatum mortale habens conuersionem tantum. Similiter non potest esse tenebra purgans: quia non facit purgatorium, nisi in eo qui habet lucem gratiæ, & per pœnam sensus. Et patet per prædicta, quod etiam aliæ differentiæ non sunt possibiles.

Ad aliud dicendum, quod iste aër non est locus pœnæ, nisi comparatiuè, scilicet respectu cæli, sed est locus exercitij: & de hoc inuenies in secundo, tractatu de casu diaboli.

Ad aliud dicendum, quod non calefacit corpora vicina: quia sicut dictum est, ignis ille non agit nisi virtute instrumenti iustitiæ diuinæ: & ideo non vrit nisi hoc in quod dirigitur à iustitia diuina, vt condemnatum pro peccato.



## DISTINCTIO XLV.

### *De suffragiis defunctorum.*



**N**EQUE negandum est, vt ait August. defunctorum animas pietate suorum viuientium releuari, cum pro illis sacrificium mediatori offertur, vel eleemosynæ fiunt in Ecclesia. Sed hæc eis tantum prosunt, qui cum viuerent, hæc sibi vt postea possent prodesse, meruerunt. Est enim quidam viuendi modus, nec tam bonus, vt non requirat ista post mortem: nec tam malus, vt ei non prosint ista quicquam. Est verò talis in bono, vt ista non requirat: & est rursus talis in malo, vt nec his valeat, cum hæc vita transierit, adiuuari. Quocirca hic omne meritum comparatur, quo possit post hanc vitam quispiam grauari vel releuari. Nemo autem speret quod hic neglexit cum obierit apud Deum pro mereri. Non ergo ista quæ pro defunctis commendandis frequentat Ecclesia, illi Apostolicæ sunt aduersa sententiæ qua dictum est, Omnes stabimus

*De statu  
& condi-  
tione bo-  
narum  
anima-  
rum post  
mortem.  
In ench.  
cap. 19. &  
habetur  
12. q. 1.  
c. Tem-  
pus.*



Rom. 14. ante tribunal Christi, ut referat unusquisque secundum ea quæ per corpus gessit, scilicet bona vel mala: quia etiam hoc meritum sibi quisque cum in corpore viueret, comparauit, ut possint ei ista prodesse. Non enim omnibus profunt. Et quare? Non nisi propter differentiam vitæ quam quisque gessit in corpore. Cum ergo sacrificia siue altaris, siue quarumcunque aliarum eleemosynarum pro baptizatis omnibus offeruntur: pro valdè bonis, gratiarum actiones sunt: pro non valdè malis, sunt propitiationes. Sed pro valdè malis etsi nulla sunt adiumenta mortuorum, tamen qualescunque viuorum consolationes sunt. Quibus verò profunt, vel ad hoc profunt ut sit plena remissio, vel certè ut tolerabilior sit ipsa damnatio. Orationibus ergo sanctæ Ecclesiæ, & sacrificio salutari, & eleemosynis quæ pro eorum spiritibus offeruntur, non est dubium mortuos adiuuari: ut cum eis misericordius agatur à Domino, quam eorum peccata meruerunt. Hoc enim à patribus traditum tota obseruat Ecclesia, ut pro eis qui in communione corporis & sanguinis Domini defuncti sunt, cum ad ipsum sacrificium loco suo commemorentur, oretur, ac pro illis quoque id offerri commemoretur. Non est ergo ambigendum ista prodesse defunctis: sed talibus, qui ita vixerunt ante mortem, ut possint eis hæc vtilia esse post mortem. Nam qui sine fide operante per dilectionem, eiusque sacramentis, de corpore exierunt, frustra illis à suis huiusmodi pietatis officia impenduntur: cuius dum hic essent, pignore caruerunt, non misericordiam sibi thesaurizantes, sed iram. Non ergo mortuis noua merita comparantur, cum pro eis aliquid boni operantur sui: sed eorum præcedentibus consequentia ista redduntur. Nam istam quisque finiens vitam, nisi quod in ea meruerit, non poterit habere post eam. Ecce quibus & qualiter profunt illa quæ pro defunctis frequentat Ecclesia. Mediocriter malis suffragantur ad poenæ mitigationem: mediocriter bonis, ad plenam absolutionem, qui non habent tantæ perfectionis merita, ut non indigeant iuuari per pauperes quorum est regnum cælorum, quos sibi fecerunt amicos de mammona iniquitatis. Quorum tanta est perfectio, ut his adiutoriis non indigeant: quales sunt Apostoli & martyres. Ut enim ait Augustinus, Iniuria est pro Martyre orare in Ecclesia, cuius nos debemus orationibus commendari: pro aliis autem defunctis oratur.

## ARTICVLVS I.

*An suffragia quæ facit vnus, alteri valeant?*

**N**Equè negandum est, ut ait August. &c.] Hic agit de suffragiis mortuorum, & tangit duo, scilicet de ipsis suffragiis, & quæstionibus consequentibus: & hoc secundum incipit *ibi* [Soler moueri de duobus] Item in prima introducit duo. Primo enim tangit, an valeant suffragia Ecclesiæ. Et secundo de pompis exequiarum *ibi* [De pompis verò exequiarum] Circa primum in diuersis locis incidunt nouem, quæ omnia tangit in litera: quorum primum est, an valeant suffragia quæ facit vnus

alteri homini? Secundum, Vtrum valeant defunctis? Tertium, Vtrum decedentibus in mortalibus? Quartum, Vtrum his qui sunt in purgatorio? Quintum, Vtrum patribus qui erant in limbo ante Christi aduentum, valuerint? Sexto, Vtrum pueris qui in originali peccato decedunt? Septimum, Vtrum valeant Sanctis in regno cælorum? Octauum, Quæ suffragia magis valeant? Nonum, Per quos fieri debeant?

Ad primum obiicitur sic: Dicit Apostolus 2. Corinth. 5. Omnes nos manifestari oportet ante tribunal Christi, ut referat unusquisque propria corporis prout gessit. Ergo quilibet recipiet propria: ergo nihil valent aliena, ut videtur: ergo alij non valet, quod facit alter.

2. Item, Siue consideretur opus naturæ, siue



sive artis, nunquam opus vnius deriuatur in alterum, sed semper circa materiam suam consistit: ergo etiam sic est in operibus meritoriiis, quod ad alium non potest deriuari, quod facit alter.

3 Item, In peccatis vnus non punitur pro altero: ergo nec in suffragiis vnus pro altero liberatur.

4 Item, Si opus consideretur secundum effectum, non potest efficere habitum bonum nisi circa operantem: ergo videtur, quod nihil operatur circa personam alteram: & ita vt prius.

5 Item, Quod est ab alio in quantum est ab alio, non est laude vel vituperio dignum: ergo ille pro quo fit intercessio, ex hoc quod alius bene operatur pro ipso, non est dignus laude vel bono aliquo: sed iniustum est dare digno: ergo non oportet ei dari indulgentiam ex hoc quod suffragia fiunt pro ipso.

*Sed contra.* IN CONTRARIUM huius est, quod vnus in iudicio hominum satisfacit pro alio: sed mitius & clementius est iudicium diuinum, quam humanum: ergo in iudicio diuino vnus potest suffragari pro alio.

2 Item, Christus satisfecit pro omnibus: ergo & membra Christi pro seinuicem suffragari possunt.

3 Item, Psalm. 118. Particeps ego sum omnium timentium te. Sed constat, quod hoc modo tantus Propheta non oraret, nisi sciret possibile esse, quod consequeretur.

4 Item, Genes. 25. deprecabatur Isaac pro vxore sua Dominum, eo quod esset sterilis: qui exaudiuit eum & dedit conceptum Rebeccæ. Ergo oratio & meritum vnius deriuatur in alterum.

5 Item, Ibidem dicit Glossa Gregorij, quod prædestinatio Sanctorum precibus adiuvatur. Ergo vt prius.

6 Item, Actuum 12. Petrus quidem seruabatur in carcere: oratio autem fiebat sine intermissione ab Ecclesia ad Deum pro eo. Hoc autem non fecisset Ecclesia, nisi iuuaret vnum quod facit alius. Ergo vt prius.

*Solutio.* RESPONSIO. Absque omni ambiguitate credendum & dicendum, quod oratio & meritum valet alteri: hoc enim est quod dicitur in symbolo in illo articulo, Sanctorum communionem: quia hic sic intelligitur. Credo in Spiritum sanctum, scilicet communicantem bona in Ecclesia. Et Apostolus 2. Cor. 8. Ex æqualitate in præsentem tempore vestra abundantia illorum inopiam suppleat, vt & illorum abundantia vestra inopia sit supplementum.

AD PRIMUM ergo dicendum, quod propria dicuntur dupliciter, scilicet quæ per me feci, & quæ mea feci. Et primo quidem modo opera per me facta, dicuntur propria. Secundo autem modo etiam quæ charitate mea feci, dicuntur mea propria: & sic intelligitur dictum Apostoli.

AD ALIUD dicendum, quod natura non operatur forma voluntatis quæ communicat bona, nec ars, sed potius diuiduntur per materias: sed vnum est principium in Ecclesia, quod est Spiritus sanctus: & hic etiam

D. Alber. Mag. in Lib. 4. Sentent.

communia facit bona per totum corpus quod inspirat, scilicet corpus mysticum: & hoc potius assimilatur operi quo vnum membrum iuuat aliud in corpore organico, quam operi naturæ, vel artis.

AD ALIUD dicendum, quod peccata non habent vnum principium nec vnam formam, sicut supra notatum est in questione de penitentia de operibus mortuis & mortificationibus: sed opera bona habent & formam communem & principium commune: propter quæ omnes boni sunt vnum corpus charitate conexum, sed non mali. Et ideo non est simile de bonis & malis operibus.

AD ALIUD dicendum, quod illud iuamen non est per modum efficiendi per opus, sed potius per modum suffragandi apud auctorem omnis boni, vt ipse merito vnius efficiat bonum in alio.

AD ALIUD dicendum, quod etiam in ciuitatibus vnus pro alio & liberatur & remuneratur, licet laudabilis vel vituperabilis non fiat: quia quando fit ei aliquid quem diligo, propter me, mihi fieri intelligo.

## ARTICVLVS II.

*An suffragia valeant defunctis?*

Secundo queritur, An suffragia valeant defunctis? Videtur, quod non: quia sicut dicit Philosophus, Viuorum cum mortuis non est communicatio. Sed ad valorem suffragiorum oportet esse communicationem. Ergo videtur, quod mortuis non valeant suffragia viuorum.

2 Item, Mortui non sunt de foro viuorum. Ergo videtur, quod non possunt eis valere ea quæ sunt in foro viuorum facta: sed suffragia omnia fiunt inter viuos: ergo videtur, quod nihil valeant mortuis.

3 Item, Mortui sunt sub necessitate: ergo videtur, quod sit remota ab eis possibilitas adiutorij: ergo & remouetur ab eis iuamen suffragij.

4 Item, Eccli. 14. Apud inferos non est inuenire cibum, quo tu properas. Ergo videtur, quod nullum sit ibi refrigerium per suffragium.

5 Item, Apoc. 14. Opera illorum sequuntur illos. Ergo videtur, cum nihil addant, quod nihil sequatur eos de alieno opere. Ergo nihil percipiunt de solatio refrigerij.

6 Item, Psalm. 74. Cum accepero tempus, ego iustitias iudicabo. Sed post mortem Deus accipit tempus. Ergo tunc non iudicat nisi secundum iustitiam. Ergo videtur, quod nihil est ibi de misericordia per suffragia.

IN CONTRARIUM huius est integer tractatus, quem fecit Dionysius in ecclesiastica hierarchia, cap. vltim. de sanctis dormientibus. Et inter cætera quæ ibi sunt, sic dicit: Quia vero iustorum orationes & secundum hanc vitam & quanto magis post mortem in his qui digni sunt factis orationibus, operantur, tantummodo eloquiorum nos docent traditiones veræ. Hoc idem in quarto dialog. per

DDd 2 plurima



plurima exempla probat Gregorius. Item Beda in historia Anglorum. Item 2. Machab. 12. Nisi enim eos qui ceciderant, resurrecturos speraret, &c. Item ibidem dicitur, Iudas duodecim millia drachmas argenti misit, &c. plurima quæ ibi notata sunt.

*Solutio.* RESPONSIO. Non est dubium defunctis prodesse Sanctorum suffragia.

AD PRIMVM ergo dicendum, quod Aristor. loquitur de communicatione, quæ in conuiuendo est per communicationem contractuum & societatum, & non de communicatione charitatis, quæ in vno corpore sociat mortuos & viuos, quotquot habent charitatem: & hoc sufficit ad valorem suffragiorum.

AD ALIUD dicendum, quod mortui qui sunt in purgatorio, quodammodo adhuc sunt de foro nostro, scilicet in quantum non sunt in termino: sed secundum quod sunt in securitate, differunt ab his qui sunt in foro Ecclesiæ. Vel dicatur, quod non esse de foro, non impedit suffragia: quia communicatio charitatis causa est suffragiorum, & non idem-titas fori.

AD ALIUD dicendum, quod duplex est necessitas, scilicet status secundum quantitatem meriti, & puritatis. Secundum primum modum sunt sub necessitate, quia nunquam habebunt minus meritum, quam fuit quantitas charitatis in tempore: sed secundum alterum modum non sunt sub necessitate, quia depurati possunt de die in diem.

AD ALIUD dicendum, quod loquitur de inferno damnatorum, & non de his qui sunt in purgatorio.

AD ALIUD dicendum, quod vt in litera innuitur ex verbis August. nostra sunt opera, vt prius dictum est, etiam illa quæ per meritum nostra fecimus, per hoc quod communicamus in charitate, quæ est forma operis communia faciens opera talia.

AD ALIUD dicendum, quod iustitia est vt ei qui communicat Ecclesiæ in charitate, bona Ecclesiæ communicentur: & ideo dictum illud nihil obstat.

### ARTICVLVS III.

*An suffragia valeant decedentibus in mortali peccato?*

**T**ertio quæritur, Vtrum valeant decedentibus in mortali? Et hoc est quærere, Vtrum valeant damnatis in inferno? Videtur, quod sic: quia in litera dicitur, quod quibus valent vel ad hoc profunt vt sit plena remissio, vel ad hoc vt tolerabilior sit eorum damnatio. Ergo profunt damnatis ad tolerabiliorem damnationem.

2 Item, Misericordia superexaltat omne iudicium, vt dicitur Iacob. 2. Ergo superexaltat omne iudicium condemnationis: ergo videtur, quod ex misericordia conceditur aliquod iuuamen suffragantibus meritis Sanctorum.

3 Item, 2. Machab. 12. dicitur, quod sub tunicis eorum pro quibus orauit & obtulit Iudas Machabæus, inuentum est de sacrificiis

idolorum. Constat autem, quod idolis immolare peccatum mortale est. Ego ipse orauit & obtulit pro idololatriis in peccato mortali damnatis. Et constat, quod non fecisset nisi valuisset eis suffragium: ergo damnatis etiam & idololatriis valent Ecclesiæ suffragia.

4 Item Dionysius in auctoritate antè inducta dicit, quod magis valet oratio defunctis, quam viuis: sed pro viuis existentibus in mortali peccato oratur, & exauditur sapè oratio: ergo multo magis pro defunctis damnatis debet orari, & valebit eis oratio.

5 Item, Damnatus qui fidelis fuit, de Ecclesiæ numero fuit, licet non merito: ergo aliquid melius debet ei esse post mortem, quam illi qui nec numero nec merito fuit de Ecclesiæ: sed constat, quod illis qui numero & merito sunt de Ecclesiæ, valent ad remissionem, illis autem qui nec numero nec merito, nihil valent: ergo illi qui numero fuit non merito, valet ad tolerabiliorem damnationem.

6 Item 1. Timoth. 4. Pietas ad omnia valet, &c. Dicit Glossa, quod etiam si lubricum carnis patitur, proculdubio vapulabit, sed non peribit. Aut enim hoc intelligitur de lubrico veniali, aut mortali. Si de veniali: tunc nihil dicit, quia hoc per se expiabile est, & non tantum merito pietatis: ergo constat, quod loquitur de lubrico mortali: ergo aliquis prius in mortali decedens, potest iuari ab Ecclesiæ ad totam remissionem: ergo multo magis alij iuari possunt ad tolerabiliorem damnationem.

7 Item, Iudex omnis iniquus reputaretur, qui potius eligeret obstinationem rei, quam emendationem: ergo etiam Deus vult emendari reos: sed si mitigat culpam & pœnam per suffragia Ecclesiæ, ipsi emendantur: ergo videtur, quod permittat eis valere suffragia.

8 Item, Homo remediabiliter peccauit non Angelus: ergo omnis homo remedium aliquod in quolibet statu debet inuenire: ergo & damnati: ergo debent eis suffragari merita Sanctorum.

9 Item, Deus in infinitum magis est misericors, quam homo: sed video, quod homo nunquam potest ita peccare in hominem, quin ipse pœnam temperaret si tota Ecclesiæ intercederet: ergo multo magis ad intercessionem totius Ecclesiæ damnatis temperabit Deus pœnas: ergo valent eis suffragia Ecclesiæ.

IN CONTRARIUM est, quod dicit *Sed contra.* Dionysius ibidem sic: Propter quod summus

sacerdos pro immundis non orat hinc dormientibus: quoniam non solum prophetico in hoc auerteretur ordine, & quid hierarchicorum superbe auderet à perfectionis principe monendus. Et sensus est, quod indulgentiam non orat damnatis summus sacerdos: quia diuino ordini in hoc aduersaretur, & admoneretur sicut superbus à perfectionis principe Deo.

2 Item, Maximus in commento ibidem, Peccatoribus non orat remissionem: quia non audiretur pro illis.

3 Item, Augustinus de ciuit. Dei. lib. 21. Si scirem patrem meum esse in inferno, non plus orarem pro ipso, quam pro diabolo. Ergo vt prius.

4 Item super illud Iob 41. Estimabit abyssum



sum quasi senescentem, &c. Gregorius in lib. 3. 4. moralium cap. 12. Tanto Sancti in æternum magis diuinæ gratiæ debitores se esse cognoscunt, quanto in æternum mala puniri conspiciunt, quæ eius adiutorio vitare potuerunt. At, inquiunt, Et ubi est quod sancti sunt, si pro inimicis suis quos tunc ardere viderint, non orabunt: quibus utique dictum est, Pro inimicis vestris orate? Sed citius respondemus: Orant pro inimicis suis eo tempore, quo possunt ad fructuosam pœnitentiam eorum corda conuertere, atque ipsa conuersione saluare. Quid enim aliud pro inimicis orandum est, nisi hoc quod ait Apostolus 2. Timoth. 2. Ut Deus det illis pœnitentiam, & respiciant à laqueis diaboli, à quo captiui tenentur? Et quomodo pro illis tunc orabitur, quando iam nullatenus possunt ad iustitiæ opera ab iniquitate commutari? Eadem itaque est causa cur non tunc oretur pro hominibus æterno igne damnatis, quæ nunc etiam est, ut non oretur pro diabolo Angelisque eius æterno supplicio deputatis. Quæ nunc etiam causa est, ut non orent sancti pro hominibus infidelibus impiisque defunctis, quia de eis utique quos æterno deputatos supplicio iam nouerunt, ante illum iudicis iusti conspectum orationis suæ meritum cassari refugiunt. Quod si nunc quoque viuentes iusti mortuis & damnatis iniustis minimè compatiuntur, quando adhuc aliquid iudicabile de sua carne se perpeti etiam ipsi nouerunt, quanto districtius tunc iniquorum tormenta respiciunt, quando ab omni corruptionis vicio exuti, ipsi iam iustitiæ intimius atque arctius inhærebunt? Ex hoc accipitur, quod nihil valet oratio pro damnatis.

5 Item Augustinus in litera inducitur sic dicens, Animæ quæ sine fide operante per dilectionem eiusque sacramentis de corpore exierunt, frustra illis à suis huiusmodi pietatis officia impenduntur.

6 Item, Communiter cantat Ecclesia, In inferno nulla est redemptio. Ergo nec relaxatio per suffragia.

*Solutio.*

RESPONSIO. Dicendum videtur mihi, quod cum in inferno duplex sit pœna, scilicet sensus, & vermis conscientiæ: quantum ad sensum pœnæ nihil omnino prosunt suffragia damnatis. Sed vermis conscientiæ remordet de tribus, scilicet de commissis, & omissis, & quod nec dignus habitus est ut alius pro eo aliquod bonum faciat. Quantum ad duo prima non mitigatur vermis: sed quantum ad tertium potest mitigari, quia quando fit bonum pro eo, non potest dicere, quod non sit dignus habitus ut pro eo ab alio saltem bonum fieret. Infra tamen sequenti distinctione reuertemur ad hanc quæstionem, & ibi disputabimus de omnibus opinionibus antiquorum, & de litera. Concedo ergo inductas auctoritates simpliciter, dicendo ad primum, quod damnatio in litera largè accipitur pro punitione: quia sic valent suffragia his qui sunt in purgatorio, vel ut absoluantur, vel ut non statim absoluantur, sed pœna mitigetur aut breuietur.

AD ALIUD dicendum, quod duplex est D. Alb. Mag. in Lib. 4. Sentent.

miserericordia, scilicet liberans, & relaxans. Liberantem autem non sentiunt damnari, sed relaxantem, & non in suffragiis, sed in hoc quod citra condignum puniuntur.

AD ALIUD dicendum, quod non sicut in idololatriis inuentum est idolothyrum sub tunicis eorum militum, sed potius sicut eorum qui auaritia veniali aurum quod ad decorem idolorum oblatum fuerat, acceperunt ut victores accipiunt iure belli. Et hoc verum esse probat litera circumstantia: & quia illi peccauerunt venialiter, eis suffragia Iudæ prodesse potuerunt.

AD ALIUD dicendum, quod Dionys. loquitur tantum quantum ad conditionem domini perseuerantiæ: quia in hoc melior est defunctus in bono, quam viuus: & ideo non valet quod ulterius infertur, quia viuus emendari potest, & non mortuus, sicut patet in auctoritate Gregorij inducta.

AD ALIUD dicendum, quod ex hoc quod fuit in Ecclesiæ numero, multa alia bona consequitur, scilicet originalis dimissionem, & forte multorum aliorum, & retractionem ab aliis peccatis, & præcipue quod est omnium maximum, euitationem infidelitatis: sed non puto, quod aliquis plus habeat de suffragiis, quam alius: & in argumento est fallacia consequentis, sicut si sic argueretur, aliquid consequitur: ergo istud.

AD ALIUD dicendum, quod loquitur de lubrico mortali & vapulatione temporali emendatoria, pro qua oportet pœnitentiam sustinere: & si loquitur de vapulatione futura, tunc loquitur de lubrico veniali: & tunc argumentum contra non valet, quia licet illud remittatur, tamen virtute pietatis remittitur citius & leuius.

AD ALIUD dicendum, quod tunc erunt impij in statu quo emendari non poterunt: & tunc est eis iusta pœna. Vnde sicut iudici iniquum esset iustam pœnam ex sententia meritam mutare, ita iniquum esset tunc mutare obstinatam eorum voluntatem: & ideo suffragia Ecclesiæ ad hoc non ordinantur.

AD ALIUD dicendum, quod remediabilitas peccati valet homini quoad statum emendationis, quem diabolus nunquam habuit, & non quoad statum futuræ damnationis: & hoc est quod dicit Dam. quod oportet scire, quod hoc quod in Angelis est casus, est mors in hominibus: quia sicut Angelis post casum non est reditus ad gratiam, ita nec homini est reditus ad pœnitentiam.

AD VLTIMUM dicendum, quod si iuste dicta esset pœna, nisi iudex iustitiam suam negare vellet, ipse pro toto mundo non mutaret: & ita Deus se negare non potest vel iustitiam suam, sicut dicit Apostolus 2. Tim. 2. Si negauerimus, ille fidelis permanet, seipsum negare non potest. Et ideo non recipit pro illis aliqua Ecclesiæ suffragia.



## ARTICVLVS IV.

*An suffragia profint his qui sunt in purgatorio?*

**Q**uarto quæritur, Vtrum profint illis qui sunt in purgatorio? Viderur enim, quod non: iusti enim iudicis est non relaxare pœnam iuste inflictam: sed pœna purgatorij iuste est inflicta: ergo relaxari non debet.

2 Item, Ad hoc quod aliquid agat in aliud, oportet quod pertingat vsque ad ipsum: sed virtus viui non pertingit ad mortuum: ergo videtur, quod non agit in ipsum: ergo non valet ei suffragium.

3 Item, Non sunt de foro Ecclesiæ: ergo opera Ecclesiæ non valent ipsis si pro eis fiant.

*Sed contra.*

**I**N CONTRARIUM est totum, quod dicitur in litera. Item, Quorum vna est charitas vniens in vno corpore, horum est communicatio bonorum adinuicem: sed vna charitas Ecclesiæ militantis est his qui sunt in purgatorio: ergo est communicatio bonorum: ergo necessario bona communicantur eis in purgatorio per modum suffragij.

2 Item, Minus videtur, quod illi qui sunt in purgatorio suffragentur viuis, quam è conuersio: & suffragantur illis: ergo, &c. Probatur prima ex hoc, quod viui sunt in statu merendi maiorem coronam, & illi non. Secunda scribitur in quarto dialog. Gregorij, qui dicit, quod Paschasius cum esset in inferno, adhuc fecit miraculum, sanando quemdam ad se clamantem, & feretrum eius tangentem.

*Solutio.*

**R**ESPONSIO. Absque ambiguitate tenendum est, quod suffragia profunt eis qui sunt in purgatorio, sicut in litera dicitur.

**A**D PRIMVM ergo dicendum, quod illa pœna non est ita confirmata vt in alium diuidi non possit: & ideo relaxari potest in toto & in parte.

**A**D ALIVD dicendum, quod pertingit virtute, non actu, & faciens pertingere est charitas communicans omnia bona quæcumque sunt in corpore mystico.

**A**D ALIVD dicendum, quod hoc non impedit, sicut supra in secundo huius quæstionis articulo dictum est.

## ARTICVLVS V.

*An suffragia profuerint patribus in limbo?*

**Q**uinto quæritur, Vtrum profuerunt patribus in limbo? Viderur, quod sic: quia non valde mali fuerunt, & illis profunt: ergo & patribus tunc profuerunt.

2 Item, Dum viuerent, seipso dignos fecerunt, vt hæc eis prodesse possent: ergo profuerunt eis.

3 Item, In loco fuerunt vbi indiguerunt, & digni fuerunt vt talia eis prodesse possent: ergo crudele fuisset nõ recipere suffragia pro eis.

*Sed contra.*

**I**N CONTRARIUM est: quia impossibile

est eos purgari: quia nihil habuit purgari, qui nihil habuit purgandum quod sit peccatum personale: sed in talibus nihil erat purgandum: ergo non purgabantur per suffragia Ecclesiæ.

2 Item, Non oportet illi suffragari, qui nullam propter se experitur pœnam iudicis: sed tales fuerunt patres in limbo: ergo non profuerunt eis suffragia.

**Q**UOD CONCEDENDVM EST: & huius *Solutio.* causa est, quia in omnibus satisfecerunt, quæ ab homine fieri poterant: sed tamen quia non erat solum pretium pro debito Adæ, spe felici solutionem ipsius pretij expectabant, sicut in principio istius libri, tractatu de circuncisione dictum est.

**A**D PRIMVM ergo dicendum, quod verum est, quod non sunt valde mali, quia fuerunt valde boni, qui talibus non indigebant.

**A**D ALIVD dicendum, quod dignitas patrum in vita huiusmodi indigentiam suffragiorum excessit: vnde potius alios qui erant in purgatorio iuuare poterant, quam iuuarentur ab ipsis.

**A**D ALIVD dicendum, quod est duplex indigentia, scilicet naturæ, & personæ. Naturæ indigentia fuit impossibilitas solutionis pretij pro tota natura quam Adam vitiauit & perdidit: & hæc indigentiam nullus nisi Christis mediator Dei & hominum auferre poterat, & in illa fuerunt patres, & contra hanc non ordinabatur suffragium Ecclesiæ, quia impossibile erat hoc homini puro. Alia ponitur indigentia personæ à personali defectu & insufficientia meriti proprii: & ad eius adiutorium ordinatur Ecclesiæ meritum & suffragium: & in tali indigentia non fuerunt patres, sed potius in abundantia ingressi sunt sepulchrum, & defossi securi dormierunt vsque ad Christi aduentum, vt dicitur Iob. 2.

## ARTICVLVS VI.

*An profint suffragia pueris baptizatis?*

**S**exto quæritur, Vtrum profint pueris non baptizatis? Viderur, quod sic: quia illi non non habent nisi peccatum alienum: ergo debet etiam eis prodesse alienum meritum: hoc autem fit per suffragia Ecclesiæ: ergo suffragia debent prodesse talibus pueris.

2 Item, Minus peccatum est alienum, quam proprium quantuncumque paruum: & proprium veniale non obstat suffragio: ergo nec alienum: ergo talibus profunt, qui non habent nisi alienum: tales autem sunt pueri: ergo suffragia profunt pueris.

3 Item, Illi nullo modo possunt dici valde mali: talibus autem profunt: ergo & illis profunt.

**I**N CONTRARIUM est, quod decedunt sine gratia: sed decedens sine gratia, imperceptibilis est ad gratiæ perceptionem: ergo nunquam de cætero gratiam percipere poterunt: sed nunquam dimittitur peccatum sine gratia: ergo peccatum illorum non dimittitur propter aliquod suffragium.

**E**T hoc est concedendum.

*Solutio.*

**E**T



Et Ad primum dicendum, quod quandiu sunt in statu merendi, tunc potest eis prodesse meritum alienum, & precipue meritum Christi in sacramento regenerationis: sed in alio statu confirmati sunt: & ideo peccatum efficitur immobile, non ex magnitudine peccati, sed ex statu & sententia diuina.

Ad Aliud dicendum, quod ut dictum est, peccatum non facit hoc, sed sententia diuina & status.

Ad Aliud dicendum, quod intelligitur de his non valde malis, qui dum viuerent, se dignos fecerunt ut talia eis prodesse possent: & hoc non fecerunt illi paruuli, qui nihil omnino fecerunt boni vel mali.

## ARTICVLVS VII.

*An suffragia prosint Sanctis in patria?*

Septimo queritur, Vtrum prosint Sanctis in patria? Videtur, quod sic: quia quanto aliquis dignior est ut prosit ei, tanto magis valet intercessio ab alio pro se facta: sed Sancti dignissimi sunt: ergo maxime valet eis intercessio Ecclesie.

2 Item, Humana pietas intercessionem recipit pro augenda hereditate amici vel filij: sed amor est pietas diuina: ergo citius recipit intercessionem Ecclesie ut augeatur eis pramium in patria: ergo valent eis intercessionem.

3 Si dicas, quod non indigent. Contra: Præmium eorum crescere potest, quia non est in summo: ergo hoc maius fieri potest suffragiis bonorum.

4 Item, Plus est in naturis dare esse substantie, quam augere quod datum est: ergo similiter est in diuinis, si aliquis alicui impetrat primam gratiam quæ dat esse spirituale, potest etiam in patria huiusmodi gratie impetrare augmentum: ergo locum habet suffragium Ecclesie etiam in Sanctis.

*Sed contra.* IN CONTRARIUM huius est, quod dicitur litera: quia Sancti qui sunt in patria, non indigent: ergo talibus non iuuantur.

*Solutio.* 2 Item, Minor non iuuat maiorem, sed è conuerso: cum ergo minimus in regno celorum, maior sit maximo qui est in Ecclesia militante, videtur quod in nullo suffragatur existenti in ipso. Et hoc est concedendum: & causa est, quia confirmati sunt & crescere etiam merito proprio de cætero in substantiali præmio non possunt.

Ad primum ergo dicendum, quod licet dignissimi sint, non tamen accipiunt suffragium ecclesie, sed potius ex dignitate habent, quod aliis impendere possunt suffragia.

Ad Aliud dicendum, quod hoc facit humana pietas: quia nullum filiorum sufficienter dotare potest, quin indigeat pluribus: sed quilibet in regno celorum ita est dotatus, ut non amplius velit quam habet, & confirmatus est in illo.

Ad Aliud dicendum, quod non indiget: & hoc est quod dicitur, quod substantiale præmium crescere non possit: quia licet maius possit esse, non tamen maius esse potest in isto qui confirmatus est.

Ad Aliud dicendum, quod vtrumque cadit sub merito alieno in statu viz, sed post hunc statum neutrum cadit sub merito alieno.

## ARTICVLVS VIII.

*Quæ suffragia magis valeant?*

Octavo queritur, Quæ suffragia magis valeant? Dicitur autem in litera, quod orationibus & sacrificio salutari & eleemosynis iuuantur: ergo videtur, quod ista sint præcipua.

2 Item, Ista tria rectè ordinantur contra peccata spiritus: quia dicit Beda, quod oratione curantur pestes spiritus, & eleemosyna ex rerum amore contractæ: sacrificium autem recipitur pro debitis, è quod Christus pro nobis soluit pretium: ergo videtur, quod ista sunt præcipua.

3 Sed tunc videtur, quod diminutè ponit: quia ieiunio debent curari pestes corporis: & illa non sunt hîc nominata: ergo, &c.

4 Item, Ecclesie vsus est iniungere peregrinationes crucis præcipue ad terram sanctam pro tota pœna purgatoria in vna, vel decem animabus, vel paucioribus, vel pluribus: ergo videtur, quod illa maxime valeat ipsis.

*Solutio.* RESPONSIO. Dicendum, quod in veritate secundum dicta Gregorij in 4. dialogorum, nihil tantum expetunt animæ pro se fieri, sicut sacrificium salutare. Et hoc idem dicit Beda in historia Ecclesiastica Anglorum. Et deinde orationes & eleemosynas, & alia quæ iniungit Ecclesia. Vnde litera non tangit omnia, sed præcipua.

Ad id ergo quod obiicitur de ieiunio, dicendum quod ieiunium potius præcidit pestes in corpore ieiunantis: & quia mortui non habent plus domare carnem, ideo ieiunianon habent multum fieri pro ipsis, sed ea quæ dicta sunt: oratio enim est ad Deum, & eleemosyna ad pauperem, in quo consolatur Deus & pascitur: & sic inductus Deus relaxat pœnas defunctorum.

Ad Aliud dicendum, quod Ecclesia hoc facit de potestate clauium potius, quam virtute suffragij: & ideo thesauros suos tunc deriuat ad defunctos, ut fideles citius ad votum inducantur. Et de hoc plura requirenda sunt supra quæstione de indulgentiis.

## ARTICVLVS IX.

*Qui sunt illi, per quos debent fieri suffragia?*

Nono queritur, Per quos fieri debeant? Videtur, quod per existentes in charitate: quia dicitur Ioan. 19. Scimus, quia Deus peccatores non audit. Si ergo eleemosyna datur ab eo qui non existit in charitate, vel oratur à tali, videtur quod non valet suffragium.

3 Item Gregorius, Cum is qui displicet ad intercedendum mittitur, irati iudicis animus ad deteriora prouocatur. Ergo videtur, quod

DDD d 4 cum



cum tales suffragantur, potius crescat eis pena, quam diminuat.

*Sed contra.*

IN CONTRARIUM est, quod secundum hoc oporteret querere quando datur elemosyna pauperibus ut orant pro aliquo, utrum sint in charitate, vel non: & hoc esset difficile.

*Solutio.*

RESPONSIO. Dicendum, quod suffragium licet executiue sit viui, tamen ut causæ inductiue est mortui opus: & ideo puto, quod secundum charitatem mortui informatur: &

ideo si sit ab eo qui non est in gratia, valet: sed tamen melius esset, quod factum esset ab eo qui est in gratia.

AD PRIMUM ergo dicendum, quod peccatores non audit pro se orantes.

AD ALIUD dicendum, quod loquitur Gregorius in alio casu, quando aliquis ex confidentia propria & propriorum actuum nititur intercedere, & non quando est sicut instrumentum quasi ab alio motum, ut dictum est prius.

### De officiis sepulturae.

B  
Serm. de  
verbis  
Apost. &  
de ciui.  
Dei. lib.  
I. c. 12. &  
in lib. de  
cura pro  
mortuis  
gerenda.  
cap. 2.  
Lucæ. 16.

**D**E pompis verò exequiarum idem Augustinus ita dicit, Pompa funeris, agmina exequiarum, sumptuosa diligentia sepulturae, viuorum sunt qualiacunque solatia, non adiutoria mortuorum. Quia si aliquid prodest impio sepultura pretiosa, oberit pio vilis, vel nulla. Præclaras exequias in conspectu hominum purpurato illi diuiti exhibuit turba famulorum: sed multo clariores in conspectu Domini, vlceroso illi pauperi ministerium exhibuit Angelorum, qui eum extulerunt non in marmoreum tumulum, sed in Abrahamæ gremium. Sit tamen cura mortuos sepeliendi, & sepulchra construendi: quia hæc in Scripturis sanctis inter bona opera deputata sunt: nec solum in corporibus patriarcharum aliorumque sanctorum, sed etiam in ipsius Domini corpore qui ista fecerunt, laudati sunt. Impleant igitur homines erga suos officia postremi muneris, & sui humani lenimenta mæroris. Verum illa quæ adiuuant spiritus defunctorum, scilicet oblationes, orationes, multo obseruantius procurent.

Gen. 13.  
& 15. &  
35. & 50.

### ARTICVLVS X.

*Utrum peccent illi, qui pompas exequiarum faciunt?*

**D**Einde queritur de hoc quod dicit ibi [De pompis verò exequiarum] Et queritur, Utrum peccent illi qui tales pompas faciunt? Videtur, quod non: quia sancti viri hoc fecerunt, sicut dicitur 1. Machab. 13. Symon ædificauit super sepulchrum parentum suorum ædificium altum visu, & posuit septem pyramides.

2 Item Isa. 2. dicitur, Erit sepulchrum eius gloriosum. Ergo videtur, quod hoc fieri debeat etiam circa sanctorum corpora.

3 Item, Circa sepulchrum Domini facta sunt talia: ergo etiam debent fieri circa sepulchra aliorum.

*Questiō-  
nalia.*

VLTERIVS queritur, Utrum peccatum sit talia facere malis? scilicet sepelire eos in loco sancto, & ornare eorum sepulchra? Videtur, quod sic: quia corpus prophanum non est ponendum in loco sacro: ergo peccat qui ponit.

2 Ad idem narrat Gregorius in dial. quod quidam malus in loco sancto sepultus, per daemones eiectus est.

3 Item, Iste est immundior quam cænum: & constat si quis ibi poneret cænum, quod ipse peccaret: ergo & ille qui ponit ibi impium.

4 Item, Impiis etiam non debetur secundum iura nisi sepultura asini: ergo peccant qui eos aliter sepeliunt.

5 Item Isa. 14. dictum est de regre Babylonis malo, quod non habebit cum regibus consortium etiam in sepultura: ergo ut prius.

IN CONTRARIUM est, quod elemosyna danda est omnibus propter sustentationem naturæ: sed sepultura est species elemosynæ, sicut dicitur Iob 7. ergo nulli est neganda.

2 Item, Dignitas quædam naturalis inest corpori humano: ergo ad horrorem non est inhumatum dimittendum: ergo sepeliendus est omnis homo quantuncumque indignus.

Ad primam partem harum obiectionum, dicendum, quod bonorum & sanctorum sepulchra sunt ornanda propter ostensionem gloriæ resurrectionis eorum: & ideo bene concedo inducta.

AD ALTERAM partem dicendum, quod omni homini conceditur sepultura asini vel hominis, sicut dicunt iura: & bene concedo, quod nisi fiat propter terrorem omnis hominis corpus debet humari: propter horrorem enim non humanur latrones, & huiusmodi scelerati homines. Et sic intelliguntur aliæ obiectiones inductæ. Etiam excommunicati non humanur in loco sacro, licet propter factorem sepeliuntur sepultura asini. Et per hoc patet solutio ad totum.

De



*De duobus aequè bonis, quorum alter plura post mortem  
habet auxilia.*

**S**OLET moueri quæstio de duobus, vno diuite, altero C  
paupere, pariter sed mediocriter bonis, qui prædictis suf-  
fragiis indigent, & meruerunt pariter post mortem iuuari:  
pro altero vero, id est, pro diuite, speciales & communes  
funt orationes, multæque eleemosynarum largitiones: pro paupere verò  
non fiunt nisi communes largitiones & orationes. Quæritur ergo, an  
tantum iuuetur pauper paucioribus subsidiis, quantum diues ampliori-  
bus? Si non pariter iuuatur, non ei redditur secundum merita. Meruit  
enim pariter iuuari: quia pariter boni extiterunt. Si verò tantum suf-  
fragij consequitur pauper, quantum diues: quid contulerunt diuiti  
illa specialiter pro eo facta? Sanè dici potest, non ei magis valuisse  
generalia & specialia, quam pauperi sola generalia suffragia. Et tamen  
profuerunt diuiti specialia, non quidem ad aliud vel maius aliquid, sed  
ad idem ad quod generalia, vt ex pluribus & diuersis causis vnum per-  
ciperetur emolumentum. Potest tamen dici aliter, illa plura subsidia  
contulisse diuiti celeriores absolutionem, non pleniores.

*Quibus suffragiis iuuabuntur mediocriter boni qui in fine inueniuntur.*

**S**ED iterum quæritur de aliquo mediocriter bono, qui D  
talibus indigens suffragiis in ipso consummationis articulo  
cum reliquis migrabit, si saluus fuerit: pro eo non offertur  
vltius sacrificium, vel oratio, vel eleemosyna: nec habebat  
tantæ perfectionis merita, quæ suffragiis non egerent. Nunquid ergo  
saluabitur? Existimo eum quasi per ignem transeuntem, saluari meritis <sup>1. Cor. 13.</sup>  
& intercessionibus cælestis Ecclesiæ, quæ pro fidelibus semper intercedit  
voto & merito, donec impleatur Christus.

# ARTICVLVS XI.

*An potior sit conditio diuitis quam pauperis,  
& an melius sit facere suffragia  
communia quam specialia?*

**D**Einde quæritur de hoc quod dicit *ibi*  
[Solet moueri quæstio] Ex hoc enim vi-  
detur, quod potior sit conditio pauperis quam  
diuitis: & hoc falsum est, quia paupertas lau-  
datur, & diuitiæ vituperantur.

*Quæstio-  
cula.* VLTIVS quæritur, Vtrum melius sit  
facere suffragia communia, quam specialia?  
Videtur, quod melius sit communia facere:  
quia suffragia particularia trahunt vim à cha-  
ritate, eò quod charitas communicat bona:  
ergo quantò communiora, tantò meliora.

2 Item, Hieronymus dicit, quod meliora  
sunt communia, quam priuata.

*Sed con-  
tra.* IN CONTRARIVM huius est, quod Gre-  
gorius instituit orationes speciales pro famulo  
& famula: ergo magis valent illæ, quam com-  
munes.

2 Item, In litera dicit specialia valere ad  
specialiorem redemptionem, licet non ad ple-  
niores: ergo magis valent.

AD HOC dicendum, quod cum suffragia *Solutio.*  
sint per modum satisfactionis pro peccato, &  
peccata sint propria non communia, videtur  
mihi, quod magis valeant suffragia specialia &  
propria: & ideo etiam in litera dicit, quod ci-  
tius liberatur qui habet multa specialia.

AD PRIMVM ergo dicendum, quod  
comparatio intelligitur inter eos qui cetera  
habent paria. Et nihil prohibet conditionem  
diuitis secundum quid esse meliorem, quam  
pauperis, licet simpliciter sit e conuerso.

AD ALIVD dicendum, quod charitas est  
forma omnis boni siue communis siue priuati:  
& ideo in obiectione illa non probatur, quod  
meliora sint communia. Vel dicendum, quod  
communia sunt meliora quoad coronam æter-  
nam, sed priuata sunt meliora quoad emenda-  
tionem delicti.

AD ALIVD patet solutio: quia dictum  
Hieronymi intelligitur quantum ad adeptio-  
nem coronæ.

*Quomodo*



*Quomodo sancti glorificati audiunt preces supplicantium & quomodo intercedunt pro nobis ad Dominum.*

Hugo de  
sacra-  
mentis.  
lib. 2.  
parte 16.  
c. vlt.



**E**D fortè quæris, Nunquid preces supplicantium sancti audiunt, & vota postulantium in eorum notitiam perueniunt? Non est incredibile animas sanctorum, quæ in abscondito faciei Dei veri luminis illustratione lætantur, in ipsius contemplatione ea quæ foris aguntur intelligere, quantum vel illis ad gaudium, vel nobis ad auxilium pertinet. Sicut enim Angelis, ita & sanctis qui Deo assistunt, petitiones nostræ innotescunt in verbo Dei quod contemplantur. Vnde & dicuntur Angeli orationes & vota nostra offerre Deo: non quia eum doceant, sed quia eius voluntatem super eis consulunt. Vnde August. Angelis qui sunt apud Deum, innotescunt petitiones nostræ, ut quodammodo offerant Deo, & de his consulant: & quod Deo iubente implendum esse cognouerint, hoc nobis euidenter vel latenter reportent. Vnde & Angelus hominibus ait, Cum oraretis, orationem vestram obtuli Deo. Ad omnia quidem scienda sufficit Deo sua perfectio: habet tamen nuntios, id est, Angelos, non qui ei quæ nescit annuntient (non enim sunt vlla quæ nesciat) sed bonum eorum est de operibus suis eius consulere veritatem: & hoc est quod dicuntur nonnulla nuntiare: non ut ipse ab eis discat, sed ut ab eo ipsi per verbum eius sine corporali sono nuntiant etiam quod voluerit ab eo missi ad quos voluerit, totum ab illo per illud verbum eius audientes, id est, in eius veritate inuenientes, quid sibi faciendum, quibus & quando nuntiandum sit. Nam & nos orantes eum non eum docemus: quia nouit (ut ait verbum eius) pater vester quid vobis necessarium sit priusquam petatis ab eo. Nec ista ex parte cognouit: sed futura omnia temporalia, atque in eis etiam quid & quando ab illo petitori fueramus: & quos, & de quibus rebus vel exauditurus, vel non exauditurus esset, sine initio ante præsciuit. Non ergo dicitur Angelus orationes nostras offerre Deo, quasi Deus tunc nouerit quid velimus & quo indigeamus: quæ omnia antequam fiant, sicut & postquam facta sunt, nouit: sed quia necesse habet rationalis creatura temporales causas ad æternam veritatem referre, siue petendo quid erga se fiat, siue consulendo quid faciat.

August.  
ibidem  
cont.  
nuè.  
Matt. 6.  
Aug. lib.  
de gratia  
Noui &  
Veteris  
Testa-  
menti.  
Super  
illud  
Phil. 4.  
Gaude-  
te.

*Quod dictum de Angelis, attribuit sanctis animabus.*

F



**S**I autem Angeli à Deo per verbum eius discunt petitiones nostras, & quid de his implendum sit, & quid non. Cur non credamus & animas Sanctorum Dei faciem contemplantium, in eius veritate intelligere preces hominum, & quæ implendæ sint vel non? Inde est quod Deus dicitur exaudire preces quorundam, non solum quando effectui mancipat, sed etiam quando innotescit curi Angelorum & sanctarum animarum quid inde futurum sit vel non: & quod cognoscunt in Dei voluntate esse, volunt & ipsi. Adeo enim  
supernæ



## In Lib.4. Sentent. Distinct. XLVI. 875

supernæ voluntati addicti sunt, ut nihil præter eius voluntatem queant velle. Intercedunt ergo ad Deum pro nobis Sancti: & merito, dum illorum merita suffragantur nobis: & affectu, dum vota nostra cupiunt impleri: quod tamen non faciunt, nisi in voluntate Dei, implenda didicerint. Oramus ergo ut intercedant pro nobis, id est, ut merita eorum nobis suffragentur, & ut ipsi velint bonum nostrum, quia eis volentibus Deus vult, & ita fiet. Ex præmissis constat, quòd cum quibusdam misericordius agit Deus quam eorum peccata meruerint, scilicet cum mediocriter malis, qui suffragiis Ecclesiæ iuuantur.

### ARTICVLVS XI.

*An Sancti audiant preces supplicantium?*

**D**Einde quæritur de hoc quod dicit [Sed fortè quæris, Nunquid preces supplicantium?] Videtur enim, si non audiunt sancti preces hominum naturaliter, sed tantum per reuelationem verbi, quòd imperfectiores sunt nobis: quia nos audimus vota aliorum & per reuelationem, & naturaliter: animæ autem in purgatorio existentes non audiunt, nisi per reuelationem, ut dicit in litera.

2 Item, Si naturaliter audiunt siue percipiunt, quærat, quæ sit illa cognitio? Scientia

enim acquisita non manet in eis, ut habitum est super tertium: & organa quibus fiet abstractio, non habent: ergo videtur, quòd vota hominum eis per naturam innoscere non possunt.

**R E S P O N S I O.** Dicendum sine præiudicio, quòd animæ exutæ corporibus, habent formas creationis sicut Angeli, & illis loquuntur & audiunt sicut Angeli. Et quid sit hoc, super secundum est notatum. Magister tamen in litera non facit mentionem de illo modo: quia non est gloriæ actus, nec sublimissimus in anima, sed naturalis: quòd autem anima non est modo in illa cognitione, est propter sensuum cognitionem, circa quam occupatur, ut dicit Augustinus.

*Solutio.*



## DISTINCTIO XLVI.

*Si valde malis detur mitigatio pœne.*



**E**D quæritur hîc de valde malis, vtrum & ipsi in aliqua A pœnarum mitigatione Dei misericordiam sentiant, ut minus quam meruerint puniantur? Quidam autem eos nullam releuationem pœnæ habituros quòd confirmant Iacobi auctoritate dicentis, Iudicium sine misericordia fiet illi, qui non fecit misericordiam.

Augustinus etiam ait: Misericordia hîc, iudicium in futuro. Idem distinguens quomodo omnes viæ Domini sint misericordia, & veritas, ait, Erga Sanctos, omnes viæ Dei misericordia: erga iniquos, omnes veritas: quia & in iudicando subuenit, & ita non deest misericordia: & in miserando id exhibet quòd promisit, ne desit veritas. Erga omnes autem quos liberat & condemnat, omnes viæ sunt misericordia & veritas: quia vbi non miseretur, vindictæ veritas datur. Dicens vbi non miseretur, dat intelligi aliquid à Deo fieri, vbi ipse non miseretur. Sed his occurrit quòd ait Cassiodor. super Psalm. 50. loquens de misericordia & pietate Dei. Hæ duæ, inquit, res iudicio Dei semper adiunctæ sunt. Ergo & in punitione malorum non est iustitia sine misericordia. Idem de iudicio & misericordia ait, Hæc duo mutua societate sibi iunguntur.

*De statu & conditione malo-rum post mortem. Iacob. 2.*


*Super octonarium. 19. Matt. 5.*

*Idem Cassiod. super Ps 100.*



In ench. guntur. In his breuiter omnia opera Dei includit. Augustinus quoque respondens illis qui reproborum supplicia finem habitura contendunt, ita illorum repellit opinionem, asserens reprobos perpetuò puniendos, ut eorum supplicia mitigari aliquatenus non neget. Frustra, inquit, nonnulli æternam damnandorum pœnam & cruciatus sine intermissione perpetuos humano miserantur affectu, atque ita futurum esse non credunt: non quidem scripturis aduersando diuinis, sed pro suo motu dura quæque molliendo, & in lentorem flectendo sententiam, quæ putant in eis terribilius esse dicta quam verius. Non enim (inquiunt) obliuiscetur misereri Deus, aut continebit in ira sua misericordias suas. Hoc quidem in Psalmo legitur: sed de his intelligitur, qui sunt vasa misericordiæ: quia & ipsi non pro meritis suis, sed Deo miserante de miseria liberantur. Aut si hoc ad omnes æstimant pertinere, non idèò necesse est ut damnationem opinentur finiri posse eorum, de quibus dictum est, Ibunt hi in supplicium æternum. Ne hoc modo putetur habitura finem felicitas eorum: de quibus è contrario dictum est, Iusti autem in vitam æternam. Sed pœnas damnatorum certis temporibus æstiment (si hoc his placet) aliquatenus mitigari. Et sic quippe intelligi potest manere ira Dei in illis, id est, ipsa damnatio. Hæc enim vocatur ira Dei, non diuini animi perturbatio: ut in ira sua, id est, manente ira sua, non contineat miserariones suas, non æterno supplicio finem dando, sed leuamen adhibendo vel interponendo cruciatibus: quia nec Psalmus ait ad finiendam iram suam, vel post iram suam, sed in ira sua. Quæ si sola esset, alienari à regno Dei, & carere magna multitudine dulcedinis Dei, tam grandis tamen est pœna, ut ei possint nulla tormenta quæ nouimus, comparari: si illa sit æterna, ista autem sit quamlibet multis seculis longa. Manebit ergo sine fine mors perpetua damnatorum: & ipsa omnibus erit communis, sicut manebit communiter omnium vita æterna Sanctorum. Ecce ita asserit hîc pœnas reproborum non esse finiendas, quòd non improbat, si dicatur eorum supplicio aliquod leuamen adhiberi. Vnde non incongruè dici potest, Deum etsi iustè id possit, non omninò tantum punire malos in futuro quantum meruerunt: sed eis aliquid, quantuncunque mali sint, de pœna relaxare.

*Determinat præmissas auctoritates.*

B  V O D ergo dictum est, iudicium sine misericordia fieri illi qui non fecit misericordiam: ita intelligi potest, quòd iudicium damnationis fiet illi, qui non fecit misericordiam, pro eo quod fuit sine misericordia. Vel fiet iudicium & sine misericordia liberante & saluante: qui tamen in aliqua pœnæ alleuiatione misericordiam Dei sentiet. Ita cum dicitur misericordia hîc, iudicium in futuro: non negatur quin in futuro sit misericordiæ effectus, & in electis qui per misericordiam ab omni miseria liberabuntur, & in reprobis qui minus quam meruerint cruciabuntur. Sed hîc non sine causa dicitur fieri Dei misericordia, & iudicium in



in futuro: quia & hîc multis modis miseretur Deus, quibus non miserebitur tunc. Vocat enim Deus nunc peccatores & iustificat, <sup>Lucæ. 5.</sup> quod tunc non faciet: & tunc reddens singulis secundam merita sua, manifestè iudicabit, qui nunc occultè iudicat. Cuius occultum iudicium (vt ait Augustinus) intelligitur pœna qua quisque vel exerceatur ad purgationem, vel mouetur ad conuersionem: vel si contemnit, excæcatur ad damnationem. Occultum ergo iudicium Dei, pœna dicitur, qua iudicat purgando, conuertendo, vel excæcando. Iudicia quoque Dei interdum appellantur dispensationes eius de omnibus rebus. Vnde, Quam incomprehensibilia sunt iudicia eius. Et, Iudicia <sup>Rom. 11. Psa. 35.</sup> eius abyssus multa. Iudicium autem quo in futuro iudicabit, intelligitur sententia iudicis, qua ventilabitur area, id est, diuidentur localiter boni à malis ministerio Angelorum: & isti in vitam ducentur, illi <sup>Matt. 25.</sup> in supplicium mittentur, qui nunc simul mixti sunt.

*De iustitia & misericordia Dei.*

**S**ED quomodo iustitiam Dei & pietatem, id est, misericordiam supra Cassiodorus duas esse res dixit, quæ semper adiunctæ sunt iudicio Dei? Iustitia enim Dei & misericordia non duæ res sunt, sed vna res, id est, vna diuina essentia est, sicut supra pluribus auctoritatibus ostensum est. Quia non est Deo aliud esse misericordem, quam misericordiam: nec iustum, quam iustitiam: sed idem prorsus. Nec aliud est ei esse misericordem, quam iustum: vel misericordiam, quam iustitiam: sed omninò idem, quia non denominatiuè, sed essentialiter hæc de Deo dicuntur. Cur ergo dicit scriptura de operibus Dei, quædam esse misericordiæ, quædam iustitiæ? Si enim iustitia Dei, misericordia est: quæcunque sunt opera misericordiæ, esse videntur iustitiæ, & è conuerso. His responderi potest sic, illis locutionibus quibus huiusmodi operum sunt distinctiones, vt alia misericordiæ, alia iustitiæ, alia bonitati attribuantur: non diuersitas subiacentis, id est, rei his vocabulis significatæ exprimitur, sed varietas sensuum & effectuum in creaturis monstratur. Cum enim dicitur Deus iustus vel iustitia, essentia diuina prædicatur: & etiam quòd ipse sit distributor, & iudex meritorum, intelligi datur. Ita & cum dicitur misericors, essentia diuina prædicatur: & insuper quòd ipse sit miserorum liberator intelligi datur. Similiter cum dicitur bonus, essentia diuina prædicatur. Et cum dicitur Deus & insuper author omnium bonorum ostenditur. Ita & cum dicitur Deus, essentia diuina prædicatur, & ipse timendus ostenditur. Inde ergo quædam opera misericordiæ, quædam iustitiæ dicuntur: non quin diuina essentia hæc & illa operetur, & quin hæc & illa sint opera diuinæ essentiæ, quæ dicitur misericordia & iustitia: sed quia quædam sunt quibus ostenditur iudex & æquus distributor, quædam quibus ostenditur miserator. Misericors enim dicitur in natura, miserator in exhibitione. Et in quibusdam operibus dicitur effectus esse misericordiæ, in quibusdam effectus iustitiæ: non quòd aliud efficiat iustitia, aliud misericordia Dei si ad essentiam referas: sed quia ex quibus-



Super  
Jerem.  
c. 10. su-  
per il-  
lud.  
Qui fe-  
cit ter-  
ram in  
for.

dam effectibus intelligitur iudex, ex quibusdam miserator: vel, ut quibusdam placet, iustus & misericors. Sed secundum hoc occurrit quaestio, Quomodo ex aliis ostendatur iustus, & ex aliis misericors, cum sit idem ei esse iustum & esse misericordem? Si enim secundum eandem rationem dicitur iustus & misericors, ex eo opere quo intelligitur iustus, intelligitur misericors, & è conuerso. Sed dixi supra, quia cum dicitur Deus iustus & misericors, ita eadem diuina essentia significatur, & secundum eam idem prædicatur, ut etiam quædam diuersa intelligantur. Intelligimus enim per hoc eum esse miseratorem & iustum iudicem. Quod euidenter Origen. ostendit dicens, Omnia quæ Dei sunt, Christus est. Ipse sapientia eius, ipse fortitudo, iustitia, sanctitas, ipse prudentia, ipse veritas. Sed cum vnum sit in subiacenti pro varietate sensuum, diuersis nuncupatur vocabulis. Aliud enim significat sapientia, aliud iustitia. Quando enim sapientia dicitur, disciplinis te diuinarum humanarumque rerum instruere intelligitur. Quando iustitia, distributor vel iudex meritorum insinuat. Ita & prudentia cum dicitur, doctor, & demonstrator bonarum, vel malarum rerum, vel neutrarum intelligitur.

*Auctoritatibus probat quedam iustitiæ, alia misericordiæ, alia bonitati attribui.*

**D** V O D autem quædam opera misericordiæ, quædam iustitiæ, quædam bonitati attribuantur, in Scripturis facile est reperire. Et de misericordia quidem & iustitia manifestum est, de bonitate vero & misericordia amplius later. Sed Augustinus docet illa opera propriè ad misericordiam pertinere, quibus aliqui à miseria liberantur. Ad bonitatem verò non solum illa, sed facturam & gubernationem naturalium, ita dicens, Ad misericordiam pertinet, quòd à peccatis mundat, & de miseria liberat. Ad bonitatem verò, quòd cælum & terram, & omnia valdè bona creauit ut essent. Idem, Cæli non indigent misericordia, ubi nulla est miseria: in terra hominis abundat miseria, & superabundat Dei misericordia. Miseria ergo hominis & misericordia Dei plena est terra, non cæli, qui non indigent misericordia, indigent tamen regente Domino. Omnia enim indigent Domino, & misera, & felicia: quia sine illo miser non subleuatur, felix non regitur. Item alibi, Misericordia est erga miseros, bonitas erga quoslibet. Interdum tamen misericordia largè accipitur, ut bonitas.

Super  
Psal. 135.

Super  
Psal. 31.

Idem  
super  
illud.  
Secun-  
dum  
miseri-  
cordiam  
tuam  
memen-  
to mei  
tu.

*Quomodo vniuersæ viæ Domini dicantur misericordia & veritas.*

**E** O S T hæc considerari oportet, ex quo sensu vniuersæ viæ Domini dicantur misericordia & veritas. Hoc multiplicem recipit expositionem. Vniuersæ enim viæ Domini misericordia & veritas quibus ad nos venit, ut ait Augustinus super Psalm. intelliguntur duo aduentus. Primus, in quo manifestam & multiplicem

Psal. 14.



triplicem misericordiam nobis exhibuit: & secundus, in quo requirendo merita, iustitiam exhibebit. Vniuersa etiam via Domini, id est, quibus ad Dominum ascendimus, sunt iustitia, qua à malo declinamus: & misericordia, qua bonum facimus. In his enim duobus omne bonum meritum includitur. Sed cum superius Cassio. dixerit in his <sup>Ad Paul. 100.</sup> duobus omnia opera Dei includi, merito quari potest, An in omni opere Domini hæc duo mutuo sibi iungantur? Quibusdam placuit non in omni opere Domini hæc duo concurrere, secundum effectum dico: nam secundum essentiam non diuiditur misericordia à iustitia, sed vnum est. Verum secundum effectum non in omni opere Domini dicunt esse misericordiam & iustitiam: sed in quibusdam fatentur tantum misericordiam, in aliis iustitiam, atque in aliis misericordiam & iustitiam. Fatentur tamen Dominum omnia quæ fecit misericorditer agere & iuste: referentes rationem dicti ad Dei voluntatem, quæ iustitia est & misericordia: non ad effectus misericordiæ & iustitiæ, qui sunt in rebus. Aliis autem videtur, quod sicut dicitur Deus omnia opera sua iuste facere & misericorditer: ita concedendum sit, in omni opere Dei iustitiam esse & misericordiam, id est, clementiam, secundum effectum vel signum: quia nullum opus Dei est, in quo non sit effectus vel signum æquitatis & clementiæ, siue occultæ, siue apertæ. Aliquando enim manifesta est clementia siue benignitas, & occulta æquitas, aliquando è conuerso.

ARTICVLVS I.

*An diuisio quam supponit Magister, scilicet quod aliqui sunt valde boni, & aliqui valde mali, sit bona?*

**S**ed queritur hic de valde malis. In ista distinctione ponuntur duæ quæstiones. Vna ex intentione, scilicet si valde malis profuit suffragia? Et altera ex incidenti, scilicet vtrum in omni opere Dei sit misericordia & veritas *ibi* [Sed quomodo iustitiam Dei & pietatem, &c.] Quantum ad primum duo dicit, scilicet si valde malis aliqua sit misericordia. Et secundo determinat in contrarium inducta *ibi* [Quod ergo dictum est] Litera autem primæ partis planè disputata est in litera: ad quam intelligendam tria oportet inquirere, scilicet de diuisione illa quam supponit, quod sunt valde boni, &c. & de opinione Doctorum de valde malis. Et vtrum in omni opere Dei sit misericordia & veritas?

Ad primum sic obiicitur: Omnis diuisio debet esse per opposita: sed diuisio quadrimembris supra est habita: ergo inter se membra ad minus sunt disparata: ergo mediocriter boni, & mediocriter mali, sunt diuersa genera hominum.

2 Item, Differentia quadrimembris inuenitur in iudicandis, vt infra habebitur: sunt enim iudicandi perfecti: & iudicati damnati, qui sunt vt mediocriter mali: & non iudicati damnati, qui sunt vt valde mali. Cum ergo genera ista hominum differant in ordine iudicij, videtur quod hic habeant differentiam:

*D. Alb. Mag. in Lib. 4. Sentent.*

ergo mediocriter boni & mediocriter mali different.

3 Item, In moribus inuenitur ista diuersitas: sunt enim infideles, quorum malitia omnem aliam quæ est in moribus tantum, excedit: & sunt infideles qui saltem numero sunt de Ecclesia: & sunt boni imperfecti & boni perfecti: & constat, quod primi sunt valde mali, & secundi mediocriter mali, & tertij mediocriter boni, & quarti valde boni: ergo omnes isti status inter se differunt.

4 Item, Cum dicitur, Iste est mediocriter bonus: aut potest inferri, quod ipse sit simpliciter, aut non. Si sic: ergo cum in isto posset inferri, quod sit simpliciter bonus, eadem ratione in altero inferretur, quod ipse sit simpliciter malus: constat autem, quod bonus & malus differunt: ergo isti simpliciter different. Si autem non possit inferri, quod mediocriter bonus, sit simpliciter bonus: sed nullus saluatur, nisi qui est simpliciter bonus quantum ad omnis peccati mortalis immunitatem: ergo mediocriter bonus non saluatur, quod falsum est: ergo & hoc falsum, quod mediocriter bonus, non sit simpliciter bonus.

**I**N CONTRARIUM huius est, quod <sup>Sed contra.</sup> mediocriter bonus non dicitur nisi per distantiam à bono: non potest autem distare, nisi per immixtionem mali: ergo mediocriter bonus, est immixtus alicui malo. Similiter mediocriter malus non dicitur, nisi per maiorem accessum ad bonum: sed idem est mediocriter accedens, & mediocriter recedens re, licet ratione differant: ergo isti duo status supponunt vnum genus hominum.

2 Item, In mediis coloribus idem est mediocriter



mediocriter album & mediocriter nigrum : ergo similiter erit in medio inter bonum & malum.

3. Item, Idem in litera ab August. attribuitur utrique statui, scilicet iuari posse suffragiis: sed quorum est idem attributum, illa sunt eadem in supponendo se illi attributo: ergo isti duo status sunt vnus status.

4. Item, In litera est habitum, quod nulli valent suffragia, nisi ei qui se dignum fecit ut hæc ei possint prodesse. Ergo & mediocriter malus fecit se dignum, & similiter mediocriter bonus: sed nullus facit se dignum, nisi per gratiam: ergo vterque istorum habet gratiam: sed mediocriter boni & mali supposita gratia in subiecto non faciunt nisi statum vnum: ergo isti duo status sunt vnus status.

*Solutio.*

RESPONSIO. Dicendum, quod hoc problema oportuit disputare ante sequens: quia aliter sequens non esset intelligibile. Vnde diuersæ opiniones diuersimode solvunt: dicentes enim suffragia prodesse damnatis, concedunt primam obiectionum partem.

Et ad primum quod est contra, dicunt, quod distantia à bono non est per immixtionem mali, sed potius per statum imperfectionis venialium, sicut illi distant, qui ædificant lignum, fœnum, stipulam, de quibus supra in tractatu de pœnitentia habitum est. Et accessus ad bonum in mediocriter malis est per bona quæ dicuntur gratis data & de genere bonorum, sicut est fides informis danti elemosynam, & ieiunia, & huiusmodi, in peccato mortali: & ita non faciunt statum vnum.

AD ALIUD dicunt, quod non est simile de mediis coloribus: quia illi constituuntur per participationem duorum contrariorum: hic autem non est sic: quia medium inter bonum simpliciter & malum, non est participatione duorum per differentem recessum ab eodem, sed per statum imperfectionis, & per actum peccati mortalis cum participatione bonorum habilitantium ad gratiam.

AD ALIUD dicendum, quod secundum eos nihil prohibet idem per diuersas rationes attribui diuersis: & ita dicunt hic, quod ratione boni habilitantis ad gratiam, ad tolerabiliorem damnationem valent suffragia mediocriter malis. Et ratione gratiæ boni imperfecti valent mediocriter bonis ad velociorem absolutionem à pœnis.

AD VLTIMUM dicunt, quod est meritum duplex, scilicet congrui, & condigni. Meritum congrui ut eis valeant suffragia habent mediocriter mali: & meritum condigni ut citius per suffragia liberentur, habent mediocriter boni. Dicunt etiam, quod ista ipsorum opinio magis pia est & inductiua Ecclesiæ ad multa bona: & ideo magis tenenda & eligenda.

E CONTRARIO dicunt alij, quibus ego consentio, quod secunda pars obiectionum verè concludit. Et ad primum dicunt, quod ista diuisio non est per oppositas res, sed per oppositos modos rei: medijs enim modi sunt eiusdem rei, & tamen diuersarum rationum.

AD SECUNDUM autem dicunt, quod alius est ordo iudicandorum, & eorum quibus suffragatur Ecclesiæ: iudicandi enim (ut dicit Apo-

stolus) iudicantur secundum differentiam operum suorum: & hæc quadruplicia sunt secundum genus operum: sed Ecclesiæ nulli suffragatur, nisi cuius solubilis & diminuibilis est pœna: constat autem nullam pœnam inferni diminuibilem esse manente culpa secundum esse & quantitatem, quæ tota & sola est causa pœnæ infernalis. Et constat, quod culpa in eis nunquam diminuetur, cum culpa nunquam solvatur vel minuaturs nisi per gratiam: & ipsi non sunt gratiæ susceptibiles: ergo constat, quod Ecclesiæ nulli suffragatur damnato.

PER HOC etiam patet solutio ad sequens: quia alia sunt genera operum, & alius ordo eorum quibus Ecclesiæ suffragatur, ut dictum est.

AD VLTIMUM dicendum, quod valde bonus dicitur hic à statu perfectionis: & ideo dicit excessum ultra simpliciter bonum. Mediocriter autem bonus dicitur à statu imperfectionis, & similiter mediocriter malus. Et si concedatur inferri simpliciter bonus ex mediocriter malo: tamen non potest inferri simpliciter malus ex mediocriter bono: quia simpliciter malus est, qui nihil habet de bono gratiæ gratum facientis: sed mediocriter malus non dicitur ab actu vel habitu malo simpliciter, sed à statu cui immixta sunt venialia, quæ sunt lignum, fœnum, stipula.

## ARTICVLVS II.

*Quot sint opiniones de suffragiis respectu damnatorum?*

Secundo queritur de opinionibus antiquorum circa materiam istam. Fuerunt autem antiqui qui dicebant damnatis mediocriter malis prodesse suffragia Ecclesiæ, hoc est, damnatis fidelibus. Et inveniuntur tres modi opinionum suarum: dixit enim Præpositius, quod suffragium vnum minuit aliquotam partem pœnæ, & secundum æquale primo, minuit æqualem partem pœnæ: & ita multiplicatis suffragiis tota pœna posset tolli. Ne autem diceret, quod liberarentur, & pœna eorum haberet finem, & ita caderet in errorem Origenis, dixit, quod pœna suspenditur per Ecclesiæ suffragia usque ad diem iudicii, & tunc relabentur in infernum in corpore & anima simul in æternum cruciandi. Alij dixerunt, ut Porretani, quod hæc diminutio geometrica est, ut tollatur pars eiusdem proportionis per secundum suffragium, & non semper eiusdem quantitatis: ut si primum suffragium tollit pœnæ centesimam, secundum suffragium æquale primo, tollit centesimam residui, & tertium centesimam illius residui: & sic manet semper pœna, eo quod est diuisibilis in infinitum. Antiochodoren. alium modum inuenit, & dixit, quod non diminuitur pœna: quia manente causa manet effectus, hoc est, manente culpa manet pœna: sed confortatur sustinens per suffragium, ut facilius possit sustinere pœnam: & de hoc posuit simile, sicut si homo portat graue onus: & cum est in pondere & sudore, facies eius perfunditur aqua frigida, confortatur



tur ad melius portandum, & tamen onus suum in nullo est leuius.

Obiicitur autem contra primam objectionem: quia sicut dicit Gregorius, Nulla est anima & hominis passibilitas ab æterno igne, nisi quam fecit culpa. Ergo manente eodem modo passibilitate quæ est à culpa, & vno modo agente igne, vna erit passio semper. Constat autem, quod culpa in omnibus damnatis manet eodem modo semper immobilis. Ergo si est diuersitas, hoc est ex parte ignis agentis: sed hoc est falsum, quia dicit Gregorius, quod vno modo agit, sicut vnus sol vno modo agit in eos qui ex diuersis causis infirmantur si soli exponantur: & tamen isti non vno modo patiuntur. Ergo constat hanc opinionem esse falsam.

2 Item hoc est contra dicta sanctorum Dionysij, Augustini, Gregorij, superius inducta.

3 Item, Cum de talibus nihil sit audendum dicere, nisi per dicta sanctorum probetur, videtur quod præsumptio fuit talia dicere, eò quod nec rationem nec auctoritatem habent probantem.

Contra secundam planè obiicitur: quia duobus existentibus æqualibus in virtute actiua, patiente autem existente fortiori & debiliore ad patiendum & resistendum agenti, magis agit in patiens id quod inuenit patiens debilius ad resistendum, quam id quod inuenit fortius: sed duo æqualia suffragia sunt agentia, & damnatus primo magis resistere potest, quam secundo: ergo secundum plus tollit de pœna, quam primum: & ita nulla est fictio illa.

2 Item quærat ab eis, quare secundum cum sit æquale primo, minus tollit, quam primum? & non poterunt causam assignare: ergo cum dictum irrationale sit, est abiiciendum.

3 Item, Isti incidunt in inconueniens quod effugere volunt: quia licet secundum minuatur similem in proportionem & non æqualem, tamen tot suffragia fieri possunt, quod pœna insensibilis efficietur: & hoc voluerunt euitare, quia secundum eos semper aliquid remanet de pœna sensibili.

4 Item quærat, In qua arte hoc didicerunt, quod pœna diuisibilis esset in infinitum: hoc enim falsum est, quia & corpus naturale non est diuisibile in infinitum: ergo multo minus dispositio corporis vel animæ: sed de mathematico tantum probatum est, quod est diuisibile in infinitum.

Similiter de tertia opponitur. Animæ enim non recipiunt confortationem, nisi per gratiam gratum facientem vel gratis datam: & ipsa non est in statu recipiendi gratiam: ergo nulla est huiusmodi confortatio.

2 Item, Similitudo corporalis non habet locum in spiritu, quia spiritus non habet passibilitatem, nisi ex culpa: ergo nulla fiet in eo confortatio, nisi per culpæ alleuiationem: hanc autem impossibile est alleuiari: ergo nullam damnati aliqui accipient consolationem.

*Solutio.* HÆC AUTEM omnia non puto esse concedenda, nisi eo modo quo supra dictum est de verme conscientie. Et qui has opinio-

*D. Alber. Mag. in Lib. 4. Sentent.*

nes vel potius errores sequi vult, qui cum sanctis non concordant, laboret ista determinare.

### ARTICVLVS III.

*An in omni opere Domini sit misericordia & veritas?*

**T**ertio autem quæritur, Vtrum in omni opere Domini sit misericordia & veritas? Videtur, quod non: quia in opere creationis nec iustitia nec misericordia apparet: quia sicut dicit Augustinus in litera, in cælo nulla est miseria: ergo nec misericordia: ergo à simili cum ante mundum nulla esset miseria, nulla fuit misericordia: sed nec iustitia, quia illa unicuique pro meritis distribuit: iustitia autem dicitur veritas: ergo nec misericordia nec veritas in opere creationis fuerunt.

2 Item, In iustificatione impij non videtur esse veritas, nec iustitia, sed misericordia tantum: quia Deus non debet iustificare impij: ergo non apparet ibi iustitia.

3 Item videtur, quod in nullo operum Dei apparet iustitia: quia iustitia obligat ad debitum: sed Deus ex debito non obligatur: ergo in nullo opere Dei iustitia apparet.

4 Item, In condemnatione prælatorum valde malorum non apparet misericordia: quia dicitur Sapientia 6. Exiguo conceditur misericordia: potentes autem potenter pœnam patientur.

5 Item, Secundum præhabita in valde malorum pœnis non apparet misericordia, sed veritas.

*IN CONTRARIUM* sunt ea quæ dicuntur *Sed contra.* in litera, & quod dicitur in Psalm. 118. Omnes viæ eius, misericordia & veritas.

*RESPONSIO.* Dicendum, quod ista *Solutio.* disputatio parum valet & multum protelatur in litera, & soluitur: & dictum Psalmistæ tribus modis exponitur in ultimo cap. istius distinctionis. In fine autem penultimi dicit in litera, quod misericordia sæpè accipitur pro bonitate, sicut & veritas pro iustitia. Et tunc leuius est videre: quia secundum quod misericordia ponitur pro bonitate, apparuit misericordia in operibus creationis: veritas autem, quia ibi produxit quod ab æterno in veritate & arte sua resplendens præuidit, quia aliter falsum subfuisse præscientiæ & prædestinationi. Si autem veritas pro iustitia ponatur: tunc accipitur iustitia, sicut dicit Anselm. in prologo, cap. 9. pro decentia diuinæ bonitatis: quia iustum fuit, vt sic seipsum manifestaret. Et per hoc patet solutio ad primum quæsitum: & in argumentis illis est æquiuocationis deceptio: quia vtrumque istorum in diuersis sensibus accipitur.

*AD ID* quod obiicitur de iustificatione, dicendum quod ibi resultat misericordia principaliter, & etiam veritas promissi: quia hoc promissit: vnde in Psalm. 50. Vt iustificeris in sermonibus tuis, &c. Ibi vna Glossa est, Vt iustificeris in sermonibus, quibus peccatoribus veniam promissisti. Iustitia enim est ibi, quæ

EEE e 3 est



est decencia diuinæ pietatis. Vnde Anselm. in prolog. Si parcis peccatoribus, iustum est, decet enim te.

AD ID quod quæritur de pœnis prælatorum valde malorum & aliorum, habet vnam solutionem quæ iacet in litera in fine istius capituli: quia duplex est misericordia, scilicet liberans, & hanc non experiuntur: & est misericordia relaxans, & hanc habent, quia minus puniuntur, quam meruerunt. Et hoc notat potenter tormenta pati, quod non recipiunt diminutionem postquam sunt inflata. Auctoritas autem Iacobi soluitur in litera. De omnibus autem illis quæ dicuntur in illo cap. Sed quomodo iustitia Dei, &c. expeditum est in primo lib. Et de duobus ultimis quicquid dubitari potest, expeditum est per dicta.

## ARTICVLVS IV.

*An aliqua sit vita æterna?*

INCIDENTER tamen ratione eius quod dicitur *libi* [Sicut manebit communiter omnium vita æterna Sanctorum, &c.] quæritur hic de vita æterna, & per oppositum de morte æterna. Et de vita æterna quærentur quatuor, scilicet an sit, & quid sit, an sit ratione essentiæ vel potentiæ, & an Angeli & homines damnati habeant vitam æternam?

Ad primum obiicitur sic: In cuiuscunque ratione cadit vnum oppositum, illi nullo modo conuenire potest reliquum: sed in ratione vitæ incipientis siue creatæ cadit oppositum æternitatis: ergo non potest conuenire vitæ creatæ, quod sit æterna: sed hominis & Angeli vita est creatæ: ergo non est æterna. Prima patet per se. Secunda supponitur à ratione creati quod habet initium: & æternitas diffinitur per non habere initium. Vnde dicit Augustinus, quod vera æternitas est vera incommutabilitas: sed nulla creatura est incommutabilis, vt dicit idem: ergo nullius creaturæ vita est æterna.

*Sed contra.*

IN CONTRARIUM huius est quod dicitur Ioan. 3. Vt omnis qui credit in ipsum, non pereat, sed habeat vitam æternam.

2 Item Ioan. 10. Ego vitam æternam do eis. Item est contra symbolum Apostolorum, vbi articulus vltimus dicit, Et vitam æternam.

*Solutio.*

AD HOC dicendum, quod vita æterna triplex est optimo modo essendi. Vno modo per essentiā vitæ & æternitatis: & sic Deus solus qui est vita supra omnem vitam, & æternitas super omnem æternitatem, vt dicit Dionysius, est vita æterna. Secundo modo dicitur vt in obiecto viuentium æterna vita: & sic iterum Deus est vita æterna: quia solus est obiectum, quod exhibitum vt est, mouet sanctos ad vitam æternam, secundum quod dicit Aristot. quod extra cælum nihil est nisi vita beata: quod non potest esse verum, quod esset ibi vita æterna vel beata, nisi sicut in obiecto, quod intra orbem cæli non includitur, nec extra clauditur. Tertio modo dicitur vita æterna participatione viuentium: & sic Sancti habent vitam æternam.

AD PRIMUM ergo dicendum, quod non est optimum in ratione vitæ dictæ primo & secundo modo: & hæc eadem participata facit tertiam. Vnde licet participatio inceperit, tamen participatum quod vita æterna dicitur, non incepit.

AD ALIUD dicendum, quod commutabiles sunt omnes creaturæ per naturam: sed tamen participando incommutabilem substantiam nunquā exerūt suam mutationem, vt dicit Aug. in 12. confess. & ided in quantum viuunt vita æterna, incommutabiles efficiuntur.

## ARTICVLVS V.

*Quid sit vita æterna?*

SECUNDO quæritur, Quid sit vita æterna? Dicitur autem in libro de moru cordis, quod vita est continuus actus animæ in corpus: sed in lib. de causis in commento 17. propositionis dicitur, quod vita est processio ex ente primo, quieto, sempiterno, & primus motus: aut ergo accipitur hîc primo, aut secundo modo. Si primo modo: tunc oportet, quod vita æterna esset à principio intrinseco essentialiter coniuncto: & hoc falsum est: quia à Deo est: & ille non est alicui essentialiter coniunctus. Si secundo modo: tunc vita accipitur secundum quod est causatum vitæ primæ: hoc autem est in omnibus viuus: ergo videtur, quod eadem ratione esset principium vitæ æternæ & vitæ naturalis in omnibus viuus: & hoc falsum est.

2 Item, In vtroque istorum modorum dicit Aristot. quod viuere in viuentibus est esse: sed hoc non est verum de viuentibus vita æterna: ergo videtur, quod vita æterna non propriè dicatur vita.

3 Si forte dicatur, quod vita sumitur secundum bene esse. Contra: Secundum bene esse conueniens, est secundum accidens: nullo autem accidens per accidens est æternum: ergo vita æterna non est æterna, quod ridiculum. Si forte dicas, quod non est accidens per accidens, sed per se. Contra: Accidens per se semper sequitur ad subiectum: ergo homo qui esset in vita æterna, semper esset in vita æterna, & nunquam fuisset sine vita æterna: quod iterum ridiculum est.

4 Item, Æternitas diffinitur per vitam: quia dicit Boëtius, quod æternitas est interminabilis vitæ tota simul & perfecta possessio. Sed res cadens in alicuius diffinitione, non denominatur ab illa: Ergo non debet dici vita æterna.

5 Item Ioan. 17. dicit Dominus, Vt cognoscant te solum verum Deum, & quem misisti Iesum Christum. Hæc est enim vita æterna. Ergo vita æterna cognitio quædam est: & hoc modo non dicitur vita in naturis.

RESPONSIO. Dicendum, quod vita dicitur dupliciter, scilicet secundum esse, & secundum bene esse. Secundum esse adhuc dupliciter, scilicet propriè, & impropriè. Propriè adhuc dupliciter: & primo quidem modo dicitur vita actus quo est spiritus in quo est: & hoc



hoc modo dicitur anima viuere, & Angelus viuere. Alio modo dicitur actus animæ continuus in corpus: & hoc modo dicitur animal viuere: & hoc modo omnis vita creata exemplariter & efficienter est à vita prima: & sic intelligitur dictum de causis introductum: quia, sicut dicit Philosophus, Omne ens est ab ente primo, & omnis vita à vita prima, & omnis intellectus & scientia ab intelligentia prima. Sic etiam loquitur Dionysius de vita cap. 6. de diui. nō. ubi sic dicit: Immortalium Angelorum vita est immortalitas, & ipsum indestructibile Angelici sempiterni motus est ex ipsa, & propter vitam ipsam, quæ est super omnem vitam. Secundo autem modo intelligitur dictum quod adductum est de libro de motu cordis. Improprie autem dicitur via perfectio vniuscuiusque à forma propria ad esse, & actum qui esse consequitur: sicut lapis dicitur viuus, & aqua, quando perficere potest hoc quod est lapidis, & hoc quod est aquæ. Secundum bene esse autem dicitur vita ad sensus bene esse, & rationis bene esse. Secundum autem esse in sensu dicitur viuere, delectabiliter & voluptuose viuens, secundum quod dicit Apostolus Coloss. 3. Mortificate membra vestra quæ sunt super terram, quæ sunt fornicatio, &c. Et 1. Timoth. 5. Quæ in deliciis est, viuens, mortua est. Secundum autem bene esse rationis dupliciter dicitur, scilicet secundum bonum rationis in patria & gloria. Et secundum primum modum dicitur Galat. 2. Viuo autem iam non ego, viuit vero in me Christus. Et secundum secundum modum dicitur Matth. 22. Non est Deus mortuorum, sed viuentium. Et hoc modo fumitur vita æterna hîc. Et per hoc patet, quod si ipsa debeat diffiniri, quod ipsa erit processio siue actus primæ vitæ in beatos, secundum bene esse gloriæ siue beatitudinis, & actus. Et per hoc patet solutio ad omnia præter ultimum: ad quod dicendum, quod ibi diffinitur vita æterna per causam, quia immediata cognitio Dei est causa huius vitæ secundum bene esse gloriæ.

AD ID autem quod obiicitur quod sit accidens, dicendum quod non est accidens, sed potius perfectio naturalis: est enim natura nostra ad actum illum qui est vita æterna, & gloria est eius habitus ad illum: & in talibus dicit Aristot. quod homo non est alteratus, sed potius perfectus, præcipue, quia non est accidens quod fluit à subiecto, sed potius à Deo essentialiter per modum gloriæ nos viuificante.

#### ARTICVLVS VI.

*An vita æterna conueniat ratione essentia vel ratione potentia beatis spiritibus?*

**T**ertio quæritur, Vtrum conueniat ratione essentia vel ratione potentia? Videtur autem, quod ratione potentia: quia cognitio est vita æterna: & illa non est nisi ratione potentia: ergo & vita.

2 Item, Vita non dicitur hîc secundum esse, sed secundum bene esse: bene autem esse

est secundum verum & bonum increatum: & vtrumque istorum percipitur ratione potentia: igitur & vita inest ratione potentia, vt videtur.

3 Item, In istomodo vita est motus in spiritum à Deo qui est vita prima secundum perceptionem gloriæ: hoc autem est secundum quod ipse est summum bonum & summum verum: & constat, quod hoc fit ratione potentia: ergo prius.

**IN CONTRARIUM** est, quod vita *Sed contra.* semper ab interiori procedit: ergo prius est in essentia, quam in potentia.

2 Item, Gratia per prius perficit essentiam, quam potentiam: ergo & gloria: hæc autem vita est secundum bene esse gloriæ: ergo prius percipitur ab essentia, quam à potentia.

**RESPONSIO.** Dicendum, quod vita *Solutio.* gloriæ & etiam gratia per prius est in essentia. Est enim hæc vita, vt dictum est, actus primæ vitæ in spiritum secundum influxum gloriæ & beatitudinis: & sic procedit ab ipsa secundum quod ipsa est in beatis spiritibus per gloriam: & hoc in esse primo est spiritus, & secundo potentia.

**AD PRIMUM** ergo dicendum, quod cognitio illa non accipitur extra, sicut interior cognitio: quia non est per abstractionem, sed est eius quod se interius manifestat in anima per experimentum vitæ, id est, actus in spiritum à vita prima, quæ, sempiterna, quæ essentialiter est in spiritu beato.

**AD ALIUD** dicendum, quod bonum illud dupliciter accipitur, scilicet vt distinctum, & indistinctum est. Et primo modo agens in spiritum, dicitur vita. Secundo autem modo sic est, quasi vita potentia secundum rationem veri & boni. Et hoc debet sic imaginari, Intelligamus primum non esse verum & bonum, & tamen per gloriam inesse spiritui creato: adhuc ipse in essentia sua beatè viuit in illo, per hoc quod illud influit ei vitam nobilissimam, quæ est per gloriam. Per hoc etiam patet solutio ad sequens.

#### ARTICVLVS VII.

*An damnati viuant vita æterna?*

**V**ltimo quæritur, Vtrum damnati viuant vita æterna? Videtur, quod sic: quia viuunt sine fine in pœnis: ergo æternaliter.

**IN CONTRARIUM** est, quod vita *Sed contra.* æterna præmium est beatorum: ergo non conuenit malis.

2 Item, Non eidem conuenit vita æterna, & mors æterna: sed mors æterna conuenit damnatis: ergo non habent vitam æternam.

**RESPONSIO.** Dicendum, quod damnati non viuunt vita æterna, nec habent vitam æternam: viuere enim est habere principium vitæ: & hoc non habent damnati, sed potius per separationem ab illo principio: & ideo sunt mortui simpliciter, sed secundum quid viui, scilicet secundum miseram naturæ vitam. Si autem conceditur, quod viuunt, non debet concedi, quod viuant vita æterna: dictum est

EEEc 4 enim,



enim, quod æternum hic dicitur participatiue. Et quia sic creatura æternitatem participat, vt dicit Augustinus, in quantum nusquam exierit mutabilitatem suam, sed potius totam vitam suam simul & perfectionem habet in vno, in quo nihil transit & nihil expectatur in futurum. Et ita non viuunt, nisi in pœnis: quia vicissitudinantur in illis. Sed bene conceditur, quod non videbunt interitum, & viuunt adhuc in finem consumptionis secundum pœnarum vicissitudinem. Si autem inueniatur improprie dictum, quod viuunt vita æterna propter carentiam finis in pœnis, non debet concedi, quod habeant vitam æternam: quia hoc sonat possessionem: nemo autem habet mobilem participationem per modum possessionis (sicut sæpe supra dictum est) nisi qui habet eam ad nutum: & hoc non habent damnati, qui desiderant mortem, & mors fugit ab eis.

AD PRIMVM ergo dicitur, quod non est idem sine fine viuere, sicut iam dictum est.

## ARTICVLVS VIII.

*Quid sit mors æterna?*

**D**Einde quæritur per oppositum de morte æterna: si enim mors & vita sunt opposita, videtur mors æterna esse separatio ab huiusmodi vita.

2 Item, Mors opposita vitæ naturali est separatio animæ, quæ est causa vitæ, à corpore, vt dicunt Philosophi: ergo & ibi erit mors æterna separatio ab huiusmodi principio vitæ.

3 Item, Dionysius reprehendit in Eccle-

siastica hierarch. dicentes mortem aliud esse, quam separationem à vita: ergo vt prius.

IN CONTRARIVM huius est, quod separatio à vita qualibet, est in momento: ergo nulla erit mors æterna.

2 Item, Æternum est incommutabile essentialiter, vel participatiue, vt dictum est: sed neutro istorum modorum dici potest mors æterna: ergo ipsa non est æterna.

3 Item, Si mors non est nisi separatio, & separatio non dicit nisi pœnam damni: ergo illi qui sunt mortui morte æterna, non habent nisi pœnam damni: ergo nullam habent pœnam sensus, quod falsum est, cum patiantur nimium calorem & nimium frigus.

AD HOC dicendum, quod mors de se non dicit nisi separationem, sicut primo probatum est.

AD HOC ergo quod contra obiicitur, dicendum quod mors non proprie dicitur æterna: quia æternum ponitur pro perpetuo quando mors æterna vocatur: & hoc est simile æterno in carentia finis, & non in alio. Et bene concedo, quod hæc separatio durat sine fine.

AD ALIUD dicendum, quod causa separationis adiacet continuè, quæ est malitia confirmata & dampnata, & hæc causat posse pati pœnas: & ideo passibilium pœnarum passio potius est sequela talis mortis, quam mors: quia sicut anima egrediente corpus marcescit & expirat, & egressus animæ est mors, expiratio autem & putrefactio sunt sequelæ mortis, eo quod ab anima non continetur corpus: ita separatio à principio æternæ vitæ est mors æterna, & sequela huius mortis est passio ignis, eo quod spiritus condemnatus à principio vitæ æternæ non continetur.

## DISTINCTIO XLVII.

*De sententia iudicij.*

A  
De iudicio extremo quantum ad modum secundum quæ dabitur.  
Matt. 25.



**S**OLET etiam quæri, Qualiter dabitur iudicij sententia? Sed non est perspicuum id explicare. Non enim Scriptura aperte diffinit an voce illa proferantur, Venite benedicti: &, Ite maledicti: an virtute iudicis ita fiet, conscientis singulorum attestantibus: vt modo dicitur futurum, vt iudicis potentia effectus ipsius dictione significetur. Illa etiam, Esuriui, & non dedistis mihi manducare, & huiusmodi magis conscientis exprimenda plurimi putant quam verbis: quia Apostolus in momento & in ictu oculi mysterium consummandum tradit. Sed illud ad resurrectionis statum tantum referunt, non ad iudicium: qui aliis iudicij sententiam, & malorum increpationes, & bonorum præmia verbis exprimenda asserunt.



ARTICVLVS I.

*An sententia iudicis in extremo iudicio sit vocalis, vel mentalis?*

**S**olet etiam quæri, Qualiter dabitur, &c.] Hic agit de iudicio. Et diuiditur in tres partes. In prima agit de iudicio. In secunda de iudice, & incipit in sequenti distinctione. Tercio de consequentibus iudicium, & incipit distinct. penult. huius libri. In prima harum partium quærentur quinque, scilicet qualiter dabitur iudicij sententia; Et de sanctis qui cum Domino iudicabunt. Et de ordine iudicandorum. Et de ministerio Angelorum in iudicio. Et an demones malis præsent in inferno? Et hæc secundum ordinem inducuntur hic in litera in quinque capitulis.

Circa primum incidit quærendum, Vtrum sententia illa sit vocalis, vel mentalis? Et de hoc etiam quærit Magister in litera. Videtur autem, quod mentalis: quia maxima erit multitudo in loco illo: sed maxima multitudo audire vocem vnā corpoream non posset: ergo videtur, quod vox illa corporea non est. Siquis dicat, quod miraculosè virtute diuina fiet, quod omnes audiant vocem illam. Contra: Compendium eligit omnis natura, & omnis sapienter operans: sed compendiosius est, quod fiat virtute diuina in mente, quam in sermone: ergo videtur, quod mente non voce exteriori sententia exprimat.

2 Item, Licet in Euang. Ioan. 5. dicitur, quod omnes qui in monumentis sunt, audient vocem Filij Dei: non tamen intelligitur de voce vocali, sed mentali: ergo à simili licet de ista sententia Euangelium dicere videatur, quod

fit vocalis, mentaliter tamen debet intelligi.

3 Item, Supra distinct. 44. habitum est in auctoritatibus à Richardo inductis, quod illa sententia est mentalis: ergo & ista.

4 Item, Testes non deponent vocaliter, sed mentaliter: ergo & sententia est in mente. Prima probatur per hoc, quod conscientia erunt testes.

**I**N CONTRARIUM huius est, quod *Sed con-* Euangelium dicit expresse Matth. 25. Tunc dicit rex his qui à sinistris erunt, &c. Ergo ita est tenendum.

2 Item, Sicut patet in sequenti distinct. iudex iudicabit in forma serui: sed forma hominis est iudicare iudicio hominis: hoc autem est, quod sententia scripto proferatur & voce sedentis iudicis exprimat post consilium vel auditum testium in aure facta: ergo videtur, quod sententia illa erit vocalis.

**R**ESPONSI O. Dicendum, quod de ista quæstione nihil est perspicuum dicere: & tamen melius credo, quod erit mentalis, quam vocalis.

**A**D ID autem quod obiicitur in contrarium, dicendum quod Euangelium rudibus loquitur, qui spiritualia non capiunt, nisi corporalibus similitudinibus exprimantur: & tamen spiritualiter intelligi debent, sicut & vox tubæ, quæ erit in resurrectione, & alia quæ corporaliter circa resurrectionem exprimuntur: de quibus supra distinctione 44. habitum est.

**A**D ALIUD dicendum, quod in forma serui iudicabit, vt videatur iudex & cognoscatur: & non ad hoc vt iudicium tanquam seruus vel homo exerceat: quinimo exercebit iudicium secundum occulta cordium, & hoc est iudicium diuinum & non humanum: & ideo hoc argumentum non valet.

*Quod iudicabunt Sancti, & quomodo.*

**N**ON autem solus Christus iudicabit, sed & Sancti cum eo B iudicabunt nationes. Ipse enim Apostolis ait, Sedebitis & Sap. 3. vos super duodecim tribus Israël. Nec est putandum, quod *Mat. 19.* duodecim Apostolis tantum hoc promiserit Christus. Vbi enim sedebit Paulus, qui plus omnibus laborauit, si non ibi sedebunt *1. Cor. 15.* nisi duodecim? Per duodecim ergo sedes perfectio tribunalis, id est, vniuersitas iudicantium intelligitur, scilicet omnes perfecti, qui re- *Mat. 19.* *Marc. 10.* lictis omnibus secuti sunt Christum. Per duodecim tribus vniuersitas iudicandorum. Iudicabunt verò eos Sancti, non modo cooperatione, sed etiam auctoritate & potestate. Vnde, Gladij ancipites in manibus *Pl. 149.* eorum, id est, sententia de bonis & malis in potestate eorum. Si verò quæritur, Quæ erit eorum potestas vel auctoritas in iudicando? Puto non ante sciri, quam videatur, nisi diuina reuelatione quis didicerit.



## ARTICVLVS II.

*An sancti aliqui iudicabunt cum Domino?*

**D**Einde queritur de hoc quod dicit [Non autem solus Christus iudicabit] Et de hoc in hoc cap. queruntur tria. Primum, Vnde quidam sancti habeant iudicare? Secundum de modo iudicii Sanctorum. Tertium, Vtrum alij Sancti aliquo modo se habeant ad iudicium confirmando vel iudicando?

Ad primum obiicitur per hoc quod dicitur in litera, quod illi qui relictis omnibus secuti sunt Christum, cum Domino iudicabunt: ergo illi Sancti à paupertate voluntaria habent, quod cum Domino iudicabunt.

2 Item Iob 36. Non saluat impios, & iudicium pauperibus tribuit. Ergo ut prius.

3 Item hoc videtur ex modo loquendi in Matth. 19. vbi Petrus hoc meritum allegat dicens, Ecce nos reliquimus omnia, & secuti sumus te: quid ergo erit nobis? Et Christus subiungit, Amen dico vobis, quod vos qui reliquistis, &c. Ergo videtur, quod à paupertate spiritus habent, quod cum Domino iudicabunt.

4 Item, Glossa ibidem dicit, Qui reliquerunt omnia, & secuti sunt Christum: hi iudices erunt, qui licita habentes, rectè vti sunt. Ideo iudicabunt. Ex hoc sequitur idem quod prius

*Sed contra.*

**I**N CONTRARIUM est quod dicit Richar. de sancto Viç. Apertio librorum est manifestatio conscientiarum: his libris inscribitur, quicquid ab eis memoriter retinetur: his libris quasi inscriptum tenetur, quicquid ab eis plena intelligentia comprehenditur. In aliis itaque huiusmodi libris merita humana, in aliis verò iudicia diuina, in illis qualitas actionum, in illis verò etiam qualitas retributionum: vnusquisque enim in sua conscientia quasi scriptum gerit, vnde eum sua conscientia vel accusat, vel defendit. Qui autem diuinæ contemplationi assistunt, qui in libro sapientiæ quotidie legunt, velut in cordium voluminibus transcribunt quicquid iam perspicua veritatis intelligentia comprehendunt. Quid itaque sunt iudicandorum conscientia, nisi quædam, vt ita dicam, actiones scripturæ? Vel quid verò sunt iudicantium corda diuinitus in omnem veritatem edocta, nisi quædam canonum decreta? Ex hoc accipitur, quod Sancti iudicabunt ex merito contemplationis, qua efficiantur exempla canonum iustitiæ diuinæ, & non ex paupertate voluntaria.

2 Item, iudicabunt, vt communiter dicitur, Apostoli, & Apostolici viri: Apostoli autem fuerunt, qui decreta vitæ dederunt, & auctoritatem in Ecclesia habuerunt: ergo ab apostolica doctrina & vita & auctoritate in eis est potestas iudiciaria: hoc autem non est paupertas spiritus in quantum huiusmodi: ergo paupertas non est meritum proprium, quo potestatem iudiciariam promerentur.

*Solutio.*

**R**ESPONSIO. Dicendum, quod tria

exiguntur meo iudicio ad merendam iudiciariam potestatem. Primum est abdicatio temporalium curarum, vt studere possit sapientiæ secundum quam dictanda est sententia iudicii. Secundum est habitus luminis, iustitiæ, & sapientiæ, qui iudicium statuit & obseruat. Et tertium est meritum, quod acquirit in iustitiæ illius promulgatione per prædicationem. Et horum primum tangunt obiectiones, prima, licet alia duo supponantur: & propter hoc dicit Dominus, Et securi estis me. Vnde Hieron. dicit, quod imperfectum est omnia relinquere: hoc enim & socrates fecit Philosophus: & ideo iungit quod perfectum est dicens, Et securi sumus te. Sequens autem tangit Rich. Et tertium tangit obiectum vltimum. Et per hoc patet solutio ad totum.

## ARTICVLVS III.

*Quis erit modus iudicandi Sanctorum?*

**S**ECUNDO queritur de modo iudicii Sanctorum. Et videtur, quod non iudicabunt, nisi sicut qui ostendunt sententiam: quia ita dicit Richar. Duodecim iudices coram iudicandis decretorum suorum libros aperire & ad cordium inspectionem inferiorum quorumlibet visum admittere sensumque suum in his quæ ad iudicii pertinent rationem reuelare. Iudicandi verò dum in huiusmodi scriptura quasi canonum decretis legunt retributionis sententiam sententiæque rationem quam quisque meretur, inueniunt. Huiusmodi itaque scripturam legere, hoc erit eis iudicis sententiam accepisse. Hoc autem erit Apostolicos viros iudicandorum quemlibet iudicare, quod danda sententiæ rationem oculis eorum ingerere. Ex hoc expresse accipitur, quod non iudicabunt nisi sicut libri.

2 Item ibidem parum infra, Iudicantis itaque sententiam ad cordis eius inspectionem vidisse & intellexisse, hoc est iudicium didicisse & accepisse. Ex hoc accipitur idem quod prius.

**S**ED CONTRA hoc est, quod hic est imperfectus modus iudicandi: sed imperfectus modus iudicandi non debet respondere perfectissimo merito quod est meritum Apostolicum: ergo videtur, quod non comperat eis iste modus iudicandi.

**R**ESPONSIO. Dicendum, quod in veritate plus est ibi, quam modus inspectionis sicut in libro: & hoc significat Richar. quando dicit, Oculis eorum ingerere: verbum enim ingerendi nutum quendam significat ad iudicandos, qui æquipollet cuidam probationi & inflictioni sententiæ: quod etiam in litera significatur, vbi dicitur Psal. 149.

Gladij ancipites in manibus eorum. Et per hoc patet solutio ad totum.

\* \*

ARTI



ARTICVLVS IV.

*An alij Sancti habebunt se alio & alio modo?*

**T**ertio quaeritur, Vtrum alij Sancti se aliquo modo habeant ad iudicium confirmando vel iudicando? Videtur, quod non: quia non est eadem persona iudicans & iudicata in aliquo iudicio vno: sed alij Sancti iudicabuntur: ergo non iudicabunt in eodem iudicio.

2 Item, Non vnus est modus iudicij accusantis & accusati in iudicio humano: sed iudicium humanum est exemplatum à iudicio diuino: ergo in iudicio etiam diuino non est vnus modus iudicij illarum duarum personarum. Sed idem modus est si iudicati Sancti erunt iudicantes in eodem iudicio: ergo Sancti alij non iudicabunt in eodem iudicio.

IN CONTRARIUM est quod dicitur

Sapientiae 3. Iudicabunt Sancti nationes, & dominabuntur populis. Et ibi nullus excipitur: ergo iudicabunt omnes.

2 Item Matth. 12. Regina Austri surget in iudicio. Et infra, Viri Niniuitae, &c. sed Sancti sunt meliores, quam regina Austri vel viri Niniuitae: ergo multo magis Sancti omnes iudicabunt & condemnabunt damnatos.

RESPONSIO. Dicendum, quod omnes Sancti iudicabunt iudicio approbationis & confirmationis sententiae, sicut probarum est: sed non sicut ingerendo sententiam in lumine cordis sui dictatam & inflictam: quia sic Apostolici viri tantum iudicant.

AD PRIMUM ergo dicendum, quod diuersa specie iudicij potest vna persona esse iudicans & iudicata respectu diuersorum. Et diuersam speciem voco iudicij, iudicium approbationis & inflictionis sententiae, & diuersos respectus quorum est: quia iudicabuntur à Deo & Christo & viris Apostolicis, & iudicabunt damnandos tantum. Et per hoc patet etiam solutio ad sequens.

Sed contra.

*De ordinibus eorum qui iudicandi erunt.*

**R**VNT autem quatuor ordines in iudicio. Duæ quippe sunt partes, electorum scilicet, & reproborum, vt Greg. in moralibus ait. Sed bini ordines eisdem singulis partibus continentur. Alij enim iudicantur, & pereunt: alij non iudicantur, & pereunt. Alij iudicantur, & regnant: alij non iudicantur, & regnant. Iudicantur, & pereunt, quibus Dominica inclamatione dicitur, Esuriui, & non dedistis mihi manducare, &c. Non iudicantur, & pereunt, quibus Dominus ait, Qui non credit, iam iudicatus est. Eorum enim damnatio toti Ecclesiae nota est & certa: & ideo dicuntur tunc non iudicari, quia ad conspectum districti iudicis cum aperta damnatione suae infidelitatis accedent. Qui verò professionem fidei sine operibus habent, iudicabuntur, & peribunt, id est, redarguentur vt pereant. Qui verò nec fidei sacramenta tenuerunt, inceptionem iudicis in se fieri non audient: quia infidelitatis suae tenebris præiudicati, eius quem despexerant inuectione redargui non merentur. Illi autem saltem verba iudicis audient, qui eius fidem saltem verbo tenuerunt. Illi autem in damnatione sua æterni iudicis nec verba percipient, qui eius reuerentiam nec verbo tenus seruare voluerunt: & ideo illi iudicandi, sed isti non iudicandi dicuntur. Ex electorum verò parte alij iudicantur, & regnant, scilicet qui vitæ maculas lacrymis tergant, & eleemosynarum superinductione operiunt: quibus iudex veniens in dextera consistentibus dicet, Esuriui, & dedistis mihi manducare. Alij autem non iudicantur, & regnant, qui etiam præcepta legis perfectionis virtute transcendunt: quia non hoc solum quod lex præcipit, implere contenti sunt, sed & quod ad perfectionem consultitur, implere student. De quibus Propheta ait, Dominus ad iudicium veniet cum senatoribus populi sui. Salomon de Ecclesiae sponso loquens ait, Nobilis in portis vir eius, quando sederit cum senatoribus terræ.

Super  
Iob lib.  
26. c. 24.

Mat. 25.  
Ioan. 3.

Iacob. 2.

Mat. 25.

Isa. 3.

Prou. ult.



Iob 36. terræ. Et Iob ait, Non saluat impios, & pauperibus iudicium tribuit. Hi ergo rectè sub generali iudicio non tenentur, sed iudices veniunt: quia & præcepta generalia viuendo vicerunt, & omnibus relictis Christum secuti sunt. Rectè pauperibus iudicium tribuit, qui quantò huic mundo magna humilitate despecti sunt, tantò tunc maiori culmine potestatis excrescent. De talibus dicitur, Qui vicerit, dabo ei sedere mecum in throno meo: sicut & ego vici, & sedi cum patre meo in throno eius. Vincens Dominus cum patre, in throno sedit: quia post passionis palmam, quòd Patri esset æqualis, omnibus claruit. Nobis verò in throno Filij sedere, est ex eiusdem Filij potestate iudicare. Quia enim iudicandi principatum ex eius virtute percipimus, quasi in throno eius residemus. Ex his apparet, quòd etiam perfectiores Sancti cum Christo iudicabunt potestate: & quare quidam dicuntur iudicandi, alij non iudicandi.

## ARTICVLVS V.

*An in iudicio erunt quatuor ordines iudicandorum?*

**D**Einde quæritur de hoc quod dicit *ibi* [Erunt autem quatuor ordines in iudicio] Prius enim in litera ex verbo Gregor. habetur, quòd sunt quatuor ordines iudicandorum. Sed contra hoc videtur quod dicitur in symbolo Apostolorum, quòd Christus est iudicaturus viuos & mortuos: ergo omnes iudicabuntur: & sic non est nisi vnus ordo.

2 Item idem accipitur 2. Corinth. 5. Omnes nos manifestari oportet ante tribunal Christi, vt referat vnusquisque propria corporis, prout gessit siue bonum siue malum.

3 Vltius videtur, quòd sint tres ordines: quia ita dicit Richardus, Videntur enim omnes iudicaturi aut iudicandi: & de iudicandis quidem alij sunt saluandi, alij damnandi videntur. Itaque in illo iudicio futuro tres tantum erunt ordines.

4 Vltius videtur, quòd sint quinque: sunt enim quorum salus est certa, non iudicaturi, vt decedentes infantes post baptismum: & sunt quorum salus incerta, iudicandi: & sunt quorum damnatio certa, non iudicandi: & sunt quorum damnatio incerta, iudicandi: ergo quinque ordines in iudicio. Hos etiam quinque ordines ponit Richardus.

*Solutio.* **R**ESPONSIO. Ad hæc omnia soluitur per distinctionem dicendo, quòd triplex est iudicium, scilicet vniforme, multiforme, & omniforme. Dicitur autem iudicium vniforme præsentis Ecclesiæ quo cogitur de iudicio futuro, cui non innotescit de ipso iudicio nisi qualitas causæ & retributionis in genere, scilicet quia bona bonis, & mala malis. Multiforme autem est iudicium particulare, quod quilibet in morte accipit, quod est secundum qualitatem & quantitatem: quia tantum recipit, quantum meruit, & talia qualia meruit: sed non in omnibus, quia non in corpore: & ideo multiforme, & non omniforme dicitur. Omniforme autem est iudicium futurum: quia

talibus respondebunt talia, & tanta quantis, & in omnibus, quia in corpore & anima: & ideo omniforme dicitur. De illo autem iudicio vltimo, quod dicitur omniforme, est dicendū, quòd dupliciter consideratur, scilicet secundum causam, & secundum effectum. Et si quidem in comparatione ad effectum consideratur: tunc non sunt nisi duo ordines & ambo iudicandi, scilicet viui, & mortui: saluati, vel damnati: & sic intelligitur dictum Apostoli 2. Corinth. 5. & id quod adductum est de symbolo. Si autem in comparatione ad causam accipitur iudicium: aut ergo accipitur per comparationem vt nunc, vel vt tunc. Et si primo modo: tunc sunt quinque ordines quos Richardus tangit, sicut cuilibet etiam per se patet: nec vnum ordinem sexto loco pueri in originali decedentes facere possunt, quia nulla propria habent, propter quæ ad tribunal venient: nec veniunt ad tribunal, nisi habentes propria, vel beneficio iudicis gaudentes de salute, sicut pueri qui post baptismum decedunt. Si vero consideratur vt tunc: tunc erunt quatuor ordines, vt dicit Gregor. eò quod meritum quod est causa iudicij, tunc aut erit excellens in bono, aut in malo: aut mediocriter bonum, aut mediocriter malum: & hæc quatuor considerationes meriti, quatuor complent ordines iudicandorum. Si autem consideratur iudicium secundum quod erit exercitum & apparebit in actu: tunc sunt tres ordines, vt dicit Luc. quia Apostoli iudicabunt, & alij iudicabuntur omnes vel ad vitam, vel ad mortem, eò quod per sententiam rectam à lumine cordis Apostolici infligam, vel mortem

æternam vel vitam æternam accipient. Et per hoc patet solutio ad omnia quæ sita

& plurima alia quæ quæri possunt.

\* \*



*De ordine iudicij, & ministerio Angelorum.*

**Q**UAM autem in Euangelio legatur, quod Dominus mittet Angelos suos qui colligent de regno eius omnia scandala & mittent iniquos in caminum ignis. Et item, Exibunt Angeli, & separabunt malos de medio iustorum, & mittent eos in caminum ignis. Et item, Mittet Angelos suos cum tuba & congregabunt electos a quatuor ventis. Et Propheta dicit, Congregate illi Sanctos eius. Ministerio Angelorum illa impleri dubitandum non est. Domino enim veniente ad iudicium, præcedet ante eum ignis, quo comburetur facies mundi huius: & peribit cælum & terra, non secundum substantiam, sed secundum speciem quæ immutabitur: cælum quidem aëreum, non æthereum. Tantum enim ascendet ignis in iudicio, quantum ascenderunt aquæ in diluvio. Ille autem ignis malis qui reperti fuerint viui, erit consumptio, bonis verò non, ut ait Aug. Hoc erit incendium mundi Sanctis, quod fuit caminus tribus pueris. In quibus si aliquid purgandum fuerit, per illum ignem purgabitur. Aliis vero nullam ingeret molestiam. Purgato vero per ignem mundo, & ad iudicium veniente Domino emittetur vox illa magna, qua resurgent omnes mortui: & tunc ministerio Angelorum ventilabitur area, quia boni congregabuntur ibi de quatuor partibus mundi Angelico ministerio: quo & rapiuntur obuiam Christo in aëra, reprobis in terra quam dilexerunt, remanentibus. Et tunc præconia illa bonorum (Esuriui, & dedistis mihi manducare: & increpationes illarum malorum, Esuriui, & non dedistis mihi manducare, &c.) proferentur vel sonu vocali, vel alio modo. Denique proferetur sententia super utrosque, Venite benedicti: &, Ite maledicti, &c. Et ministerio Angelorum virtute Dei cooperante mittentur mali in caminum ignis, hoc est, in infernum.

*Si post iudicium daemones præerunt hominibus ad puniendum.*

**T** solet quæri, Vtrum in inferno malis ad puniendum præfint daemones post iudicium, quos carnifices tortoresque animarum Scriptura appellat? Apostolus dicit, quod Christus tunc euacuabit omnem principatum, & potestatem, & virtutem. Dum enim durat mundus, Angeli Angelis, daemones daemonibus, & homines hominibus præfunt. Sed omnibus collectis, iam omnis prælatio cessabit. Hinc quidam putant, post iudicium daemones non habere potestatem cruciandi homines, sicut modo. Sed ut daemones virtute Dei cruciantur sine creaturæ ministerio asserunt, sic reprobos homines ibi non per operationem daemonum, sed virtute diuina tantum æternis subiici cruciati-bus. Præmissa tamen auctoritas non id cogit sentire: quæ etsi asserat tunc nec daemones daemonibus, nec homines hominibus præesse, non diffinit tamen an daemones præfint hominibus ad torquendum. Vnde quibusdam videtur, eos sic extare hominibus tortores in pœna, sicut extiterunt incentores in culpa.



## ARTICVLVS VI.

*An ignis qui precedet iudicium, sit eiusdem speciei cum igne elementali?*

**D**Einde quæritur de hoc quod dicit ibi [Domino enim veniente ad iudicium, &c.] Quod enim dicit de ministerio Angelorum, patet per ea quæ in distinct. 43. dicta sunt. Quæritur autem circa illum ignem sex, scilicet an sit eiusdem speciei cum igne elementali. Secundo, Quis sit effectus eius in mundo. Tertio, Quis sit eius effectus in hominibus. Quarto, Quod deueniet post peractum officium. Quinto, Vtrum aliquid molestia inferret bonis? quia de hoc loquitur in litera. Sexto, Vtrum resurrectionem præcedet, vel sequetur.

Ad primum, obijciunt sic: Virtus ignis dominans super alia elementa, non est nisi in sphaera propria: ergo si dominatur alius ignis extra sphaeram propriam, non est eiusdem speciei cum igne qui est elementum: sed ille ignis dominabitur extra sphaeram propriam: ergo non est ignis ille elementum. Probatur prima per Aristot. qui dicit, quod res in forma perfecta & actione, est in loco proprio. Secunda supponitur à dictis in litera & à fide.

2. Item, In circulari generatione elementorum probat Aristot. quod vnum elementum agit in aliud, & nunquam agit ultra suam speciem: sed ignis ille agit ultra suam speciem: ergo non est elementum. Secunda probatur ex hoc, quod agit ad mundi glorificationem: quæ gloria multo melior est, quam forma ignis.

3. Item, Actio ignis elementi non est nisi in corpus habens materiam vniuocam sibi: sed ille ignis agit etiam in non vniuocam habens materiam: ergo non est ignis elementum. Primam dat Boët. in fine de duabus naturis in vna persona Christi: quia non est conuersio aliquorum ad inuicem, nisi quorum est materia vna. Secunda scribitur 2. Pet. 3. sic, Cali qui nunc sunt, igne soluentur. Et Aristot. probat quod cælum cum elementis non habet materiam vnam nec vniuocam.

4. Item, Ignis non agit in fortius se secundum virtutem ignis elementalis: sed ille ignis agit in fortius se, quia in cælum: ergo non est ignis elementum.

*Sed contra.*

IN CONTRARIUM huius est: quia quorum est vnus actus essentialis, illorum est vna essentia secundum speciem: sed ignis illius & elementi operatio naturalis est vna: ergo sunt vnus essentia secundum speciem. Secunda probatur: quia comburere est actio vna secundum speciem. Et prima à Damasc. scribitur.

2. Item, Aqua in diluuiio purgans mundum, eiusdem naturæ fuit cum alia aqua: sed duo iudicia diuina sunt, vnum per ignem, & aliud per aquam: ergo & secundum iudicium est futurum per ignem eiusdem speciei cum igne elemento.

*Solutio.*

RESPONSIO. Dicendum, quod ille ignis erit eiusdem speciei cum igne elementali.

Ad omnia autem quæ obijciuntur in ista questione, est ferè vna solutio.

DIcENDVM igitur ad primum, quod ignis ille sicut & ignis inferni agit in duplici virtute, scilicet elementi, & instrumenti iustitiæ diuinæ. Et primo quidem modo habet comburens. Secundo autem modo habet ferri sursum, deorsum, à dextris & sinistris vbicunque inuenerit cremabile ex iustitia diuina & dominari illi.

AD ALIUD dicendum, quod non agit nisi comburendo & disponendo, & non speciem inducendo: quia speciem inducet Deus, speciem dico quæ est glorificatio elementorum & mundi. Dixerunt tamen quidam, quod ignis inclusus in vase, ageret ad induendam speciem cali: & dicunt hoc esse apud alchimicos expertum. Sed hoc falsum est, & alchimia non dicit nec probat hoc experimentum.

AD ALIUD dicendum, quod omnes creaturæ infectæ ex peccato, habent materiam ignis secundum quod est instrumentum iustitiæ diuinæ: sicut etiam dictum est de igne inferni. Et quod dicit Boët. intelligendum est de igne agente in virtute naturæ suæ tantum.

AD VLTIMUM dicendum, quod sicut dicitur in litera, cælum hoc dicitur cælum æreum: & hoc non est fortius igne, quia hoc ab ipso est soluendum.

## ARTICVLVS VII.

*Quis erit effectus conflagrationis in mundo?*

**S**ECUNDO quæritur, Quis sit eius effectus in mundo? Videtur enim, quod duo elementa ignis absumet: sicut enim dicit Beda in Glossa Petri, Vltimus ille ignis, duo elementa in toto absumet: duo vero in meliorem speciem mutabit.

2. Item, Apoc. 21. Primum cælum & prima terra abiit, & mare iam non est. Ex hoc videtur, quod ille ignis absumet tria elementa, scilicet terram, ærem, qui per cælum intelligitur, & mare quod stat loco aquæ. Ergo videtur, quod de elementis nullum manebit nisi ignis.

3. Item Aristot. in principio 4. metheororum dicit: Omnia enim hæc materia erunt igni. Ergo videtur, quod omnia tria elementa ignis consumet.

4. Item videtur hoc secundum rationem: in illa enim mundi conflagratione ignis est vt agens, & tria elementa infecta per ignem vt patientia: patiens autem habet inmutari per agens: ergo tria elementa transibunt in ignem: ergo videtur, quod tria absumantur.

5. Item, Ista tria elementa sunt se contingencia in loco generationis: ergo infecta sunt peccatis hominum: omnia autem infecta debent absumi ab igne: ergo ista tria elementa debent absumi.

6. Item, Glossa super Rom. 10. dicit, quod in meliorem speciem conuertet elementa: sed non potest esse melior species inferiorum elementorum,



mentorum, nisi quod accipiant speciem elementorum superiorum: ergo tria inferiora accipient speciem ignis: ergo tria absumuntur, & solus ignis manebit.

*Sed contra.* IN CONTRARIUM huius est, quod dicit Glossa 1. Corinth. 7. super illud, Præterit enim figura huius mundi. Glossa, Non substantia. Ergo elementa non dimittent substantiam, sed figuram. Constat autem, quod si speciem amitterent, substantiam amitterent: ergo speciem non amitterent.

2 Item Glossa Apoc. 21. super id, Primum cælum, &c. dicit sic: Status ille in quo prius erant, non est necessarius. Ergo videtur, quod secundum statum transeunt, & non secundum substantiam.

3 Item Glossa super illud, Mare iam non est: dicit sic, Secundum superiorem statum. Ergo ut prius.

4 Item Glossa marginalis ibidem, Immutatio aeris & terræ dubitabilis non est quin per ignem fiet: sed de aqua dubitatur, nam purgationem in seipsa habere creditur.

5 Item in litera dicitur, quod peribit cælum & terra non secundum substantiam, sed secundum speciem suam quæ immutabitur.

6 Item ex litera habetur, quod ignis ille non ascendet nisi quantum ascenderunt aquæ diluuij: ergo non comburet totum orbem: ergo aëreum cælum non omnino transibit.

*Solutio.* RESPONSIO. Dicendum, quod in veritate hic potius est diuinitas, quam quæstio habens scientiam aliquam: quia neminem puto scire, qualiter hoc erit, nisi qui viderit quando fiet: tamen non puto, quod aliquod elementorum in toto consumeretur. Sed est duplex species elementorum. Vna est secundum specificum esse, & ista manebit. Alia est secundum virtutem actiuarum & passiuarum qualitatum, & illa non manebit, nisi ut in radice subiecti manet passio quæ non potest venire in actum. Huius autem causa est: quia qualitates primæ actiue & passiue datæ sunt elementis ad generationem & corruptionem, quæ sibi succedunt in mundo, donec tot colligantur electi, ut numerus ille impleatur quem implendum Deus ab æterno præuidit: & illo impleto stabunt elementa in alio statu sine permutatione adinuicem, & sine actione & passione in pleno lumine. Sunt tamen diuersi diuersa dicentes de transitu elementorum. Quidam enim dicunt, quod transibunt aqua & ignis: & hoc ideo, quia ista in excellenti habent virtutes actiuas & passiuas: & tunc actio & passio non erunt. Alij dicunt, quod aer & aqua in toto transibunt: & hoc ideo, ut puto, quia illa duo media existentia determinatum motum non habent & statum: & fluunt in ipsis motus multi valde, eo quod aqua sequitur planetarum mutationem lunæ quæ velocissima est, & aer sequitur quinque planetarum orbes, in quibus est plurima motuum diuersitas: & hæc tunc non erunt, & ideo dicunt, quod tollentur. Est autem veritas, ut puto, quod non tollentur, sed immutabuntur, ut dictum est: ita quod erunt elementa continuè luminosa, & terra in superficie exteriori peruia sicut vitrum, & aqua sicut crystallus, aer verò luminosus ut cælum,

& ignis ut ipsum lumen cæli tunc esse videbitur. Et per hoc patet solutio omnium obiectorum, quæ per auctoritates sunt facta: & hæc solutio colligitur ex Glossa super Apoc. 21. & 1. Cor. 7. & Rom. 10.

AD PRIMAM autem rationem dicendum, quod omnia alia erunt materia igni: eo quod ignis habet qualitatem actiuam simpliciter, & alia secundum quid.

AD ALIUD dicendum, quod ignis non agit nisi consumendo infectionem peccati, & non speciem inducendo glorificationis, ut prius dictum est. Et per hoc patet etiam solutio ad vltimum: quia glorificatio mundi non fit ad speciem elementi, sed ad formam gloriæ quæ respondebit homini secundum statum gloriæ resurrectionis.

## ARTICVLVS VIII.

*Quis erit effectus ignis in hominibus?*

TERCIO quæritur, Quis sit eius effectus in hominibus? Dicit autem in litera, quod malis erit consumptio, &c. Et videtur, quod diminutè dicat: constat enim, quod post diem iudicij ianua claudetur: ergo videtur, quod nullus remanebit in purgatorio: ergo ille ignis etiam purgandos purgabit. Sed tunc videtur, quod hoc sit impossibile: quia multi sunt qui habent multa purganda: sed ille ignis est momentaneus: ergo non poterit breui temporis spatio vitia purgare.

2 Item videtur, quod sit bonis consumptio sicut & malis: quia comburet eos & incinerabit, sicut & prius est habitum: ergo non verum dicit, quod malis sit tantum consumptio.

3 Item, Elementa conflagrabit: sed elementa mixta in corpore hominis magis indigent purgatione, quam extra: ergo illa etiam quæ sunt in corpore hominis purgabit: ergo incendet & bonos & malos.

4 Item, In litera dicit, quod peccati comburet infectionem: sed fomes est peccati infectio: ergo comburet fomitem: sed hunc comburere non potest, nisi incendat corpora humana: ergo corpora humana incendet.

RESPONSIO. Puto esse verum, sicut *Solutio.* probatum est, quod omnium corpora tam bonorum quam malorum incendet, ut consumatur penitus fomes peccati per ignis incinerationem, qui in aliis consumptus est per putrefactionem corporum.

AD ID autem quod quæritur de purgatione purgandorum, dicendum quod virtute illa qua aget ut instrumentum iustitiæ vindicantis, aget in animas talium & subito purgabit eos. Ad obiectum contra, dicendum quod tres sunt causæ, quare subito purgare potest. Vna: quia pauca purganda in elementis inueniet: tot enim terrores & signa & persecutiones præcedent, quod pauca remanebunt quæ illo igne purganda sint, propter feruorem penitentiae præsentis. Secunda est, quod viui voluntariè sustinebunt, & pœna viui plus purgat, etiam necessaria, quam pœna mortui. Tertia est: quia recuperabit calor eius in intensio-



ne quod omittet in prolongatione temporis. Et ideo subito poterit hoc efficere quod ignis purgatorius diutius facit prolongatus.

## ARTICVLVS IX.

*Quo abibit ignis conflagrationis?*

**Q**uarto quæritur, Quo deueniet post actum officium? Videtur autem, quod debeat remunerari cum Sanctis: quia Deo seruiuit in mundi conflagratione. Et Glossa super Rom. 10. dicit, quod omnis creatura quæ cum labore suo facit officia, tunc remunerabitur.

1 Item, Ignis nobilissimum est elementum: quia dicit Aristot. quod ignis est subtilissimum corporum sphaera: sed omne nobile glorificabitur cum Sanctis sursum: ergo ille ignis manebit sursum.

3 Item, Habet proprietates conuenientes corpori glorioso, scilicet luminositatem, & subtilitatem, & quod est sursum in loco: sed Deus non deprimet nobile in innouatione mundi, sed potius exaltabit: ergo ipse ignem glorificabit in loco sursum.

*Sed contra.*

**I**N CONTRARIUM est, quod dicunt Sancti, quod inuoluet impios: ergo remanebit in inferno, ut videtur.

2 Item, Afflictium impiorum debet esse secundum congruitatem in loco impiorum: sed afflictium impiorum est ignis: ergo in loco impiorum manebit, hoc est, in inferno.

*Solutio.*

**R**ESPONSIO ad hoc, quod sicut dicit Basilius super illud, Vox Domini intercedentis flammam ignis, Dominus intercedit ignem, sicut & alias creaturas, & calidum vltimum cum sicco faciet descendere illo motu ignis quo sequitur materiam suam, secundum quod est instrumentum iustitiæ iudicantis ad locum damnatorum: & quoad hæc duo & materiam quæ illis substat, manebit in inferno. Et per hoc patet solutio duarum vltimarum obiectionum. Sed quoad luminosum subtile & leue faciet ascendere sursum, & ibi crarificabitur cum aliis elementis ad decorem hominis: quia congruum est ut glorificato habitatore, domus eius glorificetur: homo autem in mundo est sicut habitator, & mundus sicut domus. Et per hoc patet solutio ad primam partem obiectionum.

## ARTICVLVS X.

*An ignis conflagrationis aliquid molestiæ inferat bonis?*

**Q**uinto quæritur, Vtrum aliquid molestiæ inferat nobis? Videtur, quod non: quia dicit in litera, quod hoc erit incendium mundi Sanctis, quod fuit caminus tribus pueris. Daniel. 3. Sed de illis scribitur, quod ipsis non nocuit ignis, neque contristauit, neque quid molestiæ intulit: ergo nec Sanctis inferet aliquid molestiæ, ut videtur.

2 Item, Ignis ille non insequitur nisi infectionem peccati, sicut in litera dicitur: ergo

nihil inueniet in quod agat in his qui sunt sine peccato: ergo illos non lædet.

3 Item, Agit in quantum est instrumentum iustitiæ diuinæ: sed secundum iusticiam diuinam non sunt puniendi Sancti: ergo illis non nocebit.

**I**N CONTRARIUM est, quod Sanctorum corpora qui tunc viui reperientur, erunt infecta fomite habituali ad minus: ergo necesse est, quod purgentur: non est autem purgans nisi ignis: ergo per ignem purgabuntur.

**R**ESPONSIO. Hoc vltimum videtur mihi concedendum.

**E**T AD primum dicendum, quod intelligitur de hoc actu quem habebit post iudicium quando inuoluet damnatos: tunc enim nihil nocebit Sanctis, quia nihil cremabile in eis inuenietur.

**A**D SECUNDUM & tertium dicendum, quod inueniet in corpore habitalem concupiscentiam quam exterminabit.

## ARTICVLVS XI.

*An præcedet iudicium ignis conflagrationis vel sequetur?*

**S**exto quæritur, Vtrum præcedet iudicium vel subsequetur ipsum? Videtur, quod sequatur: quia dicit Augustinus, quod sequitur iudicium & resurrectionem: ergo videtur, quod ita sit.

2 Item, Augustinus de ciuit. Dei 22. quærit quare ignis non exurit bonos: & reddit rationem: quia corpora eorum erunt impassibilia, quibus ignis nocere non potest: & illa ratio Augustini non stare, si ignis resurrectionem & iudicium præcederet: ergo videtur, quod sequatur & resurrectionem & iudicium.

3 Item, Ignis ille inuoluet impios, ut dicunt Sancti: sed impij non inuoluentur, nisi post sententiam iudicij: ergo videtur, quod sequatur iudicium.

**I**N CONTRARIUM est, quod incendendo incinerabit viuos: hoc autem fiet ante resurrectionem: ergo ille ignis erit ante resurrectionem & iudicium.

2 Item, In litera dicit, quod præcedet faciem iudicis: ergo & iudicium.

**R**ESPONSIO. Dicendum, quod quoad incendium mundi præcedet, sed quoad quandam actum sequetur, scilicet quoad inuolutionem malorum: ipse enim, ut dicit Chrys. congregabitur circa thronum iudicis: & est ille fluuius igneus de quo legitur Daniel. 7. Qui est in circuitu sedis. Et ille secum in infernum trahet impios. Et propter hoc ab August. post iudicium ordinatur. Et per hoc patet solutio ad totum. De sequenti autem capitulo

habitum est in 2. de choris Angelorum, & etiam in tractatu de penitentia, quæstione de igne purgatorio.

**DISTIN**



## DISTINCTIO XLVIII.

### *De forma iudicis.*



**S**Olet etiam quæri, in qua forma Christus iudicabit? In forma utriusque serui iudicabit: quæ omnibus in iudicio apparebit, ut videant mali in quem pupugerunt. Diuinitatem verò eius mali non videbunt. <sup>Isa. 56. secundum 70.</sup> Vnde Isaias, Tollatur impius, ne videat gloriam Dei. Humanitatem videbunt, ut timeant: diuinitatem verò non, ne gaudeant. Diuinitas enim sine gaudio videri non potest.

### ARTICVLVS I.

#### *An Christus iudicabit in forma hominis?*

**S**Olet autem quæri, In qua forma Christus iudicabit? In hac distinctione agit de iudice, & quærentur in ea tria à Magistro, scilicet de forma iudicis, de qua duo tangit, scilicet formam in qua iudicabit, & formam in qua mortuos suscitabit. Secundo quæritur de loco in quo iudicabit. Tertio quæritur de statu beatorum post iudicium. Et ista patent per ordinem in quatuor capitulis huius distinctionis. Circa primum capitulum consequenter quærit duo. Primo, An iudicabit in forma hominis? Et secundo, Vtrum in forma gloriosa vel non gloriosa? & hoc est totum quod quærit in litera. Incidit autem quæstio circa primum. Videtur, quod non in forma hominis iudicabit. Iudicare enim est superioris secundum dignitatem: sed superior natura est diuinitas: ergo secundum diuinitatem competit sibi iudicium: ergo falsum est quod dicit in litera.

2 Item, Iudicium inuincibilem potentiam præexigit in iudice. Vnde Eccli. 7. Noli quærere fieri iudex, nisi valeas virtute irrumpere iniquitates. Sed huiusmodi potentia non est nisi in diuinitate. Ergo iudicium non competit ei nisi secundum diuinitatem.

3 Item, Eiusdem formæ siue naturæ non est iudicare & iudicari: sed iudicabitur ibi forma humana: ergo videtur, quod non competit ei iudicare: ergo iudicium exercebit secundum diuinam naturam.

4 Item, Potestas iudicandi ordinata descendit à prima auctoritate quæ est in Deo: sed prius competit Filio in quantum Deus, quam in quantum homo: ergo magis debet attribui Deo Christo secundum quod est Deus, quam secundum quod est homo.

5 Item, Arist. in 5. eth. dicit, quod Deus iudex est iustum animatum. Iustitia autem

*D. Alber. Mag. in Lib.4. Sentent.*

inflexibilis est magis in diuinitate quam in humanitate: ergo magis competit Christo esse iudicem secundum diuinitatem, quam secundum humanitatem.

**IN CONTRARIUM** est, quod iudicis ut sit clemens est scire per experimentum infirmitates iudicandorum: sed hoc non competit secundum diuinitatem, sed magis secundum humanitatem.

2 Item, Eiusdem est iudicare cuius est legem ponere: sed secundum formam humanam legem posuit: ergo secundum eandem iudicabit.

3 Item, In forma serui iudiciaria meruit potestatem: ergo secundum eandem habebit iudicare.

**RESPONSIO.** Dicendum, quod hoc quod in litera dicit Magister, sunt verba August. & tenenda per omnia: intelligendum tamen, quod duo circa iudicem attenduntur, scilicet virtus iudiciariæ potestatis, & forma iudicis, ut est iudex proprius horum iudicandorum. Et primum quidem competit Christo secundum diuinitatem, & secundum habet fieri in humanitate. Et quod ita sit, patet ex verbis August. quæ inducit, ubi infra in eodem loco dicit, Non quod ipse ex virtute hominis sit iudicaturus, vel quod ipse solus, &c. Et per hoc patet solutio omnium obiectionum: quia prima pars non probat, nisi quod virtus iudiciariæ potestatis sit ex diuinitate. Sed ex hoc non sequitur, quod forma illa appareat: quia apparet in forma in qua est iudex horum, prout tales sunt homines, quibus in forma hominis legem posuit, ut conuincantur de transgressione legis suæ, & de malis quæ fecerunt in ipsum.

### ARTICVLVS II.

#### *An diuinitas sine gaudio videri potest?*

**D**Einde quæritur de hoc quod dicit ibi [Diuinitas enim sine gaudio videri non potest, &c.] Videtur enim hoc esse falsum: aut

FFFf 3          enim



enim intelligitur de visione intellectuali, vel sensibili. Si de intellectuali, falsum est: quia multi modo Deum vident naturali visione intellectuali, qui non habent gaudium beatorum. De visione autem sensibili intelligi non potest: quia sensibili visione non videtur diuinitas. Si dicat aliquis, quod hoc est intelligendum de visione quæ est in ipsa diuinitatis præsentia. Contra: Augustinus dicit, quod ea quæ præsentia sunt intellectui, melius videntur: sed Deus per essentiam suam modo præsens est intellectui: ergo etiam modo per essentiam videtur: & tamen non surgit inde gaudium: ergo falsum est quod dicit.

2. Item, Ponamus, quod diabolus diuinitatem videat iustam & iudicantem: constat, quod contremiscet: & tamen diuinitas iustitia sua est: ergo contringet diuinitatem videre cum pauore & tremore: non ergo semper cum gaudio.

3. Item, In naturali visione visio quæ extendit se, fit practica, & facit motum in appetitu, & æqualiter se habet ad gaudium & tristitiam secundum quod res visa nuntiatur, ut amica, vel inimica: sed non ita potest fieri nuntium de diuinitate visa: ergo visio diuinitatis æqualiter potest esse cum tristitia sicut cum gaudio.

*solutio.*

**R E S P O N S I O.** Dicendum, quod illud intelligitur de visione per speciem gloriæ se-

cundum quod est obiectum beatorum: hanc enim speciem nulla creatura percipere potest, nisi secundum quod perfecta est per glorificationem.

**A D P R I M V M** ergo dicendum, quod intelligitur de tali visione intellectuali: sed talem nullus modo habet, nisi beatus & glorificatus.

**A D A L I V D** dicendum, quod licet Deus præsens sit in anima, non tamen ibi est per speciem gloriæ, nisi in intellectu perfectio per glorificationem: & ideo quod inest per essentiam, accipitur in speculo & ænigmate: quia sicut dicit Augustinus, Acies humanæ mentis in tantæ excellenti luce non figitur, nisi per iustitiam fidei emundetur. Et hoc est quod dicitur, quod mundi corde videbunt Deum.

**A D A L I V D** dicendum, quod talis visio est in umbra, quia non habet intellectus speciem glorificationis: & ideo etiam à Dionysio dicitur intellectus dæmonum & phantasia proterua. Vnde patet, quod non valet obiectio.

**A D V L T I M V M** dicendum, quod non est simile: quia in tali visione non fit motus, nisi secundum speciem apprehensam: & illa communiter se habet secundum quod in genere accipitur. Hic autem accipitur in specie, prout maxime mouet ad gaudium in specie gloriæ, in qua ostenditur beatis: & sic intelligitur litera.

### *Quod apparebit tunc in forma serui.*



**B**E D cum in forma humana constat eum appariturum, quæritur, An in forma illa gloriosa appareat, sicut verè est, an in forma qualis in passione extitit? Quidam putant à malis talem videri qualem crucifixerunt, id est, infirmi: quia dicit Scriptura, Vt videant in quem pupugerunt. Sed apertè Augustinus dicit formam serui glorificatam à bonis & à malis tunc videri sic: Cum in forma serui glorificata iudicantem viderint boni & mali, tolletur impius, ut non videat claritatem Dei quæ Deus est, quam soli mundi corde videbunt: quod erit eis vita aterna. Forma ergo humana in Christo glorificata videbitur à cunctis: vnde & Christus dicitur iudicaturus, quia filius hominis est. Ita enim legitur in Euangelio Ioannis, Et potestatem dedit ei iudicium facere, quia filius hominis est. Non quod ipse ex virtute hominis sit iudicaturus, vel quod ipse solus sine Patre & Spiritu sancto iudicium sit facturus: sed quia ipse solus in forma serui iudicans bonis & malis videbitur. Cum ergo Pater non iudicat quemquam, sed omnem potestatem dedit Filio: non ita est intelligendum, quasi Filius solus iudicet, & non Pater, sed quia forma Filij humana cunctis in iudicio apparebit, non in forma infirma, sed gloriosa. Iudicabit autem ex virtute diuinitatis, non sine Patre & Spiritu sancto, & apparebit terribilis impiis, & mitis iustis. Erit enim terror malis, & lumen iustis.

Zach. 12.  
Super  
Ioan.  
tract. 21.  
& 1. de  
Trinit.  
cap. 13.

Ioan. 5.

Ioan. 5.



ARTICVLVS III.

*An omnes tam boni quam mali videbunt  
formam gloriae humanitatis Christi?*

**D**Einde queritur de hoc quod dicit ibi [Sed aperte dicit Augustinus, formam serui glorificatam, &c.] Videtur enim hoc esse impossibile: quia omnis visio fit secundum potestatem videntis, & non secundum potestatem rei visae: ergo & ista: sed non gloriosus oculus non habet potestatem comprehendendi formam gloriae: ergo impossibile est, quod videatur corpus gloriosum.

2 Item, Impij non habebunt oculos maioris potentiae tunc, quam nunc sunt: sed modo licet sit oculus propè maximum corpus gloriosum, tamen non videt ipsum in forma gloriae: ergo nec impij tunc videbunt Christum in forma gloriae.

**A D H O C** quidam aliquando dixerunt, quod praesentabit se eis Christus in forma gloriae: sed ipsi non videbunt eum, nisi in specie non gloriosa: sicut & discipulis se exhibuit gloriosum, sed ipsi viderunt eum in specie non gloriosa, sicut faciem coloratam habentem & habitum peregrini.

**S E D I N C O N T R A R I V M** huius est, quod haec non est potestas oculi gloriosi vel non gloriosi, quod lucidum videatur sub specie colorati: quia nos videmus modo lucidum in forma lucis, & non lucidum in forma & specie coloris: ergo videtur, quod etiam impij tunc videbunt lucidum in luce, & non in colore: ergo solutio illa nulla est.

2 Item, Discipuli tres ante quos transfiguratus est Christus, viderunt faciem eius in luce, & tamen oculi eorum non erant glorificati: ergo videtur, quod ista non sit proprietas oculi non gloriosi quae dicta est.

**R E S P O N S I O.** Videtur concedendum, quod omnes tam boni, quam mali, videbunt formam gloriae humanitatis. Et inter omnes vias videtur mihi pauciora inconuenientia habere illa, quae dicit gloriosum corpus in potestate habere videri vel non videri, sicut supra notatum est.

**A D P R I M V M** ergo dicendum, quod habet bene potestatem: sed illud habet in potestate videri vel non videri.

**A D A L I V D** dicendum, quod modo videri non possunt corpora gloriosa quantum est de potestate videntis: sed ex parte rei visae impediri potest visio: & hanc sententiam directe dicit Gregor. in quadam homilia.

**A D A L I V D** dicendum, quod discipuli viderunt eum sicut se exhibuit, scilicet in colore complexionem sequente. Quare autem se talem exhibuit, reddit Gregorius rationem: quia in mentibus eorum talis fuit: & ideo non erat fictio, sed instructio.

ARTICVLVS IV.

*An visio Dei in patria debeat dici vita aeterna?*

**D**Einde queritur de hoc quod dicit ibi [Quod erit eis vita aeterna, &c.] Vita enim aeterna non consistit in visione, sed etiam in amore & fruitione: ergo sola visio non erit vita aeterna.

2 Item, Visio passio est: & vita aeterna est quidam actus perpetuae vitae in animam beatam, ut supra dictum est: ergo videtur, quod visio non sit vita aeterna.

3 Item, Vita potius consistit penes motuam potentiam, quam intellectiuam: ergo videtur, quod potius amor sit vita aeterna, quam visio.

**I N C O N T R A R I V M** est, quod dicit Augustinus, quod visio est tota merces.

**R E S P O N S I O.** Dicendum, quod de visione Dei in patria quid sit, & utrum possibilis sit creaturae, & cetera huiusmodi, disputata sunt in 1. lib. de vi & fini super id. Finimur cognitis, &c. Hic autem dicendum est, quod vita aeterna consideratur dupliciter, scilicet secundum id quod substat in ea, & quod materiale est: & secundum id quod informat, & est quasi formale. Et primo quidem modo visio est vita aeterna propter causam quae supra dicta est in quaestione de vita aeterna. Secundo autem modo delectatio consequens amorem habitae diuinitatis est vita aeterna. Unde id quod est causa vitae aeternae, est amor pascens siue pastus in viso habito. Et per hanc distinctionem patet solutio omnium obiectorum.

ARTICVLVS V.

*An Christus in forma serui iudicans, videbitur a bonis & malis?*

**D**Einde queritur de hoc quod dicit [In forma serui iudicans, a bonis & malis videbitur] Videtur enim quod etiam secundum diuinitatem videndus sit corporeis oculis, praecipue a bonis: quia ita dicit August. 22. de ci. Dei. cap. 29. Et per illos oculos sic videbitur Deus, ut aliquid habeat in tanta excellentia menti simile, quo & in corporea natura cernatur, quod vllis exemplis siue Scripturarum testimoniis diuinatum vel difficile vel impossibile est ostendere. Aut quod est ad intelligendum facilius, ita Deus erit notus atque conspicuus, ut videatur spiritu a singulis nobis in singulis, videatur ab altero in altero, videatur in caelo nouo & in terra noua, atque in omni quae tunc fuerit creatura, videatur.

**R E S P O N S I O.** De hoc etiam in prima dist. primi libri est habitum, utrum sensus conuerteretur in rationem. Et dicendum, quod non: nec Augustinus dicit, sed intedit, quod creatura corporalis accepta per oculos speciem nobiliori & euidentiori quam modo. Deum manifestabit: & sic spiritus noster facilius in visis quam modo cognoscet.



*Quare secundum formam serui dicitur Christus suscitaturus corpora.*

Super  
Ioan.  
tract. 23.  
Ibidem.

**E**T sicut dicitur Christus secundum formam serui iudicaturus, propter causam præmissam: ita etiam dicitur suscitaturus corpora mortuorum, secundum humanitatem, cum tamen virtute diuinitatis sit suscitaturus, non humanitatis. Sed hac ratione illud dicitur, quia in humanitate suscepit quod est causa nostræ resurrectionis, id est, passionem & resurrectionem. Ideo ei ascribitur secundum hominem suscitatio mortuorum. Vnde Augustinus, Per verbum Filium Dei, fit animarum resurrectio. Per verbum factum in carne filium hominis, fit corporum resurrectio. Item, Iudicat & suscitatur corpora non Pater, sed Filius secundum dispensationem humanitatis, in qua minor Patre est Christus. In eo quod est Filius Dei, est vita quæ viuificat animas: in eo quod est filius hominis, iudex. Ecce secundum formam humanitatis dicitur suscitaturus corpora, & iudicaturus. Iudicaturus autem, quia illa forma cunctis in iudicio apparebit: & suscitaturus, quia in eadem forma meritum & causam resurrectionis nostræ suscepit. Et quia secundum eandem formam vocem dabit, qua mortui de monumentis resurgent, & procedent. Secundum quod Deus est, viuificat animas, non Pater tantum, quia non tantum Pater vita est, sed & Filius cum eo, & Spiritus sanctus eadem vita est, quæ pertinet ad animam non ad corpus. Corpus enim non sentit vitam sapientiæ, sed anima quæ illuminatur à lumine æterno. Licet ergo Christus potentia diuinitatis viuificet animas, & suscitetur corpora, & iudicet: non otiosè tamen & præter rationem ei secundum formam Dei tribuitur viuificatio animarum, & secundum formam serui iudicium & resuscitatio corporum.

*De loco iudicij.*

**V**T ANT quidam Dominum descensurum in vallem Iosaphat in iudicio: eò quod ipse per Ioëlem Prophetam sic loquitur, Congregabo omnes gentes, & deducam eas in vallem Iosaphat, & disceptabo ibi cum eis. In cuius capituli expositione ita reperi, Hoc quidam pueriliter intelligunt, quòd in valle quæ est in latere montis Oliueti, descensurus sit Dominus ad iudicium, quod friuolum est: quia non in terra, sed in spatio huius aëris sedebit contra locum montis Oliueti, ex quo ascendit. Et sicut Ioannes Chrysostom. dicit, Angeli deferent ante eum signum crucis: vnde in Euangelio veritas dicit, Et tunc apparebit signum filij hominis, &c. Iosaphat autem interpretatur iudicium Domini. In vallem ergo Iosaphat, id est, iudicij Domini congregabuntur omnes impij. Iusti verò non descendent in vallem iudicij, id est, damnationem, sed in nubibus eleuabuntur obuiam Christo.



EXPOSITIO TEXTVS.

**E**inde quæritur de hoc quod dicit ibi [Et sicut dicitur Christus secundum formam serui, &c.] Sciendum est, quod totum istud iam disputatum est distinct. 43. ubi quæsitum est de causis resurrectionis.

ARTICVLVS VI.

*An sit aliquis locus in quo sit Deus iudicaturus mundum?*

**E**inde quæritur de hoc quod dicit ibi [Putant quidam Dominum descensurum] Videtur enim, quod non contra montem Oliuæ, sed contra locum prætorij Pilati, ubi iudicatus est, sedere in aëre debeat: quia congruit, ut ibi iudicet, ubi iudicatus est.

2 Item videtur falsum quod dicit, quod impij in terra manebunt: quia elementum eis

congruentius est ignis afflictivus & vltimus: ergo super Sanctos debent disponi in igne potius quam in terra.

**V**LTERIVS quæritur de nubibus in quibus eleuabuntur iusti: quia nubes per resolutionem fiunt de terra & aqua: & tunc à nullo fiet euaporatio vel resolutio: ergo nullæ nubes erunt.

**R**ESPONSIO. Disputare de ista materia est potius diuinare, quam disserere. Dicendum tamen, quod bene congruit sic esse, ut dicunt: & tunc sedebit contra montem Oliuæ, ut significet à iudicio illo misericordiam relaxantem non esse alienam: cuius contrarium significaretur, si sederet contra Golgothæ vel prætorium Pilati.

**A**D ALIVD dicendum, quod ignis ille in quo erunt mali, motu insecutionis materiæ suæ descendet deorsum, ut prius dictum est: & ideo bene putò, quod mali in terra stabunt in igne inuolvente eos & trahente in infernum.

**A**D VLTIMVM dicendum, quod meo iudicio nubes hic vocatur densitas lucis resplendentis à corporibus Sanctorum, & non dicuntur hæ nubes hic obscuræ, quæ fiunt ex terræ & aquæ euaporationibus.

*De qualitate luminarium, & temporibus post iudicium.*

**V**ENIENTE autem ad iudicium Domino in fortitudine & potestate magna, sol & luna dicuntur obscurari: non sui luminis priuatione, sed superueniente maioris luminis claritate. Virtutes quoque cælorum, id est, Angeli dicuntur moueri non metu damnationis, vel aliqua perturbatione pauoris, sed quadam admiratione eorum quæ viderint. Vnde Iob, Columnæ cæli pauent aduentum eius. Ante diem vero iudicij sol & luna eclipsim patientur, sicut Ioël testatur dicens, Sol conuertetur in tenebras, & luna in sanguinem, antequam veniat dies Domini magnus & horribilis. Magnus verò dicitur, propter magna quæ ibi fient. Cum autem factum fuerit cælum nouum, & terra noua, tunc erit lux lunæ sicut lux solis, testante Isaia, Et lux solis erit septemplex, id est, sicut lux septem dierum: quia quantum luxit sol in prima conditione 7. dierum ante peccatum primi hominis, tantum lucebit post iudicium. Minorata enim fuit lux solis & lunæ aliorumque siderum, per peccatum primi hominis: sed tunc recipiet sol mercedem sui laboris, quia septemplex lucebit: & tunc non erit vicissitudo diei & noctis, sed tantum dies. Vnde Zacharias, Et erit dies vna quæ nota est Domino, non dies neque nox: & in tempore vespere erit lux, quia tunc non erit varietas diei & noctis quæ modo est, sed continua dies & lux. Isaia tamen videtur dicere, quod tunc non luceat sol vel luna, loquens congregationi sanctorum. Non erit ibi, inquit, amplius sol ad lucendum per diem, nec splendor lunæ illuminabit te: sed erit tibi Dominus in lucem sempiternam. Sed his verbis non negat solem & lunam tunc lucere, sed significat his qui tunc erunt in æterna beatitudine, nullum lucis vsum præstare: quia ut ait Hieron. super eundem locum, Cæli & terræ, solis atque lunæ nobis

Quæstio- cula.

Solutio.

Ad quæ- stionem.

Luc. 21. Mar. 24. Luc. 21.

Iob 16.

Ioël. 2. & 3.

Isa. 65.

Isa. 30.

Zach. 14.

Isa. 60.

Lib. 10.



nobis cessabit officium, & erit ipse Dominus lumen suis in perpetuum. Potest etiam intelligi illud Isaia ea ratione dictum, quia sol & luna tunc non habebunt ortum & occasum sicut nunc. Vnde Isidor. illud Isaia quasi exponens ait, Post iudicium sol laboris sui mercedem suscipiet. Vnde Propheta, Lucebit septemplexiter, & non veniet ad occasum nec sol nec luna, sed in ordine quo creati sunt, stabunt, ne impij in tormentis sub terra positi, fruantur luce eorum. Vnde Abac. 3. Abacuc, Sol & luna steterunt in ordine suo. Ecce aperte dicit solem & lunam tunc lucere, sed stabiliter permanere: ubi etiam significat infernum esse sub terra. Si verò quæritur, Quis sit usus lucis solis & lunæ tunc? Fateor me ignorare, quia in Scripturis non memini me legisse.

## ARTICVLVS VII.

*An in iudicio extremo sol & luna eclipsim patientur?*

**D**Einde quæritur de hoc quod dicit [Sol & luna eclipsim patientur, &c.] Videtur enim hoc impossibile: quia sol & luna nunquam possunt simul pati eclipsim: sed sol in coniunctione eclipsim patitur, & luna in oppositione: ergo falsum est quod dicit.

**Solutio.** **R**ESPONSO. Ad hoc dicendum, quod Hieron. multa dicit signa debere præcedere diem iudicii, quæ quia nescio si vera sunt, ideo non pono. Sed istud videtur dicendum, quod si sol & luna obscurabuntur simul, sicut videtur velle Hieron. hoc non erit per causam naturalem coniunctionis vel præuentionis eorum, sed potius virtute diuina, ut terror hominibus incutiat, sicut Lucas innuit 21. Erunt signa in sole & luna, &c. Sequitur, Et in terris pressura gentium, &c. Vel fortè quia lumine solis & lunæ cuncta generantur & viuunt: & tunc stabit generatio: ideo etiam defectus dicitur esse luminarium.

## ARTICVLVS VIII.

*An lux solis erit maior post iudicium, quam fuit ante?*

**D**Einde quæritur de hoc quod dicit [Et lux solis erit septemplexiter, &c.] Videtur enim hoc esse contra rationem: quia lux solis data est ad mouendum ad generationem inferiorum: ergo sublata generatione debet auferri eius lumen: non ergo debet tunc amplius lucere, sed minus.

**Solutio.** **A**D hoc dicunt, quod remunerabitur sol propter hominis dignitatem, ad cuius generationem mouit, ut numerus electorum impleretur.

**A**D OBIECTVM autem dicunt, quod lux non mouebit amplius ad generationem, sed stabit: quia per motum causabat generationem. Dicunt autem, quod sol in sex primis diebus ante peccatum hominis plusquam modo luxit, & tunc redibit ad illam lucem, & insuper

septies addetur ei tantum de lumine, quantum habuit in sex primis diebus. Homines autem in septuplum plusquam sol in illis diebus, scilicet post iudicium. Et quid de hoc verum sit, nullus scit nisi Deus.

## ARTICVLVS IX.

*An tunc erunt vices diei & noctis?*

**D**Einde quæritur de hoc quod dicit ibi [Et tunc non erit vicissitudo diei & noctis, &c.] Hoc videtur impossibile: quia terra ad oppositum locum solis semper dabit umbram: & umbra terræ est nox: ergo tunc erit nox.

**A**D hoc dicendum, quod nusquam erit tunc nox, nisi in centro terræ: quia licet sol stet cum elementis & stellis & luna, tamen tantum addetur in lumine, quod hemisphærium sibi oppositum erit illuminatum, sicut & illud in quo stabit sol: & ideo dicitur non esse vicissitudo diei & noctis.

## ARTICVLVS X.

*An sol & luna præstabunt beatis lucem?*

**D**Einde quæritur de hoc quod dicit [Sed significat his qui erunt in æterna beatitudine, &c.] Videtur falsum: quia illi maxime habebunt lucis usum: quia aliter erit vana.

**A**D hoc dicendum, quod intelligit, quod non est idem usus lucis qui modo est: tunc enim erit ad admirationem sapientiæ creatoris, & non ad illuminandas tenebras, quæ nullæ erunt nisi in inferno, & illæ non illuminantur.

## ARTICVLVS XI.

*An infernus sit in superficie terræ?*

**D**Einde quæritur de hoc quod dicit [Ne impij in terra in tormentis positi fruantur luce, &c.] Et quærentur hic duo de inferno, scilicet an sit in superficie terræ, sicut videtur



videtur velle Isid. hic, an aliquid aeris sit in inferno vel non? Ad primum obicitur sic: Sicut dicit Philosophia ad Boe. Ptolemaeus probauit solam mundi quartam esse habitabilem. Ex hoc sequitur, quod quarta terra inferior non sit habitabilis hominibus: sed constat, quod nihil factum est sine causa: ergo videtur, quod ibi sit habitatio damnatorum, cum ad aliud non videatur pertinere.

2 Item, Isaac dicit, quod peccatorem deprimunt peccata sua sub tristi orbe, & erit ibi in igne maximo: & hic est eius infernus. Orbis autem tristis est inferior pars orbis secundum Philosophos. Ergo videtur, quod ibi sit infernus.

3 Item, Hoc dicit Isaac, quod non rotantur luminaria, ne impij in tartaro positi sua luce fruantur: ergo si rotarentur, impij sua luce fruerentur: sed hoc non posset esse, si infernus esset in centro terrae: sed impossibile est, quod sit in alia mundi parte: ergo infernus est in parte mundi inferiori.

*Solutio.* RESPONSIO. Dicendum, quod infernus non est in alio mundi hemisphario. Quod autem sit in aliquo hemisphario non arbitror scire quoniam: quia secundum philosophiam Theodosij ubi de locis habitabilibus geometricas edidit demonstrationes, illud hemisphaerium aequale est temperatum sicut istud: sed verum est quod Ptolemaeus dicit, quod non est visa observatio stellarum vel eclipsium alicuius habitantium in illis locis, quae peruenerit ad nos. Et hoc intendit philosophia dicere in consolatione. Quae autem sit causa in 2. lib. tractatu de paradiso secundum Augustinum est notatum.

AD ALIVD dicendum, quod Isaac tristem orbem ibi vocat ima terrae, ubi in tartaro damnati recludentur.

AD ALIVD dicendum, quod Isid. ea quae dixit, non probauit, nec fidei sunt: & ideo ea facilitate condemnantur, quae dicuntur. Vel

si aliquis vult eum defendere: tunc dici potest, quod contingit dupliciter frui luce luminarium, scilicet secundum se, & secundum effectum. Et secundum se quidem non contingit frui, etiam si rotarentur, sicut probat obiectio. Sed secundum effectum contingeret: quia sicut dicit Ptolemaeus, radij stellarum non veniunt nisi in centro terrae, quandiu rotatu suo mouent terram ad generationem: & cum stabunt, tunc amplius non mouebunt: & tunc quodam hunc effectum non fruentur.

## ARTICVLVS XII.

*An aliquid aeris sit in inferno*

Secundo quaro, Vtrum aliquid aeris sit in inferno? Videtur, quod sic: quia nihil est vacuum: constat autem, quod damnati non replent totum locum illum, nec aliquod grossum elementum, nec ignis est ibi nisi in damnatis: ergo videtur, quod aer sit ibi.

2 Item, Homo est animal spirans: & non potest inspirando aliquod elementum viuere nisi aerem: ergo videtur, quod ibi sit aer.

*Solutio.* RESPONSIO. Dicendum, quod istae quaestiones friuolae sunt, nec determinari humano ingenio possunt: tamen magis puto, quod non erit ibi aer, sed tantum ignis, & frigus, & damnati.

AD PRIMVM ergo dicendum, quod locus ille plenus est igne, & frigidis materiis, & damnatis.

AD ALIVD dicendum, quod inspiratio & expiratio sunt modo propter pectoris calorem & cordis, ne incendatur humor cordis ex motu: sed tunc non erit humor alterabilis: & ideo non erit respiratio. Sed tamen hoc sine prauidicio dico. Qualiter autem sit in calo empyreo, infra patebit, cum de sensibus gloriosi corporis dicetur.



## DISTINCTIO XLIX.

*De differentia mansionum in celo & inferno.*




OST resurrectionem vero facto vniuerso impleto- que iudicio, suos fines habebunt ciuitates duae: vna Christi, alia diaboli: vna bonorum, altera malorum, vtraque tamen Angelorum & hominum. Istis voluntas, illis facultas non poterit esse peccandi, vel vlla conditio moriendi. Istis in aeterna vita feliciter viuentibus, illis infeliciter in aeterna morte sine moriendi potestate durantibus: quoniam vtrique sine fine. Sed in beatitudine isti, alius alio praestabilius: in miseria vero illi, alius alio tolerabilius permanebunt. Ex his apparet, quod sicut boni differenter glorificabuntur, alij magis, alij minus: ita & mali differenter

*De statu & conditione bonorum post iudicium.*



- Ioan. 14.** differenter in inferno punientur. Sicut enim in domo patris, id est, in regno cælorum mansiones multæ sunt, id est, præmiorum differentia: ita & in gehenna diuersæ sunt mansiones, id est, suppliciorum differentia. Omnes tamen æternam pœnam patientur, sicut omnes electi eundem habebunt denarium, quem paterfamilias dedit omnibus qui operati sunt in vinea. Nomine denarij aliquid omnibus electis commune intelligitur, scilicet vita æterna: Deus ipse quo omnes fruuntur, sed impariter. Nam sicut erit differens clarificatio corporum, ita differens gloria erit animarum. Stella enim à stella, id est, electus ab electo differt in claritate mentis & corporis. Alij enim aliis vicinior clariorque Dei speciem contemplabuntur: & ipsa contemplandi differentia diuersitas mansionum vocatur. Domus ergo est vna, id est, denarius est vnus: sed diuersitas est ibi mansionum, id est, differentia claritatis: quia vnum est & summum bonum beatitudo vita omnium, id est, Deus ipse. Hoc bono omnes electi perfruentur, sed alij aliis plenius. Perfruentur autem videndo per speciem, non per speculum in ænigmate. Habere ergo vitam, est videre vitam, id est, cognoscere Deum in specie. Vnde veritas dicit in Euangelio, Hæc est vita æterna, vt cognoscant te verum Deum, & quem misisti Iesum Christum esse vnum & solum verum Deum: hoc est habere vitam, id est, cognoscere te non est ipsa cognitio, quæ tu es, sed per cognitionem habere bonum, quod tu es, id est, vita.



### DIVISIO TEXTVS.

**P**ost resurrectionem vero, &c.] Hic incipit pars quæ est de consequentibus iudicium, & habet duas partes, in quarum prima agit de consequentibus iudicium ex parte bonorum: in secunda de consequentibus ex parte malorum. In prima autem ex parte bonorum sex inducuntur quæstiones, scilicet de differentia mansionum, de beatitudine, de differentia cognitionis beatorum, de differentia & paritate gaudiorum, an beatitudo augeat post iudicium, & quare animæ resumunt corpora, cum sine his beatitudinem habere possint? Et hæc patent in principiis capitulorum istius distinctionis per ordinem. Circa primum capitulum incidunt tria inquirenda, scilicet quid sit mansio, quid sit factuum mansionis, & ubi est mansio?

### ARTICVLVS I.

#### Quid sit mansio?

**A**d primum obiicitur ex litera vbi dicit, quod mansiones sunt præmiorum differentia. Viderur enim hoc falsum: quia mansio dicit secundum nomen suum aliquid domus: præmium autem secundum nomen suum nihil dicit domus: ergo diffinitio est inconueniens, quia secundum nomen dari debet.

2 Item, Vnum vno modo se habens, om-

nium erit præmium: sed vnum vno modo se habens, non habet differentiam: ergo id quod præmium erit omnibus, præmiorum non habebit differentias: sed habebit differentias mansionum, dicente Euangelio Ioan. 14. In domo patris mei mansiones multæ sunt. Ergo videtur, quod mansiones non sunt præmiorum differentia.

3 Item, In inferioribus dicitur mansio locus præparatus habitationi hominum, in quo ab infestantibus & intemperamentis aeris defendatur: cum ergo secundum translationem in cælo dicatur, videtur quod secundum hunc modum etiam sit in cælo. Et hoc falsum esse multipliciter probatur. Primo quidem: quia non sunt ibi infestantia: hominis autem mansio contra infestantia ædificatur.

Secundo autem: quia vna mansio in inferioribus est plurium, in cælo autem nullo modo: ergo non accipitur ibi mansio per similitudinem ad istam.

4 Item, Vna mansio vnus hominis plura habet loca distincta, scilicet dormitorium, cellarium, refectorium, & huiusmodi: in cælo autem nihil talium est: ergo non bene dicitur mansio, vt videtur.

5 Item, Semper se mutantis non est mansio aliqua: sed in cælo semper mutant se beati: ergo nulla est mansio ipsorum. Prima patet per se. Secunda probatur ex hoc, quod continuè illuminantur nouis modis, & altius ascendant in Dei contemplationem, sicut innuit Dionysius in cæ. hierar. ca. 3.

**R E S P O N S I O.** Dicendum, quod mansiones sunt in cælo in domo patris. Gaudium enim illius beatitudinis dupliciter considera-

Solutio.

tur,



etur, scilicet ut gaudium boni infiniti: & sic finitum intrat in ipsum: & hoc modo dicitur domus nos vndique circumstans, & supereffluens mensura prout dicitur Matt. 25. Intra in gaudium Domini tui. Secundo modo consideratur ut participatum secundum proportionem meriti nostri: & sic dicitur mansio, quia illa participatio est ad modum meriti cuiuscunque: & quia plurimae sunt tales participationes, ideo in vna domo plurimae sunt mansiones.

**AD PRIMVM** ergo dicendum, quod Augustinus loquitur de re mansionis, & non de nomine: quia res eadem est differentiae praemij, licet ratio nominum mansionis & praemij sit diuersa.

**AD ALIVD** dicendum, quod licet Deus vno modo se habeat, & sic sit domus: tamen Sancti non vno modo habent se in ipso participato: & sic ex parte participantium distinguuntur mansiones.

**AD ALIVD** dicendum, quod bene & congrue fit translatio: quia licet ibi non sint intermentamenta, tamen essent, nisi mansio esset: & est sicut mansio sancta, ut non sint ibi aeris tempestates.

**AD ALIVD** dicendum, quod non est plurium vna mansio commensurata secundum quantitatem & commodum, sed plurium potest esse vna domus. A mansionem autem commensurata sumitur translatio ad mansionem caelestem.

**AD ALIVD** dicendum, quod illa loca distincta vocantur vel dicuntur mansiones: & id in quo distinguuntur, habet similitudinem domus.

**AD ALIVD** dicendum, quod licet Sancti accipiant reuelationem nouam, non tamen mutant statum suae sortis in beatitudine: & illi statui soli responderet mansio.

## ARTICVLVS II.

*An omnes beati habeant distinctas mansiones?*

**S**ecundo queritur, Quid sit distinctio mansionis? Videtur, quod differens actus: quia mansio respondet merito: meritum autem omne est in actibus: ergo differens actus differentiam facit mansionum.

2 Item, In malis damnatis non est distinguens nisi actus mali meriti: ergo per oppositum etiam in bonis non est distinguens mansiones nisi actus boni meriti: ergo ut prius.

3 Item, De quolibet Sancto dicitur, Non est inuentus similis illi. Constat autem, quod hoc non intelligitur de essentia virtutis, ut dicunt sancti Doctores, sed de usu. Ergo videtur, quod penes usum virtutis differt quilibet ab altero: sed penes tale aliquid habet distinguere mansio, quia vniuscuiusque mansio differt ab alia: ergo videtur, quod penes usum virtutis distinguatur: usus autem virtutis est operatio meritoria: ergo penes opus meritorium distinguuntur mansiones.

4 Item, Nullum bonum est irremuneratum:

*D. Alber. Mag. in Lib. 4. Sentent.*

constat autem, quod hoc de bono opere intelligitur: ergo praemiorum differentiae sunt penes operum differentiam: sed istae sunt mansiones, ut dicitur in littera: ergo penes opera mansiones distinguuntur.

In contrarium huius videtur, quod penes naturam: quia Angeli, ut dicit Magister in 2. distincti sunt penes naturam: sed mansiones hominum sunt secundum mansiones Angelorum: ergo mansiones hominum secundum naturalem gradum habent distinguere.

2 Item, Matth. 25. Dedit unicuique secundum propriam virtutem. Vbi constat, quod loquitur de bonis gratiae, ante quae nulla sunt nisi naturalia: ergo dona gratiae dantur secundum virtutem naturae: & dona gloriae sunt dona gratiae: ergo dona gloriae distinguuntur secundum dona naturae: ergo & mansiones.

Item, In contrarium horum amborum videtur, quod penes quantitatem charitatis: quia hoc est distinguens, cuius altitudini respondet mansio altior, & inferioritati mansio inferior: sed hoc non est nisi secundum charitatem: ergo differentia mansionum accipitur secundum differentiam charitatis.

2 Item, Quantitas omnis meriti est secundum quantitatem charitatis: ergo quantitas praemij: ergo & differentia mansionum. Probatur prima: quia sicut dicunt Sancti, non habens plura opera, maioris est meriti, sed habens maiorem radicem charitatis.

**RESPONSIO.** Dicendum, quod charitas & quantitas charitatis distinguit mansiones, sicut vltimo est probatum.

**AD PRIMVM** ergo dicendum, quod meritum non est in actibus, nisi secundum quantitatem charitatis: quia substantia meriti non est habentis maius opus, sed ex maiori operantis charitate, sicut accipitur ex 1. Cor. 13. vbi dicit, quod si charitatem non habeam, cetera nihil mihi prosunt etiam excellentia opera.

**AD ALIVD** dicendum, quod in malis non est simile: quia mala opera non vniuntur in aliqua forma vna sicut bona: & ideo etiam mansiones in inferno secundum opera bene distinguuntur, sed non in domo patris caelestis. De hoc autem qualiter mala non habent aliquam formam vnam notatum inuenies in secundo.

**AD ALIVD** dicendum, quod hoc facit differentiam praemij accidentalit, quod est in qualitate & multitudine & magnitudine operum: sed differentia mansionum attenditur penes praemium substantiale.

**AD ALIVD** dicendum, quod omne remuneratur praemio substantiali vel accidentali.

**AD ID** quod in contrarium primo obijciatur, dicendum quod mansiones in Angelis non distinguuntur formaliter penes naturam: sed natura ad hoc ponit dispositionem naturalem, & formalem perficit donum gratiae & gloriae. Et hoc etiam super secundum est notatum.

**AD ALIVD** dicendum, quod ista donatio est per modum congrui, & non per modum debiti: & ideo non potest ulterius inferri,

G G G g

quod



quod mansio distinguatur penes ipsam, sed potius penes quantitatem eius quod inter dona Dei nobilissimum est, quod est charitas.

## ARTICVLVS III.

*Quomodo & ubi distinguantur mansiones?*

**T**ertio queritur, Vbi distinguantur mansiones? Et videtur, quod in purgatorio: quia ibi sunt differentie pœnarum: ergo & mansionum.

2 Item, Eorum qui sunt in purgatorio differens est charitas: sed differentia charitatis est causa differentie mansionum: ergo eorum qui sunt in purgatorio, differentes sunt mansiones.

3 Item, In limbo puerorum est habitatio perpetua: ergo videtur, quod ibi sunt differentes mansiones.

4 Item, Quilibet habet ibi suam: & ipsi sunt diuersi: ergo & habitationes diuersæ.

5 Item, In limbo patrum fuit differens charitas & differens meritum: ergo differens mansio, ut videtur.

*Solutio.*

**R**ESPONSIO. Dicendum, quod differentiam mansionum non est nisi in inferno damnatorum, & in cælo sanctorum.

**A**D PRIMVM ergo dicendum, quod mansio dicit suo nomine habitationem perpetuam: & hæc non est in purgatorio. Et per hoc patet etiam solutio ad sequens.

**A**D ALIUD dicendum, quod cum pueri non habent nisi originale, & illud in quantum est alienum propagatum à patribus, non hanc habent in limbo pueri mansionum differentiam.

**A**D ALIUD dicendum, quod hoc non facit nisi materialem multiplicationem mansionum: & talis non queritur hic.

**A**D HOC quod obiicitur de limbo patrum, patet solutio per antedicta: quia non fuit habitatio perpetua.

## ARTICVLVS IV.

*Quid sit claritas animæ?*

**D**einde queritur de hoc quod dicit ibi [Habere vitam, est videre vitam, &c.] Queruntur enim hic duo. Primo queritur, Quæ sit claritas animæ de qua loquitur in littera? Et secundo, Quid sit videre in specie? de quo etiam facit mentionem in littera. Cætera autem in primo, & supra in precedenti distinctione de visione Dei in patria hic queri possunt.

Obiicitur autem ad primum sic, Videndo nihil efficitur clarum: ergo claritas non est visio, ut videtur dicere in littera.

2 Item, Claritas in corpore consistit in lumine penetrante & illustrante substantiam corporis, & non in visione luminis: ergo similiter consistit claritas animæ in lumine aliquo spiritali: & ita nihil est quod dicit de visione.

3 Item, Anima de se obscura est dupliciter, scilicet ex peccato, & ex hoc quod est de nihilo & mutabilis: ergo duplici indiget glorificatione, si debeat fieri beata: sed neutrum horum tollitur per visionem: ergo claritas animæ nullo modo consistit in visione.

4 Item, In Angelis est alia claritas, quam visio intelligentiæ: ergo & in anima erit.

**R**ESPONSIO. Bene concedo, quod claritas erit in anima etiam in substantia, sicut obiectiones probant: sed quod dicitur in littera, dictum est per causam: quia per visionem accipitur claritas sapientiæ, quæ totam animam glorificando penetrat: & huius imaginatio est, sicut si quis videndo lumen, in se per oculos traheret lumen, quod ingressum in ipsum totum faceret clarum. Et per hoc patet solutio ad omnia obiecta.

## ARTICVLVS V.

*Quid sit videre per speciem?*

**S**ecundo queritur, Quid sit videre in specie? Ad omnem enim intellectum exigitur informatio: ergo ad intellectum Dei: ergo si Deus intellectu videri debeat, oportet speciem Dei esse in intellectu sicut formam in subiecto, & sicut passionem quandam animæ in intellectu: ergo videtur, quod Deus non videatur per speciem quæ ipse est, sed per speciem ab ipso acceptam.

Si dicas, quod quædam per se sunt in anima, sicut Deus, & intellectus ipse, & huiusmodi: & in illis non exigitur huiusmodi abstractio. Contra: Philosophus dicit, quod intellectus intelligit se, sicut alia intellectibilia: sed alia intelligit per abstractionem: ergo & seipsum.

2 Item, Aliud est secundum Philosophum esse in anima sicut partem animæ in toto, & aliud esse in anima sicut intellectum in intellectu. Primo enim modo non necessario intelligitur quod est in anima, sed secundo modo necessario intelligitur. Ergo non sequitur, quod illa necessario intelligantur quæ per essentiam sunt in anima. Ergo illa solutio nulla esse videtur.

**I**N CONTRARIUM huius est, quod impossibile est illius accipere speciem vniuersalem quod nullam habet: sed Deus nullam habet speciem vniuersalem: ergo impossibile est accipere suam speciem vniuersalem: ergo ab eo nihil est in intellectu, ut videtur, quia species accepta per intellectum, est vniuersale.

**R**ESPONSIO. Dicendum, quod in hoc de hoc plura sunt notata in tractatu de fide. Hic tamen potest dici, quod Deus in patria aliter est in anima, & aliter in via & in omnibus: quia in patria est in intellectu lumine gloriæ replens totam animam, & vitam æternam sibi influens, secundum quod beatitudinis est obiectum, ut supra dictum est: & sub illa claritate anima conuertitur immediate in Deum non accipiendo aliud ab ipso quam ipse sit: sed hoc modo vnita ei in vno spiritu intelligit



telligit eum: & ideo ad hunc intellectum non est necessaria speciei assimilatio formalis quando substantialiter inest.

Ad dicendum autem veriusque Philosophi dicendum, quod ipsi verum dicunt de intellectu materiali, qui de potentia ad actum egreditur: nec aliud quam ipsi dicunt intelligi potest, dummodo sciat homo quid dicat aut intelligat. Sed in patria non erit sic: ibi enim

incircumscriptum lumen deitatis quod est Deus ipse, vnitur intellectui agentis, & sic effunditur substantialiter super totam animam & implet eam: & hoc modo anima plena erit ipso Deo qui est sua beatitudo. Et hoc est quod obscure dixerunt Philosophi, quod si anima post mortem primo motori continuaretur, hoc esset ratione suae prosperitatis. Et per hoc patet solutio ad omnia obiecta.

*Si omnes homines volunt esse beati.*



**S**OL ET etiam quari de beatitudine, Vtrum eam omnes B velint, & sciant quæ sit vera beatitudo? De hoc Augusti-  
nus in 13. lib. de Trinit. ita differit, Mirum est cum capescenda retinendaque beatitudinis voluntas vna sit omnium, unde tanta existat de ipsa beatitudine rursus diuersitas voluntatum: non quod eam aliquis nolit, sed quod non omnes eam norint. Si enim eam omnes noscerent, non ab aliis putaretur esse in virtute animi, ab aliis in voluptate corporis, ab aliis atque aliis alibi atque alibi. Quomodo ergo omnes amant quod non omnes sciunt? Quis potest amare quod nescit, sicut supra disputaui? Cur ergo beatitudo amatur ab omnibus, nec tamen scitur ab omnibus? An fortè sciunt omnes quæ ipsa sit, sed non omnes sciunt vbi sit, & inde contentio est? An fortè falsum est quod pro vero posuimus, beatè viuere omnes homines velle? Si enim beatè viuere est (verbi gratia) secundum animi virtutem viuere: quomodo beatè viuere vult, qui hoc non vult? Nonne verius diximus, Homo ille non vult beatè viuere, quia non vult secundum virtutem viuere: quod solum est beatè viuere? Non ergo omnes beatè viuere volunt, imo pauci hoc volunt: si non est beatè viuere, nisi secundum virtutem animi viuere, quod multi nolunt. Itane falsum erit, unde nec ipse Cicero dubitauit? Ait enim, Beati  
certè omnes esse volumus. Absit vt hoc falsum esse dicamus. Quid  
ergo? An dicendum est, etiamsi nihil aliud sit beatè viuere, quam secundum virtutem animi viuere: tamen & qui hoc non vult, beatè viuere vult. Nimis quidem hoc videtur absurdum. Tale enim est ac si dicamus, qui non vult beatè viuere, beatè vult viuere. Istam repugnantiam quis audeat? quis ferat? & tamen ad hanc contrudit necessitas. Si & omnes beatè viuere velle verum est, & non omnes volunt sic viuere: quomodo solum viuatur beatè. An illud ab his angustis poterit nos eruere, si dicamus nihil esse beatè viuere, nisi viuere secundum delectationem suam: & ideo falsum non esse, quod omnes beatè viuere velint, quia omnes ita volunt vt quemque delectat. Sed id quidem falsum est. Velle enim quod non deceat, est esse miserrimum. Nec tam miserum est non adipisci quod velis, quam adipisci velle quod non oporteat. Quis ita cæcus sit, vt dicat aliquem ideo beatum, quia viuut vt vult? cum profecto etsi miser esset, minus tamen esset, si nihil eorum quæ perperam voluisset, habere potuisset. Mala enim voluntate vel sola miser quisque efficitur: sed miserior, cum desiderium malæ voluntatis impletur. Qua-

Cicero  
in Hor-  
tensio.

Ibidem.  
cap. 5. in  
princ.  
cap.



propter, quoniam verum est, quod omnes homines esse beati velint, idque ardentissimo amore appetant, & propter hoc cetera quaecunque appetant: nec quisquam potest amare, quod omnino quid vel quale sit nescit, nec potest nescire quid sit, quod se velle scit: sequitur ut omnes beatam vitam sciant. Omnes autem beati habent quod volunt, quamvis non omnes qui habent quod volunt, continuo sint beati. Continuo autem miseri sunt, qui vel non habent quod volunt, vel id habent quod non recte volunt. Beatus ergo non est nisi qui & habet omnia quæ vult, & nihil vult malè. Ille quippe beatè viuit, qui viuit ut vult, nec malè aliquid vult. Cum ergo ex his duobus constet beata vita, licet in malis sit aliquis bonus, non tamen nisi finitis omnibus malis est beatus. Cum ergo ex hac vita, qui in his miseriis fidelis & bonus est, venerit ad beatam vitam: tunc erit verè quod nunc nullo modo esse potest, ut sic homo viuat quomodo vult. Non enim ibi volet malè viuere, aut volet aliquid quod deerit, aut deerit aliquid quod voluerit. Quicquid amabitur, aderit, nec desiderabitur quod non aderit. Et omne quod ibi erit, bonum erit, & summus Deus summum bonum erit: & quod est omnino beatissimum, ita semper fore certum erit. Beatos autem esse se velle, omnium hominum est. Beatos autem se esse velle, omnes in corde suo vident, nec tamen omnium est fides, qua ad beatitudinem peruenitur.

## ARTICVLVS VI.

*An beatitudo sit bene definita à Philosopho?*

**D**Einde quæritur de hoc quod dicit [ Solet etiam quæri de beatitudine, Vtrum omnes eam velint? ] Et ad intellectum huius capituli quærantur duo, scilicet quid sit beatitudo, & an omnes velint esse beati, sicut videtur probare in litera?

Ad primum autem ponatur primo Aristot. diffinitio, quæ in primo ethic. continetur sic: Felicitas siue beatitudo est actus siue operatio secundum perfectam virtutem animi. Sed contra hac diffinitionem obiicitur: quia non contingit perfectam esse animi virtutem in via, eo quod perfectum est cui nihil deest: ergo non contingit aliquem in via esse felicem siue beatum.

2 Item, Secundum eundem Philosophum sicut dicere videtur, perfectam virtutem non videtur habere aliquis, nisi qui nihil habet retardans in se vel in alio: sed nullus talis inuenitur in ista vita: ergo nullus in vita ista inuenitur beatus. Prima probatur ex probationibus quæ sunt in primo ethic. ubi dicit, beati esse non exterioribus indigere, & gaudere pro nepotum fortunis & huiusmodi.

3 Item, Perfectio animæ non est in virtute vna nec subiecto: quia vna hirundo non facit ver, nec vna dies pulchra facit æstatem: sed beatitudo quæ est actus, est vnius aliquis actus, ut dicit Commentator: ergo beatitudo non est secundum perfectam virtutem animi.

4 Item sicut accipitur ex 10. ethic. perfe-

cta virtus non potest esse secundum innaturalem habitum vel operationem, nec etiam secundum habitum communem & operationem: cum ergo dicit Philosophus, quod felicitas est actus secundum perfectam virtutem, non potest intelligi de communis habitus virtute: ergo videtur, quod hoc specificare debuit. Probatur prima: quia in perfecta virtute & operatione quæ est felicitas, quæritur bonum humanum ut humanum: & hoc non est secundum innaturalem habitum, nec etiam secundum habitum communem qui habetur ex genere: quia ille nobis communis est cum bestiis: & hoc non est humanum secundum quod humanum: & sic constat propositum.

5 Item, Si felicitas siue beatitudo est actus siue operatio, sicut dicit Aristot. & Commentator eius: tunc nullus est beatus secundum habitum: sed hoc quibusdam difficile videtur, quia dicitur, Beatus vir qui timet Dominum. Et, Beatus qui inuentus est sine macula. Et, Beati pauperes spiritu. Et sic de aliis. Quæ omnia sunt secundum habitum, & etiam secundum actus non humanos, ut est timere, sperare, & huiusmodi.

6 Item, Non dicitur esse beatus habens vnā virtutem quantumcunque perfectam: sed vnus actus est vnius virtutis actus: ergo beatitudo non est vnus actus, nisi vnius virtutis: ergo non est secundum perfectam virtutem animi, sed potius secundum perfectas virtutes: nec est actus, sed potius actiones & operationes multæ: & sic iterum inconuenienter videtur diffiniri.

7 Item, Vniuscuiusque naturæ perfectio est



est secundum quod attingit & communicat quam maximè operationem naturæ superioris: ergo & animæ perfectio secundum quod communicat maximè operationem naturæ superiorum, quæ est angelica, vel diuina: ergo in tali operatione felicitas magis erat ponenda, quam in Dei perfecta virtute. Probatur prima ex Dionys. & Aristot. Dionysius enim vocat contactum inferioris naturæ ad superiorem summitatem in cæl. hierarchia, in fine primi cap. Aristot. autem loquens de felicitate contemplatiua in 10. ethic. cap. penult. dicit, quod summa & diis acceptissima est, quam exercent ipsi dii, sicut est contemplatio theoremarum, sicut qui mirabiles habent delectationes omnes alias excedentes firmitate & puritate: & sic constat propositum. Sed Boëtius aliter videtur diffinire dicens, quod beatitudo est status omnium bonorum aggregatione perfectus: status autem non est actus: ergo alter eorum malè diffinit: quia vnus ponit eam in genere actus, & alter in genere status.

8 Item videtur inconueniens illa quæ est Boëtij: quia beatitudo est vnum aliquid: nihil autem vnum fit ex omnium bonorum aggregatione: ergo beatitudo non est status, &c. Prima patet per se & ex dictis Commentatoris super primum ethic. dicentis, quod beatitudo est vnus actus. Secunda probatur ex hoc, quod bona omnia non sunt vnus generis, nec vnus speciei, vt dicit Aristot. & ideo non congregantur ad vnum constituendum.

9 Item etiam secundum hanc diffinitionem nullus esset beatus in hac vita: cum tamen hoc dicere videatur Scriptura.

10 Item, Philosophi dixerunt in hac vita esse beatitudinem apud multos perfectos in virtute morali, & perfectos in virtute contemplatiua.

11 Item Aristot. in primo ethic. Solonem Atheniensem reprehendit, quia post mortem dixit esse beatitudines. Ergo inconueniens est dicta diffinitio.

Dicit autem Augustinus in litera, quod beatus est, qui habet omnia quæ vult, & nihil vult male. Ergo beatitudo est habitus, in quo habentur omnia quæ vult homo, & nihil mali vult quis in illo. Sed contra hanc iterum obicitur: quia in hac vita nullus habet omnia quæ vult: ergo non est beatus. Si fortè dicatur, quod beatus est modo, & miser modo. Contra: Bernard. in quinto ad Eugenium sic dicit: Porro miseria & felicitas simul inesse non possunt. Ergo si aliquis est miser, ipse nullo modo est beatus.

2 Item, Sicut se habet gratia grarum faciens ad culpam, sic felicitas ad miseriam: sed gratia nunquam patitur secum culpam: ergo nec felicitas compatitur secum miseriam.

3 Item, Opposita simul inesse non possunt: ergo nullus miser est beatus: sed omnis homo in via est miser: ergo nullus homo in via est beatus: cuius contrarium dicunt Sancti.

*Solutio.*

Solutio. Ad hæc soluenda prænotandum est, quod beatitudo dicitur multipliciter, & non æquiuocè, sed secundum prius & posterius. Dicitur autem secundum statum per-

*D. Alb. Mag. in Lib. 4. Sentent.*

fectionis viæ, & secundum statum perfectionis patriæ. Secundum statum autem viæ dicitur tripliciter, scilicet propriè, largè, & per causam. Propriè autem dicitur dupliciter, scilicet secundum virtutem moralem, & secundum virtutem intellectualem: & ideo Aristot. in ethic. facit duos libros de felicitate: primum enim fecit de felicitate morali, secundum autem de felicitate intellectuali. Felicitas autem moralis adhuc dupliciter dicitur, scilicet secundum suum esse, & secundum suum maximum posse. Secundum suum esse felicitas quidem est actus secundum perfectam animi moralem virtutem. Cuius diffinitionis intellectus secundum Commentatorem est iste: Animi virtus non est nisi virtus perficiens animum in agendo: cum autem animus sit idem quod mens, prout ibi sumitur, erit virtus animi perfecta mentis virtus: & hæc est quæ ponit in summa animum: hæc autem est virtus prudentiæ in tanta sufficientia, vt se & alios regere sufficiat. Probat autem Aristot. quod prudentia non potest perfectè haberi secundum actum perfectum, nisi omnes aliæ virtutes morales habeantur, sicut legitur in sexto ethic. Supponit ergo perfecta operatio prudentiæ perfectionem omnium aliarum virtutum moralium: quia omnes regit & ordinat prudentia. Et hunc intellectum facile est elicere ex Commento si quis ipsum diligenter inspiciat. Si autem accipiat secundum maximum posse ista felicitas: tunc erit in maximo bono hominis operatio prudentiæ non impedita: hoc autem bonum est bonum gentis, non tantum hominis, vel ciuitatis, amoris impeditis quæ sunt tria, scilicet impotentia potestatis, & paupertas, & infortunia periculorum, vel mortis in se, vel in amicis. Et sic dicit Commentum quod translatum est de Græco, quod potestas & diuitiæ & fortunæ amicorum delerant ad beatitudinem organicè. Et Alpharabius in commento Arabico dicit, quod impotentia & paupertas & infortunia pronepotis contristant beatitudinem, & ita impediunt optimum actum beati. Et hoc facile colligitur ex litera Aristot. si quis diligenter inuestiget eam, & non secundum falsos quaternos quorundam qui corruerunt illum librum potius quam exposuerunt. Felicitas enim contemplatiua dicitur dupliciter, scilicet secundum esse, & secundum suum maximum posse. Et secundum esse quidem consistit in perfectione actus intelligentiæ speculatiuæ cum delectatione contemplationis quæ non habet contrarium, sicut expressè probatur in ultimo cap. in 10. ethic. perfectio autem speculatiuæ intelligentiæ est præcipue in simplicium substantiarum speculatione & substantiæ primæ. Secundum autem maximum suum posse habet prædictam speculationem cum remotione impedimenti intus & extra: & sic virtutes morales conferunt ad beatitudinem contemplatiuam, & abundantia exteriorum, & locus solitarius & liber, & huiusmodi. Et propter hoc dicit Annetroës in commento, quod est felicitas eremitarum.

Largè autem dicitur beatitudo siue felici-

G G G g 3 citas



citas secundum quod constat ex appetibilibus: quia nihil potest mouere appetitum nisi secundum hanc speciem veram vel umbratilem alicuius eorum quæ beatificant, sicut patebit per auctoritates Augustini & Anselmi in sequenti quæstionis articulo: & sic omnes homines volunt esse beati, licet non quærant beatitudinem ubi est, sicut infra patebit.

Per causam autem dicitur beatitudo tripliciter, scilicet communiter, propriè, & propriissimè. Communiter dicitur per causam beatitudo omne illud quod est causa beatitudinis consequendæ, sicut timor Dei, luctus, & huiusmodi. Propriè dicitur beatitudo excellentiores actus meriti, sicut Matth. 5. dicitur, Beati pauperes spiritu, &c. Propriissimè secundum causam dicitur beatitudo perseverantia in omni bono merito & excellenti secundum actum: & sic sumitur beatitudo à Basilio super Psalterij principium, ubi sic dicit: Beatus vir qui non abiit, non qui vadit: qui enim adhuc in hac vita degit, nondum beatificari potest propter dubios exitus vitæ. Qui adimpletis omnibus quæ mandata sunt, finem pacifici cum iustitiæ operibus adimpleuit, hic iam sine vlllo discrimine, vel ambiguitate beatificari potest. Quare ergo dicit iterum, Beati qui ambulant in lege Domini? Non enim eos qui ambulauerunt, sed eos qui ambulant in lege Domini beatificat sermo diuinus. Idcirco arbitror, quod hi qui operantur quod bonum commune est, in eo ipso quod operantur, amplectuntur beatitudinem, & tam ipsi quam opus eorum beatitudinis cellaudationem promeretur. Nondum tamen hi qui malum fugere cœperunt, & semel vel bis declinauerunt à peccato, continuo dicendi sunt beati, nisi cum potuerint in omnibus, vel verbis, vel negotiis effugere malum ut nunquam apprehendantur ab eo, & adhæreant bono. Beatitudo autem secundum statum patriæ est inhærere Deo, & in ipso habere omnia quæ appetuntur: & sic diffinitur à Boëtio beatitudo. His habitis leue est respondere obiectis.

**DICENDVM** enim ad primum, quod perfectionem viæ contingit habere in via, & ad quædam, licet non ad omnia, sicut ad felicitatem moralem, vel contemplatiuam, licet non ad felicitatem patriæ.

**AD ALIUD** dicendum, quod hoc dictum est de felicitate secundum suum maximum posse: & hanc perfectionem contingit habere secundum modum viæ, quando aliquis poteratur in honoribus & exterioribus abundat decenter: & gaudet fortunis amicorum perfectè operans secundum virtutem animi, ut dictum est, in bono gentis quod est regnum, in quo gens in morali bono siue civili continetur & gubernatur, &c.

**AD ALIUD** dicendum, quod felicitas est actus vnus: sed alia operantur ad ipsum necessariè vel organicè, ut dictum est: & idè dicit Philosophus, quod non est in vno, nec subito acquiritur.

**AD ALIUD** dicendum, quod ibi loquitur Aristot. de perfectione felicitatis contemplatiuæ, quæ est secundum actum illius virtutis, quæ perficit hominem, non ut homo est, sed ut

aliquid diuinum est in eo existens, hoc est, intellectuali contemplatiua, & præcipuè illa virtus est sapientia, sicut ipse ibidem probat: sed diffinitio inducta est de felicitate morali, quæ potentia quædam est ad felicitatem intellectualem, sicut dicit Commentator. Et hæc sic specificatur per hoc, quod dicitur actus virtutis animi: quia animus non est nisi humanus, sicut patuit supra in explanatione diffinitionis.

**AD ALIUD** dicendum, quod bene conceditur, quod non dicitur aliquis beatus secundum habitum propriè loquendo: quoniam, sicut dicit Philosophus, Siquis diceretur secundum habitum felix, secundum dimidium vitæ non differret à dormiente. Et ad probationem patet solutio per distinctionem supra positam: quia in auctoritatibus illis beatitudo sumpta est secundum causam, & communiter, & non propriè.

**AD ALIUD** dicendum, quod virtutes multæ exiguntur sicut deseruientes & ancillantes ad felicitatem: & tamen ipse est actus vnus.

**AD ALIUD** dicendum, quod est verum de felicitate contemplatiua: sed moralis sumitur in actibus humanis, qui superiori naturæ non conueniunt, sicut probat Arist. in 10. ubi ostendit quatuor cardinales virtutes esse humanas, non diuinas: & ideo beatitudo civilis hoc modo sumi non potest.

**AD ALIUD** dicendum, quod Boëtius diffinit beatitudinem secundum modum patriæ.

**AD HOC** quod contra obiicitur, dicendum quod beatitudo non est nisi in genere actus, & summum illius actus dicitur status, & sumitur status secundum illum modum quo quælibet res quando est in summo sui, dicitur habere statum.

**AD ALIUD** dicendum, quod congregatio bonorum non est necessaria in felicitatem, sicut miscibilia in mixtum, vel essentialia in compositum ex ipsis: sed potius sunt sicut pertinentia ad statum actus summi secundum contemplationem: quæ summitas esse non potest, si aliquid deest perfectioni quod retardat vel contristat beatum, sicut ipse Boëtius ibidem probat.

**AD ALIUD** dicendum, quod beatitudo sumitur æquiocè vel secundum analogiam: & ideo in argumento incidit fallacia æquiocationis.

**AD ALIUD** dicendum, quod Solon iste fuit legislator & prætor Athenien. & dixit felicitatem civilem impedire ab infortuniis mortuorum: & de hoc reprehenditur ab Arist. quia falsum est. Sed non reprehenditur de hoc, quod aliquam felicitatem dicebat esse post mortem.

**AD ALIUD** quod obiicitur ab August. dicendum, quod ipse non definit beatum, sed propriam passionem inducit verè beati: quia qui verè beatus est, habet omnia quæ vult, & nihil vult malè, sicut in sequenti problemate ostendetur. Si tamen concedatur esse diffinitio aliqua: tunc per antedicta patet, quod non valet argumentum quod fit in contrarium.

**AD**



AD ALIUD dicendum, quod beatitudo vera & miseria in eodem esse non possunt: sed beatitudo secundum causam, vel communiter dicta beatitudo viæ bene comparitur secundum miseriam. Et per hoc patet solutio ad duo sequentia, quæ eodem modo procedunt. Et nota, quod alij omnino aliter dicunt, sed non est curandum.

## ARTICVLVS VII.

*An omnes velint esse beati?*

Secundo quaeritur, Vtrum omnes velint esse beati? Videtur, quod sic: quia dicit Dion. in lib. de diui. nomi. ca. 4. §. de amore, quod omnia bonum & pulchrum concupiscunt: & propter illud agunt, quicquid agunt. Ergo multo magis omnes homines volunt esse beati.

Cap. 13. 2 Item Ansel. in lib. de casu diaboli. Ex quodam comodo constat beatitudo, quam vult omnis rationalis natura.

3 Item ibidem parum infra, Omnes bene sibi esse volunt, & male sibi esse nolunt.

Cap. 6. 4 Item Augustinus in 2. confessionum, Est quædam defectiua species, & umbratica vitiis fallentibus. Nam & superbia celsitudinem imitatur, cum tu sis vnus super omnia Deus excelsus. Et ambitio quid nisi honores quærit & gloriam, cum tu sis præ cunctis honorandus vnus & gloriosus in æternum. Et scruitia potestatem timeri vult. Quis autem timendus, nisi vnus Deus? cuius potestati eripi, aut subtrahi quid potest, quando, aut vbi, quod, vel à quo potest? Et blanditiæ lasciuientium amari volunt: sed nec blandius est aliquid tua charitate, nec amatur quicquam salubrius quam illa præ cunctis formosa & luminosa veritas tua. Et curiositas affectare videtur studium scientiæ, cum tu omnia summe noueris. Ignorantia quoque ipsa atque stultitia, simplicitatis & innocentie nomine tegitur, quia te simplicius quicquam non reperitur. Quid autem te innocentius, quandoquidem opera tua malis inimica sunt? Et ignauia quasi quietem appetit. Quæ vero quies certa præter Dominum? Luxuria satietatem atque abundantiam se cupit vocari, tu tamen es plenitudo & indeficiens copia incorruptibilis suauitatis. Et sic de aliis ibi inducit Augustinus. Ergo nullum vitium mouet appetitum, nisi in quantum aliquid de specie beatificantium est in ipso.

5 Adhuc autem Augustinus ibidem, Peruerse te imitantur omnes, qui longè se à te faciunt, & extollunt se aduersum te. Sed etiam sic te imitando iudicant creatorem te esse omnis creaturæ, & ideo non esse quod à te omnino recedatur. Ex hoc accipitur, quod omnis homo similitudinem Dei appetit: & illius gratia agit quicquid agit: sed sola talis species beatificat: ergo omnis homo appetit beatitudinem.

6 Adhuc, Nihil appetit aliquid nisi sub ratione alicuius appetibilis: sed non est aliqua ratio appetibilis, nisi species alicuius beatificantis: ergo nihil appetit aliquid nisi sub ratione beatificantis: ergo quicquid appetit, appetit beatitudinem aliquo modo.

7 Adhuc, oppositum eius quod omne appetens fugit, omne appetens appetit: sed quod omne appetens fugit, est id quod facit miserum: ergo omne appetens appetit oppositum illius quod facit appetentem miserum: sed hoc est quod facit beatum siue beatitudo: ergo omne appetens appetit beatitudinem.

IN CONTRARIUM huius est Aug. <sup>Sed com- tra. Cap. 4</sup> in confess. lib. 2. qui dicit sic: Defectum ipsum meum amaui turpis animæ, & dissiliens à firmamento tuo in exterminium, non de decore aliquid, sed dedecus appetens. Ex hoc accipitur, quod contingit hominem appetere dedecus, & non aliquid de decore: ergo appetit id quod facit miserum: ergo non semper appetitur beatitudo.

2 Adhuc Augustinus ibidem, Illa poma decerpisti tantum vt furarer. Nam decerpta proieci epulatus inde solam iniquitatem, qua lætabar fruens. Nam & si quid illorum pomorum intrauit in os meum, condimentum ibi facinus erat. Ex hoc accipitur idem quod prius.

4 Adhuc in omnibus argumentis in litera inductis videtur esse fallacia accidentis, sicut patet cum arguit, Beatè viuere est secundum virtutem animi viuere: sed omnis homo vult beatè viuere: ergo vult secundum virtutem animi viuere. Et sic de aliis rationibus, quæ etiam parum scienti nihil valere videntur.

5 Adhuc in litera quaerit causam erroris: & videtur in hoc consentire, quod omnes nouerunt beatitudinem & appetunt eam, sed non quaerunt vbi est: & ideo incidit error in operibus eorum. Videtur autem hoc nihil esse præcipue secundum eum: quia si noscant eam, tunc noscunt verum & increatum bonum: ergo nouerunt vbi quaerant beatitudinem: & sic sua ratio nulla est.

RESPONSIO. Dicendum, quod prima <sup>Solutio.</sup> pars auctoritatum & rationum tenenda est: & non solum quod omnis homo appetat beatitudinem, & propter ipsam agat, quicquid agit: sed etiam, sicut dicit Dion. omne quod appetit, & omne quod est, & etiam id quod non est <sup>De diui. nom. cap. 4</sup> actu, sed potentia est, appetit in pulchro & bono beatificantibus esse. Hoc autem hoc modo est intelligendum. Beatitudo potest considerari dupliciter, scilicet in essentia, & in ratione beatificantium, quæ sunt aliquo modo in ipsa. Si verò in essentia consideratur: tunc duplex est, scilicet creata, & increata. De increata dicit Basi. super principium Psalterij sic: Est quidem prima & vera ac propria beatitudo vna, sicut & bonum vnum quod est Deus, quemadmodum & Paulus commemorat dicens, In aduentu beati Dei & saluatoris Domini nostri Iesu Christi. Re enim vera illud est solum beatum, quod etiam solum bonum est, ad cuius auxilium vniuersa respiciunt, quod omnes desiderant, quæ est sola incommutabilis natura, imperturbabilis vita, vbi nullus mæror accedet, in qua non est immutatio, quam non continget vlla confusio, fons perennis, indeficiens gratia, siue scientiæ thesaurus. Beatitudo autem creata est illa de qua prius dictum est, tam secundum statum viæ, quam secundum patriam. Si autem beatitudo



consideratur in ipsis beatificantibus vel ratione eorum: tunc quodlibet beatificantium habet imitationem ad beatitudinem increaram: & ex hoc quod est exemplatum ab ipsa, habet mouere appetitum: & sic omne quod est, appetit beatitudinem, secundum quod est exemplatum primæ beatitudinis: & hoc est quod dicit Anselm. in lib. de casu diaboli sic: Dico nunc beatitudinem, non beatitudinem cum iustitia, sed quam volunt omnes etiam iniusti. Omnes quippe volunt bene sibi esse. Excepto namque hoc, quod omnis natura diuiditur bona in duo bona, & duo his contraria mala vsu dicuntur: vnum bonum est quod dicitur iustitia, cui contrarium malum est quod dicitur iniustitia: alterum bonum est, quod mihi videtur posse dici commodum, & huic malum opponitur incommodum. Sed iniustitiam quidem non omnes volunt, nec omnes fugiunt iniustitiam: commodum vero non solum omnis rationalis natura, sed & omne quod sentire potest, vult, & vitat incommodum. Nam nullus vult, nisi quod aliquo modo putat commodum. Hoc igitur modo bene sibi esse omnes volunt, & malis esse nolunt. Ex hoc expressè patet quod dictum est. Ad idem facit quod dicit Basilius super principium Psalterij sic: Imperiti homines dum ignorant beatam naturam, & diligunt, beatam esse putant interdum, quæ nullius momenti sunt dicenda, scilicet diuitias, vel corporis sanitatem, vel honoris gloriam: quorum nihil prorsus est bonum secundum suam naturam, non solum pro eo quod facile patitur in contraria permutationem: verum quia nequaquam bona esse credenda sunt, quæ bonos efficere non possunt eos qui possi-

deht. Quis enim per facultates iustus effectus est? Quis pudicus per sanitatem? Imo verò è contrario interdum facultatem delinquendi præbuerunt his qui vel sanitatem, vel diuitiis competenter vti nescierunt. Expressius autem hoc patet per auctoritates Augustini de. 2. confessionum inductas. Hoc ergo modo omnia volunt esse beata, non solum omnes homines, vt probant tam Philosophi quam Sancti.

DICENDUM ergo ad primum quod contra hoc est, quod Augustinus infra soluit Cap. 6. quid in illo furto habens speciem umbraticam beatificantis appetierit, sic dicens: An libuit facere contra legem, saltem fallacia, quia potentatu non poteram, vt mancam libertatem captius imitarer faciendo impunè, quod non liceret, tenebrosa omnipotentiae similitudine? Quasi diceret, Sic est. Vnde constat, quod primum quærendo dixit, & motiuum ad actum furti erat omnipotentiae similitudo, quæ beatificantis aliquam habet rationem & speciem.

AD ALIUD dicendum, quod Augustinus disputat contra positionem, & est sua argumentatio potius ad hominem, quam ad rationem. Fuit autem positio triplex, scilicet quod beatitudo est virtus animi, & quod est voluptas, & quod est Deus: & omnes illi ponebant, quod beatitudo est illa secundum intentionem beatificantis, & secundum esse simul, & secundum hoc bene procedunt suæ rationes. Si autem accipiat intentio beatitudinis & res supposita per beatitudinem differentiae: tunc incidit fallacia accidentis, vt dictum est. Et per hoc patet solutio tam ad literam quam etiam ad omnia quæ sita.

*Si quid de Deo cognoscit aliquis, quod ibi non intelligent omnes.*

**S**OLET etiam quæri, Vtrum aliquid de Deo cognoscat aliquis magis meritis, vt Petrus, quod non cognoscat aliquis minus meritis, vt Linus? Pluribus videtur, quod omnia de Deo ad beatitudinem spectantia omnes communiter electi cognoscant, sed differenter. Nihil enim in Deo noscibile maius digniusque videtur, quam eum intelligere trinum & vnum. Hoc autem omnes tunc per speciem cognoscent. Vnde sequitur, vt non sit aliquid beatitudini pertinens incognitum alicui beatorum. Omnes ergo cuncta illa videbunt, quorum cognitio seruit beatitudini: sed in modo videndi different. Alius enim alio magis, alius alio minus fulgebit.

#### ARTICVLVS VIII.

*An vnus beatorum cognoscit aliquid de Deo quod non cognoscit alter?*

**D**Einde quæritur de hoc quod dicit ibi [Solet etiam quæri, Vtrum aliquid de

Deo cognoscat aliquis, &c.] Videtur, quod falsum dicat: quia secundum dictum beati Dionysij in cæ. hierarch. cap. 3. illuminatores sunt superiores inferiorum: sed hoc non posset esse nisi superior cognosceret aliquid de eo quod inferior non cognosceret: ergo cum hominum beatitudo sit secundum beatitudinem Angelorum, aliquid cognoscit de Deo magis



magis meritis homo, quod non cognoscit minus meritis homo.

2 Adhuc videtur, quod argumentatio non valeat quam facit in litera: quia ex hoc quod aliquis videt maius, non sequitur quod videat minus, nisi minus sequatur ex illo maiori: sicut qui scit metaphysicam, non sequitur ex hoc, quod sciat geometriam, licet ista sit minor quam illa: ergo à simili non sequitur, si ostendit se Deus eis trinum & vnum & sciant hoc, quod propter hoc videant omnia alia.

3 Adhuc, Quid est beatitudini pertinens quod dicit homines videre? hoc enim non videtur esse nisi quod est summum bonum: ergo videtur, quod non videant in ipso omnes nisi quia ipse est summum bonum: sed multa alia vident superiores: ergo non habent cognitionem parem.

4 Adhuc, In terrenis intellectibus sic est, quod magis clarus & subtilis plura comprehendit: ergo & in superioribus ita erit: ergo non æqualem habent cognitionem, ut videtur.

5 Adhuc, In litera dicitur, quod in modo differant: & queratur, quis sit modus ille? Videtur enim, quod vno modo omnes videant, quia omnes immediate & per speciem: ergo videtur falsum esse quod dicit in litera.

RESPONSIO. Dicendum, quod hoc quod dicitur, intelligitur de pertinentibus ad beatitudinem: & hæc est cognitio per speciem quæ fidei quoad omnes articulos succedit: in aliis enim differentem habebunt, & habent cognitionem, sicut probant primæ objectiones, & etiam vnus à seipso differentem, quia successiue reuelatur ei plus de diuina cognitionis secretis.

AD ARGUMENTVM quod dicit in litera, dicendum quod per hoc probat, quod nihil celabit eos de pertinentibus ad beatitudinem. Et est argumentum à minori: sicut, minus videtur, quod maximum & difficillimum reuelat, quam quælibet alia minora ad beatitudinem pertinentia: sed reuelat maximum: ergo quælibet alia reuelat. Et per hoc patet solutio ad omnia.

### De paritate gaudij.



OLET etiam queri, An in gaudio dispares sint, sicut in claritate cognitionis differunt? De hoc August. ait, Multæ mansiones in vna domo erunt, scilicet variæ præmiorum dignitates: sed vbi Deus erit omnia in omnibus, erit etiam in dispari claritate par gaudium: ut quod habebunt singuli, commune sit omnibus: quia etiam gloria capitis omnium erit per vinculum charitatis. Ex his datur intelligi, quod par gaudium omnes habebunt, etsi disparem cognitionis claritatem: quia per charitatem quæ in singulis erit perfecta, tantum quisque gaudebit de bono alterius, quantum gauderet si in seipso haberet. Sed si par erit cunctorum gaudium, videtur quod par sit omnium beatitudo: quod constat omnino non esse. Ad quod dici potest, quod beatitudo par esset si ita esset par gaudium, ut etiam par esset cognitio: sed quia hoc non erit, non faciet paritas gaudij paritatem beatitudinis. Potest etiam sic accipi par gaudium, ut non referatur paritas ad intensiorem affectionis gaudentium, sed ad vniuersitatem rerum de quibus lætabitur: quia de omni re vnde gaudebit vnus, gaudebunt omnes.

### ARTICVLVS IX.

An gaudium ab Augustino sit bene definitum?

DEinde queritur de hoc quod dicit ibi [Solet etiam queri, An in gaudio dispares sint, &c.] Et queruntur duo, scilicet quid sit gaudium, & vtrum sit par in omnibus? Ad primum accipitur definitio Augustini, qui dicit, quod gaudium est diffusio animi in conceptione boni: sed gaudium cum sit in genere passionis, videtur quod non

competat naturæ intellectuali, quia passio secundum Aristot. est inferens vel illata in sensum & sensibilem animam.

2 Adhuc, Diffundi non competit nisi materiali passibili: ergo non competit naturæ intellectuali, sicut Angelo, vel animæ rationali: ergo gaudium illis attribui non debet, ut videtur.

3 Adhuc, Delectatio etiam attribuitur beatis, & queratur, In quo differat gaudium à delectatione? Videtur, quod in nullo: quia delectatio est diffusio animi in conceptione boni: ergo est idem gaudium.

4 Adhuc, Cum secundum Augustin. & Boetium

In libro de ciuitate Dei. In libro de virg. cap. 16.



Boëtium non sint nisi quatuor passiones naturales, scilicet gaudium, tristitia, spes, & timor, & tamen possit ad alias reduci delectatio, constat quod ad gaudium reduceretur: ergo est idem illi.

Adhuc, Est in conceptione boni præsentis inferentis boni passionem: similiter gaudium: ergo eadem sunt re gaudium & delectatio.

*Solutio.* R E S P O N S I O. Dicendum, quod gaudium satis conuenienter est diffinitum per August.

A D P R I M U M ergo dicendum, quod est passio spiritalis, & hæc bene competit naturæ spiritali, sicut probat Aristot. contra Platonem qui dicebat, quod omnis delectatio esset generatio in sensibilem animam: & ostendit, quod sunt passiones quædam spirituales simplices & simplicium, sicut delectationes contemplationum, sicut quod diameter est assimeter.

A D A L I U D dicendum, quod diffundi extensione spirituum, & eleuatione subtilis sanguinis, est passibilis naturæ & virtutis quæ operatur in organo: sed sic non diffunditur spiritalis natura, sed metaphoricè, quando spiritaliter extenditur in omnes boni differentias.

A D A L I U D dicendum, quod differentia est in ratione nominum: quia gaudium oritur ex delectatione: delectatio enim (sicut probat Aristot. in 10. ethicorum) est superfloratio naturæ in operatione proprii & naturalis habitus non impeditur: sed gaudium est ostensio illius in delectatione boni concepti: & ita patet, quod gaudium oritur de delectatione, sicut effectus eius: & istam differentiam etiam ipsa nomina ostendunt. Ad id quod obiicitur, dicendum quod obiectum fundatur super falsum intellectum eius, quod delectatio sit diffusio: quia diffusio illa est effectus eius.

A D A L I U D dicendum, quod non sequitur, si reducitur ad illam, quod sit idem illi: quia non reducitur ad illam nisi sicut in causam, & non sicut eiusdem essentiae existentem.

A D A L I U D dicendum, quod ex hoc non

probatur, nisi quod sunt de eadem: & hoc est verum. Sed non sequitur, quod sint idem: quia sunt de eodem diuersimodè.

## A R T I C V L V S X.

*An in omnibus beatus sit par gaudium?*

S E C U N D O quæritur, Vtrum sit par gaudium, sicut dicit in litera? Videretur, quod non: naturale enim est non æquè intensum esse gaudium de alieno bono sicut de proprio: sed gratia & gloria non tollunt naturam, sed perficiunt eam: ergo videretur, quod etiam in patria intensius sit gaudium de proprio, quam de alieno: ergo ratio sua per quam probat in litera, quod sit par gaudium, nihil valet.

2 Adhuc, In nullo est paritas Angelorum (ut vult Dionysius) cum alio: ergo nec in hominibus: ergo non erit etiam par gaudium.

3 Adhuc falsum est, quod de omnibus de quibus vnus gaudet, gaudeat alius: quia non percipit vnus, quod percipit alius: ergo cum gaudeat de percepto, non de quo gaudet vnus, gaudet & alius.

R E S P O N S I O. Dicendum, quod nullam rationem video hîc veram, nisi illam quam ultimo inducit cap. scilicet quod sit par ex parte obiecti, non ex parte subiecti, scilicet quia est de pari, quia de vno & eodem omnes gaudent.

A D O B I E C T V M autem primum dicendum, quod hîc considerat gaudium ex parte subiecti gaudentis: & ibi bene conceditur, quod non sit par gaudium.

A D A L I U D dicendum, quod in dignitate & perceptione donorum omnes sunt impares quantum ad modum percipiendi: quia vnus limpidius videt, quam alius, & ideo intimius gaudet: sed ex parte obiecti gaudiorum nulla est imparitas, quia summum bonum omnibus æqualiter se repræsentat.

A D A L I U D dicendum, quod idem percipiunt, licet non sit idem modus ex parte percipientis.

*Si maior sit beatitudo sanctorum post iudicium.*

E O S T hoc quæri solet, Si beatitudo Sanctorum maior sit futura post iudicium quam interim? Sine omni scrupulo credendum est, eos habituros maiorem gloriam post iudicium, quam ante: quia & maius erit gaudium eorum, ut supra testatus est Augustinus. Et amplior erit eorum cognitio. Vnde Hieronymus, Peracto iudicio ampliorem gloriam suæ claritatis Deus demonstrabit electis. Si quem mouet quid opus sit spiritibus defunctorum corpora sua in resurrectione recipere, si eis potest sine corporibus summa beatitudo præberi: difficilis quæstio est, nec potest à nobis perfectè diffiniri. Sed tamen dubium non est,

Super  
Osee 6.  
Super illud,  
Videte  
nos post  
tres dies  
Super  
Genes.  
lib. 12.  
cap. 35.



est, & raptam à carnis sensibus hominis mentem, & post mortem ipsa carne deposita non sic videre posse incommutabilem substantiam, id est, Deum, sicut sancti Angeli vident, siue alia latentiori causa: siue ideo, quia inest ei naturalis quidam appetitus corpus administrandi, quo retardatur quodammodo, ne tota intentione pergat in illud summum cælum, donec ille appetitus conquiescat. Porro si tale sit corpus, cuius sit difficilis & grauis administratio, sicut hæc caro quæ corrumpitur: multò magis auertitur mens ab illa visione summi cæli. Proinde cum hæc corpus iam non animale, sed spirituale receperit æquata Angelis, habebit perfectum naturæ suæ <sup>1. Cor. 15.</sup> modum, obediens & imperans, viuificata & viuificans, tam ineffabili facilitate, ut sit ei gloriæ, quod fuit sarcinæ.

# ARTICVLVS XI.

*An beatitudo Sanctorum erit maior post iudicium quam ante iudicium?*

**D**Einde quæritur de hoc quod dicit *ibi* [Post hæc quæri solet, Si beatitudo, &c.] Videtur enim falsum: quia corpus quantumcunque purum & clarum sit, ignobilius est quam anima; sed nobilius ignobiliori coniunctum retardatur ab ipso: ergo videtur, quod anima à corpore retardabitur: ergo minorabitur gaudium eius post resurrectionem: & huius contrarium dicitur in litera.

2. Adhuc, In lib. de causis dicitur, quod omnis virtus quanto magis est vnita, tanto magis est infinita: sed virtus animæ magis est vnita extra corpus, quam in corpore: ergo magis infinita: ergo extra corpus perceptiua est plurimorum gaudiorum & maiorum, quam in corpore.

3. Adhuc, Cum coniungitur corpori, coniungitur potentia: sed omnis forma tantò magis deprimitur, quanto magis potentia coniungitur: ergo cum anima sit forma, ipsa deprimitur quando corpori vnitur: ergo ut prius.

4. Adhuc, Animæ separata in quantum huiusmodi, maior est conuenientia ad lumen simplex & ideo spirituale, quam animæ vnita corpori: sed inter magis conuenientia maius est gaudium: ergo videtur, quod anima separata magis gaudeat in coniunctione ad Deum, quam corpori vnita: ergo non augeatur eius gaudium per vniionem ad corpus, sed potius minuitur.

*Solutio.* RESPONSIO. Dicendum, quod augmentum illud potest intelligi extensiuè ut sit de pluribus, vel intensiuè. Et primo modo concedo, quod augebitur. Secundo autem modo non videtur, quod augeatur, nisi hoc modo quo dicit in sequenti cap. scilicet quod

quietato desiderio naturali quo dependet ad corpus, fortius intentione conuerteretur in Dei contemplationem.

DICENDUM ergo ad primum, per Augustinum, quod excelsum humili adhærens in substantia sua nihil læditur: illud autem multa subleuatur humilitate: unde corpus in illo statu subleuatur ab anima glorificata ad gloriam: & tunc in nullo retardat, sicut supra in dotibus corporis est expeditum.

AD ALIUD dicendum, quod intellectus non est virtus corporalis etiam cum anima secundum suam substantiam vnitur corpori, & per illum est anima capax Dei: & ideo cum ille non vniatur, non multiplicatur in organis: & ideo in nullo finitur vel obscuratur.

AD ALIUD dicendum, quod hoc est verum cum anima sequitur corpus, & hoc est in via: sed tunc corpus sequitur animam ad formalitatem & spiritualitatem: & ideo non retardabit eam.

AD ALIUD dicendum, quod intellectus non coniungitur organo: & ideo etiam facta vnione remanet conuenientia, ut dictum est.

# ARTICVLVS XII.

*An anima iterum appetat vniri corpori?*

**D**Einde quæritur de hoc quod dicit *ibi* [Si quem mouet quid opus, &c.] Secundum enim hoc videtur, quod nobilius appetat ignobilius se: sed hoc est contra naturam, ut dicit Aristot. Ad hoc autem dicendum, *Solutio.* quod Aristot. loquitur de appetitu perfectionis: quia ille semper est in ignobili respectu nobilioris: & hoc modo anima non appetit corpus, sed potius sicut socium passionum & meritorum, ut secum percipiat consolationem & retributionem.





## DISTINCTIO L.

*Si mali in inferno peccabunt.*

A  
De statu  
& condi-  
tione  
damna-  
torum &  
malorum  
post iudi-  
cium,  
quan-  
tum ad  
rationem  
& volun-  
tatem.



Lfb. de  
fide ad  
Petrum  
cap. 3. 16.

In enchi-  
rion.  
cap. 3.

Mat. 25.

IC oritur quæstio ex præmissis ducens originem. Supra enim Augustinus loquens de malis in inferno damnatis, & bonis in cælo glorificatis, dixit, quòd nec bonis voluntas, nec malis facultas esse peccandi poterit. Et de bonis quidem constat, sed de malis à quibus voluntatem malam non remouet, quæritur quomodo sit verum eos non posse peccare: imo quomodo verum sit eos non peccare, cum malam habeant voluntatem? Quidam autumant illam voluntatem non esse peccatum, sed supplicium tantum. Alij vero peccatum esse fatentur, sed per illud eos non mereri aliquam pœnam: quia non est ibi locus merendi. Illud ergo peccatum dicunt non esse meritum supplicij, sed supplicium mali meriti, quod in hac vita præcessit. De hoc autem Augustinus ita dicit, Tempus acquirendi vitam æternam in hac tantum vita Deus hominibus dedit, vbi voluit etiam pœnitentiam esse fructuosam. Ideò hîc pœnitentia fructuosa est, quia potest hic homo deposita nequitia bene viuere, & mutata voluntate merita simul operaque mutare, & ea gerere, quæ Deo placeant. Quod qui in hac vita non fecerit, habebit quidem pœnitentiam in futuro seculo de malis suis, sed indulgentiam in cōspectu Domini non inueniet: quia etsi erit stimulus pœnitudinis, tamen nulla erit ibi correctio voluntatis. A talibus enim ita culpabitur iniquitas sua, vt nullatenus ab eis possit vel diligi vel desiderari iustitia. Voluntas enim eorum talis erit, vt habeat semper in se malignitatis suæ supplicium, nunquam tamen recipere possit bonitatis affectum. Quia sicut illi qui cum Christo regnabunt, nullas in se malæ voluntatis reliquias habebunt: ita illi qui erunt in supplicio æterni ignis cum diabolo & Angelis eius deputati, sicut nullam habebunt vltius requiem, sic bonam nullatenus poterunt habere voluntatem. Et sicut cohæredibus Christi dabitur perfectio gratiæ ad æternam gloriam: ita consortibus diaboli cumulabit ipsa malignitas pœnam, quando exterioribus deputati tenebris, nullo illustrabuntur interiori lumine veritatis. Ex his apparet reprobos in inferno pœnitentiam sic gesturos, vt per eam prauam voluntatem non deserant: & illa maligna voluntas erit eis ad cumulum pœnæ: per quam tamen non merebuntur, quia nullus meretur nisi in hac vita.



## ARTICVLVS I.

*An peccent damnati in inferno?*

**H**ic oritur quæstio ex præmissis] Hic in vltima distinct. agitur de statu malorum post iudicium & resurrectionem. Et quærit Magister tria, scilicet an peccent in inferno damnati? & de tenebris exterioribus, & qualiter se habeant adinuicem beati & damnati? Et patet, quod primum est in primo cap. secundum in secundo, & tertium in tertio. Incidunt autem tria quæreda ratione primi capituli, scilicet an peccent damnati in inferno? Secundo, Vtrum peccent dæmones? Tertio, Vtrum aliquid boni possint velle damnati?

Ad primum sic obiicitur: Omnis inordinatus motus naturæ rationalis est peccatum: sed in inferno sunt inordinati motus animarum rationalium: ergo & in inferno fit peccatum.

3 Adhuc, Quamto magis est obstinata voluntas, tanto magis peccat in vita ista: ergo obstinatio non minuit peccatum, sed augeat: sed damnatus à non damnato quantum ad potentiam peccandi non differt, nisi in obstinata voluntate: ergo plus peccat damnatus, quam non damnatus.

3 Adhuc, Deus non cogit eos ad malum, nec etiam natura: ergo nec ex Deo, nec ex natura, sed ex libertate procedit inordinatus actus eorum: ergo videtur, quod ita peccent sicut non damnati.

4 Adhuc, Si aliquis sibi necessitatem facit peccandi per illicitum actum, in secundo actu non excusatur, sed duplices meretur maledictiones: sed hoc modo necessitatem sibi procurauerunt damnati: ergo ex obstinatione non excusantur, sed duplices merentur maledictiones.

5 Adhuc, Non debet esse melior status damnati, quam non damnati: sed si non possent peccare, melior esset status ille, quam iste in quo peccare possunt: ergo videtur, quod peccare possunt.

6 Adhuc, Causa assignatur à Sanctis, quod Lamech plus peccauit quam Cain: quia visa pœna eius se non correxit: ergo maxime peccat ille qui experta pœna propria à peccato non retrahitur, id est, ab inordinata voluntate: sed tales sunt damnati: ergo ipsi maxime peccant.

*Sed contra.* IN CONTRARIUM huius est, quod nunquam aliqua culpa extenditur ultra sententiam condemnationis culpæ eiusdem: sed damnati sententiam suæ damnationis acceperunt: ergo ultra illam non extenditur culpa: ergo nec peccant in inferno.

2 Adhuc, Malum & peccatum (vt dicit Augustinus) ordinatur per diuinam iustitiam, quia aliter aliquid inordinatum remaneret in hoc mundo: sed quod ordinatur, necesse est vt statum & finem habeat ultra quem non progrediatur: ergo & peccatum damnatorum necesse est, quod accipiat finem: sed finis ille congruentius imponi non potest quam in morte, quando incipit ordo iustitiæ condemnantis: ergo non ultra peccant in inferno.

*Solutio.* RESPONSIO. Dicendum, quod mali

homines vel animæ non peccant in inferno, sicut vltimæ probant obiectiones.

AD PRIMUM dicendum, quod inordinatus actus quandoque est vt pœna, quandoque vt culpa. In libera enim voluntate est vt culpa: in obstinata autem ex condemnatione iustitiæ est vt pœna, & sic est in damnatis.

AD ALIUD dicendum, quod obstinatio dicitur dupliciter, scilicet immobilis voluntas à malo concepto ex perrinacia solius malitiæ, & immobilis voluntas à malo concepto ex confirmante iustitia. Et primo modo non excusat, sed accusat. Sed secundo modo, quia ita est quod ordinauit iustitia diuina, quod quicquid finaliter vult libera voluntas, quod ab illo auerti non possit post mortem: & ideo mali à malo concepto non auertuntur: & ideo dicitur Ezech. 32. Fuerunt iniquitates eorum in ossibus eorum, & arma sub capitibus eorum. Hæc autem obstinatio pœna est, non culpa.

AD ALIUD dicendum, quod iustitia diuina facit vt infligens istam obstinationem, sed impij vt causa meritoria: sicut & mortē facit iustitia diuina infligens, sed vt causa meritoria impij manibus & verbis accersierunt illam. Et est simile sicut fur primo voluntariē cōtrectat rem alienam, & cum damnatur, ad ostensionem iustitiæ iudicis ligatur immobiliter super colum eius, vt separetur ab eo etiam inuito.

AD ALIUD dicendum, quod hoc intelligitur de illis peccatis quorum vnum inducit in aliud, sicut ebrietas in fornicationem vel homicidium. Sed hic non est sic: quia voluntatis immobilitas causatur ex inflexione pœnæ.

AD ALIUD dicendum, quod non est locus emendæ, vt dicit in litera: & ideo pœna ibi experta non aggrauat.

## ARTICVLVS II.

*An dæmones peccent apud inferos?*

**S**ecundo quæritur, An eadem ratio sit de dæmonibus? Et videtur, quod sic: quia dicit Damasc. quod oportet scire, quod quod in Angelis est casus, hoc est in hominibus mors: quia sicut Angeli post casum non sunt susceptibles pœnitentiæ, ita nec homines post mortem. Ergo videtur, quod propter istam obstinationem etiam eis non debet imputari peccatum quod modo committunt.

2 Adhuc, à Domino condemnatus est dæmon in toto, & homo in parte, scilicet in anima: si ergo condemnatio facit, quod non debet homini imputari peccatum, multo magis facit, quod non debet imputari dæmoni.

3 Adhuc, Non potest corrigere voluntatem: sed quod non potest aliter esse, non habet laudem vel viruperium, vt dicit Tullius: ergo iniustum est, vt videtur, si sibi hoc imputaretur in peccatum.

IN CONTRARIUM est, quod author mali non debet esse melioris conditionis, quam persuasus in malo: sed video, quod hominem iam est persuasus in malo à dæmone, & imputatur

HHHh



tatur homini tale peccatum: ergo multò magis dæmoni debet imputari.

*Solutio.*

AD HOC dicendum, quòd utraque pars opinionem habet pro se: & in secundo plusquam hic inuenitur de ista quæstione. Videtur tamen tutior esse via dicentium, quòd peccent usque ad diem iudicii, quando finalem quoad maiorem pœnam & carcerem accipient condemnationem: & tunc amplius peccare non poterunt.

AD PRIMVM autem dicendum, quòd non est simile: quia homo post mortem non accipit tempus ex casu, sed dæmoni hoc tempus datum est, quo exerceat electos: & idè in illo tempore crescit sibi peccatum & etiam pœna. Ex dicto autem Damasc. non intelligitur aliud, nisi quòd in hoc similes sunt, quòd insusceptibiles sunt pœnitentiæ.

AD ALIUD dicendum, quòd non habet adhuc finalem condemnationem, ut homo habet finalem in anima & in corpore, licet secundum alteram partem pœnam homo adhuc non sustineat.

AD ALIUD dicendum, quòd licet corrigere non possit statum suæ confirmationis in malo, tamen quilibet actus singularis est sibi voluntarius: & idè vituperatur. De hoc autem modo confirmationis melius inuenies dictum in tertio quam hîc.

### ARTICVLVS III.

*An damnati possint velle aliquod bonum?*

**T**ertio quæritur, Vtrum aliquod bonum possint velle damnati? Videtur, quòd sic: quia malum, ut dicit Diony. est inuoluntarium & inausale & infructuosum & pigrum: cum ergo aliquid velint, & hoc non sit malum, & sit bonum vel malum, videtur quòd nihil velint nisi bonum.

2. Adhuc, Quod absolutè & secundum se est priuatio, nullum mouere potest appetitum: sed malum secundum se & absolutè est priuatio: ergo nullum potest per se mouere appetitum: ergo nec appetitum damnatorum: ergo videtur ut prius, quòd velint bonum.

3. Adhuc, Nihil appetit suam destructionem: sed malum est destructio omnis rei: ergo nihil appetit malum: ergo nec damnati: ergo ut prius.

4. Adhuc, Diony. dicit libro de diui. no. cap. 10. de dæmonibus, quòd bonum & optimum concupiscunt esse, viuere, & intelligere: sed damnati non sunt magis obstinati, quam dæmones: ergo ipsi concupiscunt bonum: & sic habetur propositum.

IN CONTRARIVM huius est, quòd dicit *Sed contra.* Bern. in Canticis de damnato: In æternum non obtinebit quod vult: & tamen quod non vult, in perpetuum sustinebit. Et dicit, quòd vult iniquitatem quam fecit in seculo viuens.

2. Adhuc, Obstinata in malo voluntas non potest nisi velle malum: ergo, &c.

RESPONSIO ad hoc est, quòd voluntas *Solutio.* eorum est duplex, scilicet naturalis, & deliberatiua. Naturalis autem habet potius velleitatem actualem: sed deliberatiua progreditur in actum. Dicendum ergo, quòd naturali voluntate volunt bonum, & deliberatiua volunt malum: & hæc solutio est secundum Diony. de diu. no. cap. 10. Alij autem hîc ponunt aliam distinctionem, quæ à nobis posita est super secundum.

AD PRIMVM ergo dicendum, quòd Diony. non loquitur de eo quòd est malum in actu interiori vel exteriori, sed de malitia ipsa, hoc est, de malo in quantum malum: hoc enim verum est esse inuoluntarium sicut probat Arist. in 3. ethicorum. Sed istud nullo modo potest esse voluntarium. Et per hoc patet solutio ad sequens: quia non est prauatio pura.

AD ALIUD dicendum, quòd destructio est consequens appetibile sicut & modo: quia qui fornicatur, non intendit diminueri naturale bonum in ipso & destruere gratuitum: & tamen consequitur vtrumque istorum ex fornicatione quam facit: & ira est ibi, quòd appetitus cadit super actum, & destructio consequitur.

AD DICTVM Dionysij dicendum, quòd sicut ipse dicit, ipse loquitur de voluntate dæmonum secundum quod non natura mali, sed in quantum sunt, bonum & optimum concupiscunt, sicut omnis natura concupiscit bonum in quantum est.

*Quare dicuntur tenebræ exteriores.*

**B**IC quæri potest, Quare illæ tenebræ quibus inuoluentur mali in gehenna, dicuntur tenebræ exteriores? Quia tunc mali penitus extra lucem corporalem & spiritualem, scilicet Deum, erunt. Nunc enim etsi patiantur tenebras in cæcitate mentis, non tamen penitus extra lucem Dei sunt, nec corporali luce priuantur. De hoc August. sic ait, Ira Dei & in iudicio erit, & hic est in cæcitate mentis, cum dantur mali in reprobum sensum. Ibi exteriores tenebræ erunt, quia tunc peccatores penitus erunt extra Deum. Quid est enim penitus esse extra Deum, nisi esse in summa cæcitate? Siquidem habitat Deus lucem inaccessibilem. Hæ autem tenebræ

Super  
Psalm. 6.  
super  
illa vera.  
Turba-  
tur est à  
furore  
oculus  
meus.  
1. Tim. 6.



tenebræ hic iam incipiunt in peccante, cum ab interiori Dei luce secluditur, sed non penitus dum in hac vita est. Ecce quare ibi peccator dicitur pati exteriores tenebras, & non hic: quia ibi secludetur penitus à luce Dei, quod non hic. Sed quomodo intelligenda est illa seclusio? An quia non videbunt Deum per speciem? Sed nec aliquis videt hic Deum per speciem. An per dissimilitudinem quam facit peccatum inter Deum & hominem? Sed & hic multi per graua peccata elongantur à Deo. An quia Deum odiunt, ita vt velint eum non esse? Sed & hic multi Deum oderunt: de quibus scriptum est, Superbia eorum qui te oderunt, ascendit semper. Quæ est ergo illa elongatio? Sanè exteriores tenebræ intelligi possunt quædam malignitas odij & voluntatis, quæ tunc excrescet in mentibus reprobos, & quædam obliuio Dei: quia tormentorum interiorum & exteriorum doloribus adeo afficientur & turbabuntur, vt ab illis ad cogitandum aliquid de Deo vix, vel raro, vel nunquam mentem reuocent. Vt qui nimio premuntur pondere, adeo stupefcunt & turbantur, vt interim in aliam cogitationem non se extendant: sed illuc tendit impetus cogitationis, vbi sentitur vis doloris. Sed in hac vita nullus adeo malus est, vt penitus secludatur à cognitione Dei: quia nec perdit appetitum beatitudinis, & quendam boni amorem quem naturaliter habet rationalis creatura. Illas autem exteriores & profundissimas tenebras reprobos perpeffuros post iudicium dicit Augustinus, opponens de illo diuite qui in inferno positus, eleuans oculos vidit Abraham, & in sinu eius Lazarum: cuius comparatione coactus est confiteri mala sua, vsque adeo vt & fratres roget ab his præmoneri: quod ante iudicium factum legitur. Sed post iudicium in profundioribus tenebris erunt impij, vbi nullam Dei lucem videbunt cui confiteantur.

ARTICVLVS IV.

*An apud inferos erunt perpetua & exteriores tenebræ?*

**D**Einde queritur de hoc quod dicit *ibi* [Hic queri potest quare illæ tenebræ, &c.] Ad intellectum autem istius capituli tria queruntur, quorum primum est de exterioribus tenebris. Secundum est, An damnati penitus extra Deum sint sicut dicit in litera? Tertium autem, An Deum odiant, sicut iterum in litera per Psal. probari videtur. Circa primum obicitur sic: Omnis creatura Deo deseruiens, aliquam ab eo meretur claritatem: sed locus inferni & ignis à principio mundi Deo seruierunt: ergo aliquam sicut cæteræ creaturæ merentur à Deo claritatem: ergo non erunt ibi perpetua & exteriores tenebræ.

2. Adhuc, Ignis qui ad aliquid lucet, non facit omnino tenebras: sed ignis inferni ad aliquid lucet: ergo non facit omnino tenebras. Prima patet per se. Secundam scribit Gregorius in 9. moralium super illud, & sempiternus horror inhabitat, sic: Quamuis illic ignis ad consolationem non lucet, tamen vt magis torqueat, ad aliquid lucet. Nam sequaces quosque suos secum in tormento reprobi flamma

*D. Alb. Mag. in Lib. 4. Sentent.*

illustrante visuri sunt, quorum amore deliquerunt: quatenus qui eorum vitam carnaliter contra præcepta conditoris amauerant, ipsorum quoque eos interitus in augmentum suæ damnationis affligat. Et infra, Ignis itaque qui in obscuritate cruciat, credendum est: quia lumen ad tormentum seruat.

3. Adhuc, Nihil videtur sine lumine: sed in inferno damnati seinuicem & pœnas suas videbunt: ergo videtur, quod sit ibi lumen: & ergo non est ibi carentia lucis interioris & exterioris, sicut dicere videtur in litera.

**R E S P O N S I O.** Dicendum ad hoc, quod dispositio illius loci solus Deus perfecte nouit, & illi qui ibi sunt: sed nos in seculo hoc ad plenum non possumus, nisi tantum quantum ab ipsis accepimus, qui de hoc acceperunt reuelationem. Dicendum ergo videtur secundum dicta Gregorij, quod ille locus simpliciter est tenebrosus, & secundum quid lucidus. Simpliciter autem tenebrosus est: quia flamma quæ ibi est & ignis, obscurat simpliciter, & non lucet nisi ad maius tormentum, & non ad aliud. Vnde in hoc ignis ille deseruit Deo, quod non omnia monstrat sua luce obscura, sed tantum ea quæ exaggerant tormenta: & hoc est quod dicit Gregor. parum ante supra dictam auctoritatē in 9. moraliū sic: Fit ergo miseris mors sine morte, finis sine fine, defectus sine defectu.

HHHh 2

fectu:



fectu: quia & mors uiuit, & finis semper incipit, & deficere defectus nescit. Quia igitur & mors perimit & non extinguit, dolor cruciat, sed nullatenus pauorem fugat, flamma comburit, sed nequaquam tenebras discutit, quantum per notitiam præsentis vitæ colligitur, supplicia ordinem non habent: quia suam per omnia qualitatem non tenent. Et ibidem parum ante, Horrendo modo erit tunc reprobis dolor cum formidine, & flamma cum obscuritate. His collatis ad prius inducta patet quod dictum est.

AD PRIMVM ergo dicitur, quod illæ creaturæ in hoc glorificantur suo naturali modo: quia iustitiæ Dei obsequuntur, & illæ qualitates sunt eis pretiosissimæ, quibus hæc maximè perficere possint, sicut opacitas imensa, & nimius calor, & nimium frigus, sicut dicitur Sap. 5. Quia armabit creaturam in uisionem inimicorum, & pugnabit cum eo orbis terrarum contra insensatos. Sicut e contra creatura quæ in superioribus erit cum bonis, pro gloria accipit qualitates, quæ beatitudini competunt Sanctorum, sicut lux, quies, & huiusmodi.

AD ALIA patet solutio per distinctionem inductam.

## ARTICVLVS V.

*An damnati sint penitus extra Deum?*

Secundo quæritur, Vtrum damnati sint penitus extra Deum? Videtur autem, quod non: quia Deus est ubique: ergo nihil est extra ipsum. Augustinus. Qui à te recedit, quo-

ir? à te placido ad te iratum. Ergo nullus est extra Deum.

2. Adhuc, Deus est in omnibus continens omnia in esse: ergo est in damnatis: ergo non sunt penitus extra ipsum.

RESPONSIO. De hoc multa dicta sunt in primo libro: dicendum tamen, quod Deus sonat prouisionem, sicut dicit Dionysius de diui. nom. Prouisio autem sonat curam & influentiam beneficiorum: & quia non influit beneficia, sed pœnas damnatis, ideo extra Deum esse dicuntur. Et hæc solutio (ut puto) est secundum literæ intentionem. Posset etiam dici, quod quoad malos damnati sunt extra Deum: quia in nullo consentiunt ei, sed quoad dominium non possunt effugere ipsum. Et primo modo loquitur in litera. Secundo autem modo procedunt obiectiones. Et per hoc patet solutio ad totum.

## ARTICVLVS VI.

*An damnati odiant Deum?*

Tertio quæritur, Vtrum damnati odiant Deum? Videtur, quod non: quia Dionysius dicit, quod omnia amant pulchrum & bonum quod est Deus. Ergo etiam damnati.

2. Adhuc, Augustinus dicit, quod Deum diligit, quicquid diligere potest.

RESPONSIO. Dicendum ad hoc, quod Deus considerari potest dupliciter, scilicet absolute, & sub iustitia iudicante pro meritis. Primo quidem modo nihil odit Deum, sed secundo modo odiant eum damnati & demones. Et per hoc patet solutio obiectionum.

*De animabus damnatorum, si quam habent notitiam eorum qua hic fiunt.*

C RÆTEREA quæri solet, Si reproborum animæ quæ nunc in inferno cruciantur, notitiam habeant eorum quæ circa suos in hac vita geruntur, & si aliquo modo doleant super infortuniis suorum charorum? Hanc quæstionem

Super  
Pl. 108.  
ibi, Lau-  
dameam  
ne in-  
cuerit.

Luc. 16.

Augustin. commemorat ex parte eam explicans, ex parte verò insolutam relinquens: ait enim, Quæret aliquis an ullus dolor tangat mortuos de his quæ in suis post mortem contingunt? vel quomodo ea quæ circa nos aguntur, nouerint spiritus defunctorum? Cui respondeo magnam esse quæstionem, nec in præsentī differendam. Verum tamen breuiter dici potest, quod est cura mortuis de suis charis, ut de diuite legitur, qui dum tormenta apud inferos pateretur, leuauit oculos ad Abraham, & inter alia dixit, Habeo enim quinque fratres: mitte aliquem ex mortuis, ut testetur illis ne & ipsi veniant in hunc locum tormentorum. Habent enim mortui curam de uiuis, quos sciunt viuere, quia nec in locis pœnarum vident eos, ubi diues sine fratribus erat: nec in requie beatorum, ubi Lazarus & Abraham, quamuis longè agnoscebat. Non tamen ideo consequens est eos scire quæ circa charos suos aguntur hic, vel læta, vel tristia.

ARTICV



## ARTICVLVS VII.

*An mali habeant notitiam eorum quæ  
hic fiunt?*

**D**Einde queritur de hoc quod dicit ibi [Præterea solet queri, Si reproborum animæ, &c.] Et queruntur hic duo. Primum de malis, Vtrum habeant notitiam eorum quæ hic fiunt? Secundo de bonis, vtrum ipsi eorum quæ hic fiunt, notitiam habeant?

Ad primum sic obicitur. Nulla notitia debet auferri à malis, quæ ad cumulum facit damnationis: sed notitia eorum quæ hic fiunt, est ad cumulum damnationis: ergo non debet eis auferri. Prima patet per se ex dictis Gregorij prius inductis. Secunda probatur sic: Aut enim ea quæ hic fiunt, sunt prospera, vel aduersa. Si prospera, magis puniuntur ex derelictione eorum. Si aduersa, magis puniuntur ex cura quam habent circa suos, quia curam suorum dicit eos habere hic in litera: & sic constat propositum.

2. Adhuc, Anima exuta corpore, aut habet modum intelligendi quem habent Angeli, aut modum naturalem hominis. Si primo modo: ergo intelligit per formas sibi concreatas quæ sunt ideales formæ totius vniuersitatis & totius cursus naturæ: ergo sicut Angelus per illas formas scit absentia & distantia per locum, ita & anima. Si autem intelligit modo hominis, constat quod illa cognitio non accipit etiam præsentia nisi per abstractionem & operationem organorum corporalium: ergo anima illa etiam præsentia ante resurrectionem non cognoscit, quod falsum est: ergo relinquitur, quod primo modo cognoscit: & tunc sequitur, quod sciat ea quæ hic aguntur. Si forte dicas, quod iste modus est proprius bonorum Angelorum, & non malorum. Contra: Iste modus est naturalis: ergo est communis bonorum & malorum: & hoc supponitur ex disputatis super secundum. Si forte tu velis dicere, sicut quidam confinxerunt, quod anima egrediens à corpore portat in sensibili sua parte formas sensibiles, & mediantibus illis formis utitur sensibus post mortem. Contra: Constat, quod formæ sensibiles non sunt nisi in organo corporis, sicut dicunt omnes Philosophi, nec vis sensibilis animæ accipit eas nisi immixtas & unitas corpori, quia & hoc modo motus corporis perueniunt ad ipsam: anima autem post mortem nullum organum fert secum: ergo nec formam, quæ non est nisi in organo corporis: ergo nulla est scitio ista.

3. Adhuc, Detur, quod ferat tales formas secum: constat, quod illæ non ducunt nisi in particularia, quorum fuerunt formæ: ergo nulla alia mediantibus illis possunt cognoscere: ergo quæ iam hic fiunt non cognoscunt: ergo constat, quod iste modus est impossibilis & omnino carens ratione.

*Sed contra.* IN CONTRARIUM huius est, quod dicitur Iob. 14. in fine de malo mortuo sic:

Siue nobiles fuerint filij eius, siue ignobiles, non intelliget.

2. Adhuc super idem dicit Gregorius in Glossa. Sicut viuentes mortuorum animæ quo loco habeantur ignorant, ita mortui qui carnaliter vixerunt, vitam in carne positorum qualiter post eos disponatur nesciunt.

3. Adhuc Augustinus in litera videtur vel- le, quod diues de fratribus suis cognouit indirectè & per coniecturas, scilicet quia nec vidit eos in inferno secum, nec etiam in requie cum Lazaro. Ergo ex litera non habetur, quod mali sciant ea quæ hic aguntur.

4. Adhuc Aristot. dicit, quod non transmutant mortuos facta vinorum, siue infortunia, siue eufortunia. Ergo videtur, quod ad notitiam eorum non perueniunt.

RESPONSIO. Dicendum sine præiudicio, quod mortui mali præsentia quæ hic geruntur, naturali cognitione cognoscere possent sicut demones, si eis permitteretur: sed secundum dicta Sanctorum non permittitur eis. Et huius causa potest esse: quia etiam bonum interioris cognitionis naturalis inruerunt in eis obscurari. Quod autem demones modo permittuntur scire, hoc fit ratione exercitij in quo hic profunt bonis per tentationes. Et sic patet responsio ad omnia præter primum, ad quod dicendum, quod non directè esset eis causa pænæ notitia illa: unde maior est pænæ obscuritas naturalis habitus quem acceperunt ex creatione.

## ARTICVLVS VIII.

*An boni habeant notitiam eorum quæ  
hic fiunt?*

**S**ecundo queritur, Vtrum boni habeant notitiam eorum quæ hic geruntur? Videtur, quod sic: quia in eis huiusmodi naturalis habitus non obscuratur: cum ergo nihil impediret nisi hoc, videtur quod boni omnia præsentia quando volunt cognoscunt.

2. Adhuc, Sancti orantur ab his quæ fiunt hic: & frustra orarentur si non audirent, nec nostras scirent necessitates: ergo videtur, quod sciunt eas, & eadem ratione omnia alia.

IN CONTRARIUM est quod dicitur *Sed contra.* Isaia 63. In fine Abraham nesciuit nos. Constat autem, quod Abraham bonus fuit. Ergo nec alij boni sciunt ea quæ hic fiunt.

2. Adhuc idem intelligit Augustinus: Mortui nesciunt etiam Sancti quid agant viui etiam eorum filij.

RESPONSIO. Non video quomodo boni nesciant ea quæ fiunt hic dummodo velint scire.

AD DICTVM autem August. videtur dicendum, quod Augustinus loquitur de modo cognitionis, vel quia dissi-

mulant se scire, nisi quantum vult eis Deus subuenire.



*Quomodo accipienda sunt quæ de Lazaro & diuite leguntur.*

Super  
Genes.  
lib. 8.  
cap. 5.

**S**I QVIS autem quærat, Quomodo intelligatur quod de Lazaro & diuite legitur? Audiat Augustini responsum dicentis, Siquis putat animas corpore exutas locis corporalibus contineri, cum sint sine corpore, non deerunt qui faueant, & diuitem sitientem in loco corporali fuisse contendunt, ipsamque animam corpoream præparasse linguam, & stillam de Lazari digito cupiisse. Sed melius est dubitare de occultis, quam litigare de incertis. Diuitem in supplicio, pauperem in refrigerio esse non dubito. Sed quomodo intelligatur diuitis lingua, digitus Lazari, flamma inferni, sinus Abrahamæ, & huiusmodi, vix à mansuetis, & contentiosis nunquam inuenitur.

#### ARTICVLVS IX.

*Quomodo intelligitur diuitem in inferno habuisse linguam?*

**D**Einde quæritur de hoc quod dicit ibi [Siquis autem quærat quomodo intelligatur, &c.] Cum enim supra 44. distinct. disputatum sit de vitium animæ sensibilis remanentia post mortem, solum remanet hîc quærendum, quid vocetur lingua diuitis, cum constet eum ibi carnis linguam non habuisse?

2 Adhuc, Quare potius quærit refrigerari linguam, quam aliud membrum?

3 Adhuc, Quid est extremum digiti La-

zari, & quid stilla fuit guttæ quam petiuit?

Et dicendum, quod lingua dicitur vis animæ, quæ perficit linguam ad vim gustatiuam & morum locutionis, sicut dicit Gregorius. *Solutio.*

AD ALIUD dicendum, quod secundum Gregorium peccatum diuitis fuit gula, & loquacitas quæ comes est edacitatis: & ideo linguam præ cæteris membris doluit.

AD ALIUD dicendum, quod digito fit ostensio, & digitus misericordiæ significat ostensionem: extremum autem digiti extremam in prauitate significat misericordiam liberantem quæ nulla erit ibi. Et gutta aquæ paruum significat refrigerium, quod non consequuntur damnati in lacu in quo non est aqua.

*Si se vident boni & mali.*

Super  
Luc. 16.  
in Glo.  
super  
illud,  
Factum  
est autē.  
hom 40.

**S**O LET etiam quæri, Vtrum vicissim se videant illi qui sunt in inferno, & illi qui sunt in gloria? Sicut Sancti tradunt, & boni malos, & mali bonos vident vsque ad iudicium. Post iudicium verò boni videbunt malos, sed non mali bonos. Vnde Gregor. Infideles in imo positi ante diem iudicii fideles super se in requie attendunt, quorum gaudia post contemplari non possunt.

*De chaos inter bonos & malos.*

Lucæ 6.

**E**D cum Sancti malos in tormentis videant, nonne aliqua compassione erga eos mouentur? Nonne eos de tormentis liberari cupiunt? Recole illud euangelicum quod Abraham diuiti respondit, Inter nos & vos chaos magnum firmatum est, ut hi qui volunt hinc transire ad vos non possint, neque inde huc transmeare. Quid est illud chaos inter bonos & malos, nisi hinc iustitia, inde iniquitas, quæ nullatenus sociari valent? Adeo enim Sancti Dei iustitiæ addicti sunt, ut nulla compassione ad reprobos



probos transire valeant, nulla pro eis inter Sanctos fiat intercessio. Quomodo ergo inde volunt aliqui transire ad illos, sed non possunt? Quia si Dei iustitia admitteret, non fieret eis molesta liberatio eorum. Vel ita dicuntur velle & non posse: non quia velint & non possint, sed quia etsi vellent, non possent eos iuuare. De hoc ita Gregor. <sup>Super Luc.</sup> ait, Sicut reprobis à pœnis ad gloriam sanctorum transire volunt, & non possunt: & ita iusti per misericordiam mente ire volunt ad positos in tormentis, ut eos liberent, sed non possunt: quia iustorum animæ etsi in naturæ suæ bonitate misericordiam habent, iam tunc auctoris sui iustitiæ coniunctæ tanta rectitudine constringuntur, ut nulla ad reprobos compassione moueantur.

ARTICVLVS X.

*An boni & mali videbunt seinuicem?*

**D**Einde quæritur de hoc quod dicit ibi [Soler etiam quæri, Vtrum, &c.] Videtur autem, quod semper seinuicem videre debeant: quia ex hoc mali amplius torquentur, sicut dicitur Sapient. 3. Videntes autem turbabuntur timore horribili, &c. Et Michæ 7. Aspiciet inimica mea, & operietur confusione. Et Psalmo 3. Peccator videbit, & irascetur: dentibus suis fremet, & tabescet.

2. Adhuc, Post diem iudicii potius deberent mali videre bonos, quam e conuerso: quia mali est amplius lædi in bonis aliorum visis: & hoc competit statui damnatorum: boni autem cordis & benè ordinati est lædi in malis aliorum: ergo visa pœna malorum cum opti-

mè sint dispositi boni, per compassionem of-  
fuscabitur beatitudo ipsorum.

**RESPONSIO.** Dicendum, quod sicut dicitur in litera, ante iudicium utriusque alios vident, & post iudicium boni tantum vident malos: quia nec etiam tunc videre bonos digni habebuntur. <sup>Solutio.</sup>

**AD OBJECTVM** dicendum, quod ita tunc grauabuntur pœnis, quod intentio eorum nunquam ad aliud quam ad pœnas conuertere possit: & ideo clauderetur eis cogitatus de præmiis bonorum in cælo.

**AD ALIUD** dicendum, quod tunc natura glorificabitur, ita quod nec pati, nec comparari potest: comparari enim non est natura perfectæ, sed potius imperfectæ & passibilis, & illius est bona dispositio. Huiusmodi autem confirmatio naturæ chaos dicitur in litera, quod est firmatum inter bonos & malos. Et per hoc patet solutio ad totum.

*Quod visa impiorum pœna non minuit beatorum gloriam.*



**P**OSTREMO quæritur, An pœna reproborum visa decoleret gloriam beatorum? an eorum beatitudini proficiat? De hoc ita Gregorius ait, Apud animum iustorum non of-  
fuscat beatitudinem aspecta pœna reproborum: quia ubi iam  
compassio miseriæ non erit, minuere beatorum lætitiā non valebit. Et licet iustis sua gaudia sufficiant, ad maiorem tamen gloriam vident pœnas malorum, quas per gratiam euaserunt: quia qui Dei claritatem vident, nil in creatura agitur quod videre non possint. Non est autem mirandum, si Sancti iam immortales reprobos videant mentis intelligentia, cum Prophetæ mortales adhuc videre hæc omnia meruerunt. Egre-  
dientur ergo electi, non loco, sed intelligentia vel visione manifesta, ad videndum  
impiorum cruciatus: quos videntes non dolore afficientur, sed lætitia sa-  
tiabuntur, agentes gratias de sua liberatione, visa impiorum ineffabili ca-  
lamitate. Vnde Isaias impiorum tormenta describens, & ex eorum visione  
lætitiā bonorum exprimens, ait, Egre-  
dientur, electi scilicet, & videbunt  
cadauera virorum qui præuicati sunt in me. Vermis eorum non morietur,  
& ignis non exstinguetur, & erunt vsque ad satietatem visionis omni car-  
ni, id est, electis. Lætabitur enim iustus cum viderit vindictam.

<sup>Super  
Luc 16.  
Fili re-  
cordare.  
hom. 40.</sup>

<sup>Hieron.  
lib. 8.  
cap. 66.  
super  
Isaiam  
in fine  
super  
illud.  
Egre-  
dientur ele-  
cti.  
Isa. ult.</sup>

<sup>Psal. 57.</sup>

ARTICV



ARTICVLVS XI.

*An beati videant omnia quæ aguntur in creatura?*

**D**Einde queritur de hoc quod dicit ibi [Quia qui Dei claritatem vident, nihil in creatura, &c.] Queruntur autem duo. Primum est de veritate dicti quod dicit. Secundum est de sensibus corporis gloriosi, scilicet de visu, & aliis quibus vtuntur Sancti in patria. Videtur enim primum falsum: quia omnes vident claritatem Dei: nec tamen vnus videt quod alius:

ergo non omnes vident omnia quæ aguntur in creaturis.

2. Adhuc, Secundum hoc vnus alium non illuminaret, & hoc est falsum.

**R E S P O N S I O.** Dicendum, quod visio dupliciter accipitur, scilicet ex parte obiecti, & ex parte mediij per quod est visus. Ex parte obiecti non omnia videt qui Dei claritatem videt, sed videt tot, quot Deus vult ei manifestare. Ex parte autem mediij nihil est quod non videat, qui Dei claritatem videt: quia Deus est medium sufficienter demonstrans quicquid est creatum vel increatum. Et per hoc patet solutio ad totum.

Hæc de pedibus sedentis super solium excelsum, quos Seraphin duabus alis velabant, scriptori, etsi non auditori, commemorasse sufficiat: qui à facie exorsus sedentis, per media ad pedes vsque via duce peruenit.

ARTICVLVS XII.

*Qui dicuntur pedes & caput sedentis super solium?*

**H**æc de pedibus sedentis super solium] Istud accipitur de Isaia. Et licet aliter exponatur à beato Dionysio tam in caelesti, quam ecclesiastica hierarchia: hinc tamen intelligun-

tur caput & pedes occulta quædam diuinitatis æterna caput, & occulta operum sequentium iudicium pedes. Et sunt opera media creationis & recreationis, tam in mediatore, quam in sacramentis: & ille bene est brevis totius libri sententiarum epilogus, in quo & finitur ad laudem & gloriam & honorem Domini nostri Iesu Christi, cui cum Patre & Spiritu sancto est honor & gloria in secula seculorum. Amen.

F I N I S.





# I N D E X

Rerum notabilium quæ tam in textu quam  
in Commentariis libri quarti Sen-  
tentiæarum continentur.

## A



ABRAHÆ sinus quid est. d. 1. a. 20  
Abraham uxorem suam non ex-  
posuit alij, quando dixit so-  
rorem suam esse, sed sibi cauit,  
certificatus per inspirationem,  
quod non posset maculari. d. 29. a. 2  
Absoluendi potestatem duo complent, s. ordo  
& iurisdictio. d. 17. a. 40. item. d. 18. a. 2  
Forma absolutionis propter sacramenti certi-  
tudinem debet fieri per indicatiam enun-  
tiationem. d. 17. a. 52  
Absoluendi multiplex potestas. d. 17. a. 58  
Deus absoluit ligando, sed sacerdos è contra  
ligat soluendo. d. 18. a. 1  
Homo non operatur nisi ut minister, unde bo-  
nus & malus æqualiter habent: sed Deus  
operatur ut author & largitor doni absolu-  
tionis. d. 18. a. 5  
Sacerdos non potest absolvere à culpa & pœ-  
na æterna, sed tantum absoluit relaxando  
partem pœnæ. d. 18. a. 7  
Absolutio sacerdotis non operatur ad solu-  
tionem debiti mortis æternæ, sed ad solu-  
tionem illius quod innasceretur si confes-  
sio & absolutio non reciperentur, sicut ius-  
tum est & debitum. d. 18. a. 9  
Deus autoritate peccata dimittit, & sacerdos  
ministerio. d. 18. a. 10  
Propter peccata Achor totus populus puni-  
tus est. d. 14. a. 34  
Accidens & substantia non differunt tantum  
in modis essendi per se & in alio, sed etiam  
in suis essentiis. d. 12. a. 16  
Accidentis duplex est diffinitio, s. secundum  
esse quod habet in subiecto, & secundum  
essentiam accidentis. ibid.  
Actus sunt præuij habitibus. d. 14. a. 9  
Adam non doluit in separatione costæ ab ipso.  
d. 26. a. 2  
Adam propheticè dixit, Hoc nunc os ex ossi-  
bus meis, &c. d. 26. a. 3  
Adam scire potuit propagationem futuram de  
latere Christi, & præscire casum. ibid.

*Index in 4. lib. Sent.*

Adæ costa ex qua facta est Eua, non fuit de ve-  
ritate humanæ naturæ in Adam secundum  
ea quæ exiguntur ad individuum, sed se-  
cundum ea quæ exiguntur ad principium  
humani generis quod ipse fuit. d. 44. a. 8

Adoptio est extraneæ personæ in filium, vel  
nepotem, vel deinceps assumptio. d. 42. a. 7  
Adoptio inducta est in solarium filiorum  
perditorum. ibid.

Duæ sunt species adoptionis, s. arrogatio &  
simplex adoptio. d. 42. a. 8

Arrogatio est adoptio auctoritate principis fa-  
cta de eo qui sui iuris est, vel per patris  
naturalis mortem, vel per emancipationem  
qua transit in potestatem adoptantis. Sim-  
plex autem adoptio est adoptio auctoritate  
magistratus facta de eo qui non sui iuris  
est, nec transit in potestatem adoptantis.  
d. 42. a. 8

Servus adoptare non potest, nec in potestate  
tutorum existens, nec filiusfamilias. d. 42.  
a. 9

Adoptari potest masculus & fœmina minor  
ætate quam adoptans, tantum quod filius  
eius naturalis esse possit. d. 42. a. 10

Ex adoptione provenit proximitas quæ dici-  
tur cognatio legalis. d. 42. a. 13

In separatione quæ fit propter adulterium,  
eodem iure utitur vir & mulier. d. 35. a. 1

Adulter adulteram non potest dimittere. d. 35.  
a. 3

Qui adulteram dimisit, non potest alij copu-  
lari. d. 35. a. 4

Quandiu est spes & facultas correctionis, tan-  
diu monendus est vir, nec dimittat ux-  
orem: sed si neutrum istorum sit, potius  
consulendum est viro, quod subtrahat se  
turpitudini. d. 35. a. 6

Accusatio propter adulterium manifestum  
duplex est, una ad pœnam legalem, altera  
ad thori separationem. d. 35. a. 7

Post latam sententiam de separatione thori  
non tenetur vir de rigore iuris adulteram  
recipere si ipse adulteratur, tamen iudex  
ecclesiasticus de suo officio compellere



## Index rerum.

- eum debet, quod recipiat. d. 35. a. 11  
 Post sententiam de separatione vir potest  
 adulteram petere etiam inuitam. d. 35. a. 12  
 Pœnitentiâ adultera debet induci vir, vt vo-  
 luntariè cesser ab accusatione, sed tamen non  
 cogitur si noluerit. d. 35. a. 13  
 Vir adulteratus occultè, non potest agere ad  
 thori separationem contra mulierem adul-  
 teram manifestè. d. 35. a. 14  
 Mulier post reconciliationem potest debitum  
 petere. d. 35. a. 15  
 Vir non potest contrahere cum ea quam prius  
 polluit per adulterium, si propter hoc vt cum  
 illa contrahat, machinatur cum effectu in  
 mortem coniugis, si fidem dedit ei de con-  
 trahendo post mortem coniugis, vel si sectum  
 contraxit de facto. d. 35. a. 16. item d. 37. a. 13  
 Legibus humanis ignoscitur marito si vno  
 vulnere confodit adulterum & adulteram.  
 d. 38. a. 14  
 Grauiſſimè peccant adulteri. d. 38. a. 11  
 Affinitas est propinquitās personarum ex co-  
 pula carnali proueniens, omni carens paren-  
 tela. d. 41. a. 2  
 Fornicario concubitu contrahitur affinitas si-  
 cut in legitimo. d. 41. a. 2  
 Vbi non est seminum commixtio, ibi non est  
 affinitas. ibid.  
 Affinitas non generat aliam affinitatem. d. 41.  
 a. 3  
 Sicut affinitas causatur ex consanguinitate,  
 ita gradus affinitatis ex gradibus consan-  
 guinitatis inueniuntur & causantur. d. 41. a. 4  
 In æqualibus gradibus antiquitūs & modo  
 prohibetur & conceditur consanguinitas &  
 affinitas. d. 41. a. 5  
 Permanet affinitas post mortem illius cuius  
 gratia est contracta. d. 41. a. 5  
 Publicæ honestatis iustitia contrahitur ex  
 sponsalibus. d. 41. a. 7  
 Diuersi sunt gradus istius propinquitatis si-  
 cut affinitatis: quia quoto gradu iungitur  
 consanguineus contrahens sponsalia, toto  
 gradu iungitur sponsa in publicæ honesta-  
 tis iustitia, & ideo prohibetur contrahere  
 cum aliquo de consanguinitate illa. d. 41.  
 a. 8  
 Hæc propinquitās in veritate non est affinitas,  
 sed ferè similis illi. ibid.  
 Agilitatis dos est libera possessio & habilitas  
 omnium membrorum similium & officia-  
 lium ad omnem actum animæ exequendum.  
 d. 44. a. 18  
 Angeli peccatum quare sit irremediabile, mul-  
 tiplex ratio assignatur. d. 14. a. 32  
 Anima non est effigiata vt corpus. d. 44. a. 41  
 Virtutes animæ sensibilis & ipsa anima sen-  
 sibilis possunt tripliciter considerari, scilicet in  
 actu, in esse, & in radice. d. 44. a. 43  
 Animarum quinque receptacula postquam se-  
 parantur à corpore. d. 44. a. 45  
 Animæ exutæ corporibus, habent formas crea-  
 tionis sicut Angeli, & illis loquuntur &  
 audiunt sicut Angeli. d. 45. a. 12  
 Animæ sedes est in sanguine. d. 12. a. 3  
 Animas è corpore exutas nec cælum intrare  
 nec infernum ante diem iudicii Græci asse-  
 rentes damnati sunt. d. 21. a. 10
- Ardentior amator propriæ vxoris adulter est.  
 d. 31. a. 19  
 Attritio est dolor informis de peccatis. d. 14.  
 a. 10
- B
- B**alsamum non nascitur nisi in oculo solis,  
 vt dicit Moyſes Ægyptius. d. 7. a. 3. ad q. 2  
 Baptismus Ioannis nullam contulit gratiam.  
 d. 2. a. 3  
 Baptismus Ioannis non propriè erat Sacra-  
 mentum, sed erat medium inter Sacramenta  
 nouæ legis & veteris. ibid. & a. 6  
 Baptismus Ioannis dicitur in pœnitentiā  
 quæ præexigebatur, ne baptismus Christi  
 baptizandos à se fictos inueniret. d. 2. a. 4  
 Baptismus Ioannis dicitur: quia nihil erat in  
 eo nisi operatio Ioannis. d. 2. a. 5  
 In Baptismo duplex operatio, exterior, & inte-  
 rior. ibid.  
 Baptizatus à Ioanne non spem ponens, & ex  
 hoc ipso aliud baptisma quærens, vt di-  
 scipulorum Christi, post passionem non ba-  
 ptizabatur, quia iam baptizatus erat ba-  
 ptismo Christi per discipulos Christi. d. 2.  
 a. 7  
 Baptismi diuersæ definitiones. d. 3. a. 1  
 Forma Baptismi est ista, Ego te baptizo in no-  
 mine Patris & Filij & Spiritus sancti. d. 3. a. 2  
 Pronomen, ego, secundum institutionem diui-  
 nam non est de forma Baptismi, sed secun-  
 dum statutum Ecclesiæ. d. 3. a. 2. ad q. 1  
 Inuocatio Trinitatis est de forma Baptismi se-  
 cundum institutionem diuinam. ibid.  
 Verbum, Baptizo, est de forma Baptismi, & sine  
 quo baptismus non est, nisi occurrat casus  
 propter quem aliter ad tempus fit facien-  
 dum. d. 3. a. 2. ad q. 2  
 Forma Baptismi secundum Græcos est ista,  
 Baptizetur seruus Christi N. in nomine Pa-  
 tris & Filij & Spiritus sancti. ibid.  
 Ritus Baptismi Græcorum tolerari potuit ad  
 tempus, propter scandalum, & ex imperio  
 Spiritus sancti inspirante Ecclesiam. ibid.  
 Ly nomine dicit essentiam notam se reddentem  
 in effectu gratiæ quam operantur in-  
 differenter tres personæ. d. 3. a. 2. ad q. 3  
 Nulla alia nomina personarum possunt poni  
 loco istorum: quia tantum exprimunt per-  
 sonas, vt sunt in se perfectæ & distinctæ.  
 d. 3. a. 2. ad q. 4  
 Tria concurrebant ad hoc quod Apostoli ba-  
 ptizarent in nomine Christi, quorum vnum  
 est significatio nominis quæ implicite expri-  
 mit Trinitatem. Secundum, vt nomen Chri-  
 sti amicabile & reuerendum ostenderetur.  
 Tertium est institutio diuina per instinctum  
 & reuelationē Spiritus sancti. d. 3. a. 2. ad q. 5  
 Eisdem causis concurrentibus hoc fieri poterat  
 in alio nomine sicut in isto. d. 3. a. 2. ad q. 6  
 Papa non potest idem instituere sicut nec Apo-  
 stoli potuerunt, nisi per reuelationem Spi-  
 ritus sancti. d. 3. a. 2. ad q. 7  
 In nomine vnus personæ non potest fieri Ba-  
 ptismus. d. 3. a. 2. ad q. 8  
 Si dicatur, Ego baptizo te in nomine Trinita-  
 tis, non est baptismus. d. 3. a. 2. ad q. 9  
 Si



# Index rerum.

Si in forma Baptismi aliquis apponat quod sonat corruptionem formæ, non baptizat. d.3.a.2.ad q.10

Si tantum fiat verborum transpositio, est Baptismus. d.3.a.2.ad q.11

Si propter linguæ impedimentum vel ignorantiam loquelæ fiat corruptio in fine, est Baptismus. d.3.a.2.ad q.12

Baptismus non debuit incipere ante Christi passionem. d.3.a.3

Baptismus multipliciter institutus est, scilicet officialiter, & causaliter, & quoad effectum salutis. ibid.

Sola aqua est materia Baptismi. d.3.a.4

Si est commixtio tollens speciem elementi, & trahens ad speciem aliam, in illa aqua non potest fieri Baptismus, sicut est iusculum pinguium, cereuisia, & lixiuia quædam. d.3.a.4.ad q.

Maximè rationabilis est consuetudo Ecclesiæ Romanæ, quæ ter immergit: si tamen semel tantum immergatur, videtur baptizans corrigendo, sed infans nullo modo rebaptizandus. d.3.a.5

Forma baptismi non est diuidenda secundum tres immersiones, sed continuo pronuntianda propter periculum infantium. d.3.a.5.ad q.1

Si nominata tantum vna persona Trinitatis, baptizandus moriatur vel sacerdos baptizans, creditur supplere summus sacerdos quod minister explere non potuit. ibid.

Quando potior pars, id est, caput aqua perfunditur, baptizatur, sed immergendi consuetudo laudabilior est. ibid.

In balneo, vel aqua calida vel thermis fieri potest Baptismus. d.3.a.5.ad q.2

Baptismus post passionem fuit in præceptum, tunc circumcisio mortua est, sed cum honore ad tumulum deferenda. d.3.a.6

Baptismus, passio, resurrectio & ascensio ianuam regni cælestis aperuerunt sed differenter. d.3.a.7

Æqualis est effectus Baptismi in omnibus paruulis. d.4.a.1

Baptismus est Sacramentum fidei quoad hoc quod est fundamentum sacramentorum, sicut fides ædificij spiritualis. d.4.a.2

Fictio impedit Baptismum ex eo quod ponit obicem Spiritui sancto per dissensum actuale voluntatis ad effectum sacramenti. d.4.a.3

Baptismus manet in ficto per mansionem characteris qui vocatur propriè Sacramentum: & idè recedente fictione, operatur gratiam, eo modo quo est causa, scilicet disponens, & Deus tunc efficit gratiam. d.4.a.4

Pœnitentia ubi articulus necessitatis, non contemptus religionis sacramentum excludit, & effusio sanguinis supplet Baptismum qui fit in aqua. d.4.a.6

Baptismatum nouem genera. d.4.a.6.ad q.9

Paruuli sine Baptismo decedentes non patiuntur nisi pœnam damni. d.4.a.8

Triplex est actus gratiæ baptismalis, scilicet deletio vniuersalis culpæ, & diminutio pœnæ, & ordo virtutum in meritis: & quoad primos actus datur gratia æqualiter in omnibus, sed

*Index in 4.lib. Sentent.*

non quoad tertium. d.4.a.10

In ficto baptizato Sacramentum est signum gratiæ quam causat quantum est de se. d.4.a.12

Paruulis in Baptismo gratia & virtutes dantur in munere non in usu. d.4.a.13

Verus minister Baptismi quoad dominium & Ecclesiam est habens ordinem & iurisdictionem & vitam: tempore autem necessitatis est quælibet etiam verula, nec sexum virilem, nec ordinem, nec iurisdictionem, nec vitam habens. d.5.a.1

Si nullum timetur scandalum, nec tempus est necessitatis, grauiter peccat, præsumens baptizare. d.5.a.1.ad q.1

Tempore necessitatis potest quis baptizari à Sacerdote simoniaci: quia non committitur simonia ex parte baptizandi. d.5.a.1.ad q.2

Ebrius in quo suffocata est ratio, non videtur posse baptizare. d.5.a.2

Hæreticus baptizans in forma Ecclesiæ, etiam cum intentione, baptizat in forma fidei & fide Ecclesiæ. d.5.a.3.item d.6.a.2

Minister Baptismi idoneus vel dignus est, qui habet auctoritatem ex ordine, & iurisdictionem, ex auctoritate, & idoneitatem ex vitæ merito: tamen necessitatis tempore quilibet potest baptizare. c.6.a.1

Si nasceretur infans in utero cum gratia sanctificationis, ipse deberet baptizari propter præceptum Domini, & propter characterem. d.6.a.9.ad q.4

Amentes à natura si baptizentur, accipiunt virtutem baptismi: alij autem dum ratione vtuntur, si reclamauerint, nihil videtur consequi, si baptizentur in amentia. d.6.a.10

Dormientes si baptizentur, & reclamauerint in vigilia, non consequuntur quicquam: si autem annuerint, vel interrogati non reclamauerint in vigilia, videntur consequi characterem ad minus. ibid.

Ad baptismum exigitur ex parte dantis intentio faciendi quod facit Ecclesia. d.6.a.11

Tempus necessitatis baptizandi est semper, quando nascuntur paruuli: sed tempus congruentiæ est bis in anno, scilicet Paschæ & Pentecostes. d.6.a.12

Sponsio quæ fit in baptismo, non est vorum nisi valde generaliter & improprie. q.6.a.13

Paruuli obligantur ad fidem & ad mores qui continentur sub præceptis, ex susceptione Baptismi. d.6.a.14

Cum patrinus pro paruulo dicit, Credo, in persona paruuli dicit, & tantum valet ibi Credo, quantum Sacramentum fidei paratus sum suscipere, cum non habeam obicem contrariæ voluntatis & dissensus. d.6.a.14.ad q.2

Ante Baptismum fit cathecismus & exorcismus: post cathecismum sequitur exorcismus, ut ab eo qui iam fide instructus est, aduersaria virtus pellatur. d.6.a.15

Quæ exiguntur in Baptismo, secundum diuersas Ecclesiæ consuetudines variantur in numero & in ordine. ibid.

Non tota aqua fluminis vel vasis est materia Baptismi, sed tantum illa quæ adhæret per contactum baptizato. d.7.a.3.ad q.3



## Index rerum.

- In Baptismo sunt tria, scilicet liberatio à dæmone, rinctio in aquis, & remissio peccati. d. 8. a. 2
- In Baptismo sufficit vnus tenens: & si plures sunt, hoc porius est permissio quam statum quod debeat approbari. d. 42. a. 16
- Non potest suscipere qui non est baptizatus. ibid.
- Beatitudo est actus siue operatio secundum perfectam virtutem animi. d. 49. a. 6
- Beatitudo est status omnium bonorum aggregatione perfectus. d. 49. a. 6
- Qui verè beatus est, habet omnia quæ vult, & nihil vult malè. ibid.
- Omnis homo appetit beatitudinem, & propter ipsam agit, quidquid agit. d. 49. a. 7
- Quilibet beatus cuncta illa videbit, quorum cognitio seruit beatitudini: in aliis autem differentem habent cognitionem, & etiam vnus à seipso differentem, quia successiue reuelatur ei plus de diuinæ cognitionis secretis. d. 39. a. 8
- Deus erit omnia in omnibus, erit etiam in dispari claritate par gaudium. d. 49. a. 9. & 10
- Beatitudo sanctorum erit post iudicium maior extensiuè, non intensiuè. d. 49. a. 11
- Beatus videt tot, quot Deus vult ei manifestare. d. 50. a. 11
- Bigamia est diuisio vnus in non vnam vxorem vel vxores. d. 27. a. 19
- Qui vxorem ducit per verba de præsentis, & antequam consummet matrimonium illa moritur, & aliam ducit & carnaliter cognoscit, non est bigamus. d. 27. a. 20. ad q. 2
- Bigamia non est iniquitas, sed pœna. ibid.
- Qui contrahit cum illa quam ante deflorauit, non est bigamus. d. 27. a. 20. ad q. 3
- Qui contrahit cum ea quam credit virginem & inuenit corruptam, est bigamus. d. 27. a. 20. ad q. 4
- Bigamiæ adiuncta est irregularitas: quia deficit in ea sacramentum, id est, signum coniunctionis vnici ad vnicam. d. 27. a. 21
- Cum bigamo potest dispensari, per Episcopum quidem ad minores ordines, si necesse fuit, & per Papam ad omnes. d. 28. a. 22
- Lamech reprehenditur de peccato, non de bigamia, quia non fuit reprehensibilis: & etiam tunc non obstabat sacerdotio. d. 33. a. 4
- C
- V**Nus effectus non efficitur à duabus Causis æquè proximis, nisi altera sit imperfecta. d. 8. a. 13
- Cayphas non fuit propheta, quamuis prophetauerit. d. 19. a. 15
- Character licet secundum nomen sit in prædicamento relationis, sicut signum distinguens: tamen secundum id quod est, est habitus cuiusdam luminis illustrantis imaginem per modum dispositionis non omnino sufficient. r ad salutem. d. 4. a. 5
- Character secundum esse quod importat nomen, dicit ens in prædicamento relationis, sicut paternitas. d. 6. a. 3
- Character fundatur in habitu sicut similitudo in qualitate. ibid.
- Characteris diuersæ definitiones. d. 6. a. 4
- Character vt in subiecto est in intellectu. d. 6. a. 4. ad q. 9
- Character est indelebilis. d. 6. a. 5
- Virtutes non imprimunt characterem. d. 6. a. 5. ad q. 2
- Characterum numerus multipliciter accipitur, sed probabilior acceptio videtur penes numerum distinctionis in statu fidei. d. 6. a. 6
- Characteres differunt in essentia. ibid.
- Character baptismalis ad alia sacramenta habet ordinem necessitatis & fundamenti: sed character confirmationis non habet ordinem necessarium ad characterem ordinis, sed congruentiæ tantum. d. 6. a. 6. ad q.
- Character bestiæ peccatum est mortale. d. 6. a. 7
- Character Christi & bestiæ non sunt contrarij. d. 6. a. 7
- Character est causa gratiæ hoc modo quo signum sacramentale est causa, scilicet disponens in subiecto. d. 6. a. 8
- Character sacerdotalis solus est vt perfectio, sacramenti, & aliorum ordinum sunt dispositiones. d. 24. a. 34
- Charitas magna operatur, si est: si verò operari definit, non est charitas. d. 15. a. 19
- Choreæ & huiusmodi ludi, siue fiant cantu, siue instrumentis musicis, secundum se non sunt mali, sed possunt fieri mali ex circumstantiis. d. 16. a. 43
- Quilibet Christianus homo potest & debet dicere, Pater noster, &c. d. 16. a. 55
- Christus secundum hominem non fuit susceptibilis potestatis dimittendi peccata. d. 5. a. 6
- Potestas quam Christo dedit Pater, præ aliis, fuit potestas excellentiæ ad actum, svt solueret sine officio clauium tanquam Dominus vniuersæ Ecclesiæ. ibid.
- Quando Christus ostendit se discipulis in via in specie peregrini, nulla fuit illusio. d. 13. a. 2
- Christus tripliciter comparatur ad res creatas. 1. vt Deus. 2. secundum quod natus est de Virgine. 3. secundum quod est cibus spiritalis Ecclesiæ. d. 13. a. 10
- Christus pœnam habuit pro omnibus satisfaciens sufficienter, licet non efficienter. d. 13. a. 25
- Quos Christus sanauit in corpore, sanauit etiam in anima. d. 15. a. 34
- Christus potuit multis de causis incarnari, & non tantum pro peccato. d. 26. a. 3.
- Christus de coniugata voluit nasci tribus de causis, scilicet vt diabolo Sacramentum celaretur, vt solatium & obsequium matri & sibi exhiberetur, & non mater tanquam adultera à Iudæis infamaretur & lapidaretur. d. 30. a. 8. & 9
- Cineris vitulæ rufæ & aquæ quæ fiebat per commixtionem eius, quis fuerit effectus, d. 1. a. 12
- Circumcisio secundum Damascenum erat signum determinans Israël à Gentibus cum quibus conuersabatur. d. 1. a. 17
- Circumcisionis actus principalis est remediū peccati



# Index rerum.

peccati originalis, & sanctificatio quedam, scilicet qualis per eam tunc poterat præstari. *ibid.*  
 Circumcisio characterē non impressit. d. 1. a. 18  
 Circumcisio non iterabatur. *ibid.*  
 Si aliquis proselytus circumcisionem fictus accepisset, non oportebat ut non fictus iterum circumcideretur. *ibid.*  
 Circumcisio de se operabatur diminutionem pœnæ, sed virtus fidei in ipsa operabatur remissionem culpæ. d. 1. a. 19  
 Fœminæ non circumcidebantur tribus de causis. 1. quia natura nostra non est corrupta in muliere. 2. quia vir principalis est in generatione. 3. ut ostenderetur imperfectio sacramenti, & aliud generalius & melius expectaretur. d. 1. a. 21  
 Ad circumcisionem tenebantur, qui ad semen benedictū & promissum pertinebāt. d. 1. a. 12  
 Circumcisio data fuit tribus de causis. scilicet ut obedientia mandati Abraham placeret Deo, & in signum magnæ fidei Abrahæ, & ut discerneretur populus de quo Christus nasci voluit. d. 1. a. 23  
 Quare Apostolus circumcidit Timotheum, non autem Titum. d. 3. a. 6  
 Circumstantia non est omnino accidentalis actui. d. 17. a. 46  
 Circumstantiæ aggrauant peccatum: licet enim non faciant bonum in actu vel gratiæ vel virtutis politicæ, tamen faciunt & augent malum in actu. d. 16. a. 22  
 Nulla circumstantia confert propriè loquendo speciem, vel variat eandem. d. 16. a. 23  
 Claves in Ecclesia sunt, quibus non solum sacramenta, sed etiam cælum aperitur, & clauditur indignis. d. 18. a. 1  
 Claves sunt discernendi scientia, & potentia iudicandi, id est, ligandi & soluendi. q. 18. a. 2  
 Non sunt necessariæ nisi duæ claves, scientia discernendi, & ligandi & soluendi potestas. d. 18. a. 3  
 Scientia non est clavis, sed potius discernendi & iudicandi auctoritas, & hanc in ordine recipi omnis Sacerdos: tamen scientia dicitur quandoque clavis, eo quod materia est in clauē. d. 18. a. 4  
 Essentialis actus clavis est super pœnam illam quæ dicitur purgatoria, quia est improporcionabilis viribus hominis, sicut pœna purgatorij si modo imponeretur ad sustinendum. d. 18. a. 11  
 Deus remittit culpam in contritione & relaxat debitum æternæ mortis: committitur autem ministris Ecclesiæ relaxatio pœnæ purgatoriae, & iniunctio expiatoriæ. d. 18. a. 13  
 In Veteri Testamento Sacerdos legalis claves non habuit, sed umbram clavis, id est, potestatem absoluendi & ligandi circa immunditias corporales. d. 18. a. 14  
 Christus habuit claves excellenter: quia sine inquisitione & labore utebatur & auctoritate discernendi, & potestate ligandi & soluendi. d. 19. a. 1  
 Clavis est per se & principaliter ad aperiendum, & ex consequenti ad claudendum. d. 19. a. 2  
 Clavis est pars potentialis ordinis, & non se-

paratur ab ordine. d. 19. a. 3  
 Solus Sacerdos accipit clauēs. d. 19. a. 4  
 Reges nullam habent clauem, nec aliquam spirituale iurisdictionem. d. 19. a. 5  
 Multitudo congregationis alicuius quæ reducitur ad vnum, potest habere spirituale potestatem iurisdictionis excommunicandi & absoluendi, ita quod nullus de multitudine illa. d. 19. a. 6  
 Mulier nullam habet clauem, nec in foro pœnitentiæ, nec in foro causarum, sed commissam sibi quoad usum tantum aliquem, potest gubernare potestatem. d. 19. a. 7  
 Nullus potest iurisdictionem suam ultra quam sibi à suo superiori permissum est, in alium subditum extendere excommunicando vel absoluendo. d. 19. a. 10  
 Clericus quandiu ministrat in domo Dei, tenetur ad maiorem perfectionem quam laicus. d. 24. a. 9  
 Non est dubium quin clerici ius habeant in sua hæreditate, quæ patrimonium est. d. 24. a. 15  
 Comedere dicitur dupliciter, scilicet carnaliter & spiritualiter. d. 10. a. 3  
 Conceptum dicit intus captum imperfectum. d. 14. a. 10  
 Concupiscentia lethalis dicitur: quia à letho inducta, non quod semper lethum inducat. d. 26. a. 9  
 Cognatio carnalis est vinculum personarum ab eodem stipite descendendum carnali propagatione contractum. d. 40. a. 1  
 Cognatio spiritualis est spiritualis propinquitas proveniens ex Sacramenti datione, vel ad idem intentione. d. 42. a. 3  
 Cognatio spiritualis impedit matrimonium contrahendum & dirimit contractum. d. 42. a. 3  
 Non est nisi triplex species cognationis spiritualis, scilicet paternitas, compaternitas & confraternitas. d. 42. a. 4  
 Cognatio legalis est proximitas quedam ex adoptione proveniens. d. 42. a. 13  
 Cognationem spirituale duo tantum sacramenta faciunt, baptismus & confirmatio. d. 42. a. 5  
 In Confessione tria sunt se se consequentia. 1. est peccati manifestatio cum detestatione & signo detestationis. 2. est actuum peccati perpetrati enarratio, quod memoriz occurrat. 3. sui accusatio: & quoad hæc tria est in præcepto, sed quoad primum solum est in præcepto diuino. d. 16. a. 12  
 Ecclesia Spiritu sancto edocta, instituit quod omnis vtriusque sexus fidelis semel in anno confiteretur sua peccata. *ibid.*  
 Confessio non est de iure naturali strictè sumpta. d. 15. a. 13  
 Confessio non erat in naturali lege nisi quantum ad peccati recognitionem inter se & Deum: in lege autem Moyfi accessit peccati manifestatio aliqua, sed in genere, non in specie: in signo, non in verbo: in Nouo autem Testamento exigitur enarratio specierum & aliarum circumstantiarum. d. 16. a. 14  
 Confessio potest esse actus plurium virtutum imperatiuè, sed frequentius virtutis est, quæ dicitur pœnitentiæ: elicitiuè autem est actus virtutis quæ dicitur veritas. d. 16. a. 15



## Index rerum.

- Confessio est peccatorum sacramentalis delinquentis accusatio, ex erubescencia & per clauas satisfactoria, obligans ad peragendum penitentiam iniunctam. d. 16. a. 16
- Confessio est per quam morbus latens, spe venia aperitur. ibid.
- Confessio est legitima coram sacerdote peccatorum declaratio. ibid.
- Fides præcipue monet ad confessionem ratione articuli qui lest de vita æterna. d. 16. a. 17
- Non oportet circumstantias confiteri, nisi quæ in aliud genus peccati, tamen securum est etiam alias dicere, præcipue si remordet aliquem conscientia. d. 16. a. 24
- Confessio diuisa & industria, nihil valet. d. 16. a. 36
- Nunquam fit absolutio peccati sine confessione in voto vel effectu existente. d. 17. a. 1. & 4. item d. 18. a. 1
- Confessio in genere diuinum habet præceptum, sed in specie determinationem accipit per Ecclesiam. ibid.
- Si adsit facultas confitendi sacerdoti, non sufficit confessio facta soli Deo. d. 17. a. 3. & 32
- Confessio quantum ad id quod est ex parte confitentis, nihil valet ad iustificationem & meritum vitæ æternæ, nisi confitens sit in charitate, valet tamen ad facilius gratiam impetrandam, & ad alia ad quæ dicuntur valere bona extra charitatem facta. d. 17. a. 6
- Confessio operans in voto cum contritione operatur iustificationem. d. 17. a. 7
- Confessio animam à morte liberat, aperit paradysum, & spem salutis tribuit. d. 17. a. 24
- Confessio inchoatur coram Deo, & ibi incipit confitens primò accipere vitam. ibid.
- Non est publicè confitendum: nec enim præceptum de hoc est, nec consilium, nisi fortè esset crimen quod vniuersam commouerit urbem. d. 17. a. 27
- Confessio alia est sacramentalis, alia supplicationis. d. 17. a. 33. ad 9
- Sit simplex, humilis confessio, pura, fidelis, Atque frequens, nuda, discreta, libens, verrecunda, Integra, secreta, lacrymabilis, accele-rata, Fortis & accusans. & sit parere parata.* a. 36 d. 17.
- Soli sacerdotes potestatem audiendi confessionem habent. d. 17. a. 39
- Confessio duplex, s. generalis & priuata. ibid.
- Non tenetur quis confiteri alibi nisi habenti clauos: & si facit, illa humilitas & rubor minuunt penam. ibid.
- Non potest aliquis confiteri nisi proprio sacerdoti. d. 17. a. 40
- Duo sunt quæ complent potestatem absoluendi, s. ordo & iurisdictio. ibid.
- Non possunt esse plures sacerdotes proprii, possunt tamen alij cooperari vni proprio. d. 17. a. 41
- Si aliquis de licentia sacerdotis confitetur alicui, non tenetur illo anno sacerdoti suo confiteri, nisi periculum infirmitatis incurrat, & aliquid nouum confiteri habeat. d. 17. a. 42
- Priuilegium audiendi confessiones religiosi & honesti personis vtile est concedere. d. 17. a. 43
- Priuilegiatus debet iniungere confessio sibi, quatenus ad minus in generali ostendat se proprio sacerdoti si pastore est, vel etiam perpetuus Vicarius. d. 17. a. 44
- Forma absolutionis propter sacramenti certitudinem debet fieri per iudicatiuum enuntiationem: sed quod præcedit deprecario, de bene esse est sacramenti, & non de esse. d. 17. a. 53
- Qui non communicant cum sacerdotibus in potentia loquendi & idiomate, possunt per seipsum, vel per signum, per se, vel per interpretem confiteri. d. 17. a. 54
- Interpres debet per sacerdotem obligari ad reticendum: et si non obligetur, tamen tacere tenerur. d. 17. a. 54. ad 9
- Valet confessio facta laico, vbi articulus necessitatis, non contemptus religionis excludit proprium vel alienum sacerdotem. d. 17. a. 58
- Absoluendi multiplex potestas. ibid.
- Absolutio per clauas, est illud in quo abundat vera confessio à confessione facta in necessitate, sed tamen absolutio quædam est hic, scilicet quæ fit merito vnitatis Ecclesiæ. d. 17. a. 59
- Confessor dulcis, affabilis, atque suavis, Prudens, discretus, mitis, pius, atque benignus.* d. 17. a. 6
- Sacerdos non tenetur scire discernere nisi in communi, scilicet quæ sint capitalia mortalia communia, & quæ venialia ex genere. ibid.
- Si sint duo habentes æquale votum confitendi, & in omnibus aliis pares, citius euolat confessus sacerdoti, quam non confessus. d. 17. a. 61
- Pro peccato occulto nunquam debet imponi penitentia manifesta, quia hoc esset prodere confessionem. d. 17. a. 62
- Non tenemur ad confessionem venialium, nisi in generali, s. confessione Primæ & Completorii & ante altare. d. 17. a. 64
- Confitenti venialia non est iniungenda penitentia, sed ad memoriam reuocanda satisfactio quotidiana pro venialibus ab Ecclesia instituta, s. tonsio pectoris, Pater noster, Ave Maria, & huiusmodi. d. 21. a. 12
- Confirmatio necessaria est ad salutem, si debeat fidere robustè & sine pauore defendi in impugnationibus hostis. d. 7. a. 1
- Hoc sacramentum est contra debilitatem ex fomite surgentem, ex eo quod non totus purgatur in baptismo, sed remanet debilitatus ad exercitiū pugne. d. 7. a. 2
- Confirmationis forma est ista, signo te signo crucis, & confirmo te chrismate salutis in nomine Patris, & Filij, & Spiritus sancti. Amen. ibid.
- Apostoli nunquam confirmabunt sine forma verborum præscripta. ibid.
- Confirmatio duplex, vna ad standum in bono vniuersaliter: alia quæ imprimat characterem



# Index rerum.

raacterem sacramentalem ad expulsionem timiditatis ex fomite prouenientis. d.7.a.2  
 Confirmatio habet chrisma pro materia. d.7.a.3  
 Oleum & balsamum non consecrata, non sunt nec esse possunt materia huius sacramenti. d.7.a.3. ad q.3  
 Solus Episcopus potest hoc sacramentum conferre. d.7.a.4  
 Hoc sacramentum confert gratiam ordinatam contra debilitatem relictam ex infirmitate fomitis deprimentis. d.7.a.5  
 Gratia Confirmationis & baptismatis differunt differentiis ultimis, s. in quantum sunt curatiuæ morbi huius vel illius. ibid.  
 Gratia data in confirmatione, est gratum faciens. d.7.a.5. ad q.1  
 Confirmatio dicitur maior inter sacramenta, quia datur à maiori ministro. d.7.a.6  
 Confirmationis vnctione datur septiformis Spiritus cum omni plenitudine sanctitatis & virtutis. d.7.a.6. ad q.  
 Confirmatio datur in fronte ad tollendam malam verecundiam. d.7.a.7  
 Istud sacramentum conferendum est viris & mulieribus æqualiter. d.7.a.8  
 Confirmandus debet teneri ab alio confirmato: & quia contrahitur ibi confinitas spiritualis, mulier non debet tenere maritum, nec è conuerso: nec homo filium, sororem, vel fratrem, quia sufficit ad amicitiam conciliandam inter tales vinculum carnale. d.7.a.8. ad q.4  
 Confirmatio imprimit characterem. d.7.a.9  
 Consanguinitas dicitur quasi societas sanguinis propter propagationem ex vino. d.40.a.2  
 Consanguinitatis linea est ordinata collectio personarum consanguinitate coniectarum, ab eodem stipite descendantium, diuersos gradus continens. d.40.a.3  
 Consanguinitatis linea diuiditur in tres, s. descendantium, ascendantium & transuersalium. d.40.a.4  
 Consanguinitatis gradus est habitudo distantium personarum, qua cognoscitur quanta cognationis distantia personarum inter se differant. d.40.a.5  
 Secundum noua iura quartus gradus est prohibitus ad contrahendum matrimonium, & quintus concessus. d.40.a.7  
 Contritio est actus pœnitentiæ si pœnitentia accipiat ut virtus: si autem accipiat ut sacramentum, contritio est cōtriti passio voluntariè suscepta vel facta pro peccato. d.16.a.6  
 Contritio duplicem habet contrarietatem ad peccatum: vnā in speciei suæ essentia, aliam in suo toto in quo radicatur, quod est gratia gratum faciens. d.16.a.6  
 Contritio est dolor voluntarius pro peccatis semper puniens in se quod dolet commisisse. d.16.a.7  
 Contritio est compunctio & humilitas mentis cum lacrymis, veniens de recordatione peccati, & timore iudicij. ibid.  
 Contritio est humilitas spiritus, annihilans peccatum inter spem & timorem. ibid.  
 Contritio cordis est sacrificium in quo peccata soluuntur. ibid.  
 Vnus & idem dolor in substantia potest esse

attritionis & confessionis, sicut fides informis potest fieri formata. d.16.a.8  
 Contritio & compunctio differunt: quia compunctio est, siue sit pro peccatis dolor pungens, siue sit pro incolarum miseriā: præterea compunctio propriè dicit dolorem secundum quod pungit pœnitentem, contritio autem dicit eundem, secundum quod annihilat peccatum iteratum super singulas differentias. d.16.a.8. ad q.1  
 Attritio est dolor sine gratia gratum faciente, contritio autem cum gratia gratum faciente. d.16.a.8. ad q.2  
 Attritio non est de naturalibus, imò est donum Spiritus sancti. ibid.  
 Contritio præcipuè est parris animæ quæ dicitur voluntas. d.16.a.9  
 Contritio fuit in Veteri Testamento sicut in Nouo. d.16.a.10  
 Fides mouet ad contritionem ex parte intellectus, & timor & affectio amoris ex parte affectus. d.16.a.11  
 Fides mouet ad contritionem ratione articuli qui est de iudicio. ibid.  
 In contritione quæ primò delet peccata, tenetur pœnitens reuoluere ea omnia de quibus recordatur, sed non circumstantias, nisi illas quæ trahunt in aliud genus peccati. d.16.a.25  
 Non oportet, quod contritio sit de omnibus circumstantiis, nisi quantum ad bene esse contritionis, s. ut sit feruentior. ibid.  
 Contritio intendi potest absolute & simpliciter, tam ex parte formæ, quam ex parte materię. d.16.a.29  
 Causam sufficientem & efficientem non habet contritio in subiecto, sed præparantem & disponentem. d.16.a.30  
 Dolor contritionis duplex, s. sensibilis & rationalis. d.16.a.30. & 31  
 Contritionis minimus dolor sufficit ad deletionem peccati in culpa tota & æterna pœna, licet pœnitens remaneat debitor pœnæ temporalis, propter paruitatem doloris & actionis & passionis, quia ille dolor posset esse tantus, quod totam pœnam peccato debitam deleteret. d.16.a.31  
 Dolor dicitur quasi æquiuocè de sensibili siue naturali, & rationali. d.16.a.31  
 Dolor actualis ex parte obiecti est æqualiter de omnibus peccatis in summa, ex parte autem agentis præsupponitur ordo rationis, & est de maiori maior, & de minori minor in habitu rationis. d.16.a.32  
 Dolor contritionis non finitur in hac vita, sed in alia. d.16.a.33  
 Quantitas Contritionis debet esse tanta, quod pro nulla re prospera vel aduersa peccare vellet: tamen sacerdos huiusmodi quantitatem non debet exigere, ut coram se profiteatur pœnitens, sed in habitu debet eam per signa in ipso supponere. d.16.a.33  
 Nullus est status contritionis, in quo crescere non possit. d.16.a.35  
 Nunquam est vera contritio, quæ confessionem & satisfactionem, non articulo necessitatis, sed contemptu religionis excludit: unde si quis verè contritus est, habet votum confitendi & satisfaciendi. d.17.a.1  
 Cum



## Index rerum.

Cum in voto verè contritorum sit confessio, operatur in voto ad peccati dimissionem, & per consequens ibi operatur supplicatio sacerdotum. d. 17. a. 53  
 Corpora damnatorum in igne ardent & non consumuntur. d. 44. a. 34  
 Corpora gloriosa habent loca æqualia sibi. d. 44. a. 2  
 Nullo modo est intelligibile qualiter duo corpora sint in eodem loco. d. 44. a. 3  
 Corpora sanctorum post resurrectionem erunt impassibilia contrariæ læsionis. d. 44. a. 14  
 Erunt agibilia non tantum ad motum localem, sed in omnia opera quæcunque perpetrare voluerit appetitus qui mouet organa. d. 44. a. 17  
 Mouebuntur in tempore imperceptibili. d. 44. a. 22  
 Erunt subtilia & luminosa. d. 44. a. 23. & 27  
 Correctio fraterna est admonitio fratris de emendatione delicti ex fraterna charitate procedens. d. 18. a. 17  
 Corrigens alium non debet esse in simili notorio vel maiori existens: & si sit in notorio, non potest eum iudicare, nisi cum mortali peccato, nec etiam iudici per modum accusantis denunciare. d. 19. a. 18  
 Ex officio non tenentur ad fraternam correctionem nisi prælati, sed ex charitate omnis homo tenetur corripere fratrem delinquentem. d. 19. a. 19  
 Omnis homo omnem hominem cum reuerentia & mansuetudine tenetur admonere & corripere de delicto, sed non ulterius denunciare potest si est inobediens, quia si prælatus supremus est, non habet iudicem. d. 19. a. 20  
 In correctione fraterna seruandus est ordo sicut iacet in Euangelio. d. 19. a. 21  
 Correctio fraterna differt à correctione iudicis, quia iudex habet coactiuam correctionem in eum quem indicat, non frater in fratrem. d. 19. a. 22  
 Creare aliquid ex nihilo, maioris potentie est, quam quodlibet ens vertere in quodlibet aliud. d. 10. a. 8  
 Culpam ibi agnoscere, ubi culpa non est, bonarum mentium est. d. 21. a. 12  
 Cultus disparitas facit personas illegitimas ad contrahendum matrimonium. d. 39. a. 1  
 Cultus disparitas matrimonio superueniens non dissoluit matrimonium. d. 39. a. 5

### D

**D**æmon habet libertatem à coactione, sed infirmatam ad bonum & corruptam per habitum deliberatum ad malum trahentem. d. 14. a. 32  
 Dæmones nesciunt incarnationis mysterium. d. 30. a. 8  
 Dæmones peccant vsque ad diem iudicij, quando finalem quoad maiorem pœnam & carcerem accipient condemnationem, & tunc amplius peccare non poterunt. d. 50. a. 2  
 Dæmonis duplex est vis, scilicet interior, & exterior. d. 6. a. 15  
 Immobilitas Damnatorum in malo causa est

partim intus, & partim extra: intus sicut dispositio est aptitudo naturæ à qua cadunt, & determinatio status in cuius termino cadunt: extra autem iustitia diuina confirmans in eo quod finaliter elegit damnatus voluntatem. d. 14. a. 32  
 Mali homines vel animæ non peccant in inferno. d. 50. a. 1  
 Damnati naturali voluntate volunt bonum, & deliberatiua volunt malum. d. 50. a. 3  
 Damnati non oderunt Deum absolute, sed sub iustitia iudicante pro meritis. d. 50. a. 6  
 Dauid grauiter deliquit in populi enumeratione. d. 14. a. 34  
 Præpositio de quandoque notat materiam, quandoque potestatem, quandoque ordinem tantum. d. 11. a. 6. ad q. 3  
 Debita humana sunt duplicia: quædam enim sunt quæ voluntariè creduntur debitori: quædam oriuntur ex læsione alicuius iniusta, vel in persona, vel in bonis, vel in honore. d. 15. a. 1  
 Debitum triplex est, scilicet ex commissio, ex dimisso, & ex peccato. d. 15. a. 12  
 In reddendo debito & exigendo æquales sunt coniuges. d. 31. a. 29  
 Discretum est debitum soluere etiam non exigenti, qui signa quandoque habet petulantia. d. 32. a. 3  
 Vir non debet vouere non reddere debitum sine consensu vxoris: & si vouerit, votum illud est stultum & irrationabile. d. 32. a. 4  
 Peccat vouendo peregrinationem, si vxor contradicit ex impotentia continendi, & ex dispensatione debet commutare votum. d. 32. a. 5  
 Petenti debetur debitum matrimonij & tempore cuiuscunque festi & in omni hora soluendum secundum opportunitatem & facultatem. d. 32. a. 8. & 11  
 Reddens debitum propter fidem thori & iustitiam, vel etiam exigens propter bonum prolis, non debet prohiberi ab Eucharistia, sed suo iudicio relinquendus, vtrum ex humilitate velit abstinere, vel ex deuotione velit accipere. d. 32. a. 12  
 Illo die quo sumptum est corpus Domini, non est poscendum debitum, nec etiam reddendum: si tamen fiat, non videtur esse mortale peccatum. d. 32. a. 12. ad q. 2  
 In Decalogo prohiberi intelligitur omne peccatum mortale & veniale, & fieri præcipitur omne faciendum. d. 16. a. 53  
 Declinare à malo dicitur dupliciter, scilicet non facere malum simplici negatione, & nolle facere malum, id est, velle non facere malum. d. 7. a. 1. item d. 14. a. 19  
 Delectatio dicitur dupliciter, scilicet propriè, & impropiè. d. 16. a. 7  
 Desperans contemnit Deum: quia plus innititur sensui suo, quam verbis Dei & Ecclesiæ consolantis & reuocantis ipsum, & hoc est superbia maxima. d. 17. a. 29  
 Deus est vita animæ sicut anima est vita corporis. d. 17. a. 7  
 Deus mouet creaturam spiritualem per tempus tantum, sed creaturam corporalem per tempus



# Index rerum.

tempus & locum. d. 17. a. 11  
 Deus est in homine per gratiam dupliciter,  
 scilicet gratum facientem, & gratis datam. d. 17. a. 39  
 Maledictus est, qui dicit Deum requirere im-  
 possibilia. d. 27. a. 12  
 Diuinitas sine gaudio videri non potest.  
 d. 48. a. 2  
 Deus in patria lumine gloriæ replet totam ani-  
 mam, quæ sub illa claritate conuertitur  
 immediate in ipsum non accipiendo aliud  
 ab ipso quam ipse sit: & ideo ad hunc intel-  
 lectum non est necessaria speciei assimilatio  
 formalis quâdo substantialiter inest. d. 49. a. 5  
 Potestas plenariè dispensandi est in capite  
 Ecclesiæ, & in aliis Prælatiis tantum quan-  
 tum eis conceditur. d. 38. a. 17  
 Diuortium est separatio Sacramentalis facta  
 ob legitimum impedimentum matrimonij.  
 d. 31. a. 11  
 In diuortio quod fit propter adulterium, æqua-  
 le est ius vtriusque coniugis. d. 35. a. 1  
 Adulter adulteram non potest dimittere. d. 35.  
 a. 3  
 Si quis fornicationis expers fornicariam dimi-  
 serit, alij copulari non potest. d. 35. a. 4  
 Dolor duplex est, scilicet sensibilis, & rationalis.  
 d. 15. a. 20  
 Dominus quam potestatem sibi retinuit, &  
 quam ministris dedit, & quam potuit dare  
 & non dedit. d. 5. a. 4  
 Dotes corporis non sunt nisi quatuor, scilicet impas-  
 sibilitas, agilitas, subtilitas & luminositas.  
 d. 44. a. 32

## E

**E**leemosyna valet ad gratiæ approximatio-  
 nem hic, & in futuro ad tolerabiliorem  
 pœnam. d. 14. a. 19  
 Eleemosyna est actus virtutis quæ est miseri-  
 cordia. d. 15. a. 14  
 Eleemosyna est opus in quo datur indigenti ex  
 compassione propter Deum. d. 15. a. 15  
 Eleemosyna dicitur communiter & propriè.  
 ibid.  
 Dare eleemosynam de superfluo, vel in extre-  
 ma necessitate, est de præcepto, in aliis verò  
 est tantum de consilio. d. 15. a. 16  
 Eleemosyna secundum quod fit de superfluo,  
 reducitur ad hoc præceptum, non furtum fa-  
 ciens: secundum quod fit indigenti, in quo  
 apparent signa indigentia, reducitur ad hoc  
 præceptum, Honora parètes. d. 15. a. 16. ad q. 1  
 Eleemosyna quæ est de necessario, est essentia-  
 lis pars satisfactionis; non autem eleemosy-  
 na quæ est de superfluo, sed præexigitur ad  
 ipsam sicut fundamentum. d. 15. a. 17  
 In eleemosyna sunt duo, scilicet voluntas communi-  
 candi se & sua pauperibus indigentibus  
 Ecclesiæ, & datum ipsum. ibid.  
 Eleemosyna in specie pœnæ differt ab aliis  
 partibus satisfactionis. d. 15. a. 18  
 Eleemosyna vtrū magis consistat in voluntate  
 interiori, vel in dato exteriori. d. 15. a. 18  
 Eleemosyna semper procedit ex compassione  
 spirituali, siue ex voluntate compariendi, non  
 ex compassione sensibili. d. 15. a. 20  
 Sepultura est eleemosyna, quæ impenditur ho-  
 mini gratia corporis quod resurget. d. 15. a. 21

*Index in 4. lib. Sent.*

Eleemosynæ corporales sufficienter numerantur  
 septem, & spirituales septem, his versibus  
 comprehenduntur.

*Visto, poto, cibo, redimo, tego, colligo, condo,  
 Instrue, castiga, solare, remitte, fer, ora.*

d. 15. a. 21. 22. & 23

Eleemosyna in spiritualibus simpliciter melior  
 est, quam in corporalibus. d. 15. a. 23

Eleemosyna fieri potest de illicito in quo trans-  
 fertur dominium, vt in vsura secundum  
 quosdam, non autem de eo in quo non  
 transfertur dominium, vt in furto, rapina,  
 deposito. d. 15. a. 24

Qui habet illicitè acquisita per vsuram vel  
 rapinam, & videt aliquem in extrema neces-  
 sitate positum, & non habet aliud vnde solu-  
 at ei à quo illicitè tulit, debet ei significa-  
 re si potest, & si non potest, dare debet egenti  
 nomine illius, & absoluitur à debito. d. 15.  
 a. 24

Eleemosyna fieri potest de meretricio, sed non  
 oblatio ad altare propter scandalū. d. 15. a. 24

Vxori non licet dare eleemosynas, nisi commu-  
 nes & modicas, sine consensu viri, vel nisi  
 moderatas, viro non prohibente, vel nisi  
 habeat res parafernales, vel nisi lucretur.  
 d. 15. a. 25

Filius familias nihil potest dare sine consensu  
 parentum, nisi fortè panem & huiusmodi.  
 d. 15. a. 25. ad q. 1

Monachus existens in cœnobio non debet dare  
 nisi de licentia, vel sub spe rati habitationis,  
 nisi videret aliquem in extrema necessitate  
 positum, quia tunc etiam de altari recipere  
 posset, & dare illi: si autem est extra, vt in  
 studio de licentia Abbatris, tunc potest fa-  
 cere eleemosynam, quia cum dantur ei ex-  
 pensæ, committitur ei dispensatio de his  
 quæ dantur sibi. d. 15. a. 25. ad q. 2

Seruus & ancilla nihil dare possunt de rebus  
 dominorum suorum sine consensu eorum.  
 d. 15. a. 25. ad q. 3

In largitione eleemosynarum attenditur ordo,  
 secundum quod ipsa informata est chari-  
 tate. d. 15. a. 26

Error est, cum falsa pro veris approbantur.  
 d. 30. a. 1

Error alius personæ, alius fortunæ, alius condi-  
 tionis, alius qualitatis. d. 30. a. 3. & 4

Erubescencia duplex est, scilicet spiritualis, & illa  
 quæ relinquit passionē in corpore. d. 16. a. 16

Eua de osse facta est: tum vt intelligeretur  
 potentia opificis: tum quia si de molli ma-  
 teria accepta fuisset, nimis mollis fuisset  
 effecta. d. 16. a. 3

Eucharistiæ utilitates. d. 8. a. 1

Ad restaurandum spirituale robur deperditum,  
 est cibus spiritualis Eucharistia. ibid.

Eucharistia multas habuit figuras. d. 8. a. 2

Hoc Sacramentum quare dicitur viaticum &  
 Eucharistia. d. 8. a. 3

Hoc Sacramentum congruo tempore institu-  
 tum est à Christo. d. 8. a. 5. item d. 13. a. 26

Hæc est forma, Hoc est corpus meum, & non  
 plus. d. 8. a. 6

Pronomen hoc, demonstrat corpus Christi sub  
 accidentibus, & faciendo ipsum esse ibi de-  
 monstrat. ibid.

KKkk

Verbum



## Index rerum.

- Verbum, est, non tantum notat coherentiam, sed est operatiuum & conuersiuum. d.8.a.6. ad q. 2
- Hæc verba, Accipite & comedite, pertinent ad vsum Sacramenti, & non ad confectionem. d.8.a.6. ad q.5
- Tutum est apponere, enim. q.d.8.a.6. ad q.6
- Hæc forma quæ dicitur super vinum, Hic est enim calix sanguinis mei, noui & æterni Testamenti, mysterium fidei, qui pro vobis & pro multis effunderetur in remissionem peccatorum, licet non sit scripta simul in Euangelio, tamen intelligitur à Deo Apostolis tradita. d.8.a.7
- Singulæ particulæ huius formæ, conuenienter positæ sunt. ibid.
- Prædictæ formæ diuisim explent suos effectus, & vna non expectat aliam. d.8.a.8
- Institutioni Eucharistiæ conueniebat vt post cœnam ante passionem institueretur: frequentationi autem, vt in reuerentiam & diiudicationem tanti cibi & sobrietatem deuotionis, ante prandium percipiatur & celebretur. d.8.a.9
- Si aliquis habens ordinem & intentionem seruando formam & materiam huius Sacramenti, conficit post prandium, confectum est, sed peccat mortaliter. d.8.a.9
- Omnis cibus quem communiter & vſualiter cibum vocamus, hoc est, qui transit in ventrem, etsi non conuertatur ad corpus, impedit celebrationem. d.8.a.10. ad q.1
- Infirmi in hora necessitatis possunt sumere Eucharistiam, siue post prandium, siue ante prandium. ibid.
- Non est celebrandum post aquæ potum. d.8.a.10. ad q.2
- Eucharistia non tantum Sacramentum est, sed etiam Sacramentum sacramentorum. d.8.a.11
- In hoc Sacramento tria sunt. 1. est Sacramentum in ratione signi tantum, s. species panis & vini. 2. est Sacramentum & res, & hoc est corpus Christi verum. 3. est res tantum, & hoc est vnitas corporis mystici. d.8.a.11
- Effectus Sacramenti huius non est corpus mysticum, sed potius vnitas corporis mystici. d.8.a.11. ad q. & a.12
- Istud Sacramentum est simpliciter vnum, sicut & alia: sed tamen propter modum gratiæ quam efficit, sunt in ipso materialiter plura. d.8.a.13
- Modi sumendi Eucharistiam, Sacramentalis & spiritualis distincti sunt quandoque, & quandoque coniuncti. d.9.a.1. & 2
- Hoc Sacramentum duplicem habet rem contentam, vnâ ex vi consecrationis, quæ est corpus Christi verum: aliam sicut causa continet in se virtute causatum, & illa est gratia. d.9.a.1. & 13
- Eucharistia manducantes mutat ad se. d.9.a.2
- Ad Sacramentalem manducationem plus exigitur quam vnio corporis ad species Sacramentales, & plus quam vnio vel conformitas naturæ potentis intelligere significationem specierum: & videtur exigi fides informis. d.9.a.4. item d.13.a.38
- Antiqui propriè loquendo non acceperunt Sacramentaliter nec spiritualiter corpus Christi. ibid. & a.6
- Corpus Christi transit in omnem locum, ad quem transeunt species panis & vini, sub quibus ob veritatem rei continetur totus Christus. d.9.a.5
- Corpus Christi transit in mentem operando in mente gratiam Sacramentalem. ibid.
- Quandiu valent discerni species, tandiu est ibi Christus. d.9.a.5. ad q.
- Mali accipiunt in Sacramento verum corpus Christi. d.9.a.7
- Existens in peccato mortali & scienter non debet communicare aliqua ratione, etiam si per excommunicationem cogeretur. d.9.a.8
- Habens remorsum conscientiæ cum proposito non dimittendi peccatum, nullo modo debet sumere Eucharistiam. d.9.a.8. ad q.
- Communicans indignè plus peccat, quam alio genere peccati, quoad contemptum, sed non quoad actum, & alias circumstantias, ex quibus causatur turpitudine peccatorum. d.9.a.9
- Pollutio nocturna in quo casu impediat à communionem. d.9.a.10
- Nunquam prohibenda est mulier à communionem propter menstruum. d.9.a.11
- Hæresis est, quod Christus non sit in altari nisi sicut signatum in signo. d.10.a.1
- Hæc est vera, Corpus Christi est alibi quam vbi est circumscriptiue, quia est in Sacramento in quo non est circumscriptiue. ibid.
- Corpus Christi habet quod possit esse in pluribus locis, non in quantum est gloriosum, sed in quantum est cibus: ad hoc autem quod possit esse cibus nos ad se conuertens, oportet quod sit diuinitati vnitum. d.10.a.1
- In comestione Sacramentali duo sunt, s. diuisio specierum per masticationem & fractionem, & incorporatio cibantis quæ fit in cibo, s. capiti Christo. d.10.a.3
- Sacramentum Eucharistiæ vt est causa & signum gratiæ, conficitur ex visibili elementorum specie, & carne Christi, vt ab vno habeat rationem significandi, ab altero autem rationem causandi. d.10.a.4
- Corpus Christi verum est effectiuum vnitatis corporis Christi mystici, quod est Ecclesia. ibid.
- Virtus verborum consecrationis creata est & coniuncta increatæ virtuti in ipsa. d.10.a.7
- Hæc oratio cum dicta est, in termino finali rotam virtutem habet. d.10.a.7. ad q.
- Operatio transubstantiationis fit verbo creato, in quo operatur verbum increatum. d.10.a.10
- In Sacramento isto est transmutatio, quæ propriè transubstantiatio vocatur, eò quod est à tota substantia panis & vini in totam substantiam corporis & sanguinis Iesu Christi, quantum ad formam substantialem & materiam. d.11.a.1
- Illam transmutatio non habet nisi terminos, & non subiectum commune, quod est tertium in mutatione physica. ibid.
- Illa



# Index rerum.

Illa transubstantiatio subita est, non successiva. d.11.a.3  
 Illa transubstantiatio non est naturalis nec miraculosa, sed mirabilis. d.11.a.4  
 Non satis congruè potest assimilari illa transubstantiatio alicui motui vel transmutationi quæ est secundum naturam. d.11.a.5  
 Nullo modo habet mutationem loci adiunctam. d.11.a.5.ad q.  
 Hæ sunt falsæ, panis potest esse corpus Christi, panis fit corpus Christi, & corpus Christi fuit panis, panis erit corpus Christi. d.11.a.6  
 Hæ sunt veræ, de pane vel ex pane fit corpus Christi, panis mutatur in corpus Christi. ibid.  
 Substantia panis in consecratione non annihilatur: & tamen nec in se manet, nec in aliquo sui in Christo. d.11.a.7  
 Cum corpore Christi non manet substantia panis & vini. d.11.a.8. item d.13.a.7  
 Sub alia specie tribus de causis carnem & sanguinem tradidit Christus, s. propter meritum fidei, & ad vitandum horrorem, & derisionem. d.12.a.1  
 Si in propria forma carnis vel sanguinis aliquibus appareret, sumendum esset, si autem omnibus, non esset sumendum, sed pro reliquiis reseruandum. d.12.a.1. item d.13.a.3  
 Tunc Sacerdos si præ deuotionis feruore potest, debet iterum celebrare: si non potest, ipsa communio quam in persona Ecclesiæ debuit facere intelligitur in spiritali sumptione. ibid.  
 Totus Christus quare sub duplici specie sumitur. d.12.a.2  
 In transubstantiatione panis in corpus Christi est sanguis Christi in corpore, non virtute Sacramenti, sed virtute connexionis: similiter quando vinum transubstantiatur in sanguinem, est ibi corpus sicut connexum, & cætera quæ sunt in persona Christi. d.12.a.4  
 Istud Sacramentum licet ab vno homine & sæpius celebretur & suscipiatur, tamen dicitur non iterari, quia forma super eadem numero non iteratur. d.12.a.6  
 Multæ causæ conuenientissimæ assignantur quare debet confici ex pane & vino istud Sacramentum. d.12.a.7  
 Non nisi de pane frumentino in genere suo potest confici. d.12.a.8  
 Si ex aliis granis mixtio fiat, ita quod totum appositum absumatur à tritico, tunc potest fieri confectio. d.12.a.8.ad q.2  
 Si panis corruptus est à specie panis, non habet fieri confectio: si autem tantum dispositus est ad corruptionem, tunc potest fieri: sed peccant confidentes nisi cogeret eos magna necessitas. d.12.a.8.ad q.3  
 Exagresta non potest fieri confectio sanguinis, quia adhuc non habet speciem vini. ibid.  
 De aceto non potest fieri confectio, sed de vino acido, licet non sit tutum de acido conficere propter reuerentiam Sacramenti. ibid.  
 Eucharistia confici potest in azymo & fermentato de potestate verborum, sed de con-

gruentia & iure & sine peccato non potest confici, nisi in azymo. d.12.a.9  
 Aqua calici debet admisceri in parua quantitate. d.12.a.10  
 Aqua nec materia est, nec materiæ pars, sed transit in vinum. ibid.  
 Sine aqua fit consecratio, licet non apponens peccet. d.12.a.10.ad q.3  
 Aquæ acutæ, vt lixiuia & colatiua quibus agunt Alchimici, & huiusmodi quæ corruptæ sunt ad aliam speciem, non debent poni in calice: d.12.a.10. ad q.2  
 Species Sacramentales cum maneant sine subiecto, per se possunt agere & pati admixtionem & putrefactionem. d.12.a.11  
 Copulatio aquæ & vini sic miscetur in calice, vt mixtio illa non possit separari. d.12.a.12  
 Christus dedit discipulis suis corpus suum passibile. d.12.a.13  
 Nomina, verba & participia quæ dicunt passionem naturalem vel communes ad naturales & violentas, possunt copulari corpori existenti in pyxide si seruatum fuisset per triduum, sicut patitur, dolet, moritur, sentit dolores, &c. non autem ea quæ dicunt passionem violentam ipsa voce, sicut vulneratur, verberatur, crucifigitur, &c. vnde versus: *Pyxide seruatum poterit copulare dolorem Innatum: sed non illatus conuenit illi.* d.12.a.14.ad q.1  
 Si quis in triduo corpus Christi consecrasset, fuisset corpus sine anima. d.12.a.14.ad q.1  
 Non potest esse, quod anima sit in corpore in sacramento, & non in sepulchro. d.12.a.14. ad q.1  
 Christus sanguinem suum accepit & suum corpus, quando discipulis dedit, vnde versus: *Rex sedet in cæna, turba cinctus duodena: Se tenet in manibus, se cibatur ipse cibus.* d.12.a.15  
 Accidentia sunt in Sacramento Eucharistiæ sine subiecto. d.12.a.16. item d.13.a.9  
 Species Sacramentales vel in nutriendo habent actum substantiæ, vel illarum prima substantia redit. ibid.  
 Realis est fractio in Sacramento. d.13.a.1  
 Fractio non est in corpore Christi, sed potius informis tantum. d.13.a.2  
 Consecratione facta manent omnes species accidentales, & etiam soliditas mathematica secundum esse reale. d.13.a.4  
 Fractio facta manet vnum Sacramentum, & forma efficitur plures formæ per diuisionem. d.13.a.5  
 Opinio quæ dicit corpus Christi essentialiter frangi & diuidi, & tamen integrum & incorruptibile manere, nec fidei congruit nec rationi. d.13.a.6  
 Fractionis & diuisionis non est prima causa materia vel substantia, sed potius quantitas. d.13.a.8  
 Totus Christus est sub qualibet parte vniuersæ speciei. d.13.a.10. & 11. & 13  
 Corpus Christi habet tres dimensiones cum figura propria, & sine aliqua contractione, sed non comparatur ad formam illam sicut ad locum vel æquale cui commensuratur, sed vt signatum ad signum. d.13.a.10



## Index rerum.

- Corpus Christi in Sacramento non est ut in loco circumscriptivè, nec diffinitivè. d.13. a.10. ad q.
- Corpus Christi per se, hoc est, circumscriptivè, non est nisi in vno loco, scilicet in cælo empyreo, sed per accidens est in pluribus locis; hoc est, gratia specierum quæ sunt in pluribus locis per se. d.13. a.12
- Quid significant partes in quas hostia dividitur à sacerdote celebrante. d.13. a.14
- Fractio significat passionem, communio autem unionem charitatis ad proximum & ad Deum. d.13. a.15
- Sumus digni communionem & sanguinis Domini, quia dignos nos æstimat, quando sumus sine mortali peccato secundum nostram conscientiam; indigni autem, quando conscientia accusante sumus in mortali peccato. d.13. a.16
- Peccator occultus petens Eucharistiam non debet repelli: notorius autem perseverans in peccato debet repelli. d.13. a.17
- Corpus Christi videri potest & debet à peccatore, sed non multiplicari respectus propter humilitatem. d.13. a.18
- Aliter celebrans quam institutum est à Christo, peccat mortaliter. d.13. a.19
- Existenti in peccato mortali & petenti Eucharistiam, potest dari hostia non consecrata seorsum quidem posita, non corpori Domini intermixta: tamen non sæpè debet fieri, ut magis de peccato suo territus citius revertatur. d.13. a.20
- Communicaturus specialiter iubetur dimittere debitoribus suis, quia peccatum odij fratrum maxime contrariatur communioni. d.13. a.21
- Christus verissimè immolatur, cum sacrificium offertur Deo Patri. d.13. a.23
- Corpus Christi quotidie immolatur, licet non quotidie conficiatur: quia in Parasceue immolatio fit absque consecratione. d.13. a.24
- Sanguis non reservatur à die cænæ usque in diem Parasceues sicut corpus, propter periculum effusionis. d.13. a.24
- Eucharistia nec contra mortale, nec contra veniale ordinatur, sicut ad proprium effectum, sed potius contra debilitatem quæ procedit ex deperditione spiritualitatis. d.13. a.25
- Eucharistia ex consequenti delet veniale quod inest, & etiam reatum pænæ peccati mortalis, quod per pœnitentiam factum est veniale. ibid.
- In hoc Sacramento representatur remissio omnis peccati sufficienter, non efficienter. ibid.
- Eucharistia est representatio immolationis factæ in passione. d.13. a.26
- Si dixerit quispiam non quotidie accipendam Eucharistiam, alius autem affirmat quotidie, faciat unusquisque quod secundum fidem suam piè credit esse faciendum. d.13. a.27
- Communio spiritualis sæpius iteranda est, etiam eodem die, sacramentalis verò ordinanda est, ut cum solemnitate & honore tanti Sacramenti fiat. d.13. a.28
- Qui non communicat secundum statuta canonum, excommunicandus est post sufficientem admonitionem. d.13. a.28. q.2
- Patres statuerunt primum ut in quolibet die dominico, & deinceps ut tribus vicibus per annum populus communicaret, nunc autem statutum est, ut semel in anno hoc fiat. d.13. a.28. ad 9.3
- Mali Sacerdotes etiam hæretici schismatici & simoniaci hoc Sacramentum conficere possunt. d.13. a.29
- A talibus nullus debet Sacramenta percipere, & si scienter percipit, mortaliter peccat. d.13. a.32
- Missæ ratione substantialis quod in Missa est, æquales sunt: sed ratione eius quod adiunctum est & est opus hominis, inæquales. Vnde versus:  
*Vim Sacramenti non mutat vita ministri.  
Sicut deterius non fit pro deteriori:  
Sic nec fit melius pro presbytero meliori.  
Hoc Sacramentum nunquam licet esse ministrum:  
Quamvis per prauum celebretur sæpè ministrum.* d.13. a.31. & 32
- Corpus Christi verum, melius est corpore mystico, propriè loquendo. d.13. a.33
- Plus peccat malus Sacerdos qui territus simulat se celebrare, quam alter qui æqualiter malus celebrat. d.13. a.35
- Dulcedo Sacramenti non sentitur à sumentibus: quia panis iste voluntarius est & sentitur ut vult: vel quia reliquæ peccati impediunt gustum spirituale. d.13. a.36
- Sine ordine non potest quis hoc Sacramentum conficere. d.13. a.37
- Conficeretur sine vestibus sacris & sine altari & à ieiunio: sed mortalissimè peccaret conficiens, & degradandus esset. q.13. a.37. ad 9
- Sumere corpus Christi dicit unionem vel potentiam ad illam, quæ non est in bruto, sed in peccatore: tamen quando sunt ibi species discernibiles, tandiu est ibi corpus Domini. d.13. a.38
- Homo habens gratiam, vel præsumens ex probabili signo se habere gratiam, potest accedere ad corpus Christi. d.16. a.42
- Accedens ad corpus Christi qui confessionem generalem prius fecit, non debet retrocedere propter recordationem aliquorum peccatorum quæ in speciali non est confessus, quia in generali confessione illa dimissa sunt. d.16. a.42. ad 9.1
- Ex humilitate bonum est quandoque se elongare. d.17. a.38
- Excommunicatio est separatio à communione Ecclesiæ quoad factum & suffragia Ecclesiæ communia. d.18. a.16
- Excommunicatio est à qualibet licita communione vel legitimo actu separatio. ibid.
- Os, orare, vale, communicatio, mensa, negatur.* ibid.
- Excommunicatio duplex, scilicet maior & minor: illa procedit à tribus, scilicet participatione sacramentorum, ingressu Ecclesiæ, & communione fidelium, hæc non remouet nisi à participatione sacramentorum. d.18. a.17
- Contumax



# Index rerum.

Contumax in quantum contumax potest & debet excommunicari, & pro nullo alio vitio est quis excommunicandus. d.18.a.18  
Habens iurisdictionem ordinarij iudicis vel delegati potest excommunicare & absolvere. d.18.a.19

Excommunicatus maiori excommunicatione non potest aliquem communicare. ibid.

Ad iustam formam excommunicationis concurrunt tria, scilicet excommunicatio sit ex animo, & ex ordine, & ex causa. d.18.a.20

Impossibile est excommunicationem semel solutam redire eandem numero. ibid.

Communicans excommunicato, maiori excommunicatione in casu non concessio, est excommunicatus: casus autem non concessi notantur hoc versu:

*Vtile, lex, humile, res ignorata, neesse.* d.18. a.21

Non tenetur aliquis credere aliquem esse excommunicatum, nisi intersit denuntiationi, vel per denuntiantem intimetur ei, vel ita certificetur per publicam famam, quod nullo modo sibi de hoc dubium possit generari. ibid.

*Gratia subtrahitur, magis ac magis, obice raptio,*

*De vitio ruit in vitium, suffragia perdit,*

*Ecclesia, satana vexandus traditur ille,*

*Quem ligat ex propriis anathematizatio culpis.* ibid.

Potestatem communicandi potest habere multitudo, ita quod nullus singulariter, non autem potestatem absolendi & ligandi in confessione. d.19.a.6

Multitudo non potest excommunicari. ibid.

Excommunicatus vna excommunicatione, potest etiam alia excommunicari. d.19.a.8

Potest quis absolui ab vna excommunicatione, ita quod non ab alia. d.19.a.8.ad 9

Peccato remisso per contritionem, adhuc potest remanere excommunicatio, & remissa excommunicatione per absolutionem, adhuc potest manere peccatum quoad Deum ibid.

Nullus potest excommunicare maiorem, vel æqualem, vel seipsum. d.19.a.9

Aliquis à vinculo excommunicationis absolui potest etiam inuitus. d.19.a.11

Boni & mali sacerdotes habent clauem, si habent iurisdictionem, habent etiam clauium executionem. d.19.a.12

Excommunicatus ab Ecclesia, debet se gerere pro excommunicato & ab aliis vitari. d.17. a.63. item d.18.a.16

## F

**F**ama est duplex, scilicet in re pertinente ad veram laudem, & in scientia, vel militia, vel huiusmodi, in quibus non est laus nisi vana. d.15.a.43.ad q.1

Fides duplex est, scilicet indistincta, & distincte assentiens credito articulo. d.16.a.52

Flagella quinque modis contingunt: vel ut iustis per patientiam merita augeantur: vel ad custodiam virtutum, ne superbia tentet: vel ad corrigenda peccata, vel ad gloriam

Dei, vel ad iudicium pœnæ. Vnde versus. *Iob probat, inclinat Paulum, purgatque Mariam,*

*In caco se se manifestat, punit Herodem.* d.15. a.4

Fomes non est à Deo, nec macula, nec caligo, nec aliquid huiusmodi. d.18.a.22

Frigiditas seu impotentia coeundi impedit matrimonium contrahendum & dirimit contractum. d.34.a.4

Qui causa frigiditatis separari volunt, debent se primo mane iurare, quod coire non poterunt. d.34.a.5

Fundamentum multipliciter dicitur, scilicet fidei, rerum sperandarum & Christianæ religionis & præmij. d.16.a.50. & 51

Furiosi quando sunt in actu furie, contrahere non possunt. d.34.a.11

## G

**G**audium est diffusio animi ex cōceptione præsentis boni. d.14.a.26. item. d.49.a.9

Gratia sacramentalis differt à gratia virtutum & donorum: quia habita vna sacramentali non habentur alia nec necessariò: & quia non existente peccato non essent sacramenta: & quia in ipsis operatur passio Christi specialiter: quorum nullum per se conuenit gratiæ virtutum & donorum. d.1.a.4

Gratia nullo modo potest dici sacramentum. d.3.a.1

Gratia sanctificationis in vtero datur post animationem. d.6.a.9.ad q.2

Hæc gratia simpliciter maior est quam gratia baptizati. d.6.a.9.ad q.3

Gratia sacramentalis non descendit ex vitæ merito, nec à ministro, sed ex opere sacramenti. d.7.a.2

Omnis gratia sacramentalis est contra periculum. d.7.a.2.ad q.3

Vna gratia sacramentalis non dependet ab alia: nec habita vna, habetur alia. d.7.a.5

Gratiæ augmentum non potest esse nisi trium modorum vno, scilicet quod augeatur additione similis gratiæ: vel quod quoad feruorem crescat, sed non in se: vel quod Deus nihil addat, sed multiplicet gratiam in se, sicut multiplicauit quinque panes. d.7.a.5 ad q.2

Gratia sacramenti remouet dispositionem morbi per se, & per consequens ordinat ad actum: gratia autem virtutis ordinat ad actum per se & primo, in quo consistit meritum. d.7.a.5.ad q.3

Gratia consideratur dupliciter, scilicet in quantum subiectum informat & actum, & sic ipsa est accidens, & non potest dare vitam: & in quantum est similitudo quædam bonitatis diuinæ & accepta Deo & omne id quod est in ipsa, & sic dat vitam. d.14.a.20

Si fecerimus quod in nobis est, Deus inuitabiliter dabit nobis gratiam. d.17.a.6

Gratia præueniens & subsequens sunt eadem substantia, licet differant ratione. d.17.a.20

Græcorum error, quod nullus ante diem iudicij intret cælum vel infernum. d.21.a.10

Gula est immoderatus appetitus edendi. d.33. a.15



## Index rerum.

Gula dicitur carnale peccatum: quia eius obiectum est delectabile carni, in cuius coniunctione perficitur delectatio. d. 33. a. 16  
 Gula est circa delectabile gustui in quantum gustus est tactus quidam. d. 33. a. 17  
 Gula est semper peccatum, non tamen semper est mortale. d. 33. a. 18  
 Gula est minus peccatum quam luxuria. d. 33. a. 18. ad q. 2  
 Gula est capitale vitium. d. 33. a. 19  
 Species gulæ sunt quinque, quæ continentur hoc versu:  
*Præproperè, lautè, nimis, ardentè, studiosè.*  
 d. 33. a. 20  
 Filiæ gulæ sunt quinque, scilicet multiloquium, scurrilitas, inepta lætitia, immunditia & hebetudo mentis. d. 33. a. 21

### H

**H**abitus duplex est, scilicet perfectus & distinctus, & imperfectus & indistinctus. d. 6. a. 3  
 Hæresis est attribuire Deo quod sibi non conuenit.  
 Hæresis duplex est, scilicet aperta, & implicita. d. 17. a. 3. ad q.  
 Hæreticus est, qui pro alicuius temporalis commodi, & maxime gloriæ principatusque sui gratia, falsas ac nouas opiniones gignit vel sequitur. d. 13. a. 39  
 Humanæ naturæ veritas ratione vna est in omnibus hominibus, sed re & subiecto est plures. d. 44. a. 6  
 Ridiculum est dicere nihil de cibo conuertri in corpus humanum. d. 44. a. 7  
 Humidum duplex est, scilicet radicale, & nutrimentale. d. 44. a. 8  
 Hypocrita est, qui simulat quod non est, representator alterius personæ. d. 16. a. 37  
 Hypocrisis est speciale vitium. d. 16. a. 38  
 Hypocrisis præcipue quærit apparere in actibus sanctitatis, & illi sunt partes sanctificationis vel satisfactionis, scilicet ieiunium, oratio & elemosyna. d. 16. a. 39  
 Hypocrysis & inanis gloria sunt diuersa vitia. d. 16. a. 40  
 Hypocrisis non semper est peccatum mortale, sed quandoque veniale, & quandoque maius, & quandoque minus, secundum quod diuersis circumstantiis vestitur. d. 16. a. 41

### I

**I**gnis tres sunt species, scilicet lux flamma, & carbō. d. 21. a. 6  
 Ignis corporeus cruciat dæmones vt instrumentum diuinæ iustitiæ vindicantis peccatum commissum contra Deum. d. 44. a. 37  
 Ignis inferni est in fortissima caliditate, cui nihil est comparabile. d. 44. a. 39  
 Ignis qui præcedet iudicium, erit eiusdem speciei cum igne elementari. d. 44. a. 6  
 Omnium corpora tam bonorum quam malorum intender, vt consumatur penitus fomes peccati per ignis incinerationem, qui in alijs consumptus est per putrefactionem

corporum. d. 47. a. 8  
 Ignem calidum vltimum cum sicco & materia post iudicium Dominus descendere faciet ad locum damnatorum, sed quoad luminosum subtile & leue faciet ascendere sursum. d. 47. a. 9  
 Ignis quoad incendium mundi præcedet iudicium, sed quoad quendam actum sequetur, scilicet quoad inuolutionem malorum. d. 47. a. 11  
 Immolatio dicit actum oblationis ex parte rei oblata, & sacrificium dicit eundem actum ex parte effectus. d. 13. a. 23  
 Immundis in quantum immundis nihil est mundum. d. 13. a. 28  
 Immunditia duplex, scilicet in se, & quoad nos. ibid.  
 Indulgentia siue relaxatio est pænæ temporalis debitæ promissa diminutio. d. 20. a. 16  
 Indulgentia est satisfactionis maioris in minorem competens & discreta commutatio. ibid.  
 Indulgentiæ valent sicut eas valere prædicat Ecclesia. d. 20. a. 17  
 Existentibus in statu gratiæ valent indulgentiæ ad diminutionem pænæ expiatoriæ siue iniunctæ, siue iniungendæ: sed existentibus in peccato mortali valent, illo modo quo vnus alteri potest mereri primam gratiam, & quia vicinant eos gratiæ & faciunt conuersioni magis idoneos. d. 20. a. 18  
 Existentibus in inferno nihil profunt indulgentiæ, sed existentibus in purgatorio multum profunt. d. 20. a. 18. ad q. 3  
 Potest esse, quod habens multas indulgentias, citius liberabitur quam non habens, sed habens voluntatem habendi: sed non liberabitur plenius, nec plenior habebit gloriam, sed citiorem. d. 20. a. 19  
 Indulgentiæ æqualiter valent, siue à malo siue à bono dentur. d. 20. a. 20  
 Episcopus in sua diocesi potest dare indulgentiam, & quantam vult, nisi à constitutione Domini Papæ distinctè sit limitata. d. 20. a. 21  
 Simplex plebanus nullam potest dare indulgentiam. d. 20. a. 22  
 In Inferno non erit aer, sed tantum ignis, & frigus, & damnati. d. 49. a. 12  
 Quamuis in inferno ignis ad consolationem non luceat, tamen vt magis torqueat, ad aliquid lucet. d. 50. a. 4  
 Infirmitas animæ causaliter est peccatum, formaliter autem est distemperatio virium animæ ad seipsas, & ad actus, & ad corpus quod regere habet. d. 17. a. 17  
 Iniquitatem qui diligit, quomodo odit animam suam. d. 15. a. 27  
 Intellectus non semper sumit à sensu, sed potius quandoque sumit ab intelligentiis separatis, & illarum impressiones sunt in ipso, quando circa strepitus sensuum non occupatur. d. 26. a. 2  
 Intensionis causa duplex est, scilicet efficiens, & illa quæ est per modum præparationis & dispositionis in subiecto. d. 16. a. 3  
 Ioannes sciuit Christum esse natum & mundum redempturum: sed nesciuit, quod iste homo



## Index rerum.

homo qui venit ad eum inter alios fuit  
Christus antequam vidit columbam de-  
scendentem. d. 5. a. 5  
Quare in noua lege non est aliquid curans Ir-  
regularitatem sicut in veteri. d. 1. a. 10  
Irregularitas quare maximè impedit à sacra-  
mento ordinis, & non ab alijs. ibid.  
Iudicij dies nullo modo sciri potest. d. 43  
a. 7  
Congruit Dominum media nocte venire ad  
iudicium. d. 43. a. 8  
Iudicandos actionum suarum codices coram  
iudicibus aperire, nihil aliud est quam  
conscientias illis non posse abscondere. d.  
43. a. 10  
Omnia aliena & propria peccata ibi manife-  
stabuntur. d. 43. a. 12  
Iudicium extremum fiet in momento. d. 43.  
a. 14  
Non irrationabiliter putari potest, peccata hic  
per pœnitentiam recta & deleta, illic etiam  
tegi alijs, alia verò cunctis propalari. d.  
43. a. 20  
Probabilius est quod sententia iudicis in ex-  
tremo iudicio erit mentalis quam vocalis.  
d. 47. a. 1  
Omnes sancti iudicabunt iudicio approbatio-  
nis & confirmationis sententia, sed sicut  
ingerendo sententiam in lumine cordis  
sui dictatam & inflictam Apostolici viri  
tantum iudicabunt. d. 47. a. 4  
Iudicium triplex, s. vniforme, multiforme &  
omniforme. d. 47. a. 5  
Christus iudicabit in forma serui. d. 48. a. 1  
Omnes tam boni quam mali videbunt formam  
gloriae humanitatis Christi. d. 48. a. 3  
Congruit vt Dominus descendat in vallem  
Iosaphat in iudicio, & non in terra sed in  
spatio huius aeris sedeat contra locum  
montis Oliueti. d. 48. a. 6  
In iudicio sol & luna eclipsim patientur. d.  
48. a. 7  
Lux solis erit maior post iudicium quam fuit  
ante. d. 48. a. 8  
Nusquam erit tunc nox nisi in centro terræ.  
d. 48. a. 9  
Ius naturale dupliciter dicitur, s. quod dictat  
natura hominis esse faciendum, & id quod  
constitutum est à natura naturante. d. 16.  
a. 13  
Præcedit aliquid in peccatoribus, quo quam-  
uis nondum sint iustificati, digni tamen iu-  
stificatione efficiuntur, & contra in alijs  
quo digni sint obduratione quomodo in-  
telligitur. d. 16. a. 30. item d. 17. a. 14  
Ad Iustificationem impij quatuor exiguntur,  
s. motus liberi arbitrij in peccatum, &  
motus liberi arbitrij in Deum, & remissio  
culpæ, & gratiæ infusio. d. 14. a. 12. item d.  
17. a. 10  
Hæc quatuor sunt simul tempore, non natura.  
d. 17. a. 11  
Iustificatio est reuelatio diuini consilij. d. 17.  
a. 9  
Iustificatio est remissio peccatorum & con-  
summatio bonorum operum. ibid.  
Iustificatio est effectus iustitiæ generalis, qua  
de impio fit prius. ibid.

Miraculosa est, vel mirabilis impij iustificatio.  
d. 17. a. 12  
Iustificatio principalis est effectus bonitatis.  
d. 17. a. 13  
In omni opere Dei est misericordia & veritas,  
id est, iustitia, sed istud opus principaliter  
est misericordiæ. d. 17. a. 14  
Præcedit quoddam in peccatoribus, quo digni  
sunt iustificatione. & in alijs quoddam, quo  
digni sunt obduratione. ibid.  
Iustificatio est quidam motus à peccato siue  
malo culpæ ad bonum gratiæ & rectitudi-  
nis, & ideo nihil prohibet ad illam diuersa  
esse momentia. d. 17. a. 15  
Ista secundum ordinem se consequuntur, di-  
lectio, prædestinatio, electio, vocatio, iu-  
stificatio, magnificatio: & prima quidem  
tria nihil ponunt in homine, sed in Deo,  
alia verò tria ponunt in homine iustificato  
gratiam gratum facientem, secundum diuer-  
sas considerationes. d. 17. a. 16  
Iustitia propriè non est hominis ad se, nec ho-  
minis ad suos, vt sunt sui, vt patris ad filium-  
familias, vel serui ad dominum, vel viri ad  
uxorem: sed iustitia propriè est inter eos  
qui iure suo sunt pares & æquales. d. 14.  
a. 6  
Iustitiæ nostræ dupliciter considerantur, in  
comparatione ad nos, & in comparisonem  
ad gratiam informantem quam habemus  
à Deo, & hoc modo sunt acceptæ Deo. d. 15.  
a. 11  
Iustitia duplex est, s. congrui & condigni. d. 17.  
a. 14

### L

**L**aban supponens Liam pro Rachel, pecca-  
uit mortaliter, non autem Lia. d. 30. a. 5  
Lacrymæ mentis sunt completa voluntas ad  
flendum, si per accidens lacrymæ non im-  
pedirentur. d. 15. a. 36  
Lauant lacrymæ delictum, quod voce pudor est  
confiteri, id est, quod cum pudore aliquis  
confitetur. d. 17. a. 23  
Latro in cruce, cui fuit dictum, Hodie me-  
cum eris in paradiso, non fuit martyr. d. 4.  
a. 7  
Legitimus filius est, qui de legitimo matri-  
monio est natus, vel de eo quod in facie Ec-  
clesiæ legitimum reputatur. d. 41. a. 10  
Illegitimi legitimantur secundum canones &  
secundum leges pluribus modis. d. 41. a. 11  
Leuitæ habebant ius percipiendi hæreditatem  
suorum parentum in Veteri Testamento. d.  
24. a. 15  
Quædam sunt in Loco circumscriptiue, quæ-  
dam definitiue, quædam sacramentaliter.  
d. 13. a. 10. ad q.  
Dupliciter contingit aliquid esse in alio vt in  
loco, s. propriè & impropiè. d. 1. a. 11  
Esse in loco dicitur dupliciter, s. per se, &  
per accidens: per se, hoc est circumscriptiue  
aliquid creatum in pluribus locis non po-  
test esse simul. d. 13. a. 12  
Nihil prohibet aliquod accidens esse in loco  
per se. ibid.  
Loth filia quia intentione conceptus non li-  
bidinis,



## Index rerum.

bidinis, patri coniungebantur, ideo excu-  
santur non à toto, sed à tanto. d.33.a.8

### M

**M**alum dicitur multipliciter, s. formali-  
ter, & effectiue, & hoc vel vt cau-  
sa per se, vel vt causa per accidens. d.9.  
a.12

Nihil est summè malum absolute. d.14.  
a.31

Malum nulla positione augetur per se, sed per  
accidens. d.16.a.22

Maleficiati multi sunt vi & potestate damo-  
num. d.34.a.8

Maleficio nullo modo quarrenda est medicina  
per incantationem, sed potius semper tole-  
randum est maleficio. d.34.a.9

Maleficiati separari possunt. d.34.a.10

Mansiones sunt in celo in domo Patris. d.49.  
a.1

Charitas & quantitas charitatis distinguit  
mansiones. d.49.a.2

Differentia mansionum non est nisi in inferno  
damnatorum & in celo sanctorum. d.49.  
a.3

Martyrem facit causa, non pœna. d.4.a.7

Matrimonium non habet substantialem or-  
dinem contra peccatum, sed principaliter  
est ad officium, in quo tamen inuentum est  
remedium contra vulnus quod accidit ex  
peccato. d.26.a.1

Matrimonium cum sit in officium naturæ, &  
in remedium concupiscentiæ, potuit ha-  
bere duas vel tres etiam institutiones di-  
uinas, vnâ quoad naturam secundum se,  
aliâ quoad naturam corruptam, & tertiam  
secundum statum naturæ reparatæ per  
Christum. d.26.a.5. & 14

Quoad commixtionem sexus idem fuisse  
modus propagationis in paradiso, vt nunc.  
d.26.a.6

Conceptris fuisset tunc sine ardore, & partus  
sine dolore. d.26.a.7

Matrimonium duplex est medicina concu-  
piscentiæ coeundi. 1. ex gratia quam dat in  
fide Mediatoris contrahentibus. 2. medi-  
catur restringendo legibus diuinis & hu-  
manis, quibus excluditur turpitudine quæ  
coniuncta est concupiscentiæ. d.26.a.8

Coitus matrimonialis potest esse sine peccato,  
non solutus. d.26.a.9. & 13. item d.31.a.  
27. & d.33.a.1

Prima institutio matrimonij habuit præce-  
ptum ex causa defectus multitudinis, quod  
non obligat multitudine existente. d.26.  
a.10

Actus matrimonij, si fiat spe prolis, fide red-  
dendi debiti & in remembrance boni sa-  
cramenti, est meritorius & habet præ-  
mium: si autem libido ponatur vltimus fi-  
nis, est peccatum mortale. d.26.a.11. item d.  
31.a.19. & 21

Quatuor sunt in matrimonio. 1. est commix-  
tio sexus ad salutem naturæ. 2. distinctio  
personarum ad matrimonium legitimarum.  
3. effectus eius contra vulnus concupiscen-  
tiæ. 4. est honestas quæ circumstat causam

efficientem matrimonij, & amicitia quæ  
consequitur ex ipso, & mutuum obse-  
quium: quoad 1. est de lege naturæ, quoad  
2. de lege Moyfi, quoad 3. de lege Christi,  
& quoad 4. de lege ciuili. d.26.a.14

Matrimonium habet formam quæ est consen-  
sus per verba expressus. ibid.

Matrimonium gratiam confert. ibid.

Matrimonium est perfectum per consensum.  
d.26.a.15. item d.27.a.4. & 7

Matrimonium est in genere relationis, & dicit  
relationem æquiparantiæ. d.27.a.1

Matrimonium est viri mulierisque maritalis  
coniunctio inter legitimas personas indi-  
uiduam vitæ consuetudinem retinens. d.27.  
a.2

Matrimonium est consortium vitæ commu-  
nis, & coniunctio diuini & humani iuris.  
ibid.

Matrimonium est duarum idonearum per-  
sonarum legitimus de coniunctione con-  
sensus. ibid.

Ante carnalem copulam non est inter coniu-  
ges nisi vinculum spirituale, ad cuius so-  
lutionem sufficit mors spiritualis: cum au-  
tem alter conuolat ad frugem vitæ melioris  
in claustro, tunc moritur spiritualiter, &  
alter est absolutus. d.27.a.3

Solus consensus de præfenti facit matrimo-  
nium, & non de futuro. d.27.a.3. ad q

Quia istud sacramentum consistit in quadam  
cōmutatione siue contractu ipsius personæ  
contrahentis, quæ non potest fieri sine con-  
sensu, ideo consensus requiritur in isto sa-  
cramento & non in aliis. d.27.a.6

Secundum quod dicunt Iurisperiti, coniux in-  
fra mensem tenetur debitum reddere. d.27.  
a.8

Iniustum est, quod vxor dimittatur post matri-  
monium consummatum, nisi consentiant  
vtrique coniuges ad vota continentiæ, &  
semper fuit iniustum. d.27.a.9

Si ambo intrauerint religionem, ante tempus  
professionis, ad priores amplexus redire  
possunt, nisi obstat eis votum aliud quam  
probationis, sicut est votum continentiæ  
perpetuæ. d.27.a.10

Nullum impedimentum superueniens matri-  
monio, dirimit matrimonium. d.27.a.11.  
item d.34.a.14

Iuramentum cum sponsione de futuro non fa-  
cit matrimonium. d.28.a.1

Carnalis copula post sponsalia est interpreta-  
tus consensus, & facit matrimonium, nisi  
dissensus matrimonij ab vtroque aut altero  
exprimatur. d.28.a.2

Qui exprimit verba consensus & contrahere  
non intendit, tenetur ex animo contrahere  
si sit æqualitas personarum, non autem si  
distantia sit multa. d.28.a.3

Ad matrimonium non exigitur consensus pa-  
rentum, nisi ad bene esse. d.28.a.4

Consensus qui matrimonium facit, est ad co-  
habitationem maritalem, in qua includitur  
carnalis copula, nisi impediatur votum vtriuf-  
que coniugis. d.28.a.6

Vxor non in dominam nec in ancillam assumi-  
tur, sed ob coniugalem societatem. d.28.a.7

Metus



# Index rerum.

- Metus qui cadit in constantem virum, excludit matrimonij consensum, ut contractus in irritum reuocetur. d. 29. a. 4
- Error personæ & conditionis de sui natura euacuat consensum & per consequens matrimonium. d. 30. a. 2. 3. & 4
- Error fortunæ & qualitatis coniugij consensum non excludit. d. 30. a. 4
- Verum & perfectum matrimonium fuit inter gloriosam Virginem & sanctum Ioseph, testem & æconomum virginalis castitatis eius. d. 30. a. 8
- Christus dicitur bonū prolis illius matrimonij, quia in matrimonio est susceptus, licet non ex matrimonio, & in ipso educatus. d. 30. a. 10
- Votum castitatis B. Virginis fuit conditionale, & ideo matrimonio non contrariabatur. d. 30. a. 11
- Indiuiduitas animorum maxima fuit in illo sacramento, quæ nunquam fuit inter alios coniuges. d. 30. a. 12
- Matrimonium est de bonis mixtis, quæ scilicet partim vtilitatis causa appetuntur, partim propter propriam vim nos trahunt & propria dignitate nos alliciunt. d. 31. a. 2
- Tria sunt principaliter bona matrimonij, scilicet fides, proles, sacramentum. d. 30. a. 2. & seq.
- Hæc tria bona matrimonio fidelium & infidelium per prius & posterius conueniunt. d. 31. a. 5. & 16
- Hæc tria bona plenissimè sunt matrimonij consummati, & sunt minus plenè rati. d. 31. a. 6
- Matrimonium non imprimit characterem. d. 31. a. 14
- Matrimonium est inter eos qui explendæ libidinis causa conueniunt. d. 31. a. 17
- Qui sterilitatis venenâ procurant, quia peccant contra matrimonium, inducendi sunt quod de cætero non vtantur matrimonio, sed arctari non possunt. d. 31. a. 18
- Omnis ardentior amator propriæ vxoris, adulter est. d. 31. a. 20
- Rationabile est ut prægnans se temperet à coitu, si tamen vtatur, non peccat mortaliter. d. 31. a. 22
- Incongruum est uti commixtione carnali tempore orationum constituto, sed non est peccatum mortale exigere. d. 31. a. 23
- Nihil eorum quæ facit maritus cum vxore, seruato debito corpore seu vase, est secundum se morale peccatum, sed potest esse signum concupiscentiæ mortalis, quando scilicet non sufficit eis modus quem natura determinat per membrorum dispositionem. d. 31. a. 24
- Iure matrimonij in reddendo debito & exigendo æquales sunt coniuges. d. 31. a. 29
- Matrimonium est naturale, & omnis commixtio extra matrimonium, peccatum est & transgreditur legem naturæ. d. 33. a. 1
- Natura hominis duplex, scilicet quæ ex genere est, & quæ ex differentia: primo modo non est contra naturam hominis habere plures vxores, sed secundo. d. 33. a. 2
- Nullo modo est secundum naturam, quod vna femina habeat plures viros. d. 33. a. 3
- Nunquam licuit ancillam vel alienam cognoscere, sed ancillam ductam in matrimonium ex instinctu Spiritus sancti. d. 33. a. 5. & 23
- Non licuit simpliciter habere plures vxores, sed potius ex causa & dispensatione diuina, licet non omnino sit contra naturam. d. 33. a. 7
- Quæ impediunt matrimonium contrahendum & dirimunt contractum, notantur his versibus:  
*Error, conditio, votum, cognatio, crimen, Cultus disparitas, ordo, ligamen, honestas, Si sis affinis, si forte coire nequibis: Hæc socianda vetant connubia, facta retrahant.* d. 34. a. 2
- Quæ impediunt contrahendum, sed non dirimunt contractum, exprimuntur his versibus:  
*Ecclesia vetitum, nec non tempus feriatum, Impediunt fieri, permittunt iuncta teneri.*
- Qui fornicariè cognouit vnâ sororem, aliam non potest ducere in matrimonium. d. 34. a. 12
- Pueri ante 14. annos & puellæ ante 12. annos secundum leges, matrimonium inire nequeunt. d. 36. a. 6
- Si vir ordinetur de consensu mulieris, mulier tenetur ad castitatem dum viuit, hoc est, perpetuam: & si iuuenis est, de cuius lapsu timeatur, tenetur intrare religionem. d. 37. a. 4
- Crimina impediunt matrimonium contrahendum ex interdicto Ecclesiæ, sed non dirimentia contractum consueuerunt poni sex, scilicet interfectio propriæ coniugis, incestus, raptus sponse alterius, insidians iuri vel debito vxoris, sicut ille qui proprium filium leuat à fonte, ut per hoc vxoris suæ compater effectus, non teneatur ad debitum, occisio presbyteri, & pœnitentia solennis. d. 37. a. 12
- Si aliquis in Paganismo vel Iudaismo habens plures vxores conuertatur cum omnibus illis, vnâ solum & hanc primam cum qua contraxit retinebit. d. 39. a. 6
- Matrimonium infidelium non est vsquequaque legitimum, ed quod non est omnino inter legitimas personas, & ideo aliquo casu interueniente potest dissolui. d. 39. a. 9. & 10
- Secundæ nuptiæ sacramentum sunt, sed non aded perfectæ significationis. d. 42. a. 17
- Contra Ecclesiæ interdictum contrahentes non sunt separandi, nisi fortè ad tempus, ut peragant pœnitentiam de inobedientia. d. 42. a. 18
- Mentis sanitas & innouatio imaginis differunt ratione, sed non substantia. d. 17. a. 19. & 23
- Mentis sanitas imperfecta fit per gratiam præuenientem, perfecta per subsequentem. d. 17. a. 20
- Per solam gratiam sacramentalem propriè loquendo sanatio mentis perficitur. d. 17. a. 21
- Sanitas mentis qua præciditur peccatum, fit subito, sanitas verò quæ fit reliquiarum peccati purgatione, fit successiue. d. 17. a. 22
- Metus est instantis vel futuri periculi causa trepidatio mentis. d. 29. a. 1
- Metus quandoque est circa res turpes, quandoque circa honestas. d. 29. a. 2
- Militia secundum se non est illicita. d. 16. a. 46
- Miraculum est, quod fit præter spem, & est arduum insolitum. d. 11. a. 4



## Index rerum.

- Miraculum est aliquid arduum & insolitum præter spem & facultatem adiurantis apparens. d.17.a.12
- Misericordiæ opera duobus versibus comprehensa :  
*Visio, potio, cibo, lectum do, colligo, condo :*  
*Instrue, castiga, solare, remitte, fer, ora.* d.2.a.1
- Misericordia duplex est, scilicet liberans & relaxans. d.45.a.3
- In omni opere Domini est misericordia & veritas. d.46.a.3
- Missæ dicitur, eo quod cælestis missus ad consecrandum viuificum corpus adueniat : vel quia populus per ministerium sacerdotis, preces, vota & oblationes Deo transmittit : vel hostia sacra missa vocatur, quia à Patre transmissa est nobis prius : vel missa ab emittendo dicitur, quia ut sacerdos hostiam consecrare incipit, per manum diaconi & ostiariorum, cathecumenos & non communicantes foras Ecclesiam emittit. d.13.a.34
- Mors de se non dicit nisi separationem. d.46.a.8
- Mortui mali præsentia quæ hic generantur, naturali cognitione cognoscere possent sicut dæmones, si eis permitteretur, sed non permittitur. d.50.a.7
- Non intelligitur quomodo boni nesciant ea quæ fiunt hic dummodo velint scire. d.50.a.8
- Boni vident malos, non è contra. d.50.a.10
- Morus spirituales non habent tempus mensurans eiusdem rationis cum aliis motibus. d.17.a.11
- Moyse dicitur sacerdos non officio oblationes offerendi, sed sacra pandendi. d.19.a.14
- N
- N**ecessitas est multiplex, scilicet absoluta, & conditionis, scilicet finis alicuius. d.7.a.1
- Necessitas duplex, scilicet inuitabilitatis siue coactionis absolutæ, & conditionis. d.38.a.4
- Negotiationem tria præcipue faciunt illicitam, scilicet persona, tempus, & modus. d.16.a.46.
- ad q.1
- Nescientia & ignorantia differunt. d.30.a.1
- O
- O**culus cæcus est æqui uocè oculus. d.30.a.5. ad q.1
- Si Oculus esset animal, visus esset anima eius. ibid.
- Odium vitij duplex est : vnum quod est dissensus vitij in genere, & sequitur amorem virtutis in genere : aliud speciale cum indignatione & insurrectione contra ipsum, in quantum est in subiecto, & hoc est pœnitentiæ & irascibilis. d.14.a.8
- Oleum lucet, vngit, & pascit. d.7.a.3. ad q.2
- Offerre cui offerendum est, est bonum in genere. d.1.a.8
- Opera mortua viuificari non possunt. d.14.a.20. item d.15.a.31
- Opera mortificata, per sequentem pœnitentiam vnificantur. d.14.a.21
- Opera mortificata viuificare est gratiæ propriè & primo, & non conuenit virtuti nisi per posterius, & ideo diuerso modo attribuitur diuersis virtutibus. d.14.a.23
- Opera dicuntur viuificari vita dicta metaphoricè : quia scilicet restituitur homini, quod faciunt in ipso quod faciunt optima opera, & hoc est dignum facere vita æterna. d.14.a.24
- Opera remanent post casum in reputatione Dei. d.14.a.30
- Opera pœnitentiæ oportet esse in gratia gratum faciente. d.15.a.10. & 30
- Opera facta extra charitatē non diminuunt incendium inferni directè, sed indirectè. d.15.a.32
- Opera Trinitatis sunt indiuisa. d.17.a.13
- Orationes sunt laudes pro securis, & suffragia pro his qui remanserunt in via. d.4.a.9
- Ordo est duplex, scilicet necessitatis & congruentiæ. d.6.a.6
- Ordinem congruebat diuidi per differentias. d.24.a.2
- Ordo secundum quod diuidit sacramentum cum aliis speciebus sacramenti non est genus, sed species : quia omnes ordines inferiores vniuntur & complentur in vltimo, scilicet in ordine presbyterorum. ibid.
- Hoc sacramentum diuiditur diuisione totius in partes, quod totum medium est inter integrale & vniuersale. d.24.a.3
- Simpliciter est vnum sacramentum, sed secundum aliquid plura. d.24.a.4
- Non sunt nisi septem ordines, scilicet sacerdotium, diaconatus, subdiaconatus, acolythorum, lectorum, exorcistarum & ostiariorum. d.24.a.5
- Sunt septem ordines propter septiformem gratiam. d.24.a.6
- Quatuor in ordinando requiruntur, scilicet regularitas, ætas scientia & vita. d.24.a.7
- Minus in monacha exigitur scientia, & magis in eo qui habet curam. ibid. & a.8
- Mortaliter peccat, qui indignum scienter promouet ad sacros ordines, vel ad curam pastorem, vel ad aliquod ecclesiasticum beneficium. d.24.a.10
- Inidoneus promotus peccat mortaliter quotiescunque scienter & sine necessitate administrat ordinem vel officium. d.14.a.11
- Cum indigno nunquam ita dispensari potest, quin ipse peccet mortaliter quolibet actu administrationis, quādiu est indignus. d.14.a.12
- Corona est dispositio ad ordinem, non ordo. d.14.a.13
- Ordo ostiariorum est primus, & habens actus super corporale ad spirituale ordinatum. d.24.a.16
- Ordo ostiariorum imprimit characterem. d.24.a.17
- Forma istius sacramenti debet significari per modum translationis potestatis ab vno in alium. d.24.a.18
- Psalmi status non est ordo. d.24.a.20
- Potestas ordinis lectoratus est legere prophetias cum auctoritate explanandi eas populo. d.24.a.21
- Potestas exorcistarum est pellere vel diminuire vim dæmonis in fomite impediens sacramentorum perceptionem. d.24.a.22
- Ordo exorcistarum vnit in se præcedenter, & characteres præcedentium vniuntur in suo characterem. d.14.a.23
- Actus ordinis acolytharum non est ferre candelas, nisi sicut signum ostendit illud cuius est signum : sed actus eius est ignito eloquio & exemplo operari ad accensionem affectus. d.24.a.24



# Index rerum.

Acolythi imprimuntur character, cum datur  
candelabrum cum instructione significatio-  
nis ad fugandas tenebras Aquilonares, id  
est, diaboli. d.24.a.25  
Subdiacono imprimuntur character, cum cali-  
cem à manu Episcopi suscipit cum verbis  
ad hoc pertinentibus. d.24.a.26  
Ordo subdiaconorum dignior est omnibus in-  
ferioribus ordinibus. d.24.a.27  
Actus summus & principalis diaconi est mini-  
strare sacerdoti in consecratione corporis  
Christi immediate super altare. d.24.a.29  
Non habens baptismum non percipit aliquem  
ordinem. d.24.a.30  
Vestes sunt de bene esse, & non de esse ordi-  
num. d.24.a.31  
Sanctitas confert idoneitatem sacerdotij, sed  
non sacerdotium. d.24.a.32  
Character sacerdotalis solus est ut perfectio sa-  
cramenti, & omnes alij sunt dispositiones.  
d.24.a.34  
Omnes ordines in Ecclesia primitiua fuerunt,  
& à Christo instituti. d.24.a.36  
Ordo est signaculum quoddam, id est, sacrum  
quoddam quo spiritualis potestas traditur  
ordinato & officium. d.24.a.37  
Character spiritualis ubi fit promotio potesta-  
tis, ordo vel gradus vocatur. ibid.  
Ordo est sacramentum spiritualis potestatis  
ad aliquod officium ordinatum in Ecclesia  
ad sacramentum communionis. ibid.  
Ordinũ actus ostenduntur in instrumentis que  
porriguntur ordinandis ab Episcopo. d.34.a.38  
Non exigitur nisi porrectio, & tactus est de  
bene esse. ibid.  
Cum nullus possit esse actus excellentior,  
quam conficere corpus Christi, nullus potest  
esse ordo post sacerdotium. d.34.a.39  
Ordo de se congruitatem habet continentia,  
sed necessitas continentia causatur à ratio-  
nali constitutione Ecclesie. d.37.a.1  
Quantum est de congruitate ordo est impedi-  
mentum matrimonij ubique & semper: sed  
quia congruitas ista non dicit aptitudinem  
& nõ necessitatem, sed potius necessitas ista  
causatur ab Ecclesie instituto, ideo quan-  
tum ad necessitatem separandi matrimoniũ  
illud est locale & temporale. d.37.a.2  
Omnes sacri ordines de congruitate impe-  
diunt matrimonium contrahendum & diri-  
munt contractum, & hæc congruitas ad actũ  
reducitur per Ecclesie institutionem. d.37.a.3  
Si vir ordinetur, vxore consentiente, tenetur  
vxor ad castitatem perpetuam: & si iuuenis  
est, de cuius lapsu timetur, tenetur intrare  
religionem. d.37.a.4  
Ordinatus vxore reclamante est vxori red-  
dendus, sed non habet potestatem petendi  
debitum, sed tantum reddendi. d.37.a.5  
Clerici Orientales reclamantibus vxoribus  
non possunt ordinari. d.37.a.6  
Vxores Orientalium consentientes ordina-  
tioni suorum maritorum tenentur continere  
post mortem eorum propter votum quod  
intelliguntur solemnizasse. d.37.a.7  
Originale secundum suam essentiam nun-  
quam redit. d.22.a.3  
Os in duos vsus congruit, s. locutionem &  
Index in 4. lib. Sentent.

conceptionem. d.15.a.4  
Oza percussus est propter duo. 1. quia pollus  
in nocte cum vxore, præsumpsit in ma-  
ne propior accedere ad arcam. 2. quia cum  
esset leuita, debuit portare arcam propriis  
humeris, sed ipse permisit eam boues tra-  
here. d.13.a.18

P

Pascha dicitur multis modis qui hoc versu  
exprimuntur:

*Est azymum pascha, Iesus, agnus, vespera,  
cæna.* d.13.a.24

Passionibus contingit aliquem mereri vel de-  
mereri, secundum quod bene vel male per  
voluntatem informatur. d.15.a.6

Paradisus corporalis & spiritualis. d.20.a.13

Latro statim cum Christo ingressus paradisum  
post mortem, quoad requiem & delicias  
fruitionis, non quoad locum. ibid.

Peccata mortalia directe prohibentur, venialia  
indirecte. d.16.a.53

Tres modi purgationis à peccatis, s. per pœni-  
tentiam, per confessionem & per baptismum.  
d.17.a.25

Peccatum dicitur veniale ex genere, vel ex  
euentu. d.17.a.28

Peccata non habent colligationem in aliquo  
ente positivo, tamen habent conuenientiam  
in priuatione conuersionis ad bonum in-  
commutabile. d.15.a.1

Duplex tribulatio non confurget pro peccato  
quod simpliciter est vnum. d.14.a.1

Peccator semper doleat & de dolore gaudeat.  
d.14.a.26

Peccati duplex est radix, s. innata, & facta ex  
opere peccati. c.15.a.5, item d.16.a.54

Veniale non est peccatum nisi secundum quid.  
d.15.a.5, ad q.

Peccatum est duplex, s. naturæ & personæ. d.  
15.a.4

Cum homo voluntarie subdit se peccato, cum  
scientia eius quod est non posse resurgere  
per se, quantum est de se, eligit in peccato  
esse æternaliter, & huic æternitati respon-  
det pœna æterna. d.15.a.5

Si Deus sola ad Peccatores vteretur senten-  
tia, omnes damnaret. d.17.a.56

Peccati grauitas attenditur tripliciter, s. essen-  
tialis quæ debetur sibi secundum suam speciẽ,  
vel suum genus, & accidentalis quæ debetur  
ei ex aliquo extrinseco sibi. d.16.a.27

Peccatum dicitur tenebræ, contagio, fœtor, &  
macula. d.18.a.8

Omne Peccatum in charitate Ecclesie dimit-  
titur. d.18.a.12

Peccatum dimissum nec idẽ numero, nec idem  
specie, nec æquali reatu vnquam reuertitur,  
sed ex ingratitude peccati sequentis dici-  
tur reuerti, quæ maior est quam si ei pecca-  
tum dimissum non esset. d.22.a.1

Cæteris paribus ad æquales tenentur gratia-  
rum actiones, cui plura peccata dimissa sunt,  
& qui seruauit innocentiam. d.22.a.4

De se habet homo quod peccet, sed de se non  
habet quod resurgat. d.20.a.11

Pœna duplex, s. damni & sensus. d.4.a.8

Pœna quæ iniungitur in satisfactione si di-  
scretè est taxata, iusta est. d.14.a.3

L. LII 2

Pœna



## Index rerum.

Pœna non est mala nisi quia contrariatur naturæ. d. 14. a. 32  
 Mensura pœnæ peccati non proportionatur quantitati temporis, vel delectationis, sed potius quantitati radicis & contemptus & imperij voluntatis. d. 15. a. 5  
 Pœna temporalis debita peccato duplex est, f. non proportionata, & proportionata ex vi clauium. d. 16. a. 12. item d. 17. a. 24  
 Pœna temporalis delet æternam. d. 17. a. 37  
 Duplex est pœna, f. affligens tantum, & promouens cum afflictione. d. 16. a. 33  
 Duplex est pœna, f. purgatoria & expiatiua. d. 18. a. 11  
 Pœna duplicem habet comparisonem, f. ad causam infligentem, & ad causam meritoriam. d. 18. a. 22  
 Pœnæ inferni quare nominantur multis nominibus, purgatorij verò non nisi vno nomine. d. 21. a. 5  
 Pœna duplex, f. damni & sensus. d. 43. a. 13  
 Pœnitentia non fuit instituta in statu innocentie. d. 2. a. 2  
 Pœnitentia dicitur secunda tabula, in quantum est sacramentum contra morbum qui est culpa, ordinatum. d. 14. a. 2  
 Pœnitentia est virtus & reducitur ad partem iustitiæ secundum quod est satisfactiua pro peccatis, Deo debitum honorem reddens. d. 14. a. 3  
 Pœnitentia est virtus specialis distincta ab aliis virtutibus. d. 14. a. 4  
 Pœnitentia non est de peccato in quantum est sola priuatio, sed in quantum est actus perpetratus cum priuatione. ibid.  
 Pœnitentia æquiuocè cadit in diuersis generibus, licet in omnibus significationibus habeat analogiā ad vnum, quod est peccato cōtrariari quod est perpetratum. d. 14. a. 5  
 Hoc sacramentum ordinatur contra peccatum personale in quantum proprium est & personale, & est virtus & sacramentum diuersa consideratione. d. 14. a. 5. ad q. 1  
 Pœnitentia est habitus distinctus per se mouens liberum arbitrium in peccati detestationem sub spe veniæ, & non est iustitia, nec propriè iustitiæ species: tamen actus illius qui est detestari, potest imperatus esse à iustitia. d. 14. a. 6 & 25  
 Actus pœnitentiæ non est charitatis vel alterius virtutis nisi per medium imperij vel adiutorij. d. 14. a. 7  
 Ille habitus qui est pœnitentia, est in irascibili cum ratione participante aliquid rationis, secundum quod ad rationem ordinatur. d. 14. a. 8  
 Pœnitentia dicitur prima virtutum non simpliciter, sed ex parte subiecti iustificabilis: quia ex parte illius prius est abiicere vitia quam imbui virtutibus. d. 14. a. 9  
 Duo sunt inter quæ mouetur pœnitens, f. spes & timor. d. 14. a. 10  
 Pœnitentia vtroque timore concipitur, f. serui, & initiali. d. 14. a. 10. ad q. 2  
 Pœnitentia est præterita mala plangere, & plangenda non committere. d. 15. a. 12  
 Illa definitio conuenit pœnitentiæ in quantum est virtus, & in quantum est sacramentum.

ibid. ad q.  
 Fundamentum pœnitentiæ non est de cætero non peccare, sed non habere propositum peccandi d. 14. a. 13  
 Verè pœnitens, salua veritate pœnitentiæ in præfenti, potest peccare. ibid.  
 Per Pœnitentiam lauatur peccator, & mundus est, si voluntatem habeat de cætero non peccandi. d. 14. a. 14  
 Qui commissa plangit nec tamen deserit, pœnæ grauiori se subiicit. d. 14. a. 16  
 Hæc vera pœnitentia est, cessare à peccato. d. 14. a. 17  
 In peccato tria sunt, f. culpa quæ maculat ex priuatione boni gratuiti & vitiatione naturalis, & actus qui inficit potentiam, vitium relinquendo in ipsa, & vulnus quod infligit: & quantum ad 1. tollitur gratia, quantum ad 2. virtute, & quantum ad 3. sacramento. d. 14. a. 18  
 Pœnitentia restituit integritatem puritatis à peccato, sed non integritatem status secundum dignitatem. d. 14. a. 22  
 Pœnitentiæ est viuificare opera mortificata, sicut remouentis causam mortis à parte materiæ siue subiecti. d. 14. a. 23  
 Pœnitentia est quædam dolentis vindicta, semper puniens in se quod dolet commisisse. d. 14. a. 25  
 Dolor de peccatis & gaudium de dolore non contrariantur. d. 14. a. 26  
 Ad perfectionem Pœnitentiæ secundum esse quatuor exiguntur, f. reuocatio à malo, dolor de commisso, propositum non committendi, & diligentia satisfaciendi: est autem perfecta secundum bene esse, quando continuatur vsque ad mortem. d. 14. a. 27  
 Tres sunt modi pœnitentiæ, f. solemnæ, priuata & publica. d. 14. a. 28  
 Pœnitentia iterari potest. d. 14. a. 29  
 Per pœnitentiam potest quis resurgere melior, & peior, & æquè bonus. d. 14. a. 20  
 Pœnitentia non potest esse in dæmone, cum peccatum illius sit irremediabile. d. 14. a. 32  
 Pœnitentia in partibus suis habet restituere in pristinum statum, f. in contritione, confessione & satisfactione. d. 14. a. 33  
 Qui pluribus peccatis est irretitus, non potest de vno verè pœnitere sine pœnitentia alterius, & oppositum est fidei contrarium. d. 15. a. 1  
 Per sententiam sacerdotis non præuenitur sententia iudicis: quia eadem est sententia iudicis & sacerdotis, si ordine clauium sacerdos pœnitentiam iniungit. d. 15. a. 6  
 Si aliquis in peccato existens, soluat quod iniunctum est, non oportet, quod postquam pœnituerit, iterum soluat: sed tamen oportet, quod conteratur, & confiteatur, & satisfaciatur de eo quod non fecit iniunctum eo modo quo debuit. d. 15. a. 9  
 Nihil prodest orare, ieiunare & alia bona agere, nisi mens reuocetur à peccato. d. 15. a. 29  
 Deus non potest sanare de vno peccato, & non de alio. d. 15. a. 33  
 Quædam impietas infidelitatis est, ab illo qui iustus & iustitia est, dimidiam sperare veniam. d. 15. a. 35  
 Pœnitentia



# Index rerum.

- Pœnitentia falsa est, cum spretis pluribus de vno solo pœnitentia agitur: vel cum sic agitur de vno, vt non discedatur ab alio. d.15.a.38
- Vera & digna pœnitentia differunt: quia vera dicit pœnitentiam impermixtam contrariis, digna autem dicit debitam pœnitentia quantitatē. d.15. a.39. item d.16.a.21
- Hoc Sacramentum est vnum. d.16. a.1. item d.22.a.8
- Materia istius Sacramenti est dolor voluntarius in signis exterioribus manifestatus, forma verò est gratia informans dolorem illum, vt possit delere peccatum, & res eius est deletio peccati omnimoda in culpa & pœna. ibid.
- Pœnitentia habet partes potestatiuas, s. contritionem, confessionem & satisfactionem. d.16.a.2
- Pœnitentia partes sunt omnes simul operantes secundum quod vna est in actu, & duæ, vel vna in voto: sicut cum contritio est in actu, & confessio & satisfactio sunt in voto. d.16.a.3. item d.17.a.55
- Partes pœnitentia dupliciter respondent peccato, s. vt medicina tantum, & sic omnes tres partes respondent omnibus peccatis: respondent etiam vt medicina simul & habentes congruentiam in actu & in instrumento agendi, & sic contritio non responderet nisi peccato cordis, confessio peccato oris, & satisfactio peccato operis. d.15.a.4
- Contritio non est pars Pœnitentia virtutis, sed actus. d.16.a.6
- Licet Pœnitentia tres habeat partes, tamen maximè saluatur in contritione, eò quod oportet illam secundum actum in omni pœnitentia esse. d.16.a.7
- Pœnitentia instituta est in Paradiso secundum omnes partes, & à Christo in Nouo Testamento accepit inuolutionem. d.16.a.12. ad q. item q.22.a.11. & seq.
- Pœnitentia secundum quod est in genere Sacramenti legis nouæ vel veteris, non est de iure naturali. d.16.a.13. item d.22.a.10
- Pœnitentia in tribus partibus suis configuratur Trinitati increatæ: contritio innititur bonitati, confessio sapientiæ, & satisfactio potentia. d.16.a.18
- Opera Pœnitentia dicuntur fructus, non quod eis fruamur propriè hic, vel in futuro: sed quia cum gaudio spei vtimur eis ad obtinendum id quo faciendum est. d.16.a.21
- Iudicium Sacerdotis in quantum huiusmodi, est secundum canones pensatis peccatis & statu pœnitentis, & hoc nunquam errat: iudicium autem hominis quod sæpè erroneum est & malitiosum, non tenetur subire pœnitens. d.16.a.28
- Pœnitenti religionis obseruantia non potest iniungi, nisi sub conditione si pœnitens eam suscipere voluerit. d.16.a.28. ad q.
- Fructus Pœnitentia & virtutis non sunt idem: quia virtus est in omnibus bonis, & non pœnitentia. d.16.a.44
- Canon debet esse regula iniungendi Pœnitentiam, tamen proportio huius regulæ ad hunc pœnitentem & illum, est secundum arbitrium discreti Sacerdotis. d.16.a.45
- Pœnitentia tribus modis agitur, ante baptismum scilicet de prioribus peccatis, post baptismum de grauioribus, quæ post committuntur, est etiam pœnitentia venialium quotidiana. d.16.a.47
- Baptismus est primum Sacramentum simpliciter, sed secundum quid & quoad aliquid est pœnitentia prior secundum quendam modum quo ipsa est præparatoria ad interiorem actum compunctionis, & non prout est satisfactoria per vim clauium. d.16.a.48
- Pœnitentia est fundamentum Christianæ religionis. d.16.a.49
- Fides quoad quendam actum confusæ cognitionis Dei & peccati præcedit pœnitentiam. d.16.a.52
- Bonorum & humilium duplex est pœnitentia, s. de bono quod malo permixtum est, & de veniali quod incidit quotidie in vsu vitæ. d.16.a.54
- Non tenetur aliquis propalare suam pœnitentiam alicui, nisi Sacerdoti soli. d.17.a.26
- Peccatum publicum debet publica pœnitentia puniri. d.17.a.62
- Pœnitentiam ex timore non audit Deus, sed illam quæ est ex amore. d.20.a.3
- Qui in hac vita pœnitentiam non implent, in purgatorio implebunt. d.20.a.12
- Nunquam apertè præscribitur regula pœnitentia: sed tamen tria ad minus attendenda sunt. s. peccati qualitas, contritionis quantitas, & status pœnitentia. d.20.a.14
- In articulo mortis positus non est imponenda quantitas pœnitentia, sed innotescenda. d.20.a.15
- Pœnitentia secundum quod est Sacramentum, dolorem habet pro materia, & gratiam pro forma, & exteriora signa habet, consistens in tribus partibus, s. contritione, confessione & satisfactione. d.22.a.5
- Pœnitentia exterior est signum tantum, & interior signum & res, & dimissio peccati in culpa & pœna est res tantum. d.22.a.6
- Pœnitentia virtus non habet institutionem, sed est de dictatis à natura. d.22.a.10
- Pollutio nocturna multis de causis accidit. d.9.a.10
- Nihil est Potentia in aliquo propriè loquendo, nisi quod vno motore educitur de illo. d.11. a.4. ad q.
- Potestas multiplex, s. auctoritatis, inuocationis excellentiæ, ministerij & cooperationis. d.5.a.4
- Præuidencia duplex, est, s. speculatiua & practica. d.17.a.46
- Prioritas duplex, s. quoad nos & simpliciter. d.14.a.12.
- Priuatio non intenditur essentialiter, sed per recessum ab habitu. d.16.a.22
- Purgatorij ignis est corporeus. d.20.a.5
- Primum affligens est ignis corporeus, habens vim affligendi spiritum ex eo quod est instrumentum diuinæ iustitiæ vindicantis iniquitatem, proximum verò affligens, est similitudo ignis recepta ab animabus punitis. d.20.a.4
- Ex ordine iustitiæ non est nisi vnus locus purgatorij.



## Index rerum.

- gatorij, sed ex dispensatione sunt multa loca purgatoria. d. 20. a. 6
- Ignis purgatorius finibilis est secundum rationem purgatoriam, non secundum substantiam. d. 20. a. 7
- Pœna purgatorij etiam minima, maior est in tristitia quam aliqua pœna corporalis huius mundi esse possit. d. 20. a. 8
- Necesse est secundum rationem & fidem, quod ignis purgatorius sit. d. 21. a. 4
- Existentes in Purgatorio simpliciter vellent non pati pœnas purgatorij, conditionata tamen voluntate volunt, s. conditione purgationis & salutis. d. 21. a. 7
- Animæ existentes in purgatorio, per dæmones ministros pœnarum non puniuntur, licet delectentur dæmones in pœnis earum. d. 21. a. 9
- Quantitas secundum ordinem naturæ proximior est subiecto, quam qualitas. d. 12. a. 16
- Quantitas non potest esse sine subiecto nisi virtute diuina contineatur. d. 12. a. 16
- Fractionis & diuisionis non est prima causa materia vel substantia, sed potius quantitas. d. 13. a. 8
- R
- R**eges non vnguntur chrismate, sed oleo, in quo notatur fama quam habere debent apud subditos, & in scapulis, vt recognoscant se positos esse ad supportanda onera subditorum Ecclesiæ. q. 23. a. 8
- Relatiua sunt quæcunque hoc ipsum quod sunt, aliorum dicuntur. d. 13. a. 5
- Relatio plus est ratio quam ens vel essentia. ibid.
- Religio est, quæ cuidam naturæ quam superiorem vocant, coram cærimoniamque affert. d. 1. a. 7
- Religio est virtus, quæ cuidam naturæ superiori quam diuinam vocant, curam cærimoniamque affert. d. 19. a. 24
- Libellus repudij non dabatur propter quamlibet fœditatem. d. 33. a. 25
- Causa quæ non potest mouere ad odium communiter, non potuit esse causa separationis. ibid.
- Causæ dimissionis scribebantur in libello repudij, non in particulari, sed in vniuersali. ibid.
- Dimittenti vxorem per libellum repudij & repudiata erat in secundo matrimonio salus propter legis statutum & temporis congruentiam. d. 33. a. 27
- Restitutio non est pars essentialis satisfactionis, sed præexigitur per modum fundamenti, nec oportet, quod fiat in charitate. d. 15. a. 10. & 45
- Restitutio est rei oblata redditio vel recompensatio. d. 15. a. 44
- Qui tenentur restituere, exprimuntur his verbis:  
*Iussio, consilium, consensus, palpo, recursus, Participans, mutus, non obstant, non manifestans.* d. 15. a. 42. ad q.
- Omne id quod cum dolore amittitur, & cum delectatione & vtilitate vel honestate possidetur, auferens tenetur restituere, quocumque modo auferat. d. 15. a. 43
- DetraCTOR tenetur ad restitutionem. d. 15. a. 43. ad q. 1.
- Impediens aliquem iniuste, ne acquirat præbendam, tenetur ad restitutionem secundum possibilitatem, & arbitrium bonorum virorum, non autem si iuste impedit. d. 15. a. 43. ad q. 3
- Qui arando subuertit semina, tenetur restituere quantum ager seminatus pro tempore illo vendi consuevit. ibid.
- Leges quæ de restitutione tanguntur Exod. 5. scilicet quod ouis reddatur in quadruplum, &c. hodie non tenent, nisi ex noua constitutione sanciantur. d. 15. a. 43. ad q. 4
- Si is cui restitui debet aliquid, ignotus sit, debet dari pauperibus. d. 15. a. 44. ad q. 1
- Si autem sit multum distans, debet ei mitti, vel portari, vel deponi. d. 15. a. 44. ad q. 2
- Qui iniuste accepit in aliqua expeditione, debet restituere ad arbitrium Episcopi loci illius qui damnificatus est. d. 15. a. 44. ad q. 3
- Qui de licentia alicuius Prælati iniuste vendicauit sibi res Ecclesiæ, restituere tenetur Ecclesiæ ita vt deuoluatur ad Prælatus successorem. d. 15. a. 44. ad q. 4
- Resurrectionem carnis eiusdem numero in qua nunc viuimus esse futuram, certius secundum Catholicam fidem nobis est, quam quod sol orietur cras. d. 43. a. 1
- Resurrectio nihil aliud est nisi restitutio in consimilem vitam. d. 43. a. 2
- Resurrectio est rursus copulatio animæ & corporis, & secunda eius quod dissolutum est & cecidit, animalis resurrectio. d. 43. a. 2
- Resurrectio non est naturalis, sed miraculosa. d. 43. a. 3
- Per Philosophiam non potest probari resurrectio, sed potius per principia fidei. ibid.
- In Resurrectione tubam sonare nihil aliud est quam mundo vt iudicem filium demonstrare. d. 43. a. 4
- Collectio cinerum fiet virtute Angelorum, sed formatio humani corporis mutando cineres ad membra similia, homini Christo attribuitur, immutatio autem in incorruptionem & animatio erit opus diuinum. d. 43. a. 4
- Resurrectio Christi est causa efficiens & Sacramentalis nostræ resurrectionis. d. 43. a. 5
- Nullo modo sciri potest dies iudicij: quia per dispositionem moris superioris sciri non potest, per reuelationem verò non vult Deus aliquem scire. d. 43. a. 7
- Omnes resurgent à mortuis, & nullus remanebit viuus. d. 43. a. 21
- Resurrectio communis erit à cineribus. d. 43. a. 22
- Resurgentium dissimilitudo non est in termino à quo, sed in termino ad quem. d. 43. a. 23
- Omnes resurgent sine diminutione membrorum, omnia humani corporis habituri membra. d. 43. a. 24
- Sicut tunc stabant contraria in mundo maiori, ita stabit eorum pugna in mundo minori, hoc est, in homine. d. 43. a. 25
- Incorruptio in omnibus corporibus exemplariter & efficaciter est à resurrectione Christi, siue à Christo resurgente. d. 43. a. 26
- Vnum



## Index rerum.

Vnumquodque corporum recipiet tunc quantitatem in longo, lato & spisso, quam habiturum erat in mensura ætatis plenitudinis Christi, si natura non defecisset per mortem vel infirmitatem vel nutrimenti subtractionem, vel errasset per superfluitatem vel alium errorem. d.44.a.1

Costa Adæ ex qua facta est Eua, resurget in ipsa, tamen resurget Adam sine diminutione. d.44.a.8

Quodlibet ad idem membrum in quo erat, redibit, tamē possibile est aliter esse. d.44.a.9

Capilli & ungues in quantum decorem perficiunt, resurgent. d.44.a.10

Resurget idem homo qui mortuus fuit. d.44.a.11

Damnati nullam habebunt ex vitio complexionis corruptionem febrilem, nec ex vitio compositionis corporis membrorum defectum. d.44.a.33

Pueri abortiui in ætate triginta annorum resurgent. d.44.a.44

Rex terrenus triplici ex causa vititur ministro, scilicet propter imperfectionem sui, utilitatem subditorum, & ordinis pulchritudinem. d.17.a.32

S

**S**acerdotium veteris legis & novæ non est idem. d.24.a.33

Sacerdotij actus principalis est conficere Eucharistiam. d.24.a.35

Sacramenta necessaria sunt ad salutem, sine quibus tempore morbi multa fuit salus. d.1.a.1

Nullum Sacramentum secundum se ordinatur contra veniale. d.1.a.2

Sacramentorum sufficientia. ibid. & d.2.a.1

Sacramenta ordinanda sunt secundum ordinem defectuum contra quos ordinantur. d.1.a.3

Sacramentum est sacræ rei signum. d.1.a.5

Sacramentum est inuisibilis gratiæ visibilis forma, cuius similitudinem gerat & causa existat. ibid.

Sacramentum est, in quo sub tegumento visibilium rerum diuina bonitas secretius operatur salutem. ibid.

Sacramentum est corporale vel materiale elementum oculis extrinsecus suppositum, ex institutione significans, & ex sanctificatione inuisibilem gratiam conferens. ibid.

Sacramentum est causa ut disponens in subiecto. d.1.a.5.ad q.

Sacramenta veteris legis nullam virtute propria gratiam contulerunt, sed per opus operans. d.1.a.9

Sacramenta instituta sunt triplici de causa: propter humiliationem, & eruditionem, & exercitationem. d.1.a.13

Verba sunt in omni Sacramento in quantum est Sacramentum Ecclesiæ. d.1.a.15

Multiplex differentia inter Sacramenta veteris & novæ legis. d.1.a.15

Sacramenta contra quos defectus ordinata sunt. d.20.a.1

Sacramenta quare non fuerunt instituta mox post hominis lapsum. d.2.a.2

Quædam Sacramenta Partes habuerunt in le-

ge naturæ & Moyfi sicut nos; quædam autem secundum partem, & non secundum totum: quædam autem in figura tantum: & quædam nec in toto, nec in parte, nec in aliqua figura determinata. ibid.

Tantum tria Sacramenta quæ statum fidei respiciunt, imprimunt characterem. d.6.a.5

Tria Sacramenta non sunt iteranda, scilicet baptis- mus, confirmatio & ordo: quia imprimunt effectum perpetuum, id est, characterem. d.7.a.9

Duo Sacramenta Novi Testamenti figuram aliquam expressam habere non poterant, scilicet confirmatio & extrema unctio. d.8.a.2

Sacramenta Christianorum dicuntur anteriora quam Iudæorum, quoad speciem & ritum Sacramenti Eucharistiæ. d.8.a.4

In Sacramentis multa sunt supra rationem, nihil autem contra rationem. d.10.a.9

Sacramentum multis de causis dicitur iterari, vel non iterari. 1. quia causa non iteratur, ut in baptismo. 2. quia id quod est res Sacramenti, non iteratur, scilicet character. 3. quia forma super eadem numero non iteratur, & hoc modo negatur Eucharistia iterari. d.12.a.5

Vnum Sacramentum dicitur maius alio: quia vel maioris gratiæ collatum, vel à maiori datur, vel quia dignior est contenta, vel ratione gradus in quo suscipiens collocatur ex potestate characteris, vel quia dignioris rei non contentæ significatiuum. d.7.a.6. item d.13.a.25

Sacramenta sortiuntur formas in orationibus illius modi qui magis competit effectui eorum. d.23.a.4

Omnia Sacramenta novæ legis instituit Christus per seipsum. d.23.a.13

Sanctitas est in materia Sacramenti ut dispositio quædam, & in loco, & in verbis, & in ritu qui telera à D. Dionys. vocatur. d.37.a.3

Sacrificiū in genere est de iure naturali. d.1.a.8

Sacrificia ante legem & idololatriam placebant in figura futuræ oblationis quæ facta est per Christum. ibid. & a.11

Moralia cur dicitur cunctus populus audiuisset per se à Domino, sacrificia autem solus Moyses. d.1.a.8

Non videtur esse verum, quod saluandus moriatur in optimo statu in quo fuit tempore vitæ suæ. d.14.a.30

Sanitas duplex, scilicet imperfecta, & perfecta. d.17.a.20

Scandalum est dictum vel factum minus rectum, aliis præbens occasionem ruinæ. d.17.a.46

Scandalum est, ubi rectè ambulanti deceptio submittitur ad ruinam. d.17.a.46

Scandalum rectè diuiditur in actiuum & passiuum. d.17.a.47

Scandalum quandoque dicitur peccatum coniunctum, quandoque separatum. d.17.a.48

Scandalum quandoque est mortale, & quandoque veniale. d.17.a.49

Scandalum quandoque dicitur obex lætitiæ vel æqualitatis affectus. ibid.

Scandalum est materiale & formale. d.17.a.50

Perfectorum est non scandalizari. d.17.a.51

Omnibus licet si velint, vel nomine suo, vel nomine capituli sui, vel sui procuratoris sua



## Index rerum.

- sua reperere, quia scandalum non est hic nisi materiale. d. 17. a. 52
- Satisfactio duplex, s. secundum æquale iuris, & secundum arbitrium eius, cui facta est iniuria: prima satisfactione non contingit satisfieri Deo ab aliqua creatura pura, sed secunda. d. 15. a. 11. item d. 16. a. 20
- Satisfactio tripliciter potest diffiniri, s. secundum substantiam, ut satisfactio sit damni vel iniuriæ illatæ recompensatio secundum iudicium & iuris ordinem, vel arbitrium eius cui iniuria est illata: vel secundum quod est Sacramenti pœnitentiæ, & sic satisfactio est peccatorum causas excidere, nec suggestionibus eorum aditum indulgere: vel in comparatione ad finem, & sic satisfacere Deo est debitum honorem impendere. d. 15. a. 12
- Satisfactionis opus qualiter differt ab aliis operibus pœnitentiæ, s. confessionis & compunctionis. d. 15. a. 13
- Satisfactio extra charitatem, an sit iteranda redeunte charitate. d. 15. a. 30
- Satisfactio ad minus requiritur in voto & lamento interiori. d. 16. a. 3
- In satisfactione tria consideranda sunt, s. pro quo satisfit, & quis status satisficientis, & cui satisfit. d. 16. a. 19
- Satisfactio secundum quod est sacramentalis, & vim habens à passione Christi, habet à Deo institutionem. ibid.
- Promulgatur à Ioanne, & confirmatur per præceptum à Christo Match. 4. ibi, Agite pœnitentiam, &c. d. 16. a. 20
- Sensibile dicitur duobus modis, s. secundum potestatem sentientis, & secundum potestatem sensibilis. d. 10. a. 5
- Sepulchra bonorum & sanctorum sunt ornanda propter ostensionem gloriæ resurrectionis eorum. d. 45. a. 10
- Servitutis conditio est in genere humano. d. 36. a. 1
- Servitus est naturalis, quatenus per eam ordinatur culpa quæ inducta est in natura ex vicio personæ. ibid.
- Ex constituto civili & Ecclesiæ, servitus ignorata cum opposita conditione, scilicet libertatis, impedit matrimonium contrahendum & dirimit contractum. d. 36. a. 2. & 3
- Connubium serui vnius domini cum ancilla alterius, licet sit difficile, tamen est licitum. d. 36. a. 4
- Si vir se dat in servum contra voluntatem mulieris, in nullo debito quo tenetur vxori, dominus potest eum impedire. d. 36. a. 5
- Signum duplex, s. commune & conuertibile. d. 17. a. 46
- Similitudo est rerum differentium eadem qualitas. d. 1. a. 5
- Simonia est studiosa voluntas emendi vel vendendi spirituale, vel spirituali annexum. d. 25. a. 2
- Simonia dicitur hæresis: quia ponit spiritualia viliora temporalibus, pro quibus ea vendit & emit. d. 25. a. 3
- Inferior cum superiori potest committere simoniam. d. 25. a. 4
- Modi quibus committitur simonia, notantur his versibus:
- Munus, lingua, timor, caro, cum fama populari.*  
*Non faciunt gratis spirituale dari.* d. 25. a. 5
- Simoniaci dicuntur tam venditores quam emptores spiritualium: quia etiam Simon emptam gratiam vendere postea cogitavit: tamen versus est differentiam notans:  
*Quod Giezi vendit, Simon conducere querit.*
- Simplex à simplici duobus modis potest differre, s. per naturam siue rationem, sicut vnitas & punctus: & positione, ut punctus initians à puncto terminantē & continuante in medio. d. 7. a. 5. ad q. 2
- Somnus est quies animalium virtutum cum intensione naturalium, sopor autem quies animalium cum intensione intellectualium. d. 26. a. 3
- Spes est protensio siue dilatio animi in expectatione boni futuri. d. 14. a. 26
- Sponsalia sunt futurarum nuptiarum promissio. d. 27. a. 12. & 17
- Postquam iam pueri septennes sunt, sponsalia possunt contrahere. d. 27. a. 13
- Effectus sponsalium est ligare ad matrimonium contrahendum, quandiu manent sponsalia. d. 27. a. 14
- Sponsalia dupliciter contrahuntur, s. absolute & sub conditione. d. 27. a. 15
- Sponsalia dirimuntur 1. si alter sponsorum transeat ad religionem, 2. quando sponsus non inuenitur, 3. si alter sponsorum post contracta sponsalia incurrerit lepram, aut paralytim, aut epileptiam, aut turpiter naso aut oculo fuerit mutilatus, 4. si superueniat affinitas, 5. si mutuo se absoluerunt, 6. si alter eorum fuerit fornicatus, 7. quando superuenit matrimonium cum alio contractum, 8. quando minor venit ad ætatem adultam, & petit absolui à vinculo sponsalium. d. 27. a. 16
- Institutum est ut iam pactæ sponsæ non statim tradantur, ne vilem habeat maritus datam, quam suspirauit sponsus dilatam. d. 27. a. 7
- Publicæ honestatis iustitia est propinquitas ex sponsalibus proueniens, robur trahens ab Ecclesiæ propter eius honestatem. d. 41. a. 7
- Suffragia quæ facit vnus, alteri valent. d. 45. a. 1
- Non est dubium defunctis prodesse sanctorum suffragia. d. 45. a. 2
- Suffragia non prosunt damnatis. d. 45. a. 3. item d. 46. a. 2
- Suffragia prosunt eis qui sunt in purgatorio. d. 45. a. 4
- Suffragia non profuerunt patribus in limbo. d. 45. a. 5
- Peccatum puerorum sine baptismo decedentium non dimittitur propter aliquod suffragium. d. 45. a. 6
- Suffragia non prosunt sanctis in patria. d. 45. a. 7
- Suffragium secundum charitatem mortui informatur, & ideo si sit ab eo qui non est in gratia, valet. d. 45. a. 9
- Magis valent suffragia specialia & propria quam communia. d. 45. a. 11
- Suspensus tripliciter potest esse suspensus, s. ab officio tantum, à iurisdictione tantum, vel ab utroque. d. 18. a. 19
- Tempus



# Index rerum.

## T

**T**Empus physicum omnis illius motus  
mensura est, qui ut ad causam reducitur  
ad motum primi mobilis. d.17.  
a.11

Inter quolibet duo instantia est tempus, me-  
dium. ibid.

Testamentum Vetus & Nouum possunt con-  
siderari ut typus, & veritas, & sic est vnum  
in alio: si autem considerentur quoad ma-  
teriam præceptorum & morium ad im-  
plendum, tunc Verus est multò grauius;  
sed quoad perfectionem status eorum quæ  
præcipiuntur, tunc Nouum est magis dif-  
ficile. d.1.a.16

Testamentum Verus est in Nouo sicut figura  
in veritate. d.24.a.33

Timor est motus secundum systolen siue con-  
strictionem in fugam futuri & expectati  
mali. d.14.a.26

Tonsura in veteri lege figurabatur in Naza-  
reis. d.24.a.14

Tristitia est constrictio animi ex conceptione  
præsentis mali. d.14.a.26

## V

**V**bi dicitur per accidens, & per se. d.13.  
a.13. ad q.

Veſtigalia & pedagia an sint licita. d.16.  
a.46

Veniale dicitur tribus modis, s. ex genere, ex  
euentu, & quando mortale habet aliquid  
in circumstantia, quare potest excusari per  
veniam. d.17.a.55. item d.20.a.8

Veniale ex genere nunquam fit mortale.  
d.20.a.10

Multa venialia post mortem delentur quoad  
pœnam & culpam. d.21.a.1

Veniale coniunctum mortali punitur in æter-  
num in inferno. d.21.a.8

Non reuertuntur debita venialia nisi per illum  
modum, quo concedendum per ingratitu-  
dinem redire alia. d.22.a.2

Verecundia duplex est, vna scilicet coram Deo  
de turpitudine actus, & altera coram homi-  
nibus. d.17.a.36

Vir constans est, qui non timet non timenda.  
d.29.a.3

Virginitas secundum quod fuit meritoria, re-  
stituitur per pœnitentiam. d.14.a.22

Virtutes infusæ habent colligantiam in gra-  
tia, ita quod vna non habetur sine alia: sed  
vna politicarum generatur in animæ sine  
alia. d.14.a.1

Virtus sumitur propriè, & communiter.  
d.14.a.3

Duplex est virtus, s. informans ad bonum, &  
reformans à malo. ibid.

Aliud est esse actum virtutis alicuius natura-  
liter siue per se elicitiuè, & aliud per mo-  
dum imperij vel adiutorij. d.14.a.7

Vis est maioris rei impetus, qui repelli non  
potest. d.29.a.1

Per vim fit, cuius principium est in alio, nihil  
conferente vim passo. ibid.

*Index in 4. lib. Sent.*

Vis est impetus dominantis retinens rem in-  
fra terminos alienos. ibid.

Vis aliqua cadit in constantem virum, alia  
autem non cadit. d.29.a.2

Vis quandoque est circa res turpes, quandoque  
circa honestas. ibid.

Vita æterna triplex est. 1. per essentiam vitæ  
& æternitatis. 2. Ut in obiecto viuentium  
æterna vita. 3. participatione. primo & se-  
cundo modo solus Deus est vita æterna,  
tertio verò sancti habent vitam æternam.  
d.46.a.4

Vita dicitur dupliciter, s. secundum esse, &  
secundum bene esse. d.46.a.5

Vita gloriæ & etiam gratiæ, per prius est in  
essentia quam in potentia. d.46.a.16

Damnati non viuunt vita æterna, nec habent  
vitam æternam. d.46.a.7

Damnati sunt mortui simpliciter, sed secun-  
dum quid viui. ibid.

Viuere dicitur multipliciter, s. secundum esse,  
& secundum bene esse: secundum esse dici-  
tur propriè & metaphoricè: secundum bene  
esse distinguitur secundum bene esse in  
sensu, & secundum bene esse secundum  
rationem. d.14.a.24

Extrema Vnctio est Sacramentum, quod à  
Domino & Apostolis habuit orum suæ in-  
stitutionis. d.23.a.1

Extrema vnctio est Sacramentum ex vnctione  
per oleum sanctificatum facta, conferens in-  
firmis remedium contra peccati reliquias,  
& se expedit, alleuiationem ferens infirmi-  
tati. d.23.a.2

In isto Sacramento nulla competentior mate-  
ria est, quam oleum ad vsum infirmorum  
sanctificatum. d.23.a.3

Istud Sacramentum in quantum Sacramentum  
de bene esse habet iudicatiuam orationem,  
in quantum autem exeuntium qui soli gra-  
tiæ committuntur, de esse habet orationem  
deprecatiua. d.23.a.4

In hoc Sacramento abundantiam gratiæ requi-  
renti materia debet ab Episcopo præparari.  
d.23.a.6

Non nisi infirmus perceptibilis est huius Sa-  
cramenti. d.23.a.9

Solum adultis ætate exhibendum est hoc Sa-  
cramentum. d.23.a.10

Non in omni infirmitate, sed cum præsumitur  
imminere obitus, debet percipi. d.23.  
a.11

Furiis & amentibus non est dandum, nisi ha-  
beant lucida interualla. d.23.a.12

Institutum est à Christo. d.23.a.13

Duplici ex causa est institutum, s. ad peccato-  
rum remissionem quoad reliquias, & ad  
corporalis infirmitatis alleuiationem. d.23.  
a.14

Inunctio in determinatis locis corporis fieri  
debet. d.23.a.15

Sufficit vngere loca quinque sensuum. d.23.  
a.16

Plures vnctiones non constituunt nisi vnum  
Sacramentum, quia sunt omnes ad vnum  
effectum. d.23.a.17

Si Sacerdos inungens vngendo moriatur,  
suppleri debet quod deficit, & non iterari  
quod

MMmm



# Index rerum.

- quod factum est. d.23.a.18  
Hoc Sacramentum non imprimit characterem. d.23.a.19  
Iteratur sicut quædam alia Sacramenta, si causa eorum iteratur. d.23.a.20  
Si ultra annum remanet morbus post acceptam unctionem, iterari potest unctio. d.23.a.21  
Vocatio duplex, s. exterior & interior. d.17.a.16  
Voluntatem nostram sufficit quandoque conformare voluntati diuinæ secundum causam efficientem, ut scilicet velimus hoc quod Deus vult nos velle. d.14.a.12  
Voluntas duplex, ut deliberans, & ut natura. d.16.a.7  
Voluntas duplex, s. conditionata & simpliciter voluntas. d.21.a.7  
Votum duplex est, s. plenum & semiplenum siue imperfectum. d.17.a.2  
Votum pro operatione iudicatur. ibid.  
Votum dicitur dupliciter, s. communiter & propriè. d.38.a.1  
Votum est testificatio quædam promissionis spontaneæ, quæ Deo & de his quæ Dei sunt, propriè fieri debet. ibid.  
Votum est promissio melioris boni ex deliberatione formata. ibid.  
Votum propriè dictum non est nisi de his quæ cadunt sub consilio, votum autem communiter acceptum est de his etiam quæ cadunt sub præcepto. d.38.a.2  
Seruus, monachus, vxor, filiusfamilias, & filiafamilias inquantum huiusmodi vouere non possunt. d.38.a.3  
Necessarium est vota reddere. d.38.a.4  
Iuramentum adhibitum sponcioni, & votum dupliciter possunt considerari, s. quantum ad id ex quo ligant, & quantum ad naturam & modum vinculi: primo modo iuramentum secundo votum plus ligat. d.38.a.5  
Si iuramentum addatur voto; illud præ omnibus est obligatorium. d.38.a.5  
Votum habet firmitatem à rectitudine deliberationis relata ad exemplar rectitudinis primæ, qua rectum omne quod promittitur deliberatè tenetur, & præcipuè quod promittitur Deo. d.38.a.6  
Secundum prius & posterius dicitur votum de communi & de singulari. d.38.a.7  
Transgressio voti communis nullum facit peccatum speciale, licet aliquam rationem deformitatis afferat in actu peccati. d.38.a.8  
Votum commune dicitur: quia communiter omnes obligat ad id circa quod est votum, hoc enim est id circa quod est fides & decalogus. d.38.a.9  
Papa non habet potestatem dispensandi in voto communi. d.38.a.10  
Diuisio voti singularis in priuatum & solemne non est generis in species propriè, sed est sicut diuisio totius potestatiui in partes. d.38.a.11  
Solemnitas additur supra votum sicut confirmans obligationem voti, priuatio autem nihil addit quod sit faciens obligationem fortiolem. ibid.  
Inter votum solemne & priuatum, est publicum, quod probari quidem potest per testes, sed non est secundum professionem regulæ & habitus. d.38.a.11, ad q.  
Obligatio maxima est in voto solemnī, & in publico medio modo, & in priuato minima. d.38.a.12  
Nihil facit votum solemne, nisi ipsa professio ad certam regulam, in qua approbatus ab Ecclesia continetur modus. d.38.a.13  
Votum priuatum continentia impedit matrimonium contrahendum, sed non dirimit contractum. d.38.a.15  
Qui priuatum votum fecit continentia, si contrahat, potest reddere debitum non autem petere. d.38.a.15  
Votum quod non potest mutari nisi in actum contrarium redditioni voti, non potest dispensari: & tale est votum solemne de continentia, quod nunquam mutari potest. d.38.a.26  
In votis temporalibus dispensare possunt Episcopi & Archiepiscopi, non autem in votuius perpetuis quæ sunt religionis & huiusmodi. d.38.a.17  
Votum conditionale non obligat, conditione non existente. d.38.a.19  
Votum & professionem interpretatiuam omnis homo facit, quando stat ultra tempus communiter probationi assignatum, habens libertatem recedendi si voluerit. d.38.a.20






# INDEX

Locorum sacrae Scripturae, qui in Com-  
mentariis in 4. lib. Sententia-  
rum explicantur.

## EX VETERI TESTAMENTO.

### Genesis.

- GEN. I.  VACVQVE die comede-  
runt ex eo, morte morie-  
mini. d. 2. a. 2  
2. Erupit duo in carne una.  
d. 28. a. 6. item d. 31. a. 3  
17. Circumcidetis carnem praeputij vestri. d. 1.  
a. 21  
19. Nec stes in omni circa regione. d. 16. a. 28  
24. Eliezer dedit Rebecca in aures & annulos.  
d. 27. a. 15  
49. Zabulon in litore, maris habitabit, & in  
statione navium, pertingens usque ad Si-  
donem. d. 16. a. 46

### Exodi.

20. Non ascendes per gradus ad altare  
meum. d. 13. a. 24

### Leuitici.

5. Aedes Leuitarum qua in urbibus sunt,  
semper redimi possunt. d. 24. a. 15  
15. Quidquid tetigerit immundus, immundum  
erit. d. 6. a. 10  
18. Ad mulierem qua patitur menstruum, non  
accedas. d. 9. a. 11

### Numerorum.

18. Non habebunt filij Leui hereditatem in  
medio fratrum suorum. d. 24. a. 15

### Deuteronomij.

23. Cum voveris votum Domino Deo tuo, non  
tardabis reddere. d. 38. a. 4

### Iudicum.

4. Debora prophetissa indicavit Israel. d. 19.  
a. 7

### 2. Regum.

6. Oza percussus est, eo quod extendit manum  
ut teneret arcam. d. 13. a. 18. item d. 24. a.  
10. & d. 26. a. 13

### Tobiae.

12. Bona est oratio cum ieiunio & eleemosyna.  
d. 15. a. 17

### Iob.

3. Quare non in vulua mortuus sum, & c. d.  
15. a. 5

### Psalmodum.

16. Satiabor cum manifestabitur gloria tua.  
d. 21. a. 10  
59. Commouisti terram & conturbasti eam.  
d. 17. a. 10  
83. Passer inuenit sibi domum, & turtur nidum  
ubi reponat pullos suos. d. 6. a. 2. d. 13. a. 30  
131. Sicut unguentum in capite quod descen-  
dit in barbam, barbam Aaron. d. 12. a.  
15. item d. 17. a. 40. & d. 23. a. 6  
118. Dilexi testimonia tua super millia auri  
& argenti. d. 16. a. 31  
118. Particeps ego sum omnium timentium te.  
d. 45. a. 1

### Prouerbiorum.

9. Sapientia edificauit sibi domum, excidit  
columnas septem. in prol.

### Ecclesiastae.

9. Nemo scit, an odio, vel amore dignus sit.  
d. 9. a. 8. item d. 13. a. 16. & d. 16. a. 7

### Sapientiae.

1. Spiritus sanctus disciplina effugiet fictum.  
d. 4. a. 2. item d. 13. a. 29



# Index locorum Sacrae Scripturae.

1. In maleuolam animam non introibit sapientia. d.9.a.7. item d.19.a.12
3. Iudicabunt sancti nationes. d.47.a.4
16. Paratum panem de caelo praestitisti illis sine labore, habentem in se omne delectamentum d.1.a.15. item d.8.a.1

## Ecclesiastici.

26. Non est digna ponderatio continentis anima. d.26.a.10
34. Qui offert sacrificium de substantia pauperis, &c. d.15.a.24

## Isaiae.

1. Holocausta arietum & adipem pinguium nolui. d.1.a.8
3. Peccatum suum sicut Sodoma predicauerunt. d.17.a.36
14. Perdam Babylonis nomen & reliquias & germen. d.16.a.25
14. Subtus te sternetur rinea, & operimentum tuum erunt vermes. d.44.a.33
43. Ego sum qui deleo iniquitates tuas propter me. d.14.a.3
43. Narra si quid habes, ut iustificeris. d.16.a.14
54. Fundabo te in saphiris, & ponam iaspidem propugnacula tua. d.16.a.49
64. Omnes iustitia nostra sicut pannus menstrua. d.15.a.11

## Ieremiae.

1. Priusquam te formarem in utero noui te, & antequam exires de ventre sanctificavi te.

d.6.a.9

6. Luctum unigeniti fac tibi planctum amarum. d.16.a.31

## Ezechielis.

18. Si iustus auerterit se à iustitia sua, & fecerit peccatum, non erunt in memoria iustitia priores. d.14.a.21
20. Dedi eis praecepta non bona & iudicia in quibus non uiuent. d.1.a.8
44. Sed & Lenita qui longè recesserunt à me in errore filiorum Israel, &c. erunt in sanctuario meo aditui & ianitores. d.14.a.30

## Ioëlis.

2. Restituam vobis annos quos comedit locusta. d.14.a.30
3. Congregabuntur omnes gentes in vallo Iosaphat, & disceptabo cum eis. d.43.a.16

## Amos.

1. super tribus sceleribus Damasci, &c. d.14.a.29

## Habacue.

2. Iustus ex fide sua uiuit. d.14.a.23

## Malachiae.

1. Maledicam benedictionibus uestris. d.3.a.1



# EX NOVO TESTAMENTO.

## Matthæi.

- CAP. 3. **F**acite fructus dignos pœnitentia. d. 14. a. 12. item d. 16. a. 20  
 Pœnitentiam agite. d. 14. a. 3. & 9. item d. 16. a. 48  
 5. Non exies inde ; donec reddas nouissimum quadrantem. d. 21. a. 8  
 6. Panem nostrum quotidianum da nobis. d. 13. a. 28  
 6. Te autem faciente eleemosynam, nesciat sinistra tua quid faciat dextera tua. d. 15. a. 16  
 6. Nolite fieri sicut hypocrita tristes. d. 16. a. 37  
 7. Nolite sanctum dare canibus ; & margaritas nolite proicere ante porcos. d. 13. a. 17  
 7. Ecce primum trabem, &c. d. 19. a. 18  
 9. Filius hominis habet potestatem in terra dimittendi peccata. d. 5. a. 6  
 12. Spiritus blasphemia non remittetur ; nec in hoc seculo, nec in futuro. d. 21. a. 4  
 16. Dabo tibi clauis, &c. d. 20. a. 17  
 18. Non dico tibi Petre, usque septies, sed usque ad septuagies septies. d. 14. a. 29  
 18. Si peccauerit in te frater tuus, corripe, &c. d. 19. a. 17. & 18  
 21. Omne quod in os intrat, in ventrem vadit, & in secessum emittitur. d. 9. a. 5  
 26. Hic est sanguis meus Novi Testamenti, qui pro multis effundetur in remissionem peccatorum. d. 8. a. 7  
 26. Scitis quia post biduum pascha fiet. d. 13. a. 25  
 27. Hoc est corpus meum. d. 8. a. 6  
 28. Ite, docete omnes gentes, baptizantes eos in nomine Patris & Filij & Spiritus sancti. d. 3. a. 2. & 3. item d. 5. a. 3

## Marci.

8. Vade retro me sathanas, scandalum mihi es. d. 17. a. 49

## Lucæ.

1. Exultauit in gaudio infans in utero meo. d. 6. a. 9  
 2. Ecce positus est hic in resurrectionem & in ruinam multorum in Israël. d. 17. a. 50  
 3. Baptizato Iesu & orante, apertum est calum. d. 3. a. 7  
 3. Facite fructus dignos pœnitentia. d. 15. a. 18  
 7. Lacrymis rigauit. d. 15. a. 36  
 11. Quod superest, date eleemosynam, & ecce omnia munda sunt vobis. d. 15. a. 16  
 16. In sinu Abraha. d. 1. a. 10  
 22. Fregit, & dedit discipulis suis. d. 13. a. 15  
 22. Ego pro te rogam Petre, ut non deficiat fides tua. d. 20. a. 17

## Ioannis.

13. Post bncellam introiuit in eum sathanas. d. 9. a. 8  
 14. In domo Patris mei mansiones multe sunt. d. 49. a. 1. & seq.

## Actuum.

2. Agite pœnitentiam, & baptizetur unusquisque vestrum. d. 16. a. 48  
 8. Tunc imponebant manus super illos, & accipiebant Spiritum sanctum. d. 7. a. 2  
 15. Fide purificans corda eorum. d. 17. a. 10. 14. & 16

## Ad Romanos.

4. Lex quidem sancta. d. 1. a. 7  
 4. Christus mortuus est propter delicta nostra, & resurrexit propter iustificationem nostram. d. 43. a. 5. & 23  
 5. Vbi superabundauit delictum, superabundauit & gratia. d. 14. a. 30  
 6. Humanum dico propter infirmitatem carnis vestra, &c. d. 26. a. 31  
 8. Diligentibus Deum omnia cooperantur in bonum. d. 14. a. 30. item d. 15. a. 4  
 8. Quis nos separabit à charitate Christi. d. 16. a. 34  
 8. Quos predestinauit, hos & vocauit : & quos vocauit, hos & iustificauit. d. 17. a. 16  
 8. Expectatio creatura reuelationem filiorum Dei expectat. d. 43. a. 1

## i. ad Corinthios.

1. Ego quidem sum Pauli, ego autem Apollo, ego verò Cepha. d. 2. a. 5  
 2. Quem nemo principum huius seculi cognouit. d. 30. a. 8  
 3. Fundamentum aliud nemo potest ponere præter id quod positum est, quod est Christus Iesus. d. 16. a. 49  
 3. Quidam adificant super fundamentum hoc ligna, fenum, stipulam. d. 21. a. 1  
 4. Qui illuminabit abscondita tenebrarum, & manifestabit consilia cordium. d. 43. a. 12  
 5. Itaque epulemur non in fermento veteri, nec in fermento malitia & nequitia, sed in azymis synceritatis & veritatis. d. 12. a. 8  
 5. Quid ad me de his qui foris sunt iudicare. d. 19. a. 8  
 10. Ego enim accepi à Domino quod & tradidi vobis. d. 8. a. 7  
 10. Nolo vos ignorare fratres, quoniam patres nostri omnes sub nube fuerunt. d. 1. a. 15. item d. 4. a. 6. & d. 24. a. 33  
 11. Conuenientibus vobis in unum, iam non est Dominicam cœnam manducare. d. 8. a. 9  
 11. Non potestis mensa Domini esse participes & mensa demoniorum. d. 9. a. 8  
 11. Alius quidem esurit, alius autem ebrius est. d. 11.



# Index locorum Sacrae Scripturae.

- d.12.16  
 11. Si nosmetipsos iudicemus, non utique iudicemur. d.14.a.6  
 15. In momento, in ictu oculi, in nouissima tuba. d.43.a.14  
 15. Seminatur in infirmitate, resurget in virtute. d.44.a.17. & 18

## 2. ad Corinthios.

8. Qui modicum non minorauit, &c. d.15.a.19  
 9. Hilarem datorem diligit Deus. d.15.a.15

## Ad Galatas.

5. Si circumcidamini, Christus vobis nihil proderit. d.3.a.6

## Ad Ephesios.

2. Omnes nascimur filij irae. d.6.a.9  
 5. Obtulit semetipsum pro nobis in odorem suauitatis. d.1.a.8

## Ad Colossenses.

1. Pacificata sunt caelestia & terrestria. d.3.a.7

## 1. ad Thessalonicenses.

5. Ab omni specie mala abstinere vos. d.16.a.43.  
 item d.29.a.2

## 1. ad Timotheum.

4. Pietas ad omnia valet. d.45.a.3

## 2. Ad Timotheum.

2. Fundamentum Dei firmum stat, habens signaculum hoc. d.16.a.9  
 2. Fidelis est, & seipsum negare non potest. d.20.a.17

## Ad Hebraeos.

6. Non rursum iacientia fundamentum poenitentiae. d.16.a.49  
 11. Fides est substantia rerum sperandarum. d.16.a.49. & 51

## Iacobi.


- ult. Confitemini alterutrum peccata vestra. d.17.a.39  
 ult. Oratio fidei saluabit infirmum. d.23.a.4

## Apocalypsis.

3. Tu nomen habes, quod uiuas, & mortuus es. d.14.a.21  
 6. Sustinete modicum tempus, donec impleatur numerus fratrum uestrarum. d.21.a.10  
 14. Opera enim illorum sequuntur illos. d.45.a.2  
 18. Quantum se glorificauit & in deliciis fuit, tantum date illi tormentum & luctum. d.16.a.31

FINIS.







# Index locorum Sacrae Scripturae.

- d. 11. 16*  
 11. Si nosmetipsos indicaremus, non utique iudicaremur. *d. 14. a. 6*  
 15. In momento, in ictu oculi, in nouissima tuba. *d. 43. a. 14*  
 15. Seminatur in infirmitate, resurget in virtute. *d. 44. a. 17. & 18*

## 2. ad Corinthios.

8. Qui modicum non minorauit, &c. *d. 15. a. 19*  
 9. Hilarem datorem diligit Deus. *d. 15. a. 15*

## Ad Galatas.

5. Si circumcidamini, Christus vobis nihil proderit. *d. 3. a. 6*

## Ad Ephesios.

2. Omnes nascimur filij irae. *d. 6. a. 9*  
 5. Obtulit semetipsum pro nobis in odorem suauitatis. *d. 1. a. 8*

## Ad Colossenses:

1. Pacificata sunt caelestia & terrestria. *d. 3. a. 7*

## 1. ad Thessalonicenses.

5. Ab omni specie mala abstinete vos. *d. 16. a. 43.*  
*item d. 29. a. 2*

## 1. ad Timotheum.

4. Pietas ad omnia valet. *d. 45. a. 3*

## 2. Ad Timotheum.

2. Fundamentum Dei firmum stat, habens signaculum hoc. *d. 16. a. 9*  
 2. Fidelis est, & seipsum negare non potest. *d. 20. a. 17*

## Ad Hebraeos.

6. Non rursum iacientia fundamentum poenitentiae. *d. 16. a. 49*  
 11. Fides est substantia rerum sperandarum. *d. 16. a. 49. & 51*

## Iacobi.

- ult. Confitemini alterutrum peccata vestra. *d. 17. a. 39*  
 ult. Oratio fidei saluabit infirmum. *d. 23. a. 4*

## Apocalypsis.

3. Tu nomen habes, quod uiuas, & mortuus es. *14. a. 21*  
 6. Sustinete modicum tempus, donec impleatur numerus fratrum uestrarum. *d. 21. a. 10*  
 14. Opera enim illorum sequuntur illos. *d. 45. a. 2*  
 18. Quantum se glorificauit & in deliciis fuit, tantum date illi tormentum & luctum. *d. 16. a. 31*

FINIS.







